





XXII Ex 51
Bibliotheca Capituli
Ritus graeco-catholici
Premisliensis.



VI
C 12

БІБЛІОТЕКА
ГР. КАТ. КАПІТУЛИ
в Черемшні
1248. I / 120





F W D & C

JE. W. D. 1919

INCIPIUNT CAPITVLA

LIBRI SECVNDI.

- 1 Vbi Gregorius seruum seruorum Dei se scribens, mediocribus vestimentis amicitur.
- 2 Vbi fidei suæ irreprehensibile symbolum dicitur.
- 3 Vbi patriarchalibus thronis suam synodicam dirigit.
- 4 Vbi quinque concilia se venerari fatur.
- 5 Vbi collecta synodo prauas consuetudines damnat.
- 6 Vbi antiphonarium centonizans, cantorum constituit scholam.
- 7 Cur occidentales, dulcedinem cantilenæ corrumpant.
- 8 Quod per Ioannem Romanum cantorem correcti sunt.
- 9 Qualiter Carolus rex dissonantia cantus offensus, duos clericorum suorum erudiendos Romæ dimiserit.
- 10 Quemadmodum idem dissonantia cantus offensus duos Romanos cantores ab Adriano perceperit.
- 11 Vbi Gregorius pulsus laicis familiares sibi clericos elegit.
- 12 Vbi talem ecclesiam Romanam exhibuit, qualis prima sub Apostolis fuit.
- 13 Quanta & qualis tunc Romæ studia reflorebant.
- 14 Quod non diuites sed sapientes ad consilium conuocabat.
- 15 Quamobrem laici primò cœperint tonsurari.
- 16 Vbi laicos non ad ecclesiasticum officium admittit, sed tantum ad monachicum habitum.
- 16 Vbi codicem Gelasianum coartat.
- 18 Vbi stationes constituens, tractatus euangeliorum declamat.
- 19 Vbi verbi pabulo pauperibus alimenta ministrat.
- 20 Vbi consuetudines nouas inducit.
- 21 Vbi murmurantibus pro eisdem humiliter satisfacit.
- 22 Vbi pro hospite Dominum recipit.
- 23 Vbi duodecim inuitatis, tertiumdecimum angelum sibi deputatum diuinitus recognoscit.
- 24 Vbi quater in anno distribuendum per polyptychum censet.
- 25 Vbi aureos & peregrina vestimenta largitur.
- 26 Vbi calendatim diuersas species erogat.
- 27 Vbi tribus milibus ancillis Dei octoginta libras annuatim præstat.
- 28 Vbi dietim per veredarios coacta stipendia destinat.
- 29 Vbi pro paupere mortuo vehementissimè lamentatur.
- 30 Quot & qualium remunerandorum nomina in scrinio teneantur.

- 31 Vbi Arrianorum basilicam in subura Domino dedicat.
- 32 Quot & qualia miracula ibi diuinitus sint ostensa.
- 33 Vbi pro conuertendis Anglis, Saxonibus, Augustinum cum aliis mittit.
- 34 Vbi sine profectu redire volentes ad proficiscendum hortatur.
- 35 Vbi prædicantes miracula faciunt, multosque conuertunt.
- 36 Vbi Augustinus episcopus consecratus postulat adiutores.
- 37 Vbi ei Gregorius pallium & diuersa necessaria simulque nonnulla responsa transmittit.
- 38 Vbi de consanguinitatibus percunctatus, ponit pontifici Felicitatem.
- 39 Quanta & qualia de conuersione Saxonum, signisque discipulorum suorum Gregorius præconetur.
- 40 Vbi Augustinum monet ne pro miraculis tumeat.
- 41 Vbi panis frustum in carnem, carnis rursus in panis primordia reformauit.
- 42 Vbi panem pupugit, & sanguis effluxit.
- 43 Vbi maleficos cæcitate multauit.
- 44 Qualiter intelligi debet, Gregorium Traiani animam de inferni cruciatibus liberaffe.
- 45 Vbi monachum sub excommunicatione defunctum mirabiliter soluit.
- 46 Vbi paganos pueros comparat, ut Christianos efficiat.
- 47 Vbi pro paganis rusticis episcopis comminatur.
- 48 Vbi Iudæos conuersos à pensionibus leuigat.
- 49 Vbi baptizandis vestimenta largitur.
- 50 Vbi pueris Arrianorum subueniri prædicat.
- 51 Vbi singulis diaconis vel xenodochiis singulos rectores constituit.
- 52 Vbi Hierosolymis xenodochium constituens, & ibi & in monte Sina monachis annualia stipendia assignauit.
- 53 Vbi singulis patrimoniis singulos rectores constituit.
- 54 Vbi vni personæ duo ministeria nullo modo committenda definit.
- 55 Vbi eleemosynas localiter ac personaliter ordinat.
- 56 Quod omnipotenti se voluntariè tribuit.
- 57 Quod etiam non petenti necessaria ministrat.
- 58 Vbi liberalitatis eius innocentia comprobatur.
- 59 Vbi pro faciendis eleemosynis frumenta comparat quinquaginta libris auri.
- 60 Quale de eo somnium eremita cognouit.

EXPLICIUNT CAPITVLA.

ēē ij



DIVI GREGORII PAPAE PRIMI, VITAE
LIBER SECVNDVS.

i.



Ge iam nunc, quoniam athletæ Christi Gregorij viriliter in gymnasio sanctæ ipsius Ecclesiæ defudatis prælato libello torosa mēbra descripta sunt, qualiter in palæstra quoq; cōfixerit, aspirāte Domino proferatur. Siquidē mox vt summū pontificiū felicissimæ Romanæ vrbis Christo mortalibus cōsultente sortitus est supersticiosum vniuersalis, administrationis vocabulū, quod Ioānes Constantinopolitanus episcopus insolenter sibi tūc tēporis vsurpabat, more antecessorum suorum pōtificum, sub districtissimæ interminationis sentētia refutauit: & primus omniū se in principio epistolarū suarum seruū seruorū Dei scribi satis humiliter definiuit: cūctisque suis successoribus documētum suæ humilitatis tā in hoc, quam in mediocribus pōtificibus indumentis, quod videlicet hæctenus in sancta Ecclesia Romana Ecclesia conseruatur, hæreditarium reliquit.

Gregorius
gloriosum.
nomen re-
spuit non rē.

ii.

Deniq; in specula sanctę vniuersalis ecclesię vir totius humilitatis, aut autoritatis orthodoxæ, vnde videri & audiri clarius euāgelicus præco valeret, cōsistēs oris sui diuinissimo gladio, & rectā fidem munivit, & cunctas hæreses vno symbolo dissipauit: Quod videlicet sacre cōfessionis symbolum ita se habet: Credo in vnū Deū omnipotentē, patrē & filium & spiritū sanctū, tres personas, vnā substātiā: patrē ingēnitū, Filiū genitū: Spiritū verō sanctū nec genitū, nec ingēnitū, sed coeternū, de Patre & filio procedentē. Cōfiteor vnigenitum filium consubstantialē, & sine tēpore natū de Patre, omnium visibiliū & inuisibiliū cōditorē, lumen ex lumine, Deum verū de Deo vero, splendorē glorię, figurā substantię: qui manens Verbū ante secula, perfectus homo creatus est iuxta finē seculorum, cōceptus & natus ex spiritu sancto & Maria virgine, qui naturā nostrā suscepit absq; peccato: & sub Pontio Pilato crucifixus est, & sepultus, tertia die resurrexit à mortuis: die autē quadagesimo ascēdit in cēlum, sed ad dexteram patris: inde vēturus est iudicare viuos & mortuos, positus ante oculos omniū omnia occulta singulorū: daturus ē iustis perpetua præmia regni cōlestis, iniquis autē supplicia ignis eterni: innouaturus seculum per ignē, & carnis resurrectionem. Cōfiteor vnam fidē, vnum baptisma, vnam Apostolicam & vniuersalem Ecclesiam: in qua sola possunt laxari peccata in nomine patris & filij & spiritus sancti.

† al sanctis
vel cunctis
bonis.

iii.

Synodicam quoque suā Gregorius secundū priscum decessorum suorum morem Ioāni Cōstantinopolitano, Eulogio Alexandrino, Gregorio Antiocheno, Ioāni Hierosolymitano, & Anastasio patriarchæ Antiochiæ destinauit, quæ ita se habet: Cōsideranti mihi quoddā impar meritis, ac toto animo renitens, pastoralis curæ pōdera portare cōpulsus sim, caligo mœroris occurrit, & triste cor nihil aliud nisi eas quæ videri nil sinunt tenebras videt. Nam quid antistes ad Dominum nisi pro delictis populi intercessor eligitur? Quæ itaque fiducia ad eum pro peccatis alienis intercessor venio, apud quem de propriis securus non sum? Si fortasse quispiam apud potentē virum, qui & sibi iratus, & mihi esset incognitus, intercessorē suum me fieri quæreret, protinus responderem: Ad intercedendum venire nequeo, quia eius notitiā ex sedula familiaritate nō habeo. Si igitur rectē homo apud hominem de quo minimē pręsumpissēm, fieri intercessor erubescerē, quantæ hoc audacię est, quoddā apud Deum pro populo locū intercessoris obtineo, cui familiarem me per vitæ meritum nō agnosco? Quæ in re est mihi adhuc aliud grauius formidandum: quia (sicut cuncti liquidō nouimus) cū is qui displicet, ad intercedendum mittitur, irati animus ad deteriora prouocatur, & valde pertimesco ne commissā mihi plebs fidelium reatus mei additamētō depereat, cuius nūc vsque Dominus æquanimiter delicta tolerabat. Cū verō vtcunq; hunc timorem supprimo, & consolatā mentē ad pontificalis operis studia accingo: considerata ipsa rei immensitate deterreor. Perpendo quippe quoddā omni cura vigilandum est, vt rector cogitatione sit mundus, operatione præcipuus, discretus in silentio, vtilis in verbo, singulis in cōpassione proximus, præ cunctis contemplatione suspensus, bene agentibus per humilitatem socius, contra delinquentium vitia per zelum re-

E ctitudinis erectus: & cætera quæ latius pōst in libro pastoralis prosequitur.

iiii.

Præterea quia corde, inquit, creditur ad iustitiā, ore autem confessio fit ad salutem: sicut sancti euangelij quatuor libros, sic quatuor cōsilia suscipere, & venerari me fateor: Nicenum scilicet, in quo peruersum Arrij dogma destruitur: Constantinopolitanum quoq; in quo Eunomij, & Macedonij error conuincitur: Ephesinum etiam primum, in quo Nestorij impietas iudicatur: Chalcedonense verō, in quo Euty chis, Dioscorique prauitas reprobat, tota deuotione cōplector, integerrima approbatione custodio: quia in his velut in quadrato lapide sanctæ fidei structura consurgit: & cuiuslibet vitæ atque actionis existat, quisquis eorum soliditatem non tenet, etiam si lapis esse cernitur, tamē extra ædificium iacet. Quintum quoq; concilium pariter veneror, in quo epistola quæ Ibe dicitur, erroris plena, reprobat, & Theodor^{us} personā mediatoris Dei & hominū in duabus substantiis separās, ad impietatis perfidiā cecidisse cōuincitur: Scripta quoq; Theodoriti, per quæ beati Cyrilli fides reprehenditur, ausu inuidentiæ prolata refutatur. Cunctas verō quas præfata venerāda cōcilia personas respuūt, respuo: quas veneratur: amplector: quia dum vniuersali sunt cōsensu constituta, se, non illa destruit quisquis præsumit, aut soluere quos religant, aut ligare quos soluunt. Quisquis ergo aliud sapit anathema sit.

Authoritas
quatuor
cōciliorum.

v.

Hoc modo postquā Gregorius fundamentum suæ fidei secundum priscum decessorū suorū pontificum morē luculenter apostolicis thronis exposuit, animaduertens se ideo à Domino super gentes & regna summum pontificē constitutum, vt iuxta illud propheticum, vitiorum radices euelleret, destrueret atque disperderet, sicque demum ædificaret plātarēque virtutes: omnes consuetudines quas contra priscam traditionem Apostolicam nouiter pullulasse cognouerat, videlicet de ministeriis, de cantoribus, de laicis pontifici familiariter adhærentibus, de titulandis præiudicialiter quibus libet rebus, de contegendo Dalmaticis apostolico feretro, de pastillatice propallio, vel consecratione pontificum, & de nō admittendis passim laicis ad ecclesiastici iuris officium: primo quidem à Romanæ ecclesiæ, postmodum verō collectis circumquaque positarum prouinciarum episcopis, à totius sanctę vniuersalis ecclesię corpore segregauit, eaque sub interpositione terribilis anathematis tam generaliter quā perpetualiter condemnauit.

vi.

Deinde in domū Domini more sapientissimi Solomonis propter musicæ cōpunctionē dulcedinis, antiphonarū centonā cantorū studiosissimus nimis vtiliter cōpilauit: scholam quoque cantorū quæ hæctenus eisdē institutionibus in sancta Romana ecclesia modulatur, cōstituit: eiq; cum nōnullis prædiis duo habitacula, scilicet alterum sub gradibus basilicę beati Petri apostoli, alterum verō sub Lateranēsis patriarchij domibus fabricauit: vbi vsq; hodie lectus eius in quo recubans modulabatur, & flagellum ipsius quo pueris minabatur, veneratione congrua cum authentico antiphonario reseruatur: quæ videlicet loca per præcepti seriē sub interpositione anathematis ob ministerij quotidiani vtrobique gratiam subdiuisit.

vii.

Huius modulationis dulcedinē inter alias Europæ gentes Germani seu Galli discere, crebrōq; rediscere insigniter potuerunt: incorruptā verō tam leuitate animi, quia nōnulla de proprio Gregorianis cātibus miscuerūt, quā feritate quoq; naturali seruare minimē t potuerūt. Alpina siquidem corpora vocum suarū tonitruis altisonē perstrepētia, susceptæ modulationis dulcedinem propriē non resultant: quia bibuli gutturis barbara feritas, dum inflectionibus & repercussionibus mitem nititur edere cantilenam, naturali quodam fragore quasi plaustra per gradus confusē sonantia rigidas voces iactat, sicque audientium animos quos mulcere debuerat, exasperando magis ac obstrependo conturbat.

† al. none
runt.

viii.

Hinc est quoddā huius Gregorij tēpore cū Augustino tunc Britānias adēute, per occidentē quoq; Romanę institutionis cantores dispersi, barbaros insigniter docuerūt. Quibus defunctis occidentales ecclesię ita susceptū modulationis organum vitiarūt, vt Ioānes quidē Romanus cātor cū Theodo-

ro æquè ciue Romano, sed Eburaci archiepiscopo, per Gallias in Británias à Vitelliano sit præfule destinatus: qui curcū-
quaque positarum ecclesiarū filios ad pristinā cantilenā dul-
cedinē reuocans, tam per se quā per discipulos suos multis
annis doctrinā Romanæ regulam conseruauit.

ix.

† conferre.
Rom. eccle-
sia oīs eccle-
siastici ritus
fons & ma-
gistra.

Sed & Carolus noster patricius, rex autē Francorum, dis-
sonātia Romani & Gallicani cātus Romę offensus, cum Gal-
lorū procacitas cantū à nostratibus quibusdā neniis argumē-
taretur esse corruptū, nostriq; è diuerso authenticū antipho-
narium probabiliter ostēterent, interrogasse fertur quis inter
rium & fontē limpidiore aquā cōseruare soleret? respōden-
tibus fontē, prudēter adiecit: Ergo & nos qui de riuo corru-
ptam lymphā vsque hactenus bibimus, ad perēnis fontis ne-
cesse & fluentia principalia recurramus. Mox itaq; duos suorū
industrios clericos Adriano tūc episcopo dereliquit: quibus
tandem satis eleganter instructis, Metensem metropolim ad
suauitatem modulationis pristinæ reuocauit, per quam illam
totam Galliam suam correxit.

x.

Sed cum multa post tēpora defunctis his qui Romæ fue-
rant educati, cantū Gallicanarū ecclesiarū à Metensi discre-
pare prudētissimus regū vidisset, ac vnūquemque ab alteru-
tro vitiatū cantum iactātē aduerteret: Iterū, inquit, redeamus
ad fontē. Tunc regis precib; sicut hodiēque quidā veridicē
astipulantur, Adrianus papa permotus, duos in Galliā cantō-
res emisit: quorū iudicio rex omnes quippe corrupisse dul-
cedinē Romani cantus leuitate quadā cognouit: Metēses ve-
rò sola naturali feritate paululū quid dissonare perdidit. De-
nique vsq; hodie quantū Romano cātui Metensis cedit, tan-
tum Metensi cedere Gallicanarū ecclesiarū Germaniarūmq;
cantus, qui purā veritatē diligunt, comprobāt. Hæc ergo per
anticipationem retulerim, ne indiscussam Gallorum leuita-
tem videar præterisse.

xi.

Cæterum prudētissimus rector Gregorius remotis à suo
cubiculo secularibus, clericos sibi prudētissimos cōsiliarios
familiarēsq; delegit: inter quos Petrū diaconū coctancū suū
cum quo postea disputās, quatuor dialogorū libros compo-
suit. Aemilianū quoq; notariū, qui quadraginta homilias euā-
gelij cum sociis suis excepit. Pateriū eqūe notariū, qui ab eo
secundicerius factus, ex libris ipsius aliqua vtilissima deflo-
rauit: & Ioannē defensorē, qui eius iussu in Hispanias cogni-
tor destinatur: Iannuariū episcopū ciuitatis Malalitanæ, ab
episcopis suis cōpatriotis depositū sedi propriæ restaurauit:
& depositores eius cum eo qui in locū eius obrepserat, pari
sententia condēnauit. Monachorū verò sanctissimos sibi fa-
miliares elegit: inter quos Maximinianū monasterij sui abba-
tem, quē Syracusis episcopū fecit, eīque per Siciliā vices suas
cōmisit. Augustinū eiusdē monasterij sui præpositū, & Mel-
litum, per quos Anglorū gentes ad Christianismi gratiā cō-
uocauit, Marinianū eiusdē monasterij sui Monachum, quem
in Rauennati metropoli episcopum cōsecrauit, Probū quem
subitō abbatē spiritu reuelāte constitūēs, pro cōstruēdo Xe-
nodochio Hierosolymis destinauit: simulq; Claudiū Clasi-
tanæ ciuitatis abbatem, qui de Prouerbiis, de Canticis cātico-
rum, de Prophetis, de libris Regum, de que heptateucho pa-
pa disputante, multa, licet non eodem sensu composuit.

xii.

† al. profec-
tionibus

Cum quibus Gregorius die noctūq; versatur nihil mona-
sticæ perfectionis in palatio nihil pōtificalis institutionis in
ecclesia dereliquit. Videbantur passim cū eruditissimis cleri-
cis adhærere pontifici religiosissimi monachi, & in diuersis
† professionibus habebatur vitā cōmunis: ita vt talis esset tūc
sub Gregorio penes vrbe Romanā ecclesia, qualem hanc sub
Apostolis Lucas, & sub Marco euangelista penes Alexan-
driam Philo commemorat.

xiii.

Tunc rerū sapientia Romę sibi tēplum visibiliter quodā-
modo fabricarat, & septēplicibus artibus veluti colūnis no-
bilissimorū totidē lapidum Apostolicæ sedis atriu fulciebat.
Nullus pōtificali famulatiū, à minimo vsq; ad maximū, barbarū
quodlibet in sermone vel habitu præferebat, sed togata, Qui-
ritū more seu trabeata Latinitas suum Latinū in ipso Latiali
palatio singulariter obtinebat. Refloruerant ibi diuersarū ar-
tium studia: & qui vel sanctimonia vel prudētia fortē carbat,
suo ipsius iudicio subsistēdi corā pōtifice fiduciā nō habebat.

xiii.

Arceſſebantur pōtificalibus profundis consiliis prudentes

Tomus primus.

A viri quos perhibui, potius quā potentes: & pauper philoso-
fophia intrinsecus, quid potius aut potissimum in vnoquoque
negotio sequendū putaretur, artificiosis argumentationibus
rationabiliter inquirente, diues inertia, quæ modò se de sa-
pientibus pari sorte vlciscitur, pro cubiculi foribus despica-
bilis remanebat. Sola deerat interpretandi bilinguis peritia:
& facundissima virgo Cecropia quæ quondam suæ mentis a-
cumina Varrone cælibatum suum auferente, Latinis tradide-
rat, imposturarū sibi præstigia, sicut ipse in suis epistolis que-
ritur, vindicabat.

xv.

Nemo laicorum quodlibet palatij ministeriū vel ecclesia-
sticum patrimonium procurabat, sed omnia ecclesiastici iuris
munia ecclesiastici nihilominus viri subibant, nimirū laicis ad
armorū solam militiam vel agrorum curam continuam depu-
tatis. Ob hoc se nonnulli procerū sub obtentu religionis pri-
mò tonsurare cœperunt. Quorum tergiuersationi Mauricius
imperator prudenter occurrens, data per Longinum Stratonē
lege præcepit, vt quisquis fuisset publicis administrationibus
implicatus, ei ad ecclesiasticum officium venire non liceret.
Quam legem Gregorius super hoc valde laudauit, dicēs: Qui
secularem habitum deferens, ad ecclesiastica officia venire fe-
stinat, non relinquere cupit seculum, sed mutare.

B

Verū, dum ad clericalem professionem tam ex ecclesiasti-
ca quā ex seculari quoq; militia diuersis occasionibus quo-
tidie penē innumerabilis multitudo conflueret: pastor ad om-
nia prouidus, nequaquam eos ad ecclesiastici decoris officiū,
sed ad capiendū solummodo monachicum propositum
suscipiendos esse censēbat, dicēs: Multos ex ecclesiastica seu
seculari militia nouimus ad omnipotētis Dei seruitium festi-
nare, vt ab humana seruitute liberi, in diuino seruitio videan-
tur familiariter conuersari. Quod si passim dimittimus fugien-
di ecclesiastici vel secularis viris dominij occasionem præbe-
mus. Si verò festinantes, ad omnipotentis Dei seruitium in-
cautē retinem; illi inueniemur negare quædā, qui dedit om-
nia. Vnde necesse est vt quisquis ex iuris ecclesiastici, vel secu-
laris militiæ seruitute ad Dei seruitiū cōuertī desiderat, pro-
betur prius in laico habitu cōstitutus: & si mores eius atq; cō-
uersatio bono desiderio illius testimonium perhibuerint, ab-
sque vlla retractatione seruire in monasterio omnipotenti Do-
mino permittatur, vt ab humano seruitio liber recedat, qui in
diuino obsequio districtiorem subire appetit seruitutem. Si
autem & in monachico habitu secundum patrum regulas ir-
reprehensibiliter fuerit conuersatus, post præfixa sacris cano-
nibus tempora licenter iam ad quodlibet ecclesiasticum offi-
cium promoueat: si tamē illis nō fuerit criminibus macula-
tus, quæ in testamento veteri morte mulctantur.

xvj.

C

Sed & in Gelasianum codicem de missarum solenniis, mul-
ta subtrahens, pauca conuertens, nonnulla adiiciens, pro ex-
ponendis euangelicis lectionibus in vnus libri volumine
coartauit, in canone apposuit: Diēsque nostros in tua pace di-
spone, atque ab æterna damnatione nos eripe, & in electorū
tuorum iubeas grege numerari.

xvij.

D

Stationes per basilicas, vel beatorū martyrū cœmeteria se-
cundū quod hactenus plebs Romana quasi eo viuentē certa-
tim discurret, sollicitē ordinauit: per quas & ipse simul discur-
rens, dum adhuc eloqui præuuleret, viginti homilias euange-
lij coram Ecclesia diuerso tempore declamauit: reliquas verò
eiusdem numeri dictauit quidem, sed lassescēte stomacho
languore continuo aliis pronuntiandas commisit.

Nō hinc se-
quitur mis-
sam esse no-
uum insti-
tutum: Insti-
tuta enim

est à Christo
quātum ad
substantia-
lia: sed quæ
ad ornatum
& dicentiā
ab apostolis

Sequebatur exercitus Domini vltra citràque Gregorium
præcuntem, & audituræ verbum doctrinę innumerabiles vn-
dique diuersi sexus, ætatis ac professionis voluntarię conflue-
bant cohortes: quibus ille vtpote doctor cœlestis militiæ, ta-
cunctis duntaxat arma spiritalia suggerebat: pauperibus verò
& aduenis, qui pro conditione temporum Romā influxe-
rant, quotidiana stipendia ministrabat.

xviii.

xix.

xx.

Super corpora autem beatorum Petri & Pauli Apostolo-
rum missarum solennia celebrari decreuit, acquisitis numero-
sissimis oliuetis, quorum summam in tabulis marmoreis pro
foribus eiusdem basilicæ annotauit. Luminaria superad-
didit, officia sedula deputauit. De sepultura iuxta Ec-
clesiam, commodum sperare prohibuit. Septem ex de-
fensoribus honore regionario decorandos indixit. Alleluia brare.

Ec iiij

per extrema Pentecostes tempora dici ad missas fecit. Subdiaconos expoliatos præcedere statuit. Kyrie eleison cantari præcepit: & orationem dominicam mox post canonem super hostiam censuit recitari.

xxi.

Sal. vi non dic.

De quibus cum postea quosdam murmurare sentiret, tanquam qui Constantinopolitanae Ecclesiae consuetudines sequerentur: piissimus pater non dedignatus est reddere rationem, dicens: Nos in nullo horum aliam Ecclesiam secuti sumus. Nam & alleluia hic t vt diceretur, de Hierosolymorum Ecclesia ex beati Hieronymi traditione tempore beatæ memoriæ Damasi papæ, traditur tractum: & ideo magis in hac sede illam consuetudinem amputauimus, quæ hîc à Græcis fuerat tradita. Subdiaconos autem vt spoliatos procedere facerem, antiqua consuetudo Ecclesiae fuit: sed quia placuit cuidam nostro pontifici, nescio cur eos vestitos procedere præcepit. Nam Siciliae Ecclesiae nunquid traditionem à Græcis acceperunt? Vnde habent ergo hodie vt subdiaconi in lineis tunicis procedant, nisi quia hoc à matre sua Romana Ecclesia perceperunt? Kyrie eleison autem nos neq; dicimus sicut à Græcis dicit, quia in Grecia omnes simul dicunt: apud nos verò à clericis simul dicitur, à populo respondetur, & totidem vicibus etiam Christe eleison dicitur: quod apud Græcos nullo modo dicitur. In quotidianis autem missis alia quæ dici solent, tacemus: tantummodo Kyrie eleison & Christe eleison dicimus, vt in his deprecationis vocibus paulò diutius occupemur. Orationem verò dominicam idcirco mox post precem dicimus, quia mos Apostolorum fuit, vt ad ipsam solummodo orationem oblationis hostiam consecrarent. Et valde mihi inconueniens visum est, vt precem quam scholasticus composuerat, super oblationem diceremus, & ipsam traditionem, quam redemptor noster composuit, super eius corpus & sanguinem non diceremus. Sed & dominica oratio apud Græcos ab omni populo dicitur: apud nos verò à solo sacerdote cantatur. In quo ergo Græcorum consuetudines secuti sumus, qui aut veteres nostras reparauimus, aut nouas & vtilis constituimus? In quibus tamen alios comprobamur imitari. Ergo vestra charitas cum occasio dederit, vt ad Catanensem ciuitatem pergat, vel in Syracusana Ecclesia eos quos credit aut intelligit, quia de hac re murmurare potuerunt facta collatione doceat, & quasi alia ex occasione eos instruere non desistat. Nam de Constantinopolitana Ecclesia quod dicunt, quis eâ dubitet sedi Apostolicæ esse subiectâ? quod & piissimus dominus imperator, & frater noster eiusdē ciuitatis episcopus assidue profitentur: tamē si quid boni vel ipsa, vel altera Ecclesia habet, ego & minores meos quos ab illicitis prohibeo, in bono imitari paratus sum. Stultus est enim qui in eo se primum existimat, vt bona quæ viderit, discere contemnat.

Græcæ ecclesie sedi Apostolicæ subiectæ.

xxii.

Tantæ hospitalitatis Gregorius in ipso etiam patriarchio permansit, vt exceptis his quos tam per diuersas regiones, quàm Romæ quoque Longobardorum perfidiæ gladios fugientes, ecclesiastica stipe misericorditer nutrebat: ad mensam suam quotidie peregrinos quoslibet inuitaret. Inter quos die quadam vnus accessit, in cuius manibus dum ipse ex humilitatis ministerio aquam fundere vellet conuersus vrceum accepit: sed repente eum in cuius manibus aquam fundere voluerat, inuenire non potuit. Cūque hoc factum secum ipse miraretur, eadem nocte Dominus ei per visionem dixit: Cæteris diebus me in membris meis, hesterno autem die me in meipso suscepisti.

xxiii.

Alio quoque tempore idem Gregorius iuxta consuetudinem suam præcepit facellario vt duodecim peregrinos ad prandium inuitaret. Qui pergens iussa compleuit, eosque ad mensam pariter ordinauit. Dum autem simul discumberent, intuens Papa tredecim numerauit, & accersito facellario cur contra iussionem suam tertium decimum inuitare præsumperit inquisiuit. Ille obstupefactus conuiuantes peregrinos curiosius numerauit, & duodecim solus inueniens, veluti securus respondit: Crede mihi honorabilis pater, non sunt nisi duodecim, sicut ipse iussisti. Ergo dum conuictus sæpius duodecim identidem numeraret, ac tertium decimum quem solus Papa videre poterat, non videret: animaduertit spiritualis pater Gregorius virum propius discumben-

tem vultus crebrò conuertere, & nunc adolescentem, nunc verò se vetulum veneranda quadam canicie simulare. Finito conuiuium duodecim quidem abire permisit: tertium decimum verò manu suscipiens, in cubiculum suum induxit, vehementer adiurans, vt ei se nomēque suum simpliciter prodere dignaretur. Qui respondens dixit: Et cur interrogas de nomine meo, quod est mirabile. Veruntamen scito memoria recognoscens, quia ego sum naufragus ille qui quondam veni ad te quando scribebas in cella monasterij tui ad cli-tum Scauri, cui dedisti duodecim numismata, & argenteam scutellam quam tibi miserat cum infusis leguminibus beata Syluia mater, tua. Et hoc tibi pro certo sit cognitum, quia ab illo die quo mihi hæc hilari animo tribuisti, destinauit te Dominus fieri præfulem sanctæ suæ Ecclesiae, pro qua & proprium sanguinem fudit, & esse te successorem atque vicarium Apostolorum principis Petri, cuius & virtutem imitatus es, cum substantiam offerentium diuideret prout cuique opus erat. Hæc audiens Gregorius dixit: Et tu quomodo nosti quòd tunc me Dominus præesse sanctæ Ecclesiae destinârit? At ille, inquit, quoniam ego Angelus eius sum, & tunc ab eo ad tuum inquirendum propositum destinatus. Tunc Gregorius quia nondum manifestè viderat Angelum, prorsus expauit: sibi que hunc taliter dicentem audiuit: Ne timeas neque formides: ecce enim remisit me Dominus vt sim tibi custos quandiu fueris in isto mortali seculo: quatenus quamcunque rem petieris, per me apud eum fiducialiter valeas impetrare. Illico Gregorius in facie suâ corruit, dicens: Si propter meæ paruitatis munusculū tāta mihi retribuit omnipotentissimus Dominus, vt & pontificem me sanctæ suæ Ecclesiae faceret, & custodem mihi suum angelū deputaret: quanta putem mihi restitui, si in præceptis eius totis viribus permanens, plura studuero de pluribus erogare?

Igitur incipiens tantum largior esse decollato temporali commodo, quantum certior de recipiendo præmio sempiterno, cunctorum patrimoniorum prædiorumque redditus ex Gelasiano polyptyco, cuius nimirum studiosissimus videbatur, pedissequis adærauit, eorumque pensionibus in auro argentoque collatis, ordinibus ecclesiasticis vel palatinis, monasteriis, Ecclesiis, cæmeteriis, diaconiis, Xenodochiis vrbanis vel suburbanis, quot solidi singulis quater in anno distribuerentur, Pascha scilicet, natale Apostolorum, natale sancti Andræ, natalitioque suo per polytychum quo hætenus erogantur, indixit.

Extra quos primo dominicæ resurrectionis diluculo in basilica quondam doctissimi Papæ Vigiliij, iuxta quam consuetudinaliter habitabat, ad t impertiendum pacis osculum residens, cunctis episcopis, presbyteris, diaconibus aliisque axiomaticis aureos erogabat. Natalitio verò Apostolorum, vel suo, mixtos solidos offerens peregrinis nihilominus vestimenta donabat.

Omnibus omnino Calendis pauperibus generaliter eadem species quæ cōgerebantur ex redditibus erogabat: & suo tempore frumentum, suo vinū, suo caseum, suo legumen, suo lardum, suo manducabilia animalia, suo pisces vel oleum paterfamilias Domini discretissimè diuidebat. Pigmenta verò, aliæque delicatoria commercia primoribus honorabiliter offerebat, ita vt nihil aliud quàm communia quædam horrea, communis putaretur Ecclesia.

Tribus milibus ancillis Dei, quas Græci monastrias vocant, quindecim libras auri pro lectisterniis dedit, eisque pro quotidianis stipendiis octoginta libras annualiter conferebat. De quibus Theodistio patricio scribens, Harum, inquit, talis vita est, atq; in tantū lachrymis & abstinentia districta, vt credamus quia si ipsæ nō essent, nullus nostrū iam per tot annos in loco hoc subsistere inter Longobardorū gladios potuisset.

Quotidianis quibusque diebus per omniū regionum vicos, vel compita infirmis, seu qualibet corporis parte debilibus cocta stipendia per constitutos veredarios emittebat. Verecundioribus verò, antequam ipse cibum caperet, à mensa sua benedictionis Apostolicæ ostiatim dirigere curabat scutellam, ita vt neminem prorsus exciperet misericordissimè beneuolentia prouisoris, quem ad fidem traxerat omnipotentis cognitio creatoris.

Horum

xxix.

Horum dum quendam pauperem in angustiis Andronarum recessibus à vespillonibus inueniri mortuum contigisset, æstimans eum stipis inopia periisse, ita per aliquot dies (vt dicitur) à missarum celebratione vacando tristatus est, tanquam si eum propriis manibus (quod dictu nefas est) peremisset.

xxx.

Extat vsque hodie in sacratissimo Lateranensis palatii scriptorio huius confectum temporibus chartaceum prægrande volumē, in quo communis sexus cunctarum ætatum ac professionum nomina tam Romæ, quam per suburbana, ciuitatēve vicinas, necnon longinquas maritimas vrbes degentium eum suis cognominibus, temporibus, & remunerationibus expressius continentur. Quorum summam, ne videlicet fastidiatur, ego transferre diffugio: meique lectoris oculum ad illius venerandi scripti plenitudinem, cuius ipse penē in cunctis auctoritatem Papa largiente secutus sum, retransmitto.

xxxi.

† *Agatha.*
Dedicatio-
nis ecclesia-
rum mos an-
tiquus.

Præterea cum Arrianorum basilica in regione vrbis huius quæ Suburra dicitur, clausa vsque ad Gregorij pontificatus tempora remansisset, placuit ei vt in fide catholica, introductis illuc beati Sebastiani & sanctæ Agnetis martyrum reliquiis, dedicari debuisset, quod factum est. Nam cum magna populi multitudine Gregorius laudes canendo perueniens, basilicam præfatam ingressus est. Cūque venerabilis pontifex iam missarum solennia celebraret, ac propter eiusdem loci angustias populi se turba comprimeret, quidam ex his qui extra sacrarium stabant, porcum subito inter suos pedes hūc & illuc discurrere senserūt. Quem dum vnusquisque sentiret, & iuxta se stantibus indicaret, idem porcus Ecclesiæ ianuam petiit, & omnes per quos transiit, in admirationem conuertit: sed videri nil potuit, quanuis sentiri potuisset. Quod idcirco diuina pietas ostendit, vt cunctis patefceret, quia veniente cum reliquiis sanctorum Gregorio, de loco eodem immundus habitator exiret.

xxxii.

Peracta igitur missarum celebratione, Papa cum plebe recessit: sed adhuc nocte eadem magnus in Ecclesiæ eiusdem tectis strepitus factus est, ac si in ea aliquis errando discurreret. Sequenti autem nocte grauior sonus excreuit, cum subito tantus terror insonuit, ac si omnis illa Ecclesia à fundamentis fuisset euersa: & protinus recessit, ac nulla illic vltius inquietudo antiqui hostis apparuit: sed per terroris sonitum quem fecit, innotuit, à loco quem diu tenuerat, quod per inuocationem Gregorij coactus exibat. Post paucos vero dies in magna serenitate aeris super altare eiusdem Ecclesiæ nubes cœlitus descendit, suoque illud velamine operuit, omnemque Ecclesiam tanto terrore, ac suauitate odoris impleuit, vt patentibus ianuis nullus illic præsumeret intrare: & sacerdotes atque custodes, vel hi qui ad celebranda missarū solennia venerant, & rem videbant, ingredi minimè poterant, & suauitatem mirifici odoris trahebant. Die verò alia in ea lampades sine lumine sunt accensæ. Post paucos iterum dies cū expletis missarum solenniis extinctis lampadibus custos ex eadem Ecclesia egressus fuisset, post paululum intrauit, & lampades quas extinxerat, lucentes reperit: quas negligerter extinxisse se credidit, atque eas iam sollicitius extinxit, qui exiens Ecclesiam clausit. Sed post horarum trium spatium regressus lucentes lampades quas extinxerat, inuenit: vt videlicet ex ipso lumine apertè claresceret, quia per beatum Gregorium locus ille de tenebris ad lucem venisset.

xxxiii.

Sed cū sanctus Gregorius pro conuertendis Anglis Saxonibus (quemadmodum in monachatu suo proposuerat) assiduis cogitationum fluctibus vrgeretur, mox vbi Ecclesiæ statu composito, quartum sui pontificatus annum intrauit, Augustinum cum aliis domus suæ monasterij monachis in Britanniam euangelizandi gratia destinauit. Qui susceptæ peregrinationis post dies aliquot inerti tædio prægruati, redire domum potius, quàm barbaram, feram, incredulamque gentem, cuius nec linguam intelligerent, adire decreuerunt. Nec mora, Augustinum quem eis episcopum consecrandum, si ab Anglis exciperentur, indixerat, Romam remittunt, summum præfulem deprecantes, vt tam laboriosam, tam incertam, tamque periculosam peregrinationem sibi nuper impositam remoueret, & ad suos reuerti permit-

Tomus primus.

teret. Quibus ille rescripsit, dicens: Gregorius episcopus, seruis seruorum Dei, seruis domini nostri Iesu Christi. Quia melius fuerat bona non incipere, quàm ab his quæ cœpta sunt, cogitatione retrorsum redire: summo studio, dilectissimi filij, oportet vt opus bonum quod cœpistis, auxiliante Domino compleatis. Nec labor vos ergo itineris, nec maledicorum hominum linguæ deterreant, sed omni instantia, omnisque seruiore, quæ inchoastis, Deo auctorē peragite, scientes quod laborem magnum maior æternæ retributionis gloria consequetur. Remeanti autem Augustino præposito vestro, quem & abbatem vobis constituimus, in omnibus humiliter obedite, scientes hoc vestris animabus per omnia profuturum, quicquid à vobis fuerit in eius admonitione completum. Omnipotens Deus sua vos gratia protegat, & vestri laboris fructum in æterna me patria videre concedat: quatenus & si vobiscum laborare nequeo, simul in gaudio retributionis inueniat, quia laborare scilicet volo.

xxxiiii.

His exhortationibus Augustinus cum fratribus roboratur, per Aetherij Arelatensis vatis, perque aliorum episcoporum Galliæ, regūque quibus eos mitissimus pater propriis literis comendarat, hospitia, Britanniam petiit, & ad Ildebertum regem Cantuariorum veniens, Dei cooperante gratia, non solum licentiam prædicandi, verum etiam victus & mansiones in ciuitate Douernensi, quæ erat regni eius metropolis, facile impetrauit. Ad quam Augustinus cum sociis prælata cruce, seu saluatoris imagine, appropinquans cecinit dicens: Deprecamur te Domine in omni misericordia tua, vt auferat furor tuus irāque tua à ciuitate ista, & à domo sancta tua, quoniam peccauimus. Prædicantibus autem eis, & in nomine Iesu miracula facientibus crediderunt multi, & baptizati sunt, mirantes innocentis vitæ simplicitatem, complectentēque dulcedinem cœlestis doctrinæ.

xxxv.

Quapropter Augustinus Arelatem venit, & secundū Gregorij iussu ab Aetherio episcopo consecratus, in Britanniam remeauit: illicque per Laurentium presbyterum & Petrum Monachum papæ Gregorio conuersionem gentis Anglorum, seque consecratum innotuit, suggerens vt sibi mitteret plurimos verbi ministros, eo quod messem quidem multam haberet, operarios autem paucos.

xxxvj.

Quibus relationibus Gregorius in Christo lætificatus, misit Augustino plurimos verbi ministros, in quibus præcipui erāt, Mellitus, Iustus, Paulinus, & Rufinianus: & per eos vniuersa quæ ad cultū erant Ecclesiæ necessaria, vasa videlicet sacra, & vestimenta altarium, ornamenta ecclesiastica, vestimenta clericalia, Apostolorum & multorum Sanctorum reliquias, & codices multos. Misit ei & pallium, iubens vt sub metropoli sua Canticiæ duodecim episcopos ordinaret, ad Lundoniam & Eburacā singulos episcopos mitteret, qui sub se duodecim nihilominus episcopos consecrantes, pallium ab apostolica sede perciperent, & post Augustini obitum ipse inter eos primus haberi debuisset, qui prius consecrari, meruisset.

Episcopus
ab episcopo
consecratur

xxxvij.

Præcepit quoque vt in Anglorum gente idolorum fana non destrueret, sed sanctificatis aquis respersa in basilicas dedicaret. Et quia solebant Saxones in sacrificiis demonum boues multos occidere, iussit, vt in die dedicationis, vel natalitiis sanctorum martyrum quorū reliquiæ illic ponerentur, tabernacula sibi circa easdem ecclesias quæ ex fanis commutata sunt, de ramis arborum facerēt, & religiosi conuiuii solennitates debitas celebrarent. Et quia super quibusdam capitulis Augustinus eum interrogans, qualiter episcopus cum suis conuersari deberet clericis, requisivit, doctor humillimus inter cetera sic rescripsit: Quia tua fraternitas monasterij regulis erudita, seorsum vivere non debet à clericis suis, in Ecclesia Anglorū quæ nuper ad fidem conuersa est, hanc debet conuersionem instituere, quæ in initio nascentis Ecclesiæ fuit patribus nostris, in quibus nullus eorum ex his quæ possidebant, aliquid suum esse dicebat, sed erant illis omnia communia. Cū vna sit fides, cur super missarum celebratione, Gallicana Ecclesia à Romana discordet, Augustino querenti, Gregorius ait: Nouit tua fraternitas Romanæ Ecclesiæ consuetudinem, in qua se meminit nutritam. Sed mihi placet, vt siue in Romana, siue in qualibet Ecclesia aliquid inuenisti quod plus omnipotenti Deo possit placere

Aqua ben-
nedicta as-
persio.

ēē iij

sollicitè eligas, & in Anglorum Ecclesia (quæ adhuc noua est ad fidem) institutione præcipua quæ de multis Ecclesiis colligere potuisti, infundas. Non enim pro locis res, sed pro bonis rebus loca amanda sunt. Ex singulis ergo quibusque Ecclesiis quæ pia, quæ religiosa, quæ recta sunt eligas, & hæc quasi in vasculo collecta, apud Anglorum mensam in consuetudinem vertas. Interrogatus etiam quomodo ea quæ fures de Ecclesiis abstulerint, reddere debeant: mitissimus pater, absit, inquit, vt Ecclesia cum augmento recipiat, quod de terrenis rebus videtur amittere, & lucra vana acquirere. Sanè requisitus ab eodem Augustino, vsque ad quodam generationem fideles debeant copulari: Gregorius dispensatoricè sic rescripsit: Quædam terrena lex in Romana republica permittit vt siue frater & soror, seu duorū fratrū germanorū, vel duarum sororum filius & filia misceantur. Sed experimento didicimus ex tali coniugio sobolem non posse succrescere. Et sacra lex prohibet cognationis turpitudinem reuelare. Vnde necesse est vt etiam tertia, vel quarta generatione generatio fidelium licenter sibi iungi debeat. Nam in secunda quam prædiximus, omnimodo debet abstinere.

Ex illegitimis coniugiis soboles non possunt succrescere.

xxxviii.

Verum post multum temporis à Felice Messanæ Siciliæ præfule requisitus vtrum Augustino scripsisset vt Anglorum quarta generatione contracta matrimonia minimè soluerentur, humillimus pater Gregorius inter cætera talem reddidit rationem: Quod scripsi Augustino Anglorum gentis episcopo alumno videlicet nostro vt recordor, de sanguinis coniunctione, ipsi, & Anglorum genti quæ nuper ad fidem venerat, ne à bono quod cœperat, metuendo austeriora recederet, specialiter, & non generaliter cæteris me scripsisse cognoscas. Vnde & mihi testis omnis Romana ciuitas existit. Nec ea intentione hæc illis scriptis mandauit, vt postquam firma radice fuerint in fide solidati, si infra propriam consanguinitatem inuenti fuerint, non separentur: aut infra affinitatis lineam, id est, vsque ad septimam generationem iungantur, sed adhuc illos neophytos existentes, sapissime eos prius illicita docere, & verbis ac exemplis instruere: & quæ post de talibus egerint, rationabiliter ac fideliter excludere oportet. Nam iuxta Apostolum qui ait, Lac vobis potum dedi, non escam: ista illis modò, non posteris (vt præfixum est) temporibus tenenda indulgimus: ne bonum quod in firma adhuc radice plantatum erat, exureretur, sed aliquantulum firmaretur, & vsque ad perfectionem custodiretur. Hæc ergo idcirco perstringenda curauit, vt hi qui occasione nouæ dispensationis illicita matrimonia contrahunt, eruditissimū papam Gregorium non regulariter quartæ generationis copulam cœnisset, imò venialiter simulque temporaliter permisisse cognoscant. Cuius nimirum precibus Deus omnipotens tantam Augustino eiusque sociis faciendorum signorum gratiam contulit: vt verbum vitæ, quod ore prædicabant, signorum efficacia confirmarent. Vnde factum est vt paucis elapentibus annis, etiam cæteri Saxones ad Christi domini fidem per discipulos eius accederent.

† al. certissime.

xxxix.

De cuius gentis conuersione, simulque miraculorum prodigiis quæ ibidem fiebant, ita Gregorius in libris moralibus perhibet dicens: Ecce lingua Britanniæ quæ nihil aliud nouerat quàm barbarum frédere, iam dudum in Dei laudibus Hebræa cœpit verba sonare. Ecce quondam tumidus, iam substratus sanctorum pedibus seruit Oceanus: eiusque barbaros motus, quos terreni principes edomare ferro nequiuierant, hos pro diuina formidine sacerdotum ora simplicibus verbis ligant: & qui cateruas pugnantium infidelis nequaquam metuerat, iam nunc fidelis humilium linguas timet. Quia enim perceptis cœlestibus verbis, clarescentibus quoque miraculis, virtus ei diuinæ cognitionis infunditur, eiusdem diuinitatis terrore refrenatur, vt prauè agere metuat, ac totis desideriis ad æternitatis gratiam venire concupiscat. Eulogio quoque patriarchæ Alexandrino, de doctrina suæ Ecclesiæ, conuersione hæreticorum, concordiaque fidelium plausibilia referenti, Gregorius ita rescripsit: Quoniam in bonis quæ agitis, scio quod & aliis congaudetis, vestræ quoque gratiæ vicem reddo: quia dum gens Anglorum in mundi angulo posita, incultu lignorum ac lapidum perfida nunc vsque remaneret, ex vestræ mihi orationis adiutorio placuit,

vt ad eam monasterij mei monachum transmittere Deo auctore debuissim: qui data à me licentia à Germaniarum episcopis episcopus factus, cum eorum quoque solatiis ad dictam gentem in finem mundi perductus est: & iam nunc de eius salute & opere ad nos scripta peruenerunt, quia tantis miraculis vel ipse vel hi qui cum eo transmissi sunt, in gente eadem coruscant, vt Apostolorum virtutes in signis quæ exhibent imitari videantur. In solennitate autem dominicæ natiuitatis, quæ prima indictione transacta est, plusquam decem millia Angli ab eodem nuntiati sunt fratre & coepiscopo nostro baptizati. Quod idcirco narraui, vt cognoscatis quod in Alexandrino populo loquendo, & quod in mundi finibus agitis orando. Vestræ enim orationes sunt in eo loco vbi non estis, quarum operationes sanctæ monstrantur in eo loco vbi estis.

Nihilominus eidem Augustino pro eisdem miraculis inter alia scribit, inquit: Scio quia omnipotens Deus per dilectionem tuam in gente quam elegit vt voluit, magna miracula ostendit. Vnde necesse est vt de eodem dono cœlestis, & timendo gaudeas, & gaudento pertimescas, Gaudeas, videlicet, quia Anglorum animæ per exteriora miracula ad interiorem gratiam pertrahuntur. Pertimescas verò ne inter signa quæ fiunt, infirmus animus in sui præsumptione se elect: vt vnde foras per honorem tollitur, inde per inanem gloriam intus cadat, &c.

Quæ autem de Gregorij miraculis penes easdem Anglorum Ecclesias vulgo leguntur, omittenda non arbitror, ne studiosi lectoris animus, aut defraudasse se peruicaciter, aut negligenter præteruisse, me cognitionem congruam suspicetur. Matrona quædam beato Gregorio per stationes publicas missarum solennia celebrati, solitas oblationes obtulerat. Cui post mysteria traditurus cum diceret: Corpus domini nostri Iesu Christi conseruet animam tuam: lasciuia subrisit. Ille verò continuo dexteram ab eius ore conuertens, partem illam dominici corporis super altare deposuit: expletis verò missarum solenniis, matronam coram populo inquisiuit quomobrem corpus dominicum sumptura ridere præsumperit. At illa diu musitans, tandem prorupit, quia panem, inquit, quem propriis manibus me fecisse cognoueram, tu corpus dominicum perhibebas. Tunc Gregorius pro incredulitate mulieris cum tota plebe se in orationem prostrauit: & post paululū surgens, particulā panis quā super altare posuerat, carnē factam reperit: quam coram cunctis incredulæ matronæ demonstrans, ad credulitatis gratiam tam illam reuocare potuit, quàm totum populum confirmare curauit. Rursus itaque in orationem cum eisdem prostratus, carnis frustum in panis primordia reformauit.

Alio quoque tempore vir Dei Gregorius miraculum penè huic simile perpetravit. Nam cum petentibus quibusdam occidentalibus per legatos, in singulis pyxidibus sub nominibus petitorum martyrum, & brandeum solito more concludens, desuper sigillasset, legatis largitus est. Illi susceptas reliquias ueneratione congrua deferentes, postquam quædam itineris miliaria consumpserunt, stultè se tantum viaticum consecisse murmurare cœperunt, si nesciant vtrum sanctorum ossa, an magis carnes à Romano pontifice suscepissent. Itaque communi consilio remoto pontificali signaculo, referatisque pyxidibus particulas brandei reppererunt. Mox ad vrbs mœnia cum furore nimio reuertentes, per archidiaconum à Gregorio se delusos fuisse, vt pro reliquiis vilem pannum susciperent, flebiliter querebantur, dicentes dominos suos pulcherrimis palliis abundare, ac per hoc Romanorum vilibus brandeis non egere. Fortè tunc Gregorius missarum solennia celebrabat. Quibus expletis, ab eisdem legatis brandeum coram cunctis recipiens, super altare composuit: seque cum omnibus in orationem dedit, vt Deus omnipotens vtrum quod à liminibus Apostolorum de more transmissum est, pro reliquiis martyrum venerari deberet, quantocyus indicaret. Deinde ab oratione surgens, incredulos legatos propius astare fecit. Cultellum petiit: more sanctissimi Papæ Leonis brandeum pupugit: de cuius punctationibus sanguis protinus emanauit. Quo miraculo tam legati confusi, quàm omnes qui aderant, tremefacti,

xl.

xlii.

† al. prandium, & sic deinceps.

mesacti, iussu Gregorij cum eo terræ prostrati sunt, nec antè ab oratione cessauerunt, quàm cuncta prandeorum foramina diuinitus clauderentur.

xliij.

Quidam præterea diuitum Romanorum relicta coniuge, fuerat à Romano pontifice communione priuatus. Quod ille molestissimè ferens, & auctoritatem tanti pontificis euacuare non præualens, magorum suffragia requisit. Qui magnis muneribus persuasi, posse se suis carminibus agere, vt immisso dæmone tam diu caballus pontificis vexaretur, quousque cum sessore suo periclitaretur, fiducialiter promiserunt. Hac incestus iudex pollicitatione lætatus, magos iuxta viam per quam pontifex ad stationem profecturus erat, in edito stare permisit, vt videre transeuntes, non videri à transeuntibus possent. Cùmque magi ex planetarum mappulatorumque processionibus magnum pontificem cognouissent, immisso dæmone tam fortiter eius equum vexari fecerunt, vt nunquam à sessore siue à stratoribus teneri posse putaretur. Tunc Gregorius reuelante Spiritu sancto dæmoniacam immisionem cognoscens, facto crucis signaculo tam caballum à præsentī rabie liberauit, quàm maleficos ex latente culmine iubens deponere, perpetua cæcitate multauit. Quos reatum suum suggestione incesti iudicis confitentes, ac post modum ad sacri baptismatis gratiam venientes, luminibus quidem, ne magiam relegerent, reddere noluit: eos tamen ecclesiastica stipe nutrirī præcipit.

xliij.

Legitur etiā penes easdem Anglorum Ecclesias quodd Gregorius per forum Traiani, quod ipse quondam pulcherrimis ædificiis venustarat, procedens, iudicij eius quo viduam consolatus fuerat recordatus atque miratus sit: quod scilicet (sicut à prioribus traditur) ita se habet. Quodam tempore Traiano ad imminētis belli procinctum vehementissimè festinanti, vidua quædam processit flebiliter dicens: Filius meus innocens te regnante peremptus est: obsecro, vt quia eum mihi reddere non vales, sanguinem eius legaliter vindicare digneris. Cùmque Traianus, si sanus reuerteretur à prælio, hunc se vindicaturum per omnia responderet, vidua dixit: Si tu in prælio mortuus fueris, quis mihi præstabit? Traianus dixit: Ille qui post me imperabit. Vidua dixit: Et tibi quid proderit, si alter mihi iustitiam fecerit? Traianus respondit: Vtique nihil. Et vidua. Nōne, inquit, melius tibi est vt tu iustitiam mihi facias, & pro hoc mercedem tuam recipias, quàm alteri hanc transmittas? Tunc Traianus ratione pariter pietatēque commotus, equo descendit, nec antè discessit, quàm iudicium viduæ per semet imminens profligaret.

Vide de hoc miraculo Ioan. Damascenum, in sermone, de sanctos vinorum beneficis inuari.

Huius ergo mansuetudinem iudicis asserunt Gregorium recordatum ad sancti Petri basilicam peruenire: ibique tam diu super errore tam clementissimi principis desleuisse, quousque responsum sequenti nocte cepisset, se pro Traiano fuisse audire: tantum pro nullo vltius pagano preces effunderet. Sed cùm de superioribus miraculis Romanorum nemo sit qui dubitet, de hoc quod apud Saxones legitur, huius precibus Traiani animam ab inferni cruciatibus liberatam, ob id vel maximè dubitari videtur, quodd tantus doctor nequaquam præsumeret pro pagano proflus orare, qui quarto dialogorum suorum libro docuerit, eandem causam esse cur non oretur à sanctis in futuro iudicio peccatoribus æterno igne damnatis, quæ nunc etiam causa est vt non orent sancti homines pro hominibus infidelibus impiisque defunctis: non aduertentes, quia non legitur pro Traiano Gregorium exorasse, sed tantum fleuisse. Sic enim cum non orauerit Gregorius plangendo, potuit exaudiri, sicut Moyses cum dolendo taceret, potuit clamasse videri: cui Dominus tacenti labijs, quid clamas, inquit, ad me? Nimirum Deus omnipotens corda renēsque scrutatur, & frequenter ea misertus concedit, quæ homo quamuis vt carnalis desideret, ea tamen petere non præsumit. Vnde Psalmista: Desiderium pauperum exaudivit Dominus: & desideria cordis eorum audiuit auris tua. Et notandum quia non legitur Gregorij precibus Traiani anima ab inferno liberata, & in paradiso reposita: quod omnino incredibile videretur propter illud quod scriptum est: Nisi qui renatus fuerit ex aqua & spiritu sancto, non intrabit in regnum cælorum: sed simplici-

ter dicitur ab inferni solummodo cruciatibus liberata. Quod videlicet potest videri credibile, quippe cùm ita valeat anima in inferno existere, & inferni cruciatibus per Dei misericordiam non sentire, sicuti vnus gehennæ ignis valet omnes peccatores pariter detinere: sed per Dei iustitiam cunctos non valet æqualiter exurere. Nam vnus cuiusque quantum meruit culpa, iusto Dei iudicio tantum sentietur & pœna.

Nihilominus ex libro qui à Græcis λεμὼν dicitur, à Latinis verò intelligitur campus vel pratum, præceptor meus inter alia toto orbe iam diffamata miracula interpretatus est, mihi scribens: Enarrauit nobis presbyter nomine Petrus de sancto Gregorio Papa Romano: illinc enim erat reuerendissimus hic presbyter. Is, inquit, effectus papa, ædificauit monasterium virorum, magnum, & dedit mandatum vt nullus monachorum proprium aliquid haberet vsque ad vnum obolum. Frater ergo de monasterio habebat fratrem secularem, & postulauit eum dicens: Casulam non habeo: sed fac charitatem: eme mihi. Dicit ei secularis frater: Ecce tria numismata suscipiens, compara qualem tibi placet. Acceptis itaque monachus tribus numismatibus habebat ea apud se. Alius autem frater videns eum habentem tria numismata, pergens nuntiauit abbati. Abbas verò audiens, retulit beatissimo papæ. Beatissimus autem Gregorius discens hoc ab abbate, segregauit eum à communione, tanquam eum qui soluerat regulam monasterij. Igitur post modicum temporis moritur frater segregatus, nesciente papa. Post duos ergo aut tres dies pergens abbas nuntiauit ei, quia frater requieuit. In hoc itaque nō mediocriter tristatus est, quia antè quàm exiret de hac vita, non soluit eum ab excommunicationis epitono: & scribēs orationem in pyctatio, dedit vni diaconorum suorum, iubēs ei ire, & super fratrem legi eam. Erat autem oratio soluens ab excommunicatione defunctum. Vadit ergo diaconus sicut præceptum ei fuerat, & super tumulum fratris legit pyctatium habens orationem. Et ipsa nocte vidit abbas fratrem illum defunctum, & dixit ei: Non es mortuus frater? Ille respondit, etiam. Et iterum interrogauit eum abbas: Vbi eras vsque hodie? Respondit frater, Vere domine in custodia, & vsque heri non sum absolutus. Notum itaque factum est omnibus, quia in hora qua diaconus orationem dixit super sepulchrum, in ea hora absolutus est ab excommunicatione, & liberata est à damnatione anima eius.

xlv.

Absolutio ab excommunicatione etiam post mortem.

Igitur Gregorius non solum Saxones in propriis sedibus commanentes Christo domino dedicauit, verum etiam pueros eorum per exteras regiones diffusos suis precijs comparans annualiter, ad cognitionem fidei deducebat. Vnde Candidam presbyterum commonet dicens, Pergens auxiliante domino Deo nostro Iesu Christo ad patrimonium quod est in Galliis gubernandum, volumus vt dilectio tua ex solidis quos acceperit, vestimenta pauperum, vel pueros Anglos qui sunt ab annis decem & octo, vt in monasterijs dati Deo proficiant, comparet, quatenus solidi Galliarum qui in terra nostra expendi non possunt, apud locum proprium vtiliter expendantur. Si quid verò de pecuniis reddituum quæ dicuntur ablata, recipere potueris, ex his quoque vestimenta pauperum comparare te volumus: vel sicut præfati sumus, pueros qui in omnipotentis Dei seruitio proficiant. Sed quia pagani sunt qui illic inueniri possunt, volo vt cum eis presbyter transmittatur, ne quid ægritudinis contingat in via: vt quos morituros conspexerit, debeat baptizare.

xlvj.

Sardinia quoque rusticos mitissimus rector Gregorius in errore vetustatis aded permanere condoluit, vt Ianuarium Caralitanum episcopum pro negligentis increpando, inter cætera scribat. Accidit aliud valde lugendum, quia ipsos rusticos quos habet Ecclesia, nunc vsque in infidelitate remanere negligentia fraternitatis vestræ permisit. Et quid vos admoneo, vt ad Dominum extraneos adducatis, qui vestros ab infidelitate negligitis corrigere? Vnde necesse est vos per omnia in eorum cōuersione vigilare. Nā si cuiuslibet episcopi in Sardinia insula paganum rusticum inuenire potuero, in eodē episcopo fortiter vindicabo. Iam verò si rusticus tantæ fuerit perfidia & obstinationis inuentus, vt ad Dominum

xlvj.

venire minimè consentiat, tanto pensionis onere grauandus est, vt ipsa exactionis suae pœna compellatur ad rectitudinem festinare.

xlviij.

Quod cum Gregorius fructuosè simulque salubriter in Sardinia rusticos processisse cognosceret, etiam in Iudæos patrimoniorum suorum rusticos non dissimiliter est conatus extendere. Vnde Cypriano diacono scribit dicens: Peruenit ad me, esse Hebræos in possessionibus vestris, qui conuerti ad Dominum nullatenus volūt. Sed videtur mihi vt per omnes possessiones in quibus Hebræi esse noscuntur, Epistolas transmittere debeas, eis ex me specialiter promittens, quod quicumque ad verum Dominum, & Dominum nostrum Iesum Christum ex eis conuersus fuerit, onus possessionis eius ex aliqua parte imminuetur. Quod ita quoque fieri volo, vt si quis ex eis conuersus fuerit, si solidum pensionis habet, remissis ei relaxari debeat: si tres vel quatuor, vnus solidus relaxetur: si quid amplius, iam iuxta eundem modum debet relaxatio fieri, vel certè iuxta quod dilectio tua prauiderit: vt & ei qui conuertitur, onus releuetur, & Ecclesiastica utilitas non graui dispendio prematur. Nec hoc inutiliter facimus, sed pro leuandis pensionis oneribus eos ad Christi gratiam perducimus: quia & si ipsi minus fideliter veniunt, hi tamen qui de eis nati fuerint, iam fidelius baptizabantur. Aut ipsos ergo, aut filios eorum lucrabimur, & ideo non est graue quicquid de pensione pro Christo dimittimus.

xlix.

Enimvero tam leuigationibus dationum, quam promissionibus regni cœlorum Iudæi per diuersa loca ad Christum, quem patres eorum negauerunt, venire cœperunt. Quibus cum salute animæ vestimenta quoque baptizandis habilia conferebat. Vnde Fantino defensori, Domina, inquit, abbatisa monasterij sancti Stephani quod in Agrigentino est territorio cōstitutum, indicante, comperimus multos Iudæorum ad Christianam fidem diuina gratia inspirante velle conuerti: sed esse necessarium vt aliquis illuc ex nostro mandato debeat proficisci. Proinde huius tibi autoritatis tempore præcipimus, vt omni excusatione sumpta, ad prædictum locum pergere, & desiderium eorum tuis Deo propitio adhortationibus adiuuare festines. Quibus tamen si longum vel triste videtur solennitatem sustinere Paschalem, & eos nunc ad baptismum festinare cognoscis: ne (quod ablit) longa dilatio eorum retro possit animos reuocare, cum Episcopo loci ipsius loquere, vt pœnitentia ac abstinentia quadraginta diebus indicta, aut die dominico, aut si celeberrima festiuitas fortassis occurrerit, eos omnipotentis Dei misericordia protegente baptizet: quia & temporis qualitas propter eam quæ sibi imminet damnationem, impellit vt desideria eorum nulla debeant dilatione differri. Quoscumque verò ex eis pauperes, & ad vestem sibi emendam non sufficere posse cognoscis, te eis vestem quam ad baptismum habeant, comparare volumus ac præbere: in quibus præcium quod dederis, tuis noueris rationibus imputandum. Si verò sanctum Pascha elegerint expectare, item cum Episcopo loquere, vt modò quidem catechumeni fiant, atque ad eos frequenter accedat, geratque sollicitudinem, & animos eorum admonitione suæ adhortationis accendat: vt quantò quæ expectatur elongatur festiuitas, tantò se præparare, & eam desiderio feruētī debeant sustinere. Item Petro Episcopo Corsicæ inter alia transmissimus, ait, fraternitati tuæ quinquaginta solidos ad vestimenta eorum qui baptizandi sunt, comparanda.

Celebrantes
festorum an
tiqua.

I.

Nihilominus pro Arrianorum paruulis fidei catholicæ sociandis, Gregorius pastoralis curæ sollicitudinem prorsus extendit. Quapropter vniuersis Episcopis Italiae scribens ait: Quoniam nefandissimus Authariht in hac quæ nuper exempta est Paschali festiuitate Longobardorum filios in fide catholica baptizari prohibuit, pro qua culpa eum diuina maiestas extinxit, vt solennitatem Paschæ ulterius non videret: vestram fraternitatem decet cunctos per loca vestra Longobardos admonere, vt quia grauis mortalitas imminet, eosdem filios suos in Arriana hæresi baptizatos ad catholicam fidem concilient: quatenus iram super eos omnipotentis Dei placent. Item Proiectio Episcopo Narniensis: Peruenit ad nos peccatis imminentibus in ciuitate vestra mortalitatem omnino grassari: quæ res nos nimis addixit. Quamobrem sa-

lutantes fraternitatem vestram instantissimè suademus, vt a Longobardorum siue à Romanorum qui in eodem loco degunt, admonitione, nulla ratione cessetis, & maximè gentiliū & hæreticorum, vt ad veram rectamque fidem catholicam conuertantur. Sic enim aut diuina misericordia pro sua forsan eis conuersione, & in hac vita subueniet: aut si eos migrare contigerit, à suis (quod & magis optandum est) transierint facinoribus absoluti.

lij.

Igitur prudentissimus paterfamilias Christi Gregorius singulis diaconis, vel xenodochiis viros idoneos deputauit: quos etiam vt securius, imò sagacius in opere pietatis ac misericordiæ laborarent, huiusmodi priuilegiis muniendos esse decreuit. Licet eos qui pia intentione sollicitudinis curam debilibus ac egenis impendunt, sua apud omnes valeat tueri deuotio: melius tamen est si pro quiete sua de his fuerint muniti quæ gesserint: ne inde eis inquietudinis occasio, vnde magis laudandi sunt, oriatur. Quia igitur te virum religiosum intentionis tuæ studio prouocati, mensis pauperum exhibendæ diaconia elegimus præponendum, ne qua tibi ex hac nascatur administratione dubietas, hac te munitione prospeximus fulciendum, constituentes vt de hoc quod ad mensas pauperum, vel diaconia exhibitionem præcepisti siue subinde præceperis erogandum, nulli vnquam hominum quolibet modo seu ingenio cogaris ponere rationem, vel aliquam debeas molestiam sustinere. Sed quia ita humanis te omnibus esse volumus rationibus absolutum, vt Deo nostro de his quæ tibi commissimus, rationem te noueris positurum: hortamur vt fidei in te synceritas vigeat, sit mens in rebus intentior, cura propensior, studium vigilantius, deuotio clarior, exhibitio efficacior: quatenus dum diuino intus auxilio hoc opus solerter impleueris, & illi pro quibus sollicitudinem geris, studij tui solatio utiliter consolentur: & tu mercedis tuæ bonum in æterna vita Redemptoris nostri gratia compensante recipias.

Hæc quidem Gregorius intra vel extra urbem studio pietatis exercuit: ceterum Probum religiosum abbatem cum multis pecuniis Hierosolymam destinauit: cuius instantia venerabile xenodochium constituit, & tam ibi quàm in monte Sina penes Arabiam Dei famulis sub regimine Palladij constitutis quotidiani victus & vestimenti copiam quamdiu viuere potuit, annualiter mittere procurauit.

liij.

Nihilominus per diuersas prouincias pro custodia sacrae religionis, rebûsque pauperum strenuè gubernandis, Ecclesiæ suæ viros industrios rectores patrimoniorum asciuit. In quibus & Cyprianum diaconum patrimonij Siculi, Pantaleonem notarium Syracusani, Fantinum defensorem Panormitani, Sergium defensorem Calabritani, Romanum notarium Apuli, Benenatum defensorem Samnitici, Antemium subdiaconum Neapolitani, Petrum subdiaconum Campani, Candidum defensorem Tusci, Urbicum defensorem Sabini, Optatum defensorem Nursini, Benedictum defensorem Carfeolani, Felicem subdiaconum Appiæ, Castorium chartularium Rauennatis, Castorium notarium Histriani, Antonium subdiaconum Dalmatini, Ioannem notarium Illyriciani, Symmachum defensorem Sardinia, Bonifacium notarium Corsicani, Panthaleonem notarium Liguria, Hieronymum defensorem Alpium Cocciarum, Hilarium notarium Germanitiani, & Candidum presbyterum Gallicani. Hæc autem prudentissimus pater Gregorius, non solum in Romana, sed & per diuersas Ecclesias perpetualiter obseruanda censebat. Vnde Ianuario Caralitano Episcopo inter cætera scribit dicens: Inducatum est nobis quod laicis quibusdam curam vestri patrimonij committentes, postmodum in rusticorum vestrorum deprædationibus, atque per hoc ex fatigationibus fuerint deprehenfi. Quod si ita est, districtè à vobis discuti conuenit, atque inter eos Ecclesiæque vestrae rusticos causam examinari subtilius: vt quicquid in eis fuerit fraudis inuentum, cum pœna legibus statuta reddere compellantur. De cætero verò cauendum à fraternitate vestra est, ne secularibus viris, atq; non sub regula vestra degentibus, cuiuslibet res Ecclesiæ committantur, sed probatis de vestro officio clericis: in quibus si quid reperiri poterit prauitatis, vt in subditis emendare quod illicitè gestum fuerit, valeatis: quos vi-

liij.

delicet

delicet apud vos habitus sui officium magis conueniat, quam excuset.

liij.

Singula ecclesiastici iuris officia, singulis quibusque personis singulatim committi debere dicebat asserens, quia sicut in vno corpore multa membra habemus, omnia autem membra non eundem actum habent: ita in Ecclesie corpore secundum veridicam Pauli sententiam, in vno eodemque spiritu alij conferendum est hoc officium, alij committendum est illud: neque vni quantumlibet exercitatae personae vno tempore duarum rerum officia committenda sunt: quia si totum corpus oculus, vbi auditus? Sicut enim varietas membrorum per diuersa officia, & robur corporis seruat, & pulchritudinem repraesentat: ita varietas personarum per diuersa nihilominus officia distributa, & fortitudinem & venustatem sanctae dei Ecclesiae manifestat. Et sicut indecorum est vt in corpore humano alterum membrum alterius fungatur officio, ita nimirum noxium simulque turpissimum, si singula rerum ministeria personis totidem non fuerint distributa. Hinc est quod quibusdam ambitiosis (sicut in suis literis, quas ego studio breuitatis omisi, poterit inueniri) moderationis frena frequenter imposuit. Vnde Anthemio subdiacono pro Paschasio episcopo, qui per semetipsum sibi met maior domus, & vicedominus permanebat, inter caetera praecipit dicens. Volumus autem vt frater noster Paschasius & vicedominus sibi ordinet, & maiorem domus: quatenus possit, vel hospitibus superuenientibus vel causis quae eueniunt, idoneus & paratus existere. Si vero vel negligentem eum prospicias, vel ea quae dicimus, implere differentem: omnis clerus eius adhiberi debet, vt communi consilio ipsi eligant, quorum personae ad ea quae praediximus, valeant ordinari. Item Rauennatibus clericis ad monasteriorum regimina importune tendentibus restitit, Ioanni Rauennati episcopo scribens: Peruenit ad me, quod in ecclesiis fraternitatis tuae aliqua loca dudum monasteriis consecrata, nunc habitacula clericorum, aut etiam laicorum facta sunt: dumque hi qui sunt in ecclesiis, fingunt se religiose vivere, monasteriis praeponi appetunt, & per eorum vitam monasteria destruantur. Nemo etenim potest & ecclesiasticis obsequiis deferuire, & in monachica regula ordinate persistere: vt ipse distractionem monasterij teneat, qui quotidie in ministerio ecclesiastico cogitur permanere. Proinde fraternitas tua hoc, quolibet in loco factum est, emendare festinet: quia ego nullo modo patior, vt loca sacra per clericorum ambitum destruantur. Item Martiniano episcopo Rauennae. Dudum ad nos multorum relatione peruenierat, monasteria in Rauennatibus partibus constituta omnino clericorum vestrorum dominio praegravari, ita vt occasione quasi regiminis, & (quod dici graue est) velut in proprietate possideant. Quibus non modicum condolentes, decessori vestro literas misimus, vt hoc emendare per omnia debuisset. Sed quoniam vitae est termino citius praecipitatus, ne hoc onus monasterio remaneret, fraternitati vestrae eadem nos scripsisse recolimus. Et quia (vt comperimus) in huius rei haecenus correctione cessatum est, haec ad vos iterum prauidimus scripta dirigere. Hortamur ergo vt omni mora omnique excusatione summo, ita monasteria ipsa ab eiusmodi studeatis grauamine releuare, quatenus nulla deinceps in eis clerici, vel hi qui in sacro sunt ordine constituti, ob aliud habeant, nisi orandi tantummodo causa, accedendi licentiam: aut si forte ad peragenda sacra missarum fuerint inuitati mysteria. Sed ne vel per cuiuslibet monachi, aut abbatis promotionem onus aliquod fortasse sustineant: studendum nobis est, vt si quispiam abbatum, aut monachorum ex quocunque monasterio ad clericatus officium, vel ordinem sacrum accesserit, non illic aliquam habeat (vt diximus) vltius potestatem, ne monasteria huius occasionis velamine, ea quae prohibemus, sustinere onera compellantur. Haec itaque omnia vigilantia cura emendare iam secundo commonita sanctitas vestra non differat: ne si post hoc negligentes vos esse (quod non credimus) senserimus, aliter monasteriorum quieti prospicere compellamur. Nam notum vobis sit, quia tanta necessitati seruorum Dei congregationem amplius subiaccere

non patimur. Item t Maximiano episcopo Syracusano post aliqua. Presbyteros, diaconos, caeterosque cuiuslibet ordinis clericos, qui ecclesiis quoquo modo militant, abbates fieri per monasteria non permittas, sed aut omissa clericatus militia, monachicis promoueantur ordinibus: aut si in abbatis loco permanere decreuerint, clericatus nullatenus permittantur habere militiam. Satis enim incongruum est, si cum vnum ex his pro sui magnitudine diligenter quis non possit explere, ad vtrumque iudicetur idoneus: sicque inuicem & ecclesiasticus ordo vitae monachicae, & ecclesiasticis vtilitatibus regula monachatus impediat. Qualiter sane Gregorius per procuratores ecclesiasticorum patrimoniorum velut Argus quidam luminosissimus per totius mundi latitudinem suae pastoralis sollicitudinis oculos circumtulit, non ab re forsitan duxerim perstringendum. Ait enim in epistola Anthemio subdiacono: Discedenti tibi madauimus, & postmodum praecipis discurrentibus iniunxisse me memini, vt curam pauperum gereres: & si quos illic egere cognosceres, scriptis recurrentibus indicares: & vix de paucis haec facere curasti. Volo autem vt Domnae Patriarchae meae mox vt praesentem iussione suscepis, offeras ad calceamenta puerorum solidos quadraginta, & tritici modios quadringentos. Domnae Palatinae relictae Urbici solidos viginti & tritici modios trecentos. Domnae Viuiantiae relictae Felicis solidos viginti, & tritici modios trecentos, qui omnes simul octoginta solidi in tuis rationibus imputentur. Summam vero pensionis sub festinatione trans mitte, & ad Paschalem diem Domino auxiliante occurrato. Item eidem Insinuatum nobis est, ancillas Dei quasdam Nolanae ciuitatis in Aboridana domo commorantes, nimiam victus vestitusque penuriam sustinere.

Quibus ex praeepto Dei subuenire nos conuenit, & inopiam earum, quantum possumus donante Domino subleuare. Propterea experientiae tuae praesenti iussione mandamus, vt de hac praesenti nona indictione quadraginta in auro eis solidos dare debeas, & deinceps succedentibus indictionibus annuatim viginti solidos ministrare, qui tuis possint rationibus imputari. Praeterea Paulino presbytero monasterij sancti Erasmi quod in latere montis Serapin situm est, sed & duobus monachis in oratorio sancti archangeli seruientibus, quod in Callano nostro castro iuxta sancti Petri basilicam esse dinoscitur, binos te tantummodo solidos dare praecipimus, qui & ipsi rationibus imputentur. Ita ergo fac, vt impensae mercedis tuis tu quoque participium sortiaris. Item eidem. Si in proximorum necessitatibus habita compassione benigna mente concurrimus, in nostris proculdubio petitionibus clementem Dominum reperimus. Palatina siquidem illustis foemina continua hostilitate insinuauit, se plurimis necessitatibus subiaccere. Propterea experientiae tuae praesenti auctoritate praecipimus, vt ei pro sustentatione eius annuos solidos triginta dare non differas, qui tuis possint postmodum rationibus imputari. Ita ergo fac, vt & tu bene ministratae mercedis commodum percipias, & nostra ad effectum praeepta perducas. Item Petro subdiacono. Insinuatum nobis est Marcellum Baruntitanae ecclesiae, ibidem in ciuitate Panormitana in monasterio sancti Adriani in poenitentiam deputatum, non solum victus necessitatem pati, sed & nuditatis nimiam sustinere molestiam. Pro qua re necesse habemus strenuitati tuae praesenti iussione praecipere, vt ipsi pro victu ac vestimento stratoque ad continentiam, pueroque eius annuam, quantam prospexeris satis esse, constituas: vt inopia nuditasque eius tali prouidentia possint habere consultum, & ea quae eidem viro deputaueris, tuis postmodum possint rationibus imputari. Ita ergo fac, vt nostram iussione impleas: & tu quoque hoc ipsum bene disponendo, haec ipsa possis participari mercede. Item eidem. Monasterium sancti Archangeli quod in Tropaeis est constitutum, indicante praesentium portitore, victus habere necessitatem didicimus. Ideoque experientia tua diligenter inuigilet: & si eiusdem loci monachos bene se tractare cognoueris, in quibus eos necessitatem habere manifesta veritate patuerit, eis subuenire hac auctoritate suffultus modis omnibus festinabis, sciturus tuis esse rationibus quicquid nostra

iv.

†Maximo.

præceptione præbueris, imputandum. Sed & terrulam Ecclesiae nostrae vicinam sibi, quam solidum vnum & tremisses duos pensatam asserunt, si ita est, libellario nomine ad summam tremissis vnus habere concede. Studij ergo tui sit hæc omnia ita complere, si (sicut diximus) eius monachi in Dei seruitio sicut decet solertes perstiterint. Item eadem Diuina præcepta nos admonent diligere proximos tanquam nosmetipsos: & cum hac eos præcipiamur charitate diligere, quanto magis debemus his in subsidiis necessitatum carnalium subuenire vt eorum angustias si non ex omnibus, saltem aliquibus, sustentaculis subleuemus? Quoniam ergo filiam Filimoud viri dignissimi non solum amissione visus, sed etiam inopia victus egestatem pati cognoscimus, necessarium duximus, in quantum possibilitas suppetit, ei præbere consultum. Propterea experientiae tuae præsentis iussione præcipimus, vt annis singulis viginti quatuor modios tritici, fabæ quoque modios duodecim, & vini decimatas viginti pro sustentatione vitæ debeas ministrare: quod tuis postmodum possit rationibus imputari. Ita ergo fac, vt præsentium lator nullas de percipiendis Domini donis moras sustineat, & tu in die Domini bene dispensatae mercedis possis particeps inueniri. Item Gregorius Cypriano diacono. Cosmas ex variis periculorum necessitatibus multis se dicit debitis obligatum, ita vt pro eis à creditoribus suis suos dicat filios detineri. Quæ res si ita est, nos omnino commouet. Quamobrem hortamur dilectionem tuam, vt quia de rebus pauperum dādis agitur, causam eius cum subtilitate summa perquiras: & si inuenieris eum prædictis debitis veraciter ita inuolutum, vt non sit substantia vnde possit hæc ipsa persolvere, prædictos creditores eius videas, & propter recolligendos filios eius, quanta cognoueris quantitate componas. Et quia ipse, sicut dicit, non habet vnde restituat, de rebus pauperum ex præsentis nostrae autoritate persolue: sciens quicquid illic te prouidente datum fuerit, patrimonij nostri pensionibus esse reputandum. Item eidem. Zeno frater & Coepiscopus noster quosdam in ciuitate sua alimoniorum necessitatem innotuit sustinere. Quibus quoniam vt possibile est, aliquod desideramus ferre consultum, idcirco dilectionem tuam antedicto fratri nostro mille modios tritici, aut, si plus leuare potuerit, vsque ad duo milia scriptis te dare præsentibus deputamus. Hortamur ergo vt in his præbendis nullam moram aut excusationem adducas: quatenus dum tempus finit, & hinc cum Dei adiutorio sine periculo ad propria remeare, & citius necessitatem patientibus valeat subuenire. Item Gregorius Eusebio religioso abbati. Credat mihi charitas tua, quia valde contristatus sum de tristitia tua, & cætera. Propterea centum solidos per Petrum subdiaconum dilectioni tuae dari fecimus, quos peto vt absque iniuria suscipias. Item Gregorius Candido defensori: Necessitatem patientibus pontificale conuenit adesse subsidium. Pro qua re experientiae tuae præsentis autoritate præcipimus, quatenus Albino priuato luminibus, filio quondam Martini coloni, singulis annis duos tremisses sine aliqua dilatione præstare non desinat, non dubitaturæ suis hoc sine dubio rationibus imputari. Item Gregorius Fantino defensori. Lator præsentium Cosmas Syrus in negotio quod agebat, debitum se contraxisse perhibuit: quod & multis aliis, & lachrymis eius attestantibus verum esse credimus. Et quia centum quinquaginta solidos debebat, volui vt creditores illius cum eo aliquid paciscerentur: quoniam & lex habet quoddam homo liber nullatenus pro debito teneatur, si res defuerint quæ possint eidem debito addici. Creditores ergo suos (vt asserit) ad octoginta solidos consentire possibile est. Sed quia multum est, vt à nil habente homine octoginta solidos petat: sexaginta tibi solidos per notarium tuum transmisimus, vt tu cum eisdem creditoribus subtiliter loquaris, & rationem reddas, quia filium eius quem tenere dicuntur, secundum leges tenere non possunt. Et si potest fieri, aliquid minus quam nos dedimus, condescendant: & quicquid de eisdem sexaginta solidis remanserit, ipsi trade, vt cum filio suo exinde viuere valeat. Si autem nil remanet, vel ad eandem debitum eius summam incidere stude, vt possit sibi liberè postmodum laborare: hoc tamen solerter age, vt acceptis solidis ei plenariam munionem scripto conficiant.

Item Gregorius Castorio Diacono & chartulario Rauennæ, inter cætera. Valerianum monachum, quem emendatum in monasterio beati Ioannis in Classe posito tradidisti, in eo eum monasterio sine dubio volumus permanere. Præterea ne quam necessitatem in expensis tua experientia patiat, de redditibus sanctæ Romanæ Ecclesiae qui illic te prouidente aggregati sunt, omnes expensas tuas te facere volumus: & si quid superfuerit, nobis cum veneris defer. Item Gregorius Romano defensori. Diuinorum nos admonent eloquia præceptorum, necessitatem patientibus Ecclesiasticum præbere subsidium. Quia ergo dilectissimus filius noster Cyprianus diaconus, Gaudiosum defensorem sedis nostræ, qui Syracusis degere comprobatur paupertatis asserit inopia constringi: idcirco experientiae tuae præsentis autoritate mandamus, vt à præsentis secunda indictione sex solidos annis singulis ei dare non differas, vt & ille huius remedij solatio potiatur, & tu quod dederis tuis, sine dubio noueris rationibus imputandum. Item Gregorius Libertino ex prætori. Quanta vos seculi huius premat angustia, incognitum non habemus. Sed quia in summa tribulatione positus sola est consolatio misericordia creatoris: in eum spem vestram ponite, ad ipsum vos tota mente conuertite, qui & iuste quem vult permittit affligi, & confidentem in se misericorditer liberabit. Ipsi ergo gratias agite, & patienter quæcunque illata sunt sustinete. Nam rectæ mentis est, Deum non solum in prosperis benedicere, sed etiam in aduersitatibus collaudare. In his igitur quæ patimini, nullum contra Dominum murmur cordi vestro surrepat: quia ad quid hoc creator noster operetur, ignotum est. Forsitan enim magnifice fili aliquid illum in prosperis positus offendisti, vnde te clemēti amaritudine vult purgari. Et ideo nec temporalis te frangat afflictio, nec rerum damna discrucient: quia si in aduersis gratias referens, Deum tibi patientia feceris esse placabilem: & quæ amissa sunt, multiplicata reddentur: & super hæc gaudia æterna præstabuntur. Peto autem ne iniuriosum ducatis quod viginti annuos vestitus ad pueros vestros per Romanum defensorem scripsimus præberi: quia de beati Petri Apostoli rebus quamuis parua sint quæ offerantur, pro magna benedictione suscipienda sunt semper: quoniam & hic vobis maiora valebit impedere, & apud omnipotentem Deum beneficia æterna præstare. Item Gregorius Philippo Episcopo. Suscepi Epistolas dilectionis tuae, in quibus mihi innotescere curasti, quod vir venerabilis Andreas presbyter de hac luce migrauerit. De cuius ereptione gauisus sum, quia ad ea quæ expetiit gaudia æterna peruenit. De solidis verò qui pro faciendo xenodochio à filio nostro Probo abbate Hierosolymis relictis sunt, hoc quod deliberatum fuerat vt fieri debuisset, immutare non potui, sed benedictionem paruulam sanctitati vestrae quinquaginta solidos transmissi.

Longum est, nimisque difficile, si eleemosynarum eius saltem huiusmodi prosequar actiones: hoc breuiter assero, quia & non potentibus vltro distribuit, & omnibus sibi petentibus hilariter ministravit. Vnde Heliae presbytero, & abbati prouinciæ Isauriæ, Euangelia, inquit, sicut mandastis, transmisimus, & post pauca: Solidos autem vobis voluistis pro necessitatibus cellæ quinquaginta transmitti: quod multum esse existimantes, ex eis nobis decem donastis, vt quadraginta mitteremus. Sed ne forsitan vel hoc graue esset, alios decem nobis ex eis adhuc dignati estis largiri. Sed quia vos valde in continentia vestra benignos inuenimus: eidem benignitati vice simili respondentes, quinquaginta transmisimus. Et ne forsitan minus esset, alios decem superaddidimus. Ne verò & hoc adhuc minus esset, alios duodecim iungi fecimus. In hoc autem cognoscimus charitatem vestram, quia de nobis ita præsumitis, sicut vos præsumere debetis.

Item idem Iuliano gloriæ vestrae scripta suscipiens, legenda latus aperui, sed tristis perlecta replicauī. In eis quippe dicebatur quoddam pudoris causa fuerit, mihi vos ea quæ dicenda erant, tempore longo tacuisse. Et certum est quia minus amatur, qui adhuc erubescitur. Absque modo contristatus sum, quia me à vobis comperi minus quam aestimaueram amari. In hoc autem valde me continetis, si mercedis causas mihi assidue prouidendas studiosè requiritis. Nec debet esse verecundia

verecundia ei aliquid de eleemosynis importunè dicere, què constat non res suas, sed ad dispensandum res pauperum habere. De causis itaque mercedis apud episcopum liberè agere debuistis, etiam si meum animum qualis in amore vestro existeret nesciretis. Postquam autem & nos omnino gloriam vestram diligimus, & dispensationis locum in rebus (sicut scitis) pauperum tenemus: vestra (fateor) verecundia valde accusabilis fuit. Quam ideo tot verbis increpando insequor, ut hanc à corde vestro funditus repellam: & in mercedis causis magnum solatium vestræ prouisionis habeam. Monasterio itaque vestro quod à vobis in Catinenſi vrbe constructum est, per Adrianum notarium & rectorem patrimoniæ missa præcepti pagina decem annuos solidos dare deputauimus. Quos petimus sine iniuria suscipi, quia non hoc vobis nostra oblatio, sed sancti Petri apostolorum principis benedictio offert.

lvij.

Sanè quia sunt nonnulli qui ea quidem quæ habent tribunt, sed aliena quæ non habent rapere non desunt: & dum valde videri munifici appetunt, violenter ab habentibus auferunt, quæ quasi misericorditer non habentibus largiantur: duas hinc Gregorij epistolæ infero, quibus liberalitatis eius innocentia mirabiliter doceatur. Ait enim in epistola Pantaleoni notario: Experientia tua quod vel quale apud sacratissimum corpus beati Petri apostoli iusiurandum præbuerit, memor est. Vnde nos quoque securi ei discussionis causas in patrimonia partis Syracusanæ commisimus. Oportet ergo te fidem tuam, & eiusdem beati Petri apostoli timorem semper ante oculos habere, atque ita agere, ut neque in præſenti vita ab hominibus, neque ab omnipotenti Deo in extremo iudicio valeas reprehendi. Salerio siquidem chartulario nostro narrante cognouimus, quia modium eum quo coloni ecclesiæ frumenta dare compellebantur, vigintiquinque sextariorum inueneris, quod omni modo execrati sumus, atque eandem discussionis causam te tardè fecisse doluimus. Quia verò eundem modium te fregisse, & iustum fecisse commemoras, gauisi sumus. Sed quia prædictus chartularius summam quoque nobis indicare studuit, quæ de fraudibus conductorum apud experientiam tuam iam de duobus territoriis est collecta, sicut te studiosè fecisse fracto iniusto modio gaudeamus, quia in futuro nobis proderit: ita etiam de peccatis præteritis cogitamus, ne si ea quæ fraudulenter conductores à rusticis abstulerunt, ad nos perueniant: peccata quæ ab ipsis perpetrata sunt, ad nos trahantur. Et ideo volumus cum omni fide omnique puritate, considerato timore omnipotentis Domini, reducta ad memoriam distractione beati Petri apostoli, per vnam quancunque massam colonos pauperes & indigentes experientiam tuam describere: atque ex eis pecuniis quæ in fraudibus sunt inuentæ, vacas, oues, porcosque comparare, & singulis colonis pauperioribus eas distribuere. Quod facere te cum consilio viri reuerendissimi domini Ioannis episcopi, atque Adriani chartularij & rectoris volumus. Si autem necesse propter consilium fuerit, etiam filius meus dominus Iulianus debet adhiberi, ita ut nullus alius hoc cognoscat, sed omnino secretum sit. Vos igitur apud vos pertractate vtrum in auro, an certè in pecuniis eisdem colonis pauperibus dari eadem continentia debeat. Quicquid verò communiter steterit, prius descriptionem sicut prædixi facito, & postmodum singulis iuxta qualitatem suæ paupertatis distribuere stude. Ego enim (sicut magister gentium testatur) habeo omnia, & abundo, nec pecunias, sed mercedem quæro. Ita ergo age, ut in die iudicii de eadem causa mercedis, quæ experientia tuæ commissa est, mihi fructum quem feceris, ostendas. Quod si purè & fideliter ac strenuè egeris, & hinc illum in filiis tuis recipies, & postmodum retributionem plenariam in æterni iudicii examine habebis.

Item idem Petro subdiacono. Quod responsalem tuum tardè dimisimus, Paschalis festiuitatis occupationibus implicati eum relaxare citius minimè valuimus. Causas verò in quibus indicandum curasti, omnes subtiliter perquirentes qualiter disposuerimus, inferius agnosces. Cognouimus rusticos Ecclesiæ vehementer in frumentorum precii aggrauari, ita ut instituta summa eis in comparatione, abundantius tempore non seruetur. Et volumus ut iuxta precia publica om-

ni tempore siue minus siue amplius frumenta nascantur, in eis comparationis mensura teneatur. Frumenta autem quæ naufragio pereunt, per omnia volumus reputari, ita tamen, ut à te negligentia ad transmittendum minimè fiat: ne dum transmittendi tempus negligitur, damnum ex vitio vestro generetur. Valde enim iniquum & iniustum esse perpeximus: ut à rusticis Ecclesiæ de sextariaticis aliquid accipiantur, & ad maiorem modium dare compellantur, quàm in horreis Ecclesiæ inferitur. Vnde præſenti admonitione præcipimus, ut plus quàm decem & octo sextariorum modio nunquam à rusticis Ecclesiæ frumenta debeant accipi: nisi fortè si quid est quod nauæ iuxta consuetudinem super accipiunt, quod minui ipsi in nauibus attestantur. Cognouimus etiam in aliquibus mæsis Ecclesiæ exactionem valde iniustissimam fieri, ita ut ad septuaginta vrnas & semis (quod dici nefas est) conductores exigantur. Et adhuc neque hoc sufficit: sed insuper aliquid ex vsu iam multorum annorum exiguntur. Quam rem omnimodo detestamur, & amputari de patrimonio funditus volumus. Sed tua experientia siue in hoc quod per libram amplius, siue in aliis minutis oneribus, & quod ultra rationis æquitatem à rusticis accipitur, penset: & omnia in summam pensionis redigat, & prout vires rusticorum portant, pensionem integram, & pensatam ad septuaginta vini lagenas persoluant: & neque filiquas extra libras, neque libram maiorem exigere debeant, sed per æstimationem tuam prout virtus sufficit, in summam pensionis crescat: & sic turpis exactio nequaquam fiat. Ne verò post obitum meum hæc ipsa onera quæ super pensum illata subtraximus, & in capite pensionis fecimus crescere, iterum in quolibet addantur & inueniatur summa pensionis augeri, & onera adiectionis insuper rustici soluere compellantur: volumus ut securitatis libellos ita de pensionibus facias, quatenus in primis dicas tantam pensionem vnumquemque persolvere debere, inibi abiectis filiquis, oleribus vel granaticis. Quod autem ex his minutiis in vsu rectoris accedebat, volo ut hoc ex præſenti iussione nostra ex summa pensionis in vsu tuo veniat. Ante omnia hoc te volumus sollicitè attendere, ne iniusta pondera in exigendis pensionibus ponantur: sed si qua talia inueneris, frange, & noua & recta constitue, quia & filius meus seruus Dei diaconus ià talia inuenit quæ ipsi displicerent: sed licentiam hæc immutare non habuit. Super iusta ergo pondera præter excepta & villicilia nihil aliud volumus à colonis Ecclesiæ exigi. Præterea cognouimus quòd prima illatio burdationis rusticos nostros vehementer angustet, ita ut prius quàm labores suos vendicare valeant, compellantur tributa persolvere. Quæ dum de suo vnde dare non habent, ab actionariis publicis mutuo accipiunt, & graua commoda ex eodem beneficio persolunt. Ex qua re fit ut dispendiis grauib' coangustentur. Vnde præcipimus præſenti admonitione, ut plus quam decem & octo sextariorum nunquam exigatur: & omne quod mutuum pro eadem causa ab extraneis accipere poterant, à tua experientia in publico detur, & à rusticis Ecclesiæ paulatim ut habuerint accipiantur: ne dum in tempore coangustantur, quod eis postmodum sufficere inserendo poterat, prius compulsi vilius vendant, & hoc eis minimè sufficiat. Peruenit etiam ad nos quod de nuptiis rusticorum immoderata commoda percipiantur. De quibus præcipimus ut omne commodum nuptiarum vnus solidi summam nullatenus excedat. Siqui sunt pauperes, etiam minus dare debent. Si qui autem diuites, præfati solidi summam nullatenus transgrediantur. Quod nuptiale commodum nullatenus volumus in nostra ratione redigi, sed vtilitati conductorum proficere. Cognouimus etiam quòd quibusdam conductoribus morientibus parentes sui non permittuntur succedere, sed res eorum ad vsus Ecclesiæ pertrahuntur. De qua re diffinimus, ut parentes morientium qui in possessione Ecclesiæ degunt, hæredes eis succedere debeant, nec aliquid de substantia morientium subtrahatur. Si verò filios paruulos aliquis reliquerit, quousque ad ætatem talem veniant, ut substantiam suam regere valeant, personæ eligantur cautæ, quibus parentum eorum res tradi debeant ad custodiendum. Cognouimus etiam quòd si quis ex familia culpam

† & villicialia.

† in inferendum.

fecerit, non in ipso, sed in eius substantia vindicatur. De qua re præcipimus, ut quisquis culpam fecerit, in ipso quidem ut dignum est vindicetur: à commodo autem eius omnimodo abstineatur: nisi forte parum aliquid, quod in usum executoris qui ad eum transmissus fuerit, proficere possit. Cognouimus etiam quia quoties conductor aliquid à colono suo iniuste abstulerit, hoc quidem à conductore exigitur, sed ei non redditur à quo ablatum est. De qua re præcipimus, ut quicquid violenter cuilibet ex familia ablatum fuerit, ipsi restituatur, cui ablatum est, & utilitati nostræ non proficiat: ne nos ipsi authores esse violentiæ videamur. Præterea volumus, ut si quando eos qui sunt in obsequio experientiæ tuæ, in aliquibus causis quæ sunt extra patrimonium, transmittis: parua quidem ex eis commoda accipiant, sed tamen ita, ut in eorum utilitate proficiant, ut nulla sibi exinde lucri commoda sub specie postre utilitatis requirant: quia nos sacculum Ecclesiæ ex lucris turpibus nolumus inquinari. Iubemus etiam ut hoc experientiæ tua summo opere custodiat, ut per commodum conductores in massis Ecclesiæ nunquam fiant, ne dum commodum quæritur, conductores frequenter immutentur. Ex qua mutatione quid aliud agitur, nisi ut Ecclesiastica prædia nunquam colantur? Sed & ipsa etiam libellatica prout summa pensionis fuerit, moderentur. Res, cellas, & cellaria non plus de massis Ecclesiæ te accipere volumus, nisi quantum consuetudo est. * Te autem quæ comparari iussimus, ab extraneis comparentur. Peruenit autem ad nos, tres libras auri Petro conductori de Subpatriana iniuste ablatas: de qua causa Fantinum defensorem subtiliter require: & si manifestè, iniuste & incompetenter ablata sunt, sine aliqua tarditate restitue. Cognouimus etiam rusticos burdationem quam iam ab eis exactam Theodosius minimè persoluerat iterum dedisse: ita in duplo exacti sunt. Quod ideo factum est quia eius substantia ad debitum Ecclesiæ non sufficiebat. Sed quoniam à filio nostro seruo Dei diacono edocti sumus, quod ex rebus substantiæ eius possit hoc ipsum damnum sufficienter refarciri, volumus quingentos septem solidos, eisdem rusticis sine aliqua imminutione restitui, ne in duplo videantur exacti. Si autem supra damnum rusticorum etiam quadraginta solidi de rebus Theodosij remanent, quos & apud te diceris habere, volumus ut filia eius reddantur, ut res suas quas in pignore dederat recipere debeat. Cui etiam buciola patris sui restitui volumus. Campanianus gloriosus magister militum duodecim solidos annuos Ioanni notario suo reliquerat ex massa Varroniana: quos dare te annis singulis sine aliqua diminutione præcipimus, nepti Eupli conductoris, quantum omne mobile eiusdem Eupli perceperit, exceptis duntaxat solidis. Dare etiam de solidis illius te volumus solidos viginti quinque. Suppositorium aliquod argenteum pro vno solido dicitur esse appositum, & calix pro sex solidis dicitur esse appositus. Interrogato Dominico secretario, vel aliis qui scire possunt, debitum recipe, & vascula præfata restitue. Agimus autem gratias sollicitudini tuæ, quia de causa fratris mei præcepi tibi ut argentum illius retransmittere debuisses: & sic obliuioni mandasti, ac si tibi aliquid ab extremo mancipio tuo diceretur. Quod iam vel modò non experientia sed negligentia tua studeat implere: vel quicquid eius apud Antoninum fuisse cognoueris, sub omni velocitate retransmitte. De causa Salpingi Iudæi Epistola aliqua est inuenta quam tibi fecimus transmitti, ut eam relegens, & subtiliter causam eius, vel viduæ cuiusdam que in eodem negotio dicitur implicata, cognoscens, de quinquaginta vno solidis qui redhiberi noscuntur, sicut iustum tibi visum fuerit, responsum facias, ita ut res alienæ iniuste nullo modo à credituariis defraudentur. † Antonino medietas legati sui data est, medietas redimetur: quam medietatem ex communi substantia eis volumus adimpleri: & non solum eis, sed etiam defensoribus & peregrinis quibus legati titulo aliquid dereliquit, & familiæ legatum persolui volumus: quod tamen ad nos pertinet. Collecta ergo ratione pro nostra parte, id est pro nouem vnciis persolue. De solidis Ecclesiæ Canusinæ volumus ut aliquid clericis eiusdem Ecclesiæ largiaris, quatenus & ij qui nunc inopiam patiuntur, sustentationem aliquam habeant: & si illic Deus voluerit ordinare Episcopum, ha-

beat vnde subsistat. De lapsis sacerdotibus, vel quolibet ex clero, obseruare te volumus, ut in rebus eorum nulla contaminatione miscearis, sed pauperrima regularia monasteria require, quæ secundum Deum viuere sciunt: & in eisdem monasteriis ad pœnitentiam lapsos trade, & res lapsorum in eo loco proficiat, in quo agere pœnitentiam traduntur: quatenus ipsi ex rebus eorum subsidium habeant, qui de correctione eorum sollicitudinem gerunt. Si verò parentes habent, res eorum legitimis parentibus dentur: ita ut eorum stipendium qui in pœnitentiam dati fuerint, sufficienter debeat procurari. Si qui verò ex familia Ecclesiastica sacerdotes vel leuitæ, vel monachi, vel clerici, vel quilibet alij lapsi fuerint, dari eos in pœnitentiam volumus, sed res eorum Ecclesiastico iuri non subtrahi: ad usum tamen suum accipiant, vnde ad pœnitendum subsistant: ne si nudentur, locis in quibus dati fuerint, onerosi sint. Si qui parentes in possessione habent, ipsis res eorum tradendæ sunt, ut ab ipsis iuri Ecclesiæ conseruentur. Ante triennium subdiaconi omnium Ecclesiarum Siciliae prohibiti fuerant, ut more Romanæ Ecclesiæ suis vxoribus nullatenus miscerentur. Quod mihi durum atque incompetens videtur, ut qui usum eiusdem continentia non intuenit, neque castitatem antè proposuit, compellatur à sua vxore separari, atque per hoc (quod absit) deterius cadat. Vnde videtur mihi ut à præfenti die Episcopis omnibus dicatur, ut nullum facere subdiaconum præsumant, nisi qui se victurum castè promiserit: quatenus & præterita quæ proposito mentis appetita non sunt, violenter non exigantur, & futura cautè caueantur. Qui verò post eandem prohibitionem quæ ante triennium facta est, continenter cum suis coniugibus vixerunt, laudandi atque remunerandi sunt, ut in bono suo permaneant exhortandi. Eos autem qui post prohibitionem factam se à suis vxoribus continere noluerunt, peruenire ad sacrum ordinem nolumus: quia nullus debet ad ministerium altaris accedere, nisi cuius castitas ante susceptum ministerium fuerit approbata. Liberato negotiatori, qui se Ecclesiæ commendauit, qui habitat in massa † Cinciana, annuam continentiam à te volumus fieri. Cuius continentia summam ipse æstima, qualis esse debeat: ut renuntiata nobis, in tuis rationibus possit imputari. De præfenti verò indictione iam à filio nostro seruo Dei Diacono percepi, Fantinum defensorem, Ioannes quidam monachus moriens in sex vncias hæredem dimisit. Cui hoc quidem dimissum est trade, sed contestare eum, ut hoc facere vltèrius non præsumat: sed pro labore suo statue quod accipiat, ut ei vacuus labor suus esse non debeat: & hoc meminerit, ut qui Ecclesiæ stipendiis subsistit, ad lucra propria non anhelet. Siquid verò sine peccato & sine appetitu concupiscentia, per eos qui causas Ecclesiæ agunt, ad Ecclesiam venerit: dignum est ut ipsi vacui ex labore suo esse non debeant, sed nostro seruetur iudicio qualiter debeant remunerari. De argento Rusticiani causam subtiliter require, & quod tibi iustum videtur, exequere. Alexandrum virum magnificum admone, ut causam suam cum sancta Ecclesia dicere debeat. Quod si fortè facere neglexerit, eandem causam cum timore Dei honestate seruata ut potes exequere. In qua re etiam largiri aliquid te volumus: & si potest fieri, quod aliis dandum est, ipsi relaxetur, dummodo causam quam nobiscum habet peragat. Donationem ancillæ Dei quæ lapsa est, & in monasterio præfato data, omni postposita tarditate restitue: quatenus ipse locus (ut superius dixi) rerum eius stipendia habeat, qui eius solitudinis labores portat. Sed & quicquid ab alijs ex eius substantia tenetur, recollige, & monasterio trade. Pensiones xenodochij de via noua quantas mihi indicasti, quia apud te habes, nobis dirige. Actionario autem quem in eodem patrimonio deputasti, prout tibi videtur, ei aliquid elargire. De ancilla ei quæ cum Theodosio fuit, Extranea nomine, videtur mihi ut ei continentiam facias, si vtile conspicias: aut certè donationem quam fecit, reddas. Domum monasterij quam Antoninus datis triginta solidis à monasterio tulerat, receptis solidis omni postposita tarditate restitue. Amulas onychinas requisita subtiliter veritate restitue, quas per portitorem præsentium retransmisi. Saturninum, si vacat, & occupatus apud te non est, ad nos dirige. Felix conductor damna Campanæ, quem libe-

* Te autem
quæ compa-
rare.

† Antonio.

† Cinciana.

† tibi.

rum reliquerat, atque indiscussum esse iusserat, dedit sibi à Maximo subdiacono septuaginta duos solidos ablatis: pro quibus dandis asseruit, quia omnes res suas quas in Sicilia habuit, vel venundedit, vel apposuit. Sed scholastici dixerunt quia de fraudibus indiscussus esse non potest, dum tamen ad nos de Campania reuerteretur, facta tempestate mortuus est. Cuius te volumus uxorem & filios requirere: & quicquid vel apposuerat vel vendiderat, apposita absolue, de venditis precium restitue: & insuper eis aliquod alimentum præbe, quia Maximus Siciliam miserat, & ibi quæ assererat ei abstulerat. Cognosce ergo quæ culta sunt, & uxori filiisque eius sine aliqua mora restitue. Hæc omnia sollicitè relege: omnemque illam familiarem tuam negligentiam postpone. Scripta mea ad rusticos quæ direxi, per omnes massas fac relegi, ut sciant quid sibi contra violentias suas ex autoritate nostra defendere debeant: eisque vel authentica vel exemplaria eorum dentur. Vide ut omnia absque imminutione custodias: quia de his quæ tibi pro seruanda iustitia scribo, ego absoluo: & tu si negligis, obligaris. Terribilem iudicem venientem considera, & de aduentu illius tunc tua consideratio contremiscent: ne tunc sine causa iam timeat, cum coram illo cælum & terra tremuerint. Audisti quid volo: vide quid agas.

lix.

Hactenus de Gregorianæ liberalitatis innocentia me retulisse sufficiat, cæterum quia famis tempore, ut videlicet haberet unde Christi pauperibus subueniret, frumenta comparare studebat, nullo modo prætermittam. Ait enim in alia epistola eidem Petro subdiacono inter cætera: Quinquaginta auri libris noua frumenta ab extraneis compara & in Sicilia locis in quibus non pereant repone: ut mense Februario illuc naues quantas possumus dirigamus, ut eadem ad nos frumenta deferantur. Sed & si nos transmittere cessamus, ipse naues provide, & ad nos auxiliante Domino hæc eadem frumenta Februario mense trans mitte, exceptis duntaxat frumentis que nunc mense Septembrio vel Octobrio iuxta consuetudinem transmitti præstolamur. Ita ergo tua experientia faciat, ut sine alicuius vexatione coloni ecclesiastici frumenta congregentur: quia tam hic parua natiuitas fuit, ut nisi auxiliante Deo de Sicilia frumenta congregentur, fames vehementer immineat.

lx.

Huius liberalitatis multitudinem quidam eremitarum vir magnæ virtutis (qui nihil in mundo possidebat præter vnam cattam, quam blandiens crebrò quasi cohabitatricem in suis gremiis refouebat) cognoscens, orasse fertur ad Dominum, ut sibi ostendere dignaretur quam futuræ remunerationis mansionem sperare debuisset, qui pro illius amore seculum deferens, nil ex eius diuitiis possideret. Cumque nocte quadam dormiret, cognoscit sibi reuelatum fuisse, ut cum Gregorio Romano pontifice mansionem sibi præparandam sperare debuisset. At ille fortiter ingemiscens parum sibi profuisse voluntariam rerum inopiam, tantæque suæ remotionis ieiunia putabat, si cum eo mansionem reciperet, qui tantis mundialibus diuitiis redundaret. Cum verò Gregorianas diuitias suæ paupertati die noctûque suspirando conferret, alia nocte quiescens audiuit sibi Dominum in somnis dicentem: Quando diuitem non possessio diuitiarum faciat, sed cupido: cur audes paupertatem tuam Gregorij diuitiis comparare, qui magis illam cattam quam habes, quotidie palpando, nullique conferendo, diligere comprobaris, quam ille qui tantas diuitias non amando sed contemnendo cunctisque liberaliter largiendo dispergit? Ita solitarius increpatus Deo gratias retulit: & qui meritum suum decreuisse putauerat si Gregorio conferretur, orare vehementius cœpit, ut cum eo mansionem quandoque percipere mereretur. Sed istius iam secundum libri finis adueniat, ut quæ secutura sunt, auxiliante Domino tertius prosequatur.

EXPLICIT LIBER SECVNDVS.

INCIPIVNT CAPITVLA

libri tertij.

- 1 Quibus Gregorius studiis commissam sibi regebat ecclesiam.
- 2 Quantis autoritatibus contra simoniacam & neophytorum hæreses dimicavit.
- 3 Quod pro eisdem fieri synodum iusserit.
- 4 Quod contra easdem totis viribus non pugnautes, cum Simone mago portionem habituros prædixerit.
- 5 Quam sapienter etiam pastellaticum pro vsu palij vel consecratione pontificis dari siue accipi prohibuerit.
- 6 Quod tria genera simoniacæ dationis notauerit.
- 7 Quod in ordinandis episcopatibus, neque cardinalibus ecclesiæ suæ neque monachis pepercerit.
- 8 Quod violenter neminem omnino promouerit.
- 9 Quod violenter promotos, in pristinum gradum reduxit.
- 10 Quod ab aliis calumniosè deiectos in ordines suos restituit.
- 11 Quod cardinales in forensibus parochiis promotos ad cardinem reuocauerit.
- 12 Quod vndeunque meliores eligere potuerat episcopos consecrabat, & quanta districtione consecrandos examinaret.
- 13 Quod etiam alterius diocesis episcopos ad regendas suæ diocesis ecclesias inuitabat.
- 14 Quemadmodum episcopatum sedes vnierit.
- 15 Quod vacantes episcopos vacantibus incardinari ecclesiis.
- 16 Quod inthronizatis episcopis expulsos præfules iunxit.
- 17 Quod sedium loca mutauerit.
- 18 Quod nulla occasione pontificem ab vna in aliam ecclesiam aut mutauerit, aut mutari permiserit.
- 19 Quod alterius patriarchianum sibi cardinalem sacrauerit.
- 20 Qualiter alterius ecclesiæ clericos aliis incardinari permiserit.
- 21 Quod nunquam prioribus clericis posterius ordinatos prætulerit.
- 22 Qualiter defunctorum episcoporum ecclesias vicinas visitandas committebat.
- 23 Quod pro inuentario faciendo nihil accipiendum decreuerit.
- 24 Quod consuetudines dationum vel xeniorum repulerit.
- 25 Quod episcopos ad urbem Romanam nisi semel in quinquennio venire statuerit.
- 26 Quod etiam rerum præcia suscipere recusarit.
- 27 Quod suffraganeis suis episcopis necessaria prerogavit.
- 28 Quam curiosè ab eisdem sanctitatem, sapientiam, & liberalitatem quærebat.
- 29 Vbi Marinianum episcopum auaritia notat.
- 30 Vbi Serenum episcopum pro contractis imaginibus arguit.
- 31 Vbi Iunuarium episcopum suas iniurias vindicantem deterret.
- 32 Vbi eundem pro exaratione messis exasperat.
- 33 Vbi desiderium episcopum pro lectione librorum gentiliū corripit.
- 34 Vbi natalem episcopum de negligentia simulque conuiuiis reprehendit.
- 35 Quod facetissimè eundem propriis assertionibus obligat.
- 36 Quod episcopos ab ecclesia sua deesse vetuerit.
- 37 Quod episcopos per diuersa loca non vagari censuerit.
- 38 Quod lapsum propriæ amitæ non dubitauerit memoriæ commendare.
- 39 Vbi Vitelianum episcopum pro scæmina quæ religiosum habitum mutauerat, arguit.
- 40 Vbi Sergium defensorem pro negligentia reprehendit.
- 41 Vbi paschasium episcopum pro fabrica nauis & sui vilitate compescuit.

- 42 Vbi Campanorum Episcoporum & Victoris Panormi-
tani negligentias increpat.
- 43 Quam moderatè Andream Episcopum pro concubina
diuudicat.
- 44 Quod à prauis consiliariis abstinendum censuerit.
- 45 Quod lapsos vel criminosos ab Episcoporum familiari-
tate repulerit.
- 46 Quod restringendam prapositionum iram & vnus cul-
pam alij non esse nociuam statuerit.
- 47 Quod liberos homines verberari vel includi vetuerit.
- 48 Qualiter iudicum vitia redarguens publicarit.
- 49 Quod instigante diabolo iudices contra eum sauerint.
- 50 Vbi Mauritio Imperatori pessimam legem ferenti viri-
liter contradicit.
- 51 De hypocrisi Ioannis Constantinopolitani Episcopi se
vniuersalem fatentis.
- 52 Vbi augustales literas pro eo supplicantes redarguit.
- 53 Vbi tempora Mauriti j moreque deturpat.
- 54 Vbi superbiam hypocrisis sapienter eruerat.
- 55 Vbi constantiam suam demonstrans, asserit se pro impe-
ratore fidem nullatenus perditurum.
- 56 Quamobrem postulas reliquias imperatrici non de-
derit.
- 57 Quod vsque ad illa tempora Romanus pontifex bran-
deum conferebat.
- 58 Quantis miraculis vestes sancti Ioannis claruerint.
- 59 Quid sit de eiusdem vestibus sentiendum.
- 60 Quod Gregorius pestem vniuersalis nominis, à totius
Ecclesiae suae vniuersitate repulerit.

EXPLICIUNT CAPITULA

Libri tertij.

LIBER TERTIUS.



ALIBVS venerabilis Papa Gregorius
commisam sibi diuinitus Ecclesiam stu-
diis efficaciter gubernabat. Iam Ligures,
Venetos, Hiberos, aliosque à schismate
sub libello confessos, Chalcedonensem
synodum venerari compellens, ad vnita-
tem sanctae Ecclesiae reuocarat. Iam Bar-

baricinos, Sardos & Campaniae rusticos tam praedicationi-
bus quam verberibus emendatos, à paganizandi vanitate re-
mouerat. Iam Donatistarum haeresim penes Aphricam, Ma-
nichaeorum penes Siciliam, Arianorum penes Hispaniam,
Agnoitarum verò penes Alexandriam, scriptorum suorum
validissimis autoritatibus, importunissimisque legationi-
bus Domino suffragante à corpore totius sanctae matris Ec-
clesiae sequestrarat. Sola penes Galliam Neophytorum haere-
sis quot simoniacis muneribus, quasi tot radicibus pullulans,
longè lateque prorsus excreuerat, & manebat. Contra quam
venerabilis pater apud Brunehildem reginam, Theodori-
cum quoque & Theodobertum Francorum reges, fortiter
expugnauit, donec collecta generali synodo hanc sub ana-
themate damnandam penitus impetraret: nec antè Syagrio
Episcopo Augustudunensi, regina & regibus multis precibus
flagitantibus, pallium dedit, quam praesente Cyriaco suo ab-
bate ipsi quod de propellendis haeresibus moniti fuerant, ad-
implerent. Nam praehis Brunichildi reginae inter caetera scri-
bit dicens: Sacerdotale officium in tantam illic (sicut didici-
mus) ambitionem t perductum est, vt sacerdotes subito
(quod graue nimis est) ex laicis ordinentur. Sed quid isti a-
cturi, quid populo praestaturi sunt, qui non ad vtilitatem,
sed fieri ad honorem Episcopi concupiscunt? His igitur qui
necdum quod docere debeant didicerunt, quid aliud agitur,
nisi, vt paucorum prouectus illicitus, fiat multis interitus, &
in confusionem Ecclesiasticae moderationis obseruantia de-
ducatur? Quippe vbi nullus regularis ordo seruatur. Nam qui
ad eius regimen improuisus vel praecipitatus accedit, quoad-

† al. per-
ditum.

monitione subiectos aedificet, cuius exemplum non ratio-
nem docuit, sed errorem? Pudet profecto, pudet aliis im-
perare, quod ipse nescis custodire. Nec illud quidem, quod
simili emendatione radendum est, praeterimus, sed omnino
execrabile & esse grauissimum detestamur, eò quod sacri
illic ordines per simoniacam haeresim (quae prima contra Ec-
clesiam orta, & districta maledictione damnata est) conse-
rantur. Hinc ergo agitur, vt sacerdotalis dignitas in despe-
ctu, & sanctus sit honor in crimine. Perit vtique reuerentia,
adimitur disciplina: quia qui culpas debuit emendare, com-
mittit, & nefaria ambitione honorabilis sacerdotij ducitur in
deprauationem censura. Nam quis denuò veneretur quod
venditur? Aut quis non vile putet esse quod emitur? Vnde
valde contristor, & terrae illi condoleo: quia dum Spiritum
sanctum quem per manus impositionem omnipotens Deus
hominibus largiri dignatur, diuino munere habere despiciunt,
sed praemiis assequuntur, sacerdotium illic subsistere diu non
arbitror. Nam vbi dona supernae gratiae venalia iudicantur,
ad Dei seruitium non vita quaeritur, sed magis contra Domi-
num pecunia veneratur.

Item de eisdem Theodorico & Theodeberto regibus
Francorum post aliqua. Fertur Simoniaca haeresis (quae pri-
ma contra Dei Ecclesiam diabolica plantatione subrepsit, &
in ipso ortu suo, telo apostolica ultione percussa atque dam-
nata est) in regni vestri finibus dominari, cum in sacerdoti-
bus fides sit eligenda cum vita: quae si deest, fides meritum
non habet, beato Iacobo attestante, qui ait: Fides sine ope-
ribus, mortua est. Quae enim opera esse valeant sacerdotis,
qui honorem tanti sacramenti conuincitur obtinere per pra-
mium? Ex qua re agitur, vt ipsi quoque qui sacros ordines
appetunt, non vitam corrigere, non mores componere stu-
deant, sed diuitias quibus sacer honor emitur, congregare.
Hinc fit etiam vt insontes & pauperes à sacris ordinibus pro-
hibiti despectique resiliant: & dum innocentia pauperis dis-
plicet, dubium non est quod praemium illic delicta commen-
det: quia vbi aurum placet, & vitium. Hinc igitur non solum
in ordinatoris & ordinati animam lethale vulnus infligitur,
verum etiam excellentiae vestrae regnum, Episcoporum cul-
pa (quorum magis intercessionibus iuuari debuerat) pra-
grauatur. Si enim is dignus sacerdotio creditur, cui non a-
ctionis merita, sed praemiorum copia suffragatur: restat vt
nihil sibi in honores Ecclesiasticos grauitas, nihil defendat
industria, sed totum auri profanus amor obtineat: & dum
vitia t honore munerantur, in locum vltoris is qui fortasse
fuerat vliscendus, adducitur: atq; hinc sacerdotes non pro-
ficere, sed perire potius indicantur. Vulnerato nanque pa-
store, quis curandis ouibus adhibeat medicinam? Aut quan-
do populum orationis clypeo tueatur, qui iaculis se hostium
feriendum exponit? Aut qualem de se fructum producturus
est, cuius graui peste radix infecta est? Maior ergo metuen-
da est locis illis fore calamitas, vbi tales intercessores ad lo-
cum regiminis adducuntur, qui Dei in se magis iracundiam
prouocent, quam per semetipsos populis placare debuerant.
Nec hoc quoque malum sollicitudo nostra patitur negligenter
omittere, quod quidam instinctu gloriae inanis illecti, ex
laico repente habitu sacerdotij honorem arripiunt: & (quod
dicere pudet, & tacere graue est) regendi, rectores, & qui
docendi sunt, doctores nec erubescunt videri, nec metuunt.
Ducatum animarum impudenter assumunt, quibus via om-
nis ignota ductoris est: & quod vel ipsi gradientur, ignari
sunt. Nam dum dux exercitus non nisi labore & sollicitudine
expertus eligitur, quales animarum duces esse debeant, qui
Episcopatus culmen immatura cupiunt festinatione conscen-
dere? Huius saltem rei se comparatione considerent, & ag-
gredi repente inexpertos labores timeant, ne caeca honoris
ambitio & ipsis in poena sit, & aliis pestifera erroris semina ia-
ciant, quippe qui non didicere quod doceant. Proinde pa-
terno salutantes affectu, petimus praecellentissimi filij, vt tam
detestabile malum de regni vestri studeatis finibus prohibere:
& nulla apud vos excusatio, nulla contra animam vestram
suggestio locum inueniat: quia facientis proculdubio t lo-
cum habet, qui quod potest corrigere, negligit emendare.
Item pro eisdem haeresibus Syagrio episcopo Augustudunensi.

† al. bono
remunerato

† Culpam

Nuntio

Nuntio apud nos olim discurrente vulgatum est, quod in Gal-
liarum partibus sacri ordines per Simoniacam hæresim con-
ferantur. Et vehementi tædio mœroris afficiuntur, si in ec-
clesiasticis officiis quenquam habet locum pecunia; & sit
seculare quod sacrum est. Quicumque ergo hoc præcij stu-
det datione percipere, sacerdos non esse, sed dici tantum-
modo inaniter concupiscit. Quod scilicet quid per hoc
aliud agitur, nisi ut nulla de actu probatio, nulla sollicitu-
do de moribus, nulla sit de vita discussio, sed ille solum-
modo dignus, qui dare precium suffecerit, æstimetur? Ex
qua re, si recti libraminis examinatione pensetur, dum im-
probè ad inanem gloriam locum festinat utilitatis arripe-
re, eo ipso magis, quod honorem quærit, indignus est. Si-
cut autem is qui inuitatus renuit, quæsitus refugit, sacris
est altaribus admouendus: sic qui ultro ambit, vel importu-
num se ingerit, est proculdubio repellendus. Nam qui sic
nititur ad altiora conscendere, quid aliud agit nisi ut cre-
scendo decrescat, & ascendendo exterius, interius in pro-
funda descendat? Itaque frater charissime, in sacerdotibus
ordinandis synceritas vigeat, sit simplex sine venalitate
consensus, pura præferatur electio: ut ad summa sacerdotij
non suffragio venditorum prouectus, sed Dei credatur esse
iudicio. Nam quia graue omnino sit facinus, Dei donum vel
precio cõparare, vel vendere, euāgelica est testis autoritas.
Templū enim Dominus & redēptor noster ingressus, cathe-
dras vendentiū colūbas euerit. Quid aliud est colūbas ven-
dere, nisi preciū de manus impositione percipere, & sanctū
spiritum quem omnipotens Deus hominibus tribuit, venun-
dare? Quorum sacerdotium ante Dei oculos cadere, cathe-
drarum utique patenter euerfione signatum est: & tamen ex-
erit adhuc nequitia prauitas vires suas. Nam cogit vende-
re, quos decepit ut emerent. Et dum non attenditur quod
diuina voce præcipitur. Gratis accepistis, gratis date: agitur
ut crescat, & geminata fiat in vno eodēque delicto con-
ditio emētis scilicet & vendentis. Et cum liqueat hanc herē-
sim ante omnes radice pestifera surrexisse, atq; in ipsa sua o-
rigine apostolica esse detestatione dānatam: cur non cauetur
cur nō perpenditur, quia benedictio illi in maledictionē cõ-
uertitur, qui ad hoc, ut fiat hæreticus, promouetur? Plerūq;
igitur aduersarius animarū dum nō potest in his quæ ad faciē
sunt praua, surripere, callida specie quasi pietatis injecta nitit
supplantare: suadetque forsitan debere ab habentibus accipi,
ut sit quod possit non habentibus erogari, dum modō vel
sic venena mortifera eleemosynæ celata obūbratione trans-
fundat. Nam nec venator feram, nec auem auceps decipe-
ret, vel piscem piscator caperet, si aut ille laqueum in aperto
proponeret, aut ille hamum esca absconditum non haberet.
Omnino ergo metuenda & cauenda est hostis astutia, ne
quos aperta nequit tentatione subuere, latente telo sauius
valeat trucidare. Neque enim eleemosyna reputanda est, si
pauperibus dispensetur quod ex illicitis rebus accipitur: quia
qui hac intentione malè accipit, ut quasi bene dispenset, gra-
uatur potius quàm iuuatur. Eleemosyna redemptoris nostri
oculis illa placet, quæ non de illicitis & iniquitate congeri-
tur, sed quæ de rebus concessis & bene acquisitis impendi-
tur. Vnde etiam illud certum est, quia & si monasteria aut
Xenodochia, vel quid aliud construatur, mercedi non pro-
ficat: quoniam dum peruersus & emptor honoris in locum
transmittitur, & alios ad sui similitudinem sub commodi da-
tione constituit: plura malè ordinando destruit, quàm ille
potest adificare, qui ab eo pecuniam ordinationis accepit.
Ne ergo sub obtentu eleemosynæ cum peccato aliquid stu-
deamus accipere, apertè sacra scriptura nos prohibet, dicens:
Hostiæ impiorum abominabiles Domino quæ offeruntur ex
scelere. Quicquid enim in Dei sacrificio ex scelere offertur,
omnipotentis Dei iracundiā non placat, sed irritat. Hinc rur-
sus scriptū est: Honora Dominū de tuis iustis laboribus. Qui
ergo malè tollit, ut quasi bene præbeat: constat sine dubio
quia Dominum nō honorat. Hinc quoq; per Salomonem di-
citur: Qui offert sacrificium de substantia pauperis, ac si victi-
met filiū in cõspectu paris. Quantus autem dolor patris sit
perpendamus si in eius conspectu filius victimetur: & hinc
facile cognoscimus, quāto Deus omnipotens dolore exaspe-

Tomus primus.

A ratur, quando ei sacrificium ex rapina tribuitur. Nimis ergo
declinandum est dilectissime frater, sub obtentu eleemosynæ
peccata Simoniacæ hæresis perpetrare. Nam aliud est pro-
pter peccata eleemosynas facere, aliud propter eleemosy-
nas peccata committere. Hoc quoque ad nos peruenisse non
dissimili dignum detestatione cõplectimur, quod quidam
desiderio honoris inflammatis, defunctis episcopis tonsuran-
tur & sunt repentē ex laicis sacerdotes, atque intuerēdū
religiosi præpositi ducatum arripiant, qui nec esse adhuc mi-
lites didicerunt. Quid putamus quod isti subiectis præstatu-
ri sunt, qui antequam discipulatus limen attingant, tenere lo-
cum magisterij nō formidat? Quæ de re necesse est ut quan-
uis inculpati quisque sit meriti, ante tamen per distincta or-
dinis ecclesiastici exerceatur officia, videat quod imitetur,
discat quod doceat, informetur quod teneat: ut postea non
debeat errare, qui eligitur viam errantibus demonstrare. Diū
ergo religiosa meditatione poliatur ut placeat, & sic lucerna
super candelabrum posita luceat, ut aduersa ventorum vis ir-
ruens conceptam eruditionis flammam non extinguat, sed
B augeat. Nam cum scriptum sit, ut prius quis probetur, & sic
ministret: multo amplius antè probandus est, qui populi in-
tercessor assumitur, ne fiant causa ruinæ populi, sacerdotes
mali. Nulla igitur contra hoc excusatio; nulla potest esse de-
fensio, quia cunctis liquidò notum est quæ sit in huius rei di-
ligentia sancti Gregorij sollicitudo doctoris qui neophytum
ad ordines vetat sacros accedere. Sicut autem tunc neophy-
tus dicebatur, qui initio in sanctæ fidei erat eruditione plan-
tatus. sic modò neophytus habendus est, qui repentē in reli-
gionis habitu plantatus, ad ambiendos honores sacros irre-
pserit. Ordinatè ergo ad ordines ascendendum est. Nam cas-
sum appetit, qui ad summa loci fastigia post positis gradibus
per abrupta quærit ascensum. Et cum idem Apostolus do-
ceat inter alia sacri ordinis instituta discipulū, manū non esse
cuiquam citius imponendam: quid hoc scelestius, quidve præ-
cipitatus, quàm ut ex oriatur à summitate principium, & an-
tè quàm esse incipiat discipulus, sit magister? Quisquis igitur
C sacerdotium nō ad elationis pompam, sed ad utilitatem adi-
pisci desiderat, prius vires suas cum eo quod est subiturus o-
nere metiatur: ut & impar abstineat, & ad id cum metu etiam
qui se sufficere existimat, accedat. Ab re autem non fa-
cimus, si ad argumentum rationabilium, vsum rerum irratio-
nabilium colligamus. Aptæ nanque adificationibus de syluis
ligna succiduntur: nec tamen adhuc viridibus ædificij pon-
dus imponitur, nisi eorum viriditatem multorū dierum mo-
ra siccauerit, & ad necessarium vsum effecerit. Quæ si obser-
uantia fortè negligitur, citius super imposita mole frangitū-
tur: & gignit ruinam, ad auxilium res prouisa. Hinc etenim
medici qui corporū curā gerunt, quædam adiutoria recentia
adhuc confectioe formata indigenti non offerunt, sed ma-
tūra da temporibus derelinquunt. Nam si immaturè quis de-
derit, dubium non est quia sit causa periculi, res salutis. Di-
scant itaque discant in officio suo sacerdotes, quibus anima-
rum credita est cura, seruare, quod diuersarum artium homi-
D nes docētē ratione custodiūt: & à præcipiti se ambitione & si
non metu, saltem pudore contineant. Sed ne forsitan adhuc
prauæ se consuetudinis quisquam velit obiectu defendere,
fraternitatis tuæ discretio rationis eos freno coerceat, & labi
in illicitis non permittat: quia quicquid ultione dignum est,
non ad imitationis, sed potius ad exemplum debet corre-
ptionis adduci. Et post pauca.

De his itaque quæ superius dicta sunt, fraternitatem ve-
stram auctore Deo volumus synodum congregare: atque in
ea reuerēdissimo fratre nostro Aregio episcopo, & dilectis-
simo filio nostro Cyriaco abbate mediantibus, omnia quæ
sanctis canonibus (sicut prædiximus) sunt aduersa, districtè
sub anathematis interpositione dānentur. id est, ut nullus pro
adipiscendis ecclesiasticis ordinibus dare aliquid præsumat;
vel pro datis accipere: neque ex laico habitu quisquam re-
pentē audeat ad locum sacri regiminis peruenire: neque ut
aliæ mulieres cum sacerdotibus habitent, nisi eæ quæ sacris
canonibus sunt permixtæ.

Has pestiferas hæreses cernens prudētissimus doctor Gre-
gorius per sacerdotū conuiuentiam siue taciturnitatē magis

iiij:

iiij:

magisque diffusis muneribus (quasi pestifer cancer) non solum infirma posse corrodere, verum etiam fortia membra mucrone pulcherrimarum rerum corrumpere, diuino zelo commotus, Victori episcopo generalem sententiam protulit dicens: Quisquis ad hoc facinus, videlicet Simoniae ac neophytorum haeresim emandandam, officij sui consideratione vehementer non arserit: cum ipso se habere non dubitet portionem, à quo prius hoc piaculare flagitium sumpsit exordium.

v. Cum verò quosdam cognosceret ad euitanda simoniae haeresis crimina, pestiferae negotiationis munera pastellaticum callide vocitare, ac huiusmodi mutato nomine suae cupiditatis auaritiam velle contegere, prudentissimus doctor Gregorius sententiam quam in primordio sui pontificatus coram synodo promulgauerat, iteratò protulit, dicens: Antiquorum patrum regulam sequens, nulli quicquam de ordinationibus accipiendum esse constituo: neque ex datione palij, neque ex traditione chartarum, neque ex ea quam noua per ambitionem simulatio inuenit, appellatione pastelli. Quia enim in ordinando episcopo pontifex manum imponit, euangelicam verò lectionem minister legit, confirmationis autem eius epistolam notarius scribit: sicut pontificem non decet manum quam imponit, vendere: ita minister vel notarius non debet in ordinatione eius vocem suam vel calamum venundare. Pro ordinatione ergo vel vsu palij, seu chartis atque pastellis eundem qui ordinandus est, vel ordinatur, omnino aliquid dare prohibeo. Ex quibus praedictis rebus, si quis hinc aliquid commodi appellatione exigere vel petere forte praesumpserit, in districto Dei omnipotentis examine reatui subiacebit.

Item Ioanni episcopo Corinthiorum post multa: No- uit, inquit, fraternitas vestra quia prius pallium nisi dato com- modo non dabatur. Quod quoniam incongruum erat, facto concilio ante corpus beati Petri apostolorum principis tam de hoc quam de ordinationibus aliquid accipere sub distri- cta interdictione vetuimus. Oportet ergo vt neque per com- modum, neque per gratiam, aut quorundam supplicationem aliquos ad sacros ordines consentiatis vel permittatis ad- duci.

vj. Sed astuta turpissimae cupiditatis iniquitas non sufferens tantis se commodis, licet turpissimis, imò periculosissimis, angustari, commentum satis artificiosum reperit, quo scilicet illos sacerdotio sublimaret, qui sibi post consecrationem tanto subiectiores esse debuissent, quantò non diuino, quin potius humano iudicio se fuisse promotos ipsi proculdubio reputarent. Quapropter omnipotentis Dei praeco Gregorius in euangeliorum tractatibus, vt scilicet frequentius legi vel audiri potuisset, disputat inquit: Sunt nonnulli qui quidem nummorum praemia ex ordinatione non accipiunt, & tamen sacros ordines pro humana gratia largiuntur: atque de largitate eadem laudis solummodo retributionem quaerunt. Hi nimirum quod gratis acceperunt, gratis non tribuunt: quia de impenso officio sanctitatis, expetunt nummum fauoris. Vnde bene cum iustum virum describeret Propheta, ait: Qui excutit manus suas ab omni munere. Neque enim dixit: Qui excutit manus suas à munere, sed adiunxit, ab omni: quia aliud est munus ab obsequio, aliud munus à manu, aliud munus à lingua. Munus quippe ab obsequio est subiectio indebitè impensa: munus à manu, pecunia: munus à lingua, fauor. Qui ergo sacros ordines tribuit, tunc ab omni munere manus excutit, quando in diuinis rebus non solum nullam pecuniam, sed etiam humanam gratiam non requirit.

vij. Hae sunt Gregorij super Simoniacis & illicitis ordina- tionibus doctissimi papae sententiae, quas ipse summo cultu seruasse docetur, in eo quod ab ipso suae consecrationis ex- ordio per omnem diocesim suam episcopos vndecunque meliores inuenire potuit, studiosissimus ordinauit. Et si quādo necessitas ordinandi sacerdotis obrepfit: neque cardina- les ecclesiae suae, neque monachos monasterij sui penitus ex- cusauit, quo minus illis ecclesiam regendam committeret, qui exemplis & verbis pariter illam aedificare melius potuif- sent. Nam vt pauca de multis contingam, ex presbyteris car-

dinalibus ecclesiae suae consecrauit episcopos. Bonifacium Regij, Habentium Perusij, & Donatum Messanae Siciliae. Ex subdiaconibus verò Gloriosum Hostiae, Festum Capuae, Petrum Trecae, & Castorium Arimini. At verò ex mona- chis monasterij sui Marinianum Rauennae, Maximinianum Syracusis, & Sabinum Callipoli praefules ordinauit. Sed & Augustinum penes Anglos à Galliarum episcopis ordinari praecipit. Post quē nihilominus ad episcopatū in eadē gente monachi eiusdem patris tēpore diuerso prouecti sunt, Mel- litus, Iustus, Laurentius, & Paulinus. Solis diaconibus a- postolicae sedis super hanc quodammodo parte parcebat: quorum cum decem & nouem plenitudine redundaret, ipse Bonifacium, Florentium & Epiphaniū consecrauit. Nec quenquam eorum ab officio, nisi Laurentium archidiaconum pro superbia reliquisque criminibus, in basilica Latera- nensi quae dicitur aurea, vbi mox Honoratum archidiaconū constituit, sequestrauit.

Cumque Gregorius percepta occasione suae ecclesiae cardinales, si tamen consentirent satis voluntariē prouehere- ret: neminem prorsus quācunque necessitate coactus vio- lenter promouere certabat: ne sub huiusmodi occasione quenquam eliminando deponere videretur. Vnde Schola- stico duci Campaniae scribens ait: Dum de Neapolitana ci- uitatis cura destitutae sacerdotis solatio vehementius ange- remur, superuenientes praesentium latores cum decreto in Florentium subdiaconum nostrum confecto, aliquid nobis in tanto cogitationis pondere reuelationis inuenerant: sed dū praefatus subdiaconus noster refugiens ciuitatem ipsam, or- dinationem suam lacrymabiliter euitasset: quasi ex maiori quadam desperatione nostram cognoscite creuisse molestia. Atque ideo salutantes hortamur magnitudinem vestram, vt conuocantes priores vel populum ciuitatis, de electione al- terius cogitetis, qui dignus possit cum Dei solatio ad sacer- dotium promoueri. In quo decreto solēniter facto, atque ad hanc urbem transmissa, ordinatio illic tandem Christo auxi- liante proveniat.

ix. Ab aliis quoque violenter promotos, in gradus pristinos reuocabat. Vnde Antonio subdiacono scribens ait: Honora- tus archidiaconus ecclesiae Salonitanae à sanctae memoriae de- cessore meo missa supplicatione poposcerat, vt ab antistite suo inuitus prouehi ad fortioris gradus ordinem contra mo- rem nullo modò cogeretur. Hoc enim fieri sibi non proue- hendi gratia, sed causa ingratitudinis prohibebat. Pro qua re tunc iam sanctae memoriae decessor noster scriptis suis Natali fratri coepiscopoq; nostro interdixerat, ne praedictum Ho- noratū archidiaconum inuitū proueheret, neve dolorem cō- ceptae ingratitudinis diutius in corde retineret. Cūque & à me hac eidem summopere fuerint interdicta, non so- lum mandata Dei negligens, sed etiam scripta nostra con- temnens, praefatum archidiaconum quasi ad fortiorem ho- norem prouehens, conatus est callide degradare. Vnde actū est vt eo de archidiaconatus loco summo, alium accersi- ret, qui eius obtemperare moribus posset. Quem Honoratū archidiaconum arbitramur antistiti suo aliunde displicere non potuisse, nisi quod eum vasa sacra suis dare parentibus prohibebat. Quam causam subtili voluimus, & tunc sanctae memoriae decessor meus, & nunc ego, indagatione discute- re. Sed ipse suorum actuum conscius, personam ad iudicium postposuit destinare. Proinde experientiam tuam praesentis praeepti auctoritate duximus fulciendam, quatenus conue- niens in Salonem, Natalem fratrem coepiscopumque nostrū saltem tot scriptis admonitū studeat adhortari, vt supra me- moratum archidiaconum in suo statim loco suscipiat. Quod si hoc facere contumaciter (vt consuevit) fortè distulerit, v- sum ei palij, qui ab hac sede concessus est, ex auctoritate se- dis apostolicae contradicito. Quem si etiam amisso pallio ad- huc in eadem perseverare pertinacia prospexeris, dominici quoque corporis ac sanguinis eundem antistitem participa- tione priuabis. Eum verò qui contra iustitiae regulam ad lo- cum alterius prouehi consensit ab eiusdem archidiaconatus honore deponi praecipimus. Qui si ulterius in loco eodem ministrare praesumpserit, communionis sacrae participatione priuamus. Aequū enim est vt asperos de iustitia sentiat, quos

erga se positos in charitate contemnit. Restituto ergo loco A suo Honorato archidiacono, instructam personam supradictus antistes te compellente dirigat, qui intentionem eius esse vel fuisse iustam suis nobis allegationibus possit ostendere. Sed & eundem archidiaconum ad nos venire præcipimus, ut quicquid iustum, quicquid omnipotenti Deo placitum fuerit, cognitis assertionibus partium decernamus. Nos enim nullum pro personali amore defendimus, sed authore Deo normam iustitiæ postposita cuiuslibet acceptione seruamus.

Item Honorato Salonitano iam ex presbytero in diaconatum reducto. Dudum quidem decessoris nostri nostraque præceptio ad dilectionem tuam cucurrerat, in qua & de obiectis tibi calumniosè capitulis fueras absolutus, & in tui gradus ordinem sine aliqua instituimus altercatione restitui. Sed quia rursus antè non multum temporis spatium ad Romanam ciuitatem veniens, de quibusdam illic actis incongruis, & de sacrorum es conquestus alienatione vasorum, atque dum pro hac re quæ tuis obiectiõibus respondere potuisset sustineremus in hac ciuitate personas, Natalis episcopus tuus de hac luce migravit, necessarium iudicamus easdem præceptiones tam decessoris nostri quàm nostras, quas dudum (ut dictum est) pro tua absolutione transmisiimus, præsentibus deinceps apicibus confirmare. Quamobrem à cunctis tibi obiectis capitulis te plenius absoluentes, in tui re ordinis gradu sine aliqua volumus altercatione permanere: ut nihil tibi penitus mota à præfato viro quæstio, qualibet occasione præiudicet.

Item eidem in alia epistola post multa. Sed etiam nunc dico, aut easdem personas, videlicet Ioannem Calcedonensem, & Athanasium Isauros presbyteros in suis ordinibus suscipe, eisque quietem præbe: aut (si hoc fortasse volueris) omni altercatione postposita, de eorum causa statuta maiorum, aut canonum terminos custodi. Sin verò, nos quidem inferre rixam nolumus: sed tamen venientem à vobis non deuimus. Quid autem de episcopis qui verberibus timeri volunt, canones dicant, bene fraternitas vestra nouit. Pastores etenim facti sumus, non persecutores. Et egregius prædicator dixit, Argue, obsecra, increpa cum omni patientia & doctrina. Noua verò atque inaudita est ista prædicatio, quæ verberibus exigit fidem.

x. Item cardinales violenter in parochiis ordinatos forensibus, in pristinum cardinem Gregorius reuocabat. Quapropter Ioanni episcopo Syracusano scribens ait: Quorundam ad nos relatione peruenit, Cosmam qui ex monacho monasterij sanctæ Lucie à decessore tuo venerandæ memoriæ Maximiano in ecclesia Syracusana subdiaconus factus, atque à te postea in possessione quæ Iuliana vocatur, presbyter dicitur ordinatus, ita nimia tristitia & loci qualitate vehementer afflictum, ut vitam sibi pœnam existimet, & contritioni suæ fugæ quærat auxilium. Et ideo quia tales erga subiectos nostros debemus existere, quales nos si subiecti fuissetus nostros volueramus esse præpositos: magnæ benignitatis est, si eum in ecclesiam ubi subdiaconatus est functus officio, sanctitas tua reducere, atque illic presbyterum studuerit constituere cardinalem. Quod & facere (quantum arbitramur) debes, si nihil est quod iuste contra ipsum animum tuum exasperet. Si verò aliqua culpa est, suis nobis hoc epistolis fraternitas tua ut scire possimus insinuet.

xj. Quanta curiositate Gregorius idoneos quosque ad regimen destitutarum quæsierit plebium, breuiter indicabo: ut tantus vir non solum doctrinis, quin & operibus verus pater familias fuisse gregis dominici probabiliter colligatur. Ait enim in epistola Maximiano Syracusano episcopo, Felix vir clarissimus præsentium lator, edocuit nos esse quendam in illis partibus presbyterum, qui ad episcopatus ordinem prouehi probata vitæ merito dignus appareat. Hunc ergo fraternitas tua coram se deduci faciat: eumque (sicut certus sum) propter animæ periculum diligenter examinet. Quem si ad hunc prouehi gradum dignum esse perspexerit, ad nos studeat destinare, ut eum (Domino disponente) loco cui præuiderimus, possimus ordinare pastorem. Item Cypriano diacono. Amarissimas dilectionis tuæ epistolas de domini

Tomus primus.

Maximiani obitu mense Nouembri suscepit. Et quidem ille ad præmia desiderata peruenit: sed infelix populus Syracusanæ ciuitatis lugendus est, qui pastorem talem diu habere non meruit. Proinde dilectio tua sollicitudinem gerat, ut in eadē ecclesia talis debeat ad ordinationem eligi, qui post dominum Maximianum eiusdem regiminis locum non indignus videatur aut immeritus sortiri. Et quidē credo quod Traianum presbyterum maxima pars eligat, qui (ut dicitur) bonæ mentis est: sed quantum suspicor, ad regendum locum illum idoneus non est. Tamen si melior inueniri non valet, & ipse nullis criminibus tenetur inuolutus, condescendi ad eum cogente nimia necessitate potest. Si autem mea voluntas ad hanc electionem quæritur, tibi secretè indicō quod volo: quia nullus mihi in eadem ecclesia post dominum Maximianum tam dignus videtur, quàm Ioannes archidiaconus Catinensis ecclesiæ. Qui si fieri potest ut eligatur, credō quod apta valde persona inueniatur. Sed ipse quoque prius de criminibus quæ impedire possunt, à te secretius requirendus est: à quibus si liber inuentus fuerit, eligi iure potest. Quod si factum fuerit, etiam frater & coepiscopus noster Leo ei cessionem facere debet, ut liber ad ordinandum valeat inueniri. Itē Clementinæ patriciæ. Amandum presbyterum à Surrentinis ad episcopatum gloriosa filia electum esse cognoscas. Quem quia huc scripsimus debere transmitti, contristari de eius absentia non debetis: quia nec abscedere creditur, qui mente vobiscum est. Et quoniam pastorem quærentibus, is qui vobis olim placuit, gratus est: omnipotentem Dominum benedicentes, Christiana magis in hoc deuotione gaudete. Et ut ad nos celerius aliis profuturus venire debeat, hilariter studete: quia synceræ charitatis est exultare, quando is qui diligitur, ad hoc vocatur ut crescat. Item Pafino episcopo. Bene nouit fraternitas vestra quam longo tempore Aprutium pastoralis sit sollicitudine destitutum. Vbi diu quæsiuimus qui ordinari debuisset, & nequaquam potuimus inuenire. Sed quia importunus mihi in moribus suis, in psalmodiæ studio, in amore orationis valde laudatur, & religiosam vitam omni modo agere dicitur: hunc volumus: ut fraternitas vestra ad se faciat venire, & de anima sua admoneat, quatenus in bonis studiis crescat: & si nulla ei crimina quæ per legis sacræ regulam morte mulctata sunt, obuiant, tunc hortandus est ut vel monachus, vel vobis subdiaconus fiat: & post aliquantulum temporis, si Deo placuerit, ipse ad pastoralē curam debeat promoueri. Item Venatio patricio Panormitano petenti sibi quendam presbyterum episcopum consecrari, rescribit inter cætera dicens: Hunc presbyterum dare omnino nobis excellentia vestra sciat esse difficile: quia personarum nos necessitas ad ordinanda alia loca pastoribus destituta non leuis angustat.

Sed quia necessitate ordinandarum se angustatum meminit personarum: ne indiscussē quenquam promouisse putetur, vno exemplo videtur esse docendum. Ait enim in epistola Ioanni episcopo. Ne incauta eorum ordinatio qui ad episcopatum eliguntur, valeat prouenire, vigilantibus de eorum personis est sollicitudine requirendum. Indicatum siquidem nobis est, Florentium archidiaconum ecclesiæ Anconitanæ, qui ad episcopatum electus fuerat, scripturæ quidem sacræ scientiam habere, sed ita ætatis esse senio iam confectum, ut ad regiminis officium non possit assurgere, adicientes etiam ita illum tenacem existere, ut in domum eius amicus ad charitatem nunquam introeat. Rusticus autem diaconus eiusdem ecclesiæ, qui similiter electus fuerat, vigilans quidem homo dicitur, sed (quantum asseritur) psalmos ignorat. Florentinū verò diaconum ecclesiæ Rauennatis, qui electus ab omnibus memoratur, sollicitum esse nouimus, sed qualis sit interius, omnino nescimus. Ideoque fraternitas tua vnā cum fratre & coepiscopo nostro Armenio supra scriptæ Anconitanæ ecclesiæ visitatore illuc festinet accedere, & diligenter de vita ac moribus singulorum requirere, vel si nullo sibi sunt crimine conscijs, quod eos ad hoc officium vetet accedere. Pariter etiam requirendum est, si hoc quod de præfato archidiacono dictum est, quia nunquam amicus domum eius ingressus est, ita se veritas habeat, & vtrum ex necessitate, an ex tenacia talis sit,

si ij

aut si ita senex est, vt ad regendum non possit assurgere: vel si tactis sacrosanctis euangelis (sicut nobis nuntiatum est) iusiurandum praeuit nunquam se ad episcopatum accedere. Sed & de Rustico diacono quantos psalmos minus tenet, scrutandum est. Florentino autem diacono Rauennati si nullum (sicut diximus) crimen est quod obsistat, apud episcopum eius agi necesse est, vt ei debeat celsionem concedere, non tamen ex nostro mandato vel dicto, ne contra suam eum voluntatem cedere videatur.

xiiij.

Et quidem Gregorius prudenter cognoscens totum corpus ecclesiae tam per bonos episcopos feliciter stare, quam per malos infeliciter cadere: non solum diuersarum gentium diuersi ordinis clericos, verum etiam vacantes episcopos in suae dioeceseos episcopatus inuitabat. Vnde Sebastiano Smirneni episcopo inter cetera scribit, dicens: Debitum salutationis alloquium soluens, indico quod ad me Bonifacio defensore referente peruenerit, quia vir sanctissimus frater noster dominus Anastasius patriarcha in vna suarum ciuitatum regendam vobis ecclesiam committere voluit, & consentire noluitis. Quem sensum & sapientiam vestram valde ego libenter amplexus sum, & laudavi vehementer: & vos felices, me infelicem esse deputavi, qui tali hoc tempore regimē ecclesiae suscipere consensi. Si tamen animus vester fortassis fratribus cōdescendēdo, & misericordiae operibus intentus, ad hoc vnquam consentire decreuerit, peto vt amoris meo alium minimē praeponatis. Sunt enim in Sicilia insula ecclesiae vacantes episcopis: & si vobis placet authore deo ecclesiam regere, iuxta beati Petri apostoli limina cum eius adiutorio melius potestis. Si verò non placet, feliciter state & pro nobis infelicibus exorate.

xiiij.

Interea Gregorius locis munitis episcopis constitutis, dissipatas ecclesias adunabat. Quapropter Bagaudae Formiensi episcopo scribit dicens: Et temporis necessitas nos perurget, & imminutio exigit personarum: vt destitutis ecclesiis salubri ac prouida debeamus dispositione succurrere. Et ideo quoniam ecclesiam Minturnensem funditus tam cleri quam plebis destitutam desolatione cognouimus: tuamque pro ea petitionem, quatenus Formianae ecclesiae in qua beati Erasmi corpus requiescit, cuique fraternitas tua praesidet, adiungi debeat, piam esse ac iustissimā praevidentes: necessarium duximus consulentes tam desolationi loci illius, quam tuae ecclesiae paupertati, redditus supradictae ecclesiae Minturnensis, vel quicquid ei antiquo modernoque iure vel priuilegio potuit potest ve qualibet ratione competere: ad tuae ecclesiae ius potestatemque hac praeccepti nostri autoritate migrare, vt à praesenti tempore sicut de propria ecclesia debeas cogitare, eiusque competentia tua prouisione disponere, quatenus deinceps quod perire nunc vsque potuit, pauperum ecclesiae tuae vtilitatibus clerique proficiat.

xv.

Item Benenato episcopo. Et temporis qualitas, & vicinitas nos locorum inuitat, vt Cumanam atque Misena-tium vnire debeamus ecclesias: quoniam haec non longo à se itineris interuallo seiunctae sunt: nec (peccatis facientibus) tanta populi multitudo est, vt singulos (sicut olim fuit) habere debeant sacerdotes. Quia igitur Cumani Castris sacerdos vitae huius cursum expleuit, vtrasque nos ecclesias praesentis autoritatis pagina vnisse, tibi que commississe cognosce: propriumque vtrarumque ecclesiarum scito te esse pontificem: & quaecunque tibi de earum patrimonio, vel cleri ordinatione promotioneue iuxta canonum statuta visa fuerint, ordinare atque disponere habebis (vt proprius reuera sacerdos) liberam ex nostrae autoritatis consensu atque permissione licentiam. Vbi verò commodius ac vtilius esse prospexeris, habitato: ita sane, vt alteram ecclesiam à qua corporaliter ad praesens absens es, sollicita prouidentique cura disponas, quatenus diuina illic mysteria sollemniter auxiliante Domino peragantur. Fraternitas ergo tua tantò in adhortationibus lucrandisque animabus sollicitiore cura semper inuigilet, quantò se vntarum ecclesiarum gubernationis onera suscepisse cognoscit.

At verò ciuitatum desolataram pontifices Gregorius vacantibus ciuitatibus incardinare curabat. Vnde Martino

episcopo Corsicae inter cetera scribit dicens: Quoniam inquit, ecclesia Tamate, in qua dudum fuerat honore sacerdotali tua fraternitas decorata, ita est (delictis facientibus) hostili feritate occupata & diruta, vt illuc vltius spes remeandi nulla remanserit: in ecclesiam te Alirensē, quae iam diu est pontificis auxilio destituta, cardinalem secundum petitionis tuae modum hac autoritate constituimus sine dubio sacerdotem. Ita ergo studio vigilant cum Dei amore secundum canonum praeccepta cuncta dispone, & ordina, vt & fraternitas tua suis desideris se gaudeat fuisse potitam, & ecclesia Dei alterno gaudio repleatur cardinalem te suscepisse pontificem. Item Ioanni episcopo Squillaceno. Pastoralis officij cura nos admonet, destitutis ecclesiis proprios constituere sacerdotes, qui gregem dominicum pastoralis debant sollicitudine gubernare. Propterea te Ioannem ab hostibus captiuatam Lissitanam ciuitatis episcopum in Squillaceam cardinalem necesse duximus constituere sacerdotem: vt susceptam semel animarum curam intuitu futurae retributionis impleas, licet à tua (hoste imminente) depulsus sis, aliam quae pastore vacat, debeas ecclesiam gubernare: ita tamen, vt si ciuitatem hostibus liberam effici, & Domino protegente ad priorem statum contigerit reuocari: in eam in qua prius ordinatus es, ecclesiam reuertaris. Si autem praedicta ciuitas continua captiuitatis calamitate premitur, in hac in qua à nobis incardinatus es, debeas ecclesia permanere. Item Ioanni episcopo Veliterno. Postquam hostilis impietas diuersarum ciuitatum (ita peccatis facientibus) desolauit ecclesias, vt reparandi eas spes nulla populo deficiente remanserit: maiori valde cura constringimur, ne defunctis earum sacerdotibus, reliquiae plebis nullo pastoris moderamine gubernatae, per inuia fidei hostis callidi rapiantur (quod absit) inuidia. Huius ergo rei sollicitudine saepe commoniti, hoc nostro sedis cordi consilium, vt vicinis eas mandaremus pontificibus gubernandas. Ideoque fraternitati tuae curam gubernationemque trium tabernensium ecclesiarum praeuidimus committendam, quam tuae ecclesiae aggregari vnique necesse est: quatenus vtrarumque ecclesiarum sacerdos & rector Christo adiutore possis existere: & quaecunque tibi de eius patrimonio, vel cleri ordinatione seu promotione, vigilantia ac canonica visa fuerint cura disponere, quippe vt pontifex proprius liberam habebis ex praesenti nostra permissione licentiam. Item Gratiofo Numentano episcopo curam gubernationemque sancti Anthemij ecclesiae Curium Sabinae territorio constitutae incardinando coniunxit. Item Agnello episcopo Fundano post aliqua. Quoniam propter cladem hostilitatis, nec in ciuitate nec in ecclesia tua est cuiquam habitandi licentia: ideo hac te autoritate Terracineni ecclesiae cardinalem constituimus sacerdotem. Et post pauca. Illud quoque fraternitatem tuam scire necesse est, quoniam sic te praedictae Terracineni ecclesiae cardinalem esse constituimus sacerdotem, vt & Fundensis ecclesiae pontifex esse non desinas, nec curam gubernationemque eius praetereas.

Sed & expulso episcopos, quos tam citò Gregorius vel incardinare non poterat, vel quorum redditum ad sedes proprias contingere posse sperabat, aliis episcopis, qui tunc videlicet in locis suis degebant, interim pro sustentatione ac stipendiis praesentis vitae iungebat, generaliter dicens: Fratres & coepiscopos nostros, quos & captiuitatis diuersarumque necessitatum angustiae comprimunt, studete consolationibus conuiuandisque vobiscum in ecclesiasticis sustentationibus libere suscipere: non quidem vt per communionem episcopalis throni dignitas diuidatur, sed vt ab ecclesia iuxta possibilitatem sufficientia debeant alimenta percipere. Sic enim & proximum in Deo, & Deum in proximo diligere comprobamur. Nullam quippe eis nos in vestris ecclesiis auctoritatem tribuimus, sed tantum vestris solatiis eos contineri summo opere hortamur.

Loca quoque sedium prudentissimus pontifex accepta iusta occasione mutabat. Vnde Ioanni episcopo Veliterno scribit dicens: Temporis qualitas admonet episcoporum sedes antiquitatis certis ciuitatibus constituas, ad alia quae securiora

xvi.

xvij.

curiora putamus eiusdem dioceseos loca transponere, quod & habitatores nunc degere, & barbaricum possit periculum facilius declinari. Propterea te Ioannem fratrem coepiscopumque nostrum Veliternensis ciuitatis, sedemque tuam in loco qui appellatur Arenata, ad sanctum Andream apostolum precipimus exinde transmigrare: quatenus & ab hostilitatis incurfu liberior existere valeas: & illic consuetudine solennium festa disponas.

xviii.

Et notandum quod Gregorius licet monasteria & episcopatus vnierit, atque vacantes episcopos vacantibus ciuitatibus incardinare studuerit, nunquam tamen episcopum ab integritate suae ecclesiae vel ipse in aliam commutauit, vel sub quacunque occasione migrare consensit. Nam postquam Demetrium Neapolitanum episcopum super criminibus manifestis deposuit: cum ab eisdem Neapolitanis incardinari sibi Paulum Nepefinum episcopum magnopere quereretur: discretissimus pontifex visitatione ciuitatis Nepefinae Ioanni episcopo delegata, eundem quidem Paulum visitatorem illis tribuit: cardinalem vero constituere tam primo dispensatorie distulit, quam postea penitus recusauit. Cui postmodum licentiam reuertendi ad suam diocesim concedens, centum solidos de Neapolitana ecclesia, & vnum puerulum orphanum, qualem ipse de familia eiusdem ecclesiae voluisset, dari praecepit.

xix.

Aliarum parochiarum clericos sibi & aliis discretissimus pontifex discretissime incardinare curabat. Quapropter Heliae presbytero & abbati prouinciae Isauriae post aliqua scribens, filium, inquit, vestrum Epiphanium mandastis ut ad sacrum ordinem prouehere deberemus, vobisque retransmittere. Sed in vno vos audiuius, in altero vero audire minime potuimus. Diaconus quidem factus est: sed quisquis semel in hac ecclesia sacrum ordinem acceperit, egrediendi ex ea ulterius licentiam non habet. Si ergo videre vos non potui, hac ex re consolationem habeo, quia in filio vestro requiesco.

xx.

Item Maximiano episcopo Syracusano. Presentium lator Felix diaconus, cum nullatenus in haereticorum dogmata lapsus sit, nec a catholica fide discesserit, prauis illecebris aduersus Constantinopolitanam synodum suspicionibus, in Itricolorum se separatione remouerat. Qui cum Romam venisset, recepta a nobis iuuante Domino ratione, excessum suum recepta dominici corporis communione correxit. Quia ergo (ut dictum est) non in haeresim incidit, sed a sacris generalis ecclesiae ministeriis quasi recte studio intentionis errauit, imbecillitati eius atque necessitatibus consulentes, maximeque sustentationi eius pietatis intuitu providentes, in tua Syracusana ecclesia eum praeuidimus cardinandum. Item Fortunato episcopo Neapolitano. Fraternitatem tuam a nobis petisse recolimus, ut Gratianum ecclesiae tuae Venetianae diaconum tuae concederemus ecclesiae cardinandum. Et quoniam nec episcopum cui obsecundare, nec propriam habet ecclesiam, hoste scilicet prohibente, quod suum debeat ministerium exhibere: petitionem tuam non praeuidimus differendam. Idcirco scriptis tibi praesentibus eum necessario duximus concedendum, habiturus licentiam diaconum illum nostra interueniente auctoritate ecclesiae tuae Deo propitio constituere cardinalem.

Item Cypriano diacono. Sicut dilectio tua studiose laborauit pro persona fratris & coepiscopi nostri Ioannis, ut in Syracusana ecclesia auctore Deo debuisset ordinari: ita nunc necesse est ut per dilectionis tuae studia ei quoque regiminis solatia ministrentur. Quendam enim presbyterum proprium habuisse se perhibet, qui tamen a fratre & coepiscopo nostro Leone in Catanensi ecclesia dicitur ordinatus. Et quia in noua ecclesia vadit, & suos illic proprios homines habere necesse est, ut dum causarum tumultibus premitur, in secreto suo inueniat ubi requiescat: praedicto fratri & coepiscopo nostro Leoni blandè & dulciter persuaderi debet, ut ei praefatum presbyterum cedere debeat: ne quem tam benignus ad ordinandum cecidit, ordinatum destituere fortasse videatur.

xxj.

Antiquissimum ecclesiasticae consuetudinis ordinem Gregorius ab Apostolis traditum, & ad sua usque tempora solen-

Tomus primus.

niter conseruatum, adeo studiosissime retinebat, ut nullum, quantalibet sanctitate, sapientia, nobilitate polleteret, anterioribus clericis in conuentu, confessu, statione siue subscriptione praeponeret. Vnde Ianuario Caralitano episcopo scribens, Liberatus, inquit, de quo nobis tua fraternitas indicauit, qui diaconi fungi perhibetur officio, si a decessore tuo non factus est cardinalis, ordinatis a te diaconis nulla debet ratione praeponi: ne eos quos consecrando probasse cognosceris, reprobare supponendo quodammodo videaris. Praedictum itaque Liberatum, quem reprimendus ambitionis inflat spiritus, omni instantia ab intentus sui prauitate compesce, & vltimum inter diaconos stare constitue: ne dum se illicitè praeferrere contendit, immeritis loco in quo nunc situs est iudicetur. Cuius tamen si obedientia fueris inuitatus, & eum post hoc facere cardinalem volueris, nisi pontificis sui cessionem solenni more merueris, abstinendum ab eius incardinatione memineris: quoniam aequitati conuenire non ambigis, ut aliis seruare non differas, quod ipse quoque tibi seruari desideras.

xxij.

Huius videlicet antiquissimae consuetudinis ordine Gregorius prouocatus, defunctorum episcoporum ecclesias pro faciando inuentario, & eligendo legitimae opinionis episcopo, vicinis episcopis commendabat, hoc modo scribens: Obiitum illius antistitis directa relatio patefecit. Quapropter visitationis destituta ecclesiae fraternitate tuae operam solemniter delegamus: quae ita te conuenit exhibere, ut nihil de prouectionibus clericorum, redditu, ornatu, ministeriisque vel quicquid illud est, in patrimonio eiusdem a quoquam praesumatur ecclesiae. Et ideo fraternitas tua ad praedictam ecclesiam ire properabit, & assiduis adhortationibus clerum plebemque eius admonere festinet: ut remoto studio, vno eodemque consensu talem sibi praeficiendum expectant sacerdotem, qui & tanto ministerio dignus valeat reperiri, & venerandis canonibus nullatenus respuatur. Qui dum fuerit postulatus, cum solennitate decreti omnium subscriptionibus roborati, & dilectionis tuae testimonio literarum ad nos veniat consecrandus: prouisus ante omnia, ne ad cuiuslibet conuersationis meritum laice personae aspirare praesumant, & tu periculum ordinis tui (quod absit) incurras. Monasteria autem siqua sunt in ipsius parochia constituta, sub tua cura, dispositioneque, quousque illic proprius fuerit episcopus ordinatus, esse concedimus: ut sollicitudinis tuae vigilantia proposito suo congrua Deo adiuuante actione respondeat.

Item clero, ordini, & plebi. Vestri antistitis obiitum cognoscentes, curae nobis fuit destituta ecclesiae visitationem illi fratri & coepiscopo nostro solemniter delegare: cui dedimus in mandatis, ut nihil de prouectionibus clericorum, redditu, ornatu, ministeriisque, a quoquam usurpari patiatur, cuius vos assiduis adhortationibus conuenit obedire, quatenus in ecclesiastico obsequio sacerdos exquiratur, qui a venerandis canonibus nulla discrepet ratione. Qui dum fuerit postulatus cum solennitate decreti omnium subscriptionibus roborati, & visitatoris pagina prosequente, ad nos veniat ordinandus: prouisus ante omnia, ne cuiuslibet vitae vel meriti laicam personam praesumatis eligere: & non solum ille ad episcopatus apicem nulla ratione prouehetur, verum etiam vos nullis intercessionibus veniam promereri cognoscite: sed omnes quos ex vobis de laica persona aspirasse constiterit, ab officio & a communione alienos faciendos proculdubio noueritis.

Nulla occasione Gregorius quicquam de donariis siue praediis quarumlibet ecclesiarum patiebatur auferri. Idcirco Maximiano Syracusano episcopo inter alia scribit dicens: Charitatem tuam commovere curauimus, ut si quispiam episcoporum de hac luce migrauerit, vel (quod absit) pro suis fuerit remotus excessibus: conuenientibus hieraticis, cunctisque cleri prioribus, atque sui praesentiam in inuentario ecclesiae rerum facientibus, omnia quae reperta fuerint, subtiliter describantur: ne (sicut antea fieri dicebatur) species quaedam aut aliud quoddam de rebus ecclesiae quasi pro faciendi inuentarii labore tollatur. Sic namque ea quae ad munitionem facultatis pauperum

ii iij

pertinet, desideramus expleri, ut nulla penitus in rebus eorum ambitiosis hominibus venalitatis relinqueretur occasio: Visitatores ecclesiarum, clerici quoque eorum qui cum ipsis per non suae ciuitatis parochias fatigantur, aliquod laboris sui capiant te disponente subsidium. Iustum namque est ut illic consequantur stipendium, qui pro tempore suum commodare reperiuntur obsequium.

xxiiij.

Consuetudines dationum vel Xeniorum à suis episcopis accipere Gregorius quasi pondus quoddam pestiferum toto mentis conamine detestabatur. Vnde Felici episcopo Mesanensi, Consuetudines, inquit, quae ecclesiis noscuntur grauamen inducere, nostra nos decet consideratione remittere, ne illic aliqua cogantur inferre, vnde sibi referenda debent potius expectare. Clericis quidem tuis vel aliorum consuetudinem te oportet illibatam seruare, eisque annis singulis quae sunt consueta transmittere: nobis verò decetero ne quid transmitti debeat, inhibemus. Et quoniam non delectamur Xenii, palmationes quas tua direxit fraternitas, cum gratiarum actione suscepimus: sed eas, ne quod exinde sentire potuisses dispendium, digno fecimus precio venundari: & id tuae fraternitati transmisimus sigillatum. Sed quia charitatem tuam ad nos velle venire cognouimus, scriptis praesentibus admonemus, ut ad veniendum non debeas laborem assumere, sed ora pro nobis, ut quando nos itineris interualla dissociant, tanto animis nostris adinuicem Christo adiuvante simus in charitate coniuncti: quatenus alterna nos obsecratione iuuant, susceptum officium venturo integrum iudici resignemus. Item Ioanni episcopo primae Iustinianae, cui & pallium mittit, & vices suas committit, post multa scribit. Xenia autem vestrae sanctitatis suscipere omnino nolueram, quia valde est incongruum ut à praedatis atque afflictis fratribus munera percepisse videremur: sed responsales vestri alio me argumento vicerunt, ad eum illa deferentes, à quo non possent vestrae fraternitatis oblationes repelli.

xxv.

Hinc est quod Gregorius episcoporum neminem ad urbem fatigare delectans, Maximiano Syracusano episcopo vices suas per Siciliam totam commisit, praecipiens ut omnes episcopi semel in quinquennio Romam venirent. Vnde Cypriano diacono scribens, Nouit, ait, dilectio tua hanc olim consuetudinem tenuisse, ut fratres & coepiscopi nostri Romam semel in triennio de Sicilia conuenerent: sed nos eorum labori consulentes scias constituisse, ut suam hinc semel in quinquennio praesentiam exhiberent, & cetera. Vbi notandum quia si beatus Gregorius Xenia (quod credi nefas est) anhelaret, non episcoporum aduentus à triennio in quinquennium protelaret, imò à triennio in biennium proculdubio festinaret.

xxvj.

Sed quando Xenia gratè susciperet, qui quanuis dispensandas alterius eleemosynas recusare timeret, eas tamen & timendo suscipiebat, & cautissimè dispensabat, quique adeo sua dare, & aliena non accipere consueuerat, ut etiam rerum quai undam precia penitus refutaret. Vnde Eulogio patriarchae Alexandrino inter cetera scribit dicens: De lignis quod scribitis quia breuia fuerint, nauis per quam transmissa sunt, qualitas fecit: quia si maior nauis venisset, potuissent ligna etiam maiora transmittere. Quod autem dicitis quia si maiora transmittimus, precium datis: largitati quidem gratias agimus, sed accipere precium euangelio interdicente prohibemur. Nos enim ea quae transmittimus ligna non emimus: & quomodo possumus precium accipere, cum scriptum sit, Gratis accepistis, gratis date? Nunc ergo iuxta modum nauis per nauceterum parua ligna transmisimus: sequenti verò anno, si omnipotenti Deo placuerit, maiora praeparamus.

xxvij.

Non mirum si liberalissimus pontifex nullas consuetudines à suis suffraganeis, nulla Xenia capiebat, quibus ipse si qua necessaria habere videbantur, satis hilariter ministrabat. Vnde Venantio episcopo Perusino scribit dicens: Fratrem & coepiscopum nostrum Ecclesium frigore omnino laborare cognouimus, pro eo quod hyemalem vestem non habeat. Et quia aliquid sibi à nobis petiit debere transmitti, fraternitati tuae ad hoc per latorem praesentium transmisimus amphimalum, tunicam & pectorale, ut ad te ei debeant

sine mora transmitti. Et ideo ad praedictum fratrem nostrum sub omni illud celeritate stude transmittere: atque nobis hoc ipsum quia transmiseris, tuis renuntiare epistolis non omissas: sed ita fac, ut ad transmittendum, quia vehemens frigus est, moram aliquam minimè facias.

Item eidem Ecclesio Clusino episcopo. Scripta fraternitatis vestrae suscipientes contristati sumus; quod vos per ea & grauer infirmos, & adhuc debiles esse cognouimus. Et licet sanctitatem vestram videndi desiderium habereimus, bene tamen fecistis isto vos illic tempore continere: ne venientes huc de aegritudinis nostrae molestia reciditiam nobis tristitiam faceretis. Et post pauca: Vnum autem caballum, vobis qualem inuenire potuimus, de benedictione sancti Petri transmisimus; ut habeatis cum quo post infirmitatem vestram possitis.

* vestra
* regenera-
retis.

Tali patrono tunc illius temporis pontifices ampliati, tam nouas ecclesias à fundamentis construere ornare, quam veteres quoque splendidissime renouare coeperunt. Nam Gregorius nihil in suis coepiscopis magis quam sanctitatem, sapientiam & liberalitatem curiosissimè quaeritabat. Quod ut significantius elucescat, quasdam epistolarum eius adhibebo, quarum testimonio lector meus quorundam episcoporum vitia reprehensa cognoscat. Ait enim in epistola Secundo seruo Dei inter cetera.

xxviii.

Fratrem nostrum Marinianum episcopum verbis quibus vales excita, quia eum obdormisse suspicor. Nam venerunt quidam ad me, in quibus erant quidam senes mendicantes, qui à me discussi sunt à quibus quid acceperint: & per singula retulerunt quanta eis & à quibus in itinere data sint. Quos dum sollicitè de praedicto fratre requirerem quid eis dedisset, responderunt se cum rogasse, sed ab eo nihil accepisse, ita ut neque panem in via acceperint, quod dare omnibus illi ecclesiae semper familiare fuit. Dixerunt enim, Respondit nobis dicens: Non habeo quod vobis dem. Et miror si is qui vestes habet, cellaria habet, argentum habet, quod pauperibus debeat dare, non habet. Dic ergo illi, ut cum loco mutet mentem. Non sibi credat solam lectionem & orationem sufficere, ut remotus studeat sedere, & de manu nihil fructificare: sed largam manum habeat, necessitatem patientibus occurrat, alienam inopiam suam credat: quia si haec non habet, vacuum episcopi nomen tenet.

xxix.

Item Sereno episcopo Massiliensi post aliqua. Perlatum ad nos fuerat, quod inconsiderato zelo succensus, sanctorum imagines sub hac quasi excusatione, ne adorari debuissent, confregeris. Et quidem quia eas adorari vetuisses, omnino laudamus: fregisse verò reprehendimus. Dic frater, à quo factum sacerdote aliquando auditum est quod fecisti? Si non aliud, vel illud te debuit reuocare, ne despectis aliis fratribus, solum te sanctum esse crederes & sapientem. Aliud est enim picturam adorare, aliud per picturam historiam quid sit adorandum addiscere. Nam quod legentibus scriptura, hoc idiotis praestat pictura cernentibus: quia in ipsa ignorantes vident quod sequi debeant, in ipsa legunt quod literas nesciunt. Vnde & praecipue gentibus pro lectione pictura est. Quod magnopere à te, qui inter gentes habitas, attendi decuerat: ne dum recto zelo incautè succenderis, ferocioribus animis scandalum generares. Frangere ergo non debuit, quod non ad adorandum in ecclesiis, sed ad instruendas solummodo mentes fuit nescientium collocatum. Et quia in locis venerabilibus sanctorum depingi historias non sine ratione vetustas admisit, si zelum discretionem condisses, sine dubio & ea quae intendeas, salubriter obtinere, & collectum gregem non dispergere, sed dispersum potius poteras congregare: ut pastorem in te meritum nomen excelleret, non culpa disperforis incumberet. Haec autem dum in hoc animi tui incauto nimis motu exequeris, ita tuos scandalizasse filios perhiberis, ut maxima eorum pars à tua se communione suspenderet. Quando ergo ad ouile dominicum errantes oues adduces, qui quas habes, retinere non praeuales? Proinde hortamur ut vel nunc studeas esse sollicitus, atque ab hac te praesumptione

xxx.
Reprehendit Serenum
qui vsum
imaginis ecclesiae antiquum amovere voluerit.

ne compeſcas: & eorum animos quos à tua diſunctis vni-
tate cognoſcis, paterna ad te dulcedine omni annuſu omni-
que ſtudio reuocare feſtines.

xxxj. Ianuario quoque Caralitano epiſcopo poſt aliqua ſcribit dicens: Inter querelas multiplices Iſidorus vir clarifiſſimus à fraternitate tua fruſtra ſe excommunicatum anathe-
matumque conqueſtus eſt. Quod quamobrem factum fue-
rit, dum à clero tuo qui præſens erat, voluiſſemus addiſcere; pro nulla alia cauſa, niſi pro eo quod te iniuriauerat, factum innotuit. Quæ res nos vehementer afflixit: quia ſi ita eſt, nil te oſtendis de cœleſtibus cogitare, ſed terrenam te conuerſationem habere ſignificas: dum pro vindicta propriæ iniuriæ, quod ſacris regulis perhibetur, maledictionem anathe-
matis inuexiſti. Vnde de cætero omnino eſto circumspectus atque ſolicitus, & talia cuiquam pro deſenſione iniuriæ tuæ inferre non deſuſe præſumas. Nam ſi tale aliquid feceris, in te ſcias poſtea vindicandum.

xxxij. Item eidem. Prædicator omnipotentis Domini Paulus apoſtolus præcipit dicens: Senioreſ ne increpaueris. Sed hæc eius regula in eo ſeruanda eſt, cum culpa ſenioris exem-
plo ſuo non trahit ad interitum corda iuniorum. Vbi enim ſenior iuuenibus exemplum ad interitum præbet, ibi diſtri-
cta increpatione feriendus eſt. Nam ſcriptum eſt: Laqueus iuuenum omnes vos. Et ruruſum Propheta dicit: Peccator centum annorum maledictus erit. Tanta autem nequitia ad aures meas de tua ſenectute pertinet, vt eam niſi adhuc humanitatis penſaremus, fixa eam maledictione feriremus. Di-
ctum quippe mihi eſt, quod dominicorum die prius quam miſſarum ſolemnia celebrareſ, ad exarandam meſſem latoris præſentium perrexeris: & poſt exarationem eius miſſarum ſolemnia celebraſti. Poſt miſſarum verò ſolemnia etiam & terminos poſſeſſionis illius minimè eradicare timuiſti. Quod factum quæ pœna debuit inſequi, omnes qui audiunt ſciunt. Dubij autem de tanta hac peruerſitate fueramus: ſed filius noſter Cyriacus abbas à nobis requeſitus, dum eſſet Caralis ita ſe cognouiſſe perhibuit. Et quia adhuc canis tuis par-
cimur, hortamur, aliquando reſpiſce ſenex, atque à tanta leuitate morum, & operum peruerſitate compeſcere: quia quantò morti viciniſſe efficeris, tantò fieri ſolicitiſſe atque timidiſſe debes. Et quidem penè ſententia in te fuerat iacu-
landa: ſed quia ſimplicitatem tuam cum ſenectute nouimus, interim tacemus.

xxxij. Omnes omnino pontifices à lectione librorum genti-
lium Gregorius inhibebat. Quapropter Deſiderio Gallia-
rum epiſcopo pallium poſtulantem ſcribit inquiens: Cum mul-
ta nobis bona de veſtris fuiſſent ſtudiis nuntiata, ita cordi no-
ſtro eſt nata lætitia, vt negare ea quæ ſibi fraternitas veſtra concedenda depoſcerat, minimè pateremur. Sed poſt hoc peruenit ad nos (quod ſine verecundia memorare non poſſumus) fraternitatem tuam grammaticam quibuſdam expo-
nere. Quam rem ita moleſtè cepimus, ac ſumus vehementius aſpernati, vt ea quæ prius dicta fuerat, in gemitu & triſtitiā verteremus: quia in vno ſe ore cum Iouis laudibus, Chriſti laudes non capiunt. Et quā graue nefandūque ſit epiſco-
pis canere quod nec laico religioſo conueniat, ipſe conſide-
ra. Nam quanuis dilectiſſimus filius noſter Candidus præ-
byter poſtmodum veniens hac de re ſubtiliter inqueſitus ne-
gauerit, atque vos conatus fuerit excuſare, de noſtris tamē a-
nimis adhuc non reſceſſit: quia quantò execrabile eſt hoc de ſacerdote narrari, tantò vtrum ne ita ſit, diſtricta & veraci o-
portet ſatiſfactione cognoſci. Vnde ſi poſt hoc euidenter hæc quæ ad nos præſata ſunt, falſa eſſe clauerint, neque vos nugis & ſecularibus literis ſtudere conſuluerit: & Deo no-
ſtro gratias agemus, qui cor veſtrum maculari blaſphemis nephandorum laudibus non permisit: & de concedendis quæ poſcitis, ſecuri iam & ſine aliqua dubitatione tractabi-
mus.

xxxij. Nihilominus Natali Salonitano epiſcopo ſcribit dicens: Multis ab vrbe tua venientibus frater chariſſime didici, pa-
ſtorali cura derelicta, ſolis te conuiuiis occupatum. Quæ au-
dita non crederem, niſi hæc actionum tuarum experimen-
tis approbarem. Nam quia nequaquam lectioni ſtudeas, ne-
quaquam exhortationi inuigiles, ſed ipſum quoque uſum

A eccleſiaſtici ordinis ignores, hoc eſt in teſtimonio, quod eis ſub quibus eſ poſitus, ſeruare reuerentiam neſcis.

Sed cum Natalis per inanem philoſophiam ſcriptis pro-
priis ſe niteretur inculpabilem demonſtrare, mitiſſimus do-
ctor Gregorius ita reſcripſit: In conuiuiorum deſenſione veſtra fraternitas Abrahæ conuiuium memorat, in quo (te-
ſte ſacro eloquio) tres angelos ſuſcepſiſſe perhibetur. Sed hoc exemplo neque nos beatitudinem veſtram reprehendi-
mus, ſi hanc ſuſcipere angelos in hoſpitalitatem cognoſci-
mus. Ruruſum narrat tua fraternitas Iſaac ſatiatum, filio bene-
dictionem dediffe. Quæ vtraque veteris teſtamenti quia ita ſunt geſta per hitoriam, vt tamen ſignarent aliquid per alle-
goriam: vtinam valeamus ſic res geſtas legendo percurrere, vt poſſimus etiam gerendas prouidendo ſentire. Ille quippe in tribus angelis vnum ſalutans, Trinitatis ſubſiſtentias vnius ſubſtantiaſſe declarauit. Iſte verò ſatiatus benedixit filium: quia qui diuinis epulis repletur, illius ſenſus in prophetiæ vir-
tutem extenditur. Diuinæ autem epulæ, ſacri eloquij verba ſunt. Si igitur aſſidue legis, ſi exemplū ab exterioribus tra-
hentes, interna penetratis, quaſi de agri venatione ſatiati, me-
tis ventrē repletis, vt antepoſito filio, ſuſcepto videlicet po-
pulo poſitis ventura hūtiare. Sed etiam in hoc ſeculo cali-
gat, qui de Deo aliquid prophetat: quia proſectò dignum eſt vt hic iam per concupiſcentiam minus videat, cuius ſenſus per intelligentiam intus coruſcat. Hæc ergo ad voſmetipſos trahite: & ſi vos tales agnoſcitis, nihil eſt quod de noſtra eſti-
matione dubitetis. Gaudere quoque beatitudinem veſtram inuenio, ſi voracis nomen cum rerū authore ſuſtineat. Quod ego breuiter expono, quia ſi de vobis falſum dicitur nomen, hoc veraciter cum rerum authore ſuſtinetis. Si verò de vo-
bis verum eſt quod de illo falſum quis dubitet, abſolueret vos non valet par nomen, quorum diſpar eſt cauſa. Nam cum eo crucē etiā periturus latro ſuſcepit: ſed quem reatus proprius tenuit, par crucifixio non abſoluit. Ego tamen quantis valeo precibus depoſco, vt ſanctiſſimam fraternitatem veſtram au-
thori noſtro Deo non ſolum nomē, ſed etiam cauſa coniun-
gat. Conuiuium autem quæ ex intentione impendenda chari-
tatis ſunt, rectè veſtra ſanctitas in ſuis epiſtolis laudat. ſed ta-
men ſciendum eſt, quia tunc veraciter ex charitate prodeū, cum in eis nulla abſentium vita mordetur, nullus ex irriſione reprehenditur: & non in eis inanes ſeculariū negociorum fa-
bulæ, ſed verba ſacræ lectionis audiuntur. cum nō plus quam neceſſe eſt, ſeruitur corpōri, ſed ſola eius infirmitas reſcitur, vt ad uſus exercendæ virtutis habeatur. Hæc itaque ſi vos in veſtris conuiuiis agitis, abſtinentium fateor magiſtri eſtis. Quod ego Pauli apoſtoli ad me teſtimonium poſuiſtis, Qui non manducat, manducantem non iudicat: omnino exiſtimo incoſuetum fuiſſe: quia neque ego non comedo, neque ob hoc à Paulo apoſtolo dictum eſt, vt membra Chriſti quæ in eius corpore, id eſt, in eccleſia inuicem ſibi charitatis compa-
ge connexa ſunt, nullam de ſe vlllo modo curam gerant. Sed ſi neque ego ad te, neque tu aliquid pertineres ad me, iure ta-
cere compellerer: vt eum non reprehenderem, qui emendari non poſſet. Hæc ergo ſentētia propter eos ſolummodo dicta eſt, qui illos iudicare ſtudent, quorum cura ſibi commiſſa nō eſt. At poſtquam nos authore Deo vnum ſumus, ſi vobis ea quæ corrigenda ſunt tacemus, valde delinquimus.

Neminem ſanè pontificem a parochia ſua ſaltem parum-
per abſque ineuitabili proſus neceſſitate diſcedere Grego-
rius permittebat: quos nimirum in cauſis mundalibus occu-
pari vehementiſſimè prohibebat. Vnde Romano deſen-
ſori ſcribit dicens: Perlatum eſt ad nos, reuerendiſſimum fra-
trem noſtrum Baſilium epiſcopum velut vnum de laicis in cauſis occupari, & prætoris inutiliter obſecundare. Quæ res quoniam & ipſum vilem reddit, & reuerentiam ſacer-
dotalem annihilat: ſtatim vt experientia tua hoc præceptum ſuſceperit, eum ita ad reuertendum diſtricta executione compellat, quatenus ei illi (te inſiſtente) quinque diebus qualibet excuſatione immorari non liceat: ne ſi quolibet modo eum ibidem amplius moram habere permiſeris, cum ipſo apud nos grauiter incipias eſſe culpabilis.

Item Anthemio ſubdiacono. Peruenit ad nos, Pimenium Amaliſtanæ ciuitatis epiſcopū in eccleſia ſua reſidere nō eſſe

contentum, sed foras per loca diuersa vagari. Quod videntes alij, nec ipsi in castro se retinent, sed eius exemplum sequentes, foris magis eligunt habitare. Et quia hoc agentes, ipsi potius ad suam hostes deprædationem inuitant, idcirco hac tibi auctoritate præcipimus, vt superscripto episcopo interminari non desinas, quatenus hoc decætero facere non præsumat, sed in ecclesia sua sacerdotali more resideat. Quem si fortè non emendari post tuam interminationem cognoueris, in monasterio eum deputare, & nobis curabis modis omnibus indicare: vt quid facere debeas, nostra iterum cognoscas præceptione.

xxxvii.

Non mirum si Gregorius ex ministerio sibi credito curabat vitia quorumlibet præpositorum verbis salubribus increpare, qui lapsus propriæ amitæ non dubitauerit ad instructionem populi posterorum memoriæ commendare. Siquidem euāgelica sententia qua dicitur, Multi sunt vocati, pauci verò electi: volens multorum vocationem à paucorum electione formis exemplorum discernere, perhibet dicens: Pater meus tres sorores habuit, quæ cunctæ sacræ virgines erant: quarum vna Tharsilla, alia Gordiana, alia Aemiliana dicebatur. Vno omnes amore conuersæ, vno eodémque tempore sacratæ, sub districtione regulari degentes in domo propria socialem vitam ducebant. Cúmque essent diutius in eadem conuersatione, cœperunt quotidianis incrementis in amorem conditoris sui Tharsilla & Aemiliana succrescere: & cum solo hîc essent corpore, quotidie animo ad æterna transire. At contra Gordianæ animus cœpit ab amore caloris intimi per quotidiana detrimenta tepescere, & paulisper ad huius seculi amorem redire. Crebrò autem Tharsilla dicere Aemilianæ sorori suæ cum magno gemitu solebat, Video Gordianam sororem nostram de t̄ nostra sorte non esse. Perpendo enim quia foras defluit, & cor ad quod proposuit non custodit. Quam curabam blanda quotidie redargutione corripere, atque à leuitate morum ad grauitatem sui habitus reformare. Quæ quidem resumebat vultum subito

tal. demonstratio confor-

grauitatis inter verba correptionis: sed cum eiúdem correptionis hora transisset, transibat protinus & supradicta grauitas honestatis, móxque ad leuia verba redibat. Puellarum gaudebat societate laicarum: eique persona valde onerosa erat, quæcunque huic mundo dedita non erat. Quadam verò nocte huic Tharsillæ amitæ meæ, quæ inter sorores suas virtute orationis continuæ, afflictionis studiose, abstinentiæ singularis, grauitate vitæ venerabilis, in honore & culmine sanctitatis excreuerat, sicut ipsa narrauit, per visionem atauus meus, Felix huius Romanæ ecclesiæ antistes apparuit, eique mansionem perpetuæ claritatis ostendit, dicens: Veni, quia in hac te lucis mansionem suscipio. Quæ subsequenti mox febre correpta, ad diem peruenit extremum. Et sicut nobilibus scæminis virisque morientibus multi conueniunt, qui eorum proximos consolentur: eadem hora eius exitum præstolantes viri ac scæminæ lectulum circumsteterunt, cum subito sursum illa respiciens Iesum venientem vidit, & cum magna animaduersione cœpit circumstantibus clamare dicens: Recedite, recedite, Iesus venit. Cumque in eum intenderet quem videbat, sancta illa anima carne soluta est: tantæque subito fragrantia miri odoris aspersa est, vt ipsa quoque suauitas cūctis ostenderet illic authorem suauitatis venisse. Cumque corpus eius ex more mortuorum ad lauandum esset nudatū, longo orationis vsu in cubitis eius & genibus camelorum more inuenta est obdurata cutis excreuisse: & quid viuens eius spiritus semper egerit, mortua caro testabatur. Hæc autem gesta sunt ante Domini natalis diem. Quo tráfacto mox Aemilianæ sorori suæ per visitationem nocturnæ visionis apparuit, dicens: Veni, vt quia natalem dominicum sine te feci, sanctum Theophaniæ iam tecum faciā. Cui illa protinus de Gordianæ sororis suæ salute sollicita, respondit: Et si sola venio, sororem nostrā Gordianam cui dimitto? Cui tristi vultu iterum dixit, Veni: Gordiana etenim soror nostra inter laicas deputata est. Quam visionem mox molestia corporis est secuta: atque ita vt dictum fuerat, ante dominicæ apparitionis diem eadem molestia ingrauescente defuncta est. Gordiana autem mox vt solam remansisse se reperit, eius prauitas excreuit: & quod prius latuit in desiderio cogitationis, p̄stef-

Dies Theophania.

fectu prauæ actionis exercuit. Nam oblita dominici timoris, oblita pudoris & reuerentiæ, suæ oblita consecrationis, conductorem postmodum agrorum suorum maritum duxit. Ecce omnes tres vno prius ardore conuersæ sunt, sed non omnes in vno eodémque studio permanserunt: quia iuxta dominicam vocem, Multi sunt vocati, pauci verò electi.

Subditorum quoque negligentias Gregorius & subtiliter inquirebat, & districtissimis redargutionibus emendabat. Vnde Viteliano episcopo Sypontino scribens, Si custos, inquit, religiosi habitus, aut esse nosses episcopus, filiæ gloriofæ memoriæ Tulliani magistri militiæ, te illic posito, nec proiectis religiosis vestibus ad secularem reuerti habitum, nec ad nos licuisset peruersam epistolam destinare. Sed quia nimia desidia nimiòque torpore deprimeris, in tuo dedecore res ad præsens illicita impune commissa est. Nam si (vt præfati sumus) sollicitus extitisses, prius ad nos vltio mulieris prauissimæ, quàm culpa debuit peruenire. Quia ergo tantum habes, tantumque es negligens, vt nisi canonicam in te fueris coërcitionem expertus, in aliis districtiorem & disciplinam nescias custodire: qualiter debeas esse sollicitus, congruo tibi (si Domino placuerit) tempore demonstrabimus.

Item Sergio defensori. Si homo esses, aut districtiorem aliquam habuisses, ita regularis disciplinæ debuisti custos existere, vt ea quæ illic illicitè committuntur, antè vindicta corrigeret, quàm ad nos eorum nuntius perueniret. Sed dum nimia te facit stultitia negligentem: non solum de illis offendimur, sed etiam ad vlciscendum desidiam tuam nihilominus prouocamur.

Item Anthemio subdiacono Campaniæ. Peruenit ad xli. nos, fratrem & coepiscopum nostrum Paschasium ita desidem negligentemque in cunctis existere, vt in nullo quia est episcopus agnoscatur, adeò vt neque ecclesia ipsius, neque monasteria, siue filij, vel oppressi pauperes eius erga se dilectionis studium sentiant, nec aliquam supplicantibus sibi in quibus iustum est, opem defensionis accomodet: & quod adhuc dici grauius est, consilia sapientium & recta suadentium nulla patiatur ratione suscipere, vt quod ipse per se nequit attendere, ab alio saltem possit addiscere: sed rebus quæ ad pastoris curam pertinent, prætermisissis, ad fabricandam nauim toto se studio omisissis inutiliter occupet. Vnde, sicut fertur, contigit quadringentos, aut eo amplius illum iam solidos perdidisse. Hoc quoque eius culpis adiungitur, quòd ita quotidie despectus cum vno aut duobus clericis dicitur ad mare descendere, vt & apud suos in fabula sit, & extraneis sic vilis & despicibilis videatur, vt nihil in se habere episcopalis genij, vel reuerentiæ iudicetur. Quod si ita est, non sine culpa tua esse cognoscas, qui eum obiurgare atque coërcere vt dictum est distulisti. Quia ergo hoc totum non solum illum reprobatur, sed etiā ad sacerdotalis officij pertinere probatur opprobrium: volumus vt eum coram aliis sacerdotibus, vel quibusdam filiis suis nobilibus contestari debeas ac hortari, vt vitio torporis excusso, deses esse non debeat, sed in Ecclesiæ suæ ac monasteriorum cura sit vigilans: paternam filiis suis charitatem exhibeat: in defensione pauperū sit alacer cum discretione: in quibus iustitia suaserit, sit erectus: consilia sapientium libenter suscipiat: quatenus & ciuitas illa eius queat sollicitudine consolari, & ipse desidiæ suæ culpas valeat operire. Si verò (quod non credimus) post hanc adhortationem nostram solito adhuc more negligens esse tentauerit, ad nos est modis omnibus transmittendus: vt hîc positis discere possit quid vel qualiter secundum Dei timorem agere conueniat sacerdotem.

Item eidem. Quoties illa de fratribus coepiscopisque nostris audimus, quæ & illos reprehensibiles ostendere, & nobis tristitiam valeant generare, de eorum nos emendatione nō mediocriter coegit necessitas cogitare, Quia ergo nūtiatum nobis est Campaniæ episcopos ita negligentes existere, vt immemores honoris sui ingenio, neque erga Ecclesias, neque erga filios suos paternæ vigilantia curam exhibeant, vel monasteriorum sollicitudinem gerant, seu in oppressorum se pauperum tuitionem impendant: ideo hac tibi auctoritate præcipimus, vt eis ad te conuocatis, ex nostro illos mandato districtè commonecas, quatenus desides vltius es-

se non debeant, sed sacerdotalem se habere zelum & solitudinem opere doceant: atque ita in his quæ eos iuste secundum Deum agere conuenit, vigilantes existant, ut nullum nos de eis denuò murmur exasperet. Si quem verò eorum post hæc negligentem cognoueris, ad nos cum sine aliqua excusatione trans mitte: ut quàm sit graue nolle ab his quæ reprehensibilia, & valde vituperanda sunt, corrigi, regulari in se valeat districtione sentire.

Item Victorio episcopo Panormitano post aliqua, Cuius, inquit, iam culpæ sis, intelligis: ut ego tam longè positus, quæ in ciuitate tua aguntur agnoscam, & toti curis occupatus, quæ fieri debeant disponam.

xliij.

Notandum sanè quia sicut manifesta crimina discretissimus præsul Gregorius, aut vix, aut nunquam sine vindicta laxabat: ita nimirum in rebus dubiis nunquam aliquando certam sententiam proferebat. Quapropter Andrea Tarentino episcopo scribit, dicens: Tribunal iudicis æterni securus aspiciet, quisquis reatus sui conscius, digna eum modò pœnitentia placare contendit. Habuisse siquidem te concubinam manifesta veritate comperimus, de qua etiam contraria est quibusdam nata suspicio. Sed quia in rebus ambiguis absolutum non debet esse iudicium, hoc tuæ conscientiae eligimus committendum. Qua de re si in sacro ordine constitutus eius te permixtione esse recolis maculatum, sacerdotij honore deposito, ad ministrandum nullo modo præsumas accedere: sciturus in animæ tuæ periculo ministrare, & Deo nostro te sine dubio reddere rationem, si huius sceleris conscius in eo quo es ordine celans veritatem permanere volueris.

xliij.

Ob hoc sollicitissimus Ecclesie Dei custos Gregori⁹ vniuscuiusque consiliarios arguens, quantū in se erat, omnes omnino saluare certabat. Vnde Venantio ex monacho patricio post aliqua scribens ait: Scio quia cū epistola mea suscipitur, protinus amici conueniunt, literati clientes vocantur, & de causa vitæ, consilium ex fautoribus mortis quæritur: qui dum non te, sed res tuas diligunt, nulla tibi nisi quæ ad tempus placeant, loquuntur. Tales etiam fuerunt (sicut ipse reminisceris) dudum consiliarij, qui te ad tanti facinus perduxerunt delicti. Et ut tibi aliquid secularis authoris loquar, cum amicis omnia tractanda sunt, sed prius de ipsis. Si verò in causa tua hominem consiliarium quæris, consiliarium me suscipe. Nullus tibi fidelior esse ad consilium potest, quàm qui non tua, sed te diligit.

Item Ioanni Constantinopolitano episcopo, post nonnulla. Ego beatissimo viro domino Ioanni rescripsérā: sed credo quia mihi familiaris ille vester iuuenculus rescripsit, qui adhuc de Deo nihil didicit, qui viscera charitatis nescit, qui in scelestis rebus ab omnibus accusatur, qui insidiari quotidie diuersorum mortibus per occulta testamenta nec Deum meruit, nec homines erubescit. Mihi crede frater charissime, si zelum veritatis perfectè habes, ipsum prius debes corrigere, ut ex his qui vobis vicini sunt, etiam hi qui vicini non sunt, exemplo emendentur. Illius linguam noli recipere. Ille ad consilium vestræ sanctitatis debet dirigi, non autem vestra sanctitas ad verba illius inflecti. Si enim illum audit, scio quia pacem cum suis fratribus habere non poterit.

Item Ianuario Caralitano episcopo: Eos, inquit, quorum consiliis messem alterius exarasti, & eradicare terminos minimè timuisti, in duobus mensibus excommunicatos esse decernimus, ita ut si quid eis intra duorum mensium spatium humanitùs euenerit, benedictione viatici non priuentur. Deinceps autem ab eorum consiliis cautus existe, teque sollicitè custodi: ne si eis in malo discipulus fueris, quibus magister in bono esse debuisti, nec simplicitati tuæ nec vltius senectuti parcamus.

Item Gallinico exarcho Italia post nonnulla. Illud verò cognoscite, quia me non modicè contristauit, quòd maior domus qui petitionem episcopi volentis à schismate reuertit, suscepit, eam se perdidisse professus est, & postmodum ab aduersariis Ecclesie tenebatur. Quod ego non negligentia, sed venalitate eius factum arbitror. Vnde miror quia in eo culpam hanc minimè vestra excellentia vindicauit: sed tamen quia hoc miratus sum, memetipsum citius reprehendi.

di. Nam ubi dominus Iustinus consilium præbet, qui pacem cum catholica Ecclesia non habet: ibi non possunt hæretici addici. Præterea sancti Petri Apostolorum principis natalitium diem in Romana ciuitate vos facere velle perhibetis: & oramus omnipotentem Dominum, ut sua vos misericordia protegat, & vota vestra vos implere concedat. Sed prædictus vir eloquentissimus peto ut simul veniat, qui si non venerit, à vestris obsequiis recedat: vel certè si vestra excellentia fortasse emergentibus causis venire nequiverit, ipse tamen sanctæ Ecclesie vnitati communicet. Bonum enim virum audio, si pessimi non esset erroris.

Item Sereno Mafilitano episcopo post multa. Peruenit ad me quòd dilectio tua libenter malos homines in societate vel consilio suo recipiat, adeò ut presbyterum quendam qui postquam lapsus est, & in suæ adhuc dicitur iniquitatis pollutione versari, familiarem habeat: quod quidem nos ex toto non credimus: quia qui talem recipit, scelera non corrigit, sed magis aliis talia perpetrare videtur dare licentiam. Sed ne fortè aliquid tibi surreptione, vel dissimulatione ut à te reciperetur, atque adhuc habeatur gratis suaferit: non solum hunc à te longius expellere, verum etiam excessus ipsius sacerdotali te zelo modis omnibus conuenit refecare: alios verò qui prauis esse memorantur, paterna adhortatione à sua prauitate compesce, & ad vitam stude rectitudinis reuocare. Quod si (quod absit) salubri monitu eos videris in nullo proficere, & hos quoque curabis à te procul abicere, ne prauitates eorum ex eo quòd recipiuntur, displicere minimè videantur, & non solum ipsi inemendati remaneant, sed etiam eorum receptione alij corrumpantur. Et considera quàm & hominibus execrabile, & periculosum ante Dei sit oculos, si per eum à quo plectenda sunt crimina, nutriri vitia videantur. Hæc igitur dilectissime frater, diligenter attende, & ita agere stude, ut prauos salubriter corrigas, & scandalum de malorum societate, filiorum tuorum animis non inducas.

xlv.

Pro vnius culpa iudicari alium rectissimus iudex Gregorius minimè permittebat. Ideoque Godescalco duci Campaniæ scribens ait. Illa præpositorum sollicitudo utilis, illa est cautela laudabilis, in qua totum ratio agit, & furor sibi nil vindicat. Restrungenda ergo sub ratione potestas est, nec quicquam agendum prius quàm concitata ad tranquillitatem mens redeat. Nam commotionis tempore iustum putat ira quod fecerit. Peruenit itaque ad nos, magnitudinem tuam vsque ad hoc esse impetu furoris impulsam, ut non solum frangi ianuas monasterij sancti Archangeli, verum etiam diripi exinde quod ibi inuentum est feceris. Insuper autem sic contra abbatem eiusdem monasterij diceris exarasse, ut nisi occultans se iracundiæ tuæ tempore latuisset, non leue discrimen incurreret, denique ut metu tuo perterritus, de domo in qua se olim receperat, exire hucusque non audeat. Quòd ne frustra fecisse forsitan videreris, fugam monachi ipsius, qui ad hostes abiit, ad eius (quantum ad nos perlatum est) crimen impingis, asserens quòd illius voluntate fugerit. Quod si ita est, contristamur, & valde sapientiam vestram miramur. Nam si licitum putatis ut aliorum culpa alij sit nociua, multi huic possunt crimini subiacere. Diuersorum enim nobilium serui, multarum ecclesiarum clerici, diuersorum monasteriorum monachi, multorum iudicum homines sæpe se hostibus tradiderunt. Ergo si hoc creditur, seruorum utique Domini, clericorum episcopi, monachorum abbates, diuersorum fugacium iudices, omnes sub culpa sunt & crimine constituti. Nunquid & diebus magnitudinis tuæ multi de ciuitate in qua consistis, ad Longobardorum milites non fuga lapsi sunt? Et quis tantæ indiscretionis tantæque possit stultitiæ reperiri, ut eorum iniquitatem tibi astimet applicandam?

xlvj.

Libertatem vniuscuiusque hominis Gregorius contra iudicum insolentias liberis nihilominus vocibus defendebat. Vnde Leontio ex consuli post aliqua scribens ait: Si Libertinus in ista causa cautionis culpabilis inuenitur, de aliis causis quid pro se alleget, nescio: vnum tamen hoc bene atque constanter noui, quia & si quam rebus publicis fraudem fecit, substantia eius cædi debuit, non libertas. Nam in hoc quòd

xlvij.

liberi homines cæduntur, vel includuntur, vt taceam quòd omnipotens Deus offenditur, vt taceam quòd vestra opinio vehementer grauatur: piissimi tamen imperatoris nostri omnino tempora suscantur. Hoc enim inter reges gentium, & Imperatores Romanorum distat, quòd reges gentium, Domini seruorum sunt: Imperator verò Romanorum, Dominus liberorum. Vnde & vos quicquid agitis; prius quidem seruata iustitia, deinde custodita per omnia libertate agere debetis. Scriptum est enim: Quod tibi non vis fieri, vide ne alteri facias. Et per semetipsam veritas dicit: Quæ vultis vt faciant vobis homines, & vos eadem facite illis. In libertate ergò eorum qui vobis in discussione commissi sunt, vestram specialiter attendere debetis: & si ipsi à maioribus vestris iniuriari libertatem vestram non vultis, subiectorum vestrorum libertatem honorando custodite. Scimus enim qui dixit: Cælum & terrā transibunt, verba autem mea non transibunt. Cuius quia verba non transeunt, sed per omnia implentur, metuemus quod iterum dicit: In qua mensura mensi fueritis, in ea remetietur vobis. Quod autem gloria vestra existimat, quia si superbè, si crudeliter agimus despecto Deo, nobis hominem placamus: nullo modo. Nam ipse qui despicitur, eum contra nos quem despecto Deo placare volumus, irritat. Curremus ergo per omnia placare Deum, qui potens est, & iratos homines ad mansuetudinem reducere. Nam (sicut dixi) etiam mansueti homines indignante Deo ad iracundiam prouocantur. Si autem dicitur, quia sine verberibus atque terroribus fraudes publicæ inueniri non possunt: hoc admittere poteram, si in ratiocinationum causa dominus Leontius non venisset. Nam verum est quia illi solent manibus excedere, qui in sensu & lingua deficiunt.

xlvij.

Cunctorum iudicum cupiditates vel scelera Gregorius quasi camo frenoque pontificij sui, validissimis authoritatibus refringebat: & si quos dulciter à prauitate corrigere non valebat, scriptorum suorum redargutionibus publicabat. Vnde Romano exarcho Italiæ residenti Rauennæ scribit, inquiens: Apud excellentiam vestram prauorum audacia corruptionis debet aculeos magis quàm defensionis inuenire solatium. Nam satis graue est, vt contingat illic habere prauarum actionum refugium, vnde disciplinæ debet prodire censura. Peruenit itaque ad nos, Speciosum quendam præbyterum, qui causa poscente in monasterio à Ioanne fratre & Coepiscopo nostro fuerat deputatus, contra sui pastoris exinde voluntatem exiisse, & Ecclesiasticæ constitutionis vigore despecto, antedicto Episcopo vestra fretum tuitione resistere. Quod quia excellentiæ vestræ sine dubio pulsât inuidiam, necesse est vt ab eius vos (habita discretione) debeatis tuitione suspendere: ne si nominis vestri occasione pastori suo inobediens vel contumax fuerit: ad tempus vestros contra vos iudices defensare, atque excellentiam vestram hac ex re cogatur offendere, & nos pariter de vestra discordia contristari. Comperimus præterea (quod dici nefas est) quasdam mulieres quæ nunc vsque in religioso atque monachico habitu permanferant, religiosam vestem deponere, & coniugiis (quod sine graui dolore referre non possumus) sociari. Sed hoc quidem vt licere vel attentare præsumant, fauoris vestri patrocini fulciri dicuntur. Quod nos credere peruersitatis ipsius acerbitas non permittit. Petimus ergò vt in tanto vos peccato miscere nullatenus debeatis. Nam huiusmodi iniquitatem impunitam propter Deum nullo modo patimur remanere. Vnde iterum quæsumus vt excellentia vestra in talium se causarum defensione non misceat: ne & Deus suam defendat iniuriam, & inter nos aliorum pariat culpa discordiam. Item Venantio ex monacho patricio. Multi homines stulti putauerunt quòd si ad ordinem Episcopatus eueherer, te alloqui ac per Epistolas frequentare recusarem. Sed non ita est: quia ipsa iam loci mei necessitate compellor vt tacere non debeam. Et post pauca. Hac igitur consideratione compulsus, velis an nolis locuturus sum: quia omni virtute, aut te cupio saluari, aut de tua morte me eripi. In quo enim habitu fueris, recolis: & supernæ districtiōis animaduersione postposita, ad quid sis delapsus, agnoscis. Culpam ergo tuam pensam dum vacat: districtiōnem futuri iudicis dum vales exhorresce, ne tunc illam amaram sentias, cum cam iam nullis fletibus euadas.

Et infra: Tecte Euangelio scis, quia diuina seueritas de ocioso sermone nos arguit, & de verbo inutili rationes subtiliter exquirat. Pensa ergo quid factura est de peruerso opere, si quosdam in iudicio suo reprobatur de sermone. Ananias Deo pecunias vouerat, quas post diabolicā victus persuasionē subtraxit: sed quā morte mulctatus est, sapis. Si ille igitur mortis periculo dignus fuit, qui eos quos dederat nummos Deo abstulit: considera quanto periculo in diuino iudicio dignus eris, qui non nummos, sed temetipsum omnipotenti Domino, cui te sub monachico habitu deuoueras, subtraxisti. Quapropter si correctionis meæ verba secuturus audieris, quā sint blanda & dulcia, in fine cognosces. Ecce (fateor) mœrens loquor, & facti tui tristitia addictus, edere verba vix valeo: & tamen animus tuus actionis suæ conscius, vix sufficit ferre quod audit: erubescit, confunditur, aduersatur. Si ergo ferre non valet verba pulueris, quid facturus est ad iudicium conditoris? Fateor tamen quia supernæ gratiæ esse misericordiam maximam credo, quòd te effugere vitam conspicit: & tamen adhuc ad vitam reseruat, quòd superbiētem te videt, & tolerat. Cūque Venantius in eadem apostasia permanens, obortis quibusdam simultatibus oblationes suas à Ioanne Syracusano Episcopo execratas cognosceret, contra Episcopum hostili more commotus est, eumque non timuit Gregorio accusare. Cui ipse rescribit dicens: Multum nos ea quam direxistis, iam contristatos inuenit epistola, quòd inter vos & Ioannem fratrem & Coepiscopum nostrum (de quorum desiderabamus gaudere concordia) scandalum prodiisse cognouimus. Quæuis enim causa fuisset, non vsque ad hoc debuit furor erumpere, vt armati homines vestri (sicut audiuius) in Episcopum irruerent, & diuersa hostili more mala committerent, atque vos hæc res à paterna interim charitate diuideret. Nunquid non poterat si quælibet contentio fuit, tranquillè disponi, vt nec partium vtilitas detrimentum, nec sentiret gratia læsionem? Cuius autem grauitatis, cuius sanctitatis, cuius mansuetudinis superscriptus frater noster sit, non habemus incognitum. Ex qua re colligimus, quia nisi vis eum doloris nimia coëgisset, ad hanc rem de qua vos contristatos asseritis, eius fraternitas nullatenus peruenisset. Nos tamen vbi hoc eo scribente comperimus, illico ei scripsimus, admonentes, vt & oblationes vestras, sicut antè, susciperet, & Missas in domo vestra non solum celebrari permitteret, sed (si velitis) etiam ipse perageret & cætera. Verum Venantius cum Episcopo in concordiam rediens, cū per vndecim annos à Gregorio multiplicibus literis exhortatus redire ad monachicum propositum detrectaret, in grauissimam ægritudinem cecidit: quod à Ioanne Syracusano Episcopo Gregorius audiens, recipit dicens: Fraternitatis vestræ scripta suscepi, quæ mihi de dulcissimi filij mei domni Venantij ægritudine loquebantur, & cuncta erga eum qualiter acta sunt, enarrabant. Sed vno tempore auditis & illum desperare ac grauiter ægrotare, & in rebus orphanorum, filiorum scilicet eius, homines iniquos insistere, vix se in corde meo dolor capere poterat. Sed in hoc fuit solatium quòd lachrymæ mihi per gemitus erumpēbant. Vestra igitur sanctitas primam quam debet curam negligere non debet, vt de anima eius cogitare debeat, exhortando, rogando, Dei terribile iudicium proponendo, ineffabilem eius misericordiam promittendo, vt ad habitum suum redire, vel in extremo debeat, ne ei reatus tantæ culpæ in æterno iudicio obstat. Si quos tamen iudicum à suis prauitatibus inconvertibiles Gregorius aduertebat, eos scriptis propriis penes principes denotabat. Vnde Constantina Augusta quæritur dicens: Dum in Sardinia insula multos esse gentiliū cognouissem, eosque adhuc prauæ gentilitatis more idolorum sacrificiis deseruire, & eiusdem insulæ sacerdotes ad prædicandum redemptorem nostrum torpentes existerent: vnum illuc ex Italiæ Episcopis nisi, qui multos gentiliū ad fidem Domino cooperante perduxit. Sed rem mihi sacrilegam nuntiavit, quia hi qui in ea idolis immolant, iudici præmium persequuntur, vt hoc eis facere liceat. Quorum dum quidam baptizati essent, & iam immolare idolis deseruissent, adhuc ab eodem insulæ iudice, etiam post baptismum præmium illud exigitur, quod dari prius pro idolorum immolatione consueuerat.

Private
Missam
antiquis
erat in usu.

uerat. Quem cum prædictus episcopus increparet, tantum se suffragium promississe respondit, ut nisi de causis etiam talibus impleri non possit. Corsica verò insula tanta nimietate exigentium, & grauamine premitur exactio, ut ipsi qui in illa sunt, eadem quæ exiguntur, complere vix filios suos vendendo sufficiant. Vnde fit, ut derelicta pia republica, possessores eiusdem insulæ ad nefandissimam Longobardorum gentem cogantur effugere. Quid enim grauius, quid crudelius pati possunt à barbaris, quam ut constricti atque compressi suos filios vendere compellantur? In Sicilia autem insula Stephanus quidam marinarum chartularius, tanta præiudicia, tantæque oppressiones operari dicitur inuadendo loca singulorum, atque dictione causarum per possessiones ac domos titulos ponendo, ut si velim acta eius singula quæ ad me peruenerunt, dicere, magno volumine hæc explere non possim. Quæ omnia serenissima domina solerter aspiciat, & oppressorum gemitus compescat. Et post pauca. Quæ enim mentes, qualia viscera parentum esse possunt perpendite, quando filios suos distrahunt ne torqueantur. Qualiter autem miserendum sit filiis aliorum, hoc bene sciunt qui habent proprios. Vnde mihi breuiter hæc suggestisse sufficiat, ne si ea quæ in his partibus aguntur, pietas vestra non cognosceret, me apud districtum iudicem silentij mei culpa multaret.

xlix. Hinc est quoddam huius Gregogorij tempore tot sacerdotes & laici per diuersas regiones miraculis coruscasse (dialogo teste) probantur, quot nunquam sub posterioribus pontificibus inueniri postea potuerunt.

Tantis igitur Ecclesiæ Dei felicitatibus hostis humani generis inuidens, nonnullos pontificum simulque secularium iudicum ad eius inuidiam conflagrauit. Super quorum afflictione Ioanni Rauennati episcopo inter cætera queritur dicens: Peccatis meis hoc reputo, quia iste qui nunc interest, haud dubium quin Romanus exarchus, & pugnare contra inimicos nostros dissimulat, & nos facere pacem vetat: quauis iam modò, etiam si velit, facere omnino non possumus: quia Ariulfus exercitum Auarith & Nodulfi habens, eorum sibi dari precario desiderat, ut nobiscum loqui aliquid de pace dignetur.

Item Sebastiano episcopo Sirmiensi post aliqua. Quæ, sanctissime frater, de amici vestri domni Romani persona in hac terra patimur, loqui minimè valemus: breuiter tamen dico, quia eius in nos malitia, gladio Longobardorum vincit, ita ut benigniores videantur hostes qui nos interimunt, quam reipublicæ iudices, qui nos malitia sua rapinis atque fallaciis in cogitatione consumunt. Et vno tempore curam episcoporum atque clericorum, monasteriorum quoque & populi gerere, contra hostium insidias sollicitum vigilare, contra ducum fallacias atque malitias suspectum semper existere: cuius laboris sit, cuius doloris sit, vestra fraternitas tantò verius pensat, quantò me qui hæc patior, purius amat.

Item Anastasio patriarchæ post multa. Quæ mala à barbarorum gladiis, quæ à peruersitate iudicum patimur, beatitudini vestræ narrare refugio, ne eius gemitum augeam, quem minuere consolando debueram.

Item Palladio Presbytero de monte Sina post plurima. Peto ut pro me orare debeas, quatenus omnipotens Deus, & à malis me spiritibus, & à peruersis hominibus custodire dignetur: quia in hac vitæ meæ peregrinatione mala me simul, & multa circundant, ita ut cum Psalmista iure dicam: In me transierunt iræ tuæ, & terrores tui conturbauerunt me. Circundederunt me sicut aqua tota die, circundederunt me simul.

Porro Mauricio tunc avarissimo simulque rapacissimo principi, suggestionibus inimicorum suorum funestissimam legem ferenti, ut nulli militum, qui videlicet in manu signatus fuisset, liceret conuerti, inter cætera sic respondit. Ad hoc potestas super omnes homines, pietati dominorum meorum cœlitus data est, ut qui bona appetunt, adiuuentur, ut cœlorum via largiùs pateat, ut terre regnum cœlesti regno famuletur. Et ecce aperta voce dicitur, ut ei qui semel in terrena militia signatus fuerit, nisi aut expleta militia, aut pro debilitate corporis depulsus, Christo militare non liceat. Ad

A hæc ecce per me seruum vltimum suum & vestrum respondet Christus dicens: Ego te de notario comitem excubitorum, de comite excubitorum Cæsarem, de Cæsare imperatorem, & non solum hoc, sed etiam patrem imperatorum feci. Sacerdotes meos tuæ manui commisi: & tu à meo seruitio milites tuos subtrahis? Responde (rogo) piissime domine seruo tuo, quid venienti, & hæc dicenti responduruses in iudicio Domino tuo? Et post pauca. Requirat ergo dominus meus quis prior imperator talem legem dederit, & subtilius æstimet si dari debuerit.

Item Theodoro medico, post aliqua: Peccatis, inquit, meis facientibus, ex quorum suggestionibus, vel consilio nescio talem in reipublica sua legem protulit imperator, ut nullus qui actionem publicam egit, nullus qui optio vel manu signatus, vel inter milites habitus est, ei in monasterio cōuerti liceat, nisi fortè militia eius fuerit expleta. Quam legem primum (sicut hi dicunt qui leges veteres nouerunt) Iulianus protulit, de quo scimus omnes quantū à Deo auersus fuerit.

B Confortabat insaniam iudicum siue fouebat Ioannes tunc ex monacho regiæ vrbs antistes, qui eo tempore quo Gregorius à Pelagio præfule destinatus Apocrisarius penes Constantinopolin morabatur, fugere se summum sacerdotium quasi humiliter finxit: sed eo suscepto vsque adeò in superbiam dolosæ mentis excreuit, ut causa alia occasionem quærens synodum faceret, in qua se vniuersalem appellare conatus est. Quod mox papa Pelagius ut agnouit, directis epistolis ex autoritate sancti Petri Apostoli eiusdem synodi acta cessauit. Diaconū verò qui iuxta morē pro responsis ecclesiasticis faciendis imperatoribus adhærebat, cū eo missarū solēnia celebrare prohibuit. Cuius sententiam beatus Gregorius sequens, prædictum Ioannem sepe commonitum acquiescere differentem, sententia pari multauerat, omnibusque pontificibus sub interminatione proprii honoris mandauerat, ne vnquam vniuersalis prophanum vocabulum aut scriberent, aut scriptum susciperent, aut vbi fuisset scriptum, subscriberent. Quapropter Ioannes multis fallaciis ad suam hypocrisis consensum avarissimi imperatoris redimens, obtinuit ut imperator Gregorio scriberet, quod sibi pacificus extitisset. Quapropter ipse imperatrici Constantina inter aliqua scribit dicens: Sabiniano diacono responsali meo scribente cognoui, in causis beati Petri Apostolorum principis contra quosdam superbè humiles, fictè blandos, quanta se iustitia vestra serenitas impendat. Vnde adhuc peto, ut nullius præualere contra veritatem hypocrisis permittatis: quia sunt quidam qui iuxta egregij prædicatoris vocem, per dulces sermones & benedictiones seducunt corda innocentium: qui veste quidem despecti sunt, sed corde tument: & quasi in hoc mundo cuncta despiciunt, sed tamen ea quæ mundi sunt, cuncta simul adipisci quærunt. Qui indignos se omnibus hominibus fatentur, sed priuatis vocabulis contenti esse non possunt: quia illud appetunt, vnde omnibus digniores esse videantur. Et post pauca.

D Præterea indico, quia piissimi domini scripta suscepi, ut fratri & confacerdoti meo Ioanni debeam esse pacificus. Et quidem sic religiosum dominum decuit, ut sacerdoti ista præciperet. Sed cum se noua præsumptione atque superbia idem frater meus vniuersalem episcopum appelleret, ita ut sanctæ memoriæ decessoris mei tempore scribi se in synodo tali hoc superbo vocabulo faceret: quauis cuncta illius synodi, sede apostolica contradicente, soluta sint: triste mihi aliquid serenissimus dominus innuit, quod non eum corripuit, qui superbit, sed me potius ab intentione mea declinare voluit, qui in hac causa, euangeliorum & canonum, humilitatis atque rectitudinis defendo veritatem. Qua in re à prædicto fratre & confacerdote meo contra euangelicam sententiam, contra beatum quoque Petrum apostolum, & contra omnes Ecclesias canonumque statuta agitur. Sed est omnipotens Deus, in cuius manu sunt omnia, de quo scriptum est: Non est sapientia non est prudentia, non est consilium contra Dominum. Et quidem sæpe fatus sanctissimus frater serenissimo domino multa suadere conatur: sed bene noui quia tantæ illæ orationes eius & lachrymæ nil ei à proquam contra rationem aut animam suam subripi permittunt.

lj.

lij.

Triste tamem valde est, vt patienter feratur, quatenus despectis omnibus praedictus frater & Coepiscopus meus solus conetur appellari Episcopus. Sed in hac eius superbia quid aliud nisi propinqua iam Antichristi tempora esse designatur? Quia illum videlicet imitatur, qui spretis in sociali gaudio Angelorum legionibus, ad culmen conatus est singularitatis erumpere, dicens: Super astra caeli exaltabo solium meum, sedebo in monte testamenti, in lateribus Aquilonis. Ascendam super altitudinem nubium: similis ero altissimo. Vnde per omnipotentem Dominum rogo, ne pietatis vestrae tempora permittatis vnus hominis elatione maculari: neque tam peruerso vocabulo vllum quoquo modo praebeatis assensum, atque in hac causa nequaquam me pietas vestra despiciat: quia & si peccata Gregorij tanta sunt, vt pati talia debeat: Petri Apostoli peccata nulla sunt, vt vestris temporibus pati talia mereantur. Vnde iterum atque iterum per omnipotentem Dominum rogo, vt sicut priores principes sancti Petri Apostoli gratiam quaesierunt, vos quoque hanc vobis & quaerere, & seruare curetis, & propter peccata nostra, qui ei indignè seruimus, eius apud vos honor nullatenus minuatur, quod & modo vobis adiutor esse in omnibus, & postmodum vestra valeat peccata dimittere. Viginti autem iam & septem annos dicimus, quod in hac vrbe inter Longobardorum gladios viuimus: quibus quam multa ab hac Ecclesia quotidianis diebus erogantur, vt inter eos viuere possimus, suggerenda non sunt. Sed breuiter indico, quia sicut in Rauennae partibus dominorum pietas apud primi exercitum Italiae sacellarium habet, qui causis superuenientibus quotidianas expensas faciat: ita & in hac vrbe in causis talibus eorum sacellarius ego sum: & tamen hac Ecclesia quae vno eodemque tempore clericis, monasteriis, pauperibus, populo atque insuper Longobardis tam multa indefinenter expendit: ecce adhuc ex omnium Ecclesiarum afflictione premitur, quia de vnus hominis superbia multi gemunt, etsi dicere nil praesumunt.

liij.

Auarissimo quoque principi Gregorius voce libera contradicit, post aliqua scribens: Ecce clauis regni caelestis haud dubium est quin Petrus accepit: potestas ei ligandi atque soluendi tribuitur: cura ei totius Ecclesiae & principatus committitur, & tamen vniuersalis Apostolus non vocatur, & vir sanctissimus confacerdos meus Ioannes vocari vniuersalis Episcopus conatur. Exclamare compellor ac dicere, O tempora, o mores. Ecce cuncta in Europae partibus Barbarorum iuri sunt tradita: destructae sunt vrbes: euersa castra: depopolatae prouinciae: nullus terram cultor inhabitat: saeuunt & dominantur quotidie in necem fidelium cultores idolorum: & tamen sacerdotes qui in pauimento & cinere flentes iacere debuerunt, vanitatis sibi nomina expetunt, & nouis ac profanis vocabulis gloriantur. Nunquid ego hac in re, piissime Domine, propriam causam defendo? Nunquid specialem iniuriam vendico? Causam omnipotentis Dei ago, causam vniuersalis Ecclesiae. Quæro, quis est iste qui contra statuta Euangelica, contra canonum decreta, nouum sibi nomen usurpare praesumit? Vtinam vel sine imminutione vnus sit, qui esse appetit vniuersus. Et certè multos Constantinopolitanæ Ecclesiae in hæreseos voraginem cecidisse nouimus sacerdotes: & non solum hæreticos, sed etiam hæresiarchas factos. Inde quippe Nestorius, qui mediatorem Dei & hominum Christum Iesum duas esse personas existimans, quia Deum hominem fieri potuisse non credidit, vsque ad Iudaicam perfidiam erupit. Inde Macedonius, qui consubstantialem Patri & Filio Spiritum sanctum, Deum esse denegauit. Si igitur illud nomen in ea ecclesia sibi quisquam arripit, vnde tot hæresiarchae prodiisse noscuntur. Vniuersa ergo Ecclesia (quod absit) à statu suo corrui, quando is qui appellatur vniuersalis, cadit. Sed absit à Christianis cordibus nomen istud blasphemiae, in quo omnium sacerdotum honor adimitur, dum ab vno sibi dementer arrogatur. Certè pro beati Petri Apostolorum principis honore per venerandam Chalcedonensem synodum Romano pontifici oblatum est: sed nullus eorum vnquam hoc singularitatis nomine vti consensit: ne dum priuatim aliquid daretur vni, honore debito sacerdotes priuarentur vniuersi. Quid est ergo quod nos huius vocabuli gloriam & oblatam non quaerimus, & alter sibi hanc arripere

etiam non oblatam praesumit? Ille ergo magis est piissimorum dominorum praeeptione flectendus, qui praeeptis canonicis obedientiam praebere contemnit. Ille coercendus est, qui sanctae vniuersali Ecclesiae iniuriam facit: qui corde tumet: qui gaudere de nomine singularitatis appetit: qui honori quoque vestri imperij se per priuatam vocabulum superponit. Ecce omnes hac de re scandalum patimur. Ad viam igitur rectam reuertatur author scandalum, & omnia sacerdotum iurgia cessabunt. Ego enim cunctorum sacerdotum seruus sum, in quantum ipsi sacerdotaliter viuunt. Nam qui contra omnipotentem Deum per inanis gloriae tumorem, atque contra statuta patrum suam ceruicem erigit, in omnipotente Domino confido, quia meam sibi nec cum gladiis flectet. Quid autem nuper in hac vrbe ex huius vocabuli auditu gestum sit, Sabiniano Diacono ac responsali meo subtilius indicaui.

Item Ioanni Episcopo Constantinopolitano. Eo tempore quo fraternitas vestra in sacerdotali honore prouecta est, quantam Ecclesiarum pacem atque concordiam inuenerit, recolit: sed quo ausu quove tumore nescio nouum sibi conata est nomen arripere, vnde omnium fratrum corda potuissent ad scandalum peruenire. Qua in re vehemèter admiror, quia ne ad Episcopatum venire potuisses, fugisse te velle memini: quem tamen adeptum ita exereere desideras, ac si ad eum ambizioso desiderio decurrisses. Qui enim indignum te esse fatebaris vt Episcopus dici debuisses, ad hoc quandoque perductus es, vt despectis fratribus Episcopus appetas solus vocari. Et paulò post. Verè enim flens dico, atque ex intimo viscerum dolore peccatis meis reputo, quod ille meus frater nunc vsque reduci ad humilitatem non valuit, qui ad hoc in Episcopatus gradu constitutus est, vt aliorum animas ad humilitatem reducat: quod ille qui veritatem docet alios, semetipsum docere, nec me quoque deprecante consensit.

Item post aliqua. Quis (rogo) in hoc tam peruerso vocabulo, nisi ille ad imitandum proponitur, qui despectis Angelorum legionibus secum socialiter constitutis, ad culmen conatus est singularitatis erumpere, vt nulli subesse, & solus praesse omnibus videretur? Qui etiam dixit: In caelum conscendam, super astra caeli exaltabo solium meum, sedebo in monte testamenti, in lateribus Aquilonis: ascendam super altitudinem nubium, similis ero altissimo. Quid enim fratres tui omnes Ecclesiae vniuersales Episcopi, nisi astra caeli sunt: quorum vita simul & lingua inter peccata errorisque hominum quasi inter noctis tenebras lucent? Quibus dum cupis temetipsum vocabulo elato praepone: eorumque nomen tui comparatione calcare: quid aliud dicis, nisi, In caelum conscendam, super astra caeli exaltabo solium meum? An non vniuersi Episcopi nubes sunt, qui & verbis pluunt, & bonorum operum luce coruscant? Quos dum vestra fraternitas despiciens sub se premere conatur, quid aliud dicit, nisi hoc quod ab antiquo hoste dicitur. Ascendam super altitudinem nubium? Quae cuncta ego cum flens conspicio, & occulta Dei pertimesco iudicia: augentur lachrymae, gemitus se in meo corde non capiunt: quod ille vir sanctissimus Dominus Ioannes, tantae abstinentiae atque humilitatis, familiarium seductione linguarum ad tantam superbiam erupit, vt in appetitu peruersi nominis illis esse conetur similis, qui dum superbe esse Deo similis voluit, etiam donata similitudinis gratiam amisit: & veram beatitudinem perdidit, quia falsam gloriam quaesuit. Certè Petrus princeps Apostolorum membrum sanctae & vniuersalis Ecclesiae est: Paulus, Andreas, Ioannes, quid aliud quam singularum sunt plebium capita? Et tamen sub vno capite omnes, membra. Atque vt cuncta breui cingulo locutionis astringam, sancti ante legem, sancti sub lege, sancti sub gratia, omnes hi perficientes corpus Domini, in membris sunt Ecclesiae constituti, & nemo se vnquam vniuersalem vocari voluit. Vestra ergo sanctitas agnoscat quantum apud se tumeat, quae illo nomine vocari appetit, quo vocari nullus praesumpsit, qui veraciter sanctus fuit. Item post pauca. Certè olim clamatur per Apostolum: Filioli, nouissima hora est. Et secundum quod veritas praedixit, pestilentia, & gladius per mundum saeuit: gentes insurgunt gentibus: terrae concutitur orbis: cum habitatoribus suis terrae dehiscences soluuntur, omnia quae praedicta sunt, fiunt. Rex

superbiae

superbiæ prope est: & (quod dici nefas est) sacerdotum ei præparatur exercitus, quia ceruici militat elationis, qui positi fuerant ut ducatum præberent humilitatis. Sed hac in re etiam si nostra lingua minimè contradicat: illius virtus contra elationem erigitur, qui superbiæ vitio per semetipsum specialiter aduersatur. Et infra. Considerare vos conuenit, ne qua radix amaritudinis sursum germinans impediatur, & per illam coisquinentur multi, quod tamen si nos considerare negligimus, contra tantæ elationis tumorem iudicia superna vigilabunt.

lv. Item Sabiniano diacono Constantinopolitano. De causa fratris nostri viri reuerendissimi Ioannis episcopi Constantinopolitani duas epistolas facere nolui: sed vna breuiter facta est, quæ vtrunque habere videretur admixtum, id est, & rectitudinem, & blandimentum. Tua itaque dilectio eam epistolam quam nunc direxi, pro voluntate imperatoris ei dare studeat. Nam de subsequenti talis alia transmittetur, de qua eius superbia non lætetur. Ad hoc enim vsque peruenit, ut sub occasione presbyteri Ioannis gesta huc transmitteret, in qua se penè per omnem versum œcumenicum patriarcham nominaret. Sed spero in omnipotentem Deum, quia hypocrisis illius superna maiestas dissoluet. Miror autem quod dilectionem tuam fallere potuit, ut permitteres domino imperatori persuaderi, quatenus ad me de hac causa sua scripta transmitteret, in quibus admoneret ut cum eo pacem habere debuissim: qui si iustitiam tenere vult, illum debuit admonere, ut se à superbo vocabulo compesceret: & protinus inter nos pax fieret. Tamè qua calliditate à prædicto fratre nostro Ioanne factum sit, ut suspicor, minimè pensasti. Idcirco enim hoc ille fecit, ut aut audiretur dominus imperator, & ille in sua vanitate confirmatus esse videretur: aut non à me audiretur, & eius animus contra me irritaretur. Sed nos rectam viam tenebimus, nil in hac causa aliud nisi omnipotentem Dominum metuentes. Vnde tua dilectio in nullo trepidet. Omnia quæ in hoc seculo videt alta esse contra veritatem, pro veritate despiciat: & in omnipotentis Dei gratia atque beati Petri adiutorio confidat. Vocem veritatis recolat dicentis: Maior est qui in vobis est, quam qui in hoc mundo. Et in hac causa quicquid agendum est, cum summa autoritate agat. Postquam enim defendi ab inimicorū gladiis nullo modo possumus, postquam pro amore reipublicæ argentum, aurum, mancipia, vestesque perdidimus: nimis ignominiosum est ut per eos etiam fidem perdamus. In isto enim scelesto vocabulo consentire, nihil est aliud, quam fidem perdere. Vnde sicut in transactis epistolis scripsi, nunquam eo procedere præsumas.

lvj. At verò Ioannes nouæ præsumptionis inuētor, vbi Mauricium Deo aduersum, Gregorio cum suis complicitibus fecit infensum, cernens Constantinam imperatricem totis conatibus Romanæ Ecclesiæ seruanda priuilegia suadere: quantis valuit artibus incitauit, ut propter eam quam in honorem sancti Pauli apostoli in palatio edificabat Ecclesiam, à Gregorio caput eiusdem Apostoli, aut aliud quid de ipsius corpore sibi dirigi postularet. Quam calliditatem beatissimus papa cognoscens, imperatricis animis taliter satisfecit. Dum illa mihi desiderarem imperari, de quibus facillimam obedientiam exhibens, vestram erga me gratiam potuissem amplius prouocare: maior me mœstitia tenuit, quod illa præcipitis, quæ facere nec possum, nec audeo. Nam corpora sanctorum Petri & Pauli apostolorū tantis in Ecclesiis suis coruscant miraculis atque terroribus, ut neque ad orandum sine magno illuc timore possit accedi. Denique dū beatæ recordationis decessor meus, quia argentum quod supra sacratissimum corpus beati Petri apostoli erat, longè tamè ab eodem corpore ferè quindecim pedibus, mutare voluit, signum ei nō parui terroris apparuit. Sed & ego aliquid similiter ad sacratissimi corpus sancti Pauli apostoli meliorare volui: & quia necesse erat, ut iuxta sepulchrum eiusmodi effodi altius debuisset: præpositus loci illius ossa aliqua non quidem eisdem sepulchro coniuncta reperit: quæ quoniam leuare præsumpsit, atque in alium locum transponere, apparentibus quibusdam tristibus signis subita morte defunctus est. Præter hæc autem sanctæ memoriæ decessor meus idem ad cor-

pus sancti Laurentij martyris quædam meliorare desiderans, dum nescitur vbi corpus esset venerabile collocatum, effoditur exquirendo: & subito sepulchrum ipsius ignoranter apertum est: & hi qui præsentibus erant atque laborabant monachi & mansionarij, quia corpus eiusdem martyris viderūt, quod quidem minimè tangere præsumpserunt, omnes intra decem dies defuncti sunt, ita ut nullus vitæ superesse potuisset, qui semiustum corpus illius viderat.

Cognoscat autem tranquillissima domina, quia Romanis consuetudo non est, quando sanctorum reliquias dant, ut quicquam tangere præsumant de corpore, sed tantummodo in pyxide * brandeum mittitur, atque ad sacratissima sanctorum corpora ponitur: quod leuatum in Ecclesia quæ est dedicanda debita cum veneratione reconditur: & tantè per hoc ibidem virtutes fiunt, ac si illic specialiter eorum corpora deferantur. Vnde contigit, ut beatæ recordationis Leonis papæ tempore (sicut à maioribus traditur) dum quidam Græci de talibus reliquiis dubitarent, prædictus pontifex hoc ipsum brandeum allatis forficibus incidit, & ex ipsa incisione sanguis effluxit. In Romanis nanque vel totius occidentis partibus omnino intolerabile est atque sacrilegum, si sanctorum corpora tangere quisquam fortasse voluerit. Quod si præsumpserit, certum est quia hæc temeritas impunita nullo modo remanebit. Pro qua re de Græcorum consuetudine qui ossa leuare sanctorum se asserunt, vehementer miramur, & vix credimus. Nam quidam Græci monachi huc ante biennium venientes, nocturno silentio iuxta Ecclesiam sancti Pauli corpora mortuorum in campo iacentia effodiebant, atque eorum ossa recondebant, seruantes sibi dum recederent. Qui cū tenti, & cur hoc facerent, diligenter fuissent discussi, confessi sunt quod illa ossa ad Græciam essent tanquam sanctorum reliquias portaturi. Ex quorum exemplo (sicut prædictum est) maior nobis dubietas nata est, vtrum verum sit quod leuari ossa sanctorum dicuntur. De corporibus verò beatorum Apostolorum quid ego dicturus sum? Dum constat quia eo tempore quo passi sunt, ex Oriente fideles venerunt, qui eorum corpora sicut ciuium suorum repeterent, quæ ducta vsque ad secundum vrbis miliarium, in loco qui dicitur Catacumbas, collocata sunt. Sed dum ea exinde leuare omnis eorum multitudo conueniens niteretur, ita eos vis tonitruī atque fulguris terruit ac disperisit, ut talia denuò nullatenus tentare præsumerent. Tunc autem exeuntes Romani eorum corpora qui hoc ex Domini pietate metuerunt, leuauerunt, & in locis quibus nunc sunt condita posuerunt. Quis ergo, serenissima domina, tam temerarius possit existere, ut hæc sciens, eorum corpora non dico tangere, sed vel aliquatenus præsumat inspicere? Dum igitur talia mihi à vobis præcepta sunt, de quibus parè nullatenus potuissem: quantum inuenio, non vestrum est, sed quidam homines contra me pietatem vestram excitare voluerunt, ut mihi (quod absit) voluntatis vestræ gratiam subtraherent: & propterea quæsierunt capitulum de quo vobis quasi inobediens inueniret. Sed in omnipotente Deo confido, quia nullo modo benignissimæ vestræ voluntati surripitur: & sanctorum Apostolorum virtutem, quos toto corde & mente diligitis, non ex corporali præsentia, sed ex protectione semper habebitis. Sudarium verò quoddam similiter transmitti iussistis, cum corpore eius est: quod ita tangi non potest, sicut nec ad corpus illius accedit. Sed quia serenissimæ dominæ tam religiosum desiderium esse vacuum non debet, de cathenis quas ipse sanctus Paulus apostolus in manibus & collo gestauit, ex quibus multa miracula in populo demonstrantur, partem vobis aliquam transmittere festinabo, si tamen hanc tollere limando valero: quia dum frequenter ex cathenis eisdem multi veniunt, & benedictionem petunt, ut parum quid ex limatura percipiant, assistit sacerdos cum lima, & aliquibus petentibus ita concitè aliquid de cathenis eius excutitur, ut mora nulla sit: quibusdam verò petentibus diu per cathenas ipsas lima ducitur, & tamen ut aliquid exinde exeat, non obtinetur.

In quibus Gregorij veracibus utique verbis apparet, quia vsque ad illa tempora pro reliquiis brandeum Romanus pontifex conferebat, cū posteriori tempore de vestibus quæ

* prandeu,
& sic deinceps.

Hinc colligitur
quod est Petrum
Romæ fuisse.

lvij.

sub altari sancti Ioannis in Basilica Constantiniana seruantur, particulae ceperunt, pro sacris reliquiis petentibus dari.

lviii.
Mira de ve-
stibus Ioan-
Euangelis-
tae.

Quae quidem vestes usque hactenus tantis miraculis coruscare probantur, ut siccitatis tempore foras excussa pluuia conferant: inundationis vero, serenum reducant. Nam super hac quae per singulas Ecclesias faciunt, quae in oratorio domus meae in Subura posita per eas Deus omnipotens fecerit, non celabo. Nuper Adriani pontificis tempore visum mihi est ut altare sanctae Dei genitricis Mariae, quod extra oratorium sancti Ioannis in apertissimo atrio positum, congruis luminaribus honorari non poterat, intra oratorium locari debuisset. Accersitus ergo Gaudericus Veliternus (qui adhuc superesse videtur) Episcopus, cum hymnis & canticis ab altari veteri pyxidulas duas sigillatas excussit. Quarum alteram me deprecante nimium timoratus aperiens, de illis tunicis, quantum ex similitudine curiosis oculis potuit deprehendi, particulas reperit; quas solenniter sub nouo altari deposuit. Vbi extunc (sicut multi norunt qui adhuc superstites esse probantur) diuinitus accensae lampades frequentius solito patuerunt. Nam ista octaua indictione in hebdomada ante dominici natalis diem, cum ego super huiusmodi parum quid dubitarem, completis matutinalibus hymnis mansionarius candelam extinxit. Quam post vesperum succedere cupiens, accensam reperit: eamque se negligenter extinxisse perpendens, die alia sollicitius prorsus extinxit: & obseratis ianuis ad vesperum succensus lampadem remeavit. Quam vbi nihilominus accensam reperit, ex conscientia seruata a se clauis, & miraculo non diminuti olei, profecto cognouit, quia lampadem ille succenderat, qui ne oleum in ea diurna succensione minui potuisset, diuinitus ampliarat.

Antiquus
luminariu
usus in Ec-
clesia.

Harum quidem vestium (sicut opinor) altera quae strictioribus manicis constat, veraciter sancti Ioannis est tunica, quam beatus Gregorius suo tempore quodam Episcopo deferente suscepit. Vnde Ioanni Abbati inter caetera scribit, dicens: De tunica sancti Ioannis omnino grate suscepi, quia sollicitus fuisti mihi indicare. Sed studeat dilectio tua mihi ipsam tunicam, aut (quod est melius) eundem Episcopum qui eam habet, cum clericis suis, & cum ipsa ad me transmittere: quatenus & benedictione tunicae perfruamur, & de eodem Episcopo vel clericis mercedem habere valeamus. Altera vero quae largioribus manicis, non tunica, sed plane videtur esse Dalmatica, nisi fallor, sancti Paschalis Apostolicae sedis Diaconi constat, qui iuxta quod idem beatus Gregorius in quarto dialogorum libro meminit, cum temporibus Symmachi Papae fuisset defunctus, eius Dalmaticam feretro superpositam daemoniacus tetigit, statimque sanatus est. Sed quamobrem ambae vestes sancti Ioannis dicantur, ideo priscam consuetudinem obtinuisse crediderim, quod sub eius altari consuetudinaliter recondatur. Nam quod earum altera Ioannis Euangelista, non autem Baptista sit, nemo est qui dubitet: praesertim cum omnis sapiens nouerit Baptistam camelorum pilis pro vestibus usum fuisse, Euangelistam vero, qui per tot annos post passionem Domini pontificium gerens, Missarum solennia frequentissime celebrabat, sine sacerdotalibus esse nequaquam vestibus potuisse. Si autem dicitur quod tunica & dalmatica quia pontificalia sunt indumenta, vtrique sancti Ioannis credi debeant: considerandum est quia Gregorius Ioanni Abbati non dalmaticam, sed tunicam nominari: qui si dalmaticam quoque sancti Ioannis fuisse sentiret, eius tunicam quarens consequenter habere se ipsius dalmaticam non taceret.

lx.

Hae de sancti Ioannis vestibus, de quibus a quamplurimis dubitatur, me utcumque in beati Gregorii gestis inseruisse sufficiat. Caeterum Ioannes Constantinopolitanus hypocrita, qui ab vniuersalis nominis ambitione conuerti multis tergiversationibus recusabat, iuxta eiusdem patris Prophetiam iudicia Domini super se vigilare cognoscens, post non multi temporis spatium subita morte defungitur: & cuius ambitionem superbiam totus capere mundus vix poterat, in vnius sepulchri angustia facile collocatur. Post cuius paulatim discessum, cum Mauricius Imperator, sacerdotum videlicet Christi contemptor, pro Cyriaco qui Ioanni successerat, suaderet ne pro causa tam friuoli nominis Gregorius laboraret,

ipse tam diu pontificatus sui autoritatibus restitit, quousque pestem vniuersalis nominis ab ipsis etiam subdolis adulatorum labiis penitus abstulisset. Quapropter Eulogio Patriarchae Alexandrino post aliqua scribens ait: Indicare vestra beatitudo statuit, iam se quibusdam non scribere superna vocabula, quae ex vanitatis radice prodierunt: & mihi loquitur, dicens, sicut iussisti. Quod verbum iussionis, peto a meo auditu remouet: quia scio qui sum, qui estis. Loco enim mihi fratres estis, moribus patres. Non ergo iussi, sed quae vtilia visa sunt, indicare curavi. Non tamen inuenio vestram beatitudinem hoc ipsum quod memoriae vestrae intuli, perfecte tenere voluisse. Nam dixi, nec mihi vos, nec cuiquam alteri tale aliquid scribere debere: & ecce in praefatione Epistolae quam ad me ipsum qui prohibui, direxistis, superbae appellationis verbum, vniuersalem me Papam dicentes, imprimere curastis. Quod peto dulcissima mihi sanctitas vestra ultra non faciat: quia vobis subtrahitur, quod alteri plusquam ratio exigit praebetur. Ego enim non verbis quaero prosperari, sed moribus: nec honorem meum esse deputo, in quo fratres meos honorem suum perdere cognosco. Meus nanque honor est, honor vniuersalis Ecclesiae. Meus honor est, fratrum meorum solidus vigor. Tunc ego vere honoratus sum, cum singulis quibusque honor debitus non negatur. Si enim vniuersalem me Papam vestra sanctitas dicit, negat se hoc esse quod me fatetur vniuersum. Sed absit hoc. Recedant verba quae vanitatem inflant, charitatem vulnerant. Et quidem in sancta Chalcedonen synodo atque post a subsequentibus patribus hoc decessoribus meis oblatum vestra sanctitas nouit: sed tamen nullus eorum uti hoc vnquam vocabulo voluit: ut dum in hoc mundo honorem sacerdotum diligenter omnium, apud omnipotentem Deum custodirent suum.

EXPLICIT LIBER TERTIVS
vitae beati Gregorij Romani pontificis

INCIPIUNT CAPITULA Libri quarti.

- 1 De temperantia Gregorij.
- 2 Qualiter Ioanni Rauennati Episcopo usum pallij mapularumque subduxerit.
- 3 Quod eidem suppliciter usum pallij repetenti, quater in anno per plateas concesserat.
- 4 Vbi eidem pro diuersis vitis increpato, diem suae vocationis praedixit.
- 5 Vbi Ioanne defuncto Rauennatem Ecclesiam visitatori committit: Mariniano Episcopo consecrato pallij usum simili modo concedit.
- 6 Vbi Andrea supplicante pro pallio praecipit iusiurandum.
- 7 Quod Mariniano consuetudinem pallij sicut conuenierat defendere non valente, Gregorius in sententia sua permanserit.
- 8 Quod pro usurpatione campagarum diaconos Catanenses arguerit.
- 9 De Maximo Salomitanæ Ecclesiae peruafore.
- 10 Qualiter auctoritatem sui pontificatus contra tyrannum imperatorem defenderit.
- 11 Vbi contra votum imperiale Maximum cum suis complicitibus excommunicans, Episcopos ipsius ad Ecclesiam reuerti coegit.
- 12 Vbi Maximi causam Rauennae praecipit ventilari.
- 13 Vbi Maximus in terram procidens lachrymabiliter veniam petit.
- 14 Vbi Gregorius Maximo coram sancti Apollinaris corpore satisfaciendi miserendum esse decernit.
- 15 Vbi Maximo humiliter satisfaciendi communionis gratiam reddit, & pallium se daturum promittit.
- 16 Quam didascalis responsionibus superbum imperatorem terruerit.

- 17 Vbi Mauricio in Gregorium fauente, mors per gladium imminet.
- 18 Vbi Mauricius poenitens videt in somnis se diuino iudicio cum vxore & filiis Phocæ militi tradi.
- 19 Vbi seditione commota Mauricius Phocæ iussu cum cuncta cognatione sua perimitur.
- 20 Vbi imagine augustali suscepta sapienter Mauricij vitia Phocæ Imperatori dinumerat.
- 21 Vbi ei apocrisarium ex more transmittit.
- 22 Vbi pondere grandi remoto imperiale iugum leuius reddidisse fatetur.
- 23 Quòd ex consuetudine synodicam suam direxit, & quòd Orientales nullius in diptichis nomen suscipiant, donec synodicam fidei eius cognouerit.
- 24 Quòd susceptis decretis Mediolanensium, eis episcopum ordinari consenserit.
- 25 Quòd Anastasium Antiochenum post multos annos throno reddiderit.
- 26 Quòd Adrianum Thebanum episcopum ordini suo restituens, diocesim ipsius Alarici episcopi potestati subduxerit.
- 27 Quòd exceptis manifestis criminibus neminem de sacerdotio depouerit, sed communione priuauerit.
- 28 Quanta distinctione accusatorum lites iudicauerit, & qualia in ordinibus iudiciorum decreuerit.
- 29 Qualiter aliorum auctoritates episcoporum sua auctoritate confirmabat, non minuebat.
- 30 Quòd cunctis episcopis propria iura conseruans, executores dari, & iudices eligi ab accusatis voluerit.
- 31 Quòd falsarios delatores talione multauerit.
- 32 Quòd semel ingesta crimina indiscussa præterire non passus sit, & qualibus poenis peccatorum accusatores multauerit.
- 33 Quòd consueta stipendia etiam infirmis clericis iusserit ministrari.
- 34 Quòd cautiones episcoporum suis clericis factas firmauerit, eisque quartas pleniter dari iusserit.
- 35 Quòd ab aliis obligatos absoluerit.
- 36 Quòd ab hæresi se purgantes receperit.
- 37 Quòd schismaticos ad suscipiendam satisfactionem Romanam inuitare curauerit.
- 38 Quòd Seuerum Aquileiensem episcopum Rauennam venire coegerit: qui postquam ad vnitatem rediit, denud ad suum schisma recurrens, catholicosque sacerdotes affligens, causa perpetuæ diuisionis suæ diocesim effectus est.
- 39 Quòd per ægritudinem corporis nemini successorem dederit, & quòd renuntiantibus suis sedibus successores nõ denegarit, eisque de sumptibus eiusdẽ comoda ministrari præceperit.
- 40 Quòd stupratam in vxorem à stupratore sumi iusserit.
- 41 Quòd virum iam tonsuratum coniugi reddi mādauerit.
- 42 Quòd vim nullam Iudæis inferendam statuerit.
- 43 Quòd Christianos eis subiici nulla occasione debere censuerit.
- 44 Quòd Christianos ei violenter auferri iubebat, quorum si qui auferri non poterant, redimi sanciebat.
- 45 Quòd eorum mancipia confugientia ad Ecclesiam reddi vetuerit.
- 46 Quòd pagana eorum mancipia venire ad fidem volentia non reddenda statuerit.
- 47 Quòd Iudæorum mancipia suos dominos ad fidem præcedentia in eorum seruitium nullatenus redigendos indixerit: etiam si ipsi eos ad baptismatis gratiam sequerentur.
- 48 Quòd neminem circumcidi paganorum permiserit.
- 49 Quòd à Iudæis munera non suscipienda decreuerit.
- 50 Qualiter Iudæi fuerint à Romanis pontificibus habiti.
- 51 Quòd Gregorius non obseruari sabbarum iusserit, & lauari die dominico permiserit.
- 52 Quanta compassionis extiterit in infirmitatibus Castorij, Eulogij, & Mariniani episcoporum siue Rusticianæ patriciæ.
- 53 Quòd pro barbaricis incursionibus litania fieri voluerit.
- 54 Quòd spiritum prophetiæ habuerit.
- 55 Quòd peiora prioribus futura prædixerit.
- 56 Quòd neminem iniuste ab Ecclesia defendi permiserit.
- 57 Quòd confugientibus ad Ecclesiam sacramenta præstari iusserit de seruandis sibi iustitiis.
- 58 Quòd omnes sacerdotes, fratres & comministros, clericos autem ceteros dilectissimos filios, vtriusque verò sexus laicos dominos vocauerit.
- 59 Quòd tam fidei Theudelindæ reginæ, quàm suo subdiacono satisfecerit.
- 60 Vbi se indignum memorat reuelatione Dei.
- 61 Vbi se presbytero comparans, illum superiorem melioremque pronuntiat.
- 62 Vbi se indignum alieno fauore fatetur.
- 63 Vbi monacho sibi procidenti se in terram prostrauit.
- 64 Quòd accusatus innocentiam suam exposuit.
- 65 Quid de fine seculi senserit.
- 66 Qualia de incommoditate vrbis scripserit.
- 67 Quòd ab hostilibus incursionibus ab exponendis libris destiterit.
- 68 De eius obitu & fastigiis argenteis ab eo paratis, necnon sepulturæ ipsius loco vel titulo.
- 69 Qualiter æmulis libros eius incendere molientibus Petrus diaconus moriendo defenderit.
- 70 Quanta Claudius ex verbis eius notauerit, & quòd Gregorius multa dictauerit quæ nunc nequeant inueniri.
- 71 Quòd duodecim epistolarum suarum libros reliquerit, ex quibus Adriani Papæ tempore duo volumina videntur excerpta.
- 72 Quòd in diaconatu suo Moralia cœperit, & qualiter ea in episcopatu suo per libros digesserit, eaque Leandro Hispano episcopo roganti direxerit.
- 73 Quòd in episcopatus sui exordio librum regulæ pastoralis Ioanni episcopo Rauennati exponens, imperitos compresserit.
- 74 Quòd per stationes discurrens quadraginta lectiones dictauerit, quas Secundo seruo Dei petenti mandauerit.
- 75 Qualiter dialogorum quatuor libros descripserit, quos postea Zacharias apostolicæ sedis episcopus in Græcam linguam conuertit.
- 76 Quòd ciuibz suis petentibus primam & vltimam Ezechielis prophetiæ partes per homilias viginti duas tractauerit.
- 77 Quàm humilia ipse de suis tractatibus senserit, quæ à posteris doctoribus facitissima prædicantur.
- 78 Quòd libros suos in comparatione Augustini tractatuum fursures nominans, quousque vixit legi vetuerit.
- 79 Quanta consideratione quotidie infirmitatem cordis sui cognouerit.
- 80 Quòd corpus eius à Gregorio quarto papa translatus sit, & de antiquitate ipsius, vel mediocritate, ac regulari specialitate.
- 81 Quòd Græcam nesciens, falsos tractatus suo nomine titulos inuenerit.
- 82 Quòd monachi qui ab eo in Saxoniam missi sunt, sancti Benedicti regulis fuerant mancipati.
- 83 De formis & vestimentis patris & matris eius.
- 84 De forma & habitu siue disticho eius.
- 85 Quòd postea Saturninus monachus iuxta eius effigiem imagines apostolorum depinxerit.
- 86 De Ioanne præposito, qui cum diabolo coram Christo confligit: & de reuelatione atque terribili transitu ipsius.
- 87 De cruciatibus Andreæ conductoris qui eum in eodem præposito monasterij chartulas se vendidisse professus est.
- 88 De præfagio mortis Athanasij ceconomi, qui consuetudines pauperum defraudauit.
- 89 De diabolo à monasterij claustro fugato, qui monachum iacentem percussit.

- 90 De visione monachi qui duodecim homines intra dies totidem morituros praeuidit.
- 91 De Lucidi Ficulensis Episcopi conuersione & transitu.
- 92 De reuelatione monachi qui per excusationem lachrymarum cuiusdam inclusi presbyteri fratris sui sanitatem reuersionemque cognouit.
- 93 De dæmone à fundo Barbilano excusso, qui conductorem & bubulcos occidens Caucum fuerat persecutus.
- 94 De visione Tetgaudi Treuerensis quondam Episcopi, qui à beato Gregorio pulsus est à monasterio.
- 95 De increpatione Faraldi qui à dæmonibus tota nocte suspensus est.
- 96 De Indulso desertore monasterij à fene percusso, & de reuelatione clerici, & digressionem supponis.
- 97 Cednico presbytero qui Gregorianum fontem detexerat, ligato & verberato, eiusque miserabili transitu.
- 98 De modo monasterij & diuersitate ipsius redundationis, necnon miraculo multiplicati diuinitus panis.
- 99 Quam frequenter in diuersis locis Gregorius demonstratur.
- 100 De diuisione scriptoris qui ab æmulo terreri potuit, & à beato Gregorio meruit consolari.

EXPLICIT CAPITVLVS

Libri quarti.

LIBER QVARTVS.



MEC est Gregorij de refutatione nominis vniuersalis, plena rationis humilitatisque sententia: qua videlicet contra superbos prudenter uti nouerat serpentis astutia, & à columbæ simplicitate circa humiles minimè recedebat. Quapropter suæ temperantiæ conscius, Dominico Carthaginiensi Episcopo post cætera, De Ecclesiasticis, inquit, priuilegiis quod vestra fraternitas scribit, hoc postposita dubitatione teneat, quia sicut nostra defendimus, ita singulis quibusque Ecclesiis sua iura seruamus. Nec cuiuslibet fauente gratia ultra quàm meretur impartior, nec ulli hoc quod sui iuris est, ambitu stimulante derogo, sed fratres meos honorare per omnia cupio: sicque studeo honore singulos subuehi, dummodo non sit quod alteri iure ab altero possit opponi. Item Eulogio Alexandrino & Anastasio Antiocheno Patriarchis scribit dicens: Cum prædicator egregius dicat: Quandiu quidem sum gentium Apostolus, ministerium meum honorificabo: qui rursus aliàs dicit. Facti sumus paruuli in medio vestrum: exemplum proculdubio nobis sequentibus ostendit, ut & humilitatem teneamus in mente, & tamen ordinis nostri dignitatem seruemus in honore: quatenus nec in nobis humilitas timida, nec erectio sit superba & cætera. Quod Gregorius sicut ex præcedentibus ac subsequenter manifestissimè colligi poterit, & fecit & dixit.

ij. Nam Ioannem Rauennatem Episcopum typo superbiæ pallium frequentantem, suosque præbyteros ac diaconos in mappulis præcedere permittentem, primo per Castorium chartularium familiariter arguit: post ex consuetudine siue priuilegio sibi hæc concessa pertinaciter defendentem, tali sententia post nonnulla multauit. Ut enim, inquit, ea quæ superius dixi, breuiter colligam, admoneo quatenus nisi decessorum meorum munificentia tibi hæc per priuilegium attributa docueris, uti in plateis pallio ulterius non præsumas: ne non habere & ad Missas incipias, quod audacter & in plateis usurpas. De secretario autem quod fraternitas tua resedisse cum pallio, & filios Ecclesiæ suscepisse se & fecit & excusauit, nunc interim nihil quarimus, quia synodorum sententiam sequentes, minores culpas quæ negantur, vlscisci recusamus. Hoc tamen quia semel & iterum sit factum, cognouimus. Fraternitas autem tua sit omnino sollicita, ne hoc quod præsumptioni inchoanti adhuc ceditur, in proficiente deterius vindicetur. Et post pauca. Illud autem quod pro ventis à clero vestro mappulis scripsistis, à nostris est clericis fortiter obuiatum, dicentibus nulli hoc vnquam aliæ cuiuslibet concess-

sum fuisse Ecclesiæ: nec Rauennates clericos vel illic, vel in Romana ciuitate tale aliquid cum sua conscientia præsumpsisse: nec si tentatum esset, ex furtiua usurpatione sibi præiudicium generari, sed etià si in qualibet Ecclesia hoc præsumptum fuerit, asserunt emendandum: quod non concessione Romani pontificis, sed sola surreptione præsumitur. Sed nos seruantes honorem fraternitati tuæ, licet contra voluntatem antedicti cleri nostri, tamen primis diaconis vestris, quod nobis quidam testificati sunt etiam ante eos usos fuisse, in obsequio duntaxat tuo mappulis uti permittimus. Alio autem tempore, vel alias personas hoc agere vehementissimè prohibemus.

Quam sententiam vir vanæ gloriæ cupidissimus, molestissimè ferens, per quoscunque poterat usum pallij sibi restitui magnopere flagitabat. Cui Gregorius ita scripsit: Fraternitatem vestram valde inuenio contristatam pro eo quod in litanis induere pallium rationis censura prohibetur, sed per excellentissimum Romanum patricium, & per eminentissimum præfectum, atque per alios ciuitatis suæ nobiles viros importunè expetit ut hoc debeat concedi. Nos autem sollicitè requirentes ab Adeodato quondam diacono fraternitatis tuæ cognouimus, quia nunquam consuetudo fuerit decessoribus tuis ut in litanis pallio, nisi in solennitate beati Ioannis Baptistæ, beati Petri Apostoli, & beati martyris Apollinaris, vterentur. Cui quidem nequaquam credere debuimus: quia multi apud ciuitatem fraternitatis vestræ responsales sapius fuerunt qui se fatentur tale aliquid nunquam vidisse: & hac de re multis potius credendum est, quàm vni pro sua Ecclesia aliquid attestanti. Sed quia nos fraternitatem vestram contristari nolumus, & petitionem filiorum nostrorum apud nos minimè frustrari: usum pallij, donec subtilius veriusque aliquid cognoscamus, in litanis solennibus, id est, die natalitio beati Ioannis Baptistæ, beati Petri Apostoli, & beati Apollinaris martyris, atque in ordinationis vestræ celebratione concedimus. In secretario verò secundum morem pristinum susceptis ac dimissis Ecclesiæ filiis induere vestra fraternitas pallium debeat, atque ad Missarum solennia ita proficisci, & nihil sibi amplius ausu temerariæ præsumptionis arrogare: ne dum in exteriori habitu inordinate aliquid ambitur, ordinate etiam quæ licere poterant amittantur.

Sed enim Ioannes ab inanis gloriæ ambitione freno Apostolice moderationis coercitus, ad detractationem pontificis totus conuertitur. Vnde prudentissimus pontifex sic eum admonet, dicens: Primum me hoc contristat, quia mihi fraternitas tua duplici corde describit, & alia blandimenta in epistolis suis exhibet, alia in lingua sua seculariter ostendit. Deinde graue mihi est quia irrisiones illas quas habere adhuc pueri notarij adhuc solent, usque hodie frater meus Ioannes in lingua sua retinet. Mordeter loquitur, & quasi de tali astutia lætatur. Amicis presentibus blanditur, de absentibus obloquitur. Tertio graue mihi & omnino execrabile est, quia seruis suis qua hora fuerit commotus, turpia crimina imponit, ut effœminati & adhuc grauius hoc apertius vocentur. Post hoc accessit quod disciplina ad vitam clericorum custodiendam nulla est, sed tantummodo clericis suis dominium exhibet, vltimum verò est, quod tamen pondere elationis primum, quia de usu pallij extra Ecclesiam, quod temporibus decessorum meorum facere nunquam præsumpsit, nunquam à decessoribus eius præsumptum est, sicut responsales nostri testantur, excepto nisi reliquiæ conderentur: quod tamen de reliquiis vnus tantummodo potuit inueniri qui diceret meis diebus in despectu meo cum summa audacia non solum faciebat, sed etiam frequentabat. Ex quibus omnibus inuenio quia honor Episcopatus totus foras in ostensione est, non in mente. Et quidem ago omnipotenti Deo gratias, quia eo tempore quo ad me hoc peruenit, quod ad aures decessorū meorum nunquam peruenerat. Longobardi inter me & Rauennatem ciuitatem positi fuerunt. Nam ostendere forsitan hominibus habui, quantum scio esse districtus. Ne autem credas quia ego Ecclesiam tuam in aliquo grauari aut minui volo, recordare inter Missarum Romanorum solennia ubi Rauennas diaconus stabat, & require ubi hodie stat: & cognosces quia Rauennatem Ecclesiam honorare desidero. Sed ut quicumque quodlibet

Synodorum
generalium
authoritas.

quodlibet ex superbia arripiat, hoc ego tolerare non possum: tamen hac de re iam diacono Constantinopolim scripsi, ut per omnes qui se etiam tricenos & quadragenos episcopos habent, requirere debeat sicubi iste usus est, ut in litanis cum paliis ambulent. Absit ut per me honor Rauennatis Ecclesie in aliquo minuatur. Hæc ergo omnia quæ superius dixi, frater charissime recogita: diem tuæ vocationis attende: quas rationes de sarcina episcopatus redditurus es, considera. Emenda illos mores notarij: vide quid in lingua, quid in actu episcopum deceat. Esto totus purus fratribus tuis. Nō aliud loquaris, aliud in corde habeas: nec appetas ultra videri quæ es, ut possis ultra esse quàm videris.

v. Hæc quia Ioannes emendare superbiæ fastu despexit, eodem anno iuxta quod Gregorius ei prædixerat, diem suæ vocationis dum non attendit incurrit: & antè tumidum crepuit, quàm meruisset amictu palij saturari. Cuius rei gratia Gregorius visitationem Rauennatis Ecclesie Seuero Ficulino episcopo secundum consuetudinem priscam committens, Marinianum monachum familiarem suum Rauennatibus episcopum consecrauit: cui & pallium dirigit, scribens: Apostolicæ sedis beneuolentia, & antiquæ consuetudinis ordine prouocati, fraternitati tuæ quam in Rauennati Ecclesia gubernationis constat suscepisse officium, pallij vsum prouidimus concedendum: quo non aliter uti te memineris, nisi in propria tuæ ciuitatis Ecclesia, dimissis iam filiis Ecclesie procedens à salutorio ad sacra missarum solennia celebranda. Peractis verò missis id in salutorio rursum curabis deponere. Extra ecclesiam verò non aliter illo tibi, nisi quater in anno in litanis quas ad decessorem tuum Ioannem expressimus, uti permittimus.

vj. Sed Marinianus clericorum suorum suggestionibus delinitus, tam per Andream virum magnificum quam per quoscunque poterat, restitui suæ Ecclesie vsum pallij flagitabat. Quapropter Gregorius Castorio Chartulario inter cætera scribit dicēs: Tua experientia nullius personam, nullius verba consideret: solum Dei timorem & rectitudinem ante oculos habeat: & seniores personas, eiusdem Ecclesie archidiaconum, quem non suspicor pro alterius honore peierare, & alios antiquiores qui in sacris ordinibus ante Ioannis episcopi tempora fuerant, requirat, vel si qui maturiores sunt extra sacros ordines: & veniant ante corpus sancti Apollinaris: & tacto eius sepulchro iurent quæ consuetudo ante Ioannis episcopi tempora fuerit: quia sicut scis, idem vir multum presumptor extitit, & multa sibi per superbiam conabatur arrogare: & quicquid à fidelioribus viris & grauibz iuratum fuerit, secundum indiculum qui subter annexus est, hoc volumus in eadem Ecclesia conseruari. Sed vide ne negligenter agas, ne quis fidem aut deuotionem tuam in hac causa corrumpat, Zelum enim tuum scio. Age sollicitè, ita tamen, ut prædicta Ecclesia contra iniustitiam non grauetur: sed vsus qui ante Ioannis episcopi tempora extitit, ei conseruetur. Personas autem non duas, vel tres ad satisfaciendū tibi, sed quantas antiquiores & grauioribus inueneris require: ut neque quod vsus fuit antiquitatis eiusdem ecclesie denegemus, neque quod nouo ausu appetitum est, concedamus. Sed omnia age blandè & dulciter, ut & actio tua districta sit, & lingua mitis. Iuro ego. N. per patrem & filium & spiritum sanctum inseparabilis diuinæ potentie Trinitatem, & hoc corpus beati Apollinaris martyris, me pro nullius fauore personæ, neque commodo aliquo interueniente testari: sed hoc scio & per memetipsum cognoui, quia ante tempora Ioannis quondam episcopi, Rauennas episcopus præfente apocrifario sedis Apostolicæ illo atque illo, illis & illis diebus consuetudinem vtendi pallio habuit: & non cognoui quia hoc latenter vel absente apocrifario vsurpasset.

vij. Hoc Gregorius per indictionem quartamdecimam iurandum præceperat. Quod quia, sicut rei exitus manifestat, deficientibus testimoniis per tres continuos annos infectum remāserat: iterum Marinianus suorum suggestionibus compulsus, vsum palij quem ex consuetudine sicut cognouerat vindicare non poterat, importunitate precum se posse recipere confidebat. Quapropter Gregorius in eadem sententia permanens eidem chartulario per indictionem secundam scri-

Tomus primus.

A bit dicens: Dum Florentinus Rauennatis Ecclesie diaconus apud nos pro reuerētissimo fratre & coepiscopo nostro Mariniano de vsu palij ageret, requisitus à nobis quæ esset antiqua consuetudo, respondit quod in omnibus litanis pallio Rauennas episcopus vteretur. Quod ita nō esse, & ab aliis didicimus, & ex epistolis Ioannis quondam episcopi, quas ei ostendi fecimus, euidenter apparuit: sed hoc asseruit: quod dicere iussus est. Nam tempore quo à te idem Ioannes quondam episcopus est inhibitus ne pallio inordinatè ac temerè uti præsumeret, scripsit nobis hanc fuisse priscam consuetudinem, ut ciuitatis ipsius episcopus pallio in litanis solennibus vteretur, quarum tibi literarum exemplaria pro tua informatione transmissimus. Adeodatus verò prædictæ ecclesie diaconus dum apud nos tempore quo hæc fuit, similiter de eiusdem vsu pallij agere enixius studeret, volentes cognoscere veritatem, etiam similiter quæ esset consuetudo curauimus requirendum. Qui uti credi sibi met suaderet, atque à nobis valeret quod petebat exigere, sub iurciurando testatus est antiquam consuetudinem fuisse, ut in quatuor aut quinque solennibus litanis pallio ciuitatis suæ episcopus vteretur. Experientia ergo tua diligenter inuigilet, & cum omni sollicitudine quot litanie solennes ab antiquitate fuerint requirat: nec eas solennes nominando requirere studeat, sed maiores: ut per hoc quod nobis præfatus Adeodatus diaconus testatus est, & prædicti Ioannis episcopi fatetur epistola, dum constiterit quantæ litanie solennes fuerint, quoties indui solebat in litanis pallio cognoscentes, libentissimè concedamus. Sed hoc non ab illis perquirat, qui ab ecclesiasticis exhibentur: sed ab aliis quos sine fauore partis suæ esse cognouerit: & quæque sollicita indagatione repererit, nobis subtiliter indicet: ut veritate, sicut diximus, cognita: fratris & coepiscopi nostri reuerentissimi Mariniani animos releuemus. At quia priscæ consuetudo à nostratibus subtiliter inquisita, à Rauennatibus probari nullo modo potuit: Gregorium in sua sententia permansisse proculdubio illud ostendit, quod neque ob hoc (quantum ex apicibus eius dinoscitur) à quodam sollicitatis extitit, neque à semetipso commotus ulterius omnino rescripsit.

C Non solum in magnis rebus Gregorius sollicitudinis suæ oculos conuertebat, verum etiam ne impune præsumerentur quandoque maiora, hoc in rebus minimis curiosissimè præcauebat. Vnde Ioanni Syracusano episcopo scribit dicens: Ecclesiastici vigoris ordo confunditur, si aut temerè illicita præsumantur, aut impune non concessa tententur. Peruenit itaque ad nos, diaconos Ecclesie Catanensis calceatos campagis & procedere præsumpsisse. Quod quia nulli hæcenus per totam Siciliam licuit, nisi solis tantummodo diaconibus Ecclesie Misenenfis, quibus olim à prædecessoribus nostris non dubitatur esse concessum, bene recolitis. Quia ergo tantæ temeritatis ausus non est leuiter attendendus, cum omni hoc fraternitas vestra subtilitate perquirat: & si ita sicut ad nos peruenit inuenerit, utrū à se vel alicuius autoritate hoc præsumperit, nobis subtiliter innotescat: ut cognita veritate quid fieri debeat disponamus. Nam si negligenter ea quæ malè vsurpantur omittimus, excessus viam aliis aperuimus.

D Interea Natali episcopo defuncto cum Dalmatinorum generalitas Honoratum archidiaconum, quem ipse ex presbytero in diaconum conuerterat, sibi præficiendum concorditer elegissent, eorūque decretum pontifex approbasset, factione Malchi episcopi rectoris apostolici patrimonij, manūque militari Maximus multis criminibus inuolatus episcopatum Salonitanæ ciuitatis inuasit: Quod Gregorius audiens, Dalmatinis & Iadertinis episcopis ne illi manus imponerent, sub magna interminatione prohibuit. At verò Maximus qui episcopatus sedem contra canones inuaserat, etiam sacerdotium contra Deum per simoniacam hæresim ab episcopis duntaxat excommunicatis corruptis non timuit promereri, fauente sibi occasione temporis ex cupiditate simul insolentiaque Augusti, quem dispergendo facultates in vase Ecclesie adedò defensorem scelerum suorum effecit, ut à Gregorio non solum frequenter postularer, quatenus indiscussam Maximi promotionem relinqueret, verum etiam Romam satisfacturum pro simoniaca hæresi aliisque criminibus ve-

oō

nientem cum honore susciperet.

x. Gregorius verò faciem nullius contra veritatem custodiens, tam ipsum Maximum primò à missarum solenniis, post à communione corporis & sanguinis domini nostri Iesu Christi, quousque suam praesentiam exhiberet, priuauit. Maximus autem imperialibus militis fultus, post excommunicationem & missas cecinit, & sacramenta satis indignus accepit. Quapropter Constantinae Augusta post multa alia scribit, dicens: Salonitanae ciuitatis episcopus me ac responsale meo nesciente ordinatus est: & facta res quae sub nullis anterioribus principibus euenit. Quod ego audiens, ad eundem prauaricatorem, qui inordinate ordinatus est, protinus misi: vt omnino missarum solennia celebrare nullo modo praesumeret, nisi prius à serenissimis dominis cognoscerem si hoc fieri ipsi iussissent. Quod ei sub excommunicationis interpositione mandauit: & contempto me atque despecto in audacia quorundam secularium hominum, quibus denudata sua Ecclesia, praemia multa praebere dicitur, nunc vsque missas facere praesumpsit, atque ad me venire secundum iussu-
nem dominorum noluit. Ego autem praeeptioni pietatis eius obediens, eidem Maximo qui me nesciente ordinatus est, hoc quod in ordinatione sua me, vel responsalem praetermittere praesumpsit, ita ex corde laxaui, ac si me authore fuerit ordinatus. Alia verò peruersa illius, scilicet mala corporalia quae cognoui, vel quia cum pecuniis est electus, vel quod excommunicatus missas facere praesumpsit: propter Deum irrequisita praeterire non possum, sed opto, & Dominum deprecor quatenus nihil de eo de his quae dicta sunt valeat inueniri, & sine periculo animae meae causa ipsius terminetur: prius tamen quam haec cognoscantur, serenissimus dominus discurrente iussione praecipit, vt eum venientem cum honore suscipiam. Et valde graue est vt vir de quo tanta & talia nuntiantur, cum ante requiri & discuti debeat, honoretur. Et si episcoporum causae mihi commissorum apud piissimos dominos aliorum patrocinio disponantur, infelix ego in Ecclesia ista quid facio? Sed vt episcopi mei me despiciant, & contra me refugium ad seculares iudices habeant omnipotenti Deo gratias ago: peccatis meis deuto: hoc tamen breuiter suggero, quia aliquantulum expecto: & si ad me venire diu distulerit, exercere in eo districtiorem canonicam nullo modo cessabo. In omnipotente autem Deo confido, quia longa piissimis dominis vita tribuetur, & nos sub manu vestra non secundum peccata nostra, sed secundum gratiae suae dona disponat.

xj. Haec Gregorius dissimulatrici Augustae. Ceterum eodem Maximo in sua praesumptione manere, consecratores atque omnes Dalmatinos & Iadertinos episcopos ab eius communione sub excommunicatione disunxit: adeo vt ne nomen quidem Maximi inter sacra missarum solennia memorarent. Quo facto ita omnes consternati sunt animo, vt sub poenitentiae satisfactione relicto Maximo veniam postularēt. Vnde misericordissimus pontifex Sabiniano Iadertino episcopo scribens, Sicut, inquit, perseveranti culpa debetur iure vindicta, ita resipiscentibus est venia concedenda. Nam vt res illa contra se merito iracundiam excitare: sic haec in sua prorsus dilectione solet concordiam propagare. Et ideo quia fraternitatem tuam à consortio & communione Maximi ubi te prius neglectus impulerat, in tantum postea grauitas sacerdotis ad animum reducta suspendit, vt eius sola nullatenus patereris esse segregatione contentus, nisi & in monasterij te claustra recipiens, dudum commissa desleres: eapropter in nostra te gratia à communione receptum esse non dubites. Nam quantum nos prius culpa tuae charitatis offenderat, tantum poenitentia mitigauit.

xij. Itaque Maximus cernens tandem aliquando durum esse contra stimulum calcitrare, relictis imperialibus adminiculis per Gallinicum exarchum satis humiliter concedi sibi poenitentiam simulque veniam à Gregorio postulauit. Quem ipse Romam fatigari nolens, causam eius discutiendam Rauennae commisit Constantino Mediolanensi episcopo scribens: Maximus, inquit, Salonitanae Ecclesiae prauaricator, postquam per potestates maiores seculi obtinere nil valuit, ad minores sese contulit: nobisque tam nimietate precum quam attestazione

E bonorum operum praeualere contendit. Ex qua re inhumanum credidi, si is qui se quasi multum timere me dicit, in aliquo me temperatiorem minimè inuenire potuisset: & ideo decreui vt reuerendissimus frater & coepiscopus noster Marinianus eius causam debeat in Rauennati vrbe cognoscere. Si autem persona eius suspecta forsitan habebitur, volumus vt vestra fraternitas, si ei laboriosum non est, ad eandem ciuitatem fatigare se debeat, & cum praedicto fratre in eodem iudicio pariter sedere. Quicquid autem vestrae vtrorunque sanctitati placuerit, scitote mihi modis omnibus placitum: & vestrum ego iudicium meum deuto.

Inter haec prauaricator Maximus anno septimo excommunicationis suae post castigationes & flagella Gregorij ad cor reuertens, Rauennam petiit, & iactauit se tensus intra ciuitatem in media silice, clamans & dicens: Peccaui Deo, & beatissimo papae Gregorio. Et agente eo poenitentiam tribus horis, cucurrit Gallinicus exarchus & Castorius chartularius Ecclesiae Romanae cum Mariniano episcopo, & eleuauerunt eum de silice: qui etiam cepit ampliorem poenitentiam coram eis agere. Quod Gregorius vt audiuit, ad misericordiam protinus rediit, Mariniano episcopo inter cetera scribens: Qualis de causa Maximi fraternitatis vestrae voluntas sit, ac magis petitio, praesentium latore Castorio chartulario nostro renuntiante cognouimus. Ideoque si idem Maximus coram vobis & praedicto chartulario nostro de simoniaca haeresi praestito se sacramento purgauerit, atque de aliis ante corpus sancti Apollinaris tantummodo requisitus liberum se esse responderit: causam ipsius fraternitati vestrae de eo quod excommunicatus missarum solennia agere praesumpsit, iudicio committimus qua debeat poenitentia talis culpa purgari. Et ideo quicquid vobis secundum Deum placet, securi disponite: nec aliquid de nobis dubium habeatis. Nam quicquid à vobis hac de causa fuerit ordinatum, nos & gratè suscipimus, & libenter admittimus. Hortamur tamen vt debeat esse solliciti, & ita quae fienda conspiciatis, temperetis, quatenus & illi (si ita videbitur) communionem praestetis, & vigoris ecclesiastici genium congrua vt oportet dispensatione seruetis. Suprascriptum verò portitorem in praesenti: quid vobis cum eo sit agendum instruximus: à quo cuncta subtiliter addiscentes, sic vos in omnibus exhibete, vt in vestra sollicitudine nostram fuisse praesentiam sentiamus.

Item Castorio notario & chartulario Rauennae, quantum tibi ciedi à nobis, & necessarias vides causas iniungi, tantum te magis strenuum debes, & sollicitum exhibere. Proinde si Maximus Salonitanus praestito sacramento firmauerit se simoniaca haeresi non teneri, atque de aliis ante corpus sancti Apollinaris tantummodo requisitus innoxium se esse responderit, & de inobedientia sua poenitentiam sicut deputauimus egerit: volumus vt ad consolandum illum epistolam quam ad eum scripsimus, ubi ei & gratiam nostram & communionem nos reddidisse signauimus, experientia tua dare debeat: quia sicut in contumacia persistentibus seueros esse nos conuenit, sic iterum humilitatis & poenitentibus negare locum veniae non debemus.

Cumque Maximus penes corpus beati Apollinaris secundum iussu Gregorij de cunctis humiliter satis fecisset, Castorius chartularius consolatoriam ei epistolam praebuit, verbis Gregorij adserentem, Quauis culpabilibus ordinationis tuae primordiis grauem aliam per inobedientiam culpam addideris: nos tamen sedis Apostolicae auctoritatem eo quo decuit moderamine temperantes, nunquam contra te vsque ad hoc quod causa poscebat exarsimus: sed vt longius se ingratitudo nostra, quam tu tibi excitasti, produceret, credita nos sollicitudo vehementer angebat: ne quaedam illicita quae de te audieramus, negligenter omittere videremur. Quae si bene consideres, ipse te satisfacere differendo firmabas: atque ex hoc aduersum te zelum nostrum acrius incitabas. At ubi salubri tandem consilio vsus, iugo obedientiae humiliter submisisti, & dilectio tua poenitentiam agens, digna se (vt deputauimus) satisfactione purgauit, redditam tibi gratiam fraternae charitatis intellige, atque in nostro te receptum consortio gratulare: quia sicut

xij.

† vel prim.
legium.

xij.

xv.

xxj. sicut perseverantibus in culpa districtos, ita resipiscantibus nos benignos decet esse ad veniam. Postquam ergo fraternitas tua apostolica sedis communionem se reparasse cognoscit, personam ad nos transmittat quæ pallium tibi deferendum ex more percipiat. Nam quemadmodum illicita perpetrari non patimur: sic ea quæ sunt consuetudinis, non negamus. Licet autem ad hæc concedenda dispensatio nos loci nostri vocauerit, multum tamen à nobis petitio dulcissimi atque excellentissimi filij nostri domini Gallinici exarchi ut temperantius erga te ageremus exegit: cuius charissimam misericordiam ac voluntatem, nec pertulimus, nec potuimus contristari.

Præterea cupidissimus ac tenacissimis imperator, qui consuetudinibus antiquissimis dationes, legionum quoque milites frequentissimè (sicuti Romanorum narrat historia) defraudabat, cernens Gregorium contra omnes mundi strepitus augustalibus defensionibus (quarum suffragio ad arcem pontificatus hunc se prouexisse iactabat) penitus non egere, imò canonicis autoritatibus sanctitatis ac prudentiæ suæ virtutibus Christo propitio cunctis alta sapientibus præualere: ad odium detractioremque famam illius magis magisque conuersus est, liberalitatem pontificis, quia famelicis militibus tam ecclesiastica quam publica frumenta diuiserat, subdolis assertionibus reprehendens. Cui Gregorius, ut pote qui prouectionem suam diuino iudicio in cuius nimirum manu corda regum consistentia, quocumque voluerit inclinatur, non caducis humanis fauoribus deputabat, voce libera contradicens, his eum responsionibus fregit, deturpauit, atque nonnulla de futuro Dei iudicio disserendo deterruit. In serenissimis, inquit, iusionibus suis dominorum pietas dum me de quibusdam redarguere studuit, parcendo mihi minimè pepercit. Nam in eis vrbanae simplicitatis vocabulo me fatuum appellat. In scriptura etenim sacra cum in bona intelligentia simplicitas ponitur, vigilanter sæpe prudentiæ aut rectitudini sociatur. Unde etiam de beato Iob scriptum est, Erat vir simplex & rectus. Et beatus Paulus apostolus admonet dicens: Estote simplices in malo, & prudentes in bono. Et per semetipsam veritas in euangelio admonet dicens: Estote prudentes sicut serpentes, & simplices sicut columbæ, esse valde inutile indicans, si aut simplicitati prudentia, aut prudentiæ simplicitas desit. Ut ergo seruos suos ad cuncta eruditos efficeret, esse eos & simplices sicut columbas, & prudentes ut serpentes esse voluit: quatenus in eis & colubæ simplicitatē, serpentis astutia, & serpentis astutiam, columbæ simplicitas temperaret. Ego igitur qui in serenissimis dominorum iusionibus ab Arnulfi astutia deceptus, non adiuncta prudentia simplex denuntior: constat proculdubio quia fatuus appellor. Quod ita esse ego quoque ipse confiteor. Nam si hoc vestra pietas tacet, causæ clamant, Ego enim si fuissetem, ad ista toleranda quæ inter Longobardorum gladios hoc in loco patior, minimè venissem. In ea autem re quam de Arnulfo perhibui, quia toto corde venire ad rempublicam paratus fuit, dum mihi non creditur, etiam mentitus esse reprehendor. Sed & si sacerdos non sum, scio grauem esse hanc iniuriam sacerdoti, veritati seruienti, fallax credatur. Et dudum noui, quia Nordulfo plus est creditum, quam mihi, Leoni amplius quam mihi. Et nunc eis qui esse ad medium videntur, plusquam meis assertionibus credulitas impenditur. Et quidem si terræ meæ captiuitas per quotidiana momenta non excresceret, de despectione mea atque irrisione lætus tacerem. Sed hoc me vehementer affligit, quia vnde ego crimen falsitatis tolero, inde Italia quotidie ducitur sub Longobardorum iugo captiua: dumque meis suggestionibus in nullo creditur, vires hostium immaniter excrescunt. Hoc tamen piissimo domino suggero, ut de me mala omnia quælibet existimet: de vtilitate verò reipublicæ & causa ereptionis Italiæ non quibuslibet facile piæ aures præbeat, sed plus rebus quam verbis credat. Sacerdotibus autem non extrema potestate dominus noster citius indignetur, sed excellenti consideratione propter eum cuius serui sunt, eis ita dominetur, ut etiam debitam reuerentiam impendat. Nam in diuinis eloquiis sacerdotes aliquando dii, aliquando angeli vocantur. Et per Moysen de eo qui ad iuramentum deducendus est,

Tomus primus.

A dicitur: Applica illum ad deos: videlicet ad sacerdotes. Et rursum scriptum est: Diis non detrahes, scilicet sacerdotibus. Et Propheta ait: Labia sacerdotis custodiunt scientiam, & legem requirunt ex ore eius: quia angelus Domini exercituum est. Quid ergo mirum si illos vestra pietas dignetur honorare, quibus in suo eloquio honorem tribuens eos aut angelos, aut deos ipse etiam appellat Deus? Ecclesiastica quoque testatur historia, quia cum piæ memoriæ Constantino principi scripto oblatae accusationes contra episcopos fuissent: libellos quidem accusationis accepit, & eosdem qui accusati fuerant episcopos conuocans, in eorum conspectu libellos quos acceperat incendit, dicens: Vos dii estis, à vero Deo constituti. Ite, & inter vos causas vestras disponite: quia dignum non est ut nos iudicemus deos. In qua sententia pie domine sibi magis ex humilitate, quam illis aliquid præstitit ex reuerentia impensa. Ante eum quoque pagani in Republica principes fuerunt, qui verum Deum nescientes, deos ligneos & lapideos colebāt: & tamen eorum sacerdotibus honorem maximum tribuebant. Quid igitur mirum si Christianus imperator veri Dei sacerdotes dignetur honorare, dum pagani (ut prædixi) principes honorem impendere sacerdotibus nouerunt qui diis ligneis & lapideis seruebant? Hæc ego pietati dominorum non pro me, sed pro cunctis sacerdotibus suggero. Ego enim peccator homo sum: & quia omnipotenti Deo incessanter quotidie delinquo, aliquid mihi apud tremendum examen illius esse remedium suspicor, si incessantibus quotidie plagis ferior. Et credo quia eundem omnipotentem Deum tantò vobis amplius placatis, quantò ei me malè seruientem districtè affligitis. Multas enim plagas acceperam: & superuenientibus dominorum iusionibus inueni consolationem quam non sperabam. Si possum, has celeriter plagas enumero. Primò quòd mihi pax subducta est quam cum Longobardis in Tuscia positus sine ullo reipublicæ dispendio feceram. Deinde corrupta pace de Romana ciuitate milites ablatis sunt. Et quidē alij ab hostibus occisi, alij verò Narniis & Perusia positi: ut & Perusia teneretur, Roma relicta est. Post hæc plaga grauior fuit aduentus Agilulfi, ita ut oculis meis cernerem Romanos more canum in collis funibus ligatos, qui ad Franciam ducebantur venales. Et quia nos qui intra ciuitatem fuimus, Deo protegente manus eius euasimus, quæsitum est vnde culpabiles esse videremur: videlicet cur frumenta defuerint, quæ in hac vrbe diu multa seruari nullatenus possunt, sicut in alia suggestione plenius indicaui. Et quidem de memetipso in nullo turbatus sum: quia teste conscientia fateor, aduersa quælibet pati paratus sum, dummodo hæc omnia cum salute duntaxat animæ meæ euadam. Sed de gloriosis viris Gregorio præfecto, & Castorio magistro militum non mediocriter sum afflictus: qui & omnia quæ potuerunt fieri, nullo modo facere neglexerunt, & labores vigiliarum & custodiæ ciuitatis in obsidione eadem vehementissimos pertulerunt: & post hæc omnia graui dominorum indignatione percussi sunt. De quibus patenter intelligo, quia eos non sua acta, sed mea persona grauat, cum quo quia pariter in tribulatione laborauerant, post laborem pariter tribulantur. Quòd autem dominorum pietas illud mihi pauendum & terribile omnipotentis Dei iudicium intentat, rogat per eundem omnipotentem Dominum, ne hoc ulterius faciat: nam adhuc nescimus quis ibi qualis sit. Quòd Paulus egregius prædicator dicit: Nolite iudicare ante tempus, donec veniat Dominus, qui & illuminabit abscondita tenebrarum, & manifestabit consilia cordium. Hoc tamen breuiter dico, quoniam peccator & indignus plus de venientis Iesu misericordia quam de vestræ pietatis iustitia præsumo. Et sunt multa quæ de iudicio illius homines ignorant: quia fortasse quæ vos laudatis, ille reprehendet: & quæ vos reprehenditis, ille laudabit. Inter ergo omnia incerta ad solas lachrymas redeo, petens ut idem omnipotens Deus piissimum dominum nostrum, & sua hinc manu regat, & in illo terribili iudicio liberum ab omnibus delictis inueniat: & me ita placere, sine cessatione omnibus faciat, ut æternam eius gratiam non offendam.

Denique Mauricus imperator libertatē vocis tantis ponti-

oó ij

xvij.

ficis, reprehensionisque constantiam admiratus, quia de futuro Dei iudicio se terruerat, ad exercendam in eum tyrannidem prodire nitebatur, cum protinus eodem anno vir quidam monachicis indutus vestimentis diuina quadam virtute commotus dextera spatham cepit, quam videlicet à foro vsque ad aeneam statuam gladiatoris nudam circumferens, imperatorem gladio cunctis morituro prædixit. Quod Mauricius vt audiuit, à tyrannide Gregorio inferenda semet continuit, & iudicium diuinum quod ei minatus fuerat, citò se subituro tantò magis timuit, quantò Gregorium credidit non posse mentiri.

xviii. Mox itaque scripto preces compositas tam eidem quàm cunctis patriarchis episcopis, & monachis ciuitatum siue solitudinum pecunias multas, cereos & thymiamata destinauit, hoc potissimum deprecans, vt Domino supplicarent quatenus in hoc seculo merita suorum malorum reciperet: tantum vt à futuris cruciatibus redimi meruisset. Cumque hoc & ipse vehementius per multa tempora cum lachrymis postulasset, quadam nocte dormiens vidit apud aeneam palatii portam se coram multo populo aeneae statuæ saluatoris assistere. Tunc vox terribilis facta est ex ipso incarnati verbi charactere dicens: Date Mauricius. Et capientes eum iudiciorum ministri posuerunt iuxta purpureum ymbiculus qui illic erat. Cui eadem vox characteris ait: Vbi vis reddam tibi mala quæ in hoc seculo perpetrasti? Ille respondit: Amator hominum Domine, & iudex iuste, hæc potius ea mihi, & non in seculo futuro retribue. Statim diuina vox iussit tradi Mauricius & Constantiam uxorem eius cum filiis & filiabus omniq[ue] cognatione ipsius Phocæ militi. Euigilans ergo Mauricius misit Parrochenum, & vocauit ad se Philippicum generum suum, quem dudum suspicatus fuerat imperium sibi velle subripere. At ille pro suspitione se perdendū coniiciens, aduocatæ Gordiæ uxori suæ tanquam non se reuisuræ vltimum vale dixit: sacramentoq[ue] communionis accepto, ad palatium venit: cubiculum imperatoris ingrediens, ad pedes eius procidit. Cui imperator assurgens ad pedes eius nihilominus corruit, dicens: Ignosce, deprecor, mihi: quia nunc profectò diuina reuelatione doctus cognoui, quòd nihil in me vnde suspicabar commiseris. Sed si quem in agminibus nostris cognoscis qui Phocas soleat vocari, dicito mihi. Et Philippicus diu apud se recogitans ait: Vnum Phocam cognosco, qui nuper procurator ab exercitu nuncupatus contradicebat tuo imperio. Cum verò Mauricius de qualitate ipsius inquireret, Philippicus ait: Est quidem iuuenis, & temerarius: at timidus. Et Mauricius, Si timidus, inquit, profectò & homicida. Dúmque super huiusmodi titubaret, in crastinum Magistrianus ab eremitis quibus imperatis preces portauerat rediens, responsum retulit dicens: Deus recepta pœnitentia tua saluabit animam tuam: & cum sanctis te cum tota domo tua constituet: ab imperio verò cum ignominia & discrimine decides.

xix. Quibus auditis Mauricius Deum glorificans pœnitentiam tenuit: sed à cupiditatis auaritia vsque aded non recessit, vt exercitus in periculosis locis hyemaret, & transito Danubio victus sibi de Sclauorum regione periclitabundè quæreretur: ne videlicet alimenta publica manducarent: quod cum Petro prætori feralibus literis immineret, ille taxiarcho vocatis ait: Nimis mihi videntur graua imperatoris præcepta, Romanos in aliena terra hyeme iubentia. Nam illi non obedire, sæuū est: & rursus obedire, sæuissimum. Nullum bonum parit auaritia: quia mater omnium malorum consistit: quia imperator languens, horum maximorum malorum causa Romanis efficitur. Exercitus itaque hoc per taxiarcho audito, ad seditionem conuertitur: exaltatūq[ue] super clypeum Phocam centurionem exarchum acclamauerunt: fugatōq[ue] prætore Theodosio filio imperatoris, & Germano focero eius, dirigunt vt alter eorum sibi imperare studeret. Illi nullo modo consenserunt, imò hoc Mauritio retulerunt. At ille germanum perdere voluit, qui quoniam in Ecclesiam fugerat, filium tanquam proditorem sui consilij flagellauit: multosq[ue] hunc ab eadem Ecclesia extrahendum transmittens, nunquam permittitur, imò multis conuitiis à populo laceratus Marcionista hæreticus appellatur, & commoto in-

tra Constantinopolim graui tumultu, Mauricius dissimulato habitu cum vxore & filiis nocte dromonem conscendit: & fugiens apud sanctum Antononem venit. At verò Phocas cum exercitu in Septimum veniens imperator efficitur, à quo Mauricius cum vxore, filiis & filiabus penes Chalcedoniam iussus quemadmodum sibi denuntiatur fuerat, decollatur. Et quia oratio Gregorij qua illum petierat in terribili Dei iudicio liberum ab omnibus delictis inueniri, vacua esse non poterat: idem Mauricius id recepit quod meruit: & in cunctis suis incommodis Deum benedicens, à sempiterno supplicio meruit liberari.

xx. Igitur septimo Calendarum Maiarum indictione sexta imago Phocæ & Leontiae augustorum cum eorundem fauoralibus literis Romam delata est. Et postquam à clero & senatu acclamatum est eis in basilica Iulij, iussu Gregorij in oratorio sancti Cæsarij Lateranensi palatio constituto reponitur. Qui etiam Phocæ imperatori ita rescripsit: Gloria in excelsis Deo, qui iuxta quòd scriptum est, mutat tempora, & transfert regna: & qui hoc cunctis innotuit, quod per Prophetam suum loqui dignatus est dicens, Quia dominatur excelsus in regno hominum: & cui voluerit, ipse dat illud. In omnipotentis quippe Dei incomprehensibili dispositione alterna vitæ mortalis moderamina consistunt: & aliquando cum multorum peccata ferienda sunt, vnus erigitur, per cuius duritiam tribulationis iugo subiectorum colla deprimantur. Quod nos in nostra diutius tribulatione probauimus. Aliquando verò cum misericors Deus merentia multorum corda sua decernit consolatione resouere, vnum ad regiminis culmen prouehit, & per eius misericordiæ viscera in cunctorum mentibus exultationis suæ gratiam infundit. De qua exultationis abundantia irrobore nos citius credidimus, qui benignitatem vestræ pietatis ad imperiale fastigium peruenisse gaudemus. Latentur cœli, & exultet terra: & de benignis vestris actibus vniuersæ reipublicæ populus nunc vsque vehementer afflictus hilarescat. Comprimantur iugo dominationis vestræ superbæ mentes hostium: releuentur vestra misericordia contriti ac depressi animi subiectorum. Virtus cœlestis gratiæ inimicis vos terribiles faciat, pietas subditis benignos. Quiescat felicissimis temporibus vestris in vniuersa republica prolata sub causarum imagine præda pacis. Cessent testamentorum insidiæ: donationum gratiæ violenter exactæ. Redeat cunctis in rebus propriis secura possessio: vt sine timore habere se gaudeat, quæ non sunt ab eis fraudibus acquisita. Reformetur iam singulis sub iugo pij imperij libertas sua. Hoc nanque inter reges gentium, & reipublicæ imperatores distat, quòd reges gentium, & domini seruorum sunt: imperatores verò reipublicæ, domini liberorum.

xxi. Cum Phocas mandari sibi Romanæ sedis diaconum cum magna humilitatis reuerentia postularet, Gregorius ita rescripsit: Considerare cum gaudiis & magnis actionibus gratiarum libet quantas omnipotenti Deo laudes debemus, quòd remoto tristitiæ iugo, ad libertatis tempora sub imperiali benignitatis vestræ pietate peruenimus. Nam quod permanere in palatio iuxta antiquam consuetudinem apostolicæ sedis diaconum vestra serenitas non inuenit, non hoc meæ negligentia, sed grauißimæ necessitatis fuit: quia dum ministri omnes huius Ecclesiæ tam contrita asperaque tempora cum formidine declinarent atque refugerent, nulli eorum poterat imponi vt ad urbem regiam in palatio permanens accederet. Sed postquam vestram clementiam omnipotentis Dei gratia disponente ad culmen imperij peruenisse cognouerunt, ipsi quoque suadente lætitia ad vestra vestigia venire festinant, qui illuc prius accedere valde timuerant. Sed quia eorum quidem ita senectute sunt debiles, vt laborem ferre vix possint, quidā verò ecclesiasticis curis vehementer implicantur, & lator præsentium, qui primus omnium defensor fuit, bene mihi ex longa assiduitate compertus est vita, & fide ac moribus approbatus: hunc aptū vestræ pietatis vestigiis esse iudicavi. Vnde eū authore Deo diaconū feci, & sub celeritate transmittere studui, qui cuncta quæ in his partibus agunt, inuēto opportuno tēpore valeat clementiæ vestræ suggerere. Cui rogo vt serenitas vestra pias aures inclinare

inclinare dignetur: ut tantò nobis celerius valeat misereri, quantò afflictionem suam verius ex eius relatione cognouerit. Qualiter enim quotidianis gladiis, & quantis Longobardorum incursionibus ecce iam per triginta, & quinque annorum longitudinem premimur, nullis explere suggestionis vocibus valemus. Sed in omnipotente Deo confidimus, quia ea quæ cœpit consolationis suæ nobis bona perficiet: & qui suscitauit in republica pios dominos extinguet crudeles inimicos.

xxij.

Item Leontia augustæ. Quæ lingua eloqui, qui animus cogitare sufficiat, quantas de serenitate vestri imperij omnipotenti Deo gratias debemus, quòd tam dura longi temporis pondera ceruicibus nostris amota sunt, & imperialis culminis leue iugum rediit, quod libeat portare subiectis. Reddatur ergo creatori omnium ab hymnidicis angelorum choris gloria in cœlo: persoluator ab hominibus gratiarum actio in terra, quia vniuersa respublica quæ multa mœroris pertulit vulnera, iam nunc consolationis vestræ inuenit fomenta. Vnde nobis necesse est omnipotentis Dei misericordiam enixius orare, ut cor vestræ pietatis sua semper dextera teneat, eiusque cogitationes cœlestis gratiæ ope dispenset: quatenus tranquillitas vestra tantò rectius valeat sibi seruientes regere, quantò dominatori omnium nouerit verius deferuire. In amore catholice fidei faciat defensores suos, quos fecit ex benigno opere imperatores nostros. Infundat in vestris mentibus zelum simul & mansuetudinem: pro pio semper seruire valeatis, & quicquid in Deo exceditur, non in ultum relinquere: & si quid in vobis delinquitur, parcendo tolerare.

xxij.

His Gregorius laudibus, aut ideo novos principes demulcebat, ut audientes quales esse debebant, fierent mitiores quam Mauritus fuerat, cuius tot criminibus inuoluta tempora cognoscebant: aut quia eos sibi suæque Ecclesiæ deuotissimos cernens, non eos ad tyrannidem ruituros esse putabat. Qui sicut quorumlibet vitia liberis vocibus arguebat, & contra canones priscasque consuetudines venire neminem permittebat: ita quæ consuetudinis fuerant, nulli penitus denegabat. Nam mox ut episcopus apostolicæ sedis enituit, patriarchalibus sedibus suam synodicam destinavit, & postmodum Secundò sedit Dei incluso inter cætera scribit dicens: Hinc est ut quoties in quatuor præcipuis sedibus antistites ordinantur, synodales sibi epistolas vicissim mittant in quibus sanctam Chalcedonensem synodum cum aliis generalibus synodis custodire fateantur. Item Anastasio presbytero de Isauria post multa. Fratri nostro Cyraco Constantinopolitane ciuitatis antistiti, qui nuper in Ioannis reuerendissimi episcopi loco ordinatus est nostra volumus scripta transmittere: sed quia non est consuetudo ut prius quam ad nos eius synodica deferatur, ei scribere debeamus: idcirco nunc distulimus, postea autem indicabimus. Quam videlicet consuetudinem sicut nostri quoque qui ante biennium ab Adriano liberalissimo papa in sancta octaua synodo præfuere testantur: ita Orientales præcipue retinent usque hæcenus sedes, ut in suis diptychis nullius pontificis nomen describant, quousque synodicam ipsius suscipiant, & tam diu defunctum pontificem inter viuentes annumerent, quandiu successor illius suas literas studuerit destinare.

xxij.

Hinc est nimirum quòd Gregorius à consuetudine prisca non discrepans. Ioanni subdiacono rectori patrimoni Liguriæ scribit dicens: Quantò apostolica sedes Deo auctoritate cunctis prælata constat ecclesiis, tantò inter multiplices curas & illa nos valde sollicitat, ubi ad consecrandum antistitem, nostrum expectatur arbitrium. Defuncto igitur Laurentio Ecclesiæ Mediolanensis episcopo, sua nobis relatione clerus innotuit, in electione se filij nostri Constantij diaconi sui vnanimiter consensisse. Sed quoniam eadem non fuit subscripta relatio, ne quid quod ad cautelam pertinet omitamus, idcirco huius præcepti auctoritate suffultum Genutam te proficisci necesse est. Et quia illic multi Mediolanensium coacti Longobardorum barbarica feritate consistunt: eorum te voluntates oportet conuocatis eis in commune perferutari. Et si nulla eas diuersitas ab electionis vnitatem disternat, si quidem in prædicto filio nostro Constantio

Tomus primus.

omnium voluntates atque consensus perdurare cognoscis, tunc eum à propriis episcopis (sicut antiquitatis mos exigit) cum nostre auctoritatis assensu solatiante Domino facias consecrari: quatenus huiusmodi seruata consuetudine, & apostolica sedes proprium vigorem retineat, & à seipso concessa aliis sua non minuat. Sed cum post annos aliquot Constantius functus insigniter pontificio, dormisset in Domino, clerus & plebs Mediolanensis Deus dedit diaconum eligentes, ab Agilulfo rege terrentur quatenus illum eligerent, quem Longobardorum barbaries voluisset. At illi decretum suum Gregorio dirigentes, consilium & licentiam petunt. Quibus ipse inter cætera sic rescripsit: Illud quod vobis ab Agilulfo indicastis scriptum, dilectionem vestram non moueat. Nam quòd nos vtilitati vestræ salubriter consulere velimus in homine qui non à catholicis, & maxime Longobardis eligitur, nulla præbeamus ratione consensum: quia vicarius sancti Ambrosij indignus euidenter ostenditur, si electus à talibus ordinatur & post pauca. Ut igitur in ordinando Deus dedit diacono, qui à vobis electus est, nulla possit mora contingere, Pantaleonem notarium nostrum transmisimus, qui eum (ut moris est) annitente consensu nostri auctoritate faciat consecrari.

Ab aduersis potestatibus prægrauatos fortissimus miles Christi Gregorius viriliter defendebat: iniustèque deictos non solum inter depositos non habebat, verum etiam pristinis gradibus auctoritatis suæ privilegio reformabat. Nam Anastasium antiochenum patriarcham, qui Ioannem Constantinopolitanum presulem voce libera reprehendens, imperatoris Iustini iussu detrusus in exilium, ab ipsis Ioannis papæ temporibus usque ad sui pontificatus tempora permanebat, mox ut summum sacerdotium meruit, inter patriarchas eum reputans, scriptis talibus animauit. Præterea, inquit, sicuti patriarchis aliis paribus vestris, synodicam vobis epistolam direxi: quia apud me semper hoc estis, quod ex omnipotentis Dei munere accepistis esse, non quod ex voluntate hominum putamini non esse. Item eidem in alia epistola post nonnulla scribens: Fraternitati tuæ indicò, quia à serenissimis dominis quantis valui precibus postulaui, ut vos honori proprio restitutos, ad sancti Petri apostolorum principis limina venire, & quousque ita Deo placuerit, hæc mecum viuere cõcedat, quatenus dum vos videre meruero, peregrinationis nostræ ratiò de æterna patria inuicem loquendo releuemus. Denique studiosissimus pater Gregorius tam diu penes Mauriciū imperatorem suggestionibus suis imminuit, donec post multorum annorum curricula magnus Anastasius throno proprio redderetur. Cui congratulans rescripsit dicens: Gloria in excelsis Deo, & in terrâ pax hominibus bonæ voluntatis: quia magnus ille fluuius qui quondam arentia Antiochiæ saxa reliquerat, ad propriū alueum reuersus, subiectas & iuxta positas valles rigat: ut vnum trigessimum, aliud sexagesimom, aliud verò centesimum ferat fructum.

Adrianum Thebanæ ciuitatis episcopum à Ioanne primæ Iustinianæ & altero Ioanne Larissæo episcopis iniuste depositum, non solum sedi propriæ reddidit, verum etiam ipsius ecclesiam Romano iure defendens, à Larissæi episcopi potestate subduxit, inter cætera dicens: Adrianum episcopum reperimus: & tuo contra sacerdotales mores odio laborasse, & nullo iure pecuniariis in causis eum fraternitatis tuæ cõdemnatum fuisse sententia. Quia igitur & ab antefato Ioanne primæ Iustinianæ episcopo contra ius canonique depositus, honoris sui gradu carere non potuit: in suam eum reformari ecclesiam, atque in propriæ dignitatis ordinem decreuimus reuocari. Et cum oportuisset ex eorum dominici corporis cõmunionem priuari, quod admonitione sanctæ memoriæ decessoris mei contempta, per quam eum ecclesiæque eius quem de tui iuris ditione exemit, rursus in aliquid tibi iuris & ditionis seruare præsumpseris: tamen nos humanius decernentes, cõmunionisque tibi sacramentum interim conseruantes, decernimus ut fraternitas tua ab eo ecclesiæque eius omnem antehabitam potestatem iurisdictionis abstineat, sed secundum scripta decessoris nostri siqua causa vel fidei vel criminis vel pecuniaria aduersus præfatum Adrianum cõfacer-

66 iij

dotem nostrum potuerit euenire: vel per eos qui nostri sunt vel fuerint in vrbe regia responsales, si mediocris est quæstio, cognoscatur: vel hunc ad apostolicam sedem, si est ardua, deducatur: quatenus nostræ audientiæ sententia decidatur. Quod si contra hæc quæ statuimus, quolibet tempore, quolibet occasione vel surreptione venire tentaueris: sacra te cōmunionē priuatū, nec eam te excepto vltimo vitæ tuæ tēpore, nisi concessa Romani pontificis decernimus iussione recipere. Hoc enim consona sanctis patribus definitione sancimus, vt qui sacris nescit obedire canonibus, nec sacris administrare vel communionem capere sit dignus altaribus.

Item Ioanni episcopo primæ Iustinianæ. Post longas tribulationes quas Adrianus Thebanæ ciuitatis episcopus à consecratoribus suis velut ab hostibus pertulit, in Romanam ciuitatem confugit: & licet aduersus Ioānem Larissæum episcopum eius fuisset prima suggestio, non ab eo in causis pecuniariis lege esse iudicatum, tamen post hoc magis contra personam fraternitatis tuæ, à qua non iuste sacerdotij gradu se flagitabat esse deiectum, grauissimè querebatur. Et infra. Quod verò, inquit, ad præsens attinet, cassatis prius atque ad nihilum redactis prædictæ sententiæ tuæ decretis, ex beati Petri apostolorum principis autoritate decernimus triginta dierum spatium sacra te cōmunionē priuatū, ab omnipotente Deo nostro tanti excessus veniam cum summa pœnitentia lachrymis exorare. Quod si hanc sententiam nostram te cognouerimus implexisse remissius, non iam tantum iniustitiam, sed & contumaciam fraternitatis tuæ cognoscas adiuuante Domino seuerius puniendam. Præfatum verò Adrianum fratrem & coepiscopum nostrum ex tua sententia (vt diximus) nequaquam canonibus atque legibus subsistente damnatum, in suum locum atque ordinem reuerti Christo comitante disponimus: vt nec illi fraternitatis tuæ noceat contra iustitiæ tramitem prolata sententia, nec charitas tua pro placanda futuri indignatione iudicis incorrecta remaneat.

xxvij.

Hinc est quod exceptis criminibus neminem de sacerdotio Gregorius deponebat, imò pro qualitatibus delictorum venialiter cōmunionē priuabat. Vnde Ioanni episcopo Calliopolitano post aliqua scribens ait: Matriculam quam frater & coepiscopus noster Andreas Tarentinus episcopus fecit fustibus castigari, quanuis exinde post octo menses hæc obisse non credamus, tamen quia eam contra propositi sui ordinem huiusmodi fecit affligi, duobus hunc mēsis à missarum solennitate suspende: vt vel hæc eum verecundia qualē se decetero exhibere possit, instituat.

xxviii.

Si quando super sacerdotum criminibus erat aliquid ventilandum, cum summa distictione grandisque cautela Gregorius vnus cuiusque capituli modulos quærens, sententiam suam magis difficulter quàm facilliter promulgabat. Vnde Natali Salonitano episcopo scribens ait: Dum cuncta negotia indagandæ sollicitudine veritatis indigeant, cum quæ ad deiectionem sacerdotalium pertinent grauius, sunt distictius trutinanda: in quibus non tam de humilibus constitutis, quàm diuinæ quodammodo benedictionis refragatione tentatur. Nuntiatum siquidem nobis est, Florentium Epitauranæ ciuitatis episcopum à quibusdam fuisse in causis criminalibus accusatum, & nullis canonicis probationibus exquisitis, nec sacerdotalis consilij præueniente iudicio, eum honoris officio non autoritate sed iure depositum. Quia ergo non potest quenquam ab episcopatus gradu, nisi iustis ex causis, concors sacerdotum ium mouere sententia: hortamur fraternitatem vestram, vt præfatum virum ex eodem in quod detrusus est eiici faciatis exilio: causamque eius episcopali disceptatione perquiri: & si in his in quibus accusatus est, canonica fuerit probatione conuictus, canonica proculdubio est ultione plectendus. Quod si aliàs quàm de eo æstimatum est, synodali fuerit inquisitione compertum, necesse est vt & criminatores, iusti distictionem iuris exhorreant, & in criminatis innocentia suæ feruentur illibata suffragia. Executionem verò antefati negotij Antonio subdiacono nostro ex nostra præceptione mandauimus, quatenus eius instantia & quæ sunt legibus canonicis placita, decernantur, & decreta iuuante Domino mancipen-

tur effectui. Item Constantino episcopo Mediolanensi. Relectis epistolis quas ad nos per Maurinum latorem præsentium transmisistis, gratiam nobis sollicitudinem vestram fuisse rescriptimus, quod eam quæ ad vos de fratre & coepiscopo nostro Pompeio (qui à nobis ita est nominandus) peruenit, causam dissimulare minimè pertulistis. Sed qualis fuit in requisitione cura, si talis fuisset in discussione subtilitas, nihil ex hoc quod de eo dictum est, fuisset ambiguum, sed vtrum verum an esset compositum, patuisset: quia iam contra ipsum dudum in Sicilia apud reuerendæ memoriæ fratrem nostrum Maximianum episcopum talis quæstio (vt cognouimus) mota est. Sed quia causa ipsius subtili omnino inuestigatione quæsitæ est, inuentus est innocens, qui fuerat accusatus in crimine. Nunc igitur quoniam illa quæ contra eum dicta sunt, nō sub illa qua decuit distictione quæsitæ sunt: & gesta quæ exinde apud fraternitatem vestram confecta sunt, neque ad condemnationem neque ad absolutionem eius probantur posse sufficere: non leuis res agitur, vt incautè vel in transcurso debeat diffiniri. Nam graue est satis & indecens, vt in re dubia certa dicatur sententia. Et hæc quidem gesta esse poterant ad diffiniendum idonea, si accusati ea confessio sequeretur, si tamen eandem confessionem subtilitas examinis ex occultis eliceret, & non afflictio vehemens extorqueret, quæ frequenter hoc agit, vt noxios se fateri etiam cogantur innoxij. Nam postquam præfatus episcopus (vt dicitur) cruciari custodia, cremarique fame se asserit: scire debetis, si ita est, vtrum noceat si sic fuerit extorta confessio. Nunquid quando sententiam tales causæ succipiunt, & ad sedem apostolicam appellatur, non & persona quæ iudicatur, præsens est, vt distictissimè atque ab omni latere veritas requiratur: uti tunc si debeat necne manere sententia, decernatur. Necnon & si prædictus episcopus ad sedem apostolicam appellare voluerit, causa ipsius interius & cum omni est diligentia perscrutanda: & ideo postquam & persona absens est, & gesta quæ ad nos transmisistis, nobis (sicut præfati sumus) idoneè satisfacere non videntur: tēmerè aliquid de episcopi persona decernere nec debemus, nec possumus: ne (quod absit) reprehensibiles inueniamur in nostris, quibus aliorum iure competit retractare sententias.

Item Ioanni defensori post aliqua: Quia, inquit, Stephanus episcopus in odio suo quædam ficta de falsis de capitulis accusarum, neque aliquid ordinabiliter factum, & iniuste se asserit condemnatum, diligenter quærendum est, primo si iudicium ordinabiliter est habitum, si alij accusatores, alij testes fuerunt: deinde causarum qualitas, si digna exilio vel depositione fuit, si eo præsentem sub iureiurando contra eum testimonium dictum est, si scriptis actū est, si ipse licentiam respondendi & defendendi se habuit. Sed & de personis accusantium ac testificantium subtiliter quærendū est, cuius conditionis, cuiusq; opinionis, aut ne inopes sint ne fortè aliquas contra præfatum episcopum inimicitias habuissent: vtrum testimonij ex auditu dixerut, aut certè se scire testati sunt: si scriptis iudicatum est, & partibus presentibus sententia recitata est. Quod si fortè hæc solēniter acta nō sunt, neq; causa probata quæ exilio vel depositione digna sit: in ecclesiam suam modis omnibus reuocetur.

Autoritatē quorumlibet summorum pontificum Gregorius autoritatis suæ magnitudine nullo modo minuebat, quin potius multipliciter roborabat: quanuis inter culpabiles autoritatē sui prioratus cognosceret, tamē inter infontes episcopos se præbebat prorsus æqualē. Quapropter Ioāni Syracusano episcopo inter cætera scribens ait: Quod primus Bizacenus à suis episcopis impetratus, se sedi apostolicæ dicit subiici: siqua culpa in episcopis inuenitur, nescio quis ei episcopus subiectus non sit. Cum verò culpa non exigit, omnes episcopi secundum rationem humilitatis æquales sumus, & cætera. Item in libro regulæ pastoralis, Liqueat, inquit, quod omnes homines natura æquales genuit: sed variante meritorū ordine, alios aliis culpa postponit. Ipsa autē diuersitas quæ accessit ex vitio, diuino iudicio dispensat: vt quia omnis homo æquè stare nō valet, alter regat ab altero. Vnde cūcti qui præsumunt, nō in se debent potestatem ordinis, sed æqualitatem pēfere cōditionis: nec præesse hominibus gaudeat, sed prodesse. Antiqui

xxix.

qui eterim patres nostri non reges hominum, sed pastores pecorum fuisse memorantur. Et cum Noë Dominus filiisq; eius diceret, Crescite & multiplicamini, & replete terram: protinus adiunxit: Et terror vestre ac tremor sit super cuncta animalia terre. Quorum terror ac tremor quia esse super animalia terre precipitur, profecto super homines esse prohibetur. Homo quippe brutis animalibus, non autem hominibus ceteris natura prelatas est: & idcirco ei dicitur ut ab animalibus & non ab homine timeatur: quia contra naturam superbire, est, ab æquali velle timeri: & tamen necesse est ut rectores à subditis timeantur, quando ab eis Deum minimè timeri deprehendunt: ut humana saltem formidine peccare metuant, qui diuina iudicia non formidant. Nequaquam tamen prepositi ex hoc quæsito timore superbiant, in quo non suam gloriam, sed subditorum iustitiam quærunt. In eo enim quod metum sibi à peruersè viuentibus exigunt, quasi non hominibus sed animalibus dominantur: quia videlicet ex qua parte bestiales sunt subditi, ex ea debent etiam formidini iacere substrati. Sed plerunque rector eo ipso quo ceteris præminet, elatione cogitationis intumescit: & dum ad vsum cuncta subiacent, dum ad votum velociter iussa complentur, dum omnes subditi si qua bene gesta sunt laudibus efferunt, malè gestis autem nulla auctoritate contradicunt, dum plerunque laudant etiam quæ reprobare debuerant: seductus ab his quæ infra suppetunt, super se animus tollitur: & dū foras immenso fauore circumdatur, intus veritate vacuatur: atque oblitus sui, in voces se spargit alienas: talemque se credit, qualem foris audit, non qualem intus decernere debuit: Subiectos despiciit, eosque æquales sibi ordine naturæ non agnoscit: & quos sorte potestatis excesserit, transcendisse etiam vitæ meritis credit. Cunctis se æstimat amplius sapere, quibus se videt amplius posse. In quodam quippe se constituit culmine apud semetipsum: & qui æqua ceteris naturæ conditione constringitur, ex æquo ceteros respicere dedignatur: sicque usque ad eius similitudinem ducitur, de quo scriptum est: Omne sublime videt, & ipse est rex super omnes filios superbiæ. Qui singulare culmen appetens, & socialem angelorum vitam despiciens, ait: Penam sedem meam ad aquilonem, & ero similis altissimo. Miro ergo iudicio intus foueam deiectionis inuenit, dum foris se in culmine potestatis extollit. Apostate quippe angelo similis efficitur, dum homo hominibus esse similis designatur. Sic Saul post humilitatis meritum in tumorem superbiæ culmine potestatis excreuit. Per humilitatem quippe prelatas est, & per superbiam reprobatus, Domino attestante, qui ait: Nonne cum esses paruulus in oculis tuis, caput te constitui in tribus Israël? Paruulum se prius in suis oculis viderat, sed fultus temporali potentie iam se paruulum non videbat. Ceterorum nanque comparationi se præferens, quia plus cunctis poterat, magnū se præ omnibus estimabat. Miro autē modo cum apud se paruulus, apud Deū magnus: cum verò apud se magnus apparuit, apud Deū paruulus fuit. Plerunq; ergo dū ex subditorum affluentia animus inflatur, in luxū superbiæ ipso fastigio lenocinante corrumpitur. Quam videlicet potentiam bene regit, qui & tenere illam nouerit, & impugnare. Bene hanc regit, qui scit per illam super culpas erigi, scit cum illa ceteris æqualitate componi. Humana etenim mens plerunque extollitur etiam cum nulla potestate fulcitur, quantomagis in altum se erigit, cum se etiam potestas ei adiungit: Quam tamē potestatem rectè dispensat, qui sollicitè nouerit & sumere ex illa quod adiuuat, & expugnare quod tentat: & æqualem se cum illa ceteris cernere, & tamen se peccantibus zelo ultionis anteferre. Sed hanc discretionem plenius agnoscimus, si pastoris primi exempla cernamus. Petrus nanque auctore Deo sanctæ Dei ecclesiæ principatum tenens, à bene agente Cornelio, & sese ei humiliter prosternente immoderatus venerari recusauit, seque illi similem recognouit, dicens: Surge, ne feceris: & ego ipse homo sum. Sed cum Ananiæ & Sapphiræ culpam reperit, mox quanta potentia super ceteros excreuisset ostendit. Verbo nanque eorum vitam pertulit, quam spiritu perscrutante deprehendit: & summum se intra ecclesiam contra peccata recoluit, quod honore sibi vehementer impenso coram bene agentibus fratribus non agno-

Tomus primus.

uit. Illic quippe communionē æqualitatis meruit sanctitas actionis: hic zelū ultionis vis aperuit potestatis. Et paulo post. Sed cum delinquentes subditos prepositi corrigunt, restat necesse est ut sollicitè attendat, quatenus per disciplinā debitum culpas quidem iure potestatis feriant, sed per humilitatis custodiam æquales se ipsis fratribus qui corriguntur agnoscat: quanuis plerunque etiam dignum est ut eosdem quos corrigimus, tacita nobis cogitatione præferamus. Illorum tanque per nos vitia disciplinæ vigore feriuntur: in his verò quæ ipsi committimus, ne verbi quidem ab aliquo inuestigatione laceramur. Tandem ergo apud Deum obligati sumus, quantum apud homines inultè peccamus, & reliqua.

Hac Gregorius æqualitate seruata, Romano defensori Siciliæ scribit dicens: Peruenit ad nos, quod si quis contra quolibet clericos causam habeat, despiciat eorum episcopis eisdem clericos in tuo facias iudicio exhiberi. Quod si ita est, quia valde constat incongruum, hac tibi auctoritate precipimus, ut hoc denuo facere non præsumas: sed si quis contra quemlibet clericum causam habuerit, episcopum ipsius adeat, ut aut ipse cognoscat, aut certè ab ipso iudices deputentur. Aut si ob hoc fortasse ad arbitros eundum est, partes ad eligendos iudices ab ipso executio deputata compellat. Si quis verò vel clericus vel laicus contra episcopum causam habuerit, tunc te interponere debes: ut inter eos aut ipse cognoscat, aut certè te admonente sibi iudices eligant. Nam si sua vnicuique episcopo iurisdictio non seruatur, quid agitur, nisi ut per quos ecclesiasticus custodiri ordo debuerat, confundatur?

Sicut contumacem de crimine, sine vindicta canonica Gregorius neminem relinquebat: sic nimirum falsarium delatorem regulari tramite puniebat. Vnde Anthemio subdiacono scribens ait: Cum fortius puniendi sint crimina quæ in fontibus, & maximè sanctis ordinibus ingeruntur, quam sitis culpabiles omnes qui in causa Ioannis diaconi resedistis, attendite, ut Hilarius criminatorem eius nulla ex diffinitione vestra pœna veniens castigaret. Nec illud ad excusationem vestram esse credatis idoneum, quod vobis quasi iudicare volentibus, solus frater & coepiscopus noster Paschasius dicitur distulisse. Nam si zelus in vobis rectitudinis viguisset, facilius vni à multis rationabiliter suaderi, quam multi ab vno poterant sine causa differri. Quia ergo tantæ nequitie malum non debet sine ultione transire: supra scriptum fratrem nostrum Paschasium volumus admoneri, ut eundem Hilarium prius subdiaconij quo indignus fungitur, priuet officio, atque verberibus publice castigatum faciat in exilium deportari: ut vniū pœna multorum possit esse correctio. Cuius si fortè leuitatem diaconij sui adhuc opinio lacerata non commonet, & in hoc (quod non credimus) torpens extiterit, experientia tua hæc quæ diximus faciat, & de illius nobis neglectu renuntiet.

Idcirco Gregorius non probantem quod obiecerat subdiaconum officio iubet privari, quia iuxta canonicas patrum sententias qui calumniam illam non probat, pœnam debet incurrere: quam si probasset, reus utique sustineret. Ac per hoc quia subdiaconus crimen diaconi probare non potuit, quoniam impositionem manus qua carere potuisset, non habuit: non sacerdotio, sed officio caruit: & tanquam reuera infamis meruit verberibus castigari. Nam cui cum tribus testibus veluti laico crimen quodlibet approbatur, non est mirum, quod obiecit, dum probare non sufficit, si corporali infamiae quemadmodum laicus ex iuris similitudine subiungatur. Quod enim esset diacono gradum amittere, hoc fuit subdiacono famæ plenitudine caruisse.

Crimina semel audita Gregorius indiffensa nullo modo præteribat, etiam si accusatus cum accusatore suo redisset in gratiam. Quapropter vniuersis episcopis Corinthi scribens ait: Desiderij nostri est ad concordiam redire discordes, & vniuersos esse in gratia eos quos diuisos ab alterutra dilectione voluntatis facit esse diuersitas. Scripta igitur fraternitatis vestre relegendes agnouimus quod ij qui contra Adrianum fratrem & coepiscopum nostrum aliqua dixerant, modò cum eodem episcopo in amicitiam conuenissent: &

66 iiij

magna nobis ad praesens facta est de eorum vnitate laetitia. Sed quoniam ea quae dicta sunt, indiscussa remanere non patimur, sedis nostrae diaconum ad ea inuestiganda dirigimus: quia nuntiati nos facinoris qualitas vehementer impellit, vt ea quae audiuius, dissimulare nullatenus debeamus, praefertim cum accusatores & accusatum inter se fecisse gratiam indicastis. Hoc nobis necesse est subtilius perscrutari, ne fortasse eorum sit comparata concordia: quae si (quod absit) non ex charitate sed ex praemio facta constiterit, maiori hoc emendatione plectendum est. Nam nos qui canonicè reuelante Deo mala, si quidem vera sunt, refecare praecedentia festinamus, commissam postmodum culpam sine vindicta nulla ratione dimittimus.

Item Ioanni episcopo Corinthiorum post aliqua, Paulum, inquit, diaconum latorem praesentium quauis culpa suauementem confundat atque redarguat, quod deceptus promissione, ab accusatione nuper depositi quondam episcopi sui destiterit, & cupiditatis studio silere contra animam suam potius quam prodere vera consensit: tamen quia pios plus nos esse conuenit, quam districtos, hanc ei culpam ignoscimus, atque cum in ordine locoque suo recipiendum censemus. Nam ei à tēpore prolatae sententiae afflictionem quam pertulit, credimus ad vindictam huius culpae posse sufficere. Euphemium verò atque Thomam qui pro deserenda accusatione sacros ordines acceperunt, eisdem ordinibus priuatos esse, atque ita sicut sunt depositi, volumus permanere: nec vnquam eos sub qualibet excusationis specie in sacros ordines reuocari decernimus. Nam nimis indignum, & contra ecclesiasticae regulam disciplinae est, vt honore quem non ex meritis, sed pro sceleris praemio percepere, fungatur: quia tamen plus misericordiae quam districtae nos conuenit operam dare iustitiae, eosdem Euphemium atque Thomam in ordinem locūque tantummodo vnde ad sacros ordines promoti fuerat, volumus reuocari, & cunctis diebus vitae suae eorundem locorum continentiam sicut consueuerant, antè percipiant. Clementium verò lectorem similiter benignitatis intuitu in ordinem locumque suum reuocandum esse constituo: Quibus etiam omnibus, id est Paulo diacono, Euphemio, Thomae atque Clementio commoda sua secundum locum & ordinem, in quo quisque eorum est, sicut solitus erat accipere, à praesenti indictione fraternitas vestra sine aliqua studeat imminutione praebere.

xxxiiij.

Consueti clericorum stipendia nullis quarumlibet aegritudinum occasionibus misericordissimus pater Gregorius retrahebat. Vnde Candido episcopo vrbis veteris scribens ait: Cum percussio corporalis vtrum pro purgatione an pro vindicta contingat, Dei in hoc iudicium ignoratur: nō debet à nobis addi flagellatis afflictio, ne nos culpa (quod absit) offensa respiciat. Et quia praesentium lator calumniosus pro hac percussione quā sustinet, cōsueti sibi cōmoda ab ecclesia vestra asserit denegari: idcirco fraternitatem tuam praesentibus hortamur epistolis, quatenus nihil eum ad percipiendam quae consueti sunt, haec egritudo debeat impendere: quia diuersis in ecclesia militantibus varia (sicut nosti) saepe contingit infirmitas: & si hoc fuerint exemplo deterri, nullus de cætero qui ecclesiae militet poterit inueniri: sed secundum loci ipsius ordinem, quaeque ei si sanus esset, poterant ministrari, de ipsa exiguitate quae ecclesiae potest accidere, fraternitas tua diuini contemplatione iudicij aegrotanti praebere non desinat.

xxxiiij.

Episcoporum venerabilium factas propriis clericis spōsiones Gregorius apostolicę sedis autoritatibus roborabat. Vnde Ioanni Panormitano, episcopo scribit dicens: Implenda semper sunt postulantium desideria, quoties illa poscuntur, quae à ratione non deuiant. Et ideo quia quaedam capitula quae seruaturum te clericis tuis petentibus promissisti, nostra ab eis postulamus autoritate firmare: Fraternitatem tuā his hortamur assatibus, vt ea quae praesentia scripta continēt, sine aliqua debeat refragatione seruare. Primum, vt de redditibus ecclesiae quartam in integro portionem ecclesiae tuae clericis secundum meritum vel officium siue laborem suum, vt ipse vnique dare prospexeris, sine aliqua debeas praebere tarditate. De hoc verò quod ex fidelium oblatione acce-

ferit, id est, quartam partem in solidis vel cellario eis iuxta pristinam consuetudinem dare non differas. Reliqua autem omnia mobilia in tua retineas potestate: immobilia cuncta ecclesiasticis redditibus aggregentur: vt multiplicata quantitate clericorum tuorum, quarta Deo largiente proficiant. Tabularium autem vnā cum consensu seniorum & cleri meminere ordinandum, qui annis singulis ad imputandam fraudis suspicionem solenniter suas debeat rationes exponere. Vindemiarum verò tempore idem clerus emendi vnum de possessionibus ecclesiae tuae ad iusta precia, in quantum vendendum est, remedium consequatur. Nam satis contra rationem est, vt quod potest extraneis venundari, clericis dato precio denegetur. Possessiones igitur vel si qua sunt alia ecclesiastico iuri competentia, & ab extraneis indebitè detinentur, cum omni studio seruata ciuilitate in ius ecclesiae tuae reparare festina, vt negligens in aliquo videri non valeas. Si quid verò de quocunque clerico ad aures tuas peruenerit, quod te iuste possit offendere: facile non credas, nec ad vindictā te res accendat incognita, sed praesentibus ecclesiae tuae senioribus diligenter si est veritas perscrutandum: & tunc si qualitas rei poposcerit, canonica districtio culpas feriat delinquentis. Haec itaque omnia sic sollicitè ac mansuetè studij tui sit custodire, quatenus nec tu promissionis tuae videaris immemor extitisse, nec illi iustam contra te occasionem inuenire valeant murmurandi. Item Maximiano Syracusano episcopo post pauca: Cognouimus de redditibus ecclesiae nouiter acquisitis canonicam dispositionem quartarum minimè prouenire: sed episcopos locorum tantummodo distribuere quartam antiquorum reddituum, nūc verò quæ sita suis vñsibus retinere. Quamobrem prauam subintroductam consuetudinem fraternitas tua viuaciter emendare festinet: vt siue de preteritis redditibus, siue de his quae nouiter obuenerunt, vel obuinentibus quarta secundum distributionem canonicam dispensetur. Incongruum nanque est, vnam eandemque ecclesiae substantiam duplici quodammodo iure cense-feri, id est vñsurbationis, canonum.

Ab aliis episcopis communionem priuatos Gregorius communioni pristinae reformabat. Quapropter Magno presbytero Mediolanensis ecclesiae scribens ait: Sicut exigente culpa dignè quis à sacramēto communionis abigitur, ita inson- tibus nullo modo talis irrogari debet vindicta. Comperimus siquidem quod Laurentius frater & coepiscopus noster nullis te culpis extantibus communionem priuauerit: ideo quae huius praeccepti nostri autoritate munitus, officium tuum securus perage, & communionem sine aliqua sume formidine.

Purgantes se à crimine cuiuslibet haereseis Gregorius non solum recipiebat, imò etiam catholicos declarabat. Vnde Ioanni Constantinopolitano episcopo scribit dicens: Sicut haereticorum prauitas zelo rectae fidei comprimenda, ita verae confessionis est integritas complectenda. Nam si credi fideliter confitenti despicitur, cunctorum in dubium fides adducitur, atque errores ex incauta districtione mortiferi generantur: & hinc non solum errantes oues ad caulas minimè dominicas reuocantur, sed etiam intus positae ferinis dentibus laniandae crudeliter exponuntur. Hoc ergo subtiliter frater charissime, perpendamus, vt sub praetextu haereseis affligi quempiam veraciter profitentem fidem catholicam nō sinamus. Valde enim mirati sumus cur ij in causa fidei iudices contra Ioannem Chalcedonensis ecclesiae presbyterum à vobis fuerant deputati, negligentes veritatem, opinioni crediderunt, & credere districtè profitenti noluerunt, maxime cum accusatores ipsius, Marcionistarum (quam memorabant) haereseis, vnde eum reum moliebantur efficere, interrogati quae esset, nescire se manifesta professione responderint. Ex qua re euidenter agnoscitur, quia personam ipsius sine Dei respectu non iuste sed contra animas suas sola graue voluntate tantummodo voluerunt. Nos itaque facto concilio (sicut gestorum apud nos habitum tenor ostendit) cuncta quae erant necessaria subtiliter perscrutantes atque tractantes, quoniam in nullo antè dictum presbyterum reum inuenire potuimus, praecipue quia libellus quem delegatis à vobis iudicibus obtulit, rectè fidei per omnia sinceritati

xxxv.

xxxvi.

ritati concordat: eapropter eorundem iudicium reprobantes sententiam, nostra eum diffinitione catholicum, & ab omni hæreticorum crimine liberum esse Christi Dei redemptoris nostri gratia reuelante denuntiauius. Item Mauricio imperatori post pauca: Relectis in concilio quæ contra Ioannem ecclesiæ Chalcedonensis presbyterum acta sunt, simul & serie iudicatis, maiorem illum iniustitiam sustinuisse cognouimus, quippe quem clamantem se atque monstrantem esse catholicum, non reatus culpa, sed diu accusatio incerta protriuit, in tantum quia accusatores ipsius, Marcionistarum (quam memorabant) hæresim nescire se aperta responsione professi sunt: & qui illico in ipso iudicii fuerant limine repellendi: in accusatione eius incerti permanere permisi sunt. Sed ne dicta eum saltem lacerare potuisset opinio, libellum fidei obtulit, in quo se patenter ostendere fidei rectæ professorem studuit & sequacem. Sed hunc à sanctissimo Ioanne & coepiscopo meo iudices deputati, iniuste ac irrationabiliter negligentes dum in eius se nisi sunt occupare grauamine, se potius reprehensibiles ostenderunt. Nam nullus ambigit infidelitatem esse, fidem fidelibus non habere. Item Narsi comiti de eodem post alia. De Ioanne verò presbytero cognoscite, quia causa illius per synodum decisa est: in qua aperte cognoui quia eius aduersarij eum facere hæreticum voluerunt, & diu conati sunt, sed minimè potuerunt. Item Athanasio presbytero de Isauria: Sicut de eis quos ab vnitatem ecclesiæ hæreticæ prauitatis error abscidit, affligimur & dolemus: ita de his quos intra sinum suum catholicæ fidei professio continet, congaudemus: & vt pastorali sollicitudine illorum nos oportet impietatibus obuiare, sic pijs horum professionibus congruit fauorem impendere, & sincera esse quæ sapiunt declarare. Atque ideo dum tibi Athanasio presbytero monasterij sanctæ Milie cui est vocabulum Tannaco quod in Lycæonia est prouincia constitutus, contraria integræ fidei orta suspitio est vt professionis tuæ potuisset integritas apparere, ad apostolicam sedem (cui præsidemus) elegisti recurrere, asserens etiam te corporaliter verberatum, aliqua iniuste ac violenter fecisse. Et quanquam ea quæ vi impulsio- nis sunt, canonum minimè censura recipiat, & iure habeantur, infirma, quia ipse ea dissoluit, qui iniustum fateri compellit, sed magis illa est suscipienda & amplectenda confessio, quæ spontanea monstratur voluntate procedere, sicut apud nos fecisse dinosceris: nequid tamen nobis ambiguum potuisset existere, sanctissimo Ioanni quondam fratri nostro Constantinopolitanæ ciuitatis antistiti de te præuidimus scribendum, vt suis nos quid actum esset epistolis informaret. Qui sæpe à nobis admonitus rescribens innotuit quen- dam codicem apud te fuisse inuentum quo plura continebantur hæretica: & ob hoc aduersus dilectionem tuam fuisse commotum. Quem quia ad nos studuit pro satisfactione transmittere, priores eius partes sollicita lectione percurrimus: & quoniam manifesta in eo hæreticæ infectionis venena reperimus, ne denuò debuisset legi, vetuimus. Sed quia hunc te simpliciter legisse testatus es, ad amputandam ambiguae suspicionis materiam, libellum nobis manu tua porrexisti perscriptum, in quo fidem tuam exponens, omnes generaliter hæreses, vel quicquid aduersus catholicæ professionis integritatem est, apertissime condemnasti: & cuncta quæ sanctæ quatuor vniuersales synodi recipiunt, te semper recepisse ac recipere, & quæ condemnauerunt, condemnasse condemnareque professus es. Eam quoque synodum quæ imperatoris Iustiniani temporibus de tribus capitulis facta est, te suscipere & custodire promissisti: & prohibitus à nobis codicem ipsum legere, in quo pestiferæ virus fraudis in- nexum est, libentissime consensisti: reprobans etiam atque condemnans omnia quæ in eo contra catholicæ fidei integritatem dicta vel latenter inferta sunt, nec eum te legere denuò promissisti: Hac ratione permoti, postquam etiam exprobrata est à te libelli pagina, & fides tua nobis catholica Deo custodiente perclaruit, ab omni te hæreticæ peruersitatis macula iuxta professionem tuam liberum esse decernimus, & catholicum, atque sinceræ in omnibus fidei professorem, ac sequacem Iesu Christi saluatoris gratia clariuisse prouunziamus: liberam quoque tribuendo licentiam ad

A tuum monasterium in tuo te loco vel ordine, nihilominus remeare.

Schismaticos ad recipiendam satisfactionem venire Gregorius inuitabat: quibus etiam si nunquam ad vnitatem ecclesiæ redire voluissent, nullam se facturum violentiam promittebat. Vnde Petro & Prouidentio episcopis de Istria scribens ait: Deus qui lætatur in vnitatem fidelium, & reuelat quærentibus veritatem, cordi vestro, dilectissimi fratres, aperiat quanto vos desiderio in gremio cupiam sanctæ vniuersalis ecclesiæ contineri, & in eius manere vnitatem concordem. Quod fore non dubito, si abiecto contentionis stimulo, satisfieri vobis veraciter de his quibus est dubietas, intendatis. Remeantis autem Castorij notarij mei edoctus relatione sum, fraternitatem vestram ad me habere desiderium veniendi, si promissum fuerit quia nullam molestiam sustinebit. Hoc ego cognoscens, & opto, & accensus ardore charitatis, inuito vt ad me veniendi debeatis laborem assumere: quatenus, pariter conferentes quæ vera & redemptori nostro sunt placita & communiter loquamur, & modis omnibus teneamus. Ego verò diuinæ protectionis gratia suffragante satisfacere vobis de quibus dubitatis paratus sum & confido de omnipotentis Dei nostri clementia, quia ita vobis satisfactio mea interius inhærebit, vt nihil charitati vestræ decetero possit ambiguum remanere. Nam illa quæ sanctissimæ quatuor synodi sapuerunt atque diffinierunt, & prædecessor noster Leo sanctissimus papa, ita & nos sapimus, sequimur, ac tenemus: nec ab eorum fide aliquo modo dissentimus. Sed quia plus persona præsens quam epistola satisfacit, hortor, dilectissimi fratres, vt ad me venire sicut præfatus sum debeatis, dummodo ratione percepta, à concordia sanctæ vniuersalis ecclesiæ dissensio vos nulla dissociet. Hoc tamen certa sit vestra charitas, quia vos & cum affectu quo decet suscipio, & cum gratia relaxabo: nec aliquam vos, vel quoscunque alios qui pro hac ac me causa venire voluerint, afflictionem vel molestiam sustinere permitto: sed seu ad consentiendum mihi cor vestrum misericordia diuina compunxerit, siue (quod absit) in ea vos durare dissensione contigerit, ad propria vos remeare quando volueritis iuxta promissionem meam sine læsione vel molestia relaxare curabimus.

Seuerum Aquileiensem episcopum caput totius schismatis existentem Romam venire compellit, dicens: Sicut gradientem per auia, carpentem denuò rectum tramitem, tota Dominus auiditate complectitur: ita demum deferentem cognitam veritatis viam, maiori mœrore quam gaudio quo de conuertente lætatus fuerat, contristatur: quia minoris excessus est veritatē non cognoscere, quam in eadem agnita non manere: aliudque est quod ab errante committitur, aliud quod per scientiam perpetratur. Et nos siquidem quando incorporatum te iam pridem fuisse in vnitatem ecclesiæ gauisi fuimus, abundantius nunc dissociatum à catholica societate confundimur. Pro qua re imminente latore præsentium iuxta Christianissimi & serenissimi rerum domini iussione, ad beati Petri apostoli limina cum tuis sequacibus venire te volumus: vt authore Deo aggregata synodo, de ea quæ inter vos vertitur dubietate iudicetur. At Seuerus apostolica simul imperialique iussione coactus imminente Smaragdo exarcho, simulque Antonio ecclesiæ Romanæ defensore Rauennam perducitur. Vbi veritus cum Gregorio synodalem subire conflictum, ad vnitatem sanctæ vniuersalis ecclesiæ mediante Ioanne Rauennati pontifice remeavit. Sed cum post anni spatium ad propria redisset, ab alijs schismaticis persuasus, non solum ad pristinum vomitum rediit, verum etiam Mauricij Deo semper aduersi iussione surrepta, qua iubebatur vt schismatici redire ad vnitatem Ecclesiæ minimè cogèrentur, reliquis Episcopis Ecclesiæ se iungentibus, maximas seditiones conflabat. Quapropter Gregorius neminem iam reuertentium sine cautione iuratoria penitus suscipere satagebat. Quæ præstita huiusmodi literis eidem patricio exarcho commendabat: Firminus frater & Coepiscopus noster Tregestina antistes Ecclesiæ, ante aduentum vestræ excellentiæ salubri consilio à schismate quo inheuerat resipiscens, atque ad vnitatem matris Ecclesiæ rediens, nostris est Epi-

stolis confirmatus, quatenus in verā quam agnouerat sinu matris Ecclesiae, fortitudine animi fixus ac stabilis permaneret. Quo audito Seuerus Gradenſis Episcopus eiusdem caput schismatis eum diuerſis primum cœpit (ſi poſſet) ſuaſionibus à bono reuocare propoſito. Quod dum perficere authore Deo minimè valuisset, ſeditionem illi ſuorum ciuium excitare non timuit. Quanta verò prædictus frater & Coepiscopus noſter Firminus ex eadem immiſſione pertulerit, plenius illic ac veracius è vicino poteritis agnoſcere. Directis itaque excellentiæ vestræ iuſſionibus iis qui in Hiſtriæ partibus locum veſtrum agere Deo authore noſcuntur, diſtrictius iubetote, quatenus & ſæpèdictum fratrem noſtrum ab illatis debeant deſenſare moleſtiis, & quietem illius multis ad imitandum proſuturam, modis omnibus procurare: vt hæc veſtra prouiſio & conuerſorum ſit optata ſecuritas, & occaſio oborta ſequentium. Denique ſeuerus quia ad vnitatem ſanctæ vniuerſalis Eccleſiæ redire non meruit, ad ſcindendum quoque ſuæ ipſius diœceſeos vnitatem, Romanum pontificem ſua vecordia ſuſcitauit: adeo vt ab ipſo illius obitus tempore Aquileienſis diœceſis in duos metropolitanos, catholicorum videlicet ſchismaticorumque diuiſa ſit: neque potuit poſtmodum, licet omnes generaliter ad vnitatem de ſchismate repedauerint, ad priſtinæ coniunctionis vnionem vſque hætenus reformari.

xxxix. Sicut nulli clericorum pro infirmitate corporis quartarum ſubſidia Gregorius minuebat: ita nulli pontificum pro ægritudine qualibet ſuccedendum fore docebat. Vnde Anatolio Conſtantinopolitano Subdiacono reſcribens ait: Scripſit mihi dilectio tua, piſſimum Dominum noſtrum reuerendiſſimo fratri meo primæ Juſtinianæ Episcopo pro ægritudine capitis quam patitur, præcipere ſuccedi, ne fortaſſe dum Episcopi iura eadem ciuitas non habet (quod abſit) ab hoſtibus pereat. Et quidem nuſquam canones præcipiunt vt pro ægritudine Episcopo ſuccedatur: & omnino iniuſtum eſt, vt ſi moleſtia corporis irruit, honore ſuo priuetur ægrotus: atque ideo hoc per nos fieri nullatenus poteſt, ne peccatum in mea anima ex eius deſiſtione veniat. Sed ſuggerendum eſt, vt ſi is qui eſt in regimine, ægrotat, diſpenſator illi talis requiratur, qui poſſit eius curam omnem agere, & locum illius in regimine Eccleſiæ ipſo non deſiſto, ac in cuſtodia ciuitatis implere: vt neque Deus omnipotens offendatur, neque ciuitas inueniatur eſſe neglecta. Si verò idem reuerendiſſimus Ioannes fortaſſe pro moleſtia ſua petierit vt ab Episcopatus honore debeat vacare, eo petitionem dante ſcripto, concedendum eſt. Aliter autem nos id facere pro omnipotentis Dei timore omni modo non valemus. Quod ſi hoc petere ille noluerit, quod piſſimo imperatori complacet, quicquid iubet facere, in eius eſt poteſtate: ſicut nouit, ipſe prouideat: nos tantummodo in deſiſtitionem inſontis non faciat permiſceri. Quod verò ipſe fecerit, ſi canonicum eſt, ſequimur: ſi verò canonicum non eſt, in quantum ſine peccato noſtro valemus portamus. Pontificibus voluntariè ſuis renuntiantibus ſedibus ſucceſſores Gregorius nullo modo denegabat: eoſque poſtmodum de redditibus relictæ Eccleſiæ ſufficienter nutriendos eſſe cenſebat. Vnde Mariniano Rauennati Episcopo ſignificans ait: Qualiter ordinati à nobis ſacerdotis corporis qua notum eſt impediende moleſtia, Ariminenſis Eccleſia paſtorali hætenus ſit regimine deſtituta, dudum fraternitas veſtra cognouit. Quem dum habitatorum loci illius precibus permoti ſapius hortaremur, vt ſi de eadem capitis qua detinebatur moleſtia, melioratum ſe eſſe ſentiret, ad ſuam auxiliante Domino reuerteretur Eccleſiam: datis induciis in hoc quadriennio expeſtatur. Quem dum nos clericorum vel ciuium illinc venientium noſque precibus arguentium inſtantiſſe hortaremur, vt ſi valeret, auxiliante Domino cum eis remearet: data ſcriptis ſupplicatione nos petiit, vt quia ad eiusdem Eccleſiæ regimen vel ſuſceptum officium pro eadem qua detinebatur moleſtia aſſurgere nullatenus poſſet, Eccleſiæ ipſi ordinare Episcopum deberemus. Vnde quia cunctarum Eccleſiarum iuncta nos ſollicitudinis cura conſtringit, ne diutiùs gregi fidelium deſit cuſtodia paſtoralis, illorum precibus huiusque ex ſui impoſſibilitate renuntiatione compulſi, viſum nobis eſt eidem Ariminenſi Eccleſiæ debe-

re Episcopum ordinari: & datis ex more præceptis, clerum plebèmq; eiusdem Eccleſiæ non deſtitimus admonere, quatenus ad eligendum ſibi antiſtitem concordie prouiſione concurrant.

Item Etherio Episcopo. Quanuis triſte nobis ſit valde quod loquimur, atque fraterna nos magis compaſſione vigeat quam aliquid de auditis diſſipare permittat: ſuſcepti tamen ſollicitudo regiminis cor noſtrum inſtanti pulſat aculeo, magna nos Eccleſiæ cura proſpicere, & ante quam harum poſſit vtilitas deperire, quid fieri debeat, Deo authore diſponere. Peruenit igitur ad nos, quendam Episcopum ita paſſionem capitis incurriſſe, vt quæ mente alienata agere ſoleat, gemitus & ſletus audire ſit. Ne verò languente paſtore grex (quod abſit) inſidiatoris dentibus laniandus exponatur, vel Eccleſiæ ipſius vtilitates depereant: cauta nos necceſſe eſt prouiſione tractare. Et ideo quia viuente Episcopo, quem ab officio ſuo necceſſitas infirmitatis, non crimen abducit, alium loco eius, niſi recuſante eo, nulla ſinit ratio ordinari: ſi interualla ægritudinis habere eſt ſolitus, ipſe data petitione, nec ſe vltèrius ad hoc miniſterium ſubuertente infirmitate, intellectum, nec ad alia officia poſſe fateatur aſſurgere, & alium loco ſuo expetere ordinandum. Quo facto, omnium electione ſolenni alter qui dignus fuerit Episcopus conſecretur, ſic tamen, vt quouſque eundem Episcopum in hoc ſeculo vita tenuerit, ſumptus ei debiti de eadem Eccleſia miniſtrentur. Enimuero ſi nullo tempore ad ſanæ mentis redit officium, perſona eſt fidelis ac vitæ probabilis eligenda, quæ ad regimen Eccleſiæ idonea poſſit exiſtere, atque de animarum vtilitate cogitare, inquietos ſub diſciplinæ vindicta reſtringere, Eccleſiaſticarum rerum curam gerere, & maturum atque efficaciem ſe in omnibus exhibere: qui etiam ſi Episcopo qui nunc ægrotat, ſuperſtes extiterit, loco eius debeat cõſecrari.

Virginem ſtupratam Gregorius iubeat vxorem percipere, aut ſtupratorem eius caſtigatum verberibus in monaſterio deputare. Vnde Felici Sypontino Episcopo ſcribit dicēs: Expeſtabamus fraternitatem tuam ſua aliquos ad Deum prædicatione conuertere, & malè agentes ad rectitudinem reuocare. Qua de re nimis contriſtamur, quia è diuerſo in nepotis tui Felicis præſentate tua euidenter (qui talem nutriſti) culpa monſtrata eſt. Peruenit itaq; ad nos, quod ſupraſcriptus Felix Euangelii diaconi tui filiam ſtupro deceperit. Quod ſi verum eſt, quanuis graui eſſet de lege pœna plectendus, nos tamen aliquatenus legis duriciam mollientes, huiusmodi diſponendo, id eſt, vt aut quam ſtuprauit, vxorem habeat: aut certè ſi renuendum putauerit, diſtrictus, ac corporaliter caſtigatus excommunicatusque in monaſterium, in quo pœnitentiam peragat, retrudatur: de quo ei nulla ſit egrediendi ſine noſtra præceptione licentia.

Virum ſine vxoris propriæ voluntate conuerſum, etiam ſi fuiſſet iam tonſuratus, Gregorius vxori reddi iubeat. Quapropter Adriano Panormitano notario ſcribens ait: Agatholaatrix præſentium queſta eſt maritum ſuum contra voluntatem ſuam in monaſterio Urbici abbatis eſſe conuerſum. Quod quia ad eiusdem abbatis culpam & inuidiam non eſt dubium pertinere, experientiæ tuæ præcipimus, vt diligenti inqueſtione diſcutiat, ne fortè cum eius voluntate conuerſus ſit, vel ipſa ſe mutare promiſerit: & ſi hoc repererit, illum in monaſterio permanere prouideat, & hanc ſicut promiſit, mutare compellat. Si verò nihil horum eſt, nec quondam fornicationis crimen (propter quod viro licet vxorem relinquere) prædictam mulierem commiſiſſe cognoueris, ne illius conuerſio vxori relictæ in ſeculo fieri poſſit perditionis occaſio, volumus vt maritum ſuum illi, etiam ſi iam tonſuratus eſt, reddere debeas omni excuſatione ceſſante: quia & ſi munda lex præcipit conuerſionis gratia vtrolibet inuito ſolui poſſe coniugium, diuina lex fieri non permittit. Nam excepta fornicationis cauſa virum vxorem relinquere nulla ratione concedit: quia poſtquam copulatione coniugij viri atque mulieris vnum corpus efficitur, non poteſt ex parte conuerti, & ex parte in ſeculo remanere.

Iudæorum perfidiam rationibus magis quam violentiis excutere Gregorius decertabat. Quapropter Virgilio & Theodoro Episcopis Galliarum poſt aliqua ſcribens ait: Plurimi

Plurimi Iudaicæ religionis viri in hac prouincia commanentes, ac subinde in Mafsilæ partibus pro diuersis negotiis ambulantes, ad nostram perduxere notitiam, multos consistentium in illis partibus Iudæorū vi magis ad fontem baptismatis quàm prædicatione perductos. Nam intentum quidem huiusmodi & laude dignum censeo, & de Domini nostri descendere dilectione profiteor: sed hanc eandem intentionem nisi competens scripturæ sacræ comitetur effectus, timeo ne aut mercedis opus exinde non proueniat, aut iuxta aliquid animarum quas eripi volumus (quod absit) dispendia subsequantur. Dum enim quispiam ad baptismatis fontem non prædicationis suauitate, sed necessitate peruenit, ad pristinam superstitionem remeans, inde deterius moritur, vnde renatus esse videbatur. Fraternitas ergo vestra huiusmodi homines frequenti prædicatione prouocet, quatenus mutare veterem magis vitam de doctoris suauitate desiderent. Sic enim & intentio vestra rectè perficitur, & conuersi animus ad priorem denuò vomitum non mutatur. Adhibendus ergo illis est sermo, qui & errorum in ipsis spinas vrere debeat, & prædicando quod in his tenebrescit illuminet: vt pro his admonitione frequenti mercedem fraternitas vestra recipiat, & eorum quantos Deus donauerit ad regenerationem nouæ vitæ perducatur. Item Victori episcopo Panormitano: Sicut Iudæis non debet esse licentia quicquam in synagogis suis vltra quàm permissum est lege, præsumere, ita in his quæ eis concessa sunt, nullum debent præiudicium sustinere

xlviij. Quemadmodum Iudæos violenter baptizari Gregorius denegabat, ita Christianos eis quoquo modo subiici nullatenus permittebat. Vnde Libertino prætori Siciliæ scribens ait. Fertur quòd Nafas quidam sceleratissimus Iudæorum sub nomine beati Helix altare puniendi temeritate construxerit, multosque illic Christianorum ad adorandum sacrilega seductione deceperit: sed & Christiana (vt dicitur) mancipia comparauit, & suis ea obsequiis ac vtilitatibus deputauit. Dum igitur seuerissimè in eum pro tantis facinoribus debuisset vlisci, gloriosus Iustinus medicamento auaritiæ (vt nobis scriptum est) delinitus, Dei distulit iniuriam vindicare. Gloria autem vestra hac omnia districta examinatione perquirat: & si huiusmodi manifestum esse repererit, ita districtissimè ac corporaliter in eundem sceleratum festinet vindicare Iudæum, quatenus hac ex causâ & gratiam sibi Dei nostri conciliet, & his se posteris pro sua mercede imitandum monstret exemplis. Mancipia autem Christiana quæcunque eum comparasse patuerit, ad libertatem iuxta legum præcepta sine ambiguitate producite: ne (quod absit) Christiana religio Iudæis quoque modo subdita polluat. Item Venantio episcopo Lunensi. Multorum ad nos relatione peruenit, à Iudæis in Lunensi ciuitate degentibus in seruitium Christiana detineri mancipia. Quæ res nobis tantò visa est asperior, quantò à fraternitate tua & patientia ope-rosior. Oportebat quippe te respectu loci tui, atque Christianæ religionis intuitu, nullam relinquere occasionem superstitioni Iudaicæ, vt simplices animæ non tam suasionibus quàm potestatis iure quodammodo deferuirent. Quamobrem hortamur fraternitatem tuam vt secundum piissimarum legum tramitem nulli Iudæo liceat Christianum mancipium in suo retinere dominio: sed si qui penes eos inueniuntur, libertas eis tuitionis auxilio ex legum sanctione seruetur.

xlvi. Siquos Christianorum pro longitudine itineris per prouincias ab Hebræorum seruitio per legalem violentiam Gregorius liberare non poterat, suis precibus redimendos esse censebat. Vnde Candido presbytero per Gallias scribens, Dominicus, inquit, præsentium portitor lachrymabiliter nobis innotuit, quatuor fratres suos de captiuitate à Iudæis redemptos esse, atque eos nunc Narbonæ in eorundem Iudæorum seruitio detineri. Et quia omnino graue execrandumque est Christianos in seruitio esse Iudæorum, dilectionem tuam scriptis præsentibus adhortamur, vt cum omni subtilitate & sollicitudine studeat perscrutari: & si re vera ita est, atque manifesta veritate tibi constiterit quia neque ipsi vnde se redimant, neque suprascriptus portitor habet, eos studij tui sit

A redimere, sciens quia quicquid in eis dederis, tuis sine dubio rationibus imputabitur.

Iudæorum mancipia semel confugientia ad ecclesiam, nunquam quibuscumque suasionibus reddi iubeat. Vnde Ianuario Caralitano episcopo inter cætera scribens ait: Peruenit ad nos, seruos ancillâsque Iudæorum fidei causa ad ecclesiam confugientes, aut infidelibus dominis restitui, aut eorum ne restituantur, precium dari. Hortamur igitur vt nullatenus tam prauam consuetudinem manere permittas: sed t cum quilibet Iudæorum seruus ad venerabilia loca fidei ^{† alijs s.} causa confugerit, nullatenus eum patiamini præiudicium sustinere: sed siue olim Christianus, siue nunc fuerit baptizandus, sine nullo pauperum Christianorum damno, religioso ecclesiasticæ pietatis patrocinio in libertatem modis omnibus defendatur.

Non solum Christiana mancipia Gregorius in libertatem pristinam legaliter reuocabat, verum etiam pagana ad fidem venire volentia, vendi nullo modo permittebat. Vnde Fortunato Neapolitano episcopo inter cætera scribens ait: Fraternitatem vestram oportet esse sollicitam: vt si de Iudæorum seruitio non solum Iudæus, sed etiam quisquam paganorum fieri voluerit Christianus, postquam voluntas eius fuerit patefacta, ne hunc sub quolibet ingenio vel argumento cuiuspiam Iudæorum venundandi facultas sit: sed is qui ad fidem Christianam conuerti desiderat, defensione vestra in libertatem modis omnibus vendicetur. Hi verò quos huiusmodi oportet seruos amittere, ne forsitan vtilitates suas irrationabiliter æstiment impediri, sollicita vos hoc conuenit consideratione seruare, vt si paganos quos mercimonij causa de externis finibus emerunt, intra tres menses dum emptor cui vendi debeant inueniatur, fugere ad ecclesiam fortè contingerit: & velle se fieri dixerint Christianos, vel etiam extra ecclesiam hanc talem voluntatem prodiderint: præcium eorum à Christiano scilicet emptore percipiant. Si autem post præfinitos tres menses quisquam huiusmodi seruorum Iudaicorum velle suum dixerit, & fieri voluerit Christianus, nec aliquis eum postmodum emere, nec dominus qualibet occasionis specie audeat venundare, sed ad libertatis proculdubio præmia perducatur: quia hunc non ad vendendum sed ad seruiendum sibi intelligitur reseruasse.

Pagana mancipia Iudæos videlicet dominos suos ad fidem præcedentia, in eorum seruitium, etiâ si ipsi eos ad Christianitatem subsequebantur, nullo modo reuocabat. Vnde Ioanni Syracusano episcopo, Felix, inquit, præsentium portitor questus nobis est, cum sit de Christianis parentibus natus, à quodam Christiano Samaræo (quod dici scelus est) se esse donatum: & dum huiusmodi superstitionis homines Christiana quolibet modo mancipia possidere nec ratio legis nec reuerentia religionis admittat, se tamen per decem & octo annos in eius asserit seruitio permanisse. Sed cognoscente hoc decessore uestro sanctæ memoriæ Maximiano, sano zelo (sicut decuit) sacerdotali comodo, de Samaræi nephario seruitio liberauit. Sed quia eiusdem Samaræi filius post quinque annos factus dicitur Christianus, & suprascriptum Felicem in eius seruitium (quantum ipse dicit) quidam nituntur redigere, sanctitas vestra hæc quæ edocti sumus, diligenter inquirat: & si ita ei esse constiterit, eum tueri studeat, & à nullo sub qualibet occasione grauiter permittat: quia dum superstitionis sectæ mancipia dominus suos ad fidem præcedentia, seruitio eorum apertè redigi iura prohibeant, quantò magis hic de Christianis parentibus natus, & factus à paruulo Christianus, hanc non debet quæstionem aliquo modo sustinere? Maxime quia nec patris esse seruus potuit, quem liquet ex praua potius præsumptione pœnam posse venientem de legibus sustinere.

Circuncidi saltem paganorum neminem Gregorius permittebat. Quamobrem Leoni Catanensi episcopo, Res, inquit, ad nos omnino detestabilis & legibus inimica peruenit: quæ si vera est, fraternitatem tuam vehementer accusat: quia eam de minori sollicitudine probat esse culpabilem. Comperimus autem quòd Iudæi vel Samaræi degentes Catanæ pagana mancipia emerint, atque ea circundere ausu temerario præsumperint. Idcirco necesse est vt omni modo

zelum in hac causa sacerdotalem exerceas, & cum omni hoc viuacitate ac sollicitudine studeas perscrutari: & si ita repereris, mancipia ipsa sine mora in libertatem modis omnibus vendica, & Ecclesiasticam eis tuitionem impende, nec quicquam dominos eorum de pretio quolibet modo recipere patiaris: qui non solum hoc damno multandi, sed etiam alia erunt poena de legibus feriendi.

1. Sane quia Iudaeorum perfidia zelum Christianorum datis contra se muneribus ludificare solebat: non solum nil penitus ab eis capiebat, quinimodo eorum munera Gregorius execrabilia iudicabat. Vnde Recaredo regi Visigothorum post cetera scribit dicens: Praeterea indicio quia creuit de vestro opere in laudibus Dei hoc quod dilectissimo filio meo Proximo presbytero narrante cognoui, quia cum vestra excellentia constitutionem quandam contra Iudaeorum perfidiam dedisset, ij de quibus prolata fuerat, rectitudinem vestrae mentis inflectere pecuniarum summam offerendo moliti sunt. Quam excellentia vestra contempsit: & omnipotentis Dei placere iudicio requirens, auro innocentiam praetulit. Qua in re mihi David regis factum ad memoriam venit, cui dum concupita aqua de cisterna Bethleemica quae inter hostiles cuneos habebatur, ab obsequentibus militibus fuisset oblata, protinus dixit: Absit a me ut sanguinem istorum hominum bibam. Quam quia fudit & bibere noluit, scriptum est. Libavit eam Domino. Si igitur ab armato rege in sacrificium Dei versa est aqua contempta: pensemus quale sacrificium omnipotenti Deo rex obtulit, qui pro amore ipsius non aquam, sed aurum accipere contempsit. Itaque fili excellentissime, fidenter dicam, quia libasti aurum Domino, quod contra eum habere nullo modo voluisti, & cetera.

lj. Hinc est quod sicut a maioribus traditur, & nos usque ad tempora nostra dum adhuc pubesceremus, oculis nostris conspeximus, consuetudo vetus obtinuit, ut omnes illius superstitionis homines quantuncumque pulcherrima mercimonia detulissent, nunquam pontificalibus alloquiis fruerentur, nunquam obtutibus Apostolicis potirentur, sed extra velum longissimae porticus, non quidem in scamnis sed in marmoreo pavimento sedentes, suscepta precia numerabant: ne videlicet viderentur aliquid de manu pontificis accepisse. Nam reuerendae memoriae Nicolaus pontifex Arsenium quondam Hortanae ciuitatis Episcopum Iudaicas tunc primum pellitias introducere molientem, adeo auersatus est, ut ei palatium processionem vellet adimere, nisi superstitiosa gentis vestibus abiurando, cum sacerdotibus infulis consuetudinaliter procedere studisset.

liij. Antichristi praecursores obseruari debere sabbatum praedicantes, Gregorius comminando taliter refutauit. Peruenit ad me, quosdam perversi nominis homines prava inter vos aliqua & sanctae fidei aduersa seminare, ita ut die sabbati aliquid operari prohiberent. Quos quid aliud nisi Antichristi praedicatores dixerim? Qui veniens diem sabbatum atque dominicum ab omni facit opere custodiri. Quia enim mori se simul & resurgere simulat, haberi in veneratione vult diem dominicum: & quia iudaizare populum compellit, ut exteriorem ritum legis retineat, & sibi Iudaeorum perfidiam subdat, colit vult sabbatum. Hoc enim quod per Prophetam dicitur, Ne inferatis onera per portas vestras die sabbati: tam diu teneri potuit, quandiu legem licuit iuxta literam seruari. At postquam gratia omnipotentis Domini nostri Iesu Christi apparuit, praeccepta legis quae per figuram dicta sunt, iuxta literam seruari non possunt. Nam si quis dicit hoc de sabbato esse seruandum, dicat necesse est etiam carnalia sacrificia persoluenda: dicat praecceptum quoque de circumcisione corporis adhuc usque retinendum. Sed contra se Paulum Apostolum audiat dicentem: Si circumcidamini, Christus vobis nihil prodest. Nos itaque hoc quod de sabbato scriptum est, spiritualiter accipimus, spiritualiter retinemus. Sabbatum enim requies dicitur. Verum autem sabbatum ipsum redemptorem Dominum nostrum Iesum Christum habemus: & qui lucem fidei cognoscit, si peccata concupiscentiae ad mentem per oculos trahit, in die sabbati onera per portas introducit. Non ergo in die sabbati onera per portas introducimus, si in redemptoris nostri gratia constituti, pondera peccati ad ani-

mam per sensus corporeos non trahamus. Nam idem Dominus ac redemptor noster multa in die sabbati legitur operatus, ita ut Iudaeos reprehenderet, dicens: Quis vestrum bovem aut asinum suum non soluit in die sabbati, & ducit ad aquam? Si ergo ipsa per se veritas non custodiri iuxta literam sabbatum praecipit, quisquis otiosus sabbatum secundum legis literam custodit, cui alteri nisi ipsi veritati contradicit. Aliud quoque ad me perlatum est, ut bis a perversis hominibus esse praedicatum, ut dominicorum die nullus debeat lauari. Et quidem pro luxu animi atque voluptate quis lauari appetit, hoc fieri nec reliquo quolibet die concedimus. Si autem pro necessitatis corporis, hoc nec dominico die prohibemus. Scriptum quippe est: Nemo unquam carnem suam odio habet, sed nutrit & fouet eam. Et rursum scriptum est: Carnis curam ne feceritis in concupiscentiis. Qui igitur carnis curam in concupiscentiis fieri prohibet, profecto in necessitatibus concedit. Nam si dominicorum die corpus lauare peccatum est, lauari ergo die eodem nec facies debet. Si autem hoc in corporis parte conceditur, cum hoc exigente necessitate toti corpori denegetur? Dominicorum vero die a labore terreno cessandum est, atque omni modo orationibus insistendum: ut siquid negligentiae per sex dies agitur, per diem resurrectionis dominicae precibus expietur.

Tanta compansionis gratia circa omnes Gregorius redundabat, ut alterius infirmitatem in suo corpore huc sustinuisse, si velis aspicias. Vnde Ioanni Rauennati Episcopo scribens ait: Dominicis mandatis praecipimur proximos sicut nosmet ipsos diligere, eorumque langoribus tanquam propriis infirmitatibus condolere. Quorum memor vestra fraternitas competenti sibi more Castorium fratrem & Coepiscopum nostrum & prius per compansionem studuit visitare, & eum postmodum post excrecente molestia corporis in Rauennati urbe suscipere. Vnde non solum nos impensa charitatis, sed & Deum vobis fecistis proculdubio debitorem, cui in fratris infirmitate condoluisset probamini, ipsumque agrum in sui membri molestia non solum visitasse, sed etiam suscepisse. Quem quidem ipse pro sua simplicitate illic ordinare omnino renuebam: sed potentium importunitas fecit ut contradicere nullatenus potuissem. Si autem fieri potest, multum mihi & ipsi consulitis, si eum ad me vel per Siciliam transmittatis. Item Leontio Episcopo ubi Rauennatis, Castorium fratrem Coepiscopumque nostrum Romae pro corporis sui molestia retinemus: & quia nunc ad suam non valet Ecclesiam remeare, propterea eo absente Ecclesiae ipsius fraternitati tuae visitationis operam prauidimus delegandam. Item vniuersis habitatoribus Arimini. Si culpam vestram filij dilectissimi intentius velitis attendere, assidua vos apud Deum debetis oratione purgare, quod Episcopum vestrum non deuota mente, nec ut filij suscepistis: quem inquietudo & tribulatio a vobis illata ad hoc usque perduxit, ut molestiam corporalem incurreret: quauis in eo nihil de his quae nobis sunt scripta cognouimus, sed solam inesse debilitatem vidimus, pro qua cum hic retinere curauimus. Item Eulogio Patriarchae Alexandrino. Ante hoc temporis Bonifacii chartularij responsalis mei, qui in urbe regia demoratur, vehementer me scripta turbauerunt, quae dicebant dulcissimam mihi atque suauissimam sanctitatem vestram defectum corporei luminis pertulisse. Ex quibus scriptis graui mœrore percussus sum: sed subito creatoris ac redemptoris nostri gratia prosperante, beatitudinis vestrae suscepisti epistolam, & sanum de ea corporis molestia quam audieram, agnoscens, exultaui vehementer: quia tanta cordis laetitia secuta est, quanta prius tristitia amaritudo praecesserat. Scimus enim quia in omnipotentis Dei adiutorio multorum salus est vita vestra. Item Rusticianae patriciae. Quoties de urbe regia ad nos aliquis venit curae nobis est de corporis vestri sospitate requirere. Sed peccatis meis facientibus, semper audio quae me tædet audire, quia in tanta tenuitate atque debilitate adhuc in vobis referunt podagra dolores excrecere. Sed oro omnipotentem Dominum, ut omnia quae in vestro corpore aguntur, ad salutem animae dirigantur, flagella temporalia aeternam vobis quietem praeparent: & per eos dolores qui cum fine sunt, gaudia vobis sine fine concedat.

Item

Item Mariniano Rauénati episcopo. Venientes quidā Rauennates homines grauiſſimo me mœore inuenerunt percussum, quia fraternitatem tuam retulerūt de vomitu sanguinis egrotare. Ex qua re ſolicite & ſingulatim eos quos hīc doctos lectione nouimus medicos, fecimus requiri: & quid ſinguli ſenſerint, quidve diſtauerint, ſanctitati veſtræ ſcriptum miſimus: qui tamen quietem & ſilentium præ omnibus diſtant. Quam ſi tua fraternitas in ſua eccleſia poſſit habere, valde ſum dubius: & ideo videtur mihi vt ordinata illic eccleſia, vel qui miſſarum ſolennia explorare valeant, vel qui episcopij curam gerens, hoſpitalitatem & ſuſceptionem poſſit exhibere, quive monaſteriiſ custodiendis præſeſſe, tua fraternitas ad me ante æſtium templum debeat venire: vt ægritudinis tuæ ego ſpecialiter in quantum valeo, curam geram, quietemque tuam cuſtodiam: quia huic ægritudini æſtium tempus medici vehementer dicunt periculoſum. Et valde pertimeſco ne ſi curas aliquas cum aduerſitate corporis ceperis, amplius ex eadem moleſtia periclitaris. Ego enim ipſe valde ſum debilis, & omnino eſt vtile vt cum Dei gratia ſanus ad tuam eccleſiā redeas: aut certe ſi vocandus es, inter manus tuorum voceris: & ego quidem qui me morti proximum video, ſi me omnipotens Deus antè vocare voluerit, inter tuas manus debeam tranſire.

liij. Pro barbarorum incurſionibus bis in hebdomada fieri letanias Gregorius decernebat. Quapropter vniuerſis episcopis Siciliæ ſcribens ait: Super afflictiones & gemitus quos annoſa hīc cōtinuatione de hoſtibus ſuſtinemus, maior nos metus excruciat, quod inimicos noſtros omni annuſu ad Siciliæ inuaſionem cognoscimus feſtinare. Sed ne hoc illis molientibus proſperitatem multitudo noſtrorum præbeat peccatorū, toto nos corde ad redemptoris noſtri remedia conferamus, & quibus reſiſtere virtute non poſſumus, lachrymis obuiemus. Nam quid vobis cauendum, quidve ſit vehemētius formidandum, ex iſtius prouinciæ debetis deſolatione colligere. Itaque hortor fratres chariſſimi vt omni hebdomada quarta & ſexta feria letaniam inexcusabiliter indicatis: & contra hos barbaricæ crudelitatis incurſus ſupernæ proteſtationis auxilium imploretis.

liiij. Tandem Siciliam ſimoniaca hæreſi libidinēque ſordentē Gregorius (ſicut modò cernitur) perituram prædixit, Maximiano Syracuſano episcopo ſcribens: Tanta nobis ſubinde mala quæ aguntur in illa prouincia, nuntiantur, vt peccatis facientibus (quod auertat omnipotens Deus) celeriter eam perituram credamus.

lv. Sed & peiora prioribus eſſe futura, præſago ſpiritu Maximo Salonitano episcopo ſcribit dicens: Ad Romanam urbem veniens communis filius preſbyter Veteranus ita me podagrarum doloribus debilem reperit, vt fraternitatis tuæ epistolis per me reſpondere nullatenus valuiſſem. Et quidem de Sclauorum gente, quæ vobis valde imminet, & affligor vehementer & turbor. Affligor in his quæ iam in vobis patior, conturbor autem quia per Hiſtriæ aditum iam ad Italiam intrare cœperunt. De Iuliano autem Scribone quid dicam, quando ubique video quia nobis peccata noſtra reſpondeant: vt & foris à gentibus, & intus à peruerſis iudicibus conturbemur? Sed nolite de talibus omnimodo contriſtari: quia qui poſt nos vixerint, deteriora tempora videbūt: ita vt in comparatione ſui temporis felices nos æſtiment dies habuiſſe. In quantum verò fraternitas tua præualeat, opponere ſe pro oppreſſis debet: quæ etiam ſi prodeſſe minimè valuerit, ipſa omnipotenti Deo mētis deuotio ſufficit quam dedit. Scriptum eſt enim, Eripe eos qui ducuntur ad mortem: & qui trahuntur ad interitum, liberare ne ceſſes. Quod ſi dixeris, Vires non ſuppetūt: qui inſpector eſt cordis, ipſe intelligit. In omni ergo quod agis, inſpectorem cordis appetere habere placatum. Quicquid eſt vnde illi placeas, facere non omittas. Nam humani terrores & gratiæ, ſumo ſunt ſimiles qui leni aura raptus euaneſcit. Hoc certiffimè ſcito, quia placere Deo ſine prauis hominibus nullus poteſt. In tanto ergo ſe æſtimet fraternitas tua omnipotenti Deo placuiſſe, quanto ſe peruerſis hominibus diſplicuiſſe cognouerit. Ipſa tamen deſenſio pauperum moderata & grauis ſit: ne ſi quid nimis rigidè agitis, ex iuuentute vos arbitrentur homines ſuperbire. Sed talis neceſſe eſt vt inueniatur pro op-

preſſis veſtra deſenſio, quatenus & humiles proteſtationem ſentiant, & oppreſſores non facile inueniant quod ex maleuola mente reprehendant. Attende ergo quod ad Ezechielem dicitur: Fili hominis, increduli & ſubuerſores ſunt tecum: & cum ſcorpionibus habitas. Et beatus Iob ait. Frater fui draconum & ſocius ſtruthionum. Et Paulus diſcipulis dicit. In medio nationis prauæ & peruerſæ, inter quos lucetis ſicut luminaria in mundo. Tantò ergo debemus cautius ambulare, quantò nos ſcimus inter Dei inimicos viuere.

Huius cautelæ ſuę conſcius Romano deſenſori Gregorius ait: Peruenit ad nos, quia quidam homines minorem omnimodo diſcretionem tenentes, in ſuis nos periculis implicari deſiderant: atque ita volunt ab eccleſiaſticis perſonis deſendi, vt ipſæ quoque eccleſiaſticæ perſonæ ex eorum culpa teneantur. Idcirco præſenti te præceptione admoneo, & per te fratrem & cœpiſcopum noſtrum dominum Ioannem, vel cæteros qui intereſſe poſſunt, vt patrociniæ eccleſiaſtica, ſiue mea ſuſcipiatis ſcripta, ſiue etiam ea minimè fuerint directæ, ſub tanto moderamine debeatis impèdere, quatenus ſi qui in fur- tis publicis implicati ſunt, à nobis non videantur iniuſtè deſendi: ne opinionem malè agentium ex indiſcretæ deſenſionis auſu, in nos vllò modo transferamus: ſed quantum decet Eccleſiam admonendo verbum interceſſionis adhibendo, quibus valetis ſuccurrere, vt & illis opem feratis, & opinionem ſanctæ Eccleſiæ non inquinatis.

Item Ioanni episcopo poſt aliqua. Si qui eorum de quibus eſt aliqua quæſtio, in eccleſiam fortæſſe reſugerint, ita debet cauſa diſponi, vt nec ipſi violentiam patiantur, nec hi qui dicuntur oppreſſi, damna ſuſtineant. Curæ ergo veſtræ ſit, vt eis ſacramentum ab his quorum intereſt, de ſeruanda lege & iuſtitia promittatur, & per omnia commoueantur exire, atque ſuorum actuum reddere rationem. Quibus etiam eccleſiæ veſtræ deſenſorem deputare vos conuenit, cuius ſolicitudine ea quæ illis fuerint promiſſa ſeruentur.

Quantæ humilitatis Gregorius fuerit, cum ex multis, tum ex his maniſeſtiſſimè poterit deprehendi, quod omnes quidem ſacerdotes fratres & comminiſtros, clericos autem diuerſi ordinis dilectiſſimos filios, at verò laicos viros dominos, & ſcæminas dominas in ſuis literis nominabat: neque ab aliquo ſe ſummum pōtificem aut vniuerſalem ſiue dominum vocari æquanimiter permittebat. Nam vt ea quæ ſuper huiusmodi comprehenſa ſunt prætermittam, Ruſticiæ patriciæ ſcribens ait: Excellentiæ veſtræ ſcripta ſuſcepi, quæ me in grauiſſima ægritudine poſitū, de ſalute, de deuotione, ac de dulcedine ſua omnino releuarunt. Vnum verò ægrè ſuſcepi, quia in eiſdem epistolis ad me (quod ſemel eſſe poterat) ſæpius dicebatur, ancilla veſtra, & ancilla veſtra. Ego enim qui per episcopatus onera ſeruus ſum omnium factus, qua ratione te mihi ancillam dicis, cuius ante ſuſceptum episcopatum proprius fui? Et ideo rogo per omnipotentem Deum, ne hoc verbum aliquando ad me in ſcriptis veſtris inueniam.

Huius humilitatis manſuetudine Gregorius non ſolū Theudelindæ regiæ Longobardorum pro tribus capitulis, verum etiam inter alios Sabino quoque ſuo ſubdiacono ſatisfacere non renuit, dicens: Euntes maligni homines turbaerunt animos veſtros, non intelligentes neque quæ loquuntur, neque de quibus affirmant, aſtruētēs quod aliquid de ſancta Chacedonenſi ſynodo piæ memoriæ Iuſtiniani temporibus ſit imminutum: quam nos omni fide omniſque deuotione veneramur: & ſic quatuor ſynodos ſanctæ vniuerſalis eccleſiæ ſicut quatuor libros ſancti euangelij recipimus. De perſonis verò de quibus poſt terminum ſynodi aliquid actum fuerat, eiſdem piæ memoriæ Iuſtiniani temporibus eſt ventilatum, ita tamē, vt nec fides in aliquo violaretur, nec de eiſdem perſonis aliquid aliud ageretur, quàm apud eandem ſanctam Chalcedonenſem ſynodum fuerat conſtitutum. Anathematizamus autem ſiquis ex definitione ſymboli quæ in eadem ſynodo prolata eſt, aliquid imminuere præſumit, vel quaſi corrigendo eiſ ſenſum mutare, ſed ſicut illic t prolata eſt, per omnia cuſtodimus. Te ergo fili chariſſime, decet ad vnitatem fidei remeare, vt finem tumm valeas in pace concludere, ne malignus ſpiritus qui contra te per alia opera præualere non poteſt, ex hac cauſa inueniat vnde tibi in die

lvj.

lvij.

lviii.

lix.

† al proba-
tum.

exitus tui in aditu regni coelestis obfistat.

Item Gregoriz cubiculariz augustorum post cetera. Quod dulcedo tua in suis epistolis subiunxit, importunam se mihi existere quousque scribam mihi esse reuelatum, quia peccata tua dimissa sint: rem & difficilem & inutilem postulasti. Difficilem quidem, quia ego indignus sum cui reuelatio fieri debeat. Inutilem vero, quia secuta de peccatis tuis fieri non debes, nisi cum iam in die vite tue ultimo plangere eadem peccata minime valebis: quia dies quousque veniat, semper suspecta, semper trepida metuere culpas debes, atque eas quotidianis fletibus lauare.

lxj. Item Anastasio presbytero Isauriz post aliqua tua: Tua itaque fraternitas quantum in charitate perfecta sit, scio: & qui omnipotentem Deum multum diligit, oportet ut de proximo multum presumat. Non enim loca vel ordines creatori nostro nos proximos faciunt, sed ei nos aut merita bona coniungunt, aut mala disiungunt. Quia ergo adhuc incertum est quis interius qualis sit, cur non audeas scribere, dum inter me & te me quis sit superior ignores. Et quidem bene te viuere scio, me autem multis oneratum peccatis cognosco. Sed & si ipse peccator es mihi, tamen me multo melior es: quia tua tu tantummodo, ego vero & eorum qui mihi commissi sunt peccata porto. In hoc ergo ego te altum, in hoc magnum aspicio, quia ante humanos oculos in magno atque in alto loco minime profecisti, in quo saepe dum exterius ab hominibus honor tribuitur, ad ima animus mergitur: quia curis discernentibus grauatur. Tibi autem omnipotens Deus iuxta hoc quod scriptum est, ascensus in corde disposuit in conualle lachrymarum. Multo namque mihi altior, multo sublimior videri poteris, si neque ducatum monasterij quod Neas dicitur, suscepisses.

lxij. Item Stephano Episcopo inter alia: Multum mihi, & ultra quam indignus audire debui fauorem in vestris epistolis demonstrastis: & scriptum est, Ne laudes hominem quandiu viuit. At tamen audire talia dignus non fui, orationibus vestris peto ut dignus efficiar: ut si bona ideo in me dixistis, quia non sunt: ideo sint, quia dixistis.

lxij. Sed ne solis verbis tanti praesulis humilitas inculcati credatur: superest ut ex Gracorum relationibus ad me nuper interpretatis eadem patris humilitas viuis operibus demonstretur: in quibus videlicet ita refertur: Enarrauit nobis abbas Ioannes Persa sanctus & reuerendus vir existens de magno Gregorio beatissimo Papa Romano dicens: Quoniam iui Romam ad adorandum loculos sanctorum Apostolorum Petri & Pauli: & vna dierum cum stare in medio ciuitatis, video Papam Gregorium per me transiturum: & cogitavi me mittere ante eum. Cum ergo appropinquasset mihi Papa, videns quia pergerem ut mitterem me ante eum sicut coram Deo, dico fratres, primus misit se ante me super terram: & non ante surrexit, quam ego prior surgerem: & amplexatus me cum magna humilitate, tribuit mihi per manum numismata tria: & iussit mihi dari casulam & necessitates meas omnes. Glorificaui ergo Deum, qui donauit ei talem humilitatem circa omnes & eleemosynam & charitatem.

lxij. Hinc est quod patientissimus pastor Gregorius penes imperatorem Mauricium sibi prorsus infensum dudum accusatus quod Malchum Episcopum sui patrimonij prouisorem pro retentis pensionibus tam diu in custodiis afflisset, quousque spiritum exhalaret: Sabiniano suo diacono Constantinopolitano scribens ait: Vnum est quod breuiter suggeras serenissimis dominis nostris, quia si ego seruus eorum in mortem Longobardorum me miscere voluissem, hodie Longobardorum gens nec regem nec duces nec comites haberet, atque in summa confusione diuisa esset. Sed quia Deum timeo, in mortem cuiuslibet hominis me miscere formido. Malchus autem idem Episcopus neque in custodia fuit, neque in aliqua afflictione, sed die qua causam dixit, & adductus est, nesciente me a Bonifacio notario in domum eius ductus est: ibique prandit, & honoratus est ab eo, & nocte subito mortuus est inuentus.

lxv. Igitur in omnibus suis dictis vel operibus Gregorius imminuentem futurae retributionis diem vltimum perpendebat: tantoque cautiùs cuncta cunctorum negotia ponderabat,

I quanto propinquius finem mundi insistere ruinis eius t cre- t al. cre-
brescentibus aduertebat. Quapropter in homiliis Euangelicis prohibet dicens: Exurget gens contra gentem, & regnum aduersus regnum: & erunt terrae motus magni per loca & pestilentiae & fames, & quibusdam interpositis adiunxit: Et erunt signa in Sole & Luna & Stellis, & in terris pressura gētū, praefusione sonitus maris & fluctuum. Ex quibus profecto omnibus alia iam facta cernimus, alia è proximo ventura formidamus. Nam gentem super gentem exurgere, earumque pressuram terris insistere, plus iam in nostris tribulationibus quam in codicibus legimus. Quod terrae motus vrbes innumeras subruat, ex aliis mundi partibus scimus quam frequenter audiuius: pestilentias sine cessatione patimur. Signa vero in Sole & Luna & Stellis adhuc aperte minime vidimus: sed quia haec non longe sint, ex ipsa iam aeris immutatione colligimus: quauis prius quam Italia gentili gladio ferienda traderetur, igneas in caelo acies vidimus: ipsumque qui postea humani generis fusus est, sanguinem coruscantem. Confusio autem maris & fluctuum necdum noua exorta est: sed cum multa iam praenuntiata sint completa, dubium non est quin sequantur etiam pauca quae restant, quia sequentium rerum certitudo est praeteritarum exhibitio. Et Paulò post: Ecce fratres mei iam cernimus quod audiebamus: nouis quotidie crebrescentibus malis mundus vrgetur. Ex illa plebe innumera quanti remanseritis, aspicitis: & tamen quotidie flagella vrget: repentini casus opprimunt: nouae nos & improvisa clades affligunt. Sicut enim in iuuentute viget corpus, forte & incolume manet pectus, torosa ceruix, plena sunt brachia: in annis autem senilibus statura curuatur, ceruix exciccata deponitur, frequentibus suspiriis pectus vrgetur, virtus deficit, loquentis verba anhelitus t intercidit, nam si languor desit, plerumque senibus ipsa salus aegritudo est: ita & mundus in annis prioribus velut in iuuentute viguit: ad propagandam humani generis prolem robustus fuit: salute corporum viridis, opulentia rerum pinguis: at nunc ipsa sua senectute deprimitur, & quasi ad vicinam mortem molestis crebrescentibus vrgetur. Et iterum, Euntes praedicate dicentes quia appropinquabit regnum coelorum. Hoc iam fratres dilectissimi, etiam si Euangelium taceat, mundus clamat. Ruinae namque illius voces sunt. Qui enim tot attritus persecutionibus à gloria sua cecidit, quasi iam nobis è proximo regnum aliud quod sequatur ostendit. Ipsa enim eius ruinae praedicant quod amandus non est. Si enim ruinam sui domus quassata minaretur, quisquis in illa habitaret, fugeret: & qui stantem dilexerat, recedere quantocumque à cadente festinaret. Si igitur mundus cadit, & nos eum amando amplectimur, opprimi volumus potius quam habitare: quia nulla nos ratio à ruina illius separat, quos in eius passionibus amor ligat. Facile ergo est nunc iam cum destructa omnia cernimus, animum nostrum ab eius dilectione disungere. Sed hoc illo in tempore difficilimum fuit, quo tunc Apostoli praedicare coeleste regnum inuisibile mittebantur, cum longè lateque omnia cernerent florere regna terrarum.

H Quae autem de istius vrbs Gregorius incommoditate descripserit, indicabo, quatenus ij qui nunc in ruinis eius habitantes, eam ordinatiorem, ac per hoc valentiorẽ fuisse non autumant, contremiscant. Ait enim in expositionis Ezechielis homilia octauadecima sic: Quid est iam, rogo, quod in hoc mundo libeat? Vbiue luctus aspiciamus, vndique gemitus audimus. Destructae vrbes, euerfa sunt castra, depopulati sunt agri, in solitudinem terra redacta est. Nullus in agris incolae, penè nullus in vrbus habitator remansit: & tamen ipse prauae generis humani reliquiae adhuc quotidie & sine cessatione feriuntur, & fidem non habent flagella coelestis iustitiae, quia nec inter flagella correctae sunt actiones culpae. Alios in captiuitatem duci, alios detruncari, alios interfici videmus. Quid est ergo quod in hac vita libeat, fratres mei? Si talem mundum adhuc diligimus, non iam gaudia sed vulnera amamus. Ipsa autem quae aliquando mundi domina esse videbatur, quasi remanserit Roma, conspiciis immensis doloribus multipliciter attrita, desolatione ciuium, impressione hostium, frequentia ruinarum: ita ut in ea completum esse videamus quod contra Samariam per Ezechielem Prophetam praedictum

prædictum est, Pone ollam, pone inquam, & mitte in ea aqua, & congere frustra eius in ea. Et paulò post: Effervuit coctio eius, & decocta sunt ossa eius in medio illius. Atque iterum, Congere ossa quæ igne succendâ, consumentur carnes, & coquetur vniuersa compositio, & ossa tabescēt. Pone quoque eam super prunas vacuum, ut incalescat, & liquefiat æs eius. Tunc enim nobis olla posita est, cum hæc est ciuitas constituta. Tunc in ea aqua missa est, & frustra eius cōgesta sunt, quando ad eam vndique populi confluebant, qui velut aqua calens actionibus mundi feruescerent, & quasi frustra carniū in ipso suo feruore liquarentur. De qua bene dicitur: Effervuit coctio eius, & decocta sunt ossa illius in medio eius: quia prius quidem in ea vehementer incaluit actio gloriæ secularis: sed postmodum ipsa gloria cum suis sequacibus defecit. Per ossa etenim potentes seculi, per carnes verò populi designantur: quia sicut carnes ossibus portantur, ita per potentes seculi, infirmitas regitur populorum. Sed ecce iam de illa omnes huius seculi potentes ablati sunt: ossa ergo excocta sunt. Ecce populi defecerunt: carnes eius liquefactæ sunt. Dicatur itaque, Congere ossa quæ igne succendam: consumentur carnes, & coquetur vniuersa compositio, & ossa tabescēt. Vbi enim senatus? vbi iam populus? Contabuerunt ossa, consumptæ sunt carnes: omnis in ea secularium dignitatum ordo extinctus est. Excocta est ergo vniuersa compositio eius: & tamen ipsos nos paucos qui remansimus, adhuc quotidie gladij, adhuc quotidie innumeræ tribulationes premunt. Dicatur ergo, Pone quoque eam super prunas vacuum. Quia enim senatus deest, populus interit: & tamen in paucis qui sunt, dolores & gemitus quotidie multiplicantur, iam ergo ardet Roma. Quid autem ista de hominibus dicimus, cum ruinis crebrescentibus ipsa quoque eius destrui ædificia videmus? Vnde aptè de ciuitate iā vacua subditur, Incalescat & liquefiat æs eius. Iam enim & ipsa olla consumitur, in qua prius carnes & ossa consumebantur: quia postquam defecerunt homines, etiam & parietes cadunt. Vbi enim sunt qui in eius aliquando gloria lætabantur? Vbi eorū pompa? Vbi superbia? Vbi frequens & immoderatum gaudium? Impletum est in ea quod contra destructam Niniven per Prophetam dicitur: Vbi est habitaculum leonum, & pascua catulorum leonum? An eius duces ac principes, leones non erant, qui diuersas mundi prouincias discurrentes prædam sæuendo & interficiendo rapiebant? Hinc leonum catuli inueniebant pascua: quia pueri, adolescentes, iuuenes seculares, & secularium filij, huc vndique concurrebant, cum proficere in hoc mundo voluissent. Sed ecce iam desolata, ecce contrita, ecce gemitibus oppressa est. Iam nemo ad eam currit ut in hoc mundo proficiat. Iam nullus potens & violentus remansit, qui opprimendo prædam diripiat. Dicamus ergo, Vbi est habitaculū Leonum, & pascua catulorum leonū? Contigit ei quod de Iudea nouimus per Prophetam dictum, Dilata caluitium tuum sicut aquila. Caluitium quippe hominis in solo capite fieri solet: caluitium verò aquilæ in toto fit corpore: quia cum valde senuerit, plumæ eius ac pennæ ex omnibus illius membris cadunt. Caluitium ergo suum sicut aquilæ Roma dilatat, quia plumas perdidit, dum populū amisit. Alarum quippe pennæ ceciderunt, cum quibus volare ad prædam consueuerat: quia omnes eius potentes extincti sunt, per quos aliena rapiebat. Item in dialogorum libro secundo, Præterea, inquit, antistes Canusina ecclesiæ ad Benedictum Domini famulum venire consueuerat, quem vir Dei pro vitæ suæ merito valde diligebat. Is itaque dum cū illo de ingressu regis Totilæ & Romanæ vrbs perditione colloquium haberet, dixit, Per hunc regem ciuitas ista destruetur, ut iam amplius non inhabitetur. Cui vir Dei respondit: Roma à gentibus nō exterminabitur, sed tempestatibus coruscis & turbinibus ac terremotu fatigata marcescet in semetipsa. Cuius prophetiæ mysteria nobis iam facta sunt luce clariora, qui in hac vrbe dissoluta mœnia, euerfas domos, destructas ecclesias turbine cernimus, eiuſque ædificia longo senio lassata, quia ruinis crebrescentibus prosternantur videmus. Itē in epistola Ioanni episcopo Rauennati post aliqua: Si quomodo est aliquando locus obtinendi, agat apud exarchum fraternitas vestra ut pacem cum Agiulfo, si aliquid possumus, faciamus, quia miles de Roma-

na vrbe vltus est, sicut ipse nouit. Theodosiaci verò qui hīc remanserunt, togam non accipientes, vix ad murorum quidē custodiam se accommodant, & destituta ab omnibus ciuitas si pacem eius non habet, quomodo subsistet?

Tantis curarum tumultibus pro animarū pariter ac ciuitatis custodia Gregorius grauabatur, ut in coli molestias corruens, non solum (sicut proposuerat) per ordinem Ezechielis mysteria minimè pertractaret: verumetiam hostilibus incursionibus multisque corporis debilitatibus aggrauatus, à studio expositionis omnino desisteret, & ad dies illos se peruenisse desleret, atque dissolutionem sui corporis totis conatibus flagitaret. Quapropter eidem Ioāni episcopo queritur dicens: Quod multis vestræ beatitudini minimè respondi, nō hoc torpori meo, sed languori deputate: quia peccatis meis facientibus eo tempore quo Agiulfus ad Romanam vrbem veniens, alios occidit, alios detruncauit, tanta mœstitia affectus sum, ut in coli molestiam caderem.

Item in expositione vltimæ visionis Ezechielis prophetæ: Quia multis curis prementibus Ezechielis prophetæ librum coram charitate vestra totum per ordinem perscrutari nō licuit, bonis vestris desideriis placuit petere, ut saltē extrema eius visio quæ ei facta est de ædificio in monte constituto, quæ & cunctis est visionibus eius obscurior, exponi debuisset. Et quidē voluntati vestræ me parere necesse est: sed duo sunt quæ hac in re perturbant animū meum. Vnū, quod hæc eadem visio tātā obscuritatis nebulis tegitur, ut vix in ea aliquid intellectu interlucente videatur. Aliud quod iā Agiulfum Longobardorum regem ad obsidionem nostram summo opere festinātem Padū transisse cognouimus. Vnde pensate fratres charissimi, in caliginosis ac mysticis sensibus quid valeat mens misera timoris sui perturbationibus occupata. Quāto enim circa terrena plus satagit, tantō in his quæ sunt cœlestia, minus videt: & pro eo quod curis suis extra se ducitur, valde intus minor est: quia scriptum est: Deprimit terrena inhabitatio sensum multa cogitatem. Quæ enim superiora penetrare etiā collecta non sufficit, pensate quid agere poterit diuina. Scimus omnes quia & fluuius qui in multis riuus diuiditur, à suo alueo siccatur.

Item eidem in eiusdē prophetæ tractatibus homilia xxj. Siue, inquit, iustus in culpam, siue peccator in mortem corruat, speculatori timendum est: ne hunc ex suo silentio reatus peccantium pariter inuoluat. Sed interim dum loquar, auertere à memetipso oculos volo: & ecce iterū sermo diuinus me impingit in memetipso, ut meam negligentiam videam, & mihi dici hæc quæ audio, pertimescam. Sicut enim superius dixi, t cuius cor innumeris curis sparsum, se ad se colligat. Quādo etenim possum & ea quæ circa me sunt sollicitè omnia curare, & memetipsum adunato sensu conspiciere? Quādo possum prauorum nequitias insequēdo corrigere, bonorū actus laudando & admonendo custodire, aliis terrorem, atque aliis dulcedinem demonstrare? Quando valeo & de his quæ sunt necessaria fratribus cogitare, & contra hostiles gladios de vrbis vigiliis sollicitudinem gerere, ne incursione subita ciues pereant prouidere: & inter hæc omnia pro animarum custodia plenè atque efficaciter verbum exhortationis impēdere? Loqui etenim de Deo quietè valde & liberæ mentis est. Tūc nanque bene lingua dirigitur in sermone, cum securè sensus quieuerit in tranquillitate: quia nec concussa aqua imaginem respicientis reddit: sed tunc in ea vultus intendētis aspicitur, cum non mouetur. Quam ergo exhortationem vobis speculator vester fratres charissimi faciat, quem tot rerum cōfusio perturbat? Et paulò post: Sacerdos etiā post compunctionē ac lachrymas cogitur necessaria quæque filiorū suorum cognoscere, & ea quæ refugit animo patiēter audire: atque post suspiria cœlestium, quorumlibet carnalium hominum onera portare, & sæpe cum superuenientibus cor in diuersam qualitatem transfundere. Nam aliquando de lucris spiritualibus gaudet: sed cum quilibet mœrens superuenerit, nisi eius mœrorē in se susceperit, tribulationi illius compatiens non est. Et aliquando de damnis animarum luget: sed repente superueniūt qui de suis prosperitatibus lætantur: quorum si lætitiæ sacerdos non congaudet, minus amare creditur filios, in quorum gaudio non exultat: præcipuè cum Paulus dicat, Gaudete cū

lxvij.

† al. quis
cor innu.
cur. sp. ac. ad
se colligat?

gaudentibus, flere cum flentibus. Nihil ergo iam onerosum in ordine sacerdotum video, quam rigorem mentis compatiendo flere, & cum personis superuenientibus animum mutare: & tamen hoc valde est necessarium. Nam quando ex prædicatione eius ad boni operis gratiam peccator reducit, si ipse qui prædicat videtur ingratus? Item in fine eiusdem voluminis. Ecce hæc ut Domino largiente potuimus coram vobis, fratres charissimi, rimati sumus. Nemo autem me reprehendat, si post hac à locutione cessauero, quia sicut omnes cernitis, nostræ tribulationes excreuerunt. Undique gladii circumfusi sumus, undique imminens mortis periculum timemus. Alij detruncatis ad nos manibus redeunt: alij capti, alij interempti nuntiantur. Iam cogor linguam ab expositione retinere: quia tædet animam meam vitæ meæ. Iam nullus in me sacri eloquij studium requirat: quia versa est in luctum cithara mea, & organum meum in vocem flentium. Iam cordis oculus in mysteriorum discussione non vigilat, quia dormitavit anima mea præ tædio. Iam minus lectio animo dulcis est: quia oblitus sum manducare panem meum à voce gemitus mei. Cui autem vivere non licet, de scripturæ sacre sensibus loqui mystica qualiter libet? Et qui cogor quotidie amara bibere, quando possum dulcia propinare? Item Italica patricia, & Venantio ex monacho patricio. Quosdam de Sicilia venientes, affectu quo debui, de sospitate excellentiæ vestræ requirere curavi: sed de assiduitate ægritudinum mihi tristitia responderunt. Hæc autem dicens, nec ego vobis de me ipso inuenio aliud quod debeam nuntiare, nisi quod peccatis meis faciētibus ecce iam vndecim menses sunt quod valde rarum est si de lecto surgere aliquando potui. Tantis enim podagræ doloribus tantisque molestiarum premor angoribus, ut vita mea mihi grauissima pœna sit. Quotidie enim in dolore deficio, & mortis remedium expectando suspiro. In clero verò huius vr̄bis & populo tanti febrium langores irruerunt, ut penè nullus liber, nullus seruus remanserit, qui idoneus esse ad aliquod officium vel ministerium possit. De vicinis autem vr̄bibus strages nobis mortalitatis quotidie nuntiantur. Aphrica autem qualiter mortalitate & languoribus vastetur, quanto viciniore estis, tantò credo quod subtilius cognouistis. De oriente verò qui veniunt, grauiore desolationes nuntiant. In his itaque omnibus quia appropinquante fine mundi, generalem percussione esse cognoscimus, affligi nimis de propriis molestiis non debemus. Item Eulogio patriarchæ Alexandrino: Transacto anno suauissima sanctitatis vestræ scripta suscepi, quibus pro ægritudinis meæ nimietate respondere nunc vsque non valui. Ecce enim iam biennium penè expletur, quo lectulo teneor, tantisque podagræ doloribus affligor, ut vix in diebus festis vsque ad horarum trium spatium surgere valeam Missarum solennia celebrare. Mox autem cum graui depellor dolore decumbere, ut cruciatum meum non possim gemitu interrumpente tolerare. Qui dolor interdum mei lentus est, interdum nimius: sed neque ita lentus, ut recedat: neque ita nimius, ut interficiat. Vnde fit ut qui quotidie in morte sum, repellar à morte. Nec mirum, quia peccator grauis tali corruptionis carcere diu teneor inclusus: vnde compellor exclamare: Educ de carcere animam meam ad confitendum nomini tuo Domine. Sed quia meis adhuc precibus obtinere non mereor, rogo ut vestræ sanctitatis oratio suæ mihi intercessionis adiutorium præbeat, meque à peccati & corruptionis pondere liberum reddat in illa quam benè nostis libertate gloriæ filiorum Dei. Item eidem: Peto autem ut pro me enixius vestra sanctitas orare debeat, quia podagræ doloribus, & barbarorum gladiis, & curarum afflictionibus incessanter premor. Sed si mihi orationis vestræ opem impenditis, credo quòd me contra aduersa omnia fortiter iuuetis. Item eidem. Rogo ergo ut pro me peccatore enixius oretis: quia & dolor corporis, & amaritudo cordis, & immensa vastitas mortalitatis inter tot barbarorum gladios me vehementer affligit. Inter quæ omnia non temporalem sed æternam consolationem requiro, quam per me impetrare non valeo, sed per intercessionem vestræ beatitudinis hanc me obtinere confido. Item Mariano Episcopo Arabiæ. Multum iam tempus est quo surgere de lecto non valeo. Nam me modò

podagræ dolor cruciat, modò nescio quis in toto corpore se ignis cum dolore expandit. Et fit plerumque ut vno in me tempore arder cum dolore configat, & corpus in me animusque deficiat. Quantis autem aliis necessitatibus extra has quas protuli infirmitates, afficiar, enumerare non valco: sed breuiter dico, quia sic me infestio noxijs humoris imbibit, ut vivere mihi pœna sit, & mortem desideranter expectem, quam gemitibus meis solam esse credo remedium. Proinde, frater sanctissime, diuinæ pro me pietatis misericordiam deprecare: ut percussione suæ erga me flagella propitius mitiget, & patientiæ tolerandi concedat: ne nimio (quod absit) tedio in impatientiam cor erumpat: & quæ curari per plagam poterat, culpa, crescat ex murmure. Item Rusticianæ patriciæ: De podagræ molestia quam vobis euenisse signastis, & contristatus vehementer sum, & lætatus. Lætatus: quia humor noxius inferiora petens, superiora profectò deseruit. Contristatus verò, quia in tam tenuissimo corpore dolores vos nimios perpeti pertimesco. Vbi enim deest caro, quæ virtus esse poterit doloribus resistens? Me etenim (quem qualis fuerim nostis) ita amaritudo animi, & assidua exarcebatio, atque per hoc podagræ molestia affecit, ut corpus meum tanquam in sepultura siccatum sit: vnde fit ut iam rarò de lecto surgere valeam. Item eidem. Ego in tanto gemitu & occupationibus viuo, ut ad dies quos ago, peruenisse me pœniteat: solaque mihi in consolatione sit mortis expectatio. Vnde peto ut pro me orare debeatis, quatenus de hoc carnis carcere citius educar, ne tantis laboribus diutius torquear. Item Anastasio Antiocheno. Rogo ut pro mei cordis infirmitate enixius oretis, quatenus omnipotens Deus mentem meam à malis omnibus pro vestra intercessione tueatur, & citius me de tot procellis huius tempestatis eripiat, atque in æternæ quietis litore perducatur.

Tantis præcibus Gregorius tandem aliquando diuinitus exauditus, postquam sedem catholicæ & apostolicæ sanctæ Romanæ Ecclesiæ annis tredecim, mensibus sex, & diebus decem, doctrinis pariter ac operibus felicissimis illustrauit, anno Imperij Phocæ secundo, indictione septima, quarto iduum Martiarum, à carnis corruptione subtractus est, in corruptionis perpetuæ gloria sublimandus. Qui videlicet omni vitæ suæ tempore sicut nouas basilicas minimè fabricarat, ita nimirum fabricatarum veterum sartatecta cum summo studio annualiter reparabat: quas redditibus, luminaribus, officiis atque donariis cumulans, in basilica beati Petri Apostoli fastigium de argento purissimo, quod à Leone tertio pontifice in basilica Sixtiana sanctæ Mariæ nomini dedicata translatus est, fabricauit: & in basilica beati Pauli Apostoli super altare nihilominus aliud fastigium procurauit. Huius præterea venerabile corpus in extrema porticu basilicæ beati Petri Apostoli ante secretarium tunc antiquissimum quo videlicet Leo, Simplicius, Gelasius atque Symmachus Apostolicæ sedis Episcopi cum nonnullis alijs, tumulati, suis hætenus epitaphiis prædicantur, sepultum tali titulo decoratur.

Suscipe terræ tuo corpus de corpore sumptum,

Reddere quod valeas viuificante Deo.

Spiritus astra petit, lethi nil iura nocebunt,

Cui vitæ alterius mors magis illa via est.

Pontificis summi hoc clauduntur membra sepulchro,

Qui innumeris semper viuat vbique bonis.

Esuriem dapibus superauit, frigora veste,

Atque animas monitis textit ab hoste sacris.

Implebátque actu, quicquid sermone docebat:

Esset ut exemplum mystica verba loquens.

Anglos ad Christum vertit pietate magistra,

Acquirens fideique agmina gente noua.

Hic labor, hoc studium, hæc tibi cura, hoc pastor agebas,

Vt Domino offerres plurima lucra gregis.

Hisq̄ue Dei consul factus, lætare triumphis,

Nam mercedem operum iam sine fine tenes.

Quo scilicet liberalissimo pastore defuncto, vehemensissima famēs eodem anno incubuit: & quanto patrono tunc Roma caruerit, licet rerum inopia toto penè mundo monstrauerit, inuidorum tamen feritas minimè recognouit. Nam sicut à maioribus traditur, cum calumniarum veterum incen-

tores, Gregorium prodigum dilapidatoremque multiplicis patriarchatus thesauri perstreperent, deficiente personali materie, ad comburendos libros eius cœperunt pariter anhelare. Quorum dum quosdam iam combussissent, ac reliquos vellent exurere, Petrus diaconus familiarissimus eius, cū quatuor Dialogorū libros disputauerat, creditur vehemētius obstitisse, dicēs, ad obliterandā eius memoriā, librorū exustionē nihil proficere: quorū exēplaria diuersis petētibus mūdi ambitum penetrassent: subiungēs immane sacrilegium esse, tanti patris tot & tales libros exurere, super cuius caput ipse spiritum sanctū in similitudine colūbe tractantis frequentissimē perspexisset. Cūque dudū deuotū populū diaconus cerneret occasione tēporis cum inuidis resultare, in hoc omnium sententiā dicitur prouocasse, vt si quod dixerat, iureiurando cōfirmans, mori continuō meruisset, ipsi à librorum exustione desisterēt: si verō testimonij sui superstes extitisset, ipse quoque combustoribus manus daret. Itaque cum euangelis in ambonē venerabilis leuita Petrus ascendēs, mox vt Gregorianā sanctitati testimoniū præbuit, inter verba veræ confessionis spiritum efflauit, & à dolore mortis extraneus iuxta pyrgi basim (sicut hætenus cernitur) confessor veritatis meruit sepeliri.

lxx.

Hinc est quoddam consuetudinaliter spiritus sanctus in specie columbæ super scribentis Gregorij caput depingitur, & quoddam expositionū illius pars maxima, quæ utique ab inuidis exusta recolitur, non habetur. Quarū ipse summā Ioanni subdiacono Rauēnæ responsali suo significare videtur, inter cetera sic describēs: Quia charissimus quondā filius meus Claudius aliqua me loquente de Prouerbiis, de Canticis Canticorū, de Prophetis, de libris quoque Regū, & de Heptateucho audierat, quæ ego scripto tradere præ infirmitate nō potui, ipse ea suo sensu dictauit, ne obliuione deperirent, vt apto tempore hæc eadē mihi inferrētur, & cōmediatius dictarētur. Quæ cū mihi legisset, inueni dictorū meorum sensum valde inutiliū fuisse permutatū. Vnde necesse est vt tua experientia, omni excusatione atque mora cessante, ad eius monasteriū accedat, eumque venire faciat: & cum omni veritate quātaſcūque de diuersis scripturis chartulas detulit, ad medium deducat: quas tu suscipe, & mihi celerrimē trāsmitte. Enim vero quia studiositas Gregorij qui post hæc tribus ferme annis superſuit, falli nō potuit: constat nimirum quia plures libros quā nunc habeantur cōposuit. Quorū memoriā quidā in episcopali eius perstringēs ait, Iob, Ezechiel, Euāgelia, & pastoralē exposuit, & multa alia vt subaudias, quæ iam inueniri non possunt: quoniā re vera antē succensa sunt, quā edita, sicut reliqua ipsius opera, quæ nūc in sancta Romana ecclesia retinentur adhuc sub custodia, ne pœnitentia vulgarentur.

lxxj.

Itaque si curiosius perpendatur, omne Gregorij tractandi tempus quo libros qui nunc habentur exposuit, à diacono suo vsque ad penultimū sui pōtificatus annū extenditur: & licet Longobardorū perfidia sæuiente, post Ezechielis tractatus, ab expositione librorū destiterit, ab exponēdis tamē epistolis, quādiu viuere potuit, nunquā omnino cessauit: quarū videlicet tot libros in scrinio dereliquit, quot annos adiunxit. Vnde tertiuūdecimū epistolarū librum septimæ indictionis imperfectū reliquit, quoniā ad eiusdem indictionis terminū non pertingit. Ex quarū multitudine primi Adriani papæ tēporibus quādā epistolæ decretales per singulas indictiones excerptæ sunt, & in duobus voluminibus (sicut modō cernitur) cōgregatæ. Et Gregorius iam dudū in monasterio positus, vbi eū angelus Domini sub habitu naufragi scribentē repererat, nimirū quādam dictauerat, vt ad expositionē tantæ profunditatis quā in libro Iob penetrare potuit, eō paratior, quō ex dictandi consuetudine doctior, perueniret.

lxxij.

Ergo Gregorius in diaconio suo, dum illum in Constantinopolitana vrbe sedis apostolicæ responsa constringerent, & Leandrum Hispanum episcopum iniuncta pro causis fidei Vvsgotorum ibi legatio perduxisset, eodem Leandro (sicut in primo libro dixisse me recole) cum fratribus tunc Gregorio adherentibus importunissimē, compellente librum beati Iob cepit exponere. Quibus coram positis priora libri sub oculis dixit: & quia tēpus paulō vacantiū reperit, posteriora tractādo dictauit. Cūque ei spatia largiora suppeteret multa

Tomus primus.

augens, pauca subtrahens, atque ita vt inuenta sunt nonnulla derelinquens, ea quæ se loquente excerpta sub oculis fuerant, per libros emendando composuit. Qui cum iam factis episcopus Romæ postrema dictaret: quo stylo prima dixerat sollicitē attendēs, egit vt ea quæ locutus fuerat, studiōsa emendatione transcurrens, quasi ad similitudinē dictatus erigeret: & ea quæ dictauerat, non longē à colloquentis sermone disereparent: quatenus dum hoc tenditur, illud adtrahitur, edita modo dissimili res non dissimilis formaretur: quauis tertiam ipsius operis partem vt colloquendo protulit, penē ita dereliquit: quia dum cum fratres ad alia exponēda pertraherent, hanc subtilius emendari noluerunt. Quibus multa iubentibus, dum parere modō per expositionis mysterium, modō per contemplationis ascensum, modō per moralitatis instrumentum studeret: hoc opus per triginta & quinque libros extēsum, in sex codicibus expleuit. Quorū exemplaria primō per vrbs monasteria subdivisit: postremō verō eidem Leandro episcopo destinauit.

lxxiij.

Sed in ipso sui episcopatus exordio, dum à Ioanne Rauennatis vrbs episcopo humiliter reprehensus fuisset, cur pastoralis curæ delitescendo pondera fugere vir tam idoneus voluisset, librum regulæ pastoralis composuit: quem quadripartita ratione distinguens, valde pensandum esse perdocuit, cū rerum necessitas exposcit, ad culmē quisque regiminis qualiter veniat: atque ad hoc ritē perueniēs, qualiter viuat: & bene viuens, qualiter doceat: & rectē docens, infirmitatem suā quotidie quanta consideratione cognoscat: ne aut humilitatis accessum fugiat: aut peruectioni vita contradicat: aut vitam doctrina destituat: aut doctrinā præsumptio extollat. Primum ergo appetitum timor temperet: post autem magisterium quod à non quærente suscipitur, vita commendet. Deinde necesse est vt pastoris bonū quod viuendo ostenditur, etiam loquēdo propagetur. Ad extremū verō superest vt perfectæ quæque opera cōsideratio propriæ infirmitatis deprimat: ne hæc ante occulti arbitri oculos tumor elationis extinguat. Et quia quosdam imperitos ad sacerdotiū conspirasse cognouerat, quosdam conspiraturos esse prauidebat: qui metiri se nescientes, quæ non didicerūt, docere cōcupiscerent, quique pondus magisterij tantō leuius æstima-
rent, quāto vim illius magnitudinis ignorarēt: hos in ipso libri sui reprehendit exordio, vt si quando indocti ac præcipientes doctrinæ arcem tenere appetissent, à præcipationis suæ ausibus in ipsa Gregorianæ locutionis ianua pellerētur. Hūc librum Anatolius diaconus eius apocrisarius quærenti ac iubēti imperatori quōdam obtulerat: quem magnus Anastasius Antiochenus episcopus in Græcam linguam transfudit, & orientalibus ecclesiis opus venerabile procurauit.

Deinde (sicut in secūdo huius operis libro iam retuli) dum adhuc Gregorius ad loquendum voce flatūque sibi sufficeret: per stationes discurrens, viginti homilias Euangelij diuerso tempore coram populo declamauit: reliquas verō eiusdem numeri dictauit quidem, sed lassescēte stomacho languore continuo, aliis pronuntiare permisit: quarum exemplaria Secundo seruo Dei petenti mandauit.

lxxiiij.

Cūque à suis familiaribus vt aliqua de miraculis patrum describeret Gregorius enixius rogaretur: Maximiano Syracusano episcopo scripsit dicens: Fratres mei, qui mecum familiariter viuunt, omnimodo me compellunt aliqua de miraculis patrum quæ in Italia facta audimus, sub breuitate describere. Ad quam rem solatio vestræ charitatis vehementer indigeo: vt quæ vobis in memoriā redeūt, quæque cognouisse vos contigit, mihi breuiter indicetis. De domo autem Nonnoſo abbate qui iuxta domnum Anastasium de Pentoniis fuit, aliqua retulisse te memini, quæ obliuioni mādauit. Et hæc ergo & si qua sunt alia, tuis peto epistolis imprimi, & mihi sub celeritate transmitti: si tamen ad me ipse non proficiſceris. Hinc Gregorius roboratus, sanctorum miracula patrū cū Petro suo diacono quæ per inquisitionem atque responsionem protulerat, expositionis altius studium interrūpens, sola nominum prænotatione distinxit, & in libros quatuor ordinauit: vt sicut in libris expositionum suarum, quibus esset virtutibus insudandum, docuerat: ita etiam descriptis sanctorum miraculis quæ virtutum fuisset earundē clari-

lxxv.

ūū

tas, luce clariùs ostentaret. Quos libros Zacharias sanctæ ec-
clesiæ Romanæ episcopus græco latinôque sermone doctis-
simus temporibus Constantini imperatoris post annos ferme
centum septuaginta quinque in græcam linguam conuertēs,
Orientalibus ecclesiis diuulgauit, quanuis astuta Græcorum
peruersitas in commemoratione spiritus sancti à patre pro-
cedentis, nomen filij suaptim radens abstulerit.

lxxvj. Primam quoque & vltimam Ezechielis prophetæ par-
tes, quæ videbantur obscuriores, Romanis postulantibus
pertractauit, easque per homilias viginti duas distinguens,
quantum lucis intus habeant demonstraui, & in his tractan-
dis (sicut superius patuit) finem fecit.

lxxvij. Qui libri dum à doctoribus sequentis temporis tam re-
ctissimis sententiis editi, quàm luculentissimo rhetoriæ fa-
cundiæ stilo compositi veraciter doceantur: eos beatus Gre-
gorius ex humilitatis suæ dulcedine incultos perhibet, Le-
andro episcopo inter cætera scribens: Quæso vt huius ope-
ris (haud dubium quin Moralium dicta percurrēs,) in his
verborum folia non requiras: quia per sacra eloquia ab eo-
rum tractatoribus infructuosæ loquacitatis leuitas studiosè
compescitur, dum in templo Dei nemus plātari prohibetur.
Et cuncti proculdubio scimus, quia quotiens in foliis malè
lætæ segetis culmi proficiunt, minori plenitudine spicarum
grana turgescunt. Vnde & ipsam loquedi artem, quam magi-
sterium disciplinæ exterioris insinuat, seruare despexi. Nam
sicut huius quoque epistolæ tenore nuntiat, nō motacismi
collisionem fugio, non barbarismi confusionem deuito, hia-
tus motusque etiam, & præpositionum casus seruare contem-
no: quia indignum vehementer existimo vt verba cœlestis
oraculi restringam sub regulis Donati. Neque enim hæc ab
illius temporis interpretibus in scripturæ sacræ autoritate
seruata sunt. Ex qua re nimirum quia nostra expositio ori-
tur, dignum profectò est vt quasi edita soboles speciem suæ
matris imitetur. In quibus verbis agnoscitur Gregorius non
affectasse locutionem pompaticam, sed ex pristina secularis
exercitij consuetudine potius incurrisse. Cuius facundiæ con-
sonantiam Hidorus Hispalensis vrbs episcopus in exposi-
tione Geneseos admiratus, Sympta, inquit, sunt ab authori-
bus hæc Origene, Victorino, Ambrosio, Hieronymo, Cas-
siano, Augustino, Fulgentio, ac nostris temporibus insigni-
ter eloquente Gregorio. Sed & Beda presbyter in libro de
schematibus oratores homœoteleuton facere perhibens
exemplum proposuit dicens: Beatus Iob Deo soli sibi-
que cognitus, in tentatione ad nostram notitiam perducen-
dus tactus est vulnere, vt odorem suarum virium tantò la-
tius spargeret, quãdò, more aromatum, melius ex intentione
fragraret. Quò schemate ipse qui hoc dixit beatus papa Gre-
gorius sapissime vsus fuisse cognoscitur: & huiusmodi ora-
tiones esse reor, quas Hieronymus concinnas rhetorum de-
clamationes appellat.

lxxviii. At Gregorius humilitatis suæ cautela commonitus, non
solum facundiæ suæ redolentiam cōtemnebat, verum etiam
in comparatione tractatus alterius dictatum suum fursurem
nominans, libros suos legi quàm diu viveret vehementissi-
mè prohibebat, Innocentio præfecto Aphricæ inter cætera
scribens: Quod in expositione sancti Iob transmitti vobis
codicem voluistis, vestro omnino studio congaudemus:
quoniam illi rei eminentiam vestram studere conspiciamus,
quæ nec totos foras vos exire permittat, & ad cor iterum se-
cularibus curis dispersos recolligat. Sed si delizioso cupitis
pabulo saginari, beati Augustini patriotæ vestri opuscula le-
gite: & ad comparationem filiginis illius nostrum fursurem
non queratis. Item Ioanni episcopo Syracusano: Præterea
audio quòd aliqua de his quæ scripsisse me memini, fraterni-
tas vestra ad mēsam suam coram extraneis legi faciat. Quod
mihi non videtur esse faciendum: quia hoc quod vos pro
charitate facitis, possunt quidam quantum ad me est vanæ
gloriæ deputare. Ideoque coram extraneis antiquorum di-
cta legite, ex quorum autoritate valeant qui audiunt † re-
formari. Item Ioanni subdiacono Rauennæ post multa. Il-
lud, inquit, quod ad me quorundam relatione perlatum est,
quia reuerentissimus frater & coepiscopus meus Marinia-

† al. infor-
mari.

nus legi commenta beati Iob publicè ad vigilias facit, non
gratè suscepi: quia illud opus non suscepi postulare, & rudi-
bus auditoribus impedimentum magis quàm prouectū ge-
nerat. Sed dic ei vt commenta Psalmorum legat ad vigilias,
quæ mentes secularium ad bonos mores præcipuè informēt.
Neque enim volo dum in hac carne sum siqua dixisse me cō-
tigit, ea faciliè hominibus innotesci.

Quanta sanè consideratione Gregorius (qui ad culmen
regiminis humiliter peruenisse, ad hoc opus perueniēs bene
vixisse, bene viuendo rectè docuisse, satis, vt opinor, mon-
stratus est) infirmitatem suam cognouerit, in extremo libro
Moralium manifestat, cum dicit: Expleto itaque hoc opere,
ad me mihi video esse redeundum. Multum quippe mens
nostra etiam cum rectè loqui conatur, extra semetipsam spar-
gitur. Integritatem nanque animi, dum cogitantur verba qua
liter proferantur, quia trahunt extrinsecus, minuunt. Igitur à
publico locutionis redeundum est ad curiam cordis: vt qua-
si in quodam concilio cōsultationis ad me ipsum discernen-
dum conuocem cogitationes mentis: quatenus ibi videam
me aut incautè mala, aut bona non bene dixerim. Tunc enim
bene dicitur bonum, cum is qui dicit soli ei à quo accepit,
per id appetit placere quod dicit. Et quidem mala me ali-
qua, & si dixisse non inuenio, tamen quia omnino non di-
xerim, non defendo. Bona verò si qua diuinitus accipiens
dixi, meo videlicet vitio minus me bene dixisse profiteor.
Nam ad me intrinsecus rediens, postpositis verborum foliis,
postpositis sententiarum ramis dum ipsam subtiliter radi-
cem meæ intentionis inspicio: Deo quidem ex ea me sum-
mopere placere voluisse cognosco: sed eidem intentioni qua
Deo placere studeo, furtim se nescio quomodo intentio hu-
manæ laudis interserit. Quod cum iam postmodum tardè-
que discerno, inuenio me aliter agere, quod scio me aliter in-
choasse. Sic enim sæpe intentionem nostram, dum ante Dei
oculos rectè incipitur, occultè subiuncta & eam velut in iti-
nere comprehendens humanæ laudis intentio assequitur, si-
cut pro necessitate quidem cibus sumitur: sed in ipso esu dum
furtim gula surrepit, edendi delectatio permiscetur: vnde ple-
runque contingit, vt refectionem corporis, quam salutis cau-
sa cepimus, causa voluptatis expleamus. Fatendum est igitur
quòd rectam quidem intentionem nostram, quæ soli Deo
placere appetit, nonnunquam intentio minus recta quæ de
donis Dei placere hominibus quærit, insidiando comitatur.
Si autem de his diuinitus districtè discutimur, quis inter ista
remanet salutis locus, quando & mala nostra pura mala sunt,
& bona quæ nos habere credimus, pura bona esse nequaquã
possunt: Sed hoc mihi operæ precium credo, quod fraternis
auribus omne quod in me latenter ipse reprehendo, incun-
ctanter aperio. Quia enim exponendo non celauì quod sen-
si, confitendo nō abscondo quod patior. Per expositionē pa-
tescunt dona, per confessionem detego vulnera. Et quia in
hoc tam magno humano genere, nec parui desunt qui dictis
meis debeat instrui: nec magni desunt, qui cognita meæ va-
leant infirmitati misereri: per hæc vtrique aliis fratribus quã-
tum possum curam confero ab aliis quero. Illis dixi expo-
nendo quod faciant, istis aperio confitendo quod par-
cant. Illis verborum medicamenta non subtraho, istis lace-
rationem vulnerum non abscondo. Igitur quæso vt quis-
quis hoc legerit, apud districtum iudicem solatium mihi suæ
orationis impendat, & omne quod in me sordidum depre-
hendit, fletibus diluat. Orationis autem atque expositionis
virtute collata, lector meus in comprehensione me super-
rat, si cum per me verba accipit per me lachrymas reddit.

Huius beatissimi Gregorij venerabile corpus à Gre-
gorio quarto sedis apostolicæ præfule post annos circiter
quingenta translatus ante nouellum secretarium con-
structis absidibus (sicuti modo cernitur) sub altaris sui
nominibus collocatur: quo eius anniuersaria solennitas
cunctis certatim pernoctantibus veneratione gratissima
celebratur: in qua pallium eius & phylacteria, sed & bal-
theus eius consuetudinaliter osculantur. Quæ sigillatim
considerata, & antiquitatem viri, & mediocritatem ha-
bitus & speciem regularis propositi signis perspicuis re-
presentant. Nam in eo quòd pallium eius bysso candente
contextum

lxxix.

lxxx.

contextum nullis fuisse cernitur accubiis perforatum, sic ipsum circa scapulas obuolutum fuisse, non autem confixum dignoscitur, sicuti vetustissimis musis, vel picturis ostenditur: quod autem reliquiarum phylacteria tenui argento fabricata, vilique pallio, de collo suspensa fuisse videntur, habitus eius mediocritate demonstratur. Porro in exilitate balthei quæ vnus pollicis mensuram nunquam excedit, speciem propositi regularis olim à sancto Benedicto statutus, cuius ipse vitam describens, in dialogo regulam quoque laudauerat, eum seruasse luce clarius manifestat: præsertim cum idem venerabilis doctor Gregorius Græcam linguam nescierit, & sui monasterij monachos Benedicti vtique regulis mancipatos in Saxoniam destinari.

lxxxj.

Siquidem quod Græcam linguam nescierit, ipse testatur in epistola Eusebio Thessalonicensi episcopo scribens: Lator præsentium Theodorus Ecclesiæ vestræ lector ad sanctorum Apostolorum limina veniens, dum homo (quippe vt nouus) haberetur incognitus, Andreæ monacho, qui ad sanctum Paulum inclusus fuerat, res & chartas quas detulit, vt re vera olim noto, innocenter deposuit, credens quod mens ipsius (sicut & nos antè putaueramus) cum habitu concordaret. Sed illæ tantæ prauitatis inuentus est, vt si eius stultitiæ sub inclusionis specie paulò adhuc amplius licuisset multorum animas malitiæ suæ falsitate deciperet: & quæcunque potuisset non leuia scandala generaret. Nam inter alia quæ idem Andreas pessimè cogitauit, & fecit: eam quoque quam ad nos misistis dum apud ipsum à præfato lectore esset deposita, infalsauit epistolam: vt quicumque eam legeret, vos ne catholica, nec recta sapere euidenter argueret. Ex qua re contigit vt dum veritatem studiosè quæreremus, eius quæ latebat iniquitas vulgaretur: & tanta in eo reperta sunt, quanta nec de scelerato quocunque laico crederentur. Et quia inter diuersa mala aliquos etiam sermones scripsit atque eos ex nostro nomine titulauit, & suspecti sumus ne eos alicubi transmissit, fraternitas vestra sollicitudinem gerat. & si quid tale repererit, eos exscindi, & omnimodo faciat aboleri: vt quod imperitus literarum, & scripturæ diuinæ nescius nostro, sicut diximus, nomine prænotauit, quorundam animos non possit inficere. Nam nos nec Græcè nouimus, nec aliquid opus Græcè aliquando conscripsimus.

lxxxij.

Quod verò monachi qui à Gregorio in Saxoniam missi sancti Benedicti regulæ fuerint mancipati: inter alia etiam illud ostendit, quod ex ipsius discipulis vix potest in illis partibus monachus aliquis inueniri, à quo non obseruetur tam in proposito quam in habitu, regulæ Benedicti. Quapropter sicut constat Gregorianum monasterium à Latinitate in Græcitatem necessitate potius quam voluntate conuersum, ita fideliter præstolatur in Latinitatis cultum fauente Domino denuò reuersurum.

lxxxij.

In cuius venerabilis monasterij atrio iussu Gregorij iuxta nymphium duæ iconiæ veterrimæ artificialiter depictæ vsque hactenus videntur. In quarum altera beatus Petrus Apostolus sedens conspicitur stantem Gordianum Regionarium videlicet patrem Gregorij manu dextera per dexteram nihilominus suscepisse. Cuius Gordiani habitus castanei coloris planeta est, sub planeta dalmatica, in pedibus caligas habens, statura longa, facies deducta, virides oculi, barba modica, capilli condens, vultus grauis. In altera verò mater Gregorij sedens depicta est Syluia, candido velamine à dextro humero taliter contra sinistram reuolutò contexta, vt sub eo manus tanquam de planeta subducatur: & circa pectus sub gula inferior tunica pseudolactini coloris appareat, quæ magno sinuamine super pedes defluat: duabus zonis ad similitudinem dalmaticarum, sed latioribus omnino distincta, statura plena, facies rotunda quidem & candida, sed senio iam rugosa: quam ipsa quoque senectus pulcherrimam fuisse significat: oculis glaucis & grandibus, superciliis modicis, labellis venustis, vultu hilaris, ferens in capite matronalem mitram cadentis brandei raritate nublata: duobus dexteræ digitis signaculo crucis se munire velle prætendens, in sinistra verò patens psalterium retinens, in quo hoc scriptum est: Viuit anima mea, & laudabit te, & iudicia tua adiunabunt me. A dextero verò cubitu vsque ad sinistram circa sca-

Tomus primus.

A pulas versus ascendens reflectitur, qui ita se habet: Gregorius Syluiæ matri fecit.

Sed & in absidicula post fratrem Cellarium Gregorius eiusdem aurificis magisterio in rota gypsea pictus, ostenditur, statura iusta & bene formata, facie de paternæ faciei longitudine, & materna rotunditate ita mediè temperata, vt cum rotunditate quadam decentissimè videatur esse deducta, barba paterno more subsulua & modica, ita caluaster, vt in medio fronte gemellos cincinnos rarusculos habeat, & dextrorsum reflexos: corona rotunda, & spaciola, capillo sub nigro, & decenter intorto, sub auriculæ medium propendente, fronte speciosa, elatis & longis sed exilibus superciliis: oculis pupilla sublis, non quidem magnis, sed patulis, subocularibus plenis, naso à radice vergentium superciliorum subtiliter directo, circa medium latiore: deinde paulum recuruo, & in extremo patulis naribus præminente: ore rubeo, crassis & subdiuiduis labiis, genis compositis, mento à confinio maxillarum decibiliter prominente: colore aquilino & liuido, nondum (sicut ei postea contigit) cardiaco, vultu mitis, manibus pulchris, teretibus digitis, & habilibus ad scribendum. Præterea planè super dalmaticam castaneæ: euangelium in sinistra, modus crucis in dextra: pallio mediocri, à dextro videlicet humero sub pectore super stomachum circularim deducto: deinde sursum per sinistram humerum post tergum deposito, cuius pars altera super eundem humerum veniens propria rectitudine non per medium corporis, sed ex latere pendet: circa verticem verò tabulæ similitudinem, quod viuentis insigne est, præferens, non coronam. Ex quo manifestissimè declaratur: quia Gregorius dum adhuc viveret, suam similitudinem depingi salubriter voluit, in qua posset à suis monachis non pro elationis gloria, sed pro cognita distributionis cautela frequentius intreri. Vbi huiusmodi distichon ipse dictauit:

Christe potens domine nostri largitor honoris,
Indultum officium solita pietate gubernas.

lxxxv.

C Ibi etiam iam tempore Petri archidiaconi, & Ioannis æconomi Saturninus monachus dextra lauaque Gregorij beati effigies sanctorum Apostolorum quemadmodum modò videntur depinxit. Quo scilicet nonnunquam diuini candela succenditur, & in eiusdem similitudinis effigie pro regimine sui monasterij sæpe beatus Gregorius præsentatur.

lxxxvj.

Nam vt pauca de multis contingam, Leonis quarti pontificis tempore, cum Megistus Ostiensis episcopus & apostolicæ sedis bibliothecarius eidem monasterio præfesset, Ioannes presbyter eiusdem præpositus cum quadam scemina turpiter viuens, vehementissimo podagræ dolore correptus est: qui medicorum manu cauteriatus, per exustionis vulnus calcem cœpit effundere. Quam restringere nullis artibus præualens, in tantam desperationem perductus est, vt ab omni illius sceminae visitatione desisteret, & illa sibi alterum sub eodem facinore copularet. Sed post annum presbyter ad pristinam sanitatem reuertens, quanquam propositum sibi fuisset, vt vltèriùs nullam contingeret, ad eandem tamen misso nuntio futuro diè dominico se redire professus est. Quo recepto, vbi suo desiderio votum quoque mulierculæ conuenire gauisus est, ad balneæ processit. Vnde reuertens, tantum lætitiæ potionibus, & cæntionibus se dissoluit, vt subrepente somno interesse nocturnis cum fratribus nunquam potuisset officiis. Eadem nocte cuidam presbytero & monacho beatus Gregorius in somnis apparens ait: Surge & diè Præposito vt pœnitentiā agens, peculium suum quod est in aggregare non puidit pro peccato conscientia suæ, dispergat: quia diè tertia funditus extinguetur à vita. Quod Præpositus vt audiuit, vehementer expauit. Et quis Gregorij mandato incredulus esse non poterat, pœnitentiā cœpit: cunctaque sua sanus distribuens, tanto febris ardore correptus est, vt à diluculo diei tertij vsque ad horam tertiam cum ingenti fragore præ incendio linguam ab ore pereutens, vltimum flatum protraheret. Quem presbyteri tam duriter laborare videntes, deputatis illic monachis cum psalmodiis eius exitum commendarunt, ipsi pro eo omnipotenti Deo studuerunt solennes hostias immolare. Sed monachi psalmodiam

u ij

deserētes, nō timuerūt inter se morienti fratri detrāhere: cū
ecce presbyteri à missarū solenniis circa horā septimā reme-
antes, Ioannē presbyterū, quē incredibiliter cū morte luctan-
tē reliquerāt, leuius se habere mirati sunt: eūmq; nominatim
clamare cēperunt. Mox ille oculos subridendo concutiens,
Parcat, inquit, vobis Dominus fratres: quare me sollicitare
voluistis? Qui ab ipso huius Diei principio vsque nunc co-
ram Christo præsidenti multis milibus angelorum cum dia-
bolo ad iudicium steti: & adiuvātibus me sanctis Andrea &
Gregorio cunctis eius obiectionibus bene respondi. Sciat
autem quia monasterij sextarium, modium, libram, consue-
tudinē elemosynarum & luminum, omnēque mensuram
curiosissimē Christo quārenti vsque ad scabellum pedum
eius portavi. Sed de vna obiectione fateor conuictus eru-
bui, de me qua nimium (sicut vidistis) laborando vexavi, &
me adhuc liberare non potui. Cūque fratres de ea require-
rent, ait: Non audeo dicere, quia quando vos me clamastis,
& à sancto Gregorio redite iussus sum, vt vobis etiam de
mensuris & consuetudinibus monasterij ponerem rationem,
diabolus questus est, putans quōd me pater ad pēnitentiam
remisisset. Quapropter beatum Gregorium vadem dedi, ne
commotam calumniam cuilibet reuelarem. Illis imminenti-
bus & se pro eo deprecaturus Deum promittentibus vt cau-
sam fratribus reuelaret, defunctorum quorundam domos &
viuentium merita proferebat, dicens: Omnia in quibus mihi
detraxistis fratres audiui, quanquam respōdere nequiverim:
& impedimentum mihi non modicum generastis: quia tam à
vobis quā à diabolo sub vno tempore accusatus, nescie-
bam cui calumniæ responderem. Sed si quando quemlibet
migrātem videritis, compatimini forti communi, & nolite
de eo iudicare, qui ad tam districti iudicis cum criminatore
suo iudicium vadit. His expletis cunctos iubent abscedere:
solum presbyterum qui sibi mortem prænuntiauerat, secum
tenens. Qui solus remanere pauescens, alterum secum tenuit,
hortatus vt causam pro qua conflixerat, saltem sibi pandere
non timeret. At ille vehementer ingemuit, & conuerso ad
parietem capite clamabat dicens: O Andrea Andrea, hoc an-
no pereas, qui me prauo consilio ad periculum compulisti.
Et vestigio Zacharias medicus, qui anno præterito ad suos,
videlicet Sarracenos, apostatando reuersus est, adfuit: tactis-
que temporibus iurare cēpit presbyterum ex eadem valetu-
dine minimē moriturum. Quem languidus vt audiuit, cum
ingenti animaduersione repulit, dicens: Fratres, iam omne
corpus meum est mortuum, in extremis faucibus spiritum
permissum retineo, continuo moriturus, tantum psallite, vt
reuideam angelos quos videbam, innuens vobis ostendam.
Quibus orantibus totus cēpit tremere, pallefcere, sursum
desideranter aspicere: cū subito spiritus aduentare conspi-
ciens, reuolutis terribiliter oculis, monachis innuit, & absce-
dit: eosque tanto terrore perculsos dimisit, vt multis noctibus
soli iacere timuerint.

lxxxvij. Eodem die (sicut postea deprehensum est) eodēque
momento quando presbyter moriens Andræ periculum
fuerat imprecatus, idem Andreas, fundi Barbiliani, positi sci-
licet via Ostiensis, conductor, in lectulum decidit: in quo per
multum temporis continuo languore correptus, ita totus e-
marcuit, vt omne corpus particulatim videretur dissolui.
Cūque defluentibus carnibus consumi posset, mori autem
non posset, vxor quæ scēto rem vulnerum, virique cruciatus
iam sustinere non poterat, intellexit tanti languoris incom-
moda sine diuinæ vltionis sententiā hunc nullatenus incur-
risse. Quem flendo curauit inquirere, vt quoniam à morien-
te Præposito frustra vocari nō poterat, quid cum ipso cōmi-
serat, vt monachis reuelaret, si fortē Domin⁹ eius cōfessionē
recipiens, eū à tantis cruciatibus liberaret. At ille malum co-
gnoscens quod fecerat, latere non posse, monasterij mona-
chos conuocari rogauit: eisque confessus est cum eodē præ-
posito quasdam monasterij chartulas rapuisse, ac receptis præ-
ciis extraneis tradidisse, seque certum existere, quia pro hoc
flagitio mori nō posset, quousque hoc coram omnibus reue-
laret. Quod videlicet verū fuisse, rei exitus euidenter osten-
dit. Nam mox vt tantū facinus cunctis innotuit, is qui dudū
mori volens non poterat, inter verba suæ confessionis effla-

uit. Quem idcirco Deus omnipotēs diu cruciari voluit, mō-
ri autē donec reatum suum cōfiteretur, nō posse se permisit,
vt exemplo sui cruciatus ostenderet quid consumptores re-
rum Gregorij de semetipsis vtique sperare debuissent.

lxxxviii. Ipsius quoque pontificis tempore eiusdem patris mo-
nasterio Athanasius præsuit, vir quidem castitate cōspiciuus,
& sui monasterij cautissimus executor. Qui cū scēti in-
opie tempus agnosceret, ne monachis necessitas fortassis in-
cumberet, quadraginta pauperum, quos beatus Gregorius
pasci semel in anno decreuerat, refectiōem subduxit. Quod
impunē se fecisse perpendens, etiam duodecim pauperum
totidem denarios, qui die depositionis beati Gregorij pro
commemoratione duodecim ab eo quondam inuitatorum,
quorum tertius decimus angelum se esse professus est, con-
suetudinaliter pascebantur, pēnitentia intercept: cū eiusdem
Quadragesimæ tempore beatus Gregorius eidem presby-
tero, cui suprà & monacho, in somnis apparuit, dicens: Vade
& dic œconomo, quia diminuit consuetudinem quam ego
constitui, Dominus quoque eius dies diminet. Quod œ-
conomus vt audiuit, primō quidem contremuit, pōst verō
tantō minus credidit, quantō vitam suam longius cognosce-
bat extendi. Et ecce sub ipsis albis paschalibus in oratorio
sancti Seuerini cum fratribus vespertinis assisistens officiis, ar-
dere parietem vidit, quem fratribus extinguere imperauit.
Quibus hunc vinolentum credentibus ipse tandem ferulam
quam tenebat proiciens, manūque per parietem circundu-
cens conabatur foris flammam extinguere, quas constabat in-
tima eius depascere. Denique tandem ad hospitium re-
diens, tantæ febris ardore succensus est, vt peruenire ad diem
septimum nullatenus potuisset. Quia ergo dum consuluisse
putauit se monachis, pauperibus nocuisse non timuit, ac per
hoc quo se placare posse Gregorium credidit, prorsus offen-
dit: frustra flammam parietis extinguere voluit, qui tenacitatis
suæ flammam extinguere recusauit.

lxxxix. Eodem nihilominus tēpore post absidē oratorij sanctæ
Mariæ semper virginis oratorio sanctæ Barbaræ ubi Grego-
rius laudes Domino celebrare solebat, cōiuncto, dæmon ap-
paruit, sibiq; in antro quod illic cernitur, hospitii faciēs, no-
cturnis horis tāto crepitabat fragore, vt omnia fundamenta
monasterij putaretur cōuellere. Nōnunquā equos de stabulis
auferēs audiebatur tota nocte discurrere: quorū duos præci-
pitio demersisse probatus est. Cūq; pauore tāti sonitus mo-
nachos à triclinio, in quo ad aurā propter feruorem caumatis
iacere solebant, pēnitentia auertisset, vnus eorū confisus in vir-
tute Dei omnipotētis ante foramē decubens oratione facta
cēpit dormire. Cui dæmō in similitudine catti apparuit: eū-
que vnguib⁹ est aggressus discerpere. Quo monach⁹ oratio-
ne repulso, identidē sopori se tradidit, cū subito dæmon in
similitudine cuiusdā Aethiopis lancea minādo apparuit, di-
cens: Ego quidē hinc vado, sed te vulneratum dimitto. Quo
dicto lancea vibrauit, monachūmq; (sicut videbatur) in som-
nis percussit. Qui tātis clamoribus eiulauit, tanquā si re vera
percussus extiterit: accurrentibusq; monachis, licet pauidus,
quod viderat indicauit, & deinceps ibi vltius demonium
non accessit.

xc. Benedicti quoq; pōtificis tēpore, Lucido Ficulino episco-
po eidem monasterio prēminente, cū pestilētia fauciu mul-
titudine quotidie maxima deperiret: idē monachus præclusis
faucibus venit ad mortē, cui desperanti beatus Gregorius in
somnia apparuit dicēs: Vis san⁹ fieri? At ille respōdit se velle.
Et beat⁹ Gregorius, si mihi, inquit, promiseris ea quæ tibi di-
xero fore dicturū, scito te esse sanandū: sin verō, citius mori-
turū. Cūq; ille se dicturū tota certitudine promitteret, au-
diuit, Ito, denūtiāns Sabæ, Ioāni, Benedicto Martino, Palūbo
& Antonio monachis, Laurētio coco, Gēmoso carpentario,
Accepto pistori, Andræ Romano & Leoni laicis, quoniā à
craftino isipiētes omnes diatim se moriēdo subsequēnt. Post
quorū decessum denūtiā Lucidū episcopū qui tenet id mo-
nasterium, die septimo moriturū. His dictis, monachū osci-
tare præcipēs, duos digitos in faucē coniecit: vulnūque dis-
rumpens vt excrearet iniunxit. Ille tussiens, partem coagula-
tam sanguinis in modū lapidis reuera proiecit: & ab ipsis pe-
nē

nē mortis ianuis liberatus, eadem nocte contra spem omnium matutinalibus hymnis interfuit. Mirantibus fratribus, sanitatis suae modum innotuit: quos quando & qualiter ex monasterij familia morituros preuiderit, indicauit: de sola interim episcopi morte dubitatio cōtuit. Et ē vestigio in cunctorū morti deputatorum auribus volans fatia discurrens: & dum ex relatione monachi se morituros certō die cognoscerent, dispositis suis regulis, ita se in mortem secuti sunt, sicut fuerant in somnio nominati.

xcj.

Cūque presbyter monachus Lucido episcopo tam dirum nuntium reuelare timeret, tacere autem penitus non auderet: monasterio se tandem proripuit, & ad domum episcopi non longē a flumine Tyberi regione videlicet iuxta basilicam Ciri & iohannis positam, somnium nuntiaturus accessit. Quem scilicet vbi cum pontifice in palatio prandere cognouit, expectans redeuntem, sacerdotalibus vestimentis indutum, colore fulgidū, valetudine quoque sanissimum, salutare curauit: Cui episcopus ait: Iam nunc in tota vrbe pro diuino habetis, quia de his quos morituros prænuntiasti, solus vnus remansit. At ille, vti nāc sicut & ille quem viuere putas, defunctus est: sic ipse qui hunc sequi prādictus est, exiliaret. Cūque episcopus de eo tota curiositate requireret, & monachus dicere palpitaret, tādē vbi die sexto se moriturum cognouit, expalluit atque contremuit: resumptisque viribus frenduit: quem redire volentem retinuit. Interiora cubiculi peruagus penetravit: paulatim sibi fauces dolere persensit. Deinde sibi tacto pulsu mox febris signa cognouit: monacho credidit: domum suam disposuit: ad monasterium cui praeerat, eisdem insulis redimitus; quibus a patriarcho reuersus fuerat, venit. Secunda feria cunctis tam subitam conuersionem mirantibus monachicum habitum suscepit: & paulatim ingrauescente molestia, sextae feriae diluculo subdormiuit. Ac denuō suūcitus apparuisse sibi sanctum Andream apostolum, seque circa horam tertiam vocandum esse, sibi que praeceptum perhibuit, vt quia suae mortis expectatione suspēsi monachi, sancti Fabiani munia solita celebrare non poterant, mox corpus suum sepulturae traderent: Acceptis a se cereis ac thymiamatibus ad peragenda solennia festinarēt. Hora itaque tertia episcopus laetus defungitur, vt in ipsa vultus eius laetitia conuersio ipsius deo fuisse placabilis cunctis videntibus monstraretur.

xcij.

Eodem tempore germanus cuiusdam monachi mentis insaniam passus est, ita vt humana consortia fugiens, multo tempore per uagus per cryptas solitarias, & cetera monumēta discurreret. Cuius insaniam frater nimium condolens, quotidie sanctum Gregorium prostris lacrymis precabatur, vt sibi fratrem sospitem reddere dignaretur. Itaque cum nocte quadam post huiusmodi fletus quiesceret, beatus Gregorius apparuit ei dicens: Vidēs lacrymas tuas, suscepi orationem tuam: & ecce germanum tuum tibi hodie sanum reducam. Et hoc tibi signum, quia statim vt dies illuxerit, iussu pontificis presbyter qui hic inclusus est extrahetur. Qui surgens matutinali tempore fratribus indicauit. Fortē tūc idem presbyter Campanus de loco qui Claustrum non longē a Terracina vocatur, a suis pro quodam crimine accusatus in eodem monasterio tenebatur, & temporibus multis labentibus a suis accusatoribus iam contemptus, a suis cunctis quoque fuerat in obliuione deditus, cum nullum propinquum, nullum in vrbe cognitum habere potuisset, qui de eo pontifici suggessisset, & monachi quidem pro eo satagerent, sed proficiendi aditum non haberent: pontifex diuinitus recordatus eiusdem, diluculo hunc ab ergastulo iussit extrahi, liberumque dimitti. Nec multo post monachi frater ita sanus reuersus est, vt videretur hactenus in eiusdem patris monasterio tantō fidelius deferuisse, quantō se illius adminiculo meminit ad pristinam sanitatem remeasse.

xcij.

Reuerendae quoque memoriae Nicolai pontificis tempore, regimen eiusdem monasterij Zacharia ciuitatis Anagninae praesule sicut hodie superest procurante, fundum Barbilianum cuius superius feceram mentionem, pro incolarum sceleribus daemon aggressus est: & in similitudine taurelli de pratis mugiendo ad domum recurrens, inuisibiliter suis corniculis virum sentiebatur noctu percutere, bouesque a pra-

Tomus primus.

sepiis extrahens, per contiguos campos, & compita cursu velocissimo fatigare. Cūque hoc diutius faceret, crebroque rusticis noxius immineret: huiusmodi percussionebus saxulum quendam eiusdem praedij conductorem affligendo disperdidit. Deinde bubulcos aggressus, tanta caede perdomuit, vt intra trium mensium spatium neminem illic praeter vnum tantum Vrsellum nomine, quem similiter affligebat, reliquerit. Qui Romam veniens, dum tantae cladis periculum fratribus indicaret, interrupto sermone monasterij portis egressus est, & obstupentibus monachis non nisi mane facto reuersus est. A quibus curiosē discussus quoniam se pridem tam subita velocitate proriperet, confessus est dicens: Dum vobis insaniam daemonis reuelarem, taurellus adfuit, anterioribusque pedibus me complectens, ac suis corniculis tundens, ante se cepit minare, & tota nocte me subire muros coegit & arbores. Cūq; nouissimē per pontē me conareretur demergere de complexibus ipsius exilui: eūq; toto conamine fugiēs, ad portas quas Euthymius & economus fecerat monasterij huius perueni: quas clausas inueniēs, ambabus manibus ambos eius anulos apprehendi: & dum ab eis me luctaretur auellere, quidam caluus pontifex obliquo latere se inter portarum rimas excutens, ferula caput taurelli percussit: eūque in fugam compellens, me ab illius percutionibus liberauit. Ego dum incolae deperissent, & nullus ibidem habitator accederet, ac per hoc monachi pro desolatione loci satagerent, cuidam eorum Gregorius in somnis apparens iubet, vt si daēmonem a monasterij fundo voluissent repellere, ab oratorio sanctae Martine in eodem fundo vsque ad oratorium sanctae Mariae ibidem in dominico constitutum, fratres cum litiis aquam spargentes exorcizatam procederent. Quo facto ita daēmon ab omni monasterij fundo repulsus est, vt postea per confinium limites ore naribus atque oculis flammās eiicere, porcosque cogere a subulco notatus sit: sed intra fines monasterij nunquam intrare permixsus.

xciii.

Alio quoque tempore Tergaudus quondam Treuerensis episcopus qui cum Guntario Agrippinae Coloniae episcopo a reuerendae memoriae Nicolao fuerat sacerdotali priuatus officio, liberalitate Adriani pontificis in eodem monasterio mansionem suscepit. Cui beatus Gregorius in somnis apparens, maximum terrorem, quo de suo monasterio concitus egrederetur, incussit. Ille perpendens visum fuisse phantasticum, oratione facta rursus dormire cepit. Cui Gregorius pontificali habitu redimitus apparens: Nonne, inquit, dixi tibi vt a monasterio meo, quod in rebus propriis per inuocationem sancti Andrae apostoli Domino dedicaui recederes, quia diuersorium fieri nullo modo licuisset? Cūque Tergaudus hospitandi sibi licentiam suscepisse se a pontifice respondisset, Gregorius ait: Et tu qui petisti, & ille qui dedit, vtrique contra Deum fecistis, cuius vindictam citius incurretis. Euigilans Tergaudus intremuit, & facta oratione sopori se reddere voluit, cum repente venientium sonitum audiens expauit, seque dormire simulauit. Appropinquans ergo Gregorius sanctum Andream Apostolum per dexteram tenens, praecepit subdiacono qui se praebat cum lumine, dicens: Corripe eum. Qui dum correptus in lectulo clausis oculis resedisset, Gregorius ait: Aspicere in nos. Intuitus in eos Tergaudus magis intremuit: eūque sibi taliter comminantem audiuit: Quia secundō commonitus verbis oris mei, credere noluiisti, & me tua inobedientia adeo prouocasti, vt hunc Apostolum Dei huc fatigare studuerim, scito cognoscens, quia nisi hodie ab hoc monasterio meo recesseris, futura hebdomada cum tuis omnibus vita priuaaberis. Si verō recesseris, ab hac quidem momentanea sententia liberaberis: sed neque tu neque aliquis hic tecum degentium suam patriam reuidebit. Mox Tergaudus lectulo se proripuit, & primō suis, deinde monasterij monachis, postremō quibuscunque potuit somnium reuelauit. Et quia aliud hospitium citius a pontifice impetrare non potuit, apud Sabinos confedens eodem anno cum suis omnibus vita priuatus est.

Eodem quoque tempore Suppo Piceni comes ibi applicuit, qui monachis quidem plurimam dapilitatem ostendit, & in

xcv.

ūū iij

rebus tam venerabilis monasterij vsurpationem suorum prohibuit. Huius familiaris quidam nomine Faraldus existens, siquando Suppo ad palatium processisset, fornicarias illuc detestantibus monachis non verebatur inducere, atque cum eis commestationes & saltationes illicitas celebrare. Idemque noctis principio secessum petens, à spiritibus imundis in aëre per capillos apprehensus est, cumque tota nocte pendens vocis officium non haberet, matutinalibus horis beatus Gregorius ei videndum se præbuit, dicens: Inimice Dei, non sufficiunt tibi alia mala quæ in meo monasterio peruicaciter perpetrasti, nisi insuper scenicas meretriculas in claustro monachico tanquam in theatro conducas? Crede mihi, hoc anno peribis. Tunc ille magnis cœpit viribus pœnitentiam supplicare, & de cætero plenam correctionem promittere. Continuo Gregorius iussit eum dimitti. Qui ad terram decidens, quia corrigi noluit, eodem anno veram fuisse Gregorij sententiam moriendo probauit.

xcvj.

Eiusdem comitis homo sub alio tempore Indulfus vocatus est, cui dum cocus pro comparandis lignis denarios peteret, nullo modo potuit impetrare, sed nefario iure percepit licentiam, vt ategias & fenestras & vicini dormitorij tabulas aggressus diriperet, earumque ignibus sibi prandium præpararet, cum sequenti nocte idem Indulfus ad secessum pergens, cur monasterij tabulas tam petulanter incendi præcepisset, à quodam sene discussus est. At ille more Gallico sanctum senem increpans follem, ab eo quidem virga leniter percussus est: sed vir superbus tanto pondere lapsus est, vt semiuuius humi decumberet. Eodem momento sub eadem specie cuidam clerico foris dormienti idem senex apparuit, dicens: Surge, & dic Comiti, vt ab hoc meo monasterio in quo diuerforium fieri omnino non licet, antè quàm me ad iracundiam prouocet, saluus recedat. Ecce ego familiari eius mihi obnoxio, quem videlicet percussum ante secessum dimissi, congruam medelam refundam. Quem cum quis esset clericus requireret, ipsum se esse perhibuit, qui ex pictura quæ eius lectulo præminebat, agnoscere potuisset. Statim clericus surgens lumen arripuit, & ex picturæ similitudine sanctum Andreæ Apostolum sibi apparuisse cognouit. Itaque ad Indulfum iacentem perrexit, & eum semiuuium iam reperit. Quem magnis eiulatibus clamare incipiens, tam comitem quam cunctos qui sub eiusdem domibus dormiebant, miserabili vociferatione venire coëgit, & in faciem iacentis aquam suffundens, per inuocationem sancti Andreæ apostoli tandem aliquando loqui fecit: atque cuncta quæ sibi reuelata fuerant, cum eo pariter Comiti reuelauit. Qui die facto monachos euocauit, quid contra sanctum Andreæ commiserit, querelabundus inquirere cœpit. At illi delatum dormitorium cocorum manibus ostenderunt. Cumque Deo deuotus Comes eos vellet supplicio subiugare, confessi sunt se illud ædificium Indulfi iussionibus deleuisse. Pro cuius reparatione dum Comes monachis argentum voluisset tribuere. Sergius magister militum restitit, promittens se pro eo melius refecturum. Mox Comes humiliter à monasterij claustro secedens, ad domum Petri filij quondam Caroli cum omnibus suis concessit: neque ulterius in eodem monasterio hospitium sibi dari concessit. Indulfus verò in domo eiusdè Sergij magistri militum derelictus disperit, sibi que sanctum Apostolum præualuisse suo ipsius detrimento monstrauit.

xcvij.

Nuper Dominicus quidam presbyter, Zacharia episcopo, de quo præfatus sum, Gregoriani monasterij curam gerente, præpositus extitit monasterij: qui carnis fragilitate corruptus, Eupraxiam quandam sanctimoniam à monasterio sancti Andreæ Apostoli quod appellatur Cliuus Scauri, diripuit vel subduxit, & in regione septem viarum loco qui dicitur Vipera, collocauit. Cui cum corrupta sanctimonialis, quia latrinam & furnum cõtiguum non habebat, crebrò videretur molesta: infelix presbyter peccatum peccato connectens, vt meretriculæ placere potuisset, beatum Gregorium non recusauit offendere: cuius mirabilis imò saluberrimi fontis regulas diripiens, secessum & furnum prostitutæ fœminæ non erubuit fabricare. Quibus peractis, cum sequenti nocte iam securior à querelis lasciuiæ mulieris in eadem domo dormiret, vidit duos quosdam terribiles cubicularios se ligatis

manibus ad venerabile monasterium reducentes. Quos interrogans cuius præcepto sibi talia facerent, audiuit hoc Romanum pontificem præcepisse. Fortè tunc Ioannes sanctæ sedis apostolicæ pontifex contra Sarracenorum incursum littora peragrabat: cuius absentia ligatus presbyter recordatus, increpando subiunxit: Donnus Papa pridie contra Sarracenos perrexit, & vos quomodo dicitis quòd ipse me ligari iusserit, qui cum postea non vidistis? At illi dixerunt: S. Iannes Papa hinc abiit, sanctus Gregorius hinc remansit, qui monasterij sui claustra solito more perlustrans, à te suum fontem reperit dissipatum, & nos ex eius tegminibus tuæ meretriculæ furnum ac necessarium vidimus coopertum. Quod presbyter vt audiuit, erubescens intremuit, eorumque violentia se in corte monasterij teneri conspiciens, quendam subdiaconum ab intimis egredientem, atque cubiculariis dicentem audiuit: Extendite eum, & cum quadraginta rubricis vëtre, totidemque dorsum fornicatoris atque sacrilegi presbyteri verberate. Quarum doloribus re vera presbyter iam febricitans, excitatus ad monasteriũ caballo impositus, dextra læuâque ab aliis sustentatus recurrit, reatus sui sententiam fratribus indicauit, quodque inuisibilibus verberibus sub febris specie laniatus, nihil aliud dicere poterat, nisi, Domine reficio, domine reficio. Cumque interrogaretur cur hoc tam frequenter repeteret, dicebat se sub continuo verbere gemere: sicque sexto die sub hac miserabili voce defunctus est. Si quidem plurimis documentis probatum est in eodem venerabili monasterio fornicationis cõtatione pollutos diu subsistere omnino non posse.

Quo scilicet hætenus libra omnisque mensura quam idem beatus Gregorius instituit, cum modio referuatur: de cuius mensura siquis ad opus monasterij panes velit efficere, triginta & quinque sunt, singuli duntaxat trium librarum, si quis verò ad opus alterius, ad eundem numerũ nunquam pergit. Quod cum præfatus Zacharias episcopus pro certo vellet addiscere, pro celebranda festiuitate beati Andreæ Apostoli decem modiorum tritici mensuram pistoribus dedit: è quibus pro vndecim modis multiplicatos obstupefactibus eisdem pistoribus, panes recepit: qui vtique sollicitè prius denumerâtes, si superfluos aliquot inuenissent, sibi proculdubio referuarent.

Sanè quàm frequenter beatus Gregorius tam illic quàm in Apostolorum basilicis, necnon in patriarchio nunc exhortans innoxios, nunc verò deterrens obnoxios in ipsa suæ cognitionis effigie appareat, quia nunc narrare non valeo, hinc huius operis adminiculante Domino terminum facio: & reliqua eiusdem patris miracula post me doctoribus memoranda relinquo. Cuius nimirum venerabile meritum quousque mundi huius orbita voluitur, vt cum Paulo viro discretissimo fatear, semper accipiet incrementum: quia ipse sine dubio gratia ascribitur, vel quod Ecclesia noua semper sobole fecundatur, vel quod illius doctrinis multi per peccatum elongati, ad Christi clementiam reuertuntur: vel quòd boni quique ipsius suasionibus inflammati cœlestem patriam desideranter inquirunt.

Ecce studiosè pontificum, iussionis tuæ virtute coactus, dum quædam gestorum beati Gregorij prædecessoris tui, Saxonum videlicet gentis Apostoli, deslorare desidero, virum descripsi rhetoricum scriptor ignarus. Sed deprecor vt ea curiositate qua me dudum hæc decerpere iusseras, ad omnium (sicut cœpisti) facias peruenire notitiam: vt in eo quod sacrosancto vestro iudicio placuisse me gaudeo, nulli penitus diiudicandus addicar, quin potius iudicaturus inueniar. Siquidem nuperrimè quando hunc quartum librum cooperante Domino claudere gestiebam, nocte qua dominicæ resurrectionis dies venerabilis illucebat, in somnis describens, quidam sub effigie cuiusdam veteris insidiatoris palam videndum se præbuit, & candidissima tunica simulque tenuissima, cuius nimirum raritate nigredo subterioris tunicæ extra lucebat, sacerdotaliter insignitus mox proprius astitit, & inflatis buccis risum continere non potuit. Cui dum curulem præparare cogitarem, hunc supra modum cachinnantem cõspiciens, compellare videbar, quamobrem nocturno silentio tam petulanter, vir officij grauioris perstreperet. At ille, quia,

inquite

xcviij.

xcix.

c.

inquit, tu scribis de mortuis, quos viuentes aliquando nunquam vidisti. Cùmque ego tantò me veraciùs scribere, quantò incognitum facie, non autem incognitum lectione, sine villo lioris, vel adulationis vitio retuliffem, respondit: Tu, sicut video, quod voluisti fecisti: at ego, quæ facere potero, non cessabo. Hæc dicens lucernæ flammæ cuius lumine fortè fruebar, prorsus extinxit: & lychnum totum quidem extinguere non potuit, me tamen in tenebris constitutum ita perterritum, vt putarem me gladiis ab eo protinus iugulari: cùm post paululum desperanti mihi beatus Gregorius comitante secum dextrorsum reuerendæ memoriæ Papa Nicolao, sinistrorsum verò (sicut mihi videbatur) Petro suo diacono, multo lumine clarificatus apparuit, dicens: Modicæ fidei, quare dubitasti? Cui dum ego priori pauore perculsus respondere non possem, beneuolus mihi pater Nicolaus latentem aduersarium post cortinam quæ tunc meum lectulum circumdabat, digito manifestans, quia, inquit, hic inuidus lucernæ ipsius flammæ quantum in se fuit, extinxit. Mox Gregorius manum diaconi qua magnam facem tenere videbatur, arripit, eiùsque flammis os faciémque petulantis exurens: ad instar Aethiopis denigravit. Qua ex vstione paruissima scintilla descendens, candentem tunicam dicto citius conflagrauit: sicque nigerrimus totus apparuit. Cunque diaconus diceret satis aduersarium denigratum, beatus Gregorius, Nos, ait illum non denigrauimus, sed nigrum fuisse monstrauimus. Deinde infortunium meum diuersis consolationibus exhortans abscessit: & faciem quidem secum detulit, sed tanto lumine locum in quo dormiebam, re vera fulgentem dimisit, vt expergefactus pueros ante me dormientes crebrius inclamarem: nec antè quicquam sub graui sopore quoquo modo responderent, aut surgere potuissent, quàm relictæ lucis copia paulatim se subtrahens, penitus effluxisset. At de his Deus viderit: ego tamen diuinæ spei fiducia roboratus, quia Gaudericus episcopus Veliternus expostulat, ad Clementem Romanæ sedis antistitem suffragante Domino styllum conuertam: quatenus qui continuis infortuniis tenuatus, amicis meis à quibus vt cunque sustentor, meritum rependere nequeo, saltem verba quæ valeo minimè denegasse cognoscar.

*Explicit liber quartus Vita beati Gregorij
Romani pontificis.*

SVscipe Romuleos pastor venerande triumphos
Gregorij sancti, suscipe gesta tui
Qui nituit factis, verbis, scriptisque beatis,
Vt iubar auricomi solis in orbe cluit.
Norma, decus, speculum tibi sit via, vita per æuum,
Tomus primus.

Si cupis æternum ferre sacerdotium.
Nam qui non huius sequitur vestigia præsul,
Ante deum præsul non erit, imò pecus.
Hinc Psalmista canit hominem simulare caballis
Ignauum stultis, qui sub honore perit.
Nocturnum dedimus sancto, cantumque diurnum,
Carminibus clarum concinimusque virum.
Redde vicem scriptor seruans cola, commata, puncta:
Ne tua mendosum pagina seruet opus.
Dissimilis cunctis vox, vultus, vita, voluntas,
Mens sociata bonis, dissociata malis.
Ludere me libuit variabilis ordine campi:
Postquam prosa fugit, musa iocosa redit.
Hæc mihi tu tribuis doctor preciose Gregori,
Qui bona das famulis, sed mala nulla tuis.
Vestitus cœpi, nudus tua munia dixi:
Indue me factis velleribusque tuis.
Et quia mortalis desunt commercia carnis,
Da mihi sub pedibus posse iacere tuis.

VITA D. GREGORII MAGNI PER ADO- nem Episcopum Treuerensem.

*Vixit hic
anno domi-
ni. 1070.*



Romæ depositio sancti Gregorij Pape, qui nobili genere liberalibus artibus eruditus est. Deinde defunctis parentibus sex in Sicilia monasteria construens, septimum intra vrbs muros constituit. In quo ipse post secularem habitum multis fratribus aggregatis, sub Abbatis imperio strenuè militauit, & suæ nobilitatis lineam moribus extulit, probis actibus decorauit. Nam qui antè sericis vestibus ac gemmis micantibus per vibem solebat procedere trabeatus, post vili contactus tegmine, ministrabat pauper ipse pauperibus. Quibus monasteriis tantum de redditibus prædiorum delegauit, quantum posset commorantibus ad quotidianum victum sufficere, reliqua verò vendidit, ac pauperibus erogauit. Deinde coactus & multum renittens, factus vrbs Romæ summus Pontifex, Anglorum gentem ad fidem conuertit, directis videlicet sui monasterij monachis, Melito, Augustino atque Ioanne, & cum eis aliis plurimis fratribus. Regit autem gloriosissimè Romanam ecclesiam annis xiiij. mensibus sex, & diebus decem. Augmentauit etiam in præfatione Canonis, Diesque nostros in tua pace dispone.

ûû iiij

Vixit hic
anno Do-
mini 1300.

VITA D. GREGO-
RII MAGNI PER SIMEO-
nem Metaphrastem.



BEATVS GREGORIVS, QVI sanctę Dei Ecclesię Romanę Pontifex fuit, antequam fieret Patriarcha; monachus erat in monasterio sancti Andreę Apostoli, ad clium Scauri, prope templum sanctorum martyrum Ioannis & Pauli. Atque illi quidem monasterio ipse pręerat. Matrem verò habuit beatam Syluiam, quę tunc iuxta portam sancti Apostoli Pauli locum patrum, qui Cella noua dicitur, incolebat. Accidit vt, cum in cellula ipse sua federet & scriberet, accesserit ad eum mendicus voce supplici: Miserere mei, inquit, serue Dei altissimi, qui cum essem naui gubernator, naufragium feci, & aliena meaque perdidit. At ille, vt benignus in pauperes, ac verę Christi seruus, vocato procuratore: Da, inquit, frater huic sex nummos aureos. Frater autem id, quod seruus Dei Gregorius mandauerat, fecit, mendicoque pecuniam dedit. Eodem rursus die pauper idem ad beatum Gregorium venit, & Miserere mei, inquit, serue Dei altissimi, qui cum multa amiserim, parum abs te accepi. Beatus autem Gregorius ministrum suum iterum vocauit, dixitque vt sex item nummos eidem pauperi numeraret. Ac frater quidem paruuit. Sed pauper cum acceptis duodecim numis discessisset, ad beatum Gregorium paulò post rediit eodem die: Miserere, inquit, mei, serue Dei altissimi, & aliquid rursum elargire, quoniam magnam iacturam feci. Procuratore tertium accersito, Da frater, inquit, huic pauperi sex alios nummos. At ille respondens: Crede mihi pater, inquit, ne vnus quidem in arca relictus est nummus. Cui beatus Gregorius: Nonne aliud quicquam habes in promptuario, vt vas aliquod aut vestimentum, quod pauperi largiaris? Nullum, respondit ille, vas habemus, pręter argenteum illud, quod magna domina de more leguminibus plenum misit. Abi, inquit seruus Dei Gregorius, atque illud pauperi prębe. Frater autem fecit, quod sibi à beato Gregorio mandatum fuerat. Pauper igitur, acceptis duodecim numis & vase argenteo discessit. Cum autem in sanctissima & maxima Dei Ecclesia veteris Romę creatus esset Patriarcha, & quemadmodum Patriarcharum est consuetudo, quodam die thesaurario mandasset, vt duodecim pauperes ad mensam suam conuocaret, qui secum pranderent, paruuit ille, ac pauperes conuocauit. Verum cum discubissent cum Patriarcha, deprehensi sunt esse tredecim. Quamobrem accersito thesaurario: Nonne, inquit, mandauit tibi, vt duodecim vocares? Cur igitur tredecim vocasti pręter sententiam meam? His ille auditis perterritus: Crede, inquit, mihi venerande domine, duodecim sunt nec alius quis-

quam, pręter Patriarcham, tredecim vidit. Inter pręstendendum igitur Patriarcha tertiumdecimum illum spectabat, qui in summo scamno confidebat. Et ecce facies eius varias formas sumebat. Modò enim senex, modò adulescens ille videbatur. Itaque cum è mensa consurrexissent, beatus Gregorius reliquis omnibus dimissis, tertiumdecimum illum, qui tam admirandus ipsi visus fuerat, manu apprehensum in cubiculum duxit, & allocutus est ad hunc modum: Adiuro te per magnam omnipotentis Dei virtutem, vt aperias mihi, quis sis, & quo nomine appelleris. Et ille: Cur, inquit, nomen meum quęris, quod est admirabile? Ego sum pauper ille, qui ad te veni in mansionem sanctę Andreę Apostoli, ad clium Scauri, cum tu in cellula tua sederes ac scriberes, cui duodenos dedisti nummos; & vas quod tibi beata mater tua Syluia cum leguminibus miserat. Itaque cum perspicuum fuerit, te in cordis simplicitate, & patientia constantem permanisse, ex quo die mihi hæc tribuisti constituit Dominus, vt Ecclesię sanctę suę; pro qua proprium etiam sanguinem effudit, Pontifex fieres, & Petri principis Apostolorum successor esses, vt posses omnibus, quodcunque opus foret, subministrare. Vnde, beatus inquit Gregorius nosti, tunc Dominum, vt ego Pontifex fierem, decreuisset? Quia respondit, sum Dei Angelus omnipotentis, idcirco id noui. Et tunc Dominus misit me, vt animi tui propositum explorarem, & vtrum humanitate ductus, an ostentatione faceres eleemosynam. Quo beatus Gregorius audito timuit, neque enim antea eum Angelum esse cognouerat: & ideo cum illo, tanquam cum homine, egerat, & locutus fuerat. Dixit autem Angelus ad beatum Gregorium: Ne timeas, misit enim me Deus, vt tecum verfer in hæc vita. Quod ille cum audisset, humi prostratus in faciem suam, adorauit Dominum: Si propter exiguum hanc inquit, ad promerendum animi propensionem tantum benignitatis cumulum clementissimus Dominus declarauit, vt Angelum suum mitteret, qui mei in perpetuum custos esset, quęnam eorum futura est glorię magnitudo, qui mandatis eius obtemperabunt, & iustitiam colent? Verax enim est ille, qui dixit: Iudicio misericordiam præstari, & Deo scenerari eum, qui pauperis miseretur. Quinetiam ipse Dominus Angelorum, qui salutis hominum auctor est, eos qui à dextris erunt collocati, sic alloquetur: Venite benedicti patris mei, paratam vobis à mundi constitutione suscipite regni hereditatem. Et esuriui enim, & dedistis mihi manducare. Sitiui, & dedistis mihi bibere. Hospes eram, & collegistis me. Aeger, & visitastis me. Nudus, & operuistis me. In carcere, & venistis ad me. Quatenus enim fecistis vni ex his fratribus meis minimis, mihi fecistis. Quam quidem beatam vocem vtinam audiamus nos omnes qui hæc vel legimus, vel audimus, & consequamur ea bona sempiterna, quę parauit Deus iis, à quibus diligitur, per gratiam atque humanitatem Domini nostri Iesu Christi, cui gloria in secula seculorum, Amen.

Gregorius

Floruit hoc
anno domi-
ni. 1460.

VITA D. GREGO- RII PAPÆ EX PLATINA.



Gregorius patria Romanus, patre Gordiano, viro senatorio, vno omnium consensu inuitus etiam pontifex creatur, anno Domini D. X. C. Monachus namque erat ac leuita. Is autem, cum principis consensus requireretur, nuntios cum literis miserat, qui Mauritium obsecrarent, ne pateretur electionem cleri & populi Romani ea in re valere. Interceptæ sunt literæ à præfecto vr̄bis ac discerp̄tæ, scriptæque aliæ quibus rogabatur, vt quem populus ac clerus in Pontificem legisset, eundem imperator confirmaret: quo nihil ei nuntiari iucundius ac gratius potuit, cum secum famiariter, dum Constantinopoli erat, Gregorius vixisset, filiumque eius è fonte baptismatis leuasset. Remittit itaque Mauritius nuntios, ac quidem properè, qui Gregorium confirmarent, cogerentque hominem sanctissimum pontificatus gubernacula in tanta perturbatione rerum suscipere. Is itaque non sibi ipsi, sed vtilitati hominum, ac honori diuino consulens, quem certè ob religionem & pietatem rebus omnibus semper antetulerat, sp̄etis opibus, posthabitis voluptatibus atque omni ambitione & potentia, gubernacula reipublicæ Christianæ suscipiens ita vixit, vt vsque ad tempora nostra neminem ex successoribus parem habuerit, nedum superiorem vel sanctitate vitæ, vel diligentia in rebus agendis, vel doctrina & scriptis. Nam & librum de sacramentis composuit, & antiphonariũ tam diurnum quam nocturnum, & commentarios in Ezechielem, & quadraginta homilias in euangelia, in Iob quoque allegoricè ad mores & historiam respiciens, eleganter scripsit. Edidit & libros quatuor in dialogo, & librum quem Pastoralem appellauit, ad Ioannem episcopum Rauennatem de ratione gubernandæ ecclesiæ. Instituit præterea, ne quid ornatus & concentus inter sacrificandum deesset, vt antiphonæ canerentur: hæ vulgo introitus vocantur. Eius quoque inuentum est, vt nouies Kyrie eleison caneretur, & Alleluia interpositis Septuagesimæ diebus vsque ad Pascha. Cantatur etiam post Euangelium, post communionem suo mandato. Idem quoque in canone redegit, Diesque nostros in tua pace disponas. Præterea verò supplicationes maiores, quas Græci litanias vocant, primus instituit. Stationum quoque magnam partem, maxime autem quæ in basilica Petri habentur, die natali Iesu Christi, in epiphania, in dominica Passionis, in albis Paschæ, in Ascensione, in Pentecoste, in natalibus Apostolorum, in tertia dominica Aduentus, in dedicatione eiusdem basilicæ, die festo sancti Andree, in cathedra Petri, dum maior Litanía fit in sabbato quatuor temporum. Quid plura de hoc sanctissimo viro commemorem? cū omnis institutio ecclesiastici officij, veteris præsertim, ab eo sit inuenta & approbata, quem quidem ordinem vtinam sequeremur. Non abhorrent hodie à lectione officij viri docti, quemadmodum faciunt propter barbariem nescio quam illi latinitati & compositioni additam. Ne verò vlla in re vir sanctissimus ecclesiæ deesset, synodum habuit apud S. Petrum quatuor & viginti episcoporum, quæ certè multa sustulit quæ nocitura, multa etiam addidit quæ profutura fidei nostræ videbantur. Misit & viros optimos in Britanniam; Augustinum, Melitum & Ioannem, cumque his monachos quosdam probatissimæ vitæ: quorum monitis & prædicationibus fidei nostræ dogma Angli tum primum integrè receperunt. Rediere etiam Gothi Gregorij opera ab vnionem catholicæ fidei. Sunt præterea qui scribāt Gregorium dialogum suum de moribus ad Theudelindam longobardorum reginam misisse, cuius lectione præferocem & indomitum viri sui Autharis animum, ad religionem & mitiorem cultum redigeret. Erat enim matrona insignis, & fidei Christianæ studiosissima. Nam & basilicam beati Ioannis Baptistæ Modætiæ ædificauit, quod oppidum decem

millibus passuum à Mediolano distat: & eandem ecclesiam prædiis ac vasis aureis ornauit. Ferunt eo tempore, quo Hermichildus à patre Leuigildo Gothorum rege interfectus est, quoddam fidem catholicam confiteretur, Iesu Christi tunicam, quæ sorte vni militum obtigerat, inuentam esse apud vr̄bem Zaphat in arca marmorea eo loci repositam, Thomæ Hierosolymitani episcopi, & Ioannis Constantinopolitani, ac Gregorij Antiocheni tempore. Interea verò Mauritius saep̄ratis in Hetruria & Campania, Exarcho Romano duce, & Longobardis, in omnia vitia & omnem arrogantiam prolapsus, legem tulit, vt qui Romanæ militiæ ascriptus esset, nisi finita militia, aut mancus & debilis ex vulnere factus, Deo militare non posset. Hanc ob rem motus Gregorius hominem admonet, ne eius religionem impugnet, cuius benignitate ex infima sorte hominum, ad summum gradum dignitatis peruenerat. Præterea verò cum Ioannes Constantinopolitanus episcopus habita Græcorum synodo, seipsum œcumenicum, id est, vniuersalem patriarcham creasset, monuissetque Gregorium Mauritius, vt Ioanni obtemperaret, respondit homo constantis, ingenij & fidei, potestatem ligandi & soluendi Petro traditam eiusque successoribus, non episcopis Constantinopolitanis: proinde desineret iram Dei in se concitare, dum seditiones studiose nimium in eius ecclesia ferit. Nequaquam verò his malis contentus Mauritius, reuocatis militibus suis, qui in Italia erant, Longobardos adhortatur, vt sp̄etis fœderibus iam ictis, Romanos adorirentur. Quare Agilulphus & Cisalpina mouens, vastatis longè ac latè Etruriæ agris, qua iter faciebat, vr̄bem Romam magnis illatis calamitatibus integrum annum obsedit. Quo quidem tempore Seuerus Aquileiensis episcopus in hæresim prolapsus est, quæ multorum malorum seminarium fuit. Nam Seuero mortuo, Aquileiensis ecclesia bifariam diuisa est, cum Agilulphus Longobardorum rex, Ioannem Aquileiensem, Gregorius Candianum Gradensem Foroiulianis episcopos præfecissent. Agilulphus verò, omiſsa spe potiundæ vr̄bis, obsidionem soluens, Mediolanum rediit. At Mauritius non sponte, sed coactè poenitentia ductus, cum Gregorio mitius agere cœpit, quod intellexerat quendam monachi habitu indutum, strictum gladium in manu tenentem, in foro Constantinopolitano clamasse, Imperatorem breui gladio moriturum. Hoc idem eius somnium confirmauit, quo se, vxorè ac liberos cædi videbat. Interim verò milites stipendiis suis defraudati, Phocam cæturionem imperatorè creant, & Mauritium obruncant vndegesimo imperij sui anno. At Gregorius exornatis quibuscunque rebus potuit basilicis Romanis, dedicatæque Gothorum ecclesiæ, quæ in Sabura est Agathæ martyris nomine, flauij Ricimeris viri consularis opus (vt literæ suæ indicant) paternam domum in Cliuo Scauri positam non longè à circo maximo, in monasterium redegit. Quo in loco & hospites continuò accipiebat, & pauperes vndique confluentes, cibo & potu in vita retinebat. Vir certè omni laude dignus, si vitam, si mores, si doctrinam, si solertiam in rebus tum diuinis tum humanis inspicias. Neque est cur patiamur Gregorium hac in re à quibusdam literarum ignaris potissimum carpi, quoddam suo mandato veterum ædificia sint diruta, ne peregrini & aduenæ (vt ipsi fingūt) ad vr̄bē religionis causa venientes, posthabitis locis sacris, arcus triumphales & monumenta veterum cum admiratione inspicerēt. Absit hæc calumnia tanto pontifice Romano præsertim cui certè post Deum, patria, quàm vita, charior fuit. Multa profectò ex collapsis ædificiis exedit vetustas, multa præterea demoliuntur homines ædificandi gratia, vt quotidie cernimus. Impacta illa foramina quæ tum in concauo fornicum, tum in conuincturis marmorum quadratorumque lapidum videntur, non minus à Romanis, quàm à barbaris auellendi æris causa crediderim. In fornicibus enim, quo leuior esset moles, ellas cum numismatibus collocabant: lapides verò quadratos æneis clauis firmabant. Factum id quoque à Romanis dixi, si Epirotæ, Dalmatæ, Pannonij & sex totius orbis terrarum huc missa, Romani appellari possunt: Gregorius autem confirmata omni ratione ecclesia Dei, anno xiiij. mense vj. die x. pontificatus sui moritur: Phocæ verò imperatoris anno secundo, sepeliturque collachrymantibus om-

VITA DIVI GREGORII PAPAE

nibus in basilica Petri, ante secretarium, quarto idus Martij. Eius verò in morte mensibus quinque, diebus decem & novem, sedes Romana tum vacat.

ONVPHRII ANNOTATIO.



ULTA de hoc pontifice dicenda essent, à Platina vel omissa vel leuiter tacta, puta de stationibus, ritibus Ecclesiasticis, cantoribus, septem Romana Ecclesia officis, videlicet primicerio, secundicerio, arcario, sacellario, adminiculatore, primicerio defensorum & protoscrinario cum xij. scriniarijs, & alijs multis. Illud tantum de eius sepulchro dicam: Quod moriens in extrema porticu ante basilicam sancti Petri Apostoli, prope secretarium, quod nunc dicitur, sancta Maria de Febre (ubi etiam sepulti fuerunt Leo, Simplicius, Gelasius, Symmachus & aliquot alij Romani pontifices,) conditus est, vt lib. 4. eius vite tradit Ioannes diaconus: cuius corpus postea Gregorius iij. intra basilicam transfudit, & sub beati Andrea Apostoli altari collocavit.

gnissimus, si vitam, si mores doctrinamque inspicias, si solem-tiam cum in diuinis, tum in humanis rebus respicias. Hic quoque Anglos omnes & Vicegothas hæreticos ad fidem Christi conuertit, & ad vñionem veritatis reduxit. Confirmata denique hoc pacto ex omni parte Ecclesia, sanctissimus hic Gregorius secundo Phocæ imperatoris anno migravit ad Dominum. Cuius corpus in diui Petri basilica omnibus con-lachrymantibus quarto idus martij sepultum fuit: atque eo die eius natale celebratur. Eoque mortuo sedes vacavit men-sibus quinque, diebus novemdecim.

VITA D. GREGO- RII PAPÆ EX HISTORIA

Claruit hic
anno Domi-
ni 1516

vniuersali Fr. Ioan. Laziardi Cœlesti-
ni Parisiensis.

GREGORIUS primus, natione Romanus, cœ-
pit anno ccccccxxvj. cuius assumptio gratiosa at-
que miraculosa fuit. In cathedra Petri sedit annis
xij. cum dimidio, & diebus decem. Hic primus
Romanorum pontificum se seruum seruorum Dei scripsit.
Antiphonas regulariter intonatit. Introitus in Missa statuit,
ad populum demulcendum. Deinde Kyrie eleison nouies, à
Septuagesima vsque ad Pascha Tractus cantari præcepit, &
post prædicta Euangelium & Offertorium ordinauit. Statuit
etiam vt oratio dominica decantaretur alta voce, & vt sem-
per in principiis horarum, Deus in adiutorium meum inten-
de, à presbytero dicatur. Hic in singulis Romanæ vrbis Ec-
clesiis, in remissionem peccatorum, stationes singulis diebus
Quadragesimæ ordinauit per fideles deuotione promptissi-
ma celebrandas. Et quia in dictis stationibus ipsarum institu-
tor beatus Gregorius & plures in suo pontificio successores
singulis eas digredientibus concessere indulgentias: vnde an-
nuatim diebus Quadragesimæ plebs frequentat Romana,
consequi arbitrans pœnæ debitæ ex fomite peccati relaxa-
tionem. Dictus etiam Pontifex ne antiquæ idololatriæ semen-
bra fecit generaliter amputari. Hic addidit in Canone Missæ,
Diesque nostros in tua pace disponas. Quanta gratia emicue-
rit, quanto scientiæ lumine præditus fuerit, quantum præ sen-
tibus & futuris exemplo operis & scripturis prodesse studuc-
rit, mortalis lingua vix explicare posset. Eodem tempore tu-
nica Domini inconfutis in ciuitate Zaphat, non longè à
Hierosolyma, Simonis Iudæi confessione inuenta, ab Epis-
copis Gregorio Antiochiæ, Thoma Hierosolymitano &
Ioanne Constantinopolitano, Hierosolymas portata est. Eo-
dem tempore apparuit in cœlo stella cometa. Nata sunt eò-
dem tempore prodigia in suburbio Byzantijs, puer videlicet
quadrupes, & alter duos vertices habens. Eodem etiam tem-
pore signum sanguineum in cœlo apparuisse visum est, &
quasi hastæ sanguineæ, & lux clarissima quasi per totam vi-
debatur noctem. Quædam mulier etiam infantem peperit si-
ne oculis, sine manibus, qui à lumbis infra erat sicut piscis.
Sed & apud Aegyptum in Nilo flumine apparuerunt duo a-
nimalia humanæ formæ, vir scilicet & mulier. Vir quidem e-
rat pectorosus, & vultu terribilis, rufa coma, canisque per-
mixta, qui vsque ad lumbos cinctus monstrabatur & nudus:
reliqua verò membra corporis cooperiebat aqua. Mulier ve-
rò mamillas habebat, & femineum vultum, caesariemque
prolixam, & vsque ad horam nonam modo & formam prædi-
ctis se palam cunctis videre volentibus ostendebat. Eodem
etiam tempore Sol à meridie vsque ad meridiem minoratus
est de tertia parte. Quo in tempore sanctus Lupus, qui patro-
nus est contra morbum caducum, Ecclesiam regebat Seno-
nesem. Dicto etiam tempore beatus Gregorius misit Augu-
stinum cum Melito & Ioanne in Angliam, qui regem Atha-
bertum vna cum gente sua Christi baptismo insignierunt.
Hoc refert expresse historia Amoriani in gestis Francorum
lib. 3. dicens, quod beatus Gregorius quasi in sui pontificatus
initio

Vixit hic
anno Domi-
ni 1503.

VITA D. GREGO- RII PAPÆ EX IOANNE Stella sacerdote Veneto.



GREGORIUS magnus, Papa eius nom inis
primus, natione Romanus, patre Gordiano vi-
ro senatorio, post Pelagium pontificem sedit
annis tredecim, mensibus sex & diebus decem.
Doctor quidem eruditissimus humilimusque; at-
que sanctissimus: qui primus omnium pontificum se seruum
seruorum Dei nominauit ac scripsit. Hic, vt dictum est, pri-
mo monachus & leuita existens, pontificale munus in multa
rerum perturbatione constitutum, tandem inuitus suscepit:
in quo sanè ita vixit, vt vsque ad tempora nostra neminem
ex successoribus habuerit parem, nedum superiorem, vel san-
ctitate vitæ, vel diligentia in rebus agendis, vel doctrina &
scriptis. Ea propter meritò terrestris Angelus vocari prome-
ruit. Hic itaque suscepta dignitate, synodum apud sanctum
Petrum vigintiquatuor episcoporum habuit. In qua quidem
Gratiano testante, multa iustulit quæ nocitura erant, & mul-
ta edidit quæ profectura fidei nostræ videbantur: & præser-
tim quæ subiecta sunt ordinauit. In ea quippe synodo primò
quatuor cōcilia, scilicet Nicænum, Constantinopolitanum,
Ephesinum & Chalcedonense decreto publico approbavit
& confirmavit: necnon & quintum veneratus est, vt habe-
mus in Can. dist. v. cap. Sicut S. Euangelij. Vetuit item eo in
concilio, vt nullus bigamus ordinaretur presbyter. Manda-
uit præterea vltimam defuncti voluntatem modis omnibus
obseruari debere: xij. quæst. i. cap. Volumus vltima. Vetuit
item monasteria monialium introire, & earum commatres
fieri posse. Addidit denique quadragesimali ieiunio quatuor
dies, primo videlicet quartam, quintam, sextam feriam, &
sabbatum, vt habetur de Consecrat. dist. v. cap. Quadragesi-
mam. Introitumque Missæ cum vno versu alicuius Psalmi or-
dinauit. Eius etiam inuentum fuit, vt nouies Kyrie eleison
diceretur: & Alleluia, & Offertorium, ac post communio-
nem caneretur. Idem similiter in Canone addi, Diesque
nostros in tua pace disponat, mandauit: rursus in principio
omnium horarum canonicarum, Deus in adiutorium meum
intende, cum Gloria patri dici debere. Supplicationesque
maiores propter pestem sedandam, atque stationes pro ma-
iori parte instituit. Quid plura? omnem Ecclesiasticæ officij
institutionem ipse sanctissimus pontifex instituit & appro-
bavit. Ipse quoque adhuc monachus in Sicilia sex monaste-
ria ex paternis facultatibus ædificauit. Domum insuper suam
Romæ religioni dedicauit. Ipse etiam Traianum imperato-
rem ab inferno liberauit. Pauperes præterea in domum patro-
nam vndique confluentes excepit, & in vita cibumque ac po-
tum semper ministravit. Fuit denique vir hic omni laude di-

Id testatur
Ioan. da-
masce. in ser-
mone de mor-
tuis adiu-
uandis.

initio Augustinum, Melitum & Ioannem ad gentem destinavit Anglorum siue Britonum, conuertendam: regiſque Francorum & praelatis Ecclesiarum per quos transitum facere debebant, suis praecepit literis, ut ipsos commendatos habentes dirigerent in agendis: quorum praedicatione Anglorum plebs fidem suscepit orthodoxam, de quo beatus Gregorius in Moralibus faciens mentionem, sic dicit: Ecce lingua Britanniae, quae nihil aliud nouerat, quam barbarum frendere,

iam diuinis in laudibus verba coepit Hebraea sonare. Ecce quondam tumidus iam substratus sanctorum pedibus seruit Oceanus. Et barbaros mores quos terreni principes domare nequiuert ferro, pro diuina formidine sacerdotum ora simplicibus verbis ligant: & qui catenas pugnantium infidelium nequaquam metuerat, iam nunc fidelis humilium verba timet.

BAPTISTAE MANTVANI CARMELITAE

Theologi in laudem D. Gregorij Papae epigramma.

Currite pastores ouium, quae pascua tondent
Caelica, quae Christi fontes, & flumina potant
Currite, Gregorius Romanae maximus urbis
Pastor adit superos, totus laetatur olympus.
Hae Martis bissexta dies, iam duxit Apollo
Frigore ab hyberno meliora ad sidera currum.
Insignis pietate pater fugitiua relinquens
Gaudia, & ad caelum nixu conuersus anhelat
Vela dedit, nostraeque ratem de littore soluit.
Nomina, rura, domos, terrena peculia vendens
Emit opes immortales: patrimonia factis
Grandia cenobiis (meminit Trinacria Roma,
Helia ab antiquis Luza appellata) reliquit.
Sic diues, sic factus inops, & viuere adortus
Coelestem vitam in terris consortia diuum
Emeruit, sicut quando sub imagine Nautae
Naufragium passi matris cratera recepit
Angelus, & rursus quando inter prandia finxit
Nunc iuuenis, nunc ora senis, cum sacra litanti
Ante oculos Romae diui responsa dederunt.
Et cum Romanae post tot crudelia gentis

Funera Caesaris residens in mole sepulchri
Angelus abscondit rutilantem caede machaeram.
Altus erat, fecit se humilem, potuitque putari
Decoxisse, tulit piceo vestita cucullo
Tempora: purpureas vestes pertæsus, & aurum,
Sed quanto magis ima petit, tanto altius alis
Præpetibus fertur virtus: est lucida quanquam
Non velit, apparet, solique simillima mittit
Per rimas tenues radios, seque indicat ipsam.
At quid opus multis? Petro successit, & alto
In solio residens fastum nesciuit, & ægra
Mente tulit summum tanquam graue pondus, honorem.
Ore, manu facundus erat: monumenta superflunt
Plurima, satur adhuc, nec fari desinet vnquam.
Hic docuit cantare choros, melicisque animauit
Verba notis, sacrisque dedit formamque, modumque.
Composuit mores hominum, sua secula fecit
Sancta, sacerdoti decus usque in sidera misit.
Sancte Pater, cymbæ, cuius prœta fuisti
Atque gubernator, faueas, Scyllam, atque Charybdim
Nunc legit, aduerso Syrtes nunc remigat Euro.

CATALOGVS OPERVM DIVI Gregorij Magni Papæ.

Primo Tomo habentur hæc.

Præfixa est vita D. Gre gorij per	Gregorium Turonensem	Fo.iiij.
	Venerabilem Bedam	iiij.
	Ioannem Diaconum	v.
	Adonem Episcopum Treuerensem	xxxvj.
	Simeonem Metaphrastem	xxxvj.
	Baptistam Platinam	xxxvij.
	Ioannem Stellam Venetum	xxxvij.
	Fratrem Ioannem Laziardum	xxxvij.

Expositionum in beatum Iob Lib. xxxv. columna	5.
Cura Pastoralis partes quatuor	869
Dialogorum Libri quatuor	938

Secundo Tomo hæc insunt.

Expositio in Cantica canticorum columna	1.
Homiliarum in Ezechielem Lib. ij.	39
Homilie quadraginta in Euangelia	213
Explanatio in septem Psalmos Pœnitentiales	361
Epistolarum ex registro beati Gregorij lib. xij.	433.
Decreta beati Gregorij tempore Mauricij, Tiberij & Theodosij Auggg.	825
Enarrationum in lib. I. Samuelis, qui & Regum primus dicitur lib. vj.	835.

Recens accesserunt.

Concordia quorundam locorum sacrae scripturae	1125.
Flores beati Gregorij	1140.

MIRACVLVM DE INVENTIONE

LIBRORVM MORALIVM BEATI

Gregorij.



Beatus Gregorius papa
librum beati Iob, pe-
tente sancto Leandro
Hispalensi episcopo,
exposuit sicut in pro-
logo Moraliū pa-
tenter videri potest: &
ei expositum tradidit.

*Hispalensis
ciuitas.*

Illēque expositum eum in Hispaniam ad se-
dem Hispalensem detulit. Hispalensis autem
ciuitas vulgari nomine Sybilia vocatur, & est
metropolis Hispaniæ. Decedente ergo beato
Leandro, sanctus Isidorus, germanus eius, do-
ctor præcipuus, loco eius factus est archiepi-
scopus. Post cuius decessum, libri Moraliū,
quos beatus Leander attulerat, ita per negli-
gentiam perditī sunt, vt in tota Hispania non
inuenirentur. Post aliquot ergo annos Cyn-
desindus rex Hispaniæ cōcilium triginta epi-
scoporum in vrbe Toletana congregauit:
vbi querimonia facta de amissione Mora-
liū, vnanimi consilio episcoporum, præfa-
tus rex † Tagionem Cæsaraugustanum epi-
scopum Romam misit cum epistolis ad Pa-
pam, pro quærendis eisdem libris. Erat enim
Tagio episcopus diuinæ scripturæ amator
feruentissimus. Venit ergo Romam, præsen-
tatīque regalibus epistolis & muneribus,
cū de die in diem videret petitionem suam
à Papa differri, quasi præ multitudine alio-
rum librorum, illi quos quærebat, non pos-
sent in archiuo sedis Apostolicæ reperiri: ad
vltimum postulauit, vt saltem sibi licentia
daretur, vna nocte integra in ecclesia beati
Petri vigilandi & orandi. Qua accepta, cū
enixius obsecraret Deum, vt iam iamque sui
itineris effectus prosperaretur, ecce circa me-
diam noctem in ipso orationis feruore per-
sistens, vidit totam ecclesiam immenso lumi-
ne repleti. Deinde prospicit magnam reue-
rendorum virorum, niueis vestibis induto-
rum, multitudinem, ianuam ecclesiæ ingre-
dientem, & decenti ordine binos & binos ad
altare sancti Petri tendentem. Cūque ni-
mio terrore perterritus, de loco in quo stabat,
se mouere non auderet, ecce vidit duos ex eis

Tomus primus.

^A de cœtu illorum egressos ad se venientes. Ex
quibus vnus dulciter salutans eum, perconta-
tur quis esset, vnde & cur venisset, & cur ea
hora ibi vigilaret. Episcopo verò ad singula
respondente, totāque itineris sui & oratio-
nis causam referente, is qui aduenerat, digitum
protendens: In scrinio, inquit, illo quod cer-
nis, continentur libri quos quæris. Tunc verò
episcopus fiducia assumpta: Obsecro, inquit,
mi domine, vt mihi seruo tuo pandere digne-
ris, quænam sit illa quam cerno, tam præclara
virorum processio? Protinus ille respondens:
Duo, inquit, illi, quos præcedentes, seque inui-
cem manu inserta vides complectentes, beati
Apostoli sunt, Petrus & Paulus. Reliqui verò
quos post eos cernis stantes, ipsi sunt successo-
res eorum, huius Apostolicæ sedis pontifices.
Et eodem ordine quo eos in episcopatu sunt
secuti, etiam nunc eos sequuntur. Et sicut hanc
ecclesiam in vita sua dilexerunt, ita & nunc
post obitum diligunt, & frequenter eam inui-
sere veniunt. Tunc episcopus: Oro, inquit, mi
Domine, vt dicas mihi, quisnam tu ipse sis. Ille
respondit. Ego sum Gregorius, pro cuius li-
bris tanti itineris laborem sustinuisti. Ideoque
nunc veni, vt tuæ satisfacerem petitioni. Tunc
episcopus inquit, Obsecro domine mi (si hic
est) mihi dicas quisnam istorum est beatus
pater Augustinus, cuius libros nō minus quā
tuos dilexi. Respondit: Beatum Augustinum
^D virum excellentissimum (de quo quæris) al-
tior à nobis continet locus. Hæc dixit, statim-
que cum socio qui secum venerat, ad catum
aliorum rediit. Postea vidente episcopo, om-
nes simul ad altare beati Petri reuerenter sub-
missis capitibus inclinantes, eodem quo ve-
nerant ordine, ianuam ecclesiæ repetierunt, &
cum lumine quod prius viderat recesserunt.
Mane autem factō præfatus episcopus domi-
no Papæ cuncta quæ viderat retulit. Sicque ac-
ceptos & descriptos libros Moraliū in Hispa-
niam reportauit. Hancque visionem eis dein-
ceps prænotari & præscribi instituit.

a

*† alias Tagi-
onem.*

REVERENDISSIMVS DOMINVS

DOMINICVS EPISCOPVS BRIXIENSIS, SVMMI

PONTIFICIS SIXTI VICARIVS, HANC PRÆFA-

tionem Moralibus beati Gregorij papæ
inferuit.



Sanctus Iob, exemplar pati-
entia, librum edidit, in quo
Dei providentiam magna
ex parte nobis aperit: &
quorundam hominum fal-
sas de iudiciis Dei opinio-
nes refellit: qui plerunque

pœnas & huius mundi molestias atque incommoda
& econtra corporis & externa bona, in causas re-
ferunt eis prorsus incognitas, cum autem Propheta
dicat: Iudicia Dei abyssus multa. Et iterum de eis-
dem: Existimabam ut cognoscerem, hoc labor est an-
te me, donec intrem in sanctuarium Dei, & intel-
ligam in novissimis eorum. Scripsit autem metro, cu-
ius mensura in translatione servari non potuit.
Multa nanque sunt versuum genera, quibus prisci
utebantur, nobis incognita: ceu illud Deuteronomij

Psalm. 35.
Psalm. 72.

Deut. 32.
Iob. 3.

Exod. 15.

canticum: Audite cœli quæ loquar: metro currit.
Et hoc similiter carmen, ab eo loco: Pereat dies in
qua natus sum, usque ad calcem fere operis hexa-
metrum est. Ex quo liquet non poëtâs modo genti-
lium, sed vates quoque nostros numerosis versibus
usos, & eorum fuisse inventores. Siquidem Moy-
ses, qui cecinit carmen illud, Cantemus Domino,
gloriosè enim honorificatus est: & quod suprâ me-
moratum est, eos omnes præcessit, quos Græci vetu-
stissimos putant: Homerum scilicet & Hesiodum,
& ipsum Troianum bellum: & longè superior
fuit Musæo, Orpheo, Mercurio, & Apolline,
quemadmodum Eusebius Casariensis clarè supp-
tauit. Non magnum autem temporis decursus in-
ter hos duos, scilicet Iob & Moysen autumant, qui
rectè coniectari existimantur ab Esau Iob descen-
disse, & ipsummet historiam suam texuisse. Descri-
bit etiam hic Propheta resurrectionem futuram o-
mnibus aliis clarius, dicens: Scio quod redemptor
meus vivit, & in novissimo die de terra surrectu-
rus sum, & rursum circumdabor pelle mea, & in
carne mea videbo Deum salvatorem meum quem
ego ipse, non alius, visurus sum. Diabolum etiam
super omnes filios superbia regem, sub figuris Be-
hemoth & Leviathan, id est, elephantis & piscis
magni, siue serpentis marini, imitandis conditio-

Iob. 9.

nibus, & multa alia: quæ legentibus eruditionem
egregiam, & delectationem afferant. Hunc beatus
Gregorius declarandum suscepit: commentariâque
in eum edidit, ut plurimum iuxta sensum tropo-
logicum: in triginta & quinque libros distincta,
tanta eloquentia, tanta copia, tanta sententiarum
gravitate, ut qui sacris literis delectantur, nihil
ferè habeant, in quo magis possint, quæ ad mores
& beatè vivendum spectant, contemplari: & id-
circo Moralia appellata sunt. Eorum si authorem
species, non solum magnæ doctrinæ, sed & autho-
ritatis tibi erunt: quippe qui inter præcipuos enu-
meratur Ecclesiæ doctores. Si verò eiusdem autho-
ris sanctitatem & religionem contemplatus fueris,
tunc pietatis speculum, frugalitatis exemplar, pœ-
nitentiæ normam, beatè vivendi regulam, & omnis
virtutis ornamenta reperies. Hæc commentaria,
quia magni admodum erant voluminis, non faci-
lè haberi etiam à cupientibus poterant. Placuit
autem clementissimo deo his nostris temporibus no-
uam artem docere homines, ut per impressionem
characterum facilima esset scriptio librorum: adeo
ut à tribus hominibus, solum tres menses laboran-
tibus, per impressionem formata sint horum Mo-
ralium trecenta volumina: ad quæ tota eorum vi-
ta haud quaquam sufficeret: si digitis & calamo,
aut penna scribenda forent. Hac ipsa arte cum
multa opera hominum generi utilia, in primis sa-
cra, de hinc philosophorum, poëtarum, oratorum,
historicorum, grammaticorum, & iurisconsulto-
rum formata sint: tum etiam nuper hæc Moralia
Gregorij pontificis maximi & sanctissimi, ad quæ
habenda & legenda literarum studiosos, quàm
maximè possum exhortor: & si quid in me est au-
thoritatis, etiam admoneo: ne tanta dei beneficen-
tia abutantur, tantam sacrarum scripturarum
explanationem parufaciant, tantam negligant
disciplinam, quæ in hoc codice possunt paruo pre-
cio comparari.

SANCTISSIMI

5
SANCTISSIMI CELEBERRIMI QUE
ECCLESIAE DOCTORIS GREGORII PAPAE, AD LEAN-
DRUM EPISCOPVM, IN EXPOSITIONEM LIBRI BEATI
Iob, Epistola.

*Reuerendissimo atque sanctissimo fratri suo Leonardo coepiscopo Gregorius seruus ser-
uorum Dei.*



Vdum te frater beatissime, A
in Constantinopolitana vr-
be cognoscens, cum me il-
lic sedis apostolicæ respon-
sa cōstringerent: & te illuc
iniuncta pro cauīs fidei V-
niſigothorum legatio per-
duxisset, omne in tuis au-
ribus quod mihi de me di-
ſplicebat, exposui: quoniā
diu longēque conuerſionis
gratiam distuli: & postquā
cœlesti sum desiderio affla-

Caput II.

MOx verò vt in obscuro hoc opere atque ante nos ha-
ctenus indiscusso, ad tanta me pertrahi ac talia cogno-
ui, solo auditus pondere victus (fateor) lassatusque succu-
bui. Sed repente inter formidinem deuotionemque depre-
hensus, cum in largitorem munerum oculos mentis attolle-
rem, cunctatione postposita, ilicò certus attēdi: quia impos-
sibile esse non poterat, quod de fraternis mihi cordibus cha-
ritas imperabat. Fore quippe idoneum me ad ista desperavi:
sed ipsa mea desperatione robustior, ad illum spem protinus
erexi, per quem aperta est lingua mutorum, qui linguas infan-
tium facit disertas: qui immensos brutosque asinæ ruditus,
per sensatos humani colloquij distinxit modos. Quid igitur
mirum, si intellectū stulto homini præbeat, qui veritatem suā
(cum voluerit) etiam per ora iumentorum narrat? Huius ergo
robore considerationis accinctus, ariditatem meā ad inda-
gandum fontem tantę profunditatis excitauit, & quanuis eorū
quibus exponere compellebar, longē me vita transcenderet,
iniuriosum tamen esse non credidi, si fluenta vīsibus hominū
plumbi fūstula ministraret. Vnde mox eisdem corā positīs fra-
tribus priora libri sub oculis dixi, & quia tempus paulò vacā-
tius reperi, posteriora tractando dictaui. Cumque mihi spatia
largiora suppeterēt, multa augens, pauca subtrahens, atque ita
vt inuenta sunt nonnulla derelinquens, ea quæ me loquente
excepta sub oculis fuerant, per libros emendando composui:
quia & cum postrema dictarem, quo stylo prima dixerā, sol-
licitē attendi. Egi ergo vt & ea quæ locutus sum, studiosa e-
mendatione transcurrens, quasi ad similitudinem dictatus e-
rigerem: & ea quæ dictaueram, non longē à colloquentis ser-
mone discrepant: quatenus dum hoc tenditur, illud attra-
hitur, edita modo dissimili res non dissimilis formaretur:
quanuis tertiam huius operis partem vt colloquendo protu-
li, penē ita derelinqui: quia cum me fratres ad alia pertrahunt,
hanc subtilius emendari noluerunt. Quibus nimirum multa
iubentibus dum parēre modo per expositionis ministerium,
modo per contēplationis ascensum, modo per moralitatis in-
strumentū volui, opus hoc per triginta & quinque volumina
extensum in sex codicibus expleui. Vnde & in eo sæpe quasi
postponere ordinem expositionis inuenior: & paulò diutius
cōtēplationis latitudini ac moralitatis insudo. Sed tamē quis-
quis de deo loquitur, curet necesse est, vt quicquid audien-
tium mores instruit, rimetur: & hunc rectum loquendi ordi-
nem deputet, si cum opportunitas ædificationis exigit, ab eo
se quod loqui cœperat, vtiliter deriuat. Sacri enim tractator
eloquij morem fluminis debet imitari. Fluius quippe dum
per alueum defluit, si valles concauas ex latere contingit, in
eas protinus sui impetus cursum diuertit, cumque illas suffi-
cienter impleuerit, repente se in alueum refundit. Sic nimirū
sic diuini verbi esse tractator debet: vt cum de qualibet re
differit, si fortasse iuxta positam occasionem congruæ ædi-
ficationis inuenerit: quasi ad vicinam vallem linguæ vndas in-
torqueat. & cum subiectæ instructionis campum sufficienter
insuderit, ad sermonis propositi alueum recurrat.

Sap. 10.
Num. 22.

† consolatio
nis.

Similitudo
pulchra.

Caput III.

SCiendum verò est quòd quædam historica expositione
transcurramus: & per allegoriam quædam typica inuestiga-
tione perſcrutamur, quædam per sola allegoricæ moralitatis
instrumenta discutimus, nonnulla autem per cuncta simul sol-

† ſeculari
habitu con-
tegi me.

† alijs, mi-
ſterijs.

licitius exquirētes tripliciter indagamus. Nā primū quidē fundamenta historiā ponimus: deinde per significationē typicā, in arcem fidei fabricam mentis erigimus: ad extremū quoque per moralitatis gratiam quasi superducto aedificiū colore vestimus. Vel certē quid veritatis dicta, nisi reficiēde mentis alimēta credenda sunt? Quā modis alternātibus multipliciter differendo, ferculū ori offerimus, vt inuitati lectoris quasi conuiuā nostri fastidium repellamus, qui dum sibi multa oblata considerat, quod elegantius decernit assumat. Aliquādo verō exponere aperta historiā verba negligimus: ne tardius ad obscura veniamus. Aliquando autem intelligi iuxta literā nequeūt: quia superficietenus accepta nequaquā instructionē legentibus, sed errorem gignunt. Ecce etenim dicitur: Sub quo curuantur, qui portāt orbem. Et de tāto viro quis nesciat quod nequaquā vanas poetarū fabulas sequitur: vt mundi molē subuehi giganteo sudore suspicetur: qui rursus pressus percussione dicit, Elegit suspendiū anima mea, & mortem ossa mea. Et quis rectū sapiens, credat virū tanti praekonij (quē videlicet cōstat ab eterno iudice praemia pro patientiā virtute recipere) decreuisse inter verbera suspendio vitā finire? Aliquando etiam, ne fortasse intelligi iuxta literam debeant, ipsa se verba literā impugnant. Ait namque, Pereat dies in qua natus sum, & nox in qua dictum est, Conceptus est homo, & paulō post subiicit: Occupet ea caligo, & inuoluatur amaritudine. Atque in eiusdē noctis maledictione subiungit: Sit nox illa solitaria. Qui nimirū natiuitatis dies ipso impulsu temporis euolutus, stare non poterat.

Capitulum IIII.

QVo igitur pacto hunc inuolui caligine optabat, qui elapsus iam non erat: & tamen si in natura rerum subsisteret, sentire amaritudinem nequaquam posset? Constat ergo quod nullo modo de die insensibili dicitur: qui sensu percuti amaritudinis optatur. Et si conceptionis nox reliquis noctibus coniuncta decesserat, quo pacto hanc fieri solitariam explorat? Quā vt à lapsu temporis figi non potuit, ita etiam nec à reliquarum noctium coniunctione separari. Qui rursus dicit: Vtiquequo non parcis mihi, nec dimittis me vt glutinam saliuam meam? & tamen paulō superius dixerat: Quē prius tangere nolebat anima mea, nūc prae angustia cibi mei sunt. Quis autem nesciat saliuam facilius posse glutiri quā cibum? Qui itaque se sumere cibum denūciat, incredibile est valde quo ordine glutire posse saliuam negat. Atque iterum dicit: Peccavi, quid faciam tibi o custos hominum? vel certē: Consumere me vis peccatis adolescentiā meae? Et tamen alia responsione subiungit: Nec enim reprehendit me cor meum in omni vita mea. Quo ergo pacto à corde suo minimē in omni vita sua reprehenditur, qui peccasse se publica voce testatur? Neque enim simul vnquam conueniunt culpa operis, & irreprehensibilitas cordis. Sed nimirum verba literā dum collata sibi cōuenire nequeunt, aliud in se aliquid quod queratur ostendunt, ac si quibusdā vocibus dicant: Dum nostra nos cōspicitis superficie destrui, hoc in nobis quārite: quod ordinatum sibi cōgruens apud nos valeat intus inueniri. Aliquando autem qui verba accipere historiā iuxta literam negligit, oblatum sibi veritatis lumē abscondit. Cūque laboriosē inuenire in eis aliud intrinsecus appetit, hoc quod foris sine difficultate assequi poterat, amittit. Sanctus namque vir dicit: Si negavi quod volebant, pauperibus, & oculos viduā expectare feci: si comedi buccellam meam solus, & non comedit pupillus ex ea: si despexi praetereuntem, eo quod nō habuerit indumentum, & absque operimento pauperem: si nō benedixerint mihi latera eius, & de vellerib⁹ ouium meorum calefactus est. Quā videlicet, si ad allegoriā sensum violenter inflectimus, cuncta eius misericordie facta vacuumus. Diuinus etenim sermo sicut mysteriis prudentes exercet: sic plerunque superficie simplices refouet. Habet in publico vnde paruulos nutriet: seruat in secreto vnde mentes sublimium in admiratione suspendat. Quasi quippe fluuius (vt ita dixerim) planus & altus: in quo & agnus ambulet, & elephas natet. Vt ergo vniuscuiusque loci opportunitas postulat, ita se per studium expositionis ordo immutat: quatenus tantō verius sensum diuine locutionis inueniat, quantō vt res quē-

que exegerit, se per causarum species alternat. Quam videlicet expositionem recensendā tuā beatitudini (non quia velut dignam debui, sed quia te petēte memini promississe) trāsmisi. In qua quicquid tua sanctitas tepidum incultūque repperit: tantō mihi celerrimē indulgeat, quantō hoc me egrū dicere nō ignorat. Nam dum molestia corpus atteritur, afflicta mente etiam dicendi studia languescunt. Multa quippe annorum iam curricula deuoluuntur, quod crebris viscerum doloribus crucior: horis momētisque omnibus fracta stomachi virtute lassescō: lentis quidem, sed tamen continuis febribus anhele. Inter quā dum sollicitus penso, quia scriptum est: Omnis filius qui à deo recipitur flagellatur: quod malis praesentibus durius deprimor, eō de aeternis certius praesumptione respiro. Et fortasse hoc diuinā prouidentiae consiliū fuit, vt percussus Iob percussus exponerē: & flagellati mentem melius per flagella sentirem.

Capitulum V.

Sed tamen rectē considerantibus liquet, quia aduersitate non modica, laboris mei studiis in hoc molestia corporalis obsistit: quod carnis virtus cū locutionis ministerium exhibere vix sufficit, mens dignē non potest intimare quod sentit. Quid namque est officium corporis, nisi organum cordis? Et quamlibet peritus sit cantandi artifex, explere artem non valet, nisi ad hanc sibi met ministeria exteriora concordent: quia nimirum canticum quod docta manus imperat, quassata organa propriē non resultant: nec artem flatus exprimit, si scissa rimis fistula stridet. Quātō itaque grauius expositionis meae qualitas premitur: in qua dicendi gratiam sic fractura organi dissipat, vt hanc peritiā ars nulla componat? Quāso autem vt huius operis dicta percurrere, in his verborum folia non requiras: quia per sacra eloquia ab eorum tractatoribus instructuose loquacitatis leuitas studiosē compescitur, dum in templo dei nemus plātari prohibetur. Et cuncti proculdubio scimus, quia quotiens in foliis male tēgetis culmi proficiunt: minori plenitudine spicarum grana turgescunt. Vnde & ipsam artem loquendi, quam magisteria disciplinae exterioris insinuant, seruare despexi. Nam sicut huius quoque epistolae, tenor enunciat, non metacismi collisionem fugio: non barbarismi confusionem deuoto, situs motusque praepositionum casusque seruare contemno: quia indignum vehemēter existimo, vt verba coelestis oraculi restringā sub regulis Donati. Neque enim haec ab vllis interpretibus in scripturae sacrae auctoritate seruata sunt. Ex qua nimirum quia nostra expositio oritur, dignum profectō est: vt quasi edita soboles speciem suae matris imitetur. Nouam verō translationem dissero, sed vt comprobationis causa exigit: nunc nouam, nunc veterem per testimonia assumo: vt quia sedes apostolica (cui auctore deo praesideo) vtrique vtitur: mei quoque labor studij ex vtrique fulciatur.

Finis Epistolae.

DIVI GREGORII PAPAE PRAEFATIO IN EX- positionem beati Iob.

De qua stirpe, vel quo tempore fuerit Iob.

Capitulum I.



Inter multos saepe quāritur quis libri beati Iob scriptor habeatur. Et alij quidem Moysen, alij vnū quemlibet ex prophetis scriptorem huius operis fuisse suspiciantur. Quia enim in libro Geneleos Iobab de stirpe Esau descendisse, & t Bale filio Beor in regnū successisse describitur: hūc beatū Iob lōgē ante Moysi tēpora extitisse crediderūt, morem profectō sacri eloquij nesciētes: quia in superiorib⁹ suis partib⁹ solet breuiter lōgē post secutura perstringere, cū studet ad alia subtili⁹ enūciāda properare. Vnde & illic Iobab priusq̃ reges in Israël existerēt, fuisse memorat. Nequaquam ergo extitisse ante legē cognoscit, qui Israëlitarū iudicum tempore

Heb. 12.

† iacta.

Grammatica
in sacris nō
obseruanda.Gene. 36.
† alius. Bale
Iob.

9

tempore fuisse signatur. Quod dum quidā minus cautē considerant, Moy sen gestorum illius quasi lōgē antepositi scriptorem putāt: vt videlicet is qui potuit ad eruditionem nostram legis praecepta edere, ipse credatur etiam ex gētilis viri historia, virtutis ad nos exempla mandasse. Nonnulli verō (vt dictū est) scriptorem huius operis vnum quemlibet ex prophetis arbitrantur: asserētes quōd nullus tam mystica dei verba cognoscere potuit, nisi cuius mentē prophetiae spiritus ad superna subleuauit. Sed quis hęc scripserit, valde superuacue quæritur: cū tamē auctor libri spiritus sanctus fideliter credatur. Ipse igitur hęc scripsit qui hęc scribenda dictauit. Ipse scripsit, qui & illius operis inspirator extitit: & per scribentis vocē imitanda ad nos eius facta transmisit. Si magni cuiusdam viri susceptis epistolis legeremus verba: eaque quo calamo fuissent scripta, quæreremus: ridiculum profectō esset, si nō epistolarū & auctorem scire, sensumque cognoscere: sed quali calamo earū verba impressa fuerint, indagare studeremus. Cū ergo rē cognoscimus, eiusq; rei spiritū sanctum auctorem tenemus, quia scriptorem quærimus: quid aliud agimus, nisi legētes literas, de calamo perscrutamur? Arbitrari tamen verius possumus, quōd idem beatus Iob qui certamina spiritualis pugne sustinuit: etiam consummata sue victoria gesta narravit. Nec mouere debet quōd in eodem libro dicitur, dixit Iob: vel hęc atque illa pertulit Iob. Moris enim scripturæ sacræ est: vt ipsi qui scribunt, sic de se in illa quasi de aliis loquantur. Hinc est enim quod Moyses ait: Erat Moyses vir mitissimus super omnes homines qui morabantur in terra. Hinc Ioannes dicit: Hic est discipulus ille quem diligebat Iesus. Hinc Lucas ait: quōd ambularent duo ex discipulis in via, Cleophas, & alius. Quem profectō alium dum tam studiosē tacuit: vt (quidā dicunt) quid nisi seipsum fuisse monstrauit? Scriptores igitur sacri eloquij, qui impulsu sancti spiritus agitantur: sic de se in illo testimonium quasi de aliis proferūt. Spiritus ergo sanctus per Moysen locutus est de Moysē. Spiritus sanctus per Ioannem, locutus est de Ioanne. Paulus quoque, quia non ex seipso loqueretur, insinuat dicens: An experimentum quæritis eius, qui in me loquitur Christus? Hinc est quōd angelus qui Moysi apparuisse describitur, modo angelus, modo dominus memoratur. Angelus videlicet, propter hoc quōd exterius loquendo seruebat: dominus autem dicitur, quia interius præsidens, loquendi efficaciam ministrabat. Cū ergo loquens ab interiori regitur, & per obsequium angelus, & per inspirationem dominus nominatur. Hinc Dauid ait: Attendite popule meus legem meam, inclinate aurem vestram in verba oris mei. Non enim lex Dauid, aut populus Dauid erat: sed personam eius ex quo loquebatur assumens, ipsius auctoritate loquitur, cuius inspiratione replebatur. Hoc quotidie fieri in ecclesia cernimus, si vigilanter intuemur. Nam stans in medio populi lector clamat: Ego sum Deus Abraham, Deus Isaac, & Deus Iacob. Et quōd ipse Deus sit, verē profectō non dicit: nec tamen per hoc quod dicit, veritatis regulam deserit: quia cui ministerium lectione exhibet, eius dominū voce prætendit. Itaque scriptores sacri eloquij, quia repleti spiritu sancto super se trahuntur, quasi extra semetipsos fiunt: & sic de se sententias quasi de aliis proferunt. Vnde & beatus Iob sancto spiritu afflatus, potuit sua gesta (quæ erant videlicet supernæ aspirationis dona) quasi non sua scribere: quia eō alterius erant quæ loquebatur, quōd homo loquebatur quæ dei sunt: & eō alter quæ erant illius loquebatur, quōd spiritus sanctus loquebatur quæ hominis sunt.

Quod ad confutandam impudentiam populi Christiani Iob homo gentilis inuoducitur.

Caput 11.

3. Sed iam debemus ista postponere, & ad consideranda sacræ historiae gesta properare. Omnis homo eo ipso quo homo est, suum intelligere debet auctorem: cuius voluntati tantō magis seruiat, quātō se de seipso nihil esse pensat. Ecce autē conditi deum considerare negleximus, adhibita sunt praecepta. Præceptis quoque obtemperare nolimus, adiunguntur exempla: ipsa quoque imitari exempla declinauimus, quæ edidisse nobis positus sub lege conspiciamus. Quia enim Deus apertē quibusdam sub lege positus locutus est: quasi

Tomus primus.

A alienos nos ab eisdem præceptis aspiciamus, quibus hęc specialiter locutus non est. Vnde ad confutandam impudentiam nostram, gentilis homo ad exemplum deducitur: vt quia obedire homo legi sub lege positus despicit, eius saltē cōparatione euigilet, qui sine lege legaliter vixit. Erranti igitur homini data est lex: erranti verō etiam sub lege adducitur testimonium eorum qui extra legem sunt: vt quia conditi, conditionis nostræ ordinem seruare nolimus, præceptis admoneamur: & quia præceptis obedire contempsimus, exemplis cōfunderemur: nec (vt dictū est) eorū exēplis quos lex astringeret, sed quos lex à peccato nulla cohiberet. Circumscripsit nos diuina prouidentia, circumuenit excusationem nostram: vndique conclusus est aditus tergiuersationis humanæ. Homo gentilis, homo sine lege, ad medium adducitur: vt eorum qui sub lege sunt, prauitas confundatur. Quod bene per prophetam, ac breuiter dicitur: Erubescere Sydon, ait mare. In Sydōne quippe figuratur stabilitas in lege positorum: in mari autem, vita gentilium. Erubescere ergo Sydon, ait mare: quia ex vita gentilium redarguitur vita sub lege positorum: atque ex actione secularium confunditur vita religiosorum: dum illi etiam promittendo non seruant, quæ in præceptis audiūt: & isti viuendo ea custodiunt, in quibus nequaquam mandatis legalibus astringuntur. Qua verō autoritate liber iste sit præditus, ipsa sacrarum paginarum soliditas attestatur: dum per prophetam Ezechielem dicitur, quōd tres solummodo viri liberentur, Noë scilicet, Daniel, & Iob. Nec immeritō inter Hebræorum vitas, in auctoritatis reuerentiam vita iusti gentilis adducitur, quia redemptor noster sicut ad redemptionem Iudæorum & Gentilium venit, ita vtrorūque vocibus prophetari voluit: vt per vtrūque populum diceretur, qui pro vtroque populo quādoque pateretur. Vir itaque iste summis virtutibus fultus, sibi notus erat & deo: qui si non flagellaretur, à nobis nullatenus agnosceretur. Virtus quippe etiam per quietem se exercuit: sed virtutis opinio commota per flagella fragrauit: & qui quietus in seipso quod erat cōtinuit, commotus ad notitiam omnium odorem suæ fortitudinis aspersit. Sicut enim vnguenta, nisi commota, redolere latius nesciunt: & sicut aromata fragrantiam suam non nisi cū incenduntur expandunt: ita sancti viri omne quod virtutibus redolent, in tribulationibus innotescunt. Vnde & rectē in Euangelio dicitur: Si habueritis fidem tanquam granum sinapis: dicetis huic monti, Transi hinc, & trāsibit. Granum quippe sinapis nisi conteratur, nequaquā vis virtutis eius agnoscitur: nam non contritum lene est, si verō conteratur, inardescit: & quod in se acerrimum latebat, ostendit. Sic vnusquisq; vir sanctus cū non pulsatur, despicabilis ac lenis aspicitur: si qua verō illum tritura persecutionis opprimat: mox omne quod calidum sapit, ostēdit: atque in feruorem virtutis vertitur, quicquid in illo antē despicabile infirmūq; videbatur, quōdque in se per tranquillitatis tempora libens operuerat, exagitatus tribulationibus coactus innotescit. Vnde bene per prophetam dicitur: In die mādauit Dominus misericordiam suam & in nocte declarauit. Misericordia enim Domini in die mandatur, quia in tranquillo tempore cognoscendo percipitur: in nocte verō declaratur, quia donum quod in tranquillitate sumitur, in tribulationibus manifestatur.

Quantis virtutibus Iob clauerit.

Caput 111.

Sed subtilius perscrutandū est, cur tot flagella pertulit, qui tantam virtutū custodiam sine reprehensione seruauit. Humilitatem quippe habuit, quia & ipse testatur: Si contempsit iudiciū subire cum seruo meo & ancilla mea, cū disceptaret aduersum me. Hospitalitatē exhibuit, sicut ipse perhibet dicens: Foris nō mansit peregrinus, ostium meū viatori paruit. Discipline vigorē tenuit: vt ipse indicat dicēs: Principes cessabant loqui, & digitum superponebāt ori suo. Māsuēdinē in vigore custodiuit, sicut ipse fatetur dicēs: Cūmq; sederem quasi rex circumstante exercitu, eram tamen mœrentium cōsolator. Eleemosynarū largitatem amplexatus est: vt insinuat dicens: Si comedi buccellam meam solus, & pupillus non comedit ex ea. Cū igitur omnium mandata virtutum perficeret: vnum ei deerat, vt etiam flagellatus agere gratias sciret.

2 iij

Notum erat quia seruire Deo inter dona nouerat: sed dignū fuit vt districtio seueritatis inquireret, vtrū deuotus Deo & inter flagella permaneret. Pœna quippe interrogat, si quietus quis veraciter amat. Quē hostis quidē vt deficeret petiuit, sed vt proficeret accepit. Fieri enim Dominus benignē permittit, quod diabolus iniquē postulauit. Nam cū idcirco illum expetisset hostis vt consumeret, tentando egit vt eius merita augeret. Scriptum quippe est: In omnibus his non peccauit Iob labiis suis. Et quādam verba responsionem illius imperitis lectoribus aspera resonant: quia sanctorum dicta piē intelligere (sicut dicuntur) ignorant: & quia animus dolentis & iusti in semetipsis assumere nesciunt, ideo doloris verba bene interpretari non possunt. Mentem quippe patientis bene pensare nouit condescensio passionis. Credunt ergo beatum Iob in suis sermonibus deliquisse, minus cautē intuentes: quia si beati Iob responsa redarguunt, falsam etiam de eo domini sententiam fuisse testantur. Diabolo namque à Domino dicitur: Cōsiderasti seruum meum Iob quod non sit ei similis super terram? vir simplex & rectus ac timēs Deum, & recedens à malo? Cui à diabolo mox respondetur: Nunquid gratis Iob colit Deum? Nonne tu vallaſti eum, cūctāque substantiam eius? Sed mitte manum tuam & tange eum: si non in faciem benedixerit tibi. Hostis itaque in beato Iob vires suas exercuit, sed tamen contra deum certamen assumpsit. Inter Deum & diabolum beatus Iob in medio materia certaminis fuit. Quisquis ergo sanctum virum inter flagella positum in dictis suis peccasse asserit, quid aliud quā Deum qui pro illo proposuerat, excessisse reprehendit? Ipse quippe in se tātī causam suscipere voluit, qui eum & ante flagella prætulit, & præsens tentari per flagella permittit. Si ergo excessisse Iob dicitur, laudator illius succubuisse perhibebur: quamuis eum nullatenus deliquisse etiam dona testatur. Quis enim nesciat, quod culpis non prēmia, sed pœnæ debeantur? Qui ergo duplicia recipere quæ amiserat meruit, ex remuneratione edocuit: quia nequaquā vitiū, sed virtus fuit omne quod dixit. Assertioni quoque huic adhuc adiungitur quod ipse pro amicis delinquentibus intercedit. In grauibz namque peccatis quis positus, dum suis premitur, aliena non diluit. Mundus ergo ostenditur esse de se, qui emundationē potuit obtinere pro aliis. Si verō quibusdam displicet, quod bona sua ipse narrauit: sciendum est, quia inter tot rerum dāna, inter tot corporis vulnera, inter tot pignorum funera: amicis ad consolationem venientibus, & ad increpationem prorumpentibus: de vita sua desperare cogebatur, & quem tot detrimenta afflixerant, contumeliosa insuper increpantium verba feriebant. Hi namque qui ad consolandum venerant, dum quasi iniustitiæ eius exprobrabant: desperare eundē de semetipso funditus cōpellebant. Quod ergo bona sua ad mentem reuocat, non se per iactantiam eleuat, sed quasi collapsum inter verba & vulnera ad spem animum reformat. Graui enim desperationis stimulus mens percutitur, tūc cum supernæ iræ tribulationibus premitur, & foris linguarum opprobriis vrgetur. Beatus igitur Iob tot dolorum iaculatione cōfossus: dum labefactari per opprobria timuit, ad statum se fiducia ex antea acta vita confirmando reuocauit. Nequaquā ergo in iactantiæ vitium cecidit, quia contra internum desperationis impulsū, per exteriora præconiorum suorum verba pugnauit, vt dum bona quæ fecerat diceret: nequaquā de bono quod præscierat, desperaret.

Quod cunctas tentationum machinas contra Iob Satan crexit.

Capitulum IIII.

7. **S**ed iam nūc ipsum ordinem tentationis eius exequamur. Inimicus scilicet, & sancti viri validissimum pectus debellare contendens cunctas contra eum tentationum machinas erexit: abstulit substantiam, interfecit filios, percussit corpus, instigauit uxorem, amicos ad consolationem adduxit, sed in asperitatem increpationis excitauit: alium quoque amicum durius increpantem in extrema & acriori inuectione seruauit, vt saltem crebrius feriendo cor attingeret, quod nouo vulnere semper iteraret: quia enim in sæculo potētem vidit, damnis substantiæ eum moueri credidit: quem non cōcussū ex filiorum morte pulsauit. Videns autem quia ad

8. **E** augmentum diuinæ laudis etiam ex vulnere creuit orbitatis, petiuit feriendam salutem corporis. Intuens etiam quia per dolorem corporis peruenire nequiuert ad passionem mentis, instigauit uxorem. Ciuitatem quippe quam expugnare appetiuit, nimis munitam vidit: & idcirco exterius tot plagas inferens, quasi foris exercitum admouit: animum verō uxoris in verbis malæ persuasionis accendens, quasi intus ciuium corda corrumpit. Ex bellis enim exterioribus discimus, quid de interioribus sentiamus. Inimicus namque scilicet, & urbem exercitibus circūfusus vallans, si eius munimina inuicta conspexerit, ad alia se pugnandi argumenta conuertit: vt intus etiam quorundam ciuium corda corrumpat: quatenus cū extrinsecus impugnatores admouerit, internos quoque habeat adiutores, atque tūc crescente belli foris certamine, de quorum intus fide confiditur, eorum perfidia urbs destituta capiatur. Itaque exterius quasi ariete constituto, murum ciuitatis istius tot ictibus perculit, quot vicibus aduersa punciuit. Intus autem quasi ciuium corda corrumpit, dum fortia huius urbis munimina persuasionē destruere coniugis studuit. Foris itaque admouit impetum belli, intus venena consilij: vt tantō citius urbem caperet, quāto eam interius exteriusque turbaret. Quia autem nonnunquam plus conturbant verba, quā vulnera, amicorum se, vt dictum est, linguis armauit. Qui quidem quia seniores erant, de eorum verbis minus fortasse dolere poterat. Heliū iunior subrogatur, vt sanctum pectus tantō acriori vulnere percuteret, quāto contra illud ictus brachij tūc validioris excitaret. Ecce ad feriendum inuictissimum robur inimicus scilicet, quod tentationum iacula inuenit: ecce quot obsidionum machinamenta circumposuit, ecce quot percussionum tela transmisit: sed in his omnibus mansit mens imperterrita, stetit ciuitas inconcussa. Student hostes cū contra faciem veniunt, alios ex occulto transnittere, qui eo licentius pugnantis latus feriant, quō is qui pugnat, intentius venientes contra faciem spectat.

9. *Quanta fuerit patientia Iob, & de diuersis percussionum generibus.*
Capitulum V.

Igitur Iob in huius certaminis bello deprehensus, suscepit damna quasi hostes contra faciem: sustinuit verba consolantium, quasi hostes ex latere: sed in his omnibus circumactō grauitatis suæ clypeo, vbique munitus astitit, vndique venientibus gladiis vigilanter obuiauit: amissam substantiam tacitē despexit, carnem in filiis mortuā æquanimiter dolet, in se carnem percussam patienter tolerat, carnem in coniuge malē suadentē, sapienter docet. Super hæc amici in asperā correctionem profiliunt: & pro sedando dolore venientes, vim doloris adiungunt. Omnia ergo machinamenta tēstationum sancto viro vertuntur in augmenta virtutum. Per vulnera quippe probatur eius patientia: per verba verō exercetur eius sapientia. Vbique fortiter occurrit, quia & flagella robore, & verba ratione superauit. Amici verō eius, qui ad consolationem quidem veniunt, sed vsque ad verba increpationis excedunt, ignorantia magis credendi sunt, quā malitia deliquisse. Neque enim tantum virum amicos iniquos habuisse credendum est: sed dum discernere causas flagellorum nequeunt, in culpam dilabuntur. Percussionum quippe diuersa sunt genera. Alia namque est percussio qua peccator percutitur, vt sine retractatione puniatur: alia qua peccator percutitur, vt corrigatur: alia qua nonnunquam quisque percutitur, non vt præterita corrigat, sed ne ventura committat: alia qua plerunque percutitur, per quem nec præterita culpa corrigitur, nec futura prohibetur: sed vt dum inopinata salus percussione sequitur, saluantis virtus cognita ardentius ametur: cūque innoxius flagello atteritur, ei per patientiam meritorum summa cumuletur. Aliquando enim peccator percutitur, vt absque retractatione puniatur, sicut perituræ Iudææ dicitur: Plaga inimici percussit te, castigatione crudeli. Et rursum: Quid clamas ad me, super contritione tua? Infanabilis est dolor tuus. Aliquando percutitur peccator vt corrigatur, sicut cuidam in Euangelio dicitur: Ecce sanus factus es, iam noli peccare, ne deterius aliquid tibi contingat. Verba enim saluantis indicant: quia peccata præcedentia habiti vim doloris exigebant. Aliquando quisque non pro præterita

Iob. 1.

Ibidem.

6.

† al. ielo.

† cum pro

bonis malo-

rum retri-

butionibus.

† arrogan-

tia.

† al. quæſer-

rat.

† intus graſſante.

8.

† al. villosus.

9.

Hier. 30. Ibidem.

Ioan. 5.

2. Cor. 12.

Ioh. 9.

præterita culpa diluenda, sed pro futura vitanda percutitur, quod apertè Paulus Apostolus de semetipso testatur, dicens: Ne magnitudo reuelationum extollat me, datus est mihi stimulus carnis meæ, angelus satanæ, qui me colaphizet. Qui enim nō ait, quia extulit: sed, ne extollat, apertè indicat, quod percussione illa ne eueniat compescitur, non autem quæ euenit culpa purgatur. Nonnunquam verò quisque nec pro præterita, nec pro futura iniquitate percutitur: sed vt sola diuinæ virtutis potentia ex amputata percussione monstretur. Vnde cum Domino in Euangelio de cæco nato diceretur: Quis peccauit, hic aut parentes eius, vt cæcus nasceretur? respondit Dominus dicens: Neque hic peccauit, neque parentes eius: sed vt manifestentur opera Dei. In qua manifestatione quid agitur: nisi vt ex flagello & meritorum virtus augeatur, & cum nulla præterita iniquitas tergitur, magna de patientia fortitudo generetur? Vnde beatus idem Iob præfertur prius voce iudicis, & post manu committitur tentatoris, quem post flagella deus dum remunerans familiarius alloquitur, apertè quantum de verbere creuerit, indicatur. Amici ergo beati Iob, dum percussione genera distinguere nesciunt, percussum pro culpa crediderunt: & dum Deum iustum in persecutione sua conantur asserere, beatum Iob compulsi sunt de in iustitia reprobare: nescientes videlicet ideo flagellatum, vt pro flagello eius, diuinæ gloriæ laus cresceret, non autem vt per flagella peccata, quæ nunquam commiserat, emendaret. Vnde & ad veniam citius redeunt, quia ignorantia potius, quàm malitia peccauerunt. Quorum superbiam diuina iustitia eò vehementer humiliat, quod nequaquam illos ad suam gratiam, nisi per eum quem despexerant reformat. Valde quippe elata mens retunditur, si ipsi super quem se exaltauit, supponatur.

Quod sancti quasi stella noctem vitæ præsentis illuminant.

Caput VI.

10.

Sed libet inter hæc mira diuinæ dispensationis opera cernere, quomodo ad illuminandam noctem vitæ præsentis, astra quæque suis vicibus in cœli faciem veniant, quousque in finem noctis redemptor humani generis quasi verus Lucifer surgat. Nocturnum nanque spatium dum decedentium succedentiumque stellarum cursibus illustratur, magno cœli decore peragitur. Vt ergo noctis nostræ tenebras suo tempore editus, vicissimque permutatus stellarum radius tangeret, ad ostendendam innocentiam venit Abel. Ad docendam actionis munditiam, venit Enoch. Ad insinuandam longanimitatem spei & operis, venit Noë. Ad manifestandam obedientiam, venit Abraham. Ad demonstrandam coniugalis vitæ castimoniam, venit Isaac. Ad insinuandam laboris tolerantiam, venit Iacob. Ad rependendam pro malo bonæ retributionis gratiam, venit Ioseph. Ad ostendendam mansuetudinem, venit Moyses. Ad informandam contra aduersa fiduciam, venit Iosue. Ad ostendendam inter flagella patientiam, venit Iob. Ecce quàm fulgentes stellas in cœlo cernimus: vt inoffenso pede operis, iter nostræ noctis ambulemus. Nam cognitioni hominum diuina dispensatio quot iustos exhibuit, quasi tot astra super peccantium tenebras cœlum misit, quousque verus lucifer surgeret, qui æternum nobis mane nuncians, stellis cæteris clarius ex diuinitate radiaret. Quem electi omnes dum bene viuendo præeunt, & rebus & vocibus prophetando promiserunt. Nullus etenim iustus fuit, qui non eius per figuram nuncius extiterit. Dignum quippe erat vt in semetipsis bonum omnes ostenderent, de quo & omnes boni essent, & quod prodesse omnibus scirent. Vnde & sine cessatione promitti debuit, quod & sine æstimatione dabatur percipi, & sine fine retineri: vt simul omnia secula discerent, quid in redemptione comuni seculorum finis exhiberet. Vnde & necesse fuit vt etiam beatus Iob, qui tanta incarnationis eius mysteria protulit, eum quem voce diceret, ex conuersatione signaret, & per ea quæ pertulit, quæ passurus esset ostenderet: tantoque verius passionis illius sacramenta prædiceret, quanto hæc non loquendo tantummodo, sed etiam patiēdo prophetaret. Sed quia redemptor noster vnam se personam cum sancta Ecclesia, quam assumpsit, exhibuit (de ipso enim dici-

Tomus primus.

tur: Quid est caput omnium nostrū, & de Ecclesia eius scriptum est: Corpus Christi, quod est Ecclesia.) quisquis eum in semetipso significat, modo hunc ex capite, modo ex corpore designet: vt non solum vocem capitis, sed etiam corporis teneat. Vnde & Esaias propheta eiusdem domini verba exprimens ait: Quasi sponso posuit mihi mitram: & quasi sponsam ornauit me ornamento. Quia igitur ipse in capite sponsus, ipse est in corpore sponsa: necesse est vt cum nonnunquam aliquid de capite dicitur, sensim ac subitò etiam ad vocem corporis deriuetur: & rursum cum de corpore aliquid dicitur, repente ad vocem capitis ascendatur. Beatus ergo Iob venturum cum suo corpore typum redemptoris insinuat: vxor verò eius, quæ eum ad maledicendum prouocauit, vitam carnalium designat: qui intra sanctam Ecclesiam incorrectis moribus positi, qui per fidem bonis iuxta sunt, eò per vitam durius premunt: quia dum quasi fideles vitari non possunt, à fidelibus tantò deterius, quanto & interius tolerantur. Amici verò eius qui dum consulunt inuehuntur, hæreticorum figuram exprimunt: qui sub specie consulendi, agunt negotium seducendi. Vnde & beatum Iob quasi pro domino loquuntur, sed tamen à domino non approbantur: quia videlicet omnes hæretici dum deum defendere nituntur, offendunt. Vnde eis aptè & ab eodem sancto viro dicitur: Disputare cum Deo cupio: prius vos ostendens fabricatores mendacij, & cultores peruersorum dogmatum. Constat ergo eos hæreticorum typum errando gerere quos sanctus vir redarguit cultui peruersorum dogmatum deferuire.

Quod ex ipso nomine Iob, vel amicorum eius vitæ meritum vel actio designatur. Caput VII.

Omnis verò hæreticus in eo quod Deum defendere cernitur, veritati illius aduersatur: Psalmista attestante, qui ait: Vt destruas inimicum & defensorem. Inimicus quippe & defensor est qui Deum quem prædicat, moribus impugnatur. Nam quia beatus Iob venturi redemptoris speciem teneat etiam nomine demonstrat. Iob quippe interpretatur dolens. Quo nimirum dolore, vel mediatoris passio, vel sanctæ Ecclesiæ labor exprimitur quæ multiplici præsentis vitæ fatigatione cruciatur. Amici quoque eius ex vocabulo nominis, meritum suæ indicant actionis. Nam Eliphas Latina lingua domini contemptus dicitur. Et quid aliud hæretici faciunt, nisi quod dum falsa de Deo sentiunt eum superbiendo contemnunt? Baldath interpretatur, vetustas sola. Bene autem omnes hæretici in his quæ de Deo loquuntur, dum non intentione recta, sed appetitione temporalis gloriæ videri prædicatores appetunt, vetustas sola nominantur. Ad loquendum quippe non zelo noui hominis sed vitæ veteris prauitate concitantur. Sophar quoque Latino sermone dicitur, dissipatio speculæ, vel speculatorem dissipans. Mentis nanque fidelium ad contemplanda superna se erigunt: sed dum hæreticorum verba pervertere recta contemplantes appetunt, speculam dissipare conantur. In tribus itaque amicorum Iob nominibus, tres hæreticarum mentium perditionis casus exprimuntur. Nisi enim Deum contemnerent, nequaquam de eo peruersa sentirent: & nisi vetustatis praua verba elatè loquēdo contraherent, in nouæ vitæ intelligentia nō errarent: & nisi in se speculationem bonorum destruerent, nequaquam, eos superna & iustitia tam districto examine, pro verborum suorum culpa reprobaret. Contemnendo igitur Deum, in vetustate se retinent: sed in vetustate retinendo, prauis suis sermonibus speculationi rectorum nocent.

Quod hæreticorum sacrificia deo accepta esse non possunt, nisi catholicis manibus offerantur. Caput VIII.

Quia verò nonnunquam hæretici diuinæ gratiæ largitate perfusi, ad vnitatem sanctæ Ecclesiæ redeunt, bene hoc ipsa amicorū reconciliatione signatur: pro quibus tamen beatus Iob exorare præcipitur, quia hæreticorum sacrificia accepta Deo esse nequeunt, nisi pro eis vniuersalis Ecclesiæ manibus offerantur: vt eius meritis remedium salutis inueniant, quam verborum iaculis impugnando feriebant. Vnde & septem pro eis sacrificia memorantur oblata: quia dum septiformis gratiæ spiritum consistentes accipiunt, quasi septem

2 iij

11.

Ephes. 1.

Apoc. 1. oblationibus expiatur. Hinc est quod in Ioannis Apocalypsi per septem Ecclesiarum numerum vniuersalis Ecclesia designatur. Hinc per Salomonem de sapientia dicitur: Sapientia edificauit sibi domum, excidit columnas septem. Ipso ergo sacrificiorum numero reconciliati haeretici quid prius fuerint exprimunt qui perfectioni septiformis gratiae non nisi redeundo iunguntur. Bene autem tauros pro se & arietes obtulisse describuntur. In tauro quippe ceruix superbiae: in ariete autem, ducatus gregum sequentium designatur. Quid est ergo pro eis tauros arietesque mactare, nisi eorum ducatum superbum interficere: ut de se humilia sentiant, & post se corda innocentium non seducant? Ceruice enim tumenti ab Ecclesiae unitate resilierant, & infirmos post se populos quasi sequentes greges trahebant. Veniant igitur ad beatum Iob, id est, reuertantur ad Ecclesiam & septenario sacrificio tauros & arietes mactandos offerant: quia ut vniuersali Ecclesiae coniungantur, humilate interueniente interficiant quid prius tumidum de superbo ducatu sapiebant.

Quod haeretici arrogantes argui debent, licet pro eis sacrificium seruenter non possit offerri. Caput IX.*

** al. frequenter.* Per Helium autem qui rectis quidem sensibus loquitur, sed ad stulta elationis verba deriuatur, persona vniuscuiusque arrogantis exprimitur. Multi nanque intra sanctam Ecclesiam positi, recta quae sapiunt, recte proferre contemnant. Vnde diuinæ increpationis verbis arguitur, nec tamen pro illo sacrificium offertur: quia fidelis quidem est, sed tamen arrogans: per veritatem credulitatis intus est, sed per tumoris sui obstaculum acceptabilis non est. Hunc ergo increpatione redarguit, sed sacrificium non reducit: quia in ea quidem fide est in qua esse debuit, sed superna hunc iustitia increpans pro superfluis repellit. Vnde & bene Helium Latino sermone dicitur, Deus meus iste, vel Dominus Deus. Arrogantes enim viri intra sanctam Ecclesiam positi, quamuis deum elate viuendo refugiant, eum tamen veraciter credendo confitentur. Quid est enim Deus meus iste, nomine dicere, nisi eum cui crediderit, aperta professione monstrare? Vel quid est Dominum Deum dicere: nisi hunc & Deum per diuinitatem credere, & dominum ex incarnatione perhibere?

Quod sicut Iob in presenti duplicia, ita sancta Ecclesia post huius vitae pressuras duas stolas in unitate Iudeorum & gentium, & anima & corporis incorruptione reddentur. Cap. X.

14. Bene autem post damna rerum, post funera pignorum, post cruciatus vulnerum, post certamina pugnaeque verborum, duplici remuneratione subleuatur: quia nimirum sancta Ecclesia adhuc etiam in hac vita posita, pro laboribus quos sustinet, duplicia munera recipit: cum susceptis plenè gentibus, in fine mundi Iudeorum etiam ad se corda conuertit. Hinc enim scriptum est: Donec plenitudo gentium subintroidet, & sic omnis Israël saluus fieret. Duplicia & postmodum recipiet: quia finito labore praesentis temporis, non solum ad animarum gaudium, sed etiam ad beatitudinem corporum ascendit. Vnde bene per Prophetam dicitur: In terra sua duplicia possidebunt. Sancti quippe in terra viuuentium duplicia possident: quia nimirum beatitudine mentis simul & corporis gaudent. Vnde & Ioannes in Apocalypsi, quia ante resurrectionem corporum clamantes sanctorum animas vidit, accepisse eas stolas singulas aspexit, dicens: Et datae sunt illis singulae stolae albae, & dictum est illis: ut requiescerent tempus adhuc modicum, donec impleretur numerus cõseruorum & fratrum eorum. Ante resurrectionem quippe stolas singulas accepisse dicti sunt, quia sola adhuc mentis beatitudine perfruuntur. Binas ergo accepturi, sunt quando cum animarum perfecto gaudio, etiam incorruptione corporum vestientur. Recte autem afflictio quidem beati Iob dicitur, sed quantitas temporis in eius afflictione reticetur: quia sanctae Ecclesiae in hac vita tribulatio cernitur, sed quanto hic tempore conterenda atque differenda sit, ignoratur. Vnde & ore veritatis dicitur: Nō est vestrum nosse tempora vel momenta, quae pater posuit in sua potestate. Per hoc ergo quod beati Iob passio dicitur, docemur quod experimento nouimus. Per hoc verò quod quantitas temporis in passione reticetur, docemur, quid nescire debeamus. In longum praefationis verba protraximus, ut quasi totum breuiter perstringendo loqueremur. Sed quia ad loquendi initium diu loquendo peruenimus, debemus prius historiae radicem figere, ut valeamus mentem postmodum de allegoriarum fructu satiare.

B. GREGORII MAGNI, PAPAE, MORALIS EXPOSITIONIS IN BEATVM IOB,

LIBER PRIMVS.

TEXTVS LIBRI

PRIMI IOB.

Cap. I.

VIR erat in terra Hus, nomine Iob. Et erat vir ille simplex, & rectus, ac timens deum, & recedens à malo: Natique sunt ei septem filij, & tres filiae. Et fuit possessio eius septem milia ouium, & tria milia camelorum: quingenta quoque iuga bouum, & quingentæ asinae, ac familia multa nimis. Eratque vir ille magnus inter omnes Orientales. Et ibant filij eius, & faciebant conuiuia per domos, unusquisque in die suo. Et mittentes vocabant tres sorores suas, ut comederent & biberent cum eis. Cumque in orbem transissent dies conuiuij, mittebat ad eos Iob, & sanctificabat illos: consurgensque diluculo offerebat holocausta per singulos. Dicebat enim: Ne forte peccauerint filij mei, & benedixerint deo in cordibus suis. Sic faciebat Iob cunctis diebus: Quadam autem die, cum venissent filij dei, ut assisterent coram domino, affuit inter eos etiam Satan. Cui dixit dominus: Vnde venis? Qui respondens, ait: Circuiui terram, & perambulaui eam. Dixitque dominus ad eum: Nunquid consideraui seruum meum Iob, quod non sit ei similis in terra: homo simplex, & rectus, ac timens deum, & recedens à malo? Cui respondens Satan, ait: Nunquid frustra timet deum? Nonne tu vallaisti eum ac domum eius, vniuersamque substantiam eius per circuitum? Operibus manuum eius benedixisti, & possessio eius creuit in terra: sed extende paululum manum tuam, & tange cuncta quæ possidet, nisi in faciem benedixerit tibi. Dixit ergo dominus ad Satan: Ecce vniuersa quæ habet, in manu tua sunt: tantum in eum ne extendas manum tuam. Egressusque est Satan à facie domini. Cum autem quadam die filij & filiae eius comederent & biberent vinum in domo fratris sui primogeniti, nuncius venit ad Iob, qui diceret: Boues arabant, & asinae pascebantur iuxta eos, & irruerunt Sabæi: tuleruntque omnia, & pueros percusserunt gladio, & euasi ego solus ut nuntiarem tibi. Cumque adhuc ille loqueretur, venit alter, & dixit: Ignis dei cecidit è caelo, & tactas oues, puerosque consumpsit: & effugi ego solus ut nuntiarem tibi. Sed & adhuc illo loquente, venit alius, & dixit: Chaldaei fecerunt tres turmas, & inuasērunt camelos, & tulerunt eos: necnon & pueros percusserunt gladio, & ego fugi solus ut nuntiarem tibi. Adhuc loquebatur ille, & ecce alius intrauit, & dixit: Filius tuus & filiabus vescentibus & bibentibus vinum in domo fratris sui primogeniti, repente ventus vehemens irruit à regione deserti, & concussit quatuor angulos domus, quæ corruens oppressit liberos tuos, & mortui sunt: & effugi ego solus ut nuntiarem tibi. Tunc surrexit Iob, & scidit vestimenta sua, & tonso capite corruens in terram, adorauit & dixit: Nudus egressus sum de utero matris meæ, & nudus reuertar illuc. Dominus dedit, dominus abstulit: sicut domino placuit, ita factum est: sit nomen domini benedictum. In omnibus his non peccauit Iob labijs suis: neque stultum quid contra deum locutus est.

A. B. GREGORII MAGNI
ECCLESIAE DOCTORIS CELE-
berrimi, Moralis expositionis in bea-
tum Iob, super primo capite tex-
tus, Liber primus.

Quod res immensi præconij sit, inter malos
laudabiliter conuersari.

Caput I.



VIR erat in terra Hus nomine Iob. Idcirco sanctus vir ubi habitauerit dicitur: ut eius meritum virtutis exprimat. Hus namque quis nesciat quod sit terra gentilium? Gentilitas autem eò obligata vitiis extitit, quod cognitione sui conditoris ignorauit. Dicatur itaque ubi habitauerit, ut hoc eius laudibus proficiat quod bonus inter malos fuit. Neque enim valde laudabile est bonum esse cum bonis: sed bonum esse cum malis. Sicut enim grauioris culpæ est * inter bonos bonum non esse: ita immensi est præconij bonum etiam inter malos extitisse. Hinc est quod iisdem beatus Iob sibimet attestatur dicens: Frater fui draconum, & socius struthionum. Hinc Petrus magnis Loth laudibus extulit: quia bonum inter reprobos inuenit, dicens: Et iustum Loth oppressum à nefandorum iniusta conuersatione eripuit. Aspectu enim & auditu iustus erat habitans apud eos, qui de die in diem animam iusti iniquis operibus cruciabant: Qui nimirum cruciari non posset, nisi praua propinquorum opera & audiret, & cerne-
ret. Et tamen aspectu & auditu iustus dicitur: quia iniquorum vita, non delectando iusti aures atque oculos, sed feriendo tangebatur. Hinc Paulus discipulis dicit: In medio nationis prauæ & peruersæ inter quos lucetis sicut luminaria in mundo. Hinc Pergami Ecclesiæ dicitur: Scio ubi habitas, ubi sedes est Satanæ: & tenes nomen meum, & non negasti fidem meam. Hinc sancta Ecclesia sponsi voce laudatur, cum ei in amoris cantico dicitur: Sicut lilium inter spinas, sic amica mea inter filias. Bene ergo beatus Iob, memorata terra gentili, inter iniquos vixisse describitur: ut iuxta sponsi præconium inter spinas lilium creuisse monstretur. Vbi rectè mox subditur:

Quod simplicitas sine virtute pro rectitudine habenda non sit.

Caput II.

Simplex & rectus. Nonnulli namque ita sunt simplices, ut rectum quid sit ignorent: sed eò verè simplicitatis innocentiam deserunt, quod ad virtutem rectitudinis non assurgunt: quia dum cauti esse per rectitudinem nesciunt, nequaquam innocentes persistere per simplicitatem possunt. Hinc est quod Paulus discipulos admonet, dicens: Volo vos sapientes esse in bono: simplices autem in malo. Hinc rursus dicit: Nolite pueri effici sensibus, sed malicia paruuli estote. Hinc per semetipsam veritas discipulis præcipit, dicens: Estote prudentes sicut serpentes, & simplices sicut columbæ. Vtraque enim necessariò in admonitione coniunxit: ut & simplicitatem columbæ astutia serpentis instrueret, & rursus serpentis astutiam columbæ simplicitas temperaret. Hinc est quod sanctus spiritus presentiam suam hominibus, non in columba solummodo, sed etiam in igne patefecit. Per columbam quippe simplicitas, per ignem verò zelus indicatur. In columba ergo, & in igne, sanctus spiritus ostenditur: quia quicumque illo pleni sunt, sic mansuetudini simplicitatis inseruiunt ut contra culpas delinquentium etiam zelo rectitudinis accendantur. Sequitur:

Quod bona malis admixta, deo accepta esse non possint.

Caput III.

Timens Deum: & recedens à malo. Deum timere, est nulla quæ faciendæ sunt bona, præterire. Vnde per Salomonem dicitur: *Qui Deum timet, nihil negligit.* Sed quia nonnulli sic bona quædā faciunt ut tamen à quibusdam malis minimè suspendantur: bene postquam timens Deum dicitur, recedens quoque à malo perhibetur. Scriptum quippe est: *Declina à malo & fac bonum.* Neque enim bona Deo accepta sunt, quæ ante eius oculos malorum admixtione maculantur. Hinc nanq; per Salomonem dicitur: *Qui in vno offenderit, multa bona perdet.* Hinc Iacobus attestatur dicens: *Quicumque totam legem seruauerit, offendat autem in vno, factus est omnium reus.* Hinc Paulus ait: *Modicum fermentum totam massam corrumpit.* Beatus igitur Iob ut ostendatur quàm mundus in bonis extitit, solerter indicatur quàm alienus à malis fuit. Mos verò esse narrantium solet, ut cum palestræ certamen insinuant, prius luctantium membra describant, quàm latum validumque sit pectus, quàm sanum, quàm pleni tumeant lacerti: quàm subter positus venter, nec mole grauet, nec extenuatione debilitet, ut cum prius aptos cettamini artus ostenderint, tunc demum magnæ fortitudinis ictus narrent. Quia ergo athleta noster contra diabolum fuerat certaturus, quasi ante arenæ spectaculum sacræ scriptor historiarum, in athleta hoc spirituales virtutes enumerās, mentis membra describit, dicens: *Erat ille vir simplex & rectus, ac timens Deum & recedens à malo,* ut dum membrorum positio magna cognoscitur, ex hac ipsa iam fortitudinis positione subsequens etiam victoria prænoscat. Sequitur: *Quod confans Iob, in amissione substantiæ & filiorum extiterit. Natique sunt ei septem filij & tres filiæ.* Sæpe ad auaritiam cor parentis illicit fecunditas prolis. Eò enim ad ambitum congregandæ hæreditatis accenditur, quò multis hæredibus fecundatur. Ut ergo beati Iob quàm sancta mens fuerit, ostendatur: & iustus dicitur, & multæ prolis pater fuisse perhibetur. Qui in libri huius exordio deuotus sacrificiis offerendis asseritur: promptus autem largitibus etiam post à semetipso memoratur. Pensamus ergo quanta fortitudine præditus extitit: quæ ad hæreditatis tenaciam, nec tot hæredum affectus inclinauit. Sequitur: *Et fuit possessio eius septem milia ouium: & tria milia camelorum. Quingenta quoque iuga bouum, & quingentæ asinæ, ac familia multa animis.* Scimus quia ad maiorem dolorem mentem commouent damna maiora. Ut igitur ostendatur quātā virtutis extitit: multum fuisse dicitur quod patienter amisit. Nunquam quippe sine dolore amittitur, nisi quod sine amore possideretur. Itaque dum substantia magna describitur, & tamen paulo post patienter amissa perhibetur: quam sine dolore perdidit, constat quia sine amore possedit. Notandum quoque est, quòd prius cordis diuitiæ, & post opes corporis describuntur. Solet etenim rerum abundantia, tantò magis à diuino timore mentem soluere, quantò magis hanc exigit diuersa cogitare. Nam dum per multa spargitur: stare in intimis fixa prohibetur. Quod per semetipsam veritas cum parabolam seminantis exponeret, indicauit dicens: *Qui seminatus est in spinis, hic est qui verbum Dei audit, & sollicitudo istius seculi, & fallacia diuitiarum, suffocant verbum: & sine fructu efficitur.* Ecce beatus Iob & multa possidere dicitur: & paulo post diuinis sacrificiis instanter deferuire perhibetur. Cōsideremus ergo cuius sanctitatis iste vir fuerit, qui ad tam sedula Dei obsequia sic occupatus vacauit. Necdum præcepti virtus emicuerat, quæ omnia relinqui præciperet, sed tamē beatus Iob eiusdem iam præceptionis vim in corde seruabat: quia nimirum substantiam suam mente reliquerat, quam sine delectatione possidebat. *Erat quæ vir ille magnus inter omnes Orientales.* Orientales viros esse prædiuites quis ignorat? Magnus verò inter Orientales extitit, ac si apertè diceretur: quia & diuitibus ditior fuit. Et ibant filij eius, & faciebant conuiuia per domos, unusquisque in die suo: & mittentes vocabant tres sorores suas, ut comederent & biberent cum eis. Solet inter fratres maior substantia, discordiæ fieri grauioris causa. O inestimabilem paternæ institutionis laudem. Et pater diues dicitur, & filij concordēs asseruntur. Et dum diuidenda inter eos substantia aderat, corda tamen omnium in-

E diuisa charitas replebat. Cumque in orbem transissent dies conuiuij, mittebat ad eos Iob & sanctificabat illos, surgensque diluculo offerebat, holocausta per singulos. Cum dicitur, mittebat & sanctificabat illos, apertè demonstratur quid distractionis erga illos præsens ageret, quibus absens sollicitudine non deesset.

Quod conuiuia sine culpa celebrari non possunt, & penè epulas comitatur voluptas.

Caput IIII.

Sed hoc nobis solerter intuendum, quòd peractis diebus conuiuij purgatio per singulos adhibetur holocausti. Vir quippe sanctus nouerat, quia celebrari conuiuia sine culpa vix possent, nouerat quia magna purgatione sacrificiorum, diluendæ sunt epulæ conuiuiorum: & quicquid in semetipsis filij conuiuantes inquinauerant, pater sacrificium immolando tergebat. Nonnulla quippe sunt vitia quæ à conuiujs aut separari vix possunt, aut certè nequaquam possunt. Penè enim semper epulas comitatur voluptas. Nam cum corpus in refectionis delectatione resoluitur, cor ad inane gaudium relaxatur. Vnde scriptum est: *Sedit populus manducare & bibere, & surrexerunt ludere.* Penè semper epulas loquacitas sequitur. Cunque venter reficitur, lingua defrenatur. Vnde rectè diues apud inferos aquam appetere describitur, dicens: *Pater Abraham miserere mei, & mitte Lazarum ut intingat extremum digiti sui in aquam, & refrigeret linguam meam, quia crucior in hac flamma.* Prius epulatus quotidie dicitur splendidè: & post aquam petere in lingua memoratur. Quia enim, ut diximus, inter epulas valde defluere loquacitas solet, ex pœna indicat culpam: cum eum quem epulatum quotidie splendide veritas dixerat, in lingua plus ardere perhibebat. Hi qui chordarum harmoniam temperant, tanta hanc arte dispensant, ut plerumque cum vna tangitur, longè alia ac multis interiacentibus posita corda quatiatur: cunque ista sonitum reddit, illa quæ in eodem cantu temperata est, aliis impercussis tremit. Sic ergo in scriptura sacra plerumque de virtutibus, sic de vitiis agitur: ut dum loquendo aliud insinuat, aliud tacendo innotescat. Nihil enim contra diuitem de loquacitate memoratur, sed dum pœna in lingua dicitur: quæ in conuiuio inter alias grauior fuerit culpa monstratur. Cum verò septem, per singulos dies, fratres conuiuia facere describuntur, & peractis diebus conuiuij Iob septem sacrificia offerre perhibetur: apertè historia indicat, quòd beatus Iob octauo die sacrificium offerens, mysterium resurrectionis colebat. Dies nanq; qui nunc dominicus dicitur, à morte redemptoris est tertius, sed in ordine conditionis octauus, qui & primus in cōditione est. Sed quia reuolutus septimum sequitur, octauus rectè numeratur. Qui ergo octauo die offerre septem sacrificia dicitur, plenus septiformis gratiæ spiritu pro spe resurrectionis Domino deseruisse perhibetur. Vnde & Psalm. pro octaua præscribitur, in quo gaudium de resurrectione nunciatur. Sed quia beati Iob filij tanta fuerat disciplina bonæ institutionis accincti, ut neque per facta in conuiujs, neque per verba delinquerent: apertè monstratur cum subditur: *Dicebat enim: Ne forte peccauerint filij mei & benedixerint Deo in cordibus suis.* Perfectos quippe esse in opere & sermone docuerat, pro quibus de sola pater cogitatione metuebat.

Quod de alterius conscientia non sit temerè iudicandum.

Caput V.

Quia verò de alienis cordibus iudicare temerè non debeamus: in sancti huius viri verbis agnoscimus, qui non ait, Quia benedixerunt Deum in cordibus suis: sed, Ne forte benedixerint Deo in cordibus suis. Vnde bene per Paulum dicitur: *Noli te ante tempus iudicare, quoadusq; veniat Dominus, qui illuminabit abscondita tenebrarum, & manifestabit consilia cordium.* Quisquis enim in cogitatione à rectitudine exorbitat, in tenebris peccat. Nos ergo tantò minus debemus aliena corda audacter reprehendere, quantò scimus quia visu nostro non possumus alienæ cogitationis tenebras illustrare. Sed in hac re solerter intuendum est, quanta pater seueritate potuit filiorum opera corrigere, qui tanta sollicitudine studuit corda mundare. Quid ad hæc rectores fidelium dicunt, qui discipulorum suorum & aperta opera nesciunt? Quid in sua excusatione cogitant, qui in commissis sibi nec vulnera actionum curant? Ut verò huius sancti viri operis

5.

Exod. 30.

Luc. 2. 16.

6.

7.

Psalm. 6.

1. Corin. 4.

8.

operis etiam perseuerantia demonstratur, recte subiungitur: *Sic faciebat Iob cunctis diebus.*) Scriptum quippe est: Qui perseuerauit usque in finem, hic saluus erit. In sacrificio igitur sancta actio: in cunctis autem diebus sacrificij, constantia sanctae actionis ostenditur. Hæc breuiter historiam sequendo transcurrimus nunc ordo expositionis exigit, ut exordium repentes allegoriarum iam secreta pandamus. *Vir erat in terra Hus, nomine Iob.*) Hæc per historiam facta credimus, sed per allegoriam iam qualiter sint impleta, videamus. Iob nanque, ut diximus, interpretatur dolens: Hus verò consiliator. Quem ergo alium beatus Iob suo nomine exprimit, nisi eum de quo Propheta loquitur dicens: Dolores nostros ipse portauit. Qui Hus terram inhabitat quia in corde populi consiliatoris regnat. Paulus quippe ait: Christum Dei virtutem, & Dei sapientiam. Atque hæc ipsa sapientia per Salomonem dicit: Ego sapientia habito in consilio, & eruditus inter sum cogitationibus. Hus ergo terram inhabitat Iob: quia sapientia, quæ pro nobis passionis dolorem sustinuit, corda vitæ consiliis dedita, sibi met habitationem fecit. *Et erat vir ille simplex & rectus.*) In rectitudine iustitiae, in simplicitate autem mansuetudo signatur. Plurique nos cum rectitudinem iustitiae exequimur, mansuetudinem relinquimus: & cum mansuetudinem seruare cupimus, iustitiae rectitudinem declinamus. Incarnatus autem Dominus, simplicitatem cum rectitudine tenuit, quia nec in mansuetudine distractionem iustitiae, nec rursus in distractione iustitiae virtutem mansuetudinis amisit. Vnde cum quidam deducta adultera hunc tentare voluissent, ut in culpam, aut immanis uoluntatis, aut iniustitiae laboraretur, ad utraque respondit dicens: Qui sine peccato est vestrum, primus in illam lapidem mittat: dat simplicitatem mansuetudinis, Qui sine peccato est vestrum, dat zelum iustitiae, Primus in illam lapidem mittat. Vnde & ei Propheta dicit: Intende prospere, procede, & regna propter veritatem & mansuetudinem & iustitiam. Veritatem quippe exequens, mansuetudinem cum iustitia conseruauit: ut nec zelum rectitudinis in mansuetudinis pondere amitteret, nec rursus pondus mansuetudinis zelo rectitudinis perturbaret. Sequitur: *Actiuus Deum & recedens à malo.*) Scriptum est de illo: Et repleuit eum spiritus timoris Domini. Incarnatus enim Dominus in semetipso, omne quod nobis imperauit, ostendit: ut quod præcepto diceret, exemplo suaderet. Iuxta humanitatis ergo naturam redemptor noster Deum timuit, quia ut superbum hominem redimeret, * mentem pro illo humilem sumpsit. Cuius bene per hoc quod recedere à malo, Iob dicitur, & actio designatur. Ipse quippe recessit à malo, non quod faciendo contigit, sed quod inueniendo reprobauit: quia uetustam quam natus inuenit, humanæ conuersationis vitam deseruit: & nouam quam secum detulit, sequacium moribus impressit.

Quod septenarium numerum frequentissime in sacra scriptura pro perfectione ponere consuevit. Caput VI.

Namque sunt ei septem filij, & tres filiae.) Quid in septenario numero, nisi summa perfectionis accipitur? Ut enim humanae rationis causas de septenario numero taceamus, quæ afferunt quod idcirco perfectus sit, quia ex primo pari constat, & primo impari: ex primo qui diuidi potest, & primo qui diuidi non potest: certissime scimus quod septenarium numerum scriptura sacra pro perfectione ponere consuevit. Vnde & septimo die Dominum requieuisse ab operibus asserit. Hinc est etiam quod septimus dies in requiem hominibus, id est, in sabbatum datus est. Hinc est quod iubilæus annus, in quo plena requies exprimitur, septem hebdomadibus consummatur qui monade addita nostræ adunationis summa impletur. *Nati sunt ergo ei septem filij.*) ad prædicandum scilicet viriliter incedentes Apostoli. Qui dum perfectionis præcepta peragunt quasi superioris sexus fortitudinem in conuersatione tenuerunt. Hinc est enim quod perfectione septiformis gratiæ spiritus implendi duodecim sunt electi. A septenario quippe numero, in duodenarium surgitur. Nam septenarius suis in se partibus multiplicatus, ad duodenarium tendit. Siue enim quatuor per tria, siue per quatuor tria ducantur, septem in duodecim vertuntur. Vnde & sancti Apo-

stoli, quia sanctam Trinitatem in quatuor mundi partibus prædicare mittebantur, duodecim sunt electi, ut etiam numero perfectionem ostenderent, quæ vita & voce prædicarent. *Nati sunt & tres filiae.*) Quid in filiabus, nisi infirmiores fidelium plebes accipimus, fidem sanctæ Trinitatis tenentes? Quæ etsi in perfectione operis nequaquam forti virtute permanent, fidem tamen Trinitatis cognitam constanter tenent. In septem ergo filiis ordo prædicantium: in tribus verò filiabus multitudo auditorum signatur. Possunt etiam per tres filias, tres ordines fidelium designari. Post filios quippe filiae nominantur, quia post Apostolorum conspectam fortitudinem, tres distinctiones fidelium in Ecclesiæ conuersatione secutæ sunt, pastorum videlicet, & continentium atque coniugatorum. Vnde & Ezechiel propheta tres liberatos viros audisse se asserit, Noë scilicet, Danielé & Iob. Quid enim per Noë (qui arcam in vndis rexit) nisi præpositorum ordo designatur, qui dum ad formam vitæ populis præsumunt, sanctam Ecclesiam in tentationum fluctibus regunt? Quid per Danielé (cuius mira abstinencia describitur) nisi continentium vita figuratur, qui dum cuncta quæ mundi sunt deserunt, despectæ Babylonis alta mente dominantur? Quid per Iob, nisi bonorum coniugatorum vita signatur, qui de rebus mundi quas possident, dum pia opera faciunt quasi per terræ viam ad cælestem patriam tendunt? Quia igitur post sanctos Apostolos tres istæ fidelium distinctiones secutæ sunt, recte post filios, tres filiae natæ memorantur. Sequitur: *Et fuit possessio eius septem milia ouium, & tria milia camelorum.*) Quia fideles auditores ex varia conuersatione collecti sunt, quod prius vniuersaliter memoratis filiis & filiabus dicitur, hoc distincte postmodum appellatione animalium subinfertur. Quid enim aliud in septem milibus ouium, nisi perfectam quorundam innocentiam exprimit, quæ ad * perceptionem gratiæ, ex legis pascuis venit? Quid verò in tribus milibus camelorum, nisi ad plenitudinem fidei veniens, torta gentilium viciositas designatur? In scriptura autem sacra aliquando cameli nomine ipse Dominus, aliquando autem populus gentilis exprimitur. Cameli enim nomine Dominus designatur, sicut ab eodem Domino Iudæis aduersantibus dicitur: Liqueant culicem, camelum autem glutientes. Culex enim susurrando vulnerat, camelus autem sponte se ad suscipienda onera inclinat. Liquauerunt ergo Iudæi culicem, quia seditiosum dimitti latronem petierunt: Camelum verò glutierunt, quia eum qui ad suscipienda nostræ mortalitatis onera sponte descenderat, extinguere clamando conati sunt. Rursus cameli nomine gentilitas designatur. Vnde & Rebecca ad Isaac veniens, dorso cameli deducitur: quia ad Christum ex gentilitate Ecclesia properans, intortis viciosissime vitæ veteris conuersationibus inuenitur. Quæ viso Isaac descendit quia Dominò cognito, vitia sua gentilitas deseruit, & ab elatione celsitudinis, ima humilitatis petiuit. Quæ & verecundata pallio velatur, quia coram illo ex antea vita confunditur. Vnde & per Apostolum eisdem gentibus dicitur: Quem ergo fructum habuistis tunc in illis, in quibus nunc erubescitis? Quia igitur per oues. Hebræos à pascuis legis ad fidem venientes accipimus, nihil obstat ut per camelos, tortos moribus, atque onustos idolorum cultibus, gentilium populos sentiamus. Quia enim ex semetipsis sibi inuenerunt, deos, quos colerent: quasi à semetipsis eis onus in dorso excreuerat quod portarent. Potest etiam per camelos (quia communia sunt animalia) Samaritanorum vita signari. Cameli nanque ruminant, sed nequaquam vngulam findunt. Samaritani quoque quasi ruminant, quia ex parte legis verba recipiunt: & quasi vngulam non findunt, quia eam pro parte contemnunt: qui etiam graue onus in dorso mentis tolerant, quia id omne quod faciunt, sine spe æternitatis elaborant: fidem quippe resurrectionis nesciunt. Et quid esse grauius atque onustius potest, quam afflictionem seculi prætereuntis perpeti, & nequaquam ad releuationem mentis, gaudia remunerationis sperare? Sed quia in carne Dominus apparens, & Hebræorum populum perfectionis gratia impleuit, & Samaritanorum quosdam ad cognitionem fidei, mira opera ostendendo, perduxit: dicatur recte de vmbra quæ ueritatem exprimeret,

13. Tres fidelium distinctiones quæ figurantur per Noë, Danielé, & Iob.

* alias perfectionis gratiam.

Matth. 23.

Gen. 24.

Roma. 6.

15.

quodd & septem milia ouium, & camelorum tria ^{milia} possideret. Sequitur: *Quingenta quoque iuga bouum, & quingenta asina.* Iam superius dictum est, quodd in quinquagenario numero (qui septem hebdomadibus ac monade addita impletur) requies designatur: denario autem numero summa perfectionis exprimitur. Quia verodd fidelibus perfectio quietis promittitur, quasi quingua genario decies ducto ad quingentesimum peruenitur. In scriptura autem sacra bouum nomine aliquadd hebetudo fatuorum, aliquando bene operatium vita designatur. Quia enim bouis nomine, stultorum vecordia figuratur, recte per Salomonem dicitur: Statimq; eam sequitur, quasi bos ductus ad victimam. Rursum, quia bouum nomine vita vniuscuiusque operantis exprimitur, legis precepta testantur, quae per Moysen precepit, dicens: Non alligabis os boui trituranti. Quodd apertedd rursus dicitur: Dignus est operarius mercede sua. Asinorum quoque nomine aliquando stultorum pigritia, aliquando immoderata petulantium luxuria, aliquando gentilium simplicitas designatur. Stultorum pigritia, asinorum appellatione figuratur, sicut per Moysen dicitur: Non arabis in boue simul & Asino. Ac si diceret: Fatuum sapietibus in praedicatione non socies, ne per eum qui implere rem non valet, illi qui praeualet obfistas. Immoderata quoque petulantium luxuria, asinorum appellatione exprimitur, vt Propheta testatur, qui ait: Quorum carnes sunt vt carnes asinorum. Asinorum rursus nomine, simplicitas gentilis ostenditur. Vnde Hierusalem tendens Dominus, asellum sedisse perhibetur. Quid est enim sedendo asinam Hierusalem venire, nisi gentilium simplicita corda possidendo, ea ad visionem pacis regedd & praesidendo perducere? Quodd vno & facili testimonio ostenditur: quia & per boues Iudaei operarij, & per asinum gentiles populi designantur, cum per Prophetam dicitur: Cognouit bos possessorem suum, & asinus praesepe domini sui. Quis enim bos, nisi Iudaicus populus extitit, cuius ceruicem iugum legis attriuit? Et quis asinus, nisi gentilitas fuit, quam quilibet seductor reperit quasi brutum animal, & nulla ratione renitens, quo voluit errore substrauit? Bos ergo possessorem, & asinus domini praesepe cognouit, quia & Hebraicus populus Deum quem colebat, sed ignorabat, reperit: & gentilitas legis pabulum quodd non habebat, accepit. Quodd igitur superius nominatis ouibus & camelis dicitur, hoc inferius in bobus & asinis replicatur. Habuit verodd & ante redemptoris aduentum Iudaea boues, quia ad praedicandum misit operarios, quibus voce veritatis dicitur: Vae vobis hypocritae, qui circumitis mare & aridam, vt faciatis vnum proselytum, & cum fuerit factus, facitis eum filium gehennae duplo quam vos. Quos graue iugum legis prefferat, quia exteriora literae mandata tolerabant. Quibus veritatis voce dicitur: Venite ad me omnes qui laboratis & onerati estis, & ego reficiam vos. Tollite iugum meum super vos, & discite a me, quia mitis sum & humilis corde. Quodd ergo in Euangelio bene laborantibus requies promittitur, hoc est quodd hic iuga bouum quingenta memoratur. Quia qui redemptoris Dominio colla subiiciunt, quo, nisi ad requiem tendunt? Vnde & asinae quingentae perhibentur, quia vocatae plebes gentilium, dum ad requiem peruenire desiderant, cuncta madatorum onera libeter portant. Vnde bene quodd hanc requiem populus gentilis appeteret, Iacob filios alloquens, prophetica hoc studuit voce signare, dicens: Isachar asinus fortis, accubans inter terminos, vidit requiem quodd esset bona, & terram quodd optima, & supposuit humerum ad portandum. Inter terminos nanque accubare, est praestolato mundi sine requiescere: nihilque de his, quae nunc in medio versantur, quaerere, sed vltima desiderare. Fortisque asinus requiem ac terram optimam videt, cum simplex gentilitas idcirco se ad robur boni operis erigit, quia ad aeternae vitae patriam tendit. Quae & ad portandum onus humerum supponit, quia conspecta superna requie, preceptis etiam grauib in operatione se subiicit, & quicquid intolerabile pusillamitas asserit, hoc ei leue ac facile spes remunerationis ostendit. Quia ergo ad aeternam requiem pro electorum parte Iudaea, gentilitasque colligitur, recte quingenta iuga bouum, & quingentae asinae habere perhibentur. Sequitur. *Ac familia multa nimis.* Quid est quodd prius ani-

malium multitudo describitur, & familia in extremo memoratur, nisi quodd ad cognitionem fidei prius stulta mundi collecta sunt, vt postea astuta eius etiam vocarentur? Paulo attestante, qui ait: Non multi sapientes secundum carnem, non multi potentes, non multi nobiles, sed quae stulta sunt mundi, elegit Deus, vt confundat sapientes. Ipsa namque sanctae Ecclesiae principia, literarum perhibentur ignara, vt videlicet cunctis praedicatoribus suis redemptor ostenderet, quodd ad vitam credentes populos non sermo, sed causa suaderet. Sequitur. *Erat vir ille magnus inter omnes Orientales.* Quodd Redemptor noster oriens dicitur, Propheta testante perhibetur, qui ait: Et ecce vir Oriens nomen eius. Omnes ergo qui in hoc oriente fide consistunt, recte orientales vocantur. Sed quia omnes homines tantummodo homines sunt, ipse autem oriens Deus & homo: recte dicitur: *Erat magnus inter omnes Orientales.* Ac si apertedd diceretur: Omnes qui in fide Deo nascuntur, superat, quia non vt ceteros adoptio, sed natura illum diuinitatis exaltat, qui etsi humanitate ceteris apparuit similis, diuinitate tamen mansit super omnia singularis.

Quid per allegoricum sensum, per conuiuium filiorum, & vocationem filiarum intelligatur. Caput VII.

Et ibant filij eius & faciebant conuiuium per domos. Filij facturi conuiuium per domos ibant, cum praedicatores Apostoli in diuersis mundi regionibus, virtutum epulas audientibus, quasi edentibus ministrabant. Vnde & eisdem filiis de esurientibus plebibus dicitur: Date illis vos manducare. Et rursum: Dimittere eos ieiunos nolo, ne deficient in via, id est, in praedicatione vestra verbum consolationis accipiant, ne a veritatis pabulo ieiuni remanentes, in huius vitae labore succumbant. Hinc rursus eisdem filiis dicitur: Operamini non cibum qui perit, sed qui permanet in vitam aeternam. Quae conuiuium quomodo exhiberentur, adiungitur, cum protinus subinfertur: *Vnusquisque in die suo.* Si ignorantiae obscuritas, sine dubitatione, nox cordis est, intellectus non immeritodd dies vocatur. Vnde & per Paulum dicitur: Alius iudicat diem inter diem, alius iudicat omnem diem. Ac si apertedd dicat: Alius quaedam nonnullis intermissis intelligit, alius verodd omnia intellectu possibilia, ita vt sunt videnda, cognoscit. Vnusquisque ergo filius in die suo conuiuium exhibet, quia sanctus quisque praedicator iuxta mensuram illuminatae intelligentiae, mentes audientium epulis veritatis pascit. In die suo Paulus fecerat conuiuium, cum dicebat: Beatiores erunt, si sic permanferint, secundum meum consilium. De die suo vnunquenque admoebat cogitare, cum diceret: Vnusquisque in suo sensu abudet. Sequitur: *Et mittentes vocabant tres sorores suas, vt comederent & biberent cum eis.* Sorores filij ad conuiuium vocant, quia infirmis auditoribus sancti Apostoli refectionis supernae gaudia praedicant, eorumque mentes, quia a veritatis pabulo ieiunas aspiciunt, diuini eloquij epulis pascunt. Bene autem dicitur: *Vt comederent & biberent cum eis.* Scriptura enim sacra aliquando nobis est cibus, aliquando potus. Cibus est in locis obscurioribus, quia quasi exponendo frangitur, & mandendo glutitur. Potus verodd est in locis apertioribus, quia ita sorbetur sicut inuenitur. Cibus vidit Propheta scripturam sacram, qui exponendo frangeretur, cum diceret: Paruuli petierunt panem, & non erat qui frangeret eis: id est, infirmi quique scripturae sacrae valentiores sententias petierunt exponendo comminui, sed qui exponere debeat, non valet inueniri. Potum vidit scripturam sacram Propheta, cum diceret: Omnes sitientes venite ad aquas. Si potus aperta mandata non essent, per semetipsam veritas non clamaret: Si quis sitit, veniat ad me & bibat. Quasi cibus & potum vidit Propheta Iudaea defuisse, cum diceret: Nobiles eius interierunt fame, & multitudo eius siti exaruit. Paucorum quippe est, fortia & occulta cognoscere, multorum verodd, historiae aperta sentire. Idcirco Iudaea nobiles non siti, sed fame interisse asserit, quia hi qui praesse videbantur, dum totos se exteriori intelligentiae dederant, quodd de intimis discutiendo manderent, non habebant. Quia verodd sublimioribus ab intellectu interno cadentibus, paruulorum intelligentia & in exterioribus exsiccat, recte illic adiungitur: Multitudo eius siti exaruit. Ac si apertedd diceret: Dum vulgus studium vitae suae deserit, iam nec fluenta historiae exquirat. Et tamen occulta sacri

culta sacri eloquij mandata & aperta se intellexisse testantur, qui reprobanti se iudici conquerentes dicunt: Manducauimus & bibimus coram te. Quod apertè exponendo subiungit: Et in plateis nostris docuisti. Quia ergo sacra eloquia in locis obscurioribus exponēdo franguntur, in locis verò apertioribus, ita vt inuēta fuerint, potantur, dicatur rectè: *Mittentes vocabant tres sorores suas, vt comederent & biberent cum eis.* Ac si apertè diceretur: Infirmos quosque blanda ad se persuasionē deducebāt, quatenus eorum mentes, & magna per contemplationem differētes pascere, & parua per historiam tradentes nutrent. Sequitur: *Cūque in orbem transissent dies conuiuij, mittebat ad eos Iob, & sanctificabat illos: consurgēsq; diluculo offerebat holocausta per singulos.* In orbem dies conuiuij transeunt, cū prädicationis ministeria peraguntur. Peractisque conuiuiis, holocaustum Iob pro filiis obtulit: quia pro Apostolis de prädicatione redeuntibus, patrem Christus redemptor exorauit. Bene autem mittendo sanctificare dicitur, quia dum spiritum sanctum, qui à se procedit, discipulorum cordibus tribuit: quicquid eis culpæ inesse potuit, emundauit. Rectèque ad offerenda holocausta diluculo consurgere perhibetur: quia per hoc quod pro nobis intercessionis suæ petitionem obtulit, discussa erroris nocte, humanæ mentis tenebras illustrauit, ne quo peccati contagio, ex ipsa prädicationis gratia, mens in occulto polluat, ne sibi quæ agit, tribuat: ne sibi tribuendo quæ agebat, amittat.

Quod maledicere Deo, sit de eius beneficio superbiere. Cap. VIII.

Vnde rectè subiungitur: Dicebat enim: Ne forte peccauerint filij mei, & benedixerint Deo in cordibus suis. Deo quippe benedicere, id est maledicere, est de eius munere sibi gloriam præbere. Vnde rectè sanctis Apostolis post prädicationem Dominus pedes lauit, vt videlicet apertè monstraret: quia plerumque & in bono opere peccati puluis contrahatur, & inde inquinantur vestigia loquentium, vnde audientium corda mundantur. Nam sæpe nonnulli dum exhortationis verba faciunt, quāquam tenuiter, sese intrinsecus, quia per eos gratia purgationis deriuatur, extollunt. Cumque verbo aliena opera diluunt, quasi ex bono itinere puluerem malæ cogitationis sumunt. Quid ergo fuit post prädicationem pedes discipulorum lauare, nisi post prädicationis gloriā, cogitationum puluerē tergere, gressusque cordis ab interna elatione mundare? Nec obstat ab omnimodā mediatoris scientia quod dicitur: Ne forte peccauerint. Nam cuncta sciens, sed in semetipso ignorantiam nostram suscipiens, atque dum suscipit docens: nonnūquam quasi ex nostra dubitatione loquitur, sicut dicit: Filius hominis veniens, putas inueniet fidem super terram? Expletis ergo conuiuiis sacrificium pro filiis Iob offerens dicebat: *Ne forte peccauerint filij mei, & benedixerint deo in cordibus suis.* Quia redemptor noster postquam prädicatores suos à malis impugnantibus diluit: etiam inter bona quæ egerant, & à temptationibus defendit.

Quod omnibus diebus sacrificium Deo pro nobis Filius offerre non cessat. Caput IX.

Sic faciebat Iob cunctis diebus. Cunctis diebus Iob sacrificium offerre non cessat, quia sine intermissione pro nobis holocaustum redemptor immolat, qui sine cessatione patri suam pro nobis incarnationem demonstrat. Ipsa quippe eius incarnatio nostræ emundationis oblatio est. Cumque se hominem ostendit delicta hominis interueniens diluit, & humanitatis suæ mysterio perenne sacrificium immolat, quia & hæc sunt æterna quæ mundat. Igitur quia in ipso expositionis exordio sic personam beati Iob nunciare Dominum diximus: vt designari per illum caput & corpus, id est, Christum & Ecclesiam diceremus: postquam caput nostrum quomodo designatum credatur, ostendimus: nunc corpus eius, quod nos sumus, quomodo exprimitur, indicemus: vt quia audiuius ex historia quod miremur, cognouimus ex capite quod credamus, consideremus nunc ex corpore quid viuendo teneamus. In nobismet ipsis nanque debemus transformare quod legimus, vt cū per auditum se animus excitat, ad operandum quod audierat, vita concurret.

Quod hi quos inhabitat consilij spiritus in presentibus dolent, & ad æterna suspirant. Caput X.

Vl erat in terra Hus, nomine Iob. Si Iob dolens, & Hus confiliator dicitur, non immeritò per vtraque nomina electus quisque figuratur: quia nimirum consiliatorem animum inhabitat, qui dolens de presentibus ad æterna festinat. Nam sunt nonnulli qui vitam suam negligunt, & dum transitoria appetunt, dum æterna vel non intelligunt, vel intellecta contemnunt, nec dolorem sentiunt, nec habere consilium sciunt. Cūque superna quæ amiserunt, non considerant, esse se (heu miseri) in bonis felices putant. Nequaquam enim ad veritatis lucem, cui conditi fuerant, mentis oculos erigunt: nequaquam ad contemplationem patriæ æternæ desiderij aciem tendunt: sed semetipsos in his, ad quæ proiecti sunt deferentes, vice patriæ diligunt exilium quod patiuntur, & in cæcitate quam tolerant, quasi in in claritate luminis exultant. Ac contrā electorum mentes dum transitoria cuncta nulla esse conspiciunt, ad quæ sint cōditæ exquirunt: cūque eorum satisfactioni nihil extra Deum sufficit, ipsa inquisitionis exercitatione fatigata, illorum cogitatio in conditoris sui spe & contemplatione requiescit, supernis interferi ciuibus appetit: & vnusquisque eorum adhuc in mundo corpore positus, mente tamen extra mundum surgit: ærumnam exilij quam tolerat: deplorat: & ad sublimen patriam incessantibus se amoris stimulis excitat: Cū ergo dolēs videt quā sit æternum quod perdidit, inuenit salubre consilium, temporale hoc despicere quod percurrit: & quod magis crescit consilij scientia vt peritura deferat, eò augetur dolor, quod necdum ad māsura pertingat. Vnde bene per Salomonem dicitur: Qui addit scientiam, addit & dolorem. Qui enim scit iam summa quæ adhuc non habet, magis de infimis in quibus retinetur, dolet. Rectè ergo in terra Hus, habitare Iob dicitur, quia in scientiæ consilio electi vnus cuiusque dolens animus tenetur. Intuendum quoque est, quod nullus dolor mentis sit in actione præcipationis. Qui enim sine consiliis viuunt, qui seipsum rerum euentibus præcipientes deserunt, nullo interim cogitationum dolore fatigantur. Nam qui solerter in vitæ consilio figit mentem, cautè sese in omni actione circumspectando considerat: & ne ex re, quæ agitur, repentinus finis aduersusque surripiat, hunc prius molliter posito pede cogitationis palpat, pensat, ne ab his quæ agenda sunt, præpediat formido: ne in his quæ differenda sunt, præcipitatio impellat: ne praua per concupiscentiam aperto bello superent, ne recta per inanem gloriam insidiando supplantent. Iob ergo in terra Hus habitat, dum mens electi quod magis per consilium viuere nititur, eò angustii itineris dolore fatigatur. Sequitur:

Quod sancta Ecclesia simplicitatis & rectitudinis vias à timore incipit, & in charitate consummat. Caput XI.

Simplex & rectus ac timens Deum, & recedens à malo. Quisquis æternam patriam appetit, simplex proculdubio & rectus viuunt, simplex videlicet opere, rectus fide: simplex in bonis, quæ inferius peragit, rectus in summis, quæ in intimis sentit. Sunt nanque nonnulli, qui in bonis quæ faciunt, simplices non sunt: dum non in his retributionem interius, sed exterius fauorem quærūt. Vnde bene per quendam sapientem dicitur: Væ peccatori terram ingredienti duabus viis. Duabus viis peccator quippe terram ingreditur: quando & Dei est quod opere exhibet, & mundi, quod per cogitationem quærunt. Bene autem dicitur: *Timens Deum, & recedens à malo.* Quia sancta electorū Ecclesia simplicitatis suæ & rectitudinis vias timore inchoat, sed charitate consummat: cui tunc est funditus à malo recedere, cū ex amore dei cōperit iā nolle peccare. Cū verò adhuc timore bona agit, à malo penitus non recessit: quia coipso peccat, quo peccare vellet, si peccare inultè potuisset. Rectè ergo cū timere Deum Iob dicitur, recedere etiam à malo perhibetur: quia dum metū charitatis sequitur, ea quæ metu relinquitur, etiam per cogitationis propositum culpa calcatur. Et quia ex timore vnumquodque vitium premitur, ex charitate autem virtutes oriuntur, rectè subiungitur:

Quod secunditas spiritalis propter septiformem spiritum in filiis septem & in tribus filiabus, fides spes & charitas intelligantur.

Caput XII.

Nati sunt ei septem filij & tres filiæ. Septem quippe filij nobis nascuntur, cū per conceptionem bonæ cogitationis,

Esai. II.

sancti spiritus septem in nobis virtutes oriuntur. Hanc namque internam prolem Propheta dinumerat, cum spiritus mentem fecundat, dicens: Requiescet super eum spiritus Domini, spiritus sapientiae & intellectus, spiritus consilij & fortitudinis, spiritus scientiae & pietatis, & replebit eum spiritus timoris Domini. Cum ergo per aduentum spiritus sancti, sapientia, intellectus, consilium, fortitudo, scientia, pietas, ac timor Domini in animo unicuique nostrum gignitur: quasi mansura posteritas in mente propagatur, quae supernae nostrae nobilitatis genus eò ad vitam longius seruat, quod amoris aeternitatis sociat. Sed habent in nobis septem filij, tres proculdubio sorores suas, quia quicquid virile hi virtutum sensus faciunt, spei, fidei, charitatisque coniungunt. Neque enim ad denarii perfectionem septem filij perueniunt: nisi in fide, spe, & charitate fuerit omne quod agunt. Quia verò hanc praeventium virtutum copiam multimoda bonorum operum cogitatio sequitur, rectè subiungitur.

Quod possessio ouium & asinorum & camelorum sit subiugatio illorum, quos aliquando vel formido dissolvit, vel superbia inflat, vel luxuria inquinat.

Caput XIII.

ET fuit possessio eius septem milia ouium & tria milia camelorum.) Seruata quippe veritate historiae imitari spiritaliter possumus, quod carnaliter audiuius. Ouium enim septem milia possidemus, cum cogitationes innocuas perfecta cordis munditia, intra nosmetipsos inquisito veritatis pabulo pascimus. Eruntque nobis in possessionem etiam tria milia camelorum, si omne quod in nobis altum ac tortuosum est, rationi fidei subditur: & sub cognitione Trinitatis, sponte in appetitu humilitatis inclinatur. Camelos quippe possidemus, si quod altum sapimus, humiliter deponamus. Camelos proculdubio possidemus, cum cogitationes nostras ad infirmitatis fraternae compassionem flectimus, & vicissim onera nostra portantes, alienae infirmitati compati condescendendo nouerimus. Possunt etiam per camelos (qui vngulam nequaquam findunt, sed tamen ruminant) terrenarum rerum bonae dispensationes intelligi, quae quia habent aliquid seculi, & aliquid Dei, per commune eas necesse est animal designari. Neque enim terrena dispensatio (quanuis aeternae utilitati seruiat) sine perturbatione mentis valet exhiberi. Quia igitur per hanc & ad praesens mens confunditur, & in perpetuum merces paratur, quasi commune animal, & aliquid de lege habet, & aliquid non habet. Vngulam namque non findit, quia non se penitus anima ab omni terreno opere disiungit: sed tamen ruminat, quia bene dispensando temporalia, per certitudinis fiduciam coelestia sperat. Terrenae igitur dispensationes quasi camelorum more, capite legi concordant, pede discrepant: quia & coeli sunt illa, quae iuste viuentes appetunt: & huius mundi sunt ea, in quibus opere versantur. Nos ergo cum eadem terrenas cognitioni Trinitatis dispensationes subdimus, quasi camelos intra indiuisibilem numerum fide possidemus. Sequitur: *Quingenta quoque iuga bouum, & quingenta asinae.* Iuga bouum in vltimum nostrae possessionis sunt, dum concordantes virtutes exarant duritiam mentis. Quingentas quoque asinas possidemus, cum lasciuientes motus restringimus: & quicquid in nobis carnale exurgere appetit, spiritali cordis dominatu refrenamus. Vel certe asinas possidere, est cogitationes intra nos simplices regere. Quae dum in subtiliori intellectu currere non valent: quo quasi pigrius ambulant, eo fraterna onera mansuetius portant. Sunt namque nonnulli qui dum alta non intelligunt, per exteriora conuersationis opera se humiliter premunt. Bene ergo per asinas (pigrum quidem animal, sed tamen portandis oneribus deditum) simplices cogitationes accipimus, quia dum nostram plerumque ignorantiam cognoscimus, leuius onera aliena toleramus. Cumque nos quasi singularis sapientiae altitudo non eleuat, ad perferendam alieni cordis inertiam, mens se nostra aequaminiter, inclinatur. Rectè autem siue iuga bouum, siue quingenta asinae referuntur: quia vel in hoc quod prudenter sapimus, vel in hoc quod humiliter ignoramus, dum aeternae pacis requiem quaerimus, quasi intra iubilei numerum tenemur. Sequitur:

Quod multa familia, id est, multitudo cogitationum sit sub mentis dominio restringenda.

Caput XIII.

ET familia multa nimis.) Multam familiam nimis possidemus, cum cogitationes innumeras sub mentis dominatione restringimus, ne ipsa sui multitudine animum superent, ne peruerso ordine discretionis nostrae principatum calcent. Et bene cogitationum turba multae familiae appellatione signatur. Nam scimus quod absente domina, ancillarum linguae perstrepunt, silentium deserunt, deputati operis officia negligunt, totumque ordinem sibi met viuenti confundunt. At si repente domina veniat, mox perstrepentes linguae reticent, officia vniuscuiusque operis repetunt: sicque ad opus proprium, ac si non recesserint, reuertuntur. Si igitur a domo mentis ad momentum ratio discedat, quasi absente domina cogitationum se clamor, velut garrula ancillarum turba multiplicat. Vt autem ratio ad mentem redierit, mox se confusio tumultuosa compescit, & quasi ancilla se ad iniunctum opus tacite reprimunt: dum cogitationes protinus causis se propriis ad utilitatem subdunt. Possidemus ergo multam familiam, cum recto iure innumeris cogitationibus rationis discretionem dominamur. Quod nimirum cum solerter agimus iungi per eandem discretionem angelis conamur. Vnde rectè subiungitur: *Et quae vir ille magnus inter omnes Orientales.* Tunc namque magni inter omnes Orientales efficitur, cum eis spiritibus qui Orientali luci inhaerent, pressa carnalis corruptionis nebula, discretionis nostrae radiis, in quantum possibilitas suppetit, sociamur. Vnde & per Paulum dicitur: *Philipp.* Nostra conuersatio in caelis est. Quisquis temporalia ac defectiua sequitur, occasum petit: quisquis verò superna desiderat, quia in Oriente habitat, demonstrat. Magnus ergo non inter Occidentales, sed inter Orientales efficitur, qui non inter malorum actiones, ima & fugitiua quaerentium, sed inter choros proficere supernorum ciuium conatur. Sequitur.

Quomodo singulae virtutes in suo die conuiuium faciunt.

Caput XV.

ET ibant filij eius, & faciebant conuiuium per domos, unusquisque in die suo.) Filij per domos conuiuium faciunt, dum virtutes singulae, iuxta modum proprium, mentem pascunt. Vnde bene dicitur: Vnusquisque in die suo. Dies enim vniuscuiusque filij, est illuminatio vniuscuiusque virtutis. Vt enim haec ipsa dona breuiter septiformis gratiae replicem: alium diem habet sapientia, alium intellectus, alium consilium, alium fortitudo, alium scientia, alium pietas, alium timor. Neque enim hoc est sapere quod intelligere: quia multi aeterna quidem sapiunt, sed intelligere nequaquam possunt. Sapientia ergo in die suo conuiuium facit: quia mentem de aeternorum spe, & certitudine reficit. Intellectus in die suo conuiuium parat: quia in eo quod audita penetrat, reficiendo cor, tenebras eius illustrat. Consilium in die suo conuiuium exhibet: quia dum praecipitem esse prohibet, ratione animum replet. Fortitudo in die suo conuiuium agit: quia dum aduersa non metuit, trepidanti menti cibos confidentiae apponit. Scientia in die suo conuiuium parat: quia in ventre mentis ignorantiae ieiunium superat. Pietas in die suo conuiuium exhibet: quia cordis viscera misericordiae operibus replet. Timor in die suo conuiuium facit: quia dum premit mentem ne de praesentibus superbiat, de futuris illam spei cibo confortat. Sed illud in hoc filiorum conuiuium perscrutandum video, quod semetipsos inuicem pascunt. Valde enim singula virtus quaelibet destituitur, si non una alij virtuti suffragetur. Minor quippe est sapientia, si intellectu careat, & valde inutilis intellectus est, si ex sapientia non subsistat: quia cum altiora sine sapientiae pondere penetrat, sua illum leuitas grauius ruiturum leuat. Vile est consilium, cui robur fortitudinis deest: quia quod tractando inuenit, carens viribus, usque ad perfectionem operis non perducit. Et valde fortitudo destruitur, nisi per consilium fulciatur: quia quod plus se posse conspicit, eò virtus sine rationis moderamine deterius in praecipitium ruit. Nulla est scientia si utilitatem pietatis non habet: quia dum bona cognita exequi negligit, sese ad iudicium arctius stringit. Et valde inutilis pietas, si scientiae discretionem caret: quia dum nulla hanc scientia illuminat, quomodo misereatur ignorat. Timor quoque ipse nisi has etiam virtutes habuerit, ad nullum opus proculdubio bonae actionis surgit: quia

quantò & pressæ menti quasi serior famulatur. Sæpe se bono operi lætitia immoderata subiungit, cùmque plus mentem quàm decet hilarescere exigit, ab actione bona omne pòdus grauitatis repellit. Quia enim etiam bene inchoantibus sub-

Psalm. 141. co plenus spiritu dicebat: In via hac qua ambulabam, abscon-

Hiere. 41. derunt laqueum mihi, Quod bene ac subtiliter Hieremias in-

finuat: qui dū gesta foris referre studuit, quæ intus apud nos-

metipsum gererentur, indicauit dicens: Venerunt octoginta viri de Sichem, & de Silo, & de Samaria, rasi barba, & scissis

vestibus, squalentes: munera & thus habebant in manu, vt offerret in domo Domini. Egressus autem Ismaël filius Nathania in occursum eorum de Maspha, incedens & plorans ibat.

Cūq; occurrisset eis, dixit ad eos: Venite ad Godoliam filium Aicham. Qui cū venissent ad medium ciuitatis, interfecit eos. Barbam quippe radunt, qui sibi de propriis viribus fiduciam subtrahunt. Vestes scindunt, qui sibi metipsis in exterioris decoris laceratione non parcent. Oblaturi in domo Domini thus & munera veniūt, qui exhibere se in Dei sacrificio orationem cum operibus pollicentur. Sed tamen si se in ipsa sanctæ deuotionis via cautè circumspicere nesciunt, Ismaël Nathania filius in eorū occursum venit: quia nimirum quilibet malignus spiritus, prioris sui satanæ videlicet exemplo in superbix errore generatus, se ad laqueum deceptionis opponit. De quo & bene dicitur: Incedēs & plorās ibat: quia vt deuotas mētes interimere feriendo præualeat, semetipsum quasi sub velamine virtutis occultat: & dum concordare se verè lugentibus simulat, ad cordis intima securius ad-

* alias a-

nimam.

missus, hoc quod intus de virtute latet, occidit: qui plerunq; se spondet ad altiora prouehere. Vnde & dixisse perhibetur: Venite ad Godoliam filium Aicham. Atq; dum maiora promittit etiam * minima subtrahit. Vnde & rectè dictum est: Qui cū venissent ad medium ciuitatis, interfecit eos. Viros ergo ad offerenda Deo munera venientes, in medio ciuitatis interfecit: quia diuinis deditæ operibus mentes, nisi magna se circumspectione custodiant, hoste surripiente, dum deuotionis hostiam portant, in ipso itinere perdunt vitam. De cuius hostis manu non euaditur, nisi citius ad pœnitentiam recurratur. Vnde illic aptè subiungitur: Decem autem viri reperti sunt inter eos, qui dixerūt ad Ismaël: Noli occidere nos, quia habemus in agro thesauros frumētī, & hordei, & olei, & mellis, & non occidit eos. Thesaurus quippe in agro est spes in pœnitentia, quæ quia non cernitur, quasi in terra cordis suffossa continetur. Qui ergo thesauros in agro habuere, seruati sunt: quia qui post incautelæ suæ vitium, ad lamenta pœnitentiæ redeunt, nec capti moriuntur. Cū verò antiquus hostis neque in exordio intentionis ferit, neque in itinere actionis intercipit, duriores in fine laqueos tendit. Quem tantò nequius obsidet, quātò solum sibi remansisse ad decipiendum videt. Hos nanque fini suo laqueos oppositos Propheta conspexerat, cū dicebat: Ipsi calcaneum meū obseruabunt.

Hiere. 41.

Quia enim in calcaneo finis est corporis, quid per hunc nisi terminus signatur actionis? Siue ergo maligni spiritus, siue prauī quiq; homines, illorum superbix sequaces, calcaneum obseruant, cū actionis bonæ finem vitare desiderāt. Vnde & eidem serpenti dicitur: Ipsa tuum obseruabit caput, & tu calcaneum eius. Caput quippe serpentis obseruare, est initia suggestionis eius aspicere, & manu sollicitæ considerationis à cordis aditu funditus extirpare. Qui tamē cū ab initio deprehenditur, percutere calcaneum molitur: quia etsi suggestione prima intentionem non percutit, decipere in fine tendit. Si autem semel cor in intentione corrumpitur, sequentis actionis medietas, & terminus ab hoste callido securè possidetur: quoniam totam sibi arborem fructus ferre conspiciat, quam veneni dente in radice vitauit. Quia ergo summa cura vigilandum est, ne vel bonis operibus seruiens mens, reprobā intentione polluat, rectè dicitur: Ne foris peccauerint filij mei, & benedixerint Deo in cordibus suis. Ac si apertè diceretur: Nullum est bonum quod foris agitur, si non pro eo, intus ante Dei oculos, innocentix victima in ara cordis immolatur.

Psalm. 55.

Tota itaque virtute perspicendus est fluuius operis, si purus emanat ex fonte cogitationis. Omni cura seruandus est à malitiæ puluere oculus cordis, ne hoc quod in actione rectū

hominibus ostendat, apud semetipsum per vitium prauæ intentionis intorqueat. Curandum itaque est, ne bona nostra pauca sint: curandum ne indiscussa: ne aut pauca agentes, inueniamur steriles: aut indiscussa relinquentes, vēcordes. Neq; enim vnaquæque verè virtus est, si mixta aliis virtutibus non est. Vnde rectè ad Moysen dicitur: Sume tibi aromata & sta-

Exod. 30.

cten & onycham, galbanum quoque boni odoris, & thus lucidissimum, faciēsque thymiam compositum opere vnguentarij, mixtum diligēter & purum. Thymiam quippe ex aromatibus compositum facimus, cū in altari boni operis, virtutum multiplicitate redolemus. Quod mixtum & purum fit, quia quantò virtus virtuti iungitur, tantò incensum boni operis sincerius exhibetur. Vbi & bene subiungitur: Cūque in tenuissimum puluerem vniuersa aromata contuderis, pones ex eo coram testimonij tabernaculo. In tenuissimū puluerem aromata vniuersa conterimus, cū bona nostra quasi in pilo cordis, occulta discussione tundimus: & si veraciter bona sint, subtiliter retractamus. Aromata ergo in puluerem redigere, est virtutes recogitando terere, & vsque ad subtilitatem occulti examinis reuocare. Et notandum quod de eodem puluere dicitur: Pones ex eo coram testimonij tabernaculo: quia tunc nimirum bona nostra veraciter in conspectu iudicis placent, cū hæc mens subtiliter recogitando conterit, & quasi de aromatibus puluerem reddit, ne grossum durumque sit bonum, quod agitur: ne si hoc arcta retractationis manus non comminuat, odorem de se subtilis non adspargat. Hinc est enim quod sponsæ virtus sponsi voce laudatur, cū dicitur: Quæ est ista quæ ascendit per desertum, sicut virgula fumi ex aromatibus myrrhæ & thuris, & vniuersi pulueris pigmentarij: Sancta quippe Ecclesia sicut fumi virgula ex aromatibus ascendit: quia ex vitæ suæ virtutibus in interni quotidie incensi reſtitutionem proficit, nec sparsa per cogitationes defluit, sed sese intra arcana cordis in rigoris virga constringit. Quæ ea quæ agit, dum recogitare semper ac retractare non desinit: myrrham quidem & thus habet in opere, sed puluerem in cogitatione. Hinc est quod de oblatoribus hostiæ ad Moysen iterum dicitur: Detracta pelle hostiæ artus in frustra concidant. Pellem nanque hostiæ detrahimus, cū à mentis nostræ oculis superficiem virtutis amouemus. Cuius artus in frustra concidimus, cū distigentes subtiliter eius intima, membratimque cogitamus. Curandum ergo est, ne cū mala vincimus, bonis lasciuientibus supplantemur, ne fortasse fluxa prodeant, ne incircumspecta capiantur, ne per errorem viam deserant, ne per lassitudinem fracta, anteaſti laboris meritum perdant. In cunctis enim vigilanter debet se mens circumspicere: atque in ipsa circumspectionis suæ prouidentia perseuerare. Vnde & rectè subiungitur:

Ibidem.

Ibidem.

Canti. 3.

Quid in vanum bono opere laboramus, si vsque in finem non perseueramus.

Leui. 1.

4º

Caput XX.

Sic faciebat Iob cunctis diebus vitæ suæ. Incassum quippe bonum agitur, si ante terminum vitæ deseratur: quia & frustra velociter currit, qui prius quàm ad metas veniat, deficit. Hinc est enim quod de reprobis dicitur: Væ his qui perdidērunt sustinentiam. Hinc electis suis veritas dicit: Vos estis qui permanistis mecum in tentationibus meis. Hinc Ioseph qui inter fratres vsque in finem iustus perseuerasse describitur, solus talarum tunicam habuisse perhibetur. Nam quid est talaris tunica, nisi actio consummata? Quasi enim protensa tunica talum corporis operit, cū bona actio ante Dei oculos vsque ad vitæ nos terminum tegit. Hinc est quod per Moysen caudam hostiæ in altari offerre præcipimur, vt videlicet omne bonum quod incipimus, etiam perseueranti fine compleamus. Bene igitur cœpta, cunctis diebus agenda sunt, vt cū malum pugnando repellitur, ipsa boni victoria constantiæ manu teneatur. Hæc itaque sub intellectu triplici diximus, vt fastidienti animæ varia alimenta proponentes, aliquid quod eligendo sumat, offeramus. Hoc tamen magnopere petimus, vt qui ad spiritalem intelligentiam mentem subleuat, à veneratione historiæ non recedat.

Ecclesiast. 2.

Luc. 22.

Gene. 7.

Exod. 29.

Leui. 3.

B. GREGORII EX-
POSITIONIS MORALIS INB. IOB LIBER II. CONTI-
nuans moraliter primum caput
textus.

Caput I.



Scriptura sacra mentis oculis quasi quod-
dam speculum opponitur, vt interna no-
stra facies in ipsa videatur. Ibi etenim
fœda, ibi pulchra nostra cognoscimus.
Ibi sentimus quantum proficimus, ibi à
profectu quàm longè distamus. Narrat
autem gesta sanctorum, & ad imitatio-
nem corda prouocat infirmorum. Dùmque illorum victicia
facta commemorat, contra vitiorum prœlia debilia nostra cõ-
firmat, sitque verbis illius, vt eò mens minus inter certamina
trepidet, quò ante se positos tot virorum fortium triumphos
videt. Nonnunquam verò non solum nobis eorum virtutes
asserit, sed etiã casus innotescit, vt & in victoria fortium quod
imitando arripere, & rursus videamus in lapsibus quod de-
beamus timere. Ecce enim Iob describitur tentatione auct^o,
sed Dauid tentatione prostratus, vt & maiorum virtus spem
nostram foueat, & maiorum casus ad cautelam nos humilita-
tis accingat: quatenus dum illa gaudentes subleuant, ista me-
tuentes premant, & audientis animus illinc spei fiducia, hinc
humilitate timoris eruditus, nec temeritate superbiat, quia
formidine premitur: nec pressus timore desperet, quia ad spei
fiduciam virtutis exemplo roboratur.

Quòd satan inter filios Dei affuit absens præsenti, sicut cæcus non videns
lumen à quo illustratur. Et quomodo sancta scriptura ex qualitati-
bus aeris, vel temporis, vel ex corporis situ, vel positione, locorum fines
exprimat, effectusque causarum. Caput II.

Quòd autem die cùm venissent filij dei, vt assisterent coram do-
mino, affuit inter eos etiam satan. Iuraverit libet quomodo
sacra eloquia in exordiis narrationum exprimant, terminos-
que causarum. Aliquando nanque à positione loci, aliquan-
do à positione corporis, aliquando à qualitate aeris, aliquan-
do à qualitate temporis signant, quid de ventura actione
subiiciant. A positione quippe locorum diuina scriptura ex-
primit subsequens merita, finesque causarum, sicut de
Israël dicit: quia verba Dei in monte audire non potuit, sed
præcepta in campestribus accepit: subsequens nimirum
infirmam populi indicans, qui ascendere ad summa non
valuit, sed semetipsum in infimis neglectè viuendo laxauit.
A positione corporis futura denunciat: sicut in actibus Apo-
stolorum Stephanus Iesum, qui à dextris virtutis dei sedet,
stantè se videri manifestat. Stare quippe adiuuantis est. Et re-
ctè stare cernitur, qui in bello certaminis opitulatur. A quali-
tate aeris res subsequens demonstratur, sicut Euangelista,
cùm prædicante Domino, nullos nunc ex Iudæis credituros
diceret, præmisit dicens: Hyems autem erat. Scriptum nan-
que est: Quoniam abundabit iniquitas, refrigescet charitas
multorum. Idcirco ergo hyemis curauit tempus exprimere, vt
inesse auditorum cordibus malitiæ frigus indicaret. Hinc est
quòd de negaturo Petro præmittitur: Quia frigus erat, & stas
ad prunas calefaciebat se. Iam nanque intus à charitatis calo-
re torpuerat, & ad amorem presentis vite, quasi ad persecuto-
rum prunas infirmitate æstuante, recalcabat. A qualitate quo-
que tēporis finis exprimitur actionis, sicut non rediturus ad
veniam, ad traditionis perfidiā nocte Iudas exiisse perhibe-
tur, cùm egrediēte illo ab Euangelista dicitur: Erat autē nox.
Hinc enim & iniquo diuiti dicitur: Hac nocte repetent ani-
mam tuam abs te. Anima quippe quæ ad tenebras ducitur,
non in die repeti, sed in nocte memoratur. Hinc est quòd
Salomon qui sapientiam nō perseueraturus accepit, in som-
nis hanc & nocte accepisse describitur. Hinc est quòd ange-
li ad Abraham meridie veniunt, puniri autem Sodomam,

Tomus primus.

ad eam vespere venisse memorantur. Quia igitur beati Iob
tentatio ad victoriam deducitur, à die cœpta perhibetur, cùm
dicitur: Quòd autem die cùm venissent filij Dei, vt assisterent co-
ram Domino, affuit inter eos etiam satan. Qui autem Dei filij, nisi
electi Angeli vocantur? De quibus cùm constet quòd obtu-
ribus maiestatis inseruiant: valde quærendum est vnde ve-
niant, vt coram Domino assistant. De his quippe voce veri-
tatis dicitur: Angeli eorum in cœlis semper vident faciem pa-
tris mei, qui in cœlis est. De his Propheta ait: Milia milium
ministrabant ei, & decies millies centena millia assiscebant ei.
Si igitur semper vident, & semper assisunt: vigilantia cura
quærendum est, vnde veniant, qui nunquam recedunt. Sed
cùm de illis per Paulum dicitur. Nonne omnes sunt admi-
nistratores spiritus in ministerium missi, propter eos qui hæ-
reditatem capiunt salutis: per hoc quòd missos cognoscimus,
vnde veniant inuenimus. Sed ecce quæstioni quæstionem
iungimus, & quasi dum ansam soluere nitimur, nodū ligamus.
Quomodo enim aut semper assistere, vidēre aut semper fa-
ciem patris possunt, si ad ministerium exterius pro nostra sa-
lute mittuntur? Quòd tamen citius soluimus, si quantæ subti-
litate sit angelica natura, pensamus. Neque enim sic à diui-
na visione foras exeunt, vt internæ contemplationis gaudiis
priuentur: quia si conditoris aspectum exeuntes amitterent,
nec iacentes erigere, nec ignorantibus vera nunciare possent,
fontemque lucis quem egredientes ipsi perderent, cæcis
nullatenus propinarent. In hoc itaque est nunc natura an-
gelica à naturæ nostræ conditione distincta, quòd nos & lo-
co circumscribimur, & cæcitatē ignorantia coartamur: An-
gelorum verò spiritus loco quidem circumscripti sunt, sed
tamen eorum scientiæ longè super nos incomparabiliter di-
latantur. Interius quippe exteriusque sciendo diffusi sunt,
quia ipsum fontem scientiæ contemplantur. Quid enim de
his quæ scienda sunt, nesciunt, qui scientem omnia sciunt?
Eorum itaque scientia comparatione nostræ scientiæ valde
dilatata est, sed tamen comparatione diuinæ scientiæ angus-
ta: sicut & ipsi illorum spiritus comparatione quidem no-
strorum corporum, spiritus sunt, sed comparatione summi,
& incircumscripti spiritus, sunt corpus. Et mittuntur igitur &
assisunt, quia per hoc quòd circumscripti sunt, exeunt, & per
hoc quòd intus quoque præsentes sunt, nunquam recedunt.
Et faciem ergo patris semper vident, & tamē ad nos veniunt,
quia & ad nos spiritali præsencia foras exeunt: & tamen ibi
se, vnde recesserant, per internam contemplationem seruant.
Dicatur ergo: Veniunt filij Dei, vt assisterent coram Domino.
quia illuc spiritus conuersione redeunt, vnde nulla mentis
auersione discedunt. Affuit inter eos etiam satan. Valde quæ-
rendum est quomodo inter electos Angelos satan adesse
potuerit, qui ab eorum sorte, exigente superbia, dudum
damnatus exiuit. Sed rectè inter eos affuisse describitur, quia
etsi beatitudinem perdidit, naturam tamen eis similem non
amisit: etsi meritis prægrauatur, conditione naturæ subtilis
attollitur. Inter Dei ergo filios coram Domino affuisse dicitur:
quia eo intuitu quo omnipotens Deus cuncta spiritalia
conspicit, etiam satan in ordine naturæ subtilioris videt, at-
testante scriptura, quæ dicit: Oculi domini contemplantur
malos & bonos. Sed hoc quòd affuisse satan coram Domino
dicitur, in graui nobis quæstione versatur. Scriptum quippe
est: Beati mundo corde, quoniam ipsi Deum videbunt. Sa-
tan verò qui mundo corde esse non potest, quomodo
videndo Domino affuisse potest? Sed intuendum est quia
affuisse coram Domino, non autem vidisse Dominum per-
hibetur. Venit quippe vt videretur, non vt videret. Ipse in
conspetu Domini, non autem in conspectu eius Dominus
affuit: sicut cæcus cùm in sole consistit, ipse quidem solis
radiis perfunditur, sed tamen lumen non videt quo illustra-
tur. Ita ergo etiam inter Angelos in conspectu Domini
satan adfuit, quia vis diuina quæ intuendo penetrat omnia,
non se videntem immundum spiritum, vidit. Quia enim &
ipsa quæ Deum fugiunt, latere non possunt, dum cuncta
nuda sint superno conspectui, satan adfuit absens præsenti.
Sequitur:

b

Mat. 18.
Dan. 7.

Hebr. 1.

3.

Prouer. 15.

Matth. 5.

Deute. 1.

Act. 7.

Ioan. 10.

Matth. 24.

Ioan. 18.

Ioan. 18.

Luce 12.

3. Regum. 3.

Gene. 18.

Gene. 19.

Quod nescire Dei, reprobare sit.

Caput III.

4. **C** *Vi dixit Dominus: Vnde venis?* quid est quod venientibus Angelis electis nequaquam dicitur: Vnde venitis: satan verò vnde veniat percontatur? Non enim requirimus nisi v-
 Luce 13. tique quæ nescimus: Nescire autem Dei, reprobare est. Vnde quibusdam in fine dicturus est: Nescio vos vnde sitis. discedite à me omnes operarii iniquitatis. Sicut & nescire mentiri, vir verax dicitur, qui verax dicitur, qui labi per mendacium designatur: nō quia si mentiri velit, nesciat: sed quod falsa loqui veritatis amore contemnat. Quid est ergo ad satan dicere, vnde venis, nisi vias illius quasi incognitas reprobare? Veritatis igitur lumen tenebras quas reprobatur, ignorat: & satanæ itinera, quia iudicans damnatur, dignum est, ut quasi nesciens requirat. Hinc est quod Adæ peccanti conditoris voce dicitur: Vbi es? Neque enim diuina potentia nesciebat, post culpam seruus ad quæ latibula sugerat: sed quia lapsus vidit in culpa, iam sub peccato velut ab oculis veritatis absconditum, quia tenebras erroris eius non approbat, quasi vbi est peccator ignorat, eumque & vocat, & requirit, dicens: Adam vbi es? Per hoc quod vocat, signum dat quia ad pœnitentiam reuocat. Per hoc quod requirit: apertè insinuat, quia peccatores iure damnandos ignorat. Satan ergo Dominus non vocat, sed tamen requirit dicens: Vnde venis? quia nimirum Deus apostatam spiritum ad pœnitentiam nequaquam reuocat: sed vias superbiæ eius nesciens damnatur. Igitur dum satan de itinere suo discutitur, electi Angeli requirendi vnde veniant non sunt: quia eorum viæ tantò Deo notæ sunt, quantò & ipso autore peraguntur, dumque soli eius voluntati inseruiunt, eò esse incognitæ nequeunt, quo per approbationis oculum ex ipso semper ante ipsum fiunt. Sequitur: *Respondens satan ait: Circuiui terram & perambulauit eam* Solet per gyrum circuitus, laboris anxietas designari. Satan ergo laborans terram circuiuit, quia quietus in cœli culmine stare contempsit. Cùmque se non transuolasse, sed perambulasse insinuat: quanto peccati pondere in imis prematur, demonstrat. Perambulans ergo terram circuiuit: quia ab illo spiritualis potentia volatu corruens, malitiæ suæ pressus grauedine, foras ad gyrum laboris venit. Hinc est enim quod & de eius membris per Psalmistam dicitur: In circuitu impij ambulant: quia dum interiora non appetunt, in exteriorum labore fatigantur. Sequitur:

Quid sit quod ad satan Dominus loqui dicitur, vel quod satan Domino respondere perhibetur.

Caput IIII.

5. **N** *Vnquid considerasti seruum meum Iob, quod non sit ei similis in terra, vir simplex & rectus, ac timens Deum, & recedens à malo?* Hod quod diuina voce beatus Iob simplex & rectus, ac timens Deum, & recedens à malo dicitur: quia subtiliter membratimque supra exposuimus, replicare quæ diximus deuitamus: ne dum discussa repetimus, tardius ad indiscussa veniamus. Hoc ergo nobis est solerter intuendum, quid sit quod vel ad satan loqui Dominus dicitur, vel quod satan Domino respondere perhibetur. Discutienda quippe est, quænam sit ista locutio. Neque enim vel à Domino (qui summus atque incircumscriptus est spiritus) vel à satan (qui nulla est carnea natura vestitus) Humano modo æreus flatus folle ventris attrahitur, ut per organum gutturis, vocis expressione reddatur. Sed dum naturæ inuisibili natura incomprehensibilis loquitur, dignum est, ut mens nostra qualitatem corporeæ locutionis excedens, ad sublimes atque incognitos modos locutionis intimæ suspendatur. Nos nanque ut ea quæ sentimus intrinsecus, extrinsecus exprimamus: hæc per organum gutturis, per sonum vocis eiicimus. Alienis quippe oculis intra secretum mentis, quasi post parietem corporis stamus: sed cùm manifestare nosmetipsos cupimus, quasi per linguæ ianuam egredimur: ut quales sumus intrinsecus, ostendamus. Spiritualis autem natura non ita est, quæ ex mente & corpore composita dupliciter non est. Sed rursus sciendum est, quia ipsa etiam natura incorporea cum loqui dicitur, eius locutio nequaquam vna atque eadem qualitate formatur. Aliter enim loquitur Deus ad Angelos, aliter Angeli ad Deum: aliter Deus ad sanctorum ani-

mas, aliter sanctorum animæ ad Deum: aliter Deus ad diabolum, aliter diabolus ad Deum. Nam quia spiritali naturæ ex corporea appositione nihil obstat: loquitur Deus ad Angelos sanctos eo ipso, quo eorum cordibus occulta sua inuisibilia ostendit, ut quicquid agere debeant, in ipsa contemplatione veritatis legant, ut velut quædam præcepta vocis sint ipsa gaudia contemplationis. Quasi enim audientibus dicitur, quod videntibus inspiratur. Vnde cùm eorum cordibus, Deus contra humanam superbiam, animaduersionem ultionis infunderet, dixit: Venite descendamus, & confundamus ibi linguam eorum. Dicitur eis qui aderant: Venite, quia nimirum hoc ipsum nunquam à diuina contemplatione decrefcere, in diuina contemplatione semper accrescere est: & nunquam corde recedere, quasi quodam stabili motu est semper venire. Quibus & dicit: Descendamus & confundamus ibi linguam eorum. Ascendunt Angeli in eo quod creatorem conspiciunt: Descendunt Angeli, in eo quod creaturam sese in illicitis erigentem, examine distractionis premunt. Dicere ergo Dei est: Descendamus & confundamus ibi linguam eorum, in seipso eis hoc quod rectè agatur ostendere, & per vim internæ visionis, eorum mentibus exhibenda iudicia occultis motibus inspirare. Aliter loquuntur Angeli ad Deum, sicut & per Ioannis apocalypsim dicunt: Dignus est agnus qui occisus est, accipere virtutem, & diuinitatem, & sapientiam. Vox namque Angelorū est in laude conditoris ipsa admiratio intimæ cōtemplationis. Virtutis diuinæ miracula obstupuisse dixisse, est: quia excitatus cum reuerentia motus cordis, magnus est ad aures incircumscripti spiritus, clamor vocis. Quæ vox se quasi per distincta verba explicat, dum sese per innumeros modos admirationis format. Deus ergo Angelis loquitur: cùm eis voluntas eius intima videnda manifestatur. Angeli autem loquuntur Domino: cùm per hoc quod super semetipsos respiciunt, in motum admirationis surgunt. Aliter Deus ad sanctorum animas, aliter sanctorum animæ loquuntur ad Deum. Vnde & in Ioannis Apocalypsi rursus dicitur: Vidi subter altare animas interfectorum propter verbum Dei, & propter testimonium quod habebant: & clamabant voce magna, dicentes: Usquequo Domine, sanctus & verus, non iudicas & vindicas sanguinem nostrum, de his qui habitant in terra? Vbi ilico adiungitur: Data sunt illis singulæ stolæ albæ, & dictum est illis ut requiescerent tempus adhuc modicum, donec impleatur numerus conseruorum & fratrum eorum. Quid est enim animas vindictæ petitionem dicere, nisi diem extremum iudicii, & resurrectionem extinctorum corporum desiderare? Magnus quippe earum clamor, magnum est desiderium. Tantò enim quisque minus clamat, quantò minus desiderat: & tantò maiorem vocem in aures circumscripti spiritus exprimit, quantò se in eius desiderium plenius fundit. Animarum igitur verba ipsa sunt desideria. Nam si desiderium sermo non esset, Propheta non diceret. Desiderium cordis eorum audiuit auris tua. Sed cùm aliter moueri soleat mens quæ petit, aliter quæ petitur: & sanctorum animarū ita in interni secreti sinu Deo inhæreant, ut inhærendo requiescant: quomodo dicuntur petere, quas ab interna voluntate constat nullatenus discrepare? Quomodo dicuntur vindictam desiderare, quas & voluntatem Dei certum est, & ea quæ futura sunt, non ignorare? Sed in ipso positæ, ab ipso aliquid petere dicuntur, non quod quicquam desideret quod ab eius voluntate, quem cernunt, discordat: sed quò Deo mente ardentius inhærent, eo etiam de ipso accipiunt, ut ab ipso petant, quod eum facere velle nouerunt. De ipso ergo bibunt, quod ab ipso sitiunt: & modo nobis adhuc incomprehensibili, in hoc quod petendo esuriunt, præsciendo satiatur. Discordarent ergo à voluntate conditoris, si qua eum vident velle, nō peterent: eisque minus inhærent, si voluntatē dare, desiderio pigriori pulsarent. Quibus responsum diuinitus dicitur: Requiescite tempus adhuc modicum, donec compleatur numerus cōseruorum & fratrum vestrorum. Desiderantibus animabus, Requiescite tempus adhuc modicum dicere, est inter ardorem desiderij ex ipsa præscientia solatium cōsolationis adspirare: ut & animarū vox sit, hoc quod amantes desiderant: & respondentis Dei sermo sit, hoc quod

Gene. 22.

Apoc. 5.

6.

Apoc. 6.

Clamor magnus, desiderium magnum. Verba animarum desideria. Psalm. 9.

*Aliter lo-
quitur deus
ad diabolum
aliter dia-
bolus ad
deum.*

*Loquitur
Deus ad dia-
bolum qua-
tuor modis.*

*Loquitur
diabolus
ab Deo tri-
bus modis.
Dicere dei.*

*Dicere dia-
boli.*

quod eas retributionis certitudine inter desideria confirmat, Respondere ergo eis est, vt collectionem fratrum expectare debeant, eorum mentibus libenter expectandi moras infundere: vt cum carnis resurrectionem appetunt, etiam ex colligendorum fratrum augmento gratulentur. Aliter Deus loquitur ad diabolum, aliter diabolus ad Deum. Loqui enim Dei est ad diabolum: vias eius ac negocia animaduersione occulta distractionis increpare, sicut hic dicitur: Vnde venis? Diaboli autem ei respondere, est omnipotenti maiestati eius posse nihil celare. Vnde hic ait: Circuiui terram, & perambulauim eam. Quasi enim dicere eius est quid egerit, scire quod actus suos oculis illius occultate non possit. Sciendum verò est, quia sicut hoc loco discimus, quatuor modis loquitur Deus ad diabolum: tribus diabolus ad Deum. Quatuor modis loquitur Deus ad diabolum, quia & iniustas vias eius arguit, & electorum suorum contra illum iustitiam proponit, & tentandam eorum innocentiam ei concedendo permittit, & aliquando eum ne tentare audeat prohibet. Iniustas enim vias eius redarguit: sicut iam dictum est: Vnde venis? Electorum suorum contra illum iustitiam proponit, cum ait: Nunquid considerasti seruum meum Iob: quod non sit ei similis super terram? Tentandam eorum innocentiam concedendo permittit, sicut ait: Ecce vniuersa quae habet, in manu tua sunt. Rursumque eum à tentatione prohibet cum dicit: Tantum in eum ne extendas manum tuam. Tribus autem modis loquitur diabolus ad Deum: cum vel vias suas insinuat, vel electorum innocentiam fictis criminibus accusat, vel tentandam eandem innocentiam postulat. Vias quippe suas insinuat qui ait: Circuiui terram, & perambulauim eam. Electorum innocentiam accusat, qui dicit: Nunquid frustra Iob timet deum? Nonne tu vallasti eum, ac domum eius, vniuersamque substantiam eius per circuitum? Tentandam eandem innocentiam postulat, cum dicit: Extende manum tuam, & tange cuncta quae possidet, nisi in faciem benedixeris tibi. Sed dicere Dei est: Vnde venis? sicut & supra insinuauimus, vi suae iustitiae itinera malitiae eius increpare. Dicere Dei est: Nunquid considerasti seruum meum Iob, quod non sit ei similis super terram? Tales electos suos iustificando facere: quibus nimirum apostata angelus possit inuidere. Dicere Dei est: Ecce vniuersa quae habet, in manu tua sunt: ad probationem fidelium, contra eos occulta vi incursum illum suae malitiae relaxare. Dicere Dei est: Tantum in eum ne extendas manum tuam: ab immoderate tentationis impetu eum etiam permittendo restringere. Diaboli autem dicere est: Circuiui terram, & perambulauim eam: sagacitatem suae malitiae inuisibilibus eius oculis occultare non posse. Dicere diaboli est: Nunquid frustra Iob timet Deum? contra bonos intra cogitationum suarum kitibula conqueri: eorumque profectibus inuidere, atque inuidendo reprobationis rimas exquirere. Dicere diaboli est: Extende paululum manum tuam, & tange cuncta quae possidet: ad afflictionem bonorum, malitiae aestibus anhelare. Quod enim eorum tentationem inuidens appetit, eo illorum quasi probationem deprecans petit. Quia igitur internarum locutionum modos succinctè diximus: ad intermissum paululum expositionis ordinem reuertamur.

Quod diabolus non contra Iob, sed contra dominum certamen inuit.

Caput V.

8. **N**unquid considerasti seruum meum Iob, quod non sit similis ei super terram, vir simplex & rectus, ac timens Deum, & recedens à malo? Præcedenti iam sermone tractatum est: quia diabolus non contra Iob, sed contra Deum certamen proposuit, materia verò certaminis beatus Iob in medium fuit. Et si in sermonibus suis dicimus Iob inter flagella deliquisse, quod sentire nephas est, Deum dicimus in sua propositione victoriam perdidisse. Nam ecce & in hoc loco intuendum est: quia non prius diabolus beatum Iob à Domino petiit, sed eum Dominus in diaboli despectu laudauit. Et nisi in sua iustitia permanfurum nosset, non utique pro illo proponeret. Nec periturum in tētatione cōcederet, de quo ante tētationem, ex Dei laudibus, in tentatoris mente, inuidiae fuerant faces excitatae. Sed antiquus aduersarius cum quae accuset mala, non inuenit: ipsa ad malum inflectere bona quærit. Cum de operibus vincitur, ad accusandum verba nostra perscrutatur. Cum nec in verbis accusationem reperit, intentionem cordis fuscare contendit, tanquam bona facta bono animo non fiât,

Tomus primus.

A & idcirco perpendi à iudice bona non debeant. Quia enim fructus arboris esse, & in æstu virides conspiciunt: quasi vermem ponere ad radicem quærit. Nam dicit: Nunquid frustra Iob timet Deum? Nōne tu vallasti eum ac domum eius, vniuersamque substantiam eius per circuitum? Operibus manuum eius benedixisti, & possessio illius creuit in terra. Ac si apertè dicat: Qui tot bona in terra recipit: quid mirum est si pro eis se innocenter gerit? Innocens verè esset, si bonus inter aduersa peristeret. Cur autem magnus dicitur, quem merces sui vniuersiusque operis, tanta rerum multiplicitate comitatur? Astutus quippe aduersarius cum sanctum virum inter prospera bene egisse considerat, reprobare apud iudicem per aduersa festinat. Vnde rectè in Apocalypsi voce angelica dicitur: Proiectus est accusator fratrum nostrorum, qui accusabat illos ante conspectum Dei nostri die ac nocte. Scriptura autem sacra sæpe diem pro prosperis, noctem autem pro aduersis ponere consuevit. In die ergo & nocte accusare non desinit: quia modo nos in prosperis, modo in aduersis accusabiles ostendere contendit. In die accusat, cum prosperis malè nos uti insinuat. In nocte accusat, cum in aduersis nos non habere patientiam demonstrat. Beatum ergo Iob, quia necdum flagella attigerant: quasi adhuc vnde in nocte accusare posset, omnino non habebat. Quia verò in prosperis magna sanitate viguerat, pro eisdem prosperis bona illum egisse simulabat: versuta assertionem mentiens, quod non ad vsum Domini substantiam possideret, sed ad vsum substantiae Dominum coleret. Sunt enim nonnulli, qui ut fruantur Deo, dispensatoriè vtuntur hoc seculo. Et sunt nonnulli qui ut fruantur hoc seculo, transitoriè uti volunt Deo. Cum igitur bona diuini muneris narrat, putat quod fortis operarij facta leuiget: ut cuius vitam reprehendere de operibus non vallet, eius mentem quasi ex cogitationibus addiscat, mentiens quod non amore Domini, sed temporalis prosperitatis appetitione seruierit, omne quod innocuè exterius vixit. Vires ergo beati Iob nesciens, sed tamen vnumquemque aduersis probari verius sciens, tentandum hunc experit: ut qui per diem prosperitatis inoffenso gressu inceserat, saltem in nocte aduersitatis impingeret, & ante laudatoris sui oculos offensione impatientiae prostratus iaceret. Vnde subiungit:

Quod diabolus nihil possit nisi permissus.

Caput VI.

Sed extende paululum manum tuam, & tange cuncta quae possidet, nisi in faciem benedixeris tibi. Cum sanctum virum satan tentare appetit, & tamen domino, ut manum suam extendere debeat dicit, valde notandum est: quia ferendi vires nec ipse sibi tribuit, qui contra authorem omnium singulariter superbit. Scit nanque, quia quodlibet agere ex semetipso non sufficit, quia nec per semetipsum in eo quod est spiritus existit. Hinc est quod in Euangelio expellenda de homine legio dicebat: Si eiicis nos, mitte nos in gregem porcorum. Qui enim per semetipsum ire in porcos non poterat, quid mirum si sine authoris manu, sancti viri domum contingere non valebat? Sciendum verò est, quia satanae voluntas semper iniqua est, sed nunquam potestas iniusta: quia à semetipso voluntatem habet, sed à Domino potestatem. Quod enim ipse facere iniquè appetit, hoc Deus fieri non nisi iuste permittit. Vnde bene in libris Regum dicitur: Spiritus Domini malus iruebat in Saul. Ecce vnus idemque spiritus, & Domini appellatur & malus: domini videlicet per licentiā potestatis iustae, malus autem per desiderium voluntatis iniustae. Formidari ergo non debet, qui nihil nisi permissus valet. Sola ergo vis illa tremenda est, quae cum hostem sauire permiserit, ei ad vsum iusti iusticij, & iniusta illius voluntas feruit. Paululum verò manum postulat extendi, quia exteriora sunt, quae expectit conteri. Neque enim satan facere se aliquid multum putat, nisi cum in anima sauciat, ut ab illa patria feriens reuocet, à qua ipse longè tēlo superbiae suae prostratus iacet. Sed quid est quod ait: Nisi in faciem benedixeris tibi? Nos nempe quod amamus respicimus: quod verò aduersari volumus, ab eo faciem declinamus. Quid itaque Dei facies, nisi respectus eius gratiae perhibetur intelligi? Ait er-

b ij

*Apoc. 12.
9.*

*† al sancti-
tate.*

*Diabolus
vires ferien-
di sibi non
tribuit.*

Luca 8.

10.

*2. Regu 18.
Non est for-
temenda est, quae cum hostem sauire permiserit, ei ad vsum
midandus
diabolus,
sed vis di-
uina timen-
da.*

go: *Extende paululum manum tuam, & tange cuncta quæ possidet, nisi in faciem benedixerit tibi.*) Ac si aperte dicat: *Ea quæ dedisti subtrahe: nam si accepta perdiderit, respectum gratiæ tuæ ablati rebus temporalibus non requiret.* Si enim ea quibus delectatur non habuerit, fauorem tuum etiam maledicendo contemnet. Cuius petitione callida nequaquam prouocata veritas vincitur, sed ad deceptionem suam hosti conceditur: quod fideli famulo ad augmentum muneris suffragetur. Vnde mox subditur:

Quomodo Deus tentatori in quibusdam dat licentiam, in aliis verò retinet & refrenat. Caput VII.

11. **E**cce vniuersa quæ habet, in manu tua sunt: tantum in eum ne extendas manum tuam. Consideranda est in verbis Domini dispensatio sanctæ pietatis, quomodo hostem nostrum permittit, & retinet, relaxat & refrenat. Alia ad tentandum dat [alia ad affligendum] sed ab aliis religat. Ecce vniuersa quæ habet in manu tua sunt: tantum ne in eum extendas manum tuam. Substantiam prodit, sed tamen corpus protegit: quod quidem postmodum tentatori traditurus est, sed tamen non simul ad omnia relaxat hostem, ne vndique feriens frangat ciuem. Mala enim cum multa electis eueniunt, mira conditoris gratia ex tempore dispensantur: ut quæ coaceruata perimerent, possint diuina tolerari. Hinc Paulus ait: Fidelis Deus qui non patietur vos tentari supra id quod potestis, sed faciet cum tentatione etiam exitum, ut possitis sustinere. Hinc Dauid ait: Proba me domine & tenta me. Ac si aperte dicat: Prius vires inspice, & tunc ut ferre valeam tentari permittit. Hoc tamen quod dicitur: Ecce vniuersa quæ habet, in manu tua sunt: tantum in eum ne extendas manum tuam: intelligi & aliter potest, quia fortem quidem pugnatorem suum Dominus nouerat, sed tamen diuidere ei certamina contra hostem volebat: ut quauis robusto bellatori victoria in cunctis suppetere, prius tamen de vno certamine hostis ad Dominum victus rediret: tuncque ei aliud iterum vincendo concederet, quatenus fidelis famulus eò mirabilius victor existeret, quò victus hostis se contra illum iterum ad noua bella repararet. Sequitur:

Quòd Deus est intra omnia, & extra omnia, & supra omnia, & infra omnia. Caput VIII.

12. **E**gressusque est satan à facie Domini. Quid est quòd satan à facie Domini egressus dicitur? Quò enim exitur ab eo qui vbique est? Hinc nanque ait: Cælum & terram ego impleo. Hinc est quòd sapientia illius dicit: Gyrum cæli circumiui sola. Hinc de eius spiritu scriptum est: Spiritus Domini repleuit orbem terrarum. Hinc est quòd Dominus dicit iterum: Cælum mihi sedes est, terra autem scabellum pedum meorum. Hinc rursus de eo scriptum est: Cælum metitur palmo, & omnem terram pugillo concludit. Sedi quippe cui præsidet, interior & exterior manet. Cælum palmo metiens, & terram pugillo concludens, ostenditur: quòd ipse sit circumquaque cunctis rebus, quas creauit, exterior. Id nãque quòd interius concluditur à concludente exterius continetur. Per sedem ergo cui præsidet, intelligitur esse interius supràque. Per pugillum quo continet, exterius subterque signatur. Quia enim ipse manet intra omnia, ipse extra omnia, ipse supra omnia, ipse infra omnia, & superior est per potentiam, & inferior per sustentationem: exterior per magnitudinem, interior per subtilitatem: sursum regens, deorsum continens: extrà circundans, interius penetrans, nec alia ex parte superior, alia inferior, aut alia ex parte exterior, atque alia manet interior: sed vnus idemque totus vbique præsidendo sustinens, sustinendo præsidens, circundando penetrans, penetrando circundans. Vnde superius præsidens, inde inferius sustinens, & vnde exterius ambiens, inde interius replens, sine inquietudine superius regens, sine labore inferius sustinens, interius sine extenuatione penetrans, exterius sine extentione circundans. Est itaque inferior & superior sine loco: est amplior sine latitudine: est subtilior sine extenuatione. Quò igitur ab eo exitur, qui dum per molem corporis nusquam est, per incircumscripam substantiam nusquam deest? Sed quandiu satan pressus maiestatis potentia, appetitum suæ

malitiæ exercere non valuit, quasi ante faciem Domini stetit. A facie autem Domini exiit, quia relaxatus diuinitus ab internæ retentionis angustia, ad sui desiderij effectum venit. A facie Domini exiit, quia diu vinculis disciplinæ religata quandoque voluntas noxia ad opus processit. Cum enim, (sicut dictum est) id quod voluit, implere non valuit, quasi ante faciem Domini stetit, quia illum ab effectum malitiæ superna dispensatio coarctauit. Sed à facie Domini exiit, quia potestatem tentationis accipiens, ad malitiæ suæ vota peruenit. Sequitur:

Quòd conuiuantibus filiis Iob ex ipsa comessatione diabolus tentandi occasionem accepit, & quomodo de minoribus ad maiora paulatim progreditur. Caput VIII.

Cum autem quadam die filij, & filia eius comederent, & biberent vinum in domo fratris sui primogeniti, nuntius venit ad Iob, qui diceret: Boues arabant, & asina pascabantur iuxta eos, & irruerunt Sabæi, tuleruntque omnia, & pueros percusserunt gladio, & ego euasi solus, ut nuntiarem tibi. Notandum quæ tempora tentationibus congruant. Tunc quippe diabolus tentandi tempus elegit, quando beati Iob filios in conuiuium inuenit. Neque enim solummodo intuetur hostis quid faciat, sed etiam quando faciat, Nam quauis potestatem acceperit, aptum tamen ad subuersionem tempus exquisiuit, ut videlicet nobis Deo dispensante proderetur, quia prænuntia tribulationis est letitia satietatis. Intuendum verò est, quàm callidè ipsa damna quæ illata sunt nuntiantur. Non enim dicitur, Boues à Sabæis ablati sunt: sed qui ablati sunt, Boues arabant, ut videlicet memorato fructu operis, causa crescat doloris. Vnde & apud Græcos, non solum asinæ, sed asinæ foetæ raptæ referuntur: ut dum minima animalia audientis animum minus ex sui qualitate percuterent, amplius ex fecunditate vulnerarent. Et quia eò magis aduersa animum feriunt, quò cum multa sunt, etiam subita nuntiantur, aucta est mensura gemituum, etiam per particulas nuntiorum. Nam sequitur:

Cum adhuc ille loqueretur, venit alius & dixit: Ignis Dei cecidit de cælo, & tactas oues puerosque consumpsit, & effugi ego solus, ut nuntiarem tibi. Ne rebus perditis minorem audienti dolorem moueat: eius animum ad exercendum etiam ipsis nuntiorum verbis instigat. Intuendum quippe est quàm callidè dicitur: Ignis Dei, ac si aperte diceretur: Illius animaduersionem sustines, quem tot hostiis placare voluisti: Illius iram toleras, cui quotidie seruiens insudabas. Dum enim Deum cui seruierat aduersa intulisse indicat, & læso commemorat, in quo excedat: quatenus antea obsequia ad mentem reduceret, & frustra se seruasse æstimans in authoris iniuriam superbiret. Pia etenim mens cum se aduersa ab hominibus perpeti conspiciat, in diuinæ gratiæ consolatione requiescit: cumque tentationum procillas increfcere extrinsecus viderit, secessum spei dominicæ appetens, intra conscientiæ portum fugit. Ut verò versutus hostis vno eodemque tempore sancti viri robustissimum pectus, & humanis aduersitatibus, & diuina dispensatione concuteret, & prius

Sabæos irruisse intulit, & mox ignem Dei de cælo cecidisse nuntiauit, ut quasi omnem aditum consolationis excluderet, dum & ipsum aduersantem ostenderet, qui consolari animum intra aduersa potuisset, quatenus dum se tentatus vndique destitui atque vndique premi considerat, in contumeliam tantò audacius, quantò & desperatius erumpat. Sequitur: *Et adhuc loquente illo, venit alius & dixit: Chaldæi fecerunt tres turmas, & inuaserunt camelos, & tulerunt eos, necnon & pueros percusserunt gladio, & effugi ego solus, ut nuntiarem tibi.* Ecce iterum ne quid minus de humana aduersitate doluisset, Chaldæorum turmas irruisse denuntiat: & ne illum minus desuper veniens aduersitas feriat, iteratam iram in aère demonstrat. Nam sequitur: *Loquebatur ille, & ecce alius intravit & dixit: Filiis tuis & filiabus vescentibus, & bibentibus vinum in domo fratris sui primogeniti, repente ventus vehemens irruit à regione deserti, & concussit quatuor angulos domus, quæ cornes oppressi liberos tuos, & mortui sunt, & effugi ego solus, ut nuntiarem tibi.* Qui vno vulnere nò prosternitur, idcirco bis terque percutitur, ut vsq; ad intima quandoque feriat. Nuntiata itaque fuerat aduersitas de Sabæis, nuntiata diuina animaduersio per ignem de cælo, nuntiatur

Hiere. 23.
Ecclesiasti.
24.
Sapien. 1.
Esaiæ 66.
Esaiæ 40.

† al. lausum.

† al. deservatione.

nūciatur ab hominibus iterum camelorū raptus, cædēsque puerorū, & diuinę indignationis ira repetitur, dum ventus irruēs cōcussisse domus angulos, atque extinxisse liberos indicatur. Quia enim notum est, quod absque superno nutu moueri elementa non possint, latenter infertur, quod ipse contra illum elementa mouerit, qui moueri permisit, quāuis satan à Dōmīno semel accepta potestate ad vsum suę nequitie etiam elementa concutere præualeat. Nec mouere debet si spiritus de summis proiectus turbare in ventos aërem potuit: cūm nimirum constet, quia & damnatis in metallum, ad vsum aqua & ignis seruit. Quæsitum est igitur, vt nuntiarentur mala: quæsitum est, vt multa: quæsitum est, vt subita. Sed cūm prius aduersa nuntiavit, tranquillo adhuc pectori quasi sanis membris vulnus infligit: cūm verò percussus cor feriendo repetiit, vt ad impatientie verba compelleret, super vulnera vulnus irrogauit. Intuendum verò est, quā callidè curauit hostis antiquus, non tam iactura rerum sancti viri patientiam rumpere, quam ipso ordine nuntiorum. Qui stitens prius parua, & pōst nuntiare maiora, in extremo filiorum mortem intulit: ne vilia pater rei familiaris damna duceret, si illa iam orbatus audiret, & minus percuteret rerum amissio præcognita morte filiorum: quia videlicet nulla esset hæreditas, si illos prius subtraheret, qui seruabantur hæredes. Sed à minimis incipiens, in vltimum grauiora nuntiavit, vt dum gradatim deteriora cognosceret, in eius corde doloris locum omne vulnus inueniret. Notandum quā callidè tot malorum pondera, & diuisa, & subita nuntiantur: & repente, & particulatim crescens, in audientis corde dolor sese ipse non caperet, & tantò ardentius in blasphemiam accenderet, quantò subitis, ac multiplicibus nuntiis in se angustius æstualet.

Quod dissolutio prepositorum sit ruina minorum.
Caput IX.

15.

Sed neque hoc neglectè prætereundum puto: quod filij in maioris fratris domo conuiuantur cūm pereunt. Dictum nanque est superius, quod conuiuia peragi sine culpa vix possunt. Vt ergo nostra, non illorum loquamur: sciendum nobis est, quia omne quod à minoribus voluptuosè agitur, maiorum disciplina cohibetur. Cūm verò maiores ipsi voluptati deseruiunt, nimirum minoribus lasciuiæ fræna laxantur. Quis enim sub disciplinæ se constrictione retineat, quando & ipsi qui ius constrictionis accipiunt, sese voluptatibus relaxant? Dum ergo in maioris fratris domo conuiuantur, pereunt: quia tunc contra nos hostis vehementius vires accipit, quando & ipsos qui pro custodia disciplinæ prælati sunt, ventri seruire cognoscit. Tantò enim licentius ad feriendum occupat subditos, quantò & hi qui intercedere pro culpis poterant, voluptati vacant. Absit autem ne tanti viri filios per conuiuiorum studia, ingurgitando ventri vacasse suspicemur: sed tamen veraciter nouimus, quia et si per disciplinæ quisque custodiam necessitatis metas edendo non transit, accensa tamen mentis intentio inter conuiuia torpescit: & minus in quanto sit tentationum bello considerat, qui se per securitatem relaxat. In domo ergo primi fratris filios obruit: quia antiquus hostis in minorum morte subuersionis aditum per negligentiam maiorum quærit. Sed quia quantis nuntiorum iaculis sit percussus, agnouimus: vir fortis noster, qualis inter vulnera consistat audiamus. Sequitur.

Quod Iob in eo quod filios luxit, & Deum adorauit, manifestè ostendit, quā immobilis in Dei & proximi charitate extiterit.

Caput X.

Tunc surrexit Iob, & scidit vestimenta sua: & tonso capite corruens in terram adorauit. Nonnulli magnæ constantiæ philosophiam putant, si disciplinæ asperitate correpti, ictus verberum dolorēsque non sentiant. Nonnulli verò tam nimis percussorum flagella sentiunt, vt immoderato dolore commoti, etiam in excessu linguæ dilabantur. Sed quisquis veram philosophiam nititur tenere: necesse est, vt inter vtraque gradiatur. Non est enim pondus veræ virtutis, insensibilitas cordis, quia & valde insana per stuporem membra sunt: quæ & incisa sentire dolorem nequaquam possunt.

Tomus primus.

A Rursus virtutis custodiam deserit, qui dolorem verberum ultra quā necesse est sentit: quia dum nimia afflictione cor tangitur, vsque ad impatiētiam contumelias excitatur: & qui per flagella corrigere malefacta debuerat, agit vt nequitia per flagellū crescat. Contra insensibilitatē quippe percussorum per Prophetā dicitur: Percussisti eos, nec doluerunt: attriuisisti eos, & renuerunt accipere disciplinā. Contra pusillanimitatem percussorum per Psalmistam dicitur: In miseriis non subsistent. In miseriis nanque subsisterent, si æquanimiter aduersa tolerarent. At postquam mente inter flagella corruunt: quasi inter illatas misérias subsistendi constantiam perdunt. Beatus itaque Iob, quia veræ philosophiæ regulam tenuit, contra vtraque mira se æquitatis arte seruauit: vt nec quasi dolorem non sentiens flagella sperneret: nec rursus ultra modum dolorem sentiens contra iudiciū flagellantis insaniret. Cunctis enim rebus perditis, cunctis liberis amissis, surrexit: scidit vestimenta sua, & tonso capite corruens in terram adorauit. Quod vestimenta scidit, quod tonso capite in terram corruit: monstrat nimirum, quia flagelli dolorem sensit. Quod verò additur: Adorauit, apertè ostenditur: quia in dolore positus contra flagellantis iudiciū non excessit. Nec omnino ergo non motus est, ne Deum ipsa insensibilitate contemneret: nec rursus omnino motus est, ne nimis dolendo peccaret. Sed quia duo sunt præcepta charitatis, Dei videlicet amor, & proximi: vt dilectionem proximi exoluere, impendit filiis luctum: ne dilectionem Dei defereret, expleuit inter gemitus adorationem. Solent nonnulli in prosperis Deum diligere, in aduersis autem positi flagellantem minus amare. Beatus autem Iob per hoc quod motus exterius exhibuit, ostendit: quia flagella patris agnouit. Per hoc quod adorando humilis mansit, ostendit: quia amorem patris nec in dolore deseruit. Ne igitur superbus esset non sentiens, in percussione corruit: ne autem se ferienti extraneum faceret, ad hoc corruit vt adoraret. Mos autem veterum fuit: vt quisque speciem sui corporis capillos nutriendo, seruaret, eos tempore afflictionis abscinderet: & rursus qui tranquillitatis tempore capillos abscinderet, eos in ostensione afflictionis nutriret. Beatus igitur Iob tranquillitatis tempore capillos seruasse ostenditur: cūm ad doloris vsum caput totondisse memoratur: quatenus cūm in cunctis eum rebus manus superna percuteret, etiam sponte illum pœnitentiæ species diuersa fuscaret: sed iste exutus rebus, filiis orbatus, qui vestimenta scidit, qui caput totondit, qui in terram corruit, quid dicat audiamus.

Quod in amissione exteriorum magna consolatio sit, considerare quod hac temporalia nec aliquando habuimus, nec semper habebimus.

Caput XI.

Nudus egressus sum de vtero matris meæ: nudus reuertar illuc. Quā altæ sedi interni consilij præsidet iste, qui scissis vestibus in terra prostratus iacet. Quia enim iudicāte Dōmīno cuncta amiserat, pro seruanda patientia illud tempus ad memoriam reduxit, quo necdum ista quæ perdidit habebat: vt dum intueretur quod aliquando illa non habuit, dolorem temperet quod amisit. Magna enim consolatio est in rerum amissione, illa tempora ad mentem reducere, quibus nos contigit res quas perdidimus non habuisse. Quia verò omnes nos terra genuit, hanc non immeritò matrem vocamus. Vnde scriptum est: Graue iugum super filios Adam à die exitus de ventre matris eorum, vsque in diem sepulturæ in matrem eorum omnium. Beatus igitur Iob, vt patienter lugeat, quod hic amisit, vigilanter attendit qualis huc venerit: ad augmentum autem seruandæ patientiæ, adhuc solertius inspicit hinc qualis recedat, & dicit: Nudus egressus sum de vtero matris meæ, nudus reuertar illuc. Ac si dicat: Nudum me huc intrantem terra protulit, nudum me hinc exeuntem terra recipiet. Qui ergo accepta habui, sed relinquenda perdidit, quid proprium amisit?

Quod diabolus humilitate nostra sternitur, & patientia superatur.

Caput XII.

Quia verò consolatio, non solum ex consideratione conditionis exhibenda est, sed etiam ex iustitia conditoris, rectè subiungit: Dominus dedit, Dominus abstulit: sicut b' iij

Hier. 5.

Psalm. 139.

17.

Filij nol no
ingurgitan
do ventri,
conuiuio
vacabant.

Eccle. 40.

18.

Domino placuit, ita factum est.) Sanctus vir tentante aduersario cuncta perdidit, sed tamen sciens quia contra se satan tentandi vires, nisi permittente Domino non habebat, non ait: Dominus dedit, diabolus abstulit, sed Dominus dedit Dominus abstulit. Fortasse enim fuerat dolendum, si quod dominus dedit, hostis abstulisset: at postquam non abstulit nisi ipse qui dedit, sua recepit, non nostra abstulit. Si enim nos ab illo accipimus, quibus in hac vita utimur, cur doleamus quod ipso iudicante exigimur, quo largiente sceneramur? Nec aliquando iniustus est creditor, qui dum præfixo reddendi tempore non constringitur: quando vult exigit quod sceneratur. Vbi & bene subiungitur: *Sicut Domino placuit, ita factum est.*) Cum enim in hac vita ea quæ nolumus patimur, necesse est, ut ad eum qui iniustum velle nihil potest, studia nostræ voluntatis inclinemus. Magna quippe est consolatio in eo quod displicet, quod illo ordinante erga nos agitur, cui non nisi iustum placet. Si igitur iusta Deo place-re-scimus: pati autem nulla, nisi quæ Domino placuerint possumus, iusta sunt cuncta quæ patimur & valde iniustum est, si de iusta passione murmuramus. Sed quia orator fortis quomodo assertionem partis suæ contra aduersarium allegauit, audiui-mus: nunc quomodo in orationis suæ termino iudicem benedicendo laudet, audiamus. Sequitur: *Sit nomen Domini benedictum.*) Ecce omne quod rectum sensit, Domini benedictione conclusit, ut hinc aduersarius inspiciat, & ad pœnam suam victus erubescat: quia ipse Domino contumax etiam in beatitudine conditus extitit, cui homo hymnum gloriæ etiam percussus dicit. Intuendum verò est, quia hostis noster tot nos iaculis percutit, quod tentationibus affligit. Quotidie nanque in acie stamus, quotidie tentationum eius tela excipimus. Sed & nos contra illum iacula mittimus, si confossi tribulationibus, humilia respondemus. Beatus igitur Iob percussus damno rerum, percussus morte filiorum: quia vim doloris vertit in laudem conditoris, dicens: *Dominus dedit, Dominus abstulit, sicut Domino placuit, ita factum est: sit nomen Domini benedictum.*) Superbum hostem humilitate percussit, crudelem patientia strauit, nec credamus quod bellator noster accepit, & non inflixit vulnera. Quot enim voces patientiæ in Dei laudem percussus reddidit, quasi tot in aduersarii pectore iacula intorsit: & accriora valde quam sustinuit, inflixit. Afflictus enim terrena perdidit, sed afflictionem humiliter sustinens, cœlestia multiplicauit. Sequitur:

Quod Iob percussus, nec verbo, nec cogitatione in Deum peccauit.

Caput XIII.

In omnibus his non peccauit Iob labiis suis: neque stultum aliquid contra Deum locutus est.) Quia tentationum tribulationibus deprehensi, etiam tacito cogitationum motu possumus non loquendo peccare: beato Iob & oris testimonium perhibetur & cordis. Prius enim dicitur: Non peccauit Iob labiis suis, & tunc demum subditur: Neque stultum aliquid contra Deum locutus est. Qui enim stultum locutus non est, culpam à lingua cōpescuit: sed cum præmittitur, nō peccauit: constat quod murmurationis vitium etiam à cogitatione restrinxit. Nec ergo peccauit, nec stultum locutus est: quia nec per conscientiam tacitus tumuit, nec linguam in contumaciam relaxauit. Stultè autem contra Deum loquitur, qui inter diuinæ animaduersionis flagella positus, iustificare semetipsum conatur. Si enim innocentem se asserere superbe audeat, quid aliud quam iustitiam ferientis accusat? Hucusque nos verba historiæ transcurrisse sufficiat: iam nunc ad indaganda allegoriæ mysteria expositionis se sermo conuertat.

Quod Deus tempora sine tempore intuetur: & in luce tenebras videt, & diuersa ordinans non est diuersus. Caput XIII.

20.

Sed in hoc quod scriptum est: *Quadam die cum venissent filij Dei, ut assisterent coram Domino: affuit inter eos etiam satan.*) discutiendum prius est, cur quadam die factum aliquid coram Domino dicitur: cum apud illum nequaquam cursus temporis mutatione diei noctisque varietur. Neque enim in ea luce, quæ sine accessu ea quæ eligit illustrat, & sine recessu ea quæ respuit deserit, defectus mutabilitatis ve-

Enit: quia in semetipso manendo immutabilis, mutabilia cuncta disponit: sicque in se transeuntia condidit, ut apud se transire nequaquam possint: nec tempus intus in conspectu eius defluit, quod apud nos foris decurrit. Vnde fit ut in æternitate eius fixa maneant ea, quæ non fixa exterius seculorum volumina emanant. Cur ergo apud eum dicitur, *Quadam die*, cui nimirum dies vna est æternitas sua? Quam videlicet nec fine claudi, nec initio vidit aperiri Psalmista cum dicit: *Melior dies est vna in atrijs tuis super milia.* *Psalm. 83.* Sed cum scriptura sacra de temporaliter editis loquitur, dignum est ut verbis temporalibus utatur: quatenus condescendendo leuet, & dum de æternitate aliquid temporaliter narra- assuetos temporalibus, sensim ad æterna traiciat: sequitur bene nostris mentibus æternitas incognita, dum verbis cognitis blanditur, infundat. Quid autem mirum si in sacro eloquio incommutabilitatem suam Deus preproperè humanæ menti non aperit: quando & resurrectionis suæ solennitate celebrata, quibusdam prouectionum accessibus innotuit, in corruptionem corporis quod resumpsit? Luca quippe attestante didicimus: quod quibusdam se in monumento quærentibus prius Angelos misit: & rursum discipulis in via de se loquentibus ipse quidem, sed non cognoscendus, apparuit: qui post exhortationis moras, cognoscendum se in panis fractione monstrauit. Ad extremum verò repentè ingrediens, non solum se cognoscibilem, sed etiam palpabilem præbuit. Quia enim infirma adhuc gestabant corda discipuli: in cognitione tanti mysterij ita fuerant diuina dispensatione nutriendi, ut paulisper aliquid quærentes inuenirent, inuenientes crescerent, & crescentes cognita robustius tenerent. Quia igitur non repentè, sed causarum verborumque incrementis, quasi quibusdam ad æternitatem passibus ducimur: intus apud eum quadam die aliquid factum dicitur, qui ipsa quoque tempora sine tempore contuetur. An quia etiam satan affuit die quadam, dum hoc factum dicitur, indicare sacra scriptura studuit: quia in luce Deus tenebras videt? **G** Nos quippe vno eodémque cotuitu lucem, & tenebras contueri non possumus: quia cum in tenebris oculus figitur, lux fugatur: & cum ad lucis se coruscationem verterit, tenebrarum umbra discedit. Illa autem vis quæ cuncta mutabilia immutabiliter videt, quasi in die ei satan affuit: quia apostatæ angeli tenebras sine obscuritate comprehendit. Nos (ut dictum est) vno eodémque intuitu contemplari non possumus, & quæ approbando eligimus, & quæ reprobando damnamus: quia cum ad hanc animus vertitur, ab illa cogitatione separatur: cum verò ad illam reducitur, ab hac cui inhæsit, remouetur. Deus verò qui sine mutabilitate simul cuncta respicit, sine distentione comprehendit: videlicet & bona quæ adiuvat, & mala quæ iudicat, & quæ adiuta remunerat, & quæ iudicans damnat, in his quæ diuerso disponit ordine, diuersus non est. In die ergo ei satan affuisse describitur: quia lumen æternitatis eius nulla mutabilitatis suffocatione tangitur, & in hoc quod ei tenebræ præsentibus sunt, affuisse inter filios Dei dicitur: quia ea vi iustitiæ immundus spiritus penetratur, qua videlicet mundorum spirituum corda complentur: eoque radio luminis iste transfigitur, quo illi ut luceant perfunduntur. Inter filios dei affuit: quia & si ille deo ad electorum adiutorium: iste ad probationem seruit. Inter filios dei affuit: quia & si ab illis in hac vita laborantibus auxilium pietatis impenditur: iste occultæ eius iustitiæ nesciendo seruiens, ministerium exequi reprobationis conatur. Vnde bene in libris Regum per Prophetam dicitur:

Quod sancti Angeli ad adiutorium electorum, satan verò ad probationem, Deo seruiat. Caput XV.

Vidi Dominum sedentem super solium suum: & exercitum cœli à dextris eius & à sinistris, & dictum est: In quo decipia Achab, ut ascendat & cadat in Ramoth Galaath? Et dixit alius ita, & aliter. Et egressus est vnus, & dixit: Ego decipiam Achab: & dictum est: In quo decipies? Qui respondit dicens: Egrediar, & ero spiritus mendax in ore omnium prophetarum eius. Quid enim soli Dei, nisi angelicas potestates accipimus, quarum mentibus altius præsidens inferius cuncta

Luca 24.

21

3. Reg. 22.

cuncta disponit? Et quid exercitus cœli, nisi ministrantium Angelorum multitudo describitur? Quid est ergo quod exercitus cœli à dextris & sinistris eius stare perhibetur? Deus enim qui ita est intra omnia, vt etiam sit extra omnia: nec dextra, nec sinistra cōcluditur. Sed dextra Dei, Angelorū pars electa: sinistra autē Dei pars angelorū reproba designatur. Nō enim ministrāt Deo solummodo boni qui adiuuent: sed etiā mali qui probent. Nō solum qui à culpa redeunt subleuēt: sed etiā qui redire nolētes grauent. Nec quod, cœli exercitus dicitur: angelorū pars reproba in eo intelligi posse prohibetur. Quare enim suspendi in aëre nouimus aues cœli nominamus. Et de eisdē spiritibus Paulus dicit: Contra spiritalia nequitia in cœlestibus. Quorum caput enuncians ait: Secundū principem potestatis aëris huius. A dextera ergo Dei & sinistra angelorū exercitus stat, quia & voluntas electorum spirituum diuinæ pietati concordat: & reproborum sensus suæ malitiæ seruiēs, iudicio distractionis eius obtemperat. Vnde & mox fallax spiritus in medium profiliisse describitur: per quem Achab rex, exigentibus suis meritis decipitur. Neque enim fas est credere bonum spiritū fallaciæ deseruire voluisse, vt diceret: Egrediar, & ero spiritus mendax in ore omnium prophetarum eius, sed quia Achab rex ex præcedētibus peccatis dignus erat, vt tali debuisset deceptione damnari: quatenus qui sæpe volens ceciderat in culpam, quandoque nolens caperetur ad pœnam. Occulta iustitiæ licentia malignis spiritibus datur, vt quos volentes in peccati laqueo strangulat, in peccati pœnam etiam nolentes trahant. Quod ergo illic à dextris atque à sinistris Dei, exercitus cœli astitisse describitur: hoc hīc inter filios Dei satan affuisse perhibetur. Ecce à dextris Dei steterunt Angeli, qui nominantur filij Dei: ecce à sinistris angeli stant, quia affuit inter eos etiam satan. Sed quia allegoriæ mysteria indagare decreuimus, non inconuenienter accipimus quod in die Dominus satan vidit: quia vias eius in sapientiæ suæ incarnatione corripuit: quasi eum non vidisse, fuerit, tandiu prauitatem illius in humani generis perditione tolerasse. Vnde & ei diuina voce mox dicitur: *Vnde venis?* In die satan requiritur de viis suis, quia in luce manifestatæ sapientiæ, occulti hostis insidiæ deteguntur. Quia ergo incarnato Domino diabolus increpatur, & à sua pestifera effrenatione corripitur, rectē subiungitur: *Cui dixit Dominus: Vnde venis?* Tunc enim satanæ, vias requirendo arguit, cum per mediatoris aduentum persuasionis eius nequitiis reprimens, increpauit. Nec immerito in hoc die filij Dei coram Domino astitisse referuntur, quia videlicet ad æternæ patriæ vocationem, electi omnes, luce sapientiæ se illustrante, collecti sunt. Quos quauis incarnata sapientia aggregare effectū operis venerat, diuinitati tamen illius iam per eius præscientiam intrinsecus assiscebāt. Sed quia de viis suis antiquus hostis, redemptore veniente, discutitur, quid dicat audiamus:

Quod ab Adam vsque ad aduentum Christi satan nullum qui sibi plenè resisteret, repererit.

Caput XVI.

Circuiui terram, & perambulauit eam.) Ab Adam quippe, ante aduentum Domini, omnes post se gentium nationes traxit. Circuiuit terram & perambulauit: quia per corda gentium iniquitatis suæ vestigia impressit. Cadens enim à sublimibus, humanas mentes iure possedit, quia in culpæ suæ vinculo volentes adstrinxit: tantoque latius in mundo vagatus est, quanto à reatu illius quisquam liber per omnia inuentus non est. Cui quasi ex potestate mūdum circuiisse, est nullum hominem qui sibi plenè resisteret inuenisse. Sed iam satan redeat, id est, ab effectū suæ malitiæ vis illum diuina constringat, quia iam apparuit in carne, qui in peccati contagione, ex carnis nihil habebat infirmitate. Venit humilis, quem & superbus hostis admiretur: quatenus qui fortia diuinitatis eius despexerat, etiam humanitatis eius infirma pertimescat. Vnde & mox significatione mirifica, contra eum ipsa humanitatis infirmitas obstupescenda proponitur, vt dicatur: *Nunquid considerasti seruum meum Iob, quod non sit ei similis in terra?* Quod Iob interpretetur dolens, paulo antè iam diximus. Dolens verò ipse veraciter per figuram dicitur: qui portare dolores nostros Propheta attestat, perhibet. Cui in

Tomus primus.

terra similis non est, quia omnis homo tantummodo homo est, ipse autem Deus & homo. In terra ei similis non est: quia etsi adoptiuus quisque filius ad percipiendam diuinitatem proficit, nequaquam tamen vt Deus naturaliter esset, accipit. Qui bene etiam seruus dictus est, quia formam serui suscipere dignatus est. Nec maiestati iniuriam intulit assumpta humilitas carnis: quia & vt seruanda susciperet, nec tamen habita permutaret, nec diuina humanitate minuit, nec humana diuinitate consumpsit quia etsi per Paulum dicitur: *Qui cum in forma Dei esset, non rapinam arbitratus est esse se æqualem Deo, sed semetipsum exinaniuit formam serui accipiens: ei semetipsum exinaniuisse, est ab inuisibilitatis suæ magnitudine se visibilem demonstrasse: vt serui forma tegeret hoc quod incircumscrip̄t omnia ex diuinitate penetraret.* Dei autem ad Satā per figuram dicere, est, nunquid cōsi derasti seruum meum Iob? vnigenitum filium contra eum in forma serui admirabilem demonstrare. Eo enim ipso quo illum tantæ virtutis in carne innotuit: quasi superbienti aduersario quod dolens consideraret, indicauit. Sed quia bonum quod miraretur intulerat: restat, vt ad reprimendam eius superbiam virtutes illius adhuc enumerando subiungat. Sequitur. *Homo simplex & rectus, ac timens Deum, & reuelens à malo.* Venit nanque inter homines mediator Dei & hominum, homo Christus Iesus, ad præbendum exemplum vitæ hominibus simplex, ad non parcendum verò malignis spiritibus rectus, ad debellandam superbiam timens Deum, ad detergendam verò in electis suis vitæ immunditiam, recedens à malo. De ipso enim per Esaiam principaliter dicitur: Et replebit eum spiritus timoris Domini. Et ipse à malo singulariter recessit, quia facta imitari noluit, quæ in hominibus inuenit, quoniam attestante Petro: Peccatum nō fecit, nec inuentus est dolus in ore eius. Sequitur: Respondēs Satā ait: Nunquid frustra Iob timet deum? Nonne tu vallasti eum ac domū eius; vniuersamque substantiam eius per circuitum? Operibus manuum eius benedixisti, & possessio illius creuit in terra.) Antiquus hostis redemptorem humani generis, debellatorem suum in mundum venisse cognouit: vnde & per obsequium hominem in Euangelio dicitur: *Quid nobis & tibi Fili Dei? Venisti huc ante tempus torquere nos? Qui tamen prius cum hunc passibilem cerneret, & posse mortalia perpeti humanitatis videret: omne quod de eius diuinitate suspicatus est, ei fastu superbiæ suæ in dubium venit. Nihil quippe nisi superbū sapiens, dum esse hunc humilem conspiciet, Deum esse dubitauit. Vnde & ad tentationum se argumenta conuertit, dicens: Si filius Dei es, dic vt lapides isti panes fiant. Quia igitur passibilem vidit, non Deum natum, sed Dei gratia custoditum credidit. Vnde & nunc inferre perhibetur: Nonne tu vallasti eum ac domum eius, vniuersamque substantiam eius per circuitum? Operibus manuum eius benedixisti, & possessio illius creuit in terra.) Eum quippe ac domum eius à Deo vallatam dicit, quia tentando eius conscientiam penetrare non potuit. Substantiam eius vallatam asserit, quia electos eius inuadere non præsumit. Operibus manuum eius benedixisse Deum, & possessionem eius excrescere in terra queritur: quia scilicet tabescens videt, quod fides eius in notitiam hominum prædicantibus apostolis multiplicatur. Possessio quippe eius crescere dicitur, dum laborantibus prædicantibus, fidelium quotidie numerus augetur. Hæc itaque satan Deo dixisse, est talia inuidendo sensisse. Hæc satan Deo dixisse est, de his tabescendo doluisse. Sequitur: *Sed extende paululum manum tuam, & tange cuncta quæ possidet, nisi in faciem benedixeris tibi.)* Quem enim tranquillitatis tempore, Dei gratia custoditum credidit, peccare posse per passionem putauit. Ac si apertè dicat: Interrogatus afflictionibus homo, & peccator agnoscitur, qui in miraculis Deus putatur. Dixit ergo Dominus ad satan: *Ecce vniuersa quæ habet, in manu tua sunt: tantum in eum ne extendas manum tuam.)* Cum sacram historiam sub figurali intellectu discutimus, satanæ manus non potestas, sed tentatio debet intelligi. Vniuersa itaque quæ habet, in manum tentantis dantur, & in eum tentationis manus extendi prohibetur: quod tamen fieri substantia amissa conceditur: quia nimirum prius Iudæa, quæ possessio eius fuerat, in infidelitate sublata est, &*

b iiij

Ephe. 6.
Ephe. 2.

22.

Philip. 2.

23.

Esai. 11.

1. Petr. 2.

Matth. 8.

Matth. 4.

24.

Esai. 53.

pōst eius caro patibulo crucis affixa. Qui igitur prius Iudæā aduersantem pertulit, & postea vsque ad crucem venit: quasi prius habita amisit, & pōst in semetipso aduersantis nequitiam pertulit. *Egressusque est satan a facie Domini.* Sicut & superius dictum est, satan a facie domini exiit, quia ad desiderij sui vota peruenit. Quasi enim ante ipsum erat, dum propter ipsum quod malè sitiebat, implere non poterat. Cum autem quadam die filij eius, & filia comederent, & biberent vinum in domo fratris sui primogeniti. Beati Iob filios ac filias, vel Apostolorum ordinem, vel cunctorum fidelium multitudinem diximus designasse. Incarnatus autem Dominus prius ex Iudæa ad fidem paucos elegit, & pōst sibi multitudinem populi gentilis aggregauit. Quis autem maior Domini filius, nisi Iudaicus populus accipi debet, qui ei dudum datæ legis fuerat doctrina generatus: minor autem gentilis populus, qui in mūdi extremitate collectus est? Quia igitur cum satan vtilitati hominum nesciēs deseruaret, & corruptis persecutorū cordibus, licentiam dominicæ passionis expeteret: sancti Apostoli necdū aggregandam Deo gentilitatē nouerāt, & soli Iudææ fidei arcana prædicabāt: cum satā exiisse à Domino dicitur, filij & filia in domno fratris primogeniti conuiuari referuntur. Dictum quippe eis fuerat: In viam gētium ne abieritis. Post mortem nanq; resurrectionēque Domini in gentium prædicationem conuersi sunt. Vnde & in suis actibus dicunt: Vobis oportebat loqui primū verbum Dei, sed quia repulistis illud, & indignos vos iudicatis aternæ vitæ: ecce cōuertimur ad gentes. Hi itaque filij spōsi, de quibus & eiusdem voce sponsi dicitur: Non ieiunabunt filij spōsi, quādiu cum illis est sponsus: in domo fratris primogeniti conuiuantur, quia videlicet adhuc Apostoli sacre scripturæ delitiis, in solius Iudaici populi collectione, vescebantur. Nuntius venit ad Iob, qui diceret:

Quod simplices perfectissimis adherentes eorum intellectu pascuntur.

Caput XVII.

Boues arabant, & asinae pascabantur iuxta eos, & irruerunt Sabæi, & tuleruntque omnia, & pueros percusserunt gladio, & euasi ego solus, vt nuntiarem tibi. Quid aliud in figura per boues, quā bene operantes: quid aliud per asinas, quā quosdam simpliciter viuentes accipimus? Quæ bene iuxta boues pasci referuntur: quia mentes simplicium etiam cū alta capere non possunt, eō magis vicinæ sunt, quod & fraterna bona sua per charitatem credunt: cūque inuidere alienis sensibus nesciunt, quasi in pastu se minimè diuidunt. Simul ergo se asinæcum bobus reficiunt, quia prudentibus coniuncti tardiores, eorum intelligentia pascuntur. Sabæi autem captiuantes interpretantur. Et qui alij captiuantium nomine, nisi immundi spiritus designantur, qui cunctos quos sibi subiiciunt, in infidelitatē captiuos ducūt? Qui & pueros gladio feriunt, quia eos tentationis suæ grauiter iaculis vulnerant, quos necdum inuenilis constantia liberos, vel robustos seruat. Qui bene quidem bona incipiunt, sed in ipsa adhuc inchoationis suæ teneritudine, captiuantibus immundis spiritibus substernuntur. Quos gladio hostis percutit, quia æternitatis desperatione transfigit.

Quod verbum Dei non pereat, etiam cū non perierint hi, aduersus quos mala prædixit.

Caput XVIII.

Quid est autem hoc quod nuntius venit, qui diceret: Ego euasi solus? Quis est iste nuntius, qui aliis pereuntibus solus euadit, nisi propheticus sermo, qui dum fiunt mala omnia quæ prædixit, quasi sanus ad Dominum solus redit? Dum enim vera dixisse de perditorum casu cognoscitur, quasi inter mortuos vixisse monstratur. Hinc est quod ad Rebeccam in Isaac coniugio deducendam puer mittitur: quia videlicet ad desponsandam Ecclesiam Domino, interposita prophetia famulatur. Sabæis ergo irruentibus, solus puer qui nuntiaret, euasit: quia malignis spiritibus infirmorum mentes in captiuitatem ducentibus sententia prophetica conualuit, quæ eandem captiuitatem prænuntiās dicit: Propterea captiuus ductus est populus meus, quia non habuit scientiam. Prophetia ergo quasi saluatur, dum captiuitas quam prædixit ostenditur. Sequitur.

Quod dum præpositi gloriam propriam quærunt, subditorum corda subuertuntur.

Caput XIX.

Cumque adhuc ille loqueretur, venit alter & dixit: Ignis Dei cecidit de cælo, & tactas oues, puerosque consumpsit, & effugi ego solus, vt nuntiarem tibi. Omnes qui prædicationis officium in synagoga tenuerunt, cælum rectè vocati sunt, quia nimirum sapere cælestia credebantur. Vnde & Moyses cū sacerdotibus ac populum ad verba suæ admonitionis excitaret, dixit: Attende cælum & loquar, & audiat terra verba ex ore meo. Per cælum videlicet signans præpositorum ordinem, per terram verò subditorum plebem. Hoc igitur loco cælum, sacerdotes, vel pharisæos, vel legis doctores non inconuenienter accipimus, qui ante oculos hominum dum cælestibus officiis inseruirent, quasi desuper lucere videbantur. Sed quia ipsi summopere in redemptoris nostri aduersitate commoti sunt, quasi ignis de cælo cecidit: dum ad decipiendum imperitum populum, ab his etiam qui vera docere putabantur flamma inuidiæ exarsit. Teste quippe Euangelio nouimus, quod doctrinæ veritatis inuidentes, opportunitatem dominicæ traditionis exquirebant: sed metuentes populum quæ moliebantur innotescere non audebant. Hinc etiam in eo scriptum est, quod dissuadendis populis dicunt: Nunquid aliquis ex principibus credidit in eum, aut ex pharisæis? Sed turba hæc quæ non nouit legem, maledicti sunt. Quid autē in ouibus atque in pueris, nisi innocentes quosque, sed tamē adhuc infirmos accipimus? Qui dum aduersitatem Pharisæorum ac principum tolerare timuerunt, infidelitatis concrematione consumpti sunt. Dicatur ergo: Ignis Dei cecidit de cælo, & tactas oues, puerosque consumpsit, id est, à præpositorum cordibus flamma inuidiæ corruit, & quicquid boni in plebibus oriebatur, incendit: quia dum mali præpositi sunt contra veritatem honorem exigunt, ab omni rectitudine corda sequentium subuertunt. Vbi & bene adiungitur: Et effugi ego solus vt nuntiarem tibi: quia dum impletur prædicta causā malitiæ, fallaciæ interitum euadit sermo prophetiæ, qui ait: Et nūc ignis aduersarios cōsumit. Ac si aptè dicat: Malos non solum ignis per vindictam pōst cruciat: sed nunc etiam per liuorem cremat: quia qui pōst puniendi sunt retributionis supplicio, nunc semetipsos afficiunt inuidiæ tormento. Puer ergo solus fugiens remeat: & igne periisse oues puerosque denūciat, dum prophetia Iudaicum populum deferens, vera se dixisse manifestat, quæ ait: Zelus apprehendit populum ineruditum. Ac si aptè dicat: Dum verba prophetarum dissecutere plebs noluit, sed credulitatem suam verbis inuidentium dedit, zeli igne periit: quia in alienæ inuidiæ se flamma concremavit. Sequitur: Sed & illo adhuc loquente, venit alius & dixit: Chaldæi fecerunt tres turmas, & inuaserunt camelos & tulerunt eos, necnon & pueros percusserunt gladio: & effugi ego solus, vt nuntiarem tibi. Quia Chaldæos feroces interpretari nouimus, qui alij Chaldæorum nomine designentur, nisi persecutionis auctores vsque ad apertos clamores malitiæ prorumpentes, cū dicunt: Crucifige, crucifige? Qui de semetipsis tres turmas faciunt, cū se ad proponendas quæstiones Domino Pharisæi, Herodiani & Sadducæi diuiserūt. Qui ore quidem sapientiæ victi sunt: sed quia stultos quosdam post se eos traxisse credendum est, factis turmis Camelos tulerunt. Vnusquisque nanque eorum ordo in praua quæ sapuit insipientiū corda corripuit, & dū persuadendo ad interitum pertraxit, quasi tortuosas mentes infirmantium ad captiuitatem duxit. Prædicante quippe in Samaria Domino, multi ex Samaritanis fuerunt in possessionem eiusdem redemptoris nostri asciti. Sed quid ij, qui pro septem viris vnus mulieris mortuis, de resurrectionis desperatione Dominum tentant, nequaquam conati sunt credentes Samaritanos à fide reducere, quos constat spem resurrectionis ignorare? Qui dum ex lege nonnulla recipiunt, nonnulla contemnant, quasi Camelorum more velut animal mundum ruminant: sed vt immundum nequaquam vngulam findunt: quanuis & eos Cameli ruminantes, sed tamen vngulam non findentes indicant, qui in Iudæa iuxta literam historiā audierant, sed virtutē eius spiritualiter discernere nesciebāt. Quos tribus turmis Chaldæi rapiunt, dum Pharisæi, Herodiani, & Sadducæi

Sadducæi ab omni sensus rectitudine iniqua persuasione pervertunt. Simulque pueros gladio feriunt, quia & si qui in populo uti iam ratione poterant, eis ipsi non virtute rationis, sed potestatis autoritate contraibant: dumque se quasi præpositos imitari à subditis volūt: etsi intelligere aliquid sequētes possunt, ex autoritate tamen suscepti regiminis eos ad perniciem petrahunt. A quibus bene solus puer qui nuntiet fugit: quia Phariseis, Herodianis atque Sadducæis iniqua patrantibus, eos nimirum deferens propheticus sermo conualescit, qui ait: Et tenentes legem nescierunt me. Sequitur:

Hier. 2.

Quod primogenitus frater sit iudaicus populus, & domus quatuor angulorum Scribæ, & Pharisei, & sacerdotes & seniores populi & ventus à regione deserti immundorum spirituum in sanctos cursus.

Caput XX.

28.

Adhuc loquebatur ille, & ecce alius intravit & dixit: Filiis tuis & filiabus vespertibus, & bibentibus vinum in domo fratris sui primogeniti: repente ventus vehemens irruit à regione deserti, & concussit quatuor angulos domus. Quæ corruens oppressit liberos tuos: & mortui sunt. Paulo ante iam diximus, quod filios & filias prædicantes Apostolos & plebes subditas sentiamus, qui in domo fratris primogeniti conuiuari referuntur: quia in habitatione adhuc Iudaici populi sacre prædicationis deliciis vesciebantur. Repente autem vehemens ventus irruit à regione deserti. Regio deserti est cor infidelium, quod dum creator deserit, nullus inhabitator colit. Ventus autem vehemens, quid aliud quàm tentatio fortis accipitur? Ventus ergo vehemens à regione deserti irruit: quia in passione redemptoris nostri contra fideles eius, fortis tentatio à cordibus Iudæorum venit. Potest etiam deserti regio, derelicta immundorum spirituum multitudo non inconuenienter intelligi. A qua ventus venit, & domum concutit: quia ab eis tentatio prodiit, & persecutorum corda commouit. Sed hæc domus in qua conuiuabantur filij, in quatuor angulis stabat. Tres enim regentium ordines in synagoga cognouimus, sacerdotum scilicet, scribarum atque seniorum populi. Quibus & si Phariseos iungimus, quatuor in hac domo angulos inuenimus. A regione igitur deserti vetus venit, & quatuor angulos domus concutit: quia ab immundis spiritibus tentatio irruit, & mentes quatuor ordinum in malitiam persecutionis excitauit. Quæ domus corruens oppressit liberos: quia dum Iudæa in crudelitatem dominicæ persecutionis cecidit, Apostolorum fidem desperationis formidine obruit. Teneri enim tantummodo magistrum viderūt: & iam negantes per diuersa fugiebant. Et quamuis interna manus eorum spiritum in præscientia ad vitam tenuit, à vitamem fidei eos interim carnalis timor extinxit. Qui ergo authorem suum, Iudæa scruiente, reliquerunt, quasi concussis angulis domo euersa necati sunt. Quid autem illo tempore de grege fidelium factum credimus, quod fugisse ipsos etiam arietes scimus? Sed inter hæc vnus qui enuntiet, euadit: quia conualuisse se sermo propheticus, qui hæc denuntiauerat, ostendit dicens de persecutore populo: Dilectus meus in domo mea fecit scelera multa: dicens de bonis prædicatoribus, sed tamen in passione fugientibus: Proximi mei à longè steterunt. Dicens de cunctis valde formidantibus: Percutiam pastorem, & dispergentur oues gregis. Sequitur:

Quod plebs Iudæica & legis sacramenta à capite & corpore suo amissa sunt & scissa. Caput XXI.

Tunc surrexit Iob, & scidit vestimenta sua. Ruente domo extinctis filiis, Iob surrexit: quia Iudæa in infidelitate perdit, prædicatoribus in pauore mortis cadentibus, redemptor humani generis [semetipsum à carnis suæ morte suscitauit: quia] quantò iudicio persecutores suos deseruerit, demonstrauit. Surgere quippe eius est, qua distinctione peccatores derelinquat ostendere: quasi enim iacere eius est, patienter mala tolerare. Surgit ergo cum contra reprobos iudicium iusticiæ exerit. Vnde & rectè vestimenta scidisse perhibetur. Quid enim vestimentum Domini nisi synagoga extitit: quæ prophetis prædicantibus expectationi incarnationis illius adhæsit. Sicut enim his nunc vestitur à quibus diligitur, Paulo attestante qui ait: Ut exhiberet sibi gloriosam Ecclesiā, non habentem maculam aut rugam. Quæ enim maculam aut ru-

Psal. 37.
Zach. 13.

Ephe. 5.

Agam non habere dicitur: profectò vestis rationalis & per actionem munda, & per spem tersa monstratur. Ita cum incarnandum eum Iudæa credidit adhærendo, nihilominus vestis fuit. Sed quia expectatus venit, veniens noua docuit, docens mira exercuit, mira faciens, praua tolerauit, vestem qua indutus fuerat, scidit: dum in Iudæa alios ab infidelitate sustulit, alios in incredulitate dereliquit. Quid est igitur vestis scissa, nisi Iudæa in contrariis sententiis diuisa? Si enim vestis eius scissa non esset, Euangelista non diceret, quod prædicante Domino contentio oriebatur in populo ut alij dicerent, bonus est: alij autem, non, sed seducit turbas. Quasi scissa vestis illius fuit: quæ diuisa per sententias vnitatem concordie perdidit, [cum & post resurrectionem suam quibusdam creditur apparuit, & quibusdam non creditur se abscondit.] Sequitur: Et tonsa capite corruens in terram adorauit. Quid per decisos capillos nisi sacramentorum subtilitas: quid per caput, nisi summa sacerdotij dignitas designatur? vnde & ad Ezechielem prophetam dicitur: Tu fili hominis sume tibi gladium acutum, radentem pilos, & assumes eum, & duces super caput tuum & barbam: ut videlicet Prophetæ factio, iudicium redemptoris exprimat, qui in carne apparens caput rasit: quia à Iudaico sacerdotio præceptorum suorum sacramenta abstulit. Barbam rasit: quia regnum Israëliticum deferens, decorem virtutis eius amputauit. Quid verò hoc loco per terram, nisi homo peccator exprimitur? Primo quippe peccati homini dictum est: Terra es, & in terram ibis. Terræ ergo nomine peccatrix gentilitas designatur. Nam cum iustam Iudæa se crederet, constat quàm reproba de gentilitate sentiret, Paulo attestante qui ait: Nos natura Iudæi, & non ex gentibus peccatores. Mediator igitur noster quasi detonso capite in terram corruit: quia Iudæam deferens, dum sacramenta sua ab eius sacerdotio abstulit, ad notitiam gentium venit. Capillos enim à capite rasit: quia sacramenta legis ab illo suo primo sacerdotio sustulit, & in terram corruit: quia saluandis se peccatoribus dedit: dumque eos qui sibi iusti videbantur, deseruit, hos qui se iniustos & nouerant, & fitebantur, assumpsit. Hinc & ipse in Euangelio dicit: Ego in iudicium veni in hunc mundum, ut qui non vident, videant: & qui vident, cæci fiant. Hinc & columna nubis quæ in eremo populum præibat, splendore ignis non in die, sed in nocte radiabat: quia videlicet redemptor noster suæ conuersationis exemplo, ducatum sequentibus præstans, de iustitia sua confidentibus, nulla luce clauit: peccatorum verò suorum tenebras agnoscentibus, ignem sui amoris infulsit. Nec quod corruere Iob dicitur, indignum mens hoc significatione redemptoris arbitretur. Scriptum namque est: Verbum mihi sit Dominus in Iacob, & cecidit in Israël. Iacob quippe supplantator, Israël verò videns Deum dicitur. Et quid per Iacob nisi Iudaicus populus: quid per Israël nisi gentilis populus designatur? Quia quem Iacob per carnis mortem supplantare studuit, hunc nimirum per oculos fidei gentilitas Deum vidit. Ad Iacob ergo missum verbum, in Israël cecidit: quia eum quem ad se venientem Iudaicus populus respuit, hunc repente confitens populus gentilis inuenit. De sancto quoque spiritu scriptum est: Cecidit spiritus Domini super eos. Idcirco autem vel verbum Domini vel spiritus sanctus in sacra scriptura cadere dicitur, ut inopinatus eius aduentus exprimat. Quod enim ruit vel cadit, ad ima repente venit. Mediatori ergo in terram quasi corruisse, est nullis signis præcurrentibus inopinatè ad gentes venisse. Bene autem dicitur quod corruens adorauit: quia dum ipse humilitatem carnis suscepit, in se credentibus vota humilitatis infudit. Fecit enim, quia fieri docuit: sicut & de eius spiritu dicitur. Ipse spiritus postulat pro nobis gemitibus inenarrabilibus. Neque enim petit qui æqualis est, sed postulare dicitur: quia nimirum quos repleuerit, postulantes facit: quanuis hoc & in semetipso redemptor noster ostendit, qui Patrem etiam dum passioni propinquaret, exorauit. Quid enim mirum, si in forma serui exorando se Patri subdidit, in qua etiam manus peccantium vsque ad mortis extrema tolerauit? Sequitur:

Ioan. 7.

Ezech. 5.

Gen. 3.

Gala. 2.

Ioan. 9.

Exod. 13.

Esai. 9.

Act. 2.

Roma. 8.

*Quod synagoga adultera pallio literæ reiecto, dum lege carnaliter
viti voluit, contempta est: & legislatorem criminata, nudum
abire permisi.* Caput XXII.

31
Gene. 26.

Nudus egressus sum de utero matris meæ: nudus reuertar illuc.) Redemptoris mater iuxta carnem synagoga exitit, ex qua ad nos per corpus visibilis processit. Sed hunc intra se tegmine literæ adopertum tenuit, dum ad spiritalem eius intelligentiam mentis oculos aperire neglexit. Hunc quia in carne humani corporis latentem videre Deum noluit, quasi in diuinitate nudum conspiciere contempsit. Sed nudus de utero matris exiit: quia à synagogæ carne prodiens conspicuus ad gentes venit. Quod bene Ioseph relicto pallio fugiente signatum est. Dum enim mulier adultera malè illo vti voluisset, relicto pallio fugit foras: quia dum synagoga Dominum purum hominem credens, quasi adulterino complexu constringere voluit: ipse tegmen literæ eius oculis reliquit, & ad cognoscendam diuinitatis suæ potentiam conspicuum se gentibus præbuit. Vnde & Paulus dixit: Vsq̃ue hodie dum legitur Moyses, velamen est positum super cor eorum: quia videlicet adultera mulier apud semetipsam pallium retinuit, & quem malè tenebat, nudum amisit. Quia ergo à synagoga veniens, fidei gentium conspicuus apparuit, ex utero matris nudus exiuit: Sed nunquid hanc omnino deseruit? Et vbi est quod per Prophetam dicitur: Si fuerit numerus filiorum Israël quasi arena maris, reliquæ saluæ fient? Vbi est quod scriptum est: Donec plenitudo gentium intraret, & sic omnis Israël saluus fieret? Erit ergo quandoque conspicuus, vt etiam synagogæ appareat. Erit in fine mundi proculdubio, quando gentis suæ reliquiis semetipsum, sicut est Dominus, innotescet. Vnde & bene hic dicitur: *Nudus reuertar illuc.*) Nudus quippe ad vterum matris reuertitur, cum in mundi huius termino, qui in seculo factus homo despicitur, synagogæ suæ oculis Deus ante secula declaratur. Sequitur.

Quod solius Dei sit dare & auferre, & quod redemptori nostro nullum ex consortio carnis, peccatum adhaesi. Caput XXIII.

Dominus dedit, Dominus abstulit: sicut Domino placuit, ita factum est: sit nomen Domini benedictum.) Redemptor noster per hoc quod Deus est, cum patre dat omnia: per hoc verò quod homo est, à patre accipit omnia. † Dicat igitur de Iudæa, cum venturum incarnationis eius mysterium crederet, Dominus dedit. Dicat de Iudæa, cum expectatam incarnationis eius præsentiam contempsisset, Dominus abstulit. Data quippe est cum per quosdam futura credidit, sed exigente merito suæ cæcitatibus ablata est, cum credita per quosdam venerari contempsit. In se autem credentes edocet, vt in flagellis positi benedicere Domino sciant, cum subditur: *Sicut Domino placuit, ita factum est: sit nomen Domini benedictum.*) Vnde & testante Euangelio cum propinquare passioni dicitur, accepto pane gratias egisse perhibetur. Gratias itaque agit, qui flagella alienæ iniquitatis suscipit. Et qui nihil dignum percussione exhibuit, humiliter in persecutione benedicit, vt hinc videlicet ostendat quid vnusquisque in flagello culpæ propriæ facere debeat, si ipse æquanimiter flagella culpæ portat alienæ: vt hinc ostendat quid in correctione faciat subditus, si in flagello positus patri gratias agit æqualis. Sequitur: *In omnibus his non peccauit Iob, neque stultum aliquid contra Deum locutus est.*) Quod nec peccasse, nec stultum aliquid contra Deum locutus asseritur: hoc de illo Petrus (sicut iam prædiximus) apertè testatur, dicens: Qui peccatum non fecit, nec dolus inuentus est in ore eius. Dolus quippe in ore quantò apud homines prudentius callet, tantò apud Deum stultius desipit, Paulo attestante, qui ait: Sapientia huius mundi, stultitia est apud Deum. Quia ergo dolus in ore eius non fuit, stultum proculdubio nihil dixit. Hunc contra Deum sacerdotes & principes stultè locutum crediderunt, cum interrogatus passionis tempore, Dei se filium testaretur. Vnde & conquirentes dicunt: Quid adhuc egemus testibus? ecce ipsi audiuius blasphemiam. Sed contra Deum nihil stultè dixit: quia vera loquens, hoc de se infidelibus etiam moriendo intulit, quod paulò post redemptis omnibus resurgendo monstrauit. Hæc in significationem nostri capitis breuiter tractata transcurrimus, nunc ad ædificationem eius corporis, ea moraliter tractanda replicemus: vt quod actum foris nar-

Eratur in opere, sciamus quomodo intus agatur in mente. Nam cum filij Dei assistunt coram Deo, inter eos quoque assistit & satan: quia plerunque bonis nostris cogitationibus, quæ in corde nostro, aduentu Spiritus sancti operante, seminantur, antiquus ille callidè se interfert, & subiungit inimicus: vt bene cogitata perturbet, malèque perturbata dilaniet. Sed nequaquàm nos in tentatione deserit, qui creauit. Nam hostem nostrum qui se contra nos in insidiis contegit, illustratione sui luminis nobis deprehensibilem reddit: propter quod ei mox dicitur: *Vnde venis?*) Callidum nanque hostem requirere, est eius nobis insidias declarare: vt quò eum subintrare ad cor cernimus, forti contra illum circumspectione vigilemus. *Qui respondens ait: Circuui terram, & perambulauit eam.*) Satanæ terræ circuire, est & carnalia corda perscrutari, & vnde occasione accusationis inuenire possit, exquirere. Terram circuit: quia humana corda circumuenit, vt bona tollat, vt mala mentibus inserat, vt inserta cumulet, vt cumulata perficiat, vt perfectos in iniquitatibus ad poenam socios acquirat. Et notandum quod non transuolasse, sed perambulasse se asserit: quia nimirum nequaquam quem tentat, velociter deserit: sed vbi molle cor inuenerit, ibi pedem miseræ persuasionis figit, vt immorando actionis prauæ vestigia imprimat, & ex suæ iniquitatis similitudine, quos valet reprobos reddat. Sed contra hunc beatus Iob laudatur, & dicitur: *Nunquid considerasti seruum meum Iob, quod non sit ei similis super terram: Vir simplex & rectus, ac timens Deum, & recedens à malo? Quem diuina inspiratio contra hostem roborat, hunc quasi in satanæ auribus Deus laudat. Laudare quippe eius est, & prius bona concedere, & post concessa custodire. Sed antiquus hostis eò contra bonos grauius sauit, quò vallari eos diuinæ protectionis munere conspicit. Vnde & subiungens dicit: Nunquid frustra Iob timet Deum? Nonne tu vallasti eum ac domum eius, vniuersamque substantiam eius per circuitum? Operibus manuum eius benedixisti, & possessio illius creuit in terra.*) Ac si apertè dicat: Cur laudas eum quem protegendo roboras? Despecto enim me, dignus tuis laudibus homo esset, si suis contra me viribus staret. Vnde mox & malitiosè de homine expetit: quod tamen protector hominis benignè concedit. Nam subditur.

Quod electi in tentatione proficiunt, & quod eis diabolus præparat in ruinam, hoc eis Deus conuertit in gloriam.

Caput XXIII.

Sed extende paululum manum tuam, & tange cuncta quæ possidet: Nisi in faciem benedixerit tibi.) Plerunque enim dum sæcundè virtutum fructus reddimus, dum continua prosperitate pollemus, aliquantulum mens erigitur: vt à semetipsa sibi existere bona quæ habet, arbitretur. Quæ nimirum bona antiquus hostis malitiosè attricare appetit, sed hæc tentari Deus non nisi benignè permittit: vt dum mens tentatione pulsata, in bonis de quibus gaudebat concutitur: imbecillitatis suæ debilitate cognita, in spe diuini adiutorij robustus solidetur. Fitque mira dispensatione pietatis: vt vnde malignus hostis cor tentat, vt interimat, inde misericors conditor hoc erudiat, vt viuat. Vnde & bene subiungitur: *Ecce vniuersa quæ habet, in manu tua sunt: tantum in eum ne extendas manum tuam.*) Ac si apertè dicat: Electi vniuscuiusque bona sic tibi tentanda exterius tribuo, vt tamen ipse noueris: quia perseuerantem mihi illum in mentis radice conseruo. Vbi & bene subditur: *Egressusque est satan à facie Domini:*) quia per hoc quod vsque ad defectum cordis præualere nequaquam permittitur, exclusus ab intimis, exterius vagatur. Qui etiam si virtutes mentis plerunque turbat: eo ipso foris est, quo resistente Domino, vsque ad interitum, bonorum corda non vulnerat. Intantum quippe contra illa sauire permittitur, in quantum necesse est vt tentationibus erudita solidentur: ne ea quæ agunt bona, suis viribus tribuant, ne in securitatis torpore se deferant: & à formidinis accinatione dissoluant: sed ad perfectus sui custodiam tantò solertius inuigilent, quãtò se contra aduersarium stare semper in acie tentationum vident. Cum autem quadam die filij & filie eius comederent & biberent vinum in domo fratris sui primogeniti: nuntius venit ad Iob qui diceret: *Bovæ arabant, & asinæ pascebantur iuxta eos, & irruerunt Sabæi, tuleruntque omnia & pueros percusserunt gladio.*) In electorum corde prior bonorum sequentium sapientia nascitur, atque hæc per donum

Cur Deus
nos tentari
permittat
ab antiquo
hoste.

Esai. 6.

Heb. II.

34.

al. alia

per donum spiritus quasi primogenita profertur. Quæ pro-
fecto sapientia, nostra fides est, Propheta attestante, qui ait:
Nisi credideritis, non intelligetis. Tunc enim verè ad intelli-
gendum sapimus cum cunctis quæ conditor dicit, credulita-
tis nostræ fidem præbemus. In domo ergo fratris primoge-
niti conuiuantur filij, dum virtutes reliquæ epulantur in fide.
Quæ si non prima in corde nostro gignitur: reliquæ quæque
esse bona non possunt, etiam si bona videantur. In domo fra-
tris primogeniti, filij conuiuantur, dum virtutes nostræ in
habitu fidei, sacri eloquij cibo satiantur. Scriptum quip-
pe est: Sine fide impossibile est placere deo. Tunc ergo vir-
tutes nostræ veras vitæ epulas sumunt, cum nutriti fidei sa-
cramentis incipiunt. In domo fratris primogeniti conuiuan-
tur filij, quia nisi virtutes reliquæ sapientiæ epulis reple-
ræ, ea quæ appetunt, prudenter agant, virtutes esse nequaquã
possunt. Sed ecce dum bona quæ agimus, sapientiæ epulis fi-
dei quæ pascuntur, hostis noster arantes boues & pascentes a-
finas subtrahit, & pueros gladio occidit. Quid arantes boues,
nisi grauioribus nostras cogitationes accipimus? Quæ dum
cor studiosa exercitatione conficiunt, vberes profectuum fru-
ctus reddunt. Quid pascentes intelligimus asinas, nisi simpli-
ces motus cordis? Quos dum studiosè à duplicitationis errore
compescimus, quasi in campo liberæ puritatis nutrimus. Sed
plerumque hostis callidus cum graues cogitationes in corde
conspicit, subintroducitur eas voluptatis delectatione corrup-
pit: & dum motus cordis simplices videt, subtilia inuentio-
num acumina ostendit: ut dum laus de subtilitate quæritur,
puritatis simplicitas amittatur: & si vsque ad opus præu-
pertrahere non valet, tentando tamen bonorum cogitatio-
nibus subrepens nocet, ut cum turbare bona mentis agnosci-
tur, ea quasi funditus abstulisse videatur. Possunt etiam
per arantes boues, cogitationes charitatis accipi: quibus pro-
desse aliis conamur, cum fraterni cordis duritiam prædican-
do scindere cupimus. Potest etiam per asinas (quæ nimirum
se se onerantibus, nulla ferocitatis insania resistunt) patien-
tiæ mansuetudo signari. Et sæpe hostis antiquus cum velle
prodesse nos loquendo aliis conspiciat, in quodam torpore
otij mentem mergit: ut aliis prodesse non libeat, etiam cum
à propriis vacat. Arantes ergo boues subtrahit, cum cogita-
tiones mentis, fraternæ utilitatis fructibus deditas, per sub-
missum negligentiae torporem frangit. Et quanuis electorum
corda intra arcana suæ cogitationis inuigilent, & quid à ten-
tatore sustineant, superantes pensant, eo tamen ipso malignus
inimicus aliquid rapuisse se gaudet, quo cogitationibus bo-
norum vel ad momentum præualeat. Sæpe autem cum præ-
paratam mentem ad tolerantiam videt, quid ab ea maximè
diligatur, exquirat, & ibi scandali laqueos inserit: ut quod magis
res quæque diligitur, eò per eam facilius patientia turbetur.
Et quidem electorum corda de se semper sollicitè redeunt,
& semetipsa grauiter vel pro leui motu excessione affligunt:
& dum mota discunt quomodo stare debuerint, aliquando
melius concussa solidantur. Sed antiquus hostis, dum tole-
rantiae cogitationes vel ad momentum turbat, quasi abstulisse
se ab agro cordis asinas exultat. In his autem quæ agere
disponimus, rationali custodia quid quibusque rebus con-
gruat, sollicitè pensamus. Sed plerumque hostis dum subita
ad nos perturbatione tentationis irruit, circumspectiones
cordis inopinatè præueniens, quasi ipsos custodes pueros
gladio occidit. Sed tamen vnus fugit, qui & alios periisse
nuntiet: quia in eo quod mens ab hoste patitur, rationis dis-
cretio semper ad animum redit: & quasi solam se euasisse in-
dicat, quæ apud semetipsam fortiter quicquid pertulerit, pen-
sat. Aliis ergo pereuntibus vnus ad domum redit, dum tur-
bata tentationis motibus discretio ad conscientiam recurrit,
ut quod repentinis incurfibus præoccupata mens se perdi-
disse pensat: hoc compunctionis studio afflicta recipiat. Cùn-
que adhuc ille loqueretur, venit alter, & dixit: Ignis Dei cecidit de cæ-
lo, & tactas oues puerosque consumpsit, & effugi ego solus ut nuntia-
rem tibi.) Quid per oues nisi cogitationum innocentia, quid
per pueros, nisi bonorum cordium munditia designatur? Cælum
verò aërem dici paulò antè iam diximus, vnde & a-
ues cæli nominamus. Et scimus quòd immundi spiritus qui
de cælo æthereo lapsi sunt, in huius cæli terræque medio

A vagantur, qui tantò magis corda hominum ascendere ad cæ-
lestia inuident, quantò se à cælestibus per elationis suæ im-
munditiam proiectos vident. Quia ergo ab aëris potestati-
bus, contra cogitationum nostrarum munditiam, flamma li-
uoris irruit, de cælo ignis ad oues venit. Sæpe enim mundas
mentis nostræ cogitationes ardore libidinis accendunt, &
quasi igne oues concremant, dum castos motus animi, luxu-
riæ tentatione perturbant. Qui ignis Dei dicitur: quia etsi
non faciente Deo, tamen permittente generatur. Et quia im-
pulsu subito ipsas nonnunquam circumspectiones mētis ob-
ruunt, quasi custodes pueros gladio occidunt. Sed tamen v-
nus incolumis fugit, dum omne quod mens patitur, perseue-
rans discretio subtiliter respicit, solaque mortis periculū eua-
dit, quia etiam perturbatis cogitationibus discretio non suc-
cumbit, ut damna sua animo renuntiet: & quasi Dominum
ad lamentum vocet.

Quanta sit in rerum terrenarum dispensatione difficultas.

Capit. XXV.

B Sed illo adhuc loquente venit alius, & dixit: Chaldaei fecerunt tres
turmas, & inuasunt camelos, & tulerunt eos, necnon & pueros
percusserunt gladio, & effugi ego solus ut nuntia-
rem tibi.) Per came-
los qui mundum aliquid habent, dum ruminant: & immun-
dum, dum nequaquam vngulam findunt, supra iam dixi-
mus, bonas rerum temporalium dispensationes intelligi, in
quibus quò est cura distensior, eò nobis multiplicius insidia-
tur inimicus. Omnis enim qui dispensandis terrenis rebus
præsidet, occulti hostis iaculis latius patet. Nonnulla enim
providens agere nititur, & sæpe dum cautus futura subtiliter
præuidet, incautus damna præsentia nequaquam videt: sæpe
dum præsentibus inuigilat, ad instantia præuidenda dormi-
tat: sæpe dum aliqua torpens agit, quæ vigilantè agenda sunt,
negligit: sæpe dum plus iusto vigilantem se in actione exhi-
bet, ipsa actionis suæ inquietudine rebus subditis peius no-
cet. Aliquando autem linguæ modum ponere nititur, sed one-
re dispensationis exigente silere prohibetur. Aliquando dum
nimia se censura restringit, tacet etiam quæ loqui debuit. Ali-
quando ad inferenda necessaria dum se latius relaxat, dicit et-
iam quæ loqui non debuit. Plerumque autem tantis cogita-
tionum voluminibus implicatur, ut ipsa ferre vix valeat, quæ
intra se prouidus versat: & cum nil operose faciat, sub magno
cordis sui pondere vehementer insudat. Quia enim dura sunt
quæ apud semetipsum intus patitur, quicquid foris otiosusque
lassatur. Plerumque enim quasi ventura animus conspiciat, to-
tàmque contra hæc intentionem proponit, magnusque ar-
dor contentione se inserit, sopor fugit, nox in diem vertitur:
& cum quæta foris membra lectulus tenet, intus magnis cla-
moribus in cordis foro litigatur. Et fit plerumque ut nulla e-
ueniant quæ præuidentur: totaque cogitatio illa quæ diu ple-
na se intentione parauerat, repente vacua quiescat. Tantò au-
tem longius mens à necessariis cessat, quāto inania latius co-
gitat. Quia igitur dispensationis curas maligni spiritus modo
torpenti vel præcipitata actione feriunt: modo pigra vel im-
moderata locutione confundunt: penè autem semper nimis
D cogitationum molibus premunt: tribus turmis Chaldaei ca-
melos rapiunt. Quasi enim tres turmas contra camelos face-
re, est terrenarum dispensationum studia modò illicito ope-
re, modo superflua locutione, modo inordinata cogitatione
vastare: ut dum se ad administranda exterius mens efficaciter
extendere nititur, à sui consideratione separetur: & eò dam-
na quæ de semetipsa patitur, nesciat, quò erga aliena fortiori
studio quàm decet, elaborat. Recta autem mens cum curas
dispensationis suscipit, quid sibi, quid proximis debeat, attē-
dit: & nec per alienæ sollicitudinis immoderationem sua stu-
dia negligit, nec per suæ utilitatis vigilantiam, aliena postpo-
nit. Sed tamen plerumque dum ad vtraque solerter mens in-
uigilat, dum magnis erga se, & ea quæ sibi commissa sunt, cir-
cumspectionibus vacat, repentino turbata cuiuslibet causæ
emergentis articulo, ita in præceps rapitur, ut ab ea subito
cunctæ circumspectiones eius obruantur. Vnde & custodes
camelorum pueros Chaldaei gladio feriunt: sed tamen vnus
redit, quia inter hæc discretionis ratio mentis nostræ oculis
occurrit, & sollicita sibi anima, quid subito impulsu ten-
tationis intrinsecus amittat, intelligit: Sequitur.

35.

Iacula ho-
stis in eos
qui dispen-
sationis terre
præsumt.

Quod his qui iustitia, prudentia, fortitudine, & temperantia, aliisque bonis spiritualibus pradi sunt, gratia Dei aliquando se vilitate subtrahat: ut qui de se presumit, quantum in se sit infirmus agnoscat.

Caput XXVI.

36

Ad huc loquebatur ille, & ecce alius intravit, & dixit: Filij tui & filibus vescentibus & bibentibus vinum in domo fratris sui primogeniti, repente vetus vehemens irruit à regione deserti, & concussit quatuor angulos domus, quæ corruens oppressit liberos tuos, & mortui sunt, & effugi ego solus ut nuntiarem tibi. Sicut suprà iam diximus, regio deserti est immundorum spirituum multitudo derelicta: quæ dum conditoris sui beatitudinem deseruit, quasi manum cultoris amisit: à qua ventus vehemens venit, & domum subruit: quia ab immundis spiritibus fortis tentatio surrepit, & à tranquillitatis suæ statu conscientiam evertit. In quatuor verò Angulis domus ista consistit: quia nimirum solidum mentis nostræ ædificium, prudentia, temperantia, fortitudo, iustitia sustinet. In quatuor ergo angulis domus ista subsistit: quia in his quatuor virtutibus tota boni operis structura confurgit. Vnde & quatuor paradisi flumina terram irrigant: quia dum his quatuor virtutibus cor infunditur, ab omni desideriorum carnalium æstu temperatur. Sed nonnunquam dum menti ignavia surrepit, prudentia frigidescit: nam cum fessa torpet, ventura non prouidet. Nonnunquam dum nonnulla menti delectatio surrepit, temperantia nostra marcescit. In quantum enim ad delectationem præsentium ducimur, intantum minus ab illicitis temperamur. Nonnunquam se timor cordi insinuat, & vires nostræ fortitudinis turbat: & eò minores contra aduersa existimus, quò quædam perdere immoderatus dilecta formidamus. Nonnunquam verò amor sui se menti ingerit, eamque latenti motu à rectitudine iustitiæ diuertit: & quò se totam auctori reddere negligit, eò in se iustitiæ iuri contradicit. Ventus ergo vehemens quatuor angulos domus concutit, dum fortis tentatio occultis motibus quatuor virtutes quatit: & quasi quassatis angulis domus obruitur, dum pulsatis virtutibus conscientia turbatur. Intra hos autem quatuor domus angulos filij conuiuantur: quia intra arcana mentis, quæ principaliter his quatuor virtutibus ad summæ rectitudinis culmen erigitur, virtutes cæteræ quasi quædā cordis sorboles se inuicem pascunt: Donum quippe spiritus, quod in subiecta mente, ante alia prudentiam, temperantiam, fortitudinem, iustitiam format: eandem mentem ut contra singula quæque tentamenta erudiat, in septem mox virtutibus temperat: ut cōtra stultitiam, sapientiam: contra hebetudinem, intellectum: contra præcipationem, consilium: contra timorem fortitudinem: contra ignorantiam, scientiam: contra duritiam, pietatem: contra superbiam, dei timorem. Sed nonnunquam dum mens nostra tanti muneris plenitudine atque vbertate fulcitur: si continua in his securitate perfruitur, à quo sibi hæc sint, obliuiscitur: seq̃, à se habere putat, quod nunquam sibi abesse cōsiderat. Vnde fit ut aliquando se hæc eadem gratia vtiliter subtrahat, & præsumenti menti quantum in se infirmetur, ostendat. Tunc enim verè cognoscimus bona nostra vnde sint, quando hæc quasi amittendo, sentimus, quia à nobis seruari non possunt. Ad hoc itaque intimandæ humilitatis magisterium, fit plerunque ut irruente tentationis articulo, tanta stultitia sapientiam nostram feriat: ut turbata mens, qualiter malis imminentibus obuiet, vel contra tentationem quomodo se præparet, ignoret. Sed hac ipsa stultitia cor prudenter eruditur: quia vnde ad momentum desipit, eò post verius quò & humilior sapit, & sapientia vnde quasi amittitur, inde certius possidetur. Aliquando dum sublimia intelligendo in elatione se animus erigit, in rebus imis & vilibus graui hebetudine pigrescit: ut repente sibi etiam ima clausa videat, qui pernix summa penetrabat. Sed hæc ipsa hebetudo intellectū nobis dum subtrahit, seruat: quia dum ad momentum cor humiliat, verius ad sublimia intelligenda confirmat. Aliquando dum cuncta nos agere consilij grauitate gaudemus, pulsante causæ emergentis articulo, præcipatione subita rapimur: & qui nos semper dispositè vixisse credidimus, repente intima confusione vastamur: sed tamen eiusdem confusionis eruditione discimus, ne nostris viribus cōsilia nostra tribuamus, & tantò maturius ad grauitatem restringimur, quātò ad hanc

Gratia Spiritus sancti aliquando vilitate subtrahitur.

E quasi amissam redimus. Aliquando dum mens fortiter aduersa contemnit, subortis aduersitatis euentibus hanc metus vehemens percutit: sed per hunc cōcussa discit cui tribuat, quòd in quibusdam fortiter stetit: & tantò post validius fortitudinem retinet, quātò hanc repente irruente formidine sibi iam quasi elapsam videt. Aliquando dum magna nos scire gaudemus, repentinæ ignorantie cæcitate torpescimus: sed quò ignorantia mentis oculus ad momentum clauditur, eò post ad scientiam verius aperitur: ut nimirum flagello suæ cæcitate eruditus, & scire ipsum à quo habeat, sciat. Aliquādo dum religiosè cuncta disponimus, dum pietatis viscera plenè nos habere gratulamur, quadam mentis duritia irruente percutimur: sed quasi obdurati cognoscimus cui pietatis habitæ bona tribuamus, & pietas verius velut extincta recipitur, dum quasi amissa amplius amatur. Aliquando dum subiectum se diuinæ formidini animus gaudet, repente superbia tentante rigescit: sed tamen valde mox timens, quia non timet, ad humilitatem se iterum festinus inflectit, & tantò hanc solidius recipit, quātò eius virtutis pondus quasi amittendo pensauit. Eversa igitur domo moriuntur filij: quia turbata in tentatione conscientia, ad vtilitatem propriæ cognitionis raptim & in momento temporis obruuntur genitæ in corde virtutes. **Q**ui profecto filij intus per spiritum viuunt, dum exterius carne moriuntur: quia videlicet virtutes nostræ tentationis tempore etsi in momento turbatæ ab status sui incolumitate deficiunt, per intentionis tamen perseuerantiam integrè in mentis radice subsistunt. Cum quibus etiam tres sorores occumbunt: quia in corde nonnunquam per flagella turbatur charitas, per formidinem concutitur spes, per quæstiones pulsatur fides. Sæpe enim quasi à conditoris amore torpescimus, dum vltra quàm nobis cōgruere credimus, flagello fatigamur. Sæpe dum plus quàm necesse est mens formidat, fiduciam sibimet spei debilitat. Sæpe dum immensis quæstionibus animus tenditur, perturbata fides quasi defectura fatigatur. Sed tamen viuunt filie quæ domo concussa moriuntur: quia etsi intra conscientiam, spem, fidem, charitatēq; penè occumbere perturbatio ipsa renunciat: has tamen ante Dei oculos viuas perseuerantia rectæ intentionis seruat. Vnde & puer qui hæc nuntiet, solus euadit: quia mentis discretio etiam inter tentamenta incolumis permanet. **A**gūtque puer ut Iob filios flendo recipiat: dum discretione nuntiante dolens animus vires quas quasi amittere cœperat, pœnitendo conseruat. Mira autem hoc nobiscum dispensatione agitur, ut mens nostra culpæ nonnunquam pulsatione feriat. Nam esse se magnarum virium homo crederet, si nulum vnquam earundem virium defectum intra mentis arcana sentiret. Sed dum tentatione irruente quatitur, & quasi vltra quàm sufficit, fatigatur: ei contra hostis sui insidias munimen humilitatis ostenditur: & vnde se pertimescit euertiter cadere, inde accepit fortiter stare. Tentatus autem non solum vires à quo accipiat, discit: sed quanta eas vigilantia seruet intelligit. Sæpe enim quem tēstationis certamen superare non valuit, sua deterius securitas strauit. Nam dum lassum se quisque in otio remittit, dissolutam mentem corruptori prostituit: at si eum ex dispensatione supernæ pietatis, tentatio non repente vehementer irruens, sed temperato accessu erudiens pulsatur: nimirum ad insidias prouidendas euigilat, ut contra hostem se in certamine cautius accingat. Vnde & bene subiungitur: *Tunc surrexit Iob.* Sedere enim quiescentis est: assurgere decertantis. Auditis ergo aduersis surgere, est expertis tentationibus mentē ad certamina robustius parare. Quibus nimirum tentationibus etiam discretio proficit: quia ut virtutes à vitiis subtilius distinguat, agnoscit. Vnde & bene subiungitur: *Scidit vestimenta sua.* Vestimenta scindimus cum discernendo opera nostra retractamus. Si enim nos apud Deum opera nostra quasi vestimenta non tegerent, nequaquam voce angelica diceretur: Beatus qui vigilat & custodit vestimenta sua, ne nudus ambulet, & videant turpitudinem eius. Turpitudine enim nostra tunc cernitur, cum vita reprehensibilis ante iustorum oculos in iudicio, nequaquam subsequenter boni operis tegmine velatur. Sed quia cum culpa tentamur, ad lamenta accendimur: atque ipsis lamentis excitati, ad perspiciendam lucem iustitiæ subtilius oculos mentis aperimus,

37

Sedere assurgere.

Vestimenta scindere.

38

Apoc. 16.

Cant. 4.

Eccl. 9.

39.

Nume. 6.

40.

aperimus, quasi in dolore vestimenta scindimus: quia ex fletu discretionem crescente cuncta quę agimus, districtius irata manu iudicamus. Tunc omnis nostra elatio corrui, tunc cuncta ab animo cogitationum superfluitas cadit. Vnde & subditur: *Et tonso capite corruens in terram adorauit.* Nam quid moraliter per capillos, nisi defluentes animi cogitationes accipimus? Vnde & alias Ecclesię dicitur: Sicut vitta coccinea labia tua sponsa, & eloquium tuum dulce. Vitta quippe crines capitis astringit. Labia ergo sponsę sicut vitta sunt: quia exhortatione sanctę Ecclesię, cunctę in auditorum mentibus diffusę cogitationes ligantur, ne remissę defluant, ne sese per illicita spargant, ne sparsę cordis oculos deprimant: sed quasi ad vnam se intentionem colligant, dum vitta eas sanctę prædicationis ligat. Quam rectę & coccineam asserit, quia sanctorum prædicatio solo charitatis ardore flammescit. Quid verò per caput nisi ea quę principale vniuscuiusque actionis est, mens ipsa signatur? Vnde & alias dicitur: Et oleum de capite tuo non deficiat. Oleum quippe in capite, est charitas in mente, & deficit oleum à capite, cum charitas discedit à mente. Caput ergo tondere, est cogitationes superfluas à mēte refecare. Et tonso capite in terrā corruit, qui repressis præsumptionis suę cogitationibus, quām in semetipso infirmus sit, humiliter agnoscit. Difficile namque est quēpiā magna agere, & apud semetipsum de magnis actibus cogitationum fiduciā non habere. Eo ipso enim quo contra vitia fortiter viuatur, cogitationum præsumptio in corde generatur: & cum mens foris culpas valenter conterit, plerumque apud semetipsam latenter intumescit: iamque se esse magni alicuius meriti æstimat, nec se peccare in cogitatione suę æstimationis putat. Ante districti autem iudicis oculos tantò deterius delinquitur, quantò culpa occultius, & penè incorrigibiliter perpetratur, & tantò ad vorandum latius patet fouea, quantò de semet ipsa elatius gloriatur vita. Vnde (vt sæpe iam diximus) pia conditoris dispensatione agitur, vt de se confidens anima dispensatoria tentatione pulsetur: quatenus infirmata, quid sit, inueniat: & præsumptionis proprię fastum deponat. Mox enim vt tentatio mentem pulsauerit omnis cogitationum nostrarum præsumptio, tumultusque conquiescit. Mens enim cum se in elationem erigit, quasi in tyrannidem erumpit. Habet autem tyrannidis suę satellites fauentes sibi met cogitationes suas. Sed si super tyrannum hostis irruat: fauor mox satellitum cessat. Intrante namque aduersario, satellites fugiunt, eumque terri declinant, quem in pace positi callida adulatione laudabant. Subductis verò satellitibus, ante hostem solus remanet: quia recedentibus elatis cogitationibus, perturbatus animus se solummodo in tentatione videt. Auditis ergo aduersis caput detondetur, cum tentationibus vehementer irruentibus à præsumptionis suę cogitationibus mens nudatur. Quid est enim quod Nazaręi capillos nutriunt, nisi quod per vitam magnę continentię præsumptionum cogitationes crescunt? Sed quid est quod deuotione completa caput Nazaręus radere, capillosque in igne sacrificij ponere iubetur: nisi quod tunc ad perfectionis summam pertingimus, cum sic exteriora vitia vincimus: vt etiam cogitationes superfluas à mente refecemus? Quas nimirum sacrificij igne concremare, est flamma eas diuini amoris incendere: vt totum cor in dei amore ardeat, & cogitationes superfluas concremans quasi Nazaręi capillos deuotionis perfectione consumat. Et notandum quod in terram corruens adorauit. Ille enim veram Deo orationem exhibet, qui semetipsum quia pulvis sit humiliter videt, qui nihil sibi virtutis tribuit, qui bona quę agit, esse de misericordia conditoris agnoscit: Vnde & competenter dicit: *Nudus egressus sum de utero matris meę: nudus reuertar illuc.* Ac si tentatus animus & infirmitatis suę inopia deprehensus dicat: Nudum me in fide prima gratia genuit, nudum eadem gratia in assumptione saluabit. Est namque magnum animi turbati solatium: vt pulsatus vitiis, cum se quasi nudari virtutibus conspicit, ad solam misericordię spem recurrat: & eò se nudari non sinat, quod se à virtutibus humiliter nudum putat: qui etsi fortasse aliqua virtute in tentatione detegitur, infirmitatem tamen propriam agnoscens, ipsa melius humilitate vestitur: & valde robustius quàm steterat, iacet, cum sibi sine diuino adiutorio cessat tribuere

A quod habet. Vnde & manum mox largitoris & iudicis humiliter agnoscit, dicens: *Dominus dedit, Dominus abstulit.* Ecce tentationibus eruditus creuit, qui & in virtute habita largitatem dantis, & in perturbatione fortitudinis, potestatem tolerantis agnoscit. Quę tamen fortitudo non tollitur, sed perturbata fatigatur: quatenus concussa mens, dum se hanc iam iamque quasi amittere trepidat, semper facta humilis nunquam perdat. *Sicut Domino placuit, ita factum est: sit nomen Domini benedictum.* In hoc quod interna perturbatione concutimur, dignum est vt ad conditoris iudicium recurramus, vt inde cor nostrum adiutori nostro maiores laudes exhibeat, vnde pulsatum verius imbecillitatem suę infirmitatis pensat. Bene autem dicitur: *In omnibus his non peccauit Iob labiis suis, nec stultum aliquid contra Deum locutus est.* quia solerti cura custodire dolens animus debet, ne cum se intus tentatio stimulat, in verba foras illicitę locutionis erumpat, ne de probatione murmuret: & ignis qui hunc velut aurum concremat, per excessum sermonis illiciti in paleę fauillam vertat.

B Quod prophetis sanctis & adest & abest spiritus prophetia.

Caput XXVII.

Nihil verò obstat si hoc quod de virtutibus diximus, de his quę in ostensione virtutis dentur, donis sancti spiritus sentiamus. Alij nanque prophetię, alij genera linguarum, alij virtutes curationum dantur. Sed quia dona hæc ipsa non semper in mente eodem modo sunt, liquidò ostēditur, quod ne se mens in præsumptione eleuet, aliquando vtiliter subtrahuntur. Nam si prophetię spiritus Prophetis semper adest: nimirum Heliseus propheta non diceret: Dimitte eam, anima enim eius in amaritudine est, & Dominus calauit à me verbum. Si prophetię spiritus Prophetis semper adest: inquisitus Amos propheta non diceret: Non sum propheta, vbi & subdidit: Neque filius prophetę, sed armentarius puer ego sum, vellicans sycomoros. Quomodo autem Propheta non fuit, qui de futuris tot vera prædixit? Aut quomodo Propheta fuit, si de se in præsentī vera denegauit? Sed quia eadem hora qua requisitus est, prophetię sibi spiritum deesse sensit, de semetipso testimonium veraciter intulit, dicens: Non sum Propheta. Qui tamen secutus adiunxit: Et nunc audi verbum Domini: Hęc dicit Dominus: Vxor tua in ciuitate fornicabitur, & filij tui & filię tuę in gladio cadent, & humus tua funiculo metietur: & tu in terra polluta morieris. Quibus Prophetę verbis apertè ostēditur: quia dum de se illa loqueretur, impletus est: & mox habere prophetandi spiritum meruit, quia se Prophetam non esse humiliter agnouit. Et si prophetię spiritus prophetis semper adest: David regi de templi se constructione consulenti, nequaquam Nathan propheta cederet, quod post paululum negaret. Vnde bene & in Euāgelio scriptum est: Super quem videris spiritum descendentem, & manentem super eum, hic est qui baptizat. In cunctis nanque fidelibus spiritus venit, sed in solo mediatore semper singulariter permanet: quia eius humanitatem nunquam deseruit, ex cuius diuinitate procedit. In illo igitur manet, qui solus & omnia & semper potest. Nam fideles qui hunc accipiunt, cum signorum dona semper habere, vt volunt, non possunt, hunc se accepisse quasi in transitu ostensione testantur. Sed cum rursū de eodem spiritu veritatis ore discipulis dicitur: Apud vos manebit, & in vobis erit, quid est quod diuina voce mediatoris signum hoc, eadem sancti spiritus mansio declaratur, cum dicitur: Super quem videris spiritum descendentem & manentem super eum? Si igitur iuxta magistri vocem & in discipulis manet: quomodo iam singulare signum erit quod in mediatore permanet? Quod tamen citius cognoscimus, si dona eiusdem spiritus discernamus.

Quod sunt quedam dona spiritus sancti, sine quibus nemo ad vitam peruenit, & alia in præsentī vita ad subsidium temporalium necessarium vilia.

Caput XXVIII.

Alia nanque sunt dona illius, sine quibus ad vitam nequaquam pertingitur, alia quibus vitę sanctitas pro aliorum vtilitate declaratur. Mansuetudo nanque, humilitas,

*Duplicia
sunt dona
spiritus.*

patientia, fides, spes, charitas, dona eius sunt: sed ea sine quibus ad vitam homines peruenire nequaquam possunt. Prophetia autem, virtus curationum, genera linguarum, interpretatio sermonum, dona eius sunt: sed quæ virtutis eius præsentiam pro correctione intuentium ostendunt. In his igitur donis sine quibus ad vitam perueniri non potest, Spiritus sanctus, siue in prædicatoribus suis, siue in electis omnibus semper manet: in illis autem quibus per ostensionem illius non nostra vita seruatur, sed aliorum quaritur, nequaquam semper in prædicatoribus permanet, quia semper quidem eorum cordi ad bene viuendum præsidet, nec tamen per eos virtutum signa semper ostendit: sed aliquando se eis à signorum ostensionibus subtrahit, ut eò humiliter virtutes eius habeantur, quò habitæ teneri nō possunt. Mediator autem Dei & hominum homo Christus Iesus, in cunctis eum & semper & continuè habet præsentem: quia ex illo idem spiritus per substantiam profertur. Rectè ergo cū in sanctis prædicatoribus maneat, in mediatore singulariter manere perhibetur: quia in istis per gratiam manet ad aliquid, in illo autem per substantiam manet ad cuncta. Sicut enim corpus nostrum sensum tantummodo tactus agnoscit, caput autem corporis, vsum simul omnium quinque sensuum possidet: ut videat, audiat, gustet, odoretur, & tangat: ita membra superni capitis in quibusdam virtutibus emicātipsum verò caput in cunctis virtutibus flagrat. Dissimiliter ergo spiritus in illo manet cui se ad votum substantialiter exhibet, & à quo per naturam nunquam recedit. Dona verò eius quibus ad vitam tenditur, sine periculo amitti non possunt: dona autem quibus vitæ sanctitas demonstratur, plerumque, ut dictum est, sine dispendio subtrahuntur. Illa ergo pro nostra eruditione tenenda sunt, hæc pro alienis profectibus exquirenda. In illis nos terreat formido, ne pereant: in istis verò ad tempus aliquando, sublati consoletur humilitas: quia ad elationem mentem fortasse subleuant. Cū igitur concessa nobis virtutum signa subtrahuntur, dicamus rectè: Dominus dedit, Dominus abstulit, sicut Domino placuit, ita factum est: sit nomen Domini benedictum. Tunc enim verè ostendimus, quia accepta rectè tenuimus: cū profectò æquanimiter ad momentum sublata toleramus.

Libri secundi Moralium sancti Gregorij finis.

B. GREGORII EXPOSITIONIS MORALIS

IN B. IOB LIBER TERTIVS

capitis secundi textus.



BEATVS Iob ad mortem petitus in tentatione, ad vitam creuit ex verberibus: & antiquus hostis vnde se bona eius aestimauit extinguere, inde doluit multiplicasse. Sed quia in primo certamine se succubuisse cōsiderat, ad alia se tentationum bella restaurat, & de sancto viro mala adhuc impudenter sperat: quia bona malus credere non potest, vel experta. Ea autem quæ in prima eius percussione præmissa sunt, iterum subnectuntur cū dicitur:

Caput II.

Actum est autem cū quadam die venissent filij Dei & starent coram Domino: venisset quoque satan inter eos, & staret in conspectu eius, ut diceret Dominus ad satan: Vnde venis? Qui respondens ait: Circuiui terram, & perambulaui eam. Et dixit Dominus ad satan: Nunquid considerasti seruum meum Iob, quòd non sit ei similis in terra: vir simplex & rectus ac timens Deum, & recedens à malo, & adhuc retinens innocentiam? Tu autem commouisti me aduersus eum, ut affligerem eum frustra. Cui respondens satan ait: Pelle pro pelle, & cuncta quæ habet homo dabit pro anima sua: alioquin mitte ma-

num tuam, & tange os eius & carnem, & tunc videbis quòd in faciem benedicat tibi. Dixit ergo Dominus ad satan: Ecce in manu tua est: veruntamen animam illius serua. Egressus igitur satan à facie Domini, percussit Iob vlcere pessimo à planta pedis vsque ad verticem eius, qui testa sanie radebat, sedens in sterquilinio. Dixit autem illi vxor sua: Adhuc tu permanes in simplicitate tua? benedic Deo, & morere: qui ait ad illam: Quasi vna de stultis mulieribus locuta es. Si bona suscepimus de manu Domini, mala quare non sustineamus? In omnibus his non peccauit Iob labiis suis. Igitur audientes tres amici Iob omne malum quod accidisset ei, venerunt singuli de loco suo, Eliphaz Themanites, & Baldath Suites, & Sophar Naamathites. Condixerant enim ut pariter venientes visitarent eum & consolarentur. Cūque eleuassent proculo-culos suos, non cognouerunt eum. Et exclamantes plorauerunt, scissisque vestibus sparserunt puluerem super caput suum in cœlum. Et sederunt cum eo in terra septem diebus & septem noctibus, & nemo loquebatur ei verbum. Videbant enim dolorem esse vehementem.

Hæc quia latius suprà differuimus, melius silendo præterimus: ne dum sæpius discussa repetimus, tardius ad indiscussa veniamus. Quamuis hoc quod voce Domini ad satan dicitur: Vnde venis? nequaquam æstimo quòd ita ei ut prius dicatur. Cū enim ab eo certamine in quo relaxatus fuerat, victus redit: & vnde venit, requiritur, qui vnde veniat, scitur, quid aliud quàm infirmitas superbiæ eius increpatur? ac si ei apertè diuina vox dicat: Ecce ab vno & in infirma carne posito homine vinceris, qui te cōtra me authorem omnium erigere conaris. Vnde mox Dominus cū beati Iob bona sicut prius diceret, hæc cum victoria & triumphis enumerans adiungit: *Et adhuc retinens innocentiam suam.* Ac si apertè dicat: Tu quidem exercuisti malitiam: sed ille innocentiam non amisit: & vnde te æstimasti profectum eius imminuere, inde compulsus es eius profectui deseruire: quia mentis innocentiam quàm gloriose tenuit in tranquillitate, gloriosius seruauit in verberibus. Sequitur:

Quòd iusti & frustra percutiuntur & non frustra: non frustra, quia augetur vita meritum: frustra, quia in eis non punitur peccatum.

Caput II.

TV autem commouisti me aduersus eum, ut affligerem eum frustra.) Cū sit Deus iustus & verax, valde quærendum est, quomodo beatum Iob frustra afflixisse se indicat. Quia enim iustus, est, frustra affligere non potuit. Sed rursum quia verax est, aliter non potuit dixisse quàm fecit. Ut ergo iusto & veraci vtraque conueniant: quatenus & vera dicat, & iniusta non faciat, cognoscamus beatum Iob & iuxta aliquid frustra, & rursum iuxta aliquid non frustra percussum. Quia enim iustus & verax hæc de semetipso asserit: ostendamus & verum extitisse quod dixit, & rectū fuisse quod fecit. Necesse quippe erat ut sanctus vir Deo soli sibi que cognitus, quanta virtute polleret, ad imitandum cunctis innotesceret. Aperta nanque aliis virtutis exempla non daret, si ipse sine tentatione permaneret. Actum est ergo ut vires eius cunctis imitandas ipsa vis percussione ostenderet, & flagella proderent quod in tranquillitate latuisset. Sed eisdem flagellis creuit virtus patientiæ, atque ex dolore verberis, aucta est gloria remunerationis. Ut ergo in dicto Domini veritas, rectitudo autem teneatur in facto: beatus Iob & non frustra percutitur, quia augetur meritum: & tamen frustra percutitur, quia nullum punitur admissum. Frustra enim percussus est, cui culpa nulla reciditur, & non frustra percussus est, cui virtutis meritum cumulatur. Sed quid est quod dicitur, *commouisti me aduersus eum?* Nunquid satanæ verbis veritas accenditur, ut in subditorum suorum cruciatus instigetur? Quis hæc de Deo senserit, quæ recto etiam homini indigna perpendit? Sed quia nos ferire nisi commoti nescimus, ipsa diuina percussio commotio vocatur:

tio vocatur: & ad nostra verba diuina voce descenditur, vt eius factum ab homine vtcunque capiatur. Illa enim vis quæ absque necessitate omnia creauit, & sine defectu omnibus præsidet, & sine labore cuncta sustentat, & sine occupatione regit, etiam sine commotione corrigit: sicque humanas mentes ad ea quæ voluerit, flagellis format: vt in diuersitatis vmbra à suæ incommutabilitatis luce non transeat. Sequitur: Respondens satan ait: Pellem pro pelle, & cuncta quæ habet homo, dabit pro anima sua: alioquin te manum tuam, & tange os eius & carnem, & tunc videbis quod in faciem benedicat tibi. Antiquus hostis ex rebus exterioribus colligit quod beato viro ad mentis crimen infligit. Pellem enim pro pelle dari asserit: quia sæpe dum venire ictum contra faciem cernimus, manum palpebris opponimus, vt ab ictu oculos defendamus: & corpus vulneri obiciamus, ne in corpore teneriori vulneremur. Satan ergo hæc confueret fieri sciens, dicit: Pellem pro pelle, cuncta quæ habet homo, dabit pro anima sua. Ac si aperte dicat: Idcirco Iob tot extra se flagella æquanimiter patitur: quia patet ne ipse feriat. Cura ergo carnis est quod damno, affectuum carnalium motus non est, quia dum sibi metipsum metuit, minus suorum percussiones sentit. Vnde & mox eius carnem feriendam postulat, dicens: Mitte manum tuam, & tange os eius & carnem, & tunc videbis quod in faciem benedicat tibi. Superius dixerat: Tange cuncta que possidet, & tunc videbis quod in faciem benedicat tibi. Nunc quasi prioris propositionis oblitus factus, de aliis alia postulat. Quod tamen recte diuina dispensatione permittitur: quatenus altercator impudens vel sæpe victus obmutescat. Sequitur:

Quod satan dicitur seruare quæ non permittitur tangere.

Caput III.

Dixit ergo Dominus ad satan: Ecce in manu tua est, verumtamen animam illius seruare. Ecce iterum permissionem verberis comitatur custodia protectionis, & electum suum diuina dispensatio custodiendo deserit, deferendo custodit: talia illius prodit, alia protegit. Si enim totum Iob defereret in manu tanti aduersarii, homo quid esset? In ipsa ergo iustitia permissionis permiscetur quædam libra pietatis: quatenus in vno eodemque certamine & seruus humilis ex oppensione proficiat, & hostis superbiens ex permissione succumbat. Manui itaque aduersarii sanctus vir traditur, sed tamen in intimis adiutoris sui manu retinetur. De illis quippe ouibus fuit, de quibus in Euangelio ipsa veritas dicit: Non rapiet eas quisquam de manu mea: & tamen expetenti hosti dicitur: Ecce in manu tua est. Idem ergo in manu Dei, idem in manu est diaboli. Nam dicens: In manu tua est, cum protinus adiungit. Veruntamen animam illius seruare patenter pius adiutor innotuit: quia tenuit quem concessit, & dando non dedit, quem aduersarii sui iaculis eiiciens abscondit. Quid est autem hoc quod ad satan dicitur: Animam illius seruare? Quo enim pacto ille custodit, qui custodita semper irrumpere appetit? Sed seruare satan dicitur, irrumpere non audere: sicut econtrario patrem in oratione postulamus dicentes: Ne nos inducas in tentationem. Neque enim in tentationem Dominus inducit, qui semper à tentatione subditos misericorditer protegit: sed tamen in tentationem quasi eius inducere, est à tentationis nos illecebra non munire. Et tunc nos in tentationis laqueum non inducit, cum tentari nos ultra quam possumus, non permittit. Sicut ergo Dominus inducere nos in tentationem dicitur, si nos ab aduersario induci patiamur: ita aduersarius seruare animam dicitur, cum hanc tentando superare prohibetur. Egressus igitur satan à facie Domini. Quomodo satan à facie Domini exeat, ea quæ iam superius dicta sunt, manifestant. Sequitur: Percussit Iob vlcere pessimo, à planta pedis vsque ad verticem eius. Duobus semper modis flagella pensanda sunt: vt scilicet perpendantur, aut qualia sint, aut quanta. Nam sæpe multa ex qualitate, sæpe grauius ex quantitate leuigantur: si videlicet cum multa sunt, non sint grauius, cum verò grauius, non sint multa. Vt igitur ostendatur quomodo asperitatem flagelli aduersarius contra sanctum virum non solum per nequitiam qualitatis, sed etiam per pondus quantitatis exarsit: ad demonstrandam qualitatem dicitur: Percussit eum vlcere pessimo: ad insinuandam verò quantita-

A tem subiungitur: A planta pedis vsque ad verticem: vt nimirum nihil in mente vacet à gloria, in cuius nil corpore vacat à pœna. Sequitur:

Quod multi secularibus dignitatibus præditi vas fictile quod gestant, quàm citò sit conterendum non attendunt.

Caput IIII.

Quia testa sanie radebat, sedens in sterquilinio. Vnde testa nisi ex luto conficitur? quid verò est sanies corporis nisi lutum? Sanie ergo radere testa perhibetur, ac si aperte diceretur: Luto tergebat lutum. Pensabat quippe vir sanctus vnde sumptum fuerat quod gestabat, & fragmento vasis fictilis confectum vas fictile radebat. Quo facto patenter ostenditur corpus suum quomodo sibi sanum subdidit, quod & percussum sic despiciens curauit: quam ille mollitiem sanæ suæ carni concessit, qui non vestem, non digitos, sed testam etiam vulneribus admoit. Testa ergo radebat sanie: vt semetipsum & in fragmento considerans, etiam de extensione vulneris sumeret curam mentis. Quia verò sæpe per ea quæ circa corpus sunt, animus inflatur: & per hoc quod erga nos agitur, fragilitas nostri corporis ab oculis cordis amouetur (sicut nonnulli seculares cum temporalibus dignitatibus fulciuntur, dum locis altioribus præsidet, dum multorum obsequia sibi suppetere ad votum vident: fragilitatem suam intueri negligunt, & vas fictile quod gestant, quàm sit velociter conterendum, obliuiscens omnino non attendunt) beatus Iob vt considerationem suæ fragilitatis etiam ex circumstantibus traheret, & ante oculos suos vim suæ despectionis auget, non qualibet in terra, quæ penè vbique munda reperitur, sed in sterquilinio sedisse perhibetur. In sterquilinio ponebat corpus, vt ex terra assumpta quæ esset carnis substantia, bene proficiens perpenderet animus. In sterquilinio ponebat corpus, vt etiam ex loci fetore caperet, quod festinè corpus ad fetorem rediret.

Quid sit quod Deus in hoc seculo sic despiciat quos ante secula sublimiter elegit. *Caput V.*

Sed ecce cum beatus Iob tot rerum damna sustinet, tot funeribus pignorum percussus dolet, tot vulnera tolerat: dum decurrentem sanie testa radit, dum per putredinem defluens in sterquilinio residet, intueri libet quid est quod omnipotens Deus quos sibi tam charos in æternum conspiciat, tam vehementer quasi despiciens affligit. Ecce autem dum beatus Iob vulnera cruciatibus confidero: repente mentis oculos ad Ioannem reduco, & non sine grauissima admiratione pædo, quod ille prophetiæ spiritu intra matris vterum impletus: atque, vt ita dixerim, priusquam nasceretur renatus: ille amicus sponsi, ille quo inter natos mulierum maior nemo surrexit: ille sic propheta, vt plus etiam quàm propheta, ab iniquis in carcerem mittitur, & pro puellæ saltatu capite truncatur, & vir tantæ seueritatis pro rilu turpium moritur. Nunquidnam credimus aliquid fuisse, quod in eius vita illa sic despecta mors tergeret? Sed quando ille vel in cibo peccauit, qui locustas solummodo & mel syluestre edit: Quid Deo vel de qualitate sui tegminis deliquit, qui camelorum pilis corpus operuit? Quid de conuersatione sua offendere potuit, qui de eremo non recessit? Quid illum loquacitatis reatus polluit, qui disunctus longè ab hominibus fuit? Quando illum vel silentij culpa attigit, qui ad se venientes tam vehementer increpauit, dicens: Genimina viperarum, quis demonstrauit vobis fugere à ventura ira? Quid est ergo quod Iob Dei testimonio præfertur: & tamen plagis vsque ad sterquilinum sternitur? Quid est quod Ioannes Dei voce laudatur, & tamen pro temulenti verbis in saltatricis præmium moritur? Quid est quod Deus omnipotens sic vehementer in hoc seculo despiciat, quos sic sublimiter ante secula elegit, nisi hoc quod pietati fidelium patet: quoniam idcirco sic eos premit in infimis, quia videt quomodo remuneret in summis, & foras vsque ad despecta deiicit, quia intus vsque ad incomprehensibilia perducit? Hinc ergo vnusquisque colligat, quid illic sint passuri, quos reprobant, si hic sic cruciat, quos amat. Aut quomodo ferientur, qui in iudicio arguendi sunt: si sic eorum vita premitur, qui ipso iudice teste laudantur? Sequitur:

Commendatio Ioannis Baptistæ.

Mat. 3. Luca 3.

† al. fractus de c.

Ioan. 10.

3.

Mat. 6.

Quod diabolus cum nos tentat, antiquæ artis insidias repetit, & quia scit quomodo Adam decipi soleat, ad Eum recurrit, & quod in-
stus sit in sterquilinio, qui iniustus fuerat in paradiso.

Caput VI.

Dixit autem illi vxor sua: *Adhuc permanes in simplicitate tua? Benedic Deo & morere.*) Antiquus hostis humanum genus

duobus modis tentare consuevit, ut videlicet corda stantium aut tribulationibus frangat, aut persuasionibus molliat. In utrisque ergo contra beatum Iob se vehementer exercuit. Nam prius patrifamiliâs intulit damna rerum, orbauit patrem morte filiorum, percussit incolumem putredine vulnerum. Sed quia putrescentem foris, sanum adhuc interius stare conspexit, & quem exterius nudum reddidit, hunc interius ditio-
riorem fieri per exhibitam laudem conditoris inuidit, callidè cogitans pensat, quod contra se athleta Dei vnde premitur, inde subleuatur, victusq; ad subtilia tentandi argumenta conuertitur. Nam antiquæ artis insidias reperit, & quia scit quomodo Adam decipi soleat, ad Eum recurrit. Beatum enim Iob inter tot rerû damna, inter tot percussionû vulnera, quasi in quadam virtutum arce stare inuictum vidit. In alto quippe mentem fixerat: & idcirco hanc hostiles insidiæ irrumpe-
re non valebant. Queritur ergo ab aduersario, in hanc arcem munitissimam quibus gradibus ascendatur. Vicina est autem viro mulier, atq; subiecta. Cor igitur mulieris tenuit, & quasi scalam qua ad cor viri ascendere potuisset, inuenit. Occupauit animum coniugis, scalam mariti. Sed nihil hac arte præualuit, quia sanctus vir subiectam sibi mulierem, & non præpositam attendit: & recta loquens docuit, quam serpens ut peruersa loqueretur, instigauit. Dignum quippe erat ut fluxam mentem virilis censura restringeret, cum profectò & de ipso primo lapsu humani generis docet, quod docere mulier recta nesciret. Vnde bene & per Paulum dicitur: Docere autem mulieri non permitto. Quia nimirum aliquando cum docuit, à sapientiæ æternitate separauit. Antiquus itaque hostis ab Adam in sterquilinio victoriam perdidit, qui Adam in paradiso superauit: atque adiutricem suam mulierem dum ad verba malæ persuasionis accendit, ad doctrinam sanctæ eruditionis misit: & quæ excitata fuerat ut perderet, erudita est ne periret. Sic sic à nostris viris fortibus hostis percutitur, ut sua ei etiam tela rapiantur. Vnde enim se exaggerare æstimat dolorem vulneris, inde ei contra semetipsum suggerit arma virtutis. Ex verbis autem malè persuadentis coniugis vigilanter debemus aspicere, quod antiquus aduersarius non solum per semetipsum, sed per eos etiam qui nobis adherent, statum fatagit nostræ mentis inclinare. Cum enim cor nostrum sua persuasionem non subruit, ad hoc nimirum per linguas adherentium repit. Hinc enim scriptum est: A filiis tuis caue, & à domesticis tuis attende. Hinc per Prophetam dicitur: Vnusquisque se à proximo suo custodiat, & in omni fratre suo non habeat fiduciam. Hinc rursum scriptum est: Inimici hominis dominici eius. Callidus namq; aduersarius cum à bonorum cordibus repellere se conspicit, eos qui ab illis valde diliguntur, exquirat, & per eorum verba blandiens loquitur, qui plus cæteris amantur: ut dum vis amoris cor perforat, facile persuasionis eius gladius ad intimam rectitudinis munimina irrumpat. Post damna igitur rerum, post funera pignorum, post vulnera scissurâsque membrorum, antiquus hostis linguam mouit vxoris. Et notandum quo tempore viri mentem studuit virulento sermone corrumpere. Verba enim post vulnera intulit, ut nimirum cum vis doloris ingru-
nesceret, facile persuasionis suggestio peruersa præuuleret.

Ordo tenta-
tionis contra
Iob.

Sed si ipsum subtiliter tentationis eius ordinem perpendimus, qua calliditate sæuiat, inuenimus. Mouit namque prius damna substantiæ, quæ & extra naturam profectò essent, & extra corpus. Subtraxit filios, quod iam extra naturam quidem non esset, sed tamen adhuc aliquatenus extra proprium corpus: ad extremum percussit & corpus. Sed quia vulneribus carnis ad mentis vulnus peruenire non valuit, etiam coniunctæ mulieris linguam quæsiuit. Quia enim aperto certamine superari se doluit, de ore coniugis iaculum quasi de insidiis intorsit, quæ profectò diceret: *Adhuc permanes in simplicitate tua? benedic Deo, & morere.*) Ecce tentando omnia abstulit, ecce tentando mulierem reliquit, & sancto viro cal-

lidè cuncta diripuit: sed valde callidius adiutricem suam mulierem reseruauit, quæ dicat: Adhuc permanes in simplicitate tua?) Verba sua Eua repetit. Nam quid est dicere: Simplicitatem desere, nisi obedientiam, pomum vetitum comedendo, contemne? Et quid est dicere: Benedic Deo, & morere: nisi transcendendo præceptum ultra quàm es conditus, viue? Sed Adam noster fortis in sterquilinio iacuit, qui in paradiso quondam debilis stetit: nam ilico ad malè suadentis verba respondit dicens:

Quid sit quod Es. 45. scriptum est: Ego Dominus formans lucem, & creans tenebras, faciens pacem, & creans mala.

Caput VII.

Quasi vna de stultis mulieribus locuta es: Si bona accepimus de manu Domini, mala quare non sustineamus?) Ecce ubique hostis frangitur, ubique superatur, per cuncta tentationum argumenta succubuit: quia & illuc suum familiare solatium etiam de muliere amisit. Inter hæc igitur sanctum virum intueri libet, foris reb' vacuum, intrinsecus Deo planum. Cum Paulus Apostolus in semetipso diuitias sapietiæ internæ conspiceret, seque ipsum exterius esse corruptibile corpus videret, ait: Habemus thesaurum istum in vasis fictilibus. Ecce in beato Iob vas fictile scissuras vulnerum exterius sensit: sed hic thesaurus interius integer mansit. Foris enim per vulnera crepuit, sed indeficienter interius nascens thesaurus sapien-
tiæ verba sanctæ eruditionis emanauit, dicens: Si bona accepimus, de manu Domini, mala quare non sustineamus?) Bona scilicet dona Dei vel temporalia vel æterna, mala autem flagella præsentia appellans, de quibus per Prophetam Dominus dicit: Ego Dominus, & non est alter formans lucem, & creans tenebras, faciens pacem, & creans mala. Neque enim mala, quæ nulla sua natura subsistant, à Domino creantur: sed creare se mala Dominus indicat, cum res bene conditas nobis malè agentibus, in flagellum format: ut ea ipsa & per dolorem quo feriunt, delinquentibus mala sint, & per naturam qua existunt, bona. Vnde & venenum mors quidem est homini: sed tam en vita serpenti. Amore enim presentium ab authoris nostri dilectione recessimus, & peruersa mens dum dilectioni creaturæ se subdidit, à creatoris societate disiunxit. Ex his ergo ab authore ferienda erat, quæ errans authori præposue-
rat: ut vnde homo culpam non timuit superbus admittere, inde poenam corrigendus inueniret: & tantò citius resipisceret ad illa quæ perdidit, quantò doloris plena esse conspiceret quæ quæsiuit. Vnde & bene dicitur: Formans lucem, & creans tenebras: quia cum per flagella exterius doloris tenebræ creantur, intus per eruditionem lux mentis accenditur. Faciens pacem, & creans mala: quia tunc nobis pax cum Deo redditur, cum hæc quæ bene sunt condita, sed malè concupita, in ea quæ nobis mala sunt, flagella vertuntur. Per culpam quippe discordes Deo existimus, dignum ergo est ut ad pacem illius per flagella redeamus: ut cum vnaquæque res bene condita nobis in dolorem vertitur, correcti mens ad authoris pacem humiliter reformetur. Hæc itaque flagella beatus Iob mala nominat: quia salutis & tranquillitatis bonum qua perturbatione feriant, pensat. Sed illud valde in eius verbis intuendum est, contra persuasionem coniugis quanta considerationis arte se colligat dicens: Si bona accepimus de manu Domini, mala quare non sustineamus?) Magna quippe consolatio tribulationis est, si cum aduersa patimur, authoris nostri ad memoriam dona reuocemus. Nec frangit quod ex dolore obuiat, si menti citius hoc quod ex munere subleuat, occurrat. Hinc namque scriptum est: In die bonorum ne immemoris malorum, & in die malorū ne immemor sis bonorum. Quisquis enim dona percipit, sed donorum tempore nequaquā etiam flagella pertimescit, in elationem per lætitiā corrui-
t. Quisquis autem flagellis atteritur, sed flagellorum tempore, nequaquam se ex donis quæ eum contigit accepisse, consolatur, à statu mentis omnimoda desperatione destruitur. Sic ergo vtrique iungenda sunt: ut vnum semper ex altero fulciatur: quatenus & flagelli poenam memoria temperet doni, & doni lætitiā mordeat suspicio ac formido flagelli. Sanctus ergo vir ut oppressam mentem inter vulnera mulceat, in flagellorum doloribus blandimenta donorum pensat, dicens: Si bona suscepimus de manu Domini, mala quare non sustineamus?

1. Corin. 4.

Es. 45.

Eccl. 10.

sustineamus.) Vbi & benè præmittit dicens: *Locuta es quasi vna ex stultis mulieribus.*) Quia enim sensus prauæ voluntatis mulieribus, non autem sexus in vitio est: nequaquam ait: Locuta es quasi vna ex mulieribus, sed quasi ex ineptis mulieribus, vt videlicet ostendatur: quia quod prauum sapit, accidentis stultitiæ, non autem conditiæ sit naturæ. Sequitur.

Quod sicut iniusta dicere, ita iniusta retinere peccatum est.

Caput VIII.

Isaia 6. **I**N omnibus his non peccauit Iob labiis suis.) Duobus modis labiis delinquimus, cum aut iniusta dicimus, aut iusta reticemus. Nam si aliquando & tacere culpa non esset, Propheta non diceret: Væ mihi quia tacui. Beatus igitur Iob in cunctis quæ egit, labiis suis minimè peccauit: quia nec contra ferientem superba dixit, nec contra suadentem, recta retinuit. Nec loquens ergo, nec tacens deliquit: quia & flagellanti patri gratias reddidit, & malè suadenti coniugi doctrinæ sapientiæ ministravit. Quia enim sciuit quid deberet Deo, quid proximo: scilicet patientiam conditori, sapientiam coniugi: idcirco & hanc redarguendo docuit, & illum gratias agendo laudauit. Quis autem nostrum si vnum quodlibet vulnus tantæ huius percussione acciperet, non mox ab intimis prostratus iaceret? Ecce stratus foris vulneribus carnis, erectus intrinsecus munimine permanet mentis: & sub semetipso omne iaculum transuolare conspicit, quod in se exterius districta manu sæuiens hostis figit. Vigilâter deprehendit iacula, modo vulneribus contra se à facie, modo verbis quasi ex latere intorta. Et bellator noster circunvallantium certaminum feruore deprehensus, vbique patientiæ suæ clypeum opponit: vndique venientibus spiculis obuiat, & per cuncta virtutum latera circumspectam contra irruentia vulnera mentem roborat. Sed antiquus hostis quò valentius vincitur, eò adhuc ad insidias ardentius instigatur. Nam quia vxor increpata tacuit, protinus alios qui increpandi ad contumelias surgerent, excitauit. Sicut enim damna rerum studuit crebrius nunciando percutere, ita nunc robustum pectus fatigat verborum contumeliis sæpius feriendo penetrare. Sequitur:

Quod vbi virtutis discretionis perditur, intentio quæ initium virtutis habuit, finem accipit criminis.

Caput IX.

IGitur audientes tres amici Iob omne malum quod accidisset ei, venerunt singuli de loco suo: Eliphas Themanites, Baldath Suites, & Sophar Naamathites. Condixerant enim, vt pariter venientes visitarent eum, & consolarentur.) Quia ex conditio ad afflictum consolationem veniunt, & inter se & erga percussum quantæ charitatis fuerint, demonstratur. Quauis & per hoc quod scriptura eos tanti viri amicos fuisse testatur: quia boni studij & rectæ fuerint intentionis, ostenditur. Sed tamen hæc ipsa illorum intentio eis ad verba prorumpentibus, ante districti iudicis oculos suborta indiscretionis fuscatur. Sequitur:

Quis ordo in consolatione tenendus sit. Caput X.

Cumque eleuassent procub oculos suos, non cognouerunt eum, & exclamantes plorauerunt, scissisque vestibus sparserunt puluerem super caput suum in cælum.) Quia percussi speciem plaga mutauerat, amici plorantes exclamant, vestes scindunt, capita puluere aspergunt: vt cum mutatum eum ad quem venerant, cernerent, ipsam etiam consolatorum speciem spontaneus dolor immutaret. Ordo quippe consolationis est, vt cum volumus afflictum quempiam à mœrore suspendere, studeamus prius mœrendo eius luctui concordare. Dolentem nanque non potest consolari, qui non concordat dolori: quia eo ipso quo à mœretis afflictione discrepat, minus ab illo recipitur, à quo mentis qualitate separatur. Sed emoliri prius debet animus, vt afflictio congruat, congruens inhæreat, inhærens trahat. Neque enim ferrum ferro coniungitur, si non vtrunque exustione ignis liquetur: & durum molli non adhæret, nisi prius eius duritia temperata mollescat, vt quasi hoc ipsum fiat quod curat, vt teneat. Sic nec iacentes erigimus, nisi à rigore nostri status inclinemur: quia dum rectitudo stantis à iacentis situ discrepat, eum cui condescendere negligit, nequaquam leuat. Amici igitur beati Iob vt afflictum à dolore suspenderent, curauerunt necessariò si-

Tomus primus.

A mul dolere. Et cum vulneratum illius corpus viderent, studuerunt ipsi vestes scindere: & cum immutatum cōspicerent, studuerunt puluere capita scindere: quatenus afflictus vir tantò facilius eorum verba reciperet, quantò in eis suum aliquid de afflictione cognouisset. Sed inter hæc sciendum est, quia is qui afflictum consolari desiderat, mensuram necesse est dolori quem suscipit, ponat: ne non solum dolentem non mulceat, sed intemperatè dolens, afflictum animum ad pondus desperationis premat. Sic enim dolor noster mœrentium dolori iungendus est, vt per temperamentum subleuet, non autem per augmentum grauet. Vnde fortasse colligendum est, quod amici beati Iob plusquam necesse fuerat, in consolatione doluerunt, qui dum percussione cernunt, sed percussi mentē nesciunt, ita in immensum luctum versi sunt, ac si percussus vir tantæ fortitudinis, in plaga corporis etiam à corde cecidisset. Sequitur: *Sederuntque cum eo in terra septem diebus & septem noctibus, & nemo loquebatur ei verbum: videbant enim dolorem eius esse vehementem.*)

B Vtrum continuis septem diebus & septem noctibus cum afflictio Iob sederint, an certè diebus septem, & noctibus totidem instantia ei crebræ visitationis adhæserint, ignoramus. Sæpe enim rem quamlibet tot diebus agere dicimur, quauis non eisdem diebus ad eam continuè vacemus. Sæpe verò scriptura sacra sic totum pro parte, sicut pro toto partem ponere consuevit. Pro toto enim partem loquitur: sicut Iacob familiam describens dicit: Intrauit Iacob in Aegyptum cum animabus septuaginta. Quæ nimirum cum animas memorat, constat quia intransitum & corpora comprehendit. Rursum totum pro parte insinuat: sicut ad monumentum Maria queritur, dicens: Tulerunt Dominum de monumento, & nescimus vbi posuerunt eum. Solum quippe corpus Domini quesitura venerat, & totum simul Dominum sublatum deplorat. An ergo & hoc in loco totum pro parte dicatur, incertum est. Sed tamen hoc quod diu tacuerunt, & quandoque loquendo reprobati sunt, neglectè prætereundum non est. Sunt nanque nonnulli qui & loqui præcipitanter incipiunt, & effrenatè cœpta effrenarius exequuntur. Et sunt nonnulli qui tardè quidem loqui inchoant: sed semel inchoantes, habere modum elocutionis ignorant. Amici igitur beati Iob dolorem videntes diu tacuerunt: sed tardè inchoantes, indiscretè locuti sunt, quia parcere dolenti noluerunt. Tenuerunt linguam ne properè inciperet, sed incipientem semel nequaquam moderati sunt, ne se ex consolatione vsque ad contumelias effrenaret. Et bona quidem intentione ad cōsolandum venerant: sed hoc quod pia mens Deo mundum obtulit, locutio præcipitata vitiauit. Scriptum quippe est: Si rectè offeras, non rectè autem diuidas, peccasti. Rectè nāque offertur, cum recta intētiōne quid agitur. Sed rectè non diuiditur, si non hoc quod piè agitur, etiam subtiliter discernatur. Oblata enim rectè diuidere, est qualibet bona nostra studia sollicitè discernendo pensare. Quod nimirum qui agere dissimulat, etiam rectè offerens peccat. Sæpe ergo & quod bono studio gerimus, dum discernere cautè negligimus, quo iudicetur fine, nescimus: & nonnunquam hoc fit reatus criminis, quod putatur causa virtutis. Quisquis autem amicorum beati Iob facta considerat, quā pia ad eum intentione venerint, non ignorat. Pensamus enim cuius charitatis fuerit, ad afflictum concorditer cōuenisse: quanta virtus longanimitatis extiterit, septem diebus & septem noctibus cum afflictio tacuisse: quæ humilitas in terra tot diebus ac noctibus sedisse: quæ comparsio, puluere capita conspersisse. Sed tamen inchoantes loqui, vnde se æstimauerunt præmium mercedis acquirere: inde eos contigit reatum reprehensionis inuenire: quia incautis sæpe ad peccati finē vertitur etiā quod pro solo studio mercedis inchoat. Ecce præcipiti locutione perdiderunt bonum, quod tanto labore mercati sunt. Et nisi diuina gratia offerre eos sacrificium pro suo reatu præcepisset, inde à Domino iustè puniri poterant, vnde se placere Domino mirabiliter æstimabant: inde iudici displicent, vnde sibi quasi pro defensione iudicis per effrenationem placent. Idcirco verò hæc dicimus, vt ad memoriam legentium reuocemus, quatenus sollicitè quisque consideret ea quæ malo voto perpetrantur: quanta Dominus animaduersione puniat, si inchoata bono studio, sed negligentia indiscre-

tionis admixta, tanta inuectione castigat. Quis non mercedis causam peregrisse se crederet, si aut in defensione Dei quicquam contra proximum diceret: aut certe septem diebus ac noctibus pro proximi dolore tacuisset? Et tamen amici beati Iob hæc agentes ad culpam laborando venerunt: quia consolationis quidem bonum quod agebant, nouerant: sed cum quanta agendum esset discretionis libra, nesciebant. Vnde necesse est, ut non solum intueamur quod agimus, sed etiam cum quanta discretionem peragamus. Primum quidem ne mala quoquo modo, postmodum, verò ne bona incautè faciamus. Ad quæ nimirum bona sollicitè peragenda, Propheta nos admonet, dicens: Maledictus homo qui facit opus Dei negligenter. Ad hoc verò ista proficiunt: ut ante terribilis iudicis subtile atque incomprehensibile examen, non solum mala quæ commisimus, sed ipsa etiam si qua in nobis sunt bene gesta, timeamus: quia sæpe in iusto iudicio culpa esse deprehenditur, quod virtus ante iudicium putatur. Et vnde expectatur pia merces operis, inde supplicium iustæ sequitur ultionis.

Quod hæc quæ supradicta sunt in persona Iob, allegorice referuntur ad Christum.
Caput XI.

II.

Hæc iuxta historiam breuiter tractata percurramus: nunc ad allegoriarum mysterium verba vertamus. Sed quia in exordio huius operis dum de unitate capitis & corporis tractarem, sollicita intentione præmissimus quanta in eis sit compago charitatis: quia nimirum & Dominus multa adhuc per corpus, quod nos sumus, patitur: & iam eius corpus, id est Ecclesia, de suo capite, videlicet Domino, in cælo gloriatur: ita nunc passionem exprimi eiusdem capitis debent, ut ostendatur quam multa etiam in corpore suo sustinet. Si enim caput nostrum tormenta nostra non tangerent: nequaquam pro afflictis membris persecutori suo etiam de cælo clamaret: Saule, Saule, quid me persequeris? Si cruciatus nostri, eius pœnæ non essent, conuersus afflictusque Paulus minime diceret: Suppleo ea quæ defunt passionum Christi, in carne mea. Et tamen resurrectione iam sui capitis exaltatus dicit: Qui nos cōresuscitauit, & cōsedere fecit in cælestibus. Nempe hunc in terra persecutionum tormenta constrinxerunt: sed pœnarum suarum ponderibus pressus, ecce iam per gloriam capitis in cælo residebat. Quia ergo in omnibus vnitū caput, & corpus nouimus, sic à persecutione capitis incipimus: ut subsequenter tamen ad corporis flagella veniamus. Sed hoc quod quadam die satan coram Domino astitisse dicitur: quod vnde veniat, pereuntatur: quod beatus Iob magnis conditoris præconiis præfertur: quia iam sæpe discussimus, replicare deuitamus. Si enim diu mens rebus discussis inuoluitur, peruenire ad indiscussa præpeditur. Ibi ergo allegoriæ nunc initium ponimus, ubi post verba sæpe repetita, adiunctum noui aliquid scimus. Itaque ait: *Commoisti me aduersus eum, ut affligerem illum frustra.* Si beatus Iob redemptoris nostri in passione positi speciem tenet, quomodo à Domino ad satan dicitur: *Commoisti me aduersus eum?* Mediator quippe Dei & hominum, homo Christus Iesus ut culpas nostræ transgressionis extingueret, venit mortalitatis nostræ flagella tolerare. Sed quia vnius cum patre eiusdemque naturæ est, quomodo per satan motum se aduersus eum Pater afferit: cum constet quod Patris Filiique concordiam nulla potestatis inæqualitas, nulla voluntatis diuersitas interrumpat? Sed tamen idem qui Patri est æqualis per diuinitatem, venit propter nos ad flagella per carnem. Quæ nimirum flagella non susceperet, nisi formam damnati hominis redimendo sumplisset. Et nisi primus homo delinqueret, secundus ad passionum probra minime veniret. Cum ego primus homo per satan à Domino motus est, tunc est Dominus in homine secundo commotus. Satā itaque ad huius afflictionem Dominum tunc commouit, quando in paradiso primum hominem à iustitiæ culmine, inobedientiæ culpa, prostrauit. Nisi enim Adam primum per voluntarium vitium in animæ mortem traxisset: Adam secundus sine vitio in carnis mortem voluntariā non veniret. Bene ergo ei etiam de redemptore nostro dicitur: *Commoisti me aduersus eum, ut affligerem illum frustra.* Ac si apertius dicatur: Dum iste non sua, sed illius causa moritur:

tunc me in huius afflictionem commouisti, cum illum à me callida persuasione traxisti. De quo & bene additur, frustra. Frustra quippe afflicti sunt, qui & culpæ ultione pressus est, & culpæ contagio inquinatus non est. Frustra afflicti sunt, qui in carne natus, propria admissa non habuit, & tamen pœnam carnalium sine culpa suscepit. Hinc est enim quod per Prophetam loquitur, dicens: Quæ non rapui, tunc exolvebam. *Psalm. 68.* Alius nanque ad paradysum conditus, diuinæ potentie similitudinem superbe rapere voluit: sed tamen culpas huius superbie sine culpa mediator exoluit. Hinc est quod patri quidam sapiens dicit: Cum sis iustus, iuste omnia disponis: eum quoque qui non debet puniri, condemnas. Sed pensandum est quomodo iustus sit, & omnia iuste disponat, si eum qui non debet puniri, condēnat. Mediator etenim noster puniri pro semetipso non debuit: quia nullum culpæ contagiū perpetravit. Sed si ipse indebitam mortem non susceperet, nunquam nos à debita morte liberaret. Pater ergo cum iustus sit, iustum puniens, omnia iuste disponit: quia per hoc cuncta iustificat, quod eum qui sine peccato est, pro peccatoribus dānat: ut eō electa omnia ad culmen iustitiæ surgerent, quod is qui est super omnia, damna iniustitiæ nostræ sustineret. Quod ergo illic damnatus cum non dabeat, dicitur: hoc hic afflicti frustra, memoratur. Qui tamen iuxta semetipsum frustra afflicti sunt, iuxta verò nostra acta non frustra. Rubigo quippe peccati purgari non potuit, nisi igne tormenti. Venit itaque sine vitio, qui se subiceret sponte tormento: ut debita nostræ iniquitati supplicia, eō reos suos iuste amitterent, quod hunc à semetipsis liberum iniuste tenuissent. Frustra ergo & non frustra afflicti sunt: quia in se quidem admissa non habuit, sed proprio cruore reatus nostri maculam terpsit. Respondens satan ait: *Pellem pro pelle, & cuncta quæ habet homo, dabo pro anima sua: Alioquin mite manum tuam, & tange os eius, & carnem, & tunc videbis quod in faciem benedicam tibi.* Magnus spiritus cum redemptorem nostrum miraculis coruscare conspicit, clamat: Scimus quod sis sanctus Dei. Qui hæc dicens, cognoscendo Dei filium pertimescit: sed tamen vim supernæ pietatis ignorans, dum passibilem considerat, hominem purum putat. Multos autem sub sanctitatis specie in pastoralis posito loco didicerat, qui alieni valde à visceribus charitatis, pro minimo aliena damna pensabant. Hunc ergo quasi ex aliis colligens: quia subtractis multis superari non vidit: usque ad eius carnem per tactum passionis exarsit. Velut si diceret: *Pellem pro pelle, & cuncta quæ habet homo, dabo pro anima sua: Alioquin mite manum tuam, & tange os eius, & carnem, & tunc videbis quod in faciem benedicam tibi.* Ac si apertè dicat: Moueri ex his quæ extra se sunt, negligit: sed tunc veraciter qui sit, agnoscitur, si in seipso quod doleat, experiat. Hæc per se satan cum fieri appetit, non verbis & desideriis dixit. Hæc per membra sua, & verbis, & desideriis intulit. Ipse quippe loquitur, cum iuxta prophetæ vocē, eius sequaces dicunt: Mittamus lignum in panē eius, & eradamus eum de terra viuētū. Lignū quippe in panē mittere, est confugiēdo eius corpori stipitem crucis adhiberi, & vitam illius de terra viuētium eradere se posse existimāt: quem dum mortalem cōspiciunt, finiri morte suspicantur. *Dixit autem Dominus ad satan: Ecce in manu tua est, verumtamen animam illius serua.* Conditor omnium satanæ manui traditum quis vel desipiens credat: sed tamen edoctus veritate, quis nesciat quod eiusdem satanæ membra sunt omnes qui ei peruersè viuendo iunguntur? Membrum quippe eius Pilatus extitit, qui usque ad mortis extrema, venientem in redemptionem nostram Dominum non cognouit. Corpus autem eius principes sacerdotum extiterunt, qui redemptorem mundi à mūdo repellere, usque ad crucem persequēdo, conati sunt. Cum ergo se pro nostra redemptione Dominus membrorum satanæ manibus tradidit: quid aliud quam eiusdem satanæ manum in se sēuire permisit, ut vnde ipse exterius occumberet, inde nos exterius interiūsque liberaret? Si igitur satanæ manus, eius, potestas accipitur, eius manū iuxta carnem pertulit, cuius potestati corporis usque ad sputa, colaphos, flagella, crucem, laccamque tolerauit. Vnde & Pilatus, eius videlicet corporis membro, ad passionem veniens dicit: Non haberes in me potestatem ullam, nisi tibi data esset desuper. Sed tamē hanc potestatem quam contra se ei extrinsecus

Hier. 47.

Act. 9.

Collo. 1.

Eph. 2.

11.

Luc. 4.

Hier. 11.

Joan. 19.

secus dederat, suis seruire lucris intrinsecus compellebat. Pilatus enim vel satan (qui eiusdem Pilati caput extiterat) sub potestate illius super quem potestatem acceperat, tenebatur: quia & superior ipse disposuerat hoc quod inferius accedens à persecutore tolerabat: ut cum ex mala mente infidelium surgeret, utilitati tamen electorum omnium, ipsa quoque crudelitas deferuaret. Piè igitur disponebat intus, quod semetipsum pati nequiter permittebat foris. Hinc est enim quod de illo in cœna dicitur: Sciens Iesus quia omnia dedit ei pater in manus: & quia à Deo exiuit, & ad Deum vadit: surgit à cœna, & ponit vestimenta sua. Ecce in manus persequentium iturus, sciebat quod in manu sua ipsos etiam persecutores acceperat. Qui enim omnia accepisse se nouerat, constat quia & ipsos à quibus tenebatur, tenebat: ut ipse in se ad vsum pietatis intorqueret, quicquid eorum contra se malitia permessa sauiet. Dicatur ergo ei: *Ecce in manu tua est, quia ad feriendam carnem sauiens licentiam accepit, sed potestati illius nesciens deseruiuit.* Animam verò illius seruare præcipitur, non quod hanc tentare prohibeatur, sed quod hanc superare non posse, conuincitur. Neque enim sicut nos, qui puri homines sumus, irruente sæpe tentatione concutimur: ita redemptoris nostri anima tentationis est necessitate turbata. Hostis nanque noster, etsi in excelsum montem, eum quem permissus assumpsit, duxit: si daturum se regna mundi perhibuit, si quasi in panes vertendos lapides ostendit: mentem tamen mediatoris Dei & hominum tentatione quassare non valuit. Sic enim dignatus est hæc exterius cuncta suscipere: ut tamen mens eius interius diuinitati suæ inhærens inconcussa permaneret. Qui etsi quando turbatus spiritu infremuisse dicitur: ipse tamen diuinitus disponebat, quantum ipse humanitus turbaretur, qui immutabiliter omnibus præsidens, & semetipsum mutabilem in satisfactione infirmitatis ostendens. Quietus ergo in semetipso manens, disposuit quicquid pro ostendenda humanitate quam susceperat, etiam turbulentus fecit. Quia verò cum rectè diligimus, nihil in rebus conditis anima nostra charius amamus, & sicut animam nostram eos diligere dicimus, quibus amoris nostri exprimere pondus conamur: potest per eius animam electorum vita signari. Et cum satan ad feriendam redemptoris carnem permittitur, ab anima separatur: quia cum corpus eius ad passionem accipit, electos eius à iure suæ potestatis amittit. Cumque illius caro per crucem moritur, horum mens contra tentamenta solidatur. Dicatur ergo: *Ecce in manu tua est, verumtamen animam illius serua.* Ac si apertè audiat: Licentiam contra corpus eius accipe, & ab electis illius quos apud se ante seculum præsciens possidet, ius prauæ dominationis perde. *Egressus igitur satan à facie Domini, percussit Iob vlcere pessimo, & plantam pedis vsque ad verticem.* Nullus in hac vita electorum venit, qui non huius hostis aduersa sustinuit. Membra autem nostri redemptoris extiterunt, etiam quia ab ipso mundi exordio dum piè viuunt, crudelia passi sunt. An non huius membrum Abel se esse perhibuit, qui eius mortem, de quo scriptum est: Sicut agnus coram tondente se obmutescet, & non aperiet os suum, non solum placens in sacrificio, sed etiam moriens tacendo signauit? Ab ipso itaque mundi exordio redemptoris nostri corpus expugnare satan conatus est. A planta ergo pedis vsque ad verticem vulnus intulit, quia prius ab hominibus inchoans, vsque ad ipsum caput Ecclesiæ sauiendo peruenit. Bene autem dicitur: *Testa saniem radebat.* Quid enim aliud in manu Domini testa est, nisi caro ex nostræ substantiæ luto sumpta? Etenim testa igne solidatur. Caro autem Domini eò ex passione sua robustior extitit, quod per infirmitatem moriens, à morte sine infirmitate surrexit. Vnde rectè etiam per Prophetam dicitur: Exaruit velut testa virtus mea. Sicut testa enim eius virtus exaruit, & quia susceptæ carnis infirmitatem passionis suæ igne roborauit, Quid verò per saniem nisi peccatum debet intelligi? Per carnem quippe & sanguinem solent carnis peccata designari. Vnde per Psalmistam dicitur: Libera me de sanguinibus. Sanies itaque putredo sanguinis est. Quid ergo accipimus saniem, nisi carnis peccata ex longa vetustate peiora? Vulnus itaque in saniem

Tomus primus.

A vertitur, cum neglecta culpa vsu deterius grauiatur. Mediator itaque Dei & hominum, homo Christus Iesus, corpus suum manibus persequentium tradens, saniem testa rasit: quia peccatum carne deleuit. Venit enim, sicut scriptum est, in similitudinem carnis peccati: ut de peccato damnaret peccatum. Dumque hosti obicit innocentiam carnis suæ, extersit contagia carnis nostræ, & ex qua nos captiuos inimicus tenuit, per illam nos liberos expiauit, quia quam nos instrumentum fecimus culpæ, hæc nobis per mediatorem versa est in arma iustitiæ. Testa ergo sanies raditur, cum carne culpa superatur. Bene autem subditur: *Sedens in sterquilinio.* Non in foro, in quo lex perstrepat: non in ædificio, quod se culmine in alta sustollit: sed in sterquilinio residet: quia videlicet redemptor humani generis ad carnem veniens, attestante Paulo, infirma mundi elegit, ut confunderet fortia. An non quasi ruentibus ædificiis in sterquilinio residet, qui relictis Iudæis superbientibus, in ea quam dudum abiecerat, gentilitate requiescit? Extra habitaculum reperitur in vulnere, qui in eo quod Iudæam aduersantem pertulit, passionis dolorem agente propria despectus sensit: Ioanne attestante, qui ait: In propria venit, & sui eum non receperunt. Sed quomodo sedens in sterquilinio conquiescat: hæc eadem de semetipsa veritas dicat: Ait enim: Gaudium erit in cœlo super vno peccatore pœnitentiam agente, quam super nonaginta nouem iustis, qui non indigent pœnitentia. Ecce dolens in sterquilinio sedet, qui post perpetratas culpas libenter corda pœnitentium possidet. An non quasi quoddam sterquilinium sunt corda pœnitentium, qui dum mala sua flendo considerant, quasi ante se stercora, sese abiiciendo coaceruant? Percussus ergo Iob mortem non petiit, sed in sterquilinio sedit: quia ad passionem redemptor vaniens, alta superbiorum corda deseruit, & in afflictorum cordium humilitate requieuit. Quod tamen de se & prius quam incarnaretur, indicauit: cum per Prophetam dixit: Ad quem respiciam, nisi ad humilem & quietum, & tremmentem sermones meos? Quis verò consideret, is qui tot pia hominibus intulit, quot ab hominibus peruersa tolerauit? Quis consideret quanta nunc vsque tolerat, etiam cum de cœlo super corda fidelium regnat? Ipse quippe quotidie patitur omne quod à reprobis eius electi lacerantur. Et quauis caput huius corporis, quod videlicet nos sumus, iam sese super omnia liberum erexerit, reprobiorum tamen vulnera adhuc per suum, quod deorsum retinet, corpus sentit. Sed quid ista de infidelibus dicimus, cum in ipsa quoque Ecclesia multos carnalium, prauis moribus contra redemptoris vitam pugnare videamus? Sunt nanque nonnulli qui hunc, quia gladiis non possunt, peruersis actibus insequuntur: quia dum sibi in Ecclesia vident deesse quod ambiunt, hostes bonorum sunt: & non solum prauæ semetipsos actioni inserunt, sed etiam iustorum rectitudinem inflectere ad peruersa moluntur. Aeterna quippe intueri negligunt, & appetitui temporalium mentis pusillanimitate succumbunt, tantoque ab æternis altius corruunt, quanto bona temporalia esse quasi sola suspicantur. His iustorum simplicitas displicet, & cum occasionem perturbationis inueniunt, suam eos arripere duplicitem suadent. Vnde hoc quoque congruit aptè quod subditur: Dixit autem illi vxor sua: *Adhuc permanes in simplicitate tua? Benedic Deo, & morere.* Cuius enim speciem male suadens mulier tenuit, nisi quorumlibet carnalium in Ecclesiæ sinu positorum, qui quod verbis professæ fidei intus sunt, eò bonos incorrectis suis moribus peius premunt: Nam minus fortasse nocuissent, si non eos sancta Ecclesia introrsus amittens, vsque ad fidei cubile reciperet, quos dum per professam fidem recipit, sibi proculdubio penè inuitabiles facit. Hinc est quod premente turba, vna redemptorem nostrum mulier tetigit: vnde & idem redemptor noster protinus dicit: Quis me tetigit? Cui cum discipuli responderent: Turba te premunt & affligunt, & tu dicis: Quis me tetigit? ilicò adiunxit: Tetigit me aliquis. Nam & ego noui virtutem de me exisse.

Multi ergo Dominum comprimunt, & vna tangit, quia carnales quique in Ecclesia cum premunt à quo longè sunt, & soli tangunt qui huic veraciter humiles adiunguntur. Turba igitur premit: quia multitudo carnalium

c ij

25.

quò intus admittitur, eò grauius toleratur. Premit, & nò tangit: quia & importuna est per præsentiam, & absens per vitâ. Nonnunquam enim prauis nos sermonibus, nonnunquam verò solis peruerfis moribus insequuntur. Suadent nanque aliquando quæ tenent, aliquando verò etsi non suadeant, præbere tamen iniquitatis exempla non cessant. Qui igitur ad mala nos vel verbis, vel exemplis illiciunt, profectò persecutores nostri sunt, à quibus tentationum certamina sumimus, quæ saltem in corde vincamus. Sciendum verò est: quia carnales in Ecclesia aliquando metu, aliquando verò audacia suadere peruerfa contendunt: cumque ipsi vel pusillanimitate, vel elatione deficiunt: hæc iustorum cordibus infundere, quasi ex dilectione moluntur. Carnalem videlicet mentem Petrus antè redemptoris mortem, resurrectionemque retinebat. Carnali mente Saruix filius duci suo Dauid adiunctus inhæserat: sed tamen vnus formidine, alter elatione peccabat. Ille quippe mortem magistri audiens dixit: Absit à te Domine, non erit tibi hoc. Hic verò iniurias ducis non ferens ait: Nunquid pro his verbis non occidetur Semei, qui maledixit Christo Domini? Sed illi mox dicitur: Redi post me satana: & hic cum germano audiuit protinus: Quid mihi & vobis filij Saruix, cur efficiamini mihi hodie in satan? Malè itaque suadentes angeli, apostata appellatione censentur: qui verbis blandis ad illicita quasi diligentes trahunt. Valde verò deteriores sunt, qui huic culpæ non formidine, sed elatione succumbunt: quorum specialiter beati Iob vxor figuram tenuit, quæ marito suadere superba tentauit, dicens: *Adhuc permanes in simplicitate tua? Benedic Deo, & morere.* Simplicitatem in marito redarguit, quòd transitoria cuncta despiciens, puro corde sola æterna concupiscit. Ac si apertè dicat: Quid simpliciter æterna appetis, & sub malis præsentibus æquanimiter, ingemiscis? Excedens æterna despice, & mala præsentia, vel moriens euade. Sed electi quique cum praua intus à carnalibus tolerant, quantam in se formam rectitudinis ostendant, discamus ex verbis vulnerati & incolumis, sedentis & erecti qui ait: Locuta es quasi vna ex stultis mulieribus: Si bona accepimus de manu Domini, mala quare non sustineamus? Sancti viri tribulationum bello deprehensi, cum vno eodemque tempore alios ferientes, alios suadentes ferunt, illis opponunt scutum patientiæ, istis iacula intorquent doctrinæ: atque ad vtrunque pugnandi modum mira virtutis arte se erigunt, quatenus & peruerfa intus sapienter doceant, & foris fortiter aduersa contemnant: hos docentes corrigant, illos tolerantes premant. Insurgentes nanque hostes patientiando despiciunt, infirmantes verò ciues compatiendo ad salutem reducunt: illis resistunt, ne & alios subtrahant, istis medentur, ne vitam rectitudinis funditus perdant.

Quòd ad exemplum apostoli Pauli, iusti positi in dolore tribulationis propriæ, non deserunt curam vtilitatis alienæ.

Caput XII.

2. Cor. 7.

2. Corin. II.

Ibidem.

Videamus castrorum Dei militem, contra vtraque præliantem. Ait enim: Foris pugna, intus timores. Enumerat bella quæ extrinsecus tolerat, dicens: In periculis fluminum, periculis latronum, periculis ex gentibus, periculis in ciuitate, periculis in mari, periculis in falsis fratribus. In hoc autem bello quæ contra aduersarium spicula intorqueat, adiungit: In labore & ærumna, in vigiliis multis, in fame & siti, in ieiuniis multis, in frigore & nuditate. Sed inter tot certamina deprehensus dicat, quanto vigiliat munimine etiam castra custodiat. Nam protinus adiungit: Præter illa quæ extrinsecus sunt, instantia mea quotidiana, sollicitudo omnium Ecclesiarum. Ecce in se bella fortiter suscepit, & tuendis se proximis misericorditer impendit. Narrat mala quæ patitur, subiungit bona quæ impartitur. Pensamus ergo cuius laboris sit, vno eodemque tempore foris aduersa tolerare, intus infirma protegere. Foris pugnas patitur: quia verberibus scinditur, catenis ligatur: intus metum tolerat, quia passionem suam non sibi, sed discipulis obesse formidat. Vnde & eisdem scribit: dicens: Nemo moueatur in tribulationibus istis. Ipse enim scitis quòd in hoc positi sumus. Aliorum quippe casus in propria passione metuebat, ne dum discipuli ipsum afflictum

pro fide verberibus agnoscerent, fideles se esse profiteri recusarent. O immensa charitatis viscera, despicit quod ipse patitur, & curat ne quid prauæ persuasionis discipuli in corde patiantur. Ipse enim in se contemnit vulnera corporis, & in aliis vulnera medetur cordis. Habent quippe hoc iusti proprium, vt in dolore positi tribulationis suæ, curam non deserant vtilitatis alienæ: & cum de se aduersa patientes dolent, aliis necessaria docentes prævident: & quasi percussi quidam magni medici ægrotant. Ipsi tolerant scissuras vulneris, & aliis proferunt medicamenta sanitatis. Valde autem minoris laboris est, aut docere cum nihil toleras: aut tolerare, cum nihil doces. Vnde sancti viri ad vtraque se solerter extendunt, & cum tribulationibus fortasse feriuntur, sic exteriora bella suscipiunt, vt sollicitè cogitent, ne proximorum interiora lacerentur. Sic sancti viri fortes in acie adfistunt, & illinc iaculis aduersantia pectora feriunt: hinc scuto postpositos debiles tuentur: atque ita vtroque velocitate circumspectionis inuigilant: quatenus & ante se audaces confodiant, & post se trepidos à vulnere defendant. Quia igitur sancti viri sic sciunt foris aduersa tolerare, vt intus etiam nouerint peruerfa corrigere, dicat rectè: *Locuta es quasi vna ex stultis mulieribus.* Quia enim electis dicitur: Viriliter agite, & confortetur cor vestrum: mentes carnalium quæ fluxa Deo intentione deseruiunt, non immeritò mulieres vocantur. Si bona accepimus de manu Domini, mala quare non sustineamus? Ac si dicat: Si ad bona æterna tendimus, quid mirum si temporalia mala sufferamus? Hæc autem bona sollicitè Paulus inspexerat, quando illata æquanimiter mala tolerabat, dicens: Non sunt condignæ passionibus huius temporis ad superuenturam gloriam, quæ reuelabitur in nobis. In omnibus his non peccauit Iob labiis suis. Sancti viri cum persecutionem intus forisque patiuntur, non solum in Dei iniuriis minimè excedunt: sed neque contra ipsos aduersarios contumeliosa verba iaculantur. Quòd dux bonorum rectè Petrus admonet, dicens: Nemo vestrum patiatur quasi homicida, aut fur, aut maledicus. Maledicus enim patitur, qui passionis suæ tempore in sui saltem iniuriam persecutoris effrenatur. Sed quia redemptoris corpus, sancta nimirum Ecclesia, ita pondus dolorum portat, vt humiliatis modum per verba non transeat: rectè de hoc dolente dicitur: In omnibus his non peccauit Iob labiis suis: neque stultum aliquid contra Deum locutus est. Igitur audientes tres amici Iob omne malum quod accidisset ei, venerunt singuli de loco suo: Eliphaz Themanites, & Balda Suiet, & Sophar Naamathites. In præfatione huius operis diximus, quia amici beati Iob, etsi bona intentione ad eum conuenerint, hereticorum tamen idcirco speciem tenent: quia ad culpam indiscretè loquendo dilabuntur. Vnde & illis ab eodem beato Iob dicitur: Disputare cum Deo cupio, prius vos ostendens fabricatores mendacij, & peruerfiorum cultores dogmatum.

Quòd locus sanctorum sit humilitas, e contra sicut reproborum locus superbia.

Caput XIII.

Sancta itaque Ecclesia omni hoc tempore peregrinationis suæ in afflictione constituta, dum vulnera sustinet, dum membrorum suorum lapsus dolet: insuper alios sub Christi nomine tolerat hostes Christi. Ad augmentum nanque doloris eius, etiam hæretici in contentionem conueniunt, eamque quasi quibusdam iaculis, irrationabilibus verbis transfigunt. Bene autem dicitur: Venerunt de loco suo. Hæreticorum quippe locus ipsa superbia est: quia nisi prius in corde intumescerent, ad prauæ assertionis certamina non conuenirent. Ita nanque malorum locus est superbia, sicut est e contra, humilitas locus bonorum. De quo loco per Salomonem dicitur: Si spiritus potestatem habentis ascenderit super te, locum tuum ne dimiseris. Ac si apertè dicat: Si tentatoris spiritum contra te in aliquo præualere consideras: humilitatem pœnitentiæ non derelinquas. Qui quia locum nostrum humilitatem pœnitentiæ dixerit: verbis sequentibus ostendit, dicens: Quia curatio cessare faciet peccata maxima. Quid enim est aliud humilitas lamenti, nisi medicina peccati? Hæretici igitur de loco suo veniunt:

1. Thess. 3.

Ecclesiast.

10.

Ibidem.

niunt: quia contra sanctam Ecclesiam ex superbia mouetur: quorum peruersa quoque actio ex ipsa suorū nominum interpretatione colligitur. Dicitur enim, Eliphas, Baldad, Sophar: & sicut superius diximus, Eliphas interpretatus est, Dei contemptus. Nisi enim Deum contemnerent, nequaquam de eo peruersa sentirent. Baldad autem interpretatur, vetustas sola. Dum enim verè vinci refugiunt, & peruerso studio esse victores quærunt, nouæ vitæ conuersationem negligunt: & ex sola vetustate est quod intendunt. Sophar verò speculam dissipans interpretatur. Hi etenim qui in sancta Ecclesia siti sunt, redemptoris sui mysteria fide vera humiliter cōtemplantur. Sed dum hæretici cum falsis allegationibus veniunt, speculam dissipant: quia eorum mentes quos ad se trahunt, ab intentione rectæ contemplationis inclinant.

Quod tres amici Iob hæreticorum typum habeant, & ex ipsorum nominibus eorum actio, & intentio exprimitur.

Caput XIII.

18. **B**ene autem loca de quibus veniunt, congrua hæreticorū actibus describuntur. Dicitur enim Themanites, Suites, Naamathites. Thema nanque interpretatur Austro: Sui, loquens: Naama, decor. Austrū autē ventum calidum esse quis nesciat? Hæretici igitur quia ardentius appetunt sapere: quasi plusquam necesse est, student calere. Desidia quippe torpori frigoris: & rursus inquietudo immoderata curiositatis, immoderato concordat calori. Quia ergo amplius quàm debent, calorem sapientiæ percipere appetunt, ab Austro venire referuntur. Ab hoc calore immoderata sapientiæ, mentes fidelium Paulus temperare curauerat, cum dicebat: Non plus sapere quàm oportet sapere: sed sapere ad sobrietatem. Hinc est quod Dauid valles salinarum percutit: quia videlicet redemptor noster suæ distictionis examine in his qui de illo praua sentiunt, stultitiam immoderati saporis extinguit. Sui autem dicitur loquens. Calorem quippe non vt bene viuāt, sed vt clarè loquantur, habere desiderant. A Thema igitur & Sui id est, à calore, & loquacitate venire referuntur: quia per hoc quod scripturarum lectioni se studiosos exhibent, solius verbis loquacitatis, non autem visceribus charitatis calēt. Nama verò interpretatur, decor: quia enim docti non esse sed, videri appetunt ex eruditionis verbis speciem bene viuientium sumunt. Et per calorem loquacitatis in se imaginem ostendunt decoris, vt eò per decorem linguæ peruersa facile persuadeant, quod scditatem vitæ sensus calliditate occultant: Sed neque ipsa locorum nomina, inordinata sunt narratione distincta. Prius enim Thema, postmodum Sui, ac deinde Naama ponitur: quia prius illos inordinatus calor accendit in corde: deinde nitor loquacitatis erigit, & tunc demum decoros hominibus hypocrisis ostendit. *Condicunt enim vt pariter venientes visitarent eum, & consolarentur.* Conducunt enim sibi hæretici quando praua quædam contra Ecclesiam concorditer sentiunt, & in quibus à veritate discrepant, sibi in falsitate concordant. Omnes autem qui nos de æternitate erudiunt, quid aliud faciunt, nisi in pergrinationis nostræ nos afflictione consolantur? Hæretici autem quia sanctam Ecclesiam sua docere desiderant, ad eam quasi consolantes appropinquant. Nec mirum quod qui aduersantium formam exprimunt, nominentur amici, cum ipsi quoque traditori dicitur: Amice ad quid venisti? Et diues qui in inferni igne exurit, Abraham filius vocatur: quia etsi per nos mali corrigi negligunt: dignum tamen est, vt à nobis non ex sua nequitia, sed ex nostra benignitate amici nominentur. *Cumque eleuassent procul oculos suos, non cognouerunt eum.* Hæretici quique cum sanctæ Ecclesiæ facta considerant, oculos leuant: quia ipsi videlicet in imo positi sunt, & cum eius opera respiciunt, in alto sunt sita quæ cernunt, sed tamen hanc in dolore positam, non cognoscunt. Ipsa quippe appetit hinc mala recipere, vt possit ad æternæ remunerationis præmium purgata peruenire. Plæruncque prospera metuit, & disciplina eruditionis hilarescit. Hæretici igitur quia pro magno præsentia appetunt, eam in vulneribus positam non cognoscunt. Hoc nanque quod in illa cernunt, in suorum cordium cognitione non relegendunt. Cum ergo hæc & aduersitatibus proficit, ipsi suo stupori inhærent: quia per experimentum ignorant quæ vidēt.

Tomus primus.

A Scissisque vestibus sparserunt puluerem super super caput suum in cælum.) Sicut vestimenta Ecclesiæ cunctos fideles accipimus: vnde & per Prophetam dicitur: Omnibus his velut ornamento vestieris: ita hæreticorum vestes, sunt omnes qui eis concorditer inhærentes, illorum erroribus inuoluuntur. Habent verò hæretici hoc proprium, quod in eo gradu in quo de Ecclesia exeunt, diu stare non possunt: sed ad deteriora quotidie ruunt, & sentiendo peiora, in multis se partibus scindunt: atque à semetipsis plæruncque longius confusionis suæ alteratione diuiduntur. Quia ergo hos quos suæ perfidiæ adiungunt, adhuc in multa diuisione dilaniant: dicatur rectè, quod amici qui veniunt, vestes rumpant. Ruptis autem vestibus corpus ostenditur: quia sæpe scissis sequacibus, malitia eorum cogitationis aperitur, vt discordia dolos patefaciat, quos grauis prius concordia culpa claudebat, Puluerem verò in cælum super capita spargunt. Quid verò per puluerem, nisi terrena intelligentia: quid per caput, nisi hoc quod principale nostrum est, mens videlicet, designatur? Quid per cælum, nisi præceptum supernæ locutionis exprimitur? Puluerem ergo super caput in cælum spargere, est seculari intellectu mentem corrumpere, & de verbis cœlestibus terrena sentire. Diuina autem verba plus discutiunt plæruncque quàm capiunt. Super capita igitur puluerem spargunt: quia in præceptis Dei per terrenam intelligentiam vltra suarum mentium vires enituntur.

Quid sit quod amici Iob septem diebus cum eo sedere in terra perhibentur.

Caput XV.

Sederuntque cum eo in terra septem diebus & septem noctibus.) In die quæ videmus, agnoscimus: in nocte autem aut cæcitate nil cernimus, aut dubietate caligamus. Per diem itaque intelligentia, per noctem ignorantia designatur. Septenario verò numero summa vniuersitatis exprimitur. Vnde & non amplius, quàm septem diebus omne hoc tempus transitorium consummatur. Quid est ergo quod amici Iob confedere ei septem diebus, & septem noctibus referuntur, nisi quod hæretici, vel in his in quibus verum lumen intelligunt: vel in his in quibus ignorantia tenebras patiuntur, quasi infirmanti sanctæ Ecclesiæ se condescendere simulant, eique sub blandimentorum specie dolos deceptionis parant? Et quanuis vel in his quæ intelligunt, vel in his quæ intelligere non possunt, elationis typo turgidi, magnos se apud semetipsos æstiment: nonnunquam tamen se Ecclesiæ sanctæ specietenus inclinant, & dum verba molliunt, virus infundunt. In terra ergo confedere, est aliquid de imagine humilitatis ostendere: vt dum humilia exhibent, persuadeant superba quæ docent. Potest verò per terram ipsa etiam mediatoris incarnatio designari. Vnde & ad Israël dicitur: Altare de terra facietis mihi. Altare enim de terra Domino facere, est in incarnationem mediatoris sperare. Tunc quippe à Deo munus nostrum accipitur, quando in hoc altari nostra humilitas, id est, super dominicæ incarnationis fidem, posuerit quicquid operatur. In altari ergo de terra oblatum munus ponimus, si actus nostros dominicæ incarnationis fide solidamus. **D** Sed sunt nonnulli hæretici qui factam mediatoris incarnationem non denegant: sed aut de diuinitate aliter quàm est, æstiment, aut in ipsa à nobis incarnationis qualitate discordant. Qui ergo veram nobiscum incarnationem redemptoris perhibent, quasi cum Iob in terra pariter sedent. Septem verò diebus & septem noctibus in terra confidere describitur: quia vel in hoc quod aliquid de plenitudine veritatis intelligunt, vel in hoc quod suæ stultitiæ tenebris excæcantur, incarnationis mysterium negare non possunt. Cum beato ergo Iob in terra sedere, est veram redemptoris carnem cum sancta Ecclesia credere. Aliquando verò hæretici contra nos etiam suppliciis sæuiunt, aliquando nos solis verbis insequuntur: aliquando quietos lacessunt, aliquando si nos tacentes videant, quiescunt: & mutis amici sunt, loquentibus aduersantur. Vnde quia beatus Iob necdum ad illos aliquid differens dixerat, rectè subiungitur: *Et nemo loquebatur ei verbum.* Tacentes enim aduersarios habemus, si veræ fidei filios prædicando generare negligimus. Si autem recta loqui incipimus, graues mox contumelias ex eorum responsione sentimus, protinus in

c iij

aduersitatem profiliunt, & contra nos in vocem doloris erumpat: quia videlicet metuunt: ne corda quæ in infimis pondus stultitiæ aggrauat, ad altum vox recta loquentis trahat. Quia ergo (vt diximus) mutos nos aduersarij diligunt, loquentes odiunt: rectè apud tacentem Iob dicitur: Nemo loquebatur ei verbum. Nonnunquam tamen cum per torporem inertiae, fidelium corda considerant, erroris semina spargere loquendo non cessant. Cum verò mentes bonorum vident alta sapere, & ad patriam reditum quærere, de ærumna huius exilij strenuè dolere, circumspectione sollicita linguam frenant: quia vident quòd contra corda dolentium incassum loquentes citius obmutescunt. Vnde & rectè cum diceretur: *Nemo loquebatur ei verbum*, mox causa silentij subinfertur, cum dicitur: *Videbant enim dolorem eius esse vehementem.* Cum enim amoris Dei dolor vehemens corda nostra transfigit, passim praua loqui aduersarius metuit: quia videt quòd intentam mentem laceffens, non solum ad peruerueritatem trahere non valet, sed per excitatam forsitan sapientiam, & quos tenuerat, perdit.

Quòd nonnunquam res gesta in actione male sint, in significatione verò virtutem prophetiae contineant: sicut in David & vxore Vria accipitur.
Caput XVI.

21.

Fortasse aliquos mouet nos hæc ita dixisse, quod quæ bene ab amicis gesta sunt malè ab hæreticis gerenda significant. Sed sic plerumque res quælibet per historiam virtus est, per significationem culpa, sicut aliquando res gesta, in facto causa damnationis est, in scripto autem prophetia virtutis. Quod verum citius ostendimus, si vnum sacræ scripturæ testimonium ad vtraque probanda proferamus. Quis nanque audiens, non solum fidelium, sed ipsorum quoque infidelium non omnimodo detestetur, quod David in solarium deambulans, Bersabee Vriæ concupiscit vxorem? Quæ tamen à prælio reuertentem, ire ad domum admonet, pedes lauare. Qui protinus respondit dicens: Arca Domini sub pellibus est, & ego in domo mea requiescam? Quem David ad mensam propriam suscepit, ei quæ epistolas per quas mori debebat, tradidit. Cuius autem David in solarium deambulans typum tenet, nisi eius de quo scriptum est: In sole posuit tabernaculum suum? Et quid est Bersabee ad se perducere, nisi legem literæ, carnali populo coniunctam, spiritali sibi intellectu sociare? Bersabee enim puteus septimus dicitur: quia nimirum per cognitionem legis, infusione spiritalis gratiæ, perfecta nobis sapientia ministratur. Quem verò Vrias, nisi Iudaicum populum signat? Cuius nomen interpretatum dicitur, lex mea Dei. Iudaicus enim populus: quia de accepta legis scientia extollitur, quasi de Dei luce gloriatur. Sed huic Vriæ David vxorem abstulit, sibi quæ coniunxit: quia videlicet manu fortis, quod David dicitur, in carne redemptor apparens, dum de se spiritualiter loqui legem innotuit: per hoc quod iuxta literam tenebatur, hanc à Iudaico populo extraneam demonstrauit, sibi quæ coniunxit: quia se per illam prædicari declarauit. Vriam tamen ad domum ire David admonet, pedes lauare: quia incarnatus Dominus veniens Iudaico populo præcepit, vt ad conscientiam redeat, sordes operum fletibus tergat, spiritaliter legis mandata intelligat, & post tantam duritiam præceptorum, fontem baptismatis inueniens, ad aquam post laborem recurrat. Sed Vrias qui arcam Domini esse sub pellibus meminit: respondit quòd domum suam intrare non possit. Ac si Iudaicus populus dicat: Ego mandata Dei in sacrificiis carnalibus video, & redire ad conscientiam per spiritalem intelligentiam non requiro. Quasi enim arcam esse sub pellibus dicit, qui præcepta Dei non nisi ad exhibendū ministerium sacrificij carnalis intelligit. Hunc tamen etiam redire ad domum nolentem, David ad mensam vocat: quia quanuis Iudaicus populus ad conscientiam reuerti contemnat, ei tamen redemptor veniens mandata spiritalia prædicat dicens: Si crederetis Moyse, crederetis forsitan & mihi: de me enim ille scripsit. Legem itaque Iudaicus populus tenet, quæ eius diuinitatem loquitur: cui idem populus credere dedignatur. Vnde & Vrias ad Ioab cum epistolis ex quibus occidi debeat, mittitur: quia idem ipse Iudaicus populus legem portat, qua conuin-

Ecente moriatur. Dum enim mandata legis retinens implere renititur: ipse nimirum desert iudiciū vnde damnetur. Quid ergo per factum istud David scelestius? quid Vria mundius dici potest? Sed rursus per mysterium quid David sanctius, quid Vria infidelius inuenitur: quando & ille per vitæ culpam, prophetiæ signat innocentiam, & iste per vitæ innocentiam, in prophetia exprimit culpam? Non ergo incongruè per ea quæ bene ab amicis Iob gesta sunt, malè ab hæreticis gerenda signantur: dum virtus sacri eloquij sic transacta narrat, vt ventura exprimat: sic in facto rem approbat, vt ei in mysterio contra dicat: sic gesta damnat, vt hæc mysticè gerenda persuadeat. Igitur quia allegoriæ mysteria membratim enodantes expleuimus: nunc moralitatis intelligentiam raptim tangentes exequamur. Ad obscuriora quippe differenda mens properat: & si apertis diu inuoluitur, clausa, vt dignum est, pulsare præpeditur. Sæpe antiquus hostis postquam menti nostræ tentationum certamen inflixerit: ab ipso suo certamine ad tempus recedit, non vt illatæ militiæ finem præbeat, sed vt corda quæ per quietem secunda rediderit, repente rediens facilius inopinatus irrumpat. Hinc est quòd ad tentandum beatum virum iterum redit: eiusque cruciatus expetit, quem tamen ei superna pietas retinendo concedit, dicens: *Ecce in manu tua est, tantum animam illius serua.* Sic quippe ille nos deferit, vt custodiat: sic custodit, vt tamè permissio tentationis articulo, statum nobis nostræ infirmitatis ostendat. Qui mox à facie Domini exiit, atque à planta pedis vsque ad verticem acceptum feriendo vulnerauit: quia nimium cum licentiam percipit, à minis incipiens, atque vsque ad maiora perueniens, quasi omne corpus mentis illatis tentationibus lacerando transfigit. Sed tamen ad animam feriendo non peruenit: quia cunctis cogitationibus interior, inter ipsa vulnera delectationum quæ suscipit, arcani propositi intentio resistit: vt quanuis delectatio mentem mordeat: deliberationem tamen sanctæ rectitudinis, vsque ad consensus mollitiem non inflectat. Debemus tamè per asperitatem poenitentiae, ipsa delectationum vulnera tergere, & censura distractionis rigide, si quid fluxum emanat in cogitatione mūdare. Vnde bene mox subditur.

Quòd moraliter testa saniem radimus, cum culpam à voluntate, & actione mundamus. Et quid mysterij sacrificium Hieroboal contineat.
Caput XVII.

Quia testa saniem radebat. Quid enim per testam nisi vigor distractionis: quid per saniem, nisi fluxus illicitæ cogitationis accipitur? Percussi ergo testa saniem radimus, cum post pollutionem cogitationis illicitæ, nosmetipsos asperè diiudicando mundamus. Potest etiam testa fragilitas mortalitatis intelligi. Testa ergo saniem mundare, est mortalitatis intelligi. Testa ergo sanie mundare, est mortalitatis cursum, fragilitatemque pensare, & putredinem miseræ delectationis abstergere. Nam dum quisquis considerat, quàm citius caro ad puluerem redeat: festinè superat hoc quod se de carne intus turpiter impugnat. Cum ergo ex tentatione praua menti cogitatio influit: quasi ex vulnere sanies decurrit. Sed citius sanies tergitur, si in consideratione nostra fragilitas quasi in manu testa teneatur. Neque enim paruipendenda sunt, quæ quanuis vsque ad effectum non pertrahunt, tamen illicitè in mente versantur. Hinc est quòd quasi à vulneribus redemptor saniem radere venerat, cum dicebat: Audistis quia dictum est antiquis: Non mœchaberis. Ego autem dico vobis, quòd si quis viderit mulierem ad concupiscendum eam, iam mœchatus est eam in corde suo. Sanies itaque tergitur, cum culpa non solum ab opere, sed etiam à cogitatione resecatur. Hinc est quòd Hieroboal cum à paleis frumenta excuteret, angelum vidit, ad cuius imperium protinus hædum coxit, quæ super petram posuit, & ius carniū desuper effudit: quæ angelus virga tetigit, eaque ignis exiens de petra consumpsit. Quid est enim frumentum virga cedere, nisi rectitudine iudicij à vitiorum paleis virtutum grana separare? Sed hæc agentibus angelus apparet: quia tantò magis Dominus interiora denuntiat, quantò se studiosius homines ab exterioribus purgant. Qui occidi hædum præcipit, id est, omnem appetitum carnis nostræ immolari, carnesque super petram poni, & ius carniū desuper fundi. Quem

22.

Diabolus
cur quædam
que à tenta-
tione est

Matth. 5.

Ind. 6.

Psalm. 18.

Joan. 5.

77
1. Cor. 10. alium signat petra, nisi eum de quo per Paulum dicitur: Petra autem erat Christus: carnes ergo super petram ponimus, cum corpus nostrum in Christi imitatione cruciamus. Ius etiam carniū desuper fundit, qui in conuersatione Christi ipsas etiam à se carnales delectationes exinanit. Quasi enim ius ex carne liquidum in petram funditur, quando mens à cogitationum carnalium fluxu vacuatur. Quæ tamen mox angelus virga tangit: quia intentionem nostram nequaquam potestas diuini adiutorij deserit. De petra autem ignis exit, & ius carnesque consumit: quia afflatus à redemptore spiritus, tanta cor nostrum flamma compunctionis concremat, vt omne quod in eo illicitum est & operis & cogitationis exurat. Quod ergo illic est in petram ius fundere, hoc est hinc faciem testa mundare. Perfecta enim mens solerter inuigilet: vt non solum peruersa agere renuat, sed omne etiam quod in se per cogitationes turpiter liquatur, tergat. Sed sæpe de ipsa victoria bellum oritur, vt cum immunda cogitatio vincitur, victoris animus elatione pulsetur. Sic ergo mentem necesse est per munditiam erigi, vt tamen sollicitè debeat in humilitate subterni.

Quod in eo quod Iob in sterquilinio sedere dicitur, describitur vera humilitatis consideratio.

Caput XVIII.

Vnde & cum de sancto viro diceretur, *Testa faciem radebat, protinus apertè subiungitur: Sedens in sterquilinio.* In sterquilinio quippe sedere, est de se vilia quæpiam & abiecta sentire. In sterquilinio nobis quippe sedere, est ab ea quæ illicite gessimus, mentis oculos pœnitendo reducere, vt cum ante nos peccatorum stercora cernimus, omne quod in animo de elatione surgit, inclinemus. In sterquilinio sedet, qui infirmitatem suam sollicitus respicit, & sese de bonis quæ per gratiam perceperit, non extollit. An non in sterquilino apud se Abraham federat, qui dicebat: Loquar ad Dominum meum, cum sim pulvis & cinis: Apertè enim cernimus in quo se apud se loco posuerat, qui puluerem se ac cinerem, etiam cum Deo loqueretur, æstimabat. Si igitur ita se despicit, qui vsque ad honorem diuinæ colloctionis ascendit, sollicita intentione pensandum est, quæ pœna illi ferendi sunt qui & ad summa non proficiunt, & tamen de minimis extolluntur. Nam sunt nonnulli qui cum parua agunt, de semetipsis magna sentiunt: in altum mentem subleuant, & præire se cæteros uirtutum meritis putant. Hi nimirum apud se introrsus humilitatis sterquilinum deserunt, & elationis fastigia ascendunt: illum videlicet imitantes, qui se primus apud se extulit, sed eleuando prostrauit: illum imitantes, qui accepta conditionis dignitate contentus non fuit, dicens: In cœlum conscendam, super astra cœli exaltabo solium meum. Vnde & ei malè coniuncta Babylonia, id est confusa multitudo peccantium dicit: Sedeo regina, & vidua non sum. Quisquis ergo introrsus intumescit, in altum se apud semetipsū ponit. Sed eò se grauius in infimis deprimit, quod de se infima veraciter sentire contemnit. Sunt verò nonnulli qui nihil quidem virtutis student agere, sed tamen cum alios peccare conspiciunt, iustos se in eorum comparatione suspicantur. Neque enim corda omnium, vna vel similis culpa transfigit. Hunc nanque superbia illaqueat, illum forsitan ira supplantat: hunc autem auaritia cruciat, illum verò luxuria inflamat. Et plerumque contingit vt is quem superbia deprimit, alium respiciat qualiter ira succendat: & quia se non citius ira instigat, meliorem se iracundo iam reputat, atque apud semetipsum quasi de iustitia extollitur: quia pensare vitium negligit quo grauius tenetur. Plerumque contingit, vt is quem auaritia fauciat, alium in luxuriæ voraginemersum cernat: & quia se à pollutione carnali alienum respicit, quibus ipse sordibus spiritalis vitij intrinsecus polluitur, non attendit: dumque in alio pensat malum quod ipse non habet, in se negligit considerare quod habet: sicque fit vt dum ad aliena diiudicanda mens ducitur, proprii iudicij lumine priuetur, & eò durius contra aliena superbiat, quod sua negligentius ignorat. At contra hi, qui ad alta virtutum surgere veraciter appetunt, cum alienas culpas audiunt, mox cor ad proprias reducunt: & tantò rectius illas diiudi-

Tomus primus.

cant, quantò verius istas deplorant. Quia igitur electus quisque in infirmitatis suæ consideratione se comprimit, dicatur rectè quod vir sanctus in sterquilinio dolens sedet. Qui enim verè se humiliat, continuæ considerationis oculo, quibus circumseptus sit delictorum sordibus, proficiens pensat. Sciendum verò est quia plerumque in prosperis importuna tentatione mens tangitur. Sed tamen aliquando & aduersa exterius patimur, & intus tentationis impulsu fatigamur: vt & carnem flagella crucient, & tamè ad mentem carnalis suggestio inundet. Vnde & bene post tot beati Iob vulnera, adhuc subiuncta sunt etià malè suadentis vxoris verba, quæ ait: *Adhuc perma- nes in simplicitate tua: Benedic Deo, & morere.* Vxor quippe malè suadens, est carnalis cogitatio mentem lacerans. Sæpe enim (vt dictum est) & foris flagellis atterimur, & intus carnali suggestionem fatigamur. Hinc est enim quod Hieremias deplorat dicens: Foris interficit gladius, & domi mors similis est. Foris enim gladius interficit, cum nos exterius feriens vindicta configit. Sed domi mors similis est: quia & flagella quidem sustinet, & tamen intus conscientia à tentationis sordibus munda non est. Hinc Dauid ait: Fiant tanquam pulvis ante faciem venti, & angelus Domini affligens eos. Qui enim in corde suo aura tentationis rapitur, quasi ante venti faciem pulvis eleuatur. Et cum inter hæc diuina districtio percutit: quid aliud quàm angelus Domini affligit? Sed hæc aliter aguntur à reprobis, aliter ab electis. Illorum nanque corda ita tentantur, vt consentiant: istorum verò tentationes quidem suscipiunt, sed repugnant. Illorum mens delectabiliter capitur, etsi ad tempus, quod malè suggeritur, displicet: sed postmodum per deliberationem libet. Isti verò sic tentationum iacula excipiunt, vt semper resistendo fatigentur: etsi quando vsque ad delectationem tantata mens rapitur, ipsam tamen citius subreptionem suæ delectationis erubescunt, & forti censura redarguunt, quicquid intra se exurgere carnaleprehendunt. Vnde & bene mox subiungitur:

Quod sub virtutis specie blanda ad nos facie vitia veniunt: sed quid veneni intus habeant, in fine ostendunt.

Caput XIX.

Locuta es quasi vna ex stultis mulieribus: Si bona suscepimus de manu Domini, mala quare non sustineamus? Dignum quippe est vt sancta mens, spiritali correptione comprimat, quicquid apud se carnale insolenter immurmurat, ne caro aut loquens aspera, ad impatientiam pertrahat, aut loquens blanda, ad libidinis fluxa dissoluat. Censura igitur virilis, illicitæ cogitationis suggestionem redarguens, dissolutam turpitudinis mollitiem deprimat, dicens: *Locuta es quasi vna ex stultis mulieribus.* Et rursum consideratio munerum, cogitationis asperæ impatientiam refrenet, dicens: *Si bona suscepimus de manu Domini, mala quare non sustineamus?* Quisquis autem subigere vitia appetit, & ad æterna internæ retributionis culmina veræ intentionis gressibus tendit: quod magis vallari se virtutum bello vndique conspiciat, eò se virtutum armis robustius accingit: & tantò minus iacula metuit, quantò contra hæc venientia fortiter pectus munit. Sed plerumque dum contra hoc tentationum bellum fulciri magnis virtutibus nitimur: quædam se nobis vitia sub specie virtutum tegunt, & quasi blanda ad nos facie veniunt: sed cuius aduersitatis sint, discussa sentiuntur. Vnde & amici beati Iob quasi pro consolatione conueniunt, sed in contumelias erumpunt: quia insidiantia vitia virtutum faciem sumunt, sed hostili inuentione nos feriunt. Nam sæpe immoderata ira, iustitia: & sæpe dissoluta remissio, misericordia vult videri. Sæpe incautus timor humilitas: sæpe effrenata superbia appetit libertas apparere. Ad consolandum ergo amici veniunt, sed ad increpationis verba dilabuntur, quia nimirum vitia virtutum specie palliata, blanda quidem superficie inchoant: sed aspera nos contrarietate perturbant. Bene autem dicitur: *Condixerant enim sibi, vt pariter venientes visitarent eum.* Vitia quippe sibi sub virtutum prætextu condicunt, quia sunt quædam vitia quæ aduersum nos inter se quadam conuenientia coniunguntur, sicut superbia & ira, remissio & timor. Vicina namque est ira superbiæ, & remissio timori. Condicens ergo veniunt, quæ contra nos sibi ex quadam

c iij

Vxor malè suadens, carnalis cogitatio.

Threno. i.

Psal. 34.

Qui vitia subigere appetit, virtutum se armis accingit. Vitia quædam sub virtutis specie se tegunt.

25. prauitatis cognatione sociantur. Sed si erumnam nostræ captiuitatis agnoscimus, si ex amore eterne patriæ in intimis dolemus, vitia quæ male lætis surrepunt, bene tristibus prauale-re non possunt. Vnde & bene subditur: *Cumque eleuassent procul oculos suos, non agnouerunt eum.* Afflictos enim nos vitia minimè cognoscunt: quia triste cor mox ut pulsauerint, reprobata resiliunt, & quæ nos lætos quasi nouerant, quia penetrabant, mœrentes cognoscere nequeunt, quia ipso nostro rigore franguntur. Sed antiquus hostis, quod in eis fortiter deprehendi se conspicit, eò illa sub virtutum imagine altius abscondit. Vnde & subditur: *Et exclamantes plorauerunt, scissisque vestibus sparserunt puluerem super caput suum in cælum, & sederunt cum eo in terra septem diebus & septem noctibus.* Signatur enim pietas per ploratum, discretio per scissionem velium, affectus operum per puluerem caput, humilitas per sessionem. Aliquando enim pium quid hostis insidians simulat, ut ad crudelitatis terminum deducat: sicut est, cum plecti per disciplinam culpam prohibet, quatenus quæ hic non reprimuntur, igne gehennæ feriantur. Aliquando discretionis imaginem oculis obicit, ut ad indiscretionis laqueos perducatur: sicut est, cum impulsu eius pro infirmitate nobis plus alimentorum quasi discretè concedimus, sed indiscretè contra nos bella carnis excitamus. Aliquando affectum simulat bonorum operum, sed per hunc, inquietudinem irrogat laborum: sicut est, cum quis quiescere non valet, & quasi de otio iudicari timet. Aliquando imaginem humilitatis ostendit, ut affectum utilitatis subtrahat: sicut est, cum quosdam, plusquam sunt, infirmos atque inutiles sibi metipsis asserit, ut dum se nimis indignos considerant, res in quibus prodesse proximis

Calliditas
hostis anti-
qui.

† al. &

E poterant, ministrare pertimescant. Sed hæc vitia quæ sub virtutum specie antiquus hostis occultat, valde subtiliter manus compunctionis examinat. Quia enim veraciter intus dolet, quæ agenda foris, quæ ve non agenda sint, fortiter preuidet. Si enim nos vis compunctionis in intimis afficit, omnis strepitus prauæ suggestionis obtumescit. Vnde & sequitur: *Et nemo loquebatur ei verbum, videbant enim dolorem eius esse vehementem.* Si enim cor veraciter dolet, linguam contra nos vitia non habent. Nam cum plenè vita rectitudinis quæritur, superuacua suggestio prauitatis obturatur. Sæpe autem si forti nos studio contra vitiorum incentiua stringimus: ipsa etiam vitia ad usum virtutis immutamus. Nonnullos nanque ira possidet, sed hanc dum rationi subiiciunt, in sancti zeli ministerium vertunt. Nonnullos superbia erigit, sed dum diuinæ formidini animum inclinant, hanc ad defensionem iustitiæ in vocem liberæ authoritatis immutant. Nonnullos fortitudo carnis illecebrat: sed dum exercendis piis operibus corpus subdunt, unde iniquitatis stimulos passi sunt, inde pietatis lucra mercantur. Vnde & bene iisdem beatus Iob post multa certamina hostias pro amicis immolat. Quos enim per contentionem diu hostes pertulit, quandoque per sacrificium ciues reddit: quia dum vitiosas quasque cogitationes subigendo in virtutes vertimus: tentationum aduersa studia per intentionis hostiam, quasi ad amica corda permutamur. Hæc nos in tribus voluminibus tripliciter differuisse sufficiat. In ipso nanque operis huius exordio velut in molem nascituræ arboris linguæ radicem fiximus: ut expositionis ramos postmodum, prout singula expetunt loca, producamus.

Remedium

Libri tertij Moraliū sancti Gregorij finis.

B. GREGORII MORALIS EXPOSITIONIS IN B. IOB LIB. QVARTVS, DEDVCENS SECVNDVM CAPVT FINALITER, ET TERTIVM inchoatiue.

Caput I.



Vi textum considerant, & sensum sacre locutionis ignorat, non tam se eruditione instruit, quam ambiguitate confundit: quia nonnumquam sibi literæ verba contradicunt, sed dum à semetipsis per contrarietatem differunt, lectorem ad intelligentiam veritatis mittunt. Quid enim est quod Salomon ait: Melius

est comedere & bibere: & nō longè post subiicit: Melius est ire ad domum luctus, quam ad domum cōiuij? Cur luctum conuiuij prætulit, qui prius esum potumque laudauit? Si enim per electionem bonum est comedere & bibere, proculdubio melius esse debet ad domum gaudij, quam ad domum lamenti properare. Hinc est quod iterum dicit: Lætare iuuenis in adolescentia tua. Et paulò post adiunxit: Adolescentia & voluptas vana sunt. Quid est hoc quod vel prius reprehendenda præcipit, vel post præcepta reprehendit, nisi quod ipsis literæ verbis innuit: ut qui difficultatem exterius patitur, veritatis intelligentiā consideret, quam sequatur: quæ nimirum veritatis intelligentiā cum per cordis humilitatem quæritur, assiduitate legendi penetratur. Sicut enim ignotorum hominum facies cernimus, & corda nescimus, sed si familiaris locutione coniungimur, vsu colloquij eorum etiam cogitationes indagamus: ita cum in sacro eloquio sola historia aspicitur, nihil aliud quam facies videtur: sed si huic assiduo vsu coniungimur, eius nimirum mentem quasi ex colloquutionis familiaritate penetramus. Dum enim alia ex aliis col-

ligimus, facile in verbis agnoscimus, aliud esse quod intiment, aliud quod sonant. Tantò autem quisque notitiæ illius extraneus redditur, quantò in sola eius superficie ligatur. Sequitur:

Quod hæc verba secundum literam accipienda non sunt. Cap. II.

Ecce enim quod beatus Iob diei suo maledixisse describitur, dicens: *Pereat dies in qua natus sum, & nox in qua delum est: Conceptus est homo.* Si superficialitè tenus historia attenditur, quid his verbis reprehensibilis inuenitur? Quis autem nesciat diem in quo natus est, nequaquam tunc stare potuisse? Motus quippe est temporis, ut statum non habeat mansionis. Quia enim per ventura tendit ad esse, semper ex præteritis festinat non esse. Cur ergo vir tātus ei malediceret rei, quam nequaquam subsistere non ignoraret? Sed fortasse aliquis dicat, quod ex eo pōdus virtutis eius aspicitur: quia tribulatione commotus, illi rei maledictum irrogat, quæ constat, quod minimè subsistat. Sed hoc citius perspecta ratio destruit: quia si subsistebat res cui malediceret, perniciosum maledictum intulit: si autem nō subsistebat, otiosum. Quisquis verò eius spiritu plenus est, qui ait: Omne verbum otiosum quod locuti fuerint homines, rationem reddent de eo in die iudicij: ita otiosa admittere, sicut etiam pernitiōsa formidat. Cui adhuc sententiæ adiungitur: *Dies ille vertatur in tenebras, non requirat eum Deus de super, & non sit in recordatione, & non illustretur lumine, obscurent eum tenebræ & umbra mortis, occupet eum caligo, & inuoluatur amaritudine. Noctem illam tenebrosus turbo possideat, non computetur in diebus anni nec numeretur in mensibus: sit nox illa solitaria, nec laude digna, expectet lucem, & non videat, nec ortum surgentis auroræ.* Dies qui elapsus cursu temporis scitur, cur verti in tenebras dicitur? Et cum constaret quia non subsisteret, cur opatur ut eum umbræ

Eccles. 7.

Eccles. 12.

Matth. 23

bra mortis obscuret? vel quem diem caligo occupet, quem implicatio amaritudinis non inuoluit? Aut quam noctem tenebrosus turbo possideat, quam nullus status tenet? Aut quomodo optatur fieri solitaria, quæ transeundo iam fuerat nulla? Aut lucem quomodo expectet, quæ & sensu caret, & in proprio statu non permanet? Quibus adhuc verbis subiicit:

Quod quantum apud nos valet aqua baptismatis, tantum apud veteres valuit vel pro paruulis sola fides, vel pro maioribus sacrificium, vel pro Hebræis, circumcisionis mysterium.

Caput III.

Quare non in vulua mortuus sum, egressus ex vtero non statim perij? Quare exceptus genibus? Cur lactatus vberibus? Nunc enim dormiens silerem, & somno meo requiescerem. Nunquid si egressus ex vtero statim periisset, retributionis meritum ex hac ipsa perditione susciperet? Nunquid æterna requie abortiui perfuuntur? Quisquis enim regenerationis vnda non soluitur, reatus primi vinculis ligatus tenetur. Quod verò apud nos valet aqua baptismatis, hoc egit apud veteres vel pro paruulis sola fides, vel pro maioribus virtus sacrificij, vel pro his, qui ex Abrahæ stirpe prodierant, mysterium circumcisionis. Nam quia vnusquisque cum primi parentis culpa concipitur, Propheta testatur, dicens: Ecce enim in iniquitatibus conceptus sum, & in peccatis concepit me mater mea. Et quia is quem salutis vnda non diluit, originalis culpæ supplicia non amittit, aperte per semetipsam veritas perhibet, dicens: Nisi quis renatus fuerit ex aqua & spiritu sancto, non habebit vitam æternam. Quid est ergo quod in vulua se mortuum fuisse desiderat, & potuisse se quiescere eiusdem mortis beneficiis sperat, dum constat quod nequaquam eum requies vitæ susciperet, si à reatu illum originalis culpæ nequaquam diuinæ cognitionis sacramenta liberassent? Qui adhuc cum quibus quiescere potuisset, adiungit dicens: *Cum regibus & consulibus terræ, qui ædificant sibi solitudines.* Quis ignoret, quod reges terræ ac consules eò à solitudine longè sunt, quod innumeris obsequentium cuneis constipantur? vel quam difficile hi ad requiem tendunt, qui tam duris rationum multiplicium nexibus astriguntur? scriptura teste, quæ ait: Iudicium durissimum his qui præsumunt, fiet. Vnde & in Euangelio veritas dicit: Cui multum datum est, multum quaeretur ab eo. Qui adhuc quos in eadem requie socios habuisset, insinuat, dicens: *Aut cum principibus, qui possident aurum, & replent domos suas argento.* Rarum valde est vt qui aurum possident, ad requiem tendant, dum per semetipsam veritas dicat: Difficile qui pecunias habent, intrabunt in regnum celorum. Nam qui hinc multiplicandis diuitiis inhiant, quæ alterius vitæ gaudia sperant? Quod tamen vt redemptor noster valde rarum, & ex solo diuino miraculo euenire posse monstraret: Apud homines, inquit, hoc impossibile est, apud Deum autem posibilia omnia sunt. Quia igitur verba hæc superficie à ratione discordant, ipsa iam litera indicat, quod in eis sanctus vir iuxta literam nihil dicat. Sed si prius in sacro eloquio alia maledicta discutimus, hoc quod beati Iob ore prolatus est, subtilius indagamus. Quid est enim quod Dauid qui retribuendis sibi mala non reddidit, cum Saul & Ionatha bello occumberent, Gelboë montibus maledixit, dicens: Montes Gelboë, nec ros nec pluuia veniat super vos, neque sint agri primitiarum: quia ibi abiectus est clypeus fortium, clypeus Saul, quasi non esset vnctus oleo?

Quid sit quod Hieremias dixit: Maledictus vir qui dixit patri meo, natus est tibi masculus.

Caput II.

Quid est quod Hieremias cum prædicationem suam cerneret audientium difficultate præpediri, maledixit dicens: Maledictus vir qui annuntiavit patri meo dicens: Natus est tibi puer masculus? Quid ergo montes Gelboë Saul moriente deliquerunt, quatenus in eis nec ros, nec pluuia caderet, & ab omni eos viriditatis germine sententiæ sermo ficaret? Sed quia Gelboë interpretatur decursus, per Saul autem vnctum & mortuum, mors nostri mediatoris exprimi-

tur: non immerito per Gelboë montes, superba Iudæorum corda signantur, quæ dum in huius mundi desideriis defluunt, in Christi, id est, vncti se morte miscuerunt. Et quia in eis vnctus rex corporaliter moritur, ipsi ab omni gratiæ rore sicantur. De quibus & bene dicitur: Vt agri primitiarum esse non possint. Superbæ quippe Hebræorum mentes primitiuos fructus non ferunt: quia in redemptoris aduentu ex parte maxima in perfidia remanentes, primordia fidei sequi noluerunt. Sancta nanque Ecclesia in primitiis suis multitudine gentium fecundata, vix in mundi fine Iudæos quos inuenit, suscipit: & extrema colligens, eos quasi reliquias frugum ponit. De quibus nimirum reliquis Esaias dicit: Si fuerit numerus filiorum Israël quasi arena maris, reliquæ saluæ fient. Possunt tamen idcirco Gelboë montes ore Prophetæ maledici, vt dum fructus exarescente terra non oritur, possessores terræ sterilitatis damno feriantur, quatenus ipsi maledictionis sententiam acciperent, qui apud se mortem regis suscipere, iniquitate sua exigente, meruissent. Sed quid est quod à Propheta maledictionis sententiam vir ille suscepit, qui natiuitatem illius patri nuntiavit? hoc nimirum tantò intrinsecus maiori mysterio plenum est, quantò extrinsecus humana ratione vacuum. Nam si quid exterius rationabile fortasse sonuisset, nequaquam nos ad studium interioris intellectus accenderet. Eò ergo nobis plenius aliquid intus innuit, quod foris rationabile nihil ostendit. Si enim ex matris suæ vtero hoc in mundo Propheta affligendus prodiit, natiuitatis eius nuntius quid deliquit? Sed quid persona Prophetæ fluctuantis, nisi per pænæ meritum veniens humani generis mutabilitas designatur? Et quid per patrem illius, nisi iste de quo nascimur mundus exprimitur? Et quis est ille vir qui natiuitatem nostram patri annuntiat, nisi antiquus hostis? Qui cum nos in cogitationibus fluctuare considerat, malorum mentes qui ex autoritate huius mundi præminent, ad persuasionem nostræ deceptionis instigat. Cumque nos agere infirma conspexit, ea quasi fortia fauoribus extollit, & quod sit natus masculus loquitur: cum corruptores veritatis, per mendacium nos extitisse gratulatur. Patri ergo masculum natum denuntiat, quando huic mundo eum quem persuaserit factum innocentia corruptorem demonstrat. Nam cum cuilibet peccanti atque superbienti dicitur: Fecisti sicut vir: quid aliud quam natus masculus in mundo perhibetur? Iure itaque vir qui masculum natum nuntiat, maledicatur: quia ipso eius nuntio reprobum gaudium nostri corruptoris indicatur. His ergo scripturæ sacræ maledictionibus discimus, quid apud beatum Iob in voce maledictionis inquiramus, ne quem deus post vnlnera & verbera remunerat, lector verba eius redarguere non intelligens præsumat. Quia igitur vtunque hæc quæ in præfatione fuerant exquirenda distinximus, verba iam historiæ differentes exequamur.

Tertium Caput beati Iob.



Dixit hæc aperuit Iob os suum, & maledixit diei suo, & locutus est: Pereat dies in qua natus sum, & nox in qua dictum est, Conceptus est homo. Dies illa vertatur in tenebras. Non requirat eum Deus desuper, & non illustret lumine. Obscurent eum tenebræ & umbra mortis. Occupet eum caligo, & inuoluatur amaritudine. Noctem illam tenebrosus turbo possideat. Non computetur in diebus anni, nec numeretur in mensibus. Sit nox illa solitaria, nec laude digna. Maledicant ei qui maledicunt diei, qui parati sunt suscitare Leuiathan. Obtenebrentur stellæ caligine eius. Expectet lucem, & non videat, nec ortum surgentis auroræ, quia non conclusit ostia ventris qui portauit me, nec abstulit mala ab oculis meis. Quare non in vulua mortuus sum, egressus ex vtero non statim perij? Quare exceptus genibus? cur lactatus vberibus? Nunc enim dormiens silerem, & somno meo requiescerem

Esaiæ 10.

4.

† al & quæ
finatos mas-
culos loqui-
tur. Inue-
niet nato
masculo.

Psal. 50.

Ioan. 3.

Sapient. 6.

Luc. 12.

Matt. 19.

3.

2. Reg. 1.

Hier. 20.

cum regibus & consulibus terræ, qui ædificāt sibi similitudines, aut cū principibus, qui possident aurum & replent domos suas argento, aut sicut abortiuum absconditum non subsisterem, vel qui concepti non viderunt lucem. Ibi impij cessauerunt à tumultu, & ibi requieuerunt fessi robore, & quondam victi pariter sine molestia. Non audierunt vocem exactoris. Paruus & magnus ibi sunt, & seruus & liber à Domino suo. Quare misero data est lux, & vita his qui in amaritudine animæ sunt? Qui expectant mortem, & non venit, quasi effodientes thesaurum, gaudentque vehementer cū inuenerint sepulchrum. Viro cuius abscondita est via, & circumdedit eum Deus tenebris. Antequam comedo, suspiro, & quasi inundantes aquæ, sic rugitus meus, quia timor quem timebam euenit mihi, & quod verebar, accidit. Nonne dissimulaui? nonne silui? nonne quieui? Et venit super me indignatio.

Iob istis verbis non maledixisse sentiendum. Caput V.

Post hæc aperuit Iob os suum, & maledixit diei suo dicens: Pereat dies in qua natus sum. Non est neglectè differendum quod dicitur, aperuit os suum. Scriptura enim sacra ex his quæ tenuiter præmittit, reuerenter expectanda indicat quæ subiungit. Sicut enim clausa vascula, quid intus habeant ignoramus, aperto verò ore vasculorum, quid intrinsecus contineatur agnoscimus: ita sanctorum corda quæ clauso ore occulta sunt, aperto ore deteguntur: & cū cogitationes detegunt, os aperire referuntur, ut intenta mēte quasi apertis vasculis quid intus contineant, festinemus cognoscere, ac nos metipso eorum intimo odore recreare. Vnde & sublimia præcepta Domino in monte dicturo, præmittitur. Aperiens os suum dixit: quantis illic & hoc accipi debeat, quia tunc os suum in præceptis aperuit, in quibus dudum aperuerat ora Prophetarum. Valde autem solerter intuendum est quod dicitur, Post hæc, ut nimirum rei uirtus quæ agitur, veraciter ex tempore sentiat. Prius enim vastitas rerum, extinctio pignorum, dolor vulnerum, persuasio coniugis, aduentus amicorum describitur, qui scidisse vestes, exclamantesque fleuisse, puluere capita conspersisse, & diu confidentes in terra tacuisse memorantur, ac deinde subiungitur: Post hæc aperuit Iob os suum, & maledixit diei suo: ut ipso videlicet narrationis ordine perpendatur, quia nequaquam maledictū per impatientiam protulit, qui ad maledictionis vocem amicis adhuc tacentibus erupit. Si enim ira motus malediceret, audito damno substantiæ, cognita morte filiorum, eum proculdubio ad maledictionem dolor excitaret. Sed tunc quid dixerit audiui. Ait nanque: Dominus dedit, Dominus abstulit. Rursum: Si ira motus malediceret, saltem percussus in corpore, vel malè suafus à coniuge, maledictum inferre potuisset. Sed quid tunc respondit agnouimus. Ait nanque: Locuta es quasi vna ex stultis mulieribus. Si bona suscepimus de manu Domini, mala quare non sustineamus? Post hæc verò describitur, quia amici veniunt, flet, confident, tacent: moxque subiungitur hoc, quod diei suo maledixisse perhibetur. Nimis itaque incongruum est, ut suspicemur eum nullo instigante, nullo pulsante, ex impatientia ad vocem maledictionis erumpere, quem nimirum nouimus inter damna rerum, mortemque filiorum, inter vulnera corporis, inter verba malè suadentis uxoris, magna creatori præconia humili mente reddidisse. Patet ergo qua mente hæc quietus dixerit, qui tot Dei laudes etiam percussus enarrauit. Neque enim postmodum percussus superbire potuit, quem & in percussione dolor humilem ostendit. Sed cū certò nouimus quod maledictum sacra scriptura prohibet, cur rectè aliquando fieri dicimus, quod vetari eodem sacro eloquio non ignoramus?

Quibus modis scriptura proferat maledictum. Caput VI.

Sciendum verò est quod scriptura sacra duobus modis maledictum memorat, aliud videlicet quod approbat, aliud scriptura aliud quod damnat. Aliter enim maledictum proferitur iudi-

Ecio iustitiæ, aliter liuore vindictæ. Maledictum quippe iustitiæ iudicio, ipsi primo homini peccanti prolatum est, cū audiuit. Maledicta terra in opere tuo. Maledictum iudicio iustitiæ profertur, cū ad Abraham dicitur: Maledicam maledicentibus tibi. Rursum quia maledictum non iudicio iustitiæ, sed liuore vindictæ promitur, voce Pauli Apostoli prædicantis admōnemur, qui ait: Benedicite, & nolite maledicere. Et rursum: Neque maledici regnum Dei possidebunt. Deus ergo maledicere dicitur, & tamen maledicere homo prohibetur, quia quod homo agit malitia vindictæ, Deus nō facit nisi examine & virtute iustitiæ. Cum vero sancti viri maledictionis sententiam proferunt, non ad hanc ex voto vltionis, sed ex iustitia examinis erumpunt. Intus enim subtile Dei iudicium aspiciunt, & mala foris exurguntia, quia maledicto debeant ferire, cognoscunt: & eò in maledicto non peccant, quò ab interno iudicio non discordant. Hinc est quod Petrus in offerentem sibi pecunias Simonem, sententiam maledictionis intorsit, dicens: Pecunia tua tecum sit in perditionem. Qui enim non ait, est, sed sit, non indicatio sed optatio modo se hæc dixisse signauit. Hinc Helias duobus quinquagenariis ad se uenientibus dixit: Si homo Dei sum, descēdat ignis de celo, & consumat vos. Quorum vtrorumque sententia quanta seueritatis ratione conualuit, terminus causæ monstrauit. Nam & Simon æterna perditione interiit, & duos quinquagenarios desuper veniens flamma consumpsit. Virtus ergo subsequens testificatur, qua mente maledictionis sententia promitur. Cū enim & maledicentis innocentia permanet, & tamen eum qui maledicetur vsque ad interitum maledictio absorbet, ex vtriusque partis fine colligitur, quia ab vno & intimo iudice in reum sententia sumpta iaculatur. Igitur si subtiliter beati Iob verba pensamus, non est eius maledictio ex malitia delinquentis, sed ex rectitudine iudicis: non est ira commoti, sed doctrina tranquillii. Qui enim tam recta maledicens intulit, non perturbationis vitio succubuit, sed doctrinæ magisterium impendit. Vidit quippe amicos cum clamore flere, vidit vestes scindere, vidit puluere capita conspergere, vidit consideratione suæ percussio- nis obmutescere: & vir sanctus inspexit, quia hi qui prospera temporalia requirebant, ex comparatione mentis propriæ, eum temporali fractum aduersitate crediderant. Perspexit quod transitoria afflictione percussus desperatè non flerent, nisi ipsi desperatam mētem ab ipse incolumitatis internæ subtraherent: & dum erumpit foras in vocem doloris, vulneratis intus ostendit virtutem medicaminis, dicens:

Quod mutabilitatem huius transitoria vite in qua nati sumus, sanctus quisque perire desiderat. Caput VII.

Pereat dies in qua natus sum. Quid enim debet per diem natiuitatis, nisi omne hoc tempus nostræ mortalitatis intelligi? quod quandiu nos in hac nostræ mutabilitatis corruptione retinet, æternitatis nobis incommutabilitatis non appareat. Qui igitur diem iam æternitatis videt, ægrè diem suæ mortalitatis sustinet. Et notandum quia non ait, Pereat dies in qua conditus sum sed pereat dies, in qua natus sum. In die quippe iustitiæ homo est conditus, sed iam in tempore culpæ natus. Adam enim conditus, sed Cain primus est natus. Quid est diei natiuitatis maledicere, nisi apertè dicere, dies mutabilitatis pereat, & lumen æternitatis erumpat? Sed quia perire duobus modis dicere solemus: aliter enim perire dicimus, quādo aliquid optamus ut nō sit, & aliter perire dicimus, quādo optamus, ut malè sit: hoc quod de hoc die subditur: *Obscure et caligo, & inuoluatur amaritudine:* liquidò ostendit quia dies iste non ita, ut non sit, sed ita perire optatur, ut malè sit. Inuolui enim amaritudine non potest, quod omnimodo perditum penitus [non] est. Hoc autem tempus nostræ mutabilitatis non quandoque ita periturum, id est, transitorium est, ut malè sit, sed ut penitus non sit, Angelo in sacro eloquio attestante, qui ait: Per viuentem in secula, quia tempus iam non erit. Nam etsi Propheta dicit: Erit tempus eorum in æternum: quia per momenta tempus deficit, nomine temporis eorum defectum vocauit, ostendens, quod sine fine omnimodo defectu deficient hi, qui à visionis intimæ consolatione separantur. Quia ergo nostræ mortalitatis hoc tempus non ita ut

Gene 3.

Gene 12.

Roma 12.

24. quest. 3. Cū sancti.

Acto 8.

4. Regum 1.

Matth. 5.

Ibidem.

Apoc. 10. Psal. 77.

ita vt malè sit, sed ita perit, vt non sit, quærendum est quid sit quod non ita vt non sit, sed ita perire optatur, vt malè sit. Humana enim anima seu Angelicus spiritus, ita immortalis est, vt mori possit, ita mortalis, vt mori non possit. Nam beatè viuere, siue per vitium, siue per supplicium perdit. Essentialiter autem viuere, neque per vitium, neq; per supplicium amittit. A qualitate enim viuendi deficit, sed omnimodo subsistendi interitum nec moriens sentit. Vt ergo breuiter dix-
rim, & immortaliter mortalis est, & mortaliter immortalis.

Quod antiquus hostis, dies interpretatur, qui promittens, eritis dii, quasi transfigurans se in Angelum lucis, humano generi peccatum tentando persuasit.

Caput VIII.

DVm igitur dies vt pereat optatur, & paulò pòst inuoluendus amaritudine dicitur, quem credamus quòd vir sanctus diei nomine exprimere voluit, nisi apostatam spiritum, qui in viuendi essentia etiam moriendo subsistit? quem perditio vitæ non subtrahit, quia in æterno dolore positum, seruando mors immortalis extinguit. Qui iam à beatitudinis gloria deiectus, adhuc optatur vt videlicet retrusus dignis suppliciis, etiam tentandi licentiam amittat.

Quod per diem dilectio peccati, per noctem verò cæcitas mentis posui intelligi.

Caput IX.

In nimirum diem se exhibet, quia per prospera incipit, sed in noctis tenebras semper definit, quia ad aduersa perducit. Diem nanque se ostendebat cum diceret: In quacunque die comederitis ex eo, aperientur oculi vestri, & eritis sicut dii. Sed noctem intulit, cum ad mortalitatis tenebras perduxit. Dies itaque est illata promissio meliorum, sed nox est exhibitæ ipsa experientia calamitatum. Antiquus hostis dies est, per naturam bene conditus, sed nox est per meritum ad tenebras delapsus. Dies est, cum pollicendo bona, humanis aspectibus lucis se angelum simulat, Paulo attestante qui ait: Ipse enim satanas transfiguratur se in angelum lucis. Sed nox est cum mentes consentientium erroris tenebris obscurat. Vir ergo sanctus in dolore proprio causam totius humani generis deffens, & nihil speciale omnimodo in speciali vulnere cogitans, reducat ad animum originem culpæ, & consideratione iustitiæ, dolorem temperet pœnæ. Videat humanum genus, vnde & quòd cecidit, & dicat: Pereat dies, in qua natus sum, & nox, in qua dictum est, conceptus est homo. Ac si apertè dicat: Pereat spes ab apostata angelo illata, qui diem se simulans ex promissione diuinitatis emicuit, sed noctem se exhibens, lucem nobis nostræ immortalitatis obscurauit. Pereat antiquus hostis, qui lucem promissionis ostendit, sed peccati tenebras contulit. Qui quasi diem se blandiendo innotuit, sed vsque ad tenebrosam noctem ex impressa cordis cæcitate perduxit. Sequitur: *Dies illa vertatur in tenebras.* Quasi lucet dies ista mentibus hominum, cum prauitatis eius persuasio prospera creditur, & qualis sit intrinsecus, non videtur. Sed cum iniquitas illius sicut est agnoscitur, dies falsæ promissionis quasi quibusdam ante iudicij nostri oculos tenebris obscuratur, quia videlicet, qualis est ex merito, talis perspicitur in blandimento. In tenebras ergo dies vertitur, quando aduersa intelligimus, etiam quæ prospera suadendo pollicetur. In tenebras dies vertitur, quando antiquus hostis qualis est scæuens, talis à nobis perspicitur etiam sub blandimentis latens, ne fictis prosperitatibus quasi ex diei lumine illudat, & veris miseriis ad peccati tenebras pertrahat. Sequitur: *Non requirat eum Deus desuper, & non illustret lumine.* Omnipotens Deus sicut ex nihilo bona facere potuit, ita cum voluit per incarnationis suæ mysterium, etiam perditam bona reparauit. Duas verò ad intelligendum se, creaturas fecerat, angelicam videlicet & humanam: vtranque verò superbia perculit, atque ab statu ingenitæ rectitudinis fregit. Sed vna tegmen carnis habuit, alia verò nihil infirmum de carne gestauit, Angelus nanque solummodo spiritus, homo verò & spiritus est & caro. Misertus ergo creator vt redimeret, illam ad se debuit reducere, quam in perpetracione culpæ, ex infirmitate aliquid constaret habuisse, & eò altius debuit apostatam angelum repellere, quòd cum à persistendi fortitudine corruit, nihil infirmum ex carne gestauit. Vnde & rectè Psal-

Gene. 3.

2. Cor. 6.

9.

A mista cum misertum redemptorem hominibus diceret, ipsam quoque causam misericordiæ expressit, dicens:

Quod ideo misertus est homini, quia cum caro esset ex infirmitate peccauit.

Caput X.

ET memoratus est, quia caro sunt. Ac si diceret: Quòd eorum infirma vidit, eò districtè culpas punire noluit. Est adhuc aliud, quòd & perditus homo reparari debuit, & superbiens spiritus reparari non possit: quia nimirum angelus sua malitia cecidit, hominem verò aliena prostrauit. Quia ergo humanum genus ad lucem pœnitentiæ, redemptoris aduentu reducitur, apostata vero angelus ad restaurationis lucem nulla spe veniæ, nulla conuersionis emendatione reuocatur: dicatur rectè: Non requirat eum Deus desuper, & non illustret lumine. Ac si apertè diceretur: Quia ipse tenebras intulit, toleret sine fine quòd fecit, nec vnquam lumen pristini status recipiat: quia hoc etiam non suafus amisit. Sequitur: *Obscurent eum tenebræ & umbra mortis.* Per umbram mortis, obliuio debet intelligi, quia sicut mors interimit vitam, ita obliuio extinguit memoriam. Quia ergo apostata angelus æternæ obliuioni traditur, umbra mortis obscuratur. Dicatur igitur: Obscuret eum tenebræ & umbra mortis, id est, sic sic eum erroris sui cæcitas obruat, vt nequaquam vltèrius ad lucem pœnitentiæ per diuini respectus memoriam resurgat. Sequitur: *Occupet eum caligo, & inuoluatur amaritudine.* Antiquus hostis nequitie suæ vinculis astrictus, aliud est quòd nunc patitur, aliud quòd in fine patietur. Quia enim à lucis intimæ ordine cecidit, nunc semetipsum intrinsecus erroris caligine confundit. Sed post hoc amaritudine inuoluitur, quia ex merito spontaneæ caliginis, æterno gehennæ tormento cruciatur. Dicatur ergo. Is qui serenitatem lucis intimæ perdidit, quid est quòd ante extremum supplicium tolerat? *Occupet eum caligo.* Subiungatur etiam quæ illum pœna subsequens etiam sine termino deuastat: *Inuoluatur amaritudine.* Omne quippe quòd inuolutum est, finem suum quasi nusquam indicat, quia sicut non ostendit quòd incipit, ita non detegit quòd desinit. Inuolui ergo amaritudine antiquus hostis dicitur, quia superbiæ eius supplicia non solum omnimoda, sed etiam infinita præparantur. Quæ videlicet eius pœna tunc initium accipit, cum districtus ad extremum iudicium iudex venit: Vnde & bene subditur:

Quid per annum, diem, mensēque intelligatur, & quid item sit annum Domini placabilem prædicari.

Caput XI.

Noctem illam tenebrosam turbo possideat. Scriptum quippe est: Deus manifestè veniet, Deus noster, & non silebit. Ignis in conspectu eius ardebit, & in circuitu eius tempestas valida. Tenebrosus ergo turbo hanc noctem possidet, quia apostatam spiritum à conspectu districti iudicis ad æterna supplicia, pauenda illa tempestas rapit. Turbine ergo nox ista possidetur, quia superba eius cæcitas distracta animaduersione percutitur. Sequitur: *Non computetur in diebus anni, nec numeretur in mensibus.* Annum prædicationem supernæ gratiæ non inconuenienter accipimus, quia sicut in anno congestis diebus tempus perficitur, ita in superna gratia virtutum multiplex vita completur. Potest per annum etiam multitudo intelligi redemptorum, quia sicut ex dierum multitudine annus ducitur, ita ex collectione bonorum omnium, illa electorum innumerabilis vniuersitas expletur. Hunc nanque annum perfectæ multitudinis Esaias prædicat, dicens: Spiritus Domini super me, eo quòd vnxit me. Ad annuntium mansuetis misit me, vt mederer contritis corde, & prædicarem captiuis indulgentiam, & clausis apertionem, vt prædicarem annum placabilem Domini. Annus enim placabilis Domini prædicatur, cum futura plebs fidelium, veritatis lumine illustranda prædicatur. Quid verò per dies, nisi singulæ quæque electorum mentes, quid per menses nisi multiplicatæ eorum Ecclesiæ, quæ vnam catholicam faciunt, designatur? Illa ergo nox non computetur in diebus anni, nec numeretur in mensibus, quia antiquus hostis superbiæ suæ tenebris pressus, aduentum quidem redemptoris conspiciat, sed nequaquam ad veniam cum electis redit. Hinc enim scriptum est: Nusquam enim Angelos apprehendit, sed semen Abrahæ apprehendit.

Psalm. 77.

10.

Psalm. 49.

Esaias 61.

Hebr. 2.

Quod Christus non Angelus sed homo factus est. Hoc enim fieri debuit quod redemit.
Caput XII.

Idcirco nanque Redemptor noster, non Angelus, sed homo factus est, quia hoc procul dubio fieri debuit quod redemit, ut & perditum angelum non apprehendendo deferreret, & hominem in semetipso apprehendendo repararet. Possunt etiam dies hi qui in interna luce permanent Angelici spiritus, menses autem, eorum ordines & dignitates intelligi. Singuli enim quique spiritus quia lucent, dies sunt. Sed quia certis quibusdam dignitatibus distinguuntur, ut alij throni, alij dominationes, alij principatus, alij potestates sint, pro hac ipsa distributione agminum, menses vocantur. Sed quia antiquus hostis nequaquam ad meritum lucis, nequaquam ad ordinem supernorum agminum reducitur, nec in diebus anni, nec in mensibus numeratur. Sic quippe illum perpetrata cecitas superbiæ grauatur, ut ultra ad illa claritatis intimæ superna agmina non redeat. Nequaquam iam stantibus lucis dignitatibus admiscetur, quia tenebrarum suarum merito semper ad ima deprimitur. Qui quia ab illa patriæ cœlestis frequentia exors in perpetuum permanet, rectè adhuc subiungitur: *Sit nox illa solitaria, nec laude digna.* Nox illa solitaria efficitur, quia distinctione perpetua à frequentia patriæ supernæ separatur. Quod tamen intelligi & aliter potest, ut videlicet hominem quem sibi socium ad perditionem fecerat, amittat, & solus cum suo corpore hostis pereat, dum multos quos destruxerat, redemptoris gratia reformat. Solitaria ergo nox efficitur, cum sublatis eis qui electi sunt, solus hostis antiquus æternis gehennæ ignibus mancipatur. Bene autem dicitur: *Nec laude digna.* Cum enim humanum genus erroris tenebris pressum, deos lapides crederet, per hoc quod idolis seruiebat, quid aliud quam seductoris sui facta laudabat?

1. Corinth. 8.

Vnde per Apostolum Paulum bene dicitur: Scimus quia nihil est idolum, sed quæ immolant gentes, dæmoniis immolant. Qui ergo idolorum venerationi substrati sunt, quid aliud quam noctis tenebras laudauerunt? Sed ecce iam cernimus quia nox illa non esse laude digna cognoscitur, cum iam à redempto humano genere, idolorum veneratio reprobat: & nox solitaria relinquitur, quia cum damnato apostata spiritu ad tormenta non itur. Sequitur: *Maledicant ei qui maledicunt diei, qui parati sunt suscitare Leuiathan.* In translatione veteri ita non dicitur, sed maledicat eam qui maledixit diem, qui capturus est grandem cetum. Quibus verbis apertè ostenditur, quod à sancto viro in fine mundi ventura antichristi perditio præuidetur. Malignus nanque spiritus qui per meritum nox est, diem se in mundi fine simulat, cum se quasi Deum hominibus ostendat, cum claritatē sibi diuinitatis fallaciter tribuit, & supra omne se quod vel dicitur Deus, vel colitur, extollit. Noctem igitur maledicit, qui maledicit diem, quia ille nunc eius malitiam destruit, qui illustratione aduentus sui tunc etiam potentiam eius fortitudinis extinguit. Vnde & bene subiungitur: *Qui capturus est grandem cetum.* Huius enim ceti fortitudo in aquis capitur: quia antiqui hostis versutia baptismi sacramēto superatur. Sed quod translatione veteri de auctore omnium dicitur, hoc translatione hac, quæ ad nos ex Hebræo est Arabicoque sermone deriuata, de electis eius Angelis memoratur. De his nanque dicitur:

Quod sancti angeli diabolo quod diuinitatem homini promiserit exprobrent, quorum potestati substratus, & ad probandum electos excitatus, & religatur ne extinguat infirmos.

Caput XIII.

Maledicant ei qui maledicunt diei. Diem se quippe iste superbiens spiritus ostentare etiam angelicis potestatibus voluit, cum se super ceteros quasi in potentia diuinitatis extollens tot post se ad interitum legiones traxit. Sed hi nimirum qui in auctore suo humili corde perstiterunt, cum errori eius noctem inesse conspicerent, diem claritatis illius de semetipsis humilia sentiendo calcauerunt: qui nunc nobis doli eius tenebras indicant, & quàm sit illius despicienda ficta claritas, demonstrant. Dicatur ergo de tenebrosa nocte, quæ humanæ infirmitatis oculos clausit: Maledicant ei qui maledicunt diei, id est, illi electi spiritus erroris eius tenebras damandas denuntient, qui magnitudinem claritatis illius iam ab exordio fictam vident. Bene autem subditur: *Qui parati sunt*

E suscitare Leuiathan.) Leuiathan quippe interpretatus dicitur additamentum eorum. Quorum scilicet nisi hominum? Rectè autem additamentum eorum dicitur, quia postquam primam culpam mala suggestionem intulit, hanc quotidie augere grauioribus persuasionibus non desistit. Vel certè per exprobrationem Leuiathan vocatus est, id est, additamentum hominum dictus. Eos nanque in Paradiso immortales reperit, sed diuinitatem immortalibus promittendo, quasi eis aliquid ultra quàm erant se addere spondit. Sed dum blandè non habita se daturum perhibuit, callidè & habita subtraxit. Vnde & eundem Leuiathan ita Propheta describit dicens: Super Leuiathan serpentem vectem, super Leuiathan serpentem tortuosum. Leuiathan quippe iste, in eo quod se addere homini spondit, tortuosis ad eum finibus irrepsit, quia dum falsò impossibilia promisit, verè & possibilia sustulit. Quærendum verò nobis est, cur qui serpentem dixerat, tortuosumque, ilicò subiungens, interposuit vectem: nisi fortè quod in serpentis tortitudine fluxa mollietates, in vecte autem est duritiæ rigiditas. Vt ergo hunc & durum signaret & mollem, & vectem nominat & serpentem. Durus quippe est per malitiam, mollis per blandimenta. Vectis ergo dicitur, quia vsque ad necem percutit, serpens autem, quia se per insidias molliter infundit. Sed hunc Leuiathan electi angelorum spiritus, nunc in puteo abyssi clausum premunt. Vnde scriptum est: Vidi Angelum descendentem de cœlo, habentem clauem abyssi, & cathenam magnam in manu sua, & apprehendit draconem serpentem antiquum, qui est diabolus & satanas, & ligauit eum per annos mille, & misit eum in abyssum. Quem tamen in mundi fine ad apertiora certamina reuocant, & totum contra nos in suis viribus relaxant. Vnde illic rursum scriptum est: Cum completi fuerint mille anni, soluetur satanas. Ille enim apostata angelus qui ita conditus fuerat ut angelorum cæteris legionibus emineret, ita superbiendo succubuit, ut nunc stantium angelorum ditioni substratus sit, quatenus vel nunc ad vtilitatem nostram eis ministrantibus religatus lateat, vel tunc ad probationem nostram eis relaxantibus totis se suis contra nos viribus solutus exerceat. Quia igitur hi electi spiritus superbum apostatam comprimunt, qui humiles hunc sequi noluerunt, ipsiſque ministrantibus disponitur, ut ad intensionem aperti certaminis destruendus funditus quandoque reuocetur, dicatur rectè: Qui parati sunt suscitare Leuiathan. Quia tamen hostis callidus ad aperta bella necdum suscitatus est, quomodo quorundam mentes nox ista nunc latenter obscurat, insinuat. Sequitur:

Quod hypocritæ qui quasi stella in nocte videntur, erroris sui caligine sæpe ita obscurantur, ut etiam foris in actione confundantur.

Caput XIII.

Obscurebuntur stella caligine eius.) In scriptura sacra stellarum nomine aliquando sanctorum iustitia, quæ in huius vitæ tenebris lucet, aliquando verò hypocritarum fictio demonstratur, qui bona quæ faciunt ad percipiendas laudes hominibus ostendunt. Si enim rectè viuentes, stellæ non essent, nequaquam Paulus discipulis disceret: In medio nationis prauæ & peruersæ, inter quos lucetis sicut luminaria in mundo. Rursum si inter eos qui recta agere videntur, quidam de actione sua retributionem fauoris humani non quærent, nequaquam stellas Ioannes ruere à cœlestibus videret, dicens: Misit draco caudam, & traxit tertiam partem stellarum. Draconis enim cauda stellarum pars trahitur: quia extrema persuasionem antichristi quidam qui videntur lucere, rapiuntur. Stellas nanque in terram trahere, est eos qui videntur studio vitæ cœlestis inhaerere, ex amore terreno iniquitate aperti erroris inuoluere. Sunt nanque nonnulli qui ante humanos oculos velut magnis operibus lucent, sed quia hæc ipsa opera à mundo corde non prodeunt, capti in occultis cogitationibus, noctis huius tenebris obscurantur: qui sæpe quæ mundo corde non faciunt, etiam opera amittunt. Quia ergo nox præualere permittitur, quando & inter bona opera cordis intentio minimè mundatur, dicatur rectè: *Obscurebuntur stella caligine eius,* id est, eos qui ante humanos oculos quasi bonis operibus splendent, malitia antiqui hostis obscurare præualeat, & hoc quod ante humana iudicia sumpserant, lumen laudis deponant. Caligine quippe noctis obscurantur, cum

eorum

Esai. 27.

12

† al. dicitur rigiditas

Apoc. 20.

Ibidem.

13

Philipp. 2.

Apoc. 2.

14.
Ioan. 8.
Diabolus
cū reprobis
vna perso-
na est.
† al. peruer-
sa.

ad Tit. I.

Amos. 5.

Matt. 6.

15.

Can. 6.

Psal. 30.

eorum vita operto errore cōfunditur: vt nimirum tales etiam foris in actione appareant, quales apud semetipsos intus diuino parere iudicio non formidant. Sequitur: *Expectet lucem & non videat, nec ortum surgentis auroræ.* In euangelio veritas dicit: Ego sum lux mundi. Sicut autem idem redemptor noster vna persona est cum congregatione bonorum, ipse nanque caput est corporis, & nos huius capitis corpus: ita antiquus hostis vna persona est cum cuncta collectione reproborum, quia ipse eis ad iniquitatem quasi caput præminet, illi autem dum ad persuasam deferuiunt, velut subiunctum capiti corpus inhaerent. Quod ergo de hac nocte, id est antiquo hoste dicitur, dignum est vt ad corpus eius, id est, ad iniquos quosque deriuetur. Quia igitur redemptor noster humani generis lux est, quid est quod de hac nocte dicitur: Expectet lucem & non videat: nisi quod sunt nonnulli qui fidem quam operibus destruunt, tenere se sermonibus ostendunt: De quibus per Paulum dicitur: Qui confitentur se nosse Deum, factis autem negant. Hi nimirum aut praua sunt quæ faciunt, aut recta opera non recto corde sectantur. Non enim de suis operibus retributiones perpetuas, sed transitorios fauores querunt: & tamen quia quasi sanctos laudari se audiunt, esse se veraciter sanctos arbitrantur, & quanto se ex multorum æstimatione irreprehensibiles putant, tanto diem districti iudicii securius expectant. De quibus bene per Prophetam dicitur: Væ desiderantibus diē Domini. Quibus beatus Iob debitam sententiam profert, prædicantis studio, non optantis voto dicens: *Expectet lucem, & non videat.* Nox quippe ille videbit: quia vel hi qui fidem sine operibus retinent, cum pro eadem fide in extremo iudicio saluari se posse confidunt, spes eorum frustrabitur, qui hanc malè viuendo demoliti sunt, quam confitendo tenuerunt: vel hi qui pro humana laude in bona actione se exhibent, incassum à veniente iudice retributionem bonorum operum sperant, quia dum hæc in ostentationem faciunt laudis, iam præmium ab humano ore receperunt, veritate attestante, quæ ait: Amen dico vobis, receperunt mercedem suā. Vbi & bene subiungitur: *Nec ortum surgentis auroræ.* Aurora quippe Ecclesia dicitur, quæ à peccatorum suorum tenebris ad lucem iustitiæ permutatur. Vnde & hanc sponsus in Canticorum cantico miratur, dicens: *Quæ est ista quæ progreditur quasi aurora consurgens?* quasi aurora quippe electorum surgit Ecclesia, quæ prauitatis pristinae tenebras deferit, & sese in noui luminis fulgorem conuertit. In illa igitur luce quæ in districti iudicis aduentu monstratur, corpus damnati hostis ortum surgentis auroræ non videt: quia cum districtus iudex ad retributionem venerit, iniquus quisque suorum caligine meritorum pressus, quanta claritate sancta Ecclesia in intimum lumen cordis surgat, ignorat. Tunc nanque electorum mens in altum rapitur, vt diuinitatis radiis illustretur, & quod eius respectu perfunditur, eò ultra se gratia coruscante subleuatur. Tunc sancta Ecclesia plena aurora fit, cum mortalitatis atque ignorantia suæ tenebras funditus amittit. In iudicio ergo adhuc aurora est, sed in regno dies, quia etsi iam cum restauratione corporum videre lumen in iudicio inchoat, eius tamen visum plenius in regno consummat. Ortus itaque auroræ, est exordium clarescentis Ecclesiæ, quem videre nequeunt reprobi, quia à conspectu districti iudicis malorum suorum pondere pressi ad tenebras pertrahuntur. Vnde rectè per prophetam dicitur: Tollatur impius, ne videat gloriam dei. Hinc est quod de hac aurora per Psalmistam dicitur: Abscondes eos in abscondito vultus tui, à conturbatione hominum. Electus enim quisque in iudicio per internum visum in vultu diuinitatis absconditur, dum reproborum foris cæcitas, districta animaduersione iustitiæ repulsatur. Quod etiam non inconuenienter ad præsens accipimus, si simulatorum corda subtilius indagamus. Arrogantes nanque & hypocritæ, bonorum facta exterius aspiciunt, eosque in factis suis laudari ab hominibus agnoscunt, eorumque celebre nomen mirantur, & quod pro bene gestis laudes suscipiant vident, sed quanto studio easdem laudes fugiant, non vident. Aperta eorum opera considerant, sed quod sola spe intima hæc operentur, ignorant. Qui enim vera luce iustitiæ clari sunt, prius à tenebris internæ intentionis immutan-

A tur, vt obscuritatem intus terrenæ appetitionis plenè deserat, & corda sua ad supernæ lucis desideria perfectè conuertant, ne cum aliis appareret lucidi, sibi metipsis sint obscuri. Arrogantes ergo, quia bonorum facta considerant, corda non pensant, imitantur vnde laudari foris valeant, non vnde intus ad iustitiæ lumen surgant: & quasi ortum surgentis auroræ videre nesciunt, quia intentionem religiosæ mentis considerare contemnunt. Potest etiam sanctus vir gratia prophetici spiritus plenus, Iudææ perfidiam, redemptore veniente, conspiceret, eiusque cæcitatibus damna per verba hæc quasi ex optantis qualitate prophetare, vt dicat: Expectet lucem, & non videat, nec ortum surgentis auroræ. Iudæa quippe lucem expectauit, & non vidit: quia humani generis redemptorem venturum quidem prophetando sustinuit, sed venientem minimè cognouit: & quos ad spem aperuit mētis oculos, ad præsentiam lucis clausit. Quæ & surgentis auroræ ortum non vidit, quia infirma illa sanctæ Ecclesiæ primordia venerari contempsit: dumque hanc labefactari suorum mortibus credidit, ad quæ fortia perueniret, ignorauit. Sed quia de infidelibus loquens, iniqui capitis membra innotuit, ad ipsum rursus iniquorum caput verba conuertit, dicens: *Quia non concludit ostia ventris, qui portauit me, nec abstulit mala ab oculis meis.* Quod unicuique hominum venter est matris, hoc vniuerso humano generi extitit habitatio illa summa paradisi. Ex ipsa nanque proles humani generis velut ex ventre prodiit, & quasi ad incrementa corporis, sic ad augmenta propaginis foras emanauit. Ibi conceptio nostra coaluit, vbi origo hominū homo primus habitauit. Sed huius ventris ostia serpens aperuit, quia persuasione callida in corde hominis mandatum cœlestē dissoluit. Huius ventris ostia serpens aperuit, quia munita supernis monitis claustra mentis irrupit. Sanctus igitur vir in pœna quam tolerat, ad culpam mentis oculos reducat. Doleat hoc, quod tenebrosa nox, id est, antiqui hostis obscura suggestio humanis mentibus intulit: doleat hoc, quod suggestioni callidæ humana mens in sua deceptione consensit, & dicat: *Quia non concludit ostia ventris, qui portauit me, nec abstulit mala ab oculis meis.* Nec moueat quod non conclusisse queritur, quem aperuisse paradisi ianuam detestatur. Non conclusit enim dicit, aperuit: & mala non abstulit, irrogauit. Quasi enim auferret, si quiesceret: & quasi clauderet, si ab irruptione cessaret. Pensat nanque de quo loquitur, & perpendit quod prauo spiritui quasi lucra nobis dedisse fuerat, si damna non intulisset. Sic nos de latronibus loquimur, quia captiuis suis donant vitam, si non abstulerint. Libet hæc ab inchoatione repetere, atque ex eo quod in vsu præsentis vitæ recognoscimus, moraliter retractare. Beatus Iob considerans, postquam à mētis statu succubuit genus humanum, quanta in rebus prosperis fiducia subleuetur, vel quanta ex aduersis perturbatione frangatur, ad illum quem habere in paradiso potuit incommutabilitatis statum, mente recurrit, & mortalitatis lapsum per prospera & aduersa variatē, quàm despicabilem cerneret, maledicendo declarauit, dicens:

D *Quid sit quod Iob diem qua natus est, perire optat, & noctem in qua est conceptus: & cur homo in die dicatur nasci, in nocte verò concipi.*

Caput XV.

P *ereat dies in qua natus sum, & nox in qua dictum est. Conceptus est homo.* Quasi dies quædam est, cum mundi huius prosperitas arridet. Sed dies iste in noctem desinit, quia sæpe temporalis prosperitas ad tribulationis tenebras perducit. Hunc prosperitatis diem Propheta despexerat, cum dicebat: Diem hominis non concupiui, tu scis. Hanc tribulationis noctem postremo incarnationis suæ tempore passurum se Dominus nuntiabat, cum per Psalmistam quasi ex præterito diceret: Vsq̃ue ad noctem increpauerunt me renes mei. Potest autem per diem, peccati delectatio, per noctem verò cæcitas mentis intelligi, per quam se homo patitur in culpæ perpetratione prosterni. Optat igitur perire diem, vt omne quod blandiri culpa cernitur, vigore iustitiæ interueniente destruat. Optat etiā perire noctem, vt quod cæcata mens etiam per cōsensum perpetratur, animaduersione pœnitentiæ extinguat. Sed querendum nobis est, cur in die homo natus dicitur, In nocte conceptus? Scriptura sacra tribus modis hominem appellat, scilicet aliquando per naturam, aliquando per culpam, aliquando per

36.

17.

Hier. 17.

Psal. 15.

Homo tri- in firmitatem. Homo quippe per naturam dicitur, sicut scrip-
lus modis tum est: Faciamus hominem ad imaginem & similitudinem
dicatur. nostram. Homo per culpam, sicut scriptum est: Ego dixi dii
Gene 1. estis, & filij excelsi omnes, vos autem sicut homines morie-
Psalm. 81. mini. Ac si aperte dicat: Sicut delinquentes obibitis. Vnde
1. Corinb. 3. & Apostolus Paulus ait: Cum sit inter vos zelus & conten-
 tio, nonne carnales estis, & secundum hominem ambulatis? Ac si
 aperte dicat: Qui discordes mentes ducitis, nonne adhuc ex
 reprehensibili humanitate peccatis? Homo per infirmitatem
Hiere. 17. dicitur, sicut scriptum est: Maledictus homo qui spem suam
 ponit in homine. Ac si aperte diceret, in infirmitate. Homo ergo
 in die nascitur, sed in nocte concipitur, quia nequaquam ad
 delectationem peccati rapitur, nisi prius per voluntarias mentis
 tenebras infirmetur. Antè enim cæcus in mente fit, & postmodum
 se reprobat delectationi subternit. Dicatur ergo: Pereat dies in
 qua natus sum, & nox in qua dictum est, conceptus est homo, id
 est, pereat delectatio quæ in culpam hominem rapuit, pereat incauta
 mentis infirmitas, quæ eum usque ad tenebras pravi consensus
 excæcavit. Homo enim dum blandimenta delectationis cautè
 non perspicit, etiam in noctem nequissime perpetrations ruit.
 Solerter ergo vigilandum est, ut cum blandiri culpa inchoat,
 ad quantum interitum mens trahatur, agnoscat. Vnde & aptè
 subditur: *Dies illa vertatur in tenebras.* Dies quippe in tenebras
 vertitur, cum culpa in ipso delectationis exordio ad quem per-
 ditionis finem rapiet, videtur. In tenebras ergo diem vertimus,
 cum nosmetipsos districtè punientes, ipsa delectationis prauæ
 blandimenta per districta pœnitentiæ lamera cruciamus, & cum
 flendo insequimur, quicquid in corde taciti ex delectatione
 peccamus. Quia enim fidelis quisque cogitationes in iudicio
 exquiri subtiliter non ignorat: Paulo attestante, qui ait: Inter
 se inuicem cogitationum accusantium, aut etiam defendentium
 introrsus discutiens, ante iudicium vehementer examinat, ut
 districtus iudex eò iam tranquillius veniat, quò reatum suum
 quem discutere appetit, iam pro culpa punitum cernit. Vnde
 & rectè subiungitur:

*Quod à nobis non requirat Deus, quæ per pœnitentiam constat
 esse dimissa.*

Caput XVI.

18 *Quæ requi-* *Non requirat eum Deus desuper.* Requirit Deus quæ iudi-
rit Deus. cando discuit, non requirit quæ ignoscendo in suo iam
 iudicio impunita derelinquit. Hic itaq; dies, id est, hæc pec-
 cati delectatio à Domino non requiritur, si animaduersione
1. Corint. II. spontanea punitur, Paulo attestante qui ait: Si nosmetipsos
 diiudicemus, non utique à Domino iudicemur. Deo ergo diem
 nostrum requirere, est contra mentem nostram subtiliter in
 iudicio, omne quod de culpa gratulamur & admisū indagare.
 In qua scilicet requisitione, illum tunc seuerius percutit, quem
 sibi nunc mollius peperisse deprehendit. Bene autem sequitur:
Et non illustret lumine. In iudicio namque Dominus appa-
 rens, omne quod tunc redarguit, lumine illustrat. Quasi enim
 sub quadam obscuritate tegitur quicquid tunc in memoriam
 iudicis non reuocatur. Scriptum quippe est:
Ephes. 5. Omnia autem quæ arguuntur, à lumine manifestantur. Quasi
 quædam tenebræ, peccata pœnitentium absconduntur, de quibus
 per Prophetam dicitur: Beati quorum remissæ sunt iniquitates,
 & quorū tecta sunt peccata. Quia ergo omne quod tegitur,
 velut in tenebris occultatur, in die extremi iudicii non
 illustratur lumine, quod non discutitur ultione. Actus nanque
 nostros, quos tunc iuste punire noluerit, ipsa sibi aliquo modo
 sciens diuina misericordia abscondit. In lumine verò ostenditur,
 quicquid tunc in cōspectu omnium demonstratur. Hic ergo dies
 vertatur in tenebras, ut videlicet omne quod delinquimus, nos
 per pœnitentiam ferimus. Hunc diem Dominus non requirat,
 & lumine non illustret, ut scilicet nobis culpam nostram
 ferientibus, ipse hanc extremi iudicii animaduersione non
 increpet. Ipse autem iudex venturus est, qui cuncta penetret,
 cuncta perstringat. Qui quia ubique est, & locus quo fugiatur,
 non est. Sed quia correctionis nostræ fletibus placatur,
 solus ab illo locum fugæ inuenit, qui post perpetratam
 culpam nunc se in pœnitentia abscondit. Vnde & aptè adhuc
 de hoc delectationis die subiungitur:

*Quod carnalis delectationis diem, tenebræ fletuum & pœnitentiæ
 lamenta, & recordatio mortis obscurant.*

Caput XVII.

*O*bscurent eum tenebræ & vmbra mortis. Diem profectò tenebræ
 obscurant, quando delectationem mentis inflicta pœnitentiæ
 lamenta transuerberant. Possunt etiam per tenebras occulta
 iudicia designari. In luce nanque quod videmus agnoscimus,
 in tenebris verò aut omnino nihil cernimus, aut incerto visu
 caligamus. Occulta ergo iudicia quasi quædam ante nostros
 oculos tenebræ sunt, quia perscrutari nequaquā possunt.
 Vnde & de Deo scriptum est: Posuit tenebras latibulum suum.
 Et quia absolui non meremur agnoscimus, sed præueniente
 nos diuina gratia per eius iudicia occulta liberamur. Diem
 igitur tenebræ obscurant, cum flendum nostræ delectationis
 gaudium, ab illo iustæ animaduersionis radio, inscrutabilia
 eius iudicia misericorditer occultant. Vnde & aptè subiungitur:
Et vmbra mortis. In scriptura enim sacra vmbra mortis
 aliquando obliuio mentis accipitur, aliquando imitatio
 diaboli, aliquando mors carnis. Vmbra enim mortis, obliuio
 mentis accipitur, quia, ut & superius diximus, sicut mors
 hoc quod interficit, agit ut non sit in vita, & obliuio hoc
 quod intercipit, agit ut non sit in memoria. Vnde & rectè
 quia Ioānes Hebræorum populo eum cuius obliti fuerāt Deum
 prædicare veniebat, per Zachariam dicitur: Illuminare his
 qui in tenebris & in vmbra mortis sedent. In vmbra enim
 mortis sedere, est à diuini amoris notitia in obliuione
 latefcere. Vmbra mortis imitatio antiqui hostis accipitur.
 Ipse enim quia mortem intulit, mors vocatur, Ioanne attes-
 tante, qui ait: Et nomen illi mors. Per vmbra igitur mortis,
 eius imitatio designatur, quia sicut vmbra iuxta qualitatem
 corporis ducitur, ita actiones iniquorum de specie imitationis
 eius exprimuntur. Vnde rectè Esaias cum gentiles populos
 ab antiqui hostis cerneret imitatione defecisse, eòque ad
 veri solis ortum resurgere, quæ certò futura considerat,
 quasi ex præteritis narrat, dicens: Sedentibus in tenebris &
 vmbra mortis, lux orta est eis. Vmbra enim mortis mors
 carnis accipitur, quia sicut vera mors est, qua anima separatur
 à Deo, ita vmbra mortis est qua caro separatur ab anima.
 Vnde rectè voce martyrum per Prophetam dicitur: Humilia-
 sti nos in loco afflictionis, & operuit nos vmbra mortis. Quos
 enim constat non spiritu, sed sola carne mori, nequaquam se
 vera morte, sed vmbra mortis dicunt operiri. Quid est ergo
 quod beatus Iob, ad obscurandum diem prauæ delectationis,
 postulat vmbra mortis, nisi quòd ad delenda peccata ante
 Dei oculos Dei, & hominum, mediatorem requirit, qui
 solam pro nobis mortem carnis susciperet, & veram mortem
 delinquentium per vmbra suæ mortis deleret? Ad nos quippe
 venit, qui in morte spiritus carnisque tenebamur: vnam ad
 nos ad suam mortem detulit, & duas nostras quas reperit
 soluit. Si enim ipse vtranque susciperet, nos à nulla liberaret.
 Sed vnam misericorditer accepit, & iuste vtranque donauit.
 Simplam suam duplæ nostræ contulit, & duplam nostram
 moriens subegit. Vnde & non immeritò vno die in sepulchro
 & duabus noctibus iacuit, quia videlicet lucem suæ simplæ
 mortis, tenebris duplæ nostræ mortis adiunxit. Qui ergo
 solam pro nobis mortem carnis suscepit, vmbra mortis pertu-
 lit, & à Dei oculis culpam quam fecimus abscondit. Dicatur
 igitur rectè: Obscurent eum tenebræ & vmbra mortis. Ac si
 aperte diceretur: Ille veniat, qui ut à morte carnis & spiritus
 debitores eripiat, mortem carnis non debens soluat. Sed quia
 nullum peccatum Dominus inultum relaxat: aut enim nos hoc
 flendo insequimur, aut ipse iudicando reseruat, restat ut
 ad emendationem suam semper mens solerter inuigilet. In
 quo ergo sibi quisque misericorditer subueniri desiderat, hoc
 necesse est ut confitens tergat. Vnde & aptè subiungitur:
Occupet eum caligo. Quia enim in caligine oculus confundi-
 tur, ipsa per pœnitentiam mentis nostræ confusio, caligo nomi-
 natur. Nam sicut caligo nebulosa congerie obscurat diem,
 ita confusio perturbatis cogitationibus obnubilat mentem.
 De qua per quandam dicitur: Est confusio adducens glo-
 riam. Cum enim ad mentem malè gesta pœnitendo reduci-
 mus, graui mox mœrore confundimur, perstrept in animo
 turba cogitationum, mœror conterit, anxietas deuastat, in ærumnam

Psalm. 17.

20

Luc. 1.

† al. lassif- cere.

Apoc. 6.

† al. is

Esai. 9.

Psalm. 43.

Nullū pec- catū Domi- nus inultū relaxat.

Eccles. 4.

Rom. 6.

arumnam mens vertitur, & quasi quodam nubilo caliginis obscuratur. Hæc nanque caligo confusionis eorum mentem salubriter oppresserat, quibus Apostolus dicebat: Quem enim fructum habuistis tunc in illis, in quibus nunc erubescitis? Hunc ergo peccati diem caligo occupet, id est, blandimentum nequitiae, afflictio poenitentiae digno mœrore perturbet. Vnde & aptè subiungitur: *Inuoluatur amaritudine.* Dies enim amaritudine inuoluitur, cum ad cognitionem mente redeunte, peccati blandimenta, cruciatus poenitentiae sequitur. Diem amaritudine inuoluimus, cum prauae delectationis gaudium quæ supplicia sequantur aspicimus, & asperis hoc fletibus circundamus. Quia enim hoc quod inuoluitur, ex latere omnis partis operitur, inuolui dies amaritudine optatur, quatenus quæ mala incorrectis imminet, ex omni parte quisque conspiciat, & voluptatis suæ lasciuia tristitiae lamentis tergat. Sed si diem, quam peccati delectionem diximus, tot impeti precibus audiuius, ut videlicet circundantes fletus expiet, quicquid delectatus per negligentiam animus deliquit, quantā animaduersione poenitentiae huius diei nox ferienda est, videlicet ipse iam consensus ad culpam? Sicut enim minoris culpæ est, cum carnaliter mens in delectationem rapitur, sed tamen delectationi suæ per spiritum reluctatur, ita grauioris & plenæ nequitiae est, ad peccati illecebram non solum delectatione pertrahi, sed etiam consensu famulari. Tanto igitur artiori manu poenitentiae, mens à pollutione tergendæ est, quanto se per consensum conspiciat fordidius inquinatam. Vnde & aptè subiungitur: *Noctem illam tenebrosus turbo possideat.* Quasi enim quidam turbo tempestatis, est concitatus spiritus mœroris. Nam dum peccatum quisque quod fecit, intelligit: dum prauitatis suæ nequitiam subtiliter pensat, mœrore mentem obnubilat, & quasi concusso serenæ lætitiæ aëre, omnem in se tranquillitatem cordis poenitentiae turbine deuastat. Nisi enim recognoscentem se animum iste turbo contereret, nequaquam Propheta dixisset: In spiritu vehemēti cōteres naues Tharsis. Tharsis quippe exploratio gaudij dicitur. Sed cum vehemens poenitentiae spiritus mentem occupat, omnem in ea explorationē reprehensibilis gaudij perturbat, ut nihil ei iā nisi flere libeat, nihil nisi quod te terrere possit attendat. Ponit nanque ante oculos illinc distractionē iustitiæ, hinc meritum culpæ: conspiciat quo supplicio digna sit, si parentis pietas desit, quæ per lamenta præsentia ab æterna eruere poena consuevit. Spiritus ergo vehemens Tharsis naues conterit, cum vis compunctionis valida, mentes nostras huic mundo, quasi mari deditas, salubri terrore confundit. Dicit ergo: Noctem illam tenebrosus turbo possideat, id est, perpetrationem culpæ, non blandimenta securæ quietis foueant, sed piæ sœuiens amaritudo poenitentiae irrumpat. Sciendum verò est, quia cum peccata impunita relinquimus, à nocte possidemur: cum verò hæc animaduersione poenitentiae plectimur, nimirum nos noctem, quam fecimus, possidemus. Sed tunc peccatum cordis sub iuris nostri possessionem reducit, si cum incipit, reprimatur. Vnde & diuina voce Cain praua cogitanti dicitur: In foribus peccatum tuum aderit, sed sub te erit appetitus eius, & tu dominaberis illius. In foribus quippe peccatum adest, cum in cogitationibus pulsatur. Cuius appetitus subter est, ei que homo dominatur, si cordis nequitia inspecta citius prematur, & priusquam ad duritiam crescat, reluctanti menti subigatur. Ut ergo delictum suum citius animus sentiat, & culpæ tyrannidem sub iure suo poenitendo restringat, dicatur rectè: *Noctem illam tenebrosus turbo possideat.* Ac si apertè dicatur: Ne captiua mens culpæ seruiat, culpam à poenitentia liberam non relinquat. Et quia quod flendo insequimur, nequaquam nobis à venturo iudice hoc obiici certè speramus, bene subditur:

Quod à venturo iudice nequaquam nobis ultra obiiciatur, quod hic in nobis flendo insecuti sumus. Caput XVIII.

Non computetur in diebus anni, nec numeretur in mensibus. Illuminationis nostræ annus tunc perficitur, quādo apparēte æterni iudice, sanctæ Ecclesiæ peregrinationis suæ vita cōpletur. Tunc laboris sui remunerationem recipit, cum expleto hoc belli tempore ad patriam redit. Vnde bene per Prophetam dicitur: Benedices coronæ anni benignitatis tuæ. Quasi enim corona anni benedicatur: cum finito laboris tem-

Psal. 47.

32.

Gene. 4.

pore virtutum remuneratio confertur. Dies verò huius anni sunt singulæ quæque virtutes, menses autem multiplicia facta virtutum. Sed ecce cum per fiduciam mens erigitur, ut speret, quod veniente iudice de virtutibus remuneretur, occurrunt eius memoriæ etiam mala quæ gessit, & valde formidat ne districtus iudex qui venit, ut virtutes remuneret, etiam ea quæ illicitè gesta sunt examinans subtiliter penset, ne cum annum complet, etiam noctem numeret. Dicat itaque de hac nocte: *Non computetur in diebus anni, nec numeretur in mensibus.* Ac si districtum iudicem exoret, dicens: Cum expleto sanctæ Ecclesiæ tempore, extremo te examini manifestas, sic dona quæ contulisti remunera, ut mala quæ commisimus non requiras. Si enim nox illa in diebus anni computatur, omne quod egimus, ex prauitatis nostræ æstimatione confunditur. Et dies virtutum iam non lucent, si hos in conspectu tuo annumerata, nostræ noctis tenebrosa confusio obscurat. Sed si de nocte nostra, moueri tunc inquisitionem nolumus, magnopere nunc curandum est, ut nos in eius discussione vigilemus: ne quælibet nobis culpa impunita remaneat, ne mens peruersa quod fecit, defendere audeat, & defendendo nequitia nequitiam adiungat. Vnde & bene subditur:

Quod non relinquit peccatum solum, sed congeminat, qui quod malè agit, defendit: & quod à radice Adamus iste erroris, hucusque in genere humano pullulat.

Caput XIX.

Si nox illa solitaria, nec laude digna. Sunt nonnulli qui non solum nequaquam desint quod faciunt, sed etiam laudare & defendere non desinunt. Et nimirum dum defenditur, culpa geminatur. Contra quod rectè per quendam dicitur: Peccasti, non adicias iterum. Peccatum quippe peccato adiungit, qui malè gesta etiam defendit: & noctem illam solitariam non relinquit, qui culpæ suæ tenebris etiam patrocina defensionis adiungit. Hinc est quod primus homo de erroris tui nocte requisitus, eandem noctem esse solitariam noluit, quia dum requisitione ad poenitentiam vocaretur, ei adminicula excusationis adiunxit, dicens: Mulier quam dedisti mihi sociā: dedit mihi de ligno, & comedi: scilicet excessus tui vitium in auctorem latenter intorquens, ac si diceret: Tu occasionem delinquendi præbuiisti, qui mulierem dedisti. Hinc est quod huius erroris ramus in humano genere ex illa nunc usque radice protrahitur, ut quod malè agitur, adhuc etiam defendatur. Dicatur ergo: *Si nox illa solitaria, nec laude digna.* Ac si apertè exoret: dicens: Culpam quam fecimus, sola remaneat, ne dum laudatur & defenditur, in conspectu nos nostri iudicis multiplicius astringat. Peccare quidem non debuimus, sed vitinam alia non iungentes, vel ea quæ fecimus, sola deferamus. Sed inter hæc sciendum est, quia ille culpam suam veraciter insequitur, qui iam ad amorem præsentis seculi, nullo appetitu prosperitatis instigatur, qui huius mundi blandimēta quàm sint fraudulenta considerat, fauorēque eius quasi quādam persecutiones pensat. Vnde & bene subditur:

Quid sit quod dicitur: Maledicant ei, qui maledicunt diei, & quod illi transactas culpas verè puniunt, qui seductoris insidias in ipsa suggestione deprehendunt. Caput XX.

Maledicant ei qui maledicunt diei Ac si apertè dicat: Illi huius noctis tenebras verè poenitendo, feriant, qui iam lucē prosperitatis seculi despicientes, calcant. Si enim diē lætitiæ delectationis accipimus, rectè de hac nocte dicit: Maledicant ei qui maledicunt diei: quia nimirum illi veraciter mala transacta per animaduersionem poenitentiae corrigunt, qui iam ad bona fallentia, nulla delectatione rapiuntur. Nam quos adhuc noxia alia delectant, falsum est quod cernitur, quia perpetrata alia deplorat. Si autem, ut supra dictum est, noctē, suggestionem callidam antiqui hostis accipimus, illi maledicere nocti intelligendi sunt, qui diei maledicunt, quia scilicet illi, transactas culpas verè puniunt, qui maligni seductoris insidias in ipsa suggestione blanda, deprehendunt. Bene autem subditur:

Quod diabolus contra se suscitant, qui ea quæ mundi sunt, mente contemnunt, & ea quæ dei sunt, plena intentione desiderant.

Caput XXI.

Vi parati sunt suscitare Leniathan. Omnes enim qui ea quæ mundi sunt, mente calcant, & ea quæ Dei

Annus benignitatis.
Dies.
Mensis.

23.

Culpa cum defenditur, geminatur.
Eccli. 21.

Gene. 3.

sunt, plena intentione desiderant. Leuiathan contra se suscitant, quia eius malitiam instigatione suæ conuersationis inflammant. Nam qui eius voluntati subiecti sunt, quasi quieto ab illo iure possidentur, & superbus eorum rex quasi quadam securitate perfruitur, dum eorum cordibus inconcussa potestate dominatur. Sed cum vniuscuiusq; spiritus ad conditoris sui desiderium recalescit, cum torporem negligentiae deserit, & frigus insensibilitatis pristinae, igne sancti amoris accendit: cum libertatis ingentiae meminit, & teneri ab hoste feruus erubescit: quia idem hostis se considerat despici, quia vias Dei videt apprehendi, dolet contra se captum reniti, & mox zelo accenditur, mox ad certamen mouetur, mox ad tentationes innumeras contra rebellantem mentem se excitat, atque in omni arte lacerationis instigat, vt tentationum iacula intorquendo confodiat cor, quod dudum quieto iure possidebat. Quasi dormiebat quippe, dum sopitus in prauo corde quiesceret: sed excitatur in prouocatione certaminis, cum ius amiserit peruersae dominationis. Huic ergo nocti maledicant, qui parati sunt suscitare Leuiathan, id est, hi se contra peccatum fortiter in iudicio distractionis erigant, qui in suis tentionibus excitare antiquum aduersarium non formidant. Scriptum nanque est: Fili accedens ad seruitutem Dei, sta in iustitia & timore, & prapara animam tuam ad tentationem. Quisquis enim accingi in diuino seruitio properat, quid aliud quam se contra antiqui aduersarii certamen parat, vt liber in certamine ictus suscipiat, qui quietus sub tyranno in captiuitate seruiebat? Sed in eo ipso quod mens contra hostem accingitur, quod alia vitia subigit, aliis reluctatur, aliquando de culpa aliquid, quod tamen non valde noceat, remanere permittitur. Et saepe mens quæ aduersa multa & fortia superat, vnum in se & fortasse minimum, quauis magna intentione inuigilet, non expugnat. Quod diuina nimirum dispensatione agitur, ne ex omni parte virtutibus splendens, in elatione subleuetur, vt dum in se parum quid reprehensibile videt, & tamen hoc subigere non valet, nequaquam sibi, sed auctori victoriam tribuat in his, quæ subigere fortiter valet. Vnde & bene subiungitur:

Quod sancti nolentes aliquas peccati reliquias trahant, & quod ad erudiendum Israel tributarius in medio Effraim relinquatur Chananæus.

Caput XXII.

Obtenebrentur stellæ caligine eius.) Stellæ quippe huius noctis caligine tenebrantur, quando & hi qui magnis iam virtutibus splendent, adhuc de obscuritate culpæ aliquid renitentes sustinent, vt etiam magna vitæ claritate luceant, & tamen adhuc noctis reliquias nolentes trahant. Quod ad hoc, sicut dictum est, agitur, vt mens proficiens ad virtutem iustitiæ suæ melius infirmitate roboretur, & inde verius in bonis luceat, vnde eam etiam nolentem, parua reprehensibilia humiliter obscurant. Vnde & bene cum Israëlítico populo percepta repromissionis terra partiretur, Effraim tribui, Chananæus gentilis populus, non occisus, sed factus tributarius dicitur, sicut scriptum est: Habitauit Chananæus in medio Effraim tributarius. Quid enim Chananæus, gentilis videlicet populus, nisi vitium significat? Et saepe magnis virtutibus terram promissionis ingredimur, quia spe intima de æternitate roboramur. Sed dum inter acta sublimia, vitia quædam parua retinemus, quasi Chananæum viuere in terra nostra concedimus. Qui tamen nobis tributarius efficitur, quia hoc ipsum vitium quod subigere non possumus, ad vsum nostræ utilitatis humiliter retorquemus, vt eò de se mens & in summis vilia sentiat, quod suis viribus etiam parua quæ appetit, non expugnat. Vnde & bene rursum scriptum est: Hæ sunt gentes quas Dominus dereliquit, vt erudiret in eis Israël. Ad hoc nanque quædam minima vitia nostra retinentur, vt sese nostra intentio sollicitam in certamine semper exerceat, & eò de victoria non superbiat, quo viuere in se hostes conspicit, à quibus adhuc vinci formidat. Israël ergo reseruatis gentibus eruditur, quando in quibusdam minimis vitiis, elatio virtutis nostræ comprimitur, & in paruis sibi resistentibus discit, quod ex se maiora non subigit. Hoc tamen quod dicitur: Obtenebrentur stellæ caligine eius, intelligi & aliter potest. Nox quippe illa, consensus videlicet ad culpam, quæ ad nos primi parentis est excessu propagata, mentis nostræ oculum

Et tanta obscuritate percussit, vt [omnis homo] in huius vitæ exilio, cæcitatibus suæ tenebris pressus, quantalibet vi ad æternitatis lumen intenderit, penetrare non possit. Post pœnam nanque damnati peccatores nascimur, atque ad hanc vitam cum mortis nostræ merito venimus, & cum ad supernæ lucis radium aciem mentis erigimus, ipsa infirmitatis nostræ obscuritate caligamus. Et quidem multi in hac infirmitate carnis tanta virtute roborati sunt, vt resplendere mundo quasi stellæ potuissent. Multi in tenebris vitæ præsentis, dum superiora de se exempla exhibent, astrorum more nobis desuper lucent, sed quantalibet coruscatione operis fulgeant, quantalibet se igne compunctionis accendant: nimirum constat, quia dum corruptibili adhuc carne grauati sunt, æternum lumen sicut est, videre nequaquam possunt, dicat ergo: *Obtenebrentur stellæ caligine eius,* id est, etiam illi in contemplatione sua, antiquæ noctis adhuc tenebras sentiant, de quibus nimirum constat, quod humano generi in huius vitæ caligine, virtutum suarum iam radios expandant: quia etsi mente iam ad summa exiliunt, adhuc tamen in infimis primæ culpæ pondere grauantur. Vnde fit, vt & foris exempla lucis velut astra præbeant, sed tamen intus vsque ad fixæ visionis certitudinem pressi noctis caligine, non ascendant. Sæpe autem ita mens accenditur, vt quauis in carne sit posita, in Deum tamen omni subiugata carnali cogitatione, rapiatur: nec tamen Deum sicut est, conspicit, quia hanc nimirum, sicut dictum est, in carne corruptibili pondus primæ damnationis premit. Sæpe etiam ita vt est, se absorberi desiderat, vt æternam vitam, si possit fieri, sine interuentu corporeæ mortis attingat. Vnde Apostolus Paulus cum ardentem internam lucem quæreretur, sed tamen vtunque exterioris mortis damna formidaret, ait: *Quādiu sumus in hoc habitaculo, ingemiscimus grauati, eo quod nolumus expoliari, sed superuelesti, vt absorbeatur quod mortale est, à vita.* Sancti igitur viri videre verum mane appetunt, & si concedatur, etiam cum corpore illud attingere lucis intimæ secretum volunt. Sed quantalibet ardore intentionis exilant, adhuc antiqua nox aggrauat, & corruptibilis huius carnis oculos, quos hostis callidus ad concupiscentiam aperuit, iustus iudex à consuetu interni sui fulgoris premit. Vnde & bene subditur:

Quod quantalibet virtute sancti nunc fulgeant, resurrectionis tamen gloriam nondum intelligunt, quam expectant.

Caput XXIII.

Expectet lucem, & non videat, nec ortum surgentis auroræ.) Quantalibet nanque intentione adhuc peregrina mens fatagat, videre lucem æternam sicut est, non valet: quia hanc ei damnationis suæ cæcitas abscondit. Ortus verò auroræ, est illa noua natiuitas resurrectionis, qua sancta Ecclesia etiam carne suscitata oritur ad contemplandum lumen æternitatis. Si enim ipsa carnis nostræ resurrectio quasi quædam natiuitas non esset, de ea veritas non dixisset: In regeneratione cum federit filius hominis in sede maiestatis suæ. Esse ergo hanc ortam vidit, quam regenerationem vocauit. Sed quantalibet virtute electi nunc fulgeant, quæ erit illa nouæ natiuitatis gloria, penetrare nequeunt, qua tunc cum carne ad contemplandum æternitatis lumen ascendunt. Vnde & Apostolus Paulus ait: *Quod oculus non vidit, nec auris audiuit, nec in cor hominis ascendit, quæ præparauit Deus diligentibus se.* Dicat ergo: *Expectet lucem & non videat, nec ortum surgentis auroræ,* quia spontaneo vitio tenebrata nostra infirmitas, nisi prius per mortem pœnæ suæ debitum soluat, claritatem lucis internæ non penetrat. Sequitur:

Quod iniustitia exigit, vt ea iniusti patiamur, quæ ex arbitrio & sponte volentes fecimus.

Caput XXIII.

Quia non conclusit ostia ventris, qui portauit me, nec abstulit mala ab oculis meis.) Sicut & superius dictum est, non conclusit, dicit, aperuit: & non abstulit, irrogauit. Hæc itaque nox videlicet culpa, ostia ventris aperuit: quia concepto ad peccatum homini desideria concupiscentiæ carnalis reserauit. Ostia quippe vètris, sunt desideria concupiscentiæ carnalis, de quibus per Prophetam dicitur: *Intra in cubicula tua, & claude ostia tua.* Cubicula quippe ingredimur, cum secreta mentis nostræ intramus. Ostia autem claudimus, cum desideria illicita coercemus. Hæc itaque concupiscentiæ carnalis ostia, dum consensus noster

Eccle. 2.

Iosue. 16.

25

Indi. 3.

2. Corin. 5.

26

Matth. 19.

1. Corin. 2.

Esai. 26.

sensus noster aperuit, ad innumera nos mala corruptionis pertraxit. Vnde etiam nunc sub mortalitatis pondere gemimus: quauis ad hanc arbitrio nostro venerimus, quia & iudicii sic iustitia exigit, vt quod sponte fecimus, inuiti tolremus. Sequitur:

Quid peccatum quatuor modis in corde, & quatuor consummatur in opere.

Caput XXV.

Quare non in vulua mortuus sum? Egressus ex vtero non statim perij? Cur exceptus genibus? Cur lactatus vberibus? Absit nos credere, quod beatus Iob tanta spiritus scientia præditus, tanta interni iudicis attestazione laudatus, abortiuum se optet interiisse. Sed quia, sicut etiam per remunerationem cognoscitur, intus habet testem suæ fortitudinis, intus pensanda sunt eius pondera locutionis. Quatuor quippe modis peccatum perpetratur in corde, quatuor consummatur in opere. In corde nanque suggestionem, delectationem, consensu, & defensionis audacia perpetratur. Fit enim suggestio per aduersarium, delectatio per carnem, consensus per spiritum, defensionis audacia per elationem. Culpa enim quæ terrere mentem debuit, extollit, & deiiciendo eleuat, sed grauius eleuando supplantat. Vnde & illam primi hominis rectitudinem antiquus hostis his quatuor ictibus fregit. Nam serpens suasit, Eua delectata est, Adam consensit, qui etiam requisitus, confiteri culpam per audaciam noluit. Hoc verò in humano genere quotidie agitur, quod actum in primo parente nostri generis non ignoratur. Serpens suasit: quia occultus hostis mala cordibus hominum latenter suggerit: Eua delectata est: quia carnalis sensus, ad verba serpentis mox se delectationi subternit. Consensum verò Adam mulieri præpositus præbuit: quia dum caro in delectationem rapitur, etiam à sua rectitudine spiritus infirmatus inclinatur. Et requisitus Adam confiteri culpam noluit: quia videlicet spiritus quod peccando à veritate disiungitur, eò in ruinæ suæ audacia nequius obduratur. Eisdem etià quatuor modis, peccatum consummatur in opere. Prius nanque latens culpa agitur: postmodum verò etià ante oculos hominum sine cõfusione reatus aperitur: dehinc & in consuetudinem ducitur: ad extremum verò, vel falsæ spei seductionibus, vel obstinatione miseræ desperationis enutritur. Hos itaque peccati modos, qui vel in corde latenter fiunt, vel patenter opere perpetrantur, beatus Iob considerat, & humanum genus in quot peccatorum gradibus lapsum sit, deplorat dicens: *Quare non in vulua mortuus sum? egressus ex vtero non statim perij? Cur exceptus genibus? Cur lactatus vberibus?* Prima enim vulua conceptionis fuit lingua malæ suggestionis. Sed peccator in vulua moreretur, si moriturum se homo in ipsa suggestionem cognosceret. Qui tamen ex vtero egressus est, quia postquam in peccato eum suggerens lingua cõcepit, foras mox etiam delectatio rapuit. Post egressionem verò exceptus est genibus, quia cum ad delectationem carnis prodiit, nimirum culpam per consensionem spiritus, subiectis cunctis sensibus, quasi suppositis genibus cõsummauit. Sed genibus exceptus, etiam vberibus est lactatus. In consensu enim culpæ addictis spiritus sensibus, multa falsæ fiduciæ argumenta subsecuta sunt, quæ natam in peccato animam, virulento lacte nutrierunt, & ne aspera mortis supplicia metueret, hanc blandis excusationibus fouerunt. Vnde & primus homo post culpam audacior extitit, dicens: Mulier quam dedisti mihi sociam, dedit mihi de ligno, & comedi. Qui quidem per timorem semetipsum absconditurus fugerat, sed tamen requisitus innotuit quantum etiam timens timebat. Cum enim ex peccato præfens pœna metuitur, & amissa Dei facies non amatur: timor ex tumore est, non ex humilitate. Superbit quippe, qui peccatum, si liceat non puniri, non deserit. Sed his, sicut dictum est, quatuor modis culpa, vt in corde agitur, etiam opere perpetratur. Ait enim: *Quare non in vulua mortuus sum?* Vulua quippe peccantis, est hominis culpa latens, quæ occultè peccatorem concipit, & reatum suum adhuc in tenebris abscondit, *Egressus ex vtero non statim perij?* A vulua de vtero exitur, cum peccator quæ in occulto commiserit, hæc etiam in aperto committere non erubescit. Quasi enim ab occultationis suæ vulua processerant, de quibus Propheta dicebat: Et peccatum suum sicut Sodoma prædicauerunt, nec absconderunt. *Quare exceptus*

Tomus primus.

A genibus? Quia nimirum peccator, cum iam de iniquitate sua non confunditur, in iniquitate eadem etiam adminiculis pessimæ consuetudinis roboratur. Quasi genibus peccator fouetur vt crescat, dum culpa cõsuetudinibus firmatur, vt vigeat. *Cur lactatus vberibus?* Quia dum prodire culpa in vsum cõcepit, nimirum se vel falsa spe diuinæ misericordiæ, vel aperta miseria desperationis pascit, vt eò nequaquam ad correptionem redeat, quod vel factorem suum, pium sibi inordinate simulat, vel hoc quod fecit, inordinate formidat. Beatus igitur vir humani generis lapsus aspicit, & quibus præcipitiis mersum sit in foueam iniquitatis intendit, dicēs: *Quare non in vulua mortuus sum?* id est, in ipsa occulta perpetratione peccati, cur à carnis vita mortificare me nolui? *Egressus ex vtero non statim perij?* id est, postquam ad apertam iniquitatem exij, cur me tunc saltem perditum non cognoui? Perisset quippe in suo iudicio, si se perditum cognouisset. *Quare exceptus genibus?* id est, etiam post apertam culpam, cur me adhuc in illa etià cõsuetudo suscepit, vt valētiorem ad nequitias redderet, & prauis me vberibus sustinens foueret? *Cur lactatus vberibus?* id est, postquam in culpæ consuetudinem veni, cur me ad atrociorē nequitiam, vel falsæ spei fiducia, vel lacte miseræ desperationis enutriui? Cum enim culpa in vsum venerit, ei iam animus etiam si appetat, debilius resistit: quia quot vicibus prauæ frequentationis astringitur, quasi tot vinculis ad mentem ligatur. Vnde fit vt eneruis animus, cum solui non valet, ad quædam se solatia falsæ cõsolationis inclinet, quatenus venturum iudicem tantæ sibi misericordiæ spondeat: vt eos etiam quos arguendos inuenerit, penitus non occidat. Cui rei hoc deterius accidit, quod ei multorum similitum lingua consentit: cum multi etiam malè gesta laudibus exaggerant. Vnde fit vt incessanter crescat culpa, fauoribus nutrita. Curari autē vuln' negligitur, quod dignum præmio laudis videtur. Vnde bene per Salomonem dicitur: Fili mi, si te lactauerint peccatores, ne acquiescas eis. Peccatores etenim lactant, cum vel perpetranda mala blandimentis inferunt, vel perpetrata fauoribus extollunt. An non lactatur, de quo per Psalmistam dicitur: Quoniam laudatur peccator in desideriis animæ suæ: & qui iniqua gerit benedicitur? Sciendum quoque est quod tres illi modi peccantium iuxta descensus sui ordinē facilius corriguntur, quartus verò iste difficilior emendatur. Vnde & redemptor noster puellam in domo, iuuenem extra portam, in sepulchro autem Lazarum suscitauit. Adhuc quippe quasi mortuus iacet in domo, qui latet in peccato. Iam quasi extra portā educitur, cuius iniquitas vsque ad inuercundiam publicæ perpetrationis aperitur. Sepulture verò aggere premitur, qui in perpetratione nequitie etiam vfu consuetudinis pressus grauatur. Sed hos ad vitam miserat' reuocat, quia plerunque diuina gratia, non solum in occultis, sed etiam in apertis iniquitatibus mortuos, & mole prauæ cõsuetudinis pressos, respectus sui lumine illustrat. Quartum verò mortuum redemptor noster nūtiante discipulo agnoscit, nec tamen suscitatur: quia valde difficile est, vt is quem post vsum malæ consuetudinis etiam ad vltimum adulantium lingue excipiunt, à mentis suæ morte reuocetur. De quo & bene dicitur: Sine mortuos sepelire mortuos. Mortui enim mortuos sepeliunt, cum peccatores peccatorē fauoribus premunt. Quid est enim aliud peccare quàm occubere, & sepelire, quàm abscondere? Sed qui peccantem laudibus prosequuntur, extinctū sub verborū suorum aggere abscondunt. Erat autem & Lazarus mortuus, sed tamen non à mortuis sepultus. Fideles quippe mulieres illum obruerant, quæ & eius mortem viuificatori nuntiabant. Vnde & protinus ad lucem rediit, quia cum in peccato animus moritur, citius ad vitam reducitur, si super hunc sollicitę cogitationes viuunt. Aliquādo autem, sicut & superius dictum est, falsa spes mentem non intercipit, sed hanc deterior desperatio configit: quæ dum omnem spem veniæ funditus interimit, erroris lacte animam vberius nutrit.

Primi homines si non peccassent, qualis fuisset conditio.

Caput XXVI.

Consideret igitur sanctus vir post primam culpam quanta deterius homo mala commisit, postquam paradysum perdidit, vsque ad quanta huius exilij prærupta descendit, & dicat: *Quare non in vulua mortuus sum?* id est, cum serpentis

29.

Prover. 1.

Peccatores lactant.

Psalm. 9.

Lucæ 9.

Mortui sepeliunt mortuos.

30.

suggestio peccatorem me conciperet, tunc vtinam quæ me mors sequeretur, agnouissem, ne vsque ad delectationē suggestio raperet, & morti arctius ligaret. *Egressus ex vtero non statim perii?*) Ac si dicat: Vtinam ad exteriorem delectationem exiens, quod interiore lumine priuabar, agnouissem: & saltē in ipsa delectatione occumberem, ne per consensum mors acrius puniret. *Cur exceptus genibus?*) Ac si dicat: Vtinam minime me consensus subiectis prauitati sensibus exceperet, ne ipsa me consensus ad audaciam deterius raperet. *Cur lactatus vberibus?*) Ac si dicat: Vtinam blandiri saltem mihi post mala perpetrata noluissem, ne tantō me culpæ nequius astringerē, quātō me in illa mollius fouerem. His itaque reprehensionū suarum vocibus in parente primo se peccasse redarguit. Sed si ad ærumnam huius exilij nequaquā homo peccando descēderet, dicat qua perfrui quiete potuisset. Sequitur: *Nunc enim dormiens silem, & somno meo requiescerem.*) Ad hoc in paradiso homo positus fuerat, vt si se ad cōditoris sui obedientiā vinculis charitatis astringeret, ad cœlestem angelorum patriam quandoque sine carnis morte transfiret. Sic nanque est immortalis cōditus, vt tamen si peccaret, & mori posset: & sic mortalis est cōditus, vt si non peccaret, etiam non mori posset: atq; ex merito liberi arbitrij beatitudinē illius regionis attingeret, in qua vel peccare, vel mori non posset. Vbi igitur post redemptionis tempus carnis morte interposita, electi transeunt, illuc proculdubio parentes primi si in conditionis suæ statu perstitissent, etiam sine morte corporum transferri potuissent. Dormiēs igitur sileret, & somno suo homo requiesceret: dum ad æternæ requiem patriæ ductus, quasi cessum quendam à clamore hoc humanæ infirmitatis inueniret. Post peccatum nanque quasi clamans vigilat, qui contentionem carnis propriæ repugnans portat. Hoc quietis silentium iam, homo cōditus habuit, cum contra hostem suū liberum voluntatis arbitrium accepit. Cui quia sua sponte succubuit, mox de se quod contra se perstreperet, inuenit, mox in certamine infirmitatis tumultus reperit: & quanuis in pacis silentio ab auctore fuerat cōditus, hosti tamen sponte substratus, clamores de pugna tolerauit. Ipsa enim carnis suggestio, quasi quidam clamor est contra quietem mentis, quā ante transgressionem homo non sentit: quia nimirum quod de infirmitate posset tolerare, non habuit. Postquā verō se spōte hosti subdidit, astrictus culpæ suæ vinculis, in quibusdam ei etiam nolēs seruit, & clamores in mente patitur, cum caro spiritui reluctatur. An non clamores intrinsecus audiebat, qui prauæ contra se legis verba tolerabat, dicens: Video aliam legem in membris meis repugnantem legi mētis meæ, & captiuum me dūcentem in legem peccati, quæ est in membris meis? Contempletur ergo vir sanctus in quāta cordis pace quiesceret, si serpentis verba suscipere homo noluisset, & dicat: *Nunc enim dormiens silem, & somno meo requiescerem,* id est, intra mentis secretum ad cōditoris contemplationem secēderem: nisi me extra me tentationum tumultibus consensus primæ culpæ prodidisset. Huius autem quietis gaudiis cum quibus etiam fociis perfrueretur, adiungit dicens:

Quod per reges & consules, sanctos velut angelos intelligi, cum quibus homo cōuenisset ab initio, nisi ipse onus peccati voluntariē sumpsisset.

Capit. XXVII.

31.

Cum regibus & consulibus terræ.) Ex rebus insensibilibus discimus, quid de sensibilibus atque intelligibilibus sentiamus. Terra nanque aëre fecundatur, aër autem ex cœli qualitate disponitur. Sic iumentis homines, hominibus angeli, archangeli verō angelis præsunt. Nam quod iumentis homines præsint, & vsu cernimus, & verbis Psalmistæ docemur, qui ait: Omnia subiecisti sub pedib⁹ eius, oues & boues vniuersas, insuper & pecora cāpi. Quia verō hominibus angeli præsint, per Prophetam testatur angelus dicēs: Princeps regni Perfarū restitit mihi. Quod verō angeli à superiorum angelorū potestatibus dispēsuntur, Zachariās propheta perhibet, qui ait: Ecce angelus qui loquebat in me, egrediebatur, & angelus alius egrediebatur in occursum eius, & dixit ad eum: Curre & loquere ad puerum istum, dicens: Absque muro habitabitur Hierusalē. Si enim in ipsis officiis sanctorū spirituum nequaquā potestates summæ minimas dispone-

Psalm. 8.

Danic. 10.

Zach. 2.

rent: nullo modo hoc quod homini diceret angelus, ab angelo cognouisset. Quia igitur cunctorum conditor, omnia per semetipsum tenet, & tamen ad distinguendum pulchrę vniuersitatis ordinem, alia aliis dispensantibus regit, non immeritō reges, angelorum spiritus accipimus, qui quod auctori omnium familiarius seruiunt, eō subiecta potius regunt. Cum regibus ergo dormiret: quia nimirum iam cum angelis homo quiesceret, si persuasoris linguā sequi noluisset. Qui bene etiam consules vocantur, quia spiritali reipublicæ consulunt, dum nos sibi ad regnum socios iungunt. Bene consules vocantur: quia dum ipsis nuntiāntibus voluntatem conditoris agnoscimus, in eis procul dubio consultum ab hac angustia nostræ tribulationis inuenimus. Sed quia beatus Iob sancto æternitatis spiritu impletur, & fuisse vel futurū esse eternitas non habet, cui nimirum nec præterita transeunt, nec quæ futura sunt veniunt: quia cuncta per præsens videt, potest futuros prædicatores Ecclesiæ in præsencia spiritus contemplari, qui postquam de corporibus transeunt, nequaquā per morarum spatia, sicut antiqui patres, à cœlestis patrię perceptione differuntur. Mox quippe vt à carnis colligatione exeunt, in cœlesti sede quiescunt, Paulo attestante, qui ait: Scimus quoniam si terrestris domus nostra huius habitationis dissoluatur, quod ædificationem ex Deo habemus, domum non manufactam, æternam in cœlis. Prius autem quā Redemptor noster morte sua, humani generis pœnam solueret, eos etiam qui cœlestis patriæ vias sectati sunt, post egressum carnis, inferni caustra tenuerunt: non vt pœna quasi peccatores plecteret, sed vt eos in locis remotioribus quiescentes, quia necdum intercessio mediatoris aduenerat, ab ingressu regni, reatus primæ culpæ prohiberet. Vnde iuxta eiusdem redemptoris nostri testimonium, diues qui apud inferos torquetur, in sinu Abrahæ requiescere Lazarum contemplatur. Qui profectō si adhuc in imis non essent, hos ille in tormentis positus non videret. Vnde & idem redemptor noster pro nostræ culpæ debito occumbens, inferna penetrat, vt suos qui ei inhæserant, ad cœlestia reducat. Sed quō nunc homo redemptus ascēdit, illuc profectō si peccare noluisset, etiam sine redemptione pertingeret. Consideret ergo vir sanctus, quia si non peccasset, illuc etiam non redemptus ascenderet, ad quod prædicatores sanctos, post redemptionem necesse est cum magno labore peruenire. Et cum quibus iam nunc quiesceret, insinuet dicens: *Cum regibus & consulibus terræ.* Reges quippe sunt sancti prædicatores Ecclesiæ, qui & commissos sibi rectē disponere, & sua bene regere corpora sciunt, quia dum desideriorum motus in se temperant, super subiectis cogitationibus lege virtutis regnant. Qui bene etiam terræ consules vocantur. Reges enim sunt, quia sibimet ipsis præsident: terræ autem consules, quia extinctis peccatoribus, vitæ præbent consultum. Reges sunt, quia semetipsos regere sciunt: terræ autem sunt consules, quia terrenas mentes per exhortationis suæ consilium, ad cœlestia pertrahunt. An terræ consul non erat qui dicebat: De virginibus autem præceptum Domini non habeo, consilium autem do? Et iterum: Beatior erit, si sic permanferit, secundū consilium meum. Bene autem subditur:

Quod serui tranquillas animas habeant, filij vero mundi huius densis cogitationum tumultibus in corde vexentur. Capit. XXVIII.

Qui edificat sibi solitudines.) Omnes enim qui vel illicita appetunt, vel in hoc mundo videri aliquid volunt, densis cogitationum tumultibus in corde cōprimuntur. Dumq; desideriorum turbas intra se excitant, prostratam mentē pede misera frequentationis calcant. Alius nanque iuri se luxuriæ subdit, atque ante mentis oculos schemata turpium perperationum fingit: & cum effectus nō tribuitur operis, hoc crebrius agitur intentione cogitationis. Voluptatis perfectio quæritur, & concussus eneruiter animus, hincinde & sollicitus & cæcatus, occasionem nequissimæ expletionis rimatur. Mens itaque hæc, quasi quendā populum patitur, quę insolēti cogitationū tumultu vastatur. Alius ire se dominio strauit, & quid in corde, nisi iurgia etiā quæ defunt, peragit? Hic sepe præsentes non videt, absentibus contradicit, intra semetipsum contumelias profert & recipit, receptis autem durius respondet:

32

2. Cor. 5.

Luc. 16.

33

1. Cor. 7.

respondet: & cum qui obuiet nullus absit, magnis clamoribus rixas in corde componit. Turbam itaque hic intus sustinet, quem pondus vehemens inflammatæ cogitationis premit. alius iuri se auaritiæ tradit, & fastidians propria, aliena concupiscit. Hic plerumque concupita adipisci non valens, diem quidem in otium, noctem verò in cogitationem versat: torpet ab vtili opere: quia fatigatur illicita cogitatione, consilia multiplicat, & sinum mentis cogitationum inuentionibus latius expandit: peruenire ad concupita satagit, atque ad obtinenda hæc quosdā secretissimos causarum meatus querit. Qui mox ut in causa aliquid subtile inuenisse se æstimat, iam se obtinuisse quod concupierat, exultat: iam quid etiam adeptæ rei adiungat, excogitat, atque ut in meliori statu debeat excoli pertractat. Quam quia iam quasi possidet, & quasi ad meliorem speciem adducit: mox insidias invidentium considerat, & quid contra se iurgij moueatur, pensat, & exquirat quid respondeat: & cum rem nullam teneat, iam in defensione rei quam appetit, vacuus litigator elaborat. Quauis enim de concupita re nihil ceperit: habet tamen in corde iam fructum concupiscentiæ, laborem rixæ. Graui itaque populo premitur, qui instigatis auaritiæ tumultu vastatur. Alius se tyrānidi superbiæ subiicit, & cor miserū, dum cōtra homines erigit, vicio substernit. Honorum sublimium infulas appetit, exaltari successib⁹ exquirat, totūque quod esse desiderat, sibi apud semetipsum in cogitationibus depingit: iam quasi tribunali presidet, iam sibi parere obsequia subiectorū videt, iam cæteris eminet, iam aliis mala irrogat, aliis quæ irrogauerint, recōpensat. Iam apud semetipsum stipatus cuneis ad publicum procedit: iam quibus obsequiis fulciatur, conspiciat, qui tamē hæc cogitans solus repetit: iam alia conculcat, alia subleuat: iam de conculcatis satisfacit odiis, iam de subleuatis recipit fauores. Qui igitur tot phantasmata cordi imprimit, quid aliud iste quā somnium vigilans videt? Qui ergo tot rerum causas quas fingit, tolerat, nimirum intus insecus natus ex desiderii turbas portat. Alius iam illicita refugit, sed tamē bonis mundi carere pertimescit: cōcessa tenere appetit, videri inter homines minor erubescit, & curat summopere ne inops sit in domo, ne despectus in publico. Exquirat quid sibi sufficiat: quid necessitas subiectorum petat, atque ut sufficienter iura patronatus subditis expleat, patronos querat, quibus ipse famuletur, sed dum his familiariter iungitur, eorum proculdubio causis implicatur, quibus sæpe consentit in illicitis, & mala quæ propter semetipsum non appetit, committit propter alia quæ non derelinquit. Nam sæpe dum honorem suum in hoc mundo imminui trepidat, ea apud maiores personas approbat, quæ per proprium iudicium damnat. Is dum sollicitè cogitat quid patronis debeat, quid subiectis, quid sibi augeat, quid affectibus prosit, quasi tanta frequentia turbarum premitur, quanta curarum importunitate laceratur.

At contrā sancti viri, qui nihil huius mundi appetunt, nullis proculdubio in corde tumultibus premuntur: omnes quippe inordinatos desideriorum motus à cubili cordis, manu sanctæ considerationis eiiciunt: & quia transitoria cuncta despiciunt, ex his nascentes cogitationum insolentias nō patiuntur: solam nanque æternam patriam appetunt, & quia nulla huius mundi diligunt, magna mentis tranquillitate perfruuntur. Vnde & rectè dicitur: *Qui ædificant sibi solitudines.* Solitudines quippe ædificare, est à secreto cordis, terrenorum desideriorum tumultus expellere: & vna intentione æternæ patriæ, in amorem intimæ quietis anhelare. An non cunctos à se cogitationum tumultus expulerat, qui dicebat: Vnā petij à domino, hanc requiram, ut inhabitē in domo Domini omnibus diebus vitæ meæ? A frequentia quippe terrenorum desideriorum fugerat, & ad magnam videlicet solitudinem semetipsum contulerat, vbi eō tutius nihil extraneum conspiceret, quod incompetens nihil amaret. A tumultu rerū corporalium magnum quendam secessum petierat quietam mentem, in qua tantò purius Deum cerneret, quāto hūc cum se solo solum inueniret. Bene autem hi qui sibi solitudines construunt, etiam consules vocantur: quia sic in se solitudinem mentis ædificant, ut tamen, in quo prævalent, aliis per charitatē consulere minimè desistant. Hunc ergo quem modo prætulimus consulem, paulò subtilius perpendamus, quod

Tomus primus.

A modo ad præbenda vitæ sublimioris exempla, subiectis populorum cuneis, virtutum calculos spargat. Ecce ad insinuandā retributionem boni pro malo, de semetipso fatetur, dicens: *Si reddidi retribuētibus mihi mala, decidam meritò ab inimicis meis inanis.* Ad dilectionem conditoris excitandam insinuat dicens: Mihi autem adhærere Deo, bonum est. Ad formam sanctæ humilitatis imprimendam, secreta cordis sui indicat dicens: Domine non est exaltatum cor meum, neque elati sunt oculi mei. Ad imitandam zeli rectitudinem exemplo suo nos excitat, dicens: Nōne qui oderunt te Domine oderam, & super inimicos tuos tabescebam? Perfecto odio oderam illos, & inimici facti sunt mihi. Ad æternæ nobis patriæ desiderium succendendum, vitæ præsentis longitudinem deploreat, dicens: Heu mihi quia incolatus meus prolongatus est. Largitate nimirum consulatus emicuit, qui exemplo conuersationis propriæ, tot nobis virtutum calculos sparfit. Sed iste t aliis consulens quomodo sibi etiam solitudinem ædificet, narrat. Ait enim: Ecce elongati fugiens, & mansi in solitudine. Fugiens se elongat, quia à turba desideriorum temporalium in altam Dei contemplationem se subleuat. Manet verò in solitudine, quia perseverat in remota mentis intentione. De qua bene solitudine Domino Hieremias ait: A facie manus tuæ solus sedebam, quoniam comminatione replesti me. Facies quippe manus Dei, est illa percussio iusti iudicii, qua superbientem hominem à paradiso repulit, & in hac cæcitate præsentis exilij inclusit. Comminatio verò eius, est terror adhuc supplicij sequentis. Post faciem igitur manus adhuc nos minæ terrificant: quia per experimentum iudicii iam nos & pœna præsentis exilij percudit: & si peccare nō desistimus, æternis adhuc suppliciis addicit. Cōsideret ergo vir sanctus, proiectus huc, vnde homo ceciderit, atque hūc post ista peccantem, quod adhuc iustitia iudicantis rapit, & cunctas à se desideriorum temporalium turbas eiiciat, seque in magna mentis solitudine abscondat dicens: A facie manus tuæ solus sedebam: quoniam comminatione replesti me. Ac si aperte dicat: Dum considero quid iam per iudicii experimentum patior à tumultu desideriorum temporalium, trepidus mētis secessum peto, quia & adhuc illa acius quæ minaris, æterna supplicia formido. Bene ergo de regibus atque consulibus dicitur: *Qui ædificant sibi solitudines.* Quia hi qui & se bene regere, & consulere aliis sciunt: quoniam præsentari interim illi intimæ quieti non possunt, hanc apud semetipsum per studium tranquillæ mentis imitantur. Sequitur: *Cum principibus qui possident aurum, & replent domos suas argento.* Quos alios principes, nisi sanctæ Ecclesiæ rectores vocat, quos indefinenter in loco prædicatorum præcedentium diuina dispensatio subrogat? De quibus eidem Ecclesiæ Psalmista ait: Pro patribus tuis nati sunt tibi filij: constitues eos principes super omnem terram. Quid verò aurum, nisi sapientiam appellat? de qua per Salomonem dicitur: Thesaurus desiderabilis requiescit in ore sapientis. Aurum nempe sapientiam vidit, quam thesaurum vocauit. Quæ & rectè auri appellatione signatur: quia sicut auro temporalia, ita sapientia bona æterna mercantur. Si aurum sapientia non esset, nequaquam Laodicæ Ecclesiæ ab angelo diceretur: Suadeo tibi emere à me aurum ignitum. Aurum quippe emimus, cum accepturi sapientiam, prius obedientiam præbamus. Ad quem videlicet contractum bene nos quidem sapiens excitat, dicens: Concupisti sapientiam, serua mandata: & dominus præbebit illam tibi. Quid autem per domos, nisi conscientia designantur? Vnde sanato cuidam dicitur: Vade in domum tuam. Ac si aperte audiat: Post exterius miraculum ad conscientiam reuèrtere: & qualem te intrinsecus Deo debeas exhibere, perpende. Quid etiam per argentum, nisi diuina eloquia figurantur, de quibus per Psalmistam dicitur: Eloquia Domini eloquia casta, argentum igne examinatum. Eloquium Domini argentum igne examinatum dicitur: quia sermo Dei si in corde figitur, tribulationibus probatur. Vir sanctus spiritu æternitatis plenus, quæque futura sunt colligat: & quos longè pōst futura secula gignerent, laxato mentis sinu comprehendat, & magna admiratione consideret: cum quibus electis sine labore in æternitate quiesceret, si per appetitum superbiæ nemo peccasset, & dicat: Nunc enim dormiens silerem, & somno meo red ij

Psalm. 7.

Psalm. 72.

Psalm. 130.

Psalm. 138.

Psalm. 119.

35.

† al. iste con-

sul, an sibi

etiam.

Psalm. 54.

Hier. 15.

Psalm 44.

Prover. 21.

Apoc. 2.

Matt. 9.

Psalm. 130.

36.

Somniū vi-
gilans vi-
det.

34.

Quid ædi-
ficare solitu-
dines.

Psalm. 26.

Solitudines
construunt
etiam consules
vocantur.

quiescerem cum regibus, & consulibus terræ: qui ædificant sibi solitudines, aut cum principibus qui possident aurum, & replent domos suas argento) Quia enim si parentem primum nulla peccati putredo corrumpere, nequaquam ex se filios gehennæ generaret: sed hi qui nunc per redemptionem saluandi sunt, soli ab illo electi nascerentur, eosdem electos aspiciat, atque cum eis quomodo quiescere potuisset, intendat. Videat sanctos Apostolos sic susceptam Ecclesiam regere, ut ei prædicationis verbo non desinant consultum præbere, eosque reges & consules appellet. Videat post hos in eorum loco rectores exurgere: qui & sapienter viuendo aurum possideant, & aliis recta prædicando, argento sacræ locutionis enitescant: eosque principes repletis conscientiarum domibus auro & argento diuites memoret. Sed quia aliquando prophetico spiritui nequaquam sufficit, ut ventura præuideat, nisi cordi prophetantis etiam præterita, & antiqua repræsentet, sanctus vir infra supràque oculos aperit, & non solum ventura conspicit, sed etiam transacta ad memoriam reducit. Nam protinus adiungit:

Quod primi seculi patres abortiuos dicat: quia præter paucos, quos Moyses scripsit, maxima pars nobis humani generis occultatur.

Caput XXX.

A *Ut sicut abortiuum absconditum non subsisterem: vel qui concepti non viderunt lucem.*) Abortiuum, quia ante plenum tempus oritur, extinctum protinus occultatur. Quos ergo sanctus vir alios abortiuos vocat, cum quibus se quiescere potuisse considerat, nisi electos quosque, qui ab ipso mundi primordio ante redemptionis tempus exorti sunt, & tamē huic mundo semetipsos mortificare curauerunt? Qui conscriptę legis tabulas nō habētes, quasi * in vtero mortui sunt: quia auctorem suum naturali lege timuerunt: & cum venturum mediatorem crederēt, studuerūt summo opere mortificandis voluptatibus, etiā quæ scripto non acceperant præcepta seruare. Tempus itaque illud quod iuxta mundi initium mortuos huic seculo patres nostros protulit, quasi abortiuū vterus fuit. Ibi nāque Abel, qui occidenti se fratri restitisse non legitur. Ibi Enoch, qui talē se exhibuit, ut ambulaturus cū Domino trāferretur. Ibi Noë, qui per hoc quod diuino exāmini placuit, immundo mundo superstes fuit. Ibi Abrahā, qui dum peregrinus est in seculo, factus est amicus Deo. Ibi Isāac, qui caligantibus carnis oculis, per ætatem quidē præsentia nō vidit, sed per virtutē prophetici spiritus, in futuris etiā seculis magna videndi luce radiavit. Ibi Iacob, qui iram fratris humiliter fugit, clementer edomuit: qui prole quidē sæcūdus extitit, sed tamen spiritus vbertate sæcundior, candē prolem sub prophetiæ suę vinculis astrinxit. Bene autem abortiuū hoc absconditū dicitur: quia à mūdi primordiis dum quosdā paucos Moyses scribente cognoscimus, pars nobis maxima humani generis occultatur. Neque enim tot iustos solummodo vsque ad acceptā legem extitisse credendum est, quot Moyses breuissima descriptione perstrinxit. Quia ergo à mundi primordio edita multitudo bonorum, ex magna parte notitiæ nostræ subtrahitur: absconditum hoc abortiuum vocatur. Quod & non substituisse dicitur: quia enumeratis paucis, eorum frequentia nullo apud nos memoriæ scripto retinetur. Rectē verō additur: *Vel qui concepti non viderunt lucem.*)

Hi namque qui post acceptam legem in hoc mundo nati sunt, auctori suo eiusdem legis sunt admonitione concepti sed tamen concepti minimē lucem viderunt: quia ad aduentum incarnationis dominicæ, quanuis hanc fideliter crederent, peruenire nequiverunt. Incarnatus quippe Dominus dicit: Ego sum lux mundi. Atque ipsa lux ait: Multi Prophetæ & iusti desiderauerunt videre quæ videtis, & non viderunt. Concepti igitur non viderunt lucem: quia ad spem venturi mediatoris, apertis prophetarum vocibus excitati, nequaquam potuerunt cernere eius incarnationem. In his itaque conceptus interior formam fidei edidit: sed hanc vsque ad apertam visionem diuinæ præsentia non perduxit: quia prius hos à mundo mors interueniens rapuit, quàm manifesta veritas mundum illustravit. Vir igitur sanctus spiritu æternitatis plenus, manu cordis cuncta labentia ad memoriam astrinxit: & quia angusta est omnis creatura creatori,

E per eundem spiritum qui nil ex se, vel iuxta se aliud, nisi semper esse habet, omne quod erit, quod præterit, conspicit: ac infra supràque mentis oculum tendit, & venientia vel transacta considerans, ad æternum esse medullitus inardescit, dicens: Nunc enim dormiens silerem.) Nunc quippe præsentis est temporis. Et quid est stantem semper in præsentī quietem quærere, nisi ad illud cui nihil venit, nihil præterit, gaudium æternitatis anhelare? Quod nimirum veritas semper esse suum, ut nobis utcumque infunderet, Moysē mediante infundat, dicens: Ego sum qui sum. Et dices filiis Israhel: Qui est, misit me ad vos. Sed ecce quia labentia conspicit, quia semper præsens gaudium quærīt, quia venturæ lucis memorat, quia electorum eius ordines enumerans pensat: ipsam iam nobis apertius quietem huius lucis insinuat, & quid apud illam quotidie de prauorum conuersatione agitur, verbis manifestioribus demonstrat. Sequitur:

Quod in luce quæ deus est, nec est tumultus concupiscentiarū, nec labor peccati, sed munditia mentis, & pacifica quies.

Caput XXX.

I *Bi impij cessauerunt à tumultu: & ibi requieverunt fessi robore.*) Paulō antē iam diximus, quia corda peccantium per hoc quod strepitus desideriorum possidet, grauis cogitationum instigantium tumultus premit. Sed in hac luce quam concepti minimē viderūt, à tumultu suo impij cessare perhibentur: quia nimirum mediatoris aduentum, quem patres in lege positi diu præstolati sunt, ad vitæ suæ requiem populi gentiles inuenerunt, Paulo attestante, qui ait: Quod quarebat Israhel, hoc non est consecutus, electio autem consecuta est. In hac itaque luce impij à tumultu cessant, dum peruerforum mentes veritate cognita laboriosa mundi desideria fugiunt, & tranquillitati intimi amoris acquiescunt. An non ad cessationem vocat lux ipsa, quæ ait: Venite ad me omnes qui laboratis & onerati estis, & ego reficiā vos: tollite iugum meū super vos, & discite à me quia mitis sum, & humilis corde, & inuenietis requiem animabus vestris: iugum enim meum suauē est, & onus meum leue? Quid enim graue mentis nostræ cervicibus imponit, qui vitari omne desiderium quod perturbat præcipit? Quid graue subiectis iubet, qui declinare laboriosa mundi huius itinera admonet? Attestante autē Paulo apostolo: Christus pro impiis mortuus est. Sed idcirco dignata est pro impiis lux ipsa occubere, ne impij in tenebrarum suarum tumultu remanerent. Contempletur ergo vir sanctus quod lux per incarnationis suæ mysterium ex graui labore impios eripit, dum ab eorū cordibus desideria prauitatis tergit: contempletur quod conuersi quique quietē quam percipere in æternitate desiderant, hic iam per tranquillitatem mētis degustāt, & dicat: *Ibi impij cessauerunt à tumultu, & ibi requieverunt fessi robore.*) Omnes enim qui in hoc mundo fortes sunt robore, quasi fortes sunt, non robore defessi. Qui verō in auctoris sui amore roborantur, quod magis in concupita Dei fortitudine conualescunt, eō à propria virtute deficiunt. Et quod robustius æterna appetunt, eō à temporalibus salubri defectio nelassantur. Hinc Psalmista amoris sui robore fessus dicebat:

H Defecit in salutare tuū anima mea. In salutare enim Dei proficiendo defecerat, quia æternitatis lucē desiderās, à carnis iam fiducia fractus anhelabat. Hinc rursū dicit. Concupiuī, & defecit anima mea in atria Domini. Qui nimirū cum diceret: concupiuī, rectē subdidit: Et defecit. Quia valde minor est diuinitatis concupiscentia, quam nō mox etiam proprius sequitur defectus. Qui enim ad appetenda æternitatis atria acceditur, dignū profectū est, ut ab hoc temporalitatis amore lassetur: ut tantō frigescat ab studio seculi, quātō surgit ardentior in amorem Dei. Quem scilicet si perfectē arripit, mundum etiā plenē derelinquit: & eō funditus temporalibus moritur, quod ad supernam vitam altius afflatu æternitatis animatur. An nō robore suo fessam se inuenerat, quæ dicebat: Anima mea liquefacta est, ut dilectus locutus est? Quia nimirū mens dum occulte locutionis aspiratione tægitur, à statu suę fortitudinis infirmata, ipso quo absorbetur desiderio liquatur: inde se apud semetipsam fessā inuenit, unde ultra se esse cōspicit fortitudinē quam cōscendit. Hinc Propheta cum visionē Dei se conspexisse diceret, adiungit: Elāgui & ægrotavi per dies plurimos: quia cum ad virtutē Dei mens astringitur, à fortitudine

* vel ab.

Gene. 4.

Gene. 5.

Gene. 9.

Gene. 17.

Gene. 27.

Gene. 28.

37.

Ioan. 8.

Matth. 13.

38.

Exo. 3.

39.

Roma. 11.

Matth. 11.

Roma. 8.

Psalm. 118.

Psalm. 84.

Can. 1.

Daniel. 1.

40. Gene. 32. tudine propria caro lassatur. Hinc Iacob qui angelum tenuit, vno mox pede claudicauit: quia qui verò amore sublimia respicit, iam in hoc mundo duplicibus incedere desideriis nescit. Vno enim pede innititur, qui solo Dei amore roboratur: & necesse est vt alius marcescat, quia mentis virtute crescente, oportet proculdubio vt carnis fortitudo torpescat. Beatus igitur Iob alta fidelium corda respiciat, atque perpendat quem finem intimæ quietis inueniunt, dum à viribus propriis in Deum proficiendo lassantur, & dicat: Ibi requieverunt fessi robore. Ac si apertè insinuet, dicens: Illic requies lucis remunerat, quos hîc interius recreans perfectus fatigat. Nec mouere debet quod lucem nominans nequaquam subdit in hac, sed ibi. Quam enim continere electos conspiciat, quasi locum nostrum hanc esse deprehendit. Vnde Psalmista cum incommutabilitatem æternitatis aspiceret, dicens: Tu autem idem ipse es, & anni tui non deficient: hunc electorum locum esse denuntiat, subdens: Filij seruorum tuorum inhabitabunt ibi. Deus enim qui sine situ omnia cõtinet, nobis ad se venientibus locus nō localis manet. Quem locum dum pertingimus, etiam ipsa in hac vita mentis nostrę tranquillitas, quanta fuerit perturbatio videmus: quia etsi iam iusti in prauorum comparatione quieti sunt, in æstimatione tamen quietis intimæ omnimodo quieti non sunt. Vnde & bene subditur: *Et quondam vincti pariter sine molestia.* Iustos enim quauis nullus desideriorum carnalium tumultus possideat, duris tamen vinculis eos in hac vita positos, suæ molestia corruptionis ligat. Scriptum quippe est: Corpus quod corrumpitur, aggrauat animam: & deprimit terrena inhabitatio sensum multa cogitantem. Eo itaque ipso quo adhuc mortales sunt, corruptionis suæ pondere grauantur, & astricti molestia vincti sunt: quia in illa adhuc libertate vitæ incorruptibilis non exurgunt. Aliud nanque de mente, aliud de corpore tolerant: & contra semetipsos quotidie interno certamine defudant. An non duro molestiæ vinculo ligantur, quorum nimirum mens sine labore in ignorantia soluitur, & non nisi cum studio laboris eruditur? Quæ coacta erigitur, libēs iacet, ab infimis vix leuatur: & tamē eleuata protinus labitur, semetipsam laboriosè vincendo, superna cōspicit, sed reuerberata, lumē quod se irradiauerat refugit. An nō duro molestiæ vinculo ligantur, quos cū accēsus spiritus ad finem pacis intimæ pleno desiderio pertrahat, seruēte certamine caro perturbat? Quæ etsi iam ante faciem velut ex aduerso acie erecta nō obuiat, adhuc tament à mētis dorso, quasi capiti submurmurat, & quāuis timendo, sed tamen turpi strepitu, in corde speciem pulchræ quietis fœdat. Electi igitur etsi valenter omnia superāt, cū securitatem pacis internæ desiderāt, grauis eis est molestia, adhuc habere quod vincāt. Quibus exceptis, etiam ea vincula sustinent, quæ grauis exterius necessitas astringit. Esurire quippe, sitire, lassescere, vincula corruptionis sunt: quæ scilicet solui nequeunt, nisi cū in illā immortalitatis gloriam nostra mortalitas permutatur.

41. Replemus etenim refectioibus corpus, ne extenuatum deficiat: extenuamus abstinentia, ne nos repletum premat. Vegetamus hoc motibus, ne situ immobilitatis intreat: sed citius hoc collocando sistimus, ne ipsa sua vegetatione succumbat. Adiuuentis hoc vestiū tegimus, ne frigus interimat: & quæ sita adiumenta proiciamus, ne calor exurat. Tot igitur diuersitatibus occurrentes, quid agimus, nisi corruptibilitati seruimus: vt saltē multiplicitas impenſi obsequij corpus sustineat, quod anxietas infirmæ mutabilitatis grauat? Vnde bene per Paulum dicitur: Vanitati enim subiecta est creatura non volens, sed propter eū qui subiecit eā in spe: quia & ipsa creatura liberabitur à seruitute corruptionis, in libertatē glorię filiorū Dei. Vanitati quippe creatura nō volens subditur: quia homo qui ingenitæ cōstantię statum volens deseruit, pressus iustē mortalitatis pōdere, nolēs mutabilitatis suæ corruptioni seruit. Sed creatura hæc tunc à seruitute corruptionis eripitur, cū ad filiorum Dei gloriā incorrupta resurgēdo subleuatur. Hic itaque electi molestia vincti sunt: quia adhuc corruptionis suæ pœna deprimunt. Sed cū corruptibili carne exuimur, quasi ab his quib⁹ nūc astringimur, molestiæ vinculis relaxamur. Præsentari nanq; iam Deo cupimus, sed adhuc mortalis corporis obligatione præpedimur. Iure ergo vincti

Tomus primus.

A dicimur: quia adhuc incessum nostri desiderij ad Deum liberum non habemus. Vnde bene Paulus æterna desiderans, sed tamen adhuc corruptionis suæ sarcinam portans, vinctus clamat: Cupio dissolui, & esse cum Christo. Dissolui enim non quæreret, nisi se procul dubio vinctum videret. Hæc autem vincula quia certissimè rumpēda in resurrectione conspexerat, iam quasi rupta gaudebat Propheta, cū diceret: Dirupisti vincula mea, tibi sacrificabo hostiam laudis. Contempletur itaque sanctus vir, quod conuersos peccatores lux interna recipiat, & dicat: Ibi impij cessauerunt à tumultu. Contempletur quod sancti viri desiderij exercitatione fatigati, altius in illo intimo sinu requiescant, & dicat: *Et ibi requieverunt fessi robore.* Contempletur quod cunctis simul corruptionis suæ vinculis absoluti, ad illa libertatis gaudia incorrupta perueniant, & dicat: *Et quondam vincti pariter sine molestia.* Bene autem dicitur: quondā vincti: quia dū illa semper præsens lætitia cernitur, omne quod erit & defluit, quasi præteritum iam videtur. Dum enim rerum finis attenditur omne quod præterit, quasi iam fuisse pensatur. Sed omnes hi quos illuc quies interna suscipiet, hîc in terra quid egerint narret. Sequitur:

Quod diabolus exactor intelligatur, & quod in paruis & magnis, seruis & liberis secundum distinctionem meritorum, accipienda sit in retributione sanctorum, distinctio dignitatum.

Caput XXXI.

N On ex audierunt vocem exactoris. Quis alius debet nomine exactoris intelligi, nisi importunus ille persuasor, qui humano generi semel deceptionis nummum cōtulit, & adhuc quotidie expetere mortis debitum non desistit: qui in paradiso homini peccanti pecuniam commodauit: sed iniquitate crescente, hanc quotidie cum vsuris exigit? De quo exactore in Euangelio veritas dicit: Et iudex tradet te exactori. Huius igitur exactoris vox, est tentatio miseræ suggestionis. Audimus autem vocem exactoris, cū eius tentatione pulsamur, sed non exaudimus, si pulsanti resistimus. Audit enim qui tentationem sentit: exaudit verò, qui tentationi cōsentit. Dicatur itaque de iustis: Non exaudierunt vocem exactoris: quoniam suggestionem eius etsi audiunt, quia tentantur, non exaudiunt, quia consentire contemnunt. Sed quia quod valde mens amat, etiam in sermone sapius replicat beatus Iob, qui internæ pacis frequentiam diligens conspiciat, descriptioni eius iterum inseruit, dicens: *Paruus & magnus ibi sunt: & seruus liber à domino suo.* Quia in hac vita vobis est discretio operum, erit in illa proculdubio discretio dignitatum: vt quod hîc alius alium merito superat, illic alius alium retributione transcendat. Vnde in Euangelio veritas dicit: In domo patris mei mansiones multæ sunt. Sed in eisdem multis mansionibus erit aliquo modo ipsa retributionum diuersitas concors: quia tanta vis amoris in illa pace nos sociat: vt quod in se quisque non acceperit, hoc se accepisse in alio exultet. Vnde & non æquē laborantes in vinea, æquē cuncti denarium sortiuntur. Et quidem apud patrem mansiones multæ sunt, & tamen eundem denarium dispares laboratores accipiūt: quia vna cunctis erit beatitudo lætitiæ, quauis non vna sit omnibus sublimitas vitæ. Paruum & magnum in hac luce conspexerat, qui ex voce capitis dicebat: Imperfectum meum viderunt oculi tui, & in libro tuo omnes scribentur. Paruum & magnum conspexerat, cū dicebat: Benedixit omnes timentes se Dominus, pusillos cum maioribus. Bene autē subditur: *Et seruus liber à domino suo.* Scriptum quippe est: Omnis qui peccat, seruus est peccati: quia nimirum quisquis se prauo desiderio subiicit, iniquitatis dominio dudū libera mentis colla supponit. Sed huic dominio cōtradiciamus, cū iniquitati quę nos cepērat reluctamur: cū consuetudini violētē resistimus, & desideria peruersa calcātes contra hanc ius nobis libertatis ingenitę vēdicamus: cū culpā pœnitēdo percutimus, & maculas fordium fletibus lauamus. Plerumque autem iam mens quidem quod se peruersē egisse meminit, deplorat: iam prauē acta nō solum deserit, sed amarū sinis etiam lamentis punit: & tamen dum eorum quæ egit reminiscitur, grauitur iudicij pauore terretur. Iam se perfectē cōuertit, sed adhuc se perfectē in securitatem nō erigit: quia dum quanta sit distinctio extremi examinis pensat, inter spem formidinēque sollicita trepidat: quia iudex iustus veniēs, quid de perpetratis reputet, quid

d iij

relaxet, ignorat. Nam quàm praua commiserit meminit: sed an commissa dignè fleuerit, nescit: ac ne culpæ immanitas modum pœnitentiæ trāseat, metuit. Et plerunque culpā iam veritas relaxat, sed mens afflictā adhuc de venia, dum valde sibi est sollicita, formidat. Seruus ergo hic iam fugit dominum, sed non est: quia peccatum suum homo iam corrigendo & pœnitendo deferit, sed tamen adhuc districtum iudicem de eius retributione pertimescit. Ibi ergo seruus à domino liber erit, ubi iam de peccati venia dubietas non erit. Ibi iam securam mentem culpæ suæ memoria non addicit, ubi non sub reatu animus trepidat, sed de eius indulgentia liber exultat. Sed si nulla ibi homo peccati sui memoria tangitur, ereptum se vnde gratulatur? Aut quomodo largitori gratias refert de venia quam accepit, si interueniente obliuione transactæ nequitia, pœnæ se esse debitorem nescit? Neque enim neglectè prætereundum est quod Psalmista ait: Misericordias tuas Domine in æternum cantabo. Quomodo enim Dei misericordias in æternum cātat, qui se fuisse miserum ignorat? Et si miseriæ transactæ non meminit, vnde largitori misericordiæ laudes reddit? Sed rursus querendum est, quomodo electorum mens perfecta esse in beatitudine poterit, si hanc inter gaudia memoria sui reatus tangit? Aut quomodo perfectæ lucis clarescit gloria, quam reducta ad animum obumbrat culpa? Sed sciendum est, quia sicut sæpe nunc tristium læti reminiscimur, ita tunc, transactæ nequitia sine læsione nostræ beatitudinis recordamur. Plerunque enim incolumitatis tempore ad memoriam dolores præteritis sine dolore reducimus: & quod agros nos recolimus, eò nos incolumes plus amamus. Erit ergo & in illa beatitudine culpæ memoria, non quæ mentem polluat, sed quæ nos arctius lætitiæ astringat: vt dum doloris sui animus sine dolore reminiscitur, & debitorem se medico verius intelligat, & eò magis acceptam salutē diligat, quod molestia meminit quam euasit. In illa itaque lætitia sic tunc sine tædio mala nostra conspiciamus, sicut nunc in luce positi, sine vlla cordis caligine omnino tenebras videmus: quia etsi obscurum est quod mēte cernimus, de iudicio est hoc luminis, nō de passione cæcitat. Et in æternum ergo laudes misericordiæ largitori nostro referimus, & nequaquā miseriæ cōscientiæ grauamur: quia dum mala nostra sine aliquo mētis malo respicimus, & nunquā erit quod corda laudatium de transactis iniquitatibus polluat, & semper erit quod hæc ad laudem liberatoris accendat. Quia ergo internæ lucis requies sic in se magnos subleuat, vt tamen paruulos nō derelinquat, dicatur rectè: *Paruus & magnus ibi sunt.* Quia autē sic ibi cōuersi peccatoris animus culpæ suæ memoria tægitur: vt tamē nulla eiusdem memoriæ cōfusione deprimat, congruè subiungitur: Et seruus liber à domino suo.

Libri quarti Moralium sancti Gregorij finis.

B. GREGORII EXPOSITIONIS MORALIS IN

B. Iob, liber quintus, continuans Tertium caput vsque in finem, & Quartum inchoans.

Quid sit quod in hac vita nonnunquam bonis malè sit, & malis bene.

Caput. I.



De oculis
Dei indi-
catis.

Vm valde occulta sint iudicia diuina, cur in hac vita nonnunquam bonis sit malè, & malis bene: tunc occultiora sunt cum & bonis hic bene est, & malis malè. Nam cum bonis hic malè est, & malis bene, hoc fortasse deprehenditur: quia & boni si qua deliquerunt, hic recipiunt, vt ab æterna plenius damnatione liberentur: & mali bona quæ pro hac vita faciunt, hic inueniunt, vt ad sola in posterū

tormenta pertrahantur. Vnde & agenti in inferno diuiti dicitur: Memento fili, quia recepisti bona in vita tua, & Lazarus similiter mala. At cum bonis hic bene est, & malis malè, incertum valde est, vtum boni idcirco bona accipiant, vt prouocati ad aliquid melius crescāt, an iusto, latenti que iudicio hic suorum operum remunerationē percipiant, vt à præmiis vitæ sequētis inanescant: Et vtum malos idcirco aduersa feriant, vt ab æternis suppliciis corrigēdo defendant, an hic eorum pœna incipiat, vt quandoque cōplenda eos ad vltima gehēnæ tormenta perducatur. Quia ergo inter diuina iudicia graui incertitudinis suæ caligine humana mens præmittitur: sancti viri cum sibi suppetere prospera huius mundi conspiciunt, pauida suspicione turbantur. Timēt enim ne hic laborum suorum fructus recipiāt: timēt ne quod diuina iustitia latens in eis vulnus aspiciat, & exterioribus eos muneribus cumulans, ab intimis repellat. Cum verò taciti cogitant quod nec bona agunt, nisi vt soli Domino placeāt, nec in ipsa affluentia suæ prosperitatis exultāt: minus quidē de prosperis occulta cōtra se iudicia metūt, sed tamen eadē prospera, quia se ab intima intentione præpediunt: ægre ferunt: & molestè præsentis vitæ blandimēta tolerant, quia per hæc se vtcunque tardari in interno desiderio nō ignorāt. Plus enim in hoc mundo honor quàm despectio occupat: & magis prosperitatis sublimitas, quàm necessitatis aduersitas grauatur. Per hanc nanque nonnunquā cum homo exterius premitur, ad concupiscenda quæ intus sunt, liberius relaxatur. Per illā verò animus dum multis parere cogitur, à desiderij sui cursu retinetur. Vnde fit, vt sancti viri magis in hoc mundo prospera, quàm aduersa formidēt. Sciunt nanq; quia mens dū blāda occupatione premitur, aliquādo libens ad exteriora deriuatur. Sciunt quia sæpe sic hanc clandestina cogitatio decipit, vt quomodo permutetur, ignoret. Pensāt autem quæ sint interna bona quæ cupiunt, & cognoscunt quàm nihil sit omne quod blandum ac temporaliter arridet: cūctaque huius mundi prospera mens eorum eò, ægrè tolerat, quod supernæ felicitatis est amore sauciata: tantōque magis in præsentis dulcedinis aspernatione erigitur, quantō hanc conspicit, quia furtiue sibi internæ gloriæ despectu blanditur. Vnde & beatus Iob cum supernam requiem contēplatus diceret: Paruus & magnus ibi sunt, & seruus liber à domino suo, ilico adiungit:

Quod sancti viri ad patriam redire desiderantes peregrinationis huius claritatem, & gloriam temporalis honoris contemnuunt.

Caput II.

Quare data est misero lux? In scriptura sacra nonnunquam lucis appellatione prosperitas: noctis autem nomine, huius mundi aduersitas designatur. Vnde & bene per Psalmistam dicitur: Sicut tenebræ eius, ita & lumen eius. Quia enim sancti viri ita prosperitatem seculi despicientes calcant, sicut aduersitatem eius calcantes tolerant, per magnam mentis celsitudinem mundi sibi, & aduersa, & prospera substermentes dicunt: Sicut tenebræ eius, & lumen eius. Ac si aperitius dicant: Sicut intentionis nostræ fortitudinem, eius tristitia non premunt, ita hanc nec blanda corrūpunt. Sed quia hæc, vt diximus, bonorum mentē etiam cum non subleuant, perturbant: sancti viri, qui se in huius exiliij ærumna miseros cognoscunt, clarescere in eius prosperitate refugiant. Vnde bene nunc dicitur: *Quare data est misero lux?* Lux enim miseri datur, quando hi qui sublimia contemplantes, esse se in hac peregrinatione miseros agnoscunt, claritatem transitoriæ prosperitatis accipiunt. Et cū valde defleāt, quia tardē ad patriā redeunt, tolerare insuper honoris onera cōpelluntur. Amor eos æternorum conterit, & gloria de temporalibus arridet. Qui dum cogitāt quæ sint quæ in infimis tenent, & quæ sint quæ de sublimibus non vident, quæ se in terra fulciunt, quæ autem de cœlestibus perdidit, prosperitatis suæ mœrore mordentur: quia etsi vident nequaquam ab ea se funditus oprimi, pensant tamen sollicitè cogitationem suam in amore Domini, & in eius dispensatione partiiri. Vnde bene cum dicit: *Quare data est misero lux?* protinus adiungit:

Quod sicut in hoc seculo sancti nil appetunt: ita etiam amaritudinem eius non ferentes, hoc optant vt nulla eius obligatione teneantur.

Caput III.

Et

E*T vitabis qui in amaritudine animæ sunt.*) In amaritudine quippe animæ sunt omnes electi, qui vel punire flendo non desinunt quæ deliquerunt, vel graui se in ætate afficiunt: quia longè huc à facie conditoris proiecti, adhuc in æternæ patriæ gaudiis non sunt. De quorum corde bene per Salomonem dicitur: Cor quod nouit amaritudinem animæ suæ, in gaudio illius non miscetur extraneus. In amaritudine nanque sunt & corda reproborum: quia ipsis etiam prauis suis desideriis affliguntur: sed eandem amaritudinem nesciunt, quia pensare quod tolerant, sponte sua excæcati non possunt. At contra cor bonorum amaritudinem suā nouit: quia ærumnam exilii in qua proiectum laceratur, intelligit, & quàm sint tranquilla quæ perdidit, quàm confusa in quibus cecidit, sentit. Sed hoc amaricatum cor, ad gaudium suum quandoque reducit: atque in eius gaudio extraneus non miscetur: quia is qui nunc ab hoc mœrore cordis foras se per desideria seculi eiicit, seclusus tunc ab illa intima eius solennitate remanebit. Hi itaque qui in amaritudine animæ sunt, mori mundo funditus concupiscunt: vt sicut in seculo ipsi nihil appetunt, ita iam à seculo nulla obligatione teneantur. Et plarunque contingit, vt iam homo mundum mente non teneat: sed tamen mundus hominem occupationibus astringat: & ipse quidem mundo iam mortuus est, sed ipsi mundus adhuc mortuus non est. Quasi enim viuus adhuc mundus eum conspiciat, dum alio intentum, in suis actibus rapere contendit. Vnde bene Paulus cum & ipse seculum perfectè despiceret: & talem se factum videret, quod iam hoc seculum concupiscere omnino non posset: ruptis huius vitæ vinculis liber dicit: Mihi mundus crucifixus est, & ego mundo. Mundus quippe ei crucifixus fuerat: quia hunc cordi suo iam mortuum non amabat. Sed & semetipsum mundo crucifixerat: quia talem se ei exhibere studuit, vt ab eo quasi mortuus concupisci non posset. Si enim vno in loco sint mortuus & viuus: etsi mortuus viuus non videt, viuus tamen mortuum videt: si verò vtrique mortui sint, alter alterum nequaquam videt. Ita qui iam mundum non amat, sed tamē ab illo, vel non volens amatur, etsi ipse velut mortuus mundum non videt, hunc tamen mundus adhuc non mortuus videt. Si verò nec ipse in amore mundum retinet, nec rursus à mundi amore retinetur, vicissim sibi vtrique extincti sunt: quia dum alter alterum non appetit, quasi mortuum mortuus non attendit. Quia igitur nec Paulus mundi gloriam quærebat, nec à mundi gloria ipse quærebatur: & se mundo, & mundum sibi crucifixum esse gloriatur. Quod quia multi appetunt, sed tamen vsque ad culmen extinctionis omnimodo non assurgunt, rectè gementes dicunt: *Quare data est misero lux, & vitabis qui in amaritudine animæ sunt.*) Vita quippe amaricatis, datur: cum huius mundi gloria tristibus gementibusque tribuitur. In qua nimirum vita pœna se validissimi timoris afficiunt: quia etsi ipsi mundum non tenent, adhuc tamen tales esse se metuunt, quia à mundo teneantur: quia nisi ei quantulumcunque viuerent, hos ad vsum suum procudubio non amaret. Mare enim viua corpora in semetipso retinet: nam mortua extra se protinus expellit. Sequitur:

Quod occulto Dei iudicio nonnulli sancti, qui in hoc mundo mortificati se appetunt, præesse in regimine, vel occupari iniunctis honoribus compelluntur: & vnde locupletiores fiunt, se destructiores existimant.

Caput IIII.

Q*ui expectant mortem, & non venit.*) Desiderant quippe mortificare se funditus, atque ab omni vita gloriæ temporalis extinguere: sed occultis sæpe dei iudiciis, vel præesse in regimine, vel occupari iniunctis honoribus compelluntur, atque inter hæc mortificationem plenissimam indefinenter expectant. Sed expectata mors non venit: quia eorum vsum temporali gloriæ etiam nolens viuunt. Quam tamen pro diuino amore tolerant: & intus quidem seruant desiderium pietatis, foris autem explent ministerium ordinis: quatenus nec à perfectione per intentionem recedant, nec dispositioni conditoris per superbiam contradicant. Mira enim diuinitatis pietate agitur: cum is qui perfectò corde ad cõtemplationem tendit, humanis ministeriis occupatur: vt & multis infirmioribus eius mens perfecta proficiat: & quod semetipsum imperfectum respicit, inde ad humilitatis culmen perfectior assur-

Tomus primus.

Agat. Nonnunquam etenim viri sancti vnde desideriorum suorum detrimenta tolerant, inde maiora lucra conuersis aliis reportant: quia dum eis vacare, vt appetunt, non licet, rapere secum alios quibus admiscetur libet. Fit ergo mira dispositione pietatis, vt vnde se destructiores æstimant, inde locupletiores ad cœlestis patriæ constructionem surgant. Nonnunquam verò idcirco ad concepta desideria minimè perueniunt: vt ipsa interueniente tarditate, ad eadem desideria laxato mentis sinu dilatentur: & quæ extenuari fortasse impleta poterant, magna dispositione agitur, vt repulsa crescant. Sic quippe mortificari appetunt, vt iam perfectè, si liceat, conditoris sui faciem contemplantur. Sed eorum desiderium differtur, vt proficiat: & tarditatis suæ sinu nutritur, vt crescat. Vnde bene sponsa in sponsi sui desiderio anhelans clamat: In lectulo meo per noctem quæsiui quem diligit anima mea: quæsiui illum, & non inueni. Abscondit se sponsus cum quæritur, vt non inuentus ardentius quæatur: & differtur quæres sponsa, ne inueniat: vt tarditate sua capacior reddita, multiplicius quandoque inueniat, quod quærebat. Vnde beatus Iob cum diceret: Expectant mortem, & non venit: vt hoc ipsum quærentium desiderium subtilius expleret, ilicò adiungit:

Quod thesaurus noster cognitio sit: & quasi sepulchrum contemplatio diuina, in mens mundo crucifixa quiescit.

Caput V.

Q*uasi effodientes thesaurum.*) Omnes namque qui fodiendo thesaurum quæunt: cum fodere altius cœperint, ad laborem instantius inardescunt: quia quod se thesauro abscondito iam iamque appropinquare æstimant, eo in effodiendo enixius laborant. Qui igitur plenè mortificationem suam appetunt, quasi effodientes thesaurum quæunt: quia quantò fructu viciniore ad finem, tantò se exhibent ardentiores in opere. Laborando ergo, non deficiunt, sed magis ad vsum laboris crescunt: quia quod iam præmia propinquiora considerant, eò in opere delectabilius exundant. Vnde bene Paulus quibusdam absconditum æternæ patriæ thesaurum quærentibus, dicit: Non deserentes collectionem nostram, sicut est consuetudinis quibusdam, sed consolantes, & tantò magis, quantò videritis appropinquantem diem. Laborantem quippe consolari, est pariter in labore persistere: quia subleuatio est laboris, visitatio collaborantis: sicut cum in itinere comes iungitur, via quidem non abstrahitur, sed tamen de societate comitatus leuiatur labor itineris. Dum itaque Paulus consolantes se in laboribus quæreret, adiunxit dicens: Tantò magis, quantò videritis appropinquantem diem. Ac si diceret: Eò labor crescat, quod ipsa iam præmia laboris appropinquant, velut si aperte dicat: Thesaurum quæritis, sed eò fodere ardentius debetis, quod iam iuxta quæsitum aurum fodiendo peruenitis. Quauis hoc quod dicitur: Expectant mortem, & non venit, quasi effodientes thesaurum intelligi & aliter potest. Quia enim perfectè mori mundo non possumus, nisi intra mentis nostræ inuisibilia à visibilibus abscondamus: rectè hi qui mortificationem suam appetunt, thesaurum effodientibus comparantur. Mundo enim per inuisibilem sapientiam morimur:

De qua per Salomonem dicitur: Si quæsieris illam quasi pecuniam, & sicut thesauros effoderis eam. Sapientia quippe in rerum superficie non iacet, quia in inuisibilibus latet. Et tunc mortificationem nostram contingentes, sapientiam apprehendimus: si relictis visibilibus, in inuisibilibus abscondamus: si hanc hanc cor effodientes quærimus, vt omne quod terrenum mens cogitat, à semetipsa, manu sanctæ discretionis eiiciat, & thesaurum virtutis qui se latebat, agnoscat. Facile enim in se thesaurum quæsitum inuenit, si eam quæ se malè presserat, molem à se terrenæ cogitationis repellit. Quia autem quæsitam mortem sicut thesaurum dicit, rectè subiungit: *Gaudetque vehementer cum inuenerint sepulchrum.*) Sicut enim sepulchrum locus est, quo absconditur corpus: ita diuina contemplatio quoddam sepulchrum est mentis, quo absconditur anima. Quasi enim huic adhuc mundo viuimus, cum mente in eum foris vagamur: sed mortui in sepulchro abscondimur, cum mortificati exterius, in secreto internæ contemplationis calamus. Sancti igitur viri ab importunitate desideriorum temporalium, à tumultu inutilium curarum, à clamore perstreptentium perturbatio-

d iij

num, semetipsos sacri verbi gladio mortificare non desinunt: atque intus ante Dei faciem in sinu mentis abscondunt. Vnde bene per Psalmistam dicitur: Abscondes eos in abscondito vultus tui, à conturbatione hominū. Quod quanuis perfectè postmodum fiat: etiam nunc ex magna parte agitur, cum à temporalium desideriorum tumultibus, delectatione in interiora rapiuntur: ut mens eorum dum in amorem Dei tota tenditur, nulla inutili perturbatione laceretur. Hinc est quod Paulus per contemplationem mortuos, & quasi in sepulchro absconditos discipulos viderat, quibus dicebat: Mortui enim estis, & vita vestra abscondita est cum Christo in Deo. Qui ergo mortem quærit, gaudet dum sepulchrum inuenit: quia qui mortificare se appetit, valde ad inuentam requiem contemplationis hirarescit: ut extinctus mundo lateat, & à cunctis exteriorum rerum perturbationibus intra finem se intimi amoris abscondat. Si verò ad hoc quod thesaurus effodi dicitur, etiam sepulchri inuentio subinfertur: hoc necesse est ut intentio nostra conspiciat, quod antiqui suos mortuos cum diuitiis obruebant. Qui igitur thesaurum querit, gaudet cum sepulchrum inuenit: quia sapientiam perquirentes, cum sacræ scripturæ paginas volumus, cum exempla præcedentium patrum perscrutamur: quasi ex sepulchro gaudium sumimus, & mentis diuitias apud mortuos inuenimus, quia qui huic mundo perfectè extincti sunt, in occulto cum diuitiis requiescunt. Sepulchro ergo diues efficitur, qui per exempla iustorum in contemplationis virtute subleuatur. Sed cum requirens dicat: *Quare data est misero lux?* cur hoc ipsum requirere præsumat, insinuat dicens:

Quod hoc ipsum quod rectè nos agere credimus virum in districti iudicis examine rectum sit, ignoramus.

Caput VI.

† al. Viam suam suam vi-
ro.
Viro cuius abscondita est vita, & circumdedit eum deus tenebris.)
† Viro enim via sua abscondita est: quia etsi iam in qua sit vitæ qualitate considerat, adhuc tamen ad quem finem tendat, ignorat. Et si iam superna appetit, etsi plenè hæc desiderii quærit, adhuc tamen si in eisdem desiderii permaneat, nescit. Peccata quippe deserentes ad iustitiam tendimus: & vnde venimus, nouimus: sed quò perueniamus, ignoramus. Quid hesternæ die fuimus, scimus: sed quid cōtingat crastina nos esse nescimus. Viro ergo via sua abscondita est: quia sic pedem ponit operis, ut tamen præuidere nequeat exitum consummationis eius. Est autè & alia vitæ nostræ absconditio: quia nonnunquam ea ipsa quæ rectè nos agere credimus, an in districti iudicis examine recta sint, ignoramus. Sæpe enim sicut & longè superius diximus, opus nostrum causâ dānationis est, & profectus putatur esse virtutis. Sæpe vnde placari iudex creditur, inde ad irascendum placidis instigatur: Salomone attestante, qui ait: Est via quæ videtur homini recta: nouissima autem eius ducunt ad mortem. Vnde sancti viri cum mala superant, sua etiā bene gesta formidant: ne cum bona agere appetunt, de actionis imagine fallantur: ne pestifera tabes putredinis, sub boni specie lateat coloris. Sciunt enim quia corruptionis adhuc pōdere grauati, diiudicare bona subtiliter nesciunt: & cum ante oculos extremi examinis regulam deducunt, hæc ipsa in se nonnunquam & quæ approbant metunt: & tota quidem mente interna desiderant: sed tamen de incertitudine operum trepidi, quò gradiuntur, ignorant. Vnde bene postquam dictum est: *Quare data est misero lux?* adiungitur: *Viro cuius abscondita est via.* Ac si dicatur: Cur huius vitæ successus appetit, qui sub qua sit æstimatione iudicis iter sui operis nescit? Bene autem subditur: *Et circumdedit eum deus tenebris.* Tenebris nanque homo circumdatur: quia quanuis cœlesti desiderio ferueat, quid de semetipso sit dispositum intrinsecus, ignorat. Et valde metuit, ne quid sibi in iudicio obuiet: quod se de se nūc in desiderio boni feruoris latet. Tenebris homo circumdatur: quia ignorantia suæ caligine premitt. An tenebris circumdatus nō est, qui plerumque præteritorum non meminit, futura nō inuenit, præsentia vix cognoscit? Tenebris circumdatus se quidam sapiens viderat, cum dicebat: Quæ in prospectu sunt, vix inuenimus cum labore: & quæ in cœlis sunt, quis inuestigabit? His se tenebris Propheta circumdatus vidit, cum dispositionis intimæ penetrare interna non potuit, dicens: Posuit tenebras latibulum suum. Auctor enim

noſter quia nobis in hoc exilium deiectis, lucem suæ visionis abstulit: sese nostris oculis quasi in tenebrarum latibulo abscondit. Quas nimirum cæcitatē nostræ tenebras cum studiosè conspiciamus, mentem ad lamenta prouocamus. Flet enim cæcitatē quā foris patitur: si humiliter meminit, quod in interioribus lumine priuetur. Cumque tenebras quibus circumdatur, respicit, splendoris intimi ardenti se desiderio affligit: omnique intentionis adnitu semetipsam concutit, & supernam lucem quam condita deseruit, repulsa quærit. Vnde fit plerumque ut in ipsis piis fletibus illa interni gaudij claritas erumpat: & mens quæ in torpore prius cæca iacuerat, ad inspectionem fulgoris intimi suspirijs vegetata conualeſcat. Vnde bene sequitur:

Quod fletu suo anima pascitur: & dum gemitu pœnitentiæ afficitur, consolationis diuinæ refectione ſatiatur.

Caput VII.

Anequam comedam, suspiro.) Comedere nanque est animæ, supernæ lucis cōtemplationibus pasci. Suspirat ergo anequam comedat, qui prius gemitibus tribulationis afficitur: & postmodum contemplationis refectione satiatur. Nisi enim suspiret, nō comedit: quia qui se in hoc exilio per desideriorum cœlestium lamenta nō humiliat, æternæ patriæ gaudia non degustat. A veritatis enim pabulo ieiuni sunt, qui in hac peregrinationis inopia lætatur. Suspirat autem qui comedit, quia quos veritatis amor afficit, etiā refectionis cōtemplationis pascit. Suspirans Propheta comedebat, cum diceret: Fuerunt mihi lachrymæ meæ panes. Luctu enim suo anima pascitur, cum ad superna gaudia flēdo subleuatur, & intus quidē doloris sui gemitum tolerat: sed eò refectionis pabulum percipit, quò vis amoris per lachrymas emanat. Vnde & eadem vim lachrymarum adhuc beatus Iob prosequitur, subdēs: *Et quasi inundantes aquæ, sic rugitus meus.* Aquæ cum inundant, cum impetu veniunt: & crescentibus, multipliciter voluminibus intumescunt. Electi verò dum mentis suæ oculis diuina iudicia opponunt: dum de occulta super se sententia trepidant: dum se ad Deum peruenire posse confidunt, sed tamen ne nō perueniant metuunt: dum præteritorum suorum recolunt quæ deflēt: dum quæ sibi adhuc futura sunt, quia nesciunt, pertimescunt: quasi quædam in eis aquarum more volumina colliguntur, quæ in mœroris rugitus quasi in subiecta littora defluunt. Vir igitè sanctus vidit, quanta sint in lamentis pœnitentiæ volumina cogitationum: & ipsas mœroris vndas inundantes aquas vocauit, dicens: *Et quasi inundantes aquæ, sic rugitus meus.* Nonnunquam verò iusti, sicut & paulò superius diximus, in ipsis bonis operibus positi trepidant: ac ne in eisdē occulto aliquo errore displiceant, continuis lamentis vacant. Quos cum diuina subito flagella corripunt, auctoris sui gratiam se offendisse suspicantur: quia vel infirmitatibus præpediti, vel amaritudinibus pressi, ad impendenda proximis pia opera non assurgunt. Et cor in lamentum vertitur: quia corpus à deuotionis suæ ministerio retardatur. Cumque se mercedem non augere considerant, etiam transacta opera displicuisse formidant. Vnde etiam beatus Iob cum rugitum suum quasi inundantes aquas diceret, ilico adiunxit: *Quia timor quem timebam, euenit mihi: & quod verebar accidit.* Iusti igitur viri deflent & pauent, & magnis se lamentis cruciant, quia deferi formidant: & quanuis de correptione sua gaudeant, eorum tamen trepidam mentem correptio ipsa perturbat: ne malum quod tolerant, non pia percussio discipline sit, sed animaduersio iusta vindictæ. Quod bene Psalmista considerans ait: Quis nouit potestatem iræ tuæ? Potestas quippe diuinæ iræ nostra non potest mente comprehendere: quia eius dispensatio, obscuris super nos dispositionibus, sæpe vnde æstimatur deferere, inde nos recipit: & vnde nos recipere creditur, inde derelinquit: ut plerumque hoc fiat gratia, quod ira dicitur: & hoc aliquando ira sit, quod gratia putatur. Nonnullos enim flagella corrigunt: nonnullos ad impatiētiam vesaniā perducunt: & alios prospera quia demulcēt, ab insania mitigant: alios quia eleuant, funditus ab omni spe conuersionis eradicant. Cunctos autem vitia ad ima pertrahunt: sed tamen quadam eò ab his facilius redeunt, quò se in eis corruisse altius erubescunt. Et semper virtutes ad superna subleuant: sed nonnunquam quidā dum tumorem de virtutibus

virtutibus concipiunt, per ipsum tramitem ascensionis cadūt. Quia ergo potestas diuinæ iræ minimè cognoscitur: in cunctis necesse est, vt sine cessatione timeatur. Sequitur:

Quod hi qui in regimine constiunt sunt, districtè cogitare debent vt gloriam suæ dignitatis dissimulent: & quod non omnia eis liceant: ergo ad loquendum aut iudicandum præcipites, intra semetipsos quantum possunt à cupiditatis tumultibus ad contemplationis quietem confugiant.

Caput VIII.

Nonne dissimulaui? nonne silui? nonne quieui? & venit super me indignatio.) Quauis quolibet in loco positi, cogitando, loquendo, agendo, peccemus: tunc tamen per tria hæc animus effrenatius rapitur, cum mundi huius prosperitate subleuatur. Nam cum præire se potestate cæteros conspicit, alta de se clarè cogitans sentit. Et cum auctoritati vocis à nullo resistitur, lingua licentius per abrupta defrenatur. Cunque facere quod libet licet: iustè sibi omne æstimat licere, quod libet. Sed sancti viri cum mudi huius potestate fulciuntur, tantò sub maiorem mentis disciplinam se redigunt, quantò sibi per impatiētiam potestatis, suaderi illicita quasi licētius sciunt. Cor nanque à cōsideranda sua gloria reprimunt: linguam ab immoderata locutione restringunt: opus ab inquietudinis vagatione custodiunt. Sæpe enim qui in potestate sunt, ea quæ rectè faciunt, quia elatè cogitant, amittunt: dumque se ad cuncta vtilis æstimant, etiam impensæ vtilitatis sibi meritum dānant. Vt enim cuiuslibet facta digniora sint: necesse est vt ei apud se semper indigna videātur: ne eadem bona actio agentis cor subleuet: & subleuando plus auctorem de elatione deiciat, quàm ipsos fortè quibus impenditur iuuat. Hinc est enim quod rex Babylonæ, dum elata mente apud se tacitus volueret, dicens: Nonne hæc est Babylon, quam ego ædificauim irrationale animal protinus versus est. Quod enim factus fuerat, perdidit: quia humiliter noluit dissimulare quod fecit. Et quia elatione cogitationis se super homines extulit: ipsum quem communem cum hominibus habuit sensum hominis, amisit. Sæpe verò qui in potestate sunt, ad subiectorū passim contumelias erumpunt: & hoc quod vigilantes regimini seruiunt, per linguæ procacitatem perdunt, minori scilicet formidine iudicis verba pensantes: quia qui sine causa fratri fatue, dixerit, gehennæ se ignibus addicit. Sæpe hi qui in potestate sunt, dum sese à licitis retinere nesciūt, ad illicita opera & inquieta dilabuntur. Solus enim in illicitis non cadit, qui se aliquando & à licitis cautè restringit. Qua videlicet constrictione religatum bene se Paulus insinuat dicens: Omnia mihi licent, sed non omnia expediunt. Atque vt ex ipsa religatione ostenderet in quanta se mentis libertate dilaret, illico adiunxit: Omnia mihi licent, sed ego sub nullius redigar potestatem. Cum enim mens concepta desideria sequitur, feruire rebus conuincitur, quarum amore superatur. Sed Paulus cui cuncta licent, sub nullius potestatem se redigit: quia semetipsum etiam à licitis restringēdo, ea quæ delectata premerent, despecta transcendit. Beatus igitur Iob, vt nos erudiat qualis in potestate fuit, innotescat, dicens: Nonne dissimulaui? Potestas nanque cum habetur, & cogitanda est ad vtilitatem, & dissimulanda propter tumorem: quatenus is qui ea vitur, & vt prodesse debeat, posse se sciat: & vt extolli non debeat, posse se nesciat. Qualis verò in ore fuerit, adiungat dicens: Nonne silui?) Qualis erga illicita opera adhuc subiiciat: Nonne quieui?) Potest autem filere & quiescere, adhuc subtilius perscrutari. Silere nanque, est mentem à terrenorum desiderio voce restringere. Vis enim magni clamoris est tumultus cordis. Quiescunt quoque qui bene in potestate sunt, cum terrenarum actionum strepitus pro diuino amore intermittēdo postponunt: ne dum ima indefinenter occupant, cor funditus à summis cadat. Sciunt enim quia nequaquam mens ad superna attollitur: si curarum tumultibus continuè in infimis occupatur. Quid enim de Deo occupata obtineat, quæ de illo apprehendere aliquid etiam vacans laborat? Bene autem per Psalmistam dicitur: Vacate & videte, quoniā ego sum Deus. Quia qui vacare Deo negligit, suo sibi iudicio lumen eius visionis abscondit. Hinc etiam per Moysen dicitur, vt pisces qui pennulas non habent, non edantur. Pisces nanque qui habēt pennulas, saltus dare super aquas solent. Soli ergo in electorū

A corpore quasi pisces transeunt, qui in eo quod imis deferuiūt, aliquando ad superna conscendere mentis saltibus sciunt: ne semper in profundis curarum lateāt, & nulla eos amoris summi quasi liberi aëris aura contingat. Qui ergo rebus temporalibus occupantur, tunc bene exteriora disponunt, cum sollicitè ad interiora refugiunt: cum nequaquam foris perturbationum strepitus diligunt, sed apud semetipsos intus in tranquillitatis sinu requiescunt. Præuæ etenim mentes temporalium rerum tumultus intra semetipsas versare non cessant, etiam cum vacant. In cogitatione enim seruant depicta quæ amant: & quauis nihil exterius faciant, apud semetipsas tamen sub pondere inquietæ quietis elaborant. Quibus si earundem rerum administratio præbeatur, semetipsas funditus deferunt: & fugitiua hæc temporalia per intentionis cursum, continuis cogitationum passibus sequuntur. Piæ autem mentes hæc, & cum desunt, non quærunt: & grauius etiam cum assunt, ferunt, quia per exteriorum curam à se exire pertimescunt. Quod bene illa duorum fratrum vita signatur, de quibus scriptum est: Factus est Esau vir gnarus venandi, & homo agricola. Iacob autem vir simplex habitabat in tabernaculis. Vel sicut in alia translatione dicitur, habitabat domi. Quid enim per venationem Esau, nisi eorum vita figuratur, qui in exterioribus voluptatibus fusi carnem sequuntur? Qui etiam agricola esse describitur: quia amatores huius seculi, tantò magis exteriora colunt, quantò interiora sua inculta derelinquunt. Iacob verò vir simplex in tabernaculis vel in domo habitare perhibetur: quia nimirum omnes qui in curis exterioribus spargi refugiunt, simplices in cogitatione, atque in conscientia suæ habitatione consistunt. In tabernaculis enim aut in domo habitare, est se intra mentis secreta restringere: & nequaquam exterius per desideria dissipare, ne dum ad multa foris inhiant, à semetipsis alienati cogitationibus recedant. Dicit igitur probatus vir, & exercitatus in prosperis: Nonne dissimulaui? Nonne silui? Nonne quieui?) Vt enim supra diximus, sancti viri cum eis transitoria prosperitas aridet, fauorem mundi quasi nescientes, dissimulant: & forti gressu interioris hoc, vnde exterius subleuantur, calcant. Silent autem quia nullis prauæ actionis clamoribus perstreperunt. Omnis nanque iniquitas apud secreta Dei iudicia, habet voces suas. Vnde scriptum est: Clamor Sodomorum & Gomoræorum multiplicatus est. Quiescunt verò, cum non solum nullo cupiditatum temporalium turbulento appetitu rapiuntur, verum etiam curis præsentis vitæ necessariis immoderatus occupari refugiunt. Sed hæc agentes, paterna adhuc flagella sentiunt: vt tantò perfectiores ad hæreditatem veniant, quantò eos spiritaliter piè feriens disciplina, quotidie etiam de minimis purgat. Iusta itaque indefinenter faciunt, & assidue dura patiuntur: quia sæpe ipsa iustitia nostra, ad examen diuinæ iustitiæ deducta, iniustitia est: & sordet in districtione iudicis, quod in æstimatione fulget operātis. Vnde Paulus cum diceret: Nihil mihi conscius sum: protinus adiunxit: Sed non in hoc iustificatus sum. Qui causam mox, cur non sit iustificatus, insinuans, ait: Qui autem iudicat me, Dominus est. Ac si dicat: Idcirco in eo quod nihil mihi conscius sum, iustificatū me abnego: quia ab eo, qui me iudicat, examinari me subtilius scio. Dissimulanda ergo sunt quæ exterius fauent: reprimenda quæ interius perstreperunt: declinanda quæ quasi necessaria inuoluunt: & tamen in his omnibus adhuc districti examinis flagella metuenda: quia & ipsa nostra perfectio culpa non caret, nisi hanc seuerus iudex in subtili lance examinis misericorditer penset. Bene autem subditur:

Quantamaneant peccantes supplicia, si tam valida districtio in hac vita iustos castigat.

Caput IX.

Et venit super me indignatio.) Magna quippe arte doctrinæ dicturus t verba, prætulit recte facta, vt hinc vnusquisq; t al. verberet, quæ peccantes postmodum supplicia maneant, si ra, innotuit. etiam iustos tam valida hinc flagella castigant. Hinc est enim quod Petrus ait: Tempus est vt iudiciū incipiat de domo Dei. Et si iustus vix saluabitur, impius & peccator vbi parebunt? Hinc Paulus cum multa in Thessalonicensium laudem dixisset, protinus adiunxit: Ita vt & nos ipsi in vobis gloriemur in Ecclesiis Dei: pro patiētia vestra & fide, in omnib; persequu-

7.

Gen. 25.

Gen. 18.

1. Cor. 4.

Psalm. 45.

Leui. 11.

tionibus vestris & tribulationibus, quas sustinetis, in exemplum iusti iudicii Dei. Ac si diceret: Dum tot dura toleratis, qui tam recta agitis? quid aliud quam iusti Dei iudicii exempla datis? quia ex vestra poena colligendum est, quomodo feriat, quibus irascitur, si sic vos affligi patitur, in quibus lætatur: aut quomodo illos percussurus est, quibus iustum iudicium exhibet: si etiam vos sic cruciat, quos pie redarguens fouet?

Quod verba vel facta sanctorum malis saepe displicent, quia eorum intentionem non intelligunt: & quid sit quod Oza leuitas arcam erigens, sententiam mortis accepit.

Capitulum X.

Prima igitur Iob locutione terminata, vicissim amici qui consolaturi pie venerant, eius increpationi subiiciunt: dumque ad contentionis verba prosiliunt, eam pro qua venerant, causam pietatis amittunt. Qui quidem non praua hoc intentione faciunt, sed quauis affectum percusso exhibeant, percussum tamen non nisi pro iniquitate crediderunt: dumque intentionem bonam nequaquam locutio cauta subsequitur, ipsa pietatis propositio in transgressionis vitium vertitur. Pensandum nanque fuerat, cui & quando loquerentur. Iustus quippe erat ad quem venerant, & diuinis verberibus cinctus. Ex antea ergo eius vita debuerunt ea, quæ intelligere non valebant, illius verba perpendere, & ex flagellis presentibus non illum redarguere, sed de sua vita formidare: seque flagellato iusto, non quasi ratiocinando erigere, sed flendo sociare: vt nequaquam se eorum scientia per verba ostenderet, sed loqui recte linguam consolantium & magister dolor erudiret. Qui etsi qua forsitan diuersa sentirent, dignum profecto erat, vt hæc humiliter dicerent, ne percusso vulnera per immoderata verba cumulerent. Sæpe enim quia intelligi non valent, deterioribus displicent, vel facta, vel dicta meliorum: sed eò ab eis non temere reprehendenda sunt, quo apprehendi veraciter nequaquam possunt. Sæpe aliquid à maioribus dispensatoriè agitur vel præcipitur, quod à minoribus error putatur. Sæpe multa à fortibus dicuntur, quæ infirmi idcirco diiudicant, quia ignorant. Quod bene bobus calcitrantibus inclinata illa testamenti arca signauit: quam quia casuram credens, leuitas erigere voluit, mox sententiam mortis accepit.

10

Quid est nanque mens iusti, nisi arca testamenti? Quæ gestata bobus calcitrantibus inclinatur: quia nonnunquam etiam qui bene præest, dum subiectorum populorum confusione concutitur, ad dispensationis condescensionem ex sola dilectione permouetur. Sed in hoc quod dispensatoriè agitur, inclinatio ipsa fortitudinis, casus putatur imperitis. Vnde & nonnulli subditi contra hanc, manum reprehensionis mittunt, sed à vita protinus ipsa sua temeritate deficiunt. Leuitas ergo quasi adiuuans, manum extendit, sed delinquens vitam perdidit: quia dum infirmi quique fortium facta corripunt, ipsa viuentium sorte reprobantur. Aliquando etiam sancti viri quædam minima condescendentes dicunt, & aliquando verò summa contemplantes proferunt: dumque vim vel condescensionis vel altitudinis nesciunt, audacter hæc stulti reprehendunt. Et quid est iustum de sua condescensione velle corrigere, nisi inclinatam arcam superba reprehensionis manu releuare? Quid est iustum de incognita locutione reprehendere, nisi motum eius fortitudinis, erroris lapsum putare? Sed perdit vitam, qui arcam Dei tumide subleuat: quia nequaquam quis sanctorum corrigere recta præsumeret, nisi de se prius meliora sensisset. Vnde recte & leuitas idem Oza dicitur, quod videlicet robustus Domini interpretatur: quia presumptores quique, nisi audaci mente robustos se in Domino crederent, nequaquam meliorum facta vel dicta velut infirmia iudicarent. Amici igitur Iob, dum contra eum quasi in Dei defensionem prosiliunt, diuini præcepti regulam superbientes excedunt. Cum verò quædam facta meliorum deterioribus displicent, nequaquam hoc quod mentem mouet, reticendum est, sed cum magna humilitate proferendum: quatenus intentio pie sentientis, eò verè seruet formam rectitudinis, quod per iter graditur humilitatis. Et liberè ergo dicenda sunt quæ sentimus, & valde humiliter promēda quæ dicimus: ne & quæ recte intendimus, hæc elatè proferendo non recta faciamus. Paulus auditoribus suis multa humiliter

dixerat: sed de ipsa exhortatione humili placare eos adhuc humiliter satagebat, dicens: Rogo autem vos fratres vt suffe-
ratis verbum solati, etenim perpauca scripsi vobis. Ephesiis quoque Mileti valedicens afflictis ac gementibus, humilitatem suam ad memoriam reuocat, dicens: Vigilate, memoria retinentes, quoniam per triennium nocte ac die non cessavi cum lachrymis, monens vnumquemque vestrum. Eisdem rursum per Epistolam dicit: Obsecro vos fratres, ego vincus in Domino, vt dignè ambuletis vocatione, qua vocati estis. Hinc ergo colligat, si quando aliquid recte sentit, quanta humilitate debeat magistro loqui Discipulus: si ipse magister gentium in his quæ cum autoritate prædicat, tam submissee Discipulos rogat. Hinc vnusquisque colligat, eis à quibus bene viuēdi exempla percepit: hoc quod bene intelligit, quam humiliter dicat: si Paulus illis humili se voce subdit, quos ad vitam ipse suscitauit. Eliphaz autem qui primus amicorum loquitur, quauis ad consolandum pietate venerat: humilitatem tamen locutionis deferens, regulam consolationis ignorat. Qui dum loquendi custodiam negligit, vsque ad afflictum contumelias excedit, dicens: Tigris perit, eo quod non haberet prædam. Rugitus leonis & vox leonæ, & dentes catulorum leonum dissipati sunt. Beatum videlicet Iob nomine Tigridis, quasi vitio varietatis notans: per leonis rugitum eiusdem viri terrorem: per leonæ vocem, loquacitatem coniugis: per dissipatos verò dentes catulorum leonum, destructam filiorum edacitatem [& audaciam] signans. Vnde & bene amicorum sensum qui in tumida se correptione extulit sententia diuina reprehendit dicens: Non estis locuti coram me rectum, sicut seruus meus Iob. Sed quærendum video cur Paulus illorum sententiis tanta autoritate vtitur, si hæc eorum sententiæ dominica reprehensione cassantur? Eliphaz quippe verba sunt, quæ Corinthiis intulit dicens, sicut scriptum est: Comprehendam sapientes in astutia eorum. Quomodo ergo quasi praua respiciamus, quæ Paulus ex autoritate astruit? aut quomodo attestatone Pauli recta putauimus, quæ per semetipsum Dominus non recta definiuit? Sed vtraque hæc citius, quam non sint diuersa cognoscimus, si eiusdem dominicæ sententiæ verba subtilius pensamus: quia nimirum cum diceret: Non estis locuti coram me rectum, ilico adiunxit: Sicut seruus meus Iob. Liqueat ergo, quia quædam in eorum dictis recta sunt, sed melioris comparatione superantur. Nam inter alia quæ irrationabiliter dicunt, multas ab beatum Iob fortes sententias proferunt, sed comparatæ dictis fortioribus vim fortitudinis amittunt. Mira sunt autem multa quæ dicunt, nisi in sancti viri aduersitatem dicerentur. In semetipsis igitur magna sunt, sed quia iustum virum transfigere appetunt, eiusdem magnitudinis pondus perdunt: quia & quamlibet forte frustra iaculum mittitur, ut dura saxa feriantur. Eò nanque obtusum longius resilit, quod intortum fortius venit. Igitur amicorum Iob dicta, licet in quibusdam valde sint fortia, cum tamen sancti viri fortem uitam ferunt, cunctum sui acuminis mucronem retundunt. Quia ergo & in semetipsis magna sunt, sed contra beatum Iob nullo modo assumi debuerunt, & Paulus hæc ex virtute pensans, in autoritate proferat: & index quia incautè prolata sunt, ex personæ qualitate reprehendat. Sed quia eosdem amicos beati Iob, hæreticorum tenere speciem superius diximus: nunc eorum verba quomodo hæreticis congruant, indagemus. Quædam namque valde recti sentiunt, sed tamen inter hæc ad peruersa dilabuntur. Habent quippe hoc hæretici proprium, vt malis bona permisceant, quatenus facile sensui audientis illudant. Si enim semper praua dicerent, citius in sua prauitate cogniti, quod vellet, minime persuaderent. Rursum, si semper recta sentirent, profecto hæretici non fuissent. Sed dum fallendi arte ad vtraque deferuiunt, & ex malis bona inficiunt, & ex bonis mala vt recipiantur abscondunt: sicut qui veneni poculum porrigit, ora poculi dulcedine mellis tangit: dumque hoc quod dulce est, primo tactu delibatur, etiam illud quod est mortiferum, indubitanter absorbetur. Itaque hæretici permiscunt recta peruersis, vt ostendendo bona, auditores ad se trahant: & exhibendo mala, latenti eos peste corrumpant. Aliquando tamen prædicatione sanctæ Ecclesiæ atque exhortatione correcti, ab hac sensus sui diuersitate saluantur. Vnde & amici Iob reconcili-

† magister dolens.

1. Regum. 2.

† al. ipsi & vincentium forte.
† vel quædam verò.

Heb. 13

Act. 20.

Eph. 4.

11

1. Corin. 13.

† al. addi-
ti.
Luc. 17.

Iob reconciliationis suæ sacrificium eiusdem sancti viri manibus offerunt, atque ad superni iudicis gratiam, vel † adducti reuocantur. Quos bene in Euangelio illa decem leprosum mundatio designat. In lepra quippe & pars cutis in fulgorem ducitur, & pars in colore sano retinetur. Leprosi itaque hæreticos exprimunt, qui dum rectis praua permiscēt, colorem sanum maculis aspergunt. Vnde & bene vt saluentur, clamant: Iesu præceptor. Quia enim in eius verbis se errasse significant, hunc saluandi præceptorem humiliter vocant: cumque ad cognitionem præceptoris redeunt, mox ad formam salutis recurrunt. Sed quia in amicorum dictis præfationem expositionis paulò longius duximus, ipsa iam eorum verba subtiliter pensamus. Sequitur:

Caput quartum Beati Iob.



Espondens autem Eliphas Themanites dixit: Si cœperimus loqui tibi, forsitan molestè accipies. Sed conceptum sermonem tenere quis poterit? Ecce docuisti multos, & manus lassas roborasti. Vacillantes confirmauerunt sermones tui, & genua tremētia confortasti. Nunc autem venit super te plaga, & defecisti: tetigit te, & conturbatus es. Vbi est timor tuus, fortitudo tua, patientia tua & perfectio viarum tuarum? Recordare obsecro te, quis vnquam innocens periit, aut quando recti deleti sunt? Quin potius vidi eos qui operantur iniquitatem, & seminant dolores, & metunt eos, flante Deo perisse, & spiritu iræ eius esse consumptos. Rugitus leonis, & vox leonæ, & dentes catulorum leonum contriti sunt. Tigris periit, eo quod non haberet prædam, & catuli leonis dissipati sunt. Porro ad me dictum est verbum absconditum, & quasi furtiuè suscepit auris mea venas susurrij eius. In horrore visionis nocturnæ, quando solet sopor occupare homines, pavor tenuit me & tremor, & omnia ossa mea perterrita sunt. Et cum spiritus me præfente transiret, inhorruerunt pili carnis meæ. Stetit quidam cuius non agnoscebam vultum, imago coram oculis meis, & vocem quasi auræ lenis audiui: Nunquid homo Dei cōparatione iustificabitur, aut factore suo purior erit vir? Ecce qui seruiunt ei, nō sunt stabiles, & in angelis suis reperit prauitatem. Quantò magis hi qui habitant domos luteas, qui terrenū habent fundamentum, consumuntur, velut à tineas? De mane vsque ad vespertinam succidentur; & quia nullus intelligit, in æternum peribunt. Qui autem reliqui fuerint, auferentur ex eis: morientur, & non in sapientia.

De tribus generibus locutionum.

Caput XI.

Espondens autem Eliphas Themanites, dixit: Si cœperimus loqui tibi, forsitan molestè accipies. Iam superius dicta sunt, quæ his vocabulorum interpretationibus exprimantur. Quia ergo festinè ad indiscussa tendimus, prolata replicare deuitemus. Hoc itaque est solerter intuendum, quod hi qui hæreticorum speciem tenent, loqui molliter inchoant, dicentes: Si cœperimus loqui tibi, forsitan molestè accipies. Exasperare quippe hæretici auditores suos in exordio locutionis suæ metuunt, ne vigilanter audiantur, eorumque valde tristitiam declinant, vt negligentiam capiant. Et planè semper blanda sunt quæ proponunt, sed aspera quæ prosequendo subinferunt. Vnde & nunc amici Iob à reuerentia mansuetæ locutionis incipiunt, sed vsque ad iacula asperrimæ inuectionis erumpunt: quia & radices spinarum molles sunt, sed tamen ex ipsa sua mollitie proferunt, vnde pungunt. Sequitur. Sed conceptum sermonem quis tenere poterit? Tria sunt hominum genera, quæ gra-

A datim ductis à se qualitibus dissident. Sunt nanque alij qui & ad loquendum praua concipiunt, & à locutione sua nulla silentij grauitate refrenantur. Et sunt alij qui cum praua concipiunt, magno se silentij vigore restringunt. Et sunt nonnulli qui virtutum vsu roborati, vsque ad eam celsitudinem prouehuntur, vt ad loquendum ne in corde quidem peruersa concipiant, quæ silendo compescant. Eliphas itaque ex quo sit ordine, ostenditur, qui conceptum sermonem tenere se nō posse testatur. Quia in re & illud innotuit, quod se loquendo offensurum nouit. Neque enim retinere verba quæ non potest, vellet, nisi per hæc se vulnera inferre prænosceret. Boni enim viri freno consilij retinent præcipationem verbi, & cautè considerant, ne relaxantes linguæ lasciuiam, auditorum conscientiam incauta locutione transfigant. Vnde bene per Salomonem dicitur: Qui dimittit aquam, caput est iurgiorum. Aqua quippe dimittitur, cum linguæ fluxus effrenatur. Sed dimissor aquæ, caput iugiorum efficitur: quia per linguæ incontinentiam, discordiæ origo propinatur. Igitur, sicut prauus, in sensu leues sunt, ita in locutione præcipientes, & reticere pertractando negligunt, quæ loquantur: sed quod leuis conscientia concipit, leuior protinus lingua prodit. Vnde nunc Eliphas ex suo experimento colligit, quod desperatè de omnibus sentit, dicens: Sed conceptum sermonem tenere quis poterit? Sequitur:

Quod hæretici vel peruersi dum bona iustorum referunt, ea quæ probant, quantum possunt peruertunt.

Caput XII.

Ecce docuisti plurimos, & manus lassas roborasti, vacillantes confirmauerunt sermones tui, & genua tremētia confortasti. Si ipse historiae textus aspiciatur, magna est lectoris utilitas, quod ab amicis iurgantibus, in beatum Iob pro laceratione vitiorum, virtutum præconia proferuntur. Nunquam quippe est tam robustum vitæ testimonium, quam cum ille laudando loquitur, qui ingerere crimen conatur. Pensamus autem cuius celsitudinis iste vir fuerit, qui indoctos docens, lassos roborans, vacillantesque confirmans, inter curas domus, inter multiplicium rerum custodiam, inter affectus pignorum, inter studia tot laborum, erudiendis se cæteris impendit. Et illa quidem occupatus exercuit, sed tamen liber magisterio doctrinæ militauit. Temporalia regendo disposuit, æterna prædicando nuntiauit, vitæ rectitudinem, & agendo videntibus ostendit, & loquendo audientibus ingessit. Sed siue hæretici, seu peruersi quilibet, cum bona iustorum referunt, hæc in argumentum criminis inflectunt. Inde nanque Eliphas contra beatum Iob occasionem obiurgationis colligit, vnde laudanda narrauit. Nam sequitur: Nunc autem venit super te plaga, & defecisti: tetigit te, & conturbatus es. Peruersi quique duobus modis bonorum vitam impetunt: quia aut praua eos dicere assuerunt, aut recta non seruare, quæ dicunt. Vnde & beatus Iob inferius ab amicis suis de locutione reprehenditur: nunc autem recta dixisse, sed hæc non seuasse laceratur. Ab iniquis ergo modo bonorum locutio, modo actio reprobatur: quatenus aut reprehensa lingua taceat, aut eiusdē linguæ suæ adiudicata testimonio in crimine vita succumbat. Et notandum quod prius laudes linguæ inferunt, & postmodum de vitæ infirmitate conqueruntur. Iniqui etenim, ne publicè prauis videantur, loquuntur aliquando bona de iustis, quæ esse iam cognita & aliis nouerunt. Sed sicut prædiximus, hæc ipsa protinus ad cumulum reatus pertrahunt: & credendum sibi in contrariis, ex eo quod & prospera loquebantur, ostendunt: tantòque mala quasi verius insinuant, quantò & bona quasi deuotè laudabant. Ad vsum ergo intorquent criminis, voces fauoris: dum iustorum vitam inde post grauius vulnerant, hanc vnde paulò antè specie tenus defendebant. Sæpe autem eorum bona quæ prius habita despiciunt, hæc postmodum quasi perdita mirantur: Vnde & Eliphas sancti viri virtutes, quia amissas asserit, enumerando subiungit, dicens:

De quatuor gradibus virtutum, quibus sancti Iob vita distinguuntur.

Caput XIII.

Vbi est timor tuus, fortitudo tua, & patientia tua, & perfectio viarum tuarum? Quæ nimirum cuncta ei sententiæ subrogat, quam præmisit, dicens: Nunc autem venit super te, plaga, & defecisti: tetigit te, & conturbatus es.

Tria hominum genera.

Prov. 17.

13.

Peruersi dupliciter bonorum vitam impetunt.

cistitigitte, & conturbatus es.) Omnia ergo simul interisse asserit, in eo quod beatum Iob turbatum flagello reprehendit. Sed intuendum valde est, quia quauis inconuenienter eum increpet, congruenter tamen ordines virtutum narrat. Quatuor quippe gradibus vitam beati Iob virtutes enumerando distinxit, dum & timori fortitudinem, & fortitudini patientiam, & patientiam perfectionem iunxit. In via etenim Dei à timore incipitur, ut ad fortitudinem veniatur. Nam sicut in via seculi audacia fortitudinem, ita in via Dei audacia debilitatem parit: & sicut in via seculi timor debilitatem, ita in via Dei timor fortitudinem gignit: Salomone attestante, qui ait: In timore Domini, fiducia fortitudinis. Timori quippe Domini inesse, fiducia fortitudinis dicitur: quia nimirum mens nostra tantò valentius terrores rerum temporalium despiciat, quantò se auri hori earundem veracius per formidinem subdit. Quæ in timore Domini constituta, non inuenit extrà quod metuat: quia dum recto metu conditori omnium coniungitur, potestate quadam supra omnia subleuatur. Fortitudo autem, non nisi in aduersitate ostenditur, unde & mox post fortitudinem patientia subrogatur. Tantò enim quisque se ad fortitudinem profecisse verius demonstrat, quantò aliena mala robustius tolerat. Nam minus in se cõualuit, quem aliena iniquitas sternit. Qui in eo quod ferre contrarietatem non valet, pusillanimitatis suæ gladio confossus iacet. Quia verò perfectio de patientia nascitur: statim post patientiam, viarum perfectio subinfertur. Ille enim verè perfectus est, qui erga imperfectionem proximi, impatiens non est. Nam qui alienam imperfectionem ferre non valens, patientiam deserit: ipse sibi testis est, quod perfectè necdum proficit. Hinc in Euangelio veritas dicit: In patientia vestra possidebitis animas vestras. Quid est enim animas possidere, nisi perfectè in omnibus viuere, cunctis mentis motibus ex virtutis arce dominari? Qui igitur patientiam tenet, animam possidet: quia inde contra aduersa omnia fortis efficitur, vnde sibi & seipsum vincendo dominatur. Et quo se laudabiliter frangit, infractum se fortiter exerit: quia cum in suis se voluptatibus superat, sese ad contraria inuictum parat. Sed quia Eliphas inuehendo corripuit, nunc aliqua velut exhortando subiungit, dicens:

Quod sancti qui in hoc mundo pereunt, ad æternam gloriam pereundo seruantur. Caput XLII.

Recordare obsecro, quis vnquam innocens perit, aut quando recti delati sunt? Siue hæretici, quorum amicos beati Iob tenere speciem diximus, siue peruersi quilibet, quàm inordinate redarguunt, tam reprehensibiliter exhortantur. Ait namque: Quis vnquam innocens perit, aut quando recti delati sunt?

Sæpe hic innocentes pereunt, sed tamen ad æternam gloriam pereundo seruantur. Si enim nullus innocens periret, Propheta non diceret: Iustus perit, & nemo est qui recogitet. Si rectos Deus prouidendo non raperet, nequaquam de iusto sapientia dixisset: Raptus est, ne malitia mutaret intellectum illius. Si iustos animaduersione nulla percuteret, Petrus minimè prænuntiaret, dicens: Tempus est ut incipiat iudicium de domo Dei. Illi verò veraciter recti sunt, qui amore supernæ patriæ, ad cuncta præsentis vitæ aduersa præparantur. Nam qui pro æternis bonis, mala hæc perpeti metuunt, videlicet recti non sunt. Sed Eliphas vel rectos deleri, vel innocentes hæc perire non æstimat: quia sæpe hi qui non spe cœlestis gloriæ, sed pro terrena Deo retributione deseruiunt ipsi sibi fingunt quod querunt, & docere præsumentes, cum terrenam securitatem prædicant, cunctis suis laboribus ostendunt quid amant. Sequitur,

Quare Deus in hoc mundo quorundam mala districte percutit, aliorum inulta permittit. Caput XV.

15
Dolores seminare. Dolores metere

Quin potius vidi eos qui operantur iniquitatem, & seminant dolores, & metunt eos, flante Deo perisse, & spiritu iræ eius esse consumptos. Dolores seminare, est fraudulenta dicere: dolores autem metere, est dicendo præualere. Vel certè dolores seminant, qui peruersa agunt: dolores metunt, cum de eadem peruersitate puniuntur. Fructus quippe doloris est retributio damnationis. Sed cum protinus subinfertur, quia qui dolores seminant & metunt, flante Deo pereunt, & iræ eius spiritu consumuntur: hoc loco doloris mensio, non iam pœna, sed

adhuc perfectio iniquitatis ostenditur: quia ex diuinæ iræ spiritu, eiusdem mersionis pœna subrogatur. Seminant ergo hæc dolores & metunt, quia iniqua sunt quæ faciunt, & ipsa iniquitate prosperantur: sicut de iniquo per Psalmistam dicitur: Polluuntur viæ eius in omni tempore: auferuntur iudicia tua à facie eius, omnium inimicorum suorum dominabitur. De quo paulò post subditur: Sub lingua eius labor & dolor. Dolores itaque seminat, cum peruersa agit: dolores metit, cum ex eisdem peruersitatibus temporaliter excrefcit. Quomodo ergo flante Deo pereunt, qui plerumque diu hæc subsistere, & iustus felicius permittuntur? Hinc namque de illis iterum per Psalmistam dicitur: In laboribus hominum non sunt, & cum hominibus non flagellabuntur. Hinc Hieremias ait: Quare via impiorum prosperatur? Quia enim, sicut scriptum est: Dominus patiens redditor est: sæpe diu tolerat, quos in perpetuum damnat: nonnunquam verò concitè percutit, quia pusillanimitati innocentium consolando concurret. Aliquando ergo omnipotens Deus diu præualere iniquos patitur, ut iustorum mundius vita purgetur. Aliquando verò iniustos celeriter trucidat: eorumque interitu innocentium corda confirmat. Si enim nunc omnes malè agentes percuteret, extremum iudicium quibus exhiberet? Si autem nullum omnino percuteret, quis Deum res humanas curare crederet? Nonnunquam ergo iniquos ferit, ut ostendat, quia inulta mala non deserit. Nonnunquam verò iniquos diu tolerat, ut confidentibus insinuet, ad quod eos iudicium reseruet. Hæc itaque sententia dilationis iniquorum, si non cum fine præsentis seculi de cunctis generaliter dicitur, ex magna parte procul dubio veritatis virtute vacuatur. Sed tunc vera erit, cum iam iniquitatis dilatio non erit. Quæ hoc fortasse modo intelligi rectius potest, quoniam nec innocens perit, nec rectus deletur: quia etsi carne hic atteritur, in conspectu æterni iudicis vera salute reparatur. Et qui seminant dolores & metunt, flante Deo pereunt: quia quantò hæc altius peruersè agendo proficiunt, tantò durius subsequenti damnatione feriuntur. Sed cum eidem sententiæ præmittitur: Recordare, videlicet patet, quia transacta res ad mentem reducit, non autem futura nuntiatur. Tunc ergo Eliphas verius diceret, si hæc de iniquis generaliter fieri extrema animaduersione credidisset. Sed hoc quod flare Deus dicitur, vrget ut subtilius discernatur. Nos quippe cum flamus, ærem ab exterioribus introrsus trahimus, & introrsus tractum hunc exterius reddimus. Flare ergo Deus in vindictæ retributione dicitur, quia ab exterioribus causis introrsus iudicij consilium concipit, & ab interno consilio extrorsus sententiam emittit. Quasi flante Deo ab exterioribus aliquid introrsum trahitur, quando foris mala nostra conspiciunt, & intus iudicium disponit. Et rursum, quasi flante Deo ab interioribus spiritus extrorsus emittitur, quando ab interno conceptu consilij, exterius iudicium damnationis infertur. Bene itaque dicitur, quod qui dolores seminant, flante Deo pereunt: quia vnde foris peruersa faciunt, inde ab intimis rectè feriuntur. Vel certè cum flare Deus dicitur, quia & statim iræ eius spiritus subinfertur, appellatione flatus illius potest ipsa eius animaduersione designari. Nos quippe cum irascimur, flatu furoris inflammamur. Ut ergo vindictam cogitans, Dominus demonstraretur, flare irascendo dicitur: non quod ipse in natura sua mutabilitatis vicissitudinem recipiat, sed quod post longam patientiam quandoque vindictam peccatoris exequitur, is qui in semetipso tranquillus est, pereuntibus turbulentus videtur. Mens quippe reproba, quia aduersum suis actibus iudicem conspiciat, quasi commotus ei ostenditur, quia in conspectu illius suo reatu proprio ipsa turbatur. Sed postquam quasi clementer admonuit, apertæ iurepationis verba subiungit, dicens: Rugitus leonis, & vox leonæ, & dentes catulorum leonum contriti sunt. Quid enim rugitus leonis appellat, nisi, ut paulò antè præmisimus, seueritatem viri? Quid vocem leonæ, nisi loquacitatem coniugis? Quid dentes catulorum leonum, nisi edacitatem prolis? Quia enim filij conuiuantes extincti sunt, dentium expressione signantur. Quæ cuncta dum contrita Eliphas rigidus exultat, quasi iure damnata denuntiat. Cuius adhuc duritiam increpationis ingeminat, cum subiungit:

Quod Tigridis

Quod Tigridis nomine hypocritarum varietas & rapacitas exprimitur, quibus quasi praeda est iustorum sibi laus vendicata.

Caput XVI.

Tigris perit, eo quod non haberet pradam, & catuli leonum dissipati sunt. Quem enim nomine Tigridis, nisi beatum Iob nota varietatis signat, vel adpersum maculis simulationis? Omnis nanque simulator in eo quod videri rectus appetit, mundum se per omnia non ostendit: quia dum virtutes quasdam per hypocrisim assumit, & occulte semetipsum vitiis subiicit, quasdam latentia vitia repente in faciem erumpunt, & superductae simulationis, quasi visionis corium, ex admixtione sua varium ostendunt: ut plerumque sit mirum cur homo qui tantis virtutibus pollere cernitur, etiam tam reprobis actibus inquinetur. Sed nimirum omnis hypocrita Tigris est: quia dum mundus color de simulatione ducitur, vitiorum pigredine interrumpente variatur. Saepenum dum de castitatis menditia extollitur, forde auaritia foedatur. Saepenum dum de virtute largitatis speciosus ostenditur, luxuriae maculis inquinetur. Saepenum dum castitatis atque largitatis decore vestitur, velut ex zelo iustitiae, crudelitatis atrocitate fuscatur. Saepenum largitate, castitate, pietate ex pulchra visione induitur, sed interfusa obscuritate superbiae notatur. Sicque fit, ut intermixtis vitiis dum mundam in se speciem hypocrita non ostendit, quasi vnum colorem Tigris habere nequaquam possit. Quae videlicet Tigris rapit praedam, quia humani sibi fauoris usurpat gloriam. Qui enim rapta laude extollitur, quasi praeda fatiatur. Bene autem hypocritarum laus praeda dicitur. Praeda quippe est, cum aliena violenter auferuntur. Omnis autem hypocrita, quia vitam iustitiae simulans, iustorum sibi laudem arripit, alienum profectum est, quod tollit. Eliphas itaque, qui beatum Iob incolumitatis suae tempore laudanda egisse cognouit, percussione subsequente, illum hanc tenuisse per hypocrisim credidit, dicens: Tigris perit, eo quod non haberet praedam. Ac si aperte dicat: Varietas tuae simulationis extincta est, quia & adulatio laudis ablata est: & iam tua hypocrisis praedam non habet, quia percussa diuinitus, humanis fauoribus caret. Translatione autem septuaginta interpretum nequaquam Tigris dicitur, sed Myrmicoleon perit, eo quod non haberet praedam. Myrmicoleon quippe paruum valde est animal, formicis aduersum, quod se sub puluere abscondit, & formicas frumenta gestantes interficit, interfectasque consumit. Myrmicoleon autem Latine dicitur, vel formicarum leo, vel certe expressius, formica pariter & leo. Recte autem formica & leo nominatur: quia siue volatilibus seu quibuscumque aliis minutis animalibus formica est, ipsis autem formicis leo. Has enim quasi leo deuorat, sed ab illis quasi formica deuoratur. Cum igitur Eliphas dicit: Myrmicoleon perit, quid in beato Iob sub Myrmicoleontis nomine, nisi pauore & audaciam reprehendit? Ac si aperte dicat: Non iniuste percussus es: quia contra erectos timidus, contra subditos, audax fuisti. Ac si apertius dicat: Contra astutos formido te pressit, contra simplices temeritas inflauit. Sed iam Myrmicoleon praedam non habet, quia tumida tua elatio dum verberibus premitur, ab aliena laesione prohibetur. Sed quia amicos beati Iob, tenere haereticorum speciem diximus: viget necessarium, ut haec eadem Eliphas verba quomodo etiam typice sentienda sint, intimemus.

Quod regnum diaboli, & gloria huius mundi, & concupiscentia carnis in seruis Dei contrita sunt. *Caput XVII.*

Rugitus leonis & vox leanae, & dentes catulorum leonum contriti sunt. Quia natura vniuscuiusque rei ex diuersitate componitur, in sacro eloquio per rem quolibet licite diuersa figuratur. Habet quippe leo virtutem, habet & saeuitiam. Virtute ergo Dominum, saeuitia diabolus signat. Hinc enim de Domino dicitur: Vicit leo de tribu Iuda, radix David. Hinc de diabolo scriptum est: Aduersarius vester, sicut leo rugiens, circuit querens quem deuoret. Leanae autem nomine aliquando sancta Ecclesia, aliquando Babylonia designatur. Pro eo enim quod contra aduersa audax est, leana Ecclesia dicitur: sicut eiusdem beati Iob vocibus approbatur, qui derelictam ab Ecclesia Iudaeam indicans, ait: Non calcauerunt eam filii institorum, nec pertransiuit per eam leana. Aliquando vero leanae nomine huius mundi ciuitas, id est, Babylonia exprimitur, quae con-

tra vitam innocentium immanitate crudelitatis effrenatur, quae antiquo hosti, quasi seuisimo leoni sociata, peruersae persuasionis eius semina concipit, & reprobos ex se filios ad similitudinem illius quasi crudeles catulos gignit. Catuli autem leonum sunt quilibet reprobi, ad iniquam vitam, malignorum spirituum errore generati, qui & simul omnes vniuersam mundi ciuitatem quam praediximus, Babyloniam faciunt, & tamen iidem singuli Babyloniae filii, quasi non leana, sed leanae catuli vocantur. Sicut enim Sion tota simul Ecclesia dicitur, filii autem Sion sanctorum, quique singuli memorantur: ita & filii Babyloniae singuli quique reprobos, & eadem Babylonia simul omnes reprobi vocantur. Sed sancti viri quandiu in hac vita sunt, semetipsos sollicita circumspectione custodiunt: ne leo circumiens insidiando surrepat, id est, antiquus hostis sub aliqua imagine virtutis occidat: ne leanae vox auribus obstrepat, id est, ne Babyloniae gloria sensum ab amore patrie coelestis auertat: ne catulorum leonum dentes mordeant, id est, ne reprobos persuasio in corde conualescat. At contra haeretici iam quasi de sanctitate securi sunt, quia vitae suae meritis cuncta se superasse suspiciantur. Vnde & nunc dicitur: *Rugitus leonis, & vox leanae, & dentes catulorum leonum contriti sunt.* Ac si diceretur: Nos ideo nonnullis flagellis atterimur, quia & virtutem antiqui hostis, & cupiditatem terrenae gloriae, & suasionem reprobos hominum vitae meritis superando calcamus. Vnde adhuc subditur: *Tigris perit, eo quod non haberet praedam, & catuli leonum dissipati sunt.* Hunc vocabulo Tigridis repetit, quem leonis appellatione signauit. Satan quippe & propter crudelitatem leo dicitur, & propter multiformis astutiae varietatem non incongrue Tigris vocatur. Modo enim se sicut est perditus, humanis sensibus obicit, modo quasi angelum lucis ostendit. Modo stultorum mentibus blandiendo persuadet, modo ad culpam terrendo pertrahit, modo suadere vitia aperte nititur, modo suis in suggestionibus sub virtutis specie palliatur. Haec itaque belua quae tanta varietate respergitur, iure Tigris vocatur, quae apud septuaginta interpretes, ut praefati sumus, Myrmicoleon dicitur. Quod videlicet animal absconsum puluere, formicas, ut diximus, frumenta gestantes interficit: quia nimirum apostata angelus in terram de caelis proiectus, iustorum mentes quae bonorum sibi operum refectionem praeparant, in ipso actionis itinere obsidet: cumque eas per insidias superat, quasi formicas frumenta gestantes improuisus necat. Recte autem Myrmicoleon, id est, leo & forma dicitur: formicis enim, ut diximus, leo est, volatilibus formica: quia nimirum antiquus hostis, sicut contra consentientes fortis est, ita contra resistentes debilis. Si enim eius suggestionibus assensus praebetur, quasi leo tolerari nequaquam potest: si autem resistitur, quasi formica atteritur. Aliis ergo leo est, aliis formica: quia crudelitatem illius carnales mentes vix tolerant, spirituales vero infirmitatem illius pede virtutis calcant. Haeretici igitur, quia de sanctitatis praesumptione superbiunt, quasi exultantes dicunt Myrmicoleon, vel certe Tigris, perit, eo quod non haberet praedam. Ac si aperte dicant: Vetus aduersarius in nobis praedam non habet, quia quantum ad nostra studia iam victus iacet. Idcirco autem Myrmicoleontis appellatione, vel Tigridis repetitur, qui iam contrito leonis rugitu fuerat designatus: quia quicquid per gaudium dicitur, saepe replicatur. Voces quippe ingeminat animus cum exultat. Vnde & veraci laetitia Psalmista crebro repetit hoc, quod se exauditus esse recognouit, dicens: Exaudiuit Dominus vocem fletus mei: exaudiuit Dominus deprecationem meam, Dominus orationem meam suscepit. Sed sancti viri cum de quibusdam se vitiis ereptos hilarescunt, magno se metu etiam in ipsa exultatione concutiunt: quia etsi iam de cuiuslibet procella tempestatis erepti sunt, esse tamen se adhuc in incerti maris dubiis fluctibus sciunt: & sic spe exultant, ut pauore trepidant: sic pauore trepidant, ut spe fiducia exultent. Vnde per eundem Psalmistam dicitur: Seruite domino in timore, & exultate ei cum tremore. At contra hi qui de specie sanctitatis intumescunt, cum vnum quodlibet vitium superant, mox mentem in superbiam erigunt, & quasi de vitae suae perfectione gloriantur: & pro eo quod fortasse semel a periculo tempestatis erepti sunt, iam quia in ma-

Reprobi vnde de genere catulorum.

Filii Sion. Filii Babyloniae.

17. al. Iuravit.

al. omnium.

Satan leo. Satan Tigris.

Diabolus dicitur leo, Diabolus dicitur formica.

Psalm. 6.

18.

Psalm. 2.

Apoc. 5. 2. Petr. 5.

Iob. 28.

ri nauigent, obliuiscuntur: magnos se in omnibus aestimant, & vicisse se antiquum hostem funditus putant: infra se cunctos respiciunt, quia se per sapientiam transcendere omnes arbitrantur. Vnde & subditur.

Quod hæretici & hypocritæ noua & inaudita promittunt, ut in admirationem sui simplices conuertant: neque ea quæ loquuntur, ad edificationem, sed ad ostentationem scientiæ suæ proferunt.

Capitulum XVIII.

Porro ad me dictum est verbum absconditum. Verbum absconditum hæretici audire se simulant, ut auditorum mentibus quandam prædicationis suæ reuerentiam obducant. Vnde & latenter prædicant, quatenus eorum prædicatione tantò sancta, quantò & occulta videatur. Commune autem scientiam habere refugium, ne cæteris æquales aestimentur. Et quædam noua semper exquirunt: quæ dum alij nesciunt, apud imperitorum mentes ipsi de scientiæ singularitate gloriantur. Quam occultam, ut diximus, insinuant: quia scilicet ut admirationem ostendere valeant, hanc se latenter percipisse confirmant. Vnde apud Salomonem hæreticorum speciem mulier tenens, dicit: Aquæ furtiue dulciores sunt, & panis absconditus suauior. Vnde hic quoque subditur: *Et quasi furtiue suscepit auris mea venas susurrij eius.* Furtiue susurrij venas percipiunt: quia socialis scientiæ gratiam deferentes, ad hanc nequaquam per ostium ingrediuntur, Domino attestante, qui ait: Qui non intrat per ostium in ouile ouium, sed ascendit aliunde, ille fur est & latro. Venas itaque diuini susurrij furtiue suscipit, qui ad percipiendam virtutis eius notitiam deserto publicæ prædicationis ostio, prauæ intelligentiæ rimas quærit. Quia verò fur & latro qui intrat aliunde, tenebras diligit, & claritatem luminis perhorrescit, rectè subiungitur: *In horrore visionis nocturnæ, quando solet sopor occupare homines.* Sæpe hæretici dum altiora dicere conantur, ipsi sibi testes sunt, quia quæ proferunt, vera non sunt. In nocturna quippe visione dubie cernitur. Rimas ergo susurrij in paupere nocturnæ visionis se percipisse asserunt: qui ut ea quæ docent, alta aliis ostendant, vix ea se capere posse denuntiāt. Sed hinc colligendum est, quomodo audientibus certa esse poterunt, quæ ipsi dubiè viderunt. Miro ergo ordine cum alta loquentes profluunt, in patefactione stultitiæ, ipsis suæ altitudinis vocibus ligantur. Quantum verò de singularitate sapientiæ eleuantur, ostenditur cum protinus subditur: *Quando solet sopor occupare homines.* Ac si apertè ab hæreticis diceretur: Cum homines inferius dormiunt, nos ad percipienda superna vigilamus, quia ea nobis nota sunt, ad quæ videlicet cognoscenda cæterorum hominum corda torpentia non assurgunt. Ac si apertius dicant: In quibus intelligentia nostra se erigit, reliquorum hominum sensus dormit. Nonnunquam vero cum hoc despici ab auditore quod dicunt conspiciunt, semetipsos simulant timere quod dicunt. Vnde & subditur: *Paupor tenuit me & tremor, & omnia ossa mea perterrita sunt.* Quia enim de doctrinæ suæ altitudine miri videri appetunt, quasi pertimescunt quæ fingunt: & cum minoris laboris sit audire quàm dicere, ad ea proferenda audaces sunt, quæ scilicet astruunt, quia ipsi vix audire potuerunt. Vnde adhuc subditur: *Et cum spiritus me præsentem transiret, inhorruerunt pili carnis meæ: stetit quidam cuius non agnoscebam vultum.* Ut incomprehensibilia se cognouisse indicent, non stetisse, sed transisse coram se spiritum narrant, & vultum se vidisse incognitum simulāt: ut esse se ei cognitos qui ab humana mente cognosci non valet, ostendant. Vbi adhuc subditur: *Imago coram oculis meis & vocem quasi auræ lenis audini.* Sæpe hæretici Deum sibi imaginatim fingunt, quem intueri spiritualiter nequeunt, eiusque vocem quasi auræ lenis, audire se perhibent: quia ad secreta illius cognoscenda, quasi esse se cæteris familiares gaudēt. Non enim ea docent quæ Deus publicè loquitur, sed quæ eorum auri quasi latenter adspirātur. Hæc igitur diximus, ut quid sub hæreticorum specie in Eliphaz sermonibus sentiendum sit, intimescimus. Sed quia amici beati Iob tanti viri amici non essent, nisi manifestè aliquid ex veritate didicissent, qui quanuis in sententiis correptionis errant, in veritatis tamen cognitione non titubant: hæc eadem paulò superius verba replicemus, ut subtilius discernamus, quomodo ea quæ de perceptione veritatis dicuntur, à rectè sentientibus proferri

E veraciter possint. Nonnunquam verò hæretici vera quædam & sublimia loquuntur, non quòd hæc diuinitus ipsi percipiant, sed quòd ex sanctæ Ecclesiæ contentione didicerunt: neque hæc ad profectum conscientiæ, sed ad scientiæ ostentationem trahunt. Vnde fit plerumque, ut alta sciendo dicant, sed viuendo quæ dicunt, nesciant. Siue igitur ex hæreticorum specie, videlicet non vitam scientiæ, sed verba tenentium, seu ex persona certe amicorum beati Iob, qui de cognitione veritatis potuerunt procul dubio percipiendo experiri, quod studuerunt docendo eloqui, hæc eadem quæ transcurrimus, subtilius dicta differamus: ut dum sollicitè Eliphaz sermo discutitur, quantæ scientiæ fuerit demonstretur: quanuis in eadem scientia humilitatem non tenuit, qui commune bonum sibi specialiter arrogauit. Ait nanque:

Quòd verbum absconditum inuisibilis Dei filius sit, cuius subtilitatem mens spiritus sancto afflata raptim & occultè agnoscit.

Capitulum XIX.

Porro ad me dictum est verbum absconditum. Verbum quippe absconditum, inuisibilis Filius vocatur, de quo Ioannes ait: In principio erat verbum. Quod ipse quoque absconditum insinuat, dum subiungit: Et verbum erat apud Deum, & Deus erat verbum. Sed hoc verbum absconditum electorum mentibus dicitur, cum potestas vnigeniti Filij credentibus manifestatur. Potest etiam per verbum absconditum, allocutio intimæ aspirationis intelligi: de qua Ioannes dicit: Vnctio eius docet vos de omnibus. Quæ nimirum aspiratio humanam mentem contingendo subleuat, & temporales cogitationes deprimens, æternis hanc desideriis inflamat: ut nihil ei iam nisi quæ superna sunt libeat: & cuncta quæ inferius de humana perstrepunt corruptione, cõtemnat. Absconditum ergo verbum audire, est locutione sancti Spiritus corde concipere. Quæ profectò sciri non potest, nisi à quo haberi potest. Vnde & veritatis voce de hac abscondita locutione dicitur: Ego rogabo patrem, & alium Paracletum dabit vobis, ut maneat vobiscum in æternū: Spiritum veritatis, quem mundus nō potest accipere. Sicut enim idem Paracletus post mediatoris ascensum, alius humani generis consolator, in semetipso inuisibilis est: ita omnem quem repleuerit, ad desideranda inuisibilia accendit. Et quoniam mundana corda sola visibilia diligunt, hunc mundus non accipit, quia ad diligenda inuisibilia non assurgit. Seculares etenim mētes quantò se foras per desideria dilatant, tantò ad receptionem illius sinum cordis angustant. Et quoniam valde in humano genere pauci sunt, qui à desideriorum carnalium forde purgati, ad perceptionem sancti Spiritus ipsa hac purgatione dilatātur, verbum hoc absconditum dicitur: quia illud à quibusdam procul dubio in corde percipitur, quod à maxima hominum parte nescitur. Vel certè hæc ipsa afflatio sancti Spiritus verbum absconditum est, quia sentiri potest, sed strepitu locutionis exprimi non potest. Cum igitur diuina aspiratio sine strepitu mentem subleuat, verbum absconditum auditur, quia sermo sancti Spiritus in ore cordis silenter sonat. Vnde & subditur:

Quòd multis modis ad aurem nostræ intelligentiæ Deus venit: & quòd quando nobis de diuinitatis natura per contemplationem aliquid insinuat, nequaquam nobis loquitur, sed quasi susurrat.

Capitulum XX.

Et quasi furtiue suscepit auris mea venas susurrij eius. Venas susurrij, auris cordis furtiue suscipit: quia subtilitatem locutionis intimæ, afflata mens, & raptim & occultè cognoscit. Nisi enim se ab exterioribus desideriis abscondat, interna non penetrat. Occultatur autem ut audiat, & audit, ut occultetur: quia & subtracta à visibilibus, inuisibilia conspiciat: & repleta inuisibilibus, visibilia perfectè contemnit. Notandum verò quòd non ait: Quasi furtiue suscepit auris mea susurrium eius, sed venas susurrij eius. Susurrium quippe occulti verbi, est hæc ipsa locutio aspirationis internæ. Venæ autem susurrij dicuntur causarum origines, quibus hæc ipsa aspiratio ad mentem ducitur. Quasi enim venas susurrij sui aperit, cum nobis Deus latenter insinuat, quibus modis ad nostræ intelligentiæ aurem venit. Aliquando enim nos amore, aliquando terrore compungit: aliquando præsentia quàm nulla sint ostendit, & ad æterna diligenda desiderium erigit: aliquando prius æterna indicat, ut post temporalia vilescant.

Aliquando

Aliquando nostra nobis mala aperit, & ad hoc nos vsque, vt alienis etiam malis condoleamus, extendit. Aliquando mala aliena nostris obtutibus obicit, & compunctos mirabiliter à nostra prauitate nos corrigit. Venas itaque diuini susurrij furtiue audire, est occultos diuinæ aspirationis modos tenuiter & latenter agnoscere. Quauis adhuc vel susurrium, vel venas susurrij intelligere aliter valeamus. Qui enim susurrat, occultè loquitur: & vocem non exprimit, sed imitatur. Nos ergo quousque carnis corruptione premimur, nullo modo claritatem diuinæ potentiae, sicut in se incommutabilis manet, videmus: quia acies infirmitatis nostræ non sustinet hoc quod de eius æternitatis radio super nos intolerabiliter fulget. Cum ergo se nobis omnipotens Deus per rimas contemplationis indicat, nequaquam nobis loquitur, sed susurrat: quia etsi se plenè non intimat, quiddam tamen de se humanæ menti manifestat. Tunc autem nequaquam iam susurrat, sed loquitur, cum eius nobis species certa reuelatur. Hinc est enim quod in Euangelio veritas dicit: Palam de patre meo annuntiabo vobis. Hinc Ioannes ait: Videbimus eum sicuti est. Hinc Paulus dicit: Tunc cognoscam sicut & cognitus sum. Nunc autem diuinum susurrium tot ad nos venas habet quot creatis operibus ipsa diuinitas præsidet. Dum enim quæ sunt cuncta creata cernimus, in creatoris admiratione subleuamur. Nam sicut aqua leniter fluens, rimata per venas quæritur, vt augeatur, tantòque se latius fundit, quantò venas apertiores intuerit: ita nos dum studiosè diuinitatis notitiam ex creaturæ eius consideratione colligimus, quasi susurrij ad nos venas illius aperimus: quia per hoc quod factum cernimus, virtutem creatoris admiramur: & per ea quæ sunt in publico, illud ad nos emanat quod latet in occulto. Quasi enim per quendam ad nos sonitum erumpit, dum considerata nobis sua opera ostendit: in quo semetipsum vtcunque indicat, dum quàm sit incomprehensibilis manifestat. Quia igitur considerare eum dignè non possumus, non eius vocem, sed vix susurrium audimus: plenè enim quia perpendere, neque ipsa quæ sunt creata, sufficimus, rectè dicitur: *Quasi furtiue suscepit auris mea venas susurrij eius.* Proiecti quippe à paradisi gaudiis & cæcitatibus pcena mulctati, vix susurrij venas apprehendimus, quia ipsa quoque mira eius opera raptim tenuiterque pensamus. Sciendum verò est, quia quantò virtutem illius mens subleuata considerat, tantò eius rectitudinem repressa formidat. Vnde & rectè subiungitur:

Quod anima in nocte huius vitæ contemplans Deum, ad magnitudinis illius inhorrescat aspectum.

Caput XXI.

IN horrore visionis nocturnæ. Horror nocturnæ visionis, est paucior occultæ contemplationis. Humana etenim mēs quò altius eleuata quæ sint æterna considerat, eò de factis temporalibus grauius tremefacta formidat: quia tantò se ream verius cernit, quantò se ab illo lumine discrepasse quod super se intermicat conspicit: sicque fit, vt illuminata plus metuat, quia magis aspicit à veritatis regula per quanta discordat: eamque graui formidine suus ipse profectus quatit, quæ prius quasi secura nihil videbat. Quauis quantalibet virtute profecerit, nò iam manifestum aliquid de æternitate cōprehendit, sed adhuc sub cuiusdam caligine imaginationis conspicit. Vnde & hæc eadem visio nocturna dicitur. In nocte quippe, sicut & superius diximus, dubiè: in die autem constanter videmus. Quia igitur ad contemplandum interni solis radium, nubes sese nostræ corruptionis interfert, nec ad infirmos nostræ mentis oculos, illud sicut est incommutabile lumen, erumpit: adhuc Deum quasi in nocturna visione cernimus, cum procul dubio sub incerta contemplatione caligamus. Sed quauis extremum de illo aliquid mens conceperit, in consideratione tamen eius magnitudinis inhorrescit, & magis metuit: quia ipsis contemplationis eius vestigiis se imparem sentit, atque ad se relapsa, eum arctius diligit: cuius miram dulcedinem ferre non valens, vix hanc sub incerta visione gustauit. Sed quia ad huius subleuationis culmen minimè pertingitur, nisi prius desideriorum carnalium importunè perstrepens turba reprimatur, rectè subiungitur:

Quibus modis sacra scriptura somnum accipiat: Et quid sit quod Iacob lapide ad caput posito dormiens, scalam cælo inhærentem, & Dominum scalam innixum, & angelos ascendentes & descendentes vidit.

Caput XXII.

QUANDO solet sopor occupare homines. Quisquis ea quæ mundi sunt, agere appetit, quasi vigilat: quisquis verò internam quietem quærens, huius mundi strepitum fugit, velut obdormiscit. Sed prius sciendum est, quia in scriptura sacra figuratè positus, tribus modis somnus accipitur. Aliquādo enim somno mors carnis, aliquando torpor negligentiae, aliquando verò exprimitur, calcatis terrenis desideriis, quies vitæ. Somni nanque vel dormitionis nomine, carnis mors intimatur, sicut Paulus ait: Nolo vos ignorare fratres de dormientibus. Et paulo post: Ita, & Deus eos qui dormierunt per Iesum, adducet cum eo. Somno rursum torpor negligentiae designatur, sicut ab eodem Paulo dicitur: Hora est iam nos de somno surgere. Et rursum: Euigilate iusti, & nolite peccare. Somno quoque, calcatis carnis desideriis, vitæ quies figuratur: sicut sponsa voce in canticis canticorum dicitur: Ego dormio, & cor meum vigilat: quia videlicet sancta mens quò se à strepitu temporalis concupiscentiae comprimit, eò verius interna cognoscit, & tantò alacrius ad intima vigilat, quantò se ab exteriori inquietudine occultat. Quod bene per Iacob in itinere dormientem figuratur, qui ad caput lapidem posuit, & obdormiuit: à terra scalam cælo inhærentem, innixum scalam Deum, ascendentes quoque & descendentes angelos vidit. In itinere quippe dormire, est in hoc præsentis vitæ transitu, à rerum temporalium amore quiescere. In itinere dormire, est in dierum labentium cursu ab appetitu visibilium mētis oculos claudere, quos primis hominibus seductor aperuit, qui dixit: Scit enim Deus, quòd in quocunque die comederitis ex eo, aperientur oculi vestri. Vnde & paulo post subditur: Tulit de fructu illius, & comedit: deditque viro suo, qui comedit, & aperti sunt oculi amborum. Culpa quippe oculos concupiscentiae aperuit, quos innocentia clausos tenebat. Angelos verò ascendentes & descendentes cernere, est ciues supernæ patriæ contemplari: vel quanto amore auctori suo semetipsos transcendendo inhæreant, vel quanta compassione charitatis nostris infirmitatibus condescendant. Et notandum est valde, quòd ille dormiens angelos conspicit, qui in lapide caput ponit: quia nimirum ipse ab exterioribus operibus cessans, interna penetrat, qui intenta mente, quæ principale est hominis, imitationem sui redemptoris obseruat. Caput quippe in lapide ponere, est mente Christo inhærere. Qui enim à præsentis vitæ actione remoti sunt, sed ad superna nullo amore rapiuntur, dormire possunt: sed videre angelos nequaquam possunt, quia caput in lapide tenere contemnunt. Sunt nanque nonnulli qui mundi quidem actiones fugiunt, sed nullis virtutibus exercentur. Hi nimirum torpore, non studio dormiunt, & idcirco interna non conspiciunt: quia caput non in lapide: sed in terra posuerunt. Quibus plærunque contingit, vt quantò securius ab externis actionibus cessant, tantò latius immundæ in se cogitationis strepitum per ocium congerant. Vnde sub Iudææ specie per Prophetam torpens ocio anima defletur, cum dicitur: Viderunt eam hostes, & deriserunt sabbata eius. Præcepto etenim legis, ab exteriori opere in sabbato cessatur. Hostes ergo sabbata videntes irrident, cum maligni spiritus ipsa vacationis ocia ad cogitationes illicitas pertrahunt: vt vnaquæque reproba anima quò remota ab externis actionibus seruire Deo creditur, eò magis eorum tyrannidi illicita cogitando famuletur. Sancti autem viri qui à mudi operibus non torpore, sed virtute sopiuntur laboriosius dormiunt, quàm vigilare potuerunt, quia in eo, quòd actiones huius seculi deferentes superant, robusto conflictu quotide contra semetipsos pugnant, ne mens per negligentiam torpeat, ne subiecta ocio ad desideria immunda frigescat, ne ipsis bonis desideriis plus iusto inferueat, ne sub discretionis specie sibimet parcendo, à perfectione languescat. Agit hæc & ab huius mundi inquieta concupiscentia se penitus subtrahit, ac terrenarum actionum strepitum deserit, & per quietis studium virtutibus intenta, vigilans dormit. Neque enim ad contemplanda interna perducitur, nisi ab his quæ exterius implicant, studiosè subtrahatur. Hinc est enim quod per

Ioan. 16.
1. Ioan. 3.
1. Cor. 13.

21.

1. Thes. 4.

Rom. 13.

1. Cor. 15.

Canti. 5.

Gen. 28.

Gen. 3.

22.

Tren. 1.

Mat. 6.

2. *Timot. 2.* semetipsam veritas dicit: Nemo potest duobus dominis seruire. Hinc Paulus ait: Nemo militans Deo, implicat se negotiis secularibus, ut placeat cui se probauit. Hinc per Prophetam Dominus admones dicit: Vacate & videte quoniam ego sum Deus. *Psal. 45,* Quia igitur nequaquam notitia interna concipitur, nisi ab externa implicatione cessetur: recte nunc verbi absconditi & diuini susurrij tempus exprimitur, cum dicitur: In horrore visionis nocturnæ, quando solet sopor occupare homines: quia nimirum mens nostra nullo modo ad vim intimæ contemplationis rapitur, nisi studiosè prius à terrenorum desideriorum tumultu sopiatur. Sed humanus animus quadam suæ contemplationis machina subleuatus, quod super se altiora conspiciat, eò in semetipso terribilius contremiscit. Vnde & aptè subditur:

Quid cum mens ad cœlestia secreta se subleuat, totum humanæ virtutis robur contremiscit: & quid sit quod Manue angelo viso timet, & vxor eius non timet.

Caput XXIII.

Psal. 33. **P**auor tenuit me & tremor, & omnia ossa mea perterrita sunt. Quid per ossa, nisi fortia acta signantur? De quibus & per Prophetam dicitur: Dominus custodit omnia ossa eorum. Et sæpe ea quæ agunt homines, esse alicuius momenti æstimant: quia distractionis intimæ quàm sit subtile iudicium, ignorant. Sed cum per contemplationem rapti, superna conspiciunt, ab ipsa aliquo modo præsumptionis suæ securitate liquefunt: & tantò magis in diuino conspectu trepidant, quanto nec bona sua digna eius examine, quem conspiciunt, pensant. Hinc est enim quod is qui fortia operando profecerat, per spiritum subleuatus clamabat: Omnia ossa mea dicent: Domine quis similis tibi? Ac si diceret: Carnes meæ verbum non habent, quia infirma mea apud te funditus silent. Ossa autem mea tuæ magnitudinis laudem dicunt, quia ipsa quoque quæ esse in me fortia credidi, tua consideratione contremiscunt. Hinc est enim quod Manue viso angelo pertimescens dicit: Morte moriemur, quia vidimus Dominum. Quem vxor protinus consolatur, dicens: Si Dominus nos vellet occidere, de manibus nostris holocaustum & libamenta non suscepisset.

23 *Psal. 34.* Quid est hoc quod ad visionem angeli vir fit timidus, & mulier audax: nisi quod nobis quoties cœlestia demonstrantur, spiritus quidem pauore se concutit, sed tamen spes præsumit? Inde nanque spes ad maiora audenda sese erigit, vnde turbatur spiritus: quia ea quæ superna sunt, prior videt. Quia igitur cum altiora secretorum cœlestium subleuata mēs conspiciat, cuncta humanarum virium soliditas contremiscit, recte nunc dicitur: *Pauor tenuit me & tremor, & omnia ossa mea perterrita sunt.* Ac si aptè diceretur: Subtilitatis intimæ arcana percipiens: vnde me apud me fortem credidi, ante conspectum iudicis inde titubavi. Distractionem quippe diuinæ iustitiæ contemplantes, etiam de ipsis operibus iure pertimescimus, quæ nos fortia egisse putabamus. Ducta nanque ad internam regulam nostra rectitudo, si districtū iudicium inuenit, multis tortitudinum suarum sinibus in intimam rectitudinem impingit. Vnde bene Paulus cum & virtutum ossa habere se cerneret, & tamen sub districto examine hæc eadem eius ossa trepidarent, ait: Mihi pro minimo est, ut à vobis iudicer, aut ab humano die. Sed neque me ipsum iudico: nihil enim mihi conscius sum. Sed quia auditis venis diuini susurrij, hæc eadem eius ossa contremuerunt, ilico adiunxit: Sed non in hoc iustificatus sum: qui autem iudicat me Dominus est. Ac si diceret: Recta egisse me recolo, attamen de meritis non præsumo: quia ad eius examen vita nostra ducitur, sub quo nostræ fortitudinis & ossa turbantur. Sed cum mens in contemplatione suspenditur, cum carnis angustias superans, per speculationis vim de libertate aliquid intimæ securitatis rimatur, stare diu super semetipsam non potest: quia etsi hanc spiritus ad summa vehit, caro tamē ipso adhuc corruptionis suæ pondere deorsum premit. Vnde & subditur: *Et cum spiritus me presente transiret, inhorruerunt pili carnis meæ.* Nobis præsentibus spiritus transit, quando inuisibilia cognoscimus, & tamen hæc non solidè, sed raptim videmus. Neq; enim in suauitate contemplationis intimæ diu mens figitur: quia ad semetipsam immensitate luminis reuerberata reuocatur. Cumque internam dulcedinem degustat, amore æstuat, ire super

E semetipsam nititur, sed ad infirmitatis suæ tenebras fracta relabatur, & magna virtute proficiens, videt quia videre non possit hoc quod ardentè diligit: nec tam ardentè diligeret, nisi aliquatenus videret. Non ergo stat, sed transit spiritus, quia supernam lucem nostra nobis contemplatio & inhiantibus aperit, & mox infirmantibus abscondit. Et quia in hac vita quantalibet virtute quis profecerit, adhuc tamen corruptionis suæ stimulum sentit: Corpus quippe quod corrumpitur, aggrauat animam, & deprimit terrena inhabitatio sensum multa cogitantem: rectè subditur:

Quid sit quod leuitarum pili iussi sunt radi, non euelli

Caput XXIII.

Inhorruerunt pili carnis meæ. Pili etenim carnis sunt quælibet superflua humanæ corruptionis. Pili carnis sunt vitæ veteris cogitationes, quas sic à mente abscondimus, ut de amissione earum nullo dolore fatigemur. Bene autem per Moysen dicitur: Leuitæ radant omnes pilos carnis suæ. Leuita quippe assumptus vocatur. Oportet ergo leuitas omnes pilos carnis radere: quia is qui in obsequiis diuinis assumitur, debet ante dei oculos à cunctis carnis cogitationibus mundus apparere, ne illicitas cogitationes mens proferat, & pulchram animæ speciem quasi pilis fructificantibus deformem reddat. Sed quantalibet, ut diximus, quempiam virtus sanctæ conuersationis euexerit, adhuc tamen ei de vetustate vitæ nascitur quod toleretur. Vnde & ipsi leuitarum pili radi præcepti sunt, non euelli. Rasis etenim pilis in carne radices remanent, & crescunt ut iterum radatur: quia magno quidem studio superflua cogitationes amputandæ sunt, sed tamen amputari funditus nequaquam possunt. Semper enim caro superflua generat, quæ semper spiritus ferro sollicitudinis recidat. Sed tamen hæc in nobis tunc subtilius conspiciamus, cum speculationis alta penetramus. Vnde rectè nunc dicitur: *Cum spiritus me presente transiret, inhorruerunt pili carnis meæ.* Humana etenim mens in contemplationis arce subleuata, tantò semetipsam durius de superfluis cruciat, quanto nimis subtile conspiciat esse quod amat. Et cum pulchrum intuetur hoc quod super se appetit, districtè iudicat quicquid in se infirmum prius tranquillè tolerabat. Transiente ergo spiritu, pili pertimescunt: qui ante compunctionis vim, cogitationes superflua fugiunt, ut nihil fluxum, nihil iam remissum libeat, quia afflictam mentem etiam contra semetipsam visitationis intimæ feueritas inflamat. Cumque hoc quod in corde illicitum nascitur, continua distractione refecatur: fit plerumque ut vegetata mens, paulò latius radio suæ speculationis inhæreat, & penè figat spiritum qui transibat. Nec tamen hæc ipsa contemplationis mora diuinitatis plenè vim aperit, quia eius immensitas humanas vires auctas subleuat atque transcendit. Vnde & bene subditur:

Quod si homo non peccasset, in carne futurus esset spiritalis, qui peccando factus est mente carnalis, atque visibilibus immersus, ad inuisibilia non assurgit.

Caput XXV.

Steit quidam cuius non agnoscebam vultum. Quidam nanque non dicimus, nisi de eo vti que, quem exprimere aut nolumus, aut non valemus. Sed qua mente hoc loco dicitur quidam, videlicet exponitur cum protinus subinfertur: *Cuius non agnoscebam vultum.* Humana quippe anima, primorum hominum vitio à paradisi gaudiis expulsa, lucem inuisibilium perdidit, & totam se in amore visibilium fudit: tantòque ab interna speculatione cæcata est, quanto foras deformiter sparsa: vnde fit ut nulla nouerit, nisi ea quæ corporeis oculis, ut ita dixerim, palpando cognoscit. Homo enim qui si præceptum seruare voluisset, etiam carne spiritalis futurus erat, peccando factus est etiam mente carnalis, ut sola cogitet quæ ad animum per imagines corporum trahit. Corpus quippe est cœli, terræ, aquarum, animalium, cunctarumque rerum visibilium, quas indefinenter intuetur, in quibus dum totam se delectata mens proicit, ab internæ intelligentiæ subtilitate grossescit: & quia iam erigere ad summa se non valet, in his infirma libenter iacet. Cum verò miris conatibus ab his exurgere nititur, magnum valde est, si ad cognitionem suam, repressa corporali specie, anima perducatur, ut semetipsam sine corporea imagine cogitet, & cogitando se, viam sibi usque ad

vsque ad considerandam æternitatis substantiam paret.

25. Hoc autem modo quasi quandam scalam sibi exhibet semetipsam, per quam ab exterioribus ascendendo in se transeat, & à se in auctorem tendat. Cum enim corporeas imagines deserit, in semetipsam mens veniens, non modicum ascendit. Sed quanuis incorporea sit anima, quia tamen corpori inhæret, & ex ipsa sui qualitate localis cognoscitur, quæ carnali loco detinetur. Quæ dum obliuiscitur scita, cognoscit incognita, meminit obliuioni mandata, hilarescit post tristitia, addicitur post læta: ipsa sui diuersitate indicat, quæ à substantia æternæ incommutabilitatis natura distat: quæ semper ut est, idem est: vbique præsens, vbique inuisibilis, vbique tota, vbique incòprehensibilis: per inhiantem mætem sine aspectu cernitur, sine voce auditur, sine motu suscipitur, sine corpore tangitur, sine loco retinetur. Hæc nimirum substantiam cum animus cogitat, assuetus rebus corporalibus, diuersarum imaginum phantasmata sustinet. Quæ dum ab intentionis suæ oculis abigit manu discretionis, postponens ei omnia, iam hæc aliquatenus còspicit. Quam si necdum quid sit apprehendit, agnouit certè quid non sit. Quia ergo ad insueta mens rapitur, cum diuinitatis essentiam rimatur, rectè nunc dicitur: *Sicut in quidam cuius non agnoscebam vultum.* Bene autem dictum est, stetit. Omnis quippe creatura, quia ex nihilo facta est, & per semetipsam ad nihilum tendit, non stare habet, sed defluere. Rationalis verò creatura eo ipso quo ad imaginem creatoris condita est, ne ad nihilum transeat figuratur: irrationalis autem nequaquam figuratur, sed donec visionis suæ ministerio vniuersitatis speciem impleat, transeundo tardatur. Nam etsi cælum ac terra pòst in æternum permanent, in semetipsis tamen nunc ad nihilum properant, sed pro eorum usu, quibus seruiunt, in melius mutanda perseverant. Stare ergo, solius creatoris est, per quem cuncta non transeuntem transeunt, & in quo aliqua ne transeant retinentur. Vnde & redemptor noster, quia diuinitatis eius status capi ab humana mente non potuit, hunc se nobis ad nos veniens creatus, natus, mortuus, sepultus, resurgens, atque ad cœlestia rediens, quasi transeundo monstrauit. Quod bene per Euangelium illuminato cæco innotuit, cui transiens auditum præbuit, sed stans oculos reparauit. Per humanitatis quippe dispensationem transire habet: per diuinitatis verò potentiam, quæ vbique præsens est, stare. Voces igitur cæcitatæ nostræ Dominus audire transiens dicitur, quia humanæ miseriæ factus homo miseretur. Stans autem lucem reparat, quia infirmitatis nostræ tenebras ex virtute diuinitatis illustrat. Bene ergo postquam dictum est: Cum spiritus me præsentem transiret, subditur: *Stetit quidam cuius non agnoscebam vultum.* Ac si aperte diceretur: Eum quem per transitum sensu, non transire deprehendi. Ipse est ergo qui transit, ipse qui stat. Transit enim, quia teneri cognitus non valet. Stat autem, quia in quantum cognoscitur, incommutabilis apparet. Quia ergo raptim is qui semper idem est, cernitur, simul Deus, & transiens, & stans videtur. Vel certè stare eius, est nulla mutatione variari, sicut ad Moysen dicitur: Ego sum qui sum. Et sicut hunc Iacobus insinuat, dicens: Apud quem non est transmutatio, nec vicissitudinis obumbratio. Quia verò quisquis iam aliud de contemplatione æternitatis apprehendit, hanc per cœternam eius speciem conspicit, rectè subiungitur: *Imago coram oculis meis.* Imago quippe patris, filius est: sicut de condito homine Moyses insinuat, dicens: Creauit Deus hominem, ad imaginem Dei fecit illum. Et sicut per expressionem sapientiæ de Dei filio quidam sapiens dicit: Candor est enim lucis æternæ. Et sicut Paulus ait: Qui cum sit plendor gloriæ, ac figura substantiæ eius. Cum ergo æternitas eius cernitur, prout infirmitatis nostræ possibilitas admittit, imago eius, mentis nostræ oculis antefertur: quia cum verè in patrem tendimus, hunc quantum accipimus, per suam imaginem, id est, per Filium videmus: & per eam speciem quæ de ipso sine initio nata est, eum aliquo modo cernere qui nec cœpit, nec desinet conamur. Vnde & hæc eadem veritas in Euangelio dicit: Nemo venit ad patrem, nisi per me. Bene autem subditur:

Tomus primus.

A Quod per auram lenem spiritus sanctus accipitur, cuius præsentiam ex subtilitate sua Helias agnouit: vnde in libro Regum, non in spiritu grandi & forti, neque in commotione, neque in igne, sed in sibilo auræ tenuis transitum Domini intellexit.

Caput XXVI.

E T vocem quasi auræ lenis audiri. Quid enim per vocem auræ lenis, nisi cognitio spiritus sancti designatur? Qui de patre procedens, & de eo quod est Filij accipiens, nostræ tenuiter notitiæ infirmitatis infunditur. Qui tamen super Apostolos veniens, per exteriorum sonum tanquam per vehementem spiritum demonstratur, cum dicitur: Factus est repente de cœlo sonus tanquam aduenientis spiritus vehementis. Sanctus enim spiritus cum se notitiæ humanæ infirmitatis insinuat, & sonitu vehementis spiritus, & voce auræ lenis exprimitur: quia videlicet veniens, & vehemens est & lenis. Lenis, quia notitiā suam, quatenus cognosci vtiūque valeat, nostris sensibus temperat: Vehemens, quia quantumlibet hanc tepere, aduentu tamen suo infirmitatis nostræ cæcitatem illuminando perturbat. Illustratione enim sua nos leniter tangit, sed inopiam nostram immaniter concutit. Vox ergo Dei quasi auræ lenis auditur, quia in hac adhuc vita positus contemplatoribus suis, nequaquam se diuinitas sicut est, insinuat, sed lipientibus mentis nostræ oculis claritatem suam tenuiter demonstrat. Quod bene ipsa legis acceptione signatur, cum dicitur: quia Moyses ascendit, & Dominus in montem descendit. Mons quippe est ipsa nostra contemplatio, in quam nos ascendimus, ut ad ea quæ ultra infirmitatem nostram sunt videnda subleuemur. Sed in hanc Dominus descendit, quia nobis multum proficientibus, parum de se aliquid sensibus nostris aperit, si tamen dici in illo, vel parum, vel aliquid potest, qui vnus semper, & idem permanens, intelligi partiliter non potest, & tamen à suis fidelibus participari dicitur, cum in eius substantia pars nullatenus admittatur. Sed quia hunc exprimere perfectio sermone non possumus, humanitatis nostræ modulo, quasi infantia imbecillitate præpediti, eum aliquatenus balbutiendo resonamus. Quia verò & in magna contemplatione subleuati, subtile quid de æternitatis cognitione pertingimus, sacræ historiæ verbis ostenditur, cum de cognitione Dei propheta nobilis Helias edocetur. Cui cum transitorium ante eum se Dominus promitteret, dicens: Ecce Dominus transit, & spiritus grandis & fortis subuertens montes, & conterens petras ante Dominum, ilico adiunxit: Non in spiritu Dominus. Et post spiritum commotio, non in commotione Dominus. Et post commotionem ignis, non igne Dominus. Et post ignem sibilus auræ tenuis, & ibi Dominus. Spiritus quippe ante Dominum euertit montes & petras conterit: quia pavor qui ex aduertu eius irruit, & altitudinem cordis nostri deiicit, & duritiam liquefacit. Sed spiritui commotionis, & igni non inesse Dominus dicitur, esse verò in sibilo auræ tenuis non negatur: quia nimirum mens cum in contemplationis sublimitate suspenditur, quicquid perfectè conspici præualeat, Deus non est. Cum verò subtile aliquid conspicit, hoc est quod de incomprehensibili substantia æternitatis audit. Quasi enim sibilum tenuis auræ percipimus, cum saporem incircumscriptæ veritatis contemplatione subtiliter degustamus. Tunc ergo verum est quod de Deo cognoscimus: cum plenè nos aliquid de illo cognoscere non posse sentimus. Vnde bene illic subditur: Quod cum audisset Helias, operuit vultum suum pallio, & ingressus stetit in ostio spelunçæ. Post auræ tenuis sibilum, vultum suum Propheta pallio operuit, quia in ipsa subtilissima cōtemplatione veritatis, quæta ignorantia homo contegatur, agnoscit. Vultui nanque pallium superducere est, ne altiora mens quærere audeat, hanc ex consideratione propriæ infirmitatis velare, ut nequaquam intelligentia oculos ultra se præcipitanter aperiat, sed ad hoc quod apprehendere non valet, reuerenter claudat. Qui hæc agens, in spelunçæ ostio stetit, describitur. Quid nanque spelunca nostra est, nisi hæc corruptionis habitatio, in qua adhuc ex vetustate retinemur? Sed cum aliquid percipere de cognitione diuinitatis incipimus, quasi iam in spelunçæ nostræ ostio stamus. Quia enim progredi perfectè non possumus, ad cognitionem tamen veritatis inhiantes, iam aliquid de libertatis aura captamus. In ingressu ergo spelunçæ stare, est represso nostræ

Act. 2.

Exod. 24.
26.

3. Reg. 19.

Math. 10.

Exo. 3.
Iaco. 1.

Gene. 1.

Sapient. 7.
Hebr. 1.

Ioan. 4.

Exod. 33.

corruptionis obstaculo, ad cognitionē veritatis incipere exire. Vnde & nube in tabernaculum descendente, Israëlita ē longinquo cernentes, in papilionum suorum ostiis stetisse memorantur: quia hi qui aduentum diuinitatis vtcunque cōspiciunt, quasi iam ex habitaculo carnis procedunt. Quia igitur humana mens quantalibet se virtute tetenderit, vix de intimis extrema cognoscit, rectē nunc dicitur: *Et vocem quasi auræ lenis audiui.* Sed quoniam cū de se saltem parum nobis diuina cognitio exhibet, infirmitatis nostræ ignorantiam perfectē docet: qui vocem auræ lenis audiuit, dicat quæ ex ipsa hac auditione didicerit. Sequitur:

Quid qui de flagello Dei murmurant, iustitiam ferientis accusant.

Caput XXVII.

Nunquid homo Dei comparatione iustificabitur, aut factore suo purior erit vir? Humana iustitia diuinę iustitię cōparata, iniustitia est: quia & lucerna in tenebris fulgere cernitur, sed in solis radio posita tenebratur. Quid ergo Eliphas raptus in contemplatione cognouit, nisi quod iustificari homo Dei comparatione non possit? Recta nanque credimus quæ exterius operamur, sed cū minimē interna cognoscim⁹, quasi in solis radio positi caligamus. Cū verō illa vtcunque percipimus, ista non vtcunque iudicamus, quia tantō quisque subtilius de tenebris iudicat, quantō ei verius claritas lucis constat. Qui enim lucem videt, scit quid de tenebris æstimet. Nam qui candorem lucis ignorat, etiā obscura pro lucidis approbat. Bene autem subditur: *Aut factore suo purior erit vir?* Quisquis de persecutione murmurat, quid aliud quā iustitiam ferientis accusat? Purior ergo se vir factore suo existimat, si contra flagellum querelam parat, eūque sibi proculdubio postponit, cuius iudicium de sua afflictione redarguit. Vt ergo homo reprehendere non audeat iudicem culpæ, hunc humiliter cogitet auctorem naturæ: quia qui mirē hominem ex nihilo fecit, factum impiē non affligit. Quod tunc Eliphas didicit, cū vocem quasi auræ lenis audiuit. In consideratione nanque diuinę magnitudinis discitur, quā humiliter in sua animaduersione timeatur. Et qui superna degustat, inferiora æquanimitē tolerat, quia plenē intus cōspicit, quanti æstimet quod foris agit. Malē enim se rectum putat, qui regulam summę rectitudinis ignorat. Et sæpe lignum rectum creditur, si ad regulam non ducatur: sed cū regulæ iungitur, per quantam tortitudinem tumescit inuenitur: quia nimirum rectitudo accedens increpat, quod oculus deceptus approbat. Eliphas itaque quia superna cōspexit, districtum iudicium de inferioribus exerit: & quauis beatum Iob non rectē redarguit, in comparatione tamen creatoris omnium, omnem creaturæ modum rectē describit, dicens:

Quid Deus angelicam naturam condidit mirabilem, ut ex libero arbitrio qui manere nollent ruerent, & maioris meriti fierent qui mutabilitatis suę conditionem voluntatis statione fixissent.

Caput XXVIII.

27

Ecce qui seruiunt ei, non sunt stabiles, & in angelis suis reperit prauitatem, quanto magis hi, qui habitant domos luteas, qui terrenum habent fundamentum, consumuntur velut à tineā? Natura angelica et si contemplatione auctoris inhaerendo, in statu suo immutabiliter permanet, eo ipso tamen quo creatura est, in semetipsa vicissitudinem mutabilitatis habet. Mutari autem, ex alio in aliud ire est, & in semetipso stabilem non esse. Vnaquæque enim res quasi tot passibus ad aliud tendit, quod mutabilitatis suę motibus subiacet. Sola autem natura incomprehensibilis à statu suo nescit moueri, quæ ab eo quod semper idem est, nescit immutari. Nam si angelorum substantia à mutabilitatis motu fuisset aliena, bene ab auctore condita, nequaquam in reprobis spiritibus à beatitudinis suę arce cecidisset. Mirē autem omnipotens Deus naturam summorum spirituum bonam, sed mutabilem condidit: ut & qui permanere nollent, ruerent, & qui in conditione persisterent, tantō in ea iam dignius, quantō ex arbitrio starent: & eō maioris apud Deum meriti fierent, quod mutabilitatis suę motum, voluntatis statione fixissent. Quia ergo ipsa quoque natura angelica est in semetipsa mutabilis, quam vi-

delicet mutabilitatem vicit per hoc, quod ei qui semper idem est, vinculis amoris alligatur, rectē nunc dicitur: *Ecce qui seruiunt ei, non sunt stabiles.* Atque eiusdem protinus documentum mutabilitatis adiūgitur, cū de apostatis spiritibus subinfertur: *Et in angelis suis reperit prauitatem.* Ex quorum casu bene infirmitatis humanę considerationem colligit, cū illico subnectit: *Quantō magis hi qui habitant domos luteas qui terrenum habent fundamentum, consumuntur velut à tineā?* Luteas quippe domos habitamus, quia in corporibus terrenis subsistimus. Quæ bene Paulus considerans ait: *Habemus thesaurum istum in vasis fictilibus.* Et rursus: *Scimus quia si terrestris domus nostra huius habitationis dissoluatur, quod ædificationem ex deo habemus, domum non manufactam.* Terrenum quoque fundamentum, est substantia carnis. Quod in se sollicitē Psalmista conspexerat, cū dicebat: *Non est occultatum os meum à te, quod fecisti in occulto, & substantia mea in inferioribus terræ.* Tinea autem de veste nascitur, & eandem vestem de qua oritur, oriendo corrumpit. Quasi quædam verō vestis animæ caro est, sed hæc nimirum vestis habet tineam suam: quia ab ipsa carnalis tentatio oritur, ex qua laceratur. Quasi enim quadam sua tineā vestis nostra cōsumitur, cū caro corruptibilis tentationem gignit, & per hanc ad interitum peruenit. Velut à tineā homo consumitur, cū de se oritur, vnde conteratur. Ac si apertē dicat: *Si illi spiritus esse ex se incommutabiles nequeunt, qui nulla carnis infirmitate deprimuntur, qua temeritate se homines in bono permanere constanter existimant, quos in eo quod intellectus ad summa euehit, carnalis infirmitas aggrauans præpedit: ut per corruptionis vitium in semetipsis habeant, vnde ab intima nouitate veterascant?* Possunt quoque per angelos, sancti doctores intelligi, sicut per Prophetā dicitur: *Labia sacerdotis custodiūt scientiam, & legem requirunt ex ore eius: quia angelus Domini exercituum est.* Qui quantalibet virtute fulgeant, esse omnino sine culpa nequeunt, cū iter præsens illecebrosus vite gradiuntur: quia eorum nimirum gressus tangitur, aut luto illiciti operis, aut puluere cogitationis. Domos autē luteas habitant, qui de illecebrosa hac vita carnis exultāt. Hanc domū luteam Paulus cōtempserat habitare, cū dicebat: *Nostri autē conuersatio in cœlis est.* Dicat ergo: *Ecce qui seruiunt ei, non sunt stabiles: & in angelis suis reperit prauitatem, quanto magis hi qui habitant domos luteas, qui terrenum habent fundamentum, consumuntur velut à tineā?* Ac si apertē dicat: *Si præsens vite viam illi sine cōtagione transire nequeunt, qui æterna cogitantes se contra temporalia accingunt, quę detrimēta illi sustinet, qui esse se in carnalis habitationis voluptatibus gaudent?* Qui enim seruiunt ei, non sunt stabiles, quia cū mēs ad alta nititur, carnis suę cogitatione dissipatur: ita ut sepe animus dū intimis inhiat, dum sola cœlestia expectat, subita carnali delectatione percussus, à semetipso scissus iaceat: & qui se infirmitatis suę molestias superasse gaudebat, repētino vulnere prostratus gemat. Prauitas ergo & in angelis reperitur, dum ipsos quoque qui veritatem nuntiāt, nōnunquā surreptio vite fallacis grauat. Si ergo hi etiam mundi huius iniquitate feriuntur, quos contra eum sancta intentio erigit, quibus ictibus illi penetrantur, quos ante eius iacula, ipsa infirmitatis suę delectatio sternit? Qui bene velut à tineā consumi describuntur. Tinea quippe damnum facit, & sonitum non facit: ita iniquorum mentes, quia damna sua considerare negligunt, integritatem quasi nescientes perdunt. Amittunt nanque à corde innocentiam, ab ore veritatem, à carne cōtinentiam, & per accessum temporis ab ætate vitam. Sed hæc se indefinēter amittere nequam cōspiciūt, dum toto desiderio curis temporalibus occupantur. Quasi ergo à tineā consumuntur, quia sine sonitu, culpæ morsum tolerant, dum quanta detrimenta vitæ & innocentie patiantur, ignorant. Vnde & bene subditur: *De mane vsque ad vespere succidentur.* A mane vsque ad vespere peccator succiditur, dum à vitæ suę exordio vsque ad terminum iniquitatis perpetatione vulneratur. Omni nanque tempore reprobi per augmentum malitię contra se ictus ingeminant, quibus succisi in profundum ruant. De quibus bene per Psalmistam dicitur: *Viri sanguinum, & dolosi non dimidiabunt dies suos.* Dies quippe dimidiare, est tēpus vitæ malæ in voluptatibus ductum,

2. Corin. 4.
2. Corin. 5.

Psalm. 138.

28.

Malac. 2.

Philipp. 3.

1. ad. corin. 15.

Psalm. 54.

Eph. 5.

Esaie 57.

29.

ductum, ad pœnitentiæ lamenta diuidere, atque hoc ad bonum vsum partiendo reparare sed iniqui dies suos nequam dimidiant, quia peruersam mentem nec in extremo tempore immutât. Quo contra bene Paulus admonet dicēs: Redimētes tempus, quoniam dies mali sunt. Tempus quippe redimimus, quādo anteactā vitam, quam lasciuiendo perdidimus, flendo reparamus. Sequitur: *Et quia nullus intelligit, in æternum peribunt.* Nullus videlicet eorum qui à mane vsque ad vesperam succidentur. Nullus intelligit, vel eorum qui pereunt, vel eorum qui perditos mores pereuntium imitantur. Vnde aliàs scriptum est: Iustus perit, & nemo est qui recogitet in corde suo, & viri misericordiæ colliguntur, quia non est qui intelligat. Iniqui ergo dū sola temporalia appetunt, & quæ bona electis in æternum maneant, scire contemnunt, dum iustorum afflictionem conspiciunt, sed quæ sit afflictionis retributio non agnoscunt, actionis suæ pedem in profundū porrigunt: quia à luce intelligentiæ sponte sua oculos claudunt. Stultis enim voluptatibus decepti, dum quæ vident, temporaliter diligunt, à semetipsis alienati nō vident, vbi in æternum ruunt. Potest etiam mane prosperitas, vespere huius mundi aduersitas designari. De mane ergo vsque ad vesperam reprobi succiduntur, quia & per prospera lasciuiētes depereunt, & per aduersa impatiētes ad insaniam exurgunt. Quos de mane vsque ad vesperam nequaquam culpa succideret, si vel prospera fomentum crederent, vel aduersa sectionem sui vulneris æstimerēt. Sed quia nequaquā sic humani generis multitudo deseritur, vt cuncta ad interitum tēdere permittatur, sunt nonnulli qui præsētis vitæ oblectamenta despiciunt, etiam cum assunt, transitoria esse considerant, atque hæc ex amore æternitatis calcant. Cūque in hoc primo gradu iudicij gressum ponunt, vegetiores ad altiora perueniunt, vt cuncta temporalia non solum quia citius sunt admittenda, despiciant, sed his inhærere non appetant: etiam si æterna esse potuissent: & à pulchrè conditis amorem subtrahunt, quia in ipsum auctorem pulchritudinis cordis passibus tendunt. Et sunt nonnulli qui bona vitæ præsētis diligunt, sed tamen hæc nullatenus assequuntur: qui rebus temporalibus totis desideriis inhiant, mundi gloriam quærunt, sed adipisci nequaquam possunt. Hos, vt ita dixerim, cor ad mundum pertrahit, mundus ad cor repellit. Nam sepe contingit, vt ipsis suis aduersitatibus fracti ad mentem redeant, & in semetipsis reuersi considerent, quā sint inania quæ quærebant, seseque pro tam stulto desiderio protinus ad lamentum vertant, & tantò valentius æterna desiderant, quantò se stultius laborasse pro temporibus dolent. Vnde bene descriptis reprobis subditur:

Quod eos quos mundus hic despicit, Deus eligit, & quid sit quod puer Amalechita dux Dauid in persecutione hostium efficitur.

Capit. XXIX.

1. Cor. 1.

2. Reg. 30.

Qui autem reliqui fuerint, auferentur ex eis. Quos alios reliquos, nisi huius mundi despectos accipimus? Quos dū præsens seculum ad nullius gloriæ vsum eligit, quasi minimos indignosque derelinquit. Sed mundi reliquos auferre Dominus dicitur, quia despectos huius seculi eligere dignat, Paulo attestante qui ait: Non multi sapiētes secundum carnē, non multi potentes, non multi nobiles, sed quæ stulta sunt mundi elegit Deus, vt cōfundat sapientes: & infirma mundi elegit Deus vt cōfundat fortia. Quod bene in libris Regum, Aegypto puero in via lassescēte signatur, quē Amalechita egrotum in itinere deserit. Dauid verò inuenit, cibo reficit, ducē sui itineris facit: Amalechitā persequitur, epulantem reperit, & funditus extinguit. Quid est enim quod Aegyptius Amalechite puer in itinere lassatur, nisi quod amator præsēntis seculi peccati sui nigredine opertus, sepe ab eodem seculo infirmus despectusque relinquitur, vt cum eo currere nequaquam valeat, sed fractus aduersitate torpescat? Sec hūc Dauid inuenit, quia redēptor noster veraciter manu fortis, nonnulla quos despectos à mundi gloria reperit, in suū amorē cōuertit. Cibo pascit, quia verbi scientia reficit. Ducem itineris eligit, quia suum etiam prædicatorem facit. Et qui Amalechitam sequi nō voluit, dux Dauid efficitur: quia is quem indignum mūdus deseruit, non solum conuersus in suam mentē

Tomus primus.

A Dominum recipit, sed prædicando hunc etiam vsque ad aliena corda perducit. Quo videlicet duce Dauid conuiuātem Amalechitam inuenit & extinguit, quia ipsis prædicantibus Christus mundi lætitiā destruit, quos mundus habere comites despexit. Quia igitur plerumque quos mundus relinquit, Dominus elegit, rectè nunc dicitur: *Qui reliqui fuerint, auferentur ex eis.* Sequitur. *Morientur, & non in sapientia.* Quid est quod superius reprobis interitum protulit, dicens: Quia nullus intelligit, in æternum peribunt: & de electis Dei ilico adiunxit: Qui reliqui fuerint, auferentur ex eis: & hoc protinus quod eisdem electis non conueniat, dicens subdidit: *Morientur, & non in sapientia.* Si enim à reprobis diuinitus auferuntur, quo pacto mori non in sapientia dicuntur? Sed nimirum sacræ scripturæ consuetudo est, vt cū aliquid narrat, interposita alterius causæ sentētia, ad superiora protinus redeat. Nam postquam dixit: Et quia nullus est qui intelligat, in æternum peribunt: electorum mox sortem subintulit, dicens: Qui autem reliqui fuerint, auferentur ex eis. Et rursum sententiæ suæ oculum, in eum quem prædixerat interitum reprobis mittens, subito adiunxit: *Morientur, & non in sapientia.* Ac si diceret: Hi quos dixi, quia non intelligentes in æternum peribunt, proculdubio non in sapientia morientur. Sed hunc esse nonnunquam morem sacri eloquij melius ostendimus, si ex eo aliquam huius rei similitudinē proferamus. Paulus nanque Apostolus cū dilectum discipulum de instituēdis Ecclesiæ officiis admoneret, ne quos fortè ad sacros ordines inordinatè prouheret, dixit: Manus citò nemini imposueris, neque *1. Tim. 4.* communicaueris peccatis alienis, teipsum castū custodi. Qui ad infirmitatem eius corporis protinus verba conuertens ait: Noli adhuc aquam bibere, sed modico vino vtēre, propter *1. Tim. 5.* stomachum tuum, & frequentes tuas infirmitates. Statimque subiungit, dicens: Quorundam hominum peccata manifesta sunt præcedentia ad iudicium, quorundam autem & subsequuntur. Quid ergo ad illud pertinet, quod ab infirmo aquam bibi prohibuit, hoc quod de peccatis absconditis quorundam hominum manifestisque subiunxit? nisi quod interposita de eius infirmitate sententia, ad hoc in extremo rediit, quod superius dixit: Manus citò nemini imposueris, neque communicaueris peccatis alienis. Vt enim hæc eadem peccata quanta sollicitudine perquirenda essent ostenderet, interposita contra infirmitatis molestiam discretionis admonitione, protinus intulit, quod in aliis patescerent, in aliis laterent, dicens: Quorundam hominum peccata manifesta sunt præcedentia ad iudicium, quorundam autem & subsequuntur. Sicut ergo per hanc sententiam non eisdem verbis Paulus congruit, quibus eam loquens de Timothei infirmitate subiunxit: sed ad illud rediit quod superius intermittēdo narrauit, ita hoc loco Eliphaz cū de electis diceret: *Qui reliqui fuerint, auferentur ex eis, ilico adiungens: Morientur, & non in sapientia:* ad illud protinus recurrit quod superius de reprobis protulit, dicens: *Et quia nullus intelligit, in æternum peribunt.* Idcirco autem reprobi electos despiciunt, quod ad vitam inuisibilem per visibilem mortem tendunt. De quibus bene nunc dicitur: *Morientur, & non in sapientia.* Ac si apertè diceretur: Mortem quidem & sapientiam pariter fugiunt, sed sapientiam penitus deserunt, mortis autem laqueos non euadunt. Et quia quandoque morituri viuere moriendo potuerant, dum mortem, quæ proculdubio ventura est, metuunt, & vitam simul & sapientiam perdunt. At contrā, iusti in sapientia moriuntur, quia mortem quam deuitare funditus nequeunt, cū pro veritate imminet, differre contemnunt, eamque dum æquanimiter ferunt, pœnam propaginis vertunt in instrumentum virtutis: vt inde debeat vita recipi, vnde per primæ culpæ meritum cogitur finiri. Sed quia Eliphaz hæc contra iniquos veraciter protulit, beatum Iob reprehensibilem æstimans, de fastu sapientiæ inflauit. Vnde & post prædicamenta tantæ rectitudinis, irrisoris verba subiungit, dicens:

30.

Caput quintum beati Iob.



Oca ergo, si est qui tibi respondeat, & ad aliquem sanctorum conuētere. Virum stultum interficit iracundia, & paruulum occidit inuidia. Ego vidi stultum firma

e ij

radice, & maledixi pulchritudini eius statim. Longè fient filij eius à salute, & conterentur in porta, & nō erit qui eripiat. Cuius messem famelicus comedit, & ipsum rapiet armatus, & bibent sitientes diuitias eius. Nihil in terra sine causa fit: & de humo non egredietur dolor. Homo nascitur ad laborem, & aui ad volatum. Quamobrem ego deprecabor Dominum, & ad Deum ponam eloquium meum. Qui facit magna & inscrutabilia, & mirabilia absque numero. Qui dat pluuiā super faciā terrā, & irrigat aquis vniuersa. Qui ponit humiles in sublime, & mœtētes erigit sospitate. Qui dissipat cogitationes malignorū, ne possint implere manū eorū quod cœperāt. Qui apprehēdit sapiētes in astutia eorū, & consiliū prauorū dissipat. Per diē incurrent tenebras, & quasi in nocte, sic palpabūt in meridie. Porrò saluū faciet egenos à gladio oris eorum, & de manu violenti pauperem. Et erit egeno spes, iniquitas autem contrahet os suum. Beatus homo qui corripitur à Domino. Inreparationem ergo Domini ne reprobes, quia ipse vulnerat & medetur: percutit, & manus eius sanabūt. In sex tribulationibus liberabit te, & septima non tanget te malum. In fame eruet te de morte, & in bello de manu gladij. A flagello linguæ absconderis, & nō timebis calamitatem cū venerit. In vastitate & fame ridebis, & bestias terrē non formidabis. Sed cum lapidibus regionum pactum tuum, & bestię terrē pacificæ erunt tibi. Et scies quod pacem habeat tabernaculum tuum, & visitans speciem tuam non peccabis. Et scies quoniam multiplex erit semen tuum, & progenies tua quasi herba terræ. Ingrediēris in abundantia sepulchrum, sicut infertur aceruus tritici in tempore suo. Ecce hoc, vt inuestigauim⁹, ita est quod auditum mente pertracta.

Quantum peccatum sit ira, quod etiam homicidio comparatur: & quomodo compeſci debeat. Caput XXX.

Prover. 28.

Voca ergo si est, qui tibi respondeat. Omnipotens enim Deus sæpe eius precem in perturbatione deserit, qui præcepta illius in tranquillitate contemnit. Vnde scriptum est: Qui auertit aurē suā ne audiat legem, oratio eius erit execrabilis. Vocare autem nostrum, est humili Deum prece deprecari: respondere verò Dei, est effectum præcibus prebere. Ait ergo: *Voca si est qui tibi respondeat.* Ac si apertè dicat: Quantumlibet afflicti clames, Deum tibi respondentem non habes, quia vox in tribulatione eum non inuenit, quem mens in tranquillitate contempsit. Vbi adhuc deridendo subiungit: *Et ad aliquem sanctorum conuerti.* Ac si despiciens dicat: Sanctos quoque inuenire in afflictione adiutores non vales, quos habere socios in hilaritate noluiſti. Qui post irrationem protinus sententiam subdit, dicens: *Virum stultum interfecit iracundia, & paruulum occidit inuidia.* Quæ nimirum sententia vera esset, si illata contra tanti viri patientiam non fuisset. Sed nos pensamus quod dicitur: quauis ab auditoris sui virtute elidatur, vt ostendamus quā rectum est quod promittitur, si non in beatum Iob iniuste promeretur, cū scriptum fit: Tu autem Domine cum tranquillitate iudicas. Sciendum nobis magnopere est, quia quotiens turbulentos motus animi sub mansuetudinis virtute restringimus, ad similitudinem redire conditoris conamur. Nam cū tranquillitatem mentis ira diuerberat, dilaniatam quodammodo scissamque perturbat, vt sibi metipſi non congruat, ac vim intimæ similitudinis amittat. Quanta ergo sit iracundiæ culpa pensamus, per quam dum mansuetudo amittitur, supernæ imaginis similitudo vitatur. Per iram sapientia perditur: vt quid, quove ordine agendum sit, omnino nesciatur, sicut scriptum est: Ira in sinu stulti requiescit: quia nimirum intelligentiæ lucem subtrahit, cū mentem permouendo confundit. Per iram

Sapient. 12.

31.

Ecl. 7.

Evita amittitur, etsi sapientia teneri videatur, sicut scriptum est: Ira perdit etiam prudente: quia scilicet confusus animus nequaquam explet, etiam si quid intelligere prudenter valet. Per iram iustitia relinquitur, sicut scriptum est: Ira viri iustitiam Dei non operatur: quia dum perturbata mens iudicium suæ rationis exasperat, omne quod furor suggerit, rectum putat. Per iram gratia vitæ socialis amittitur, sicut scriptum est: Noli esse assiduus cum homine iracundo, ne discas semitas eius, & sumas scandalum animæ tuæ. Et idem: Quis poterit habitare cum homine, cuius spiritus facilis est ad irascendū? Quia qui se ex humana ratione non temperat, necesse est vt bestialiter solus viuat. Per iram concordia rumpitur, sicut scriptum est: Vir animosus parit rixas, & vir iracundus effundit peccata. Iracundus quippe peccata effundit, quia etiam malos quos incautè ad discordiam prouocat, peiores facit. Per iram lux veritatis amittitur, sicut scriptum est: Sol non occidat super iracundiam vestram: quia cū menti iracundia confusionis tenebras incutit, huic Deus radium suæ cogitationis abscondit. Per iram sancti spiritus splendor excluditur, quo contrā, iuxta vetustam translationem scriptum est: Super quem requiescit spiritus meus, nisi super humilem & quietum & trementem sermones meos? Cū enim humilem diceret, quietum protinus adiunxit. Si ergo ira quietem mentis subtrahit, suam sancto spiritui habitationem claudit, cuius recessione animus vacuus, ad apertam mox insaniam ducitur, & vsque ad superficiem ab intimo cogitationum fundamento dissipatur. Nam iræ suæ stimulis accensum cor palpitat, corpus tremit, lingua se præpedit, facies ignescit, exasperantur oculi, & nequaquam recognoscuntur noti. Ore quidem clamorem format, sed sensus quid loquatur ignorat. In quo itaque iste ab abreptitiis longè est, quia actionis suæ conscius non est: vnde fit plerunque, vt vsque ad manus ira profiliat, & quod ratio longius recedit, audacior exurgat, seque ipsum animus retinere nō valet: quia factus est potestatis alienæ: & cō furor mēbra foris in ictibus exercet, quod intus ipsam membrorum dominam mentem captiuam tenet. Aliquando autem manus non exerit, sed in maledictionis iaculum linguam vertit. Fratrī nanque interitum precibus exposcit, & hoc Deum perpetrare expetit, quod ipse peruersus homo facere, vel metuit, vel erubescit. Fitque vt voto, & voce homicidium peragat, etiam cū à læsione proximi manibus cessat. Aliquando ira perturbato animo quasi ex iudicio silentium indicit, & quod se foras per linguam non exprimit, intus deterius ignescit, vt iratus quisque colloquutionem suam proximo subtrahat, & nil dicendo quā sit aduersus dicat. Et nonnunquam hæc silentij seueritas per disciplinæ dispensationem geritur: si tamen sollicitè in intimis discretionis forma teneatur. Nonnunquam verò dum accensus animus à consueta locutione restringitur, per accessum temporis penitus à proximi dilectione separatur, & acriores stimuli ad mentem veniunt, causæque quæ grauius exasperant oriuntur, atque in irati oculo festuca in trabem vertitur, dum ira in odium permutatur. Plerunque ira per silentium clauſa intra mentem vehementius æstuat, & clamorosas tacita voces format: verba sibi quibus exasperetur obicit, & quasi in causæ examine posita durius exasperata respondet, quod Salomon breuiter insinuat, dicens: Præſtolatio impiorum furor. Sicque fit vt perturbatus animus maiorem strepitum sui silentij sentiat, eūque grauius causa iræ flamma consumat. Vnde bene ante nos quidam sapiens dixit: Cogitationes iracundi vipereæ sunt generationis, mentem comedunt matrē suam. Sciendū verò est quod nōnulos ira citius accendit, facilius deserit. Nonnullos verò tardè quidē cōmouet, Sed diutius tenet. Alij nanque accēsis calamis similes dū vocibus perſtrepūt, quasi quosdā accēſionis suæ sonitus reddunt, citius quidē flammā faciunt, sed protinus in fauilla frigescunt. Alij autē lignis grauioribus duriorib⁹q; non disparēs, accensionē tardè suscipiunt, sed tamē accēsi semel diffici⁹ extinguunt: & quia se tardius in asperitatē cōcitant, furoris sui diutius ignē seruant, Alij autē, quod est nequius, & citius iracundiæ flāmas accipiūt, & tardius deponunt. Nōnulli verò has & tardè suscipiunt, & citius amittunt. In quibus nimirū quatuor

Iaco. 1.

Prover. 26.

Prover. 16.

Eph. 4.

Esai. 66.

Prover. 16.

32.

quatuor modis liquidò lector agnoscit, quia & ad tranquillitatis bonum vltimus plusquàm primus appropinquat, & in malo secundum tertius superat. Sed quid prodest quòd iracundia quomodo mentem teneat dicimus, si non etiam qualiter compesci debeat exprimamus? Duobus etenim modis fracta possidere animum ira desuescit. Primus quippe est vt mens sollicita antequàm agere quodlibet incipiat, omnes sibi quas pati potest contumelias proponat: quatenus redemptoris sui probra cogitans, ad aduersa se præparet. Quæ nimirum venientia tantò fortius excipit, quantò se cautius ex præsciencia armavit. Qui enim improvidus ab aduersitate deprehenditur, quasi ab hoste dormiēs inuenitur, eūque citius inimicus necat, quia non repugnantem perforat. Nam qui mala imminetia per sollicitudinē prænotat, hostiles incurfus quasi in insidiis vigilans expectat: & inde ad victoriam valenter accingitur, vnde nesciēs deprehendi putabatur. Solerter ergo animus ante actionis suæ primordia, cūcta debet aduersa meditari: vt semper hæc cogitans, semper contra hæc thorace patientiæ munitus, & quicquid acciderit, prouidus superet: & quicquid non accesserit, lucrum putet. Secundus autem seruandæ mansuetudinis modus est, vt cūm alienos excessus aspiciamus, nostra quibus in aliis excessimus delicta cogitemus. Considerata quippe infirmitas propria, mala nobis excusat aliena. Patienter nanque illatam iniuriam tolerat, qui piè meminit quod fortasse adhuc habeat, in quo debeat ipse tolerari. Et quasi aqua ignis extinguitur, cūm surgente furore animi, sua cuique ad mentem culpa reuocatur, quia erubescit sibi peccata non parcere, qui vel Deo vel proximo sepe se recolit parcenda peccasse. Sed inter hæc solerter sciendū est, quòd alia est ira quam impatientia excitat, alia quam zelus iustitiæ format. Illa ex vitio, hæc ex virtute generatur. Si enim nulla ira ex virtute surgeret, diuinæ animaduersionis impetum Phinees per gladiū non placasset. Hanc irā quia Heli nō habuit, motū contra se implacabiliter supernæ ultionis excitauit. Nā quòd cōtra subditorum vitia tepuit, eò contra illum districtio æterni rectoris exarsit. De hac ira per Psalmistam dicitur: Irascimini, & nolite peccare. Quod nimirum nō rectè intelligūt, qui irasci nos nobis tantūmodo, nō etiam proximis delinquentibus volunt. Si enim sic proximos vt nos amare præcipimur, restat, vt sic eorum erratibus, sicut nostris vitiis irascamur. De hac per Salomonem dicitur: Melior est ira risu, quia per tristitiam vultus corrigitur animus delinquentis. De hac iterum Psalmista ait: Turbat⁹ est præ ira oculus meus. Ira quippe per vitium oculum mentis excæcat, ira autem per zelum turbat, quia quo saltem recti æmulatione concutitur, ea quæ nisi tranquillò corde percipi non potest, cōtemplatio dissipatur. Ipse nanq; zelus rectitudinis, quia in quietudine mentē agitat, eius mox aciem obscurat, vt altiora in commotione non videat, quæ bene prius tranquilla cernebat. Sed inde subtilius ad alta reducitur, vnde ad tempus ne videat reuerberatur. Nam ipsa recti æmulatione æterna post paululum in tranquillitate largius aperit, quæ hic interim per commotionem claudit: & vnde mens turbatur ne videat, inde proficit, vt ad vidēdum verius clarescat: sicut infirmanti oculo cūm collyrium immittitur, lux penitus negatur: sed inde eam post paululum veraciter recipit, vnde hanc ad tempus salubriter amittit. Nunquam verò commotioni cōtemplatio iungitur, nec præualeat mēs perturbata conspiciere, ad quod vix trāquilla valet inhiare: quia nec Solis radius cernitur, cūm commotæ nubes cœli faciē obducunt, nec turbatus fons inspicientis imaginem reddit, quam tranquillus propriè ostēdit: quia quòd eius vnda palpitat, eò in se speciem similitudinis obscurat. Sed cūm per zelum animus mouetur, curandum summopere est, ne hæc eadem quæ instrumentum virtutis assumitur, menti ira dominetur, nec quasi domina præeat, sed velut ancilla ad obsequium parata, à rationis tergo nunquā recedat. Tūc enim robustius cōtra vitia erigitur, cūm subdita rationi famulatur. Nam quantumlibet ira ex zelo rectitudinis surgat, si immoderata mentem vicerit, rationi protinus seruire contemnit, & tantò se impudentius dilatat, quantò impatientiæ vitium virtutem putat. Vnde necesse est vt hoc ante omnia, qui zelo rectitudinis mouetur, attendat, ne ira extra mentis dominium transeat, sed in vltione peccati tempus modūque considerans, surgentem ani-

Tomus primus.

A mi perturbationem subtilius retractando restringat, animositatem reprimat, & motus feruidos sub æquitate disponat, vt eò fiat iustior vltra alienos, quo prius extitit victor suus, quatenus sic culpas delinquentium corrigat, vt antè ipse qui corrigit, per patientiam crescat, vt feruorem suum transcendendo diiudicet, ne intemperanter excitatus ipso zelo rectitudinis, longè à rectitudine aberret. Quia verò, sicut diximus, etiam laudanda boni æmulatio mentis oculum turbat, rectè nunc dicitur: *Virum stultum interficit iracundia.* Ac si apertè diceretur: Ira per zelum sapientes turbat, ira verò per vitium stultos trucidat, quia illa sub ratione restringitur, hæc verò irrationabiliter deuictæ menti dominatur. Bene autem subditur:

Quomodo inuidia cognoscitur. Caput XXXI.

E T paruum occidit inuidia. Inuidere enim non possumus, nisi eis quos nobis in aliquo meliores putamus. Paruulus ergo est qui liuore occiditur, quia ipse sibi testimonium perhibet, quòd eo minor sit cuius inuidia torquetur. Hinc est quòd hostis callidus primo homini inuidendo surripuit, quia amissa beatitudine, minorem se immortalitate illius agnouit. Hinc est quòd Cain ad perpetrandum fratricidiū corrui: Gen. 4. quia despecto suo sacrificio, prælatū sibi infremuit, cuius Deus hostiam accepit, & quem meliorem se esse exhorruit, ne vlti- que esset, amputauit. Hinc Esau ad persecutionē fratris exar- Gen. 25. sit, quia primogenitorum benedictione perdita, quam tamen pro esu lenticulæ ipse vendiderat, minorē se eo quem nascendo præbat, ingemuit. Hinc Ioseph fratres sui Hismælitis trā- Gen. 37. seuntibus, vèdiderūt: quia cognito reuelationis mysterio, ne se fieret melior, eius profectib⁹ obuiare conati sunt. Hinc Saul 1. Reg. 18. Dauid subditū lanceam intorquendo persequitur, quia quē magnis quotidie augeri virtutū successibus sensit, vltra se ex- crescere expauit. Paruulus itaq; est qui inuidia occiditur: quia nisi ipse inferior existeret, de bono alterius nō doleret. Sed 34. inter hæc sciendum est, quia quauis per omne vitium quod perpetratur, humano cordi antiqui hostis virus infunditur, in hac tamen nequitia, tota sua viscera serpens concutit, & impri- mendæ malitiæ pestem mouit. De quo nimirum scriptum est: Inuidia diaboli mors intrauit in orbem terrarum. Nam cūm Sapien. 2. deuictum cor liuoris putredo corruperit, ipsa quoque exteriora indicant, quā grauius animum vesania instigat. Color quippe pallore afficitur, oculi deprimuntur, mens accenditur, & membra frigescent, fit in cogitatione rabies, in dentibus stridor: cūmque in latebris cordis crescens absconditur odiū, dolore cæco tenebrat conscientiam vulnus inclusum. Nil læ- tum de propriis libet, quia tabescentem mētem sua pœna fau- ciat, quam felicitas torquet aliena: quantòque extranei operis in altum fabrica ducitur, tantò fundamentum mentis liuidæ profundius suffoditur: vt quòd alij ad meliora properant, eo ipso deterius ruant, qua ruina videlicet etiam illud destruitur, quod in aliis actibus perfectò opere surrexisse putabatur. Nā inuidia cum mentem tabefecerit, cuncta quæ inuenerit bene gesta consumit. Vnde bene per Salomonem dicitur: Vita car- Prover. 14. nium sanitas cordis, putredo ossium inuidia. Quid enim per vitam carnis, nisi infirma quædam ac tenera, & quid per ossa, nisi fortia acta signantur? Et plerunque contingit vt quidam cūm vera cordis innocentia, in nonnullis suis actibus infirmi videantur, quidam verò iam quædam ante humanos oculos robusta exerceant, sed tamē erga aliorum bona, intus inuidiæ pestilentia latenter tabescant. Bene ergo dicitur: Vita carnum sanitas cordis: quia si mentis innocentia custoditur, etiam si qua foris infirma sunt, quandoque roborantur. Et rectè subdi- tur: Putredo ossium inuidia: quia per liuoris vitium, ante Dei oculos pereunt, etiam fortia acta virtutum. Ossā quippe per inuidiam putrescere, est quædam etiam robusta deperire. Sed cur hæc de inuidia dicimus, si non etiam qualiter eruatur intimescimus? Difficile nanque est vt hoc alteri non inuideat, quod adipisci alter exoptat: quia quicquid temporaliter percipitur, tantò fit minus singulis, quantò diuiditur in multis: & idcirco desiderantis mentem liuor excruciat, quia hoc quod appetit, aut funditus alter accipiens adimit, aut à quantitate restringit. Qui ergo liuoris peste plenè carere desiderat, illam hæredita- tem diligat, quam cohæredum numerus non angustat, quæ & omnibus vna est, & singulis tota: quæ tantò largior esse ostenditur, quantò ad hanc percipiētium multitudo dilatur.

e iij

Imminutio ergo liuoris, est affectus surgens internæ dulcedinis, & plena mors eius, est perfectus amor æternitatis. Nam cum mens ab eius rei appetitu retrahitur, quæ accipientium numero partitur, tantò magis proximum diligit, quantò minus ex profectu illius sua damna pertimescit. Quæ si perfectè in amore cœlestis patriæ rapitur, plenè etiam in proximi dilectione sine omni inuidia solidatur: quia cum nulla terrena desiderat, nihil est quod eius erga proximum charitati contradicat. Quæ nimirum charitas quid est aliud quàm mentis oculus, qui si terreni amoris puluere tangitur, ab internæ lucis mox intuitu læsus reuerberatur. Quia autem paruulus est qui terrena diligit, magnus qui æterna concupiscit, potest etiam sic non inconuenienter intelligi. Paruulum occidit inuidia, quoniam huius pestis languore non moritur, nisi qui adhuc in desideriis infirmatur.

Finit liber quintus Moraliū sancti Gregorij & totius operis pars prima.

B. GREGORII LIBER SEXTVS CONTINUANS MORALITER QUINTUM

Caput Iob.

Quid per nomen Iob & vulnera eius, quæ à planta pedis vsque ad verticem pertulit: quid item per uxorem maledictionem suadere conantem, quidque per amicos consolatores accipiat, breuiter recapitulatur.

Caput I.



Eruata historiæ veritate, beati Iob dicta amicorumq; illius, mystica proposui interpretatione discutere, quia cunctis vera scientibus liquet, quod redemptorem mundi totis suis allegationibus curat sancta scriptura promittere, eumque per electos omnes, ut per ei scilicet mēbra, studuit designare. Vnde & idem Beat⁹ Iob

Latino eloquio dolens dicitur: ut per eius & nomen & vulnera, redemptoris nostri passio designetur, de qua Propheta ait: Verè languores nostros ipse tulit, & dolores nostros ipse portauit. Cui tentator ablati omnibus, & seruos & liberos occidit, quia non solum Iudaicum populum ex timore seruientem, sed ipsos quoque Apostolos in suo amore regeneratos, passionis eius tempore telo perfidiæ percudit. Vulneribus beati Iob corpus atteritur, quia redēptor noster configi clauis in crucis patibulo non dedignatur. A planta autem pedis, vsque ad verticem vulnera suscepit, quia sanctam Ecclesiam, quæ corpus eius est, non solum per extrema & vltima, sed vsque ad summa membra persecutione sæuiēs tentator afflixit. Vnde etiam Paulus dixit: Cōplebo ea quæ defunt passionū Christi in carne mea. Cui suadere vxor ad maledicendum nititur, quia carnales quique intra sanctā Ecclesiam adiutores callidi tentatoris existunt. Quæ enim eum ad maledicendū prouocat, vitam carnalium designat: qui, ut suprà diximus, iam intra sanctam Ecclesiam incorrectis moribus positi, quò per fidem bonis iuxta sunt, eò per vitam durius premunt. Quia enim quasi fideles vitari nequeunt, à fidelibus tantò deterius, quātò & interius tolerātur. Amici verò illius qui quasi ad cōsolandum veniunt, sed ad verba asperæ inuectionis excedunt, hæreticorum speciem tenent, qui cum contra bonos Deum defendere nituntur, offendunt. Hęc itaque superius latius dicta, nunc breuiter studui ex mystica designatione succingere, ut lector meus ex ipsa hac replicatione meminerit me in hoc opere spiritali intellectui deseruire, & tamen cum vtilitatis ipsius vsus postulat, subtiliter quoq; studio historiæ verba discutere: cum verò necesse est, simul vtrunque complector, ut spirituales fructus allegoria generet, quos tamen ex radice historiæ veritas producit. Amicos ve-

ro beati Iob, quos hæreticorum speciem tenere diximus, in dictis suis nequaquam per omnia reprobamus, quia dum per supernam sententiam contra eos dicitur: Non estis locuti coram me rectum, & protinus subditur: Sicut seruus meus Iob: profectò liquet, quia non omnino despicitur, quod ex melioris comparatione reprobatur. In reprehensione quippe eius incautè dilabuntur, sed tamen quia tanti viri amici sunt, ex familiaritate illius mystica multa didicerunt. Vnde & sicut superius diximus, eorum verbis etiam Paulus vtitur, & hæc in assertionis suæ adiutorium assumens, prolata ex veritate testatur. Quæ tamen veritas rectè reprehendit: quia quilibet fortis sententia contra sanctum virum proferri non debuit. Possunt ergo mysticè Eliphaz verba pensari, quibus ad beatum Iob loquitur, dicens:

Quod stultus fuerit Iudæorum populus, qui præsentem Dominum in carne spreuit, & filij eius sint qui perfidiam eius imitantur.

Caput II.

Ego vidi stultum firmam radicem, & maledixi pulchritudini eius statim. Stultus quippe Iudæorum populus extitit, quia ipsam in carne præsentiam æternæ sapientiæ spreuit. Qui quasi firma radice conualuit, quia electorum vitam temporaliter extinguendo superauit. Sed hunc Eliphaz maledicendo despicit: quia nimirum omnes hæretici, quorum tenere speciem amicos beati Iob diximus, cum de nomine Christi gloriantur, Iudæorum perfidiam ex autoritate reprehendunt. De quo stulto protinus subditur: Longè sicut filij eius à salute. Filij huius stulti sunt omnes qui perfidiæ illius prædicatione generantur. Qui scilicet à salute longè sunt, quia etsi temporalem vitam sine afflictione percipiunt, æterna grauius vltione feriētur, sicut de eisdem filiis illius, Dominus dicit: Vg-

vobis scribæ & Pharisei hypocritæ, qui circuitis mare & aridam, ut faciatis vnum profelytum, & cum fuerit factus, facitis eum filium gehennæ duplo quàm vos. Sequitur: Et conteretur in porta, & non erit qui eripiat. Quis alius portæ nomine, nisi mediator Dei & hominum debet intelligi, qui ait: Ego sum ostium, per me si quis introierit, saluabitur? Filij igitur huius stulti extra portā proficiunt, & in porta conteruntur: quia præuæ Iudæorum soboles ante mediatoris aduentum, in legis obseruatione floruerunt: sed in ipsa redemptoris nostri præsentia, à diuinitatis obsequio, perfidiæ suæ mentis repulsi ceciderunt. Quos nimirum non est qui eripiat: quia scilicet dum ipsum redemptorem extinguere persequendo conati sunt, oblata sibi remedium ereptionis absiderunt: de quo bene subditur: Cuius messem famelicus comedit, & ipsum rapiet armatus. Huius enim stulti messis fuerat sacri seges eloquij. Quædam nanque spicarum grana, sunt verba prophetarum, quæ stultus habuit, sed non comedit: quia Iudaicus populus legem quidem verbo tenuis tenuit, sed per fatuitatis fastidium ab eius intellectu ieiunauit. Huius verò stulti messem famelicus comedit, quia nimirum gentilis populus verba legis intelligendo edit, ad quæ plebs Iudaica sine intellectu laborauit. Hos famelicos fidei, Dominus præuidit, cum per Euangelistam dixit: Beati qui esuriunt & sitiunt iustitiam, quoniam ipsi saturabuntur. De his famelicis Anna prophetante dicitur: Repleti prius pro panibus se locauerunt, & famelici saturati sunt. Sed quia messem perdidit, rectè subiungitur, qualiter etiam ipse stultus perit, cum dicitur: Et ipsum rapiet armatus. Antiquus hostis Iudaicum populum armatus rapuit, quia in eo vitam fidei fraudulenter suggestionis iaculis extinxit: ut vnde se inhærere Deo crederet, inde eius ordinationi repugnaret. Quod profectò discipulos suos veritas præmonet, dicens: Venit hora, ut omnis qui interficit vos, arbitretur obsequium se præstare Deo. Sequitur:

Quid sit quod aliquis velox ingenio, quæ intelligit contemnit, & alius tardus & hebes vix tendem multo labore assequitur, quod cum intellexerit, operatur.

Caput III.

Et bibent sitientes diuitias eius. Huius stulti diuitias sitientes bibunt, quia fluentis sacræ locutionis, quæ Iudaicus populus in superbiæ ostentatione possederat, conuersæ gentilium mentes irrigantur. Vnde & eisdem per Prophetam dicitur: Omnes sitientes venite ad aquas, & qui non habetis argentum

Esai. 53.

Colos. 1.

Matth. 23.

Ioan. 10.

Matth. 5.

1. Reg. 1.

Ioan. 16.

Esai. 55.

Psal. 11.

argentum, properate. Quia enim argenti vocabulo eloquia diuina signantur, Psalmista testatur, dicens: Eloquia domini eloquia casta, argentum igne examinatum. Qui ergo argentum non habent, ad aquas vocantur, quia nimirum gentilitas, quæ scripturæ sacræ præcepta non acceperat, sacri eloquij inundatione satiatur, quā tantò nunc auidius potat, quā tò hanc diu sicca sitiebat. Eadē ergo diuina eloquia & messes & diuitiæ vocantur: messes, quia ieiunam mentem reficiunt, diuitiæ verò, quia magna nos morum venustate componunt. Eadem & comedi dicuntur & bibi, quia nimirum dum quædam in eis obscura sunt, quæ non nisi interpretata intelligimus, hæc quasi mandendo glutimus: dum quædam verò ad intelligendum facilia ita sumimus, vt inuenimus, ea quasi nō mansa bibimus quia non fracta sorbemus. Hæc sub intellectu mystico breui locutione transcurrimus, ne quid forsitan præterisse videamur. Sed quia beati Iob amici esse non possent, nisi in quibusdam quoque magna morum honestate fulgerent, restat vt in eorum verbis virtutum sensuum moraliter inquiramus, quatenus dum locutionis eorum pondus discutitur, cuius doctrinæ fuerint, ostendatur.

Gen. 4.

Quid sit maledicere pulchritudini stulti. Caput IIII.

Psal. 72.

Ego vidi stultum firmam radice, & maledixi pulchritudini eius statim. Quasi firma radice stultus in terra figitur, qui totis desideriis in terreno amore solidatur. Vnde & primus Cain ciuitatē in terra construxisse dicitur: vt apertè monstraretur, quia ipse in terra fundamentum posuit, qui à soliditate cœlestis patriæ alienus fuit. Quasi firma radice stultus attollitur: quando hic temporalis prosperitate fulcitur, vt omne quod appetit assequatur, aduersa nulla sustineat, contra infirmos sine repugnatione præualeat, bene agentibus ex autoritate contradicat, ad maiora commoda ex peiori semper actione perueniat, vt vnde viam vitæ deserit, inde ad tempus scilicet viuat. Sed cum malos florere infirmi conspiciunt, trepidant: & apud semetipsos peccantium prosperitate turbati intus in gressibus mentis nutant. Quorum profectò speciem sumpsit Psalmista, cum diceret: Mei autem pentè moti sunt pedes, penè effusi sunt gressus mei, quia zelauit in peccatoribus, pacem peccatorum videns. Cum verò eorum gloriam fortes aspiciunt, protinus quæ post gloriā pœna sequatur, attendunt: & alta intus cogitatione despiciunt, hoc quod foris superbi fastu vacuæ inflationis intumescunt. Bene ergo dicitur: Ego vidi stultum firmam radice, & maledixi pulchritudini eius statim. Pulchritudini quippe stulti maledicere, est eius gloriam ex considerata damnatione iudicare, quia eò atrocius in tormentis obruitur, quò altius in peccatis eleuatur, quia cum transit quod extollitur, permanet quod punitur. Qui honoratur in via, in peruentione damnabitur. Et quasi per amœna prata ad carcerem peruenit, qui per præsentis vitæ prospera ad interitum tendit. Notandum verò quòd cum stulti pulchritudini maledixisse se diceret, protinus addidit statim. Mos nanque humanæ & infirmæ mentis est, vt cum earum rerum quas respicit, qualitate varietur, sæpe eius iudicium cum ipsa præsentis rei specie ducatur, & iuxta hoc quod aspicit, intentio illius sensusque formetur. Nam plerumque nunnullos dum quorundam gloriam cernunt, eiusdem gloriæ aspectibus delectantur, ac magnum aliquid æstimant, seque vt talia mereantur, exoptant. Cum verò gloriosos quosque, aut deiectos subito, aut fortasse etiam morientes aspiciunt, quia humana gloria omnimodo nihil sit, cum gemitu fatentur: ita vt protinus dicant: Ecce quàm nihil est homo. Qui hoc nimirum rectius dicerent, si cum in gloria hominem cernerent, tunc eius interitum cogitantes, transeuntem potentiam nihil esse sensissent. Tunc quippe est humana elatio pensanda, quàm nihil sit cum sese super cæteros successibus extollit. Tunc considerandum est quo cursu felicitas trāsuolet, cum ante humanos oculos quasi permanens pollet. Nam gloriam morituri nihil esse, in ipsa iam morte pensare infirmi quilibet possunt. Tunc enim ei etiā illi derogant, qui hanc & vsque ad mortem sequentes amant. Bene itaque dicitur: Ego vidi stultum firmam radice, & maledixi pulchritudini eius statim. Ac si apertè diceret: Contra stulti pulchritudinem, moram in maledictione non habui: quia cum hanc cernerem, si mul etiam pœnam sequentem vidi. Non enim statim maledi-

Tomus primus.

Acerem, si qua me gloriæ illius delectatio tenuisset, sed sine tarditate maledixi: quia supplicia mansura cōspiciens, eius potentiam sine dubitatione reprobaui. Sed quia iniqui quique quò plus in hoc mundo proficiunt, plures secum ad interitum trahunt, rectè subditur: Longe fiant filij eius à salute. Filij quippe huius stulti sunt, qui in ambitione huius seculi, ex eius imitatione nascuntur, qui profectò tantò à salute longius fiunt, quantò in perpetratione nequitie nulla infirmitate feriuntur. De quibus bene additur:

Dies iudicij porta regni. Caput V.

Et conterentur in porta, & non erit qui eripiat. Nam sicut vrbis aditus porta dicitur: ita est dies iudicij porta regni: quia per eam ab electis omnibus ad cœlestis patriæ gloriam intratur. Vnde & hunc diem cum ad retributionem sanctæ Ecclesiæ Salomon appropinquare conspiceret, dixit: Nobilis in portis vir eius, quando sederit cum senatoribus terræ. Vir quippe est Ecclesiæ humani generis redemptor, qui in portis se nobilem ostendit, qui despectus prius in contumeliis exitit, sed in ingressu regni sublimis apparebit. Qui cum terræ senatoribus residet: quia iudicij sententiam cum sanctis eiusdem Ecclesiæ prædicatoribus decernet, & sicut ipse in E-

Prouer. 5.

Matt. 19.

Esaia 3.

Prouer. 31.

Matt. 5.

Matt. 23.

Buangelio dicit: Vos qui secuti estis me, in regeneratione, cum sederit filius hominis in sede maiestatis suæ, sedebitis & vos super sedes duodecim, iudicantes duodecim tribus Israël. Quod Esaia quoque longè antè prænuntians ait: Dominus ad iudicium veniet cum senioribus populi sui. De his portis Salomon iterum dicit: Date ei de fructu manuum suarum, & laudent eam in portis opera eius. Tunc quippe sancta Ecclesia de fructu manuum suarum accipit, cum eam ad percipiendam cœlestia, laboris sui retributio attollit. Tunc eam sua opera in portis laudant, quando eius membris in ipso regni aditu dicitur: Esuriui, & dedistis mihi manducare: sitiui, & dedistis mihi potum: hospes eram, & collegistis me: nudus, & cooperuistis me. Filij igitur huius stulti ante portam elati sunt: sed in porta conterentur, quia amatores huius seculi in præsentia vita superbiunt, sed in ipso regni aditu aeterna animaduersione feriuntur. Bene autem subditur: Et non erit qui eripiat. Illos quippe veritas ab aeterna aduersitate eripit, quos in temporalibus prosperis per disciplinam premit. Qui ergo nunc renuit premi, tunc non valet eripi: quia iniqui eum quem per disciplinam negligunt habere patrem, afflictionis suæ tempore per adiutorium non inuenient ereptorem. Sequitur: Cuius messem famelicus comedit. Habet enim stultus messem, quando iniquus quisque donum rectæ intelligentiæ accipit: scripturæ sacræ sententiis docetur, bona loquitur, sed tamen nullo modo hoc quod dicit operatur: verba Dei profert, nec tamen diligit: laudando exaggerat, viuendo calcat. Quia ergo stultus iste rectè & intelligit, & dicit, sed tamē hæc operando nō amat, messem habendo ieiunat. Quam nimirum famelicus comedit, quia is qui ad Deum sanctis desideriis anhelat, discit quod audit, agit quod didicerit: & dum doctoris prauis recta prædicatione reficitur, quid aliud quàm stulti fruge saturatur? An non famelicos suos veritas, vt stulti messem comederent admonerat, cum per desideria sancta flagrantibus, de Phariseis præcepit, dicens: Quæ dicunt facite, iuxta opera verò eorum, nolite facere. Ac si apertè diceret: Verbi messem loquendo excolunt, sed hanc malè viuendo minimè contingunt. Vestram ergo famē mēsis ista reficiat: quia vobis hæc per fatuitatis suæ fastidium seruant. Bene autem subditur: Et ipsum rapiet armatus. Antiquus nanque hostis quasi intermis vincitur, cum mala aperta suggerens humanæ menti, bona omnia simul destruere conatur. Sed armatus venit, quando bona alia intacta deferens, latenter alia corrumpit. Nam sæpe quosdam in intellectu non tentat, eisque in sacri eloquij meditatione non obuiat, sed tamen eorum vitam in operatione supplantat, qui dum de scientiæ virtute laudantur, nequaquam suorum operum damna respiciunt: cumque in fauoris delectationem animus ducitur, vitæ suæ vulnera non medetur. Hunc ergo armatus hostis rapuit, quem fraude tectus in alia deferens, ex alia parte separauit. Sequitur: Et bibent sitientes diuitias eius. Sæpe stultus habet interni liquoris fontem, sed non bibit: quia ingenium quidem intelligentiæ accipit, sed tamen veritatis sententias cognoscere legendo contemnit, scit quia

c iiii

intelligere studendo præualeat, sed ab omni doctrinæ studio fastidiosus cessat. Diuitiæ quoque mentis, sunt verba sacrae locutionis: sed has diuitias stultus oculis aspicit, & in ornamēti sui vsum minimè assumit, quia verba legis audiens, magna quidem esse considerat: sed ad comprehendēda hæc nullo studio amoris elaborat. At contrā alius sitim habet, ingenium non habet: amor ergo hunc ad meditandum pertrahit, sensus hebetudo contradicit, & sæpe hoc in diuinæ legis eruditione quandoque studendo intelligit, quod per negligentiam ingeniosus nescit. Huius ergo stulti diuitias sitientes bibunt, dum præcepta Dei quæ ingeniosi fastidientes nesciunt, hebetes amantes assequuntur. In his nimirum tenebras hebetudinis illustrat oculus amoris: nam hoc tardioribus sitis aperit, quod velocioribus fastidium claudit. Qui & idcirco ad intelligentiæ alta perueniunt, quia agere quæ intellexerunt, vel minima nulla contēnunt, & dum sensum manibus adiuuant, sese ultra altitudinem ingeniosorum leuant.

Præter. 30. Vnde bene per Salomonem dicitur: Stellio manibus nititur, & moratur in ædibus regis. Plerūque enim aues quas ad volatum penna subleuat, in vepribus resident: & stellio, qui ad volatum pennas non habet, nitens manibus, regis ædificium tenet: quia nimirum sæpe ingeniosi quique dum negligentia torpent, in prauis actionibus remanent, & simplices quos ingenij penna non adiuuat, ad obtinenda æterni regni moenia virtus operationis leuat. Stellio ergo dum manibus nititur, in regis ædibus moratur: quia illd simplex per intentionem recti operis peruenit, quod ingeniosus minimè ascendit. Sed his auditis, quæstio nostro cordi suboritur: cur vel negligenti intelligentiæ donum tribuatur, vel studiosus quisque sensus sui tarditate præpediatur? Ad quam citius responderetur, dū protinus subditur: *Nihil in terra sine causa fit*. Idcirco enim sæpe & desidiosus ingenium accipit, vt de negligentia iustius puniatur: quia quod sine labore assequi potuit, scire contemnit. Et idcirco nonnunquam studiosus tarditate intelligentiæ premitur, vt eò maiora præmia retributionis inueniat, quod magis in studio inuentionis elaborat. Nihil ergo in terra est sine causa, quando & studioso tarditas ad præmiū proficit, & desidiosus velocitas ad supplicium crescit. Ad intelligenda autem quæ recta sunt, aliquando laboris studio, aliquando verò dolore percussione erudimur. Vnde cū dictum sit: *Nihil in terra sine causa fit*, aptè protinus additur:

Quod non ex elementis huius mundi, sed ex nobis est causa per quam
merito flagellamur. Caput VI.

Сарит VI.

E *T de humo non egreditur dolor.*) Dolor nanque quasi de humo egreditur, cum homo ad Dei imaginem conditus, de rebus insensibilibus flagellatur. Sed quia per occulta merita mentium, aperta prodeunt flagella poenarum, de humo dolor non egreditur, quoniam sensus nostri malitia exigit, ut à rebus insensibilibus feriat. Ecce enim cernimus quod ad correptionem nostram, expectatus imber arente terra suspenditur, & caliginosus aer inardescente sole siccat, mare procellis tumescentibus saevit, & alios ad transmeandum susceptos intercipit, aliis desideratum iter erecta in cumulum vnda interdicat, terra non solum germina fecunditatis imminuit, sed etiam semina accepta consumit. In quibus nimirum cunctis patenter aspicitur hoc, quod quidam sapiens de Domino testatur, dicens: Et pugnabit cum illo orbis terrarum contra insensatos. Orbis quippe terrarum cum Domino contra insensatos pugnat, quando in poena delinquentium, & elementorum aduersitas militat. Sed tamen de humo dolor non egreditur: quia res quaelibet insensibilis ad afflictionem nostram, stimulo nostrae actionis excitatur. De humo dolor non egreditur: quia nequaquam poena de ea nascitur creatura, quae percutitur: sed de ea produl dubio quae peccando vim percussione extorsit. Sed cur ad magnopere est, ut cum in rebus exterioribus pondere doloris afficimur, spe superna tendamus, quatenus eo mens ad alta perueniat: quod nos exterior poena castigat. Vnde & apte subiungitur:

Quod amatores huius mundi, & in hoc seculo, & in futuro,
laboribus deputati sunt: servi verò Dei hinc mente auolan-
tes, sub se habent omnia, quæ contemnunt.

Caput VII.

Homo ad laborem nascitur, & auis ad volatum.) Ad laborem quippe nascitur homo, quia nimirum is qui accepta est præditus ratione, considerat, quod valde sibi sit impossibile, vt hæc peregrinationis suæ tempora sine gemitu euadat. Vnde bene Paulus cùm tribulationes suas discipulis enumeraret, adiunxit: Ipse enim scitis, quod in hoc positi sumus. Sed in eo quod caro flagellis afficitur, mens ad appetenda altiora subleuatur: Paulo rursus attestante, qui ait: Et licet is qui foris est noster homo corrumpatur, tamen is qui intus est, renouatur de die in diem. Homo ergo ad laborem nascitur, & auis ad volatum: quia inde mens ad summa euolat, vnde caro in infimis durius laborat. Potest quoque appellatio-
ne hominis, carnalium vita signari. Vnde & Paulus ait: Cùm enim sit inter vos zelus & contentio, nõne carnales estis? Quibus paulò post subiecit dicens: Nõne homines estis? In hac itaque vita homo ad laborem nascitur: quia carnalis quisque cùm transeuntia appetit, desideriorum suorum se pondere affligit. Grauis quippe labor est, hanc ipsam præsentis vitæ gloriam quærere, quæsitam quandoque percipere, & perceptam cum omni circumspectione custodire. Grauis labor est, hoc cum magna fatigatione apprehendere, quod is qui apprehendit, nouerit diu stare non posse. Sancti autem viri, quia transeuntia non amant, non solum nulla temporalium desideriorum pondera tolerãt, sed & si quæ aduersa cõfurgunt, in ipsis suis pressuris, & languoribus non laborant. Quid enim flagellis durius? & tamen de flagellatis Apostolis scriptum est: Ibant apostoli gaudentes à conspectu concilij: quoniam digni habiti sunt pro nomine Iesu contumeliam pati. Quid ergo eorum mentibus labor est, quibus & pœna verberum labor non est? Homo ergo ad laborem nascitur: quia ille huius mundi veraciter mala sentit, qui eius bona in-
hianter appetit. Nam cuius mens ad alta suspenditur, sub ipsa est, quicquid exterius contra ipsam mouetur: Bene itaque subditur: Et auis ad volatum.) Quia tantò animus à laboris afflictione se subtrahit, quantò per spem ad summa sustollit. An non quasi auis, Paulus ad volatũ natus fuerat, qui tot aduersa sustinens dicebat? Nostra autem conuersatio in cœlis est. Et rursus: Scimus quoniam si terrestris domus nostra huius habitationis dissoluatur, quod ædificationem habemus ex Deo, domum non manufactam, æternam in cœlis. Velut auis ergo ima trãscenderat, quæ adhuc corpore in terra demorãtẽ, iã in in sublimibus spei pœna subleuabat. Sed quia nullus suis viribus valet sese in alta sustollere: vt cùm à visibilibus affligitur, in inuisibilia subleuetur, rectè mox subditur: Quamobrem ego deprecabor Dominum, & ad Deum ponam eloquium meum.) Ac si apertè diceret: Illum rogo, per quem hæc tribui scio. Si enim hoc per se habere se crederet, deprecari Dominum non indigeret. Sequitur: Quis facit magna & inscrutabilia & mirabilia absque numero.) Quis omnipotentis Dei mirabilia perscrutari sufficiat, quod cuncta ex nihilo creauit, quod ipsa mundi fabrica mira potentiæ virtute disposita sit, & super aëra cœlum suspenditur, & super abyssum terra libratur, quod ex rebus inuisibilibus ac visibilibus omnis hæc vniuersitas existit, quod hominem fecerit, vt ita dixerim, in breui colligens mundum alterum, sed rationalem: quod hũc ex anima & carne constituens, inuestigabili virtutis dispositione permiscuit spiritum & lutum? Ex his itaque aliud nouimus, aliud & sumus: sed tamen mirari negligimus, quia ea quæ incõprehensibili indagatione mira sunt, humanis oculis vsu viluerunt. Vnde fit vt si mortuus homo suscitetur, in admirationẽ omnes exiliant, & quõdie homo qui non erat, nascitur, & nemo miratur: cùm proculdubio omnibus constet, quia plus sit creari quod non erat, quàm reparari quod erat. Quia arida Aaron virga floruit, cuncti mirati sunt, & quõdie ex arente terra arbor producitur, virtusque pulueris in lignum vertitur, & nemo miratur. Quia quinque panib⁹ quinque millia hominum saturati sunt, creuisse escas sub dentibus cuncti mirati sunt: quõdie sparsa grana seminum, plenitudine multiplicantur spicarum, & nemo miratur. Aquam semel in vinum permutatam videntes cuncti mirati sunt: quõdie humor terræ in radicem vitis attractus, per botrum in vinum vertitur, & nemo miratur. Mira itaque sunt omnia quæ mirari homines negligũt: qui ad cõsiderandum, vt prædiximus, vsu torpescunt.

torpescunt. Bene autem cum diceret: *Qui facis magna*, adiunxit statim: *Et inscrutabilia*. Minus enim fuerat magna facere, si tamen ea quę facta sunt perscrutari potuissent. Recte autem subditur:

Quod diuina miracula considerari quidem debent per studium, nec tamen discuti per intellectum.

Caput VIII.

Miracula diuina considerata sunt.
Miracula diuina non discutienda sunt.
ET *mirabilia absque numero*. quia minoris esset magnitudinis, si qui inscrutabilia condidit, pauca fecisset. Sed inter hæc sciendum est, quia diuina miracula, & semper debent considerari per studium, & nunquam discuti per intellectum. Semper namque humanus sensus, dum quarundam rerum rationem querens non inuenit, in dubitationis se voraginem mergit. Vnde fit vt nonnulli homines mortuorum corpora in puluerem redacta considerent, dumque resurrectionis vim colligere ex ratione non possunt, hæc ad statum pristinum redire posse desperant. Mira igitur quę ex fide credenda sunt, perscrutanda per rationem non sunt, quia si hæc nostris oculis ratio expanderet, mira nõ essent. Sed cum in his fortasse animus titubat, necesse est vt ea quę per vsum nõuit, nec tamen per rationem colligit ad memoriam reducat, quatenus rei similis argumẽto fidem roborat, quam labefactari sua sagacitate apprehendit: Considerato quippe humanę carnis puluere, quorundam mens concussa desperat, quãdo puluis ad carnem redeat, & rediuuum corpus per membrorum lineamenta componat: quando illa terrę ariditas per viuientia membra viridescat, ac se per eorum species formęque distinguat. Hoc nimium per rationem comprehendi non potest: sed tamen credi per exemplum facile potest. Quis enim ab vno grano seminis, immensam surgere arborem crederet, nisi certum hoc per experimentum teneret? In tanta namque vnus grani paruitate, & penę nulla sui dissimilitudine vbi latet ligni duritia, & ligno tenerior medulla, asperitas corticis, viriditas radicis, sapor fructuum, suauitas odorũ, diuersitas colorum, mollicies foliorum: & tamen quia hoc per experimentum nouimus, ex vno grano seminis prodire omnia non dubitamus. Quid ergo est difficile, vt puluis in membra redeat, dum conditoris potentiam quotidie cernimus, qui & ex grano ligna mirabiliter, & adhuc mirabilius fructus ex lignis creat? Dicat ergo: *Qui facit magna & inscrutabilia, & mirabilia absque numero*: quia diuinorum operum magnitudo, nec ex qualitate valet discuti, nec ex quantitate numerari. Vnde & adhuc subditur: *Qui dat pluuiam super faciem terrę, & irrigat aquis vniuersa*. *Qui ponit humiles in sublimi, & mœrentes erigit sospitate*. Quia amicos beati Iob cruditos eius societate credimus, necesse est vt hæc Eliphaz verba mysticę differamus. Omnipotens enim Deus terrę pluuiam tribuit, cum arentia corda gentilium, superna gratia prædicationis infundit. Et aquis vniuersa irrigat, quia sterilitatem perdit hominis repletionem spiritus ad fructificationem format, sicut per semetipsam veritas dicit: *Qui biberit ex aqua quam ego dabo ei, nõ sitiet in æternum*. Vniuersitatis autem nomine homo signatur, quia in ipso & vera species, & magna communio vniuersitatis ostenditur. Omne namque quod est, aut est & non viuit, aut est & viuit, sed nequaquam sentit: aut est, & viuit, & sentit, sed non intelligit nec discernit: aut est, viuit, & sentit, & intelligit & discernit. Sunt namque lapides, nec tamen viuunt. Sunt arbuta, viuunt quidem, nec tamen sentiunt. Herbarum quoque atque arborum vita viriditas vocatur, sicut per Paulum de seminibus dicitur: *Insipiens tu, quod seminas non viuificatur, nisi prius moriatur*. Sunt bruta animalia, viuunt & sentiunt, nec tamen intelligunt, aut discernunt: Sunt angeli, & viuunt & sentiunt, & intelligendo discernunt. Homo itaque quia habet [commune] esse cum lapidibus, viuere cum arboribus, sentire cum animalibus, discernere cum angelis, recte nomine vniuersitatis exprimitur, in quo iuxta aliquid ipsa vniuersitas tenetur. Vnde & discipulis veritas dicit: *Euntes in mundum vniuersum, prædicate Euangelium omni creaturę*. Omnem videlicet creaturam solum intelligi hominem voluit, cui commune aliquid cum omnibus creauit: quanuis hoc loco vniuersa intelligi & aliter possunt. Sancti enim spiritus gratia cum sibi diuites subiicit, pauperes nõ repellit: cum fortes hu-

A miliat, venire ad se debiles non recusat: cum nobiles colligit, simul & ignobiles apprehendit: cum sapientes suscipit, imperitorum stultitiam non contemnit. Vniuersa ergo Deus aquis irrigat, qui dono sancti spiritus, ex omni genere hominum ad suam cognitionem vocat.

Quod iuxta morum diuersitatem, vim sui sermonis format Deus in singulis.

Caput IX.

Possunt autem vniuersorum nomine, ipsę morum dissimilitudines designari. Alius namque elatione erigitur, alius pondere timoris inclinatur, alius libidine æstuat, alius avaritia anhelat, alius remissione se deiicit, alius ira feruescit. Sed per doctrinam sacri eloquij, dum superbo humilitas tribuitur, timido confidentia præbetur, luxuriosus per castitatis studium ab immunditia tergitur, avarus per continentiam ab ambitionis æstu temperatur, remissus zeli rectitudine erigitur, iracundus a præcipitationis suę excitatione refrenatur, vniuersa deus aquis irrigat: quia vim sui sermonis in singulis iuxta morũ diuersitatē format, vt hoc in eius eloquio quisque inueniat, per quod virtutis necessarię germen ferat. Vnde per quendam sapientem de mannę dulcedine dicitur: *Paratum panem de cœlo præstitisti illis sine labore, omne delectamentum in se habentem, atque omnis saporis suauitatem*. Manna quippe omne delectamentum atque omnis saporis suauitatem in se habuit, quod videlicet in ore spiritualium iuxta voluntatem edentium saporem dedit: quia diuinus sermo & omnibus congruens, & a semetipso non discrepans, qualitati audientium condescendit, quem dum electus quisque vtiliter, iuxta modum suum intelligit, quasi acceptum manna in voluntarium saporem vertit. Et quia laborem boni operis gloria sequitur retributionis, post aquarum irrigationem recte subiungitur:

Quod hi qui pro amore Dei modo se contemnunt, sublimes cum Deo iudices venient.

Caput X.

Qui ponit humiles in sublimi, & mœrentes erigit sospitate. In sublimi humiles ponuntur: quia hi qui nunc pro Dei amore despecti sunt, tunc cum Deo iudices veniunt, sicut hoc quod paulo antè diximus eisdem humilibus veritas pollicetur, dicens: *Vos qui secuti estis me, in regeneratione, cum sederit filius hominis in sede maiestatis suę, sedebitis & vos super duodecim sedes, iudicantes duodecim tribus Israël*. Tunc mœrentes Dominus sospitate erigit, quia hi qui eius desideriis accensi, prospera fugiunt, aduersa patiuntur, cruciatu persequenti tolerant, seque ipsos per lamenta castigant, tantò sublimiorem tunc sospitatem recipiunt, quantò nunc cunctis mundi gaudiis deuotè moriuntur. Hinc etenim per Salomonem dicitur: *Cor quod nouit amaritudinem animę suę, in gaudio eius non miscebitur extraneus*. Humana etenim mens animę suę amaritudinem scit, cum æternę patrię desideriis accensa, peregrinationis suę penam flendo cognoscit: sed in eius gaudio extraneus non miscebitur, quia qui nunc a mœrore compunctionis alienus est, tunc particeps ad lætitiā consolationis non est. Hinc est quod in Euangelio veritas dicit: *Amen amen dico vobis, quia plorabitis & flebitis vos, mūdus autem gaudebit, vos autē contristabimini, sed tristitia vestra vertetur in gaudium*. Et rursum: *Vos igitur nunc quidem tristitiam habetis, iterum autem videbo vos, & gaudebit cor vestrum, & gaudium vestrum nemo auferet a vobis*. Sospitate ergo Dominus mœrentes erigere dicitur, quia pro se afflictos temporaliter, vera salutē cōsolatur. Quod tamen de electis Dei etiam in hac vita nil obstat intelligi. In sublimi quippe humiles ponuntur, quia cum se ex humilitate substernunt altę mentis iudicio cuncta temporalia transeunt: cumque se indignos in omnibus æstimant, rectę cogitationis examine huius mūdi gloriā transcendentes calcant. Videamus humilem Paulū cum discipulis dicit: *Non enim nosmetipsos prædicamus, sed Iesum Christum dominū nostrum, nos autē seruos vestros per Christum*. Videamus hunc humilem in sublimi iam positum dicentem: *An nescitis quia angelos iudicabimus? & rursum: Conresuscitauit & confedere nos fecit in cœlestibus*. Fortasse hunc exterius tunc catena religabat, mētē tamē in sublimibus positus fuerat, quia iam per spei suę certitudinem in cœlestibus sedebat. Sancti itaque viri foris de-

Miracula diuina considerata sunt.

Miracula diuina non discutienda sunt.

Resurrectio corporis per rationem comprehendere non potest, sed per exemplum. Talis penę nullam viriditatem.

7.

Ioan. 4.

Diuisio creaturarum.

1. Cor. 15.

Mat. 16.

Homo est omnis creatura.

Sapient. 16.

8.

Mat. 19.

Prouer. 14.

Ioan. 16.

Ibidem.

1. Cor. 1.

1. Cor. 6.

Eph. 2.

147
 specti sunt, & velut indigni omnia tolerant, sed dignos se supernis sedibus confidentes, æternitatis gloriam cum certitudine expectant: cumque laborant foris aduersitate persecutionis, ad munitam recurrunt intrinsecus arcem mentis, & inde cuncta sub se ire despiciunt, inter quæ transire corporaliter etiam semetipsos cernunt, minas non metuunt, quia & tormenta patiundo contemnunt. Hinc enim per Salomonem dicitur: Iustus quasi leo confidens absque terrore erit. Hinc ab eo scriptum est iterum: Non contristabit iustum, quicquid ei acciderit. Quia enim recti quique in alto intentionis suæ vertice siti sunt, dum mortem moriendo non sentiunt, miro modo eos reproborum iacula & feriunt, & non contingunt. In sublimi ergo humiles sunt positi: quia vnde se in omnibus despiciunt, inde contra omnia securiores fiunt.

Quid sit quod scriptum est in Esaia: Descende, sede in puluere virgo filia Babylonis.

Caput XI.

9
 Esaia. 47. **Q**UOD contra rectè sub Babylonis specie per Prophetam menti reproba dicitur: Descende, sede in puluere virgo filia Babylonis, sede in terra, non est solum filia Chaldaeorum. Hoc enim loco humana mens virgo non incorrupta (vt arbitror) dicitur, sed infœcunda. Et quia Babylon confusio interpretatur, rectè infœcunda mens Babylonis filia vocatur, quæ in eo quod nequaquam bona opera germinat, dum nullo ordine rectæ vitæ componitur, quasi confusione matre generatur. Sin, autem virgo nō infœcunda dicitur, sed incorrupta, postquam statum salutis perdidit, ad confusionis suæ cumulum appellatur quod fuit. Cui aptè per increpationem dicitur diuina voce: Descende, in alto quippe humanus animus stat, quando supernis retributionibus inhiat: sed ab hoc statu descendit, cum turpiter victus, sese defluentibus mundi desideriis subiicit. Cui bene mox additur: Sede in puluere. Descendens enim in puluere residet, quia cœlestia deferens, terrenis cogitationibus aspersus, in infinis vilescit. Vbi adhuc ingeminando subiungitur: Sede in terra. Ac si aperte exprobrans dicat: Quia cœlesti conuersatione noluisse te erigere, sub temetipso prostratus in terrenis actibus humiliare. Vnde & necessariò protinus additur: Non est solum filia Chaldaeorum. Chaldej nanque feroces interpretantur. Valde autem feroces sunt, qui voluntates proprias sequentes, nec suis parcere mortibus sciunt. Ferocia sunt terrena desideria quæ non solum contra præcepta conditoris, sed sæpe etiam contra percussionum verbera, duram atque insensibilem mentem reddunt. Sed filia ferocium solum non habet, quia mens quæ ad amorem mundi ex prauis desideriis nascitur, atque eisdem desideriis obduratur, in eo quod se terrenis concupiscentiis subiicit, sedem iudicii amittit: nullique apud se solio præsidet, quia examine discretionis caret, & quasi à iudicii sui sessione repellitur, quia per exteriores concupiscentias vagatur. Lique enim quod mens quæ intus consilij sedem perdidit, foras se per desideria innumerabiliter spargit. Et quia agere intellecta dissimulat, cæcatur rectè, vt etiā nesciat quod agat: & sæpe iusto iudicio in sua voluntate relinquitur, & sub ea quæ anxie appetit, laboriosa mundi ministeria relaxatur.

10
 Vnde aptè illic subditur: Quia vltra non vocaberis mollis & tenera, tolle molam, & mole farinam. Constat nimirum quod tenera suæ filia parentes parcut, nec duris atque seruilibus hanc operibus affligunt. Omnipotens ergo Deus quasi teneram filiam vocat, quando dilectam vniuscuiusque animam, à laboriosis huius mundi seruitiis reuocat, ne dum exterioribus actionibus afficitur, ab internis desideriis obduretur. Sed Chaldaeorum filia mollis & tenera non vocatur, quia mens prauis desideriis dedita, in eo quod anxie appetit, huius seculi labore relinquitur, vt foris mundo velut ancilla seruiat, quæ intus Deum vt filia nequaquam amat. Vnde & molam tollere, ac farinam molere iubetur. Mola in gyrum ducitur, & farina profertur. Vnaquæque autem mundi huius actio mola est, quæ dum multas curas congerit, humanas mentes quasi per gyrum vertit: atque ex se quasi farinam proiicit, quia seducto corde, semper minutissimas cogitationes gignit.

11
 Nonnunquam verò qui quietus alicuius esse meriti creditur, positis in, qualibet actione denudatur, vnde illic protinus subinfertur: Denuda turpitudinem tuam, discooperi humerum, reuela crura, transi flumina. In administratione quippe

E operis turpitudine denudatur, dum vilis mens abiecta que in actionis ostentatione cognoscitur, quæ quieta prius magna putabatur. Humerum mens discooperit, quādo opus suū quod ignorabatur, ostendit. Crura reuelat, quia quibus desideriorum passibus, lucris mundi inhiat, manifestat. Flumina etiam transit, quia actiones huius seculi quæ quotidie ad terminum defluunt, indefinenter appetit, dumque alia relinquit, alias assequitur, quasi de flumine semper ad flumen tendit. Hæc paucis per excessum diximus, vt mens à folio sanctæ intentionis excussa, quod iaceat monstraremus, quia si ad ea quæ super ipsam sunt, inhiare cessauerit, sub semetipsam etiam indefinenter ruit. In alto autem figitur, si amorem temporalium deferens, ad spem incommutabilis æternitatis ligatur. Bene ergo dicitur: Qui ponit humiles in sublimi. Atque aptè subiungitur: Et mœrentes erigit sospitate. Sæpe in hoc mundo etiam lati quilibet erecti sunt, dum de ipsa gloria suæ prosperitatis intumescunt. Sed mœrentes Dominus sospitate erigit: quia afflictos suos ad gloriam veræ lætitiæ soliditate sustollit. Sospitate quippe, non insania erecti sunt, qui in bonis actibus positi, spe in Deum firma gratulantur. Nonnulli enim (sicut diximus) & iniquitates perpetrant, & gaudere non cessant, de quibus per Salomonem dicitur: Qui lætantur cum malefecerint, & exultant in rebus pessimis. Et rursum: sunt impij qui ita sunt securi, ac si iustorum facta habeant. Hi nimirum non sospitate eriguntur, sed insania: quia superbiunt cum affligi debuerunt, & inde miseri in exultatione defluunt, vnde à bonis flentur, phreneticorum videlicet sensibus similes, qui insaniam, qua prævalent, virtutem putant, qui ex morbo esse nesciunt, hoc quod amplius sanis possunt: & quasi creuisse se viribus æstimant, dum ad vitæ terminum per augmenta languoris appropinquat: qui quia rationis sensum non habet, flentur, & rident, & tantò se in magna exultatione dilatant, quantò & insensibiles malum quod patinatur, ignorant. Sospitate ergo Dominus mœrentes erigit: quia electorum mens non de præsentis vitæ insania, sed de certitudine æternæ salutis hilarescit. Vnde aptè mox de hac ipsa prauorum destructione subiungitur: Qui dissipat cogitationes malignorum, ne possint implere manus eorum quod cœperant. Reproborum mentes peruersis cogitationibus semper inuigilant, sed plerunque eis superna dispositio obuiat: & quauis prauitatem consilij nec fracti aduersitatibus corrigant, tamen ne contra bonos præualeant, eorum vires refrenat. Quos contra miro iudicio agitur, vt effectū quidem prauis operis careant, & tamen iustæ sententiæ iudicis reos conscientia addicat. Quod ergo mala cogitant, quid ipsi faciant ostendunt: quod verò mala implere nequeunt, hi contra quos cogitauerant, defenduntur. Vnde & adhuc bene subditur:

Quod humana consilia in eo quod Dei consilio nituntur resistere, obsequuntur: vt de fratribus Ioseph legitur, & de Saul, & de Iona, & de Iudeis Christi nomen extinguere volentibus.

Caput XII.

H **Q**UOD comprehendit sapientes in astutia eorum, & consilia prauorum dissipat. Sæpe enim nonnulli humana sapientia inflati, dum desideris suis diuina iudicia contraire conspiciunt, astutis eis reluctari machinationibus conantur: & quod ad votum suum vim superne dispositionis intorqueant, callidis cogitationibus insistant, subtiliora consilia exquirunt, sed inde voluntatem Dei peragunt, vnde hanc immutare cōtendunt, atque omnipotentis Dei consilio dum resistere nituntur, obsequuntur, quia sæpe & hoc eius dispositioni aptè militat, quod ei per humanum studium friuolè resultat. Sapientes ergo Dominus in ipsa eorum astutia comprehendit, quando eius consiliis humana facta etiam tunc congruè seruiunt, cum resistunt. Quod melius ostendimus, si pauca ad medium gestarum rerum exempla proferamus. Ioseph somnium viderat, quod suo manipulo fratrum eius se manipuli prosternebant: somnium viderat quod Sol & Luna se cum reliquis stellis adorabant. Quæ quia purè fratribus retulit, eorum corda protinus futuræ dominationis inuidia, pauorque percussit. Cumque hunc ad se venire conspicerent, malitia sæuiente dixerunt: Ecce somniator venit ille, venite, occidamus eum, & videamus quid illi proderint somnia sua. Cumque se eius dominio

*Prouer. 2.
 Ecclesi. 3.
 Ies. 3.*

12

Gen. 37.

subiici metuunt, somniatorem in puteum deponunt, eumque Hismaelitibus transeuntibus vendit: qui in Aegyptum ductus, seruituti subditus, luxuriæ accusatione damnatus, castitatis merito adiutus, prophetiæ iudicio ereptus, omni Aegypto prælatus est: per supernam verò sapientiam prouidus frumenta congelsit, & futuro periculo necessitatis obuiauit. Cùmque in orbem fames irruit, de alimentorum preparatione sollicitus Iacob, filios suos in Aegyptum misit: qui frumentorum dispensationi præpositum Ioseph nescientes inueniunt, atque vt mererentur alimenta percipere, eorum dispensatorem compulsi sunt pronis in terram ceruicibus adorare. Pensamus ergo gestæ rei ordinem, pensamus quomodo sapientes in ipsa sua astutia vis diuina comprehendat. Ideo ab eis venditus fuerat Ioseph, ne adoraretur, sed ideo est adoratus, quia venditus. Astutæ nanque aliquid agere ausi sunt, vt Dei consilium mutaretur, sed diuino iudicio, quod declinare conati sunt, renitendo seruierunt. Inde quippe coacti sunt Dei voluntatem peragere, vnde hanc moliti sunt astutæ commutare. Sic sic diuinum consilium dum deuatur, impletur: sic humana dū reluctatur, comprehenditur. Timuerunt fratres ne Ioseph super eos ex cresceret, sed hoc q̄ diuinitus dispositum fuerat, cauendo factum est vt eueniret. Humana ergo sapientia in seipsa comprehensa est, quæ voluntati Dei vnde per intentionem restitit, inde eius impletioni militauit. Sic Saul dum Dauid subiectum quotidiano succrescere virtutū successu conspiceret, suam ei in coniugium filiam sponndit, atque in eius dotem, centum dari ab eo Philistinorum præputia petiit, vt cūm prouocatus miles vltra se ex crescere quæreret, inimicorum gladiis traditus vitam fineret, sicut scriptū est: Non habet rex necesse sponsalia, nisi tantum centum præputia Philistinorum, vt fiat ultio de inimicis regis. Porro Saul cogitabat tradere Dauid in manus Philistinorum, sed Dauid dispositionis intimæ fauore roboratus, centum se dare perhibuit, & ducenta præputia reportauit. Cuius nimirum operis Saul argumento superatus, superna prouidentia in sapientiæ suæ est consilio deprehensus: quia vnde succrescentis militis vitam se extinguere credidit, virtutis eius gloriam inde cummulauit. Sed quia nonnunquam astutæ se aliquid sapere etiam electi moluntur, libet ad medium alium sapientem deducere, & quomodo in internis consiliis astutia mortalium comprehendatur, demonstrare. Prudenter quippe Ionas sapere voluit, cūm ad prædicandam Ninuitarum pœnitentiam missus, quia electis gentibus Iudæam deserere timuit, prædicationis officium implere recusauit. Nauim petiit, fugere Tharsis elegit, sed protinus tempestas exoritur, fors mittitur, vt videlicet cognoscatur cuius culpa mare turberetur. Ionas in culpa deprehenditur, in profundum mergitur, ceto forbente repente deuoratur, atque illuc gestante belua peruenit, quod ire sponte cōtempnit. Ecce fugitiuum Dei tempestas inuenit, fors ligat, mare suscipit, belua includit, & quia auctori suo obedire renititur, ad locum quo missus fuerat, suo reus carcere portatur. Iubente Deo ministrare homo prophetiam noluit, adspirante Deo belua prophetam vomuit. Comprehendit ergo Dominus sapientes in astutia eorum, quando & hoc in vsum suæ voluntatis redigit, per quod sibi voluntas humana contradicit. Perscrutemur adhuc Hebræorum sapientiam, vt videamus quid prouidendo prohibuit, aut quid prohibendo prouocauit. Certè cūm ad redemptoris nostri miracula credentium turba conflueret, cūm sacerdotes populi, inuidiæ facibus accensi, mundum post eum ire cernerent, vt proclamarent dicentes: Videtis quia nihil proficimus, ecce mūdus totus post eum abiit: vt ab illo vim tantæ concursionis abscinderent, finire eius potentiam morte conati sunt, dicentes: Expedit vt vnus homo moriatur, & non tota gens pereat. Sed redemptoris mors ad coniunctionem sui corporis, id est, Ecclesiæ valuit, non ad separationem. Vnde & per legem turturi vel columbæ (in figura nostri sacrificij) secari guttur præcipitur, & non penitus abscindi, vt & post mortem corpori caput inhæreat, quia videlicet mediator Dei & hominum, id est, caput omnium nostrum, & veræ mundationis hostia, vnde pro nobis mortem pertulit, inde nobis verius inhæsit. Post sectionē ergo, caput turturis suo corpori inhæret, quia Christum ab Ecclesia nec mors interueniēs diuidit. Persecutores igitur pe-

regerunt hoc quod perniciosè moliti sunt, intulerunt mortem, vt ab eo abscinderent fidelium deuotionem sed inde fides creuit, vnde hāc se extinguere infidelium crudelitas credidit. Cūmque se æstimant eius miracula persequendo abscindere, hæc nimirum compulsi sunt nesciendo dilatare. Cōprehendit ergo Dominus sapientes in astutia eorum, quando & hoc ad pietatis suæ obsequium redigit, quod contra illum humana crudelitas exarsit. Iustus nanque & misericors mortalium acta disponens, alia concedit propitius, alia permittit iratus, atque ea quæ permittit, sic tolerat, vt hæc in sui consilij vsum vertat. Vnde miro modo fit vt & quod sine voluntate Dei agitur, voluntati Dei contrarium non sit: quia dum in bonum vsum mala facta vertuntur, eius consilio militant etiam, quæ eius consilio repugnant. Hinc enim per Psalmistā dicitur: Magna opera Domini, exquisita in omnes voluntates eius. Sic quippe eius opera magna sunt, vt per omne quod ab hominibus agitur, eius voluntas exquiratur. Nam sæpe inde perficitur, vnde repellī putabatur. Hinc rursūm dicitur: Omnia quæcūq; voluit Dominus fecit in cœlo & in terra. Hinc Salomon ait: Non est sapientia, non est prudentia, non est cōsiliū contra Dominum. Restat ergo vt in cunctis quæ agimus, vim supernæ voluntatis inquiramus, cui videlicet cognita, debet nostra actio deuotè famulari, & quasi ducem sui itineris prosequi, ne ei etiam nolens seruiat, si hanc superbiens declinat. Vitari enim vis superni consilij nequaquam potest, sed magna sibi virtute hanc temperat, qui se sub eius nutibus refrenat, eiūsq; se pondera leuigat, qui hanc subiecto cordis humero volens portat. Sed quia persecutorum superius memoriam fecimus, qualiter etiam ea quæ subiecta sunt, eorum cæcitati congruunt, ostendamus. Sequitur:

Quod exemplo Iob, contra vim insti, accusationis adiutū non inueniunt peccatores.

Caput XIII.

Per diem incurrunt tenebras, & quasi in nocte, sic palpabunt in meridie.) Per diem tenebras incurrunt, quia in ipsa veritatis præsentia perfidiæ errore cæcati sunt. Clarè quippe per diem cernitur, per noctem verò nostra acies obscuratur. Persecutores igitur redemptoris nostri, dum diuinæ virtutis miracula cernerent, & tamen de eius diuinitate dubitarent, in die tenebras passi sunt, quia visum in luce perdidierunt. Hinc est quod eos ipsa lux admonet dicens: Ambulate, dum lucem habetis, ne vos tenebræ comprehendant. Hinc est quod de Iudæa dicitur: Occidit ei sol, cūm adhuc esset dies. Hinc est quod vocem pœnitentium in se Propheta iterum sumpsit, dicens: Impegiimus meridie quasi in tenebris, in caliginosis quasi mortui. Hinc iterum dicit: Custos quid de nocte, custos quid de nocte? Dixit custos: Venit mane & nox. De nocte etenim custos venit, quia humani generis protector, & manifestus in carne apparuit, & tamen hunc pressa perfidiæ suæ tenebris Iudæa minimè cognouit. Vbi bene ex voce custodis additur: Venit mane & nox, quia per eius præsentiam & noua lux mūdo inclaruit, & tamen in corde infidelium vetusta cæcitas remansit. Bene autem dicitur: *Quasi in nocte, sic palpabunt in meridie.*) Hoc quippe palpando exquirimus, quod oculis non videmus. Iudæi autem aperta eius miracula viderant, & adhuc eum quasi palpantes quærebant, cūm dicerent: Quousque animā nostram tollis? Si tu es Christus, dic nobis palam. Ecce miraculorum lux ante oculos aderat, & tamen in cordis sui tenebras offendentes, adhuc requirendo palpabant. Quorum nimirum cæcitas ad crudelitatem, crudelitas etiam vsque ad aperta opera persecutionis exarsit. Sed redemptor humani generis, persecutorum suorum manibus diu teneri non potuit. Vnde & protinus subditur: *Porro saluum faciet egenum de gladio oris eorum, & de manu violenti pauperem.*) Ipse quippe iste pauper est, de quo per Paulum dicitur: Propter nos egenus factus est, cūm diues esset. Et quia Iudæi accusando Dominum tradiderunt, quem traditum gentiles crucifixerunt, potest per oris gladium, accusantium Iudæorum lingua signari, de quibus per Psalmistā dicitur: Filij hominum, dentes eorum arma & sagittæ, & lingua eorum machæra acuta: quia Euangelio etiam teste clamauerunt: Crucifige, crucifige eum. Per violenti verò manum, ipsa crucifigens gentilitas exprimi potest, quæ in

14.

Psal. 110.

Psal. 134.

Prouer. 21.

Ioan. 12.

Hier. 15.

Esa. 59.

Esa. 21.

15.

Ioan. 10.

2. Cor. 8.

Psal. 56.

Luca 23.

13.
Exemplum
de Saul.

1. Reg. 18.

Exemplum
de Iona.
Iona. 1.† al. & qui
auctoris vo
ci obedire.Quomodo
Dominus cō
prehendit sa
pientes in
astutia.
Exemplum
de Hebræis
Ioan. 12.

Ioan. 11.

redemptoris morte., Hebræoū voces opere impleuit. Deus itaque hunc pauperem & de violenti manu & de oris gladio saluum fecit, quia videlicet Redemptor noster & vires gentilium, & linguas Hebræorum moriendo ex humanitate pertulit, sed ex diuinitatis suæ potentia resurgendo superauit: quia videlicet resurrectione quid aliud agitur, nisi vt ad spem vitæ subsequenter, infirmitas nostra roboretur? Vnde & bene mox subditur: *Et erit egeno spes.* Erepto quippe paupere, egenus ad spem reducit, quia humilis fidelium populus redemptore moriente, pauore cōcutitur, sed resurgente solidatur. Ipsos nanque primos huius populi pauperes, electos videlicet prædicatores, visa eius mors perculit, resurrectio ostensa reparauit. Saluato ergo paupere, spem egenus recipit, quia resurgente in carne Domino fidelis quisque ad æternæ vitæ fiduciam conualescit. Sed ecce iam in manifesta ostensione veritas venit, iam carnis mortem pertulit, eamque resurgendo destruxit, iam resurrectionem gloria ascensionis honorauit: & tamen Hebræorum lingua adhuc eum contumeliis lassescere nō definit, quos nimirum æquanimiter tolerat, vt alios tolerando conuertat, atque alios minimè conuersos quandoque districtius feriat. Tunc enim lingua infidelium ab effrenatione vanæ suæ loquacitatis obmutescet, cum venire eum iustum iudicem viderit, quem tunc iniuste iudicauit. Vnde & bene subditur: *Iniquitas autem contrahet os suum.* Os enim suum nunc adhuc iniquitas dilatat, quia humani generis redemptorem, lingua infidelium contumeliis lacerare nequaquam cessat. Sed tunc os cōtrahit, cum hoc quod non vult per studium, per supplicium claudit: quod tamen bene accipi etiam de cōuersis persecutoribus potest. Saluato enim paupere, dum egenus ad spem redit, contracto ore iniquitas obmutescit: quia resurrectionis eius clarescente miraculo, dum copiosa multitudo infidelium credidit, à redemptoris sui iniuriis contumeliisque cessauit. Os enim suū quod Deum deridendo aperuit, iam formidando contraxit. Libet hæc moraliter, postposita Iudæorum significatione transcurrere, atque à prauis generaliter quomodo agantur indagare. Iniquorum quippe hominum mentes cum quædam à proximis bene gesta conspiciunt, in extēso liuoris sui eculco torquentur, & grauem malitiæ suæ pœnam sustinent, cum bona in aliis tabescentes vident. Rectè itaque dicitur: *Per diem incurrent tenebras.* Quia mens eorum cum de aliena melioratione affligitur, de radio lucis obscuratur: quia sæpe in proximis dum bona aperta considerant, si qua mala lateant inuestigant, & sollicitis inquisitionibus laborant, si quid fortè quod accusare possint, inueniant. Sana quidem membra conspiciunt, sed clausis cordis oculis vulnus palpantes quærunt. Vnde & bene subditur: *Et quasi in nocte, sic palpabunt in meridie.* Dies boni operis in proximo exterius lucet, sed quasi in nocte palpant, quia liuoris sui intus tenebras tolerant. Peruenire ad aliqua quæ reprehendant satagunt, detractio- nis aditum quærunt, sed quia hunc inuenire non valent, cæci exterius circumeunt. Quod bene exprimitur, cum Loth protegentibus Angelis, in domo eius Sodomitæ ostium non inuenerunt, sicut scriptum est: Vmque faciebant Loth vehementissimè, & iam proximum erat vt frangerent fores, & miserunt manum viri, & introduxerunt ad Loth, clauferuntque ostium, & eos qui erant foris, percusserunt cæcitate, à minimo vsque ad maximum, ita vt ostium inuenire non possent. Quid est quoddam malis aduersantibus intra domum Loth reducitur & munitur, nisi quod iustus quisque dum prauorum insidias sustinet, ad mentem reuertitur, & imperterritus manet? Sodomitæ autem viri in domo Loth ostium inuenire nequeunt, quia corruptores mentium, contra vitam iusti nullum accusationis aditum deprehendunt. Percussi enim cæcitate quasi domum circumeunt, quia inuidentes facta dictaque perscrutantur. Sed quia eis de vita iusti foris vndique ac laudabilis actio obuiat, errantes nihil aliud quàm parietem palpant. Bene ergo dicitur: *Quasi in nocte, sic in palpabunt meridie:* quia dum bonum quod vident, accusare nequeunt, cæcati malitia, malum quod non vident, ad accusationem quærunt. Vnde rectè subiungitur: *Porrò saluum faciet egenum de gladio oris eorum, & de manu violenti pauperem.* Pauper quippe est, quisquis apud semetipsum elatus non est. Vnde & per

Euangelium veritas dicit: Beati pauperes spiritu, quoniam ipsorum est regnū cœlorum. Duobus autē modis ad culpam vnusquisque pertrahitur, aut enim delectatione perducitur, aut terrore superatur. Gladius nanque oris est iniquitas persuasionis: manus autem violenti, est aduersitas potestatis. Sed quia veraciter humilis, qui hoc loco pauper vocatur, quod nulla huius mundi prospera appetit, cō audenter etiam aduersa contemnit, rectè dicitur: Saluum faciet egenum de gladio oris eorum, & de manu violenti pauperem. Ac si aperte diceretur: Sic in se Deus mentes humilium solidat, vt eas ad perpetrandam nequitiam nec blandimēta suasionum pertrahant, nec dolores suppliciorum frāgant. Spes quippe in æternitatem animum erigit, & idcirco nulla mala exterius quæ tolerat sentit. Vnde & subditur: *Et erit egeno spes.* Ad cuius spei videlicet fructum cum pauper peruenerit, omnis elatus obmutescit. Vnde & adhuc subditur: *Iniquitas autem contrahet os suum.* Nunc enim malus bonis derogat, & recta quæ agere negligit, hæc in aliis obtrectādo lacerare non cessat. Sed tunc iniquitas os suum contrahit, cum iustis quanta suppetat gloria retributionis agnoscit. Tunc enim ei loqui contra bonos non vacat, quia malorum suorum digna retributione, linguam tormenta ligant. Vnde bene Anna prophetante dicitur: *Pe-* Regum.
des sanctorum suorum seruabit, & impij in tenebris contice-
cent. Sed vt electus quisque æterna supplicia euadat, & ad
perennem gloriam pauper ascendat, debet hinc assiduus flagel-
lis atteri, quatenus in iudicio valeat purgatus inueniri. Ipso
nanque infirmitatis nostræ pondere deorsum quotidie duci-
mur, nisi mira manu artificis per subuenientia flagella releue-
mur. Vnde & subditur: *Beatus homo qui corripitur à Domino.* 17
Prima virtus est, ne perpetrari debeant, sed vitari peccata: se-
cunda autem saltem perpetrata corrigere. Sed plerumque cul-
pas non solum imminentes minimè vitamus, verumetiam
nec commissas agnoscimus. Et peccatoris mens tantò altius
tenebrescit, quantò nec damnum suæ cæcitatatis intelligit. Vn-
de fit plerumque diuini muneris largitate, vt culpam pœna
subsequatur, & flagella oculos delinquentis aperiant, quos
inter vitia securitas cæcabat. Torpens quippe animus percus-
sione tangitur, vt excitetur: quatenus qui statum suæ recti-
tudinis securus perdidit, afflictus consideret quod iacet. Hinc
itaque ipsa asperitas correptionis, origo fit luminis. Vnde & Ephes.
per Paulum dicitur: Omne quod arguitur, à lumine manife-
statur: argumentum enim salutis, est vis doloris. Hinc est e-
nim quod Salomon ait: Curatio cessare faciet peccata maxi-
ma. Hinc iterum dicit: Quem enim Dominus diligit, casti-
gat: flagellat autem omnem filium quem recipit. Hinc voce
Angelica Dominus ad Ioannem loquitur, dicens: Ego quos
amo, redarguo & castigo. Hinc Paulus ait: Omnis autem dis-
ciplina in præsentī quidem non videtur esse gaudij, sed mœ-
roris, postea autem fructum pacatissimū exercitatis per eam
reddit iustitiæ. Quauis ergo conuenire simul nequeant do-
lor & beatitudo, rectè tamen nunc dicitur: Beatus homo qui
corripitur à Domino, quia per hoc quod peccator dolore
correptionis premitur, quandoque ad beatitudinem, quæ si-
ne interuentu doloris est, eruditur. Sequitur:

Quibus modis vulnerat Deus, quos ad salutem reducere curat.

Capitulum XIII.

Increpationem ergo Domini ne reprobos. Quisquis pro culpa per-
cutitur, sed in querela suæ percussione eleuatur, increpa-
tionem Domini reprobatur: quia hanc iniuste se perpeti ac-
cusat. Qui autem non pro purgatione criminis, sed & pro
fortitudinis probatione feriuntur, cum causas suæ percussio-
nis inquirunt, nequaquam increpationem Domini reprobare
dicendi sunt: quia in semetipsis castigando satagunt inuenire
quod nesciunt. Vnde & beatus Iob ad libertatis verba, inter
percussione verbera, erumpens, tantò de se rectius iudicia
ferientis interrogat, quantò in semetipso verius causas perse-
cutionis ignorat. Eliphaz itaque quia hunc percussum non
probationis examine, sed purgationis æstimauit, dum liberè
inter flagella loqueretur, reprobasse Dei increpationem cre-
didit. Quem etiam aptè hæreticorum tenere speciem dixi-
mus, qui omne quod à sancta Ecclesia rectè agitur, apud iu-
diciū suū semper ad vitium tortitudinis inflectunt. Quia
verò bona intentione ad loquendum ducitur, sed non curat
discernere

Gen. 29.

Matth. 5.

Ephes. 4.
Hebr. 12.

Eccles. 10.

Apoc. 3.
Hebr. 12.

18.

D. III. 32.

discernere cui loquatur, adhuc supernæ dispensationis moderamina prædicando subiungit, dicens: *Quia ipse vulnerat, & medetur, percutit & manus eius sanabunt.* Duobus modis omnipotens Deus vulnerat, quos reducere ad salutem curat. Aliquando enim carnem percutit, & mentis duritiam suo pauore tabefacit. Vulnerando ergo ad salutem reuocat, cum electos suos affligit exterius, ut interius viuant. Vnde per Moysen quoque loquitur dicens: Ego occidam, & ego viuere faciam, percutiam, & ego sanabo. Occidit enim ut viuificet, percutit ut sanet: quia idcirco foris verbera admouet, ut intus vulnera delictorum curet. Aliquando autem etiam si flagella exterius cessare videantur, intus vulnera infligit, quia mentis nostræ duritiam suo desiderio percutit, sed percutiendo sanat: quia terroris sui iaculo transfixos, ad sensum nos reëditionis reuocat. Corda enim nostra malè sana sunt, cum nullo Dei amore fauciantur, cum peregrinationis suæ ærumnam non sentiunt, cum erga infirmitatem proximi, nec quamlibet minimo affectu languescunt. Sed vulnerantur ut sanentur, quia amoris sui spiculis mentes Deus insensibiles percutit, & moxque eas sensibiles per ardorem charitatis reddit. Vnde & sponsa in Canticis Canticorum dicit: Vulnerata charitate ego sum. Malè enim sana anima, atque in huius exilij statu cæca securitate prostrata, nec videbat Deum, nec videre requirebat: percussa autem charitatis eius spiculis, vulneratur in intimis affectu pietatis, ardet desiderio contemplationis, & miro modo viuificatur ex vulnere, quæ prius mortua iacebat in salute, æstuat, anhelat, & iam videre desiderat quem fugiebat. Percussione ergo ad salutem reducit, quæ ad securitatem quietis intimæ, amoris sui perturbatione reuocatur. Sed cum faucia mens anhelare in Deum cœperit, cum cuncta mundi huius blandimenta despiciens, ad supernam se patriam per desiderium tendit, ad tentationem ei protinus vertitur, quicquid amicum prius in seculo blandumque putabatur. Nam qui peccantem amare consueuerant, rectè viuentem crudeliter impugnant. Et erectus in Deum animus, carnis suæ bella tolerat: in qua prius vitiis seruiens, delectabiliter iacebat: voluptates priscæ ad memoriam redeunt, & contradicentem mentem graui certamine affligunt. Sed quia dum transitorio labore atterimur, à perpetuo dolore liberamur, aptè subiungitur:

Quod in præsentis vitæ electos suos non permittit deus tentari, supra id quod, possunt, donec huius vitæ septimana completa, nulla eos deinceps tentatio tangat.

Caput XV.

IN sex tribulationibus liberabit te, & in septima non tanget te malum. Quid enim senario numero quem septimus sequitur, nisi præsentis vitæ operatio decursusque signatur? Sexto quippe die omnia perficiens, hominem condidit, & septimo die Deus requieuit, qui scilicet septimus vesperam non habet, quia subsequenter requiem nullus iam terminus claudit. Perfectis ergo omnibus, requies sequitur, quia post bona vitæ præsentis opera, retributio æternæ quietis inuenitur. In sex itaque nos tribulationibus Dominus liberat, ne nos in septima malum tangat: quia per paternæ pietatis eruditionem præsentis vitæ labore nos atterit, sed in aduentu iudicij à verberibus abscondit, ut tantò tunc ad salutem certiores exhibeat, quantò nunc nos flagella durius secant. Qui aptè mox mala vitæ præsentis, & adiutoria supernæ protectionis enumerans subdit: *In fame eruet te de morte, & in bello de manu gladij.* Sicut famas carnis, est subtractum subsidium corporis, ita & famas mentis, est silentium diuinæ locutionis. Vnde rectè per Prophetam dicitur: Emittam famem in terram, non famem panis, neque sitim aquæ, sed famem audiendi verbum Domini. Et quia humanam mentem cum diuina allocutio deserit, contra eam carnis tentatio inualefcit, aptè subiungitur: *Et in bello de manu gladij.* Bellum quippe patimur, cum carnis nostræ tentationibus impugnamur: de quo nimirum bello per Psalmistam dicitur: Obumbrasti super caput meum in die belli. Quia igitur reprobi dum fame verbi Dei deficiunt, etiam belli gladio transfiguntur, electos suos Dominus & in fame à morte eripit, & in bello à gladio abscondit: quia eorum mentes dum verbi sui pabulo reficit, contra tentationes corporis fortes reddit. Sed sunt nonnulli qui etiam ex diuino eloquio ab

Fames car-

nis.

Fames me-

tis.

Amos. 8.

Psal. 159.

A

interna se fame reficiunt, si iam contra tentationes corporis, continentia virtute fulciuntur, adhuc tamen percuti humanis detractionibus metuunt, & sæpe dum linguarum iacula formidant, peccati se laqueo strangulant. Vnde & aptè subditur: *A flagello lingue absconderis.* Flagellum lingue est exprobatio illatæ contumeliæ. Flagello lingue bonos feriunt, qui eorum opera irridendo persequuntur. Sæpe enim lingua à bono opere dum vituperat reuocat, & quasi flagellum se exerit, quia dorsum timidæ mentis cædit. Hoc flagellum lingue, & electorum mentibus insidiari Propheta conspexerat, cum supernum adiutorium pollicens dicebat: Ipse liberabit me de laqueo venantium, & à verbo aspero. Venantes enim nihil aliud quàm carnem quærunt. Sed à venantium laqueo, atque ab aspero verbo eripimur, quādo & insidias carnaliū, & irrisiōnum probra despiciendo superamus. Aspera quippe eorū verba sunt, quæ bonis nostris itinerib⁹ aduersantur. Sed asperitatem verbi euadere, est irrisiōnes detrahentium dissimulando calcare. Sancta ergo anima à flagello lingue absconditur quia dum in hoc mundo honorem laudis non quærīt, nec cōtumelias detractionis sentit. Sed sunt nonnulli qui iam derogantium verba despiciunt, iam irrisiōnes pro nihilo attendūt, adhuc tamen pœnas corporis cruciatūsque pertimescunt. Antiquus nanque aduersarius ut à recta intentione nos retrahat, multiformiter impugnat, & tentationem nostram modò verbi fame, modò carnis certamine, modò flagello sermonis, modò calamitate persecutionis aggreditur. Sed quia perfectus quisque cum in semetipso vitia vicerit, statim mentem etiam contra vulnera passionis accingit, aptè subiungitur: *Et non timebis calamitatem cum venerit.* Sancti enim viri quia contra multiformem aduersarium se pugnare considerant, semetipso in certamine multipliciter parant. Habent enim contra famem, diuini verbi pabulum: contra belli gladium, continentia scutum: contra flagellum lingue, protectionem patientia: contra exterioris calamitatis damnum, interni amoris adiutorium. Vnde miro modo agitur, ut quo eos hostis callidus numerosius tentat, eo circumspēcti Dei milites virtutibus ditiores fiant. Et quia electi quique dum præsentis vitæ certamina fortiter tolerant, in terrore sibi venturi iudicij securitatem parant, rectè subiungitur:

Quod damnatis nulla humanitate compatiuntur electi, & sic solidi erunt, ut ultra nec timore, nec dolore villo affici possint.

Caput XVI.

IN vastitate & fame videbis. Tunc quippe reprobi vastitatem famemque passuri sunt, cum dānati in extremo iudicio ab æterni panis visione separantur. Scriptum nanque est: Tollatur impius, ne videat gloriam Dei. Et per semetipsum Dominus dicit: Ego sum panis viuus, qui de cœlo descēdi. Simul ergo eos vastitas famēsque cruciat, qui non solum foris tormenta sentiunt, sed intus etiam inedia peste moriuntur. Vastat igitur gehēna, quia concremat: famas interficit, quia suam illis faciem redemptor abscondit. Bene nanque retributionem interioris exteriorisque recipiunt: quia & cogitando miseri, & operando deliquerūt. Vnde bene per Psalmistam dicitur: Pones eos ut clibanū ignis in tempore vultus tui, Dominus in ira sua cōturbabit eos, & deuorabit eos ignis. Quod enim ab igne deuoratur, ab exteriori parte accenditur. Clibanus verò interioris inflammatur. In tēpore ergo vultus Domini, iniusti omnes, ut clibanus ponūt, & ab igne deuorantur, quia apparente iudice, cum à visione illius eorū multitudo repellitur, & intus per desiderium ardet conscientia, & foris carnem cruciat gehēna. Potest etiam flagellū lingue, sentētia vltimæ animaduersionis intelligi, quia districtus iudex reprobis dicit: Discēdite à me maledicti in ignem æternum, qui paratus est diabolo & angelis eius. Iustus ergo à flagello lingue, atque à calamitate veniente absconditur, quia in tanta districtione sententiæ, blanda tunc iudicis voce refouetur cum dicitur: Esuriui & dedistis mihi māducare: sitiui, & dedistis mihi bibere: hospes eram, & collegistis me: nudus, & operuistis me: infirmus, & visitastis me: in carcere eram, & venistis ad me. Quibus præmittitur: Venite benedicti patris mei, possidete paratum vobis regnū à constitutione mundi. In vastitate ergo & fame iustus ridebit: quia cum iniquos omnes extrēma vltio percutit, ipse de gloria dignæ retributionis hilarescit. Nec damnatis iam tunc

19.

Flagellum lingue.

† al. electa menti.

Psal. 90.

Diabolus multipliciter nos impugnat.

Remedia.

Esai. 26.

Ioh. 6.

Psal. 20.

Flagellū lingue.

Matth. 25.

Psalms.

21

Diabolus
bestia terræ
dicitur.
† al. effe-
natur.
Esaia. 35.

Psalms. 7.
Psalms. 63.

† al. perfe-
cti.

1. Petri. 2.
Esaia. 54.

† al. actio-
ne.

Utilitas af-
flictionis.

22

ex humanitate compatitur, quia diuinæ iustitiæ per speciem inhærens, inconcussio districtiōis intimæ vigore solidatur. Erectas nanque in claritate supernæ rectitudinis electorum mentes nulla misericordia afficit, quia has à miseriis altitudo beatitudinis alienas reddit. Vnde bene per Psalmistam dicitur: Videbunt iusti & timebunt, & super eum ridebunt & dicent: Ecce homo qui non posuit Deum adiutorem suum. Iniquos enim iusti nunc vident, & metuunt, tunc visuri sunt & ridebunt. Quia enim modo ad eorum labi imitationem possunt, hinc habent formidinem. Quia verò damnatis tunc prodesse nequeunt, illic non habent compassionem. Aeterno itaque supplicio deditis, non esse miserendum, in ipsa, qua beati sunt, iustitia iudicantis legunt, qui, quod suspicari fas non est, qualitatem sibi perceptæ felicitatis imminuunt, si in regno positi volunt, quod implere nequāquam possunt. Sed quisquis ad vitæ præcepta se dirigit, priusquam præmia æterna percipiat, hinc iam initia securitatis in perpetuum securitatis degustat, ut antiquum hostem non metuat, & interueniente mortis articulo, violentos eius impetus nullatenus perhorrescat. Iustis nanque initium retributionis, est ipsa plerunque in obitu securitas mentis. Vnde & rectè subiungitur: *Et bestiam terræ non formidabis.* Callidus quippe aduersarius bestia terræ dicitur, quia ad rapiendas mortis tempore peccatorum animas, violentia crudelitatis † efferatur. Quos enim viuētes blandiens decipit, morientes sæuiens rapit. Quo contra de electorum Ecclesia per Prophetam Dominus pollicetur, dicens: Mala bestia non transibit per eam. Illi igitur terræ bestiam morientes timent, qui conditoris sui potentiam viuētes non timent. Sancti etenim viri, quia diuinæ se formidini medullitus subdunt, omne de aduentu aduersarii pondus timoris abiiciunt. Hinc est enim quod Psalmista Dominum exorat, dicens: Nequando rapiat ut leo animam meam. Hinc rursus ait: Exaudi Deus orationem meam cum deprecor, à timore inimici eripe animam meam. Viuentes quippe † perfecti timent iudicem, ne morientes metuant accusatorem. Bene ergo dicitur: *Et bestiam terræ non formidabis.* Ac si apertè diceretur: Quia à blandiente modò hoste non vinceris, hunc sæuientem postmodum non timebis. Sed cum bene viuatur, valde cauendum est, ne mens despectis cæteris, de gloria singularitatis eleuetur. Vnde aptè ad memoriam bonum sociale reducit, cum protinus subinfertur. *Sed cum lapidibus regionum pactum tuum.* Quasi distinctæ in mundo regiones sunt Ecclesiæ gentium, quæ in vna fide positæ, morum linguarumque diuersitate diuiduntur. Quid ergo per regionum lapides, nisi Ecclesiarum electos accipimus? Quibus primi instructoris voce dicitur: Vos autem tanquam lapides viui superædificamini. De quibus sanctæ Ecclesiæ Dominus per Prophetam pollicetur, dicens: Ecce ego sternam per ordinem lapides tuos. Qui igitur rectè viuit, pacto se cum lapidibus regionum iungit, quia in eo quod mundi desideria superat, vitam suam proculdubio ad sanctorum præcedentium imitationem ligat. Sed cum à mundi † dilectione disiungitur, malorum spirituum impugnationes crescunt: quæ tamen quo magis in mœrore quenquam atterunt, eò conditori humiliter subdunt. Vnde & subiungitur: *Et bestia terræ pacifica erunt tibi.* Notandum prius est, quod non ait pacatæ, sed pacificæ, videlicet non quia pacem habent, sed quia pacem faciunt. Hostes quippe callidi dum insidiantur affligunt, sed afflictæ mens tantò magis ad æternam patriam reditum diligit, quantò in hoc ærumnoso exilio laboriosius viuit: & verius se gratiæ sui adiutoris humiliat, cum contra se insidias hostium aciores pensat. Terræ ergo bestia electis pacifica fuit, quia maligni spiritus cum bonorum corda aduersantes deprimunt, hæc nolentes ad amorem Domini impellunt. Inde ergo cum Deo robustior pax oritur, vnde nobis ab aduersariis durior pugna generatur. Possunt etiam per terræ bestias, motus carnis intelligi, qui dum mentem nostram irrationabilia suadendo laceffunt, contra nos bestialiter insurgunt. Sed cum cor sub diuina lege deprimatur, etiam carnis incentiua detumescunt: ut etsi tentando submurmurant, nequāquam tamen vsque ad effectum operum, quasi ad aperti morsus rabiem exurgant. Quis enim adhuc in hac corruptibili carne subsistēs, has terræ bestias plenè edomat, cum ille ad tertium

coelum raptus egregius prædicator dicat: Video aliam legem in membris meis repugnantem legi mentis meæ, & captiuum me ducentem in lege peccati, quæ est in membris meis? Sed aliud est has bestias in campo operis sæuiantis aspicere, aliud intra cordis caueam frementes tenere. Redactæ nanque intra claustra continentia, etsi adhuc tentando rugiunt, vsque ad morsum tamen, ut diximus, actionis illicitæ non excedunt. Pacificæ itaque sunt terræ bestia, quia motus carnis etsi per desideria palpitant, aperta nos tamen contradictione operis non impugnant. Quauis per hoc ipsum quod pacificæ dicuntur, etiam id quod de malignis spiritibus diximus, non inconuenienter accipitur. Motus etenim carnis pacem nobis cum Deo faciunt, cum tentando contradicunt. Nam iusti mens in eo quod ad superna dirigitur, ex corruptibili carne graui bello fatigatur. Quæ si quando à desideriis cœlestibus, huius mundi qualibet minima delectatione tardatur, ipso bello suæ tentationis impellitur, ut illud toto corde diligat, quod contradictio nulla perturbat. Vnde fit ut quietem intimam ad memoriam reuocet, & carnis suæ illecebras fugiens, ad illam pleno amore suspiret. Considerare enim ex tentatione vnusquisque compellitur, † vnde vel ex quo cecidit, qui postquam Dei pacem deseruit, rixam sibi contra se exurgere † ex semetipso sentit, & tunc verius videt de securâ Dei † dilectione quid perdidit: quia ad se dilapsus, suam in se contumeliam inuenit. Pacem ergo nobis terræ bestia faciunt, quia motus carnis, dum nos tentando laceffunt, ad amorem quietis intimæ impellunt. Bene autem subditur: *Et scies quod pacem habeat tabernaculum tuum.* In scriptura sacra aliter pax plena dicitur, atque aliter inchoata. Inchoatam quippe pacem veritas discipulis dederat, cum dicebat: Pacem relinquo vobis, pacem meam do vobis. Et plenam Simeon desiderauerat, cum exoraret dicens: Nunc dimittis seruum tuum Domine secundum verbum tuum in pace. Pax enim nostra ex desiderio conditoris inchoatur, ex manifesta autem visione perficitur. Plena quippe tunc erit, cum mens nostra nec ignorantia cæcatur, nec carnis suæ impugnatione concutitur. Sed quia eius exordia tangimus, cum vel mentem Deo, vel carnem menti subiugamus, tabernaculum iusti habere pacem dicitur: quia videlicet eius corpus quod mente inhabitatur, à peruersis desideriorum motibus prius inquietatum, nunc sub iustitiæ dispositione refrenatur. Sed quid prodest per continentiam carnem restringere, si mens se per compassionem nesciat in proximi amore dilatare? Nulla nanque est castitas carnis, quam non commendat suauitas mentis. Vnde post pacem tabernaculi aptè subiungitur. *Et visitans speciem tuam, non peccabis.* Species quippe hominis est alter homo. Rectè enim, species nostra dicitur proximus noster, quia in illo cernimus quid ipsi sumus. Corporali enim visitatione, ad proximum gressuum accessu venimus, spiritali verò, nō gressu, sed affectu ducimur. Speciem ergo suam visitat, quisquis ad Deum quem sibi similem per naturam conspiciat, passibus amoris tendit: ut in altero sua considerans, ex seipso colligat qualiter infirmitati alterius condescendat. Speciem suam visitat, qui ut in se alterum reficiat, se in altero pensat. Hinc nanque per Moysen veritas cum gesta describeret, gerenda signabat dicens: Protulit terra herbam virentem, & afferentem semen iuxta genus suum, lignumque faciens fructum, & habens vnumquodque semen secundum speciem suam. Lignum quippe secundum speciem suam semen producit, cum mens nostra ex sui consideratione se in alterum colligit, & recti operis germen parit. Hinc quidem sapiens dicit: Quod tibi non vis fieri, alteri ne feceris. Hinc in Euangelio Dominus dicit: Quæ vultis ut faciāt vobis homines, & vos eadem facite illis. Ac si apertè diceret: Speciem vestram in altero visitate, atque ex vobismetipsis agnoscite, quid vos oporteat aliis exhibere. Hinc Paulus ait: Factus sum Iudæis tanquam Iudæus, ut Iudæos lucrarem: & his qui sub lege erant, quasi sub lege essem, cum ipse non essem sub lege, ut eos qui sub lege erant, lucrificarem: & his qui sine lege sunt, quasi sine lege essem, cum sine lege Dei non essem, sed sub lege essem Christi. Et paulò post: Omnibus omnia factus sum, ut omnes saluos facerem. Neque enim egregius prædicator, ut quasi Iudæus fieret, ad perfidiam erupit: neque ut quasi sub lege esset, ad carnale

Roma. 7.

† al. unde
quod cecidit
† al. seme-
ipsum.
† al. dele-
statione.

23

1. Ioan. 14.
Luc. 2.

Gen. 1.

Matth. 7.

1. Corin. 9.

ad carnale sacrificium rediit: neque vt omnibus omnia fieret, simplicitatem mentis in erroris varietatem commutauit: sed A condescendendo appropinquat infidelibus, non cadendo: vt videlicet singulos in se suscipiens, & se in singulos transfigu- rans, compatiendo colligeret, si ita ipse vt illi esset, quid impen- di sibi ab aliis recte voluisset: & tanto verius vnique erra- ti concurreret, quanto salutis eius modum ex propria confi- deratione didicisset. Bene ergo dicitur: *Et visitans speciem tuam non peccabis:* quia tunc peccatum plenè vincitur, cum ex sua similitudine vnusquisque perpendit, quomodo in proximi dilectione dilatetur. Cum verò à vitiis caro restringitur, cum mens virtutibus exercetur, restat vt loquendo, quisque doceat vitā alios, quam moribus seruat. Ille nanq; vberes fru- ctus predicationis colligit, qui semina bonę operationis pre- mittit. Vnde post pacem tabernaculi & speciei nostrę visita- tionem, recte subiungitur. *Et scies quoniam multiplex erit semen tuum, & progenies tua sicut herba terrę.* Post pacem quippe taber- naculi, post speciei nostrę visitationem, semē iusti multiplex surgit: quia nimirum post membrorū macerationem, ac mo- B rum magnitudinem, tantò ei fecundius predicationis ver- bum tribuitur, quātò hoc in eius pectore perfecti operis ex- aratione praeuenitur. Ille nanque bene loquendi facundiam accipit, qui sinum cordis ad perfectè viuendi studia extendit: Nec conscientia loquentem praeedit, cum vita linguam an- tecedit. Hinc est quòd Aegyptij seruitio publico Ioseph di- spensante subiecti, cum iuri regis semetipsos tradentes humi- liant, frumenta etiam ad semen reportant. Frugem quippe ad esum etiam liberi accipimus, cum & sacro eloquio pascimur, & tamen ad quædam quæ in hoc mundo appetimus, in nostris voluptatibus vacamus. Sed serui facti, & ad semen frumenta percipimus, quia dum plenè Deo subdimur, etiam verbo pre- dicationis replemur. Et quoniam magna proles fidelium se- quitur cum sancta prædictio prærogatur, post multiplicita- tem seminis rectè subiungitur: *Et progenies tua sicut herba terrę.* Iusti progenies herbæ terrę comparatur: quia qui de eius imi- tatione nascitur, dum arentem vitæ præsentis gloriam dese- rit, spe interna viridescit. Vel certè iusti progenies sicut herba C oritur, quia dum viuendo monstrat quod prædicando asserit, multitudo sequentium innumerabilis exurgit. Sed quisquis iam terrena desideria despicit, quisquis se per actiua vitę ope- ra extendit, nequaquam ei sufficit magna exterius agere, nisi etiam per contemplationem valeat interna penetrare. Vnde & aptè protinus subinfertur:

Quid est quod Abraham coniugem mortuam in sepulchro duplici sepelit: & quid sit quod per Moysen cum hyssopo lignoque cedrino vacca mactari præcipitur. Caput XVII.

Ingredieris in abundantia sepulchrum, sicut infertur aceruus tritici in tempore suo. Quid enim sepulchri nomine nisi contemplati- ua vita signatur: quæ nos quasi ab hoc mundo mortuos sepe- lit, dum à terrenis desideriis susceptos in intimis abscondit? Ab exteriori quippe vita, mortui etiam sepulti per contem- plationem fuerant, quibus Paulus dicebat: Mortui enim estis, & vita vestra abscondita est cum Christo in Deo. Actiua D quoque vita sepulchrum est, quia à prauis nos operibus mor- tuos tegit, sed contemplatiua perfectius sepelit, quia à cunctis mundi actionibus funditus diuidit. Quisquis ergo iam in se contumelias carnis edomuit, superest vt mentem per studia sanctæ operationis exercent, & quisquis iam mentem per san- cta opera dilatat, superest, vt hanc vsque ad secreta intimæ cō- templationis studia extendat. Neque enim perfectus prædi- cator est, qui vel propter contemplationis studium operanda negligit, vel propter operationis instantiam contemplanda postponit. Hinc est enim quòd Abraham coniugem mor- tuam in sepulchro duplici sepelit, quia nimirum perfectus quis- que prædicator extinctam à præsentis vitę desideriis animam suam, sub bonæ operationis tegmine & contemplationis ab- scondit, vt à carnali concupiscentia, sub actiua contemplati- uaque vita quasi insensibilis lateat, quæ prius mundi deside- ria sentiens, mortaliter vivebat. Hinc est quòd humani gene- ris redemptor per diem miracula in vrbibus exhibet, & ad o- rationis studium in monte pernoctat: vt perfectis videlicet prædicatoribus innuat, quatenus nec actiuam vitam amore

speculationis funditus deferant, nec contemplationis gaudia penitus operationis nimietate contemnant: sed quieti con- templantes sorbeant, quod occupati erga proximos loquen- tes refundant. Speculando quippe in Dei amorem surgitur, sed prædicando ad proximi vtilitatem reditur. Vnde apud Moysen, dum in sacrificio vacca mactatur, offerri cum hyssopo lignoque cedrino bis tinctus coccus præcipitur. Vaccam quippe mactamus, cum carnem à lasciuiā suæ voluptatis ex- tinguiamus, quam cum hyssopo lignoque cedrino ac cocco offerimus: quia cum maceratione carnis, sacrificium fidei, spei & charitatis adolemus. Hyssopus quippe interna nostra mun- dare consuevit. Et per Petrum dicitur: Fide mundans corda eorum. Lignum cedrinum nulla putredine deficit: quia spem cœlestium terminus non consumit. Vnde & per Petrum di- citur: Regenerauit nos in spem viuam, per resurrectionem Iesu Christi ex mortuis, in hæreditatem incorruptibilem & incontaminatam & immarcescibilem. Coccus verò rubro colore flammescit: quia quem implet charitas, incendit. Vn- de & in Euangelio veritas dicit: Ignem veni mittere in ter- ram. Sed bis tinctus coccus offerri præcipitur: vt videlicet an- te interni iudicis oculos, charitas nostra Dei & proximi dile- ctione coloretur: quatenus conuersa mens nec sic pro amore Dei quietem diligat, vt curam proximi vtilitatemque post- ponat: nec sic pro amore proximi occupationi inseruiat, vt quietem funditus deferens, ignem in se superni amoris extin- guat. Quisquis ergo semetipsum Deo iam sacrificium obtulit, si perfecta desiderat, curet necesse est, vt non solum ad ope- rationis se latitudinem, verumetiam ad culmina contempla- tionis extendat. Sed inter hæc magnopere sciendum est, quia valde inter se diuersæ sunt conspersiones animorū. Non- nulli nanque hominum ita otiosæ mentis sunt, vt si eos labor occupationis excipiat, in ipsa operis inchoatione succum- bant: & nonnulli ita inquieti sunt, vt si vacationem laboris ha- buerint, grauius laborēt, quia tantò deteriores cordis tumultus tolerant, quātò eis licentius ad cogitationes vacat. Vnde necesse est, vt nec quieta mens ad exercitationem se immo- derati operis dilatet, nec inquieta ad studium contemplatio- nis angustet. Sæpe enim qui contemplari Deum quieti pote- rant, occupationibus pressi ceciderunt: & sæpe qui occupati bene humanis vsibus viuerent, gladio suæ quietis extincti sunt. Hinc nanque est quòd nonnulli inquieti spiritus, dum plus exquirunt contemplando quàm capiunt, vsque ad per- uersa dogmata erumpunt: & dum veritatis discipuli esse hu- militer negligunt, magistri errorum sunt. Hinc per semet- ipsam veritas dicit: Si oculus tuus dexter scandalizat te, erue eum & proiice abs te. Bonum est tibi cum vno oculo in vi- tam intrare, quàm duos oculos habentem mitti in gehennam ignis. Duæ quippe vitæ, actiua videlicet & contempla- tiua, cum conseruantur in mente, quasi duo oculi habentur in facie. Dexter nanque oculus vita contemplatiua est, sinis- ter actiua: Sed sunt nonnulli, vt diximus, qui discretè in- tueri summa & spiritalia nequaquam possunt, & tamen alta contemplationis assumunt, atque idcirco in perfidiæ fo- ueam, intellectus prauis errore delabuntur. Hos itaque con- templatiua vita vltra vires assumpta, cogit à veritate cadere, quos in statu suæ rectitudinis humiliter poterat sola actiua custodire. Quibus rectè hoc quòd præfati sumus, veritas di- cit: Si oculus tuus dexter scandalizat te, erue eum & proiice abs te. Bonum tibi est cum vno oculo vitam intrare, quàm duos oculos habentem mitti in gehennam ignis. Ac si apertè diceret: Cum ad contemplatiuam vitam idonea discretionem non sufficis, solam securius actiuam tene. Cùmque in hoc quod pro magno eligis deficiis, eo contentus esto, quod pro minimo attendis: vt si per contemplatiuam vitam à veritatis agnitione compelleris cadere, regnum cœlorum per solam actiuam valeas saltem luscus intrare. Hinc rursum dicit: Qui scandalizauerit vnum de pusillis istis qui in me credunt, ex- pedit ei vt suspendatur mola asinaria in collo eius, & demer- gatur in profundum maris. Quid per mare, nisi seculum, quid per molam asinariam, nisi actio terrena signatur? Quæ dum colla mentis per stulta desideria constringit, hanc in laboris circuitum mittit. Sunt itaque nonnulli qui dum terrenas actiones deferunt, & ad contemplationis stu-

Nume. 19.

Acto. 15.

1. Pet. 1.

Luc. 12.

26.

Matth. 18.

Gen. 47.

24.

Col. 3.

25.

Gen. 23.

dia, humilitate postposita, ultra intelligentiæ vires surgunt, non solum se in errorem deiiciunt, sed infirmos quosque à gremio unitatis diuidunt. Qui ergo vnum de minimis scandalizat, melius illi fuerat alligata collo mola asinaria in mare proiici: quia nimirum peruersæ menti expeditius esse potuisset, vt occupata mundo terrena negotia ageret, quàm per contemplationis studia ad multorum perniciem vacaret. Rursum nisi quibusdam mentibus contemplatiua vita potius quàm actiua congrueret, nequaquam per Psalmistam Dominus diceret: Vacate & videte quia ego sum Deus. Sed inter hæc sciendum est quia sæpe & pigras mentes amor ad opus excitat, & inquietas in contemplatione timor refrenat. Anchora enim cordis, est pondus timoris, & plerunque fluctu cogitationum quatitur, sed per disciplinæ suæ vincula retinetur, neque hoc tempestas suæ inquietudinis ad naufragium pertrahit, quia in diuini amoris littore perfecta charitas astringit. Vnde necesse est vt quisquis ad contemplationis studia properat, semetipsum prius subtiliter interroget quantum amat. Machina quippe mentis, est vis amoris, quæ hanc dum à mundo extrahit, in alta sustollit. Prius ergo discutiat si summa inquirens diligit, si diligens timet, si nouit incognita aut amando comprehendere, aut non comprehensa timendo venerari. In contemplatione etenim mentem si amor non excitat, temporis sui torpor obscurat: si timor non aggrauat, sensus hanc per inania ad nebulam erroris leuat: & cum clausa ei secretorum ianua tardius aperitur, ab ea longius ipsa sua presumptione repellitur: quia irrumpere appetit hoc quod non inueniens quærit: cumque superba mens errorem pro veritate percipit, quod quasi intus gressum porrigit, foras tendit. Hinc est enim quod legem daturus Dominus, in igne fumoque descendit, quia & humiles per charitatem suæ ostensionis illuminat, & superbiorum oculos per caliginem erroris obscurat. Prius igitur mens ab appetitu gloriæ temporalis, atque ab omni carnalis concupiscentiæ delectatione tergendæ est, & tunc ad arcem contemplationis erigenda. Vnde & cum lex accipitur, populus à monte prohibetur, vt videlicet qui infirmis adhuc mentibus terrena desiderant, considerare sublimia non presumant. Vbi & rectè dicitur: Si bestia tetigerit montem, lapidabitur. Bestia enim montem tangit, cum mens irrationalibus desideriis subdita, ad contemplationis alta se erigit: sed lapidibus percutitur, quia summa non sustinens, ipsis superni ponderis ictibus necatur. Qui igitur culmen perfectionis apprehendere nituntur, cum contemplationis arcem tenere desiderant, prius se in campo operis per exercitium probent, vt sollicitè sciant si nulla iam mala proximis irrogant: si irrogata à proximis, æquanimiter portant: si obiectis temporalibus bonis nequaquam mens lætitia soluitur: si subtractis non nimio mœrore fociatur: ac deinde perpendant si cum ad semetipsos introrsus redeunt, in eo quo spiritalia rimantur, nequaquam secum rerum temporalium umbras trahunt, vel fortasse tractas, manu discretionis abigunt: si incircumscriptum lumen videre cupientes, cunctas circumscriptionis suæ imagines deprimunt, & in eo quod super se contingere appetunt, vincunt quod sunt. Vnde rectè nunc dicitur: *Ingrederis in abundantia sepulchrum.* Vir quippe perfectus in abundantia sepulchrum ingreditur, quia prius actiue vitæ opera congregat, & postmodum carnis sensum, per contemplationem mortuū huic mundo, funditus occultat. Vbi & aptè subditur: *Sicut infertur aceruus in tempore suo.* Actionis namque tempus primum est, contemplationis extremum. Vnde necesse est, vt perfectus quisque prius virtutibus mentem exerceat, atque hanc postmodum in horreum quietis condant. Hinc est enim quod is quem legio dæmonum Domino iubente dereliquit, ad saluatoris sui pedes residet, verba doctrinæ percipit, & de regione sua simul discedere cum salutis authore concupiscit: sed tamen & ipsa quæ salutem contulit veritas dicit: Reuerte te primum in domum tuam, & narra, quanta tibi fecerit Deus. Cum enim quamlibet parum de diuina cognitione percipimus, redire ad humana iam nolumus, & proximorum necessitatibus onerari recusamus, quietem contemplationis quærimus, nihilque aliud, nisi hoc quod sine labore reficit animum, amamus. Sed sanatos nos veritas ad domum mittit, narrare quæ nobiscum acta sunt præcipit: vt videlicet mens

prius defudet in opere, & postmodum refici debeat per contemplationem.

Quid sit quod Iacob pro Rachel seruini & Liam accepit.

Capitulum XVIII.

Hinc est quod Iacob pro Rachel seruini, & Liam accepit, hæcque dicitur: Non est consuetudinis in terra nostra, vt minores antè tradamus ad nuptias quàm maiores. Rachel namque visum principium: Lia autem laboriosa dicitur. Et quid per Rachelem nisi contemplatiua: quid per Liam, nisi actiua vita signatur? In contemplatione quippe principium, quod Deus est, quæritur: in operatione autem sub graui necessitatum fasce laboratur. Vnde & Rachel pulchra, sed sterilis, Lia autem lippa est, sed fecunda: quia nimirum mens cum contemplando otia appetit, plus videt, sed minus Deo filios generat: cum verò ad laborem prædicationis se dirigit, minus videt sed amplius parit. Post Liæ ergo amplexus ad Rachelem Iacob peruenit: quia perfectus quisque antè actiue vitæ ad fecunditatem iungitur, & post contemplatiuæ ad requiem copulatur. Quia enim cōtemplatiua vita minor quidem tempore, sed merito maior est, quàm actiua, sacri Euāgelij verbis ostenditur, in quo duæ mulieres diuersa egisse referuntur. Maria quippe redemptoris nostri verba audiens, ad pedes illius residebat, Martha autè corporalibus ministeriis insistebat. Cumque contra Mariæ otium Martha quereretur, audiuit: Martha Martha sollicita es, & turbaris erga plurima. Porro vnum est necessariū. Maria optimam partem elegit, quæ non auferetur ab ea. Quid enim per Mariam quæ verba Domini residens audiebat, nisi contemplatiua vita exprimitur? Quid per Martham exterioribus obsequiis occupatam, nisi actiua vita signatur? Sed Marthæ cura non reprehenditur, Mariæ verò etiam laudatur: quia magna sunt actiue vitæ merita, sed contemplatiue potiora. Vnde nec auferri vnquam Mariæ pars dicitur: quia actiue vitæ opera cum corpore transeunt, contemplatiue autem gaudia melius ex fine conualescunt. Quod bene ac breuiter Ezechiel Propheta exprimit, cum volentia animalia contemplatus ait: Et similitudo manus hominis subtus pennas eorum erat. Quid enim per pennas animalium, nisi contemplationes possumus sentire sanctorum, quibus ad summa transuolant, & terrena deferentes, sese in cœlestibus librant? Quid per manus, nisi operationes accipimus? Quia cum in proximi amore se dilatant, bona quæ prævalent, etiam corporaliter administrant. Sed manus eorum sub pennis sunt, quia actionis suæ opera virtute contemplationis vincunt. Potest etiam per sepulchrum non solum in hac vita nostra contemplatio, sed quies æternæ & intimæ retributionis intelligi, in qua tantò verius quiescitur, quantò in nobis corruptionis vita perfectius necatur. In abundantia ergo sepulchrum ingreditur, qui post congesta vitæ præsentis opera, mutabilitati suæ plenè mortuus, in secreto veri luminis occultatur. Vnde & per Psalmistam dicitur: Abscondes eos in abscondito vultus tui, à cōturbatione hominum. Quod bene etiam comparatio adiuncta commendat, cum subditur: Sicut infertur aceruus in tempore suo. Frumētum quippe in segete Sole tangitur, quia in hac vita, humana anima respectu superni luminis illustratur: pluias percipit, quia veritatis eloquio pinguescit: ventis concutitur, quia tentationibus exercetur: & secum crescentes paleas portat, quia nequiores contra se quotidie vitam peccantium tolerat: atque ad aream deductum triturationis pondere premitur, vt à palarum connectione soluat: quia mens nostra cœlesti disciplinæ supposita, dum correctionis flagella percipit à societate carnalium mundior recedit, & relictis paleis ad horreum ducitur: quia foris remanentibus reprobis, electa anima ad supernæ mansionis gaudia æterna subleuatur. Bene ergo dicitur: *Ingrederis in abundantia sepulchrum, sicut infertur aceruus in tempore suo.* Quia dum post afflictionem iusti præmia patriæ cœlestis inueniunt, quasi post pressuras ad horreum grana deferuntur, & in alieno quidem tempore percussiones sentiunt, sed in suo à percussione requiescunt. Electis quippe alienum tempus est vita præsens, vnde & quibusdam adhuc infidelibus veritas dicit: Tempus meum nondum aduenit, tempus autem vestrum semper est paratum. Et rursum: Hæc est hora vestra, & potestas tenebrarum. Sepulchrum ergo in tempore suo sicut

Caput sextum beati beati Iob.

fuō sicut frumenti acruus ingreditur, quia ille æternam requiem percipit, qui prius hñc vt ab exurendis paleis liber sit, disciplinæ pressuras sentit. Eliphaz verò quia & in locutionis suæ serie tabernaculum, lapides, bestias, semen, herbas, sepulchrūque nominauit, quòd non hæc iuxta literam dixerit, ipse innuit, qui post cuncta illico subiungit: *Ecce hoc vt inuestigauimus ita est.* Liqueat profectò quòd in his verbis nihil ab eo iuxta superficiem dicitur, quia nimirum ante faciem non iacet, quòd inuestigatur. Quid ergo hæc inuestigasse se indicat, [nisi] quia quòd in verbis exterioribus interiora quaesierit, demonstrat. Sed post cuncta ad stultitiam iactantia peruenit, quia protinus subdit: *Quod auditum mente pertracta.* Quantalibet doctrina mens polleat, grauis eius imperitia est, velle docere meliorem. Vnde & ea quæ ab amicis rectè prolata sunt, ab interno arbitrio non recta iudicantur. In eo nanque vim suæ rectitudinis amittunt, quòd auditori non congruunt, quia & medicamina vires perdunt, cum sanis membris apponuntur. In omne ergo quòd dicitur, necesse est, vt causa, tempus & persona pensetur, si verba sententiæ veritas roborat, si hanc tempus congruum postulet, si & veritatem sententiæ, & congruentiam temporis, personæ qualitas non impugnet. Ille enim laudabiliter spicula emittit, qui prius hostem, quem feriat conspiciat. Male nanque arcus validi cornua subigit, qui sagittam fortiter dirigens, ciuem ferit.

Libri sexti Moralium sancti Gregorij finis.

B. GREGORII EXPOSITIONIS MORALIS IN B. IOB, SUPER CAPVT SEPTIMUM, liber septimus.

Caput I.



Vorumdam mētes plus flagella quam conuitia cruciant, quorundam verò plus conuitia quam flagella castigant. Nam sæpe contra nos quibuslibet pœnis durius tormenta verborū feruunt, cumque nos ad defensionem erigūt, in impatientiam sternunt. Vnde beato Iob ne deesse tentatio vlla potuisset, non solū

hunc flagella desuper feriunt, sed grauiora plagis amicorum colloquia affligunt: vt sancti viri anima hinc inde pulsata, ad motū iracundiæ, & elationis erūperet: & quicquid * mundè vixerat, per contumaciā superbæ locutionis inquinaret. Sed tactus plagis gratias retulit, lacepsitus verbis recta respondit, & percussus innotescit quā pro minimo salutē carnis habuerit. Loquens quoque indicat, quā sapiens tacebat. Sed quedā eius verbis admixta sunt, quæ apud humana iudicia patientiæ limitē transire videantur, quæ nos verè intelligimus, si superni sententiam iudicis in eorum examinatione pensemus. Ipse quippe beatū Iob & prius contra aduersarium prætulit dicens: Vidisti seruū meum Iob, quòd nō sit similis ei super terrā: vir simplex & rectus, ac timēs Deum, & recedens à malo? Ipse post probationē amicos eius redarguit, dicēs: Non estis locuti corā me rectū, sicut seruus meus Iob: restat ergo, vt cum mēs in beati Iob sermonibus fluctuat, eorū pōdus ex eiusdē historiæ initio ac fine perpēdat. Ab æterno enim iudice, nec casurus laudari potuit, nec lapsus præferri. Si igitur in ambiguitatis tēpestare deprehēsi, prima huius historiæ, & postrema cōspicimus, nauis cordis, cōsiderationis suæ finibus, quasi à prora & puppi restringit, ne in erroris saxū perducatur. Nullis ergo ignorantie nostræ procellis obruimur, si tranquillū superne sententiæ littus tenemus: Ecce enim dicit, quòd quaestione nō modica lectoris animū moueat. Sed quis hoc non rectum dicere audeat, quòd in Dei auribus rectum sonat?

Tomus primus.



Espondens autem Iob, dixit: Vtinā appenderentur peccata mea, quibus iram merui, & calamitas, quam patior, in statera: quasi arena maris hæc grauior appareret. Vnde & verba mea dolore sunt plena, quia sagittæ

Domini in me sunt, quarum indignatio ebibit spiritum meum, & terrores Domini militant contra me. Nunquid rugiet onager, cum habuerit herbam, aut mugiet bos, cum ante præsepe plenum steterit? Aut poterit comedi insulsum, quòd non est sale conditum? Aut potest aliquis gustare, quòd gustatum affert mortem? Animæ enim esurienti etiam amara dulcia esse videntur. Quæ prius nolebat tangere anima mea, nunc præ angustia cibi mei sunt. Quis det vt veniat petitio mea, & quòd expecto tribuat mihi Deus, & qui cœpit, ipse me conterat? Soluat manum suam, & succidat me, & hæc mihi sit consolatio, vt affligens me dolore non parcat, nec contradicam sermonibus sancti. Quæ est enim fortitudo mea, vt sustineam, aut quis finis meus, vt patienter agam? Nec fortitudo lapidum, fortitudo mea, nec caro mea ænea est. Ecce non est auxilium mihi in me, & necessarij quoque mei recesserunt à me. Qui tollit ab amico suo misericordiam, timorem Domini derelinquit. Fratres mei præterierunt me, sicut torrens qui raptim transit in in conuallibus. Qui timent pruinam, irruet super eos nix. Tempore quo fuerint dissipati, peribunt: & vt incaluerint, soluentur de loco suo. Inuolutæ sunt semitæ gressuum eorum, ambulabunt in vacuum, & peribunt. Considerate semitas Theman, itinera Saba, & expectate paulisper. Confusi sunt, quia speraui. Venerunt quoque vsque ad me, & pudore cooperti sunt. Nunc venistis, & modò videntes plagam meam timetis. Nunquid dixi, Afferte mihi, & de substantia vestra donate mihi, vel liberate me de manu hostis, & de manu robustorum eruite me? Docete me, & ego tacebo, & si quid fortè ignorauit, instruite me. Quare detraxistis sermonibus veritatis, cum è vobis nullus sit, qui possit arguere me? Ad increpandum tantum eloquia cōcinnatis, & in ventum verba profertis. Super pupillum irruitis, & subuertere nitimmi amicum vestrum. Verumtamen quòd cœpistis, explete. Præbete aurem, & videte an mentiar. Respondete obsecro absque contentione, & loquentes id quòd iustum est iudicate. Et non inuenietis in lingua mea iniquitatem, nec in faucibus meis stultitia personabit.

Quòd statera nomine, Christus accipiat, qui in se calamitatem nostram, & peccata appendit.

Caput II.

Vtinā appenderentur peccata mea, quibus iram merui, & calamitas quam patior, in statera, quasi arena maris hæc grauior appareret. Quis alius stateræ nomine, nisi Dei & hominum mediator exprimitur? qui ad pensandum vitæ nostræ meritum venit, ac secum iustitiam simul, & misericordiam detulit: sed misericordiæ lance præponderans, culpas nostras parcendo leuigauit. In manu etenim patris quasi statera miri libraminis factus, hinc in se calamitatem nostram, & illuc peccata suspendit. Sed grauis ponderis calamitatem moriendo innotuit, & apud misericordiam suam Deus leue esse peccatum relaxando monstrauit. [Ergo per veram pœnitentiam, quauis multa & grauisima sint peccata, per misericordiā Dei facile relaxantur: & apud misericordiam suam leue esse peccatum]

* al. mundum.

† al. differendum.

tum, quod relaxatur, monstravit, qui hoc primum gratiae contulit, quia poenam nostram nobis cognoscibilem fecit. Homo nanque ad contemplandum auctorem conditus, sed exigentibus meritis ab internis gaudiis deiectus, in ærumnam corruptionis ruens, cæcitatem exilij sustinens, culpæ suæ supplicia & tolerabat, & nesciebat: ita ut exilium patriam crederet, & sic sub corruptionis pondere, quasi in salutis libertate gauderet. Sed is quem intus homo reliquerat, assumpta carne foris apparuit Deus, cūque se exterius præbuit expulsum foras hominem ad interiora reuocauit, ut iam damna sua videat, iam poenam suæ cæcitatatis ingemiscat. Calamitas ergo hominis in statera grauis apparuit, quia malum quod pertulit, non nisi in præsentia redemptoris agnouit. Lucem quippe nesciens, damnationis suæ tenebras voluptuosè tolerabat, sed postquam vidit quid diligeret, intellexit etiam quod doleret, & graue sensit quod pertulit, quia dulce innotuit quod amisit. Vir igitur sanctus colloquentis amici sententiis à claustris silentij excussus, & prophetici spiritus affluentia repletus, dicat sua, dicat humani generis voce: Utinam appenderentur peccata mea quibus iram merui, & calamitas quam patior, in statera, quasi arena maris, hæc grauior appareret, ac si apertè diceret: Damnationis nostræ malum leue creditur, quia nec dum cognita redemptoris æquitate pensatur. Sed utinam veniat, & ærumnam tanti exilij misericordiæ suæ lance suspendat, & quid post exilium requiramus, edoceat. Si enim innotescit quod amisimus, graue esse insinuat quod toleramus. Bene autem hæc eadem peregrinationis nostræ calamitas maris arenæ comparatur. Arena etenim maris, vndarum æstu exterius impellitur, quia & delinquens homo quoniam tentationum fluctus mobiliter pertulit, extra se ab intimis exiit. Magni autem arena maris est ponderis, sed calamitas hominis arena maris grauior dicitur, quia dura fuisse poena ostenditur, dum per misericordem iudicem, † culpa quæ leuigatur, agnoscitur. Et quia quisquis gratiam redemptoris agnoscit, quisquis reditum ad patriam diligit, eruditus sub pondere peregrinationis gemit, post stateræ desiderium rectè subiungitur: *Vnde & verba mea dolore sunt plena.* Qui peregrinationem pro patria diligit, dolere etiam inter dolores nescit. Iusti autem verba dolore plena sunt, quia quousque præsentia tolerat, ad alia loquendo suspirat: omne quod peccans pertulit, conspiciat, atque ut ad statum beatitudinis redeat, sollicitè iudicia quibus affligitur, pensat. Vnde subditur: *Quia sagitta Domini in me sunt.* Sagittarum quippe nomine aliquando prædicationis verba, aliquando animaduersionis sententiæ designantur. Prædicationis nanque eloquia sagittis exprimentur, quia in eo quod vitia feriunt, malè viuientium corda transfigunt. De his sagittis venienti redemptori dicitur: Sagittæ tuæ acutæ potentissimè, populi sub te cadent in corde. De quo Esaias dicit: Mittam ex eis qui saluati fuerint, ad gentes in mare, in Africam, in Libyam, tenentes sagittam, in Italiam & Græciam. Rursum sagittis animaduersionis percussio designatur, sicut Ioas regi per Helisæum dicitur: Iace sagittam. Quo iaciente ait: Percuties Syriam, donec consumas eam. Vir igitur sanctus, quia peregrinationis suæ ærumnam respicit, quia sub percussione dominicæ animaduersionis ingemiscit, dicat:

Quod serui Dei in hoc mundo luceant, & percussiones diuinæ mentem ne intumescant, compungant, & ex his quæ tolerat, futuræ formidat.

Caput III.

Vnde & verba mea dolore sunt plena, quia sagitta Domini in me sunt. Ac si apertè diceret: Ego in exilij damnatione non gaudeo, sed sub iudicio positus doleo, quia vim percussioneis agnosco. Plerique autem sunt quos tormenta cruciant, sed non emendat. Quos cōtra aptè subiungitur: *Quarum indignatio ebibit spiritum meum.* Quid enim spiritus hominis, nisi spiritus elationis? Sagittæ autem Domini spiritum hominis ebibunt, cū supernæ animaduersionis sententiæ afflictam mentem ab elatione compescunt. Sagittæ Domini spiritum hominis ebibunt, quia intentum exterioribus, introrsus trahunt. Epotatus nanque Dauid spiritus fuerat, cū dicebat: In deficiendo in me spiritum meum, tu cognouisti semitas

meas. Et rursum: Negauī consolari animam meam, memor fui Dei, & delectatus sum, exercitatus sum, & defecit pauper spiritus meus. Sagittarū ergo indignatio iusti spiritū ebibit, quia supernæ sententiæ electos quos in peccatis inueniūt, dum vulnerāt, immutant, ut duriā suā transfixa mens deferat, atque ex salutifero vulnere sanguis confessionis currat. Pensant nanque vnde, [vel] quod lapsi sunt, pensant à quanta beatitudine, ad quæ corruptionis suæ tormenta ceciderunt, & non solum gemunt in his, quæ sustinent, sed insuper metuunt hoc quod districtus iudex delinquentibus de gehennæ ignibus minatur. Vnde rectè subiungitur: *Et terrores Domini militant contra me.* Iustorum mens non solum perpendit quod tolerat, sed etiam pauet quod restat: videt qualia in hac vita patitur, metuit ne post hanc grauiora patiatur. Lugeat quia in huius cæcitatē exilio à paradisi gaudiis cecidit, timet ne cū exilium relinquitur, mors æterna subsequatur. Iam ergo sententiam tolerat in poena, sed minas adhuc venturi iudicis formidat ex culpa. Hinc Psalmista ait: In me pertransierunt iræ tuæ, & terrores tui conturbauerunt me. Interni quippe iudicis postquam iræ pertranseunt, etiam terrores conturbant: quia iam aliud de damnatione patimur, & adhuc aliud de æterna ultione formidamus. Vir igitur sanctus perpendens mala quæ tolerat, dicat: Sagittæ Domini in me sunt, quarum indignatio ebibit spiritum meum. Sed grauiora in perpetuum metuens, adiungat: *Et terrores militant contra me.* Ac si apertè diceret: Percussus quidē de præsentibus doleo, sed hoc in dolore fit grauius: quia & in poena positus, adhuc supplicia æterna pertimesco. Sed quia iā stateræ interuentum desiderat, iam mala in quibus humanum genus cecidit, pensat: quauis in gentili natione positus, munere tamen prophetici spiritus plenus, quo ardore redemptoris aduentum, vel gentilitas, vel Iudæa sitiatur, verbis sequentibus demonstrat, dicens:

Quod onagri & bouis nomine gentilis & Iudaicus populus accipitur, quorum clamor expectatio intelligitur.

Caput IIII.

Nunquid rugiet onager cū habuerit herbam, aut mugiet bos cū ante præsepe plenum steterit? Quid nanque per onagram, id est, agrestem asinum, nisi gentilis populus designatur? qui, sicut natura extra stabula disciplinæ edidit, ita vagus in voluptatum suarum campo permanfit. Quid per bouem, nisi plebs Iudaica significatur? quæ iugo supernæ damnationis supposita, ad spem profelytos colligens, per corda quæ valuit, vomerem legis traxit. Sed beati Iob vita attestante cognoscimus, ut expectasse redemptoris aduentum, multos etiam ex gentilibus credamus. Et nascente Domino, Simeone in spiritu in templum veniente, didicimus quanto desiderio ex plebe Israëlita sancti viri incarnationis eius mysterium videre cupierunt. Vnde & per eundem redemptorem discipulis dicitur: Dico vobis, quod multi iusti & prophetae desiderauerunt videre quæ videtis, & non viderunt. Herba ergo onagri, & scenum bouis, est hæc ipsa mediatoris incarnatio, per quam simul gentilitas, & Iudæa satiatur. Quia enim per Prophetam dicitur: Omnis caro scenum, vniuersitatis conditor ex nostra substantia carnem sumens, scenum fieri voluit, ne nostra in perpetuum caro scenum remaneret. Tunc ergo herbā onager inuenit, cū gentilis populus gratiam diuinæ incarnationis accepit. Tunc bos vacuum præsepe non habuit, cū plebi Iudaicæ eius carnem expectanti lex exhibuit quem diu expectatum prophetauit. Vnde & natus Dominus in præsepe ponitur, ut videlicet signaretur, quia sancta animalia quæ ieiuna diu apud legem inuenta sunt, incarnationis eius sceno satiarentur. Præsepe enim natus impleuit, qui cibum semetipsum mentibus mortalium præbuit, dicens: Qui comedit carnem meam, & bibit sanguinem in me manet, & ego in eo. Sed quia diu & electorum gentiliū vota dilata sunt, & ex Hebraico populo sancti quique longo tēpore redemptionem suam expectando gemuerunt, bene beatus Iob prophetiæ mysteria enarrans, ex vtraque natione causas afflictionis insinuat, dicens: Nunquid rugiet onager cū habuerit herbam, aut mugiet bos cū ante præsepe plenum steterit? Ac si apertè dicat: Idcirco gentilitas gemit, quia eam necdum redemptoris sui gratia reficit: atque ideo Iudæa mugitus

† al. culpa leuigatur.

Psalm. 44.
Esai. 66.

4. Reg. 13.

Luc. 10.

4.

Esai. 48.

Ioan. 9.

Psalm. 141.

gitus dilatat, quia legem tenens, sed legis auctorem non videns, stans ante praeſepe ieiunat. Quæ nimirum lex, quia ante mediatoris aduentum nequaquam ſpiritualiter, ſed carnaliter tenebatur, rectè ſubiungitur:

Quod inſuſum cibum comedit, qui legem carnaliter accipit.

Caput V.

A *Ut poterit comedi inſuſum, quod non eſt ſale conditum.* In lege ſal literæ, eſt intelligentiæ virtus occultæ. Quiſquis ergo obſequiis carnalibus intentus, hanc intelligere ſpiritualiter noluit, quid aliud quàm inſuſum cibum comedit? Sed hoc in cibo ſal cognita veritas miſit, cùm latere in lege ſaporem occultæ intelligentiæ docuit, dicens: Si crederetis Moyſi, crederetis vtique & mihi, de me enim ille ſcripſit. Et rurſum: Habete ſal in vobis, & pacem habete inter vos. Sed quia ante mediatoris aduentum, Iudæa legem carnaliter tenuit, præceptis eius dura iubentibus gentilitas ſubdi recuſauit. Inſuſum ergo cibum comedere noluit, quæ priuſquam ſpiritus condimentum perciperet, ſeruare vim literæ expauit. Quis nanque gentilium hoc quod illic præcipitur ferret, filiorum carnem pro obſequio religionis incidere, verborum culpas morte reſecare? Vnde & bene adhuc ſubditur: *Aut guſtare aliquis poteſt, quod guſtatam aſſert mortem?* Lex nanque carnaliter deguſtata mortem detulit, quia commiſſa delinquen-
tium dura animaduerſione diſtrinxit. Mortem detulit, quia & per præceptum culpam innotuit, & hanc per gratiam non deleuit, Paulo atteſtante, qui ait: Nihil ad perfectum perduxit lex. Et rurſum: Lex quidem ſancta, & mandatum ſanctum & iuſtum & bonum. Et paulò poſt: Peccatum vt appareat peccatum, per bonum mihi operatum eſt mortem. Ad Chriſtum verò conuerſa gentilitas, quia hunc ſignari per verba legis intelligit, anguſtata deſideriis ſuis, eum quem vehemen-
ter diligit, inter præcepta carnalia ſpiritualiter requirit.

Quod iuſti quicquid ſibi in hac vita amarum eſt, dulce reputant, & quod affligit, requiem putant.

Caput VI.

Vnde & ex voce mox Eccleſiæ per prophetiæ ſpiritum ſubditur: *Quæ priuſ tangere nolebat anima mea, nunc præ anguſtia, cibi mei ſunt.* Valde nanque in errorem labitur, qui beati Iob verba ad ſolam prolata hitoriam ſuſpicatur. Vir enim ſanctus, & tot conditoris ſui præconiis ſultus, quid magnum, vel potius quid verum diceret, ſi inſuſum cibum comedi non poſſe dixiſſet? Aut quis eius eſui mortifera alimenta obtulerat, vt ſubiungat: Aut poteſt aliquis guſtare, quod guſtatam aſſert mortem? Quæ ſi de amicorum eius colloquiis dicta ſentimus, ab intellectu hoc ſententia ſubiuncta compeſcitur, qui ait: *Quæ priuſ tangere nolebat anima mea, nunc præ anguſtia, cibi mei ſunt.* Abſit enim ne vir ſanctus in ſtatu ſui incolumitate conſtitutus, amicorum ſuorum aliquando dicta deſpexerit: qui, ſicut ipſo atteſtate poſt diſcimus, & ſeruis humilis fuit. Verba ergo eius à myſteriis nõ vacant: quæ, ſicut ex fine hitorix diſcimus, & internus arbiter laudat. Quæ nequaquam etiam cum tanta veneratione uſque ad mundi extrema decurrerent, ſi intellectu myſtico grauia non fuiſſent. Beatus igitur Iob, quia membrum ſanctæ eſt Eccleſiæ, eius etiam loquatur ex voce dicens: *Quæ priuſ tangere nolebat anima mea, nunc præ anguſtia, cibi mei ſunt.* quia nimirum amoris ſui æſtibus anxia cibum ſcripturæ veteris conuerſa gentilitas eſurit, quem dudum ſuperba deſpexit. Quæ tamen & Iudææ vocibus congruunt, ſi paulò conſideratius diſſerantur. Ipſa quippe ex eruditione legis, ex vnus Dei cognitione ſal habuit, & cunctas gentes non aliter quàm animalia bruta deſpexit. Sed quia ſocietatem gentilium ad ſemetipſam recipere, præceptis legis erudita contemperat: quid aliud quàm inſuſum cibum ſumere ſatidiebat? Diuina quippe ſententia propoſita morte vetuerat, ne plebs Iſraëlitica ſœdus cum alienigenis iungeret: & vitæ ſanctæ religionis inquinaret. Vnde & ſubditur: Aut guſtare aliquis poteſt, quod guſtatam aſſert mortem? Sed quia ad redemptoris fidem hæc eadẽ Iudæa ex electorum parte cõuerſa eſt, lucem quã cognouerat, prædicare per ſanctos Apoſtolos ſuæ prolis infidelibus ſatagebat. Eius autẽ prædicationis obſequium Hebræorũ ſu-
Tomus primus.

A perbia repulit. Vnde mox ad collectionem gentium exhortationis ſuæ verba declinauit, ſicut & per eoſdem Apoſtolos dicitur: Vobis oportebat primum loqui verbũ Dei: ſed quoniam repuliſtis illud, & indignos vos iudicaſtis æternæ vitæ, ecce conuertimur ad gentes. Vnde hoc quoque loco aptè ſubiungitur: *Quæ priuſ tangere nolebat anima mea, nunc præ anguſtia, cibi mei ſunt.* Iudæa quippe vitam gentilium dedignata, eam dudum quaſi tangere noluit, cuius ſocietatem recipere ſpreuit: ſed ad redemptoris gratiã veniens, ab Iſraëlicis infidelibus repulſa, dum per ſanctos Apoſtolos ad collectionem ſe gentilium dilatat, quaſi hoc in cibum eſuriens accepit, quod indignum priuſ ſatidioſa deſpexit: prædicationis enim ſuæ anguſtias pertulit, quæ apud Hebræos deſpicit, quod loquebatur, vidit. Sed præ anguſtia cibos quos dudum contempſerat, comedit: quia repulſa Iudæorum duritia gẽtiles ſuſcipere populos quos deſpexerat, concupiuit. Quia igitur hæc figurally diximus, reſtat nunc vt moraliter inquiramus. Vir ſanctus redemptoris aduentum ſub ſtateræ appellatione deſiderans, dum t per ſe eloquium aperit, nos ad viuendi ſtadium e-

B rudit: dum ſua narrat, quædam noſtra indicat: dum de ſe quæ ſe per eloq. recognoſcamus inſinuat, nos ad ſpem trepidos infirmoſque confirmat. Iam quippe per fidem mediatoris viuimus, & tamen adhuc pro expurgatione vitiorum, dura animaduerſionis intimæ flagella ſuſtinemus. Vnde & poſt ſtateræ deſideriũ ſubdit: Quia ſagittæ Domini in me ſunt, quarum indignatio ebibit ſpiritum meum. Sed ecce vt ſuperius dictum eſt, & diuinæ correptionis percuffione configimur, & tamen adhuc illud eſt grauius, quod de terrore venturi iudicis ex æterna animaduerſione formidamus: Vnde protinus ſubinfertur: *Et terrores Domini militant contra me.* Debet tamen à metu & dolore animus excuti, & ad ſola æternæ patriæ deſideria extendi. Tunc enim nobilitatem noſtræ regenerationis oſtendimus, ſi cum vt patrem diligimus, quem nũc ſeruili mente, vt dominum formidamus. Vnde per Paulum dicitur: Non ac-

C cepiſtis ſpiritum ſeruitutis iterum in timore, ſed accepitiſtis ſpiritum adoptionis filiorum, in quo clamamus, abba pater. Po-

dus itaque formidinis mens electi poſtponat, in virtute ſe amoris exerceat, renouationis ſuæ dignitatem deſideret, ad conditoris ſui ſpeciem anhelet: quem quouſque conſpicere non valet, æternitatem eius neceſſe eſt, id eſt, intimum cibum ſuum eſuriens expectet. Vnde & aptè ſubditur: *Nunquid rugiet onager, cùm habuerit herbam, aut mugiet boſ, cùm ante præſepe plenum ſteterit?* Qui alij onagri appellatione ſignati ſunt, niſi hi, qui in campo fidei conſtituti, nullius officiij loris ligantur? Vel quos bouis ſignificatio exprimit, niſi hos, quos intra ſanctam Eccleſiam ad prædicationis officiũ, ſuſcepti ordinis iugum premit? Herba verò onagri, & pabulum bouis, eſt interna reſectio populi fidelis. Alij nanque more bouis intra Eccleſiam ſuſcepti officiij loris tenentur: Alij more onagri ſacri ordinis ſtabula neſciunt, & in campo propriæ voluntatis degunt. Sed cùm quis ex vita ſeculari internæ viſionis deſiderio æſtuat, cùm reſectionis intimæ pabulum concupiſcit, cùm ieiunium ſe in peregrinationis huius cæcitate conſiderans, quibus valet ſletibus reficit: quaſi herbam non inueniens onager rugit. Alius quoque neceſſitatem ſuſcepti ordinis tolerat, in labore prædicationis exudat, & per æternam iam contemplationem refici appetit: ſed quia redemptoris ſui ſpeciem necdum conſpicit, quaſi boſ ad præſepe vacuum ligatus gemit. Quia enim longè ab interna ſapientia poſiti, æternæ hæreditatis non cernimus viriditatem, velut bruta animalia à deſiderata herba ieiunamus. De qua nimirum herba redemptoris voce dicitur: Per me ſi quis introierit, ſaluabitur, & ingredietur & pascua inueniet. Sed plerumque quod eſſe amantibus grauius ſolet, ſanctis bonorum ſtudiis malorum vita contradicit: & cùm mens ad cœleſte deſiderium rapitur, bene cœpta intentio interrumpentibus ſtultorum verbis ac moribus reuerberatur, ita vt quæ iam per contemplationis adniſum ad ſumma euolu-

D uerat, ad expugnandam prauorum ſtultitiam ſeſe in inſimis contra certamina accingat. Vnde & ſubditur: *Aut poterit comedi inſuſum, quod non eſt ſale conditum?* Verba quippe moroſque carnalium, quaſi cibum ſe noſtris mentibus ingerunt, vt in delectationis ventre rapiantur. Sed electus
f ij

Acto. 13.

† vel. dum
ſe per eloq.

Rom. 8.

6.

Ioan. 10.

Ioan. 5.
Mar. 9.

Heb. 7.
Roma. 7.

5.

Exod. 23.

Coloss. 4.

Psalm. 118.

7.

† Vel, An-
tis.Cruciatu
appetit mē
iusti.Quomodo
menti ama-
rum sit dul-
ce, & affli-
cto requies.

quisque insulsum cibum non comedit, quia prauorum dicta factaque diiudicans, ab ore cordis repellit. Paulus ad esum mentium inferri insulsa prohibuit, cum discipulis dixit: Sermo vester semper in gratia sale sit conditus. Et Psalmistæ quoque verba reproborum in cordis ore insulsa sapuerunt, cum dicebat: Narrauerunt mihi iniqui fabulationes, sed non ita ut lex tua Domine. Sæpe autem carnalium verba dum se importunè nostris auribus ingerunt, in corde bellū tentationis gignunt: & quanuis hæc & ratio respuat, & lingua reprehendat, cum labore tamen intus vincitur, quod foris cum auctoritate diiudicatur. Vnde necesse est, ut nec ad aures veniat, quod mens à cogitationis aditu vigilans repellat. Sancti igitur viri cum æternitatis desideriis anhelant, in tantam altitudinem vitæ se subleuant, ut audire iam quæ mundi sunt, graue sibi ac deprimens pondus credant. Valde nanque insolens atque intolerabile æstimant, quicquid illud non sonat quod intus amant. Sed sæpe mens iam per desiderium ad sublimia rapitur, iam funditus ad stulta terrenorū hominum locutione separatur, nec tamen adhuc pro amore veritatis, ad perferendos præsentis vitæ cruciatu accingitur: iam superna appetit, iam in infimis stulta contemnit, sed necdum se ad perferendæ aduersitatis tolerantiam dirigit. Vnde & subditur: *Aut potest aliquis gustare, quod gustatum affert mortem?* Durum quippe est appetere quod cruciat, sequi quod vitam fugat. Sed plerunque mens iusti ad tantum se virtutis culmen extendit, ut & apud se in internæ rationis arce præsideat, & quorundam foris stultitiam tolerando conuertat. Quos enim ad fortia trahere nitimur, eorum necesse est, ut infirma toleremus: quia nec iacentem erigit, nisi qui status sui rectitudinem per compassionem flectit. Cum verò alienæ infirmitati compatimur, valentius à nostra roboramur, ut amorem futurorum mens ad præsentia aduersa se præparet, & cruciatu corporis quos timebat expectet. † Auctus nanque desideriis cœlestibus angustatur, cumque æternæ patriæ quanta sit dulcedo considerat, pro ea præsentis vitæ amaritudines ardentè amat. Vnde post insulsi cibi fastidium, post impossibilem mortis gustum, rectè subiungitur:

Quod electi cum in aliquo se offendisse nouerint, & nulla eis pro male gestis irrogantur aduersa, timent ne in æternum gratia deserat, quos in præsentia vita nulla mali sui retributio castigat.

Caput VII.

Qua prius tangere nolebat anima mea, nunc præ angustia, cibi mei sunt. Mens enim iusti proficiens, quæ prius dum sola propria curaret, ferre aliena fastidiebat, & quæ minus alienis compatiens, conualescere contra aduersa non poterat: cum ad toleranda proximi infirma se attrahit, ad aduersa superanda conualescit, ita ut pro amore veritatis, præsentis vitæ cruciatu tantò post fortius appetat, quantò prius infirma fugiebat. Inclinatione nanque sua erigitur, attractione tenditur, compassione roboratur: cumque in amorem proximi se dilatat, quasi ex meditatione colligit, quanta fortitudine in auctorem surgat. Charitas nanque quæ nos ad vim compassionis humiliat, altius in culmine contemplationis leuat: & multiplicata iam maioribus desideriis æstuat, iam peruenire ad vitam spiritus, etiam per cruciatu corporis anhelat. Quod ergo prius tangere nolebat, hoc post præ angustia comedit, qui desideria sua vix capiens, & ipsas quas dudum timuerat, iam pro amore cœlestis patriæ poenas amat. Si enim mens in Deum forti intentione dirigitur, quicquid sibi in hac vita amarum sit, dulce æstimat: omne quod affligit, requiem putat: transire & per mortem appetit, ut obtinere plenius vitam possit, funditus extingui in infimis desiderat, quod verius ad summam conscendat. Sed hæc de cuiuslibet iusti animo, hæc de beati Iob mente metior, nisi ipse subiungat: *Quis dei ut veniat petitio mea, & quod expecto tribuat mihi Deus, & qui cepit, ipse me conterat: soluat manum suam, & succidat me, & hæc mihi sit consolatio, ut affligens me dolore, non parcat.* Sed hæc fortasse per contumaciam expetit, fortasse in eo quod se perfectè extingui desiderat, iniustitiam ferientis accusat. Absit hoc. Nam qua mente id expetat, verbis sequentibus demonstrat, dicens: *Nec contradicam sermonibus sancti.* Nequaquam ergo de iniustitia percutientis murmurat, qui percussorem suum, & inter

verbera sanctum vocat. Sciendum verò est, quia aliquando nos aduersarius, aliquando autem conterit Deus. Ex contritione autem aduersarii, à virtute deficimus, per contritionem verò Domini fracti, à vitiis in virtute roboramur. Hanc contritionem Propheta prospexerat, cum dicebat: Reges eos in virga ferrea, & tanquam vas figuli conteres eos. In virga nos ferrea Dominus regit & conterit, quia dispensationis suæ forti rectitudine cum nos interius reficit, exterius affligit. Nam quo virtutem carnis humiliat, intentionem spiritus exaltat. Vnde & hæc eadem contritio figuli vasi comparatur, sicut & per Paulum dicitur: *Habemus thesaurum istum in vasis fictilibus.* Qui simul contritionem & regimen exprimens, ait: Licet is qui foris est, noster homo corrumpitur, tamen is qui intus est, renouatur de die in diem. Sanctus igitur vir, qui appropinquare Deo etiam per flagella desiderat, per spiritum humilitatis dicat: *Qui cepit, ipse me conterat.* Plerumque enim vitiorum contritionem in nobis agere Dominus inchoat, sed cum mens ex ipso exordio prouectus extollitur, cumque se iam quasi de virtutibus erigit, saeuienti contra se aduersario aditum pandit, qui cordis intima penetrans, omne quod in ea de studio bonæ inchoationis inuenerit, confringit: tantòque se vehementius in eius confractione exhibet, quantò & grauius, quia vel ad modicum fuerat proiectus, dolet. Vnde & teste Euangelio, voce veritatis, ad neglectam domum conscientie spiritus immundus qui solus exiit, cum spiritibus septem redit. Ne ergo post diuinæ correptionis exordia antiquus hostis surripiat, atque ad virtutum confractionem trahat, sanctus vir congruè exorat, dicens: *Qui cepit, ipse me conterat.* Ac si apertè dicat. Hoc quod in me exorsus est, perficere feriendo non desinat, ne desertum me aduersario ad contritionem tradat. Vbi & aptè subditur: *Soluat manum suam, & succidat me.* Sæpe nanque fiducia longæ prosperitatis inflati, in quodam statu elationis erigimur. Cumque nos extolli conditor conspiciat, sed amorem suum erga nos per verbera non exercet, quasi ad feriendam nostram vitia manum ligatam tenet. An non affectus sui manum ligauerat, cum peccanti populo dicebat: *Iam non irascar tibi: & Zelus meus recessit à te.* Soluere ergo manum suam dicitur, cum exercet affectu. Rectè autè subiungitur: *Et succidat me.* Cum enim securos nos ac de virtutum affluentia elatos, repentinus vel flagelli dolor, vel infirmitatis tentatio percutit, protinus ab status sui vertice, mentis nostræ elatio succisa cadit, ut de semetipsa nihil audeat, sed infirmitatis suæ ictu prostrata, manum leuantis quærat. Hinc est quod sancti viri cum de occulta erga se dispositione suspecti sunt, plus prospera ipsa pertimescunt: tentari appetunt, flagellari concupiscunt, quatenus incautam mentem metus, & dolor erudiat, ne in hac peregrinationis via, hoste ex insidiis erumpente, sua eam deterius securitas sternat. Hinc Psalmista ait: *Proba me Domine, & tenta me.* Hinc iterum dicit: *Ego ad flagella paratus sum.* Quia enim viri sancti mentis suæ corruptionis vulnus sine putredine non esse considerant, libenter se sub manu medici ad sectiones parant: ut aperto vulnere virus peccati exeat, quod sana cute intus occidebat. Vnde & adhuc subditur: *Et hæc mihi sit consolatio, ut affligens me dolore, non parcat.* Electi quique cum perpetrassent se illicita nouerunt, sed perscrutantes inueniunt, quia nulla pro illis aduersa perpessi sunt, in immensæ formidinis terrore tabescunt, pauore æstuant, sinistris agitati suspicionibus laborant: ne in æternum se gratia deseruerit, quos in præsentia vita mali sui retributio nulla castigat: timet, ne ultio quæ suspēditur, grauior in fine seruetur: feriri paterna correptione desiderat, & dolorē vulneris medicamina salutis putat. Rectè ergo nunc dicitur: *Et hæc mihi sit consolatio, ut affligens me dolore non parcat.* Ac si apertè diceretur: *Qui ideo hic quibusdam parcat, ut eos in perpetuum feriat, ideo me hic feriat, ut non parcendo in perpetuum parcat.* Ex afflictione enim consolator, quia corruptionis humanæ putredinem sciens, ad spem salutis ex vulnere certus reddor. Quod quia non tument, sed humili mente edidit, subiungendo, ut præ diximus, patefacit, dicens: *Nec contradicam sermonibus sancti.* Plerumque ad nos verba Dei non sunt dictorum sonitus, sed effectus orationum. In eo enim nobis loquitur, quod erga nos tacitus operatur. Beatus igitur

Conterit nos
aduersarius.
Conterit nos
Deus.
Psalm. 2.

2. Corin. 4.

8.
Flagellum
desiderat
beatus Iob

Matth. 12.

Flagellum
concupiscit
sancti.Psalm. 35.
Psalm. 37.
† al. sancti
† al. cupio
corrupti.† al. cupio
dicitur.

tur Iob sermonibus Dei contradiceret, si de eius percussio-
nibus murmuraret. Sed quid de percussore suo sentiat, indi-
cat, qui, sicut iam diximus, quem ferientem tolerat, sanctum
vocat. Sequitur:

Quid sit fortitudo iustorum, & quid reproborum.

Caput VIII.

9. *Fortitudo iustorum. + al. Voluptatibus.* *Fortitudo reproborum.* *Psalm. 30.* *Esai. 5.* *Canti. 3.* *Psalm. 58.* *Esai. 40.* *Declaratio fortitudinis reproborum.* *Thren. 3.*

Quæ est enim fortitudo mea, ut sustineam, aut quis finis meus, ut pa-
tienter agam? Sciendum quod alia iustorum, atque alia
est fortitudo reproborum. Iustorum quippe fortitudo, est
carnem vincere, propriis voluntatibus contraire, delecta-
tionem vitæ præsentis extinguere, huius mundi aspera pro
æternis præmiis amare, prosperitatis blandimenta contem-
nere, aduersitatis metum in corde superare. Reproborum
verò fortitudo, est transitoria sine cessatione diligere, con-
tra flagella conditoris insensibiliter perdurare, ab amore re-
rum temporalium, nec ex aduersitate quiescere, ad inanem
gloriam etiam cum vitæ detrimento peruenire, malitiæ aug-
menta exquirere, bonorum vitam non solum verbis ac mo-
ribus, sed etiam gladiis impugnare, in semetipsis spem po-
nere, iniquitatem quotidie, sine villo desiderij defectu, per-
petrare. Hinc est quod per Psalmistam dicitur ad electos:
Viriliter agite, & confortetur cor vestrum, omnes qui spera-
tis in Domino. Hinc Propheta reprobis dicit: Væ qui poten-
tes estis ad potandum vinum, & viri fortes ad miscendam e-
brietatem. Hinc per Salomonem dicitur, quod sancti quique
sine vlla debilitate desiderij internam requiem contemplan-
tur. En lectulum Salomonis sexaginta fortes ambiunt, ex
fortissimis Israël. Hinc Psalmista contra reprobos in passio-
ne positi voce redemptoris insinuans, ait: Ecce occupaue-
runt animam meam, & irruerunt in me sortes. Quam bene v-
tranque fortitudinem Esaias complexus est, dicens: Qui cō-
fidunt in Domino, mutabunt fortitudinem. Qui enim ne-
quaquam sument, sed mutabunt dixit: profectò patenter in-
notuit, aliā esse quæ proponitur, & aliam quæ inchoatur. An
non etiam reprobi fortes sunt, qui ad præsentis vitæ concu-
piscenciam tot laboribus currunt, periculis se audenter obii-
ciunt, pro lucris contumelias libenter ferunt, ab appetitus sui
libidine nulla victi contrarietate resiliunt, percussioneibus du-
rescunt, & mala mundi tolerant pro mundo, eiusque, ut ita
dixerim, gaudia quærentes perdunt, nec tamen hæc perden-
do fatigantur? Vnde bene ex humani generis voce per Hie-
remiam dicitur: Inebriauit me absinthio. Ebrius quippe
quod patitur nescit. Absinthio ergo ebrius est, qui præ amo-
re præsentis seculi, à sensu rationis alienus, dum quicquid
pro mundo sustinet, leue deputat, laboris amaritudinem, quā
tolerat, ignorat: quia nimirum delectabiliter ad cuncta duci-
tur, in quibus pœnaliter fatigatur. At contra vir iustus ad
mundi pericula pro mundo toleranda esse debilis studet, fi-
nem suum conspicit, vita præsens quàm sit transitoria atten-
dit, & pro ea exterius labores perpeti renuit, cuius intrinse-
cus delectationem vicit. Beatus igitur Iob præsentis vitæ ad-
uersitatibus pressus, dicat ex sua, dicat ex omniū voce iusto-
rum: Quæ est enim fortitudo mea, ut sustineam? aut quis fi-
nis meus, ut patienter agam? Ac si apertè insinuet, dicēs: Ma-
la mundi pro mundo tolerare nequeo, quia iam in eius desi-
derio fortis non sum. Dum enim præsentis vitæ finem con-
spicio, cur pondus cruciatus eius patior, cuius appetitum cal-
co? Et quia iniusti quique, ut diximus, tantò fortius labores
illius perferunt, quantò auidius eius delectatione pascuntur,
rectè mox eandem reproborum fortitudinem subdit, dicēs:

*Quod nonnulli reprobi ex percussione sicut lapides indurantur, alij
verò in percussione consoni, resonant sine correptione.*

Caput IX.

10. *Exech. 11.*

Nec fortitudo lapidum fortitudo mea, nec caro mea ænea est.)
Quid hoc loco ære ac lapidibus, nisi insensibilium ho-
minum corda signantur? Qui sæpe & supernos ictus acci-
piunt, & tamen nulla disciplinæ percussione mollescunt.
Quo contrā electis per Prophetam pollicente Domino di-
citur: Tollam à vobis cor lapideum, & dabo vobis cor car-
neum. Paulus quoque ait: Si linguis hominum loquar & an-
gelorum, charitatem autem non habeam, factus sum velut æs

Tomus primus.

A **sonans, aut cymbalum tinniens.** Scimus autem quoniam per-
cussi lapides clarum sonum reddere nequeunt, æs verò cum
percutitur, canorus valde sonitus ex eius percussione forma-
tur. Quod quia ut lapides, vita caret, sensum in sonitu non ha-
bet. Necnon sunt nonnulli qui lapidibus similes, ita ad pieta-
tis præcepta duruerunt, ut cum eos percussio supernæ ani-
maduersionis examinat, nequaquam sonitum humilis confes-
sionis reddant. Quidam verò à metallo æris in nullo discre-
pantes, cum flagella supernæ percussione accipiunt, piæ con-
fessionis sonitum emittunt. Sed quia humilitatis voces ex cor-
de non proferunt, ad statum salutis reducti, nesciunt quod
promiserunt. Illi ergo more lapidum percussi, nec voces ha-
bent, isti autem in nullo æris imitationem fugiunt, qui in per-
cussione positi, bona quæ non sentiunt loquuntur. Illi vene-
rationem ferientis & verbera denegant, isti pollicentes quod
non implent, sine vita clamant. Vir igitur sanctus reprobo-
rum duritiam inter verbera fugiens dicat: Nec fortitudo lapi-
dum fortitudo mea, nec caro mea ænea est. Ac si apertè fatea-
tur dicens: Reproborum similitudinem sub disciplinæ ver-
bere fugio, quia nec more lapidum ita obdurui, ut sub per-
cussione stimulo à ministerio confessionis obmutescam: nec
rursum quasi æs vocem confessionis resono, & sensum vo-
cis ignoro. Sed quia ad percussione reprobi debiliter for-
tes sunt, electi autem valenter infirmi: beatus Iob dum for-
tem se per insaniam non esse asserit, fortem se per statum salu-
tis innotescit. Vnde ergo hanc eandem fortitudinem per-
ceperit patenter insinuet, ne si sibi vires, quas habet, arroget,
potenter ad mortem currat. Plerūque enim virtus habita de-
terius, quàm si deesset, interficit: quia dum ad sui confiden-
tiam mentem erigit, hæc elationis gladio transfigit. Cūque
eam quasi roborando viuificat, eleuando necat, ad interitum
videlicet pertrahit, quam per spem propriam ab internæ for-
titudinis fiducia euellit. Sed quia beatus Iob, & virtute pol-
let, & in semetipso fiduciam non habet, atque ut ita dixerim,
vires infirmus habet, aptè subiungit, dicens: *Ecce non est auxi-
lium mihi in me.* Pater iam ad cuius spem percussi animus re-
currat, cum in se sibi auxilium esse denegat. Sed quia infir-
mum se in semetipso insinuat, ad maioris adhuc fortitudinis
meritum, quomodo etiam à proximis destituatur, adiungit:
Necessarii quoque mei recesserunt à me. Sed ecce despectus exte-
rius, intus solio iudicii præsidet. Nam cum derelictum se asse-
rit, protinus ad sententiam erumpit, dicens:

*De ordine charitatis, & quod in prosperitate dilectio vix
agnoscatur. Caput X.*

Qui tollit ab amico suo misericordiam, timorem Domini derelin-
quit.) Quis hoc loco amici nomine, nisi quilibet prox-
mus designatur? Qui eo fidelius nobis iungitur, quod perce-
pto nunc à nobis boni operis exemplo, ad obtinendam post
æternam patriam veraciter auxiliatur. Quia autem duo sunt
præcepta charitatis, Dei videlicet amor, & proximi: per amo-
rem Dei amor proximi gignitur, & per amorem proximi a-
mor Dei nutritur. Nam qui amare Deum negligit, profectò
diligere proximum nescit, & tunc plenius in dilectione Dei
proficimus, si in eiusdem dilectionis gremio prius proximi
charitate + ligamur. Quia enim amor Dei amorem proximi + al. lacta-
mur. generat, dicturus per legem Dominus: Diliges proximum
Deut. 6. tuum sicut teipsum, præmisit dicens: Diliges Dominum
deum tuum, ut scilicet in terra pectoris nostri, prius amoris
sui radicem figeret, quatenus per ramos postmodum dile-
ctio fraterna getminaret. Et rursum quia amor Dei ex pro-
ximi amore coalescit, testatur Ioannes, qui increpat dicens:
Qui non diligit fratrem suum quem videt, Deum quem non
videt, quomodo potest diligere? Quæ tamen diuina dilectio
per timorem nascitur, sed in affectum crescendo permutatur.
Sæpe verò omnipotens Deus ut quantum quisque à charita-
te eius ac proximi longè sit, vel in ea quantum profecerit in-
notescat, miro ordine cuncta dispensans, alios flagellis depri-
mit, alios successibus fulcit. Et cum quosdam tempo-
raliter deserit, in quorundam cordibus quæ mala latent,
ostendit. Nam plerumque ipsi nos miseros insequuntur,
qui felices sine comparatione coluerunt. Cum enim quis
f iij

Eccli. 12.

Cur Deus
quosdam
flagellat.

positus in prosperitate diligitur, incertum valde est utrum prosperitas an persona diligatur. Amissio autem felicitatis interrogat vim dilectionis. Vnde bene quidam sapiens dicit: Non agnoscitur in bonis amicus, & non absconditur in malis inimicus. Nec prosperitas quippe amicum indicat, nec aduersitas inimicum celat, quia & ille sæpe prosperitatis nostræ reuerentia tegitur, & iste ex cōfidentia aduersitatis aperitur. Vir igitur iustus in flagellis positus, dicat: Qui tollit ab amico suo misericordiam, timorem Domini dereliquit: quia nimirum qui ex aduersitate proximum despiciat, aperte conuincitur quod hunc in prosperis non amauit. Et cum omnipotens Deus ideo flagello quosdam cruciet, ut & percussos erudiat, & non percussis occasionem boni operis præbeat, quisquis percussus despiciat, occasionē à se virtutis repellit: & tantò se nequius contra auctorem erigit, quantò hunc nec pium in salute propria, nec iustum in alieno vulnere agnoscit. Intuendum verò est quod beatus Iob sic sua loquitur, ut totius quoque electi populi per eum vita signetur. Quia enim eiusdem populi membrum est, cum quæ ipse patitur narrat, ea etiam quæ sustinet ille denuntiat, dicens: *Fratres mei præterierunt me sicut torrens, qui raptim transit in conuallibus.* Reproborum mens quia sola præsentia diligit, plerunque nunc tantò aliena existit à verbere, quantò post extranea remanet ab hæreditate, & superba iustos despiciat, quos paterna misericorditer seueritas affligit. Sæpe verò reprobi eandem fidem qua viuimus retinent, eadem fidei sacramenta percipiunt, eiusdem religionis vnitatem continentur, sed tamen compassionis viscera nesciunt, charitati vim qua in Deum flagramus & proximum non agnoscunt. Recte ergo & fratres, & prætereuntes vocantur, quia ex vno matris gremio nobiscum per fidem prodeunt, sed in vno charitatis studio erga Deum, & proximum non figuntur. Vnde etiam apte torrenti qui raptim transit in conuallibus, comparantur. Torrens nanque ex montanis in ima defluit, & collectus hyemalibus pluuiis, æstiuis solibus arefcit. Qui enim terrena diligunt, & spem supernæ patriæ deserunt, quasi ex montibus valles petunt, quos tamen hyems præsentis vitæ multiplicat, sed æstas venturi iudicii exsiccat, quia cum sol supernæ distractionis incanduerit, reproborum lætitiæ in ariditatem vertit. Bene autem dicitur: *Raptim transit in conuallibus.* Torrentem quippe ad conualles raptim transire, est prauorum mentes ad ima desideria, sine vlllo obstaculo ac difficultate descendere. Omnis enim ascensus in labore est, descensus in voluptate, quia per adnsum gressus ad superiora tenditur, per remissionem verò ad inferiora declinatur. Ad montis enim verticem saxum subuehere magni laboris est, eumque à summis ad ima dimittere labor non est. Sine mora videlicet proruit, qui magnis conatibus ad summa peruenit. Longo studio seges seritur, sole atque imbre diutino nutritur, sed tamen vna & subita scintilla consumitur. Paulisper ædificia [ad] alta proficiunt, sed re repentinis casibus terram petunt. Robusta arbor in aëra per tarda incrementa se erigit, sed quicquid diu ad alta protulit, semel & simul cadit. Quia igitur ascensus in labore est, descensus in voluptate, recte nunc dicitur: *Fratres mei præterierunt me sicut torrens qui raptim transit in conuallibus.* Quod tamen sentiri & aliter potest. Si enim conualles ima pœnarum loca intelligimus, iniusti quique sicut torrens raptim ad conualles transeunt, quia in hac vita quam totis desideriis appetunt, diu stare nequaquam possunt. Nam quot dies ætatis accipiunt, quasi tot quotidie gressibus ad finem tendunt. Augeri sibi optant tempora, sed quia concessa subsistere nequeunt, quot augmenta viuendi percipiunt, diu viuendi spatia totidem perdunt. Momenta ergo temporum quod sequuntur fugiunt, quod accipiunt amittunt. Raptim itaque ad conualles transeunt, qui in longum quidem voluptatum desideria pertrahunt, sed ad inferni claustra repente deducuntur. Quia enim hoc etiam [tempus] quod qualibet longæuitate extensum est, si fine clauditur, longum non est, ex fine miseri collegerunt breue fuisse, quod amittendo tenuerunt. Vnde bene & per Salomonem dicitur: Si multis annis vixerit homo, & in his omnibus lætatus fuerit, meminisse debet tenebrosi temporis, & dierum multorum, qui

cum venerint, vanitatis arguentur præterita. Stulta etenim mens cum malum repente inuenerit, quod nequaquam præterit, æternitatem eius tolerando intelligit, quia quod præterire potuit, vanum fuit. Sciendum verò est quod plerique agere recta desiderant, sed sunt nonnulla quæ infirmis eorum mentibus ex præsentī vita contradicunt: cumque aduersa in infirmis perpeti metuunt, in superni iudicii rectitudine offendunt. Vnde recte subiungitur:

Quod hi qui temporalium dammorum metu veritatem vel iustitiam vel ceteras virtutes prætermittunt, celestis ira vindictam incurrunt.

Caput XI.

Qui timent pruinam, irruet super eos nix. Pruina quippe inferius gelatur, nix autem de superioribus ruit. Et sæpe nonnulli dum temporalia aduersa pertimescunt, distractione se æternæ animaduersionis obiciunt. De quibus bene per Psalmistam dicitur: Illic trepidauerunt timore, ubi non erat timor. Iste nanque veritatem iam liberè defendere appetit, sed tamen in ipso suo appetitu trepidus indignationem potestatis humanæ pertimescit: cumque in terra hominem contra veritatem pauet, eiusdem veritatis iram cœlitus sustinet. Ille peccatorum suorum conscius, ea quæ possidet, indigentibus iam largiri desiderat, sed tamen ne datis rebus egeat, ipse formidat. Cumque carnis subsidia reseruando trepidus præparat, ab alimentis misericordiæ animam necat. Et cum pati in terra inopiam metuit, æternam sibi abundantiam supernæ refectiōis abscindit. Recte ergo dicitur: *Qui timent pruinam, irruet super eos nix.* Quia qui conculcanda in infimis metuunt, à summis metuenda patiuntur: & cum transire nolunt quod calcare poterant, iudicium de supernis excipiunt, quod tolerare nequaquam possunt. Sed hæc agentes, mundi gloriam temporaliter obtinent. Quid autem tempore vocationis suæ facturi sunt, cum cuncta simul pauidi deserunt, quæ hic cum graui timore seruauerunt? Vnde & apte subditur: *Tempore quo fuerint dissipati, peribunt.* Quos enim præsentis vitæ sollicitudo ordinat, amissio dissipat: & tunc etiam exterius pereunt, qui intus dudum æterna negligendo perierunt. De quibus recte additur: *Et ut incaluerint, soluentur de loco suo.* Iniquus enim quisque cum incaluerit, de loco suo soluetur, quia iudicio intimæ distractionis appropinquans, cum iam per cognitionem tamen penè feruere cœperit, ab ea cui dudum inhæserat carnis suæ delectatione, separatur. Hinc est enim quod per Prophetam de reprobis dicitur: Et tantummodo sola vexatio intellectum dabit auditui: quia videlicet æterna non intelligitur, nisi cum pro temporalibus iam sine emendatione puniuntur, tunc mens æstuat, & infructuosæ pœnitentiæ se ignibus inflamat, duci ad supplicium timet, præsentem vitam ex desiderio retinet: sed de loco suo soluitur, quia oblectamenta carnis deferens, eius duritia per supplicium liquatur. Sed quia iniqui omnes quid abstractionis suæ tempore patiatur audiuiimus, adhuc aliqua quibus in libertatis suæ spacio implicantur, audiamus. Sequitur:

Quod peccatum ex peccato nascatur, mira & subtilis distinctio: & quid sit quod per Esaiam dicitur: Erunt cubile draconum & pascua struthionum.

Caput XII.

In uoluta sunt semina gressuum eorum. Omne quod inuoluitur, in semetipsum replicatur. Et sunt nonnulli qui seducētibz vitiis obuiare quasi tota intentione deliberant, sed irruente tentationis articulo, in deliberationis proposito non perdurant. Alius nanque prauo t vfu superbiæ inflatus, cum magna esse præmia humilitatis cōsiderat, aduersum semetipsum se erigit, & quasi tumore turgidi fastus deponit, exhibere se quibuslibet cōtumeliis humilem promittit: sed cum repente hunc vnus iniuria verbi pulsauerit, ad consuetam protinus elationem redit, sicque ad tumorem ducitur, ut nequaquam quia humilitatis bonum concupierat recordetur. Alius auaritia æstuaus, augendis facultatibus anhelatis cum præterire omnia velociter cōspicit, vagantem per cōcupiscentias mentē figit, decernit iam nihil appetere, & adepta tantummodo sub magni moderaminis freno possidere: sed cum repētē fuerint oculis oblata quæ placeant, in ambitione protinus mēs anhelat,

Eccli. 11.

lat, semetipsam non capit, adipiscendi hæc occasionem quaerit, & oblita continentiae quam secum pepigerat, cogitatione se stimulis per desideria acquisitionis inquietat. Alius luxuria tabe polluitur: & longa iam consuetudine captus tenetur: quanta autem castitatis sit munditia, conspiciat, & à carne vinci turpe deprehendit. Restringere ergo voluptatum fluxa deliberat, & resultare consuetudini, quasi totis se viribus parat. Sed vel obiecta oculis specie, vel ad memoriam reducta, cum subiecta tentatione concutitur, protinus à pristina præparatione dissipatur. Et qui contra hanc clypeum deliberationis erexerat, delectationis iaculo confossus iacet, sicque eum luxuria eneruam superat, ac si nulla contra eam tentationis arma præparasset. Alius iræ flammis accenditur, & usque stimulis ad inferendas proximis contumelias effrenatur. Cum verò nulla furoris animi occasio pulsatur, quanta sit mansuetudinis virtus, quanta patientiae altitudo considerat, seque etiam contra contumelias patienter parat: sed cum parua quaelibet commotionis occasio nascitur, repente ad voces & contumelias medullitis inflammatur, ita ut non solum ad memoriam patientia promissa non redeat, sed & semetipsam mens, & ea quæ loquitur conuitia non agnoscat. Cumque furori plenè satisfecerit, quasi post exercitium in tranquillitatem redit: & tunc se ad silentij claustra recolligit, cum linguæ non patientia, sed procacitatis suæ satisfactio frenum ponit. Vix igitur vel serò post conuitia illata se cohibet, quia & à cursu sæpe spumantes equos non præfidentis dextera, sed campi terminus coercet. Bene ergo dereprobis dicitur: Inuolutæ sunt semitæ gressuum eorum quia recta quidem deliberando appetunt, sed ad consuetam semper mala replicantur, & quasi extra se tensi, ad semetipsos per circuitum redeunt, qui bona quidem cupiunt, sed à malis nequaquam recedunt. Esse quippe humiles, sed tamen sine despectu: esse contenti propriis, sed sine necessitate: esse casti, sed sine maceratione corporis: esse patientes, sed sine contumeliis volunt: cumque adipisci virtutes quærunt, sed labores virtutum fugiunt, quid aliud quàm exhibere belli certamina in campo nesciunt, & triumphare in urbibus de bello concupiscunt? Quamuis hoc quòd eorum semitæ inuolutæ memorantur, adhuc intelligi, & aliter possit. Sæpe nanque nonnulli contra quædam se vitia vehementer accingunt, sed quædam subigere negligunt: cumque se contra ista non erigunt, & illa contra se reparant quæ subegerunt. Alius nanque iam carnem à luxuria edomuit, sed tamen adhuc mentem ab avaritia non refrenauit: cumque se in mûdo pro exercenda avaritia retinet, cumque à terrenis actibus non recedit, erumpente occasionis articulo, etiam in luxuriam labitur, quam iam subegisse videbatur. Alius avaritiæ æstum vicit, sed nequaquam vim luxuriæ subdidit: cumque explendæ luxuriæ precium præparat, iugo quoque avaritiæ quam dudum edomuit, cordis ceruicem subdit. Alius rebellantem iam impatientiam strauit, sed inanem gloriam necdum vicit: & cum se per hanc mundi honoribus inserit, confixus causarum stimulis, ad impatientiam captus redit: cumque inanis gloria ad defensionem sui animum erigit, & illam victus tolerat quam superauit. Alius iam inanem gloriam subdidit, sed tamen impatientiam necdum strauit: & cum multa resistentibus per impatientiam minatur, erubescens non implere quòd loquitur, sub inanis gloriæ iugum reuocatur: & hoc victus per aliud tolerat, quòd planè se vicisse gaudebat. Sic ergo ope vicaria fugitiuum suum vitia retinent, & quasi iam amissum sub dominij [sui] iure recipiunt, atque ad vindictam sibi vicissim tradunt. Peruersis itaque inuolutæ sunt gressuum semitæ, quia etsi deuicta vna nequitia pedem leuant, regnante tamen altera, hunc in ea etiam quam deuicerant, implicat. Aliquando verò inuolutis gressuum semitis, & nulla culpa deuincitur, & alia per aliam perpetratur. Nam sæpe furto, negationis fallacia iungitur, & sæpe culpa fallaciæ, periurij reatu cumulat. Sæpe quodlibet vitium impudenti præsumptione committitur, & sæpe (quod omni culpa fit grauius) etiam de commisso vitio superbitur. Nam quamuis de virtute nasci elatio soleat, nonnunquam tamen stulta mens de perpetrata se nequitia exaltat. Sed cum culpa

Tomus primus.

A culpæ adiungitur, quid aliud quàm inuolutis semitis atque innodatis vinculis prauorum gressus ligantur? Vnde bene contra peruersam mentem sub Iudææ specie per Esaiam dicitur: Erit cubile draconum, & pascua struthionum, & occurrēt dæmonia onocentauris, & pilosus clamabit alter ad alterum. *Esai. 54.* Quid nanque per dracones, nisi malitia, quid verò struthionum nomine nisi hypocrisis designatur? Struthio quippe volandi speciem habet, sed vsum volandi non habet, quia & hypocrisis cunctis intuentibus imaginem de se sanctitatis infinuatur, sed tenere vitam sanctitatis ignorat. In peruersa igitur mente draco cubat, & struthio pascitur: quia & latens malitia callidè tegitur, & intuentium oculis simulatio bonitatis antefertur. Quid vero onocentaurorum nomine, nisi & lubrici figurantur & elati? Græco quippe eloquio onos asinus dicitur, & appellatione asini luxuria designatur, Propheta attestante, qui ait: Vt carnes asinorum, carnes eorum. Tauri autē vocabulo, ceruix superbiæ demonstratur, sicut voce dominica de Iudæis superbientibus per Psalmistam dicitur: Tauri pingues obsederunt me. Onocentauri ergo sunt, qui subiecti luxuriæ vitiis, inde ceruicem erigunt, vnde humiliari debuerāt. Qui carnis suæ voluptatibus seruientes, expulsa longè verecundia, non solum se amittere rectitudinem non dolent, sed adhuc etiam de opere confusionis gaudent. Onocentauris autem dæmonia occurrunt, quia maligni spiritus valde eis ad votum deseruiunt, quos de his gaudere conspiciunt, quæ flere debuerunt. Vbi aptè subiungitur: Et pilosus clamabit alter ad alterum. Qui nanque alij pilosi appellatione figurantur, nisi hi quos Græci Panas, Latini verò incubos vocant? quorum nimirum forma ab humana effigie incipit, sed bestiali extremitate terminatur. Pilesi ergo nomine, cuiuslibet peccati asperitas designatur, quod etsi quando quasi ab obtentu rationis incipit, semper tamen ad irrationabiles motus tendit, & quasi homo in bestiam definit, dum culpa per rationis imaginem inchoans, usque ad irrationabilem effectum trahit. Nam sæpe edendi delectatio seruit gulæ, & seruire se simulat indigentiae naturæ: cumque ventrem ingluuie extēdit, membra in luxuriam erigit. Pilesus autem alter ad alterum clamat, cum perpetrata nequitia, ad aliam perpetrandam malitiam prouocat, & quasi quadam cogitationis voce, commissa iam culpa, culpam adhuc quæ committatur inuitat. Sæpe nanque (ut diximus) gula dicit: Si abundanti alimento corpus non reficis, in nullo vtili labore subsistis. Cumque mētem per desideria carnis accenderit, mox quoque luxuria verba propriæ suggestionis facit, dicens: Si misceri Deus homines corporaliter nolle, mēbra ipsa coeundi apta vñibus nō fecisset. Cumque hæc quasi ex ratione suggerit, mentem ad libidinum effrenationem trahit. Quæ sæpe deprehensa, patrociniū mox fallaciæ, & negationis inquirat, reamque se esse non æstimat, si mentiēdo vitam defendat. Pilesus ergo alter ad alterum clamat, quādo sub aliqua ratiocinandi specie, peruersam mentem culpa subsequens ex occasione culpæ præcedētis illaqueat. Cumque hanc peccatorum dura atque aspera deprimunt, quasi conuocati in ea concorditer pilesi dominantur: sicque fit, ut semper se gressuum semitæ deterius inuoluant, dum mentem reprobam culpa per culpam ligat.

Quòd peccati consuetudine mens cæcata nescit quo vadat, & libenter illecebris se subdat, quòd exemplo Sampsonis & Sedechiæ probatur.

Caput XIII.

Sed inter hæc sciendum est, quòd aliquando prius oculus intellectus obtunditur, & postmodum captus animus per exteriora desideria vagatur: ut cæca mēs quò ducitur nesciat, & carnis suæ illecebris sese libenter subdat. Aliquando verò prius desideria carnis ebulliunt, & post longum vsum illiciti operis, oculum cordis claudunt. Nam sæpe mēs recta cernit, nec tamen audenter contra peruersam se erigit: & renitens vincitur, dum hoc ipsum quòd agit diiudicans, carnis suæ delectatione superatur. Quia enim plerumque prius oculus contemplationis amittitur, & post per carnis desideria huius mundi laboribus animus subiugatur, testatur Sāpſon ab Allophylis captus, qui postquam oculos perdidit, ad molam deputatus est: quia nimirum maligni spiritus, postquam tentationum stimulis intus aciem contemplationis effodiunt, foras in circuitu

Hier. 39.

† al. Nam
gemit ple-
runque ani-
mas.

17.

Deut. 16.

Psalm. 125.

Psalm. 25.

tum laborum mittunt. Rursum, quia sæpe & recta operatio
exterior perditur, & tamen adhuc rationis lumen in corde re-
tinetur, propheta Hieremias insinuat, qui dum Sedechiæ cap-
tiuitatem narrat, ordinem captiuitatis interne denuntiat, di-
cens: Occidit rex Babylonis filios Sedechiæ in Reblatha in
oculis eius, & omnes nobiles Iuda occidit rex Babylonis,
oculos quoque Sedechiæ eruit. Rex quippe Babylonis est
antiquus hostis, possessor intimæ confusionis, qui prius filios
ante intuentis oculos trucidat: quia sæpe sic bona opera in-
terficit, ut hæc se amittere ipse qui captus est, dolens cernat.
Nam † bona plerunque gignit animus, & tamen carnis suæ
delectationibus victus, bona quæ genuit, amās perdit, & quæ
patitur damna considerat, nec tamen virtutis brachium con-
tra regem Babylonis leuat. Sed dum videns nequitia perpe-
tratione percutitur, ad hoc quandoque peccati vsu perducit-
ur, ut ipso quoque rationis lumine priuetur. Vnde Babylo-
nis rex, extinctis prius filiis, Sedechiæ oculos eruit, quia ma-
lignus spiritus subductis prius bonis operibus, post & intel-
ligentiæ lumen tollit. Quod rectè Sedechias in Reblatha pa-
titur. Reblatha quippe, multa hæc interpretatur. Ei enim
quādoque & lumen rationis clauditur, qui prauo vsu ex ini-
quitatis suæ multitudine grauatur. Quoquo autem modo
culpa prodeat, vel quibuslibet occasionibus crumpat, repro-
borum tamen semitæ semper inuolutæ sunt, ut prauis concu-
piscenciis dediti, aut bona nulla appetant, aut appetentes in-
firmo desiderio, ad hæc nequaquam mentis liberos gressus
tendant. Recta enim aut non incipiunt, aut in ipso fracti iti-
nere, ad hæc minimè pertingunt. Vnde fit plerunque, ut ad
morem suum lassati redeant, seseque ab intentione animi in
carnis voluptatibus sternant, sola quæ transeunt cogitent,
nulla quæ secum permaneant, curent. Vnde & aptè subditur:
Ambulabunt in vacuum & peribunt. In vacuum quippe ambu-
lant, qui nil secum de fructu sui laboris portant. Alius nanq;
adipiscendis honoribus exudat, alius multiplicandis faculta-
tibus æstuat, alius promerendis laudibus anhelat. Sed quia
cuncta hæc hinc quisque moriens deserit, labores in vacuum
perdidit, quia secum ante iudicem nihil tulit. Quod cōtra be-
ne per legem dicitur: Non apparebis in conspectu Domini
vacuus. Qui enim promerendæ vitæ mercedem bene agen-
do non prouidet, in cōspectu Domini vacuus apparet. Hinc
de iustis per Psalmistam dicitur: Venientes autem venient in
exultatione portantes manipulos suos. Ad examen quippe
iudicij portantes manipulos veniunt, qui in semetipsis recta
opera quibus vitam mereantur ostendunt. Hinc de vnoquo-
que electo Psalmista iterum dicit: Qui non accepit in vano
animam suam. In vano nanque animam suam accipit, qui so-
la præsentia cogitans quæ sequantur in perpetuum non at-
tendit. In vano animam suam accipit, qui eius vitam negli-
gens, ei curam carnis antepont: sed animam suam iusti in va-
no non accipiunt, quia intentione cōtinua ad eius vtilitatem
referunt quicquid corporaliter operantur, quatenus & tran-
seunte opere, operis causā non transeat, quæ vitæ præmia
post vitā parat. Sed hæc curare reprobi negligunt: quia pro-
fecto ambulantes in vacuum, vitam sequentes fugiunt, inue-
nientes perdunt. Melius verò à prauorum imitatione com-
pescimur, si eorum damna ex fine pensamus. Vnde bene etiā
cum exhortatione subiungitur:

*Quod tepidè conuersantium illaqueata intentio, in seculi huius turbine
attendenda sit, & ex alterius damno correpti, firmiter in Deum pro-
ficere debeamus, & quid sit quod viuis domi reclusis vacce traben-
tes plaustrum, cui arca est imposita, ibant in directum per viam quæ
ducit in Bethsamis.*
Caput XIII.

Considerate semitas Themā, itinera Sabba, & expectate pau-
lis per. Themā quippe Auster, Saba autem rete interpre-
tatur. Quid hinc per Austrum, qui afflata temporibus membra
dissoluit, nisi fluxa viuendi remissio: quid per rete, nisi actio-
nis obligatio demonstratur? Qui enim dissoluta mēte ea quæ
terrena sunt appetit, nec gressu libero ad Deum pergūt, ipsi
se suis inordinatis conatibus ligant: cūque se fluxis cōuer-
sationis suæ actibus implicant, quasi remansuros in retis vin-
culis pedes ponūt. Ut enim paulò superius quosdam ad deu-
ctas iam culpas retrahi per aperta quædam, & nō deuicta vi-

tia diximus: ita nonnulli ad ea quæ reliquerant, redeunt per
quædam quæ vel honestatis nomine, vel laudis honore pal-
liantur. Nam sunt plerique qui iam aliena non appetunt, at-
que ab huius mundi iurgiis inchoatæ quietis amore diuidun-
tur, erudiri sacris eloquiis sitiūt, vacare supernis contēplatio-
nibus concupiscunt, nec tamen perfectæ animi libertate curā
rerum familiarium deserunt, cui sæpe dum licitè seruiunt, etiā
illicitis huius mūdi iurgiis implicantur: cūque terrenas res
studiosè tueri desiderant, cordis requiē deserunt, quā quære-
bant, & cū substantia fugiens continua prouisione protegi-
tur, conceptus in animo diuinæ scientiæ sermo dissipatur:
quia iuxta veritatis sententiam, obortum semen spinæ oppri-
munt, cū verbum Dei à memoria importunæ terrenarum
rerum sollicitudines expellunt. Dissolutis itaque gressibus
in rete ambulant, qui dum mundum perfectè non deserunt,
semetipsos gradiendo obligant ne gradientur. Et sunt ple-
rique qui non solum aliena non appetunt, verumetiam cū-
cta quæ possederant, in mundo derelinquunt, semetipsos de-
spiciunt, nullam præsentis vitæ gloriam requirunt, ab huius
mundi se actibus separant, & penè quicquid prosperitatis
arriiserit, calcant. Sed tamen adhuc vinculo carnalis cogna-
tionis obligati, dum amoris propinquitatis indiscretè deserui-
unt, ad ea sæpe per affectum cognationum redeunt, quæ iam
& cum proprio despectu subegerunt. Cūque plūquam
neceffe est, carnis propinquos diligunt, retracti exteriori
cordis parente diuiduntur. Nam sæpe quosdam videmus
(quantum ad proprium studium spectat) iam præsentis vitæ
desideria non habere, mundum & opere & professione reli-
quisse: sed tamen pro inordinatis affectibus propinquorum
prætorii irrumpere, terrenarum rerum iurgiis vacare, liberta-
tem intimæ quietis relinquere, & mundi studia in se iam du-
dum destructa reparare. Quò itaque isti nisi in rete ambu-
lant, quos à præsentī seculo inchoata iam vitæ perfectio sol-
uerat, sed inordinatus amor terrenæ cognationis ligat? Qui
enim districto studio, & non dissolutis gressibus æternæ spō-
sionis præmium sequuntur, sicut semetipsos pro diuino a-
more despiciunt, sic cuncta quibus se sentiunt præpediri,
postponunt: & cū pro Deo necesse est, ut quibus valent
cunctis inseruiant, pro Deo priuata obsequia etiam pro-
pinquis negant. Hinc est enim quòd quidam cū diceret:
Permitte mihi prius ire & sepelire patrem meum, protinus
ex ore veritatis audiuit: Sine v̄ mortui speliant mortuos
suos, tu autem vade, & annuntia regnum Dei. Quia in re
notandum est, quia electus discipulus dum à parentis sepul-
tura compescitur, hoc deuotum quēque exhibere patri
mortuo ex affatu carnali propter Dominum non licet, quod
propter Dominum & exteris debet. Hinc rursum veritas
dicit: Si quis venit ad me, & non odit patrem suum, &
matrem, & uxorem, & filios, & fratres, & sorores: adhuc au-
tem & animam suam, nō potest meus esse discipulus. Quo in
loco videlicet dum propinquorum odio, animæ quoque
nostræ odium subinfertur, patenter ostenditur, quia sic pro-
pinquos, sicut nosmetipsos odio habere præcipimur, ut hos
ad æterna rapientes, eorūque carnalem gratiam cū præ-
pedit postponentes, discamus temperata eos discretionis
arte & conuenienter diligere, & salubriter odio habere,
quatenus sic sciat per amorem odium surgere, ut valeamus
eos verius per odium amare. Hinc rursum per Moysem di-
citur: Qui dixerit patri suo & matri suæ, nescio vos, & fratri-
bus suis, ignoro illos, & nescierunt filios suos: hic custodie-
runt, eloquium tuum, & pactum tuum, & seruauerunt iudi-
cia tua. Ille enim scire Dominum familiaris appetit, qui præ
amore pietatis nescire desiderat, quos carnaliter sciuit. Graui
etenim damno scientia diuina minuitur, si cum carnis noti-
tia patitur. Extra cognatos ergo quisque ac proximos debet
fieri, si vult parenti omnium verius iungi: quatenus eosdem
quos propter Deum viriliter negligit, tantò solidius diligit,
quantò in eis affectum solubile copulæ carnalis ignorat. De-
bemus quidem & temporaliter his quibus vicinior iungi-
mur, plus cæteris prodesse, quia & flamma admotis rebus in-
cendium porrigit, sed hoc ipsum prius ubi nascitur, incen-
dit. Debemus copulam terrenæ cognationis agnoscere, sed
tamen hanc cū cursum mentis præpedit, ignorare: quate-
nus

Matth. 8.

18.
Luc. 14.

Deut. 32.

1. Reg. 6.

19.

20.

Eccle. 2.

nus fidelis animus diuino studio accensus, nec ea quæ sibi sunt in infimis coniuncta, despiciat, & hæc apud semetipsum rectè ordinās, summorum amore transcēdat. Solerti ergo cura prouidendum est, ne carnis gratia surrepat, atque à recto itinere cordis gressum deflectat, nec vim superni amoris impediāt, & surgentem mentem superimposito pōdere deorsum premat. Si etenim quisque propinquorum debet necessitatibus compati, vt tamen per compāssionem non sinat vim suæ intentionis impediri: vt affectus quidem mentis viscera repleat, sed tamen à spiritali proposito non auertat. Neque enim sancti viri ad impendenda necessaria propinquos carnis non diligunt, sed amore spiritalium ipsam in se dilectionem vincunt: quatenus sic eam discretionis moderamine temperent, vt per hanc in paruo saltem ac minimo à recto itinere non declinent. Quos bene nobis per significationem vaccæ innuunt, quæ sub arca Domini ad montana tendentes, affectu simul, & rigido sensu gradiuntur, sicut scriptum est: Tollentes duas vacas quæ lactabant vitulos, iunxerūt ad plaustrum, vitulosque earum clausurunt domi, & posuerunt arcam Dei super plaustrū. Et paulò post: Ibāt in directū vaccæ per viam quæ ducit Bethsamis, & itinere vno gradiebantur, pergentes & mugientes, & non declinantes neque ad dextram, neque ad sinistram. Ecce enim reclusis domi vitulis, vaccæ quæ sub arca Domini plaustro religantur, gemit & pergunt, dant ab intimis mugitus, & tamen ab itinere non demutant gressus. Amorem quidem per compāssionem sentiunt, sed colla posterius non deflectūt. Sic sic necesse est vt incedere debeant, qui sacræ legis iugo suppositi, iam per internam scientiam Dei arcam portant: quatenus per hoc quod propinquorum necessitatibus condolent, à cœpto rectitudinis itinere non declinent. Bethsamis quippe domus Solis dicitur. Arca ergo Domini superposita Bethsamis pergere, est cum superna scientia ad æternæ lucis habitaculum propinquare. Sed tunc verè Bethsamis tendimus, cum viam rectitudinis gradientes, ad vicina erroris latera nec pro affectu pignorū declinamus. Quorum nimirum gratia mentem nostram tenere debet, sed reflectere non debet: ne hæc eadem mens aut si affectu non tangitur, dura sit, aut plus tacta, si inflectitur, remissa. Intueri libet beatum Iob, in quo diuini timoris iugo colla cordis attriuerat, sub quanto discretionis moderamine diuinæ scientiæ arcam portat. Amisissis nanque vitulis mugit, quia audita morte filiorum, in terram tonso capite corruit: sed recto tamen itinere mugiens graditur, quia os eius in gemitu ad Dei laudes aperitur, cum protinus dicit: Dominus dedit, Dominus abstulit, sicut Domino placuit, ita factum est: sit nomen Domini benedictum. Sed indiscretæ mentes hanc viuendi regulam nesciunt, & quod vias Dei dissolutè appetunt, eò ad mundi itinera stultè replicātur. Rectè igitur sanctus vir post Theman semitas, Saba itinera memorat, quia quos Auster reprobi temporis soluerit, hos nimirum rete implicationis tenet. Bene autem prauorum facta describens, considerare hæc admonet: quia peruersa agendo diligimus, sed hæc visa in aliis diiudicamus, & quæ in nobis minus diiudicanda credimus, quàm sint turpia, in aliorum actibus cognoscimus: sicque fit, vt ad semetipsam mens redeat, & agere quod reprehēdit erubescat. Quasi enim à speculo scēda facies displicet, cum mens à vita simili in seipsa quod auersetur videt. Ait ergo: *Considerate semitas Theman, itinera Saba, & expectate paulisper.* Ac si apertè diceret: Damna alieni teporis attendite, & tunc spem de æternis firmitus sumitis, si recto cordis oculo quod in aliis displiceat, videtis. Bene autem dicitur: *Expectate paulisper.* Sæpe etenim dum præsentis vitæ breuitas quasi diu perseueratura diligitur, ab æterna spe animus frangitur, & delectatus præsentibus, desperationis suæ caligine reuerberatur. Cumque longum putat quod ad viuendi sibi spatium restat, repente vitam deferens, æterna [mala] inueit, quæ vitare iam nequeat. Hinc est enim quod per quendam sapientem dicitur. Væ his qui perdidērunt sustinentiam. Sustinentiam videlicet perdunt, qui dum diu se immorari visibilibus æstimant, spem inuisibilium derelinquunt. Cumque mens in præsentibus figitur, vita terminatur, & repente ad supplicia improuisa perueniunt, quæ decepti suis præsumptionibus, aut nunquam se contingere, aut tardè crediderunt. Hinc veritas di-

cit: Vigilate itaque quia nescitis diem neque horam. Hinc *Matth. 25.* rursum scriptum est: Dies Domini sicut fur in nocte, ita *1. Thes. 5.* veniet. Quia enim ad rapiendam animam propinquans minimè conspicitur, furi in nocte comparatur. Tantò igitur debet quasi semper veniens metui, quantò à nobis non valent ventura, præsciri. Vnde & sancti viri quia breuitatem vitæ indefinenter aspiciunt, quasi quotidie morientes viuunt: & tantò se solidius mansuris præparant, quantò & nulla esse transitoria semper ex fine pensant. Hinc quippe Psalmista veloci cursu fugere vitam peccatoris aspiciens, ait: Pusillum adhuc, & non erit peccator. Hinc iterum dicit: Homo sicut scēnum dies eius. Hinc Esaias ait: Omnis caro scēnum, & omnis gloria eius sicut flos agri. Hinc mentes præfumentium Iacobus corripit, dicens: Quæ est vita nostra? Vapor est ad modicum parens. *Iacob. 4.* Rectè ergo dicitur: *Expectate paulisper:* quia & immensum est quod sine termino sequitur, & parū est quicquid finitur. Longum quippe nobis videri nō debet, quod cursu sui temporis tendit vt non sit: quod dum per momenta ducitur, ipsa hoc momenta sua quæ differunt, impellunt: atque vnde teneri cernitur, inde agitur ne teneatur. Bene autè beatus Iob postquā breuitatem præsentis vitæ despiciens intulit, contra iniquos protinus in t voce omnium electorū surgit, adiungens: *Confusi sunt, quia sperant.* Cum bonis mala reprobi ingerunt, si hos à spe intima labefactari conspiciunt, effectū deceptionis hilarescunt. Lucrum nanque maximum, erroris sui propagationem deputant: quia habere se ad perditionē socios exultant. Cum verò bonorū spes interius figitur, & nequaquam malis exterioribus ad ima reclinatur, prauorum mētem confusio occupat: quia dum peruenire ad afflictorum intima nequeunt, incassū se existere crudeles erubescunt. Sanctus igitur vir dicat ex voce sua: dicat ex vniuersalis Ecclesiæ afflictæ, gemitūque constantia, quæ inter aduersa reprobos, supernæ retributionis gaudium sine vllō mentis defectu desiderat, atque ad vitam moriendo perdurat: *Confusi sunt, quia sperant.* Ac si apertè dicat: Quia duris persecutionibus reprobi vim mei rigoris non emolliunt, erubescētes procul dubio laborem suæ crudelitatis perdunt. Vnde & mox venturæ retributionis bona, quasi iam præsentia conspiciunt: & qui reatus in iudicio reprobos maneat, attendit subdens: *Venerunt quoque vsque ad me, & pudore cooperiti sunt.* Vsque ad sanctam quippe Ecclesiā in die iudicij reprobi veniunt: quia vsque ad eius tunc conspiciendam gloriā perducuntur: vt ad maiora tūc reatus sui supplicia, repulsi videant quod perdidērunt. Tunc verò iniquos pudor cooperit: cum eos in conspectu iudicis testis conscientia addicit. Tūc iudex exterius cernitur, sed accusator interius toleratur. Tunc omnis ante oculos culpa reducit: & mēs super gehēnæ incendia, suo grauius igne cruciatur. De quibus rectè per Prophetam dicitur: Domine exaltetur manus tua, vt non videant, videant & confundātur. Intellectum quippe reprobos nunc merita obscurāt: sed tunc cognitio reatus illuminat, vt & modò sequenda non videant: & tunc ea postquam amiserint, cernāt. Nunc quippe æterna intelligere negligunt, vel appetere intellecta contemnūt: sed tunc ea intelligentes procul dubio desiderantēque conspiciūt, cum desiderata assequi nequaquā possunt. Quæ etiam beati Iob verba amicis eius specialiter cōgruūt, qui duris obiurgationibus sancti viri animum labefactare conabantur. Ait enim, *Confusi sunt, quia sperant.* Ac si apertè diceret: Dum me stultis increpationibus ad desperationem flectere nequeunt, ipsi temeritatis suæ infamia confunduntur. *Venerunt quoque vsque ad me, & pudore cooperiti sunt.* Ac si dicat: Videntes corporis vulnera, sed mentis constantiam nescientes, dum me de iniustitia increpare ausi sunt, vsque ad me nec dum venerunt: sed dura me inuectione pulsantes, dum stare animum inter aduersa deprehendunt, quasi ad me venientes erubescunt. Eò enim ad me veniunt, quod me in intimis agnoscunt, ibique eos pudor cooperit, vbi me stantem fortiter exterior iactura non tangit. Sunt verò nonnulli qui timere Deum nesciunt, nisi cum vel in se experta, vel in aliis cognita aduersitate terrentur: quos prospera per audaciam eleuant, cōtraria per infirmitatem turbāt. Ex quorum scilicet numero amicos suos esse beatus Iob redarguit, cum protinus subdit dicens: *Nunc venistis, & modò videntes plagam meam, timetis.* Ac si apertè dicat: Ego tunc

Psalm. 36.

Psalm. 102.

Esa. 40.

Iacob. 4.

† vel, vocem

21.

Deum timui, cum sultus prosperis, flagellorum detrimenta non sensi. Vos autem quia ex amore Deum non metuetis, ex sola eum verberis percussione formidatis. Sequitur: *Nunquid dixi, afferte mihi: & de substantia vestra donate mihi, vel liberate me de manu hostis, & de manu robustorum eruite me?* Si ad personam sanctæ Ecclesiæ hæc verba referuntur: quia amicos beati Iob hæreticorum tenere speciem diximus, rectè se asserit eorum substantia non indigere. Hæreticorum quippe substantia, carnalis sapientia non inconuenienter accipitur: qua dum peruerse fulciuntur, quasi in verbis se diuites ostendunt: quam eo sancta Ecclesia non quærit, quo hanc spiritali intellectu transcendit. Sæpe verò hæretici cum peruersa de fide asserunt, nonnulla contra antiquum hostem subtilia de carnis tentationibus loquuntur. Nam nonnunquam eo in se quasi sana membra operationis ostendunt: quod in fide vulnerati serpentis morsu in capite tenentur. Sed sancta Ecclesia audire ab his subtilia de tentationibus non vult: quia dum vera quædam de conuersatione asserunt, ad falsa perfidia perducunt. Vnde rectè nunc dicitur: *Nunquid dixi, afferte mihi: & de substantia vestra donate mihi, vel liberate me de manu hostis, & de manu robustorum eruite me?* Manum quippe hostis, satanæ fortitudinem vocat: & manum robustorum, vires malignorum spirituum appellat. Quos idcirco robustos memorat: quia dum absque carnis infirmitate sunt conditi, prauis eorum adnibus imbecillitas adiuncta non obuiat. Hoc verò quod subditur: *Docete me, & ego tacebo: & si quid forte ignoravi, instruite me.* Sub cuius distinctionis libramine pendeat, incertum videtur: vtrum ad hoc subiunctum sit quod intulerat: *Nunquid dixi?* an certè disiuncta à superioribus sententia promatur, † quasi per increpationem dicatur: *Docete me, & ego tacebo: & si quid forte ignoravi, instruite me.* Quod tamen utrique distinctioni conuenit: quia ab intellectus sani tramite per neutram recedit. Sed quia hæc in transcurso per allegoriam diximus, restat vt moraliter historiæ verba perscrutemur.

Quanta sit securitas seruorum Dei, & in reprehendendis vitiis sine personarum acceptione auctoritas: & quod sanctus quisque prudentiam & vires & opes carnalium contemnat.

Caput XV.

22

BEatus igitur Iob damna rerum pertulerat: malignorum spirituum percussione traditus, dolores vulnerum sentiebat: sed sapientem Dei stultitiam diligens, stultam mundi sapientiam mentis despectu calcauerat. Igitur contra mundi diuites pauper, contra potestates & potentes oppressus, contra sapientes stultus dicitur. Tria respondit, quia nec pauper eorum substantiam, nec oppressus adiutorium contra robustos, nec stultus doctrinam sapientiæ carnalis quærit. Sanctus etenim vir quia mente super semetipsum rapitur, & pauper inopia non angustatur, & oppressus nihil patitur, & voluntariè stultus carnalem sapientiam non miratur. Hinc est enim quod oppressus alius pauper dicit: Aporiamur, sed non destituimur: persecutionem patimur, sed non derelinquimur: 2. Corint. 4. deicimur, sed non perimus. Hinc est quod sapientiam sanctæ stultitiæ insinuans, ait: Quæ stulta sunt mundi, elegit Deus: vt confundat sapientes. Et, Si quis videtur inter vos sapiens esse in hoc seculo: stultus fiat, vt sit sapiens. Hinc est quod gloriam oppressionis, & diuitias desideratæ paupertatis aperiens dicit: Quasi morientes, & ecce viuimus: vt castigati, & non mortificati: quasi tristes, semper autem gaudentes: sicut egentes, multos autem locupletantes: tanquam nihil habentes, & omnia possidentes. Libet inter hæc oculos mentis attollere, & electos Dei exterius oppressos, quantæ intrinsecus arci præsideant, videre: cuncta quippe quæ foris eminent, occultis eorum obtutibus per despectum iacent. Nam super se interius rapti, in alto animum figunt: & quæque in hac vita patiuntur, quasi longè infra labentia atque à se aliena conspiciunt: atque, vt ita dixerim, dum mente extra carnem fieri decertant, penè ipsa quæ tolerant, ignorant. In horum profectò oculis quicquid temporaliter eminet, altum non est: nam velut in magni vertice montis siti, præsentis vitæ gaudia plenè despiciunt: seque ipsos per spiritalem celsitudinem transcendentes, subiecta sibi intus vident, quæcunque per

E carnalem gloriam foris tument. Vnde & nullis contra veritatem potestatibus parant: sed quos attolli per elationem conspiciunt, per spiritus auctoritatem premunt. Hinc est enim quod ad desertum Moyses veniens, Aegypti regem ex auctoritate aggreditur, dicens: Hæc dicit Dominus Deus Hebræorum: Vtique non vis subiici mihi? Dimitte populum meum, vt sacrificet mihi. Cui dum plagis pressus Pharaon diceret: Ite, sacrificate Deo vestro in terra ista, aucta protinus auctoritate respondit: Non potest ita fieri. Abominationes Aegyptiorum immolabimus Domino Deo nostro: Hinc est quod peccantem regem, Nathan aggreditur: cui prius similitudinem perpetratæ præuaricationis obiciens: eumque reum per proprii iudicii vocem tenens, protinus adiunxit dicens: Tu es ille vir qui fecisti hanc rem. Hinc est quod vir Dei ad destruendam idololatriam, Samariam missus, Hieroboam regem super altare thura iacentem, non regem veritus, non formidine mortis pressus, contra altare intrepidus auctoritatem liberæ vocis exercuit, dicens: Altare altare, hæc dicit Dominus Deus: Ecce filius nascetur domui Dauid, Iosias nomine: & immolabit super te sacerdotes excelsorum. Hinc est quod Achab superbus idolorum seruitio subactus, cum increpare Heliam præsumeret, dicens: Tu ne es ille vir, qui conturbas Israël: Helias protinus superbi regis stultitiam, obiurgationis libera auctoritate percussit, dicens: Non ego turbauit Israël: sed tu & domus patris tui, & qui dereliquistis mandata Domini, & secuti estis Baalim. Hinc est quod Heliseus veram magistri celsitudinem sequens, Ioram filium Achab ad se cum Iosaphat rege venientem ex reatu perfidiæ confudit, dicens: Quid mihi & tibi est? vade ad Prophetas patris tui & matris tuæ. Viuit Dominus exercituum, in cuius conspectu sto, quod si non vultum Iosaphat regis Iudæ erubescerem: nec attendissem quidem te, nec respexissem. Hinc est quod idem vir Naaman ad se cum equis & curribus venientem, ante ostium domus fixit: & talentorum copia ac vestium sulto non occurrit: non ianuam domus aperuit, sed vt lauari septies in Iordane debuisset, per nuntium iussit. Vnde & idem Naaman iratus recedebat, dicens: Putabam quod egrederetur ad me, & stans inuocaret nomen Dei sui. Hinc est quod Petrus, cum eum sacerdotes ac principes etiam per flagella saeuientes, in nomine Iesu loqui prohiberent: cum magna protinus auctoritate respondit, dicens: Si iustum est in conspectu Dei vos potius audire quam Deum, iudicate. Non enim possumus quæ vidimus & audiuius, non loqui. Hinc est quod Paulus cum resistentem contra veritatem sacerdotum principem cerneret: eumque minister illius alapa percussisset, non maledictum perturbatus intulit: sed repletus Spiritu sancto, libera voce prophetauit, dicens: Percutiet te Deus paries dealbate: Et tu sedens iudicas me secundum legem, & contra legem iubes me percuti? Hinc est quod Stephanus contra vim persequentium auctoritatem vocis exercere, nec moriturus expauit, dicens: Dura ceruice & incircuncisi corde & auribus: vos semper spiritui sancto resistitis, sicut patres vestri, & vos. Sed quia sancti viri ad verba tantæ altitudinis zelo veritatis, non autem vitio elationis exiliunt, ipsi patenter indicant, qui factis discipulis aliis & quantâ humilitate polleant: & erga eos quos redarguunt, quantâ charitate ferueant, manifestant. Superbia quippe odium generat, humilitas amorem. Verba itaque quæ amor exasperat, profectò ex fonte humilitatis emanant. Quomodo ergo Stephanus proferre increpationem per elationem potuit, qui pro eisdem quos increpauerat, ad deteriora crescentibus, seque lapidantibus, flexis genibus orauit, dicens: Domine, ne statuas illis hoc peccatum? Quomodo Paulus contra gentis suæ sacerdotem ac principem asperitatis verba superbiens intulit: qui humilitate se etiam discipulorum seruitio subternit, dicens: Non enim nosmetipsos prædicamus, sed Dominum nostrum Iesum Christum: nos autem seruos vestros per Christum? Quomodo Petrus per elationem principibus restitit: quorum errori compatiens, reatum velut exculat, dicens: Scio quia per ignorantiam fecistis, sicut & principes vestri? Deus autem qui prænuuntiauit per os omnium Prophetarum pati Christum suum, impleuit sic. Quos ad vitam misericorditer trahit dicens: Pœnitete igitur & conuertimini, vt

† vel qua.

2. Corint. 4.

1. Corint. 1.

1. Corint. 3.

2. Corint. 6.

Exod. 10.

Exod. 8.

2. Reg. 12.

3. Reg. 13.

3. Reg. 18.

Ibidem.

4. Reg. 3.

4. Reg. 5.

Acto. 4.

Acto. 7.

Acto. 7.

23

Acto. 7.

2. Corint. 4.

Acto. 3.

Ibidem.

mini, vt deleantur peccata vestra. Quomodo Heliseus videre Naaman ex elatione noluit: qui non solum se conspici, sed teneri etiam à muliere permittit: de qua scriptum est: Cùm venisset ad virum Dei in montem, apprehendit pedes eius: & accessit Giezi, vt amoueret eam: & ait vir dei: Dimitte eam, anima enim eius in amaritudine est. Quomodo Helias superbo regi increpationis verba per tumorem intulit, qui ante eius currum humiliter cucurrit: sicut scriptum est: Accinctisque lumbis currebat ante Achab. Quomodo vir Dei Hieroboam præsentiam ex elatione despexit: qui arentem dexteram eius salutis pristinæ protinus ex pietate reparauit: sicut scriptum est: Cùmque audisset rex sermonem hominis Dei, quem inclamauerat contra altare in Bethel, extendit manum suam de altari, dicens: Apprehendite eum, & exaruit manus eius. Et paulo post: Orauit vir Dei faciem Domini: & reuersa est manus regis ad eum, & facta est sicut prius fuerat. Quia enim superbia gignere virtutes nescit: quanta ex humilitate prodiit vox increpationis, ostenditur, quam signa comitantur. Quomodo Nathan contra Dauid regem per verba increpationis tumuit: qui cùm increpanda culpa deesset, in terram se in conspectu eius protinus strauit: sicut scriptum est: Nuntiauerunt regi dicentes: Adest Nathan propheta. Cùmque introisset ante conspectum regis, adorauit eum pronus in terra. Quomodo Moyses regi Aegypto liberè resistens, eum despicere potuit, qui deo familiariter colloquens, sequentem se lethro, cognatum suum humilis adorauit: Cuius etiam consilio tantam obedientiam præbuit, vt post secreta Dei colloquia, magnum lucrum inde duceret, quod foris ab ore hominis audiret. Ex aliis ergo sanctorum factis discimus, quid de aliis pensare debeamus. Sancti etenim viri nec ex elatione sunt liberi, nec ex timore submissi: sed cùm rectitudo eos ad libertatem vocis erigit, consideratio infirmitatis propriæ in humilitate custodit. Culpas quippe delinquentium etsi ex alto increpantes feriunt, semetipsos tamen apud se subtilius iudicantes, quasi in abiectis ponunt: & quod praua in aliis insequuntur, eò ad reprimendos se atrociores redeunt, rursusque, quod sibimet meliora agentibus nequaquam parcunt, eò vigilantius aliena facta reprehendunt. Quid enim de humana potentia mirari exterius poterunt, qui semetipsos quoque despicunt, etiam cùm intimè penè iam arcem sublimitatis apprehendunt: Idcirco ergo bene foris diiudicant altitudinem terrenæ celsitudinis: quia intus oculum non grauat pondus tumoris. Vnde & beatus Iob cùm in amicis dura loquentibus terrenam prudentiam, vires, substantiamque despiceret, dicens: *Nunquid dixi, afferte mihi, & de substantia vestra donate mihi, vel liberate me de manu hostis, & de manu robustorum eruite me? Docete me & ego tacebo: & si quid foris ignorauit, instruite me.* Quid de seipso sentiat, paulò inferius manifestat, dicens: *Super pupillum inuinitis.* Luce itaque clarius patet, quantæ se infirmitatis conspiciat, quem pupillum vocat. Sequitur:

Quod mundus debet esse à vitiis, qui aliorum culpas arguit.

Caput XVII.

Quare detraxisistis sermonibus veritatis, cum è vobis nullus sit qui possit me arguere? Mundus ipse esse à vitiis debet, qui curat aliena corrigere, vt terrena nò cogitet, vt desideris in finis non succumbat: quatenus tantò perspicacius aliis fugienda videat, quantò hæc ipse per scientiam & vitam verius declinat: quia nequaquam purè maculam in membro considerat oculis, quem puluis grauat: & superiectas sordes tergere non valet manus, quæ lutum tenet. Quod iuxta antiquæ translationis seriem, bene ad Dauid erga exteriora bella laborantem, per significationem diuina vox innuit cùm dicit: Non tu ædificabis mihi templum, quia vir sanguinum es. Dei autem templum ædificat, qui corrigendis atque instituendis proximorum mentibus vacat. Templum quippe Dei nos sumus, qui ad veram vitam ex eius inhabitatione construimur: Paulo attestante, qui ait: Templum Dei sanctum est, quod estis vos. Sed vir sanguinum templum Deo ædificare prohibetur: quia qui adhuc actibus carnalibus incumbit, necesse est vt instruere spiritaliter mentes proximorum erubescat. Bene ergo dicitur: *Quare detraxisistis sermonibus veritatis, cum è vobis nullus sit, qui me possit arguere.* Ac si apertè diceretur: *Quia temeritate audita reprehenditis, qui percussione meæ causas ignoran-*

tes, adhuc reprehensibilia profertis? Sequitur:

De ocioso & inordinato verbo. Caput XVIII.

Ad increpandum tantum eloquia concinnatis, & in ventum verba profertis. Duo sunt genera locutionum importuna valde & noxia generi humano. Vnum quod curat etiam peruersa laudare: Aliud quod studet semper etiam recta corripere. Illud deorsum cum fluuio ducitur: hoc verò contra fluentem veritatis obferare & alueum conatur. Illud metus premit, hoc elatio erigit. Illud gratiam ex fauoribus captat, hoc iram, vt ex certamine ostendatur, exagitat. Illud in promptu subiacet, hoc semper è diuerso tumet. Ex huius ergo qualitate beatus Iob amicos suos fuisse redarguit, cùm dicit: *Ad increpandum tantum eloquia concinnatis.* Sed vnde vsque ad iniustæ increpationis audaciam peruenitur, protinus innotuit, cùm subiunxit: *Et in ventum verba profertis.* In ventum enim verba proferre, est ociosa dicere. Nam sæpe dum ab ociosis verbis nequaquam lingua compescitur: ad temeritatē quoque stultitæ increpationis effrenatur. Quibusdam enim ruinæ suæ gradibus, desidiosa mens in foueæ lapsus impellitur. Nam dum otiosa verba cauere negligimus, ad noxia peruenimus: vt prius loqui aliena libeat, & postmodum detractionibus eorum vitam, de quibus loquitur, lingua mordeat, quandoque autem vsque ad apertas contumelias erumpat. Hinc irarum seminantur stimuli, oriuntur rixæ, accenduntur faces odiorum, pax tota extinguitur cordium. Vnde bene per Salomonem dicitur: *Qui dimittit aquam, caput est iurgiorum.* Aquam quippe dimittere, est linguam in fluxum eloquij relaxare. Quò contrà & in bonam partem asserit dicens: *Aqua profunda, verba ex ore viri.* Qui ergo dimittit aquam, caput est iurgiorum: quia qui linguam non refrenat, concordiam dissipat. Vnde ediuerso scriptum est: *Qui imponit stulto silentium, iras mitigat.* Quia autem multiloquio quisque seruiens, rectitudinem iustitiæ tenere non possit, testatur Propheta, qui ait: *Vir linguosus non dirigetur super terram.* Hinc Salomon iterum dicit: *In multiloquio peccatum non deerit.* Hinc Esaias ait: *Cultus iustitiæ silentium: videlicet indicans, quia mentis iustitia desolatur, quando ab immoderata locutione non parcitur.* Hinc Iacobus dicit: *Si quis putat se religiosum esse, non refrenans linguam suam, sed seducens cor suum, huius vana est religio.* Hinc rursus ait: *Sit omnis homo velox ad audiendum: tardus autem ad loquendum.* Hinc iterum adiungit: *Lingua inquietum malum, plena veneno mortifero.* Hinc per semetipsam nos veritas admonet dicens: *Omne verbum otiosum, quod locuti fuerint homines, reddent de eo rationem in die iudicij.* Otiosum quippe verbum est, quod aut ratione iustæ necessitatis, aut intèntione piæ utilitatis caret. Si ergo ratio de ocioso sermone exigitur: pensandū valde est, quæ pœna illud multiloquium sequatur, in quo etiam per superbiæ verba peccatur. Sciendū quoque est, quòd ab omni rectitudinis statu depereunt, qui per noxia verba dilabuntur. Humana etenim mens, aquæ more, & circumclusa ad superiora colligitur, quia illud repetit, vnde descendit, & relaxata deperit, quia se per infima inutiliter spargit. Quot enim superuacuis verbis à silentij sui censura dissipatur: quasi tot riuis extra se ducitur. Vnde & redire interius ad sui cognitionē non sufficit: quia per multiloquium exterius sparsa, vim intimæ cōsiderationis amittit. Totā igitur sese insidiatis hostis vulneribus detegit: quia nulla se munitione custodię circumcludit. Vnde scriptum est: *Sicut vrbs patens & absque murorum ambitu: ita vir qui nò potest in loquendo cohibere spiritum suum.* Quia enim murum silentij non habet, patet inimici iaculis ciuitas mentis: & cùm se per verba extra semetipsam eiicit, apertam se aduersario ostendit, quam tantò ille sine labore superat, quantò & hæc eadem, quæ vincitur, contra semetipsam per multiloquium pugnat. Sed inter hæc sciendum est, quia cum pauore nimio à locutione restringimur, interdū plusquā necesse est, intra claustra silentij coarctamur: & dum linguæ vitia incautè fugimus, occultè deterioribus implicamur. Nam sæpe dum ab eloquio immoderatè compescimur, graue multiloquiū in corde toleramus: vt eò plus cogitationes in mēte ferueant, quòd illas violenta custodia indiscreti silentij angustat: & plerunque tantò latius defluunt, quantò se esse securius æstimāt, quia foris à re-

4. Reg. 4.

3. Reg. 18.

3. Reg. 13.

Exo. 38.

24.

Prouer. 17.

Prouer. 27.

25.

Psal. 139.

Prouer. 10.

Esa. 32.

Iaco. 1.

Ibidem.

Iaco. 3.

Matth. 12.

Prouer. 25.

2. Reg. 7.

2. Cor. 3.

prehensoribus non videntur. Vnde mens nonnunquam in superbiam attollitur, eosque quos loquentes audit, quasi infirmos conspicit. Cumque os corporis claudit, quantum se vitis superbiendo aperiat, non agnoscit. Linguam etenim premit, cogitationem erigit, & cum se per negligentiam minimè considerat: tantò apud se cunctos liberius, quantò & secretius accusat. Plerunque autem nimis taciti cum nonnulla iniusta patiuntur: eo in acriore dolore prodeunt, quo ea quæ sustinent, non loquuntur. Nam si illatas molestias lingua tranquillè diceret, à conscientia dolor emanaret: vulnera enim clausa plus cruciant, quia cum putredo quæ intrinsecus feruet, eiicitur, ad salutem dolor aperitur. Plerunque nimis taciti dum quorundam mala respiciunt, & tamen in silentio linguam premunt, quasi còspectis vulneribus vsum medicaminis subtrahunt: & eo mortis authores fiunt, quo virus quod poterant eiicere loquendo, noluerunt: vnde & immoderatum silentium si culpa non esset, Propheta non diceret: Væ mihi quia tacui. Quid ergo inter hæc nisi studiosè lingua sub magni moderaminis libratione frenanda est: non insolubiliter obliganda, ne aut laxata in vitium defluat, aut restricta etiam ab utilitate torpescat? Hinc nanq; per quendam sapientem dicitur: Sapiens tacebit vsque ad tempus, vt nimirum cum opportunum considerat: postposita censura silentij, loquendo quæ congruunt, in vsum se utilitatis impendat. Hinc Salomon ait: Tempus tacendi, & tempus loquendi. Discretè quippe vicissitudinum pensanda sunt tempora: ne aut cum restringi lingua debet, per verba se inutiliter soluat: aut cum loqui utiliter potest, semetipsam pigre restringat. Quod bene Psalmista considerans breui postulatione complexus est, dicens: Pone Domine custodiam ori meo, & ostium circumstantiæ labiis meis. Ostium nanque aperitur & clauditur. Qui ergo ori suo nequaquam poni obstaculum, sed ostium petit: aperte docuit quòd & per disciplinam retineri lingua debeat, & ex necessitate laxari: quatenus os discretum & congruo tempore vox aperiat, & rursus congruo taciturnitas claudat. Quod quia vel amici beati Iob, vel omnes hæretici, quorum hi speciem tenent, feruare nesciunt, in ventum verba proferre perhibentur: quia nimirum dicta quæ discretionis pondus non solidat, aura læuitatis portat.

Libri septimi Moraliū sancti Gregorij finis.

B. GREGORII MORALIS EXPOSITIONIS IN B. IOB, LIBER OCTAVVS sextum continuans finaliter caput, & septimum incipiens.

Quòd verè humiles in perferendis malis patientiam, in repetendis bonis exercent benignitatem.

Caput I.



Ræcedenti iam libello tractauimus quòd beatus Iob vim nobis humilitatis suæ innotescit, dicens: *Super pupillum irruis, & subuertere nitimini amicū vestrū.* Quantæ nanque infirmitatis se perpédât, insinuat, quem pupillum vocat. Quia vero ab amore recedere charitas etiam læsa nescit, & subuerti velle se queritur, & tamen amicum se esse testatur. Cuius verba, vt sæpe iam diximus, sic eidem specialiter congruunt, vt tamen per hæc prophetico spiritu etiam sententia fidelis populi, ex voce Ecclesiæ vniuersalis, exprimat: qui hæreticorum contrarietatem tolerans, & infirmum se per humilitatem conspicit: & tamen à seruandæ dilectionis magnitudine non recedit. Sanctæ quippe Ecclesiæ populus, quia mortui patris est filius, pupillus non incongruè dicitur: Cuius resurgens vitam iam quidem per fidem sequitur, sed necdum per speciem còtemplatur. Super pupillum verò hæretici irruunt, cum humilitatem fidelis populi importunis falsisque allegationibus affligunt. Et tamen amicus est quem nituntur euer-

tere: quia fidelis Dei populus ipsos quoque quos persequentes tolerat, amando non desinit ad veritatem vocare. Sed inter hæc sciendum est, quia sancti viri nec sustinere falsa per infirmitatem metuunt, nec læsi vnquam à veritate conticecunt. Vnde & subditur: *Veruntamen quod cœpistis, explete. Præbete aurē, & videte an mentiar.* Qui enim aduersa perpeti non timet, dicat: *Veruntamen quod cœpistis, explete.* Qui verò ipsis suis persecutoribus veritatis prædicamenta non subtrahit, adiungat: *Præbete aurē, & videte an mentiar.* Ac si apertè dicat: Nec ante illatas molestias trepido, nec ingratas auditoribus correptionis adiutoria abscondo: quia & malis pressus exerceor, & ipsis meis persecutoribus benignè impellus cresco. Mens quippe sanctorum in hoc tentationum prælio & munita patientiæ clypeo, & gladiis amoris accincta, ad perferenda mala sumit fortitudinem: & ad rependenda bona exercet benignitatem, quatenus & odiorum tela potenter excipiat, & amoris iacula valenter reddat. Nequaquam quippe ad bella armatus pergit, qui aut clypeum fumens, gladiis non vitur: aut vtens gladiis, clypeo non munitur. Vnde & miles Dei, aduersitatis bello deprehensus, & scutum patientiæ debet anteferre, ne pereat: & ad prædicandum promptus amoris inferre iacula, vt vincat. Cuius armaturæ summam Paulus breuiter insinuat, dicens: Charitas patiens est, benigna est. Cum verò vnum ex vtroque defuerit, charitas non est, si videlicet malos aut absque benignitate tolerans non amat: aut rursus sese sine patientia exhibens, negligit tolerare quos amat. Vt ergo à nobis charitas vera teneatur: necesse est quatenus & benignitati patientia, & rursus patientiæ benignitas suffragetur, vt magnum quoddam in corde nostro ædificium construens, & benignitatis arcem patientia solidet & patientiæ fundata ædificia benignitas exornet. Beatus igitur Iob promptus ad patientiam dicat: *Veruntamen quod cœpistis, explete.* Benignitate præditus adiungat: *Præbete aurē, & videte an mentiar.* Quia verò sancta Ecclesia ex magisterio humilitatis instituta, recta quæ errantibus dicit, non quasi ex autoritate præcipit, sed ex ratione persuadet, bene nunc dicitur: *Videte an mentiar.* Ac si apertè dicat: Ea quæ assero, nequaquam mihi ex autoritate credite: sed an vera sint, ex ratione pensate. Quæ & si quando dicit quod ratione comprehendendi non valet: ne de occultis humana ratio quæri debeat, rationabiliter suadet.

Quòd scientia tumida in inquisitionibus suis non veritatem inquirat sed gloriam. Id eoque contendunt superbi, vt vincant: non vt discant. Caput II.

Sed sæpe hæretici dum occasionem ratiocinationis accipiunt: ad iurgia contentionis effrenantur. Vnde & aptè mox subditur: *Respondete quæso absque contentione.* Neque enim hæretici inquisitionibus suis veritatem conantur assequi, sed victores videri. Cumque se foris ostendi sapientes appetunt: intus per stultitiam elationis suæ vinculis ligantur. Vnde fit vt contentionum certamina exquirant, & de Deo, qui pax nostra est, loqui pacificè nesciant, atque ex pacis negotio rixæ inuentores fiant. Quibus bene per Paulum dicitur: Si quis autem videtur esse contentiosus: nos talem consuetudinem non habemus, neque Ecclesia Dei. Rectè autem subditur: *Et loquentes id quod iustum est, indicate.* Is nanque qui loquitur, dum de verbis suis auditoris sententiam expectat, quasi eius iudicio supponitur, à quo auditur. Qui igitur in dictis suis reprobari metuit, ipse prius debet examinare quod dicit: quatenus inter cor & linguam æquus quidam discretusque arbiter sedeat, subtiliter pensans si recta verba cor offerat: quæ utiliter suscipiens, ad auditorum iudicium lingua perducatur. Beatus igitur Iob sua contra amicos agens, sed contra hæreticos nostra denuntians, præcipationem loquentium reprehendat: atq; ad eorum mentem verba recolat, dicens: *Loquentes id quod iustum est indicate.* Ac si apertè diceret: Si in eo quòd ad nos per egressum locutionis exitis, reprehendi non vultis, intus iustitiæ libram tenere: vt tantò foris quod dicitur, ex veritatis pondere placeat, quantò hoc interius trutina discretionis pensat. Et quia hi erga aliena dicta recta iudicia exerunt, qui iudicare prius propria sciunt, postquam dixit: *Loquentes id quod iustum est indicate,* aptè mox subdit: *Et non inuenietis in lingua mea iniquitatem, nec in faucibus meis stultitiā personabit.* Ac si apertè diceret: Si subtilius vestra perpenditis, verius

Armatus
sanctorum

1. Corin. 13

verius aliena pensatis: & cum rectum coeperit esse quod dicitis, iustum cognoscetis quod auditis. Nequaquam quippe mea vobis lingua stultitiam resonat, si à vestra conscientia non procedat. Sic sancta Ecclesia studet prius assertiones hostium falsas ostendere, & tunc prædicamenta veritatis aperire: quia cum recta se tenere aestimant, recta quæ audiunt, contumaciter impugnant. Antè ergo necesse est, vt errorem suum hæretici sentiant, ne auditæ veritati contradicant: quia & si camporum sentes arator vomeris scissione non eruit, terra accepta semina in segetes non producit. Et cum putredinem medicus vulneris apertione non eiicit, nequaquam in loco putredinis sana caro coalescit. Prius ergo peruersa destruens, dicat: *Loquentes id, quod iustum est indicate.* Post autem recta adiungens insinuet. *Et non inuenietis in lingua mea iniquitatem, nec in faucibus meis stultitia personabit.* Solent autem hæretici alia apertè dicere, alia in occultis sentire. Per linguam quippe aperta locutio, per fauces verò occulta tractatio designatur. Sanctæ ergo Ecclesiæ nec in lingua iniquitas, nec stultitia in faucibus resonat: quia ea quæ per publicam locutionem prædicat, etiam per intimam fidem seruat: nec in aperto aliud docet, atque in occultis aliud retinet: sed & quod sentit, loquendo docet: & quod loquitur, viuendo custodit: ac de sapientiæ supernæ conuiuio quicquid per linguam prædicationis emanat, hoc per fauces tacitæ expectationi degustat. Sed beatus Iob, vnum scilicet membrum vniuersalis Ecclesiæ, sua insinuat, atque electorum omnium corda manifestans, omne quod sentit aperiat: vt mentis eius rectitudinem attestatio locutionis innotescat. Sequitur:

Caput Septimum beati Iob.

Militia est vita hominis super terram: & sicut dies mercenarij dies eius. Sicut seruus desiderat umbram, & sicut mercenarius præstolatur finem operis sui: sic & ego habui menses vacuos, & noctes laboriosas enumeravi mihi. Si dormiero, dicam: Quando consurgam? & rursum expectabo vespem, & replebor doloribus vsque ad tenebras. Induta est caro mea putredine, & sordibus pulueris. Cutis mea aruit, & contracta est. Dies mei velocius transierunt, quam à texente tela succiditur, & consumpti sunt absque vlla spe. Memento quia ventus est vita mea, & non reuertetur oculus meus vt videat bona: nec aspiciet me visus hominis. Oculi tui in me, & non subsistam. Sicut consumitur nubes, & pertransit: sic qui descendit ad inferos, non ascendet, nec reuertetur ultra in domum suam, neque cognoscet eum amplius locus eius. Quapropter & ego non parcam ori meo, loquar in tribulatione spiritus mei, confabulabor cum amaritudine animæ meæ. Nunquid mare ego sum aut coetus, quia circumdediti me carcere? Si dixero, Consolabitur me lectulus meus, & releuabor loquens mecum in stratu meo: terrebis me per somnia, & per visiones horrore concuties. Quamobrem elegit suspendium anima mea, & mortem ossa mea. Desperavi. Nequaquam ultra iam viuam. Parce mihi Domine, nihil enim sunt dies mei. Quid est homo quia magnificas eum, aut quid apponis erga eum cor tuum? Visitas eum diluculo, & subito probas illum. Vsquequo non parcis mihi, nec dimittis me, vt glutiam saliuam meam? Peccavi. Quid faciam tibi o custos hominum? Quare me posuisti contrarium tibi, & factus sum mihi metipsum grauis? Cur non tollis peccatum meum, & quare non aufers iniquitatem meam? Ecce nunc in puluere dormiam: & si mane me quaesieris, non subsistam.

Quod vita hominis vitiis oppressa, ad cæleste desiderium tendere non valet: & aliquando donis spiritualibus prædita, ex occasione virtutum deterius peccat.

Caput III.

Militia est vita hominis super terram. Hoc in loco translatio: ne veteri nequaquam militia vita hominis nuncupatur, sed tentatio. Sed si vtriusque verbi sensus aspicitur, diuersum quidem est quod exterius resonat: sed vnum eundemque concorditer intellectum, format. Quid enim nisi pugna contra malignos spiritus, nomine tentationis exprimitur? Et quid appellatio militia, nisi contra hostes exercitium designatur? Tentatio itaque ipsa militia est: quia dum contra malignorum spirituum insidias vigilat, in bellorum procinctu proculdubio exudat. Notandum vero quod hæc eadem vita hominis, non tentationem habere dicitur, sed ipsa tentatio esse perhibetur. Sponte quippe à statu conditionis lapsa, & corruptionis suæ putredini subdita, dum sibi ex semetipsa molestias gignit: hoc est iam facta quod tolerat. Quia enim statum mentis inclinata deseruit, quid in se nisi motum varietatis inuenit? Vnde nunc & si ad summa appetenda se erigit, mutabilitatis lubricæ impulsu protinus ad semetipsum cadit. Vult in contemplatione stare, sed non valet. Cogitationis gressum figere nititur, sed infirmitatis suæ lapsibus eneruatur. Quæ nimirum mutabilitatis suæ onera quia volens expetit, nolens portat. Quietus homo possidere carnem potuit, si bene ab authore conditus, possideri voluisset. Cumque se erigere contra conditorem studuit, in semetipso protinus carnis contumelias inuenit. Sed quia cum culpæ simul ab origine etiam pœna propagatur, inserto infirmitatis vitio nascimur: & quasi nobiscum hostem deducimus, quem cum labore superamus. Ipsa ergo hominis vita tentatio est, cui ex semetipsa nascitur vnde perimatur. Quæ etsi semper ex virtute succidit, quod ex infirmitate generat: semper tamen ex infirmitate generat, quod ex virtute succidat. Sic itaque humana vita tentatio est: vt etsi iam ab iniquitatis perpetratione compefcitur, in ipsis tamen bonis operibus modò malorum memoria, modò seductionis caligine, modò intentionis suæ interruptione fuscetur. Alius namque à luxuria carnem iam refrenat, sed tamen adhuc luxuriæ phantasmata tolerat: quia quæ volens fecit, horum inuitus meminit: & pœnam sustinet, quod voluptatem putauit. Quia verò ad deuictam culpam retrahi metuit, ventrem miræ abstinentiæ vigore restringit, vultusque ex abstinentia pallescit: cumque in facie pallor aspicitur, reuerenda ab hominibus vita laudatur: moxque inanis gloria ad abstinentis animum cum verbis fauoris venit, quam concussa mens dum subiicere non valet, eum per quem venerat, tergere à facie pallorem quaerit: sicque fit vt infirmitatis nexibus ligata, aut pallorem abstinentiæ fugiens, iterum per alimenta subdi luxuriæ metuat: aut impulsus luxuriæ per abstinentiam superans, pallore suum inani gloriæ militare pertimescat. Alius lapsum superbiæ superans, toto iam desiderio statum humilitatis apprehendit: cumque superbientes quosdam vsque ad oppressionem innocentium erumpere conspicit, zeli excitatione successus, postponere aliquatenus cogitur, quod decreuit, vim rectitudinis exerit, prauisque non mansuetudine, sed autoritate contradicit. Vnde plerunque fit, vt aut humilitatis studio zelum rectitudinis deserat: aut rursum zelo rectitudinis turbet humilitatis studium, quod tenebat. Cumque seruari simul & zeli autoritas & propositionis humilitas non possit, sibi metipsum homo ex perturbatione incognitus redditur: ita vt vehementer ambigat, ne apud seductum animum aut superbia se auctoritatem zeli insinuet, aut torpor pauidus humilitatem fingat. Alius quanta fit fallaciæ culpa considerans, muniri arce veritatis decernit: vt ex ore eius iam falsus sermo non prodeat, seseque funditus à mendacij transgressione disiungat. Sed fit plerunque, vt cum verum dicitur, vita proximi grauetur: cumque ingerere alteri lesionem metuit, ad hoc quod dudum presserat fallaciæ vitium, quasi ex studio pietatis redit: sicque fit, vt, etsi malitia mentem non teneat, in ea tamen veritatis radium vmbra mendacij obscurer. Vnde & sæpe quia percontatus quisque conticescere non valet: aut falsum dicens suam mentem trucidat, aut loquens proximi vitam grauat. Alius amore conditoris excitatus, à ter-

*Tentatio
Malitia.*

renis cogitationibus mentem curat assidua oratione suspendere, atque hanc in secreta quietis intimæ securitate collocare: sed in ipso suæ orationis ascensu, dum eleuari ab infimis nititur, infimorum phantasmate reuerberatur: atque ad inveniendam lucem mentis oculus tenditur, sed ex corporeo usu, surgentibus terrenarum rerum imaginibus obscuratur. Vnde fit plerumque ut intendentis animus ipsa sua infirmitate fatigatus, aut orationem deferens, desidia torpeat: aut si diu in oratione permāserit, ante oculos eius obortarum imaginum caligo densescat. Bene ergo dicitur: Tentatio est vita hominis super terram: quando ibi quoque reatum descensionis inuenit, ubi se profectum comprehendere ascensionis putauit: & inde mens confunditur, vnde surgere à confusione nitetur: ut per hoc ad semetipsam diuerberata redeat, per quod semetipsam iam collecta & coadunata transibat. Iste ab eruditione diuinæ legis alienus, ignorantia sua deprimitur, ne quid obtinendæ salutis operetur. Ille diuinæ legis scientia præditus, dum sibi præ cæteris gaudet intellectum suppetere: quia priuato gaudio exultat, percepti intellectus in se munera dissipat: & inde in Dei iudicio cæteris deterius exhibetur, vnde clarior cæteris ad tempus ostenditur. Hunc quia virtutum dona non subleuant, etiam viam simplicem rectitudinis declinat: & velut extraneum se à cœlesti munere deputans, eò quasi securius praua agit, quò superni doni sublimia munera nō percepit. Illum prophetiæ spiritus replet, ad præscientiam subleuat, ei que ventura quæque quasi iam præsentia ostendit. Sed dum sæpe & in multis super semetipsum tollitur, ut futura veraciter contempletur: mens in sui confidentiam deducta, cum qui haberi semper non potest, semper sibi adesse prophetiæ spiritum æstimat: cūque omne quod senserit, prophetiam putat: quia sibi hanc & cū non habet tribuit, & in quantum habere potuit, amittit. Sicque fit ut inde post aliorum merita tristis redeat: vnde æstimationem omnium latus præibat. Tentatio est ergo vita hominis super terram: quæ aut aliena virtutibus ad cœleste præmium surgere non valet, aut ditata donis spiritualibus aliquando deterius ex occasione virtutum ruit.

Quia autem paulò superius hoc esse tentationem quod militiam diximus: sciendum summopere est, quòd quiddam nobis appellatione militiæ amplius quàm nomine tentationis innuitur. Hoc nanque nostro intellectui expressione militiæ augetur, quod nimirum per militiam ad finem quotidie tenditur: cūque per ordinem militiæ locus crescit, tota simul hominum militia deficit. Militia ergo est vita hominis super terram: quia sicut & superius diximus, unusquisque dum quotidie ad vitæ terminum per temporum augmentum tendit, augendo vitam viuere definit. Dies quippe & expectantur ut veniant: sed cū ad augmentum vitæ veniunt, iam ab augmento vitæ subtrahuntur: quia & itinerantis gressus dum in anteriora proficit, quod restat iter decrescit. Vita ergo nostra militia est, quæ quo ad augmentum ducitur, eo ut non sit finitur. Bene igitur dicitur: Militia est vita hominis super terram: quia dum per spatia temporum crescere appetit, ad eorum spatium quod perdendo colligit, crescendo pertransit. Vnde & aptè quoque ipse militiæ cursus exprimitur, cū protinus subinfertur: Et sicut dies mercenarij dies eius. Dies suos mercenarius euolui citius exoptat, ut ad laboris sui præmium sine tarditate perueniat. Dies itaque hominis vera & æterna sapientis, rectè mercenarij diebus comparantur, quia presentem vitam, viam non patriam, militiam non palmam deputat: & eò se abesse longius à præmio conspicit, quò tardius ad finem venit. Considerandum quoque est quòd mercenarius in alienis laboribus exudat: sed tamen sibi præmium proprium præparat. Voce autem Redemptoris nostri dicitur: Regnum meum non est de hoc mundo. Omnes ergo qui spe cœlestium præditi, exercitio vitæ præsentis atterimur, in alieno laboramus. Nam sæpe & reprobis seruire cogimur: mundo, quæ mundi sunt reddere coarctamur: & alieno quidem labore fatigamur, sed tamen præmia nostra percipimus: & per hoc peruenimus ad propria, quòd purè ministramus aliena. Quò contrà quibusdam veritas dicit: Si in alieno fideles non fuistis, quòd vestrum est, quis credet vobis? Sciendum quoque est quòd mercenarius sollicitè curat inspicere, ne vnquam dies vacuus labatur ab opere:

& expectatus finis temporis, [ne] inanis veniat & ad remunerationem. In laboris nanque studio conspicit, quid percipere in tempore remunerationis possit. Nam cū opus cre-
scit, præmij fiducia proficit: cū verò opus torpuerit, spes à remuneratione lassescit. Vnde & electus quisque vitam suam quasi mercenarij dies pensans, tantò fidentius spe tendit ad præmium, quantò nunc robustius perdurat ad laboris incrementum. Qui sit decursus præsentis temporis pensat, dies cum operibus numerat, ne à labore vacua transeant vitæ momēta, formidat. Aduersis gaudet, passione reficitur, mœrore refovetur: quia subsequētis vitæ præmiis tantò se remunerari largius cōspicit, quantò pro amore illius quotidianis se moribus verius impendit. Hinc nanque est quòd ciues supernæ patriæ, conditori eius, Psalmistæ vocibus dicunt: Propter te morte afficimur tota die. Hinc Paulus ait: Quotidie morior propter gloriam vestram fratres. Hinc iterum dicit: Ob quam causam hæc patior, sed non confundor: scio enim cui credidi, & certus sum: quia potens est depositum meum seruare in illum diem. Sancti igitur viri quot labores nūc veritati commendantes exhibent, tot iam remunerationis suæ pignora, intra spei cubiculum clausa tenent. Sed grauis nunc sentitur æstus in opere: ut quandoque refrigerium percipiatur ex quiete. Vnde & aptè mox subditur:

Quòd sancti viri ex conscientia bonæ vitæ, fideliter expectant præmium retributionis æternæ.

Caput IIII.

Sicut seruus desiderat vmbram, & sicut mercenarius præstolatur finem operis sui: sic & ego habui menses vacuos, & noctes laboriosas enumeravi mihi. Vmbram quippe seruo desiderare, est post tentationis æstum, sudoremque operis, æterni refrigerij requiem quærere. Hanc nanque vmbram seruus ille desiderauerat, qui dicebat: Sitiuit anima mea ad Deum fontem viuū, quando veniam & apparebo ante faciem Dei? Et rursum: Heu me, quia incolatus meus prolongatus est. Qui quasi à labore agri æstum fugiens, atque ad obtinendam requiem refrigerij, tegmen quærens, iterum dicit: Ingrediar in locum tabernaculi admirabilis, vsque ad domum Dei. Hanc vmbram comprehendere Paulus anhelabat, desiderium habens dissolui, & cum Christo esse. Ad hanc vmbram ex desiderij iam perfectione peruenerant qui dicebant: Nos qui portauimus pōdus diei & æstus. Bene autem qui desiderare vmbram dicitur, seruus vocatur: quia electus quisque quousque infirmitatis conditione constringitur, sub dominantis corruptionis iugo quasi sub æstus anxietate retinetur. Qui nimirum cū corruptione exutus fuerit, tunc sibi metipso liber & tranquillus innotescit. Vnde & rectè etiam per Paulum dicitur: Ipsa creatura liberabitur à seruitute corruptionis, in libertatem gloriæ filiorum Dei. Electos enim nunc pœna corruptionis aggrauat, sed tunc incorruptionis gloria exaltat: & quantum ad præsentis necessitatis pondera, nunc in Dei filiis de libertate nihil ostenditur: tantum verò ad subsequētis libertatis gloriam, tunc in Dei famulis de seruitute nihil apparebit. Creatura ergo seruitute corruptionis exuta, & dignitate libertatis accepta, in filiorum Dei gloriam vertitur: quia vnita Deo per spiritum, quasi hoc ipsum quod creatura est, transisse ac subegisse declaratur. Sed quia adhuc vmbram desiderat, seruus est: quia quousque æstum tentationum tolerat, iugum miseræ conditionis portat. Vbi aptè subditur:

Quòd spes remunerationis, alleviet pondus laboris.

Caput V.

Et sicut mercenarius præstolatur finem operis sui. Mercenarius etenim cū facienda opera conspicit, mentem protinus ex longinquitate & pondere laboris addicit: cū verò lassescētem animum ad considerandum operis præmium reuocat, vigorem mox animi ad exercitium laboris reformat: & quod graue perpendit ex opere, leue existimat ex remuneratione. Sic sic electi quique dum mundi huius aduersa patiuntur, cū & inhonestates, contumelias, rerum damna, cruciatus corporis tolerant, esse grauiā quibus exercentur pensant: sed cū mentis oculum ad æternæ patriæ considerationem tendunt, ex comparatione præmij, quàm sit leue quod patiuntur, inueniunt. Quod enim valde esse importabile ex dolore ostenditur,

† vel expectat.

Joan. 13.

Luc. 16.

7

† al. boni
status comm-
mcliat.

1. Cor. 11.

2. Cor. 1.

Roma. 8.

8.

A

B

C

D

1. Thess. 5.

9.

10.

ostenditur, consideratione prouida ex remuneratione leuigatur. Hinc est quod Paulus semper seipso robustior contra aduersa erigitur: quia nimirum finem sui operis sicut mercenarius præstolatur. Graue nanque quod sustinet æstimat: sed leue hoc per præmij considerationem pefat. Ipse quippe quàm sit graue quod patitur indicat, qui in carceribus abundantius, in plagis supra modum, in mortibus frequenter se fuisse testatur: qui à Iudæis quinquies quadragenas vna minus accepit: qui ter virgis cæsus, semel lapidatus est: ter naufragium passus, nocte & die in profundo maris fuit: qui pericula fluminum, latronum, ex genere, ex gentibus, in ciuitate, in solitudine, in mari, in falsis fratribus pertulit: qui in labore & ærumna & ieiuniis multis, in fame & siti, in frigore & nuditate laborauit: qui foris pugnas, intus timores sustinuit: qui vltra vires grauatum se asserit dicens: Supra modum grauati sumus supra virtutem: ita vt tæderet nos etiam viuere. Sed quomodo remunerationis linteo sudores tanti laboris tergat, ipse denuntiat dicens: Non sunt condignæ paffiones huius temporis ad futuram gloriam, quæ reuelabitur in nobis. Finem itaque operis quasi mercenarius præstolatur, qui dum profectum remunerationis considerat, vile æstimat quod penè deficiens laborat. Aptè autem subditur: *Sic & ego habui menses vacuos, & noctes laboriosas enumerati mihi.* Electi quippe conditori rerum seruiunt, & sæpe rerum inopia coangustantur: per amorem Deo inhaerent, & tamen vitæ præsentis subsidiis egent. Qui igitur per actiones suas præsentia non quærunt, à mundi compendiis menses vacuos ducunt: Noctes quoque laboriosas tolerant: quia aduersitatum tenebras non solum vsque ad inopiã, sed sæpe ad corporis vsque cruciatum portant. Despectum nanque egestatēque perpeti, laboriosum bonis mentibus non est: sed cum vsque ad afflictionem carnis aduersitas vertitur, labor proculdubio ex dolore sentitur. Potest etiam non inconuenienter intelligi, quod sanctus quisque menses vacuos sicut mercenarius ducit: quia laborem iam sustinet, sed præmium necdum tenet: hoc tolerat, illud expectat. Noctes verò laboriosas enumerat: quia aduersitates sibi præsentis temporis sese in virtutibus exercendo coaceruat. Nam si proficere in mente non appetit, minus fortasse aspera, quæ mundi sunt, sentit. Quæ tamen sententia si ad vocem sanctæ Ecclesiæ ducitur, intellectus eius paulò subtilius indagatur. Ipsa quippe vacuos menses habet, quæ in infirmis suis membris terrenas actiones absque vitæ premio defluentes sustinet. Ipsa noctes laboriosas enumerat, quæ in membris fortibus multiplices tribulationes portat. In hac etenim vita quædam laboriosa sunt, quædam vacua, quædam verò vacua simul & laboriosa. Amore quippe conditoris, præsentis vitæ tribulationibus exerceri, laboriosum quidem est, sed vacuum non est. Amore autem seculi voluptatibus solui, vacuum quidem est, sed non laboriosum. Amore verò eiusdem seculi aduersa aliqua pati, & vacuum simul est & laboriosum: quia ex aduersitate mens afficitur, & remunerationis premio non repletur. In his itaque sancta Ecclesia, qui in ea positi, adhuc voluptatibus defluunt, & proinde fructu boni operis non ditantur, menses vacuos ducit: quia vitæ tempora sine retributionis munere expendit. In his verò qui æternis desideriis dediti, mundi huius aduersa patiuntur, laboriosas noctes enumerat: quia tribulationum tenebras quasi in caligine vitæ præsentis portat. In his autem qui & transeuntē mundum diligunt, & tamen eius contrarietate fatigantur, simul menses vacuos & noctes laboriosas tolerat: quia eorū vitam & retributio subsequens nulla remunerat: & præsens tribulatio angustat. Rectè autem nequaquam dies, sed in eis menses vacuos habere se perhibet. Mesium quippe nomine, dierum collectio & summa signatur. Per diem ergo vnaquæque actio exprimi potuit: per menses autem, actionum finis innuitur. Et sæpe cum in hoc mundo aliquid agimus, intentæ spei alacritate suspensi, hoc ipsum quod agimus, vacuum nō putamus: sed postquam ad actionum terminum peruenimus, non obtinētes quod appetimus, laborasse nos in vacuum dolemus. Non solum igitur dies, sed & menses vacuos ducimus, cum nos in terrenis actibus sine fructu laborasse, nō ex actionum principio, sed sine pensamus. Cum enim labores nostros aduersitas sequitur, quasi vitæ nostræ vacui menses arguuntur: quia ex completionē actionum agnoscitur, quàm frustra in a-

ctionibus sudabatur. Sed quia in sacro eloquio nonnunquam nox pro ignorantia ponitur: Paulo attestante, qui venturam vitam scientibus discipulis dicit: Omnes vos filij lucis estis, & filij diei, non sumus noctis neque tenebrarum: quibus præmisit: Vos autem fratres non estis in tenebris, vt vos dies illa tanquam fur comprehendat: potest hoc in loco ex eorum persona, vox sanctæ Ecclesiæ accipi: qui post ignorantie suæ caliginem, ad amorem rectitudinis redeunt: & veritatis radiis illustrati, fletibus diluunt quod errauerunt. Illuminatus etenim quisque respicit, quàm turpe fuerit quod pro præsentis vitæ amore laborauit. In eis ergo sancta Ecclesia in quibus ad vitam reuertitur, laborem suum æstuanti seruo, & desideranti finem mercenario comparat, dicens: *Sicut seruus desiderat umbram, & sicut mercenarius præstolatur finem operis sui: sic & ego habui menses vacuos, & noctes laboriosas enumerati mihi.* In comparatione etenim duo sunt quæ præmisit: in expressione etiam fatigationis duo protinus subdidit. Ad æstuantem quippe menses vacuos reddidit: quia quò magis æternum refrigeriū quæratur, eò magis cōspicitur quàm vacuè pro vita ista laboratur. Ad præstolantem verò laboriosas noctes subintulit: quia quò magis ex termino operis præmium quod assequamur inspiciamus, eò magis ingemiscimus diu nos nescisse quod quærimus. Vnde & ipsa pœnitentis cura vigilanter exprimitur, vt laboriosas noctes enumerasse diceretur: quia quantò verius ad Deum reuertimur, tantò subtilius labores quos per ignorantiam in hoc mundo pertulimus, dolendo pensamus. Nam quò vnicuique plus dulce sit, quod de æternis desiderat, eò magis ei graue ostenditur, quod pro præsentium amore tolerabat. Si verò ad solam historiam sequentia verba pensantur: per hæc proculdubio animus dolentis exprimitur, qualiter per diuersos motus desiderij mœstitia impellente variatur. Nam subditur: *Si dormiero, dicam, Quando consurgam? Et rursum expectabo vesperam.* In nocte quippe dies quæratur, in die vespere desideratur: quia nimirum dolor non permittit placere quæ assunt. Cūque mentem per experimentum præsentium afficit, semper hanc quasi consolante desiderio, ad alia per expectationem tendit. Sed quia & afflictā mens per appetitum ducitur, & tamen dolor eius etiam seductus desideriis non finitur: rectè subiungitur: *Replebor doloribus vsque ad tenebras.* Causa autem eiusdem doloris exprimitur, cū protinus subinfertur:

Quod vita carnalium, & cogitationum puluere & operum putredine inquinatur.

Caput VI.

Induta est caro mea putredine, & sordibus pulueris. Cutis mea aruit, & contracta est. Sed hæc subtilius congruentiusque differimus, si ad præmissæ expositionis ordinem redeamus. Somno nanque torpor otij, surrectione autem exercitatio actionis exprimitur. Vesperæ quoque nomine, quia somno congruit, rursus otij desiderium figuratur. Sancta verò Ecclesia quousque vitam corruptionis ducit: flere mutabilitatis suæ damna non desinit. Ad hoc nanque homo conditus fuerat, vt stante mente, in arcem se contemplationis erigeret: & nulla hunc corruptio à conditoris sui amore declinaret. Sed in eo quod ab ingenta standi soliditate voluntatis pedem ad culpam mouit, à dilectione conditoris in semetipso protinus cecidit. Amorem verò Dei, veram scilicet stationis arcem deferens, nec in se consistere potuit: quia lubricæ mutabilitatis impulsu, infra se per corruptionem prouens, etiam à semetipso discessit. Qui nunc quia conditionis suæ soliditate non figitur, alternantis semper desiderij motu variatur: vt & quietus actionem desideret, & occupatus ad otium anhelet. Quia enim fixa mens stare cū potuit noluit: stare iam non valet, etiam cū vult. Conditoris quippe sui contemplationem deferens, salutis suæ fortitudinem perdidit: & quolibet posita, semper ægra alium locum quærir. Varietatem ergo humanæ mentis exprimens dicat: *Si dormiero, dicam, quando consurgam? Et rursum expectabo vesperam.* Ac si apertè diceret: Nihil perceptum mēti sufficit: quia ipsum qui verè sufficere potuit, amisit. In somno nanque surrectionem desidero, in surrectione vesperam expecto: quia & quietus exercitium actionis appetito, & exercitatus otium quietis quæro. Quod tamen intelligi & aliter potest. Dormire nanque, est in peccatis

Dormire est iacere. Si enim somni appellatione culpa designata non esset, in peccatis nequaquam Paulus discipulis diceret: Euigilate iusti, & nolite peccare. Vnde & auditorem suum admonet dicens: Surge qui dormis, & exurge à mortuis, & illuminabit te Christus. Et rursum: Hora est iam nos de somno surgere. Vnde *Rom. 13.* & Salomon peccatē increpat dicens. Usquequo piger dormis? Electus igitur quisque cū peccati somno premitur, ad iustitiæ vigilias exurgere conatur: sed sæpe cū surrexerit, ipsa se extolli virtutum magnitudine sentit. Vnde & tentari se præsentis vitæ aduersitatibus post virtutes desiderat: ne peius ex virtutum confidentia cadat. Si enim seruari se melius per tentationem non cognosceret, nequaquam Psalmista diceret: Proba me Domine, & tenta me. Bene ergo nunc dicitur: *Si dormiero, dicam: Quando consurgam? Et rursum expectabo vesperam:*) quia, & in peccati somno, lumen iustitiæ quæritur: & cū virtutum prospera mentem eleuat, adiutrix aduersitas desideratur: vt profecto animus cū virtutum suarum gaudio plus quàm debet attollitur, per contrarietatem præsentis vitæ edito mœrore solidetur. Vnde & nequaquam, *Formidabo vesperam,* dicitur, sed *Expectabo.* Expectamus etenim prospera, formidamus aduersa. Vir igitur sanctus vesperam expectat, quia cū exerceri hūc tribulatione necesse est, ipsa ei fit aduersitas prospera. Potest vesperæ nomine, etiam peccati tentatio designari: quæ sæpe tantò acius mentem lacessit, quantò & eandem mentem spiritus ad superna altius euehit. Nequaquam enim sic in vita per exercitationem iustitiæ, peccatum deseritur, vt in eadem iustitia inconcussè maneat: quia etsi iam à cordis habitaculo culpam reſtitudo eliminat, ipsa tamen culpa quæ repellitur, cogitationis nostræ foribus astans, vt sibi aperiatur, pulsatur. Quod Moyses quoque spiritaliter innuit, cū facta corporaliter temporum momenta narrauit, dicens: Facta est lux, atque paulò post subiciens: Factum est vespere. Creator quippe omnium, humanæ culpæ præsciens, tunc expressit in tēpore, quod nunc versatur in mente. † Lux quippe ad vesperum ducitur: quia nimirum lucem reſtitutinis vmbra sequitur tentationis. Sed quia electorum lux tentatione non exstinguitur, nequaquam nox, sed vespera facta perhibetur: quia nimirum sæpe tentatio in corde electorum lumen iustitiæ abscondit, sed non interimit: & quasi ad pallorem trepidationis pertrahit, sed funditus non exstinguit. Electi ergo post somnum surrectionem appetūt, post surrectionem vesperam præstolantur: quia & de peccato ad iustitiæ lumen euigilant, & in ipso iustitiæ lumine positi, semper se contra illecebras tentationum parant: quas nimirum non timent, sed expectant: quia vtilitati suæ reſtitutinis, etiam tentamenta proficere non ignorant. Quantalibet autem contra corruptionem suam virtute contenderint, habere integram salutem nequeunt, quousque dies præsentis vitæ finiatur. Vnde & subditur: *Et replebor doloribus vsque ad tenebras.*) Modò nanque aduersa irruunt, modò ipsa quoque prospera callida hilaritate blandiuntur. Modò surgentia vitia bellum carnis excitant, modò deuicta animum ad elationem vocant. Bonorum igitur vita vsque ad tenebras doloribus repletur: quia quousque tempus corruptionis agitur, interna externaque afflictione concutitur: & salutis securitatem non inuenit, nisi cū diem funditus tentationis relinquit. Vnde bene & hæc eadem dolorum causa protinus subinfertur, cū dicitur: *Induta est caro mea putredine, & sordibus pulueris.*) Vt enim paulò superius diximus, soliditatem ingenitam voluntariè homo deseruit, & sese in corruptionis voraginem merſit, vnde nunc vel per immunda opera labitur: vel per cogitationes illicitas fœdatur. Vt enim ita dixerim, culpæ suæ pœnaliter subdita, ipsa iam natura nostra facta est extra naturam, & remissa vsque ad peruersa opera dicitur: reſtricta autem peruersorum operum importuna cogitatione fuscatur. Per expletionem ergo actionis illicitæ, carnem putredo afficit: per leuitatem verò cogitationis improbæ, quasi ante oculos puluis surgit. Consentiendo vitiis putredine atterimur: vitiorum verò imagines in corde tolerando, sordibus pulueris fœdamur. Ait ergo: *Induta est caro mea putredine, & sordibus pulueris.*) Ac si aperte diceret: Carnalem vitam quam patior, aut tabes lubricæ operationis polluit, aut ex vitiorum memoria caligo miseræ operationis premit. Quod tamen si ex voce

Ecclesiæ vniuersalis accipimus, aliquando hanc proculdubio carnis putredine, aliquando autem grauari sordibus pulueris inuenimus. Multi quippe in ea sunt, qui dum amoris carnis inserviunt, fœtore luxuriæ computrescunt. Et sunt nonnulli qui à voluptate quidem carnis abstinent, sed tamen tota mente in terrenis actibus iacent. Dicat ergo sancta Ecclesia vniuersi membri sui vocibus: dicat quid de vtroque genere hominum tolerat: *Induta est caro mea putredine, & sordibus pulueris:*) ac si aperte insinuet dicens: Sunt plerique qui mihi per fidem membra sunt, sed tamen sana vel munda per actionem non sunt: quia aut victi desideriis turpibus ad corruptionis putredinem defluunt: aut terrenis actibus dediti, puluere terrenæ cupiditatis conspersuntur. In illis enim quos lubricos tolero, carnem videlicet putrescentem gemo: in istis autem quos terrena quærentes patior, quid aliud quàm fœdata puluere membra porto? Vnde & aptè simul de vtriusque subiungitur: *Cutis mea aruit, & contracta est.*) In sancta quippe Ecclesiæ corpore hi, qui solis exterioribus curis inserviunt, congruè cutis vocantur. Quæ nimirum cutis arescendo attrahitur, quia mentes carnalium dum præsentia diligunt, & quasi iuxta posita concupiscunt, ad futura tendi per longanimitatem nolunt. Quidum internæ spei pinguedinem negligunt, vt attrahantur arescunt: quia si eorum corda desperatio non siccaret, nequaquam astus hæc pusillanimitatis attraheret. Hanc nanque attractionem Psalmista formidauerat, cū siccitatem mentis metuens dicebat: Sicut adipe & pinguedine repleatur anima mea. Adeps quippe pinguedinis animam replet, cū hanc contra præsentium desideriorum æstus supernæ spei infusio refouet. Cutis ergo arescens attrahitur, cū cor rebus exterioribus deditum, atque ex desperatione siccatur, in auctoris sui amorem non tenditur, sed in semetipso, vt ita dixerim, rugosa cogitatione replicatur. Pensandum verò est quòd carnales mētes idcirco præsentia diligunt, quia vita carnis quàm fugitiua sit, minimè perpendunt. Nam si velocitatem transitus eius aspicerent, hanc etiam prosperantem minimè amarent. Sancta autem Ecclesia in electis suis quotidie quantus sit rebus exterioribus cursus conspicit: & idcirco in intimis pedem sollicitæ intentionis figit. Vnde & aptè subditur:

Quod vita carnalis non incongruè tela comparatur, quæ cū consummata fuerit, complicata succiditur.

Capitulum VII.

Dies mei velocius transierunt, quàm à texente tela succiditur.) Congrua valde similitudine tempus carnis, telæ comparatur: quia sicut tela filis, sic vita mortalis diebus singulis proficit: sed quò ad augmentum proficit, eò ad incisionem tendit: quia sicut & superius diximus, cū tempora percepta prætereunt, ventura breuiantur: & de vniuerso vitæ spatio eò fiunt pauciora quæ veniunt, quò multa sunt quæ transierunt. Tela quippe infra supràque ligata, duobus lignis innectitur vt texatur: sed quo inferius texta inuoluitur, eo superius texenda deplicatur: & vnde se ad augmentum multiplicat, inde fit minus quod restat. Sic nimirum vitæ nostræ tempora & transacta quasi inferius inuoluimus, & ventura à superiori deplicamus: quia quò plus fiunt præterita, minus esse incipiunt futura. Sed quia nec tela ad expressionem nostri temporis sufficit, nam eius quoque festinationem, vitæ nostræ velocitas transit, rectè nunc dicitur: *Dies mei velocius transierunt, quàm à texente tela succiditur.* Tela quippe tarditatem profectus habet: vita autem præsens moram defectus non habet. In illa nanque cū laborantis manus figitur, aduentus terminus elongatur: in ista verò quia tempus semper definit indefinenter consumimus, ad finem nostri transitus, etiam quiescendo peruenimus: & per cursum nostri transitus, etiam dormientes imus. Electi igitur quia præsentis vitæ momenta decurrere sub festinatione conspiciunt: nequaquam in hoc tantæ mobilitatis itinere, cordis intentionem figunt. Vnde & aptè protinus subditur: *Et consumpti sunt absque vlla spe.*) Reproborum mens erga dies vitæ præsentis tanto amore constringitur, vt sic semper hic appetant viuere: quatenus, si valeant, viuendi cursum desiderant nunquam finire. Cogitare quippe ventura despiciunt, spem totam in rebus transiuntibus ponunt: habere nulla nisi quæ prætereunt, concupiscunt. Cūque nimis transeuntia cogitant, & mansura non

Psalm. 68.

† al. probum est.

12

latenus sperant: sic cæcitate insensibili cordis oculus clauditur, ut æternæ luci nullatenus intendatur. Vnde fit ut sæpe iam corpus molestia quatiat, & vicina mors virtutem vitalis spiritus incidat: nec tamen curare quæ mundi sunt desinant. Iamque eos ultor ad iudicium pertrahit: & tamen ipsi ordinatione sollicita rebus transeuntibus occupati, nihil aliud cogitant, nisi in hoc mundo, adhuc qualiter viuât † relinquendo omnia, quasi possidenda, † al. Relinquenda omnia, quasi possidenda, † vel, Nullum articulum. † al. desperavi, vel superavi.

† al. Relinquenda omnia, quasi possidenda, † vel, Nullum articulum. † al. desperavi, vel superavi.

Quod ad exhibenda recta opera, exuta carne anima non recurrat: & quod Deus post mortem non liberat, quos ante mortem gratia ad veniam non reformat. Caput VIII.

Memento quia ventus est vita mea.) Hi etenim vitam carnis quasi permanentem diligunt, qui quanta sit vitæ sequentis æternitas non attendunt: cumque soliditatem perennitatis non considerant, exilium patriam, tenebras lumen, cursum stationem putant: quia qui maiora nesciunt, iudicare de minimis nequaquam possunt. Ordo quippe iudicii exigit, ut quod examinare nitimur, transcendamus. Si enim præesse rebus omnibus animus non valet, nequaquam de his certa, à quibus vincitur videt. Idcirco itaque mens reproba præsentis vitæ cursu æstimare non sufficit: quia admirationi illi ex amore succumbit. Sancti autem viri † qui ad æterna cor eleuant, quàm breue sit quod sine clauditur, pensant: & eo eorum sensibus vilescit quod præterit, quo intellectu radiante interlucet, quod acceptum nunquam recedit. Cumque infinitatem perennitatis aspiciunt, nequaquam iam pro magno desiderant, quicquid finis angustat. Sed subleuata mens extra temporum terminos ducitur, etiam cum carne in tempore tenetur: & tantò altius finienda despicit, quantò verius infinita cognoscit. Sed hæc ipsa humanæ breuitatis consideratio, auctori nostro magnæ virtutis oblatio est. Vnde & rectè nunc cum deprecatione immolato eiusdem virtutis offertur, cum dicitur: *Memento quia ventus est vita mea.* Ac si apertè diceretur. Transeuntem velociter benignus respice: quia & tantò à te videri misericordius debeo, quantò ipse à consideratione breuitatis meæ oculos non auerto. Sed quia dum tempus vitæ præsentis absconditur, ad operationem promerendæ veniæ ulterius non reditur, rectè subiungitur: *Nec reuertetur oculus meus, ut videat bona.* Ad videnda bona extincti oculus non redit: quia ad exhibenda recta opera exuta carne anima non recurrit. Hinc est quod diues quem inferni flamma cruciabat, quia semetipsum reparare operando non posse agnouerat: nequaquam iam sibi, sed relictis fratribus prodesse satagebat, dicens: Rogo te pater Abraham, ut mittas eum in domum patris mei, habeo enim quinque fratres: ut testetur illis, ne & ipsi veniant in locum hunc tormentorum. Solum nanque mœstum animum spes, vel falsa refouere. Sed ut pœnam suam reprobi grauius sentiant, spem de venia amittunt. Vnde flammis vtricibus traditus, non sibi, ut diximus sed opitulari fratribus concupiuit: quia nunquam se ignium carere tormentis, adiuncto desperationis supplicio, agnouit. Hinc Salomon ait: Quodcunque potest manus tua facere, instanter operare: quia nec opus, nec ratio, nec scientia, nec sapientia erunt apud inferos, quòd tu properas. Nequaquam ergo ad videnda bona oculus reuertetur: quia retributionem suam

Tomus primus.

A mens inueniens, ad operationis vsum nullatenus reuocatur. Quia igitur fugit omne quod cernitur, & mansura sunt quæ sequuntur, bene beatus Iob vno versu utraque complexus est, dicens: *Memento quia ventus est vita mea, nec reuertetur oculus meus, ut videat bona.* Cursum quippe præsentium contemplatus ait: *Memento quia ventus est vita mea.* Aeternitatem verò sequentium considerans adiunxit: *Nec reuertetur oculus meus, ut videat bona.* Vbi aptè quoque vniuersi humani generis à redemptionis munere destituti vocem protinus sumit, dicens:

Nec aspiciet me visus hominis. Visus quippe hominis, est misericordia redemptoris, quæ insensibilitatis nostræ duritiam cum respicit emollit. Vnde teste quoque Euangelio dicitur: Respexit Dominus Petrum, & recordatus est Petrus verbi, quod dixerat Iesus, & egressus foras, fleuit amarè. Exutam verò carne animam nequaquam iam visus hominis aspiciet, quia post mortem non liberat, quam ante mortem gratia ad veniam non reformat: Hinc etenim Paulus dicit: Ecce nunc tempus acceptabile, ecce nunc dies salutis. Hinc Psalmista ait: *Quoniam in seculum misericordia eius.* Quia nimirum quæ nequaquam modò misericordia eripit, sola post præsens seculum iustitia addicit. Hinc Salomò ait: *Quia lignum in quocunque loco ceciderit, siue ad Austrum, siue ad Aquilonem, ibi erit: quia cum humani casus tempore, siue sanctus, siue malignus spiritus egredientem animam claustra carnis, acceperit, in æternum secum sine vlla permutatione retinebit: ut nec exaltata ad supplicium proruat, necmersa æternis suppliciis, vltra ad remediū ereptionis ascēdat.* Vir igitur sanctus humani generis dāna cōsiderans, quod à præsentī seculo sine redēptoris cogitatione subtrahitur, atque in æternis ignibus irreparabiliter sepelitur, & eius vocem in se suscipiens, dicat: *Nec aspiciet me visus hominis, quia nimirum redemptoris gratia quæ nunc intuetur ut corrigat: tunc respicit ut ab interitu abscondat.* In iudicium quippe Dominus veniēs, peccatorem videt ut feriat, sed non videt ut ad largiendam salutis gratiam recognoscat: culpas examinat, & vitam pereuntium ignorat. Vnde & sanctus vir cum se post præsentem vitā respectu hominis videri nō posse fateretur, aptè mox subdidit:

Quod secundum Dei districtam iustitiam etiam qui sancti videntur, macula peccati non carent. Caput IX.

Oculi tui in me, & non subsistam.) Ac si apertè diceret: Districtus ad iudicium veniens, & ad saluandū non vides & ad feriendum vides, quia quem in præsentī vita dispensationis tuæ miseratione non respicis, respiciendo postmodū per iustitiam extinguis. Nunc enim peccator quisque Deum non metuit & viuūt, blasphemāt & proficit: quia scilicet misericors creator, quem expectando vult corrigere, aspiciendo non vult punire, sicut scriptum est: Dissimulans peccata hominum, propter pœnitentiam. Sed tunc peccator cum respicitur, non subsistit: quia cum districtus iudex merita subtiliter inquirat, reus ad tormenta non sufficit. Quamvis hoc etiā voci iustorum congruit, quorum mens semper sollicita venturo examini intendit. Omne enim quod agunt, metuunt, dū cautè considerant ante quātum iudicē stabunt. Intuentur potētiam illius magnitudinis, & pensant quanto reatu constrikti sunt propriæ infirmitatis. Enumerant mala proprii operis, & contra hæc exaggerant bona gratiæ conditoris. Considerāt praua quām districtè iudicet, bona opera quām subtiliter penset, & perituros se absque ambiguitate præsciunt, si remota pietate iudicentur: quia hoc ipsum quoque quod iustè videmur viuere, culpa est, si vitam nostram cum iudicat, hanc apud se diuina misericordia non excusat. Hinc enim in hoc eodem libro scriptum est: Astra non sunt munda in conspectu eius. Quia apud eum districtè iudicati, ipsi quoque maculas iniquationis habent, qui per munditiam sanctitatis lucent. Bene ergo dicitur: *Oculi tui in me, & non subsistam.* Ac si apertè iusti voce diceretur: Si subtili examinatione discutor, † ad perferendum iudicium non assurgo, quia ad pœnam vita non sufficit, si hanc immanitas iustæ retributionis premit. Bene autem eiusdem humani generis & culpa breuiter & pœna surrogatur, cum protinus dicitur:

Quod quem semel culpa ad interitum pertrahit, misericordia ad veniā non reducit. Caput X.

8

14.

Sicut consumitur nubes & pertransit, sic qui descendit ad inferos, non ascendet. Nubes quippe ad altiora suspenditur, sed densata vento impellitur ut currat, calore autem Solis dissipatur, ut evanescat. Sic nimirum corda sunt hominum quæ per acceptæ rationis ingenium ad alta emigrant, impulsæ autem maligni spiritus flatu, pravis desideriorum suorum motibus huc illucque pertrahuntur, sed districto respectu superni iudicis, quasi solis calore liquefiunt, & semel locis pœnalibus tradita, ad operationis usum ultra non redeunt. Vir igitur sanctus elationis cursum, defectumque humani generis exprimens dicat: *Sicut consumitur nubes & pertransit, sic qui descendit ad inferos, non ascendet.* Ac si apertè loqueretur dicens: In altum currendo deficit, qui superbiendo ad interitum tendit: quem si semel culpa ad pœnam pertrahit, misericordia ulterius ad veniam non reducit. Vnde & adhuc subditur: *Nec reuertetur ultra in domum suam.* Sicut domus est corporis habitaculum corporale, ita unicuique menti hoc domus fit, quod ex desiderio inhabitare consuevit. Ad domum igitur suam ultra non reuertitur, quia semel quisque æternis suppliciis traditus, ad hoc iam ubi amore inhæserat, nullatenus reuocatur. Potest etiam inferni nominæ, peccatoris desperatio designari, de qua per Psalmistam dicitur: In inferno autem quis confitebitur tibi? Vnde rursum scriptum est: Impius cum in profundum venerit peccatorum, contemnit. Quisquis autem impietati succumbit, vitam profectò iustitiæ moriendo derelinquit. Qui verò etiam post peccatum mole desperationis obruitur, quid aliud quam post mortem in inferni supplicio sepelitur? Bene ergo dicitur: *Sicut consumitur nubes & pertransit, sic qui descendit ad inferos, non ascendet.* Quia plerumque cum perpetracione nequitie etiam desperatio sociatur, & via iam reuersionis absconditur. Rectè autem corda desperantium nubibus comparantur, quia & caligine erroris obscura sunt, & peccatorum multiplicitate condensata: sed consumpta pertransiunt, quia claritate extremi iudicii irradiata dissipantur. Solet etiam domus, inhabitatio cordis intelligi. Vnde sanato cuidam dicitur: Vade in domum tuam, quia nimirum dignum est, ut peccator post veniam ad mentem suam redeat, ne iterum quod iuste feriat admittat. Sed qui ad infernum descenderit, ad domum suam ulterius non ascendit: quia cum quem desperatio obruit, à cordis sui habitaculo foras mittit. Et redire intorsus non valet, quia fusus exterius, ad deteriora quotidie impulsus cadit. Ad contemplandū quippe creatorem homo conditus fuerat, ut eius semper speciem quæreretur, atque in soliditate illius amoris habitaret: sed extra se per inobedientiā missus, mentis suæ locum perdidit, quia tenebrosis itineribus sparsus, ab inhabitatione veri luminis elongavit. Vnde & aptè adhuc subditur: *Neque cognoscei eum amplius locus eius.* Locus quippe hominis, sed non localis, ipse scilicet, conditor extitit, qui hunc ut in semetipso confisteret, creavit. Quem nimirum locum tunc homo deseruit, cum seductoris verba audiens, à conditoris amore discessit. Sed cum omnipotens Deus redimendo se homini etiam corporaliter ostendit, ipse, ut ita dixerim, fugitivi sui vestigia subsequens, ad retinendum quem amiserit hominem locus venit. Si enim appellari locus nequaquam conditor posset, Deum laudans Psalmista non diceret: Filij seruorum tuorum habitabunt ibi. Ibi enim non dicimus, nisi cum locum specialiter designamus. Sed sunt plerique qui etiam post perceptum redemptoris auxilium, ad desperationis tenebras deuoluuntur, & tantò nequius pereunt, quantò & oblata remedia misericordiæ contemnant. Rectè ergo de damnato homine dicitur: *Neque cognoscei eum amplius locus eius:* quia à conditore suo tantò tunc distinctius in iudicio non cognoscitur, quantò nunc ad reparationis gratiam nec per dona reuocatur. Vnde & notandum summòpere est, quod non ait: Neque cognoscei eum amplius locus suum, sed ait: Neque cognoscei eum amplius locus eius. Dum enim cognitio non homini, sed loco tribuitur, patenter ipse conditor loci nomine designatur, qui districtus ad examen ultimum veniens, in iniquitate durantibus dicit: Nescio vos vnde sitis. Sed electi quique quo districtè reprobos repelli considerat, eo semetiplos quotidie à perpetrata nequitia fordibus sollicitius purgat. Cumque perituros alios frigidescere à vitæ amore con-

Espiciunt, studiosè se ad pœnitentiæ lamenta succendunt. Vnde & aptè subditur: *Quapropter & ego non parcam ori meo.* Ori etenim suo non parcat, qui confiteri malum quod fecit, non erubescit. In laborem quippe os mittere, est ad hoc confessionem perpetrata iniquitatis occupare. Sed iustus ori suo non parcat, quia iram iudicis districti præueniens verbis contra se propriæ confessionis sœuit. Hinc Psalmista ait: Præueniamus faciem eius in confessione. Hinc per Salomonem dicitur: Qui abscondit scelera sua, non dirigitur: qui autem confessus fuerit, & dereliquerit ea, misericordiam consequetur. Hinc rursum scriptum est: Iustus in principio accusator est sui. Sed nequaquam ad confessionem os panditur, nisi cum consideratione districti iudicii, per pauorem spiritus angustatur. Vnde & aptè mox subditur:

De utilitate confessionis & pœnitentiæ. Caput XI.

Loquar in tribulatione spiritus mei. Tribulatio quippe spiritus linguam commouet, ut reatum prauis operis vox confessionis impugnet. Sciendum quoque est, quia sæpe & reprobi peccata confitentur, sed deslere contemnant. Electi autem culpas suas quas vocibus confessionis aperiunt, districtæ animaduersionis fletibus insequuntur. Vnde beatus Iob bene postquam se ori suo non parcere spondit, tribulationem mox spiritus subdidit. Ac si apertè fateretur: dicens: Sic reatum lingua loquitur, ut nequaquam expers à mœroris stimulo per alia spiritus vegetetur, sed culpas loquens, vulnus aperio. Culpas verò ad correptionem cogitans, salutem vulneris ex medicamine mœroris quæro. Qui enim mala quidè quæ perpetravit insinuat, sed flere quæ insinuauerit recusat, quasi subducta veste vulnus detegit, sed torpenti mente medicamentum vulnere non apponit. Confessionis igitur vocè solus necesse est ut mœror excutiat, ne vulnus proditum, sed neglectum, quod licentius iam per humanam notitiam tangitur, deterius putrescat. Quò contrà Psalmista plagam cordis, non solum detexerat, sed detectæ etiam medicamentum mœroris adhibebat, dicens: Iniquitatem meam ego pronuntiabo, & cogitabo pro peccato meo. Pronuntiando enim occultum vulnus detegit, cogitando autem quid aliud quam medicamentum vulnere apponit? Sed afflictæ menti & sua sollicitè damna cogitanti, rixa pro semetipsa oritur contra semetipsam. Nam, cum se ad lamenta pœnitentiæ instigat, occulta se increpatione dilaniat. Vnde & aptè mox subditur: *Confabulabor cum amaritudine animæ meæ.* Pauore nanque diuini iudicii afflicti, dum quædam malè gesta plangimus, ipsa vi nostræ amaritudinis ad discutiendos nos vigilantius excitati, alia in nobis etiam quæ amplius desleamus, inuenimus. Nam sæpe quod torpentes latuit, fletibus subtilius innotescit: & afflictæ mens certius inuenit malum quod fecerat & nesciebat, eique rixa sua verius aperit, quàm à veritatis pace deuiauit: quia reatum suum cuius secuta non meminit, huc in se commota deprehendit. Succrescens quippe amaritudo pœnitentiæ, verecundanti cordi importunè ingerit illicita quæ commisit, districtum contra hæc iudicem ostendit, suppliciorum minas incutit, pauore animam ferit, pudore confundit, motus illicitos increpat, quietem noxiæ securitatis turbat: quæ ei conditor bona contulit, quæ ipse bonis illius mala respondit, enumerat, quod mirè ab eo conditus, quod gratuito nutritus, quod rationis substantia in conditione dilatus est, quod conditoris gratia vocatus, quod sequi ipse & vocatus noluit, quod vocantis misericordia, nec surdum huc renitentemque despexit, quod illuminatus donis, quod sua sponte prauis actibus etiam post dona cæcatus est, quod à cæcitatibus suæ erroribus paternæ sollicitudinis flagellis expiatur, quod à flagellorum doloribus ad salutis gaudia misericordiæ medicamentò reductus est, quod quibusdam culpis etsi non grauibus subditus, peccare tamen & inter flagella non desinit, quod peccatorem suum superna gratia, nec cōtempta dereliquit. Cum igitur afflictam mentem modò per replicationem donorum Dei, modò per impropria actionis suæ tanta seueritate increpat, habet in corde iustorum amaritudo animæ linguam suam, quæ tantò eis subtilius loquitur, quàm & interior audietur. Vnde & nequaquam dicitur: Fabulabor in amaritudine animæ meæ, sed confabulabor cum amaritudine animæ meæ: quia

Psalm. 94.
Prover. 18.

Psalm. 6.
Prover. 18.

Mat. 5.

15.

Psalm. 101.

Lucæ 13.

Sæpe reprobi peccata confitentur, sed deslere contemnant.

Psalm. 37.

16.

quia vis doloris quæ peccata singula reputans, torpentem animam ad lamenta excitat, quasi ad eum verba confabulationis format, in quibus semetipsum correctus inueniat, & ad sui iam custodiam sollicitior exurgat. Dicat itaque vir iustus ex voce sua, & sanctæ Ecclesiæ typum tenens, dicat ex nostræ Confabulatione cum amaritudine animæ meæ.) Ac si apertius insinuet, dicens: Intus contra me cum cordis mei dolore colloquor, & foris me à verberibus iudicis abscondo. Sed mens penitentia doloribus pressa in semetipsa constringitur, atque à cunctis delectationibus carnis forti cogitatione separatur, ad summa proficere appetit, & tamen adhuc de corruptione corporis contradictionem sentit. Vnde & aptè mox subditur: Nunquid mare sum ego, aut cetus, quia circumdedit me carceres? Carcere homo circumdatur, quia plerumque & virtutum profectibus ad alta exurgere nititur, & tamen carnis suæ corruptione præpeditur. **Qua** bene exui Psalmista deprecatur dicens: Educ de carcere animam meam, ad confitendum nomini tuo. Quid verò appellatione maris corda carnalium tumidis cogitationibus fluctuosa: quid autem ceti nomine, nisi antiquus hostis exprimitur? Qui dum mentes secularium possidendo penetrat, quasi in eorum lubrica cogitatione natat. Sed cetus carcere constringitur, quia malignus spiritus in inferioribus deiectus, ne ad cœlestia euolare præualeat, pœnæ suæ pondere coarctatur: Petro attestante, qui ait: Deus angelis peccantibus non pepercit, sed rudentibus inferni detractos in tartarum tradidit in iudicio cruciandos reservari. Cetus carcere constringitur, quia tentare bonos quantum desiderat prohibetur. Carcere quoque mare circumdatur, quia carnalium mentium tumida insanæque desideria ad peragenda mala quæ appetunt, impossibilitatis suæ angustia grauantur. Sæpe enim dominari melioribus concupiscunt, sed tamen eis diuino iudicio cuncta mirabiliter disponente substrati sunt. Nocere bonis elati desiderant, & tamē subiecti ab eis solatia sperant. Pro explendis voluptatibus carnis, longævitatē vitæ præsentis cupiunt, sed tamē ab ea sub celeritate rapiunt. De quibus bene per Psalmistam dicitur: Statuit aquas quasi in vtre. Aquæ quippe in vtre sunt, cum lubrica eorum desideria, quia operis effectum non inveniunt, sub carnali corde deprimuntur. Cetero ergo ac mare circumdatione premitur carceris, quia vel malignus spiritus vel sequaces illius, in quorum se mentibus colligit, atque in eis vndas tumentium cogitationum voluit, ut implere mala quæ appetunt, nequeant, superna eos distinctio angustat.

Quid iusti desiderio pacis æternæ faciunt, si carceris huius egredi angustias concupiscunt. Caput XII.

17.

Sancti autem viri, quo mundiori corde cœlestium arcana considerant, auctis ad hæc quotidie ardoribus anhelant. Ibi iam plenè satiari desiderant, vnde adhuc parum aliquid ore contemplationis degustant. Perfecit cupiunt carnis stimulum subdere, nihil in cogitatione illicitum de eius iam corruptione tolerare: sed quia scriptum est: Corp⁹ quod corrumpitur aggrauat animam, & deprimat terrena inhabitatio sensum multa cogitantem intentione iam quidem ultra semet ipsos eminent, sed tamen adhuc infirmitatis suæ incertis motibus subditi, corruptionis suæ se carcere clausos dolent. Ait ergo: Nunquid mare sum ego, aut cetus, quia circumdedit me carceres? Ac si apertè diceret: Mare vel cetus, iniqui videlicet, eorumque author malignus spiritus, quia effrenari ad solam perpetranda iniquitatis licentiam appetunt, rectè pœnæ suæ carcere constringuntur. Ego autem quia iam æternitatis tuæ libertatem desidero, cur adhuc meæ corruptionis premor? Quod tamen nec à iustis superbè requiritur, quia amoris veritatis accensi, infirmitatis suæ angustias transgredi perfectè concupiscunt. Nec ab authore iustorum iniuste disponitur, quia electorum suorum vota differens cruciās purgat, ut ad percipiendum quod desiderant, quandoque melius ex dilatione conualescant. Electi autem quousque ab intima quiete differuntur, ad cor suum redeunt, ibique à carnis suæ tumultibus absconsi, quasi amœnissimum secretum petunt. Sed in eo sæpe tentationis aculeos sentiunt, carnis incentiua patiuntur, & ibi grauissimos labores inveniunt, ubi magnam requiem à labore quæsierant. Vnde sanctus vir post insinuatam corruptionis suæ carcerem, ad quietam cordis patriam re-

Tomus primus.

A dire festinans, quia eandem rixam, & in intimis inuenit, quam ab exterioribus fugit, protinus subdit dicens:

Quod cum ad silentium mentis nostra reuertimur, intra nos in cogitationibus colloquimur, & quàm subtilia sint iudicia diuina metuentes, quasi in lectuli requie somnij visione turbamur.

Caput XIII.

Si dixerò, consolabitur me lectulus meus, & releuabor loquens mecum in stratu meo, terrebis me per somnia, & per visiones horrore concuties.) In sacro nanque eloquio lectulus, cubile vel stratum, secretum solet cordis intelligi. Hinc est enim quod sub vniuscuiusque animæ specie sponsa occultis stimulis sancti amoris excitata, in Canticis canticorum dicit: In lectulo meo per noctes quasiui quem diligit anima mea. In lectulo quippe, & per noctem dilectus quæritur: quia nimirum inuisibilis conditoris species, repressa omni corporeæ visionis imagine, in cubili cordis inuenitur. Vnde & eisdem suis dilectoribus veritas dicit: Regnum Dei intra vos est. Et rursum: Si ego non abiero, paracletus non veniet. Ac si apertè diceret: Si ab intentionis vestræ oculis corpus non subtraham, ad intellectum vos inuisibilem, per consolatorem spiritum non perduco. Hinc de iustis per Psalmistam dicitur: Exultabunt sancti in gloria, lætabuntur in cubilibus suis: quia scilicet cum mala ab exterioribus fugiunt, securi intra metium secreta gloriantur. Sed tunc lætitia cordium perfecta erit, cum carnis exterioris pugna non fuerit. Nam quousque caro illicit, quia quasi nostræ domus paries quatitur, etiam cubile turbatur. Vnde & rectè per eundem Psalmistam dicitur: Vniuersum stratum eius versasti in infirmitate eius: quia dum nos tentatio carnis concutit, tremefacta nostra infirmitas etiam mentis cubile confundit. Quid verò hoc loco somnia, vel visiones accipimus, nisi imaginationes vltimi districtique examinis: quod iam utcunque per timorem cernimus, sed tamē ut est veraciter non videmus. Sancti itaque viri, ut diximus, ad cordis secreta semper redeunt, cum ab hoc mundo, vel ultra votum prospera, vel ultra vires aduersa patiuntur, atque externis laboribus fessi, quasi stratum vel lectulum cubilia mentis petunt. Sed dum quibusdani imaginationibus cogitationum, quàm sint subtilia diuina iudicia conspiciunt, quasi in ipsa status sui requie, somnij visione turbantur. Contemplantur enim quàm districtus iudex veniat, qui dum vi immensæ magnitudinis cordium secreta illuminat, omnes ante oculos culpas reducit. Pensant quanta illi illi sit verecundia, in conspectu tunc totius humani generis, angelorum omnium archangelorumque confundi. Perpendunt, qui post confusionem cruciatus maneat, cum & reatus animum immortaliter morientem, & indefinenter deficientem carnem gehenna consumat. Cum itaque tam pauca imaginatione mens quatitur, quid aliud quàm in stratu triste somnium videtur? Dicat ergo, Si dixerò, consolabitur me lectulus meus, & releuabor loquens mecum in stratu meo, terrebis me per somnia, & per visiones horrore concuties.) Ac si apertè fateatur, dicens: Si exteriora fugiens, introrsus redeo, & utcunque requiescere in cordis cubiculo concupisco, ibi me, dum distinctionis tuæ contemplationem obliuiscis, vehementer per ipsas meæ providentiæ imagines terres. Bene autem dicitur: Et releuabor loquens mecum in stratu meo: quia nimirum cum ad mentis nostræ silentium fessi reuertimur, quasi in stratu colloquentes, occulta intra nos cogitationum verba versamus. Sed hæc ipsa nostra collocutio in pauorem vertitur, quia ex illa vehementius intellectus nobis, qui terrorem districti iudicis innotescat, in mente aperitur. Ne quis verò hæc studeat iuxta literam perscrutari, exquirendum magnopere est, quod modis tangant animum imagines somniorum. Aliquando nanque somnia ventris plenitudine, vel inanitate, aliquando verò illusionem, aliquando cogitationem simul & illusionem, aliquando reuelationem, aliquando autem cogitationem simul & reuelationem generantur. Sed duo quæ prima diximus, omnes experimento cognoscimus: subiuncta autem quatuor, in sacra scripturæ paginis inuenimus. Somnia etenim nisi plerumque ab occulto hoste per illusionem fierent, nequaquam hoc vir sapiens indicaret, dicens: Multos errare fecerunt somnia, & illusiones vanæ. Vel Eccli. 34. certe. Non augurabimini, nec obseruabitis somnia. Qui-

Canti. 3.

Lucæ 19.

Ioan. 16.

Psalm. 149.

18.

† al. iniecit, aperitur. Somnia sex modis tangunt animum.

Eccli. 34.

Leui. 19.

bus profectò verbis, cuius sint detestationis ostenditur, quæ auguriis coniunguntur. Rursum nisi aliquando ex cogitatione simul & illusione procederent, Salomon minimè dixisset: Multas curas sequuntur somnia. Et nisi aliquando somnia ex mysterio reuelationis orirentur, Ioseph præferendum se fratribus per somnium non videret: nec Mariæ sponsum ut ablato puero in Aegyptum fugeret, per somnium angelus admoneret. Rursum nisi aliquando somnia cogitatione simul & reuelatione procederent, nequaquam Daniel propheta, Nabuchodonosor visionem differens, à radice cogitationis inchoasset, dicens: Tu rex cogitare cœpisti in stratu tuo quid esset futurum post hæc, & qui reuelat mysteria, ostendit tibi quæ ventura sunt. Et paulò post subiungit, dicens: Videbas, & ecce quasi statua vna grandis, statua illa magna, & statura sublimis stabat contra te &c. Daniel itaque dum somnum, & implendum reuerenter insinuat, & ex qua ortum sit cogitatione manifestat, patenter ostenditur: quia hoc plerumque ex cogitatione simul & reuelatione generetur, Sed nimirum cum somnia tot rerum qualitatibus alternent, tantò eis credi difficilius debet, quantò & ex quo impulsu veniant, facilius non elucet. Sæpe nanque malignus spiritus his quos amore vitæ præsentis vigilantes intercipit, prospera etiam dormientibus promittit: & quos formidare aduersa considerat, eis hæc durius somnij imaginibus intentat, quatenus indiscretam mentem diuersa qualitate afficiat, eamque aut spe subleuans, aut deprimens, timore confundat. Sæpe autem etiam sanctorum corda afficere somniis nititur, ut ab intentione cogitationis solidæ, ad tempus saltem momentumque deriuentur, quanuis ipsi protinus animum ab illusionis imaginatione discutiant. Sed hostis insidians quòd eos vigilantes minimè superat, eò dormientes grauius impugnat. Quem tamen hæc malignè agere superna dispensatio benignè permittit, ne in electorum cordibus ipse saltem à passionis præmio somnus vacet. Bene ergo rectori omnium dicitur: *Si dixero, Consolabitur me lectulus meus, & releuabor loquens mecum in stratu meo, terribis me per somnia, & per visiones horrore concuties:* quia nimirum Deus mirabiliter cuncta dispensat, & ipse facit quod malignus spiritus iniuste facere appetit, qui hoc fieri non nisi iuste permittit. Sed quia iustorum vita, & per vigilias tentatione quatitur, & per somnium illusione fatigatur, foris corruptionis suæ molestias tolerat, intus apud semetipsam grauius illicitas cogitationes portat. Sed quid est quod faciat, ut pedem cordis à tot scandalorum laqueis euellat? Ecce beatus vir, quanta vndique pressus sit perturbatione cognouimus, sed quod consilium contra hanc inueniat, audiamus. Sequitur:

Quòd suspendium sanctorum sit extolli ad cœlestia, & mors ossium, terrenæ fortitudinis mortificatio. Caput XIII.

Quamobrem elegit suspendium anima mea, & mortem ossa mea.) Quid per animam; nisi mentis intentio, quid per ossa nisi carnis fortitudo designatur? Omne autem quod suspēditur, proculdubio ab imis eleuatur. Anima ergo suspendium eligit, ut ossa moriantur: quia dum mentis intentio ad alta se subleuat, omnē in se fortitudinem vitæ exterioris necat. Sancti enim viri certissimè sciunt, quia habere in hac vita requiem nequaquam possunt, & idcirco suspendium eligunt, quia nimirum desideria terrena deferentes, ad alta animum tollunt. Suspensi autem mortem suis ossibus inferunt, quia amore supernæ patriæ, in virtutum studiis accincti, hoc quod fortes prius in mundo fuerant, vinculo humilitatis insequuntur. Intueri libet quomodo animam suam Paulus suspēderat, qui dicebat: Viuo autem iam non ego, viuit verò in me Christus. Et rursum: Desiderium habeo dissolui, & esse cum Christo. Et, Mihi viuere, Christus est, & mori lucrum. Qui gesta terrenæ fortitudinis ad memoriam reuocans, quasi quædam in se ossa numerabat dicens: Hebræus ex Hebræis, secundum legē Phariseus, secundum æmulationem persequens ecclesiam Dei. Sed suspēdio animæ, quia hæc in se ossa interfecit, protinus asserit, qui subiungit: Sed quæ mihi fuerunt lucra, hæc arbitratus sum propter Christum, detrimenta. Quæ adhuc ossa in semetipso insinuat vehemētius extincta, cum subdit: Propter quem, omnium detrimentum feci, & arbitror ut sterco-

ra. Mortuis verò ossibus quàm exanimis pendeat, ostendit, qui illico subiungit, dicens: Ut Christum lucrificam, & inueniar in illo non habens meam iustitiam quæ ex lege est, sed eā quæ ex fide est Iesu Christi. Sed quia collatis eius testimoniis Paulum ad alta suspensum, mundo mortuum testati sumus, nunc beatum Iob si plenus eodem spiritu, exterioris vitæ concupiscentiam fugiat, ostendamus. Sequitur:

Quòd desperatio sanctorum sit terrenarum abdicatio voluptatum. Caput XV.

Desperaui, nequaquam vltra iam viuam.) Sunt nonnulli iustorum qui sic cœlestia appetunt, ut tamen à terrenorum spe minimè frangantur. Largita diuinitus patrimonia ad necessitatis subsidium possident, honores sibi temporaliter impensos retinent, aliena non ambiunt, suis licitè vtuntur. Qui tamen ab eisdem rebus quas habent, alieni sunt, quia ad hæc ipsa quæ possident, ex desiderio non tenentur. Et sunt nonnulli iustorum, qui ad comprehendendum culmen perfectionis accincti, dum altiora interius appetunt, exterius cuncta derelinquunt: qui rebus se habitis nudant, gloria honoris expoliant: qui interiorum desiderio per assiduitatem se amici mœroris afficiunt, habere de exterioribus consolationem nolunt: qui internis gaudiis dum mente appropriant, vitam in se funditùs corporæ delectationis necant. Talibus nanque per Paulum dicitur: Mortui enim estis, & vita vestra abscondita est cum Christo in Deo. Horum vocem Psalmista expresserat, cum dicebat: Concupiscit & deficit anima mea in atria Domini, Concupiscunt enim, sed non deficiunt, qui iam quidem cœlestia appetunt, sed adhuc tamen à terrenorum delectationibus minimè lassantur. Concupiscit verò & in atrio Dei deficit, qui cum æterna desiderat, in amore temporalium non perdurat. Hinc Psalmista iterum dicit: Defecit in salutari tuo anima mea. Hinc per semetipsam veritas admonet, dicens: Si quis vult post me venire, abneget semetipsum. Et rursum: Nisi quis renuntiauerit omnibus quæ possidet, non potest meus esse discipulus. Horum igitur numero sanctus vir, diuisa à terrenis desideriis mēte, se inserit, qui ait: *Desperaui nequaquam vltra iam viuam.* Iusti quippe desperare, est præsentis vitæ bona æternitatis electione deferere, mansura querere, & in rebus temporalibus fiduciam non habere. Qui hæc agens, nequaquam se vltra viuere asserit, quia videlicet viuificatrice morte quotidie à vita se passionis occidit. Absit enim ne vir sanctus de diuinæ misericordiæ largitate desperet, ne gressum cordis à profectu intimi itineris subtrahat, ne amorem conditoris deferens, quasi à duce destitutus in via remaneat, & confossus gladio latrocinantis desperationis ruat. Sed ne eius dicta ad nostri intellectus arbitrium videamur violenter inflectere, debemus ex posterioribus præmissa pensare. Quo enim sensu hæc dixerit, ipse protinus indicat, qui subiungit:

Quòd in breuitate huius vitæ magnificatur homo dono virtutum. Caput XVI.

Parce mihi Domine, nihil enim sunt dies mei.) Neque enim duo sibi hæc verba conueniunt, desperaui, & parce: nam qui desperat, nequaquam iam sibi parci postulat: & qui adhuc sibi parci desiderat, profectò minimè desperat. Aliunde ergo est quòd desperat, aliunde verò quòd parci sibi sanctus vir postulat: quia nimirum dum bona vitæ trāseuntis per desperationē deserit, ad obtinenda quæ permanent, in spe robustior exurgit. Desperando itaque melius ad spem veniæ ducitur, quia eò certius ventura appetit, quòd præsentia verius, & ex desperatione derelinquit. Et notandum quòd vim nobis sui cordis insinuas, vñā quidem de se sententiam protulit, sed hanc tertio insinuando replicauit. Quod enim superius dixerat: *Elegit suspendium anima mea:* hoc replicans addidit: *Desperaui:* atque æterna concupiscēdo, & temporalia postponēdo, hoc postremò intulit: *Parce mihi:* & quod superius dixit, *Mortem ossa mea:* hoc nimirum subdidit, *Nequaquam vltra iam viuam.* Hoc quoque vltimò protulit: *Nihil enim sunt dies mei.* Bene autē dies suos nihil esse considerat, quia, ut paulò superius sæpe iam diximus, sancti viri quòd verius summa cognoscunt, eò sublimius terrena despiciunt, & idcirco præsentis vitæ dies nihil

Galat. 2.
Philip. 1.

Philip. 3.

Ibidem.

Coloss. 3.

Psalm. 83.

Psalm. 118.

Luca 24.

nihil esse conspiciunt: quia illuminatæ mentis oculos in considerationem æternitatis figunt. De qua dum ad se redeunt, quid se esse nisi puluerem agnoscunt, & infirmitatis suæ conspiciunt, trepidant examinari quod sunt. Vnde & adhuc aptè subiungitur: *Quid est homo quia magnificas eum, aut quid apponis erga eum cor tuum?* Hominem Deus magnificat, quia largitate rationis ditat, infusione gratiæ visitat, honore collatæ virtutis exaltat. Cùmque per semetipsum nihil sit, esse tamen eum cognitionis suæ participem, benignitatis munere concedit. Sed erga eundem magnificatum hominem cor suum Dominus apponit: quia post donâ iudicium exierit, merita subtiliter pensat, vitæ pondera vehementer examinat, & tantò ab eo pòst districtius pœnas exigit, quantò hunc impenso munere largius præuenit. Vir igitur sanctus immensitatem supernæ maiestatis aspiciat, atque ad infirmitatem propriam considerationis oculum reducat. Videat, quia caro capere non valet hoc quod de semetipsa veritas per spiritum sanctum docet. Videat, quia etiâ subleuatus hominis spiritus iudicium tolerare non sufficit, quod Deus sub examine districtæ retributionis intendat, & dicat: *Quid est homo quia magnificas eum, aut quid apponis erga eum cor tuum?* Ac si apertè clamet, dicens: Magnificatur homo spiritali munere, sed tamen caro est: & vias eius post munera districtè consideras, sed tamen si remota pietate iudicetur, pondus quod de tua subtilitate imminet, ferre nec subleuatus ad iustitiam spiritus valet: quia etsi hunc ultra se tua dona dilatant, ad inquisitionem tamen tui districti examinis sua eum infirmitas angustat. Vnde & adhuc aptè subiungitur:

Quod Deus visitat hominem cùm in virtutibus prouehit, & probat eum aliquando, cùm recedendo concuti tentatione permittit.

Caput XVII.

*V*isitatus eum diluculo, & subitò probas illum.) Quis nostrum neficiat quia diluculū dicitur, cùm iam nocturna tempora in claritatem lucis mutantur? Nos itaque noctis tenebris premimur, cùm perpetratione iniquitatis obscuramur. Sed nox in lucem vertitur, cùm erroris nostri obscuritas, veritatis cognitione irradiatur. Nox in lucem vertitur, cùm eorda nostra iustitiæ fulgor illuminat, quæ cæcitas culpæ deprimebat. Hoc diluculum discipulorum mentibus oriri Paulus aspererat, cùm dicebat: Nox præcessit, dies autem appropinquauit. Diluculo ergo nos Dominus visitat, quia erroris nostri tenebras, luce suæ cognitionis illustrat, contemplationis munere subleuat, in arcem virtutis exaltat. Sed notandum, quod Deus postquam diluculo visitat, subitò hominē probat, quia & accedendo corda nostra ad virtutes prouehit, & recedendo concuti tentatione permittit. Si enim post virtutum munera, nulla tentatione concutitur, has se habere animus ex semetipso gloriatur. Vt ergo & firmitatis dona habeat, & infirmitatem suam humiliter agnoscat, per accessum gratiæ ad alta sustollitur, & per recessum quid ex semetipso sit, probatur. Quod bene nobis ex historia sacre lectionis innuitur, qua Salomon & diuinitus accepisse sapientiam, & tamen post acceptam eandem sapientiam, meretricum statim pulsatus quæstione memoratur. Mox enim vt tantæ reuelationis gratiam accepit, certamen turpium mulierum pertulit: quia nimirum sape cùm mentem nostram concessis virtutibus respectus intime largitatis illuminat, hanc protinus etiam lubricæ cogitationes turbant, vt quæ subleuata immenso munere exultat, etiam tentatione pulsata, quid sit, inueniat. Sic & Helias visitatus diluculo, sermone cælos aperuit, & tamen probatus subitò, infirmus per deserta fugiens, vnam mulierem expauit. Sic Paulus ad tertium cælum raptus ducitur, paradisi penetrans secreta considerat: & tamen ad semetipsum rediens, contra carnis bellum laborat, legem aliam in membris sustinet, cuius in se rebellione fatigari spiritus legem dolet. Diluculo ergo Deus hominem visitat, sed subitò post visitationem probat, quia & collato munere subleuat, & abstracto, ad paululum, ipsum sibi hominem demonstrat. Quod eousque proculdubio patimur, quod deterfâ funditus labe peccati, ad promissæ incorruptionis substantiam reformemur. Vnde & adhuc aptè subditur:

Tomus primus.

Quod in vita saporem dulcedinis diuina gustamus, sed satiari nisi in regno beatitudinis illa omnino non possumus.

Caput XVIII.

*V*squequo non parcis mihi, nec dimittis me vt glutiam saliuam meam?) Saliua in os ex capite delabitur, ab ore verò ad ventrem deducitur cùm glutitur. Quid itaque est caput nostrum, nisi diuinitas? per quam existendi principiū sumimus, vt creatura simus: Paulo attestante, qui ait: Caput viri Christus, caput autem Christi Deus. Quid autem venter noster est nisi mens? quæ dum cibum suum, supernum videlicet intellectum suscipit, resecta proculdubio omnium membra actionum regit. Nisi enim sacra eloquia aliquando mentem nomine ventris exprimerent, Salomon vtique non dixisset: Lucerna Domini spiraculum hominis, quæ inuestigat omnia secreta ventris. Quia nimirum dum nos gratia superni respectus illuminat, cuncta etiam mentis nostræ nobis absconsa manifestat. Quid ergo saliuæ nomine, nisi sapor intimæ contemplationis accipitur? quæ ad os à capite defluit, quia de claritate conditoris adhuc in hac vita nos positos, vix gustus reuelationis tangit? Vnde & redemptor noster veniens saliuam luto miscuit, & cæci nati oculos reparauit, quia superna gratia carnalem cogitationem nostram per admixtionem suæ contemplationis irradiat, & ab originali cæcitate hominem ad intellectum reformat. Nam quia à paradisi gaudiis expulsum, in hoc iā exilio natura edidit, quasi à natiuitate homo sine oculis processit. Sed sicut sanctus vir insinuat, hæc saliuæ ad os quidem labitur, vt verò ad ventrem vsque perueniat, non glutitur: quia diuinitatis contemplatio sensum tangit, sed plenè mentem non reficit: quoniam perfectè animus conspiciere non valet, quod adhuc quia caligo corruptionis, præpedit, raptim videt. Ecce enim electorum mens iam terrena desideria subiicit, iam cuncta quæ considerat præterire, transcendit, iam ab exteriorum delectatione suspenditur, & quæ sint bona inuisibilia rimatur, atque hæc agens, plerumque in dulcedinem supernæ contemplationis rapitur: iamque de intimis aliquid quasi per caliginem conspicit, & ardenti desiderio interesse spiritalibus angelorum ministeriis conatur: gustu incircumscripti luminis pascitur, & ultra se euecta, ad semetipsam relabi dedignatur. Sed quia adhuc corpus quod corrumpitur, aggrauat animam, inhærere diu luci non valet, quam raptim videt. Ipsa quippe carnis infirmitas transcendentem se animam retrahit, atque ad cogitanda ima ac necessaria suspirantem reducit. Saliua ergo ex capite defluens os tangit, sed ad ventrem minimè peruenit: quia liquore supernæ contemplationis iam quidem intellectus noster infunditur, sed nequaquam mens plenè satiatur. In ore etenim gustus est, in ventre satietas. Saliuam itaque glutire non possumus, quia supernæ claritatis bono satiari non permittimur, quod adhuc ex tenuitate gustamus. Sed quia hoc ipsum quod vtunque ipsam super nos cognoscimus, ex pietate parentis est, quod verò hoc percipere perfectè non possumus, adhuc ex pœna vetustæ damnationis, rectè nunc dicitur: *Vsque quod non parcis mihi, nec dimittis me vt glutiam saliuam meam?* Ac si apertè diceretur: Tunc homini plenè parcis, cùm hunc ad perfectionem tuæ contemplationis admiseris, vt claritatem tuam raptus interiorius videat, & eum carnis suæ corruptio exterius non repellat. Tunc permittis vt saliuam glutiam, cùm me sapore tuæ claritatis vsque ad abundantiam satietatis infuderis, vt nequaquam iam per indigentiam gustu oris esuriam, sed in te solidatus, irrigato mentis ventre subsistam. Sed qui promereri vult bonum quod expetit, debet malum confiteri quod fecit. Sequitur:

Quod nisi misericordia Dei subueniat, qui per nos cecidimus, nostris resurgere virtutibus non valemus.

Caput XIX.

*P*eccauit: quid faciam tibi faciam tibi o custos hominum?) Ecce fatur malū quod fecit, sed bonū quod Deo in recōpensationem debeat offerre, non inuenit: quia ad abluendam culpam quælibet humanæ actionis virtus infirma est, nisi hæc misericordia parcetis foueat, & nō iustitia rectè iudicatis premat. Vnde rectè per Psalmistā dicitur: Melior est misericordia tua super vitam: quia quamlibet videatur innocēs, apud districtum tamen iudicem nostra nos vita non liberat, si ei reatus sui debi-

g iij

tum misericordiae benignitas non relaxat. Vel certe cum dicitur: *Quid faciam tibi?* pater ostenditur, quia haec ipsa bona quae agere praecipimur, non praepetori, sed nobis profunt. *Psalms 15.* Vnde rursus per Psalmistam dicitur: Quoniam bonorum meorum non indiges. Humilitas autem nostrae destitutionis exprimitur, cum Deus hominum custos vocatur: quia si eius nos custodia minimè protegit, ante occulti hostis insidias, nostrae sollicitudinis oculis vigilans dormit, Psalmista *Psalms 126.* rursus attestante, qui ait: Nisi Dominus custodierit civitatem, in vanum vigilant qui custodiunt eam. Per nos nanque cecidimus, sed nostris resurgere viribus non valeamus. Culpa nos voluntatis propriae semel strauit, sed poena culpae deterius quotidie deprimit. Ad amissam rectitudinem resurgere studiorum conatibus nitimur, sed meritorum pondere grauiamur. Vnde & aptè subditur:

Quanta sit miseria mutabilitatis humanae.

Caput. XX.

Quare posuisti me contrarium tibi, & factus sum mihi metipsi *gravis?* Tunc sibi contrarium Deus hominem posuit, cum homo Deum peccando dereliquit. Serpentis quippe persuasionibus captus hostis eius extitit, cuius praecepta contempsit. Iustus verò conditor hunc sibi contrarium posuit, quia inimicum ex elatione deputauit. Sed haec ipsa contrarietas culpae, facta est homini pondus poenae, ut corruptioni suae malè liber seruiat, qui bene seruus de incorruptionis libertate gaudebat. Salubrem quippe humilitatis arcem deferens, ad infirmitatis iugum superbiendo peruenit, & ceruicem cordis erigendo supposit: quia qui subesse diuinis iussionibus noluit, sub suis se necessitatibus strauit. Quod melius ostendimus, si ea quae deiectionis sustinet, & prius carnis, & post pondera mentis exprimamus. Ut enim taceamus hoc, quod dolores tolerat, quod febribus anhelat, sua quadam aegritudine constringitur, ipsa haec nostri corporis, quae salus vocatur, aegritudo est. Nam ocio tabescit, opere deficit: inedia deficiens, cibo reficitur ut subsistat: refectioe lassescens, abstinentia releuatur ut vigeat, aqua perfunditur, ne ardeat: linteis tergitur, ne ipsa nimis perfusione liquefiat: labore vegetatur, ne quiete torpeat: quiete refouetur, ne laboris exercitatione succumbat: fatigatur vigiliis, somno reparatur: oppressa somno, vigiliis excutitur, ne sua peius quiete lassetur: vestibus tegitur, ne frigoris aduersitate penetretur: quæsito calore deficiens, aurarum flatu refouetur. Cumque inde molestias iuuenit, vnde vitare molestias quæsiuit, malè fauciata, ut ita dixerim, de ipso suo medicamine languescit. Remotis ergo febribus, cessantibusque doloribus ipsa nostra salus aegritudo est, cui curandi necessitas nunquam deest. Quot enim solatia ad viuendi usum quærimus, quasi tot nostrae aegritudini medicamentis obuiamus. Sed ipsum quoque medicamen in vulnus vertitur, quia ex quæsito remedio paulò diutius inhaerentes, ex eo grauius deficiamus, quod prouidè ad refectioem paramus. Sic nimirum debuit praesumptio corripui, sic superbia sterni. Quia enim elatum semel summus spiritum, ecce defluens quotidie portamus lutum. Ipsa quoque mens nostra à secreti interioris securo gaudio exclusa, modò spe decipitur, modò pauore vexatur, modò dolore deiecitur, modò falsa hilaritate releuatur: transitoria pertinaciter diligit, eorumque amissione incessanter atteritur, quia & incessanter cursu rapiente permutatur. Rebus autem mutabilibus subdita, & à semetipsa variatur. Nam quærens quod non habet, anxia percipit: cumque hoc habere coeperit, tædet hanc percepisse quod quæsiuit. Amat saepe quod despexerat, despicit quod amabat. Cum labore quæ aeterna sunt, discit, sed horum repente obliuiscitur, si laborare desierit. Diu quærit, ut parum quid de summis inueniat: sed ad consueta citius relabens, nec parum in his quæ inuenit perseuerat. Erudiri appetens, vix suam ignorantiam superat, sed erudita, grauius contra scientiae gloriam pugnat. Vix carnis suae sibi tyrannidem subiicit, sed tamen adhuc intus culpae suae imaginem tolerat, cuius iam foris opera vincendo restinxit. In authoris sui inquisitione se erigit, sed reuerberatam hanc, corporearum rerum amica caligo confundit. Semetipsam qualiter incorporea corpus regat, intueri

Evult, & non valet. Requirit mirè, quod sibi respondere non sufficit, & sub eo ignara deficit, quod prudenter requirit. Amplà se simul & angustam considerans, qualè se veraciter æstimet ignorat, quia si ampla non esset, nequaquam tam inuestiganda requireret. Et rursus si angusta non esset, hoc ipsum saltem quod ipsa requirit, inueniret. Bene ergo dicitur: *Posuisti me contrarium tibi, & factus sum mihi metipsi gravis.* Quia dum repulsus homo, & à carne molestias, & à mente quaestiones tolerat, graue nimirum pondus semetipsum portat. Vndique languoribus premitur, vndique infirmitatibus vrgetur, ut qui relicto Deo, se sibi ad requiem sufficere credidit, nihil in se nisi tumultum perturbationis inueniret, inuentumque se fugere quæreret: sed authore contempto, quo se fugeret, non haberet. Cuius infirmitatis pondera bene quidam sapiens contemplatus, ait: Graue iugum super filios Adam, à die exitus de ventre matris eorum, usque ad diem sepulturae in matrem omnium. Beatus autem Iob ista considerans, & quare ita ordinata sint ingemiscens, non iustitiam redarguit, sed misericordiam inquit: ut percotando ipse humiliter pulset, quod parcendo diuina pietas immutat. Ac si apertè dicat: Cur quasi contrarium tibi hominem despicias, qui certus scio, quia perire vel ipsum quem despiciere crederis, non vis? Vnde bene adhuc & humilitatem confessionis exprimit, & vocem liberæ inquisitionis adiungit, dicens: *Cur non tollis peccatum meum, & quare non auferis iniquitatem meam?* Quibus profectò verbis quid aliud quam desiderium praestolati mediatoris innuitur? de quo Ioannes ait: Ecce agnus Dei, ecce qui tollit peccatum mundi. Vel certè ab humano genere tunc peccatum plenè tollitur, cum per incorruptionis gloriam nostra corruptio permutatur. Esse nanque à culpa liberi nequaquam possumus, quousque in corpore mortis tenemur. Redemptoris ergo gratia, vel resurrectionis soliditatem desiderat, qui iniquitatem suam auferri funditus sperat. Vnde mox & poenam praearicationis culpae, quam ex origine meruit, & iudicium, quod ex propria actione pertimescit, adiungens subdit:

G Quod praesens mors sint poena peccati, & in iudicio, si à peccatore secundum distributionem operum ratio exigatur, non subsistit, nec habet quid respondeat iudici.

Caput XXI.

Ecce nunc in pulvere dormiam, & si mane me quaesieris, non subsistam. Peccanti primo homini dictum est: Pulvis es, & in puluerem reuerteris. Mane autem dicitur illa tunc manifestatio mentium, quae in aduentu iudicis apertis cogitationibus quasi post noctis tenebras demonstratur. De quo nimirum mane per Psalmistam dicitur: Mane astabo tibi & videbo. Quærens autem Dei, est hominem subtili interrogatione discutere, & districtè discutiendo iudicare. Beatus igitur Iob humanae deiectionis damna considerans videat, quia & praesenti iam poena premitur, & adhuc de futuris grauius vrgetur: Et dicat: *Ecce nunc in pulvere dormiam, & si mane me quaesieris, non subsistam.* Ac si apertius deplorat, dicens: In praesenti quidem mortem iam carnis patior, & tamen adhuc de futuro iudicio grauiorem morte, distributionis tuae sententiam pertimesco. Interitum pro culpa sustineo, sed adhuc ad iudicium veniens, culpas restitui, & post interitum formido. Exterior ergo mortem considerans, dicat: *Ecce nunc in pulvere dormiam:* interiori metuens adiungat: *Et si mane me quaesieris, non subsistam.* Quantalibet enim iustitia polleat, nequaquam sibi ad innocentiam, vel electi sufficiunt, si in iudicio districtè requirantur. Sed hoc nunc ad solatium suae ereptionis inueniunt, quod nequaquam se posse sufficere humiliter sciunt. Sub humilitatis ergo tegmine à gladio se tantæ animaduersionis abscondunt, & quò terrorem venturi iudicis praestolantes continuo timore trepidant, eò indefinenter agitur, ut paratiores fiant: Sequitur:

Caput octauum beati Iob.

Respondens autem Baldath Suites, dixit: Usquequo loqueris talia, & spiritus multiplex sermonis oris tui? Nunquid Deus supplantat iudiciū, aut omnipotens subuertit, quod iustum est? Etiam si filij tui peccauerunt ei,

ei, & dimisit eos in manu iniquitatis suæ, tu tamen si diluculo surrexeris ad Deum, & omnipotentem fueris deprecatus: si mundus & rectus incesseris, statim euigilabit ad te, & pacatum reddet habitaculum iustitiæ tuæ: intantum ut si priora tua fuerint parua, & nouissima tua multiplicentur nimis. Interroga enim generationem pristinam, & diligenter inuestigat patrum memoriam: (hesterni quippe sumus, & ignoramus, quoniam sicut umbra dies nostri sunt super terram) & ipsi docebunt te: loquētur tibi, & de corde suo proferent eloquia. Nūquid virere potest scirpus absque humore, aut crescere carectum sine aqua? Cū adhuc sit in flore, nec carpatur manu, ante omnes herbas arescit. Sic viæ omnium qui obliuiscuntur Deū, & spes hypocritæ peribit. Non ei placebit recordia sua, & sicut tela aranearum fiducia eius. Innitetur super domum suam, & non stabit: fulciet eam, & non confurget. Humectus videtur antequam veniat sol, & in ortu suo germen eius egreditur. Super aceruum petrarum radices eius densabuntur, & inter lapides commorabitur. Si absorbuerit eum de loco suo, negabit eum, & dicet: Non noui te. Hæc est enim lætitia viæ eius, ut rursus de terrâ alij germinetur. Deus non proiciet simplicem, nec porriget manum malignis, donec impleatur risu os tuum, & labia tua iubilo. Qui oderunt te, induentur confusione, & tabernaculum impiorum non subsistet.

Caput XXII.

24. **R**espondens autem Baldath Suites ait: *Vsquequo loqueris talia & spiritus multiplex sermonis oris tui?* Iniustis semper grauius sunt verba iustorum, & quæ ad ædificationem prolata audiunt, hæc quasi superimpositum pondus ferunt. Quod de se apertè Baldath Suites indicat: dicens: *Vsquequo loqueris talia?* Qui enim vsquequo dicit: quia ædificationis verba iam portare non possit, ostendit. Sed cū corrigi iniqui despicunt, bene prolata criminantur. Vnde & protinus subiungit: *Et spiritus multiplex sermonis oris tui.* Cū multiplicitas in sermone reprehenditur, esse proculdubio intelligentiæ grauitas in sensu denegatur. Vis quippe summa loquentium, quadrifaria qualitate distinguitur. Nam sunt nonnulli, quos sentiendi simul ac dicendi amplitudo dilatat, & sunt nonnulli quos sentiendi simul & dicendi inopia angustat. Sunt nonnulli qui efficaciam dicendi habent, sed acumen sentiendi non habent. Et sunt nonnulli qui acumine sentiendi subnixi sunt, sed ex inopia locutionis obmutescunt. Hoc nanque in hominibus cernimus, quod in rebus sæpe insensibilibus videmus. Nam plerunque & abundans aqua ab intimis ducitur, & largis in superficiem meatibus deriuatur. Plerunque angusta in intimis latet, & progrediendi rimas difficulter inueniens, foras angustior exundat. Plerunque minima in absconditis oritur: cūque patenter quæ exeat inuenit, ex largo foramine tenuis procedit, magnique se meatus dilatant, sed non est quod fundant. Plerunque verò ampla in absconditis surgit, sed angustis pressa meatibus tenuissima profluit. Sic itaque in aliis os patens emanat, quod largus ingenij fons ministrat. In aliis intellectum nec sensus porrigit, nec lingua fundit. In aliis os siquidem ad loquendum patet, sed ad reddendum parata à sensu lingua nihil accipit. In aliis verò largus sentiendi fons à corde exuberat, sed hunc quasi meatus tenuis impar lingua coangustat. In quibus nimirum quatuor dicendi qualitatibus, soli crimini tertia subiacet, quæ hoc sibi per locutionem arripit, ad quod per ingenium non assurgit. Nam prima laudanda est, quæ utroque valenter pollet. Secunda miseranda, quæ utroque humiliter caret. Quarta adiuvanda, quæ explere quod sentit non valet. Tertia vero despicienda atque reprimenda, quæ dum sermone se erigit, sensui iacet; quæ membris inflatione tumentibus similis, ad

Tomus primus.

A aures audientium vasta, sed vacua procedit. Quod nunc Baldath beato Iob crimen intorquet, dicens: *Spiritus multiplex sermonis oris tui.* Qui enim multipliciter sermonis oris tribuit, profectò cordis inopiam reprehendit. Ac si apertè dicat: Abundantia spiritus in sermone oris attolleris, sed sensus indigentia coangustaris. Praui autem cū recta reprehendunt, ne ipsi quæ iusta sunt nescire videantur, nota omnibus bona, quæ audiendo didicerunt, quasi incognita proferunt. Vnde & Baldath protinus adiungit: *Nunquid Deus supplantat iudicium, aut omnipotens subuertit quod iustum est?* Hæc beatus Iob nec loquens negauerat, nec reticens ignorabat. Sed procaces quique, ut diximus, etiam nota iactanter proferunt, ut loquendo docti videantur. Contemnunt moderatè conticescere, ne credantur ex imperitia tacuisse. Sciendum verò est, quia tunc diuinæ iustitiæ rectitudinem laudant, cū se ad gaudium incolumitas subleuat, & alios flagella castigant, cū se conspiciunt rerum prosperitate perfrui, alios aduersitate fatigari. Nam dum peruersè agunt, sed tamen se rectos arbitrantur, hoc quod sibi prospera suppetunt, deberi suis meritis credunt, eoque colligunt quod Deus iniuste non iudicat, quod quasi iustos se aduersitas nulla contristat. Sed si eorum vitam quanlibet breuiter vis supernæ correptionis attigerit, pulsari protinus consilium diuini examinis increpant, quod paulò antè incolumes admirando præferebant, iustumque esse iudicium quod suis moribus aduersatur, negant, & dū de diuina æquitate disputat, ad resultationis verba profiliunt, & correpti quia deliquerint, grauius delinquant. Vnde bene etiam per Psalmistam contra peccatoris confessionem dicit: *Confitebitur tibi cū benefeceris ei.* Despecta quippe vox confessionis est, quam format iucunditas prosperitatis. Sola autem confessio habet magni meritum ponderis, quam à veritatis rectitudine nequaquam separat vis doloris, quam vsque ad iudicium vocis exauit aduersitas testis cordis. Non ergo mirum quod Baldath diuinam iustitiam laudat, qui nihil aduersi ab eadem iustitia tolerat. Sed quia amicos beati Iob, hæreticorum tenere speciem diximus, libet ut paucis quomodo Baldath verba hæreticorum surreptionibus congruat, demonstramus. Hi quippe dū sanctam Ecclesiā tēporali corripimus animaduersione conspiciunt, audacius in iactantiam peruersæ prædicationis intumescunt, & superni examinis rectitudinem prætendentes, prosperari se ex meritis asserunt: illam verò affligi dignis retributionibus attestantur, & verbis blandientibus surreptionis aditum protinus inter dolores quarunt, atque aliorum vitam exprobrantes aliorum moribus feriunt, ac si illi iam iuste defuncti sint, qui de Deo credere digna noluerunt. Vnde Baldath Suites postquam diuinam iustitiam protulit, ilico subiungit: *Etiā si filij tui peccauerunt ei, & dimisit eos in manu iniquitatis suæ, tamen si diluculo surrexeris ad Deum, & omnipotentem fueris deprecatus: si mundus & rectus incesseris, statim euigilabit ad te, & pacatum reddet habitaculum iustitiæ tuæ.* Ac si afflictis catholicis errorum prædicatores dicant: Vitæ vestræ provide, & quàm peruersa teneatis, ex eorum qui inter vos defuncti sunt damnatione cognoscite, quia conditori omnium nisi perfidia vestra displiceret, nequaquam à vobis tam numerosos populos, interitu sæuiente subtraheret. Ait enim: *Etiā si filij tui peccauerunt ei, & dimisit eos in manu iniquitatis suæ.* Quasi apertè diceret: In iniquitatis suæ manu dimissi sunt, qui vitam nostræ rectitudinis imitari noluerunt. Tu tamen si diluculo cōsurrexeris ad Deum, & omnipotentem fueris deprecatus. Quia enim se hæretici tenere lucem veritatis æstimant, sanctam ecclesiam quasi in erroris nocte positam, ad diluculum veritatis vocant, quatenus & per cognitionem Dei, quasi per diluculum surgat, & per precem pœnitentiæ præterita diluat. *Si mundus & rectus incesseris.* Mundus videlicet in cogitatione, rectus in opere. *Statim euigilabit ad te.* Ac si apertè dicat: Quia is qui nunc tribulationibus tuis virtutem suæ protectionis non exerit, quasi ab adiutorio errantis dormit. *Et pacatum reddet habitaculum iustitiæ tuæ.* id est, præsentis vitæ contrarietates amouet, & tranquillitatis protinus securitatem præbet. Quia enim peruersi quique temporale gaudium singulare æstimant, diuinæ remunerationis bonū, quod ipsi anxie ambiunt, hoc aliis pro magno pollicentur. Vnde plerūque fit, ut aut amissa recuperari spōdeant,

g iij

aut ad maiora adhuc præsentis vitæ præmia adiutorium suorum animos extendant. Quod patenter Baldath exprimit, cum protinus adiungit: *Intantum ut si priora tua fuerint parua, & nouissima tua multiplicentur nimis.* Si verò habitaculum iustitiæ, consilium mentis vocat, afflictis catholicis errorum magistri paccatum iustitiæ habitaculum promittunt, quia si eos ad sua pertrahunt, profectò à contentione conticescunt. Nanque hi qui pertrahi ad peruersa potuerunt, tantò iam tranquillius temporali pace quieti sunt, quantò longius ab æterna separantur. Opes quoque intelligētia se sequentibus crescere spondent. Vnde & subditur: *Intantum ut si priora tua fuerint parua, & nouissima tua multiplicentur nimis.* Sed quia eorum verbis non facile creditur, quoniam sæpe vita contemptibilis demonstratur, antiquorum patrum sententias proferunt, earumque rectitudinem in argumentum sui erroris inflectunt. Vnde & subditur.

Quod antiquorum patrum exempla, ad insinuandum transitoria huius vitæ instabilitatem, intucunda sunt.

Caput XXIII.

Interroga enim generationem pristinam, & diligenter inuestiga patrum memoriam. Generationem pristinam, ac patrum memoriam nequaquam videri, sed inuestigari admonent, quia hoc in ea nolunt conspici, quod liquidò cunctis patet. Nonnunquam verò more bonorum, quædam moraliter docent, & qualiter ex præteritis præsentia colligantur, insinuant: atque ex his quæ iam à nostris oculis pertranscundo subtrahunt, quàm nulla sint quæ videntur, demonstrant. Vnde & adhuc subditur: *Hesterni quippe sumus, & ignoramus, quoniam sicut umbra dies nostri sunt super terram.* Generatio itaque pristina interroganda proponitur, ut transire tempus vitæ præsentis sicut umbra monstretur, quia videlicet si ea quæ erant, & iam transacta sunt, ad memoriam reducimus, patenter cognoscimus quàm celeriter hoc quoque fugiat quod tenemus. Sæpe verò hæretici eosdem nobiscum patres quos veneramur laudant, sed intellectu deprauato, ipsis nos eorū laudibus impugnant. Vnde & adhuc subditur: *Ipsi docebunt te, loquentur tibi, & de corde suo proferent eloquia.* Notandum quod superius dixerat: Spiritus multiplex sermonis oris tui: nunc verò reductis ad memoriam patribus dicit: *De corde suo proferent eloquia.* Ac si vitam sanctæ Ecclesiæ hæretici detestantes dicant: Multiplicitatem spiritus in ore habes, in corde non habes. Sed illi contra te audiendi sunt, qui verba ex corde proferentes, recta viuendo docuerunt. Sæpe autem prauum vitium fortitudinis ignorant, audenter aliorum rectitudinem lacerant. Cumque contra bonos sibi auctoritatem increpationis arripiunt, aut ea bona proferunt, quæ non videndo, sed audiendo didicerunt, aut ea aliis mala mentientes ingerunt, quæ ipsi committunt. Sed cum ea bona proferunt, quæ seruare contemnunt, sciendum est quia plerumque veritas sic per ora aduersariorum sonat, ut eorum linguam mouens, vitam feriat, quatenus culmen rectitudinis loquentes & ignorantes, ipsi sibi & verbis iudices, & factis accusatores fiant. Vnde Baldath mira quidem contra hypocritas subdit, sed mucrone verbi se impetit: quia simulator iustitiæ, nisi ex aliquantulo ipse esset, docere iustum nequaquam tanta temeritate presumeret. Et quidem fortia sunt valde quæ dicit, sed hæc stultis, non autem sapienti: prauis, non recto dicere debuit: quia & vecordem se asserit, qui hortis, sitientibus, in flumine aquam fundit. Sed interim postponentes cui dicitur, pensemus subtiliter quid dicatur, ut nos prolata instruant, quanuis meritum sui authoris impugnent. Sequitur:

Quod sanctorum bona quæ vera sunt permanent, hypocritarum vero bona, quia falsa sunt, non perscuerant: & quod superbi correctionis impatientes sunt.

Caput XXIII.

Nunquid vivere potest scirpus absque humore, aut crescere caretum sine aqua? Cui Baldath scirpum, vel caretum cōparet, ipse protinus aperit, cum subiungit: *Cum adhuc sit in flore nec carpatur manu, ante omnes herbas arefcit: sic via omnium qui obliuiscuntur Deum, & spes hypocritæ peribit.* Scirpi ergo vel caretum nomine, hypocritæ vitam signat, quæ speciem quidem viriditatis habet, sed ad humanos vsus fructum utilitatis non

E habet, quæ sterilitate operis arida permanens, sola sanctitatis colore viridescit. Sed neque sine humore scirpus, neque sine aqua caretum proficit, quia hypocritarum vita ad bona opera infusionem quidem superni muneris percipit, sed in cunctis, quæ agit, exteriores laudes appetens, à fructu perceptæ infusionis inanescit. Sæpe nanq; mira signorū opera faciunt, ab obfessis corporibus spiritus pellūt, & per prophetiæ donum, ventura quæque sciēdo præueniūt, sed tamen à largitore tot munerū, cogitationis intētionē diuisi sunt: quia per eius dona, nō eius gloriā, sed proprios fauores querunt: cumque per accepta dona in sua laude se eleuant, ipsis muneribus contra largitorē pugnant. Inde quippe contra dantem superbiunt, vnde ei amplius humiles esse debuerunt. Sed eò postmodū eos districtior sententia percutit, quod nunc superna bonitas, & ingratos largius infudit. Fitque eis amplitudo muneris, incrementum damnationis, quia irrigati fructū non ferunt, sed sub viriditatis colore vacui in altū crescunt. Quos bene per Euangelium veritatis exprimit, dicens: Multi dicent mihi in

F illo die, Domine, domine, nōne in nomine tuo prophetaui-
mus, & in nomine tuo dæmonia eiecimus, & in nomine tuo virtutes multas fecimus? Et tūc cōfitebor illis, quia nunquam noui vos, discedite à me qui operamini iniquitatē. Scirpus igitur vel caretum absque humore, vel aqua non viuit, quia nimirum hypocritæ non nisi ex superno munere viriditatē bonæ operationis accipiunt. Sed quia hanc in vsum propriæ laudis arripiunt, in aqua quidē virides, sed tamen inanes crescunt. Bene autem subditur: *Cum adhuc sit in flore, nec carpatur manu, ante omnes herbas arefcit.* Scirpus in flore, est hypocrita in laude. Acutis verò angulis surgens caretum manu non carpitur, quia exasperatis per arrogantiam sensibus de prauitate sua hypocrita corripit dedignatur. In flore suo manum carpentis incidit, quia in laude hypocrita positus, si hūc quiscumque corripere audeat, asperitate sua protinus vitam corripientis secatur. Sanctus nanque esse non appetit, sed vocari: & cum fortasse corripit, quasi in opinionis gloria detruncatur. Deprehensum se in prauitate irascitur, loqui sibi redarguentē prohibet, quia velut in occulto vulnere tactus dolet. Qualis imperitis innotuit, talis vult ab omnibus æstimari, & paratior est mori quàm corripiri. Redargutione deterior redditur, quia quasi diræ percussiois æstimat iaculū, puritatis verbū. Vnde exasperatus protinus in cōtumelias furgit, & quæ mala exaggeret contra vitam correptoris, inquit. Demonstrare longè incomparabiliter reum reprehensorem suum desiderat, ut innocentem se non suis actibus, sed alienis criminibus ostēdat, ita ut sepe homo redargutionis aliquid se dixisse pœniteat, & quasi à carpētis manu, sic à corripientis animo quidam, ut ita dixerim, sanguis mœroris currat. Vnde bene per Salomonē dicitur. Noli arguere derisorem, ne oderit te. Ne-

H que enim iusto timendū est, ne derisor cum corripitur, contumelias inferat, sed ne tractus ad odium, peior fiat. Inter hæc sciendū est, quod iustorum bona, quia ex corde incipiunt, vsque ad præsentis vitæ terminum crescunt. Hypocritarū verò opera, quia nequaquam sunt in occulto radicata, sæpe antè deficiunt, quàm præsens vita finiatur. Nam plerūque studio sacræ eruditionis insistant, & quia hanc nō preparandis meritis, sed promerendis fauoribus inquirunt, statim ut iudiciū humanæ laudis arripiunt, & per hoc gratiam transitorij profectus assequuntur, tota mēte secularibus curis inseruiunt, atque à sacra funditus eruditione vacuāt, & agendo post indicāt, quantū temporalia diligāt, qui sola prius æterna prædicabant. Plerumque autem assumptæ speciem maturitatis ostēdunt, quiete silentij, longanimitate patientiæ, continentiæ virtute decōrantur. Sed cum per hæc quæsitū culmē honoris attigerint, cumque sibi iam reuerentiā à cunctis impenditur, protinus se in lasciuiā voluptatis fundunt, & bona se non ex corde tenuisse ipsi testes sunt, qui hæc citò dimiserūt. Nonnunquā verò quæ possidēt tribuūt, atq; indigentibus cuncta largiuntur, sed tamen ante vitæ terminum, auaritiæ prurigne accensi, aliena appetunt, qui sua largiri videbantur, & pertinaci post crudelitatem ambiunt, quod ficta prius pietate reliquerunt. Vnde & rectè nunc dicitur: *Cum adhuc sit in flore, nec carpatur manu, ante omnes herbas arefcit.* Iuxta carnem quippe & iusti herba sunt, Propheta attestante, qui ait: Omnis caro scenum.

Esai. 40. fœnum. Sed ante omnes herbas arescere scirpus dicitur, quia iustis in bono suo permanentibus, à viriditate assumptæ rectitudinis hypocritarum vita siccatur. Arescunt herbae etiam reliquæ, quia iustorum opera cum carnis vita deficiunt. Sed herbarum ariditatem scirpus præuenit, quia priusquam de carne hypocrita transeat, ea quæ in se ostenderat, virtutum facta derelinquit. De quibus etiam bene per Psalmistam dicitur: Fiant sicut fœnum ædificiorum, quod priusquam euellatur, exaruit. Fœnum quippe ædificij in alto nascitur, sed nequaquam pingui radice solidatur: quia & hypocrita summa quidem agere cernitur, sed non in eis ex cordis puritate roboratur. Quod nimirum fœnum & non euulsum citius arescit, quia videlicet hypocrita, & in præsentī adhuc vita subsistit, & iam sanctitatis opera quasi viriditatis speciem amittit. Quia enim sine intentione rectæ cogitationis bona studuit agere, hæc amittens, indicat se sine radice floruisse. Sed Baldath, sicut prædiximus, cui scirpum vel carectum comparet ilico aperit, cum subiungit: *Sic via omnium qui obliuiscuntur Deum, & spes hypocritæ peribit.* Quid enim in cunctis suis operibus hypocrita sperat, nisi honoris reuerentiam gloriam laudis, à melioribus metui, sanctus ab omnibus vocari? Sed permanere spes hypocritæ non valet, quia æternitatem non quærens fugit quod tenet. Nequaquam quippe mentis eius intentio in illa gloria figitur, quæ sine fine possidetur: sed cum transitoriis fauoribus inhiat, perdit, percipiendo quod laborat, veritate attestante, quæ ait: Amen dico vobis, quia receperunt mercedem suam. Sed hæc spes recipiendæ mercedis diu teneri non potest, quia pro ostensis operibus honor tribuitur, sed vita ad terminum vrgetur: laudes resonant, sed ad finem cum laudibus tempora festinant: & quia nequaquam animus in æternitatis amore radicatur, cum ipsis profectò rebus quas diligit labitur. Nemo nanque valet mobilia diligere, & ipse immobilis stare. Qui enim transeuntia amplectitur, eo ipso ad cursum ducitur, quo decurrentibus implicatur. Dicat ergo: Et spes hypocritæ peribit: quia humana laus quam magnis laboribus appetit, impulsâ temporum momentis decurrit. Bene autem subditur:

Quod vili precio opus magnum vendit, qui ideo in laboribus continentia seruit, ut laus ei ab hominibus impendatur, & cum tempus retributionis aduenerit, hæc quemodo placet insania, in tormentis positus displicebit.

Caput XXV.

Non ei placebit recordia sua. Magna quippe vecordia est, laboriosa agere, & auræ laudis inhiare, forti opere præceptis cœlestibus inferuire, sed terrenæ retributionis præmium quærere. Vt enim ita dixerim, qui pro virtute quam agit, humanos fauores desiderat, rem magni meriti vili precio venalem portat. Vnde cœli regnum mereri potuit, inde nummum transitorij sermonis quærit. Vili ergo precio opus vendit, quia magna impendit, sed minima recipit. Quibus itaque hypocritæ similes, nisi fecundis & neglectis vitibus existunt? quæ per vbertatem fructum proferunt, sed nequaquam per studium à terra subleuantur. Quod pingues palmites germinant, errantes bestię conculcant, & quod hoc vberius aspiciunt, proiectum in infimis, avidius consumunt: quia nimirum hypocritarum opera dum clara monstrantur, quasi pingua prodeunt, sed dum humanas laudes appetunt, quasi in terra deseruntur. Quæ huius mundi bestię, maligni scilicet spiritus comedunt, quia hæc ad vsum perditionis inflectunt, tantòque ardentius rapiunt, quantò & magna clarius innotescunt. Vnde bene per Prophetam dicitur: Culmus stans non est in eo germen & non faciet farinam, quod etsi fecerit, alieni comedent eam. Culmus quippe germen non habet, cum vita meritis virtutum caret. Farinam culmus non facit, cum is qui in præsentī seculo proficit, nil subtilitatis intelligit nullum boni operis fructum reddit. Sed sæpe & cum fecerit, hanc alieni comedunt: quia & cum bona opera hypocritæ ostendunt, de his malignorum spirituum vota satiantur. Qui enim per hæc placere Deo non appetunt, nequaquam agri dominum, sed alienos pascunt. Fecundo itaque hypocrita & neglecto palmiti similis, seruare fructum non valet, quia botrus boni operis in terra iacet. Sed tamen hac ipsa vecordia

sua pascitur, quia pro bono opere à cunctis honoratur: cæteris præminet, subiectas hominum mentes tenet, maioribus locis attolitur, fauoribus nutritur. Hæc verò ei sua vecordia placet interim, sed non placebit, quia cum retributionis tempus aduenerit, in pœna displicet quod vecors fuit. Tunc se stultè egisse intelligit, cum pro delectatione laudis, sententiam diuinæ correptionis acceperit. Tunc se vecordem fuisse considerat, cum se pro temporali quam percepit gloria, perpetua tormenta castigant. Tunc veram scientiam supplicia aperiunt: quia per hæc profectò colligitur, nihil fuisse omnia quæ transire potuerunt. Vnde & rectè subditur:

Quod ad statum mortis quasi ad venti vehementis impetum, hypocritarum textura rumpatur, & hi qui crucem in angaria portant, Christo non commoriantur.

Caput XXVI.

Et sicut tela araneæ fiducia eius. Bene hypocritarum fiducia, araneæ telis similis dicitur, quia omne quod ad obtinendam gloriam exudant, ventus vitæ mortalis dissipat. Nam quoniam æterna non quærunt, bona temporalia cum tempore amittunt. Pensandum quoque est, quod fila araneæ per ordinem ducunt, quia sua hypocritæ quasi sub discretione opera disponunt. Araneæ tela studiose textitur, sed subito venti statu dissipatur: quia quicquid hypocrita cum labore peragit, aura humani fauoris tollit, & dum in appetitu laudis opus deficit: quasi in ventum labor euanesceat. Sæpe nanque & vsque ad præsentis vitæ terminum, hypocritarum facta perdurant, sed quia per hæc authoris laudem non quærunt, bona ante Dei oculos nunquam fuerunt. Plerumque enim, ut prædiximus, sacra legis eruditione fulciuntur, doctrinæ verba proferunt: omne quod sentiunt, testimoniis accingunt: nec tamen per hæc vitam audiētium, sed proprios fauores quærunt, quia nec proferre alia nouerunt, nisi quæ auditorum corda ad rependendas laudes excitent, non autem ad lachrymas accendant. Mens quippe concupiscentiis exterioribus occupata, igne diuini amoris non calet, & idcirco ad supernum desiderium inflammare auditores suos nequeunt verba, quæ frigido corde proferuntur. Neque enim res quæ in seipsa non arserit, aliud accendit. Vnde fit plerumque ut hypocritarum dicta, & audientes non erudiant, & eosdem ipsos qui ea proferunt, elatos laudibus deteriores reddant. Attestante etenim Paulo scientia inflat, charitas verò ædificat. Quem enim charitas ædificando non erigit, scientia inflando peruerit. Plerumque se hypocritæ mira abstinencia affligunt, omne robur corporis atterunt, & quasi carnis vitam funditus in carne viuentes extinguunt, sicque per abstinenciam morti appropiant, ut penè quotidie morientes viuunt. Sed ad hæc humanos oculos quærunt, admirationis gloriam expectant, veritate attestante, quæ ait: Exterminant facies suas, ut appareant hominibus ieiunantes. Nam ora pallescunt, corpus debilitate quatitur, pectus interruptentibus suspiriis vrgetur. Sed inter hæc, ab ore proximorum sermo admirationis quærunt, nihilque tanto labore aliud, nisi æstimatio humana cogitatur. Quos nimirum bene Simon ille significat, qui dominicæ passionis tempore in angaria crucem portabat, de quo scriptum est: Inuenerunt hominem Cyrenæum, venientem obuiam sibi, nomine Simonem, hunc angariauerunt ut tolleret crucem Iesu. Quod enim per angariam agimus, non hoc ex studio amoris operamur. Crucem ergo Iesu in angaria portare, est afflictionem abstinencie pro alia quam necesse est intentione tolerare. An non Iesu crucem portat in angaria, qui quasi ad præceptum Domini, carnem domat, sed tamen spiritalem patriam non amat? Vnde & Simon idem crucem portat, sed nequaquam moritur: quia omnis hypocrita corpus quidem per abstinenciam afficit, sed tamen per amorem gloriæ, mundo viuit.

Quo contrà per Paulum bene de electis dicitur: Qui autem sunt Christi, carnem suam crucifixerunt cum vitiis & concupiscentiis. Cum vitiis quippe & concupiscentiis carnem crucifigimus, si sic gulam restringimus, ut iam de mundi gloria nihil quæramus. Nam qui corpus macerat, sed honoribus anhelat, crucem carni intulit, sed mundo per concupiscentiam peius viuit: quia & sæpe per sanctitatis

Nemo potest immobilis stare, qui mobilia diligit.

30.

I. Cor. 8.

Matt. 6.

Matt. 27.

Gal. 5.

† *al. qui ni* imaginem, locum regiminis indignus assequitur, † quem nisi
ali. virt. aliquid in se virtutis ostenderet, nullo percipere labore me-
ostend. nul- reretur. Sed transit quod delectabiliter obtinet, & pœnali-
lum pecci- ter, quod sequitur, manet. Sanctitatis nunc fiducia in ore ho-
pere hono- minum ponitur: sed cùm internus iudex secreta cordis exa-
rem merere- minat, testes vitæ exterius non quærit. Bene ergo dicitur:
tur. *Sicut tela araneorum fiducia eius:* quia apparente cordis teste,
 præterit omne, quod exterius de humano favore confidit.
 Vnde & adhuc aptè subiungitur:

*Quod instabilis sit domus quæ Christum non habet in fundamen-
 to, & quid sit, quod fatuæ virgines oleum mendicant.*

Caput XXVII.

Philip. 3.

Matth. 25.

32

Inietur super domum suam, & non stabit. Sicut domus exte-
 rioris conuersationis, est ædificium quod inhabitat corpus:
 ita domus nostræ cogitationis, est res quælibet quam per di-
 lectionem inhabitat animus. Omne quippe quod diligimus,
 quasi in hoc quiescentes habitamus. Vnde Paulus, quia in su-
 pernis cor fixerat, in terra quidem positus, sed tamen à terra
 extraneus, dicebat: Nostra conuersatio in cœlis est. Mens
 itaque hypocritæ nihil aliud in omne quod agit, nisi opinio-
 nis suæ gloriam cogitat, nec curat quòd pòst per meritum du-
 citur, sed quid interim dicatur. Domus ergo eius, est delecta-
 tio fauoris, quam quasi quietus inhabitat: quia per cuncta sua
 opera ad hanc se intra animum reclinat. Sed stare domus hæc
 non valet, quia laus cum vita præterit, & humanus fauor in
 iudicio non subsistit. Vnde & fatuæ virgines quæ oleum in
 vasis non sumpserat, quia in alienis scilicet vocibus gloriam,
 & non in suis conscientis habebant, turbatae persponsi præ-
 sentiam dicunt: Date nobis de oleo vestro, quia lampades
 nostræ extinguuntur. Oleum quippe à proximis petere, est
 gloriam boni operis, à testimonio alieni oris implorare. Mens
 etenim vacua, cùm cunctis suis laboribus nihil se intus te-
 nuisse inuenerit, testimonium foras quærit. Ac si apertè fatuæ
 Virgines dicant: Cùm nos repelli sine retributione conspici-
 tis, dicite in nostro opere quid vidistis. Sed frustra tunc
 hypocrita super hanc domum laudis innititur, quia nihil ei
 in iudicio attestatio humana suffragatur, quia eadem laudem,
 quam pòst in testimonium exigit, prius in munere recepit.
 Vel certè super domum suam hypocrita innititur, cùm vanis
 fauoribus deceptus, quasi de fiducia sanctitatis eleuatur. Mul-
 ta quippe hypocritæ in occulto mala faciunt, quædam verò
 bona in publico. Cùmque ex bonis patentibus laudes reci-
 piunt, ab occultis malis considerationis oculos auertunt, ta-
 lesq; se estimant, quales foris audiunt, non quales intus no-
 uerunt. Vnde fit plerunq; vt ad supernum quoque iudicium
 cum fiducia veniant, quia tales se apud internum arbitrum
 credunt, quales ab hominibus foris habebantur. Sed stare do-
 mus hypocritæ non valet, quia in terrore districti examinis,
 omnis antea cuncta fiducia sanctitatis cadit. Cùmque sibi oris a-
 lienis testimonia deesse cognouerit, ad sua se opera enumeran-
 da conuertit. Vnde & adhuc subditur: *Fulciet eam, & non con-
 surget.* Hoc nanque quod per se stare non valet, fulcitur vt
 stet: quia cùm vitam suam hypocrita labefactari in iudicio
 conspicit, hanc fulciendo statuere operum enumeratione con-
 tendit. An non laudis suæ habitaculum hincinde fulciunt, qui
 acta sua, vt præfati sumus, in iudicio enumerantes dicunt:
 Domine Domine, nonne in nomine tuo prophetauimus, &
 in nomine tuo dæmonia eiecimus, & in nomine tuo virtutes
 multas fecimus? Sed domus laudis tot allegationibus fulta,
 minimè confurgit, quia protinus iudex dicit: Nunquam no-
 ui vos, discedite à me qui operamini iniquitatem. Et scien-
 dum est, quia hoc quod surgit, ab infimis ad superiora se eri-
 git. Domus ergo hypocritæ surgere non valet, quia per om-
 ne quod iuxta præcepta cœlestia agere potuit, à terra nunquā
 animum leuauit. Iure igitur tunc nequaquam ad præmium
 retributionis erigitur, quia per hoc quod nunc exhibet, in ap-
 petitu temporalis gloriæ iacet.

*Quod illucescente sole iustitia, sicci erunt, & aridi hypocritæ,
 qui virides videntur & humecti.*

Caput XXVIII.

33

Sed quia vita hypocritæ scirpi appellatiue signata, qualiter
 in iudicio reprobetur audiuius: priusquam districtus iu-

Edex appareat, qualis ab hominibus habeatur audiamus. Sequi-
 tur: *Humectus videtur scirpus antequam veniat Sol.* Sæpe in sacro
 eloquio Dominus, Solis appellatione figuratur sicut per Pro-
 phetam dicitur: Vobis autem qui timetis nomen Domini, o-
 rietur Sol iustitiæ & sicut repulsi in iudicio impij dicere in sa-
 pientiæ libro describantur: Errauimus à via veritatis, & lu-
 men iustitiæ non luxit nobis, & Sol non est ortus nobis. An-
 te Solem igitur scirpus humidus cernitur, quia priusquam di-
 uina districtio in iudicio cadat, omnis hypocrita infusum se
 sanctitatis gratia ostendat: quasi virens aspicitur, quia iustus
 æstimatur: honoris locum obtinet, de gloria sanctitatis pol-
 let, à cunctis veneratio deferretur, opinio laudis extenditur.
 Scirpus itaque iste in nocte humidus est, Sole autem venien-
 te siccatur: quia nimirum hypocrita in tenebris vitæ præsen-
 tis, sanctus ab omnibus creditur, sed cùm districtus iudex ve-
 nerit, quàm sit iniquus apparebit. Dicat ergo: *Humectus vide-
 tur, antequam veniat Sol:* quia virentem se nunc humanis ocu-
 lis exhibet, sed in calore tunc diuini iudicij arefcet. Sequitur:
Et in ortu suo, germen eius egreditur. Herba quælibet nascendo
 prius à terra producit, aura & æstibus tangitur, Sole ac plu-
 uis nutritur, & tunc demum ad proferendum sui seminis ger-
 men aperitur. Scirpus verò cum flore suo nascitur, moxque
 dum à terra surgit, sui secum seminis germen producit. Bene
 ergo per herbas reliquas sanctus quilibet, per scirpum verò
 hypocrita designatur: quia iusti viri priusquam in opere san-
 ctæ conuersationis oriuntur, huius vitæ hyemem tolerant,
 eosque grauium persecutionum æstus fatigant. Sed cùm recta
 faciunt, nequaquam hinc suæ rectitudinis remunerationem
 quærunt. Cùm verò à præsentis mundi laboribus exeunt, ad
 æternam patriam venientes, expectata retributione perfruun-
 tur. At contra hypocrita, quia mox vt in bono opere nasci-
 tur, præsentis mundi recipere gloriam conatur, quasi scirpi
 more cum germine oritur. Qui pro eo quod bene viuere in-
 cipit, quærit statim, vt à cunctis honoretur. Germen itaque
 in ortu, est remuneratio inchoatione. Sæpe nanque nonnulli
 apertè prauitatis vias deferunt, sanctitatis habitum sumunt,
 moxque vt prima limina bene viuendi contigerint, obliti qui
 fuerint, affligi iam per penitentiam de consummatis nequi-
 tiis nolunt, laudari autem de inchoata iustitia appetunt, præ-
 esse ceteris etiam melioribus concupiscunt. Quos plerunque
 dum iuxta votum præfens prosperitas sequitur, multò quàm
 prius fuerant, de sanctitatis habitu peiores fiunt. Nam rebus
 multiplicibus occupati, atque ipsa occupatione confisi,
 non solum perpetrata minimè deplorant, sed adhuc quæ de-
 plorentur exaggerant.

*Quid sit non operari in primogenito bonis, & lignorum auferre
 præputia.*

Caput XXIX.

Qui enim mundum deferunt, ad exteriora officia proue-
 hi non debent, nisi per humilitatem diutius in eiusdem
 mundi contemptu solidentur. Citius nanq; bona depereunt,
 quæ hominibus ante tempus innotescunt: quia & arbuta
 plantata, priusquam fixa radice coalescant, si manus concu-
 tiens tangit, arefcit. At si in altum radix figitur, & terræ hu-
 moribus conspersa solidatur, hæc & manus impellit, sed non
 ledit: hæc & ventorum flatus inflectendo concutit, sed
 non euertunt. Ne ergo eruatur vita cœpti operis, diu ac ro-
 bustè in alto humilitatis figenda est radix cordis: vt cùm ab
 humano ore, detractionis aura vel fauoris flauerit, etsi in quā-
 libet partem vtcunque incuruat, animum funditus non euel-
 lat, sed ad statum suum protinus post inflectionem redeat, si
 apud se fortis in radice perdurat. Quid in rebus excrecenti-
 bus pariete surgente robustius? Qui tamen si dum constru-
 tur, impellatur, statim sine labore destruitur: si autem per
 spatium temporis ab humore suo exiccari permittitur, sæpe
 & arietum ictibus minimè quassatur. Sic sic videlicet bona
 nostra & intempestiuè manifestata depereunt, & diutius oc-
 cultata solidantur: quia humanæ occupationis manus cùm
 incipientem conuersationis nostræ vitam contigerit, quasi
 recentem parietem impellit, eamque faciliè destruit, quia ad-
 huc humorem infirmitatis propriæ non amisit. Cùm verò in
 longa quietis suæ † adiectione se animus comprimit, quasi
 more exiccata parietis, contra ictus obdurefcit, & cōfractum
 protinus

*Mala. 4.
 Sapient.*

*† al. per ip-
 sas occupa-
 tiones con-
 fusi.*

34

*† al. ab ip-
 sione.*

Dent. 15.

35.

Leui. 19.

Psal. 126.

Matt. 12.

Esaia. 37.

Esaia. 54.

protinus resilit, omne quod solidum ferit. Hinc est quod vitam inchoantium Moyses humanis occupationibus exerceri prohibuit, dicens: Non operaberis in primogenito bouis, & non tondebis primogenita ouium. In primogenito quippe bouis operari, est bonæ conuersationis primordia in exercitio publicæ actionis ostendere. Ouium quoque primogenita tondere, est ab occultationis suæ tegmine, humanis oculis inchoantia bona opera nostra denudare. In primogenito ergo bouis operari prohibemur, atque à primogenitis ouium detondendis compescimur: quia etsi quid robustum incipimus, exercere hoc in aperto citius non debemus. Et cum vita nostra simplex quid atque innocuum inchoat, dignum est, ut secreti sui velamina non relinquit, ne nudum hoc humanis oculis quasi subducto vellere ostendat. Ad sola ergo diuina sacrificia bouum primogenita ouiumque proficiant, ut quicquid fortè, simplex, innocuumque incipimus, hoc ad honorem intimi iudicis, in ara cordis immolemus. Quod ab illo proculdubio tantò libentius accipitur, quantò & ab hominibus occultatum, nulla laudis appetitione maculatur. Sæpe autem nouæ conuersationis primordia adhuc ex carnali vita sunt commixta, & idcirco innotescere citius non debent, ne cum laudantur bona quæ placent, deceptus laude sua animus deprehendere in eis nequeat mala, quæ latent. Vnde rectè rursum per Moysen dicitur: Quando ingressi fueritis terram, quam ego daturus sum vobis, & plantaueritis in ea ligna pomifera, auferetis præputia eorum. Poma quæ germinant, immunda erunt vobis, nec edetis ex eis. Ligna quippe pomifera, sunt opera virtutibus fecunda. Præputia itaque lignorum auferimus, cum de ipsa inchoationis infirmitate suspecti, primordia nostrorum operum non approbamus. Poma autem quæ germinant, immunda ducimus, nostrisque esibus non aptamus: quia cum primordia boni laudantur operis, dignum est ut hoc animum non pascat operantis, ne dum accepta laus suauiter carpitur, fructus operis intèpestiuè comedatur. Qui ergo inchoatæ virtutis, ab humano ore laudem receperit, quasi plantati ligni ante tempus pomum comedit. Hinc per Psalmistam veritas dicit: Vanum est vobis ante lucem surgere, surgite postquam federitis. Ante lucem quippe surgere, est prius quàm claritas æternæ retributionis appareat, in præsentis vitæ nocte gaudere. Sedendum ergo prius est, ut post rectè surgamus: quia quisquis nunc sese sponte non humiliat, nequaquam hunc sequens gloria exaltat. Quod ergo illic ante lucem surgere, hoc hic hypocritæ in ortu est germen proferre: quia humanas laudes desiderans, vbi ad opus bonum nascitur, ibi mox appetit, ut gloriam retributionis assequatur. An non in ortu suo hi germen protulerant, de quibus veritas dicebat: Amant primos discubitus in conuiujs, & primas cathedras in synagogis, & salutationes in foro, & vocari ab hominibus Rabbi? Pro eo quodd bene agere incipiunt, quia honorem consequi ab hominibus conantur, quasi scirpi more ab ortu suo cum germine exurgunt. Hi nimirum cum recta operari appetunt, prius mente sollicita eiusdem operis sui testes quærunt, & tacita cogitatione pertractant: si sunt qui gerenda videant, si dignè hæc eloqui, qui viderint, possint. Si verò eorum facta nullum fortasse hominum contingat aspicere, hæc se proculdubio æstimant perdidisse, & interni arbitri oculos quasi absentes deputant: quia ab eo vicem sui operis recipere in posterum recusant. Et quoniã cum rectum quod hypocrita egerit, videri à multis quærit, bene adhuc de hoc scirpo subiungitur: *Super acervum petrarum radices eius densabuntur, & inter lapides commorabitur.* Quid enim radicum nomine, nisi latentes cogitationes accipimus, quæ in occulto prodeunt, sed in ostensione operum per apertum surgunt, sicut & de verbi semine per Prophetam dicitur: Et hoc quod saluatum fuerit de domo Iuda, & quod reliquum est, mittet radicem deorsum, & faciet fructum sursum? Radicem quippe deorsum mittere: est cogitationem bonam in abditis multiplicare. Fructum verò sursum facere, est per efficaciam operis, recta quæ cogitauit ostendere. Lapidum verò nomine, in sacra scriptura homines designantur: sicut sanctæ Ecclesiæ per Esaia dicitur: Ponam iaspidem propugnacula tua, & portas tuas in lapides sculptos. Qui eosdem lapides quid dixisset, aperuit cum subiungit: Vniuersos filios tuos doctos à domi-

no. Et sicut admonente Petro apostolo dicitur: Et vos tanquam lapides viui superædificamini domus spirituales. Hoc itaque loco quia lapides dicti sunt, sed tamen viui minimè dicuntur, nuda appellatione lapidum, permixti possunt reprobi & electi figurari.

Quod in suam destructionem laborant, qui nunciis regis Babylonis bona quæ agunt, quasi diuitias congregatas ostendunt.

Caput XXX.

Scirpus itaque iste qui inter lapides commoratur, super acervum petrarum radices densat: quia omnis hypocrita cogitationes suas in exquirenda hominum admiratione multiplicat. Per omne enim quod hypocritæ faciunt, quia occultis cogitationibus laudes hominum requirunt, quasi radices scirpi in acervum petrarum mittunt. Operaturi quippe laudes suas cogitant, laudati autem has secum taciti in cogitationibus versant. Gaudent se præcipuos in humana æstimatione claruisse. Cumque inflati fauoribus apud semetipsos intumescunt, sæpe mirantur taciti etiam ipsi quod sunt. Videri quotidie semetipsis altiores cupiunt, ac miris inuentionibus in opere excrecent, quia sicut virtus humilitatis omne vitium enervat, sic arrogantia roborat. Cogit nanque mentem iuuenescere, & contra vires valere: quia & quod negat vigor valetudinis, amor imperat laudis. Vnde & factis suis, ut diximus, arbitros inquirunt. Si verò eorum operi testes deesse contingat, narrant ipsi quæ gesserint. Cumque efferrî fauoribus cœperint, sæpe eisdem suis operibus quæ egisse se referunt, mentiendo aliquid adiungunt. Cum verò & vera dicunt, hæc dicendo aliena faciunt, quia quæsitis remunerati fauoribus, ab eorum intima retributione vacuantur. In eò enim quodd bona sua patefaciunt, ostendunt malignis spiritibus, quasi insidiantibus hostibus, quæ prædantur. Quorû prosectò vitam illa cunctis notissima Ezechie culpa figurauit, qui postquam vna prece, & sub vnius noctis spatio, centum octoginta quinque milia hostium angelo feriente prostrauit: postquam occasui proximum, ad altiora cœli spatia solem reduxit: postquam vitam propinquantem iam termino coarctatam, in tempora longiora protelauit: susceptis Babylonicis regis nuntiis, bona omnia quæ possidebat ostendit: sed Prophetæ voce protinus audiuit: Ecce dies venient, & auferentur omnia quæ in domo tua sunt, in Babylonem non relinquetur quicquam, dicit Dominus. Sic sic nimirum hypocritæ postquam magnis virtutibus excrecent, quia cauere malignorum spirituum insidias negligunt, & cælari in eisdem virtutibus nolunt, bona sua ostendendo, hostium faciunt: & prodentes subito amittunt, quicquid diutius studentes operantur. Hinc per Psalmistam dicitur: Tradidit in captiuitatem virtutes eorum, & pulchritudines eorum, in manus inimici. Virtus quippe & pulchritudo arrogantium, inimici manibus traditur: quia omne bonum quod per concupiscentiam laudis ostenditur, occulti aduersarii iuri mancipatur. Hostes nanque ad rapinam prouocat, qui suas eorum notitiæ diuitias denudat. Quousque enim ab æternæ patriæ securitate disungimur, per latronum insidiantium iter ambulamus. Qui ergo in itinere depredari formidat, abscondat necesse est bona quæ portat. O miseri qui affectantes laudes hominû, in semetipsis dissipant fructus laborum: cumque se ostendere alienis oculis appetunt, damnant quod agunt. Quos nimirum maligni spiritus cum ad iactantiam prouocant, eorum, sicut diximus, opera captiuantes denudant. Vnde sub cuiusdam gentis specie, antiquorum hostium malitiam signans, per Prophetam veritas dicit: Posuit vineam meam in desertum, decorticauit ficum meam, nudans expoliavit eam, albi facti sunt rami eius. Insidiantibus quippe spiritibus, Dei vinea in desertum ponitur, cum plena fructibus anima, humanæ laudis cupiditate dissipatur. Ficum Dei gens ista decorticat, quia seductam mentem in fauoris appetitum rapiens, quod hanc ad ostentationem pertrahit, tegmen ei humilitatis tollit, eamque nudans expoliât, quia quousque in bonis suis absconditur, quasi proprii tegminis cortice vestitur. Cum verò mens hoc quod egerit, videri ab aliis concupiscit, quasi expoliata ficus eum qui se texerat corticem amisit. Vbi aptè subditur: Albi facti sunt rami eius, quia ostensa humanis oculis eius opera can-

36.

4. Reg. 19.

37.

Psal. 77.

Iob. 1.

descunt, de sanctitate nomen sumitur, cum recta actio divulgatur. Sed quoniam subducto cortice rami fici huius arefcunt, solerter intuendum est: quia facta arrogantium, humanis oculis ostensa, unde placere appetunt, inde siccantur. Mens itaque quæ per iactantiam proditur, decorticata rectè ficus vocatur: quia & candida est per hoc quod cernitur, & siccitati proxima per hoc quod tegmine corticis nudatur. Intus ergo sunt seruanda quæ agimus, si ab interno arbitro vicem recipere nostri operis expectamus. Hinc est enim quod per Euangelium veritas dicit: Nesciat sinistra tua, quid faciat dextera tua: ut sit eleemosyna tua in abscondito, & pater tuus qui videt in abscondito reddet tibi. Hinc est quod de electorum Ecclesia per Psalmistam dicitur: Omnis gloria eius filiæ regum ab intus. Hinc Paulus ait: Gloria nostra hæc est, testimonium conscientiæ nostræ. Filia quippe regum Ecclesia, quæ in bono est in opere spiritualium principum prædicatione generata, gloriam intus habet: quia hoc quod agit, in ostentationis iactantia non habet. Gloriam suam Paulus testimonium conscientiæ memorat, quia fauores oris alieni non appetens, vitæ suæ gaudia extra semetipsum ponere ignorat. Occultanda sunt ergo quæ agimus, ne hæc in huius vitæ itinere incautè portantes, latrocinantium spirituum incurfione perdamus. Et tamen veritas dicit: Videant opera vestra bona, & glorificet patrem vestrum qui in cælis est. Sed aliud est profectò, cum in ostensione operis, gloria quæritur largitoris, aliud cum laus priuata concupiscitur de dono largientis. Vnde & rursus in Euangelio hæc eadem veritas dicit: Attendite, ne iustitiam vestram faciatis coram hominibus, ut videamini ab eis. Opus ergo nostrum cum hominibus ostenditur, in cordis prius examinatione pensandum est, per eiusdem ostensionis studium quid quærat. Si enim dantis gloriam quærimus, etiam publica nostra opera, in cōspectu illius occulta seruamus. Si verò per hæc nostram laudem concupiscimus, foras ab eius cōspectu iam fusa sunt, etiam si à multis ignorentur. Sed valde perfectorum est, sic ostenso opere, authoris gloriam quærere, ut de illata laude priuata nesciant exultatione gaudere. Tunc solum nanque innoxie hominibus laudabile opus ostenditur, cum per despectum mentis veraciter laus impensa calcatur. Quam quia infirmi quique perfectè contemnendo non superant, restat necesse est, ut bonum hoc quod operantur, abscondant. Sæpe enim ab ipso ostensionis exordio, propriam laudem quærunt, sæpe verò in ostensione operis, authoris patefacere gloriam cupiunt, sed excepti fauoribus, in laudis propriæ cupiditatem rapiuntur: cumque semetipsos diiudicare interius negligunt, sparsi exterius ignorant quod agunt, eorumque opus suæ elationi militat, atque hoc se impendere obsequio largitoris putant. Scirpus ergo inter lapides commoratur, quia ibi hypocrita stat, ubi mentis suę intentionem solidat. Nam cum attestationem percipere multorum ambit, quasi in lapidum collectione subsistit. Sed iste hypocrita scirpi appellatione signatus, cum corpus ab abstinentia domat, cum largiendo quæ possidet, studio pietatis exudat, cum notitia sacræ legis eruditur, cum verbo prædicationis utitur: quis hunc tanta plenum largitate cōspiciens, à gratia æstimet largitoris alienum? Et tamen superna dispensatio largitur huic dona operis, & sortem denegat hæreditatis: operandi munera cumulat, & tamen vitam operantis ignorat: quia cum perceptum munus ad laudem propriam trahitur, in conspectu lucis intimæ umbræ elationis obscuratur. Vnde & bene subditur: Si absorberit eum de loco suo, negabit eum, & dicit: Non noui te. De loco suo hypocrita absorbetur, cum à præsentis vitæ fauoribus morte interueniente separatur. Sed hunc absorptum internus arbiter negat, seque eum nescire denuntiat, quia simulatoris vitam iuste reprobando veritas ignorat, nec recognoscit eius bona quæ egit, quia hæc ex recta intentione non protulit. Vnde & fatuis virginibus in iudicium veniens dicit: Amen dico vobis, nescio vos. In quibus dum mentis corruptionem considerat, carnis etiam incorruptionem damnat. Sed utinam hypocritis sua perditio sola sufficeret, & nequaquam peruersa eorum studia ardenter alios ad vitam duplicitatis instigarent. Hoc nanque vniuscuiusque proprium esse solet, ut qualis ipse fuerit, tales sibi coniungi & alios velit, diuersitatem

vitæ refugiat, atque hoc imitandum imprimat quod amat. Vnde & apud hypocritarum sensum simplicitas omnis in crimine est. Apertas quippe mentes diiudicant, & puritatem cordis, hebetudinem appellant, omnesque quos sibi adhærere cupiunt, à simplicitatis itinere diuertunt, & quasi expulsa insipientia eos crudisse se æstiment, in quibus puritatem mentis, id est, arcem sapientiæ debellant. Quia verò non solum ex sua peruersitate hypocrita, sed adiuncta etiam sequacium perditione reprobatur, postquam non cognosci à iudice dicitur, rectè protinus subinfertur: Hæc est enim lætitia vitæ eius, ut rursus de terra alij germinetur. Ac si apertè diceretur: Veniente iudice nequaquam cognoscitur, sed multipliciter supplicia recipit: quia eò latius in sua iniquitate lætatus est, quod & in aliis mala propagauit. Cui enim hic non sufficit iniquitas propria, torqueatur illic necesse est, etiam ex merito reatus alieni. Nunc itaque simulatores gaudeant, & humana iudicia se obtinuisse gloriantur. Despiciatur iustorum simplicitas: atque à calliditate duplicium fatuitas vocetur. Cui despectus simplicium transit, citius duplicium gloria percurrit. Vnde & aptè subiungitur:

Quod serui Dei, quorum vita nunc æstimatur infania, in nouissimo ridebunt, quando introibunt in gaudium Domini sui.

Caput XXXI.

DEVS non proiciet simplicem, nec porriget manum malignis. Quia nimirum districtus in iudicio apparens, & despectum simplicium glorificando erigit, & malignorum gloriam reprobando confringit. Maligni enim vocantur hypocritæ, qui bona non bene faciunt, & recta quæ agere videntur, sub studio laudis operantur. Manum verò cui porrigimus, hunc videlicet ab imis eleuamus. Malignis ergo Deus manum non porrigit: quia quærentes terrenam gloriam in imo derelinquit, & quilibet recta videantur esse quæ agunt, hos ad gaudia superna non prouehit. Vel certè ideo maligni appellantur hypocritæ, quia benignitatem erga proximos ostendunt, & dolos suæ iniquitatis operiunt. Per omne nanque quod vel faciunt, vel loquuntur, simplicitatem exterius exhibent, sed subtilitate interius duplicitatis callent, puritatem superficie simulant, sed semper malitiam sub specie puritatis occultant. Quos contra bene per Moysen dicitur: Non indues vestem ex lana, linòque contextam. Per lanam quippe simplicitas, per linum verò subtilitas designatur: Et nimirum vestis quæ ex lana linòque conficitur, linum interius cælat, lanam in superficie demonstrat. Vestem ergo ex lana linoque contextam induit, qui in locutione vel actione qua utitur, intus subtilitatem malitiæ operit, & simplicitatem foris innocentiae ostendit. Quia enim sub puritatis imagine deprehendi calliditas non valet, quasi sub lanæ grossitudine linum latet. Bene autem post reprobatorum supplicia, iustorum remuneratio demonstratur, cum protius subditur: Donec impleatur os tuum risu, & labia tua iubilo. Os quippe iustorum tunc risu replebitur, cum eorum corda finitis peregrinationum fletibus, æternæ lætitiæ exultatione satiabuntur. De hoc risu discipulis veritas dicit: Mundus gaudebit, vos autem contristabimini, sed tristitia vestra vertetur in gaudium. Et rursus: Videbo vos, & gaudebit cor vestrum, & gaudium vestrum nemo tollet à vobis. De hoc risu sanctæ Ecclesiæ Salomon ait: Ridebit in die nouissimo. De hoc iterum dicit: Timent Dominum, bene erit in extremis. Non autem tunc risus erit corporis, sed risus cordis. Risus enim nunc corporis de lasciuia dissolutionis: nam risus cordis tunc de lætitia nascetur securitatis: Cum ergo electi homines implentur gaudio manifestæ contemplationis, quasi ad hilaritatem risus exiliunt in ore mentis. Iubilum verò dicimus, cum tantam lætitiā corde concipimus, quantam sermonis efficacia non explemus, & tamen mentis exultatio hoc quod sermone non explicat, ore sonat. Bene autem os risu impleri dicitur, & labia iubilo: quia in illa æterna patria, cum iustorum mens in exultationem rapitur, lingua in cantum laudis eleuatur. Qui quoniam tantum vident, quantum dicere non valent, in risu iubilant: quia non explendo resonant quod amant. Donec autem dicitur, non quod omnipotens Deus eousque malignos non subleuet, quousque electos suos in iubilationis gaudia assumat.

Psal. 109.

Matth. 1.

ac si pōst à pœna eripiat, quos antè in culpa deferens damnat: sed quod hoc nequaquam vel ante iudicium faciat, cū dubium hominibus videri possit an fiat. Nam post electorum suorum iubilum, quia malignis manum non porrigat, ex ipsa iam districtione vltimi examinis conit̃at. Sic nanque & per Psalmistam dicitur: Dixit Dominus Domino meo, sede à dextris meis: donec ponā inimicos tuos scabellū pedū tuorū. Non quod à dextris Domini nequaquam Dominus sedeat, postquam inimicos illius feriens, eius potestati subternit: sed quod in æterna cunctis beatitudine præsidet, & priusquam rebellium suorum corda conculcet. In qua nimirum constat, quia subiectis hostibus sine fine & posterius regnat: sicut per Euangelium de Mariæ sponso dicitur: Et non cognovit eam donec peperit filium suum primogenitum: non quod hanc post natiuitatem Dei cognouerit: sed quod nequaquam illam contingit, etiam cū conditoris sui matrem esse nesciuit. Nam quia eam contingere nequaquam valuit, postquam redemptionis nostræ ex eius vtero celebrari mysterium agnouit, de illo profectō tempore necesse erat ut Euāgelista testimonium ferret, de quo propter Ioseph ignorantiam dubitari potuisset. Sic itaque nunc dicitur: *Deus non proiecit simplicem, nec porriget manum malignis, donec impleatur risu os tuum, & labia tua iubilō.* Ac si apertè diceretur: Vitam simplicium nec ante iudicium deferit, & malignorum mentes percutere deferendo, nec priusquam appareat prætermittit: quia sine fine reprobos cruciet, & electi eius in perpetuum postquam apparuerit, regnent, profectō dubium non est. Sequitur:

Quod in die iudicij reprobi erubescunt, cū in illa mundi ruina quā vanè laborauerint, tunc demum intelligunt.

Caput XXXII.

* al. vertit ad pœnam. Hi

Qui oderunt te, induentur confusione. Iustorum hostes in extremo examine confusio induit: quia cū transacta mala redundare sibi ante oculos mentis aspexerint, suos eos vndique reatus deprimens * vestit. Ad pœnam hi quippe tunc factorum suorum memoriam tolerant, qui nunc quasi à sensu rationis extranei gaudentes peccant. Ibi vident quantum debuerint fugere quod amauerunt, ibi conspiciunt quā lugebre fuerit quod nunc in culpa gratulantur. Tunc animum reatus obnubilat, & recordationis suæ iaculis ipsa se conscientia impugnat. Quis igitur dignè penset, iniquorum confusio quanta tunc erit, quando & foris æternus iudex cernitur, & intus ante oculos culpa versatur? Qui ad hanc idcirco perueniunt, quia sola hīc transeuntia dilexerunt. Vnde & aptè mox subditur: *Et tabernaculum impiorum non subsistet.* Tabernaculum quippe construitur, ut ab æstu corpus & frigore defendatur. Quid itaque hoc loco tabernaculi nomine, nisi ædificatio terrenæ felicitatis exprimitur, per quam super se reprobi casura multiplicānt, ut se à præsentis vitæ necessitatibus quasi ab æstu & imbribus defendant? Honoribus nanque ex crescere ambiunt, ne despecti videantur: Terrena aggregando exag- gerant, ne inopiæ frigore tabescant. Contemnūt curare quod sequitur: & tota intentione satagunt, ne quid in præsentibus desit. Student nomen dilatare, ne lateant, & si cuncta ad desiderium suppetant, munitos se in omnibus & felices putant. Vbi ergo mentis habitationem construunt, ibi proculdubio tabernacula fixerunt. Aduersa impatienter perferunt, remissè in prosperis lætantur. Sola quæ assunt cogitant, nec ad affectum cœlestis patriæ vlla recordatione respirant. Gaudet sibi suppetere bona quæ cupiunt, atque vbi carne requiescunt, ibi & mentem extinguendo sepeliunt: quia secularis curæ telo trucidati, terrenarum rerum aggerem, quem foris exquirendo multiplicānt, hunc semper interius per cogitationem portant. At contrā iusti nec oblata bona hīc pro magno suscipiunt, nec illata mala valde pertimescunt: sed cū bonis præsentibus vtuntur, ventura mala metuunt: & cū de malis præsentibus gemunt, bonorum sequentium amore consolantur: sicque temporali resouentur subsidio, sicut viator in stabulo vtitur lecto: pausat, & recedere festinat, quiescit corpore, sed aliud tendit mente. Nonnunquam verò & aduersa perpeti appetunt, in transitoriis prosperari refugiunt, ne delectione itineris, à patriæ peruentione tardentur, ne gressum cordis in via peregrinationis figant, & quandoque ad con-

A spectum cœlestis patriæ sine remuneratione perueniant. Gaudent despici, nec dolent se necessitatibus affligi. Qui ergo contra præsentia se aduersa non muniunt, quali contra æstus & pluuias habere tabernaculum nolunt. Vnde & Petrus iure reprehenditur, quia necdum mentis perfectione roboratus, veritatis claritate cognita, in terra figere tabernaculum conatur. Iusti itaque hīc se construere negligunt, vbi peregrinos se & hospites nouerunt. Quia enim in propriis gaudere desiderant, esse in alieno felices recusant. Iniusti autem quantò longius ab æternæ patriæ hæreditate diuisi sunt, tantò in terra altius fundamenta cogitationis figunt. Hinc est quod ab ipso humanæ conditionis exordio, in electa prole Enoch septimus nascitur. Hinc est quod Cain primum filium suum Enoch vocat, atque ex eius nomine ciuitatem, quam condidit, appellat. Enoch quippe dedicatio dicitur. Iniqui ergo se in primordiis dedicant, quia in hac vita, quæ antè est, cordis radicē plantant: ut hīc ad votum floreat, & à sequenti patria funditus arescant. Iustus verò Enoch septimus oritur, quia eorum vitæ festa dedicatione in fine seruator. Hinc est quod attestante Paulo, Abraham in casulis habitat, quia habentem fundamenta ciuitatem quam supernus artifex construxit, expectat. Hinc est quod Iacob greges ouium sequens humiliter graditur, atque huic Esau obuiam veniens, tumultu multiplicis comitatus eleuatur: quia nimirum & electi hīc elationem non habent, & in bonis carnis reprobi læti tument. Hinc ad Israël Dominus dicit: Si elegeris vnum de populo terræ, & constitueris principem super te, non faciet sibi equos & equites. Et tamen primus rex ab eodem populo electus, repente ut culmen potestatis attingit, tria milia sibimet equites elegit, in elationem protinus prodiit, ad ædificationem percepti culminis erupit: quia foris restringere sub equalitate non poterat, quod intus animus super cætero tumebat. Quasi munitum sibi diues ille tabernaculum construxerat, qui dicebat: Anima, habes multa bona reposita in annos multos: requiesce, comede, & bibe, & epulare. Sed quia eius tabernaculum in veritatis fundamento non subsistit, ilico audiuit: Stulte, hac nocte repetunt animam tuam abs te: quæ autem parasti, cuius erunt? Bene ergo dicitur: Tabernaculum impiorum non subsistet, quia vitæ fugientis amatores, dum studiosè se in præsentibus construunt, repente ad æternam pœnam rapiuntur.

Finis libri octauī Moralium sancti Gregorij.

B. GREGORII PAPAE MORALIVM IN CA- put nonum sancti Iob, Liber nonus.

Caput I.



Peruersæ mentes si semel ad studium contrarietatis eruperint, siue prauum, siue rectum quid à contradicentibus audiant, aduersis hoc responsionibus impugnant: quia cū persona per contrarietatem displicet, nec recta quæ protulerit placeat. At contrā bonorum corda, quibus in odium non venit persona, sed culpa, sic peruersa diiudicant, ut quæ recta dicuntur, assumant. Discernendis quippe contradicentium sensibus æquissimi arbitri resident, & sic malè prolata respuunt, ut tamen approbent quæ ex veritate cognoscunt. Solet nanque inter spinarum multitudinem, etiam de frugis semine spica succrescere. Cauta ergo manu operantis agendum est, ut dum spina tollitur, spica nutriatur: quatenus qui studet eradicare quod pungit, nouerit seruare quod reficit. Vnde & beatus Iob, quia Baldath Suites rectè per inquisitionem dixerat: Nunquid Dominus supplantat iudicium, aut omnipotens subuertit quod iustum est? quia vera in hypocritas robustaque protulerat, bene hæc & contra prauos generaliter prolata conspiciens, studium propriæ defensionis calcat, atque audita protinus approbat, dicens:

Libri Iob Caput nonum.

Respondens Iob, ait: Verè scio quòd ita sit, & quòd non iustificetur homo còpositus Deo. Si voluerit contèdere cum eo, non poterit respondere ei vnum pro mille. Sapiens corde est, & fortis robore. Quis restitit ei, & pacem habuit? Qui transtulit montes & nescierunt hi quos subuertit in furore suo. Qui commouet terram de loco suo, & columnæ eius concutiuntur. Qui præcipit Soli & non oritur, & Stellæ claudit quasi sub signaculo. Qui extendit cœlos solus, & graditur super fluctus maris. Qui facit arcturum & orionem & hyadas, & interiora Austri. Qui facit magna & incomprehensibilia & mirabilia, quorum non est numerus. Si venerit ad me, non videbo eum: si abierit, non intelligam. Si repente interroget, quis respondebit ei? Vel quis dicere potest: Cur ita facis? Deus cuius iræ nemo resistere potest, & sub quo curuantur qui portāt orbem. Quantus ergo sum ego, vt respondeam ei, & loquar verbis meis cum eo? Qui etiam si habuero quippiam iustum, non respondebo: sed meum iudicem deprecabor. Et cum inuocantem me exaudierit, non credo quòd audierit vocem meam. In turbine enim conteret me, & multiplicabit vulnera mea, etiam sine causa. Non concedit requiescere spiritum meum, & implet me amaritudinibus. Si fortitudo quæritur, robustissimus est. Si æquitas iudicij, nemo audet pro me testimonium dicere. Si iustificare me voluero, os meum condemnabit me. Si innocentem ostēdero, prauum me comprobabit. Etiam si simplex fuero, hoc ipsum ignorabit anima mea, & tædebit me vitæ meæ. Vnum est quod locutus sum, & innocentem & impiū ipse consumit. Si flagellat, occidat semel, & non de pœnis innocentium rideat. Terra data est in manus impij, vultum iudicij eius operit. Quod si non ille est, quis est ergo? Dies mei velociores fuerunt cursore: fugerūt, & non viderunt bonum. Pertransierunt quasi naues poma portantes, sicut aquila volans ad escam. Cum dixero: Nequaquam ita loquar, commuto faciem meam, & dolore torqueor. Verebar omnia opera mea, sciens quòd non parceres delinquenti. Si autem & sic impius sum, quare frustra laboraui? Si lotus fuero quasi aquis niuis, & fulserint velut mundissimæ manus meæ: tamen sordibus intinges me, & abominabuntur me vestimenta mea. Neque enim viro qui similis mei est respondebo, nec qui mecum in iudicio ex æquo possit audiri. Non est qui vtrunque valeat arguere, & ponere manum suam in ambobus. Auferat à me virgam suam, & pavor eius nō me terreat. Loquar, & non timebo eum. Nec enim possum metuens respondere.

Quòd qui de vitæ perfectione se erigit, nec initium se habere ostendit.

Caput II.

Verè scio quòd ita sit, & quòd non iustificabitur homo còpositus Deo. Homo quippe Deo non còpositus, iustitiam percipit, còpositus amittit: quia quisquis se auctori bonorum comparat, bono se quod acceperat priuat. Qui enim accepta bona sibi arrogat, suis contra Deum donis pugnat. Vnde ergo despectus erigitur, dignum est vt erectus inde destruat. Sanctus autem vir, quia omne virtutis nostræ meritum esse vitium conspiciat: si ab interno arbitrio districtè iudicetur, rectè subiungitur: *Si voluerit contendere cum eo, non po-*

Etenim respondere ei vnum pro mille. In scriptura sancta millenarius numerus pro vniuersitate solet intelligi. Hinc etenim Psalmista ait: Verbi quod mandauit in mille generationes: cum perfectò constet quòd ab ipso mundi exordio vsq; ad redemptoris aduentum, per Euangelistam non amplius quàm septuaginta & septem propagines numerentur. Quid ergo in millenario numero, nisi ad proferendam nouam sobolem, perfectæ vniuersitatis præscitæ generationis exprimitur? Hinc & per Ioannem dicitur: Et regnabunt eum eo mille annis: quia videlicet regnum sanctæ Ecclesiæ, vniuersitatis perfectione solidatur. Quia verò monas decies multiplicata in denarium ducitur: denarius per semetipsum ductus in centenarium dilatur, qui rursus per denarium ductus in millenarium tenditur, cum ab vno incipimus, vt ad millenarium veniamus, quid hoc loco vnius appellatione, nisi bene viuendi initium, quid millenarij numeri amplitudine, nisi eiusdem bonæ vitæ perfectio designatur? Cum Deo autem contendere, est non ei tribuere, sed sibi gloriam suæ virtutis arrogare. Sed sanctus vir conspiciat, quia & qui summa iam dona percepit, si de acceptis extollitur, cuncta quæ acceperat amittit, & dicat: *Si voluerit contendere cum eo, non poterit respondere ei vnum pro mille.* Qui enim cum auctore contendit, vnum pro mille respondere non sufficit: quia qui de perfectione se erigit, habere se bene viuendi, nec initium ostendit. Vnum nanque pro mille respondere non possumus: quia cum de bonæ vitæ perfectione extollimur, hanc nos nec inchoasse monstramus. Sed tunc de nostra infirmitate verius concutimur, si quàm sit immensa potentia iudicis, considerando pensamus. Vnde & subditur: *Sapiens corde est & fortis robore.* Quid mirum si conditorem sapientium, sapientem dicimus, quem ipsam esse sapientiam scimus? Et quid mirum quòd fortem esse memorat, quem ipsam esse fortitudinem nullus ignorat? Sed sanctus vir duobus verbis in laudem auctoris prolatis, aliquid nobis intimat, vnde nos ad cognitionem nostram trepidos reducat. Sapiens quippe Deus dicitur, quia occulta nostra subtiliter agnoscit: & esse fortis adiungitur, quia valenter cognita percutit. Nec falli ergo à nobis, quia sapiens: nec vitari quia fortis est, valet. Nunc vt sapiens omnia inuisibilis aspiciat: tunc vt fortis sine villo obstaculo quos reprobat, punit. Qui hoc quoque hinc forti sapientia ordinat, vt humana mens cum contra auctorem se eleuat, ipsa se sua elatione confundat. Vnde & subditur: *Quis restitit ei, & pacem habuit?* Qui enim cuncta mirabiliter creat, ipse vt creata sibi met cōueniant ordinat. In quo ergo conditori resistitur, pacis conuentio dissipatur: quia ordinata esse nequeunt, quæ superni moderaminis dispositionem perdunt. Quæ enim subiecta Deo, in tranquillitate persistere nequeunt, ipsa se sibi met dimissa, confundunt: quia in se pacem non inueniunt, cui venienti desuper in auctore contradicunt. Sic summus ille angelicus spiritus, qui subiectus Deo in culmine stare potuisset, semetipsum repulsus patitur: quia per naturæ suæ inquietudinem foris vagatur. Sic primus humani generis parens, quia auctoris præcepto restitit, carnis protinus contumeliam sensit: & quia subesse conditori per obedientiam noluit, sub semetipso prostratus, & pacem corporis protinus amisit. Bene ergo dicitur: *Quis restitit ei & pacem habuit?* quia peruersa mens vnde se contra auctorem erigit, inde se in semetipsa confundit. Resistere autem Deo dicimur, cum repugnare eius dispositionibus conamur. Neque enim nostra infirmitas incommutabili eius sententiæ obuiat, sed tamen quod explere non valet, tentat. Nam sæpe humana infirmitas occultè vim dispositionis agnoscit, & tamen hanc si mutare valeat appetit. Contraire fatagit, sed ipso se gladio contradictionis frangit. Ordini interno renititur, sed suis victa conatibus, ligatur. Habere ergo pacem resistens non potest: quia dum superbiam confusio sequitur, quod stultè per culpam geritur, hoc in agentis pœnam mirabiliter ordinatur. Sed vir sanctus virtute prophetici spiritus plenus, cum confusionem generaliter humanæ superbix conspiciat, ad speciale malum protinus plebis Israëliticæ oculos mentis tendit, & quæ pœna elatos omnes maneat, ex vnius gentis interitu ostendit. Nam repente subiungit, dicens: *Qui transtulit montes, & nescierunt hi, quos subuertit in furore suo.* In scriptura sacra sæpe montium nomine, prædicantium altitudo

titudo designatur. De quibus per Psalmistam dicitur: *Suscipiant montes pacem populo tuo. Electi quippe prædicatores, æternæ patriæ non immerito montes vocantur: quia per vitæ suæ celsitudinem ima terrarum deserunt, & cælo propinqui fiunt. Sed montes, veritas transtulit, cum prædicatores sanctos à Iudææ obduratione subtraxit. Vnde recta etiam per Psalmistam dicitur: Transferentur montes in cor maris. In cor enim maris montes translati sunt, cum prædicantes Apostoli à Iudææ perfidia repulsi ad intellectum gentilium venerunt. Vnde ipsi quoque in suis actibus dicunt: Vobis oportebat primum loqui verbum Dei, sed quia repulistis illud, & indignos vos iudicatis æternæ vitæ, ecce conuertimur ad gentes. Sed hanc eandem translationem montium hi ipsi nescierunt, qui in Domini furore subuersi sunt: quia cum de suis finibus Hebræi Apostolos pellerent, lucrum se fecisse arbitrati sunt, quod prædicationis lumen amiserunt. Exigentibus quippe meritis, iusta animaduersione percussi, tanto intelligentiæ errore cæcati sunt, vt quod lucem perderent, hoc esse gaudium putarent. Sed repulsi Apostolis, à Romano protinus principe Tito Iudæa destruitur, atque in cunctis gentibus ipsa, dissipatur. Vnde & translatis montibus rectè subiungitur: *Qui commouet terram de loco suo, & columnæ eius concutuntur.* De loco quippe suo & terra commota est: cum plebs Israëlita de Iudææ finibus euulsa, nimirum colla gentibus subdidit, quia subdi auctori recusauit. Quæ scilicet terra columnas habuit, quia in sacerdotes & principes, legis doctores atque phariseos, ruitura eius fabricæ structura surrexit. In ipsis namque literæ ædificium tenuit, & tranquillitatis suæ tempore, sacrificium carnalium quasi superimpositæ fabricæ onera portauit. Sed translatis montibus, columnæ concussæ sunt: quia subductis à Iudæa Apostolis, nec ipsi viuere in illa permisi sunt, qui ab illa vitæ prædicatores expulerunt. Dignum quippe erat, vt terrenam patriam subacti perderent, cuius amore nequaquam veriti sunt cælestis patriæ milites impugnare. Sed expulsis sanctis doctoribus, Iudæa funditus corruit, & iusto iudicantis examine, in erroris sui tenebris mentis oculos clausit. Vnde & adhuc subditur:*

Quod propterea malitiam subditorum subtrahatur lux prædicationis, & claudat Deus ora sanctorum doctorum.

Caput III.

Qui præcipit Soli, & non oritur: & stellas claudit quasi sub signaculo. Aliquando namque in sacro eloquio Solis nomine, prædicatorum claritas designatur: sicut per Ioannem dicitur: Factus est Sol vt saccus cilicinus. In extremo quippe tempore Sol quasi cilicinus saccus ostenditur: quia fulgens vita prædantium, ante reproborum oculos, aspera & despecta monstratur. Qui stellarum quoque claritate figurantur, quia dum recta peccatoribus prædicant, tenebras nostræ noctis illustrant. Vnde & subtractis prædicatoribus, per Prophetam dicitur: Prohibitæ sunt stellæ pluuiarum. Quia verò Sol per diem fulget, stellæ obscuritatem noctis irradiant, & plerumque in sacro eloquio diei appellatione æterna patria, noctis autem nomine, præfens vita signatur: prædicatores sancti, vt Sol nostris oculis sunt, cum contemplationem nobis veræ lucis aperiunt: & velut stellæ in tenebris lucent, cum per actiuam vitam pro futuris necessitatibus nostris terrena disponunt. Quasi in die vt Sol coruscant, cum ad contemplandum internæ claritatis patriam, mentis nostræ aciem subleuant, & quasi stellæ in nocte resplendent: quia & cum terrena agunt, offensurum iamiamque nostri operis pedem, exemplo suæ rectitudinis dirigunt. Sed quia expulsis prædicatoribus, non fuit qui plebi Iudaicæ in perfidiæ suæ nocte remanenti, vel claritatem contemplationis ostenderet, vel actiuæ vitæ lumen aperiret: veritas quippe, quæ hanc repulsa deseruit, subtracto prædicationis lumine, merito suæ prauitatis excæcauit, rectè dicitur: *Qui præcipit Soli, & non oritur: & stellas claudit quasi sub signaculo.* Oriri quippe ei Solem noluit, à qua prædantium animus diuerteret. Et quasi sub signaculo stellas clausit, qui dum prædicatores suos per silentium intra semetipsos retinuit, cæcis iniquorum mentibus cæleste lumen abscondit. Pensandum verò est, quia idcirco aliquid sub signaculo claudimus, vt hoc cum tempus congruit, ad medium proferamus.

Et sacro eloquio attestante didicimus: quod Iudæa quæ nunc deseritur, ad finem fidei in fine colligatur. Hinc namque per Esaiam dicitur: Si fuerit numerus filiorum Israël quasi arena maris, reliquæ saluæ fiunt: Hinc Paulus ait: Donec plenitudo gentium intraret, & sic omnis Israël saluus fieret. Qui igitur prædicatores suos nunc Iudææ oculis subtrahit, sed postmodum ostendit, quasi sub signaculo stellas clausit: vt absconsis prius, & post coruscantibus astrorum spiritualium radiis noctem perfidiæ suæ, & nunc repulsa non videat, & tunc illuminata deprehendat. Hinc est quod duo illi prædicatores eximij dilata morte subtracti sunt, vt ad prædicationis usum in fine reuocentur. De quibus per Ioannem dicitur: Hi sunt duæ oliuæ & duo candelabra in conspectu Domini terræ astantes. Quorum vnum in Euangelio per semetipsam veritas pollicetur, dicens: Helias venturus est, & restituet omnia. Quasi ergo sub signaculo stellæ clausæ sunt, quæ & nunc occultantur ne appareant, & post vt prodesse valeant, apparebunt. Sed tamen plebs Israëlita, quæ vbertim in fine colligitur, in ipsis sanctæ Ecclesiæ exordiis crudeliter obduratur. Nam prædicatores veritatis renuit, verba adiutorij spreuit. Quod tamen mira auctoris dispensatione agitur, vt nimirum prædantium gloria quæ recepta in vno populo latere poterat, in cunctis gentibus repulsa dilatetur. Vnde & aptè mox subditur.

Quod cæli extensi sunt, quando dilatatum est Euangelium, & diffusa prædicationis in orbem terrarum.

Caput IIII.

Qui extendit cælos solus. Quid namque cælorum nomine, nisi hæc eadem cælestis prædantium vita designatur? De quibus per Psalmistam dicitur: Cæli enarrant gloriam Dei. Ipsi igitur cæli, ipsi Sol esse memorantur. Cæli scilicet, quia intercedendo protegent: Sol autem, quia prædicando vim luminis ostendunt. Commota igitur terra cæli extensi sunt, quia cum Iudæa ad vim persecutionis infremuit, Apostolorum vitam Dominus in cunctarum gentium cognitionem dilatavit. Et dum illa per iudicium in mundum captiua dispergitur, isti vbique per gratiam in honore tenduntur. Angusti quippe cæli fuerant, cum vna plebs tot egregios prædicatores tenebat. Quis enim gentilium Petrum nosset, si in solius Israëliti populi prædicatione remansisset? Quis Pauli virtutes agnosceret, nisi hunc Iudæa ad nostram notitiam persequendo transmississet? Ecce iam qui plagis & contumeliis ab Israëlita plebe repulsi sunt, per mundi fines honorantur. Solus ergo Dominus cælos tetendit, qui secreti mira dispensatione consilij, prædicatores suos vnde permisit in vna gente opprimi, fecit in mundi cardines inde dilatari. Sed neque ipsa hæc præfenti dedita mundo gentilitas, cum culpas eius, Apostolorum lingua corripuit, verba vitæ libenter accepit. Nam protinus in elatione contradictionis intumuit, & que ad crudelitatem se persecutionis excitauit. Sed quæ prædicationis verbis contraire nititur, signorum citius admiratione temperatur. Vnde & aptè quoque in auctoris laudem subiungitur:

Quod pauperes Christi, huius mundi potestates in miraculorum virtute calcauerunt.

Caput V.

Et graditur super fluctus maris. Quid enim maris nomine, nisi in bonorum nece sæuies mundi huius amaritudo signatur? De quo & per Psalmistam dicitur: Congregans quasi in virem aquas maris. Aquas etenim maris quasi in virem Dominus congregat, cum miro moderamine cuncta disponens, in suis clausas cordibus carnalium minas frenat. Super fluctus ergo maris Dominus graditur, quia cum se procellæ persecutionis erigunt, miraculorum eius obstupescatione franguntur. Qui enim tumores humanæ vesanæ mitigat, quasi erectas in cumulo vndas calcat. Nam cum raorem suum gentilitas destrui nouæ conuersationis prædicatione conspiceret, cum mundi huius diuites, elationi suæ contraire viderent facta pauperum: cum sapientes seculi, aduersari sibi imperitorum verba pensarent: in persecutionis protinus tempestatem tumuerunt. Sed qui verborum aduersitate commoti, ad persecutionis procellas insiliunt, signorum, vt diximus, admiratione temperantur. Tot ergo in his fluctibus Dominus gressus posuit, quot superbis persecutoribus miracula ostendit. Vnde be-

Psalm. 92. ne rursum per Psalmistam dicitur: Mirabiles elationes maris, mirabilis in excelsis Dominus: quia contra electorum vitam ad persecutionis vndas mundus se mirabiliter extulit, sed has
† al. suble- supernorum conditor, † sub eleuata virtute prædicantium
nata. mirabilius strauit: ministros etenim suos plus ostendit posse per miracula, quã potestates terrenæ quæ tuncuerant per iram.
Hier. 5. Quod bene etiam per Hieremiam Dominus exteriora narras, interiora denuntians, dicit: Posuit arenam terminum mari præceptum sempiternum, quod non præteribit, & commouebuntur, & non poterunt, & intumescunt fluctus eius, & non transibunt illum. Arenam quippe Dominus mari terminum posuit: quia ad frangendam mundi gloriam, abiectos & pauperes elegit. Cuius nimirum maris fluctus intumescunt: cum potestates seculi, ad commotionem persecutionis exiliunt. Sed transire arenam nequeunt, quia despectorum miraculis & humilitate franguntur. Sed dum mare sæuit, dum per insaniam suam fluctus erigitur, quia tamen virtutis intimæ ostensione calcatur, sancta Ecclesia proficit, atque ad statum sui ordinis per temporum incrementa confurgit. Vnde & aptè mox subditur:

Quod fundata in fide Christi Ecclesia, in hyeme infidelitatis contra persecutorum procellas, primò martyres, deinde doctores effulserunt: quibus post laborum pressuras in interioribus Austri, id est, secreto cœlestis patriæ sinu, præparata est ab æterno cum Angelis sanctis hereditas.

Caput VI.

6 *Q*ui facit arcturum & orionas & hyadas, & interiora Austri.) Nequaquam sermo veritatis vanas, Hesiodi, Arati & Callimachi fabulas sequitur, vt arcturum nominans, extremam stellarum septem caudam vrsæ suspicetur, & quasi orion gladium teneat, amator insanus. Hæc quippe astrorum nomina, à cultoribus sapientiæ carnalis inuenta sunt, sed scriptura sacra idcirco eisdem vocabulis vtitur: vt res quas insinuare appetit, notitia vilitatæ appellationis exprimatur. Nam si astra quæ vellet per ignota nobis nomina diceret: homo pro quo hæc eadem scriptura facta est, nesciret proculdubio quid audiret. Sic igitur in sacro eloquio sapientes Dei sermonem trahunt à sapientibus seculi, sicut, in eo pro vtilitate hominis vocem in se humanæ passionis ipse cõditor hominum sumit Deus, vt videlicet dicat: Pœnitent me fecisse hominem super terram: cum profectò constet quia is qui cuncta prius quàm veniant conspiciat, nequaquam postquam aliquid fecerit, pœnitendo respiciat. Quid ergo mirum si spirituales viri vtuntur verbis carnalium, quando ipse ineffabilis & creator omnium spiritus, vt ad intellectum suum carnem pertrahat, in seipso carnis sermonem format? In scriptura igitur sacra dum nota astrorum nomina audimus, de quibus astris sermo mouetur, agnoscimus. Cum verò quæ enarrantur astra perpendimus, restat vt ex eorum motibus ad spiritualis intelligentiæ arcana surgamus. Neque enim iuxta literam mirum aliquid dicitur, quod Deus arcturum, orionas, & hyadas fecit: de quo nimirum constat quia omnino in mundo nihil sit, quod ipse non fecerit. Sed sanctus vir hæc fecisse Deum dicit: per quæ signari propriè ea quæ spiritaliter geruntur, intelligit. Quid nanque arcturi nomine, qui in cœli axe constitutus, septem Stellarum radiis fulget, nisi Ecclesia vniuersalis exprimitur, quæ in Ioannis Apocalypsi per septem Ecclesias, septemque candelabra figuratur? Quæ dum dona in se septiformis gratiæ spiritus continet, claritate summæ virtutis irradians, quasi ab axe veritatis lucet. Pensandum quoque est quod arcturus semper versatur, & nunquam mergitur: quia & sancta Ecclesia persecutiones iniquorum sine cessatione tolerat, sed tamen vsque ad mundi terminum sine defectu perdurat. Sæpe nanque eam reprobi, quia vsque ad intereccionem persecuti sunt, quasi hanc se funditus extinxisse crediderunt: sed eò multiplicius ad statum sui † profectus rediit, quod inter manus persequentium moriendo laborauit. Arcturus ergo dum versatur, erigitur: quia tunc sancta Ecclesia valentius in veritate reficitur, cum ardentius pro veritate fatigatur. Vnde aptè quoque post arcturum protinus orionas subdit. Oriones quippe in ipso pondere temporis hyemalis

E oriuntur: suo quoque ortu tempestates excitant, & maria terrasque perturbant. Quid igitur post arcturum per orionas, nisi martyres designantur? Qui dum * sanctam Ecclesiam ad statum prædicationis erigunt, pondus persequentium, molestiasque passuri, ad cœli faciem quasi in hyeme venerunt. His etenim natis, mare terræque turbata est: quia dum gentilitas mores suos destrui, apparente illorum fortitudine doluit, in eorum necem non solum iracundos ac turbidos, sed etiam placidos erexit. Ex orionibus itaque hyems inhorruit: quia clarescente sanctorum constantia, frigida mens infidelium, ad tempestatem se persecutionis excitauit. Orionas ergo cœlum edidit, cum sancta Ecclesia martyres misit. Qui dum loqui recta rudibus ausi sunt, omne pondus ex frigoris aduersitate pertulerunt. Bene autem protinus hyadas subdit, quæ † iuuenescente verno ad cœli faciem prodeunt, & cum iam Sol caloris sui vires exerit, ostenduntur. Illius quippe signi initiis inhærent, quod sapientes seculi, Taurum vocant, ex quo augeri Sol incipit, atque ad extendenda diei spatia feruentior exurgit. Qui itaque post orionas hyadam nomine, nisi Doctores sanctæ Ecclesiæ designantur? Qui subductis martyribus, eo iam tempore ad mundi notitiam venerunt, quo fides dlurius elucet, & repressa infidelitatis hyeme, altius per corda fidelium Sol veritatis calet. Qui remota tempestate persecutionis, expletis longis noctibus infidelitatis, tunc sanctæ Ecclesiæ orti sunt, cum ei iam per credulitatis vernum lucidior annus aperitur. Nec immeritò Doctores sancti hyadam nuncupatione signantur. Græco quippe eloquio hyetos pluuia vocatur, & hyades nomen à pluuiis acceperunt, quia ortæ procul dubio imbres ferunt. Bene ergo hyadam appellatione expressi sunt, qui ad statum vniuersalis Ecclesiæ, quasi in cœli faciem deducti, super arentem terram humani pectoris, sanctæ prædicationis imbres fuderunt. Si enim prædicationis sermo pluuia non esset, Moyses minimè dixisset: Expectetur sicut pluuia eloquium meum: & nequaquam per Esaïam veritas diceret: Mandabo nubibus meis ne pluant super eam imbrem: atque hoc quod paulò antè protulimus, Quamobrem prohibita sunt Stellæ pluuiarum. Dum ergo hyades cum pluuiis veniunt, ad cœli spatia altiora Sol ducitur: quia apparente Doctorum scientia, dum mens nostra imbre prædicationis infunditur, fidei calor augetur. Et perfusa terra ad fructum proficit, cum lumen ætheris ignescit, quia vberius frugem boni operis reddimus, dum per sacræ eruditionis flammam, in corde clarius ardemus. Dumque per eos diebus singulis magis magisque scientia cœlestis ostenditur, quasi interni nobis luminis vernum tempus aperitur: vt nouus Sol nostris mentibus rutilet, & eorum verbis nobis cognitus, seipso quotidie clarior micet. Vrgente etenim mundi fine, superna scientia proficit, & largius cum tempore excrecit. Hinc nanque per Daniele dicitur: Pertransibunt plurimi, & multiplex erit scientia. Hinc Ioanni in priori parte reuelationis Angelus dicit: Signa quæ locuta sunt septem tonitrua. Cui tamen in eiusdem reuelationis termino præcepit, dicens: Ne signaueris verba Prophetiæ libri huius. Pars quippe reuelationis anterior signari præcipitur, terminus prohibetur: quia quicquid in sanctæ Ecclesiæ initiis latuit, finis quotidie ostendit. Nonnulli verò à Græca litera, quæ y dicitur: hyadas nuncupatas arbitrantur. Quod si ita est, significationi quam diximus, contrarium non est. Doctores enim his Stellis non inconuenienter expressi sunt, quæ à literis nomen trahunt. Sed quauis hyades ab eiusdem literæ visione non discrepent, certum tamen est, quia hyetos imber dicitur, eo quod exortæ pluuias apportant. Vir igitur sanctus redemptionis nostræ ordinem contemplatus admiratur, atque admirans exclamet, dicens: Qui extendit cœlos solus: & graditur super fluctus maris, qui facit arcturum & orionas & hyadas.) Extensis etenim cœlis Dominus formauit arcturum, quia in honorem deductis Apostolis, in cœlesti cõuersatione fundauit Ecclesiam. Formato quoque Arcturo, fecit orionas, quia roborata fide vniuersalis Ecclesiæ, cõtra procellas mudi edidit martyres. Editis quoque orionibus protulit hyadas: quia cõualescentibus cõtra aduersa martyribus, ad infundendam ariditatem humanorum cordiũ, doctrinam cõtulit magistrorum. Isti itaque sunt astrorum spiritualium ordines qui dum summis virtutibus

† vel, profectus.

** al. dum sancta Ecclesia ad statum prædicationis erigitur.*

† al. vniuersalis.

Dante. 3.

Daniel. 10.

Apo. 10.

virtutibus eminent, semper ex supernis lucent. Sed post ista quid restat, nisi vt sancta Ecclesia laboris sui fructum recipiens, ad videnda supernæ patriæ interna perueniat? Vnde & aptè, quia dixit: *Qui facit Arcturum & orionas & hyadas*: protinus addidit: *Et interiora Austri.* Quid nanque in hoc loco Austri nomine, nisi feruor sancti spiritus designatur? Quod dum repletus quisque fuerit, ad amorem patriæ spiritualis ignescit. Vnde & sponsi voce in Canticorum canticis dicitur: Surge Aquilo & veni Austro, perfla hortum meum, & fluent aromata illius. Austro quippe veniente, Aquilo surgens recedit, cum aduentu sancti spiritus expulsus antiquus hostis, qui in torpore mentem constrinxerat, deserit. Atque hortum sponsi Austro perflat, vt aromata defluant, quia nimirum dum sanctam Ecclesiam donorum suorum virtutibus spiritus veritatis impleuerit, ab ea longè latèque odores boni operis spargit. Interiora ergo Austri, sunt occulti illi angelorum ordines, & secretissimi patriæ cælestis sinus, quos implet calor spiritus sancti. Illuc quippe sanctorum animæ, & nunc corporibus exutæ, & postea corporibus restitutæ perueniunt, & quasi in Austri abditis occultantur. Ibi per diem quasi in meridiano tempore, ardentius solis ignis accenditur, quia conditoris claritas mortalitatis nostræ iam pressa caligine manifestius videtur, & velut sphaeræ radius ad spatia altiora se eleuat: quia de semetipsa nos veritas subtilius illustrat. Ibi lumen intimæ contemplationis sine interueniente cernitur vmbra mutabilitatis, ibi calor summi luminis sine vlla obscuritate corporis, & ibi inuisibiles angelorum chori quasi astra in abditis emicant, quæ eò nunc ab hominibus videri nequeunt: quod flamma veri luminis altius perfunduntur. Valde itaque mirum est quod missis Apostolis Dominus cælos tetendit, quod temperatis persecutionum tumoribus maris fluctus gradiens repressit, quod solidata Ecclesia arcturum statuit, quod roboratis cõtra aduersa martyribus orionas misit, quod repletis in tranquillitate doctoribus hyadas præbuit: sed post hæc valde est admirabile quod finem nobis cælestis patriæ quasi interiora Austri præparauit. Pulchrum est hoc omne, quod quasi in cæli facie de diuina dispensatione cernitur, sed longè illud & incomparabiliter pulchrius, ad quod inuisibiliter peruenitur. Vnde bene iterum sponsus in sponsæ suæ laudibus dicit: Quam pulchra es amica mea: quam pulchra es, oculi tui columbarum, absque eo quod intrinsecus latet. Pulchram narrat, & pulchram replicat: quia alia est ei pulchritudo morum in qua nunc cernitur, atque alia pulchritudo præmiorum, in qua tunc per conditoris sui speciem subleuabitur: Cuius membra, videlicet omnes electi, quia ad cuncta simpliciter incedunt, eius oculi columbarum vocantur, qui magna luce irradiant, quia & lignorum miraculis corruscant. Sed quantum est omne hoc miraculum quod videri nunc potest? Illud de internis miraculum est mirabilius, quod nunc videri non potest. De quo illic aptè subditur: Absque eo quod intrinsecus latet. Magna quippe est gloria aperti operis, sed longè incomparabilis occultæ remunerationis. Quod ergo per beatum Iob astrorum nomine, hoc Salomonis vocibus oculorum appellatione signatur: & quod per Salomonem dicitur: Absque eo quod intrinsecus latet, hoc nobis beatus Iob intimat, cum Austri interiora commendat. Sed ecce vir sanctus exteriora nominans, interiora considerans, aperta narrans, occulta penetrans, omne quod interius exteriusque agitur, dicere conatur: sed opera summæ magnitudinis quando explicet lingua carnis? Vnde & aptè mox hæc eadem opera melius definiendo comprehendit dicens: *Qui facit magna & inscrutabilia & mirabilia, quorum non est numerus.* Diuinæ fortitudinis facta tunc verius explemus cum hæc nos explere non posse cognoscimus: tunc facundius loquimur, cum ab his obstupescendo reticemus: Ad narranda quippe Dei opera habet defectus noster, quam sufficienter exerat linguam suam, vt quæ comprehendere idoneè non valet, hæc idoneè mutus laudet. Vnde bene per Psalmistam dicitur: Laudate eum in potentibus eius, laudate eum secundum multitudinem magnitudinis eius, laudat, qui se succubere in eius laudis expletione cõsiderat. Dicat ergo: *Qui facit magna & inscrutabilia & mirabilia, quorum non est numerus: videlicet magna virtute,*

Tomus primus.

inscrutabilia ratione, innumerabilia multiplicitate. Diuina ergo opera quæ explere dicendo non potuit, facundius definiendo definiuit. Sed in consideratione rerum cur longè extra nos ducimur, qui hoc ipsum quoque quod erga nos agitur, ignoramus? Vnde & aptè subiungitur:

Quod exigentibus peccatis ita cæcum est genus humanum, vt sæpe quod donum est gratiæ, iram putet: & quod ira est, gratiam aestimet.

Caput VII.

Si venerit ad me, non videbo eum: & si abierit, non intelligam eum. Seclusum quippe ab internis gaudiis genus humanum, exigente culpa mentis oculos perdidit: & quod meritorum suorum passibus graditur, nescit. Sæpe enim gratiæ est donum, quod iram deputat: & sæpe diuinæ districtiõis ira est, quod gratiam deputat. Nam plerunque gratiam aestimat dona virtutum, & tamen de eisdem donis elatus corrui. Plerunque velut iram metuit aduersa tentationum: & tamen eisdem tentationibus pressus, ad virtutum custodiam cautiore exurgit. Quis enim Deo se propinquare non aestimet, cum supernis ex crescere se muneribus agnoscit, cum vel prophetiæ donum, vel doctrinæ magisterium percipit, vel ad exercendam curationum gratiam conualescit? Et tamen sæpe mens dum de virtutis suæ securitate resoluitur, insidiante aduersario inopinatè culpe telo perforatur: & inde à Deo in æternum longè fit, vnde ei ad tempus sine cautela custodia propinquauit. Et quis se derelictum à diuina iam gratia non deputet, cum post experimentum munditiæ lacessiri se carnis tentationibus videt, inhonesta ad animum congeri, & ante cogitationis oculos, nonnulla improba, & immunda versari: Et tamen cum fatigant ista nec superant, nequaquam per pollutionem trucidant, sed per humilitatem seruant: vt infirmum se animus in tentatione deprehendens, totum se ad diuinitatis adiutorium conferat, & sui fiduciam funditus amittat. Sicque fit, & vt inde altius Deo inhæreat, vnde se à Deo profundius cecidisse suspirabat. Accessus igitur recessusque Dei, à mente nostra minimè cognoscitur, quousque rerum alternatium finis ignoratur: quia & de tentatione incertum est, vtrum probet, an trucidet: & de donis nequaquam deprehenditur, vtrum hic desertos remunerent: an in via nutrant, vt ad patriam perducant. Homo ergo ab internis gaudiis semel expulsus, clauas contra se ianuas secreti spiritualis aspiciat, atque ad semetipsum foras proiectus in carne gemat, & cæcitat suæ damna considerans, dicat: *Si venerit ad me, non videbo eum: & si abierit, non intelligam eum.* Ac si aperè deploret, dicens: Postquam semel sponte oculos perdidit, quoniam quæsitæ noctis cæcitatem patior, nec ortum iam, nec occasum Solis agnosco. Et tamen homo qui infirmitatis pœna premitur, & cæcitat suæ caligine grauatur, ad supernæ lucis iudicium properat, vt suorum actuum rationem reddat. Vnde mox subditur:

Quod magna superbia sit, in iudiciis diuinis rationem querere. Caput VIII.

Si repente interroget, quis respondebit ei? Repentè Deus interroget, cum nos ad districtiõem sui examinis inopinosos vocat. Sed interrogationi illius homo respondere non sufficit: quia si remota tunc pietate discutitur, in illo examine etiam iustorum vita succumbit. Vel certè interrogat, cum duris nos percussioibus pulsat: vt cum mens nostra magna de se in tranquillitate aestimat, semetipsam veraciter qualis sit in perturbatione deprehendat. Et plerunque quoniam percutitur gemit, sed respondere non sufficit, quia & ipsa ei percussio suæ aduersitas displicet: sed tamen semetipsum homo considerans taceat, & diuina iudicia discutere metuit, qui esse se puluerem agnoscit. Vnde & per Paululum dicitur: O homo, tu quis es, qui respondeas Deo? Respondere Deo non posse conuincitur, qui homo nominatur: quia per hoc quod de humo sumptus est, iudicia superna discutere dignus non est. Vnde hinc quoque aptè subiungitur: *Vel quis ei dicere potest, Cur ita facis?* Authoris facta semper indiscussa veneranda sunt, quia iniusta nequaquam esse possunt. Rationem quippe de occulto eius consilio querere, nihil est aliud quam contra eius consiliu superbire. Cum ergo factorum causa non deprehenditur restat vt sub factis illius cum humilitate taceatur: quia nequaquam sufficit sensus

h

Roma. 9.

carnis, ut secreta penetret maiestatis. Qui ergo in factis Dei rationem non videt, infirmitatem suam considerans, cur non videat, rationem videt. Vnde & per Paulum quoque subsequenter adiungitur: Nunquid dicet figmentum ei qui se finxit, Quare me fecisti sic? Quo enim se cernit figmentum diuini operis, eo semetipsum redarguit, ne contra manum resultet operantis: quia qui benigne quod non erat, fecit: quod est, iniuste non deserit. Ad semetipsam ergo in percussione mens redeat, & quod apprehendere non valet, non requirat: ne si diuinæ iræ causa discutitur, amplius discussa prouocetur: & quam placare humilitas poterat, inextinguibiliter superbia accendat. Vnde aptè quoque de hac eadem ira protinus subditur:

Quomodo verum sit, quod nullus iræ Dei resistat, cum patens sit, quod Moyses & multi alij resisterint. Caput IX.

Exod. 32.

Nume. 16.

Nume. 25.

Deus cuius resistere iræ nemo potest, & sub quo curuantur qui portant orbem. Mirum valde est, quod iræ Dei nullum posse resistere dicitur, cum multos indignationi supernæ animaduersionis obuiasse, eloquia diuina testentur. An non iræ Dei Moyses resistit, qui pro cadente populo erectus, ipsum supernæ percussione impetum, mortis suæ oblatione restrinxit, dicens: Dimitte illis hanc noxam: alioqui dele me de libro tuo quem scripsisti? An non iræ Dei Aaron resistit, cum inter viuentes ac mortuos thuribulum sumpsit, atque animaduersionis ignem, incensi fumo temperauit? An non Phinees iræ Dei resistit, qui luxuriantes cum alienigenis, in ipso coitu trucidans, zelum suum diuinæ indignationi obtulit, & furem gladio placauit? An non iræ Dei Dauid resistit, qui angelo ferienti se offerens, placationis gratiam, & ante tempus propositum exegit? An non Helias iræ Dei resistit, qui longo iam tempore terra arente, subductas de cælo pluuias verbo reuocauit? Quomodo ergo diuinæ iræ nullum posse resistere dicitur, cum multos sepe resistisse exemplis existentibus demonstratur? Sed si subtiliter & hæc beati Iob eloquia, & illorum facta pensamus: & verum cognoscimus, quia diuinæ iræ non resistitur: & verum, quia multi sæpe resisterunt. Omnes etenim sancti qui iræ Dei obuiant, ab ipso accipiunt, ut contra impetum percussione eius opponantur: atque, ut ita dixerim, cum ipso se erigunt contra ipsum, eosque diuina vis sibi opponit secum: quia in eo quod aduersum sæuentis iram foris obtinent, intus eos gratia irascētis fouet: & famulantes interius leuat, quos quasi aduersantes exterius tolerat. Portat ergo contradictionem deprecantium quam aspirat, & velut nolenti opponitur, quod ab ab ipso ut fiat, imperatur. Moyse etenim dicit: Dimitte me ut irascatur furor meus contra eos, & deleam eos, faciāque te in gentem magnam. Quid est seruo dicere, dimitte me, nisi deprecandi ausum præbere? Ac si aperte ei diceretur: Pensa, quantum apud me valeas, & cognosce, quia obtinere poteris quicquid pro populo exoras. Quod quia hac mente agitur, statim venia subiuncta testatur. Cum verò superna indignatio sese, ut ita dixerim, medullitis mouet, hanc oppositio humana non retinet: nec se vtiliter cuiuslibet deprecatio obicit, cum semel Deus aliquid ab intimis irascendo disponit. Hinc est enim quod Moyses qui reatum totius plebis apud Deum suis precibus terit, dumque se obicem obtulit, diuinæ iracundiæ vim placauit: ad petram Oreb veniens, & pro aquæ exhibitione diffidens, repromissionis terram ingredi, Domino irascente non potuit. Et sæpe hac de re affligitur, sæpe desiderio se excitante turbatur, & dispositæ ultionis iracundiæ repellere, à semetipso non valuit, qui hanc volente Domino & à populo amouit. Hinc Dauid, qui prostrata plebe postmodum angeli gladium prece compefcuit, prius plorans & eiulans, nudis pedibus filium fugit: & quousque perpetrati facinoris ultionem ad plenum reciperet, iram Dei pro semetipso temperare nequaquam valuit. Hinc Helias, ut sicut homo parum aliquid quasi de diuina animaduersione sentiret: qui verbo cælos aperuit, ante indignationem mulieris terribis per desertum fugit: & pro semetipso infirmatur in formidine, qui furorem Dei placat aliis per interuentionem. Iræ Dei igitur & resisti valet, quando ipse qui irascitur, opitulatur: & resisti omnipotens non valet,

Quomodo quandoque iræ Dei nemo potest resistere.

2. Reg. 24.

3. Reg. 17.

E quando se & ad vliscendum excitat, & ipse precem quæ ei funditur, non aspirat. Hinc ad Hieremiam dicitur: Tu ergo noli orare pro populo hoc, & ne assumes pro eis laudem & orationem, quia non exaudiam te, in tempore clamoris eorum ad me. Et rursum: Si steterint Moyses & Samuel coram me, non est anima mea ad populum istum. Quia in re quæri vtiliter potest, cur relictis tot antiquioribus patribus, ad effundendam precem Moyses & Samuel tantummodo præstantius elegantiusque nominantur? Quod tamen facile agnoscimus, si eius, qua diligere & inimicos præcipitur, charitatis merita pensamus. Conditoris nanque auribus maxime illa oratio commendatur, quæ pro inimicis quoque intercedere nititur. Vnde & per semetipsam veritas dicit: Orate pro persequentibus & calumniantibus vos. Et rursum: Cum stabitis ad orandum, dimittite si quid habetis aduersus alterum. Cum verò patrum priorum facta sacro eloquio describente reuoluimus, Moysen & Samuelem exorasse pro aduersantibus inuenimus. Vnus quippe eorum sæuentis populi persecutiones fugit, & tamen pro vita sui persecutoris interuenit. Alter ex principatu populi deiecit, ipsis suis aduersariis dicit: Absit à me hoc peccatum in Domino, quo minus cessem orare pro vobis. Quid est ergo in difficultate deprecandi, Moysen & Samuelem deducere, nisi apertius indicare: quia eius iræ, neque illi si astarent, obisterent, qui idcirco pro amicis interuenire citius possent: quia apud hunc intercedere & pro inimicis solerent? Hinc ad eandem Iudæam dicitur: Plaga inimici percussi te, castigatione crudeli. Et rursum: Quid clamas ad me super contritione tua? Insanabilis est dolor tuus. Vir igitur sanctus aspiciat: quia nullius interuentu diuina ira restringitur, cum implacabiliter excitatur, & dicat: Deus cuius resistere iræ nemo potest? Quod bene & ad specialem intellectum ducimus, si eiusdem plebis Israëlitiæ damna pensamus, quam redemptor per dispensationis suæ mysterium ostensus, superbientem deseruit, atque ad cognitionis suæ gratiam gentes vocauit. Vnde & aptè mox subditur:

Quod pondere diuino omnes curuantur, & nec ipsi perfecti viri qui mundum regunt, nec ipsi angeli diuinitatis eius immensitatem comprehendunt. Caput X.

Sub quo curuantur qui portant orbem. Ipsi etenim orbem portant, qui curas præsentis seculi tolerant. Tantorum quippe pondera vnusquisque sustinere cōpellitur, quantis in hoc mundo principatur. Vnde & terræ princeps non incongruè Græco eloquio βασιλεύς dicitur. Λαός enim populus interpretatur. βασιλεύς igitur βασις λαοῦ vocatur, quod Latina videlicet lingua basis populi dicit: quia videlicet ipse super se populū sustinet, qui motus illius, potestatis pondere fixus regit. Quod enim subiectionum suorum onera tolerat, eò quasi superpositam colummam basis portat. Beatus igitur Iob virtute prophetici spiritus plenus, aspiciat quod Iudæa deseritur, atque ad diuinitatis cultum gentiū principes inclinatur, & dicat: Deus cuius resistere iræ nemo potest, sub quo curuantur qui portant orbem. Ac si aperte fateatur dicens: Et subiectos quondam districtè deseris, & erectas potestates gentium misericorditer flectis. Quamuis per hoc quod dicitur: Sub quo curuantur qui portant orbem, possint & angelicæ virtutes intelligi. Ipsi etenim orbem portant, qui regendi mundi curas administrant, Paulo attestante, qui ait: Nonne omnes sunt administratorij spiritus, in ministerium missi propter eos qui hæreditatem capiunt salutis? Ait ergo: Deus cuius resistere iræ nemo potest, sub quo curuantur qui portant orbem. Ac si humilitatem omnis creaturæ conspiciat, & tremefactus dicat: Quis infirmorum hominum tuis nutibus obuiet, cuius se sortitudini, & virtutes angelicæ inclinant? Vel certe quoniam cum curuamur, superiora non cernimus: erecti essent illi subtilissimi spiritus, si plenè potentiam eius maiestatis attingerent. Sed qui orbem portant, sub Deo curui sunt: quia diuinitatis eius celsitudinem quanuis subleuati videant, nec virtutes tamen angelicæ comprehendunt. Quam vir iustus præ infirmitate non penetrans, sed hanc vteunque ex subiectis summorum spirituum ministeriis pensans, ad considerationem se propriam sollicita humilitate recolligit, sibi que coram

ram se præ potestate supernæ magnitudinis vilescit, dicens: *Quantus ergo ego sum ut respondeam ei, & loquar verbis meis cum eo?* Ac si apertè dicat: Si creatura illa hunc considerare non sufficit, quæ carne non premitur: quæ mente de eius ego iudiciis disputo, qui pondere corruptionis angustor? Sicut autem sæpe ad nos verba Dei sunt iudicia illius, quæ nostrorū actuum sententiam loquuntur: ita verba nostra ad Deum, sunt opera quæ exhibemus. Sed cum Deo loqui verbis suis homo non valet, qui apud subtile eius iudicium, nullam de suis actibus fiduciam tenet. Vnde & aptè subditur:

Quod ex iusticia non in nobis, sed in domino gloriandum est.

Caput XI.

Qui etiam si habuero quippiam iustum, non respondebo, sed meum iudicem deprecabor. Vt enim sæpe diximus: Omnis humana iustitia, iniustitia esse conuincitur, si districtè iudicetur. Prece ergo post iustitiam indiget, ut quæ succumbere difficulsa poterat, ex sola iudicis pietate conualescat. Quæ cum plenè à perfectioribus habetur, haberi de illa quippiam dicitur: quia mens humana & comprehensa vix peragit, & valde extrema sunt quæ comprehendit. Dicat ergo: *Qui etiam si habuero quippiam iustum, non respondebo, sed meum iudicem deprecabor.* Velut, si apertius fateatur, dicens: Et si ad opus virtutis excreuero, ad vitam non ex meritis, sed ex venia conualesco. Preci itaque innitendum est, cum recta agimus: ut omne quod iustè viuimus, ex humilitate condiamus. Sed plerunque ipsa nostra deprecatio tam multis tentationibus quatitur, ut penè à conspectu iudicis repulsa videatur, & sæpe hanc creator misericors respicit: sed quia illibatam se ut vult exercere non valet, super se iudicium reprobationis pauet. Vnde & subditur: *Et cum inuocarem me ex audierit, non credo quòd audierit vocem meam.* Plerunque etenim mens diuini amoris igne accenditur, atque ad intuenda cœlestia, & arcana subleuatur. Ad summa iam rapitur, & perfectio desiderio compuncta, ab infimis alienatur: sed repentina tentatione percussa, quæ intentione forti erecta in Deum fuerat, obortis cogitationibus transfixa curuatur: ita ut semetipsam discernere nequeat, atque inter vitia virtutisque deprehensa, ex qua parte sit valentior nò agnoscat. Nam sæpe ad hoc vsque perducitur, ut miretur quomodo tam summa comprehendat, quam cogitatio illicita polluit. Et rursus quomodo illicitam cogitationem recipiat, quam super se valide feruor spiritus rapit. Quos alternantes cogitationum motus in animo bene Psalmista intuens, ait: Ascendunt vsque ad cœlos, & descendunt vsque ad abyssos. Vsque ad cœlos quippe ascendimus, cum summa penetramus: sed ad abyssos vsque descendimus, cum repentè à contemplationis culmine per turpia tentamenta deiicimur. Motus itaque animi dum inter vota & vitia alternant, nimirum sibi certitudinem exauditionis obnubilant. Rectè ergo dicitur: *Et cum inuocarem me ex audierit, non credo quòd audierit vocem meam:* quia mēs ex ipsa sua mutabilitate fit trepida: & per hoc quod nolens patitur, repulsa se abiectamque suspicatur. Libet intueri vir sanctus quanta se subtilitate diiudicat, ne quid in illo diuina iudicia reprehendant. Infirmiorem nanque suam intuens, ait:

Quod sancti etiam sine causa flagellantur, non ut puniantur, sed ut probentur.

Caput XII.

Quantus ego sum qui respondeam ei, & loquar verbis meis cum eo? De iustitiæ suæ meritis nò confidens, sed ad solam se spem postulationis cōferens, subdit: *Qui etiam si habuero quippiam iustum, non respondebo, sed meum iudicem deprecabor.* Sed de ipsa quoque postulatione pauidus adiungit: *Et cum inuocarem me ex audierit, non credo quòd audierit vocem meam.* Cur tanta circumspectione trepidat, cur tanta sollicitudine formidat, nisi quia terrorem iudicis in extrema districtione considerat, & vim discussionis illius nò ferēs, omne quod gerit, esse sibi insufficiēs pensat? Vnde & protinus subdit: *In turbine enim conteret me.* Peccator quisque in turbine atteritur, qui erectus in tranquillitate videbatur: quia quem diu superna longanimitas tolerat, extrema iudicii seueritas necat, quæ rectè turbo dicitur, quia in elementorum commotione reuelatur, Psalmista attestante, qui ait: Deus manifestè veniet, Deus noster, & non

Tomus primus.

A filebit. Ignis in conspectu eius ardebit, & in circuitu eius tempestas valida. Vnde & Propheta quoque alius dicit: Dominus in tempestate & turbine viæ eius. In quo nimirum turbine idcirco iustus nequaquam conteritur, quia semper hinc sollicitè metuit, ne conteratur. Perpendit nanque adhuc in præsentis vitæ itinere constitutus, humanis actibus exactor operum quàm districtus appareat: qui quosdam tunc reatu culpæ originalis astrictos, etiam sine operibus damnat. Vnde rectè vir sanctus ex humani generis voce, protinus adiungit: *Et multiplicabit vulnera mea, etiam sine causa.* Nonnulli etenim prius à præsentis luce subtrahuntur, quàm ad proferenda bona malæve merita actiue vitæ, perueniant. Quos quia à culpa originis sacramenta salutis non liberant: & hinc ex propria nihil egerunt, & illuc ad tormenta perueniunt. Quibus vnum vulnus est, corruptibiliter nasci: aliud, carnaliter emori. Sed quia post mortem quoque æterna mors sequitur, occulto eis iustoque iudicio, etiā sine causa vulnera multiplicantur. Perpetua quippe tormenta percipiunt, qui nihil ex propria voluntate peccauerunt. Hinc nanque scriptum est: Non est mundus in conspectu eius, nec vnus diei infans super terrā. Hinc per semet ipsam veritas dicit: Nisi quis renatus fuerit ex aqua & spiritu sancto, non potest introire in regnum Dei. Hinc Paulus ait: Eramus natura filii iræ, sicut & ceteri. Qui itaque nullū proprium adiūgens, ex solo originis reatu perimitur: quid iste in illo extremo examine, quantū ad humani sensus æstimationē, nisi sine causa vulneratur? Sed tamen sub diuina districtione iustum est, ut propago mortalis, velut infructuosa arbor, & in ramis seruet amaritudinē quam traxit ex radice. Ait ergo: *In turbine enim conteret me, & multiplicabit vulnera mea, etiam sine causa.* Ac si apertè humani generis damna considerans dicat: Districtus iudex qua eos animaduersione trucidat, quos culpa propriæ actionis damnat, si & illos in æternum percutit, quos reatus arbitrij non addicit? Quæ nimirum dicta, nec à beato Iob discrepare specialiter cognoscimus, si hæc quàm verè prolata sunt, indagamus. Semetipsum nanque subtiliter pensans, atque in omni actione diiudicans: supernæ districtiois vim quanta sollicitudine pertimescat, insinuat dicens: *In turbine enim conteret me.* Ac si apertè dicat: Idcirco hunc semper, & in tranquillitate timeo: quia per flagella qualis in turbine veniat, non ignoro. Quæ flagella scilicet & metuens præuidit, & præuidens pertulit. Vnde subiungit: *Et multiplicabit vulnera mea etiam sine causa.* Vt enim sæpe iam diximus, nequaquam beatus Iob percussus est, ut in eo percussio vitium tergeret, sed ut meritum augeret. Vulneratum se itaque sine causa asserens, hoc de se foris loquitur, quod de illo veritas in occulto testatur, dicens: Commouisti me aduersus eum, ut affligerem eum frustra. Vir ergo sanctus superbè non dicit, quod veraciter dicit: nec per hæc verba à rectitudine discrepat, per quæ à iudice non discordat, qui eorundem protinus vulnerum continuationem exprimit, cum subiungit: *Non concedit quiescere spiritum meum, & implet me amaritudinibus.* Sæpe iustis exercitium virtutis est, sola exterius aduersa tolerare. Sed ut eorum vires certamen plenæ probationis erudiat, hos nonnunquam & foris tormenta lacerant, & intus tentamenta castigant. Vnde vir sanctus impletum se amaritudinibus asserit: quia cum flagella exterius tolerat, illud est grauius quod de tentatione aduersarij in intimis portat. Sed inter hæc mitigat vim doloris, considerata æquitas & potentia ferientis. Vnde subiungit: *Si fortitudo queritur, robustissimus est: si æquitas iudicij, nemo pro me audeat testimonium dicere.* Ille quippe vitæ causas examinat, qui has per alienum testimonium non explorat: quia qui districtus quandoque ostenditur illator pœnæ, ipse diu tacitus extitit testis culpæ. Hinc enim per prophetam dicitur: Ego sum iudex & testis. Hinc rursus ait: Tacui, semper silui, patiens fui, sicut parturiens loquar. Parturiens nanque cum dolore eiicit, quod diu in abditis cum pondere portauit. Post longum ergo silentium, sicut parturiens, Dominus loquitur: quia quod apud se nunc tacitus tolerat, in ultione quādoque iudicij quasi cum dolore manifestat. Sed requirendum nobis est, iste vir iustus, si pro eo testimonium dicere quisquam præsumeret, nunquid hunc à reatu liberaret? Et si huic alius testimonium non impendit, nunquid ad proferendum pro se testimonium saltem ipse conualescit? Sequitur:

h ij

Si iustificare me volueris, os meum condemnabit me: si innocentem offendero, per aium me comprobabit.) Ac si aperte dicat: quid de aliis loquar, qui ipse de me testimonium ferre non valeo? Sed quia innocentiae tuae testificari non sufficis, nunquid hoc ipsum, quia innocentiam habeas, scis? Subdit:

Quanta sit homini in sui cogitatione difficultas, & quod recta quae agimus, sciendo nescire debeamus. Caput XIII.

Etiam si simplex fuero, hoc ipsum ignorabit anima mea.) Plerumque si scimus bona quae agimus, ad elatioem ducimur: si nescimus, minimè seruamus. Quis enim aut de virtutis suae conscientia non quantulumcunque superbiat? Aut quis rursum bonum in se custodiat, quod ignorat? Sed contra utraque quid superest, nisi ut recta quae agimus, sciendo nesciamus: ut haec & recta aestimemus, & minima: quatenus & ad custodiam sensificet animum scientia rectitudinis, & in tumorem non eleuet aestimatio minorationis? Sed sunt nonnulla quae sciri à nobis facile nequeunt, etiam cum geruntur. Nam saepe recto studio contra delinquentium culpas accendimur: & cum ultra aequitatis metas per iram rapimur, hoc zelum iustae districtiois aestimamus. Saepe officium praedicationis assumimus, ut per hoc fraternae utilitati seruiamus: sed nisi placeamus cui loquimur, nequaquam libenter accipitur quod praedicamus. Cumque placere mens utiliter studet, ad amorem laudis propriae turpiter defluit, & quae à captiuitate vitiorum alios curabat eruere, ipsa suis fauoribus incipit captiua seruire. Quasi latrunculus quippe est appetitus laudis humanae, qui recto itinere gradientibus ex latere iungitur, ut ex occultis educto gladio gradientium vita trucidetur. Cumque propositae utilitatis intentio ad studia priuata deducitur: horrendo modo vnum idemque opus culpa peragit, quod virtus inchoauit. Saepe & ab ipsis exordiis aliud cogitatio expetit, aliud actio ostendit.

Saepe se fidelem sibi, nec ipsa cogitatio exhibet, quia aliud ante oculos mentis versat, & longè ad aliud ex intentione festinat. Nam plerumque nonnulli terrena praemia appetunt, & iustitiam defendunt: seque innocentes aestimant, & esse defensores rectitudinis exultant. Quibus si spes nummi subrahatur, à defensione protinus iustitiae cessatur: & tamen defensores iustitiae se cogitant, sibi que se rectos asserunt, qui nequaquam rectitudinem, sed nummos quaerunt. Contra quos bene per Moysen dicitur: Iustè quod iustum est, exequeris. Iniustè quippe quod iustum est exequitur, qui ad defensionem iustitiae, non virtutis aemulatione, sed amore praemij temporalis excitatur. Iniustè quod iustum est exequitur, qui ipsam quam praetendit iustitiam vanundare minimè veretur. Iustè ergo iustum exequi, est in assertionem iustitiae eandem ipsam iustitiam quaerere. Saepe recta agimus, & nequaquam praemia, nequaquam laudes ab hominibus expectamus: sed tamen mens in sui fiduciam erecta, his à quibus nihil expetit, placere cõtemnit, eorū iudicia despicit, seque malè liberā per abrupta elationis rapit, & inde sub vitio peius obruitur, vnde quasi de victis vitiis nullis se appetitionib⁹ subiacere gloriatur. Saepe dum nosmetipsos plus iusto discutimus, de ipso discretionis studio indiscretius erramus, & mentis nostrae acies quod plus cernere nititur, obscuratur: quia & qui importunè Solis radios aspicit, tenebescit: & inde nihil videre compellitur, vnde videre amplius conatur. Quia igitur ab inquisitione nostra torpentes nos omnino nescimus, aut si subtili nos discussione requirimus, plerumque inter vitia virtutisque caligamus: rectè nunc dicitur: *Etiam si simplex fuero, hoc ipsum ignorabit anima mea.*) Ac si aperte diceretur: Conditore contra me iudicia qua temeritate redarguo, qui ipsum me ex infirmitatis caligine ignoro? Vnde bene per Prophetam dicitur: Dedit abyssus vocem suam ab altitudine phantasiae suae. Abyssus quippe phantasiae altitudinem portat, cum humanus animus, immensa cogitatione caliginosus, semetipsum etiam discutiendo non penetrat. Sed ab hac altitudine vocem dare est: quia dum se deprehendere non potest, cogitur in admirationem consurgere: ut eo percutari non audeat, quod super ipsum est: quo incomprehensibilitatem suam ipse cogitans, non valet inuenire quod est. Sed iustorum corda, quia ad perfectum se examinare nequeunt, aegrè hoc

exilium cæcitatis ferunt. Vnde & bene subditur: *Et tadebit me via mea.*) Tædet iustum viuere, quia & operando vitam non definit quaerere: & tamen eiusdem vitae suae meritum non valet inuenire. Libram quippe examinis à sinu intimae aequitatis trahit, & inde in se erga effectum inuentionis deficit, vnde super se raptus ad vim inquisitionis excrescit. Sed est cõsolatio nostrae caliginis, reducta ad animum iusta, & incomprehensibilis potentia cõditoris: quae & iniquos sine ultione non deserit, & rectorum iustitiam incomprehensibilitatis immensitate transcendit. Vnde & aptè subiungitur:

Quod iudicium diuinum, nec peccator, nec iustus effugiat, & quod quantalibet iustus simplicitate fuerit, ipsa diuinae magnitudinis simplicitate superetur. Caput XIII.

Vnum est quod locutus sum, & innocentem & impium ipse consumit.) Innocens à creatore consumitur: quia quantalibet eius simplicitas fuerit, diuinae magnitudinis simplicitate et de-^{al. superat} uoratur. Quauis enim simplicitatem studiosè seruemus, ex-^{tur.} consideratione tamen intimae puritatis ostenditur, quod hæc ipsa quam agimus, simplicitas non sit. Impius quoque à conditore consumitur, quia Deo cuncta mirabiliter ordinante, ipsis suis versutis eius impietas ligatur. Nam inde se suppliciis & nesciens implicat, vnde se aliquid facere scienter exultat. Quia igitur omnipotens Deus, & bonorum innocentiam simplicitate superat, & malorum astutiam penetrans damnat, rectè nunc dicitur: *Vnum est quod locutus sum, & innocentem, & impium ipse consumit.*) Ac si aperte diceretur: Hoc apud me verbum cogitationis potulit: quia nec innocens, si districtè discutiatur, apparebo, nec impius si apud me latere voluerit, à superni examinis acumine abscondor: quoniam districtus iudex cuncta comprehendens, occulta malitiae mirabiliter penetrat, & suis hanc inuentionibus bene ordinans damnat. Vel certè & innocentem & impium ipse consumere dicitur: quia quamuis in meritis vite diuisi sint, primæ tamen culpæ merito æquè ad carnis interitum pertrahuntur. Vnde & per Salomonem dicitur: Moritur doctus similiter ut indoctus. Et rursum: Cuncta subiacent vanitati, & omnia pergunt ad vnum locum. De terra facta sunt, & in terram pariter reuertuntur. Sequitur:

Quod cum sancti à pressuris liberari desiderant, Deus in eorum patientia & mortificatione delectatur. Caput XV.

Si flagellat, occidat semel, & non de pœnis innocentum rideat.) Quis hæc non per superbiam prolata crederet, nisi sententiam iudicis audiret qui ait: Non estis locuti corā me rectum, sicut seruus meus Iob? Restat ergo ut nullus authoris verba reprehendere audeat, quæ constat quia iudex laudat. Sed tantò in intimis suis cautius subtiliusque rimanda sunt, quāto durius foris sonant. Vir etenim sanctus humani generis damna considerans, vnde & quod venerint pœnans, quod homo pollicente aduersario, boni malique scientiā appetens scire, perdidit etiā semetipsum, ita ut veraciter dicat: *Etiam si simplex fuero, hoc ignorabit anima mea.*) quod post expulsionis pœnā flagella quoque corruptionis sustinet, & adhuc ad carnis, vel certè ad mētis interitū etiam post tormentum tendit, ut rectè dicat: *Et innocentē & impium ipse consumit.*) Mediatoris contra hæc gratiā requirit, dicēs: *Si flagellat, occidat semel.*) Nos enim quia & à Deo mēte recessimus, & carne ad puluerē redimus, pœna duplæ mortis adstringimur. Sed venit ad nos qui pro nobis sola carne moreretur, qui simplā suam duplæ nostræ iungeret, & nos ab utraq; morte liberaret. De qua per Paulum dicitur: *Quod autem mortuus est pro peccato, mortuus est semel.* Dāna ergo vir sanctus nostræ corruptionis aspiciat, & vnam quæ duas nostras destruat, mortē Mediatoris quærat, atque hanc desiderās dicat: *Si flagellat, occidat semel.*) Sed ecce quasi humilitati renititur, quod protinus subinfertur: *Et non de pœnis innocentum rideat.*) Quod tamē valde humillimum sine difficultate cognoscimus, si humili hoc mente pensamus. Cunctis etenim liquet, quod omne desiderium pœna est, cum differtur: Salomone quoque attestante qui ait: Spes quæ differtur, affligit animā. Redere autem Dei, est humanæ nolle afflictioni misereri. Vnde per Salomonē rursum Domin⁹ re-^{Prover. 13. Ridere Dei} probis

18.

19.

Deute. 16.

Abac. 3.

20.

Roma. 6.

Prover. 13. Ridere Dei

Luc. 10.

21.

Psal. 117.

2. Cor. 3.

2. Corin. 2.

22.

probis in culpa duratibus dicit: Ego quoque in interitu vestro ridebo, id est, afflictioni vestrae nulla pietate compatiar. Ante redemptoris igitur aduentum, poenam suam electi omnes habuerunt: quia est uante desiderio, incarnationis eius mysterium videre cupierunt: ipso attestante, qui ait: Multi dico vobis, iusti & prophetae voluerunt videre quae vos videtis, & non viderunt. Poenae itaque innocentum, sunt desideria iustorum. Quousque ergo electorum suorum vota Dominus non compatiens distulit, quid aliud quam innocentum poenas risit? Itaque vir sanctus venturi redemptoris dona considerans, & votorum suorum dilationem grauiter tolerans dicat: *Si flagellat, occidat semel, & non de poenis innocentum rideat.* Ac si aperte exoret, dicens: Quia vita nostra quotidie flagello vindictae pro culpa atteritur, ille iam veniat, qui pro nobis semel sine culpa moriatur: ut de innocentium poenis Deus ultra non rideat, si ipse carne passibilis appareat, in cuius se desideriis mens nostra castigat. Vel certe si risum Dei, eius laetitiam appellat, de innocentum poenis ridere Dominus dicitur: quia quod a nobis ardentius quaeritur, eod de nobis suauius laetatur. Quasi quoddam quippe ei ex poena gaudium facimus, cum per sancta desideria pro eius nos amore castigamus. Hinc Psalmista ait: Constituite diem solennem in confrequentationibus, usque ad cornu altaris. Solennem nanque Domino diem in confrequentationibus constituit, quisquis se assidue in eius desiderio affligit. Qui nimirum solennitatis dies usque ad altaris cornu tedi praecipitur: quia tandiu necesse est ut quisque se afficiat, quousque ad superni sacrificij altitudinem, id est, ad aeterna gaudia pertingat. Iustus igitur vir, quia impleri desiderium suum appetit, non differri, humiliter dicit: *Non de poenis innocentum rideat.* Ac si diceret: Vota nostra libenter accipiens ultra non differat, sed ostendendo exhibeat eum, qui nos in sua expectatione castigat. Quia verò eum specialiter beatus Iob occidi semel petiuit, qui carnis solius mortem in mundi pro nobis sine tolerauit: protinus aperit, qui ipsum quoque ordinem eius passionis adiungit, dicens: *Terra data est in manus impij, vultum iudicum eius operit.* Quid nanque terrae nomine, nisi caro exprimitur? Quis appellatione impij, nisi diabolus designatur? Huius impij manus fuerunt hi, qui in redemptoris nostri morte grassati sunt. Terra itaque data est in manus impij, quia antiquus hostis redemptoris mentem corrumpere per se tentando non valuit: sed eius carnem per suos satellites ad triduum permissus extinxit, & dispensatione supernae pietatis nesciens, ex hac ipsa permissione seruiuit. Tribus enim redemptorem nostrum tentationibus pulsans, cor Dei temerare non valuit. Sed cum Iudae mentem ad mortem carnis eius excitauit, cumque ei cohortem atque a Pontificibus & Pharisaeis ministros tradidit, nimirum iste impius manus ad terram tetendit. Huius terrae iudices, sacerdotes & principes, Pilatus atque illufores milites fuerunt. Iste itaque impius vultu iudicum eius operuit, quia corda persequentium, ne authorem suum cognoscerent, malitiae nubilo velauit. Vnde & per Paulum dicitur: Usque in hodiernum diem cum legitur Moyses, velamen est positum super cor eorum: Qui rursus ait: Si enim cognouissent, nunquam Dominum glorie crucifixissent. Vultus ergo iudicum opertus extitit, quia mens persequentium eum quem carne tenere potuit, Deum nec per miracula agnouit. Quia verò antiquus hostis cum iniquis omnibus una persona est: sic plerumque scriptura sacra de iniquorum capite, id est, diabolo loquitur: ut repente ad eius corpus, id est, ad sequaces illius deriuetur. Potest ergo nomine impij, infidelis ac persecutor populus designari, cui & hoc congruit omnino quod subditur: *Quod si non ille est: quis ergo est?* Ac si aperte diceretur: Quis vnquam impius esse putandus est, si ille populus qui ipsam pietatem persecutus est, impius non est? Sed considerata vir sanctus Iudaicae plebis perfidia, ad semetipsum mentis oculos reuocat: dolet quod videre nequeat quem amat: mœrore afficitur, quia ex praesenti mundo antè subtrahitur, quam salus mundi reueletur. Vnde & subditur:

Quod antiqui patres fuerint, quasi portatores pomorum, praenuntiantes Christum, & odorem Euangelij futuris gentibus porrigentes.

Caput XVI.

Tomus primus.

A *Les mei velociores fuerunt cursore, fugerunt, & non viderunt bonum.* Cursoris quippe officium est securura nuntiare. Omnes igitur electi, qui ante aduentum redemptoris orti sunt, quia hunc aut audiendo tantummodo, aut etiam loquendo nuntiarunt, quidam quasi in mundo cursores fuerunt. Sed quia ante praestolatum redemptoris tempus se subtrahi prauident, transire se cursore velocius dolent: diesque suos esse breues ingemiscunt, quia usque ad videndam redemptoris lucem minimè tenduntur. Vnde aptè dicitur: Fugerunt, & non viderunt bonum. Omnia quae creata sunt, bona sunt: Moyse attestante, qui ait: Vidit Deus cuncta quae fecerat, & erant valde bona. Sed hoc solum bonum principaliter bonum est, per quod haec omnia bona sunt, quae bona non principaliter existunt. De quo bono veritas per Euangelium dicit: Nemo bonus, nisi solus Deus. Quia igitur antiquorum patrum prius dies finiti sunt, quam mundo Deus in carne monstraretur, rectè nunc de eisdem diebus dicitur: *Fugerunt, & non viderunt bonum.* Ac si aperte diceretur: Ante expectatum tempus elapsi sunt, qui ad redemptoris praesentiam peruenire nequiverunt. Vnde & adhuc subditur: *Pertransierunt quasi naues poma portantes.* Hi poma deferentes maria transmeant, ipsi quidem fructuum odore perfruuntur, sed eorundem fructuum aliis cibos ferunt. Quid igitur antiqui patres, nisi naues poma portantes extiterunt? Qui diuinæ incarnationis mysterium prophetantes, ipsi quidem spei odore potiti sunt, sed nobis fructum de eiusdem spei perfectione detulerunt. Quod enim illi expectando odorati sunt, hoc nos cernendo & percipiendo satiamur. Vnde & redemptor iisdem discipulis dicit: Alij laborauerunt, & vos in labores eorum introistis. Quorum videlicet dies comparantur nauibus: quia decurrunt. Et rectè poma portantibus: quia electos omnes, quos ante redemptoris praesentiam gestauerunt, per prophetiae valuerunt spiritum expectatione refouere, non autem manifesta exhibitione reficere. Vel certè, quia naues cum poma portant, haec paleis admiscunt, ut ad terras ille sae perducant: rectè patrum praecedentium dies describuntur nauibus poma portantibus similes, quia antiquorum dicta, in eo quod mysteria spiritualis vitae denuntiant, per interfusam haec historiae stipulam seruant, & opertum nobis fructum spiritus deferant, cum carnalia loquuntur. Saepè nanque dum quaedam narrant propria, ad diuinitatis eleuantur arcana. Qui crebro etiam cum altitudinem diuinitatis aspiciunt, ad incarnationis eius mysterium repente funduntur. Vnde adhuc aptè subiungitur: *Sicut aquila volans ad escam.* Moris quippe est aquilae, ut irreuerberata acie radios solis aspiciat: sed cum refectiois indigentia vrgetur, eandem oculorum aciem quam radiis solis infixerat, ad respectum cadaueris inclinat: & quauis ad alta euolet, pro sumendis tamen carnibus terram petit. Sic videlicet sic antiqui patres fuerunt, qui inquantum humanitatis infirmitas admittebat, creatoris lucem erecta mente contemplati sunt: sed incarnandum hunc in mundi fine praescientes, quasi a solis radiis ad terram oculos deflexerunt. Et quasi de summis ad ima veniunt, dum hunc Deum supra omnia, & hominem infra omnia agnoscunt. Quem pro humano genere dum passurum moriturumque conspiciunt, quia scilicet morte semetipsos refici, atque reformari ad vitam nouerunt, quasi more aquilae post contemplatos solis radios, in cadauere escam quaerunt. Libet spectare aquilam solis radios intuentem, quae ait: Deus fortis, pater futuri seculi, princeps pacis. Sed ab alto volatu celsitudinis ad terras veniat, escam cadaueris inferius inquirat. Paulò post etenim subdit, dicens: Disciplina peccis nostrae super eum, & liuore eius sanati sumus. Et rursus: Et homo est, & quis cognoscet eum? Subleuata ergo in diuinitate mens iusti, cum dispensationis gratiam ex eius carne considerat, quasi a summis repente, ut aquila ad escam volat. Sed ecce ille Israeliticus populus immenso dudum prophetiae spiritu infusus, eiusdem prophetiae dona perdidit, atque in ea fide quam prauidendo nuntiauerat, non permansit, & à se redemptoris praesentiam negando repulit, quam cunctis se sequentibus praenuntiando declarauit. Vnde & aptè protinus per compassionem ad eorum quoque duritiam sermone conuertitur, atque ab eis quomodo prophetiae gratia subtrahatur, indicatur. Nam subditur: *Cum dixero, Nequaquam ita loquar, commutato faciem meam, & dolore torquor.* Plebs quippe Iudaica lo-

Gen. 1.

Luc. 18.

Ioh. 4.

23.

Esai. 9.

Esai. 53.

qui, ut prius noluit, quæ eum quem prædixerat, negavit. Sed commutata facie, torquetur dolore, quia dum interni sui hominis aspectum, quo agnosci à conditore poterat, fœditate perfidiæ polluit, à præsentibus malis incipiens, sub æterna vltione se damnauit. Quasi enim commutata facie ab auctore non cognoscitur, quæ perdita bonæ conscientiae fide reprobat. Sed nimirum restat, ut suppliciorum dolor torqueat, quem suus non cognoscens conditor ignorat. Quia igitur hæc sub redemptoris nostri significatione transcurrimus, nunc moraliter discutiendo replicemus. *Dies mei velociores fuerunt cursore: fugerunt, & non viderunt bonum.* Sicut sæpe iam diximus, sic primus homo conditus fuit, ut per augmenta temporum tendi posset eius vita tantummodo, non euolui: sed quia sponte ad culpam decidit, quo attigit vetitum, pertulit decursum, quem nunc homo præsentis vitæ desiderio oppressus, indefinenter & tolerat, & optat. Ne enim finiatur, viuere appetit: sed per augmenta vitæ quotidie ad finem tēdit. Nec deprehendit valde incrementa tēporum quàm nulla sint, nisi cum repente transacta finiuntur, quæ venientia longa videbantur. Vir igitur sanctus statum suæ conditionis aspiciat, & ex humani generis voce damna decursus ingemiscat, dicens: *Dies mei velociores fuerunt cursore, fugerunt, & non viderunt bonum.* Ac si aperte dicat: Ad hoc homo conditus fuit, ut bonum quod Deus est, videre potuisset: sed quia stare ad lucem noluit, fugiendo oculos amisit: quia quo per culpā cæpit ad ima decurrere, eo secum cæcitatem pertulit, ne intimum lumen videret. De quibus adhuc diebus apte subiungitur: *Pertransierunt quasi naues poma portantes.* Naues cum poma portant, fructus terræ, videlicet per fluctus ferunt. Terra verò hominis paradisi exitit, quæ hunc inconcussum tenere potuit, si per innocentiam stare voluisset. Sed quia ad mutabilitatis vndas per culpam cecidit, ad præsentis vitæ maria post terram venit. Poma etiam terræ huius fuerunt mandati sermo, concessa possibilitas operis, naturæ indita intelligentia conditoris. Sed hæc poma quæ edere in terra renuimus, per maria iam portamus: quia concessa bona tot numerum inconculsi custodire in paradiso nolimus, & seruare nunc in tentationibus conamur. Tendentes ad terminum, aura vitæ præsentis impellimur, mutabilitatis nostræ fluctu fatigamur. Sed quia per crucis mysterium ad ingenita naturæ bona restringimur, quasi per lignum poma portamus. Quod tamen intelligi & aliter potest. Naues etenim cum poma portant, suauitatem odoris habent, sed grauitatem ponderis non habent. Et humanum genus à paradisi gaudiis expulsum, vim contemplationis perdidit, robur conditæ fortitudinis amisit: cumque ad superna repetenda se erigit, fragrat quidem odore memoriæ, sed dignè non exerit pondus vitæ. Pomorum ergo odoribus repletur, & tamen huc illucque leuiter mentis nostræ nauis impellitur: quia & paradisi celsitudinem cum odoris recordatione meminimus, & importunos tentationum fluctus ex carne toleramus. Vnde & apte subiungitur:

24.

Sicut aquila volans ad escam. Aquila etenim alto valde volatu suspenditur, & annisu præpete ad æthera libratur, sed per appetitum ventris terras expetit, seseque à sublimibus repente deorsum fundit. Sic sic humanum genus in parente primo, ad ima de sublimibus corruit. Quod nimirum conditionis suæ dignitas in rationis celsitudine quasi in aëris libertate suspenderat: sed quia contra præceptum, cibum vetitum contigit, per ventris concupiscentiam ad terras venit, & quasi post volatum carnibus pascitur: quia illa libera contemplationis inspiracula perdidit, & deorsum corporeis voluptatibus lætatur. Sicut ergo aquila volans ad escam, dies nostri velociter transeunt: quia quo ima petimus, eo subsistere in vita prohibemur. Sed cum hæc ante mentis oculos continua cogitatione reuoluimus, duris taciti quæstionibus vrgemur, cur omnipotens Deus condidit quem periturum esse præsciuit? cur is qui summè potens & summè bonus est, nequaquam voluit hominem talem facere, qui perire non posset? Cum verò hæc tacita mens interrogat, pauet ne ipso interrogationis ausu in superbiam erumpat, seque humiliter comprimit, & cogitationes suas restringit. Sed eò grauius affligitur, quò inter mala quæ sustinet, etiam de conditionis suæ abscondito intellectu cruciatur. Vne hinc quoque apte sub-

25. iungitur: *Cum dixerò, Nequaquam ita loquar, commuto faciem meam, & dolore torqueor.* Nequaquam quippe nos ita debere loqui dicimus, cum nostræ infirmitatis modum ex inquisitione transeunt, nosmetipsos pauore reprehendimus, & supernæ reuerentiæ consideratione refrenamus. In qua refrenatione scilicet mentis nostræ facies commutatur: quia quæ prius nō capiens audenter summa requirebat, infirmitatē suam postmodum agnoscens, venerari inchoat quod ignorat. Sed in ipsa commutatione dolor est, quia valde affligitur, quoniam primæ culpæ merito ad intelligenda ea quæ de ipsa sunt, cæcatur. Quæ patitur, iusta esse considerat. Pauet ne in dolore per licentiam locutionis excedat. Ori silentium indicit, sed excitatus dolor eo ipso quo restringitur, augetur. Dicat ergo: *Cum dixerò, Nequaquam ita loquar, commuto faciem meam, & dolore torqueor.* Quia tunc grauius plerumque affligimur, cum quasi per consolationis studium, afflictionis nostræ nobis conamur mala leuigare. Sed quisquis iam subtiliter parentis primi damnatione propagata, humani generis damna considerat, superest ut his adiungere propria metuat. Vnde vir sanctus postquam communia intulit, repente specialia subiungit dicens:

Quantum timere debeat qui scienter peccat, cum Iob tantis virtutum testimoniiis approbatus, sua opera vereatur, & quid fraus tribus modis committatur.

Capitulum XVII.

Erebar omnia opera mea, sciens quia non parceres delinquenti. Quæ beatus Iob opera exercuit, sacræ huius historiæ textus ostendit. Holocaustis quippe multiplicibus auctore placare studuit: quia iuxta filiorum numerum, ut scriptum est, confurgens diluculo, offerebat holocausta per singulos, eosque non solum ab immundis actibus, sed à praua quoque cogitatione mundabat. De quo scriptura teste perhibetur. Dicebat enim: Ne fortè peccauerint filij mei, & benedixerint Deo in cordibus suis. Affectum ergo compassionis exercuit: quia ipse de se amicorum quæstionibus exactus, dicit: *Flebam quondam super eo qui afflictus erat.* Ministerium pietatis impendit, qui ait: *Oculus fui cæco, & pes claud.* Castitatis munditiam in corde custodiuit, qui obtestando se aperuit, dicens: *Si deceptum est cor meum super muliere: Humilitatis culmen medullitis tenuit, qui dicit: Si contempsi iudicium subire cum seruo meo, & ancilla mea, cum disceptarent aduersum me. Beneficia largitatis impedit, qui ait: Si comedi buccellam meam solus, & non comedit pupillus ex ea. Et rursum: Si nō benedixerint mihi latera eius, & de velleribus ouium mearum calefactus est. Gratiam hospitalitatis exhibuit, qui dicit: Foris non mansit peregrinus, ostium meum viatori patuit. Et inter hæc ad virtutum cumulum per excellentiorem viam charitatis, & inimicos dilexit, qui ait: Si gauisus sum ad ruinam eius, qui me oderat. Et rursum: Non enim dedi ad peccandum guttur meum, ut expeterem maledicens animam eius. Quid ergo vir sanctus sua opera verebatur, qui illa semper exhibuit, ex quibus placari Deus, erga iniquitates solet? Quid ergo est quòd mira opera faciens, hæc ipsa etiam verecè pauens, cum dicit: Verebar omnia opera mea: nisi quòd in sancti viri actibus verbisque colligimus, ut si placere Deo veraciter cupimus, postquam peruersa subigimus, ipsa in nobis etiam bene gesta timeamus? Duo quippe sunt quæ in bonis operibus necesse est, ut studiosè formidentur, desidia videlicet, & fraus: Vnde & per Prophetam apud vetustam translationem dicitur: *Maledictus, omnis qui facit opus Dei fraudulenter & desidiosè.* Sed sciendum magnopere est, quia desidia per torporem nascitur, fraus per priuatam dilectionem. Illam nanque minor Dei amor exaggerat, hanc autem malè mentem possidens, proprius amor creat. Fraudem quippe in Dei opere perpetrat, quisquis semetipsum inordinatè diligens, per hoc quod rectè egerit, ad remunerationis transitoria bona festinat. Sciendum quoque est, quòd tribus modis fraus ipsa committitur, quia per hanc proculdubio, aut tacita cordis humani gratia, aut fauoris aura, aut res quælibet exterior desideratur. Quò contra rectè de iusto per Prophetam dicitur: *Beatus qui excutit manus suas ab omni munere.* Quia enim non solum fraus in acceptione pecunie est, munus proculdubio vnum non est. Tres verò sunt acceptiones*

Esai. 55.

accepiones munerum, ad quas ex fraude festinatur. Munus nanque à corde est, captata gratia à cogitatione. Munus ab ore, est gloria per fauorem. Munus ex manu, est præmiū per dationem. Sed iustus quisque ab omni munere manus excutit: quia in eo quod rectè agit, nec ab humano corde inanem gloriam, nec ab ore laudem, nec à manu recipere donationem quærit. Solus ergo in Dei opere fraudem non facit, qui cum ad studia bona actionis inuigilat, nec ad corporalis rei præmia, nec ad laudis verba, nec ad humani iudicij gratiam anhelat. Ipsa igitur bona nostra, quia insidiantis culpe euadere gladium nequeunt, nisi sollicito quotidie timore muniantur, per sanctum virum nunc rectè dicitur: *Verēbar omnia opera mea.* Ac si humili confessione diceretur. Quæ apertè egerim, video: sed quid in his latenter pertulerim, ignoro. Sæpe enim bona nostra latrocinantia fraude depereunt, quia rectis se nostris actibus concupiscentiæ terrenæ subiungunt. Sæpe desidia interueniente deficiunt, quia à feruore quo cœpta sunt, frigefcente amore tabescunt. Quia ergo culpæ surreptio, vel in ipso virtutis actu vix vincitur: quid ad securitatem superest, nisi vt studiosè semper, & in virtute timeatur? Sed post hæc valde scrupulosum cordi se obicit, quod subiungit: *Sciens quod non parceres delinquenti.* Si enim delinquenti non parcitur, quis ab æterna morte eripitur, cum à delicto mundus nemo reperitur? An pœnitenti parcat, & delinquenti non parcat? Quia cum delicta plangimus, nequaquam iam delinquentes sumus. Sed quid est quod Petrus cum negat respicitur, & redemptoris negati respectu, ad lachrymas vocatur? Quid quod Paulus cum redemptoris nomen in terra conaretur extinguere, eius verba de cœlo meruit audire? Sed tamen culpa in utroque punita est: quia & de Petro, teste Euangelio scriptum est: Recordatus est Petrus verbi Iesu quod dixerat: & egressus foras, fleuit amarè. Et de Paulo hæc eadem quæ hunc vocauit, veritas dicit: Ego ostendam ei, quanta eum oporteat pro nomine meo pati. Delinquenti ergo Dominus nequaquam parcat, quia delictum sine ultione non deserit. Aut enim ipse hoc homo in se pœnitens punit, aut hoc Deus cum homine vindicans percutit. Nequaquam igitur peccatum parcitur, quia nullatenus sine vindicta laxatur. Sic David audire post confessionem meruit: Dominus transiit peccatum tuum. Et tamen multis post cruciatibus afflctus, ac fugiens, reatum culpæ quam perpetraverat, exoluit. Sic nos salutis vnda à culpa primi parentis absolui, sed tamen reatum eiusdem pulpæ diluentes, absoluti quoque adhuc carnaliter obimus. Bene ergo dicitur: Sciens quod non parceres delinquenti, quia delicta nostra siue per nos, siue per semetipsum rescat, etiam cum relaxat. Ab electis enim suis iniquitatum maculas studet temporali afflictione tergere, quas in eis in perpetuum non vult vindicare. Sed sæpe mens dum plus iusto trepidat, dum pauore quatitur, dum finistris suspicionibus vrgetur, tædet hanc viuere, quæ se ad vitam, vel per labores ambigit peruenire. Vnde & subsequenter adiungitur:

Quod sancti viri ita incerti sunt, vt confidant: ita confidunt, vt tamen ex securitate non torpeant. Caput XVIII.

Si autem & sic impius sum, quare frustra laboraui? Si enim remota pietate discutimur, opus nostrum pœna dignum est, quod remunerari præmiis præstolamur. Vir igitur sanctus sub occulto iudicio trepidans dicit: Si autem & sic impius sum, quare frustra laboraui? Non quod hunc laborasse pœnitet, sed quod incertus esset de præmiis, & inter labores dolet. Sciendum verò est, quod viri sancti ita incerti sunt, vt confidant, atque ita confidunt, vt tamen ex securitate non torpeant. Quia ergo plerumque mens, & impensa rectis actibus trepidat: restat vt postquam bonum opus agit, lachrymæ & expiationis exquirantur, quatenus ad æterna præmia meritum recti operis subuehat humilitas postulationis.

Quod quantalibet munditia sancti fulgeant, tamen ex hoc corpore quod corrumpitur in quo sunt, abominabiles se iudicant, & concupiscentiarum sordibus sine quibus non sunt, immundos se reputant. Caput XIX.

*S*ed tamen sciendum est, quia mundos nos ad perfectum reddere, vel vita, vel lachrymæ nō valent, quousque nos

Tomus primus.

A mortalitas nostræ corruptionis tenet. Vnde & aptè subiungitur: *Si lotus fuero quasi aquis niuis, & fulserint velut mundissimæ manus meæ, tamen sordibus intinges me, & abominabuntur me vestimenta mea.* A quæ enim niuis, sunt lamenta humilitatis. Quæ profectò humilitas, quia ante districti iudicis oculos cæteris virtutibus præeminet, quasi per magni meriti colorem candet. Sunt nanque nonnulli qui lamenta habent, sed humilitatē non habent, quia afflicti plangunt: sed tamen in ipsis fletibus, vel contra proximorum vitam superbiunt, vel contra ordinationem conditoris eriguntur. Hi nimirum aquas habent, (sed niuis aquas non habent,) & mundi esse nequeunt, quia humilitatis fletibus minimè lauantur. Aquis autem niuis à culpa se lauerat, qui confidenter dicebat: Cor contritum humiliatum

Psal. 50.

Deus non spernit. Qui enim lamentis affliguntur, sed murmurando rebelles sunt, mentem quidem conterunt, sed humiliari contemnunt. Quauis aquæ niuis intelligi & aliter possint. Aqua enim fontis & fluminis ex terra oritur, aqua verò niuis ex aëre proruit. Et sunt plerique qui per orationum lamenta se cruciant, sed tamen totis lamentorum laboribus ad sola terrena desideria exudant: compunguntur in precibus, sed felicitatis transitoria gaudia exquirunt. Hos itaque niuis aqua non abluit, quia eorū fletus ab imis venit. Quasi enim ex terræ aqua perfusi sunt, qui pro terrenis bonis in precibus compunguntur. Qui verò idcirco plorant, quoniam præmia æterna desiderant, aqua niuis hos diluit, quia cœlestis compunctio infundit. Nam cum perennem patriam per lamenta appetunt, eiusque accensi desideriis plangunt, à summis accipiunt vnde mudentur. Per manus autem quid aliud quam opera designantur? Vnde quibusdam per Prophetam dicitur: Manus vestra sanguine plenæ sunt, id est, opere crudelitatis. Notandum verò, quod vir sanctus non ait: Fulserint mundissimæ manus meæ, sed velut mundissimæ manus meæ: quia quousque pœna corruptionis adstringimur, quamlibet rectis operibus infudemus, veram munditiam nequaquam apprehendimus, sed imitatur. Vnde & aptè subiungitur: *Tamen sordibus intinges me.*

Esai. 1.

C Deus nos sordibus intingere dicitur, intinctos sordibus demonstrare: quia quantò ad illum verius per bona opera surgimus, tantò subtilius vitæ nostræ sordes agnoscimus, quibus ab eius munditia discordamus. Ait ergo: *Si lotus fuero, quasi aquis niuis, & fulserint velut mundissimæ manus meæ, tamen sordibus intinges me.* Ac si apertè dicat: Quauis lamentis supernæ compunctionis infundar, quauis per studia rectæ operationis exercear: in tua tamen munditia video quia mundus nō sum. Intentam quippe Deo animam, ipsa adhuc corruptibilis caro diuerberat, eiusque amoris pulchritudinem obscenis & illicitis cogitationum motibus fœdat. Vnde & subditur. *Et abominabuntur me vestimenta mea.* Quid enim vestimenti nomine, nisi hoc terrenum corpus exprimitur, quo induta anima tegitur, ne in subtilitatis suæ substantia nuda videatur? Hinc etenim Salomon ait: Omni tempore sint vestimenta tua candida, id est, membra corporis à sordidis actibus munda. Hinc Esaias ait: Vestimentum mixtum sanguine, erit in combustionem. Sanguine quippe vestimentum miscere, est desideriis carnalibus corpus inquinare. Quibus nimirum se pollui, Psalmista formidauerat, cum dicebat: Libera me de sanguinibus Deus, Deus salutis meæ. Hinc voce angeli ad Ioannem dicitur: Habes pauca nomina in Sardis, quæ non inquinauerunt vestimenta sua. More autem sacri eloquij, vestimenta nostra nos abominari referuntur, quia abominabiles reddunt: sicut per Petrum quoque de Iuda dicitur: Hic possidebit agrū de mercede iniquitatis. Neque enim emptum precio sanguinis, agrum figuli Iudas possidere potuit, qui relatis triginta argenteis, traditionis crimen criminosiori in se protinus morte mulctauit: sed possedit dictum est, possidere fecit. Ita hoc loco: Abominabuntur me vestimenta mea, dicitur: abominabilem facient, quia nimirum dum contra mentem membra superbiunt, dum sancti desiderij studia, tentationum suarum tumultibus interrumpunt, in ipso suo certamine posita anima agnoscit, quantum adhuc à diuinitate despicitur, quæ corruptionem suam plenè appetens transire, sed non valens fœdo puluere cogitationis inquinatur. Hanc vestimentorū abominationem senserat, qui dicebat: Video aliam legē in membris meis, repugnantem legi mentis meæ, & captiuum me ducentē

29.

Eccles. 9.

Esai. 9.

Psal. 50.

Apo. 3.

Act. 1.

Rom. 7.

Ibidem.

h iij

in lege peccati, quæ est in membris meis. Hæc etiam vestimenta in quibus perfectè placere non poterat, quandoque melius resumenda, deponere festinè cupiebat, dicens: Infelix ergo homo, quis me liberabit de corpore mortis huius? Dicat ergo vir iustus: *Si lotus fuero quasi aquis niuis, & fuserint velut mundissimæ manus meæ, tamen sordibus intinges me, & abominabuntur me vestimenta mea:*) quia quantumlibet ad summa, ex compunctione contemplationis ascenderit, quantumlibet in opere se per exercitium laboris accinxerit, indignum tamen adhuc aliquid de corpore mortis sentit, & abominabilem se esse cõsiderat in multis, quæ de pondere corruptionis portat.

Quod graue tormentum sit in cordibus electorum, quod sensum sui reprehensoris non intelligunt.

Caput XX.

30.

C Vi hoc quoque fit grauius, quod sæpe neque hoc intelligit, unde delinquit. Flagella suscipit, sed districto iudici quid in se maius quidve minus displiceat, non agnoscit. Vnde & subditur: *Neque enim viro qui similis mei est respondebo: neque qui mecum in iudicio ex æquo possit audiri.*) Dum cum quolibet in iudicio ex æquo contendimus, & quid contra nos dicatur, agnoscimus: & in his quæ dicimus, audimur, & quo obiecta patenter apprehendimus, eo audenter ad proposita respondemus. Quia ergo inuisibilis iudex quæ facimus videt, quasi audit quæ dicimus: sed quia id quod ei displicet, nequaquam plenè cognoscimus, quasi quid ipse dicit ignoramus. Vir igitur sanctus vestimentorum suorum abominationem considerans, eò amplius timet, quod audiri in iudicio ex æquo non valet: quia quousque corruptionis suæ pondere premitur, hoc in sua grauius pœna tolerat, quod & sensum sui reprehensoris ignorat. Ac si apertè dicat: In hoc ex æquo non audior, quia & patent cuncta quæ facio, & tamen ipse nescio per quanta reprehendor. Sequitur: *Non est qui vtrunque valeat arguere, & ponere manum suam in ambobus.*) Durum sonat, ut queratur qui Deum arguat, sed durum non erit si recurrat ad memoriam, quod ipse per alium Prophetam dicit: per Esaiam quippe admonet, dicens: *Quiescite agere peruersè, discite benefacere, querite iudiciũ, subuenite oppresso, iudicate pupillo, defendite viduam: & venite & arguite me, dicit Dominus.* Ei nanque, quem arguimus, rationis auctoritate contrà imus. Et quid est quod Dominus agere sancta nos admonens adiungit: *Venite & arguite me: nisi quod apertè insinuat, quantam bonis actibus fiduciam præstat?* Ac si patenter dicat: *Recta agite, & animaduersionis meæ motibus non iam per deprecationis gemitum, sed per fiduciam auctoritatis obuiate.* Hinc etenim Ioannes dicit: Si cor nostrum non reprehenderit nos, fiduciam habemus ad Deum. Hinc est quod Moyse, quia placet seruiens, auditur tacens, cum silenti dicitur: *Quid clamas ad me?* Hinc est quod irascētem retinet, cum audit: *Dimitte me, ut irascatur furor meus contra populum istum.* Hinc est quod arguentem Dominus non habuisse se queritur, cum per Prophetam dicit: *Quæsiui virum qui interponeret sepem, & staret oppositus contra me, ne dissiparem eam, & non inueni.* Hinc est quod grauius Esaias deplorat, dicens: *Omnes nos cecidimus quasi folium, & iniquitates nostræ quasi ventus abstulerunt nos: nõ est qui inuocet nomen tuum, qui confurgat & teneat te.* Sed possunt recti quilibet per acceptæ pœnitentiæ & meritum aliquando præsentis motibus animaduersionis obuiare: non autem valent virtute propria ab humano genere supplicia secuturæ mortis expellere. Vir igitur sanctus humanum genus consideret quod defluxit, æternæ mortis damna conspiciat, cui nimirum constat, quia nequaquam iustitia humana contradicat: videat quàm peruersè homo deliquerit, videat quã districtè conditor cõtra hominem irascatur, & mediatorem Dei & hominis, Deum & hominem requirat.

Quod Christus ad nos Deo patri placandos nouus homo venerit, contradicitor ad culpam, amicus ad pœnam.

Caput XXI.

31.

Q Vem quia longè pòst venturum considerat, deplorans dicat: *Non est qui vtrunque valeat arguere, & ponere manum suam in ambobus.*) Redemptor quippe humani generis, media-

E tor Dei & hominis per carnem factus, quia iustus in hominibus solus apparuit, & tamen ad pœnam culpæ, etiam sine culpa peruenit, & hominem redarguit ne delinqueret, & Deo obstitit ne feriret: exempla innocentiae præbuit, pœnã malitiæ suscepit. Patiēdo ergo vtrunque arguit, quia & culpã hominis per iustitiam aspirando corripuit, & iram iudicis moriēdo temperauit: atque in vtrisque manum posuit, quia & exempla hominibus quæ imitarentur præbuit, & Deo in se opera, quibus erga homines placaretur, ostēdit. Nullus quippe ante hunc extitit, qui sic pro alienis erratibus intercederet, ut propria non haberet. Aeternæ igitur morti tantò quis in aliis obuiare non poterat, quantò hunc reatus de propriis adstringebat. Venit itaque nouus homo ad homines, contradicitor ad culpam, amicus ad pœnam: mira monstrauit, crudelia pertulit. Manum ergo suam in ambobus posuit, quia vnde reum recta docuit, inde iratum iudicem placauit. Qui hoc quoque ipsis suis miraculis mirabilius præbuit, quia corda delinquentium mansuetudine potius quàm terrore correxit. Vnde & subditur:

Quod à timore legis in libertatem Euangelij antiqui sancti transire optabant. Et quid sit quod Heliseus non per Gierzi, sed per se ipsum Sunamitis filium suscitauit. Caput XXII.

A *Aferat à me virgam suam, & pauor eius non me terreat.*) Per legem quippe virgam Deus tenuerat, cum dicebat: Si quis hæc vel illa fecerit, morte moriatur. Sed incarnatus virgam abstulit, quia vias vitæ per mansuetudinem ostendit. Vnde ei per Psalmistam dicitur: *Intende prospere procede & regna: propter veritatem & mansuetudinem & iustitiam.* Timeri quippe quasi Deus noluit, sed quasi pater ut amaretur inspirauit. Quod liquidò Paulus dicit: *Non enim accepistis spiritum seruitutis iterum in timore, sed accepistis spiritum adoptionis filiorum, in quo clamamus, abba pater.* Vnde hinc quoque aptè subiungitur: *Loquar, & non timebo eum: neque enim possum metuens respondere.*) Vir etenim sanctus, quia humani generis redemptorem venire mitè conspiciat, non metū ad Dominum: sed affectum ad patrem sumit, & timorem despiciat, quia per adoptionis gratiam ad amorem surgit. Hinc Ioannes ait: *Timor non est in charitate, sed perfecta charitas foras mittit timorem.* Hinc Zacharias dicit: *Vt sine timore de manu inimicorum nostrorum liberati, seruiamus illi.* A peccati igitur morte timor nos suscitare non valuit, sed ad statum vitæ aspirata mansuetudinis gratia erexit. Quod bene in Heliseo Sunamitis filium suscitante signatur: qui cum baculo puerum mittens, extincto filio vitam minimè reddit: per semetipsum verò veniens, seque super mortuum sternens, atque ad eius membra se colligens, huc illucque deambulās, & in ore mortui septies aspirans, hunc ad rediuiam lucem, protinus per ministerium compassionis animauit. Author quippe humani generis Deus, quasi mortuum puerum doluit, cum extinctos nos iniquitatis aculeo miseratus aspexit. Et quia per Moysen terrorem legis protulit, quasi per puerum virgam misit. Sed puer cum baculo mortuum suscitare non valuit, quia Paulo attestante: *Nihil ad perfectum adduxit lex.* Ipse autem per semetipsum veniens, & super cadauer se humiliter sternens, ad exæquanda sibi mortui membra se colligit: quia cum in forma Dei esset, non rapinã arbitratus est esse se æqualem Deo, sed semetipsum exinaniuit, formam serui accipiens, in similitudinem hominum factus, & habitu inuentus ut homo. Huc illucque deambulat: quia & Iudæa iuxta & longè positas gentes vocat. Super mortuum septies & osciatur: quia per apertionē diuini muneris, gratiæ septiformis spiritum in peccati morte iacentibus aspirat. Moxq; viuēs erigitur: quia is quem terroris virga suscitare non potuit, per amoris spiritum puer ad vitam rediit. Dicat itaque beatus Iob ex sua, dicat ex voce humani generis: *Aferat à me virgam suam, & pauor eius non me terreat: loquar, & non timebo eum.*) Vbi & aptè subiungitur: *Neque enim possum metuens respondere.*) Respondere quippe cuiuslibet dicimur, cum factis illius digna opera repensamus. Deo ergo respondere, est donis eius præcedētibz, nostra obsequia reddere. Vnde & psalmi quidam, in quibus sancta operatio imitanda proponitur, ad respondendum scripti prænotantur. Rectum itaque Deus hominem cõdidit, eumque ad peruersa de-

fluentem.

fluentem, cum longanimitate tolerauit. Quotidie culpas aspicit, & tamen viuendi spatia non citius abscondit: dona largitur benignitate sua, & erga malos utitur patientia sua. Respondere homo tot beneficiis debet, sed tamen respondere metuens, non valet: quia humani generis conditorem qui adhuc seruiliter formidat, proculdubio non amat. Nam tunc solum Deo vera obsequia reddimus, cum cum propter amoris fiduciam non timemus, cum nos ad bona opera affectus, non metus dirigit, cum malum nostræ menti iam non placet, etiam si licet. Nam qui à peruersitatis opere ex timore restringitur, peruersa libenter ageret, si liceret. Nequaquam ergo veraciter reclusus est, qui adhuc à prauitatis desiderio liber non est. Bene itaque dicitur. Neque enim possum metuens respondere: quia vera obsequia Deo non reddimus, si ex timore mandatis illius, & non potius ex amore seruimus. Sed cum menti nostræ eius dulcedinis amor accenditur, omne desiderium præsentis vitæ leuigatur, in tædium delectatio vertitur, atque hanc cum mœrore mens tolerat, cui victa prius reprobo amore ieruebat: Vnde & aptè subditur:

Beati Iob Caput decimum.

I Acedet animam meam vitæ meæ, dimittā aduersum me eloquium meū. Loquar in amaritudine animæ meæ, dicam Deo: Noli me condemnare. Indica mihi, cur me ita iudices? Nunquid bonum tibi videtur si calumniaris me, & opprimas me, opus manuum tuarū, & consilium impiorum adiuues? Nunquid oculi carnei tibi sunt, aut sicut videt homo, & tu videbis? Nunquid sicut dies hominis dies tui, & anni tui sicut humana sunt tempora, ut quæras iniquitatem meam, & peccatum meum scruteris? Et scias quia nihil impium fecerim, cum sit nemo, qui de manu tua possit eruere. Manus tuæ fecerunt me, & plasmauerunt me totum in circuitu: & sic repente præcipitas me? Memento quæso, quod sicut lutum feceris me, & in puluerem reduces me. Nōne sicut lac mulsisti me, & sicut caseum me coagulasti? Pelle & carnibus vestisti me, ossibus & nervis compegisti me. Vitam & misericordiam tribuisti mihi, & visitatio tua custodiuit spiritum meum. Licet hæc cæles in corde tuo, tamen scio quia vniuersorum memineris. Si peccaui, & ad horā pepercisti mihi, cur ab iniquitate mea mundum me esse non pateris? Et si impius fuero, vā mihi est: & si iustus, non leuabo caput, saturatus afflictione & miseria. Et propter superbiam, quasi lænam capies me, reuersusque mirabiliter me crucias. Instauras testes tuos contra me, & multiplicas iram tuam aduersum me, & pœnæ militant in me. Quare de vulua eduxisti me? qui vtinam consumptus essem, ne oculus me videret. Fuissem quasi non essem, de vtero translatus ad tumulum. Nunquid non paucitas dierum meorum finietur breui? Dimitte ergo me ut plangam paululum dolorem meum antequam vadam & non reuertar ad terram tenebrosam, & opertam mortis caligine, terram miseriæ & tenebrarum, vbi vmbra mortis, & nullus ordo, sed sempiternus horror inhabitat.

Quod sanctis præsens vita vilescit, cum conditoris dulcedinem senserint: & quanto plus ei propinquant, tanto se amplius accusant.

Caput XXIII.

T Acedet animam meam vitæ meæ. Sed cum præsens vita vilesceret, cum conditoris amor dulcescere cœperit, sese contra se animus accendit, ut accusare se de culpis debeat, in quibus se ante supernorum nescius defendebat. Vnde adhuc rectè subiungit: *Dimittam aduersum me eloquium meum.* Quasi pro se eloquio suo utitur, qui praua quæ gessit, defendere ex-

cusationibus conantur. Sed aduersum se eloquium dimittit, qui accusare in se hoc incipit, quod errauit. Sæpe verò & cum delinquimus, ea quoque quæ agimus, diiudicamus. Accusat mens ipsa quod perpetrat, sed quia hoc ex desiderio minimè deserit, erubescit confiteri quod fecit. Cum verò toto iam iudicio carnis delectationem premit, audaci voce in accusationis suæ confessione se erigit. Vnde rectè nunc dicitur: *Dimittam aduersum me eloquium meum.* Quia fortis mens relaxare cōtra se verba detestationis inchoat, quæ apud semetipsam prius infirmè verecundata retinebat. Sed sunt nonnulli qui apertis vocibus culpas fatentur, sed tamen in confessione gemere nesciunt, & lugenda gaudentes dicunt. Vnde & adhuc aptè subiungitur:

Quod iram Dei amaritudo præsentis pœnitentiæ extinguat.

Caput XXIII.

L Oquar in amaritudine animæ meæ. Qui culpas suas tēstans loquitur, restat ut has in amaritudine animæ loquatur: ut hæc ipsa amaritudo puniat, quicquid lingua per mentis iudicium accusat. Sciendum verò est, quia ex pœna pœnitentiæ quam sibi mens irrogat, aliquatenus securitatem percipit, atque ad interrogationem superni iudicis fidentior exurgit, ut semetipsum subtilius inueniat, & erga se quæque quomodo disponantur, agnoscat. Vnde & protinus additur. *Dicam Deo, Noli me condemnare. Indica mihi, cur me ita iudices?* Qui peccatorem se in amaritudine animæ asserit, quid Deo aliud quam ne condēnetur, dicit, quia amaritudo præsentis pœnitentiæ, extinguit supplicia sequentis iræ. Duobus autem modis in hac vita hominem Deus iudicat: quia aut per mala præsentia irrogare iam tormenta sequentia incipit, aut tormenta sequentia flagellis præsentibus extinguit. Nisi enim delictis exgentibus iustus iudex & nunc & postmodum quosdam percuteret, Iudas apostolus minimè dixisset: Secundò, eos qui non crediderunt, perdidit. Et de iniquis Psalmista non diceret: Induantur sicut diploide confusione sua. Diploidem quippe duplum vestimentum dicimus. Confusione ergo sicut diploide iuduti sunt, qui iuxta reatus sui meritum, & temporali & perpetua animaduersione feriuntur. Solos quippe pœna à supplicio liberat, quos immutat. Nam quos præsentia mala non corrigunt, ad sequentia perducunt. Si autem nequaquam quosdam pœna præsens à supplicio æterno defenderet, Paulus minimè dixisset: Cum iudicamur à Domino, corripimur, ut non cum hoc mundo damnemur. Hinc voce angelica ad Ioannem dicitur: Ego quos amo, redarguo & castigo. Hinc etiam scriptum est: Quem diligit Dominus, castigat: flagellat autem omnem filium quem recipit. Sæpe ergo mens iusti ut magis secura sit, altius trepidat: & cum flagellis cingitur, superni iudicij incertitudine turbatur. Paveat ne initium sequentis damnationis sit omne quod patitur: & per cogitationem interrogat iudicem, qui de vitæ suæ meritis ambigit in percussione. Sed vitæ virtus cum ad oculos mentis reducitur, quasi consolatio à iudice respondetur: quia nequaquam ad perdendum percutit, quem in actionis innocentia feriendo custodit. Bene itaque nunc dicitur: *Indica mihi, cur me ita iudices.* Ac si aptè diceretur: Quia flagellando me iudicas, ostende quod ad iudicium per flagella securum reddas. Quod tamen intelligi & aliter potest. Nam plerumque vir iustus flagella ad probationem percipit, & vitam suam subtilissima inquisitione discutiens, quāuis se peccatorem & sentiat & fateatur: pro qua tamen specialiter culpa percutitur, minimè cognoscit. atque eò magis in percussione trepidat, quod causas suæ percussione ignorat. Petit ut semetipsum sibi iudex indicet, quatenus quod ille animaduertendo percutit, hoc in se flendo & ipse castiget. Scit namque quod æquissimus iudex iniuste quenquam nostrum nullo modo affligit, & magno metu concutitur: quia & dolet in verbere, & deprehendere in se perfectè non valet, quod deploret. Vnde adhuc subditur:

Quod consilium diaboli totum sit in perditione generis humani.

Caput XXV.

N unquid bonum tibi videtur si calumniaris, & opprimas pauperem, opus manuum tuarum, & consilium impiorum adiuues? Hoc nimirum sic per interrogationem dicitur, ut negetur. Ac si aptè diceretur: Tu qui summe bonus es, noui quia bonum

Deus in hac vita iudicat duobus modis.

Diplois.

1. Cor. II.

Apoc. 3.

Heb. 12.

34.

non aestimas, vt pauperem per calumniam premas. Et scio ergo quia non est iniustum quod patior, & eò magis doleo, quòd causas iustitiæ ignoro. Notandum verò quòd non ait, vt opprimas innocentem, sed pauperem. Qui enim districtione iudicis nequaquam innocetiam, sed paupertatem suam obii- cit, non iam de vita audaciam arripit: sed quàm se infirmum conspiciat, ostendit. Vbi & congruè subiungit: *Opus manuum tuarum.*) Ac si apertè dicat: Impiè opprimere non potes, quem te fecisse gratuito recordaris. Bene autem subditur: *Et consilium impiorum adiues?*) Quos nanque hoc loco impios, nisi malignos spiritus vocat? Qui cùm redire ipsi ad vitam nequeat, crudeliter socios ad mortem quærunt. Quorum nimirum consilium fuit, vt beatum Iob diuina correptio tangeret: vt qui in tranquillitate iustus extiterat, saltem per flagella peccaret. Sed impiorum consilium Dominus non adiuuit: quia eorum tentationibus carnem iusti prodidit, animam negauit. Hoc indefinenter contra bonos consilium maligni spiritus ineunt: vt hi quos seruire Deo innocuè in tranquillitate conspiciunt, vexati aduersitatibus, ad voraginem culpæ rapiantur. Sed eorum consilij acumen destruitur, quia pius conditor cum viribus flagella moderatur, ne virtutem pœna transeat, & per astutiam fortium, humana infirmitas excedat. Vnde & bene per Paulum dicitur: Fidelis autem Deus qui non patietur vos tentari suprâ quàm potestis, sed faciet cum tentatione etiam prouentum, vt possitis sustinere. Nisi enim misericors Deus cum viribus tentaméta modifcet, nullus profectò est qui malignorum spirituum insidias non corruens portet: quia si mensuram iudex tétationibus non præbet, eo ipso protinus stantem deiicit, quo ultra vires onera imponit. Sic autem beatus Iob nequâdo requisituit ista quæ protulit: sicut & requirendo negat ea quæ ilico subiungit, dicens:

Quòd ante omne tempus, qui semper est, in præsentia sibi cuncta conspiciat.

Caput XXVI.

35

Nunquid oculi carni sibi sunt, aut sicut videt homo, & tu videbis? Nunquid sicut dies hominis, dies tui? & anni tui sicut humana sunt tempora, vt quæras iniquitatem meam, & peccatum meum scruteris? Et scias quia nihil impium fecerim.) Oculi carni facta temporum non nisi in tempore agnoscunt: quia & ipsi ad videndum cum tempore prodeunt, cum tempore clauduntur, & humanus visus quodlibet opus sequitur, non præcurrit: quia vix existentia aspicit, & ventura nullo modo agnoscit.

Dies quoque & anni hominis à diebus & annis discrepant æternitatis: quia vitam nostram quæ tempore incipitur, tempore finitur, dum intra sinus sui latitudinem format, æternitas deuorat. Cuius nimirum immensitas quia vltra citràque super nos tenditur, sine inchoatione & termino eius æternum esse dilatatur: eique nec transacta prætereunt, nec adhuc ventura, quasi quæ non appareant, defunt: quia is qui semper esse habet, cuncta sibi præsentia conspiciat, cùmque aspiciendo pòst & antè non tenditur, nulla intuitus mutatione variatur. Dicat ergo: *Nunquid oculi carni tibi sunt, aut sicut videt homo, & tu videbis?* Nunquid sicut dies hominis, dies tui, & anni tui sicut humana sunt tempora: vt quæras iniquitatem meam, & peccatum meum scruteris? & scias quia nihil impium fecerim.) Ac si humiliter requirens diceret: Cur me in tempore per flagella examinas, quem apud te perfectè & ante tempora scisti? Cur culpas meas verberibus interrogas, quem per æternitatis tuæ potentiam nec priusquam conderes, ignoras? Cuius nimirum potentiæ mox pondus exprimit, cùm subiungit: *Cum sit nemo qui de manu tua possit eruere.*) Ac si apertè dicat: Quid tibi restat nisi parcere, cuius virtuti nullus valet obuiare? Quoniam nemo est qui animaduersionem tuam ex merito suæ virtutis retineat, eo à se facilius tua pietas exigit, vt parcat. Quia autem nos in delictis concepti, in iniquitatibus editi, aut noxiè praua perpetramus, aut incautè etiam recta agendo delinquimus: districtus iudex vnde nobis fiat placabilis, non habemus. Sed cùm nostrum opus eius obrutibus dignum exhibere non possumus: restat vt ad placationem illius suum ei opus offeramus. Vnde & subditur:

Manichæorum error destruitur, & dignitas conditionis humane commendatur.

Caput XXVII.

E*M*anus tuæ fecerunt me, & plasmauerunt me totum in circuitu, & sic repentiè præcipias me? Ac si ei humiliter dicat: Quia sub iusto examine dignum non est tua placatione quo feci, pensa misericorditer ne pereat quod fecisti. Quibus etiam verbis peruersum Manichæi dogma destruitur, qui duo esse principia mentiens, à Deo spiritum, à fatana verò carnem conditam asserere conatur. Sanctus etenim vir Prophetici spiritus gratia plenus, longè pòst ventura considerat, & errorum genimina præuidens calcat, dicens: *Manus tuæ & plasmauerunt me, & fecerunt me totum in circuitu.*) Qui enim & plasmatum se & factum totum in circuitu à Deo asserit, tenebrarum genti, nec in spiritu suo aliquid nec in carne derelinquit. Nam plasmatum se propter internam hominis imaginem retulit: factum verò totum in circuitu, in eo quòd ex carnis constat indumento, memorauit. Notandum verò est: quia per hoc quòd se plasmatum Dei manibus asserit, misericordiæ iudicis, dignitatem suæ conditionis opponit. Quauis enim per coæternum patri verbum cuncta creata sint: in ipsa tamen relatione creationis ostenditur, quantum cunctis animalibus, quantum rebus vel cœlestibus, sed tamen insensibilibus homo præferatur. Cuncta quippe dixit & facta sunt. Cùm verò facere hominem decernit, hoc quod reuerenter pensandum est præmittit, dicens: *Faciamus hominem ad imaginem & similitudinem nostram.* Neque enim de eo sicut de rebus cæteris scriptum est: *Fiat, & factum est:* neque vt aquæ volatilia, sic terra hominem protulit: sed priusquàm faceret, faciamus dicitur: vt videlicet quia rationalis natura condebatur, quasi cum consilio facta videretur. Quasi per studium de terra plasmatur, & inspiratione conditoris in virtute spiritus vitalis erigitur, vt scilicet non per iussione vocem, sed per dignitatem operationis existeret, qui ad conditoris imaginem fiebat. Quod igitur per conditionem homo elegantius in terra creaturis cæteris accepit, hoc in flagello positus pietati sui opificis opponit, dicens: *Manus tuæ plasmauerunt me, & fecerunt me totum in circuitu, & sic repentiè præcipias me?*) Ac si apertè dicat: Cur tanta vilitate despicias, quem cum tanta dignitate condidisti? Et quem ratione rebus cæteris præfers, cur ex dolore supponis? Sed tamen hæc eadem nostra dignitas fulget per imaginem, & longè distat à beatitudinis perfectione per carnem, quia dum spiritus misceatur pulueri, quodammodo connectitur infirmitati. Quam scilicet infirmitatem beatus Iob pietati iudicis obii- cit, cùm subiungit:

Quòd homo ad veniam perueniat, cùm irremissibile sit peccatum diaboli.

Caput XXVIII.

Memento quæso quòd sicut lutum feceris me.) Angelorum spiritus idcirco irremissibiliter peccauerunt: quia tantò robustius stare poterant, quantò eos carnis commixtio non tenebat. Homo verò idcirco post culpam veniam meruit, quia per carnale corpus aliquid quo semetipso minor esset, accepit. Vnde & apud respectum iudicis argumentum pietatis est hæc eadem infirmitas carnis, sicut per Psalmistam dicitur: *Ipse autem est misericors, & propitius fiet peccatis eorum, & non disperdet eos.* Et multiplicauit vt auerteret iram suam ab eis, & non accendit omnem iram suam, & rememoratus est quia caro sunt. Vt lutum ergo homo factus est, quia de limo est ad conditionem sumptus. Lutum quippe fit, cùm se aqua terræ conspergit. Sicut lutum itaque homo est conditus: quia quasi aqua infundit puluerem, cùm anima rigat carnem. Quod sanctus vir benè pietati iudicis obii- cit, cùm postulans dicit: *Memento quæso quòd sicut lutum feceris me.*) Ac si apertè dicat: Infirmitatem carnis considera, & reatum iniquitatis laxa. Vbi aptè quoque mors eiusdem carnis adiungitur, cùm protinus subinfertur: *Et in puluerem deduces me.*) Ac si patienter postulet, dicens: *Memento quæso quòd per carnem à terra venio, & per eius interitum ad terram tendo.* Materiam itaque originis, & pœnam finis aspice, & culpæ citius transeuntis parce.

Quomodo Deus hominem plasmatur, plasmatum viuificat, viuificatum custodit.

Caput XXIX.

Sed quia qualitatem protulit hominis conditi, nunc subiungit ordinem propagati, dicens: *Nōne sicut lac mulsisti me, & sicut*

Et sicut caseum me coagulasti? Pelle & carnibus vestisti me, ossibus & nervis compegisti me.) Plasmatus quippe homo sicut lutum factus est, propagatus autem & sicut lac mulgetur semine, & sicut caseus coagulatur in carne. Carnib⁹ & pelle induitur: ossibus nervisque solidatur. Per lutum ergo primæ conditionis qualitas, per lac verò, sequentis ordo conceptionis exprimitur, quia per coagulationis incrementa ducitur, vt paulisper in ossa roboretur. Sed angusta Dei laus est descriptio creati corporis, nisi etiam subsequenter exprimat mirā aspiratio viuificationis. Vnde & subditur: *Vitam & misericordiam tribuisti mihi.*) Sed incassum nobis bona conditor tribuit, si non omne quod tribuerit, ipse custodiat. Sequitur: *Et visitatio tua custodiuit spiritum meum.*) Hæc autem quæ de exteriori homine diximus, etiam interiori quemadmodum possint congruere, libet, vt breuiter replicando monstremus: *Memento quæso quod sicut lutum feceris me.*) Sicut lutum quippe homo non iter interior existit: quia sancti spiritus gratia terrenæ menti infunditur, vt ad intellectum sui conditoris erigatur. Humana nanque cogitatio quæ peccati sui sterilitate aruit, per vim sancti spiritus quasi irrigata terra viridescit. Sed sæpe dum perceptis superni doni virtutibus sine interruptione vtimur: ad priuatam fiduciam, vsu continuæ prosperitatis eleuamur: Vnde fit plerumque vt idem, qui subleuauerat, parumper spiritus deferat quatenus ipsum sibi hominē ostendat. Quod sanctus vir protinus exprimit, cum subiungit: *Et in puluerem deduces me.*) Quia enim per subtractionem spiritus, mens aliquantulum in tentatione deferitur, quasi ab humore pristino terra ficcatur: vt infirmitatem suam derelictus sentiat, & sine infusione supernæ gratiæ, quantum homo aruit, agnoscat. Qui apte quoque reduci ad puluerem dicitur: quia dimissus sibi cuiuslibet tentationis aura raptatur. Sed dum relictī concutimur, ea quæ afflati cognouimus, subtilius iam dona cogitamus. Vnde subiungit: *Nonne sicut lac mulsisti me, & sicut caseum me coagulasti?*) Mens etenim nostra cum per sancti spiritus gratiam ab vsu vetustæ conuersationis abstrahitur, sicut lac mulgetur: quia in quadam noua* inchoationis teneritudine & subtilitate formatur, & sicut caseus coagulatur: quia in constipatione pinguescētis cogitationis astringitur, vt nequaquam iam per desideria diffuat, sed in vno amore se colligens, ad solidam reformationem surgat. Plerumque verò contra hæc eadem rudimenta spiritalia ex vsu veteri caro submurmurat, & mens bella tolerat ex homine quem foris portat. Vnde subiungit: *Pellibus & carne vestisti me.*) Pelle quippe & carnibus interior homo vestitur, quia in eo quod ad superna erigitur, carnalium motuum obsidione vallatur. Sed tendentem ad iustitiam nequaquam in tentatione conditor deferit, quia per infusionem gratiæ etiam peccantem præuenit: sed subleuatam mentem & ad bella exterius laxat, & interius roborat. Vnde adhuc apte subiungitur: *Ossibus & nervis compegisti me.*) Carnibus & pelle vestimur, sed ossibus nervisque compingimur: quia etsi tentatione foris irruente concutimur, intus tamen nos conditoris manus roborat, ne frangamur. Carnis itaque motibus nos humiliat ad dona, sed per ossa virtutum roborat contra tentamenta. Ait ergo: *Carne & pelle vestisti me, ossibus & nervis compegisti me.*) Ac si aperte dicat: Foris me ad probationem deferis, sed tamen intus ne peream, virtutibus astringendo custodis. Qui idcirco nobis benè viuendi rectitudinem tribuit, quia benignè præterita quæ deliquimus, parcit. Vnde & adhuc apte subiungitur: *Vitam & misericordiam tribuisti mihi.*) Vita quippe tribuitur, cum malignis mentibus benignitas aspiratur. Sed vita sine misericordia accipi nequaquam valet, quia ad obtinenda Dominus iustitiæ bona non adiuuat, si prius misericorditer anteaqtas nequitias non relaxat. Vel certè vitam nobis & misericordiam tribuit: quia ea qua nos misericordia, ad bene viuendum præuenit, etiam subsequente custodit. Nisi enim misericordiam subroget, seruari non valet vita quam præbet. Ipso quippe quotidie vsu humanæ vitæ veterascimus: & exterioris hominis impulsu, cogitatione lubrica ab interioribus eximus. Et nisi nos superna visitatio vel ad amorem compungendo viuificet, vel ad timorem flagellando restauret, repentinò lapsu mens funditus tota destruitur, quæ longo virtutis studio innouata videbatur. Vnde subditur: *Et visitatio tua custodiuit spiritum meum.*) Humanum quippe spiritum visitatio su-

A perna custodit, cum hūc virtutibus ditatum, vel flagello percutere, vel compungere amore non desinit. Nam si dona præstat, sed hunc continuè restaurando non subleuat, citius bonum perditur, quod non à largiente custoditur. Sed ecce vir sanctus dum se humiliter agnoscit, conferenda generaliter diuinæ misericordiæ secreta apprehendit: cumque infirmitatem suam veraciter fatetur, repente ad cognoscendam vocationem gentium sublimiter rapitur. Nam protinus subditur:

Quod vocatio gentium, ab antiquo in Dei consilio abscondita sit. Caput XXX.

Licet hæc cales in corde tuo, tamen scio quia vniuersorum memineris.) Ac si aperte dicat: Cur de me trepido, qui & vniuersas gentes quia colligas? scio. Quod tamen in corde cælas: quia hoc adhuc aperto sermone non indicas. Sed qui vniuersorum reminisceris, me proculdubio de venia certum facis. Sciendum verò est, quia in quibusdam factis & certi de venia redimur, & post perpetratas culpas ad absolutionis nostræ fiduciam correctione & pœnitentia subsequente roboramur, perpetrata tamen nostræ nequitia adhuc memoria tangimur, & cogitatione illicita auersi nolentēque pulsamur. Vnde & apte subiungitur:

Quod peccata præterita etiam cum per pœnitentiam abluta fuerint, importuna cogitatio recurrens nobis perducit ad mentem. Et quid sit quod per Moysen homo nocturno pollutus somno, extra castra egredi iubetur, & non reuerti permittitur, nisi lotus aqua post solis occasum. Caput XXXI.

Si peccasti, & ad horam pepercisti mihi, cur ab iniquitate mea mundum me esse non pateris?) Ad horam Dominus peccatori parcit, cum reatum culpæ concessis protinus fletibus diluit. Sed ab iniquitate nostra mundos nos esse non patitur: quia volentes quidem culpam fecimus, sed nonnunquam nolentes eius memoriam cum delectatione toleramus. Sæpe nanque hoc quod à conspectu iam iudicis fletu interueniente deletum est, ad animum redit, & deuicta culpa ad delectationem rursus insperere nititur, atque in antiquo certamine rediuiua pulsatione reparatur: ita vt quod prius egit in corpore, hoc importuna cogitatione postmodum verset in mente. Quod cautè ille conspicere athleta spiritalis nouerat, qui dicebat: Computruerunt & deteriorauerunt cicatrices meæ, à facie insipientiæ meæ. Quid nanque cicatrices, nisi sanationes sunt vulnorum? Laxatas ergo nequitias ad delectationem memoriæ redire conspexerat, qui cicatrices desiebat. Cicatrices quippe computrescere, est sanata iam peccatorum vulnera, rursus in tentationem serpere, atque ex eorum suggestionibus post superductam cutem pœnitentiæ, foetorem culpæ iterum, dolorēque sentire. Quia videlicet in re & nihil foris opere agitur, & sola intus cogitatione peccatur: districtoque se reatu mens obligat, nisi hoc sollicitis lamentis tergat. Vnde bene per Moysen dicitur: Si fuerit inter vos homo qui nocturno pollutus sit somnio, egredietur extra castra, & non reuertetur priusquam ad vespertinum lauetur aqua, & post Solis occasum regredietur in castra. Nocturnum quippe est somnium tentatio occulta, per quam tenebrosa cogitatione turpe aliquid corde concipitur: quod tamen corporis opere non expletur. Sed somnio nocturno pollutus, egredi extra castra præcipitur: quia videlicet dignum est, vt qui immunda cogitatione polluitur, indignum se cunctorum fidelium societatibus arbitretur, culpæ suæ meritum ante oculos ponat, & ex bonorum se æstimatione despiciat. Pollutum ergo extra castra exire, est turpi impugnatione laborantem, sese ex continentium comparatione despiciere. Qui ad vespertinum lauetur aqua, cum defectum suum conspiciens ad pœnitentiæ lamenta conuertitur, vt fletibus abluat omne quod in animo occulta inquinatio accusat. Sed post occasum Solis ad castra redeat: quia deferuescente tentationis ardore, necesse est, vt iterum fiduciam erga societatem bonorum sumat. Post aquæ quippe lauationem, occumbente Sole ad castra reuertitur, qui post lamenta pœnitentiæ, frigescente flamma cogitationis illicitæ, ad fidelium merita præsumenda reparatur: vt iam se à cæteris longè esse non æstimet, qui mundum se per obitum intimi ardoris gau-

* al. coagulationis.

38.

39.
* al. incerti.

Psal. 37.

40.

Deut. 23.

det. Sed inter hæc sciendum est, quòd idcirco nonnunquam impulsu illicitæ cogitationis affligimur: quia in quibusdā terrenæ conuersationis actibus (quanuis licitis) libenter occupamur. Cùmque vel in minimis terrena actio per desiderium tangitur: crescente contra nos antiqui hostis fortitudine, mēs nostra non minima importunitate tentationis inquinatur: Vnde & sacerdos legis, membra hostiæ per frustra concisa, caput atque ea quæ erga iecur sunt, iubetur ignibus cremare: pedes verò atque intestina hostiæ, prius aqua diluere. Nos quippe ipsos sacrificium Deo offerimus, cùm vitam nostram cultui diuino dedicamus. Qui membra hostiæ per frustra concisa super ignem ponimus, cùm vitæ nostræ opera virtutibus distinguentes immolamus. Caput, atque ea quæ iuxta iecur continetur, incendimus, cùm in sensu nostro quo omne corpus regitur, atque in occultis desideriis flamma diuini amoris ardemus. Et tamen præcipitur, vt pedes atque intestina hostiæ lauentur. Pedibus enim terra tangitur, intestinis verò stercore gestantur: quia plerunque iam ex desiderio in æternitatem succendimur: iam toto deuotionis sensu ad appetitum nostræ mortificationis inhiamus, sed quia adhuc terrenum præ infirmitate aliquid agimus, nonnulla etiam quæ iam subegimus, illicita in corde toleramus. Cùmque cogitationes nostras immunda tentatio inquinat, quid aliud quàm intestina nostræ hostiæ, stercore portant? Sed vt comburi debeant, lauentur: quia nimirum necesse est vt immundas cogitationes timoris fletus diluat, quas in acceptione sacrificij supernus amor incendat. Et quicquid mens vel de inexperto ceramine vel de conuersationis pristina memoria patitur, lauetur: vt tantò suauius in conspectu sui spectatoris ardeat, quanto cùm ei assistere cœperit, nil terrenum secum vel lubricum in ara suæ orationis imponit. Vir igitur sanctus humanæ mētis damna conspiciat, quòd plerunque se cogitatione illicita inquinat: & postquam reatum operis iudex relaxat, & sua plorans, nostra quæ ploremus aperiat dicens: *Si peccavi, & ad horam pepercisti mihi, cur ab iniquitate mea mundum me esse non pateris?* Ac si aperte dicat: Si culpam venia abstulit, cur hanc & à memoria non deterfit?

Quòd viri sancti in præsentī vitæ tentationum miseria affliguntur, impij verò non reluctantur, sed quiescunt in eis.

Caput XXXII.

SAepe autem ita mens in culpæ recordatione concutitur: vt ad perpetrationem illius longè grauius quàm prius, quando capta fuerat, vrgeatur: & deprehensa trepidat, seque ipsam variis motibus impulsā perturbat: metuit quidem ne vincatur tentationibus, sed resistens, hoc ipsum quod longo labore certaminis affligitur, perhorrescit. Vnde & aptè subiungitur. *Et si impius fuero, vā mihi est: & si iustus, non leuabo caput, saturatus afflictione & miseria.* Impius namque vā habet, iustus miseriam: quia & æterna damnatio reprobū sequitur, & electus quisque doloribus transitoria aduersitatis expiatur. Impius caput leuat, sed elatus euadere vā quod sequitur, non valet. Iustus labore sui certaminis afflictus, caput leuare non finitur: sed pressus à perpetua afflictione liberatur. Ille se in voluptatibus erigit: sed suppliciis sequentibus mergit. Ille se in dolore deprimit, sed tamen à pondere æternæ animaduersionis abscondit. Consideret ergo vir sanctus, quòd aut renitens homo vitiis, præsentis labore efficitur: aut succumbens, perpetuæ afflictioni mancipatur, & dicat. *Et si impius fuero, vā mihi est: & si iustus, non leuabo caput, saturatus afflictione & miseria.* Ac si aperte deplorat, dicens: Aut substratus carnis desideriis, supplicio æterno subiicior, aut repugnans illicitis motibus, pœna præsentis crucior: quia à labore certaminis liber non sum. Sed superna dispensatio idcirco nos tota sibi intentione seruientes, carnis nostræ permittit impugnationibus concuti, ne mens nostra in superbiam audeat præsumptione suæ securitatis eleuari, vt dum pulsata trepidat, in solo authoris adiutorio spei pedem robustius figat. Vnde & adhuc aptè subiungitur:

Quòd aliquando iusti, ne de sua iustitia intumescant, cadere permittuntur.

Caput XXXIII.

ET propter superbiam, quasi leonem capies me) Leonem cūm escam catulis exquirat, inhiante in foueam captionis ruit.

ESicut enim ex quibusdam regionibus fertur, fit in eius itinere fouea, in quam pecus deponitur, vt illuc se eius appetitu proicere leona prouocetur: quæ angusta simul & alta præparatur, vt in eam ruere ambiendo valeat, sed hanc saliendo nullo modo euadat. Alia quoque fouea quæ priori cohæreat, effoditur: quæ tamen ei in qua pecus est, extremæ partis apertione coniungitur: in qua nimirum cauea ponitur, vt leona corruens, quia desuper terroribus vrgetur, cūm quasi in secretiori parte foueæ occultare se appetit, caueam volens intret: cuius iam sæuitia nequaquam pertimescitur, quia clausa in cauea leuatur. Quæ enim sua sponte in foueam corruit, ad superiores partes circumspecta vectibus redit. Sic sic nimirum humana mens capta est, quæ in libertate arbitrij condita, dum nutrire desideria carnis appetiuit: quasi leona catulis escam quæruit atque in deceptionis suæ foueam cecidit, quæ suadente antiquo hoste, ad cibum prohibitum manum tetendit, sed in fouea protinus caueam inuenit: quia sponte ad mortem veniens, corruptionis suæ mox carcerem pertulit. Sed cū multa agere conatur, & non valet, eiusdem corruptionis suæ obstaculis quasi caueæ vectibus ligatur, atque ad auras liberas gratia interueniente reducitur. Iam quidem eam in quam ceciderat damnationis foueam euasit: quia secuturæ mortis supplicium, manu redemptoris adiuta, ad veniam redeundo superauit. Sed tamen coarctata caueam tolerat: quia supernæ quoque disciplinæ nexibus cingitur, ne per carnis desideria vagetur. Quæ ergo sponte sua in foueam cecidit, ad auras liberas clausa redit: quia & per libertatem arbitrij in culpam corruit, & tamen hanc à suis motibus, conditoris gratia coactam nolentemque constringit. Post foueam itaque caueam patitur, quæ erepta ex æterno supplicio, à prauæ voluntatis motibus, sub cœlestis artificis dispensatione religatur. Rectè igitur dicit: *Et propter superbiam, quasi leonem capies me:* quia & liber homo per cibū sibi mortē intulit, & reductus ad veniā, sub disciplina melius clausus viuut: Quasi leona ergo propter superbiam captus est: quia inde nunc eum disciplina suæ corruptionis deprimit, vnde transgressionem præcepti non timens, audacter in foueam saltum dedit. Sed si parumper obtutus mentis à culpa primi parentis auertimus, nos adhuc quotidie vt leonem capi per vitium elationis inuenimus. Sæpe nanque homo acceptis virtutibus in audaciam suæ præsumptionis erigitur: sed mira dispensatione pietatis, ante eius oculos res quælibet in quam corruat, ordinatur. Dūmq; per culpam aliquid appetit, quid aliud quàm prædā in fouea concupiscit? Sua sponte inhiās cadit, sed suis surgere viribus non valet. Qui cūm se nihil ex se esse considerat, discit proculdubio cuius adiutorium requirat. Quem tamen superna miseratione captum quasi à fouea euehit: quia hunc infirmitate cognita ad veniam reducit. Leonæ itaq; more, propter superbiam ad superiores partes in caueam remeat, qui cūm de virtute extollitur, lapsus ad desideria in humilitate religatur. Quia enim prius propria præsumptione perierat, mira pietate agitur, vt infirmitatis suæ iam notitia clausus viuut. Quod quia sanctus viuut crebrò accidere hominibus cōspicit, nostri in se periculi vocem sumit: vt cūm eius fletus agnoscimus, quæ in nobis sunt flenda, discamus. Sed cūm mentem nostram elatio erigit, summi à nobis protinus compunctio amoris recedit: cūm verò superna nos gratia visitat, statim per lachrymas ad sua desideria instigat. Vnde & aptè subiungitur:

Quòd sancti viri cūm à Deo relinquuntur, ruinæ suæ dispendia non sentiunt: cūm verò visitans reuertitur ad eos Deus, mirabili cruciatu compunctionis semetipsos, quales fuerant, discutiunt.

Caput XXXIIII.

Reuersusque mirabiliter me crucias.) Cūm ab auctore relinquitur, nec ipsa vllatenus destitutionis nostræ damna sentimus. Quò enim longè nos conditor deserit, eò mens nostra insensibilis obdurefcit, nulla quæ Dei sunt, diligit, nequaquam superna concupiscit: & quia amoris intimi calorem non habet, frigida deorsum iacet, ac miserando modo fit quotidie tantò securior, quanto peior: cūmque vnde sit lapsa, non meminit, & supplicia secutura non metuit, quantum lugenda sit, nescit. At si afflatu sancti spiritus tangitur, ad considerationem

tionem protinus suæ perditionis euigilat, in cœlestium inquisitione se excutit, amoris summi æstibus inardescit, quæ se circumprimunt, damna considerat, & plorat proficiens, quæ prius læta torpebat. Bene ergo conditori dicitur: *Reuersusque mirabiliter me crucias.* quia omnipotens Deus vnde mentem nostram visitans, ad amorem suum erigit, inde hanc per lachrymas grauius affligit. Ac si apertè dicat: Relinquendo me nequaquam afficis: quia insensibilem reddis: sed cum reuertaris, crucias: quia dum te insinuas, mihi me, quàm sim lugendus, demonstras. Vnde nequaquam se pœnaliter, sed mirabiliter asserit cruciari: quia dum per fletum mens ad summa rapitur, compunctionis suæ pœnam gaudens miratur: & libet affici, quia afflictione sua se conspiciat ad alta subleuari. Sæpe autem cum nos à sancti desiderij exercitatione torpescere superna pietas cernit, exempla se sequentium nostris obtutibus obicit, vt mens per otium remissa, quo in aliis vigilantiam & profectus considerat, eo in se pigritudinem torporis erubescat. Vnde & rectè subiungitur:

Quod electi contra nos testes Dei sunt, vt qui negligimus præcepta, ex aduerso confundamur per sanctorum exempla.

Caput XXXV.

Instantes testes tuos contra me, & multiplicas iram tuam, & pœne militans in me. Testes enim dei sunt, qui per exercitium sancti operis testantur quæ electos secutura sint præmia veritatis. Vnde hos quoque quos pro veritate passos agnoscimus, Græco eloquio martyres, id est, testes vocamus. Et per Ioannem voce angelica Dominus dicit: In diebus meis Antipas testis meus fidelis, qui occisus est apud vos. Sed testes suos contra nos Dominus instaurat, cum electorū vitam prauitati nostræ contrariam, ad arguendos nos instruendosque multiplicat. Contra nos ergo testes illius instaurantur: quia cuncta quæ agunt, studiis nostræ prauitatis aduersa sunt. Vnde & sermo veritatis aduersarius vocatur, cum mediatoris voce per Euangelium dicitur: Esto consentiens aduersario tuo citò dum es cum illo in via. Atque de hoc eodè redemptore reprobi persequentes dicunt: Contrarius est operibus nostris. Et paulò post: Dissimilis est aliis vita illius. Testes itaque suos contra nos Dominus instaurat: quia bona quæ facere ipsi negligimus, hæc ad correptionem nostram fieri ab aliis demonstrat: vt qui præceptis non accendimur, saltem exemplis excitetur, atque in appetitu rectitudinis nil sibi mens nostra difficile æstimet, quod perfectè peragi ab aliis videt. Et fit plerumque vt cum alienæ vitæ bona conspiciamus, nostra sollicitius damna timeamus: & eo pateat quantò pòst pondere animaduersionis impetitur, quo nunc à bonorum moribus longè discrepamus. Vnde & testium instauratio memorata, protinus aptè subiungitur: *Et multiplicas iram tuam.* Eo nobis multiplicari ira Dei dicitur, quo esse multiplex indicatur: quia ex ipsa nunc bonorum vita & labore cognoscimus, si emendari dum tempus est, nolumus, quanta post animaduersione feriamur. Electos quippe Dei cernimus & pia agere, & crudelia multa tolerare. Hinc ergo colligitur, districtus iudex quanta illic feriat districtione quos reprobos, si hinc sic cruciat quos amat, Petro attestante, qui ait: Tempus est vt iudiciū incipiat de domo Dei: si autem primū à nobis, quis finis eorum, qui non credunt Dei Euangelio? Omnipotēs igitur Deus cum contra nos testes instaurat, iram multiplicat: quia quo bonorū vitam nostris oculis obicit, eo prauitatis perpetratæ duritiam qua districtione in iudicio percutiat, ostendit. Nam cum solis se sequentibus dona exaggerat, torpentes iam quia reliquerit, demonstrat. Cum bona ergo in aliis cernimus, valde necesse est vt & exultationem nostræ formidini, & formidinē nostræ exultationi misceamus: quatenus & de alienis profectibus contristatus contremiscat. Sed cum fraterno profectu reficimur, cum districtiōnem super nos interni iudicis ex ipso nostro torpore pensamus, quid restat nisi vt ad discutiendum se animus redeat, & quicquid in se reprobū, quicquid prauū deprehendit, affligat? Vnde & aptè subiungitur: *Et pœne militans in me.* Consideratis quippe dei testibus, pœnæ in nobis militans: quia dū miranda illorum facta conspiciamus, vitam nostrā, quæ ex eorum nobis cōparatione displicet, studiosā afflictione cruciamus, vt quicquid in nobis polluerunt opera, diluent lamenta:

& si quid adhuc culpa delectationis inquinat, pœnā mœroris tergat. Beatus igitur Iob: quia vitam patrum præcedentium conspiciat, quid in se gemere debeat, subtilius agnoscit: Sed magni doloris magisterio, dum sua plangit, ad lamenta nos instruit: vt quo virtutes in aliis cernimus, eo apud districtum iudicem nostra sollicitè delicta timeamus. Sequitur: *Quare de vulua eduxisti me? Qui vinam consumptus essem, ne oculus me videret.* Quod nimirum prima oratione iam protulit dicens: *Quare non in vulua mortuus sum?* Qui hoc quoque quod hinc adiicit subdens: *Fuissē quasi non essem, de vtero translatus ad tumulum:* illic verbis aliis non aliter adiungit, dicens: Sicut abortiuum absconditum non subsisterem, vel qui concepti non viderunt lucem. Quia verò hæc superius latè digessimus, pro vitando lectoris fastidio, exposita replicare declinamus. Sequitur:

Quod cum peccatum animum pulsaret, si breuitas delectationis aspiciatur, non multum inuolat.

Caput XXXVI.

Nunquid non paucitas dierum mœrorum finitur breui? Cautum se ac sollicitum viuere ostendit, qui breuitatem præsentis vitæ considerans, non eius vsum, sed terminum conspiciat: vt ex fine colligat, nihil esse quod transiens delectat. Hinc nanque per Salomonem dicitur: Si annis multis vixerit homo, & in his omnibus lætatus fuerit, meminisse debet tenebrosi temporis & dierum multorum: qui cum venerint, vanitatis arguentur præterita. Hinc rursum scriptum est: In omnibus operibus tuis memorare nouissima tua, & in æternum nō peccabis. Igitur cum culpa animum tentat, mens necesse est vt breuitatem suæ delectationis aspiciat, ne ad viuacem mortem iniquitas rapiat, cum constet quod ad terminum citius mortalis vita præcurrat. Sed sæpe oculus contemplationis nostræ confunditur, dum dolor noster flagellis crebrescentibus aggrauatur. Libet præsentis vitæ exilium gemere, sed præ ipsa afflictione mens non valet damna suæ cæcitatē æstimare: vnde de protinus subdit:

Quod si peccatum, meui ex consuetudine obligati sumus, flendo dolere non possumus, nisi pietatis supernæ respectu compungamur.

Caput XXXVII.

Dimite ergo me vt plangam paululum dolorem meum. Sicut enim moderata afflictio lachrymas exprimit, ita immoderata subducit: quia mœror ipse quasi sine mœrore fit, qui afflicti mentem deuorans, sensum doloris tollit. Vir igitur sanctus feriri plusquam sufficit, pertimescit, dicens: *Dimite ergo me, vt plangam paululum dolorem meum.* Ac si apertè dicat: Flagella tuæ percussione tempera: vt moderatis doloribus, æstimare mala quæ patior, flendo conualescam. Quod tamen intelligi & aliter potest. Sæpe nanque peccator iniquitatis suæ vinculis ita constringitur, vt pondus quidem peccatorum toleret, sed tamen quia tolerat, ignoret. Sæpe autem si cognoscat, quanto reatu premitur, erumpere in lachrymis conatur, & nō potest: vt hunc in se mente libera, & conuersatione integra persequatur. Flere ergo dolorem suū non valet, qui & iniquitatis suæ reatum considerat: & tamen præ terrenæ occupationis pondere, hunc & gemere nequaquam vacat. Flere dolorem suū non valet, qui prauæ quidē consuetudini contraire nititur: sed tamē adhuc succrescentibus desiderijs carnis grauatur. Huius doloris præsentia Prophetæ mentem cruciauerat, cum dicebat: Dolor meus cōtra me est semper, quoniam iniquitatem meam ego pronuntiabo, & cogitabo pro peccato meo. Sed solutis iniquitatis vinculis, dimissum se nouerat qui exultabat, dicens: Dirupisti vincula mea, tibi sacrificabo hostiam laudis. Tunc igitur ad plangendum dolorem nos Dominus dimittit, cum & mala nobis quæ fecimus, demonstrat: atque ad hæc eadem flenda quæ cognoscimus, adiuvat. Culpas oculis obicit, & pia manu gratiæ vincula cordis soluit: vt ad vacationem pœnitentiæ mens nostra se erigat, & carnis soluta compedibus, in authorem suum libera gressum amoris tendat. Plerumque etenim vitam nostram ipsi reprehendimus, sed tamen libenter agimus hoc quod in nobis rectè reprobamus. Ad iustitiam spiritus nos erigit, ad consuetudinem caro restringit. Amori suo mens renititur, sed protinus delectata captiuatur. Bene itaque dicitur: *Dimite ergo me, vt plangam paululum dolorem meum.* Quia nisi à reatu culpæ

44.

Eccles. 11.

Eccle. 7.

† vel. percurrat.

Psal. 37.

Psal. 115.

45.

quo nos ligauimus, misericorditer dimittamur, perfectè flere non possumus hoc quod in nobis ipsis contra nosmetipsos dolemus. Sed tunc veraciter reatus nostri dolor plangitur, cum tenebrosa illa inferni retributio intento timore præuide-
tur. Vnde aptè subiungitur:

*Quod pœnae infernales nec transitoria sint, nec phantastica,
sed solida & perpetua.*

Caput XXXVIII.

ANequam vadam & non reuertar ad terram tenebrosam & oper-
tam mortis caligine. Quid enim tenebrosæ nomine, nisi
tetra tartari claustra signantur? Quæ æternæ mortis caligo o-
perit, quia damnatos quousque in perpetuum à vitæ luce dis-
iungit. Nec immeritò inferni terra dicitur: quia quicumque
ab eo capti fuerint, stabiliter tenentur. Scriptum quippe est:
Generatio præterit, & generatio aduenit, terra verò in æter-
num stat. Rectè igitur inferni claustra, tenebrosa terra nomi-
nantur: quia quos puniendos accipiunt, nequaquam pœna
transitoria, vel phantastica imaginatione cruciant: sed vltio-
ne solida perpetuæ damnationi seruant. Quæ aliquando ta-
men laci appellatione signantur: Propheta attestante, qui ait:
Portauerunt ignominiam suam cum his qui descendunt in la-
cum. Infernus ergo & terra nominatur, quia susceptos stabi-
liter tenet: & lacus dicitur, quia hos quos semel cœperit, sem-
per fluctuantes & trepidos tormentis circumfluentibus absor-
bet. Sanctus autem vir siue sua siue humani generis voce di-
mitti se postulat, antequam vadat, non quia ad terram tene-
brosam qui culpam deslet iturus est: sed quia ad hanc procul
dubio qui plangere negligit, vadit, sicut debitori suo credi-
tor dicit: Solue debitum, priusquam pro debito constingaris,
qui tamen non constringitur, si quod debet soluere, non mo-
riatur. Vbi & rectè subditur: *Non reuertar.* Quia nequaquam
vltra misericordia parentis liberat, quos semel in locis pœ-
nalibus iustitia iudicantis damnat, Quæ adhuc subtilius lo-
ca describuntur, cum dicitur: *Terram miserie & tenebrarum.* Miseria
ad dolorem pertinet, tenebræ ad cæcitatem. Ea ergo
quæ à conspectu districti iudicis expulsos tenet, miserie &
tenebrarum terra perhibetur: quia foris dolor cruciat, quos
diuisos à vero lumine, intus cæcitas obscurat. Quauis mise-
riæ & tenebrarum terra intelligi & aliter potest. Nam hæc
quoque terra in qua nascimur, est quidem miserie, sed tene-
brarum non est: quia multa hîc corruptionis nostræ mala pa-
timur, sed tamen adhuc in ea per conuersionis gratiam ad lu-
cem redimus: veritate suadente, quæ ait: Ambulate dum lu-
cem habetis, ne vos tenebræ comprehendant. Illa verò simul
miserie & tenebrarum terra est, quia quisquis ad toleranda eius
mala descenderit, nequaquam vltius ad lucem redit. In cuius
adhuc descriptione subiūgitur: *Vbi vmbra mortis, & nullus ordo.*
Sicut mors exterior ab anima diuidit carnem: ita mors interior
à Deo separat animam. Vmbra ergo mortis est obscuritas diui-
sionis, quia dānatus quisque cū æterno igne succeditur, ab inter-
no lumine tenebratur. Natura verò ignis est: vt ex seipso &
lucem exhibeat & cōcremationem. Sed trāsfactorū vltix illa
flamma vitiorū, cōcremationem habet, & lumen non habet.
Hinc est enī quod reprobis veritas dicit: Discedite à me ma-
ledicti in ignem æternū, qui paratus est diabolo & angelis eius.
Quorum rursus omnium corpus in vnus persona significās,
dicit: Ligatē ei manus & pedes, & mittite eum in tenebras
exteriores. Si itaque ignis qui reprobos cruciat, lumen habere
potuisset, is qui repellitur, nequaquam mitti in tenebras
diceretur. Hinc etiam Psalmista ait: Super eos cecidit ignis,
& non viderunt solem. Ignis enim super impios cadit, sed
sol igne cadente non cernitur: quia quos illa gehennæ flam-
ma deuorat, à visione veri luminis cæcat: vt foris eos dolor
combustionis cruciet, & intus pœna cæcitatē obscurat: qua-
tenus qui auctori suo corde & corpore deliquerunt, simul
corde & corpore puniantur, & vtroque pœnas sentiant:
qui dum hîc viuerent, prauis suis delectationibus ex vtroque
seruiebant. Vnde bene per Prophetam dicitur. Descenderūt
in infernum cum armis suis. Arma quippe peccantium sunt
membra corporis, quibus peruersa desideria quæ concipiunt
exequuntur. Vnde rectè per Paulum dicitur: Neque exhi-
beatis membra vestra arma iniquitatis peccato. Cum armis
ergo ad infernum descendere, est cum ipsis quoque membris

quibus desideria voluptatis expleuerunt, æterni iudicii tor-
menta tolerare: vt tunc eos vndique dolor absorbeat, qui
nunc suis delectationibus subditi, vndique contra iustitiam
iustè indicantis pugnant.

*Quomodo supplicia damnatorum ex iustitia iudicis ordinem
habeant, in eis autem, qui ea patiuntur confusionem.*

Caput XXXIX.

Mirum verò est valde quod dicitur: *Vbi nullus ordo.* Neque
enim omnipotens Deus qui mala bene punit, inordina-
ta esse vllō modo vel tormenta permittit: quia ipsa quoque
supplicia quæ ex lance iustitiæ prodeunt, inferri sine ordine
nequaquam possunt. Quomodo nanque in suppliciis ordo
non erit, dum damnatum quēque iuxta modum criminis, re-
tributio sequitur vltionis? Hinc quippe scriptum est: Poten-
tes potenter tormenta patientur, & fortioribus fortior instat
cruciatio. Hinc in Babylonis damnatione dicitur: Quantum
exaltauit se, & in deliciis fuit, tantum date illi tormentum &
luctum. Si igitur iuxta modum culpæ, pœna distinguitur:
cōstat nimirum quod in suppliciis ordo seruatur. Et nisi tor-
mentorū summam, meritorū acta dirimeret, nequaquam
iudex veniens dicturum se messoribus esse perhiberet: Col-
ligite primū zizania, & ligatē ea in fasciculos ad combuten-
dum. Si enim nullus in suppliciis ordo seruabitur, cur com-
burenda zizania in fasciculos ligantur? Sed nimirum fascicu-
los ad comburendum ligare est hos, qui æterno igni traden-
di sunt, pares paribus sociare: vt quos similis culpa inquinat,
par etiam pœna constingat: & qui nequaquam dispari ini-
quitate polluti sunt, nequaquam dispari tormento crucientur:
quatenus simul damnatio cōterat, quos simul elatio subleuat,
quosque non dissimiliter dilatauit ambitio, non dissimilis an-
gustet afflictio, & par cruciet flamma supplicij, quos in igne
luxuriæ par succendit flamma peccati. Sicut enim in domo
patris mansiones multæ sunt pro diuersitate virtutis, sic dam-
natos diuerso supplicio gehennæ ignibus subiicit disparilitas
criminis. Quæ videlicet gehenna quauis cunctis vna sit, non
tamen cunctos vna eademque qualitate succendit. Nam sicut
vno Sole omnes tangimur, nec tamen sub eo vno ordine om-
nes æstuamus, quia iuxta qualitatem corporis sentitur etiam
pondus caloris: sic damnatis & vna est gehenna quæ afficit, &
tamen non vna omnes qualitate comburit: quia quod hîc a-
git dispar valetudo corporum, hoc illic exhibet dispar causa
meritorum. Quomodo ergo nullus inesse ordo suppliciis di-
citur, in quibus profectò quisque iuxta modum culpæ cru-
ciatur? Sed sanctus vir postquam vmbra mortis intulit,
quanta sit confusio in damnatorum mente subiungit: quia ip-
sa quoque supplicia quæ ordinata per iustitiam veniunt, or-
dinata proculdubio in corde morientium non sunt. Vt enim
paulò superius diximus, dum damnatus quisque foris flamma
succenditur, intus cæcitatē igne deuoratur, atque in dolore
positus, exterius interiūque confunditur, vt sua deterius con-
fusione crucietur. Repulsis ergo ordo in supplicio non erit:
quia in eorum morte atrocior ipsa cōfusio mētis sæuit. Quam
tamen mira potentia iudicantis æquitas ordinat, vt pœna ani-
mam quasi inordinata confundat. Vel certè abesse ordo sup-
pliciis dicitur: quia quibuslibet rebus in pœnam surgentibus,
propria qualitas non seruatur. Vnde & protinus subinfertur:
Et sempiternus horror inhabitat. In huius vitæ tormentis timor
dolorem habet, dolor timorem non habet: quia nequaquam
mentem metus cruciat, cum pati iam cœperit, quod metue-
bat. Infernum verò & vmbra mortis obscurat, & sempiternus
horror inhabitat: quia eius ignibus traditi, & in suppliciis do-
lorem sentiunt, & in doloris angustia pulsante se semper pa-
uore feriuntur: vt & quod timent tolerant, & rursus quod
tolerant, sine cessatione pertimescant. De his etenim scriptum
est: Vermis eorum non morietur, & ignis eorum non extin-
guetur. Hîc flamma quæ succendit, illuminat, illic, vt supe-
rius verbis Psalmistæ docuimus, ignis qui cruciat, obscurat.
Hîc metus amittitur, cum tolerari iam cœperit quod timeba-
tur: illic & dolor dilaniat, & pavor angustat. Horrendo igitur
modo, erit tunc reprobis dolor cum formidine, flamma
cum obscuritate. Sic sic videlicet à damnatis sentiri pondus
summæ æquitatis debet: vt qui à voluntate conditoris ne-
quaquam sunt veriti discrepare dum viueret, in eorum quan-
doque

Eccle. i.

Ezech. 16.

46

Ioan. 12.

Math. 25.

Math. 22.

Psal. 57.

Ezech. 32.

Roma. 6.

47

Apoc. 18.

Math. 13.

48

Esai. 66.

doque interitu ipsa à suis qualitatibus etiam tormenta discor-
dent: quatenus quo se impugnant, cruciatus augeant, & cum
variè prodeunt, multipliciter sentiantur. Quæ tamen supplicia
in se demersos & ultra vires cruciant, & in eis vitæ subsidium
extinguentes seruant: vt sic vitam terminus puniat, quatenus
semper sine termino cruciatus viuatur, qui & ad finem per tor-
menta properat, & sine fine deficiens durat. Fit ergo miseris
mors sine morte: finis sine fine: defectus sine defectu: quia &
mors uiuit, & finis semper incipit, & deficere defectus nescit.
Quia igitur & mors perimit, & non extinguit: dolor cruciat,
sed nullatenus pauorem fugat: flamma comburit, sed nequa-
quam tenebras discutit: quantum per notitiam præsentis vitæ
colligitur, supplicia ordinem non habent, quæ non suam per
omnia qualitatem tenent, quanuis illic ignis & ad consolatio-
nem non lucet, & tamen vt magis torqueat, ad aliquid lucet.

49. Nam sequaces quoque suos secum in tormento reprobis
flamma illustrante visuri sunt, quorum amore deliquerunt:
quatenus qui eorum vitam carnaliter contra præcepta condi-
toris amauerunt, ipsorum quoque eos interitus in augmen-
tum suæ damnationis affligat. Quod profectò Euangelio at-
testante colligimus, in quo veritate nuntiante, diues ille quem
contigit ad æterni incendij tormenta descendere, quinque
fratrum describitur meminisse, qui Abraham petiit, vt ad eo-
rum eruditionem mitteret, ne illuc eos quandoque venientes
par pœna cruciaret. Qui igitur ad doloris sui cumulum pro-
pinquorum absentium meminit: constat procul dubio quia
eos, ad augmentum supplicij, paulò post potuit etiam præsen-
tes videre. Quid autem mirum si secum quoque reprobos as-
piciat cremari, qui ad doloris sui cumulum, eum quem despe-
xerat, in sinu Abraham Lazarum vidit? Si ergo ei vt pœna cre-
skeret, & vir electus apparuit: cur non credendum si quod vi-
dere in supplicio eos etiam quos contra Deum dilexerat, pos-
sit? Quæ ex re colligitur, quod eos quos inordinatè nunc re-
probi diligunt, miro iudicij ordine, secum tunc in tormen-
tis videbunt: vt pœnam propriæ punitionis exaggeret il-
la auctori præposita carnalis cognatio, pari ante oculos ultio-
ne damnata. Ignis itaque qui in obscuritate cruciat, creden-
dum est, quia lumen ad tormentum seruat. Quod si approba-
re testimoniis in sua expressione non possumus: superest vt è
diuerso doceamus. Tres quippe Hebrææ gentis pueri, per
Chaldæi regis imperium succensis camini ignibus, ligatis ma-
nibus, pedibusque proiecti sunt: quos tamen cum idem rex in
camini incendio miseratus exploraret, illæsis vestibus deam-
bulantes vidit. Vbi apertè colligitur, quia mira dispositione
conditoris, ignis qualitas in diuersa virtute temperata, & ve-
stimenta non attingit, & vincula incendit, sanctisque viris &
ad inferendum tormentum flammæ friguit, & ad solutionis
ministerium exarsit. Sicut ergo electis ignis ardere nouit ad
solatium, & tamen ardere ad supplicium nescit: ita è diuerso
gehennæ flamma reprobis & nequaquam lucet ad consolati-
onis gratiam, & tamen lucet ad pœnam, vt damnatorum o-
culis ignis supplicij & nulla claritate candeat, & ad doloris
cumulum, defecti qualiter crucientur, ostendat. Quid autem
mirum si gehennæ ignem credimus habere supplicium simul
obscuritatis & luminis, quando experimento nouimus, quia
& tædarum flamma lucet obscura? Tunc edax flamma combur-
rit, quos nunc carnalis delectatio polluit: tunc infinitè patens
inferni baratrum deuorat, quos nunc inanis elatio exaltat, at-
que qui quolibet ex vitio hinc voluntatem callidi persuasoris
expleuerunt: tunc cum duce suo reprobis ad tormenta perue-
niunt. Et quanuis angelorum atque hominum longè sit na-
tura dissimilis, vna tamen pœna implicat, quos vnus in crimi-
ne reatus ligat. Quod bene ac breuiter insinuat Propheta qui
ait: Ibi Assur & omnis multitudo eius, & in circuitu eius se-
pulchra illius. Quis nanque Assur superbi regis nomine, nisi
ille per elationem cadens antiquus hostis exprimitur, qui pro
eo quod multos ad culpam pertrahit, cum cuncta sua multitu-
dine ad inferni claustra descendit? Sepulchra autem mortuos
regunt. Et quis alius mortè acrius pertulit, quàm is qui condi-
torem suum despiciens, vitam reliquit? Quem videlicet mor-
tuum cum humana corda suscipiunt, eius procul dubio sepul-
chra fiunt. Sed in circuitu illius sepulchra eius sunt, quia in quo-
rum se mentibus nunc per desideria sepelit, hos sibi postmo-

A dum per tormenta coniungit. Et quoniam nunc in semetipsis
reprobi malignos spiritus illicita perpetrando suscipiunt, tunc
sepulchra cum mortuis ardebunt.

*Quod nihil prodest quæ maneant peccatores tormenta cognoscere, nisi
ad hoc demus operam, vt possimus euadere.*

Caput XL.

E Cce quæ maneant damnatos pœna cognouimus: & in-
struente nos sacro eloquio quantus in damnatione ignis,
quanta in igne obscuritas, quâuisque in obscuritate pauor sit
nullatenus ambigimus. Sed quid prodest ista prænosse, si non
contingat euadere? Tota ergo intentione curandum est, vt
cum vacationis tempus accipimus, bene viuendi studio, ma-
lorum vlticia tormenta fugiamus: Hinc quippe per Salomo-
nem dicitur: Quodcunque potest manus tua facere, instanter
operare: quia nec opus, nec ratio, nec sapientia, nec scientia
erit apud inferos, quod tu properas. Hinc Esaias ait: Quærite
Dominum dum inueniri potest, inuocate eum, dum prope
est. Hinc Paulus dicit: Ecce nunc tempus acceptabile, ecce
nunc dies salutis. Hinc rursum ait: Dum tempus habemus, o-
pe remur bonum ad omnes. Sed plerumque se ad vitam re-
ctitudinis animus accingit, torporem & discutit: tantòque in
cœlestibus desiderio rapitur, vt penè nil ex eo inferius re-
mansisse videatur. Et tamen cum ad carnis curam reduci-
tur, sine qua præsentis vitæ via nullo modo expletur, ita hunc
inferius depressum tenet, ac si adhuc de summis nulla conti-
gisset. Auditis verbis cœlestis oraculi, in amorem patriæ cœ-
lestis erigitur: sed resurgente præsentis vitæ studio, sub terre-
næ curæ aggere sepelitur: atque in terra cordis nequaquam
supernæ spei semen proficit, quia cogitationis infimæ spina
densescit. Quam videlicet spinam per semetipsam veritas ma-
nu sanctæ exhortationis eradicat, dicens: Nolite solliciti esse
in crastinum. Contra hanc quoque per Paulum dicitur: Car-
nis curam ne feceritis in concupiscentiis. Sed in his nimirum
ducis ac militis verbis agnoscimus: quia tunc ab ea mortifero
vulnere animus pungitur, cum in ea & mensura æquitas non
tenetur. Neque enim adhuc mortali in carne viuentibus, fun-
ditis cura carnis abscinditur: sed vt discretè animo seruiat,
temperatur. Nam quia sollicitos nos esse veritas in crastinum
prohibet, habere vtcunque curam in præsentibus non negat,
quam tendi ad tempus quod sequitur, vetat. Et nimirum Pau-
lus cum carnis curam fieri in concupiscentia non finit, pro-
cul dubio in necessitate concedit. Discretionem ergo magni
moderaminis carnis cura frenanda est, vt seruiat, & minimè
principetur, ne quasi domina animum vincat: sed subacta
mentis dominio, quasi ancilla famuletur: vt iussa asit, atque ad
nutum cordis repulsa dissiliat: vt vix à tergo sanctæ cogita-
tionis appareat, & nunquam contra faciem rectæ cogitantis
obsistat: Quod bene nobis historia sacræ lectionis innuitur,
cum Abraham tribus angelis occurrisse memoratur. Ipse
quippe venientibus extra ostium occurrit, Sara verò post o-
stium stetit: quia videlicet vt vir ac dominus domus spiritalis,
noster scilicet intellectus, debet in cognitione trinitatis, clau-
stra carnis excedere, & quasi habitationis infimæ ianuam exire:
cû autem carnis vt scemina foris non appareat, & videri ia-
ctanter erubescat: vt quasi post tergum viri sit sub discretio-
ne spiritus, solis necessariis intenta, nequaquam sciat procaci-
ter detegi, sed verecundè moderari. Cui tamen sæpe cum di-
citur vt de se minimè præsumat, sed totam se in diuinæ spei
fiduciam transferat, despicit, & cessante studio adesse sibi vi-
tæ subsidia posse diffidit. Vnde & hæc eadem Sara promissio-
nes Dei audiens ridet, sed ridens corripitur, correpta autem
protinus fecundatur: & quæ in iuuentute vicens fecundari
non potuit, annis fracta senilibus, vtero marcescente conce-
pit: quia cum cura carnis sui confidentiam habere desierit,
contra spem ex diuina promissione accipit, quod habituram
se ex humana ratione dubitauit. Vnde & bene Isaac, id est ri-
sus dicitur, qui generatur: quia cum supernæ spei fiduciam
concepit, quid mens nostra aliud quàm gaudium parit?
Curandum itaque est ne aut necessitatis metas cura carnis
transeat, aut in eo quod moderatè exequitur, de se præsu-
mat. Sæpe verò animus fallitur, vt quod voluptuosè appe-
tit, necessarium suspicetur: quatenus omne quodlibet, vi-
tæ debitam vtilitatem putet. Et sæpe quia effectus pro-

Eccl. 9.

Esai. 55.

2. Cor. 6.

Galat. 6.

51.

† al. deulit.

Math. 6.

Rom. 13.

† al. mensu-

ra æquitas.

Gen. 18.

50.

Ezech. 32.

Sat. scili-

cet.

uidentiam sequitur, in sui fiduciam mens leuatur. Cumque sibi adesse quod deesse cæteris viderit, cogitatione tacita de magnitudine suæ prouisionis hilarescit: tantòque iam à vera prouisione longè fit, quantò ipsam quoque elationem quam patitur, nescit. Vnde solerti semper custodiæ intentione pensandum est vel quid opere agimus, vel quid corde versamus, ne aut mentem præpediens, foris se terrena cura multiplicet, aut saltem de eius moderamine intus se cogitatio exaltet, ut cum diuina iudicia temporali circumspectione metumus, sempiterni supplicia horroris euadamus.

Libri noni Moraliū sancti Gregorij finis.

B. GREGORII IN VNDECIMVM CAPVT textus beati Iob, Liber decimus.

Caput I.



QUOTIES in arenæ spectaculum fortis athleta descenderit, hi qui impares yiribus existunt, vicissim se eius expugnationi subiiciunt: & vno victo cōtra hunc protinus alter erigitur: atque hoc subactō, alius surrogatur: ut luctantis vires quandoq; molliores inueniant, quas ipsa sua crebescens victoria fatigat: quatenus cum nouus quisque congregitur, is qui vinci virium qualitate non valet, personarum saltem mutatione superetur. Sic sic in hoc hominum Angelorumque spectaculo beatus Iob fortis athleta prodiit, quantumq; contra mutationem aduersantium valeat, continuatione indefensi roboris ostendit. Cui primus se Eliphas, secundus autem Baldath obiicit, atq; ad extremum se Sophar in eius expugnatione supponit: qui ad inferendos ictus totis se conatibus erigunt, sed tamen ad feriendam altitudinem robusti pectoris non pertingunt. Ipsa quippe eorum verba patenter insinuant, quod ictus in auras iactant: quia cum sanctum virum non rectè redarguunt, expressa in vacuum verba percutiōis perdunt. Quod liquidò ostenditur, cum Sophar Naamathitis responsio à contumeliis inchoatur, qui ait:

Beati Iob caput vndecimum,



Respondens autem Sophar Naamathites, dixit: Nunquid qui multa loquitur, non audiet, aut vir verbosus iustificabitur? Tibi soli tacebunt homines, & cum cæteros irriseris, à nullo confutaberis? Dixisti enim: Purus est sermo meus, & mundus sum in conspectu tuo. Atque utinam Deus loqueretur tecum, & aperiret labia sua tibi, ut ostenderet tibi secreta sapientiæ, & quod multiplex esset lex eius: & intelligeres quod multo minora exigaris ab eo, quàm meretur iniquitas tua. Forsitan vestigia Dei comprehendes, & vsque ad perfectum omnipotentem reperiēs. Excelsior cælo est, & quid facies? Profundior inferno, & vnde cognosces? Longior terra mensura eius, & latior mari. Si subuerterit omnia, vel in vnum coarctauerit: quis contradicet ei, vel quis dicere ei potest, Cur ita facis? Ipse enim nouit hominum vanitatem, & videns iniquitatem nōne considerat? Vir vanus in superbiam erigitur, & tanquam pullum onagri se liberum natum putat. Tu autem firmasti cor tuum, & expandisti ad eum manus tuas. Si iniquitatem quæ est in manu tua abstuleris à te, & non manserit in tabernaculo tuo iniustitia: tunc leuare poteris faciem tuam absque macula, & eris stabilis, & non timebis. Misc-

ria quoque obliuisceris, & quasi aquarum quæ præterierunt, non recordaberis: & quasi meridianus fulgor consurget tibi ad vesperam. Et cum te consumptum putaueris, orieris ut lucifer, & habebis fiduciam proposita tibi spe, & defossus securus dormies. Requiesces, & non erit qui te exterreat: & deprecabuntur faciem tuam plurimi. Oculi autem impiorum deficient, & effugium peribit ab eis, & spes illorum, abominatio animæ.

Quod rectè dictis semper procaces ex aduerso respondeant.

Caput II.

Nunquid qui multa loquitur, nōne & ipse audiet? aut vir verbosus iustificabitur? Mos esse procacium solet, ut rectè dictis semper è diuerso respondeant, ne si ad prolata consentiant, inferiores esse videantur. Quibus iustorum verba quamlibet pauca sonuerint, multa sunt, quia quo eorum vitia rescant, auditum grauant. Vnde & ad crimen trahitur hoc quod recta prædicatione contra crimina profertur. Ipsum quippe qui ex veritate fortes sententias dixerat, Sophar redarguens, verbosum vocat: quia cum ab ore iustorum sapientia culpas increpat, stultorum auribus superfluitas loquacitatis sonat. Praui nanque nil rectum nisi quod ipsi senserint, putant: & iustorum verba eo otiosa æstimant, quo suis hæc sensibus inueniunt diuersa. Nec fallacem quidem Sophar sententiam protulit, quod vir verbosus iustificari nequaquam possit: quia dum quisque per verba diffuit, perdita grauitate silentij, mentis custodiam amittit. Hinc quippe scriptum est: Cultus iustitiæ, silentium. Hinc Salomon ait: Sicut vrbs patens & absque murorum ambitu, ita vir qui non potest in loquendo cohibere spiritum suum. Hinc rursus dicit: In multiloquio peccatum non deerit. Hinc Psalmista testatur diuina scientiæ perditur, quæ sub discretionis custodia non profertur. Certum itaque est quod verbosus iustificari vir nequeat. Sed bonum benè non dicitur: quia non intenditur cui dicatur. Vera quippe contra malos sententia, si bonorum rectitudinem impedit, vim suam perdit, & eo retula disijcit, quo illud est forte quod ferit.

Quod iusti ex reprehensione corrigantur, superbi verò ad defensionis suæ insaniam erigantur.

Caput III.

Quia autem prauis audire bona patienter nequeunt, & cum vitæ emendationem negligunt, ad verba se responsionis accingunt, apertè Sophar insinuat, qui subiungit: Tibi soli tacebunt homines, & cum cæteros irriseris, à nullo confutaberis? Imperita mens, ut diximus, veritatis sententias grauitè tolerat, & silentium pœnam putat: atque omne quod rectè dicitur, dedecus suæ irrisiōis arbitratur, quia cum vera vox, prauorum se auribus admouet, memoriam culpa mordet, & in redargutione vitiorum, quo intus cognitione mens tangitur, foris ad studium contradictionis excitatur. Ferre vocem non valet: quia tacta in vulnere sui reatus dolet, & per hoc quod generaliter contra peruersos dicitur, se impeti specialiter suspicatur. Quod enim intus egisse se meminit, audire foris erubescit. Vnde mox se ad defensionem præparat, ut reatus sui verecundiam per verba prauæ refutationis tegat. Sicut enim rectè de quibusdam quæ ab eis non rectè gesta sunt, correptionis vocem, ministerium charitatis æstimant: sic peruersi contumeliam derisionis putant. Illi se protinus ad obedientiam sternunt, isti ad insaniam suæ defensionis eriguntur. Illi correptionis adiutorium, vitæ suæ patrocinium deputant, per quod dum præsentis vitij culpæ corripitur, venturi iudicis ira temperatur. Isti cum se impeti redargutione conspiciunt, gladium percussioneis credunt: quia dum per correptionis vocem culpa detegitur, præsentis gloriæ opinio scædatur. Hinc quippe in laudem iusti per Salomonem dicit veritas: Doce iustum & festinabit accipere. Hinc prauorum contumaciam despiciit dicens: Qui erudit derisorem, ipse sibi facit iniuriam. Nam fit ple-

runque

runque vt cum correpta in se mala defendere nequeunt, ex verecundia peiores fiant, ac sic in sua defensione superbiant: vt quædam vitia contra vitam corripientis exquirant, & eo se criminosos non æstiment, si crimina & aliis imponent. Qui cum vera inuenire nequeunt, fingunt: vt ipsi quoque habeant, quod non impari iustitia increpare videantur. Vnde & Sophar quia quasi irrideri se per increpationem doluit, protinus mentiendi subiungit: *Dixisti enim, purus est sermo meus, & mundus sum in conspectu tuo.* Qui beati Iob dictorum meminit, quàm falsò hoc voci illius impingatur, agnoscit. Quomodo enim mundum se dicere potuit, qui ait: Si iustificare me voluero, os meum condemnabit me? Sed habet hoc prauorum malitia: vt cum vera in se flere mala renuit, fingat aliena. Nam quasi solatio facinoris vitur, si falsis vocibus, & vita corripientis inquinetur. Sciendum verò est quòd plerunque peruersi verbo tenus bona optant, vt mala esse quæ in præsentibus habentur, ostendant: & quasi fauentes prospera expetunt, vt benigni videantur. Vnde & Sophar protinus subiicit, dicens: *Atque vtinam Deus loqueretur tecum, & aperiret labia sua tibi.* Ipse quippe sibi homo loquitur, cum per hoc quod sentit, nequaquam diuinitatis spiritu à carnalis prudentiæ intellectu separatur, cum caro sensum exierit, & mentem quasi ad intelligentiam prouocans, foras mittit. Vnde & adhuc Petro terrena sapienti veritas dicit: Non enim sapi quæ Dei sunt, sed quæ hominum. Cui tamen recta confitenti dicitur: Caro & sanguis non reuelauit tibi, sed pater meus qui in cælis est. Quid autè Dei labia, nisi iudicia eius accipimus. Clausis nanque labiis vox premitur, & sensus tacentis ignoratur: apertis autem, sermo dum promitur, animus loquentis innuitur. Labia itaque sua Deus aperit, cum voluntatem suam hominibus per aperta iudicia ostendit. Quasi enim reſerato ore loquitur, cum remota obscuritate dispositionis intimæ renuit occultare, quod vult. Nā velut clausis labiis sensum nobis suū non indicat, cum per occulta iudicia cur quid faciat, cælat. Sophar itaque beatū Iob, vt de carnali intellectu redarguat, seque ipsum quantæ sit benignitatis ostendat, ea bona optat, quæ & cum habentur, ignorat, dicens: *Atque vtinam Deus loqueretur tecum, & aperiret labia sua tibi.* Ac si patenter dicat: Imperitiæ tuæ potius quàm pœnæ compatior: quia sola carnis prudentia præditum, à veritatis te spiritu vacuum agnosco. Si enim Dei iudicia occulta cognosceres, tam procaces contra illum sententias non sonares. Et quia omnipotens Deus cum ad consideranda nos sua iudicia subleuat, ignorantia nostræ protinus cæcitæ fugat: quæ apertis eius labiis, ad nos eruditio prodeat: protinus adiungendo manifestat, dicens:

Quod secreta sapientiæ Dei nullus inquirendo valet inuenire, & quod charitas Dei cum misericordia eadem sit: quia ad innumera opera mentem multiformiter accendit.

Caput IIII.

Vt ostenderet tibi secreta sapientiæ, & quod multiplex sit lex eius.) Publica sapientiæ supernæ sunt opera, cum omnipotens Deus regit quos creat, perficit bona quæ inchoat, & aspirando adiuuat, quos visitationis suæ lumine illustrat. Cunctis etenim liquet, quia quos gratis condidit, benignè disponit. Et cum spiritalia dona largitur, ipse perficit quod ipse ex munere suæ benignitatis inchoauit. Secreta verò sapientiæ supernæ sunt opera, cum Deus quos creat, deserit: cum bona quæ præueniendo cœperat, nequaquam proseguendo consummat, cum claritate nos suæ illustrationis illuminat: & tamen permissis carnis tentationibus tenebris cæcitatis pulsatur, cum dona quæ contulit, minimè custodit, cum & mentis nostræ ad se desideria excitat, & tamen occulto iudicio, difficultate nos nostræ imbecillitatis angustat. Quæ nimirum secreta eius sapientiæ pauci valent inquirere, sed nullus inuenire: quia quod super nos de nobis ab immortalis sapientiæ non iniuste disponitur, iustum profectò est vt à nobis adhuc mortalibus ignoretur. Sed hæc ipsa sapientiæ illius secreta conspiciere, vtrunque iam incomprehensibilitatis eius est potentiam videre: quia etsi in ipsa consiliorum eius inquisitione deficiamus, deficiendo tamen verius discimus quem timeamus. Ad hæc se Paulus sapientiæ illius secreta tetenderat, cum dicebat: O altitudo diuitiarum

Tomus primus.

A sapientiæ & scientiæ Dei, quàm incomprehensibilia sunt iudicia eius, & inuestigabiles viæ eius. Quis enim cognouit sensum Domini, aut quis consiliarius eius fuit? Qui superius etiam ex ipsa inquisitione lassescens, sed tamen ad cognitionem infirmitatis propriæ lassescendo proficiens, præmittit dicens: O homo tu qui es, qui respondeas Deo? Nunquid dicet figmentum ei qui se finxit, quare me fecisti sic? Qui igitur ad occulta Dei pertingere non valens, ad infirmitatis suæ cognitionem rediit, atque ad eruditionem se propriam deficiendo reuocauit, vt ita dicam, secreta sapientiæ nō inueniens inuenit: quia cum ad superna consilia requirenda lassesceret, didicit vt humilior timeret: & quæ sua infirmitas à cognitione intima repulit, hūc ei verius humilitas iunxit. Sophar itaque & per scientiæ studium peritus, & per audaciā tumidæ locutionis ignarus: quia ipse grauitatem non habet, meliori optat, quod habet, dicens: *Atque vtinam Deus loqueretur tecum, & aperiret labia sua tibi: vt ostenderet tibi secreta sapientiæ.* Qui eam quoque quæ se super amicum pollere æstimat, optando sapientiam ostentat: cum protinus subdit: *Et quod multiplex sit lex eius.* Quid hoc loco Dei lex accipi, nisi charitas debet? per quā semper in mente leguntur præcepta vitæ, qualiter in actione teneantur. De hac etenim lege veritatis voce dicitur: Hoc est præceptum meū, vt diligatis inuicem. De hac Paulus ait: Plenitudo legis est dilectio. De hac iterum dicit: Alter alterius onera portate, & sic adimplebitis legem Christi. Lex etenim Christi quid congruentius intelligi quàm charitas potest? Quam tūc verè perficimus, cum fraterna onera ex amore toleramus. Sed hæc eadem lex multiplex dicitur: quia studiosa sollicitudine charitas ad cuncta virtutum facta dilatatur. Quæ à duobus quidē præceptis incipit, sed se ad innumera extendit. Huius nanque legis initium, dilectio Dei est & proximi. Sed Dei dilectio per tria distinguitur: quia ex toto corde, & ex tota anima, & ex tota virtute diligere conditor iubetur. Quæ in re notandum est quòd diuinus sermo cum Deum diligere præcipit, non solum narrat ex quo, sed etiā informat ex quanto, cum subiungit, ex toto: vt videlicet qui perfectè Deo placere desiderat, sibi de se nihil relinquat. Proximi autem dilectio ad duo præcepta deriuatur, cum & per quendam iustum dicitur. Quod ab alio tibi odium fieri, vide ne tu alteri facias. Et per semetipsā veritas dicit: *Quæ vultis vt faciant vobis homines, & vos facite illis.* Quibus duobus scilicet vtriusque testamenti mādatis, per vnū malitia cōpescitur, per aliud benignitas prærogatur: vt malū quod pati non vult quisque nō faciens, cesset à nocēdi opere, & rursus bonū quod sibi fieri appetit, impendens, erga vtilitatem se proximi exerceat ex benignitate. Sed hæc nimirū duo dū sollicita intēione cogitantur, cor ad innumera virtutum ministeria tenditur, ne vel ad inferenda quæ non debet, desiderii inquieta mēs ferueat, vel erga exhibēda quæ debet, otio resoluta torpescat. Nam cum cauet alteri facere quod nequaquam vult ab altero ipsa tolerare, sollicita se intēione circumspectat, ne superbia eleuet: & vsque ad despectum proximi, animū deiiciens exaltet, ne ambitio cogitationē dilaniet: cumq; hanc ad appetēda aliena dilatat, angustet, ne cor luxuria polluat, & subiectū desiderii per illicita corrūpat: ne ira exasperet, & vsque ad proferendā contumeliam inflāmet: ne inuidia mordeat, & alienis felicitatibus æmula, sua se face consumat: ne immoderatē linguā loquacitas pertrahat, eamq; vsque ad lasciuia obrectationis extendat: ne odiū malitia excitet, & os vsque ad iaculum maledictionis irriter. Rursus cum cogitat, vt ea alteri faciat, quæ sibi ipsa fieri ab altero expectat, pensat nimirū, vt malis bona, & bonis meliora respondeat: vt erga procaces mansuetudinem longanimitatis exhibeat: vt malitiæ peste languentibus, gratiam benignitatis impendat: vt discordes pace vniet, & concordēs ad concupiscētiā verē pacis accingat: vt indigentibus necessaria tribuat: vt errantibus viā rectitudinis ostendat: vt afflictos verbo & cōpassione mulceat: vt accēsos in huius mundi desiderii increpatione restringat: vt minas potētū ratiocinatione mitiget: vt oppressorū angustias quanta præualeat ope leuet, vt foris resistentibus opponat patientiam: vt intus superbientibus exhibeat cum patientia disciplinam: vt erga errata subditorum sic māsuetudo zelū temperet, quatenus à iustitiæ studio nō eneruet: sic ad vltionē zelus ferueat, ne tamen pietatis limitem fer-

† al. scientiam.

1oan. 19.
Rom. 13.
Galat. 6.

6.

Thob. 4.
Matth. 7.

Matth. 16.
& Mar. 8.
Matth. 16.

† al. inueni-
tur.

Roma. II.

uendo transcendat: vt ingratos beneficiis ad amorem prouocet: vt gratos quosque ministeriis in amore seruet: vt proximorum mala cum corrigere non valet, taceat: vtque cum corrigi loquendo possunt, silentium consensum esse pertimescat: vt sic ea quæ tacet, toleret, nec tamen in animo virus doloris occultet: vt sic maleuolis munus benignitatis exhibeat, ne tamen per gratiam à iure rectitudinis excedat: vt cuncta proximis quæ praualet impendat, sed hæc impendendo non tumeat: vt sic in bonis quæ exhibet, tumoris præcipitium paueat, ne tamē à boni exercitio torpescat: vt sic quæ possidet, tribuat: quatenus quanta sit largitas remunerantis, attendat, ne cum terrena largitur, suam plusquam necesse est inopiam pertimescat, & in oblatione muneris, hilaritatis lumen tristitia obscurat. Bene ergo lex Dei multiplex dicitur: quia nimirum cum vna eademque sit charitas, si mentem plenē cœperit, hanc ad innumera opera multiformiter accendit. Cuius diuersitatem breuiter exprimimus, si in electis singulis bona illius perstringendo numeremus. Hæc nanque primum per Abel & electa Deo munera obtulit, & fratris gladium non reluctanter tolerauit. Hæc Enoch & inter homines spiritaliter viuere docuit, & ad sublimem vitam ab hominibus etiam corporaliter abstraxit. Hæc Noë despectis omnibus, solum Deo placabilem ostendit, atque in arcæ fabricam studio longi laboris exercuit, & mundo superstitem pio opere exercendo seruauit. Hæc per Sem & Iaphet humiliter verenda patris erubuit, & superiecto dorsi pallio quæ non videbat, abscondit. Hæc Abraham dextram quia ad mortem filij obediendo extulit, hunc prolis innumeram, gentium patrem fecit. Hæc Isaac mentem quam semper ad munditiam tenuit, caligantibus ætate oculis, ad videnda longē post ventura dilatauit. Hæc Iacob compulit, & amissum bonum filium medullitis gemere, & prauorū filiorum præsentiam sub æquanimitate tolerare. Hæc Ioseph docuit à fratribus venundatum, libertate animi infracta seruitium perpeti, & eisdem post fratribus mente nō elata principari. Hæc Moysen delinquentem populo, & vsque ad petitionem mortis in precibus strauit, & vsque ad interfectionem populi per zeli studium erexit: vt & pro pereunte plebe sese morti obiceret, & contra peccantem protinus vice Domini irascentis sequeretur. Hæc Phinees brachium in ultionem peccantium erexit: vt arrepto gladio cœuantes transfigeret, & iram Domini iratus placaret. Hæc Iosue exploratorem docuit: vt & prius contra falsiloquos ciues veritatem verbo defenderet, & hæc postmodum gladio contra hostes allegaret. Hæc Samuël & in principatu humilem præbuit, & integrum in deiectione seruauit: qui cum persequētem se plebem diligeret, ipse sibi testimonium extitit, quia culmen ex quo deiectus est, non amauit. Hæc Dauid ante iniquum regem & humilitate commouit ad fugam, & pietate repleuit ad veniā: qui persecutorem suum, & timendo fugit vt dominum, & tamen cum potestatem eum feriendi reperit, non agnouit inimicum. Hæc Nathan & contra peccantem regem in auctoritatem liberæ increpationis sustulit, & cum regis culpa deesset, in petitione humiliter strauit. Hæc per Elaiam nuditatē carnis in prædicatione non erubuit, & subducto carnali velamine, superna mysteria penetrauit. Hæc Heliā, quia feruoris zelo viuere spiritaliter docuit, ad vitam quoque & corporaliter abstraxit. Hæc Helisæum, quia magistrum simpliciter diligere instituit, magistri spiritu dupliciter impleuit. Per hanc Hieremias ne in Aegyptum populus descenderet, restitit: sed tamē & inobediētes diligens, quod descendi prohibuit, & ipse descendit. Hæc Ezechielē, quia prius à terrenis desideriis sustulit, post per cincinnū capitis in aëre librauit. Hæc in Daniele, quia à regis dapibus gulam compescuit, ei & esurientiū ora leonum clausit. Hæc tribus pueris, quia in tranquillitate positos incēdia vitiorum subdidit, tribulationis tempore, & flamas in fornace tēperauit. Hæc in Petro & minis terrentium principum fortiter restitit, & in circuncisione submouenda, minorum verba humiliter audiuit. Hæc in Paulo & manus persequentium humiliter pertulit, & tamen in circuncisionis negotio longē se imparis prioris sensum audenter increpauit. Multiplex ergo ista lex Dei est, quæ singulis rerum articulis non permutata congruit, & causis se variantibus non

variata coniungit. Cuius nimirum legis multiplicitatē bene Paulus enumerat dicēs: Charitas patiens est, benigna est: non æmulatur, non inflatur, non agit perperam, non est ambitiosa, non quærit quæ sua sunt, nō irritatur, nō cogitat malum, non gaudet super iniquitate, cōgaudet autem veritati. Patiens quippe est charitas: quia illata mala æquanimiter tolerat. Benigna verò est: quia pro malis bona largiter ministrat. Non æmulatur: quia per hoc quod in præsentī mundo nil appetit, inuidere terrenis successibus nescit. Non inflatur: quia cum præmiū internæ retributionis anxia desiderat, de bonis se exterioribus non exaltat. Non agit perperā: quia quod se in solum Dei ac proximi amorem dilatat, quicquid à rectitudine discrepat, ignorat. Non est ambitiosa: quia quo ardentius intus ad sua satagit, foris nullatenus aliena cōcupiscit. Nō quærit quæ sua sunt: quia cuncta quæ hīc transitoriē possidet, velut aliena negligit: cum nihil sibi esse proprium, nisi quod secum permaneat, agnoscit. Non irritatur: quia & iniuriis lacescita, ad nullo se ultionis suæ motus excitat: cum pro magnis laboribus maiora post præmia expectat. Non cogitat malum: quia in amore munditiæ mentem solidans, dum omne odium radicitus eruit, versare in animo quod inquinat, nescit. Non gaudet super iniquitate: quia quo sola dilectione erga omnes inhiat, nec perditione aduersantium exultat. Congaudet autem veritati: quia vt se ceteros diligēs, per hoc quod rectum in aliis conspiciat, quasi de augmento proprii profectus hilarescit. Multiplex ergo ista lex Dei est, quæ contra vniuscuiusque culpæ iaculum, quod perimendā mentem impetit, instructionis suæ munimine semper occurrit: vt quia antiquus hostis varia circumfusione nos obsidet, ipsa hunc de nobis multipliciter expugnet. Quam nimirum legē si sollicita cōsideratione pensamus, auctori nostro quantum quotidie delinquamus, agnoscimus. Si autem culpas perpendimus, profectō æquanimiter flagella toleramus: nec ex dolore charitas ad impatientiam proruit, cum suo se iudicio cōscientia addicit. Vnde Sophar quid diceret, sciens: sed cui diceret, nesciens: postquam præmisit dicens: vt ostenderet tibi secreta sapientiæ, & quod multiplex sit lex eius: protinus adiungit:

Quod sepe magnis doctoribus contingit, vt nimia charitate feruenter, modum correctionis excedant: & quid sit quod per Moysen dicitur: Qui casu ferro de manubrio lapsus nolens hominem occiderit, ad vr̄ba leuiticarum vr̄bium confugiat. Caput V.

Et intelligeres quod multo minora exigaris à Deo, quam meretur iniquitas tua. Dolor quippe, vt diximus, flagelli temperatur, cum culpa cognoscitur: quia tantò quisque patientius ferramentum medici tolerat, quantò putridum conspiciat esse quod fecat. Qui igitur multiplicatē legis intelligit, cuncta quæ patitur, quā sint minora perpendit: quia per hoc quod culpæ pondus agnoscitur, afflictionis poena leuigatur. Sed inter hæc sciendum est, quia sine magna iniquitate non fuerit quod Sophar virum iustum vsque ad obiectionem iniquitatis increpauit. Vnde & eorum audaciam veritas iuste redarguit, sed benignē ad gratiam reducit: quia apud misericordē iudicem nequaquam sine venia culpa relinquitur, cum per feruorem zeli ex eius amore peccatur. Sæpe nanque magnis hoc doctoribus mirandisque contingit: vt quo alta charitate feruent, eo modum correptionis exaggerent, & lingua aliquid quod non debet, dicat: quia mentem dilectio quantum debet, inflamat. Sed verbum prolata contumeliæ tanto citius parcutitur, quātō & ex qua radice prodeat, pēsatur. Vnde & per Moysen Dominus præcepit dicens: Si quis abierit cum amico suo simpliciter in syluam ad ligna cædenda, & lignum securis fugerit manu, ferrumque lapsum de manubrio amicum eius percusserit, & occiderit, hic ad vnā supradictarum vr̄bium fugiet, & viuet: ne fortē proximus eius cuius effusus est sanguis, doloris stimulo persequatur, & apprehendat eum, & percutiat animam eius. Ad syluam quippe cum amico imus, quotiens cum quolibet proximo ad intuenda delicta nostra conuertimur: & simpliciter ligna succidimus, cum delinquentium vitia pia intentione ressecamus. Sed securis manu fugit, cum sese increpatio plusquam necesse est in asperitatem pertrahit. Ferrumque de manubrio

Quomodo charitas patiens & benigna.

Daniel.

† al. incre-
patio.
brioprofilit, cum de correptione sermo durior excedit: & amicum percutiens occidit, quia auditorem suum prolata contumelia à spiritu dilectionis interficit. Corrupti nanque mēs repente ad odium proruit, si hanc immoderata † increpatione plusquam debuit, addicit. Sed is qui incaute ligna percussit, & proximum extinguit, ad tres necesse est vrbes fugiat, vt in vna earum defensus viuat: quia si ad pœnitentiæ lamenta conuersus, in vnitatem sacramenti sub spe, fide & charitate absconditur, reus perpetrati homicidij nō tenetur, eūque extincti proximus, & cum inuenerit nō occidit: quia cum districtus iudex venerit, qui sese nobis per naturę nostrę cōsortiū iunxit, ab eo proculdubio vindictam de culpæ reatu nō expetit, quem sub eius venia spes, fides & charitas abscondit. Citius ergo culpa dimittitur, quæ nequaquam malitiæ studio perpetratur. Vnde & Sophar iniquum vocat, quem superna sententia laudauerat, nec tamen à venia reprobatus excluditur, quia ad verba contumeliæ diuini amoris zelo permouetur. Qui pro eo quodd beati Iob merita non agnoscit, ex imperita adhuc irrisione subiungit, dicens:

Quod in quibusdam donis suis, quasi ex vestigiis bonitatis conspiciamus deum.

Caput VI.

† al. substra-
to.
Oristan vestigia Dei comprehendere, & vsque ad perfectum omnipotentem reperies.) Quid Dei vestigia, nisi benignitatem illius visitationis vocat? Quibus nimirum progredi ad superna prouocamur, cum eius spiritus afflatu tangimur: & extracarnis angustias subleuati, per amorem agnoscimus contemplandam authoris nostri speciem, quam sequamur. Nam cum mentem nostram spiritualis patriæ amor inflamat, quasi semetipsum iter insinuat, & † subiecto cordi velut quoddā vestigium dei gradientis imprimitur: vt ab eo rectis cogitationum gressibus via vitæ teneatur. Quem enim nec dum cernimus, restat necesse est, vt per vestigia sui amoris indagemus: quatenus vsque ad contemplationis speciem quandoque mens veniat, quā nunc quasi à tergo subsequens, per sancta desideria explorat. Hæc Psalmista authoris nostri vestigia bene sequi nouerat, cum dicebat: Adhæsit anima mea post te. Quem reperire quoque vsque ad visionem suæ celsitudinis satagebat, cum dicebat: Sitiuit anima mea ad Deum fontem viuum, quando veniam & apparebo ante faciem Dei? Tunc quippe cognitione manifesta omnipotens Deus reperitur, cum mortalitatis nostræ funditus corruptione calcata, ab assumptis nobis in diuinitatis suæ claritate conspicitur. Nunc autem à carnali cogitatione animum infusione spiritus gratia subleuat, & in contemptum rerum transeuntium exultat, totūque mens quod appetebat in infimis, despicit: atque ad superna desideria ignescit, & contemplationis suæ vi extra carnem tollitur, quæ corruptionis suæ pondere adhuc in carne retinetur. Incircumscripsi luminis iubar intueri conatur & non valet, quod infirmitate pressus animus, & nequaquam penetrat, & tamen repulsus amat. Iam nanque de se conditor per quod ametur, ostendit, sed visionis suæ speciei amātibus subtrahit. Sola ergo eius vestigia conspicientes gradimur, qui hunc per donorum suorum signa sequimur, quem necdum videmus.

Quod Deus in natura suæ altitudine, humane simul atque angelica subtilitati sit inuestigabilis

Caput VII:

† al. profectum.
Vē nimirum vestigia Dei comprehendere nequeunt: quia vnde, ubi, quibusve modis veniant eius spiritus dona, nesciuntur: veritate attestante, que ait, Spiritus ubi vult, spirat: & vocē eius audis, & nescis vnde veniat, aut quod vadat. In retributionis autē culmine reperiri omnipotens per contemplationis speciem potest, sed tamen ad perfectum non potest: quia et si hunc in claritate sua quandoque conspiciamus, non tamen eius essentiam plenē contuemur. Angelica etenim, vel humana mens cum ad incircumscriptum lumen inhiat, eo ipso se quo est creatura, coangustatur, & super se quidem per † prouectum tendit, sed tamen eius fulgorem comprehendere, nec dilatata sufficit: qui & transcendēdo & portādo omnia, & implendo concludit. Vnde & adhuc subditur: Excelsior cælo est, & quid facies? Profundior inferno, & vnde cognoscet? Longior terra mensura eius, & latior mari.) Quod Deus cælo ex-

Tomus primus.

A
celsius, inferno profundior, terra longior, marique latior esse describitur: tātō spiritaliter debet intelligi, quātō de eo quicquam nefas est iuxta corporea lineamenta sentire. Sed cælo est excelsior, quia incircumscriptione sui spiritus cuncta transcendit. Inferno profundior, quia transcendendo subuehit. Terra longior, quia creaturæ modum perennitate suæ æternitatis excedit. Mari latior, quia rerum temporalium fluctus sic regens possidet, vt hos sub omnimoda potentia suæ præsentia coangustando circundet. Quauis possint & cæli appellatione angeli, & inferni vocabulo dæmonia designari, per terram verō iusti homines, per mare autem peccatores intelligi. Excelsior itaque est cælo: quia ipsi quoque electi spiritus, visionem tantæ celsitudinis perfectē non penetrant. Profundior inferno est, quia malignorum spirituum astutias longē subtilius quā ipsi putauerant, iudicans damnat. Terra longior, quia longanimitatem nostram patientia diuinæ longanimitatis exuperat, quæ nos & peccantes tolerat, & conuersos ad præmia remunerationis expectat. Mari latior, quia ubique facta peccantium, retributionis suæ præsentia occupat, vt & cum non præsens per speciem cernitur, præsens per iudicium sentiatur. Cuncta tamen ad solum referri hominem possunt, vt ipse sit cælum: cum iam per desiderium summis inhaeret. Ipse infernus: cum tentationum suarum caligine perturbatus in infimis iacet. Ipse terra: quia in bono opere fixæ spei vbertate fructificat. Ipse mare: quia in quibusdā trepidus quatitur, & aura suæ mutabilitatis agitur. Sed cælo est excelsior Deus: quia potentia eius magnitudine vincimur, etiam cum super nosmetipsos eleuamur. Inferno profundior: quia nimirum plus indicat, quā ipse se humanus animus in tentationibus inuestigat. Terra longior: quia fructus vitæ quos in fine retribuit, nequaquam nunc, vel spes nostra comprehendit. Mari latior quia humana mens fluctuans, multa de his quæ ventura sunt, conicit: sed cum iam cernere quæ æstimauerat, cœperit, angustam se fuisse in sua æstimatione cognoscit.

Excelsior igitur cælo sit, cum ipsa in eum nostra contemplatio deficit. Vnde & Psalmista cor in altum posuerat: sed necdum se eum contigisse sentiebat, dicens: Mirabilis facta est scientia tua ex me, confortata est, nec potero ad eam. Inferno profundior nō nouerat, qui semetipsum discutiens, sed eius subtiliora iudicia pertimescens, dicebat: Nihil mihi conficius sum, sed non in hoc iustificatus sum, qui autem iudicat me, Dominus est. Longiorem terra viderat, cum minora ei esse humanæ mentis vota pensabat, dicens: Qui potens est omnia facere superabundanter quā petimus, aut intelligimus. Latior mari conspexerat, qui timendo pensabat: quia nequaquam mens humana immensitatem districtiōis eius agnosceret, quantumlibet inquirendo fluctuaret, dicens: Quis nouit potestatem iræ tuæ, & præ timore tuo iram tuam dinumerare? Cuius benē potentiam egregius nobis doctor insinuat, cum breuiter narrat: Vt possitis comprehendere cum omnibus sanctis, quæ sit latitudo, longitudo, sublimitas, & profundum. Habet quippe Deus latitudinem: quia dilectionem suam vsque ad collectionem persequentium tendit. Habet longitudinem: quia ad vitæ patriam nos longanimitate tolerando perducit. Habet sublimitatem: quia ipsorum quoque intelligentiam, qui recepti in supernam fuerint congregationem, transcendit. Habet profundum: quia damnatis inferius districtiōis suæ iudicium incomprehensibiliter exerit. Quæ scilicet quatuor nobis in hac vita positæ singulis exercet: quia & latitudinem amando, & longitudinem tolerando, & celsitudinem, non solum nostram intelligentiam, sed etiam vota superando, & profunditatem suam exhibet, occultos & illicitos cogitationum motus districtē iudicando. Sed eius celsitudo & profunditas quā sit inuestigabilis, nullus agnoscit: nisi qui vel contemplatione ad summa prouehi, vel occultis motibus resistens, tentationum cœperit importunitate turbari. Vnde & beato Iob dicitur: Excelsior cælo est, quid facies? Profundior inferno, & vnde cognoscet? Ac si apertē despecto diceretur. Profunditatem eius atque excellentiam quando tu cognoscere sufficis, qui vel virtute ad summa euehi, vel temetipsum reprehendere in tentationibus nescis? Sequitur:

ii

Homo est
cæli, infer-
nus, terra
& mare.

ii.

Psalm. 138.

1. Cor. 4.

Eph. 3.

Psalm. 89.

Eph. 3.

Quod cælum, & infernus, & mare, & terra coarctantur in vnum, cum vnacademque mens, & deum per contemplationem intuetur: & ex carnis mole ad tentationum tenebras redit, & quasi à tertio cælo elapsa, lege membrorum & stimulo carnis fluctuans agitur.

Caput VIII.

12.

Si subuerterit omnia, vel in vnum coarctauerit, quis contradicet ei? vel quis dicere ei potest, cur ita faciat? Subuertit Dominus cælum cum terribili & occulta dispensatione, humanæ contemplationis celsitudinem destruit. Subuertit infernum, cum cuiuslibet mentem in suis tentationibus pauidam, cadere etiam ad deteriora permittit. Subuertit terram, cum fructificationem boni operis aduersis irruentibus intercidit. Subuertit mare cum fluctuationem nostræ titubationis emergente subito pauore confundit. Dubietate quippe sua cor anxium, hoc ipsum quia titubat, valde formidat, & quasi mare subuertitur, cum ipsa in Deum nostra trepidatio, considerato eius iudicij terrore, turbatur. Quia igitur, quomodo cælum vel infernus, terra vel mare subuertitur, breuiter diximus: nunc aliquantulum laboriosius restat, vt hæc qualiter in vnum coarctari valeant, demonstremus. Sæpe nanque contingit, vt ad summa iam mentem spiritus eleuet, sed tamen hanc importunis caro tentationibus impugnet. Cumque ad contemplanda cælestia animus ducitur, obiectis actionis illicitæ imaginibus reuerberatur. Nā carnis repētē hunc stimulus fauciat, quæ extra carnē contemplatio sancta rapiebat. Cælū ergo simul infernūque coarctatur, cum vnā eandemque mentem & subleuatio contemplationis illuminat, & importunitas tentationis obscurat: vt & videat intendendo quod appetat, & succubēdo in cogitatione, toleret quod erubescat. De cælo quippe lux oritur, infernus autē tenebris possidetur. In vnum ergo cælū infernūque redigitur, cum mens quæ iam lucem patriæ superne considerat, etiam de carnis bello tenebras occultæ tentationis portat. Certē iam Paulus tertij cæli culmen ascenderat, iam paradisi secreta cognouerat, & tamen adhuc carnis bella tolerans gemebat, dicens: Video aliam legem in membris meis, repugnantem legi mentis meæ, & captiuum me ducentem in lege peccati, quæ est in membris meis. Quid ergo in huius tanti prædicatoris pectore, nisi cælum, Deus, infernūque coarctauerat, qui & visionis intimæ iam lumen acceperat, & tamen adhuc tenebras de carne tolerabat? Super se viderat quod lætus appeteret, in se cernebat quod metuens doleret. Iam cælestis patriæ lux irradiauerat, sed adhuc tentationis obscuritas animum confundebat. Cum cælo ergo infernum pertulit: quia & illuminatum securitas erexit, & tentatum gemitus strauit. Et sæpe contingit vt fides in mente iam vigeat, sed tamen ex parte aliquantula in dubietate contabescat: quatenus & certa se à visibilibus eleuet, & ex quibusdam se incerta perturbet. Nam plerunque ad æterna appetenda se erigit, & subortis cogitationum stimulis agitata, sibimetipsi contradicet. In vnum ergo terra marēque coarctatur, cum vnam eandemque mētem, & certitudo solidæ fidei roborat, & tamen ex aliquantula mutabilitate perfidiæ, aura dubietatis versat. An non in suo pectore coarctari terram marēque cognouerat, qui & per fidem sperans, & per infidelitatem fluctuans, dicebat: Credo Domine, adiuua incredulitatem meam? Quid itaque est, quod & se credere asserit, & adiuuari in se incredulitatem quærit, nisi quod coarctari in suis cogitationibus terram cum mari deprehenderat, qui & exorare certus iam per fidem cœperat, & adhuc incertus vndas perfidiæ ex incredulitate tolerabat? Quod tamen occulta fieri dispensatione permittitur: vt cum mens iam surgere ad rectitudinem cœperit, prauitatis suæ reliquiis impugnetur: quatenus hæc ipsa impugnatio, aut resistantem exerceat, aut delectationibus seductam frangat. Rectē itaque nunc dicitur: Si subuerterit omnia, vel in vnum coarctauerit: quis contradicet ei? vel quis dicere ei potest, cur ita facias? quia nimirum diuinum iudicium, nec aduersitate valet imminui, nec inquisitione cognosci: cum vel virtutes quas tribuerat, subtrahit: vel has omnino non adimens, vitiorum concuti impugnatione permittit. Sæpe nanque in elationem cor attollitur, cum lætis successibus in virtute roboratur: sed dum latentes

E motus audaciæ in cogitatione conditor conspicit, se sibi hominem ostendendo derelinquit: vt eius mens derelicta quid sit, inueniat: quæ malè in se secura gaudebat. Vnde cum subuertere omnia, vel in vnum coarctari dicerent, protinus additur:

Quod ex vitiis vitia nascuntur, & qui minima negligit, paulatim cadit.

Caput IX.

Ipse enim nouit hominum vanitatem, & videns iniquitatem nonne considerat? Ac si præmissa patefaciendo subiungeret, dicens: Quia tolerando succrescere vitia conspicit, iudicando dona confundit. Rectus verò in t discretione ordo seruatur, cum prius nosci vanitas, & post considerari iniquitas perhibetur. Omnis quippe iniquitas vanitas, non tamen omnis vanitas esse iniquitas solet. Vana nanque agimus, quotiens transitoria cogitamus. Vnde & euanesce dicitur, quod repētē ab intuentium oculis aufertur. Psalmista ait: Vniuersa vanitas omnis homo viuens: quoniam per hoc quod viuendo ad interitum tendit, rectē quidem vanitas dicitur, sed nequaquam rectē etiam iniquitas appellatur: quia etsi de pœna est culpæ quod deficit, non tamen hoc ipsum culpa est, quod à vita percurrit. Vana sunt itaque quæ transeunt. Vnde & per Salomonem dicitur: Omnia vanitas. Aptē autē post vanitatem protinus iniquitas subinfertur: quia dum per quædam transitoria ducimur, in quibusdam noxiè ligamur: cumque mens incommutabilitatis statum non tenet, à semetipsa defluens, ad vitia prorumpit. Vanitas ergo ad iniquitatem labitur, quæ assuetis rebus mutabilibus dum ex aliis ad alia semper impellitur, suborientibus culpis inquinatur. Potest autem & vanitas culpa intelligi, & iniquitatis nomine, reatus grauior demonstrari. Si enim aliquando vanitas culpa non esset, Psalmista nō diceret: Quanquam in imagine Dei ambulet homo, tamen vanè conturbatur. Thesaurizat, & ignorat cui congreget ea: quia quamuis Trinitatis imaginem in natura seruemus, vanis tamen delectationis motibus perturbati, in conuersatione nostra delinquimus, vt modis nos semper alternantibus cupido concutiat, metus frangat, lætitia mulceat, dolor affligat. Ex vanitate ergo, vt & superius dictum est, ad iniquitatem ducimur, cum prius per leuia delicta defluimus, vt vsu cuncta leuigante, nequaquam post committere etiam grauiora timeamus. Nam dum moderari lingua ociosa verba negligit, more inolitæ remissionis capta, audax ad noxia prorumpit: dum gulæ incumbitur, ad leuitatis protinus insaniam proditur: cumque mens subigere delectationem carnis reuinit, plerunque & ad perfidiæ voraginem ruit. Vnde bene Paulus plebis Israëliticæ damna conspiciens, vt imminetia ab auditoribus mala comperceret, curauit ex ordine transacta narrare, dicens: Neque idololatricæ efficiamini, sicut quidam ex ipsis, quemadmodum scriptum est: Sedit populus manducare & bibere, & surrexerunt ludere. Eius quippe potiusque ad lulum impulit, lusus ad idololatriam traxit: quia si vanitatis culpa nequaquam cautē comperceretur, ab iniquitate protinus mens incauta devoratur, Salomone attestante, qui ait: Qui modica spernit, paulatim decedit. Si enim curare parua negligimus insensibiliter seducti, audenter etiam maiora perperamus. Et notandum quod non videri, sed considerari iniquitas dicitur: Studiosius quippe conspiciamus, quæ consideramus. Deus itaque hominum vanitatem nouit, iniquitatem considerat: quia nec minora delicta inulta deserit, & ad maiora ferienda sese intentius accingit. Quia igitur à leuioribus malis incipitur, & ad grauiora peruenitur: vanitas mentē obnubilat, iniquitas cæcat. Quæ nimirum mens amisso mox lumine, tantò se altius per tumorem erigit, quantò & iniquitatis capta laqueis, à veritate longius recedit. Vnde & aptē quoque quod vanitas cum iniquitate pertrahat, exprimit: cum repētē subiungit:

Quod diuina miseratio, quasi domesticum animal loris aduersitatum electos plerumque ligat, ne per desideriorum syluam effrenum libertate discurat.

Caput X.

Vl vanus in superbiam erigitur. Vanitatis quippe finis est, vt cum peccato mentem fauciat, hanc ex culpa audacem reddat: quatenus sui reatus oblita, quæ amisisse se innocentiam non dolet, iusto excæcata iudicio, simul & humilitatem

† al. desideratione.

Euanesce psalm. 38.

Ecclesi.

† al. Vanitate. 14.

psalm. 38.

1. Cor. 10. Exod. 32.

Ecclesi. 19. Paruum sunt negligenda.

15. Vanitas finis.

Roma. 7.

13.

Mat. 9.

militatem perdat. Et sit plerunque vt prauis desideriis feruens, à iugo se diuini timoris excutiat, & quasi in malorum perpetracione iam libera, omne quod voluptas suggerit, implere contendat. Vnde cum vir vanus se erigere in superbiâ dicitur, ilico subinfertur: *Et quasi pullum onagri se liberum natum putat.* Per pullum quippe onagri, omne agrestium genus exprimitur, quod naturæ dimissum motibus, loris dominantium non tenetur. Agri nanque animalia libertatem habent, & ire quod appetunt, & quiescere cum lassantur. Et quanuis insensatis animalibus homo longè sit melior, hoc tamen plerunque homini non licet, quod brutis animalibus licet. Quæ enim ad aliud minimè seruantur, eorum motus proculdubio nequaquam sub disciplina restringitur. Homo autem quia ad sequentem vitam ducitur, necesse profectò est, vt in cunctis suis motibus, sub dispositione disciplinæ religetur, & quasi domesticum animal loris victum seruiat, atque æternis dispositionibus restrictum viuat. Qui ergo implere cuncta quæ desiderat, per effrenatam libertatem quærit, quid aliud quàm pullo onari esse similis concupiscit: vt disciplinæ hunc lora non teneant, sed audenter vagus per syluam desideriorum currat. Sæpe autem diuina miseratio quos prodire in effrenationem illicitæ libertatis conspiciat, obiectione prosperæ aduersitatis frangit: quatenus elisi discant, quàm reprobæ erectione tumuerant: vt iam flagelli experimentis edomiti, quasi iumenta domestica præceptorum loris mentis colla subiiciant, & vitæ præsentis itinere ad nuntium præsentis pergant. Quibus bene loris ligatum se noverat, qui dicebat: Vt iumentum factus sum apud te, & ego semper tecum. Vnde & sæuus ille persecutor ab agro perfidæ voluptatis ad domum fidei deductus, rectoris sui calcibus punctus audiebat: Durum est tibi contra stimulum calcitrare. Restat ego vt si esse iam similes pullo onagri nolumus, in cunctis quæ appetimus, nutum prius intimæ dispensationis exquiramus: vt mens nostra in omne quod nititur, superni regiminis lora teneatur, & inde magis vota sua ad vitam impleat, vnde vitæ suæ studia, & contra propriam voluntatem calcat. Multa Sophar foris protulit, sed quod meliori se hæc loquitur, nescit. Vnde adhuc increpando subiungit: *Tu autem firmasti cor tuum, & expandisti ad eum manus tuas.* Firmari cor non hoc loco per virtutem dicitur, sed per insensibilitatem. Omnis nanque animus qui distractionis intimæ considerationi se subiicit, ex eius protinus timore mollescit, eumque sagitta diuinæ formidinis penetrat: quia infirma viscera per humilitatem gestat. Quisquis autem pertinacia insensibilitatis obdurefcit, quasi cor firmat, ne hoc iacula timoris superni confodiant. Vnde quibusdam per Prophetam Dominus misericorditer dicit: Tollam à vobis cor lapideum, & dabo vobis cor carneum. Cor quippe lapideum tollit, cum à nobis superbiæ duritiam subtrahit: & cor carneum tribuit, cum eandem protinus nostrâ duritiam ad sensibilitatem vertit. Per manus verò, vt iam crebrò docuimus, opera designantur. Cum culpa igitur manus ad Deum expandere, est contra largitoris gratiam de virtute operum superbire. Qui enim in conspectu æterni iudicis loquens sibi dona quæ facit, tribuit: ad Deum manus superbiens tendit. Sic profectò contra electos reprobi, sic contra catholicos hæretici semper effrenantur: vt cum obiurgare facta nequeunt, bonos reprehendere de factorum elatione moliantur: quatenus eos quos redarguere ex infirmitate actionis non valent, ex crimine tumoris accusent. Vnde & ea bona quæ exterius fiunt, nequaquam bona esse iam censent, quæ quasi per studium turgidæ cogitationis exhibentur: qui semper humilitate tumentes increpant, & quod dictis suis semetipsos feriunt, ignorant. Sed quia iustum virum Sophar hæcenus reprehendendo corripuit, nunc velut docendo subiungit:

Quod in oratione faciem absque timore leuamus, cum tales nos post orationem exhibemus, quales per orationis tempus iudici appareamus. Et quod contemplatiua vita stabilitate perdidisse dicenda non est, etiam si aliquando deficiamus, cum semper id quod amittit, inquirat.

Caput XI.
Tomus primus.

A *Iniquitatem quæ est in manu tua, abstuleris à te, & non manserit in tabernaculo tuo iniustitia: tunc leuare poteris faciem tuam absque macula, & eris stabilis, & non timebis.* Omne peccatum aut sola cogitatione committitur aut cogitatione simul & opere perpetratur. Iniquitas ergo in manu est, culpa in opere. Iniustitia verò in tabernaculo, iniquitas in mēte. Mēs quippe nostra tabernaculum non incongruè vocatur, in qua apud nosmetipsos abscondimur, cum foris in opere non videmur. Sophar itaque quia iusti viri amicus est, nouit quid dicat: sed quia iustum increpat, hæreticorum tenens speciem, proferre rectè etiam quæ nouit, ignorat. Sed nos calcantes hoc quod ab eo tumidè dicitur, pensemus eius verba quàm vera sint si rectè dicerentur. Prius enim à manu iniquitatem subtrahi, & post à tabernaculo admonet iniustitiam abscindi: quia quisquis iam praua à se opera exterius resecat, necesse profectò est, vt ad semetipsum rediens, solerter sese in mentis intentione discernat, ne culpa quàm iam in actione non habet, adhuc in cogitatione perduret. Vnde bene etiam per Salomonem dicitur: Præpara foris opus tuum, & diligenter exerce agrum tuum: vt postea ædifices domum tuam. Quid nanque est præparato opere, agrum diligenter exterius exercere, nisi euulsis iniquitatis sentibus, actionem nostram ad frugem retributionis excolere? Et quid est post agri exercitium, ad ædificium domus redire, nisi quod plerunque ex bonis operibus discimus, quantam vitæ munditiæ in cogitatione construamus? Penè cuncta nanque bona opera ex cogitatione prodeunt. Sed sunt nonnulla cogitationis acumina quæ ex operatione nascuntur. Nam sicut ab animo opus sumitur, ita rursus ab opere animus eruditur. Mens quippe diuini amoris exordia capiens imperat bona quæ fiant. Sed postquam fieri imperata cœperint, ipsis suis exercitata actionibus discit, cum imperare bona inchoauerat, quantum minus videbat. Foris ergo ager excolitur, vt domus postmodum construatur: quia plerunque ab exteriori opere videmus, quantam subtilitatem rectitudinis in corde teneamus. Quem benè Sophar seruare ordinem studuit, cum prius auferri iniquitatem à manibus, & post tabernaculo iniustitiam dixit: quia nequaquam plenè animus in cogitatione erigitur, quando adhuc ab eo extrinsecus in opere erratur. Quæ si perfecte duo hæc tergemus, ad Deum statim sine macula faciem leuamus. Interna quippe facies hominis, mens est: in qua nimirum recognoscimur, vt ab authore nostro diligamur. Quam scilicet faciem leuare, est in Deo animū per studium orationis attollere. Sed eleuaram faciem macula inquinat, si intendentem mentem reatus sui conscientia accusat: quia ab spei fiducia protinus frangitur, si intenta precibus, necdum deuictæ culpæ memoria mordetur. Diffidit nanque accipere se posse quod appetit, quæ profectò reminiscitur nolle se adhuc facere, quod diuinitus audiuit. Hinc per Ioannem dicitur: Si cor nostrum non reprehenderit nos, fiduciam habemus apud Deum, & quicquid petierimus, ab eo accipiemus. Hinc Salomon ait: Qui auertit aurem suam ne audiat legem, oratio eius erit execrabilis. Cor quippe nos in petitione reprehendit, cum resistere se præceptis eius quem postulat, meminit, & oratio sit execrabilis, cum à censura auertitur legis: quia dignum profectò est, vt ab eius beneficiis sit quisque extraneus, cuius nimirum iustificationibus non vult esse subiectus. Qua in re hoc est salubre remedium, vt cum se mens ex memoria culpæ reprehendit, hoc prius in oratione defleat quod errauit: quatenus cum erroris macula fletibus tergitur, in petitione sua cordis facies ab authore munda videatur: Sed curandum nimis est, ne ad hoc rursus proruat, quod se mundasse fletibus exultat, ne dum deplorata iterum culpa committitur, in conspectu iusti iudicis ipsa etiam lamenta leuigentur. Solerter quippe debemus meminisse quod dicitur: Ne iteres verbum in oratione tua. *Eccle. 7.* Quo videlicet dicto vir sapiens nequaquam nos prohibet sæpe veniam petere, sed culpas iterare. Ac si apertè dicat: Cum malè gesta defleueris, nequaquam rursus facias quod in precibus iterum plangas. Vt ergo ad precem facies sine macula leuetur, ante orationis semper tempora debet sollicitè conspici, quicquid potest in oratione reprobari, talèque se mens cum ab oratione cessat, exhibere festinet: qualis apparere iudici in ipso orationis tempore exoptat. Sæpe

nanque immunda quædam, vel illicita in animo versamus, quotiens à precibus vacamus. Sed cum se mens ad studium orationis erexit, earum rerum imagines reuerberata patitur, quibus libenter prius otiosa premebatur, & quasi iam faciem animæ ad Deum leuare non sufficit: quia in se nimirum inquinata mente, maculas pollutæ cogitationis erubescit. Sæpe curis mundi libenter occupamur. Cumque post hæc studio orationis intendimus, nequaquam se mens ad coelestia erigit: quia pondus hanc terrenæ sollicitudinis in profundum merfit, & in prece facies munda non ostenditur, quia cogitationis infimæ luto maculatur.

18.

† al. obuiamus.

Nonnunquam verò cor à cunctis excutimus, & ab illicitis motibus etiam cum à prece vacat, † prohibemus: sed tamen quia nos culpas rarius committimus, aliena pigrius delicta relaxamus: & quò peccare non ster animus sollicitius metuit, eò districtius hoc quod in se ab alio delinquitur, abhorrescit. Vnde fit vt eò inueniatur quisque tardus ad veniam, quò proficiendo factus est cautus ad culpam: & quo ipse excedere in alterum metuit, hoc quod in se exceditur, puniri durius exquirat. Sed quid in hac doloris macula reperiri deterius potest, quæ in conspectu iudicis charitatem non inquinat, sed necat? Vitam quippe animæ quælibet culpa polluit, seruatus verò contra proximum dolor occidit. Menti nanque vt gladius figitur, & mucrone illius ipsa viscerum occulta perforantur. Qui scilicet à transfixo corde si prius non educitur, nihil in precibus diuinæ opis obtinetur: quia & vulneratis membris imponi salutis medicamina nequeunt, nisi ferrum à vulnere antè subtrahatur.

Math. 6.

Ibidem.

Luc. 6.

Math. 6.

Hinc est enim quòd per semetipsam veritas dicit: Nisi remiseritis hominibus peccata eorum, nec pater vester qui in cælis est, remittet vobis peccata vestra. Hinc admonet dicens: Cum stabitis ad orandum, dimittite si quid habetis aduersum alterum. Hinc rursus ait: Date, & dabitur vobis: dimittite, & dimittetur vobis. Hinc contra institutionem postulationis, conditionem posuit pietatis, dicens: Dimittite nobis debita nostra, sicut & non dimittimus debitoribus nostris: vt profectò bonum quòd à Deo compuncti petimus: hoc primùm cum proximo conuersi faciamus. Tunc igitur verè sine macula faciem leuamus, cum nec nos prohibita mala committimus, nec ea quæ † in nos [à proximis] commissa sunt, ex proprio zelo retinemus. Graui nanque mens nostra orationis suæ tempore confusione deprimitur, si hanc aut sua adhuc operatio inquinat, aut alienæ malitiæ seruatus dolor accusat. Quæ duo quisque dum terferit, ad ea quæ subnexa sunt, protinus liber exurgit. Et eris stabilis, & non timebis.) Quia nimirum tantò minus iudicem trepidat, quantò in bonis actibus solidius stat. Timorem quippe superat, qui stabilitatem seruat: quia dum sollicitus studet peragere quod mansuetè conditor imperat, securus etiam cogitat, quod terribiliter intentat. Sciendū præterea est quòd nonnulla bona sunt ad quæ indefessi persistimus: & rursus nonnulla sunt à quibus continuè deficientes labimur, atq; ad hæc magnis conatibus per interualla temporum reformamur.

19.

Ezech. 1.

In actiua etenim uita sine defectu mens figitur: à contemplatiua autem infirmitatis suæ pondere victa lassatur. Illa quippe tantò firmitus durat, quantò ad vicina se erga vtilitatem proximi dilatat: hæc tantò celerius labitur, quātò & carnis claustra transgrediens, super semetipsam ire conatur. Illa per plana se dirigit, & idcirco pedè operis robustius figit. Hæc autem quò super se alta appetit, ad se eò citius fessa descendit. Quod bene ac breuiter Ezechiel insinuat, cum eorū quæ viderat motus animalium narrat, dicens: Non reuertebantur cum incederent. Ac paulò post subiicit adiungens: Et animalia ibant & reuertebantur. Sacta quippe animalia aliquādo vadunt, & minime redeunt: aliquando vadunt, & protinus reuertuntur: quia electorū mentes cum per collatā sibi actiua vitæ gratiā, erroris vias deserunt, redire ad mala mundi nesciūt, quæ reliquerunt, cum verò per contēplationis aciem, ab hac se eadē actiua vita suspēdunt, eunt & redeunt: quia per hoc quòd diu persistere minime in contēplatione sufficiunt, sese iterum ad operationē fundūt: vt in his quæ sibi iuxta † sunt, se exercendo refoucant, & super se rursus surgere cōtemplando cōualescant. Sed dum hæc eadem cōtemplatio mōre debito per temporum interualla repetitur, indeficiēter procudubio, &

† al. subiecta.

in eius soliditate persistitur: quia et si infirmitatis suæ pondere superata mens deficit: hanc tamen iterum continuis conatibus reparata comprehendit. Nec stabilitatem suam in ea perdidisse dicenda est, à qua & si semper deficit, hanc & cum perdididerit, semper inquirat: Sequitur:

Quòd post tentationes huius seculi in quibus consumpti videntur electi, quasi sol repente à tenebris erumpant.

Caput XII.

Miseria quoque obliuisceris, & quasi aquarum quæ præterierunt, non recordaberis.) Mala vitæ præsentis tantò durius animus sentit, quantò pensare bonum quòd sequitur, negligit: † & quia nō vult præmia cōsiderare, quæ restant, grauius æstimat esse quæ tolerat. Vnde & contra flagelli ictum, cogitatio cæca cōqueritur, & quasi infinita calamitas creditur, quæ diebus cursu labentibus quotidie finitur. At si semel quisque ad æterna se erigat, atque in his quæ incōmutabiliter permanēt, oculum cordis figat, propè nihil esse hoc conspiciat, quicquid ad finem currit. Præsentis vitæ aduersa tolerat: sed quasi nihil esse omne quòd labitur, pensat. Quò enim se internis gaudiis robustius inserit, eò minus exterius dolores sentit. Vnde Sophar nequaquam veritus ausu temerario docere meliorem, exhortatur ad iustitiam, & demonstrat quā nulla iusti oculis videatur pœna. Ac si apertè dicat: Si degustas gaudium quòd intus permanet, leue fit protinus omne quòd foris dolet. Bene autem præsentis vitæ miseria aquis prætereuntibus comparat, quia calamitas transiens, electi mentē nequaquam vi concussioneis † obruit: sed tantū tactu mœroris infundit. Nam madet quidem per cruorem vulneris, sed à suæ certitudine non frangitur salutis. Sæpe autē non solum flagella atterunt, sed in vniuscuiusque iusti animo malignorum quoque spirituum tentamenta grassantur, vt exterius ex percussione doleat, & intus aliquatenus ex tentatione frigescat. Sed nequaquam gratia deserit: quæ quòd nos durius ex dispensatione percutit, eò amplius ex pietate custodit.

† al. cum que, vel qui quia.

† al. submittit.

20.

Nam cum tenebrescere per tentationem cœperit, sese iterum lux interna succendit. Vnde & subditur: Et quasi meridianus fulgor confurget tibi ad vespertum.) Fulgor quippe meridianus in vespere, est virtutis renouatio in tentatione: vt repētino charitatis feruore mens vigeat, quæ iam iamque lumen sibi gratiæ occubuisse formidabat. Quòd adhuc Sophar subtilius aperit, cum subiungit: Et cum te consumptum putaueris, orieris vt lucifer.) Sæpe nanque tot tentamenta nos obsident, vt ipsa nos eorum numerositas penè ad lapsum desperationis inclinet. Vnde plerunque cum mens in tædium vertitur, vix ipsa virtutis suæ damna considerat, & tota dolens quasi iam, & à sensu doloris aliena frangitur, & enumerare nō valet, quāto cogitationum tumultu vastatur, Ruituram se per momenta cōspicit, eique ne arma repugnationis arripiat, grauius mœror ipse cōtradicit. Circūductos quolibet oculos obscuritas obsidet, & cum visum tenebræ semper impediāt, mœsta mēs nihil aliud quā tenebras videt. Sed apud misericordem iudicem sæpe hæc ipsa quæ ad nifum quoque orationis aggrauat, pro nobis subtilius tristitia exorat. Nam mœroris nostri caliginem conditor conspiciat, & subtrahit luminis radios refundit, ita vt erecta protinus per dona mens vigeat, quam paulò antè decertantia vitia superbæ calce deprimebant. Mox torporis pondus discutit, atque ad contemplationis lumen posturbationis suæ tenebras erumpit. Mox in gaudium profectus attollitur: quæ inter tentamenta peius cadere ex desperatione cogeatur. Sine cogitationis certamine præsentia despiciat, sine dubitationis obstaculo de ventura retributione confidit. Iustus ergo cum se cōsumptum putauerit, vt lucifer oritur: quia mox vt tenebrescere tentationum caligine cœperit, ad lucem gratiæ reformatur, & in seipso monstrat diem iustitiæ, qui casurus paulò antè timuit noctem culpæ.

Rectè autem lucifero, iusti vita comparatur. Solem quippe præcurrens lucifer nuntiat. Et quid nobis sanctorum innocentia, nisi sequentis iudicis claritatem clamat? In eorum nanque admiratione conspiciamus, quid de maiestate veri luminis æstimemus. Nec dum redemptoris nostri † potentiam videmus, sed tamen virtutem illius in electorum suorum moribus

21.

† al. præferriam.

moribus

moribus admiramur. Quia igitur bonorum vita in confide-
 ratione sua oculis nostris vim veritatis obicit, clarus ad nos
 lucifer ante solem venit. Sciendum verò est, quòd hæc quæ
 ex tentationum spiritualium aduersitate discussimus, iuxta
 exteriora quoque mala nil obstat intelligi. Sancti etenim viri
 quia summa medullitùs diligunt, in infimis dura patiuntur:
 sed in fine gaudij lumen inueniunt, quod habere in hoc spa-
 tio percurrentis vitæ contemnunt. Vnde nunc per Sophar
 dicitur: *Et quasi meridianus fulgor consurgit tibi ad vespèrum.* Pec-
 catoris enim lumen in die, est obscuritas in vespere: quia in
 præsentis vitæ fœlicitate attollitur, sed aduersitatis tenebris
 in fine deuoratur. Iusto autem meridianus fulgor ad vespè-
 rum surgit, quia quanta sibi claritas maneat, cum iam occum-
 bere cœperit, agnoscit. Hinc nanque scriptum est: Timenti
 Deum, bene erit in extremis. Hinc per Psalmistam dicitur:
 Cum dederit dilectis suis somnum, hæc est hæreditas Do-
 mini. Qui in huius quoque vitæ adhuc certamine positus,
 cum se consumptum putauerit, vt lucifer oritur: quia foris
 cadens, intus innouatur: & quò magis exterius aduersa tole-
 rat, eò vberius virtutum lumine interius coruscat: Paulo at-
 testante, qui ait: Sed licet is quis foris est noster homo cor-
 rumpitur, tamen is qui intus est, renouatur de die in diem. Id
 enim quod in præfenti est momētaneum, & leue tribulatio-
 nis nostræ, supra modum in sublimitate, æternum gloriæ pō-
 dus operatur in nobis. Et notandū est quòd nequaquā cum
 cōsumptus fueris sed cum te consumptū putaueris dicit: quia
 & quod videmus, in dubietate est, & quod speramus, in certu-
 tudine. Vnde & idē Paulus non se cōsumptum nouerat, sed
 putabat, qui & in aduersa tribulationū corrūēs, vt lucifer re-
 plendebat, dicens: *Quasi moriētes, & ecce viuimus: quasi tri-
 stes, semper autē gaudentes: sicut egentes, multos autē locu-
 pletātes.* Sciendū quoque est quod bonorū mens quò du-
 riora pro veritate tolerat, eò æternitatis præmia certius spe-
 rat. Vnde & aptè subditur: *Et habebis fiduciam, proposita tibi spe.*
 Tantò nanque spes in Deum solidior surgit, quantò pro il-
 lo quisque grauiora pertulerit: quia nequaquā retributionis
 gaudium de æternitate colligitur, quod non hīc prius pia tri-
 bulatione seminatur. Hinc enim per Psalmistam dicitur:
 Euntes ibant & flebant, mittentes semina sua: venientes au-
 tem venient in exultatione portantes manipulos suos. Hinc
 Paulus ait: Si commorimur, & conuiuemus: si sustinemus, &
 conregnabimus. Hinc discipulos admonet dicens: Per mul-
 tas tribulationes oportet nos intrare in regnum Dei. Hinc
 sanctorum gloria Ioannis angelus indicans ait: Hi sunt qui
 venerunt de tribulatione magna, & lauerunt stolas suas, &
 dealbauerunt eas in sanguine agni. Quia igitur nunc per tri-
 bulationem feritur, vt post gaudij fructus metatur, tantò ma-
 ior fiducia mentem roborat, quantò hanc fortior pro veri-
 tate afflictio angustat. Vbi aptè protinus adiungitur: *Et de-
 fessus securus dormies.* Sicut enim malis præfens securitas labor
 est, ita bonis præfens labor perpetuam securitatem parit. Vn-
 de & defossum se securum dormire iam nouerat, qui dice-
 bat: Ego enim iam delibor, & tempus meæ resolutionis in-
 stat: bonum certamen certavi, cursum consummaui, fidem
 seruavi, de reliquo reposita mihi est corona iustitiæ, quam
 reddet mihi Dominus in die illa iustus iudex. Quia enim cō-
 tra mala transeuntia sine defectu certauerat: de mansuris ni-
 mirum gaudiis sine dubietate præfuebat. Quauis defos-
 sus, & aliter intelligi potest. Sæpe nanque rebus transitoriis
 occupati, pensare negligimus per quanta peccamus: sed si re-
 ducto considerationis oculo, à sinu cordis terrenæ cogita-
 tionis aper excutitur, quicquid in mente latebat, inueniūt. Vn-
 de sancti viri animorum suorum latebras perscrutari nō desi-
 nunt, seseque subtiliter indagātes, terrenarū rerum curas ab-
 iiciunt: & effosis plenè cogitationibus, cum nullo se reatu
 criminis morderi deprehēdunt, velut in stratu cordis apud se
 securi requiescunt. Latere quoq; ab huius mundi actibus ap-
 petunt, semper sua considerant: & cū loro regiminis minimè
 constringūt, iudicare quæ aliena sunt, recusant. Defossi ergo
 securi dormiunt: quia dū sua intima vigilanter penetrāt, à la-
 boriosis se huius mundi oneribus sub quietis otio occultant.
 Vnde & adhuc subditur: *Requiesces, & non eris qui te exterreat.*
 Quisquis enim præfentē gloriam quærit, profectò desepectū

Tomus primus.

A metuit. Qui semper ad lucra inhiat, semper videlicet damna
 formidat. Cuius enim perceptione reficitur, eius rei procul-
 dubio, & amissione fœciatur: & quo obligatus mutabilibus
 ac perituris inhæret, eo longè in infimis ab arce securitatis ia-
 cet. At cōtrā quisquis in solo æternitatis desiderio figitur, nec
 prosperitate attollitur, nec aduersitate quassatur: dū nil habet
 in mundo quod appetat, nihil est quod de mūdo pertimescat.
 Hinc etenim Salomon ait: Non contristabit iustum quicquid
 ei acciderit. Hinc iterū dicit: Iustus quasi leo confidens absq;
 terrore erit. Bene itaque nunc dicitur: Requiesces, & non erit
 qui te exterreat. Quia tantò quisque à se plenius pauorem qui
 ex mundo est, abiicit, quātò in semetipso verius concupiscē-
 tiam mundi vincit. An non absque terrore qui ex mundo est,
 Paulus in corde requieuerat, qui dicebat: Certus sum enim
 quia neque mors, neque vita, neque angeli, neque principa-
 tus, neque instantia, neque futura, neque fortitudo, neque alti-
 tudo, neque profundū, neque creatura alia, poterit nos sepa-
 rare à charitate Dei, quæ est in Christo Iesu domino nostro?
 B Cuius videlicet fortitudo charitatis, vera sanctæ Ecclesiæ vo-
 ce laudatur, cum per Cantica canticorum dicitur: Valida est
 vt mors dilectio. Virtuti etenim mortis, dilectio comparatur:
 quia nimirum mentem quem semel cœperit à delectatione
 mundi, funditū occidit: & tantò hanc valentius in authori-
 ritatem erigit, quantò & insensibilem contra terrores reddit.

Sed inter hæc sciendum est, quòd prauī cū recta prædi-
 cant, valde difficile est, vt ad hoc quod taciti ambiunt, non e-
 rum pant. Vnde & Sophar protinus adiungit: *Et deprecabuntur
 faciem tuam plurimi.* Neque enim iusti viri idcirco se per inno-
 centiæ itinera arcta custodiunt, vt ab aliis exorentur. Sed siue
 hæretici, seu peruersi quilibet, per hoc quòd inter homines
 quasi innocenter viuunt, videri intercessores pro hominibus
 volunt, & cū sancta loquentes insinuāt quod ipsi appetunt,
 hoc aliis pro magno pollicentur: dūmq; cœlestia prædicāt,
 in suis repentē sponsonibus ostendunt, quod amant. Sed ne
 diu terrena pollicendo patefiant quod sunt, ad verba rectitu-
 dinis citius recurrunt. Vnde mox subditur.

*Quòd in æterna miseria, nullum sit impiis effugium:
 Et quòd abominatio sit sanctorum delectatio peccatorum.*

Caput XIII.

Oculi autem impiorum deficient, & effugium peribit ab eis.)
 Quòd oculorū nomine vera intentio exprimitur, per
 Euangelium veritas attestatur: dicens: Si oculus tuus fuerit
 simplex, totū corpus tuū lucidum erit: quia videlicet si opera-
 tionem nostram intentio munda præuenit, quamlibet aliter
 hominibus videatur, interni tamen iudicis oculis mundum
 subsequēntis actionis corpus ostenditur. Oculi ergo impio-
 rum, intentiones sunt in eis carnalium desideriorum. Qui id-
 circo deficient, quia æterna negligunt, & sola semper transi-
 toria præstolantur. Adipisci quippe terrena cogitant, multi-
 plicari rebus temporalibus exoptāt, ad mortem quotidie cur-
 su rerum labentium tendunt: sed cogitare mortalia mortali-
 ter nesciunt. Carnis vita per momenta deficit, & tamen carna-
 le desiderium crescit. Res habita instanti fine corripitur, &
 habendi anxietas non finitur. Sed cū mors impios subtra-
 hit, eorum profectò desideria cum vita terminātur. Quorum
 scilicet oculi tunc superna vltione deficient: quia suo hīc iu-
 dicio à terrena deficere delectatione noluerunt. Hos illorum
 oculos à iucunditate pristina claudi Psalmista conspexerat,
 cū dicebat: In illa die peribunt omnes cogitationes eorum:
 quia æterna mala nunquam cogitata reperiunt, & subitò a-
 mittunt bona temporalia, quæ diu tractando tenuerunt. A
 quibus & omne effugium perit: quia eorum malitia ab ani-
 maduersione districti iudicis quo se valeat occultare, non in-
 uenit. Nā nunc iniqui cū tristitia aliqua, vel aduersa patiūtur,
 effugij latebras inueniunt: quia ad voluptatē protinus dese-
 deriorū carnalium recurrūt. Ne enim paupertas cruciet, diuitiis
 animum demulcent. Ne despectus proximorum deprimat,
 sese dignitatibus exaltant. Si fastidio corpus atteritur, ante-
 positis epularum diuersitatibus nutritur. Si quo animus mœ-
 stitiæ impulsu deiicitur, mox per interposita iocorum blandi-
 menta releuatur. Tot ergo hīc habent effugia, quot sibi præ-
 parant delectamenta. Sed quandoque [ab] eis effugium perit:
 quia eorum mens amissis omnibus, se solummodo & iudicem

i iij

conspicit. Tunc voluptas subtrahitur, sed voluptatis culpa seruatur, & repente miseri pereundo discunt, quia peritura tenuerunt. Qui tamen quousque corporaliter viuunt, quæ-
re nocitura non desinunt. Vnde adhuc subditur: *Et spes illorum abominatio animæ.* Quid hinc peccator totis cogitationibus sperat, nisi ut potestate cæteros transeat: cunctos rerum multiplicitate transcendat: aduersantes dominando subiiciat: obsequentibus mirandus innotescat: iræ ad votum satisfaciatur: benignum se cum laudatur, ostendat: quicquid gula appetit, offerat: ad hoc quod voluptas imperat, operis expletionem concurrat? Bene ergo spes illorum abominatio animæ dicitur: quia ea quæ carnales ambiunt, spirituales quique iudicio rectitudinis auersantur. Nam quod peccatores voluptatatem æstimant: hoc iusti proculdubio pœnam putant. Abominatio est igitur animæ, spes prauorum: quia nimirum spiritus deficit, ubi caro requiescit. Ut enim caro mollibus, sic anima duris nutritur: illam blanda refouent, hanc aspera exercent: illa delectationibus pascitur, hæc amaritudinibus vegetatur. Et sicut carnem dura sauciant, sic spiritum mollia necant: sicut illam laboriosa interimunt, ita hunc delectabilia extinguunt. Spes itaque carnalium, abominatio animæ dicitur: quia inde in perpetuum spiritus interit, vnde ad tempus caro suauiter uiuit. Sed hæc Sophar rectè diceret, nisi beatus Iob cuncta largius etiam viuendo prædicasset. At postquam sanctionem monere de vita nititur, doctiorumque se erudire sapientiæ magisterio conatur, ipse dictorum suorum pondus leuigat, qui in discretionem interposita, omne quod loquitur, destruit: quia liquorem scientiæ pleno vasculo superfundit. Sic nanque ab indiscretis opes scientiæ, sicut à stultis sæpe opes corporalis substantiæ possidentur. Nonnulli enim qui rerum terrenarum multiplicitate subnixi sunt, aliquando multa & habentibus tribuunt: ut ipsi cunctis hæc largius habere videantur. Ita peruersi cum sapiunt, recta quædam etiā rectioribus loquuntur: non ut alios audientes doceant, sed ut ipsi quanta doctrina polleant, innotescant. Præire se quippe sapientiæ cunctos æstimant, & idcirco nihil se cuiuslibet dicere, ultra mensuras suæ magnitudinis putant. Sic prauis quilibet, sic omnes hæretici superba voce meliores docere non metuunt: quia omnes se inferiores arbitrantur. Sed sancta Ecclesia, elatos quosque ab æstimationis suæ culmine reuocat, & discretionis manu ad æqualitatis compagem reformat. Vnde beatus Iob qui eiusdem sanctæ Ecclesiæ membrum est, videns quod amicorum mens per verba prolata eruditionis intumuit, ilico respondit dicens:

Caput duodecimum textus beati Iob.

Respondens autem Iob dixit: Ergo vos estis soli homines, & vobiscum oritur sapientia? Et mihi est cor sicut & vobis, nec inferior vestri sum. Quis enim hæc quæ nostis, ignorat? Qui deridetur ab amico suo sicut ego, inuocabit Deum, & exaudiet eum. Deridetur enim iusti simplicitas, lampas contempta apud cogitationes diuitum, parata ad tempus statutum. Abundant tabernacula prædonum, & audacter prouocant Deum cum ipse dederit omnia in manus eorum. Nimirum interroga iumenta, & docebunt te, & volatilia cœli, & indicabunt tibi. Loquere terræ, & respondebit tibi, & narrabunt pisces maris. Quis ignorat quod omnia hæc manus Domini fecerit? In cuius manu anima omnis viuentis, & spiritus vniuersæ carnis hominis. Nonne auris, verba diiudicat, & fauces, comedentis, saporem? In antiquis est sapientia, & in multo tempore prudentia. Apud ipsum est sapientia & fortitudo, & ipse habet consilium & intelligentiam. Si destruxerit, nemo est qui ædificet: si incluserit hominem, nullus est qui aperiat. Si cōtinuerit aquas, omnia siccabuntur: & si emiserit eas, subuertent terram. Apud ipsum est fortitudo & sapientia. Ipse nouit & deci-

piem, & eum qui decipitur: Adducit consiliarios in stultum finem, & iudices in stuporem. Baltheum regum dissoluit, & præcingit fune renes eorum. Ducit sacerdotes inglorios, & optimates supplantat. Commutans labium veracium, & doctrinam senum auferens. Effundit despectionem super principes, & eos qui oppressi fuerant, releuat. Qui reuelat profunda de tenebris, & producit in lucem umbram mortis. Qui multiplicat gentes, & perdit eas: & subuersas in integrum restituit. Qui immutat cor principum populi terræ: & decipit eos, ut frustra incedant per inuium. Palpabunt quasi in tenebris & non in luce, & errare eos faciet quasi ebrios.

Caput XIII.

Ergo vos estis soli homines, & vobiscum oritur sapientia? Quisquis se præire omnes ratione æstimat, quid iste aliud quam solum se esse hominem exultat? Et sæpe cōtingit, ut cum per tumorem mens in altum ducitur, in despectu omnium, sui admiratione subleuetur. In cogitatione etenim proprii fauores oriuntur, sibi que de singularitate sapientiæ blandiuntur. Ipsa fatuitas pensat ea quæ audierit, ac verba quæ profert, & miratur sua, ridet aliena. Qui ergo solum se sapere æstimat, quid aliud quam hanc eandem secum oriri sapientiam putat? Nam quam adesse aliis abnuat, soli sibi hanc tribuens, profecto intra tempora suæ breuitatis claudit. Pensandum verò est, vir sanctus quanta discretionem utitur: ut amicorum superbiētium arrogantia comprimatur, cum protinus adiungit. *Et mihi est cor sicut & vobis, nec inferior vestri sum.* Quis enim nesciat, quantum beati Iob vita atque scientia, amicorum eius scientiam excedat? Sed ut eorum superbiam corrigit, esse se inferiorem negat: & ne suæ humilitatis limitē transeat, esse se superiorem tacet: nec præferendo se, sed cōferendo, indicat, quod de se hi, qui sibi longè sunt impares, discant: ut dum sponte inflectitur sapientia quæ eminet, nequaquam se contra vires erigat scientia quæ iacet. Quos bene mox ad æqualitatis sensum reuocat: quia tumere valde quasi de singularitate magnitudinis pensat, cum subsequenter adiungit: *Quis enim hæc quæ nostis, ignorat?* Ac si aperte dicat: Cum cunctis sint nota quæ dicitis, de dictorum scientia singulariter cur tumetis? Quia igitur elationē arrogantium ad æqualitatis communionem reuocans, correptione perfecta redarguit, ad doctrinam nunc sententiis erumpit: ut amici eius humiliati, prius discerent veritatis pondera quam reuerenter audirent. Sequitur:

Quod viri virtutum cum deridentur ab impiis, ad testem conscientie Deum concurrant, in quo gloriantur. Caput XV.

Qui deridetur ab amico suo, sicut ego, inuocabit Deum, & exaudiet eum. Sæpe enim infirma mēs cum de bonis actibus aura humani fauoris excipitur, ad gaudia exteriora deriuatur: ut postponat quod intus appetit, & in hoc libenter resoluta iaceat, quod foris audit: ita ut beatā non tam fieri quam dici se gaudeat. Cumque laudis suæ vocibus inhiat, quod esse cœperat, relinquit. Inde ergo à Deo disiungitur, vnde in Deo laudanda videbatur. Nonnunquam verò recto operi animus constanter innititur, & tamen humanis irrisiōibus vrgetur: miranda agit, & opprobria recipit, & qui exire foras per laudes potuit, repulsus cōtumeliis, ad semetipsum redit: & eò seipsum intus robustius in Deo solidat, quod foris non inuenit in quo requiescat. Tota enim spes in authorem figitur, & inter irrisiōnum cōuitia solus interior testis imploratur: atque afflicti animus fit Deo tantò proximus, quantò & à gratia humani fauoris alienus, in precem protinus funditur: & pressus exterior, ad penetranda quæ intus sunt, mūdus liquatur. Bene itaque nūc dicitur: Qui deridetur ab amico suo, sicut ego, inuocabit Deum, & exaudiet eum: quia bonorum menti dum prauis exprobrant, ostendunt quem suorum actuum testem quærant. Quæ dum compuncta sese in precibus accingit, inde intra se supernæ exauditioni iungitur, vnde extra se ab humana laude separatur. Notandum verò quā prouidē interponitur, *Sicut ego:* quia sunt nonnulli quos & humanæ irrisiōnes deprimunt

† al. blandiunt ipsa fatuitas.

deprimunt, & tamen diuinis auribus exaudibiles non sunt. Nam cum derisio contra culpam nascitur, profecto nullum virtutis meritum in derisione generatur. Baal etenim sacerdotes clamorosis hunc vocibus implorantes, derisi ab Helia fuerant, cum dicebat: Clamate voce maiori, Deus enim vester est, & forsitan loquitur, aut in diuersorio est. Sed hæc eius irrisio ad virtutis usum non fuit: quia per culpæ meritum fuit. Prouidè ergo nunc dicitur: *Qui deridetur ab amico suo sicut ego, innocabit Deum, & exaudiet eum.* Quia illum facit humana derisio Deo proximum, quem ab humanis prauitatibus, vitæ innocentia seruat alienum. Sequitur:

De sapientia sanctorum, & prudentia filiorum huius seculi.

Caput XVI.

D*eridetur enim in simplicitate.* Huius mundi sapientia est cor machinationibus tegere, sensum verbis velare, quæ falsa sunt, vera ostendere, quæ vera sunt, fallacia demonstrare. Hæc nimirum prudentia usu à iuuenibus scitur, hæc à pueris precio discitur: hanc qui sciunt, cæteros despiciendo superbiunt: hanc qui nesciunt, subiecti & timidi in aliis mirantur: quia ab eis hæc eadem duplicitas, iniquitatis nomine palliata diligitur, dum mentis peruersitas, vrbinitas vocatur. Hæc sibi obsequentibus præcipit honorum culmina quærere, adæpta temporalis gloriæ vanitate gaudere: irrogata ab aliis mala multiplicius reddere: cum vires suppetunt, nullis resistentibus cedere, cum virtutis possibilitas deest, quicquid explere per malitiam non valent, hoc in pacifica bonitate simulare. At contra sapientia iustorum, est nil per ostensionem fingere, sensum verbis aperire: vera ut sunt diligere, falsa deuitate, bona gratis exhibere, mala libentius tolerare quàm facere: nullam iniuriæ ultionem quærere, pro veritate contumeliam luctum putare. Sed hæc iustorum simplicitas deridetur: quia ab huius mundi sapientibus puritatis virtus, fatuitas creditur. Omne enim quod innocenter agitur, ab eis proculdubio stultum putatur, & quicquid in opere veritas approbat, carnali sapientiæ fatuum sonat. Quid nanque stultius videtur mundo, quàm mentem verbis ostendere, nil callida machinatione simulare, nullas iniuriis contumelias reddere, pro maledicentibus orare, paupertatem quærere, possessa relinquere, rapienti non resistere, percutienti maxillam alteram præbere? Vnde bene huius mundi dilectoribus ille egregius Dei sapiens dicit: Abominationes Aegyptiorum immolabimus Domino Deo nostro? Oves quippe Aegyptij edere dedignantur: sed quod abominatur Aegyptij, hoc Israëlita Deo offerunt: quia simplicitatem conscientiae quam iniusti quique velut infimam abiectamque despiciunt, hanc iusti in virtutis sacrificium vertunt, & excolentes recti puritatem ac mansuetudinem Deo immolant, quam abominantes reprobi fatuitatem putant. Quæ nimirum iusti simplicitas breuiter, sed sufficienter exprimitur, cum protinus subinfertur:

Quod iustorum simplicitas, apud se intus quasi lampas fulgeat, & superbiorum fastus eorum humilitatem contemnat.

Caput XVII.

L*ampas contempta apud cogitationes diuinitum.* Quid hoc loco signatur nomine diuitum, nisi elatio superbiorum: qui veturi iudicis respectum non habent, dum superbis apud se cogitationibus tument? Nam sunt nonnulli quos census per tumorem non eleuat, sed misericordiae opera exaltant. Et sunt nonnulli qui dum terrenis se opibus abundare conspiciunt, veras Dei diuitias non requirunt, atque æternam patriam non amant: quia hoc sibi sufficere quod rebus temporalibus fulciuntur, putant. Non est ergo census in crimine, sed affectus. Cuncta enim quæ Deus condidit, bona sunt: sed qui bonis male utitur, profecto agit, ut quasi per edacitatis ingluuiem, eo quo viuere debuit, pane moriatur. Pauper ad requiem Lazarus venerat, superbiorum verò diuitum tormenta cruciabant. Sed tamen diues Abraham fuerat, qui sinu Lazarum tenebat: qui tamen auctori suo colloquens dicit: Loquar ad Deum meum, cum sim pulvis & cinis? Quid itaque iste diuitias suas aestimare nouerat, qui semetipsum puluerem cineremque pensabat? Aut quando hunc res possessæ extollerent, qui de se quoque, earum videlicet possessore, tam abiecta sentiret? Atque iterum sunt nonnulli quibus & res terrenæ non suppetunt, & tamen apud se per fastum tumoris eriguntur. Hos & census ad

ostensionem potentiae minimè subuehit, & tamen morum proteruita inter reprobos diuites addicit. Quoscumque ergo sequentis vitæ amor non humiliat, hoc in loco sacer sermo diuites appellat: quia in iudicii quoque ultione non discrepant, utrum rebus, an solis moribus intumescant. Qui cum vitam simplicium in hoc mundo humilem abiectamque despiciunt, elatis protinus despectibus irident. Nequaquam quippe his hoc exterius adesse considerant, ad quod ipsi totis conatibus anhelant. Quasi stultos ergo despiciunt, qui scilicet ea non habent, quæ ipsi utique vel habendo vel solummodo amando mirantur: & quasi mortuos deputant, quos nequaquam secum viuere carnaliter pensant. Qui enim ab huius mundi appetitu moritur, à terrenis mentibus profecto omni modo extinctus aestimatur. Quod bene nostri miraculum redemptoris signat, cum ab immundo spiritu hominem liberat, de quo nimirum scriptum est: Clamans & multum discerpens eum, exiit ab eo, & factus est sicut mortuus, ita ut multi dicerent, quia mortuus est. Iesus autem tenens manum eius, eleuauit eum, & surrexit, Velut mortuus quippe ostenditur, quia à maligni spiritus potestate liberatur, quia quisquis iam terrena desideria subegit, vitam in se carnalis conuersationis extinguit, & mundo mortuus apparet, quia possessore prauo qui per immunda desideria se agitabat, caret. Quæ multi mortuum dicunt, quia qui spiritualiter viuere nesciunt, eum qui carnalia bona non sequitur, extinctum funditus arbitrantur.

Sed quia ipsi quoque derisores simplicium, Christianitatis nomine censentur, reuerentia religionis pressi, exhibere malum publicæ irrisiois erubescunt. Vnde fit ut apud se tumidi tacentesque derideant, quos abiectos valde atque infimos per simplicitatem putant. Bene ergo dicitur: *Lampas contempta apud cogitationes diuinitum.* Quia superbi quique dum pensare bona sequentia, ut superius diximus, t nesciunt: penè nihil esse aestimant, quem non vident habere quod amant. Sæpe namque contingit ut electus quisque qui ad æternam felicitatem ducitur, continua hic aduersitate deprimatur, non hunc rerum abundantia fulciat, non dignitatum gloria honorabilem ostendat, nulla ei obsequentium frequentia suppetat, nulla hunc humanis oculis vestium pompa componat: cunctis verò despicibilis cernitur, & huius mundi gloria indignus estimatur: sed tamen ante occulti iudicis oculos virtutibus emicat, vitæ meritis coruscat, honorari metuit, despici non refugit: corpus continentia afficit, sola in animo dilectione pinguescit, mentem semper ad patientiam præparat, & erectus pro iustitia, de perceptis contumeliis exultat, afflictis ex corde compatitur, de bonorum prosperitatibus quasi de propriis lætatur, sacri verbi pabula in mente sollicitus ruminat, & inquisitus quodlibet eloqui dupliciter ignorat. Bene itaque iusti simplicitas, & lampas esse dicitur, & contempta. Lampas, quia interius lucet: & contempta, quia exterius non lucet. Intus ardet flamma charitatis, foris nulla gloria resplendet decoris. Lucet ergo & despicitur, qui flagrans virtutibus, abiectus aestimatur. Mentis quippe carnalium pensare bona non valent, nisi quæ carnaliter vident. Hinc est quod Dauid sanctum pater ipse despexerat, quem propheta Samuëlis oculis præsentare recusabat. Qui ad vñctionis gratiam dum septem filios deduxisset, à Propheta requisitus an numerum sobolis expleisset, cum magna despectione respondit: Est adhuc puer paruulus qui pascit oves. Quo deducto & electo protinus audiuit: Homo videt in facie, Deus autem intuetur cor. Lampas ergo Dauid per innocentiam fuerat, sed tamen valde contempta, quia exteriora cernentibus non lucebat. Sciendum verò est quod iustus quisque aut temporalem gloriam non habet, aut hanc sub semetipso frangit si habet, ut honori suo liber emineat, ne ei victus delectatione succumbat. Hinc enim est quod ille prædicator egregius ante humanos oculos Apostolatus sui gloriam humiliauerat, qui dicebat: Non vñ sumus hac potestate, cum possim⁹ oneri esse, ut Christi Apostoli, sed facti sumus paruuli in medio vestrum. Eius verò auditoribus nimirum tumor diuitum adhuc in corde remanserat, cum dicebant: Epistolæ graues sunt & fortes, præsentia autē corporis infirma, & sermo cōtemptibilis. Quem enim talia dicere posse cognouerāt, secum communiter viuere non posse iudicabant. Cūque eum & humilem videndo cernerent, & altum

3. Reg. 18.

Sapientia
huius mun-
di.

Sapientia
iustorum.

Exod. 8.

28.

Mat. 9.

29.

† al. non ap-
petunt.

1. Reg. 16.

1. Thes. 2.

2. Cor. 10.

sermone pensarent, sua eos elatio compulit, ut quem per scripta timuerant, per presentiae verba despicerent. Quid igitur Paulus nisi contempta lampas apud cogitationes diuinitatis fuit, qui unde magisterium humilitatis exhibuit, inde à rudibus discipulis superbiae contumelias recepit? Horrendo etenim modo languor superbientium unde detumescere debuit, excreuit, dum mens elata carnalium hoc quasi dedignabile repulit, quod magister imitabile ostendit. An contempta lampas non erat, qui tot virtutibus emicans, tanta à persecutoribus aduersa tolerabat? Legatione in catena fungitur, eiusque vincula in omni pratorio manifestantur, virgis caeditur, multisque ex genere, ex gentibus, periculis virgetur, lapidibus Lystris tunditur, pedibus extra urbem trahitur, quia extinctus aestimatur. Sed usquequo lampas ista contemnitur, usquequo despicibilis habetur? Nunquid non fulgorem suum nullatenus exerit, & nunquam quanta claritate candeat ostendit? Ostendit planè. Nam cum lampas contempta apud cogitationes diuinitatis diceretur, protinus additur: *Parata ad tempus statutum.*) Statutum quippe contemptae lampadis tempus, est extremi iudicii praedestinatus dies, quo iustus quisque qui nunc despicitur, quanta potestate fulgeat, demonstratur,

30 Tunc enim cum Deo iudices veniunt, qui nunc pro Deo iniuste iudicantur. Tunc eorum lux tanto latius emicat, quanto eos nunc manus persequentium durius angustat. Tunc reproborum oculis patefuit quod coelesti potestate subnixi sunt, qui terrena omnia sponte reliquerunt. Unde electis suis veritas dicit: Vos qui secuti estis me in regeneratione, cum sederit filius hominis in sede maiestatis suae, sedebitis & vos super duodecim sedes, iudicantes duodecim tribus Israel. Neque enim pliusquam duodecim iudices illa interni confessus curia non habebit, sed nimirum duodenario numero quantitas vniuersitatis exprimitur: quia quicquid stimulo diuini amoris excitatus, hic possessa reliquerit, illic procul dubio culmen iudicariae potestatis obtinebit, ut simul tunc iudex cum iudice veniat, qui nunc consideratione iudicii, sese spontanea paupertate castigat. Hinc est enim quod de sanctae Ecclesiae

Proverb. 31. sponso per Salomonem dicitur: Nobilis in portis vir eius, quando federit cum senatoribus terrae. Hinc *Esaias 3.* Dominus ad iudicium veniet cum senioribus populi sui. Hinc eosdem seniores veritas non iam famulos, sed amicos denuntiat, dicens: Non iam dicam vos seruos, sed amicos meos.

Joan. 15. Quos nimirum Psalmista intuens ait: Mihi autem nimis honorati sunt amici tui Deus. Quorum dum celsitudinem cordis aspiceret, mundi gloriam qua calce calcarent, protinus addidit: Nimis confortatus est principatus eorum. Ac ne paucos esse crederemus, quos proficere usque ad summam tantae perfectionis agnoscimus, ilico adiunxit: Dinumerabo eos, & super arenam multiplicabuntur. Quot itaque nunc pro amore veritatis sese libenter humiliant, tot tunc in iudicio lampades coruscant. Dicatur igitur rectè: *Lampas contempta apud cogitationes diuinitatis, parata ad tempus statutum.*) Quia vniuscuiusque iusti anima velut adiecta contemnitur, cum degens inferius gloriam non habet, sed admirabilis cernitur, dum desuper fulget. Libet inter haec ad redemptoris vias, mentis oculos attollere, sensimque à membris ad caput peruenire. Ipse enim nobis lampas veraciter extitit, qui pro redemptione nostra in Cruce moriens, tenebrosis nostris mentibus lucem per lignum fudit. Hac nos lampade Ioannes illuminari conspexerat, cum dicebat: Erat lux vera, quae illuminat omnem hominem, &c. Quam tamen apud cogitationes diuinitatis contemptam vidit, cum paulò post subdit: In propria venit, & sui eum non receperunt. Huius lampadis flammam Herodes explorare voluit, cum eius miracula videre concupiuit, sicut scriptum est: Erat enim ex multo tempore cupiens videre eum, eo quod audisset multa de illo, & sperabat signum aliquod videre ab eo fieri. Sed lampas haec ante eius oculos nullo radio lucis emicuit: quia ei qui se non pie, sed curiosè quaesierat, nil de se mirabile ostendit. Inquisitus quippe redemptor tacuit, expectatus miracula exhibere contempsit, seseque apud se in occultis retinens, eos quos exteriora quaerere comperit, ingratos foris reliquit: magis eligens apertè à superbientibus despici, quam à non credentibus vacua voce laudari. Unde & protinus lampas ista contempta est, sicut illic sub-

ditur: Spreuit autem illum Herodes cum exercitu suo, & illi indutum veste alba. Sed contempta lampas quae in terra irrisiones tolerat, de caelo lucidius per iudicium coruscat. Unde hic aptè subiungitur: *Parata ad tempus statutum.*) De quo videlicet tempore per Psalmistam dicitur: Cum accipero tempus, ego iustitias iudicabo. Hinc in Euangelio per semetipsam veritas denuntiat, dicens: Tempus meum nondum aduenit. Hinc Petrus ait: Quem oportet caelum suscipere, usque ad tempora restitutionis. Lampas ergo quae nunc contemnitur, ad statutum tempus ventura praeparatur: quia ipse peccata in die ultimo iudicat, qui nunc peccantium derisiones portat. Et tantò tunc durius distractionem exerit, quanto nunc vocandis peccatoribus suam lenius patientiam sternit. Qui enim diu conuertendos expectat, non conuersos sine retractatione cruciat. Quod per Prophetam scilicet breuiter insinuat, dicens: Tacui, semper filii, patiens fui, sicut parturiens loquar. Ut enim iam praediximus, parturiens cum dolore eiicit hoc quod in intimis tempore longo gestauit.

F Qui ergò semper filii, sicut parturiens loquitur: quia venturus iudex, qui sine ultione diu facta hominum pertulit, quandoque cum feruore examinis, quasi cum dolore mentis, quanta animaduersionis sententiam intus seruauerit, ostendit. Nemo igitur hanc lampadem cum latet despiciat, ne contemptores suos cum de caelo fulserit, exurat. Cui enim nunc non ardet ad veniam, tunc procul dubio ardebit ad poenam. Quia ergo per supernam gratiam vocationis tempus accipimus, dum adhuc licentia superest, eius iram, qui ubique est, mores in melius commutando, fugiamus. Solum quippe animaduersionis illa non inuenit, quem correctio abscondit. Haec nos largiente Domino in duobus iam corporibus transcurrisse sufficiat. Quia enim sacri libri sequentia mysteriorum virtutibus extensa, complecti breuiter exponendo non possumus, ea necesse est ut aliis voluminibus referuamus, quatenus lector tantò feruentior ad legendi studium redeat, quanto ex lectionis quoque intermissione respicit.

G Finit liber decimus Moralium sancti Gregorij, & totius operis pars secunda.

B. GREGORII PAPAE LIBER VNDECIMVS tertiam inchoans partem Moralis expositionis, quo continuatur textus capitis duodecimi beati Iob.

Capitulum I.



H QVANTUM VIS in prolixo opere esse culpabilis stili mutabilitas non debet, ne quis tamen me ex locutionis meae immutatione reprehendat, in Epistola libris praemissa causam reddidi cur tertiam huius operis partem ad aliarum usque similitudinem minimè emendando perduxim. Quibus scilicet exclusis, hoc quoque additur, quod ab eo versu quo dicitur: Abundant tabernacula praedonum, eiusdem partis expositio incipit, & usque ad hoc quod scriptum est: Dulcedo eorum vermis, differendo pertingit. Quae nimirum tam multa sunt, ut in vno corpore comprehendere non possent, nisi sub magna breuitate dicerentur. Qui ergo ab aliis actibus vacat, legat caetera multipliciter dicta. Qui verò ad studiosè legendum non vacat, huius partis ei breuitas placeat, in qua non tam quae sentimus dicimus, quam ea quae sunt dicenda signamus. Igitur quoniam in ea multa, sicut me loquente excepta sunt, ita dereliqui: immutationem stili lector meus aequanimiter accipe, quia & saepe eosdem cibos edentibus, diuersitas placet coctionis. Sed quoties partes singulas ad legendum sumis, reducere semper ad memoriam eam, quam proposui causae originem stude, quia & per beatum Iob, qui dolens dicitur, passionem Domini eiusque corporis, id est, sanctae Ecclesiae designantur, & amici eius haereticorum tenent speciem:

nent speciem: qui, vt sæpe iam diximus, Deum dum defendere nititur, offendunt. Qui dū fictē consulunt, sanctorum mentem fortiter affligunt, nec tamen per cuncta quæ loquuntur, à veritatis cognitione desipiunt, sed plerunque & stultis prudentiam, & fictis vera permiscunt, vt dum ex veritate aliquid prærogant, facile ad falsitatem trahant. Vnde amici quoque beati Iob modo despicabilia, modo autem mira sunt quæ loquuntur, quæ tamē sanctus vir aliquādo reprobandō conuincit, aliquando verò approbandō suscipit, atque ad vsum rectitudinis pertrahit etiam quæ ab eis recta sed non rectē proferuntur. Itaque inopiam suam despicientes despicit, atque in sterquilinio corpore positus, in quanto virtutum culmine apud se sedeat, ostendit: cum nil esse præsentis vitæ diuitias memorat, quas abundare & reprobis narrat, dicens:

*Quod aliud est quod omnipotens Deus, misericorditer tribuit,
aliud quod in auius haberi permittit,*

Caput II.

Abundantia tabernacula prædonum, & audacter pronocant Deum, cum ipse dederit omnia in manibus eorum.) Facile est hominem tunc diuitias despiciere cum habet, difficile verò est eas cum non habet, viles æstimare. Vnde patenter ostenditur quatenus contemptus terrenarum rerum in beati Iob cogitatione fuerit, qui tunc dicit nulla esse quæ abundant reprobis, quando omnia amisit. Ait ergo: *Abundantia tabernacula prædonum, & audacter pronocant Deum;* quia plerunque mali eo magis contra Deum superbiunt, quo ab eius largitate & contra meritum ditantur: & qui prouocari bonis ad meliora debuerant donis peiores fiunt. Sed intelligendum nobis est, quomodo prædones appellantur, dum protinus additur: *Cum ipse dederit omnia in manibus eorum.* Si enim prædones sunt, violenter abstulerunt. Et dubium non est, quia violentorum non sit adiutor Deus. Quomodo igitur ipse dat, quod hi qui prædones sunt, nequiter tollunt? Sed sciendum est, quia aliud est quod omnipotens Deus misericorditer tribuit, aliud quod iratus haberi finit. Nam quod prædones peruersè faciunt, hoc dispensator æquissimus fieri non nisi iustè permittit, vt & is qui rapere finitur, cæcatus mente culpam augeat, & is qui rapinam patitur, iam in eiusdem rapinæ damno pro alia quam antè perpetravit culpa feriat. Ecce enim quidam in montis faucibus constitutus insidiatur itinerantibus, sed is qui iter aggit, iniqua fortasse quædam aliquando perpetravit, eique omnipotens Deus malum suum in præsentī vitæ retribuens, atque hunc insidiatoris manibus tradens, vel spoliari rebus, vel etiam interire permittit. Quod ergo prædo iniustè appetit, hoc æquissimus iudex iustè fieri permittit, vt & ille reciperet quod iniustè fecerat, & iste grauius quandoque feriat, per cuius nequissimam voluntatem, culpam omnipotens Deus in alterum iustè vindicauit. Ille purgatur qui opprimitur, in isto reatus augetur qui opprimit: vt vel de profundo nequitia quandoque ad penitentiam redeat, vel non reuertens, tantò grauius æterna damnatione feriat, quantò diu est in sua iniquitate toleratus. Cum illo ergo misericorditer agitur vt peccatum finiat, cum isto districtè vt multiplicet, nisi ad penitentiam recurrat. In illo mala purgantur, dum vim sustinet, in isto cumulantur, dum facit. Omnipotens itaque Deus quod fieri prohibet, iustum est vt fieri sinat, vt vnde nunc expeccat, & non conuersos diu tolerat, quandoque inde plus feriat. Bene ergo dicitur: *Abundantia tabernacula prædonum, & audacter pronocant Deum, cum ipse dederit omnia in manibus eorum;* quia quod iniqui tollunt, eis hoc ipse dat, qui illis ad rapinam posset resistere, si misereri voluisset. Quod tamen intelligi de rebus quoque spiritualibus potest. Nam plerunque nonnulli doctrinæ dona percipiunt, sed ex eisdem donis intumescunt, & magni præ cæteris videri volunt. Atque omnipotentem Deum prouocare, est de eius donis inter proximos superbire. Qui etiam prædones non immeritò vocantur, quia dum loquuntur quæ non faciunt, in vsum locutionis suæ verba iustorum tollunt. Sed quia hæc ipsa superna eis gratia tribuit, quorum tamen vitam in prauis moribus relinquit, per semet ipsos quidem prædones sunt, sed tamen bona quæ habent, diuinitus acceperunt. Sequitur: *Nimirum interroga iumenta, & docebunt te volatilia cæli, & indicabunt tibi. Loquere terræ, & respondit tibi, & narrabunt pisces maris.* Quid per iumenta nisi sen-

su pigriores, quid per cæli volatilia, nisi summa atque sublimia sapientes intelligere debemus? De iumentis nanque, id est, sensu pigrioribus scriptum est: *Animalia tua habitabunt in ea.* Et quia sublimia sapientes, in verbis nostri redemptoris euolant, scriptum est: *Ita vt volucres cæli veniant, & habitent in ramis eius.* Quid verò per terram, nisi terrena sapientes? Vnde & primo homini cælestia deferenti dictum est: *Terra es, & in terram ibis.* Quid per pisces maris, nisi curiosos huius seculi debemus accipere? de quibus Psalmista ait: *Pisces maris, qui perambulant semitas maris.* Qui in magnis rerum inquisitionibus quasi in abditis fluctibus latent. Quid autem cuncta hæc inquisita doceant, adiungit dicens: *Quis ignorat quod omnia hæc manus Domini fecerit?* Ac si apertè dicat: Siue sensu tardiores, seu sublimia sapientes, siue terrenis actibus deditos, seu huius mundi occupatos inquisitionibus requiras, cuncta hæc creatorem omnium Deum fatentur, & de potestate eius concorditer sentiunt, quanuis sub ea non concorditer viuunt. Quod enim iustus quisque etiam viuendo loquitur, hoc iniustus plerunque de Deo vel sola voce compellitur fateri, sitque vt mali, authori omnium & cui operibus resistunt, attestatione famulentur: quia quem impugnare moribus ausi sunt, creatorem omnium negare non possunt. Quod tamen intelligi etiam iuxta solam speciem literæ vtiliter potest, quia omnis respecta creatura quasi dat vocem attestationis propriæ, ipsam quam habet speciem suam. Iumenta vel volatilia, terram vel pisces requirimus, dum consideramus quæ nobis concorditer respondent, quod cuncta Dominus fecerit: quia dum nostris oculis suas species ingerunt, se à semetipsis non esse testantur. Eo ipso enim quod creata sunt, per ostensam speciē creatori suo quasi vocem confessionis reddunt: qui quia omnia condidit, qualiter etiam debeant administrari disposuit. Vnde subditur:

Quod spiritus aliquando pro substantia animæ, aliquando pro efficientia spiritali ponatur.

Caput III.

In cuius manu anima omnis viuens, & spiritus vniuersæ carnis hominis.) Per manum quippe potestas exprimitur. Anima igitur omnis viuens & spiritus vniuersæ carnis hominis, in eius potestate est à quo est, vt ipse prouideat qualiter sit, qui præstitit esse quod non fuit. Potest verò per animam omnis viuens iumentorum vita signari. Omnipotens autem Deus iumentorum animam vsque ad corporeos sensus viuificat, hominum verò spiritum vsque ad spiritalem intellectum tendit. In eius ergo manu est anima omnis viuens, & spiritus vniuersæ carnis hominis, dum & in illo præstat animæ vt viuificet carnem, & in isto ad hoc viuificat animam, vt ad intelligendam perueniat æternitatem. Sciendum verò est, quia in sacro eloquio spiritus hominis duobus modis poni consuevit. Aliquando nanque spiritus pro anima, aliquando pro effectu spiritali ponitur. Pro anima nanque spiritus dicitur, sicut de nostro ipso capite scriptum est: *Inclinato capite tradidit spiritum.* Si enim aliud spiritum quam animam Euangelista diceret exeunte vtiq; spiritu, anima remansisset. Pro effectu quoque spiritali spiritus dicitur, sicut scriptum est: *Qui facit angelos suos spiritus, & ministros suos ignem vrentem.* Angeli quippe, id est, nuntij, in sacro eloquio nonnunquam prædicatores vocantur, sicut per Prophetam dicitur: *Labia sacerdotis custodiunt scientiam, & legem requirunt ex ore eius, quia angelus Domini exercituum est.* Omnipotens ergo Deus angelos suos spiritus facit, quia prædicatores suos spiritales efficit. Hoc autem loco anima omnis viuens ipsa corporis vita signatur, spiritu vniuersæ carnis hominis, effectus intelligentiæ spiritalis exprimitur. Sequitur:

Quod electi, cibi diuini sentiunt saporem, reprobi verò sonum eius audiunt, sed corde frigido qualiter sapiat, nesciunt.

Caput IIII.

Nonne auris verba diiudicat, & fauces comedentis saporem?) Per nē nullū latet quod quinque sensus corporis nostri videlicet visus, auditus, gustus, odoratus, & tactus in omne quod sentiunt atque discernunt, virtutē discretionis & sensus à cerebro trahunt. Et cum vnus sit iudex sensus cerebri, qui intrinsecus præsidet, per meatus tamē proprios sensus quinque discernit, Deo mira operante, vt neq; oculus audiat, neque auris videat,

neque os olfaciat, neque naris gustet, neque manus odoretur. Et cum per unum sensum cerebri omnia disponantur, quilibet tamen horum sensus aliud facere non potest, præter id quod ex dispositione conditoris accepit. Ex istis ergo corporalibus exterioribus, interiora & spiritalia colligenda sunt, ut per id quod in nobis publicum est, transire debeamus ad secretum quod in nobis est, & nosmetipsos latet.

4 Induenda quippe est, quia cum una sit sapientia, alium minus, alium magis inhabitat, alij hoc, alij illud præstat, & quasi cerebri more, nobismetipsis velut quibusdam sensibus utitur, ut quavis ipsa sibi nunquam sit dissimilis, per nos tamen diuersa & dissimilia semper operetur, quatenus ista sapientiæ, ille scientiæ donum percipiat, iste genera linguarum, ille gratiam curationum habeat. Sed in his verbis beati Iob, quibus ait: *Auris verba diiudicat, & fauces comedentis saporem:* etiam de electis ac reprobis aliquid videtur innuere, quia verba sapientiæ quæ reprobi audiunt, electi non solum audiunt, sed etiam gustant, ut eis in corde sapiat, quod reprobis non mentibus, sed solummodo auribus sonat. Aliud nanque est nominatum cibum audire solummodo, aliud verò etiam gustare. Electi itaque cibum sapientiæ sic audiunt, ut degustent, quia hoc quod audiunt, eis per amorem medullitus sapit. Reprobis verò scientia usque ad cognitionem sonitus tenditur, ut quidem virtutes audiant, sed tamen corde frigido qualiter sapiant, ignorent. Quibus videlicet verbis beatus Iob amicorum suorum imperitiam, & eorum qui de doctrina sapientiæ instantur, arrogantiam reprobis, quia aliud est de Deo aliquid scire, aliud verò hoc quod cognoscitur, fauce intelligentiæ gustare. Recte ergo dicitur: *Nonne auris verba diiudicat, & fauces comedentis saporem?* Ac si aperte arrogantibus diceretur: *Doctrinæ verba quæ vobis usque ad aurem veniunt, mihi etiam per saporem intimum intelligentiæ fauces tangunt.* Quia verò infirma ætas etiam cum recte sapit, ad prædicandum non debet incaute profilire, subditur: *In antiquis est sapientia, & in multo tempore prudentia.* Illa enim dicta in sapientiæ radice solidata sunt, quæ per viuendi usum, etiam actuum experimento conualescunt. Sed quia multis & longior vita tribuitur, & sapientiæ gratia non confertur, recte adhuc in cuius iudicio ipsa dona pendeant, demonstratur, dum subditur: *Apud ipsam est sapientia & fortitudo, ipse habet consilium & intelligentiam.* Hæc non incongruè de unigenito summi patris accipimus, ut ipsum esse Dei sapientiam & fortitudinem sentiamus. Nam Paulus quoque nostro intellectui attestatur, dicens: Christum Dei virtutem & Dei sapientiam, qui apud ipsum semper est, quia in principio erat verbum, & verbum erat apud Deum, & Deus erat verbum. Habet autem Deus consilium & intelligentiam: consilium videlicet, quia disponit sua: intelligentiam, quia cognoscit nostra. Potest quoque consilij nomine, ipsa oculi iudicii mora signari, ut quod aliquando tardius delinquentes percutit, non quia iniquorum culpa non cõspicitur, sed ut damnationis eorum sententia, quæ pro agenda pœnitentiæ differtur, quasi tarda ex consilio prodire videatur.

5 Quod ergo foris quandoque aperta sententia indicat, hoc apud omnipotentem Dominum ante secula in consilio latebat. Sequitur:

Quod illos includat Deus quibus non aperit, & illos destruat quos relinquit. Caput V.

Si destruxerit, nemo est qui ædificet, si incluserit hominem nullus est qui aperiat. Omnipotens Deus humanum cor destruit, cum relinquit: ædificat, dum replet. Neque enim humanam mentem debellando destruit, sed recedendo: quia ad perditionem suam sufficit sibi dimissa. Vnde plerumque fit, ut cum audientis cor exigentibus culpis omnipotentis Dei gratia non repletur, incassum exterius à prædicatore moneatur, quia mutum est os omne quod loquitur, si ille interius in corde non clamet, qui aspirat verba quæ audiuntur. Hinc Propheta ait: *Nisi Dominus ædificauerit domum, in vanum laborant qui ædificant eam.* Hinc Salomon dicit: *Considera opera Dei, quod nemo possit corrigere quæ ille despexit.* Nec mirum si à corde reprobo prædicator minimè auditur, dum nunquam ipse quoque Dominus in his quæ loquitur, resistentium moribus impugnavit. Hinc est enim quod Cain &

E diuina voce admoneri potuit, & mutari non potuit: quia exigente culpa malitiæ, iam intus Deus cor reliquerat, cui foris ad testimonium verba faciebat. Bene autem subditur: *Si incluserit hominem, nullus est qui aperiat.* Quia omnis homo per id quod malè agit, quid sibi aliud quam conscientiæ suæ carcerem facit, ut hunc animi reatus premat, etiam si nemo exterius accuset? Qui cum iudicante Deo in malitiæ suæ cecitate relinquitur, quasi intra semetipsum clauditur, ne euadendi locum inueniat, quem inuenire minimè meretur. Nam sæpe nonnulli à prauis actibus exire cupiunt, sed quia eorundem actuum pondere premuntur, in malæ consuetudinis carcere inclusi, à semetipsis exire non possunt. Et quidam culpas proprias punire cupientes, hoc quod rectè se agere estimant, in grauioribus culpas vertunt: fitque modo miserabili, ut quod exitum putant, hoc inclusionem inueniant. Sic videlicet reprobis Iudas cum mortem sibi contra peccatum intulit, ad æternæ mortis supplicia peruenit, & peius de peccato pœnituit quam peccauit. Dicatur ergo: Si incluserit hominem, nullus est qui aperiat: quia sicut nemo obsistit largitati vocantis, ita nullus obuiat iustitiæ relinquentis. Includere itaque Dei, est clausis non aperire. Vnde & ad Moysem dicitur de Pharaone: *Ego obdurabo cor eius.* Obdurare quippe per iustitiam dicitur Deus, quando cor reprobis per gratiam non emollit. Recludit itaque hominem quem in suorum operum tenebris relinquit. Quasi enim aperire hanc inclusionem cum Isaac primogenito filio voluit, cum hunc fratri præponere benedicendo conatus est. Sed filium quem pater voluit, Dominus reprobauit, & quem Dominus voluit, pater etiam nolendo benedixit: ut qui primogenita fratri pro esca vendiderat, primogenitorum benedictionem non acciperet, quam ex cupidine gulæ reliquisset: qui terrena ambiens fugitiua sequens, hæreditare cupiens benedictionem, reprobatus est. Non enim inuenit pœnitentiæ locum, quanquam cum lachrymis inquisisset eam, quia videlicet fructum non habent lamenta, quæ student cum gemitu desiderare peritura. Aperire itaque Isaac nec filio potuit, quem Deus omnipotens iusto iudicio in suæ carcere malitiæ inclusit. Sequitur:

Quod si cordi nostro spiritus sancti irrigatio defuerit, omnis terræ plantatio arefcit. Caput VI.

Si continuerit aquas, omnia siccabuntur. Si miserit eas, subuertent terram. Si aqua scientiæ prædicationis accipitur, sicut scriptum est: *Aqua profunda, verba ex ore viri, & torrens redundans fons sapientiæ,* cum aqua continetur, cuncta siccantur: quia si scientia prædicatorum subtrahitur, eorum qui viridescere in spe æterna poterant, corda protinus arefcunt, ut in desperata siccitate remaneant, dum fugitiua diligentes, nesciunt sperare mansura. Sin verò aquæ nomine sancti Spiritus gratia designatur, sicut veritatis voce in Evangelio dicitur: *Qui credit in me, sicut dicit scriptura, flumina de ventre eius fluunt aquæ viue: ubi statim Euangelista subiunxit: Hoc autem dixit de Spiritu quem accepturi erant credentes in eum: congruus in his sermonibus intellectus patet, quibus ait: Si continuerit aquas, omnia siccabuntur: quia si sancti Spiritus gratia ab audientis mente subtrahitur, arefcit protinus intellectus, qui iam per spem viridescere in audiente videbatur. Quod autem non aquam, sed aquas memorat, pluralitatis appellatione, ad septiformem donorum spiritalium gratiam recurrit: quia quasi tot aquis unusquisque infunditur, quot donis repletur. De quibus aptè subiungitur: *Si miserit eas, subuertent terram.* Quid enim terra, nisi peccator accipitur, cui per sententiam dictum est: *Terra es, & in terram ibis?* Manet itaque terra immobilis, cum præceptis dominicis peccator obedire contemnit, cum ceruicem superbiæ erigit, atque à veritatis lumine oculos mentis claudit. Sed quia scriptum est: *Pedes eius steterunt, & mota est terra:* quia cum veritas in corde figitur, mentis immobilitas agitur, si sancti Spiritus gratia superno munere iuxta vocem prædicantis infunditur, statim terra subuertitur: quia peccatricis mentis duritia ab immobilitatis suæ obstinatione permutatur, ut tantum se postmodum præceptis dominicis flendo subiiciat, quantum superbiendo prius contra Dominum ceruicem cordis erigebat. Videas namque quod terra cordis humani, aqua diuini muneris infusa, post*

1. Corin. 1.
Ioan. 1.

Prover. 8.

Ioan. 7.

Psal. 126.
Eccle. 7.

Genes.

Gene. 4.

pōst libenter iniurias tolerat, quas prius vehementer irroga-
bat: pōst etiam sua tribuat, quæ prius & aliena rapiebat: pōst
carnem abstinentiō cruciet, quæ prius satietate carnis per mor-
tiferā turpitudinū oblectamenta defluebat: pōst etiam per-
secutores diligit, quæ prius diligere etiam se amantes nolebat,

7. Cū igitur mens humana diuino munere infusa, contra
hoc quod consueuerat, agere cōperit, terra subuersa est: quia
deorsum missa est quæ prius eminebat, & sursum leuata est fa-
cies quæ prius in t profunda premebatur. Libet in huius rei
+ al. profun-
do.
+ al. vitam.
1. Tim. I.
Osee. 7.
8. + al. homi-
nem fecit.
pōstquam vnum ē multis ad medium, Paulum vocare, qui cū
acceptis contra Christum epistolis Damascum pergeret, san-
cti spiritus gratia in itinere infusus, ab illa sua protinus crude-
litate mutatus est, & postmodum plagas pro Christo acce-
pit, quas veniebat inferre Christianis: & qui prius carnaliter
viuens, in mortem conabatur sanctos Domini tradere, gaudet
postmodum pro vita sanctorum suæ carnis t sacrificium im-
molare. Illæ crudelitatis eius frigida cogitationes, versæ sunt
in ardorem pietatis. Et qui prius fuit blasphemus & persecu-
tor, humilis pōst factus est piusque prædicator. Qui lucrum
maximum putauit, se in discipulis Christum occidere, iam vi-
tam suam Christum æstimat, & mori lucrum. Emissa ergo a-
qua terra subuersa est, quia Pauli mens mox vt sancti spiritus
gratiam accepit, statum suæ immobilitatis atque crudelitatis
immutauit. Quo contrā per Prophetam Dominus, contra E-
phraim queritur dicens: Ephraim factus est subcinericius pa-
nis, qui non reuerfatur. Panis nanque subcinericius super se
cinerem portans, partem mundiorem deorsum premit, par-
temque superiorem tantō sordidiorem habet, quantō in ea
cinerem tolerat. Mens itaque quæ terrena cogitat, quid super
se aliud quā cineris molem portat? Sed si reuersari voluerit,
mundam faciem quam deorsum presserat, superius reducit,
cū cinerem quem portabat, excusserit. Si igitur terrenarum
cogitationum cinerem à mente excutimus, quasi panem sub-
cinericium reuersamus: vt illa nostra intentio iam postponi
debeat, quā prius cogitationis infimæ cinis premebat, &
munda facies ad superiora veniat, vt recta nostra intētio mole
iam terreni desiderij non prematur. Quod nequaquam agere
possumus, nisi sancti spiritus gratia perfundamur: quia vide-
licet omnipotens Deus si aquas emisit, subuertent terram.
Sequitur: *Apud ipsum est fortitudo & sapientia.* Paulō supe-
rius dictum fuerat: *Apud ipsum est sapientia & fortitudo:* nūc
autem dicitur: *Apud ipsum est fortitudo & sapientia.* Quia enim
omnipotens Deus cum pietatis suæ mysterio t homo factus
est, prius mansuetudinis doctrinam protulit, & postmodum
in iudicio, quantæ sit fortitudinis ostendit, rectē superius sa-
pientia ante fortitudinem memoratur, cū de patris vnige-
nito dicitur: *Apud ipsum est sapientia & fortitudo.* Quia ve-
rō ad iudicandum veniens, in terrore suæ virtutis apparebit,
& repulsis reprobis, electis suis in regno perpetuo, qualiter sit
sapientia patris, indicabit, rectē in subsequenti sententia apud
ipsum esse prius fortitudo, & pōst sapientia dicitur. In verbis
itaque prioribus quibus ait: *Apud ipsum est sapientia & for-
tudo:* aperte indicat quia hoc quod mansuetus edocuit, qua-
liter credendum fuerit, in iudicij virtute terribilis ostendet. In
verbis verō subsequentibus quibus ait: *Apud ipsum est forti-
tudo & sapientia:* luce clarius demonstrat, quod prius in iudi-
cio per virtutem reprobos destruet, & postmodum electo-
rum mentibus eterni perfectio lumine infulgebit. Sed quia an-
te extremi diem iudicij, iudicare quotidie occultis disposi-
tionibus facta mortalium non desistit, ad hoc quod nunc agi-
tur, reditur, cū subditur:

Quod sapientia huius mundi, stultitia est apud Deum.

Caput VII.

1. + al. 7.
Ipsē nouit & decipientem, & eum qui decipitur. *Adducit consiliarios
in stultum finem, & iudices in stuporem.* Cū omnis qui proxi-
mum suum decipere conatur, iniquus sit, & iniquis veritas di-
cat: Nunquam noui vos, discedit à me omnes qui operamini
iniquitatem: qualiter hoc in loco dicitur, quia Dominus de-
cipientem nouit? Sed quia scire Dei, aliquādo cognoscere di-
citur, aliquando approbare, & scit iniquum, quia cognoscen-
do iudicat, Neque enim iniquum quempiam iudicasset, si ne-
quaquam cognosceret: & tamen iniquum nescit, quia eius fa-
cta non approbat. Et nouit ergo, quia deprehendit: & nō no-

A uit, quia hunc in suæ sapientiæ specie non recognoscit: sicut
de veraci quolibet viro dicitur, quia falsitatem nesciat: non
quia cū vel ab aliis falsum dicitur, hoc reprehendere igno-
rat, sed eandem ipsam fallaciam & scit in examine, & nescit in
amore, vt videlicet ipse hanc non agat, quā actam ab aliis
damnat. Et fit plerunque vt nonnulli insidiis vacantes, alienæ
vitæ peruersitatis suæ laqueos tendant: & cū quis nesciens,
eisdem laqueis capi conspicitur, vtrum hæc diuinitus videan-
tur, fortasse dubitatur, miranturque homines, si hæc Deus vi-
deat, cur fieri permittat: sed ipse nouit decipientem & eum qui
decipitur. Nouit enim decipientem: quia plerunque anterio-
ra eius mala conspicit, & hunc iusto iudicio cadere etiam in
alia peccata permittit. Nouit decipientem, quia in manu suo-
rum operum dimissum hunc, vt ad peiora proruat deserit, si-
cut scriptum est: *Qui nocet, noceat adhuc, & qui in sordibus* *Apo. 22.*
est, sordescat adhuc. Nouit quoque & eum qui decipitur, quia
sæpe committunt homines mala quæ sciunt, & idcirco per-
mittuntur decipi, vt cadant in mala etiam quæ nesciunt. Quod
tamen deceptis aliquando ad purgationem, aliquando verō
ad vltionis initium fieri solet. Adducit autem consiliarios in
stultum finem, cū etiam bonum quodlibet non bona inten-
tione faciunt, sed ad temporalis muneris retributionem ten-
dunt. Si enim ipse summi patris vnigenitus, quia per hoc
quod factus est homo, æterna nuntiavit, magni consilij ange-
lus est vocatus: rectē consiliarios prædicatores accipimus, qui
suis auditoribus consilium vitæ præbent. Sed cū prædica-
tor quisque ideo æterna prædicat, vt temporalia lucra conse-
quatur, profectō in stultum finem deducitur, quia illuc per
laborem tendit, vnde per mētis rectitudinem fugere debuit.

*Quod qui de castimoniis superbiunt, nonnunquam Deo dispensante,
in immunditiam carnis cadere permittantur.*

Caput VIII.

Bene autem subitur: *Et iudices in stuporem.* Omnes enim qui
9. *B*examinandis aliorum moribus præsumt, rectē iudices vo-
cantur. Sed cū is qui præst, subiectorum vitam nequaquā
sollicitē discuit, nec quem qualiter corrigat agnoscit, in stu-
porem iudex deductus est: quia qui iudicare malè acta de-
buit, nequaquam ea quæ iudicanda sunt, deprehendit. Sequi-
tur: *Balteam regum dissoluit, & præcingit fune renes eorum.* Qui
membrorum suorum motus bene regere sciunt, non immeri-
tō reges vocantur. Sed cū de ipsa continētia elatione mens
tangitur, plerunque omnipotens Deus eius superbiam dese-
rens, hanc in immunditiā operis cadere permittit. Regum ita-
que balteam dissoluit, quādo in his qui bene regere sua mem-
bra videbantur, propter elationis culpam, castitatis in eis cin-
gulum destruit. Quid verō in fune accipitur nisi peccatum: si-
cut per Salomonem dicitur: Iniquitates suæ capiunt impium,
& funibus peccatorum suorum constringitur. Et quia in re-
nibus carnis delectatio principatur, districtus conscientia-
rum iudex, qui regum balteam dissoluit, fune præcingit re-
nes eorum, quatenus dissoluto castitatis cingulo, scilicet eo-
rum membris delectatio peccati dominetur: vt quos in oc-
culto superbia inquinat, quā sint detestabiles, etiam in pu-
blico ostendat. Sequitur:

*Quod apud deum sine gloria sint, qui de prælatione sua
ab hominibus gloriam quarunt.*

Caput IX.

*D*icit sacerdotes in glorios, & optimates supplantat. Magna sa-
cerdotis gloria, est rectitudo subditorum. Vnde bene e-
gregius prædicator discipulis dicit: *Quæ enim est nostra spes* *1. Thess. 2.*
aut gaudium, aut corona gloriæ: nonne vos ante Dominum?
Sed cū sacerdotes vitam discipulorum negligunt, & nul-
lum de eorum profectibus ante Dominum fructum ferunt,
quid aliud quā inglorij dicuntur? quia ante districtum iu-
dicem nimirum gloriam tunc non inueniunt quā modo in
subditorum suorum moribus prædicationis studio non ex-
quirunt. Bene autem dicitur: *Et optimates supplantat.* Quia cū
mentem regentium iudicio deserit, hæc internum retributio-
nis præmium non requirit, & in eo supplantatur quo falli-
tur, vt pro æterna gloria de principatu temporali gratuletur.
Supplantatur igitur optimates, quia dum vera cœlestis patriæ
præmia negligunt, in suis hīc voluptatibus cadunt. Sequitur:

Commutat labium veracium, & doctrinam senum auferens.) Cum sacerdos non agit bona quæ loquitur, ei etiam sermo subtrahitur, ne loqui audeat quod non operatur, sicut per Prophetam dicitur: Peccatori autem dixit Deus: Quare tu enarras iustitias meas, & assumis testamentum meum per os tuum? Vnde etiam deprecatur dicens: Et ne auferas de ore meo verbum veritatis usquequaque. Perpendit namque quod omnipotens Deus, veritatis verbum facientibus tribuit, & non facientibus tollit. Qui ergo hoc de ore suo non auferri petiit, quid aliud quam gratiam bonæ operationis quæsiuit? ac si aperte diceret: A bono opere errare me non sinas, ne dum amitto ordinem bene viuendi, rectitudinem perdam loquendi.

Et plerumque doctor qui docere audeat quod negligit agere, cum desierit bona loqui quæ operari contempsit, docere subiectos incipit praua quæ agit: ut iusto omnipotentis Dei iudicio, in bona iam nec linguam habeat, qui habere bonam vitam recusat, quatenus cum mens eius terrenarum rerum amore incenditur, de terrenis rebus semper loquatur.

Vnde in Evangelio veritas dicit: Ex abundantia cordis os loquitur: Bonus homo de bono thesauro profert bona, & malus homo de malo thesauro profert mala. Hinc etiam Ioannes ait: Ipsi de mundo sunt, ideo de mundo loquuntur. Bene ergo dicitur: *Commutat labium veracium, & doctrinam senum auferens.*

quia hi qui prius cœlestia prædicando veraces erant, dum temporalia diligentes, ad terrena corruunt, labium veracium commutatur, & senum doctrina tollitur: quia diligentes temporalia, priorum suorum præcepta minimè sequuntur, ut locum regiminis quasi ad fructum voluptatis teneant, non ad usum laboris. Quod tamen apertius de Iudæis valet intelligi, qui ante incarnationem Domini veraces fuerunt, quia hunc venturum esse crediderunt atque nuntiauerunt: sed postquam in carne apparuit, hunc esse negauerunt. Labium itaque veracium mutatum est: quia quem venturum dixerant, negauerunt præsentem. Et doctrina senum ablata est, quia nequaquam ea credendo secuti sunt, quæ patres suos prædixisse meminerunt. Vnde etiam Helia veniente promittitur quod reducat corda filiorum ad patres eorum, ut doctrina senum quæ nunc à Iudæorum corde ablata est, tunc miserante Domino redeat, quando hoc intelligere de Domino cœperint filij, quod prædicauerunt patres. Sin verò senes eisdem quoque Iudæos accipimus, qui suadente perfidia, veritatis verbo contraire conati sunt, doctrina senum ablata est, postquam hanc Ecclesia ex gentibus videlicet iuuenicula accepit quæ per Psalmistam dicit: Super seniores intellexi.

Quam quia operando tenuit, qualiter super seniores intellexit ostendit, dum protinus subdit, dicens: Quia mandata tua exquisiui. Quia enim studuit operando implere quod didicerat, accipit intelligere quod doceret. Vnde adhuc aptè subditur: *Effundit despectionem super principes, & eos qui oppressi fuerant releuat.* Cum enim Iudæorum populus in legis mandato permaneret, & cuncta gentilitas nulla Dei præcepta cognosceret, & illi per fidem principari videbantur, & isti in profundo pressi iacuerunt per infidelitatem. Sed cum incarnationis dominicæ mysterium Iudæa negauit, gentilitas credidit, & principes in despectionem ceciderunt, & hi qui oppressi in culpa perfidia fuerant, in veræ fidei libertatem leuati sunt. Hunc verò Israëlitarum casum longè antè Hieremias intruens ait: Factus est Dominus velut inimicus, præcipitavit Israël, præcipitavit omnia mœnia eius, dissipauit munitiones eius. Mœnia autem in urbibus pro ornamento sunt, munitiones verò in defensionem. Et alia sunt dona quæ nos muniant, alia quæ ornant. Prophetiæ quippe doctrina, genera linguarum, curationum virtus, quasi quædam mœnia mentis sunt. Quæ etsi quisque non habeat, stare munitus per fidem & iustitiam potest, quauis ornatus virtutum altitudine minimè esse videatur. Spes verò, fides & charitas, non nostra mœnia sed munitiones sunt, quæ si habere negligimus, hostilibus infidiis patemur. De Iudæa ergo quia prophetiam atque doctrinam, vel miraculorum signa abstulit, mœnia præcipitavit. Quia verò spem, fidem, atque charitatem propter eius duritiam auferri permisit, munitiones eius dissipare studuit. Rectus verò ordo seruatus est, ut prius mœnia, & post munitiones dissipatæ dicerentur: quia cum peccatrix anima

relinquitur, prius ab ea virtutum dona quæ ad manifestationem spiritus data sunt, & postmodum spei, fidei, atque charitatis fundamenta destruuntur. Quæ cuncta Dominus à perfidis ablata gentilitati tribuit, atque ex his quæ infidelibus abstulit, mentes fidelium ornavit: vnde scriptum est: Et speciei domus diuidere spolia. Cum enim virtutum spolia à Iudæis abstulit, domum cordis gentilium quam per fidem inhabitare dignatus est, speciem donorum dedit. Quod videlicet gestum est, cum verba Dei, Iudæorum populus ad solam literam, quæ occidit, acciperet, & conuersa gentilitas per spiritum, qui viuificat, penetraret. Vnde mox subditur:

Quod mira Dei dispensatione agitur, ut omnia in hac vita habeantur incerta, ne quis de accepta gratia intumescat, vel de peccatorum immanitate desperet.

Caput X.

Vi reuelat profunda de tenebris, & producit in lucem vmbra mortis.) Cum enim quæque mystica de occultis prophetarum verbis à credentibus agnoscuntur, quid aliud quam profunda de tenebris reuelantur? Vnde ipsa quoque veritas discipulis in parabolis loquens ait: Quod dico vobis in tenebris, dicite in lumine. Cum enim mysticos allegoriarum nodos per explanationem soluimus, in lumine dicimus quod in tenebris audiuius. Vmbra autem mortis erat legis duritia, quæ vnumquemque peccantem morte corporis puniri sanciebat. Sed postquam Redemptor noster asperitatem legalis sanctionis per mansuetudinem temperauit, nec iam pro culpa mortem carnis inferri constituit, sed mors spiritus quantum timēda esset indicauit, in lucem procul dubio vmbra mortis produxit. Ista etenim mors in qua caro separatur ab anima, vmbra illius mortis est, in qua anima separatur à Deo. In lucem ergo vmbra mortis producit, cum intellecta morte spiritus, mors carnis minima timetur. Quod tamen & aliter intelligi potest. Principes etenim non immerito vocantur, qui magno consilij iudicio suis cogitationibus semper principantur, omnesque stultos motus potestate sapientiæ comprimunt. Sed sæpe contingit ut in occulte animus de ipsa sua sapientia in elationis fastum subleuetur, & sub eis vitiis corruat, de quibus se victorem fuisse gaudebat. Rectè ergo dicitur: *Effundit despectionem super principes.* Sed quia nonnunquam hi qui in vitiis iacere videntur, ad penitentiam lamenta currunt, seque contra culpas quibus subiacebant erigunt, aptè subiungitur: *Et eos qui oppressi fuerant, releuat.* Nonnulli enim superno illustrati munere, aspiciunt in quanta peccatorum suorum turpitudine iacent, factorum maculas lachrymis lauant, & sub se postmodum carnis suæ motus deprimunt, à quibus antè premebantur. Quod nimirum magna omnipotentis Dei dispensatione agitur, ut videlicet in hac vita omnia habeantur incerta, & nullus ex habita castitate superbiat: quia effundit despectionem super principes. Nullus ex vitiis suorum depreffione desperet: quia eos qui oppressi fuerant, releuat. Et quoniam cum hæc aguntur, ex occultis Dei consiliis super vnumquemque sententia aperta producit, rectè subiungitur: *Et reuelat profunda de tenebris.*

Profunda enim de tenebris Dominus reuelat, quando apertam sententiam ex occultis suis consiliis indicat, ut de vnoquoque quæ sentiat, ostendat. Quia enim videt nunc creator omnia, & ipse in consiliis non videtur, rectè de illo per Psalmistam dicitur: Posuit tenebras latibulum suum. Sed quasi de istis tenebris ad lumen exit, quando quid de vniuscuiusque actibus sentiat, ostendit. Et quia cum is qui peccatorum suorum pondere premebatur, ad rectitudinis statum ducitur, prius ipsam mortem conspiciat, in qua & deficere cōsueuerat, & hanc considerare nesciebat, rectè additur: *Et producit in lucem vmbra mortis.* Vmbra enim mortis est praua operatio quæ de imitatione antiqui hostis, quasi de corporis lineamentis exprimitur. De quo etiam sub cuiusdam significatione dicitur: Et nomen illi mors. Et plerumque eius maligna cogitatio mentes hominum latet, atque per hoc quod nescitur, amplius præualeat. Vmbra ergo mortis in lucem producit, dum sanctorum mentibus maligna operatio antiqui hostis, ut destrui possit, aperitur. Sequitur:

Quod beatus Iob prophetia spiritu intellexit vocationem gentium, & reprobationem Iudæorum.

Caput XI.

13. **Q**ui multiplicat gentes, & perdit eas, & subuerfas in integrum restituit. Intelligi fortasse valet, quoniam gentes Dominus multiplicat & perdit: quia nascuntur quotidie morituri. Et subuerfas in integrum restituit, quia resurgent qui fuerint mortui. Quod tamen melius accipimus, si hoc qualiter in eorum mente agitur, sentiamus. Multiplicat enim gentes & perdit, quia eas & per fecunditatem sobolis extendit, & tamen in propria infidelitate derelinquit. Sed subuerfas in integrum restituit: quia quas in infidelitatis casu reliquerat, quandoque ad fidei statum reducit. Quibus videlicet in mentis integritatem restituitis, antiquus ille populus qui fidelis Deo esse videbatur, reprobatus, corde repulsus est, ut sua perfidia deceptus, contra ipsum post insurgeret quem antea predicauit. Sequitur: *Qui immutat cor principum populi terræ, & decipit eos, ut frustra incedant per inuium. Palpabunt quasi in tenebris, & non in luce, & errare eos faciet quasi ebrios.* Cor enim principum terræ immutatum est, cum in Iudæa summi sacerdotes & seniores populi, illi conabantur suo consilio obistere, quem prius venturum esse predicabant. Cumque eius nomen persequendo molirentur extinguere, decepti sua malicia, incedere per inuium frustra conabantur: quia crudelitati eorum patere via non poterat, contra authorem omnium. Miracula cernebant, virtute terrebantur: sed credere renuentes, adhuc signa quærebant, cum dicerent: Quod ergo tu facis signum, ut vedeamus & credamus tibi quod operaris? Bene itaque dicitur: *Palpabunt quasi in tenebris, & non in luce.* Qui enim inter tot aperta miracula trepidat, quasi in tenebris palpat, quia quod tangit, non videt. Omnis verò qui errat, nunc huc, nunc illuc ducitur. Et quia aliquando ostendebantur credere cum dicerent: Nisi esset hic à Deo, non poterat facere quicquam: aliquando verò hunc à Deo esse negabant, cum despicientes dicerent: Nonne hic est fabri filius? nonne mater eius dicitur Maria, & fratres eius Iacobus, Ioseph & Simo, & Iudas, & sorores eius nonne omnes apud nos sunt? rectè subiungitur, *Et errare eos faciet quasi ebrios.* Videbant quippe eum & suscitare mortuos, & tamē esse mortalem. Quis non crederet Deum, quem conspicerent suscitare mortuum? Sed rursus cum hunc mortalem conspicerent despiciebant credere hunc esse immortalem Deum. Per hoc ergo quod omnipotens Deus talem se eorum oculis exhibuit, qui posset & diuina ostendere, & humana pati, errare eos quasi ebrios fecit: ut eorum superbia quæ incarnationis eius mysterium despiciere maluit quàm sequi, & contra humanitatem eius se extolleret, & intus lucētem deitatis eius potentiam miraretur. Quæ cuncta quia beati Iob oculis, præsentia per prophetiæ spiritum facta sunt, rectè subiungitur:

Caput decimumtertium beati Iob.



Ecce omnia hæc vidit oculus meus, & audiuit auris mea, & intellexi singula. Secundum scientiam vestram & ego noui, nec inferior vestri sum. Sed tamen ad omnipotentem loquar, & disputare cum Deo cupio, prius vos ostendens fabricatores mendacij, & cultores peruersorum dogmatum. Atque utinam taceretis, ut putaremini esse sapientes. Audite ergo correctiones meas, & iudicium labiorum meorum attendite. Nunquid Deus indiget vestro mēdacio, ut pro illo loquamini dolos? Nunquid faciem eius accipitis, & pro Deo iudicare nitimini? Aut placebit ei quem cælare nihil potest, aut decipietur, ut homo, vestris fraudulentis? Ipse vos arguet, quoniam in abscondito faciem eius accipitis. Statim ut se commouerit, turbabit vos, & terror eius irruet super vos. Memoria vestra cōparabitur cineri, & redigentur in lutum ceruices vestræ. Tace te paulisper, & loquar quodcunque mihi mens suggererit. Quare lacero carnes meas dentibus meis, & animam meam porto in manibus meis? Etiam si occiderit me, in ipso sperabo. Veruntamen vias meas in

A conspectu eius arguam, & ipse erit saluator meus. Nō enim veniet in conspectu eius omnis hypocrita. Audite sermonem meum, & enigmata percipite auribus vestris. Si fuero iudicatus, scio quod iustus inueniar. Quis est qui iudicetur mecum? Veniat. Quare tacens consumor? Duo tantum ne facias mihi, & tunc à facie tua non abscondar. Manum tuam longè fac à me, & formido tua non me terreat. Voca me, & ego respondebo tibi: aut certè loquar, & tu responde mihi. Quātas habeo iniquitates & peccata, scelera mea & delicta ostende mihi. Cur faciem tuam abscondis, & arbitraris me inimicum tuum? Contra folium quod vento rapitur, ostendis potentiam tuam, & stipulam siccam persequeris. Scribis enim enim contra me amaritudines, & consumere me vis peccatis adolescentiæ meæ. Posuisti in neruo pedem meum, & obseruasti omnes semitas meas, & vestigia pedum meorum considerasti. Qui quasi putredo consumendus sum, & quasi vestimentum quod comeditur à tineas.

Quod cum aliquid ostenditur, cuius intellectus non tribuitur, propheta non est.

Caput XII.

Ecce omnia. In illo enim ea quæ secutura erant, videbat assistentia, cui nec futura veniunt, nec præterita discedunt, sed cuncta simul ante eius oculos assistunt. Et quia ea ipsa quæ ventura erant, alia esse vidit in operibus, alia in dictis, rectè subiungitur: *Et vidit oculus meus, & audiuit auris mea.* Sed vilitatem dicta non habent, si intellectu carent. Vnde aperte subditur: *Et intellexi singula.* Cum enim aliquid ostenditur vel auditur, si intellectus non tribuitur, prophetia minimè est. Vidit namque Pharaon per somnium quæ erant Aegypto ventura, sed quia nequiuit intelligere quod vidit, Propheta scilicet non fuit. Aspexit Balthasar rex articulum manus scribe in pariete, sed Propheta nō fuit, quia intellectum rei quam viderat, non accepit. Ut igitur beatus Iob prophetiæ spiritum se habere testetur, non solum vidisse se & audisse, sed etiam intellexisse omnia asserit. De quo intellectu, quia non extollitur, subiuncta eius verba testantur, cum ait: *Secundum scientiam vestram & ego noui, nec inferior vestri sum.* Quibus videlicet dictis innotuit, quantæ humilitatis fuit, qui se eis inferiorem negat, quorum longè vitam sanctè viuendo transcenderat. Nam & secundum eorum scientiam se nosse confirmat: qui sciendo cœlestia, eorum terrenas cogitationes per prophetiæ quoque spiritum transibat. Sequitur:

Quod loqui cum Deo, sit orare humiliter: disputare autem, ex conscientie conscientia, pro meritis postulare audacter.

Caput XIII.

Sed tamen ad omnipotentem loquar, & disputare cum Deo cupio. Cum omnipotente loquimur, dum eius misericordiam deprecamur. Cum eo verò disputamus, dum nos illius iustitiæ coniungētes, facta nostra subtili indagatione discutimus. Vel certè cum Deo disputare, est cum qui hūc eius præceptis paruit, cum illo postmodum ad iudicandos populos iudicem venire, sicut cuncta relinquentibus prædicatoribus dicitur. Vos qui secuti estis me in regeneratione, cum sederit filius hominis in sede maiestatis suæ, sedebitis & vos super duodecim thronos, iudicantes duodecim tribus Israël. Vnde & per Esaiam Dominus dicit: Eripite iniuriam accipientē, iudicate pupillo, & iustificate viduam, & venite disputemus. Rectum quippe est, ut cum Deo de populis in iudicio disputet, qui ad verba Dei præsens seculum perfectè derelinquit. Loqui ergo ad orationem, disputare ad iudicium pertinet. Vir igitur sanctus modo ad omnipotentem loquitur, ut cum omnipotente postmodum disputet: quia ille cum Deo postmodum iudex veniet, qui hūc ei modo in prece familiaris extiterit. Sed sancta Ecclesia, cuius sape iam beatū Iob speciem tenere prædiximus, nō solum tunc de iniquis iudicat, cum vltimi iudicii dies aduenerit: sed nunc etiā de cunctis prauè agentibus vel stultè sentientibus iudicare non cessat. Vnde subditur:

Cen. 41.
Dan. 5.

Matth. 19.

Esai.

15.

Prins vos offendens fabricatores mendacij, & cultores peruerforum dogmatum.) Quibus videlicet verbis aperte ostenditur, quod amici eius quasi ex hæreticorum specie sancti viri iudiciis aduerfantur. Liquet enim quia catholicorum figuram non teneant, qui cultores peruerforum dogmatum vocantur. Quia in re hoc quoque oportet intendi, quod mendacij fabricatores dicuntur. Sicut enim ædificium lapidibus, ita mendacium sermonibus fabricatur. Vbi enim non dolosa locutio, sed sensus veritatis est, quasi munita moles non ex fabrica, sed ex natura confurgit. Sequitur: *Atque vti tamen taceretis, ut putaremini esse sapientes.*) Sicut clausa ianua, in domo quæ intus membra lateant ignoratur, sic plerumque stultus si tacuerit, vtrum sapiens sit an stultus, absconditur: si tamen nulla alia opera prodeant, quæ sensum etiam tacentis loquantur. Sanctus igitur vir amicos suos aspiciens velle apparere quod non erant, eos ad tacendum admonuit, ne possent apparere quod erant.

Prouer. 17.

Vnde & per Salomonem dicitur: Stultus si tacuerit, sapiens putabitur. Sed quia stultus cum loquitur, per hoc quod sua infert, sapientium verba pefare non sufficit, recte adhuc postquam silentium indixit, adiungit: *Audite ergo correptiones meas, & iudicium labiorum meorum attendite.*) Bene autem prius correptionem, & postmodum iudicium intulit: quia nisi per correptionem prius tumor stulti deprimatur, nequaquam per intelligentiam iudiciu iusti cognoscitur. Sequitur: *Nunquid Deus indiget vestro mendacio, ut pro illo loquamini dolos?*) Deus mendacio non eget: quia veritas fulciri non querit auxilio falsitatis. Hæretici autem quia ea quæ prauè de Deo intelligunt, ex veritate tueri non possunt: quasi ad probandum radium luminis, vmbra falsitatis requirunt. Et pro eo dolos loquuntur, dum infirmas mentes in intellectu illius stulta seductione decipiunt. Sequitur: *Nunquid faciem eius accipitis, & pro Deo iudicare nitimini?*) Stulti cum prudentium facta conspiciunt, hæc eis omnia reprehensibilia esse videntur, suæque imperitiæ atque infirmitatis obliti, tantò intentius de alienis iudicant, quantò sua profundius ignorant. At contra iusti cum prauorum facta redarguunt, semper suæ infirmitatis conscii, eos etsi exterius sæuendo, tamen interius compatiendo reprehendunt: quia illius solius est peccata hominum sine comparsione discutere, qui ex naturæ suæ omnipotentia ignorat peccare. Quia igitur amici beati Iob, ita eius facta reprehenderant, ac si in se ipsi reprehensibile nihil haberent, recte nunc dicitur: *Nunquid faciem eius accipitis, & pro Deo iudicare nitimini?*) Faciem quippe eius accipere, est auctoritatem illius in iudicio sumere: & quasi pro Deo iudicare nititur, qui cum infirma quæque in altero reprehendit, apud se introrsus per comparsionem non infirmatur. Sequitur: *Aut placebit ei quem celare nihil potest, aut decipietur, ut homo, vestris fraudulentis?*) Fraudem Deo hæretici exhibent, quia ea astruunt, quæ nequaquam ipsi pro quo loquuntur placent, eumque dum quasi defendere nituntur, offendunt, dum in aduersitate eius cõruunt, cui videntur ex prædicatione famulari. Vnde & per Psalmistam dicitur: *Vt destruas inimicum & defensorem.* Omnis quippe hæreticus omnipotenti Deo inimicus & defensor est, quia vnde hunc quasi defendere nititur, inde veritati illius aduersatur. Quia autem latere Deum nihil potest, hoc in eis indicat, quod intus sentiunt, non quod famulari foris videntur.

Psalm. 3.

Quia igitur eorum fraudulentis Deus ut homo non fallitur, recte subiungitur: *Ipsæ vos arguet, quoniam in abscondito faciem eius accipitis.* Statim ut se commouerit, turbabit vos, & terror eius irruet super vos.) Hoc quod in abscondito accipi asserit faciem Dei, duobus modis valet intelligi. Sunt nanque nonnulli qui & veritatem in corde sentiunt, & tamen quæ falsa sunt, de Deo foris loquuntur. Ne enim vinci videantur, & cognoscunt veritatem interius, & tamen hanc exterius impugnant. Vnde & nunc bene dicitur: *Ipsæ vos arguet, quoniam in abscondito faciem eius accipitis.*) Ac si aperte diceretur: Tantò magis de falsitate apud eum estis reprehensibiles, quantò & apud vosmetipsos quod verum est videtis. Et sunt nonnulli qui quando ad mentem redeunt, Dei iustitiam & rectitudinem contemplantur, & orando ac flendo contremiscunt: sed postquam contemplationis hora transierit, sic audaces ad iniquitates redeunt, ac si post dorsum eius positi, à iustitiæ eius lumine minimè videantur. Hi itaque apud se in abscondito

quasi corporaliter videntem accipiunt faciem Dei: quia ei & cum præsentibus sunt, blandiuntur fletibus, & cum quasi à conspectu illius recedunt, moribus detrahunt. Qui tantò amplius de malis suis ferendi sunt, quantò & in occulto cogitationis, recta Dei iudicia cognoscunt. Vnde & subditur:

Statim ut se commouerit, turbabit vos, & terror eius irruet super vos.) Cum sit naturæ incommutabilis omnipotens Deus, in ira iudicii perturbabilis non est. Sed humano verbo motus Dei, dicitur ipsa rectitudinis eius districtio, qua humana prauitas feritur. Iusti autem viri antè Deum metuunt, quàm eius contra eos ira moueatur: & ne commotum sentiant, tranquillum timent. At contra peruerfi tunc iam feriri pertimescunt, cum feriuntur: eosque tunc terror eius à somno sui torporis exuscitat, cum vindicta perturbat. Vnde & per Prophetam dicitur: Et tantum sola vexatio intellectum dabit auditui. Cum enim de præceptis Dei contemptis atque despectis verberari per vindictam cœperint, tunc intelligunt quod audierunt. Et Psalmista ait: Cum occideret eos, tunc inquerant eum. Bene itaque dicitur: Statim ut se commouerit, turbabit vos, & terror eius irruet super vos: quia reprobis cordibus non timor requiem, sed pœna timorem parit. Sequitur:

Quod superbiorum gloria in fine luto & cineri comparetur.

Caput XIII.

Memoria vestra comparabitur cineri.) Omnes qui cogitatione terrena huic seculo conformantur, per omne quod agunt, huic mundo relinquere sui memoriam conantur. Alij bellorum titulis, alij altis ædificiorum mœnibus, alij disertis doctrinarum secularium libris instanter elaborant, sibi quæ memoriæ nomen ædificant. Sed cum ipsa ad finem celerius vita percurrat, quid in ea fixum stabit, quando & ipsa celeriter mobilis pertransit? Aura etenim cinerem rapit, sicut scriptum est: Non sic impij non sic, sed tanquam puluis quem proicit ventus à facie terræ. Recte ergo stultorum memoria cineri comparatur: quia illic ponitur, vbi ab aura rapiatur.

Quantumlibet etenim quisque pro faciendâ gloria sui nominis elaboret, memoriam suam quasi cinerem ponit, quia hanc citius ventus mortalitatis rapit. Quo contra de iusto scriptum est: In memoria æterna erit iustus. Eo ipso enim quo facta sua solius Dei oculis imprimit, nomen suæ memoriæ in æternitate figit. Sequitur: *Et redigentur in lutum ceruices vestrae.)* Sicut per oculum visus, sic per ceruicem solet superbia designari. Ceruix itaque in lutum redigitur, cum superbus quisque humiliatur in morte, & elata caro tabescit in putredine. Intueamur enim qualia in sepulchris iaceant diuitum cadauera, quæ illa in extincta carne sit imago mortis, quæ tabes corruptionis, & certè ipsi erant qui extollebantur honoribus, habitis rebus tuebant, despiciebant cæteros, & quasi solos se esse gaudebant: & dum non perpenderent quod tendebant, nesciebant quid erant. Sed in lutum ceruix redacta est: quia despecti iacent in putredine, qui tuebant in vanitate. In lutum ceruix redigitur, quia quantum carnis potentia valeat, tabes corruptiobis probat. Sequitur: *Tacete paulisper, ut loquar quodcumque mihi mens suggererit.)* Sensu carnis locutos indicat, quos idcirco ad silentium restringit, vt ea quæ illi mens suggererit dicat. Ac si aperte dicat: Non ego carnaliter, sed spiritaliter loquor, quia per sensum spiritus audio, quæ per ministerium corporis profero. Vnde mox ad alta conscendit, seque in mysteriis eleuat, & increpationem quam protulerat, ad mystica verba permutat, dicens:

Quod sancti viri carnes suas dentibus lacerant, cum internis sensibus carnalia opera sua discutunt.

Caput XV.

Vare lacerare carnes meas dentibus meis, & animam meam porro in manibus meis?) In scriptura sacra dentes aliquando sancti prædicatores, aliquando verò interni accipi sensus solent. De sanctis enim prædicatoribus sponsè dictum est: Dentes tui sicut greges tonfarum, quæ ascenderunt de lauacro. Vnde & vni eorum ostensis in figura gentibus dicitur: Macta & manduca, id est, vetustatem earum conterere, & in corpus Ecclesiæ vdelicet in tua mēbra cōuerte. Rursum quia dētes, interiores sensus accipi solent: Hieremias propheta testatur dicens: Fregit ad numerum dentes meos, Per dentes etenim cibus frangitur, vt glutitur. Vnde non immeritò in dentibus internos sensus acci-

accipimus, qui singula quæ cogitant, quasi mandunt & minuunt, atque ad ventrem memoriæ transmittunt. Quos Propheta ad numerum fractos dicit: quia iuxta mensuram vniuscuiusque peccati, intelligentiæ cæcitas generatur in sensibus, & secundum quod quisque egit exterius, in eo obstupescit, quod de internis atque inuisibilibus intelligere potuit. Vnde rectè etiam scriptum est: Omnis homo qui comederit vnam acerbam, obstupescunt dentes eius. Quid nanque vna acerbam, nisi peccatum est? Vna quippe acerbam, est fructus ante tempus. Quisquis enim præsentis vitæ delectationibus satiari desiderat, quasi fructus ante tempus comedere festinat. Qui igitur vnam acerbam comedit, dentes eius obstupescunt: quia qui præsentis mundi delectatione pascitur, interni eius sensus ligantur, vt iam spiritalia mandere, id est, intelligere nequeant: quia vnde in exterioribus delectati sunt, inde in intimis obstupescunt. Et dum peccato anima pascitur, panem iustitiæ edere non valet: quoniam ligati dentes ex peccati cōsuetudine, iustū quod intus sapit, edere nequaquā possunt. Hoc igitur loco, quia dentes, vt prædiximus, inter nos sensus accipimus, considerare magnopere quid agere iusti soleant, debemus. Qui plerunque si qua in se quamlibet leuiter carnalia esse deprehendunt, hæc in internis sensibus retractantes, vehementer in semetipsis insequuntur, afflictione se conterunt, magnisque cruciatibus, vel minima in se praua diiudicant, atque hæc per pœnitentiam damnant. Quod idcirco agunt, vt in conspectu æterni iudicis, & ipsi inueniri, in quantum est possibile, irreprehensibiles debeant: & hi qui eos sic se iudicare conspiciunt, emendare semetipsos à culpis grauioribus inardescant. Quod videlicet beatus Iob, coram amicis suis temporalem gloriam tenentibus, & transeuntia bona laudantibus, fecerat: sed tamen eorum sensum ad cognoscendam vtilitatem flagelli sui perducere non valebat: vt scilicet pensare possent, quod non solum prospera omnipotens Deus tribueret, sed nonnunquam etiam aduersa propitius irrogaret. Vnde bene nunc dicit: *Quare lacerō carnes meas dentibus meis?* Ac si aperte dicat: Cur internis sensibus carnalia siqua fuerint in me facta discussio, si meis spectatoribus prodesse non possum? Vbi & aptè subditur:

Quod sancti viri animam suam in manibus portant, cum bonarum operum exempla proximis ostendunt. Caput XVI.

ET animam meam porto in manibus meis.) Animam in manibus portare, est intentionem cordis in operatione ostendere. Habent nanque hoc iusti proprium, vt in omne quod dicunt, atque in omne quod agunt, non solum profectum suum, sed etiam proximorum ædificationem quærant. Et aliquando in quibusdam semetipsos diiudicant, vt pigros auditores ad considerandos semetipsos reuocent. Aliquando bona opera ostendunt, vt spectatores eorū erubescant non imitari quod vident. Nam scriptum est: Videant vestra bona opera, & glorificent patrem vestrum qui est in cœlis. Qui igitur intentionem suam per opera insinuat, animam suam in manibus portat. Sed cum iustus quisque nec se diiudicando, nec bona opera ostendendo, vtilitati proximorum proficit, per hoc quod egerit, ad verba doloris redit. Vnde rectè nunc dicitur: *Quare lacerō carnes meas dentibus meis, & animam meam porto in manibus meis?* Id est, cur me vel districtè coram hominibus diiudico, vel quid appetam in opere ostendendo: si vtilitati proximorum, nec mala diiudicando, nec bona ostendendo proficio? Sed tamen iusti etiam cum hæc dicunt nunquam à præbendo proximis bono exemplo deficiunt. Vnde adhuc coram amicis suis beatus Iob virtutem patientiæ exhibens & ostendens, ait:

Quod virtus patientiæ non in prosperis, sed in aduersis agnoscatur. Caput XVII.

ETiam si occiderit me, in ipso sperabo.) Nunquam est patientiæ virtus in prosperis. Ille autem verè est patiens, qui & aduersis atteritur, & tamen ab spei suæ rectitudine nō curuatur. De reprobi nanque sensu scriptum est: Confitebitur tibi, cum benefeceris ei. In hoc itaque mēs iusta ab iniusta discernitur: quod omnipotentis Dei laudem, & inter aduersa confitetur, quod non cum rebus frangitur, nō cum casu gloriæ ex-

Tomus primus.

terioris cadit, sed in hoc magis qualis cum rebus fuerit demonstrat, quæ & sine rebus robustior stat. Sequitur: *Veruntamen vias meas in conspectu eius arguam, & ipse erit saluator meus.* Cum Paulus apostolus dicat: Si nosmetipsos diiudicemus, non vtique iudicemur: eo tunc Dominus saluator inuenitur, quo nūc pro timore Dei, peccatum nostrum à nobismetipsis fedarguitur. Vnde electi quique culpis suis nunquam sciunt parcere, vt possint culparum iudicem placatum inuenire. Et verè eum postmodum inuenire saluatorem credunt, quem districtè modo iudicem metuunt. Nam qui sibi nunc in culpa parcat, ei postmodum in pœna non parçitur. Dicit ergo: *Veruntamen vias meas in conspectu eius arguam.* Quæ verò vtilitas de hac argutione sequatur, adiungat: Et ipse erit saluator meus.) Sequitur:

Quod hypocrita dum hominum iudicia querunt, diuino se iudicio non exhibent: nec ante deum venit, cuius vitam deus moris que contemnit: & quod duobus modis sancti in conspectu dei veniant.

Caput XVIII.

Non enim veniet in conspectu eius omnis hypocrita.) Cum constet quod iudex veniens, agnos ad dexteram, hædos ve ad sinistram ponat: qua nunc ratione dicitur: In conspectu eius hypocritam non esse venturum: qui scilicet si inter hædos erit, ad sinistram iudicis apparebit. Sed sciendum est quod duobus modis in conspectu Domini venimus. Vno quidem quo hic peccata nostra subtiliter perpendentes, in eius nos conspectu punimus: & flendo diiudicamus. Nam quoties conditoris nostri potentiam ad sensum reducimus, toties in conspectu illius stamus. Vnde rectè per virum Dei Heliam dicitur: Viuit dominus Deus Iſr.ēl, in cuius conspectu sto. Alio quoque modo in conspectu Domini venimus, cum in extremo iudicio ante tribunal eius assistimus. Hypocrita igitur per examen vltimum, ante conspectum iudicis venit: sed quia modo culpas suas considerare ac deslere dissimulat, in conspectu Domini venire recusat. Sicut enim iusti viri cum distinctionem venturi iudicis contemplantur, peccata sua ad memoriam reducant: desint quæ commiserunt, & districtè se iudicant ne iudicentur: ita hypocrita quo exterius hominibus placent, eo se interius aspicere negligunt: totosque se in verbis proximorum fundunt, & sanctos se esse æstimant, quia sic se haberi ab hominibus pensant. Cumque mentem per verba suæ laudis sparserint, nunquam hanc ad cognitionem reducant culpæ: nunquam considerant vbi internum iudicem offendant: nihil de eius distinctione metuunt: quia sic se placuisse ei, sicut hominibus credunt. Qui si terrorem eius ad mentem reducerent, hoc ipsum quod in mala intentione positi placent hominibus, plus timerent. Bene itaque dicitur. Nō enim veniet in conspectu eius omnis hypocrita: quia distinctionem Dei ante oculos non ponit, dum placere humanis oculis concupiscit. Qui si mentem suam discutiens, semetipsum in conspectu Dei poneret, profectò iam hypocrita non esset. Sequitur: *Audite sermonem meum: & ænigmata percipite auribus vestris.* Per hoc quod ænigmata nominat, figuratas se habere locutiones demonstrat. Vnde aptè quoque voce fidelis populi subditur:

Quod sancti etsi hoc agant, quod exterius non labuntur in opere, nequaquam hoc agunt, vt non labantur in cogitatione.

Caput XIX.

Si fuero iudicatus, scio quia iustus inueniar.) Quod ab eiusdem Iob. i. Seriam beati Iob persona non discrepat: quando hoc ipse foris de seipso loquitur, quod de illo veritas hosti eius interius dixerat: Vidisti seruum meum Iob, quod nō sit ei similis super terram? Et quidē idem vir valde est inferius quod de se memorat, quā quod de illo Dominus dixerat. Aliud est enim iustum esse, aliud est ei similem non esse. Humiliter igitur de semetipso sensit, qui dum iustus sine comparatione extitit: non se præ cæteris, sed iustum tantummodo inueniri posse memorauit. Hoc tamen in eius verbis videtur habere questionis, quod qui superius dixit: Vias meas in conspectu eius arguam: & inferius dicit: Consumere me vis peccatis adolescentiæ meæ: & peccata sua subtiliter agnoscens, adhuc longe inferius adiungit: Signasti quasi in sacco delicta mea,

nunc ait: Si fuero iudicatus, scio quia iustus inueniar. Neque enim simul conuenire queunt peccata, & iustitia. Sed sanctus vir sibi iniquitatem tribuens, & omnipotenti Domino purgationem suam: & peccatorem se cognoscit ex se, & iustum se factum non ignorat ex munere. Qui in recto quoque opere positus ex abundanti gratia meruit flagella sustinere. Iamque se in iudicio iustum inueniri gaudet, qui se ante iudicium percussus videt. Vnde & cum longè post dicat: Signasti quasi in sacco delicta mea, statim subdit: Sed curasti iniquitatem meam. Qui ergo iustum inueniri se in iudicio memorat, nequaquam se iuste flagellatum negat quamuis flagello eius Dominus non peccata studuit tergere, sed merita augere. Sequitur: *Quis est qui iudicetur mecum? veniat.* Sancti viri ita se in operibus suis Deo auctore custodiunt, vt omnino vnde accusentur, exterius non inueniatur: interius verò in cogitationibus suis tanta se cautela circumspectant, vt si fieri valeat, semper irreprehensibiles interni iudicis oculis assistant. Sed quantum agere possunt, ne exterius labantur in opere, tantum interius agere nequaquam possunt, vt nunquam labantur in cogitatione. Humana enim conscientia eo ipso quo ab intimis recedit, semper in lubrico est. Vnde fit vt etiam sancti viri frequenter labantur in corde. Beatus ergo Iob tam voce sua, quam voce electorum loquens dicat: *Quis est qui iudicetur mecum? veniat.* Quia enim in exterioribus actibus vnde reprehendatur non habet: liberè accusatorem querit. Quia verò etiam iustorum corda semetipsa nonnumquam de stulta cogitatione reprehendunt, propter hoc fortasse subdit: *Quare tacens consumor?* Tacens enim consumitur, qui de stulta se cogitatione reprehendens, apud semetipsum dente conscientiae mordetur. Ac si aperte dicat: Si vixi vt accusatorem exterius nullum timerem: vtinam sic vixissem, vt intra memetipsum accusatricem conscientiam non haberem. Tacens enim consumitur, qui intus in se inuenit vnde vratur. Sequitur: *Duo tantum ne facias mihi: & tunc à facie tua non abscondar.* Hoc loco quid Dei faciem, nisi animaduersionem debemus accipere? In qua dum peccata respicit, punit. A qua videlicet nullus etiam iustus absconditur: si duo quæ postulat, non amoueantur, de quibus subdit:

Quod sancti patres ad eam legem venire desiderabant, in qua non timore seruirent, sed amore. Caput XX.

22.

M Annum tuam longè fac à me, & formido tua non me terreat. In quibus videlicet duobus quid aliud per prophetiae vocem, quam tempus gratiae & redemptionis inquit? Lex namque sub percussione ultionis populum tenuit: vt quisquis sub illa peccaret, protinus morte puniretur. Nec plebs Israelitica ex amore, Domino, sed ex timore seruiebat. Nunquam verò impleri iustitia per timorem potest, quia iuxta Ioannis vocem, Perfecta charitas foras mittit timorem. Et solus quoque adoptionis filios consolatur, dicens: Non accepistis spiritum seruitutis iterum in timore, sed accepistis spiritum adoptionis filiorum, in quo clamamus, abba pater. Ex voce igitur generis humani, legalis percussio duritiam transire concupiscens, atque à formide peruenire ad dilectionem appetens, quæ duo à se omnipotens Deus longè faciat exorat, dicens: Manum tuam longè fac à me, & formido tua non me terreat, id est, percussio duritiam remoue à me, formidinis pondus tolle, sed irradiante gratia dilectionis, spiritum securitatis infunde: quia si longè à percussione & formidine non fuero, scio quia à districtione tui examinis non abscondar: quoniam in conspectu tuo iustus esse non valet, qui tibi non per dilectionem, sed per formidinem seruit. Vnde & ipsam conditoris sui praesentiam, qua familiariter ac corporaliter querit: vt per hanc & audiat quod ignorat, & in his audiat quæ nouit. Nam protinus adiungit: *Voca me, & respondebo tibi: aut certe loquar, & tu responde mihi.* Qui dum humanis oculis per assumptam carnem apparuit, sua hominibus peccata aperuit, quæ & perpetrabant & nesciebant. Vnde subditur:

Quod à luce veritatis in tantas ignorantiae tenebras corruerimus, vt nos ipsos ignoremus. Caput XXI.

Q uantas habeo iniquitates & peccata, scelera mea & delicta ostende mihi. Quauis vocare ac respondere intelligi, &

aliter possit. Vocare enim Dei, est nos amando & eligendo respicere. Respondere autem nostrum, est amor illius bonis operibus parere. Vbi aptè additur. Aut certe loquar, & tu responde mihi. Loquimur nanque, cum eius faciem per desiderium postulamus. Respondet verò Deus loquentibus, cum nobis se amantibus apparet. Sed quia quisquis aternitatis desiderio anhelat, semetipsum subtiliter reprehendens, facta sua discutit: & ne quid in illo sit, in quo authoris sui faciem offendant querit, rectè subiungit: *Quantas habeo iniquitates & peccata: scelera mea & delicta ostende mihi.* Iste in hac vita iustorum labor est, vt semetipsos inueniant: & inuenientes, fledo atque corrigendo ad meliora perducant. Et quauis inter iniquitatem atque peccatum nihil distare perhibeat Ioannes apostolus qui ait: Iniquitas peccatum est: ipso tamen vsu loquendi plus iniquitas quam peccatum sonat: & omnis se homo liberè peccatorem fatetur: iniquum verò dicere nonnunquam erubescit. Inter scelera verò & delicta hoc distat, quod scelus etiam pondus peccati transit, delictum verò pondus peccati non transit: quia & cum offerri sacrificium per legem iubetur, nimirum praecipitur sicut pro peccato, ita etiam pro delicto. Et nonnunquam scelus in opere est, delictum verò plerumque in sola cogitatione. Vnde & per Psalmistam dicitur: Delicta quis intelligit? Quia videlicet peccata operis tantò citius cognoscuntur, quantò exterius videntur: peccata verò cogitationis eo ad intelligendum difficilia sunt, quo inuisibiliter perpetrantur. Quisquis igitur aternitatis desiderio anxius, apparere venturo iudici desiderat mundus: tantò se subtilius nunc examinat, quantò nimirum cogitat, vt tunc terrori illius liber assistat, & ostendi sibi exorat vbi displicet: vt hoc in se per poenitentiam puniat, seque hinc diiudicans iniudicabilis fiat. Sed inter hæc intueri necesse est, quanta peregrinationis nostrae poena nos perculit, qui in eam cecitatem venimus, vt nos ipsos ignoremus. Perpetramus mala: nec tamen hæc celerius deprehendimus, vel perpetrata. Exclusa quippe mens à luce veritatis, nihil in se nisi tenebras inuenit: & plerumque in peccati foueam pedem porrigit, & nescit. Quod nimirum de sola exilij sui cecitate patitur: quia ab illuminatione Domini repulsa, & semetipsam videre perdidit, quæ authoris sui faciem non amauit. Vnde & subditur: *Cur faciem tuam abscondis, & arbitraris me inimicum tuum?* Humanum genus contemplationem lucis intimæ habuit in paradiso: sed sibimetipsi placens, quo à se recessit, lumen conditoris perdidit, eiusque faciem declinando, ad ligna paradisi fugit: quia post culpam videre metuebat, quem amare consueuerat. Sed ecce post culpam venit in poenam: ex poena autem ad amorem redit: quia quisquis fuerit culpæ fructus, inuenit: atque illam faciem quam timuit in culpa, excitatus requirit ex poena: vt iam caliginem cecitatis suæ fugiat, atque hoc ipsum quod authorem suum non videt, grauiter perhorrescat. Quo videlicet desiderio compunctus sanctus vir clamat: *Cur faciem tuam abscondis, & arbitraris me inimicum tuum?* quia si vt amicum aspiceres, tuæ me visionis lumine non priuares. Qui mobilitatem quoque cordis humani subsequens adiungit:

Quod rectè homo folio comparatur, qui tentationibus suis, quasi ventorum flatibus agitur. Caput XXII.

C ontra folium quod vento rapitur, ostendis potentiam tuam: & stipulam siccam persequeris? Quid est enim homo nisi folium, qui videlicet in paradiso ab arbore cecidit? Quid est nisi folium, qui tentationis vento rapitur, & desideriorum flatibus leuatur? Mens quippe humana quot tentationes patitur, quasi tot flatibus mouetur. Hanc enim plerumque ira perturbat: cum recedit ira, succedit inepta letitia. Luxuriæ stimulis vrgetur: æstu auaritiæ longè latèque ad ambienda quæ terrena sunt tenditur. Aliquando hanc superbia eleuat: aliquando verò inordinatus timor in infimis deponit. Quia ergo tot tentationum flatibus eleuatur & ducitur: rectè folio homo comparatur. Vnde bene quoque per Esaiam dicitur: Cecidimus quasi folium vniuersi: & iniquitates nostræ quasi ventus abstulerunt nos. Quasi ventus quippe nos iniquitas abstulit: quia nullo fixos virtutis pondere in vanam elationem leuauit. Bene autem post folium, etiam stipula appellatur

1. Ioan. 4.
Roma. 8.

1. Ioan. 3.

23.

Distantia
inter scelera
& delicta.

Psalm. 18.

Homo, sicut
lium.

24.

Esai. 64.

tur homo. Qui enim arbor fuit in conditione, folium à semetipso factus est in tentatione: sed post stipula apparuit in deiectione. Quia enim de alto cecidit folium: quia verò per carnem terræ proximus fuit, etiam cum stare videbatur, stipula esse memoratur. Sed quia viriditatem intimi amoris perdidit, iam stipula sicca est. Consideret itaque vir sanctus, & homo quantæ vilitatis sit, & Deus quantæ distractionis, & dicat: *Contra folium quod vento rapitur, ostendis potentiam tuam: & stipulam siccam persequeris?* Ac si apertè deploret dicens: Cur tanta rectitudine impetis eum, quem sic infirmum esse in tentatione cognoscis? Sequitur:

Quòd peccata nostra Deus scribere dicitur, cum ea vel diutius punit, vel retinet puniendâ.

Caput XXIII.

Scribis enim contra me amaritudines.) Quia omne quod loquimur, transit: quod verò scribimus, manet: Deus non loqui sed scribere amaritudines dicitur, cum diu super nos eius flagella perdurant. Semel quippe peccanti homini dictum est: Terra es, & in terram ibis. Et sæpe apparentes angeli hominibus præcepta dederunt. Moyses legislator per distractionem peccata coercuit. Ipse vnigenitus summi Patris ad nos redimendos venit: moriendo mortem absorbit: vitam perpetuam denuntiavit nobis, quam ostendit in se. Sed tamen illa quæ in paradiso data est de morte carnis nostræ sententia, ab ipso initio generis humani, usque ad finem seculi non mutatur. Quis est enim homo qui viuit & non videbit mortem? Quod bene rursus Psalmista intuens ait: Tu terribilis es, & quis resistet tibi? extunc ira tua. Qui videlicet peccanti in paradiso homini iratus semel de mortalitate carnis nostræ sententiam fixit, quæ nunc & usque ad vltimum mutari nullo modo valebit. Dicat ergo: *Scribis contra me amaritudines.* Vbi adhuc subditur:

Quòd graua sint in conspectu Dei peccata iuuenum & senum: si & iusti sic metuumt qui in adolescentiâ teneuitudine deliquerunt.

Caput XXIIII.

Et consumere me vis peccatis adolescentiæ meæ.) Ecce vir iustus, quia in iuuentute sua se peccasse non inuenit, adolescentiæ facta pertimescit. Sed sciendum est: quia sicut in corpore, ita sunt etiam incrementa ætatis in mente. Prima quippe hominis ætas infantia est, cum etsi innocenter viuit, nescit tamen fari innocentiam quam habet. Ac deinde pueritia sequitur, in qua iam valet dicere quod vult: cui succedit adolescentia, quæ videlicet prima est ætas in operatione: quam iuuentus sequitur, scilicet apta fortitudini: ac postmodum senectus, etiam per tempus iam congrua maturitati. Quia igitur primam ætatem aptam bonis actibus adolescentiam diximus: & iusti viri cum in magna mentis maturitate proficiunt, nonnunquam ad memoriam actionum suarum initium reducunt: seque tantum de suis primordiis reprehendunt, quantum ex grauitate mentis altius profecerunt: quia eo indiscretos se fuisse inueniunt, quo discretionis artem postmodum plenius consequuntur: rectè nunc per sancti viri vocem, adolescentiæ peccata formidantur. Quod si ad ipsam litteram est tenendum, hinc considerandum est quantum sint graua peccata iuuenum & senum: si & illud sic iusti metuumt, quod in infirma ætate deliquerunt. Sequitur:

Quòd pes hominis in neruo ponitur, cum praua eius intentio, distracto iudicio puniendâ ligatur. Caput XXV.

Posisti in neruo pedem meum, & obseruasti omnes semitas meas: & vestigia pedum meorum considerasti.) In neruo Deus pedes hominis posuit: quia prauitatem illius, forti distractionis suæ sententia ligauit. Cuius omnes semitas obseruat: quia subtiliter singula eius quæque diiudicat. Semita etenim angustior solet esse quàm via. Quia autem vias actiones, non immerito semitas ipsas actionum cogitationes accipimus. Deus itaque omnes semitas obseruat: quia in singulis quibusque nostris actibus, etiam cogitationes pensat. Et vestigia pedum considerat: quia intentiones nostrorum operum quàm rectè ponantur, examinat: ne & hoc quod bonum agitur, non recto desiderio agatur. Possunt quoque per pedum vestigia, quædam malè acta signari. Nam pes in corpore est vestigiū

Tomus primus.

A in via. Et plerunque dum quædam praua agimus, intuentibus hoc fratribus, exemplum malum præbemus: & quasi inflexo extra viam pede sequentibus vestigia distorta relinquimus: dum per nostra opera ad scandalum aliena corda prouocamus. Valde autem laboriosum est custodire ne mala homo facere audeat, ne in bonis actibus per intentionem titubet: & inter recta opera sinistra eum cogitatio illudat. Quæ tamen cuncta omnipotens Deus subtiliter examinat: atque in iudicio singula repensat. Sed quando homo qui carnis suæ infirmitate constringitur, contra cuncta valeat subtiliter assurgere: atque inconcussa cogitatione rectitudinem tenere? Vnde aptè subditur: *Qui quasi putredo consumendus sum, & quasi vestimentum quod comeditur à tineâ.* Sicut enim vestimentum à de se exorta tineâ comeditur: ita homo in semetipso habet putredinem, de qua consumatur: atque hoc est, quod est, vnde consumatur vt non sit. Quod intelligi & aliter potest, si ex voce tentati hominis dicatur: Qui quasi putredo consumendus sum, & quasi vestimentum quod comeditur à tineâ. Homo enim quasi putredo consumitur: dum carnis suæ corruptione conteritur. Cui quia immunda tentatio non aliunde, sed à semetipso nascitur: more tineæ carnem tentatio, quasi vestem de qua exiit consumit. In semetipso quippe habet homo vnde tentetur. Quasi ergo tineâ vestem consumit, quæ ex veste eadem processit. Sciendum quoque quòd tineâ sine sonitu perforat vestimentum: & plerunque cogitatio ita transfigit mentem, vt mens ipsa non sentiat, nisi postquam fuerit eius aculeo transfixa. Bene ergo dicitur quòd homo tanquam vestimentum à tineâ consumitur: quia nonnunquam tentationum nostrarum vulnera non cognoscimus, nisi postquam ab eis confossi in mente fuerimus. Quam videlicet infirmitatem nostram bene adhuc sanctus vir considerans, adiungit:

Caput decimumquartum textus beati Iob.



Iomo natus de muliere, breui viuēs tempore, repletur multis miseriis. Qui quasi flos egreditur, & conteritur, & fugit velut vmbra, & nunquam in eodem statu permanet. Et dignum ducis super huiusmodi aperire oculos tuos & adducere eum tecum in iudicium? Quis potest facere mundum de immundo conceptum semine? Nonne tu qui solus es? Breues dies hominis sunt, numerus mensium eius apud te est. Constituisti terminos eius, qui præteriri non poterunt. Recede ergo paululum ab eo, vt quiescat, donec optata veniat, sicut mercenarij dies eius. Lignum habet spem. Si præcisum fuerit, rursus virefcit, & rami eius pullulant. Si senuerit, in terra radix eius, & in puluere emortuus fuerit truncus illius, ad odorem aquæ germinabit: & faciet comam, quasi cum primum plantatum est. Homo verò cum mortuus fuerit, & nudatus atque consumptus, vbi quæso est? Quomodo si recedat aquæ de mari, & fluuius vacuefactus arefcit: sic homo cum dormierit, non resurget. Donec atteratur cælum, non euigilabit, nec cõsurgit de somno suo. Quis mihi hoc tribuat, vt in inferno protegas me, & abscondas me donec pertranseat furor tuus, & constituas mihi tempus in quo recorderis mei? Putasne mortuus homo rursus viuat? Cunctis diebus quibus nunc milito, expecto donec veniat immutatio mea. Vocabis me, & ego respondebo tibi. Operi manuum tuarum porriges dexteram. Tu quidē gressus meos dinumerasti, sed parce peccatis meis. Signasti quasi in sacco delicta mea, sed curasti iniquitatem meam. Mons cadens defluit, & saxum transfertur de loco suo. Lapides excuāt aquæ, & alluione paulatim terra consumitur: & homines ergo similiter

k ij

perdes. Roborasti eum paululum, ut in perpetuum transiret. Immutabis faciem eius, & emittes eum. Siue nobiles fuerint filij eius, siue ignobiles, non intelliget. Attamen caro eius dum viuet, dolebit: & anima illius super semetipso lugebit.

Humana vita breuitatem, & calamitatem describit. Caput XXVI.

26.

Gala. 4.

Eccle. 42.

Ibidem.

Omne quid
hic agitur:
misericordia est.

27.

Psalm. 102.
Esa. 40.

Homo natus de muliere, breui viuens tempore, repletur multis miseriis. In sacro eloquio mulier aut pro sexu ponitur, aut pro infirmitate. Pro sexu quippe, sicut scriptum est: Misit Deus filium suum, factum ex muliere, factum sub lege. Pro infirmitate verò, sicut per quendam sapientem dicitur: Melior est iniquitas viri, quam benefaciens mulier. Vir etenim, fortis quilibet & discretus vocatur: mulier verò, mēs infirma vel indiscreta accipitur. Et saepe contingit, ut etiā discretus quisque subito labatur in culpā: atque indiscretus alius, & infirmus bonā exhibeat operationē. Sed is qui indiscretus atque infirmus est, nonnunquā de eo quod bene egerit, amplius eleuatur, atque grauius in culpā cadit: discretus verò quisque ex eo quod malē se egisse intelligit, ad distractionis regulam arctius se reducit: & inde altius ad iustitiam proficit, unde ad tēpus à iustitia cecidisse videbatur. Quia in re rectē dicitur: Melior est iniquitas viri, quam benefaciens mulier: quia nonnunquam etiā culpa fortium, occasio virtutis fit, & virtus infirmorum, occasio peccati. Hoc igitur loco mulieris nomine, quid nisi infirmitas designatur, cum dicitur: *Homo natus de muliere?* Ac si apertius dicatur: *Quid in se habebit fortitudinis, qui natus est ex infirmitate? Breui viuens tempore, repletur multis miseriis.* Ecce viri sancti vocibus, poena hominis breuiter est expressa: quia & angustat ad vitā, & dilatat ad miseriam. Si enim subtiliter cōsideretur omne, quod hic agitur, poena & miseria est. Ipsi enim corruptioni carnis seruire ad necessaria atque concessa, miseria est: ut cōtra frigus vestimēta, contra famē alimēta, contra aestū frigora requirantur. Quod multa cautela custoditur salus corporis, quod etiam custodia amittitur, amissa cum graui labore reparatur: & tamen reparata in dubio semper est: quid hoc aliud quā mortalis vitæ miseria est? Quod amamus amicos, suspecti ne offendi valeant: formidamus inimicos, atque securi de eis non sumus utique, quos formidamus: quod plerunque inimicis sic cōfidēter quasi amicis loquimur: & nonnunquam pura verba proximorum, & multum nos fortasse diligentium, quasi verba suscipimus inimicorū: & qui falli nunquam, vel fallere volumus, ex cautela nostra grauius erramus: quid itaque hoc nisi humanæ vitæ miseria est? Quod amissa cōlesti patria repulsus homo delectatur exilio, grauatur curis, & tamē cogitare dissimulat quā graue sit, quia multa cogitatur: quod priuatus est interno lumine, & tamē in hac vita diu vult perpeti cæcitātē suam: quid hoc aliud quā de poena nostra nata miseria est? Sed quauis diu hīc stare desideret: ipso tamen cursu mortalis, vitæ impellitur, ut egrediatur. Vnde vir sanctus rectē subiungit: *Qui quasi flos egreditur, & conteritur, & fugit velut umbra: & nunquam in eodem statu permanet.* Quasi flos enim egreditur, quia nitet in carne: sed conteritur, quia redigitur in putredinē. Quid enim sunt nati homines in mundo, nisi quidā flores in campo? Tendamus oculos cordis in hanc latitudinē mundi præsantis, & ecce quasi tot floribus, quot hominibus plenus est. Vita itaque in carne, flos in sceno est. Vnde bene per Psalmistam dicitur: Homo, sicut scenum dies eius: & sicut flos agri, ita florebit. Esaias quoque ait: Omnis caro scenum, & omnis gloria eius sicut flos agri. Homo etenim more floris procedit ex occulto, & subito apparet in publico: qui statim ex publico per mortē retrahitur ad occultū. Carnis nos viriditas ostendit: sed ariditas pulueris ab aspectibus retrahit. Quasi flos apparuimus qui non eramus: quasi flos arescimus, qui tēporaliter apparebamus. Et quia per momenta homo quotidie cōpellitur ad mortem: rectē adiungit: *Et fugit velut umbra: & nunquam in eodem statu permanet.* Sed cum sol quoque indefinenter cursum suum peragat, nunquāque se in stabilitate figat: cur cursus vitæ hominis umbrę potius quā Soli comparatur, nisi quia amisso amore cōditoris, calorē cordis perdidit, & in solo iniquitatis suæ frigore remansit? Quia iuxta

veritatis vocem: Abundabit iniquitas, & refrigescet charitas multorū. Qui igitur in amore Dei, cordis calorem nō habet: nec tamen vitam quā diligit tenet: scilicet velut umbra fugit. Vnde rectē quoque de illo scriptum est: quia secutus est umbram. Bene autē dicitur: *Et nunquā in eodem statu permanet.* quia dum infantia ad pueritiam, pueritia ad adolescentiam, adolescentia ad iuuentutem, iuuentus ad senectutē, senectus transit ad mortem: in cursu vitæ præsantis ipsis suis augmentis ad detrimenta impellitur: & inde semper deficit, unde se proficere in spatium vitæ credit. Fixum etenim statum hīc habere non possumus, ubi transitori venimus: atque hoc ipsum nostrum viuere, quotidie à vita trāsire est. Quem videlicet lapsus primus homo ante culpā habere nō potuit: quia tempora eo stante transiebāt. Sed postquam deliquit, in quodam se quasi lubrico tēporalitatis posuit: & quia cibū comedit vetitū, status sui protinus inuenit defectū. Quā tamē mutabilitatem non solum exterius, sed interius quoque homo patitur, dum ad meliora opera exurgere conatur. Mens etenim mutabilitatis suę pōdere ad aliud semper impellitur quā est, & nisi in statu suo arcta custodiā disciplina teneatur, semper in deteriora dilabatur. Quæ enim semper statem deseruit, statū quem habere potuit, amisit. Vnde nunc cum ad meliora nititur, quasi contra ictum fluminis conatur. Cum verò ab intentione ascendendi resoluitur, sine labore ad ima reducitur.

Quia enim in ascensu labor est, in descensu otium: intraturos per angustam portam Dominus admonet, dicens: *Contendite intrare per angustam portam.* Dicturus quippe angustæ portæ introitum, præsinit, contendite: quia nisi mentis contentio serueat, vnda mundi non vincitur, per quam animo semper ad ima reuocatur. Quia igitur homo velut flos nascitur & conteritur quia sicut umbra fugit, atque in statu suo nunquam permanet, quid in hac consideratione subiungat, audiamus. Sequitur: *Et dignum ducis super huiusmodi aperire oculos tuos, & adducere eum tecum in iudiciū.* Considerauit quippe superius & omnipotentis Dei potentiam, & infirmitatem suam: deduxit ante oculos se & Deum, pensauit quis cum quo ad iudiciū veniat. Vidit hinc hominem, inde conditorē, id est, puluerem, & Deum: & rectē ait: *Et dignum ducis super huiusmodi aperire oculos tuos?* Omnipotenti Deo oculos aperire, est iudicia exercere, quæ feriat videre. Nā quasi clausis oculis non vult aspicere, quem non vult ferire. Vnde mox de ipso quoque iudicio adiungit: *Adducere eum tecum in iudiciū.* Sed quia contemplatus est ad iudiciū venientem Deum, rursum cōsiderat infirmitatē suam. † Vider quia mundus per semetipsum esse non possit, qui ut esse possit, de immunditia processit, atque subiungit: *Quis potest facere mundum de immundo conceptum semine? Nōne tu qui solus es.* Is qui per se solus est mundus, mundare præualeat immunda. Homo enim in corruptibili carne viuens, habet tentationum immunditias impressas in semetipso: quia nimirū eas traxit ab origine. Ipsa quippe propter delectationem carnis eius cōceptio, immunditia est. Vnde & Psalmista ait: *Ecce enim in iniquitatibus conceptus sum, & in delectis peperit me mater mea.* Hinc est ergo quod plerunque tentatur & nolens. Hinc est quod immunda quædam in mente patitur, quauis ex iudicio reluctetur: quia conceptus de immunditia, dum ad munditiam tendit, hoc conatur vincere quod est. Quisquis autē occultæ tentationis motus, atque immunditiam cogitationis euicerit, nequaquam sibi suam munditiam tribuat: quia de immundo conceptum semine, nullus facere mundum potest, nisi is qui mundus per semetipsum solus est. Qui ergo iam ad locum munditiæ mente peruenit, conceptionis suæ viam respiciat per quam venit: atque inde colligat, quia ex sua virtute non habet munditiam viuendi: cui de immunditia factū est initium subsistendi. Potest verò hoc in loco intelligi: quia beatus Iob incarnationem redemptoris intuitus, solum vidit in mundo hominem de immundo semine non esse conceptum: qui sic in mundum venit ex virgine, ut nihil haberet de immunda conceptione. Neque enim ex viro & femina, sed ex sancto spiritu & Maria virgine processit. Solus ergo in carne sua verè mundus extitit, qui delectatione carnis tangi non potuit: quia nec per carnalem huc delectationem venit.

Beati

B. GREGORII

MORALIVM LIBER DVO.

DECIMVS CONTINVANS

decimumquartum caput textus beati Iob.

Caput I.



MOS iustorum est tantò sollicitius presentē vitam quā sit fugitiua cogitare, quantò studiosius nouerint cœlestis patriæ bona æterna perpendere. Ex his enim quæ manentia intus aspiciunt, foris fugam rerum labentium subtilius attendunt. Vnde beatus Iob cū de lapsu humani temporis sententiam protulisset dicens: *Homo natus de muliere, breui viuens tempore: & rursum, Et fugi velut umbra: Et, nunquam in eodem statu permanet, adhuc de breuitate vitæ eius adiungit: Breues dies hominis sunt, numerus mensium eius apud te est.* Hoc etenim apud nos velut non esse considerat, quod tanta velocitate transcurrit. Quia verò apud omnipotentem Deum etiam labentia stant, apud eum esse numerum nostrorum mensium perhibet. Vel certè in diebus breuitas temporis: in mensibus verò quasi multiplicata dierum spatia designantur. Nobis ergo breues dies sunt. Sed quia vita nostra post tenditur, apud Deum numerus nostrorum mensium esse memoratur. Vnde per Salomonem dicitur: Longitudo dierum in dextera eius. Sequitur:

Quid sit quod Ezechie quindecim anni sunt additi ad vitam: cum ei per Esaiam dictum sit: Morieris tu, & non viues.

Caput II.

Constituiisti terminos eius qui præteriri non poterunt. Nulla quæ in hoc mundo hominibus fiunt, absque omnipotentis Dei occulto consilio veniunt. Nam cuncta Deus secutura præsciens, ante secula decreuit, qualiter per secula disponantur. Statutum quippe iam homini est, vel quantum hunc mundi prosperitas sequatur, vel quantum aduersitas feriat: ne electos eius, aut immoderata prosperitas eleuet, aut nimia aduersitas grauet. Statutum quoque est quantum in ipsa vita mortali temporaliter viuat. Nam etsi annos quindecim Ezechie regi ad vitam, addidit omnipotens Deus, cū eum mori permisit, tunc eum præsciuit esse moriturum. Quia in re quæstio oritur, quomodo ei per Prophetam dicitur: Dispone domui tuæ, quia morieris tu, & non viues: cui cū mortis sententia dicta est: protinus ad eius lachrymas, est vita addita. Sed per Prophetam Dominus dixit, quo tempore mori ipse merebatur, per largitatem verò misericordiæ, illo eum tempore ad mortem distulit, quod ante secula ipse præsciuit. Nec Propheta igitur fallax, quia tempus mortis innotuit, quo vir ille mori merebatur: nec dominica statuta conuulsa sunt, quia ut ex largitate Dei anni vitæ crescerent, hoc quoque ante secula præfixum fuit: atque spatium vitæ quod inopinatè foris est additum, sine augmento in præscientia fuit intus statutum. Bene ergo dicitur: *Constituiisti terminos eius: qui præteriri non poterunt.* Quod tamen intelligi etiam iuxta spiritum valet: quia nonnunquam in virtutibus proficere conamur, & quædam dona percipimus: à quibusdam verò repulsi in imis iacemus. Nemo enim est, qui tantum virtutis apprehendat, quantum desiderat: quia omnipotens Deus interiora discernens, ipsis spiritalibus profectibus modum ponit: ut ex hoc homo quod apprehendere conatur, & non valet, in illis se non eleuet quæ valet. Vnde ille quoque egregius prædicator, qui raptus ad tertium cœlum fuerat, paradisi arcana penetrauerat, esse post reuelationem tranquillius atque intentatus non valebat. Sed quia omnipotens Deus terminos constituit homini, qui præteriri non poterant: & eleuauit hunc ad cognoscenda sublimia, & reduxit iterum ad infirma toleranda, ut modi sui mensuram aspiciens, dum securitatè comprehendere conaretur, & non pos-

Tomus primus.

set: ne per elationem extra se iret, per humilitatem cogeretur intra suos semper terminos redire. Sequitur:

Quod sancti quasi mercenarii in laboribus huius mundi gemunt & ad retributionis sue denarium suspirant.

Caput III.

Recede paululum ab eo, ut quiescat donec optata veniat sicut mercenarii dies eius. Hoc loco recede dicitur, vim flagelli amoue. Quis enim valet Deo recedente requiescere, cū solus ipse sit requies, & à quo quisque quantò longè fuerit, fit tantò & inquietus? Itaque sic recede ab eo dicitur, ut intelligas, feriendo. Aptè autem subiungitur: *Donec optata veniat sicut mercenarii dies eius.* Mercenarius quantò longè est à fine operis, tantò & à retributione mercedis. Ita vir quisque sanctus in hac vita positus, dum longè se esse ab exitu vitæ presentis conspicit, longè se esse ab æternis gaudiis gemit. Quid est ergo dicere: Recede paululum ab eo ut quiescat, nisi iā flagella vitæ presentis subtrahe, & bona æternæ quietis ostende? Vnde etiam de ipsa quiete additur: Donec optata veniat sicut mercenarii dies eius. Tunc nanque homini optata, sicut mercenarii dies eius venit, quando æternam requiem pro recompensatione sui laboris acceperit. Quantum verò ad presentis vitæ speciem spectat, adhuc beatus Iob humanū genus multis miseriis repletum, quā sit despectum insinuat: quātūmque ipsa insensibilia ipsum præire videantur narrat, cū dicit:

Quod sanctorum mors in nobis per exemplum fructificat.

Caput IIII.

Lignum habet spem. Si præcisum fuerit, rursum virebit, & rami eius pullulant. Si senuerit radix eius in terra, & in puluere mortuus fuerit truncus illius, ad odorem aquæ germinabit: & faciet comam, quasi cum primum plantatum est. Homo verò cū mortuus fuerit, & nudatus atque consumptus, ubi quæso est? Sed quia hoc iuxta literam patet, debemus sensum ad interiora reducere: & qualiter hæc iuxta spiritum intelligi debeant, perscrutari. In scriptura etenim sacra, ligni nomine aliquando crux, aliquando vir iustus, etiam iniustus, aliquando verò incarnata Dei sapientia figuratur. Crux etenim ligno signatur, cū dicitur: Mittamus lignum in panem eius. Lignum quippe in panem mittere est, dominico corpori crucem adhibere. Rursum ligni nomine vir iustus, aut etiam iniustus exprimitur: sicut per Prophetam Dominus dicit. Ego Dominus humiliavi lignum sublime, & exaltaui lignum humile. Quia iuxta eiusdem veritatis vocem: Omnis qui se exaltat, humiliabitur, & qui se humiliat, exaltabitur. Salomon quoque ait: Si ceciderit lignum ad Austrum, aut ad Aquilonem: in quocunque loco ceciderit, ibi erit. In die etenim mortis suæ iustus ad Austrum cadit, peccator ad Aquilonem: quia & iustus per feruorem spiritus ad gaudia ducitur, & peccator cum apostata angelo, qui dixit: Sedebo in monte testamēti, in lateribus Aquilonis, in frigido suo corde reprobat. Rursum per lignum incarnata Dei sapientia figuratur, sicut de ea scriptum est: Lignum vitæ est his qui apprehenderint eam: & sicut ipsa ait: Si in viridi ligno hæc faciunt, in arido quid fiet? Hoc itaque loco cū lignum præfertur homini, quid homo nisi carnalis quisque accipitur? Et quid ligni nomine, nisi iusti vniuscuiusque vita designatur? Lignum etenim habet spem: si præcisum fuerit, rursum virebit: quia cū in morte passionis pro veritate iustus afficitur, in æternæ vitæ viriditate recuperatur: Et qui hūc virebat per fidem, illic virebit per speciem. Et rami eius pullulāt: quia plerunque ex passione iusti, fideles quique ad amorem cœlestis patriæ multiplicāt, & viriditatem vitæ spiritalis accipiunt, dum hūc pro Deo fortiter egisse gratulantur. Sequitur: *Si senuerit in terra radix eius, & in puluere mortuus fuerit truncus illius, ad odorem aquæ germinabit, & faciet comam cū primum plantatum est.* Quid radix iusti, nisi sancta prædicatio: quia ab ipsa oritur, & in ipsa subsistit, & quid terræ vel pulueris nomine, nisi peccator accipitur: cui voce cōditoris dicitur: Terra es, & in terram ibis. Vel certè sicut habet nostra trāslatio: Pulvis es, & in puluerem reuerteris. Iusti igitur radix in terra senescit, & in puluere truncus emoritur: quia apud corda prauorū, eius prædicatio despecta, cūctis viribus effœta creditur. Et in puluere truncus emoritur: quia inter manus persequentiu corpus illius examinatur. Iuxta Sapientiæ etenim vocem: Visi sunt oculis insipientium mori, & æstimata est afflictio exitus illorū:

k iij

Ioan. 4.
Ioan. 7.

Sed iste cuius radix in terra senuit, & in puluere truncus mortuus est, ad odorem aquæ germinat: quia per afflatum sancti spiritus, in electorum cordibus exemplo sui operis germen virtutis facit. Aquæ etenim appellatione, nonnunquam sancti spiritus irrigatio designari solet, sicut scriptum est: Si quis sitit, veniat ad me, & bibat. Qui autem biberit ex aqua quam ego dabo ei, non sitiet in æternum. *Et faciet comam quasi cum primum plantatum est.* Succiso trunco comam facere, est extincto corporaliter iusto, ipso suæ passionis exemplo multorum corda suscitare, & ex fide recta viriditatem veritatis ostendere. Bene autem dicitur: Quasi cum primum plantatum est. Omne quod hîc à iustis agitur, secunda plantatio est: quia prima videlicet plantatio non in opere iustorum, sed in præscientia conditoris est. Et quia euncta quæ agunt electi, sicut prius interius conspiciuntur atque disponuntur: ita postmodum exterius perficiuntur, bene dicitur: Faciet comam quasi cum primum plantatum est, id est, viriditatem suam ostendit in effectu operis, quam prius habuit in præscientia conditoris. Potest etiam radix iusti, ipsa natura humanitatis intelligi, ex qua subsistit. Quæ videlicet radix fenescit in terra, cum natura carnis deficit in puluerem redacta. Cuius in puluere truncus emoritur, quia extinctum corpus, à sua specie dissipatur. Sed ad odorem aquæ germinat: quia per aduentum sancti spiritus resurgit. Et faciet comam quasi cum primum plantatum est, quia ad illam speciem redit ad quam percipiendam creatus fuerat, si in paradiso positus, peccare noluisse. Quod fortasse etiam de Domino ipso, scilicet bonorum omnium capite, valet intelligi: iuxta hoc utique quod prædiximus, quia de semetipso ait: Si in viridi ligno hæc faciunt, in arido quid fiet? Se enim lignum viride, & nos lignum aridum dixit: quia ipse in se vim diuinitatis habuit, nos verò qui puri homines sumus, lignum aridum appellamur. Habet ergo lignum spem, si præcisum fuerit, quia rursus virebit: quoniam & si occidi per passionem potuit, per resurrectionis gloriam rursus ad vitam viriditatem venit. Huius rami pullulant, quia ex resurrectione illius multiplicati, longè latèque fideles creuerunt. Huius radix in terra quasi senuit, quia eius prædicatio Iudæorum perfidiæ despecta fuit. Et in puluere truncus emortuus est: quia in corde persequentium, quod perfidiæ suæ vento leuabatur, contemptibilis & despectus est habitus: quia carne potuit occidi. Sed ad odorem aquæ germinauit, quia per virtutem Dei, extincta caro illius ad vitam rediit, iuxta quod scriptum est: Quem Deus suscitauit à mortuis. Quia enim Deus trinitas est, extinctam carnem vnigeniti filij sancta trinitas, id est, pater & idem filius, & spiritus sanctus resuscitauit. Et fecit comam quasi cum primum plantatum est: quia illa Apostolorum debilitas quæ in morte illius expauit, & negauit, & negando aruit: per resurrectionis eius gloriam rursus ad fidem viruit. In cuius ligni comparatione quid omnis homo nisi puluis est? Vnde & subditur. *Homo verò cum mortuus fuerit, nudatus atque consumptus, ubi quæso est?* Nullus homo sine peccato est, nisi ille qui in hunc mundum non venit ex peccato. Et quia omnes in culpa ligamur, ipsa amissione iustitiæ morimur: concessa prius in paradiso veste innocentiae nudamur: interitu etiam carnis subsequente consumimur. Homo itaque peccator moritur in culpa, nudatur à iustitia, consumitur in pœna. Hanc nuditatem peccatoris filij tege-re dignatus est pater, qui eo redeunte dixit: Citò proferte stolam primam. Prima quippe stola, est vestis innocentiae, quam homo bene conditus accepit, malè à serpente persuasus perdidit. Contra hanc rursus nuditatem dicitur: Beatus qui vigilat, & custodit vestimenta sua, ne nudus ambulet. Vestimenta quippe custodimus, cum præcepta innocentiae seruamus in mente: ut cum nos iudici culpa nudat, ad amissam redeuntes innocentiam pœnitentia operiat. Bene autem dicitur: *Vbi quæso est?* quia peccator homo illic stare nolu- it, ubi conditus fuit: hîc verò, ubi cecidit, diu esse prohibetur. Patriam volens perdidit: à peregrinatione verò sua quam diligit, inuitus expellitur. Vbi ergo est qui in eius amore non est, ubi verum esse est? Sequitur: Quomodo si recedant aquæ de mari, & fluuius vacuefactus arefcat, sic homo cum dormierit, non resurget. Mare mēs hominis, & quasi fluctus ma-

* al. lumen.

Act. 2.

5.
Nullus ho-
mo sine pec-
cato est.

Lucæ 15.

Apoca. 16.

ris sunt cogitationes mentis, quæ aliquando per iram tumescunt, per gratiam tranquillæ fiunt, per odium cum amaritudine defluunt. Sed cum homo moritur, aquæ maris recedunt, quia iuxta Psalmistæ vocem: In illa die peribunt omnes cogitationes eorum. Et rursus de moriente scriptum est: Amor quoque & odium simul peribunt. Arescit ergo fluuius vacuefactus: quia subducta anima, vacuum remanet corpus. Quasi enim alueus fluminis vacuus, est corpus exanime. Quia in re vigilanter intuendum est: quia vita præsens, videlicet quousque anima moratur in corpore, mari comparatur & fluuiio. Aqua enim maris amara est, fluminis dulcis. Et quia hîc viuentes modo quibusdam amaritudinibus afficimur, modo autem dulcedine tranquillæ ac mites inuenimur, præsentis vitæ decursus comparatione exprimitur maris & fluminis.

Quod nisi prius elementa ardore soluantur, resurrectio mortuorum non fit.

Caput V.

Sed in his durum valde videtur esse quod subditur: Sic homo cum dormierit, non resurget. Cur itaque laboramus, si in resurrectionis retributionem non tendimus? Quomodo autem dicitur: Non resurget, cum scriptum sit: Omnes quidem resurgemus, sed non omnes immutabimur? Et rursus: Si in hac vita tantum in Christo sperantes sumus, miserabiliores sumus omnibus hominibus. Et per semetipsam veritas dicit: Omnes qui in monumentis sunt, audient vocem eius, & procedent qui bona fecerunt, in resurrectionem vitæ. Sed subiuncta sententia indicat, quæ discretio in præmissa lateat. Nā subditur: Donec atteratur cælum, non euigilabit, nec consurget de somno suo. Liqueat enim quia non resurget, scilicet donec atteratur cælum: quia nisi mundi huius finis aduenerit, humanum genus à somno mortis ad vitam non euigilabit. Non ergo quia omnino non resurgat, sed quia ante contritionem cæli, humanum genus minimè resurgat, insinuat. Notandum quoque est, cur postquam superius hominem mortuum dixit, inferius non mortuum, sed dormientem nominat, eumque de somno suo minimè resurgere, donec cælum atteratur narrat, nisi quod patenter datur intelligi: quia in comparatione ligni reuidentis, hominem mortuum peccatorem nominat, à vita scilicet iustitiæ extinctum. Vbi autem de morte carnis loquitur, non hanc mortem, sed somnum maluit vocare, spem proculdubio resurrectionis insinuans: quia sicut citius homo à somno euigilat, ita concitè ad conditoris nutū à morte corporis resurget. Vehementer enim ab infirmis mētibus nomen mortis pertimescitur, somni autem vocabulum non timetur. Vnde & Paulus discipulos admonet, dicēs: Nolumus autem ignorare vos fratres de dormientibus, ut nō contristemini sicut & ceteri qui spem non habent. Si enim credimus quod Iesus mortuus est & resurrexit: ita & Deus eos qui dormierunt per Iesum adducet cum eo. Quid est quod prædicator egregius mortem Domini, mortem vocat: mortem seruorum domini, non mortem, sed somnum nominat, nisi quia infirma corda audientium respiciens, medicamentum prædicationis suæ mira arte componit: & illum quē iam resurrexisse nouerant, eis mortuum insinuare non dubitat: eos verò qui necdum resurrexerant, ut spem resurrectionis insinuet, non mortuos, sed dormientes vocat. Non enim verebatur dicere mortuum quem auditores iam resurrexisse cognouerant: & verebatur dicere mortuos, quos resurgere vix credebant. Batus igitur Iob quia carne mortuos ad vitam rursus euigilare non dubitat, eos dormientes potius quàm mortuos appellat. Sequitur:

Quod ante aduentum Christi nemo tam probata vita fuit, quin ad infernum descenderet: & quod ibi loca sint in quibus sancti dei quiescebant: & item alia inferiora in quibus mali puniebantur.

Caput VI.

Vis mihi tribuat ut inferno protegas me. Quia ante aduentum mediatoris Dei & hominis, omnis homo quauis mundæ probatæque vitæ fuerit, ad inferni claustra descendit, dubium non est: quoniam homo qui per se cecidit, per se ad paradisi requiem redire non potuit, nisi veniret ille, qui suæ incarnationis mysterio eiusdem nobis paradisi iter aperiret. Vnde & post culpam primi hominis,

Psalm. 145.
Eccles. 9.

Vita præsens
comparatur
mari & flu-
uiio.

6.
1. Corin. 15.

Ioan. 5.

1. Thess. 4.

minis, ad paradisi aditum romphæa flammea posita esse memoratur, quæ & versatilis dicitur, pro eo quod quandoque veniret tempus, vt etiam remoueri potuisset. Nec tamen ita iustorum animas ad infernum dicimus descendisse, vt in locis pœnalibus tenerentur. Sed esse superiora inferni loca, esse alia inferiora credenda sunt: vt & in superiorib⁹ iusti requiescerent, & in inferioribus iniusti cruciarentur. Vnde & Psalmista propter præuenientem se Dei gratiam dicit: Eripuisti animam meam ex inferno inferiori. Beatus igitur Iob ante mediatoris aduentum ad infernum se descendere sciens, conditoris sui illic protectionem postulat: vt à locis pœnalibus alienus existat, vbi dum ad requiem ducitur, à suppliciis abscondatur. Vnde subiungit:

Quod furor distinctionis diuine tunc pertransit, cum electorum animas in infernum descendens redemptor noster secum eduxit.

Caput VII.

ET abscondas me donec pertranscat furor tuus.) Furor etenim omnipotentis Dei in hoc quotidie vim suæ distinctionis peragit, quod viuentes indignè, dignis suppliciis demergit. qui furor nunc quidem transit, sed in fine pertransit: quia modo agitur, sed in mundi termino consummatur. Qui tamen iste furor, quantum ad electorum animas, in redemptoris nostri aduentu pertransijt: quia eas ab inferni claustris ad paradisi gaudia mediator Dei & hominum, dum ipse illuc piè descenderet, reduxit. Inter hæc verò sciendum est, quod furoris nomen diuinitati non congruit: quia naturam Dei simplicem perturbatio nulla confundit. Vnde ei dicitur: Tu autem dominator virtutis cum tranquillitate iudicas, & cum magna reuerentia disponis nos. Sed quia iustorum animæ, per mediatoris aduentum erant quandoque ab inferni locis, quantum non pœnalibus, liberandæ: hoc quoque iustus vir præuidet, & petendo subiungit:

Quod tempus in quo recordatus est nostri Deus, primus eius aduentus sit, in quo nos iustificauit: & secundus, in quos nos glorificabit.

Caput VIII.

ET constituas mihi tempus in quo recorderis mei.) At vbi venit plenitudo temporis, misit Deus filium suum, factum ex muliere, factum sub lege: vt eos qui sub lege erant, redimeret. Hanc itaque redemptionem vir Domini præsciens, in qua erant multi etiam ex gentilitate liberandi, sicut ipse ait: Licet hæc cæles in corde tuo, tamen scio quia vniuersorum mineris: apud omnipotentem Deum tēpus sibi constitui suæ recordationis petit. Hinc est enim quod in Euāgelio Dominus dicit: Et ego si exaltatus fuero à terra, omnia traham ad me ipsum: omnia videlicet electa. Non enim ab inferno rediens Dominus, electos simul & reprobos traxit, sed illa exinde omnia sustulit, quæ sibi inhæsisse præsciuit. Vnde etiam per Osee prophetam dicit: Ero mors tua ô mors, ero morsus tuus inferne. Quod enim occidimus, agimus vt penitus non sit. Ex eo enim quod mordemus, partem abstrahimus, partemque relinquimus. Quia ergo in electis suis funditus Dominus occidit mortem, mors mortis extitit. Quia verò ex inferno partem abstulit, partemque reliquit, non occidit funditus, sed momordit infernum. Dicit ergo: Ero mors tua ô mors, id est, in electis meis te funditū perimo. Ero morsus tuus inferne: quia sublati eis te ex parte transigo. Sciens igitur beatus Iob hunc aduentum ad inferos redemptoris nostri, petat quod futurum præuidit, & dicat: Et constituas mihi tempus in quo recorderis mei. Sequitur: *Putasne mortuus homo rursus viuatur?* Solent iusti viri in eo quod ipsi certum ac solidum sentiunt, quasi ex dubietatē aliquid proferre, vt infirmorum in se verba transferant. Sed rursus per fortem sententiam infirmanti dubietati omnimodo contradicunt: quatenus per hoc quod dubiè proferre cernuntur, infirmis aliquatenus condescendant: & per hoc quod certam sententiam proferunt, infirmorum mentes dubias ad soliditatem trahant. Quod nimirum dum faciunt, exemplum nostri capitis sequuntur. Passioni quippe Dominus propinquas infirmantium in se vocē sumpsit, dicens: Pater mi si possibile est, transeat à me calix iste: eorumque timorem, vt abstraheret, suscepit: & rursus per obediētiam vim fortitudinis ostē-

Tomus primus.

A dens, ait: Veruntamen non sicut ego volo, sed sicut tu: vt cum hoc imminet quod fieri nolumus, sic per infirmitatem petamus, vt non fiat: quatenus per fortitudinē parati simus, vt voluntas conditoris nostri etiam contra voluntatem nostram fiat. Hoc igitur exemplo nonnunquam à fortibus infirmitatis verba sulcienda sunt: vt per eorum post prædicamenta fortia, infirmorum corda gratius roborētur. Vnde beatus Iob cum quasi dubitantis verba protulit, dicens: Putasne mortuus homo rursus viuatur? ilico sententiam suæ certitudinis adiunxit, qua ait:

Certitudinem suam de resurrectione sanctus Iob indicat, qui immutationem suam tanto desiderio expectat.

Caput IX.

Cunctis diebus quibus nunc milito, expecto donec veniat immutatio mea.) Qui itaque immutationem suam tanto desiderio expectat, quā sit de resurrectione certus, insinuat: & cursum vitæ præsentis quantum despiciat, innotescit: quia hunc militiam appellat. Per militiam quippe semper ad finem tenditur, & quotidie conclusionis terminus expectatur. Cursum itaque vitæ huius despicit, & statum soliditatis requirit, qui per hoc quod mutabiliter militat, ad immutationem suam peruenire festinat. Iustis quippe in hac vita ipsa sarcina suæ corruptionis onerosa est, quod vigiliæ defatigat: somnus queritur, vt vigiliarum labor atque anxietas temperetur. Sed nōnquam etiam somnus occidit, fames corpus atterit, atque vt eius necessitas repellatur, cibi requiruntur: sed sæpe & cibi grauant, qui ad repellendū debilitatis grauamen quæsi fuerant. Grauis itaque est sarcina corruptionis, quæ nisi ita grauis esset, Paulus nequaquam diceret: Vanitati creatura subiecta est, non volens, sed propter eum qui subiecit eam in spe: quia & ipsa creatura liberabitur à seruitute corruptionis, in libertatem gloriæ filiorū Dei. Scimus enim quod omnis creatura ingemiscit, & parturit vsque adhuc. Sanctus ergo vir incorruptionis statum desiderans dicat: Cunctis diebus quibus nunc milito, expecto donec veniat immutatio mea. In qua

C immutatione quid agatur, adiungit:

Quod tunc vocanti Deo respondeat, quando in incorruptione similis ei erit: nunc autem corruptibilis incorruptibilis non aperte respondet.

Caput X.

Vocabis me, & ego respondebo tibi.) Respondere cuilibet dicimur, cum eius factis cōgrua ad vicem opera reddimus. In illa igitur commutatione vocat Dominus & respondet homo: quia ante incorrupti claritatem, incorruptus homo ostenditur post corruptionem. Nunc etenim quousque subditi corruptioni sumus, auctori nostro minimè respondemus: quia dū corruptio ab incorruptione lōgè est, similitudo apta nostræ responsioni non est. De illa verò immutatione scriptum est: Cum apparuerit, similes ei erimus, quoniam videbimus eum sicuti est. Tunc ergo vocanti Deo veraciter respondemus quando ad summæ incorruptionis iussu incorruptibiles surgimus. Et quia hoc percipere creatura ex semetipsa non valet, sed solius omnipotentis Dei dono agitur, vt ad tantam incorruptionis gloriam permutetur: rectè subiūgitur:

Quod humana natura nisi dei gratia erigatur, per se non conualescit.

Caput XI.

Operi manuum tuarum porriges dexteram.) Ac si aperte dicat: Idcirco creatura corruptibilis persistere ad incorruptionem poterit, quia tuę potestatis manu erigitur, & tui respectus gratia vt persistat, tenetur. Humana nanque creatura, eo ipso quod creatura est, in semetipso habet sub se defluere: sed à conditore suo homo accepit, vt & super se contemplatione rapiatur, & in semetipso in corruptione teneatur. Creatura ergo ne sub se defluat, sed in incorruptione persistat, ad incorruptibilitatis statum auctoris sui dextera leuatur. Potest quoque dextera nomine, filius designari: quia omnia per ipsum facta sunt. Operi igitur manuum suarum porrexit omnipotens Deus dexteram suam: quia vt abiectum atque in infimis iacens ad summa erigeret genus humanum, incarnatū ad hoc vnigenitum misit. Ex cuius nobis incarnatione datum est, vt qui ex voluntate propria in corruptionē cecidimus, vocati nos Deo quandoque ad incorruptionis gloriam, respondere valeamus. Quia in re largitatē diuinæ misericordiæ pensare quis valeat,

k iij

quod ad tantam perducit gloriam, hominem post culpam? Pensat Deus mala quæ facimus, & tamen per benignitatis suæ gratiam ea misericorditer relaxat. Vnde & subditur:

Quod omnia nostra opera quasi in sacculo sigillata sunt, quando non poenitemus, donec excusantur in iudicio: & quod ea quæ hic poenitimus, nequaquam Deus in ultimo examine iudicat.

Caput XII.

T V quidem gressus meos dinumerasti, sed parcis peccatis meis.) Gressus Deus dinumerat, cum singula quæque nostra opera propter retributionem signat. Quid enim in gressibus, nisi vnaquæque nostra actio designatur? Omnipotens itaque Deus & gressus dinumerat, & peccatis parcat: quia & subtiliter acta nostra considerat, & tamen hæc poenitentibus misericorditer relaxat. Qui & duritiam in peccantibus conspiciat, sed tamen hanc præueniente gratia ad poenitentiam emollit. Culpas ergo dinumerat, cum nos ipsos ad singula quæ fecimus, deflexa conuertit, quas misericorditer relaxat: quia ea dum nos punimus, ipse nequaquam in extremo examine iudicat: Paulo attestante, qui ait: Si nosmetipsos diiudicemus, non utique iudicemur. Vnde adhuc subditur:

1. Corin. II.

II.

Signasti quasi in sacculo delicta mea, sed curasti iniquitatem meam.) Signantur quasi in sacculo delicta nostra, quia hoc quod nos exterius agimus, nisi poenitentia interueniente diluamus, in secreto iudiciorum Dei sub quadam occultatione seruatur: ut quandoque etiam de sigillo secreti exeat ad publicum iudicij. Vnde etiam per Moysen dicitur: Nonne hæc congregata sunt apud me, & signata in thesauris meis? In die ultionis reddam illi. Cum verò pro malis quæ fecimus, disciplinæ flagello atterimur, & hæc per poenitentiam deflemus: iniquitatem nostram signat & curat: quia nec inulta hic deserit, nec in iudicio puniendi referuat. Signat igitur delicta: quia ea hic subtiliter attendit, ut feriat: curat verò, quia hæc flagellum funditus relaxat. Vnde iniquitatem quoque illius persecutoris sui quem in terra prostrauerat, signando curauit, cum de illo ad Ananiam dixit: Vas electionis mihi est iste, ut portet nomen meum coram gentibus & regibus, & filiis Israël. Ego enim ostendam illi, quanta eum oporteat pro nomine meo pati. Cui enim adhuc pro transactis excessibus venturas passiones minatur: profecto hoc quod deliquerat, in corde signatum tenebat. Sed proculdubio delicta eius signando curauerat, quem vas electionis vocabat. Vel certe peccata nostra signantur in sacculo, cum mala quæ fecimus, sollicito semper corde pensamus. Quid nanque est cor hominis, nisi sacculus Dei? Vbi dum studiosè conspiciamus per quanta deliquimus, peccata nostra quasi in Dei sacculo signata portamus. An non peccatum suum David signatum tenebat in sacculo, qui dicebat: Iniquitatem meam ego agnosco, & delictum meum coram me est semper? Et quia culpas quas nos intuendo, & poenitendo cognoscimus, pius nobis conditor relaxat, rectè post signata in sacculo delicta, subiungitur: *Sed curasti iniquitatem meam.)* Ac si apertè dicat: Quæ modò signas ut poenitendo videam, agis proculdubio ne in retributione videantur. Sequitur:

Deut. 32.

Mat. 9.

Psalm. 50.

Quod quibusdam subitis, & repentinis tentationibus, excellentes viri, qui quasi montes sunt, aliquando ruant: & alij nonnulli lentis, & mollibus blandimentis, quasi aquis fluxu continuo excuantibus forte propositum mentis, usque in luxuriam permittente Deo dissoluantur.

Caput XIII.

Mons cadens defluit, & saxum transfertur de loco suo. Lapidem excuant aquæ, & alluione paulatim terra consumitur: & homines ergo similiter perdes.) Hoc crebrò agitur, ut cedentibus rupibus, saxum ad loca alia transferatur: ut aquæ lapides excant, & paulatim terra alluionibus consumatur. Sed magna nobis intentione discutiendum est quod infertur: *Et homines ergo similiter perdes.)* Quid est enim hoc quod cadenti monti, & saxo translato, quod excantato lapidi, & per alluionem terræ consumptæ, perditio humana comparatur, nisi hoc quod patenter datur intelligi: quia duo sunt genera tentationum? Vnum quod in mente etiam iusti hominis per repentinum euentum agitur, quatenus sic subito tentetur, ut hunc inopinato prouentu cœcutiat & prosternat, casumque suum non nisi postquam ceciderit, videat. Aliud verò quod paulatim venit in mentem, & resistentem animum lenibus sugge-

Estionibus inficit: & omnes in eo vires iustitiæ non nimietate sua, sed assiduitate consumit. Quia ergo alia est tentatio quæ iustos plerunque subita inuasionem prosternit, dicatur: Mons cadens defluit, & saxum transfertur de loco suo, id est, mens sancta cuius locus iustitia fuerat, impulsu subito transfertur ad culpam. Rursum quia alia est tentatio quæ se cordi hominis leuiter infundit, omnemque duritiam fortitudinis corrumpit atque consumit, dicatur: Lapidem excuant aquæ: quia videlicet duritiam mentis absorbent assidua & mollia blandimenta libidinis, & letum atque subtile vitium corrumpit durum & forte propositum mentis. Vnde subditur: *Et alluione paulatim terra consumitur.)* Sicut enim influente aqua paulatim terra consumitur: sic leniter surripente vitio, mens etiam fortis absorbetur. Vnde bene subiungitur: *Et homines ergo similiter perdes.)* id est, quia cum tentationem iusto iudicio eius meti, qui stare in alto cernitur, repente dominari permittis, cadere ac defluere montem facis: & cum voluntas ad vitium commutatur, quasi ad locum alium transfertur saxum. Cum verò tentationem lentam atque subtilem, sed tamé assiduam eorum, qui fortes esse creduntur, præualere mentis finis: quasi lapides excuant aquæ, & alluione paulatim terra consumitur: quia nimirum suggestionem leni subacta mentis duritia mollietur. Videamus, David ille quantum mons actus fuerit, qui tanta Dei mysteria prophetico spiritu valuit contemplari: sed aspiciamus quam subito casu defluxit, qui dum in solario deambulans, alienam coniugem concupiuit & abstulit: eiusque virum cum damno sui exercitus interemit, repentino casu mons cecidit, cum mens illa mysteriis cœlestibus assucta, inopinata tentatione deuicta est: tamque immanissimæ turpitudini subacta. Saxum itaque de loco suo translatus est, cum prophetæ animus à prophetiæ mysteriis exclusus, ad cogitandas turpitudines venit. Videamus etiam qualiter lapides excant aquæ, & alluione paulatim terra consumitur. Salomon quippe immoderato usu atque assiduitate mulierum ad hoc perductus est, ut templum idolis fabricaret: & qui prius Deo templum construxerat, assiduitate libidinis, etiam perfidie substratus, idolis construere templa non timuit. Sicque factum est, ut ab assidua carnis petulantia, usque ad mentis perfidiam perueniret. Quid itaque aliud quam aquæ excantant lapidem: & alluione paulatim terra consumpta est? Quia surripente paulisper infusione peccati, terra cordis illius ad consumptionem defluxit. Considerat ergo beatus Iob utrasque tentationes, vel subitam, & immanem, vel lentam atque longiorem: consideret casus hominum, & ex his quæ exterius accidunt, rapiat interius contemplationem, dicens: *Mons cadens defluit, & saxum transfertur de loco suo. Lapidem excant aquæ, & alluione paulatim terra consumitur: & homines ergo similiter perdes.)* id est, sicut hæc insensibilia modò subito corrumpunt: modò paulisper infusa aquarum molitie consumuntur: ita etiam eum quem rationabilem cœdidisti, vel subita tentatione deiicis, vel longa ac lenta consumi permittis. Atque mox eandem rationabilem creaturam verbis sequentibus explicat, dicens: *Roborasti eum paululum, ut in perpetuum transiret.)* Paululum roboratus est homo, quia hic viuendi vires ad modicum accepit, ut in perpetuum transeat, ubi eius vitam terminus non cœcludat. Sed in hac breuitate ubi roboratus est, colligat unde in perpetuitate inueniat, vel ut semper gaudeat, vel suscepta supplicia non euadat. Qui pro eo quod paululum roboratus est, ut in perpetuum transeat, apertè mox subditur:

F *Quod sanctorum anima quæ intus claritatem dei vident, quod extra est, non ignorant: carnalium verò anima, utrum filij, vel cetera quæ maxime amauerunt, bene vel malè se habeant, nesciunt.*

Caput XIII.

Immutabis faciem eius, & emittes eum.) Facies hominis immutatur, cum eius species morte atteritur. Emittere verò, quia ab his quæ volens tenuit, transire ad æterna cogitur nolens: dumque ad illa perducitur, hæc quæ diu cogitata tenuit, qualiter sese habitura sint relicta, nescit. Vnde & additur: *Sine nobilibus fuerint filij eius sine ignobiles, non intelliget.)* Sicut enim hi qui adhuc viuentes sunt, mortuorum animæ quo loco habeantur, ignorant: ita mortui vitam in carne viventium post eos qualiter disponatur: quia & vita spiritus, longè est à vita

12.

3. Reg. II.

3. Reg. II.

32. 9. 4.

Salomon.

13.

1. Tim. 2.

1. Corin. 7.

vita carnis: & sicut corporea atque incorporea diuersa sunt genere, ita etiam distincta cognitione. Quod tamen de animabus sanctis sentiendum non est: quia quæ intus omnipotentis Dei claritatem vident, nullo modo credendum est, quia foris sit aliquid quod ignorent. Sed carnales quique quia amorem præcipuum filiis impendunt, hoc eos beatus Iob nescire postmodum asserit, quod hinc vehementer amauerunt: ut siue nobiles siue ignobiles sint filij, nesciât, quorum eos semper cura fatigabat. Quod tamen si intelligi spiritualiter debet, non incongruè filiorum nomine, opera designantur: sicut de muliere Paulus dicit: Quia salua erit per filiorum generationem. Neque enim mulier quæ continentiam studens, nequaquam filios generet, salua non erit, sed per generationem filiorum saluari dicitur: quia per effectum bonorum operum perpetuæ salutis sociatur. Nobiles ergo sunt filij, recta opera: ignobiles autem facta peruersa. Et sæpe homo agere quælibet bona intentione nititur: sed tamen pro multis quæ surripiunt, eius acta apud omnipotentem Deum qualiter habeantur, incertum est. Siue itaque nobiles fuerint filij eius siue ignobiles, non intelliget: quia subtili examine discussa, vtrum approbentur eius opera an reprobenentur, ignorat. Et hinc ergo homo in dolore laboris est positus, & illuc ducitur in timore suspicionis. Vnde adhuc de ipso præsentis vitæ labore subiungitur: *Attamen caro eius dum viuit, dolebit: & anima eius super semetipso lugebit.* De coniugibus Paulus dicit: Tribulationem tamen carnis habebunt huiusmodi. Sed tribulationem carnis hinc pati possunt, etiam iam qui spiritualiter viuunt. Cur ergo ineffe coniugibus carnis tribulatio quasi specialiter dicitur, quæ etiam à vita spiritualium longè non est, nisi quod hi frequenter maiores tribulationes ex carne suscipiunt, qui carnis voluptatibus delectantur? Bene autem dicitur: *Et anima eius super semetipso lugebit:* quia quisquis gaudere in se appetit, eo ipso iam in luctu est, quo à vera lætitia recessit. Vera quippe lætitia mentis, creator est. Dignum itaque est, ut in se semper homo mœrores inueniat, qui derelicto creatore, in se gaudium quærebat. Sequitur:

Caput decimumquintum beati Iob.

Respondens autem Eliphas Themanites dixit: Nunquid sapiens respondebit quasi in ventum loquens, & implebit ardore stomachum suum? Arguis verbis eum qui non est æqualis tibi: & loqueris quod tibi non expedit. Quantum in te est, euacuasti timorem: & tulisti preces coram Deo. Docuit enim iniquitas tua os tuum, & imitatis linguam blasphemantium. Condemnabit te os tuum, & non ego: & labia tua respondēbunt tibi. Nunquid primus homo tu natus es, & ante omnes colles formatus? Nunquid consilium Dei audisti, & inferior te erit eius sapiētia? Quid nosti quod ignoremus? quid intelligis quod nesciamus? Et senes & antiqui sunt in nobis, multo vetustiores quā patres tui. Nunquid grande est ut consoletur te Deus? Sed verba tua praua hoc prohibent. Quid te eleuat cor tuum, & quasi magna cogitas, attonitos habes oculos. Quid tumet contra Deum spiritus tuus, ut proferas de ore tuo huiusmodi sermones? Quid est homo ut immaculatus sit: & ut iustus appareat natus de muliere? Ecce inter sanctos eius nemo immutabilis: & cœli non sunt mundi in conspectu eius: quanto magis abominabilis & inutilis homo, qui bibit quasi aquā iniquitatē? Ostendā tibi, audi me: quod vidi narrabo tibi. Sapiētes consistuntur, & non abscondunt patres suos. Quibus solis data est terra, & non transiit alienus per eos. Cunctis diebus suis impius superbit, & numerus annorum incertus est tyrannidis eius. Sonitus terroris semper in auribus illius: & cum pax sit, ille semper in-

Asidias suspicatur. Non credit quod reuerti possit de tenebris ad lucem, circumspectans vndique gladium. Cum se mouerit ad quærendum panem, nouit quod paratus sit in manu eius tenebrarum dies. Terrebit eum tribulatio, & angustia vallabit eum, sicut regem qui præparatur ad prælium. Tetendit enim aduersus Deum manum suam, & contra omnipotentem robortatus est. Cucurrit aduersus eum erecto collo, & pingui ceruice armatus est. Operuit faciem eius crassitudo, & de lateribus eius aruina dependet. Habitabit in ciuitatibus desolatis & in domibus desertis, quæ in tumulos sunt redactæ. Non habitabitur, nec perseverabit substantia eius, nec mittet in terram radicem suā. Non recedet de tenebris. Ramos eius arefaciet flamma: & auferetur spiritus oris eius ab eo. Non credat frustra errore deceptus, quod aliquo precio redimendus sit. Ante quam dies eius impleatur, peribit, & manus eius arefcent. Lædetur quasi vinea in primo flore botrus eius, & quasi oliua proiciens florem suum. Congregatio enim hypocritæ sterilis, & ignis deuorabit tabernacula eorum, qui munera libenter accipiunt. Concepit dolorem, & peperit iniquitatem, & vterus eius præparat dolos.

† al. habitabitur.

Quod cum peruersi vera mala contra bonos non inueniunt, falsa fingunt, ut aliis derogando, ipsi iusti videantur. Caput. XV.

Respondens autem Eliphas Themanites dixit: Nunquid sapiens respondebit quasi in ventum loquens, & implebit ardore stomachum suum? Crebrò iam diximus beatum Iob typum sanctæ vniuersalis Ecclesiæ, amicos verò illius hæreticorum specie tenere: qui quasi ex defensione Domini, occasionem stultæ locutionis inueniunt, & contumeliosa contra bonos verba iaculantur. Quibus cuncta quæ à fidelibus sentiuntur, quasi in ventum prolata displicent. Vnde nunc dicitur: *Nunquid sapiens respondebit quasi in ventum loquens?* Nec bonorum verba dicta rationis, sed stimulos furoris existimant. Vnde & subditur: *Et implebit ardore stomachum suum.* Quia ea etiam quæ se sciunt contumeliosè dicere, student semper ut dictum est, ex Domini defensione palliare. Vnde Eliphas subdit: *Arguis verbis eum qui non est æqualis tibi, & loqueris quod tibi non expedit.* Nullum verò existimant timorem Domini habere, nisi eum quem potuerint ad suæ confessionis stultitiam trahere. Vnde adiungit: *Quantum in te est, euacuasti timorem, & tulisti preces coram Deo.* Tulisti dicitur, abstulisti: ac si apertè dicat: De tua iustitia præsumens, creatoris tui gratiam despicias deprecari. Cum enim vera mala hæretici contra bonos non inueniunt, fingunt quæ redarguant, ut iusti esse videantur, & sit plerumque ut ad aperta contumeliarum verba perueniant. Vnde adhuc subditur: *Docuit enim iniquitas tua os tuum, & imitatis linguam blasphemantium.* Iniquitas os docet, quando ex mala vita concipitur, quod peius dicatur. Quia autem beatus Iob tãto in ore liber fuerat, quanto iustus in opere, ab amicis suis hæreticorū typum tenētibz, & de iniqua vita, & de audaci ore reprehēditur, ut dicatur: *Docuit enim iniquitas tua os tuum.* Ac si apertè ei diceretur: Quod peruersè loqueris, ex peruersiore didicisti vita. Sæpe verò hæretici dum quasi venerantur Deū, eius mysteriis contradicunt: & humilitatem putant, si veritatem denegant. Sunt nanque nonnulli qui Deo se iniuriam irrogare existimant, si eum veram carnem assumpsisse fateantur, aut si hunc veraciter pro nobis carne mori potuisse crediderint. Cunque Deo quasi plus honoris conantur tribuere, coguntur laudes veras bonitatis illius negare. Quid enim ei est in charitatis suæ laude potētius, quam ut illa sibi pro nobis digna ad susceptionem assumptione faceret, quæ ei videntur indigna? Sancta autem Ecclesia verā carnem, veram mortem illius cōfiteatur, sed hæc dicens, ab hæreticis irrogare Deo contumeliam creditur. Vnde nunc dicitur: *Et imitatis linguā blasphemantium.* Cui si quid in hoc mūdo aduersitatis euenerit, hoc ei cōtingere ex ipsa hac iniuria suæ confessionis dicūt. Vnde adhuc subditur: *Condemnabit te os tuum, & non ego, & labia tua respondēbunt tibi.*

14.

85

Quia enim ex errore confessionis existimant mala aduersitatis crumpere, labia sua ei asserunt respondere, ut culpa eloquii sit causa flagelli. Aliquando verò eam comprimere quasi ratiocinantes volunt. Vnde Eliphas beatum Iob reprehendere quasi ex ratione conatur dicens: *Nunquid primus homo tu natus es, & ante colles formatus? Nunquid consilium Dei audisti, & inferior te erit eius sapientia?* Ac si verbis apertioribus dicat: Qui de æterno loqueris, pensa quia temporalis es. Qui de eius sapientia disputas, pensa quia eius consilium ignoras. Sed quia ad hoc hæretici verba dominicæ defensionis assumunt, ut docti esse videantur, & dum diuinam gloriam defendere videntur, suam scientiam hominibus innotescunt, ipsa hoc Eliphas subiuncta verba testantur, qui loqui quidem de sapientia Dei cæpit, sed statim ad suam elationem cecidit, dicens: *Qui nosti quod ignoremus, quid intelligis quod nesciamus?* Quæ videlicet dicta patenter ostendunt, ex qua mentis elatione prodeat, quicquid quasi ad dominicam defensionem sonat. Sequitur: *Et senes antiqui sunt in nobis, multo verustiores quam patres tui.* Quia omnes hæretici à sancta vniuersali Ecclesia sunt egressi, testatur Ioannes qui ait: Ex nobis prodierunt, sed non erant ex nobis. Sed ut ea quæ asserunt, commendare stultis mentibus hominum, quasi de antiquitate possint, antiquos patres se habere testantur: atque ipsos doctores Ecclesiæ suæ professionis magistros dicunt. Cùmque præsentis prædicatores despiciunt, de antiquorum patrum magisterio falsa præsumptione gloriantur: ut ea quæ ipsi dicunt, etiam antiquos patres tenuisse fateantur, quatenus hoc, quod rectitudine asstruere non valent, quasi ex illorum auctoritate confirmant. Quia verò scriptum est: Quem diligit Dominus castigat, flagellat autem omnem filium quem recipit: sepe sancta Ecclesia multis in hac vita aduersitatibus laborat, & reproborum vita tantò sine flagello dimittitur, quantò ad nulla præmia seruatur. Sed afflictiones sanctæ Ecclesiæ videntes hæretici, eam despiciunt, & tot illam flagellis atteri, ex prauæ professionis merito suspicantur. Vnde adhuc subditur: *Nunquid grande est, ut consolentur te Deus? Sed verba tua praua hoc prohibent.* Ac si ei patenter dicat: Si professionem fidei corrigeres, iamdudum consolationem à flagellis habere potuisses. Sequitur: *Quid te eleuat cor tuum, & quasi magna cogitans, attonitos habes oculos?* Sæpe iustorum mens, ita ad altiora contemplanda suspenditur, ut exterius eorum facies obstupuisse videatur. Sed quia hanc contemplationis vim in occulto agere hæretici ignorant, hoc à iustis & recta sapientibus fieri magis per hypocrisim quam per veritatem putant: quia hoc quod ipsi habere nequeunt, inesse veraciter aliis non suspicantur. Sequitur:

Quod sæpe iustorum & iniustorum similia sunt verba & opera, intentio tamen diuersa. Nota in sequentibus hæresim Manicheorum. Caput XVI.

16

Quid tunc contra Deum spiritus tuus, ut proferas de ore tuo humiliter sermones? Plerumque iusti aliquibus necessitatibus afflicti, sua opera coguntur fateri, quod beatus Iob fecerat, quem post iniustitiam flagella deprimebant: sed cùm eorum dicta iniusti audiunt, hæc per elationem potius quam per veritatem existimant prolata. Ex suis enim cordibus verba iustorum pèsant, & dici humiliter posse verba bona non existimant. Sicut enim grauis culpa est, sibi hoc hominem arrogare quod non est: sic plerumque culpa nulla est, si humiliter bonum dicat quod est. Vnde sæpe contingit ut iusti & iniusti habeant verba similia, sed tamen semper cor longè dissimile: & ex quibus dictis Dominus ab iniustis offenditur, in eisdem quoque à iustis placatur. Nam Phariseus ingressus templum, dicebat: Ieiuno bis in sabbato, decimas do omnium quæ possideo: sed iustificatus magis Publicanus, quam ille exiit. Ezechias quoque rex cùm molestia corporis afflictus, ad extremitatem peruenisset vitæ, in oratione compunctus dixit: Obsecro Domine, memento quæso quomodo ambulauerim coram te in veritate & in corde perfectò. Nec tamen Dominus hanc confessionem perfectionis eius despexit, aut renuuit, quem mox in suis precibus exaudiuit. Ecce Phariseus se iustificauit in opere, & Ezechias iustum asseruit etiam in cogitatione, atque vnde ille offendit, inde iste Dominum placauit. Cur itaque hoc? nisi quia omnipotens Deus singulo-

Luca. 18.

Esaiæ 38.

Erum verba à cogitationibus pensat, & in eius auribus superba non sunt quæ humili corde proferuntur. Vnde beatus Iob cùm sua opera protulit, contra Deum nullo modo tumuit, quia ea quæ veraciter fecerat, humiliter dixit. Sed solent hæretici errorum suorum dictis, vera aliqua permiscere: & amici beati Iob quanuis in reprehensione eius omnimodo fallantur, possunt tamen & quædam vera dicere, quæ ex illius assiduitate didicerunt. Quorum dicta si omnia refutanda essent, Eliphas sententiam Paulus Apostolus minimè protulisset, dicens: Apprehendit sapientes in astutia eorum. Quia igitur & ea quæ recta dicunt, contra beatum Iob rectè non dicunt: nos in eorum dictis & calcemus vitium indiscretionis, & discutiamus vires rectitudinis. Sequitur: *Quid est homo, ut immaculatus sit?* Eo enim ipso quo dicitur homo, terrenus exprimitur & infirmus: homo enim ab humo appellatus est. Et quomodo esse valet sine macula, qui sponte sua ad infirmitatem concidit factus de terra? Vbi additur: *Et ut iustus appareat natus de muliere.* Primam quippe viro iniustitiam mulier propinavit in paradiso. Quomodo ergo iustus apparebit qui de illa natus est, quæ iniustitiæ propinatrix extitit? Sequitur:

Quod sancti qui propter excellentiam vitæ, cæli dicuntur, ex semetipsis ante districtum Dei iudicium, ad perfectum mundi esse non possunt. Caput XVII.

Ecce inter sanctos eius nemo immutabilis, & cæli non sunt mundi in conspectu eius. Hoc cælorum nomine repetit, quod sanctorum prius appellatione signauit. Nam de eisdem sanctis scriptum est: Cæli enarrant gloriam Dei. Qui per naturam omnes in semetipsis propriam mutabilitatem habent, sed dum immutabili veritati studiosè semper inhærere desiderant, inhærendo agunt, ut immutabiles fiant. Cùmque ad hanc toto affectu se tenent, quandoque accipiunt, ut super semetipsos ducti vincant hoc, quod in semetipsis mutabiles extiterunt. Quid enim mutabilitas, nisi mors quædam est? Quæ dum rem quamlibet in aliud immutat, quasi occidit quod fuerat, ut incipiat esse, quod non erat. Et de authore omnium scriptum est. Qui solus habet immortalitatem: quia videlicet in semetipso solus immutabilis est. De quo per Iacobum dicitur: Apud quem non est transmutatio, nec vicissitudinis obumbratio. Ipsa enim mutabilitas umbra est, quæ quasi obsecraret lucem, si hanc per aliquas vicissitudines permutaret. Sed quia in Deo mutabilitas non venit, nulla eius lumen umbra vicissitudinis intercudit. Bene autem dicitur: *Cæli non sunt mundi in conspectu eius:* quia per semetipsos ante districtum Dei iudicium nec ipsi esse mundi ad perfectum possunt, qui munditiæ prædicatores fiunt, Ioanne attestante, qui ait: Si dixerimus quia peccatum non habemus, ipsi nos seducimus. Si igitur inter sanctos illius nemo immutabilis est, & cæli in conspectu illius non sunt mundi, quis apud te de iustitiæ opere præsumat? Vnde & subditur:

Quod quasi aquas homo iniquitatem bibit, cùm sine timore is obstaculo peccatum deglutit. Caput XVIII.

Hic quanto magis abominabilis & inutilis homo, qui bibit quasi aquas iniquitatem? Qui immaculatum prius hominem & iustum per se posse esse negauerat, hunc abominabilem & inutilem appellat: abominabilem scilicet propter immunditiam maculæ: inutilem verò propter iniustitiam imperfectæ vitæ. Qui tamen abominabilis & inutilis intelligi & aliter potest. Aliquando enim homo peruersus quædam rectè agere videtur, sed per ea quæ iniqua sunt, etiam ea quæ eius recta sunt, destruantur. Et quia multum Deo displicent mala, neque illa placent quæ videntur bona. Qui ergo in malis suis Deo abominabilis est, in bonis est inutilis: quia dum se per praua opera Deo execrabilem exhibet, nec illud de eo quod rectum videtur placet. Bene autem dicitur: *Qui bibit quasi aquas iniquitatem.* Hoc nanque quod comeditur, cum mora glutitur, quia manditur, ut glutitur. Quod autem bibitur, tantò ad glutendum moram non habet, quantò nullam & ad mādendum necessitatem habet. Culpa ergo quia à stulto homine sine vlla retractione perpetratur, quasi aqua iniquitas bibitur. Quia enim illicita sine timore facit, quasi potum iniustitiæ sine obstaculo glutit. Sequitur: *Ostendam tibi, & audi me: quod vidi, narrabo tibi.* Habent hoc omnes arrogantes proprium, ut

1. Corint. 13.

17

Psalm. 18.

1. Tim. 6.

Iacob. 1.

Iob. 15.

1. Ioan. 1.

† al. ab in.

18

primum, ut cum rectum quid vel parum senserint, in usum hoc elationis inflectant, atque vnde per intellectum sibimeipsis altiores fiant, inde per tumorem in foneam elationis cadant, seque doctis doctiores existiment, reuerentiam sibi à melioribus exigant, & docere sanctiores quasi ex autoritate contendant. Vnde nunc dicitur: *Ostendam tibi, & audi me.* Et quia cum minore auctoritate docet is, qui audita, quam is qui ea, quæ viderit loquitur, ut fortiozem sibimet auctoritatem Eliphas arroget, dicit: *Quod vidi, narrabo tibi.* Quia verò nonnunquam hæretici de damnatis suis patribus confunduntur, & tamen eorum sententias quasi cum auctoritate ad medium proferunt, ex quorum stultitia iure reprobantur: rectè ipsa hæreticorum audacia subinfertur, cum dicitur: *Sapientes confitentur, & non abscondunt patres suos.* In quorum & laudem profiliunt, & eos velut solos Ecclesiæ præfuisse gloriantur. Vnde adhuc subditur: *Quibus solis data est terra, & non transiit alienus per eos.* Solis suis patribus datam terram existimant, quia solos errorum suorum magistros rexisse veraciter Ecclesiam putant. Quis verò alienus, nisi apostata angelus vocatur? Vnde & per Psalmistam de cunctis simul malignis spiritibus dicitur: *Quoniam alieni insurrexerunt in me, & fortes quæsierunt animam meam.* Hæretici igitur quia doctorum suorum corda apostatæ angelo existimant non fuisse subiecta, transisse per eos alienum denegant. Cui videlicet alieno per vnum quenquam transire, est iniquas in corde eius cogitationes immittere. Vnde & per Prophetæ vocem de malignis spiritibus contra stantem animam dicitur: *Et dixerunt animæ meæ, incuruare ut transeamus.* Sed Eliphas Themanites quia quædam narraturus audiri vult, quanuis multa quæ dicenda sunt sciat, sed quia beato Iob dicenda non erant, nesciat: audiamus sententias quas contra beatum Iob protulit. Nec enim debemus cui, sed solum pensare quid dixit: Sequitur:

Quod sancti cisi ad horam insolent, nequaquam tamen in superbia persueverant.

Caput XXI.

Cunctis diebus suis impius superbit. Solent etiam electi in quibusdam suis cogitationibus atque actibus superbire. Sed qui electi sunt, cunctis diebus suis superbire non possunt: quia priusquam vitam finiant, ad humilitatis metum ab electione corda commutant. Impius verò diebus suis omnibus superbit, quia sic vitam terminat, ut ab elatione minimè recedat. Circumspicit quod temporaliter floret, & pensare negligit quod in æternum ducitur. In hac vita carnis fiduciam ponit, eaque diu permanere existimat, quæ ad præsens tenet. Solidatur in elatione animus, in despectu adducitur omnis propinquus: quam repentina mors surrepat, nunquam considerat: quam sit eius incerta felicitas nunquam pensat. Qui si incertitudinem fugacis vitæ conspiceret, incerta pro certo nequaquam tene- ret. Vnde & bene subditur:

Quod Deus non attendat quantum quisque faciat, sed quantum velit. Et quod ideo finem nostrum latere nos voluit, ut semper ad mortem parati simus.

Caput XX.

Et numerus annorum incertus est tyrannidis eius. Superbire enim minimè debuisset, etiam si annorum suorum numerum certum habere potuisset, ut sciens quantum viueret, præsciret quādo se ab elatione remoueret. At postquam præsens vita semper incerta est, tantò semper mors surripiens timeri debet, quāto nunquam præuideri valet. Bene autem superbiam impij, tyrannidem vocat. Propriè enim tyrannus dicitur, qui in communi republica non iure principatur. Sed sciendum est, quia omnis superbus iuxta modum proprium, tyrannidem exercet. Nam quod nonnunquam alius in republica, hoc est, per acceptam dignitatis potentiam, alius in provincia, alius in ciuitate, alius in domo propria, alius per latentem nequitiam hoc exercet apud se in cogitatione sua. Nec intuetur Dominus quantum quisque mali valeat facere, sed quantum velit. Et cum deest potestas foris, apud se tyrannus est, cui iniquitas dominatur intus: quia et si exterius non affligit proximos, intrinsecus tamen habere potestatem appetit ut affligat. Et quia omnipotens Deus corda pensat, iam in eius oculis impius egit quod cogitauit. Ad hoc autem condi-

Ator noster latere nos voluit finem nostrum, ut dum incerti sumus quando moriamur, semper ad mortem parati inueniamur. Vnde rectè postquam dictum est: Cunctis diebus suis impius superbit, adiungit: Et numerus annorum incertus est tyrannidis eius: ac si apertè diceret: Cur quasi de certo extollitur, cuius vita sub pœna incertitudinis tenetur? Sed omnipotens Deus prauè agentibus non solum ventura supplicia reseruat, sed eorum corda hinc etiam ubi delinquant, pœnis implicat, ut eo ipso quo peccant, semetipsos feriant, ut semper trepidi semperque suspecti mala ab aliis pati metuant, quæ se aliis fecisse meminerunt. Vnde adhuc de hoc impio subditur:

Quod reprobi non tantum ad futura supplicia reseruantur, sed iam hinc eorum corda conscientia igne torquentur.

Caput XXI.

Sonitus terroris semper in auribus illius, & cum pax sit, ille insidias suspicatur. Nil autem simplici corde felicius, quia quo innocentiam erga alios exhibet, nihil est quod pati ab aliis formidet. Habet enim quasi arcem quandam fortitudinis simplicitatem suam. Nec suspectus est pati, quod se fecisse non meminit. Vnde bene per Salomonem dicitur: In timore Domini, fiducia fortitudinis. Qui rursum ait: Secura mens, quasi iuge conuiuium. Quasi enim continuatio refectionis est, ipsa tranquillitas securitatis. At contrà mens praua semper est in laboribus, quia aut molitur mala quæ inferat, aut metuit ne hæc sibi ab aliis inferantur. Et quicquid contra proximos excogitat, hoc contra se excogitari à proximis formidat. Fit vndique suspecta, vndique trepida. Omnis qui ad memoriā venit, exquirere contraria creditur. Cui ergo tranquillitas securitatis deest, huic proculdubio terroris sonitus semper in auribus est. Et sepe contingit ut illi quilibet proximus suus simpliciter loquatur, nil aduersum cogitet. Sed cum pax sit, ille insidias suspicatur, quia qui semper dolose agit, simpliciter erga se agi non æstimat. Et quia scriptum est: Impius cum in profundum venerit peccatorum, contemnit: inuolutus iniquitatibus suæ tenebris, iam de luce desperat. Vnde sequitur: *Non credit quod reuertitur possit de tenebris ad lucem, circumspiciens vndique gladium.* Quia dum feriri se vndique insidiis credit, salute desperata, semper ad nequitiam excrefcit. Aliquando verò iste peruersus etiam superna iudicia attendit, & super se hæc euenire metuit. Sed cum stipendium vitæ præsentis quærit, hæc eadem iudicia quæ metuere cœperat, avaritiæ deuictus infania contemnit. Et quidem mori se posse in peccato existimat, sed tamen à peccato non cessat. Vnde & subditur: *Cum se mouerit ad quærendum panem, nouit quod paratus sit in manu eius tenebrarum dies.* Panis etenim, stipendium vitæ præsentis, tenebrarum verò dies, tempus ultionis accipitur. In actu itaque suo aliquandiu iste peruersus iram superni iudicis perpendit præsentem, sed à malo non auertitur, ut etiam ipsa quoque ab eius interitu valeat auerti. Accusante se autem conscientia feriri metuit: sed tamen semper angit quo feriat. Contemnit redditum suum, desperat veniam, superbit in culpa, sed tamen testem suæ nequitia intus habet timorem. Et quamuis praua videatur foris audacter agere, de his tamen apud semetipsum cogitur trepidare. Vnde scriptum est: Cum enim sit timida nequitia, dat testimonium condemnationi, quia cum illicita quisque perpetrat, pauet quod facit: & apertus damnationis testis est ipse timor iniquitatis: quia & timetur quod agitur, & tamen malum non vincitur quod timetur. De quo & adhuc subditur: *Terrebit cum tribulatio, & angustia vallabit eum, sicut regem qui præparatur ad prælum.* In omne quod iniquus agit, tribulatione & angustia vallatur, quia cor eius anxietate & suspitione confunditur. Alius occultè appetit vi aliena diripere, qui laborat in cogitationibus ne deprehendi valeat. Alius relicta veritate mentiri deliberat, ut audientium animum fallat. Sed quantus labor est sollicitè custodire, ne ipsa eius fallacia deprehendi queat? Ponit quippe ante oculos quid sibi à veritatem scientibus responderi possit, & cum magno cogitatu pertractat, quomodo per argumenta falsitatis, documenta veritatis exuperet. Hinc inde se circumtegit, & contra hoc ubi deprehendi potuerit, veritati similem responsionem quærit: qui si velit verum dicere, utique sine labore potuisset. Plana quippe veri-

Prover. 14.

Ibidem.

Prover. 18.

20.

Sapient. 7.

Hier. 9.

tatis via, & graue est iter mendacij. Vnde & per Prophetam dicitur. Docuerunt enim linguam suam loqui mendacium: ut iniquè agerent, laborauerunt. Bene ergo dicitur: Terrebit eum tribulatio, & angustia vallabit eum: quia apud semetipsum in labore timoris deficit, qui securitatis sociam viam veritatis relinquit. Qui bene regi præparato ad prælium comparatur, quia in eo ipso malo quod agit, & terretur & festinat, & ex conscientia trepidat, & ex desiderio anhelat, metuit & superbit, pauescit suspitionibus, & mentem per audaciam erigit. Sciendum quoque est, quia rex qui præparatur ad prælium, sic de hoste suspectus est, ut eundem quoque quem ducit exercitum metuat, ne labefactetur, ne destitutione militum iaculis pateat inimicorum. Iniquus ergo angustia vallatur, sicut rex qui præparatur ad prælium: quia videlicet falsa agens, falsa loquens, formidat, ne suos amittat milites, id est, argumenta falsitatis, & veritatis iaculis pateat, si ei fortasse defuerit quod ex fallacia opponat. Sed quanuis animus trepidet, quanuis cōscientia accuset, cupiditate tamen sua iniquus vincitur, & suppresso pauore, audaciam de iniquitatibus sumit. Et sæpe etiam ultione menti proposita, se contra Deum erigit, quælibet ab eo aduersa perpeti deliberat, dummodo hinc, dum valet omne quod placet agat. Vnde & subditur:

Quid hi contra Deum manum tendunt, qui mala agentes Deum contemnunt: & pingui contra eum ceruice armantur, qui ex opulentiâ rerum secularium inflati, quasi ex pinguedine vitæ præsentis contra creatorem se erigunt.
Caput XXII.

Tendit enim aduersus Deum manum suam, & contra omnipotentem roboratus est. Cucurrit aduersus eum erecto collo, & pingui ceruice armatus est. Hæc de ipso iniquorum capite, scilicet antichristo, apertius sentiuntur, qui contra Deum manum erigens, roborari dicitur: quia paruo tempore permittitur exaltari, ut cum ad modicum gloriari finitur, eo in perpetuum atrocius puniatur. Sed quia eius membra sunt omnes iniqui, hoc quod in fine mûdi ille tunc singulariter acturus est vnus, videamus modo qualiter à malis agatur singulis. Sunt namque nonnulli, qui & si qua aliquando agere contra omnipotentis Dei iudicium nituntur, ipsa impossibilitate explendæ suæ voluntatis fracti, ad semetipsos respiciunt, atque ad eum quem contemnere voluerant, conuertuntur: & qui discedere longè poterant, si quod vellent implere valuissent, per hoc aliquando saluantur, quia quod nequiter voluerunt, implere nequiverunt. Vnde ad se reducti, cuius sint conditionis aspiciunt & plangunt se contraria veritati voluisse. Et sunt nonnulli qui hoc quod peruersè contra Deum appetunt, iusto Dei iudicio, implere nequius permittuntur. Et cum eos malitia accendit, potentia roborat, tantò iam semetipsos in errore cognoscere nequeunt, quantò in rebus affluentibus extra se semper per potentiam trahuntur. De quorum nunc intentione dicitur: *Tendit enim aduersus Deum manum suam, & contra omnipotentem roboratus est.* Contra Deum quippe manum tendere, est in operatione praua, despectis Dei iudiciis, perseverare. Et quia tunc magis irascitur Deus, quando permittit impleri quod saltem cōcipi in cogitatione non debuit, contra omnipotentem iniquus iste roboratur: quia prosperari in mala sua actione permittitur, quatenus & peruersa faciat, & tamen foeliciter viuat. De quo adhuc subditur: *Cucurrit aduersus eum erecto collo.* Erecto collo contra Deum currere, est ea quæ creatori displicent, cum audacia perpetrare. De quo rectè dicitur: *Cucurrit, id est in malo opere obstaculum de aduersitate non habuit.* De quo adhuc additur. *Et pingui ceruice armatus est.*

22

Pinguis ceruix est opulenta superbia, affluentibus videlicet rebus quasi multis carnibus fulta. Potens igitur iniquus pingui ceruice contra Deum armatur, quia rebus temporalibus tumens, contra præcepta veritatis, quasi de magnitudine carnis erigitur. Quid enim paupertas, nisi quædam macies, & quid rerum abundantia, nisi pinguedo est vitæ præsentis? Pingui ergo ceruice se contra Deum erigit, qui temporalem abundantiam in superbiam assumit. Habent enim hoc potentes & iniqui proprium, ut fallacibus diuitiis occupati veras Dei opes negligant, & quantò minus quod verum est inquirunt, tantò amplius falsis diuitiis extollantur. Cura

etenim multiplex terrenarum rerum quia occupat, exæcat. Vnde adhuc aptè subiungitur: *Operuit faciem eius crassitudo.* Visus quippe in facie est, in qua & prima corporis honorabilior pars est. Non ergo immeritò mentis intentio per faciem designatur, quam quolibet vertimus, illuc videmus. Faciem ergo crassitudo operit, quia desiderata terrenarum rerum abundantia oculos mentis premit, & hoc quod in eis esse honorabile debuit, antè Dei oculos scædat, quia curis multiplicibus aggrauat. Quibus tamen nec solum sufficit ut ipsi superbiant, nisi & hi qui eis coniuncti sunt, de eorum pinguedine etiam ipsi gloriantur. Nam sunt nonnulli qui patronis maioribus adiuti superbiunt, & de eorum potentia contra inopes extolluntur. Vnde & adhuc subditur: *Et de lateribus eius aruina dependet.* Quia aruina pinguedo carnis est, & latera dicere diuitum solemus hos, quos eis coniunctos cernimus, aruina de eius lateribus dependet: quia quisquis potenti & iniquo adhæret, ipse quoque de eius potentia velut ex pinguedine rerum tumet, ut patroni peruersi iniquitatē sequens, Deum non timeat, quos valet & quantum valet pauperes affligat: de gloria temporali cor eleuet. Cum ergo talis est qui iniquo potenti adhæret, de eius profectò latere aruina dependet. De quibus adhuc subditur: *Habitabit in ciuitatibus desolatis, & in domibus desertis, quæ in tumulos sunt redactæ.* Quia enim à conuersatione conuiuentium ciuitas appellatur, ciuitates desolatæ sunt ipsi obsequentium cunei peruersorum, quorum clamoribus peruersus iste laudatur, cum ad praua opera per nequitiam rapitur. Vnde scriptum est: *Laudatur peccator in desiderio animæ suæ, & qui iniqua agit, benedicitur.* Domus verò desertæ, sunt cogitationes prauæ, quas iniquus iste inhabitat, quia per omne quod agit, iniquorum hominum placere cogitationibus appetit. Quæ ciuitates desolatæ, & domus desertæ rectè nominantur, quia nisi omnipotens Deus, talium cōuersationes cogitationesque præcedentibus eorum culpis relinqueret, ad grauiora perpetranda minimè peruenirent. Bene autem dicitur: *Quæ in tumulos sunt redactæ.* Ruentia nanque domorum atque ciuitatum ædificia tumulos faciunt, quoniam dum prauis quique confusis actionibus sibi metipsis ad peruersa opera iunguntur, ostendunt procul dubio, quia de ædificio vitæ ceciderunt. Sequitur: *Non habitabitur, nec perseverabit substantia eius, nec mittet in terram radicem suam.* Quod hinc, non habitabitur, dictum est: in quibusdam codicibus reperi, non ditabitur: sed sensus non discrepat, quanuis à se sermo discordet. Ille enim virtutibus ditatur, cuius mentem inhabitat omnipotens Deus. Sed quia superbi cogitatio ab authoris sui gratia non inhabitatur, profectò per hoc virtutibus non ditatur. Propter hoc ergo quod interius est vacuus, ditatur, non inhabitatur: propter hoc verò quod transitorium foris tumet, rectè subiungitur: *Nec perseverabit substantia eius.* Ac si aptè dicatur: Hoc quod habere videtur exterius, transit: & illud quod transire non poterat, interius non habet. Vnde & aptè subiungitur: *Nec mittet in terram radicem suam.* Quod si de hac terra dictum accipimus, liquet proculdubio quia arbor quæ in terra radicem non habet, vel tenuissimis commota flatibus cadit. Et superbus quisque dum contra omnipotentem Dominum roboratur, dum currit erecto collo, & pingui ceruice contra authorem erigitur, stare quasi arbor videtur. Sed status eius sine radice est: quia velut ad lenem flatum, sic ad motum occultæ sententiæ vita eius eruitur. Sin verò hoc loco terram, æternæ vitæ retributionem accipimus, de qua Propheta ait: *Portio mea in terra viuientium:* iniquus iste in terram radicem suam non mittit, quia nunquam ad æternæ vitæ desiderium, cordis sui cogitationem plantat.

Quod enim radix arbori, hoc vnicuique hominum cogitatio sua est: quia in hoc quod exterius videtur, per illud tenetur quod exterius non videtur. Vnde & per Prophetam dicitur: *Mittet radicem deorsum & faciet fructum sursum.* Cum enim cogitationem nostram ad compatiendum indigenti proximo tendimus, quasi radicem deorsum mittimus, ut retributionis fructum superius faciamus. Sequitur: *Non recedet de tenebris.* Si superbus iste à culpa ad iustitiam redire voluisset, de tenebris recederet. Sed quia lucem iustitiæ non querit, de tenebris non recedit. Cuius etiam exemplo hi qui ei adhærent, in terrenis profectibus anhelant, auaritiæ facibus accenduntur.

duntur, desideriorum carnalium ignibus vruntur. Vnde & subditur: *Ramos eius arefacit flamma.* Si enim sibi quosdam æternam patriam quærentes adiungeret, ramos in se virides haberet. Sed quia ipsi quoque qui ei coniuncti sunt, terrenis desiderijs æstuant, & dum desideriorum flamma, clientium eius animos accendit, scilicet ramos eius arefacit, vt fructum boni operis non ferant, quia ad appetenda infima per nequitiam anhelant. Bene autem subditur: *Et auferetur spiritus oris sui.* Superbus etenim quisque quò in hac vita plus valet, eò sibi linguæ frena audacius relaxat, vt loquatur peruersa quælibet, nullumque de verbis suis metuat, istos contumeliis feriat, illos maledictionibus iaculetur. Nonnunquam verò in blasphemiam contra conditorem rapitur, sicut de talibus per Psalmistam dicitur: Posuerunt in cælum os suum, & lingua eorum transiit super terram. Vnde & diues in igne positus, stillari sibi aquam ex digito Lazari in linguam postulat. Quæ ex re intelligitur, quia vbi amplius peccauerat, ibi atrocius ardebat. Rectè ergo nunc dicitur: *Et auferetur spiritus oris sui:* quia eo percussione sententiam accepit, quo oris sui spiritum sub diuina formidine non restrinxit. Sequitur:

Quod elemosynas ex rapinis pauperum, vel ex alijs malis operibus contractas non suscipiat Deus. Et qui in his diuites sunt, nullo precio redimantur.

Capitulum XXIII.

Non credi frustra errore deceptus, quod aliquo precio redimendus sit. Quotiens post culpam elemosynas facimus, quasi pro prauis actibus precium damus. Vnde & per Prophetam de eo qui hæc non agit, dicitur: Non dabit Deo propitiationem suam, nec precium redemptionis animæ suæ. Nonnunquam verò diuites elati, inferiores opprimunt, & aliena rapiunt: & tamen quasi quædam alijs largiuntur: & cum multos deprimant, aliquando quibusdam opem defensionis ferunt, & pro iniquitatibus quas nunquam deserunt, dare precium videntur. Sed tunc elemosynæ precium nos à culpis liberat, cum perpetrata plangimus, & abdicamus. Nam qui & semper peccare vult, & quasi semper elemosynam largiri, frustra precium tribuit, quia non redimit animam quam à vitis non compescit. Vnde nunc dicitur: *Non credi frustra errore deceptus, quod aliquo precio redimendus sit.* Quia elemosyna superbi diuitis eum redimere non valet, quam perpetrata simul rapina pauperis ante Dei oculos ascendere non permittit. Quod fortasse intelligi aliter potest, quia, sæpe superbi diuites cum elemosynam tribuunt, non hanc pro æternæ vitæ desiderio, sed pro extendenda vita temporali largiuntur, mortem se posse differre donationibus credunt. Sed non credat frustra errore deceptus, quod aliquo precio redimendus sit, quia obtinere ex impenso munere non valet, vt finem debitum euadat, cuius etiam nequitia intercidit vitam. Vnde & subditur: *Antequam dies eius impleantur, peribit: & manus eius arescent.* Præfixi dies singulis ab interna Dei præscientiâ, nec augeri possunt, nec minui: nisi contingat vt ita præsciantur, vt aut cum optimis operibus longiores sint, aut cum pessimis breuiiores, sicut Ezechias augmentum dierum meruit impensio-
ne lachrymarum: & sicut de peruersis scriptum est: Indisciplinatis obuiat mors. Sed sæpe iniquus quamuis in occulta Dei præscientia longa vitæ eius tempora non sint prædestinata, ipse tamen quia carnaliter viuere appetit, longos animo dies proponit. Et quia ad illud tempus peruenire non valet quod expectat, quasi antequam dies illius impleantur, perit. Quod tamen intelligere & aliter possumus. Plerunque enim quosdam cernimus & peruersè agere, & vsque ad senectutem vltimam peruenire. Quomodo enim dicitur: *Antequam dies eius impleantur, peribit:* cum in quibusdā sæpe videamus, quia ætate longa iam membra deficiunt, & tamen prauitatem suam eorum desideria exequi non desistunt? Sunt nanque nonnulli qui post vitam perditam, ad semetipsos redeunt, & accusante se conscientia, peruersa itinera relinquunt, commutant opera, antiquæ suæ prauitati contradicunt, terrenas actiones fugiunt, desideria superna sectantur: sed priusquam in eisdem sanctis desiderijs solidentur, per torporem mentis ad ea quæ diiudicare cœperant, redeunt: atque ad mala quæ fugere disposuerant, recurrunt. Quia enim sæpe contingit vt pro utili-

tate multorum etiam sancti viri exterioribus actibus seruiant, & populorum gubernationibus occupentur, hoc infirmi aspicientes, & per vetustam adhuc superbiam quærentes imitari, exterioribus se actionibus inserunt: sed quantò ad eas non eruditi spiritalibus veniunt, tantò eas carnaliter exequuntur. Nisi enim prius cor longo studio & diutina conuersatione in desiderijs cœlestibus conualescat, cum ad exteriora agenda refunditur, ab omni statu boni operis eradicatur. Vnde rectè quoque de hoc iniquo dicitur: *Antequam dies eius impleantur, peribit.* Quia & si quid boni fortasse cœpit agere, priusquam in eo per longitudinem temporis conualescat, ad exteriora relabitur, & peruersè deferit, quæ rectè inchoasse videbatur. Vnde & aptè subditur: *Et manus eius arescent.* Quia dum exterioribus actibus intempestiue inuoluitur, ab omni nimirum bona operatione siccatur. Vnde adhuc bene subditur:

Quod hypocrita ideo avari & infæcundi sint in conspectu Dei, quia coram hominibus opera sua congregant.

Capitulum XXIIII.

Lædetur quasi vinea in primo flore botrus eius, & quasi oliua proiciens florem suum. Congregatio enim hypocrita sterilis. Notandum quod sic de hoc iniquo generaliter loquitur, vt tamen diuinus sermo ad specialem eius nequitiam deriuetur. Qui enim dicens: Lædetur quasi vinea in primo flore botrus eius, & quasi oliua proiciens florem suum: protinus subdit: Congregatio enim hypocrita sterilis: patenter indicat, quia in hoc iniquo reprobationis sententiam contra eius hypocrisin ferat. Sed nunc pensandum nobis est, qualiter hypocrita sicut vinea in primo flore, vel sicut oliua florem proiciens lædatur. Si florentem vineam per inæqualitatem aëris immoderatum frigus attigerit, protinus ab omni humore viriditatis arefacit. Et sunt nonnulli qui post peruersa itinera, sanctas vias sectari appetunt, sed priusquam in eis, vt diximus, desideria bona roborantur, quædam illos præsentis seculi prosperitas accipit, quæ eos rebus exterioribus implicat, & eorum mentem dum à calore intimi amoris retrahit, quasi ex frigore extinguit, & quicquid in eis de virtutum flore apparere videbatur, interficit. In terrenis quippe actibus valde frigescit animus, si necdū fuerit per intima dona solidatus. Vnde necesse est vt loca maiora vel exteriora opera quæ humanis sunt necessitatibus profutura, illi exercenda suscipiant, qui hæc diiudicare atque sub semetipsis premere ex virtute intima nouerunt. Nam cum infirmus quisque vel ad locum regiminis, vel ad exteriora agenda trahitur, quo quasi extra se ducitur, eradicatur: quia & arbor quæ radices in altum prius non mitrit, citius ad ima corruit, quo altius in aëre sine radicibus excreuit. Nonnunquam verò florentem vineam non frigus, sed æstus arefacit. Cumque immoderato calore tangitur, discusso flore botrus tabescit. Et plerunque contingit, vt hi qui ad bona opera recta intentione non veniunt, cum placere se hominibus vident, ad exercenda hæc eadem opera vehementius accendantur, humanis placitura oculis agere anxie studeant, & quasi in sancto studio feruescant. Quid itaque istos, nisi in flore æstus contigit, quos humanæ laudis appetitio à fructu alienos fecit? Vnde & bene subditur: *Et quasi oliua proiciens florem suum.* Oliua quippe cum in flore est, si immoderata nebula tangitur, à plenitudine fructuum vacuatur. Et quoties inchoantes quique bona opera, laudari ab aspicientibus cœperint, atque in suis laudibus delectari, fit caligo intelligentiæ in cogitatione, vt iam discernere nequeant, qua intentione quid faciant, & fructum pendant operis, velut ex nebula fauoris. Vnde bene per Salomonem dicitur: Mane surgamus ad vineas, videamus si floruit vinea, si flores fructus parturiunt. Florent quippe vineæ, cum mentes fidelium bona opera proponunt. Sed fructus non pariunt, si ab eo quod proposuerint, aliquibus victi erroribus infirmantur. Non ergo intuendum est si vineæ florent, sed si flores ad partum fructuum conualescant, quia mirum non est si quis bona inchoet, sed valde mirabile est, si intentione recta in bono opere perduret. Vnde fit plerunque vt si in bono opere recta intentio non tenetur, etiam ipsum hoc opus

Psalm. 72.

Luc. 16.

Psalm. 48.

25.

26.

Cant. 7.

27.

quod bonum creditur, amittatur. Nam quosdam sæpe vidimus terrena quæ possederat reliquisse, & nil iam transitorium querere, nullis pro hac vita iurgiis immisceri. Cum itaque hoc in se fidelis anima ostendit, quasi oliua florem protulit. Sed cum quidam ex talibus rursus cœperint mundi gloriam quam contempserant querere, & terrenis rebus quas spreuisse videbantur, insatiabiliter inhiare, vacare iurgiis, proximorum læsiones exquirere, nimirum proiecit oliua florem quem proposuit: quia rudimenta boni studij ad perfecta opera non perduxit. Sed sciendum est, quia hæc semper eis eueniunt, qui Deum puro ac simplici studio non sequuntur. Vnde rectè subditur: *Congregatio enim hypocrita sterilis.* Cœpta enim bona non amitteret, si hypocrita non fuisset. Congregant verò & hypocritæ bona opera, sed eorum sterilis est ipsa congregatio, quia per hoc quod agunt, fructum recipere in æterna retributione non appetunt. Fœcundi ac virides in suis operibus, humanis oculis videntur: sed in conspectu occulti iudicis, infœcundi & aridi apparent. Sæpe verò æstu auaritiæ accensi, eò maiora de se opera humanis oculis ostendunt, quò ampliora sibi ab hominibus offerri munera appetunt. Vnde adhuc subditur:

Quid sit munus ab ore & à manu percipere

Caput XXV.

ET ignis deuorabit tabernacula eorum, qui munera libenter accipiunt. Sicut enim corpus in tabernaculo, sic mens habitat in cogitatione. Sed ignis tabernacula deuorat, cum æstus auaritiæ cogitationes deuastat. Et fit plerumque ut hypocrita aurum vel quæq; bona corporalia ab hominibus accipere cōtemnat: sed quia hæc non accipit, maiores ab eis recipere laudes quærat, & fortasse munus se accepisse non æstimat, quia bona corporalia recipere recusat. Vnde sciendum est: quia aliquando munus à manu, aliquando verò ab ore porrigitur. Nam qui nummum tribuit, munus ex manu dedit. Qui autem verbum laudis impendit, munus ab ore protulit. Hypocrita itaq; etsi exteriora dona quæ terrenæ forsitan necessitati congruunt, accipere recusat, plus est quod sibi retribuì appetit, cum ultra meritum laudari desiderans, munus ab ore querit. Et quia in ipso laudis appetitu, nimio cor ardore succeditur, dicatur rectè: Et ignis deuorabit tabernacula eorum, qui munera libenter accipiunt. Sin verò eorum tabernacula, corpora debemus accipere, in quibus illorum animæ habitant, ignis eorum tabernacula deuorat: quia qui hîc in mēte ardent igne auaritiæ, illic etiam in carne concremantur ignibus gehennæ. Et quia mens hypocritæ nunquam vacat à malitiæ cogitatione, nam siue terrena quæq; seu laudem appetat, hæc aliis inuidet quæ sibi tribui anhelat: & tantò cœteros ostendere peruersos molitur, quantò videri sanctior omnibus appetit, ut eo quòd alij despiciabiles fiunt, ipse reuerentior semper appareat. Vnde fit ut de opinione proximi ante humana iudicia, linguæ suæ laqueos prætendat, ut eorum quibus placere appetit, solus æstimationem capiat. Vnde & sequitur: *Concepit dolorem, & peperit iniquitatem, & vterus eius præparat dolos.* Dolorem quippe concipit, cum peruersa cogitat. Iniquitatem parit, cum explere cœperit quod cogitauit. Inuidendo dolorem concipit, derogando iniquitatem parit. Grauis quippe est iniquitas, quando is qui peruersus est, ostendere alios peruersos molitur, ut inde ipse quasi sanctus appareat, quòd alios sanctos non esse docuerit. Sciendum verò quòd in sacro eloquio, ventris vel vteri nomine mens solet intelligi. Hinc est enim quod per Salomonem dicitur: *Lucerna Domini spiraculum hominis, quæ inuestigat omnia secreta ventris.* Lux enim gratiæ quæ desuper venit, spiraculum homini præstat ad vitam. Quæ videlicet lux omnia secreta ventris inuestigare dicitur, quia occulta mētis penetrat, ut ea quæ de se ipsa latebant animam, ante eius oculos flenda reducat. Hinc Hieremias ait: *Ventrem meum ventrem meum doleo.* Qui ut ventrem suum quid dixisset ostenderet, adiunxit: *Sensus cordis mei turbati sunt.* Vteri itaque nomine, rectè mens accipitur, quia sicut proles in vtero concipitur, sic cogitatio in mente generatur: & sicut in ventre cibi, ita continentur in mente cogitationes. Vterus itaq; hypocritæ præparat dolos, quia tantò semper maiorem malitiam cōtra proximos in mente concipit, quantò solus præ omnibus videri

innocentior querit. Hæc idcirco Eliphas protulit, quia beatus Iob tanto percussus verbere propter hypocrisin putauit. Sed eius verba etsi multis congruunt, ab ipso solo aliena sunt, pro quo solo dicebantur: quia sanctus vir nihil in suis actibus duplicitatis habuit, quem testis veritas de cordis simplicitate laudauit.

Libri duodecimi Moralium sancti Gregorij finis.

B. GREGORII MORALIUM LIBER DECIMUSTERTIUS, exponens duo capita textus beati Iob, scilicet decimum sextum & decimum septimum.

Caput I.



ESS E hoc peruersorum proprium solet, quòd sua mala per conuitium bonis ingerant, priusquam de eis ipsi veraciter accusentur: & dum metuunt increpari de his quæ faciunt, aduersantes suis prauitatibus iustos hæc facere testantur. Sancti autem viri patienter audiunt etiam quæ se nunquam fecisse meminerunt, quanuis ea mala quæ sibi ingeri conspiciunt, ab ipsis suis criminatoribus nouerint perpetrata, & cum eos prædicando corrigere non possunt, patiendò tolerant, quatenus si fructum cōuersionis eorum consequi non valent, ex ipsis tamen præmium longanimitatis acquirant. Vnde & sancta Ecclesia David Prophetæ vocibus dicit: *Supra dorsum meum fabricauerunt peccatores: quia videlicet dum hæreticos vel quoslibet reprobos quos corrigere non valet, tolerat, facta peccantium supra dorsum portat.* Beatus itaque Iob videns Eliphas amicum suum multa contra se de hypocrisi conquerentem, qui ex consolationis verbo ad amaritudinem increpationis eruperat, & simulatus consolator apparebat, per patientiam suam typum seruat Ecclesiæ, quæ nouit talia audiendo tolerare, & cum eius sermo admittitur, ratiocinando destruere, & dicit:

De patientia sanctorum.

Psalm. 118.

Caput decimum sextum beati Iob.



REspondens autem Iob, dixit: *Audiui frequenter talia. Consolatores onerosi omnes vos estis. Nunquid habebunt finem verba ventosa, aut aliquid tibi molestum est si loquaris? Poteram & ego similia vestri loqui.* Atque utinam esset anima vestra pro anima mea. Consolarer & ego vos sermonibus, & mouerem caput meum super vos. Roborarem vos ore meo, & mouerem labia mea, quasi parcens vobis. Sed quid agam? Si locutus fuero, non quiescet dolor meus: & si tacuero, non recedet à me. Nunc autem oppressit me dolor meus, & in nihilum redacti sunt omnes artus mei. Rugæ meæ testimonium dicunt cōtra me, & suscitatur falsiloquus aduersus faciem meam, contradicens mihi. Collegit furorem suum in me, & comminans mihi, infremuit contra me dentibus suis. Hostis meus terribilibus oculis me intuitus est. Aperuerunt super me ora sua, & exprobrantes percusserunt maxillam meam, satiati sunt pœnis meis. Conclussit me Deus apud iniquum, & manibus impiorum me tradidit. Ego ille quondam opulentus, repente contritus sum. Tenuit cervicem meam, confregit me, & posuit me sibi quasi in signum. Circundedit me lanceis suis, conuulnerauit lumbos meos. Non pepercit, & effudit in terram viscera mea. Cōcidit me vulnere super vulnus,

Prover. 20.

Hier. 4.

super vulnus, irrui in me quasi gigas. Saccum confui super cutem meam, & operui cinere carnem meam. Facies mea inrumuit à fletu, & palpebræ meæ caligauerunt. Hæc passus sum absque iniquitate manus meæ, cum haberem mundas ad Deum preces. Terra ne operias sanguinem meum, neque inueniat in te locum latendi clamor meus. Ecce enim in cœlo testis meus, & conscius meus in excelsis. Verbosi amici mei. Ad Deum stillat oculus meus. Atque vtinam sic iudicaretur vir cum Deo, quomodo iudicatur filius hominis cum collega suo. Ecce enim breues anni trāseunt: & semitam per quam non reuertar, ambulo.

Caput II.

A *(Vt diu frequenter talia.)* Electi quippe frequenter aliena mala quasi sua audiunt, & ab his eis crimen impingitur, à quibus crimina impacta perpetrantur. Hac autem responsione beatus Iob illud Ecclesiæ tempus significat, quo oppressa ab aduersariis, temporalis eorum potentia quasi deiecta creditur. Vnde sequitur: *Consolutores onerosi omnes vos estis.* Siue enim heretici seu prauis quilibet, cum laborare bonos in aduersitate conspiciunt, in eo quod illos consolari appetunt, mala eis persuadere conantur. Vnde non immerito bonorum mentibus onerosa fit eorum consolatio, quia inter verba dulcedinis, viri propinare cupiunt erroris, & dum dictis lenibus dolores quasi leuigant, peccati onus imponere festinant. Sed electi viri etiam cum temporali gloria priuantur, interni vigorem iudicii non amittunt. Nam sciunt & foris aduersa perpeti, & tamen interius infracti, recta sine pauore defendere. Vnde subiungitur: *Nunquid habebunt finem verba ventosa?* Ventosa enim verba sunt, quæ inflationi temporali potius quam rectitudini seruiunt. Sæpe autem mali etiam bona dicunt, sed quia bene non dicunt, ventosa verba proferunt. Nam dicta eorum & si quando sana sunt per sententiam, inflata tamen sunt per elationem. In hoc verò quod dictum est: *Consolutores onerosi omnes vos estis:* quid aliud beati Iob magisterio docemur, nisi vt quisque perpendere sollicitè sciat, ne luctus tempore, verba increpationis inferat? Si enim sunt quædam quæ increpari iure debeant, in afflictione postponenda sunt, ne consolator increpando dolorem augeat, quem lenire proposuit. Sequitur: *Aut aliquid tibi molestum est si loquaris?* Mali viri cum aliis sibi similibus conuictiosa verba proferunt, eo citius obmutescunt, quo de se talia mox audiunt, qualia suis auditoribus dicunt. Cum autem bonos viros per conuictiosa verba iaculantur, nil eis molestiæ ex conuictio nascitur, quia contra tacentes loquuntur, nec compelluntur audire quod sunt, quia iusti conuictia non reddunt, etiam dum coguntur audire quod non sunt. Bene ergo dicitur: *Aut aliquid tibi molestum est si loquaris?* Ac si ei apertè diceretur. Eo plus loqueris, quo à me molestum aliquid de tua actione non audis. Vnde & subditur:

Quod pro qualitate personarum temperanda sit correctio doctorum.

Caput III.

Poteram & ego similia vestri loqui. Narrat iustus quid facere potuit, sed ne iustitiam deferat, quod facere potuit declinat. Sequitur: *Atque vtinam esset anima vestra pro anima mea, consolari & ego vos sermonibus, & mouerem caput meum super vos. Roborarem vos ore meo, & mouerem labia mea, quasi parcens vobis.* Aliquando necesse est vt prauis mentibus quæ humana prædicatione corrigi nequeunt, diuina flagella optari benignè debeant. Quod cum magno fit amoris studio, videlicet non errantis pœna, sed correctio quæritur, & oratio potius quam maledictio esse monstratur. In his autem verbis hoc beatus Iob monstratur intendere, vt amici qui dolori illius per charitatem compati nesciebant, ab experimento discerent, alienæ afflictioni qualiter misereri debuissent, atque edomiti doloribus à sua passione traherent, consolationem aliis qualiter inferrent, & tunc salubrius intrinsecus viuerent, cum aliquid extrinsecus de infirmitate sentirent. Notandum quod nō ait: Vtinam esset anima mea pro anima vestra, sed Vtinam esset anima vestra pro anima mea: quia profecto sibi malediceret, si

se illis fieri similem optaret. Illis verò meliora voluit, quos sibi fieri similes quæsiuit. Consolamur verò prauos in flagello constitutos, cum de exteriori percussione interiorum in eis conualescere salutem inducamus. Caput etiam mouemus, cum mentem, quæ principale nostrum est, ad compassionem inflectimus. Eosque inter flagella roboramus, cum doloris eorum vim verbis mitibus lenimus. Sunt nanque nonnulli qui dum interna nesciunt, de malis exterioribus desperabiliter affliguntur, de quibus per Psalmistam dicitur. In miseris non subsistent. Ille etenim bene nouit in exterioribus miseris subsistere, qui scit semper de spe interna gaudere. Quod verò non ait parcens, sed quasi parcens vobis, nequaquam hoc negligenter prætereundum puto: quia sancta Ecclesia disciplinæ vigorem cum permixtione mansuetudinis seruans, aliquando malis & quasi parcens non parcat, aliquando verò, & quasi non parcens parcat. Quod melius ostendimus, si ipsa quæ plerumque accidunt, proferamus. Ponamus itaque ante oculos mentis, duos prauos intra sanctam Ecclesiam esse constitutos, quorum sit vnus potens & proteruius, alter mitis & subditus. Si qua miti & subdito culpa surripuerit, hanc protinus increpando prædicator insequitur & corripit, eumque corripiendo à culpa liberat, atque ad viam rectitudinis reformat. Quid itaque huic nisi non parcens pepercit? quia dum correctionis verbum non distulit, citius hunc à culpa liberauit. Liberè enim arguens non pepercit, sed in eo quod correxit, pepercit. At contrà potens & proteruius, cum aliquid perpetrasset cognoscitur, tempus quæritur, vt de malo quod fecit increpetur. Nisi enim prædicator sustineat quando proferre congruè correctionem possit, auget in eo malum quod insequitur. Sæpe enim contingit, vt talis sit, qui nulla increpationis verba suscipiat. Quid itaque in huius culpa prædicatori agendum est, nisi vt in sermone admonitionis quem pro communi salute omnium auditorum facit, tales culpas ad mediū deducat, quales eū perpetrasse considerat, qui & præsto est, & de se solo adhuc argui non potest, ne deterior fiat. Et cum generaliter contra culpam inuectio intèditur, correctionis verbum libenter ad mentem ducitur, quia potens prauus ignorat, quod sibi hoc specialiter dicatur. Quid itaque isti prædicator suus nisi parcens minimè pepercit? cui & specialiter correctionis verba non intulit, & tamen vulnus illius sub communi admonitione percussit. Vnde fit plerumque, vt eo vehementius perpetrata culpam lugeat, quo reatum suum, & cum se percussum sentiat, nesciri putat. Magna itaque prædicationis arte agendum est, vt qui ex aperta correctione deteriores fiunt, quodam temperamento correctionis ad salutem redeant. Vnde etiam Paulus dicit: Quæ putamus ignobiliora membra esse corporis, his honorem abundantiorum circundamus, & quæ inhonesta sunt nostra, abundantiorum honestatem habent, honesta autem nostra nullius egent. Sicut enim inhonesta membra in corpore, ita quidam sunt intra sanctam Ecclesiam potentes & proterui. Qui dum aperta inuentione feriri nequeunt, quasi honore tegminis velantur. Sed hæc de occultis potentium delictis loquimur. Nam quando & aliis cognoscentibus peccant, aliis etiam cognoscentibus increpandi sunt: ne si prædicator taceat, culpam approbasse videatur, atque hæc crescens in exemplum veniat, quam pastoris lingua non secatur. Sancta ergo Ecclesia, cum per prædicatores suos quædam facta malorum sub dispensatione inuentionis increpat, labia quasi parcens mouet, sed tamen parcendo non parcat, quia ab inuentione culpæ generaliter non tacet, quam specialiter tacet. Sequitur: *Sed quid agam? Si locutus fuero, non quiescet dolor meus, & si tacuero, non recedet à me.* Hoc personæ beati Iob qualiter congruat nullus ignorat. Sed si ad sanctæ Ecclesiæ typum trahatur, hæc & cum loquitur, dolor minimè quiescit, quando locutione sua peruersos minimè corrigi conspiciat. Et cum tacet, dolor minimè recedit, quia etsi aduersa conticuerit, hoc ipsum amplius quod tacet gemit, quia se tacente, peruersorum culpas excrefcere conspiciat. Sequitur:

Quanta aduersitatum tempore à falsis & fictis fratribus patiantur electi.

Caput IIII.

3.

Psal. 139.

4.
Ars corripiendi proteruos.
1. Cor. 12.

Nunc autem oppressit me dolor meus, & in nihilum redacti sunt omnes artus mei.) Dolor suo sancta Ecclesia premitur, quando in malitia sua crescere peruersos intuetur. Et quia dum prauī crescunt, etiam infirmi qui in ea sunt, ad sequenda studia prauitatis irritantur, recte additur: *Et ad nihilum redacti sunt omnes artus mei.*) Sicut enim per ossa fortes, sic per artus, infirmi quique designari solent. Membra ergo Ecclesiae ad nihilum rediguntur, quando ex imitatione prauorum in hoc mundo crescentium, infirmi quique deterius infirmantur.

Videntes etenim felicitatem malorum, saepe ab ipso fidei statu delabuntur, bona temporalia appetunt, & veluti in nihilum ridiguntur: quia dum manentem Dei essentiam deserunt, diligentes transitoria, quasi ad non esse tendunt. Bene autem dicitur: *Nunc autem oppressit me dolor meus:* quia videlicet tempus doloris Ecclesiae modo est, & tempus gaudij postmodum sequetur. Saepe verò contingit vt sancta Ecclesia non solum infideles atque extra positos aduersarios toleret, sed eorum quoque insidias atque aduersitatem vix ferat, quos intus habet. Vnde beati viri voce apte mox subditur: *Et ruga mea testimonium dicunt contra me.*)

Quid per rugas, nisi duplicitas designatur? Ruga itaque sunt sanctae Ecclesiae, omnes qui in ea dupliciter viuunt, qui fidem vocibus clamant, operibus denegant. Hi nimirum pacis tempore, quia huius mundi potestatibus eandem fidem honori esse conspiciunt, fideles se esse mentiuntur. Sed cum sanctam Ecclesiam subdita aduersitatis procella turbauerit, illico ostendunt quid in perfida mente molitur. Has autem rugas in electis suis sancta Ecclesia non habet, quia videlicet nesciunt aliud de se foris ostendere, & intus aliud habere. Vnde recte egregius praedicator dicit: Vt exhiberet ipse sibi gloriosam Ecclesiam, non habentem maculam aut rugam. Maculam quippe & rugam non habet quae & turpitudine operis, & duplicitate sermonis caret. Sed quia nunc intra sinum fidei multos etiam reprobos tenet, cum tempus persecutionis exarserit, ipsos hostes patitur, quos praedicationis verbis alere ante videbatur. Dicat itaque: Ruga mea testimonium dicunt contra me, id est, ipsi me insequendo increpant, qui nunc in meo corpore positi, duplicitatis suae in se malitiam non emendant. Vnde bene adhuc subditur: *Et suscitatur falsiloquus aduersus faciem meam, contradicens mihi.*) Etiam pacis suae tempore sancta Ecclesia falsiloquium patitur, dum sunt in ea multi qui de aeternitatis promissione diffidunt, & tamen se fideles esse mentiuntur. Qui dum praedicationi eius aperte contradicere non praesumunt, falsiloquium non contra faciem, sed quasi post dorsum patitur. Sed cum malitiae tempus eruperit, is qui nunc metuens derogat, ad contradicendum ante faciem venit, quia verbis verae fidei, apertis vocibus obsistit. Sciendum verò est, quia cum haec a carnalibus patimur, non tam ipsi sunt qui in nostra morte sauiunt, quam malignus spiritus, qui eorum mentibus principatur, sicut per Paulum dicitur: Non est nobis colluctatio aduersus carnem, & sanguinem, sed aduersus principes & potestates, aduersus mundi rectores tenebrarum harum. Vnde cum hic quoque de falsiloquo loqueretur, apte mox ad describendum eius falsiloqui principem, verba conuertit, dicens: **H**

Quod sicut pauperes spiritu & simplices ad praedicandum Christus elegit, ita astutos & duplices antichristus ad falsitatis praedicationem assumit.

Caput V.

Collegit furorem suum in me, & comminans mihi, infremuit contra me dentibus suis: hostis meus terribilibus oculis me intuitus est.) Quid aliud omnes iniqui quam membra sunt diaboli? Ipse itaque per eos agit, quicquid in eorum cordibus vt agere debeant immittit. Habet autem etiam nunc diabolus contra sanctam Ecclesiam furorem, sed sparsus eius furor est, quia occultas tentationes per singulos mouet. Cum verò contra eam in aperta persecutione proruperit, furorem suum in eam colligit, quia in afflictione illius tota se intentione constringit. Membra autem eius hoc pacis tempore ideirco contra electos collectum furorem non habent: quia malitiam suam minus se sentiunt posse implere quam volunt. Cum verò sibi suppetere licentiam prauitatis aspexerint, tantò hac audacius feriunt, quantò & contra illam ex vnanimitate glomerantur.

E Recte itaque nunc dicitur: *Colleget furorem suum in me.*) Cuius adhuc furor vt latius exponatur, dicitur: *Et comminans mihi, infremuit contra me dentibus suis.*) De quo & subditur: *Hostis meus terribilibus oculis me intuitus est.*) Ille quippe antiquus hostis Ecclesiae contra hanc dentibus fremit, eamque terribilibus oculis intuetur, quia per alios crudelia exercet, & per alios quae exerceat prouidet. Dentes namque huius hostis, sunt bonorum persecutores atque carnifices, qui eius membra laniant, dum electos illius suis persecutionibus affligunt. Oculi verò huius hostis sunt hi, qui contra eam prouident mala quae faciant, suisque consiliis persecutionum eius crudelitates inflamment. Antiquus ergo eius aduersarius fremit contra eam dentibus suis, dum per crudeles reprobos in ea insequitur vitam bonorum. Intuetur hanc terribilibus oculis, quia prauorum consiliis non cessat mala exquirere, in quibus hac semper deterius affligat. Nam sicut incarnata veritas in praedicatione sua pauperes idiotas & simplices elegit: sic e contrario damnatus ille homo quem in fine mundi apostata angelus assumit, ad praedicandam falsitatem suam, astutos ac duplices, atque huius mundi scientiam habentes electurus est. Vnde & per Esaiam dicitur: *Vae terrae cymbalo alarum quae est trans flumina Aethiopiae, quae mittit in mari legatos & in vasis papyri super aquas.* Terra quippe cui vae dicitur, ille principaliter homo damnatus est, qui alarum cymbalum vocatur: quia hi qui per superbiam in altitudinem cogitationis euolant, eundem peruersum hominem praedicando sonant. Quae scilicet terra recte trans flumina Aethiopiae esse perhibetur. Aethiopia etenim nigrum populum mittit, & omnem hominem mundus iste quia peccatorem profert, quasi nigrum Aethiopia populum parit. Sed terra cui vae dicitur, trans flumina Aethiopiae esse perhibetur, quia damnatus ille homo tanta immensitate iniquus est, vt omnium peccantium peccata transcendat. Qui mittit in mare legatos, quia praedicatores suos in seculum spargit. De quibus recte subditur qualiter mittatur, dum dicitur: *In vasis papyri super aquas.* Ex papyro quippe charta est. Quid itaque per papyrum, nisi secularis scientia designatur? Vasa ergo papyri sunt corda doctorum secularium. In vasis igitur papyri super aquas legatos mittere, est praedicationem suam in sapientum carnalium sensibus ponere, & defluentes ad culpam populos vocare. Qui ergo illic per vasa papyri, ipsi hic quia carnaliter vident, per oculos designantur. De quibus & adhuc subditur: *Aperuerunt super ora sua exprobrantes.*) Ora sua reprobi exprobrantes aperiunt, cum & erroris sui mala praedicare non metuunt, & praedicamenta rectae fidei irrident. De quibus sciendum est quia illos praecipue in sancta Ecclesia persequuntur, quos multis conspiciunt esse profuturos, qui vitam carnalium verbo correptionis conterunt, eosque in Ecclesiae corpore spiritaliter vertunt. Vnde & subditur:

Quod Christi maxillam percutit, qui veritatis persequitur praedicatores, & doctrinae Evangelicae contradicit, & de varijs pressuris Ecclesiae. Caput VI.

Percusserunt maxillam meam, satiati sunt penis meis.) Maxilla quippe Ecclesiae, sancti praedicatores sunt, sicut sub Iudae specie per Hieremiam dicitur: *Plorans plorauit in nocte, & lachrymae eius in maxillis eius: quia in aduersitate Ecclesiae illi amplius plangunt, qui vitam carnalium confringere praedicando nouerunt.* Per ipsos quippe sancta Ecclesia iniquos a vitiis conterit, & quasi glutens in sua membra conuertit. Vnde ipsi quoque primo praedicatori velut maxillae Ecclesiae dicitur: *Occide & manduca.* Hinc est etiam quod Sanson maxillam asini tenuit, & hostes peremit, quia redemptor noster simplicitatem atque patientiam praedicantium, suae manu virtutis tenens, a vitiis suis carnales interfecit. Et maxilla in terram proiecta postmodum aquas fudit, quia data morti praedicatorum corpora, magna populis monstrauere miracula. Maxillam ergo Ecclesiae peruersi feriunt, cum bonos praedicatores insequuntur. Et quia tunc reprobi grande se aliquid fecisse aestimant, cum vitam praedicatorum necant, post percussione maxillae apte subiungitur: *Satiati sunt penis meis.*) Illa quippe eos poena satiat, quae mentem Ecclesiae praecipue castigat. Sequitur: *Concluserunt me Deus apud iniquum, & manibus*

Ephe. 5.

Ephe. 6.

Antichristus
suis scilicet
Esai. 18.

Thoma
Indist.

omnibus impiorum me tradidit.) Electorum populus apud iniquum concluditur, cum eius caro antiqui hostis persecutionibus temporaliter datur. Qui non spiritui sed manibus impiorum traditur, quia quod hunc in mente capere nequeunt, eo contra carnem illius crudelius inardescunt. Sed sanctus Ecclesiae populus cum aduersa perpeti grauiter coeperit, & infirmos suos conspexerit ad deteriora delabi, pacis suae tempora ad mentem reuocat, quando fideles suos praedicationis suae opulentia pascibat. Vnde apte subiungitur: *Ego ille quondam opulentus, repente contritus sum*) In eo quod se repente contritum asseruit, infirmorum mentem improuidam designauit. Qui dum mala quae ventura sunt prauidere nesciunt, tanto eis grauiora fiunt, quanto ab eis inopinata tolerant. Firmis autem mentibus repente aduersa non veniunt, quia priusquam veniant prauidetur. Quod tamen nunc quoque sancta Ecclesia in quibusdam retro labentibus patitur, qui post doctrinae opulentiam, subitis aliquando vitiis conteruntur, ut sic in quibusdam malis corruant, ac si verbi pabulum nunquam habuissent. Sequitur: *Tenuit cervicem meam, confregit me, & posuit sibi quasi in signum.*) Sicut in malis ceruix superbiam, sic in bonis libertatis erectionem signat. Vnde nonnunquam ipsa quoque superbia pro erectionis autoritate ponitur, sicut per Prophetam Dominus sanctae Ecclesiae pollicens dicit: Ponam te in superbiam seculorum. Et quia persecutionis tempore infirmi quidam vera quae sentiunt, praedicare libere non praesumunt, recte de hoc hoste dicitur: *Tenuit cervicem meam, confregit me.*) Fortasse autem hi ceruicis appellatione signati sunt, qui pacis eius tempore plusquam decet eriguntur, & sub occasione defendendae rectitudinis, vitio deseruiunt elationis. Qui persecutionis tempore idcirco aduersa plus sentiunt, quia de prosperis extolluntur. De quibus bene dicitur: *Tenuit cervicem meam, confregit me*) Id est, elationem quam in infirmis habui, distractione suae percussione inclinavit. *Et posuit me sibi quasi in signum.*) Constat nimirum quia idcirco signum ponitur, ut sagittarum emissionem feriat. Fidelis itaque populus in signum hosti suo esse positus, quia eum semper suis ictibus impetit, cumque suis persecutionibus affligit. Qui enim in hac vita assidua mala toleraret, velut in signum positus, ictus excipit ferientis. Vnde & praedicator egregius cum persecutionum mala toleraret, atque sub persecutione aduersariorum gerneret, teneram discipulorum mentem de suis afflictionibus consolans ait: Ipse enim scitis quod in hoc positi sumus. Ac si eis aperte dicat: Quid in hoc tempore vulnera nostra miramini, qui si aeterna gaudia quaerimus, huc ad hoc venimus ut feriamur? Sequitur: *Circumdedit me lanceis suis, conuulnerauit lumbos meos, non pepercit, & effudit in terram viscera mea.*) Haec iuxta literam beato Iob congruere posse videbantur, per hoc quod dicitur: *Circumdedit me lanceis suis, conuulnerauit lumbos meos, non pepercit: nisi subderetur quod de eo minimè scriptum legitur, Effudit in terram viscera mea.* Ex qua re necesse est, ut dum haec iuxta literam inuenire non possumus, ea quae in verbis eius secundum historiam sonant, iuxta spiritum requiramus. Sancta Ecclesia lanceis ab hoste suo circumdatur, quando in membris suis ab impugnatore callido tetationum iaculis impetitur. Bene autem circumdari lanceis dicimur, quia antiqui hostis tentationis suae vulnere ab omni parte nos impetit. Saepenum dum gula restringitur, ut libidinis subigatur, inanis gloriae aculeus mentem pulsat. Si autem corpus abstinentiae afflictione non atteritur, contra mentem libidinis flamma se excitat. Saepenum dum seruare parsimoniam nitimur, ad tenaciam labimur. Et saepenum dum possessa effuse tribuimus, ad auaritiam ducimur, quia rursum colligere quaerimus quod tribuamus. Dum ergo antiqui hostis iacula ubique nos impetunt, recte nunc dicitur: *Circumdedit me lanceis suis.*) Et quia omne peccatum hostis quidem callidus suadet, si nos eius suasionibus consentiendo perpetramus, apte subiungitur: *Conuulnerauit lumbos meos.*) In lumbis quippe luxuria est. Vnde & is qui cupiebat voluptatem libidinis a corde extinguere, praedicauit dicens: Succincti lumbos mentis vestrae. Cum ergo antiquus hostis fidelem populum ad luxuriam pertrahit, hunc proculdubio in lumbis ferit. Vbi notandum quoque est quod non ait: Vulnerauit, sed Conuulnerauit lumbos meos. Sicut enim

Tomus primus.

A loqui aliquando vnus est, colloqui verò duorum, vel fortasse multorum, sic antiquus hostis quia nos ad culpam sine nostra voluntate non rapit, nequaquam lumbos nostros vulnerare, sed conuulnerare, dicitur: quia hoc quod nobis ille male suggerit, nos sequentes ex voluntate propria implemus, & quasi cum ipso nos pariter vulneramus, quia ad perpetrandum malum ex libero simul arbitrio dicimur. Sequitur: *Non pepercit.*) Ac si dicat, non destitit. *Et effudit in terram viscera mea.*) Quid aliud sanctae Ecclesiae viscera debemus accipere, nisi eorum mentes qui eius quaedam in se mysteria continent, qui ad intima sacramenta deseruiunt? Sed antiquus aduersarius cum fideles quosdam qui interioribus sacramentis deseruire videbantur, ad secularia negotia pertrahit, eius proculdubio viscera in terram fundit: quia illos in rebus infimis conculcat, qui prius in occultis ac spiritualibus actibus latebant. Sequitur: *Concidit me vulnere super vulnus.*) In infirmis suis sancta Ecclesia vulnere super vulnus conciditur, quando peccatum peccato additur, ut culpa vehementius exaggeretur. Quem enim auaritia pertrahit ad rapinam, rapina ducit ad fallaciam, ut perpetrata culpa ex falsitate etiam defendatur: quid iste nisi super vulnus concisus est vulnere? Vnde bene quoque per Prophetam dicitur: Maledictum & mendacium, & homicidium, & furtum, & adulterium inundauerunt, & sanguis sanguinem tetigit. Solet enim sanguinis nomine signari peccatum. Vnde is qui a peccatis liberari desiderat, per poenitentiam clamat: Libera me de sanguinibus. Sanguis ergo sanguinem tangit, cum culpa culpam cumulauerit. Et quia cum vulnus vulnere additur, vires contra nos antiqui hostis vehementius crescunt, recte subiungitur: *Iruit in me quasi gigas.*) Facile quippe inimico resistitur, si non ei, vel in multis lapsibus, vel in vno diutius consentiatur. Sin verò eius suasionibus anima subesse consueuerit, quòd se ei crebrius subiicit, tantò eum sibi intolerabiliorem facit, ut ei reluctari non valeat: quia nimirum malignus aduersarius contra hanc ex praua consuetudine deuictam, quasi more gigantis pugnat. Sed tamen plerumque sancta Ecclesia etiam post perpetratas culpas, mentes fidelium ad poenitentiam reuocat, & peccata operis virtute spontanea afflictionis mundat. Vnde bene subditur: *Saccum consui super cutem meam, & operui cinere carnem meam.*) Quid in sacco & cinere nisi poenitentia, quid in cute & carne, nisi peccatum carnis debet intelligi? Cum ergo quidam post lapsum carnis ad poenitentiam redeunt, quasi saccus super cutem consuitur, & cinere caro operit: quia culpa carnis per poenitentiam tegitur, ne in districti iudicis examine ad ultionem videatur. Infirma autem membra sua sancta Ecclesia cum a peccatis retrahit, atque ad poenitentiae remedium ducit, haec proculdubio fletibus adiuvat, ut ad recipiendam auctoris sui gratiam conualescant, & per fortes plangit quod non fecit, quod in membris suis debilibus quasi ipsa fecit. Vnde bene adhuc subditur:

Quod praelati sanctae Ecclesiae subditorum peccata quasi propria plangunt, & dum viderint aliquos poenitentes, aliquos in malis perseuerantes, iudicia diuina mirantur.

Caput VII.

Facies mea intumuit fletu.) Facies quippe sanctae Ecclesiae sunt hi qui in locis regiminum positi, apparent primi, ut ex eorum specie sit honor fidelis populi, etiam si quid in corpore latet deforme. Qui nimirum praelati plebibus plangunt culpas infirmantium, seque sic de alienis lapsibus, ac si de propriis affligunt. Et saepe dum quosdam vident ad veniam post culpas redire, quosdam in iniquitate persistere, occulta omnipotentis Dei iudicia mirantur, sed penetrare nequeunt. Obstupescunt enim quae non intelligunt. Vnde & apte subditur: *Et palpebrae meae caligauerunt.*) Palpebrae enim recte appellati sunt, qui ad praetendenda pedum itinera vigilant. Sed cum occulta Dei iudicia, nec praepositi vigilantes intelligunt, palpebrae sanctae Ecclesiae caligant. Sed ut saepe iam me dixisse memini, beatus Iob sanctae Ecclesiae typum tenens, modò voce corporis, modò autem voce capitis vtitur, & dum membris eius loquitur, repente ad verba capitis leuatur, Vnde hic quoque subiungitur:

Quod sanguis Christi melius loquitur quam Abel: quia sanguis Abel ultionem, sanguis verò Iesu veniam impetrat.

Caput VIII.

Hæc passus sum absque iniquitate manus meæ, cum haberem mundas ad Deum preces.) Absque iniquitate enim manus suæ pertulit, qui peccatum non fecit, nec inuentus est dolus in ore eius, & tamen dolorem crucis pro nostra redemptione tolerauit. Qui solus præ omnibus mundas ad Deum preces habuit: quia & in ipso dolore passionis pro persecutoribus orauit, dicens: Pater, dimitte illis, non enim sciunt quid faciunt. Quid enim dici, quid cogitari in prece mundius potest, quam cum & illis misericordia intercessionis tribuit, à quibus toleratur dolor? Vnde factum est, ut redemptoris nostri sanguinem, quem persecutores sæuientes fuderant, postmodum credentes biberent, eumque esse Dei filium prædicarent. De quo videlicet sanguine aptè subiungitur: *Terra, ne operias sanguinem meum, nec inueniat in te latenti locum clamor meus.*) Peccanti homini dictum est: Terra es, & in terram ibis. Quæ scilicet terra redemptoris nostri sanguinem non abscondit: quia vnusquisque peccator redemptionis suæ precium sumens, confitetur ac laudat, & quibus valet proximis innotescit. Terra etiam sanguinem eius non operuit: quia sancta Ecclesia redemptionis suæ mysterium in cunctis iam mundi partibus prædicauit. Notandum quod subditur: *Neque inueniat in te latendi locum clamor meus.*) Ipse enim sanguis redemptionis qui sumitur, clamor nostri redemptoris est. Vnde etiam Paulus dicit: Et sanguinis asperfusionem melius loquentem quam Abel. De sanguine Abel dictum fuerat: Vox sanguinis fratris tui clamat ad me de terra. Sed sanguis Iesu melius loquitur quam Abel: quia sanguis Abel mortem fratricidæ fratris petiit, sanguis autem Domini vitam persecutoribus impetrauit. Ut ergo in nobis sacramentum dominicæ passionis non sit ociosum, debemus imitari quod sumimus, & prædicare cæteris quod vneramur. Locum enim latendi clamor eius in nobis inuenit, si hoc quod mens reddidit, lingua tacet. Sed ne in nobis clamor eius lateat, restat ut vnusquisque iuxta modulum suum, viuificationis suæ mysterium proximis innotescat. Libet mentis oculos ad dominicæ passionis horam reducere, cum Iudæi persequentes sæuierent, discipuli timentes fugerent. Qui enim in carne mori videbatur, nequaquam Deus esse credebatur. Vnde hic aptè subditur:

Quod testis filij sit pater & conscius: quia in omni trinitatis opere vni consilium est, & vna voluntas. Caput IX.

Ecce enim in cælo testis meus, & conscius meus in excelsis.) Cum enim filius labefactaretur in terra, erat ei testis in cælo. Testis quippe filij pater est, de quo ipse in Euangelio dicit: Et qui misit me pater, ipse testimonium perhibet de me. Qui rectè etiam conscius dicitur: quia vna voluntate, vno consilio pater cum filio semper operatur. Cuius etiam testis est, quia nemo nouit filium nisi pater. Tunc ergo in cælo testis, & conscius in excelsis habuit, quando hi qui eum morientem in carne cernebant, diuinitatis eius potentiam considerare nesciebant. Et cum ignorarent homines, in morte tamen mediatoris Dei & hominum nouerat, qui cum ipso operabatur pater. Quod fortasse etiam ad vocem eius corporis referri valet. Sancta nanque Ecclesia idcirco aduersa vitæ præsentis tolerat, ut hanc superna gratia ad præmia æterna perducatur. Carnis suæ mortem despicit: quia ad resurrectionis gloriam intendit. Et transitoria sunt quæ patitur, perpetua quæ præstolatur. De quibus nimirum bonis perpetuis dubietatem non habet, quia fidele iam testimonium redemptoris sui gloriam tenet. Carnis quippe eius resurrectionem mente conspiciat, atque ad spem fortiter conualescit: quia quod in suo videt iam factum capite, sperat in eius quoque corpore, quod videlicet ipsa est, absque dubietate secuturum. Quam scilicet Ecclesiam Psalmista conspiciens in perpetua perfectione mansuram, sub appellatione lunæ describit, dicens: Luna perfecta in æternum. Quem quia ad resurrectionis spem dominica resurrectio roborat, rectè subiunxit: Et testis in cælo fidelis: quia ut de sua resurrectione non trepidet, iam eum in cælo qui resurrexit à mortuis, testem habet. Fidelis itaque populus cum aduersa patitur, cum duris tribulationibus fatigatur, ad spem sequentis gloriæ mentem erigat, & de redemptoris sui resurrectione confidens dicat: *Ecce enim in*

Ecce testis meus, & conscius meus in excelsis.) Qui rectè conscius dicitur, quia naturam nostram, non solum creando nouit, sed etiam assumendo. Scire enim eius, est nostra suscepisse. Vnde etiam per Psalmistam dicitur: Ipse enim scit figmentum nostrum. Quid enim mirum si figmentum nostrum dicatur specialiter scire, dum constet nihil esse quod nesciat? Sed figmentum nostrum scire eius, est hoc in seipso ex pietate suscepisse. Quæ tamen vox cum beato Iob congruere nobis etiam singulis potest. Omnis enim qui ex eo quod agit, humanas laudes appetit, testem in terra quærit. Qui autem de actibus suis omnipotenti Deo placere festinat, testem se in cælo habere considerat. Et sæpe contingit, ut ipsa quoque in nobis bona opera ab incautis hominibus reprehendantur. Sed qui testem in cælo habet, reprehensiones hominum metuere non debet. Vnde adhuc subditur: *Verbosi amici mei: ad Deum stillat oculus meus.*) Quid enim per oculum, nisi cordis intentio designatur? sicut scriptum est: Si fuerit oculus tuus simplex, totum corpus tuum lucidum erit. Quia cum bona intentione quid agitur, eius intentionis actio apud Deum minimè fuscatur. Cum ergo verbosi amici sunt, id est, cum & ipsi derogant, qui in fide sociantur, ad Deum necesse est ut oculus stillet, quatenus nostra intentio tota in amoris intimi compunctione defluat, & tantò subtilius se ad interiora erigat, quantò per exteriora opprobria repulsa, intus redire cogitur, ne foras euanescat. Sequitur: *Atque utinam sic indicaretur vir cum Deo, quomodo indicatur filius hominis cum collega suo.*) Peccatores quidem nos esse semper agnoscimus, sed tamen sæpe in flagello positi, pro quo magis peccato flagellemur, ignoramus: & nosipsum subtili inquisitione discutimus, ut si quo modo possimus, causam percussione nostræ inuestigare valeamus. Quæ dum plerumque nos latet, fit nobis oneri cæcitas nostra, & de eo quod patimur, plus dolemus. Quisquis verò cum collega suo ad iudicium accedit, & quod sentit dicit, & quicquid contradicitur: agnoscit: & quod voluerit, pulsatur, & nouit unde pulsatur. Qui enim diuina animaduersione percutitur, dum nouit quidè quia vapulat, sed cur vapulet ignorat, quasi dicit ipse quod sentit, sed quid contra se dicitur, nescit: quia ipse quidem ingemiscit in verberibus, sed Deus apertè non declarat, pro qua eum feriat ultione. Ibi nunc dicitur: *Atque utinam sic indicaretur vir cum Deo, quomodo indicatur filius hominis cum collega suo.*) Ac si apertè diceretur: Sicut in omni quod dico audior, sic omne quod de me dicitur, audirem: Quod tamen in hac vita fieri nullatenus potest: quia magna est interpositio oculis cordis nostri ad contemplandam subtilitatem Dei, ipsa videlicet infirmitas nostra. Sed tunc ad purum intuebimur eum à quo nunc subtiliter intuemur, cum hac infirmitate deposita, ad contemplationis internæ gratiam venerimus, de qua Paulus dicit: Tunc cognoscam sicut & cognitus sum. Vnde beatus Iob videns eandem cognitionem plenissimè hic perfici nullatenus posse, de cæcitate quidem vitæ præsentis gemit, sed tamen se de eius breuitate consolatur, dicens: *Ecce enim breues anni transiunt, & semitam per quam non reuertar, ambulo.*) Omne quod transit, breue est, etiam si tardius terminari videatur. In mortis autem semitam per quam non reuertimur, ambulamus: non quò ad vitam carnis minimè resurgendo reducimur, sed quò ad labores huius vitæ mortalis, vel ad conquirenda laboribus præmia iterum non venimus.

Caput decimumseptimum beati Iob.



Spiritus meus attenuabitur, dies mei breuiabuntur: & solum mihi superest sepulchrum. Non peccavi, & in amaritudinibus moratur oculus meus. Libera me, & pone me iuxta te: & cuiusuis manus pugnet contra me. Cor eorum longè fecisti à disciplina, propterea non exultabunt. Prædam pollicetur fociis: & oculi filiorum eius deficient. Posuit me quasi in prouerbum vulgi, & exemplum sum coram

Gene. 3.

12.

Heb. 12.

Gene. 4.

Ioan. 5.

13.

Psalm. 83.

Psalm. 101.

14.

Matth. 6.

1. Cor. 13.

ram eis. Caligauit ad indignationem oculus meus, & membra mea quasi in nihilum redacta sunt. Stupebant iusti super hoc, & innocens contra hypocritam suscitabitur. Et tenebit iustus viam suam, & mundis manibus addet fortitudinem. Igitur omnes vos conuertimini & venite, & non inueniam in vobis vllum sapientem. Dies mei transierunt, cogitationes meae dissipatae sunt, torquentes cor meum, Noctem verterunt in diem, & rursum post tenebras spero lucem. Si sustinero, infernus domus mea est, & in tenebris stravi lectulum meum. Putredini dixi. Pater meus, mater mea est, & soror mea vermibus. Vbi est ergo nunc praestolatio mea, & patientiam, meam quis considerat? In profundissimum infernum descendant omnia mea. Putasne saltem ibi erit requies mihi?

Quod timore iudicii quanto finem suum magis propinquare cognoscunt electi, eo semetipsos terribilius discutunt.

Caput X.

15. **S**piritus meus attenuabitur. Attenuabitur spiritus timore iudicii, quia electorum mentes quod amplius extremo iudicio propinquare se sentiunt, eo ad discutendas semetipsas terribilius contremiscunt, & si quas in se carnales vnquam cogitationes inueniunt, penitentiae ardore consumunt: nec cogitationes suas dilatare carnali voluptate permittunt, quia eo semetipsas diiudicantes subtilius feriunt, quo districtum iudicem praestolantur vicinum. Vnde fit ut propinquum sibi semper exitum suspicentur. Nam reproborum mentes idcirco multa nequiter agunt, quia hic se viuere diutius arbitrantur. Iustorum ergo attenuatur spiritus, sed crassescit iniquorum. Quo enim per elationem tument, eo attenuatione spiritus non habent. Iusti vero dum breuitatem suae vitae considerant, elationis & immunditiae culpas declinant, Vnde & subditur: *Dies mei breuiabuntur, & solum mihi superest sepulchrum.* Qui enim considerat qualis erit in morte, semper fit timidus in operatione, atque vnde in oculis suis iam quasi non viuit, inde veraciter in oculis sui conditoris viuit. Nil quod transeat appetit, cunctis praesentis vitae desideriis contradicit, & penae mortui se considerat, quia moriturum minimè ignorat. Perfecta enim vita est mortis imitatio, quam dum iusti sollicitè peragunt, culparum loquos euadunt. Vnde scriptum est: In omnibus operibus tuis memorare nouissima tua, & in aeternum non peccabis. Vnde & beatus Iob, quia dies suos considerat breuiari, & solum sibi superasse sepulchrum pensat, aptè subiungit: *Non peccavi, & in amaritudinibus moratur oculus meus.* Ac si aperte dicat: Culpam non feci, & flagella suscepi. Sed hac in re animum mouet, quia in multis se huius historiae locis peccasse confitetur, qua ratione peccasse se nunc abnegat? Sed ad haec ratio celeriter occurrit, quia nec tantum peccauit, ut flagella mereretur, nec tamen esse sine peccato potuit. Nam quia non pro corrigenda culpa, sed pro gratia augenda percussus est, iudex ipse testatur, qui laudat & ferit. Et rursum quia sine peccato non fuerit, nec ipse negat, qui à iudice laudatur, atque ideo laudet quia non negat. Sed credo quod melius haec verba discutimus, si dicta ex voce capitis sentiamus. Redemptor etenim noster ad ereptionem nostram veniens, & non peccauit, & amaritudinè pertulit, quia penam culpae nostrae sine culpa sua suscepit, de cuius voce subditur: *Libera me, & pone me iuxta te, & cuiusuis manus pugnet contra me.* Ipse etenim non peccauit in cogitatione, vel opere, ipse in amaritudine moratus est per passionem, ipse liberatus est per resurrectionem, ipse iuxta patrem positus est per ascensionem, quia profectus in caelum sedet ad dexteram Dei. Et quia post ascensionis eius gloriam Iudaea in discipulorum eius persecutione commota est, rectè nunc dicitur: *Et cuiusuis manus pugnet contra me.* Tunc quippe in membris illius furor persecutionum saeuit, cum contra fidelium vitam flamma crudelitatis exarsit. Sed quod irent iniqui, aut quid agerent, dum is quem persequebantur in terra, iam sedebat in caelo? De quibus adhuc subditur:

Tomus primus.

Quod reproborum corpus sub disciplina sit, mens verò procul.

Caput XI.

Cor eorum longè fecisti à disciplina. Si enim disciplinae custodiam nosset, & nequaquam redemptoris nostri praecepta contemnerent, ipsa eos carnis suae mortalitas ad amorem vitae immortalis excitasset. Hoc ipsum nanque, in hac vita corruptioni nos esse subiectos, iam de flagello disciplinae est. Aestu enim & frigore, fame sitique turbari, morbis affici, quādoque etiā extingui, quid sunt haec aliud quā flagella peccati? Sed sunt nonnulli qui & flagella tolerant, & tamen mentem ad flagellantis metum minimè reformant, Vnde rectè nunc dicitur: *Cor eorum longè fecisti à disciplina.* Quia etsi corpus sub disciplina est, cor sub disciplina non est: dum & flagellatur quisque, & tamen ad humilitatem mentis non reducitur. Neque ita hoc dicitur, ac si omnipotens & misericors Deus longè cor hominis à disciplina faciat, sed quod sponte delapsus, ibi remanere ubi cecidit iudicando permittat: sicut ei in oratione quoque dicimus: Et ne nos inducas in tentationem, id est, induci minimè permittas. Propterea non exaltabuntur. Cor enim si sub disciplina esset, superiora appeteret, adipiscendis bonis transeuntibus non inhiaret. Quorum igitur cor sub disciplina non est, rectè de illis dicitur: *Propterea non exaltabuntur.* quia dum in infimis voluptatibus dimissi, terrena bona semper desiderant, cor ad superna gaudia nunquam leuant. Exaltarentur quippe, si mentem ad spem patriae coelestis erigerent. Sed qui per disciplinam custodire vitam minimè student, sed ex desiderio in imis iacent: & quod est grauius, iacendo se erigunt, quia de rebus transitoriis extolluntur. Extolli autem possunt, sed exaltari nequeunt, & inde profundius in imo sunt, vnde se apud se altiores fiunt. Cor itaque quod sine disciplina est, exaltari non valet, quia humana mens sicut malè eleuata in infimis premitur, sic bene pressa in sublimibus leuatur. Sequitur:

Quod sicut diabolus sint apostatae angeli, qui cum eo corruerunt: sicut verò, qui per delectationem ab eo gignuntur.

Caput XII:

Pradam pollicetur sociis, & oculi filiorum eius deficient. Postquam de multitudinis iniquorum, id est, de antiqui hostis corpore, beatus Iob sententiam protulit, mox ad ipsum eorum principem, id est, caput omnium perditorum, sententiam vertit, atque à plurali numero ad singularem redit. Ita quippe vnum corpus sunt diabolus, & omnes iniqui, ut plerūque nomine capitis censetur corpus, & nomine corporis appelletur caput. Nam capitis nomine censetur corpus, cum de peruerso homine dicitur: Ex vobis vnus diabolus est. Et rursum nomine corporis appellatur caput, cum de ipso apostata angelo dicitur: Inimicus homo hoc fecit. Iste igitur princeps omnium peruersorum alios socios habet, atque alios filios. Qui nanque sunt eius socii, nisi apostatae angeli, qui cum eo de coelestis patriae sede ceciderunt? Vel quos alios filios habet, nisi peruersos homines, qui de eius praua persuasione in malitiae operatione generantur? Vnde etiam veritatis voce infidelibus dicitur: Vos ex patre diabolo estis. Peruersus itaque iste author erroris pradam sociis pollicetur, quia malignis spiritibus prauorum promittit animas in eorum fine rapiendas. Et oculi filiorum eius deficient. Quia dum intentiones hominum ad sola terrena speranda excitat, hoc illos amare facit, quod diu tenere non possunt. Neque enim valet amoris prauae intentio permanere, quando & hoc quod amat, ipsumque qui amat, constat sub celeritate deficere. Possunt quoque & per socios fortasse intelligi crudelissimi quique & omni malitia iam repleti: per filios verò hi qui adhuc deceptoris promissionibus illusi, augendae prauitati nutriuntur: ut illos iam velut ex merito malitiae diabolus quasi socios habeat, qui iam non habent in perditione quo crescant: istos autem quasi filios, quos promissionibus lactat, ut ad peiora proficiant. Sed oculi filiorum eius deficient, quia prauorum intentiones cadunt, cum omne quod hic appetunt, deserunt: & illic quod doleant, sine fine patiuntur. Sequitur: *Posuit me quasi in prouerbum vulgi, & exemplum sum coram eis.* Haec beatus Iob dicat ex se, dicat ex vocibus omnium electorum. Omnis quippe qui flagello percutitur, quasi in prouerbum ponitur vulgi, quia stultus quisque dum cuiquam maledicere appetit, ex illius similitudine maledictionem sumit, quem percussus temporaliter

l ij

Matt. 6.

Lut. 10.

Quomodo

oremus: &

ne nos in-

ducas in te-

tationem.

videt, eamque pœnam suo optat aduersario, quam euenisse conspicit iusto. Sicque fit vt non rectè sapientibus, in exemplum deducatur rectus, dum & pœna iusti esse damnatio creditur, & quæ illi maneat gloria, nulla spe fidei præuidetur. Sequitur:

Quod iusti cum vident sanctorum innocentiam à peccatoribus opprimi, iudicia dei mirantur, ad quorum secreta non penetrant.

Caput XIII.

18.

De decollatione iohannis baptiste.

Caligauit ad indignationem oculus meus, & membra mea quasi in nihilum redacta sunt. Ad indignationem oculus caligat, quando ipsi quoque qui in dominico corpore, id est, in Ecclesia lumen veritatis habent, dum se diutius à prauis despicit ac dedignari conspiciunt, de occultis iudicij admiratione turbantur, & secretum Dei penetrare nequeunt, cur præuolare peruersi contra bonorum innocentiam permittuntur. Quis etenim non obstupescat, cum Herodias apud temulentum regem saltatu filiae obtinet, vt caput amici sponsi, propheta & plusquam propheta, ante ora conuiuantium in disco deferatur? Sed cum iusti ad indignationem caligant, infirmi plerumque vsque ad infidelitatem corruunt. Vnde subditur: *Et membra mea quasi in nihilum sunt redacta.* Memborum quippe nomine, teneritudo exprimitur infirmorum, qui dum peruersos prospiciunt florere, iusti ôsque cruciari, ad hoc nonnunquam perueniunt, vt se bona vel inchoasse pœniteant, atque ita ad agenda mala citius recedunt, ac si eorum vitæ nocuerit bonum quod inchoauerunt. Hoc autem quod ait: Caligauit ad indignationem oculus meus, verbis planioribus aperit adiungens:

Quod contra hypocritas sancti suscitantur, cum eorum gloriam honorémque contemnunt, & ad sola bona cœlestia mentem erigunt, quæ sibi cum malis communia esse non possunt.

Caput XIII.

19.

Stupescunt iusti super hoc, & innocens contra hypocritam suscitatur. Hoc loco innocens necdum perfectus iustus accipitur, qui bona adhuc inchoans, etsi nocere aliis non nouit, perfecta tamen ipse agere nequaquam valet. Et quia corda paruulorum, dum peruersos florere in præsentī vita conspiciunt, inuidiæ facibus succenduntur: tantò enim quisque plus inuidet aliis bona præsentia, quantò ea ipse minus contempserit. Nam quod haberi ab omnibus non valet simul totum, huic desit quod alter habuerit. Succenditur verò contra hypocritam innocens, dum gloriæ simulatoris inuidet etiam qui nulli nocere solet. Sin verò hoc in loco innocens quilibet in bono perfectus accipitur, contra hypocritam innocens suscitatur, quando hunc & florere conspiciat, & tamen cum suo eum flore contemnit, & prædicando quæ recta sunt, tantò eum despiciendum cæteris esse denunciat, quantò eum conspiciat illa anxie quærere, quæ cum eo diu non valeant permanere. In quo adhuc sensu subiungitur: *Et tenebit iustus viam suam, & mundis manibus addet fortitudinem.* Considerato quippe hypocrita, iustus viam suam tenet, quia dum illum ex peruersa voluntate obtinere ea quæ mundi sunt inuenitur, ipse ad amorem cœlestium robustius stringitur, sciens quia desiderii præmia æterna non deerunt, dum & prauis & duplicibus cordibus bona temporalia non negantur. Quæ ex re mundis quoque manibus addit fortitudinem, quia conspiciens peruersos obtinere terrenam gloriam, bona sua opera prouehit ad perfectionem, & tantò altius temporalia despiciat, quantò hæc abundare etiam malis cernit. Quam enim sint despicienda considerat, quæ Deus omnipotens etiam peruersis præstat. Si enim principaliter magna essent, nequaquam hæc conditor aduersariis suis tribueret. Vnde & indignum sibi esse perpendit, vt illa bona appetat, quæ abundare conspiciat & malis, sed ad percipienda cœlestia mentem suam dirigit, quæ sibi cum reprobis communia esse non possunt. Igitur postquam exteriores profectus malorum, bonorum verò interiores intulit, exhortationis verba protulit dicens: *Igitur vos omnes conuertimini, & venite.* Quæ videlicet exhortationis verba propriè ad electos format, quos ad æternitatem vocat. Qui duobus modis inuitantur, scilicet, vt conuertantur, & veniant: conuertantur nimirum fide, veniant opere.

E Vel certè conuertantur deferendo mala, & veniant bona faciundo, sicut scriptum est: Declina à malo, & fac bonum. Mirandum verò quod subditur: *Et non inueniam in vobis vllum sapientem.* Quid est quod eos ad sapientiam vocat, & tamen optat ne illos sapientes inueniat, nisi quod ad veram sapientiam venire non possunt, qui falsæ suæ sapientiæ fiducia decipiuntur? de quibus scriptum est: Væ qui sapientes estis in oculis vestris, & coram vobismetipsis prudentes. Et quibus rursum dicitur: Nolite prudentes esse apud vosmetipsos. Vnde idem prædicator egregius hos quos canaliter sapientes inuenerat, vt sapientiam veram perciperet, prius fieri stultos quærebat, dicens: Si quis videtur inter vos sapiens esse in hoc seculo, stultus fiat, vt sit sapiens. Et per semetipsam veritas dicit: Confiteor tibi pater Domine cœli & terræ, quia abscondisti hæc à sapientibus & prudentibus, & reuelasti ea paruulis. Quia ergo hi qui apud semetipsos sapientes sunt, ad veram sapientiam peruenire non possunt, rectè beatus Iob conuersionem adiutorum desiderans, exoptat ne in eis vllum sapientem inueniat. Ac si eis apertè dicat: Stulti esse apud vosmetipsos discite, vt in Deo verè sapientes esse valeatis. Sequitur:

Quod cogitationes sanctorum, siue in lucris animarum, siue in dispensatione rerum temporalium torqueant corda eorum, quia alternantibus prosperitatibus, & in nocte timent ne ruant, & in die suspecti sunt ne præsumant.

Caput XV.

Dies mei transierunt, cogitationes meæ dissipatæ sunt, torquentes cor meum. Sancta electorum Ecclesia per diurna & nocturna tempora conspiciat vitæ suæ spatia transire, quia noctem in aduersitatibus, diem verò in prosperitatibus habere consuevit. Quasi enim lux ei oritur ex tranquillitate pacis, & nox ex dolore persecutionis. Sed cum post quietis ocia ad ex crescentis contra se persecutionis laborem redit, dies suos transire testatur. In quibus tamen diebus solet tantò grauioribus curis premi, quantò à se de ipsa tranquillitate pacis subtiliores à iudice rationes cogitat exquiri. In tranquillitate enim pacis modò animarum lucra cogitat, modò terrenarum rerum dispensationes curat. Quæ videlicet terrenorum actuum dispensationes tantò bonis mentibus grauioribus sunt, quantò earum intuitu, ab intuentibus cœlestibus, vel ad modicum auelluntur. Vnde bene beatus Iob siue sua, siue voce vniuersalis Ecclesiæ, postquam dies suos transisse testatur, illico subiunxit: *Cogitationes meæ dissipatæ sunt, torquentes cor meum.* Quia dum bonis mentibus temporalis sceleritas transit, etiam cura eis terrenæ dispensationis subtrahitur, quæ eas in cogitationibus torquere videbatur. Dum enim erectæ semper esse ad percipienda cœlestia appetunt, eo ipso quo aliquando ex dispensatione terrena ad ima cogitanda descendunt, torqueri se sentiunt. Vnde fit vt ipsa quoque aduersitas persecutionis vertatur in magnam exultationem lætitiæ propter adeptam quietem cordis. Vnde & aptè subditur: *Noctem venterunt in diem.* Dissipatæ etenim cogitationes noctem in diem vertunt, quia nonnunquam iustis amplius placet ex aduersitate mala perpeti, quàm ex prosperitate terrenæ dispensationis cura fatigari. Sed quia nouerunt cautius, & aduersa transire, & prospera rursus illucescere, aptè subiungitur: *Et rursus, post tenebras spero lucem.* Lux enim post tenebras speratur, quia vel post noctem vitæ præsentis æternum lumen percipitur, vel ita hinc aduersitas atque prosperitas alternat, vt sibi succedere vicissim non desinant. Vnde fit vt in luce nox in suspitione sit, & in nocte lux in præsumptione, sicut scriptum est: In die bonorum ne immemor sis malorum, & in die malorum ne immemor sis bonorum. Sed ecce quia authoris nostri gratia redempti sumus, hoc iam cœlestis muneris habemus, vt cū à carnis nostræ inhabitatione subtrahimur, mox ad cœlestia præmia ducamur, quia dum cōditor ac redemptor noster claustra inferni penetrat, electorum exinde animas eduxit, nos illo ire nō patitur, vnde iam alios descendendo liberauit. Hi verò qui ante eius aduentum in hunc mundum venerunt, quantamlibet iustitiæ virtutem haberet, ex corporibus educi in sinu cœlestis patriæ statim recipi nullo modo poterant: quia necdū ille venerat qui inferni claustra sua defensione

cenfione folueret, & iuftorum animas in perpetua iam fede collocaret. Vnde beatus Iob & afflictionem fentiens, & adhuc differri retributionem iuftorum fciens, aptè subiungit:

Quod sancti licet ad infernum post mortem ab Adam vsque ad Christum descenderint, ibi tamen quasi in lectulo quiescebant, solas tenebras pro pœna habentes, & hoc eis summum tormentum erat, quod expectatum saluatorem nondum videbant. Caput XVI.

21. **S**i sustinero, infernus domus mea est, & in tenebris stravi lectulum meum.) Priores etenim sancti & sustinere aduersa poterant, & tamen è corporibus educti, adhuc ab inferni locis liberari non poterant: quia necdum venerat, qui illuc sine culpa descenderet, vt eos qui ibi tenebantur ex culpa, liberaret. Tunc verò homo suum lectulum in tenebris strauit, quando lucem iustitiæ persuasori callido consentiendo deseruit. Et quia in ipsis quoque inferni locis iuftorum animæ sine tormento tenebant, vt & pro originali culpa adhuc illuc descenderent, & tamen ex propriis actibus supplicium non haberent, quasi in tenebris lectulum strauisse, est in inferno sibi requiem præparasse. Graue etenim tædium electis fuit, post solutionem carnis, adhuc speciem non videre creatoris. Quod tædium non immeritò beatus Iob tenebras vocat. Sed quia ex pœna infirmitatis venit, rectè eandem mox infirmitatem subdit, dicens:

Quod natura corrupta & praua consuetudo vermes concupiscentiarum in nobis generant, & ex putredine huius carnis huiusmodi soboles oriatur. Caput XVII.

Putredini dixi, Pater meus es, mater mea, & soror mea vermis.) Quid est hoc quod dixit putredini, Pater meus es, nisi quod omnis homo ab origine iam vitiata descendit? Vnde & additur. Mater mea & soror mea vermis: quia videlicet & ab ipsa putredine, & cum ipsa in hunc mundum venimus. Quantum enim ad materiam corruptibilis carnis, mater nostra ac soror vermes sunt, quia & de putredine processimus, & cum putredine venimus quam portamus. Quod si intelligi spiritualiter potest, & mater natura: & consuetudo non immeritò soror vocatur, quia ab illa cum ista sumus. Quæ videlicet mater & soror vermes sunt, quia ex natura corruptibili, & consuetudine peruersa cogimur, vt quasi quibusdam vermibus, sic inquietis cogitationibus in mente fatigemur. Carnis enim natura vitiata, & consuetudo peruersa, quia innumeras curas in corde infirmitatis nostræ generant, bene mater & soror vermes vocantur. Mordent enim animum curæ, dum inquietant. Non enim cessant iusti viri, vel sollicitè cogitare & pertractare quid agant, vel prouidè inspicere quò post præsentem vitam ducendi sunt. Quia ergo tunc electi ante aduentum Domini, & in labore vitæ præsentis se esse cernebant, & tamen post præsentem vitam necdum cœlestia bona percipere, multis cogitationibus vrebantur. Expectabant enim gratiam redemptoris sui, nec tamen ad eam poterant in carne viuendo peruenire. Vnde & aptè subditur: *Vbi est ergo nunc præstolatio mea?* Quæ esse potuit præstolatio iuftorum, nisi iustus & iustificans Deus? qui ad pœnas humani generis sponte descenderet, & captiuos mortis, iustitiæ suæ virtute liberaret? Huius enim præsentiam minimè cessabant intenta cogitatione præstolari, quâ quâdoque esse venturam nouerant, sed venire citius quærebant. Vnde non ait: *Vbi est ergo præstolatio mea?* sed ait: *Vbi est ergo nunc præstolatio mea?* Dum enim addit nunc, ostendit quia quod quandoque venturum erat, venire citius desiderabat. Sequitur: *Et patientiam meam quis considerat?* Expressit desiderium quò festinat in carne positus redimi, & ab inferis ad superna reuocari. Et quidem paucorum hominum ista fuit perpendere, vt scirent de præsentis vitæ laboribus, vel de subsequenti post mortem dilatione cogitare. Quod vtrunque iusti ante aduentum redemptoris nostri se perpeti dolebant. Vnde & rectè dicitur: *Et patientiam meam quis considerat?* Equidem non deest qui patientiam consideret, sed cum citius non exaudit, quasi minus considerare Deus dicitur. Ipsa enim humani generis, quæ venit in mundi fine, redemptio, ab his qui à mundi initio præcesserunt, tarda credebatur: quia longo temporis spatio à cœlestium remuneratione dis-

Tomus primus.

A iuncti sunt, veritate attestante, quæ ait: Multi prophetae & reges voluerunt videre quæ vos videtis, & non viderunt. Itaque quod nunc dicitur: Patientiam meam quis considerat? ardentis desiderij vota panduntur. Neque enim, vt prædiximus, iuftorum patientiam non considerat Deus: sed quasi non considerare dicitur, ad votum desiderij minus citius apparere, & in prolixiora tempora dispensationis suæ gratiam differre. Dicit ergo *Patientiam meam quis considerat?* quia quod disponenti breue est, longum est amanti. Vnde adhuc dilationis suæ damna considerans, hoc quod iam prædixerat, repetit: & descensurus ad ima, vocem doloris ingeminat, dicens: *In profundissimum infernum descendent omnia mea.* Cum constet quòd apud inferos iusti non in locis pœnalibus, sed in superiori quietis sinu tenerentur, magna nobis oboritur quæstio, quid nam sit quod beatus Iob asserit, dicens: *In profundissimum infernum descendent omnia mea.* Qui si ante aduentum mediatoris Dei & hominū in infernū descensurus erat, liquet tamen quia in profundissimum infernum descensurus non erat. An ipsa superiora loca inferi, profundissimum infernum vocat? Quia videlicet quantum ad sublimitatem cœli, iam huius aëris spatium non immeritò dici infernus potest. Vnde cum apostata angeli à cœlestibus sedibus in hoc caliginoso aëre sint demersi, Petrus apostolus dicit: Angelis peccantibus non peperit, sed rudentibus inferni detractos, in tartarum tradidit in iudicio cruciandos reseuari. Si itaque quantum ad celsitudinem cœli, aër iste caliginosus infernus est, quantum ad eiusdem aëris altitudinem, terra quæ inferius iacet, & infernus intelligi, & profundus potest: quantum verò ad eiusdem terræ altitudinem, & illa loca inferi, quæ superiora sunt aliis receptaculis inferni, hoc loco non incongruè inferni profundissimi appellatione signantur: quia quòd aër ad cœlum, terra ad aërem, hoc ille est superior inferiorum sinus ad terram. Sed mirum valde est quod adiungit: *Descendent omnia mea.* Cum enim sola anima descensura esset ad inferni loca, quid est quod sanctus vir illuc perhibet omnia sua descendere, nisi quòd ibi se esse totum vidit, vbi pondus suæ remunerationis intelligit? Quia hoc quod ex se insensibile in terra deserit, quousque ad incorruptionem resurrectionis redeat, se esse non sentit. Omnia itaque sua in infernū profundissimum descensura perhibet, quò solam suam animam descensuram videt, quia ibi totus est, vbi sentire posset quod reciperet. Vel certè in infernum omnia eius descendunt: quia laborum omnium retributio, adhuc in sola inferni quiete recipi præstolabatur. Et quasi illuc descendit omne quod egit: quia ibi quietem retributionis suæ ex omnibus inuenit. Vnde etiam ipsa quies præstolata subiungit, cum illic subinfertur: *Putasne saltem ibi erit requies mihi?* In quibus nimirum verbis & innotescit quod desiderat, & tamen esse se adhuc de suscipienda requie dubium, designat: ne cuius sancta opera tot flagella secuta sunt, occulto iudicio superni iudicis, post flagella temporalia etiam mansura tormenta sequerentur. Qua in re cum magno nobis timore pensandum est, quis nostrum iam de requie æternæ securus sit, si de ea adhuc, & ille trepidat, cuius virtutis præconia, & ipse iudex qui percutit, clamat. Si enim iustus vix saluabitur, impius & peccator vbi parebunt? Beatus etenim Iob, ad requiem se post flagella peruenturum nouerat: sed vt nostra timore corda concuteret, ipse visus est de æternæ quietis retributione dubitare, cum dicit, *Putasne?* vt nos videlicet perpendamus quanta debemus formidine venturum iudicium semper expauescere, quando & ille qui à iudice laudatus est, adhuc de retributione iudicij, in suis verbis securus non est.

Libri decimitertij Moraliū sancti
Gregorij finis.

l iij

B. GREGORII EX- POSITIO MORALIS IN BEATVM IOB LIBER DE- cim^{us} quartus.

Capit. I.



Vperi^{ori} huius operis parte tractauimus, quod omnipotens Deus vt mentes corrigeret sub lege positorum, beati Iob vitam ad testimonium adduxit, qui legem non nouit, & tamen tenuit, qui precepta vitæ quæ scripto non acceperat, custodiuit. Huius prius actio Deo attestante laudatur, & probari postmodum diabolo infidiane permittuntur: vt per tentamenta tribulationis ostenderet, quantum prius in tranquillitate profecisset. Huius vitam inimicus generis humani more suo improbus, & laudari Deo attestante cognouit, & tamen ad tentandum expetiit. Quem cum tot damnis rerum, tot orbitatibus percussum sternere nequiuisset, vxorem ei in stimulum malæ suasionis excitauit: vt saltem per familiaria verba corrumperet, quem per tot sternere nuntiorum tormenta minimè valeret. Sed cum adiutorio fœminæ, quod contra Adam prius in paradiso obtinuit, contra hunc secundum in sterquilinio positum, roborari non potuit, ad alia se tentandi argumenta conuertit: vt amicos eius quasi consolantes adduceret, & tamen eorum mentes in asperitatem increpationis excitaret, quatenus eum, cuius patientiam flagella non vicerant inter flagella saltem aspera verba superarent. Sed inimicus callidè insidians, fraudem quam contra sanctum virum parauerat, pertulit: quia sancto viro quot occasiones perdicionis intulit, tot causas victoriæ ministravit. Contra tormenta quippe patientiæ, contra verba sapientiæ tenuit: quia & dolores verberum æquanimitè sustinuit, & stultitiam malè suadentium sapienter frenauit. Sed quia in ipsis passionibus, doctis que locutionibus sanctæ Ecclesiæ typum tenet, amicis eius, vt sæpe iam diximus, quædam recta, & quædam stulta loquentibus, non immeritò hæretici figurantur: qui pro eo quod sancto viro amici sunt, multa de reprobis recta dicunt: sed pro eo quod speciem hæreticorum tenent, plerunque in oris sui excessu dilabuntur, & verborum suorum iaculis, sancti viri pectus feriunt, sed contra mentem inexpugnabilem ipsa sua percussione fatigantur. Nos igitur subtili debemus discretionem distinguere, & quid sit in eorum verbis quod verè de reprobis sentiunt, & quid quod contra beatum Iob fatuum sonant.

Caput decimumoctauum textus beati Iob.



Respondens autem Baldath Suites, dixit: Vsq^{ue} ad quem finem verba iactabis? Intellig^e prius: & sic loquamur. Quare reputati sumus vt iumenta, & sorduimus coram te? Quid perdis animam tuam in furore tuo? Nunquid propter te derelinquetur terra, & transferentur rupes de loco suo? Nōne lux impij extinguetur, nec splendet flamma ignis eius? Lux obtenebrescet in tabernaculo illius, lucerna quæ super eum est extinguetur. Arctabuntur gressus virtutis eius, & præcipitabit eum consilium suum. Immisit enim in rete pedes suos, & in maculis eius ambulat. Tenebitur planta illius laqueo, & exardescet contra eum sitis. Abscondita est in terra pedica eius, & decipula illius super semitam. Vndique terrebunt eum formidines, & inuoluent pedes eius. Attenuetur fame robur eius, & inedia inuadat co-

stas illius. Deuoret pulchritudinem cutis eius, & consumat brachia illius primogenita mors. Auellatur de tabernaculo suo fiducia eius, & calcet super eum quasi rex interitus. Habitent in tabernaculo illius focij eius qui non est, aspergatur in tabernaculo eius sulphur. Deorsum radices eius siccentur: sursum autem atteratur messis eius. Memoria illius pereat de terra, & non celebretur nomē eius in plateis. Expellet eum de luce in tenebras, & de vrbe trāferet eum. Non erit semē eius, neque progenies in populo suo, nec vllæ reliquię in regionibus eius. In die eius stupebunt nouissimi, & primos inuadet horror. Hæc sunt ergo tabernacula iniqui, & iste locus eius, qui ignorat Deum.

Quod superbi cum se despici suspicantur, ad contumelias profiliunt.

Capit. II.

Respondens autem Baldath Suites, dixit: Vsq^{ue} ad quem finem verba iactabis? Intellig^e prius, & sic loquamur. Omnes hæretici sanctam Ecclesiā in quibusdam incognitis superbire putant, quædam verò nec intelligere suspicantur. Vnde Baldath Suites beatum Iob quasi in superbiam astruit erupisse, quem fateat verba iactare. Sed signat ipse quanta elatione tumuerat, qui beatū Iob loqui quē nō intelligeret putabat. Et quia omnes hæretici in estimatione sua à sancta se Ecclesia despici conqueruntur, aptè subiungitur: *Quare reputati sumus vt iumenta, & sorduimus coram te?* Humanæ mentis est propriū, hoc sibi fieri suspicari, quod facit. Arbitratur enim se despici, qui bonorum mores despiciere cōsueuerunt. Et quia in his quæ cōprehendi valent ratione, contra hæreticos ostendit Ecclesia rationabile nō esse quod astruunt, æstimari se ab eius iudicio velut iumenta suspicantur. Ex qua despectus sui suspicione protinus ad dedignationē profiliunt, atq; ad eiusdem Ecclesiæ cōtumelias excitantur. Vnde subditur: *Quid perdis animam tuam in furore tuo?* Hæretici vel zelū rectitudinis, vel spiritalē gratiā sanctę prædicationis, nō virtutis pondus, sed insaniam furoris æstimant. Quo furore videlicet perire fidelium animas arbitrantur, quia inde interire Ecclesiæ vitā credunt, vnde eā cōtra se t̄ inseruire cōspiciunt. Sequitur: *Nunquid propter te derelinquetur terra?* Se enim vbique Deū colere, se totū mundū existimant occupasse. Quid est ergo dicere: Nunquid propter te derelinquetur terra, nisi hoc sæpe fidelibus dicūt, quia si hoc est verū quod vos dicitis, omnis à Deo terra derelicta est, quam iam præ multitudine nos tenemus. Sancta autē vniuersalis Ecclesia prædicat, saluari veraciter nisi intra se non posse, asserens, quod omnes qui extra ipsam sunt, minimè saluabuntur. At contrā hæretici qui etiam extra ipsam saluari se posse cōfidunt, in quolibet loco sibi diuinū adiutoriū adesse profitentur. Vnde dicunt: *Nunquid propter te derelinquetur terra?* id est, vt quisquis extra te fuerit, minimè saluetur? Vnde etiā subditur: *Et transferentur rupes de loco suo.* Hæretici rupes vocant eos quos sublimibus in humano genere excedere sensibus estimāt, quos profectò se habere gloriantur. Cum verò sancta ecclesia peruersos quosque prædicatores intra sinū rectę fidei colligere studet, quid aliud quàm de locis propriis rupes mouet, vt intra eam recta sentiētes humiliter iaceant, qui in peruersis suis sensibus prius rigidi stabant? Sed hoc fieri hæretici omnino contradicunt, & propter eius vocem, rupes de loco proprio transferri renituntur: quia videlicet nolunt vt ad eam venientes vera humiliter sentiant hi, qui apud eos elatis sensibus falsa sapiebant.

Quod & bona malis, & mala bonis in hac vita indifferenter eueniunt, in vita verò aterna sola vera bona bonis, & vera mala malis seruantur.

Capit. III.

Plerunque verò hæretici cum quosdam in sancta Ecclesia, vel inopia, vel flagellis laborantes aspiciunt, semetipsos mox in arrogantiam iustitię extollunt, & quicquid aduersum fidelibus euenisse conspiciunt, hoc factum pro eorū iniquitatibus putant, nescientes nimirum, quia actionum meritum præsentis vitæ qualitas nullatenus probat. Nam plerunque & bona malis, & mala bonis eueniunt, pro eo quod & vera bona bonis, & vera mala malis in aterna retributione seruantur.

feruatur. Baldath itaque typum hæreticorum de prosperitate vitæ præsentis sese extollentium tenens, aduersus beati Iob flagella quasi ex eorum voce contra iustorum opprobria inflatur, & disertè quidem contra impios disputat, sed quàm peruersè contra iustum talia dicat, ignorat, nam subiecit, dicens: *Nōne lux impij extinguetur, nec splendebit flamma ignis eius?* Hæc si in præsentis vitæ definitione denuntiat, fallitur: quia plerunque & impiis inesse lumen prosperitatis cernitur, & pios tenebræ ignobilitatis ac paupertatis abscondunt. Sin verò ad hoc eius sermo dirigitur, vt ostendat quid impij in suo fine patiantur, veraciter dicitur: *Nōne lux impij extinguetur, nec splendebit flamma ignis eius?* Quod si dici de impio rectè potuit, contra sanctum tamen virum in flagello constitutum, dici non debuit. Sed nos vires brachiorum illius in suis sententiis perpendentes, pensemus, quàm validè iacula intorquet, & definamus aspicere intorquendo quem impetit, nimirum scientes, quia frustratis ictibus lapidem ferit. Dicat ergo:

Quod vnusquisque reproborum flammam propriam habeat in corde illius concupiscentiæ, à qua abstrahitur & illicitur.

Caput IIII.

Nonne lux impij extinguetur? Quia habent & impij lucem suam, prosperitatem scilicet vitæ præsentis. Sed lux impij extinguetur, quia fugitiuæ vitæ prosperitas cū ipsa citius vita terminatur, vbi aptè subditur: *Nec splendebit flamma ignis eius.* Omnis nanque impius habet flammam ignis proprij, quem in corde suo ex feruore desideriorum temporalium accendit, dum modo istis, modo illis cupiditatibus æstuat, & cogitationes suas per multiplicia blandimenta sæculi amplius inflammat. Ignis autem si flammam non habet, nequaquam fuso lumine splendet. Flamma itaque ignis, eius est decor, vel potestas exterior, quæ de interno eius ardore procedit: quia quod anxie in hoc mundo adipisci desiderat, plerunque ad cumulum perditionis suæ obtinet: & siue in potestate culminis, siue in diuitiis multiplicatur, quasi per exteriorem gloriam lucet. Sed non splendebit flamma ignis eius, cū in die exitus, omnis exterior decor subtrahitur, & solo suo inditricus ardore concrematur. Flamma ergo ab igne subtrahitur, cū gloria exterior ab interno eius ardore separatur. Habent etiam & iusti flammam ignis sui, sed nimirum quæ resplendeat, quia videlicet eorum desideria in bonis operibus lucent. Iniquorum verò flamma minimè splendet, quia per hoc quod mala appetunt, ad tenebras pertrahuntur. Vnde & sequitur: *Lux obtenebret in tabernaculo illius.* Si plerunque tristitiam tenebras accipimus, non immeritò lucem accipere gaudium debemus. Lux ergo in tabernaculo illius tenebret, quia in eius conscientia quam malè inhabitat gaudiū quod de temporalibus rebus fuerat, deficit. Vnde & aptè subiungitur: *Et lucerna quæ super eum est, extinguetur.* Vt enim de vsu multorum loquar, lucerna lumen in testa est: lumen verò in testa, est gaudium in carne. Lucerna ergo quæ super eum est extinguitur: quia cū malorum suorum retributio impium sequitur, in eius mente gaudium carnale dissipatur. Bene autem de lucerna hac non dicitur, quæ apud eum est, sed quæ super eum est: quia iniquorum mētem terrena gaudia possidēt, sicque eam in voluptatibus absorbent, vt super ipsam sint, nō apud ipsam. Iusti autem etiā cū prosperitatē vitæ præsentis habent, eam sub semetipsis premere nouērūt, vt hoc quod apud se in bonis hilarescunt, grauitatis cōsilio trāseant, & virtutis regimine excedant. Lucerna ergo impij quæ super eum est, extinguitur, quia citius eius gaudiū deficit, quod eum totum in hac vita possedit. Et qui nunc malè se in voluptatibus dilatat, eum pōst in suppliciis pœna coangustat, Vnde adhuc subditur: *Ardebunt gressus virtutis eius.* Nunc enim quasi totiens virtutis suæ gressus exerit, quotiens potestatis suæ violentias exercet. Sed gressus virtutis eius ardebunt, quia vires malitiæ illius, quas nūc in voluptate sua exhibet, postmodum pœna constringit. Sequitur:

Quod sapientes huius sæculi in proprium sensum præcipites ruunt.

Caput V.

Et præcipitabit eum consilium suum) Habet nunc consilium omnis iniquus præsentia appetere, æterna deferere, iniuriæ agere, iusta deridere: sed cū iudex iustorum iniusto-

Tomus primus.

Arunque venerit, suo vnusquisque impius consilio præcipitatur: quia per hoc quod hic appetere prauis cogitationibus legit, in æterni supplicij tenebras mergitur. Quem enim hæc gloria temporalis extollit, illic sine termino pœna premit. Qui hæc in voluptate lætatus est, illic perpetua vltione cruciatur. Et fit plerunque vt ipsa huius mundi prosperitas, quæ ab impiis inhianter appetitur, eorum gressus ita obliget, vt etiā cū ad bona opera voluerint redire, vix possint: quia recta agere non valent, cū huius mundi amatoribus displicere timent. Vnde agitur, vt per gloriam, quam impius ex peccato assequitur, eius adhuc peccata amplius multiplicentur: quod bene Baldath exprimit, cū subiungit:

Quod dignitas ad quam ambitiosè cū culpa peruenitur, sine culpa relinqui non possit.

Caput VI.

Immisit enim in rete pedem suum, & in maculis eius ambulat.) Qui pedes in rete mittit, non cū voluerit eiicit. Sic qui in peccatis se deicit, non mox vt voluerit, surgit, & qui in maculis retis ambulat, gressus suos ambulando implicat, & cū expedire ad ambulandum nititur, ne ambulet obligatur. Sæpe nanque contingit, vt quis huius mundi delectatione persuasus, in eo ad honoris gloriam pertingat, vt ad desideriorum suorum effectum perueniat, & peruenisse se ad hoc quod expetiit, lætetur. Sed quia bona mundi non habita, in amore sunt, & plerunque habita vilescunt, percipiēdo discit, quàm sit vile quod expetiit. Vnde reuocatus ad mentem exquirat, qualiter sine culpa fugiat, quod se cum culpa conspiciat adeptum sed ipsa eum dignitas quæ implicauit tenet, & sine culpis aliis fugere non valet hoc, vbi non sine culpis peruenit. Immisit ergo in rete pedes suos, & in maculis eius ambulat, quia cū expedire nititur, tunc veraciter conspiciat quàm duris nexibus tenetur. Neque enim verè obligationem nostram cognoscimus, nisi cum euadere nitentes, quasi leuare pedes conamur. Vnde & hanc eandem obligationem aptè subiungit:

Tenebitur planta illius laqueo. Quia videlicet stringitur finis in peccato. Et quia hostis generis humani, cū vnus cuiusque vitā in culpa obligat, ad eius mortē anxius anhelat, rectè subiungitur: *Et exardescet contra eum sitis.* Antiquus quippe noster inimicus, cū in peccato vitam illaqueat, sitit: vt mortem peccatoris bibat. Quod tamen & aliter intelligi potest. Nam peruersa mens cū in peccatum se venisse conspiciat, quadam cogitationis superficie euadere peccati laqueos querit, sed vel terrores, vel opprobria hominū timēs, eligit in eternū mori, quàm ad tempus aliquid aduersitatis perpeti. Vnde totum se vitiis inserit, quibus iam se semel obligatum sentit. Cuius ergo vsque ad finem vita in culpa constringitur, eius planta laqueo tenetur. Sed quia se quo malis obligatum pensat, eo de suo reditu desperat, ipsa iam desperatione acius ad huius mundi concupiscentias æstuat, fit desideriorum feruor in mente, & peccatis præcedentibus irretitus animus, ad maiora etiam delicta succenditur. Vnde & subditur: *Et exardescet contra eum sitis.* In eius quippe animo contra eum sitis exardescit, quia quo agere peruersa consuevit, eo ad ebibenda mala vehementer accenditur. Impio quippe sitire, est huius mundi bona concupiscere. Vnde & redemptor noster ante Pharisei domum hydropicum curat: & cū contra auaritiam disputaret, scriptum est: Audiebant autem omnia hæc Pharisei, qui erant auari, & deridebant illum. Quid est ergo quod ante Pharisei domum hydropicus curatur, nisi quod per alterius ægritudinem corporis, in altero exprimitur ægritudo cordis? Hydropicus quippe quo amplius biberit, amplius sitit: & omnis auarus ex t̄ potu sitim multiplicat, quia cū ea quæ appetit adeptus fuerit, ad appetenda alia amplius [& amplius] anhelat. Qui enim adipiscendo plus appetit, huic sitis ex potu crescit. Sequitur:

Quod honor temporalis, & amor lucri, & cetera huiusmodi, quasi esca sunt in laqueo, quibus cūm appropinquauerit improuidè errans, captus tenetur. Et quod sit quadam affinitas vitiorum & morum, secundum quam deceptiones suas, diabolus optimè considerat.

Caput VII.

Abscondita est in terra pedica eius, & decipula illius super semitam.) In terra pedica absconditur, cū culpa sub terrenis

l iij

commodis occultatur. Inimicus quippe insidians ostendit humanæ menti in terreno lucro quid appetat, & occultat peccati laqueum, ut eius animam stringat: quatenus videat quid est quod concupiscere valeat, & tamen nequaquam videat, in quo culpæ laqueo pedem ponat. Decipula verò à decipiendo vocata est. Et tunc ab antiquo hoste super semitam decipula ponitur, quando in actione huius mundi quam mens appetit, peccati laqueus paratur, quæ videlicet non facillè deciperet, si videri potuisset. Sic quippe decipula ponitur, ut dum esca ostenditur, nequaquam ipsa à transeunte videatur. Quasi esca quippe in laqueo est, lucrum cum culpa, & huius mundi prosperitas cum iniquitate. Dum itaque à concupiscente lucrum appetitur, quasi pedem mentis apprehendit decipula, quæ non videtur. Sæpe ergo proponuntur animo cum culpa, honores, diuitiæ, salus & vita temporalis, quæ mens infirma dum quasi escam videt, & decipulam non videt, per escam quam videns appetit, in culpa confringitur, quæ non videtur. Existunt etenim qualitates morum, quæ certis vitiis sunt vicinæ. Nam mores asperi, aut crudelitati, aut superbiam solent esse coniuncti: mores autem blandi, & quam decet paulò amplius lætiores, nonnunquam luxuriæ & dissolutioni. Intuetur ergo inimicus, generis humani vniuscuiusque mores, cui vitio sint propinqui, & illa opponit ante faciem, ad quæ cognoscit facilius inclinari mentem: ut blandis ac lætis moribus sæpe luxuriā, nonnunquam vnam gloriā: asperis verò mentibus iram, superbiam vel crudelitatem proponat. Ibi ergo decipulam ponit, ubi esse semitam mentis conspiciat: quia illic periculum deceptionis inserit, ubi viam esse inuenerit propinquæ cogitationis. Et quia peruersus homo omne quod facit, etiam pati metuit, atque hoc sibi ab omnibus fieri aestimat, quod ipse omnibus quibus valet, parat, rectè sequitur: *Vndique terebunt eum formidines.* Tales enim contra se omnes esse suspicatur, qualis ipse esse contra omnes nititur. Quæ nimirum formidines quid in eius actione faciāt, subinfertur cum dicitur: *Et inuolunt pedes eius.* Pedes quippe si inuoluti fuerint, gressus liberos habere non possunt, & nullū carpere iter valent: quia sua eos inuolumenta retinent. Præua itaque desideria ad pessimam actionem trahunt, sed pessima actio restringit in formidine. Quæ videlicet formido inuoluit pedes, ne in rectam exire valeant actionem. Et sæpe contingit, ut idcirco quisque bonus esse metuat, ne hoc à prauis ipse patiat, quod se bonis fecisse reminiscitur: dumque hoc pati quod fecit metuit, vndique territus, vndique suspectus, quasi pedes inuolutos habet: qui timore irretitus, nil libere agere præualet, quia in bono opere quasi inde gressum perdidit, vnde ad mala quæ concupierat excessit. Sequitur: *Attenuetur fame robur eius, & inedia inuadat costas illius.* Scripturæ sacræ more, optare videtur quod futurum præuidet, scilicet non maledicentis animo, sed prædicentis: Omnis itaque homo, quia ex anima & carne consistit, quasi ex robore & infirmitate compositus est. Ex ea enim parte quæ spiritus rationalis est conditus, non incongruè dicitur robustus: ex ea verò qua carnalis, infirmus est. Robur ergo est hominis animæ rationalis, quæ impugnantibus vitiis resistere per rationem valet. Vnde & superius per beatum Iob dictum est: Roborasti eum paululum, ut in perpetuum pertransiret. Ex rationali quippe anima habet homo, ut in perpetuum viuat. Huius ergo iniqui robur fame attenuatur, quia eius anima nulla interni cibi refectione pascitur. De qua scilicet fame Deus per Prophetam loquitur: Emittam famem in terram, non famem panis: neque sitim aquæ, sed audiendi verbum Domini. Bene autem subditur: *Et inedia inuadat costas illius.* Costæ enim viscera constringunt, ut latentia intrinsecus earum soliditate muniatur. Costæ ergo vniuscuiusque sunt sensus animi, qui latentēs cogitationes muniunt. Inedia igitur inuadit costas, quando omni spiritali refectione subtrahita, sensus mentis deficiunt, & cogitationes suas regere, vel tueri non possunt. Inedia inuadit iniqui costas: quia fames interna sensus mentis extenuat, ut cogitationes suas nullatenus regat. Nam dum sensus mentis obtusi fuerint, cogitationes ad exteriora prodeunt, & quasi costis infirmantibus, ea quæ in occulto sana latere potuerant, foras viscera supduntur. Vnde fit ut cogitationibus exterius sparsis, ex-

terioris gloriæ specie deceptus appetat animus, nihil, diligatque nisi quod pulchrum foris viderit. Contra quem adhuc aptè subiungitur:

Quod primogenita mors, sit superbia. Et quod multi diuites possent habere sine culpa opes & gloriam, si hæc cum humilitate haberent.

Caput VIII.

Deuoret pulchritudinem cutis eius, & consumat brachia illius primogenita mors. Pulchritudo cutis, est gloria temporalis. quæ dum foris concupiscitur, quasi species in cute retinetur. Brachiorum verò nomine non incongruè opera designantur, quia corporale opus brachiis agitur. Quid autem mors nisi peccatum est, quod ab interiore vita animam occidit. Vnde scriptum est: Beatus & sanctus, qui habet partem in resurrectione prima, quia ille post in carne feliciter resurgit, qui in hac vita positus, à mentis suæ morte resurrexit. Si igitur peccatum mors, non incongruè primogenita mors, superbia valet intelligi, quia scriptum est: Initium omnis peccati, superbia. Pulchritudinē igitur cutis eius, & brachia illius primogenita mors deuorat: quia iniqui gloriam vel operationem, superbia supplantat. Potuit enim etiam in hac vita sine culpa gloriosus existere, si superbus minimè fuisset: potuit auctoris sui iudicio, quibusdam suis operibus commendari, nisi hæc ipsa opera ante eius oculos elatio supplantaret. Sæpe enim quosdam diuites videmus, qui opes & gloriam habere sine culpa potuissent, si hæc habere cum humilitate voluissent. Sed extolluntur rebus, inflantur honoribus, dedignantur ceteros, omnemque vitæ suæ fiduciam in ipsa abundantia rerum ponunt. Vnde & quidam diues dicebat: Anima habes multa bona reposita in annos plurimos, requiesce, comedere, bibe, epulare. Quas cogitationes dum supernus iudex aspexit, de ipsa hac eum sua fiducia euellit. Vnde hic quoque aptè subditur:

Quod possunt esse corda sanctorum sine regno peccati licet sine peccato non possint.

Caput IX.

Euellatur de tabernaculo suo fiducia eius, & calcet super eum quasi rex interitus. Hoc loco interitus nomine, ipse hostis generis humani, qui interitum intulit, designatur: qui per suum quendam satellitem exprimitur, de quo ad Ioannem dicitur: Nomen illi mors. Iste itaque interitus, in die exitus quasi rex super impiū calcet: quia quæ prius blandis persuasionibus decepit, ad extremum violentis nexibus ad supplicium rapit: tantoque eum durius deprimat, quanto in prauis actibus vehementius adstringit. Qui hic quoque reprobi mentē dum possidet, calcet: quia quoties eā delectationibus pressit, quasi toties super eam pedes suæ tyrannicæ dominationis posuit.

Si verò interitus nomine non aptè diabolus, sed peccatū debet intelligi, ex quo contingit reprobos ad interitum trahit: nimirum interitus quasi rex calcet mentem, cum eam non resistentem possidet. Non enim potest in hac vita homini posito, tentatio deesse peccati: sed aliud est peccato tentari resistere, aliud dominati seruire. Iniquus autem quisque, quia resistere peccati suasionibus nescit, subiugari autem eius domino non pertimescit, rectè de eo dicitur: *Calcet super eum quasi rex interitus.* Huius quippe interitus regnum à discipulorum cordibus repellebat Apostolus, cum dicebat: Non regnet peccatum in vestro mortali corpore. Non enim ait, non sit, sed non regnet: quia non esse non potest, non autem regnare in cordibus bonorum potest. Quia ergo cum qualibet culpa cor iniqui pulsauerit, resistens illud non inuenit, sed suo dominio subternit, dicat rectè: *Euellatur de tabernaculo suo fiducia eius, & calcet super eum quasi rex interitus.* De tabernaculo suo ergo fiducia eius euellitur, quando peruersus quisque, qui multa sibi ad votum in hac vita parauerat, repentina morte dissipatur. Et calcet super eum quasi rex interitus, quia vel hic vitiis premitur, vel mortis suæ tempore per hoc quod ad supplicia rapitur, potestati dæmonicæ subiugatur. Quod idcirco ita in reprobos mentibus agitur: quia & cum occasio perpetrandi peccati deest, desideriorum cogitationes eorum cordibus nullatenus defunt. Et cum semper diabolus sequantur in opere, valde tamen se illi obligant in cogitatione. Prius ergo culpa in cogitatione est, postmodū verò

Astutia inimi-

7.

Amos. 8.

Apoc. 20.

Ecclesi. 10.

Luc. 12.

9.

Roma. 9.

Esai. 47. verò in opere. Vnde filia Babylon dicitur: Descende, sede in puluere virgo filia Babylon, sede in terra. Cum enim semper puluis terra sit, non tamen terra semper est puluis. Quid ergo per puluerem, nisi cogitationes debemus accipere? Quæ dum importunè, ac silenter in mente euolant, eius oculos excæcant. Et quid per terram, nisi terrenæ actio designatur? Et quia reproborum mens prius ad praua cogitanda deiicitur, & postmodum ad faciendâ: rectè filia Babylon, quæ ab internæ rectitudinis iudicio descendit, per ferientem sententiam dicitur, vt prius in puluere, & post in terra sedeat: quia nisi se in cogitatione prosterneret, in malo opere non inhæsisset. Sequitur:

Quod peccatum congruè incendio sulphuris comparetur, quod foetet & ardet.

Caput X.

10. **H**abitent in tabernaculo illius socij eius qui non est. id est, in mente eius, apostatæ Angeli per cogitationes nequissimas conuersantur, eius videlicet socij, qui idcirco iam non est, quia à summa essentia recessit, & per hoc quotidie crescente defectu quasi ad non esse tendit, quo semel ab eo qui verè est, cecidit: qui rectè quoque non esse dicitur, quia bene esse perdidit, quanuis naturæ essentiam non amisit.

Gene. 19. Adhuc tamen easdem iniqui cogitationes subtilius exprimens subiungit, dicens: *Aspergatur in habitaculo eius sulphur.* Sulphur quid aliud quàm fomentum ignis est? Quod tamen sic ignem nutrit, vt foetorem grauissimum exhalet. Quid itaque in sulphure nisi peccatum carnis accipimus? Quod dum peruersis cogitationibus quasi quibusdam foetoribus mentem replet, æterna ei incendia præparat, & dum foetoris sui nebulam in mente reproba dilatat, contra eam flammis subsequen-
tibus quasi nutritæ subministrat. Nam quia per sulphur foetor carnis accipitur, ipsa sacri eloquij historia testatur, quæ cõtra Sodomam ignem & sulphur pluissè Dominum narrat. Qui cum carnis eius scelera punire decreuisset, in ipsa qualitate ultionis notauit maculam criminis. Sulphur quippe foetorem habet, ignis ardorem. Qui itaque ad peruersa desideria ex carnis foetore arserant, dignum fuit vt simul igne & sulphure perirent: quatenus ex iusta pœna discerent, ex iniusto desiderio quid fecissent. Hoc ergo in tabernaculo iniqui sulphur aspergitur, quotiens peruersa carnis delectatio in eius mente dominatur. Quem quia indefinèter prauæ cogitationes possident, eumque ferre boni operis fructum verant, rectè subiungitur: *Deorsum radices eius siccantur, sursum autem atteritur mæsis eius.* Quid nanque radicum nomine, quæ in occulto sitæ sunt, & germen in apertum ferunt, nisi cogitationes accipimus, quæ dum non videntur in corde, visibilia opera produ-
cunt? Vnde & mæsis nomine, eadem aperta operatio signatur, quæ videlicet ex latenti radice producit. Et quia omnis iniquus prius in cogitationibus tentationum arescit, & post ea à bonis actibus deficit, rectè per Baldath dicitur: *Deorsum radices eius siccantur, sursum autem atteritur mæsis eius.* Quia dum prauus quisque cogitationes suas in infimis rebus ponit, & sempiternæ viriditatis gaudia appetere negligit, quid aliud quàm radices suas deorsum siccari permittit? Cuius sursum mæsis atteritur: quia omnis eius operatio à superno iudicio quasi nihilum deputatur, etiam si ante humanos oculos bona videatur. In imo itaque radices sunt, & superius mæsis: quia hîc prius bonas cogitationes mittimus, vt quandoque bonorum operum fructum percipere in æterna retributione mereamur. Sed iniquus quisque cum bonas cogitationes deserit, & ad ea quæ sunt exterius semetipsum fundit, deorsum siccantur radices eius. Sursum verò mæsis eius atteritur: quia qui hîc sterilis persistit, post hanc vitam ad nulla præmia vocatur. Sequitur:

De Antichristi damnatione, & de persecutione quam facturus est, & de morte Enoch & Helia.

Caput XI.

11. **M**emoria illius pereat de terra, & non celebretur nomen eius in plateis. Intuendum est nobis, quia sic Baldath Suites de vnoquoque iniquo loquitur, vt latenter ad caput omnium iniquorum eius verba vertantur. Caput quippe iniquorum diabolus est. Ipse quippe in vltimis temporibus illud vas perditionis ingressus, Antichristus vocabitur, qui nomen suum

longè latèque diffundere conatur. Quod nunc vnusquisque imitatur, cum de memoria terreni nominis, gloriam laudis suæ extendere nititur, atque opinione transitoria latatur. Sic ergo hæc verba intelligantur de vnoquoque iniquo, vt referri quoque debeant ad ipsum specialiter caput iniquorum. Dicat itaque: *Memoria illius pereat de terra, & celebretur nomen eius in plateis.* Plateæ quippe appellatione Græca, à latitudine sunt vocatæ. Memoriam verò suam in terra statuere Antichristus conatur, cum in terrena gloria appetit, si esset possibile, in perpetuum permanere. Nomen suum in plateis celebrari gaudet, cum longè latèque operationem suæ iniquitatis extendit. Sed quia diu hæc eius iniquitas non finitur extolli, dicatur: *Memoria illius pereat de terra, & non celebretur nomen eius in plateis:* id est, citius laudem terrenæ potestatis amittat, & omne gaudium sui nominis perdat, quod longè latèque in breui temporis prosperitate diffuderat. Sequitur: *Expellet eum de luce in tenebras.* De luce ad tenebras ducitur, cum de honore vitæ præsentis ad supplicia æterna damnatur. Vnde & apertius subditur: *Et de orbe transferet eum.* De orbe quippe transfertur, cum superno apparente iudice, de hoc mundo tollitur, in quo peruersè gloriatur. Qui pro eo quod cum omnibus sequacibus suis, sine mundi interueniente, damnabitur: rectè subiungitur: *Non erit semen eius, neque progenies in populo suo, nec vlla reliquia in regionibus eius.* Scriptum quippe est, quia dominus Iesus interficiet eum spiritu oris sui, & destruet illustratione aduentus sui. Dum ergo eius iniquitas cum mundi statu terminatur, progenies eius in populo suo non relinquetur: quia & ipse & eius populus cum eo ad supplicium pariter vrgetur: & omnes iniqui qui de eius peruersa persuasionem in prauis actibus nati sunt, illustratione aduentus Domini, æterno interitu cum eodem suo capite ferientur. Ac nulla eius progenies in mundo remanet: quia districtus iudex iniquitates illius cum ipso mundi fine concludit. Quod verò hæc apertè de Antichristo intelligi debeant, demonstratur cum subditur:

In diebus eius stupebunt nouissimi, & primos inuadet horror.

12. **T**anta enim tunc contra nos iniquitate effrenabitur, vt etiam electorum corda non paruo pauore feriantur. Vnde scriptum est: Ita vt in errorem inducantur, si fieri potest etiam electi. Quod videlicet dicitur, non quia electi casuri sunt, sed magnis terroribus trepidaturi. Tunc verò contra eum certamen iustitiæ & nouissimi electi habere narrantur & primi: quia scilicet & hi qui in fine mudi electi reperiuntur, in morte carnis prosternendi sunt, & illi etiam qui à prioribus mundi partibus processerunt, Enoch scilicet & Helias ad medium reuocabuntur, & crudelitatis eius sauitiam in sua adhuc mortali carne passuri sunt. Huius vires in tantam potestatem laxatas, nouissimi obstupescunt, & primi metuunt: quia licet iuxta hoc quod spiritu superbæ subleuatur, omnem temporalem eius potestatem despiciunt: iuxta hoc tamen, quod ipsi adhuc in carne mortali sunt, in qua cruciari temporaliter possunt, ipsa quæ fortiter tolerant, supplicia perhorrescunt: ita vt in eis vno eodemque tempore & constantia ex virtute sit, & pauor ex carne: quia et si electi sunt, vt tormentis vinci nequeant, per hoc tamen quod homines sunt, & ipsa metuunt tormenta, quæ vincunt. Dicatur ergo: *In diebus eius stupebunt nouissimi, & primos inuadet horror:* quia videlicet tanta tunc signa monstraturus, & crudelia ac dura facturus est, vt ad stuporem perducatur, quos in fine mundi inuenerit, & priores patres, qui in eius expugnationem seruati sunt, carnalis mortis dolore transfigat. Igitur quia de iniquis omnibus, vel de ipso iniquorum capite multa narrauit, generali mox diffinitione subiungit: *Hæc sunt ergo tabernacula iniqui, & iste locus eius, qui ignorat Deum.* Superius enim dixerat: *Expellet eum de luce ad tenebras, & de orbe transferet eum.* Cuius cum mala subiungeret, adiunxit: *Hæc sunt tabernacula iniqui, & iste locus eius, qui ignorat Deum:* videlicet indicans, quia is qui nunc Deum ignorando extollitur, tunc ad propria tabernacula peruenit, quando eum sua iniquitas in supplicia demergit: & locum suum quandoque inuenit tenebras, qui dum hîc de falsâ gauderet luce iustitiæ, locum tenebat alienum. Peruersi enim in omne quod per simulationem faciunt, nomen gloriæ iustorum, quasi locum occupare alienum nituntur. Sed ad locum suum tunc perueniunt, cum

1. Thes. 2.

Matt. 24.

† *al. Hic.* iniquitatis suæ merito, perpetuo igne cruciantur. † Hinc nanque per omne quod agunt, percipiendæ laudis desiderio seruiunt: & per imaginem bonorum operum, finem mentis ad auaritiam extēdunt. Eat igitur nunc iniquus, & multis apparatibus tumidus, sua hīc habitacula construat, nomen gloriæ extendat rura multiplicet, sēque abundantibus opibus delectet: cū verò ad supplicia æterna perueniret, † perfecte cognoscet, quia hæc sunt tabernacula iniqui, & iste locus eius, qui ignorat Deum. Rectè verò hæc Baldath dixerat, sed cui diceret ignorabat. Vehementer autem iustum cor affligitur, quando contra illud sententiæ ex iniusta æstimatione proferuntur. Vnde beatus Iob protinus respondit, dicens:

Caput decimum nonum textus beati Iob.



Espondens autem Iob, dixit: Vsq̃ue quo affligitis animam meam, & atteritis me sermonibus? En, decies confunditis me, & non erubescitis opprimētes me. Nempe & si ignorauī, mecum erit ignorantia mea. At vos contra me erigimini, & arguitis me opprobriis meis. Saltem nunc intelligite, quia Deus non æquo iudicio afflixerit me, & flagellis suis me cinxerit. Ecce, clamabo vim patiens, & nemo audiet. Vociferabor, & non est qui iudicet. Semitam meam circūsepsit, & transire non possum, & in calle meo tenebras posuit. Spoliavit me gloria mea & abstulit coronam de capite meo. Destruxit me vndique, & perco, & quasi euulsæ arbori abstulit spem meā. Iratus est contra me furor eius, & sic me habuit quasi hostem suum. Simul venerunt latrones eius, & fecerunt sibi viam per me, & obsederunt in gyro tabernaculum meum. Fratres meos longè fecit a me, & noti mei quasi alieni recesserunt a me. Dereliquerunt me propinqui mei, & qui me nouerant, obliti sunt mei. Inquilini domus meæ, & ancillæ meæ sicut alienum habuerūt me, & quasi peregrinus fui in oculis eorum. Seruum meum vocaui, & non respondit, ore proprio deprecabor illum. Halitum meum exhorruit vxor mea, & orabam filios vteri mei. Stulti quoque despiciēbant me: & cū ab eis recessissem, detrahebant mihi. Abominati sunt quondam consilarij mei, & quem maximè diligebam, auersatus est me. Pelli meæ, consumptis carnibus adhæsit os meum, & derelicta sunt tantummodo labia circa dentes meos. Misere mini mei, misere mini mei, saltem vos amici mei, quia manus Domini tetigit me. Quare persequimini me sicut Deus, & carnibus meis saturamini? Quis mihi tribuat, vt scribantur sermones mei? Quis mihi det, vt exarentur in libro stylo ferreo, & plumbi lamina, vel celte sculpantur in filice? Scio enim quòd Redemptor meus viuī, & in nouissimo die de terra surrecturus sum, & rursus circundabor pelle mea, & in carne mea videbo Deum. Quem visurus sum ego ipse, & oculi mei conspecturi sunt, & non alius. Reposita est hæc spes mea in sinu meo. Quare ergo nunc dicitis, Persequamur eū, & radicem verbi inueniamus contra eum? Fugite ergo à facie gladij, quoniam ultor iniquitatum gladius est, & scitote esse iudiciū m.

Caput XII.



Vsq̃ue quò affligitis animam meam, & atteritis me sermonibus. Sancti viri eloquia, vt sæpe iam diximus, aliquando ex persona propria, aliquando verò ex voce capitis, aliquando autem ex typo sunt vniuersa-

lis Ecclesiæ sentiēda. Valde verò affligitur anima iustorum, quando illi contra bonos districtas sententias intorquent, qui bene viuere ignorant: & ex voce sibi iustitiam vendicant, quam moribus impugnant. Vnde amicis beati Iob, vt sæpe iam diximus, hæreticorum typum tenentibus, rectè ab eodem respondetur: *Vsq̃ue quo affligitis animam meam, & atteritis me sermonibus.* Atteruntur enim boni sermonibus iniquorum, quando contra eos illi in verbis tument, qui aut in peruersa fide, aut in prauis moribus iacent. Sequitur: *En decies confunditis me.* Numeratis vicibus locutionum amicorum Iob, adhuc nisi quinquies locutos eos cognoscimus: sed propter hoc quòd ab eis quinquies increpationes audierat, quorum increpationibus quinquies ipse respondit, decies se perhibet esse confusum: quia & in eo grauiter laborauit, quòd frustra increpatus est: & in eo confusionem pertulit, quòd verba doctrinæ non audientibus dixit. Itaque cū audiens taceret, & cū loquens non audiretur, ipse laborem pertulit, qui & tacendo patienter, & eis loquendo inutiliter, cordis dolorem sensit. Vnde & superius dicit: *Quid agam?* Si locutus fuero, non quiescit dolor meus: & si tacuero, non recedit à me. Sin verò ad typum sanctæ Ecclesiæ hæc verba referimus, liquet quòd magnum eius est gaudium, seruare decalogi præcepta. Sed hanc peruersi decies cōfundūt, quia per omne quod peccant prauis suis moribus, decalogi præcepta relinquunt, & toties bonis confusionem faciunt, quoties in suis actibus diuinis vocibus obsistunt. Sequitur: *Et non erubescitis opprimētes me.* Sunt nonnulli quos ad perpetrandam nequitiam oborta subita malitia inuitat, sed tamen humana verecundia reuocat. Et plerunque per hoc quòd exterius erubescunt, ad interiora sua redeunt, & cōtra se internum iudiciū sumunt: quia si propter hominem mala facere metuunt, quantò magis propter Deum qui cuncta inspicit, nec appetere mala debuerunt? In quibus fit, vt mala maiora corrigant per bona minima, scilicet per exteriorem verecundiam, interiorem culpam. Et sunt quidam qui postquam Deum in mente contempserint, multo magis humana iudicia spernunt: atq; omne malum quod appetunt, audacter peragere non erubescunt. Quos ad perpetrandum malum occulta iniquitas inuitat, & nulla aperta verecūdia ne tardat, sicut & de quodā iniquo iudice dicitur: Deum non timebat, & hominem non verebatur. *Luc. 12.* Hinc est etiam quòd de quibusdam impudenti fronte peccantibus dictum est: Et peccatum suum quasi Sodoma prædicauerunt. Plerunque ergo tales sunt aduersarij sanctæ Ecclesiæ, qui à perpetrandis malis, nec timore Domini, ne hominum pudore refrenantur. Quibus bene per beatum Iob dicitur: *Et non erubescitis opprimētes me:* quia etsi prauum fuit mala voluisse, peius est malè appetita non erubescere. Sequitur: *Nempe & si ignorauī, mecum erit ignorantia mea.* Habent hoc hæretici proprium, vt de inani scientiæ suæ arrogantia inflentur: & rectè credentium simplicitatem sæpe derideant, & nullius esse meriti vitam humilium ducant. At contra sancta Ecclesia in omne quod veraciter sapit, sensum suum humiliter deprimat, ne scientia inflatur, ne in requisitione occultorum tumeat: & perscrutari aliqua quæ ultra vires sunt illius, præsumat. Vtilius etenim studet nescire, quæ perscrutari non valet, quàm audacter definire quæ nescit. Scriptum quippe est: Sicut qui mel multum comedit, non est ei bonum: sic qui scrutator est maiestatis opprimetur à gloria. Dulcedo etenim mellis si plus quam necesse est, sumitur: vnde delectatur os, inde vita comedentis necatur. Dulcis quoque est requisitio maiestatis: sed qui plus hanc scrutari appetit, quàm humanitatis cognitio permittit, ipsa hunc eius gloria opprimit: quia velut immoderatè mel sumptum, perscrutantis sensum dum non capitur, rumpit. Nobiscum verò esse dicitur, quòd pro nobis est. Et rursus, non nobiscum esse dicitur, quòd contra nos est. Quia ergo scientia sua hæretici cor inflat: fideles autem cognitio ignorantie suæ humiliat, dicat beatus Iob voce sua, dicat etiam confessione vniuersalis Ecclesiæ: *Nempe & si ignorauī, mecum erit ignorantia mea.* Ac si apertè hæreticis dicatur: Omnis vestra scientia vobiscum non est: quia contra vos est, dum stulta elatione vos erigit. Mea verò ignorantia mecum est, quia pro me est: quoniam dum perscrutari de Deo aliquid superbè non audeo, in veritate me humiliter seruo. *Ec.*

seruo. Et quia hæc ipsa hæretici quæ scire quærunt, ad vsum solius elationis arripiunt: vt contra fideles & humiles docti videantur: rectè subiungitur:

Quod prius mundandi sunt hi, per quos aliorum peccata mundantur: & quid sit, quod omnis Israel cum ad vlciscendum scelus Benjamin, iubente Domino ascendisset, semel & iterum casus est, & sic demum tertio victor exiit.

Caput XIII.

A^T *vos contra me erigimini.*) Sed hæc fortasse melius verba perpedimus, si ipsis specialiter amicis beati Iob quemadmodum congruant, demonstremus. Ipsi etenim percussum iustum videntes, ad sua intima redire debuerunt: & nequaquam beatum Iob verbis increpationis premere, sed se deflere: quia si sic percussus fuerat, qui ita seruiebat, qua vltione feriri merebantur, qui non ita seruierant? Quibus bene dicitur: *At vos contra me erigimini.*) Ac si eis apertius dicatur: *Qui erigi contra vosmetipsos, ex mea percussione debuistis.*

B Ordo quippe erectionis in bono iste est, vt primum contra nos, postmodum contra malos erigamur. Nam qui contra bonos erigitur, per superbiam inflatur. Contra nosmetipsos enim erigimur, quando mala propria recognoscentes, districta nosmetipsos pœnitentiæ vltione ferimus, quando nequaquam nobis in peccatis parcimus, & nullis erga nos cogitationum blandimentis inclinamur. Qui si districtè prius nostra in nobis mala insequimur, iustum quoque est, vt etiam contra aliena mala vtiliter erigamur: & ea quæ in nobis punimus, etiã in aliis redarguendo superemus. Sed hanc erectionem mali nesciunt, quia se relinquunt, & bonos impetunt. Sibi se intra conscientiam suam mollitiæ blandæ adulationis inclinant, & contra bonorum vitam districtione asperitatis eriguntur. Vnde amicis beati Iob in eius flagello tumētibus, rectè nunc dicitur: *At vos contra me erigimini.*) id est, vosmetipsos redarguendos relinquitis, & me districtis sententiis increpatis. *Qui enim semetipsum prius non iudicat, quid in alio rectum iudicet, ignorat.* Et si nouit fortasse per auditum quod rectum iudicare debeat, rectè tamen iudicare aliena merita non valet, cui conscientia innocentia propriæ nullam iudicij regulam præbet. Hinc est enim quod insidiantibus quibusdam: & puniendam adulteram deducuntibus dicitur: *Qui sine peccato est vestrum, primus in illam lapidem mittat.* Ad aliena quippe punienda peccata ibant, & sua reliquerant. Reuocantur itaque intus ad conscientiam, vt prius propria corrigant, & tunc aliena reprehendant. Hinc est quod cum tribus Benjamin in carnis scelere fuisset obruta, collectus omnis Israël vlcisci iniquitatem voluit, sed tamen semel & iterum in belli certamine ipse prostratus est. Consulto autem Domino si ad vlciscendum ire debuissent, iussum est. *Qui iuxta diuine vocis imperium perrexit, & semel, & secundò perdidit, & tunc demum peccatricem tribum valde feriens penè funditus extinxit.* Quid est quod in vltionem sceleris inflammatur, & tamen prius ipse prosternitur, nisi quod prius ipsi purgati sunt, per quos aliorum culpæ feriuntur: vt ipsi iam mudi per vltionem veniant, qui aliorum vitia corrigere festinant? Vnde necesse est, vt cum cōtra nos vltio diuini examinis cessat, nostra seipsam conscientia reprehendat: atque ad lamenta pœnitentiæ ipsa se contra semetipsam erigat, nec contra bonos elata & sibi humilis, sed contra se rigida sit, bonis verò omnibus submissa. Superbis ergo corripientibus, rectè nunc dicitur: *At vos contra me erigimini, & arguitis me opprobriis meis.*) Omnes elati graue esse opprobrium deputant mala temporalia: & tantò vnumquemque esse à Deo despectum credunt, quantò hunc afflictum percussione flagello conspiciunt. Nil etenim in moribus, nil in actibus querunt: sed quoslibet in hac vita percussos viderint, esse iam diuino iudicio damnatos arbitrantur. Vnde bene nunc beati Iob voce dicitur: *Et arguitis me opprobriis meis:*) quia hi qui cum iustum ante flagella nouerant, iniustum esse ex ipsa iam sua percussione iudicabant. Vnde & sæpe hæretici, quia affligi quosdam intra sanctam Ecclesiam vident (scriptum quippe de Deo est: Flagellat omnem filium quem recipit) tribulationes fidelium, non nisi ex peccato esse suspicantur, seque ideo iustos credunt, quia in prauitatis suæ sensu dimissi, sine flagello duruerunt. Sequitur:

Quod ideo non iusto Dei iudicio se dicat afflictum, quia apud se afflictionis causam non inueniebat: non attendens flagello merita augeri, non peccata puniri.

Caput XIII.

S *Aliem nunc intelligite, quia Deus non æquo iudicio afflixerit me.)* Quam durū sonat vox iusti verberibus afflictis: quam tamē non elatio, sed dolor expresseit! Sed iustus nō est, qui iustitiam in dolore deserit. Beatus autem Iob, quia mite cor habuit, nec in dura voce peccauit. Nam si hunc peccasse in hac voce dicimus, implese diabolus astruimus quod proposuit, dicens: Tange os eius & carnem, si non in faciem benedixerit tibi. Grauis itaque quæstio oritur: Si etenim non peccauit in eo quod dicit: *Saltem nunc intelligite, quia Deus non æquo iudicio afflixerit me:*) Deum, quod dici nefas est, iniuste egisse aliquid consentimus. Si verò peccauit, diabolus de illo quod promissit exhibuit. Astruendum est igitur, quia & Deus rectè circa beatum Iob egerit: & tamen beatus Iob ex eo quod dicit se non iusto Dei iudicio afflictum, mentitus non sit: & antiquis hostis in eo quod de beati viri promiserat culpa, mentitus sit. Nonnunquam nanque ideo praua creduntur verba bonorum, quia interiori sua intelligentia minimè pensantur. Beatus enim Iob vitam suam attēderat, & ea quæ patiebatur, flagella pensabat, & videbat æquum non esse, vt ad talem vitam talia flagella reciperet. Et cum dicit nō æquo se iudicio afflictum, hoc libera voce locutus est, quod in secreto suo Dominus de illo aduersario eius dixerat: Commouisti me aduersus eum, vt affligerē eum frustra. Quod enim dicit Deus, quia frustra beatum Iob afflixerit, hoc rursus beatus Iob asserit, quia nō æquo iudicio à Domino sit afflictus. In quo itaque peccauit, qui à sententia authoris sui in nullo discrepauit? Sed fortasse aliquis dicat, id nos de nobis bonum dicere quod de nobis in occulto iudex dixerit, sine peccato esse non posse. Nam quem iustus iudex laudat, esse hunc iure laudabilem non dubitatur. At verò si se ipse laudauerit, iam eius iustitia laude digna esse non creditur. Quod videlicet rectè dicitur: si quod iudex iustus per æquam sententiam perhibet, hoc de se is, de quo agitur, præsumat post dicere per elatam mentem. Nam si ipse quoque in humili cogitatione permanens, exigente causa vel dolore, bona de se veracia dixerit, intantum à iustitia non recessit, inquantum à veritate nullo modo discrepauit. Vnde Paulus quoque apostolus multa de se fortia pro discipulorum suorum ædificatione narrauit: sed hæc narrando minimè deliquit: quia à veritatis tramite: & attestazione certa & corde humili non recessit. Iustam itaque beatus Iob vitam suam sentiens, dicat non se esse iusto iudicio afflictum. Nec peccat in hac voce, in qua non discrepat ab authore: quia is quem Deus frustra percussit, ipse quoque semetipsum asserit, non iusto iudicio afflictum. Sed rursus alia quæstio oritur, quam iam in huius operis memini exordio solutam, cum omnipotens Deus frustra nil faciat, cur beatum Iob frustra se afflixisse testetur? Iustus enim conditor noster tot verberibus in beatum Iob, non vitia illius curauit extinguere, sed merita augere. Aequum ergo fuit quod fecit per augmentum boni meriti: non tamen videbatur æquum, quod causas credebatur punire peccati. Beatus autem Iob peccata sua illis flagellis deleri credidit, non merita augeri: & idcirco non æquum iudicium vocat, quia vitam suam cum flagellis examinat. Ergo si vita & flagella pensantur, non equum fuit quod beatus Iob, sicut dixi, per iram districtionis sibi fieri credidit. Si verò misericordia iudicis attenditur, quia per pœnam iusti viri vitæ eius merita cumulantur, æquum vel potius misericors iudicium fuit. Igitur & vera Iob dixit, dum vitam cum flagello pensauit: & Deus non iniusto iudicio Iob afflixit, quia merita ex flagello cumulauit: & diabolus quod promiserat, non impleuit: quia beatus Iob inter verba quæ durum sonant, à vera sententia & mente humili non recessit. Sed hæc afflictis verba minus fortasse intelligimus, nisi sententiam iudicis cognoscimus. Qui cum inter vtrasque partes sententiam daret, dicit amicis Iob: Non estis locuti coram me rectè, sicut seruus meus Iob. *Quis ergo stulta mēte beatum Iob in locutione sua peccasse fateatur, dum ipsa voce iudicis rectè locutus asseritur? Quam quidem vocem si ad personam sanctæ Ecclesiæ referamus, infirmis eius membris non incongruè aptamus, quæ per-*

Cur nonnunquam praua credantur verba bonorum.

17.

Quomodo licet alicui bona de seipso dicere.

3. quæst. 7.
Qui sine
Iob. 8.

16.

Heb. 12.

18

2. Corint. 7.

2. Corint. II.

* al. despe-
ctos.

secutionis eius tempore dum & merita illius & flagella considerant, quia iniustos florere conspiciunt, & iustos interire: hoc iustum esse nullatenus suspicantur. Bene autem beati viri voce subditur: *Et flagellis suis me cinxerit.* Aliud quippe est flagellis percuti, aliud cingi. Flagellis nanq; percutimur, cum consolationem & in doloribus ex rebus aliis habemus. Nam cum tanta nos afflictio deprimit, ut ex nullius rei consolatione respirare animus possit, non iam flagellis solummodo ferimur, sed etiam cingimur: quia tribulationum verbera ex omni parte circundamur. Cinctus enim flagellis Paulus fuerat, cum dicebat. Foris pugne, intus timores. Cinctus flagellis fuerat, cum dicebat: In periculis ex genere, periculis ex gentibus, periculis in ciuitate, periculis in solitudine, &c. quæ ita enumerat, ut nusquam se habuisse requiem ostendat. Sancta verò Ecclesia cum tribulationum suarum flagellis cingitur, in ea infirmi quique in pusillamitatis casu rediguntur: ita ut se eo iam * desperatos existimant, quo exaudiri se tardius vident. Rectè adhuc etiam ex eorum typo sancti viri voce subiungitur: *Ecce clamabo vim patiens, & nemo audiet: vociferabor, & non est qui iudicet.* Omnipotēs Deus quid nobis profuturum esse valeat sciens, dissimulat exaudire dolentium vocem, ut augeat vtilitatem, ut purgetur vita per pœnam, & quietis tranquillitas quæ hîc inueniri non valet, alibi quærat. Sed hanc dispensationis gratiam nonnulli etiam fidelium ignorant. Ex quorum etiam persona nunc dicitur: *Ecce clamabo vim patiens, & nemo exaudiet: vociferabor, & nō est qui iudicet.* Non est enim qui iudicet dicitur, quando iudicare dissimulat ipse qui est, quia causam nostram contra aduersarium, præter eum qui iudicet non est. Nec tamen hoc sine iudicio est, quod iudicium differtur: quia cum hæc beatus Iob diceret, & sancti viri merita, & aduersarij pœna crescebat. Hoc ipsum ergo iudicium differre iudicis est. Sed aliud est quod iustè intrinsecus disponit Deus, aliud quod foris flagellis attritus expetit animus. Vnde adhuc de ipsa verberum depreessione subiungit.

Quod electi nonnunquam ignorantia vel infirmitate peccant, sed ad amissam iustitiam per pœnitentiam redeunt. Caput XV.

Semitam meam circumsepsi, & transire non possum, & in calle meo tenebras posui. Circumseptam verberibus semitam suam vidit, cum transire ad securitatem cupiens, euadere flagella non potuit. Et quia se percuti aspexi, nec tamen percussione dignam vitam in semetipso reperit, quasi in calle cordis, ignorantia suæ tenebras inuenit: qui cur ita flagellaretur penetrare non potuit. Quod ad infirma quoque membra sanctæ Ecclesiæ non incongruè refertur, quando per hoc quod prauè se egisse meminerunt, à bono quoque opere retardantur, & ex infirmitate propria timidi, bona contra hæc fortia aggredi non præsumunt. Timent enim magna bona incipere, qui se in suis actibus infirmos esse meminerunt. Et cum plerunque etiam bonum quod elegant nesciunt, quasi in calle suo positas tenebras perhorrescunt. Nam sæpe ita de suo opere fit animus incertus: ut ignoret omnino quid virtus, quid culpa sit. In calle ergo suo tenebras inuenit, qui in his quæ agere appetit, quid eligere debeat, nescit. Quia igitur sæpe infirmitate, nonnunquam verò ignorantia peccatur, ex infirmitatis membris dicitur: *Semitam meam circumsepsi, & transire non possum.* (Ex eis verò qui ad ipsum opus bonum quod elegant caligant, subditur: *Et in calle meo tenebras posui.*) Ex pœna etenim culpæ est, videre bonum quod agere debeat, & tamen implere non posse: & rursum, ex grauiori pœna culpæ est, quod agere debeat, nec videre. Vnde & contra hæc vtraque Psalmistæ voce dicitur: Dominus illuminatio mea, & salus mea, quem timebo? Contra ignorantia enim tenebras illuminatio, contra infirmitatem verò salus est Dominus, quando & ostendit quid debeat ad agendum appeti, & vires præbet, ut quod ostenderit, possit impleri. Sequitur:

Quod corona à capite abstrahitur, cum à praposis bonis spiritualia negliguntur. Caput XVI.

Spoliauit me gloria mea. & abstulit coronam de capite meo. Quod cuncta hæc beati viri in afflictione positi personæ conueniant, dubium non est. Sed quia historiae verba patent, iuxta literam expositione non indigent. Oportet ergo ut per sen-

E fus debeant mysticos inuestigari. Ait nanque: *Spoliauit me gloria mea.* Gloria quippe vniuscuiusque iustitia est. Sicut verò vestimentum tegit à frigore, ita iustitia munit à morte. Vnde non immerito iustitia vestimento comparatur, cum per Prophetam dicitur: Sacerdotes tui induantur iustitia. *Psalm. 136.* Quia verò afflictionis suæ tempore hoc iustitiæ vestimentum, quod apud Deum protegit, sancta Ecclesia in membris suis infirmantibus amittit, dicatur rectè: *Spoliauit me gloria mea:* id est, iustitia ab infirmis ablata est, quæ ab eis auferri non posset, si medullitè inhæsisset. Sed idcirco tolli potuit, quia more vestimenti exterius adhæsit. Quæ in re quærèdum est, quomodo sanctæ Ecclesiæ membra dici valeant, qui potuerunt iustitiam perdere, quam tenere videbatur. Sed sciendum est, quod plerunque à membris eius infirmantibus iustitia ad tempus amittitur: sed cum per cognitionem culpæ postmodum ad pœnitentiam redeunt, sese ad eandem iustitiam quam perdiderat, fortius quàm credebatur adstringunt. Vbi adhuc subditur: *Et abstulit coronam de capite meo.* Sicut caput corporis prima pars est, ita principale interioris hominis mens est. Corona verò victoriæ præmium est, quod desuper ponitur: ut qui certauerat, remuneretur. Quia ergo multi aduersitatib; pressi, minimè in certamine perdurāt, in eis sancta Ecclesia quasi coronam de capite amittit. Corona quippe in capite, est superna remuneratio in mente. Et sunt plerique qui dum aduersitatibus affliguntur, superna præmia cogitare negligunt, & ad perfectionem victoriæ peruenire non possunt. In his itaque corona de capite aufertur, quia supernum & spiritale præmium de mentis cogitatione tollitur, ut exteriora iam tranquilla appetant: & æterna præmia quæ cogitare consueuerant, non requirant. Vel certè caput fidelium non immerito sacerdotes accipimus, qui pars membrorum Domini prima sunt. Vnde & per Prophetam, caput & cauda exterminari dicitur: vbi videlicet & capitis nomine sacerdotes, & caudæ appellatione prophetæ reprobi designantur. Corona ergo de capite aufertur, cum supernæ remunerationis præmia etiam ipsi deserunt, qui in hoc Ecclesiæ corpore præesse videbantur. Et plerunque ducibus cadentibus, latius succumbit exercitus qui sequebatur. Vnde mox post damna maiorum, de multimoda labefactione Ecclesiæ subsecutus adiunxit: *Destruit me vndique, & pereō: & quasi ausulæ arbori abstulit spem meam.* Quasi vndique enim Ecclesia destruitur, atque in infirmis membris deperit, quādo ipsa quæ videbantur fortia, corruunt: quando corona de capite abstrahitur, id est, quando, æterna præmia etiam à praposis negliguntur. Bene autem de infirmis cadentibus subditur: *Et quasi ausulæ arbori abstulit spem meam.* Arbor quippe vento impellitur, ut cadat. Et quem minæ terrent, ut ad iniustitiam corruat: quid aliud quàm arbor statum venti pertulit, & statum suæ rectitudinis amisit? Quasi enim ex vento spem perdidit, qui prauorum minis ac persuasionibus deuictus, æterna quæ sperabat præmia reliquit. Et quia plerunq; contingit, ut pœnas quis metuens iustitiam deserat: fit iudicante Deo, ut etiam iustitiam deserens, pœnas quas timuit, non euadat: & qui mentis interitum minimè timuit, etiam carnis mala toleret, quæ timebat. Vnde adhuc subditur:

Quod qui percussione flagelli superatur, non quasi filius, sed quasi hostis feritur. Caput XVII.

Iratu est contra me furor eius, & sic me habuit quasi hostem suum. Prædicatore quippe egregio attestante didicimus: quia fidelis est Deus qui non patietur nos tētari supra id quod possumus ferre: sed faciet cum tentatione prouentum ut possumus sustinere. Per Prophetam quoque Dominus dicit: Plaga inimici percussit te, castigatione crudeli. Qui ergo ita percutitur, ut vires illius à percussione superentur, non hunc Dominus iam quasi filium per disciplinam, sed quasi hostem per iram ferit. Cum ergo virtutem nostræ patientiæ flagella transeunt, valde metuendum est ne peccatis nostris exigentibus, non iam quasi filij à patre sed quasi hostes à Domino feriamur. Et quia fit plerunque, ut etiam maligni spiritus afflictorum cordibus multa suadeant: atque inter flagella quæ exterius feriunt, cogitationes noxias in mentibus fundant, post furem Domini rectè subiungitur:

Quod diaboli,

Quod diaboli, latrones Dei dicuntur: ideo latrones, quia semper nocendi voluntatem habent: ideo Dei, quia etiam in hoc quod male volunt diuinæ seruiunt voluntati, quæ per eorum ministerium iuste homines vel punit vel damnat.

Caput XVIII.

Latrones
Dei spiritus
maligni.

Simul venerunt latrones eius, & fecerunt sibi viam per me.) Latrones nanque eius, maligni sunt spiritus, qui exquirendis hominum mortibus occupantur. Qui viam sibi in afflictionum cordibus faciunt, quando inter aduersa quæ exterius tolerantur, cogitationes quoque prauas immittere non desistunt. De quibus adhuc dicitur: Et obsederunt in gyro tabernaculum meum.) Id gyro enim tabernaculum obsident, quando ex omni latere suis tentationibus mentem cingunt. Quam modò lugere de temporalibus, modò desperare de æternis, modò in impatientiæ ruere, atque in Deum blasphemiam verba iaculari, pessima suggestione persuadent. Quæ tamen verba, vt iam prædiximus, beato Iob etiam iuxta historiam congruunt: qui dum mala quæ pertulit, ante oculos congersit non quasi corrigendum filium, sed quasi hostem percussum se esse iudicauit. Per quem sibi etiam latrones eius viam fecerunt, quia maligni contra eum spiritus licentiam percussione acciperunt. Cuius in gyro tabernaculum obsederunt: quia sublati rebus & filiis, etiam corpus eius omni vulneribus attriuerunt. Sed mirum valde est, cum latrones diceret: cur addidit, eius, vt videlicet eosdem latrones Dei esse monstraret. Quia in re, si voluntas ac potestas malignorum spirituum discernatur, cur latrones Dei dicantur, aperitur. Maligni quippe spiritus, ad nocendum nos incessabiliter anhelant, sed cum prauam voluntatem ex semetipsis habeant, potestatem tamen nocendi non habent, nisi eos voluntas summa permittat. Et cum ipsi quidem iniuste nos lædere appetunt, quemlibet tamen lædere, non nisi iuste à Domino permittuntur. Quia ergo in eis voluntas iniusta est, & potestas iusta: & latrones dicuntur, & Dei, vt ex ipsis sit quod inferre mala iniuste desiderant, & ex Deo, quod desiderata iuste consummant. Sed quia, vt sæpe iam diximus, sanctus vir positus in dolore poenarum, modò suis, modò Ecclesiæ, modò redemptoris nostri vocibus vtitur: & plerunque sic sua narrat, vt tamen per typum ea quæ sunt sanctæ Ecclesiæ ac redemptoris nostri proferat: postposita paulisper cura historiæ, in his quæ subiungit, qualiter redemptoris nostri vocibus congruat, demonstramus. Sequitur:

Allegoricè ad Christum & synagogam referuntur sequentia.

Caput XIX.

Ioan. I.

Fratres meos longè fecit à me, & noti mei quasi alieni recesserunt à me. Dereliquerunt me propinqui mei: & qui me nouerant, obliui sunt mei.) Hoc melius ostendimus, si Ioannis ad medium testimonium proferimus, qui ait: In propria venit, & sui eum non receperunt. Ab eo quippe fratres longè facti sunt & noti recesserunt: quem tenentes legem, prophetare Hebræi nouerant, & præsentem minimè recognoscebant. Vnde rectè dicitur: Dereliquerunt me propinqui mei, & qui me nouerant, obliui sunt mei.) Iudæi etenim propinqui per carnem, noti per legis institutionem, quasi obliui sunt quem prophetauerant, dum eum & incarnandum verbis legis tacerent, & incarnatum verbis perfidie negarent. Sequitur: Inquilini domus meæ & ancillæ, sicut alienum habuerunt me.) Inquilini domus Dei fuerunt sacerdotes, quorum origo in Dei seruitio deputata iam per officium in conditione tenebatur. Ancillæ autem non immeritò intelliguntur leuitarum animæ ad secreta tabernaculi, quasi ad interiora cubiculi familiariter seruiantes. Dicat ergo de sacerdotibus sedula cura seruientibus, dicat de Leuitis ad interiora domus Dei obsequiis: Inquilini domus meæ & ancillæ sicut alienum habuerunt me: quia incarnatum Dominum, quem dudum per legis verba prædixerant, cognoscere ac venerari noluerunt. Qui adhuc apertius, quod ab eorum peruersa voluntate non sit cognitus, manifestat, cum subdit: Et quasi peregrinus fui in oculis eorum.) Redemptor etenim noster dum à synagoga cognitus non est, in domo sua quasi peregrinus extitit. Quod aperte Propheta testatur, dicens: Quare sicut colonus futurus es in terra, & quasi viator declinans ad manendum: Quia enim vt Dominus auditus non est, non pos-

Sacerdotes
inquilini:
domus Dei.

Hier. 14.

Affessor agri, sed colonus est creditus. Qui quasi viator ad manendum tantummodo declinavit: quia paucos ex Iudæa abstulit, & ad vocationem gentium pergens, iter ceptum peregit. Peregrinus ergo in eorum oculis fuit: quia dum sola quæ videre poterant, cogitabant, non valuerunt intelligere in Domino, quod videre non poterant. Dum enim despiciunt carnem visibilem, non perueniunt ad inuisibilem maiestatem. Dicatur igitur rectè: Et quasi peregrinus fui in oculis eorum. De quo adhuc populo aptè subiungitur: Seruum meum vocauit, & non respondit.) Quid enim Iudaicus populus nisi seruus fuit, qui non amore filij obsequabatur Domino, sed timore Seruili? Quo contra nobis per Paulum dicitur: Non accepistis spiritum seruitutis iterum in timore, sed spiritum adoptionis filiorum, in quo clamamus, abba pater. Hunc igitur seruum vocauit Dominus, quia collatis muneribus quasi emisit eum vocibus ad se ducere studuit. Sed non respondit, quia digna opera donis eius reddere contempsit. Vocat enim nos Deus, cum muneribus præuenit: respondemus verò vocationi eius, cum dignè iuxta percepta munera deseruimus. Quia ergo tot muneribus Iudaicum populum præuenit, dicat: Seruum meum vocauit.) Sed quia etiam post eum tot munera contempsit, subiungat: Et non respondit.) Sequitur:

Roma. 8.

Quod multipharia olim Deus locutus est patribus in prophetis, nouissimè ore proprio locutus est.

Caput XX.

Ore proprio deprecabar illum.) Ac si apertius diceret: Ego ille qui ante incarnationem meam tot ei præcepta facienda per prophetarum ora madaueram, incarnatus ad eum veniens, ore eum proprio deprecabar. Vnde & Matthæus, cum præcepta ab eo dari in monte describeret, ait: Aperiens os suum dixit. Ac si patenter dicat: Tunc os suum aperuit, qui prius aperuerat ora prophetarum. Hinc est etiam quod de illo ab sponsa præsentiam eius desiderante dicitur: Osculetur me osculo oris sui. Sancta quippe Ecclesia quot præcepta ex eius prædicatione cognouit, quasi tot oris eius oscula accipit. Bene autem dicitur, Deprecabar: quia in carne monstratus dum mandata vitæ humiliter dixit, quasi superbiem seruum vt viueret, rogauit. Vbi & aptè subditur:

22.

Matth. 5.

Canti. 1.

Quod halitus Christi odor sit carnis eius.

Caput XXI.

Halitus meum exhorruit vxor mea.) Quid vxor Domini nisi synagoga accipitur, in legis fœdere, carnali ei intelligentia subiecta? Halitus verò ex carne est. Sed infidelis populus carnem Domini carnaliter intellexit, quia purum hunc hominem credidit. Halitus ergo eius vxor exhorruit: quia synagoga eum quem videbat hominem, Deum credere expauit. Cumque ab eius ore verba corporaliter audiret, in eo intelligere diuinitatis arcana recusauit, & creatorem non esse credidit, quem creatum vidit. Carnis ergo halitus carnalis vxor exhorruit, quæ carnalibus sensibus dedita, incarnationis eius mysterium non agnouit. Sequitur:

Quomodo Deus cum spiritus sit, membra corporalia habere dicatur.

Caput XXII.

Et orabam filios vteri mei.) In Deo qui corporis forma non circumscribitur, membra corporis, id est, manus, oculus, vterus ita nominatur, vt ex membrorum vocabulis, effectus eius potentie designetur. Oculos quippe habere dicitur: quia cuncta videt: Manus habere describitur, quia cuncta operatur: In vtero autè proles concipitur, quæ in hac vita profertur. Quid ergo vterum Dei, nisi eius consilium debemus accipere, in quo ante secula per prædestinationem cõcepti sumus, ita vt creati per secula producamur? Deus ergo qui manet ante secula, vteri sui filios orauit, quia eos quos potenter per diuinitatē cõdidit, incarnatus veniens humiliter rogauit. Sed quia in ipsa carne quæ apparuit, ab eorum æstimatione despectus est, subiungitur: Stulti quoque despiciebant me.) Sapientibus à veritatis fide cadentibus, rectè de stultis quoque additur: quia dum Dominum Pharisei ac Legisperiti despicerent, eorum incredulitatē etiam populi turba secuta est: quæ in eo quod hominē vidit, redemptoris mundi prædicamēta despexit. Nam sæpe stultorum nomine hi qui sunt in plebe pauperes, designantur. Vnde & per Hieremiam dicitur: Dixi, forsità pauperes sunt & stulti, ignorantes viam Domini, & iudicium Dei sui. Relictis autè

Cur in Deo
membra cor-
poris nomi-
nantur.

Hier. 5.

1. Petri. 1.

mundi sapientibus atque diuitibus, Redemptor noster quæ-
rere pauperes, & stultos venerat. Vnde nunc quasi in aug-
mentum doloris dicitur: *Stulti quoque despiciebant me.* Ac si a-
pertè diceretur: Ipsi etiam me despexerunt, pro quibus san-
dandis stultitiam prædicationis assumpsi. Scriptum quippe
est: Quia in Dei sapientia non cognouit mundus per sapien-
tiam Deum, placuit Deo per stultitiam prædicationis saluos
facere credentes. Verbum quippe Dei, sapientia est: sed stul-
titia huius sapientiæ dicta est caro verbi: vt quia carnales qui-
que per carnis suæ prudentiam pertingere non valebant ad sa-
pientiam Dei, per stultitiam prædicationis, id est, per incar-
nationem verbi sanarentur. Ait ergo: *Stulti quoque despiciebant*
me. Ac si apertè diceretur: Et ab ipsis despectus sum, pro
quibus stultus æstimari veritus non sum. Et quia Iudæorum
plebs cum miracula nostri redemptoris cerneret, hunc ex si-
gnis honorabat, dicens: Hic est Christus: cum verò huma-
nitatis eius infirma conspiceret, eum creatorem credere de-
dignabatur, dicens: Non, sed seducit turbas: rectè subiungitur:

23

Et cum ab eis recessissem, deirabebant mihi. Quasi accedebat
quippe ad corda populorum Dominus, cum eis miracula
demonstraret: & quasi recedebat, cum nulla signa ostende-
ret. Sed recedenti Domino detrahebant, cum à miraculis
quiescenti præbere fidem nolebant. Sed quid mirum eum
perpeti ista à plebibus, cum ipsi quoque qui legis doctores
esse videbantur, qui eum verbis prophetis incarnandum esse
perhibebant, & incarnatum viderunt, & ab eo tamen perfid-
iæ interruptione diuisi sunt? De quibus subditur: *Abomina-
ti sunt me quondam consilij mei: & quem maxime diligebam, auer-
satus est me.* Cunctis liquet, quia Deus consiliariis non eget,
qui ipsis quoque consiliariis hominum sapientiæ consilium
præbet. De quo etiam scriptum est: *Quis cognouit sensum*
Domini, aut quis eius consiliarius fuit? Sed quemadmodum
cum panis vel vestimentum egenti tribuitur, hoc se Domi-
nus accepisse testatur: ita cum nescienti cuilibet rectum con-
siliium datur, hoc ipse accepit, cuius ille membrum est qui
eruditur. Omnes etenim fideles membra nostri redempto-
ris sumus: & sicut ipse in nobis per misericordiam largitatis
pascitur, ita ipse in nobis per doctrinæ consilium iuuatur.
Scribæ itaque & legis doctores qui erudire populos ad vitam
consueuerant, quid aliud quam futuri redemptoris consilia-
rij fuerunt? Qui tamen dum incarnatum Dominum conspi-
cerent, consiliis suis multos ab eius fide diuiserunt, quanuis
prius ad credendum incarnationis eius mysterium per pro-
phetarum verba multos docuisse viderentur. Et quia ille ap-
ud Deum magis in amore est, qui ad eius amorem plurimos
trahit: adhuc de eodem legis doctorum atque Phariseorum
ordine subditur: Et quem maxime diligebam, auersatus est
me. Ipse enim ordo suadente perfidia, à fide veritatis auersus
est, qui prius in labore prædicationis seruiebat, maxime dili-
gebatur: quem non solum ad non credendum, sed vsque ad
persequendum quoque Dominum populorum turba secuta
est, & vsque ad passionem illius sæuitiæ facibus accensa. In
qua videlicet passione discipulorum corda turbata sunt. Vn-
de & nunc subditur:

*Quod allegoricè passionis tempore, adhærente Christo sexu fir-
miori fugerunt Apostoli: & dubitantibus de resurrectione dis-
cipulis, tantum in eis supererant labia sermonis.*

Caput XXIII.

Pelli mea consumptis carnibus, adhæsit os meum. In osse fortitu-
do, in carnibus verò infirmitas corporalis designatur.
Quia igitur Christus & Ecclesia vna persona est: quid per os,
nisi ipse Dominus designatur? Quid per carnem, nisi disci-
puli, qui passionis eius tempore infirma sapuerunt? Per pel-
lem verò quæ exterior carne manet in corpore, quid nisi illæ
sanctæ scemine figurantur, quæ ad præparanda subsidia cor-
poris, exterioribus Domino ministeriis seruiebant? Nam cum
eius discipuli quanuis necdum firmi veritatis fidem populis
prædicarent, ossi suo inhærebant carnes. Et cum sanctæ mu-
lieres ea quæ necessaria erant, exteriora præpararent, quasi
pellis exterius manebat in corpore. Sed cum ad crucis horam
uentum est, eius discipulos grauis ex persecutione Iudæo-
rum timor inuasit: fugerunt singuli, mulieres adhæserunt.

E Quasi ergo consumpta carne, os Domini pelli suæ adhæsit:
quia fortitudo eius, passionis tempore fugientibus discipulis,
iuxta se mulieres inuenit. Stetit equidem aliquandiu Petrus,
sed tamen post territus negauit. Stetit etiam Ioannes, cui ipso
crucis tempore dictum est: Ecce mater tua. Sed perseverare
minimè potuit: quia de ipso quoque scriptum est, quod ado-
lescens quidam sequebatur illum amictus sindone super nu-
do, & tenuerunt eum: at ille reiecta sindone, nudus profu-
git ab eis. Qui etsi post, vt verba redemptoris sui audiret,
ad horam crucis redit, prius tamen territus fugit. Mulieres au-
tem non solum non timuisse neque fugisse, sed etiam vsque ad
sepulchrum stetisse memorantur. Dicat ergo: *Pelli mea con-
sumptis carnibus adhæsit os meum.* Hoc est, hi qui meæ fortitu-
dini propinquius inhærere debuerant, passionis meæ tempore
timore consumpti sunt: & eas quas ad exteriora ministe-
ria posui, in passione mea sine formidine inhærere mihi fide-
liter inueni. Vbi & apertè subintelligitur, quod hæc verba
per mysterium dicantur, dum sequitur: *Et derelicta sunt tan-
tummodo labia circa dentes meos.* Quid enim circa dentes aliud
quàm labia habemus, etiam si nulla flagella patiamur? Sed
quid per labia, nisi locutio, quid per dentes, nisi sancti Apo-
stoli designantur? Qui in hoc Ecclesiæ corpore idcirco sunt
positi, vt vitam carnalium correptione mordeant, eamque à
suæ pertinaciæ duritia confringant. Vnde & eidem primo A-
postolorum, quasi denti in eius corpore posito dicitur: Ma-
cta, & manduca. Sed quia passionis eius tempore, isti dentes
præ timore mortis amiserunt morsum correptionis, amiserunt
fiduciam roboris, amiserunt efficaciam omnimodæ opera-
tionis, ita vt duo ex illis ambulantes, post eius mortem ac re-
surrectionem in via loquerentur & dicerent: Nos speraba-
mus quia ipse esset redempturus Israël: rectè nunc dicitur:
Et derelicta sunt tantummodo labia circa dentes meos. Confabu-
labantur adhuc de illo, sed iam in illo minimè credebant.
Tantummodo ergo labia circa dentes eius remanserant: quia
virtutem bonæ operationis amiserant, & sola de illo confa-
bulationis verba retinebant. Perdiderant morsum correptio-
nis, & habebant motum locutionis. Labia itaque tantummo-
do circa dentes relicta sunt, quia adhuc quidem confabulari
nouerant: sed prædicare iam eum, aut mordere infidelium
vitia formidabant. Peractis itaque his quæ in voce capitis di-
xit, ad propria beatus Iob verba reuertitur, dicens: *Miseremini
mei, miseremini mei saltem vos amici mei, quia manus Domini tetigit
me.* Hoc habere solet proprium mens piorum, quod cum in-
iusta ab aduersariis patitur, non tam ad iram, quàm ad preces
mouetur: vt si moderari eorum prauitas placidè valeat, plus
deprecari eligant quàm irasci. Vnde rectè nunc dicitur: *Mi-
seremini mei, miseremini mei, saltem vos amici mei, quia manus Domini
tetigit me.* Ecce eos à quibus se per contumelias affligi con-
siderat, amicos vocat: quia bonis mentibus etiam ipsa sunt
prospera, quæ videntur aduersa. Nam peruersi quique bo-
norum dulcedine aut conuertuntur, vt redeant: & eo ipso a-
mici sunt, quo boni fiunt, aut in malitia perseverant: & in hoc
quoque etiam nolentes amici sunt, quia si qua bonorum deli-
cta sunt, ea suis persecutionibus etiam nescientes purgant.
Notandum quoque, quod eis quæ secretò apud Deum gesta
sunt, beati viri in publico verba concordant. A Satan quippe
percutus fuerat: nec tamen percussione suam satanæ tri-
buit, sed tactum se manu Domini appellat, sicut ipse quoque
Satan dixerat: Mitte manum tuam, & tange os eius & carnem,
si non in faciem benedixerit tibi. Sciebat quippe vir sanctus,
quia & per hoc ipsum quod peruersa voluntate contra se Sa-
tan egerat, potestatem non à semetipso, sed à Domino habe-
bat. Sequitur:

*Quod superbi rectores ita infirmos affligant, quasi ipsi de infir-
mitate nihil habeant: & quod diuina manu afflictis non tam
inrepatio, quàm consolatio debeat.*

Caput XXIII.

Quare persequimini me sicut Deus, & carnibus meis saturamini? Non
abhorret à locutione pietatis, quod à Deo se perhi-
bet persequi. Est nanq; persecutor bonus, sicut de semetipso
ore prophetico Dominus dicit: Detrahētē occultè aduersus
proximum suum, hūc persequēbar. Cum verò sanctus quisq;
flagellari permittitur, scit quod persecutionem contra com-
missa vitia

missa vitia ex interna dispensatione patiantur. Crudeles autem persecutorum mentes cum potestatem ferendi appetunt, contra bonorum vitam non studio purgationis, sed liuoris facibus accenduntur. Et quidem hoc faciunt, quod Deus omnipotens fieri permittit. Sed dum vna causa cum Deo, etiam per eos agitur: non tamen voluntas vna in eadem causa seruatur: quia cum omnipotens Deus amando purgationem exhibet, iniustorum prauitas saeuendo malitiam exercet. Quod ergo dicitur: *Quare persequimini me sicut Deus?* ad exteriorem hoc percussione retulit, non ad intimam intentionem: quia etsi hoc agunt exterius, quod Deus agi disposuit, non tamen hoc quod Deus, in sua actione appetunt, ut boni ex afflictione purgentur. Quod intelligi & aliter potest. Tanto enim omnipotens Deus iustis aliena vitia percutit, quanto in semetipso nihil habet vitiorum. Homines vero cum per disciplinam alios feriunt, sic alienam infirmitatem debent percutere, ut etiam ad suam nouerint oculos reuocare: ut ex semet ipsis confiderent, quantum aliis feriendo parcant, cum se quoque ipsos dignos percussione non ignorant. Itaque nunc dicitur: *Quare persequimini me sicut Deus?* Ac si aperte diceretur: Itame ex infirmitatibus meis affligitis, ac si ipsi more Dei de infirmitate nihil habeatis. Vnde considerandum est, quod si qui fortasse sint qui asperitate correptionis indigeant: tunc eis dura correptio a nobis ad mouenda est, cum Dei manus cessat a verberare. Cum vero superna flagella insunt, non a nobis iam correptio, sed consolatio debetur: ne dum in dolore increpationem iungimus, percussione percussione sociemus. Bene autem subditur: *Et carnibus meis satur amine?* Quorum mens proximorum poenas esurit, saturari proculdubio alienis carnibus querit. Sciendum quoque est, quia hi etiam qui alienae vitae detractio pascuntur, alienis proculdubio carnibus saturantur. Vnde per Salomonem dicitur: Noli esse in conuiuuiis potatorum, neque comedas cum eis qui carnes ad vescendum conferunt. Carnes quippe ad vescendum conferre, est in colloquutione derogationis vicissim proximorum vitia dicere. De quorum illic poena mox subditur: Quia vacantes potibus, & dantes symbolum consumuntur, & vestietur pannis dormitatio. Potibus vacant, qui de opprobrio alienae vitae se deebiant. Symbolum vero dare, est, sicut vnusquisque solet pro parte sua cibos ad vescendum, ita in confabulatione detractio verba conferre. Sed vacantes potibus, & dantes symbolum consumuntur: quia sicut scriptum est: Omnis detractor eradicabitur. Vestietur autem pannis dormitatio: quia despectum & inopem a cunctis bonis operibus mors sua inuenit, quem hic ad alienae vitae exquirenda crimina, detractio sua languor occupauit. Sed tot dura quae beatus Iob sustinet, dignum non est ut per silentium transceant, eaque a notitia hominum ignorantiae obscuritas tegat. Tanti quippe edificari ad seruandam patientiam valent, quanti implente se superna gratia eius patientiae facta cognouerint. Vnde & idem beatus Iob in exemplum vult pertrahi flagella quae sentit, qui statim subiungit dicens:

Quod per plumbi laminam, Iudaeorum corda accipiantur, in quibus lex scripta diuinitus cito deleri potuit. Per filicem vero gentiles, in quibus lex magno labore sculpta persequitur.

Caput XXV.

Quis mihi tribuat, ut scribantur sermones mei? Quis mihi det, ut exarantur in libro stylo ferreo, & plumbi lamina, vel celte sculptantur in filice? Cuncta quae beatus Iob pertulit, quia forti patrum sententia edoctus grauis ille Iudeorum populus agnouit, stylo ferreo & plumbi lamina scripta sunt. Quia vero haec etiam dura gentiliu corda cognouerunt, quid ea in filice sculpta videmus? Et notandum, quia in plumbo quod scribitur, ipsa metalli mollitie citius deletur: in filice vero tardius quidem valent literae imprimi, sed difficilius deleri. Non ergo immerito per plumbi laminam Iudaea exprimitur, quae praeccepta Dei & sine labore percepit, & cum celeritate perdidit. Recte per filicem gentilitas figuratur, quae verba sacri eloquij vix custodienda suscipere potuit, sed tamen fortiter suscepta seruauit. Per stylum vero ferreum, quid aliud quam fortis Dei sententia designatur? Vnde per Prophetam dicitur: Peccatum Iudae scriptum est, stylo ferreo in vngue adamantino. In vngue finis est corporis. Ita vero lapis durus est adamas, ut ferro non valeat secari, Per sty-

lum vero ferreum fortis sententia: per vnguem vero adamantinum finis signatur aeternus. Peccatum itaque Iudae stylo ferreo in vngue adamantino scriptum dicitur: quia culpa Iudaeorum per sortem Dei sententiam in fine seruatur infinito. Recte quoque per plumbi laminam eos accipimus quos auaritia pondus grauat, quibus per increpantem Prophetam dicitur: Filij hominum vsquequo graui corde? Per plumbum nanque cuius natura grauis est ponderis, peccatum auaritiae specialiter designatur: quod mentem quam infecerit, ita grauem reddit, ut ad petenda sublimia attolli nequaquam possit.

Psal. 4.

Quid sit quod in Zacharia scriptum est de talento plumbi & massa plumbea missa in os amphorae, super quam sedebat impietas, & de duabus mulieribus alas habentibus.

Caput XXVI.

Hinc enim in Zacharia scriptum est: Leua oculos tuos, & vide. Quid est hoc quod egreditur? & dixi: Quid nam est? Et ait: Haec est amphora egrediens, & dixi: Haec est oculus eorum in vniuersa terra. Et ecce talentum plumbi portabatur, & ecce mulier vna sedens in medio amphorae, & dixi: Haec est impietas. Et proiecit eam in medio amphorae, & misit massam plumbeam in os eius. Quid de hac visione amphorae & mulieris & plumbi, ut latius quid cognouisset, ostenderet: adhuc secutus adiunxit: Et leuaui oculos meos, & vidi: & ecce duae mulieres egredientes, & spiritus in alis earum, & habebant alas quasi alas milui, & leuaerunt amphoram inter terram & caelum. Et dixi ad angelum qui loquebatur in me: Quo istae deferunt amphoram? Et dixit ad me: Ut aedificetur ei domus in terra Sennaar. Quod Propheta testimonium inutiliter pro documento plumbi protulimus, si non etiam repetentes exponamus. Ait enim: Leua oculos, & vide. Quid est hoc quod egreditur? Et dixi: Quid nam est? Et ait: Haec est amphora egrediens. Volens Deus Propheta ostendere humanum genus, ex qua ab eo maxime culpa dilabatur, per imaginem amphorae quasi patens os auaritiae designauit. Auaritia quippe velut amphora est, quae os cordis in ambitu apertum tenet. Et dixi: Haec est oculus eorum in vniuersa terra. Multos obtusi sensus homines cernimus, & tamen eos in malis actibus astutos videmus: Propheta quoque attestante, qui ait: Sapientes sunt ut faciant mala, bene autem facere nesciunt. Hi itaque sensu torpent, sed in his quae appetunt, auaritiae stimulis excitantur: & qui ad bona videnda caeci sunt, excitantibus premiis ad peragenda mala vigilantes fiunt. Vnde recte de hac eadem auaritia dicitur: Haec est oculus eorum in vniuersa terra. Ecce talentum plumbi portabatur. Quid est talentum plumbi, nisi ex eadem auaritia pondus peccati? Et ecce mulier vna sedens in medio amphorae. Quam mulierem ne fortassis quae esset dubitare possimus, ilico angelus innotuit. Nam illic mox sequitur: Et dixi: Haec est impietas. Et proiecit eam in medio amphorae. Impietas in medio amphorae proicitur: quia nimirum in auaritia semper impietas tenetur. Et misit massam plumbi in os eius. Massa plumbi in os mulieris mittitur: quia scilicet impietas auaritiae, peccati sui pondere grauat. Si enim ad ea quae deorsum sunt, non ambiret, erga Deum ac proximos impia nequaquam existeret.

27.

Hier. 4.

28.

Et leuaui oculos meos, & vidi: & ecce duae mulieres egredientes, & spiritus in alis earum. Quid aliud in his duabus mulieribus accepimus, nisi duo principalia vitia, superbiam videlicet & gloriam inanem: quae impietati absque vlla dubitatione coniuncta sunt. Quae & in alis suis spiritum habere narrantur, quia in actionibus suis satanae voluntati deseruiunt. Ipsum quippe Propheta spiritum appellat: de quo Salomō ait: Si spiritus potestatem habentis ascenderit super te, locum tuum ne dimiseris. Et de quo in Euangelio Dominus dicit: Cum imundus spiritus exierit ab homine, ambulat per loca arida & inaquosa. Spiritus in alis earum est: quia superbia & inanis gloria per omne quod agunt, satanae voluntati famulantur. Et habebant alas, quasi alas milui. Miluus semper naturae studet insidiari pullorum. Iste ergo mulieres alas habent, quasi alas milui: quia actiones earum diabolo sunt procul dubio similes, qui infidiatur semper vitae paruulorum. Et leuaerunt amphoram inter caelum & terram. Superbia & vana gloria habent hoc proprium: ut eum quem infecerint, in cogitatione sua super cate-

Matth. 12.

Prover. 23.

26.

Hier. 17.

ros homines extollant: & modò per ambitum rerum, modò per desiderium dignitatum, quem semel captum tenuerint, quasi in honoris altitudinem eleuent. Qui autem inter cœlum & terram est, & ima deserit, & superiora minimè attingit. Leuant ergo istæ mulieres amphoram inter cœlum & terram, quia superbia & inanis gloriâ mentem per auaritiâ honoris captam ita eleuant: vt quolibet proximos despiciētes, quasi ima deserant, & alta gloriantes petant. Sed tales quique dum superbiunt, & eos mente transeunt cum quibus sunt, & superioribus ciuibus minimè iunguntur. Amphora ergo leuata inter terram & cœlum dicitur: quia auari quique per superbiam atque inanem gloriam & proximos iuxta se despiciunt: & superiora quæ ultra ipsos sunt, nullatenus apprehendunt. Inter terram itaque & cœlum feruntur: quia nec æqualitatem fraternitatis in infimis per charitatem tenent, nec tamen summa pertingere sese extollendo præuolent. Et dixi ad Angelum qui loquebatur in me: Quo istæ deferunt amphoram? Et dixit ad me: Vt ædificetur ei domus in terra Sennaar. Eadem amphoræ ædificatur domus in terra Sennaar. Sennaar quippe fœtor eorum dicitur. Et sicut bonus odor ex virtute est, Paulo attestante qui ait: Odorem notitiæ suæ manifestat per nos in omni loco, quia Christi bonus odor sumus Deo: ita econtrario fœtor ex vitio. Radix enim est omnium malorum cupiditas. Et quia quodlibet malum per auaritiâ gignitur, dignum est vt domus auaritiæ in fœtore construatur. Sciendum quoque est, quod Sennaar latissima vallis est, in qua turris à superbientibus edificari cœperat, quæ linguarum facta diuersitate destructa est. Quæ scilicet turris Babylon dicta est, pro ipsa videlicet confusione mentium atque linguarum. Nec immeritò ibi auaritiæ amphora ponitur, vbi Babylon, id est confusio ædificatur: quia dum per auaritiâ & impietatem certum est omnia mala exurgere, rectè hæc ipsa auaritiâ atque impietas in confusione perhibentur habitare. Hæc paucis per excessum diximus, vt peccati pondus exprimi per plumbi laminam monstraremus. Quæ tamen beati Iob verba sanctæ quoque Ecclesiæ congruunt, quæ duo sacri eloquij testamenta custodiens, quasi secundò sermones suos scribi expedit, dicens: *Quis mihi tribuat, vt scribantur sermones mei? quis mihi det vt exarentur in libro?* Quæ quia forti sententia, modò per pondus auaritiæ grauib, modò autem duris cordibus loquitur, stylo ferro in plumbi lamina, vel celte in silice scribit. Sed iure beatum Iob redemptoris nostri eiusque Ecclesiæ vti vocibus dicimus, si quid de eodem redemptore nostro quod apertè loquitur, inuenimus. Quo etenim pacto credendum est: quia ex eo aliquid per figuram insinuat, si eum nobis apertis vocibus non demonstrat? Sed iam quod de eo sentit aperiat, omnesque nobis ambages cogitationum tollat. Sequitur: *Scio enim quod redemptor meus viuit.* Qui enim non ait conditor, sed redemptor: apertè eum denuntiat, qui postquam omnia creauit, vt nos de captiuitate redimeret, inter nos incarnatus apparuit, suæque passionis nos à perpetua morte liberauit. Et notandum quanta fide se in virtute eius diuinitatis adstringat, de quo per Paulum dicitur: *Quia etsi crucifixus est ex infirmitate, sed viuit ex virtute Dei.* Ait nanque: *Scio enim quod redemptor meus viuit.* Ac si apertis vocibus dicat: Infidelis quisque illum flagellatum, derisum, palmis cæsum, corona spinea coronatum, sputis illitum, crucifixum, mortuum nouerit: ego illum post mortem viuere certa fide credo, libera voce profiteor: quia redemptor meus viuit, qui inter impiorum manus occubuit. Sed quid beate Iob per resurrectionem illius etiam de tuæ carnis resurrectione confidis, aperta quæso voce profiteri. Sequitur:

Quod multi puri homines quales nos sumus, cum Christo surrexerunt, ne de resurrectione nostra vlla dubitatio haberetur, & quod resurrectionem nostram etiam in elementis suis mundus imitatur. Caput XXVII.

ET in nouissimo die de terra surrecturus sum.) Quia videlicet resurrectionem quam in se ostēdit, in nobis etiam quandoq; facturus est. Resurrectionem quippe quam in se ostēdit, nobis promisit: quia sui capitis gloriam sequuntur membra. Redemptor ergo noster suscepit mortem, ne mori timeremus. Ostendit resurrectionem, vt nos resurgere posse con-

fidamus. Vnde & eandem mortem non plusquam triduanam esse voluit, ne si in illo resurrectio differretur, in nobis omnimodo desperaretur. Quod bene de illo per Prophetam dicitur: De torrente in via bibit, propterea exaltabit caput. Quasi enim de quodam flumine nostræ passionis nō in mansione bibere, sed in via, dignatus est: quia mortem transitorie, id est ad triduum contigit, atque in ea morte quam contigit, nequaquam sicut nos vsque ad finem seculi remansit.

Quod virga Leui, quæ floruit reliquis aridis permanentibus, Christus sit: qui primitiæ dormientium surrexit: reliquorum resurrectione in finem mundi dilata. Caput XXVIII.

DUm ergo die tertio surrexit: quid in eius corpore, id est, Ecclesia sequatur ostendit. Exemplo quippe monstrauit, quod promisit in præmio: vt sicut ipsum surrexisse fideles agnoscerent, ita in seipsis in fine mundi resurrectionis præmia sperarent. Ecce nos per mortem carnis vsq; ad finem mundi remanemus in puluere: ille autem die tertia ab ariditate mortis viruit, vt diuinitatis suæ nobis potentiam ipsa in nouatione suæ carnis ostenderet. Quod bene per Moysen virgis duodecim in tabernaculo positis demonstratur. Nam cum Aaron sacerdotium, qui de tribu Leui fuerat, despiceretur, nec digna tribus quæ offerret, holocausta crederetur, duodecim virgæ, iuxta duodecim tribus in tabernaculo posite præceptæ sunt: & ecce virga Leui viruit, & quicquid virtutis in munere Aaron haberet, ostēdit. Quo videlicet signo quid innuitur, nisi quod omnes qui vsque ad finem mundi iaceamus in morte, quasi virgæ reliquæ in ariditate remanemus? Sed cunctis virgis in ariditate remanentibus, virga Leui ad florem rediit: quia corpus Domini, veri scilicet sacerdotis nostri, in mortis ariditate positum, in florem resurrectionis erupit. Quo flore Aaron rectè sacerdos esse cognoscitur: quia hac resurrectionis gloria redemptor noster, qui de tribu Iuda ac Leui ortus est, intercessor pro nobis esse monstratur. Ecce ergo iam virga Aaron post ariditatem floret, sed virgæ duodecim tribuum in ariditate remanent: quia iam quidem corpus Domini post mortem viuit, sed nostra adhuc corpora vsque ad finem mundi à resurrectionis gloria differuntur. Vnde cautè hanc eandem dilationem intulit, dicens: *Et in nouissimo die de terra surrecturus sum.* Habemus ergo spem resurrectionis nostræ considerata gloria capitis nostri. Sed ne quis vel cogitatione tacita forsitan dicat, quod idcirco ille surrexit à morte: quia vnus idemque Deus & homo mortem quam ex humanitate pertulit, ex diuinitate superauit: nos verò qui puri homines sumus, à mortis surgere damnatione non possumus: rectè in resurrectionis eius tempore, etiam multorum sanctorum corpora surrexerunt: vt & in se nobis exemplum ostenderet, & de aliorum qui nobis per puram humanitatem similes fuerunt, nos resurrectione roboraret: quatenus cum se homo desperaret percipere quod in se ostēderat Deus homo, hoc in se fieri posse præsumeret, quod in ipsis factum cognosceret, quos puros fuisse homines non dubitaret. Sunt verò nonnulli qui considerantes quod spiritus à carne soluitur: quod caro in putredinem vertitur, quod putredo in puluerem redigitur, quod puluis ita in elementa soluitur, vt nequaquam ab humanis oculis videatur, resurrectionem fieri posse desperent: & dum arida ossa inspiciunt, hæc vestiri carnibus, rursusque ad vitam viridescere posse diffidant. Qui si resurrectionis fidem ex obedientia non tenent, certè hanc tenere ex ratione debuerant. Quid enim quotidie, nisi resurrectionem nostram in elementis suis mundus imitatur? Per quotidiana quippe momenta lux ipsa temporalis quasi moritur, dum superuenientibus noctis tenebris, ea quæ aspiciēbatur, subtrahitur: & quasi quotidie resurgit, dum lux ablata oculis oppressa iterum nocte reparatur. Per momenta quoque temporum cernimus arbuta viriditatem foliorum amittere, à fructuum prolatione cessare: & ecce subito quasi ex arcescenti ligno velut quadam resurrectione veniente videmus folia erumpere, fructus grandescere, & totam arborem rediuiuo decore vestiri. Indefinenter cernimus parua arborum semina terræ humoribus commendari: ex quibus non longè post aspiciamus magna arbuta surgere, foia,

folia, pomâque proferre. Cōsideremus ergo paruum cuiuslibet arboris semen quod in terrâ iacitur, vt arbor ex illo pro illo producat: & comprehendamus, si possumus, vbi in illa tanta breuitate feminis tam immensa arbor latuit, quæ ex illo processit: vbi lignum, vbi cortex, vbi viriditas foliorum, vbi vbertas fructuum. Nunquid nam in semine tale aliquid videbatur cum in terram iaceretur? Et tamen occulto rerum omnium opifice cuncta mirabiliter ordinante, & in mollitie feminis latuit asperitas corticis, & in tēneritudine illius absconsa est fortitudo roboris, & in siccitate eius vbertas fructificationis. Quid ergo mirum, si tenuissimum puluerem, vel à nostris oculis in elementis redactum, cum vult, in hominem reformat, qui ex tenuissimis seminibus immensa arbuta redintegrat? Quia ergo rationales sumus conditi, spem resurrectionis nostræ ex ipsa debemus rerum specie & contemplatione colligere. Sed quia in nobis sensus torpuit rationis, accessit in exemplum gratia redemptoris. Venit nanque conditor noster, suscepit mortem, ostendit resurrectionem: vt qui resurrectionis spem ex ratione tenere nolimus, hanc ex eius adiutorio & exemplo teneremus. Dicat igitur beatus Iob: *Scio quod redemptor meus viuit, & in nouissimo die de terra surrecturus sum.* Et quisquis resurrectionis in se virtutem fieri posse desperat, verba in gentilitate positi viri fidelis erubescat, & penset quanto pœnæ sit pondere ferendus, si adhuc non credit suam, qui iam resurrectionem Domini cognouit factam: si & ille suam credidit, qui adhuc Domini Iesu sperabat esse faciendam. Sed ecce resurrectionem audio, effectum tamen eiusdem resurrectionis exquiro. Credo nanque, quia resurrecturus sim, sed volo vt audiam qualis. Sciendum quippe mihi est, vtrum in quodam alio subtili fortasse, vel aëreo, an in eo quo moriar corpore resurgam. Sed si in aëreo corpore surrexero, iam ego non ero qui resurgam. Nam quomodo est vera resurrectio, si vera esse non poterit caro? Aperta ergo ratio suggerit: quia si vera caro non fuerit, proculdubio resurrectio vera non erit. Nec enim recte resurrectio dici potest, vbi non resurgit quod cecidit. Sed has nobis beate Iob dubietatis nebulas tolle: quia per acceptam sancti spiritus gratiam, de spe nobis loqui nostræ resurrectionis cœpisti: aperte indica, si caro nostra veraciter resurgat. Sequitur:

Qualiter Eutychius de resurrectione senserit, & quomodo per Gregorium præsentem Tiberio Augusto conuictus sit & correctus.

Capitulum XXIIX.

ET rursum circundabor pelle mea) Dum apertè pellis dicitur, omnis dubitatio veræ resurrectionis aufertur: quia sicut Eutychius Cōstantinopolitanæ vrbs episcopus scripsit, corpus nostrum in illa resurrectionis gloria erit impalpabile, vêtis aëréque subtilius. In illa enim resurrectionis gloria erit corpus nostrum subtile quidem per effectum spiritualis potētiae, sed palpabile per veritatem naturæ. Vnde etiam redemptor noster dubitantibus de sua resurrectione discipulis, ostendit manus & latus, palpanda ossa carnemque præbuit, dicens: Palpate & videte, quia spiritus carnem & ossa non habet, sicut me videtis habere. Qui cum eidem Eutichio in Cōstantinopolitana vrbe positus, hoc Euangelicæ veritatis testimonium protulisset, ait: Idcirco Dominus hoc fecit, vt dubitationem resurrectionis suæ de discipulorum cordibus amoueret, Cui inquit: Mira est res valde quam astruis, vt inde nobis dubietas surgat, vnde discipulorum corda à dubietate sanata sunt. Quid enim deterius dici potest, quàm vt hoc nobis de eius vera carne dubiū fiat, per quod discipuli eius ad fidem ab omni sunt dubietate separati? Si enim non hoc habuisse astruitur quod ostendit, vnde fides discipulis eius confirmata est, inde nostra destruitur. Qui adiungebat etiam, dicens: Corpus palpabile habuit quod ostendit: sed post confirmata corda palpantiū, omne illud in Domino quod palpari potuit, in subtilitatem est aliquam redactū. Ad hæc ipse respondi, dicens: Scriptum est: Christus resurgens à mortuis, iam non moritur, mors illi vltra non dominabitur. Si quid ergo in eius corpore post resurrectionem potuit immutari, contra veridicam Pauli sententiam, post resurrectionem Dominus rediit in mortem. Quod quis dicere, vel stultus præsumat, nisi qui veram carnis eius resurrectionem denegat? Tunc mihi ob-

Tomus primus.

A iecit, dicens: Cum scriptum sit: Caro & sanguis regnum Dei possidere non possunt, qua ratione credendum est resurgere veraciter carnem? Cui inquam: In sacro eloquio aliter caro dicitur iuxta naturam, atque aliter iuxta culpam, vel corruptionem. Caro quippe iuxta naturam, sicut scriptum est: Hoc nunc os ex ossibus meis, & caro de carne mea: &, Verbum caro factum est, & habitauit in nobis. Caro verò iuxta culpam, sicut scriptum est: Non permanebit in hominibus istis spiritus meus, eo quod sunt caro. Et sicut Psalmista ait: Memoratus est, quia caro sunt: spiritus vadens, & non rediens. Vnde & discipulis Paulus dicebat: Vos autem in carne non estis, sed in spiritu. Neque enim in carne non erant, quibus epistolas trans mittebat, sed quia passionibus carnalium desideriorum vicerat, iam liberi per virtutem spiritus in carne non erant. Quod ergo Paulus apostolus dicit: Quia caro & sanguis regnum Dei possidere non possunt: carnem vult secundum culpam intelligi, non carnem secundum naturam. Vnde & mox, quia carnem secundum culpam diceret: ostendit subdicens: Neque corruptio incorruptelam possidebit. In illa ergo cœlestis regni gloria caro secundum naturam erit, sed secundum passionum desideria non erit, quia deuicto mortis aculeo, in æterna incorruptione regnabit. Quibus dictis idem Eutychius cōsentire se protinus respondit, sed tamen adhuc corpus palpabile resurgere posse denegabat. Qui etiam in libello quem de resurrectione scripserat: Pauli quoque Apostoli testimonium indiderat, dicens: Tu quod seminas, non viuificatur, nisi prius moriatur: & quod seminas, non corpus quod futurum est seminas, sed nudum granum. Hoc nimirum ostendere festinans, quia caro vel impalpabilis, vel ipsa non erit: dum sanctus Apostolus de resurrectionis agens gloria, non corpus quod futurum est seminari dixerit. Sed ad hæc citius respondetur. Nam Paulus apostolus dicens: Non corpus quod futurum est seminas, sed nudum granum: hoc insinuat quod videmus: quia granum cum culmo, & foliis nascitur, quod sine culmo & foliis seminatur. Ille itaque in augmento gloriæ resurrectionis non dixit grano seminis deesse quod erat, sed adesse quod non erat, iste autem dum verum corpus resurgere denegat, nequaquam dicit adesse quod deerat, sed deesse quod erat. Tunc itaque de hac re in longa contentione perducti, grauissima à nobis cœpimus simulatione resilire, cum piæ memoriæ Tiberius Constantinus imperator secretò me & illum suscipiens: quid inter nos discordiæ versaretur agnouit, & vtriusque partis allegationem pensans, eundem librum quem de resurrectione scripserat: suis quoque allegationibus destruens, deliberavit, vt flammis cremari debuisset. A quo vt egressi sumus, me ægritudo valida, eundem verò Eutychium ægritudo, & mors protinus est secuta. Quo mortuo, quia penè nullus erat qui eius dicta sequeretur, dissimulavi cœpta persequi, ne in fauillas viderer verba iaculari. Dum tamē adhuc viueret, & ego validissimis febribus ægrotarem, quicumque noti mei ad eum salutationis gratia pergebant, vt eorum relatione cognoui, ante eorum oculos pellem manus suæ tenebat dicens: Cōfiteor, quia omnes in hac carne resurgemus. Quod, sicut ipsi fatebantur, omnino prius negare cōsueuerat. Sed nos ista postponentes, in beati Iob sermonibus subtiliter exquiram, si vera erit resurrectio, verumque corpus in resurrectione. Ecce enim iam de spe resurrectionis dubitare non possumus, dum ait: *Et in nouissimo die de terra surrecturus sum.* Dubietatem quoque de reparatione vera corporis abstulit, qui ait: *Et rursum circundabor pelle mea.* Qui adhuc ad auferendas ambages nostræ cogitationis subdit: *Et in carne mea videbo Deum.* Ecce resurrectionem, ecce pellem, ecce carnem apertis fatetur vocibus. Quid ergo remanet vnde possit mens nostra dubitare: si itaque iste vir sanctus ante effectum resurrectionis dominicæ, reducendam carnem in integro statu credidit, qui erit reatus nostræ dubitationis, si vera carnis resurrectio, nec post exemplum creditur redemptoris? Si enim post resurrectionem corpus palpabile non erit, profectò alius surgit quàm moritur, quod dictu nefas est credere, quia ego morior, & alius resurgat? Vnde quæso te beate Iob subiunge, quæ sentis, & huius nobis quæstionis scrupulum tolle. Sequitur:

Quod post resurrectionem caro nostra, & eadem futura sit per naturam, & diuersa per gloriam.

Capitulum XXX.

Quem visurus sum ego ipse, & oculi mei conspecturi sunt, & non alius. Si enim, sicut quidam errorum sequaces arbitrantur, post resurrectionem corpus palpabile non erit, sed inuisibilis corporis subtilitas caro vocabitur: quanuis substantia carnis non sit, profecto alius est qui moritur, & alius qui resurgit. Sed beatus Iob hanc eis sententiam veridica voce destruit, qui ait: *Quem visurus sum ego ipse, & oculi mei conspecturi sunt, & non alius.* Nos autem beati Iob fidem sequentes, & redemptoris nostri post resurrectionem corpus palpabile veraciter credentes, fatemur carnem nostram post resurrectionem futuram, & eandem & diuersam: eandem per naturam, diuersam per gloriam: eandem per veritatem, diuersamque per potentiam. Erit itaque spiritualis, quia & incorruptibilis. Erit palpabilis, quia non amittet essentiam veracis naturae. Sed sanctus vir eandem resurrectionis fiduciam qua spe teneat, quanta certitudine praestoleretur, adiungit. Sequitur: *Reposita est haec spes mea in sinu meo.* Nil nos habere certius credimus, quam hoc quod in sinu tenemus. In sinu ergo suo spem repositam tenuit, quia vera certitudine de spe resurrectionis praesumpsit. Sed quia venturum diem resurrectionis innotuit, iam nunc seu voce sua, seu typo sanctae & vniuersalis Ecclesiae prauorum facta redarguit, & iudicium quod in resurrectionis die sequitur, praedicat. Nam protinus subdit: *Quare ergo nunc dicitis, Persequamur eum, & radicem verbi inueniamus contra eum?* Fugite ergo a facie gladii, quoniam ultor iniquitatum gladius est, & scitote esse iudicium. Priori quippe sententia iniquorum facta reprehendit, sequenti autem ex diuino iudicio poenas innotuit. Ait enim: *Quare ergo nunc dicitis: Persequamur eum, & radicem verbi inueniamus contra eum?* Peruersi quilibet quia malo studio bene prolata audiunt, & in lingua iusti accusationis aditum inuenire appetunt, quid aliud quam contra eum verbi radicem quaerunt, ex qua videlicet loquendi originem sumant, & ramos prauae loquacitatis in accusatione dilatent? Sed vir sanctus cum a prauis talia sustinet, non contra eos, sed magis pro ipsis dolet, & male cogitata redarguit, ac mala eis quae fugiant ostendit, dicens: *Fugite ergo a facie gladii, quia ultor iniquitatum gladius est, & scitote esse iudicium.* Omnis qui peruersa agit: eo ipso quo hoc despicit, esse Dei iudicium nescit. Si enim hoc timendum sciret, quae in illo sunt puniendae, non ageret. Nam sunt plerique qui extremum esse iudicium verbo tenus sciunt, sed peruersè agendo testantur quia nesciunt. Qui enim hoc non formidat ut debet, necdum cognouit cum quanto turbine terroris adueniat. Si enim pensare pondus tremendi examinis nosset, irae diem utique timendo praecaveret. Faciē quoque gladii fugere, est animaduersionis districtae sententiam prius quam appareat placare. Vitari nanquā terror iudicis non nisi ante iudicium potest. Modò non cernitur, sed precibus placatur. Cum verò in illo tremendo examine fuderit, & videri potest & placari iam non potest: quia facta prauorum quae diu sustinuit tacitus, simul omnia reddet iratus. Vnde necesse est nunc timere iudicem, cum necdum iudicium exercet, cum diu mala sustinet, cum mala adhuc tolerat quae videt: ne cum semel manum in retributione ultionis excusserit, tantò in iudicio districtius feriat, quantò ante iudicium diutius expectat.

Libri decimi quarti Moralium sancti Gregorii finis.

B. GREGORII MORALIVM LIBER DECIMVS QVINTVS, EXPONENS

consequenter duo capita textus
sancti Iob: incipiendo à capite vicesimo.

Respondens autem Sophar Naamathites, dixit: Idcirco cogitationes meae variè succedunt sibi, & mens in diuersa rapitur. Do-

ctrinam qua me arguis, audiam: & spiritus intelligentiae meae respondebit mihi. Hoc scio à principio ex quo positus est homo super terram, quod laus impiorum brevis sit: & gaudium hypocritae ad instar puncti. Si ascenderit usque ad coelum superbia eius, & caput eius nubes tetigerit, quasi sterquilinum in fine perdetur: & qui eum viderant, dicent: Vbi est? Velut somnium auolans non inuenietur: transiet sicut visio nocturna. Oculi qui eum viderant, non videbit, neque ultra intuebitur eum locus suus. Filij eius atterentur egestate: & manus illius reddent ei dolorem suum. Ossa eius implebuntur vitis adolescentiae eius, & cum eo in puluere dormient. Cum enim dulce fuerit in ore eius malum, abscondet illud sub lingua sua. Parcet illi: & non derelinquet illud, & calabit in gutture suo. Panis eius in vtero illius vertetur in fel aspidum intrinsecus. Diuitias quas deuorauit, euomet: & de ventre illius extrahet eas Deus. Caput aspidum fuget, & occidet eum lingua viperæ. Non videat riuulos fluminis torrentis, mellis & butyri. Luet quae fecit omnia, nec tamen consumetur. Iuxta multitudinem adinuentionum suarum, sic & sustinebit: quoniam confringens nudauit pauperis domum, rapuit & non edificauit eam: nec est satiatus venter eius. Et cum habuerit quae concupierat, possidere non poterit. Non remansit de cibo eius, & propterea nihil permanebit de bonis eius. Cum satiatus fuerit, arctabitur, aestuabit, & omnis dolor irruet super eum. Utinam impleatur venter eius, ut emittat in eum iram furoris sui, & pluat super illum bellum suum. Fugiet arma ferrea, & irruet in arcum aereum. Gladius deductus & egrediens de vagina sua, & fulgurans in amaritudine sua. Vadent & venient super eum horribiles, omnes tenebrae absconditae sunt in occultis eius. Deuorabit eum ignis qui non succenditur, affligetur relictis in tabernaculo suo. Reuelabunt coeli iniquitatem eius, & terra confurget aduersus eum. Apertum erit germen domus illius, detrahetur in die furoris Dei. Hec est pars hominis impij à Deo, & haereditas verborum eius à Domino.

Capit. I.

Quia amici beati Iob nequaquam peruersi esse potuerunt, Sophar Naamathites verba testantur, qui de ore eius terrorem venturi iudicii audiens, protinus adiungit: Idcirco cogitationes meae variè succedunt sibi, & mens in diuersa rapitur. Ac si apertis vocibus dicat: Quia extremi iudicii terrorem considero, idcirco cogitationum tumultibus in timore confundor. Tantò se quippe animus amplius in cogitatione dilatat, quantò illud esse terribile quod imminet pensat. Et in diuersa mens rapitur, quando modò mala quae egit, modò bona quae agere neglexit, modò reprehensibilia in quibus est, modò recta quae sibi adhuc deesse conspicit, sollicito pauore perpendit. Sed amici beati Iob cum assidue vitam illius edocti bene viuere nouerint, pensare tamen subtiliter Dei iudicia nescientes, mala hinc iustorum quampiam posse recipere non credebant. Vnde & eundem sanctum virum iniquum esse suspicati sunt, quem flagellatum viderunt, atque ex hac suspitione agebatur: ut in eius quoque increpationem dilaberentur: ad quam tamen increpationem quasi sub quadam reuerentia descendunt. Vnde Sophar subiicit, dicens: *Doctrinam qua me arguis, audiam: & spiritus intelligentiae*

intelligentia mea respondebit mihi.) Ac si apertè dicat: Tua quidem verba audio, sed an rectè prolata sint, spiritu meæ intelligentiæ discerno. Nam qui dicentis verba despiciunt, doctrinam eius non ad adiutorium, sed ad occasionem certaminis sumunt: vt audita potius iudicent quàm sequantur. His itaque sub quodam moderamine præmissis, in apertam iam beati viri exprobrationem profilit, cum subiungit:

Quod quicquid inter initium & finem clauditur, breue sit: & quod in articulo mortis hypocritarum gloria euanescat.

Caput II.

Hoc scio à principio ex quo positus est homo super terram, quod laus impiorum breuis sit: & gaudium hypocritæ ad instar puncti.) Liqueat nunc quia suæ intelligentiæ spiritu inflatus, eas quas contra impios sententias profert, in beati Iob redargutionibus inflectit. Quem enim prius iusta agere, & postmodum pœnas tolerare conspexit, omne in illo hypocritæ estimat fuisse, quod vidit, quia videlicet à iusto Deo iustum famulum affligi posse non credidit. Sed nos easdem eius sententias quas non rectè rectas protulit, sollicita intentione pensantes exequamur: & contemnentes, quod falsum contra beatum Iob loquitur, intueamur quàm vera dicat, si hæc contra impios loqueretur. Ait itaque: *Hoc scio à principio, ex quo positus est homo super terram, quod laus impiorum breuis sit.*)

Dicturus breuitatem vitæ præsentis, cordis oculum ad exordium reduxit originis: vt ex antea actis colligat, quàm nulla sunt, quæ videntur aliqua esse dum sunt. Si enim ab ipso humani generis exortu vsque ad hoc tempus in quo sumus, mentis oculos ducimus, omne quod finiri potuit, quàm breue fuerit, videmus. Ponamus enim quemlibet hominem à primo die mundi conditum, vsque ad hodiernum diem vitam ducere, hodie tamen eandem vitam quam quasi longam ducere videbatur, finire: ecce finis adest, præterita iam nulla sunt, quia cuncta transierunt. Futurum in hoc mundo nihil est, quia nullum ad vitam, vel breuissimum restat momentum. Vbi est ergo longum tempus quod inter initium finemque deprehensum, ita consumitur, ac si nec breue vnquam fuisset? Impij itaque quia præsentem vitam diligunt, in ea proculdubio elati percipere laudem quærunt. Linguae fauoribus extolluntur, nec esse boni, sed dici appetunt. Quam videlicet laudem longam esse existimant, dum assequuntur: sed breuem intelligunt fuisse, dum amittunt. In fine quippe eis ostenditur, quàm nihil fuerit quod amauerunt. Vnde rectè contra eosdem impios dicitur: *Hoc scio à principio ex quo positus est homo super terram, quod laus impiorum breuis sit.* Vbi aptè subiungitur: *Et gaudium hypocritæ ad instar puncti.*) Sæpe hypocrita dum sanctum se simulat, & iniquum exhibere minimè formidat, ab omnibus honoratur, eique sanctitatis gloria defertur ab his qui exteriora cernunt, sed interiora perspicere nequeunt. Vnde fit vt gaudeat in prima sessione, hilarescat in primo recubitu, infletur in prima salutatione, eleuetur in reuerenti voce obsequentium, & superba cogitatione tumeat in famulatu subditorum, sicut voce quoque veritatis de talibus dicitur: *Omnia verò opera sua faciunt, vt videantur ab hominibus.* Dilatant enim phylacteria sua, & magnificant fimbrias suas. Amant autem primos recubitus in cœnis, & primas cathedras in synagogis, & salutationes in foro, & vocari ab hominibus rabbi. Sed hoc eorum gaudium æternitati comparatum, quid erit quando irruente mortis articulo, ita consumitur, ac si omnino non fuerit? Cuius nimirum gaudij lætitia pertransiit, & pœna permanet, & cum res amittitur, causa durat. Bene autem dicitur: *Gaudium hypocritæ ad instar puncti.*) In puncto enim stilus mox, vt ponitur, leuatur, nec mora vlla agitur, vt per exprimendam lineam trahatur. Gaudium ergo hypocritæ ad similitudinem puncti est, quia apparet ad momentum, sed dissiparet in perpetuum, & sicut stilus in puncto, dum ponitur, leuatur, sic hypocrita præsentis vitæ gaudia dum tangit, amittit. De quo subditur:

Quod huius seculi gloriam electi reputant sicut stercus, & quod non estimatione humana, sed ex diuino iudicio quisque sit sanctus.

Caput III.

Tomus primus.

A Si ascenderit vsque ad cœlum superbia eius, & caput eius nubes tetigerit, quasi sterquilinum in fine perdetur.) Superbia hypocritæ vsque ad cœlum ascendere dicitur: quando eius elatio cœlestem agere vitam videtur. Cuius etiam caput quasi nubes tangit, quando principalis pars, videlicet intellectus illius, sanctorum præcedentium coæquari meritis creditur. Sed quasi sterquilinum in fine perdetur, quia in morte sua cum ad tormenta ducitur, stercorebus vitiorum plenus, à malignis spiritibus conculeatur. Gaudia etenim vitæ præsentis quæ iniusti æstimaunt magna bona, iusti stercora deputat. Vnde scriptum est: De stercore bouum lapidatus est piger. Is ergo qui Deum sequi noluerit, ab amore æternæ vitæ pigrescit. Et quoties rerum temporarium damno percutitur, ex his nimirum affligitur, quæ iusti viri velut stercora contemnunt. Qui ergo ex terrenarum rerum percussione atteritur, quid aliud quàm de bouum stercore lapidatur? Et rectè hypocrita sterquilinio similis dicitur: quia dum temporalem gloriam habere appetit, modò per cogitationem apud semetipsum tumet, modò eandem gloriam aliis inuidet: eamque alios veraciter habentes irridet. Quot ergo vitiis plenus est, quasi tot stercorebus in conspectu æterni iudicis illius pectus foetet. Dicatur igitur: *Si ascenderit vsque ad cœlum superbia eius, & caput eius nubes tetigerit: quasi sterquilinum in fine perdetur.*) Qui etsi cœlestem vitam se agere simulat, etsi intellectum suum esse similem veris prædicatoribus ostendat, quasi sterquilinum tamen in fine perdetur, quia mens illius pro vitiorum suorum foetore damnabitur. Sequitur: Et qui eum viderant, dicent: *Vbi est?*) Plerumque hypocritarum vita etiam ab omnibus reproba in fine cognoscitur: vt signis iam apertioribus, qui fuerint ostendantur. Qui ergo hunc elatum viderunt, de extincto dicent: *Vbi est?*) Quia neque hinc ubi elatus fuerat apparet, neque in æternitatis requie, de qua esse putabatur. De cuius breuitate vitæ adhuc aptè subiungitur:

Quod sanctitas hypocritarum, somniantium similitudinem habeat, in quibus est ostensio phantasmatis, non certitudo virtutis.

Caput IIII.

Velut somnium auolans non inuenietur, transiet sicut visio nocturna.) Quid est vita hypocritæ, nisi quædam visio phantasmatis, quæ hoc ostendit in imagine, quod non habet ex veritate? Vnde rectè quoque somnio comparatur, quia ab eo omnis laus & gloria quasi dum tenetur, amittitur. Sæpe nanque in nocturna visione, nonnulli pauperes, factos se diuites admirantur, deferri sibi honores aspiciunt, diuitiarum moles, obsequentium multitudinem, pulchritudinem vestium, abundantiam ciborum sibi met adesse considerant, gaudent se euasisse penuriam, quam cum gemitu tolerabant: sed repente cum euigilat, inueniunt quàm falsum fuerit quod gaudebant, eosque euigilasse pœnitet: quia vigilantes inopia vera tenet. Sic hypocritarum mentes dum aliud est quod agunt, atque aliud quod hominibus ostendunt, laudes de ipsa sanctitatis ostentatione recipiunt: in estimatione hominum multis melioribus præferuntur, & cum intus apud se tacita cogitatione superbiant, foris se humiles demonstrant. Cumque ab hominibus immoderate laudatur, tales esse se quoque apud Deum existimant, quales se gaudent hominibus innotuisse. Vnde fit vt etiâ æternæ vitæ percepturos se præmia præsumant, & qui hinc de humanis fauoribus exultant, illic se habituros requiem omnino non dubitent. Sed inter hæc occulta vocationis hora surrepit: & cum carnis oculos claudunt, mantis aperiunt, moxque vt supplicia æterna receperint, ibi videt, qua virtutum æstimatione diuites in somnis fuerunt. Bene ergo de hoc hypocrita dicitur: *Transiet velut visio nocturna.*) Quia hoc quod se ad momentum diuitem humanis æstimationibus videt: de ostensione est phantasmatis non de soliditate virtutis. Nam cum mēs eius in morte carnis euigilat, cognoscit proculdubio, quia fauores circa se hominum dormiens videbat. Sequitur:

Quod locus hypocritæ sit cor adulantium, & quod vitia adolescentiæ eius, cum eo in puluerem deueniant, cum vsque ad mortem in iniquitate perseuerant.

Caput V.

Oculus qui cum videt, at non videbit: neque vltra eum intuebitur locus suus.) Quis est locus hypocritæ, nisi cor adulantium? Ibi quippe requiescit, ubi fauores inuenerit. Ocul' ergo qui eum viderat, nō videbit: quia subtract' morte, stultis amatorib' suis

absconditur, qui eum consueuerat admirando cōspicere. Nec
vltrā eum locus suus intuebitur, quia linguæ adulantium hūc
ad iudicium fauoribus non sequuntur. Sed tamen quousque
viuit, ea quæ ipse agit, etiam sequaces suos docere non desi-
nit, & per erroris sui prauitatem, alios quoque ad eam quam
exhibet, generat simulationem. De quibus hīc aptē subdi-
tur: *Filij eius atterentur egestate.* Scriptum est: In maleuolam ani-
mam, non introibit sapientia. Et per Psalmistam dicitur: Di-
uites eguerunt, & esurierunt. Si enim de exteriori fame ege-
stas eorum, & esuries diceretur, profectō diuites non essent,
qui pane corporis indigerent. Sed quia dum exterius multi-
plicantur, interius inanes fiunt, & diuites pariter & egentes
esse memorantur: quia videlicet pane sapientie satari mini-
mē merentur. Filij itaque huius hypocritæ atteruntur ege-
state, quia hi qui in hypocrisi ex eius imitatione nascuntur,
dum veritatis soliditatem non tenent, in cordis egestate de-
ficiunt. *Et manus illius reddent in dolorem suum.* Quid per ma-
nus nisi opera designantur? Manus itaque illius ei dolorem
reddent: quia damnationē iustā ex iniqua recipiet operatio-
ne. Bene autem non dabunt, sed reddent dicit: quia peruer-
sæ eius actiones, æternum ei supplicium quasi quoddam de-
bitum soluēt. Sed prius quā ad æterna supplicia perueniat,
qualem se hīc exhibeat, plenius adiungat. Sequitur: *Ossa eius*
implebuntur vitis adolescentie eius, & cum eo in puluere dormient.
Origo prauæ inchoationis, causas culpæ etiam præsumendo
multiplicat. Dum enim mala agere quisque cœperit: vsu iam
deterius in hoc quod inchoauerat excrescit. Quid itaque
adolescentia huius hypocritæ, nisi inchoatio prauitatis est?
In adolescentia quippe iam libido feruescere inchoat. Et
tunc adolescentiam hypocrita habet, cum appetere, & ample-
cti libidinem gloriæ cœperit. Quam in eo dum adulantium
blanda fomenta multiplicant, robustiorem reddunt, & quasi
in ossa conuertunt. Hoc enim quod malē cœpit, peius quo-
tidie per consuetudinem roborat. Dicatur itaque: *Ossa eius im-*
plebuntur vitis adolescentie eius: quia duræ in eo prauitatum
consuetudines à vitio sumptæ, sunt pessimæ inchoationis.

Prouer. 22. Vnde scriptum est in prouerbiis: Adolescens iuxta viam
suam, etiam cum senuerit, non recedet ab ea. Quæ nimirum
ossa cum eo in puluere dormiēt, quia eousque in illo iniquæ
consuetudines perdurant: quod hunc ad mortis puluerem
pertrahant. Cum eo enim in puluere ossa vel vitia dormire,
est vsque ad puluerem eum non deferere, id est, vsque
ad mortem ab iniquitate minimē cessare. Tenent igitur il-
lum prauæ consuetudines quæ semel cœperunt, atque quo-
tidie duriores existunt. Et cum illo in puluere dormiunt,
quia non nisi cum eius vita finiuntur. Sed hæc intelligi & a-
liter possunt. Habet namque hypocrita nonnunquam for-
te ac validum aliquid in operatione, sed dum multa bona se
simulat, habere quæ non habet, perdit etiam ea quæ habet.
Vnde bene nunc dicitur: *Ossa eius implebuntur vitis adolescen-*
tie eius. Quia cum leuis ac mobilis multa pueriliter facit,
etiam in his quæ fortia egerit, in vitio mollescit. Quæ vi-
delicet eius ossa cum eo in puluere dormient, quia scilicet si-
cut puluis, est omnis simulatio illa quam agit: ita & in illo si
quid habet validum, omni soliditate vacuatur: vt per virtu-
tis arrogantiam hoc quoque perdat, quod in eo potuit esse
virtutis. Ossa ergo cum eo in puluere dormire, est cum prauis
eius actibus etiam si qua sunt bene acta, deperire. Sequi-
tur: *Cum enim dulce fuerit in ore eius malum, abscondet illud sub lin-*
gua sua. In ore hypocritæ malum dulce est, quia ei est ini-
quitas suavis in mente. Os quippe cordis, cogitatio est: de
qua scriptum est: Labia dolosa in corde, & corde locuta sunt
mala. Sed hoc malum quod in ore hypocritæ dulce est, sub
lingua eius absconditur, quia asperitas malitiæ quæ latet in
mente, sub tegmine blandæ locutionis operitur. Malum nan-
que in lingua, & non sub lingua esset, si loquens hypocrita
malitiam suæ prauitatis aperiret. Sed sicut plerique iusto-
rum, cum quosdam agere peruersē conspiciunt, qui duris
sunt increpationibus feriendi, in lingua asperitatem sumunt,
sed sub lingua mentis suæ benignitatem contegunt. Vnde
& sanctæ Ecclesiæ sponsi voce dicitur: Mel & lac sub lin-
gua tua. Qui enim mentis suæ dulcedinem aperire infirmis
nolunt, sed loquentes quadam eos asperitate feriunt, & ta-

men inter verba aspera quasi latenter quiddam dulcedinis
intermittunt, hi videlicet non in lingua, sed sub lingua ha-
bent dulcedinem: quia inter dura quæ proferunt, emittunt
quædam blanda & dulcia, quibus contristati mens possit
ex benignitate refoueri. Ita peruersi quique, quia malum
non in lingua, sed sub lingua habent, sermonibus dulcia præte-
dunt, & cogitationibus peruersa moliuntur. Hinc est enim
quod Ioab Amasæ mentum dextera tenuit, sed sinistram ad
gladium latenter mittens, eius viscera effudit. Dextera quip-
pe mentum tenere, est quasi ex benignitate blandiri. Sed si-
nistram ad gladium mittit, qui latenter ex malitia percutit.
Hinc de ipso quoque eorum capite scriptum est: Sub lingua
eius labor & dolor. Qui enim non aperte mala quæ cogitat o-
stendit, laborem ac dolorem eorum, quorum mortem appet-
tit, non in lingua exerit, sed sub lingua premit. Bene autem
de hoc hypocrita subditur:

Quod peccatores abscondentes peccata sua, parant sibi: & quod scien-
tia legis de qua gloriantur, non viuificet eos: sed animam tanquam
venenum inficiat. Caput VI.

P Arcet illi, & non derelinquet illud, & celabit in gutture suo.)
Malo enim quod diligit parcat: quia non hoc in semet-
ipsum pœnitendo persequitur. Vnde & additur: *Non derelin-*
quet illud. Si enim vellet relinquere, nequaquam parceret:
quia persequeretur. Sed hoc celat in gutture, quia sic seruat
in cogitatione, vt nunquam proferat in voce. Sequitur: *Panis*
eius in vtero illius, vertetur in fel aspidum intrinsecus. Quod panis
in vtero, hoc est satietas temporalis delectationis in mente.
Satiatur ergo nunc hypocrita illata laude, delectetur hono-
ribus, panis eius in vtero illius vertetur in fel aspidum intrin-
secus: quia satietas transitoria delectationis, in retributionis
fine ad amaritudinem vertetur, & fel aspidum, id est, mali-
gnorum spirituum, persuasio fuisse cognoscitur: quod hīc
laus gloriæ esse credebatur. Tunc enim iniqui vident quod
antiqui serpentis veneno infecti sunt, dum flammis vtrici-
bus traditi, cum eodem suo persuasore cruciantur. Panis ita-
que iste aliud in ore sapit, sed aliud in vtero: quia transitoria
delectationis lætitia dulcis est, cum hīc quasi mandendo agi-
tur: sed amarescit in vtero: quia perfecta lætitia deglutitur ad
pœnam. Vel certè quia panis, scripturæ sacræ intelligentia
non inconuenienter accipitur, quæ mentem reficit, eique
boni operis vires præbet, & plerunque hypocrita etiam sa-
cri eloquij erudiri mysteriis studet: non tamen vt ex eisdem
viuat, sed vt cæteris hominibus quā sit doctus appareat,
panis eius in vtero illius in fel aspidum intrinsecus vertetur,
quia dum de sacræ legis scientia gloriatur, vitæ potum con-
uertit sibi in veneni populum, & inde reprobis moritur, vn-
de ad vitam erudiri videbatur. Neque hoc autem inconue-
nienter accipitur, quod nonnunquam hypocrita, dum do-
ctrinæ verbo ad ostensionem studet, diuino iudicio cecatus,
hoc ipsum verbum prauè intelligit, quod malē quærit. Cum
in errorem hæreseos labitur, contingit ei, vt sicut de felle a-
spidum, sic infelix de pane moriatur: & in doctrina sua mor-
tem inuenit, quia in verbis vitæ vitam minimē quæsiuit. Sæ-
pe verò euenit, vt diuinæ admonitionis eloquia, etiam si re-
ctè hypocrita intelligat: quia in opere nequaquam seruat,
hæc etiam prius quā præsentis vitæ cursum finiat, amittat:
vt perdat scire, quod sciendo noluit agere. Vnde & subdi-
tur:

Quod hypocrita in reprobum sensum iussu traduntur: & quia contem-
nunt finem, quæ dicunt, ad vltimum nec dicunt, nec faciunt.

Caput VII.

D Initias quas deuorauit, euomet: & de ventre illius extrahet eas
Deus.) Vult hypocrita scire diuina eloquia, nec tamen
facere. Vult doctè loqui, nec viuere. Pro eo ergo quod non
agit quæ nouit, etiā hoc quod nouit amittit: vt quia sciētie suæ
purā operationē nō sociat, contēpta puritate boni operis, &
scientiam perdit. Diuitias igitur sacræ legis quas legendo de-
uorauit, obliuiscendo euomit, easque de ventre illius Deus ex-
trahit: quia quod obseruare noluit, iusto iudicio de ei⁹ memo-
ria euellit: ne præcepta Dei saltē in lingua teneat, quæ nō ser-
uauit in vita. Vnde per Prophetā dicitur: Peccatori autem di-
xit Deus, Quare tu enarras iustitias meas, & assumis testamētū
meum.

Sapient. 1.
Psalm. 33.

2. Reg. 3.

Psalm. 9.

6.

Psalm. 11.

Canti. 4.

Psalm. 49.

meum per os tuum? Quæ etiam verba doctrinæ si quando contingat, vt hypocrita vsque ad finem videatur in ore retinere, inde magis damnabitur, vnde bono Dei munere etiam malus minimè priuatur. Scriptum quippe est: Memoria retinentibus mandata eius, vt faciant ea. Qui ergo mandata illius memoria retinet, sed nequaquam facit, hic in doctrinæ verbis sententias quibus damnetur, tenet.

Quid sit quod Zacharias volumen volans vidit, cuius longitudo viginti cubitorum, & latitudo decem cubitorum erat.

Caput VIII.

Hinc quippe in Zacharia scriptum est: Quid tu vides Zacharia? Et dixi: Ego video volumen volans, longitudo eius viginti cubitorum, & latitudo eius decem cubitorum. Et dixit ad me: Hæc est maledictio quæ egredietur super faciem vniuersæ terræ: quia omnis fur, sicut ibi scriptum est, iudicabitur. Quid nanque est volumen volans, nisi scriptura sacra? Quæ dum de cœlestibus loquitur, ad superiora mentis nostræ leuat intentionem, quia dum illam super nos esse aspicimus, ima attendere, id est, concupiscere deuitamus.

Quæ latitudinem decem cubitorum, longitudinem verò viginti habere perhibetur: quia latitudo operationis nostræ simpla est, & longanimitas spei in duplum tenditur, quoniam pro bono nostro opere, & hæc nobis mentis requies, & illic gaudia æterna præparantur, veritate attestante, quæ ait: Si quis reliquerit domum, aut agros, &c. centuplum in hoc seculo recipiet, & in futuro vitam æternam possidebit. Centenarius quippe numerus decuplicato denario fit perfectus. Hic itaque centuplum recipit, qui etsi nihil habuerit, ipsa tamen perfectione mentis iam in hoc seculo habere nihil quærit. Quia ergo per hanc duplum nobis pro simplo redditur, rectè hoc volumen per viginti cubitos in longum tenditur, quod per decem dilatatur. Sed quia hæc ipsa sacra eloquia ad æternam damnationem sunt eis, qui illa vel scire nolunt, vel certè sciendo contemnunt, rectè de hoc volumine dicitur: Hæc est maledictio quæ egredietur super faciem vniuersæ terræ. Et cur maledictio dicatur adiungit: quia omnis fur, sicut ibi scriptum est, iudicabitur. Hypocrita igitur, quia secundum verba legis quæ nouit, viuere contemnit, & de doctrina fauores quærit, fur iudicabitur: quia per hoc quod iusta loquitur, laudem sibi vitæ iustorum rapit. De quo adhuc bene subditur:

Quod qui suggestionē diaboli, quasi leniter ab iniurio suadentis libenter accipit, postmodum captus veneno tentationis violentæ necatur.

Caput IX.

Caput aspidum sugit, & occidet eum lingua viperæ. Aspis paruos est serpens, vipera verò prolixioris est corporis: & aspides oua gignunt, atque ex ouis eorum filij procreantur: viperæ autem cum conceperint, filij earum in ventre sætiunt, qui ruptis lateribus matrum ex earum ventribus procedunt. Vnde & vipera, eo quod vi pariat, nominatur. Vipera itaque sic nascitur vt violenter exeat, & cum matris suæ extinctione producat. Quid ergo per aspides paruos, nisi latentes suggestiones immundorum spirituum figurantur, qui cordibus hominum parua prius persuasione surrepunt? Quid verò per linguam viperæ, nisi violenta diaboli tentatio designatur? Prius enim leniter surrepit: postmodum verò etiam violenter trahit. Caput itaque aspidum fugit: quia initium suggestionis occultæ paruum prius in corde nascitur, sed occidet eum lingua viperæ: quia postmodum capta mens veneno violentæ tentationis necatur. Primum subtilibus consiliis ad cor hominis immundi spiritus loquuntur, qui dum leniter persuadent, quasi venenum aspidum fundunt. Vnde scriptum est: Oua aspidum ruperunt, & telas aranæ texerunt. Qui comederit de ouis eorum, morietur: & quod confotum est, erumpet in regulum. Oua quippe aspidum prauis hominibus rumpere, est malignorum spirituum consilia, quæ in eorum cordibus latent, peruersis operibus aperire. Telas quoque aranæ texere, est pro huius mundi concupiscentia, temporalia quælibet operari. Quæ dum nulla stabilitate solidata sunt, ea proculdubio ventus vitæ mortalis rapit. Bene autè additur: Qui comederit de ouis eorum, morietur, quia qui immundorum spiri-

Tomus primus.

tuum consilia recipit, vitam in se animæ occidit. Et quod confotum est, erumpet in regulum: quia consilium maligni spiritus quod corde tegitur, ad plenam iniquitatem nutritur. Regulus nanque serpentum rex dicitur. Quis verò reprobum caput est, nisi antichristus? Quod ergo confotum fuerit, erumpet in regulum, quia is qui in se enutrienda aspidis consilia recipit, membrum iniqui capitis factus, in corpus antichristi accrescit. De hoc itaque hypocrita dicitur: Caput aspidum sugit, & occidet eum lingua viperæ, quia cum iniquam suggestionem antiqui hostis libenter suscipit, violentis se postmodum eius tentationibus deuictus tradit. Vnde & in paradiso quoque, stanti homini verba blandæ persuasionis intulit: sed quem semel rapuit ad consensum, iam nunc etiam renitentem trahit, & corruptionis suæ delectationibus deuictum, penè violenter interficit. Sed fortasse hæc ipsa intelligere etiam per contrariam interpretationem valeamus. Nam quia veneno suo aspis concitè, vipera autem tardius occidit, per aspidem violenta & subita, per viperam verò lenis & diuturna tentatio designatur. Vnde & illi mors in suctione capitis, viperæ autem in lingua esse perhibetur: quia repentina tentatio sæpe inopinatam mentem mox vt fugit interficit, longa verò tentatio: quia praua diutius persuadendo suggerit, velut ex lingua viperæ, occidit. Et quia omnis hypocrita immundorum suggestionem spirituum, quasi serpentum veneno, penetratus, quæ sunt superna sancti spiritus dona, nequaquam considerat, dum intentionem cordis in exterioribus fauoribus diulgat, rectè subiungitur:

Quod per mel dulcedo diuinitatis, per butyrum dulcedo misericordie, quæ Christus Deus & homo nobis ostendit, non incongruè accipitur.

Caput X.

Non videat riuiulos fluminis torrentis mellis & butyri. In Euangelio Dominus dicit: Qui credit in me, sicut dicit scriptura, flumina de ventre eius fluent aquæ viuæ. Vbi Euangelista subiungit, dicens: Hoc autem dixit de spiritu quem accipienturi erant, credentes in eum. Riuiuli ergo sunt fluminis, dona spiritus sancti. Riuiulus est fluminis charitas, riuiulus est fluminis fides, riuiulus est fluminis spes. Sed quoniam omnis hypocrita, nec Deum, nec proximum diligit, cum transitoriam mundi gloriam quærit, riuiulos fluminis non videt, quia irrigatione non infunditur charitatis. Hypocrita dum præsentia lucra quærit, munera futura despicit, & fidem non habens, riuiulum fluminis mente non videt, quia est fides, rerum argumentum non apparentium. Et dum retinet hypocrita quæ videntur, spem negligit eorum quæ non videntur. Riuiulū ergo fluminis per desiderium non videt: quia solis visibilibus intendit. Et scriptū est: Quod enim videt quis, quid sperat? Riuiulos ergo fluminis vidisset, si a præsentis mundi gloria oculos clauderet, eosque ad cœlestis patriæ amorem aperiret. Et notandum quod non riuios, sed riuiulos dicit. Accipi enim riuiuli fluminis possunt ea dona spiritualia, quæ in amantis mentem ita de cœlestibus subtiliter currunt, vt per os carnis expleri non possint. Sæpe nanque amantis animus tanto contemplationis munere repletur, vt videre valeat, quod loqui non valet. Fluminis autem torrens, est ipsa inundatio spiritus sancti, quæ in contemplantis animum exuberanti infusione colligitur, cum mens plusquam intelligere sufficit, repletur. Et sciendum quia cum nos spiritus sancti gratia infundit, melle nos pariter & butyro replet. Mel enim desuper cadit, butyrum verò ex animalium lacte colligitur. Mel itaque ex aëre, butyrum verò ex carne est. Summi autè patris vnigenitus, cum sit Deus super omnia, homo est factus inter omnia. Qui cum nos dulcedine diuinitatis suæ, & mysterio incarnationis repleuit, melle nos pariter & butyro satiauit. Quia ergo spiritus Christi mentem quam repleuerit, & diuinitatis eius dulcedine, & incarnationis fide letificat: isti riuiuli torrentis fluminis mellis simul & butyri esse memorantur, quia & de cognitione Dei alta mentem suauitate reficiunt, & de incarnationis gratia charismatis hanc mysterio perungunt. Sed iste hypocrita quia in exterioribus fauoribus fusus, hæc interna dona non percipit, ad quæ post supplicia tendat, adiungit, cum subditur:

Quod peccatores in morte ideo non consumuntur, vt semper supersit in eis quod consumatur.

Caput XI.

m iij

L *Vet quæ fecit omnia, nec tamen consumetur.*) Persoluit enim in tormento ea quæ hic illicita seruauit desideria, & flammis vlticibus traditus, semper moritur, quia semper in morte seruatur. Non enim in morte consumitur: quia si consumetur vita morientis, cum vita etiam pœna finiretur. Sed ut sine fine crucietur, viuere sine fine in pœna compellitur, ut cuius vita hic mortua fuit in culpa, illic eius mors viuat in pœna. Dicat ergo: *Luct quæ fecit omnia, nec tamen consumetur.*) quia cruciatur, & non exstinguitur: moritur, & viuunt: deficit, & subsistit: finitur semper, & sine fine est. Hæc solo auditu valde sunt terribilia, quanto magis passione? Sed quia multitudo iniquitatis eius exigit, ut carere suppliciis nūquam possit, aptè subiungitur: *Iuxta multitudinem adinventionum suarum, sic & sustinebit.*) Qui enim multa inuenit ad culpam, nouis inuentionibus cruciatur in pœna. Nam quod hic suspicari non potuit, hoc illic vltioni traditus sentit. Sicut enim exercitati in bonis operibus electi nonnunquam plus student agere, quàm eis dignatus est Dominus iubere: carnis enim virginitas nequaquam iussa est, sed tantummodo laudata: nam si illa iuberetur, nimirum coniugium iam culpa crederetur: & tamen multi virtute virginitatis pollent, ut videlicet plus impendant obsequio, quàm acceperunt præcepto: sic plerunque peruersi quique in prauis actibus exercentur, ut plus inueniant in peruersa operatione quod faciant, quàm ex usu reproborum iniquitatis accipere exempla potuerunt. Vnde & amplioris retributionis tormento feriuntur, quia & ipsi ex semetipsis amplius actiones prauas, de quibus feriri debeant, inuenerunt. Bene itaque dicitur:

Quod licet omnium damnatorum immania sint tormenta, grauius tamen puniuntur adinuentes malorum, qui studio malignitatis castigati ex se excogitant, quorum exempla in aliis reprobis inueniunt.
Capit. XII.

10.

I *Vt multa multitudinem adinventionum suarum, sic & sustinebit.*) Non enim inueniret iniquitatem nouam, nisi & quæreret: & nō quæreret, nisi ex studio perpetrare festinaret. Pensatur ergo in tormento eius nimietas malæ cogitationis: & dolorem recipit dignæ retributionis. Et quauis damnatorum omnium sit dolor infinitus, grauiora tamen tormenta recipiunt, qui multa in iniquitatibus, ex suis quoque desideriis inuenerunt. Sed quia Sophar huius hypocritæ intulit pœnam, protinus adiungit culpam, nec vnam quamlibet narrat, sed eam de qua omnes oriunt. Scriptum quippe est: Radix omnium malorum est cupiditas. † Cui ergo cupiditas daminari dicitur, subiectus proculdubio malis omnibus demonstratur. Nam subiungit: *Quoniam confingens nudauit pauperis domum, rapuit & non ædificauit eam, nec est satiatus venter eius.*) Domum pauperis confringit & nudat, qui eum quem per potentiam conterit, spoliare quoque per auaritiam non erubescit. Rapit eam, & non ædificat. Ac si apertè diceretur: Qui hanc ædificare debuit, insuper rapit. Veturus nāque in iudicio Dominus dicturus est reprobis: Esuriui, & non dedistis mihi manducare: sitiui, & non dedistis mihi potum: hospes eram, & non collegistis me: nudus, & non operuistis me, & cætera. Ex qua culpa subiungitur: Discedite à me maledicti in ignem æternum, qui paratus est diabolo & angelis eius. Si igitur tanta pœna mulctatur, qui non dedisse sua conuincitur, qua pœna ferendus est, qui redarguitur aliena abstulisse? Rapuit ergo & non ædificauit eam, quia non solum de suo nil tribuit, sed etiam quod erat alienum, tulit. Bene autem subditur: *Nec est satiatus venter eius.*) Venter quippe iniqui auaritia est, quia in ipso colligitur, quicquid peruerso desiderio glutitur. Liqueat verò quia auaritia desideratis rebus non exstinguitur, sed augetur. Nam more ignis cum ligna quæ consumat acceperit, facrescit: & vnde videtur ad momentum flamma comprimi, inde paulò post cernitur dilatari. Et sæpe omnipotens Deus cum auaræ menti vehementer irascitur: prius ei permittit ad votum cuncta suppetere, & postea per vltionem subtrahit, ut pro eis debeat supplicia æterna tolerare. Vnde & subditur: Et cum habuerit quæ concupierat, possidere non poterit. Maioris quippe iracundiæ est, cum hoc tribuitur quod malè desideratur, atque inde repentina vltio sequitur: quia hoc quoque obtinuit, quod Deo irascente concupiuit. Vnde &

E per Psalmistam dicitur, cum escam carnis malè populus desiderasse perhibetur: Adhuc esca eorū erat in ore ipsorum, & ira Dei ascendit super eos, & occidit plurimos eorum. Solent nanque tardius apparere diuina iudicia, cum præpediuntur, ne impleri debeant mala vota. Nō quātō citius malū votū impleri permittitur, plerunque tantō celerius punitur. Vnde ergo hypocrita festinè multiplicatur ut potens sit, inde agitur cum celeritate ne sit: quia & arbuta quæ tardius crescunt, annosa perdurant: & quæ in temporis breuitate proficiunt, celerius arescunt: & quasi cum festinant esse, tendunt ad non esse. Sequitur: *Remansit de cibo eius.*) Cibus eius, est omne hoc quod peruerso desiderio concupiuit. Sed percusso hypocrita, de cibo suo nil remanet, quia cum ipse ad æterna supplicia ducitur à cunctis bonis quæ hic possederat, alienatur. Vnde adhuc subditur: *Propterea nihil permanebit de bonis eius.*) Si enim de bonis suis ei aliquid permaneret, secum quæ habuerat, tolleretur. Sed quia omnia ambiens, timere iudicem noluit, ex hac vita subtractus, ad iudicem nudus vadit. Cui tamen iniquo ad retributionem minus est, quod in subsequenti pœna cruciatur, si in hac saltem vita liber esse permittitur. Sed nulla est libertas in culpa, quia scriptum est: Vbi spiritus Domini, ibi libertas. Et plerunque peruersæ mentis, ipsa sua culpa fit pœna. Vnde & rectè subiungitur:

Quod auaritia ex copia non exstinguitur, sed augetur: & quod ea quæ auaris Deus ad tempus habere permittit, postmodum subtrahit, ut iam hac vltio incipiat à viuis, quæ perficitur in mortuis.

Capit. XIII.

C *Um satiatus fuerit, ardebitur.*) Prius quippe anhelat per auaritiam concupita congregare. Et cum quasi in quodā ventre auaritiæ multa cōgesserit, satiatus ardeatur: quia dum anxietur qualiter acquisita custodiat, ipsa eum sua satietas angustat. Diuitis enim cuiusdam vberes fructus ager attulerat, sed quia ubi eos tātos reponeret non habebat, dixit: Quid faciam, quia non habeo quod congregem fructus meos? Et dixit: Hæc faciam. Destruam horrea mea, & maiora ædificabo. Qui ergo ex abundantia coangustatus dicebat: Quid faciā, quasi multo cibo pressus æstuabat. Pensamus quot votis appetiit, ut vberes fructus ager illius afferret. Ecce autem vota completa sunt, quia fructus vberes ager attulerat. Sed quia ad recondendum loca non sufficiunt, multiplicatus diues quid faciat ignorat. O angustia ex satietate nata. De vbertate agri, angustatur animus avari. Dicens nanque, Quid faciam, profectō indicat, quia votorum suorum affectibus pressus, sub quodā rerum fasce laborabat. Bene ergo dicitur: *Cum satiatus fuerit, ardebitur.*) quia mens avari quæ prius ex abundantia requiem quæsierat, post ad custodiam grauius laborabat. Vnde hic quoque adhuc subditur: *Æstuabit, & omnis dolor irruet in eum.*) Prius nāque dolorem habuit in ipsa suæ cōcupiscentiæ fatigatione, qualiter concupita raperet, quomodo alia blandimentis, alia terroribus auferret: at postquam acquisitis rebus peruenit ad desiderium, alius hunc dolor fatigat, ut cū sollicito timore custodiat, quod cum graui labore meminit acquisitum. Hinc inde insidiatores metuit, atque se hoc perpeti quod ipse fecit aliis, pertimescit. Formidat t̄ potentiorē alterum, ne hunc sustineat violentum: pauperem verò cum conspicit, suspicatur furem. Ipsa quoque quæ congesta sunt, curat magnopere ne ex naturæ propriæ defectu per negligentiam consumantur. In his itaque omnibus, quia timor ipse pœna est, tanta infelix patitur, quanta pati timet. Post hoc quoque ad gehennam ducitur, & æternis cruciatibus mancipatur. Omnis ergo dolor super eum irruit, quem & hic prius pœna concupiscentiæ, postmodum verò cura custodiæ, & illic quandoque pœna vltionis cremat. Mira autem est securitas cordis, aliena non quærere: sed vniuscuiusque diei victu contentum manere. Ex qua videlicet securitate etiam perennis requies nascitur, quia à bona & tranquilla cogitatione ad gaudia æterna transitur. Quo contrā reprobi, & hic fatigantur in desideriis, & illic in tormentis, eisque de labore cogitationis, labor doloris nascitur, dum ab æstu auaritiæ trahuntur ad ignem gehennæ. Et quia, ut supra iam diximus, sæpe peruersus quisque quantō citius peruenit ad desiderium, tantō facilius rapitur ad tormentum, optando subiungitur:

1. Tim. 6.
† al. Cum.

Matth. 25.

† al. excref-
cit.Psalm. 77.
Num. 16.

11.

2. Cor. 3.

Luc. 12.

† al. potior
rem. vel pot.
nore.Omnis do-
lor super a-
uaritiam ir-
ruit.

12.

Bellum Deo
pluere.

subiungitur: *Vtinam impleatur venter eius, ut emitat in eum iram su-*
roris sui, & pluat super illum bellum suum.) Super hunc hypocri-
 tam bellum suum Dominus pluit, cum iudiciorum suorum
 gladiis eius opera percutit. Bellum nanque Deo pluere, est
 iniqui vitam districtis sententiis desuper ad interitum verge-
 re. Bellum Deo pluere, est superbientia contra se corda per-
 cutere, & mentem aridam quasi quibusdam guttis pluuiæ
 densescens, iudiciorum suorum iaculis ferire: ut cum iam
 ad iudicium rapitur, modo meminerit, quia malè concupiuit,
 & concupita peius congregare studuit, modo doleat, quòd
 congregata deferit, quadoque autem & ultionis ignem sen-
 tiat, quem ne bene viueret, prauiderè còtempnit. Sequitur:
Quòd qui præsentes necessitates, quas sunt quasi arma ferrea mouentes,
multa per auaritiā rapiunt, arcum aeneum diuinæ ultionis incur-
runt.

Caput XIII.

Psal. 104.

Iniquus su-
giens arma,
irruit in ar-
cem.

Fugiet arma ferrea, & irruet in arcum arcum) Sciendum quòd
 auaritia aliquando per elationem surrepit, aliquando ve-
 rò per timorem. Sunt nanque nonnulli qui dum potiores vi-
 deri appetunt, ad alienarum rerum ambitum succeduntur.
 Et sunt nonnulli qui dum sibi subsidiorum necessaria deesse
 timent, mentem ad auaritiā relaxant, & aliena ambiunt, cū
 sua sibi sufficere non posse suspicantur. Omnis verò necessi-
 tas non incongruè ferrum vocatur, quia vitam inopis mero-
 ris vulnere cruciat, sicut de eius quoque necessitatibus scri-
 ptum est, qui à fratribus venditus afflictam vitam ducebat:
 Ferrum petransiuit animam eius. Quid ergo sunt arma fer-
 rea, nisi necessitates vitæ præsentes, quæ duræ premunt, &
 vitam inopis insequuntur? Ferrum quippe ærugo consumit,
 æs autem consumere difficilior solet. Ferro ergo necessitas
 præsens quæ transitoria est: æs autem sententia æterna figu-
 ratur. Et quia iudicium supernum ab iniqui mente non
 attenditur, iuste arcui comparatur, quoniam velut ex insidiis
 percutit, dum illud is qui percutitur, non attendit. Fugiet er-
 go arma ferrea, & irruet in arcum æreum, quia dum præsentes
 necessitates metuens, multa per auaritiā rapit, extremi iudicii
 districtis se percussionebus antepōnit. Et cum fugit arma
 ferrea, ab arcu ærei sagittis inuenitur: quia mala temporalia
 stultè præcauens, sententia æterna percutitur. Qui enim hîc
 inopiæ duritiā cum culpa fugit: illic perpetuitatem iustæ
 ultionis inuenit. Sed priusquam ad iudicium rapiatur, ad-
 huc quæ iniquus iste hîc operetur, insinuat. Sequitur:
Quòd qui diabolo tentanti consentit, de vagina cogitationis educitur per
suggerentem, & viro egreditur per liberam voluntatem.

Caput XV.

Eductus & egrediens de vagina sua, & fulgurans in amaritudi-
ne sua.) Iniquus iste, insidiatur deprædationibus proxi-
 morum, sed dum praua in cogitatione machinatur, quasi ad-
 huc gladius in vagina est: dum verò malum quòd cogitauit,
 iniquè perficit, de vagina sua egreditur: quia de occultatione
 cogitationis suæ per iniquitatem malæ operationis aperitur.
 Ostenditur in opere, qualis latuit in cogitatione. Et notan-
 dum quòd ait: *Eductus & egrediens de vagina sua: eductus*
scilicet per seductorem, egrediens verò per propriam volun-
tatem. Nam is qui ducitur, ducentem proculdubio sequitur:
 qui autem egreditur, secundum suam pergere voluntatem vi-
 detur. Qui ergo ad mala quæque opera, & ab antiquo hoste
 trahitur, & tamen suo libero arbitrio in eorum desideriis o-
 bligatur, de vagina sua eductus, & egrediens dicitur, quoniā
 hoc quòd ex praua cogitatione exit ad pessimam operatio-
 nem, & illius est spiritus qui suggessit, & eius nequitia qui
 ex propria voluntate consensit. Cuius adhuc potentia terror
 ostenditur, cum protinus subinfertur: *Et fulgurans in amaritu-*
dine sua.) Fulgur quippe cum repente desuper venit, cū terro-
 re ante oculos clarescit, claritatē ostendit, & anteposita per-
 cutit. Sic hic videlicet iniquus cum gloriam vitæ præsents af-
 sumperit, vnde in hoc mundo per potentiam clarus osten-
 ditur, inde agitur, ut in ultimo feriat. Quasi fulgurare ini-
 qui est in huius vitæ honore clarescere. Sed quia splendor
 gloriæ illius æternis gehennæ suppliciis mancipatur, rectè
 nunc dicitur: *Fulgurans in amaritudine sua.*) Qui enim modò
 quasi ex terrore, & claritate feriens gaudet, inde post suppli-
 cia in perpetuū sustinet. Et quidem de quodam diuite scri-
 ptum est: quia epulabatur quotidie splendide. Sed aliud est

Tomus primus.

Lucæ 16.

A splendere, atque aliud fulgurare. Nonnunquam quippe splen-
 dor siue percussione est, fulguris verò nomine splendor ex-
 primitur cum percussione. Qui itaque in potestate positus a-
 liis nocet, non incongruè fulgurans dicitur: quia vnde ipse
 contra bonos quasi ex lucē gloriæ extollitur, inde bonorum
 vita cruciatur. Sequitur:

Quòd horribiles diaboli dicuntur, qui vadunt & veniunt,
dum vitia vitis occurrentia, adinuicem sibi
in corde captiuo succedunt.

Caput XVI.

V *Adent & venient super eum horribiles.*) Qui hoc loco horri-
 biles, nisi maligni spiritus appellātur, bonis videlicet mè-
 tibus pauendi atque fugiendi? Et quia iidem maligni spiritus
 certis quibusque vitiis singuli obsequi sunt credēdi: cum per-
 uersus iste alia quidem vitia ad momentum deferere videtur,
 sed alia agere incipit, super hunc profectò horribiles vadunt
 & veniunt: quia peruersi mentem, etsi alia mala deferunt, alia
 occupant. Sæpe nanque videas iniquum in terrena potestate
 constitutū, graui furore commoueri, quicquid ita suggesserit
 exequi: & cum furor abscesserit, mox eius mētem luxuria de-
 uastat: cum luxuria ad tempus intermittitur, elatio protinus
 quasi de continentia in eius cogitatione subrogatur, atque ut
 à cæteris timeatur, appetit videri terribilis. Sed cum res exigit,
 ut loqui quid humiliter debeat, quasi postposito terrore su-
 perbiæ, remissa locutione blanditur, & cum superbus videri
 defierit, duplex effici non pertimescit. In cuius ergo mentem
 vitia vitis succedunt, rectè de eo dicitur: *Vadent & venient*
super eum horribiles: quia quòt vitis decedentibus & succe-
dentibus premitur, tot malignis spiritibus eius animus quasi
euntibus ac redeuntibus deuastatur. Sed hæc quæ agit, extrin-
 secus per partes prodeunt: nam menti eius simul omnia mala
 colligantur. Vnde & subditur: *Omnes tenebra abscondita sunt in*
occulis eius.) Quāuis enim hypocrita actiones bonas in super-
 ficie ostendat, quædam tamē in eo malorum operum tenebræ
 apparent, sed tamen minus prodit in opere, quàm in eius latet
 cogitatione. Nam qui cuncta simul in effectu non explet, cun-
 cta quæ nō ceant, in mente tacitus tenet. Omnes ergo tenebræ
 in occultis eius absconditæ dicuntur, quia etsi in se mala om-
 nia non ostendit, omnia tamen inferre proximis appetit.

Quòd ab ipsa mundi origine ignis gehennæ creatus est, in quo qui
in carne, & anima peccauerunt, in viroque ardebunt.

Caput XVII.

Sed mens ista sic reproba qua ultione sit ferienda, subiun-
 git. Sequitur: *Deuorabit eum ignis qui non succendetur.*) Miro
 valde modo paucis verbis expressus est ignis gehennæ. Ignis
 nanque corporeus, ut esse ignis valeat, corporeis indiget fo-
 mentis. Qui cum necesse est ut seruetur, per congesta ligna
 proculdubio nutritur: nec valet nisi succūs esse, & nisi refo-
 tus subsistere. At contra gehennæ ignis cum sit incorporeus,
 & in se missos reprobos corporaliter exurat, nec studio huma-
 no succeditur, nec lignis nutritur: sed creatus semel durat in-
 extingibilis, & succensione non indiget, & ardore nō caret.
 Bene ergo de hoc iniquo dicitur: *Deuorabit eum ignis, qui nō*
succedetur: quia omnipotētis iustitia futurorū præscia, ab ipsa
mundi origine gehennæ ignem creauit, qui in pœna reprobo-
rum esse semel inciperet: sed ardorem suum etiam sine lignis
nunquam finiret. Sciendum verò est quòd omnes reprobi,
 quia ex anima simul & carne peccauerunt, illic in anima pari-
 ter, & carne cruciantur. Vnde per Psalmistam dicitur: *Pones*
eos ut clibanum ignis, in tempore vultus tui: Dominus in ira
sua conturbabit eos, & deuorabit eos ignis. Clibanus nanque
 intrinsecus ardet, is verò qui ab igne deuoratur, ab exteriori
 incipit parte concremari. Ut ergo sacra eloquia, ardere & ex-
 terius, & interius reprobos demonstrarent, eos & ab igne de-
 uorari, & sicut clibanum poni testatur, ut per ignem crucien-
 tur in corpore, & per dolorem ardeant in mente. Vnde hîc
 quoque cum de hoc impio diceretur: *Deuorabit eum ignis qui*
non succendetur: protinus de eius spiritu additur:

Quòd amatores huius vitæ, & hîc de corpore nolentes educuntur,
& in inferno in corpore tenentur inniti.

Caput XVIII.

Affligetur relictus in tabernaculo suo.) Iniqui enim tabernacu-
 lum caro est, quia ipsam lætus inhabitat, & si sit possibi-

m iij

Psal. 20.

le, optat ut eam nunquam relinquat. Iusti verò quia gaudium suum in spe cœlestium ponunt, eorumque cōuersatio in cœlis est, cum adhuc in carne sunt, quasi in carne iam non sunt: quia nulla carnis delectatione pascuntur. Vnde & quibusdā dicitur: Vos autem non estis in carne, sed in spiritu. Neque enim in carne non erant, qui per magistri epistolas exhortationis eloquia suscipiebant: sed quasi iam non in carne esse, est de amore carnalium nihil habere. At contrā iniquus iste, quia omne gaudium suum in carnali vita posuit, in tabernaculo carnis habitauit. Quam videlicet carnem cum in resurrectione receperit, cum ea gehennæ igni traditus ardebit. Tunc ab ea educi appetit: tunc eius tormenta euadere, si valeat, querit: tunc incipit velle vitare quod amauit. Sed quia eandem carnem Deo prapōsuit, iudicāte Deo agitur, ut ex ea amplius in igne crucietur. Hic itaque eam relinquere non vult, & tamen ab ea abstrahitur: illic eam relinquere appetit, & tamen in ea propter supplicia seruatur. Ad augmentum itaque tormenti, & hic de corpore nolens educitur, & illic in corpore tenetur inuitus. Quia ergo eius spiritus carnem quā sibi malè amando prapōsuit, euadere in tormento vult & non valet: rectè nunc dicitur: *Affligetur relictus in tabernaculo suo.* De cuius accusatione mox dicitur:

Quod hypocritarum mala quæ modò videntur abscondita, & angelis, & hominibus in fine patebunt.

Caput XIX.

15.

Reuclabunt cœli iniquitatem eius, & terra cōsurgit aduersus eum.) Quid per cœlos, nisi iustos; & quid per terram, nisi peccatores accipimus? Vnde & in dominica oratione petimus: Fiat voluntas tua sicut in cœlo & in terra: ut videlicet voluntas nostri conditoris sicut in omnibus iustis perficitur, ita & in omnibus quoque peccatoribus impleatur. De iustis quoque scriptum est: Cœli enarrāt gloriam Dei. Et peccanti homini sententia infertur, quia dicitur: Terra es, & in terram ibis. Huius itaque impij ad illud terribile iudicium deducti, reuelant cœli iniquitatem, & terra cōsurgit aduersus eum, ut qui hic nec bonis vnquam, nec malis pepercit, in illo eum tremendo examine, & iustorum vita, & peccatorum pariter accuset. Et grauius quidem est, si quid iustis potius quàm peccatoribus noceat. Vnde & per Prophetā dicitur: Sanguis eius in medio eius est, super limpidissimā petram effudit illum, nō effudit illum super terram, ut possit operiri puluere. Per terram videlicet, & puluerem peccatores, per petram verò limpidissimam iustum signans, qui grauibus, peccatorū contagiis non exasperatur. Sanguis ergo super limpidissimā petram effunditur, quando malitia cruentę mētis in afflictione iustę animę grassatur. Cum ergo sit grauius iustos, quàm iniuste iniustos affligere, multò tamen est grauius, & iustis pariter, & iniustis nocere. Quia ergo hic iniquus, & iustis pariter nocuit & iniustis, in accusatione condēnationis reuelabunt cœli iniquitatē eius, & terra cōsurgit aduersus eū, quia & illis obstitit, qui cœlestia, & eos presit, qui ima sapuerunt. Possunt verò per terram non solum peccatores & reprobi, sed & hi qui terrenis actibus occupati, eleemosynarū & lachrymarum ope ad æternam vitam perueniunt, designari: de quibus per Psalmistā dicitur, cum venire Dominus ad iudicium nuntiaretur: Aduocauit cœlos sursum & terrā, ut discerneret populum suum. Cœlos quippe sursum aduocat, cum hi qui sua omnia relinquentes, cōuersationē cœlestis vitæ tenuerunt, ad cōsedendū in iudicio vocantur, atque cū eo iudices veniunt. Terra etiam sursum vocatur, cum hi qui terrenis actibus obligati fuerant, in eis tamen plus cœlestia quàm terrena lucra quæsierunt, quibus dicitur: Hospes eram, & collegistis me: nudus, & operuistis me. Hypocritæ itaque huius, cœli iniquitatem reuelant, atque aduersus eum terra cōsurgit: dum & hi qui cum Deo iudices veniunt, & hi qui per iudicium liberantur, prauitatis illius testes existunt. Nihil ergo de his quæ egit, in tempore damnationis eius absconditur, & si quidem acta illius modo hominibus per duplicitem multa celantur: sed in damnationis die quicquid in eo intrinsecus latebat, ostenditur. Vnde aptè subiungitur: *Apertum erit germen domus illius, detrahatur in die furoris Dei.* Tunc germen domus illius aperitur, cum omne malum quod in con-

scientia illius nascebatur, ostenditur. Modò quippe germen domus hypocritæ manet occultum, quia etsi bona in imagine apparet eius operatio, sed later intentio. Aliud est nanque quod agit, aliud quod intendit. Sed cum adueniente iudice, vniuscuiusque conscientia ad testimonium fuerit deducta. Vnde scriptum est: Cogitationibus accusantibus, aut etiam defendentibus: in hoc hypocritæ germen domus aperitur: quia in eius mente cogitatio peruersa detegitur. Et in die furoris Dei detrahatur: quia ostensa ira iudicis, flammis vlticibus traditus, ab eius conspectu separatur. Qui enim summa cogitare dum viueret noluit, peccatorum suorum pondere depressus, à facie iudicis in ima suppliciorum cadet. Nunc autem & peccantem considerat iudex & tolerat, atque ad conuersionem singulos, quia dies patientiæ, & necdum est dies furoris, expectat. Sed in hoc die patientiæ quasi immobilis manet hypocrita, dum & multa mala perpetrat, & hunc flagella nulla castigant. Sed in furoris die detrahetur, quia vindictæ tempore captus ad supplicia, ab interni iudicis vultu separatur. Sequitur:

Quod sancti partem suam non à Domino, sed ipsum Dominum accipiunt, peccatores verò quia extra Deum partem querunt, partem suam igne inueniunt.

Caput XX.

Hæc est pars hominis impij à Deo & hereditas verborum eius à Domino.) Si enim bene agere in hac positus vita voluisset, partem apud Dominum cœlestis regni consortium haberet. Sed quia prauis subdi desideriis elegit, partem suam à Domino in tormentis inuenit, quia eiusdem Domini participare gratiā non quæsiuit. Bene autē dicitur: *Et hereditas verborum eius à Domino.* Qui enim pro magnis malis in supplicium mergitur, fortasse credebatur quod pro verbis quæ malè dixerat, minimè iudicaretur. Sed cum districta Dei omnipotentis iustitia supplicium à reprobis pro peruersis actibus exigit, eis mala vsque ad verborum retributionem reddit, ut qui de magnis malis debitores sunt, suppliciis traditi, etiam nouissimum quadrantem soluant. Illis enim minima parcuntur, qui maiora in se districtè mala defleuerunt. Nam quos magna premunt, etiam mala minima in gehenna pariter affligunt. Sancti autem viri non partem à Domino accipere, sed partem suam ipsum Dominum habere desiderant. Vnde Prophetā deprecatur, dicens: Portio mea Dominus. Iniquus verò quia portionem suam habere ipsum Dominum non quæsiuit, partem suam extra Dominum ignem inuenit, ut ab eius facie exclusus, quia gaudere in ipso non appetit, sub ipso crucietur. Hæc Sophar ita intulit, ut per ea, quæ contra hypocritam dixerat, beati Iob vitam feriret, existimans, quod is qui à Domino percussus esset, cuncta bona quæ egerat, mente simplici nō egisset. Quem enim percussum vidit, Deo displicuisse credidit. Sed amici beati Iob etiam in hac re hæreticorum speciem tenent, qui in sancta Ecclesia dum quosdam bene agentes, aspiciunt sub flagellis gemere, eos existimant bona merita in bonis actibus non habere: & malos credunt, quod affligi verbere diuino conspiciunt, videlicet nescientes, quia multæ tribulationes iustorum: & flagellat omne filium quem recipit. Sed beatus Iob more sanctæ & vniuersalis Ecclesiæ quæ à peruersis verborum iacula æquanimiter tolerat, & cum superbiorum dicta audit, humilitatis suæ tramitem non relinquit, cum magna cordis humilitate subiunxit, dicens:

Caput vigesimum primum textus beati Iob.



Respondens autem Iob, dixit: Audite quæso sermones meos: & agite poenitentiam: Sustinete me, ut ego loquar, & post mea, si videbitur, verba ridete. Nūquid contra hominem disputatio mea est, ut meritò non debeam contristari? Attendite me & obstupescite, & superponite digitum ori vestro. Et ego quando recordatus fuero, pertimesco: & concutit carnem meam tremor. Quare ergo impij ui-

uunt,

tunt, subleuati sunt, confortatique diuitiis? Semē eorum permanet coram eis: propinquorum turba & nepotum in conspectu eorum. Domus eorum securae sunt, & pacatae: & nō est virga Dei super illos. Bos eorū concepit, & non abortiuit: vacca peperit, & nō est priuata foetu suo. Egrediūtur quasi greges paruuli eorum, & infantes eorum exultant lufibus. Tenent tympanum & citharam, & gaudēt ad sonitum organi. Ducūt in bonis dies suos, & in puncto ad inferna descendunt. Qui dixerunt Deo: Recede à nobis, scientiam viarum tuarum nolumus. Quis est omnipotens vt seruamus ei? Et quid nobis prodest, si orauerimus illum? Verūtamen quia non sunt in manu eorum bona sua, consilium impiorum longē sit à me. Quoties lucerna impiorū extinguetur, & superueniet eis inundatio: & dolores diuidet furoris sui. Erunt sicut paleae ante faciem venti, & sicut fauilla quā turbo dispergit. Deus seruabit filiis illius dolorē patris, & cum reddiderit, tunc sciet. Videbūt oculi eius interfectionem suam, & de furore omnipotentis bibet. Quid enim ad Deum pertinet de domo sua post se? Et si numerus mensū eius dimidiatur: nūquid Deum docebit quispiam scientiam, qui excelsos iudicat? Iste moritur robustus & sanus, diues & foelix: viscera eius plena sunt adipe, & medullis ossa illius irrigantur. Alius verò moritur in amaritudine animae suae, absque vllis opibus: & tamen simul in puluere dormient, & vermes operient eos. Certē noui cogitationes vestras, & sententias cōtra me iniquas. Dicitis enim: Vbi est domus principis, & vbi tabernacula impiorum? Interrogate quemlibet de viatoribus, & hac eadem illum intelligere cognoscetis. Quia in diē perditionis seruatur malus, & ad diem furoris ducetur. Quis arguet coram eo viam eius, & quae fecit quis reddet illi? Ipse ad sepulchra ducetur, & in congerie mortuorum vigilabit. Dulcis fuit glareis cocyti, & post se omnem hominem trahit: & ante se innumerabiles. Quomodo igitur consolamini me frustra, cum responso vestra repugnare ostensa sit veritati?

Quod boni in locutionibus suis aut sibi aut suis auditoribus prodesse intendunt.

Caput XXI.

Audite quae sermones meos: & agite poenitentiam. Qui enim cum diceret: Audite, addidit, Quae, cum quanta humilitate loquatur insinuat: dum contra se superbientes rogat, vt eorum sensum ad salutis doctrinam reducat. Sancti autem viri dum intra vniuersalem Ecclesiam non solum docere recta, sed etiam peruersa tolerare parati sunt, irrideri non metuunt. Vnde & subditur: *Sustinete me, vt ego loquar: & post mea, si videbitur, verba ridete.* Boni etenim cum loquūtur, duo sunt quae in suis locutionibus attendunt, vt videlicet aut sibi & auditoribus suis: aut sibi met solis profint, si auditoribus prodesse non possunt. Cum enim bene audiuntur bona quae dicunt, sibi simul & auditoribus profunt. Cum verò ab auditoribus deridentur, sibi proculdubio profuerunt, quos à culpa silentij liberos fecerunt. Beatus itaque Iob vt sibi & suis auditoribus profit, dicat: *Audite quae sermones meos, & agite poenitentiam.* Vt autem ipse quod debet, exoluat, etiam si auditoribus prodesse non valeat, adiungit: *Sustinete me, vt ego loquar: & post mea, si videbitur, verba ridete.* Et notandum, quia dum subiungeret: Agite poenitentiam, praemisit, Audite: cum verò subderet: Post mea, si videbitur, verba ridete: praemisit, Sustinete me. Audire quippe volentis est, sustinere nolentis. Amici ergo eius si doceri appetūt, audiant: si autē irridere parati sunt, sustineant quae dicuntur: quia videlicet superbis mentibus pondus graue est oneris, doctrina humilitatis. Sequitur:

A Quod Iob quia inter flagella Deo displicuisse se credidit, ideo tristatur. Et quod qui Deo placet, licet hominibus displiceat, non est inde contristetur.

Caput XXII.

Nunquid contra hominem disputatio mea est, vt merito non debeam contristari? Omnis qui Deo placens, hominibus displicet: causas tristitiae nullas habet. Qui autē aut hominibus placens, Deo displicet, aut simul Deo & hominibus displicere se credit: si hunc tristitia non afficit, à virtute sapientiae alienus existit, Beatus autē Iob displicuisse Deo inter flagella se credidit: & idcirco animum ad tristitiam reuocauit: quia despiciendus non erat, cui se displicuisse formidabat. Si autem de vitae suae meritis contra hominem disputaret, nequaquam contristari debuisset: sed quia per flagella praesentia anceps factus de antea vita fuerat, in flagello tristitiam iure requirebat. Vnde etiam subdit: *Attendite me & obstupescite.* Id est, considerate quae egi, & admiramini in hac percussione quae patior. Qui adhuc rectē infert dicens: *Et superponite digitum ori vestro.* Ac si aperte dicat: Scientes bona quae egi, & considerantes mala quae patior: vosmetipsos etiam à verborum culpa compescite: atque in meis percussionebus vestra damna formidate. Vel certē quia digitis quaeque discernimus, non incongruē per digitum discretio designatur. Vnde & per Psalmistam dicitur: Benedictus dominus Deus meus, qui docet manus meas ad praelium, & digitos meos ad bellum. Per manus videlicet operationem, per digitos verò discretionem signans. Digitus ergo ori superponitur, cum per discretionē lingua refrenatur: ne per hoc quod loquitur, in stultitiae culpam delabatur. Ait ergo: Superponite digitum ori vestro, id est, locutioni vestrae discretionis virtutem adiungite: vt per hac quae recta contra hypocritam dicitis, quibus sint dicenda, videatis. Sequitur: *Et ego quando recordatus fuero, pertimesco: & concutit carnem meam tremor.* Quia beatus Iob actuum suorum oblitus non fuerat, extrema locutio eius ostendit. Quae ex hoc quod ab eo nunc amicis dicitur: Et ego quando recordatus fuero, pertimesco: & concutit carnem meam tremor: constat nimirum quod per irrisiōem dicatur. Ac si aperte diceretur: Si me aliquid hypocritae habuisse meminero, in poenitentiae mox fletu contremisco. Carnem verò suam, si recordatus fuerit, tremore perhibet concuti, id est, infirmitatem operis vltionis pauore fatigari. Sed quia multa Sophar de subita damnatione impij, in quibus beati Iob patientiam momordit, asseruit, sanctus vir contra eius dicta subiungit, dicens:

Felicitatis huius vitam enumerat gaudia.

Caput XXIII.

Quare ergo impij viuunt, subleuati sunt, confortatique diuitiis? Nisi enim eos patientia diuina toleraret, nequaquam diu vitam in peccatis ducerent. Subleuantur nanque diuitiis, cum esse potentes incipiunt: confortantur verò, cum diu in hac vita subsistere permittuntur. Quos enim substantia eleuat, in suae fastu potentiae dierum longitudo confortat. Vel certē subleuati & confortati referuntur: quia subleuantur honoribus, confortantur rebus. Sed sunt plerique, qui & honoribus subleuati, & diuitiis confortati, ea quae in hac concupiscunt vita accipiunt: successione autem sobolis priuantur. Istis nimirum ipsa sua potentia poena est, cum & magnam se habere hereditatem considerant, & haeredes non habent quibus relinquant. Quid itaque prodest si assint omnia, & desint filij qui successores fiant? Sequitur: *Semen eorum permanet coram eis.* In augmentum magnae felicitatis, cum magno patrimonio dantur & haeredes: ac ne qua necessitas saltem temporalis ab oculis subtrahat eos, in quibus animus exultat, de hoc eorum semine dicitur: *Permanet coram eis.* Quid autem si filij dati sunt, sed ipsi sterilitate feriuntur? Sic in eis genus extinguitur, sicut parentum sterilitate extingui timebatur. Sequitur: *Propinquorum turba & nepotum in conspectu eorum.* Ecce adest vita, assunt honores & diuitiae, assunt filij, assunt nepotes. Quid si qua mentem intestina cogitatio exurat, & securitatis gaudia domestica rixa transuerberet? Quae est mundi huius felicitas, si laeta non est? Sequitur: *Domus eorum securae sunt & pacatae, & non est virga Dei super illos.* Securae & pacatae sunt: quia peccantes viuunt, lugenda agunt, & gaudia non relinquunt. Virga eos supernae disciplinae

non percutit: & tantò amplius in culpa proficiunt, quantò minus ex culpa feriuntur. Sed quia intus quæ prosperantur audiuius, in agris quoque quæ prosperitas arrideat, videamus. Sequitur: *Bos eorum concepit, & non abortiuit: vacca peperit, & non est priuata fœtu suo.*) Vulgaris locutionis vsus est, vt bouem masculum, & vaccam fœminam vocent: sed literaturæ locutio bouem communis generis appellat. Vnde nunc dicitur: *Bos eorum concepit, & non abortiuit: vacca peperit, & non est priuata fœtu suo.*) Dominis gregum prima fœlicitas est, si grex sterilitatem non habens concipit: secunda, si conceptus ad partum venit: tertia autem, si hoc quod partum est, per nutrimenta ad prouectum ducatur. Vt ergo tota simul adesse impiis demonstraret, eorum greges beatus Iob asserit concepisse, & non abortisse: peperisse, & fœtu proprio non esse priuatos. Minor autem est fœlicitas, si cùm greges crescunt, custodes quoque gregum non proficiunt. Vnde & ad fœcunditatem gregum, mox fœcunditas familiæ subrogatur. Nam dicitur: *Egrediuntur quasi greges paruulorum, & infantes eorum exultant lusuibus.*) Vt sicut maiora ad habendum concessa sunt: ita multi germinant ad custodiendum. Sed quia dixit: *Exultant lusuibus*: ipsum quoque infantium lusum in domo iniquorum ne viderem valde esse crederemus, subiungens ait: *Tenent tympanum & citharam, & gaudent ad sonitum organi.*) Ac si patienter dicat: Cùm Domini honoribus & rebus tument, subiecti in ludicris actibus gaudent. Sed ô beate vir, quid tam multa nobis de iniquorum voluptatibus narras? Iam diu est quod in eorum descriptione loqueris, post multa breuiter distinguere quæ sentis. Sequitur:

Quicquid temporale est, subitum est: & ad instar puncti momentaneum.

Caput XXIII.

19

D *Ecce beate vir, eorum gaudia diu narraueras: quomodo nunc asseris quod in puncto ad inferna descendat, nisi quod omnis longitudo temporis vitæ præsentis punctus esse cognoscitur, cum fine terminatur? Cùm enim ad extremum quisque perducitur, de præterito iam nil tenet, quia tempora cuncta delapsa sunt, in futuro nil habet: quia vnus horæ momenta non restant. Vita ergo quæ sic angustari potuit, punctus fuit. Vt enim prædiximus, in puncto stilum ponimus & leuamus. Quasi ergo in puncto vitam tetigit, qui hanc accepit & amisit. Potest in puncto hoc quoque intelligi: quod sæpe hi qui diu in iniquitate tolerati sunt, subita morte rapiuntur, vt nec flere ante mortem liceat quæ peccauerunt. Sed quia nonnunquam etiam vita iustorum subito fine terminatur, melius illud accipimus, si hoc de eorum temporali vita sentiamus: quia quicquid transire potuit, subitum fuit. Amicis autem beati Iob, qui idcirco hunc iniustum esse crediderunt: quia flagellatum viderunt, rectè eiusdem sancti viri voce de iniquorum flore & perditione ostensum est: quia præsentis vitæ prosperitas innocentiae testis non est: quia multi ad perennem vitam per flagella redeunt: & plerique ad infinita supplicia perducendi sine flagello moriuntur. De quibus adhuc subditur:*

Quod ideo peruersi Deo dicunt, Recede à nobis: quia eius doctrinam & regulam charitatis contemnunt.

Caput XXV.

Q *ui dixerunt Deo, Recede à nobis.*) Hæc verbis dicere vel stulti minimè præsumunt: sed tamen peruersi omnes Deo, Recede, non verbis sed moribus, dicunt. Qui enim illa agunt quæ Deus omnipotēs prohibet: quid aliud faciunt quàm suum animum contra omnipotentem claudunt? Sicut enim eius præcepta cogitare, eum ad se introducere est: ita eius mandatis obfistere, eum à cordis inhabitatione repellere est. Dicunt ergo: Recede à nobis, qui ei ad se aditum præbere recusant, eumque prauis actibus impugnat, etiam si verbis laudare videantur. Dicunt etiam: *Scientiam viarum tuarum nolumus:*) eo ipso quo eius scientiam apprehendere contemnunt. Sunt nanque nonnulli qui ex eo quod veritas dicit: *Seruus qui non cognouit voluntatem Domini sui, & facit digna plagis, vapulabit paucis: & seruus sciens voluntatem Domini sui, & non faciens iuxta eam, vapulabit multis: nolunt scire quod faciant, & quasi minus se vapulatu- ros exi-*

E stimant, si nesciant quod operari debuerunt. Sed aliud est nescisse, aliud scire noluisse. Nescit nanque qui apprehendere vult & non valet. Qui autem vt nesciat, aurem à voce veritatis auertit, iste non nesciens, sed contemptor addicitur.

Via autem Dei pax, via Dei humilitas, via Dei patientia est. Sed quia hæc omnia iniqui despiciunt, dicunt: *Scientiam viarum tuarum nolumus.*) Dum enim in præsentis vita superbiunt: dum honoribus instantur: dum etiam si non habent, appetunt: vias Dei in sua cogitatione contemnunt. Quia enim via Dei in hac vita humilitas fuit, ipse hic Deus Dominus redemptor noster ad probra, ad contumelias, ad passio- nem venit: & aduersa huius mundi æquanimiter pertulit, prospera fortiter vitauit, vt prospera doceret æternæ vitæ appeti, & aduersa præsentis vitæ non formidari. Sed quia iniqui gloriam vitæ præsentis appetunt, ignominiam fugiunt, dicere memorantur. *Scientiam viarum tuarum nolumus:*) Scire quippe nolunt, quod facere contemnunt. Quorum adhuc verba subdantur, cùm dicitur:

Quod si inuisibilia visibilibus in ordine creaturarum præstant: quàm ergo magis inuisibilis omnium visibilium & inuisibilium conditor, omnia superat.

Caput XXVI.

Q *uis est omnipotens vt seruiamus ei?*) Mens enim hominis malè exterius fusa, sic in rebus corporeis sparsa est, vt neque ad semetipsam intus redeat, neque eum qui est inuisibilis, cogitare sufficiat. Vnde carnales viri iussa spiritalia contemnentes, Deum quia corporaliter non vident, quandoque ad hoc perueniunt, vt etiam non esse suspicentur. Vnde scriptum est: *Dixit insipiens in corde suo, Non est Deus.* Vnde nunc quoque dicitur: *Quis est omnipotens vt seruiamus ei?* Plerumque enim plus appetunt homines seruire hominibus, quos corporaliter vident, quàm seruire Deo quem non vident. Per omne enim quod faciunt, ad finem oculorum tendunt: & quia in Deum oculos corporis tendere non possunt, ei obsequia præbere vel despiciunt, vel si cœperint, fatigantur. Esse enim, sicut dictum est, non credunt, quem corporaliter non intuentur. Qui si authorem omnium Deum humiliter quærerent, id quod non videtur esse, ea re, quæ videtur, melius in semetipsis iuenerit. Ipsi quippe ex anima inuisibili & corpore visibili subsistunt: & si hoc ab eis quod non videtur abstrahitur, ilico corrui quod videtur. Et patent quidem carnis oculi: sed videre quicquam vel sentire non possunt. Sensus enim visionis perit: quia habitator recessit, & domus carnis remanet vacua: quia abscessit ille inuisibilis spiritus, qui per eius respicere fenestras solebat. Quia ergo rebus visibilibus inuisibilia præstantiora sunt, carnales quique ex semetipsis pensare debuerunt: atque per hanc, vt ita dixerim, scalam considerationis tendere in Deum: quia eò est, quo inuisibilis permanet: & eò summus permanet, quod comprehendi nequaquam potest. Sunt verò nonnulli qui Deum, & esse & incomprehensibilem esse non ambigunt: qui tamen ab eo non ipsum, sed dona exteriora quærunt. Quæ cum ei seruientibus deesse conspiciunt, ipsi seruire contemnunt. De quorum adhuc verbis adiungitur:

Quæ in oratione postulanda sint, & quomodo.

Caput XXVII.

E *t quid nobis prodest, si orauerimus illum?*) Cùm Deus in oratione non quæritur, citius in oratione animus lassatur. Quia cùm illa quisque postulat, quæ fortasse iuxta occultum iudicium Deus tribuere recusat, ipse quoque venit in fastidium, qui non vult dare quod amatur. Sed se magis Dominus quàm ea quæ condidit vult amari, æterna potius quàm terrena postulari, sicut scriptum est: *Quærite primum regnum Dei & iustitiam eius, & hæc omnia adicientur vobis.* Qui enim non ait, dabuntur, sed adicientur: profectò indicat aliud esse quod principaliter datur, aliud quod superadditur. Quia enim nobis in intentione æternitas, in vsu verò temporalitas esse debet, & illud datur, & hoc nimirum ex abundanti superadditur. Et tamen sæpe homines dum bona temporalia postulant, æterna verò præmia non requirunt, petunt quod adiicitur, & illud non desiderant vbi adiiciatur. Nec lucrum suæ esse petitionis deputant, si hîc sint temporaliter pauperes, & illic beatitudine diuites in æternum viuant: sed solis, vt

solis, vt dictum est, visibilibus intenti, labore postulationis re-
nuunt inuisibilia mercari. Qui si superna quærent, iam cum
fructu laborem exhiberent: quia cum mens in precibus ad au-
thoris sui speciem anhelat, diuinis desideriis inflammata, su-
pernis coniungitur: ab inferioribus separatur: amore feruoris
sui se aperit vt capiat: & capiens inflammat: & superiora ama-
re iam sursum illi est, dumque magno desiderio ad celestia
inhiat, miro modo hoc ipsum quod accipere quærit, degu-
stat. Sequitur:

*Quod sancti habeant in manu bona temporalia, quia ita vt res po-
stulat, hilari animo tribuunt: reprobi vero non tam ea ha-
bent, quam ab eis capti mente tenentur.*

Caput XXVIII.

21.
Bona tem-
poralia in
manu sunt
habenda.

Veruntamen quia non sunt in manu eorum bona sua, consilium eo-
rum longè sit à me. Bona in manu habet, qui despiciendo
temporalia sub dominio mentis premit. Nam quisquis ea ni-
miè diligit, se magis quam sibi ipsa supponit. Multi etenim
iustorum in hoc mundo diuites fuerunt, rebus & honoribus
sulti: habere multa videbantur: quorum mentem quia eorum
quæ aderant delectatio nimia non possidebat, bona illorum
in manu erant: quia potestati animi subiecta tenebantur. At
contrà iniqui ita se totis desideriis in exteriorum rerum appe-
titionibus fundunt: vt non magis ipsa habita teneant, sed ab
his quæ habent, captiua mente teneantur. Quia igitur non
sunt in manu eorum bona sua: rectè subiungitur: *Consilium eo-
rum longè sit à me.* Quid nanque est iniquorum consilium, ni-
si terrenam gloriam quærere, æternam negligere, salutem tẽ-
poralem cum damno interiori appetere, & dolores transito-
rios ad æternos gemitus commutare? Vir igitur sanctus has i-
niquorum cogitationes intuens aspernetur, & dicat: Consi-
lium eorum longè sit à me. Quia nimirum esse bonum incom-
parabiliter videt: ad breue tempus eligit hanc sub flagello ge-
mere, quam æternæ ultionis supplicia tolerare. Sed neque in
hac vita hi qui in ea prosperari appetunt, continuè prosperan-
tur. Nam plerumque eorum gaudia, suborti gemitus inter-
rumpunt. Vnde subditur:

*Quod lucerna carnalium extinguatur, quoties diuitis vel
honoribus vel gloria priuantur.*

Caput XXIX.

† al. gradie
batur.

Psal. 10.

Quoties lucerna eorum extinguatur. Sæpe impius lucernam
suam, filiorum vitam æstimat: sed cum filius qui nimie a-
matur, subtrahitur, lucerna impij quæ videbatur, extincta est.
Sæpe impius præsentis honoris gloriam lucernam putat: sed
dum sublata dignitate deiicitur, lucerna extincta est, quæ ei
iuxta desiderium lucebat. Sæpe impius opes terrenæ substantiæ
adesse sibi, quasi magnam luminis lucernam putat: sed cum ir-
ruente damno diuitias quas plus se amabat, perdiderit, quid i-
ste aliud quam lucernam in cuius lumine t gaudebat amisit? Qui
ergo gaudere de æternis non appetit, neque hic vbi solidari
vult, potest continuè lætari. Nam quoties lucerna impiorum
extinguatur: & superueniet eis inuidatio, & dolores diuidet
furoris sui. Inuidatio impiis superuenit, cum dolorum fluctus
ex aliqua aduersitate patiuntur. Omnipotens enim Deus cum
se despici, & in terrena videt concupiscentia lætari: hoc quo-
que doloribus percutit, quod sibi videt in cogitatione impij
præferri: Bene autem dicitur: *Et dolores diuidet furoris.* Qui e-
nim æternos dolores impio per retributionem seruat: & aliquan-
do eius mētem etiam temporali dolore trāsuerberat, quia hinc
quoque & illic percutit, furoris sui super impium dolores di-
uidit. Neque enim pœna præfens quæ iniusti animum à prauis
desideriis nō immutat, ab æternis suppliciis liberat. Vnde &
per Psalmistam dicitur: Pluit super peccatores laqueos, ignis,
sulphur & spiritus procellarum, pars calicis eorum. Dicendo ete-
nim laqueos, ignis, sulphur & spiritus procellarum, multos ni-
mirum dolores intulit. Sed quia ab eis doloribus peccator qui
non corrigitur, ad æterna supplicia vocatur, eosdem dolores
non iam totum calicem, sed partem calicis dixit: quia videlicet
eorum passio hinc quidem per dolores incipitur, sed in ultione
perpetua consummatur. De quorum adhuc fine subiungitur:

Quod reproborum vita fauilla & palea comparetur.

Caput XXX.

22.

Erum sicut palea ante faciem venti, & sicut fauilla quam turbo di-
spersit. Iniquus cum in potestate conspicitur, cum valde

in oppressiōibus & violentiis effrenatur, ab infirmorum co-
gitationibus grauis nimium, & quasi in hoc mundo radica-
tus æstimatur. Sed cum districti iudicis sententia venerit, *† al. in hunc
mundum.* omnes iniqui quasi palea ante ventum erunt: quia, vt ita dicā,
iræ flatu subito leuantur atque asportantur ad ignem: quos
hic in suis quondam præiudiciis quasi duri ponderis superia-
centem molem indigentium, lacrymæ mouere non poterāt.
Et ad rapientis iudicij manus leues sunt: qui per iniustitiam
proximis graues fuerunt: *Et sicut fauilla quam turbo dispergit.*
Ante omnipotentis Dei oculos iniqui vita fauilla est: quia et-
si apparet ad momētum viridis, ab eius tamen iudicio iam cō-
sumpta cernitur: quia consumptioni est æternæ deputata. Hæc
fauillam turbo dispergit: quia Deus manifestus veniet, Deus
noster, & non silebit. Ignis in conspectu eius ardebit: & in
circuitu eius tempestas valida. Huius enim tempestatis turbi-
ne ab æterni conspectu iudicis iniqui rapiuntur: & qui hinc
mentem desiderio peruerso solidauerant, ibi palea & fauilla
videbuntur: quia eos ad æterna supplicia turbo rapiens aspor-
tat. Sequitur:

*Quod peccata patrum redundant in filios usque ad
tertiam & quartam progeniem.*

Caput XXXI.

Deus seruabit filiis illius dolorem patris, & cum reddiderit, tunc
sciet. Scriptum nouimus: Qui reddis peccata patrum in
filios ac nepotes in tertiam & quartam generationem. Et rur-
sum scriptum est: Quid est quod inter vos parabolam vertitis
in proverbium istud in terra Israël, dicentes: Patres comed-
erunt vnam acerbam, & dentes filiorum obstupescunt? Viuo
ego dicit dominus Deus, si erit vobis vltra parabola hæc in
proverbium in Israël. Ecce omnes animæ meæ sunt, vt anima
patris, ita & anima filij mea est. Anima quæ peccauerit, ipsa
moriatur. In vtraque igitur hac sententia dum dissimilis sensus
inuenitur, auditoris animus vt discretionis viam subtiliter
requirat instruitur. Peccatum quippe originale à parentibus
trahimus: & nisi per gratiam baptismatis soluamur, etiam pa-
rentum peccata portamus: quia vnum adhuc videlicet cum il-
lis sumus. Reddit ergo peccata parentum in filios, dum pro
culpa parentis, ex originali peccato anima polluitur prolis.
Et rursum non reddit parentum peccata in filios: quia cum
ab originali culpa per baptismum liberamur, iam non paren-
tum culpas, sed quas ipsi committimus, habemus. Quod tamē
intelligi etiam aliter potest: quia quisquis prauis parentis ini-
quitatē imitatur, etiam ex eius delicto constringitur. Quis-
quis autem parentis iniquitatem non imitatur, nequaquam
delicto illius grauatur. Vnde fit vt iniquus filius iniqui patris
non solum sua quæ addidit, sed etiam patris peccata persoluat:
eum t vitiis patris, quibus iratum Dominum non ignorat, et-
tiam suam adhuc malitiam adiungere non formidat. Et iustū
est vt qui sub districto iudice vias parentis iniqui non timet
imitari, cogatur in vita præsentis etiam culpas parentis iniqui
persolvere. Vnde & illic dictum est: Anima patris mea est, &
anima filij mea est. Anima quæ peccauerit, ipsa morietur: quia
in carne nonnunquam filij etiam ex patris peccato perimun-
tur. Deleto autem originali peccato, ex parentum nequitia in
anima non tenentur. Quid enim est quod paruuli filij plerun-
que à dæmonibus arripiuntur, nisi quod caro filij ex patris
pœna mulctatur? In semetipso enim percutitur pater iniquus,
& percussio vim sentire contemnit. Plerumque percutitur
in filiis, vt acrius vratur: & dolor patris carni filiorum reddi-
tur, quatenus per filiorum pœnas mēs patris iniqua puniatur.
Cum verò non paruuli sed iam prouectiores filij ex parentū
culpa feriuntur, quid aliud aperte datur intelligi, nisi quod il-
lorum etiam pœnas luunt, quorum facta secuti sunt? Vnde &
rectè dicitur: Usque ad tertiam & quartam progeniem. Quia
enim usque ad tertiam & quartam progeniem, eam quam i-
mitantur filij parentum vitam possunt videre, usque ad eos
vltio extenditur, qui viderunt quod malè sequerentur. Et
quia impiorum oculos culpa claudit, sed in extremum pœna
aperit, rectè subiungitur: *Et cum reddiderit, tunc sciet.* Nescit
enim impius mala quæ fecit, nisi cum pro eisdem malis puni-
ri iam cœperit. Vnde & per Prophetam dicitur: Et tantum-
modo sola vexatio intellectum dabit auditui. Tunc nan-
que intelligit quod audiuit, cum se iam pro contemptu ve-

† vel. viis.

Cur paruuli
plerumque
à dæmonibus
arripiantur.

Cur proue-
ctiores filij
ex parentū
culpa feriun-
tur.

23.

Nume. 28. xari doluerit. Hinc per Balaam de semetipso dicitur: Dixit homo cuius obturatus est oculus: dixit auditor sermonum Dei, qui visionem omnipotentis intuitus est, qui cadet: & sic aperientur oculi eius. Consilium quippe contra Israëlitas præbuit, sed post in pœna vidit quid prius ex culpa cômiserit. Electi autem quia nec peccare debeant prævident: eis videlicet oculi ante casum patent. Iniquus verò post casum oculos aperit: quoniam post culpam iam in pœna sua conspiciat: quia malum debuit vitare quod fecit. De cuius inutili iam tunc scientia subinfertur. *Videbunt oculi eius interfectionem suam, & de furore omnipotentis bibet.* Qui si in hac vita positus, culpam suam videre voluisset, de omnipotentis postmodum furore non biberet. Sed qui hinc auertit oculos à respectu criminis, illic declinare non valet sententiam damnationis. Sæpe verò hi qui supplicia æterna non metuunt, praua agere pro temporali saltem percussione pertimescunt. Sed sunt nonnulli qui ita in iniquitate duruerunt, vt nec in ipsis metuant feriri quæ amant, dummodo quæ peruersè cogitauerint expleant. Vnde hoc in loco de iniqui huius obduratione subiungitur. *Quid enim ad eum pertinet de domo sua post se: aut si numerus mensium eius dimidietur?* Neque enim sic debemus accipere, vt iniquus iste postea quam damnatus æternis suppliciis fuerit, de domo sua, id est, cognatis quos reliquerit, minimè cogitabit: cum per semetipsam veritas dicat: quia diues qui in inferno sepultus fuerat, de quinque fratribus quos reliquerat, etià in supplicio positus curam gerebat. Omnis nanque peccator prudens erit in pœna, qui stultus fuit in culpa: quia ibi iam dolore constrictus, ad rationem oculos aperit, quos hinc voluptati deditus clausit: & pœna torquente exigitur vt sapiat, qui hinc excæcante se superbia desipiebat. Cui tamen sua sapientia iam tunc minimè proderit: quia hoc vbi operari iuxta sapientiam debuit, tempus amisit. Pro summo hinc nanque bono concupiscit germen generis habere: domum familia & opibus replere, & diu in hac carnis corruptione viuere. Sed si fortasse aliquid ad eius desiderium veniat, quod tamen obtinere non possit, nisi cum offensione conditoris, eius animus ad paululum perturbatus cogitat, quia si hoc egerit hic, vnde offensam sui conditoris incurrat: in domo, in filiis, in vita percutitur. Sed superbia sua protinus instigatus obdurefcit: & quamlibet in domo, quamlibet in vita percussione sentiat, nequaquam curat, dummodo quæ cogitauerint expleat: & quousque viuit, voluptates suas perficere non desistit. Ecce enim domus eius pro culpa percutitur: sed quid ad eum pertinet de domo sua post se? Ecce pro vltione prauis operis ea quæ esse potuit vitæ longitudo breuiatur: sed quid ad eum pertinet, si numerus dierum eius dimidietur? Et in hoc ergo se peccator contra Deum erigit, vbi Deus omnipotens eius erectionem frangit: & nec illata percussio mentem humiliat, quam in deliberatione contra Dominum obstinatio obdurat. Et notandum quam grauis culpæ reatus sit, & pœnam pro culpa menti proponere, & tamen nec tormenti metu sub iugo conditoris ceruicem cordis inclinare.

Quod secreta Dei iudicia nemo ad plenum intelligat.

Caput XXXII.

24

Sed ecce cum hæc audimus, cordi nostro quæstio oritur: Cur omnipotens & misericors Deus in tantam cæcitatem cadere rationem mentis humanæ permiserit? Ne verò quicquam vltra quam debet occulta Dei iudicia discutere præsumat, rectè subiungitur: *Nunquid Deum quispiam docebit scientiam, qui excelsos indicat?* Cum in his quæ de nobis aguntur ambigimus, debemus alia quæ nobis sunt certa conspiciere: & eam quæ de nostra nobis incertitudine surrexerat, cogitationis querelam placare. Ecce enim quod electos ad vitam flagella reuocant: & à malis actibus reprobos nec flagella compescunt, omnipotentis Dei iudicia super nos valde occulta sunt, & iniusta non sunt. Sed si tendamus oculum mentis ad superiora, in illis aspicimus quia de nobis quid iustè conqueri non habemus. Omnipotens enim Deus angelorum merita discernens, alios in æterna luce sine lapsu permanere constituit: alios sponte lapsos à statu suæ celsitudinis, in æternæ damnationis vltione prostrauit. Nobiscum igitur iniustè nil agit, qui & subtiliorem nobis naturam iustè iudicauit. Dicit

Ergo: *Nunquid Deum quispiam docebit scientiam, qui excelsos indicat?* Qui enim super nos mira facit, constat proculdubio quia de nobis scienter omnia disponit. His itaque præmissis adiungitur, vbi humanus animus in requisitione fatigatur. *Nam subditur: Iste moritur robustus & sanus, diues & felix, viscera eius plena sunt adipe, & medullis ossa illius irrigantur: alius verò moritur in amaritudine animæ suæ absque vllis opibus.* Ista cum ita sint, quis omnipotentis Dei secreta discutiat, cur hæc ita esse permittat? Sed electis & reprobis vita quidem dispar est: carnis autem in morte corruptio dispar non est. Vnde subiungitur: *Et tamen simul in puluere dormient, & vermes operient eos.* Quid ergo mirum si prosperitate vel aduersitate præsentis seculi dissimiliter ad momentum currunt, qui per corruptionem carnis ad terram similiter redeunt? Illa est ergo solummodo vita cogitanda, in qua cum resurrectione carnis ad finem dissimilem pertingitur retributionis. Quæ est enim ini-²⁵ quis salus aut robur, qui adeps & diuitiæ: dum totum hinc cum celeritate relinquitur: & illic retributio quæ nunquam relin-²⁶ qui possit inuenitur? Sicut autem huius iniqui lætitia transit ad pœnam, ita afflicti innocentis pœna transit ad lætitiā. Nec diuitiæ ergo debent mentem extollere, nec inopia perturbare. Vnde beatus Iob inter damna rerum nulla admittit ad animum damna cogitationum: sed ad eos qui se in percussione despiciunt, redarguendo subiungit dicens:

Quod hæretici de sanctis sentiant iniqua, qui nequaquam eos flagellari à Deo nisi propter peccata existimant, & quod vermis terrenæ sollicitudinis non rodatur iustum, qui deuorat impium.

Caput XXXIII.

Certe noui cogitationes vestras, & sententiis contra me iniquas. Dicitis enim: *Vbi est domus principis, & vbi tabernacula impiorum?* Impium enim crediderant, quem ablatis rebus temporaliter destructum videbant. Sed sanctus vir tantò eos alta consideratione diiudicat, quantò inter damna quæ pertulerat, infracta rectitudine stabat. Quid enim ei foris rerum damna nocuerant, qui illum non amiserat quem interiorius amabat? Hoc verò quod dicitur: *Simul in puluere dormient, & vermes operient eos:* si quis forsitan accipere per allegoriam velit, explere breuiter possumus, si de iniquo hoc diuite ea quæ sunt iam dicta replicemus. Dicitur nanque: *Viscera eius plena sunt adipe.* Sicut enim ex abundanti cibo adeps, ita ex abundantia rerum superbia nascitur, quæ impinguat mentem diuitiis, dum eleuatur animus superbientis. Superbia quippe cordis quasi quædam pinguedo est crassitudinis. Vnde quia plerique ex abundantia peccata perpetrant, per Prophetam dicitur: *Prodiit quasi ex adipe iniquitas eorum.* Sequitur: *Et medullis ossa illius irrigantur.* Amatores huius seculi quasi ossa habent, quando in hoc mundo fortitudinem dignitatum possident. Sed si in exteriori dignitate desint terrenæ & domesticæ diuitiæ, quantum ad iudicium suum ossa quidem habent, sed medullas in ossibus non habent. Quia ergo sic iste amator huius seculi exteriori potestate fulcitur, vt etiam interiori terrenæ domus abundantia faginetur, dicitur: *Et medullis ossa illius irrigantur.* Vel certè ossa sunt huius diuitis prauæ & duræ consuetudines: medullæ verò in ossibus, sunt ipsa desideria malè viuendi, quæ neque ex prauitatis satisfactione satiantur. Quæ medullæ quasi ossa irrigant, cum praua desideria peruersas consuetudines suas in voluptatum delectatione conseruant.

Quod peccatores hoc sciunt in pœnis, quod excæcati in superbia dum viuerent scire volebant: sed quia tempus operandi tunc non erit, nihil eis hæc scientia proderit.

Caput XXXIII.

Et sunt nonnulli qui in hoc mundo diuitias non habent, sed habere concupiscunt, elati esse appetunt: quanuis in hoc mundo quod cupiunt, obtinere non possint & cum nullis rebus vel honoribus fulti sunt, per mala tamen desideria in conspectu interni iudicis reos conscientia addicit. Talis etenim quisque plerunque ideo affligitur: quia discescere ac superbire non præualeat. De quo & subditur: *Alius verò moritur in amaritudine animæ suæ absque vllis opibus.* Ecce vnde diues superbo corde & inaniter gaudet, inde pauper alius superbo corde inanius affligitur. Bene autem de vtrisque subiungitur

Et tamen

Et tamen simul in puluere dormient, & vermes operient eos.) In puluere enim dormire, est in terrenis desideriis oculos mentis claudere. Vnde vnicuique peccanti & in culpa sua dormienti dicitur: Surge qui dormis, & exurge à mortuis: & illuminabit te Christus. Vermes verò, qui de carne nascuntur, eos simul operiunt: quia siue diuitis siue pauperis superbientis animū curæ carnales premunt. In rebus etenim terrenis pauper & diues reprobis, quanuis non pari prosperitate fulciantur, pari tamē auxietate turbantur: quia quod ille iam cum metu habet, iste cū anxietate appetit: sed quia habere nō valet, dolet. Dicatur ergo: *Simul in puluere dormient, & vermes operient eos.*) quia etsi non simul rebus temporalibus subleuantur, simul tamē in curarum temporalium mentis torpore sopiuntur. Simulque eos vermes operiunt: quia vel istum vt concupita habeat, vel illum ne habita amittat, carnales cogitationes premunt. Beatus autem Iob qui nec habitis rebus elatus fuerat, nec amissas cum anxietate requirebat: quia nullis exterioris damni cogitationibus mordebatur, eum vermes cordis non operuerant. Et quia in terrena cura mentem suam non deiecerat, nequam in puluere dormiebat. Sequitur: *Certe noui cogitationes vestras & sententias contra me iniquas.*) Cū scriptum sit: Quis scit hominum quæ sunt hominis, nisi spiritus hominis qui in ipso est? qua ratione nunc dicitur: Certe noui cogitationes vestras? Sed tunc spiritus hominis ignoratur ab altero, cū verbis vel operibus non demonstratur. Nam cū scriptum sit: Ex fructibus eorum cognoscetis eos: per hoc quod foris agitur, quicquid intus latet, aperitur. Vnde rectē quoque per Salomonem dicitur: Quomodo in aquis replēdent vultus propicientium, sic corda hominum manifesta sunt prudentibus. Proinde beatus Iob cū amicorum colloquentium cogitationes nosse se diceret, adiunxit: *Et sententias contra me iniquas.*) vt ex patenti re ostenderet, quia hoc quod in eis latebat, inuenisset. Vnde ipsas quoque eorum iniquas sententias adiungit, dicens:

Quid impij in hoc seculo sibi tabernacula figant, & domus & principatus constituent: sancti verò, viatores dicuntur, & pertranseunt, nec in hoc mundo radices sui amoris figere dignantur.

Caput XXXV.

Dicitur enim: *Vbi est domus principis, & vbi tabernacula impiorum?*) Infirmi quique qui in hoc mundo florere appetunt: & sicut magna mala, sic flagella pertimescunt, in eis quos flagellatos aspiciunt, culpas ex pœna metiuntur. Quos enim percussos cernunt, Deo displicuisse suspicantur. Vnde amici beati Iob quem percussum viderunt, impium fuisse crediderunt: videlicet æstimantes quia si impius non fuisset, eius tabernacula permanerent. Sed ista non cogitat, nisi qui adhuc infirmitatis tædio laborat: qui in præsentis seculi delectatione gressum, cogitationis figit: qui transire ad æternam patriam perfectis desideriis nescit. Vnde bene subiungitur: *Interrogate quemlibet de viatoribus, & hac eadem illum intelligere cognoscetis: quia in diem perditionis seruatur malus, & ad diem furoris ducitur.*) Sæpe etenim diuina patientia tolerat, quos iam ad supplicia præscita condemnat, permittit florere, quos adhuc cernit deteriora perpetrare. Quia enim videt ad quam damnationis foueam tendant: hoc eis pro nihilo esse existimat, quod hinc peruersi relinquenda multiplicent. Sed quisquis præsentis vitæ gloriam diligit, magnā esse felicitatem deputat hinc secundū votum florere: quanuis cogatur postmodum supplicia æterna tolerare. Solus ergo ille conspicit nil esse quod iniquus floret: qui iam gressum cordis ab amore præsentis seculi amouit. Vnde rectē cū de subsequenti damnatione impij diceretur, præmittitur: *Interrogate quemlibet de viatoribus, & hac eadem illum intelligere cognoscetis.*) Viator quippe dicitur, qui præsentem vitam, viam sibi esse, & non patriam attendit: qui in dilectione prætereuntis seculi cor figere despicit: qui non remanere in transeuntibus, sed ad æterna peruenire concupiscit. Qui enim in hac vita viator esse non appetit, huius vitæ prospera minimē contemnit: & ea quæ ipse desiderat, cū abundare alijs viderit, miratur. Vnde Dauid propheta quoniam à dilectione præsentis seculi iam corde transierat: iniqui gloriam describens dicebat: Vidi impium superexaltatum & eleuatū sicut cedros Libani. Sed quia cor huic mundo non subdidit, hunc iure despexit, dicens: Transiui, & ecce non erat. Esset

quippe aliquid in eius æstimatione impius, si ipse ab hoc seculo per intentionem minimē transisset. Sed is cui non transeūti magnum aliquid esset, trāseunti animo quā nihil esset apparuit: quia dum æterna retributio cogitur, præsens gloria quā sit nulla cognoscitur. Hinc Moyses cū supernæ contemplationis gloriam quæreret, dixit: Trāsiens videbo visionem. Nisi enim gressum cordis à seculi amore remouisset, nequaquam intelligere superna potuisset. Hinc Hieremias propheta luctum cordis sui considerari deposcēs, ait: O vos omnes qui transitis per viam, attendite & videte, si est dolor sicut dolor meus. Qui enim præsentem vitam non quasi viam trāseunt, sed quasi patriam attendunt, luctum cordis electorum considerare nesciunt. Illos ergo vt dolorem suum confiderent exquirat, quos in hoc mundo contigit animum non fixisse. Hinc per Salomonem dicitur: Aperi os tuum muto: & causis omnium filiorum qui pertranseunt. Muti enim dicuntur qui prædicatorum verbis contradicendo minimē resistunt. Qui etiam pertranseunt: quia intentionem mentis in amore vitæ præsentis figere dedignantur. Igitur quia malus ad diem perditionis seruatur, & ad diem furoris ducitur, hoc nō nisi qui est viator, intelligit: quoniam qui cor in præsentibus fixit, quæ iniquo seruantur supplicia non deprehendit. De quo adhuc subditur:

Quod antichristum in fine seculi Deus interficiet spiritu oris sui, & destruet illustratione aduentus sui.

Caput XXXVI.

Quis arguet coram eo viam eius: & quæ fecit, quis reddet illi?) Sæpe malus indignationem conditoris sui quam in æternum passurus est, & in hac quoque vita positus experitur, dum prosperitatem quam amat amittit, & aduersitatem quam formidat inuenit. Et quanuis increpari de suis prauitatibus à iustorum lingua etiam in prosperis valeat: scimus tamen quod cū facta sua peruersum quemque deiiciunt, iustorum increpatio conualefcit. Quæ autem ratione nunc dicitur: Quis arguet coram eo viam eius: dum etiā iustis tacentibus hoc quoque notum sit: quia toties hinc iniqui via arguitur, quoties eius prosperitas interueniente aduersitate turbatur? Sed beatus Iob dum de omnium malorum corpore loqueretur, subitō ad omnium iniquorum caput verba conuertit. Vidit enim quod in fine mundi satan hominem ingrediens, quem sacra scriptura antichristum appellat tanta elatione extollitur: tanta virtute principatur: tantis signis & prodigijs in sanctitatis ostensione eleuatur, vt argui ab homine eius facta non valeat: quia cum potestate terroris adiungit etiam signa ostensæ sanctitatis, & ait: *Quis arguet coram eo viam eius?*) Quis videlicet hominum illum increpare audeat, cuius visum ferre pertimescit? Sed tamen eius viam non solum Helias & Enoch, qui in eius exprobrationem ad medium deducuntur, sed etiam omnes electi arguunt dum contemnunt, dum virtute mentis eius malitiæ resistunt. Sed quia hoc ex diuina gratia & nō suis viribus faciunt, rectē nunc dicitur: *Quis arguet coram eo viam eius?*) Quis etenim nisi Deus, cuius adiutorio electi vt resistere valeant fulciuntur? Aliquando enim in scriptura sacra cū interrogando quis ponitur, omnipotēs designatur. Vnde scriptum est: Quis suscitabit eum? De quo per Paulum dicitur: Quem Deus suscitauit à mortuis. In eo ergo quod sancti viri eius iniquitati contradicunt, non ipsi sunt qui viam eius arguunt: sed ille est ex cuius gratia confortantur. Et quia præsentia eius qua in homine venturus, multo atrocior in perfectione erit, quā nunc cū minimē cernitur: quia specialiter adhuc illo vase suo proprio non gestatur: bene dictum est: *Coram eo.*) Multi enim nunc vias antichristi diiudicantes corripunt: sed hoc quasi in eius absentia faciunt, dum illum arguunt, quem adhuc specialiter non intuentur. Cū verò in illo damnando homine venerit, quisquis eius præsentia resistit: coram eo viam eius arguit, cuius vires & conspicit & contemnit. Vel certē viam eius arguere, est prosperitatem cursus eius æternō supplicio interueniente turbare. Quod quia solus Dominus propria virtute facturus est: de quo scriptum est: Quem dominus Iesus interficiet spiritu oris sui, & destruet illustratione aduentus sui: rectē dicitur: *Quis arguet coram eo viam eius?* Vnde & sequitur: *Et quæ fecit, quis reddet illi?*) Quis nimirum nisi Dominus? Qui solus

Eph. 5.

1. Cor. 1.

Matth. 7.

Prover. 17.

Exod. 3.

Thren. 1.

Prover. 31.

† al. quæ iniquum sequatur sup.

28.

† vel. adiunguntur.

Gen. 49.

Galat. 1.

1. Thess. 5.

27.

Sæpe diu toleratur dānandi.

Viator.

Psalm. 36.

illi perditio homini quæ fecit reddet, dum potestatem eius tam validam per aduentum suum æterna damnatione contriuerit. Sed elatus iste princeps malorum, in hac vita quandiu est positus, quid agat audiamus. Sequitur:

Quod congeries mortuorum sit multitudo peccantium: in quorum mentibus, quasi in sepulchris suis, satan vigilat.

Caput XXXVII.

29

Ipsæ ad sepulchra ducuntur. & in congerie mortuorum vigilabit. Quia sepulchra mortuos tegunt: quid aliud per sepulchra, quam reproborum corda signantur: in quibus extinctæ à vita beatitudinis animæ velut in sepulchris latent? Iniquus ergo iste ad sepulchra ducetur: quia in prauorum cordibus recipietur: quoniam soli eum illi suscipiunt, in quibus mortuæ à Deo animæ reperiuntur. De quo rectè etiam dum eius supplicia describuntur, per Prophetam dicitur: In circuitu illius sepulchra eius, omnes interfecti, & qui ceciderunt gladio. Ille quippe in inferno iuxta ipsum sunt, in quibus idem malignus spiritus mortuus iacet. Qui iniquitatis eius gladio percussus ceciderunt. Vnde scriptum est: Qui liberaisti David seruum tuum de gladio maligno. Rectè autem dicitur. Et in congerie mortuorum vigilabit: quia nunc in congregatione peccantium astutiæ suæ insidias exerit. Pro eo autem quia in mundo raritas bonorum est, & multitudo malorum: rectè mortuorum congeries nominatur, ut ipsa iniquorum multitudo signetur. Lata enim via est, quæ ducit ad perditionem, & multi sunt qui ingrediuntur per eam. Satanæ itaque in congerie mortuorum vigilare, est in reproborum cordibus malitiæ suæ astutias exercere. De quo adhuc subditur:

Quod diaboli suggestiones dulces sunt his: quos amor huius mundi voluit in profundum damnationis.

Caput XXXVIII.

Dulcis fuit glareis cocyti. Græca lingua cocytus luctus dicitur: qui tamen luctus sceminarum vel quorumlibet infirmantium solet intelligi. Sapientes verò huius seculi à luce veritatis exclusi, quasi umbras quosdam de veritatis inquisitione tenere conati sunt. Vnde cocyton fluuium currere apud inferos putauerunt: videlicet designantes, quod hi qui digna doloribus opera faciunt, in infernum ad luctum decurrunt. Sed nos despiciamus umbram carnalis sapientiæ, qui iam de veritate lucem tenemus: & cognoscamus voce beati viri cocyton luctum infirmantium dici. Scriptum quippe est: Viriliter agite, & confortetur cor vestrum. Qui enim in Deo confortari renunt, ad luctum per animi infirmitatem tendunt. Glareas verò lapillos fluminum appellare consueuimus, quos aqua defluens trahit. Qui ergo per glareas cocyti, nisi reprobi designantur, qui suis voluptatibus dediti, quasi semper à flumine ad ima detrahuntur? Qui enim contra voluptates huius seculi stare fortiter nolunt, glareæ cocyti fiunt: quia suis quotidie lapsibus ad luctum tendunt, ut in æternum post lugeant, qui modo se in suis voluptatibus delectabiliter relaxant. Et quia antiquus hostis suum vas illum reprobum hominem ingressus, dum dona peruersis tribuit, dum eos in hoc mundo honoribus extollit, dum eorum oculis prodigia ostendit, dum fluxæ mentes hunc in suis prodigiis admirantur & sequuntur, bene de eo dicitur: Dulcis fuit glareis cocyti. Cum enim hunc electi despiciunt, cum mentis calce contemnunt, illi eum sequentes diligunt, qui velut aqua voluptatis ad perpetuum luctum trahuntur: qui per terrenam concupiscentiam more glareæ quotidianis lapsibus ad ima dilabuntur. Alii namque gustum suæ dulcedinis per superbiam: alii per avaritiam: alii per inuidiam: alii per fallaciam: alii per luxuriam porrigit: & ad quanta vitiorum genera pertrahit, quasi tot suæ dulcedinis potus propinat. Nam cum aliquid superbum in mentem persuadet, fit dulce quod dicit: quia videri prælatus cæteris hominibus peruersus appetit. Dum menti avaritiam infundere molitur, fit dulce quod occultè loquitur: quia per abundantiam necessitas vitatur. Dum aliquid de inuidia suggerit, fit dulce quod dicit: quia peruersa mens dum alium decrefcere viderit, exultat se

eo minorem minimè videri. Cum aliquid de fallacia persuadet, fit dulce quod suggerit: quia eo ipso quo fallit cæteros, prudens videtur sibi. Cum luxuriam deceptæ menti loquitur, fit dulce quod suadet: quia in voluptate animum resoluit. Quot ergo vitia carnalium cordibus inserit, quasi tot potus suæ eis dulcedinis porrigit. Quem tamen, ut prædixi, eius dulcedinem non percipiunt, nisi qui præsentibus voluptatibus dediti, ad perpetuum luctum trahuntur. Bene ergo dicitur: Dulcis fuit glareis cocyti: quia amarus electis, & suavis est reprobis. Illos enim solummodo suis delectationibus pascit, quos quotidianis lapsibus ad gemitum impellit. Sequitur:

Quod diabolus ab initio mundi multo plures ante se traxit, quam finis mundi habeat, cum antichristus venerit.

Caput XXXIX.

Et post se omnem hominem trahit, & ante se innumerabiles. Hoc loco homo, humana sapiens dicitur. Sed cum plus sint omnes, quam innumerabiles, quærendum est nobis, cur ante se innumerabiles, & post se omnes trahere dicatur, nisi quod antiquus hostis reprobum tunc hominem ingressus, cunctos quos carnales inuenerit, sub suæ iugum ditionis rapit? Qui & nunc priusquam appareat, innumerabiles quidem, non tamen omnes carnales trahit: quia quotidie à carnali opere ad vitam multi reuocantur: atque ad statum iustitiæ alij per breuem, alij verò per longam pœnitentiam redeunt. Et nunc innumerabiles rapit, cum falsitatis suæ stupenda hominibus signa non exhibet. Cum verò coram carnalium oculis miranda eis prodigia fecerit: post se tunc non innumerabiles, sed omnes trahit: quia qui bonis præsentibus delectantur, potestati illius se absq; retractatione subiiciunt. Sed sicut præfati sumus, quia plus est omnem hominem quam innumerabiles trahere: cur prius dicitur quia omnem hominem trahit, & post in augmento innumerabiles subiiciuntur? Ratio nanque expetit, ut prius quod minus est, & post in augmento quod plus est, diceretur. Sed sciendum quia hoc loco plus fuit innumerabiles dixisse quam omnes. Post se enim omnem hominem trahit: quia in tribus annis & dimidio omnes quos in studiis vitæ carnalis inuenerit, iugo suæ dominationis astringit. Ante se verò innumerabiles trahit: quia per quinque milia & adhuc amplius annorum curricula, quauis carnales omnes trahere minimè potuit: multo tamen plures sunt in tam longo tempore hi, quos ante se innumerabiles rapit, quam omnes quos in tam breui tempore rapiendos inuenerit. Bene ergo dicitur: Post se omnem hominem trahit, & ante se innumerabiles: quia & tunc minus tollit, cum omnes tulerit: & nunc amplius diripit, cum corda omnium inuadit. Hæc beatus Iob, quia contra iniquorum principem mirè disseruit, qui in hac vita extolli permittitur, sed in aduentu Domini destruetur: de se patenter ostendit, quia flagella dominica non ex offensione suscepit: quoniam si iniquus quisque in hac vita permittitur prosperari, necesse est ut electus Dei debeat sub flagelli freno retineri. Ex qua re amicos arguit, dicens: Quomodo igitur consolamini me frustra, cum responsio vestra repugnare offensa sit veritati? Amici beati Iob eum consolari non poterant, in quo suis sermonibus veritati contraibant. Cumque hunc hypocritam vel impium dicerent, per hoc quod ipsi mentientes perpetrabant culpam, augebant proculdubio pœnitiam iusti vulneribus afflicti. Nam sanctorum mentes quia veritatem diligunt, etiam culpa fallaciæ torquet alienæ. Quantò enim graue mendacij esse crimen aspiciunt, tantò hoc non solum in se, sed etiam in aliis oderunt.

Libri decimiquinti Moralium sancti
Gregorij finis.

B. GREGORII

B. GREGORII

MORALIVM CAPVT VI.

gesimum secundum textus libri

beati Iob: principium verò

libri decimisexti expo-

sitionis in eundem

librum.

Respondens autem Eliphaz Themanites, dixit: Nunquid Deo comparari potest homo, etiam cum perfectæ fuerit scientiæ? Quid prodest Deo si iustus fueris: aut quid ei confers si immaculata fuerit vita tua? Nunquid timens arguet te: & veniet tecum in iudicium, & non propter malitiam tuam plurimam, & infinitas iniquitates tuas: Abstulisti enim pignus fratrum tuorum sine causa: & nudos spoliasti vestibus. Aquam lasso non dedisti: & esurienti subtraxisti panem. In fortitudine brachij tui possidebas terram: & potentissimus obtinebas eam. Viduas dimisisti vacuas: & lacertos pupillorum comminuisti. Propterea circumdatus es laqueis, & conturbat te formido subita. Et putabas tenebras te non visurum, & impetu aquarum inundantium non oppressum iri. An cogitas quod Deus excelsior cælo sit, & super stellarum verticem sublimetur: Et dicis: Quid enim nouit Deus? Et quasi per caliginem iudicat. Nubes latibulum eius, nec nostra considerat, & circa cardines cæli perambulat. Nunquid semitam seculorum custodiri cupis, quam calcauerunt viri iniqui: qui sublati sunt ante tempus suum: & fluuius subuertit fundamentum eorum? Qui dicebant Deo: Recede à nobis: & quasi nihil possit facere omnipotens, æstimabant eum, cum ille impleisset domos eorum bonis. Quorū sententia procul sit à me. Videbunt iusti, & latabuntur: & innocēs subfannabit eos. Nonne succisa est erectio eorum, & reliquias eorū deuorabit ignis? Ac quiesce igitur ei, & habeto pacem, & per hæc habebis fructus optimos. Suscipe ex ore illius legē, & pone sermones eius in corde tuo. Si reuersus fueris ad omnipotentē, ædificaberis: & longē facies iniquitatem à tabernaculo tuo. Dabit pro terra silicē, & pro silice torrentes aureos. Eritque omnipotens contra hostes tuos, & argētum coaceruabitur tibi. Tunc super omnipotentē deliciis afflues, & eleuabis ad Deū faciem tuā. Rogabis eum, & exaudiet te: & vota tua reddes. Decernes rem, & veniet tibi, & in viis tuis splendet lumen. Qui enim humiliatus fuerit, erit in gloria: & qui inclinauerit oculos suos ipse saluabitur. Saluabitur innocens: saluabitur autem munditia manuum suarum.

Quid iustitia nostra non indigeat Deus.

Caput I.

Vi contra veritatis verba in allegatione deficient: sæpe etiam nota replicant, ne tacendo victi videantur. Vnde Eliphaz beati Iob sermonibus pressus, ea dicit quæ nullus ignorat. Ait enim: Nunquid Deo comparari potest homo, etiam cum perfectæ fuerit scientiæ? In comparatione enim Dei scientia nostra ignorantia est. Ex Dei nanque participatione sapimus, non comparatione. Quid ergo mirū cum illud quasi per doctrinam dicitur: quod sciri potuit etiā

si taceretur? Qui adhuc Dei potentiam quasi defendēdo subiungit: Quid prodest Deo si iustus fueris: aut quid ei confers, si immaculata fuerit vita tua? In omni quippe quod bene agimus, nosmetipsos, non autem Deum iuuamus. Vnde & per Psalmistā dicitur: Dixi domino, Deus meus es tu, quoniam bonorum meorū non eges. Ipse enim verē nobis Dominus: quia & utique Deus est, qui bono non indiget seruientis, sed bonitatem confert quam recipit: ut oblata bonitas nō ipse, sed prius accipientibus, & post reddentibus profit. Nam et in iudiciū Dominus veniens dicit: Quādiu fecistis vni de his fratribus meis minimis, mihi fecistis: mira hoc pietate loquitur ex suorū cōpassione membrorū. Et ipse nos per hoc quod caput nostrū est, adiuvat: qui per nostra bona opera in suis membris adiunatur: Adhuc adiungit Eliphaz quod nullus ignorat, dicens: Nunquid timens arguet te, & veniet tecum ad iudiciū? Quis hoc vel desipiens sentiat, quod Dominus ex timore nos arguat, & ex metu iudiciū contra nos suum proponat? Sed qui verba sua metiri nesciunt, proculdubio ad otiosa dicta dilabuntur. In quibus si se minimē reprehendunt: statim ad noxia & contumeliosa verba profilunt. Vnde Eliphaz qui otiosa intulit, ad contumeliosa protinus verba prorupit, dicens: Et non propter malitiam tuam plurimam, & infinitas iniquitates tuas. Ecce à torpenti corde ad verba venit otiosa: ab otiosis autem verbis per crimen fallaciæ ad cōtumelias exarsit. Isti quippe sunt casus culpæ crescentis, ut lingua cum nō restringitur, nequaquā ubi ceciderit iaceat, sed semper ad deteriora descendat. Ea verò quæ subiuncta sunt quia valde iuxta historiam patent, exponenda ad literam non sunt. Sed quia amicos beati Iob hæreticorum speciem tenere diximus, ipsum verò significationem sanctæ Ecclesiæ gerere, iam nunc Eliphaz verba quomodo hæreticorum falsitati congruant, demonstramus. Nam sequitur:

Quid sit quod per Moysen iubetur, ut ante solis occasum debitori fratri pignus restitueretur.

Caput II.

Abstulisti enim pignus fratrum tuorum sine causa: & nudos spoliasti vestibus. Aquam lasso non dedisti: & esurienti subtraxisti panem. In fortitudine brachij tui possidebas terram: & potentissimus obtinebas eam. In scriptura sacra pignoris appellatione aliquando dona spiritus sancti, aliquando verò signatur confessio peccati. Pignus nanque accipitur donum spiritus sancti: sicut per Paulum dicitur: Qui dedit nobis pignus spiritus. Ad hoc enim pignus accipimus, ut de promissione quæ nobis fit, certitudinem teneamus. Donum ergo sancti spiritus pignus dicitur: quia per hoc nostra anima ad interioris spei certitudinem roboratur. Rursum pignoris nomine, peccati confessio solet intelligi: sicut in lege scriptum est: Cum debet tibi quippiam frater tuus, & abstuleris pignus ab eo, ante solis occasum pignus restitue. Frater etenim noster debitor nobis efficitur, cum quilibet proximus in nos aliquid deliquisse monstratur. Peccata quippe debita vocamus. Vnde peccatori seruo dicitur: Omne debitum dimisi tibi. Et in dominica oratione quotidie precamur: Dimitte nobis debita nostra, sicut & nos dimittimus debitoribus nostris. A debitore autem nostro pignus accipimus, quando ab eo qui in nos peccasse cognoscitur, peccati eius iam confessionem tenemus, per quam relaxare peccatum quod in nos perpetratum est postulamus. Qui enim peccatum quod commisit fatetur, & veniam petit, iam quasi pro debito pignus dedit. Quod nimirum pignus ante solis occasum reddere iubemur: quia priusquam in nobis per dolorem cordis sol iustitiæ occidat, debemus ei confessionem veniē reddere, à quo confessionem accipimus culpæ: ut qui se deliquisse in nos meminit, à nobis mox relaxatum sentiat, quod deliquit. Quia ergo sancta Ecclesia quoslibet ab hæreticis ad veritatem fidei reuertentes recipit, prius ut confiteri erroris sui culpam debeant persuadet: quasi sub hæreticorum specie per Eliphaz dicitur: Abstulisti enim pignus fratrum tuorum sine causa. id est, ab his qui à nobis ad te veniunt, inutiliter confessionem erroris exegisti. Si verò, ut prædiximus, pignus sancti spiritus dona sentiamus, hæretici sanctam Ecclesiam fratrum suorum pignus dicunt abstulisse: quia eos qui ad illam veniunt, dona spiritalia suspicantur amittere. Vnde & sequitur:

Quod hæretici in catholica Ecclesia panem sanctæ doctrinæ, & vestimenta disciplina negant esse, apud se esse affirmant, ideoque catholicis insultant.
Caput III.

ET nudos spoliasti vestibus.) Eos quos hæretici peruersis prædicationibus trahunt, præcepta doctrinæ suæ quasi quædam vestimenta habere existimant: & tandiu illos vestitos putant, quandiu hæc quæ ipsi prædicauerunt, ab illis seruari considerant: ex quibus cum quidam ad sanctam Ecclesiam redeunt, eos protinus doctrinæ vestimenta perdidisse suspicantur. Sed cum nudus expoliari nequeat, quærendum nobis est: quomodo prius nudi, & post spoliati memorantur? Sed sciendum est quia omnis qui cordis puritate perfruitur, eo ipso quo dupliciter in se tegumentum non habet, nudus est. Et sunt nonnulli apud hæreticos, qui cordis quidem puritatem habent, sed tamen doctrinæ eorum dogmata peruersa suscipiunt. Hi nimirum & ex sua puritate nudi sunt, & quasi ex eorum prædicatione vestiuntur. Et quia tales quique facile ad sanctam Ecclesiam redeunt, eo quod dupliciter malitia non vtuntur, eos hæretici nudos fatentur, quos ab ea dicunt vestibus expoliatos: quia simplices quosque pigros atque hebetes putant, quos praua sua dogmata perdidisse considerant. Sequitur: *Aquam lasso non dedisti, & esurienti subtraxisti panem.*) Hæretici quique, quo veritatis soliditatem non tenent, eo nonnunquam student, ut loquaciores appareant: & contra catholicorum fidem quasi de doctrinæ scientia gloriantur: Cunctos quos aspiciunt, prauis ad se trahere sermonibus querunt: & vnde sibi alios ad interitum sociant, inde se agere aliquid viuaciter putant. Eos vero lasso dicimus, qui sub huius seculi onere laborioso fatigantur. Vnde & per semetipsam veritas dicit: Venite ad me omnes qui laboratis & onerati estis, & ego reficiam vos. Hæretici igitur, quia sua dogmata prædicare non cessant, sanctam Ecclesiam quasi de imperitiis irident, dicentes: Aquam lasso non dedisti, & esurienti panem subtraxisti. Se enim aquam lasso dare existimant, cum quibusdam sub terreno fasce laborantibus sui poculum erroris præbent. Et panem se esurientibus non subtraxisse suspicantur: quia etiam de inuisibilibus atque incomprehensibilibus requisiti, cum superba audacia respondent. Et tunc se doctos præ omnibus credunt, cum loqui de incognitis infelicius præsumunt. Sancta verò Ecclesia dum quempiam videt esurire, quod ei non prodest accipere: aut si iam sunt sibi cognita, modestè suppressit: aut si adhuc videtur incognita, humiliter fatetur: cōsque ad ordinatam humilitatis sensum reuocat, cum per suum illis prædicatorem dicit: Non plus sapere quam oportet sapere, sed sapere ad sobrietatem.

Et rursum: Noli altum sapere sed time. Atque iterum: Altiora te ne quæsieris, & fortiora te ne scrutatus fueris. Et rursum: Mel inuenisti: comede quod sufficit tibi, ne forte satiatus euomas illud. Mel quippe inuenire, est sancti intellectus dulcedinem degustare. Quod tunc sufficienter comeditur, quando nostra intelligentia iuxta mensuram sensus sub moderamine tenetur. Nam satiatus mel euomit, qui plus appetens penetrare quam capit, & illud perdit vnde potuit nutriri. Quia ergo sancta Ecclesia ab infirmis mentibus prohibet alta perscrutari, beato Iob dicitur: Esurienti subtraxisti panem. Et quia eius quoque magnitudini hæretici inuidet, quod in fide vera populos vniuersaliter tenet, cum terrenæ prosperitatis tempus inueniunt, contra eam in superbis vocibus excedunt: & exprobrantes aperiunt, quantum prius eius potentiæ latenter inuidebant. Nam sequitur: *In fortitudine brachij tui possidebas terram: & potentissimus obtinebas eam.*) Ac si patenter dicant: Quod in prædicatione tua terram vniuersaliter occupasti, potentia fortitudinis, non ratio veritatis fuit. Quia enim Christianos principes prædicationem eius tenere conspiciunt, hoc quod ei à populis creditur, non virtutem rectitudinis, sed causam secularis potentiæ esse suspicantur. Sequitur: *Viduas dimisisti vacuas: & lacertos pupillorum comminuisti.*) Plebes quæ hæreticis prædicantibus sunt subiectæ, ex carnali intelligentia errorum eorum semina peruersa conepiunt, eisq; in sua damnatione sociantur. Sed cum sancta Ecclesia ipsos errorum prædicatores vel ratione victos ad se suscipit: vel studio peruersitatis obduratos sub disciplinæ suæ vincula restringit: destituti hæretici cum remanere apud se plebes sine prædica-

toribus vident, quid aliud à sancta Ecclesia quam videri vacuas relictas dolent? Et quia subtractis hæreticorum magistris, eorum discipulos in suo opere infirmari suspicantur, quasi lacertos pupillorum comminutos ab Ecclesia esse conqueruntur. Vel certè quia sancta Ecclesia dum quosdam ab hæreticis venientes suscipit: liquet nimirum quod pristino eorum errori contradicit. Nam sunt nonnulli qui ita virginitati carnis student, ut nuptias damnent: & sunt nonnulli qui ita abstinentiam laudant, ut fumentes alimenta necessaria detestentur. De quibus per Paulum dicitur: Prohibentium nubere, iubentium abstinere à cibis, quos Deus creauit ad percipiendum cum gratiarum actione fidelibus. Quia ergo eos à carnali intentione suæ superstitionis reuocat, hæretici cum hos aspiciunt aliter viuere quam docuerunt, lacertos eorum ab operatione quam prius tenuerant, comminutos esse ab Ecclesia detestantur. Vnde & in hoc tempore disciplinæ, si quid ei aduersitatis euenerit, hoc euenisse ex digna peccatorum retributione suspicantur. Nam subditur: *Propterea circumdatus es laqueis, & conturbat te formido subita.*) Illum formido subita conturbat, qui considerare negligit, quid ex distractione iudicis venientis imminet. Quia ergo fidelem populum hæretici culpis perfidiæ oppressum credunt, circumdatum laqueis accusant. Et quia existimant quod futura non præuideat, in percussione sua hunc subita formidine conturbatum putant. Qui adhuc insultantes adiungunt: *Et putabas te tenebras non visurum, & impetu aquarum inundantium non oppressum iri.*) Acti aperte dicant: Securitatem pacis in spe tibi proposueras: & idcirco de præsumptione tua quasi de luce gaudebas, nec te vnquam opprimi tribulationibus existimasti. Sed ecce dum superuenientibus malis affigaris, an sint recta quæ tenes, ipsæ quæ te opprimunt tribulationum tenebræ ostendunt. Quas videlicet tribulationes Eliphaz aquis inundantibus comparat: quia dum aliæ super alias irruunt, quasi aquis tumentibus vndæ vndas sequuntur. Sequitur:

Caput V.

AN cogitas quod Deus excelsior cælo sit, & super stellarum vertices sublimetur? & dicis: Quid enim nouit Deus? & quasi per caliginem indicat. Nubes latibulum eius: nec nostram confidens at, & intra cardines cæli perambulat.) Sunt plerique ita hebetes, ut formidare nesciant, nisi quod corporaliter vident. Vnde fit, ut Deum non metuant, quem videre non possunt. Hæretici autem quia se esse sapientes arbitrantur, verba contra catholicos irrisoria proferunt: atque ab eis illum non timeri suspicantur, quem videre corporaliter nequeunt: ut quasi per torporem sensus authorem suum existiment, quia cælo excelsior est, & super stellarum vertices sublimatur, ex longinquo videre non posse: & quia inter nos & cælestem sedem partes aëreæ interfunt, quasi in nube latens per caliginem iudicet, & superioribus intentus, minus ima perpendat: & dum cæli cardines ambiendo constringit, inferiora non videat. Sed quis de Deo ista vel desipiens suspicatur? Qui nimirum dum sit semper omnipotens, sic intendit omnibus, ut absit singulis: sic adest singulis, ut simul omnibus nunquam desit. Nam etsi quosdam peccates deserit, eisdem tamen ipsis adest per iudicium, quibus deesse cernitur per adiumentum. Sic itaque exteriora circumdat, ut interiora impleat: sic interiora implet, ut exteriora circumdet: sic summa regit, ut ima deserat: sic imis præsens est, ut à superioribus non recedat: sic latet in sua specie, ut tamen cognoscatur in operatione: sic cognoscitur in suo opere, ut tamen comprehendi non valeat à cognoscentis æstimatione: sic adest, ut videri nequeat: sic videri non valet, ut tamen eius præsentiam ipsa sua iudicia testentur: sic se nobis intelligendum præbet, ut tamen ipsum nobis radium sui intellectus ohnubilet: & rursum sic caligine nos ignorantia reprimat, ut tamen menti nostræ radiis suæ claritatis intermicet: quatenus & subleuata quippiam videat, & reuerberata contremiscat: & quia eum sicuti est videre non potest, aliquatenus videndo cognoscat. Sed hæc hæretici sanctam Ecclesiam scire non æstimant: quia stulto iudicio solos se esse sapientes putant. Ex quorum adhuc typo subiungitur: *Namquid semitam seculorum custodire cupis, quam calcauerunt viri iniqui?*) Sicut semita redemptoris nostri humilitas, ita semita seculorum superbia est. Seculorum itaque semitam viri iniqui calcant: quia per huius vitæ

Matthæi.

Roma. 12.

Roma. 11.

Eccle. 3.

Prover. 25.

4

H

1. Tim. 4.

5

huius vitæ desideria in elatione perambulant. De quibus adhuc iniquis subditur:

Deus mutat sententiam, consilium verò immobile manet.

Caput IIII.

6. **Q**ui sublatis sunt ante tempus suum, & fluuius subuertit fundamentum eorum.) Cum tempus vitæ à diuina nobis præscientia sit proculdubio præfixum: quærendum valde est, qua ratione nunc dicit: quod iniqui ex præsentī seculo ante tempus proprium subtrahantur? Omnipotens enim Deus & si plerunque mutat sententiam, consilium nunquam. Eo ergo tempore ex hac vita quisque subtrahitur, quo ex diuina potentia ante tempora præscitur. Sed sciendum quia creans & ordinans nos omnipotens Deus iuxta singulorum merita, disponit, & terminum: vt vel malus ille breuiter viuat, ne multis bene agentibus noceat: vel bonus iste diutius in hac vita subsistat, vt multis boni operis adiutor existat: vel rursus malus longius differatur in vita, vt praua adhuc opera augeat: ex quorum tentatione purgati iusti verius viuunt: vel bonus citius subtrahatur, ne si hic diu vixerit, eius innocentiam malitia corrumpat. Sciendum tamē quia benignitas Dei est, peccatoribus spatium pœnitentiæ largiri. Sed quia accepta tempora nō ad fructum pœnitentiæ, sed ad vsum iniquitatis vertūt, quod à diuina misericordia mereri poterāt, amittunt. Quauis omnipotēs Deus illud tempus vniuscuiusque ad mortem præsciat, quo eius vita terminatur: nec alio in tempore quisquam mori potuit, nisi ipso quo moritur. Nam si Ezechie anni additi ad vitam quindecim memorantur: tempus quidem vitæ creuit ab illo termino, quo mori ipse merebatur. Nam diuina dispositio eius tempus tunc præsciuit, quo hunc postmodum ex præsentī vita subtraxit. Cum ergo ita sit, quid est quod dicitur: quia iniqui sublatis sunt ante tempus suum, nisi quod omnes qui præsentem vitam diligunt, longiora sibi eiusdem vitæ spatia promittunt? Sed cum eos mors superueniens à præsentī vita subtrahit, eorum vitæ spatia quæ sibi longiora quasi in cogitatione tendere consueuerant, intercidit. De quibus rectē dicitur:

Quod reprobi in hac vita ciuitates ædificant, & delectationum suarum solennia dedicant, sancti verò dedicationem sabbati sui expectant.

Caput V.

Et fluuius subuertit fundamentum eorum.) Iniqui enim dum corde transire ad æterna negligunt, & cuncta præsentia fugitiua esse non intuentur, mentem in amore præsentis vitæ figunt, & quasi longæ habitationis in ea sibi fundamentum construunt: quia in terrenis rebus per desiderium solidantur. Sic primus in terra Cain ciuitatem construxisse describitur, qui videlicet peregrinus apertē monstratur: quia ipse in terra fundamentum posuit, qui à soliditate æternæ patriæ alienus fuit. Peregrinus quippe à summis fundamentum in infimis posuit, * qui stationem cordis in terrena delectatione collocauit. Vnde & in eius stirpe Enoch, qui dedicatio interpretatur, primus nascitur: in electorum verò progenie Enoch septimus fuisse memoratur: quia videlicet reprobi in hac vita quæ antē est, semetipsos ædificando deducant: electi verò ædificationis suæ dedicationem in fine temporis, id est, in septimo tempore expectant. Videas namque plurimos temporalia sola cogitare, honores quærere, ambiendis rebus inhiare, nil post hanc vitam requirere. Quid itaque isti nisi in prima se generatione dedicāt? Videas electos nil præsentis gloriæ quærere: libenter inopiam sustinere: mala mundi æquanimiter perpeti, vt possint in fine coronari. Electis ergo Enoch in septima generatione nascitur: quia sui dedicationem gaudij in extremæ retributionis gloria requirunt. Et quia quotidiano temporis lapsu ipsa præsentis vitæ mortalitas decurrit, atque reproborum dedicationem eosdem reprobos subtrahendo destruit: rectē de iniquis dicitur: Et fluuius subuertit fundamentū eorū, id est, ipse cursus mutabilitatis statum in eis subruit peruersæ cōstructionis. Sequitur: *Qui dicebant Deo: Recede à nobis.* Hæc etiam beatum Iob dixisse quis ambigat? Sed quæ in eius dictis exposuimus, propter legentis fastidium replicare deuitamus. Sequitur: *Et quasi nil possit facere omnipotens, æstimabant eum.* In his quoque sermo, & non sententia immutatur. Nam quod per beatum

Tomus primus.

A Iob dictum est: Quis est omnipotens vt seruiamus ei? hoc per Eliphaz dicitur: Et quasi nihil possit facere omnipotens, æstimabant eum. Sequitur: *Cum ille impleset domos eorum bonis.* Malorum domos Dominus bonis implet: quia etiam ingratis sua dona non denegat: vt aut benignitatem conditoris erubescant, & ad bonitatem redeant: aut redire omnimodo contemnentes, inde illic grauius puniantur, vnde hîc & bonis Dei largioribus mala reddiderunt: vt duriora eos tunc supplicia puniant; quorum hic malitiam, nec dona vicerunt. Sequitur: *Quorum sententia procul sit à me.* Hoc etiam per beatum Iob dictum est. Ait namque: Quorum consilium longē sit à me, quauis aliud sentētia; atque aliud consilium possit intelligi. Sententia quippe in ore est, consilium in cogitatione. Dum ergo Eliphaz longē se à malorum sententia, beatus verò Iob à consilio optauit: constat nimirum quia iste malorum verbis, ille verò etiam cogitationi desiderat esse dissimilis. Sequitur:

Quod iusti in hac vita in peccatis reproborum tabescunt, adhuc de suo fine incerti, postmodum verò iam non habentes quod metuant, in interitum eorum gaudebunt, vnaque erit eis cum iudice & districtio & voluntas.

Caput VI.

Videbunt iusti, & lætabuntur, & innocens subsannabit eos.) Iusti cum hîc iniustos errare conspiciunt, de errore pereuntium lætari non possunt. Si enim gaudent erroribus, iusti non sunt. Rursus si per insultationem lætantur, eo quod tales non sunt, quales alios esse conspiciunt, omnino superbi sunt. Vnde & Phariseus iustificationem perdidit: quia Publicani meritis gaudento se prætulit, dicens: Gratias ago tibi, quia nō sum sicut cæteri hominum, raptores, iniusti adulteri, velut etiam hic publicanus. Rursus si dicimus quod perfectio gaudio exultare iusti possunt de more prauorū, quale est in hoc mundo gaudium de vltione peccantium, in quo adhuc incerta est vita iustorum? Discernamus igitur tempora tremoris & exultationis. Vident etenim nunc iniustos iusti, & de eorum nequitia tabescunt. Cūque eos perire conspiciunt, de sua quoque vita suspecti fiunt. Quando ergo videbunt iusti iniquorum interitum & lætabūtur, nisi cū districto iudici perfecta iā securitate exultationis inhæserint, cū in illo extremo examine illorum damnationem conspiciūt, & de se iam quod metuant non habebunt? Nunc itaque reprobos aspiciunt & gemunt, tunc aspiciunt & subsannant: quia eos exultando cōspiciunt, quos modo nec sine gemitu iniqua perpetrantes, nec sine metu vident pro iniquitate morientes. Vnde per hoc quod subditur: quia de damnatione eorum vltima dicatur, ostenditur, nam protinus subinfertur:

Quod gloria peccatorū succidetur in fine, & ipsas carnis reliquias, quas in sepulchro deseruerat, anima rursus accipiet, vt pariter flamma gehennæ corpus & animam affligat.

Caput VII.

Nonne succisa est erectio eorum, & reliquias eorum deuorauit ignis?) Hîc namque iniqui erecti sunt, quia prauis actionibus extolluntur, quia & peruersē agunt, & tamen pro peruersis actibus minimē feriuntur. Peccant & florent, peccata augent, & terrena bona multiplicant. Sed eorum erectio tunc succiditur, cū vel à præsentī vita ad interitum, vel à conspectu æterni iudicis ad æternum gehennæ incendium pertrahuntur. Qui etsi hîc mortuam suam carnem relinquunt, ipsam quoque in resurrectione recipiunt, vt cum carne ardeant, in qua peccauerunt. Sicut enim eorum culpa in mente fuit & corpore, ita eorum pœna in anima erit pariter & carne. Quia ergo nec hoc eis erit à tormento liberum, quod hîc mortuū relinquunt, rectē nunc dicitur: *Reliquias eorum deuorabit ignis.* Sequitur: *Acquiesce igitur ei, & habeto pacem, & per hæc habebis fructus optimos. Suscipe ex ore illius legem, & pone sermones eius in corde tuo.* Culpa superbix est docere meliorem. Quam sæpe hæretici perpeltrant, qui de his quæ prauē sentiunt, quasi docere catholicos præsumunt. Tunc enim eos putant Deo acquiescere, si illos contigerit eorum peruersitatibus consentire. Et acquiescentibus pacem promittunt: quia contra eos qui sibi consentiunt, iam iurgari desistunt. Fructus autem optimos sibi consentientibus pollicentur: quia eos solos bona opera agere existimant, quos ad sua dogmata se trahere exultant. Quibus & hoc congruit quod adiungit:

Suscipe ex ore illius legem.) Quia ea quæ ipsi sentiunt, ex ore Dei procedere suspicantur. *Et pone sermones eius in corde tuo:*) Ac si apertè astruat, dicens: Quos nunc usque in ore, & nō in corde tenuisti. Quia enim eorum peruersa dogmata respuit, non eum verba Dei in sensu, sed in ostensione habuisse criminantur. Vnde quasi sub quadam specie dulcedinis infundunt virus pestiferæ persuasionis, ut verba Dei Ecclesiam in corde suo ponere admoneant. Quæ si vnquam à corde illius recessissent, ab illis talia nullatenus audiret. Sequitur: *Si reuersus fueris ad omnipotentem, edificaberis, & longè facies iniquitatem à tabernaculo tuo.*) Fidelem populum hæretici à Deo discessisse existimant: quia eum suis prædicationibus resistentem vident. Quem cum malis præsentibus afflictum conspiciunt, quasi per admonitionem ad conditoris gratiam trahere conantur, dicentes: *Si reuersus fueris ad omnipotentem, edificaberis.*) Ac si apertè dicant: Quia nostris dogmatibus resistendo à Domino recessisti, idcirco à iustitiæ ædificatione destructus es. Tabernaculum verò aliquando accipimus habitaculum corporis, aliquando verò habitaculum cordis. Nam sicut anima habitamus in corpore, ita per cogitationes habitamus in mēte: Iniquitas ergo in tabernaculo mētis, est peruersa inuentio in studio cogitationis: Iniquitas autem in tabernaculo corporis, per expletionem operis actio carnalis. Eliphas itaque quia amicus beati viri extitit, quædam vera sentiens, & tamen in his in quibus à rectitudine deuiat, hæreticorum speciem tenens, beatum Iob ex virtutibus flagellatum nesciens, errasse credidit, quem percussum vidit, eique si reuersus ad omnipotentem fuerit, pollicetur dicens: *Longè facies iniquitatem à tabernaculo tuo:*) ac si patenter dicat: Quisquis ad Deum post errata reuertitur, in cogitatione simul & in opere mundatur. Sequitur:

Quod infirmi sanante Deo ita conualescant, ut postmodum doctrina claritate effulgeant. Caput VIII.

9. **D** *Abit pro terra silicem, & pro silice torrentes aureos.*) Quid per terram, nisi infirmitas actionis, quid per duritiam silicis, nisi fortitudo signatur? Quid per torrentes aureos, nisi doctrinam intimæ claritatis accipimus? Omnipotens autem Deus ad se conuersis pro terra dat silicem: quia pro infirma actione fortitudinem tribuit robusti operis. Dat etiam pro silice torrentes aureos: quia pro robusto opere doctrinam multiplicat claræ prædicationis, ut peccator quisque conuersus, & ex infirmo fortis existere valeat, & in sua fortitudine usque ad proferenda verba intimæ claritatis exurgat, quatenus in eo & infirmitas actionis in qua velut terra soluitur, bene viuendi fortitudine solidetur, & rursus cum sensus ex vita trahitur, ex ipsa fortitudine torrentes aurei defluant: quia in ore bene viuentium doctrinæ claritas inundat. Sequitur: *Eritque omnipotens contra hostes tuos, & argentum coaceruabitur tibi.*) Quos magis alios hostes patimur quam malignos spiritus? Qui in nostris nos cogitationibus obsident, ut ciuitatem valeant nostræ mentis irrumpere, eamque sub sui iugo dominij captam tenere. Argenti autem nomine, sacra eloquia designari testatur Psalmista, qui ait: Eloquia Domini eloquia casta, argentum igne examinatum. Et sæpe cum eloquiis sacris intendimus, malignorum spirituum insidias grauius toleramus: quia mēti nostræ terrenarum cogitationum puluerem spargunt, ut intentionis nostræ oculos à luce intimæ visionis obscurant.

Psalm. II.

Psalm. II. 8. **Q**uod nimirum Psalmista pertulerat, cum dicebat: Declinate à me maligni, & scrutabor mandata Dei mei. Videlicet patēter insinuans: quia mandata Dei perscrutari non poterat, cum malignorum spirituum insidias in mente tolerabat. Quod etiam in Isaac opere sub Allophylorum prauitate cognoscimus designari, qui puteos quos Isaac foderat, terræ congerie replebant. Hos enim nos nimirum puteos fodimus, cum in scripturæ sacre abditis sensibus alta penetramus. Quos tamē occultè replent Allophyli, quando nobis ad alta tendentibus immundi spiritus terrenas cogitationes ingerūt, & quasi inuentam diuinæ scientiæ aquam tollunt. Sed quia nemo hos hostes sua virtute superat, per Eliphas dicitur: *Eritque omnipotens contra hostes tuos, & argentum coaceruabitur tibi.*) Ac si apertè diceretur: Dum malignos spiritus Dominus sua à te virtute repulerit, diuini intus eloquij talentum lucidum ex-

crecit. Sequitur:

Quod deliciis affluunt multiplices intellectus, qui in scripturis sanctis discernere sciunt. Caput IX.

10. **T** *Vnc super omnipotentem deliciis affluet.*) Super omnipotentem deliciis affluere, est in amore illius scripturæ sacre epulis satiari. In cuius nimirum verbis tot delicias inuenim⁹, quot ad profectum nostrum intelligentiæ diuersitates accipimus, ut modò nuda nos pascat historia, modò sub textu literæ velata medullitus nos reficiat moralis allegoria, modò ad altiora suspendat contemplatio, in præsentis vitæ tenebris iam de lumine æternitatis intermicans. Et sciendum quod quisquis deliciis affluit, in quadā sui remissione soluitur, atq; à laboris studio quasi ex lassitudine relaxatur: quia nimirum anima, cum internis deliciis abundare cœperit, terrenis iam operibus incubare minimè consentit, sed amore conditoris capta, & sua captiuitate iam libera, ad cōtemplandā eius speciem deficiendo suspirat, & quasi lassescendo cōualescit: quia dum sordida onera portare iam nō valet, ad illum per quietē properat quem intus amat. Hinc etiā in admiratione sponsæ scriptum est: *Quæ est ista quæ ascendit de deserto deliciis affluēs?* Quia nimirum sancta Ecclesia, nisi verborū Dei deliciis afflueret, de deserto vitæ præsentis ascendere ad superiora nō posset. Deliciis ergo affluit, & ascendit, quia dum mysticis intelligentiis pascitur, ad superna quotidie cōtemplanda subleuatur. Hinc etiam Psalmista ait: Et nox illuminatio mea in deliciis meis: quia dum per intellectū mysticū studiosa mens reficitur, iam in ea vitæ præsentis obscuritas fulgore dei subsequenti illuminatur, ut etiā in huius corruptionis caligine in intellectu illius vis futuri luminis erumpat, & verborū deliciarum pasta prægustando discat, quid de pabulo veritatis esuriat. Sequitur: *Et lauabis ad Deum faciem tuā.*) Ad Deum faciem leuare, est cor ad sublimia inuestiganda attollere. Nā sicut per corporis faciē homini, ita per interiorē imaginem Deo noti atque cōspicabiles sumus. Cum verò reatu culpæ deprimimur, ad Deū leuare cordis nostri faciem veremur. Dum enim nulla bonorum operum confidentia fulcitur, intueri summa mens trepidat, quia ipsa se cōscientia accusat. Cum verò iam pœnitentiæ lamētis culpa diluitur, & sic perpetrata planguntur, ut plangēda minimè perpetrentur, magna menti fiducia nascitur, & ad cōspicienda supernæ retributionis gaudia cordis nostri facies leuatur. Sed hæc Eliphas rectè diceret, si infirmum moneret. Cum verò iustū virum propter flagella despicit, quid aliud quàm verba sciētīe nesciens fundit? *Quæ nimirum dicta si ad hæreticorum typum ducimus, ipsi falsis promissionibus ad Deū nos faciem leuare pollicentur.* Ac si fidei populo patēter dicant: *Quandiu prædicationem nostram non sequeris, cor in infimis premis.* Quia verò Eliphas beatum Iob ad Deum reuerti admonuit, à quo videlicet idem vir beatus nunquam recessit, adhuc pollicendo subiungit: *Rogabis eum, & exaudiet te.*) Rogant quippe Dominum, sed exaudiri minimè merentur, qui iubentis Domini præcepta contēnunt. Vnde scriptum est: *Qui declinat aurem suam ne audiat legē, oratio eius erit execrabilis.* Quādiu ergo Eliphas beatū Iob non exaudiri credidit, hunc nimirum in suo opere errasse iudicauit. Vnde & adhuc subdit. *Et vota tua reddes.*

Qui vota vouit, sed hæc præ infirmitate soluere non valet, ei ex peccati pœna agitur, ut volenti bonum posse subtrahatur. Cum verò in conspectu intimi iudicis ea quæ obstitit culpa detergitur, fit protinus ut votum possibilitas sequatur. Sequitur: *Decernes rem, & veniet tibi.*) Hoc esse proprium infirmantium iudicium solet, ut tantò quempiam existiment iustum, quantò hunc adipisci conspiciunt omne quod petit: cum videlicet nouerimus nonnunquam bona terrena iustis subtrahi, quæ largo munere tribuuntur iniustis, quia & desperatis ægris medici quicquid poposcerint, dari præcipiunt, & eis quos reduci posse ad salutem præuident, quæ appetunt dari contradicunt. Sed si dicta hæc Eliphas de donis spiritualibus intulit, sciendum quod res decernitur & venit, cum virtus quæ ex desiderio appetitur, largiente Deo etiam effectu prosperatur. Vnde & adhuc subditur:

Quod apud Deum nulla est iniustitia hominis, si eam extollis arrogantia mentis. Caput X.

Et in

E *T in viis tuis splendeat lumen.*) In viis quippe iustorum lumen, splendere, est per mira opera virtutum signa suae claritatis aspergere ut quocunque per intentionem pergunt, ab intuentium cordibus peccati noctem excutiant, & exemplo sui operis in eis iustitiae lumen fundant. Sed quantalibet sit iustitia operis, apud internum iudicem nulla est, si hanc eleuat tumor mentis. Vnde & subditur: *Qui enim humiliatus fuerit, erit in gloria: & qui inclinauerit oculos suos, ipse saluabitur.*)

Quae nimirum sententia à veritatis ore non discrepat, dicentis: Omnis qui se exaltat, humiliabitur, & qui se humiliat, exaltabitur. Vnde & per Salomonem dicitur: Antequam contemnatur, exaltatur cor hominis, & antequam gloriatur, humiliatur. Rectè autem dicitur: *Qui inclinauerit oculos suos, ipse saluabitur*: quia quantum per membrorum ministerium deprehendi potest, prima superbiae offensio esse in oculis solet. Hinc enim scriptum est: Et oculos superbiorum humiliabis. Hinc de ipso superbiente capite dicitur: Omne sublimè videt. Hinc de illa quae ei per infidelitatem adhæsit, scriptum est: Generatio cuius excelsi sunt oculi, & palpebrae eius in altum surrectae. Oculos ergo inclinare, est nullum respiciendo despicere, sed se minorem atque imparem cunctis quos aspiciat, aestimare. Saluabitur itaque qui oculos inclinat: quia qui falsum superbiae verticem deserit, veritatis altitudinem ascendit. Sequitur: *Saluabitur innocens: saluabitur autem munditia manuum suarum.*)

Quae scilicet sententia si de caelestis regni retributione promittitur, veritate fulsit: quia cum de Deo scriptum sit: *Qui reddit unicuique secundum opera eius*, illum in extremo examine iustitia aeterni iudicis saluat, quem hic eius pietas ab immundis operibus liberat. Sin verò ad hoc saluari quisque hic munditia manum suarum creditur, ut suis viribus innocens fiat, proculdubio erratur: quia si superna gratia nocentem non praeuenit, nunquam profectò inueniet quem recenter innocenter. Vnde veridici Moysis voce dicitur: Nullusque apud te per se innocens est. Superna ergo pietas prius agit in nobis aliquid sine nobis, ut subsequente quoque nostro libero arbitrio, bonum quod iam appetimus, agat nobiscum, quod tamen per impensam gratiam in extremo iudicio ita remunerat in nobis, ac si solis processisset ex nobis.

Quia enim diuina nos bonitas, ut innocentes faciat, praeuenit, Paulus ait: Gratia autem Dei sum id quod sum. Et quia eandem gratiam nostrum liberum arbitrium sequitur, adiungit: Et gratia eius in me vacua non fuit, sed abundantius illis omnibus laboraui. Qui dum se de se nihil esse conspiceret, ait: Non autem ego. Et tamen quia se esse aliquid cum gratia inuenit, adiunxit: Sed gratia Dei mecum. Non enim diceret mecum, si cum praeueniente gratia subsequens liberum arbitrium non haberet. Ut ergo se sine gratia nil esse ostenderet, ait: Non ego. Ut verò se cum gratia operatum esse per liberum arbitrium demonstraret, adiunxit: Sed gratia Dei mecum. Munditia itaque manum suarum innocens saluabitur: quia qui hic praeuenitur dono, ut innocens fiat, cum ad iudicium ducitur, ex merito remuneratur. Quae cuncta Eliphaz, sicut praedictum est, etsi rectè protulit, cui tamen proferret ignorauit: quia docere meliorem non debuit, sed audire.

Quae tamen omnia per typum haereticorum promissionibus congruunt, qui cum fideles quosque in praesenti vita afflictos inueniunt, eos ex culpa perfidiae percussos arbitrantur, eisque si sua dogmata sequantur, salutem innocentiae per bonorum operum munditiam promittunt. Sed mens fidelium tantò eos altius despiciat, quantò illos innocentiam non videt habere quam pollicentur. Vnde bene per Salomonem dicitur: Frustra iactatur rete ante oculos pennatorum. Pennati quippe sunt bonorum spiritus, qui dum ad altiora per spem veritatis euolant, apposita prauorum hominum deceptionis retiacula declinant. Sequitur:

Caput vigesimum tertium beati Iob.



Espondens autem Iob ait: Nunc quoque in amaritudine est sermo meus, & manus plagae meae aggrauata est super gemitum meum. Quis mihi tribuat ut cognoscā, & inueniam illum, & veniam usque ad solium eius? Ponom coram eo iudicium, & os meum replebo increpationibus, ut sciam verba quae mihi respondeat, & intelligam quid loquatur mihi. Nolo multa fortitudine contendat mecum, nec magnitudinis suae mole me premat. Proponat aequitatem contra me, & perueniet ad victoriam iudicium meum. Si ad Orientem iero, non apparet. Si ad Occidentem, non intelligam eum. Si ad sinistram, quid agam? Non apprehendam eum. Si me vertam ad dexteram, non videbo illum. Ipse verò scit viam meam, & probabit me quasi aurum quod per ignem transit. Vestigia eius secutus est pes meus, viam eius custodiui & non declinaui ex ea. A mandatis labiorum eius non recessi, & in sinu meo abscondi verba oris eius. Ipse enim solus est, & nemo auertere potest cogitationem eius, & anima eius quocunque voluit hoc fecit. Cum expleuerit in me voluntatem suam, & alia multa similia praesto sunt ei. Et idcirco à facie eius turbatus sum, & considerans eum, timore sollicitor. Deus molliuit cor meum, & omnipotens conturbauit me. Non enim perij propter imminentes tenebras, nec faciem meam operuit caligo.

Quid iusti quanto plus in hoc mundo laborant, tanto amplius contemplari deum desiderant. Caput XI.

R *Espondens autem Iob dixit: Nunc quoque in amaritudine est sermo meus, & manus plagae meae aggrauata est super gemitum meum.*) More suo beatus Iob planioribus verbis inchoat, sed dicta sua alta mysterii prosecutione consummat. Mederi quippe dolor afflicti ex amicorum consolatione debuerat, sed quia consolatio ad blandimenta fallaciae erupit, afflicti dolor inhorruit. Quia enim Eliphaz spondere conuerso meliora non timuit, quasi ex noxio medicamine vulnus creuit. Vnde rectè dicitur: *Nunc quoque in amaritudine est sermo meus, & manus plagae meae aggrauata est super gemitum meum*: quia videlicet inordinata consolationis intentio, percussione quam minuire debuit, multiplicauit. In quibus nimirum verbis per typum sanctae Ecclesiae etiam fidelium dolor exprimitur, qui eo amplius gemunt, quo malos blandiri conspiciunt, qui iuxta Pauli vocem: Per dulces sermones & benedictiones seducunt corda innocentium. Quae etiam verba ad considerandam subtilius mentem fidelium rectè referuntur. Qui esse sine amaritudine nesciunt, etiam si in hoc mundo prosperari videantur. Quibus cum aduersitas euenit, eum quem inuenit, ingeminat dolorem. Vnde rectè dicitur: *Nunc quoque*) ut aperte monstratur: quia electorum mens sine amaritudine, & in prosperitate non fuerit. Bene autem dicitur: *Et manus plagae meae aggrauata est super gemitum meum*) Manus quippe plagae est fortitudo percussione. Primam nanque percussione suam electi considerant: quia à conditoris sui visione diuisi sunt: quia nequaquam illuminationis intimae claritate perfruuntur, sed in praesentis vitae exilio quasi in caecitatis loco religati gemunt. Semper ergo habet in hac manu plagae gemitum suum. Sed cum adhuc etiam aduersa in hac vita accidunt, manus plagae eorum etiam super gemitum grauatur. Erat enim plagae gemitus etiam cum praesentis vitae aduersa decissent. Sed amaritudo primae percussione, ex tentatione crescit aduersitatis. Dicit ergo: *Et manus plagae meae aggrauata est super gemitum meum*: quia iustum quemque in hac vita aduersitas non laetum percussit, sed in eo dolorem vulneris multiplicauit. Fit tamen miro omnipotentis Dei moderamine, ut cum in hoc mundo mens iusti aduersitatibus plus laborat, authoris sui contemplandam faciem amplius sitiat. Vnde hic aptè subiungitur:

Quod electi dum Deum cognoscunt per fidem, desiderant videre per speciem, & cum fidei oculis eum praesentem angelis quasi in solio suo intuentur, inueniant apud ipsum causas rationabiles, & iustas quae extrinsecus videntur iniustae.

Caput XII.

Q *Vis mihi tribuat, ut cognoscam & inueniam illum, & veniam usque ad solium eius*) Electus quisque nisi Deum cognouisset, utique

non amaret. Sed aliud est cognoscere per fidem, atque aliud per speciem, aliud inuenire per credulitatem, aliud per contemplationem. Ex qua re agitur, ut electi omnes eum quem fide cognouerunt, videre quoque per speciem anhelent.

Cuius amore flagrantēs aestuant: quia eius dulcedinis suauitatem iam in ipsa suae fidei certitudine degustant. Quod bene ille in Gerasenorum regione sanatus à dæmonibus designat, qui vult abire cum Iesu: sed ei à magistro salutis dicitur: Redi in domum tuam, & narra quanta tibi fecerit Deus.

Amanti enim adhuc dilatio imponitur, ut ex dilati amoris desiderio, meritum retributionis augeatur. Fit ergo nobis omnipotēs Deus dulcis in miraculis, & tamen in sua celsitudine manet occultus, ut & quiddam monstrando de se, occultanos inspiratione in suo amore succendat, & tamen abscondendo maiestatis suae gloriam, amoris sui vim per aestum desiderij augeat. Nisi enim sanctus vir videre hunc in sua maiestate quæreret, non utique subinferret: *Et veniam usque ad solium eius.*

Quid nanque est solium Dei, nisi illi angelici spiritus qui scriptura teste, throni vocati sunt? Qui ergo usque ad solium Dei venire vult, quid aliud quam interesse angelicis spiritibus concupiscit? ut nulla iam defectiua temporum momenta sustineat: sed ad permanentem gloriam in contemplatione æternitatis exurgat. Quæ tamen verba etiam in hac vita positis iustis inconueniunt. Nam cum contra votum suum atque desiderium quodlibet agi conspiciunt, ad occulta Dei iudicia recurrunt, ut in eis videant quia inordinatè intus non disponitur, quod inordinatum foris currere videtur.

Cum enim præsentem angelicis spiritibus creatorem omnium, fidei oculis contemplantur, ad eius nimirum solium veniunt. Et quia considerant quoniam is qui mirè angelos regit, iniuste homines non disponit, profecto inueniunt causales rationes quam iustæ sint, dum ipsæ causæ extrinsecus videantur iniustæ: dumque id humiliter faciunt, semetipsos sepe in sua voluntate reprehendunt, sua in se nonnunquam vota diiudicant, dum meliora esse ea quæ disponit conditor, pensant. Vnde bene adhuc subditur:

Quod qui subtile Dei iudicium intuetur, amaritudine pœnitentiæ seipsum persequitur.

Caput XIII.

Ponam coram eo iudicium, & os meum replebo increpationibus.

Coram Deo iudicium ponere, est intra secretum mentis per fidei contemplationem ad tremendum examen maiestatis illius, oculos nostræ considerationis aperire, quid peccator homo mereatur attendere, & occultus nunc & tacitus iudex quanta terribilis post appareat considerare. Ex qua re agitur, ut ad cognitionem sui anima subtilius reuocetur, & quo occultum iudicem suum magis terribilem videt, eo de suis actibus formidolosius angustetur. Anxiè trepidat, culpas suas lamentis insequitur, pœnitendo increpat, qualem fuisse se meminit. Vnde nunc quoque postquam dictum est: *Ponam coram eo iudicium:* rectè subiungitur: *Os meum replebo increpationibus.*

Qui enim sibi in conspectu Dei iudicium ponit, os suum increpationibus replet: quia dum subtile examen tremendi contra se iudicis contemplatur, amare se pœnitentiæ inuectione persequitur. Sæpe autem dum culpas nostras pensare negligimus, quæ earum reprehensio in iudicio sequatur, ignoramus: dum verò eas pœnitendo persequimur, quid nobis de eis iudex in suo examine dicere possit, inuenimus. Vnde adhuc aptè subiungitur: *Ut sciam verba quæ mihi respondeat, & intelligam quid loquatur mihi.*

Tunc enim culpas plangimus, cum pensare cœperimus. Sed tunc subtilius pensamus, cum sollicitius plangimus, atque ex lamentis in corde nostro plenius nascitur, quid peccantibus diuina districtio minatur, quæ erunt illa reprobosum improperia, qui terror, quæ implacabilis maiestatis animaduersio. Tanta enim tunc Dominus reprobis iratus dicit, quanta eos pati ex æquitate permiserit. Quæ nimirum verba animaduersionis illius, iusti dummodo sollicitè metuunt, euadunt. Sed quis in illo examine inueniri iustus valeat, si secundum suæ fortitudinis maiestatem, vitam hominum discutiat Deus? Aptè ergo subiungitur:

Quod nihil nobis fortitudo diuina prodesset, nisi nobis per assumptam humanitatem congrueret.

Caput XIII.

Nolo multa fortitudine contendat mecum, nec magnitudinis suæ mole me premat. Mens etenim quamlibet iusti, si ab omnipotente Domino districtè iudicatur, mole magnitudinis premitur. In quibus nimirum verbis hoc quoque intelligendum est, quod sanctus vir dum Dei fortitudinem deuitat, quid eius aliud quam infirmitatem desiderat? Et scriptum est: Quod infirmum est Dei, fortius est hominibus. Vnde & proptinus adiungit: *Proponet æquitatem contra me, & perueniet ad victoriam iudicium meum.* Quis enim alius nisi mediator Dei & hominum, homo Christus Iesus æquitatis nomine designatur? de quo scriptum est: Qui factus est sapientia nobis à Deo & iustitia. Quæ scilicet iustitia dum in hunc mundum contra vias peccatorum venit antiquum hostem vincimus, à quo capti tenebamur. Dicat ergo: *Nolo multa fortitudine contendat mecum, nec magnitudinis suæ mole me premat: proponat æquitatem contra me, & perueniet ad victoriam iudicium meum:* id est, ad redarguendas vias meas incarnatum filium mittat, & tunc insidiantem aduersarium per absolutionis meæ iudicium victor excludam. Si enim in diuinitatis fortitudine, sic vnigenitus filius inuisibilis maneret, ut nil de nostra infirmitate susceperet, infirmus homo ad eum inuenire accessum gratiæ quando potuisset? Consideratum quippe pondus eius magnitudinis opprimeret potius quam iuuaret. Sed fortis super omnia, apparuit infirmus inter omnia, ut dum nobis ex assumpta infirmitate congrueret, ad permanentem nos suam fortitudinem eleuaret. In altitudine enim sua diuinitas à nobis ut pote paruulis apprehendi non potuerat, sed strauit se hominibus per humilitatem, & quasi in iacentem ascendimus: surrexit, & leuati sumus. Vnde hoc quoque mox subditur, per quod diuinitas inuisibilis atque incomprehensibilis demonstratur. Nam sequitur:

Quod Deus implet omnia, si in parte queritur, non inuenitur.

Caput XV.

Si ad Orientem iero, non apparet: si ad Occidentem, non intelligam eum: si ad sinistram, quid agam? Non apprehendam eum. Si me vertam ad dexteram, non videbo illum.

Creator quippe omnium in parte non est: quia vbique est. Et tunc minus inuenitur, quando is qui totus vbique est, in parte queritur. Incircumscriptus nanque spiritus omnia intra semetipsum habet, quæ tangens & implendo circundat, & circundando implet, & sustinendo transcendit, & transcendendo sustinet. Bene autem postquam dictum est: Si ad Orientem iero, non apparet: si ad Occidentem, non intelligam eum, si ad sinistram, quid agam? Non apprehendam eum: si me vertam ad dexteram non videbo illum, illico adiunxit: *Ipse vero scit viam meam.* Ac si aperte dicat: Videre non valeo videntem me, & eum qui me subtiliter intuetur, intueri non possum, ut videlicet ostendat, quia tanto cautius formidandus est, quanto conspicibilis non est. Qui enim ita nos aspicit, ut à nobis aspicere nequeat, eo magis timendus est, quo cuncta videns minimè videtur. Cum enim contra nos latere quempiam in insidiis credimus, eo illi amplius metuemus, quo minimè videmus. Cumque eius insidias nequaquam deprehendimus ubi sunt, & ibi eas metuemus ubi non sunt. Creator autè noster qui vbique totus est, & cernens cuncta non cernitur, tanto magis metuendus est, quanto inuisibilis permanens, de nostris actibus quando & quid decernat, ignoratur.

Quæ tamen verba intelligi & aliter possunt. Ad orientem quippe imus, cum mentem in consideratione maiestatis eius attollimus. Sed non apparet: quia qualis in natura sua est, à cogitatione mortali videri non præualeat. Si ad Occidentem, non intelligam eum. Ad occidentem imus, cum subleuatum in Deo cordis oculum, sed ipsa immensitate luminis reuerberatum, ad nosmetipsos reducimus, & lassati discimus valde super nos esse quod quærebamus, nostramque mortalitatem considerantes, indignos nos adhuc esse deprehendimus, qui immortalem videre valeamus. Si ad sinistram, quid agam? Non apprehendam eum. Ad sinistram ire, est peccatorum delectationibus consentire. Et nimirum constat, quia Deum apprehendere non valet, qui adhuc in delectatione peccati per sinistram iacet. Si me vertam ad dexteram, non videbo illum. In dexteram procubito vertitur, qui de virtutibus eleuatur. Sed Deum videre non valet, qui priuata lætitia de bonis actibus gaudet: quia in eo cordis

Deut. 17.

dis oculum tumor elationis premit. Vnde bene aliàs dicitur: Non declines ad dexteram, aut ad sinistram. In quibus cunctis plerunque se anima discutit, nec tamen plenè deprehendere seipsam valet. Vnde hic aptè subditur: *Ipse verò scit viam meam.*) Ac si patenter dicat: Ego me & districtè discussio, & perfectè scire non possum: & tamen ille quem videre non valeo, videt subtiliter cuncta quæ ago. Sequitur: *Et probabit me quasi aurum quod per ignem transit.*) Aurum in fornacè ad naturæ suæ claritatè proficit, dum sordes amittit. Quasi aurum ergo quod per ignem transit, probantur animæ iustorum, quibus exultione tribulationis, & subtrahuntur vitia, & merita augentur. Nec elationis fuit, quod sanctus vir in tribulatione se positum auro comparavit: quia qui Dei voce iustus ante flagella dictus est, non idcirco tètari permissus est, ut in eo vitia purgarentur, sed ut merita crescerent. Aurum verò igne purgatur. Minus ergo de se æstimavit ipse quàm erat, dum tribulationi traditus, purgari se credidit, qui purgandum in se aliquid non habebat. Sciendum verò est, quia quavis de se humilia sentiat animus iustorum, ea tamen quæ agunt, quam sint recta conspiciunt, sed de eorum rectitudine non præsumunt. Vnde adhuc subditur: *Vestigia eius secutus est pes meus. Viam eius custodivi, & non declinavi ex ea. A mandatis labiorum eius non recessi, & in sinu meo abscondi verba oris eius.*) Sed in his omnibus an se esse aliquid existimet videamus. Sequitur:

Quod solus Deus principaliter & immobilitè est, de quo per Moysen dictum est, Qui est, misit me ad vos. Caput XVI.

Matth. 5.

17.

2. Petri. 2.

Ipsè enim solus est.) Quia sententia subiuncta ostendit: quia in tot bonis quæ egerat, nil esse se credidit. Sed hæc ipsa superius verba repetentes, ut possumus perstringamus. *Vestigia eius est secutus pes meus.*) Quali quidè nãq; gressus Dei sunt quas cernimus operationes eius, quibus bonus quisque malusque regitur, quibus iusti iniusti que suis ordinibus disponuntur, quibus & subiectus quisque ad meliora quotidie ducitur, & aduersus deteriora corruens toleratur. De quibus nimirum gressibus Propheta dicebat: Vili sunt gressus tui Deus. Nos itaque cum virtutem longanimitatis, atque pietatis eius intuemur, & intuentes imitari cõtendimus: quid aliud quàm gressum eius vestigia sequimur: quia extrema quædam eius operationis imitatur. Hæc enim patris sui vestigia veritas admonebat imitari, cum diceret: Orate pro persequentibus & calumniantibus vos, ut sitis filij patris vestri qui in cœlis est, qui solem suum oriri facit super malos & bonos. Postest tamen beatus Iob qui certa fide iam dixerat: Scio quod redemptor meus vivit, & in nouissimo die de terra surrecturus sum: sic in futura operatione incarnandæ sapientiæ intendere, sicut nos eiusdem sapientiæ iam præterita opera per fidem videmus, quod mediator Dei & hominum benignus ad tribuendum, humilis ad sustinendum, patiens ad exemplum præbendum fuerit. Cuius nimirum vitam dum beatus Iob superno spiritu repletus, sollicita intentione conspiceret futuram mansuetudinis illius humilitatem præuidens, quasi ad exemplum sibi propositum recurrit: ut quicquid in hac vita ageret, ad imitationis illius vestigia ligaret, quatenus qui in culta dispositionis eius sublimia videre nō poterat quasi in terra cōspiciēs ad imitationem eius vestigia teneret. De quibus eius vestigiis per Petrum dicitur: Christus passus est pro nobis, nobis relinquens exēplum, ut sequamur vestigia eius: De quo adhuc subditur: *Viam eius custodivi, & non declinavi ex ea.*) Custodit etenim & non declinat, qui hoc ubi intendit operatur. Custodire quippe per intentionem, est nō declinare per operationē. Hæc nãque est sollicitudo iustorū, ut actus suos quotidie iuxta vias veritatis examinent, & eas sibi in regulā proponentes, à rectitudinis earum tramite nō declinēt. Super semetipsos quippe quotidie ire contendunt, & quod in virtutū verticem prouehuntur, cauta reprehensione diudicant, quicquid de eis ex semetipsis remanet infra semetipsos, & totos se illò festināt trahere, ubi se inveniunt ex parte peruenisse. Sequitur: *A mandatis labiorum eius nō recessi.*) Sicut bene obsequentes famuli dominorum suorum vultibus semper intenti sunt, ut ea quæ præceperint, festinè audiant, & implere cõtendant: sic iustorum mentes per intentionem suam

Tomus primus.

A omnipotenti Domino assisist, atque in scriptura eius quasi os eius intuetur, ut quia per eā Deus loquitur omne quod vult, tantò à voluntate eius non discrepent, quanto eandem voluntatem illius in eius eloquio agnoscunt. Vnde fit ut eius verba non per eorum aures superuacue trāsēant, sed hæc in suis cordibus figāt. Vnde hīc subditur: *Et in sinu meo abscondi verba oris eius.*) In sinu etenim cordis verba oris eius abscondim⁹, quādo mandata illius non transitoriè, sed implenda opere audimus. Hinc est quod de ipsa matre Virgine scriptum est: Maria autem conseruabat omnia verba hæc, conferens in corde suo. Quæ nimirum verba, & cum ad operationem prodeūt, in sinu cordis absconsa latent, si per hoc quod foris agitur, intus agētis animus non eleuatur. Nam cum conceptus sermo ad opus ducitur, si per hoc humana laus quæritur, sermo Dei in sinu mentis proculdubio non occultatur. Sed nosse velim beate vir, cur te tanta intentione examines, cur tanta sollicitudine astringas? Sequitur: *Ipse enim solus est, & nemo auertere potest cogitationem eius.*) Nunquid nanque non sunt angeli & homines, cælum & terra, aër & maria, cuncta volatilia, quadrupedia, atque repentia? Et certè scriptum est: Creauit, ut essent omnia. Cum ergo in rerum natura tam multa sint, cur beati viri voce nunc dicitur: Ipse enim solus est? Sed aliud est esse, aliud principaliter esse, aliud mutabiliter, atque aliud immutabiliter esse. Sunt enim hæc omnia, sed principaliter non sunt: quia in semetipsis minimè subsistunt, & nisi gubernantis manu teneantur, esse nequaquam possunt. Cuncta nanque in illo subsistūt à quo creata sunt, nec ea quæ viuunt, sibi metipsis vitam tribuunt, neque ea quæ mouentur & non viuunt, suis nutibus ad motum ducuntur, sed ille cuncta mouet, qui quædam viuificat, quædam verò non viuificata in extremam essentiam mirè ordinans seruat. Cuncta quippe ex nihilo facta sunt, eorūque essentia rursus ad nihilum tenderet, nisi eam author omnium regiminis manu retineret. Omnia itaq; quæ creata sunt, per se nec subsistere præualent, nec moueri, sed intantum subsistunt, in quantum ut esse debeant, acceperunt. Intantum mouentur, in quantum occulto instinctu disponuntur. Ecce enim peccator flagellandus est de rebus humanis. Arescit in eius laboribus terra, concutitur in eius naufragiis mare, ignescit in eius sudoribus aër, obtenebrescit contra eum inundationibus cælum, inardescunt in eius oppressiōibus homines, mouentur in eius aduersitate & angelicæ virtutes. Nunquid nam hæc quæ inanimata, vel quæ viuentia diximus, suis instinctiōibus, & non magis diuinis impulsionebus agitantur? Quicquid est itaque quod exterius scuit, per hoc ille intueus est, qui hoc interius disponit. In omni igitur causa solus ipse intueus est, qui principaliter est. Qui etiam ad Moysen dicit: Ego sum qui sum. Sic dices filiis Israël. Qui est, misit me ad vos. Cum itaque flagellamur per ea quæ videmus, illum debemus sollicitè metuere, quem non videmus. Vir itaque sanctus despiciat quicquid exterius terret, quicquid per essentiam suam, nisi regeretur, ad nihilum tenderet: & mentis oculos suppressis omnibus intueatur vnum, in cuius essentia comparatione esse nostrum non esse est, & dicat: Ipse enim solus est. De cuius mox immutabilitate aptè subiungitur:

Quod sententiam Dei licet quidam deprecando auerterint, hoc ipsum erat apud eius clementiam, ut sic fieri posset. Caput XVII.

Et nemo auertere potest cogitationem eius.) Sicut enim immutabilis natura est, ita immutabilis cogitatione. Cogitationem quippe eius nullus auertit: quia nemo resistere occultis eius iudiciis præualet. Nam etsi fuerunt quidam qui deprecationibus suis eius cogitationem auertisse viderentur, ita fuit eius interna cogitatio, ut sententiam illius auertere deprecando potuissent, & ab eo acciperent quod agerent apud ipsum. Dicat ergo: Et nemo auertere poterit cogitationem eius: quia semel fixa iudicia mutari nequaquam possunt. Vnde scriptum est: Præceptum posuit, & non præteribit. Et rursus. Cælum & terra transibunt, verba autem mea non transibunt. Et rursus: Non enim cogitationes meæ sicut cogitationes vestrae, neque viæ meæ sicut viæ vestrae. Cum ergo exterius mutari videtur sententia, interius consilium non mutatur: quia de vnaquaque re immutabiliter intus constituitur, quicquid foris mutabiliter agitur. Sequitur:

n iij

Luc. 2.

18.

Gene. 1.

† al. metuendus.
Exod. 3.

Psal. 148.

Luc. 21.

Esa. 55.

Quod etiam quæ contra voluntatem Dei fieri videntur, voluntati eius non obfistunt. Et quod eo ordine voluntas peruersa diaboli in hoc vtilitati sanctorum seruiat ut purget eos. Caput XVIII.

19.

ET anima eius quodcumque voluit hoc fecit. Cum sit cunctis corporibus exterior, cunctis mentibus interior Deus, ea ipsa vis eius qua omnia penetrat, cunctaque disponit, anima illius appellatur. Cuius videlicet voluntati, nec illa obfistunt quæ contra voluntatem illius fieri videntur: quia ad hoc nunquam permittit fieri etiam quod non præcepit, ut per hoc illud certius impleatur quod iubet. Apostata quippe angeli peruersa voluntas est, sed tamen à Deo mirabiliter ordinatur, ut ipsæ quoque eius insidiæ vtilitati bonorum seruiat, quos purgant dum tentat. Sic itaque eius anima quodcumque voluit hoc fecit, ut inde quoque voluntatem suam impleat, unde voluntati illius repugnari videbatur. Terreatur ergo vir iustus, & tate maiestatis pondus considerans, infirmum se esse deprehendat. Sed inter verba hæc percussari libet ac dicere: O beate Iob inter tot flagella positus, cur adhuc aduersa formidas? Iam tribulationibus cingeris, iam innumeris afflictionibus angustaris. Malum timeri debet, quod necdum susceptum est, tu in tanto positus dolore quid metuis? Sed ecce vir iustus nostris inquisitionibus satisfaciens adiungit: Cum expleverit in me voluntatem suam, & alia multa similia præstò sunt ei. Ac si aperte dicat: Iam perpendo quæ patior, sed adhuc formido quæ pati possum. Explet enim in me voluntatem suam: quia multis me persecutoribus affligit. Sed multa similia præstò sunt ei, quia si ferire cogitat, adhuc inuenit ubi plaga crescat. Hinc itaque pensandum est quam pauidus ante flagellum fuit, qui etiam percussus adhuc metuit ne feriat. Incomprehensibilem quippe vim ei inesse considerans & potestatis & examinis, esse vir iustus noluit nec de flagello securus. Vnde adhuc metuens adiungit: Et idcirco à facie eius turbatus sum, & considerans eum timore sollicito. Bene à facie Domini turbatur, qui terrorem maiestatis illius cordis sui obtutibus proponit, & eius rectitudinis pauore concutitur, dum se reddendis rationibus conspiciat idoneum non esse, si districtè iudicetur. Rectè autem dicitur: Et considerans eum, timore sollicito: quia diuinæ animaduersionis vim cum minimè quisque considerat, minimè formidat, & tantò magis in hac vita quasi securus est, quātò à consideratione internæ districtiōis alienus. Semper etenim iusti viri ad cordis secretarium redeunt, vim occultæ districtiōis intuetur, maiestatis intimæ iudicio assisunt, ut eo magis quandoque securi sint, quo hinc quandiu viverent, securi esse noluerunt. Nam malorum mentes cum reuolunt considerare quod timeant, ad hoc quandoque gaudentes perueniunt, quod timentes nullo modo euadant. Sed ecce de beato Iob nouimus, quod crebris Dei sacrificiis deditus, quod hospitalitatibus, quod indigentibus pauperum impensus, quod suis etiam subditis humilis, quod sibi aduersantibus benignus fuit, & tamen tot flagella suscepit, nec iam securus extitit inter flagella, sed adhuc metuit, adhuc diuinæ districtiōis vim considerans contremiscit. Quid nunc itaque miseri, quid peccatores dicemus, si sic timeat qui sic egit? Sed tanti timoris pondus an à semetipso habeat, innotescat. Sequitur: Deus molliuit cor meum, & omnipotens conturbauit me. Ex diuino munere cor iusti molli dicitur: quia superni iudicii timore penetratur. Molle est enim quod penetrari potest, durum quod penetrari non potest. Vnde per Salomonem dicitur: Beatus homo qui semper est pauidus, qui verò mentis est duræ, corruet in malum. Virtutem ergo suæ formidinis non sibi, sed auctori tribuit, qui ait: Deus molliuit cor meum, & omnipotens conturbauit me. Non autem secuta, sed perturbata sunt corda bonorum: quia dum futuri examinis pondus considerant, quietem hinc habere non appetunt, securitatem suam districtiōis intimæ consideratione perturbant. Qui tamen inter ipsa timoris supplicia sæpe animum reuocant ad dona, & ut semetipsos consolatione refoueat, inter hoc quod metuunt, reducunt oculum ad dona quæ acceperunt, ut spes subleuet, quæ timor premit. Vnde & sequitur:

Quod in corda iustorum in ipso orationis sacrificio sæpe carnales se cogitationes ingerunt, & ea polluunt. Caput XIX.

Froner. 28.

Non enim perij propter imminentes tenebras, nec faciem meam operuit caligo. Ille enim in flagello positus, à salute corporis propter imminentes tenebras perit, qui idcirco pro trāfactis percutitur, ut à futuris suppliciis abscondatur. Flagella quippe bonorum, aut vitia perpetrata purgant, aut ea quæ poterant perpetrari futura deuitat. Beatus autem Iob, quia in flagello positus, nec à peccatis præcedentibus purgabatur, nec ab imminetibus tegebatur, sed eius tantummodo in flagello virtus augebatur, fiducialiter dicit: Non enim perij propter imminentes tenebras, nec faciem meam operuit caligo. Qui enim semper diuinæ formidinis pondus aspexit, eius cordis faciem caligo peccati non operuit. Et eius quem supplicia nulla sequebatur, salutem corporis propter imminentes tenebras non amisit. Et notandum quod ipse priora denuntians, nequaquam ait: Faciem meam non tetigit, sed non operuit caligo. Sæpe enim etiam corda iustorum subortæ cogitationes polluant, terrenarum rerum delectationibus tangunt: sed dum citius manu sanctæ discretionis abiguntur, festinè agitur ne cordis faciem caligo operiat, quæ hanc iam ex illicita delectatione tangebatur. Nam sæpe in ipso orationis sacrificio importunè se cogitationes ingerunt, quæ hoc rapere, vel maculare valeant, quod in nobis Deo flentes immolamus. Vnde Abraham cum ad occasum Solis sacrificium offerret, insistentes aues pertulit, quas studiosè, ne oblatum sacrificium raperent, abegit. Sic nos cum in ara cordis holocaustum Deo offerimus, ab immundis hoc volucris custodiamus, ne maligni spiritus & peruersæ cogitationes rapiant, quod mens nostra offerre se Domino vtiliter sperat. Sequitur:

Caput vigesimumquartum textus beati Iob.

AB omnipotente non sunt abscondita tempora: qui autem nouerunt eum, ignorant dies illius. Alij terminos trāstulerunt, diripuerunt greges, & pauerunt eos. Asinum pupillorum abegerunt, & abstulerunt pro pignore bouem viduæ. Subuerterunt pauperum viam, & oppresserunt pariter mansuetos terræ. Alij quasi onagri in deserto egrediuntur ad opus suum, vigilantisque ad prædam præparant panem liberis. Agnum non suum demetunt, & vineam eius quam vi oppresserant, vindemiant. Nudos dimittunt homines, indumenta tollentes, quibus non est operimentum in frigore, quos imbres montium rigant: & non habentes velamen amplexantur lapides. Vim fecerunt depradantes pupillos, & vulgum pauperem spoliauerunt. Nudis & incedentibus absque vestitu, & esurientibus tulerunt spicas. Inter acervos eorum meridiati sunt, qui calcatis torcularibus sitiunt. De ciuitatibus fecerunt viros gemere, & anima vulneratorum clamauit, & Deus inultum abire non patitur. Ipsi fuerunt rebelles lumini. Nescierunt vias eius, nec reuersi sunt per semitas illius. Mane primo confurgit homicida, interficit egenum & pauperem, per noctem verò erit quasi fur. Oculus adulteri obseruat caliginem, dicens: Non me videbit oculus, & operiet vultu suum. Perfodiunt in tenebris domos, sicut in die condixerant sibi, & ignorauerunt lucem. Si subito apparuerit aurora, arbitrantur umbram mortis: & sic in tenebris quasi in luce ambulant, Lewis est super faciem aquæ. Maledicta sit pars eius in terra, nec ambulet per viam vinearum. Ad nimium calorem transeat ab aquis niuium, & usque ad inferos peccatum illius. Obliuiscatur eius misericordia. Dulcedo illius vermes. Non sit in recordatione, sed conteratur sicut lignum infructuosum. Paut enim sterilem, & quæ non parit, & viduæ bene non fecit. Detrahit fortes in fortitudine

titudine sua, & cum steterit, non credet vitæ suæ. Dedit ei Deus locum poenitentiae, & ille abutitur eo in superbia: oculi autem eius sunt in viis illius. Eleuati sunt ad modicum, & non subsistent, & humiliabuntur sicut omnia & auferentur, & sicut summitates spicarum conterentur. Quod si non est ita, quis me potest arguere esse mentitum, & ponere ante Deum verba mea?

Quod omnipotentem Deum fideles quique, & sciunt per fidem, & nesciunt per speciem: Magnòque moderamine attendendum est, in naturæ humanæ circumscriptione, non plus sapere quàm oportet sapere.

Caput XX.

AB omnipotente non sunt abscondita tempora: qui autem nouerunt eum, ignorant dies illius. Quid dies Dei, nisi ipsa eius aeternitas appellatur? quæ nonnunquam vnius diei pronuntiatione exprimitur, sicut scriptum est: Melior est dies vna in atris tuis super milia. Nonnunquā verò pro sua longitudine, dierum multorum appellatione signatur, de quibus scriptum est: In seculum seculi anni tui. Nos itaque intra tempora volumus, per hoc quod creatura sumus: Deus autem qui creator est omnium, eternitate sua tempora nostra comprehendit. Ait ergo: *Ab omnipotente non sunt abscondita tempora: qui autem nouerunt eum, ignorant dies illius.* Quia ipse quidem nostra comprehensibiliter conspiciat, nos autem ea quæ eius sunt, comprehendere nullatenus valemus. Sed natura Dei cum simplex sit, mirandū valde cur dicit: Qui nouerunt eum, ignorant dies illius. Neque enim aliud ipse, atque aliud dies eius sunt. Deus nanque hoc est quod habet. Aeternitatem quippe habet, sed ipse est aeternitas. Lucem habet, sed lux sua ipse est. Claritatem habet, sed ipse est claritas sua. Non est ergo in eo aliud esse, & aliud habere. Quid est itaque dicere, qui nouerunt eum, ignorant dies illius, nisi quia & qui cognoscunt eum, adhuc nesciunt? Nam & qui iam eum fide tenent, adhuc per speciem ignorant. Et cum ipse sibi sit aeternitas, quem veraciter credimus, qualiter tamē sit ipsa eius aeternitas, ignoramus. In hoc nanque quod de diuinæ naturæ potentia audimus, ea nonnunquā cogitare consueuimus, quæ per experientiam scimus. Omne enim quod cœpit & desinit, initio & fine cōcluditur. Quod si mora aliquantula differtur, vt finiatur, longum dicitur: in qua videlicet longinquitate cum quisque mentis oculos reducit retro per memoriam, tendit antè per expectationem, quasi per spatium temporis dilatat in mente. Cumque audit aeternitatem Dei, humano more intendenti animo longa vitæ spatia proponit, in quibus metiatur semper, & quid abiit retro quod retineatur in memoria: & quid antè restat quod expectetur ex intentione. Sed quoties in aeternitate ista cogitamus, aeternitatem necdum cognouimus. Ibi quippe est quod nec initio incipitur, nec fine terminatur, vbi neque expectatur quod veniet, neque percurrit quod debeat recordari, sed est vnum quod semper esse est. Quod etsi nos & angeli cum initio esse videre incipimus, esse tamen hoc sine initio videmus, vbi sic semper sine fine esse est, vt nunquam se animus tendat ad sequentia, ac si multiplicentur quæ sunt, & longa fiant. Nam & si per prophetiæ spiritum dictum est: Domine qui regnas in aeternum, & in seculū & adhuc: more sacri eloquij, humano modo spiritus hominibus est locutus, vt ibi adhuc diceret, vbi expectatio nō inesset. Adhuc enim aeternitas non habet, quæ semper esse habet, in qua nulla pars suæ longitudinis præterit, vt pars alia succedat, sed totum simul esse est, & nil deest quod cernat, in qua omne quod est, animus videt, & tardum non esse, & longum esse. Sed hæc de aeternitatis diebus loquentes, conamur magis videre aliquid quàm videmus. Dicatur igitur rectè: Qui autem nouerunt eum, ignorant dies illius: quia etsi iam Deū per fidē nouimus qualiter tamē sit eius aeternitas sine præterito ante secula, sine futuro post secula, sine mora longa, sine præstolatione perpetua, nō videmus. Beatus itaq; Iob sanctæ Ecclesiæ typum tenens, quia sub magno se sciētiæ freno moderat, ne plus sapiat quàm oportet sapere, & dies Dei non posse comprehendere testificans, ad hæreticorum mox superbiam respectum mentis reducit, qui alta sapere appetunt, & quod capere vtcunque nō

Tomus primus.

A possunt, perfectè se scire gloriantur. Nam sequitur:

Quod hæretici patrum instituta transgrediuntur, & actiuos viros à ministerio sanctorum auertunt. Caput XXI.

ALij terminos transulerunt, diripuerunt greges, & pauperunt eos. Quos aliorum nomine, nisi hæreticos designat, qui à sanctæ Ecclesiæ gremio extranei existunt? Ipsi enim terminos transferunt: quia constitutiones patrum præuaricando transcedunt. De quibus nimirum constitutionibus scriptum est: Ne transgrediaris terminos antiquos quos posuerunt patres tui. Qui greges diripiunt & pascunt: quia imperitos quoque peruersis ad se persuasionibus trahūt, & doctrinis pestiferis ad interficiendum nutriunt. Nam quod gregum nomine imperiti populi designentur, sponsi verba testantur, qui sponsam suam alloquuntur, dicens: Nisi cognoueris te o pulchra inter mulieres, egredere & abi post vestigia gregum: id est, nisi honorem tuum, quo ad similitudinem Dei es condita, bene viuendo cognoueris, à conspectu meo contemplationis egredere, & imperitorum vitam imitare populorum. Sequitur:

BAsinum pupillorum abegerunt, & abstulerunt pro pignore bonem viduam. Quos hoc loco pupillos accipimus, nisi electos Dei, in mentis teneritudine positos? qui magna fidei gratia nutriuntur, & patris sui iam pro se mortui faciem necdum vident. Et sunt plerique in Ecclesia qui quosdam conspiciunt cœlestia appetere, terrena omnia despectui habere, quāuis ipsi in huius mundi laboribus insudent, eis tamen quos ad cœlestia angelare conspiciunt, de rebus quas in hoc mundo possident, huius vitæ adiutorium ferunt. Et quāuis ipsi agere spiritalia nequeant, ad summa tamen tendentibus libenter subsidia ministrant. Portare enim asinus onera hominum solet. Quasi ergo quidam asinus electorum est, qui terrenis actibus deseruiens, deportat onera visibus hominum. Et sæpe cum hæretici quemlibet talem à sanctæ Ecclesiæ gremio auertunt quasi pupillorum asinum abigunt: quia cum hunc ad perfidiam suā pertrahunt, à ministerio bonorum repellunt. Quæ autem vidua, nisi sancta Ecclesia debet intelligi, quæ occisi viri sui interim visione priuata est? Bos autem huius est viduæ, vnusquisque prædicator. Et sæpe contingit, vt hæretici peruersis suis dogmatibus ipsos etiam qui prædicatores videbantur, trahant. Bouem ergo viduæ auferunt, cum de sancta Ecclesia etiam prædicantem tollunt. Vbi rectè est adiunctum: *Pro pignore.* Pignus nanque cum tollitur, aliud quidem est quod tenetur, sed tamen adhuc aliud queritur. Et plerunque hæretici ideo eos conantur auferre qui prædicant, vt eorum etiam sequaces trahant. Pro pignore ergo bos viduæ tollitur, quando idcirco ipse qui prædicabat rapitur, vt alij sequantur. Ex cuius ruina plerunque agitur, vt hi quoque de sanctæ Ecclesiæ gremio exeant, qui in ea bonis moribus præditi, mites atque humiles esse videbantur. Vnde & subditur: *Subuerterunt pauperum viam, & oppresserunt pariter mansuetos terræ.* Paupertatis nanque nomine, sæpe humilitas designari solet. Et nonnunquam hi qui mansueti atque humiles videntur, si seruare discretionem nesciunt, exemplis aliorum cadunt. Sunt verò nonnulli hæretici qui populis admisceri sugiunt, sed secessum vitæ secretioris petunt, qui plerunque eos quos inueniunt, cō amplius peste suæ persuasionis inficiunt, quod quasi ex vitæ meritis reuerentiores videntur. De quibus subditur:

Quod hæretici, vt sanctiores estimantur, solitariam sibi vitam eligunt, & sanctorum verba suo sensu exponentes, adiutoribus suis panem præbent erroris. Caput XXII.

ALij quasi onagri in deserto egrediuntur ad opus suum. Onager enim agrestis est alinus. Et rectè hoc in loco onagris comparantur hæretici: quia in suis voluntatibus dimissi, à vinculis sunt fidei, & rationis alieni. Vnde scriptum est: Onager assuetus in solitudine, in desiderio animæ suæ attraxit ventam amoris sui. Onager quippe in solitudine assuetus est, quia dum terram cordis sui disciplinæ virtute non excolit, ibi habitat vbi fructus non est. Qui in desiderio animæ suæ ventum amoris sui attrahit: quia ea quæ ex desiderio sciētiæ in mente concipit, inflare præualent, non ædificare. Contra quos dicitur: Scientia inflat, charitas verò ædificat. Vnde hic quoque congruè inferitur: *Egrediuntur ad opus suum.* Non enim Dei, sed suum opus peragunt, dum non recta dogmata, sed propria desideria sequuntur. Scriptum quippe est: Ambu-

n iij

lans in via immaculata, hic mihi ministrabat. Qui ergo non in via immaculata ambulat, sibi magis quam Domino ministrat. Sequitur: *Vigilantes ad prædam præparant panem liberis.* Ad prædam vigilant, qui verba iustorum ad sensum proprium semper rapere conantur, ut per hæc peruersis filiis panem erroris parent. De quo videlicet pane apud Salomonem verbis mulieris prauitatis hæreticæ typum gerentis, dicitur: *Proverb. 9.* quæ furtiua dulciores sunt, & panis absconditus suauior. Sequitur: *Agnum non suum demetunt, & vineam eius quem vi opprimerant, vindemiant.* Potest agri nomine, scripturæ sacræ latitudo signari, quam hæretici non suam demetunt: quia ex ea sententias longè à suis sensibus diuersas tollunt. Quæ vinea quoque appellacione exprimitur, quia per veritatis sententiæ botros virtutum profert. Cuius vineæ Dominum, id est, scripturæ sacræ conditorem, quasi vi opprimunt: quia eius sensum in verbis sacri eloquij inflectere violenter conantur, qui dicit: *Esai. 43.* Seruire me fecisti in peccatis tuis, præbuiisti mihi laborem in iniquitatibus tuis. Et eandem vineam vindemiant, qui ex ea sententiarum botros, pro suæ intelligentiæ intentione coceruant. Potest agri, vel vineæ nomine, vniuersa ecclesia designari, quam peruersi prædicatores demetunt, & autorem eius in membris suis opprimendo vindemiant: quia creatoris nostri gratiam persequentes, dum quosdam de illa qui recti videbantur rapiunt, quid aliud quam spicas, vel botros animarum tollunt? De quibus adhuc subditur: *Nudos dimittunt homines, indumenta tollentes, quibus non est operimentum in frigore.* Sicut vestimenta corpus, sic bona opera protegent animam. Vnde cuidam dicitur: *Beatus qui vigilat, & custodit vestimenta sua, ne nudus ambulet.* Hæretici itaque cum in quorundam mentibus bona opera destruunt, nimirum velamina indumentorum tollunt. Bene autem dicitur: *Quibus non est operimentum in frigore.* Operimentum quippe ad iustitiam pertinet, frigus ad culpam. Et sunt nonnulli qui in quibusdam rebus peccata faciunt, in quibusdam verò recta opera sequuntur. Qui ergo ex aliis actibus delinquit, atque ex aliis iustitiā peragit, quid iste nisi in frigore vestitur? Et alget & tegitur: quia ex alio opere feruefcit ad iustitiā, qui ex alio frigefcit ad culpā. Sed cum hæretici bona opera talibus subtrahunt, agunt ne in frigore habeant quo vestiantur. Rectè ergo dicitur: *Nudos dimittunt homines, indumenta tollentes, quibus non est operimentum in frigore.* ut videlicet solū culpæ frigus interimat, quos calor alterius operis ex parte aliqua tegebat. Potest verò per frigus desiderium, per vestimentum operatio signari. Et sunt plerique qui adhuc aduersis desideriis æstuant, sed contra se spiritaliter decertantes, rectis sibi operibus repugnant: & bonis actibus tegunt hoc, quod sinistrum sibi resultare per tentationē sentiunt. Hi itaque vnde mala desiderant, inde algent: vnde autem bona operantur, inde vestiti sunt. Cum verò hæretici peruersis allegationibus rectæ fidei eis opera subtrahunt, quid agunt, nisi ut hi qui adhuc desideriorum carnalium frigora sentiunt, sine bonorum actuum vestimēto moriantur? Sequitur: *Quos imbres montium rigant, & non habentes velamen, amplexantur lapides.* Imbres montium sunt verba doctorum. De quibus montibus voce sanctæ Ecclesiæ dicitur: *Leuaui oculos meos ad montes.* Hos itaque imbres montium rigant, quia sanctorum patrum fluentia satiant. Velamen autem, ut iam prædiximus, boni operis tegmen accipimus, quo quisque tegitur, ut ante omnipotentis Dei oculos, prauitatis eius scditas operiatur. Vnde scriptū est: *Beati, quorum remissæ sunt iniquitates, & quorum tecta sunt peccata.* Quos autē lapidū nomine, nisi fortes in sancta Ecclesia viros accipimus? quibus per primū pastorem dicitur: *Et vos tanquam lapides viui superedificamini.* Hi itaque qui de nullo suo opere confidunt, & ad sanctorum martyrum protectionem currunt, atque ad sacra eorum corpora fletibus insistunt, promereri se veniā eis intercedentibus deprecantur. Quid ergo isti in hac humilitate faciunt, nisi quia bonæ actionis velamen non habent, lapides amplexantur? Sequitur:

Descriptio persecutionis, quam in membris suis, sancta Ecclesia ab hæreticis patitur.

Caput XXIII.

Vim fecerunt deprædantes pupillos, & vulgum pauperem spoliauerunt. Cum prosperitatem vitæ præsentis hæretici non

habent, infirmis mētibus verbis blandioribus peruersa persuadent. Si qua verò illis prosperitas temporis præsentis arriserit, etiam violenter trahere quos prævalent, non desistunt. Pupillorum itaque nomine designantur hi qui adhuc sunt teneri intra sanctam Ecclesiam constituti, quorum vitam misericors pater moriendo seruauit: qui ad bonam iam intentionē deducti sunt, sed adhuc in bonis actibus nulla virtute roborantur. Hæretici igitur deprædantes pupillos vim faciunt: quia contra infirmas fidelium mentes, verborum & operum violentia grassantur. Vulgus autē pauper, est populus indoctus, qui si veræ sapientiæ diuitias haberet, vestimentum suæ fidei nequaquam amitteret. Quasi quidem quippe intra sanctam Ecclesiam senatores sunt, viri doctiores: qui cum scientiam in corde multiplicant, veris apud se diuitiis abundat. Sed hæretici vulgum pauperem spoliant: quia dum doctos non prævalent, indoctos quosque à velamine fidei, prædicatione pestifera denudant. Sequitur: *Nudis & incedentibus absque vestitu, & esurientibus tulerunt spicas.* Quod ait nudis, hoc replicat absque vestitu: sed aliud est nudum esse, aliud nudum incedere. Omnis enim qui nec bona nec mala operatur, nudus est & otiosus: qui autem mala agit, nudus incedit: quia sine velamine boni operis periter prauitatis pergit. Sunt verò nonnulli qui malum suæ nequitie cognoscentes, satiari pane iustitiæ festinant, percipere sacri eloquij dicta desiderant. Qui quoties patrum sententias pro ædificandis mentibus in cogitatione versant, quasi de bona segete spicas portant. Hæretici igitur nudis & incedentibus absque vestitu, & esurientibus spicas tollunt: quia siue quidam otiosi sint, & in nullis se bonis exerceant, seu pariter impudicitie absque velamine boni operis pergant, etiam si quando iam ad pœnitentiā redire cupiūt, & pabulum verbi concupiscunt, eis esurientibus spicas tollunt: quia in eorum mente perniciosis persuasionibus patrum sententiam destruunt. Nec immeritò spicas signare patrum sententias dicimus, quia sæpe dum per figurata eloquia proferuntur, ab eis tegmē literæ quasi aristarū paleas subtrahimus, ut medulla spiritus reficiamur. Sequitur: *Inter acervos eorum meridiati sunt, qui calcatis torcularibus sitiunt.* Omnes qui sanctam Ecclesiam persequuntur, quid aliud quam torcular calcant? Quod diuina agi dispositione permittitur, ut animarum botri in spiritale vinum defluant, quæ carne corruptibili exuta, ad regna cœlestia velut in apothecā currant, Nam iniusti dum iustos deprimunt, quasi botros sub pedibus mittunt. Compresi autem botri ad superni conuiuij satietatem exuberant, qui prius quasi in huius aëris libertate pendebant. Vnde David propheta sanctæ Ecclesiæ afflictionem conspiciens, psalmum pro torcularibus scribit. Sed omnes qui vitam fidelium persequuntur, calcant & sitiunt: quia agendo crudelia ferociore sunt, & impietatis suæ meritis cæcati, eo ambiunt grauiora facere, quo iam graui fecerunt. Hæretici autem cum per se potestatem persecutionis non habent, huius seculi potentes commouent, eorumque mentes ad persequendum trahunt, & quibus valent persuasionibus accendunt. Quos cum crudelia agere contra catholicorum vitam conspiciunt, quasi in ipso Solis feruore requiescunt. Bene ergo nunc dicitur: *Inter acervos eorum meridiati sunt, qui calcatis torcularibus sitiunt.* Quia eorum se multitudi adiungunt, quos iam vident grauiora agere, & adhuc sitire grauiora. Quorum feruor dum eorum desideria satiat, in eorum actibus, quasi in meridie quiescunt. Sequitur: *De ciuitatibus fecerunt viros gemere.* Quia ciuitates à conuiuentibus populis appellantur, non immeritò ciuitatum nomine veræ sunt fidei Ecclesiæ designatæ, quæ in singulis mundi partibus positæ, vnam catholicam faciunt, in qua fideles omnes de Deo recta sentientes concorditer viuunt. Hanc nanque in euangelio Dominus conuiuantium populorum etiam per locorum distinctionem concordiam designauit, cum satiaturus de quinque panibus populum, quinquagenos per turmas, vel centenos discumbere præcepit: ut videlicet turba fidelium escam suam, & locis disincta & moribus coniuncta perciperet. Iubilæi quippe requies quinquagenarij numeri mysterio continetur, & quinquagenarius bis ducitur, ut ad centenarium perducatur. Quia ergo prius à malo quiescitur opere, ut post anima plenius quiescat in cogitatione, alij quinquageni,

25.

26.

Matth. 14.
Marci. 6.
Luc. 9.
Ioan. 6.

quageni, alij autem centeni discumbunt: quoniam sunt nonnulli qui iam à prauis actibus habent requiem operis, & sunt nonnulli qui à peruersis cogitationibus habent iam requiem mentis. Hæretici igitur quia peruersis sæpe huius mundi potentibus adherentes, bonorum socialem vitam, atque concordiam persequuntur, rectè nunc dicitur: *De ciuitatibus fecerunt viros gemere.*) Quos rectè beatus Iob memorat viros, quia illos magis hæretici extinguere ambiunt, qui perfectis gressibus per viam Dei nõ fluxè & eneruiter, sed viriliter currunt. Qui cum vulnus perfidiæ ingeri in paruulorum fidelium mente conspiciunt, semper ad clamorem & gemitus redeunt. Vnde & rectè dicitur: *Et anima vulneratorum clamabit, & Deus inultum abire non patitur.*) Vulneratur quippe anima iustorum, cum fides turbatur infirmorum, quibus iam hoc ipsum clamare, est de alieno lapsu tabescere. Sed Deus inultum abire non patitur: quia etsi iusto ordine iniustum aliquid fieri iustè permittit, inultum tamen abire non sinit iniustum quod fieri iustè permisit: quia & per reproborum iniustitiam quasdam quas inesse considerat culpas percutit electorum, & tamen æterna iustitia ferire non negligit iniustitiam ferientium. Sequitur.

Quod hæretici qui bona quæ intelligunt, malè interpretando peruertunt, & facere contemnunt, postmodum ita dantur in reprobum sensum, ut faciant ea quæ non conueniunt, nec hoc ipsum intelligunt, quod malè agunt.

Caput XXIIII.

Ipsi fuerunt rebelles lumini.) Plerunque peruersi & cognoscunt recta quæ sequi debeant, & tamen sequi despiciunt quæ cognoscunt. Lumini ergo rebelles sunt: quia sua desideria sequendo, bonum despiciunt quod nouerunt. Qui ergo non per ignorantiam, sed per superbiam delinquant, elationis suæ scutum iaculis veritatis obiciunt, ne salubriter in corde feriantur. Ex qua videlicet eorum superbia agitur, ut quia nolunt facere quæ cognoscunt, nec cognoscant iam bona quæ faciât, sed sua eos cæcitas à veritatis lumine funditus excludat. Vnde & aptè subditur: *Nescierunt vias eius, nec reuersi sunt per semitas illius.*) Qui enim prius sciendo rebelles sunt, postmodum cæcantur ut nesciant, sicut de quibusdam dicitur: *Quia cum cognouissent Deum, non sicut Deum glorificauerunt, aut gratias egerunt. De quibus paulopost additur: Tradidit illos Deus in reprobum sensum, ut faciant ea quæ non conueniunt. Quia enim glorificare noluerunt quem cognouerunt, reprobo sensui traditi, ad hoc relictii sunt, ut nescirent iam pensare mala quæ faciebant. Bene autem dicitur: *Nescierunt vias eius, nec reuersi sunt per semitas illius.*) Angustior quippe est semita quam via. Qui autem bona manifestiora agere contemnunt, nequaquam ad subtiliora intelligenda perueniunt. Expectauit autem omnipotens Deus, ut per eius semitas pergerent, sed utinam pereas vel reuerti voluissent, ut vitæ itinera quæ noluerunt per innocentiam, saltem per penitentiam tenerent. Quia in re quanta sint misericordiæ viscera Dei omnipotentis ostenditur qui eos quos à se discedentes aspiciat, ut reuertantur querit. Vnde post enumeratas culpas delinquentium, synagogam per vocem prophetica reuocat, dicens: Ergo saluum amodo voca me, pater meus, dux virginitatis meæ tu es. Sequitur:*

Quod qui in fraterno odio sunt, homicidæ dicantur.

Caput XXV.

Mane primo confurgit homicida, interficit egenum & pauperem. per noctem verò erit quasi fur.) Cum homicida in nece proximorum per nocturnum maximè silentium soleat grassari, cur hoc in loco mane primo confurgere ad interficiendum egenum & pauperem dicitur, in nocte verò quasi fur esse perhibetur? Sed ipsis verbis literæ dum sibi non congruunt, ad indaganda spiritus secreta reuocamur. In scriptura sacra mane aliquando aduentus dominicæ incarnationis, aliquando aduentus iam terribilis & districti iudicis, aliquando verò præsentis vitæ prosperitas poni consuevit. Mane etenim aduentus dominicæ incarnationis extitit, sicut Propheta dicit: Venit mane & nox: quia & nouæ lucis primordia in redemptoris præsentia fulserunt, & tamen à persecutorum cordibus perfidiæ suæ tenebræ non sunt deterisæ. Rursum per mane aduen-

tus iudicis designatur. Vnde per Psalmistam dicitur: In matutinis interficiebam omnes peccatores terræ: & sicut electorū quoque personam exprimens, ait: Mane astabo tibi & videbo. Rursum per mane præsentis vitæ prosperitas designatur, sicut per Salomonem dicitur: Væ tibi terra, cuius rex est puer, & cuius principes mane comedunt. Quia enim mane primum diei tempus est, & vespere extremum, nequaquam reficiendi sumus de huius vitæ prosperitate quæ præuenit, sed de his quæ in fine diei, id est, in mundi termino sequuntur. Mane ergo comedunt, qui de huius mundi prosperitatibus extolluntur, & dum præsentia vehementer curant, futura non cogitant. Omnis enim qui odit fratrem suum, homicida est. Mane itaque primò confurgit homicida, quia in præsentis vitæ gloria peruersus quisque erigitur, & illorum vitam deprimit, qui dum sequentem gloriam sitiunt, quasi satiari in vespere exquirunt. Præuus etenim quisque in hoc mundo dignitatem transitoria potestatis arripiens, tantò se acius ad peragenda mala dilatat, quantò per charitatis viscera nullum amat. Quotiens enim cogitationibus contra bonos sauit, totiens innocentium vitam interimit. Qui si disponente Deo subito gloriam acceptæ potestatis amiserit, locum mutat, sed mentem non mutat: quia ad hoc protinus dilabitur, quod subinfertur: *Per noctem verò erit quasi fur.* In nocte quippe tribulationis atque deiectionis suæ, etsi exercere crudelitatis manum non valet, eis tamen quos præualere conspiciat, consilia peruersitatis præbet. Huc illucque discurret, & quæque potest in bonorum læsionem suggerit. Qui rectè quasi fur dicitur, quia in ipsis suis peruersis consiliis metuit ne deprehendatur. Qui ergo contra egenum & pauperem mane homicida est, per noctem quasi fur absconditur: quia peruersus quisque, qui in prosperitate vitæ præsentis humilium vitam deprimendo interimit, in aduersitate atque deiectione positus, per iniqua consilia latenter lædit, atque id quod per se explere non valet, adhærendo huius mundi potentibus exercet. Sequitur: *Oculus adulteri obseruat caliginem, dicens: Non me videbit oculus.*) Hoc etiam iuxta literam nil obstat intelligi, quia qui adulterium perpetrare desiderat, tenebras exquirat. Sed quia contra hæreticos sententia promittitur, dignum est ut hoc quod dicitur, mysticè sentiat. Nam Paulus ait: Non enim sumus, sicut plurimi adulterantes verbum Dei. Adulter quippe in carnali coitu non prolem, sed voluptatem querit. Et peruersus quisque ac vanæ gloriæ seruiens, rectè adulterare verbum Dei dicitur, quia per sacrum eloquium non Deo filios gignere, sed suam scientiam desiderat ostendere. Quem enim libido gloriæ ad loquendum trahit, voluptati magis quam generationi operam impendit. Vbi & aptè subditur: *Non me videbit oculus:* quia adulterium quod in mente agitur, valde est difficile ut ab humano visu penetretur. Quod peruersa mens tantò securius perpetrat, quantò se ab hominibus videri non metuit quos erubescat. Sciendum quoque est, quia sicut is qui adulterium facit, carnem alienæ coniugis sibi illicitæ coniungit: ita omnes hæretici cum fidelem animam in suo errore rapiunt, quasi coniugem alienam tollunt: quia videlicet mens Deo spiritualiter inhærens, & ei quasi in quodam amoris thalamo coniuncta, cum peruersis persuasionibus ad prauitatem dogmatis perducitur, quasi aliena coniux à corruptore maculatur. Bene autem subditur: *Et operiet vultum suum.*) Idcirco faciem suam adulter operit, ne cognoscatur. Omnis autem qui sentiendo vel agendo nequiter viuit, vultum suum operit: quia ad hoc peruersitate dogmatis vel operis tendit, ut ab omnipotente Deo in iudicio recognosci non possit. Vnde quibusdam in fine dicturus est: Nunquam noui vos: discedite à me, qui operamini iniquitatem. Quid autem vultus cordis humani est, nisi similitudo Dei? Quem videlicet vultum peruersus operit, ut cognosci nequeat, cum vitam suam vel malis actibus, vel perfidiæ errore confundit. Sed talis quisque cum prosperitate vitæ præsentis iustos fulciri conspiciat, eis peruersa suadere minimè præsumit: si qua verò illos procella aduersitatis inuenerit, ad verba protinus pestiferæ persuasionis erumpit. Vnde & subditur: *Perfodiunt in tenebris domos, sicut in die condixerant sibi, & ignorauerunt lucem.*) Qui nanque hoc loco domorum nomine, nisi conscientia designantur, in quibus habitamus, cum tractando quid agimus? Vnde cuidam

Psal. 100.

Psal. 5.

Eccl. 10.

1. Ioan. 3.

23.

1. Cor. 4.

Matth. 7.

1. al. fulgere.

Luca. 8.

† al. Iustis
itaque cum
in præf. sec.
dies &c.

29

Canti.6.

Eccl.8.

Prover.2.

30

sanato dicitur: Vade in domum tuam ad tuos, & annuntia illis quanta tibi Dominus fecerit: id est, à peccati iam vitio securus ad conscientiam reuertere, & in vocem prædicationis excitare: † Iusti itaque cum in præfenti seculo die prosperitatis clarescunt, eis errorum magistri peruersa suadere metuunt. Sed consilia exquirunt, deiectionem prosperitatis eorum summopere præstolantur, ut in aduersitatis tenebris eorum mentes suadendo perfodiant, quibus prosperè viuentibus peruersa loqui minimè audebant. Quos mox ut in aduersitate viderint, exurgunt, & non nisi ex peccati merito talia illos perpeti asserunt: quia solam præfentis vitæ gloriam diligentes, flagellum damnationem credunt. In tenebris ergo domos perfodiunt, quia bonorum mentes ex ipsa eorum corrumpere aduersitate moliantur. Bene autem dicitur: *Sicut in die condixerant sibi:* quia cum iustos conspicerent prosperitatis luce claruisse, quoniam loqui non poterant, ad maligna solummodo contra eos consilia vacabant. Siue autem hæretici siue peruersi quilibet, cum iustos in deiectione conspiciunt, gaudent: cum verò eos ad regendæ potestatis viderint, culmen erumpere, perturbantur, metuunt, afflictionibus tabescunt. Vnde & subditur: *Si subito apparuerit aurora, arbitrantur umbram mortis.* Iniqui semper afflictionem fidelium expectant, eosque in tribulatione videre desiderant. Et in tenebris domos, perfodiunt, dum cor innocentium, sed tamen infirmorum, deiectionis tempore pessima colloctione corrumpunt. Sed plerunque contingit ut dum bonos quosque in deiectione conspiciunt, subito occulta dispensatione diuina iustus quispiam qui videbatur oppressus, aliqua seculi potestate fulciatur, eique prosperitas vitæ præfentis arrideat, quem prius aduersitatis tenebræ premebant. Quam nimirum prosperitatem illius cum peruersi conspiciunt, sicut dictum est, perturbantur. Mox enim ad corda sua redeunt, ante mentis oculos reuocant quicquid se peruersè egisse meminerunt, vindicari in se omne vitium formidant, & vnde lucet ille qui potestatem suscipit, inde peruersus quisque qui corrigi metuit in tristitia tenebrescit. Bene ergo dicitur: *Si subito apparuerit aurora, arbitrantur umbram mortis.* Aurora quippe mens iusti est, quæ peccati sui tenebras deferens, ad lucem iam erumpi, æternitatis, sicut de sancta quoque Ecclesia dicitur: Quæ est ista quæ progreditur quasi aurora consurgens? Quo igitur iustus quisque iustitiæ luce irradians, in præfenti vita honoribus sublimatur, eo ante peruersorum oculos tenebræ mortis fiunt: quia qui peruersa se egisse meminerunt, corrigi pertimescunt. Semper nanque desiderant in suis prauitatibus relaxari, incorrecti viuere, & de culpa gaudium habere. Quorum ipsa lethalis lætitia conuenienter exprimitur, cum protinus subinfertur: *Et sic in tenebris quasi in luce ambulant.* Peruersa etenim mente gaudent in facinoribus, per culpam suam quotidie ad supplicium trahuntur, & secuti sunt. Vnde & per Salomonem dicitur: Sunt impij qui ita securi sunt, quasi iustorum facta habeant. De quibus rursum scriptum est: Qui lætantur cum malè fecerint, & exultant in rebus pessimis. Sic itaque in tenebris quasi in luce ambulant: quia ita gaudent in nocte peccati, ac si eos lux iustitiæ circumfundat. Vel certè quia tenebræ vitam præfentem non inconuenienter exprimunt, in qua alienæ conscientiæ non videntur. Lux verò nostra patria æterna est, in qua dum vultus aspiciamus, corda in nobis nostra vicissim videmus. Iniqui autem quia vitam præfentem iam diligunt, atque hæc exilij tempora complectuntur, ac si iam in patria regnet, rectè dicitur: Sic in tenebris quasi in luce ambulant: quia sic in præfenti cæcitate læti sunt, ac si iam æternæ patriæ luce persuantur. Sequitur: *Lenis est super faciem aquæ.* A plurali numero ad singularem redit: quia plerunque vnus mala inchoat, & imitando multi subsequuntur. Sed eius principaliter culpa est, qui peruersis sequentibus exempla præbuit iniquitatis. Vnde ad illum redit crebrò sententia, qui author extitit in culpa. Aquæ autem superficies huc illucque aura impellitur, & nulla stabilitate solidata passim mouetur. Iniqui igitur mens plusquam aquæ superficies levis est: quia quilibet hanc aura tentationis attigerit, sine tarditate aliqua retractionis trahit. Si enim cor fluxum cuiuslibet peruersi cogitamus, quid aliud quam in vento positam aquæ superficiem cernimus? Nunc nanque illum aura su-

perbiæ impellit, nunc aura luxuriæ, nunc aura inuidiæ, nunc aura fallaciæ pertrahit. Super faciem ergo aquæ levis est is, quem quilibet erroris ventus cum venerit impellit. Vnde bene quoque per Psalmistam dicitur: Deus meus pone illos ut rotam, & sicut stipulam ante faciem venti. Ut rota quippe ponuntur iniqui, quia in circuitu laboris missi, dum ea quæ antè sunt neglegunt, & ea quæ deferenda sunt sequuntur, ex posterioribus eleuantur, & in anterioribus cadunt. Qui rectè quoque stipulæ ante faciem venti comparantur: quia irruente aura tentationis, dum nulla subnixi sunt ratione grauitatis, eleuantur ut corruant, & sæpe eo se alicuius meriti existere æstimant, quo eos in alta status erroris portat. Sequitur:

Quod hæretici quia nec in fide Ecclesia, nec in via charitatis ambulant, essi ab hominibus ad tempus videntur benedicti, ipsi tamen maledictione æterna damnantur.

Caput XXVI.

Maledicta sit pars eius in terra, nec ambulet per viam vinearum.) Quisquis in vita præfenti recta agit & aduersa sustinet, laborare quidem † in aduersitate cernitur, sed ad benedictionem hæreditatis perpetuæ consummatur. Quisquis verò peruersa agit, & tamen prospera recipit, seque à malis acribus nec donorum largitate compescit, prosperari quidem conspiciatur, sed reatu perpetuæ maledictionis ligatur. Vnde rectè nunc dicitur: *Maledicta sit pars eius in terra.* Quia etsi ad tempus benedicitur, in reatu tamen maledictionis tenetur. De quo & aptè subditur: *Nec ambulet per viam vinearum.* Via namque vinarum, est rectitudo Ecclesiarum. Qua in re siue hæreticum, siue carnalem quempiam nil obstat intelligi, quia via vinearum, id est, rectitudo Ecclesiarum amittitur, dum vel fides recta, vel rectitudo iustitiæ non tenetur. Ille nanque per viam vinearum ambulat, qui sanctæ vniuersalis Ecclesiæ prædicationem pensans, neque à fidei, neque à bonorum actuum rectitudine declinat. In via quippe vinearum ambulare, est sanctæ Ecclesiæ patres velut dependentes botros aspicere, quorum verbis dum intendit in labore itineris, amore debriatur æternitatis. Sequitur:

Quod quidam sicut in peccato immoderati fuerunt, & ultra modum frigidi, ita cum calefcere incipiunt, nimij sunt, nec in aliquo habent mensuram.

Caput XXVII.

Ad nimium calorem transeat ab aquis niuium.) Idcirco iniquitas frigori comparatur: quia peccantis mentem torpore constringit. Vnde scriptum est: Sicut frigidam facit cisterna aquam suam, sic frigidam fecit malitiam suam. Quo contra charitas calor est: quia videlicet mentem accendit quam replet. De quo calore scriptum est: Abundabit iniquitas, refrigeret charitas multorum. Et sunt nonnulli qui dum iniquitatum suarum frigora declinant, ad veram fidem vel ad sanctitatis habitum veniunt. Sed quia plusquam necesse est de suis sensibus præsumunt, sæpe in fide quam accipiunt, ea quæ non capiunt, perscrutari volunt, ut ratione magis in Deo quam fide teneantur. Quia verò humana mens perscrutari non valet diuina secreta, omne quod ratione perscrutari non possunt, credere contemnunt, & per inquisitionem nimiam in errorem labuntur. Hi itaque cum necdum crederent, vel adhuc ad iniquitatis opera vacarent, aquæ niuium fuerunt. Sed cum carnalia facta deferentes, in fide ad quam perducti sunt, plus appetunt perscrutari quam capiunt, amplius profectò calent, quam calere debuerunt. Bene ergo de hoc peruerso quolibet prophetantis duntaxat sententia, non optantis dicitur: *Ad nimium calorem transeat ab aquis niuium.* Ac si aperte diceretur: Qui humiliter sub disciplinæ vinculo non restringitur, ab infidelitate sua, vel peruersi operis frigore, per immoderatam sapientiam in errorem labitur. Vnde bene quoque egregius prædicator discipulorum suorum cordibus huc exquisitæ sapientiæ nimium calorem deuotans, ait: Non plus sapere quam oportet sapere, sed sapere ad sobrietatem. Ne fortasse nimius calor interimeret, quos prius aquæ niuium, id est, infidelitas vel torpentium actionum frigora morituros tenebant. Et quia valde difficile est, ut is qui se sapientem æstimat, mentem ad humilitatem reducat, & recta prædicationibus credat, sensumque suæ peruersitatis abiiciat, rectè subiungitur:

Quod

Quod peccatum vsque ad inferos ducitur, quod ante mortem per poenitentiam non emendatur.

Caput XXVIII.

ET vsque ad inferos peccatum illius.) Peccatum quippe vsque ad inferos ducitur, quod ante finem vitæ præsentis per correctionem ac poenitentiam non emendatur. De quo videlicet peccato per Ioannem dicitur: Est peccatum ad mortem non pro illo dico vt roget quis, Peccatum nanque ad mortem, est peccatum vsque ad mortem: quia scilicet peccatum quod hic non corrigitur, eius venia frustra postulatur. De quo adhuc subditur: *Obliviscatur eius misericordia.*) Omnipotentis Dei misericordia obliuisci eius dicitur, qui omnipotentis Dei iustitiæ fuerit oblitus: quia quisquis eum nunc iustum non timet, postea inuenire non valet misericordem. Quæ nimirum sententia non solum ei intenditur, qui veræ fidei prædicamenta deserit, sed etiam qui in fide recta positus carnaliter viuit: quia vltio æternæ animaduersionis non euaditur, vtrum in fide, an in opere peccetur. Nam etsi damnationis dispar est qualitas, culpæ tamen quæ nequaquam per poenitentiam tergitur: nulla absolutionis suppetit facultas. Sequitur.

Quod carnalis dulcedo delectationis in conscientia nutrit vermem doloris, & tota carnalis voluptas ad putredinem sætoris festinat.

Caput XXIX.

Dulcedo illius vermis.) Qui in hoc appetit mundo prosperari, ceteros excedere rebus & honoribus tumere, huic nimirum cura secularis in delectatione est, & quies in labore. Valde etenim fatigatur, si desit cura seculi qua fatigetur. Quia autem naturæ est vermium, momētis singulis incessanter moueri, non immerito signatur nomine vermiū, inquietudo cogitationum. Peruersæ itaque mentis dulcedo vermis est: quia inde delectabiliter pascitur, vnde per inquietudinē incessanter agitur. Potest quoque apertius vermis nomine caro designari. Vnde & superius dicitur: Homo putredo, & filius hominis vermis. Luxuriosi igitur cuiuslibet atque carnis voluptatibus dediti, quanta sit cæcitas demonstratur, cum dicitur: *Dulcedo illius vermis.*) Quid nanque caro, nisi putredo ac vermis est? Et quisquis carnalibus desideriis anhelat, quid aliud quam vermem amat? Quæ enim sit carnis substantia, testantur sepulchra. Quis parentum, quis amicorum fidelium, quamlibet dilecti sui tangere carnem scaturientem vermisibus potest? Caro itaque cum concupiscitur, pensetur quis sit exanimis, & intelligitur quid amatur. Nil quippe sic ad edomandum desideriorum carnalium appetitum valet, quam vt vnusquisque hoc quod viuum diligit, quale sit mortuum penset. Considerata etenim corruptione carnali, citius cognoscitur: quia cum illicitè caro concupiscitur, tabes desideratur. Bene ergo de luxuriosi mente dicitur: *Dulcedo illius vermis:*) quia is qui in desiderio carnalis corruptionis æstuat, ad sætorem putredinis anhelat. Hæc sicut in huius partis tertiæ initio promississe me memini, sub breuitate transcurri: vt ea quæ in hoc opere sequuntur, quia magna obscuritate implicata sunt, opitulante Deo latius differantur.

Libri decimifexti Moralium sancti Gregorij, tertiæ partis operis totius, finis.

B. GREGORII MORALIUM LIBER DECIMUS SEPTIMUS, CONTINUANS TEXTUM CAPITIS VICESIMIQUARTI SANCTI IOB

Caput I.

Quoties in sancti viri historia per nouum volumen enodare mysterium typicæ expositionis aggredimur, oportet vt ex eiusdem viri, vel nomine, vel passione significationem mysticam principaliter proferamus: quatenus habitaculorum more, dum superscriptionem tituli in ipsa postis fron-

Ate præfigimus, quia cuius est domus agnoscitur, securius intretur. Crebro autē dixisse me memini, quoniam beatus Iob passionem redemptoris nostri, eiusque corporis, id est, sanctæ Ecclesiæ, & passione sua signauit & nomine. Iob quippe interpretatur dolens. Et quis alius in hoc dolente figuratur, nisi is de quo scriptum est: Verè languores nostros ipse tulit, & dolores nostros ipse portauit: De quo rursum dicitur: Li- uore eius sanati sumus. Amici verò eius, hæreticorum specie tenent, qui, vt sæpe iam diximus, Deum dum defendere nituntur, offendunt. Sanctus ergo vir per vulnera & verba sic loquatur sua, vt etiam nostra significet, & plerumque per prophetiæ spiritum ventura narret, præsentia transcendat: nonnunquam verò sic de præsentibus disserat, vt de futuris reticeat. Cognita itaque discretionis huius custodia, cum immutatione vocis illius nostra quoque intelligentia alternet: vt tantò verius eius sensibus congruat, quanto se & cum eius vocibus immutat. Verbis itaque præcedentibus sanctus vir per disertam prudentiæ arte sententiæ iniqui cuiuslibet culpæ protulit, & quam sit damanda eius actio expressit. De cuius poena mox subiicit, dicens:

Quod malorum vitam in eo videt Deus, quod iudicat in eo quod non misereatur, ignorat. *Caput II.*

Non sit in recordatione, sed conteratur quasi lignum infructuosum.) In recordationem enim conditoris non reducitur, quisquis vsque ad finem vitæ vitiis subiugatur. Nam si hunc superni respectus memoria tangeret, procul dubio ab iniquitate reuocaret. Eius quippe merita exigunt, vt funditis ab authoris recordatione deleatur. Sciendum verò est, quod recordari Deus nequaquam propriè dicitur. Qui enim obliuisci nō potest, quo pacto recordari potest? Sed quia eos nos, quorum recordamur, amplectimur: ab his autem quorū obliuiscimur, elongamur: humano vsu & recordari Deus dicitur, cum dona tribuit: & obliuisci, cum in culpa derelinquit. Sed quia cuncta pensat, cuncta sine intermissione alternatione considerat, & recordatur bonorum, quorum tamen nunquam obliuiscitur: & nullatenus recordatur malorum, quos tamen per iudicium semper intuetur. Quasi enim redit ad bonorum memoriam, quam tamen nunquam deseruit: & quasi nequaquam malos respicit, quorum tamen facta considerat, sed super hæc damnationis iudicium in vltimis seruat. Hinc enim scriptum est: Oculi Domini contemplantur bonos & malos. Hinc per Psalmistam dicitur: Vultus Domini super facientes mala: vt perdat de terra memoriam eorum. Cōsiderat igitur quos puniat, sed eosdem ipsos antè non vidit, quos nescit. Nam quibusdam in fine dicturus est: Nescio vos vnde sitis: discedite à me omnes operarij iniquitatis. Miro igitur modo prauorum vitam, & intuetur & obliuiscitur: quia quos per distractionem sententiæ iudicat, quantum est ad memoriam misericordiæ ignorat. Qui quoniam in eius recordationem non veniunt, quasi infructuosum lignum ex eius iudicio conteruntur. Terra quippe eos temporali sumptu aluit, prædicationis desuper pluuiam infudit. Sed quia eorum vita nequaquam fructum boni operis protulit, iratus hanc agricola abscidit: vt iuxta veritatis sententiam locum nō occupet, quem tenere alius ad fructum valet. De hoc infructuoso ligno per Ioannem dicitur: Iam securis ad radicem arboris posita est. Omnis ergo arbor quæ non facit fructum bonum, excidetur, & in ignem mittetur. Hoc autem loco vt æterna reprobis supplicia designentur, nequaquam lignum dicitur abscindi, sed conterī: quia videlicet reprobos mors quidem carnis abscindit, sed poena subsequens conterit. Quasi enim hic inciditur, cum à præsentī vita separatur. Sed in gehenna conteritur, cum perpetua damnatione cruciatur. Vir autem sanctus, quia districtam peruersi poenam protulit, protinus ad culpam recurrit: vt ex iniustitiæ immensitate edoceat, quod tanta eius damnatio non sit iniusta. Sequitur.

Quod reprobis infructuosam carnem in huius mundi deliciis enutriunt, & animam Christo marito viduam contemnunt.

Caput III.

Pauit enim sterilem & quæ nō parit, & vidua bene nō fecit.) Quæ hoc loco sterilis, nisi caro nominatur? Quæ dū sola præ-

sentia appetit, bonas gignere cogitationes nescit. Quæ autem vidua, nisi anima nuncupatur? Quam quia sibi conditor coniungere voluit, ad thalamum vteri virginalis venit, Psalmista attestante, qui ait: Et ipse tanquam sponsus, procedens de thalamo suo. Quæ rectè vidua dicitur: quia eius vir pro ea mortem pertulit, & nunc in cœli penetralibus ab eius oculis occultus, quasi in parte alterius regionis viuit. Iniquus ergo sterilem pascit, & viduæ benefacere negligit: quia carnis desiderijs seruens, curam animæ vitæque contemnit. Tota nanque intentione omnique studio cogitat, † quomodo sine vllis necessitatibus caro moritura subsistat, & curare animæ vitam despicit, quæ vel in morte vel in beatitudine procul dubio in perpetuum viuit. Rectè autem cum diceretur, *Pauit sterilem*: protinus adiungitur: *Et quæ non parit*. Quasdam nanque ex sacra historia scēminas nouimus steriles extitisse, & tamen in tempore extremo peperisse. Caro autem non solum sterilis, sed etiam quæ non parit dicitur: quia suo sensu bonas cogitationes gignere, nec in vltimis valet. A vigore enim iam proprio deficit, & tamen adhuc trāsitoria concupiscere non desistit: iamque à pristino robore lassata, penè ab ipso quem diligit mundo repellitur, & tamen adhuc annisu improbo obtinere temporalia conatur. Agere iam peruersa non sufficit, sed tamen cogitare vel quæ non agit nequaquam desistit. Rectè ergo non solum sterilis, sed etiam non pariens dicitur: † quia suo sensu, vt diximus, ad bonæ cogitationis prolem, nec cum infirmata fuerit, scētat. Quod tamen intelligi etiam de hæreticis prædicantibus potest. Vnusquisque enim prædicator erroris, dum plebem extra vnitatem Ecclesiæ positam docet, profectò sterilem & eam quæ parere non valet pascit: quia & † ei vsum sui laboris impendit, quæ spiritales fructus nequaquam reddit. Bene autem viduæ non facit, quia videlicet sanctę vniuersali Ecclesiæ, cuius vir aduersa mortis pertulit, viuere ac deseruire contemnit. Viduæ enim benefacere, est in eius, quæ mortui viri sui amore conteritur, consolatione laborare. Vnde & Psalmistæ voce hæc eadem vidua, scilicet sancta Ecclesia queritur, dicens: Consolantem me quæsiui, & non inueni. Tunc solum quippe consolantem inuenit, cum ex ea morte quam vir eius pertulit, multos intra semetipsam surgere ad vitam cernit. Sæpe autem prædicator erroris, huius mundi diuitibus iungitur, qui pro eo quodd terrenis occupationibus incubant, dictorum apprehendere astutias ignorant: & cum potentes esse exteriū ambiunt, peruersæ prædicationis laqueo sine labore capiuntur. Vnde & subditur: *Detrahit fortes in fortitudine sua*. In fortitudine quippe suæ prauitatis mundi huius potentes rapit. Quos contra per Paulum dicitur: Infirma mundi elegit Deus, vt confunderet fortia. Fortitudo autem peruersi prædicatoris, est elata scientia locutionis, qua inflatus, cæteros despicit, atque in contemptu omnium, quasi singulariter apud se peritus, intumescit. Qui magna de se sentiens, sed vera de Domino ignorans, longè à fidei cognitione disiungitur, & tamen videri fidei prædicator conatur. Vnde adhuc subditur: *Et cum steterit, non credit vitæ suæ*. Stat in hoc mundo peruersus quisque prædicator, quousque terreno viuit in corpore. Sed vitæ suæ credere renuit, quia de Deo vera cognoscere contemnit. Vitæ enim suæ crederet, si de conditoris sui substantia recta sentiret. Hæc itaque superius de quolibet iniquo prolata dicebamus, sed repente ad erroris prædicatorem intellectum vertimus, quomodo peccator diu toleratur. Vnde sciendum est, quia sic ad speciem ducimur, vt nequaquam tamen à genere funditus euellamur. Nam peruersus quisque etiam si rectam fidem in sinu vniuersalis Ecclesiæ tenere videatur, stat, & vitæ suæ non credit: quia recta quidem sunt quæ per fidem de conditore intelligit, sed tamen fidei opera tenere contemnit, & incredulitatis redarguitur, qui ab eo quod se ostendit credere viuendo reprobat. Hinc enim per Ioannem dicitur: Qui dicit se nosse Deum, & mandata eius non custodit, mendax est. Hinc Paulus ait: Confitentur se nosse Deum, factis autem negant. Hinc Iacobus dicit: Fides sine operibus mortua est. Sed inter hæc cōditor mira dispensatione consilij & culpas respicit, & viuendi tempora impendit: vt longiora temporalis vitæ spatia, aut conuerso fiant in

adiutorium muneris, aut non conuerso ad augmentum damnationis. Vnde adhuc subditur:

Quod multum timere debent hi, quos ad penitentiam Deus expectat, & quod contemptus clementiæ prouocat iram.

Caput IIII.

Dedit ei Deus locum penitentiae, & ille abutitur eo in superbia. Quisquis delinquit & viuit, idcirco hunc diuina dispensatio in æquitate tolerat, vt ab iniquitate compescat. Sed qui diutius toleratur, nec tamen ab iniquitate compescitur, minus quidem supernæ patientiæ percipit, sed reatus sui vinculis ex ipso se munere arctius astringit. Nam quia accepta penitentiae tempora diuertit ad culpam, districtus in vltimis iudex impenſa argumenta misericordiæ conuertit ad pœnam. Hinc nanque per Paulum dicitur: An ignoras quia patientia Dei ad penitentiam te adducit? Tu autem secundum duritiam tuam & cor impenitens, thesaurizas tibi iram in die iræ, & reuelationis iusti iudicij Dei. Hinc Esaias ait: Puer centum annorum morietur, & peccator centum annorum maledictus erit. Ac si apertè nos deterreat, dicens: Vita quidem pueri in longum trahitur, vt à factis puerilibus corrigatur, sed si à peccati perpetratione, nec temporis longinquitate compescitur, hæc ipsa vitæ lōginitas quam per misericordiam accepit, ei ad cumulum maledictionis crescit. Vnde necesse est, vt cum nos diutius expectari conspiciamus, ipsa prærogata pietatis tempora, quasi damnationis argumenta timeamus, ne ex clementia iudicis crescat supplicium peccatoris, & vnde quisque eripi à morte poterat, inde grauius ad mortem tendat. Quod idcirco plerumque agitur, quia nequaquam à præsentibus mentis oculus separatur. Considerare nanque peccator redemptoris vias negligit, & idcirco in suis itineribus sine cessatione veterascit. Vnde & subditur:

Quod peccatores non vias Dei, sed suas suspiciunt.

Caput V.

Oculi enim eius sunt in viis illius. Vias enim suas peccator intuetur: quia sola cogitare, sola cernere nititur, quæ sibi ad commodum temporale suffragentur. Hinc etenim Paulus dicit: Omnes quæ sua sunt quarunt, non quæ Iesu Christi. Via nanque elati, superbia: via raptoris, auaritia: via est lubrici, concupiscentia carnalis. In viis ergo suis iniquus quisque oculos deprimat: quia solis vitiis vt per hæc animo satisfaciatur, intendit. Vnde per Salomonem dicitur: Oculi stultorum in finibus terræ: quia hoc solum tota cordis intentione conspiciunt, per quod ad finem terreni desiderij perducantur. Nequaquam verò suæ considerationis obtutum in terra peccator figeret, si ad sancta sui redemptoris itinera mentis oculos leuaret. Vnde per Salomonem rursus dicitur: Oculi sapientis in capite eius: quia videlicet sapiens quisque illum tota intentione considerat, cuius se membrum esse per fidem pensat. Has nanque humanæ conuersationis vias videre contemperat, qui dicebat: In mandatis tuis exercebor, & considerabo vias tuas. Ac si apertè spondeat, dicens: Quæ mea sunt, iam videre refugio: quia per imitationis tuæ viam, pergere conuersionis gressibus inardesco. Qui enim præsentiam mundo contradicit, amoris excitatione cōtinua, redemptoris sui vias cordis oculis obicit, vt mens prospera fugiat, ad aduersa præparetur, nihil quod demulcet appetat, nihil quod detertere creditur, pertimescat, mœrorem gaudium depuret, præsentis vitæ gaudia, damna mœoris putet, abiectiois detrimenta non timeat, sed per hæc manentis gloriæ locum quærat. Has etenim vias sequentium monstrabat oculis veritas, cum dicebat: Si qui mihi ministrat, me sequatur. Ad has vias tumentia discipulorum corda reuocabat, cum locum iam gloriæ quærent, sed eiusdem gloriæ iter ignorarent, dicens: Potestis bibere calicem quem ego bibiturus sum? Confessionis quippe illius celsitudinem à dextris sinistrisque quæsierant, sed quanta ad hanc esset itineris angustia non videbant. Vnde & eorum mox oculis imitandus passionis calix obicitur, vt videlicet si ad sublimitatis gaudia tenderent, prius viam humilitatis inuenirent. Quia igitur considerare peccator vias Dei negligit, sed solis in quibus carnaliter delectetur intendit, rectè nunc dicitur: Oculi enim eius sunt in viis illius. Sequitur: *Elevati sunt ad modicum, & non subsistent*. Iniquorum

Iniquorum gloria cum plerunque in annorum multitudinem tenditur, ab infirmorum mentibus esse longa & quasi stabilis aestimatur. Sed cum repentinus hanc finis intercipit, breuem procul dubio fuisse redarguit, quoniam determinans innotescit: quia quod præterire potuit, modicum fuit. Eleuantur ergo ad modicum, & minimè subsistunt: quia eo ipso quo videri alti appetunt, à vera Dei essentia longè per elationem fiunt. Subsistere etenim nequeunt, quia ab æternæ essentia soliditate diuiduntur, atque hanc primam ruinam tolerant, quia per priuatam gloriam in semetipsis cadunt. Hinc enim per Psalmistam dicitur: Deiecisti eos cum alleuarentur: quia eò intrinsicus corruunt, quò malè extrinsecus surgunt. Hanc breuitatem gloriæ temporalis aspiciens iterum dicit: Vidi impium superexaltatum & eleuatum super cedros libani: transiui, & ecce non erat. Hinc iterum ait: Pusillum adhuc, & non erit peccator. Hinc Iacobus dicit: Quæ est enim vita vestra? Vapor est ad modicum parens. Hinc Propheta breuitatem gloriæ carnalis pensans, denuntiat, dicens: Omnis caro fœnum, & omnis gloria eius sicut flos fœni. Iniquorum quippe potentia fœni floribus comparatur: quia nimirum carnalis gloria dum nitet, cadit: dum apud se extollitur, repentino intercepta fine terminatur. Sic nanque aurarum statum in altum stipula rapitur, sed casu concito ad ima reuocatur. Sic ad nubila fumus attollitur, sed repenti in nihilum tumescendo dissipatur. Sic ab infimis nebula densescendo se erigit sed exortus hanc Solis radius, ac si non fuerit abstergit. Sic in herbarum superficie nocturni roris humor aspergitur, sed diurni luminis subito calore siccatur. Sic spumosa aquarum bullæ inchoantibus pluuiis excitatæ, ab intimis certatim prodeunt, sed eò celerius disruptæ depereunt, quò inflatæ citius extenduntur. Cumque excresecunt vt appareant, crescendo peragunt ne subsistant. De iniquis igitur temporalis gloriæ elatione tumentibus, sed tamè nulla soliditate durantibus, dicatur rectè: Eleuati sunt ad modicum, & non subsistent. De quibus adhuc subditur: *Et humiliabuntur sicut omnia, & auferentur.*) Sic prouectus esse contemplationis debet, vt ex paucis ad multa, ex multis ad omnia consideranda rapiatur: quatenus gradatim educta proficiat, & transitoria omnia comprehendendo diudicans, ipsa penè incomprehensibiliter excresecat. Vnde sanctus vir cum prauorum gloriam defectumque discerneret, ad cuncta protinus mentis oculum tetendit, dicens: *Humiliabuntur sicut omnia, & auferentur.*) Omnia profectò terrena. Ac si apertè dicat: Stare illo modo nequeunt, quia ipsa quoque fugiunt quibus innituntur: dumque temporalia diligunt, cum his ex temporis volubilitate percurrunt. Sed quæri potest cum per Salomonem dicitur: Generatio præterit, & generatio aduenit, terra verò in æternum stat: cur beatus Iob omnia humiliari asserat & auferri? Quod tamen facile discutimus, si terra & cælum vel qualiter transeat vel qualiter maneat distinguamus. Vtraque nanque hæc per eam quam nunc habent imaginem transeunt, sed tamen per essentiam sine fine subsistunt. Hinc nanque per Paulum dicitur: Præterit enim figura huius mundi. Hinc per semetipsam veritas dicit: Cælum & terra transibunt, verba autem mea non transibunt. Hinc ad Ioannem angelica voce perhibetur: Erit cælum novum, & terra noua. Quæ quidem non alia condenda sunt, sed hæc ipsa renouantur. Cælum igitur & terra & transit & erit: quia & ab ea quam nunc habet, specie per ignem tergitur, & tamen in sua semper natura seruatur. Vnde per Psalmistam dicitur: Mutabis ea, & mutabuntur. Quam quidem vltimam commutationem suam ipsis nobis nunc vicissitudinibus nuntiant, quibus nostris vñibus indefinenter alternant. Nam terra à sua specie hyemali ariditate deficit, vernali humore viridescit. Cælum quotidie caligine noctis obducitur, & diurna claritate renouatur. Hinc ergo fidelis quisque colligat & interire hæc, & tamen per inuolutionem refici, quæ constat nunc assidue velut defectu reparari.

Quod in die iudicii, impijs quasi aristis proiectis in ignem, iustitia sanctorum quantus sit candor patebit.

Caput VI.

Inter hæc igitur vir sanctus cum prauorum cursum conspiciat, quanta quædoque animaduersione deficiant innotescit.

dum protinus subdit: *Et sicut summitates spicarum conterentur.*) Spicarum quippe summitates, aristæ sunt. Aristæ autem coniunctæ in spica prodeunt, sed crescendo paulisper, à se hirsutæ & rigidæ disiunguntur. Sic nimirum sic ad huius mundi gloriam prauis diuites surgunt. Naturæ enim sibi communione coniuncti sunt, sed contra se vicissim crescendo diuiduntur. Alius quippe alium despicit, & alter in alterum inuidiæ facibus ignescit. Qui ergo ex tumore mentis à charitatis vnitatem se separant, quasi aristarum more contra se rigidi stant. Quid ergo prauos huius mundi diuites dixerim, nisi aristas quasdam generis humani? Qui dum contra se superbiunt, sed bonorum vitam vnanimiter affligunt: aduersum se quidem diuisi sunt, sed tamen concorditer grana deorsum premunt. Nunc igitur aristæ ad alta profiliunt, grana latent: quia & reproborum potentia eminet, & electorum gloria non apparet. Illi se honorum fascibus ostendunt, isti in humilitate se deprimunt. Sed tritura tempus adueniet, quod & aristarum rigiditatem frangat, & solida grana non conterat. Tunc quippe superbia iniquorum comminuitur, tunc electorum vita quanta integritate fulgeat, declaratur: quia cum iniusti deficiunt, ex hac ipsa aristarum contritione agitur, vt grana appareant quæ latebant. Cumque aristæ franguntur, granorum candor ostenditur: quia iniquis in supplicia æterna cadentibus sanctorum iustitia quanta veritate candeat, demonstratur. Vnde rectè quoque per Ioannem dicitur: Cuius ventilabrum in manu sua est, & permundabit aream suam: & triticum quidem recondet in horrea sua, paleas autem comburet igni inextinguibili. Beatus igitur Iob, prauorum elatio quanta animaduersione frangatur, aspiciat, eosque aristis pereuntibus comparans, dicat: Sicut spicarum summitates conterentur: quia nimirum rigiditas superbiorum tritura vltimæ fortitudine frangitur, quæ nunc electorum vitam despiciens eleuat. Sequitur:

Quod sit indignum & iniustum, vt sancti si in aliquo offendant, à malè viuentibus increpentur.

Caput VII.

Quod si non ita est, quis me arguere poterit esse mentitum, & ponere ante Deum verba mea?) Si ita non est vt loquitur, profectò de falsitate hunc omnes arguere possunt. Cur ergo dicitur: Si non ita est, quis me arguere poterit esse mentitum: dum scilicet nouerimus quòd fallacem cuilibet reprehendere licet? Sed si loquentis sensum subtili interrogatione discutimus, quàm sint recta quæ protulit, citius inueuimus. Iustus namque etsi quid vnquam delinquendo loquitur, dignum non est vt ab iniustis & prauè viuentibus iudicetur. Vnde sanctus vir amicorum superbiam deprimens, non solum si ita est, verum etiam si ita non est vt protulit, nequaquam se reprehendi posse confidit: quia nimirum illi rectè redarguere falsa possunt, qui falsa agere nesciunt. Nam correptionis ausum contra fallaciam perdunt, qui adhuc fallaciter viuunt. Ait ergo: *Quod si ita non est, quis me poterit arguere esse mentitum?*) Ac si apertè dicat: Ita sunt cuncta vt protuli, quæ tamen si ita non essent, à vobis redargui nequaquam possem: quia dum adhuc propriæ succumbitis, alienam reprehendere fallaciam non valetis. Vbi & aptè subditur: *Et ponere ante Deum verba mea.*) Quisquis enim dicta fallacia veraciter reprehendit, audita cogitans, aut hæc ex regula veritatis pensans, verba ante Deum ponit: quia apud se in conspectu veritatis examinat, quid fors contra fallaciam decernat. Ante Deum quippe verba ponere, est cōsiderato intimo iudice, exteriora dicta pensare. Vir autem sanctus ab amicis superbientibus verba sua ante Deum poni posse non aestimat. Ac si apertè dicat: Idcirco quæ loquor, ponere ante iudicem non valetis, quia eius vobis faciem peccantes absconditis. Quod tamen & ex typo sanctæ Ecclesiæ nil obstat intelligi, quæ cum de infirmis suis ab hæreticorum irratione reprehenditur, ipsam irrationis eorum astutiam dedignatur: quia tolerabilius Deo est, vt in infirmitate quis atque ignorantia cum humilitate iaceat, quàm cum elatione alta comprehendat. Sed quia sanctus vir multa contra eos protulit, qui fugitiua potestate superbiunt, & ventosis honoribus intumescunt, Baldath Suites ex eius correptione proficiens, apud quem vera sit potentia agnoscit, dicens:

Caput vigesimum quintum beati Iob.

Respondens autem Baldath Suites dixit: Potestas & terror apud eum est, qui facit concordiam in sublimibus suis. Nunquid est numerus militum illius? Et super quem non surget lumen illius? Nunquid iustificari potest homo comparatus Deo: aut apparere mundus natus de muliere? Ecce luna etiam non splendet, & stellæ non sunt mundæ in conspectu eius: quanto magis homo putredo, & filius hominis vermis?

Quod angeli præpositi gentibus inter se non dissident, dum pro meritis singulorum, quisque sui ministerij opus implet, in quibus voluntati diuinæ obsequitur.

Caput VIII.

Potestas & terror apud eum est, qui facit concordiam in sublimibus suis. Ac si aperte dicat: Solus corda mortalium veraciter terret, qui ex diuinitatis suæ potentia veraciter nec possidet. Humana enim potentia quem terrorem incutit, quæ iure eiusdem potentia quando careat nescit? Rectè autem dicitur: Qui facit concordiam in sublimibus suis: quia multa sibi met inferius dissident, sed ad concordem supernorum plenitudinem currunt, & ex internæ pacis causa agitur, ut sæpe ea quæ sunt exterius, sine pace disponantur. Nam bonos omnipotens Deus ad meritum prouehit, cum contra eorum vitam malos scire permittit. Atque in concordia componuntur summa, dum confunduntur in infima: quia inde in cælestibus electos suos Angelorum choris sociat, unde in terrenis & infimis reprobos mentes suis nutibus aduersantes portat. Sed inter hæc libet inquirere si pax in sublimibus summa retinetur, quid est quod per Angelum Danieli dicitur: Ego veni propter sermones tuos: princeps autem regni Persarum restitit mihi viginti & vno diebus: & ecce Michaël vnus de principibus primis, venit in adiutorium mihi. Et paulò post: Nunc reuertar ut prælior aduersum principem Persarum. Cum enim egrederer, apparuit princeps Græcorum adueniens. Quos itaque alios principes gentium, nisi Angelos appellat, qui sibi resistere exeunti potuissent? Quæ ergo esse pax in sublimibus potest, si inter ipsos quoque angelicos spiritus præliandi certamen agitur, qui semper conspectui veritatis assistent? Sed quia certa Angelorum ministeria dispensandis singulis quibusque gentibus sunt prælata, cum subiectorum mores aduersum se vicissim præpositorum spirituum opem merentur, ipsi qui præsunt spiritus, contra se venire referuntur. Is nanque Angelus qui Danieli loquebatur, captiuus Israëliti populi in Perside constitutus prælatus agnoscitur. Michaël autem eorum qui ex eadem plebe in Iudæa terra remanserant, præpositus inuenitur. Vnde & ab hoc eodem Angelo paulo post Danieli dicitur: Nemo est auditor meus in omnibus his, nisi Michaël princeps vester. De quo & hoc quod præmisimus, dicit: Et ecce Michaël vnus de principibus primis venit in adiutorium mihi. Qui dum nequaquam simul esse, sed venire in adiutorium dicitur: aperte ei populo prælatus agnoscitur, qui captiuus in alia parte tenebatur. Quid est ergo Angelum dicere. Ego veni propter sermones tuos: princeps autem regni Persarum restitit mihi: nisi sua subditis opera nuntiare? Ac si aperte dicat: Precum quidem tuarum merita exigunt, ut Israëliticus populus à iugo suæ captiuitatis exuatur, sed est adhuc quod in eodem populo, Persarum dominio purgari debeat: unde ereptionem illius, Persarum princeps mihi iure contradicat, quauis preces tuas eorum quoque lachrymæ qui in Iudæa relictæ sunt, adiuent. Vnde hoc quoque quod diximus subiungit: Michaël princeps vester, venit in adiutorium mihi. Cumque ut aduersus principem Persarum prælietur, egreditur: Græcorum sibi princeps adueniens apparet. Quæ ex re innuitur quod aduersum Græcos quoque aliquid Iudæa commiserat, quorum profectò causa ereptioni illius resistebat. Prophetæ igitur preces Angelus exaudit, sed Persarum princeps resistit: quia etsi iam vita iusti deprecantis ereptionem populi exigit, eiusdem tamen po-

puli adhuc vita contradicit, ut quia necdum planè hi qui in captiuitatem fuerant ducti, purgati sunt: iure eis adhuc Persæ dominantur. Michaël adiuuat, sed Græcorum princeps ad prælium venit: quia mereri quidem veniam tam longa oppressorum captiuitas poterat, sed ereptionis eorum beneficio hoc quoque quod in Græcos deliquerant, obuiabat. Rectè ergo dicitur, quod contra se Angeli veniunt, quia subiectarum sibi gentium vicissim merita contradicunt. Nam sublimis spiritus eisdem gentibus principantes nequaquam pro iniusta agentibus decertant, sed eorum facta iustè iudicantes examinant. Cumque vniuscuiusque gentis vel culpa vel iustitia ad supernæ curiæ consilium ducitur, eiusdem gentis præpositus vel obtinuisse in certamine, vel non obtinuisse perhibetur. Quorum tamen omnium vna victoria est sui super se opificis voluntas summa, quam dum semper aspiciunt, quod obtinere non valent, nunquam volunt. Bene ergo dicitur: Qui facit concordiam in sublimibus suis. Sequitur:

Quod sancti Angeli contra diabolum potestate decertant: & quæcunque contra eum appetunt, possunt.

Caput IX.

Nunquid est numerus militum eius? In cognitione humanæ rationis supernorum spirituum numerus non est: quia quanta sit illa frequentia inuisibilis exercitus nescit: de quo per Daniele dicitur: Milia militum ministrabant ei, & decies milies centena milia assidebant ei. Supernorum ciuium numerus infinitus & definitus deprimitur: ut qui Deo est numerabilis, esse hominibus innumerabilis demonstratur: quauis aliud est assidere, aliud ministrare. Assistent enim illæ procul dubio potestates, quæ ad quædam hominibus nuntianda non exeunt. Ministrant verò hi, qui ad exempla officia nuntiorum veniunt, sed tamen ipsi quoque contemplatione ab intimis non recedunt. Et quia plures sunt qui ministrant, quam hi qui principaliter assistent, assistentium numerus quasi definitus, ministrantium verò infinitus ostenditur. Angelicos verò spiritus rectè Dei milites dicimus, quia decertare eos contra potestates aëreas non ignoramus. Quæ tamen certamina non labore, sed imperio peragunt: quia quicquid agendo contra immundos spiritus appetunt, ex adiutorio cuncta regentis possunt. De hac nanque militia, nascente rege nostro scriptum est: Subitò facta est cum Angelo multitudo militiæ cælestis. Cui tamen militiæ electorum quoque hominum numerus iungitur, qui per sublime mentis desiderium, à terrenæ conuersationis seruitute liberantur. De quibus per Paulum dicitur: Nemo militans Deo, implicat se negociis secularibus. Qui licet nunc pauci appareant, in inuisibili tamen patria innumerabiles regnant: quia etsi ex comparatione prauorum pauci sunt, in congregationis suæ frequentia metiri nequaquam possunt. Quia verò eorundem militum virtus non propriis viribus, sed supernæ gratiæ infusione roboratur, rectè subiungitur. Et super quem non surget lumen illius. Lumen quippe Dei, est gratia præueniens. Quæ si in nostro corde nequaquam gratuita confurgeret, profectò mens nostra in peccatorum suorum tenebris obscura remaneret. Vnde & subditur:

Quod quandiu sumus in corpore huius mortis, à peccato immunes esse non possumus.

Caput X.

Nunquid iustificari potest homo comparatus Deo, aut apparere mundus natus de muliere? Versus iste superius à beato Iob dicitur: & nunc in eius exprobratione replicatur. Omnis nanque vir iustus, Dei illustratione iustus est, non comparatione. Humana quippe iustitia auctori comparata, iniustitia est: quia etsi in ipsa sui conditione homo persisteret, creatori non posset æquari creatura. Cui tamen ad grauiora defectus pondera, accessit & culpa, quam serpens insidians intulit, & mulier infirmata persuasit. Vnde nunc quia homo per mulierem culpæ subditam nascitur, reatus primi infirmitas in prole propagatur. Et quia in radice putruit humani generis ramus, in conditionis suæ viriditate minimè subsistit. Vnde rectè nunc dicitur: Nunquid iustificari potest homo comparatus Deo, aut apparere mundus natus de muliere? Ac si aperte diceretur: Ne contra authorem suum homo superbiat, consideret unde huc venit, & intelligat quid sit. Sed ecce nonnulli per donum spiritus adiuti, contra infirmitatem suæ carnis eriguntur, virtutibus

Daniel. 10.

Daniel. 7.

8 Angelici spiritus milites Dei dicuntur.

Luc. 2.

2. Tim. 2.

Caput vigesimum sextum beati Iob.



Respondens autem Iob dixit: Cuius adiutor es? nunquid imbecillis, & stētas brachium eius, qui nō est fortis? Cui dedisti consilium? Forsitan illi qui non habet sapientiam, & prudentiam tuam ostendisti plurimam.

Quem docere voluisti? Nōne eum qui fecit spiramentum? Ecce gigantes gemunt sub aquis, & qui habitant cum eis. Nudus est infernus coram illo: & nullum est operimentum perditioni. Qui extendit aquilonem super vacuum: & appendit terram super nihilum. Qui ligat aquas in nubibus suis, ut non erumpant pariter deorsum. Qui tenet vultum solij sui, & expandit super illud nebulam suam. Terminum circūdedit aquis, usque dum finiantur lux & tenebræ. Columnæ cœli contremiscunt, & pauent ad nutum eius. In fortitudine illius repente maria congregata sunt: & prudentia eius percussit superbum. Spiritus eius ornauit cœlos, & obstetricante manu eius educus est coluber tortuosus. Ecce hæc ex parte dicta sunt viarum eius. Et cum vix paruam stillam sermonis eius audierimus: quis poterit tonitruum magnitudinis illius intueri?

Caput XI.

Respondens autem Iob dixit: Cuius adiutor es? Nunquid imbecillis, & stētas brachium eius qui non est fortis? Adiuuare imbecillem charitatis est: adiuuare potentem velle, elationis. Quia igitur amici eius hæreticorum speciem tenentes, quasi adiuuantes Deum, sapientiam suam ostendere conabantur, iuste Baldath reprehenditur, ut dicatur: Cuius adiutor es? Nunquid imbecillis, & stētas brachium eius qui non est fortis? Ac si aperte dicat: Dum eum iuuare niteris, sub cuius magnitudine succumbis, omne quod impendis solatium, de ostentatione est, non de pietate. Sed inter hæc sciendum est, quod plerunque etiam Deum, qui videlicet imbecillis non est, humiliter agentes adiuuamus. Vnde & per Paulum dicitur: Adiutores enim Dei sumus. Nam cum ei quem ipse per internam gratiā infundit, nos exhortationis voce concurrimus, hoc quod ille per spiritum sanctum agit intrinsecus, nos exterius ministerio vocis adiuuamus: & tunc solum nostra exhortatio ad perfectionem ducitur, cum in corde Deus fuerit qui adiuuetur. Vnde & aliās dicit: Neque qui plantat est aliquid, neque qui rigat, sed qui incrementum dat Deus. Plantare quippe & rigare, adiuuare est. Quod vtrunque vacuum erit ministerium, si in corde Deus non dat incrementum. Sed qui de sensu suo alta sapiunt, esse humiliter Dei adiutores nolunt, quia dum se Deo vtilis esse æstimant, à fructu se vtilitatis alienant. Vnde & veritatis voce discipulis dicitur: Cum feceritis omnia quæ præcepta sunt vobis dicite: Serui inutiles sumus: quod debuimus facere, fecimus. Sequitur: Cui dedisti consilium, forsitan illi qui non habet sapientiam? Dare stulto consilium, charitatis est: dare sapienti, ostentationis: dare verò ipsi sapientiæ, peruersitatis. Et quia hi quos tenere hæreticorum speciem diximus, per locutionem suam ostentationi potius quam vtilitati seruiabant, rectè adhuc contra Baldath subditur: Et prudentiam tuam ostendisti plurimam. Omnis cui prudentia recta est, plurima non est: quia iuxta Pauli vocem, non plus appetit sapere quam oportet sapere. Cui verò est plurima, non est recta: quia dum ultra modum tenditur, in quolibet latere culpæ declinat. Prudentiam verò suam plurimam ostendunt, qui videri præ aliis prudentiores appetunt. Vnde fit plerunque ut cum moderatè sapere nesciunt, etiam fatua loquantur. Pro qua re ipse adhuc excessus prudentiæ subiungitur, ut dicatur: Quem docere voluisti? nōne eum qui fecit spiramentum? Per spiramentum viuimus, per prudentiam sapientes sumus: Prius autem nostrum est viuere, postmodum sapere: quia ut sapientes esse valeamus, prius agitur ut simus. Qui ergo vitam dedit, ipse procul dubio & prudentiam contulit.

tutibus emicant, signorum quoque miraculis coruscant: nullus tamen est qui sine culpa vitam transeat, quousque carnem corruptionis portat. Vnde adhuc subditur. *Ecce etiam luna non splendet, & stellæ non sunt mundæ in conspectu eius.* Quid per lunam, nisi cuncta simul Ecclesia: quid per stellæ, nisi singulorum bene viuentium animæ designantur: qui inter prauorum hominum conuersationes, dum magnis virtutibus eminent, quasi in tenebris noctis lucent? Vnde per Paulum quoque discipulis dicitur: Inter quos lucetis sicut luminaria in mundo. Quia enim sancta Ecclesia lunæ appellatione exprimitur, Propheta testatur, dicens: Eleuatus est sol, & luna stetit in ordine suo. Eleuato enim sole, in suo ordine luna statuitur: quia ascendente ad cœlos Domino, sancta protinus Ecclesia in prædicationis autoritate roboratur. Et quia stellarum nomine electi signantur, rursus Paulus insinuat, dicens: Stella enim à stella differt in claritate. Luna ergo non splendet, & stellæ non sunt mundæ in conspectu eius: quia nec sancta Ecclesia virtute propria tot miraculis emicat, nisi hanc præuenientis gratiæ dona persundant: nec singulorum bene viuentium mentes à peccatorum maculis mundæ sunt, si remota pietate iudicentur: quia apud districti iudicis oculos, sua vnumquēque corruptibilitas inquinat, nisi hunc quotidie gratia parcentis tergat. Electorum quippe animus prodire ad libertatē iustitiæ nititur, sed adhuc compede infirmitatis tenetur: & culpas quidem subigere perfectè desiderat, sed quousque corruptione carnis altringitur, eius vinculis etiam cum non vult ligatur. Hinc itaque colligat, quanto peccatorum pondere pressi sint, qui contra hæc decertare negligunt, si plenè culpam nec illi superant, qui contra hanc viriliter pugnant. Vnde & postquam dictum est: Ecce enim luna non splendet, & stellæ non sunt mundæ in conspectu eius protinus additur: *Quanto magis homo putredo, & filius hominis vermis.* Ac si aperte diceretur: Si ipsi quoque esse sine contagio non valent, qui inter præsentis vitæ tenebras virtutibus lucent, quanto reatu iniquitatis obstricti sunt, qui adhuc carnaliter viuunt? Si à peccato esse liberi nequeunt, qui iam in cœlestibus desideriis conuersantur, quæ peccatorum pondera tolerant, qui carnis suæ voluptatibus dediti, adhuc putredinis iugum portant? Hinc Petrus ait: Si iustus vix saluabitur, impius & peccator ubi parebunt? Hinc per Esaiam dicitur: Super humum populi mei spinæ & vepres ascendent, quanto magis super omnem domum gaudij ciuitatis exultantis? Humum quippe populi sui Dominus electorum omnium mentem vocat, super quam spinas ac vepres ascendere perhibet, quia nec ipsam quoque esse absque punctationibus vitiorum videt. Domus verò gaudij ciuitatis exultantis, est mens prauorum, quæ dum ventura supplicia conspiciere negligit, in carnis voluptate se deserens, inaniter hilarescit. Ait ergo: Super humum populi mei spinæ & vepres ascendent, quanto magis super omnem domum gaudij ciuitatis exultantis? Ac si aperte dicat: Si & illorum mentem vitia deprimunt, qui se pro cœlestis patriæ desiderio affligunt, quibus culpis substrati sunt, qui sine vlla formidine sese in carnis voluptate derelinquunt? Notandum verò in sermone suo quantum Baldath ordinem conditionis nostræ tenuit & natiuitatis, qui hominem non vermem, sed putredinem: filium verò hominis vermem vocat. Primus nanque humani generis parens, homo non filius hominis, ex quo quisquis prodiit, non solum homo, sed filius quoque hominis fuit. Sicut ergo ex homine filius, ita ex putredine nascitur vermis. Vnde rectè homo putredo, filius verò hominis vermis vocatur. Primus quippe homo putredo, non vermis: quia etsi per mortem putruit, non tamen ex putredine per natiuitatem venit. Qui autem hominis est filius, vermis dicitur: quia iam ex mortalium corporum corruptione propagatur. Igitur quia amicorum verba finita sunt: beatus Iob altiori acumini prosecutionis innititur, eiusque dicta tam sunt valida quam extrema: quia & sic vsus esse iuris peritorum solet, ut argumentum quo aduersariis suis eminere se præuident, ad prosecutionis conclusionem seruent.

Philip. 2.

Abac. 3.

9.
1. Cor. 15.

1. Petr. 4.

Esai. 32.

1. Cor. 3.

Ibidem.

Luc. 17.

Rom. 12.

Baldath autem quia beatum Iob flagellatum pro culpa credidit, occultum Dei iudicium, quod humiliter venerari debuit, superba natus est temeritate penetrare. Ipsi ergo se per prudentiam prætulit, cuius iudicium non intelligendo iudicauit. Ipsi se per prudentiam prætulit, à quo viuendi spiraculum accepit: ac si plus ipso esset sapiens, à quo habebat ut esset. Sed quia beatus Iob sanctæ Ecclesiæ typum tenens, pauca in superbiorum correptione protulit, quos tenere hæreticorum speciem non ignorauit, sicut superius dixit: Disputare cum Deo cupio, prius vos ostendens fabricatores mendacij, & cultores peruerforum dogmatum: repente se ad doctrinam erigit, & contra elatorum imperitiam, scientiæ suæ latitudinem per sententias expendit, dicens:

Quod potentes huius seculi quasi gigantes ex propria superbia confunduntur, & ideo magis suppositi sunt, unde tumide appetunt multis præesse. Caput XII.

Ecce gigantes gemunt sub aquis.) Dignum quippe erat, ut per increpationem prius tumorem sapientiæ terrenæ retunderet, & per doctrinam postmodum ad plena mysterijs verba transiret. Gigantes enim vel apostatas Angelos, vel superbos quosque homines, nil obstat intelligi. Hinc enim per Prophetam dicitur: Mortui non uiuant, gigantes non resurgant.

Esaiæ. 26.

Quos nanque mortuos, nisi peccatores nominat? Et quos gigantes, nisi eos qui de peccato etiam superbiunt, appellat? Illi autem non uiuant, quia peccando vitam iustitiæ perdiderunt. Isti etiam resurgere post mortem nequeunt: quia post culpam suam inflati per superbiam, ad pœnitentiæ remedia non recurrunt. Hinc rursus scriptum est: Vir qui errauerit à via doctrinæ, in cœtu gigantum commorabitur: quia quisquis iter rectitudinis deserit, quorum se numero nisi superbiorum spirituum iungit? Bene autem contra elatos dicitur: Ecce gigantes gemunt sub aquis.) Ac si apertè diceretur: Cur de scientia homo superbiat, cum ignorantia abyssus & ipsos superbissimos Angelorum spiritus premit? Si autem gigantum nomine, potentes huius seculi designantur, in aquis possunt populi figurari, Ioanne attestante, qui ait: Aquæ enim sunt populi. Bene autem contra superbientem dicitur: Ecce gigantes gemunt sub aquis.) quia elati omnes dum in hac vna

Proverb. 11.

assequi & honorum celsitudinem cupiunt, sub ponderibus populorum gemunt. Nam quantò quis hinc altius erigitur, tantò curis grauioribus oneratur, eisque ipsis populis mente & cogitatione supponitur, quibus superponitur dignitate. Et bene his verbis ac breuiter indicatur, quia omnis superbia eo ipso in imo iacet, quo in alta se erigit, ut inde magis cunctis supposita sit, unde cunctis expetit superesse. Homo quippe in sublimibus eleuatus, tantos super se sustinet, quantos suppositos regit. Hi autem qui talibus sociantur, ipsi etiam laboris eorum participatione deprimuntur. Nam cum eis laborem etiam tolerant ponderis, dum pariter gloriam affectant honoris. Vnde cum diceret: Ecce gigantes gemunt sub aquis, protinus adiunxit: Et qui habitant cum eis.) Ac si dicat: Pariter gemunt, qui eorum gloriæ ex delectatione sociantur. Ipsa autem occupatio secularium dignitatum tantò facilioribus vitiis premitur, quantò maioribus curis grauatur. Humanus nanque animus videre & deuitare peccata utinam valeat vel quietus. Quia ergo vidit desideratas rerum celsitudines absque peccatis ministrari non posse: & quia diuinæ iræ non absconditur quicquid illicitum perpetratur: aptè secutus adiunxit: Nudus est infernus coram illo, & nullum est opus in perditioni.)

Apoc. 17.

† al. honorē celsitudinis.

Quod Paulus Apostolus quoque ait: Omnia enim nuda & aperta sunt oculis eius. Inferni verò & perditionis nomine, diabolus omnesque damnationis eius socios designauit. Quis verò ille sit, coram quo infernus est nudus, sequitur dicens: Quod iuste Deus diaboli potestatem super corda vacua extendat: & item ex gratia, cui vult, misereatur.

Heb. 4.

Caput XIII.

Qui extendit Aquilonem super vacuum.) Aquilonis nomine, in sacro eloquio appellari diabolus solet, qui ut torporis frigore gentium corda constringeret, dixit: Sedebo in monte testamenti, in lateribus Aquilonis. Qui super vacuum extenditur: quia illa corda possidet, quæ diuini amoris gratia non replentur. Sed tamen omnipotenti Deo suppetit, etiam vasa diaboli cunctis virtutibus vacua suæ gratiæ munere im-

Esaiæ. 14.

plere, in eisque diuini amoris soliditatem ponere, quos nulla conspicit rectitudinis actione roborari. Vnde aptè subiungitur: Et appendit terram super nihil.) Quid enim terræ nomine, nisi sancta Ecclesia designatur, quæ dum verba prædicationis suscipit, fructum boni operis reddit? De qua per Moysen dicitur: Audiat terra verba ex ore meo, expectetur sicut pluuia eloquium meum. Et quid per nihilum, nisi gentiles populi designantur? De quibus per Prophetam dicitur: Omnes gentes velut nihilum & inane reputatæ sunt. In eo ergo nihilo terra suspenditur, quod prius vacuum ab Aquilone tenebatur: quia illa corda gentilium repleta sunt charitate Dei, quæ præssa prius fuerant torpore diaboli. Potest verò & per hoc vacuum Iudææ infidelitas, & per terram, sicut diximus, sanctæ Ecclesiæ fructificatio designari. Vir ergo sanctus Iudææ percuntis casum aspiciat, & gentilitatis merita ad veniam redeuntis cernat, ac dicat, Qui extendit Aquilonem super vacuum, & appendit terram super nihil.) Nam quia Iudæorum corda fide vacua, diabolo sunt subdita, extendit Aquilonem super vacuum. Quia verò nullis existētibus meritis, sicut dictum est: Pro nihilo seruos facies eos, super gentes Dominus fundauit Ecclesiam suam, quæ per Prophetam nihilum sunt vocatæ, aptè secutus adiungit: Appendit terram super nihil. Hoc verò quo ordine factum sit, mirifica subdens ratione contexat. Ait enim:

Quod secundum capacitatem audientium contemperare se debeat lingua doctorum. Et quid sit quod in lege scriptum est, quod qui foderit cisternam & non operuerit eam, si ceciderit in eam bos vel asinus, dominus cisternæ reddet ei præcium iumentorum. Caput XIII.

Qui ligat aquas in nubibus suis, ut non erumpant, pariter deorsum.) Quid hoc loco aquam, nisi scientiam: quid nubes nisi prædicatores appellat? Nam quia in sacro eloquio aliquando aqua scientia dicitur: Salomone attestante didicimus, qui ait: Aqua profunda verba ex ore viri, & torrens redundans fons sapientiæ. Aqua signari scientiam Dauid Propheta testatur dicens: Tenebrosa aqua in nubibus aeris, id est occulta scientia in prophetis, qui ante aduentum Domini dum occultis sacramentis grauidi, mysteria immensa gestarent, intuitum oculis, eorum intelligentia caligabat. Nubium verò nomine quid hoc in loco aliud quam prædicatores sancti, id est, Apostoli designantur, qui per mundi partes circunquaque transmissi, & verbis nouerant pluere, & miraculis coruscare? Quos Esaias Propheta longè antè intuens, dixit: Qui sunt isti qui ut nubes volant? Quia igitur vir iste prophetico plenus spiritu, in hac locutione sua ad laudem Dei initia nascens Ecclesiæ desiderat exordiri, studet eius ordinem ab Apostolorum prædicatione narrare, qui curauerunt summopere rudibus populis plana & capabilia, non summa atque ardua prædicare. Nam si scientiam sanctam, quæ hic aquæ nomine designatur, ut hauriebant corde, ita ore funderent, immensitate eius auditores suos opprimerent potius quam rigarent. Vnde religata intrinsecus scientia, ut non pariter deorsum erumperet, auditores suos distillatione verborum nutrens, nubes illa loquebatur, dicens: Non potui loqui vobis quasi spiritalibus, sed quasi carnalibus, tanquam paruulis in Christo lac vobis potum dedi, non escam. Quis enim ferre potuisset, si raptus ad tertium cælum, raptus in paradysum, etiam arcana verba audiens, quæ loqui homini non liceret, tam immodicos supernæ scientiæ sinus aperiret? Aut cuius non virtutem auditoris opprimeret, si ea quæ intrinsecus haurire poterat, in quantum carnis lingua sufficeret, extrinsecus inundans aquæ huius immensitas emanasset? Ut verò auditores rudes non inundatione scientiæ, sed moderata prædicationis distillatione foueantur, ligat Deus aquas in nubibus, ut non erumpant pariter deorsum: quia doctorum prædicationem temperat, ut auditorum infirmitas, doctorum rore nutrita conualescat. Quod bene in Euangelio mystica descriptione narratur, dum dicitur: Ascendit Iesus in nauiculam Petri, & rogauit ut à terra reduceret pusillum, & ita sedens prædicabat turbis. Per nauem Petri, quid aliud quam commissâ Petro Ecclesia designatur? De qua ut Dominus turbis confluentibus prædicet, eam à terra paululum reduci iubet. Quam nec in altum duci, & tamen à terra præcipit remoueri: profectò significans prædicatores suos

Lucas.

417
 catores suos rudibus debere populis, nec alta nimis de coelestibus, nec tamen terrena prædicare. Aqua itaque ligatur in nubibus: quia prædicatorum scientia infirmorum mentibus loquens, quantum sentire valet, docere prohibetur. Nam plerunque si auditorum cor verbi immensitate corrumpitur, lingua docentium indiscretionis pœna mulcatur. Vnde scriptum est: Si quis aperuerit cisternam & foderit, & non operuerit eam, cecideritque bos, vel asinus in eam, dominus cisternæ reddet præciū iumentorū. Quid est enim aperire cisternā, nisi intellectu valida scripturæ sacrę arcana penetrare? Quid autē per bouē & asinū, mundū scilicet & immundū animal, nisi fidelis quisque & infidelis accipitur? Qui ergo cisternam fodit, cooperiat, ne illuc bos vel asinus ruat: id est, qui in sacro eloquio iam alta intelligit, sublimes sensus corā non capientibus per silentium tegat, ne per scandalum mentis, aut fidelem paruulum, aut infidelem qui credere potuisset, interimat. Ex morte enim iumentorum debet præcium: quia illud scilicet admisisse conuincitur, vnde ad agendam poenitentiam reus tenetur. Quisquis nanque ad alta scientiæ fluentia perueniens, cum hæc apud bruta audientium corda non contexerit, pœnæ reus addicitur, si per verba eius in scandalum, siue munda, seu mens immunda capiatur. Operienda est itaque cisterna: quia coram paruulis mentibus tegenda est alta scientia, ne vnde cor docentium ad summa attollitur, inde infirmitas auditorum ad ima dilabatur. Dicatur igitur recte. Qui ligat aquas in nubibus, vt non erumpant pariter deorsum. Pariter nanque aquæ erumperent, si coram infirmis auditoribus, quanta est scientia ex ore loquentis emanaret: si simul se omnis plenitudo prædicationis effunderet, & nil sibi cum proficientibus reseruaret. Dignum quippe est vt qui prædicat, audientis modum consideret: quatenus ipsa prædicatio cum auditoris sui incrementis crescat. Sic quippe agere vnusquisque prædicator debet, sicut cum illo diuinitus agitur, vt nequaquam cuncta quæ sentit, infirmis insinuet: quia & quousque ipse carne mortalitatis infirmus est, ea quæ superna sunt cuncta non sentit. Prædicare ergo rudibus nõ debet quantum cognoscit, quia & ipse de superis mysteriis cognoscere non valet quanta sunt. Hinc est enim quod Paulus apostolus, postquam mysteriis coelestibus interfuit, dicit: Videmus nunc per speculum in enigmate, tunc autem facie ad faciem. Vnde & continue hic sequitur;

Quod in hac vita gloria Dei ex parte cognoscitur, sed sic ut est nondum videtur.

Caput XV.

418
Qui tenet vultum solij sui, & expandit super illud nebulam suā.) In vultu solet cognitio demonstrari. Solij ergo eius vultus tenetur: quia à nobis in hac vita regni eius gloria, non quanta intrinsecus habetur agnoscitur. Super quod recte expandi nebula dicitur: quia sicut est illa coelestis regni gloria, non videtur. Nam corpus quod corrumpitur, aggrauat animam, & deprimit terrena inhabitatio sensum multa cogitantem. A videndo ergo eo nebula aspergimur: quia ipsa nostra ignorantia obscuritate caligamus. Vnde recte per Psalmistam dicitur: Caligo sub pedibus eius, & ascendit super Cherubin, & volauit, volauit super pennas ventorum, & posuit tenebras latibulum suum. Caligo nanque est ei sub pedibus, quia non in ea claritate ab inferioribus cernitur, qua in superioribus dominatur. Ascendit enim super Cherubin & volauit. Cherubin quippe plenitudo scientiæ dicitur. Proinde super plenitudinem scientiæ ascendisse perhibetur, & volasse: quia maiestatis eius celsitudinem scientia nulla comprehendit. Volauit igitur: quia longè in altum ab intellectu nostro se rapuit. Volauit super pennas ventorum, quia scientiam transcendit animarum. Qui posuit tenebras latibulum suum: quia dū caligine nostræ infirmitatis obscuramur, per ignorantiam nostram nobis absconditur, ne à nobis modo in æterna, & intima claritate videatur. Vnde ei & in Canticis canticorum à sponsa dicitur: Fuge delecte mi, fuge.

Fugit nos, dicimus, quoties menti nostræ id quod reminisci volumus, non occurrit. Fugit nos, dicimus, quoties id quod reminisci volumus, memoria non tenemus. Sancta ergo Ecclesia postquam mortem ac resurrectionem Domini,

Tomus primus.

A ascensionemque describit, clamat ei prophetico plena spiritu: Fuge delecte mi, fuge. Ac si diceret: Tu qui ex carne comprehensibili factus es, ex diuinitate tua, intelligentiam nostri sensus excede, & in teipso nobis incomprehensibilis permane. Tenet ergo vultum solij sui, qui maiestatis suæ potentiā mortalibus abscondit. Sed si eius solum angelicas virtutes accipimus, ipsis quippe velut sedi regiæ præsidet, sui nobis solij vultum tenet: quia quādiu in hac mortali carne subsistimus, quæ, quantæque sunt illa angelorum ministeria, non videmus. Et expandit super illud nebulam suam, quia procūldubio & cor nostrum ad quærendum subleuat: & tamen occulta moderatione agitur, vt ipsa requisitionis suæ immensitate reprimatur. Vnde scriptum est: Dedit abyssus vocem suam, ab altitudine phantasiæ suæ. Exclamare enim mens humana in admiratione compellitur, dum altitudinem considerationis in requisitionibus suis eoipso quo latius extenditur, angustatur. Vel certè quia solum Dei ipsi nos sumus, vultum solij sui nõ immeritò tenere dicitur, dum nostra scientia progredi ad altiora prohibetur. Super quod solum suum nebulam Deus aspergere dicitur: quia inuisibilis manens, occulta super nos iudicia exerit, vt & fiat in promptis quod videre possimus: & tamen origo facti lateat in abditis, vt cur fiat, nescire debeamus. Vnde & aptè subditur:

Quod nulli æternitatis scientia tribuatur, quādiu vita hac transitoria agitur. Caput XVI.

Terminum circūdedit aquis, vsque dum fiant lux & tenebræ.) Quia plerunque in sacro eloquio, vt suprà diximus, aquarum nomine populi designantur, aquas Dominus termino circūdat: quia humani generis ita scientia moderatur, vt quousque vicissitudines alternantium temporum transeant, perfectè ad cognitionem claritatis intimæ non pertingat. Sin verò lucis nomine iustos accipimus, tenebrarum verò appellatione peccatores: vnde & Paulus dicit: Eratis aliquādo tenebræ, nunc autem lux in Domino: hoc ipsum quod diximus, sentiri nil obstat: quia perfecta æternitatis scientia nulli tribuitur, quousque cursus iustorum, iniustorumque finiatur. Sed quia mirum non est carnales populos superna nescire, sanctus vir in eiusdem diuinæ potentiæ admiratione se erigit: & quod ipsam quoque angelorum, perfectarumque hominum scientiam transeat, intuetur dicens:

Quod electi, & ipsi angeli maiestatem diuinam quam assidue vident, contremiscunt, non timore, sed admiratione.

Caput XVII.

Columnæ cæli contremiscunt, & pauent ad nutum eius.) Quid aliud columnas cæli, quàm vel sanctos angelos, vel summos Ecclesiæ prædicatores appellat? Super quos in coelestibus crescens vniuersalis spiritalis fabricæ structura surrexit: sicut aliàs sancta scriptura testatur, dicens: Qui vicerit, faciam illum columnam in templo Dei mei. Nam quisquis in Dei opere recta intentione firmatur, columna in structura fabricæ spiritalis erigitur: vt in hoc templo quod est Ecclesia, positus, & vtilitati sit & decori. Eos verò lob columnas cæli, quos Apostolus columnas vocat Ecclesiæ, dicens: Petrus, & Iacobus, & Ioannes qui videbantur columnæ esse, dextras dederunt mihi. Possumus etiam columnas cæli, & ipsas Ecclesias non inconuenienter accipere, quæ multæ vnam catholicam faciunt, toto terrarum orbe diffusam. Vnde & septem Ecclesiis scribit Ioannes apostolus, vt vnam catholicam septiformis gratiæ plenam spiritu designaret. Et de Domino nouimus dixisse Salomonem: Sapientia edificauit sibi domum, excidit columnas septem. Qui se vt id de septem Ecclesiis dixisse innotesceret, secutus etiam sacramenta ipsa, diligenter inseruit, dicens: Immolauit victimas, miscuit vinum, & posuit mensam, misit ancillas suas, vt vocarent ad arcem & mœnia ciuitatis. Si quis est paruulus, veniat ad me. Immolauit enim Dominus victimas, seipsum offerendo pro nobis. Miscuit vinum, præceptorum suorum poculum ex narratione historica, & intelligentia spiritali temperans. Vnde aliàs dictum est: Calix in manu Domini, vini meri, plenus est mixto. Et posuit mensam, id est, scripturam sacram: quæ fessos ad se, atque à seculi oneribus venientes pane verbi nos reficit, & contra aduersarios sua refectione nos roborat. Vnde & aliàs ab Ecclesia dicitur: Posuisti in

conspetu meo mensam, aduersus eos, qui tribulant me. Misit ancillas suas, Apostolorum videlicet animas, in ipso suo initio infirmas, ut vocarent ad arcem, & mœnia ciuitatis: quia dum æternam vitam denuntiant, ad alta nos mœnia supernæ ciuitatis leuant: quæ profectò mœnia, nisi humiles non ascēdunt. Vnde illic ab eadem sapientia subditur: Si quis est paruulus, veniat ad me. Ac si apertè dicat: Quisquis se apud se magnum æstimat, aditum sibi mei accessus angustat: quia tantò ad me altius pertingitur, quantò vniuscuiusque mēs apud se verius humiliatur. Sed quantalibet quisque virtute proficiat, quantalibet scientia excreseat, penetrare non sufficit, quo nos conditor moderamine iudiciorum regit. Dicat ergo: *Columnæ cœli contremiscunt, & paueant ad nutum eius.* Quia in plerisque nec ipsi pertingere ad voluntatis eius celsitudinem prævalent, qui eiusdem voluntatis præmia denunciantes vident. Quod, sicut superius diximus, de sanctis quoque angelis nil obstat intelligi: quia ipsæ quoque virtutes cœlestium, quæ hunc sine cessatione conspiciunt, in ipsa sua contemplatione contremiscunt. Sed idem tremor ne eis pœnalis sit, nō timoris est, sed admirationis. Quia verò quantus pavor sit admirationis eius intulit, nunc ordinem nostræ salutis narrat. Sequitur:

Quod incarnato Domino secularium corda concorditer crediderunt: & superbus diabolus sapientia non virtute superatus est, quoniam dum eum in quem nihil habebat, iniuste appetiit, quem iure tenebat, amisit.
Caput XVIII.

Mare præ-
sens seculū.

Incarnato
domino di-
scordantia
corda con-
cordauerunt
Prudentia
Christus
percutit su-
perbum.
Esaiæ. 14.
Iob. 41.
Psalm. 88.

IN fortitudine illius repente maria congregata sunt, & prudentia eius percussit superbum. Quid aliud maris nomine, quàm præsens seculum designatur, in quo corda hominum terrena quærentium, diuersis cogitationum fluctibus intumescunt: qui elatione superbiæ concitati, dum alterna intētionē se imperunt, quasi aduersante se vnda collidunt? Sed iam in fortitudine illius maria congregata sunt, quia incarnato Domino, discordantia secularium corda concorditer credunt. Iam Petrus in mari ambulat: quia nimirum Christi prædicatoribus, illa quondam tumida humili auditu corda substrata sunt: ut rectè etiam in Euangelio huius mundi mansuetudinem figurauerit, quod procellosa maris aqua Domini pedibus pressa tumore calcata est. Sed quonam modo id actum sit, aperitur, dum dicitur: Et prudentia eius percussit superbum. Quis hinc superbus alius appellatur, nisi ille qui dixit: Ascendam super altitudinem nubium, similis ero Altissimo? Et de quo voce Dei dicitur: Qui factus est ut nullum timeret, & ipse est rex super nos omnes filios superbiæ. De quo etiam huic sententiæ David propheta concordat, dicens: Tu humiliasti, sicut vulneratum, superbum. Sed quauis simplici naturæ diuinitatis non sit aliud esse, & aliud sapere: nec aliud sapere, & aliud fortem esse: quippe quia ipsa fortitudo quæ sapientia, & ipsa sapientia quæ diuinitatis essentia est: vigilanter tamen intuendū puto, quod vir iste prophético plenus spiritu, superbum diabolum, prudentia Dei potius maluit dicere, quàm fortitudine esse percussum. Non enim ait fortitudo, sed prudentia eius percussit superbum. Nam quauis, sicut dictum est, propter naturam simplicem Dei fortitudo sapientia sit: Dominus tamen diabolum, quantū ad faciem spectat, non virtute, sed ratione superauit. Ipse nanque diabolus in illa nos parentis primi radice supplantans, sub captiuitate sua, quasi iuste tenuit hominē, qui libero arbitrio conditus, ei iniusta suadenti consensit. Ad vitam nanque conditus in libertate propriæ voluntatis, sponte sua factus est debitor mortis. Delenda ergo erat talis culpa, sed nisi per sacrificium deleri non poterat. Quærendum erat sacrificium. Sed quale sacrificium poterat pro absoluentis hominibus inueniri? Neque etenim iustum fuit, ut pro rationali homine brutorum animalium victimæ caderentur. Vnde ait Apostolus: Necessè est ergo exemplaria cœlestium his mundari, ipsa autem cœlestia melioribus hostiis quàm istis. Ergo si bruta animalia propter rationale animal, id est, pro homine dignæ victimæ non fuerunt: requirendus erat homo qui pro hominibus offerri debuisset, ut pro rationali peccante rationalis hostia mactaretur. Sed quid, quod homo sine peccato inueniri non poterat, & oblata pro no-

Ebis hostia quando nos à peccato mundare potuisset, si ipsa hostia, peccati contagione nō careret? Inquinata quippe inquinatos mundare non potuisset. Ergo ut rationalis esset hostia, homo fuerat offerendus ut verò à peccatis mūdaret hominem, homo, & sine peccato. Sed quis esset sine peccato homo, si ex peccati commixtione descenderet? Proinde venit propter nos in vterum virginis filius Dei, ibi pro nobis factus est homo. Sumpta est ab illo natura, non culpa. Fecit pro nobis sacrificium, corpus suum exhibuit pro peccatoribus, victimam sine peccato, quæ & humanitate mori, & iustitia mundare potuisset. Hunc ergo cum post baptismum vidit antiquus hostis, mox tentationibus impetiit, & per diuersos aditus ad interiora eius molitus irrepere, victus est, atque ipsa inexpugnabilis mentis eius integritate prostratus. Sed quia ad interiora non valuit, ad eius se exteriora cōuertit: ut quia mentis virtute victus est, eum quem decipere tentatione non valuit, carnis saltem videretur morte superare: atque, ut ante nos dictum est, permissus est in illud quod ex nobis mortalibus mediator acceperat. Sed ubi potuit aliquid facere, ibi ex omni parte deuictus est: & vnde accepit exterius potestatem dominicæ carnis occidendæ, inde interior potestas eius qua nos tenebat, occisa est. Ipse nanque interior victus est, dum quasi vicit exterius: & qui nos iure debitores mortis tenuit, iure in nobis ius mortis amisit: quia per satellites suos eius carnem perimendam appetiit, in quo nil ex culpæ debito inuenit. Dominus ergo noster pro nobis mortem soluit indebitam, ut nobis mors debita non noceret. Bene itaque dictum est: Prudentia eius percussit superbum: quia antiquus hostis per excessum præsumptionis suæ eum etiam perdidit, quem iniquæ persuasionis lege possedit: & dum audacter eum in quo nihil sibi competebat, appetit, iure illum quem quasi iuste tenebat, amisit. Prudentia itaque non virtute percussus est, qui dum ad tentandum Deum soluitur, ab homine possidendo religatur: ut inde eum qui sub ipso erat, perderet, vnde cum illo qui super ipsum est, congregari præsumpisset. Occiso autem carne Domino, quæ prædicatorum eius virtutum gloria fit secuta, narratur, cum subditur:

Quod Apostoli accepto spiritu sancto, ornati sunt miraculis, & constanter obedire Deo magis quàm hominibus parati fuerint.
Caput XIX.

Spiritus eius ornauit cœlos. Quos cœlos, nisi eos de quibus scriptum est: Cœli enarrant gloriam Dei? Quos tunc ornauit spiritus, cum repleuit. Quod Luca referente didicimus, qui ait: Factus est repente de cœlo sonus, tanquam aduentus spiritus vehementis, & repleuit totum domum ubi erant sedentes. Et apparuerunt illis dispersitæ linguæ tanquam ignis, seditque super singulos eorum. Et repleti sunt omnes Spiritu sancto, & cœperunt loqui variis linguis, prout Spiritus sanctus, dabat eloqui illis. Ex eo ergo acceperunt ornamenta virtutis, quos immensa antè possederat fœditas timoris. Scimus enim quod ille Apostolorū, id est, cœlorum princeps, ante acceptam huius spiritus gratiam, quoties dum mori timuit, vitam negauit. Qui nō pœnis, non afflictionibus, nō terribili potestate cuiusquā, sed vnius mācipij sola est interrogatione prostratus. Et quidē mancipium, ne sexus firmior terribile demonstraret, ancilla est inquirente tētatus. Rursusque, ut talis sexus infirmitas, etiam officij sui deiectione vilesceret, non ab ancilla tantummodo, sed ab ostiaria est ancilla requisitus. Ecce quàm vilis est ad tentandum persona requisita: ut apertè proderetur, quanta cum timoris infirmitas possideret, qui nec ante vocem ostiariæ ancillæ subsisteret. Sed iam hic paulo antè timidus, qualis post aduentum spiritus extiterit, videamus. Certè Luca testante didicimus, contra factos ac principes quanta Dominum autoritate prædicauit. Nam cum facto miraculo quæstio fuisset exorta, & sacerdotum principes, seniores ac scribæ in Apostolorum persecutionem concurrerent, eos in medio statuentes, in qua virtute miraculum fecerint, percunctari curauerunt. Quibus repletus Spiritu sancto Petrus dixit: Principes populi & seniores, si nos hodie diiudicamur in benefacto hominis infirmi, in quo iste saluus est factus: notum sit omnibus vobis, & omni plebi Israël: quia in nomine Iesu Christi

Heb. 9.

16.

Psalm. 18.

Act. 2.

De negatōe
ne Petri.

De eius for-
titudine &
constancia.

Act. 4.

sti Nazaræni, quem vos crucifixistis, quem Deus suscitauit à mortuis, in hoc iste astat coram vobis saluus. Cùmque erga hæc persequentium furor excreceret, eosque sacerdotes ac principes Iesum prædicare prohiberent, contra iram principum qua autoritate Petrus excreuerit, indicatur, cùm illic protinus subditur: Petrus verò & Apostoli dixerunt: Obedire oportet Deo magis quàm hominibus. Sed cùm auctoritatem prædicantium, resistentium præcepta non premerent, ad flagella peruenitur. Nam subditur: Tunc principes sacerdotum cæsis denūtiauerunt, ne loquerentur, in nomine Iesu, & dimiserunt eos. Sed quia Apostolorum virtutem premere, nec flagella valuerunt, potèter ostenditur, cùm protinus subinfertur: Et illi quidem ibant gaudètes à conspectu concilij, quoniã digni habiti sunt pro nomine Iesu contumeliam pati. Mox etiã post flagellorū gaudia quid agerent, indicatur. Omni autè die in templo, & circa domos nō cessabant docētes & euangelizantes Christū Iesum. Ecce ille paulò antè timidus, iam linguis loquitur, coruscat miraculis, infidelitatē sacerdotum ac principū liberā voce increpat, ad prædicandum Iesum exemplū auctoritatis cæteris præstat: ne in nomine eius loqui debeat, verberibus prohibetur, nec tamen cōpescitur. Contemnit flagella cædentiū, qui paulò antè requirentiū verba timuerat: & qui ancillæ vires requisitus expauit, vires principum cæsus premit. Sancti enim spiritus iam virtute solidatus, huius mundi altitudines libertatis calce deprimebat: vt in imo esse decerneret, quicquid contra creatoris gratiā altum tumeret. Hæc sunt ornamenta cælorum, hæc sunt dona Spiritus, quæ diuersis manifestari virtutibus solēt, quas occultæ dispensationis munere diuisas, Paulus enumerat dicens: Alij quidem per spiritum datur sermo sapientiæ, alij autem sermo scientiæ secundum eundem spiritum, alteri fides in eodem spiritu, alij gratia sanitatum in vno spiritu, alij operatio virtutum, alij prophetia, alij discretio spirituum, alij genera linguarum, alij interpretatio sermonum. Quæ mox generali definitione concludens, ait: Hæc autem omnia operatur vnus atque idem Spiritus, diuidens singulis, prout vult. De his etiam cælis in Psalmo dictum est: Verbo Domini cæli firmati sunt. De his quoque ornamentis spiritus subditur: Et spiritu oris eius omnis virtus eorum. Bene itaque dicitur: Spiritus eius ornauit cælos: quia prædicatores sancti nisi promissa paraleti dona perciperent, nullo fortitudinis decore claruissent. Sed quia sanctis Apostolis virtutum gratia decoratis, vitæ prædicatio contra infidelium corda conualuit: & antiquus hostis obsessas infidelium mētes prædicatorum vocibus expulsus reliquit, post ornamenta cælorum aptè subiungitur:

Quod mediante manu diuina antiquus hostis à peccatorum cordibus, quasi de caernis suis eiectus est.

Caput XX.

ET obstetricante manu eius eductus est coluber tortuosus. Quis enim colubri appellatur nomine, nisi antiquus hostis, & lubricus, & tortuosus, qui decipiendo homini colubri ore locutus est? De quo per Prophetam dicitur: Leuiathan serpentem, vestem tortuosum. Qui idcirco loqui serpentis ore permixtus est, vt ex ipso vase eius homo cognosceret, qualis esset qui intus habitaret. Serpens quippe non solum tortuosus est, sed etiam lubricus. Qui ergo in rectitudine veritatis non stetit, tortuosum animal intrauit. Quia igitur suggestioni eius, si primò non resistitur, repente totus ad interiora cordis dum non sentitur, illabitur, verba ad hominem per animal lubricum fecit. Cauernæ verò huius colubri, corda fuerant iniquorum. Quæ quia ad prauitatem propriam traxit, quasi in eorum habitatione requieuit. Sed obstetricante manu Domini, tortuosus coluber de propriis caernis repulsus est: quia dum nobis diuina gratia medetur, is qui nos tenuerat antiquus à nobis hostis eiicitur, sicut incarnata veritas dicit: Nunc princeps huius mundi eiicitur foras. Vnde iam nunc sanctos omnes non tenendo possidet, sed tentando persequitur. Nam quia non in eis intrinsecus regnat, contra eos pugnat extrinsecus: & quia intus dominium perdidit, bella molitur foris. Ille enim eum de carnalibus hominum cordibus expulit, qui propter homines ad incarnationem venit: dūque corda infidelium tenuit, quasi manum ad latibula serpētis misit. Vnde rectè per Prophetam dicitur: Delectabitur infans ab ubere super foramine aspidis: & in ca-
uerna reguli qui ablactatus fuerat, manum suam mittet. Non nocebunt, & non occident in vniuerso monte sancto meo. Quem nāque infantem ab ubere, vel eum qui ablactatus fuerit, nisi Deum appellat? Quid verò foramine aspidis & cauernis reguli, nisi corda signauit iniquorum? Quia antiquus hostis dum totum se in eorum consensum contulit, quasi in foramine proprio coluber tortuosus, sinus astutiæ colligēdo glomerauit. Quem & aspidis nomine appellat occultè fauientē, & reguli apertè ferientem. Manum ergo suam Dominus in foramine reguli atque aspidis misit, quando iniquorum corda diuina potestate tenuit: & comprehensum exinde aspidem vel regulum, id est, captiuum diabolum traxit: vt in mōte sancto eius, quæ est Ecclesia, electis fidelibus non noceret. Hinc nanque in Canticis canticorum sponso venienti dicitur: Coronaberis de capite Amana, de vertice Sanir & Hermō, de cubilibus leonum. Quid aliud leonum nomine, quàm dæmonia designantur, qui ira contra nos atrocissimæ crudelitatis insæuiunt? Et quia peccatores ad fidem vocati sunt, quorum quodam corda, leonum cubilia fuerunt, dum vicisse mortem Dominus eorum confessione creditur, quasi de leonum cubilibus coronatur. Remuneratio quippe victoriæ corona est. Toties ergo ei coronam fideles offerunt, quoties hunc vicisse mortem ex resurrectione confitentur. Leo ergo de cubilibus suis pellitur: quia obstetricante manu Domini, tortuosus coluber in caernis quas tenuerat, habitare prohibetur. Nam victus à fidelium cordibus exiit, qui super hæc antea sceptro perfidiæ regnauit. Ecce in paucis breuibūque sententiis sanctus vir aduentus dominici ordinem retulit, pondera expressit: quid ex eius incarnatione fieri potuit, admirando narrauit.

Quod terribilis erit Deus in iudicio, qui etiam cū iudicandus venit, vna voce suos persecutores strauit: & quanta sit eius ira, cuius intollerabilis est etiam mansuetudo.

Caput XXI.

Sed qui mira fecit in humilitate veniens, considerari non potest, cum quanto terrore venturus est, in maiestatis suæ fortitudine apparens. Ordo primi aduentus illius pensari, & conspici intantum potuit, in quantum ad redimēdos carnales veniēs, diuinitatis suæ magnitudinem carnalibus oculis temperauit. Quis verò eius celsitudinis terrorem ferat, cū secūdi aduentus potentia per ignem iudicium exercens, in potestatis suæ maiestate canduerit? Vnde vir sanctus aduentum illius narrat primum, sed lassatur ad secundum, dicens: Ecce hæc ex parte dicta sunt viarum eius. Et cū vix paruam stillam sermonum eius audierimus, quis poterit tonitruum magnitudinis illius intueri? Quid hoc loco viarum nomine, nisi actiones Domini appellat? Vnde & per Prophetam Dominus dicit: Non enim sunt viæ meæ sicut viæ vestræ. Aduentum ergo Domini narrans, vias Dei ex parte retulerat: quia alia eius actio fuit qua nos cōdidit, alia qua redemit. Ea itaque quæ de Domini actione narrauit, extremi iudicij comparatione leuigans, ait: Ecce hæc ex parte dicta sunt viarum eius. Quod & paruam stillam sermonum eius appellat: quia quicquid altum, quicquid terribile in hac vita positi, de eius consideratione cognoscimus, ex immensitate cœlestium secretorum, velut tenuis ad nos gutta superni liquoris emanat: Et quis poterit tonitruū magnitudinis eius intueri? Ac si apertè dicat: Si humilitatis eius admiranda vix ferimus: horrendum atque terribilem maiestatis eius aduentum, qua virtute tolerabimus? Hunc tonitruum aduentus illius etiam Psalmista insinuat, dicens: Deus manifestè veniet, Deus noster, & non filebit. Ignis in conspectu eius ardebit, & in circuitu eius tempestas valida. Hunc Sophonias propheta denuntiat, dicens: Iuxta est dies Domini magnus, iuxta & velox nimis. Vox diei Domini amara, tribulabitur ibi fortis. Dies illa dies iræ, dies tribulationis & angustię, dies calamitatis & miserię, dies tenebrarum & caliginis, dies nebule & turbinis, dies tubæ & clangoris. Terrorem ergo districti examinis, quem Sophonias tubam, beatus verò Iob tonitruum appellat, Ioël quoque considerans, ait: Conturbētur omnes habitatores terrę, quia venit dies Domini: quia propè est dies tenebrarū & caliginis, dies nubis & turbinis. Magnus enim dies

Esa. 11.

Canti. 4.

19.

Esa. 55.

De aduentu Christi.

De horrendo aduentu ad iudicium.

Psal. 49.

Sophon. 1.

Ioel. 2.

Ioan. 18.

Domini & terribilis valde, & quis sustinebit eum? Sed quàm incomprehensibilis sit, atque inconsiderabilis illa magnitudo, quā in secunda ostensione venturus est: bene utique perpēdimus, si primi aduētus pōdera sollicita consideratione pensamus. Certē ut nos à morte redimeret, mori Dominus venit, & defectum nostræ carnis in suo corpore pœnāscque tolerauit. Qui priusquam ad crucis patibulum perueniret, teneri, conspui, illudi, & alapis cædi se pertulit. Ecce ad quanta propter nos venire probra consensit: & tamen priusquam se teneri permetteret, persecutores suos requisivit, dicens: Quem quæritis? Cui illico responderunt: Iesum Nazarenum. Quibus cū repente diceret: Ego sum: vocem solummodo mitissimæ responsionis edidit, & armatos persecutores suos protinus in terram strauit. Quid ergo facturus est cū iudicaturus venerit, qui vna voce hostes suos percussit, etiam cū iudicandus venit? Quod est illud iudicium quod immortalis exierit, qui in vna voce nō potuit ferri moriturus? Quis eius iram toleret, cuius & ipsa non potuit mansuetudo tolerari? Consideret ergo vir sanctus, & dicat: Cū vix paruam stillam sermonum eius audierimus, quis poterit tonitruum magnitudinis illius intueri?

Libri decimiseptimi Moraliū sancti Gregorij finis.

B. GREGORII MORALIVM LIBER DECIMUS OCTAVVS.

Caput I.

Plerumque in sacro eloquio sic nonnulla mystica describuntur, ut tamen iuxta narrationem historicam prolata videantur. Sed sæpe dicta talia in eadem historica narratione permixta sunt, per quæ superficies historiæ cuncta cassetur: quæ nil historicum resonat, aliud in eis indum quirere lectorem cogunt. His enim dictis quæ aperta credimus, cū interiecta aliqua obscurius inuenimus, quasi quibusdam stimulis pungimur: ut ad aliqua altius intelligenda vigilemus, & obscurius prolata sentiamus, ea etiam quæ apertè dicta putauimus. Cū ergo beatus Iob de sermone Domini, & de magnitudine tonitruī loqueretur, eisdem verbis protinus subinfertur:

Vicesimumseptimum caput textus beati Iob.



Addidit quoque Iob assumens parabolam suam, & dixit: Viuit Deus qui abstulit iudicium meum, & omnipotēs, qui ad amaritudinem adduxit animam meam: quia donec superest halitus in me, & spiritus Dei in naribus meis, non loquentur labia mea iniquitatem, nec lingua mea meditabitur mendacium. Absit à me ut iustos vos esse iudicem. Donec deficiam, non recedam ab innocentia mea. Iustificationem meam quam cœpi, tenere non deseram. Neque enim reprehendit me cor meum in omni vita mea. Sicut impius inimicus meus, & aduersarius meus quasi iniquus. Quæ est enim spes hypocritæ, si auarè rapiat, & non liberet Deus animam eius? Nunquid Deus audiet clamorem eius, cū venerit super eum angustia? Aut poterit in omnipotente delectari, & inuocare Deum omni tempore? Docebo vos per manum Dei, quæ omnipotens habeat, nec abscondam. Ecce vos omnes nostis: & quid sine causa vana loquimini? Hæc est pars hominis impij apud Deum, hæreditas violentorum, quam ab omnipotente suscipient. Si multiplicati fuerint filij eius, in gladio erunt, & nepo-

tes eius saturabuntur pane. Qui reliqui fuerint ex eo, sepelientur in interitu, & viduæ illius non plorabūt. Si comportauerit quasi terram argentum, & sicut lutum præparauerit vestimenta, præparabit quidem, sed iustus vestietur illis, & argentum innocens diuidet. Aedificauit sicut tinea domum suam, & sicut custos fecit vmbraculum. Diues cū dormierit, nihil secum auferet: aperiet oculos suos, & nihil inueniet. Apprehendet eum quasi aqua inopia, nocte opprimit eum tempestas. Tolle eum ventus vrens, & auferet, & velut turbo rapiet eum de loco suo. Emitteret super eum, & non parceret. De manu eius fugiens, fugiet: stringet super eum manus suas, & sibilabit super illum intuens locum eius.

Caput II.

Addidit quoque Iob assumens parabolam suam, & ait. Quod profectō versū ostenditur huius sanctissimi viri dicta quàm mysticè sint prolata: dum parabola, id est, similitudo assumpta narratur ab eo, qui nihil inferius per comparationem, vel similitudinem loquitur. Absit enim ne hoc loco parabolam illud musicæ organum sentiamus. Neque enim fas est credere, quod in afflictione pœnarum musicis vteretur, cū per scripturam suam veritas dicat: Musica in luctu, importuna narratio est. † Nominata ergo parabola, ex textu ipso loquente iam discimus, ne iuxta textum tantummodo eius verba pensemus. Ad eam itaque similitudinem cuncta trahenda sunt, quæ figuratè Ecclesia designatur. Et in ipso quidē locutionis exordio dicta apertè prolata sunt, sed subiunctis obscurioribus implicantur. Nam plana, ut solet, locutione inchoat, sed verba sua per mysticos sensus grauida narratione consummat: itaque ait:

Quod sancti contra verba detrahentia, vtuntur sapientia: contra persecutorum gladios, patientia.

Caput III.

Viuit Deus qui abstulit iudicium meum, & omnipotens qui ad amaritudinem adduxit animam meam. Quibus nimirum verbis beatus Iob & sua narrat, & sanctæ Ecclesiæ tempora afflictæ significat, in quibus aperta infidelium perficacia premitur, & persecutionis amaritudine perturbatur. Duobus nanque modis Ecclesia tentari ab aduersariis solet: ut videlicet persecutionem, aut verbis patiatur, aut gladiis. Sancta verò Ecclesia summo opere habere sapientiam & patientiā studet. Sed exercetur eius sapientia cū tēatur verbis: exercetur eius patientia cū tentatur gladiis. Nunc verò de ea persecutione loquitur, in qua non gladiis, sed falsis assertionibus lacesitur. Multos enim nouimus, qui cū in hac vita aliqua aduersa patiuntur, Deum esse non credunt. Nonnulli verò Deum esse æstimant, sed res humanas minimè curare. De illis quippe per Dauid dicitur: Dixit insipiens in corde suo, Non est Deus. Isti verò apud se dicunt: Quomodo scit Deus, & si est scientia in excelsis? Et rursus: Et dixerunt, nō videbit Dominus, nec intelliget Deus Iacob. Vir ergo iste sanctæ Ecclesiæ typum gestans, in ipsa afflictionis suæ amaritudine constitutus, contra utrosque respondit. Nam quia essentiā vita habet, mors non habet, ut Deū esse fateretur, ait: Viuit Deus. Vt verò eum res humanas curare perhiberet, subdidit: Qui abstulit iudicium meum, & ad amaritudinem adduxit animam meam. Ista etenim quæ patitur, non casu se perpeti, sed Deo omnia disponente testatur: nec tentatori suo amaritudinis suæ potestatem tribuit, sed auctori. Scit nanque, quia diabolus licet afflictionem iustorum semper appetat: tamē si ab auctore nostro potestatem non accipit, ad tentationis articulum nullatenus cōualescit. Vnde & omnis voluntas diaboli iniusta est, & tamen permittente Deo omnis potestas iusta. Ex se enim tentare quoslibet iniuste appetit, sed eos qui tentandi sunt, prout tentandi sunt, non nisi tentari Deus iuste permittit.

Vnde etiam in libris Regum, de diabolo scriptum est: Quia spiritus Domini malus irruebat in Saul. Vbi iuste quæritur: si Domini, cur malus: & si malus, cur Domini dicatur? Sed duobus verbis comprehensa est potestas iusta in diabolo,

Ecclesi. 22.
† al. Ergo
parabolam
ecce textu.
&c.

Psal. 13.
Psal. 72.

1. Reg. 18.

diabolo, & voluntas iniusta. Nam & ipse dicitur spiritus malus per nequissimam voluntatem: & idem spiritus Domini per acceptam iustissimam potestatem. Bene ergo dicitur: Viuit Deus, qui abstulit iudicium meum, & omnipotens qui ad amaritudinem adduxit animam meam: quia etsi hostis fœuit, qui ferire appetit, creator tamen est qui eum ad aliquid præualere permittit. Sed quia sanctus vir ad aliquid inuocata Dei vita se constrinxit: audiamus quid sese constringendo subiungit. Sequitur:

Quod illud genus mendacij in quo quis vitam præstando mentitur, facillimè relaxari credendum sit: & de mendacio obstetricum Aegypti.

Caput IIII.

Quia donec superest halitus in me, & spiritus Dei in naribus meis, non loquentur labia mea iniquitatem, nec lingua mea meditabitur mendacium. Quod prius iniquitatem, hoc postmodum repetens, mendacium dicit. Nam & omne mendacium iniquitas est, & omnis iniquitas mendacium: quia profectò ab æquitate discrepat, quicquid à veritate discordat. Sed inter hoc quod ait, Loqui: & postmodum subdit, Meditari: magna distantia est. Nonnunquam enim peius est mendacium meditari, quàm loqui. Nam loqui plerumque præcipationis est, meditari verò studiosæ prauitatis. Et quis ignoret in quanta distantia culpa distinguitur: vtrum præcipatione aliquis, an studio mentiatur? Sed vir sanctus, vt perfectè adhæreat veritati, nec studio se perhibet, nec præcipatione mentiri. Summopere enim cauendum est omne mendacium, quanuis nonnunquam sit aliquod mendacij genus culpæ leuioris, si quisquam vitam præstando mentitur. Sed quia scriptum est: Os quod mentitur, occidit animam: & Perdes omnes qui loquuntur mendacium: hoc quoque mendacij genus perfecti viri summopere fugiunt, vt nec vita cuiuslibet per eorū fallaciam defendatur: ne suæ animæ noceant, dum præstare vitam carni nituntur alienæ quamquam hoc ipsum peccati genus facillimè credimus relaxari. Nam si quælibet culpa sequenti solet pia operatione purgari, quanto magis hæc facile abstergitur, quam mater boni operis pietas ipsa comitatur? Nonnulli verò de obstetricū fallacia conantur asserere hoc mendacij genus non esse peccatum: maximè quòd illis mentientibus scriptum est: Quia ædificauit illis Dominus domos. In qua magis recompensatione cognoscitur, quid mendacij culpa mereatur. Nam benignitatis earum merces, quæ eis in æterna potuit vita retribui, pro t̄ admissa culpa mendacij, in terrenam est recompensationem declinata: vt in vita sua quæ mentiendi tueri voluerunt, ea quæ fecerunt, bona reciperent: & vterius quod expectarent, mercedis suæ præmium non haberent. Nam si subtiliter perpendatur, amore vitæ præsentis mentitæ sunt, non intentione mercedis. Parcendo quippe conatæ sunt infantium vitam tegere, mentiendi suâ. Et licet in testamento veteri nonnulla possint talia reperiri, penè nunquam tamen hoc, vel tale genus mendacij à perfectis admissum, studiosus ibi lector inueniet: quanuis mendacium quandam tenere veritatis imaginem videatur, & sub veteri forsitan testamento minoris culpæ esse potuit, in quo per taurorum hircorumque victimas, sacrificium non fuit ipsa veritas, sed vmbra veritatis. Nam in testamento nouo præceptis altioribus manifestata per carnem veritate proficimus: iustumque est, vt facta quædam quæ in illo populo vmbra veritatis deseruiant, deferamus. Si quis verò per testamentum vetus vult suum tueri mendacium, quia minus illic quibusdam fortasse nocuerit, dicat, necesse esse rerum alienarum raptum: dicat, retributionem iniuriæ, quæ infirmis illic concessa sunt, sibi nocere non posse. Quæ omnia cunctis liquet, quanta animaduersione veritas insequitur, quæ nobis iam significationis suæ vmbra postposita, in vera carne declaratur. Sed quia sanctus vir, nec loqui se, nec meditari mendacium spondet: hæc ipsa in quibus veritati congruit, exequendo subiungit: *Absti à me, vt iustos vos esse indicem. Donec deficiam, non recedam ab innocentia mea.* Ab innocentia quippe recederet, si bona de malis æstimeret: Salomone attestante, qui ait: Qui iustificat impium, & qui condemnat iustum, vterque abominabilis est ante Deum. Sunt nanque nonnulli qui dum malè facta hominum laudibus efferunt,

Tomus primus.

Augent quæ increpare debuerunt. Hinc enim per Prophetam dicitur: Væ qui consuunt puluillos sub omni cubito manus, & faciunt ceruicalia sub capite vniuersæ ætatis. Ad hoc quippe puluillus ponitur, vt mollius quiescat. Quisquis ergo malè agentibus adulatur, puluillum sub capite, vel cubito iacentis ponit: vt qui corripitur ex culpa debuerat, in ea sultus laudibus molliter quiescat. Hinc rursum scriptum est: Ipse ædificabat parietem, illi autem liniebant eum. Parietis quippe nomine, peccati duritia designatur. Aedificare ergo parietem, est contra se quempiam obstacula peccati construere. Sed parietem liniunt, qui peccata perpetrantibus adulantur: vt quod illi peruersè agentes ædificant, ipsi adulantes quasi nitidum reddant. Sed sanctus vir, sicut mala de bonis non æstimat, ita iudicare bona de malis recusat, dicens: *Absti à me vt iustos vos inducem: donec deficiam, non recedam ab innocentia mea.* Vbi aptè subiungit: *Iustificationem meam quàm cæpi, tenere non deferam.* Cæptam nanque iustificationem defereret, si in peccantium laudem declinaret. Sed quia tunc verius à peccatis alienis abstinuit, cum prius nos à propriis cultodimus: cur de eis peccare pertimescat, rationis causam insinuat, cum subiungit:

Quod sanctos cor suum non reprehendit, quos peccati consensus non accusat.

Caput V.

Neque enim reprehendit me cor meum in omni vita mea. Ac si aperte dicat: Pro vobis non debeo ad culpam pertrahi, qui peccare in propriis formidavi. Sciendum verò est, quòd quisquis à præceptis dominicis dicordat opere, quoties ea audit, à corde suo reprehenditur: atque confunditur: quia id quod non fecerit, memoratur. Nam in quo se errasse considerat, ipsa se latenter conscientia accusat. Vnde David Prophetata deprecatur, dicens: Tunc non confundar, dum respicio omnia mandata tua. Grauius nanque vnusquisque confunditur, quando mandata Dei, vel legendo, vel audiendo respicit, quæ viuendo contempsit. Hinc enim Ioannis voce dicitur: Si cor nostrum non reprehenderit nos, fiduciam habemus ad Deum: & quicquid petierimus ab eo, accipiemus. Ac si diceret: Si id quod præcipit, facimus: id quod petimus, obtinebimus. Valde nanque apud Deum vtraque hæc sibi necessariò congruunt: vt & oratione operatio & operatione fulciatur oratio. Hinc enim Hieremias ait: Scrutemur vias nostras, & quæramus, & reuertamur ad Dominum. Leuemus corda nostra cum manibus ad Deum in celos. Vias etenim nostras scrutari, est cogitationum interna discutere. Corda verò cum manibus leuat, qui orationem suam operibus roborat. Nam quisquis orat, sed operari dissimulat: cor leuat, & manus non leuat. Quisquis verò operatur, & non orat: manus leuat, & cor non leuat. Iuxta ergo Ioannis vocem, tunc cor fiduciam in oratione accipit, cum sibi vitæ prauitas nulla contradicit. De qua rectè fiducia à sancto viro nunc dicitur: *Neque enim reprehendit me cor meum in omni vita mea.* Ac si aperte dicat: Nequaquam se fecisse reminiscitur, vnde in suis precibus confundatur. Sed quæri potest quo pacto à corde suo reprehendi se denegat, qui se peccasse superius accusat, dicens: Peccaui: quid faciam tibi o custos hominum? Vel certè: Si iustificare me voluero, os meum condemnabit me. Sed sciendum est, quòd sunt peccata quæ à iustis vitari possunt, & sunt nonnulla quæ etiam à iustis vitari non possunt. Cuius enim cor in hac corruptibili carne consistens, in sinistra cogitatione non labitur, vel si vsque ad consensus foueam non mergatur? Et tamen hæc ipsa praua cogitare, peccare est. Sed dum cogitationi resistitur, à confusione sua animus liberatur. Mens ergo iustorum, etsi libera est à peruerso opere, aliquando tamen corrui in peruersa cogitatione. Et in peccatum ergo labitur: quia saltem in cogitatione declinatur: & tamen vnde semetipsam postmodum flendo reprehendat, non habet: quia antè se reparat, quàm per consensum cadat. Rectè ergo is qui peccatorem se confessus est, nequaquam se à suo corde reprehendi confitetur: quia & si qua illicita fortasse cogitando defuit vnquam reëtitudini, forti tamen mentis certamine restitit cogitationi. Sequitur:

Quod sancti pessimorum consortia execrantur.

Caput VI.

o. iij

Ioan. 1.

*Distans
inter impiū
& iniquū.
Impius.*

Iniquus.

Sicut impius inimicus meus, & aduersarius meus quasi iniquus. In sacro eloquio, sicut & quasi aliquando non pro similitudine ponitur, sed pro veritate. Vnde est illud: Vidim⁹ gloriā eius, gloriā quasi vnigeniti à patre. Vnde & hīc quoque, sicut & quasi pro affirmatione potius quā pro similitudine dictū videtur. Inter impium verò & iniquum hoc distare nonnūquā solet: quia omnis impius iniquus, nō tamē omnis iniquus est impius. Impius nanque pro infideli ponitur, id est, à pietate religionis alienus. Iniquus vero dicitur, qui prauitate operis ab æquitate discordat, vel si fortasse Christianæ fidei nomen portat. Beati igitur Iob voce typica, sancta Ecclesia, quia alios rectæ fidei contradicentes tolerat, impium se habere fatetur inimicum. Quia verò alios sub prætextu fidei intus positos in prauis operibus patitur, iniquū suū aduersarium detestatur. Si autem sicut & quasi oportet magis, vt pro similitudine positum sentiamus: sancta Ecclesia eos quos viuētes carnaliter intra se tolerat, de similitudine impiorum notat. Intus quippe ei inimicus est, qui fidelem se dum affirmat vocibus, moribus negat. Et quia eum velut infidelem æstimat, qui illam specietenus intus positus vitio prauæ actionis impugnat, rectē dicit: Sicut impius inimicus meus, & aduersarius meus quasi iniquus. Ac si apertē dicat: A me etiam fide discrepat, qui mihi opere non concordat. Sequitur:

Quod sancti non per hypocrisin fauorem hominum rapiant, licet aliquando ad eruditionem proximorum bona sua ostendant.

Caput VII.

*Matt. 23. &
Luca. 11.*

5.

Quæ enim spes est hypocritæ, si auarē rapiat, & non liberet Deus animam eius? Hypocrita qui Latina lingua dicitur simulator, iustus esse non appetit, sed videri. Et idcirco auarus raptor est: quia dum iniquē agens desiderat de sanctitate venerari, laudem vitæ rapit alienæ. Studium verò esse hypocritarum solet, vt & quod sunt, supprimant: & hoc quod non sunt, esse se hominibus innotescant: quatenus mensuram suā per æstimationem trāseant, & præire se cæteros actionis nomine ostendant. Refugiunt videri quod sunt, & ante oculos hominum superducta quadam innocentia honestate se vestiunt. Vnde rectē per Euangelium voce nostri redemptoris increpantur, cum eis dicitur: Væ vobis hypocritæ, quia similes facti estis sepulchris dealbatis, quæ foris quidem apparent hominibus speciosa, intus verò sunt plena ossibus mortuorum, & omni spurcitia. Ita & vos foris quidem apparetis hominibus iusti, intus verò pleni estis auaritia & iniquitate.

1. Corin. 12.

Quo contrā omnes veraciter sancti, non solum gloriam supra modum suum omnino non appetunt: sed etiam hoc ipsum videri refugiunt, quod esse meruerunt. Vnde ille prædicator egregius veritatis, contra pseudoapostolos loquens, dum virtutes eximias operationis suæ pro discipulorum eruditione narraret, dū tot se pericula tolerasse coaceruata persecutione describeret: & post hæc vsque ad tertium cælum, rursumque in paradysum raptum se esse memoraret, vbi tanta cognoscere potuisset, quanta loqui omnino non posset: erat de se adhuc fortasse admirabiliora locuturus, sed ab humana laude alta se consideratione temperans, subdit: Parco autem, ne quis me existimet supra id quod videt in me, aut audit aliquid ex me. Habebat ergo adhuc dicendum de se aliquid, qui parcat dicere: sed egit vtrunque doctor egregius, & loquendo quæ egerat, discipulos instrueret, & tacendo sese intra humilitatis limitem custodiret. Nimis nanque esset ingratus, si de se discipulis tota reticeret: & fortasse nimis incautus, si de se tota, vel discipulis proderet: sed mirabiliter, vt dictum est, egit vtrunque, vt loquendo erudiret vitam audientium, & tacendo custodiret suam. Sciendum verò est, quod sancti viri quoties de se aliquid sequentibus innotescunt, morem creatoris sui imitantur. Nam Deus qui nos prohibet, ne proprio ore laudemur, per scripturam sacram laudes suas loquitur: non quia ipse eis indiget, qui proficere laudibus nescit: sed dum suam nobis magnitudinem narrat, nostram ad se imperitiā subleuat: & bona sua loquendo nos edocet, quem omnino homo non cognosceret, si de se tacere voluisset. Idcirco ergo laudes suas indicat, vt valeamus eum audientes cognoscere, cognoscentes amare, amantes sequi, sequentes adipisci, adipis-

centes verò eius visione perfrui. Vnde Psalmista ait: Vir-
tutem operum suorum annuntiabit populo suo, vt det illis hæreditatem gentium. Ac si apertē dicat: Idcirco fortitudinem suæ operationis insinuat, vt eum qui audierit, donis ditescat. Mortem ergo sui creatoris imitantes sancti viri, nōnunquam quædam de se, vt audientes instruant, non vt ipsi proficiant, manifestant: & tamen in his alta se consideratione custodiunt, ne dum alios à terrena intentione erigunt, ipsi in terrenæ laudis appetitione mergantur. Quorum plerunque dicta imitatur hypocrita, sed dictorum sensum penitus ignorant: quia quod iusti agunt ad vtilitatem proximi, hoc ipsi faciunt ad extensionem nominis sui. Sanctus autem vir hypocritas intuens, nequaquam gloriam futuram appetere, sed cupere præsentem tenere ait: Quæ enim spes est hypocritæ? quia dum præsentia diligit futura minimè sperat. Scriptum nanque est: Quod enim videt quis, quid sperat? Idcirco ergo ab hypocrita ad æterna præmia per spem minimè tenditur: quia quod aliò quærendum fuerat, hīc se tenere gloriatur. Cuius quia culpa prolata est, etiam pœna subiungitur, cum protinus subinfertur: Nunquid clamorem eius audiet Deus, cum venerit super illum angustia? Clamorem eius angustia tempore non audit, quia tranquillitatis tempore in præceptis suis ipse clamantem Dominum nō audiuit. Scriptum quippe est: Qui auertit aurem suam ne audiat legem, oratio eius erit execrabilis. Sanctus itaque vir intuens, quia omnes qui nunc operari recta contemnunt, extremo se tempore ad petitionis verba conuertunt, dicit: Nunquid clamorem eius audiet Deus? Quibus profectò verbis, vocibus nostri redemptoris obsequitur, qui ait: Nouissimè veniunt & fatuæ virgines dicētes: Domine domine, aperi nobis. Et respondetur eis: Amen dico vobis, nescio vos: quia tantò magna tunc exercetur seueritas, quantò nunc maior misericordia prorogatur: & districtè tunc iudicium non correctis exierit, qui pietatem nunc delinquentibus patienter impendit. Hinc etenim Propheta ait: Quærite Dominum dum inueniri potest: inuocate eum dum propè est: tunc videbitur, & propè non erit. Necdum in iudicio apparuit: & si quæritur, inuenitur. Nā miro modo cum in iudicio apparuerit, & videri potest, & nō potest inueniri. Hinc Salomon sapientiam refert, & suauiter blandientem, & terribiliter iudicantem, dicens: Sapientia foris prædicat, in plateis dat vocem suam. Cuius vocem quoque insinuat, subdēs: Vsquequo paruuli diligitis infantiam, & stulti ea quæ sibi sunt noxia, cupient, & imprudentes odibunt scientiam? Cōuertimini ad correctionem meam: en proferam vobis spiritum meum, & ostendam verba mea. En vidimus qualibus verbis expressa est dulcedo vocantis. Videamus nunc quibus insinuat modis seueritas increpantis, vt in fine quandoque se exerceat districtio punientis. Quia vocaui, inquit, & renuistis: extendi manū meam, & nō fuit qui aspiceret: despexistis omne consilium meum, & increpationes meas neglexistis. Dicat iam qualiter feriat, quos ad se nullatenus reuertentes tanta longanimitate sustentat. Ego quoque in interitu vestro ridebo, & subsanabo cum vobis quod timebatis aduenerit, cum irruerit repentina calamitas, & interitus quasi tempestas ingruerit, quando venerit super vos tribulatio & angustia. Tunc inuocabunt me, & non exaudiam: mane consurgent, & nō inuenient me. Ore itaque sapientissimi Salomonis cuncta de superno iudicio diligenter expressa sunt: quia & prius dulciter vocat, & postmodum terribiliter increpat, & ad extremū irretractabiliter damnat. Bene ergo dicitur: Nunquid clamorem eius audiet Deus, quando venerit super illum angustia? Quia nimirum omnis hypocrita tunc remedium in clamore non inuenit, qui nunc tempus congruum clamoris perdit. De cuius adhuc prauitate subiungitur:

Quod qui in hoc mundo delectatur, in Deo delectationem habere non possit.

Caput VIII.

Aut poterit in omnipotente delectari? Qui enim terrenarum rerum amore vincitur, in Deo nullatenus delectatur. esse quidē sine delectatione anima nunquā potest. Nā aut infimis delectat, aut summis: & quātò altiori studio exercetur ad summa, tanto maiori fastidio torpescit ad infima: quātòque acriore cura inardescit ad infima, tātò tepore damnabili frigescit.

Psalm. 110.

Roma. 8.

*Clamās non
auditur.
Prouer. 28.*

Matth. 23.

Esai. 55.

6.

Prouer. 1.

Ibidem.

Ibidem.

Anima non

potest esse

sine delecta-

tione.

gecit à summis. Vtraque enim simul & æqualiter amari non possunt. Vnde Ioannes apostolus sciens inter spinas amorum secularium, supernæ charitatis messem germinare non posse, priusquam æterni amoris semina proferat, de audientium cordibus sancta verbi manu, amorum secularium spinas eradicat, dicens: Nolite diligere mundum, neque ea quæ in mundo sunt. Moxque subiungit: Quia si quis diligit mundum, non est charitas Patris in eo. Ac si aperte dicat: Vtrique se amores in vno corde non capiunt, nec in eo segēs superne charitatis pullulat, in quo illam spinæ infimæ delectationis necant. Atque illas ex hac infima delectatione nascentes enumerat punctiones, dicens: Quia omne quod in mūdo est, concupiscentia carnis est, & concupiscentia oculorum, & superbia vitæ, quæ non est ex patre, sed ex mundo est: & mūdus transiit, & concupiscentia eius. Delectari ergo in Deo hypocrita non valet: quia in eius mente desideria superna nō prodeunt, quam profectō spinæ terreni amoris premunt. De quo apte subditur: *Et inuocare Deum in omni tempore.* Tunc quippe hypocrita Deum inuocat, cum hunc terrenarum rerum tribulatio angustat. Nam cum in hoc seculo effectum quæsitæ felicitatis inuenerit, authorem qui hanc ipsam felicitatem tribuit, non requirit. Quia verò, vt prædiximus, esse ars docentium debet, vt in auditorum suorum mētibus prius studeant peruersa destruere, & postmodum recta prædicare, ne bonum sanctæ prædicationis semen plena malis corda non capiant: vnde ad Hieremiam dicitur: Ecce constitui te hodie super gentes & regna, vt euellas, & destruas, & disperdas, & dissipes, & ædifices, & plantes. Prius itaque iubetur vt destruat, & postmodum ædificet: prius vt euellat, & postmodum plantet: quia nequaquam rectæ veritatis fundamentum ponitur, nisi prius erroris fabrica destruat. Beatus Iob postquam causas vniuersalis Ecclesiæ, amicorum suorum dictis quasi contra hæreticorum verba respondit, eorūque elationem multimoda respōsione destruxit, iam docere se perhibet: vt videlicet aperte videatur in his quæ subdidit, recta plantare: in his verò quæ præmisit, euulsiſſe peruersa. Sequitur:

Quod superbi sibi attribuunt quod sapiunt, sancti verò totum Deo ascribunt.

Caput IX.

Docebo vos per manum Dei quæ omnipotens habeat, nec abscondam. Sic beatus Iob loquitur verbis suis, vt aliquid finget ex nostris. Nam sancta Ecclesia docens, in quantum cognoscere expedit, nihil veritatis abscondit. Quia enim manus Dei vocatur fili, omnia quippe per ipsum facta sunt, per manum dei docere se perhibet eos quos in propria sapientia remanere fatuos videt. Ac si aperte dicat: Ego ex me aliquid nescio: sed quicquid de veritate sentio, hoc ex eiusdem veritatis largitate comprehendo. Vos idcirco recta non sapitis: quia hanc eandem vestram sapientiam non Dei manui, sed vobismetipsis datis. Nam hostes sanctæ Ecclesiæ, si quid veri aliquando sentiunt, id propriis viribus tribuunt: & tantò magis se priuant superna sapientia, quantò illā quasi ex suo ingenio habere priuatā volunt. Quibus aliquādo datur ad iudiciū suum, vt rectè quidem aliqua sciant, sed ex ipsa hac scientia obligatiores ad pœnam fiunt. Vnde apte subditur: *Ecce vos omnes nostis: & quid sine causa vana loquimini?* Scriptum est: Seruus qui cognouit voluntatem Domini sui, & non paruit: & nō fecit secundum voluntatem eius, plagis vapulabit multis. Qui autem non cognouit, & fecit digna plagis, vapulabit paucis. Rursumque scriptum est: Scienti igitur bonum facere, & non facienti, peccatum est illi. Ad maioris ergo culpæ cumulum hostes suos sancta Ecclesia perhibet & scire quod sequi debeant, & sequi nolle quod sciant. De quibus aliàs dictum est: Descendant in infernum viuentes. Viui sunt qui sentiunt, quæ erga illos fiunt. Mortui enim nec sciunt omnino, nec sentiunt. Mortui itaque qui non sentiunt, pro nesciētib: viuentes verò qui sentiunt, pro scientibus poni solent. Viuentes ergo in infernum descendere, est scientes sentientesque peccare. Sequitur:

Quod hæretici & successores eorum iudicium dei euadere non possunt, quibus in errore suo sepulchris, gaudent hi quos illi corrumpunt, cum ad viam veritatis reducuntur.

Caput X.

Tomus primus.

A *Hæc est pars hominis impij apud Deum, & hæreditas violentorum quam ab omnipotente suscipient.* Quam profectō partem hæreditatēque protinus insinuat, cum subiungit: *Si multiplicati fuerint, filij eius in gladio erunt, & nepotes eius non saturabuntur pane.* Non absurdè impij vocantur hæretici, qui per errorem prauī dōgmatis, à cognitione sunt veritatis alieni, quos sequenti verbo etiam violentos appellat: quippe qui scripturæ sacræ sententias recta dogmata continentes, ad intellectum prauum conantur violenter inflectere. Violenti ergo sunt, & si non rebus hominum, certè sensibus præceptorum. Filij autem violentorum sunt sequaces hæreticorum, qui dum eorum errori consentiunt, quasi ex eorum prædicatione generantur. Sed multiplicati in gladio erunt: quia quauis modo immensa multitudo in perdita libertate succrescent, venturi tamen iudicis sententia feriuntur. Vnde per Moysen Dominus dicit: Gladius meus manducabit carnes. Dei enim gladius carnes comedet: quia in extremo iudicio eius sententia eos qui carnaliter sapiunt, occidet. Qua in re quærendum est, cur dicatur quod hanc partem atque hæreditatem suam prauī ab omnipotente percipiūt: Sed rectè cōsiderantibus liquet: quia etsi à seipsis habuerunt iniuste agere, supernæ tamen æquitati suppetit, iniuste acta, iuste iudicare: vt diuina sententia ordinet in pœnam, quos inordinata sua actio traxit ad culpā. De quibus apte subiungitur: *Et nepotes eius non saturabuntur pane.* Nepotes quippe hæreticorum sunt qui de errantium filiorum prædicatione nascuntur. Quos nequaquam panis satiat: quia dum in sacri verbi pabulo plus quærunt sentire quàm cupiūt, semper à veritatis cognitione ieiunant: & prædicamenta doctrinæ quæ student ad questionem quærere, habere non valēt ad refecutionem. Quia verò nōnullos ex eisdem hæreticis, sancta Ecclesia colligit, nonnullos in malitia sua pertinaces relinquit, protinus addit: *Qui reliqui fuerint ex eo, sepelientur in interitu.* Ex eo videlicet hæreticorum populo derelicti sepeliuntur in interitu: quia dum ad lucem veritatis nō redeunt, profectō in pœna perpetua intelligentia terrena deprimuntur. Et quia nonnunquam dum author errantium plebium rapitur ad pœnam, seductæ plebes reformantur ad veritatis sciētiam: & tunc ad veram cognitionem redeunt subditi, cum ad æterna supplicia perueniunt, qui malè fuerant prælati: subiungitur: *Et vidua illius non plorabit.* Quis viduas eius accipimus, nisi subiectas plebes morte illius felicitè destitutas? Quia sape, vt dictū est, dum prædicator erroris ad æterna supplicia rapitur, subiectæ plebes illius ad cognitionis veræ gratiā reuertuntur. His enim plebib: peruersus prædicator quasi maritus præfuit: quia malè eis coniunctus inhæserat corruptor mētis. Nequaquam ergo viduæ, vel destitutæ plorant: quia morte prauī doctoris viam veritatis inueniunt, ex cuius interitu affligi posse videbantur. Vel certè non plorant viduæ: quia in suo errore remanentes, dum sanctum fuisse æstimant prædicatorem suum, spe falsa ne lugeant consolantur. Sequitur:

Quod catholici hæreticos eisdem autoritatibus quas proferunt, superant, & quasi Goliath proprio gladio detruncant.

Caput XI.

Si comportauerit sicut terram argentum, & sicut lutum præparauerit vestimenta: præparabit quidem, sed iustus vestietur illis, & argentum innocens diuidet. Argentum intelligi sacri eloquij claritas solet, sicut aliàs dicitur: Eloquia Domini eloquia casta, argentum igne examinatum. Et quia nonnulli eloquium Dei non interior per exhibitionem, sed exterior per ostensionem habere concupiscunt: idcirco per Prophetam dicitur: Disperierunt omnes inuoluti argento. Hi nimirum, qui eloquio Dei non interiori refecutione se replent, sed exteriori ostensione se vestiunt. Vnde & horum argentum, id est, hæreticorum eloquium terræ cōparatur: quia de scriptura sacra vt aliquid sciāt, ex appetitu terrenæ laudis elaborant. Qui etiam sicut lutum præparant vestimenta: quia fluxè & inquinabiliter ea quibus se tueri volunt, scripturæ sacræ contextunt testimonia. Præparabit quidem, sed iustus vestietur illis: quia vir recta fide plenus, quæ sanctis solet ad iustitiam deputari, ea ipsa scripturæ sacre quæ hæreticus affert, testimonia colligit, & erroris eius per tinaciam inde conuincit. Contra nos nanque dum sacræ legis testimonia apportant, secum nobis afferunt vnde vincantur. Vnde & Dauid typum Domini, Goliath verò hæreticorū su-

Impij vocantur hæretici.

Violenti. Filij violentorum.

Deut. 32.

8.

Psal. 11.

Sopho. 1.

perbiam signans: hoc rebus locuti sunt, quod nos verbis aperimus. Goliath quippe cum gladio, David verò cum pera pastoralis venit ad prælum. Sed eundem Goliath David superans, suo gladio occidit. Quod nos quoque agimus, qui promissa David membra ex eius fieri dignatione meruimus. Nam cum superbientes hæreticos, & sacræ scripturæ sententias deferentes, eisdem verbis atque sententiis quas proferrunt, vincimus, quasi elatum Goliath suo gladio detruncamus. Iustus ergo vestietur eis vestimentis quæ præparat iniustus: quia vir sanctus eisdem sententiis ad veritatem utitur, qui se peruersus quisque doctum ostendere contra veritatem conatur: *Et argentum innocens diuidet.*) Argentum innocentem diuidere, est eloquia Domini minutè discretèque exponere, & unicuique quid dignè congruat coaptare. Nam eloquium Domini quod hîc argentum, vel vestimenta, hoc alibi spolia nominatur. Quod etiam Psalmista testatur per comparationem, dicens: *Lætabor ego super eloquia tua, sicut qui inuenit spolia multa.* Quæ spolia idcirco vocata sunt: quia ad fidem Domini gentilitate transeunte, Iudæi sacris eloquiis quibus induti fuerant, exuuntur. De hac quoque argenti, vel spoliolum diuisione aliàs dicitur: Benjamin lupus rapax, mane comedet prædam, vespere diuidet spolia. Quibus profectò dictis Paulus apostolus designatur, de Benjamin stirpe progenitus, qui mane prædam comedit: quia in primordiis suis fideles quos potuit rapiens, crudelitati propriæ satisfecit. Vespere spolia diuisit: quia fidelis postmodum factus, sacra eloquia exponendo distribuit. Quauis hoc argentum quod diuidit innocens, intelligi & aliter potest. Hæretici nanque, vt facillè valeant peruersa suadere, dictis suis quædam recta permiscunt, vt animos audientium ex rectis sensibus trahant, ex peruersis feriant. Qui in præceptis Dei, quia sana insanæque locutione variantur, bene in Euangelio decem leprosum sunt specie designati, quorum coloris sano dum vitiosus candor aspergitur, immoderato candore scedantur. Vnde admonemur non plus sapere quàm oportet sapere, sed sapere ad sobrietatem. Qui etiam quia nec Deum diligunt, de quo malè sentiunt: nec proximum, à quo diuiduntur, de calogi præceptis aduersi sunt, atque ideo ad deprecandum Dominum decem veniunt. Pro eo autem quod sanis insana miscuerunt, coloris diuersitate variantur. Sed quia in eius præceptis offenderant, id illud vnde offenderant vocant, dicentes: Iesu præceptor: vnde & mox curari meruerunt. Ergo quia vir catholicus quæ ab eis rectè, vel quæ prauè sentiuntur, intelligit: argentum innocens diuidit, id est, quæ ab eis salubriter, vel quæ pestiferè fuerint dicta discernit. Sequitur: *Ædificauit sicut tinea domum suam, & sicut custos fecit vmbraculum.*)

Psalm. 118.

9.

Gene. 49.

Luc. 17.

Roma. 12.

Luc. 17.

Tinea sibi domum corrumpendo ædificat. Nec meliori potuit comparatione hæreticus demonstrari, qui locum suæ perfidiæ non nisi in mētibus quas corruperit, facit: qui etiam sequaces suos ab æterno igne liberos esse pollicetur. Spondet quippe eis refrigerium quietis æternæ, sed verba eius soliditatem non habent, quia plenitudine veritatis carent. Vnde subiungitur: *Et sicut custos fecit vmbraculum.*) Vmbraculum nanque custodis nullo fundamendo solidatur, sed tempore mox transeunte destruitur. Et promissa ab hæreticis requies, cum tempore destruitur, quæ post hanc vitam nullatenus inuenitur. Et quia sæpe hæretici in contemptu vniuersalis ecclesiæ, potentum seculi patrociniis fulciuntur, eisque diuites protectione atque administratione quanta prævalent opitulari non cessant: ipse etiam quilibet diues contra conditorem suum rebus temporalibus intumescens, sancti viri nunc sententia tangitur, atque ab speciali hæreticorum interitū, ad generalem elatorum omnium definitionem sermo deriuatur, cum subditur: *Diues cum dormierit, nihil secum auferet: aperiet oculos suos, & nihil inueniet.*) Cui nimirum sententiæ Psalmista concinens dicit: *Turbati sunt omnes insipientes corde: dormierunt somnum suum, & nihil inueniunt omnes viri diuitiarum in manibus suis.* Vt enim in sua manu diuites post mortem quicquam inueniant, eis ante mortem dicitur, diuitias suas in quorum manibus ponant: *Facite vobis amicos de mammona iniquitatis: vt cum defeceritis, recipiant vos in æterna tabernacula.*

Psalm. 75.

Luc. 16.

E Quod præsentis diuitia somno comparantur, quæ subito marcescunt: & quod superbi in nouissimo ad inopiam redacti, impellente diabolo quasi vento vrente à fornace vitiorum impelluntur in incendia tormentorum.

Caput XII.

D iues cum dormierit, nihil secum auferet.) Res suas cum moretetur, secum tolleret, si ad petentis vocem cum viueret, sibi tulisset. Nam terrena omnia quæ seruando amittimus, largiendo seruamus: patrimoniumque nostrum retentum perditur, manet erogatum. Diu enim cum rebus nostris durare non possumus: quia aut nos illas moriendo deferimus, aut illæ nos viuentes quasi deserunt pereundo. Agendum ergo nobis est, vt res absolutè perituras, in non pereuntem cogamus transire mercedem. Sed mirandum valde est quod dicitur: *Cum dormierit, aperiet oculos suos, & nihil inueniet.*) Vt dormiamus quippe, oculos claudimus, & euigilantes aperimus. Sed hac in re, quia homo ex anima constat & corpore, cum vnius rei somnus dicitur, alterius vigiliæ demonstrantur: quia cum corpus obdormiscit in morte, tunc anima euigilat in vera cognitione. Et dormit ergo diues, & oculos aperit: quia cum carne moritur, eius anima videre cogitur, quod prouidere cōtempnit. Tunc profectò in vera cognitione euigilat, tunc nihil esse conspiciat quod tenebat. Tunc se vacuū inuenit, quæ plenam rebus præ cæteris se hominibus esse lætabatur. Dormit, & nihil secum auferit: nihil nimirum de rebus quas tenuit. Nam culpa rerum simul ducitur, quauis hîc omnia pro quibus culpa perpetrata est, relinquuntur. Eat ergo nunc, & acceptis rebus tumeat, seseque super cæteros extollat, gloriatur se habere quod proximus non habet. Veniet quandoque tempus vt euigilet: & tunc cognoscat quàm vacuum fuerit, quod in somno tenuerat. Sæpe nanque contingit dormienti inopi, vt se per somnium diuitem videat, atque ex eisdem rebus animum extollat, lætetur se habere quod non habuit, iamque dedignari quærat, à quibus dedignatum esse se doluit. Sed repenti euigilans, euigilasse se doleat, qui interim diuitiarum imaginem vel dormiens tenebat. Gemit enim

G profinus sub paupertatis pondere, & inopiæ suæ angustis premitur: & eo peius, quo ad tempus breuissimum, vel vacuè diues fuit. Sic sic nimirum huius mundi sunt diuites, qui rebus acceptis tument. Bene operari de sua abundantia nesciunt, quasi dormientes sunt diuites: sed paupertatem suam euigilantes inueniunt, quia nihil secum ad illud iudicium quod permanet, ferunt: & quantò nunc ad breue tempus sublimius elati sunt, tantò contra se in perpetuum grauius ingemiscunt. Dicat ergo: *Aperiet oculos suos, & nihil inueniet:* quia illic aperit ad supplicia, quos hîc ad misericordiam clausos tenebat. *Aperit oculos suos, & pietatis fructum non inuenit,* quos hîc clausos tenuit cum viueret. Tardè quoque illi oculos aperiant, qui teste Sapientia, damnationis suæ tempore dicturi referuntur: *Quid nobis profuit superbia, diuitiarum iactantia quid contulit nobis?* Transferunt omnia illa tanquam umbra, & tanquam nuntius percurrrens. Vilia & fugitiua fuisse quæ tenuerant, iam amissa cognoscunt: quæ quandiu aderant, stultis eorum cordibus magna & mansura videbantur. Serò diues aperuit oculos, quando Lazarum re-
quiescentem vidit, quem iacentem ante ianuam videre contempsit. Intellexit ibi quod hîc facere noluit: in damnatione sua cognoscere cōpulsus est quid fuit quod perdidit, quando indigentem proximum non agnouit. De quo adhuc subditur: *Apprehendet eum quasi aqua inopia, nocte opprimit eum tempestas.*) Videamus nunc inopiam ardentis diuitis, cuius tanta abundantia fuit epulantis. Ait enim: *Pater Abraham miserere mei: & mitte Lazarum, vt intingat extremum digiti sui in aquam, & refrigeret linguam meam, quia crucior in hac flamma.* Quibus verbis nobis non hoc innotescitur, quia illic in tanto ardore vna tunc ad sufficientiam refrigerij aquæ stilla requiratur: sed quod is qui de abundantia peccauit, illic æstuanti nimis cremetur inopia. Videmus enim in verbis diuitis ex subtilissimo Dei iudicio, quàm digna tali culpæ pœna responderit. Agente nanque inopia, illic vsque ad minima petenda compellus est, qui hîc agente tenacia, vsque ad minima neganda peruenit. Quid retribuī subtilius, quid districtius potest? Guttam aquæ petiit, qui micæ panis negauit. Apprehendit eum quasi aqua inopia. Non immeritò aquæ

10.

Sapient. 5.

Luc. 16.

Ibidem.

aquæ tunc illa inopia comparatur: quia in inferno cruciat qui susceptos in profundis absorbēs, solet lacus nomine designari. Vnde per Prophetam quoque humani generis voce dicitur: Lapsa est in lacum vita mea. Ereptorum verò exultatione cantatur: Domine Deus meus clamaui ad te, & saluasti me. Domine abstraxisti ab inferis animam meam, saluasti me à descendentibus in lacum. Nocte opprimit eum tempestas.)

Quid hoc loco noctem, nisi absconditum tempus repentini exitus appellat? Tempestatis verò nomine, iudicii turbine designat. Quod etiam Psalmista testatur, dicens: Deus manifestè veniet, Deus noster, & non filebit: ignis in conspectu eius ardebit, & in circuitu eius tempestas valida. De qua tempestate etiam sapientia per Salomonem dicit: Ego quoque in interitu vestro ridebo, & subfannabo cum vobis quod timebatis aduenerit: cum irruerit repentina calamitas, & interitus quasi tempestas ingruerit. Et quia ipsa venturi exitus ignorantia nox vocatur, nocte opprimit eum tempestas, id est, turbo eum diuini iudicii dum ignorat apprehendit. Hinc est

nanque quod per semetipsam veritas dicit: Si sciret paterfamilias qua hora fur veniret, vigilaret utique, & non fineret perfodi domum suam. Et vos estote parati: quia qua hora nō putatis, filius hominis veniet. Hinc etiam contra malum seruum dicitur: Si autem dixerit malus seruus ille in corde suo: Moram facit dominus meus venire, & cœperit percutere conseruos suos: manducet autē & bibat cum ebriis: veniet dominus serui illius in die qua non sperat, & hora qua ignorat. Hinc Paulus discipulis dicit: Vos autem fratres non estis in tenebris, ut vos dies illa tanquam fur comprehendat. Omnes enim vos filij lucis estis, & filij diei, nō sumus noctis neque tenebrarum. Hinc superbienti diuiti Dei voce dicitur: Stulte, hac nocte animam tuam repetunt à te: quæ autem præparasti, cuius erunt? Nocte animam reddere perhibetur, qui mortem nō prouidens, in tenebris cordis abstrahitur. Ait ergo: Nocte opprimit eum tempestas. Quia enim non vult agere bona quæ videt, deprehenditur interitus sui tempestate quam nō videt. De quo adhuc subditur: Tolle eum ventus vrens, & auferet.)

Quis hoc loco ventus vrens, nisi malignus spiritus vocatur, qui desideriorum flammæ in corde excitat, ut ad æternitatem suppliciorum trahat? Peruersum ergo quemlibet ventus vrens tollere dicitur: quia insidiator malignus spiritus, qui viuientem quemque accendit ad vitia, morientem trahit ad tormēta. Nam quia ventus vrēs immundus spiritus solet intelligi, qui malæ suggestionis flatu ad terrena desideria iniquorum corda succendit: Hieremias propheta testatur, dicens: Ollam succensam ego video, & faciem eius à facie Aquilonis. Olla nanque succensa est cor humanum, secularium curarum ardoribus, desideriorumque anxietatibus feruens. Quæ à facie Aquilonis succenditur, id est, diaboli suggestionibus inflammatur. Ipse enim vocari nomine Aquilonis solet, qui dixit: Sedebo in monte testamenti, in lateribus Aquilonis, ascendam super altitudinem nubium. Ab huius igitur vrentis venti, vniuscuiusque electi mens adustione temperatur: quando in ea vitiorum feruor extinguitur, & desideriorum carnalium flamma frigeſcit. Vnde & sancta Ecclesia in sponsi sui laudibus lata clamat: Sub vmbra illius quæ desideraueram sedi. De huius ardoris temperie ei per Esaiam promittente Domino dicitur: Pro saluica ascendet abies, & pro vrtica crescet myrtus. Pro saluica nanque in ea ascendit abies, dum in sanctorum corde pro adiectione terrenæ cogitationis, altitudo supernæ contemplationis exoritur. Vrtica verò igne omnino naturæ est. Myrtus autem temperatiuæ fertur esse virtutis. Pro vrtica igitur crescit myrtus, cum fuſtorum mentes à prurigne & ardore vitiorum, ad cogitationum temperiem tranquillitatemque perueniunt, dum iam terrena non appetunt, dum flammæ carnis desideriis cœlestibus extinguunt. Propter hoc quoque mentis refrigerium cœlitus datum Mariæ dicitur: Virtus Altissimi obumbrabit tibi.

Quauis hac in re per obumbrationis vocabulum, incarnandi Dei vtrique potuit natura signari. Vmbra enim à lumine formatur & corpore. Dominus autem per diuinitatem lumen est: qui mediante anima, in eius vtero fieri dignatus est per humanitatem corpus. Quia ergo lumen incorporeum in eius erat vtero corporandum, ei quæ incorporeum concepit ad corpus dicitur: Virtus altissimi obumbrabit tibi, id est, corpus

in te humanitatis accipiet incorporeum lumen diuinitatis. Sed iam de iniquo quolibet quod cœpimus, exequamur. Tollit ergo eum ventus vrens: quia videlicet malignus spiritus eum quem nunc succenderit igne peruersæ concupiscentiæ, rapit postmodum ad flammæ gehennæ. Sequitur: Et velut turbo rapiet eum de loco suo.) Locus peruersorum est temporalis vitæ delectatio, & carnis voluptas. Quasi turbine igitur vnusquisque de loco suo rapitur, cum à cunctis suis delectationibus extremo territus die separatur. De quo extremo die aptè mox subditur:

Quod Deus cum sanctos flagellat, parcat eis: reproborum verò flagella præsentia, sunt initia tormentorum.

Caput XIII.

E Mittere super eum, & non parcat.) Peccatorem Deus quoties feriendo corrigit, ad hoc flagellum emittit, ut parcat. Cum verò eius vitam in peccato permanentem feriendo concludit, flagellum emittit, sed nequaquam parcat. Qui enim flagellum emisit ut parceret, ad hoc emittit quandoque ut nō parcat. In hac nanque vita Dominus tantò magis studet, ut parcat, quantò magis expectando flagellat: sicut ipse voce angeli ad Ioannem ait: Ego quos amo, arguo & castigo. Et sicut aliàs dicitur: Quem diligit Dominus, castigat: flagellat autem omnem filium quem recipit. E contra autem de flagello damnationis scriptum est: In operibus manuum suarum comprehensus est peccator. De quo per Hieremiam Dominus dicit, dum incorrigibiliter delinquentes populos videt, quos non iam sub disciplina, filios, sed sub dicticta percussione hostes intuetur: Plaga inimici percussit te, castigatione crudeli. Et quod hinc dicitur: Non parcat, ibi quoque verbis aliis declaratur: Quid clamas super contritione tua? insanabilis est dolor tuus. Vnde hoc semper electi prouident, ut antè ad iustitiam redeant, quàm sese ira iudicis inextinguibiliter accendat, ne vltimo flagello deprehensis simul eis finiatur vita cum culpa. Flagellum nanque tunc diluet culpam, cum mutauerit vitam.

Nam cuius mores non mutat, non expiat actiones. Omnis ergo diuina percussio, aut purgatio in nobis vitæ præsentis est, aut initium pœnæ sequentis. Propter eos enim qui ex flagello proficiunt, dictum est: Qui fingis dolorem in præcepto. Quia dum flagellatur iniquus, & corrigitur: audire præceptum nō luit, audit dolorem. Dolor ergo in præcepto fingitur ei, qui à malis operibus quasi præcepti vice, dolore cohibetur. De his verò quos damnant flagella & non liberant, dicitur: Percussisti eos, nec doluerunt: attriisti eos, & renuerunt accipere disciplinam. His flagella ab hac vita inchoant, & in æterna percussione perdurant. Vnde per Moysen Dominus dicit: Ignis exarsit ab ira mea, & ardebit vsque ad inferos deorsum. Quātum ad præsentem etenim percussione spectat, rectè dicitur: Ignis exarsit ab ira mea. Quātum verò ad æternam damnationem, aptè mox subditur: Et ardebit vsq; ad inferos deorsum. Licet à quibusdam dici soleat illud quod scriptum est: Nō iudicat Deus bis in idipsum. Qui tamen hoc quod per Prophetā de iniquis dicitur, non attendunt: Et duplici contritione contere eos. Et quod aliàs scriptū est: Iesus populos de terra Aegypti saluans, secundo eos qui non crediderunt, perdidit. Quibus tamen si consensum præbemus, quamlibet culpam bis feriri non posse: hoc ex peccato percussis atque in peccato suo morientibus debet æstimari: quia eorum percussio hinc cœpta, illic perficitur: ut incorrectis vnum flagellum sit quod temporaliter incipit, sed in æternis suppliciis consummatur: quatenus eis qui omnino corrigi renuunt, iam præsentium flagellorum percussio, sequentium sit initium tormentorum. Emittit ergo super eum, & non parcat. Sequitur: De manu eius fugiens fugiet.) Ille etenim de manu fugit ferientis, qui suæ prauitatem corrigit actionis. Vel certe quia in sacro eloquio manus operatio solet intelligi, de manu percussis fugit, qui dum prauitatem interitum conspiciat: vias prauitatis relinquit. Vnde adhuc subditur: Stringet super eum manus suas.) Manus quippe stringere, est vitæ suæ opera in rectitudine confirmare: Vnde etiam Paulus ait: Remissas manus & dissoluta genua erigite. Dum itaque alienum interitum conspiciunt,

reuocantur ad cor, ut recogitent suum, & vnde alius ad tormenta ducitur, à tormento alius inde libertatur. Stringit

*Apoc. 3.
Hebr. 12.*

Psalm. 19.

Hiere. 30.

Omnis diuina percussio aut est purgatio in nobis vitæ præsentis, aut initium pœnæ sequentis.

Psalm. 93.

Hiere. 5.

Deut. 32.

Naum. 1.

Hier. 7.

Iuda. 1.

13.

Heb. 12.

ergo super eum manus suas: quia conspicit in aliena pœna quid timeat: & dum delinquentem sic percussum conspicit, dissoluta sua opera, iustitiæ vigore constringit. Sicque fit vt qui iniquus viuens, multos ad culpam traxerat delectatione peccati, quosdam moriens à culpa reuocet terrore tormenti.

Psalm. 57.

Quod etiam prouenire bonis Psalmista testatur, dicens: Lætabitur iustus cum viderit vindictam impiorum, manus suas lauabit in sanguine peccatorum. In peccatorum morientium sanguine iusti lauantur manus: quia dum eorum pœna conspicitur, conspicientis vita mundatur. Sequitur: *Et sibilabit super illum, intuens locum eius.* Quid in sibilo, nisi intentio admirationis exprimitur? Si verò in sibilo alia fortasse significatio quæritur moriente peccatore, hi qui interitu eius aspiciunt, os in sibilo stringunt: dum ad ea quæ contempserant, verba spiritalia conuertuntur: vt iam credere & prædicare incipiant, quæ prius dum iniquum florere cernerent, non credebant. Nam fit plerunque vt infirmorum animus eo magis de auditu veritatis trepidet, quo florere contemptores veritatis videt. Sed dum iusta vitio iniustos subtrahit, alios à prauitate compefcit. Vnde per Salomonem dicitur: Mulctato pestilente, sapientior erit paruulus. Virigitur sanctus postquam potentum pœnas, qui extolluntur in seculo, sufficienter expleuit, rursus ad hæreticorum superbiam, qui extolluntur in eloquio, verba conuertit.

Proverb. 21.

Textus beati Iob caput vigesimooctauum.



Habet argentum venarum suarum principia, & auro locus est in quo conflatur. Ferrum de terra tollitur, & lapis solutus calore, in æs vertitur. Tempus posuit tenebris, & vniuersorum finem ipse considerat. Lapidem quoque caliginis & vmbra mortis diuidit torrens à populo peregrinante, eos, quos oblitus est pes egentis hominis, & inuios. Terra de qua oriebatur panis, in loco suo igni subuersa est. Locus sapphyri lapides eius, & glebæ illius aurum. Semitam ignorauit auis, nec intuitus est oculos vulturis. Non calcauerunt eam filij institorum, nec pertransiuit per eam leæna. Ad silicem extendit manum suam, subuertit à radicibus montes. In petris riuos excidit, & omne preciosum vidit oculus eius. Profunda quoque fluuiorum scrutatus est, & abscondita produxit in lucem. Sapientia verò vbi inuenitur, & quis est locus intelligentiæ? Nescit homo precium eius, nec inuenitur in terra suauiter viuendum. Abyssus dicit, Non est in me: & mare loquitur, Non est mecum. Non dabitur aurum obryzum pro ea, nec appendetur argentum in commutatione eius. Non conferetur tinctis Indiæ coloribus, nec lapidi sardonio preciosissimo, vel sapphyro. Non adæquabitur ei aurum vel vitrum, nec commutabuntur pro ea vasa auri excelsa & eminētia, nec commemorabuntur in comparatione eius. Trahitur autem sapientia de occultis: non adæquabitur ei topazium de Aethiopia, nec tincturæ mundissimæ componentur. Vnde ergo sapientia venit, & quis est locus intelligentiæ? Abscondita est ab oculis omnium viuendum, volucres quoque cœli latet. Perditio & mors dixerunt: Auribus nostris audiimus famam eius. Deus intelligit viam eius, & ipse nouit locum illius. Ipse enim fines mundi intuetur, & omnia quæ sub cœlo sunt respicit. Qui fecit ventis pondus & aquas appendit mensura. Quando ponebat pluuiis legem, & viam procellis sonantibus: tunc vidit illam, &

et narravit, & præparauit, & inuestigauit, & dixit homini: Ecce timor Domini ipsa est sapientia, & recedere à malo, intelligentia.

Quod hæretici, de sanctis libris assertionum suarum principia assumunt, sed miscent mendacia. Et quod frustra extra unitatem Ecclesiæ quasi pro Ecclesiâ pœnas patientur: cum martyrium non faciat pœna, sed causa: nec clarescere potest aliquis fulgore virtutis, qui non arserit in officina charitatis.

Caput XIII.

Habet argentum venarum suarum principia, & auro locus est in quo conflatur. In argento eloquiū, in auro vitæ vel sapientiæ claritas designari solet. Et quia hæretici sic de eloquiū suū nitore superbiunt, vt nulla sacrorum librorum autoritate solidentur, qui libri ad loquendum nobis quasi quædam argenti venæ sunt: quia de ipsis locutionis nostræ originem trahimus, eos ad sacræ autoritatis paginas vocat: vt si verè loqui desiderant, inde sumere debeant, quid loquantur. Et ait: *Habet argentum venarum suarum principia.* Ac si apertè dicat: Qui ad veræ prædicationis verba se præparat, necesse est, vt causarum origines à sacris paginis sumat: vt omne quod loquitur, ad diuinæ autoritatis fundamentum reuocet, atque in eo ædificium locutionis suæ firmet. Vt enim prædiximus, sæpe hæretici dum sua student peruersa astruere, ea proferunt quæ profectò in sacrorum librorum paginis non tenentur. Vnde & discipulum suum prædicator egregius admonet, dicens: O Timothee, depositum custodi, deuitans prophanas vocum nouitates: quia dum laudari hæretici tanquam de excellenti ingenio cupiunt, quasi noua quædam proferunt, quæ in antiquorum patrum libris veteribus non tenentur: sicque fit vt dum videri sapiētes desiderāt, miseris suis auditoribus stultitiæ semina spargant. Bene autem subditur: *Et auro locus est in quo conflatur.* Ac si apertè dicat: Vera fidelium sapientia, cui vniuersalis Ecclesiâ locus est, tribulationem vobis persecutionibus patitur, sed à cunctis peccatorum sordibus persecutionis vestræ igne purgatur. Vnde scriptum est: In igne probatur aurum & argentum, homines verò receptibiles in camino humiliationis. Quo in loco potest hoc quoque conuenienter intelligi, vt de sua hæretici increpari stulta passione videantur. Nam sæpe pro Iesu Christi, Domini ac redemptoris nostri nomine multa patiuntur, seseque eisdem passionibus eius fieri martyres sperant. Quibus sancti viri voce nunc dicitur: Auro locus est in quo conflatur. Nam iuxta hoc quod iam & ante nos dictum est, quisquis extra unitatem Ecclesiæ patitur, pœnas pati potest, martyr fieri non potest: quia auro locus est in quo conflatur. Quid itaque ad hæc hæretici dicitis? Conflari per afflictionem carnis, vel etiam per martyrium vultis, sed locum in quo debeatis conflari, nescitis. Audite quid sancti prædicatoris voce dicitur: Auro locus est in quo conflatur. Hunc ergo conflationis locum quærite, hanc fornacem qua aurum aptè purgari valeat, inuenite. Vna est Ecclesiâ in qua qui conflari voluerit, ab omni etiam poterit peccatorum sordibus purgari. Si quid pro Deo amaritudinis, si quid tribulationis extra hanc positi sustinetis, incendi potestis tantummodo, non purgari. Dicat Hieremias, dicat, quomodo conflationis vestræ ignis omni virtute sit vacuus: Frustra conflauit conflator. Malitiæ enim eorum non sunt consumptæ. Ecce ignis exterius conflans, & duræ passionis admouet pœnam, & tamen erroris non excoquit culpam, & tormenta crudelium dat pœnarum, & bonorum non facit incrementa meritorū. Huius etiam conflationis ignis qui extra catholicam toleratur Ecclesiâ, quàm nullius omnino virtutis sit, Paulus Apostolus insinuat, dicens: Si tradidero corpus meum ita vt ardeam, charitatem autem non habeam, nihil mihi prodest. Alij quippe praua de Deo sentiunt, alij recta Deo auctore tenent: sed unitatem cum fratribus non tenent. Illi errore fidei, isti verò schismatis perpetratione diuisi sunt. Vnde & in ipsa prima parte decalogi vtrarumque partium culpæ reprimuntur, cum diuina voce dicitur: Diliges Dominum Deum tuum ex toto corde tuo, & ex tota anima tua, & ex tota virtute tua. Atque mox subditur: Diliges proximum tuum sicut teipsum, Qui enim de Deo peruersa sentit, liquet profectò,

14

Libri sacri sunt quasi venæ argenti.

1. Tim. 6.

Proverb. 17.

Hier. 6.

1. Corin. 13.

Deut. 6.

fecto, quia Deum non diligit. Qui verò de Deo recta sentiēs, à sanctæ Ecclesiæ vnitatē diuisus est, constat quia proximum non amat, quem habere socium recusat. Quisquis ergo ab hac vnitatē matris Ecclesiæ siue per hæresim de Deo peruersa sentiēdo, seu errore schismatis proximum non diligendo diuiditur, charitatis huius gratia priuatur: de qua hoc quod præmisimus, Paulus dicit: Si tradidero corpus meum ita vt ardeā, charitatem autem non habeam, nihil mihi prodest. Ac si aperta voce diceret: Extra locum suum, conflationis mihi ignis adhibitus, tormento me cruciat, mundatione non purgat. Hunc omnes sanctæ pacis amatores, summo studio locum quærentes inueniunt, hunc inuenientes tenēt: scientes, peccatorum remissio vel vbi vel quādo, vel qualibus detur. Vbi quippe, nisi in Ecclesiæ matris sinu? Quando, nisi ante venturi exitus diem? Quia ecce nunc tempus acceptabile, ecce nunc dies salutis: & Quærite Dominum dum inueniri potest, inuocate eum dum propē est. Qualibus, nisi conuersis, qui ad paruulorum imitationem, magistra humilitate formantur? Quibus dicitur. Sinite paruulos venire ad me, talium enim est regnum cælorum: & Nisi cōuersi fueritis, & efficiamini sicut paruuli, non intrabitis in regnum cælorum. Quia reprobi dum seruos dei præditos virtutibus vident: quia de præsentibus non possunt, de præteritis eos accusant.

Caput XV.

Quia ergo nō nisi in catholica Ecclesia veri martyres fiūt, dicitur rectē: Auro locus est in quo conflatur: quia non clarescet anima in fulgore æternæ pulchritudinis: nisi, vt ita dicam, prius hīc arserit in officina charitatis. Pensandum præterea est quod occulto consilio omnipotens Deus quosdam ab ipsis exordiis suis innocentes custodiens, vsque ad virtutum prouehit culmen: vt ætate crescēte simul in eis proficiat & annorum numerositas, & celsitudo meritorum. Alios verò in exordiis suis deferens, scaturientibus vitiis, ire per abrupta permittit. Plerumque tamen etiam eos respicit, & ad sequendum se, sancti amoris igne succendit: atque inolitas in eorum cordibus pruriges vitiōrum vertit in feruorem virtutum, & eo magis ignescunt ad desiderium requirendæ pietatis Dei, quo magis erubescunt memoriam iniquitatis suæ: sicut sæpe contingit, vt in pugna certamine miles ante ducis sui oculos constitutus, hostili virtuti turpiter cedat, & eneruiter præbens terga feriat, qui tamen hoc ipsum quod turpiter celsit erubescens, ante ducis sui oculos, maiores ex ipsa verecundia vires sumit: tantāque post fortia exercet, quantis & præsentem gloriam virtutis peragat, & præteritæ ignominia debilitatis tegat. Sic ergo nonnūquam quidem in Dei seruitio ex antea acta acrius debilitate roborantur, eosque ad custodiēda mandata & futurorum trahit desiderium, & impellit memoria præteritorum: vt hinc ad ventura amor prouocet, illinc de præteritis verecundia instiget. Quos tamen aduersarij Ecclesiæ dum summis præditos virtutibus viderint, eisque in præsentī vita vnde derogent quia inuenire nequaquam possunt, accusare illos de præteritis moliuntur, sicut Moysen nostrum Manichæus impetit, in quo sequentium virtutum gratiam, transacti homicidij conatur culpa fœdare. In quo non attendit postmodum quā patiens ad sustinēdum, sed priusquam præceptis ad feriendum fuerit. Talibus ergo aduersariis beatus Iob subtilissima consideratione obuians, postquam dixit: Habet argentum venarum suarum principia, & auro locus est, in quo conflatur, aptē subditur:

Quod contemni non debeat, qui se à terrenis occasionibus separauit.

Caput XVI.

Ferrum de terra tollitur. Solent hæretici de iustitiæ suæ contra nos elatione gloriari, atque opera sua ostentationis inflatione iactare: nōsque iniquos, vt diximus, aut esse aut fuisse criminantur. Per humilimam ergo confessionem & veracem defensionem contra eos vir sanctus loquitur, dicens: Ferrum de terra tollitur. Ac si apertē dicat: Fortes viri qui acutissimis linguarum gladiis in hac acie defendendæ fidei ferrum fiunt, aliquando terra in infimis actionibus fuerunt. Peccanti quippe homini dictum est: Terra es, & in terram ibis. Sed de terra ferrum tollitur, cum fortis propugnator Ecclesiæ à terrena, quam prius tenuit, actione separatur. Non ergo in eo debet despici quicquid fuit, qui iam cœpit esse, quod non fuit. An

non Matthæus in terra inuentus est, qui terrenis negotiis implicatus, telonij vsibus seruebat? Sed de terra sublatus in fortitudinem ferri conualuit: cuius videlicet lingua quasi acutissimo gladio, Euangelij administratione Dominus infidelium corda transfixit, & cui infirmus prius despectusque fuerat per terrena negotia, fortis postmodum factus est ad cœlestia prædicamenta. Vnde adhuc subiungitur:

Quod corda dura cum diuini amoris igne tacta fuerint liquefunt, & quæ credere noluerant, prædicare incipiunt.

Caput XVII.

Lapis solutus calore, in æs vertitur. Tunc lapis calore soluitur, cum cor durum, atque à diuini amoris igne frigidum eodem diuini amoris igne tagitur, & in feruore spiritus liquatur: vt ad sequentem vitam desideriorum æstu ardeat, quam prius audiens, insensibilis manebat. Ex quo ardore scilicet & emollitur ad amorem, & roboratur ad operationem: vt sicut prius durus fuerat in amore seculi, ita se postmodum fortem exerat in amore Dei, & quod antē audire renuebat, iam & credere & prædicare incipiat. Lapis ergo solutus calore, in æs vertitur: quia dura mens superni amoris igne liquefacta, ad veram fortitudinem commutatur: vt peccator qui prius insensibilis extiterat, postmodum & per auctoritatem fortis, & per prædicationem sonorus fiat. Quod bene per Esaiam dicitur: Qui confidunt in Domino, mutabunt fortitudinem. Fortitudinem mutamus, cum conuersi, tanta virtute præsens seculum fugimus, quāta hoc ante quærebamus. Quia autem malè ab aduersariis catholicorum moribus antea acta vita reputatur, rectē subditur: Tempus posuit tenebris, & vniuersorum finē ipse considerat. Ipse posuit tempus tenebris, iniquis videlicet modum, quo iniqui esse desistant. Vnde eis per Apostolum dicitur: Eratis aliquando tenebræ, nunc autem lux in Domino. Sicut aliis quoque discipulis idem doctor egregius dicit: Nox præcessit, dies autem appropinquauit. Abiciamus ergo opera tenebrarum, & induamus nos arma lucis: sic vt in die honestè ambulemus. Vnde & in Canticis canticorum Ecclesia veniente dicitur: Quæ est ista quæ progreditur quasi aurora consurgens? Aptē enim Ecclesia auroræ comparata describitur, quæ per cognitionem fidei, à peccatorum suorum tenebris in clara luce iustitiæ commutatur. Tempus ergo posuit tenebris, & vniuersorum finem ipse considerat. Vniuersorum nomine, & electos voluit & reprobos comprehendere. Nam bona faciens & ordinans Deus, mala verò non faciens, sed ab iniquis facta, ne inordinatè eueniant, ipse disponens, considerat vniuersorum finem, & patienter tolerat omnia, atque intuetur electorum terminum, quod ex malo mutantur ad bonum. Intuetur etiam reproborum finem, quod de malo opere dignum se trahantur ad supplicium. Vidit finem persequentis Sauli, quod prostratus diceret: Domine, quid me vis facere? Vidit finem quasi obsequentis discipuli, quod pro commissio scelere guttur laqueo stringeret, seque & peccantem puniret, & deterius puniendo deciperet. Vidit Niniuitas delinquentes, sed considerauit finem delinquentium penitentia correctorum. Vidit quoque Sodomam delinquentem, sed considerauit finem ardoris luxuriæ, ignem gehennæ. Vidit gentilitatis finem, quod possessa iniquitatum tenebris, quandoque fidei luce claresceret. Vidit etiam Iudææ terminum, quod ab ea luce fidei quam tenebat, obdurata perfidia se tenebris cæcaret. Vnde adhuc congruē subditur:

Quod inter sanctos & reprobos ignis diuinus in iudicio diuidet.

Caput XVIII.

Lapidem quoque caliginis & vmbra mortis diuidit torrens à populo peregrinante. Quid durus ille perfidia Iudæorum populus, qui authorem vitæ per fidem videre noluit, quem per prophetiam prædixit, nisi lapis caliginis fuit: quia & crudelitate durus extitit, & infidelitate nebulosus? Qui alio quoque vocabulo vmbra mortis dicitur. Vmbra quippe talis exprimitur, qualia eius rei de qua trahitur fuerint lineamēta. Quis autem mortis nomine, nisi diabolus vocatur? De quo per quandam ministri sui significationem dicitur: Et nomen illi mors. Cuius ille populus vmbra extitit: quia iniquitatē illius sequēs, eius in se imaginem expressit. Quid verò torrens nomine, nisi

Daniel. 7.

ille à conspectu tremendi iudicis per vltimum examen egrediens, atque electos & reprobos diuidens ignis vocatur? Vnde & per Prophetam dicitur: Fluius igneus rapidusque egrediebatur à facie eius.

Quòd Iudæa quæ apud se panem legis habuerat, & quæ regibus clauerat & prophetis, quasi sapphiris & glebis aureis: quia mortem & resurrectionem Christi credere noluit, igne inuidiæ succensa, funditus periit.

Caput XIX.

18

Quis autem in hoc mundo peregrinatur populus nisi qui ad sortem electorum currens, habere se patriam nouit in cœlestibus: & tantò magis se illic sperat inuenire propria, quantò hîc cuncta quæ prætereunt, esse à se deputat aliena? Peregrinus itaque est populus, omnium numerus electorum, qui hanc vitam quoddam sibi exilium deputantes, ad supernam patriam tota cordis intentione suspirant, de quibus Paulus dicit: Confitentes quia peregrini & hospites sunt super terram. Qui enim hæc dicunt, significant se patriam inquirere: Hanc peregrinationem idem quoque Apostolus tolerabat, cum diceret: Dum sumus in corpore, peregrinamur à Domino. Per fidem enim ambulamus, & non per speciem. Huius peregrinationis ærumnam satagebat euadere, cum dicebat: Desiderium habeo dissolui, & cum Christo esse. Et rursum: Mihi viuere Christus est, & mori lucrum. Huius peregrinationis pondus graue sentiebat Psalmista, cum diceret: Heu me, quia incolatus meus prolongatus est: habitauit cum habitantibus Cedar, multum incola fuit anima mea. Ab hac eripi quanto cyus anhelabat, cum supernis desideriis flagrans diceret: Sitiuit anima mea ad Deum viuum, quando veniam & apparebo ante faciem Dei? Sed hoc desiderium nesciunt, qui cor in terrenis voluptatibus defigunt. Dum enim sola quæ sunt visibilia diligunt, profectò inuisibilia vel si credunt esse, non diligunt: quia dum nimis se exterius sequuntur, etiam mente carnales fiunt. Simul enim in hac vita vterque populus currit, sed non simul ad perpetua peruenit: quia lapidem caliginis & vmbram mortis diuidit torrens à populo peregrinante. Ac si apertè dicat: Eos quos modò vel infidelitas excæcat, vel crudelitas obdurat: flammæ fluuius à conspectu æterni iudicis exiens, ab electorum tunc populo separat: vt tunc à bonis ignis districti examinis diuidat, quos nunc in suis concupiscentiis tenebræ vitiorum excæcant. Potest fortasse in torrentis nomine, ipsa irrigatio sanctæ prædicationis intelligi: iuxta id quod per Salomonem dicitur: Oculum qui subsannat patrem, & qui despicit partum matris suæ, effodiant illum corui de torrentibus. Peruersi quippe dum diuina iudicia reprehendunt, subsannat patrem. Et quilibet hæretici dum prædicationem sanctæ Ecclesiæ, fecunditatēque illius deridendo contemnunt, quid aliud quàm partum matris despiciunt? Quam non immeritò eorum quoque matrem dicimus, quia de ipsa exeunt, qui contra ipsam loquuntur: Ioanne attestante, qui ait: A nobis exierunt, sed non erant ex nobis. Nam si fuissent ex nobis, mansissent vtique nobiscum. Corui verò de torrentibus veniunt, cum prædicatores veri ad defensionem sanctæ Ecclesiæ, à sacrorum librorum fluentis procedunt. Qui etiam rectè corui vocati sunt: quia nequaquam de iustitiæ luce superbiunt, sed per humilitatis gratiam, peccatorum in se nigredinem confitentur. Vnde etiam ab electorum Ecclesia dicitur: Nigra sum, sed formosa. Et Ioannes ait: Si dixerimus, quia peccatum non habemus, nos ipsos seducimus. Qui videlicet corui subsannantis oculum effodiunt: quia prauorum ac pertinacium hominum intentionem vincunt. Ex hoc itaque testimonio si hîc quoque torrens prædicationis debet intelligi, lapidem caliginis & vmbram mortis diuidit torrens à populo peregrinante: quia sanctorum prædicationis obduratas mentes reprobos deserit, & ad pia humilium se corda conuertit. Vnde adhuc subditur: Eos quos oblitus est pes egentis hominis, & inuios.) Quis hoc loco alius accipitur egens homo, nisi ille de quo per Paulum dicitur: Qui propter nos egenus factus est, cum diues esset? Cuius videlicet egentis hominis pedes sancti prædicatores fuerunt, per quorum præsentiam gentilitatem circuiens, mundum perambulauit vniuersum. De quibus per Prophetam dicitur. Et inambulabo in eis. An pes eius non erat, qui tentus in compe-

Edibus dicebat: Pro quo legatione fungor in catena? Sed eorum qui vmbræ mortis & lapis caliginis extiterunt, pes hominis egentis oblitus est: quia in ipso initio nascentis Ecclesiæ, dum sancti Apostoli cœlorum regnum Iudææ prædicare voluissent, videntes quòd eis nihil omnino proficerent, ad prædicandum gentibus defluerunt, sicut ipsi in suis actibus dicunt: Vobis oportebat primùm loqui verbum Dei, sed quoniam repellitis illud & indignos vos iudicatis æternæ vitæ, ecce conuertimur ad gentes. De quibus & per Psalmistam dicitur: Transferentur montes in cor maris: quia repulsi sunt à Iudæa Apostoli, in hoc gentilitatis salum translati sunt. Qui sunt ergo qui immensa duritia pro obscuritate cordis, quasi quidam lapis caliginis, & vmbræ mortis à peregrinante sanctorum populo diuiduntur, nisi hi quos pes egentis hominis est oblitus, id est, quos prædicatores Domini, videlicet per humilitatem pauperis, pro superbiam suam tumore reliquerunt, eorumque omnino obliti sunt, dum prædicationis suæ semina ad solam fructificationem gentium transfulerunt? **F** Quos rectè quoque & inuios vocat: quia dum in infidelitate sua obdurati sunt, verbis vitæ ad cor viam præbere noluerunt. Sed Iudæa hæc quæ sic obduruit, vel qualis dudum fuerit, vel quid post pertulerit, audiamus. Sequitur: Terra de qua oriebatur panis, in loco suo igne subuersa est.) Panem Iudæa dare consueuerat, quæ legis verba proferebat. Quam videlicet legem, quia intelligere iam reprobi atque explanare non poterant, Propheta Hieremias in lamentis deplorat, dicens: Paruuli petierunt panem, & qui frangeret eis non erat. Sed hæc terra in loco suo igne subuersa est: quia fidelium signa conspiciens, inuidiæ se face concremauit. Quia enim semper inuidia de superbia nasci solet, in loco suo igne periit: quæ idcirco arsit inuidia, quia superbiam non reliquit. Terra ergo quæ prius panem habuit, post igne subuersa est: quoniam synagoga quæ mandata Dei per legem protulit, nascentem Ecclesiam persequens, inuidiæ se igne consumpsit. An non æmulationis suæ facibus ardebat, cum redemptoris nostri signa conspiciens, per quosdam suos diceret: Quid facimus, quia hic homo multa signa facit: vel certè, Videtis, quia nihil proficimus, ecce totus mundus post eum vadit? Videbant vnde conuerti debuerant, atque exinde peruersiores fiebant. Quærebant extinguere, quem cernebant mortuos viuificare: In ore tenebant legem, sed legis persequerentur auctorem. Terra ergo de qua oriebatur panis, in loco suo igne subuersa est: quia Iudæa in semetipsa & prius habuit legem quæ reficeret, & post inuidiam quæ concremaret. De cuius adhuc descriptione subiungitur: Locus sapphyri lapides eius, & glebæ illius aurum.) Auget reatum culpæ sequentis præconium gloriæ præcedentis. Nam vniuscuiusque casus tantò maioris est criminis, quantò priusquam caderet, maioris potuit esse virtutis. Dicatur ergo de Iudæa, dicatur quid fuerit, & præcedit magnitudo virtutum crescat ad cumulum sequentium delictorum. Locus sapphyri lapides eius, & glebæ illius aurum. Quid enim hoc loco per lapides, nisi sanctorum ac fortium mentes accipimus? In scriptura etenim sacra aliquando lapides in malo, aliquando verò in bono accipi solent. Nam cum lapis pro insensibilitate ponitur, dura per lapides corda signantur. Vnde & per Ioannem dicitur: Potens est Deus de lapidibus istis suscitare filios Abraham. Qui videlicet nomine lapidum corda gentilium designat, dura tunc atque insensibilia per infidelitatem. Et per Prophetam Dominus pollicetur, dicens: Auferam cor lapideum de carne vestra, & dabo vobis cor carneum. Rursum per lapides, mentes fortium designari solent. Vnde & per Petrum sanctis dicitur: Et vos tanquam lapides viui superædificamini domus spirituales. Et per Prophetam Dominus venienti Ecclesiæ pollicetur, dicens: Ecce ego sternam per ordinem lapides tuos, & fundabo te in sapphiris, & ponam iaspidem propugnacula tua, & portas tuas in lapides sculptos, & omnes terminos tuos in lapides desiderabiles, vniuersos filios tuos doctos à Domino. Strauit nanque in illa per ordinem lapides: quia in ea sanctas animas meritorum diuersitate distinxit. Fundauit eam in sapphyris, qui scilicet lapides, coloris ærei in se similitudinem tenent: quia robur Ecclesiæ in animabus cœlestia appetentibus solidatur. Et quoniam iaspis viridis est coloris, iaspidem propugnacula

Ephes. 6.

Act. 13.

Psalm. 45.

Thren. 4.

Ioan. 11.

20

Matth. 3.

Ezechiel. 11.

1. Petri. 2.

Esaia. 54.

iasp. dem

pugnacula tua, & portas tuas in lapides sculptos, & omnes terminos tuos in lapides desiderabiles, vniuersos filios tuos doctos à Domino: Strauit nanque in illa per ordinē lapides: quia in ea sanctas animas meritorū diuersitate distinxit. Fūdauit eā in sapphyris, qui scilicet lapides coloris aërei in se similitudinem tenent: quia robor Ecclesiæ in animabus cœlestia appetentibus solidatur. Et quoniam iaspis viridis est coloris, iaspidem propugnacula eius posuit, quia illi contra aduersarios pro sanctæ Ecclesiæ defensione obiecti sunt, qui internis desideriiis virentes, nulla teporis [†]reproba ariditate marcescūt. Portas verò eius posuit in lapides sculptos. Hi quippe portæ sunt Ecclesiæ, per quorum vitam atque doctrinam intrat in eam multitudo credentiū. Qui pro eo etiam quod magnis operibus pollent, & id quod loquentes asserunt, viuentes ostēdunt, non puri, sed sculpti lapides esse memorantur. In quorum enim vita recta operatio cernitur, quasi in eisdem ipsis exprimitur, quod egerunt. Vbi omnem quoque sanctorum numerum generali collectione concludens, subdidit: Omnes terminos tuos in lapides desiderabiles. Et tanquam si audientes ista peteremus, vt hos lapides quos diceret, indicaret, adiunxit dicens: Vniuersos filios tuos doctos à Domino. Quia igitur de Iudæa nunquam sanctæ animæ quæ cœlestem vitam ducerent, defuerunt, dicitur: Locus sapphyri lapides eius. Et quia magna vitæ ac sapientiæ claritate per fidem fulsit, adiungitur: Et glebæ illius aurum. Quid per glebas, nisi collectiones singulorum ordinum ac multitudines designantur? Glebæ autem ex humore & puluere constringuntur. Omnes ergo qui rore gratiæ infusi, ex mortis debito se puluere esse veraci cognitione confessi sunt, dum vitæ virtute clarescerent, quasi auræ in illa glebæ iacuerunt. Glebas hæc terra habuit in prophetis, glebas in doctoribus, glebas in patribus antiquis, qui magna se infusione gratiæ in professionis, & operis vnanimitate tenuerunt. Dicat ergo: Et glebæ illius aurum: quia in ea multitudo spiritualium tanto maiori virtute claruit, quanto se in Deum ac proximum maiori vnanimitate constrinxit. Sed hoc aurum perfidiæ est postmodum tenebris obscuratum. Cuius profectò nigredinem Hieremias propheta intuens deplorat, dicens: Quomodo obscuratum est aurum, mutatus est color optimus? Aurum nanque obscuratum est: quia in eis antiquus ille fidei atque innocentie splendor, irruente perfidia, malitiæ se nocte fuscavit. Quia igitur quid fuit, audiuius: locus scilicet sapphiri lapides eius, & glebæ illius aurum: nunc iam dilectus ille Deo populus, cur tanta hæc bona perdiderit, audiamus. Sequitur: *Semitam ignorauit auis, nec intuitus est oculus vulturis.* Quis hoc loco auis nomine, nisi ille signatur, qui corpus carneum quod assumpsit, ascendendo ad æthera liberauit: Qui aptè quoque etiam vulturis appellatione exprimitur. Vultur quippe dum volat, si iacens cadauer conspicit, ad eum se cadaueris deponit, & plerunque sic in morte capitur, dum ad mortuum animal de summis venit. Rectè ergo mediator Dei & hominum, redemptor noster vulturis appellatione signatur, qui manens in altitudine diuinitatis suæ, quasi quodam volatu sublimi cadauer mortalitatis nostræ conspexit in infimis, & sese de cœlestibus ad ima submisit. Fieri quippe propter nos homo dignatus est, & dum mortuum animal petiit, mortem apud nos, qui apud se erat immortalis, inuenit. Sed huius vulturis oculus fuit ipsa intentio nostræ resurrectionis: quia ipse ad triduū mortuus, ab æterna nos morteliberauit. Ille ergo perfidus Iudææ populus mortalem vidit, sed quomodo morte sua nostram mortem destrueret, minime attendit. Conspectit quidem vulturem, sed oculos vulturis non aspexit. Qui dum humilitatis eius vias quibus nos ad alta subleuauit, considerare noluit, semitam auis ignorauit. Neque enim pensare studuit, quod eius nos humilitas leuaret ad cœlestia: & mortis eius intentio reformaret ad vitam. Semitam igitur ignorauit auis, nec intuitus est oculus vulturis: quia etsi vidit eum quem in morte renuit, videre noluit quanta vitæ nostræ gloria de eius morte sequeretur. Vnde & ad crudelitatem quoque persecutionis exarsit, verba vite [†]recipere renuit: prædicatores regni cœlorum prohibendo, sœuendo, feriendo repulit. Qui scilicet repulsi Iudæam ad quam missi fuerant deferentes, in gentilitatis collectionem dispersi sunt. Vnde adhuc subditur:

A Quod apostolis & successoribus eorum quasi Ecclesiasticis negotiatoribus à Iudæa repulsi, ad gentes, quasi filices duras, manus prædicationis conuersa est. Caput XX.

N On calcauerunt eam filij institorum, nec pertransiit per eam leæna. In cunctis latinis codicibus institores positos reperimus, in Græcis verò negotiatores inuenimus. Ex qua re colligi valet, quod hoc in loco pro negotiatoribus institores, scriptores ignorando posuerūt. Institores enim negotiatores dicimus, pro eo quod exercendo operi insistant. Sed vterque sermo licet in voce dissonet, in intellectu non discrepat: quia omnes qui fidelium mores instituunt, spiritale negotium gerunt: vt cum prædicationem suis auditoribus præbent, ab eis fidem & opera recta percipiant, sicut de sancta Ecclesia scriptum est: Sindonem fecit & vendidit: de qua & paulò post illic dicitur: Vidit quod bona est negotiatio eius. Qui hoc loco institores, nisi prophetæ sancti vocati sunt, qui synagoge mores ad fidem instituere curauerunt prophetando: Quorum nimirum filij, sancti Apostoli nuncupantur, qui vt Deum hominem crederent: ad eandem fidem ex eorum sunt prædicatione generati. De quibus Ecclesiæ per Psalmistam dicitur: Pro patribus tuis nati sunt tibi filij constitues eos principes super omnem terram. Sed quia repulsi Apostoli à synagoga finibus sunt egressi, rectè nunc dicitur: *Non calcauerunt eam filij institorum.* Calcarent quippe eam institorum filij, si prædicatores sancti eiusdem synagoge vitia calce virtutis premerent. Si autem institores eosdem sanctæ Ecclesiæ prædicatores accipimus: institorum filios, pastores & doctores, qui Apostolorum vitam secuti sunt, nil obstat intelligi. Qui synagogam minimè calcauerunt: quia dum eorum patres, id est, Apostoli ab illa repulsi sunt, ipsi quoque ab eius vocatione cessauerunt.

Per quam videlicet synagogam leæna non pertransiit: quia sancta Ecclesia collectioni gentium dedita, nequaquam sese ad illum Iudææ populum diutius occupauit. Rectè autè Ecclesia leæna nuncupatur: quia malè viuentes in vitiis, ore sanctæ prædicationis interficit. Vnde & ipsi primo pastori quasi huius leænæ ori dicitur: Macta & manduca. Quod mactatur quippe, à vita occiditur: id verò quod comeditur, in comeditis corpore commutatur. Macta ergo & manduca dicitur, id est, à peccato eos in quo viuunt interfice: & à seipsis illos in tua membra conuerte. Et quia hæc Ecclesia corpus est Domini: ipse etiam Dominus Iacob voce leo vocatur ex se, leæna vocatur ex corpore, dum ei sub Iudæ specie dicitur: Ad prædam fili mi ascendisti, requiescens accubisti vt leo, & quasi leæna. Quis suscitabit eum? Hæc igitur leæna nequaquam dicitur: quia per Iudæam transiit, sed non pertransiit. Apostolis nanque prædicantibus prius ex illa tria milia, postmodum quinque milia crediderunt. Ecclesia itaque per synagogam transiit, sed non pertransiit: quia ex illa ad fidem paucos rapuit, sed tamen illum infidelium populum à perfidia funditus non extinxit. Sed quod sæpe iam diximus, repulsa ab infidelitate Iudæorum, deflexit ad vocationem gentium. Vnde adhuc de eadem leæna dicitur: *Ad silicem extendit manum suam, subuertit à radicibus montes.* Manum quippe ad silicem extendit: quia ad duritiam gentium suæ brachiū prædicationis misit. Vnde & idem beatus Iob passionis suæ historiam præsciens gentibus innotescendam, dicit: Scribantur hæc stylo ferreo in plumbi lamina, vel celte sculptantur in silice. Quid verò hoc in loco montes nisi huius sæculi potentes accipimus, qui pro terrena substantia in altum tument? De quibus Psalmista ait: Tange montes, & fumigabunt. Sed montes à radicibus sunt euerfi: quia prædicante sancta Ecclesia, summæ huius sæculi potestates in adoratū omnipotentis Dei ab intima cogitatione ceciderunt. Radices enim mōtium cogitationes sunt intimæ superborum. Et à radicibus mōtes cadūt: quia ad colendum Deū, potestates sæculi ab imis cogitationibus prosternuntur. Rectè etenim per radicē cogitatio occulta signatur: quia per hoc quod intus nō cernitur, erūpit, quod videatur foris. Vnde & in bonam partem per Prophetā dicitur: E-mittet id quod saluatū fuerit de domo Iuda, & quod reliquū est, mittet radicem deorsum, & faciet fructum sursum. Ac si aperte diceretur: In imis cogitatio nascitur, vt in summis retributio reddatur. Dicat ergo: Ad silicem extendit manum suā, subuertit à radicibus montes: quia dum duritiam gentiū san-

Prouer. 31.

Psal. 44.

22.

Acto. 10.

Gen. 49.

Psal. 143.

Esa. 37.

Et prædicatio petiit, superborum altitudinem funditus strauit. Quia verò eos quos à cogitationibus terrenis euacuat, donis cœlestibus replet, & quos infimis curis exhaurit, supernis rigat fluentis, mox subditur: *In petris riuos excidit.* Id est, in duris gentilium cordibus fluuius prædicationis aperuit, sicut per Prophetam quoque de irriganda dicitur ariditate gentilium: *Psalm. 106.* Posuit desertum in stagna aquarum, & terram sine aqua in exitus aquarum. Atque in Euangelio promittit Dominus dicens: *Ioan. 7.* Qui credit in me, sicut dicit scriptura, flumina aquæ uiuæ de ventre eius fluent. Quod promissum tunc audiuius, etiam nunc completum videmus. Ecce enim in sanctis prædicatoribus, & non ex Iudæa progenitis, per cunctam Ecclesiam in toto orbe diffusam, fluenta cœlestium mandatorum vbertim manant ore gentilium. Quia enim in petris riuos aperuit, ex duris quoque cordibus fluuius sanctæ prædicationis emanauit. Sequitur: *Et omne preciosum vidit oculus eius.* Sciendum magnopere est: quia tantò vnaquæque anima fit preciosior ante oculos Dei, quantò præ amore veritatis despectior fuerit ante oculos suos. Hinc ad Saul dicitur: Nónne cum paruulus esses in oculis tuis, caput te constitui in tribubus Israël? Ac si apertè diceret: Magnus mihi fuisti, quia despectus tibi: sed nunc quia magnus tibi es, factus es despectus mihi. Vnde & per Prophetam dicitur: Væ qui sapientes estis in oculis vestris, & coram vobismetipsis prudentes. Tantò ergo fit quisque vilior Deo, quantò preciosior sibi: tantò preciosior Deo, quantò propter eum vilior sibi: quia humilia respicit, & alta à longè cognoscit. *Omne itaque preciosum vidit oculus eius.* In scriptura sacra videre Dei, aliquando pro eligere ponitur, sicut in Euangelio scriptum est: Cum esses sub ficu, vidi te: id est, positum te sub umbra legis, elegi. Vidit ergo preciosum: quia humilia eligit. Infirma enim mundi elegit Deus, ut confunderet fortia. Vidit preciosum, cum humanam animam de se abiectam sapientiæ gratiæ suæ illustratione respexit. De qua videlicet anima per Prophetam dicitur: Si separaueris preciosum à vili, quasi os meum eris. Vilis quippe Deo est mundus præsens, preciosa verò ei est anima humana. Qui ergo preciosum à vili separat, quasi os Domini vocatur: quia per eum Deus verba sua exerit, qui ab amore præsentis seculi, loquendo quæ potest, humanam animam euellit. Et quia testamenti noui doctores ad hoc vsque perducti sunt, ut occultas quoque allegoriarum caligines in veteri testamento rimentur, rectè subditur:

Quod populus Christianus, in fluuiis legis & Prophetarum reuelante Christo, scrutatus sit profundos intellectus, & produxerit in lucem, quæ Moyses velata facie absconderat.

Caput XXI.

Profunda quoque fluuiorum scrutatus est, & abscondita produxit in lucem. Quid namq; hæc aliud flumina, nisi antiquorum patrum dicta nuncupantur? Quis enim pensare sufficiat, quam vehemens fluuius dum legem conderet, ex pectore Moyfi erupit? Quam vehemens fluuius ex David corde defluxit? quanta à Salomonis ore atque omnium Prophetarum fluminum fluentia manarunt? Sed horum fluminum Iudæa speciem tenuit, dum literæ superficiem seruans, eorum profunda nesciuit. Nos verò qui veniente Domino in eis interna spiritalia quæ rimus, eorum profunda rimamur. Quod ipse Dominus facere dicitur: quia id nos agere ipso donante præualemus. Per nos ergo, qui non literam quæ occidit, sed spiritum qui viuificat, sequimur: profunda fluuiorum Dominus scrutatur, & abscondita in lucem producit: quia dicta legis quæ caliginosa nimis historia obscurat, nunc expositio spiritalis illuminat. Vnde & loquens in parabolis per Euangelium veritas discipulis præcepit, dicens: Quod dico vobis in tenebris, dicite in lumine: & quod in aure auditis, prædicate super tecta. Apertè namque dicta exponentium fecerunt nobis esse iam conspicuas sententias antiquorum patrum. Vnde Esaias Prophetæ sanctæ Ecclesiæ expositionis verba cōspiciens, & non allegoriarum tenebris obscura, exclamauit dicens: Locus fluuiorum riui latissimi & patentes. Testamenti enim veteris dicta, quasi angusti & clausi riui tuerant, qui immensas scientiæ suæ sententias collectione obscurissima constringebant. At contra doctrina sanctæ Ecclesiæ riui & lati & patentes sunt: quia eius dicta & inuenientibus multa sunt, & quærentibus

plena. Ait ergo: *Profunda fluuiorum scrutatus est, & abscondita produxit in lucem.* Quia dum suis expositoribus intelligentiæ spiritum infudit, antiquas prophetantium obscuritates aperuit. Et hoc iam sancta Ecclesia per spiritum agnoscit, quod synagoga prius per literam intelligere omnino non valuit. Vnde & Moyses cum populo loqueretur, faciem velabat: ut videlicet designaret quòd ille Iudeorum populus legis verba cognosceret, sed eiusdem claritatem legis omnimodo non videret. Vnde rectè & per Paulum dicitur: Vsque in hodiernum enim diem cum legitur Moyses, velamen est positum super cor eorum. Sed quia dicta Dei nullatenus sine eius sapientia penetrantur: nisi enim qui spiritum eius acceperit, eius nullo modo verba cognoscit, sanctus vir de inuestiganda eadem Dei sapientia verba subiungit, dicens:

Quod nihil Deo dignè recōpensari potest, cuius gratia est, quòd inuentus à nobis, & quòd passus est pro nobis. Caput XXII.

Sapientia verò vbi inuenitur, & quis est locus intelligentiæ? Nescit homo precium eius, nec inuenitur in terra suauiter viuendum. *Abyssus dicit, Non est in me: & mare loquitur, Non est mecum.* Non dabitur aurum obryzum pro ea, nec appendetur argentum in commutatione eius. Notandum prius est, quòd duo sibi proposuit, & duo subdidit respondendo. Ad id namque quod superius dixit: *Sapientia verò vbi inuenitur, & quis est locus intelligentiæ?* Isto versu respondit: *Abyssus dicit, Non est in me: & mare loquitur, Non est mecum.* Ad id verò quod dixerat: *Nescit homo precium eius, nec inuenitur in terra suauiter viuendum:* inferiorem versum reddidit, dicens: *Non dabitur aurum obryzum pro ea, nec appendetur argentum in commutatione eius.* At vtrique ergo respondit, sed augendo quod obiecerat, non soluendo. Cum Sapientiæ namque locum quæreret, ac deinde inferius responderet, *Abyssus dicit, non est in me, non vbi esset, sed vbi non esset, indicauit.* Rursus cum ab homine eius precium diceret ignorari, atque ad hoc inferius redderet, *Non dabitur aurum obryzum pro ea, non quid esset eius precium, sed quid non esset, ostendit.* Cunctis autem liquet, quòd neque hæc humana sapientia vel teneri loco, vel emi diuitiis potest. Sed vir sanctus mysticis sensibus plenus, ad alia nos intelligenda transmittit, ut non creatam, sed creantem sapientiam requiramus. Nam nisi in verbis istis allegoriarum secreta rimemur, ea utique quæ sequuntur, omnino sunt digna despectu, si ex sola historica narratione pensentur. Paulò post namque dicit: *Non adæquabitur ei aurum vel vitrum.* Et cum, sicut nouimus, vitrum longè atque dissimiliter auro sit vilius, cur post auri nomen, metalli utique preciosi, pro immensa laude vitrum quoque dixit sapientiæ non æquari? Ipsa ergo literæ difficultate compellimur, ut ad sententias horum verborum mysticas vigilemus. Vir itaque sanctus quam sapientiam contemplatur, nisi eam de qua Paulus Apostolus dicit, Christum Dei virtutem, & Dei sapientiam? De qua per Salomonem scriptum est? Sapientia ædificauit sibi domum: & de qua Psalmista ait: Omnia in sapientia fecisti. Huius nimirum sapientiæ homo precium nescit: quia nihil dignum æstimationis illius inuenit. Non autem hoc sapientiæ precium, & esse dicitur & nesciri: sed idcirco nesciri, quia deest: eo scilicet loquendi genere, quo in angustiis quisq; deprehensus, cum remedium subuentionis non inuenit, fateri solet: quia quid faciat, nescit. Huius ergo sapientiæ precium nescire, & digni operis meritum, quo illam percipiat, non inuenire. At hoc namq; precium damus, ut eius vice rem quam appetimus, possidere debeamus. Quid autem nos dedimus, ut hanc sapientiam, quæ Christus est, percipere mereamur? Gratia quippe redempti sumus. Illa namque sola opera malè viuendo dedimus, quibus si iusta retributio seruaretur, non Christus, sed supplicia redderentur. Sed aliud homo per iustitiam meruit, aliud per gratiam accepit. Testatur Paulus, priusquam mens illius semen gratuita veritatis acciperet, quibus sentibus premebatur erroris. Qui prius, inquit, fui blasphemus & persecutor & cōtumeliosus, sed misericordiam consecutus sum: quia ignorans feci in credulitate. Testatur pro qualibus Christus mori dignatus est: Cum adhuc, inquit, peccatores essemus, secundum tempus Christus pro impiis mortuus est. Qui ergo veniente sapientia inuenti sumus, quid boni operis dedimus, quo accipere eandem sapientiam mereremur? Huius itaque sapientiæ homo precium

precium nescit: quia quisquis à brutis animalibus rationis intellectu discretus est, quoniam quòd suis meritis non sit saluatus, intelligit: nihil se dedisse boni operis vt ad fidem veniret, agnoscit. Quasi enim ad percipiendū sapientiam precium dare, est cognoscendum Deum actionis suæ mercede præuenire. Non esse huius sapientiæ precium cognouerat, qui dicebat: Quis prior dedit illi, & retribuetur ei? Hinc iterum scriptum est: Gratia salui facti estis per fidem, & hoc non ex vobis, sed Dei donum est, non ex operibus, vt ne quis gloriatur. Hinc de semetipso iterum loquitur, dicens: Gratia Dei sum id quod sum. Ex cuius nimirum aspiratione gratiæ, quia virtutum opera protinus in corde generantur, vt ex libero quoque arbitrio subsequatur actio, cui post hanc vitam retributio æterna respondeat, ilico adiecit. Et gratia eius in me vacua nō fuit. Sed sunt nonnulli qui saluos se suis viribus exultant, suisque præcedentibus meritis redemptos se esse gloriantur. Quorum profectò assertio inuenitur sibimetipsis contraria: quia dum & innocentes se asserunt, & redemptos, hoc ipsum in se redemptionis nomen euacuant. Omnis nanque qui redimitur, ex aliqua proculdubio captiuitate liberatur. Vnde ergo quilibet iste redēptus est, si prius non fuit sub culpa captiuus? Liqueat itaque quia multū desipit quisquis hæc sapit. Hominis quippe meritum superna gratia nō vt veniat, inueniet: sed postquā venerit, facit: atque & ad indignam mentē veniēs Deus dignam sibi exhibet veniendo, & facit in ea meritum quod remuneret, qui hoc solum inuenerat, quod puniret.

Quòd latro in cruce subita repletus gratia, habuit fidem, spem, & charitatem.

Caput XXIII.

Libet inter hæc mentis oculos ad illum latronem reducere, qui de fauce ascendit crucem, de cruce paradisum. Intueamur qualis ad patibulum venerit, & à patibulo qualis abscessit. Venit reus fraterno sanguine, venit cruentus, sed interna gratia est mutatus in cruce: & ille qui mortem fratri intulit, morientis Domini vitam prædicaui, dicens: Memento mei Domine, dum veneris in regnum tuum. In cruce clauī manus eius pedesque ligauerant, nihilque in eo à pœnis liberum nisi cor & lingua remanserant. Inspirante Deo totum illi obtulit, quod in se liberū inuenit, vt iuxta hoc quod scriptū est: Corde crederet ad iustitiam, ore confiteretur ad salutem. In corde autem fidelium tres summopere manere virtutes testatur Apostolus, dicens: Nunc autem manent fides, spes, charitas. Quas cunctas subita repletus gratia, & accepit latro, & seruauit in cruce. Fidem nanque habuit, qui regnaturum Dominum credidit, quem secum pariter morientem vidit. Spem habuit, qui regni eius aditum postulauit, dicens: Memento mei Domine, dum veneris in regnum tuum. Charitatem quoque in morte sua viuaciter tenuit, qui fratrem & collatorem pro simili scelere morientem, & de iniquitate sua arguit, & ei vitam quam non cognouerat, prædicaui, dicens: Neque tu times Deum, qui in eadem es damnatione, & nos quidem iuste: nam digna factis recipimus, hic verò nihil mali gessit. Ille qui talis ad crucem venit ex culpa, ecce qualis à cruce recedit ex gratia. Cōfitebatur Dominum quem videbat secum humana infirmitate morientem, quando negabant Apostoli eum, quem miracula viderant diuina virtute facientem. Sed hi qui saluari hominem propriis viribus astruunt, eandem confessinē hominis ab ipso esse hominis virtute suspicantur. Quod si ita esset, in Dei laude Psalmista non diceret: Confessio & magnificentia opus eius. Ab eo itaque accipimus recta confiteri, à quo nobis & magna dantur operari. Quia ergo nil boni operis dedimus, quo hanc sapientiam percipere mereremur: dicatur recte: Nescit homo precium eius: quoniam quisquis iam ratione utitur, tantò altius sub huius sapientiæ intellectu se despicit, quantò eiusdem sapientiæ verius interna cognoscit, vt indignum se ad hanc peruenisse videat, per quam gratuito agitur, vt dignus fiat. De qua bene mox subditur:

Quòd qui huius mundi suauitatibus se exponunt, & inter blandimenta voluptatum versantur, ab intellectu sapientiæ & cognitione diuina penitus alieni sunt.

Caput XXIII.

Nec inuenitur in terra suauiter viuentium. Quid hoc in loco terræ signatur nomine, nisi anima humana? De qua Psalmista dicit: Anima mea sicut terra sine aqua tibi. Hæc autem

sapientia inueniri in terra suauiter viuentium non valet: quia quisquis adhuc huius vite voluptatibus pascitur, ab æternæ sapientiæ intellectu separatur. Nam si verè sciret, expulsus ab internis gaudiis de ea in quam cecidit, exilij sui cæcitate lugeret. Hinc nanque per Salomonem dicitur: Qui apponit scientiam, apponit & dolorem: quia quātò plus homo cœperit scire quid perdidit, tātò plus lugere incipit corruptionis suę sententiam quā inuenit. Considerat nanque vnde, quò lapsus est: quòd à paradisi gaudiis ad ærumnas vitæ præsentis, ab angelorum societatibus venit ad curas necessitatum: pensat in quot iam periculis iacet, qui prius sine periculo stare contempsit: lugeat exilium, quod damnatus patitur, & suspirat ad cœlestis gloriæ statū, quo perfrui securus posset, si peccare nolisset. Quod bene Psalmista considerans ait: Ego dixi in pauore meo, Proiectus sum à vultu oculorū tuorum. Contemplatus quippe interna gaudia visionis Dei & socialem frequentiam angelorum persistentium, reduxit oculos ad ima, vidit quò iaceret qui ad hoc conditus fuerat, vt in cœlestibus stare potuisset: pensauit vbi esset, & quò deesset, ingemuit: proiectūque se à vultu oculorum Dei doluit, quia in cōparatione lucis intimæ, grauiorensenserat exilij sui tenebras quas tolerabat. Hinc est quòd animum suum ex præsentī vita nullius gratiæ consolationem admittit: dicens: Negauī consolari animam meā. Nam plerūque huius seculi diuites solent mētis tædio affecti, bona temporaliter accepta conspiciere, & tristitiam delinire. Cum enim mœrore quodam se tangi sentiunt, equos aspiciunt, auri argentique sui vascula contemplantur, prædia circumeunt. Cumque per hæc temporalia oculos libenter trahunt, obortum animæ mœrorem vincunt. Vnde eis & in Euangelio veritas dicit: Væ vobis diuitibus, qui hīc habetis consolationem vestram. Sed sanctus vir qui hoc lugeat, quia ab æternis gaudiis cecidit, consolationē de temporalibus non admittit dicens: Negauī consolari animam meam. Ac si aperte dicat: Qui de temporalium amissione non lugeo, de temporalium abundantia consolari nequaquam possum. Cui tanquam si nos audientes ista diceremus: Quid igitur quæris, qui consolari in his quæ mundi sunt, renuis: ilico adiecit: Memor fui Dei, & delectatus sum. Ac si aperte dicat: Terrenarum rerum me nec abundantia refouet, authoris autem mei quē adhuc videre non valeo, vel sola memoria delectat. Hæc est igitur amaritudo sapiētium: quia dum spe in alta erecti sunt, nullis hīc gaudiis animum sternunt. Hinc enim scriptum est: Cor sapientium, vbi tristitia est, & cor stultorum, vbi lætitia. Hinc Iacobus dicit: Miseri estote, & lugeate, & plorate, & risus vester in luctum conuertatur, & gaudium in mœrore. Hinc per semetipsam veritas attestatur, dicens: Beati qui lugent nunc, quoniam ipsi consolabuntur. Inueniri ergo sapientia in eorū terra non potest, qui suauiter viuunt: quia tantò verius stulti sunt, quantò maiora perdentes, in minimis lætātur. Hinc Petrus eandem prauorum stultitiam reprehendit, dicens: Voluptatem existimantes diei delicias coinquinationis & maculæ. Hinc Salomon ait: Risum deputaui errorem, & gaudio dixi, Quid frustra deciperis? Dicat itaque vir sanctus de sapientia: Nec inuenitur, in terra suauiter viuentium: quia nimirum qui in hoc mundo suauiter viuunt, ita adhuc stulti sunt, vt hoc ipsum quoque nesciant, vnde ceciderunt. Sequitur:

Quòd filij huius seculi dum carnaliter sapientes esse appetunt, Deum in se esse nequaquam ostendunt: quia duplicium & fictorum corda quasi abyssus sunt, & amaras & inquietas animas spiritus sanctus minime inhabitat.

Caput XXV.

Abyssus dicit, Nō est in me. Quid hoc loco abyssum nisi corda hominum vocat: quæ & per lapsum fluida, & per duplicitatis sunt caliginem tenebrosa. Quæ nimirum abyssus nō esse in se hanc sapientiam profitemur: quia iniqua mens dum esse sapiens carnaliter appetit, stultum se ad spiritalia ostendit. Nam quia teste Paulo, sapiētia huius mundi stultitia est apud Deum: tantò quisque amplius intus stultus sit, quantò conatur exterius sapiens videri. De hac abyssu per Ioannem dicitur: Vidi angelum descendentem de cœlo, habentem clauem abyssi, & catenam magnam in manu sua, & apprehendit draconem serpentem antiquum, qui est diabolus & satanas, & ligauit eum per annos mille, & misit in abyssum, & clausit,

Eccles. 1.

Psalm. 30.

27.

Psalm. 76.

Luce 6.

Psalm. 76.

Eccles. 7.

Iaco. 4.

Matth. 5.

2. Petri. 2.

Eccles. 2.

1. Cor. 13.

Apoc. 20.

& signauit super illum, vt non seducat amplius gentes, donec consummentur mille anni. Millenario etenim numero non quantitatem temporis, sed vniuersitatem qua regnat Ecclesia, designauit. Antiquus autem serpens ligatus catena in abyssum mittitur: quia religatus à bonorum cordibus, apud reprobos mentes reclusus eis atrocius dominatur. Qui paulò post quoque de puteo abyssi educi describitur: quia de iniquorum cordibus nunc occultè sentientibus, tunc accepta contra Ecclesiam potestate, in vim apertæ persecutionis erumpet. Hæc itaque abyssus in qua nunc diabolus seruatur occultus, non esse in se sapientiam dicit: quia alienam se à vera sapientia iniquis operibus ostendit. Dum enim malitiam quisque tegit in corde, ore autem blandimenta exhibet dum cogitationes suas duplicitate obnubilat, dum puritatis verba quasi fatuitatem deuitat, dum vias simplicis innocentie declinat, quasi habere abyssus Dei sapientiam recusat. Et quia huic mundo mentes deditæ, præsentis vitæ curis & sollicitudinibus perturbantur: & idcirco eiusdem sapientie tranquillitate perfrui nequaquam possunt, rectè subiungitur: *Et mare loquitur, Non est mecum.* Quid enim maris nomine, nisi secularium mentium amara inquietudo signatur? Quæ dum se vicissim inimicitias impetunt, quasi aduersantes se vnde collidunt. Rectè etenim mare vita secularium dicitur: quia dum procellosis actionum motibus concitatur, ab internæ sapientie quiete atque stabilitate disiungitur. Quo contra bene per Prophetam dicitur: Super quem requiescet spiritus meus, nisi super humilem & quietum & tremementem sermones meos? A terrenis autem mentibus tantò longius spiritus fugit: quanto apud has quietem non inuenit. Hinc est enim quod de quibusdam per Psalmistam dicitur: Contritio & infelicitas in vis eorum, & viam pacis non cognouerunt. A qua nimirum contritione perturbationis nos Dominus reuocat dicēs: Venite ad me omnes qui laboratis & onerati estis, & ego vos reficiam: tollite iugum meum super vos, & discite à me quia mitis sum & humilis corde, & inuenietis requiem animabus vestris. Quid enim in hac vita laboriosius, quam terrenis desideris æstare? aut quid hæc quietius, quam huius seculi nihil appetere? Hic est quod Israeliticus populus custodiam sabbati accepit in munere: hinc econtra est Aegyptus muscarum multitudine percussa. Populus nanque qui Deum sequitur, accipit sabbatum, id est, requiem mentis: in nullo in hac vita desideriorum carnalium appetitu fatigetur. Aegyptus verò quæ huius mundi speciem tenet, muscis percutitur. Musca enim nimis insolens & inquietum animal est. In qua quid aliud, quam insolentes curæ desideriorum carnalium designantur? Vnde aliàs dicitur: Muscæ morientes perdunt suauitatem vnguenti: quia cogitationes superflue quæ assidue in animo carnalia cogitante & nascuntur & deficiunt, eam suauitatem qua vnusquisque intrinsecus per spiritum vinctus est, perdunt: quoniam integritate eius perfrui non permittunt. Aegyptus ergo muscis percutitur: quia eorum corda qui terrenam vitam diligunt, dum desideriorum suorum inquietudinibus feriuntur, turbis cogitationum carnalium ad ima depressa sunt: vt ad quietis intimæ desiderium non leuentur. Vnde cum mira ope pietatis ad cor veritas venit, prius ab eo cogitationum carnalium æstus eiicit, & post in eo virtutum dona disponit. Quod bene nobis sacra Euangelij historia innuit, in qua dum ad resuscitandam filiam principis inuitatus Dominus duceretur, protinus additur: Et cum eiecta esset turba, intrauit, & tenuit manum eius, & surrexit puella. Foras ergo turba eiicitur, vt puella suscitetur: quia si non prius à secretioribus cordis expellitur importuna secularium multitudo curarum, anima quæ intrinsecus iacet mortua non resurgit. Nam dum se per innumeras terrenorum desideriorum cogitationes spargit, ad considerationem sui sese nullatenus colligit. In his itaque inquietudinum fluctibus habitare sapientiam non posse cognoscens, ait: *Et mare loquitur, Non est mecum.* Nullus quippe eam plenè recipit, nisi qui ab omni se abstrahere actionum carnalium fluctuatione contendit. Vnde & aliàs dicitur: Sapientiam scribe in tempore otij, & qui minoratur actu, ipse percipiet eam. Et rursum: Vacate & videte, quoniam ego sum Deus. Sed quid est quod plerumque antiquorum patrum nouimus hanc sapientiam & intrinsecus

viuaciter tenuisse, & curas mundi extrinsecus solenniter ministrasse? An perceptione huius sapientie Ioseph priuatum dicimus, qui famis tempore totius Aegypti curas suscipiens non solum Aegyptiis alimenta præbuit, sed vitam quoque exterorum aduenientium ministerij sui arte seruauit? An ab hac sapientia Daniel alienus extitit, qui à Chaldeorum rege in Babylonia princeps magistratuum effectus, tantò maioribus curis occupatus est, quantò & sublimiori dignitate omnibus prælatus? Cum igitur constet plerumque etiam bonos non terreno studio terrenis curis implicari: patenter agnoscimus, quia sic nonnunquam ciues Hierusalem angarias soluunt Babylonia, sicut sæpe ciues Babylonia impendunt angarias Hierusalem. Nam sunt nonnulli qui verbum vitæ pro sola sapientie ostentatione prædicant, elemosinarum operam pro appetitu vanæ gloriæ subministrant. Et quidem Hierusalem videntur esse quæ agunt, sed tamen Babylonia ciues sunt. Sic itaque aliquando contingit, vt qui solam cœlestem patriam diligunt, terrenæ patriæ curis subiacere videantur. Quorum tamen ministerium à præuorum operibus plerumque in actu, nonnunquam verò ante supernum iudicem in sola cogitatione discernitur. Pleni quippe superna sapientia discernunt qualiter debeant & ad aliud vacare intrinsecus, & ad aliud extrinsecus occupari: vt si fortè occulta Dei ordinatione aliquid eis non appetentibus de huius seculi curis imponitur, cedat Deo quem diligunt: & præ amore eius intrinsecus solam illius desiderant visionem, præ timore verò eius impositam sibi extrinsecus humiliter expleant actionem: vt & vacare Deo appetant ex gratia dilectionis, & rursum curas superimpositas ex conditione expleant seruitutis. Cumque occupationes extrinsecus perstrepuant, intrinsecus in amore pacatissima quies tenetur, atque occupationem tumultus exterius perstreptis, dispensat interius præsidens iudex ratio, & tranquillo moderamine ea quæ circa se minus sunt tranquilla, disponit. Sicut enim vigor mentis frenandis præest motibus carnis, sic sepe superimpositos tumultus occupationis bene regit amor quietis: quia exteriores curæ si peruerso amore non appetuntur, non confuso sed ordinato animo ministrari queunt. Sancti enim viri nequaquam eas appetunt, sed occulto ordine sibi superimpositas gemunt: & quanuis illas per meliorem intentionem fugiant, tamen per subditam mentem portant. Quas quidem summopere, si liceat, vitare festinant: sed timentes occultas dispensationes Dei, tenent quod fugiunt, & exercent quod vitant. Intran enim ad cor suum, & ibi consueunt quid velit occulta voluntas Dei: seseque subditos debere esse lummis ordinationibus cognoscentes, humiliant ceruicem cordis iugo diuinæ dispensationis. Quisquis verò talis est, quilibet tumultus versetur extrinsecus, nunquam ad eius interiora perueniunt. Itaque agitur vt aliud intrinsecus voto, aliud extrinsecus teneatur officio, & hac sapientia non iam turbulenta atque confusa, sed tranquilla corda repleantur. Bene ergo de ea dicitur: quia abyssus dicit, Non est in me: & mare loquitur, Non est mecum. Ac si aperte diceretur: Perturbate mentes secularium coipso clamant, quoniam à vera sapientia longè diuisa sunt, quo quietæ non sunt. Quia verò hæc Dei sapientia manens cum patre ante secula, incarnanda erat in fine seculorum, vt ad redimendum genus humanum, non sanctos Angelos, non iustos homines mitteret, sed in manifestatione visionis per semetipsam veniret, rectè subiungitur.

Cur ad redimendum hominem non misit Deus Angelum, sed ipse venit.

Caput XXVI.

Non dabitur aurum obryzum pro ea. Quid nanque per aurum obryzum, nisi sancti Angeli designantur? Qui rectè & aurum vocantur, & obryzum: aurum quia fulgent claritate iustitiæ: obryzum, quia nullum habuerunt vnquam contagium culpæ. Homines verò iusti quandiu in hac carne corruptibili mortaliter viuunt, aurum quidem esse possunt, obryzum omnino non possunt: quia corpus quod corrumpitur, aggrauat animam, & deprimat terrenam inhabitatio sensum multa cogitantem. Nam quanuis in hac vita ex magnæ iustitiæ claritate resplendant, nequaquam tamen ad purum peccatorum foribus carent: Ioannē Apostolo attestante, qui dicit: Si dixerimus quia peccatum non habemus, nosmetipsos seducimus, & veritas in nobis non est: & affirmante Iacobo qui astruit, dicens

Esaiæ. 66.

Psal. 13.

Matthæ. 11.

Exod. 16.

Exod. 8.

Matth. 9.

Eccle. 38.

Psal. 45.

29

Quomodo
conferunt
se homines
diuina vo-
luntati.

Qui per
aurum ob-
ryzum.

Sapientia.

Iaco. 3.
Psal. 142.
30.
Ioan. 8.
Ioan. 9.
Cuius Dei sapientia in mundum venerit.

cens: In multis enim offendimus omnes. Propheta etiam decante, qui ait: Ne intres in iudicium cum seruo tuo: quia non iustificabitur in conspectu tuo omnis viuens. Aurum ergo obrysum illi nuncupantur, qui in ea qua conditi sunt innocentia perdurantes, & fulgent claritate iustitiæ, & nullis vel minimis maculantur sordibus culpæ. Sed quia pro hac sapientia nullus angelorum redemptor humani generis mittendus fuit, ne quis spem in his, quos in adiutorio hominum saepe apparuisse didicimus, angelis poneret, dictum est: *Non dabitur aurum obrysum pro ea.* Ac si aperte diceretur: Per semetipsam sapientia manifestabitur, ut humanum genus à culpa redimatur. Nullus vice eius angelus mittitur: quia per creatorem necesse est ut creatura liberetur. Vnde & in Euangelio Dominus dicit: Si vos filius liberauerit, verè liberi eritis. Sed vir sanctus spiritu eiusdem sapientiæ repletus, quosdam in Iudæa præuidit non esse defuturos, qui spem in legislatore ponerent, & suæ salutis authorem Moysen putarent: sicut & cuidam sanato maledicentes dicunt: Tu discipulus sis eius, nos enim Moyse discipuli sumus. Vnde adhuc congruè subinfertur: *Nec appendetur argentum in commutatione eius.* Quia enim argento saepe eloquia diuina designantur, possunt argenti vocabulo etiam eiusdem eloquij scriptores intelligi, quorum vita inter turbas hominum resplenduit luce virtutum. Sed quia lex peccata indicare potuit, non auferre: non quisquam veterum patrum, non legislator Moyses humani generis redemptor extitit. Argentum ergo in commutatione huius sapientiæ non appenditur: quia quilibet sancti esse potuerunt, in comparatione vnigeniti filij nullius meriti fuisse pensantur: qui nisi huius sapientiæ seruos se cognoscerent, sancti nullatenus fuissent. Ad hoc quippe illi missi sunt, ut in cordibus hominum viam huic sapientiæ prædicando præpararent, neque ut pro ea, sed per eam subiectos populos regerent. Quia enim certum erat quod per accessum temporum, deficientis seculi languores excrescerent, actum est ut æterna Dei sapientia in fine seculorum per semetipsam veniret ad grandem hunc, & nimis infirmitatis ægrotum, id est, per totum mundum iacens languidum genus humanum: ut transmissis prius prædicatoribus, quasi quibusdam vitatoribus, tantò postmodum maior fieret potentia medici, quantò magis morbus creuisset ægroti. Quia verò nullus vice eius ad saluandos nos mittitur, dicatur rectè: *Nec appendetur argentum in commutatione eius:* quoniam vita iustorum prædicantium quantalibet sanctitatis luce polleat, aduentum nobis supernæ sapientiæ per suam præsentiam non commutat. Sed fuere multi gentilium, qui mundi huius sapientum disciplinis dediti, ea quæ sunt inter homines honesta seruarent, & saluandos seruata honestate se crederent, nec iam mediatorem Dei & hominum quærerent, cum quasi sufficientem sibi philosophorum doctrinam tenerent. In quorum despectu mox subditur:

Quid sapientia huius seculi quæ tincta est coloribus Rhetorum, Christo comparata nihil sit, & nulla philosophia honestas ad salutem sine Christo proficiat.

Caput XXVII.

Differunt verba sapientium mundi, & sapientia Dei.

Non conferetur tinctis Indiæ coloribus.) Quid enim per Indiam quæ nigrum populum mittit, nisi hic mundus accipitur? in quo vita hominum per culpam obscura generatur. Tincti autem colores Indiæ, sunt huius mundi sapientes, qui quauis per infidelitatem, & plerunque per actionem fædi sint, ante humanos tamen oculos superinductæ honestatis colore fucantur. Sed coæterna Dei sapientia tinctis Indiæ coloribus non conferetur: quia quisquis hanc veraciter intelligit, ab his hominibus quos mundus sapientes coluit, quàm longè distet, agnoscit. Ipsaque eius mandatorum verba ab huius mundi sapientibus differunt: qui dum intendunt eloquæ, eorum dicta quasi pulchra apparent specie, & fucatione tincturæ: & cum virtute rerum careant, aliud se esse quàm sunt, verborum compositionibus quasi superductis coloribus mentiuntur. At contrà doctrina sapientiæ & prædicatione pulchra est, & pura veritate conspicua, nec aliud se per fallaciam prætendit exterius, & aliud referuat interius, neque in dictis suis pulchra videri appetit nitore sermonis, sed integritate veritatis. In mandatis igitur suis Dei

Tomus primus.

A
B
C
D

sapientia non conferetur tinctis Indiæ coloribus: quia dum fucata eloquentiæ ornamenta non habet, quasi vestis sine tinctura placet. Quam fucationem tincturæ bene Paulus despexit, cum dicebat: Quæ & loquimur non in doctis humanæ sapientiæ verbis, sed in doctrina spiritus. Malebat quippe hanc sapientiam sola puritate veritatis ostendere, non autem eloquij tinctione fucare. Sequitur: *Nec lapidi sardonio precioso vel sapphiro.* Sardonium, vel sapphirum lapides preciosos esse quis nesciat? Et dum multi alij preciosi sint lapides, qui longè istos æstimatione magnitudinis antecellant, cur sapphirus vel sardonius potissimum preciosus nominatus est, cum vterque lapis iste aliorum lapidum comparatione vilissimus sit, nisi ut eos lapides qui preciosi describuntur, dum preciosos non esse cognoscimus, in eorum intelligentia aliud exquiramus. Sardonius quippe terræ rubræ similitudinem tenet. Sapphirus verò æream habet speciem. Possunt ergo in sardonio per terram rubram homines, in sapphiro autem per æream visionem angeli designari. Nam cum rubræ terræ speciem lapis sardonius habeat, non immeritò hominem designat: quia & Adam qui primus est conditus, Latino sermone terra rubra nominatur. Quid est ergo quod dicitur: quia hæc sapientia lapidi sardonio, vel sapphiro non conferetur, nisi quod is qui est Dei virtus, & Dei sapientia, mediator scilicet Dei & hominum, homo Christus Iesus, tanta magnitudine excellat omnia, ut ei nec in terra primi homines, nec in cælo angeli comparentur? Vnde & per Psalmistam dicitur: *Quis in nubibus æquabitur domino, aut quis similis erit Deo inter filios Dei?* Possunt autem per sardonium lapidem patres testamenti veteris, per sapphirum verò prædicatores exprimi testamēti noui. Illi quippe quauis magnam iustitiæ vitam tenerent, carnali tamen propagationi seruiebant. Quia igitur constat quod quædam terrena agerent, non immeritò per sardonium lapidem qui, ut prædiximus, terræ rubræ tenent speciem, designantur. Per sapphirum verò qui ætherei est coloris, testamenti noui congruè prædicatores accipimus, qui carnalis propagationis desideria postponentes, cælestia sola sectati sunt. Vnde & Propheta conspiciens cuncta carnis desideria, sanctos Apostolos spiritali ardore transcendere, admiratus ait: *Qui sunt hi qui ut nubes volant? Ac si aperte dicat: Nos per terram gradimur, qui adhuc coniugiis implicamur, & propagandæ soboli opera carnis impendimus: isti verò in terra non ambulant, sed ut nubes volāt, qui dum cælestia appetūt, de terrenis desideriis nihil tågunt.* Ait ergo: Quia Dei sapientia sardonio, vel sapphiro lapidi nō conferetur, ac si patenter insinuet, dicens: Ei qui homo inter homines cernitur, nec in antiquis quisquam, nec in nouis patribus æquatur: quia ex deitate habet quod in humanitate quenquā similē non habet. Vnde adhuc subditur: *Nō ad æquabitur ei aurum vel vitru.* Quis hoc sanum sapiens iuxta literā sentire dignetur? Vitrum quippe, ut superius diximus, auro longè est vilius, & postquā dictum est, quod aurū huic sapientiæ non adæquatur, adhuc quasi crescendo subiungitur: quod ei quoque nec vitru possit æquari. Sed ipsa nos litera ab historico intellectu deficiēs, ad indagandum allegoriæ mysteriū mittit. Auri nanque metallū nouimus potiori metallis omnibus claritate fulgere. Vitri verò natura est, ut extrinsecus visu pura, intrinsecus perspicuitate perluceat. In alio metallo quicquid intrinsecus continetur, absconditur, in vitro verò quilibet liquor qualis cōtinetur interius, talis exterius demonstratur: atque, ut ita dixerim, omnis liquor in vitreo vasculo clausus patet. Quid ergo aliud in auro vel vitro accipimus, nisi illam supernā patriam, illam beatorū ciuium societate, quorū corda sibi inuicē, & claritate fulgent, & puritate translucent? Quā Ioannes in Apocalypsi cōspexerat, cum dicebat: Et erat structura muri eius ex lapide iaspide: ipsa verò ciuitas aurum mundū, similis vitro mūdo. Quia enim sancti omnes summa in ea beatitudinis claritate fulgebūt, instructa auro dicitur. Et quoniā ipsa eorum claritas vicissim sibi in alternis cordibus patet, & cum vnus cuiusque vultus attenditur, simul & conscientia penetratur: hoc ipsum aurum vitro mundo simile esse memoratur. Ibi quippe vnus cuiusque mentē ab alterius oculis, membrorū corpulentia nō abscondet, sed patebit animus: patebit corporalibus oculis ipsa etiam corporis harmonia, sicque vnusquisque tunc erit

P

cōspicibilis alteri, sicut nunc esse nō potest cōspicibilis sibi.

31. Nunc autem corda nostra quandiu in hac vita sumus, quia ab altero in alterum videri non possunt, non intra vitrea, sed intra lutea vascula concluduntur: cui scilicet luto per passionem mentis inhærere Propheta formidabat, cū diceret. Eripe me de luto, vt non inhæream. Quod nimirum habitaculum corporum Paulus domum terrestrem nominat, dicens: Scimus quoniam si terrestris domus nostra huius habitationis dissoluatur, quōd adificationē ex Deo habemus, domum non manufactam, æternam in cœlis. In hac itaque terrestri domo quousque viuimus, ipsum, vt ita dicam, corruptionis nostræ parietem mentis oculis nullatenus penetramus, & vicissim in aliis videre occulta non possumus. Vnde sancta Ecclesia sponsi sui speciem videre in diuinitate desiderans, nec tamen valens, quia æternitatis illius formam quam intueri concupiuerat, ab eius oculis assumpta humanitas abscondebatur: in Canticis canticorum mœrens dicit: En ipse stat post parietē nostrū. Ac si apertē dicat: Ego hunc in diuinitatis suæ iam specie videre desidero, sed adhuc à visione illius per assumptæ carnis parietem excludor. Quousque itaque in hac corruptibili carne viuimus, cogitationes nostras in alterutrū non videmus. Vnde rursum per eundem Paulum dicitur: Quis scit hominum quæ sunt hominis, nisi spiritus hominis qui in ipso est: Et rursum: Nolite iudicare ante tempus, donec veniat Dominus, qui & illuminabit abscondita tenebrarum, & manifestabit consilia cordium. Illa itaque ciuitas quæ sua vicissim singulis corda manifestat, ex auro dicitur similis vitro mundo, vt designetur auro clara, vitro perspicua. Sed quanuis in ea sancti omnes tanta claritate fulgeant, tanta perspicuitate tranfluant, ei tamen sapientiæ de cuius imagine habent omne quod sunt, æquari non possunt. Bene ergo dicitur: *Non adequabitur ei aurum vel vitrum.* Ad hoc enim sancti omnes ad illa gaudia æterna perueniunt, vt esse Deo similes possint, sicut scriptum est: Cū apparuerit, similes ei erim⁹, quoniam videbimus eum sicuti est, Et tamen scriptū est: Domine Deus virtutum quis similis tibi? Et iterum: Aut quis erit similis Deo inter filios Dei? Vnde ergo similes, & vnde non similes, nisi quia huic sapientiæ, & similes erunt ad imaginē, & tamen nō erunt similes ad æqualitatem? Aspiciendo quippe æternitatem Dei, sit eis vt æterni sint, & dum visionis eius donum percipiunt, ex perceptione beatitudinis imitantur, quōd vident. Et similes ergo sunt, quia beati fiunt: & tamen creatori similes non sunt, quia creatura sunt. Et habent itaq; quandam Dei similitudinem, quia non habent finem: & tamen incircumscriptionem æqualitatem non habent, qui habent circumscriptionem. Dicitur igitur rectē: Non adequabitur ei aurum vel vitrum, quia quantalibet sancti claritate, & perspicuitate fulgeant: aliud est homines esse sapientes in Deo, atque aliud esse hominem sapientiam Dei. Quam profectō sapientiam ille veraciter agnouit, qui mediatori Dei & hominum aliquem comparare sanctorum minimē præsumpsit. Vnde & subditur: *Nec commutabuntur pro ea vasa auri excelsa & eminentia* Excessum quippe vas auri Helias extitit, & excelsum vas auri Hieremias, excelsa atq; eminentia auri vasa priores patres fuere. Sed hæc Dei sapientia, vt à carnali nos conuersatione redimeret, apparuit in carne, & qui illam veraciter non agnouit, mediatorem Dei & hominum, hominem Iesum Christum vnum esse ex prophetis putauit, quem electorum oculi fide tenuerunt Deum, cū viderent hominem. Vnde ab eo sanctis discipulis dicitur: Quem dicunt homines esse filium hominis? Cui cū protinus responderent: Alij Ioannem Baptistam, alij Heliam, alij verō Hieremiam, aut vnum ex prophetis: de suo mox sensu requiruntur: Vos autem quem me esse dicitis? Cui protinus Petrus totius Ecclesiæ voce respondens ait: Tu es Christus filius Dei viui. Quia igitur iuxta Pauli vocem Christum nouimus Dei virtutem, & Dei sapientiam, Petrus pro hac sapientia vasa auri excelsa, & eminentia commutare noluit quia de illa non aliud quàm erat, intellexit. Magnum quippe, vt dictum est, vas auri Ioannes: magnum vas auri Helias, vel Hieremias fuit. Sed quisquis eundem Deum quemlibet eorum esse crediderit, vas auri excelsum, & eminens pro sapientia commutauit. Ecclesia verō pro hac sapientia vasa auri excelsa, & emi-

nentia non cōmutat: quia Christum filium dei nō vnum esse prophetarum, sed vnum prophetarum Dominum credit. Ipsam quippe ad se venisse sapientiam videns, noluit se in illis aureis vasis figere, sed in eam studuit fide certissima pertransire. Vnde in Canticis canticorū dicit: Inuenerunt me vigilantes qui custodiunt ciuitatem. Num quem diligit anima mea, vidistis? Paululum cū pertrāssem eos, inueni quem diligit anima mea. Quos enim vigilantes qui custodiūt ciuitatem, nisi priores patres, vel prophetas accipimus: qui studuerunt ad custodiā nostram sanctę prædicationis voce vigilare? Sed cū redemptorem suum Ecclesia quæreret, in ipsis antiquis prædicatoribus spem figere noluit, cū dixit: Paululum cū pertrāssem eos, inueni quem diligit anima mea. Illum quippe inuenire non posset, si istos pertrāsire noluisset. In istis se custodibus infideles fixerāt, qui Christū Dei filium vnum quēlibet esse illorum credebant. Voce igitur ac fide Petri inuentos vigilantes sancta Ecclesia transiit, quæ prophetarū Dominū vnumquemlibet ex prophetis credere contempsit. Dicitur ergo: Nec commutabuntur pro ea vasa auri excelsa & eminentia: quia electi quique sanctorū vitam, & venerantur ex sublimitate, & tamen non suscipiunt ad errorem. Quos enim puros homines esse sciunt, Deo homini omnino nō conferunt. Vnde adhuc subditur: *Nec commemorabuntur in cōparatione eius.* Omnes enim supernæ patriæ electi sancti quidem & iusti sunt: sed participatione sapientiæ, non cōparatione. Quid enim sunt homines Deo comparati? Lumen autem sapientiæ: lumen & serui sapientiæ vocari solent. Sed illa lumen illuminans, isti lumen illuminatum, sicut scriptum est: Erat lux vera quæ illuminat omnem hominem venientem in hunc mundum. Istis autem tantummodo dicitur: Vos estis lux mundi. Iustitia quidem sapientiæ, iustitia & serui sapientiæ nuncupantur: sed ista iustitia iustificans, isti autem iustitia iustificata. De Deo quippe qui sapientia est, dicitur: Vt sit ipse iustus & iustificans: isti verō dicunt: Vt nos efficeremur iustitia Dei in ipso. Aliter ergo venerandum est lumen illuminans, aliter lumen illuminatum: aliter iustitia iustificans, aliter iustitia iustificata. Sapientia verō est, & sapit: nec habet aliud esse, aliud sapere: serui autem sapientiæ esse quidem sapientes possunt, nec tamen hoc habent esse quod sapere: nam esse possunt, & sapientes non esse. Habet vitam sapientiæ, sed non aliud habet, & aliud est: quippe cui hoc est esse quod viuere. Serui autem sapientiæ cū habent vitam, aliud sunt, & aliud habent: quippe quibus non est hoc ipsum esse quod viuere: nā possunt iuxta aliquid esse, nec viuere. Aliud quippe illis est esse, aliud viuere: quia in ipso parente primo essentiam habuere per initium, vitam per accessum, quoniam prius de terra factus est homo, & postmodum, sicut scriptum est: Inspirauit in faciem eius spiraculum vitæ, & factus est homo in animam viuentem. Sapientia verō habet essentiam, habet vitā: sed hoc quod habet, ipsa est. Proinde incōmutabiliter viuunt: quia nō ex accidenti, sed essentialiter viuunt. Sola ergo cū patre & sancto spiritu veraciter est, cuius essentia comparatū esse nostrum non esse est. Huic si coniungimur, sumus, viuimus, sapimus: huic si cōparamur, nec sapimus, nec viuimus omnino, nec sumus. Hinc est quōd sancti omnes quando in Dei visione proficiunt, quāto magis diuinitatis interna cōspiciunt, tantō magis se nihil esse cognoscunt. Nusquam quippe legitur quōd Abraham cinerem & puluerem se esse professus est, nisi cū habere Dei meruit colloquutionem. Ait enim: Loquar ad Dominum meum, cū sim pulvis & cinis: Esse enim se aliquem fortasse crederet, si veracem essentiam quæ super ipsum est, minimē sensisset. At verō vbi ad immutabilem contemplandum super se raptus est, impletus tantæ contemplationis potentia, dum videret illū, nil se esse nisi puluerem vidit. Hinc est etiam quōd Propheta repletus eadē sapientia, exclamat: Memento Domine quōd pulvis sumus, qui rursus eiusdem incōmutabilitatem essentia cōtemplatus, ait: Omnes sicut vestimentū veterascēt, & sicut operitorium mutabis eos, & mutabuntur. tu autem idem ipse es, & anni tui non deficient. Hinc ad Moysen dicitur: Ego sum qui sum: & dices filiis Israël: *Qui est*, misit me ad vos. Solus quippe veraciter est, qui solus incōmutabiliter permanet. Nam omne quod modō sic, & modō aliter est, iuxta nō esse est.

Cantic. 3.

Ioan. 1. Math. 5.

Rom. 3. 1. Cor. 5.

34.

Gen. 2.

Gen. 18.

Psalm. 101.

Exod. 3.

est: Permanere enim in statu suo nō potest. Atq; aliquo modo ad non esse itur, dum ab eo quod fuerat, semper ad aliud, per momenta temporum ducitur? Vt ergo in participatione illius essentia aliquid simus, cognoscamus nosmetipsos: quia propē nihil sumus. Bene itaque dicitur: nec commemorabūtur in comparatione eius: quia vasa auri excelsa & eminentia, quæ ex participatione sapientia nobis venerāda sunt, in cōparatione sapientia etiam memoranda non sunt. Quia verō hæc sapientia humanis cordibus latenter infunditur, sicut de sancto spiritu quoque dictum est: Spiritus ubi vult spirat: & vocem eius audis, & nescis vnde veniat, aut quod vadat, idcirco subiungitur: *Trahitur enim sapientia de oculis.* De occultis sapientia trahitur: quia cū sit inuisibilis, non nisi inuisibiliter inuenitur. Quæ rectē quoque trahi dicitur: quia sicut flatum trahimus, vt corpus viuat: sic ab intimis sapientia spiritus ducitur, vt ad vitam anima subsistat. Vnde Psalmista ait: Os meum aperui, & attraxi spiritum. Quæ nimirum sapientia, humana carne cū anima rationali suscepta, dū ab intimis apparuisset in promptu, mundus hic quia authorem suum inuisibilem videre non potuit, quem visibilem conspexit hominem, eum quoque & inuisibile agnouit Deū. Conuersa est ab infidelitatis suæ tenebris, superba prius sua auersione gentilitas, ostensis signis atque prodigiis creuit fides: propagata autem fide, in veneratione omnium sancta Ecclesia culmen emicuit. Cui cū deessent aperti aduersarij, tentari cōcepit à suis. Nam multæ quoque in ea hæreses exortæ, contra eam duri certaminis bella parauerunt. Exercenda quippe est hoc tempore per laborē, quæ sequenti tendit ad remunerationē. Quæ ex re factū est, vt ea nonnulli prodirent, qui mediatorē Dei & hominum, hominē Christum Iesum, purum hominē creatum dicerent, sed gratia deificatum: tantūque ei sanctitatis tribuerent, quantū de sanctis ceteris, eius videlicet famulis agnouissent. Quos beatus Iob prophetia spiritu afflatus, sententia suæ definitione redarguit, dicens: *Non adæquabitur ei topazium de Aethiopia.* Quid per Aethiopiam nisi præsentem mundum accipimus? quæ coloris nigredine designat peccatorum populum, scēditatemque meritorum. Aliquando verō Aethiopia nomine specialiter gentilitas designari solet, infidelitatis prius nigra peccatis. Quam veniente Domino Abacuc Propheta vidit timore perterritam, & ait: Tabernacula Aethiopum expauescent, tabernacula terræ Madiā. David quoque Propheta videns quod ad Iudæam redimendam veniret Dominus: sed antē gentilitas crederet, & postmodum Iudæa sequeretur, sicut scriptum est: Donec plenitudo gentium introiret, & sic omnis Israël saluus fieret, dicit: Aethiopia præueniet manus eius Deo, id est, priusquam Iudæa credat, saluandam se offert omnipotenti Domino peccatis nigra gentilitas. Topazium verō preciosus lapis est: & quia Græca lingua pan omne dicitur, pro eo quod omni colore resplendet, topazium quasi topandium vocatur. Dum verō in Deum conuersa gentilitas credidit, ex ea multi ita sunt dono spiritus locupletati, vt quasi multis coloribus, sic multis virtutibus luceant. Sed ne acceptis quisquam virtutibus extollatur à sancto viro nunc dicitur: *Non adæquabitur ei topazium de Aethiopia.* Ac si apertē dicat: Nullus sanctorū quibuscumque virtutibus plenus, ex ista tamē nigredine mundi collectus, æquari ei potest de quo scriptum est: *Quod nascetur ex te sanctū, vocabitur filius Dei.* Nos quippe etsi sancti efficiamur, nō tamen sancti nascimur: quia ipsa naturæ corruptibilis cōditione cōstringimur, vt cum Propheta dicamus: Ecce enim in iniquitatibus cōceptus sum, & in peccatis peperit me mater mea. Ille autem solus veraciter sanctus natus est, qui vt ipsam conditionem naturæ corruptibilis vinceret, ex commixtione carnalis copulæ conceptus non est. Huic se sapientia quasi quoddam topazium de Aethiopia equari voluit, cū quidam hæresiarches dixit: Non inuideo Christo Deo factō, quoniam si volo, & ipse possum fieri. Qui Iesum Christum dominum nostrum, nō per mysteriū cōceptionis, sed per profectum gratia Deum putauit, puerua allegatione astruens eum purum hominem natum: sed vt Deus esset, per meritum profecisse, atque ob hoc æstimans & se & quoslibet alios posse ei cōequari, qui filij Dei per gratiam fiunt, non intelligens, non attendens: quia non adæquabitur ei topa-

zium de Aethiopia. Aliud est enim natos homines gratia adoptionis accipere: aliud vnum singulariter per diuinitatis potentiam Deum ex ipso conceptu produisse. Nec æquari potest gloria vnigeniti habita per naturam aliis, accepta per gratia.

Mediator quippe Dei atque hominum, homo Christus Iesus, non sicut iste hæreticus desipit, alter in humanitate, alter in deitate est. Non purus homo conceptus atque editus, pōt per meritum, vt Deus esset, accepit: sed nuntiante angelo, & adueniente spiritu, mox verbum in vtero, mox intra vterum verbum caro, & manente incommutabili essentia, quæ ei est cum patre, & cum sancto spiritu cōæterna, assumpsit intra virginea viscera: vnde & impassibilis pati, & immortalis mori, & æternus ante secula, temporalis posset esse in fine seculorū: vt per ineffabile sacramentum, conceptu sancto, & partu inuiolabili, secundum veritatem vtriusque naturæ, eadem virgo & ancilla Domini esset & mater. Sic quippe ei ab Elizabeth dicitur: Vnde hoc mihi, vt veniat mater Domini mei ad me? Et ipsa virgo concipiens dixit: Ecce ancilla Domini, fiat mihi secundum verbum tuum. Et quanuis ipse aliud ex patre, aliud ex virgine, non tamen alius ex patre, alius ex virgine: sed ipse est æternus ex patre, ipse temporalis ex matre, ipse qui fecit, ipse qui factus est, ipse speciosus forma præ filiis hominū per diuinitatem, & ipse de quo dictum est: Vidimus eum, & non erat aspectus, & non est species ei, neque decor, per humanitatem. Ipse ante secula de patre sine matre, ipse in fine seculorum de matre sine patre. Ipse conditoris templum, ipse conditor templi, ipse author operis, ipse opus authoris: manens vnus ex vtraque, & in vtraque natura, nec naturarum copulatione confusus, nec naturarū distinctione geminatus. Sed quia non hæc tractanda suscepimus, ad exponendi ordinem redeamus. Notandum nobis est quod sanctus vir, vt longē distare ab hac sapientia angelo demonstraret, dicit: Non dabitur aurum obryzum pro ea. Qui vt antiquos etiam patres sacri eloquij tractatores inferiores ostenderet, adiunxit: Nec appendetur argentum in commutatione eius. Vt philosophorum quoque sapientiam huic monstraret longē subesse, intulit. Non conferetur tinctis India coloribus: atque subiunxit: Nec lapidi sardonycho preciosissimo, vel sapphiro. Vt in illa quoque superna ciuitate nullū peruenire ad æqualitatem vnigeniti demonstraret, addidit: Non adæquabitur ei aurum vel vitrum. Vt prophetas quoque ei subesse ostenderet, adiunxit: Nec commutabuntur pro ea vasa auri excelsa & eminentia, nec commemorabuntur in comparatione eius. Trahitur enim sapientia de oculis. Ad extremum verō vt ipsos quoque in Ecclesia hæreticos increparet, qui à gentilitatis errore venientes, fidem quam percipiunt, per superbiam scindunt, addidit: Nō adæquabitur ei topazium de Aethiopia. Ac si patenter insinuet, dicens: Hi qui ex peccati nigredine ad conuersionem veniunt, æquari deo [homini] omnino non possunt, quanuis multis colorū virtutibus resplendere videātur. Quorum vt superbia refutetur, aptē subiungitur: *Nec tinctura mundissima componetur.* Tinctura enim mundissima vocantur hi qui veraciter sunt humiles, & veraciter sancti: qui sciunt quidem, quia ex semetipsis virtutum speciem non habent: sed hanc ex dono gratia desuper venientis tenent. Tincti enim nō essent, si sanctitatem naturaliter habuissent. Sed mundissima tinctura sunt: quia humiliter custodiunt superuenientem in se virtutum gratiam quam acceperunt. Hinc est enim quod sponsi voce de sancta Ecclesia dicitur: Quæ est ista quæ ascendit dealbata? Quia enim sancta Ecclesia cōlestem vitam naturaliter non habet, sed superueniente spiritu pulchritudine donorum componitur, non alba, sed dealbata memoratur. Et notandum quod superius cū dixisset, Nō conferetur tinctis India coloribus, eosdem colores nō intulit mundos. Hoc verō in loco vt tincturam veracium virtutum ab illa philosophorum fucatione distingueret, tincturas dicens, addidit mundissimas. Tinctura enim mundissima rectē nominatur hi qui prius per praua opera scēdi fuerāt: superueniente tamen spiritu, nitore gratia vestiuntur, vt longē aliud appareāt esse quam erant. Vnde etiam baptisma, id est, tinctio dicitur ipsa nostra in aquam descensio. Tingimur quippe, & qui prius indecori eramus deformitate vitiorum, accepta fide reddimur pulchri gratia, & ornamento virtutum. Sequitur:

Exerc
in hoc

Handwritten text on a torn piece of paper, possibly a label or note, with illegible markings.

Quod quandiu mortaliter uiuunt, per quasdam imagines, non in propria natura potest uideri Deus, Caput XXVIII.

Vnde ergo sapientia venit, & quis est locus intelligentie? Abscondita est ab oculis omnium uiuentium. Pensandum magnopere est quod a sancto viro requiritur, unde sapientia veniat. Ab eo etenim venit a quo orta est. Sed quia ab inuisibili & coeterno patre nascitur, eius via occulta est. Vnde & per Prophetam dicitur: Generationem illius quis enarrabit? Locus uero intelligentie eius est mens humana, quam hac Dei sapientia dum repleuerit, sanctam facit. Quia ergo & inuisibilis est de quo prodiit, & incertum nobis est in cuius mente intellecta requiescat, recte nunc dicitur: Vnde ergo sapientia venit, & quis est locus intelligentie? Sed hoc valde mirum est. Quod protinus subinfertur: Abscondita est ab oculis omnium uiuentium. Sapientia quippe quae Deus est, si omnium uiuentium oculis occulta esset, hanc proculdubio sanctorum nemo uidisset. Sed ecce huic sententiae Ioannem audio concordantem, qui ait: Deum nemo uidit unquam. Rursumque cum testamenti veteris patres intueor, multos horum, teste ipsa sacrae lectionis historia, Deum uidisse cognosco. Vidit quippe Iacob dominum, qui ait: Vidi Dominum facie ad faciem, & salua facta est anima mea. Vidit Moyses Deum, de quo scriptum est: Loquebatur Dominus ad Moysen facie ad faciem sicut loqui solet homo ad amicum suum. Vidit idem Iob Dominum, qui dicit: Auditui auris audiui te, nunc autem oculus meus uidet te. Vidit Esaias Dominum qui ait: Anno quo mortuus est rex Ozias uidi Dominum sedentem super folium excelsum & eleuatum. Vidit Michaeas Dominum, qui ait: Vidi Dominum sedentem super folium suum, & omnem exercitum caeli assistentem ei a dextris, & a sinistris. Quid est ergo quod tot testamenti veteris patres Deum se uidisse testati sunt, & tamen de hac sapientia quae Deus est, dicitur: Abscondita est ab oculis omnium uiuentium: & Ioannes ait: Deum nemo uidit unquam, nisi hoc quod patenter datur intelligi: quia quandiu hic mortaliter uiuitur, uideri per quasdam imagines Deus potest, sed per ipsam naturae suae speciem non potest: ut anima gratia spiritus afflata, per figuras quasdam Deum videat, sed ad ipsam vim eius essentiae non pertingat. Hinc est enim quod Iacob qui Deum se uidisse testatur, hunc non nisi in angelo uidit. Hinc est quod Moyses qui cum Deo facie ad faciem loquebatur, sicut loqui solet homo cum amico suo: ei inter ipsa uerba suae locutionis dicit: Si inueni gratiam in conspectu tuo, ostende mihi temetipsum manifeste, ut videam te. Certum enim si Deus non erat cum quo loquebatur, ostende mihi Deum diceret, & non ostende temetipsum. Si autem Deus erat cum quo facie ad faciem loquebatur, cur petebat Deum videre quem videbat? Sed ex hac eius petitione colligitur: quia cum sitiebat per incircumscriptae naturae suae claritatem cernere, quem iam ceperat per quasdam imagines videre: ut sic superna essentia mentis eius oculis adesset: quatenus ei ad aeternitatis uisionem nulla imago creata temporaliter interesset. Et uiderunt ergo patres testamenti uideri Dominum, & tamen iuxta Ioannis uocem: Deum nemo uidit unquam & iuxta beati Iob sententiam: sapientia quae Deus est, abscondita est ab oculis omnium uiuentium: quia in hac mortali carne consistentibus, & uideri potuit per quasdam circumscriptas imagines: & uideri non potuit per incircumscriptum lumen aeternitatis. Sin uero a quibusdam potest in hac adhuc corruptibili carne uiuentibus, sed tamen inestimabili uirtute crescentibus, quodam contemplationis acumine aeterna Dei claritas uideri, hoc quoque a beati Iob sententia non abhorret, qui ait: Abscondita est ab oculis omnium uiuentium, quoniam quisquis sapientiam, quae Deus est, uidet: huic uita funditus moritur, ne iam eius amore teneatur. Nullus quippe eam uidit, qui adhuc carnaliter uiuit: quia nemo potest Deum simul amplecti & seculum. Qui enim Deum uidet, eo ipso moritur, quo vel intentione cordis, uel effectu operis ab huius uiae delectationibus tota mente separatur. Vnde adhuc ad eundem quoque Moysen dicitur: Non enim uidebit me homo, & uiuet. Ac si aperte diceret: Nullus unquam Deum spiritualiter uidet, & mundo carnaliter uiuit. Vnde Paulus quoque apostolus qui adhuc Dei inuisibilia, sicut ipse testatur, ex parte cognouerat: iam huic mundo totum

se mortuum esse perhibebat, dicens: Mihi mundus crucifixus est, & ego mundo. Sicut enim iam longè superius diximus, non sufficit, ut diceret mundo crucifixus sum, nisi etiam praemitteret, mihi mundus crucifixus est: ut non solum se mundo mortuum, sed etiam mundum sibi mortuum esse testaretur: quatenus nec ipse mundum, nec ipsum iam mundus appeteret. Si enim duo fortasse in uno loco sint, quorum unus uiuus, alter uero sit mortuus, etsi mortuus uiuentem non uidet, uiuus tamen mortuum uidet. Praedicator autem Dei ut ostenderet, quia per abiectionem qua se humiliando deiecerat, talis iam factus esset, ut nec ipse mundum, nec mundus ipsum concupisceret, non solum ait se mundo crucifixum, ut ipse mundi gloriam quam appeteret, tanquam mortuus non uideret: sed etiam mundum sibi asseruit crucifixum, in quo tanta se humilitate deiecerat, ut ipse & mundus tanquam ad eum mortuus, Paulum humilem atque despectum iam uidere nequaquam posset. Sciendum uero est quod fuere nonnulli qui Deum dicerent etiam in illa regione beatitudinis, in claritate quidem sua conspici, sed in natura minime uideri. Quos nimirum minor inquisitionis subtilitas fefellit. Neque enim illi simplici, & incomutabili essentiae aliud est claritas, & aliud natura: sed ipsa ei natura sua claritas, ipsa claritas natura est. Quia enim suis dilectoribus hac Dei sapientia se quandoque ostenderet, ipse pollicetur dicens: Qui diligit me, diligetur a patre meo: & ego diligam eum, & manifestabo me ipsum illi. Ac si patenter dicat: Qui in uestra me cernitis, restat ut in mea me natura uideatis. Hinc rursus ait: Beati mundo corde, quoniam ipsi Deum uidebunt. Hinc Paulus dicit: Nunc uidemus per speculum in enigmate, tunc autem facie ad faciem. Nunc cognosco ex parte, tunc autem cognoscam sicut & cognitus sum. Sed quia de Deo per primum Ecclesiae praedicatorem dicitur: In quem desiderant angeli proficere: sunt nonnulli qui nequaquam Deum uidere, vel angelos suspicantur: & tamen dictum per ueritatis sententiam scimus: Angeli eorum in caelis semper uident faciem patris mei qui in caelis est. Nunquid ergo aliud ueritas, aliud praedicator insonat ueritatis? Sed si sententia utraque confertur: quia sibi nequaquam discordet, agnoscitur. Deum quippe angeli & uident, & uidere desiderant, & sitiunt intueri, & intuentur. Si enim sic uidere desiderant ut effectu sui desiderij minime perfruantur, desiderium sine fructu anxietatem habet, & anxietas poenam. Beati uero angeli ab omni poena anxietatis longè sunt: quia nunquam simul poena, & beatitudo conueniunt. Rursum cum eos dicimus Dei uisione fatiari: quia & Psalmista ait: Satiabor dum manifestabitur gloria tua: considerandum nobis est quoniam satietatem solet fastidium subsequi. Ut ergo recte sibi utraque conueniant, dicat ueritas: Quia semper uident: dicat praedicator egregius, Quia semper uidere desiderant. Ne enim sit in desiderio anxietas, desiderantes satiantur: ne autem sit in satietate fastidium, satiati desiderant. Et desiderant igitur sine labore, quia desiderium satietas comitatur: & satiantur sine fastidio, quia ipsa satietas ex desiderio semper accenditur. Sic quoque & nos erimus quando ad ipsum fontem uiae uenerimus. Erit nobis delectabiliter impressa sitis simul atque satietas. Sed longè abest ab ista siti necessitas, longè a satietate fastidium: quia & sitientes satiabimur, & satiati sitiemus. Videbimus igitur Deum, ipsumque erit praemium laboris nostri, ut post mortalitatis huius tenebras, accessu eius luce gaudeamus. Sed cum eius lucem dicimus accessam, obstitit animo quod Paulus dicit: Qui lucem habitat inaccessibilem, quem uidit nullus hominum, sed nec uidere potest. Et rursus audio quod Psalmista ait: Accedite ad eum, & illuminamini. Quomodo ergo accedendo illuminamur, si ipsam lucem qua illuminari possumus, non uidemus? Si uero accedendo ad eum ipsam qua illuminamur, lucem uidemus, quomodo inaccessibilis esse perhibetur? Qua in re pensandum est quod inaccessibilem dixit, sed omni homini, sed humana sapienti. Scriptura quippe sacra omnes carnalium sectatores, humanitatis nomine notare solet. Vnde idem Apostolus quibusdam discordantibus dicit: Cum enim sit inter uos zelus & contentio, nonne carnales estis, & secundum hominem ambulatis? Quibus paulo post subiicit: Nonne homines estis? Et unde alias testimonium protulit, quod oculus non uidit, nec auris audiuit, nec in cor hominis ascendit, quae praeparauit Deus

Esai. 53.

37.
Quomodo
sapientia
abscondita
sit ab oculis
omnium uiuentium.1. Ioan. 4.
Gen. 32.
Exod. 33.

Esai. 6.

3. Reg. 12.

Exod. 33.

33.

Ibidem.

Matth. 5.

1. Cor. 13.

39.

1. Petr. 1.

Matth. 18.

Psalm. 16.

1. Tim. 6.

Psalm. 33.

Humanitas

in nomine

in scriptura

notantur

omnes carnales

secundum

res.

1. Cor. 3.

1. Cor. 2.

40. diligentibus se. Et cum hoc hominibus dixisset, abscondi-
tum, mox subdidit: Nobis autem reuelauit Deus per spiritum
suum: ipsum se ab hominis vocatione discernens, qui raptus
supra hominem diuina iam saperet. Ita etiam hoc loco cum
lucem Dei inaccessibilem perhiberet, vt ostenderet quibus,
subdidit: Quem vidit nullus hominum, sed nec videre po-
test. More suo homines vocans omnes humana sapientes:
quia qui diuina sapiunt, videlicet supra homines sunt. Vide-
bimus igitur Deum, si per celestem conuersationem supra
homines esse mereamur. Nec tamen ita videbimus sicut vi-
det ipse seipsum. Longè quippe dispariliter videt creator se,
quàm videt creatura creatorem. Nam quantum ad immensi-
tatem Dei, quidem nobis modus figitur contemplationis:
quia eo ipso pondere circumscribimur, quo creatura sumus.

Sed profectò non ita conspiciamus Deum, sicut ipse con-
spicit se, sicut non ita requiescimus in Deo, quemadmodum
ipse requiescit in se. Nam visio nostra, vel requies erit utrun-
que similis visioni, vel requiei illius: sed æqualis non erit. Ne
enim iaceamus in nobis, vt ita dicam contemplationis pen-
na nos subleuat, atque à nobis ad illum erigimur intuendum,
raptique intentione cordis, & dulcedine contemplationis,
aliquo modo à nobis imus in ipsum: & iam hoc ipsum ire no-
strum minus est requiescere, & tamen sic ire perfectè requi-
escere est. Et perfectà ergo requies est, qua Deus cernitur,
& tamen adæquanda non est requiei illius: quia non à se in
alium transit, vt quiescat. Est itaque requies, vt ita dicam,
similis atque dissimilis: quia quod illius requies est, hoc no-
stra imitatur. Nam vt beati atque æterni simus in æternum,
imitamur æternum. Et magna nobis est æternitas imitatio æ-
ternitatis. Nec exortes sumus eius quem imitari possumus:
quia & videntes participamus, & participantes imitamus.
Quæ nimirum visio nunc fide inchoatur, sed tunc in specie
perficitur, quando coæternam Deo sapientiam quam modò
per ora prædicantium quasi per decurrentia flumina sumi-
mus, in ipso suo fonte biberimus.

Libri decimioctauum Moraliū sancti
Gregorij finis.

B. GREGORII

EXPOSITIONIS MORALIS

LIBER DECIMVS NONVS,

continuans caput vicesimum oc- tauum textus beati Iob,

Caput I.



Vid mirum si æterna Dei sapientia con-
spici non valet, quando ipsa quoque inui-
sibilia quæ per eam condita sunt, huma-
nis oculis comprehendere non possunt? In
rebus ergo creatis discimus creatorem o-
mnium quanta humilitate veneremur: vt
in hac vita vsurpare sibi de omnipoten-
tis Dei specie mens humana nil audeat, quod solum electis
suis præmium in subsequenti remuneratione seruat. Vnde
benè postquam dictum est: Abscondita est ab oculis om-
nium viuientium, ilicò subinfertur: Volucres quoque cæli latet.)
In scriptura enim sacra volucres aliquando in malo, aliquan-
do in bono dantur intelligi. Per volucres quippe nonnun-
quam potestates aëris designantur, bonorum studiis aduersæ.
Vnde veritatis voce dicitur: Quoniam semen quod secus viā
cecidit, venerunt volucres, & comederunt illud: quia nimirū
maligni spiritus humanas mētes obsidentes, dum cogitatio-
nes noxias ingerunt, verbum vitæ à memoria euellunt. Hinc
rursum cuidā diuiti superba sapienti dicitur: Vulpes foueas
habent, & volucres cæli nidōs: filius autem hominis nō ha-
bet vbi caput suum reclinet. Vulpes valde fraudulenta sunt
animalia, quæ in fossis, vel specubus se abscondūt: cumque ap-
paruerint, nunquam rectis itineribus, sed tortuosis anfracti-
bus currunt. Volucres verò, vt nouimus, alto volatu se in aë-
ra subleuant. Nomine ergo vulpium, dolosa atque fraudulen-
ta: nomine autem volucrum, hæc eadem superba dæmonia de-
signantur. Ac si dicat: Fraudulenta & elata dæmonia in corde
vestro, id est, in cogitatione superbiæ inueniunt habitationem
suam: filius autem hominis vbi caput suum reclinet non ha-
bet, id est, humilitas mea requiem in superba mente vestra nō
inuenit. Quasi enim quodam volatu volucris illa prima se ex-
tulit, quæ per elatam cogitationem dixit: In cælum conscen-
dam, super astra cæli exaltabo solium meum, sedebō in mon-
te testamenti, in lateribus Aquilonis, ascendam super altitudi-
nem nubium, & ero similis altissimo. Ecce quàm alta superbè
volando petiit. Quem etiam volatum, & primis hominibus
persuasit. Ipsi quippe volando quasi super se ire conati sunt,
quando eis dictum est, vt gustarent, & essent sicut dii. Cum-
que similitudinem diuinitatis appetunt, immortalitatis mune-
ra perdidērunt. Qui in terram moriendo non issent, si super
terram humiliter stare voluissent. At contra in bono volu-
cres poni solent, sicut in Euangelio Dominus cum similitudi-
nem regni cælestis ex grano sinapis denuntiaret, dixit: Cui si-
mile est regnum Dei, & cui simile æstimabo illud? Simile est
grano sinapis quod acceptum homo misit in hortum suum, &
creuit, & factum est in arborem magnam & volucres cæli re-
quieuerunt in ramis eius. Ipse quippe est granum sinapis, qui
in horti sepultura plātatus, arbor magna surrexit. Granum nā-
que fuit, cum moreretur, arbor cum resurgeret: Granum per
humilitatem carnis: arbor per potentiam maiestatis. Granum,
quia vidimus eum, & nō erat aspectus: arbor autem, quia spe-
ciosus forma præ filiis hominum. Huius arboris rami san-
cti prædicatores sunt. Et videamus quàm latè tendantur.
Quid enim de eis dicitur: In omnem terram exiuit sonus eo-
rum, & in fines orbis terræ verba eorum. In istis ramis volu-
cres requiescunt: quia sanctæ animæ quæ quibusdam virtu-
tum pennis à terrena cogitatione se subleuant, in eorum di-
ctis atque consolationibus ab huius vitæ fatigatione respirāt.
Hoc igitur in loco postquam de sapientia dictum est: Absco-
dita est ab oculis omnium viuientium, rectè subiungitur: Vo-
lucres quoque cæli latet: quia in hac corruptibili carne con-
stituti, naturæ eius potentiam ipsi quoque videndo non pe-
netrant, qui iam per meritum sanctæ contemplationis volant.
Vbi aptè subiungitur:

Quod maligni spiritus famam tantum de Deo per scripturas
sanctas, & miracula audiunt, sed de eius sa-
pientia nihil intelligunt.

Caput II.

Perditio & mors dixerunt, Auribus nostris audiuiamus famam ei-
us.) Qui perditionis & mortis nomine, nisi maligni spi-
ritus designantur? Qui inuentores mortis, & perditionis exti-
terunt, sicut de ipso eorum principe sub ministri eius specie
per Ioannem dicitur: Et nomen illi mors. Cui subiecti om-
nes superbi spiritus, de hac sapientia, quæ Deus est, dicunt:
Auribus nostris audiuiamus famam eius: quia nimirum visio-
nem illius plena beatitudine habere nequiverunt. Videre per-
fecte coæternam Deo sapientiam, hoc est quod habere. Vnde
ad Ioannem de munere vincentis dicitur: Dabo illi calculum
candidum, in calculo nomen nouum scriptum, quod nemo
scit, nisi qui accipit. In hac enim vita scire aliquid, vel videre
possumus, etiam quod non accipimus, habere. Nomen verò
nouum in calculo scriptum, id est, in æterno præmio notitiam
Dei humanis mentibus inusitatam scire nemo potest, nisi qui
hanc etiam acceperit habere. Quia itaque, vt diximus videre
Deum, hoc est quod habere: ideo iniqui spiritus hanc sapien-
tiam non vident: quia repulsi per superbiam nequaquam eam
habere potuerunt. Ad lucem quippe eius clausurunt oculos
cordis, superfluis eius radiis repugnantes, sicut intelligi etiam
de eisdem malignis spiritibus potest, quod scriptum est: Ipsi
rebelles fuerunt lumini. Famam ergo sapientiæ malignis spi-
ritibus audisse, sed eandem sapientiam non vidisse, est & eius
potentiam ex virtute illius cognouisse, & tamen sub ea humi-
liter stare noluisse. Vnde & veritatis voce de ipso malignorū
spirituum capite dicitur: Ille homicida erat ab initio, & in ve-
ritate non stetit. Sequitur:

p iij

Tomus primus.

Quod solius Dei est scire seipsum, & quos prædestinauerit, & ad quos veniat & in quibus quiescat. Caput III.

Deus intelligit viam eius, & ipse nouit locum illius. Hæc coæterna Deo sapientia aliter viam habet, atque aliter locum. Locum verò si quis intelligit non localem. Nam teneri corporaliter non potest Deus: sed, ut dictum est, locus intelligitur non localis. Locus sapientiæ pater est, locus patris sapientia, sicut ipsa sapientia attestante dicitur: Ego in patre, & pater in me. Aliter ergo ipsa sapientia habet viam, atque aliter locum. Viam per humanitatis transitum, locum verò per statum diuinitatis. Inde enim non transit, vnde æterna est: sed inde trāsīt, vnde propter nos apparuit temporalis. Sic nanque in Euangelio scriptum est: Quia egrediens ab Hierico Dominus transibat. Duo autem cæci sedentes iuxta viā, clamauerunt dicētes: Domine miserere nostri fili Dauid. Ad quorum vocem, sicut illic scriptum est, stetit Iesus, & lumen reddidit. Quid est autem transeundo audire, stando lumē restituere, nisi quod per humanitatem suam nobis misertus est, qui per diuinitatis suæ potentiam, à nobis mentis nostræ tenebras excludit? Qui enim propter nos natus & passus est, qui resurrexit, ascendit in cælum, quasi transit Iesus: quia hæc nimirum actio temporalis est. Sed stans eos tetigit, & illuminauit: quia non sicut illa dispensatio temporalis, ita verbi æternitas trāsīt, quæ in se manens innouat omnia. Stare enim Dei, est incommutabili cogitatione mutabilia cuncta disponere. Qui ergo clamorem petentiū transiens audiuit, stans lumē reddidit: quia etsi propter nos temporalia pertulit, inde tamē nobis lucem tribuit, vnde habere mutabilitatis transitum nescit. Quia igitur quādo per carnem appareret hominibus incertū fuit, rectē nunc dicitur: Deus intelligit viam eius, & ipse nouit locum illius. Ac si apertē diceretur: Humanæ cogitationi occulta sunt, vel quando per carnē ad homines sapientia veniat, vel quomodo apud patrem inuisibilis, etiam cū foris apparuerit, persistat. Quāuis hoc intelligi & aliter potest. Nam via eius non inconuenienter accipitur hoc ipsum quod venit ad cor, seseque nobis intrinsecus infundit. Locus verò eius fit cor, ad quod veniens permanet. De hac quippe via illius dicitur: Vox clamantis in deserto, parate viam Domino: id est, in corde vestro venienti sapientiæ aditum referate, sicut aliās dicitur: Iter facite ei, qui ascendit super occasum. Super occasum fuit ascendere, ipsam mortem quam pertulerat, resurgendo superasse. Ait ergo: Ei qui ascendit super occasum, iter facite: id est, resurgenti Domino in vestris cordibus per fidem viam præbete. Hinc Ioanni per spiritum dicitur: Præbīs ante faciem Domini parare vias eius. Quisquis etenim prædicando à fordibus vitiorum corda audientiū mudat, venienti sapientiæ viam præparat. Habet ergo viam ista sapientia, habet & locum. Viam qua venit, locum quo manet, sicut ipsa ait: Si quis diligit me, sermonem meū seruabit: & pater meus diliget eum, & ad eum veniemus, & mansionē apud eum faciemus. Via est igitur qua venit, loc⁹ quo manet. Sed quando venit quæ ubique est? An venire est sapientiæ, per illuminationem mentis nostræ, indicare præsentiam maiestatis suæ? Et quia hominibus incertū est, vel in cuius corde veniat, vel in quo postquam venerit, permanēdo requiescat, rectē nūc dicit: Deus intelligit viā eius, & ipse nouit locum illius: quia solius diuinæ visionis est cernere, vel quibus modis intellectus sapientiæ ad cor hominis veniat, vel cuius mens intellectum vitæ quem perceperit, mortiferis cogitationibus non amittat. Et quia hæc eadem sapientia per humanitatis gratiā manifestata, in cunctis mundi patribus, electorum fuerat corda repletura, rectē subditur: Ipse enim fines mundi intuetur, & omnia quæ sub cælo sunt, respicit. Respicere quippe Dei, est ea quæ amissa ac perdita fuerant, ad suam gratiam reformare. Vnde scriptum est: Rex qui sedet in folio iudicii, dissipat omne malum intuitu suo. Respicendo nanque leuitatis nostræ mala coercuit, & magna merita maturitatis dedit. Vnde adhuc subditur:

Quod animas vagas & mobiles, diuina gratia virtute constantia & stabilitate iustitia stabilii, & aliquando ne extollantur, reprimi tentationibus, quos sublimat virtutibus.

Caput IIII.

Quæ fecit ventis pondus. Velocitate enim ac subtilitate ventorum in scriptura sacra solent animæ designari, sicut per Psalmistā de Deo dicitur: Qui ambulat super pennas ventorum, id est, qui trāscreditur virtutes animarū. Fecit ergo ventis pōdus: quia dum superna sapiētia replet animas, eas maturitate indita graues reddit: nō illa grauitate qua dicitur: Filij hominum vsquequo graui corde? Aliud nāque est grāne esse per consiliū, aliud per peccatum: aliud est grauem esse per constantiā, aliud per culpam. Ista enim grauitas pondus habet oneris, illa virtutis. Pōdus ergo accipiunt animæ vt ab intentione Dei non iam leui motu dissiliant, sed in eum fixa cōstantiæ grauitate cōsistant. Adhuc ille populus leuiter mouebatur, de quo per Prophetā dicitur: Abiit vagus in viā cordis sui: viam eius vidi, & dimisi eum. Graue autem consiliū cordis omnem inconstantīā vagationis expellit. Et quoniam sunt animæ quæ leui motu nunc ista, nunc illa desiderant, omnipotens Deus quia ipsas leues fluctuationes mentiū non leuiter pensat, vagationem cordis relinquendo diiudicat. Sed cū per gratiā respicit vagam mentem, in consilij stabilitatē figit. Rectē ergo nunc dicitur: Qui fecit ventis pondus: quia cū leues motus animi misericorditer dignatur aspicere, hunc protinus ad cōstantiæ maturitatē format. Vel certē vētis pondus facere, est cōcessam hīc electis de virtutibus gloriā permixta infirmitate temperare. Vnde & subditur: Et aquas appendit mensura. Aquæ in scriptura sacra aliquando spiritum sanctū, aliquādo scientiam sacram, aliquādo scientiam prauam, aliquando tribulationem, aliquādo defluentes populos, aliquando mentes bonorum fidei prædicamenta sequentium, designare solent. Per aquā quippe sancti spiritus infusio designatur, sicut in Euāgelio dicitur: Qui credit in me, sicut dicit scriptura, flumina de ventre eius fluent aque viuæ. Vbi Euāgelista secutus adiunxit: Hoc autem dixit de spiritu quē accepturi erant credentes in eum. Rursum per aquam sacram scientia designatur, sicut dicitur: Aqua sapientiæ salutaris potabit eos. Per aquam quoque praua scientia appellari solet, sicut apud Salomonem mulier quē typū hæreseos tenet, callidis suasionibus blanditur, dicens: Aquæ furtiue dulciores sunt. Aquarum etiam nomine nonnunquam solēt tribulationes intelligi, sicut per Psalmistā dicitur: Saluum me fac Deus, quoniam intrauerunt aquæ vsque ad animam meam. Per aquam populi designantur, sicut per Ioannem dicitur: Aquæ verò sunt populi. Per aquam quoque non solum fluxus decurrentium populorum, sed etiam bonorum mentes fidei prædicamenta sequentium, designantur: sicut Propheta ait: Beati qui seminatis super omnes aquas. Et per Psalmistā dicitur: Vox Domini super aquas. Hoc ergo in loco, quid aquarum nomine, nisi electorum corda signantur, quæ per intellectum sapientiæ, auditum iam supernæ vocis acceperunt? De quibus rectē dicitur:

Cur ipsi sancti qui ad summa rapiuntur, tentationibus reprimuntur. Caput V.

Et aquas appendit mensura. Quia sancti ipsi qui sancto subleuante spiritu ad summa rapiuntur, quandiu in hac vita sunt, ne aliqua elatione superbiant, quibusdam tentationibus reprimuntur: vt nequaquā tantum proficere valeant, quantum volunt: sed ne extollantur superbia, fit in eis ipsarum quædā mensura virtutū. Hinc est enim quod Helias dū tot virtutibus in alta profecisset, quadā mēsurā suspensus est, dū Isebel postmodū quauis reginā, tamen mulierculā fugit. Perpēdo quippe hunc miræ virtutis virum, ignem de cælo trahere, & secundo quinquagenarios cū suis omnibus petitione subdita concremare, verbo cælos à pluuiis claudere, verbo cælos ad pluuias aperire, suscitantem mortuos, ventura quoque preuidentem: & ecce rursus animo occurit, quo pauore ante vnam mulierculā fugerit. Considero virū timore percussū, de manu Dei mortem petere, nec accipere: de manu mulieris mortem fugiendo vitare. Quærebat enim mortem dū fugeretur, dicens: Sufficit mihi, tolle animā meam: neque enim melior sum quā patres mei. Vnde ergo sic potens, vt tot illas virtutes faciat? Vnde sic infirm⁹, vt ita scēminam pertimescat: nisi quia aquæ appēdunt mēsurā: vt ipsi sancti Dei homines, & multū valeant per potentiā Dei, & rursum quadam mensura moderari

Exemplum
de Paulo.

6.
Custos vir-
tutis infirmi-
tas.

Roma. 7.

Dente. 32.

moderati fiat per infirmitatem suam? In illis virtutibus He-
lias, quid de Deo acceperat, in istis infirmitatibus quid de se
esse poterat, agnoscebat. Illa potentia virtus fuit, ista infirmi-
tas custos virtutis. In illis virtutibus ostendebat, quid acce-
perat: in istis infirmitatibus hoc quod acceperat, custodie-
bat. In miraculis monstrabatur Helias, in infirmitatibus serua-
batur. Sic Paulum video fluminum & latronum, ciuitatis &
solitudinis, maris ac terræ pericula sustinentem, frenantem
ieiuniis ac vigiliis corpus, sustinentem frigoris, & nuditatis æ-
rūnam, ad Ecclesiarum custodiā, vigilanter se ac pastoraliter
exerentem, ad tertium cælum raptum, rursūque eum in pa-
radisum raptum, & audisse arcana verba quæ non licet homi-
ni loqui: & tamen satanæ angelo ad tentandum conceditur,
orat ut eximi debeat, & non exauditur. Cuius cum ipsa initia
conuersionis aspicio, perpendo quod ei superna pietas cœ-
los aperit, seseque illi Iesus de sublimibus ostendit. Qui lumē
corporis ad tempus perdidit, lumen cordis in perpetuum ac-
cepit. Ad Ananiam mittitur, vas electionis vocatur: & tamen
de ciuitate eadem quam post visionem Iesu ingressus fuerat,
fugiens recedit, sicut ipse testatur, dicens: Damasci præposi-
tus gentis Arethæ regis custodiebat ciuitatem Damasceno-
rum, ut me comprehenderet: & per fenestram in sporta di-
missus sum per murum, & sic effugi manus eius. Cui licenter
dicam: O Paule in cœlo iam Iesum conspicias, & in terra ad-
huc hominem fugis? In paradisum duceris, secreta Dei verba
agnoscis, & adhuc à satanæ angelo tentaris? Vnde sic fortis
ut ad cœlestia rapiaris? Vnde sic infirmus, ut in terra hominē
fugas, & adhuc à satanæ angelo aduersa toleres: nisi quia ipse,
qui te subleuat, rursus subtilissima te mensura moderatur:
ut & in miraculis tuis nobis prædices virtutem Dei, & rur-
sum in timore tuo reminisci nos facias infirmitatis nostræ?
Quæ tamen infirmitas ne in desperationem nos pertrahat
cum pulsat, dum de infirmitate tua Dominum rogaes, quia
auditus non es, nobis quoque locutus es, quid audisti: Suf-
ficat tibi gratia mea: nam virtus in infirmitate perficitur. A-
perta ergo voce Dei ostenditur: quia custos est virtutis, in-
firmitas. Tunc quippe benè interius custodimur, cum per
dispensationem Dei tolerabiliter tentamur exterius, aliquā-
do vitiis, aliquando pressuris. Nam eis quoque quos viros
nouimus fuisse virtutum, tentationes atque certamina non
desuere vitiorum. Hinc est enim quod ad cōsolationem no-
stram idem prædicator egregius de se quædam talia prodere
dignatur, dicens: Video aliam legem in membris meis, repu-
gnantem legi mentis meæ, & captiuum me ducentem in le-
ge peccati, quæ est in membris meis. Ad ima quippe pertra-
hit caro, ne extollat spiritus: & ad alta sustollit spiritus, ne pro-
sternat caro. Spiritus leuat, ne iaceam in infimis: caro aggra-
uat, ne extollamur ex summis. Si non subleuante spiritu nos
caro tentaret, perfectione proculdubio tēstationis suæ in ima
deiceret. Rursus verò si non tentante carne ad summa nos
spiritus subleuaret, in superbiæ casu ipsa nos peius subleuatio-
ne prosterneret. Sed sit certo moderamine, ut dū vnusquis-
que sanctorum iam quidem interius ad summa rapitur, sed
adhuc tentatur exterius, ne desperationis lapsum, nec elatio-
nis incurrat: quoniam nec tentatio exterior culpam perficit,
quia interior intentio sursum trahit: nec rursus intentio in-
terior in superbiam eleuat, quia tentatio exterior humiliat dū
grauat. Sicque magno ordine cognoscimus in interiori pro-
fectu quid accipimus, in exteriori defectu quid sumus. Et
miro modo agitur, ut nec de virtute quisquam extolli de-
beat, nec de tentatione desperare: quia dum spiritus trahit,
& caro retrahit, subtilissimo iudicii interni moderamine, in-
fra summa, & supra infima in quodam medio anima libratur.
Bene ergo dicitur: *Et aquas appendit mensura.* Sequitur: *Quan-*
do ponebat pluuiis legem, & viam procellis sonantibus: tunc vidit il-
lam & enarrauit, & preparauit, & inuestigauit. Solent per plu-
uias prædicantium dicta signari. Vnde der Moysen dicitur:
Expectetur sicut pluuia eloquium meum. Quorum videlicet
terribilia de venturo iudicio intonant, sonantes procellæ. Et
notandum quod pluuiis lex ponitur: ut via procellis sonan-
tibus aperiat. Lex quippe est ipsis prædicatorib⁹ posita, ut
viuendo impleant quod loquēdo suadere festināt. Nam lo-

Tomus primus.

A quendi autoritas perditur, quando vox opere nō adiuuatur.
Hinc enim per Psalmistā dicitur: Peccatori autē dixit Deus:
Quare tu enarras iustitias meas, & assumis testamentum meū
per os tuum? Tu verò odisti disciplinam, & proiecasti sermo-
nes meos post te. Sermones etenim Dei post se prædicator
proicit, cum hoc, quod dicit, facere contēnit. Quādo autē di-
ctis eius alter obediat, dum ipse respuit opere, quod prædicat
voce, & dissimulat audire quod narrat? De ista prædicationis
lege scriptum est. Qui soluerit vnum de mandatis istis mini-
mis, & docuerit sic homines, minimus vocabitur in regno
cœlorum. Qui autem fecerit, & docuerit sic, magnus vocabi-
tur in regno cœlorum. Regnum cœlorum, videlicet Ecclesiā
præsentem appellat, de qua scriptum est: Et colligent de re-
gno eius omnia scandala. In superno etenim regno, scandala
quæ ex eo colligi debeant, non habentur. Qui ergo soluit o-
pere, & sic docet voce, in isto regno cœlorum erit minimus,
in illo nec minimus. Viam autem procellis sonantibus posuit,
cum prædicatoribus suis, ad corda hominum terrore venturi
iudicii percussā, aditū fecit. Prius itaque lex ponitur, ut post-
modum via pandatur: quia illa vox cor audientis penetrat,
quæ hoc quod sonuerit, opere conseruat. Tunc autem cum
legem pluuiis, & viam procellis sonantibus poneret, hanc sa-
pientiam Deus vidit, enarrauit, preparauit & inuestigauit. V-
sitata sacri eloquij locutione videre Dei dicitur, videre nos
facere, sicut iusto viro Dominus dicit: Nunc cognoui quod
timeas Deum. Et Israëlitarū præmonetur: Tentat vos Domi-
nus, Deus vester, ut sciat si diligitis eum: id est, ut scire vos fa-
ciat. Tunc ergo cum legem pluuiis poneret, hoc est mandatū
custodiæ prædicatoribus daret, hanc incarnatam sapientiam
videri, & enarrari à prædicatoribus, preparari & inuestigari
ab auditoribus fecit. Sibi quippe illam preparat, quisquis il-
lam bene viuendo in diem iudicii propitiam parat. Et no-
tandum quod de ea quatuor dicta sunt. Ait enim: Vidit, enar-
rauit, preparauit, inuestigauit. Vidit nanque, quia species est:
enarrauit, quia verbum: preparauit, quia remedium: inuestiga-
uit, quia occultum. Sed hoc quod æterna Dei sapientia spe-
cies patris, & verbum dicitur, quando ab humana mente pe-
netratur? Quis nāque intelligat, vel verbum sine tempore, vel
speciem sine circumscriptione? Dicendum ergo erat aliquid,
quod de illa homo cognosceret in se. Vnde aptè subditur:

*Quod in eo sapientiam Domini se habere potest homo cognoscere, si timeat
Deum, & quem in sua natura non intelligit, in se quodammodo co-
gnoscat.*
Caput VI.

ET dixit homini: Ecce timor Domini ipsa est sapientia, & recedere à
malo in intelligentia. Ac si aptè diceretur: Ad temetipsum
homo reuertere, cordis tui secreta perscrutare. Si Deum te ti-
mere deprehendis, profectò constat quia hac sapientia ple-
nus es. Quam si adhuc cognoscere non potes quid sit in se,
iam cognoscis interim quid sit in te. Quæ enim apud se ab an-
gelis metuitur, apud te timor Domini vocatur: quia hanc ha-
bere te certum est, si timere te Deum incertum non est: Hinc
etiam per Psalmistam dicitur: Initium sapientiæ timor Domi-
ni: quia tunc penetrare inchoat, cum hoc extremi iudicii pa-
uore perturbat. Ad paruitatem igitur nostram diuinus sermo
se attrahit: sicut cum pater cum paruulo filio loquitur, ut ab
eo possit intelligi, sponte balbutit. Quia enim naturam sapi-
entiæ penetrare non possumus quid sit in se, ex condescensione
Dei audiuius quid sit in nobis, cum dicitur: Ecce timor
Domini, ipsa est sapientia. Sed quia ille veraciter vim diuini
timoris intelligit, qui se à cunctis prauis operibus custodit, re-
cedere à malo in intelligentia. Ea igitur quæ se-
quuntur, quia prophetiæ spiritu plena sunt, ipsa sacræ historiæ
verba testantur, cum dicitur:

• Caput vigesimum nonum textus beati Iob.



Adidit quoque Iob assumens parabolam
suam, & dixit: Quis mihi tribuat, ut sim
iuxta menses pristinos, secundum dies qui-
bus Deus custodiebat me? Quādo spēdebat
lucerna eius super caput meum, & ad lumen eius am-

p iij

bulabam in tenebris. Sicut fui in diebus adoleſcētiæ meæ, quādo ſecretò Deus erat in tabernaculo meo. Quando erat omnipotens mecum, & in circuitu meo pueri mei. Quando lauabam pedes meos butyro, & petra fundebat mihi riuos olei. Quando procedebam ad portam ciuitatis, & in platea parabant cathedram mihi, Videbant me iuuenes, & abscondebantur, & ſenes aſſurgentes ſtabant. Principes ceſſabant loqui, & digitum ſuperponebant ori ſuo. Vocem ſuam cohibebant duces, & lingua eorum gutturi ſuo adhærebat. Auris audiens beatificabat me, & oculus videns teſtimoniū reddebat mihi, eo quòd liberaſſem pauperem vociferantem, & pupillum cui non eſſet adiutor. Benedictio perituri ſuper me veniebat, & cor viduæ conſolatus ſum. Iuſtitia indutus ſum, & veſtiuī me ſicut veſtimento, & diademate iudicio meo. Oculus fui cæco, & pes claudō. Pater eram pauperum, & cauſam quam nesciebam, diligentiffimè inueſtigabam. Cōtereſſam molas iniqui, & de dentibus illius auſerebam prædam. Dicebāque: In nidulo meo moriar, & ſicut palma multiplicabo dies. Radix mea aperta eſt ſecus aquas, & ros morabitur in meſſione mea. Gloria mea ſemper innouabitur, & arcus meus in manu mea inſtaurabitur. Qui me audiebant, expectabant ſententiam, & intenti tacebant ad conſilium meum. Verbis meis addere nihil audebāt, & ſuper illos ſtillabat eloquiū meum. Expectabant me ſicut pluuiam, & os ſuum aperiebant quaſi ad imbrem ſerotinum. Si quando ridebam ad eos, non credebant: & lux vultus mei non cadebat in terram. Si voluiſſem ire ad eos, ſedebam primus. Cūque ſederem quaſi rex circumſtante exercitu, eram tamen mœrentium conſolator.

Capitulum VII.

Ad didit quoque Iob aſſumens parabolam ſuam. Quia enim parabola ſimilitudo nominatur, apertè conſtat quòd per exteriorum verborum formam, myſteria loquitur, qui ad loquendum, parabolam aſſumpſiſſe memoratur. Cū enim ſua narrat, quæcunque ſunt ſancta Eccleſiæ ventura denuntiat: & per hoc quod ipſe patitur, indicat quid illa patiat. Nonnunquam verò ſic ſuæ hiſtoriæ verba permixcet, vt nil allegoricum inſonet: nonnunquam verò ſic ſuos dolores loquitur, ac ſi ex voce dolentis Eccleſiæ loquatur. In hac verò vltima ſui parte ſermonis, vltimum tempus designat Eccleſiæ: quando aduerſarios ſuos, id eſt, carnales quoſque, vel hæreticos atq; gentiles, quos nunc ſtudet ſapientiæ authoritate comprimere, effrenata iactantia elatos cogitur irriſa tolerare. Vnde in hoc quoque ſermone dicitur: Nunc autem derident me iuniores tempore, quorum non dignabar patres ponere cum canibus gregis mei. Et ipſa ordinis ratio expoſcit, vt per verba beati Iob vltima, extremi ſancta Eccleſiæ designentur dies, quando perſecutione creſcente, apertas hæreticorū voces tolerare compellitur, cū motus cordis ſui quos nunc in tra cogitationum ſignis contegunt, tunc in voce manifeſtati erroris aperiunt. Nunc enim, ſicut per Ioannem dicitur, draco in abyſſo clauſus tenetur: quia diabolica malitia in eorum ſubdolis cordibus occultatur. Sed ſicut illic ſcriptum eſt, educetur draco de puteo abyſſi: quia quod modò præ timore tegitur, tunc contra Eccleſiam publicè de iniquorum cordibus omne ſerpentiū virus aperitur. Nunc enim abscondit ſe ſub blandiēte lingua ſeuiēs cōſcientiæ, & malitia calliditatis, quaſi quadā ſe tegit abyſſo ſimulationis: nunc Dominus, ſicut Pſalmiſtæ voce dicitur, cōgregat ſicut in vtre aquas maris. Vter quippe, carnalis eſt cogitatio. Aquæ ergo maris in vtre congregatæ ſunt, cū amaritudo peruerſæ mentis non erumpit exterius in vocem prauæ libertatis. Veniet proſectò

tempus quando contra hanc peruerſi atque carnales aperta voce prædicet, quod nunc occulta cogitatione moliūtur. Veniet tēpus, quādo catholicam Eccleſiam, non ſolum iniuſtis vocibus, ſed etiam crudelibus plagis premant. Ab aduerſariis nanque ſuis duobus modis Eccleſia perſecutionē patitur, ſcilicet aut verbis, aut gladiis. Sed cū verbis perſecutionē ſuſtinet, exercetur eius ſapientia: cū verò gladiis, exercetur eius patientia. Sed verborū perſecutiones ab hæreticis nunc etiam quotidie toleramus, cū ipſi hæretici linguis nobis ſubdolis, & falſa humilitate bladiuntur. Perſecutiones verò gladiorum iuxta finem mundi ſecutura ſunt: vt grana cœleſtibus horreis recondenda, tantò verius à peccatorum paleis exuantur, quāto acrius affliguntur. Tunc electi omnes qui in illa fuerint tribulatione comprehenſi, remiſcuntur horū temporum, in quibus nunc Eccleſia fidei pacem tenet, & ſuperba hæreticorum colla comprimit, non potentatu culminis, ſed iugo rationis. Remiſcunt noſtri, qui quieti fidei tēpora ducimus: qui etſi in bellis coarctamur gentium, non tamen in dictis expugnamur patrum. Beatus ergo Iob ſancta Eccleſiæ typum tenens, quæ tunc in illis anguſtiis inuenitur: & tamen noſtræ, vt dixi, quietis remiſcitur, ſua tranſacta narrat, & aliis ventura denuntiat, dicens:

Tantas tribulationes Eccleſiæ in fine mundi venturas, per ſpiritum prophetiæ ſanctus Iob prævidit, vt comparatione earum huius temporis preſſuræ deſiderari non immerito videantur. Capitulum VIII.

Quis mihi tribuat, vt ſim iuxta meſes priſtinos? Multa enim talia ſancta Eccleſia doloribus preſſa dictura eſt. Tantis quippe illam futurum eſt tribulationibus anguſtari, vt hæc tempora cum magno ſuſpirio deſideret, quæ nos cum magno dolore toleramus. Dicat ergo, dicat per vocem beati Iob: Quis mihi tribuat vt ſim iuxta meſes priſtinos? Quia enim ſtatutus dierum numerus, meſes vocantur: quid aliud nomine ſignat meſium, niſi collectiones animarum? Dies quippe dum colliguntur in meſibus, ſubtrahuntur: quia & in hoc tempore ſancta Eccleſia dum veritatis luce ſplendentes animas colligit, in intimis abscondit. Aliquando etiam meſis pro perfectione ponitur, ſicut Propheta ait: Erit meſis ex meſe, perfectio videlicet eis in requie, quibus nunc perfectio fuerit in operatione. Remiſcatur ergo perfectionis priſtinæ, reducat ad memoriam quanta prædicatione ſua collectis animabus reportabat lucra, & anguſtata tribulationibus dicat: Quis mihi tribuat vt ſim iuxta meſes priſtinos? In quibus proſectò meſibus qualis fuerit, enumerando ſubiungit, dicens: Secundum dies quibus Deus cuſtodiebat me, quando ſplendebat lucerna eius ſuper caput meum, & ad lumen eius ambulabam in tenebris. Tunc quippe videt ex ſe, perſecutione cogente, infirmorum multos cadere, quos nunc vt mater intra pacis ſinum paruulos fouet, & intra tranquillas fidei cunas continet, quia admixti fortibus, ipſa fidei tranquillitate nutriuntur. Tunc verò tales multi caſuri ſunt, & per viſcera charitatis, quicquid in dāno paruulorū ſuſtinet, ſe perpeti animus perfectorū dolet. Infirmorum etenim damna, ad corda fortium per cōpaſſionē tranſeunt. Vnde per Paulū dicitur: Quis infirmatur, & ego nō infirmor? Quis ſcandalizatur, & ego non vror? Tātò enim quiſque perfectus eſt, quāto perfecte ſentit dolores alienos. Vnde ſancta Eccleſia infirmis tunc cadentibus anguſtata, cū horū remiſcitur temporū, iure dictura eſt: Secundum dies quibus Deus cuſtodiebat me: quia ſe tunc in illis æſtimat cadere, quæ ſe nunc in iſtis reſpicit cuſtodiri. Bene autem dicitur: Quando ſplendebat lucerna eius ſuper caput meum, & ad lumen eius ambulabam in tenebris. Lucernæ enim nomine, lumē ſignatur ſacræ ſcripturæ, de qua ipſe Eccleſiæ paſtor dicit: Habemus firmiorē propheticum ſermonem, cui bene facitis attendētes, quaſi lucernæ lucenti in caliginoso loco, donec dies illuceſcat, & lucifer oriatur in cordibus veſtris. Et Pſalmiſta ait: Lucerna pedibus meis verbum tuum Domine. Quia autem principale noſtrū meſis eſt, appellatione capitis meſis vocatur. Vnde per Pſalmiſtam dicitur: Impinguasti in oleo caput meū. Ac ſi apertè dicat: Charitatis pinguedine repleſti mentem meam. Nunc ergo lucerna ſuper caput Eccleſiæ ſplendet: quia ſacræ eloquia

Apoc. 20.

Pſalm. 32.

Eſa. 66.
9.

2. Cor. 11.

2. Petr. 1.

Pſalm. 118.

Pſalm. 22.

quia tenebras nostræ mentis irradiant, vt in hoc caliginoso vitæ præsents loco, dum verborum Dei lucem percipimus, quæ sunt agēda, videamus. Nunc ad lumen in tenebris ambulat: quoniam sancta vniuersalis ecclesia et si alienæ occulta cogitationis non penetrat, quia quasi faciem non cognoscit in nocte, tamen ponit gressus boni operis directa lumine supernæ locutionis. Sequitur:

Reminiscitur Ecclesia fecunditatis suæ, quam in primo tempore habuit, quauis circa mundi finem maxima prædicationis virtute roboretur.

Caput IX.

Sicut fui in diebus adolescentiæ meæ, quando secretò Deus erat in tabernaculo meo. Sicut vniuscuiusque hominis, sic sanctæ Ecclesiæ ætas describitur. Paruula quippe tunc erat, cum à natiuitate recens verbum vitæ prædicare non poterat. Hinc enim de illa dicitur: Soror nostra paruula est, & vbera non habet: quia nimirum sancta Ecclesia priusquàm proficeret per incrementa virtutis, infirmis quibusque auditoribus præbere non potuit vbera prædicationis. Adulta verò Ecclesia dicitur, quādo Dei verbo copulata, sancto repleta spiritu, per prædicationis ministerium in filiorum conceptione fecundatur, quos exhortādo parurit, conuertēdo parit. De hac eius ætate Domino dicitur: Adolescentulæ dilexerunt te. Vniuersæ quippe Ecclesiæ, quæ vnam catholicam faciunt, adolescentulæ vocantur: non iam vetustæ per culpam, sed nouellæ per gratiam: non senio steriles, sed ætate mētis ad spiritalem congruæ fecunditatē. Tunc ergo cū in diebus illis Ecclesia quasi quoddam senio debilitata, per prædicationem filios parere non valeret, reminiscitur fecunditatis antiquæ, dicens: Sicut fui in diebus adolescentiæ meæ. Quauis post eosdem dies quibus deprimatur, iam tamen circa ipsum finem temporum, grādī prædicationis virtute roboretur. Nam susceptis ad plenum gentibus, omnem Israëliticum populum, qui tunc inuentus fuerit, in fidei signum trahit. Scriptum quippe est: Donec plenitudo gentium introiret, & sic omnis Israël saluus fieret. Sed ante illa tempora erūt dies, in quibus ab aduersariis paululum videbatur oppressa, cū & horum dierum reminiscitur, dicens: *Sicut fui in diebus adolescentiæ meæ, quando secretò Deus erat in tabernaculo meo.* Quid hoc loco tabernaculum, nisi habitationem mentis accipimus? Quia per omne quod cogitando agimus, in consilio nostri cordis habitamus. Quisquis autem mandata Dei tacitus cogitat, secretò illi Deus in tabernaculo est. Habitationem etenim cordis sui ante Dei esse oculos viderat, qui dicebat: Et meditatio cordis mei in conspectu tuo semper. Exteriora nanque opera patent oculis hominum, longè verò incomparabiliter interiores ac subtilissimæ cogitationes nostræ patent oculis Dei. Omnia enim, sicut scriptum est, nuda & aperta sunt oculis eius. Et sæpe in exteriori opere ante oculos hominum inordinati apparere metumus, & in interiori cogitatione illius respectum non metumus, quem videntem omnia non videmus. Multò enim magis intrinsecus Deo, quàm extrinsecus hominibus conspicabiles sumus. Vnde & sancti omnes foris se intusque circumspiciunt, & vel reprehendendos se exterius, vel iniquos se interius videri inuisibiliter timent. Hinc est quòd animalia quæ per Prophetam videntur, in circuitu & intus plena oculis esse memorantur. Quisquis enim exteriora sua honestè disponit, sed interiora negligit, in circuitu oculos habet, sed intus non habet. Sancti verò omnes quia & exteriora sua circumspiciunt, vt bona de se exempla fratribus præbeant, & interiora sua vigilanter attendunt, quia sese irreprobabiles interni iudicis obtutibus parant, & in circuitu oculos & intus habere perhibentur: magisque se quo Deo placeant, in sua interna componunt, sicut per Psalmistam quoque de sancta Ecclesia dicitur: Omnis gloria eius filiæ regis ab intus. Sed quia exteriora sua etiam irreprehensibilia custodit, iure de ea subdidit: In fimbriis aureis circumamicta varietatibus: vt & pulchra sibi intus sit, & aliis foris, & se prouehens per internam gloriam, & alios erudiens per exteriora operum exempla. Beatus igitur Iob dicat ex se, dicat ex persona vniuersalis Ecclesiæ: *Quando secretò Deus erat in tabernaculo meo.* Vt enim demonstret quantum intus profecerit, secretò Deum fuisse in suo tabernaculo perhibet. Vt etiam ostendar rectitudinis opera quantum extrinsecus custodiuit, adiungit: *Quando erat omnipotens mecum & in circuitu meo*

pueri mei.) Omnes enim qui diuina præcepta metuunt, Dei tabernacula fiunt. Vnde, vt supra iam diximus, per semeipsam veritas dicit de eo qui illius mandata custodit: Ego & pater meus veniemus, & mansionem apud eum faciemus. Quo contrà peruersi quique dum interna non appetunt, in suis cogitationibus foras fundunt. Vnde eis per Prophetam dicitur: Redite præuaricatores ad cor. Et rursum: Væ qui cogitatis inutile. In actionibus quippe suis veretur homines, quos corporaliter vident, & Deum sibi præsentem non æstimant esse, quem non vident. Quo contrà in laude iusti dicitur, dum Aegypti regem contēneret, & Dei mādatis obediret: Quia inuisibilem tanquam videns sustinuit. Peruersum quippe terræ principem quasi non vidit, quem ab oculis sui cordis abiecit. Regem verò inuisibilem tanquam videns sustinuit: quia ab eius timoris intuitu, mentis oculos non deflexit. Sancta itaque Ecclesia in magnis tunc tribulationibus deprehensa, cū multos à Deo conspiciat praua cogitatione discedere, videt profectò mentis eorum habitaculum discedente Deo vacuū remanere, & iure deplorans, dicit: *Quando secretò Deus erat in tabernaculo meo.* Quibus verbis non immeritò etiam simulatio religionis plangitur: quia nonnulli etiam nunc Christiani esse non appetunt, sed videri. His videlicet Deus in publico est, nō in secreto. Sed sancta Ecclesia Deum in secreto habere desiderat: quia illos verè fideles respicit, quos ad fidei vitam corde pleno permanere cognoscit. Quæ iuxta exteriorem quoque vigoris sui rectitudinē dicit: *Quando erat omnipotens mecum, & in circuitu meo pueri mei.* Pueri scilicet vocantur, qui cœlestibus mandatis inseruiunt. Vnde per Prophetam Dominus dicit: Ecce ego & pueri mei quos mihi dedit Deus. Et rursum in Euangelio. Pueri, nunquid pulmentarium habetis? Nunc ergo in circuitu eius sunt pueri: quia in cunctis ferè gentibus reperiuntur, qui cœlestia mandata custodiunt, & spiritalis disciplinæ regulis obsequuntur. Qui profectò tunc ad obsequium pueri deerūt, quando prauī qui reperti fuerint, spiritalia eius mandata contemnunt. Sequitur:

Quod tunc Ecclesia pedes prædicatorum butyro lauabat, cū beatorum operum pinguedine & obedientiæ adipe collectum de gloria prædicationis puluerem eis detergebat.

Caput X.

Quando lauabam pedes meos butyro. Quia Christum & Ecclesiam vnam esse personam crebrò iam diximus, illum videlicet huius corporis caput, hanc autem illius capitis corpus: aliter hæc verba iuxta vocem capitis accipi, atque aliter iuxta vocem corporis debent. Quos ergo pedes Domini, nisi sanctos prædicatores accipimus? De quibus dicit: Et ambulabo in eis. Butyro ergo pedes lauantur: quia prædicatores sancti bonorum operum pinguedine replentur. Etenim vt supra iam diximus, vix ipsa prædicatio sine aliquo trāsitur admissio. Nam quilibet prædicans, aut ad quantulancunque indignationem trahitur, si contemnitur: aut ad quantulancunque gloriam, si ab audientibus veneratur. Vnde & Apostolis pedes loti sunt, vt à quamlibet paruo contagio in ipsa prædicatione contracto, quasi à quodam itinere collecto puluere mundaarentur. Et beatus Iacobus dicit: Nolite plures magistri fieri fratres mei. Et paulopost: In multis enim offendimus omnes. Pedes ergo lauantur butyro: quia pinguedine boni operis infunditur atque mundatur collectus puluis de gloria prædicationis. Vel certè butyro pedes lauantur dum sanctis prædicatoribus debita ab audientibus stipendia conferuntur, & quos fatigat iniunctus prædicationis labor, exhibita à discipulis pinguedo boni operis fouet: non quòd ideo prædicent vt alantur, sed ideo alantur vt prædicent: id est, vt prædicare subsistant, non vt intentionem sumendi victus transeat actio prædicationis, sed ad vtilitatem prædicationis deseruiant ministeria sustentationis. A bonis ergo prædicatoribus non causa victus prædicatio impenditur, sed causa prædicationis accipitur victus. Et quoties prædicantibus necessaria ab audientibus conferuntur, non solent de rerum munere, sed conferentium gaudere mercede. Vnde per Paulum dicitur: Non quero datum, sed requiro fructum. Datum quippe est res ipsa quæ impenditur: fructus verò dati est, si benigna mēte futuræ mercedis studio aliquid impèdatur. Ergo datum in re accipi-

Ioan. 14.

Esaia 46.

II.

Esa. 8.

Ioan. 21.

Iacob. 3.

† al. non solum de rerum munere, sed de conferentium gaudent mercede. Phil. 4.

Ibidem.

Ad Phil-
monem.

2. Timot. 1.

12

mus, fructum in corde. Et quia discipulorum suorum Apostolus mercede potius quam munere pascebatur, nequaquam datum, sed fructum se querere fatetur. Vnde & subdidit protenus, dicens: Habeo autem omnia, & abundo. Butyro ergo lauantur pedes, cum predicatorum sancti, ut diximus, ipsa predicatione fatigati, auditorum suorum bonis operibus fouentur. Fessos namque pedes butyro unxerat ille qui audiebat: Viscera sanctorum requieuerunt per te frater. Hoc butyro unctus fuerat pes qui in catena tenebatur, dicens: Det misericordiam Dominus Onesiphori domui: quia saepe me refrigerauit, & catenam meam non erubuit. Si ergo ex voce capitis haec verba pensamus, recte pedes, sicut dictum est, predicatorum accipimus. Si autem sentire ista ex voce solius corporis debemus, nimirum pedes Ecclesiae sunt inferiorum operum ministri: qui dum ad usus necessarios ea quae sint exterius exercent, per extremum ministerium velut pedes terrae inhaerent. Sed debent hi qui praesunt, qui doctrinae studio inuigilant, solerti cura occupatorum corda requirere, eisque eam quam ipsi vacando percipiunt, crebrae admonitionis voce, infusionem pinguedinis ministrare. Nam quia in vno corpore inuicem pro se membra sollicita sunt, sicut illorum ministeriis nostra extrema fulciuntur: ita necesse est ut nostris studiis illorum interiora repleatur. Quando igitur sancti doctores quibusdam ad extrema ministeria deditis,unctionem dominicae incarnationis praedicant, butyro eloquij pedes lauant. Solent etiam pedes ipsa itineris asperitate lacerari. Vnde & omnino difficile est in terrenis actionibus huius vitae iter agere, & nulla ex labore itineris vulnera sustinere. Cum ergo vigilantes praepositi, auditores suos curis exterioribus intentos ad cor reuocant, ut quae inter ipsa licita opera admiserint mala, cognoscant, & quae cognouerint, desceant, pedes butyro lauant: quia eorum vulneribus, poenitentiae vnguenta subministrant. Reminiscatur igitur tunc Ecclesia vehementer afflicta, quomodo pacis suae tempore per exhortationis verbum membra in se etiam extrema mundabat, & dicat: Quando lauabam pedes meos butyro. Quod de beato Iob admirabiliter libet intueri, qui inter tot curas rerum, inter tot affectus pignorum, inter tot studia sacrificiorum, subiectis suis quamlibet extremis, bona sequentis vitae praedicabat: ut eos de coelestibus imbueret, qui sibi ad terrena opera deseruiant. Quid ad haec nos episcopi dicimus, qui commissis nobis verbum vitae impendere non curamus, quando coniugatum virum prohibere non valuit a butyro praedicationis, vel secularis habitus, vel magnae occupatio facultatis.

Quod petra riuos olei fundebat, cum corda discipulorum spiritus sancti unctione Christus impleuit.

Capit. XI.

1. Corin. 10.

13

Psalm. 61.

Esai. 10.

Sed seruata veritate historiae, ad sanctae Ecclesiae iam verba redeamus, quae per beatum Iob, id est, per os membri sui loquitur, quanta sint quae tempore extremo patietur, cum transactorum suorum reminiscitur, ut per eam videlicet verbi pinguedinem operantium vita lauaretur. Quae ipsam quoque praedicatorum suorum vigilantiam plenius exequens, subdit: *Et petra fundebat mihi riuos olei.* Quia petrae nomine Christus accipitur, praedicator egregius fatetur, dicens: Petra autem erat Christus. Quae videlicet petra nunc ad usum sanctae Ecclesiae olei riuos fundit: quia in ea loquens Dominus praedicamenta unctionis intimae emanat. De hac petra olei riuus exiit, Liber Matthaei, liber Marci, liber Lucae, & liber Ioannis. In diuersis huius mundi partibus quot praedicamenta edidit, tot petra haec per ora Apostolorum omnium olei riuos fudit. Toties adhuc de petra hac olei riuus funditur, quoties a sancto spiritu vngendis mentibus auditorum, ea quae in libris veteribus de Christo dicta sunt, explanantur. Et riuus vocantur olei: quia decurrunt & vngunt. In quibus quisque tingitur, quisque vngitur, interius impinguatur. De qua nimirum pinguedine Psalmista ait: Sicut adipe & pinguedine repleatur anima mea. Potest nomine olei, ipsa sancti spiritus unctio designari, de qua per Prophetam dicitur: Computrescit iugum a facie olei. Iugum quippe a facie olei computrescit: quia dum sancti spiritus gratia vngimur, a captiuitatis nostrae seruitute liberamur: dumque maligni spiritus dominatio

superba repellitur, iugum conteritur, quo libertatis nostrae colla premebantur. De hoc rursus oleo scriptum est: Vineam facta est dilecto meo in cornu filio olei. Filius quippe olei, fidelis populus dicitur, qui ad fidem Dei interna sancti spiritus unctione generatur. Multis ergo tunc sancta Ecclesia tribulationibus depressa, dona spiritus & mira quae nunc habet praedicamenta ad memoriam reuocet, & suum silentium deploret, dicens: *Petra fundebat mihi riuos olei.* Quibus verbis congrue subiicit: *Quando procedebam ad portam ciuitatis, & in platea parabant mihi cathedram. Videbant me iuuenes & abscondebantur, & senes assurgentes stabant. Principes cessabant loqui, & digitum superponebant ori suo. Vocem suam cohibebant duces, & lingua eorum gutturi suo adhaerebat.* Mos veterum fuit, ut seniores in porta consisterent, & causas introeuntium iudicaret, quatenus tanto esset pacificus urbis populus, quanto ad hanc discordes ingredi non liceret. Sed nos sacram historiam venerantes, haec egisse beatum Iob pro cultu iustitiae certum tenemus, atque ad indaganda allegoriae mysteria ducimur. Quid ergo per ciuitatis portam, nisi bona quaeque actio designatur, per quam anima ad conuentum regni coelestis ingreditur? Vnde & Propheta ait: Qui exaltas me de portis mortis, ut annuntiem omnes laudationes tuas in portis filiae Sion. Porta quippe mortis, sunt actiones prauae, quae ad interitum trahunt. Quia autem Sion speculatio dicitur, portas Sion, actiones bonas accipimus, per quas supernam patriam ingredimur, ut regis nostri gloriam contemplemur. Quid vero per cathedram, nisi magisterij authoritas designatur? Graeca autem lingua platea pro latitudine dicitur. Nunc ergo sancta Ecclesia ad ciuitatis portam procedit: quia ut aditum coelestis regni percipiat, in sanctis se actionibus exerit. Cui in platea paratur cathedra, quia in magis authoritatis latitudine sui magisterij exhibet libertatem. Quae enim recta quae sentit, publica voce praedicat, quasi in platea super cathedram sedet, cum nullum de sua predicatione metuit, nullius pressa terroribus, sub silentio abscondit. An non in publico ad docendum praesidet, quam simul & sentiendi veritas, & docendi potestas fulcit? Sed cum ad portam procederet, & in platea super cathedram sederet, quid a leuibus, quidve a grauibz ageretur, adiungit dicens: *Videbant me iuuenes, & abscondebantur, & senes assurgentes stabant.* Si historiae intendimus, quae dixit credimus: si allegoriae, quae praedixit videmus. Iuuenes namque dici solent qui nulla consilij grauitate fulciuntur. Senes vero non eos scriptura sacra vocare consuevit, qui sola quantitate temporum, sed morum grandaeuitate maturi sunt. Vnde per quendam Sapientem dicitur: Senectus enim venerabilis est, non diuturna, neque numero annorum computata. Cani autem sunt sensus hominis, & aetas senectutis vita & immaculata. Vnde recte quoque Dominus ad Moysen dicit: Congrega mihi septuaginta viros de senioribus Israel, quos tu nosti quod senes populi sunt. In quibus quid aliud quam senectus cordis requiritur, cum tales iubentur eligi, qui senes esse sciuntur? Si enim senectus in eis corporis quaereretur, a tantis sciri poterant, a quantis videri. Dum vero dicitur: Quos tu nosti quod senes populi sunt, profecto liquet, quia senectus mentis, non corporis eligenda nuntiatur. Sanctam ergo Ecclesiam vident nunc iuuenes & absconduntur, senes vero ei assurgentes assunt: quia vigorem eius atque rectitudinem immaturi formidant, grandaeui glorificant. Leues quippe sunt qui fugiunt, graues vero atque perfecti hanc vitae suae meritis assurgendo venerantur. Disciplinam quippe illius perfecti diligunt, imperfecti reprehendunt. Vident ergo hanc iuuenes & absconduntur: quia deprehendi in suis occultis actibus metuunt. Senes vero assurgentes stant: quia perfecti quique ex humiliata indicant, quantum in bona operatione profecerunt. Sed quia haec de suis loquitur, narret quoque qualiter ab exteris timeatur. Principes cessabant loqui, & digitum superponebant ori suo. Vocem suam cohibebant duces, & lingua eorum gutturi suo adhaerebat. Qui hoc loco alij duces intelligi vel principes possunt, nisi haereticae prauitatis authores? De quibus per Psalmistam dicitur: Effusa est contentio super principes eorum, & seduxerunt eos in inuio, & non in via. Ipsi etenim dum dispensationem Dei peruersè interpretari non metuunt, profecto plebes subditas non in eam viam quae Christus est, sed in inuium trahunt.

Porta bona actio.

Psalm. 9.

Sapient. 4.

Nume. 11.

14

Psalm. 106.

trahunt. Super quos rectè quoque effusa contentio dicitur: quia suis sibi vicissim allegationibus contradicunt. Arrius quippe tres personas in diuinitate suscipiens, tres etiam deos credidit. Quem contra Sabellius vnum Deum suscipiens, vnam credidit esse personam. Inter quos sancta Ecclesia rectū prædicationis suæ tramitem indeclinabiliter tenens, & vnum Deum prædicans, tres personas contra Sabellium asserit, & tres personas asserens, vnum Deum contra Arium confitetur. Quia autem in sacro eloquio Manichæus virginitatem laudari comperit, coniugia damnauit. At contra Iouinianus quia concedi coniugia cognouit, virginitatis munditiam despexit. Vnde fit vt semper hæreticis peruersa intelligentia cōfusis, vicissim sibi eorum nequitia & in culpa concordet, & in sententia discrepet. At contra sancta Ecclesia per medias vtrarumque partium lites, ordinata pace graditur: & sic scit superiora bona suscipere, vt nouerit etiā inferiora venerari, quatenus nec summa æquet infimis, nec rursus ima despiciat, cum summa veneratur. Nūc ergo hæreticarum plebium principes, auctoritatem sanctæ Ecclesiæ perpendentes cessant loqui, & quasi ori suo digitum superponunt, dum falsis querelis non ratione vocis se reprimi, sed virtutis manu significant. Vocem suā duces cohibent: quia nimirum hi qui post se errantes populos trahere conantur, ne loqui peruersa nunc audeant, & auctoritatis frenantur pondere, & virtute rationis. Quorum lingua suo gutturi adhæret: quia etsi peruersa loqui libera voce non audeant, intus tamen apud se contegunt cuncta, quæ contra veram fidem proponere falsa moliuntur. Horum ergo temporū, sequenti tribulatione deprehensa, reminiscens Ecclesia deplorat, dicens: Quando procedebam ad portam ciuitatis, & in platea parabant cathedram mihi. Videbant me iuuenes, & abscondebantur, & senes assurgentes stabant. Principes cessabant loqui, & digitum superponebant ori suo. Vocem suam duces cohibebant, & lingua eorum gutturi suo adhærebat. Ac si appetere dicat: Cum prædicare mihi voce publica licuit, omnis qui meæ veritati non fuit subiectus, expauit. Illo nanque tempore cum sancta Ecclesia aduersitate premitur, prauis quibusque prædicatoribus licentia locutionis datur. Quod longè antè Hieremias intuens ait: Sed & lamie nudauerunt mammā, lactauerunt catulos suos. Quid nanque lamias, nisi hæreticos appellat, humanam quidem faciem, sed beluina per impietatem corda gestantes: Qui tunc mammam nudāt, cum errorem suū liberè prædicant. Tunc catulos lactant: quia malè sequaces paruulorum animas dum peruersa insinuant, ad impietatem nutriendo confirmant. Sequitur:

Quod rectoribus Ecclesiæ summopere attendendum est, quod in disciplina rigore mansueti sint. Caput XII.

Auris audiens beatificabat me, & oculus videns testimonium reddere mihi. Dum beatificari se ab audientibus, sibi que testimonium reddi à videntibus fatetur, beatus Iob qualis in sermone, qualis in opere fuerit, ostenditur. Neque enim aut in opere iam perfectus est, cui adhuc linguæ prauitas contradicit: aut in sermone laudabilis, qui hoc quod loquitur, opere non ostendit. Vt igitur beatus Iob amicorum suorum increpationibus exactus, vtraque se habuisse perhibeat, sese & audientibus & videntibus venerationi fuisse manifestat. Quod si ad vocem sanctæ Ecclesiæ referamus, ille eius verba beatificat, qui ea que audierit, opere consummat. Ille ei testimonium reddit, qui exemplis vitæ illius bene viuendo respondet. Sanctam etenim Ecclesiā ille veraciter videt, cuius testatur vita quia videt. Ad hoc nāque bonorum intra eam rectitudo cernitur, vt quique hanc viderint, à suis prauitatibus corrigantur. Nec dum ergo intra sanctam Ecclesiam videt bonos, qui non est emendatus à malis. Sed vnde ei testimonium reddatur, ostenditur cum subiungit: *Eo quod liberafsem pauperem vociferantem, & pupillum cui non erat adiutor. Benedictio perituri super me veniebat, & cor viduæ consolatus sum.* Magnæ misericordiæ ista sunt opera, liberare vociferantem pauperem, pupillo adiutorium ministrare, peritum eripere, cor viduæ consolari. Superius enim dictum est quid exhibuit per doctrinam. Ait nanque: *Auris audiens beatificabat me.* Nunc autem narrat que per misericordiam impendit, dicens: *Eo quod liberafsem pauperem vociferantem & pupillum cui non erat adiutor.* Vox quippe cum opere sibi ne-

cessario cōcordat. Hæc beatus Iob & exhibuit subditis, & tamen per sanctam Ecclesiam exhibenda signauit. Quæ vtrunque nunc incessabiliter exercet, vt videlicet filios suos & loquendo pascat, & defendendo protegat, quatenus & per verba bonos satiet, & per patrocina tueatur à malis. Bene autem scriptum est: *Germinet terra herbam virentem & facientem semen, & lignum fructiferum facies fructum iuxta genus suū.* Quod sic est veraciter factum, vt significaret faciendum. Per terram quippe figuratur Ecclesia, quæ & verbi nos pabulo reficit, & patrocini j vmbaculo custodit, quæ & loquendo pascit, & opitulando protegit: vt non solum herbam refectionis proferat, sed & cum fructu operis, arborē protectionis. Perpendendum quoque video his qui plebium gubernationibus præfunt, quod superius dicens: *Videbant me iuuenes, & abscondebantur: nunc astruit: Cor viduæ consolatus sum.* Quanta disciplina regiminis, vt ante eum iuuenes abscondantur, quanta mansuetudo pietatis, vt per eum viduarum corda consolentur. Sunt nanque nonnulli ita districti, vt omnem etiam mansuetudinem benignitatis amittant: & sunt nonnulli ita mansueti, vt perdant districti iura regiminis. Vnde cunctis rectoribus vtraque summopere sunt tenenda, vt nec in disciplinæ vigore benignitatem mansuetudinis, nec rursus in mansuetudine districtiōnem deserant disciplinæ: quatenus nec à compassione pietatis obdurescant, cum contumaces corrigunt, nec disciplinæ vigorem molliant, cum infirmorum animos consolantur. Regat ergo disciplinæ vigor mansuetudinem, & mansuetudo ornet vigorem, & sic alterum commendetur ex altero, vt nec vigor sit rigidus, nec mansuetudo dissoluta. Hæc autem quæ supra diximus pietatis opera, sancta Ecclesia & corporaliter exhibet, & spiritualiter exhibere non cessat. Nam pauperem vociferantem liberat, cum peccatori veniam deprecanti, eas, quas commiserat culpas relaxat. De talibus quippe pauperibus dicitur: *Beati pauperes spiritu: quoniam ipsorum est regnum cælorum.* Et talium pauperum clamor est, Psalmistæ voce dicentium: *Cito nos anticipet misericordia tua: quia pauperes facti sumus nimis.* Pupillum verò cui non est adiutor liberat, dum vnusquisque mortuo antiquo patre diabolo, ad sanctæ Ecclesiæ sinum currens, in ea exhortationis adiutorium inuenit, qui iam desideria mundi persequentis fugit. Potest pupilli nomine, fidelis quisque etiam propter mortem boni patris intelligi: cuius ad tempus visione destitutus est, quanuis solatio destitutus non est. Benedictio etiam perituri super eam venit, cum peccatoris interitum prauent, & cum sanctis exhortationibus, à culpæ fouea reducit. Vnde scriptum est: *Qui conuerterit peccatorem ab errore viæ suæ, saluabit animam eius à morte, & operit multitudinem peccatorum.* Si enim magnæ mercedis est à morte eripere carnem quandoque morituram, quanti est meriti à morte animam liberare, in cœlesti patria sine fine victuram: Cor autem viduæ consolatur, dum fideli cuique animæ qui æternas Domini retributiones narrat, quali viri sui bona ad memoriam reuocat. Cui quia spiritualiter anima iuncta est, eo mortuo vidua dicitur, sed sanctæ Ecclesiæ vocibus ex eius resurrectione refouetur. Magnam ergo consolationē cor viduæ suscipit, quando fidelis anima in verbis Ecclesiæ de aduētū illius aliquid, cui spiritualiter est coniuncta, cognoscit. Sequitur: *Iustitia induit me, & vestiui me sicut vestimento.* Vestimento vtique cum vestimur, ex omni parte circumdamur. Ille ergo iustitia sicut vestimento vestitur, qui se vndique bono opere protegit, & nullam partem actionis suæ peccato nudam relinquit. Nam qui in aliis actionibus iustus est, in aliis iniustus: quasi hoc latus cooperuit, illud nudauit, nec iam bona sunt opera quæ subortis aliis prauis operibus inquinantur. Hinc enim per Salomonē dicitur: *Qui in vno offenderit, multa bona perdet.* Hinc Iacobus dicit: *Quicumque totam legem seruauerit, offendat autem in vno, factus est omniū reus.* Quam videlicet sententiā suam ipse diligenter exposuit, cum subiunxit: *Qui enim dixit, Nō mœchaberis, dixit &, Non occides. Quod si nō mœchaberis, occidas autem factus es transgressor legis.* Cordis ergo oculis circunquaque porrectis, vndique nobis adhibenda custodia est. Vnde rectè quoque per Salomonē dicitur: *Omni custodia serua cor tuum, quia ex ipso vita procedit.* Dicturus enim custodia, præmisit omni, vt

Gen. 2.

16.

Parte 1 diff.
45. cap. Sū
namque.

Matth. 5.

Psalm. 58.

Iaco. 5.

Eccl. 9.
Iaco. 2.

17.

Prouer. 4.

videlicet vnusquisq; hincinde se diligenter inspiciat, & quando in hac vita est, contra spiritales inimicos in acie se possumat, ne mercedem quam per has actiones colligit, per alias amittat, ne hinc hosti fores obstruat, & aliunde aditum pandat. Si qua etenim ciuitas contra insidiantes inimicos magno valletur aggere, fortibus cingatur muris, ex omni parte infomni muniatur custodia: vnū verò in ea foramen tantummodo immunitum per negligentiam relinquatur, inde proculdubio hostis ingreditur, qui vndique exclusus videbatur. Phariseus nanque ille qui in templum oraturus ascendit, ciuitatem mentis suæ quanta munitione vallauerit, audiamus: Ieiuno, inquit, bis in sabbato, decimas de omnium quæ possideo. Qui præmisit: Gratias ago tibi, magna certè munimina adhibuit. Sed videamus vbi insidianti hosti immunitum foramen reliquit: quia non sum sicut publicanus iste. Ecce ciuitatem cordis sui insidiantibus hostibus per elationem aperuit, quam frustra per ieiunium & eleemosynas clausit. Incausum munita sunt cætera, cum locus vnus de quo hosti pater aditus, munitus non est. Gratias rectè egit, sed peruersè se super publicanum extulit. Ciuitatem cordis sui extollendo prodidit, quam abstinendo & largiendo seruauit. Victa est per abstinentiam gula, destructa ventris ingluuies, superata est largitate tenacia, auaritia depressa. Quibus hoc laboribus actum credimus? Sed o quot labores vno vitio percussi ceciderunt, quanta bona vnus culpæ gladio sunt perempta! Vnde magnopere oportet & bona semper agere, & ab ipsis nos bonis operibus cautè in cogitatione custodire: ne si mentem eleuant, bona non sint, quæ non auctori militant, sed elationi.

Quod qui vitia superant, cum de victoria sua superbiunt, ipso hoste super seruente intereunt.

Caput XIII.

Libri non
canonici ad
edificationem Eccle-
siae aditi
sunt.
1. ad Tim. 6.

Gen. 2.

18
† al. Iustorum
iudicij re-
ctè diade-
mata.

Prouer. 12.

Matth. 7.

DE qua re non inordinate agimus, si ex libris, licet non canonicis, sed tamen ad ædificationem Ecclesiæ æditis, testimonium proferamus. Eleazar nanque in prælio elephantem feriens strauit, sed sub ipso quem extinxit occubuit. Quos ergo iste significat quem sua victoria oppressit, nisi eos qui vitia superant, sed sub ipsa quæ subiiciunt, superbiendo succumbunt? Quasi enim sub hoste quem prosternit moritur, qui de culpa quam superat eleuatur. Pensandum ergo magnopere est: quia bona prodesse nequeunt, si mala quæ subrepunt non cauentur. Perit omne quod agitur, si non sollicitè in humilitate custoditur. Vnde bene quoque de ipso primo parente dicitur: Posuit eum Dominus in paradiso voluptatis, vt operaretur & custodiret. Operatur quippe qui agit bonum quod præcipitur, sed quod operatus fuerit non custodit, cui hoc subrepat quod prohibetur. Beatus igitur Iob quia ex omni parte bono se opere texerat, dicat: Iustitia indutus sum, & vestiui me sicut vestimento. Vbi protinus subdidit: Et diademate iudicio meo. Iustorum iudicia rectè diademati comparantur: quia per magni operis gloriam, ad retributionis ducunt coronam. Quæ nimirum iudicia secum quotidie introrsus agunt: quid Deo, quid proximo debeant, solerter aspiciunt, atque ad agenda bona se vehementer accendunt, & de perpetratis malis districtè redarguunt. Vnde bene quoque per Salomonem dicitur: Cogitationes iustorum iudicia. Iusti quippe ab omni strepitu seculari ad corda sua redeunt, ibique ascendunt tribunal mentis, atque ante oculos se & proximum statuunt, deducunt ad medium regulam testamenti, qua dicitur: Quæ vultis vt faciant vobis homines, & vos eadem facite illis. Transferunt in se personam proximi, & sollicitè attendunt, quid sibi si ita essent, fieri vel non fieri iustè voluissent: sicque districto iure atque iudicio causam suam & proximi iuxta tabulas diuinæ legis in foro cordis examinant. Benè ergo dicitur: Cogitationes iustorum iudicia: quia ipse eorum intus motus cordis quasi quædam libra est iudiciariæ potestatis. Quibus peractis, quia retributionem inferius non requirunt, rectè eorum iudicia diademati comparantur. Diadema quippe in superiori parte corporis ponitur. Iustorum ergo iudicium diadema dicitur: quia per hoc non in terrenis & infimis, sed sursum remunerari concupiscunt. Sequitur:

Quod in proferenda sententia nihil perperam agendum sit, ne qualibet remerè dicta indiscussa & imperita reddamus:

Caput XIII.

Oculus sui cæco, & pes claud. Pater eram pauperum, & causam quam nesciebam, diligentissimè inuestigabam. Inter hæc lectoris animus forsitan quærat, cur beatus Iob suas tam subtiliter virtutes enumeret. Sanctorum quippe virorum est, bona quæ fecerint occultare, ne contingat eos lapsum elationis incurrare. Vnde per semetipsam veritas dicit: Attendite ne iustitiam vestram faciatis coram hominibus, vt videamini ab eis. Hinc est etiam quod duos cæcos iuxta viam sedentes illuminans præcepit dicens: Videte ne quis sciatur. De quibus illico scriptum est: Abeuntes diffamauerunt eum per totam terram illam. Sed quærendum nobis est, quid sit hoc quod ipse omnipotens, cui hoc est velle quod posse, & taceri virtutes suas voluit, & tamen ab his qui illuminati sunt, quasi inuitus indicatur: nisi quod seruis suis se sequentibus exemplum dedit, vt ipsi quidem virtutes suas occultare desideret, & tamen, vt alij eorum exemplo proficiant, prodantur inuiti, & facta quidem sua occultando seipsum custodiât, sed dum produntur inuiti, bona ad proximos suos exempla transmittant. Occulentur ergo studio, necessitate publicentur, & eorum occultatio sit custodia propria, eorumque publicatio sit utilitas aliena. Rursum quia scriptum est: Neque accendunt lucernam, & ponunt eam sub modio, sed super candelabrum, vt luceat omnibus qui in domo sunt. Sic luceat lux vestra coram hominibus, vt videant opera vestra bona, & glorificent patrem vestrum qui in cælis est. Aliquando sancti viri & coram hominibus compelluntur bona facere, aut eadem hominibus sua facta narrare, sed ad eum finem omnia referentes, vt non ipsi eisdem operibus, sed pater eorum qui in cælis est, debeat glorificari. Dum enim sancta prædicant, ipsa prædicatio eorum fortasse despicitur, quorum vita nescitur. Compelluntur ergo vitam suam dicere, vt auditorum suorum valeant vitam mutare. Et facta sua referunt, vt venerationi sint: venerati appetunt, vt reuerenter audiantur. Scriptum quippe est: Cum eleuantur animalia de terra, eleuantur pariter & rotæ: quia videlicet cum auditorum mentes prædicantium admirantur. Hinc est ergo quod prædicatores boni & honorem propter elationem fugiunt, & honorari tamen propter imitationem velint. Sic nimirum Paulus Apostolus discipulis loquens & honorem fugit, & tamen quantum esset honorandus ostendit. Nam cum Thessalonicensibus diceret: Neque enim aliquando fuimus in sermone adulationis, sicut scitis, neque in occasione auaritiæ, Deus testis est: secutus adiunxit: Neque quærentes ab hominibus gloriam, neque à vobis, neque ab aliis, cum possimus oneri vobis esse vt Christi Apostoli, sed facti sumus paruuli in medio vestrum. Rursum Corinthiis, honorem fugiens, dicit: Non enim nosmetipsos prædicamus, sed Iesum Christum Dominum nostrum, nos autem seruos vestros per Iesum Christum. Quos tamen videns falsorum Apostolorum persuasionibus à veræ fidei tramite deuicare, eis se summopere quantum esset venerandus ostendit, dicens: In quo quis audeat, in insipientia dico, audeo & ego. Hebræi sunt, & ego. Israëlita sunt, & ego. Semen Abraham sunt, & ego. Ministri Christi sunt, & ego. Vt minus sapiens dico, plus ego. Quibus etiam subiungit: quod ei quoque tertij cæli secreta patuerint, quod raptus etiam paradisi arcana penetrauit. Ecce honorem fugiens, seruum se discipulorum prædicat. Ecce honorem pro utilitate audientium quærens, falsis Apostolis vitæ suæ merita superponit. Egit quippe doctor egregius, vt dum ipse qualis esset, agnosceretur, & vita & lingua malè prædicatum eius, cōparatione vilesceret: illos videlicet commendaret, si se absconderet, cumque se non ostenderet, errori locum dedisset. Miro igitur modo & humilitatis exhibet gratiam, & vtilitatis quærit incrementum, vt & seruum se discipulorum prædicet, & aduersariis potius demonstraret. Ostendit discipulis quid humilitatis acceperit: ostendit aduersariis quid sublimitatis. Innotescit discipulis qualis apud se maneat in cogitatione. Innotescit aduersariis qualis foris appareat in operatione. Sancti ergo viri cum coguntur bona narrare quæ faciunt, non elationi seruiunt, sed vtilitati.

Matth. 6.

Matth. 9.

Matth. 5.

Ezech. 1.

19

1. Thess. 2.

2. Corin. 4.

utilitati. Vnde beatus Iob amicis suis se iniuste increpatis, atque idcirco nescientibus bona sua loquendo aperit, ut nimirum discerent, non contra eius vitam increpates erigi, sed hanc tacentes imitari: quanuis, ut supra iam diximus, hunc ad memoriam facta sua reducere, inuicta ab increpantibus desperatio compellebat. Nam inter tot dolores vulneris & verba desperationis, cum bona quae fecit narrat, quasi collapsum verbis & verberibus ad spem animum reformat. Dicit ergo bona quae fecit, ut non cogatur inter tot mala de se desperare quae audit: *Oculus fui ceco, & pes claudus.* Cum sancti operis exempla pensamus, intuendum nobis prius est quam rectus narrandi ordo seruetur, ut ante iustitiae, & post misericordiae opera describatur. Ille quippe bene agit quae pia sunt qui scit prius seruare quae iusta: ut collatus in proximis riuus misericordiae, de iustitiae fonte ducatur. Nam multi proximis quasi opera misericordiae impendunt, sed iniustitiae facta non deferunt. Qui si veraciter proximis misericordiae facere student, sibiipsum prius debuerant iuste viuendo misereri. Vnde scriptum est: Miserere animae tuae placens Deo. Qui ergo misereri vult proximo, à se trahat necesse est originem miserendi. Scriptum nanque est: Diliges proximum tuum sicut teipsum. Quomodo ergo alteri miserendo pius est, qui adhuc iniuste viuendo sit impius sibiipsum? Vnde per quendam sapientem dicitur: Qui sibi nequa est, cui bonus erit? Ad exhibendam quippe misericordiam ut indigentibus plenè exterius valeat impendi, duo sibi necessaria congruunt, id est, homo qui praebeat, & res quae praebeatur. Sed longè incomparabiliter melior est homo quam res. Qui itaque indigenti proximo exteriorem substantiam praebeat, sed vitam suam à nequitia non custodit, rem suam Deo tribuit, & se peccato. Hoc quod minus est, obtulit auctori, & hoc quod maius est, seruauit iniquitati. Bene itaque per beatum Iob prius dicitur: Iustitia indutus sum & vestiui me sicut vestimento, & sicut diademate iudicio meo. Ac deinde subiungitur: Oculus fui ceco, & pes claudus. Quia tunc est apud Deum oblatio verae rectitudinis, cum de radice iustitiae procedunt rami pietatis. Sed quia in ipso misericordiae opere plus solet apud internum iudicem animus pensari quam factum, notandum quod cecum oculum fuisse se asserit, pedem claudi. Hae etenim dicens, profecto indicat quia & illi per semetipsum manum praebebat, & hunc portando sustinebat. Ex qua re colligitur, super egenos ac debiles quantum misericordiae illius viscera fundebantur. Vnde & subditur: *Pater eram pauperum.* Quae videlicet verba si ad vocem sanctae Ecclesiae typica interpretatione referamus, ipsa est oculus ceco, quia per verbum lucet: ipsa pes claudus, quia per adiutorium continet. Cecos enim praedicando illuminat, claudos verò opitulando sustentat. Cecus quippe est, qui adhuc quod pergat non videt. Claudus autem est, qui non potest ire quod videt. Crebro nanque peccatum aut ignorantia aut infirmitate perpetratur, ut vel nesciat homo quid velle debeat, vel non omne quod voluerit possit. Quod contra rectè per Psalmistam dicitur: Dominus illuminatio mea & salus mea. Quia enim Dominus & scientiam & virtutem praebeat, & contra ignorantiam illuminatio, & contra infirmitatem salus vocatur. Hinc etiam de iniquis dicitur: Fiant viæ illorum tenebrae & lubricum, ut scilicet per tenebras quod ire debent non videant: qui etsi recta viderent, in eis tamen per lubricum stare non possent. Isti itaque per lubricum inter bona claudicant, illi per tenebras quae bona sequantur ignorant. Sancta itaque Ecclesia extremis tribulationibus deprehensa, antiquorum reminiscitur temporum, quando & docendo illuminare consueuerat, & adiuuando firmare, & praecedentis membri sui ore loquitur, dicens: *Oculus fui ceco, & pes claudus.* Quae quia duos in se populos collegit, Iudaicum scilicet atque gentilem, rectè etiam potest ceco Gentilis, claudus autem Iudaicus populus designari. Gentilis quippe quasi oculos non habuit: quia non recepta lege non vidit quod ire debuisset. At contra Iudaicus habens oculos, claudus fuit: quia legem quidem sciendo tenuit, sed in ea gressum recti operis non tetendit. Si enim Gentilis populus cecus minimè fuisset, Propheta non diceret: Populus qui sedebat in tenebris, lucem vidit magnam. Rursum si Israëliticus populus à bono opere minimè claudicasset, nequaquam voce Domini Psalmista dixisset: Filij alieni mentiti sunt mihi, filij alieni inueterari sunt,

& claudicauerunt à semitis suis. Qui nimirum populus claudus idcirco nominatur: quia sanum gressum in operatione non habuit, quippe qui utroque pede uti noluit, dum vnum testamentum recepit, aliud spreuit. Quem cum ad se venientem sancta Ecclesia suscipit, quia ei iam vetus tenenti, & nouum testamentum inserit, ad dirigendos gressus illius quasi alterum pedem iungit. Qui fidelis sanctae Ecclesiae populus adhuc rectè subiungit: *Pater eram pauperum:* quia videlicet humiles qui pauperes spiritu dicti sunt, ex eius praedicatione generantur. Sed oportet ut in his omnibus ipsa historiae subtiliter verba pensemus. Ait enim: *Pater eram pauperum, & causam quam nesciebam, diligentissimè inuestigabam.* Plerumque enim multa homines pauperibus largiuntur, non quia eosdem pauperes diligunt, sed quia si minimè tribuant, iram iudicij superni formidant: qui si Deum non metuerent, quae habent dare nolissent. Et quidem in bono opere primus incipientium gradus est, ut qui adhuc proximum sicut se nescit diligere, iam tamen incipiat iudicia superna formidare. Quia igitur aliud est bonum opus ex praecepto, aliud verò etiam ex affectu facere: sanctus vir ut mentem nobis suae operationis insinuet, dicat. Pater eram pauperum. Non enim patronum se vel proximum vel adiutorem pauperum, sed patrem fuisse testatur: quia nimirum magno charitatis officio studium misericordiae vertit in affectum naturae, ut eos quasi filios cerneret per amorem, quibus quasi pater praeerat per protectionem. Quia igitur vis misericordiae illius naturam fuerat imitata, patrem se pauperum fuisse commemorat. Vbi etiam subdit: Et causam quam nesciebam diligentissimè inuestigabam. In quibus videlicet verbis pensanda sunt omnia quam distinctè narratur, quod nulla ab eo merces praetermittitur. Iustus quippe est in actionibus suis, pius in infirmitatibus proximorum, strenuus in negociis pauperum. Qui enim aeternae retributionis bona cogitat, necesse est ut ad omnem se causam secuturae mercedis extendat. Hinc enim per Salomonem dicitur: Qui Deum timet, nihil negligit. Hinc etiam Paulus ait: Ad omne opus bonum parati. Sed inter haec sciendum est, quia aliquando in actionibus nostris minora bona praetermittenda sunt pro utilitate maiorum. Nam quis ignoret esse boni operis meritum, mortuum sepelire? Et tamen cuidam qui ad sepeliendum patrem se dimitti poposcerat, dictum est: Sine ut mortui sepeliant mortuos suos, tu autem vade & annuntia regnum Dei. Postponendum nanque erat obsequium huius ministerij officio praedicationis: quia illo carne mortuos in terram conderet, isto autem anima mortuos ad vitam resuscitaret. Per Prophetam quoque primatibus synagogae dicitur: Quaerite iudicium, subuenite oppresso. Et tamen Paulus Apostolus dicit: Contemptibiles qui sunt in Ecclesia, illos constituite ad iudicandum. Auditores etenim suos ad virtutem sapientiae, ad linguarum genera, ad prophetiae quoque indaganda mysteria succendebat, dicens: Aemulamini spiritualia, magis autem ut prophetetis. Sed quia spiritualia dona non caperent, si terrena eos negocia depressissent, longè antè praemisit, dicens: Contemptibiles qui sunt in Ecclesia, illos constituite ad iudicandum. Ac si aperte dicat: Qui minoris meriti sunt in Ecclesia, & nullis magnorum donorum virtutibus pollent, ipsi de terrenis negociis iudicent, quatenus per quos magna nequeunt, bona minora suppleantur. Quos & contemptibiles nominat, & tamen sapientes vocat, cum dicit: Sic non est sapiens inter vos quisquam qui possit iudicare inter fratrem suum? Quae ex re quid colligitur, nisi ut hi terrenas causas examinent, qui exteriorum rerum sapientiam perceperunt? Qui autem spiritualibus donis ditati sunt, profecto terrenis non debent negociis implicari, ut dum non coguntur inferiora bona disponere, exercitati valeant bonis superioribus deferuire. Sed curandum magnopere est, ut hi qui donis spiritualibus emicant, nequaquam proximorum infirmantium negocia funditus deserant, sed haec aliis quibus dignum est, tractanda committant. Vnde Moyses quoque ad populum viros pro se septuaginta constituit, ut quantum se ab exterioribus causis absconderet, tanto ardentius interna penetraret. Sicque fit ut summi viri magis ad spiritualia dona proficiant, dum eorum mentes res infimae non conculcant, & rursum viri in Ecclesia ultimi si ne bono opere non viuunt, dum in rebus exterioribus in-

Eccle. 30.
Deut. 6.Eccle. 14.
Ad misericordiam exhibendam duo requiruntur.

Psal. 26.

Psal. 24.

21.

Esaia 9.

Psal. 17.

Eccle. 7.

2. Tim. 3.

Luce 9.

Esaia 1.

1. Cor. 6.

1. Cor. 12.

1. Cor. 6.

Ibidem.

† al. exteriorum.

22.

† al. laboribus.

ueniunt recta quæ agant. Sancta quippe Ecclesia sic consistit unitate fidelium, sicut corpus nostrum unitum est compage membrorum. Alia nanque sunt membra in corpore quæ intuituæ luci deseruiunt, alia quæ à terreno actu minimè disiunguntur. Oculi quippe luci intenditur, & ne cæcari valeat, à puluere custoditur. Pes verò tunc suum officium rectè peragat, cum suscipiendum terræ puluerem non refugit. Quæ tamen corporis membra vicissim sibi sua officia impartiendo copulantur, ut pes oculis currat, & oculus pedi prospiciat. Sic itaque sic sanctæ Ecclesiæ membra debent & officio esse distincta, & charitate coniuncta, ut summi viri eorum viam prouideant, qui in terrenis negociis vacant: quatenus velut ad lumen oculorum pes ambulet, & rursum quicquid terrenis negociis implicati agunt, hoc ad [†] maiorem utilitatem referant, ut pes cuius via prospicitur, non sibi tantummodo, sed etiam oculis gradiatur. Dum itaq; sibi inuicem alterna administratione conueniunt, miro modo agitur, ut quia electi quique vicissim sibimet impendendo quod valent faciunt, eorum fiant opera etiam quæ facere ipsi non possunt. Sed inter hæc sciendum est, quia cum proximorum causis exterioribus qui aptè deseruiant, defunt, debent hi quoque qui spiritualibus donis pleni sunt, eorum infirmitatibus condescendere, terrenis quoque illorum necessitatibus in quantum decenter valeant, charitatis condescensione seruire. Nec tædere animum debet, si sensus eius contemplationi spiritualium semper intentus, aliquando dispensandis rebus minimis quasi minoratus inflectitur, quando illud verbum per quod constat omnis creatura, ut prodesset hominibus, assumpta humanitate voluit paulominus ab Angelis minorari. Quid ergo mirum si homo se propter hominem attrahit, dum creator hominum & Angelorum, formam hominis propter hominem suscepit? Nec tamen minoratur sensus cum sic attrahitur: quia tantò subtilius superiora penetrat, quantò humiliter pro amore cõditoris nec interiora contemnit. Quid indignum nobis vel difficile est, si supra infraque animum ducimus, qui eadem manu corporis lauamus faciem, qua etiam calceamus pedem? Beatus igitur Iob quia cum magna ageret, minima non despexit, dicat:

23

Et causam quam nesciebam, diligentissimè inuestigabam. Quia in re notandum video, ne ad proferendam sententiam vnquam præcipientes esse debeamus, ne temerè indiscussa iudicemus, ne quælibet mala audita nos moueant, ne passim dicta sine probatione credamus. Quod profectò perpetrare pertimescimus, si authoris nostri subtilius facta pensamus. Ipse quippe ut nos à præcipitata sententiæ prolatione compesceret, cum omnia nuda & aperta sint oculis eius, mala tamen Sodomæ noluit audita iudicare, qui ait: Clamor Sodomorum & Gomorræorum multiplicatus est, & peccatū eorum aggravatum est nimis: descendam & videbo vtrum clamorem qui venit ad me: opere compleuerint, an non est ita, ut sciam. Omnipotens itaque Dominus & omnia sciens, cur ante probationem quasi dubitat, nisi ut grauitatis nobis exemplum proponat, ne mala hominum antè præsumamus credere quàm probare? Et ecce per Angelos ad cognoscenda mala descendit, moxque facinorosos percutit, atque ille patiens, ille mitis, ille de quo scriptum est: Tu autem Domine cum tranquillitate iudicas, ille de quo scriptum est rursum: Dominus patiens est redditor, in tanto crimine inuolutos inueniens, quasi patientiam prætermisit, & diem extremi iudicii expectare ad vindictam noluit, sed eos igne iudicii ante iudicii diem præuenit. Ecce malum quasi cum difficultate credidit cum audiuit, & tamen sine tarditate percussit, cum verum agnoscendo reperit: ut nobis videlicet daret exemplum, quòd maiora crimina & tardè credenda sunt cum audiuntur, & citius punienda sunt cum veraciter agnoscuntur. Huius ergo diligentia beatus Iob sollicitudinem gerens ait: *Et causam quam nesciebam, diligentissimè inuestigabam.* Quæ scilicet verba etiam per vocem Ecclesiæ ad interpretationem typicam possumus non inconuenienter referre. Ipsa quippe per electos suos cum mala carnalium iudicat, hoc quod nescit inuestigat: quia mala quæ nescit operando, inuestigat per iudicium corrigendo. Sancta itaque Ecclesia cum iniustorum fuerit ad tempus improbitate compressa, reminiscitur dicens: Causam quam nesciebam, diligentissimè inuestigabam. Ac si apertè dicat: Mala quæ in

Gene. 18.

Sapient. 12.

E electis meis agendo non noueram, in iniquis hominibus districte iudicando plecebam. Et quia nunc virtute prædicationis suæ diabolum conterit, atque ex eius ore vniuscuiusque quem suscipit animam rapit. Sequitur:

Quòd dentibus diaboli prædam eripit, qui ab errore vel malitia aliquem prædicando conuertit.

Caput XV.

C Onterebam molas iniqui, & de dentibus illius aufereram prædam.) O qualem de ore diaboli prædam tulit, quando ipsum raptorem Saulem conuertendo rapuit, quando adhuc spirans minarum, acceptis epistolis pergebat Damascum, & dum persequendo fideles, congregaret plebem diabolo, cognoscendo fidem ipse aggregatus est Christo. Toties ex iniqui dentibus Ecclesiam prædam tulit, quoties ex erroris morfu animam prædicando diripuit. Quis nanque iniquus verius dici potest quàm diabolus? Cuius molas conterimus, quoties differendo contra eius insidias, occulta illius machinamenta monstramus, ac si de eius dentibus prædam tollimus: quia mentem quam iam ad peccatum frangendo momorderat, ad salutem vitæ conuertendo reuocamus. Per molas quippe occulta eius insidiæ, per dentes verò aperta iam culpæ perpetratio demonstratur. De quibus nimirum molis ac dentibus per Psalmistam scriptum est: Deus verò conteret dentes eorum in ore ipsorum, molas leonum confringet Dominus. Sed sanctus vir antè se asserit molas contere, ut post de dentibus illius prædam potuisset auferre: quia tunc veraciter prædam de eius dentibus tollimus, cum prius molas illius contere scimus. Prius enim necesse est occulta consiliorum illius machinamenta prodere, ut auditoris nostri animam valeamus postmodum ab aperto lapsu reuocare. Huius iniqui molas ipse summus pastor Ecclesiæ prædicando conterebat, cum diceret: Sobrii estote & vigilate, quia aduersarius vester diabolus tanquam leo rugiens circuit, quærens quem deuoret, cui resistite fortes in fide. Contra hunc leonem sancta Ecclesia quia eius insidias cõspicit, fidei caulas munit. Cuius toties molas frangit, quoties hæreticorum argumenta destruit: totiesque ab eius dentibus prædam diripit, quoties ab errore, quempiam prædicando conuertit. Et quia plerique iustorum tunc erunt qui se Ecclesiasticæ pacis tempore ab hoc mundo exituros esse crediderunt, beatus Iob dum sua narrat, voces quaque iustorum sequentium indicat, dicens:

Quòd sancta Ecclesia filios suos in nido pacis enutrit.

Caput XVI.

D icebamque: In nidulo meo moriar, & sicut palma multiplicabo dies.) Quid hoc loco per nidi nomen exprimitur, nisi tranquilla quies fidei, qua vtriusque infirmus nutritur? Multitudo quippe illa bonorum, quæ persecutionum temporibus fuerit deprehensa, nutrimentorum suorum dies quasi in nido sic in loco quietis, explere se credidit. Nam nisi sancta Ecclesia infirmos quosque filios nunc in nido pacis enutrit, Psalmista non diceret: Etenim passer inuenit sibi domum, & turtur nidum, ubi reponat pullos suos. Iam quippe domum inuenit sibi passer: quia æternum cœli habitaculum, noster redemptor intrauit. Et turtur inuenit nidum: quia sancta Ecclesia amore cõditoris affecta crebris gemitibus vititur, & velut nidum sibi, id est, pacatissimam fidei quietem construit, in qua crescentes filios quasi plumescens pullos, quousque ad superiora euolent, charitatis gremio calefactos fouet. Igitur quia tunc erunt, qui pacis tempore se ad superna migrare, id est, à nido euolare crediderunt, eorum vox beati Iob voce præuenitur, cum ait: *Dicebamque: In nidulo meo moriar.* Quia verò hoc ipsum sibi pacis ocium ex multorum dierum longitudine promittebant, rectè subiungit dicens: *Et sicut palma multiplicabo dies.* Palma enim tardè proficit, sed diu in viriditate subsistit. Cum multis autè difficultatibus sancta Ecclesia ad fidei statum venit, & pro collectione plurimorum, in eiusdem fidei gloria diutius stare concupiscit. Sicut palma ergo multiplicare se dies crediderit, quæ emergente subitæ tentationis articulo, pacis suæ gratiam & tardè à fidelibus adeptam, & citius ab infidelibus interceptam dolet. Nec immeritò iustorum vita palmæ comparatur: quia scilicet palma inferius tactu aspera est, & quasi aridis corticibus obuoluta: superius

24

Psalm. 57.

1. Petri 5.

Psalm. 81.

25

superius verò & visu & fructibus pulchra: inferius corticum suarum inuolutionibus angustatur, sed superius amplitudine pulchræ viriditatis expanditur. Sic quippe est electorū vita, despecta inferius, superius pulchra: in imo ista quasi multis corticibus obuoluitur, dum innumeris tribulationibus angustatur: in summo verò illa quasi pulchræ viriditatis foliis amplitudine retributionis expanditur. Habet quidem aliud palma, quo à cunctis arborum generibus differt. Omnis namque arbor in suo robore iuxta terram, vasta subsistit, sed crescendo superius angustatur, & quantò paulisper sublimior, tantò in altum subtilior redditur. Palma verò minor ab imis inchoat, & iuxta ramos, ac fructus ampliori robore exurgit, & quæ tenuis ab imis proficit, vastior ad summa succrescit. Quibus itaque alia arbuta nisi terrenis mentibus inueniuntur esse similia, inferius vasta, superius angusta: quia nimirum omnes huius seculi dilectores, in terrenis rebus fortes sunt, in cælestibus debiles. Nam pro temporali gloria usque ad mortem desudare appetunt, & pro spe perpetua, ne parum quidem in labore subsistunt. Pro terrenis lucris qualibet iniurias tolerat, & pro cælesti mercede vel tenuissimi verbi ferre contumelias recusant: terreno iudici toto etiā die assistere fortes sunt, in oratione verò coram Domino vel vnius horæ momento lassantur. Sæpe nuditatem, deiectionem, famem, pro acquirendis diuitiis atque honoribus tolerant, & earum rerum se abstinentia cruciant, ad quas adipiscendas festinant: superna autem laboriosè querere tantò magis dissimulant, quantò ea retribuiri tardius putant. Hi itaque quasi aliarum arborum more deorsum vasti sunt, sursum angusti: quia fortes in inferiora subsistunt, sed ad superiora deficiunt. At contrā ex qualitate palmarum designatur proficiens vita iustorum, qui nequaquam sunt in terrenis studiis fortes, & in cælestibus debiles, sed longius atque distantius studiosos se Deo exhibet, quam seculo fuisse meminerunt. Nam cum quibusdam per prædicatorem nostrum dicitur: Humanum dico, propter infirmitatem carnis vestre: sicut enim exhibuistis membra vestra seruire immunditiæ & iniquitati ad iniquitatem, ita nunc exhibete membra vestra seruire iustitiæ in sanctificationem: eorū proculdubio infirmitati condescenditur, ac si eis apertius diceretur: Si nequaquam amplius potestis, saltem tales estote in fructu bonorum operum, quales fuistis dudum in actione virtutū, ne debiliores vos habeat sancta libertas hæredes, quos in carne validos habuit usus terrenæ voluptatis. Sunt verò nonnulli qui cum cælestia appetunt, atque huius mudi noxia facta derelinquunt, ab inchoatione sua quotidie inconstantia pusillanimitate deficiunt. Quibus hos nisi arbutis reliquis similes dixerim, qui nequaquam tales superius surgunt, quales inferius oriuntur: Hi quippe ad conuersionem venientes, non tales quales cœperunt perseverant, & quasi more arborum, in inchoatione vasti sunt, sed tenues crescunt: quia paulisper per augmenta temporum patiuntur detrimenta virtutum: Senlim quippe in eis desideria superna languescunt, & qui robusta ac fortia proposuerant, debilia atque infirma consummant: dumque ætatis augmento proficiunt, quasi flexibiles crescunt. Palma verò, sicut dictum est, vastior in summitate est quam esse cœperit ex radice: quia sæpe electorum conuersio plus finiendi peragit, quam proponit inchoando, & si tepidius prima inchoat, feruētius extrema consummat: videlicet semper inchoare se estimat, & idcirco infatigabilis in nouitate perdurat. Hanc scilicet iustorum constantiam Propheta intuens ait: Qui confidunt in Domino, mutabunt fortitudinē suam, assumment pennas vt aquile, current & non laborabunt, ambulabunt & non deficiēt. Mutant quippe fortitudinem: quia fortes student esse in spiritali opere, qui dudum fuerant fortes in carne. Assumunt autem pennas vt aquile: quia contemplando volāt. Currunt & non laborāt, quia velocibus magna celeritate prædicant. Ambulant & non deficiunt: quia intellectus sui velocitatem retinent, vt tardioribus condescendant. In cunctis verò bona quæ accipiunt, quantò aliis libenter accommodāt, tantò ipsi incommutabiles in nouitate perdurant: & qui tenues à radice inchoationis exeunt, fortes in culminis perfectione conualescunt. Dicit itaque beatus Iob ex persona sua, dicat ex voce sanctæ Ecclesiæ his, quos pacis tempore ad se conuersos habuerat, atque in bonis moribus perseveraturos credebant:

Dicebamque: In nidulo meo moriar, & sicut palma multiplicabo dies.) Quasi enim palmam multiplicare se dies credidit, quæ mentes fidelium ad extremum usque robustiores exurgere putabat. Cum enim multorum corda persecutionibus cœperint lassata mollescere, dolet iam in se quasi ad debilitatem tendere, quos mirabatur fortia proposuisse. Et quia mente semper spiritali scientiæ intendit, rectè subiungitur: *Radix mea aperta est secus aquas.*) Iuxta aquas enim radix aperitur, quando ad percipiendam veritatis fluentia latenter cogitatio mentis expanditur. Vt enim in superiori libro iam diximus, solet in sacro eloquio radicis nomine, occulta cogitatio designari. Radicē igitur nostram secus aquas aperimus, cum infusioni intimæ cogitationem taciti cordis intendimus. Quæ scilicet verba si ad vocem sanctæ Ecclesiæ ducimus, radix illius ipsa debet incarnatio redemptoris intelligi. Quæ iuxta aquas aperta est, dum Deus inuisibilis per assumptionē humanitatis suæ patuit aspectibus visionis nostræ. Creator quippe qui in diuinitate videri non poterat, assumpsit à nobis vnde videretur à nobis. Radix ergo secus aquas aperitur: quia author humani generis per humanitatem suam hominibus demonstratur. Vnde rectè quoque per Psalmistam dicitur: Et erit tanquam lignum quod plantatum est secus decursus aquarum. Decursus quippe aquarum sunt quotidiani transitus deficientium populorum. Et de semetipsa veritas dicit: Si in ligno viridi hæc faciunt, in arido quid fiet? Lignum ergo secus decursus aquarum est, qui fructum & protectionem sui nobis vmbraculi proferens, apparuit creator in carne, vt humanum genus per resurrectionem robustum figeret, quod per defectum quotidie ibat in mortem. Sequitur: *Et ros morabitur in messione mea.*) Subaudis, dicebam. Messio enim sanctæ Ecclesiæ non inconuenienter accipitur, cum perfectæ animæ corporibus abstractæ, velut maturæ segetes à terra decisæ, ad cælestia horrea demigrant: quod quia non nostra virtute, sed cælesti gratia largiente agitur, bene ait: *Et ros morabitur in messione mea.*) Ros namque desuper cadit, messis deorsum colligitur. Ergo ros morabitur in messione: quia gratia desuper veniens agit, vt digni sumus qui de inferioribus colligamur. Ipsa quippe nos desuper infundente, fructum bonorum operum ferimus. Vnde rectè quoque per Paulum dicitur: Gratia Dei sum id quod sum, & gratia eius in me vacua non fuit. Si enim quæretur quid sit ros desuper veniens, ait: Gratia Dei sum id quod sum. Si intueamur messem, sub rore crescentem, ait: Et gratia eius in me vacua non fuit, sed abundantius illis omnibus laboravi. Sequitur: *Gloria mea semper innotabitur, & arcus meus in manu mea instaurabitur.*) Subaudis, dicebam. Superiore quippe sententiæ coniugitur, quod locutione continua subinsertur, cum ait: *Dicebamque: In nidulo meo moriar, & sicut palma multiplicabo dies.*) Ac deinde subiungitur: *Radix mea aperta est secus aquas, & ros morabitur in messione mea. Gloria mea semper innotabitur, & arcus meus in manu mea instaurabitur.*) Cunctis vera scientibus liquet, quod ad vetustam vitam vitia pertinent, virtutes ad nouam. Hinc enim Paulus dicit: Exuentes vos veterem hominem cum actibus suis, & induentes nouum. Hinc rursus ait: Vetus homo noster simul crucifixus est. Hinc Psalmista ex typo humani generis loquens, inter malignos spiritus deprehensis dicit: Inueteraui inter omnes inimicos meos. A seruiore etenim mētis vel inter spirituales inimicos vel inter carnales quosque proximos, ipso aliquo modo viuendi usu veterascimus, & assumptæ nouitatis speciē fuscamus. A qua tamen vetustate quotidie si studio circumspeditionis inuigilamus orando, legendo, bene viuendo renouamur: quia vita nostra dum lachrymis lauitur, bonis operibus exercetur, sanctis meditationibus tenditur, ad nouitatem suam sine cessatione reparatur. Beatus igitur Iob sic sua narrat, vt nostra significet: quia sancta Ecclesia cum fideles suos conspicit ad vitæ veteris culpas redire, eos quos nouitatem mentis intuetur perdere, cogitur plorare. Prædicator quippe egregius discipulis suis dicit: Quæ est enim nostra spes, aut gaudium, aut corona gloriæ? Nonne vos ante Dominum? Sancta ergo Ecclesia quasi amissam gloriam deplorat, cum fideles suos ad vitam veterem redire considerat. Ait enim: Dicebam, gloria mea semper innotabitur: quia eos quos in se nouæ vitæ militare credidit, vetustis desiderijs seruire cognoscit.

Parte i. diff.
47. cap. Omnes huius.

Contra huius seculi dilectores.

Rom. 6.

† al. sancta libertas charitatis quæ in carne, etc.

Esaiæ 40.

27.

Psalm. 1.

1. Cor. 15.

Colo. 3.

Roma. 6.

Psalm. 6.

1. Thes. 2.

28 Arcus autem nomine in sacro eloquio aliquando malorum
Arcus. infidiæ, aliquando dies iudicii, aliquando verò ipsa eadem sa-
Psal. 63. cra eloquia designantur. Per arcum quippe infidiæ figuran-
Psal. 59. tur, sicut per Psalmistam dicitur: Intenderunt arcum suum,
 rem amaram. Per arcum quoque dies extremi iudicii designa-
 tur, sicut per eundem rursus Psalmistam dicitur: Ostendisti
 populo tuo dura, potasti nos vino compunctionis. Dedisti
 metuentibus te significationem, ut fugiant à facie arcus. In ar-
 cu enim quantò longè trahitur chorda, tantò de eo districtior
 exit sagitta. Sic nimirum sic extremi iudicii dies quantò lon-
 gè differtur ut veniat, tantò cum venerit, de illo districtior
 sententia procedit. Idcirco autem diuersis nunc cladibus per-
 eutimur, ut his correcti, paratiores tunc inueniri valeamus.
 Vnde illic præmissum est: Ostendisti populo tuo dura, fla-
 gella videlicet seculi quæ secuturum grauius iudicii diem præ-
 currunt. Potasti nos vino compunctionis: ut terrena gaudia
 in lachrymas verterentur. Dedisti metuentibus te significa-
 tionem, ut fugiant à facie arcus. Ac si diceret: Hoc tempus
 misericordiæ est, illud tempus iudicii erit. Per ista ergo hu-
 ius temporis flagella significas, quomodo tunc percussurus es
 quando non parcens iudicas, qui sic districtè modo percutis
 quando parcis. Aliquando autem per arcum etiam sacra scrip-
 tura signatur. Ipsa quippe arcus est Ecclesiæ, ipsa arcus est
Psal. 7. Domini, de qua ad corda hominum sicut ferientes sagittæ, sic
 terrentes sententiæ veniunt. Vnde rectè quoque per Psalmi-
 stam dicitur: Arcum suum tetendit & parauit illum, & in ip-
 so parauit vasa mortis, sagittas suas ardentibus effecit. Arcum
 nanque suum Dominus tetendit: quia cunctis peccatoribus
 per scripturam sacram minas exhibuit. In quo arcu scilicet va-
 sa mortis præparat: quia secundum eloquiū sui sententiam, eos
 qui nunc corrigi negligunt, reprobos damnat. In quo etiam
 sagittas suas ardentibus effecit, quia in eos quos per terrorem
 corrigit, accensas verborum sententias emittit. De hoc præ-
Esai. 7. dicatorem arcu per Esaiam dicitur: Cum sagittis & arcu e-
 grediuntur illuc: quia nimirum sancti Apostoli ad feriendam
 gentilis vitæ duritiam cum districtis verborum spiculis ve-
 nerunt. Quid igitur hoc in loco arcus nomine, nisi sacrum e-
 loquium debet intelligi? In chorda etenim testamentum no-
 uum, in cornu verò testamentum vetus accipitur. In arcu au-
 tem dum chorda trahitur, cornu curuatur. Sic in hoc eodem
 sacro eloquio dum testamentum nouum legitur, duritia testa-
 menti veteris emollitur. Ad eius nanque spiritalia, & blanda
 præcepta illius literæ se rigor inclinat: quia testamentum no-
 uum dum quasi quodam bonæ operationis brachio trahitur,
 in testamēto veteri seueritatis iura flectuntur. Nec indecen-
 ter dicimus chordam testamento nouo congruere, quod de
 incarnatione dominica certum est extitisse. Quasi ergo chor-
 da trahitur, & cornua curuantur: quia dum in testamento no-
 uo incarnatio mediatoris agnoscitur, ad spiritalem intelligen-
 tiam rigor testamēti veteris inclinatur. Ait igitur sanctus vir:
Dicebā, Gloria mea semper innouabitur, & arcus meus in manu mea in-
staurabitur. Arcus in manu, est scriptura sacra in operatione.
 In manu etenim arcum tenet, qui diuina eloquia quæ intelle-
 ctu cognoscit, operatione perficit. Instauratur ergo arcus in
 manu, dum quicquid in sacro eloquio studendo cognoscitur,
Canti. 4. viuendo compleretur. Hinc etiam Salomon dum fortes spirita-
 lis pugnæ describeret bellatores, ait: Omnes tenentes gla-
 dios, ad bella doctissimi. Quid nanque in diuina scriptura per
 gladium figuretur, Paulus aperuit, dicens: Et gladium spiri-
 tus, quod est verbum Dei. Salomon autem non ait: Om-
Ephe. 6. nes habentes gladios, sed tenentes: quia videlicet verbum
 Dei non est mirabile solummodo scire, sed facere. Habet quip-
 pe, sed non tenet gladium, qui diuinum quidem eloquium
 nouit, sed secundum illud viuere negligit. Et doctus esse ad
 bella iam nō vellet, qui spiritalem quem habet gladium mini-
 mē exercet. Nam resistere tentationibus omnino nō sufficit,
 qui hunc verbi Dei tenere gladium malè viuendo postponit.
 Sancta itaque Ecclesia quæ subsequenti persecutione depri-
 mitur, malorum abundantiam, & bonorum inopiam pensans,
 beati Iob vocibus damna sua prænuntiat, dicens: *Dicebam-*
que: In nidulo meo moriar, & sicut palma multiplicabo dies. Radix
mea aperta est sicut aquas, & ros morabitur in mesione mea. Gloria
mea semper innouabitur, & arcus meus in manu mea instaurabitur.

E Quæ videlicet cuncta considerans, nequaquam spe cassa fal-
 lebatur. Nam perfecti quique multos nunc eius conspiciunt
 adiutores, sed pensant proculdubio quoddam emergente perse-
 cutionis articulo, ex his plerique hostes illius fiunt, qui esse
 pacis tempore eius ciues videtur. Non autem de omnibus ita
 desperant: sed tamen plerumque contingit, ut hi de quibus
 maiorem fidei fiduciam habuerant, ipsi eiusdem fidei hostes
 atrociore fiant: ut eos tunc videant contra sacra eloquia a-
 gere, ex quorum se operatione crediderant hæc eadem sacra
 eloquia ad prædicationis gratiam restaurare. Quæ tamē tem-
 pora iam nunc inchoasse ingemiscimus, cum multos intra
 Ecclesiā positos cernimus, qui aut nolunt operari quod intel-
 ligunt, aut hoc ipsum quoque sacrum eloquium intelligere ac
 nosse contemnunt. A veritate etenim auertentes auditum, ad
 fabulas conuertuntur, dum omnes quæ sua sunt quærunt, non
 quæ sunt Iesu Christi. Scripta Dei ubique reperta opponun-
 tur oculis, sed hæc cognoscere homines dedignantur. Penè
 nullus quærit scire quod credidit. Multitudo ergo bonorum
 F præcedentium arcum suum destrui dolebat, quæ sacrum elo-
 quium restaurari semper per studium subsequentiū credebat.

Libri deciminoni Moralium sancti Gregorij finis.

B. GREGORII MO- RALIS EXPOSITIONIS LI- BER VIGESIMVS, CONTI- nuans reliqua capitis vigesi- minoni textus beati Iob.

Caput I.



G Vanuis omnem scientiam atque doctri-
 nam scriptura sacra sine aliqua compara-
 tione transcendat, ut taceam quoddam vera
 prædicat, quoddam ad coelestem patriam vo-
 cat, quoddam à terrenis desideriis, ad super-
 na amplectenda cor legentis immutat,
 quoddam dictis obscurioribus exercet for-
 tes, & paruulis humili sermone blanditur: quoddam nec sic clau-
 sa est ut pauesci debeat, nec sic patet, ut vilescat: quoddam usu
 fastidium tollit, & tantò amplius diligitur, quantò amplius
 meditatur: quoddam legentis animum humilibus verbis adiuuat,
 sublimibus sensibus leuat: quoddam aliquo modo cum legenti-
 bus crescit quoddam à rudibus lectoribus, quasi recognoscitur, &
 tamen doctis semper noua reperitur: ut ergo de rerum pon-
 dere taceam, scientias tamen omnes atque doctrinas ipso e-
 tiam locutionis suæ more transcendit: quia vno eodemque
 sermone dum narrat textum, prodit mysterium, & sic scit
 præterita dicere, ut eo ipso nouerit futura prædicare, & non
 immutato dicendi ordine, eisdem ipsis sermonibus nouit &
 antea describere, & agenda nuntiare: sicut hæc eadem bea-
 ti Iob verba sunt, qui dum sua dicit, nostra prædicat, dum-
 que lamenta propria per sermonem indicat, sanctæ Ecclesiæ
 causas per intellectum sonat. Ait enim: *Qui me audiebant,*
expectabant sententiam, & intenti tacebant ad consilium meum.
Verbis meis addere nihil audebant, & super illos stillabat eloquium
meum. Expectabant me sicut pluuiam, & os suum aperiebant quasi ad
imbrem serotinum. Hanc etenim apud beatum Iob fuisse subie-
 ctorum reuerentiam indubitater credimus. Sed sicut iam sæ-
 pe diximus, sancta Ecclesia hæreticorum, vel carnalium tri-
 bulationibus pressa, præteritorum reminiscitur temporum, in
 quibus omne quod ab ea dicitur, cum metu à fidelibus audi-
 tur, & aduersariorum suorum proteruiam deplorans, dicit:

Quanta reuerentia Iob fuerit apud auditores suos, & quanta
discretionis in sermonibus proferendis.

Caput II.

Q *Vi me audiebant expectabant sententiam, & intenti tacebant ad*
consilium meum. Ac si apertè dicat: Non ut hi proterui
 ac tumidi, qui dum veritatis verba suscipere renuunt, prædica-
 tionis meæ sententias quasi docendo præcurrunt. Cuius nunc
 discipuli intenti ad eius consilium tacent: quia verba eius
 non

non audent impugnare, sed credere. Vt enim proficere ex ipsis possint, ea procul dubio non iudicaturi, sed secuturi audiunt. De quibus rectè subiungitur: *Verbis meis addere nihil audebant*: quia nimirum tunc hæretici cum contra hanc libertate pessima fuerint effrenati, dictis eius addere aliquid præsumunt, cum prædicamentorum eius rectitudinem quasi emendare moliuntur. Quæ adhuc de bonis auditoribus subdit: *Et super illos stillabat eloquium meum*. In hac stillatione eloquii, quid aliud quam mensura prædicationis accipitur? quia oportet vt exhortationis gratia singulis iuxta capacitatem ingenij conferatur. Per hoc ergo quod dicitur: *Verbis meis addere nihil audebant, reuerentia laudatur audientium*. Per hoc verò quod subditur: *Et super illos stillabat eloquium meum*, indicatur dispensatio magistrorum. Debet enim subtiliter is qui docet perspicere, ne plus studeat, quam ab audiente capiatur, prædicare. Debet enim ad infirmitatem audientium semetipsum contrahendo descendere, ne dum prauis sublimia, & idcirco non profutura loquitur, se magis curet ostendere, quam auditoribus prodesse. Iubente autem Domino, non solum phialæ ad mensam tabernaculi, sed etiam cyathi præparantur. Quid enim per phialas, nisi larga prædicatione, quid verò per cyathos, nisi minima & tenuis de Deo locutio designatur? In mensa igitur Domini, & phialæ præparatur & cyathi: quia videlicet in doctrina sacri eloquii, non solum exhibenda sunt magna & arcana, quæ deebriant, sed etiã parua & subtilia quæ quasi per gustum notitiã præstant. Huius ergo discretissimæ dispensationis suæ, sancta Ecclesia extremis pressa temporibus reminiscatur, & dicat: Super illos stillabat eloquium meum. Vbi aptè quoque subiugitur: *Expectabant me sicut pluuiam, & os suum aperiebant quasi ad imbrem serotinum*. Verba quippe sanctę prædicationis sicut pluuiã sustinemus: cum vera humilitate ariditatem nostri cordis agnoscimus, vt potu sanctę prædicationis irrigemur. Vnde Deo rectè per Psalmistã dicitur: Anima mea sicut terra sine aqua tibi. His doctrinæ fluentis infundi Propheta nos admonet, dicēs: Sitientes venite ad aquã. Qui dum in extrema parte iam seculi verba sanctę prædicationis accipimus, quasi ad imbrem serotinũ os cordi aperimus. Nã si os in corde nõ esset, Psalmistã nõ diceret: Labia dolosa in corde, & corde locuti sunt mala. Os igitur cordis quia verbis intēdimus vltimę prædicationis, hoc velut serotinũ aperim? fluētis. Quę nimirũ prædicatione ex eius ad nos sacrificio prodiit, qui p̄ Psalmistã dicit: Eleuatio manũ mearum sacrificium vespertinũ. Quia enim redēptor noster iuxta mundi finē vim persequentium pertulit, semetipsum pro nobis sacrificium vespertinum dedit. De hoc imbri serotino alijs scriptum est: Dabo vobis pluuiã temporaneã & serotinã. Temporaneam quippe pluuiam dedit: quia electis suis priori tempore legis intellectum contulit. Serotinam quoque pluuiam tribuit: quia prædicari diebus vltimis incarnationis suę mysterium fecit. Quod quia sancta Ecclesia quotidie annuntiare non desinit, ora cordis audientium velut ex imbri serotino infundit. Sequitur:

Quod prælati quisque ea circa subditos suos debet vi censura, vt eis pro tempore sic se grauem exhibeat, vt non reddat odiosum, sic hilarum, vt non faciat vilem.

Caput III.

Si quando ridebam ad eos, non credebant: & lux vultus mei non cadebat in terram. Hæc si iuxta historię verba percipimus, credi necesse est quod vir sanctus talem se exhibuerit subditis, vt etiam ridens timere potuisset. Sed cum superius patrẽ se pauperũ, viduarum verò consolatore fuisse perhibet, magna valde discretione res indiget, quomodo in tanto terrore regiminis, tanta quoque affuerit lenitas, & mansuetudo pietatis. Sine magna enim benignitatis lenitate non fuit hoc, quod se patrem pauperũ, & viduarum consolatore dicit. Sed rursum sine magna seueritate nõ potuit etiã ridēs timeri. Quia in re quid aliud docemur, nisi quod talis debet esse dispensatio regiminis, vt is qui præest, ea se circa subditos mēsurā moderetur, quatenus & aridēs timeri debeat, & iratus amari: vt eũ nec nimia lætitia vilē reddat, nec immoderata seueritas odiosum. Sæpe enim subiectos frangimus, dum plus iusto vigore iustitię tenemus. Qui profectò vigor iam iustitię nõ erit, si se sub iusto moderamine nõ custodit. Et sæpe à disciplinę metu resoluim? subditos, si nostro regimini hilaritatis frena relaxa-

Tomus primus.

mus: quia dum nos quasi licenter lætos aspiciunt, audacter ipsi ad illicita resoluuntur. Sed vt rectoris vultus etiam lætus debeat timeri, necesse est vt ipse vultum suũ conditoris sine cessatione timeat. Illi etenim menti difficile de lætitia creditur, quæ quod se pro amore Domini continuè affligat, à subditis scitur. Qui enim incessanti æstu spiritalis desiderij superna appetit, valde de ea in dubium venit hoc quod aliquando ante hominẽs hilarescit. Vnde & idem beatus Iob non longè post dicturus est: Semper enim quasi tumentes super me fluctus timui Deum. Sic quippe metuebat iudicem suum, quasi imminentes impetus fluctuum, iam iamque moriturus. Cuius ergo ita mentem, mœror diuini timoris infuderat, rectè hilaritati illius subditi non credebant: quia cogebantur ridenti non credere, cuius cor in timore conditoris nouerat, quàm continua mœstitia tenebat. Hoc quoque iuxta historiam non inconuenienter accipitur, quod protinus subinfertur:

Quod sanctorum lux in terrenorum desideriis non est, quorum conuersatio in caelis est.

Caput IIII.

Et lux vultus mei non cadebat in terram. Scriptum quippe est: Oculi stultorum in finibus terrę. Rursumque per eundem Salomonem dicitur: Oculi sapientis in capite eius. Paulus quoque ait: Caput viri Christus. Oculi ergo sapientis in capite eius sunt, dum redemptoris sui semper opera quæ imitari debeat, contemplatur. Lux ergo vultus eius in terram nõ cecidit: quia ea quæ terrena sunt, per concupiscentiam non aspexit. Sed quia superficiem historiæ sub breuitate discussimus, quid in his intellectu mystico lateat, perpendamus. Vnam esse personam Christum & Ecclesiam plerumque iam diximus, & sæpe vox capitis ad vocem corporis: sæpe vox corporis ad vocem capitis transit. Qui enim sunt in carne vna, nil obstat vt conueniant etiam in voce vna. Dicat ergo voce capitis de electis suis, dicat Ecclesia: Si quando ridebam ad eos, non credebant. Ridere etenim Dei, est sanctorum vias prosequenti fauore prosperari: sicut de his quoque per vsum dicitur, quos in hoc seculo sælicitatis blandimenta comitantur: Arrisit illis tempus. Vnde econtrã ira appellatur Domini, à bonis actionibus infirmari: sicut scriptum est: Nequando irascatur Dominus, & pereatis de via iusta. Si igitur irasci Dominus perhibetur, cum viam iustitiæ homines perdunt, rectè arridere Dominus dicitur, cum bona nostra opera fauor gratiæ supernæ comitatur.

Quod graue peccatum sit incauta securitas: & valde vile sit, etiam cum stamus, formidare ruinam.

Caput V.

Sed electi quique quandiu in hac vita sunt, securitatis sibi confidentiam non promittunt. Horis enim omnibus contra tentamēta suspecti, occulti hostis insidias metuunt: qui etiã tentatione cessante, vel sola grauiter suspitione turbantur. Nam sæpe multis graue periculum incauta securitas fuit: vt callidi hostis insidias non tentati, sed iam prostrati cognoscerent. Vigilandum quippe semper est, vt mens continuè sollicita nunquam relaxetur intentione superna: ne laboriosa deserens, in cogitationibus fluxis, quasi in quibusdam mollibus stramentis iacens, venienti corruptori diabolo mēs se resoluta prostituat. Semper verò est ad certamen aduersarij erigendus animus: semper contra occultas insidias cautela prouidēda. Hinc etenim Abacuc propheta ait: Super custodiam meam stabo. Hinc rursum scriptum est: Statue tibi speculã: pone tibi amaritudines, qui euāgelizas Sion. Hinc per Salomonem dicitur: Beatus vir qui semper est pauidus: qui autem mentis est durus, corrueat in malum. Hinc iterũ dicit: Vnusquisque ensis super femur suum, propter timores nocturnos. Nocturni quippe timores sunt insidiæ tentationis occultæ. Ensis autem super femur, est custodia vigilans: carnis illecebras premens. Ne ergo nocturnus timor, id est, occulta & repentina tentatio subrepat: semper necesse est, vt femur nostrum superpositus custodiæ ensis premat. Sancti etenim viri sic de spe certi sunt, vt tamen semper sint de tentatione suspecti: quippe quibus dicitur: Seruite Domino in timore, & exultate ei cum tremore: vt & de spe exultatio, & de suspitione nascatur tremor. Quorum voce iterũ Psalmistã ait: Lætetur cor meũ vt timeat nomē tuũ. Qua in re notandum quod non ait: Lætetur vt securũ sit: sed, Lætetur vt timeat. Meminerunt nanque quauis eorum actio prosperetur, quia adhuc in hac vita sunt: de qua per eundem

Sapient. 9.

† al. certi
morantur.

Act. 9.

1. Corin. 9.

Gene. 3.

Esa. 26.

Iob dicitur: Tēratio est vita humana super terram. Meminerunt rursus quod scriptum est: Corpus quod corrumpitur, aggrauat animam: & deprimit terrena inhabitatio sensum multa cogitantem. Meminerunt & metuunt, & certitudinem sibi in se promittere non præsument: sed positi inter gaudium spei, & tentationis metum, confidunt & timent: confortantur & titubant: † certificantur & suspecti sunt. Bene ergo per vocem electi membri sub figura nostri capitis dicitur: Si quando ridebam ad eos, non credebāt mihi: quia redemptori nostro quasi arridenti non credimus, dum multis iam eius donis testantibus, & gratiam fauoris eius accipimus: & tamē adhuc sub eius iudicio de nostra infirmitate titubamus. Videamus qualiter Paulo, & arridetur iam per supernam gratiam: & ipse adhuc quasi non credit per suspicionis metum. Iam ē cōlo illi Dominus loquens, eiusque interius oculos aperiens, exterius claudens, potentiam suā maiestatis ostendat: iam de eo Ananiā dixerat: Vas electionis mihi est iam ad tertium cōelum super se raptus fuerat: iam in paradysum ductus, arcana verba quā dicere non posset audierat: & tamen adhuc timidus dicit: Castigo corpus meum, & in seruitutem redigo: ne fortē aliis prādicans, ipse reprobis efficiar: Ecce arridenti sibi diuinę gratiā iam credit per spem: & necdum tamen credit per securitatem. Iam quia bene hęc verba redemptoris nostri vocibus congruunt, etiam subiuncta testantur, cū dicitur: *Et lux vultus mei non cadebat in terram.*) Quid nanque terra nisi peccator vocatur: cui prima sententia dictum est: Terra es, & in terram ibis? Lux ergo vultus Domini in terram nequaquam cadit: quia visionis eius claritas peccatoribus non apparet. Scriptum nanque est: Tollatur impius, ne videat gloriam Dei. Quasi enim lux in terram caderet, si in extremo iudicio veniens, claritatem maiestatis suę peccatoribus aperiret. Quod si hęc verba ex sanctę Ecclesię voce suscipimus, non incongruē intelligere poterimus, lucē vultus eius in terram non cadere: quia occupatis in terrenis actionibus, vetat summa contemplationis iuxā mysteria prādicare. Dici enim infirmis fortia prohibet, ne dum incapabilia audiunt, prādicationis verbis quibus subleuari debuerāt, opprimantur. Lux quippe ipsa corporea quę oculos sanos irradiat, infirmos obscurat: & dum lippientibus oculis claritati Solis intenditur, plerunque eis cæcitas ex luce generatur. Sancta itaque Ecclesia oppressa persecutionis tempore, memor autem pręteritę discretionis suę dicat: Lux vultus mei non cadebat in terram. Sed quia ex eius capite hęc verba intelligere cępimus, in ipso adhuc quod sequitur exequamur. Nam subditur:

Quod in eorum cordibus qui carnem animę pręponunt, Christus non primum locum habet, sed vltimum.

Caput VI.

SI voluissē ire ad eos, sedebam primus.) Quia in corde reprobis prior loco actiones carnis sunt, & posteriori actiones animę: in eorum procudubio cogitationibus Christus non primus, sed vltimus sedet. Sed electi quique quia ea prę omnibus, quę æterna sunt, cogitant: & posteriori cura ac minima si qua sunt temporalia disponunt, quibus & magistra voce veritatis dicitur: Quærite primum regnum Dei & iustitiam eius, & hęc omnia adiicientur vobis: in eorum corde Dominus primus sedet. Vbi aptē pręmittitur: Si voluissē ire ad eos, Quia enim, sicut scriptum est, omnia operatur, secundum consilium voluntatis suę, non secundum nostrum meritum: sed quia ipse ita vt vult, visitatione sua nos Dominus illustrat. Itaque & cū vult venit: & cum venerit, primus sedet: quia & aduentus eius in corde nostro gratuitus est: & appetitus eius desiderij, in cogitatione nostra, æqualis cæteris desideriis non est. Sequitur:

Quod prędicator circumstantem Ecclesię exitum quem regit, diuinarum promissionum auctoritatibus debeat consolari.

Caput VII.

Quomodo Christus quę rex sedet in corde nostro. Vique sederem quasi rex circumstante exercitu: eram tamen morientium consolator.) Quasi rex Dominus sedet in corde: quia circumstrepentes regit animorum motus in nostra cogitatione. In mente quippe quam inhabitat, dum torpentia excitat, inquieta frenat, frigida accendit, accensa moderatur,

Emollit rigida, fluxa restringit: ex ipsa hac diuersitate cogitationum quasi quidam illum exercitus circumstat. Siue certē lūm sēsio-
quasi rex sedet circumstante exercitu: quia præsidentem illis.
lum mentibus electorum circumstat turba virtutum. Qui e-
tiam morientium consolator est, ex ea promissione qua didi-
dit: Beati qui lugent, quoniam ipsi consolabuntur. Et rursus:
Iterum videbo vos, & gaudebit cor vestrum: & gaudium vestrum nemo tollet à vobis. Ea verò quę de sanctę Ecclesię capite diximus, nil obstat si ad vocem quoque eiusdem Ecclesię referamus. In ea quippe ordo doctorum quasi rex præsident, quem fidelium suorum turba circumstat. Quę scilicet multitudo fidelium rectē quoque exercitus dicitur: quia in procinctu bonorum operum indefinenter quotidie contra tentationum bella preparatur. Corda quoque merentium sancta ecclesia consolatur, dum per præsentis peregrinationis ærumnas afflictas mentes electorum pensat: & has æternę patrię promissione lætificat. Considerat etiam quod cogitationes fidelium diuino sint timore percussę: & quos
F de Deo conspiciat districta audisse vt timeant, agit quoque quatenus & mansuetudinem pietatis eius audiant vt præsument. Sic nanque sancta Ecclesia fidelibus suis de pietate & iustitia redemptoris in prädicationis serie spem miscet & metum: quatenus nec incautē de misericordia confidant, nec desperatē iustitiam timeant. Nam verbis sui capitis formidantes refouet: dicens: Nolite timere pusillus grex: quia complacuit patri vestro dare vobis regnum. Atque iterum præsumentes terret, cū dicit: Vigilate & orate, vt non intretis in tentationem. Rursus formidantes refouet, dicens: Gaudete quia nomina vestra scripta sunt in cōlo. Sed in semetipsis præsumentes deterret, cū ait: Videbam satanam sicut fulgur de cōlo cadentem. Formidantes refouet, cū dicit: Oues meę vocem meam audiunt: & ego cognosco eas, & sequuntur me, & ego vitam æternam dō eis: & non peribunt in æternum, & non rapiet eas quisquam de manu mea. Sed in semetipsis præsumentes deterret, dicens: Dabunt signa magna & prodigia, ita vt in errorem inducantur, si fieri potest, etiam electi. Formidantes refouet, dicens: Qui perseuerauerit vsque in finem, hic saluus erit. Præsumentes deterret, dicens: Cū venerit filius hominis, putas inueniet fidem in terra? Metuentes refouet, cū latroni dicit: Hodie mecum
ris in paradiso. Sed terret præsumentes, dum Iudas ex Apostolatus gloria in tartarum labitur. De quo per sententię definitionem dicitur: Duodecim vos elegi, & vnus ex vobis diabolus est. Formidantem, refouet, cū dicit: Si dimiserit vir vxorem suam, & recedens ab eo duxerit virum alterum, nunquid reuertetur ad eam vltra? Nunquid non contaminata, & polluta erit mulier illa? Tu autem fornicata es cum amatoribus tuis multis: tamen reuere ad me, dicit Dominus. Sed præsumentem deterret, cū dicit: Quid clamas super contritione tuā? insanabilis est dolor tuus. Formidantem refouet, dicens: Ergo saltem amodō voca me, pater meus: dux virginittis meę tu es. Sed præsumentem deterret, dicens: Pater tuus Amorrhæus: & mater tua Cethea. Formidantem refouet, cū ait: Reuere aduersatrix Israël: & nō auertam faciem meam à vobis, quia sanctus ego sum, dicit Dominus: & non irascar in perpetuum. Sed præsumentem deterret, cū Prophetam suum ab intercessione prohibet, dicens: Non assumes pro eis laudem & orationem: quia non exaudiam clamorem eorum in tempore afflictionis: quia si steterint corā me Moyses & Samuël, non est anima mea ad populū istum.

Quod in prælatis ecclesię sese complecti debeant, & affectus misericordię & districtio discipline.

Caput VIII.

Sancta itaque Ecclesia auditorum suorum mentem, & de misericordię benignitate subleuat, & de iudicij districtione perturbat: quatenus in prädicatione sua dum bene vtrunque permiscet, electi eius nec de exhibita iustitia præsument, nec de pręterita iniquitate desperent. Sed hoc quod ait: Cū sederem quasi rex circumstante exercitu, eram tamen morientium consolator: sciendum nobis est quod valde lectorem ædificare etiam iuxta historiam potest, si perpendat quomodo bonis rectoribus mixta sit, & regendi auctoritas & benignitas consolandi. Ait enim: Cūque sederem quasi rex

Fructus il-
lus sēsio-
nis.

Math. 5.

5.

Sancta ec-
clesia in pre-
dicatione
sua spem
miscet, &
metum.

Luc. 12.

Luc. 22.

Luc. 10.

Ibidem.

Ioan. 10.

Math. 24.

Ibidem.

Luc. 23.

Ioan. 6.

Luc. 16.

Hier. 3.

Hier. 30.

Hier. 3.

Ezech. 16.

Hier. 3.

Hier. 7.

rex circumstante exercitu: ecce autoritas regiminis. Eram tamen mercentium consolator: ecce ministerium pietatis.

6. *parte 1. dist. 45 cap. Di- sciplina. Luca 10.*
 Disciplina enim vel misericordia multum destituitur, si vna sine altera teneatur. Sed circa subditos suos inesse rectoribus debet, & iuste consolans misericordia, & pie sauiens disciplina. Hinc est quod semiuiui illius vulneribus qui à Samaritano in stabulum ductus est, & vinum adhibetur & oleum: ut per vinum mordeantur vulnera, per oleum foueantur: quatenus vnusquisque qui sanandis vulneribus praeest, in vino morsum distractionis adhibeat, in oleo mollitiem pietatis: per vinum mudentur putrida, per oleum sananda foueantur. Miscenda est ergo lenitas cum seueritate, faciendumque quoddam ex vtraque temperamentum: ut neque multa asperitate exulcerent subditi, neque nimia benignitate soluantur. Hoc nimirum illa tabernaculi arca significat, in qua cum tabulis virga simul ac manna est: quia cum scripturae sacrae scientia est in boni rectoris pectore, si est virga distractionis, sit & manna dulcedinis. Hinc etiam David ait: Virga tua & baculus tuus ipsa me consolata sunt. Virga etenim percutimur, & baculo sustentamur. Si ergo est distractio virgae quae feriat, sit & consolatio baculi quae sustentet. Sit itaque amor, sed non emolliens: sit rigor, sed non exasperans: sit zelus, sed non immoderate sauiens: sit pietas, sed non plus quam expediat parcens. Intueri libet in Moyse pectore misericordiam cum seueritate sociatam. Videamus amantem pie, & districtè sauientem. Certè cum Israëlitis populus ante Dei oculos penè inuitabilem contraxisset offensam, ita ut eius rector audiret: Descende, peccauit populus tuus: ac si ei diuina vox diceret: Qui in tali peccato lapsus est, iam meus non est: atque subiungeret: Dimitte me, ut irascatur furor meus contra eos, & deleam eos, faciamque te in gentem magnam: ille semel & iterum pro populo cui praeerat, obicem se ad impetum Dei irascentis opponens ait: Aut dimitte eis hanc noxam, aut si non facis, dele me de libro tuo què scripsisti. Pensemus ergo quibus visceribus eundem populum amauit, pro cuius vita de libro vitae deleri se petiit. Sed tamen iste qui tanto eius populi amoris constringitur, contra eius culpas pensemus quanto zelo rectitudinis accendatur. Mox enim ut petitione prima, ne deleantur, culpae veniam obtinuit, ad eundem populum veniens ait: Ponat vir gladium suum super femur suum, ite & redite de porta vsque ad portam, per medium castrorum & occidat vnusquisque fratrem, & amicum, & proximum suum. Cecideruntque in die illo quasi viginti tria milia hominum. Ecce qui vitam omnium etiam cum sua morte petiit, paucorum vitam gladio extinxit. Intus arsit ignibus amoris: foris accensus est zelo seueritatis. Tanta fuit pietas, ut se pro illis coram Domino morti offerre non dubitaret: tanta seueritas, ut eos quos diuini feriri timuerat, ipse iudicii gladio feriret. Sic amauit eos quibus praefuit, ut pro eis nec sibi parceret: & tamen delinquentes sic persecutus est quos amauit, ut eos etiam Domino parente prosterneret. Vtrobique legatus fortis, utrobique mediator admirabilis: causam populi apud Deum precibus, causam Dei apud populum gladiis allegauit. Intus amans diuinæ iræ supplicando obstitit: foris sauiens culpam feriendo consumpsit. Succurrit citius omnibus offensa morte paucorum. Et idcirco omnipotens Deus fidelem famulum suum citius exaudiuit agentem pro populo: quia vidit quid super populum acturus esset ipse pro Deo. In regimine ergo populi vtrunque Moyses miscuit: ut nec disciplina deesset misericordiae, nec misericordia disciplinae. Vnde hic quoque iuxta vtranque virtutem dicitur: Cumque sederem quasi rex circumstante exercitu, eram tamen mercentium consolator. Sedere quippe circumstante exercitu, vigor est ac disciplina regiminis. Mercentium verò corda consolari, ministerium pietatis. Sed quia inter hæc necesse est, ut expositionis sermo ad spiritalem intelligentiam recurat: sancta Ecclesia ab aduersis suis extremis temporibus preffa, reminiscitur transacti iura regiminis: reminiscitur & quanta afflictis exhibuerit beneficia pietatis. Cuius videlicet disciplina, & misericordia tunc à leuibus irridetur. Vnde & subditur.

Tomus primus.

Caput trigesimum textus beati Iob.



Nunc autem derident me iuniores tempore, quorum non dignabar partes ponere cum canibus gregis mei. Quorum virtus manuum mihi erat pro nihilo: & vita ipsa putabantur indigni. Egestate & fame steriles: qui rodebant in solitudine, squalentes calamitate & miseria. Et mandebant herbas, & arborum cortices: & radix iuniperorum erat cibus eorum. Qui de conualibus ista rapientes, cum singula reperissent, ad eam cum clamore currebant. In desertis habitabant torrentium, & in cauernis terræ, vel super glaream. Qui inter huiusmodi lætabantur: & esse sub sentibus delicias computabant. Filij stultorum & ignobilium, & in terra penitus non parentes. Nunc in eorum canticum versus sum: & factus sum eis in proverbium. Abominantur me, & longè fugiunt à me: & faciem meam conspuere non verentur. Pharetram enim suam aperuit & affixit me: & frenum posuit in os meum. Ad dexteram Orientis calamitates meae ilico surrexerunt. Pedes meos subuerterunt: & oppresserunt quasi fluctibus semitis suis. Dissipauerunt itinera mea: insidiati sunt mihi & praeualuerunt: & non fuit qui ferret auxilium. Quasi rupto muro, & aperta ianua irruerunt super me, & ad meas miseras deuoluti sunt. Redactus sum in nihilum. Abstulit quasi ventus desiderium meum: & velut nubes pertransiit salus mea. Nunc autem in memetipso marcescit anima mea, & possident me dies afflictionis. Nocte os meum perforatur doloribus: & qui me comedunt, non dormiunt. In multitudine eorum consumitur vestimentum meum, & quasi capitis tunicæ succinxerunt me. Comparatus sum luto, & assimilatus sum fauillæ & cineri. Clamo ad te, & non exaudis me: isto, & non respicis me. Mutatus es mihi in crudelem: & in duritia manus tuæ aduersaris mihi. Eleuasti me, & quasi super ventum ponēs, elisisti me validè. Scio quia morti trades me: ubi constituta est domus omni viuenti. Veruntamen non ad consumptionem eorum emittis manum tuam: & si corruerint, ipse saluabis. Flebam quondam super eo qui afflicus erat: & cōpatiebatur anima mea pauperi. Expectabam bona, & venerunt mihi mala: praestolabar lucem & eruperunt tenebrae. Interiora mea efferbuerunt absque vlla requie, praeuenerunt me dies afflictionis. Mœrens incedebam: sine furore confurgens in turba clamabam. Frater fui draconum: & socius struthionum. Cutis mea denigrata est super me, & aruerunt ossa mea praecauate. Versa est in luctum cithara mea, & organum meum in vocem flentium.

Quod haereticorum derisio nullius est inter patres auctoritatis.

Caput IX.

Nunc autem derident me iuniores tempore. Omnes haeretici & tati vniuersalis Ecclesiae comparati, iuniores tempore congruè vocantur: quia ipsi ab ea, non autem ipsa egressa est illis. Vnde rectè quoque per Ioannem dicitur: A nobis exierunt, sed non erant ex nobis: nam si fuissent ex nobis, permansissent vtiq; nobiscum. Iuniores ergo tempore sanctam Ecclesiam irrident, cum hi qui ab ea egressi sunt, doctrinae eius verba despiciunt, de quibus adhuc subditur: Quorum non dignabar partes ponere cum canibus gregis mei. Quis est grex sanctae Ecclesiae, nisi multitudo fidelium? Vel qui alij huius gregis canes vocantur, nisi doctores sancti, qui eorundem fidelium custodes extiterunt? Qui dum pro Domino suo diu-

q ij

Psalm. 67

Esa. 36.

Act. 10.

8.

Math. 7.

Ioan. 13.

nis nocturnisque vigiliis intenti clamauerunt: magnos, ut ita dixerim, latratus prædicationis dederunt. De quibus eidem Ecclesiæ per Psalmistam dicitur: Lingua canum tuorum ex inimicis ab ipso. Nonnulli quippe ab idolorum cultibus reuocati, facti sunt prædicatores Dei. Lingua ergo canum Ecclesiæ ex inimicis prodit: quia conuersos gentiles Dominus etiam prædicatores facit. Vnde Iudæorum tarditas, qui pro Deo loqui noluerunt, increpante Propheta reprehenditur, qui ait: Canes muti, non valentes latrare. Patres verò hæreticorum, dicimus eos videlicet quos hæresiarchas vocamus de quorū peruersa prædicatione, id est, locutionis semine, sequentes sunt populi in errore generati. Sancta ergo Ecclesia cum canibus gregis sui hæreticorū patres ponere dedignatur: quia inuectores errorū diiudicando respuit, eosque inter veros patres numerare contemnit. Qui & si quosdam visi sunt à gentilitatis errore reuocasse, quorundam mores ad honesta agenda docuisse: pro eo tamen quod de Deo recta non senserunt, eos cum canibus gregis sui non ponit: quia cum rectis prædicatoribus non ascribit. Liqueat enim quod Arrius, Fotinus, Macedonius, Nestorius, Eutychius, Dioscorus, Seuerus, multique his similes docendo atque suadendo conati sunt patres videri: sed errores eorum sancta vniuersalis Ecclesia distincta seueritate diiudicans, eos inter custodes gregis sui non numerat, quos eiusdem gregis vnitatem dissipantes damnat. De quibus voce Pauli Ephesiis dicitur: Scio quia post discessum meum ingredientur ad vos lupi graues, non parcentes gregi. Et quia nonnunquam hæretici quanto magis in perfidiæ errorem dilabuntur, tanto amplius in exteriori sese operatione custodiunt, ita ut agere præ ceteris magna videantur: sancta vniuersalis Ecclesia cuncta eorum opera despicit, quæ ex auctoritate fidei non prodire perpendit. Vnde rectè quoque beati Iob voce subiungitur: *Quorum virtus manuum erat mihi pro nihilo: & vita ipsa putabatur indigni.* Virtus quippe in manu, est magnitudo in operatione. Sed virtus manuum hæreticorum sanctæ Ecclesiæ pro nihilo ducitur: quia nullius esse meriti conspicit vera fide perdita quicquid operantur. Charitatem quippe Dei & proximi deserunt, qui & de Deo falsa sentiunt, & à proximis iurgando diuiduntur. Sed virtutem manuum sine charitate testatur prædicator egregius non valere, qui ait: Si distribuero omnes facultates meas in cibos pauperum: & si tradidero corpus meum ut ardeam: charitatem autem non habeam, nihil mihi prodest. Nonnunquam verò hæretici signa quoque ac miracula faciunt, sed ut hæc præmia afflictionis suæ, abstinentiæque recipiant, videlicet laudes quas quærunt. Vnde & redemptoris voce dicitur: Multi mihi dicens in illa die, Domine Domine, nonne in nomine tuo prophetauimus, & in nomine tuo dæmonia eiecimus, & in nomine tuo virtutes multas fecimus? Et tunc confitebor illis, quia non noui vos: discedite à me qui operamini iniquitatem. Quia nimirum sententia quid datur intelligi, nisi ut in hominibus charitatis humilitas: non autem debeant virtutum signa venerari? Vnde nunc sancta Ecclesia etiam si qua fiant hæreticorum miracula despicit: quia hæc sanctitatis specimen non esse cognoscit. Probatio quippe sanctitatis non est signa facere, sed vnumquēque ut se diligere: de Deo autem vera cognoscere, de proximo verò meliora, quam de semetipso sentire. Nam quia vera virtus in amore est, non autem in ostensione miraculi: veritas demonstrat, quæ ait: In hoc cognoscent omnes, quia mei discipuli estis, si dilectionem habueritis ad inuicem. Qui enim non ait: In hoc cognoscetur quia mei discipuli estis, si signa feceritis, sed ait: Si dilectionem habueritis ad inuicem: apertè indicat, quia veros Dei famulos non miracula, sed sola charitas probat. Testimonium ergo superni discipulatus, est donum fraternæ dilectionis. Quam videlicet dilectionem, quia omnes hæretici habere refugiant, dum ab vniuersalis Ecclesiæ vnitatem diuiduntur, iure de eis dicitur: Quorum virtus manuum erat mihi pro nihilo. Et quia ad eadem signa quæ exhibent, nulla humilitate concordant, rectè subditur: Et vita ipsa putabantur indigni. Vel certè omnes hæreticos sancta Ecclesia vita ipsa fatetur indignos: quia nimirum sub nomine Christi militant contra nomen Christi. De quibus adhuc subditur:

Quod hæretici quod de Deo plus volunt sapere, eò plus amittunt.

Caput X.

Egestate & fame steriles.) Omnes hæretici dum in sacro eloquio plus secreta Dei student perscrutari quam capiunt, fame sua steriles fiunt. Neque enim ea quærunt ex quibus semetipsos ad humilitatem crudiant, mores in tranquillitate disponant, patientiam seruent, longanimitatem exhibeant: sed ea solummodo quæ eos doctos, atque loquaces demonstrant: illa scire appetunt, ex quibus singulariter eruditi videantur. Plerumque enim audacter de natura diuinitatis tractant, cum semetipsos miseri nesciant. Egestate ergo ac fame sua steriles fiunt: quia ea perscrutari desiderant, ex quibus bonæ vitæ germina non producant. Ultra se quippe sunt quæ perscrutantur: dumque ad hoc tendunt quod comprehendere nequeunt, ea cognoscere negligunt ex quibus erudiri potuerant. Quam bene eorum audaciam prædicator egregius refrenat, dicens: Non plus sapere quam oportet sapere, sed sapere ab sobrietate. Hinc Salomon ait: Prudentiæ tuæ pone modum. Hinc rursum dicit: Mel inuenisti, comede quod sufficit tibi: ne fortè saturatus euomas illud. Dulcedinem quippe spiritalis intelligentiæ, qui ultra quam capit comedere appetit, etiam quod comederat euomit: quia dum summa intelligere ultra vires quærunt, etiam quæ bene intellexerat amittit. Hinc rursum dicit: Sicut qui mel multum comedit, non est ei bonum: sic qui perscrutator est maiestatis, opprimetur à gloria. Gloria quippe inuisibilis conditoris, quæ moderatè inquisita nos erigit, ultra vires perscrutata premit. Itaque hæretici quia de sublimitate intelligentiæ quanto amplius repleri ambiunt, tanto amplius inanescent, bene de eis dicitur: Egestate & fame steriles. Immoderatis nanque ausibus cognitionis supernæ scientiam quo plus appetunt, plus amittunt. At contra hi qui in sancta Ecclesia veraciter sunt humiles, & veraciter docti, norunt de secretis cælestibus, & quædam considerata intelligere, & quædam non intellecta venerari: ut & quæ intelligunt, veneranter teneant: & quæ necdum intelligunt, humiliter expectent. Vnde nobis per Moysen dicitur: ut comedentes agnum, quicquid de eo reliquum fuerit, igni comburamus. Agnum quippe comedimus, cum multa dominicæ humanitatis intelligendo recondimus in ventrem mentis. Ex quo quædam nobis remanent quæ comedi nequeunt: quia multa adhuc de illo restant quæ intelligi nequaquam possunt. Quæ tamen igne comburenda sunt: quia ea quæ capere de illo non possumus, humiliter sancto spiritui referuamus. Quæ plerumque humilitas ea etiam electorum sensibus aperit, quæ ad intelligendum impossibilia esse videbantur. Nam peruersæ hæreticorum mentes dum sibi superbè intellectum tribuunt, quasi certas dare sententias etiam de incognitis præsumunt unde fit ut ipsa eos elatio quæ intus apud semetipsos eleuat, à veritate foras repellat: vixque in dictis Dei exteriora capiant, qui se secreta spiritalia penetrasse singulariter putabant. Vnde hic quoquo subditur:

Quod hæretici ad medullam scripture sacre non perueniunt, sed corticem eius rodunt, & vix exteriora eius agnoscant.

Caput XI.

Qui rodebant in solitudine, squalentes calamitate & miseria, & mandebant herbas, & arborum cortices.) Rodi solet quod comedi non potest. Hæretici autem quia scripturam sacram intelligere sua virtute molunt, eam proculdubio apprehendere nequaquam possunt: quam dum non intelligunt, quasi non edunt. Et quia per supernam gratiam non adiuti hanc comedere nequeunt, quasi quibusdam illam nifibus rodunt. Exteriorius quippe illam contrectant, cum quidam conantur: sed non ad eius interiora perueniunt. Qui quia ab vniuersalis Ecclesiæ societate disuncti sunt: non quolibet rodere, sed in solitudine memorantur. Ad quam nimirum solitudinem, quia prædicatores falsi sequaces suos traherent, longè antè veritas præmonuit, dicens: Si dixerint vobis: Ecce in deserto est, nolite exire. Qui rectè perhibent calamitate, & miseria squalidi: quia & morum sunt perniciæ, & sensum prauitate despecti. Qui herbas

herbas quoque & arborum cortices mandunt: quia elationis suæ obice repulsi, in sacro eloquio magna & intima percipere nequeunt: sed vix in illo quædam tenera & exteriora cognoscunt. Per herbas quippe dicta planiora: per arborum cortices patrum eloquia exteriora signantur. Qui ergo ea scire appetunt, ex quibus docti nequaquam sint, sed esse videantur: dum in sacris voluminibus vim charitatis erga Deum ac proximum medullitus non exquirunt, quasi herba, vel cortice pascuntur: quia vel ima, vel exteriora sunt, quæ mentes superbientium nutriunt. Vel certè herbas mandere, est de scriptura sacra minima præcepta seruare, maiora contemnere. Quos bene veritas increpat, dicens: Væ vobis scribæ & Pharisei hypocritæ, qui decimatis mentam, & anethum, & cuminum: & reliquistis quæ grauiora sunt legis. Qui arborum quoque cortices mandunt: quia sunt nonnulli qui in sacris voluminibus solam literæ superficiem venerantur, nec quicquam de spiritali intellectu custodiunt: cum nihil in verbis Dei amplius, nisi hoc quod exterius audierint, esse suspicantur. Quos tamen in cunctis erroribus suis inanis gloriæ appetitus possidet, eosque honoris ambitus captiuos tenet: & plerunque per ipsa quæ loquuntur, nihil aliud quam terrena lucra appetunt. De quibus per Paulum dicitur: Huiusmodi enim Christo Domino non seruiunt, sed suo ventri. Vnde rectè quoque subiungitur:

Quod hæreticorum intentio in avaritia sit: de cuius radice punctiones peccatorum nascuntur.

Caput XII.

E Tradix iuniperorum erat cibus eorum) Arbor nanque iuniperi pro foliis punctiones habet. Sic quippe sunt hirsuta quæ profert, ut spinis similia contrectantem pungere valeant. Spina verò est omne peccatum: quia dum trahit ad delectationem, quasi pungendo lacerat mentem. Vnde iusti voce & pœnitentis dicitur: Conuersus sum in ærumna mea dum confringitur spina: quia scilicet mens ad lamentum vertitur, ut peccati punctio pœnitendo frangatur. In translatione verò alia non confringi, sed cōfigi spina perhibetur: quod videlicet ab eodē sensu nō dissonat: quia pœnitentis animus ad luctū ducitur, dum perpetrata culpa in memoria fixa retinetur. Quid ergo per radicē iuniperi, nisi avaritia designatur, ex qua peccatorum omnium spingē producuntur? De qua per Paulum dicitur: Radix omnium malorum est cupiditas. Ipsa quippe latenter oritur in mente, sed punctiones peccatorum omnium patenter producit in opere. Quas videlicet punctiones ab hac radice surgentes, statim prædicator egregius insinuat, cum subdit: Quam quidam appetentes errauerunt à fide, & inferuerunt se doloribus multis. Qui enim multos dolores dixit, quasi nascentes innotuit ex hac radice punctiones. In iuniperis ergo peccata: in radice verò iuniperorum quid aliud quam avaritiam, id est, materiam intelligimus peccatorum? Quia igitur plerunque hæretici sola in verbis suis exteriora lucra sectantur: nec ignorant quia peruersa astruunt, sed erroris prædicamenta non deserunt, dum sumptus percipere quasi doctorum volunt: bene de eis sancti viri nunc voce dicitur: *Et radix iuniperorum erat cibus eorum:* quia dum totis mentis suæ sensibus avaritiam cogitat, quasi eo alimento vescuntur, de quo nasci proculdubio peccatorum sequentium punctiones solent. Qui si quando in sacro eloquio quædam quasi prudenter inueniunt, quæ dum non intelligunt, pro suis esse assertionibus suspicantur: mox miseris auditoribus suis quorum non animas, sed substantias appetunt, hæc vociferantes aspergunt. Vnde congruè subinfertur:

Quod hæretici de humilitate sanctæ scripturæ aliqua testimonia extorquentes, quasi victores exclamant: & ubi deest authoritatis occasio, quæ malè sentiunt, clanculo persuadent.

Caput XIII.

Qui de conuallibus ista rapientes, cum singula reperissent, ad ea cum clamore currebant.) De conuallibus illa rapiunt: quia hæc de humilibus dictis patrum, superbo spiritu colligunt. Quæ dum pro suis se patribus inuenisse gloriantur, ad ea cum clamoribus currunt: quia videlicet omne quod sentiunt, appetitu laudis ad aures hominum diffamare conantur. Sequitur: *In desertis habitabant torrentium, & in cauernis terræ, vel super glaream.*

Tomus primus.

A Torrentes dicimus riuos qui aquis hyemalibus colliguntur: qui certis etiam temporibus arescunt. Iure itaque inuentores peruerforum dogmatum torrentes vocantur: quia à calore charitatis frigidi, quasi in torpore temporis hyemalis excresecunt: quia non perpetua plenitudine profluunt, sed catholicorum allegationibus quasi aestiuis solibus exsiccat. Et quidem inuentores peruerforum dogmatum cōtra sanctam Ecclesiam exorti, feruore iam veritatis extincti sunt: sed tamen eorum discipuli ea quæ illi docuerunt, tenere ac defendere non desistunt. Hi ergo qui illorum sequuntur errores, in desertis torrentium habitant, id est, in eorum prædicatione confidunt, quorum eloquia catholicorum iam responsione & ratiocinatione siccata sunt. Quid verò aliud caernas terræ, quam occultas hæreticorum prædicationes accipimus? Sic enim hæretici inter se clandestinis conuenticulis cōeunt: ut errori suo reuerentiam, quam ex ratione non valent, præbeant ex occultatione: & infirmis animabus prauitatis sermo tantò reuerendus appareat, quantò secretus. Vnde apud Salomonem mulier ex typo hæreseos dicit: Aquæ furtiue dulciores sunt, & panis absconditus suauior: Quæ occulta scilicet prædicamenta detestatur veritas, dicens: Si quis vobis dixerit: Ecce hic est Christus, aut ecce illic, nolite credere. Et rursum: Si dixerint vobis: Ecce in deserto est, nolite exire: ecce in penetralibus, nolite credere. Sicut enim fulgur exit ab oriente, & paret usque in occidentem: ita erit & aduentus filij hominis. Hoc itaque illic in penetralibus, quod hic dicitur in caernis. In cauernis ergo hæretici habitant: quia plerunque errorem suum secretis prædicationibus occultant: ut quo se doctioribus prudentioribusque non indicant, eo ad se vehementius imperitos trahant. Vnde bene etiam subinfertur: *Vel super glaream.* Glaream quippe illos minutissimos lapides dicimus, quos aqua pluuialis trahit. Doctores igitur peruerforum dogmatum super glaream habitant: quia illas hominum mentes trahunt, quæ nulla grauitatis stabilitate solidantur: quas velut de loco semper ad locum flumina errorum ducunt. Vnde & prædicator egregius cum auditores suos non temporaliter duci, sed forti cuperet grauitate solidari, admonuit dicens: Ut iam non simus paruuli fluctuantes, nec circumferamur omni vento doctrinæ. Sancta itaque Ecclesia ab aduersariis ad modicum depressa, cum sibi audaces errantium mentes insultare conspexerit: quæ eorum conuersatio fuerit, ad memoriam reducit, dicens: In desertis habitant torrentium, & in cauernis terræ, vel super glaream. Quia enim eorum peruersa prædicatio amisso igne charitatis ex frigore mentis conualuit, profectò in torrentium desertis habitauit. Quia verò aperta & libera non fuit, in caernis latuit. Quia autem plebem non fixam, sed mobilem tenuit: non super petram, sed super glaream mansit, de quibus adhuc subditur:

Quod hæretici delicias estimant, cum erroris quoque decipiunt associant.

Caput XIII.

Qui inter huiusmodi lætabantur: & esse sub sentibus delicias computabant.) Quid nomine sentium, nisi eas quas iam supra diximus, punctiones peccatorum intelligimus? Quia autem peruersæ mentes gaudent in iniquitatibus quas flere debuerunt: omnes hæretici tantò se inani lætitia extollunt, quantò magis ad peiora conualescunt, atque esse sub sentibus delicias deputant: quia inde peruersam mentem ad gaudium subleuant, vnde spinas peccatorum portant. Nam si quando ad errorem suum valuerint quempiam trahere sese per lætitiam iactant: atque vnde sibi peccata quotidie etiam alios perdendo congregant, inde se esse quasi duces ad iustitiam exultant. Bene ergo dicitur: Qui inter huiusmodi lætabantur: & esse sub sentibus delicias computabant. Trahunt enim quos valent ad perditionem suam: & se sub peccatis esse, vel culpis culpas addere non credunt: sed virtutum opulentiam cumulare.

Quod imitatores reproborum filij eorum dicantur stulti, quia erronei ignobiles, quia à generositate cælesti immunes.

Caput XV.

Filij stultorum & ignobilium, & in terra penitus non parentes.) Eorum videlicet filij, qui fuerunt errorum magistri. Filij igitur dicuntur, non de eorum semine, sed de imitatione ge-

Prouer. 31.

nerati: qui docendo peruersa, stulti fuerunt per ignorantiam viuendo nequiter, ignobiles per actionem. Qui redemptori nostro nullā sapientiæ, nullā vitæ cognitione coniuncti sunt.

De quo Salomonis voce in laude sanctæ Ecclesiæ dicitur: Nobilis in portis vir eius. Hi itaque quia peruersa errantium exempla secuti sunt, filij stultorum & ignobilium esse memorantur. Rectè autem subiungitur: *Et in terra penitus nō parentes.*

Quia dum hīc videri aliquid appetunt, nimirum à terra viuētium exortes fiunt. Sed hoc quod in hæreticorum typo diximus: omnino nil obstat si etiam de peruersis atq; carnalibus, quanuis in recta fide positis, sentiamus. Neque enim sancta electorum Ecclesia solos sibi aduersarios deputat, qui ab eius fide positi extrā dissentiant, sed eos quoque qui vitam illius malè viuendo interius premunt. Contēpletur igitur ærumna irruentis aduersitatis afflicta, quomodo prosperitatis suæ tēpore, iniquorum & intra se viuētium prauitate grauata sit.

Contempletur quod exigentibus meritis quorundam non iniuste in illa vita turbata sit omnium, & dicat: *Qui rodebant in solitudine, squalentes calamitate & miseria.* Sicut in prima huius operis parte præfatus sum: per virtutem contemplationis nonnunquam solet intelligi solitudo mentis. Sed hoc in loco cum solitudo per obiurgationem dicitur, quid aliud quam boni destitutio demonstratur?

Thren. 1.

Vnde & sub Iudææ typo Hieremias peccatoris animam deplorat, dicens: Quomodo sedet sola ciuitas plena populo? Sed cum per beatum Iob de prauis dicitur: Rodebant in solitudine: libet intueri hoc etiam quod per Psalmistam dictum est: Inimici eius terram lingent. Duo quippe sunt genera hominum ambitioni suæ seruientium: vnum videlicet quod semper ad auaritiam blandimentis vitur linguæ: aliud verò quod aperta vi intendit rapinæ. Nam rodimus, cum aliquid exterius fortis adnisi atterimus. Lambitur enim quando hoc quod edi facile non potest, impressa linguæ lenitate gustatur. Omnes igitur etiam sub specie fidei prauè viuentes, qui aliena appetunt, sed ea quæ appetunt, rapere nequaquam possunt: blandis enim sermonibus, & quasi mollitie dulcedinis concupita abstrahere conantur: quid aliud quam terram lingunt? quia terrena quæque quæ virtute nequeunt auferre, mollitie linguæ moliantur.

Psalm. 72.

12.

Qui verò in hoc mundo aliqua potestate suffulti sunt, & concupiscentes aliena, blandiri quidem ex fraude despiciunt: quia etiam iniusto robore possunt implere quod volunt: hi hoc quod appetunt, non lambunt, sed rodunt: quoniam propinquorum vitam fortitudine virium velut adnisi dentium demoliuntur. Conspiciat itaque sancta Ecclesia veras diuitias æternæ patriæ: conspiciat frequentiam supernorum ciuium: conspiciat in electis suis cultum mentis, & innumerabilem dona virtutum: atque ab eis ad prauorum vitam omni bono destitutam, mentis oculum reuocet: & ex illorum comparatione videat, qualiter ista cunctis virtutibus sit vacua: quia superna deseruit, & infima concupiuit. Videat quomodo plerunque id quod appetit, si fortasse praualeat, etiam violenter rapit. Videat tales

† esse quasi
in terra pos-
sitos.

† se quasi intra se positos diu tolerasse: atque ex eorum culpis vsque ab honorum quoque pericula ac detrimenta peruenisse, & dicat: *Qui rodebant in solitudine.* Ac si apertè conquerratur, dicens: Aliena etiam violenter rapiendo non roderent, nisi prius ipsi in interioribus suis soli ac vacui à virtutum cultura remanerent. Bene autem eorum qualitatem explicat dicens: *Squalentes calamitate & miseria.* Aegra nanque caro si studiosè curari negligitur, squalore desuper ducto, in infirmitate deterius grauatur: & dum calamitati ægritudinis negligentia miseria additur, grauior molestia oborto squalore toleratur. Natura igitur humana benè cōdita, sed ad infirmitatem vitio propriæ voluntatis lapsa, in calamitatem cecidit: quia pressa innumeris necessitatibus, nihil in hac vita nisi vnde affligeretur, inuenit. Sed cum eisdem naturæ nostræ necessitatibus plerunque plusquam expedit, deseruimus, mentisque curam negligimus, ex miseria negligentia infirmitati nostræ addimus squalorem culpæ. Necessitates

Periculum
circa neces-
sitates natu-
rales.

nanque naturales hoc habere valde periculosum solent, quod sæpe in eis minimè discernitur, quid circa illas per utilitatis studium, & quid per voluptatis vitium agatur. Crebrò enim occasione seductionis inuenta, dum necessitati de-

bita reddimus, voluptatis vitio deseruimus, & infirmitatis velamine ante discretionis oculos excusatio nostra se palliat, ac quasi sub patrocinio explendæ utilitatis occultat. Infirmitatem verò naturæ nostræ per negligentiam relaxare, nihil est aliud quam calamitati miseriā addere, ac vitiorum squalorem ex eadem miseria multiplicare. Vnde sancti viri in omne quod agunt, studiosissima intentione discernunt, ne quid plus ab eis naturæ suæ infirmitas quam sibi debetur exigat: ne sub necessitatis regimine in eis vitium voluptatis excrescat. Aliud enim ex infirmitate, aliud ex tentationis suggestione sustinet: & quasi quidā rectissimi arbitri inter necessitatē voluptatēq; cōstituti, hāc cōsolādo subleuant, illā premendo frenāt. Vnde fit vt & si infirmitatis suæ calamitatē tolerant: tamen ad squalorē miseriæ per negligentia nō descendāt. Hoc ipsum enim esse calamitatem, est necessitates naturæ ex carnis adhuc corruptibilis infirmitate sustinere. Quas videlicet necessitates cupiebat euadere, qui dicebat: De necessitatibus meis eripe me. Sciebat enim plerunq; voluptatū culpas ex necessitatū occasione prorūpere: & ne quid spōte illicitū admitteret, hoc ipsū satagebat euelli quod nolens ex radice tolerabat. Ac cōtrā prauis gaudent in his corruptionis suæ necessitatibus: quia nimirum eas ad vsum voluptatū retorquent. Cū enim reficiēdis cibo corporibus naturæ seruiunt, per delectationem gulæ, in voluptatis ingluuie distēduntur. Cū tegendis membris vestimenta quærunt, nō solum quæ tegant, sed etiam quæ extollāt expetunt: & contra torporem frigoris, nō solum quæ per pinguedinem muniāt, sed etiam quæ per molliam delectent: non solum quæ per molliem tactum mulceant, sed etiam quæ per colorem oculos seducant. Necessitatis igitur causam in vsum voluptatis vertere, quid est aliud quam calamitati suæ squalorem miseriæ sociare? Presa itaque tempore aduersitatis Ecclesia, reminiscatur eorum ex quorum merito talia sustinet, & dicat: *Qui rodebant in solitudine, squalentes calamitate & miseria.*

Discretio
sanctorum
viro-
rum in
omni actio-
ne.

Psalm. 70.
Contrarium
prauis agnū,
calamitati
sua miseriā
sociantes.

Calamitate scilicet non squalerent, si in istis necessitatibus voluptatum miseriā non superadderent. Quas videlicet necessitates ex parentis primī culpa meruimus. Hi verò qui calamitati suæ miseriā adiungunt, ex cruciatu pœnæ ad augmenta prorumpunt culpæ. Sed vtinam tales cū ad melius permutari despiciunt, ita peruersa agerent, vt non ea etiam aliis propinarent. Vtinam illis mors sua sola sufficeret: & non virulentis persuasionibus alienam etiam vitam necarent. Inuident enim alios esse quod non sunt: dolent alios adipisci quod perdunt. Nam si qua fortè in aliorum actibus exoriri bona concupiscunt: mox ea manu pestiferæ exprobatōnis euellunt. Vnde & sequitur: *Et mandebant herbas & arborum cortices.* Quid enim per herbas nisi tenera ac terræ proxima bene inchoantium vita? & quid per arborum cortices, nisi exteriora opera eorum, qui iam sublimia appetunt, designantur? Pravi nanque cū recta incipientes aspi- ciunt, aut irridendo, aut quasi consulendo contradicunt. Cum verò iam quosdam pensant ad summa proficere: quia eorum profectus funditus dissipare nequeunt, à quibusdam illos suis operibus diuertunt. Herbas itaque eis & arborum cortices mandere, est vel studia bene inchoantium, vel operationes quorundam iam more arborum ad superiora tendentium, pestiferis persuasionibus quasi quibusdam malitiæ suæ dentibus dissipare. Herbas mandunt reprobi, cū infirmorum initia irridendo consumunt. Arborum quoque cortices mandunt, cū manu peruersi consilij à vita rectè credentium, tegmen bonorum operum subtrahunt. Hos autem in quibusdam actibus velut arbores expoliant, illos verò velut herbas (quia despicientes trahunt) quasi quæ calcant comedunt. Quorundam iam fortitudinem in alta surgentem ex parte demoliuntur, quorundam verò teneritudinem, & adhuc in imis positam penitus contem- runt. Dicit igitur: Mandebant herbas & arborum cortices: quia prauis irrisiōnibus in nonnullis exteriora opera, in nonnullis autem per spem virentia corda dissipabant. Vel certè herbas mādere, est leuia quædam ac tenera de antiquis patribus imitari. Arborum verò cortices edere, est eorū opera superficietenus agere, sed intentionem rectam in eisdem operibus nō tenere. Sunt enim nonnulli qui dum presentis mundi gloriam

13.

gloriam eiusdem mundi actionibus adipisci non possunt, speciem sanctitatis appetunt, habitum venerationis sumunt, imitatores antiquorum patrum videri concupiscunt, & quædam quidem praua ac leuia peragunt, sed eorum fortia, & quæ ex solius charitatis radice prodeunt, imitari contem-
nunt. Hi videlicet herbas edunt: quia magna negligunt, & vilibus satiantur. Plerunque tamen etiam quædam quasi robustiora opera exercent: sed intentionem rectam in eisdem operibus non tenent. Quibus profectò arborum cortices mandere, est exteriores electorum actus assumere, & intentionem bonam in bonis actibus non habere. Dum enim pro humana laude recta opera exquirunt: sed imitari cor rectè operantium negligunt, ex solis arborum corticibus replentur. Toto nanque desiderio præsentis vitæ gloriam, vel abundantiam quærunt. Vnde & rectè subiungitur: *Et radix iuniperorum erat cibus eorum.* Intus enim quanuis per fidem positi, dum plerunque auaritiæ cogitationibus seruiunt, quasi illud comedunt, vnde in extremo vitæ suppliciorum aspera proferuntur. Qui dum frugem diuini eloquij non concupiscunt, sed ad rerum temporalium ambitum seruiunt: nequaquam pane tritici, sed radice iuniperi satiantur. Ipsa quippe eos ab imis atque infimis oborta occupant quæ illos more iuniperi postmodum ex duritia tribulationum velut ex asperitate foliorum pungant. Contemnentes nanque Deum hic minimè sentiunt quantum sit malum quod agunt. Adhuc enim iuniperi radicem comedunt: sed huius radicis quam sint rami asperi, non attendunt: quia nimirum praua actio modo quasi ex radice delectat in culpa, sed postmodum quasi ex ramis pungit in pœna. Vbi & bene subiungitur: *Qui de conuallibus ista rapientes, cum singula reperissent, ad ea cum clamore currebant.* In comparatione videlicet supernorum, omnis præsens vita conuallis est. Hi autem quia sublimia montium, id est, fortia acta sanctorum contemplari nesciunt: semper in oblectatione infima quasi in conuallibus conuersantur: & dum quodlibet lucrum vel parui stipendij inueniunt, cum clamore currunt: quia hoc abstrahere etiam iurgando moluntur. In conualle enim repertis singulis cum clamore currere, est subortis causarum occasionibus etiam pro parua stipendii litigare. Plerunque autem quem sanctum bona actio ostendit, oborta terreni commodi occasio examinat. Videas nanque nonnullos iam sublimia agere, iam in abstinentiæ, iam in doctrinæ opere patrum præcedentium exempla sectari: sed cum repente præsentis vitæ lucrum, quasi fructum conuallis inuenerint, ad hoc cum clamore currunt: quia quasi dirupta ad illud superductæ sanctitatis tranquillitate profiliunt. Possunt quoque per herbas atque arborum cortices non solum, ut prædictum est, bonorum opera, sed in hac vita consolationes ac prosperitates intelligi. Sæpe enim omnipotēs Deus electos suos cum donis interioribus ditat, exterioribus etiam honoribus subleuat. Cumque eos præferendo cæteris honorabiles reddit, latius imitabiles ostendit: & nonnunquam prauis eorum quidem vitam despiciunt, sed felicitatem in hoc mundo assequi concupiscunt. Quia igitur blandimenta hinc transitoria consolationis quærunt, herbas comedunt: quia in cogitationibus suis exteriorē eorum gloriam meditantur, arborum cortices mandunt. Et quoniam in his omnibus soli auaritiæ tota intentione deseruiunt, radice iuniperi replentur. Quæ cuncta de conuallibus rapiunt: quia ex amore huius infimæ, & corruptibilis vitæ immensis cupiditatibus inardescunt. Et cum singula rapiunt, ad ea cum clamore currunt: quia videlicet sanctorum patrum, quorum merita adipisci non quærunt, loca eorum atque regimina apprehendere fatagunt: & cum tranquillè nequeunt, hæc plerunque assequi, etiam dirupta concordie pace moluntur. Qui pro eo quod longè à patrum præcedentium actione disiuncti sunt, rectè subiungitur: *(In desertis habitabant torrentium: & in cauernis terræ, vel super glaream.)* In bona enim parte rectè torrentes, sanctos prædicatores accipimus: qui dum in præsentis vitæ diuinis nobis eloquiis influunt, aquarum multitudine, quasi in hyeme colliguntur. Qui & æstiuo sole adueniente se subtrahunt: quia cum æternæ patriæ lux emicuerit, prædicare cessabunt. Horum torrentium deserta, sunt vitæ temporalis commoda. Ea nanque deserunt, & ad lucra se cœle-

Tomus primus.

stia adipiscenda conuertunt. Cuncta autem hæc torrens ille reliquerat qui dicebar: Propter quam omnia detrimētum feci, & arbitror ut stercora. Sed quia prauorum mentes ea in hac vita adipisci appetunt, quæ despicientes iusti derelinquunt, in desertis torrentium habitare referuntur. Illa enim quæ sanctis indigna sunt, ipsi percipere pro magno concupiscunt. Cauernæ autem terræ, sunt cogitationes prauæ, in quibus se ab humanis oculis abscondunt. Pravi quippe ut sunt, ab hominibus videri refugiunt: dumque aliud quam sunt, simulant, sese in conscientia suæ latibulis quasi in cauernis occultant. Qui cuncta hæc non agerent, nisi de æterna & solida vita desperarent, nisi in hoc incerto temporalitatis animum figerent. Vnde bene subditur: *Vel super glaream.* Glarea namque est vita præsens, quæ indefinenter ad terminum suum ipso defectu mutabilitatis, quasi impulsu fluminis ducitur. Super glaream itaque habitare, est fluxui vitæ præsentis inhærere: & ibi intentionem ponere, ubi gressum nequeat fixè stando solidare. Est aliud in glarea quod nequaquam debeat tacendo præteriri: quia cum pes in eius superficie ponitur, ipsa eius volubilitate labitur, atque ad ima deuoluitur. Cui videlicet rei in nullo discrepat vita prauorum: quia cum pro amore mundi aliqua student licita atque honesta agere, quasi planum in superficie pedem ponunt, sed repente pes ad ima labitur: quia eorum actio dum plura semper appetit, usque ad iniqua & illicita descendit. Cum ergo sancta ecclesia huius temporis contraria tolerat, ad vitam carnalium, quos aduersos sibi etiam in prosperis sustinuit, per memoriā recurrat, & quorum merito hæc patiat, agnoscat, dicens: *In desertis habitabāt torrentium, & in cauernis terræ, vel super glaream.* Quia enim patrum doctrinis destituti sunt, in desertis torrentium: quia in occultis se cogitationibus tegunt, in cauernis terræ: quia verò in præsentis seculi mobilitate intentionem suam figere appetunt, super glaream habitare referuntur. Sed utinam tales, quia peccato nolunt impugnare tentantia, flēdo tergerent, vel commissa: utinam mala sua saltem perpetrata cognoscerent: atque sterili ficulneæ cophinum stercoris, id est, infructuosæ menti pinguedinem lamentationis admouerent. Sed habet hoc plerunque humanus animus proprium, quod mox ut in culpam labitur, à sui adhuc longius cognitione separetur. Hoc ipsum nanque malum quod agit, menti se obicem ante oculum rationis interferit. Vnde fit ut anima prius volutariis tenebris obsessa, postmodum bonū iā nec quod quærat agnoscat. Quāto enim magis malis adhæret, tantò minus intelligit bona quæ perdit. Lux quippe veritatis quia subtiliter reproborum culpas examinat, qua habita negligitur, eo permittit districtus iudex ut nec amissa requiratur: & cum ab actu repellitur, fugit à sensu: ut cuius quasi facies in opere contemnitur, eius per recordationem iam nec terga videantur. Hinc itaque est quod reprobi subiecti flendis sceleribus gaudēt, de quibus per Salomonem dicitur: *Qui lætantur cum malefecerint, & exultant in rebus pessimis.* Hinc est quod lachrymarum causas tripudiantes peragunt: Hinc est quod mortis suæ negotium ridentes exequuntur. Vnde hinc quoque aptè subiungitur:

Quod peccatores flagitiorum consuetudinem, quæ vtrique animam crebris punctationibus cruentant & lacerant, delicias putant.

Caput XVI.

Qui inter huiusmodi lætantur: & esse sub sensibus delicias computant. Inter huiusmodi lætantur: quia nimirum attendunt transitoria quæ percipiunt, & intueri negligunt permanentia bona quæ perdunt. Cumque amore temporalium flagrant, veram lætitiā volentes ignorant. Quam si studiosè cognoscere quærent, quàm flenda sunt gaudia quæ appetunt, viderent. Sed dum meliora scire contemunt, sola sibi velut summa eligunt, quæ visibiliter oculis fugaci seductione blandiuntur. Visibilia scilicet sequētes cor figunt: & tantò extrinsecus gaudent, quantò recordationē sui intrinsecus non habent. Miscentur tamen eorum gaudiis plerūque tribulationes: atque ex rebus ipsis ex quibus superbiunt, flagellantur. Neque enim sine gravibus curarum molestiis possunt temporalia quæ appetunt, vel non habita quærere, vel quæ sita seruare: inter æquales præstantiorem gloriam appetere: à minoribus reuerentiam plusquam oportet exigere, & minus quam debent

q iij

eandem maioribus exhibere: plerunque potentiam per iniustitiam ostendere: semper praua agere: & tamen ne opinionem prauitatis habeant, formidolosè custodire. Hæc profectò omnia miseros pungunt: sed easdem punctiones ipso rerum temporalium victi amore non sentiunt. Vnde & rectè nunc dicitur: *Et esse sub sentibus delicias computabant:* quia peccatorum delectationibus pressi, ex affectu vitæ præsentis quàm sint aspera, quæ patiuntur, ignorant. Lætantur itaque sub sentibus: quia rebus quidem temporalibus gaudent: sed tamen dum dispensare sine tribulatione eadem temporalia non valent, ea cura punguntur miseri qua premuntur. Manent sub sentibus, & hoc ipsum delicias æstimant: quia & dura quidem ex præsentis vitæ amore tolerant: & tamen affectu nimix cupiditatis obligati, laborem eiusdem tolerantix voluptatem putant. Vnde rectè Hieremias totius in se humanæ conuersationis speciem sumens, per lamentum queritur, dicens: Inebriauit me absynthio. Vt enim in superiori iam parte prædiximus, ebrius quisque quod patitur nescit. Qui verò absynthio inebriatur, & hoc quod sumpsit amarum est: & tamen non intelligit eandem amaritudinem qua repletur. Humanum igitur genus recto Dei iudicio in voluptatibus suis sibi dimissum, atque per easdem voluptates spontaneis tribulationibus traditum, absynthio est ebrius: quia & amara sunt quæ pro huius vitæ amore tolerat: & tamen eandem amaritudinem cæcitate cupiditatis quasi insensibilitate ebrietatis ignorat. Mundi enim gloriam sitiens, dum multas pro ea tribulationes reperit, amarum est quod bibit. Sed quia hoc nimis inhianter sumpsit: eiusdem amaritudinis malum discernere iam præ ipsa ebrietate non sufficit. Amant enim peruersi homines pro huius mundi gloria etiam tribulationes, cunctisque pro ea sudoribus libenter seruiunt, & grauium laborum iugo deuotissimè colla submittunt. Quod bene sub Ephraim specie Osæ prophetante describitur, qui ait: Ephraim vitula docta diligere trituram. Vitula enim trituræ laboribus assueta, relaxata plerunque ad eundem laboris vsum etiam non compulsa reuertitur. Ita præuorum mens huius mundi seruituti dedita, & rerum temporalium fatigationibus assueta, etiam si sibi liberè vacare liceat, subesse tamen terrenis sudoribus festinat, & vsu miseræ conuersationis trituram laboris quærit: vt à iugo mundanæ seruitutis cessare non libeat, etiam si liceat. Quod videlicet iugum Dominus à discipulorum ceruice subleuans, cum dicit: Attendite vobis ne fortè grauentur corda vestra in crapula & ebrietate: illico adiunxit: Et in curis huius vitæ: & superueniat in vos repentina dies illa. Et rursus: Venite ad me omnes qui laboratis & onerati estis: & ego reficiam vos. Tollite iugum meum super vos: & discite à me, quia mitis sum, & humilis corde. Quid est enim Dominum patrem se in magisterio atque humilem dicere, nisi relictis exercendæ elationis difficultatibus, plena quædam bene viuendi itinera demonstrare? Sed quia præuorum mentes plus per aspera elationis quàm per blanda humilitatis ac mansuetudinis delectantur: esse sub sentibus delicias deputant. Dura enim præ amore seculi quasi quædam mollia ac delectabilia ferre parati sunt, dum in hac vita rerum culmina apprehendere conantur. Cessationem Dominus à mundi laboribus imperat, sanctæ quietis dulcedinem persuadet: & tamen vesana iniquorum mens plus se assequi aspera carnaliter, quàm tenere blanda spiritualiter gaudet: plus acerbitate fatigationis, quàm quietis dulcedine paciscitur. Quod apertè in semetipso nobis Israëliticus populus ostendit: qui dum refectiorem manna desuper perciperet, ab Aegypto ollas carnum, pepones, porros cepasque concupiuit. Quid enim signatur in manna, nisi esca gratiæ, suaue sapiens, ad refectiorem interioris vitæ, bene vacantibus desuper data? Et quid per ollas carnum, nisi carnalia opera vitæ, in tribulationum laboribus quasi ignibus excoquenda? Quid per pepones, nisi terrenæ dulcedines? Quid per porros ac cepas exprimuntur, quæ plerunque qui comedunt lachrymas emittunt, nisi difficultas vitæ præsentis, quæ à dilectoribus suis, & non sine luctu agitur, & tamen cum lachrymis amatur? Manna igitur desertes, cum peponibus ac carnibus porros cepasque quæsierunt: quia videlicet peruersæ mentes dulcia per gratiam quietis dona despiciunt: & pro carnalibus

voluptatibus laboriosa huius vitæ itinera etiam lachrymis plena concupiscunt: contemnunt habere vbi spiritualiter gaudeant, desideranter appetunt, vbi & carnaliter gemant. Horum itaque væcordiam veridica voce Iob reprehendat: quia nimirum peruerso iudicio, perturbata tranquillis, dura lenibus, aspera mitibus, transitoria æternis, suspecta securis anteponunt. Horum væcordiæ sancta Ecclesia recordetur, cum sæuis extrinsecus aduersitatibus premitur, quos intra se velut fideles continuit: sed eorum vitam aduersantem fidei diu tolerauit, & dicat. Qui inter huiusmodi lætabuntur, & esse sub sentibus delicias computabant: quia nimirum mala quæ agunt, ex iniquorum præcedentium prauitate didicerunt. Vnde & rectè subiungitur: *Filij stultorum & ignobilium.* Sciendum nobis est quod alij intra sanctam Ecclesiam vocantur stulti, sed tamen nobiles: alij verò stulti & ignobiles. Stulti nanque dicuntur, sed esse ignobiles nequeunt: qui carnis prudentiam contemnentes, profuturam sibi stultitiam appetunt: & ad nobilitatem internæ prolis, virtutis nobilitate subleuantur: qui stultam sapientiam mundi despiciunt: & sapientem Dei stultitiam concupiscunt. Scriptum quippe est: Quod stultum est Dei, sapientius est hominibus. Hanc nos stultitiam Paulus comprehendere admonet, dicens: Si quis videtur inter vos sapiens esse in hoc seculo, stultus fiat, vt sit sapiens. Hanc stultitiam qui perfectè secuti sunt, voce sapientiæ audire meruerunt: Vos qui secuti estis me, in regeneratione, cum sederit filius hominis in sede maiestatis suæ: sedebitis & vos super sedes duodecim, iudicantes duodecim tribus Israël. Ecce relinquentes temporalia, gloriam potestatis æternæ mercati sunt. Quid itaque in hoc mundo stultius, quàm sua deferere? Et quid in æternitate nobilius, quàm cum Deo iudices venire? Horum scilicet iudicum nobilitas Salomone attestante memoratur: cum hoc quod iam præfatus sum dicitur: Nobilius in portis vir eius, quando sederit cum senatoribus terræ. Valde quippe nobiles considerant quos senatores vocat. Hanc in se nobilitatem Paulus aspexerat, cum cognitioni cõditoris per spiritum iunctus dicebat: Genus ergo cū simus Dei, non debemus æstimare auro, vel argēto, aut lapidi sculpturæ artis, & cogitationi hominis diuinū esse simile. Genus videlicet Dei dicimur: nō ex eius natura æditi, sed per spiritum illius, & voluntariè conditi, & adoptiue recreati. Tandem ergo ad hanc nobilitatem quisque erigitur, quantò per acceptam imaginem ad similitudinē illius ex imitatione renouatur. At contrarij sunt stulti & ignobiles, qui dum supernā sapientiā semetipsos sequentes fugiunt, in sua ignorātia quasi in abiectæ prolis vilitate sopiuntur. Quod enim id ad quos conditi sunt, non intelligunt: eo etiam cognitionem acceptæ per imaginē generositatis perdunt. Stulti sunt ergo & ignobiles quos ab æternæ hereditatis consortio repellit seruitus mentis. Scriptum quippe est: Omnis qui facit peccatū, seruus est peccati. Et voce egregij prædicatoris dicitur: Sapiētia huius mūdi, stultitia est apud Deū. Qui ergo dum terrena sapient, ab intima generositate repulsi sunt, stulti simul & ignobiles fuerunt. Quorum dum plerique actus imitantur, filij stultorum & ignobilium fiūt: dumque eos sensibus ac moribus sequuntur, stulti sunt quia verā sapientiā nō intelligunt: & ignobiles, quia nulla spiritus libertate renouantur. Sed hi quāuis iniquorum actus exerceant, plerūque tamen in hac vita occupant loca iustorum: atque eorum se filios æstimant, quorum per honoris concupiscentiā officia exterius administrant. Quos sancta Ecclesia per correptionem ad cognitionem sui reuocat: vt videlicet in prauis desiderijs positi, quorum sint filij attendant. Non enim eorum sunt filij, quorum loca tenent, sed quorum opera exercēt. Dicatur igitur rectè, Filij stultorum & ignobilium. Vbi aptè subiungitur: *Et in terra penitus non parentes.* Sicut enim plerique in terra sunt, & à cognitione hominū abiectiōe vilitatis suæ, quasi quadā superductione velaminis absconduntur: ita sunt nonnulli in Ecclesia, qui dum abiectiōni præuorum operum subdunt, diuino conspectui noti non sunt. Quibus & quādoque dicendum est: Amen dico vobis, nescio vos. Esse ergo in terra & apparere, est in fide recta per virtutem operis nobilitatem mentis ostendere. Esse verò in terra & penitus non apparere, est in Ecclesia quidem per fidem consistere: sed nil dignum fidei in opere demonstrare. Hi itaque intra

Thre.3.

16.

Osæ.10.

Lucæ.21.

Matth.11.

Exod.16.

17.

1. Cor. 1.
Ibidem.

Matth. 13.

Prover. 3.

Matth. 17.

Ioan. 8.

1. Corin. 3.

Matth. 23.

ad Th. 1.
28.
Luca. 8.
† al. professio-
nis vocibus.

intra sanctam Ecclesiam diuinitatis oculis & videntur per iudicium, & tamen per bonæ vitæ meritum non videntur: quia ea quæ confitendo tenent, viuendo non exhibent. De quibus Paulus dicit: Confitentur se nosse Deum, factis autem negat. Hi in sancta Ecclesia fidem quam tenere se asserunt, premunt potius quam venerantur: dum sua magis illius nomine, quam eius adipisci lucra concupiscunt. Electi ergo dum seruare fidei meritum rectis operibus curant, ad authoris sui notitiam etiam inter reproborum tumultus appropinquant. Quod bene in Euangelio in muliere sanguinis fluxu laborante signatum est: de qua cum Dominus diceret: Quis me tetigit? Petrus ratiocinando respondit: Turbæ te comprimunt & affligunt: & dicis, quis me tetigit? Sed audire causas veræ rationis meruit, cum ei Dominus dixit: Tetigit me aliquis. Nam & ego noui virtutem exisse de me. Ecce turbæ premebant Dominum, sed tamen sola tetigit quæ ad illum humiliter venit: quia nimirum multi etiam in sancta Ecclesia reprobi veritatem cognoscendo premunt, quam bene viuendo tangere negligunt. Premunt & longè sunt: quia diuinam notitiam professionibus sequuntur, moribus fugiunt. Premunt inquam, sed longè sunt: quia eidem fidei quam loquendo asstruunt, agendo malè contradicunt. Sicut ergo hoc testimonio docemur, quia nonnulli dominum tangendo non tangunt, ita nonnulli videntur à Domino etiam cum non videntur: quia occultis eius obtutibus & ad damnationis supplicium apparent, & ad electionis meritum non apparent. Dicatur igitur rectè: *Et in terra penitus non parentes:* quia etsi illos specietenus Ecclesia tenuit, eos tamen intra illam conditor quasi non vidit quos ignorauit. Qui tranquillitatis tempore idcirco fidem verbo tenus tenent: quia eandem fidem florere generaliter vident. Sed cum repentina contra illam procella aduersitatis oboritur, mox ab ea, negatione publica disiunguntur: & quicquid prius quasi venerantes tenuerant, contra hoc postmodum deridentes pugnant. Vnde aptè subditur:

Quod hæreticorum opprobria & contemptus ad patientiam sanctorum cooperantur in bonum: & frenum silentij oportere imponi, ubi prædicatio videtur contemni.

Caput XVII.

19.
Nunc in eorum canticum versus sum: & factus sum eis prouerbum.) Quibus videlicet verbis illud sanctæ Ecclesiæ tempus exprimitur, quo publicè à reprobis irridetur: quando iniquis crescentibus, in opprobrium fides, & veritas erit in crimen. Tantò quippe despectior vnusquisque erit, quantò iustior esse potuerit: tantò abominabilis, quantò laudabilis. Sancta itaque electorum Ecclesia afflictionis tempore prouerbiū prauis efficitur: quia cum bonos mori per tormenta conspiciunt, ab eis similitudinem maledictionis sumunt. Quo enim transitoriam mortem vident, sed permanentem vitam non vident: tantò magis deridendo mala præsentia fugiunt, quantò per intellectum intrinsecus ad bona permanentia nō pertingunt. Sed ea quæ subiuncta sunt, quia obscurioribus sententiis implicata non sunt: debemus sub breuitate transcurrere: vt ad ea in quibus laborandum est, valeamus citius peruenire. Sequitur: *Abominantur me & longè fugiunt à me: & faciem meam conspuere non verentur.* Longè à sancta Ecclesia fugiunt omnes iniqui, non passibus gressuum, sed qualitatibus morum: longè fugiunt non loco, sed merito: dum crescente superbia, aperta eam exprobratione contemnunt. Faciem nanque eius conspuere est, nō tantum in absentia bonis detrahere, sed vnumquēque iustum etiam in præsentia confutare. Quos tunc prauis dum apertè irridendo despiciunt, in eorum contumeliis fluxa verba quasi defluentes saluas emittunt. Sed scit sancta Ecclesia in passionibus crescere, atque inter opprobria honorabilem vitam tenere: scit nec aduersis deiici, nec de prosperis gloriari: nouit contra prospera mentem suā in deiectione sternere: nouit contra aduersa animū ad spē superni culminis exaltare: scit bona sua misericordiæ redemptoris, scit mala sua iustitiæ tribuere iudicis: quod & bona illo largiente habeat, & mala illo permittente patiat. Vnde & mox de Domino subiungit, dicens: *Pharetram enim suam aperuit, & afflixit me.* Quid per pharetram Dei, nisi occultum consilium designatur? Sagittam verò de pharetra Dominus iacit, quando

de occulto consilio apertam sententiam emittit. Quia enim flagellatur quis, cognoscimus: sed qua ex causa flagellum veniat, ignoramus. Cum verò post flagella, vitæ correctio sequitur: etiam ipsa consilij virtus aperitur. Pharetra enim clausa, est consilium occultum. Sed aperta pharetra affligimur, quando per id quod post flagellum sequitur, quo consilio flagellamur, videmus. Cum peccata Dominus videt, & tamen manum ad vindictam non commouet, quasi clausam pharetram tenet. Sed feriēdo indicat, quantum ei in nobis displicuit hoc quod diu videndo tolerauit. Sancta itaque electorū Ecclesia tribulationibus pressa dicat: *Pharetram enim suam aperuit, & afflixit me.* Quæ aduersariorum voces insolentes sustinens, dum cernit quod eius prædicatio non admittitur, quorundam duritiam deferens, prædicationis suæ verba moderatur. Perpendens etenim persecutores suos ad exhortationis suæ vocem deteriores existere, magis eligit tacere. Cumque indignos qui audiant, conspiciat, prædicationem suam obducto silentio astringit. Vnde aptè subiungit: *Et frenum posuit in os meum.* Frenum sibi apud quosdam positum cognouerant, qui dicebant: Vobis oportebat primum loqui verbum Dei, sed quoniam repellitis illud, & indignos vos iudicatis æternæ vitæ, ecce conuertimur ad gentes. Frenum silentij sibi superimpositum sancti viri apud dura reproborum corda conspiciunt, qui per Prophetam dicunt: *Quomodo cantabimus canticum Domini in terra aliena?* Frenum poni etiam Paulus admonuit, qui discipulo præcepit, dicens: Hæreticum post primam & secundam correptionem deuota, sciens quia subuersus est qui eiusmodi est, & delinquit proprio iudicio condemnatus. Sancti quippe doctores plerunque alta consideratione resistentium corda conspiciunt, & dum ea derelicta diuinitus vident, afflicti gementēque conticescunt. An non aliquando frenum Salomon doctoribus imponit, qui dicit: Noli arguere derisorem, ne oderit te? Sed si ab increpatione idcirco reticemus, quia contra nos insurgere derisoris odia formidamus, non iam lucra Dei, sed nostra quærimus. Quæ in re sciendum est, quod nonnunquam cum redarguuntur prauis, deteriores existunt. Iplis ergo & non nobis parcimus, si ab eorum redargutione pro eorum amore cessamus. Vnde necesse est, vt aliquando toleremus tacendo quod sunt, quatenus in nobis discent & videndo quod non sunt. Quia igitur sancta Ecclesia quæ verba sua semper per charitatem exierit, ea etiam nonnunquam ex charitate restringit, dicat: Frenum posuit in os meum. Ac si apertè fateatur dicens: Quia in quibusdam profectum non vidi prædicationis, ab eis impetū temperaui, vt vitā meam saltem per patientiam discerent, cum verba mea admittere per oblatam prædicationem nollent. Sed plus nobis hoc plerunque in tribulationibus dolet, quod eas ab illis patimur, in quibus germano amore confidebamus. Vnde & subditur:

Quod nonnunquam qui in Ecclesia sub nomine Christi militant, Christi in eadem nomen impugnant.

Caput XVIII.

Ad dextram Orientis calamitates meæ ilico resurrexerunt.) Ad sinistram quippe calamitates surgerent, si à quibuslibet extra religionem positis, & apertè Christum negantibus, persecutionis aduersa sustineret. Cum verò ab aliquibus quasi fidelibus tentationem cruciamentorum patitur, quasi ad dexteram illam calamitates oriuntur: quia hi qui sub Christi nomine militant, Christi in ea nomen impugnant. Ipso enim locutionis vsu, pro dextro habere dicimur, quod pro magno pensamus, pro sinistro verò id quod despiciamus: quod Zacharias apertè insinuat, dicens: Et ostendit mihi Iesum sacerdotem magnum, stantem coram angelo Domini, & satan stabat à dextris eius, vt aduersaretur ei. Qui vt patientius hoc quod præmisit ostēderet, secutus adiunxit: Et dixit Dominus ad satan: Increpet Dominus in te, satā qui elegit Hierusalem. Nunquid nō est iste terroris erutus de igne? Et Iesus indutus erat vestibus sordidis. Sordidis enim vestibus Iesus indutus erat, quia quanuis alienus ab omni peccato, tamē in similitudine venit carnis peccati. Cui venienti satan à dextris stetit. Pro magno nāque Dominus Iudaicum populū, & pro nihilo gentes habere videbatur. Sed postquam incarnatus apparuit, gentilitas quæ pro sinistro habita fuerat, credidit: Iudaicus ve-

rò populus ad perfidiam declinavit. Satan ergo illi à dextris stetit: quia illum ei populum rapuit, qui dudum dilectus fuit. Sed quia ipse Iudaicus populus modo perditus in fine est quandoque crediturus, Propheta testante, qui ait: Reliquiæ salutis fient: satan à dextris suis Dominus remouit, dicens: *Ibidem.* Increpet Dominus in te satan: & eiusdem populi liberationem indicans subdit: Quia elegit Hierusalem. Qui nimirum populus quia ad gehennæ incendia perfidia duce defluebat, sed dum ad fidem reducitur, ab eodem æterni ignis incendio liberatur, statim de eo illic subditur: Nunquid non est iste torris erutus de igne? Sicut ergo illic pro dextra plebs Iudaica, ita hoc in loco dextræ vocabulo, fidelis populus sanctæ Ecclesiæ designatur. Vnde & venturus iudex hæc ad sinistram, agnos ad dextram ponit. Sed cum sanctam Ecclesiam aduersitatis tempore ipsi quoque laceffunt, qui fideles esse videbantur, ei proculdubio calamitates ad dextram surgunt.

Matthæ. 25. Bene autem hæc ipsa dextra Orientis vocatur. De ipso quippe eiusdem capite scriptum est. Oriens est nomen eius. Nam quia ab Oriente lux surgit, rectè Oriens dicitur, cuius iustitiæ lumine, nostræ iustitiæ nox illustratur. Ad Orientis ergo dextram calamitates surgunt, quia hi quoque ad persecutionem profiliunt, qui electa membra redemptoris nostri esse credebantur. Iuxta quam videlicet calamitates rectè illic asferit surgere: quia dum non erant extranei qui persequuntur, ab eis repente mala & illic fiunt. Si verò dextra, hi qui veraciter fideles sunt, appellantur, calamitates ad dextram Orientis surgunt: quia erumpente persecutionis articulo crudes prauorum impetus iusti patiuntur. Sequitur:

Quòd dum maligni spiritus vel peruersi homines extrema Ecclesiæ membra persequuntur, videtur Deus non ferre auxilium, cum statim non eripit, cum eos quos amat, aliquando vtiliter derelinquat. Caput XIX.

Pedes meos subuerterunt, & oppresserunt quasi fluctibus semitis suis.) Quid per pedes Ecclesiæ, nisi extrema illius membra signantur? Quæ dum ad opera terrena deferunt, tantò celerius ab aduersariis falli possunt, quantò sublimia minus intelligunt. Hos itaque pedes aduersarii subuertunt, videlicet cum extrema membra illius ad sui dogmatis errorem trahunt. Subuersi pedes viam tenere nequeunt, cum infirmi quique persecutorum suorum vel promissionibus persuasi, vel minis terri, vel cruciatibus fracti, ab itinere recto deuiant. Bene autem aduersariorum semitæ fluctibus comparantur cum dicitur: Et oppresserunt quasi fluctibus semitis suis: quia scilicet vita prauorum insolenti inquietudine molesta, ad obruendam, vt ita dixerim, nauem cordis quasi tempestas illabatur. De qua videlicet tempestate per Salomonem dicitur: Quasi tempestas transiens non erit impius. Cumque infirmus quisque peruersos florere conspiciat, hunc in peruersitatis pelagus vnda miseræ imitationis mergit. Sequitur: *Dispersauerunt itinera mea, insidiati sunt mihi, & praua dixerunt, & non fuit qui ferret auxilium.* Dicat hæc beatus Iob de malignis spiritibus, videlicet hostibus occultis, dicat vniuersa Ecclesia de prauis persecutoribus, scilicet aduersariis apertis. Ipsi quippe eius itinera dissipant, cum in quorundam infirmorum mentibus, veritatis vias callida persuasionem perturbant. Ipsi insidiantes praualent, cum eos quos aperte ad malum trahere nequeunt, bona simulando peruertunt. Sed mirum valde quod subiicit: *Non fuit, qui ferret auxilium:* cum de diuino adiutorio Psalmista clamat: Adiutor in opportunitatibus, in tribulatione. Et, Sperent in te qui nouerunt nomen tuum, quoniam non dereliques quærentes te Domine. Et cum rursus scriptum sit: Quis sperauit in Domino, & confusus est, permansit in mandatis eius, & derelictus est? Et: Quis inuocauit illū, & desepxit eum? Qua itaque ratione nunc dicitur: *Non fuit, qui ferret auxilium:* nisi quia omnipotens Deus eos quos in æternum diligit, aliquando ad tempus relinquit. Vnde scriptum est: Ad punctū in modico dereliqui te, & in miserationibus magnis congregabo te. In momento indignationis abscondi faciem meam parumper à te, & in misericordia sempiterna misertus sum tui. Hinc etiam Psalmista deprecabatur, dicens: Non me derelinquas vsquequaque. Derelinqui igitur se, sed ad modicum posse vtiliter nouerat, qui ne vsquequaque relinqueretur, petebat. Sanctos etenim suos Dominus veniendo adiu-

Euat, derelinquendo probat, donis firmat, tribulationibus tentat. Vnde rectè quoque per quendam sapientem dicitur. In *Eccli. 4.* primis elegit eum, timorem & metum & probationem inducet super illum, & excruciat illum in tribulatione doctrinæ suæ, donec tentet illum in cogitationibus illius. Iusti quippe animam gratia vocat, tentatio interrogat. Et omnipotens Deus electorum suorum aduersarios temporaliter permittit ex crescere, vt per malorum sæuitiam purgetur vita bonorum. Nunquam quippe Dominus aduersus bonos eos sæuire permitteret, nisi etiam quantum prodesse videret. Nam dum iniusti sæuiunt, iusti purgantur, & vtilitati innocentium militat vita prauorum, dum hanc & premendo humiliat, & humiliando semper ad melius format. Vnde rectè quoque per Salomonem dicitur: Qui stultus est, seruiet sapienti. Et tamen sæpe conspiciamus sapientes subesse, stultos verò arcem dominij tenere: sapientes seruiliter obsequi, stultos tyrannica elatione dominari. Quomodo igitur definitione diuinæ sententiæ sapienti stultus seruit, dum plerumque hunc iure temporalis dominij comprimat? Sed sciendum est: quia contra sapientis vitam, dum stultus præeminens terrorem potestatis exercet, dum hunc laboribus fatigat, contumeliis lacerat, profectò hunc ab omni vitiorum rubigine vrendo purgat. Stultus ergo sapienti etiam dominando seruit, quem ad meliorem statum premendo prouehit. Sic nonnunquam pupillis domini ad disciplinæ magisterium serui præfunt, terrent, premunt, feriunt, & tamen esse serui nullo modo desistunt: quia ad hoc ipsum ordinati sunt, vt proficientibus dominis etiam feriendo famulètur. Quia igitur mala reprobos bonos dum cruciant purgant, vtilitati iustorum militat etiam potestas iniquorum. Sed plerumque iusti tribulatione deprehensi, tardam manum subuenientis æstimant, cum se persequentium immanitas paulò longius angustat. Et concita quidem sunt ereptoris remedia, sed hoc quod ab ereptore citius agitur, dolori tardum videtur. Cumque adesse postulationi auxilium queritur, si vocem, non statim sequitur, quia desit æstimatur. Vnde nunc dicitur: *Et non fuit qui ferret auxilium.* Quia videlicet in voce ipsa vis passionis exprimitur, quia supernum auxilium, etsi adest quantum ad ordinatam prouidentiam protectoris, adesse tamen creditur quantum ad concita vota patientis. Sequitur.

Quòd miseras errantium sancti suas reputant, cum eorum corda rupto fidei muro persuasionem hæretica vident dissipata.

Caput XX.

Quasi rupto muro & aperta ianua irruerunt super me, & ad meas miseras deuoluti sunt.) Quid hoc loco muri nomine, nisi redemptor humani generis appellatur? De quo pro sanctæ Ecclesiæ ædificatione per Prophetam dicitur: Ponetur in ea murus & antemurale. Ipse enim nobis murus est qui ad corda nostra pertingere malignorum spirituum cursum vetat. Qui nostræ quoque fidei etiam antemurale posuit: quia priusquam se per carnem ostenderet, prædicatores sui mysterij prophetas misit. Rectè quippe antemuralis nomine vocatur: quia dum subsequenter prædicauerunt Dominum, quasi ante murum steterunt. Sed quasi murus rumpitur, cum prauorum persuasionibus fides quæ in redemptore nostro est, in quorundam corde dissipatur. Cumque peruersis in hac vita potestas tribuitur, quid aliud quàm ianua erroris aperitur? Quasi rupto ergo muro & aperta ianua super bonos irruunt mali, cum accepta temporaliter potestate, peruersi ipsa quoque in quorundam corde destruere munimina fidei conantur. De quibus aptè dicitur: Et ad meas miseras deuoluti sunt: quia videlicet prius ad suas. Nisi enim peruersè viuendo, ad suas ante miseras caderet, nequaquam ad eas postmodum & alios suaderent. Sed post suas reprobi & ad nostras miseras deuoluuntur, quando ad ea mala in quibus iam ipsi implicati sunt, etiam quosdam nobis vnitos trahunt. Potest quoque intelligi muri nomine, munitio disciplinæ, Salomone attestante, qui ait: Per agrum hominis pigri transiui, & per vineam viri stulti: & per agrum totum repleuerant vrticæ, operuerant superficiem eius spinæ, & maceria lapidum destructa erat. Per agrum enim hominis pigri, atque per vineam viri stulti transire, est cuiuslibet vitam negligentis inspicere, eiusque opera considerare. Quam vrticæ vel spinæ replent: quia in corde negligentium prurientia

prurientia terrena desideria, & punctiones pullulant vitiorum, quippe quia scriptum est: In desideriis est omnis ociosus. Maceria lapidum destructa erat: id est, disciplina patrum ab eius corde dissoluta. Nam quia destructam maceriam lapidum, dissolutam esse disciplinam vidit, protinus illic secutus adiunxit: Quod cum vidissem, posui in corde meo, & exemplo didici disciplinam. Quasi rupto ergo muro hostis ingreditur, cum vel malignorum spirituum vel prauorum hominum persuasionem callida disciplinæ munimina in corde dissipantur. Sed cum eiusdem disciplinæ vigor in corde reprobis soluitur, ante eorum oculos cuncta bonorum opera despectui habentur, nihilque esse æstiment, quicquid de virtutibus electorum vident. Vnde & subditur: *Redactus sum in nihilum.* Apud æstimationem quippe malorum in nihilum redigitur, quando ea quæ ipsi quasi summa diligunt, bona temporalia non tenemus. Despectis namque supernis promissionibus terrena desiderant, etsi quando in eorum mente aliquid de appetitu æternitatis oritur, suborta citius transitoria delectatione dissipatur. Vnde & statim subiungitur: *Abstulit quasi ventus desiderium meum.* Fidelis quippe populus se pati denuntiat, quod eos quos diligit pati dolet. Ventus ergo desiderium tollit, cum res quælibet transitoria æternitatis appetitum destruit: Vnde adhuc congruè subinfertur: *Et velut nubes pertransiit salus mea.* Nubes quippe in alto eminet, sed hæc ad cursum flatus impellit. Sic nimirum sic sunt temporalia iniquorum bona. Velut in alto quidem per honoris celsitudinem degere videtur, sed ad cursum vitæ quotidie quasi quibusdā mortalitatis suæ flatibus impelluntur. Salus ergo ut nubes transit: quia peruerforum gloria quæ alta est, fixa non est: sed expletis desideriis actibusque infirmantium, ad electorum vocem sermo conuertitur, cum protinus subinfertur: *Nunc autem in memetipso marcescit anima mea, & possident me dies afflictionis.* Electorum quippe anima nunc marcescit, quia in illa postmodum æterna exultatione viridescit. Modò eos dies afflictionis possident, quia dies lætitiæ post se sequuntur. Scriptum quippe est: Timet Deum bene erit in extremis. Et rursum de Ecclesia dicitur: Ridebit in die nouissimo. Nunc enim tempus afflictionis est bonis, ut sequatur eos exultatio quandoque sine tempore. Hinc ab eis aliàs dicitur: Humiliaasti nos in loco afflictionis. Locus nanque afflictionis est vita præsens. Iusti ergo hic, id est, in loco afflictionis humiliati sunt: quia in æterna vita, id est, in loco gaudij sublimantur. Cum verò marcescere anima diceret, rectè etiam præmisit: *In memetipso.* quia in nobismetipsis, quidem affligimur, sed in Deo mens nostra refouetur: tantòque à viriditate gaudij longè fit, quantò adhuc ab authoris repulsa lumine ad se redit. Tunc verò ad veræ lætitiæ viriditatem peruenit, quando per æternæ contemplationis gratiam subleuata etiam semetipsam transit. Sed hæc quæ allegorica indagatione transcurrimus, oportet ut per omnia etiam iuxta historiam teneamus. Quæ tamen nunc idcirco prætereo: quia hæc aperta esse legentibus non ignoro. Diebus autem persecutionis ultimæ, quia multi qui percutiunt, & pauci sunt qui saluantur, idcirco vir sanctus passionis suæ tempore & pauca de bonis, & multa de peruersis loquitur. Vnde & mox ad eorum personam qui corruunt, verba conuertit, sicque sua insinuat, ut t audientibus possint congruere quæ narrat. Nam sequitur:

Quod in nocte tribulationum huius seculi, etiam qui perfecti videbantur, & quasi ossa carnalium aliquando lassitudine succumbant, & à sanctorum infestatione maligni spiritus nunquam quiescant.

Caput XXI.

23. **N**OCTE OS MEUM PERFORATUR DOLORIBUS, & QUI ME COMEDUNT NON DORMIUNT. Si ipsi historię intendimus, patet causa quoniam sancti viri corpus per sinus vlcis scaturiens vermium multitudo lacerabat. Si verò allegoriæ mysterium pericrutamur, quid per ossa nisi fortes quique in sanctę Ecclesię corpore designantur? Qui quasi suo robore membra continent, dum mores infirmantium stabiliter portant. Sed cum tribulationis ultimæ contra eam feruor excreuerit, in nocte os illius perforatur doloribus: quia nonnunquam tormentis victi, etiam ipsi ad perfidiam desinunt, qui ad fidem alios tenere videbantur. Ait ergo: *Nocte os meum perforatur doloribus.* Ac si apertè dicat:

A Tribulationis tenebris pressi, ita afflictione tenebrantur, ut & ipsi qui in me habebant vigorem fortitudinis, quasi iam quodam habeant foramen timoris. Bene autem dicitur. *Et qui me comedunt, non dormiunt:* quia maligni spiritus qui carnales quosque de Ecclesia consumunt, tantò magis quiescere à tentatione nesciunt, quantò nullo carnis pondere grauantur. Sed persecutores sanctę Ecclesię quia valde peruersi sunt, essent utinam pauci. Sequitur:

Quod immensitate percussionum sancti qui Christo quasi vestimentum adhaerent, victi tormentis deficiunt, & constricto capite libertas prædicationis suffocata, extinguetur.

Caput XXII.

IN MULTITUDINE EORUM CONSUMITUR VESTIMENTUM MEUM, & QUASI CAPITIO TUNICA SUCCINXERUNT ME. Si historię intendimus, quid aliud vestimentum beati Iob quàm eius corpus accipimus? cuius videlicet vestimentum consumitur, dum caro cruciatur. Iuxta allegoriæ verò mysterium, vestimentum est sanctę Ecclesię, fidelium vita. Nam sicut tota simul Ecclesia vestimentum Christi, ita fideles quique eiusdem Ecclesię vestimenta deputantur. Si enim sancta Ecclesia vestimētum Christi non esset, Paulus profectò non diceret: Ut exhiberet sibi gloriosam Ecclesiam non habentem maculam neque rugam: id est, nec per peccatum habentem maculam, nec per duplicitatem rugam, quia & per iustitiam munda est, & per simplicem intentionem tensa. Quæ igitur abluta est ne habeat maculam, tensa est ne habeat rugam, utique vestis est. Sicut ergo indumentum Christi tota generaliter Ecclesia dicitur, sic indumentum sunt Ecclesię, singulorum animæ quæ ab errore conuersę, eandem Ecclesiam credendo, càmque fideliter inhærendo circundant. De quibus eidem Ecclesię per Prophetam Dominus dicit: Viuo ego, quia omnibus his velut ornamento vestieris. Sed cum procella sæuæ persecutionis oboritur, plerique fidelium ab eius amore separantur, qui ei sedulò inhæreere videbantur. Dicat ergo: *In multitudo eorum consumitur vestimentum meum:* quia dum multi sunt qui cruciant, destruntur plurimi qui ei connexionem amoris inhærebant. Bene autem subditur: *Et quasi capitis tunica succinxerunt me.* Tunica quippe capitium collum circundat induentis. Collum verò si stringitur, vocis vsus & vitalis flatus necatur. Sanctam ergo Ecclesiam reprobi quasi capitis tunica cōstringunt: quia in ea persecutionibus suis vitam fidei, & prædicationis vocem extinguere conantur. Hoc quippe conari persecutores eius specialiter solent, ut ab ea ante omnia verbum prædicationis tollant. Vnde & hi qui sanctę fidei primordiis resistebant, cæsis Apostolis denuntiabant, dicentes: Præcipiendo præcepimus vobis ne doceretis in nomine isto, & ecce replestis Hierusalem doctrina vestra. Corpus ergo sanctę Ecclesię quasi capitis tunica cinxerant, qui constrictis prædicatoribus velut eius collum prementes, in ea claudere iter vocis volebant. Sed electi quique persecutionis suæ tempore paratiores sunt mori quàm tacere. Qui dum in morte temporaliter corruunt, à stultis quibusque & carnalibus despecti ac viles æstimantur: quia cum videre reprobi nequeunt, quæ electi bona spiritualiter teneant, quos carnaliter extingui conspiciunt, infelices arbitrantur. Vnde & subditur: *Comparatus sum luto & assimilatus sum fauillæ & cineri.* In reprobis quippe iudicio, sancta electorum Ecclesia luto comparatur: quia temporaliter conculcata despicitur. Fauillæ assimilatur & cineri: quia dum bona eius interiora non vident, ad sola hanc mala peruenisse æstiment, quæ in ea exhiberi corporaliter vident. Fidelis tamen electorum populus cum multos ex se cadere conspiciat: optat, si obtinere valeat, aduersitatis suæ tempora mutari. Huius quia oratio differtur, gemitus augetur. Vnde adhuc subditur: *Clamo ad te, & non exaudis: sto, & non respicis me.* Sancta quippe Ecclesia persecutionis suæ tempore fide stat, desideriis clamat. Sed dolet se quasi non respici, dum sua videt in tribulationibus vota differri. Alto nanque consilio, omnipotens Deus cum sancti eius aduersariorum persecutionibus comprimuntur, cumque assiduis ut liberentur interpellationibus clamant, differre solet voces petentiū, ut merita patientium crescant, quatenus eo magis exaudiantur ad meritum, quo citius non exaudiantur ad votum. Vnde aliàs scriptum Psal. 21.

Diaboli à tentationibus quiescere nesciunt.

Ephes. 5.

Est. 49.

Acto. 5.

24.

Cui Deus differat voces petentes.

est: Deus meus clamabo per diem, nec exaudies, & nocte. Atque ipsa utilitas de exaudiendi mora mox subditur, cum illic protinus subinfertur: Et non ad insipientiam mihi. Ad multiplicandam quippe sanctorum sapientiam proficit, quod postulata tardè percipiunt, ut ex dilatione crescat desiderium, & desiderio intellectus augeatur. Intellectus verò cum intenditur, eius in Deum ardentior affectus aperitur. Affectus autem ad promerenda cœlestia tantò fit capax, quantò fuerit expectando longanimis. Sed tamen inter hæc sanctorum patientiam dolor vrget ad vocem, & cum dilati proficiunt, metuant ne deficientibus viribus despecti reprobentur. Sequitur:

Quod impropiè Deus dicatur zelare, & irasci, & pœnitere, & misereri, & cetera huiusmodi: & quod crudelis dicatur tunc cum districtè peccata vlciscitur.

Caput XXIII.

Diffonantia **M**utatus es mihi in crudelem, & in duritia manus tuæ aduersaris *vetusta translatio* *Commenda- tio huius no- næ transla- tionis.* Longè ab hac sententia vetusta translatio dissonat, quia quod in hac de Deo dicitur, hoc in illa de aduersariis ac persecutoribus memoratur. Sed tamen quia hæc noua translatio ex Hebræo nobis Arabicoque eloquio cuncta verius transfudisse perhibetur, credendum est quicquid in ea dicitur: & oportet, ut verba illius nostra expositio subtiliter rime- tur. Ait ergo: Mutatus es mihi in crudelem, & in duritia manus tuæ aduersaris mihi. In scriptura sancta cum de Deo aliquid indignum dicitur, mouetur legentis animus, velut si a-

Omne quod de Deo dicitur corpus indignum est, quo dici potuit.

Exod. 34. Num. 11. Gene. 6. 1. Reg. 15. Psalm. 85. Roma. 8.

liquando de Deo aliquid indignum dicatur. Penè omne quippe quod de Deo dicitur, eo ipso iam indignum est, quo potuit dici. Nam cuius laudi non sufficit obstupescens conscientia, quando sufficet loquens lingua? Sanctus ergo spiritus hoc ipsum hominibus intelligentibus insinuans, quam sint ineffabilia summa etiam verba diuina, his verbis nonnunquam de Deo vitur, quæ apud homines habentur in vitio, ut ex his quæ indigna videntur hominibus, & tamen dicuntur de Deo, admoneatur scire homines quod nec illa iam Deo digna sint, quæ dum digna habentur apud homines, digna putantur Deo. Dicitur enim Deus zelans, sicut scriptum est: Dominus zelotes nomen eius. Dicitur iratus, vnde scriptum est: Iratus est Dominus contra Israël. Dicitur Deus pœnitens, sicut scriptum est: Pœnitet me fecisse hominem super terram. Et rursum: Pœnitet me quod constituerim Saul regem in Israël. Dicitur misericors, sicut scriptum est: Misericors & misericors Dominus, patiens & multum misericors. Dicitur præsci- us, sicut de illo ait Apostolus. Quos præsciuit & prædestinauit conformes fieri imaginis filij sui: dum nec zelus, nec ira, nec pœnitentia, nec propriè misericordia, nec præscientia esse possit in Deo. Hæc nanque omnia ab humanis in illum qualitatibus tracta sunt, dum ad nostræ infirmitatis verba descenditur, ut quasi quibusdam nobis gradibus factis, & iuxta nos positis, per ea quæ nobis vicina conspiciamus, ad summa eius ascendere quandoque valemus. Zelare enim, dicitur, qui cum cruciatu mentis castitatem custodit vxoris. Irasci dicitur, qui feruore animi contra puniendum vitium accenditur. Pœnitere dicitur, cui id quod fecit, displicet, & econtra mutando aliquid aliud facit. Misericors dicitur, qui pietate ad proximum promouetur. Misericordia autem à misero corde vocata est, eo quod vnusquisque intueatur quempiam miserum, atque ei compatiens, dum dolore animi tangitur, ipse cor miserum facit, ut eum à miseria liberet cui intendit. Præscire dicitur, qui vnquamque rem antequam veniat videt, & id quod futurum est, priusquam præsens fiat, præuidet. Deus ergo quomodo zelans est, qui in custodienda castitate nostra nullo mentis cruciatu tangitur? Quomodo irascitur qui in vlciscendis vitiis nostris, nulla perturbatione animi commouetur? Quomodo est pœnitens, qui id quod semel fecerit, se fecisse nequaquam dolet? Quomodo habet misericordiam, qui cor nunquam miserum habet? Quomodo est præsci- us, dum nulla nisi quæ futura sunt, præsciantur? Et scimus quia Deo futurum nihil est, ante cuius oculos præterita nulla sunt, præsentia non transeunt, futura non veniunt: quippe quia omne quod nobis fuit & erit, in eius prospectu præsto est, & omne quod præsens est, scire potest potius quam præscire. Et tamen dicitur zelans, dicitur iratus, dicitur pœnitens, dicitur misericors, dicitur præsci- us: ut quia castitatem animæ

E vnus cuiusque custodit, humano modo zelans vocetur, quan- uis mentis cruciatu non tangatur. Et quia culpas percutit, di- citur irasci, quanuis nulla animi perturbatione moueatur. Et quia ipse immutabilis id quod voluerit mutat, pœnitere dici- tur, quanuis rem mutet, consilium non mutet. Cum miseriæ nostræ subuenit, misericors vocatur, quanuis miseri subue- niat, & cor miserum nunquam habeat. Et quia ea quæ nobis futura sunt videt, quæ tamen ipsi semper præsto sunt, præ- sci- us dicitur, quanuis nequaquam futurum præuideat, quod præsens videt. Nam & quæque sunt, non ab æternitate eius ideo videntur quia sunt, sed ideo sunt, quia videntur. Dum ergo ad verba mutabilitatis nostræ descenditur, ex eis quibus- dam gradibus factis ascendat qui potest ad incommutabilita- tem Dei, ut videat sine zelo zelantem, sine ira irascentem, si- ne dolore & pœnitentia pœnitentem, sine misero corde mi- sericordem, sine præuisionibus præscientem. In illo enim nec præterita, nec futura reperiri queunt, sed cuncta mirabilia im- mutabiliter durant, & quæ in seipsis simul existere non pos- sunt, illi simul omnia assunt, nihilque in illo præterit quod transit: quia in æternitate eius modo quodam incomprehen- sibili, cuncta volumina seculorum transeuntia manent, cur- rentia stant. Sicut ergo accipimus sine zelo zelantem, sine ira irascentem, ita, à sancto Iob etiam sine crudelitate dici potuit crudelis. Crudelis quippe dicitur, qui districtè ferien- do non parcat, ut videlicet hoc loco crudelis districtè feriens possit intelligi, & vlciscendæ culpæ non parcens. Vnde Esaias quoque cum videret vltimi iudicij diem non iam cum venia sed cum districtione esse venturum, ait: Ecce dies Domini ve- niet crudelis & indignationis plenus, & ira furorisque eius, ad deponendam terram in solitudine, & peccatores eius con- terendos de ea. Sanctus igitur vir ut hanc eandem crudelita- tem sibi potius assereret congruere posse quam Deo, ait:

Mutatus es mihi in crudelem. Ac si apertè dicat: Qui in teipso crudelitatis nihil habes, mihi tamen quem respirare à persecutione non finis, crudelis videris. Ita enim Deus crudelis esse non potest, sicut nec mutari vllatenus potest. Sed quoniam in Deo nec crudelitas, nec mutabilitas, vnquam venit, dum mihi di- cit, quod in semetipso Deum, nec crudelem, nec mutabilem sentiat, ostendit. Nam dum circa nos quædam prospera & ad- uersa variantur, in eo quod nos mutamur, quasi eius circa nos mutatum animum suspicamur. Ipse verò in se incommutabi- lis permanens, aliter atque aliter in cogitatione sentitur ho- minum, pro qualitate meritorum. Nam & lux Solis cum ne- quaquam est sibi metipso dissimilis, infirmis aspera, sanis au- tem oculis lenis videtur: eorum videlicet immutatione, non sua. Vnde ut prædiximus dicent: *Mutatus es*, adiunxit *Mihi*: ut ipsa hæc crudelitas atque mutatio, non sit in qualitate iu- dicis, sed mente patientis. Quod verbis quoque aliis retexit dicens: *Et in duritia manus tuæ aduersaris mihi.* Manus etenim Dei dura creditur, cum voluntatis nostræ cōtraria, hoc quod ei in nobis displicet, feriendo persequitur, & flagella ingemi- nat, cum dolentis anima clementiam expectat. Quæ tamen iuxta allegoriæ mysterium, bene sanctæ Ecclesiæ verbis con- gruunt ex vocibus infirmorum, qui plerumque se plus feriri æstimant quam mereri putant, & quasi crudelitatem arbitran- tur iudicis, districtiōnem æquissimam sectionis: & cum vul- nus ægri medicinali ferramento abscinditur, medicus crude- lis vocatur, qui tamen per secantis manus duritiam aduersa- tur vulnere, sed concordat salutem. Sequitur:

Quod quasi super ventum fundati repente sternuntur, qui tran- sitoriorum bonorum successionibus delectantur.

Caput XXIII.

Eleuasti me, & quasi super ventum ponens, elixisti me valide.) Quia præsentis vitæ gloria quasi in alto cernitur, sed nul- la stabilitate solidatur, velut eleuatus super ventum ponitur, qui prosperitate transitoria lætatur, quando ad hoc solum hunc fugitiuæ felicitatis aura subleuat, ut repente deterius in infimis sternat. Quia enim sancta Ecclesia cunctis in honore est, infirmi quique in ea qui transitoriis successibus lætantur, quò nisi super ventum positi videntur eleuati? quia subse- quente persecutionis tempore, dum prosperitatis aura per- transit, eorum protinus eleuatio corrui, & repente caden- tes discunt, quia eleuati prius in ventum tamen se dederunt. Quæ videlicet

videlicet verba etiā sancti viri personæ specialiter congruūt, non ad id quod erat, sed ad id quod esse videbatur. Neque enim mentem illius prosperitas fugitiua leuauerat, quam inter tot rerum affluentias, miro semper virtutis pondere premebat, sed iuxta hoc quod videri exterius potuit, qui in suis humilis, in alienis oculis eleuatus fuit, & quasi super ventum positus, elusus est validè: quia rebus exterioribus fultus, vnde æstimabatur surgere, videbatur inde cecidisse. Quem videlicet casum sanctus vir in mente non pertulit: quia nulla aduersitas deiicit, quem prosperitas nulla corrumpit. Qui enim veritati inharet, vanitati nullo modo succumbit: quia dum forti pede cogitationis intus intentionem fixerit, omne quod foras mutabiliter agitur, ad arcem mentis minimè pertingit. Sequitur:

Quod sancti mortem præsentem non ad consumptionem sibi esse intelligunt, qui de resurrectione sua confidunt, qui & si aliquando peccant, per penitentiam reformatur.

Caput XXV.

26.

Scio quia morti trades me, vbi constituta est domus omni viuenti.) In superiori huius operis parte tractatum est, quod ante aduentum Domini ad inferni receptacula etiam iusti descenderunt, quamuis non in suppliciis, sed in requie seruarentur. Quod nunc testimoniis edocere negligimus: quia in eam sufficienter probatum putamus. Hoc ergo quod dicitur: Scio quia morti trades me, vbi constituta domus est omni viuenti: rectè beato Iob etiam iuxta historiam congruit, nimirum constat, quia ante redemptoris gratiam, ad inferni claustra etiam iusti descenderent. Ipsa quippe inferni receptio, domus omnium viuentium dicitur: quia nullus hinc venit qui ante mediatoris aduentum non illuc ipsa corruptionis suæ conditione pertrahit. Nullus huc venit, qui ad carnis mortem eiusdem corruptionis suæ gressibus non tetendit. De qua videlicet morte per Psalmistā dicitur: Quis est homo qui viuit, & non videbit mortem? Nam etsi ad cælum raptus Helias esse perhibetur, mortem tamen distulit, non euasit, de ipso quippe ore veritatis dicitur: Helias quidem vēturus est, & restituet omnia. Venit enim restitutus omnia, quia ad hoc nimirum huic mundo restituitur, vt & prædicationis munera impleat, & carnis debitum soluat. Quæ tamen sancti viri sententia iuxta allegoriæ mysterium, sanctæ Ecclesiæ vocibus ex persona congruit infirmorum, qui fidem verbo tenus tenent, sed contra præcepta fidei suis desideriis famulantur. Ait etenim: Scio quia morti trades me, vbi constituta domus est omni viuenti.) Quia enim multos in se voluptatibus deditos conspiciat, eorumque iā interitum præscit, pensat quod in via vitæ presentis suis quidem desideriis seruiunt, sed tamen ad mortis domum perueniunt omnes qui in ea carnaliter viuunt. Sunt verò nonnulli qui in voluptatum suarum foueam corruunt, sed tamen per lamenta penitentiae ab imis citius pedem reducunt, quos supernæ percussiois verbera ad eruditionem potius quàm ad extinctionem secant. Ex quibus aptè subiungitur: Veruntamen non ad consumptionem eorum emittis manum tuam, & si corruerint, ipse saluabis.) In quibus profectò verbis hoc solerter debet intelligi, quod beatus Iob dum sua narrat, in se alios transfiguratur. Velut enim de se specialiter dicebat: Eleuasti me, & quasi super ventum ponens elifisti me validè: scio quia morti trades me, vbi constituta est domus omni viuenti, & tamen non de se, sed de aliis adiungit: Veruntamen non ad consumptionem eorum emittis manum tuam. Dum enim de se loquens ratiocinando causas de aliis subdit, quàm multorum personis in se significet, ostendit. Manum itaque suam Domini ad consumptionem peccantium non emittit, cum feriendo à peccatis corripit, & corruentes saluat, dum cadentes ad culpam in salutem corporis vulnerat, vt prostrati exterius, interius surgant, quatenus iacentes corpore, ad interio-rem statum redeant, qui stantes exterius ab statu mentis iacebant. Sequitur.

Quod compassio quam afflictioni proximorum debemus, non tam sit in largitione exteriorum, quàm in mentis affectu: quia extra nos sunt quæ damus, affectus autem intus ex nobis.

Caput XXVI.

Flebam quondam super eum qui afflictus erat, & compatiēbatur anima mea pauperi.) Quāuis vera cōpassio est passioni proximi ex largitate concurrere, nonnunquam tamen cū exteriora quæque abundè ad largiendum suppetūt, celerius dantis manus dationem inuenit, quàm animus dolorem. Vnde scire necesse est, quia ille perfectè tribuit, qui cum eo quod afflicto porrigit, afflicti quoque in se animum sumit: vt prius in se dolentis passionem transferat, & nunc contra dolorem illius per ministerium concurrat. Nam sæpe, vt prædiximus, largitorem muneris, rerum facit abundantia, & non virtus compassionis. Qui enim afflicto perfectè compatitur, plerumque & hoc indigenti tribuit, in quo ipse qui dedit, angustatur. Et tunc plena est cordis nostri compassio, cū malum inopiæ pro proximo suscipere non metuimus, vt illum à passione liberemus. Quam videlicet pietatis formam mediator nobis Dei & hominum dedit. Qui cū posset nobis etiam non moriendo concurrere, subuenire tamen moriendo hominibus voluit: quia nos videlicet minus amasset, nisi & vulnera nostra susceperet, nec vim nobis suæ dilectionis ostenderet, nisi hoc quod à nobis tollet, ad tempus ipse substineret. Palsibiles quippe mortalesque nos reperit, & qui nos existere fecit ex nihilo, reuocare videlicet etiam sine sua morte potuit à passione. Sed vt quanta esset virtus compassionis ostenderet, fieri pro nobis dignatus est, quod esse nos voluit: vt in semetipso temporaliter mortem susceperet, quam à nobis in perpetuum fugaret. An non in diuinitatis suæ diuitiis nobis inuisibilis permanēs, miris nos potuit virtutibus ditare? Sed vt ad internas diuitias rediret homo, foras apparere dignatus est pauper Deus.

Vnde & prædicator egregius vt ad largitatis gratiam viscera nostræ compassionis accenderet, dixit: Propter nos e-
genus factus est, cū diues esset. Qui sic etiam dicit: Non vt
aliis sit remissio, vobis autem tribulatio: hæc procul dubio
condescendēdo infirmis intulit, quoniā quibusdam inopiam
ferre non valentibus, tolerabilius est minus tribuere, quàm
post largitatem suam ex inopiæ angustia murmurare. Nam vt
ad magna largiendi studia audientium mentes accenderet,
paulò post intulit, dicens: Hoc autem dico: Qui parcē se-
minat, parce & metet. Plus ergo nonnunquam esse dicimus
compati ex corde quàm dare: quia quisquis perfectè indigēti
compatitur, minus æstimat omne quod dat. Nisi enim dantis
manum bona volūtas vinceret, eiusdē prædicator egregius di-
scipulis non dixisset: Qui non solum facere, sed & velle cœpi-
stis ab anno priori. Facile quippe est in bono opere obedire
etiam t voluntē. Sed hæc magna in discipulis virtus extiterat,
eos bonum quod illis præceptū est, & antè voluisse. Quia ita-
que vir sanctus apud omnipotentem Deum, aliquando maius
datum nouerat mentis esse quàm muneris, dicat: Flebā quon-
dam super eo qui afflictus erat, & compatiēbatur anima mea
pauperi. Exteriora etenim largiēs, rem extra semetipsum præ-
buit. Qui autem fletum & compassionem proximo tribuit, ei
aliquid etiā de se semetipso dedit. Idcirco autē plus compas-
sionem quàm datum dicimus, quia rem quamlibet plerumque
dat etiam qui non compatitur, nunquam autem qui verè con-
patitur, quod necessarium proximo conspiciat, negat. Quæ ni-
mirum sententia bene quoque, sanctæ Ecclesiæ vocibus cōgruit,
quæ dū afflictos quosque per lamenta penitentiae cōspicit, suos
t ei oratione cōtinua fletus iungit, & toties egeno cōpatitur,
quoties mentis virtutibus nudata, interuētionis suæ precibus
opitulatur. Super afflicto quippe compatientes plangimus,
quādo aliena damna nostra deputamus, & culpas delinquentium,
nostris mundare fletibus nitimur. Quod videlicet agē-
tes, plus plerumque nobis quàm his pro quibus agitur subueni-
mus: quia apud intimum arbitrum & gratiā charitatis aspiran-
tem, commissa quæque perfectè diluit propria, qui purè plan-
git aliena. Persecutionis igitur vltimā sancta Ecclesia tribula-
tione deprehensa, reducat ad memoriam pacis tempore bona
quæ gessit, dicēs: Flebam quondam super eo qui afflictus erat,
& compatiēbatur anima mea pauperi. Quæ interne lucis gau-
dia æterna desiderans, sed tamen adhuc dilata, quia malis ex-
terioribus premitur, sancti viri vocibus adiungat:

Quod sancta Ecclesia ab ipsis quos per charitatis gratiam quasi viscera sua antè gestauerat, persecutionis impetum ferat.

Caput XXVII.

Expectabam bona, & venerunt mihi mala: præstolabar lucem, & eruperunt tenebrae. Fidelis enim populus expectat bona, sed mala suscipit, præstolatur lucem, & tenebras incurrit: quia per remunerationis gratiam interesse iam iamque angelorum se gaudiis sperat, & tamen hic diutius dilatus, manus persecutorum tolerat, & qui se quanto cyus æstimat æternæ lucis retributione perfrui, hic adhuc compellitur persecutorum suorum tenebras pati. Quæ videlicet mala persecutorum minus dolerent, si ab infidelibus aduersariisq; confurgerent. Sed eo deterius mentem electorum cruciant, quo ab illis veniunt de quibus bona præsumebant. Vnde adhuc subditur: Interiora mea efferverunt absque ulla requie. Sanctæ quippe Ecclesiæ interiora effervescent, est ipsos quoque quos per amorem fidei velut viscera antè gestauerat, in persecutionis atrocitate tolerare. Qui secreta prius illius cognoscentes, quando sciunt ubi magis doleat, tanto deterius ab afflictione eius minime quiescunt. Quos tamen & pacis suæ tempore grauter tolerat, quia suis prædicationibus eorum mores contrarios pensat. Gemit enim cum eorum vitam sibi dissimilem conspiciat. De quibus & aptè subiungitur: Præuenerunt me dies afflictionis. Scit namque sancta electorum Ecclesia quod persecutione vltima mala multa passura sit, sed hanc afflictionis suæ dies præueniunt: quia malorum vitam intra se grauter etiam tempore pacis portat. Nam quanuis diebus vltimis aperta infidelium persecutio sequatur, hæc tamen & priusquam appareat, hi qui in ea verbotenus fideles sunt, prauis moribus antecurrunt. Sequitur:

Quod sancti in culmine honoris, statum custodiunt humilitatis: & licet potestati semper amica sit impatiencia, mansueti tolerant ipsos quos ex officio suo increpant.

Caput XXVIII.

Mœrens incedebam, sive furore confurgens in turba clamavi. Notandum sollicitè iuxta historiam video, quod sanctus vir qui paulò superius dixit: Eleuasti me, inferius adiungit: Mœrens incedebam. Miro enim ordine, vno eodémque tempore conuenire in actibus bonorum solet & foris honor culminis, & intus afflictus mœror humilitatis. Vnde sanctus quoque vir eleuatus rebus & honoribus, mœrens incedebat: quia etsi hunc prælatum hominibus gloria potestatis ostenderat, interius tamen mœrore suo secretum sacrificium Domino contriti cordis offerebat. Sacrificium quippe Deo est spiritus contribulatus. Sciunt autem electi quique cōsideratione intima contra exterioris excellentiæ tentamenta pugnare. Qui si ad exteriorē felicitatem suam cor apponerent, iusti profectò non essent. Sed quia cor humanum non potest de ipsis prosperitatibus rerum quantulacunque gloria nullo modo tentari, contra ipsam prosperitatem suam sancti viri intrinsecus dimicant. Non dico in elatione, sed ne in eius saltem amore succumbant. Cui valde succubuisse est, captiuam mentem eius desideriis subdidisse. Quis autem terrena sapiens, temporalia amplectēs, beatum Iob inter tot prospera latum non crederet, cum ei sup peteret salus corporis, vita filiorum, incolumitas familiæ, integritas gregum? Sed quia in his omnibus non gaudebat, ipse sibi testis est, qui ait: Mœrens incedebam. Sancto enim viro adhuc in hac peregrinatione posito, omne quod sine visione Dei abundat, inopia est: quia cum sibi omnia electi adesse vident, gemunt, quod omnium authorem non vidēt, eisq; totum hoc minus est, quia adhuc species vnus deest: sicque eos foris exaltat gratia supernæ dispensationis, vt tamen intus sub disciplina teneat mœror magistræ charitatis. Per quam videlicet discunt, vt de his quæ exterius accipiunt, apud semetipsos semper amplius humilientur, mentem sub iugo teneant disciplinæ, nunquam ex potestatis licentia ad impatienciam erumpant. Vnde & aptè subiungitur: Sine furore confurgens in turba clamavi. Sæpe namque seditiosorum tumultus hominum præpositorum suorum mentem laceffunt, suisque ordinis limitem inordinatis motibus excedunt. Et plerunque qui præsunt nisi in ore cordis Spiritus sancti freno teneantur, in iratæ retributionis atrocitate profiliunt, quantumque præualent agere, tantum in sibi subditis æstimat licere. Amica etenim potestati penè semper impatiencia est, eique etiam malæ subiectæ imperat, quia quod ipsa sentit, potestas exequitur. Sed sancti viri plus se

interius patiētiæ iugo subiiciunt, quàm foris hominibus præfunt, & eo veriorē principatum foris exhibent, quo humiliorē Deo intrinsecus famulatum tenent: atque idcirco sæpe plus quosdam tolerant, quo se de eis vlscisci amplius possunt, ac ne vnquam ad licita transeant, plerunque nolunt pro se exequi etiam quod licet, subiectorum strepitus sufferunt, per amorem increpant, Quos per mansuetudinem portant. Vnde nunc rectè dicitur: Sine furore confurgens in turba clamavi. quia nimirum boni contra tumultus insolentium clamorem habent, & furorem non habent, quoniam eos quos clementer tolerant, docere non cessant. Sed hæc quæ iuxta historiam de vno diximus, iuxta allegoriam necesse est vt de dinerlis electis Ecclesiæ sentiamus. Ipsa quippe in electis suis etiam per prospera incedit mœrens, quia nil sibi verè prosperum deputat, quousque bonum quod singulariter quærit, apprehendat. Fideles quippe illius temporali quidem pace perfruuntur, sed perpetuè suspirant, honorantur, & afflicti sunt: quia plerunque ibi videntur in culmine, ubi ciues non sunt. Ipsa etiam in turba sine furore confurgit, & clamat: quia prauorum vitam studio rectæ emulationis, non autem vesania furoris insequitur. Irascitur & amat, sæuit & tranquilla est, quatenus infirmos suos corrigat ex æmulatione, foueat ex pietate. Sequitur:

Quod verè sancti sunt, qui inter malos conuersari innocenter possunt. Caput XXIX.

Frater fui draconum, & socius struthionum. Quid draconum nomine nisi malitiosorum hominum vita signatur? De quibus & per Prophetam dicitur: Traxerunt ventum quasi dracones. Peruersi etenim quique ventum quasi dracones trahunt, cum malitiosa superbia inflantur. Qui autem struthionum appellatione intelligi, nisi simulatores solent? Struthio etenim pennas habet, & volatum non habet: quia simulatores quique speciem sanctitatis habent, sed virtutem sanctitatis non habent. Visio quippe eos bonæ actionis decorat, sed à terra minimè penna virtutis leuat. Electus itaque sanctæ Ecclesiæ populus quia pacis suæ tempore intra se quosdam malitiosos ac simulatores patitur, dicat: Frater fui draconum, & socius struthionum. Quod beati quoque Iob vocibus specialiter congruit, qui ad culmen magnæ fortitudinis, bonus inter malos fuit. Nullus quippe perfectus est, qui inter proximorum mala patiens non est. Qui enim æquanimiter aliena mala non tolerat, ipse sibi per impatienciam testis est, quia à boni plenitudine longè distat. Abel quippe esse renuit, quem Cain malitia non exercet. Sic in tritura aræ grana sub paleis premunt, sic flores inter spinas prodeunt, & rosa quæ redolet, crescit cum spina quæ pungit. Duos namque filios habuit primus homo, sed vnus electus, alter reprobus fuit. Tres quoque filios Noë arca continuit, sed duobus in humilitate persistentibus, vnus ad patris irrisiōem ruit. Duos Abraham filios habuit, sed vnus innocens, alius verò fratris persecutor fuit. Duos quoque Isaac filios habuit, vnus in humilitate seruatus, alter verò & priusquam nasceretur, reprobatus est. Duodecim Iacob filios genuit, sed ex his vnus per innocentiam venditus, cæteri verò per malitiam venditores fratris fuerunt. Duodecim quoque Apostoli in sancta Ecclesia sunt electi, sed ne improbat remanerent, vnus eis admixtus est, qui eos persequens probaret. Sic namque iusto peccator cum malitia iungitur, sicut in fornace auro palea cum igne sociatur, vt quo ardeat palea, purgetur aurum. Hi ergo veraciter boni sunt qui in bonitate persistere etiā inter malos possunt. Hinc etiam sponsi voce sanctæ Ecclesiæ dicitur: Sicut lilium inter spinas, sic anima mea inter filias. Hinc ad Ezechielem Dominus dicit: Fili hominis, increduli & subuersores sunt tecum, & cum scorpionibus habitas. Hinc Petrus vitam beati Loth glorificat, dicens: Et iustum Loth, oppressum à nefandorum iniusta conuersatione eripuit. Aspectu enim & auditu iustus erat, habitans apud eos, qui quotidie animam iusti iniquis operibus cruciabant. Hinc Paulus discipulorum vitam glorificat & glorificando confirmat, dicens: In medio nationis prauæ & peruersæ, inter quos lucetis sicut luminaria in mundo, verbum vitæ continentēs. Hinc per Ioannem Angelus Pergami Ecclesiæ attestatur, dicens: Scio ubi habitas, ubi sedes

Psalm. 50.

Amica potestati impatiencia.

Dracones.

Hiere. 14.

Struthionum.

29

Canis.

Ezechiel.

2. Petrus.

Philippus.

Apoc. 2.

ubi sedes est Satanæ & tenes nomen meum, & non negasti fidem meam. Beatus igitur Iob ut ostendat cuius fortitudinis fuerit, insinuet cum quibus vixit, dicens: *Frater fui draconum, & scius struthionum.* Quia minus esset quod ipse bona ageret, nisi & ad bonitatis suæ cumulum, ab aliis mala toleraret. Sequitur:

Quod sancti in apostatatione reproborum tabescunt, & denigrantur & arescunt, dum zeli sui ardore torquentur.

Caput XXX.

Cutis mea denigrata est super me, & ossa mea aruerunt præ caumate. Hæc iuxta historiam pensare negligimus, quia videlicet sermonis virtus patet ex pœna passionis. Sed quia, ut sæpe iam diximus, plerunque beatus Iob sic narrat gesta, ut gerendo prænuntiet, bene hoc sanctæ Ecclesiæ vocibus congruit, quæ dolorem persecutionis ultimæ in infirmis grauiter sentit. Cumque ab illa alij pereunt, valentiores quique mœrore cruciatur. Exterior quippe causa eius est terrena dispensatio: interior verò cura cœlestis. Cutis ergo nomine, infirmi signantur, qui nunc in ea exteriori vtilitati deseruiunt. Per ossa verò fortes eius figurati sunt, in quibus corporis illius tota compago solidatur. Quia igitur aut prouocati muneribus, aut persecutionibus afflicti, multi in ea ab statu fidei infirmi cadunt, eamque ipsi postquam ceciderunt persequuntur: quid aliud quam cutis suæ nigredinem patitur, ut in ipsis postmodum fœda appareat, in quibus prius pulchra videbatur? Cum enim hi qui prius exteriora bene dispensare consueuerant, contra electos Dei postmodum sæuiunt, quasi cutis Ecclesiæ antea-ctæ iustitiæ colorem perdidit, qui ad nigredinem iniquitatis venit. Quod Hieremias etiam sub præcipui metalli specie deplorat, dicens: *Quomodo obscuratum est aurum, mutatus est color optimus? Peruersi ergo dum ab eius sacramentis exeunt, plerunque inter reprobos locum honoris sumunt, ut ipsi contra sanctam Ecclesiam ex autoritate sæuiant, qui hanc atrocis quasi sciendo contemnunt. Vnde & cum diceret: Cutis mea denigrata est: addidit, super me: quia hos quos prius ad decorem iustitiæ quasi candidos habuit, post deterius nigros portat. Sed cum cutis ad nigredinem vertitur, fortes qui in illa sunt zelo fidei contabescunt. Vnde aptè subiungit: Et ossa mea aruerunt præ caumate.* Sic namque & priori tempore os fortissimum sanctæ Ecclesiæ, quadam ariditate tædij Paulus æstuebat, cum quibusdam cadentibus diceret: *Quis infirmatur, & ego non infirmor? Quis scandalizatur, & ego non vror?* Cutis ergo denigratur, & ossa præ caumate arescunt: quia dum infirmi ad iniquitatem profiliunt, fortes quoque præ caloris sui igne cruciantur. Sequitur:

Quod abstinentia & doctrina sanctorum in luctum eis vertatur, cum se ab eis contemni vident, quibus verbo & exemplo prodesse studebant.

Caput XXXI.

Versa est in luctum cithara mea, & organum meum in vocem flentium. Quia organum per fistulas, & cithara per chordas sonat, potest per citharam recta operatio, per organum verò sancta prædicatio designari. Per fistulas quippe organi, ora prædicantiū, per chordas verò citharæ, intentionem rectè viuentium non inconuenienter accipimus. Quæ dum ad vitam aliam per afflictionem carnis tēditur, quasi extenuata chorda in cithara per intuentium admirationē sonat. Siccatur etenim chorda ut congruum in cithara cantum reddat, quia & sancti viri castigant corpus suum, & seruituti subiiciūt, atque ab infimis ad superiora tendunt. Pensandum quoque est quod chorda in cithara si minus tenditur, non sonat: si amplius, raucum sonat: quia nimirum virtus abstinentiæ aut omnino nulla est, si tantū quisque corpus nō edomat quantū valet: aut valde inordinata est si corpus atterit plusquā valet. Per abstinentiā quippe carnis vitia sunt extinguenda, nō caro: & tādō quisque sibi met debet moderamine præesse, ut & ad culpam caro non superbiat, & tamen ad affectum rectitudinis in operatione subsistat. Intueri inter hæc egregium prædicatorem libet, quanta artē magisterij fidelium animas velut in cithara chordas tensas, alias amplius tendendo extenuat, atque alias à tensione sua relaxando conseruat. Aliis etenim dicit: Non in cōmestationibus & ebrietatibus, non in cubilibus & impudici-

tiis. Et rursus ait: Mortificate membra vestra quæ sunt super terram. Et tamen prædicatori charissimo scribit, dicens: Noli adhuc aquam bibere, sed modico vino utere, propter stomachum tuum, & frequenter tuas infirmitates. Illas ergo chordas attenuando tendit, ne non tense omni modo non sonent. Siue autem sancti prædicatores in Ecclesia, seu quilibet simplices & abstinentes, prout vires accipiunt, in ea proximis suis canticum bonæ exhortationis reddunt. Nā & prudentes quique ad prædicationis fructum solerter inuigilant, atque ut alios ad vitam pertrahant, sono magne persuasione elaborant, & qui in ea tardioris ingenij videntur, ex ipso suæ vitæ merito in quantum se posse conspiciunt, exhortationis erga alios auctoritatem sumunt, atque ad cœlestem patriam quos valēt trahere non desistunt. Sed sancta Ecclesia extremis persecutionibus pressa, cum verba sua à reprobis contemni considerat, amoris sui gratiam ad sola lamenta format: quia nimirum desit, quos exhortando trahere non valet. Dicat ergo: *Versa est in luctum cithara mea, & organum meum in vocem flentium.* Ac si apertè fateatur dicens: Pacis quidam meæ tempore per alios parua more citharæ, per alios verò more organi magna & sonora prædicabam: sed nunc versa est in luctum cithara, & organum in vocem flentium versum est: quia dum me contemni conspicio, eos qui prædicationis cantum non audiunt, deploro. Hæc per quosdā sancta Ecclesia in fine factura est. hæc per quosdam in suis iam exordiis fecit. Primus quippe martyr Stephanus Iudeis persequentibus prodesse prædicando conatus est, quos tamen post verba prædicationis, dum videret ad iaciendos lapides conuolasse, fixis genibus orabat, dicens: Domine Iesu, ne statuas illis hoc peccatum. Quid ergo huic qui diu & parua & magna narrauerat, nisi iam suæ citharæ atque organi cantus silebat, atque in luctum versa fuerant: quia eos quos prædicando non traxerat, amando flebat? Quod nimirum quotidie sancta Ecclesia agere non desistit, quæ prædicationis verbum penè vbique conticuisse iam cōspicit. Alij nanque loqui dissimulant, alij recta audire cōtemnunt. Sed electorum mens dum tacere cantum prædicationis conspicit, gemens ac tacita ad fletus redit. Dicat ergo: *Versa est in luctum cithara mea, & organum meum in vocem flentium:* quia electus quisque quo sanctæ prædicationis vox siluit, damna Ecclesiæ grauius plangit. Huiusque beatus Iob descripsit mala quæ pertulit, hoc verò ex loco incipit narrare subtilius bona quæ fecit. Sed doloris verba historica atque allegorica expositione transcurrimus, virtutum verò opera ex magna parte iuxta solius historiæ textum tenemus, ne si hæc ad indaganda mysteria traximus, veritatem fortasse operis vacuare videamur.

Libri. xx. Moralium sancti Grægorij finis.

B. GREGORII MORALIUM LIBER vigessimus primus.

Qui d. fit quod Iacob virgas populeas & amygdalinas decorauit, & in canalibus in quibus greges bibebant, posuit.

Caput I.



Intellectus sacri eloquij inter textum & mysterium tanta est libratione pensandus, ut utriusque partis lance moderata, hunc neque nimis discussionis pondus deprimat, neque rursus torpor incuriæ vacuum relinquat. Multæ quippe eius sententiæ tanta allegoriarum conceptione sunt grauidæ, ut quisquis eas ad solam tenere historiam nititur, earum notitia per suā incuriā priuetur. Nōnullæ verò ita exterioribus præceptis inseruiūt, ut si quis eas subtilius penetrare desiderat, intus quidē nihil inueniat, sed hoc sibi etiā quod foris loquitur abscondat. Vnde bene quoque narratione historica per si-

Quanta libratione pensandus sit intellectus sacri eloquij.

De discretione in abstinentia seruanda.

Rom. 13.

Threno. 4.

a. Cor. 11.

Acto. 7.

Figura.
Gene. 30.

gnificationem dicitur: Tollens Iacob virgas populeas viridas & amygdalinas, & ex platanis, ex parte decorticauit eas, detractisque corticibus, in his quæ spoliata fuerant, candor apparuit: illæ verò quæ integræ erant, virides permanserunt, atque in hunc modum color effectus est varius. Vbi & subditur: Posuitque eas in canalibus in quibus effundebatur aqua, vt cum venissent greges ad bibendum, ante oculos haberent virgas, & in aspectu earum conciperent. Factumque est vt in ipso calore coitus oues intuerentur virgas, & parent maculosa & varia, & diuerso colore respersa. Quid est enim virgas virides amygdalinas atque ex platanis ante gregum oculos ponere, nisi per scripturæ sacræ seriem, antiquorum patrum vitas atque sententias in exemplum populis præbere? Quæ nimirum quia iuxta rationis examen rectæ sunt, virgæ nominantur. Quibus ex parte corticem subtrahit, vt in his quæ expoliantur, intimus candor appareat, & ex parte corticem seruat, vt sicut fuerant exterius, in viriditate permanent: variusque virgarum color efficitur, dum cortex ex parte subtrahitur, ex parte retinetur. Ante considerationis enim nostræ oculos, præcedentium patrum sententiæ, quasi virgæ variæ ponuntur. In quibus dum plerunque intellectum literæ fugimus quasi corticem subtrahimus, & dum plerunque intellectum literæ sequimur, quasi corticem referuamus. Dumque ab ipsis cortex literæ subducitur, allegoriæ candor interior demonstratur: & dum cortex relinquitur, exterioris intelligentiæ virentia exempla monstrantur. Quas bene Iacob in aquæ canalibus posuit, quia & Redemptor noster in libris eas sacræ scientiæ quibus nos intrinsecus infundimur, fixit. Has aspicientes arietes cum ouibus coeunt: quia rationales nostri spiritus dum in earum intentione defixi sunt, singulis quibusque actionibus permiscetur, vt tales fetus operum procreent, qualia exempla præcedentium in vocibus præceptorum vident, & diuersum colorem proles boni operis habeat: quia & nonnunquam subtracto literæ cortice, acutius interna considerat, & seruato nonnunquam historiæ tegmine, bene se in exterioribus format. Nam quia diuinæ sententiæ aliquando interius rimandæ sunt, aliquando exterius obseruandæ, per Salomonem quoque dicitur: Qui fortiter premit vbera ad eliciendum lac, exprimit butyrum, & qui vehementer emungit, elicit sanguinem. Vbera quippe fortiter premimus, cum verba sacri eloquij subtili intellectu pensamus, qua pressione dum lac quærimus, butyrum inuenimus: quia dum nutriri vel tenui intellectu quærimus, vbertate internæ pinguedinis vngimur. Quod tamen nec nimie nec semper agendum est, ne dum lac quæritur ab vberibus, sanguis sequatur. Plerunque etenim quidam dum verba sacri eloquij plusquam debent discutiunt, in carnalem intellectum cadunt. Sanguinem quippe elicit, qui vehementer emungit: quia carnale efficitur hoc quod ex nimia spiritus discussione sentitur. Vnde necesse est vt beati Iob opera, quæ inter increpantium amicorum verba idcirco narrat, ne afflicta mens illius in desperatione deficiat, iuxta pondus historiæ perscrutemur: ne si hæc animus plusquam necesse est spiritualiter inuestiget, à verborum eius vberibus sanguis nobis pro lacte respondeat. Si quando verò quædam mystica in suorum operum narratione permiscet, ad hæc necesse est vt mens concita redeat, ad quæ hanc ipse vt datur intelligi, ordo loquentis vocat. Nam sanctus vir postquam ea quæ sibi per flagellum Domini fuerant inflicta narrauit, nunc per ordinem proprias enumerando virtutes qualis ante flagellum fuerit innotescit, sic vitæ suæ historiæ texens, vt ei perrarum aliquid quod allegoricè intelligi possit interferat: quatenus & ex magna parte historica sint quæ memorat, & tamen aliquando per hæc eadem ad spiritalem intelligentiam consurgat. Quia itaque fortitudine ab omni lapsu exteriora sua custodiæ interioris disciplina constrinxerit, insinuat dicens:

Prover. 30.

Caput trigessimum primum textus beati Iob.

E Epigi fœdas cum oculis meis, vt ne cogitarem quidē de virgine. Quam enim partem haberet in me Deus desuper, & hæreditatē omnipotens de excelsis: Nunquid non perditio est iniquo, & alienatio operatibus iniustitiam? Nōne ipse considerat vias meas, & cunctos gressus meos dinumerat? Si ambulauit in vanitate, & festinauit in dolo pes meus, appendat me in statera iusta, & sciat Deus simplicitatem meam. Si declinauit gressus meus de via, & si secutus est oculus meus cor meū, & si in manib⁹ meis adhæsit macula: seram, & alius comedat, & progenies mea eradicetur. Si deceptum est cor meū super muliere, & si ad ostium † inimici mei † al. amici infidiatus sum, scortum alterius sit vxor mea, & super illam incuruentur alij. Hoc enim nephas est, & iniquitas maxima. Ignis est vsq; ad perditionem deuorans, & omnia eradicans genimina. Si contempsi subire iudicium cum seruo meo & ancilla mea, cum disceptarent aduersum me. Quid enim faciam cum surrexerit ad iudicandū Deus, & cum quæsierit, quid respondebo illi? Nunquid non in vtero fecit me, qui & illum operatus est, & formauit me in vulua vnus? Si negaui quod volebāt, pauperibus, & oculos viduæ expectare feci. Si comedi bucellam meam solus, & non comedit pupillus ex ea. (Quia ab infantia mea creuit mecū miseratio, & de vtero matris meæ egressa est mecum.) Si despexi prætereuntem, eo quod non habuerit indumentum, & absque operimento pauperem. Si non benedixerunt mihi latera eius, & de velleribus ouium mearum calefactus est. Si leuaui super pupillum manum meam, etiam cum viderem me in porta superiorem: humerus meus à iunctura sua cadat, & brachium meū cum ossibus suis confringatur. Semper enim quasi tumentes super me fluctus timui Deum, & pondus eius ferre non potui. Si putauit aurum robur meum, & obryzo dixi, fiducia mea. Si lætatus sum super multis diuitiis meis, & quia plurima reperit manus mea. Si vidi Solem cum fulgeret, & Lunam incedentem clarè, & lætatum in abscondito cor meum & osculatus sum manum meam ore meo, quæ est iniquitas maxima, & negatio contra Deum altissimum. Si gauisus sum ad ruinam eius qui me oderat, & exultaui quod inuenisset eum malum. Non enim dedi ad peccandum guttur meum, vt expecterem maledicens animam eius. Si non dixerunt viri tabernaculi mei: Quis det de carnibus eius vt saturemur? Foris non mansit peregrinus, ostium meum viatori patuit. Si abscondi quasi homo peccatum meum, & cœlaui in sinu meo iniquitatem meam. Si expaui ad multitudinem nimiam, & despectio propinquorum terruit me, & non magis tacui, nec egressus sum ostium. Quis mihi tribuat auditorem, vt desiderium meum audiat omnipotens, & librum scribat ipse qui iudicat, vt in humero meo portet illum, & circundem illum quasi coronam mihi? Per singulos gradus meos pronuntiabo illum, & quasi principio offeram eum: si aduersum me terra mea clamat, & cum ipsa sulci eius defluent: si fructus eius comedi absque pecunia, & animam agricolarum eius affixi, pro frumento oriatur mihi tribulus, & pro hordeo spina.

Quod

Quod serui Dei non solum ad munditiam carnis, sed etiam ex proposito & pacto ad puritatem cordis operam dare debeant.

Caput II.

P *Epigi fœdus cum oculis meis, vt ne cogitarem quidem de virgine.*) Cum sit inuisibilis anima, nequaquam corporearum rerum delectatione tangitur, nisi quod inhærens corpori, quasi quædam egrediendi foramina eiusdem corporis sensus habet. Visus quippe, auditus, gustus, odoratus, & tactus quasi quædam viæ mentis sunt, quibus foras veniat, & ita quæ extra eius sunt substantiâ, concupiscat. Per hos etenim corporis sensus quasi per fenestras quasdam exteriora quæque anima respicit, respiciens concupiscit. Hinc etenim Hieremias ait: Ascendit mors per fenestras nostras, ingressa est domos nostras. Mors quippe per fenestras ascendit, & domum ingreditur, cum per sensus corporis concupiscentia veniens habitaculum intrat mentis. Quo contrâ hoc quod iam sæpe diximus de iustis per Esaiam dicitur: Qui sunt hi qui vt nubes volant, & quasi columbæ ad fenestras suas? Iusti nanque volare vt nubes dicti sunt, quia à terrenis contagiis subleuantur, & quasi columbæ ad fenestras suas sunt: quia per sensus corporis exteriora quæque intentione non respiciunt rapacitatis, cõsque foras non rapit concupiscentia carnalis. Quisquis verò per has corporis fenestras incautè exterius respicit, plerumque in delectationem peccati, etiam nolens t cadit, atque obligatus desiderijs, incipit velle quod noluit. Præceps quippe anima dum antè nò prouidet ne incautè videat quod concupiscat, cæca post incipit desiderare quod vidit. Vnde & propheta mens quæ subleuata sæpe mysterijs internis intererat, quia alienam cõiugè incautè vidit, obtenebrata postmodum sibimet illicitè coniunxit. Sanctus autem vir qui acceptis corporis sensibus velut subiectis ministris quidam æquissimus iudex præest, culpas conspiciat antequam veniant, & velut insidianti mortis fenestras corporis claudit, dicens: *Pepigi fœdus cum oculis meis, vt ne cogitarem quidem de virgine.*) Vt enim cogitationes cordis castè seruare potuisset, fœdus cum oculis pepigit, ne prius incautè aspiceret, quod postmodum inuitus amaret. Valde nanque est graue quod caro deorsum trahit, & semel species formæ cordi per oculos illigata, vix magni luctaminis manu soluitur. Ne ergo quædam lubrica in cogitatione versemus, prouidendum nobis est, quia intueri non decet quod non licet concupisci. Vt enim munda mens in cogitatione seruetur, à lasciuia voluptatis suæ deprimendi sunt oculi, quasi quidam raptores ad culpam. Neque enim Eua lignum vetitum contigisset, nisi hoc prius incautè conspiceret. Scriptum quippe est: Vidit mulier quod bonum esset lignum ad vescendum, & pulchrum oculis, aspectuque delectabile: & tulit de fructu illius, & comedit. Hinc ergo persandum est quanto debeamus moderamine erga illicita visum restringere nos qui mortaliter viuimus, si & mater viuētium per oculos ad mortem venit. Hinc etiam sub Iudæe voce quæ exteriora videndo concupiscens, bona interiora perdiderat, Propheta dicit: Oculus meus deprædatus est animam meam. Concupiscendo enim visibilia, inuisibiles virtutes amisit. Quæ ergo interiorè fructu per exteriorè visum t prodidit, per oculum corporis pertulit prædâ cordis. Vnde nobis ad custodiendâ cordis munditiam, exteriorū quoque sensuum disciplina seruanda est. Nam quantalibet virtute mens polleat, quantalibet grauitate vigeat, carnales tamen sensus puerile quiddâ exterius perstrepunt, & nisi interioris grauitatis pondere, & quasi iuuenili quodam vigore refrenentur, ad fluxa quæque & leuia mentē t eneruam trahūt. Videam⁹ igitur quomodo beatus Iob id quod in eo fluxu ac puerile caro sapere potuit, iuuenili sapientia vigore restrinxit. Ait enim: *Pepigi fœdus cum oculis meis.*) Et quia non in re actionem tantummodo, sed & cogitationem luxuriæ extinxit, secutus adiunxit: *Vt ne cogitarem quidem de virgine.*) Sciebat nimirum luxuriam esse in corde refrenandam, sciebat per sancti Spiritus donum, quod redemptor noster veniens, legis præcepta transcendere, & ab electis suis, non solum luxuriam carnis, sed etiam cordis aboleret, dicens: Scriptum est: Non adulterabis. ego autem dico vobis, quoniam omnis qui viderit mulierem ad concupiscendum eam, iam mœchatus est eam in

Tomus primus.

A corde suo. Per Moysen quippe luxuria perpetrata, per authorem verò mūditiæ, luxuria cogitata damnatur. Hinc est enim quod discipulis primus Ecclesiæ pastor dicit: Propter quod fuccincti lumbos mentis vestre, sobrij perfectè sperate in eam quæ offertur vobis gratiam. Lumbos enim carnis succingere, est luxuriam ab effectu refrenare. Lumbos verò mentis succingere, est hanc etiâ à cogitatione restringere. Hinc est quod angelus qui Ioannem alloquitur, zona aurea super mammillas cinctus esse perhibetur. Quia enim testamenti noui munditia etiam cordis luxuriam frenat, angelus qui in eo apparuit, in pectore cinctus venit. Quem bene zona aurea stringit: quia quisquis supernæ patriæ ciuis est, nò iam timore supplicij, sed amore charitatis immunditiam deserit. Malum verò luxuriæ aut cogitatione perpetratur, aut opere. Callidus nanque aduersarius noster cum ab effectu operis expellitur, secreta polluerè cogitationis molitur. Vnde & serpenti à Domino dicitur: Pectore & ventre repes. Serpens videlicet ventre repit, quando hostis lubricus per humana membra sibimet subdita vsque ad expletionem operis, luxuriam exercet. Serpens autem repit pectore, quando eos quos in opere luxuriæ non valet, polluit in cogitatione. Alius itaque luxuriam iam perpetrat actione, huic serpens repit ex ventre. Alius autem perpetranda versat in mente, huic serpens repit ex pectore. Sed quia per cogitationem ad explenda opera peruenitur, rectè serpens prius pectore, & postmodum repere ventre describitur.

Quod virtutes inuicem se complectuntur, nec castitas sine humilitate, nec humilitas sine castitate aliquid valet.

Caput III.

Vnde beatus Iob quia disciplinam etiam in cogitatione tenuit, vna custodia serpentis pectus ventremque superauit, dicens: *Pepigi fœdus cum oculis meis, vt ne cogitarem quidem de virgine.* Quam nimirum cordis mūditiā quisquis adipisci non appetit, quid aliud quàm eiusdem à se munditiæ authorem repellit? Vnde & beatus Iob protinus subdit: *Quam enim partem Deus haberet in me desuper, & hereditatem omnipotens de excelsis?*) Ac si apertè dicat: Si mentem in cogitatione polluerò, eius qui mūditiæ author est, esse hereditas nequaquam possum. Nulla enim bona sunt cetera, si occulti iudicis oculis castitatis testimonio non approbantur. Omnes quippe virtutes in conspectu conditoris vicaria ope se subleuant, & quia vna virtus sine alia, vel nulla est omnino, vel minima, vicissim, sua coniunctione fulciantur. Si enim vel castitatem humilitas deserat, vel humilitatem castitas relinquat, apud authorem humilitatis, & mūditiæ prodesse quid praualeat, vel superba castitas, vel humilitas inquinata? Sanctus igitur vir vt ab authore suo in bonis reliquis possideri mereatur, cordis mūditiā custodiens dicat: *Pepigi fœdus cum oculis meis, vt ne cogitarem quidem de virgine. Quam enim partem haberet Deus in me desuper, & hereditatem omnipotens de excelsis?*) Ac si apertè fateatur, dicens: Habere me possessionem suam cœlorum conditor renuit, si mens mea ante conspectum illius in infimis desiderijs tabescit. Sed inter hæc sciendum est aliud esse quod animus de tentatione carnis patitur, aliud verò cum per consensum delectationibus obligatur. Plerumque enim cogitatione praua pulsatur, sed renuitur: plerumque autem cum peruersum quid concipit, hoc intra semetipsum etiam per desiderium voluit. Et nimirum mentem nequaquam cogitatio immunda inquinat cum pulsât, sed cum hâc sibi per delectationem subiugat. Hinc etenim prædicator egregius dicit: Tentatio vos non apprehendat, nisi humana. Humana quippe tentatio est, quia plerumque in turpi cogitatione tangimur etiam nolentes: quia vt nonnunquam & illicita ad animum veniant, hoc utique in nobismetipsis ex humanitatis corruptibilis pondere habemus. Iam verò dæmoniaca est, & non humana tentatio, cum ad hoc quod carnis corruptibilitas suggerit, per consensum se animus astringit. Hinc iterum dicit: Non regnet peccatum in vestro mortali corpore. Peccatum quippe in mortali corpore non esse, sed regnare prohibuit: quia in carne corruptibili non regnare potest, sed non esse non potest. Hoc ipsum nanque ei de peccato tentari peccatum est, quo quia quandiu viuimus, perfectè omnimo-

do non caremus. Sancta prædicatio quoniam hoc expellere plenè non potuit, ei de nostri cordis habitaculo regnum tulit, ut appetitus illicitus, & si plerumque bonis nostris cogitationibus occultè se quasi fur inserit, saltem si ingreditur, non dominetur. Vir igitur sanctus dicens: Pepigi foedus cum oculis meis, ut ne cogitarem quidem de virgine: nequaquam vult intelligi, quia eius animum culpa in cogitatione non contigit, sed quia nunquam hunc ex consensu superauit. Nam velut integerrimam possessionem Dei, mentem suam contra aduersarij deprædationem vendicat, qui protinus adiungit: Quam enim partem haberet Deus in me desuper, & hereditatem omnipotens de excelsis? Ac si apertè dicat: Carne quidem mortali corruptionis conditioni subiaceo, sed auctori vnde seruiro, si ei integrum à consensu culpæ animum non defendo? Sequitur.

Quod in istis dum tempor aliter flagellantur, probantur: reprobi verò qui in laboribus hominum modò non sunt, aeterno anathemate condemnantur.
Caput IIII.

4. **N**unquid non perditio est iniquo, & alienatio operantibus iniquitatem? O quanta consolatio ægrotis, & quantus mœror sanis. Festina consolatio bonorum, est consideratus finis malorum. Dum enim ex eorum interitu malum conspiciunt, quod euadunt, leue existimant quicquid aduersum in hac vita patiuntur. Eant ergo nunc reprobi, & delectationum suarum desideria compleant: in finis sui damnatione sensuri sunt, quia mortem malè viuentes amauerunt. Transitorio autem hinc verberare affligantur electi, ut à prauitate flagella corrigant, quos paterna pietas ad hereditatem seruat. Nunc etenim flagellatur iustus, & verberare disciplinæ corrigitur: quia ad æternæ hereditatis patrimonium præparatur. In suis autem voluptatibus relaxatur iniustus, quia tãtò ei temporalia bona suppetunt, quantò eterna denegantur. Iniustus ad debitam mortem currens, effrenatis voluptatibus vititur, quia & vituli qui maciandi sunt, in liberis pastibus relinquuntur. At contra iustus à delectationis transitorie iocunditate restringitur, quia & nimirum vitulus ad laboris usum vitæ deputatus sub iugo retinetur. Negantur electis in hac vita bona terrena: quia & agris quibus spes viuendi est, nequaquam à medico cuncta quæ appetunt, conceduntur. Dantur autem reprobis bona quæ in hac vita appetunt: quia & desperatis agris omne quod desiderant, non negatur. Perpendant igitur iusti quæ sint mala quæ iniquos manent, & nequaquam eorum felicitati inuideant quæ percurrit. Quid est enim quod de eorum gaudiis admirentur, quando & ipsi per iter asperum ad salutis patriam, & illi quasi per amœna prata ad foueam tendunt? Dicat ergo vir sanctus: *Nunquid non perditio est iniquo, & alienatio operantibus iniquitatem?* Quod videlicet & alienationis verbum durius sonaret, si hoc interpretes in sua linguæ voce tenuisset. Quod enim apud nos alienatio, hoc apud Hebræos anathema dicitur. Tunc ergo alienatio erit reprobis, cum ab hereditate districti iudicis se anathema esse conspiciunt: quia hinc eum peruersis moribus contempserunt. Floreant iniqui, à flore æternæ hereditatis alieni. Iusti verò semetipsos solerter inspiciant, & in cunctis actionibus suis à Domino se videri pertimescant. Vnde & aptè mox subditur: *Nonne ipse considerat vias meas, & cunctos gressus meos dinumerat?* Quid viarum nomine, nisi actiones denuntiat? Hinc enim per Hieremiam, dicitur: Bonas facite vias vestras, & studia vestra. Quid verò gressu appellatio-
ne, nisi vel motus mentium, vel profectus accipimus meritum? Quibus profectò gressibus ad semetipsam nos veritas vocat, dicens: Venite ad me omnes qui laboratis & onerati estis. Ad se quippe venire nos Dominus præcipit, nimirum non gressibus corporis, sed profectibus cordis. Ipse nanque ait: Veniet hora quando neque in monte hoc, neque in Hierosolymis adorabitis patrem. Et paulò post: Veri adoratores adorabunt patrem in spiritu, & veritate. Nam & pater tales quærit qui adorent eum. In corde ergo esse gressus insinuat, quando & ut veniamus vocat, & tamen motu corporis nequaquam nos ad alia transire denuntiat. Sic autem Dominus vniuscuiusque considerat vias, sic dinumerat gressus, ut ne minutissimæ quidem cogitationes eius iudicio, ac verba

tenuissima quæ apud nos vsu viluerunt, indiscussa remaneant. *Matth. 5.* Hinc enim dicit: Qui irascitur fratri suo, reus erit iudicio. Qui dixerit fratri suo racha, reus erit concilio. Qui dixerit fatue, reus erit gehennæ ignis. Racha quippe in Hebræo. eloquio vox indignantis est, quæ quidem animum irascentis ostendit, nec tamen plenum verbum iracundiæ exprimit. Prius ergo ira reprehenditur sine voce, postmodum verò ira cum voce: sed necdum pleno verbo formata, ad extremum quoque cum dicitur fatue, ira redarguitur, quæ cum excessu vocis expletur etiam perfectione sermonis. Et notandum quod in ira perhibet reum esse iudicio, in voce iræ quod est racha reum concilio, in verbo vocis quod est fatue, reum gehennæ ignis. Per gradus etenim culpæ creuit ordo sententiæ, quia in iudicio adhuc causa discutitur, in concilio autem iam causæ sententia definitur. In gehenna verò ignis ea quæ de concilio egreditur sententia expletur. Quia igitur humanorum actuum Dominus subtili examine gressus enumerat, ira sine voce iudicio, ira in voce concilio, ira verò in voce atque sermone gehennæ ignibus mancipatur. Hanc subtilitatem considerationis eius Propheta aspexerat, cum dicebat: Fortissime, magne, potens exercituum nomen tibi, magnus concilio, incomprehensibilis cogitatu, cuius oculi aperti sunt super omnes vias filiorum Adam, ut reddas vnicuique secundum vias suas, & secundum fructu adinventionum manuum eius. Sic easdem vias Dominus subtili examinatione considerat, ut in vnoquoque nostrum, nec ea quæ remuneret bona prætereat, nec mala quæ videlicet displicent, sine increpatione derelinquat. Hinc est enim quod angelum Ecclesiæ Pergami, & in quibusdam laudat, & in quibusdam redarguit, dicens: Scio vbi habitas, vbi sedes est satanæ & tenes nomen meum, & non negasti fidem meam. Et paulò post: Sed habeo aduersum te pauca, quia habes illic tenentes doctrinam Balaam. Hinc angelo Thyatiræ dicitur: Noui opera tua, & charitatem tuam & fidem, & ministerium, & patientiam tuam, & opera tua nouissima plura prioribus: sed habeo aduersum te pauca, quia permittis mulierem Hiezabel, quæ se dicit prophetin, docere, & seducere seruos meos, & fornicari, & manducare idolothytum. Ecce bona memorat, nec tamen refecunda mala sine penitentia relaxat: quia scilicet sic singulorum vias considerat, sic gressus enumerans pensat, ut subtili examine perpendat, vel quantum quisque ad bona proficiat, vel quantum ad mala deuians suis profectibus contradicat. Incrementum quippe meritum quod bonæ vitæ studiis augetur, plerumque mali admixtione retrahitur, & bonum quod animus operando construit, hoc alia perpetrando peruertit. Vnde sancti viri tantò se subtilius in cogitatione constringunt, quantò à superno iudice districtius considerari conspiciunt. Mentem quippe discutunt, inuenire si qua deliquerint quærunt, ut tãtò fiant irreprehensibiles iudici, quantò semetipsos quotidie, & sine cessatione reprehendunt: nec tamen hac de re iam gaudia securitatis sumunt, quia ab illo se videri considerant, qui in eis & illa videt, quæ videre ipsi in semetipsis non valent. Et quidem beatus Iob perfectionis vitam inter veteres tenuit, sed quia eius intentio ad redemptoris aduentum prophetico spiritu erumpit in illius præceptis, pensat ipse quam multa de perfectione minus habeat. Vnde & subdit:

Quod sancti viri vtrum amore an odio digni sunt, non satis intelligunt, sed reuelari sibi à deo vtrum simpliciter an aliter ambulent, humiliter postulant.
Caput V.

Si ambulavi in vanitate, & festinaui in dolo pes meus, appendat me in statera iusta, & sciat Deus simplicitatem meam. Scire Deus dicitur, scire nos facere, vsitato nostræ locutionis modo, qui latum diem dicimus ex quo contingit ut latentur. Hinc est enim quod ad Abraham Dominus dicit: Nunc cognoui quod timeas Deum. Neque enim creator temporum, quicquam cognouit ex tempore, sed cognoscere eius est, ex cuiuslibet causæ emergentis articulo nobis cognitionem præbere. Quis verò statera nomine, nisi mediator Dei & hominum designatur? In quo æqua lance omnia merita nostra pē-
santur, & in cuius præceptis agnoscimus quid in nostra vita minus habeamus. In hac autem statera appendimur, quoties ad vitæ eius exempla prouocamur. Hinc nanque scri-
ptum

Via actiones designat Hier. 7. Quid gressus. Matth. 11. Ioan. 4.

5.

Hier. 32.

Apoc. 2.

*1. al. prone-
tionibus.*

6.

Gen. 22.

*Christus pē-
sus est no-
bis in exan-
them.*

Hebr. 12.

† al. ad ea
qua sunt
post maliti-
sa perue.† al. dile-
ctione.

ptum est: Christus pro nobis passus est, vobis relinquens exemplum, vt sequamini vestigia eius, qui peccatum non fecit, nec inuentus est dolus in ore eius. **Q**uoniam nō malediceretur, non maledicebat: dum peteretur, non comminabatur. Hinc per Paulum dicitur: Per patientiam curramus ad propositum nobis certamen, aspicientes in authorem fidei, & consummatorem Iesum, qui proposito sibi gaudio, sustinuit crucem, confusione contempta. Ad hoc itaque Dominus apparuit in carne, vt humanam vitam admonendo excitaret, exempla præbendo accenderet, moriendo redimeret, resurgendo repararet. Cum ergo nulla in se beatus Iob iure redarguenda reperit, ad excedentem omnia redemptoris vitam mentis oculos tendit, vt in illa cognoscat ipse quid minus habeat, cum dicit: *Si ambulauit in vanitate, & festinauit in dolo pes meus, appendat me in statera iusta, & sciat Deus simplicitatem meam.* Ac si aperte dicat: Si qua vnquam leuiter, si qua pernitiosè perpetravi, Dei & hominum mediator appareat, vt in eius vita cognoscam, an ego veraciter simplex fuerim. Qui enim, vt diximus, suorum temporum viros excefferat, mediatorem Dei & hominum quærebat, vt in illo pensatus agnosceret, si vitam simplicem verè tenuisset. Dicat ergo: *Appendat me in statera iusta, & sciat Deus simplicitatem meam.* Quod est, scire me faciat. Ac si patenter fateatur dicens: Quantum ad humanæ vitæ modum, nulla in me reprehendenda iam video, sed nisi mediator Dei & hominum cum subtilioris vitæ præceptis appareat, quantum adhuc à vera simplicitate discrepem, non cognosco. Rectus verò ordo seruatur, si prius in vanitate, & postmodum pes in dolo festinauit dicatur. Vanitas quippe ad leuitatem, dolus verò ad malitiam pertinet. Et nonnulli plerumque ad t̄ quædam post malitiosa perueniunt, quia prius leuia non declinant. Sequitur: *Si declinauit gressus meus de via.* Toties gressus de via declinat, quoties nostra cogitatio iter rectitudinis per consensum relinquit erroris. Quasi verò tot gressus extra viam ponimus, quot peruersis desiderijs ab cœlestis vitæ t̄ delectatione separamur. Vt enim præstiti sumus, adhuc carnis corruptibilis pondere grauati, nequaquam valemus sic viuere, vt nulla nos possit culpa delectatio pulsare. Sed aliud est nolentem tangi, aliud cōsentientem animū perimi. Sancti autem viri tantò vigilantiori se circumspectione custodiunt, quantò se pulsari finitris motibus, vel transitorie delectationis dedignantur. Vnde & adhuc subdit:

Quanta sollicitudine sancti cor suum custodiant, & exteriora membra ab illicito tactu, vel aspectu auertant.

Caput VI.

Oculis re-
stringendi
sunt.

Si secutus est oculus meus cor meum.) Ecce iterum per interioris vigoris custodiam, ad exteriorum membrorum disciplinam redit: vt si quid fortasse cor illicitum concupisceret, pressus disciplinæ magisterio oculus videre recusaret. Sicut sæpe tentatio per oculos trahitur, sic nonnunquam concepta intrinsecus, compellit sibi extrinsecus oculos deferuire. Nam plerumque res quælibet innocenti mente respicitur, sed ipso conspectu animus concupiscentiæ gladio confoditur. Non enim vt exempli causa iam diximus, Dauid Viri coniugem ideo studiosè respexit, quia concupierat, sed potius ideo concupiuit, quia incautè respexit. Fit verò rectæ retributionis examine, vt qui exteriori negligenter vtitur oculo, interiori non iniuste cæcetur. Sæpe autem intrinsecus concupiscentia dominatur, & illecebratus animus ad vsus suos sensus corporeos famulari more tyrannidis exigit, fuisseque voluptatibus oculis seruire compellit, atque, vt ita dicam, fenestras luminis ad tenebras aperit cæcitat. Vnde sancti viri cum sinistra pulsari delectatione se sentiunt, ipsa per quæ formæ species ad mentem ingreditur, disciplinæ magisterio lumina restinguunt, ne prauæ cogitationis visio lenocinata famuletur. Quæ si vnquam subtiliter custodiri negligitur, cogitationis immunditia protinus ad operationem transit. Vnde & mox subditur:

Quod nisi festinè resistatur tentationi nascenti in corde, subito iā roboratur, vt ipsam mentem membrorum dominam teneat captiuam.

Caput VII.

Tomus primus.

Et si in manibus meis adhæsit macula.) Sanctus ergo vir sciēs, quod plerumque praua cogitatio per oculos veniat ad mentem, paulò superius dixit: *Pepigi scædus cum oculis meis, vt ne cogitatem quidem de virgine.* Perpendens etiam quod nonnunquam in mente oritur, sed huic obortē oculi peruersè famulantur, ait: *Si secutus est oculus meus cor meum.* Ac si aperte dicat: *Nec passim videre volui quæ concupiscerem, nec vidēdo vnquam secutus sum quæ cōcupiui.* Dicat ergo: *Si secutus est oculus meus cor meum: quia & si quid vnquam illicitum mens eius, vt videlicet humana, concepit, altioris disciplinæ magisterio constrictus, se per illicita ducere, sibi que famulari oculus noluit.* Pensemus ad hæc conscientias nostras, & quanti culminis vir iste fuerit, ex nostri cordis deiectione videamus. Ecce si qua illicita aliquando cogitauit: quia ea citius inter arcana cordis gladio sancti vigoris extinxit, peruenire illa vsque ad opera non permisit. Vnde vt præmisimus, ilico subiungit: *Et si in manibus meis adhæsit macula.* Quomodo epim macula in manibus, id est, culpa in actionibus inhereret, quam censura disciplinæ non sinebat in cogitatione proficere? Neque enim culpa ad opus prodire permittitur, si intus vbi nascitur, extinguatur. Si autem tentationi in corde nascenti festinè nō resistitur, hac eadem qua nutritur mora roboratur, & existens foris in operibus, vinci vix præualeat, quia ipsam intus membrorum dominam mentem captiuam tenet. Quia verò vir sanctus superiora omnia sub cōditione intulit, si hæc vnquam perpetraverit, sententia se maledictionis attingit, dicens:

Quod doctor Ecclesiæ si aliter docet quàm viuat, ipso iurino, aliis quod seminatum est comedit, & sæpe quod gignit verbo, occidit exemplo. Et de iudic. in Salomonis, in quo mulier quæ filium suffocauerat, ab ea cuius filius vivebat subtilissimo examine distincta est.

Caput VIII.

Seram, & alius comedat, & progenies mea eradicitur.) More sacri Seloquij ferere dicimus, verba vitæ prædicare. Hinc etenim Propheta ait: *Beati qui seminatis super omnes aquas.* Sanctæ quippe Ecclesiæ prædicatores super omnes aquas seminare conspexit, quia cunctis latè populis verba vitæ quasi cœlestis panis grana tradiderūt. Comedere autē est bonis operibus satiari. Vnde per semetipsam veritas dicit: *Meus cibus est, vt faciam voluntatem eius qui misit me.* Si ergo ea quæ protulit, facere prætermisit, ait: *Seram, & alius comedat.* Ac si aperte dicat: *Quod os meum loquitur, nō ego, sed alter operetur.* Prædicator quippe qui à suis vocibus, moribus discrepat, ieiunus ferit, quod alius manducet: quia suo semine ipse non pascitur, quando à verbi sui rectitudine praua actione vacuatur. Et quia plerumque discipuli incassum bona audiunt, cum ex magistri vita, operum exemplo destruuntur, rectè subiungitur: *Et progenies mea eradicitur.* Doctoris enim progenies eradicitur, quando is qui per verbum nascitur, per exemplum necatur: quia quem lingua vigilans gignit, vitæ negligentia occidit. Neque enim torpenti nobis est mente transeundum, quod apud Salomonem mulier filium quem vigilans lactare consueuerat, dormiens interemit: quia nimirum magistri vigilantes quidem scientia, sed vita dormientes auditores suos quos per vigilias prædicationis nutriunt, dum quod dicunt, facere negligunt, per somnum torporis occidunt, & negligēdo opprimunt, quos alere verborum lacte videbantur. Vnde plerumque dum ipsi reprehensibiliter viuunt, & habere discipulos vitæ laudabilis nequeunt, alienos sibi attrahere conantur: quatenus dum bonos se habere sequaces ostendunt, apud iudicia hominum excusent mala quæ agunt, & quasi per subditorum vitam mortiferam, tegant negligentiam. Vnde illic mulier filium, quia extinxit proprium, quæ fuit alienum. Sed tamen veram matrem Salomonis gladius inuenit: quia videlicet cuius fructus viuat, vel cuius intereat, extremo examine ita districti iudicis demonstrat. Vbi & illud est solerter intueūdū, quod viuēs filius prius diuidi precipitur, vt soli postmodū matri reddatur: quia in hac vita quasi partiri conceditur vita discipuli, dum ex illa nonnunquam alter apud Deum meritum, alter verò apud homines laudē habere permittitur. Sed falsa mater eum quem non genuit, occidi non metuit: quia arrogantes magistri & charitatis ignari, si plenissimum nomen laudis ex

r ij

alienis discipulis consequi nequeunt, eorum vitam crudeliter insequuntur. Inuidiæ enim face succensi, nolunt aliis vivere, quos se conspiciunt non posse possidere. Vnde illic peruersa mulier clamat: Nec meus sit, nec istius. Vt enim diximus, quos sibi obsequi non vident ad gloriam temporalem, eos aliis inuidet vivere per veritatem. Vera autem mater fatagit, ut eius filius saltem apud extraneum sit & viuat: quia concedunt veraces magistri, ut ex eorum discipulis, alij quidem magisterij laudem habeant, si tamen integritatem vitæ iidem discipuli non amittant. Per quæ pietatis viscera hæc eadem vera mater agnoscitur, quia omne magisterium in examine charitatis approbatur: & sola recipere totum meruit quæ quasi totum concessit: quia fideles prepositi pro eo quod ex bonis discipulis suis, non solum aliis laudem non inuidet, sed utilitatem eis etiam profectus exorant, ipsi & integros, & viuentes filios recipiunt, quando in supremo examine ex eorum vita perfectæ retributionis gaudia consequuntur. Hæc paucis per excessum diximus, ut auditorum progenies per doctorum negligentiam qualiter extinguitur, monstraremus: quia quisquis iuxta hoc quod loquitur non viuit, quos verbo genuit, à stabilitate rectitudinis opere euellit. Sed beatus Iob quos prædicatione vigilas edidit, nequaquam actione dormiens extinxit, atque ideo fidenter dicit: Si quo minus prædicta compleui: Seram, & alius comedat, & progenies mea eradicetur. Qui adhuc se de iniqui natione prauis operis discutiens, subdit:

Quod in sacro ordine constitutos, ita studiosa concupiscentia, sicut seculares adulterij inquinat culpa: & quod scelus luxurie omnia bona opera euacuat, & virtutum omnium plantaria eradicat.

Caput IX.

9.
Matth. 5.
32. quæst. 5.
Qui vide-
rit.

1. Corin. 6.

SI deceptum est cor meum super muliere, & si ad ostium inimici mei insidiatus sum. Quauis nonnunquam à reatu adulterij nequaquam discrepet culpa fornicationis, cum veritas dicat: Qui viderit mulierem ad concupiscendum eam iam moechatus est eam in corde suo. Quia enim Græco verbo moechus adulter dicitur, cum non aliena coniunx, sed mulier videri prohibetur, aperte veritas ostendit, quia etiam solo visu cum turpiter, vel innupta concupiscitur, adulterij perpetratur. Quod tamen plerunque ex loco, vel ordine concupiscentis discernitur: quia scilicet sic hunc in sacro ordine studiosa concupiscentia, sicut illum adulterij inquinat culpa. In personis tamen non dissimilibus idem luxuriæ distinguitur reatus, in quibus fornicationis culpa quia ab adulterij reatu discernitur, prædicatoris egregij lingua testatur: quæ inter cetera asserit, dicens: Neque fornicarij, neque idolis seruietes, neque adulteri, regnum Dei possidebunt. Quod enim disiunctæ reatui sententiæ subdit, quàm valde à se dissideat ostendit. Per hoc ergo quod dicitur: Si deceptum est cor meum super muliere: neque cogitasse vir sanctus de fornicationis macula demonstratur. Per hoc autem quod subiicit: Et si ad ostium inimici mei insidiatus sum: patenter innotescit quod à reatu adulterij liber fuit. Sed ad hæc fortasse aliquis dicat: Quid de semirum sanctus vir asserit si non solum ab adulterij crimine, verumetiam à fornicationis iniquatione se liberum seruauit? Hæc autem paruipendimus, si virtutum eius tempora minimè pensamus. Necdum enim ad restrictionem carnis, reuelatæ gratiæ districtior censura processerat, quæ non solum corporis, sed & cordis lasciuia reprehendit. Necdum multorum continentia castitatis bona imitanda prodierant, & tamè beatus Iob exempla munditiæ quæ non acceperat, tradebat. A multis autem nunc etiā post prohibitionem Dei, carnis immunditia perpetratur. Hinc ergo colligendum est, cum quanta culpa nunc etiam post præceptum in grauibz delinquitur, cum tanta laude ante à grauibz abstinencebatur. Qui si hoc vnquam fecerit, eadem culpam verti sibi expetit in poenam, dicens: *Scortum sit alterius vxor mea, & super illam incuruentur alij.* Et quia plerunque hoc quod faciendum non perpendimus quæ graue sit, patiēdo pensamus, eiusdem vim facinoris quod se pati si reus sit, debere denuntiat, exprimendo manifestat, dicens: *Hoc enim nefas est, & iniquitas maxima, ignis est vsque ad perditionem deuorans, & omnia eradicans genimina.* Hoc inter peccatum distat & crimen, quod omne crimen peccatum est, nō

Et tamen omne peccatum crimen est. Et in hac vita multi sine crimine, nullus verò esse sine peccatis valet. Vnde & prædicator sanctus cum virum dignum gratia sacerdotali scriberet, nequaquam dixit, Si quis sine peccato: sed, Si quis sine crimine est. Quis verò esse sine peccato valeat, cum Iohannes dicat: Si dixerimus quia peccatum non habemus, nosmetipsos seducimus, & veritas in nobis non est? In qua videlicet peccatorum & criminum distinctione pensandum est, quia non nulla peccata animam polluant, quam crimina extinguunt. Vnde beatus Iob crimen luxuriæ definiens ait: *Ignis est vsque ad perditionem deuorans:* quia nimirum reatus huius facinoris, non solum vsque ad iniquationem maculat, sed vsque ad perditionem vorat. Et quia quanlibet alia fuerint bona opera, si luxuriæ scelus non abluatur, immensitate huius criminis obruuntur, secutus adiunxit. *Et omnia eradicans genimina.* Genimina quippe sunt animæ operationes bonæ. Cui tamen si peruerso ordine caro dominatur, igne luxuriæ omnia bene prolata concremantur. Nulla quippe ante omnipotentis Dei oculos iustitiæ pietatisque sunt opera, quæ corruptionis contagio monstratur immunda. Quid enim prodest si pie quisquā necessitati compatitur proximi, quando impiè in semetipso destruit habitationem Dei? Si ergo per cordis munditiam, libidinis flamma non extinguitur, incassum quælibet virtutes oriuntur, sicut per Moysen dicitur: Ignis exarsit ab ira mea, & ardebit vsque ad inferos deorsum, comedet terram, & nascentia eius. Ignis quippe terram atque eius nascentia comedit, cum libido carnem atque per hanc omnia bene acta consumit. Nam quicquid procedit ex fruge rectitudinis, hoc nimirum concremat flamma corruptionis. Dicat ergo: Ignis est vsque ad perditionem deuorans, & omnia eradicans genimina: quia si corruptionis malo non resistitur, & illa proculdubio pereunt, quæ bona videbantur. Sed solent nonnullos ad humilitatem vitia sternere, atque ad tumorem mentis, virtutes eleuare. Quærendum ergo nobis est, si beatus Iob in tanta castitatis munditia etiam humilis fuit? Sed sanctus vir cum alta virtutum teneat, quàm de se humilia sentiat, repente aperit, cum subiungit: *Si contempsisti iudicium subire cum seruo meo, & ancilla mea, cum disceptarent aduersum me.* Qui enim iudicari cum seruis ancillisque non renuit, siquid indicat quod contra nullum vnquam proximum apud se tumidus fuit. Inter hæc autem libet intueri, vitam suam in omnibus quanta vir sanctus discretionem custodiuit. Non enim longè superius dixit: Videbant me iuuenes, & abscondebantur, & senes assurgentes stabant, principes cessabant loqui, & digitum superponebant ori suo, vocem suam cohibebant duces, & lingua eorum gutturi suo adhærebat. Nunc verò ait:

Quod sublimibus viris multum prodest ad custodiam humilitatis considerata equalitas humane conditionis. Et quod homo à principio non hominibus, sed animalibus prelatius est.

Caput X.

HS I contempsisti iudicium subire cum seruo meo & ancilla mea, cum disceptarent aduersum me. Quis dignè considerare valeat huius viri tam sublimia virtutum moderamina? In quo tanta est autoritas regiminis, ut ad silentium restringantur duces: tanta humilitas cordis, ut ex æquo ad iudicium venire permittatur ancillæ. Ecce apparet miro modo in potestate principibus potentior, in certamine seruis æqualis, in cœtu principum memor regiminis, in certamine famulorum memor conditionis. Se quippe sub vero domino famulum conspiciat ideoque cordis altitudine se super famulos non extollit. Vnde & protinus subdit: *Quid enim faciam cum surrexerit ad indicandum Deus, & cum quaesierit, quid respondebo illi?* Qui venturum iudicem cogitat, indefinenter quotidie rationum suarum in melius causas parat: quia dum æternum Dominum timore cordis intuetur, iura temporalis dominij super subiectos moderari compellitur. Perpedit enim nil esse quod temporaliter præest cæteris, quando illi ad reddendam rationem subest, qui sine fine dominatur. Sæpe namque transitoria potestas animum per abrupta elationis rapit. Et quia eo quisque extollitur, quo se esse super alios videt, illum oportet qui super se est, semper aspiciat, ut eius metu qui supra omnia est, crescentem intrinsecus animum tumorem

tumorē premat. Intueatur enim qui sub ipso sint, sed confide-
ret sub quo ipse sit: vt ex cōsideratione veri Domini, decre-
fcat tumor falsę dominationis. Vnde beatus Iob quia eius iu-
diciū, qui super omnia est, metuit: hīc ad tēporale iudiciū fa-
mulis equalis venit, dicēs: Si contēpsi iudiciū subire cū seruo
meo & ancilla mea, cū disceptarēt aduersum me. *Quid enim fa-*
ciam cum surrexerit ad indicādū Deus, & cum quęsierit, quid responde-
bo illi? Qui vt semper cor in humilitate deprimat, nequaquā
in eisdem famulis conspiciat, quod sibi status est dispar, sed
quod natura cōmunis. Vnde etiā subdit: *Nunquid nō in vtero*
feci me qui & illū operatus est, & formauit in vulua vnus? Potenti-
bus viris magna est virtus humilitatis, cōsiderata equalitas cō-
ditionis. Omnes nanq; homines natura æquales sumus, sed
accesit dispensatorio ordine, vt quibusdā pręlati videamur.
Si igitur hoc à mente deprimimus quod tēporaliter accesit,
inuenimus citius quod naturaliter sumus. Plerunq; enim se a-
nimo accepta potestas obicit, eūmq; tumidis cogitationibus
fallit. Manu ergo humilimā cōsiderationis deprimēdus est
tumor elationis. Si enim apud semetipsam mēs descendit de
vertice culminis, citius planitiē inuehit naturalis æqualitatis.
Nā, vt pręfati sumus, omnes homines natura æquales genuit,
sed variante meritorū ordine, alios aliis dispensatio occulta
postponit. Ipsa autē diuersitas quę accesit ex vitio, rectē est
diuinis iudiciis ordinata, vt quia omnis homo iter vitę equē
non graditur, alter ab altero regatur. Sancti autē viri cū prę-
sunt, nō in se potestate ordinis, sed æqualitate cōditionis at-
tendunt, nec pręesse gaudent hominibus, sed prodesse. Sciūt
enim quod antiqui patres nostri, non tam reges hominū quā
pastores pecorū fuisse memoratur. Et cum Noē Dominus fi-
liūque eius diceret: Crescite & multiplicamini & implete ter-
rā, subdit: Et terror vester ac tremor sit super cūcta animalia
terrę. Nō enim ait, Sit super homines qui futuri sunt: sed, Sit
super cūcta animalia terrę. Homo quippe animalibus irra-
tionabilibus, nō autē ceteris hominibus natura pręlatus est:
& idcirco ei dicitur, vt ab animalibus, & non ab homine ti-
meatur: quia contra naturā superbire est, ab equali velle time-
ri, quāuis plerunq; à subditis etiā sancti viri timeri appetunt,
sed quādo ab eisdem subditis Deū minimē timeri deprehen-
dunt, vt humana saltē formidine peccare metuant, qui diuina
iudicia nō formidāt. Nequaquā ergo prępositi ex hoc quęsi-
to timore superbiunt, in quo nō suā gloriam, sed subditorum
iustitiā quærunt. In eo enim quod metū sibi à peruersē viuē-
tibus exigunt, quasi nō hominibus sed brutis animalibus do-
minātur, quasi videlicet ex qua parte bestiales sunt subdit, ex
ea etiam debent formidini iacere substrati. Cum verō deest
vitiū quod corrigatur, nō de excellentia potestatis, sed de æ-
qualitate cōditionis gaudēt, & nō solum ab eis metui, sed e-
tiam plusquā necesse est honorari refugiūt. Neq; enim leue se
perpeti damnū humilitatis credūt, si ab eis pro merito fortas-
se ordinis pluris estimēt. Hinc est enim quod prim⁹ pastor
Ecclesię, cum adorāte se Cornelio super se sibi honorē vide-
ret oblatū, ad æqualitatē cōditionis suę citius recurrit, dicēs:
Surge, & ipse ego homo sum. Quis enim nesciat quod cōdi-
tori suo homo debeat, & nō homini prosterni? Quia ergo hu-
miliari sibi plus quā debuit proximū vidit, ne vltra huma-
nitatis metas mens intumesceret, esse se hominē recognouit,
quatenus illati sibi honoris elationē frangeret, ex cōsiderata
æqualitate cōditionis. Hinc à Ioāne angelus adoratus creatu-
ram se esse cognouit, dicens: Vide ne feceris, conseruus tuus
sum, & fratru tuorū. Hinc Propheta cum ad vidēda sublimia
raptus, filius hominis vocatur: vt ductus ad cœlestia, hominē
se esse meminerit. Ac si eum diuina vox verbis apertioribus
admoneat, dicens: Memēto quid sis, ne de his ad quę raperis
extollaris, sed altitudinē reuelationis tēpera memoria condi-
tionis. Ex eo ergo colligendū est quāta cōmunis naturę me-
moria in corde deprimi debeat terrenę potestatis tumor, si
ex humanitatis vocabulo agitur, ne cogitationis elatio ex se-
cretis cœlestibus generetur. Cuius videlicet humanitatis be-
ne beatus Iob semper recordationem tenuit, qui ait: *Nunquid*
non in vtero feci me, qui & illam operatus est, & formauit in vulua v-
nus? Ac si apertē dicat: Cur non æquē debeamus in cuiuslibet
negocij iudicio discuti, qui per conditoris potentiam su-
mus æqualiter facti? Sed quia castitatis eius atque humilitatis

Tomus primus.

acta cognouimus, nunc liberalitatis opera cognoscamus. Se-
quitur:

Quod hi qui charitatem Dei habent, secundum facultatis suę mensuram
pauperibus spiritu, qui non ex desiderio, sed ex necessitate postulant,
nihil negare debent. Caput XI.

Si negant quod volebant pauperibus, & oculos viduę expectare fe-
ci. Per hęc dicta vir sanctus ostenditur, non solum ad
inopiam pauperibus, sed etiam ad habendi desiderium deser-
uisse. Sed quid si ipsa vellent pauperes quę fortasse accipere
non expediret? An quia in scriptura sacra dici pauperes humi-
les solent, ea sola æstimanda sunt accipere pauperes, quę hu-
miles petunt? Et proculdubio oportet vt incunctanter detur
quicquid cum vera humilitate requiritur, id est, quod non ex
desiderio, sed ex necessitate postulatur. Nam valde superbi-
re, est extra metas inopię aliquid desiderare. Vnde & super-
bē petentibus dicitur: Petit is & non accipitis, eo quod malē
petatis. Quia ergo illi sunt veraciter pauperes qui inflati per
superbię spiritum nō sunt, quos apertē veritas exprimit, cum
dicit: Beati pauperes spiritu: rectē nunc per sanctum virum di-
citur. Si negant quod volebant pauperibus: quoniam qui ea vo-
lunt quę profectō liquet quod eis non expediunt, eo ipso
quod superbię abundant spiritu, iam pauperes non sunt. Sed
beatus Iob dum pauperes humiles appellat, quicquid ab eo
accipere pauper voluit, non negauit: quia veraciter quisquē
humilis quod non potuit obtinere nec voluit. Sed cum largi-
tatem mentis suę indicat, quia ad votum se pauperibus con-
currisse manifestat, necesse est vt quęramus ne lumen miseri-
cordię dationis tarditate fuscauerit. Vnde subiungit: *Et oculos*
viduę expectare feci. Petentem se viduam expectare noluit, vt
non solum ex munere, sed ex celeritate quoque muneris bo-
norum operum merita augeret. Vnde aliās scriptum est: Ne
dicās amico tuo, vade & reuere, & cras dabo tibi, cum sta-
tim possis dare. Sed nonnulli solent exterius multa largiri, cō-
munis autem vitę gratiam repellentes, habere pauperes socios
in domestica conuersatione refugiunt. Vnde beatus Iob vt
non solum se insinuet exterius multa prębuisse, sed apud se
quosque inopes etiam in domestica conuersatione recepis-
se, protinus adiungit:

Quod serui Dei cum pupillis & viduis subsidia temporalia, & mensam
debeant habere communem.

Caput XII.

Si comedi buccellam meam solus, & non comedi pupillus ex ea.)
Scilicet pietati se pręiudiciū facere æstimans, si solus co-
mederet quod Dominus omnium communiter creasset. Quę
profectō communio cōuersationis esse cum talibus intra do-
mesticos parietes debet, ex quibus æternę proficiant merita
retributionis. Vnde sanctus vir non quemlibet, sed ad man-
ducandum socium pupillum se habuisse perhibet, sed tanta
hec pietatis viscera, vtrum à semetipso habuerit an conditoris
sui gratia sit consecutus, innotescit. Sequitur:

Quod sancti non sibi, sed conditori suo tribuant, siquid boni habeant.

Caput XIII.

Quia ab infantia mea creuit mecum miseratio, & de vtero matris
meę egressa est mecum.) Miseratio etenim etsi eius fuerit ar-
bitrij, vt cum ipso proficeret, liquet tamen quia eius arbitrij
non fuit, vt cum ipso de vtero exiret. Constat ergo quia suę
virtuti nil tribuit, qui profectō testatur, quia hoc ex condito-
ris munere accepit. Bonum igitur quod à conditore habuif-
se se intimat, liquet proculdubio, quia ad laudem conditoris
narrat, indicans ab ipso se accepisse, vt pius esset, à quo acce-
pit vt esset: quia sicut suo opere in vtero conditus non fuit, ita
nec sua virtute ab vtero pius fuit. Sed pensandum nobis est,
quod asserit: *Creuit mecum.* Nonnulli enim quo ad ætatem
crescunt, ab innocentia decrescunt. Electis verō cum foris
etas corporis, intus, si dici liceat, crescit etas virtutis. Sequitur:
Quod opera misericordię cum benignitate, & hilaritate debeant fieri:
quia qui fastu elationis aliquid dat, amplius ex contemptu culpam
quā ex munere meretur mercedem.

Caput XIII.

Si despexi prateruentem, eo quod non habuerit indumentum, & ab-
sque operimento pauperem, si non benedixerunt mihi latera eius, &
de vellibus ouium mearum calefactus est.) Quod pauperem non
despexit, virtutem humilitatis exhibuit: quod autem ope-

r iij

ruit, pietatis. Duæ quippe istæ virtutes ita sibi met esse connexæ debent, ut vicario semper opere fulciantur, quatenus nec humilitas cum veneratur proximum, largitatis gratiam deferat, nec pietas cum largitur, intumescat. Erga indigentiam itaque proximi humilitatem pietas fulciat, humilitas pietatem: ut cum indigentem, rebus necessariis naturæ tuæ confortem videris, nec per impietatem desinas tegere, nec per superbiam negligas venerari quem tegis. Nam sunt nonnulli qui mox, ut ab egenis fratribus fuerint necessaria postulati, post dona largituri in eos prius contumeliosa verba iaculantur. Quæ etsi rebus ministerium pietatis perficiunt, verbis tamen gratiam humilitatis perdunt, ita ut plerunque videatur: quia illatæ iam iniuriæ satisfactionem soluunt, cum post contumelias dona largiuntur. Nec magni est operis quod postulata tribuunt, quia ipso donationis suæ munere, vix eundem excessum sermonis tegunt. Quibus bene per Ecclesiasticum librum dicitur: Omni dato non des tristitiam verbi mali. Et rursum: Adde verbum super datum bonum, & vtrique cum homine iustificato: videlicet ut datum exhiberi debeat per pietatem, & bonum verbum tribui per humilitatem. At contra alij egenos fratres non student rebus fulcire cum possint, sed blandis tantum sermonibus fouere. Quos vehementer Iacobi prædicatione sancta reprehendit, dicens: Si autem frater aut soror nudi sunt, & indigent victu quotidiano, dicat autem aliquis ex vobis illis: Ite in pace, calefiamini & saturamini: non dederitis autem eis quæ necessaria sunt corpori, quid vobis proderit? Quos Ioannes quoque Apostolus admonet, dicens: Filioli mei, non diligamus verbo, nec lingua, sed opere & veritate. Dilectio nanque nostra semper exhibenda est, & veneratione sermonis, & ministerio largitatis. Multum vero ad edomandam dantis superbiam valet, si cum terrena tribuit, verba sollicitæ magistri cælestis penset, qui ait: Facite vobis amicos de mammona iniquitatis, ut cum defeceritis, recipiant vos in æterna tabernacula. Si enim eorum amicitia æterna tabernacula acquirimus, dantes proculdubio pensare debemus: quia patronis potius munera offerimus, quam egenis dona largimur. Hinc per Paulum dicitur: Vestra abundantia illorum inopiam suppleat, ut & illorum abundantia vestra inopiæ sit supplementum. Ut videlicet sollicitè perpendamus, quia eos quos nunc inopes cernimus, abundantes quandoque videbimus: & qui abundantes aspiciamus, si largiri negligemus, quandoque inopes erimus. Qui itaque nunc temporale subsidium pauperi tribuit, ab eo postmodum perpetua recepturus, ut ita dicam, quasi ad frugem terram excolit, quæ quod acceperit, vberius reddit. Restat ergo ut nunquam elatio surgat ex munere, quando videlicet diues ex eo quod pauperi tribuit, agit ut in perpetuum pauper non sit. Beatus igitur Iob, ut diligenter ostenderet, humilitas atque misericordia quanta in eo fuerit consideratione sociata, ait: Si despecti prætereuntem, eo quod non habuerit indumentum, & absque operimento pauperem, si non benedixerunt mihi latera eius, & de vellibus onium mearum calefactus est. Ac si aperte diceret: In amore proximi vno eodemque ordine, & superbiæ vitium, & impietatis premens, prætereuntem quempiam, & humiliter aspiciens non despecti, & misericorditer calefeci. Quisquis enim super eum cui aliquid tribuit, fastu se elationis extollit, maiorem culpam intrinsecus superbiendo peragit, quam extrinsecus largiendo mercedem: fitque ipse bonis interioribus nudus, cum nudum despiciat vestiens, eoque agit ut seipso deterior fiat, quo se indigenti proximo meliorem putat. Minus quippe inops est qui vestem non habet, quam qui humilitatem. Vnde necesse est, ut cum naturæ nostræ consortes exteriora non habere conspiciamus, quam multa nobis desint bona interiora pensemus, quatenus sese super inopes cogitatio nostra non eleuet, cum solerter videt, quia nos tantò verius, quantò & interius indigentes sumus. Et quia sunt nonnulli qui pietatis suæ viscera tendere vsque ad incognitos nesciunt, sed solis quos per assiduitatem notitiæ didicerint miserentur: apud quos nimirum plus familiaritas quam natura valet, dum quibusdam necessaria, non quia homines, sed quia noti sunt largiuntur, bene nunc per beatum Iob dicitur: Si despecti prætereuntem, eo quod non habuerit indumentum: Ignoto e-

nim proximo misertum se indicat, quem prætereuntem vocat, quia videlicet apud piam mentem plus natura valet, quam notitia. Nam & unusquisque qui indiget, eo ipso quo homo est ei iam incognitus non est. Sequitur:

Quod sancti in propriis causis ius habentes cum inferioribus personis, grauari se etiam iniuste aliquando patiuntur. Caput XV.

Si leuau super pupillum manum meam, etiam cum viderem me in porta superiorem. Mos apud veteres fuit, ut ad portam seniores federent, qui certantium iurgia iudicialia examinatione discernere, quatenus urbem in qua concorditer operaretur viuere, discordes minimè intrarent. Vnde & per Prophetam Dominus dicit: Constituite in porta iudicium. Hoc itaque loco quid portæ nomine exprimitur, nisi id quod agebatur in porta? Sicut enim pugnare castra dicimus, pro eo quod pugnatur ex castris: ita iudicium quod in porta agi consueuerat, porta nominatur. In porta ergo se superiorem videt, qui se melioris patris esse in iudicio æquitatis merito conspiciat. Beatus igitur Iob, quia nec tunc contra pupillum manum exercuit, cum se etiam per iustitiæ meritum potentior vidit, nobis timoris regulam insinuans, dicit: Si leuau super pupillum manum cum viderem me in porta superiorem. Ac si patenter dicat: Neque tunc utilitatis meæ negocia virtute contra pupillum exequi volui, quando me in iudicio etiam ex iustitia potior vidi. Sancti etenim viri quando cum personis minoribus contentionum negocia subeunt, dum grauare, vel in minimis timent, ipsi contra iustitiam grauari nequaquam refugiunt. Sciunt quippe quia omnis humana iustitia iniustitia esse deprehenditur, si diuinitus districtè iudicetur. Vnde hoc quod sibi competit, cauent vehementer exigere, ne eorum actus supernam rectitudinem contingat subtiliter examinare. Sed ut inueniri iusti in diuino examine valeant, plerunque apud humana iudicia grauari se iniuste patiuntur. Beatus autem Iob vitæ suæ celsitudinem narrans, & multa sunt & mira quæ dixit. Sed quia plerunque humana mens renuit bona credere, quæ nescit operari, maledicti sibi sententiam protinus subicit, si qua horum quæ dixerat, opere non impleuit, dicens:

Quod bonum concordie per patientiam conseruetur, sine qua socialis vita non perseverat, & quod quando per discordiam homines dissiident, quasi membra à corpore cadant. Caput XVI.

Humerus meus à iunctura sua cadat, & brachium meum cum ossibus suis coteratur. Quia operatio corporea per humerum ac brachium agitur, bona quæ ore protulit, si opere non impleuit, cadere sibi humerum, & conteri brachium exoptat. Ac si aperte dicat: Si ea quæ dixi, operari renui, ipsum quod mihi ad operandum datum est corporis membrum, perdam, ut videlicet cadat à corpore, quod exercere nolui ad utilitatem. Si verò hæc maledicti sententia ad spiritalem est intelligentiæ referenda, liquet profectò quod brachium corpori per humerum iungatur. Et sicut per brachium bona operatio, ita per humerum socialis vitæ coniunctio designat. Vnde Propheta quoque, intues factos vniuersalis Ecclesiæ populos Deo cõcorditer seruituros, ait: Et seruiet ei humero vno. In eo ergo quod dicit: Si leuau super pupillum manum meam, cum viderem me in porta superiorem: miram virtutem patientiæ seruasse se asserit, qui grauari se à personis minimis, nec contra hoc quod sibi iuste competere poterat, declinavit. Quod autem si minimè fecerit, adiungit: *Humerus meus à iunctura sua cadat.* Quia nimirum qui patientiā seruare cõtemnit, sociale vitæ citius per impatientiam deserit. A iunctura etenim humerus cadit, cum aduersitatis aliquid ferre animus non valens, fraternam cõcordiam relinquit: & quasi membrum separatur à corpore, cum is qui operari bona poterat, à bonorum omnium absconditur vniuersitate. Neque enim vnquam seruari cõcordia, nisi per solam patientiam valet. Crebrò namque in humana actione nascitur, vnde mentes hominum vicissim à sua vnitatem ac dilectione separantur: & nisi ad aduersa toleranda se animus præparet, proculdubio humerus corpori non inhæret. Hinc etenim Paulus ait: Inuicem onera vestra portare, & sic adimplebitis legem Christi. Hinc per semetipsam veritas dicit: In patientia vestra possidebitis animas vestras. Rectè autem humero cadente subiungitur: *Et brachium meum cum ossibus suis coteratur.* quia nimirum cuncta nostra operatio cum quibuslibet videatur esse fulta

† al. intumescat erga indigentia. Itaque.

Ecclesi. 10.

Iacobi. 2.

1. Ioan. 3.

14.

Luce. 16.

1. Cor. 8.

15.

Soph. 3.

Gala. 6. 16.

fulta virtutibus, soluitur, nisi per charitatis vinculum patientia conseruetur. Sua enim bona pergit operari, qui aliena mala renuit perpeti. Feruore quippe iracundi spiritus laesus quisque à dilectione resilit, & cum se exterius grauari non tolerat, intus se per amissum lumen charitatis obscurat, nec videt iam quo tendat pedem boni operis, qui oculum perdidit dilectionis. Sed sancti viri humerus à iunctura sua non cadit: quia videlicet eius dilectio à socialis vitae concordia per impatientiam non recedit. Eiusque brachium minimè frangitur: quia omnis eius operatio in coniunctione humeri, id est, in charitatis connexionione custoditur. Sed qua consideratione bona hæc tanta egerit, atque à malis omnibus sese abstineat, adiungit dicens:

Quantum sancti, & vnde, presentium tribulationum fluctus tantum metuant.

Caput XVII.

Semper enim quasi tumentes super me fluctus timui Deum, & pondus eius ferre non potui. A pauore tantæ similitudinis pensemus, si possumus, quanta in sancto viro fuerit vis timoris. Fluctus etenim cum tumentes desuper imminet, cumque eam quam deferunt mortem minantur, nulla tunc nauigantibus rerum cura temporalium, nulla carnis delectatio ad mentem reducitur: ea ipsa quoque ex naui proiciunt pro quibus longa nauigia sumpserunt, cunctæ res in despectum mentis veniunt, amore viuendi. Quasi ergo tumentes super se fluctus Deum metuit, qui dum veram vitam desiderat, omnia despiciat quæ hic possidentes portat. Nam velut tempestate deprehensi pondus nauis abicimus, quando ab oppressa mente desideria terrena remouemus. Fitque ut subleuata nauis enatet, quæ mergebatur onerata: quia nimirum curæ, quæ in hac vita deprimunt, mentem in profundum trahunt. Quæ videlicet mens tantò altius inter tentationum fluctus attollitur, quantò sollicitius ab huius seculi cogitatione vacuatur. Est verò & aliud, quod de maris concussione debeat solerter intueri. Tempestas quippe cum oritur, prius lenes vndæ, & postmodum volumina maiora concitantur, ad extremum fluctus se in alta erigunt, & nauigantes quosque ipsa sua altitudine subuertunt. Sic nimirum extrema illa properat, quæ vniuersum mundum subruat tempestas animarum. Nunc enim bellis, & cladibus quasi quibusdam vndis sua nobis exordia ostendit, & quæ ad finem quotidie propinquiores efficimur, tantò grauiora irruere tribulationum volumina videmus. Ad extremum verò commotis omnibus elementis, superueniens iudex finem omnium apportat: quia videlicet tunc tempestas fluctus in cælum leuat. Vnde & dicitur: Adhuc modicum, & ego mouebo, non solum terram, sed etiam cælum. Quam scilicet tempestatem & quia sancti viri vigilanter aspiciunt, quasi tumentes super se quotidie fluctus expauescunt, atque ex his tribulationibus quæ mundum feriunt, præuident quæ sequantur. Bene autem subditur: *Et pondus eius ferre non potui.* quoniam qui extremi iudicii aduentum intenta mente considerat, profectò videt, quia tantus pauor imminet, quantum non solum tunc videre, sed se etiam nunc præuidere pertimescat. Consideratione nanque tanti terroris metu animus palpitat, & intentionis suæ oculos declinans, intueri quod præuidet recusat. Bene ergo dicitur: Et pondus eius ferre non potui: quia cum supernæ maiestatis vim ad iudicium venientis, terroremque tanti examinis considerando animus conatur exquirere, mox ad semetipsum refugiens, sese expauescit inuenire. Sed inter hæc pensandum est, quia beatus Iob ista de se loquatur laudatus & flagellatus. Si igitur saltem ad meritorum profectum ita percussus est qui sic timuit, quomodo feriendus est qui contemnit? Quomodo depressura sunt Dei iudicia eos, qui se eleuant, si & illos ad tempus deprimunt, qui hæc semper in humilitate formidant? Quomodo pondus Dei poterit ferre qui despiciat, si hoc & ille in verberibus pertulit, qui per timorem præuidit? Vnde summopere formidandum nobis est illud tantæ distinctionis examen. Constat autem quia in hac vita, cum percutit, si percussione correctionis est, non disciplina patris est, non ira iudicis: amor corrigentis est, non distinctio punientis. Ex ipso ergo presenti verberibus, iudicia æterna pensanda sunt. Hinc etenim perpendere summopere debemus, quomodo ferat illa quæ reprobis, si ferri modo vix valet eius ira, quæ purgat.

Libri vicesimiprimi Moralium sancti Gregorii finis.

Tomus primus.

B. GREGORII
MORALIUM LIBER VIGESIMUS SECUNDUS
continans caput
tricesimum primum
textus beati Iob.

Caput I.



Quod autem sæpe iam dictum est, hoc me crebro repetere onerosum non est, quia & prædicator egregius dicit: Eadem vobis scribere mihi quidem non pigrum, vobis autem necessarium. Beatus Iob idcirco gestas virtutes narrat, quia inter increpationis verba, & percussione verbera deprehensus, à spei fiducia mentem suam labefactari considerat. Multa quippe & egisse se mala ab increpantibus amicis audierat, & ne verbis pariter, & flagellis pressa in desperationem mens corruat, hanc per suarum virtutum memoriam ad spem reformat, ut nequaquam se debeat in calamitate deicere, quæ tranquillitatis suæ tempore se meminerat tam sublimia egisse. Quia igitur intentionis eius causam diximus, restat ut auditas virtutes illius subtiliter perpendamus. Hoc autem primum sciendum est, quia quisque virtute aliqua polleat creditur, tunc veraciter pollet, cum vitiis ex aliqua parte non subiacet. Nam si ex alio vitiis subditur, nec hoc est solidum ubi stare putabatur. Vnaquæque enim virtus tantò minor est, quanto defunt ceteræ. Nam sæpe quosdam pudicos quidem vidisse nos contigit, sed non humiles: quosdam verò quasi humiles, sed non misericordes: quosdam quasi misericordes, sed nequaquam iustos: quosdam verò quasi iustos, sed in se potius quam in Domino confidentes. Et certum est quia nec castitas in eius corde vera est, cui humilitas deest: quippe quia superbia se intrinsecus corrumpente fornicatur, si semetipsum diligens, à diuino recedit amore. Nec humilitas vera est, cui misericordia iuncta non est: nec debet humilitas dici, quæ ad compassionem fraternæ miseriæ nescit inclinari. Nec misericordia vera est, quæ à rectitudine iustitiæ existit aliena, quia quæ potest per iniustitiam pollui, nescit proculdubio sibi metipsum misereri. Nec iustitia vera est quæ fiduciam suam non in conditore omnium, sed in se fortasse, aut in rebus conditis ponit: quia dum à creatore spem subtrahit, ipse sibi principalis iustitiæ ordinem peruertit. Vna itaque virtus sine aliis, aut omnino nulla est, aut imperfecta. Ut enim, sicut quibusdam visum est, de primis quatuor virtutibus loquar, prudentia, temperantia, fortitudo, atque iustitia, tanto perfectæ sunt singulæ, quanto vicissim sibi coniectæ. Disiunctæ autem perfectæ esse nequaquam possunt, quia nec prudentia vera est, quæ iusta, temperans, & fortis non est: nec perfecta temperantia, quæ fortis, iusta, & prudens non est: nec fortitudo integra, quæ prudens, temperans, & iusta non est: nec vera iustitia, quæ prudens, fortis, & temperans non est. Beatus itaque Iob quod non vnam sine alia, sed coniunctas in se virtutes habuerit, enumerando singulas innotescit, nam bona pudicitia innuens dicit: Si deceptum est cor meum super muliere. Atque ut eidem pudicitia demonstraret humilitatis gratiam nullatenus defuisse, post cetera subiungit: Si contempsit iudicium subire cum seruo meo. Qui ut humilitati suæ ostenderet misericordiam fuisse coniunctam, paulò post dicit: Si negavi quod volebant, pauperibus. Atque ut misericordiam suam ostenderet de iustitiæ radice descendere, paulò superius præmisit, dicens: Si ambulavi in vanitate, & festinaui in dolo pes meus. Atque ut monstraret quàm fuerit ad cuncta pauidus, & ad omnia circumspectus, inferius asserit dicens: Semper enim quasi tumentes super me fluctus timui Dominum. Qui scilicet in prosperis positus, atque abundantia rerum fultus, si spem aut in suis actibus, aut in circumfluentibus rebus poneret, profectò iustus non esset. Sed quando iste vir sanctus in se spem posuit qui apertè dicit: Ecce non est auxilium mihi in me?

r iij

Quod non in defluentibus diuitiis, sed in Deo qui stat in eternum, consistendum sit.
Caput 11.

2.

† al. dile-
ctionem.
Luc. 12.

Quid ergo nunc superest, nisi ut ipsas quoque diuitias qua mente possideret innotescat? Ait enim: *Si putavi aurum robur meum, & obryso dixi, fiducia mea.* Obrysum dicimus obrude aurum. Sanctus ergo vir nec aurum robur, nec sibi esse obrysum, id est, rudis auri molem fiduciam credidit: quia spem atque delectationem suam in solius gratiam conditoris figens, neque de quantitate auri, neque de specie peccauit. De creatore quippe desperasse fuerat, spem in creatura posuisse. In rebus autem dubiis spem fixerat diues ille, qui dicebat: Anima habes multa bona reposita in annos plurimos, requiesce, comede, bibe, epulare. Sed hunc superna vox increpat, dicens: Stulte, hac nocte animam tuam repetunt à te, quæ autem parasti, cuius erunt? Eadem enim nocte sublatus est, qui in rerum sibi abundantia multa tempora fuerat prestolatus: ut scilicet qui in longum sibi subsidia colligendo prospiceret subsequenter diem vel unum minimè videret. Quasi in aquis enim defluentibus fundamentum ponere, est in rebus labentibus spei fiduciam velle solidare. Stante enim in perpetuum Deo, transeunt omnia. Quid ergo ab stante fugere est, nisi transeuntibus rebus inhærere? Quis nanque unquam decurrentium fluminum tumidis vorticibus raptus, manere ipse fixus potuit, deorsum vnda defluente? Quisquis ergo defluere deuitat, superest ut quod defluit fugit, ne per hoc quod amat, in hoc cogatur peruenire quod vitat. Qui enim rebus labentibus inhæret, illud videlicet trahitur, quod tenet quod tenet. Prius itaque curandum est, ne quis temporalia diligat, ac deinde in eisdem temporalibus quæ non ad delectationem sibi, sed ad usum retinet, fiduciam ponat, quoniam conjunctus decurrentibus, mox statum suum animus perdit. Nam vitæ præsentis fluctus trahit quem leuat: & valde demens est qui in vnda voluitur, & plantam figere conatur. Sed sunt plerique qui etsi in rebus transeuntibus fiduciam nequaquam ponunt, cum tamen sibimet ad vsus necessarios abundè assunt, mente tacita lætantur. Quia in re dubium non est, quia tantò magis gaudet quod assint temporalia, & qui minus dolet quod defint temporalia, certius expectat, ut assint æterna. Hoc itaque de terrenis rebus gaudium beatus Iob non se habuisse testificans subiungit dicens: *Si lætatus sum super multis diuitiis meis, & quia plurima veperi manus mea.* Sancti quippe viri in huius peregrinationis ærumna, quoniam eam quam appetunt adhuc creatoris sui speciem contemplari minimè sinuntur, omnem præsentis vitæ copiam, inopiam deputant: quia videlicet nil extra Deum sufficit menti, quæ veraciter Deum quærit, & plerunque eis ipsa sua abundantia fit vehementer onerosa: quia hoc ipsum grauiter tolerant, quod festinantes ad patriam in itinere multa portant. Vnde fit ut hæc cum indigentibus proximis deuotè patiatur, quatenus dum sumit iste quod non habet, deponat ille quod amplius habebat: nec conuiator vacuus ambulet, nec eum quem retardare in via poterat, nimium onus grauet. Electi ergo de multa abundantia minimè lætantur, quam videlicet pro amore cœlestis patrimonij, aut largiendo dispergunt, aut despiciendo deserunt. Sequitur: *Si vidi solem cum fulgeret, & lunam incedentem clarè, & lætatum est in abscondito cor meum, & osculatus sum manum meam ore meo, quæ est iniquitas maxima, & negatio contra Deum altissimum.* Incertum non est quod utraque hæc luminaria humanis ministerijs deputata, cœli militiæ vocantur. In quorum cultum multos nouimus, scriptura teste, cecidisse, sicut scriptum est: Adorauerunt vniuersam militiam cœli. Et quia Sol & Luna aliter videntur ad usum, aliter ad venerationem: eo more quo à cultoribus suis venerari solent, Solem & Lunam beatus Iob nequaquam vidisse se perhibet, nec lætatum fuisse cor suum, nec osculatum manum ore suo. In qua videlicet osculatione, quid aliud quam gratia venerationis exprimitur? Quod si fecisset vnquam, hoc iniquitatem maximam, & Dei negationem vocat. Sed postquam tanta de se locis superioribus virtutum culmina narrauit, quid nunc mirum memorat, si Solem ac Lunam non se adorasse manifestat? Vnde pèsandum est quod postquam in auro non habuisse fiduciam, nec in multis diuitiis lætatum

4. Reg. 17.

se fuisse testatur, adhuc ad sublimiora ducitur, ut tantò nos magis erudiat, quantò de se aliqua subtilius narrat. Ait enim: *Si vidi Solem cum fulgeret & Lunam incedentem clarè, & lætatum est in abscondito cor meum.* Quid hoc in loco videre dicitur, nisi desideranter intueri? Vnde Psalmista ait: Iniquitatem si contempsisti in corde meo, non exaudiat Deus. Quæ nimirum iniquitas in ore exprimi non posset, si non conspiceretur in corde. Sed aliud est videre per iudicium, aliud per appetitum. Beatus ergo Iob fulgentem Solem & clarè incedentem Lunam nequaquam vidisse se perhibet, ut se demonstret præsentis lucis speciem non appetisse. Ac si post despectum terrenæ suæ abundantiae, patenter insinuet: Quid dicam: quia nequaquam in auro lætatus sum, qui in ipsa quoque luce corporea delectatus non sum? Sancti etenim viri postquam omnia præsentis vitæ oblectamenta despiciunt, præ illius lucis internæ dulcedine, ab hac exteriori animum luce quasi à tenebris auertunt: multumque secum intrinsecus contendunt, ne huius lucis, quæ fulget extrinsecus, delectatione rapiantur. Lux quippe visibilis si cautè diligitur, à luce inuisibili cor cæcatur: quia quantò extra se inhæas animus funditur, tantò amplius in internis obtutibus reuerberatur. Vnde solerter quique ne corporeis sensibus nimis ad exteriora dilabantur, continuo studio intra mentem suam occulta custodiæ disciplina se colligunt: ut tantò magis inueniantur interius integri, quantò minus sunt exterius fusi. Hoc enim vigore disciplinæ intra mentis suæ se arcana constrinxerat, qui exterioris vitæ appetitum fugiens, dicebat: Diem hominis non concupiui, tu scis. Quod ergo apud Prophetam dicitur: Diem hominis non concupiui, tu scis: hoc de semetipso beatus Iob verbis aliis asserit, qui fulgentem Solem, & Lunam incedentem clarè non viderit, atque ex his in cordis abditiis lætatus non sit: quia nimirum gaudere non poterat de his, quæ per delectationis desiderium non videbat. Si verò cuncta hæc quæ iuxta historiam tractando discurremus, per allegoriæ quoque mysteria perscrutemur, quid hoc in loco aurum accipimus, nisi præclari intellectus ingeniū, quid obrysum, nisi humanam mentem? quæ dum igne amoris excoquitur, semper in se seruat charitatem pulchritudinis quotidianam inuolutione feruoris. Nescit enim mens per torporē veterascere, quæ studet per desiderium semper inchoare. Hinc nanque per Paulum dicitur: Renouamini spiritu mentis vestræ. Hinc Psalmista qui ad perfectionis iam culmen peruenerat, quasi inchoans dicebat: Dixi nunc cœpi: quia videlicet si lassescere ab inchoatis bonis nolumus, valde necesse est, ut inchoare nos quotidie credamus. Nec abhorret à rationis ordine, quod auro dicimus ingenium designari: quia sicut in ornameto aurum supponitur, ut gemmarum desuper ordo disponatur, ita clara sanctorum ingenia diuinis muneribus humiliter substernuntur, & distincta super se gratiarum dona percipiunt. Et nisi quid simile aurum cum sapientia haberet, quidam sapiens minimè dixisset: Sapientia absconsa & thesaurus inuisus, quæ vtilitas in vtrisque? Sancti autem viri robur suum aurum non deputant: quia quantolibet ingenio fulgeant, nihil se esse ex suis viribus pensant. Et cum sentire omnia valenter possunt, prius intelligere semetipsos cupiunt, quatenus lumen ingenij more Solis prius illustret locum in quo oritur, & postmodum cætera ad quæ procedendo dilatetur: ne si intendendo cognoscendis aliis semetipsos nesciāt, ibi Solis radius ubi oritur obtenebrescat. Ingenij itaque virtutem ad cognoscendam propriam infirmitatem dirigunt, atque ex infirmitatis suæ melius cognitione cōualescunt. Aurū ergo robur non creditur, si in accepto ingenio fiducia non habetur. Quod bene Salomon admonens ait: Habe fiduciā in Domino in toto corde tuo, & ne innitaris prudentiæ tuæ. Dicat ergo: *Si putavi aurū robur meū, & obryso dixi, fiducia mea.* Ac si apertè fateatur: dicens: Nec quæ veraciter intellexi, meo ingenio tribui: nec menti propriæ, si qua egisse me bona cōtigit, hæc principaliter deputavi. Qui adhuc subtilius humilitatem nobis sui insinuans, adiungit dicens:

Quid sit quod filij prophetarum ligna cadentibus, ferrum de manubrio lapsum disparuit, quod Heliseo lignum aquis immergente reuersum est.

Caput 111.

Si

Silatus sum super multis diuitiis meis, & quia plurima reperit manus mea. Quid multas diuitias appellatas per significationem credimus, nisi abundantia acumina consiliorum? Quæ quærentis manus inuenit, cum hæc cognitio tractantis gignit. Has etenim Salomon sapientiæ diuitias contemplatus ait: Corona sapientium diuitiæ eorum. Qui quia diuitias nō metalla terrena sed prudentiam nominat, illicō per contrarietatem subdit: Fatuitas stultorum imprudentia. Si enim coronā sapientium terrenas diuitias diceret, proculdubio fatuitatem stultorum, paupertatem potius quā imprudentiam fateretur. Sed dum fatuitatem stultorum imprudentiam subdidit, sapientium diuitias quia prudentiam dixerit, indicauit. Has in se Paulus scientiæ diuitias contemplatus, & contemplationē suam consideratione humanæ fragilitatis humilians, ait: Habemus thesaurum istum in vasis fictilibus. Multas itaque apud nos diuitias reperimus, cum dona abundantis intelligentiæ, sacra eloquia inuestigando percipimus, atque in his plura, nec tamen sibi met diuersa sentimus. Non est autem securalēgitia, in diuinis paginis vel fortia vel multa cognoscere, sed cognita custodire. Nam qui bene intelligit, quid intelligendo operari debeat, agnoscit. Quanto enim intellectu latius extēditur, tanto ad explenda opera enixius ligatur. Vnde in Euāgelio veritas dicit: Cui multum datum est, multum quæretur ab eo: cui commendauerunt multum, plus repetent ab eo.

Deputemus igitur intelligentiam datam quasi pecuniam mutuatam, quia quō plus nobis creditur, ex benignitate, eō debitor amplius tenemur in opere: & plerūque eadem intelligentiæ accepta pecunia, cum ad vsuras auditoribus datur, amittitur, nisi cautē tribuatur. Neque enim negligenter intue dum est, in Regum volumine, quōd prophetarum filij cum in Iordane ligna caderent, vni eorum securis ex manubrio in profundum lapsa disparuit. Ferrum quippe in manubrio, est donum intellectus in corde. Ligna verō per hoc cadere, est prauē agentes increpare. Quod nonnunquam dum fluxē agitur, dum lapsus vanæ gloriæ in accepta eadem sapientia nō vitatur, ferrum in aqua perditur, quia ex dissoluto opere intelligentia fatuatur. Quam profectō intelligentiam ad hoc quouimus dari, vt ante dantis oculos ex bona debeat actione restitui. Vnde rectē is qui ferrum amiserat, clamabat: Heu heu heu domine mi, & hoc ipsum mutuū acceperam. Habent enim hoc electi proprium, vt si quando eis in sua sciētia furtiua vanæ gloriæ culpa surrepit, ad cor velociter redeāt, & quicquid in se ante districti iudicis oculos damnable inueniūt, lachrymis insequentur. Qui flentes non solū cautē inspiciunt mala quæ commiserunt, sed ex accepto munere quæ reddere etiam bona debuerunt: quia nimirum tantō se amplius peccatores sentiunt, quantō ex neglectis bonis quæ agere poterant, debitoras tenentur. Rectē ergo qui ferrum perdidit, clamabat: Heu heu heu, & hoc ipsum mutuū acceperam. Ac si dicat: Illud per dissolutionem negligentia perdidit, quod vt per bona opera redderem, ex gratia conditoris accipi. Sed nunquam Deus mētem deserit, quæ in peccatis se veraciter agnoscit. Vnde & mox Helisæus veniens, lignum deorsum mittit, & ferrum in superficiem attollit: quia videlicet redemptor noster piē nos respiciens, cor peccatoris humiliat, & ei quam amiserat intelligentiam reformat, lignum mergit, & ferrum releuat: quia cor affligit, & scientiam reparat. Vnde bene alia translatione dicitur, quōd confregit lignum atque iactauit, & sic ferrum sustulit. Lignum nanque confringere, est cor ab elatione cōterere. Lignum ad ima iactare, est elatum cor in cognitione, vt diximus, propriæ infirmitatis humiliare. Atque illico ferrum ad superficiem redit, quia ad vsū exercitationis pristina intelligentia recurrit. Igitur quoniam donum intellectus quod accipitur, vix cum tot difficultatibus custoditur, curandum quippe est, ne otio torpeat, curandum ne in exercitatione operis, vitio elationis euanescat, sancti viri minimē exultant, cum cognoscunt quæ faciant, sed cum faciunt quæ cognouerant, & si intelligendo congaudent muneri largitoris, mœrentes tamen considerant debitum operis, vt videlicet actione persoluant, quod eis prerogatum est in cognitione. Stultus nanque est debitor, qui gaudens pecunias mutuas accipit, & tempus quo reddere debeat non attendit. Mōderatur autem lætitia accipiendi, quando solerti prouidentia

etiam constitutum tempus reddendi cogitatur. Quia igitur viri iusti in his quæ vigilanter intelligunt, securalætitia non extolluntur, dicatur rectē: Si lætatus sum super multis diuitiis meis, & quia plurima reperit manus mea. Ac si apertē diceretur: Nequaquam me in eo locupletem ex iustitia credidi, quo recta quæ agere debui etiam multa cognoui: nec intelligentia cor extulit, quia illud consideratio debitæ operationis presit. Sciendum verō est quōd plerūque contingit vt cum intelligentiæ altitudo percipitur, circa semetipsum animus valde sollicitus ab elationis lapsu teneatur. Sed cum mira quæ intelligit, etiam operari cœperit, eo ipso nonnunquam quo foras ostenditur, labitur, atque in suis actibus se ceteros præire gloriatur. Beatum igitur Iob sicut intelligentiæ aurum non extulit, nec lumen quoque ante humanos oculos miræ operationis eleuauit. Vnde & aptē subiungit:

Quod sancti nec de bono opere suo, nec de fama, nec coram hominibus, nec in conscientia gloriantur.

Caput IIII.

Si vidi solem cum fulgeret. Sol quippe in fulgore, est bonum opus in manifestatione. Scriptum nanque est: Luceat lux vestra coram hominibus, vt videant opera vestra bona, & glorificent patrem vestrum qui in cælis est. Et rursum: Sint lumbi vestri præcincti, & lucernæ ardentes. Quod enim hoc in loco fulgente Sole, id in Euangelio lucernis ardentibus designatur. Bonum quippe opus cum in medio perfidorum lucet, lucerna ardet in nocte: cum verō in Ecclesia resplendet, sol fulget in die. Bonum opus si adhuc tale est quod soli mali mirētur, lucerna videlicet in nocte est: si autem ita proficit vt mirari à bonis ac perfectioribus possit, nimirū sol est in die. Bonum opus cum per actiuam vitam in corporibus lucet, quasi lucernæ more, lumen ex testa resplendet. Cum vero per solam virtutem mentis in contemplatione attollitur, quasi more Solis de cælo veniens lux videtur. Quia igitur multa beatus Iob hospitalitatis ac misericordiæ de se bona narrauerat, quæ profectō tantō adhuc minima, quantō & corporaliter nouerat gesta ad virtutum spiritalium culmen, mentis oculum reuocans, perfectionis suæ meminit: & lucem exemplorum quam de se aliis tribuit, Solem vocauit.

Quod electi in malis præteritis sapiens oculos mentis figunt, quam in bonis quæ agunt, & soli bona sua non vident, quæ aliis ad exemplum videnda præbent.

Caput V.

Sunt verō nonnulli, qui cum bona aliqua faciunt, iniquitatum suarum protinus obliuiscuntur, & cordis oculum in consideratione bonorum operum quæ exhibent figunt: atque eo se iam sanctos existimant, quo inter bona quæ agunt, malorum suorum, in quibus & fortasse adhuc implicati sunt, memoriam declinant. Qui scilicet si distractionem iudicis vigilanter attenderent, plus de malis suis metuerent, quā de imperfectis bonis exultarent: plus inspicerent quōd de his quæ adhuc eis agenda sunt debitoras tenentur, quā quod operantes quædam, iam debiri partem soluunt. Neque enim absolutus est debitor qui multa reddit, sed qui omnia: nec ad brauium victoriæ peruenit, qui in magna parte spectaculi velociter currit, si iuxta metas veniens, in hoc quod est reliquū deficit. Nec ad quælibet destinata loca pergentibus inchoando prodesset longum iter carpere, si non etiam totum valerent consummare. Qui ergo æternam vitam quærimus, quid aliud quā quædam itinera agimus, per quæ ad patriam festinamus? Sed quid prodest quōd carpimus multa, si ea quæ ad perueniendum restant, negligimus reliqua? More itaque viatorum, nequaquam debemus aspicere quantum iam iter egimus, sed quātum superest vt peragamus: vt paulisper fiat præteritum, quod indefinenter & timidē adhuc attenditur futurum. Amplius igitur debemus inspicere quæ bona necdum fecimus, quā ea quæ iam nos fecisse gaudemus. Sed habet hoc humana infirmitas propriū, vt plus ei intueri libeat quod sibi in se placet, quā quod sibi in se displicet. Aeger quippe oculus cordis, dum laborare in consideratione sua metuit, quasi quoddam stratum delectationis in animo vbi molliter iaceat, requirit: atque idcirco quæ commoda de peractis bonis sit affecutus, intelligit, sed quæ damna de neglectis patitur, nescit. Plerūque enim hoc vitio tentantur etiam electi.

*Plus libet homini in-
tueri, quod
sibi in se
placet, quā
quod sibi
in se displicet.*

*Sancti viri
exultant cum
faciunt quæ
cognouerant,
deratur autem lætitia accipiendi, quando solerti prouidentia*

Plerumque eorum cordi suggeritur, ut bona quæque quæ fecerunt, ad animum reuocent, & securitatis iam lætitia exultent. Sed si verè electi sunt, ab eo in quo sibi placent, mentis oculos diuertunt, omnem in se deperactis bonis lætitiā deprimunt: & de his quæ se minus egisse intelligunt, tristitiam requirunt, indignos se æstimant, & penè soli, bona sua non vident, quæ in se videnda omnibus ad exemplum præbent.

Philip. 3

7

2. Timot. 4.

Hinc est quòd Paulus dum expleta in se bona postponeret, & sola adhuc reliqua quæ essent explenda cogitaret, dixit: Ego me non arbitror apprehēdisse. Hinc est quòd ut posset se bonis quæ agebat humiliare, studebat ad animum præterita mala reducere, dicens: Qui prius fui blasphemus, & persecutor, & contumeliosus. Qui & si aliquando dixit: Bonum certamen certavi, cursum consummaui, fidem seruavi: intuendum summopere est, quia eo illud tempore tulit, quo iam ex corpore discessurum se esse cognouit. Ibi quippe præmisit, dicens: Ego enim iam delibor, & tempus meæ resolutionis instat.

Tunc ergo ad memoriam perfectionem reduxit operis, cum iam præuidit ad largitatis spatium minimè subesse tempus operationis. Sicut enim dum viuimus, debemus bona nostra à memoria repellere ne extollant: ita appropinquante exitu, plerumque ea ad memoriam iustè reuocamus, ut videlicet fiduciam præbeant, & desperatum timorem præmant. Qui & si Corinthiis bona sua enumerando narrauit, illos confirmare studuit, non se ostendere. Nam quia eadem bona non in se attenderet, patefacta tribulatione propriæ tentationis edocuit, quæ expresse subiunxit: Propter quod placeo mihi in infirmitatibus meis. Ut ergo discipulos instrueret, de se summa referebat. Ut verò se in humilitate custodiret, considerationis oculum, non in virtutibus suis, sed in infirmitatibus fixerat. Habent itaque proprium sancti viri, ut bona quidem quæ agunt, videant: & tamen cum peregerint, ab eorum memoria oculos auertant. Vnde rectè per beatum Iob dicitur:

Si vidi Solem cum fulgeret. Ac si apertè diceret: Opus meum etiam cum aliis exemplorum lucem tribueret, ad præsumptionis gratiam non attendi: quia dum de eo extolli timui, ab intuendo eo oculos auerti. Sequitur: *Et Lunam incedentem clarè.* Post præmissum Solem, aptè quoque incedentem clarè Lunam subdidit: quia videlicet post opus bonum fama laudabilis sequitur, per quam celebre nomen in hac præsentis vitæ nocte possidetur. Si enim verum est, quod quidam putant, illustrationem Lunam per occultum circulum à radio Solis accipere, ut possit lucem nocturnis cursibus exhibere, ab huius significationis ordine hæc quoque suspitio non abhorret.

* al. splendoris.

Fama quippe à bono opere vires accipit, & fauoris gratiam quasi claritatem luminis aspergit. Est & aliud in Luna, quod per similitudinem bonam spargenti famæ cōueniat. Lux namque eius etiam in tenebrarum tempore iter ambulantibus ostendit: quia & dum de aliena vita lux laudis emicat, alios ad exercenda bona opera illustrat. Cumque illius opinio clara cognoscitur, huic quasi pergenti in itinere exempli lumen præbetur. Sed nonnunquam opus quod ab aliena opinione sumitur, minus mundo desiderio in animo formatur. Nam infirmæ mentes cum bona de aliis audiunt, aliquando se ad operationem rectam non amore virtutis, sed delectatione laudis accendunt. Et profectò liquet, quia sicut naturæ Solis est, ut quæque attigerit, accendat & siccat: ita lunaris ignis est proprium, ut quicquid contigerit, exurat quidem, sed exurendo humidum reddat. Ad vitam igitur bonam alios pro amore Dei affectus recti operis, alios verò amor laudis inflammat. Sed cum recti operis affectu accendimur, quasi per ignem Solis à vitiorum humore siccamur. Eum verò quem ad opus bonum laudis amor prouocat, concupita fama quasi Luna attingit, quia videlicet eius animum & accendit & resoluit. Accendit, scilicet ad exercitium operis, resoluit verò ad concupiscentiam fauoris. Plerumque tamen ad exercenda bona opera, aliena nos vtiliter exempla persuadent. Et cum mente humili opinionis alienæ bona suscipimus, nostra vel ad melius bona producimus, vel ad bonū mala permutamus. Cumque nos de vita proximi famæ splendor irradiat, mens nostra, ut prædiximus, quæ ad obtinendum virtutis iter se dirigit, quasi in Lunæ lumine gressus ponit. Sed sicut ex aliena opinione proficimus, sic plerumque si famæ nostræ laudibus inhiamus,

mus, à virtute vacuamur: quia cum delectatur animus in hoc quod de se extrinsecus haberi considerat, illud obliuiscitur ad quod introrsus anhelabat. Quia igitur sanctum virum intelligentia scientiæ non corrumpit, de multis diuitiis gaudere despexit. Quia verò eum magnitudo operis non inflauit, Solem fulgentem non vidit. Quia autem illum nec fama laudis extulit, clarè incedentem Lunam minimè attendit.

Sunt enim nonnulli qui eo in elationem corruunt, quo per subtilem intelligētiā, vel quæ non faciunt bona cognoscūt. Hi nimirum super multis diuitiis lætantur, cum quolibet summa intelligendo reperiunt, atque in elatione ipsis inuentionibus corrumpuntur. Sunt verò nonnulli quos intelligentia quidem non eleuat, sed exhibita operatio exaltat. Qui dum actiones suas respiciunt, apud mentem suam sibi cæteros dedignādo postponunt. Hi videlicet etsi in multis diuitiis non gaudent, Solem tamen fulgentem vident: quia de sola boni operis magnitudine quasi alios despiciendo tument. Et sunt nonnulli quos nec operatio propria extollit, sed cum laudari ab hominibus pro hac eadem bona operatione cœperint, ipsis hominum fauoribus deuicti, quasi magnos se quosdam in sua cogitatione conspiciunt, atque à cordis custodia dissoluntur. Hi profectò etsi fulgentem Solem videre noluerunt, Lunam tamen clarè incedentem respiciunt: quia inter huius vitæ tenebras dum in opinionis suæ claritate animum defigunt, humilitatis gratiam quasi ex nocturno lumine amittūt.

& intuentes Lunam, se non vident, qui semetipsos nescire incipiunt, dum mentis oculos in transitorium fauorem figunt. Sic autem profectus est hominum, sicut incrementa esse conspiciamus arborum. Vis quippe futuræ arboris, prius in semine est, post modum in ortu, atque ad extremum producit in ramis. Sic nimirum sic vnusquisque virtus succrescit operantis. Seminatur namque in intelligentia, oritur in operatione, atque ad vltimum conualescit vsque ad profectus magni latitudinem. Sed cum quemlibet sua intelligentia extollit, arbor quæ oriri poterat, in semine putrescit. Cum verò post operationem bonam elationis peste corrumpitur, quasi iam orta siccat. Cum autem neque intelligentia neque operatio corrumpit, sed ex crescente magnitudine, dum fauor laudantium sequitur, atque ab statu suo bene operantis animum euerit: linguarum ventos arbor pertulit, & omne quod in ea robustum creuerat, tempestas famæ radicibus euulsit.

Quo enim arbor altius ad superiora surrexit, eò ventorum vim vehementius sentit: quia quo plus quisque in bonis operibus attollitur, eo ampliori ab ore laudantium statu fatigatur. Si itaque adhuc arbor in semine est, metuendum est, ne ipsa scientiæ cognitione putrefiat. Si iam ad virgultum prodit, curandum est, ne hanc manus elationis tangat, atque à viriditate suæ actionis arefaciat. Si autem valenti robore iam ad alta se subleuat, valde formidandum est, ne hanc admotæ laudis ventus grauior radicibus euellat.

Sed inter hæc sciendum est, quia ne immoderatis laudibus erigamur, plerumque miro rectoris nostri moderamine, etiam detractionibus lacerari permittimur: ut cum nos vox laudantis eleuat, lingua detrahentis humiliet: quia & arbor sæpe quæ vnus venti impulsu ita impellitur, ut penè iam erui posse videatur, alterius è diuerso venientis flatu erigitur: & quæ hac ex parte inflexionem pertulit, ab alia ad statum redit. Vnde & illa arbor altè radicata, quasi inter aduersantes ventos fixa steterat, quæ dicebat: Per gloriam & ignobilitatem, per infamiam & bonam famam. Sæpe enim laus bene agentis auribus insolenter admota, dum foris sermonibus perstrepat, intus quandam mentis tacitam elationis tempestatem gignit: fitque ut hoc quod animus de humanis fauoribus gaudet, non facile exterius ostendat, sed tamen corruptionis vim non tenuiter interius sentiat. Et sunt nonnulli quos ita laus inflat, ut vsque ad verba elationis pertrahat. Quidam verò, ut prædiximus, hoc ipsum patefacere, quòd eleuantur, erubescunt, atque auditis suis præconiis extolluntur: sed tamen vsque ad elationis verba non exeunt, & gaudere se in talibus non ostendunt. Vnde beatus Iob, quia nouerat arrogantem se non solum nullo modo in verbis, sed etiam in cogitatione quoque tacita minimè fuisse, postquam dixit: *Si vidi Solem cum fulgeret, & Lunam incedentem clarè,* ilico subdidit: *Et latatum est in abscondito cor meum.*

Qua

2. Corin. 6.

Qua videlicet attestatione quid nobis innuitur, nisi quòd nobis magno metu, & circumspectione opus est, ne mens nostra vnquam de suis laudibus vel tacita latetur? Quisquis enim quasi claritatem I. unæ, famæ suæ magnitudinem conspicit, sibi in occulto mentis gaudium facit: cui iste nisi auctori se prætulit, cuius dono vt bene operaretur, præcipit, & tamen in eius munere de gratia suæ laudis hilarescit? Despecto enim honore conditoris, semetipsum plus amare conuincitur, cuius præconiis lætatur. Quauis nonnunquam etiam sancti viri de bona sua opinione gaudeant: sed cum per hanc ad meliora proficere audientes pensant, nec iam de opinione sua, sed de proximorum gaudent utilitate: quia aliud est fauores quærere, & aliud de profectibus exultare. Qua in re necesse est, vt cum audientium utilitati non proficit, mentem nostram fama laudabilis non eleuet, sed fatiget. Cum enim humanæ linguæ attestatione laudamur, occulta pulsatione requirimus, quid de nobis ipsis sentiamus, vt in hoc humiles permaneamus. Superba etenim mens etiam cum de se falsa bona dicuntur, exultat: quia non apud Deum qualiter viuat, sed apud homines qualiter innotescat, excogitat. Iudicium enim de se omnipotentis Dei despiciens, & solummodo hominum quærans, inter auditas laudes extollitur: & quæ hoc solum quæsierat, quasi de braui operis lætatur. At contrà, si cor veraciter humile est, bona quæ de se audit, aut minimè recognoscit: & quia falsa dicuntur, metuit: aut certè si adesse ea sibi veraciter scit, eo ipso formidat, ne ab æterna Dei retributione sint perdita, quòd hæc considerat hominibus diuulgata: pauetque vehementer, ne spes futuri muneris in mercedem permutetur transitorij fauoris. Qua ex re agitur, vt electorum animus magno laudum suarum igne crucietur, atque ab omni torporis sui rubigine mœrore cogitationis excoquatur. Cauta enim consideratione trepidat, ne aut de his in quibus laudatur, & non sunt, maius Dei iudicium inueniat: aut de his in quibus laudatur & sunt, competens præmium perdat. Vnde plerumque fit, vt sicut iniustus ex laude sua polluitur, ita vir iustus audita sua laude purgetur. Nam dū bona quæ egit, ab hominibus proferri cognoscit: subtile cōtra se, vt dictum est, extremi iudicij examen metuit, ac trepidus ad conscientiam recurrit: & quicquid illic inest reprehensibile, corrigit. Dum enim bona sua innotuisse formidat, subtilitatem secuturi examinis pertimescēs, si qua in se mala occulta sunt, amputat, Pauet nāque si saltem talis Deo non ostenditur, qualis ab hominibus putatur: & neque contentus est, vt in quo potuit innotescere, in hoc debeat remanere, Iam enim de bonis suis, quasi retributionem sibi factā estimat, nisi eis & alia quæ ab hominibus nesciuntur, adiungat. Vnde bene per Salomonem dicitur: Sicut probatur in conflatorio argentum, & in fornace aurum, ita probatur homo ore laudantis. Argentum quippe vel aurum si reprobum est, igne consumitur: si probū verò, igne declaratur. Sic nimirum est, & sensus operantis. Nam qualis sit in eo quòd laudatur, ostenditur. Si enim se auditis suis laudibus extollit, quid iste aliud quàm aurum, vel argentum reprobum fuit, què videlicet fornax linguæ consumpsit? Si autem fauores suos audiens, ad superni iudicij considerationem redit, ac ne de his apud occultum arbitrum grauetur, metuit: quasi ex purgationis igne ad magnitudinem claritatis excreuit: & vnde incendiū trepidationis sustinet, inde clarius fulget. Beatus igitur Iob, quia nequaquam de operatione se prætulit, fidenter dicit: *Si vidi solem cum fulgeret.* Quia verò hunc à iudicij interioris intuitu fama laudabilis non diuertit, adiungit: *Et Lunam incendens clarè.* Quia autem opinionis suæ gratia animum deuinci, nec tacita cogitatione permisit, protinus subdidit: *Et si lætatum est in abscondito cor meum.* Et quia plerumque inconsiderata mens, dū transitorio fauori non renititur, ad hoc vsque pertrahitur, vt laudet ipsa quod facit, conditioni quæ præmissa est, qua dicitur: *Si lætatum est in abscondito cor meum,* congruè subinfertur: *Et osculatus sum manum meam ore meo.* Per manum quippe operatio, per os autem locutio designatur: sicut per Salomonem dicitur: Abscondit piger manum suam sub anxilla sua, & laborat si ad os suum porrigat eam, Pigro labor est manum suam ad os porrigere: quia desidiosus quisque prædicator nec hoc vult operari quod dicit. Manum quippe ad os porrigere, est voci suæ opere concordare. Manum ergo suam osculatur ore suo, qui

laudat quod facit, & testimonio propriæ locutionis sibi virtutem tribuit operationis: Qua in re quis despicitur nisi is qui ipsa operandi munera largitur? Vnde bene per egregium prædicatorem dicitur. Quid autem habes quod non accepisti? Si autem accepisti quid gloriaris quasi non acceperis? Sancti autem viri sciunt post primi parētis lapsum, de corruptibili stirpe se editos, & non virtute propria, sed præueniente superna gratia ad meliora se vota vel opera commutatos: & quicquid sibi mali inesse cognoscunt, de mortali propagine sentiunt meritum: quicquid verò in se boni inspicit, immortalis gratiæ cognoscunt donum: eique de accepto munere debitores sunt, qui & præueniendo dedit eis bonum velle quod noluerant, & subsequendo concessit bonum posse quod volunt. Vnde bene per Ioannem dicitur: Adorauerunt viuētes in secula seculorum, mittentes coronas suas ante thronū Domini. Coronas nanque suas ante thronum Domini mittere, est certaminum suorum victorias non sibi tribuere, sed auctori, vt ad illum referant gloriam laudis, à quo se sciunt vires accepisse certaminis. Beatus ergo Iob, quia sic bona quæ operatus est, narrat, vt tamen hæc suæ operationi nō tribuat, sed ad auctoris laudem recurrat, manum suam ore suo osculatum fuisse se denegat. Ac si patenter dicat: Ego mea opera tanquam mea non profero: quia auctoris sui gratiam negare conuincitur, quisquis sibi tribuit quod operatur. Vnde & protinus subdit: *Quæ est iniquitas maxima, & negatio contra Deum altissimū.* Liquet etenim, quia illum negat, cuius despecta gratia, sibi vires boni operis arrogat. Quod rectè quoque & iniquitas maxima vocatur: quoniam omne peccatum quod ex infirmitate est, spem nequaquam perdit, qui à superno iudice veniam requirit. Præsumptio autem virtutis propriæ, tantò grauius in desperatione est, quantò longius ab humilitate. Cumque vires sibi tribuit operis, ad adiutorium non recurrit auctoris: fitque vt eò grauius peccator pereat, quòd & ipsum hoc quia est peccator ignorat. Sequitur:

Quòd summa sit perfectio charitatis, diligere inimicos, & de eorum profectu gaudere, & de ruina dolere.

Caput VI.

Si gaudis sum ad ruinam eius qui me oderat, & exultauit quòd inuenisset eum malum. Omnipotentis Dei nos esse discipulos, sola custodia charitatis probat. Hinc est enim quod per se-
metipsam veritas dicit: In hoc cognoscet omnes, quia mei discipuli estis, si dilectionem habueritis adinuicem, *Quæ nimirum dilectio si cor nostrum veraciter replet, duobus modis ostendi solet: scilicet si & amicos in Deo, & inimicos diligimus propter Deum.* Sed sciendum est, quia inimici dilectio tunc veraciter custoditur, cum nec de profectu addicimur, nec de ruina illius letamur. Nam sæpe in dilectionis imagine erga inimicum animus fallitur, sequè hunc diligere æstimat, si eius vitæ contrarius non existat. Sed dilectionis vim, occultè & veraciter, aut profectus inimici, aut casus interrogat. Hac etenim de re ad plenum semetipsam mens hominis nescit, nisi eum quem sibi aduersarium credit, in defectu vel profectu mutasse modum sui status inuenierit. Si enim de prosperitate addicatur, & de calamitate se odientis lætatur: constat, quia non amat quem non vult esse meliorem: eumque etiam stantem voto persequitur, quem cecidisse gratulatur. Sed inter hæc sciendum est, quia euenire plerumque solet, vt non amissa charitare, & inimici nos ruina lætificet, & rursum eius gloria sine inuidiæ culpa contristet: cum & ruente eo quosdam bene erigi credimus, & proficiente illo, plerisque iniuste operari formidamus. Qua in re mentem nostram, nec eius iam defectus erigit, nec eius profectus addicit, si recta nostra cogitatio, non quid in ipso, sed quid de ipso circa alios agatur, attendit. Sed ad hæc seruanda valde est necessarium subtilissimæ discretionis examen: ne cum nostra odio exequimur, fallamur sub specie utilitatis alienæ. Si enim de inimici morte gaudendum omnino non esset, Psalmista nō diceret: Lætabitur iustus cum viderit vindictam impiorum. Sed aliud est impium, aliud verò inimicum perpeti. Nam sunt plerique inimici qui non sunt impij: & sunt nonnulli impij qui nobis specialiter non videntur inimici. Humana autem mens omnem inimicū quem tolerat, etiam impium & iniquum putat: quia eius culpas apud cogitationē suā liuor accusator exaggerat. Qui-

Apoc. 4.

Ioan. 13.

It.

Lætificat nos quandoque ruina inimicorum.

Psal. 57.

Gaudet nonnunquam sancti viri de bona sua opinione.

Prover. 27.

Io.

Prover. 19.

buslibet verò flagitiis prematur, minus iniquus creditur, si aduersarius minimè sentitur. Qua in re discernendum est, aliud esse quod nobis, aliud verò quod sibi & cæteris noster inimicus nocet. Nam si aliis bonus est, sine nostra forsitã culpa esse non potest nobis malus: nec omnino iam de eius ruina gaudendum est, cuius nos solos certum est aduersa tolerasse. Cùm verò noster ac multorum hostis perimitur, de ereptione proximorum potius quàm de inimici iuteritu necesse est, ut animus lætetur. Oportet nanque ut pereunte aduersario subtiliter pensare debeamus, & quid debemus ruinæ peccatoris, & quid iustitiæ ferientis. Nam cùm peruersum quenque omnipotens percutit: & condolendum est miseræ pereuntis, & congaudendum iustitiæ iudicis: *ut nobis & in luctu sit pœna morientis proximi, & rursus, in gaudium veniat exhibita æquitas iudicantis Dei: quatenus nec pereunti homini existamus aduersarii, nec iudicanti Deo inueniamur ingrati.* Beatus igitur Iob, quia cuncta in aduersitate odia perfectè calcauit, dicat: *Si gaudis sum ad ruinam eius qui me oderat, & exultavi quod inuenisset eum malum:* qui videlicet & inimicum diligens, dum aduersario ruenti condoluit, in malis illius ipse ad bonum creuit, ut inde iste ad benignitatem cresceret, vnde illum mala quæ merebatur, inuenissent. Quia verò sæpe nonnulli eos quos sibi aduersarios æstimant, maledictione feriunt, quoniam virtute nequaquam possunt: in quibus patenter apparet, quæ mala si possent facerent, qui ea quæ facere nequeunt, impreari minimè desistunt: beatus Iob ostendens se à culpa etiam maledictionis alienum, secutus adiunxit: *Non enim dedi ad peccandum guttur meum, ut expeirem maledicens animam eius.* Peccaret quippe, si hoc optaret à Deo fieri, quod ipse facere vel omnino non posset: vel si posset, minimè deceret. Nam qui maledictionibus inimicum impetunt, quid aliud in illo facere Deum volunt, nisi quod ipsi facere aut nequeunt, aut erubescunt? Mortem nanque aduersario exoptant, quam & si possunt, inferre metuunt: ne aut perpetrati homicidij rei teneantur, aut iniqui appareant etiam cùm sint. Quid est ergo Deo dicere: Occide quem odi, nisi apertis ei vocibus clamare: Hoc fac meo aduersario quod me in illum facere nec peccatorem decet? In quibus profectò verbis pensandum nobis est, ubi iste vir legerat: Diligite inimicos vestros. Et vbilegerat: Benedicite, & nolite maledicere. Et rursus: Non reddentes malum pro malo, nec maledictum pro maledicto. Sed exterius non audita supernæ gratiæ præcepta seruabat, quia hæc in mente illius sancti Spiritus afflatus scribebat. Cui tamen minus esset, quod positis extrà diligeret, nisi & interius viuentes, secumque quotidie conuersantes etiam familiares aduersarios toleraret. Vnde subiungit:

Quod sancti viri multos ex domesticis suis, exoptatores mortis suæ æquanimiter tolerant.

Caput VII.

SI non dixerunt viri tabernaculi mei, Quis det de carnibus eius ut satureremur? Quæ nimirum sententia potest quoque per mysterium ex voce redemptoris intelligi. Viri quippe eius tabernaculi de carnibus illius saturari cupierunt: vel Iudæi scilicet persequentes, vel gentiles credentes: quia & illi moliti sunt corpus illius, quasi consumendo extinguere: & isti esurientem mentem suam desiderant quotidianæ immolationis sacrificio de eius carnibus satiare. Sed nunc solius historiæ virtutem sequentes, pensemus quanta fortitudine sancti viri animus extra, intraque sollicitus ad omnia paratur. Qui si iniuste agentibus, aut vnquam per silentium cederet, aut per rectitudinem non contraheret, profecto aduersarios non habuisset. Sed in eo quod vias vitæ tenuit, exoptatores suæ mortis inuenit. Foris patentes aduersarios pertulit, intus latentes. Minor est autem virtus certaminis, foris quempiam videre mala quæ superet, & intus quod toleret non habere. Perfectæ autem magnitudinis laus est aduersa perpeti, & exterius fortiter, & interius clementer. Nam sunt nonnulla quæ in ipsa quoque familiarium conuersatione corrigi nequeunt, sine culpa corrigentis: atque ideo cùm vel corrigentem inquinant, vel omnimodo hæc agentem grauant, magna magisterij arte dissimulanda sunt, ipsaque hac dissimulatione toleranda. Quæ contra nos illata citius à corde laxamus, si

nostra circa proximos errata cognoscimus. Vnde bene quod per Salomonem dicitur: Cunctis sermonibus qui dicuntur, ne accommodes cor tuum, ne fortè audias seruum tuum maledicentem tibi. Scit enim tua conscientia, quia & tu crebrò maledixisti aliis. Dum enim pensamus quales erga alios fuimus, esse circa nos tales alios minus dolemus: quia aliena iniustitia in nobis vindicat, quod in se iuste nostra conscientia accusat. Sequitur:

Quanta hospitalitatis sanctus Iob fuit, cuius osium patens, peregrinus & viator inuenit.

Caput VIII.

Foris non mansit peregrinus, osium meum viatori patuit. Quia teste Paulo, charitas patiens & benigna describitur: per patientiam aliena mala æquanimiter tolerat, per benignitatem quoque bona misericorditer impendit sua. Vnde beatus Iob, & patienter domesticos maledicentes pertulit, & viatores atque peregrinos apud se benignè suscepit: illis morum exempla tribuens, istis exteriorum ope concurrens: illis per mansuetudinem non concitus ad irascendum, istis per misericordiam ad subueniendum paratus. Vir etenim sanctus redemptorem generis humani per prophetiæ spiritum intuens, prædicamenta quoque illius in opere seruabat, quibus nos admonet, dicens: Dimittite, & dimittetur vobis: date & dabitur vobis. Dare nanque ad res pertinet, quas exterius habemus: dimittere autem ad relaxandum dolorem quem interior ex aliena culpa contrahimus. Sed sciendum est, quia qui omnino dimittit & non dat, etsi non plenè operatus est, meliorem tamen partem misericordiæ tenuit. Qui autem dat, & minimè dimittit, omnino misericordiam nullam facit: quia ab omnipotente Deo munus ex manu non accipitur, quod corde obligato in malitia profertur. Mundari etenim debet prius animus qui elemosinam præbet: quia omne quod datur Deo, ex dantis mente pensatur. Cuncta itaque malitiæ macula ab interiori nostro homine cogitationis immutatione tergendæ est: quia iram iudicis placare nescit oblatio, nisi ex munditia placeat offerentis. Vnde scriptum est: Respexit Deus ad Abel & ad munera eius: ad Cain autem & ad munera eius non respexit. Neque etenim sacrum eloquium dicit: Respexit ad munera Abel, & ad Cain munera non respexit: sed prius ait, Quia respexit ad Abel: ac deinde subiunxit: Et ad munera eius. Et rursus dicit, quia non respexit ad Cain: ac deinde subdidit: Nec ad munera eius. Ex dantis quippe corde id quod datur, accipitur. Idcirco non Abel ex muneribus: sed ex Abel munera oblata placuerunt. Prius nanque ad eum legitur Dominus respexisse qui dabat, quàm ad illa quæ dabat. Vnde bene beatus Iob dicturus nobis in hospitalitatis gratia largitatem suam, prius circa aduersarios protulit patientiam & benignitatem suam: quod de ruina non exultauit inimici, quod verbis maledicis persecutores suos non impetiit, quod sæuientes intrinsecus æquanimiter tolerauit, & tunc demum hospitalitatis suæ munificentiam protulit: ut audito scilicet narrationis eius ordine, discamus, quia exteriora munera ex interna cordis munditia condiuntur: ut virtutum eius contextio lectorem doceat, qualis apud se esse debeat, cùm exteriora bona aliis subministrat. Sed quis se inter tanta virtutum culmina sanctum esse non crederet. Quis non vt cunque ipsis tot meritis tentaretur: vt si quando vt homo delinqueret, delictum suum hominibus nollet innotesci: & leue esse crederet, si quid in minimis peccaret, culpamque suam mallet silentio tegere, quàm voce confessionis aperire? Sæpe nanque contingit, vt elatus virtutibus animus, dum multa bona in æstimatione proximorum de se spargi cognouerit, agnoscere non velit, si quid est quod reprehensibiliter facit. Quas videlicet erroris tenebras idcirco mens tolerat, quia cordis oculum tumor grauat. Vnde beatus Iob inter tot eximia facta virtutum, qui tam summus extitit in operatione, vt demonstraret, quàm humilis fuerit in mente, protinus adiunxit.

Quod quasi homo abscondit peccatum, qui ad imitationem primi hominis, vel erubescit cōfiteri quod male fecit, vel defendit.

Caput IX.

SI abscondi quasi homo peccatum meum, & calaui in sinu meo iniquitatem meam. Hæc sunt nanque veræ humilitatis testimonia, & iniquitatem suam quenque cognoscere, & cognitam voce

Lucæ 6.
1. Petri 3.

12.

† al. partitur.

Ecclesi. 7.

1. Corin. 13.

Lucæ 6.

Gene. 4.

voce confessionis aperire. At contrā vſitatum humani generis vitium eſt, & latēdo peccatum committere, & commiſſum negando abſcondere, & conuiſtum defendēdo multiplicare. Ex illo quippe lapſu primi hominis hæc augmenta nequitie ducimus, ex quo ipſam radicem traximus culpæ. Sic nanque ille dum lignum vetitum contigiffet, abſcondit ſe à facie Domini inter ligna paradifi. In qua abſcōſione, ſcilicet quia Deū latere non poterat: non latendi effectus deſcribitur, ſed affectus notatur. Qui cū argueretur à Domino, quod de ligno vetito contigiffet, ilico reſpondit: Mulier quam dediſti mihi ſociam, ipſa mihi dedit de ligno, & comedi. Ipſa quoque mulier inquiſita reſpondit, dicens: Serpens decepit me, & comedi. Ad hoc quippe requiſiti fuerant, vt peccatum quod transgrediendo commiſerant, confitendo delerent. Vnde & ſerpens ille perſuaſor, qui non erat reuocandus ad veniam, non eſt de culpa requiſitus. Interrogatus itaque homo eſt ubi eſſet, vt perpetratam culpam reſpiceret, & confitendo cognosceret, quam longè à conditoris ſui facie abeſſet. Sed adhibere ſibi met vtique deſenſionis ſolatia, quā confessionis elegerūt. Cūque excuſare peccatū voluit vir per mulierē, mulier per ſerpentem: auxerunt culpam quam tueri conati ſunt: obliquè Adam Dominum tangens, quod ipſe peccati eorum actor extiterit, qui mulierem fecit: & Eua culpam ad Dominum referens, qui ſerpentem in paradifo poſuiſſet. Qui enim ore diaboli fallentis audierant: Eritis ſicut dii: quia Deo eſſe ſimiles in diuinitate nequiuerūt, ad erroris ſui cumulum Deū ſibi facere ſimilem in culpa conati ſunt. Sic ergo reatum ſuum dum defendere moliantur, addiderunt, vt culpa eorum atrocior diſcuſſa fieret, quā fuerat perpetrata. Vnde nunc quoque humani generis rami ex hac adhuc radice amaritudinem trahunt: vt cū de vitio ſuo quiſque arguitur, ſub deſenſionū verba, quaſi ſub quēdam ſe arborum ſolia abſcondat, & velut ad quēdam excuſationis ſuæ opaca ſecreta faciem conditoris fugiat, dum non vult cognosci quod fecit. In qua videlicet occultatione non ſe Domino, ſed Dominum abſcondit ſibi. Agit quippe ne omnia videntem videat, non autem ne ipſe videatur. Quo contrā cuique peccatori iam exordium illuminationis, eſt humilitas confessionis: qui ſibi metipſi iam parcere renuit, qui malum non erubeſcit confiteri quod fecit: & qui defendendo accuſari potuit, accuſando ſe celerrimè deſedit. Vnde & mortuo Lazaro, qui mole magna premebatur, nequaquam dicitur: Reuiuiſce ſed, Veni foras. Ex qua ſcilicet reſurrectione quæ geſta in illius eſt corpore, ſignatur qualiter nos reſuſcitēmur in corde: cū videlicet mortuo dicitur, Veni foras: vt nimirū homo in peccato ſuo mortuus, & per molē malę conſuetudinis iam ſepultus, qui intra conſcientiā ſuam abſconſus iacet per nequitiam, à ſeipſo foras exeat per cōfeſſionem. Mortuo enim, Veni foras dicitur: vt ab excuſatione atque occultatione peccati, ad accuſationē ſuam ore proprio exire prouocetur. Vnde Dauid propheta ab illa tātī mole facinoris reuiuiſcēs, ad vocem Domini quaſi foras exiit, dū per Nathā correptus, quod fecerat accuſauit. Quia igitur hæc occultationis culpa in humano genere vehemētē excreuit, bene beatus Iob cū diceret: *Si abſcondi peccatum meum*, interpoſuit: *Quaſi homo*. Hominis quippe eſſe propriū conſpicit, quod ex parentis veteris imitatione deſcendit. Vbi aptè ſubditur: *Quod perfectæ humilitatis indicium ſi, peccata, & vltro accuſare, & aliis accuſantibus non negare.* Caput X.

ET calani in ſinu meo iniquitatem meam.) Scriptura etenim ſacra plerunque ſinum ponere, pro mente conſuevit: ſicut voce Eccleſiæ de perſecutoribus noſtris, qui nobis natura quidem coniuncti ſunt, ſed vita diſiuncti, per Pſamiſtam dicitur: Redde vicinis noſtris ſeptuplum in ſinu eorum. Ac ſi apertè diceretur. In mente ſua recipiant hoc, quod in noſtris corporibus ſeuientes operantur: vt dum nos exterius ex parte puniunt, ipſi interius perfectè puniantur. Quia igitur ſinus ſecretum mentis accipitur, in ſinu iniquitatem cælare, eſt hæc in conſcientiā latibulis occultare, nec per confessionem detegere, ſed per deſenſionem velare. Quo contrā Iacobus dicit: Conſitemini alterutrum peccata veſtra, & orate pro inuicem vt ſaluemini. Salomon quoque ait: Qui abſcondit ſcelera ſua, non dirigetur: qui autem confeſſus fuerit & dereliquerit ea, miſericordiam conſequetur. Sed inter hæc ſciēdum eſt quod

plerunque homines & culpas confitentur, & humiles nō ſunt. Nam multos nouimus, qui arguente nullo, peccatores ſe eſſe confitentur: cū verò de culpa ſua fuerint fortasſe correpti, deſenſionis patrocinium quærunt, ne peccatores eſſe videantur. Qui ſi tunc cū id ſponte dicunt, peccatores ſe eſſe veraci humilitate cognoscerent: cū arguuntur ab aliis, eſſe ſe quod confeſſi fuerant, non negarent. Qua in re indicia veræ confessionis ſunt, ſi cū quiſque ſe peccatorem dicit, id de ſe dicenti etiam alteri non contradicit. Nam quia ſcriptum eſt: Iuſtus in principio accuſator eſt ſui: non magis peccator, ſed iuſtus videri appetit, cū peccatorem ſe quiſque nullo arguente confitetur, ſed confessionis veritatē probat, cū alter malum quod fecimus, increpat. Quod ſi ſuperbè defendimus, liquet, quia peccatores nos ex nobis ſicē dicebamus. Vnde ſummopere curandum eſt, vt mala quæ fecimus, & ſponte fateamur, & hæc aliis arguētibus non negemus. Superbię quippe vitium eſt, vt quod de ſe fateri quiſque quaſi ſua ſponte dignatur, hoc ſibi dici ab aliis dedignetur. Beatus itaque Iob quantæ fuerit humilitatis oſtendit, qui ſe & inter aduerſarios nouerat viuere, & tamen non verebatur culpas voce confessionis aperire. Sed notandum, quod ſuperius virtutes ſuas loquitur, inferius peccatum fatetur. Hinc enim liquidò demonſtrat, quā vera de bonis ſuis dixerat, qui noluit tacere de malis. Modò virtutes ſuas indicat, modò culpam: quia & perpetraverit peccatum, & non tacuerit, manifeſtat. Vnde certifiſimè apparet quantæ munditiæ in omnipotentis Dei oculis fuerit, qui & vitauit mala ne committeret, & tamen quæ eum committere contigit, hominibus non abſcondit: quatenus ei & iuſtitia ſit gloria, declinaſſe peccatum, & iuſtitiaſ custodiam, quod non potuit declinare, prodidiſſe. Videatur vir iſte cuilibet magnus in virtutibus ſuis, mihi certè ſublimis apparet, etiā in peccatis ſuis. Mirentur in eo qui volunt caſtitaſ continentiam, mirentur integritatem iuſtitiaſ, mirentur viſcera pietatis: ego in eo non minus admiror confessionem humilimaſ peccatorum, quā tot ſublimia geſta virtutum. Scio enim quod per infirmitatis verecundiam plerunque grauioris eſt certaminis commiſſa peccata prodere, quā non admiſſa vitare: & vnūquodque malum quāuis robuſtius vitetur, tamē humilius proditur. Beatus ergo Iob qui tot magnis operibus ſultus confiteri culpā non erubuit, oſtēdit in virtutibus quā humilis fuit. Sed quia ex humilitate vera ſecura ſemper authoritas naſcitur: vt tantò foris nil metuat, quāto ad rerum culmina animus per elationis deſideriū non anhelat, expreſſa cōfeſſione peccati, rectè ſubiungitur: Si expaui ad multitudinē nimiaſ, & deſpectio propinquorum terruit me: & non magis tui, nec egreſſus ſum oſtium. Magna eſt ſecuritas cordis, nil concupiſcētiaſ habere ſecularis. Nam ſi ad terrena adipiſcenda cor inhiat, ſecurum tranquillū me eſſe nullatenus poteſt: quia aut non habita concupiſcit vt habeat, aut adepta metuit ne amittat: & dū in aduerſis ſperat proſpera, in proſperis formidat aduerſa. huc illucque quaſi quibuſdā fluctibus voluitur, ac per modos varios rerum alternantiū mutabilitate verſatur. Sin verò ſemel in appetitione ſupernæ patriæ forti ſtabilitate animus figitur, minus rerum temporalium perturbatione vexatur. A cunctis quippe externis motibus eandem intentionē ſuam, quaſi quendam ſecretiſſimū ſeceſſum petit: ibique incōmutabiliter inhærēs, & mutabilia cuncta tranſcēdens, ipſa iam trāquillitate quietis ſuæ in mūdo extra mūdū eſt. Excedit proſectò ima omnia intentione ſummorū, & cunctis rebus quas nō appetit, libertate quadā ſe ſuperēſſe ſentit, nec tempeſtatem rerum temporalium intus ſuſtinet, quam intuetur foris: quia terrena omnia, quæ cōcupita opprimere mētem poterant, deſpecta ſubteriacēt. Vnde bene per Prophetā dicitur: Statue tibi ſpeculā: vt dum quiſq; ſpeculatur ſummaſ, ſuperemineat infimis. Hinc etiā Abacuc dicit: Super cuſtodiam meam ſtabo. Stat quippe ſuper cuſtodiam ſuam, qui per ſolertiam diſciplinæ terrenis deſideriis nō ſuccūbit, ſed ſupereminet: vt dum ſemper ſtātem appetit æternitatem, infra ſe ſit ei omne quod tranſit. Tamen quia ſanctus vir quātalibet virtute proſecerit, eum in hac vita poſitū adhuc extrinſecus carnis infirmitas premit, vt ſcriptum eſt: Quanquam in imagine Dei ambulet homo, tamen vanè conturbatur: plerunque agitur, vt & turbetur exterius, & imperturbabilis duret interi⁹: & quod

Prouer. 18.

15.

Hicr. 31.

Abac. 2.

Pſalm. 38.

Abac. 3.

Psal. 115.

vanè conturbari potest, de infirmitate carnis sit, quanuis in imagine Dei ambulet de virtute mètis: quatenus & roboretur intus diuino adiutorio, & tamen adhuc foris sarcina prematur humana. Vnde bene Abacuc iterum vnam sententiam protulit ad vtraq; seruientem, Ait enim: Et introiuit tremor in ossa mea, & subtus me turbata est virtus mea. Ac si diceret: Non mea virtus est, in qua superius raptus imperturbabilis maneo: sed meę infirmitatis est, in qua inferius turbor. Ipse ergo super se imperturbabilis est, ipse sub se perturbabilis: quia super se ascenderat, in quantum rapiebatur ad summa: & sub semetipso erat, in quantum adhuc reliquias trahebat in infima. Ipse super se imperturbabilis est, quia in Dei iam contemplationem transierat: ipse sub se perturbabilis, quia sub semetipso adhuc infirmus homo remanebat. Huic sententię David Propheta concinens, ait: Ego dixi in excessu mentis meę, Omnis homo mendax. Cui responderi potest: Si omnis, & tu. Falsaque iam erit sententia quam mendax ipse protulisti. Si verò ipse non es mendax, vera iam sententia non erit: quia dum tu verax, non omnis homo cognoscitur mendax. Sed notandū est, quòd præmittitur: Ego dixi in excessu mentis meę. Per excessum ergo mentis, etiam semetipsum transiit, cum de hominis qualitate definiuit. Ac si patenter dicat: De falsitate omnium hominum inde veram sententiam protuli, vnde ego ipse super hominem fui. Intantum verò & ipse mendax in quantum homo: intantum autem omnino non mendax, in quantum per excessum mentis super hominem. Sic itaque sic perfecti omnes, quanuis adhuc aliquid turbulentum de infirmitate carnis tolerant, iam tamen intrinsecus tranquillissimo secreto perfruuntur per contemplationem mentis: vt quicquid acciderit exterius, in nullo turbet interius. Vnde beatus Iob securitatem in se esse mentis ostendens, postquam de se tot virtutum prædicamenta protulit, hoc quod præmisimus secutus adiunxit:

Quòd sancti eos non timeant, à quibus nihil expectant: & contempti à proximis cum omni patientia sustinentes, ad contumelias nec verbum reddunt. Caput XI.

16

Si expaui ad multitudinem nimiam, & despectio propinquorum terruit me, & non magis tacui, nec egressus sum ostium. Ac si apertius dicat: Turbatis contra me extrinsecus alii, ipse in me intrinsecus imperturbabilis mansi. Quid nanque in hoc loco ostium, nisi os debemus accipere? Per hoc quippe quasi egredimur, dum verbis quibus possumus, secreta nostri cordis aperimus: & quales intus manemus in conscientia, tales foras egredimur per linguam. Sunt verò nonnulli qui omnino despici metuunt, ac ne viles fortasse iudicentur, sapientes videri appetunt. Hi coguntur ostium egredi: quia pulsati contumeliis, quàm magni apud se lateant, loquentes denuntiant. Dumque per impatientiam victi, quædam de se quæ nesciebantur, produnt, tanquam per oris ostium egrediuntur. Vnde beatus Iob dicturus, quòd oris ostium non fuisset egressus, bene præmisit, Tacui: quia videlicet impatientia turbatus, à domo conscientię exisset, si tacere nescisset.

Quòd exemplo Domini, ibi de doctrina cœlesti silendum est, vbi auditores non ad adificationem, sed ad curiositatem conueniunt.

Caput XII.

Sancti etenim viri in commotionis tentatione semetipfos ostendere omnino refugiunt, & cum audientibus prodesset nequeunt, etiam despici tacentes volunt, ne de sapientię suę ostentatione glorientur. Cùmque aliquid dicunt prudenter, non quærunt gloriam suam, sed auditorum vitam. Cùm verò conspiciunt, quia auditorum vitam loquendo lucrari non possunt, tacendo abscondunt scientiam suam. Ad imitandum quippe viam Domini, quasi ad quoddam nobis propositum signum currimus. Ipse enim, quia Herodem vidit non profectum quærere, sed signa vel scientiam velle mirari, requisitus ab eo tacuit: & quia constanter tacuit, ab eo irrisus exiuit. Scriptum nanque est: Herodes autem viso Iesu, gauisus est valde: erat enim cupiens ex multo tempore videre eum, eo quòd audiret multa de illo, & sperabat signum aliquod videre ab eo fieri. Vbi subditur: Interrogabat autem illum multis sermonibus: at ipse nihil illi respondebat. Tacens verò Dominus quàm sit despectus ostenditur, cùm illic protinus subinfertur: Spreuit autem illum Herodes cum exer-

Luca. 23.

Ecitu suo, & illulit. Quod videlicet factum oportet nos audientes discere: vt quoties auditores nostri, nostra volunt quasi laudanda cognoscere, non autem sua peruersa mutare, omnino taceamus: ne si ostentationis studio verbum Dei loquimur, & illorum culpa quæ erat, esse non desinat, & nostra quæ non erat, fiat. Dicat fortasse aliquis. Vnde nouimus quocorde quis audiat? Sed multa sunt quæ audiētis animum produnt: maximè si auditores nostri, & semper laudent quod audiunt, & nunquam quod laudant, sequuntur. Hanc inanem loquendi gloriam prædicator egregius fugerat, cùm dicebat: Non enim sumus sicut plurimi, adulterantes verbum Dei: sed ex sinceritate, sicut ex Deo coram Deo in Christo loquimur. Adulterari nanque verbum Dei, est aut aliter de illo sentire quàm est, aut ex eo non spiritales fructus, sed adulterinos fœtus quærere laudis humanæ. Ex sinceritate verò loqui, est nil in eloquio extra quàm oporteat quærere. Sicut ex Deo autem loquitur, qui scit non se à se habere, sed ex Deo accepisse quod dicit. Coram Deo verò loquitur, qui in omni quod præsentia intendit: non suam, sed authoris gloriam requirit. Qui autem scit quidem ex Deo se accepisse quod dicit, & tamen dicendo propriam gloriam quærīt: sicut ex Deo loquitur, sed non coram Deo: quia eum quem cordi suo non proponit cùm prædicat, quasi absentem putat. Sed sancti viri & ex Deo loquuntur, & coram Deo: quia ab eo se sciunt habere quod dicunt, & ipsum suis sermonibus adesse iudicem adiutoremque considerant. Vnde fit, vt cùm se à proximis despici agnoscunt, suęque dicta vitæ audientium non prodesse, abscondant quantæ virtutis sint: ne si secretum cordis inutiliter sermo prolatus aperiat, ad inanem gloriam prorumpat. Beatus igitur Iob inter obstinatas mentes non appetens ex virtutis suę patefactione clarescere, ait: Si despectio propinquorum terruit me, & non magis tacui, nec egressus sum ostium. Qui enim per humilitatem solidus, nequaquam despici timuit: hūc vt foras lingua eiiceret, impatiētia non euicit. Vbi bene præmittitur: Si expaui ad multitudinem nimiam: vt cuius constantia fuerit, agnoscat, quia videlicet nequaquam terret exterius numerus hominum, quem non deuastat interius turba vitiorum. In hac etenim vita qui nulla prospera appetit, nulla proculdubio aduersa pertimescit. Quæ scilicet verba si ad intellectum mysticum pertrahimus, in eis citius operationem nostri redemptoris inuenimus. Ipse quippe ad multitudinem nimiam non expaui, qui persecutores suos cum gladiis & fustibus venientes, vna tantum responsione perculit, dicens: Ego sum. Ipsum despectio propinquorum non terruit, qui nos ab æternis suppliciis liberans, palmas in facie æquanimiter accepit. Ipse tacuit, & ostium egressus non est: qui sub ipsa iam hora passionis cùm humanitatis infirma pateretur, diuinitatis potentiam exercere noluit. Mediatori quippe Dei & hominum, quasi egredi ostium fuisset, si cùm teneretur vt homo maiestatis suę potentiam voluisset ostendere: & per diuinitatis magnitudinem, susceptæ carnis infirma transire. Vt autem apertius homo mori posset, Deus mansit occultus: quia si cognouissent, nunquam Dominum glorię crucifixissent. Non est ergo egressus ostium, qui & requisitus à Pilato tacuit: atque inter persecutorum manus & corpus passioni obtulit, quod pro electis assumpserat, & resistentibus noluit demonstrare quod erat. Vnde etiam per Psalmistam dicitur: Posuerunt me in abominationem sibi, traditus sum, & non egrediebar. Cùm enim despiceretur, quia homo videbatur, egressus esset, si occultam maiestatem suam ostentare voluisset. Sed quia infirmitatem prodidit, potentiam abscondit: in eo quòd persecutoribus suis incognitus mansit, ad eos minimè exiuit. Qui tamen ad electos exit: quia diuinitatis suę suauitatem quærentibus aperit. Vnde ei per Prophetam dicitur: Existi in salutem populi tui, vt saluos facias Christos tuos. Sequitur:

Quòd efficaciores voces in auribus Dei habeant desideria sancta, quàm verba clamorosa. Caput XIII.

Quæ mihi tribuat adiutorem, vt desiderium meum omnipotens audiat? Sanctus vir postquam tot virtutum suarum sublimia gesta narrauit, sciens quòd suis meritis ad summa peruenire nequeat, adiutorem quærīt. Et quem, nimirum nisi vni-

17

2. Corin. 12.

1. Corin. 12.

Psal. 87.

Abac. 3.

18

nire nequeat, adiutorem quærit. Et quem, nimirum nisi vnigenitum Dei filium contemplatur, qui humanam naturam in hac mortalitate laborantem dum suscepit, adiuit? Ipse quippe adiuit hominem factus homo: vt quia puto homini via redeundi non patebat ad Deum, via redeundi fieret per hominem Deum. Longè quippe distabamus, à iusto & immortalis, nos mortales & iniusti. Sed inter & immortalem iustum, & nos mortales iniustos apparuit mediator Dei & hominum, mortalis & iustus, qui & mortem haberet cum hominibus, & iustitiam cum Deo: vt quia per ima nostra longè distabamus à summis, in seipso vno iungeret ima cum summis: atque ex eo nobis via redeundi fieret ad Deum, quo summis suis ima nostra copularet. Hunc ergo beatus Iob per totius Ecclesiæ significationem loquens, mediatorem requirit, qui cum dixisset: *Quis mihi tribuat adiutorem, aptè subdidit: Vnde desiderium meum omnipotens audiat.* Sciebat quippe, quod ad requiem liberationis æternæ, humanæ preces nisi per aduocatum suum audiri non possent. De quo per Ioannem apostolum dicitur: Si quis peccauerit, aduocatum habemus apud patrem Iesum Christum iustum, & ipse est propitiatio pro peccatis nostris: non pro nostris autem tantum, sed etiam pro totius mundi. De quo Paulus apostolus dicit: Christus Iesus qui mortuus est pro nobis, imò qui & resurrexit, qui est in dextera Dei, qui etiam interpellat pro nobis. Vnigenito enim filio pro homine interpellare, est apud coæternū patrem seipsum hominem demonstrare: eique pro humana natura rogasse, est eandem naturam in diuinitatis suæ celsitudine suscepisse. Interpellat igitur pro nobis Dominus nō voce, sed miseratione: quia quod damnari in electis noluit, suscipiēdo liberauit. Adiutor ergo quæritur, vt desiderium exaudiat: quia nisi pro nobis interpellatio mediatoris intercederet, ab aure Dei proculdubio nostrarū precum voces silerent. Notandum quoque est, quod nequaquam dicitur preces, sed desiderium meū omnipotens audiat. Vera quippe postulatio nō in oris est vocibus, sed in cogitationibus cordis. Valentiores nanque voces apud secretissimas aures Dei non faciunt verba nostra, sed desideria. Aeternam etenim vitam si ore petimus, nec tamen corde desideramus, clamantes tacemus. Si verò desideramus: ex corde, etiam cum ore conticescimus, tacentes clamamus. Hinc est quod in eremo populus vocibus perstreperet, & Moyses à strepitu verborum tacet: & tamen silens aure diuinæ pietatis auditur, cum dicitur: *Quid clamas ad me? Intus ergo in desiderio est clamor secretus, qui adhuc ad humanas aures nō peruenit, & tamen auditum conditoris replet.* Hinc est quod Anna ad templum pergens, ore quidem tacuit, & tamen tot sui desiderij voces emisit. Hinc in Euangelio Dominus dicit: *Intra in cubiculum tuum, & clauso ostio tuo ora patrem tuū in abscondito: & pater tuus qui videt in abscondito, reddet tibi.* Clauso quippe ostio perit in cubiculo, qui tacente ore in conspectu supernæ pietatis fundit affectum mentis. Et vox auditur in abscondito, cum per sancta desideria silenter clamatur. Vnde rectè quoque per Psalmistā dicitur: *Desiderium pauperum exaudiuit Dominus: preparationem cordis eorum audiuit auris tua.* Sed beatus Iob quem sibi in exaudiendo desiderio adiutorem quærat, subiungētis verbis aperit, dicens: *Et librum scribat ipse qui iudicat.* Quia enim timenti adhuc populo lex est transmissa per seruum: diligentibus verò filiis Euangelij gratia est collata per Dominum, qui ad redemptionem nostram veniens, nouum nobis testamentum condidit, sed de eiusdem nos testamenti mandato discutiens, quandoque etiam iudex venit: necessarium non est vt per expositionem clarescat: quia librum scribit ipse qui iudicat. Ipsa enim per se veritas dicit: *Pater non iudicat quenquam, sed omne iudicium dedit filio.* Erit ergo tunc author iudicij, qui nunc est conditor libri: vt tunc districtus exigat, quod modò mansuetus iubet. Sic nanque quotidie conspiciamus, quod magistri pueris elementa literarum blandientes imponunt, sed hæc ab eis sæuientes exigunt: & quæ dant cum mansuetudine, cum verbere requirunt. Blanda nanque nunc sonāt eloquij diuini mādāta, sed erunt aspera in exactione sentiēda. Mansueta modò est admonitio vocantis, sed tunc districta ventura est iustitia iudicis: eo quod certum est, quia nihil vel minimi mādātī sine discussione prætereat. Quo videlicet cōstat, quia librum feri-

psit ipse qui iudicat. Quem scilicet librum noui testamenti, quia ipse per se humani generis redemptor in extremo conderet, bene Ezechiel propheta denuntiat, dicēs: *Ecce sex viri veniebant de via portæ superioris quæ respicit ad Aquilonem, & vnusquisque vas interitus in manu eius.* Vir quoque vnus in medio eorum vestitus lineis, & atramentarium scriptoris ad renes eius. Quid nanque aliud in sex viris venientibus, nisi sex ætates humani generis designantur? Qui de via portæ superioris veniunt: quia à conditione paradisi sicut ab ingressu mundi, à superioribus generationibus euoluuntur. Quæ porta ad Aquilonem respicit: quia videlicet mens humani generis vitis aperta, nisi calorem charitatis deferens, torporem mentis appeteret, ad hanc mortalitatis latitudinem non exisset. Et vnusquisque vas interitus in manu eius: quia vnaqueque generatio singulis quibusque ætatibus euoluta, ante redemptoris aduentum in sua operatione habuit, vnde poenā damnationis sumpsit. Vir quoque vnus in medio eorum vestitus lineis: quia redemptor noster, etiam de sacerdotali tribu iuxta carnem parentes habere dignatus, vestitus lineis venire perhibetur. Vel certè, quia linum de terra, non autem sicut lana de corruptibili carne nascitur: quia indumentum sui corporis ex matre Virgine, non autem ex corruptione commixtionis sumpsit, profectò ad nos vestitus lineis venit. Et atramentarium scriptoris ad renes eius. In renibus posterior corporis pars est. Et quia ipse Dominus postquam pro nobis mortuus est, & resurrexit, & ascendit in cælum, tunc testamentum nouum per Apostolos scripsit, vir ille atramentarium ad renes habuit. Qui enim scripturam testamenti noui postquā decessit condidit, atramentarium quasi à tergo portauit. Hoc ergo atramentarium viro lineis vestito inharere considerat, qui dicit: *Et librum scribat ipse qui iudicat.* Sed cur beate Iob ab eo qui iudex est, librum scribi desideras? Sequitur:

Quod noui testamenti librum antiqui sancti legere desiderabant, in quo est doctrina perfectorum operum & certitudo præny post completionem præceptorum.

Caput XIII.

VT in humero meo portem illum, & circumdum illum quasi coronam mihi. Librum quippe in humero portare, est scripturam sacram operando perficere. Vt notandum quā ordinatè describitur, & prius in humero portare, & postmodum sicut corona circumdari: quia videlicet sacri eloquij mandata, si modò bene portantur in opere, post nobis coronam victoriæ exhibent in retributione. Beatus autem Iob cur scribi librum à iudice postulat, qui ad testamenti noui peruenire tempora non valebat? Sed sicut sæpe iam dictum est, electorum vocibus vititur, atque ex eorum significatione postulat, quod profuturum eis per omnia præuidebat. Ipse nanque per spiritum hunc apud se librum iā dudum tenebat, quem per gratiā aspirationis acceperat, & viuēdo cognoscere, & præuidēdo nuntiare. Sed inter hæc sciēdum est, quia cum eiusdē sacri eloquij præcepta cogitamus, cumque mentē à vitæ corruptibilis amore diuertimus, quasi quibusdā cordis passibus ad interiora properamus. Nemo autem infima deferens, repente fit summus: quia ad obtinendū perfectionis meritū dum quotidie mēs in altum ducitur, ad hoc procul dubio velut ascensionis cuiusdā gradibus peruenitur. Vnde hic quoque aptè subiungitur: *Per singulos gradus meos pronuntiabo illum.* De his quippe meritum gradibus per Psalmistā dicitur: *Ambulabūt de virtute in virtutem.* De his iterum sancta Ecclesiā contemplatus, ait: *Deus in gradibus eius dinoscitur, dum suscipiet eam.* Neque enim, sicut dictum est, repente ad summa peruenitur, sed ad virtutū celsitudinem per incrementa mens ducitur. Hinc nanque est, quod Propheta idem iterum dicit: *Exercitatus sum, & defecit paulisper spiritus meus.* Quid est itaque, quod ait: *Spiritus meus, nisi spiritus hominis, videlicet spiritus elationis?* Et quia per occultam gratiam ad amorem Dei temperata desuper mensura proficimus, quātò in nobis quotidie de Dei spiritu virtus crescit, tantò noster spiritus deficit. Qui spiritus erroris, quia non à nobis subito perit amputat, bene paulisper defecisse perhibetur. Tūc verò in Deo plenè proficimus, cum à nobis ipsi funditus defecerimus. Hæc itaque crescentium mensuræ virtutum, sancti viri vocibus gradus dicuntur. Electus etenim quis-

Ezech. 9.

20.

Psalm. 83.

Marc. 4.

que à rudimenti sui prius teneritudine inchoans, ad robusta postmodum & fortia conualescit. Quod aperte in Evangelio demonstrat veritas, dicens: Sic est regnum Dei, quemadmodum si iaciat homo sementem in terram, & dormiat, & exurgat nocte ac die, & semen germinet, & increseat dum nescit ille. Cuius nimirum seminis incrementa denuntians, adiungit: Vltro enim terra fructificat primum herbam, deinde spicam, deinde plenum frumentum in spica. Cuius profectus quoque etiam finem subrogat, dicens: Et cum ex se produxerit fructus, statim mittit falcem, quoniam venit tempus messis. Ecce veritatis voce per qualitates frugum, distincta sunt incrementa meritorum. Ait enim: Primum herbam, deinde spicam, deinde plenum frumentum in spica. An non herba, adhuc tunc fuerat Petrus, cum ab ancillæ ore subito vnus flatu sermonis inflexus est: iam quidem per deuotionem viridis, sed adhuc per infirmitatem tener? Plenum verò frumentum in spica inuentus est, quando persequentibus principibus resistebat, dicens: Obedire oportet magis Deo quam hominibus. Plenum verò frumentum in spica inuentus est, quando in tritura persecutionis tot verbera pertulit: & tamen nequaquam palcarum more imminutus est, sed granum integrum mansit. Paulisper quippe in vnaquaque anima, vt ita dicam, internæ gratiæ humor exuberat, vt herba in frugem crescat. Nemo ergo quemlibet proximum, cum adhuc herbam videt, de frumento desperet. Ab herbarum quippe foliis quæ huc illucq; molliter desfluunt, surgentia frugum grana solidantur.

21

Daniel. 10.

Bene autem Daniel Propheta loquente ad se Domino, dum positionem nobis sui corporis insinuare studuit, hæc meritorum incrementa signauit. Ait enim: Audiui vocem verborum eius, & audiens iacebam consternatus super faciem meam, vultusque meus hærebat terræ. Et ecce manus tetigit me, & erexit me super genua mea, & super articulos manuum mearum, & dixit ad me: Daniel vir desideriorum, intellige verba quæ ego loquor ad te, & sta in gradu tuo: nunc enim missus sum ad te. Cumque dixisset mihi sermonem istum, steti tremens, & ait ad me: Noli metuere. Quam videlicet positionem sui corporis, dum verba intrinsecus loquentis audiret, nequaquam nobis tanta cura exprimeret, si à mysteriis vacare cognouisset. In scriptura enim sacra iusti viri non solum quod dicunt, Prophetia est, sed etiam plerunque quod agunt. Vir itaque sanctus internis mysteriis plenus, per positionem quoque corporis exprimit virtutem vocis: & per hoc quod primum in terra prostratus iacuit, ac per hoc quod se postmodum in manuum suarum articulis & in genibus erexit: per hoc quod ad extremum erectus quidem, sed tremens consistit, in semetipso nobis omnem ordinem nostri profectus innotescit. Verba enim Dei in terra iacentes audimus, cum in peccatis positi, terrenæ pollutioni coniuncti, sanctorum voce spiritalia præcepta cognoscimus. Ad quæ præcepta, quasi super genua & super manuum nostrarum articulos erigimur, quia à terrenis contagiis recedentes, quasi iam ab infimis ventrem leuamus. Sicut enim totus terræ inhæret qui consternatus iacet: ita qui in genibus, & manuum suarum articulis incuruatur, inchoante profectu ex magna iam parte à terra suspenditur. Ad extremum verò voce dominica erecti quidem, sed tremantes assistimus, cum à terrenis desideriis perfecte subleuati, verba Dei quo plenius cognoscimus, plus timeamus. Adhuc enim quasi in terra iacet, qui ad cœlestia erigi terrenorum desideriis negligit. Quasi subleuatus autem adhuc manibus & genibus incumbit, qui quædam iam contagia deserit, sed quibusdam adhuc terrenis operibus non contradicit. Iam verò ad verba Dei erectus assitit, qui perfecte mentem ad sublimia erigit, & per immunda desideria incuruari contemnit. Bene autem tremetem se stetisse indicat: quia examen subtilitatis internæ quo plus ad illud proficitur, amplius formidatur. Vbi aptè diuina voce subiungitur: Noli metuere: quia cum plus ipsi quod timeamus agnoscimus, plus nobis de Deo per internā gratiam infunditur quod amemus: quatenus & contemptus noster paulisper transeat in timorem, & timor transeat in charitatem: vt quia quærenti nos Deo per contemptum resistimus, per timorem fugimus, & contemptu quādoq; & timore postposito, solo ei amore iungamur. Paulisper enim etiam timorē eius discimus, cuius solius dilectioni inheremus.

E Appositis igitur, quasi quibusdam gradibus profectus nostri, metis pedem prius per timorem in imo ponimus, & postmodum per charitatem ad alta amore leuamus: vt ab eo quo quisque tumet, reprimatur vt timeat, & ab eo quod iam metuit, subleuetur vt presumat. Hos autem virtutum gradus non magni laboris est prendere, cum ab vna ad alteram transeat. Sed subtilissima disputatione res indiget, cum mens pensare nititur, in vna eademque virtute quibus profectus sui gradibus eleuetur. Vt enim prima elementa virtutum, fidem scilicet & sapientiam loquar, obtineri singula perfecte nequeunt, nisi ad hæc distinctis, ordinatisque modis quasi quibusdam gradibus ascendamus. Ipsa enim fides quæ ad bona alia perfecte capessenda nos imbuat, plerunque in exordiis suis, & * nutat, * al. & mota, & solida est, & iam certissime habetur: & tamen de eius fiducia adhuc sub dubitatione trepidatur. Pars namq; eius prius accipitur, vt in nobis postmodum perfecte compleatur. Si enim certo gradu in credentis mente non proficeret, requisitus in Evangelio pater sanandi pueri non dixisset: Credo Domine, adiuua incredulitatem meam. Adhuc ergo ascendebat ad fidem quam iam perceperat, qui vno eodemque tempore clamabat se & iam credere, & adhuc incredulitate dubitare. Hinc est etiam, quod Redemptori nostro à Discipulis dicitur: Augere nobis fidem: vt quæ iam accepta per initium fuerat, quasi per augmenta graduum ad perfectionem veniret. Ipsa quoque sapientia quæ esse bonorum operum solet magistra, anhelanti menti per incrementa tribuitur: vt ad eam proculdubio magni moderaminis gradibus ascendatur. Quod bene Ezechiel Propheta figurata narratione denuntiat, qui de eo viro quem in excelsa monte viderat, narrat dicens: Mensus est cubitos mille, & transduxit me per aquam vsque ad talos. Rursumque mensus est mille, & transduxit me per aquam vsque ad genua. Et mensus est mille, & transduxit me per aquam vsque ad renes. Et mensus est mille, & transduxit me per torrentem, quem non potui pertransire, quoniam intumuerunt aquæ profundæ torrentis, qui non potest transuadari. G Quid nanque millenario numero, nisi collati muneris plenitudo signatur? Vir itaque qui apparuit, mille cubitos metitur, & Propheta per aquas vsque ad talos ducitur: quia Redemptor noster cum nobis ad se conuersis boni exordij plenitudinem tribuit, dono spiritualis sapientiæ, prima nostri operis vestigia infundit. Aquam quippe vsque ad talos venire, est iam nos per acceptam sapientiam desideratæ rectitudinis vestigia tenere. Qui rursum mille metitur, & Propheta vsque ad genua per aquam ducitur: quia cum boni operis plenitudo tribuitur ad hoc vsque nostra sapientia augetur, vt in prauis iam actibus minimè flectatur. Hinc nanque per Paulum dicitur: Remissas manus, & dissoluta genua erigite, & gressus rectos facite pedibus vestris. Aqua ergo ad genua peruenit, cum nos percepta sapientia, perfecte ad boni operis rectitudinem stringit. Qui iterum metitur mille, & Propheta per aquam vsque ad renes ducitur: quia videlicet tunc in nobis plenitudo operis excrecit, quando in nobis percepta sapientia omnem quoque, in quantum est possibile, delectationem carnis extinxerit. H Nisi enim carnis delectatio esset in renibus, Psalmista minimè dixisset: Vre renes meos & cor meum. Aqua igitur ad renes venit, cum dulcedo sapientiæ, etiam incentiua carnis interimit: vt ea quæ vrere mentem poterant, delectationis incendia frigescant. Qui adhuc mensus est mille, torrentem videlicet quem Propheta pertransire non potuit, de quo etiam dicit: Quoniam intumuerunt aquæ profundæ torrentis, qui non potest transuadari. Percepta nanque perfectione operis, ad contemplationem venit. In qua scilicet contemplatione, dum mens in altum ducitur, subleuata videt in Deo: quia non potest penetrare quod videt: & quasi tangit aquam torrentis quam pertransire non valet: quia & intuetur speculari quod libeat, & tamen hoc ipsum perfecte non valet intueri quod libet. Propheta ergo quandoque ad aquam peruenit, quam non pertransit: quia ad contemplationem sapientiæ cum ad extremum ducimur, ipsa eius immensitas quæ ex se hominem subleuat, ad se humano animo plenam cognitionem negat: vt hanc & tangendo amet, & tamen nequaquam pertransendo penetret. Beatus igitur Iob hæc incrementa virtutum: quia distinctè hominibus superno munere tribui cōspexit, gradus vocauit:

* al. & mota, & solida certissime habetur.

Marc. 9.

22

Ezech. 47.

Heb. 12.

Psalm. 42.

vocauit: quoniam per ipsa ascenditur, vt ad cœlestia obtinenda veniatur. Sacri itaque libri, id est, diuini eloquij memoriā faciem dicit: Per singulos gradus meos pronuntiabo illum: quia nimirum ille ad doctrinam Dei veraciter ascendit, qui ad obtinendam hanc gradibus sanctæ operationis eruperit. Et quasi per singulos gradus suos librum pronuntiat, qui percipisse se eius scientiam non per verba tantummodo, sed etiam per opera demonstrat. Vnde adhuc subditur: Et quasi principi offeram eum.) Omne enim quod offerimus, in manibus tenemus. Venienti ergo ad iudicium principi librum offerre, est verba præceptorum illius in actione tenuisse. Sequitur:

Quod aduersus præpositos Ecclesiæ, terra clamat cum sulcis suis, quando deesse sibi doctrinæ seminarium subditi conqueruntur, vel cum eis à prælatiis peccati exempla monstrantur.

Caput XV.

23. **S**i aduersum me terra mea clamat, & cum ipsa sulci eius deflent: & si fructus eius comedi absque pecunia, & animam agricolarum eius affixi, pro frumento oriatur mihi tribulus, & pro hordeo spina.) Quid est clamare terram, deflere sulcos, & fructus proprios emendo comedere? Cui vnquam necesse est sua emere? Quis clamantem audiuit terram? Quis sulcos deflentes vidit? Et cum sulci terræ semper ex terra sint, quid est quod pronuntiatione distincta, & clamasse terra, & sulci eius cum ea deflere denegantur? Cum enim nihil sit aliud sulcus terræ quàm terra, magnæ distinctionis ratione non caret, dum subiungit: Et cum ea sulci eius deflent. Qua videlicet in re, quia ordo historiæ deficit, sese nobis intellectus mysticus, quasi apertis iam foribus ostendit. Ac si patenter clamat: Quia rationem literæ defecisse cognoscitis, nimirum restat, vt ad me sine dubitatione redeatis. Omnis enim qui vel priuato iure domesticam familiam regit, vel pro vtilitate communi fidelibus plebibus præest: in hoc quod iura regiminis in commissis sibi fidelibus possidet, quid aliud quàm terrā incolendā tenet? Ad hoc quippe diuina dispensatione cæteris vnusquisque præponitur, vt subiectorum animus quasi subacta terra prædicationis illius semine fecundetur. Sed terra contra possessore clamat, si contra eum qui sibi præest, aliquid iniustum, vel priuata domus, vel sancta Ecclesia murmurat. Clamare quippe terram est, contra regentis iniustitiam rationabiliter subiectos dolere. Vbi rectè subiungitur: Et cum ea sulci eius deflent.) Terra enim etiam nullis operibus exulta, plerumque ad vsum hominis aliquod alimentum profert, exarata verò fruges ad satietatem parit. Et sunt nonnulli qui nullo t. lectionis, nullo exhortationis vomere proscissi, quædam bona, quantum minima, tamen ex semetipsis proferunt, quasi terra necdum exarata. Sunt verò nonnulli qui ad audiendum semper, atque retinendum sanctis prædicationibus ac meditationibus intenti, à priori mentis duritia, quasi quodam linguæ vomere scissi, semina exhortationis accipiunt, & fruges boni operis per sulcos voluntariæ afflictionis reddunt. Sæpe verò contingit, vt hi qui præsumunt, iniusta aliqua faciant: fitque vt ipsi subiectis noceant, qui prodesse debuerant. Quæ dum rudes quique conspiciunt, commoti contra rectorem murmurant, nec tamen valde proximis per compassionem dolent. Cum verò hi qui iam aratro lectionis attriti sunt, atque ad frugem boni operis exculti, grauari, vel in minimis innocentem aspiciunt, per compassionem protinus ad lamenta vertuntur: quia velut sua plangunt ea quæ proximi iniuste patiuntur. Perfecti nanque cum semper de spiritualibus moueantur, tantò sciunt de alienis corporalibus damnis ingemiscere, quantò iam edocti sunt non dolere de suis. Omnis ergo qui præest, si peruersa in subditis exercet, contra hunc terra clamat, & sulci deflent: quia contra eius iniustitiam rudes quidem populi in murmurationis vocibus erumpunt, sed perfecti quique pro præuio eius opere se in fletibus affligunt: quodque imperiti clamant, & dolent, hoc probatoris vitæ subiecti deflent & tacent. Cum clamante ergo terra sulcos plangere, est per hoc vnde multitudo fidelium iuste contra rectorem queritur, vberioris vitæ homines ad lamenta peruenire. Sulci itaque & ex terra sunt, & tamen à terræ vocabulo distinguuntur: quia hi qui in sancta Ecclesia mentem suam

Tomus primus.

A t labore sanctæ meditationis excolunt, cæteris fidelibus tantò meliores sunt, quantò per accepta semina fecundiores operum fruges reddunt. Et sunt nonnulli qui sanctis plebibus prælati, vitæ quidem stipendia ex Ecclesiastica largitate consequuntur, sed exhortationis ministeria debita non impendunt. Contra quos adhuc exemplum sancti viri rectè subiungitur, cum ab eo protinus subinfertur:

Quod absque pecunia fructus Ecclesiæ comedit, qui Ecclesiastica commoda accipiens, prædicationis debitum non impendit.

Caput XVI.

Si fructus eius comedi absque pecunia.) Fructus etenim terræ absque pecunia comedere, est ex Ecclesia quidē sumptus accipere, sed eidem Ecclesiæ prædicationis precium nō præbere. De qua videlicet prædicatione auctoris voce dicitur: Oportuit te committere pecuniam meam numulariis: & veniens ego recepissē vtique quod meū erat cum vsura. Terrę igitur fructus absque pecunia comedit, qui Ecclesiastica commoda ad vsum corporis percipit, sed exhortationis ministerium populo non impendit. Quid ad hæc nos pastores dicimus, qui aduentum districti iudicis præcurrentes, officiū quidem t. præconis suscipimus, sed alimenta Ecclesiastica multi manducamus? Exigimus quod nostro debetur corpori, sed non impendimus quod subiectorum debemus cordi. Ecce vir sanctus tot in hoc seculo pignoribus obstrictus, inter occupationes innumeras, liber ad studium prædicationis fuit. Qui fructus terræ nunquam sine pecunia comedit: quia nimirum subditis verbum bonæ admonitionis reddidit, à quibus fructus corporeæ seruitutis accepit. Hoc nanque debet omnipotenti Deo omnis qui præest populo, hoc qui multis, hoc qui paucioribus præest: vt sic debita ministeria à subditis exigat, quatenus subditis ipse etiam quid semper admonitionis debeat, sollicitus attendat. Omnes nanque qui sub dispensatione conditoris vicario nobis ministerio iungimur, sub vno ac vero domino: quid nobis aliud nisi inuicem serui sumus? Cum igitur is qui subest, seruit ad obsequium: restat proculdubio, vt is qui præest, seruiat ad verbum. Cum is qui subest, iussis obtemperat: oportet vt is qui præest, curam sollicitudinis ac pietatis impendat. Sicque fit, vt dum studiose nunc seruire nobis inuicem per charitatem nitimur, quandoque cum vero domino communi exultatione dominemur. Sed sunt nonnulli qui in eo quod officium prædicationis exhibent, aliis inuident bonum quod habent, atque ideo iam veraciter non habent. Quibus rectè per Iacobum dicitur. Quod si zelum amarum habetis inter vos, & contentiones sunt in cordibus vestris: non est ista sapientia defursum descēdens, sed terrena, animalis, diabolica. Vnde hęc quoque cum dictum est: Si fructus eius comedi absque pecunia: rectè subiungitur: Et animam agricolarum eius affixi.) Agricola quippe huius terræ sunt hi qui minori loco positi, quo valent zelo, quāto possunt opere, ad eruditionem sanctæ Ecclesiæ in prædicationis gratia cooperantur. Quos videlicet terrę huius agricolas, hoc est non affligere, eorum laboribus non inuidere: ne rector Ecclesiæ dum soli sibi ius prædicationis vindicat, etiam aliis rectè prædicantibus inuidia se mordente contradicat. Pia etenim pastorum mens, quia non propriam gloriā, sed auctoris querit, ab omnibus vult adiuuari quod agit. Fidelis nanque prædicator optat, si fieri valeat, vt veritatem quam solus loqui nō sufficit, ora cunctorum sonent. Vnde cum Iosue duobus in castris remanentibus atque prophetantibus vellet obsistere: rectè per Moysen dicitur: Quid æmularis pro me? Quis tribuat vt omnis populus prophetet, & det eis Dominus spiritum suum? Prophetare quippe omnes voluit, qui bonū quod habuit, aliis non inuidit. Quia igitur beatus Iob cuncta hæc suspensa intulit, & si ea minime fecerit, sententia se maledictionis adstringit. Sequitur:

Quod contra negligentes præpositos, non immerito à subditis murmuratur.

Caput XVII.

Pro frumento oriatur mihi tribulus, & pro hordeo spina.) Ac si apertè dicat: Si iniustum quid erga subditos gessi, si exegi debita, & ipse quod debui, non impendi, si exercitationem boni operis aliis inuidi: pro bonis quæ in æternum reficiunt,

t. al. labori ac remedij actionibus excolunt.

Matth. 25.

t. al. prædicationis.

24.

Iaco 3.

Num. 12.

t. al. locutionis.

retribuuntur mihi in iudicio mala quę pungunt. Pro frumento quippe tribulus, & pro hordeo spina oritur, cum in retributione vltima, de qua remuneratio laboris quęritur, punctio doloris inuenitur. Et notandum quod sicut à frumento hordeum distat, quanuis vtrunque reficiat: sic à tribulo spina, quanuis sit vtrunque quod pungat: quia tribulus mollior, & ad pungendum semper durior est spina. Ait ergo: *Pro frumento oriatur mihi tribulus, & pro hordeo spina.* Ac si patenter dicat: Egisse quidem & magna me bona, & minima scio: sed si non ita est, pro bonis magnis mala minima, & pro bonis minimis mihi respondeant mala maiora. Quanuis hoc intelligi & aliter potest. In frumento quippe spiritale opus quod mentem reficit: in hordeo autem terrenarum rerum dispensatio figuratur. In qua sæpe dum seruire infirmis atque carnalibus cogimur, quasi sua iumentis alimenta præparamus, atque ipse nostrorum vsus operum quasi more hordei habet aliquid de admixtione palearum. Et plerunque contingit, vt rector qui præest, dum iniusta contra subditos exercet, dum nullo bonos blandimento refouet, dum quod grauius est, bene operantes quousque ex inuidia affligit, etiam quædam bona aliquando faciat, ac si frumentum seriat, seseque in dispensandis terrenis rebus nonnunquam in auaritię studio, pro utilitate carnalium misceat: & sic eiusdem laboris fructum velut messiem hordei expectet. Sed subiecti quique pro eo quod in maximis grauantur, gaudere in eius bonis minimis nequeunt: quia nec hoc opus coram Deo placet quod alterius operis iniustitia polluit, nec ipsa terrenarum rerum dispensatio pro utilitate subditorum suscipi creditur, quando is qui præest, anhelare per auaritiā videtur. Vnde fit vt ad ipsa etiam pauca bona quę fieri inter multa mala considerant, non laudes, sed gemitus reddant, atque infirmantes murmurent: dum perpendunt puri operis non esse quod vident. Ait ergo: *Si aduersum me terra mea clamat, & cum ipsa sulci eius descent: si fructus eius comedi absque pecunia, & animam agricolarum eius affluxi, pro frumento oriatur mihi tribulus, & pro hordeo spina.* Ac si apertè dicat: Si magna quę debui, sollicitè non feci, punctiones murmuris à subiectis recipiam, etiam de bono quod feci. Si neglexerim exhibere quod foueat, iustè in querelam profiliēs eorum lingua me pungat. Qua in re semper sollicita consideratione pensandum est, ne aut hi qui præfunt, exempla mali operis subiectis præbeant, eorumque vitam suę gladio prauitatis extinguant: aut hi qui alieno regimini subiacent, facili iudicare audeant facta rectorum, atque per hoc quod de his qui sibi prælati sunt, murmurant, non humano, sed ei qui cuncta disponit, diuino ordini contradicant. Illis nanque dicitur: Oues meę his quę conculcata pedibus vestris fuerant pascebantur, & quę pedes vestri turbauerant, hæc bibebant. Oues enim turbata pedibus bibunt, cum subiecti ea ad exemplum viuendi appetunt, quę prælati quique prauo opere peruertunt. At contrā à prælatis hi audiunt: Nos enim quid sumus? Nec contra nos est murmur vestrum, sed contra dominum. Qui enim contra superpositam sibi potestatem murmurat, liquet quod illum redarguit, qui eandem homini potestatem dedit. Tandem beati Iob plenas mystica virtute sententias, in quibus contra amicorum verba respondit, Deo largiente digessimus, nunc superest vt ad Heliū verba veniamus, quę tantò grauiori circumspectione pensanda sunt, quantò & per iuuentutis audaciam spiritu feruentiore proferuntur.

Libri vicesimisecondi Moraliū sancti Gregorij,
totius operis partis quartę, finis.

**B. GREGORII EX-
POSITIONIS MORALIS**
LIBER VIGESIMVSTERTIVS,
& totius operis pars
quinta.

Capit. I.



Præfationem huius operis toties necessariò repeto, quoties hoc in distinctione voluminum locutionis meę pausatione succido: vt cum legendi exordium sumitur, prius ipsa memorię lectionis causa renouetur, & tantò robustius surgat doctrinę ædificium, quantò ex considerata causę origine studiosius ponitur in mente fundamentum. Beatus Iob deo soli sibi que cognitus, in tranquillitate ad nostram notitiā perducendus, tactus est verberē, vt odorem suarum virium tantò latius spargeret, quantò more aromatum melius ex incensione fragraret. Nouerat in bonis pię subditos regere, à malis se districtè custodire. Nouerat bene vti rebus habitis, sed nesciebamus si patiens permaneret ablatis. Nouerat quotidiana Deo pro sanis pignoribus sacrificia soluere, sed incertum erat si ei gratiarum sacrificium & orbatus immolaret. Ne quid ergo vitij salus tegeret, dignum fuit vt hoc dolor aperiret. Data itaque est cōtra sanctum virum hosti callido tentandi licentia. Qui dum bona eius multis cognita interimere appetit, etiam bonum patientię quod latebat ostendit: & quem se angustare persequendo credidit, flagellis auctum, & in exemplo dilatauit. Nec sine graui arte exercuit licentiam quam accepit combussit greges, extinxit familias, obruit hæredes, percussit salutem corporis, & ad intorquendum grauioris tentationis iaculum, linguam seruauit vxoris: quatenus sancti viri forte ac solidū pectus, & per damna rerum dolore sterneret, & per verba coniugis maledictione perforaret. Sed quot vulnera sequens intulit, tot sancto viro nesciens victorias ministravit. Nam fidelis Dei famulus, vno eodēque tempore inter vulnera, & verba deprehensus, & dolentem carnem æquanimiter pertulit, & desipientem coniugem prudenter increpauit. Antiquus itaque hostis, quia vinci se in domesticis doluit, protinus exteriora requisit. Amicos nanque eius de locis singulis, quasi pro exercenda charitate commouit, eorumque ora sub specie consolationis aperuit: sed per hæc iacula increpationis intorsit, quę eò durius cor securè audientis infingerent, quod inter ostensę, & non seruata charitatis tenebras improvisè vulnerarent. Post hos quoque ad contumelias etiam Heliū iunior excitatur, vt tranquillitatem tantę mansuetudinis saltē de dignata leuitas perturbaret ætatis. Sed contra antiqui hostis machinas stetit inuicta cōstantia, stetit æquanimitas infracta. Nam vno eodēque tempore verbis aduersantibus opposuit prudentiam, rebus vitam. Nemo igitur sanctū virum quanuis de illo apertè post flagella scriptum sit: In omnibus his non peccauit Iob labiis suis: saltē postmodū in contentione amicorum æstimet inter verba deliquisse. Satā quippe tentationē illius expetiit, sed Deus qui hunc laudauerat, in seipso eius intentionē certaminis accepit. Quisquis ergo beatū Iob deliquisse in suis sermonibus queritur, quid aliud quā Deum qui pro illo proposuit, perdidisse confitetur? Quia verò antiqui patres fructiferis arboribus similes, nō solum pulchri sunt per speciem, sed etiam viles per vbertatem: sic eorum vita pensanda est, vt cum miramur quę sit viriditas in historia, inueniamus & quanta sit vbertas in allegoria: quatenus cum blandū est quod in foliis redolet, cognoscā, & quā dulce sit quod in fructib⁹ sapit. Nullus quippe superne adoptionis gratiam habuit, nisi qui hanc per cognitionem vnigeniti accepit. Dignum itaq; est vt ipse in eorum vita & lingua resplendeat, qui eos vt resplēdere mereantur, illustrat. Nā cum in tenebris lucernę lumen accēditur, prius lucerna eadē quę videri cetera efficit videtur. Vnde necesse est vt si verè intēdim⁹

Exech 24.

Exod 16.

Antiquus
hostis ami-
cos Iob de
locis singu-
lis commo-
uit.

1. Cor. 10.

Esaie 53.

Ephe. 1.

Coloss. 1.

Ordo tenta-

tionis Iob

breuiter

comprehen-

sus.

2.

dimus illuminata cernere, studeamus mētis oculos ad ipsum illuminans lumen aperire. Quod & in eisdem beati Iob sermonibus etiam remotis allegoriarum umbris, quasi depressis altæ noctis tenebris corulci more pertranseuntis intermicat, cum dicitur: Scio quod redemptor meus uiuit, & in carne mea videbo Deum. Hoc nimirum in nocte historæ Paulus lumen inuenerat, cum dicebat: Omnes in Moyse baptizati sunt, in nube & in mari, & omnes eandem escam spiritalem mādūcauerunt, & omnes eundem potum spiritalem biberūt. Bibebant autē de spiritali cōsequente eos petra: petra autem erat Christus. Si igitur Redēptoris speciē petra tenuit, cur nō figuram illius beatus Iob insinuet, qui eum quē voce prætulit, etiam passione signauit? Vnde & nō immeritō, Iob uidelicet dolens dicitur, quia illius in se imaginē exprimit, de quo per Esaia longē antē annuntiatur, quod dolores nostros ipse portauit. Sciēdū quoq; est, quod Redēptor noster vnā se personam cum sancta Ecclesia quam assumpsit exhibuit. De ipso enim dicitur: Qui est caput, Christus. Rursūque de eius Ecclesia scriptum est: Et corpus Christi, quod est Ecclesia. Beatus igitur Iob qui mediatoris typū eō verius tenuit, quod passionem illius non loquendo tantummodo, sed etiā patientia prophetauit, cum in dictis factisque suis expressioni Redemptoris innititur, repente ad significationem corporis aliquādo deriuatur: ut quod Christum & Ecclesiā vnā personam credimus, hoc etiam vnus personę actibus significari videamus. Vxor verō eius quæ cum ad maledicendum prouocat, quid aliud quā prauitatem carnalium signat? Qui intra sanctam Ecclesiam incorrēctis moribus positi, eō durius vitā fidelium, quod viciniū premunt: quia dum vitari a fidelibus quasi fideles nequeunt, tantō grauius, quātō & interius tolerantur. Amici verō eius qui quasi dum consulunt inuehuntur, hæreticorum figuram exprimunt, qui sub specie consulendi, agunt negotium seducendi. Vnde & ad beatum Iob dum pro Domino verba faciunt, à Domino reprobantur: quia uidelicet omnes hæretici dum Deum defendere nituntur, offendunt. Vnde eis aptē & ab eodem viro sancto dicitur: Disputare cum Deo cupio, prius vos ostendens fabricatores mendacij, & cultores peruerforum dogmatum. Constat ergo eos hæreticorum typum gerere, quos sanctus vir redarguit cultui peruerforum dogmatum deseruire. Quia igitur Iob interpretatur dolens, quod nimirum dolore, vel mediatoris passio, vel sanctæ Ecclesiæ labor exprimitur, quæ multiplici præsētis vitæ fatigatione cruciatur, amici quoque eius ex vocabulo nominis meritum suæ indicāt actionis. Nam Eliphaz Latina lingua dicitur Dei contemptus. Et quid aliud hæretici faciunt, nisi quod dum falsa de Deo sentiunt, eum superbiendo contemnunt? Baldath interpretatur vetustas sola. Bene autem omnes hæretici in his quæ de Domino loquuntur, dum non intentionē rectā, sed appetitionē temporalis gloriæ videri prædicatores appetunt, vetustas sola nominantur. Ad loquendum quippe non zelo noui hominis, sed vitæ veteris prauitate concitantur. Sophar quoque Latino sermone dicitur dissipatio speculæ, vel speculationem dissipans. Mentēs nanque fidelium ad contemplanda superna se erigunt, sed dum hæreticorum verba peruertere rectā contemplantes appetunt, speculam dissipare conantur. In tribus itaque amicorum Iob nominibus, tres in hæreticis perditionum casus exprimuntur. Nisi enim Deum contemnerent, nequaquam de illo peruersa sentirent: & nisi vetustatem contraherent, in nouę vitę intelligentia non errarent: & nisi speculationem bonorum destruerēt, nequaquam eos superna iudicia tam districto examine pro verborum suorum culpa reprobrarent. Contemnēdo igitur Deum, in vetustate se retinent, sed in vetustate se retinendo, prauis suis sermonibus speculationi rectorum nocent. Post hos quoque Helii iunior in beati Iob exprobratione subiungitur, ex cuius persona uidelicet species quorundam doctorum fidelium, sed tamen arrogantium designatur. Cuius verbanō facillē intelligimus, nisi ea ex subsequenti dominica correptione pēsemus, Ait nanque de illo Dominus: Quis est iste inuoluens sentētiās sermonibus imperitis? Cum verō dicit sentētiās, sed non addit protinus quales, vult proculdubio bonas intelligi. Nā cum sententię nominantur, nisi etiam ma-

Tomus primus.

lè dicantur, malæ sentiri non possunt. In bono enim semper sententias accipimus, quæ sine reprobationis adiectione ponuntur, sicut scriptum est: Sapientior sibi videtur piger, septē viris loquentibus sentētiās. Quod verō dicitur, quia eius sententiæ imperitis sermonibus inuoluuntur, hoc summopere ostenditur, quia ab eo cum elationis fatuitate proferuntur. Magna quippe in eo imperitia est, humiliter dicere nescire quod dicit: & veritatis sensib⁹ elationis verba miscere. Omne enim quod dicit, quadripartita potest qualitate distinguī: si aut mala malè, aut bona bene, aut mala bene, aut bona malè dicantur. Malè enim malum dicitur, cum res peruersa suadet, sicut scriptum est: Benedic Deo, & morere. Bonum bene dicitur, cum rectè recta prædicantur, sicut Ioannes ait: Agite pœnitentiam, appropinquauit enim regnum cœlorum. Malum bene dicitur, quando per os dicentis idcirco vitium exprimitur, ut reprobetur, sicut Paulus ait: Fœminæ eorum immutauerunt naturalem vsum, in eum qui est contra naturam.

Quo loco execranda quoque virorum facinora subdidit: sed honestè inhonesta narrauit, ut multos ad honestatis formam inhonesta narrādo reuocaret. Malè autē bonum dicitur, cum rectum aliquid recto studio nō profertur, sicut illuminato cœco Pharisei dixisse perhibentur: Tu sis discipulus eius. Quod maledictionis vtique dixerunt studio, nō orationis voto. Vel sicut Caiphas ait: Expedit vnum hominem mori pro populo, ut non tota gens pereat. Bonum quippe, sed non bene locutus est: quia dum crudelitatem necis appetiit, redemptionis gratiā prophetauit. Hoc igitur modo Helii quoque dicere nō bene bona reprehēditur: quia in his quę veraciter loquitur, arrogāter inflatur. Qui in eo speciem arrogantīū signat, quo per sensum rectitudinis in tumoris verba se eleuat. Sed quid est quod tres amicos recōciliari per septem sacrificia diuina vox præcipit. Helii verō sub vnus tantūmodo sententiæ increpatione derelinquit, nisi quod nonnunquā hæretici diuinæ gratiæ largitate perfusi, ad vnitatem sanctæ Ecclesiæ redeunt? Quod bene ipsa amicorum reconciliatione signatur, pro quibus tamen beatus Iob exorare præcipitur: quia nimirum hæreticorum sacrificia accepta Deo esse non possunt, nisi pro eis vniuersalis Ecclesiæ manibus offerantur: ut eius meritis remediū salutis inueniant, quam verborum suorum iaculis impugnando feriebant. Vnde & septem pro eis sacrificia memorantur oblata: quia dum septiformis gratiæ spiritum consentes accipiunt, quasi septem oblationibus expiantur. Hinc in Ioannis Apocalypsi per septenarium Ecclesiarum numerum, vniuersalis Ecclesia designatur. Hinc per Salomonē de sapiētia dicitur: Sapientia edificauit sibi domū, excidit columnas septem. Ipso ergo sacrificiorum numero reconciliati hæretici, quid prius fuerint exprimunt, qui perfectioni septiformis gratiæ non nisi redeundo iunguntur. Bene autem tauros pro se & arietes obtulisse describuntur. In tauro quippe ceruix superbiæ, in ariete autem ducatus gregum sequentium designatur. Quid itaque est pro eis tauros arietēque mactare, nisi eorum superbum ducatum interficere, ut de se humilia sentiant, & post se corda innocentium iam non seducant? Ceruice enim tumentis ab Ecclesiæ vniuersitate resiliant, & infirmos post se populos, quasi sequentes greges trahebant. Veniant igitur ad beatum Iob, id est, reuertantur ad Ecclesiam, & septenario sacrificio tautos, & arietes mactandos offerant: quia ut vniuersali Ecclesiæ coniungātur, humilitate interueniente interficiant quicquid prius tumidum de superbo ducatu sapiebant.

Heu verō per quem vanæ gloriæ amatores signati sunt, etiam intra sanctam Ecclesiam constituti, qui ea quæ rectè sentiunt, humiliter proferre contemnunt, nequaquam per sacrificium reconciliari præcipitur: quia arrogantes quidem, sed tamē fideles, pro eo quod iam intus sunt, per septē sacrificia reuocari non possunt. Quos tamen sub Helii specie sententiæ diuina redarguit, atque in eis non veritatis sententias, sed elationis mentem ac verba tumida reprehendit. Quæ nimirum reprehensio quid aliud signat, nisi quod eos intrā positos supernæ distinctionis increpationis, vel per flagellum corrigit, vel per iustum examen sibi metipsis relinquit? Tales quippe intra sanctam Ecclesiam recta quidem prædicant, sed tamen Deo iudice audire merentur aduersa: quia per ea bona quæ non propria proferunt, non authoris sui gloriam, sed propriam

f ij

Prouer. 26.

3.

Matth. 3.

Rom. 1.

Ioan. 9.

Ioan. 11.

Apoca. 1.

Prouer. 9.

4.

Luc. 13.

laudem quærunt. Vnde hoc quoque cautè pensandum est, quod diuina voce de Helii dicitur: Quis est iste? Prima quippe exprobatio, est talis interrogatio. Nam quis est iste nō dicimus, nisi de eo utique quem nescimus. Nescire autem Dei, reprobare est: vnde quibusdam quos reprobat, in fine dicitur: Nescio vos vnde sitis, discedite à me omnes operarij iniquitatis. Quid est ergo de hoc arrogate requirere, quis est iste, nisi apertè dicere: Ego arrogantes nescio, id est, eorū vitam in sapientiæ meæ virtute non approbo: quia laudibus humanis dum inflatur, à vera gloria æternæ retributionis inanescunt. Cuius dum sententias minimè respuit, sed tamen eū ipsum qui illas protulit reprehendit, quasi apertè insinuat dicens: Noui quæ dicit, sed ignoro qui dicit: quia veraciter prolata approbo, sed eū qui de bonis quæ profert extollitur, non agnosco. Vt verò apertius ostendamus in elationis iactantia Helii quàm turpiter defluat, formā prius ostendere boni prædicatoris debemus, quatenus ex statu huius rectitudinis, mōstretur liquidò tortitudo quàm praua sit incuruationis. Sanctæ vniuersalis Ecclesiæ spiritalis quisque prædicator, in cūctis quæ dicit, solerti cura se inspicit: ne in eo quod recta prædicat, vitio se elationis extollat, ne vita à lingua discorder, ne pacem quam in Ecclesia annuntiat, in seipso dum bene dicit, & malè viuunt, amittat. Sed studet summopere contra maledicos rumores aduersantiū, & defendere loquēdo quod viuunt, & ornare viuendo quod dicit. Nec in his omnibus suam, sed authoris gloriam quærīt: atq; omnē sapientiæ gratiam quam vt loqueretur accipit: non suis se æstimat meritis, sed eorum intercessionibus pro quibus loquitur accepisse. Sicq; dum se infra deiicit, superest, quia suæ nimirum magis mercedi proficit, eo quod bona quæ exercere præualeat, alienis meritis reddit. Indignū se omnibus iudicat, etiam cū dignius cūctis viuāt. Scit enim quod bona quæ innotescunt hominibus, sine periculo esse vix possunt. Et quāuis sapientem se esse sentiat: vellet tamen esse sapiens, nō videri, atq; hoc sibi omnimodo quod loquendo proditur pertimescit, & si liceat, tacere appetit, dum esse multis tutius silentium cernit: eosque se feliciores putat, quos intra sanctā Ecclesiā locus inferior per silentium occultat: & tamen vt sanctam Ecclesiam defendat, quia ad loquendū vi charitatis impellitur, ex necessitate quidem officium locutionis suscipit, sed ex magno desiderio otium taciturnitatis quærīt. Hoc seruat voto, illud exercet ministerio. Hanc autem dicendi formulā arrogantes ignorant. Neque enim loquuntur, quia causæ eueniunt, sed causas euenire appetunt vt loquantur. Quorum nunc Helii speciem signat, qui in locutione sua immenso se vitio elationis exaltat. Igitur finitis beati Iob sermonibus subditur:

Caput trigessimum secundum beati Iob.



Miserunt autem tres viri isti respondere Iob, eo quod iustus sibi videretur. Et iratus indignatusque est Helii fili⁹ Barachel Buzites, de cognatione Ram. Iratus est autem aduersum Iob, eo quod iustū se esse diceret coram Deo. Porro aduersum amicos eius indignatus est, eo quod nō inuenissent responsionem rationabilem sed tantummodo condemnassent Iob. Igitur Helii expectauit Iob loquentem, eo quod seniores essent qui loquebantur. Cū autem vidisset quod tres respondere non potuissent, iratus est vehementer. Respondensque Helii filius Barachel Buzites dixit: Iunior sum tempore, vos autem antiquiores. Idcirco demisso capite veritus sum indicare vobis meam sententiam: Sperabam enim quod ætas prolixior loqueretur, & annorum multitudo doceret sapientiam. Sed vt video, spiritus est in hominibus, & inspiratio omnipotentis, dat intelligentiam. Non sunt longæui sapientes, nec senes intelligunt iudicium. Ideo dicam: Audite me, & ostendam vobis etiam ego meam

sapientiam. Expectaui enim sermones vestros, audiui prudentiam vestram. Donec disceptaretis sermonibus vestris, & donec putabam vos aliquid dicere, considerabam. Sed vt video, non est qui arguere possit Iob, & respondere ex vobis sermonibus eius. Ne fortè dicatis: inuenimus sapientiam, Deus proiecit eum, non homo. Nihil locutus est mihi, & ego nō secundum sermones vestros respondebo illi. Extimuerunt, nec responderunt vltra, abstuleruntque à se eloquium. Quoniam igitur expectaui, & non sunt locuti, steterunt, nec responderunt vltra: respondebo & ego partem meam, & ostendam scientiam meam. Plenus enim sum sermonibus, & coarctat me spiritus vteri mei. En venter meus quasi mustum absque spiraculo, quod lagunculas nouas dirumpit. Loquar & respirabo paululum: aperiam labia mea, & respondebo. Non accipiam personam viri, & Deum homini non æquabo. Nescio enim quandiu subsistam, & si post modicum tollat me factor meus.

Quod nomen Helii, & loci & cognationis eius, intentionem ipsius denotant.
Caput II.

Miserunt autem tres viri isti respondere Iob, eo quod iustus sibi videretur. (Hoc quod de eo dicitur, Eo quod iustus sibi videretur, sacra huius scriptor historiæ ad amicorum iudicium retulit, nō autem beatum Iob de elationis tumore reprobauit. Sequitur: Et iratus indignatusque est Helii filius Barachel Buzites de cognatione Ram.) Bene hæc ipsa vel eius, vel parentis, vel loci, vel cognationis nomina, notam propriæ exprimunt actionis. Helii quippe interpretatum sonat Deus iste, vel Deus Dominus. Per quem, sicut superius diximus, designatur recta fides arrogantium intra Ecclesiam positorum. Vnde eis & hoc ipsum eius etiam nomen congruit. Nam quanuis iuxta dominica præcepta non viuunt, Deum tamen dominum esse recognoscunt: quia in veritate carnis etiam formam deitatis intelligunt, sicut per Prophetam dicitur: Scitote quoniam Dominus ipse est Deus. Barachel verò interpretatum, dicitur benedictio Dei: Buzites autem, contemptibilis. Quod arroganter prædicantibus bene vtrunque concordat: quia in prædicationis facundia benedictionem quidem gratiæ diuinæ percipiunt, sed in elatis suis moribus esse eam contemptibilem ostendunt. Ipsa quippe quæ acceperunt bona, eò despicabilia faciunt, quod nequaquam eis bene vti nouerunt. Aptè autem etiam de cognatione Ram dicitur: Ram quippe interpretatur excelsus. Excelsus nanque est fidelium populus, qui huius vitæ infima & abiecta contemnit. Excelsi sunt qui dicere cum Paulo nouerunt: Nostra conuersatio in cælis est. Helii itaque de cognatione Ram dicitur: quia vnusquisque prædicator arrogans intra vniuersalem Ecclesiam positus, sanctis populis fidei veritate sociatur, quanuis ab eorum vita elationis prauitate disiungitur. Sequitur:

Quod sectatores vanæ gloriæ, dum se omnibus præferunt, alios nihil scire, nec rectè viuere indicant.

Caput III.

Iratus est autem aduersus Iob, eo quod iustum se diceret coram Deo. Porro aduersus amicos eius indignatus est, eo quod non inuenissent responsionem rationabilem, sed tantummodo condemnassent Iob. (Solertè intuendum est quod beatum Iob ideo reprehendit, quod coram Deo se iustum esse dixerat: amicos verò eius ideo redarguit, quod condemnantes eum, responsionem contra illum rationabilem non dederunt. Istis nanque indicis apertè colligitur, quod per eum species amatorum vanæ gloriæ designatur. Iob quippe de præsumpta iustitia, amicos verò eius de stulta responsione redarguit. Cuncti enim vanæ gloriæ sectatores, dum se omnibus præferunt, alios quidem de fatuis sensibus, alios autem de indignis meritis reprehendunt: id est, alios censent nihil scire, alios non bene viuere. Et quāuis iustè omnes extra Ecclesiam positos praua sentire redarguunt

darguunt, tamen etiam eos qui intus sunt, pro vitæ despectu contemnunt, & contra illos ex magnitudine rectè sentiendi, contra istos verò quasi ex merito bene viuendi superbiunt.

Bene autem Helii modò beatum Iob, modò amicos eius increpare perhibetur: quia amatores vanæ gloriæ aliquando intra sanctam Ecclesiam constituti, & aduersarios premunt dum vera prædicant, & eiusdem sanctæ Ecclesiæ moribus cōtradiciunt, dum de ipsa prædicatione gloriantur. Premunt aduersarios virtute dicti, premunt sanctam Ecclesiam, qualitate dicendi. Illos prædicatione veritatis, istam vitio elationis impugnant. Sequitur: *Ignitur Helii expectauit Iob loquentem, eo quod seniores essent qui loquebantur. Cum autem vidisset quod res respondere non potuissent, iratus est vehementer.* Quauis sancta Ecclesia sit proculdubio aduersariis suis antiquior, quia de illa ipsi, non autem exiit ipsa de illis: sicut de eis per Ioannem dicitur: Ex nobis exierunt, sed non erant ex nobis: rectè tamen eisdem aduersariis Helii iunior fuisse describitur: quia nimirum post exorta hæreticorum bella, esse intra sanctam Ecclesiam fastu scientiæ inflati arrogantes cœperunt. Cum enim grauiora hostium prodire certamina, tunc sunt profectò subtiliora sensuum spicula requisita, tunc argumentorum obstacula, tunc perplexior indago verborum. Quæ sæpe viri feruentes ingenio, dum congruè inueniunt, arroganter intumescunt, & quod per elationis vitium plerunque contingit, iisdem acutis sensibus quibus hostem feriunt, prosternuntur: dum in his quæ rectè de Deo sentiunt, non Dei, sed suam gloriam quærunt. Vnde Helii quoque multa quidem rectè loquitur, & tamen diuina voce ac si peruersa dixerit, increpatur. Cum verò dicitur, quia Helii expectauit Iob loquentem, eo quod seniores essent qui loquebantur: apertè beato Iob non pro sua, sed pro amicorum reuerentia honorem seruasse monstratur: quia videlicet arrogantes intra positi eandem sanctam Ecclesiam quam defendunt despiciunt, & plerunque contingit, vt plus ingenia malè sapientium, quàm simplicem vitam innocentium venerentur: plus referunt linguis extrà loquentium, quàm meritis intra positorum: quauis vtrisque ex diuerso obuiant, cum & ab illis rectitudine sensuum, & à sancta Ecclesia morum prauitate discordent. Sequitur: *Respondensque Helii filius Barachel Buqites dixit: Iunior sum tempore, vos autem antiquiores. Idcirco demisso capite veritus sum indicare vobis meam sententiam. Sperabam enim quod ætas prolixior loqueretur, & annorum multitudo doceret sapientiam.* Cuncta hæc quæ ab eo per tumorem superbiæ proferuntur, cursim potius perstringenda sunt, quàm attentius exponenda. Quæ enim soliditate grauitatis carent, expositionis subtilitate non indigent. Sed solum puto breuiter intimandum, quod Helii quandiu pro ætatis suæ respectu tacuit, sapientior fuit: cum verò in aliis annorum multitudinem semetipsum præferens despicit, quàm pueriliter desipiat ostendit. Nam contra eius sententiam, & ætas prolixior loquitur, & per annorum multitudinem sapientia docetur: quia et si longæuitas sensum non præbet, vsum tamen vehementer exercet. Sequitur.

Quod quatuor modis arrogantium tumor dignoscitur. Cum autem bonum à seipsis habere se æstiment, aut à Deo, sed meritis suis: aut cum se iactant habere quod non habent, aut cum ex eo quod singulariter sibi habere videntur, ceteros contemnunt.

Caput IIII.

Sed vt video, spiritus est in hominibus, & inspiratio omnipotentis dat intelligentiam.) Hæc rectè diceret, si eandem intelligentiam sibi præ ceteris non arrogaret. Neque enim parua condemnatio est ex eo bono quod communiter datur, priuare gloriari, scire bonum vnde acceperit, & nescire quomodo bona vti debeat quod accepit. Quatuor quippe sunt species quibus omnis tumor arrogantium demonstratur, cum bonum aut à semetipsis habere se æstiment, aut si sibi datum desuper credunt, pro suis se hoc accepisse meritis putant, aut certè cum iactant se habere quod non habent, aut despectis ceteris singulariter videri appetunt habere quod habent. A semetipso enim bonum se habere iactabat. cui per Apostolum dicitur: *Quid autem habes quod non accipisti? Si autem accepisti, quid gloriaris quasi non acceperis? Rursum ne dari nobis bonum gratiæ pro nostris præ-*

Tomus primus.

cedentibus meritis crederemus, idem Apostolus admonet dicens: *Gratia estis saluati per fidem, & hoc non ex vobis, sed Dei donum est, non ex operibus, vt ne quis gloriatur. Qui etiam de semetipso ait: Qui prius fui blasphemus, & persecutor, & contumeliosus: sed misericordiam consecutus sum. Quibus verbis apertè declarat, quod gratia non pro meritis tribuatur, dum ex seipso docuit, & quid de malitia meruit, & quid de beneuolentia accepit. Rursum nonnulli iactant se habere quod non habent, sicut diuina voce per Prophetam de Moab dicitur: *Superbiam eius, & arrogantiam eius ego noui, & quod non sit iuxta eum virtus eius. Et sicut angelo Ecclesiæ Laodiceæ dicitur: Quia dicis quod diues sum & locupletatus, & nullius egeo: & nescis quia tu es miser, & miserabilis, & pauper, & cæcus, & nudus. Rursum nonnulli despectis ceteris videri appetunt singulariter bonum habere quod habent. Vnde & Phariseus idcirco de templo absque iustificatione descendit: quia bonorum operum meritum sibi quasi singulariter tribuens oranti Publicano se prætulit. Sancti quoque Apostoli ab hoc elationis vitio reuocantur, qui de prædicatione redeunt, cum elati dicerent: Domine in nomine tuo etiam demonia nobis subiecta sunt: ne de hac miraculorum singularitate gauderent, ilico eis respondebat Dominus, dicens: *Videbam Satanam, velut fulgur de cælo cadentem. Ipse quippe singulariter elatus dixerat: Super astra cæli exaltabo solium meum, sedebo in monte testamenti in lateribus Aquilonis: similis ero Altissimo. Et mirè Dominus vt in discipulorum cordibus elationem premeret, mox iudicium ruinæ retulit, quod ipse magister elationis accepit: vt in authore superbiæ discerent, quid de elationis vitio formidarent. In hac itaque arrogantia quarta specie crebrò humanus animus labitur: vt id quod habet, habere se singulariter gloriatur. In qua tamen similitudini diabolice vicinijs appropinquat: quia quisquis bonum se habere singulariter gaudet, quisquis videri sublimior ceteris quærit, illum videlicet imitatur, qui despecto bono societatis angelorum, sedem suam ad Aquilonem ponens, & Altissimi similitudinem superbè appetens, per iniquum desiderium quasi ad quoddam culmen conatus est singularitatis erumpere. Helii ergo quauis dari à Domino sapientiam confitetur, in hac tamen elationis specie labitur, vt sapientiozem se ceteris gaudeat, & quasi de singulari bono sese inaniter extollat. Quod verbis sequentibus indicat, dicens: *Non sum longæui sapientes, nec senes intelligunt iudicium, ideo dicam: Audite me ostendam vobis, & ego meam sapientiam. Expectate enim sermones vestros, audite prudentiam vestram donec disceptaretis sermonibus, & donec putabam vos aliquid dicere considerabam.* Quantum ad intentionem literæ spectabat, loquens Helii indicat quàm superbè tacuerit. Cum enim dicit: *Expectate sermones vestros, & putabam vos aliquid dicere: apertè declarat se ad verba senum iudicantis potius studio, quàm tacentis voto tacuisse. Quauis hæc melius vitam arrogantium designant, qui aliquando intra sanctam Ecclesiam positi, cum eiusdem sanctæ Ecclesiæ aduersarios conspiciunt, nō in eis annos temporum, sed intentionem solent pensare verborum. Nam quantolibet sint eisdem arrogantibus antiquiores hæretici, eos audacter comprimunt, in quorum verbis dogmata peruersa reprehendunt. Sequitur: *Sed vt video, non est qui arguere possit Iob, & respondere ex vobis sermonibus eius: ne forte dicatis: Inuenimus sapientiam, Deus proiecit eum, non homo.* Sæpe hæretici per hoc quod esse, & hominibus despicabiles solent, cum à cunctis ferè gentibus sanctam Ecclesiam venerari conspiciunt, opinionem eius quibus valent obtreccationibus lacerare contendunt, dicentes: *Idcirco illi cuncta temporalia suppetunt, quia ei præmia æternorum munerum subtrahunt. Quorum vocibus Helii obuiat, dicens: Ne forte dicatis, Inuenimus sapientiam, Deus proiecit eum, non homo. Ac si arrogantes intra sanctam Ecclesiam, sed tamen fideles contra hereticos dicant: Per hoc quod sanctam Ecclesiam in honore hominum florere temporaliter cernitis, proiectam eam à Domino nō credatis. Scit enim Redemptor eius, & in hoc itinere solatia venienti tribuere, & peruenienti ad æternam patriam superna præmia reseruare. In casu igitur dicitis, quia Deus cæ, & non homo proiecerit, cum venerari illam à cunctis ferè hominibus videtis, quia sic ei terrenæ gloriæ adiumentum tribuitur, vt per hoc multiplicius etiam ad cælestia subuehatur. Se-*****

f iij

quitur: Nihil locutus est mihi, & ego non secundum vestros sermones respondebo illi.) Quid est quod ait, Nihil locutus est mihi? Nūquid sancta Ecclesia per prædicatores iustos cū intra se arrogantes conspiciat, erudire ac redarguere prætermittit? Exercet hæc, & quotidie exercere non cessat. Sed Heliu qui loquentē publicè beatum Iob audierat, dicat: Nihil locutus est mihi, quia nimirum omnes arrogantes, voces quidem sanctæ Ecclesiæ audiunt, sed sibi eas dici dissimulant, quando elationis vitium emendare contemnunt. Nec se de superbia redargui estimāt, quia esse se humiles putant, quia etiam redargui despicunt, dum sapientiores se & ipsis redarguentibus arbitrantur. Quod verò ait: Et ego non secundū sermones vestros respondebo ei: bene beato Iob non secundū sermones eorū respondere se dicit. Arrogātes enim intra sanctam Ecclesiā positi, respondent cōtra eam: sed nō sicut hæretici exterius constituti. Neque enim cōtradiciunt ei praua prædicādo, sed peruersè viuendo: quia nec de Deo vt hæretici indigna sentiūt, sed de se plus quā necesse est digna suspicantur. Sequitur.

9.

Extimuerunt nec responderunt vltiā, abstuleruntque à se eloquium. Bene ad Heliu verba amici Iob extimuisse referuntur: quia nonnunquam arrogantes Ecclesiæ defensores, quanuis ordinem dicendi non teneant, tamen aduersarios ipsa dictorum virtute perturbant. Sequitur: *Quoniam igitur expectant, & non sunt locuti: steterunt, nec responderunt vltiā.* Finis esse locutionis sapientium solet, vt eousque dicant quo aduersariis silentiū imponant. Non enim se ostendere, sed praua docentes compescere cupiunt. Postquam verò de amicis Iob dictum est: *Extimuerunt, nec responderunt vltiā, abstuleruntque à se eloquium:* Heliu subiungens, ait: *Expectant, & non sunt locuti: steterunt, nec responderunt vltiā.* Et illis iam silentibus adhuc verba multiplicat: quia videlicet vir arrogans, & formam in se arrogantium intentans, non aduersariorum dicta superare, sed suam sapientiā ostentare festinat. Vnde & sequitur: *Respondebo & ego partem meam, & ostendam scientiam meam.* Hanc enim partem suam omnis arrogans æstimat, si scientiam non tam habeat quā ostendat: quia nimirum omnes elati spientiam habere non appetunt, sed ostendere. Quo contra bene per Moysen dicitur: Vas quod non habuerit operculum, nec ligaturam desuper, immundum erit. Tegmen quippe operculi, vel ligatura, est censura disciplinæ, qua quisquis non primetur, quasi vas immundum pollutumque reprobatur. An non vas sine operculo Heliu fuerat, qui hanc esse partem suam æstimaue-
rat, si ostenderet scientiam quam habebat? Quasi enim vas sine operculo, vel ligatura polluitur, qui per studium ostentationis patens, nullo velamine taciturnitatis operitur. Prædicatores autem sancti partem suam reputant, si intus quidem ipsi de sapientia gaudeant, foris autem alios ab errore compescant: neque à se ipsi ita loquendo exeunt, vt gaudium mentis in ostensione ponant disertæ locutionis: sed bonum scientiæ in cordis secreto meditantur, & ibi gaudent vbi hoc percipiunt, non vbi inter tot tentationum laqueos innotescere compelluntur: quanuis cū bonum quod accipiunt, innotescunt, media interueniente charitate, ex profectu audientium, & non ex propria ostensione gratulantur. Arrogantes enim cū scientiam accipiunt, nihil se accepisse æstimāt, si hanc eos occulta habere contingat. Nusquam quippe suum gaudium, nisi in ore hominum ponunt. Vnde & fatuæ virgines in vasis suis oleum non sumpsisse referuntur: quia arrogantes omnes cū se ab aliquibus fortasse vitiis continent, bonum gloriæ intra conscientias habere non possunt. In vase autem proprio sumpserat Paulus oleum, qui dicebat: Gloria nostra hæc est, testimonium cōscientiæ nostræ. Inane ergo vasculum ferre, est intus corde vacuo, foris humani fauoris iudicium quærere. Heliu itaque quia gloriam dum exterius quærit, intra vas oleum non habet, dicit: *Respondebo & ego partem meam, & ostendam scientiam meam.* Vnde & hoc ipsum quod de feruore vanæ gloriæ intus patitur, verbis sequentibus aperit, dicens:

Matth. 25.

2. Cor. 1.

Quod superbi, spiritu sancto plenos se esse asserunt, cuius feruor in virtute minoris intelligentiæ animos superat & transcendit.

Caput V.

Plenus sum sermonibus, & coarctat me spiritus veteri mei. En venter meus quasi mustum absque spiraculo, quod lagunculas nouas dirumpit. Loquar & respirabo paululum, aperiam labia mea, & respondebo.) Nonnunquam arrogantes viri, dum prædicatores sanctos magna eloqui, ac pro locutione sua venerari conspiciunt, locutionis eorum celsitudinem, & non vtilitatem intentionis imitantur: neque hoc amant quod illi appetunt, sed hoc summopere appetunt, quod clari hominibus ostendantur. Nam sæpe contingit vt sapientes viri cū se non audiri considerant, ori suo silentium indicant, sed dum plerunque conspiciunt quod iniquorum facinora ipsis tacentibus, & nō corripientibus crescunt, vim quandam spiritus sustinet, vt in locutionem apertæ correptionis erumpant. Vnde propheta Hieremias cū prædicationis sibi silentium indixisset dicens: Non recordabor eius, neque loquar vltiā in nomine illius: illico adiunxit: Et factus est in corde meo quasi ignis exæstuans, claususque in ossibus meis, & defeci ferre non sustinens. Audiui enim contumelias multorū. Pro eo enim quod se minimè audiri conspexit, silentium appetiit: sed cū crescentia mala cerneret, in eodem silentio non permansit. Quia enim foris tacuit, ex tædio locutionis intus ignem pertulit de zelo charitatis. Inflammanur quippe corda iustorum, cū non correpta crescere conspiciunt acta malorum: eorūque culpæ se participes credunt, quod in iniquitate crescere silendo permittunt. Dauid propheta postquam sibi silentium indixerat, dicens: Posui ori meo custodiam, dum confisteret peccator aduersum me: obmutui & humiliatus sum, & filii à bonis: in ipso suo silentio, iusto zelo charitatis exarsit, qui illico subdidit: Et dolor meus renouatus est. Concaluit cor meū intra me, & in meditatione mea exardescet ignis. Intus ergo cor concaluit, quia dilectionis ardor per admonitionem locutionis exterius emanare recusauit. Ignis in meditatione cordis exarsit: quia increpatio delinquentium à correptione oris refrigit. Charitatis enim zelus cōsolatione admirabili augendo se temperat, quādo contra iniquorū opera per vocem correptionis emanat: vt & quæ corrigere nō valet, increpare non desinat, ne se participem delinquentium, & consensu taciturnitatis addicat. Sed quia sæpe nonnulla vitia virtutes se esse mentiuntur, sicut effusio nonnunquam misericordia, & tenacia, nonnunquam parsimonia, & crudelitas aliquando iustitia vult videri: ita plerunque mentē ad loquendi impetū, vanæ gloriæ anxietas nequaquam se intra silentium capiens quasi zelus charitatis inflamat, atque appetitæ ostensionis vis ad effrenationem locutionis impellit, & quasi sub studio consulendi libido erumpit apparendi. Non enim curat loquendo quid profit, sed quid appareat: nec studet vt malum quod cernit corrigat, sed bonum quod sentit ostendat. Vnde Heliu quoque spiritu elationis extensus, & sese intra silentij claustra non capiens ait: *Plenus sum enim sermonibus, & coarctat me spiritus veteri mei. En venter meus quasi mustum absque spiraculo, quod lagunculas nouas dirumpit.* Quod si intelligere spiritaliter debemus, hoc loco videlicet ventrem sinum cordis appellat. In musto verò sancti Spiritus feruor accipitur, de quo in Euangelio Dominus dicit: Vinum nouum mittunt in vtres nouos. Ex quo dum repentē replerentur Apostoli, dum linguis omnibus loquerentur, à Iudæis nescientibus, sed tamē vera attestantibus dictum est: Hi musto pleni sunt. Lagunculas verò, infirmas ipsa humanitate conscientias, vel certè hæc terrena corporum vascula, non inconuenienter accipimus: de quibus Paulus apostolus ait: Habemus thesaurum istum in vasis fictilibus. Heliu autem, quia, sicut superius diximus, sic inflatione elationis extēditur, ac si ad loquendum per charitatis gratiam ardore spiritus sancti accendatur, sensus sui spiritum in eo quod tacuit, quasi musto absque spiraculo comparauit. Et benè ait: quod lagunculas nouas dirumpit, quia sancti Spiritus feruor, non solum veteri, sed etiam noua vita vix capitur. Mustum ergo lagunculas nouas dirumpit, quia feruoris eius potentia etiam spiritalia corda transcendit. Loquar & respirabo paulū, aperiam labia mea, & respondebo.) Bene ait, respirabo: quia sicut labor iustorum est videre praua nec corrigere, ita grauis est labor arrogantium, si quod sapiunt, nō ostendunt. Vim quippe intrinsecus æstuantem ferre vix possunt, si omne quod sentiunt, paulò tardius innotescunt.

Hierem. 20.

psal. 38.

II. Vitiis sæpe mentiuntur se esse virtutes.

Matth. 9.

Act. 1.

2. Cor. 4.

scunt, Vnde necesse est vt cum res bona agitur, prius eius elatio in corde vincatur, ne si à radice miseræ intentionis prodeat, amarus nequitiae fructus producat.

Quod hi qui adhuc vitiis impugnari se sentiunt, aliorum curam suscipere omnino non præsumant. Caput VI.

HI ergo qui adhuc vitiorum bello subiacent, nequaquam per prædicationis vsum præesse magisterio cæterorum debent. Hinc est enim quod iuxta diuinę dispensationis vocē, ab anno vicesimo & quinto Leuitę tabernaculo seruiūt, sed à quinquagesimo custodes vasorum fiūt. Quid enim per annum quintum ac vicesimum, in quo flos iuuentutis ob oritur, nisi ipsa contra vnum quodque vitium bella signantur? Et quid per quinquagesimum, in quo & iubilæi requies continetur, nisi interna requies edomito bello mentis exprimitur? Qui verò per vasa tabernaculi, nisi fidelium animæ figurantur? Leuitę ergo ab anno vicesimo & quinto tabernaculo seruiunt, & à quinquagesimo custodes vasorum fiunt, vt videlicet qui adhuc impugnatiū vitiorū certamina per cōsensum delectationis tolerāt, aliorū curam suscipere non præsumāt: cum verò tentationum bella subegerint, quo apud se iam de intima tranquillitate securi sunt, animarū custodiā fortiantur. Sed quis hæc tentationū prælia sibi perfectē subigat, cum Paulus dicat: Video aliā legem in mēbris meis repugnantem legi mentis meę, & captiuū me ducentē in lege peccati? Sed aliud est bella fortiter perpeti: aliud bellis eneruiter expugnari. In istis exercetur virtus, ne extolli debeat: in illis omnimodo extinguitur, ne subsistat. Qui igitur scit fortiter tētionē ferre certaminis, & cum tētionē cōcutitur, in alta arce præfidet quietis: quia etiā apud semetipsum sub seipso esse cōtiones vitiorū cōspicit, quibus nulla fractus delectatione cōsentit. Sequitur: *Non aspiciā personam viri, & Deum homini non æquabo.* Nescio enim quandiu subsistam, nisi post modicum tollat me factor meus. Recta cōsideratio quod Deum homini idcirco non equat, quia quādiu hīc subsistat, vel quando ad Dei iudicium tollatur, ignorat. Et bene ait: Post modicum tollat me factor meus: quia quamlibet longum fuerit tempus vitæ præsentis, eo ipso breue est, quo permanens non est. Neque enim dignū est, vt diutinum iudicetur, quicquid sine circumscribitur. Sed inter has sententias quas ex veritate solidas profert, ad verba rursum elationis erumpit, dicens.

Textus capitis trigesimaltertij, libri beati Iob.



Vdi igitur Iob eloquia mea, & omnes sermones meos ausculta. Ecce aperui os meū: loquatur lingua mea in faucibus meis. Simplici corde sermones mei, & sentētiam labia mea puram loquentur. Spiritus Dei fecit me, & spiraculū omnipotentis viuificauit me. Si potes, responde mihi, & aduersus faciē meam cōsiste. Ecce & me sicut & te fecit Deus, & de eodē luto ego quoque formatus sum. Veruntamē miraculum meum nō te terreat, & eloquētia mea nō sit tibi grauis. Dixisti ergo in auribus meis, & vocē verborū tuorum audiui. Mundus sum ego, & absque delicto immaculatus. & non est iniquitas in me. Quia querelas in me reperit, ideo arbitratus est me inimicū sibi. Posuit in neruo pedes meos, custodiuit omnes semitas meas. Hoc est ergo in quo nō es iustificatus. Respondebo tibi, quia maior sit Deus homine. Aduersus eū contendis, quod non ad omnia verba respōderit tibi. Semel loquitur Deus, & secūdō idipsum nō repetit. Per somnium in visione nocturna, quādo irruit sopor super homines, & dormiūt in lectulo: tunc aperit aures virorum, & erudiens eos instruit disciplina: vt auertat hominē ab his quę fecit, & liberet eum de superbia, eruens animā eius à corruptione, & vitā illius vt non trāseat in gladiū. Increpat quoque per dolorē in lectulo, & omnia ossa eius marcescere facit. Abominabilis ei fit in vita sua panis, & animæ illius cibus antē

Tomus primus.

A desiderabilis. Tabescet caro eius, & ossa quę tecta fuerant, nudabuntur. Appropinquabit corruptioni anima eius, & vita illius mortiferis. Si fuerit pro eo angelus loquens vnum de similibus, vt annuntiet hominis æquitatem, miserebitur eius, & dicet: Libera eum, & non descendat in corruptionē. Inueni in quo ei propitius. Consumpta est caro eius à suppliciis: reuertatur ad dies adoleſcētię suę. Deprecabitur Deum, & placabilis erit ei, & videbit faciem eius in iubilo, & reddet homini iustitiā suā. Respiciet homines, & dicet: Peccaui, & verē deliqui, & vt erā dignus, non recepi. Liberavit animam suam ne pergeret in interitū, sed viuens lucem videret. Ecce hæc omnia operatur Deus tribus vicibus per singulos, vt reuocet animas eorum à corruptione, & illuminet luce viuentium.

B Attende Iob & audi me, & tace dum ego loquor. Si autem habes quid loquaris, responde mihi. Loquere. Volo enim te apparere iustū. Quod si non habes: audi me, & tace: & docebo te sapientiam.

Quod superbi ea ipsa qua rectē sentiunt, rectē profiteri non possunt: vnde eos quos infra se vident, non consulendo, sed dominando alloquuntur. Caput VII.

Adi ergo Iob eloquia mea, & omnes sermones meos ausculta. Ecce aperui os meum, loquatur lingua mea in faucibus meis. Penſemus de qua elatione descendit, quod beatum Iob audire se admonet, quod os aperuisse se perhibet, quod linguam suam in faucibus loqui promittit. Hoc enim habet proprium doctrina arrogātium, vt humiliter nesciant inferre quod docēt, & recta quę sapiunt, rectē ministrare non possint. In verbis enim eorum proditur, quod cum docēt, quasi in quodam sibi videntur sublimitatis culmine residere, eosque quos docent, vt longē infra se positos, veluti in imo respiciunt, quibus non consulendo loqui, sed vix dominādo dignātur. Rectē autem his per Prophetam Dominus dicit: Vos autē cum austeritate imperabatis eis, & cum potentia. Cum austeritate enim & potentia imperant, qui subditos suos non tranquillē ratiocinando corrigere, sed asperē inflectere dominando festinant.

At contrā vera doctrina tantō vehementius hoc elationis vitium fugit per cogitationem, quantō ardentius verborum suorum iaculis ipsum magistrum elationis insequitur. Caueat enim ne eum magis elatis moribus prædicet, quem in corde audientium sacris sermonibus infectatur. Humilitatē namque, quę magistra est omnium matēque virtutum, & loquēdo dicere, & viuēdo conatur ostendere: vt eam apud discipulos veritatis plus moribus quā sermonibus eloquatur. Vnde Paulus Thessalonicensibus loquens, quasi culminis proprii Apostolatus oblitus ait: Facti sumus paruuli in medio vestrū. Vnde Petrus Apostolus cum diceret: Parati semper ad satisfactionem omni poscenti vos rationem, de ea quę in vobis est spe, in ipsa doctrinæ scientia qualitatem docendi asseruit esse seruandam, subdens: Sed cum modestia & timore, conscientiam habentes bonam. Hoc autem quod discipulo Paulus ait: Præcipe hæc & doce cum omni imperio: non dominationem potentię, sed auctoritatem suadet vitæ. Cum imperio quippe docetur, quod prius agitur quā dicatur. Nā doctrinę subtrahit fiduciam, quando consciētia præpedit linguam. Non ergo ei potestatem elatę locutionis, sed bonę fiduciam insinuauit actionis. Vnde etiam de Domino scriptum est: Erat enim docens sicut potestatem habens, non sicut scribæ & pharisæi. Singulariter nanque ac principaliter solus ex potestate bona locutus est: quia ex infirmitate mala nulla commisit. Ex diuinitatis quippe potentia habuit id quod nobis per humanitatis suę innocentiam ministravit.

Quod rectus ordo sit in doctrina, vt consideremus in primis quales sumus, & quales fuimus. Si nec sumus, nec fuimus, quales illi sunt quos emendare curamus, non extollamur. Item si nulla bona in eis sunt, quorum mala corrigimus, summopere attendendum est, quod ita illos potest diuina gratia permutare, vt nos posterius in bonis quę antē acceperimus, præueniant.

Caput VIII.

f iij

14. *Considerationes habende in aliorum correctione.*
Prima.
Secunda.
Tertia.

Nos enim quia infirmi homines sumus, cum de Deo hominibus loquimur, debemus primum meminisse quod sumus, ut ex propria infirmitate pensamus quo docendi ordine infirmis fratribus consulamus. Consideremus igitur, quia aut tales sumus, quales nonnullos corrigimus, aut tales aliquando fuimus, etsi iam diuina gratia operante non sumus: ut tanto temperantius humili corde corrigamus, quanto nosmetipsos verius in his quos emendamus agnoscimus. Si autem tales nec sumus, nec fuimus, quales adhuc illi sunt quos emendare curamus: ne cor nostrum forte superbiat, & de ipsa innocentia peius ruat, quorum mala corrigimus, alia eorum bona nobis ante oculos reuocemus. Quæ si omnino nulla sunt, ad occulta Dei iudicia recurramus: quia sicut nos meritis nullis hoc ipsum bonum quod habemus, accepimus: ita illos quoque potest gratia supernæ virtutis infundere, ut excitati posterius etiam ipsa possint bona quæ nos antè recipimus præuenire. Quis enim crederet quod per Apostolatus meritum Saulus lapidatum Stephanum præcessurus erat, qui in morte eius lapidantium vestimenta seruabat: His ergo primum cogitationibus humiliari cor debet, & tunc demum delinquentium iniquitas increpari. Sed hunc, ut sæpe dictum est, locutionis modum Heliu ignorare ostenditur, qui in locutione sua elationis typo quasi potentia cuiusdam authoritatis inflatur: dicens: *Audi igitur Iob eloquia mea, & omnes sermones meos ausculta. Ecce aperui os meum, loquatur lingua mea in faucibus meis.* In faucibus verò loqui est silenter dicere, & non clamoribus vociferari. Quibus verbis arrogantes intra sanctam Ecclesiam positos signat. Hi enim velut in faucibus loqui dicuntur, quando non contra adversarios extrà viuentes clamant: sed quosdam intra sinum sanctæ Ecclesiæ quasi vicinos, ac iuxta positos increpant. Sæpe verò arrogantes eandem quam tenent arrogantiam se fugere ostendunt, & dum sic cuncta agunt, ut nullum lateant, hæc priuatè singulis quasi latenter narrant: quatenus non solum de sensu intelligentiæ, sed de ipso apud homines etiam arrogantiam contemptu gloriantur. Vnde nunc dicitur: *Loquatur lingua mea in faucibus meis.* Ac si aperte dicatur: Quæ contra te prudenter sentio, ecce silenter narro. Aliquando autem in tantam imprudentiam elationem profiliunt, ut aliis tacentibus, ipsi soleant laudare quod dicunt. Vnde subiungit: *Simplici de corde meo sermones mei, & sententiam labia mea pura loquuntur.* Magne virtutis laus est simplicitas locutionis. Quam quia arrogantes non habent, habere se hanc sollicitius asserunt, ut securius audiantur. Et purè se locuturos denuntiant: quia dupliciter suæ malitiæ deprehendi formidant. Sæpe autem & falsis vera permiscunt, ut inde eorum mendacio citius credatur, vnde inesse eis assertio veritatis agnoscitur. Quia igitur Heliu & purè se locuturum perhibuit, & dicta sua appellando sententias fauore præcurrit, eandem iam sententiam quam promisit adiungit, dicens:

Quod sermo inordinatè prolatus, scientiam quam in audientium sensibus gignere debuerat, scelerat: & quid sit, quod vir qui seminis fluxum sustinebat, immundus erat.

Capitulum IX.

15. *Leui. 15.*
Acta. 14.

Spiritus Dei fecit me, & spiraculum omnipotentis viuificauit me.) Subditurus vera, præmisit elata, & dicturus hoc quod rectè saperet, antè innotuit quantum tumeret. Sic nimirum sic arrogantium mentes insaniunt, ut & in eis quæ rectè sentiunt, electionis suæ tortitudine deprauentur. Vnde fit ut etiam eorum recta auditores nequaquam instruant: quia profectò illos per ea quæ tumide sentiunt, non ad sui reuerentiam, sed ad contemptum vocant. Dúmque dictis prudentibus stultitiæ verba miscunt, quia stultitia ab audiente despiciunt, etiã prudentia non tenetur. Hinc enim per Moysen dicitur: Vir qui fluxum seminis sustinet, immundus erit. Quid est enim sermo nisi semen? Qui dum ordinatè emittitur, audientis mens quasi concipientis vterus ad boni operis prolem foetatur. Si verò importunè defluit, emittentem polluens, generandi virtutem perdit. Nam si sermo semen non esset, de prædicante Paulo nequaquam Athenienses dicerent: Quid vult sibi seminiuerbius hic dicere? De quo & Lucas dicit: Ipse enim erat dux verbi. Semen ergo vsui propaginis dicatum incompetenter fluens, cætera membra coinquinat, cum sermo per quem in audientium sensibus nasci scientia debuit, si inordi-

Enatè prodeat, etiã quæ rectè senserit scelerat. Vnde Heliu quoque etiam quæ rectè potest sentire, cõmaculat, dum cui vel quid loquatur ignorat: & quasi fluxum seminis sustinet, cum linguã vtilitati congruam, per verba vanæ locutionis mouet. Bono autè ordine, & factum se astruit, & animatum. Per spiritum factum, & per spiraculum se narrat animatum. Facto quippe Adam, scriptum est: Inspirauit in faciem eius spiraculum vitæ, & factus est homo in animam viuentem. Sed hæc quæ rectè astruit, vtrū rectè exequatur, audiamus. Sequitur: *Si potes, responde mihi, & aduersus faciem meam resiste.* Ecce dum narrat ordinem veræ cõditionis, in fastum subito superbæ elationis erumpit, atque aliis verbis hoc idè replicat, dicens: *Ecce & me sicut & refecit Deus, & de eodẽ luto ego quoque formatus sum. Venerunt enim miraculum meum non te terreat, & eloquentia mea non sit tibi grauis.* Quid est hoc quod Heliu ordinem veræ conditionis agnoscit, & modum rectæ locutionis ignorat? Quid est quod se beato Iob, & conditus exæquat, & locuturus exultat, nisi hoc quod arrogantes omnes cuncti quidem hominibus se æqualiter conditos meminerunt, sed per fastum scientiæ auditores suos æquales sibi, vel esse vel credere dedignantur, eisque se per naturæ conditionem conferunt, sed per tumorem scientiæ superponunt? Aequales quidem se iudicant extitisse nascendo, sed nõ æquales remansisse viuendo. Atque in eo quod æquales quasi viuendo iam non sunt, illud ad maius miraculum reuocant, quod æquales nascendo fuerunt. Vnde inflatus Heliu dicit: *Ecce & me sicut & refecit Deus, & de eodem luto ego quoque formatus sum. Veruntamen miraculum meum non te terreat: & eloquentia mea non sit tibi grauis.* Habent hoc etiam arrogantes proprium quod prius quàm dicant, mira se dicere semper existimant, & locutionem suam admirando præueniunt: quia vel in acutis sensibus ipsa elatio quanta sit fatuitas, ignorat. Notandum quoque est quod Paulus dum mirè Hebræos admoneret, adiunxit: Rogo autem vos fratres ut sufferatis verbum solatij, etenim perpauca scripsi vobis. Heliu autem inania protulit, & quasi consolando subiunxit: Miraculum meum non te terreat, & eloquentia mea nõ sit tibi grauis. Ille dicta sua verbū solatij: hic verò eloquentiam, & miraculum vocat. Ecce quàm districti saporis prodeunt fructuum ex diuersa radice cogitationum. Ille de magnis humiliter sentit, iste de minimis se inaniter erigit. Quid ergo inter hæc nisi hoc solerter est intuendum quod & ascensuri in imo se esse considerant, & casuri semper in præcipiti stant? Salomone attestante, qui ait: Ante ruinam exaltatur cor, & ante gloriam humiliatur. Sequitur:

Quod superbi non tam consolari, quam increpare desiderant.

Capitulum X.

Dixisti ergo in auribus meis: & vocem verborum tuorum audiui.) Atque eandem vocem subiungens ait: *Mundus sum ego, & absque delicto immaculatus, & non est iniquitas in me. Quia quærelas in me reperit: ideo arbitratus est me inimicum sibi.* Posuit in nervo pedes meos, custodiunt omnes semitas meas.) Moxque contra hæc verba quæ beatum Iob dixisse narravit, sententiam suam proferens, ait: *Hoc est ergo in quo non es iustificatus.* Profectò beatus Iob veraciter dixerat, quod absque culpa fuerit flagellatus. Hoc enim ipse de se quod de illo ad diabolū Dominus dixit: Cõmouisti me aduersus eum, ut affligerem illum frustra. Sed Heliu non credidit cessante culpa potuisse eum etiam pro gratia flagellari. Nesciebat enim flagellis eius nõ deleri vitium, sed meritum augeri, & pro eo quod sine delicto se dixerat flagellatum, hac eum sententia increpat, dicens: *Hoc est ergo in quo nõ es iustificatus.* Habent enim hoc arrogantes proprium, ut plus arguere appetant, quàm consolari: & quæque hominibus euenire cognoscunt, ex solis euenisse iniquitatibus arbitrantur. Nesciunt quippe occulta iudicia subtiliter quærere, atque id quod non intelligunt, humiliter perscrutari: quia eos sæpe à secretis inuestigationibus iudiciorum Dei, ipsa scientiæ suæ elatio deiicit dum extollit. Obstaculum nanque veritatis est tumor mentis, quia dum inflat obnubilat. Qui & si quando scientiam videntur adipisci, quasi de quo dam rerum cortice, & non de secretæ dulcedinis medulla pascuntur, micantibusque ingeniis sæpe exteriora tantummodo attingunt, sed interni gustum saporis ignorat: videlicet foris acuti, sed intus cæci sunt. Neque id de Deo sentiunt quod dulce interius sapiat,

piat, sed quod excussum exterius sonet. Qui etsi secreta quædam intelligendo percipiunt, eorum dulcedinem experiri nō possunt, etsi nouerunt quomodo sunt, ignorant vt dixi quomodo sapiunt. Et fit plerunque vt fortiter dicant, sed tamē iuxta ea quæ dicunt, viuere nesciant. Vnde bene quidā sapiens dixit: Mihi autem det Deus, hæc dicere ex sententia. Sentētia quippe à sensu vocata est. Et recta quæ intelligit, non ex sola scientia, sed ex sententia dicere appetit, qui nequaquam tantummodo sciendo dicere, sed sentiendo desiderat experiri quod dicit. Sed mens arrogantium dictorum suorum sensum non penetrat, quia ab interno gustu recto iudicio in eos fauores redigitur, quos foris amat. Vera autem scientia afficit, non extollit: nec superbientes quos repleuerit, sed lamentantes facit. Quæ quisque cūm repletus fuerit, primo loco se scire appetit, & iam sui conscius tantò per illam robustius sapit, quāto se infirmum in illa verius recognoscit, atque ampliorem viā huius scientiæ ipsa ei humilitas aperit: dūmque imbecillitatem suam conspiciat, ipsa ei cognitio secretorum sublimium absconditos sinus pandit: quæ cognitione pressus subtilior redditur, quo ad occulta rapiatur. Helii ergo in flagellis Beati Iob idcirco veracem rationem nō inuenit, quia eam quærere humiliter nescit, & increpare potius quā consolari paratior dicit: Hoc est ergo in quo non es iustificatus. Notandum quoque est quod beatus Iob in neruo pedem suum posuit dixit, sed nequaquam mundum se hoc modo quo ei obicitur, absque peccato vel immaculatū & sine iniquitate fuisse memorauit. Sed Helii dum cum austeritate studuit increpare quæ dicta sunt, mentiens addidit quæ dicta non sunt. Qui enim semper increpare appetunt, & nunquam fouere, multa plerunque increpando mentiuntur. Nam vt arguere doctē videantur, fingunt nonnunquam quæ redarguant, & cū ipsi equino more in cursum suæ ostentationis inferueant, in subiectorum inuentionibus ex fictis sibi iniquitatibus campum parant. Sciendū præterea est, sicut & superius dixi, quod arrogantes viri inflatis suis sermonibus sæpe fortia dicta permiscant, nec considerant aliquando quid iuuent, sed pensant studiosè quid doceant. Quorum nunc Helii speciem tenet, qui non rectè viuere appetit, sed docere. Quia ergo sciens, sed arrogans loquitur, taceamus iam quod tumidū viuūt, & audiamus quod solidum dicit. Post tot itaque elationis verba, tandem scientiam suam ostendere inchoans, ait: *Respondebo tibi quod maior sit Deus homine.* Dicatur fortasse ab aliquo: Quis istud vel cūm non audit ignorat? Sed nimirum hæc sententia t̄ vilis creditur, si non ex ipsa intentionis suæ radice pensetur. Flagellato videlicet loquebatur, qui & percussione verbera acceperat, & causas verberum nesciebat. Idcirco ergo intulit: *Respondebo tibi quod maior sit Deus homine:* vt flagellatus homo considerans quia illo maior est Deus, in omne quod patitur, eius iudicio se postponat, cui se minorem esse non dubitat, & quod à meliore patitur, iustum credat, etiam si eiusdem iustitiæ causas ignorat. Quisquis enim etiam pro peccato percutitur, nisi murmurando renitatur, eo ipso iam iustus esse inchoat, quo ferientis iustitiam non accusat. Homo nanque sub Deo est conditus, & ad conditionis ordinem redit, quando sibi æquitatem iudicis sui etiam quam non intelligit, antepōnit. Bene ergo dicitur: *Respondebo tibi quod maior sit Deus homine:* vt considerata potentia creatoris, deferueat tumor mentis per memoriam conditionis. Vnde Dauid propheta cū percussione ponderare in excessum vocis erumpere cogeretur, ad considerationem conditionis suæ se recolligens, ait: *Obmutui, & non aperui os meum: quoniam tu fecisti me.* Pensauit enim conditionis suæ ordinem, & iustitiam percussione inuenit: quia qui benignè eum qui non erat condidit, eum profectò qui erat, non nisi iuste percussit. Sequitur:

Quod in scriptura sancta semel dixit Deus quicquid expedit homini nec singulis cogitationibus hominum, per prophetarum voces vel angelorum ministeria interrogatus respondeat.

Caput XI.

Aduersus eum contendis, quod non ad omnia verba responderi tibi. Semel loquitur Deus, & secundo id ipsum non repetit. Afflicti cordis est proprium, vt in omne quod appetit, & tamen rerum ordinem contrarium sentit, si possit fieri, cur ita, vel non ita sit, diuinis sibi responderi vocibus velit: vt Deum de cun-

cta rerum controuersia consulat, & responsionis eius cognita ratione conquiescat. Helii autem præuidens quod scripturā sacrā Dominus conderet, vt in ea vel publicis vel occultis cūctorum quæstionibus responderet, ait: *Aduersus eum contendis, quod non ad omnia verba responderi tibi. Semel loquitur Deus, & secundo id ipsum non repetit.* Ac si diceret: Deus singulorum cordibus priuatis vocibus non respondet, sed tale eloquium construit, per quod cūctorum quæstionibus satisfacit. In scripturæ quippe eius eloquio causas nostras singuli si requirimus, inuenimus, nec opus est in eo quod specialiter quisque tolerat, responderi sibi diuina voce specialiter quærat. Ibi enim nobis omnibus in eo quod specialiter patimur, communiter respondetur, ibi vita præcedentium, fit forma sequentium. Vt enim vnum è pluribus proferamus: ecce dum passione aliqua vel molestia carnis afficimur, scire fortasse occultas causas passionis eiusdem vel molestiæ optamus, quatenus in eo quod patimur, ex ipsa rerum scientia consolemur. Sed quia de specialibus tentationibus nostris nequaquam nobis singulis specialiter respondetur, ad scripturam sacram recurrimus. Ibi videlicet inuenimus quod Paulus carnis suæ infirmitate tentatus, audiuit: Sufficit tibi gratia mea, nam virtus in infirmitate perficitur. Quod idcirco illi in infirmitate propria dictū est, ne sigillatim nobis omnib⁹ diceretur. In scriptura igitur sacra vocem Dei afflicto Paulo audiuius, ne cū fortasse affligimur, singuli audire eam priuata cōsolatione quæreremus. Nō ergo Domin⁹ ad omnia verba nobis respōdet: quia semel loquitur, & secundo id ipsum nō repetit, id est, in his quæ per scripturam sacrā ad patres nostros protulit, nos erudire curauit. Discant itaque sanctæ doctores Ecclesiæ, discāt & arrogantes cū intra eam laborare quosdam pusillanimitate cōspiciunt, quia in nobis Deus ad verba omnia non respōdet: quia semel loquitur Deus, & id ipsum secundo nō repetit, id est, cogitationibus vel tentationibus singulorum non iam passim per prophetarum voces, non iam per angelica officia satisfacit: quia in scriptura sacra quicquid potest singulis euenire comprehendit, atque in illa per exempla præcedentium, etiam vitam sequentium informare curauit. Quauis quod ait: *Semel loquitur Deus, & secundo id ipsum non repetit:* hoc intelligi subtilius potest, quod pater vnigenitum consubstantialē sibi filium genuit. Loqui enim Dei, est verbum genuisse. Semel autē loqui Dei est verbum aliud præter vnigenitum nō habere. Vnde & aptè subditur: *Et secundo id ipsum non repetit:* quia videlicet hoc ipsum verbum, id est, filium non nisi vnicum genuit. Quod autem non ait locutus est, sed loquitur, non videlicet tempus præteritum nec futurum ponens: liquet omnibus quia Deo nec præteritum tempus congruit nec futurum. Tantò ergo in eo quodlibet tempus ponitur liberè, quāto nullum verè. Neque enim quodlibet liberè dici poterat, si saltē vnum propriè diceretur. Inde itaque dici in Deo tempus audaciter quodlibet licet, vnde in eo dici propriè nullum licet. Verbum nāque pater sine tempore genuit. Et quis dignè fari queat illam ineffabilem natiuitatem, quod de eterno natus est coeternus, quod existens ante secula genuit æqualē, quod gignente natus posterior non est? Quæ videlicet nos mirari possumus, sed intueri minimè valemus. Illius autē natiuitatis vim iam mirari posse, aliquatenus videre est. Sed quomodo videmus quod nequaquam comprehendimus? Est autē quod de vsu carnis pertrahere ad sensum spiritus debemus. Nam si quis in tenebris clausis oculis iaceat, atque ante eum subitum lucernæ lumen erumpat, clausi eius oculi ipso aduentu luminis feriuntur vt patefcat. Cur ergo turbati sunt, si clausi nihil viderūt? Nec tamen aliquid perfectum fuit, quod videre clausi potuerunt. Nam si perfectè totum vidissent, cur aperti quærerēt quod viderent? Sic itaque sic sumus, cū de incomprehensibili natiuitate intueri aliquid conamur. Eo ipso em̄ quod fulgoris admiratione percutitur animus, & quasi videt quod videri non valet: velut in tenebris positus, vim lucis oculus clausus videt. Helii nāque ait: *Semel loquitur Deus.* Dauid verò verbi vnigeniti natiuitatem intuens ait: *Semel locutus est Deus.* Quia enim vnigenitus filius idē verbum patris & perfectione natus dicitur, & pro æternitate semper nō inhibetur: sacra scriptura liberè dicere de Deo consuevit, quia locutus est, & loquitur. In eo enim quod perfectum verbum genuit, & locutus est

19.

I. Cor. 12.

† al. humilis.

18.

Psal. 37.

Matth. 5. pater: in eo autem quod semper gignit, utique loquitur: quantum hoc quod perfectum diximus, proprie non dicamus, neque enim quod factum non est, proprie dicitur esse perfectum: sed eius plenitudinem per quandam angustiam nostrae locutionis exprimimus, sicut etiam de patre Dominus dicit: Estote perfecti, sicut & pater vester coelestis perfectus est. Quia verò hæc diuinæ naturæ secreta admiratione non facile occupatis per terrena desideria mentibus innotescit, apte Dei locutio qualiter ad nos fiat insinuat dicens: *Per somnium in visione nocturna, quando irruit sopor super homines, & dormiunt in lectulo.*)

Quod in nocte vite presentis diuina natura ad plenum non agnoscitur: & id ipsum quod quasi in caligine conspici potest, tunc demum videmus, cum ab huiusmodi mundi tumultuosa concupiscentia segregati, quasi clausis corporalibus sensibus in quiete contemplationis diuinæ dormimus.

Caput XII.

Impedimentum cognitionis Dei secretorum.

Quid est quod per somnium nobis locutio diuinitatis innotescit, nisi quod Dei secreta non cognoscimus, si in terrenis desideriis vigilemus? In somnio enim exteriores sensus dormiunt, & interiora cernuntur. Si ergo interna contemplari volumus, ab externa implicatione dormiamus. Vox videlicet Dei quasi per somnium auditur, quando tranquilla mente ab huius seculi actione quiescit, & in ipso mentis silentio diuina præcepta pèsatur. Cum enim ab externis actionibus mens sopitur, tunc plenius mandatorum Dei pondus agnoscitur. Tunc verba Dei mens viuacius penetrat, cum ad se admittere curarum secularium tumultus recusat. Malè autem homo vigilat, quando eum secularium negotiorum æstus insolenter inquietat. Aurem quippe cordis terrenarum cogitationum turba dum perstrepat claudit: atque in secretario mentis, quantum minus curarum tumultuantium sonus compefcitur, tantò amplius vox præsentis iudicis non auditur. Neque enim perfectè homo sufficit ad vtraque diuinus: sed dum sic interius erudiri appetit ut tamen exterius implicetur, vnde exterius auditum aperit, inde interius obsurdescit. Moyses admixtus Aegyptiis quasi vigilabat: & idcirco vocem Domini in Aegypto positus non audiebat. Sed extincto Aegypto postquam in desertum fugit, illic dum quadraginta annis degit, quasi ab inquietis terrenorum desideriorum tumultibus obdormiuit, atque idcirco diuinam vocem percipere meruit: quia per supernam gratiam quantum magis ab appetendis exterioribus torpuit, tantò verius ad cognoscenda interiora vigilauit. Rursus Israëlitiçi populi turbis prælati, ut legis præcepta percipiat, in montem ducitur, atque ut interna penetret, ab externis tumultibus occultatur.

Exod. 3.

Exod. 19.

21

Vnde & sancti viri qui exterioribus ministeriis deseruire officij necessitate coguntur, studiose semper ad cordis secreta refugiunt: ibique cogitationis intimæ cacumen ascendunt, & legem quasi in monte percipiunt: dum postpositis tumultibus actionum temporalium, in contemplationis suæ vertice supernæ voluntatis sententiam perscrutantur. Hinc est quod idem Moyses crebrò de rebus dubiis ad tabernaculum redit, ibique secretò Dominum consulit, & quid certi decernat agnoscit. Relictis quippe turbis ad tabernaculum redire, est postpositis exteriorum tumultibus, secretum mentis intrare. Ibi enim Dominus consulitur, & quod foris agendum est publice, intus silenter auditur. Hoc quotidie boni rectores faciunt, cum se res dubias discernere non posse cognoscunt: ad secretum mentis velut ad quoddam tabernaculum reuertuntur, diuinæque lege perspecta, quasi coram posita arca Dominum consulunt: & quod prius intus tacentes audiunt, hoc foris postmodum agentes innotescunt. Ut enim exterioribus officiis inoffense deseruiant, ad secreta cordis recurrere incessabiliter curant: & sic vocem Dei quasi per somnium audiunt, dum in meditatione mentis à carnalibus motibus abstrahuntur. Hinc est quod sponsa in Canticis canticorū sponsi vocem quasi per somnium audierat, quæ dicebat: Ego dormio, & cor meum vigilat. Ac si diceret: Dum exteriores sensus ab huius vitæ sollicitudinibus sopio, vacante mente viuacius interna cognosco. Quis dormio, sed intus cor vigilat: quia dum exteriora quasi non sentio, exteriora solerter apprehendo. Bene ergo Helii ait: *Quia per somnium loquitur Deus:*

Canti. 5.

Et apte subdidit. *In visione nocturna.*) Nocturna enim visio apparere contemplationi mentis sub quibusdam imaginibus solet. In diurna autem luce certius cernimus, in nocturna verò visione cunctatè videmus. Et quia sancti omnes quando in hac vita sunt, diuinæ naturæ secreta quasi sub quadam imaginatione conspiciunt, quia videlicet necdum sicut sunt, ea manifestius contemplantur, bene Helii postquam dixit Deum nobis per somnium loqui, subdit: *In visione nocturna.*) Nox quippe est vita præsens: in qua quandiu sumus, per hoc quod interna conspiciamus, sub incerta imaginatione caligamus. Propheta namque ad videndum Dominum quadam se premi caligine sentiebat, dicens: Anima mea desiderauit te in nocte. Ac si aperte diceret: In hac obscuritate vitæ præsentis videre te appeto, sed adhuc infirmitatis nubilo circumscribor. Dauid quoque huius noctis caliginem videns, claritatem veri luminis præstolatus ait: Mane astabo tibi, & videbo. Adhuc ergo in nocte minus se videre conspiciat, qui ad videndum Deum futurum mane concupiscit. Quia verò, ut diximus, ab exteriori actione cessare dormire est, bene Helii subdit, *Quando irruit sopor super homines.*) Quia autem sancti viri cum exteriori actioni non deseruiunt, intra mentis cubilia cōquiescunt, apte subiungit: *Et dormiunt in lectulo.*) Sanctis enim viris dormire in lectulo, est intra mentis suæ cubile quiescere. Vnde scriptum est: Exultabunt sancti in gloria, lætabuntur in cubilibus suis. Dicatur ergo quod semel nobis loquitur Deus per somnium in visione nocturna, quando irruit sopor super homines, & dormiunt in lectulo: quia nimirum tunc secreta diuinitatis agnoscimus, cum ab huius mundi tumultuosa concupiscentia intra mentis nostræ cubilia segregamur. Quia verò, ut sæpe iam diximus, aurem cordis tumultus secularium negotiorum claudit, & quies secretæ considerationis aperit, apte subiungit: *Tunc aperit aures virorum: & erudiens eos instruit disciplina.*) Cum enim ab exterioribus actionibus sopiuntur, aperta aure interni examinis causas audiunt. Qui dum subtiliter vel flagella publica vel iudicia occulta considerant, semetipsos afficere flectendo non cessant. Vnde bene dictum est: *Quod quatuor modis in compunctione afficimur.*

Nox vita præsens.

Esai. 26.

Psalms.

Psalms. 149.

Caput XIII.

Et erudiens eos instruit disciplina: quia consideranti menti & sese per poenitentiam laceranti, quasi quædam plagæ percussio, sunt lamenta compunctionis. Vnde etiam Salomon rectè vim percussiois vtriusque coniungens, ait: Liuior vulneris abstergit mala, & plagæ in secretioribus ventris. Per liuiorem quippe vulneris, disciplinam insinuat corporeæ percussio. Plagæ verò in secretioribus ventris, sunt interna mentis vulnera, quæ per compunctionem fiunt. Sicut enim venter cibis repletus extenditur: ita mens prauis cogitationibus dilatata subleuatur. Abstergunt igitur mala & liuior vulneris & plagæ in secretioribus ventris: quia & disciplina exterior culpas diluit, & extensam mentem compunctio poenitentiae ultione transfigit. Sed hoc inter se vtraque hæc differunt: quod plagæ percussio dolent, lamenta compunctionem sapiunt. Illæ affligentes cruciant: ista reficiunt dum affligunt. Per illas in afflictione mœror est: per hæc in mœrore lætitia. Quia tamen ipsa compunctio mentem lacerat, eandem compunctionem non incongruè disciplinam vocat. Quatuor quippe sunt qualitates quibus iusti viri anima in compunctione vehementer afficitur. Cum aut malorum suorum reminiscitur, considerans ubi fuit: aut iudiciorum Dei sententiam metuens, & secum quærens cogitat ubi erit: aut cum mala vitæ præsentis solerter attendens, mœrens cōsiderat ubi est: aut cum bona supernæ patriæ contemplatur: quæ quia necdum adipiscitur, lugens conspiciat ubi non est. Malorum suorum Paulus meminerat, & ex eis se in quibus fuerat, affligebat, cum diceret: Non sum dignus vocari Apostolus: quia persecutus sum Ecclesiam Dei. Rursus diuinum iudicium subtiliter pensans, in futuro malè esse metuebat dicens: Cautus stigo corpus meum & seruituti subiicio: ne forte aliis prædicans ipse reprobis efficiar. Rursus mala præsentis vitæ pensabat cum diceret: Dum sumus in hoc corpore, peregrinamur à Domino. Et, Video aliam legem in membris meis repugnantem legi mentis meæ, & captiuum me ducentem in lege peccati, quæ est in membris meis. Infelix ego homo, quis me liberabit

Prouer. 20.

1. Corint. 15.

1. Corint. 9.

2. Corint. 5.

Roma. 7.

liberabit de corpore mortis huius? Et rursus bona æternæ patriæ considerabat dicens: Videmus nunc per speculum in enigmate: tunc autem facie ad faciem. Nunc cognosco ex parte: tunc autem cognoscam sicut & cognitus sum. Atque iterum: Scimus quoniam si terrestres domus nostra huius habitationis dissoluatur, quod ædificationem ex Deo habemus, domum non manufactam, æternam in cœlis. Cuius domus bona intuens, Ephesiis dicit: Vt sciatis quæ sit spes vocationis eius, & quæ diuitiæ gloriæ hæreditatis eius in sanctis: & quæ sit supereminens magnitudo virtutis eius in nos qui credidimus. Mala vitæ præsentis beatus Iob considerans, ait: Tentatio est vita humana super terram. Vnde Dauid quoque ait: Vniuersa vanitas omnis homo viuens. Et quanquam in imagine Dei ambulet homo: tamen vanè conturbabitur. Qui rursus æternam patriam contemplatus, & hæc mala pensans in quibus erat, atque illa bona considerans in quibus adhuc non erat, ait: Heu me, quia incolatus meus prolongatus est. Et, Ego dixi in pauore meo: proiectus sum à vultu oculorum tuorum. Subleuatus in ecstasi, quod nostri interpretes pauorem non propriè vocauerunt, à vultu oculorum Dei vidit se esse proiectum. Post interni quippe luminis visionem, quæ in eius anima per contemplationis gratiam radio claritatis emicuit, ad semetipsum rediit: & cognitione percepta, vel quibus illic bonis esset, vel quibus malis hîc adesset, inuenit. Neque enim quis præsentis vitæ mala sicut sunt conspiciere præualet, si bona æternæ patriæ per contemplationis gustum contingere necdum valet. Vnde & à vultu oculorum Dei proiectum se esse cognouit. Subleuatus quippe vidit quod se hîc videre non posse ad se relapsus ingemuit. Perfectam scilicet animam ista compunctio afficere familiaris solet, qua omnes imaginationes corporeas insolenter sibi obuiantes discutit, & cordis oculum figere in ipso radio incircumscriptæ lucis intendit. Has quippe figurarum corporalium species, ad se intus ex infirmitate corporis trahit. Sed perfectè compuncta hic summopere inuigilans cum veritatem querit, eam imaginatio circumscriptæ visionis illudat: cunctasque sibi obuiantes imagines respuit. Quia enim per illas infra se lapsa est, sine illis super se ire conatur: & postquam per multa indecèter sparsa est, in vnum se colligere nititur: vt si magna vi amoris præualet, esse vnum atque incorporeum contempletur. Vnde aliquando ad quandam inusitatam dulcedinem interni saporis admittitur, ac raptim aliquo modo ardenti spiritu afflata renouatur: tantòque magis inhiat, quâto magis quod amet degustat: atque hoc intra se appetit, quod sibi dulce sapere intrinsecus sentit: quia videlicet eius amore dulcedinis sibi coram se viluit: & postquam hanc vtriusque percipere potuit, quid sine illa dudum fuisset inuenit. Cui inhaerere conatur, sed ab eius fortitudine, sua adhuc infirmitate repellitur: & quia eius munditiæ temperari non valet, flere dulce habet, sibi que ad se cadenti infirmitatis suæ lachrymas sternere. Neque enim mētis oculū potest in id quod intra se raptim conspexerit figere: quia ipso vetustatis suæ vsu deorsum ire compellitur. Inter hæc anhelat, æstuat, super se ire conatur: sed ad familiares tenebras suas victa fatigatione relabitur. Quia ergo sic affecta anima cōtra semetipsam graue certamen tolerat, & quia omnis hæc de nobis controuersia cum nos afficit, affligit: quanuis delectatione permixta non modicum dolorē parit: Heliū postquam dixit Deū nobis per somnium loqui, & locutione eius nostras aures aperiri, nō immerito eandem apertionem aurium disciplinam vocat: quia eò magis nos afficiendo conterit, quò magis ad nos per occultā eius inspirationis gratiam internæ intelligētīe sonus erumpit. Neque enim fieret extrinsecus quisque quod est, si non intrinsecus potuisset sentire quod nondum est. Nanque cum nosmetipsos inspicimus bene conditos, sed ad persuasionem diabolicam pestifera consensione deceptos, in nobismetipsis attendimus aliud esse quod fecimus, aliud quod facti sumus, conditione nos integros, sed culpa vitiatos, Proinde compuncti appetimus vitare quod fecimus, vt ad id quod facti fuimus, reformemur. Vnde & aptè Sequitur: *Vt auertat hominem ab his quæ fecit, & liberet eum de superbia.* Quid enim homo de seipso nisi peccatum fecit? Et scriptum est: Initium omnis peccati superbia. Bene ergo dicitur: quia homo cum ab his quæ fecit auertitur, de superbia liberatur. Contra conditorem

quippe superbire, est præcepta eius peccando transcendere: quia quasi à se iugum dominationis eius excutit, cui per inobedientiam subesse contemnit. At contrà qui id quod fecit vitare appetit, id quod à Deo factus est recognoscit: & ad conditionis suæ ordinem humiliter redit, dum sua opera fugiens, talem se esse qualis à Deo factus est diligit. Quia verò per hanc intelligentiam gloria sempiterna recipitur, supplicia æterna vitantur, aptè subiungitur:

Quod de corruptione transseunt ad gladium, qui de peccato ad supplicia rapiuntur.

Caput XIII.

Eruens animam eius de corruptione, & vitam illius vt non transeat in gladium.) Omnis quippe peccator ab hac corruptione vitiorum illuc ad gladium cōpellitur trāsire pœnarū: vt vnde hîc iniquè delectatus est, inde illic iustè crucietur. Notandum est ergo quod Deus nobis per somnium loquēs, prius nos à corruptione, & postmodum à gladio liberat: quia nimirum illius vitam illic eripit ab vltione supplicij cuius hîc mentem subtrahit à delectatione peccati. Neque enim illic habet quod formidare debeat de gladio sententiæ, quem hîc post emendationem suam pollutio non corruperit culpæ. Bene ergo dicitur: Eruens animam eius de corruptione, & vitam illius vt non transeat in gladium. De corruptione nanque ad gladium transire, est post peracta vitia ad toleranda supplicia peruenire. Sequitur.

Quod occulto Dei iudicio agitur, vt in cuiusque ordinis loco, in cuiusque secreti recessu homo sine tentationibus non viuat: & plerumque quod sibi ad requiem parat, inuenitur in perturbationem.

Caput XV.

Increpat quoque per dolorem in lectulo, & omnia ossa eius marcescere facit.) In scriptura sacra lectus siue grabbatus seu stratum, aliquando voluptas carnis, aliquando repausatio in bonis operibus, aliquando requies temporalis accipitur. Quid est enim quod in Euangelio sanato cuidam Dominus dicit: Surge, tolle grabbatum tuum, & vade in domum tuam: nisi quod per grabbatum voluptas corporis designatur? Et iubetur vti que vt hoc sanus portet, vbi infirmus iacuerat: quia nimirum omnis qui adhuc vitiis delectatur, infirmus iacet in voluptatibus carnis. Sed sanatus hoc portat, vbi infirmus iacuerat: quia diuino adiutorio ereptus, à vitiis eiusdem carnis contumelias postmodum tolerat, in cuius prius desideriis quiescebat. Rursus per lectum vel stratum repausatio in bonis operibus designatur. Vnde in Apostolorum actibus Petrus apostolus dicit: Aenea, sanet te Dominus Iesus Christus: surge & sterne tibi. Quid est dicere, surge: nisi mala quæ perpetrasti derelinque? Et quid est dicere, sterne tibi: nisi mercedis causas in quibus quiescere debeas operare? vt & deferat resurgendo quæ fecit, & inueniat sternendo quod fecerit. Quod vtrunque Propheta breuiter comprehendit dicens: Declina à malo, & fac bonum. Declinare quippe à malo, est ab eo quo iacuit surgere: bonum verò facere, est mercedis opera in quibus quiescere debeat præparare. Qui enim declinat à malo, sed bona adhuc non facit: surrexit quidem ab eo quo iacuit, sed vbi quiescere debeat nondum strauit. Et rursus lectus vel stratum, requies temporalis accipitur, sicut scriptum est: Vniuersum stratum eius versasti in infirmitate eius. Cum enim quisque curis secularibus fatigatus, deferere per diuinam gratiam huius mundi itinera laboriosa compungitur: cogitare solet quomodo præsentis vitæ desideria fugiat, & ab eius laboribus quiescat: sibi que mox desideratæ quietis ordinem querit, & velut quoddam stratum sicut à cunctis laboribus cessationis locum inuenire concupiscit. Sed quia in hac vita adhuc homo positus: in cuiuslibet ordinis loco, in cuiuslibet secreti secessu viuere sine tentationibus nullatenus potest: plerumque in id quod ad requiem construitur, maior dolor tentationis inuenitur. Vnde rectè Per prophetam dicitur: Vniuersum stratum eius versasti in infirmitate eius. Ac si diceret: Omne quod hîc sibi parauit ad requiem, hoc ei mutasti occulto iudicio ad perturbationem. Quod pio quidem Dei consilio agitur, vt huius peregrinationis tempore electorum vita turbetur. Via quippe est vita præsens qua ad patriam tendimus: & idcirco hîc occulto iudicio frequenti perturbatione cōterimur, ne viâ pro patria diligamus. Solèt etenim nō-

23.

Ioan. 9.

Acto. 9.

Psalm. 33.

Psalm. 40.

Viuere sine tentationibus nullatenus homo potest.

24.

nulli viatores cum amena fortasse in itinere prata conspiciunt, pergendi moras innectere, & a cœpti itineris rectitudine declinare: eorumque gressus tardat pulchritudo itineris, dum delectat. Electis ergo suis ad se pergentibus Dominus huius mundi iter asperum facit: ne dum quisque vitæ præsentis requie, quasi amœnitate vitæ pascitur, magis eum diu pergere quam citius peruenire delectet: ne dum oblectatur in via, obliuiscatur quod desiderabat in patria. Quia ergo in hac vita omnis nostra quam fortasse parauimus requies turbatur, rectè dicitur: Increpat quoque per dolorem in lectulo: id est, in præsentis vitæ requie, vel tentationis nos stimulis, vel flagelli afflictione conturbat. Nam sepe humanus animus quamlibet breui tempore sine tentatione in bonis studiis fuerit, mox de eisdem studiis, in quibus quiescendo se exerit, de ipsis virtutibus quibus multiplicari nititur, dum proficere se sentit eleuatur. Vnde pio rectoris nostri moderamine, impulsu tentationis afficitur, ut in eo ipsa profectus sui elatio comprimatur. Quapropter postquam dixit: Increpat quoque per dolorem in lectulo, aptè subiunxit:

Quod tentationum profectus sit, cum infirmitatem nostram recolimus, & cognoscimus quid diuino munere possimus, & quid ex nobis sumus.

Caput XVI.

Psal. 33.

Et omnia ossa eius marcescere facit. Ossa in scriptura sacra virtutes accipimus, sicut scriptum est: Dominus custodit omnia ossa eorum, vnum ex eis non conteretur. Quod utique non de ossibus corporis, sed de viribus dicitur mentis. Nam certè nouimus quod & multorum martyrum corporaliter ossa confecta sunt, & persecutores Domini, latronis illius cui dictum est: Hodie mecum eris in paradiso: sicut latronis alterius in cruce crura fregerunt. Cum ergo increpat per dolorem in lectulo, omnia ossa facit marcescere: quia cum in ea requie quam nobis ab hoc seculo præparamus, flagello tentationis afficimur, qui fortasse de virtutibus nostris inflari potuimus, cognita infirmitatis nostræ tædio extenuamur. Cum enim sicut cupimus ad Deum proficimus: si profectum nostrum tentatio nulla pulsaret, alicuius nos fortitudinis esse crederemus. Sed quia nobiscum superna dispensatione agitur, ut infirmitatis nostræ quia proficientes obliuiscimur, tentati recolamus: & in profectu nostro quid de diuino munere, & in tentatione cognoscamus, quid de propriis viribus sumus. Quæ nos profectio tentatio ad plenum raperet, nisi protectio superna seruaret. Sed pulsata nec frangit: impellit nec mouet: quatit nec delicit: ut de nostra infirmitate sentiamus esse quod quatimur, & de diuino munere esse quod stamus. Et quia sepe anima alicuius boni sibi conscia, cum virtutes suas sibi ad memoriam reuocat, quadam delectatione pascitur, & quasi gratulatione propriæ plenitudinis impinguatur: bene dicitur, quod tentatione pulsante marcescunt ossa: quia dum propria infirmitas tentatione interrogante cognoscitur, omnis illa nostrarum virium velut pinguis viridisque gratulatio, subito anxietatis mœrore siccatur: & qui nos alicuius esse momenti bona nostra pensando credidimus, pulsati paulò amplius perituros nos iam iamque formidamus. Tunc omne bonorum nostrorum gaudiū veritur in pauorem pœnarum. Tunc iniquos nos esse deprehendimus, qui sanctos pauloante credebamus. Tabescit mens, stupent oculi: omne quod prius prosperum arridebat euanescebat, lux ipsa fastidio est: & solæ se in animo tenebræ mœroris effundunt: nihil quod delectet aspicitur, triste est quicquid occurrit. Vnde & aptè sequitur.

Quod homini in tentationibus constituto præsentis vitæ dulcedo amarescit: & nihil aliud quam gemere & flere delectat.

Caput XVII.

Panis multiplex.

Amirabilis ei sit in vita sua panis, & anima illius cibis ante desiderabilis. Ac si aptè dicat: afflicta mens sibi in amaritudinē verti considerat, quicquid se antea blandè libenterque satiabat. In scriptura enim sacra panis aliquando ipse Dominus, aliquando spiritalis gratia, aliquando diuinæ doctrinæ eruditio, aliquando hereticorū prædicatio, aliquando subsidium vitæ præsentis, aliquando iucunditas humanæ delectationis accipitur. In pane Dominus signatur, sicut ipse in Euangelio dicit: Ego sum panis viuus, qui de cœlo descendi. Rursum per panem gratia doni spiritalis accipitur, sicut per Prophetam di-

Ecitur: Qui obturat aures suas ne audiat sanguinem, & claudit oculos suos ne videat malum, iste in excelsis habitabit: munita saxorum sublimitas eius, panis ei datus est. Quid est enim obturare aures suas ne audiat sanguinem, nisi peccatis suadentibus, quæ de sanguine & carne nascuntur, non præbere consensum? Et quid est, ne malum videat, oculos claudere, nisi omne quod rectitudini aduersum est, non approbare? Iste in excelsis habitabit: quia quanuis eum adhuc caro in inferioribus retinet, mentem iam in sublimibus fixit. Munita saxorum sublimitas eius: quia qui obiecta desideria terrenæ conuersationis calcit, ad supernam patriam per præcedentium patrum exempla se subleuat. Et quia per contemplationis donum gratia spiritali satiatur, aptè subiungitur: Panis ei datus est, id est, refectionem spiritalis gratiæ percipit: quia se à bonis infimis cœlestia sperando suspendit. Hinc etiam de sancta Ecclesia per Dauid Dominus dicit: Pauperes eius saturabo panibus: quia in illa mentes humilium positæ spiritalium implentur refectione donorum. Rursum per panem diuinæ doctrinæ eruditio designatur, sicut per Prophetam dicitur: Qui habitatis in terra Austri, cum panibus occurrere fugienti. In terra quippe Austri habitant, qui in sancta Ecclesia positi, superni spiritus charitate perflantur. Fugit autem, qui huius mundi mala euadere concupiscit. Qui ergo in terra Austri, fugienti cum panibus occurrat, id est, is qui iam sancto Spiritu intra Ecclesiam plenus est, eum qui mala sua euadere nititur, eruditionis alloquio consoletur. Fugienti scilicet cum panibus occurrere, est metuenti æterna supplicia, doctrinæ sacre escas offerre: & modò tumorem terrore comprimere, modò pauorem exhortatione refouere. Quia panis refectionis scripturæ sacre non inconuenienter accipitur, per eundem Prophetam Iudæis solam literam seruantibus dicitur: Quare appenditis argentum, & non in panibus? Ac si diceret: Pensatis sacra eloquia, sed non in refectione: quia dum solam literæ speciem custoditis, de spiritali intelligentia pinguedinem internæ refectionis amittitis. Vnde illic aptè subiungitur: Et laborem vestrum non in saturitate. Rursum per panem hæreticorum prædicatio designatur: sicut per Salomonem mulier hæreticæ Ecclesiæ typum gestans & stultos conuocans dicit: panes occultos libenter edite. Vel sicut in nostra translatione scriptum est: Aquæ furtiue dulciores sunt, & panis asconditus suauior. Sunt enim nonnullæ hæreses quæ apertè metuunt prædicare quod sentiunt, & apud infirmorum mentes verba sua tantò magis condiunt, quātò quasi amplius reuerenter abscondunt. Vnde non immerito dicitur: Panes occultos libenter edite. Miseris enim cordibus occulta hæreticorum verba eò magis sapiunt, quòd cum reliquis communiter non habentur. Rursum per panem subsidium præsentis vitæ accipitur, sicut Iacob ad Laban transiens, ait: Domine Deus si dederis mihi panem ad manducandum, & vestem ad induendum. Et sicut in Euangelio Dominus turbis se sequentibus dicit: Queritis me, non quia vidistis signa, sed quia manducaistis ex panibus meis, & saturati estis. De septem enim panibus fuerat satiati. Et per eorum personam Dominus illos intra sanctam Ecclesiam detestatur, qui per sacros ordines ad Dominum propinquantes, non eisdem ordinibus virtutum merita, sed subsidia vitæ præsentis exquirunt: nec cogitant quid viuendo imitari debeant, sed quæ compedia percipiendo satientur. Satiatos quippe de panibus Dominum sequi, est de sancta Ecclesia temporalia alimenta sumpsisse. Et non pro signis est Dominum, sed pro panibus querere: ad religionis officium, non pro augendis virtutibus, sed proquirendis subsidiis inhiare. Rursum per panem iucunditas humanæ delectationis accipitur. Vnde Hieremias Propheta cum synagoga perditos mores desleret, dixit: Omnis populus eius gemens & querens panem: dederunt preciosa quæque pro cibo ad refocillandam animam. Gemens enim populus querit panem, dum praua hominum multitudo affligitur: quia non ad votum de præsentis vitæ iucunditate satiatur. Sed & preciosa quæque pro cibo dat: quia virtutes mentis in appetitum delectationis transitorie inclinat. Et refocillare animam nititur: quia peruersis suis desideriis satisfacere conatur. Vnde bene mox ex voce illic electæ multitudinis subdit: Vide Domine & considera: quia facta sum vilis. Vilis quippe plebs Dei

Esaia. 33.

Psal. 135.

Esaia. 1.

Esaia. 54.

26

Prover. 9.

Gene. 28.

Joan. 6.

Thren. 1.

Vide Ibidem.

Dei efficitur, quando prauorum numero crescente, in eis non summa, & caelestia, sed abiecta & terrestria sectatur. Helii itaque quid aliud panem quam praesentis vitae delectationem vocat? Qui postquam vim tentationis expressit, illico subdidit: *Abominabilis ei fit in vita sua panis, & anima illius cibis ante desiderabilis*: quia videlicet omne quod prius de ipsa prosperitate viuendi dulce sapiebat, postmodum per vim tentationis amarescit. Nonnunquam verò quicquid gaudij, quicquid virtutis fauere videbatur, subito in pauore tentationis amittitur, & quasi euacuatus eisdem virtutibus tristis animus solo mœrore possidetur. Cum enim paulò vehementius impulsu tentationis afficitur, quia exerere vim solitæ fortitudinis non valet, eam iam velut perditam dolet: seque ex se vacuum sentiens, infirmitatem suam ex ipsa sua vanitate recognoscit. Vnde ab omni mox iucunditate quasi frangitur: & escas prioris lætitiæ respuens, eo quem solum libenter appetit, luctu satiatur. Vnusquisque enim cum sibi bene viuendi prosperitas arridet, hilarescit: atque ipsa hilaritas animi velut desiderabilis cibus reficit. Sed cum tēratione paulò amplius imminente pulsatur, à mente eius per mœoris fastidium gaudium omne respuitur, quæ prius eodem gaudio quasi satiata lætabatur. Quia igitur homo tentatus, ab ore cordis omnem cibum respuit delectationis, nihilque ei aliud quam semetipsum & cognoscere & flere delectat, bene dicitur: *Abominabilis ei fit in vita sua panis, & anima illius cibis ante desiderabilis*. Sed sicut superius diximus, idcirco moderamine occultæ dispensationis ita tentari permittimur: vt qui ex diuino munere in virtute proficimus, etiam quid sumus ex propria infirmitate memoremur: & qui ex perceptione muneris opera virtutis inferimus, ex infirmitatis nostræ memoria sacrificium humilitatis offeramus. Aliquando autem post profectum virium non solum tentant vitia, sed etiam flagella castigat. Cum autem tentamur vitiis, pia dispensatione nobiscum agitur: ne his virtutibus quibus proficimus extollamur. Cum verò flagellis atterimur, malis increpantibus admonemur, ne mundo blandiente seducamur. Vitia dum nos tentant, proficientes in nos virtutes humiliant: flagella dum tentant, surgentes in corde huius mundi voluptates eradicant. Per tentantia vitia discimus, quid de nobis simus: per ferientia flagella cognoscimus quid de hoc mundo fugiamus. Per illa restringimur ne intrinsecus extollamur: per ista comprimimur ne quid extrinsecus appetamus. In hac ergo vita dum sumus, & flagellis atteri, & aliquando tentari vitiis necesse est. Siue enim in laboribus flagellorum seu in certamine vitiorum, non solum nobis nostra infirmitas innotescit, sed etiam in quanta virtute profecerimus agnoscimus.

De vtilitate tentationis: & quid in aduersis magis se agnoscat homo quam in prosperis.

Caput XV III.

28. Nemo quippe vires suas in pace cognoscit. Si enim bella defunt, virtutum experimenta non prodeunt. Imprudens miles est, qui fortem se in pace gloriatur. Quia ergo saepe virium merita per flagellorum aduersa patefaciunt: apte Helii subiungit dicens: *Tabescet caro illius, & ossa quæ tacta fuerant nudabuntur*. Cum enim flagellis prementibus omnis exterior voluptas atteritur, internæ fortitudinis ossa nudantur. Quid autem hoc loco carnis nomine, nisi ipsa delectatio carnalis accipitur? Vel quid per ossa nisi virtutes animæ designantur? Tabescit ergo caro & ossa nudantur: quia dum flagellis arguentibus carnalis delectatio extenuatur, ea quæ dudum quasi sub carne latuerant virtutum fortia patefiunt. Nemo quippe quantum profecerit, nisi inter aduersa cognoscit. Cum enim assunt prospera, cerni virium documenta non possunt. Vnde aliàs scriptum est: In die mādauit Dominus misericordiam suam, & nocte declarauit: quia videlicet vnusquisque superni doni gratiam in tranquillitate quietis percipit: sed quantum perceperit, in aduersitate perturbationis ostendit. Tabescat ergo caro, vt nudentur ossa. Feriamur paternis perturbationibus, vt quantum proficimus agnoscamus. Flagellis enim Domini, pinguedo carnalis delectationis atteritur: sed virtutum nostrarum ossa patefiunt. Decus nostrum exterius ipsa huius mundi aduersitate scedatur: sed quid in nobis intrinsecus latebat ostenditur. Cæsis nanque Apostolis denun-

tatum est, ne loquerentur vltra in nomine Iesu: sed magna exultatione gauisi sunt, quod digni habiti sunt pro nomine Iesu contumeliam pati, suisque aduersariis cum fiducia responderunt: Obedire oportet Deo magis quam hominibus. Ecce inter aduersa validius fidei robur emicuit, ecce concisa est integritas carniū, sed patefacta sunt ossa virtutum. Hinc de eis per sapientiam dicitur: Deus tentauit illos, & inuenit illos dignos se. Tentati sunt quippe aduersitate plagarum, sed digni inuenti sunt nudatione ossium. Nam quia hoc illorum illa tentatio est, quæ ex flagellis adhibetur, illic apertè declaratur, dum sequitur: Tanquam aurum in fornace probauit illos, & quasi holocausti hostiam accepit illos. Quia ergo vnus cuiusque vires non nisi per aduersa patefiunt, bene dicitur: Tabescet enim caro eius, & ossa quæ tacta fuerant, nudabuntur. Tabescit enim caro dū omne quod fluxū infirmūque est, flagellis atteritur. Nudantur ossa, dum per hæc in nobis etiam quod validum latet aperitur. Quia verò sicut & superius dictum est, in ipsa aduersitate tentationis non solum detegitur robur fortitudinis, sed etiam cognoscitur infirmitas humanitatis: & tentatus quisque ostendit quidem quantum de Deo profecerit, sed in ipsis flagellorum afflictionibus etiam quantum de semetipso sit infirmus agnoscit: quia non tantummodo nudantur ossa, sed etiam tabescit caro, aptè subiungitur:

Quod qui tentantur, corruptioni & morti appropinquant, nisi per Dei gratiam liberentur, quæ vtiliter plerumque se subtrahit: & quàm nihil sit homo sine illa, ex propria infirmitate intelligit.

Caput XIX.

Appropinquabit corruptioni anima eius, & vita illius mortiferis.) Tentati enim vnus cuiusque iusti anima corruptioni appropinquare dicitur, quando ne eam virtus possit extollere, per flagella compellitur, quid sit ex propria infirmitate sentire. Corruptioni videlicet appropinquat: quia ex suis se viribus perditioni proximum non ignorat: vt hoc quod à perditione longè est, non sibi, sed Domino tribuat. Appropinquat verò mortiferis, quia ex infirmitate carnis proximum se peccatis mortem ferentibus respicit: à quibus diuino munere tantò magis longè fit, quantò se eis proximum ex suis meritis deprehendit. Per contemplationem conditionis suæ Dauid corruptioni appropinquauerat, cum dicebat: Memento Domine quod pulvis sumus: homo sicut scænum dies eius. Per contemplationem quoque infirmitatis propriæ Paulus mortiferis appropinquauerat, cum dicebat: Video aliam legem in membris meis repugnantem legi mentis meæ: & captiuum me ducentem in lege peccati, quæ est in membris meis. Infelix ego homo, quis me liberabit de corpore mortis huius? Corruptioni ergo & mortiferis appropinquare, est cōsiderata infirmitate humanitatis suæ peccatorem se ex suis meritis cernere, atque apud se arrogantiam ex propriis viribus non habere. Quid enim sumus, si à conditoris nostri protectione desermur? Quæ nimirum protectio minus necessaria creditur, si semper habeatur. Sed vtiliter plerumque subtrahitur, vt sibi metipso homo quàm sine illa nihil sit ostendatur. Manus igitur Dei aliquando nos nobis per aduersa insinuat, quæ etiam nescientes nos in prosperis portat. Quæ destituti dum cadere incipimus, & tamen adiuti retinemur: & doctrina fit quod in lapsu trepidamus, & custodia quod in statu permanemus. Nemo ergo se alicuius virtutis æstimet, etiam cum quid fortiter potest: quia si diuina protectio deserat, ibi repentè eneruiter obruitur, vbi se valenter stare gloriabatur. Quid est enim quod vir Dei contra altare Samariæ ad prophetandum directus, præsentē rege auctoritatem liberæ vocis exercuit, eiusdemque regis extensum brachium in rigorem miserabiliter astrinxit, quod tamen mox misericorditer salutē restituit: Cuius in domo inuitatus comedere noluit: quia ne in via comederet prohibitionis dominicæ præcepta seruauit. Qui tamen in eadem via & seductus comedit, & pastus interiit. Quia in re quid subtili consideratione colligimus: quid, vt ita dixerim, formidandum suspicamus: nisi quod forsitan quia apud semetipsum tacitus, pro præceptis dominicis regem se contempsisse gloriabatur, ab interna mox soliditate quassatus est: & inde ei in opere culpa surripuit, vnde gloria in corde surrexit: vt Prophetæ falsi verbis deceptus disceret, quia nequaquā p. o.

Acto. 5.

Sapient. 3.

Ibidem.

Psal. 102.

Rom. 7.

Nemo se alicuius virtutis æstimet, etiam cum quid fortiter potest: quia si diuina protectio deserat, ibi repentè eneruiter obruitur, vbi se valenter stare gloriabatur. Quid est enim quod vir Dei contra altare Samariæ ad prophetandum directus, præsentē rege auctoritatem liberæ vocis exercuit, eiusdemque regis extensum brachium in rigorem miserabiliter astrinxit, quod tamen mox misericorditer salutē restituit: Cuius in domo inuitatus comedere noluit: quia ne in via comederet prohibitionis dominicæ præcepta seruauit. Qui tamen in eadem via & seductus comedit, & pastus interiit. Quia in re quid subtili consideratione colligimus: quid, vt ita dixerim, formidandum suspicamus: nisi quod forsitan quia apud semetipsum tacitus, pro præceptis dominicis regem se contempsisse gloriabatur, ab interna mox soliditate quassatus est: & inde ei in opere culpa surripuit, vnde gloria in corde surrexit: vt Prophetæ falsi verbis deceptus disceret, quia nequaquā p. o.

3. Reg. 13.

Psal. 41.

priæ fortitudinis fuerit, quod regis verbis restitisset: Bene autem ex eius ore mortis sententiam accepit, cuius seductione à vitæ præcepto deuiauit: vt inde pœnam veraciter fumeret, vnde culpam negligenter admisisset. Quia igitur vnumquodque electum suum diuina gratia tunc magis erudiendo custodit, cum quasi percuciens deferit, dicatur rectè: Appropinquabit corruptioni anima eius, & vita illius mortiferis: vt quod se suis viribus vicinum morti per aduersa considerat, eò in cunctis quæ fortiter egerit, ad diuinæ spei munimen fugiens solidius viuat.

Libri. xxiij. Moralium sancti Gregorij finis.

B. GREGORII MORALIVM LIBER VIGESIMVS

quartus, continuans textum capitis trigesimali tertij, Beati Iob.

Caput I.



ELIV vim supernæ dispensationis insinuans, de electi vniuscuiusque percussione intulit dicens: *Appropinquabit corruptioni anima eius, & vita illius mortiferis.* Et dum tentatum hominem demonstrat vnum, in qua tentatione sit positum humanum genus, ostendit vniuersum: dumque narrat quid specialiter agatur in singulis, liquidò intimat quid generaliter agatur in cunctis. Sic enim tentationem expresseit quorundam, propriè singulorum, vt possit intelligi & vniuersaliter omnium. Cunctum quippe electorum genus in hac vita huius tædio laboris afficitur. Vnde & mox huic generali pestilentie generale subintulit remedium medicinæ, dicens:

Quod Christus, magni consilij Angelus, similis nobis, locutus est aequitatem, homo pro hominibus interpellans: & impetravit indulgentiam, ex auditu pro sua reuerentia.

Caput II.

Si fuerit pro eo Angelus loquens vnum de similibus, vt annuntiet hominis aequitatem, miserebitur eius. Quis enim est iste Angelus, nisi ille qui per Prophetam dicitur magni consilij Angelus? Quia enim Græca lingua Euangelizare denuntiare dicitur: semetipsum nobis annuntians Dominus Angelus vocatur. Et bene ait: Si fuerit pro eo Angelus loquens: quia sicut ait Apostolus, etiam interpellat pro nobis. Sed quid pro nobis loquatur audiamus: Vnum de similibus. Mos medicinæ est, vt aliquando similia similibus, aliquando contraria contrariis curet. Nam sæpe calida calidis, frigida frigidis: sæpe autem frigida calidis, calida frigidis sanare consuevit. Veniens ergo ad nos desuper medicus noster, tantisque nos inueniens languoribus pressos: quiddam nobis simile, & quiddam contrarium apposuit. Ad homines quippe homo venit, sed ad peccatores iustus: concordauit nobis veritate naturæ, sed discrepauit à nobis rigore iustitiæ. Vtiosus enim homo corrigi non poterat, nisi per Deum. Videri autem debuit qui corriperebat: vt præbendo imitationis formam, antea actæ malitiæ mutaret vitam. Sed videri ab homine non poterat Deus: ergo homo factus est, vt videri potuisset. Iustus igitur atque inuisibilis Deus apparuit similis nobis homo visibilis, vt dum videretur ex simili, curaret ex iusto: & dum veritate generis concordat conditioni, virtute artis obuiaret ægritudini. Quia ergo in carne veniens Dominus non culpam nostram ex vitio, non pœnam ex necessitate suscepit: nulla enim labe peccati pollutus: reatus nostri teneri conditione non potuit, atque ideo mortem nostram omni necessitate calcata, cum voluit, sponte suscepit: rectè dicitur quod pro tentato homine iste Angelus vnum de similibus loquitur: quia nec ita natus vt reliqui, nec ita mortuus, nec ita resuscitatus. Non enim cooperante coitu, sed Spiritu sancto superueniente conceptus est. Natus autem materna viscera & sæcunda exhibuit, & incorrupta seruauit. Rursum nos omnes cum nolumus morimur: quia ad soluen-

Edæ pœnæ debitum culpæ nostræ conditione coarctamur. Ille autem quia nulli admixtus est culpæ, nulli ex necessitate succubuit pœnæ. Sed quia culpam nostram dominando subdidit, pœnam nostram miserando suscepit, sicut ipse ait: Potestatem habeo ponendi animam meam, & potestatem habeo iterum sumendi eam. Qui etiam præmisit: Nemo tollit eam à me, sed ego pono eam à meipso. Rursum non vt reliqui suscitatus est: quia nostra resurrectio in seculi finem dilata est: illius verò die tertio celebrata. Et nos quidem per illum resurgimus, nam ipse per se. Neque enim qui Deus erat, sicut nos ab alio vt resuscitari potuisset indigebat. In eo ergo eius resurrectio distat à nostra: quod non per nosmetipsos resurgimus, sicut ipse. Pro eo enim quod simpliciter homines sumus, superiori adiutorio vt resurgere valeamus indigemus. Ille autem eiusdem resurrectionis vim cum Patre & Spiritu sancto Deus exhibuit: quam tamen solus in humanitate percepit. Quia igitur Dominus verè natus, verè mortuus, verè suscitatus, in omnibus tamen distat à nobis magnitudine potentie, sed sola concordat nobis veritate naturæ: bene dicitur, quia pro nobis Angelus iste vnum de similibus loquitur. Cum enim in cunctis operationibus suis immensa nos virtute transcendat, in vno tamen à nobis, id est, in formæ veritate non discrepat. Per hoc pro nobis patri loquitur, per quod semetipsum nobis similem ostendit. Loqui quippe eius, vel interpellare est, ipsum se pro hominibus hominem demonstrare. Et bene cum dixisset, *Vnum de similibus loquitur*, illic adiunxit: *Vt annuntiet hominis aequitatem*. Quia nisi ille hominibus similis fieret, æquus homo ante Deum non appareret. Inde quippe annuntiat aequitatem nostram, vnde suscipere dignatus est infirmitatem nostram. Omnes videlicet nos inimica illa persuasio in culpæ contagio ab ipsa radice polluerat, nullusque erat qui apud Deum pro peccatoribus loquens, à peccato liber appareret: quia ex eadem massa editos æque cunctos par reatus inuoluerat. Proinde venit ad nos vnigenitus patris: assumpsit ex nobis naturam, non perpetrans culpam. Sine peccato quippe esse debuit, qui pro peccatoribus interuenire potuisset: quia nimirum alienæ pollutionis contagia non tergeret, si propria sustineret. Bene ergo dicitur: Quia in eo quod similis apparuit, aequitatem hominis annuntiauit. Intercedens enim pro peccatoribus, semetipsum iustum hominem qui pro aliis indulgentiam mereretur, ostendit. Sequitur: *Quod in eo quod verbum caro factum est, & in proprio sanguine Christus introiit in sancta, nostra redemptio inuenta est.*

Caput III.

Miserebitur eius, & dicit: Libera eum, vt non descendat in corruptionem: inueni in quo ei propitius. Mediator Dei & hominum, homo Christus Iesus in eo miseretur homini, quo formam hominis sumpsit: qua misericordia pro redempto homine dicit patri: Libera eum vt non descendat in corruptionem. Sicut iam supra diximus, dicere eius est liberare hominem: naturam hominis assumendo liberam demonstrare. Ex ea quippe carne quam sumpsit, etiam hanc ostendit liberam quam redemit. Quæ redempta videlicet caro nos sumus, qui cognitione nostri reatus altringimur. Sed mediatoris tanti æquitate liberamur, sicut ipse ait: Si vos filius liberauerit, verè liberi eritis. Et bene pro hoc redempto homine dicitur: *Non descendat in corruptionem.* Superius enim dictum fuerat: Appropinquabit corruptioni anima eius: postmodum dicitur: *Non descendat in corruptionem*, ac si diceret: Quia cognoscendo infirmitatem suam, esse se corruptioni proximum non ignorat, idcirco ad corruptionis interitum non descendat. Ad corruptionem enim iuste descenderet, si suis viribus longè se à corruptione esse iudicaret. Sed quia corruptioni appropinquauit humiliter, debet ab ea misericorditer liberari: vt eo contra impugnata vitia fortis sit, quo se suis meritis agnoscit infirmum. Quisquis enim supra se extollitur, ipso elationis super pondere grauatur: & eo se infimis mergit, quo in superbiæ vitium proruens, ab eo qui verè excelsus est, elongauit: atque inde magis ima appetit, vnde se coniunctum summis aestimauit: sicut per Prophetam extolenti se animæ dicitur: Quo pulchrior es descende, & dormi cum incircuncisis. Omnis enim qui fecitatem infirmitatis suæ considerare negligit, sed per elationis fastum virtutis suæ gloriam attendi vnde pulchrior

pulchrior est, inde descendit: quia extollendo se de suis meritis, inde in ima deterius corruit, vnde gloriosum se esse iudicauit. Qui descendens cum circuncisis dormit: quia in æterna morte cum cæteris peccatoribus deficit. Quia ergo homo iste humiliter corruptioni se propinquum esse cognouit, bene de eo dicitur: Libera eum vt non descendat in corruptionem: vt eo magis euadat pœnam, quo oculos suos non auertit à culpa. Quia verò nullus erat cuius meritis nobis Dominus propitiari debuisset: vnigenitus patris formam infirmitatis nostræ suscipiens, solus iustus apparuit, vt pro peccatoribus intercederet. Et bene pro redempto homine isto loquens angelus dicit: Inueni in quo propitius ei. Ac si apertè mediator dei & hominum dicat: Quia nullus hominum fuit, qui coram Deo intercessor iustus pro hominibus appareret, memetipsum ad propitiandum hominibus hominem feci: & dum me hominem exhibui, in quo iustè hominibus propitiarer inueni. Et quia infirmitatem suscipiens Dominus dum pœnam nostram moriendo tolerauit, corruptionem nostram resurgendo mutauit. Bene ergo iste angelus mortalitatis nostræ flagella subiungit, eorumque miseretur, dicens: *Consumpta est caro eius à suppliciis: reuertatur ad dies adolescentiæ suæ.* In illo quippe primo homine à Deo recedente, repulsi à paradisi gaudiis, in hanc mortalis vitæ æumnâ cecidimus: & quàm grauem culpam serpentis suasionem commisimus, pœna nostræ vltionis sentimus. Huc enim lapsi nihil extra Deum nisi quo affligemur inuenimus. Et quia per oculorum visum carnem secuti sumus, de ipsa carne quam præceptis Dei præposuimus, flagellamur. In ipsa quippe quotidie gemitum, in ipsa cruciatum, in ipsa interitum patimur: vt hoc nobis mira dispositione Dominus in pœnam verteret, per quod fecimus culpam: nec aliunde esset interim censura supplicij, nisi vnde fuerat causa peccati: vt eius carnis amaritudine homo erudiretur ad vitam, cuius oblectatione superbiæ peruenit ad mortem. Quia ergo innumeris humanum genus carnalis vitæ suppliciis promebatur, sed redemptore nostro veniente, & vitia corruptionis nostræ & tormenta deleta sunt, dicatur de hoc redempto homine:

Quod Christo interpellante pro nobis, genus humanum temptationum tormentis consumptum, reuersum est ad id vnde ceciderat antequam peccaret.

Capitulum IIII.

Consumpta est caro eius à suppliciis: reuertatur ad dies adolescentiæ suæ. Ac si diceret: Mortalitatis suæ pœna in quadam vetustatis suæ senectute deiectus est: reuertatur ad dies adolescentiæ suæ, id est, prioris vitæ integritate renouetur: vt non eo maneat quo lapsus est, sed ad hoc redemptus redeat, ad quod percipiendum conditus fuit. Scriptura enim sacra sæpe adolescentiam pro nouitate vitæ ponere consuevit. Vnde venienti sponso dicitur: Adolescentulæ dilexerunt te, id est electorum animæ gratia baptismatis renouatæ, quæ non in vitæ veteris vsu deficiunt, sed noui hominis conuersatione decorantur. Senectutem quippe veteris hominis inter vitia tabescentem desolebat ille, qui ait: Inueteraui inter omnes inimicos meos. E contra alius gaudere in virtutibus admonet, dicens: Lætare iuuenis in adolescentia tua. Ac si diceret: Fortis quisque gaudeat in renouatione sua, id est, lætitiâ suam non in vitæ veteris voluptate, sed in conuersationis nouæ virtute constituat. Quia verò ad hoc nouitatis robur non nostris viribus, sed redemptore interueniente reuocamur: pro hoc flagellato homine deprecans angelus dicat: Reuertatur ad dies adolescentiæ suæ. Et quia dum redemptor noster patrem pro nobis interpellat, nos quoque vitæ pristinæ torpore discusso, ad sitim orationis accendimur, aptè de hoc homine redempto subiungitur: *Deprecabitur Deum, & placabilis ei erit.* Prius enim postulare angelum, & postmodum hominem dicit: quia nisi antè ipse Dominus per incarnationem suam interpellâs patrem, vitam nostram peteret, nunquam se insensibilitas nostra ad postulanda ea quæ æterna sunt excitaret. Sed incarnationis eius præcessit oratio, vt torporis nostri euigilatio subsequatur.

Quod post labores temptationum, orationum instantiam, placato Deo seruati Dei quasi in excessu mentis suspensi, dum præsentia contemnunt, quadam de Deo sentiunt, quæ tamen effari non possunt.

Capitulum V.

Quia verò post tentationes, sæpe post immensas amaritudines menti nostræ in occulto gaudio lux veritatis erumpit: bene de hoc tentato homine & deprecante subiungitur: *Et videbit faciem eius in iubilo.* Superius dictum est quomodo Deus innotescendo afficit: nunc verò dicitur, quomodo dum innotescit exhilarat. Aliter enim quisque compungitur, cum interna intuens, malorum suorum pauore terretur: aliter verò compungitur, cum gaudia superna conspiciens, spe quadam & securitate roboratur. Illa compunctio afficientes & tristes, hæc verò lætas lachrymas mouet. Iubilum namque dicitur, quando ineffabile gaudium mente concipitur, quod nec abscondi possit, nec sermonibus aperiri: & tamen quibusdam motibus proditur, quanuis nullis proprietatibus exprimatur. Vnde Dauid propheta intuens electorum animas tantum gaudium mente concipere, quantum sermone non valent aperire, ait: Beatus populus qui scit iubilationem. Non enim ait, qui loquitur: sed, qui scit: quia sciri quidem iubilio intellectu potest, sed dicto exprimi non potest. Sentitur per illam quippe quod ultra sensum est. Et cum vix ad hoc contemplandum sufficiat conscientia sentientis, quomodo ad hoc exprimendum sufficiat lingua dicentis? Quia ergo cordibus nostris lux se veritatis insinuans, modò dilictam iustitiam prætedendo cõtristat, modò interna gaudia aperiendo lætificat, post tentationum amaritudines, post tribulationum luctus, aptè subiungitur: *Videbit faciem eius in iubilo.* Menti enim nostræ de consideratione cæcitatæ suæ prius ignis tribulationis immittitur, vt omnis vitiorum ærugo cõcremetur: & tunc mundatis oculis cordis, illa lætitiâ patriæ cœlestis aperitur, vt prius purgemus lugendo quod fecimus, & postmodum manifestius contemplemur per gaudia quod quæramus. Prius à mentis acie exurte tristitia interposita malorum caligo detergitur: & tunc resplendente raptim coruscatione incircumscripti luminis illustratur. Quo utcumque conspectu in gaudio cuiusdam seueritatis absorbetur: & quasi post defectum vitæ præsentis ultra se raptâ, in quadam nouitate aliquo modo recreatur. Ibi mens ex immenso fonte infusione superni roris aspergitur: ibi non se sufficere ad id quod raptâ est contemplatur, & veritatem sentiendo, videt, quia quanta est ipsa veritas, non videt. Cui veritati tantò magis se longè existimat, quantò magis appropinquat: quia nisi illam utcumque conspiceret, nequaquam eam conspiceret se non posse sentiret. Adniscus ergo animi dum in illam intenditur, immensitatis eius coruscante circumstantia reuerberatur. Ipsa quippe cuncta implens, cuncta circumstat: & idcirco mēs nostra nequaquam se ad comprehendendam incircumscriptionem circumstantiam dilatat: quia eam inopia suæ circumscriptionis angustat. Vnde & ad semetipsam citius labitur, & prospectis quasi quibusdā veritatis vestigiis, ad sua ima reuocatur. Hæc ipsa tamen per contemplationem facta non solida & permanens visio: sed, vt ita dixerim, quasi quædam visionis imitatio, Dei facies dicitur. Quia enim per faciem quemlibet agnoscimus, non immeritò cognitionem Dei, faciem eius vocamus. Vnde Iacob postquam cum angelo luctatus est, ait: Vidi Domini faciem. Ad faciem: ac si diceret. Cognoui Dominum, quia me cognoscere ipse dignatus est. Quam cognitionem plenissimè fieri Paulus testatur in fine; dicens: Tunc cognoscam sicut & cognitus sum. Quia ergo post laborum certamina, post temptationum fluctus sæpe in excessu anima suspenditur, vt cognitionem diuinæ præsentis contempletur, quam tamen præsentiam & sentire possit, & ex plere non possit: rectè post tot labores de hoc tentato homine dicitur: *Videbit faciem eius in iubilo.* Quia verò vnusquisque quantò amplius cœlestia contempletur, tantò magis à terrena operatione corrigitur: bene post gratiam contemplationis, iustitiam subdidit operationis, dicens: *Et reddet homini iustitiam suam.* Iustitia nostra dicitur, non quæ ex nostro nostra est, sed quæ diuina largitate fit nostra: sicut in dominica oratione dicimus: Panē nostrum quotidianum da nobis hodie. Ecce & nostrum dicimus: & tamē vt detur oramus. Noster quippe fit cum accipitur, qui tamē Dei est: quia ab illo datur. Et Dei ergo est ex munere: & noster fit veraciter per acceptionem. Ita ergo hoc loco homini suā iustitiam Dominus reddit: nō quā ex semetipso habuit, sed quā cõditus vt haberet accepit, & in qua lapsus perseverare noluit.

Psal. 88.

7.

Gen. 32.

1. Cor. 13.

Iustitia nostra quomodo nostra, Math. 6.

Illam ergo iustitiam reddet Deus homini, ad quam conditus fuit, ut inhærere Deo libeat, ut minacem eius sententiam pertimescat, ut serpentis callidi blandis iam promissionibus non credat. Quod enim in Paradiso egit, hoc quotidie antiquus hostis agere non desistit. Verba quippe Dei de cordibus hominum molitur euellere, atque in eis ficta promissionis suæ blandimenta radicare: quotidie hoc quod Deus minatur leuiget, & ad hoc credendum quod falsum promittit, inuitat. Falsò enim pollicetur temporalia, ut mentibus hominum ea supplicia leuiget, quæ Deus minatur æterna. Nam cum præsentis vitæ gloriam spondet, quid aliud dicit quàm gustate & eritis sicut dii? Ac si aperte dicat: Temporalem concupiscentiam tangite, & in hoc mundo sublimes apparete. Et cum timorem diuinæ sententiæ amouere conatur: quid aliud loquitur quàm id quod primis hominibus dixit: Cur præcepit vobis Deus, ut non comederetis de omni ligno Paradisi? Sed quia diuino munere redemptus homo iustitiam recepit, quam dudum conditus amisit, robustiorem se iam cōtra blandimenta callidæ persuasione exercet: quia experimento didicit quantum obediens esse debeat præcepto. Et quem tunc culpa duxit ad pœnam, nunc pœna sua restringit à culpa: ut tantò magis delinquere metuat, quantò cogente supplicio & ipse iam quod perpetravit, accusat. Vnde & sequitur:

Quod qui sanctorum patrum exempla respicit, eorum comparatione se inferiorem cognoscit. Caput VI.

Respiciet homines, & dicit: Peccavi. Sed peccatorem se non cognosceret, si iustitiam non haberet. Nemo quippe similitudinem suam nisi cum rectus esse cœperit, deprehendit. Nam qui omnino peruersus est, neque hoc potest videre quod est. Qui verò peccatorem se intelligit, iam ex parte aliqua iustus esse inchoauit, atque id quod non iustus fecerat, ex eo quod iustus est accusat. Qua accusatione sua Deo inhærere inchoat, dum rectum contra se iudicium proferens, hoc in se quod illi sentit displicere, condemnat. Recepta ergo iustitia sua dicit homo iste: Peccavi. Et notandum quod præmittitur, Respiciet homines: & tunc deinde subiungitur. Et dicit, Peccavi. Ideo enim nonnulli peccasse se nesciunt: quia homines non attendunt. Nam si considerarent homines, citius agnoscerent quantum peccando infra homines cecidissent. Et quanuis scriptura sacra aliquando homines ponere soleat humana sapientes, sicut ait Apostolus: Cum enim sit inter vos zelus & contentio, nonne carnales estis? & paulopost subiicit dicens: Nonne homines estis? Nonnunquam tamen homines dicit eos quos à bestiis ratio distinguit, id est, quos non atteri bestiali passionum motu demonstrat. Quibus per Prophetam Dominus dicit. Vos autem greges pascuæ meæ homines estis: quia illos nimirum Dominus pascit, quos voluptas carnis iumentorum more non afficit. At contra hi qui carnali affectioni succumbunt: non iam homines sed iumenta nominantur: sicut de quibusdam qui in peccato suo moriuntur, per Prophetam dicitur: Computruerunt iumenta in stercore suo. Iumenta quippe in stercore suo computrescere, est carnales homines in fœtore luxuriæ vitam finire. Non enim esse homines, sed iumenta declarantur: de quibus per Prophetam dicitur: Vnusquisque ad uxorem proximi sui hinniebat. Et de quibus Propheta alius dicit: Ut carnes asinorum, carnes eorum: & fluxus equorum, fluxus eorum. Vnde & per Dauid dicitur: Homo cum in honore esset, non intellexit, comparatus est iumentis insipientibus, & similis factus est illis. Cum ergo vocentur homines hi qui iustitiæ ratione suffulti sunt: & irrationabilia iumenta nominentur hi qui carnali delectationi deseruiunt: rectè de hoc pœnitente dicitur: *Respiciet homines, & dicit: peccavi.* Ac si dicatur: Sanctorum virorum exempla conspicit, atque eorum comparatione se pensans iniquum se esse deprehendit. Qui enim plenissimè intelligere appetit qualis est, tales nimirum debet conspiciere qualis non est: ut ex bonorum forma metiatur, quanto ipse deserto bono deformis est. Ex his quippe quibus plenissimè bona assunt, perpendit rectè quæ sibi minus sunt: atque in illorum pulchritudine conspicit fœditatem suam, quàm in semetipso, & potest perpeti, & sentire non potest. Lucem nanque debet conspiciere, qui vult de tenebris iudicare, ut in illa videat quid de tenebris æstimet, per quas videre præpeditur. Peccator nanque

si incognita vita iustorum semetipsum conspiciat, peccatorem se nullatenus comprehendit. Videre enim se non potest, quia fulgorem lucis nesciens, cum semetipsum conspiciat, quid aliud quàm tenebras attendit? Iustorum ergo debemus vitam conspiciere, ut subtiliter deprehendamus nostram. Illorum videlicet species quasi quædam forma nobis imitanda proponitur, quia viua lectio est vita bonorum. Vnde & non immeritò iidem iusti in sacro eloquio libri nominantur, sicut scriptum est: Libri aperti sunt, & alius liber apertus est, qui est vitæ, & iudicati sunt mortui ex his quæ scripta erant in libris. Liber nanque vitæ est ipsa visio aduenientis iudicis. In quo quasi scriptum est omne mandatum: quia quisquis eum viderit, mox teste conscientia quicquid non fecit intelligit. Libri etiam aperti referuntur: quia iustorum tunc vita conspicitur, in quibus mandata cœlestia opere impressa cernuntur. Et iudicati sunt mortui ex his quæ scripta erant in libris: quia in ostensa vita iustorum quasi in expansione librorum legunt bonum quod agere ipsi noluerunt, atque ex eorum qui fecerunt comparatione damnantur. Ne ergo unusquisque tunc videns eos, quod non fecit defleat, nunc in eis quod imitetur attendat. Quod quidem facere electi non cessant. Meliorem nanque vitam considerant & deterioris usus conuersationem mutant. Vnde sponsi voce sanctæ Ecclesiæ in Canticis canticorum dicitur: Duo vbera tua sicut duo hinnuli capreæ gemelli, qui pascuntur in liliis, donec aspiret dies, & inclinentur vmbre. Quæ enim sunt duo vbera, nisi ex Iudæa ac gentilitate veniens vterque populus, qui in sanctæ Ecclesiæ corpore per intentionem sapientiæ arcano est cordis infixus? Ex quo populo hi qui electi sunt, idcirco capreæ hinnulis comparantur, quia per humilitatem quidem paruos sese ac peccatores intelligunt, sed eis per charitatem currētibz, si qua obstacula de impedimento temporalitatis obuiant, transcunt, & datis contemplationis saltibus ad superna transcendunt. Qui ut hæc agant, præcedētium sanctorum exempla conspiciunt. Vnde, & in liliis pasci referuntur. Quid enim per lilia, nisi illorum vita declaratur, qui veraciter dicunt: Christi bonus odor sumus Deo? Electi ergo ut assequi summa præualeant, conspecta odorifera, & candida iustorum vita satiantur. Iam quidem videre Dominum sitiunt, iam de eius contemplatione satiari charitatis æstibus inardescunt. Sed quia in hac vita positi, necdum valent, per præcedentium interim patrum exempla pascuntur. Vnde & aptè illic tempus de ipso liliorum pastu diffinitur, dum dicitur: Donec aspiret dies, & inclinetur vmbra. Tandiu quippe refici iustorum exemplis indigemus, donec præsentis mortalitatis vmbra æterno die aspirate transeamus. Cum enim huius temporalitatis vmbra transacta hac mortalitate fuerit inclinata, quia ipsius diei internum lumen cernimus, nequaquam iam appetimus, ut ad amorem eius per aliorum exempla flagremus. Nunc autem quia necdum eum intueri possumus, summopere necesse est, ut eorum qui illum perfecte secuti sunt, conspectis actionibus incitemur. Intuemur ergo quàm pulchra est agilitas sequentium, & videamus quàm turpis sit hebetudo pigrorum. Statim nanque ut bene agentium gesta respicimus, nosmetipsos confusione intima vlciscēte iudicamus: mox verecundia mentem concutit, mox iustè sæuiens reatus addicit, & vehementer hoc etiam displicet, quod adhuc fortasse turpiter libet. Vnde per Ezechielem dicitur: Fili hominis ostende domui Israël templum, ut confundantur ab iniquitatibus suis, & metiantur fabricam, & erubescant ex omnibus quæ fecerunt. Templum quippe Dei filiis Israël ad confusionem ostenditur, quando vniuscuiusque iusti anima quam inspirando Deus inhabitat, quanta sanctitate fulgeat, ad cōfusionem suam peccatoribus demonstratur: ut in illa bonum quod negligunt videant, & in seipsis malum quod operantur erubescant. Metiri verò fabricam, est pensare subtiliter iustorum vitam. Sed dum metitur fabricam necesse est, ut ex cunctis, quæ facimus erubescamus: quia bonorum vitam quantò subtilius pensando discutimus, tantò seuerius in nobis omnia iniquè gesta reprobamus. Bene autem Prophetæ dicitur, ut ostendat templum. Quia enim iustorum rectitudinem considerare peccator dissimulat, saltem hanc ex voce prædicantis agnoscat. Templum quippe peccatoribus ostendere, est sponte sua considerare nolentibus

*Apo. 20.
Liber vitæ
visio aduenientis iudicis.*

*10
Canti. 4.*

2. Corin. 13.

Ezech. 14.

Gen. 3.

8

1. Corin. 3.

Ezech. 34.

Iob. 1.

Hier. 5.

Pzech. 23.

Esalm. 48.

9

Diversitas
dispensatio-
nis in ope-
ratoribus
iustis.

Ratio.

Ezechie. 3.

II.
Esaiæ 40.

1. Corin. 15.

2. Pet. 3.

12.

Prouer. 18.

bus rectorum opera narrare. Qui ita que, sicut diximus, per-
duci ad summa desiderat, semper necesse est vt meliorū pro-
fectibus intendat: quatenus tantō districtius in se culpas iudi-
cent, quantō in illis altius quoddā admirentur vident. Sed quid
ista de peccantibus dicimus, cum ipsos quoque operatores
iustitiæ tanta prouehi dispensatione videamus? Alius nanque
donum scientiæ accipit: & tamen ad virtutem miræ absti-
nentiæ non pertingit. Alius magna abstinentiæ virtute accin-
gitur: nec tamen in summa scientiæ contemplatione dilata-
tur. Alius per prophetiæ spiritum valet omnia ventura præ-
noscere: sed tamen per curationis gratiam non valet præsen-
tis molestiæ mala subleuare. Alius per curationis gratiam
mala præsentis molestiæ subleuat: sed tamen quia prophetiæ
spiritum non habet, quid sequatur, ignorat. Alius indigentibus
multa iam propria largiri potest: sed tamē iniuste agentibus
obuiare liberē nō potest. Alius iniuste agentibus audacter
pro Deo obuiat: sed tamen indigentibus quæ habet tribuere
omnia recusat. Alius iam & ab ocioso se sermone restrin-
gens, linguæ lasciuia superat: sed tamen adhuc insurgentes
iræ stimulos perfectē non calcit. Alius insurgentem iram iam
perfectē edomat: sed tamen adhuc linguam in lætitiā rela-
xat. Quid est hoc quoddā iste eo bono indiget quo alius pol-
let: & ille cum multis polleat, abundē aliis bonum adesse con-
siderat, quod sibi deesse suspirat? nisi quod mira nobiscum
dispensatione agitur, vt per hoc quod alter habet, & iste non
habet, vnus altero melior ostendatur: quatenus tantō arden-
tius ad humilitatem quisque proficiat, quantō ex bonis quæ
non habet, inferiorem se habentibus pensat. Sicque fit vt
dum ille in isto atque hic in illo respicit quod admiretur, di-
stincta bona & ab altitudine elationis reprimant, & ad stu-
dium profectus accendant. Magna nanque sollicitudine ad
curam nostræ meliorationis accingimur, quando id virtutis
in aliis cernimus quod non habemus. Vnde Ezechiel pro-
pheta cum volanti animalia descripsisset, adiunxit: Et audi-
ui post me vocem commotionis magnæ, benedicta gloria
Domini de loco sancto suo: & vocem alarum animalium
percutientium alteram ad alteram. Quid nanque alas anima-
lium, nisi virtutes debemus sentire sanctorum? Qui dum ter-
rena despiciunt, ad cœlestia volando subleuantur. Vnde re-
ctē etiam per Esaiam dicitur: Qui confidunt in Domino,
mutabunt fortitudinem, assument pennas vt aquilæ. Volan-
tia itaque animalia alis suis se vicissim feriunt: quia sancto-
rum mentes in eo quod superna appetunt, consideratis inui-
cem alternis virtutibus excitantur. Ala enim sua me percu-
tit, qui exemplo sanctitatis propriæ me ad melius accendit.
Et ala mea vicinum animal ferio, si aliquando alteri opus bo-
num quod imitetur ostendo. Sed quia sanctorum vitam si-
gnificari istis animalibus dicimus, libet in ipso volatu anima-
lium oculos mentis attollere, & quanta vicissim alarum per-
cussione se excitent subtili consideratione pensare. Paulus
nanque cum cæterorum sanctorum sollicitudinem in prædi-
catione robustius laborando transcenderet, vt ab elatione se
premeret, & vires suas in humilitatis gremio nutre-
ret, antiquæ non immemor, Apostolorum omnium
innocentiam contemplatus ait: Ego enim sum minimus A-
postolorum, qui non sum dignus vocari Apostolus, quia
persecutus sum Ecclesiam dei. Et tamen eorundem omnium
Apostolorum primus quasi accepti principatus oblitus, ac si
minus ipse aliquid saperet, in Paulo sapientiam miratur di-
cens: Sicut & charissimus frater noster Paulus secundum da-
tam sibi sapientiam scripsit vobis, sicut & in omnibus episto-
lis, loquens in eis de his, in quibus sunt quædam diffi-
cilia intellectu. Ecce Paulus in Apostolis miratur innocentiam,
ecce Apostolorum princeps miratur in Paulo sapientiam:
Quid est hoc nisi quoddā sancti viri dum virtutum consi-
deratione vicissim sibi alios præferunt, volentia animalia a-
larum percussione se tangunt: vt eo ad volatum se altius ex-
citent, quo humilius alter in altero quod admiretur videt?
Hinc itaque colligendum est quanta debemus sollicitudine
meliorum vitam conspiciere, nos qui in infimis iacemus, si &
hi qui iam tanta sanctitate sublimes sunt, vt per humilitatis
gressus ad maiora proficiant, adhuc quærunt in aliis quod i-
mitantes admirentur. Sed hæc reprobi nesciunt: quia mentis
Tomus primus.

A oculos semper in infimis premunt, qui & si quando in viam
Domini veniunt, non ad meliorum vestigia, sed ad intuenda
semper deteriorum exempla vertuntur. Neque enim eorum
vitam considerant, quibus se humiliando postponant, sed qui-
bus superbiendo se præferant. Deteriores nanque respiciunt,
quibus meliores se esse gloriantur, & idcirco proficere ad me-
liora non possunt: quia hoc sibi sufficere æstimant, quod pes-
simos antecedit. O miseri, viā pergunt, & in terga respiciunt.
Per spem quidem quasi ante se pedem proferunt, sed per con-
siderationem prauorū, hominum post se oculos tendunt. Re-
cti videri appetunt, sed ad inueniendum se tortā regulam su-
munt. Si enim semetipsos quales sunt cognoscere appetunt,
non deteriorum conspiciere, sed meliorum exempla debue-
rant. Idcirco ergo peccatores se esse non intelligunt, quia ho-
mines non attendunt. Nam si homines attenderent, quantum
peccando distarent a bonis hominibus, inuenirent. De hoc
ergo pœnitente qui idcirco bonorum exempla considerat, vt
sibi metipsi quantum a bono recessit innotescat, bene dicitur:

B *Respiciet homines, & dicit: Peccauit, & verē deliqui, & vt eram dignus
non recepi.*) Peccatores se esse plerumque confitentur etiam, qui
se peccasse non credunt. Nam sepe contingit, vt passim se ho-
mines iniquos esse fateantur, sed cum peccata sua veraciter a-
liis arguentibus audiunt, defendunt se summo opere, atque in-
nocentes videri conantur. Vnusquisque ergo cum talis est, si
deliquisse se dicit, verē non dicit, quippe qui peccatorem se
non ex cordis intimo, sed verbō tenus asserit. Quia enim scri-
ptum est: Iustus in principio accusator est sui: ille de confes-
sione peccati ornari voluit, non humiliari, per accusationem
suam humilis appetiit videri, nō esse. Nam si confitendo pec-
catum esse humilis veraciter appeteret, de perpetratiōe pec-
cati arguentes se alios non impugnaret. Itaque iustus vitam
suam iudicans, per exempla meliorum ex corde intimo co-
gnoscit se esse quod dicit. Ait enim: *Peccauit, & verē deliqui:* at-
que de eo ipso quod tolerat flagello subiungit: *Et vt eram di-
gnus non recepi.*) Vnusquisque enim in flagello positus, minus

C adhuc peccata sua considerat, si vel tantum, vel amplius se
percutsum quā merebatur existimat. Iste autē quia quantō
maiorum exempla considerat, tantō districtiori examinatio-
ne se pensat, minus se percutsum quā merebatur agnoscit:
quia in illorum iustitia conspiciat quā grauis sibi culpa fuerit
quod errauit, & idcirco hoc quod patitur, districtum esse non
sentit, quia districtē nouit pensare quod fecit. Valde autem fa-
cilē est, vt peccatorem se quisque cum nihil pro peccato suo
patitur, fateatur. Securē videlicet iniquos nos dicimus, cum
vindictā nullam de iniquitate sentimus. Nam peccatores nos
quidem in tranquillitate loquimur, sed cum de peccatis ipsis
flagello interueniente corripimur, murmuramus. Pœna ergo
nos interrogat, si veraciter cognoscimus culpam. Vir itaque
iustus quia culpam suam districtē considerat, etiam in flagel-
lo positus dicat: *Et vt dignus eram non recepi.*) Sequitur: *Libera-
uit enim animam suam, ne pergeret in interitum.*) Quia præueniente
diuina gratia in operatione bona nostrum liberum arbitrium
sequimur, nosmetipsi nos liberare dicimur, qui liberanti nos

D Domino consentimus. Vnde Paulus cum diceret: Abundan-
tius illis omnibus laboraui: ne labores suos sibi tribuisse vide-
ret, illic adiunxit: Nō autem ego, se gratia Dei mecum. Quia
enim præuenientem Dei gratiam, etiam ipse per liberum arbi-
trium fuerat subsecutus, aptē subiungit: Mecum: vt & diuino
muneri non esset ingratus, & tamen a merito liberi arbitrij nō
remaneret extraneus. De hoc autem qui liberatori suo semet-
ipsum cognoscendo consensit, rectē dicit: *Liberauit animam
suam, ne pergeret in interitum.* Sequitur: *Sed viuens lucem vide-
ret.*) Lucem scilicet veritatis, quam corde mortuus videre nō
posset. Vel etiam certē quia Dominus dixit: Ego sum lux
mundi: videbunt lucem etiam mortui, quando omnes iniusti
eum venire ad iudicium in humanitatis forma conspexerint.
Sed viuens tunc lucem respicit, qui liberis oculis cordis in for-
ma eum diuinitatis attendit. Sequitur:

*Quod illa tentationum genera quæ numerata sunt, operatur Deus
in nobis, vt labore conuersionis, & prouocatione tenta-
tionis, & timore mortis attriti purgemur, & post
amari tudines gaudia subsequantur.*

Caput VII.

Error fla-
gellatorum.
Recta co-
gnitio.

1. Cor. 15.

Ioan. 8.

Haec omni operatur Deus tribus vicibus per singulos.) De hoc tentato flagellatoque homine dictum superius fuerat: Abominabilis ei fit in vita sua panis, & appropinquauit corruptioni anima eius, & vita illi mortiferis. Inferius verò subnexum est: Deprecabitur Deum, & placabilis ei erit, & videbit faciem eius in iubilo, & liberauit animam suam ne pergeret in interitum, sed viuens lucem videret. In his itaque iam collectis coaueruatisque sententiis, & supra mœror amaritudinis, & infra subiuncta est lætitia securitatis, moxque post hæc dicitur: Hæc omnia operatur Deus tribus vicibus per singulos. Ac si diceret: Quod semel de vno dixi, hoc tribus vicibus per singulos agitur. Sed solerter intuendum est, quæ tres istæ vices sint, quibus unusquisque homo anxietate mœroris afficitur, & post mœrorem protinus ad securitatem lætitiæ reuocatur. Id enim superius, sicut iam dixi, narrauerat, quod & grauis prius mœror afficit, & magna postmodum lætitia attollit. Igitur si vigilanter intēdimus, has tres vices mœroris, & lætitiæ in vniuscuiusque electi animo istis alternari modis inuenimus, id est, cōuersione, tentatione, & morte. In prima quippe quā diximus cōuersionis vice, grauis mœror est, cū sua unusquisque peccata considerans, curarum secularium vult cōpedes rumpere, & viam Dei per spatium securæ conuersationis ambulare, desideriorum tēporalium onus graue abiicere, & lene iugum Domini libera seruitute portare. Cogitanti enim ista, occurrit illa familiaris sua delectatio, carnalis, quæ inueterata dudum quātō eū diutius tenuit, tātō arcti⁹ astringit, atque a se tardius abire permittit. Et quis ibi mœror, quæ anxietas cordis, quādo hinc spiritus vocat, hinc caro reuocat, hinc amor nouæ cōuersionis inuitat, hinc vltus vetustæ peruersitatis impugnat, hinc desiderio ad cœlestem patriā flagrat, & hinc in semetipso carnalem cōcupiscentiam tolerat, quæ eum etiā aliquo modo inuitum delectat? Recte ergo de hoc amarescente homine dici potest: Abominabilis ei fit in vita sua panis, & appropinquauit corruptioni anima eius, & vita illi mortiferis. Sed quia diuina gratia diu nos istis difficultatibus affici non permittit, ruptis peccatorum nostrorum vinculis citius nos ad libertatem nouæ cōuersionis cōsolando perducit, & præcedentem tristitiam subsequens lætitia refouet: ita ut conuersi vniuscuiusque animus eō magis ad votū suum perueniendo gaudeat, quō magis se pro illo meminit laborando doluisse. Fit cordi immensa lætitia: quia ei quem desiderat, iam per spem securitatis propinquat, ut recte de hoc dici debeat. Deprecabitur Deum, & placabilis ei erit, & videbit faciem eius in iubilo, vel certè liberauit animam suam ne pergeret in interitum, sed viuens lucem videret. At ne conuersus quisque iam sanctum se esse credat, & quem mœroris pugna superare non valuit, ne ipsa postmodum securitas sternat, dispensante Deo permittitur, ut post conuersionem suam tentationū stimulis fatigetur. Iam quidem per cōuersionem rubrum mare transitum est, sed adhuc in eremo vitæ præsentis ante faciem hostes occurrunt. Iam peccata præterita velut extinctos Aegyptios post terga relinquimus, sed adhuc nocentia vitia quasi alij hostes obuiant, ut ad terram promissionis pergentibus cœptum iter intercludant. Iam priores culpæ velut insequentes aduersarij sola diuina virtute prostratæ sunt, sed tentationū stimuli quasi hostes alij cōtra faciē veniūt, qui & cū nostro labore superentur. Cōuersio videlicet securitatē parit, mater autē negligentiae solet esse securitas. Ne ergo securitas negligentia generet, scriptū est: Fili accedens ad seruitutem Dei, sta in iustitia & timore, & præpara animam tuam ad tentationem. Non enim ait ad requiem, sed tentationem: quia hostis noster adhuc in hac vita nos positos, quātō magis nos sibi rebellare conspiciat, tantō amplius expugnare cōtendit. Eos enim pulsare negligit, quos quieto iure possidere se sentit. Cōtra nos verò eō vehementius incitat, quō ex corde nostro quasi ex iure propriæ habitationis expellitur. Hoc enim in seipso Dominus sub quadā dispēstatione figurauit, qui diabolus non nisi post baptismum se tentare permisit, ut signū nobis quoddam futuræ conuersionis innueret, quōd membra eius postquam ad Deum proficerent, tunc acriores tentationum insidias tolerarent. Post primam igitur vicem mœroris atque lætitiæ, quam unusquisque per studium conuersionis agnoscit, hæc secūda suboritur: quia ne securitatis ne-

gligentia dissoluatur, impulsu tentationis afficitur. Et quidem quisque in ipso conuersionis initio magna plerunque excipitur dulcedine cōsolationis, sed durum laborem postmodum experitur probationis. Tres quippe modi sunt conuersorum, inchoatio, medietas, atque perfectio. In inchoatione autem inueniunt blandimenta dulcedinis, in medio quoque tempore certamina tentationis, ad extremum verò perfectionem plenitudinis. Prius ergo illos dulcia suscipiunt, quæ consolentur, postmodum amara, quæ exercent, & tunc demum suauiatque sublimia, quæ confirmant. Nam & sponsam suam vir quisque prius dulcibus blandimentis fouet, quam tamen iam coniunctam asperis increpationibus probat, probatam verò securis cogitationibus possidet. Vnde & plebs Israëlitica cū despondente se Deo ad sacras mentis nuptias ex Aegypto vocaretur, quasi arratum vice prius acceperat blandimenta signorum: coniuncta autem probationibus exercetur in eremo, probata verò in re promissionis terra virtutis plenitudine confirmatur. Antè igitur in miraculis degustauit quod appeteret, postmodum in labore tentata est, si custodire nouerit quod gustasset. Ad extremum quoque plenius accipere meruit, quod laboribus probata custodiuit. Ita ergo vitam vniuscuiusque cōuersi, & inchoatio blanda permulcet, & aspera medietas probat, & plena post perfectio roborat. Nam sæpe conuersi quique in ipso adhuc aditu inchoationis suæ, vel tranquillitatem pacatissimam carnis, vel dona prophetiæ, vel prædicamenta doctrinæ, vel signorum miracula, vel gratiam curationis accipiunt: post hæc autem duris tentationum probationibus fatigantur, a quibus tentationibus adhuc cū inciperent, valde liberos se esse crediderunt. Quod diuinæ gratiæ dispensatione agitur, ne in inchoatione sua tentationum asperitate frangatur: quia si eorum initia amaritudo tentationis exciperet, tam facile ad ea quæ reliquerant redirent, quàm nec longius discesserant: nam contemptis prius vitiis quasi iuxta positos replicarentur. Vnde & scriptum est: Cū emisisset Pharaon populum, non eos duxit Dominus per viam terræ Philistin, quæ vicina est, reputans ne fortè poeniteret eum si vidisset aduersum se bella consurgere, & reuerteretur in Aegyptum. Ex Aegypto itaque exeuntibus è vicino bella subtrahuntur: quia derelinquentibus seculum, quædam prius tranquillitas ostēditur: ne in ipsa sua ténacitate atque inchoatione turbati, ad hoc terribili redeant quod euaserunt. Prius ergo suauiatem securitatis sentiūt: prius pacis quiete nutriuntur: post cognitam verò dulcedinem, tantō iam tolerabilius tēstationum certamina sustinent, quātō in Deo altius cognouere quod ament. Vnde & Petrus prius in montem ducitur, prius claritatem transfigurationis dominicæ contemplatur: & tunc demum tentari ancilla interrogante permittitur, ut per tentationem factus sibi ex infirmitate conscius, ad illud flendo, & amando recurreret quod vidisset: & cū eum timoris vnda in peccati pelagus raperet, esset prioris dulcedinis anchora quæ retineret. Sæpe etenim tam diutina sunt tentationum certamina, quàm longa inchoationum fuerant blandimenta. Sæpe verò maius datur in inchoatione dulcedinis, minus autem in labore probationis. Sæpe min⁹ in inchoatione dulcedinis, maius in labore probationis. Nunquam verò laborem probationis dispar sequitur perfectio firmitatis: quia iuxta summam certaminis, remuneratur quisque plenitudine perfectionis. Plerunque autem in eo quisque conuersus labitur, quod dum quibusdam donis gratiæ dulcedine inchoationis excipitur, confirmationem accepisse se perfectionis arbitratur, & plenitudinis consummationem æstimat, quæ adhuc blandimenta esse inchoationis ignorat. Vnde fit ut dum subita tentationis procella tangitur, despectū se Deo & perditum suspicetur. Qui si inchoationi suæ nō passim crederet, adhuc in prosperis positus, mentē ad aduersa præpararet, & vitiis venientibus postmodum tam firmiter resisteret, quàm ea etiam sagaci⁹ præuidisset. Quæ quidem tranquillius si præuidet tolerat. Eorum tamen omnino certamina, etiam si præuideat, nō declinat: quia cursus nostri itineris nequaquam peragitur sine puluere tentationis. Plerunque autem conuersus quisque talibus tentationum stimulis agitur, quolibet ante conuersionis gratiam nunquam pulsatum se esse reminiscitur.

Eccle. 2.

Exodi. 15.

Marci. 9.
Matth. 26.

14. miniscitur: non quia tunc hæc eadem radix tentationis deerat, sed quia non apparebat. Humanus quippe animus multis cogitationibus occupatus est, sæpe sibi metipsum aliquo modo manet incognitus, ut omnino quod tolerat, nesciat: quia dum per multa spargitur, ab interna sui cognitione remouetur. Si autem Deo vacare appetat, & ramos multimodæ cogitationis abscondat, tunc liberè conspiciat, quod de intima radice carnis procedit. Carduus namque si nascatur in via, itinerantium pedibus teritur, atque ipso usu transeuntium eius superficies ne appareat confringitur. Sed quauis de super fructificantes spinæ non appareant, subter tamen radix occulta perdurat. Si autem eum transeuntium pedes terere, & calcare cessauerint, mox in superficiem surgendo progreditur, & per spinam prodit in publicum, quicquid in radice vivebat occultum. Ita & in corde secularium sæpe occulta quedam tentationum radix non facile apparet exurgere: quia velut in via actionum sita, transeuntium teritur pede cogitationum, & per innumeras curas quasi multis itinerantibus premitur, ne videatur. Si autem per conuersionis gratiam via cordis curarum turba remouetur, ut nulla actionum insolentia conterat, nullus cogitationum tumultus premat, tunc quod occultum latebat agnoscitur, tunc de radice vitiorum pungit liberè spina tentationum. Contra quam bene viventis manu agitur, ut in quantum potest fieri, non tegatur occulta, sed radicibus euellatur. Quod donec fiat, vniuscuiusque conuersi animum ita hæc spina conturbat, ut sæpe percussione subita penè superari se sentiat, eiusque vulnus medullitis inflicto exitialiter pertimescat. Plerumque verò ipsi tentationum stimuli dum in usum veniunt, dilatantur, & non quidem aciores, sed longiores existunt. Minus autem dolent, sed magis inficiunt: quia dum menti diutius adhærent, tantò fiunt minus pauendi, quantò magis assueti. Inter hæc ergo depressa mens huc illucque distenditur, & multiplicibus tentationum æstibus dissipatur, & sæpe hinc inde prouocata, cui tentanti vitio obuiet, vel quod primum impugnet, ignorat. Vnde plerumque euenit, & dum nimis insurgētia vitia cruciant, dum repugnantis animum iamiamque quasi in lapsum desperationis inclinant, conuersus quisque hanc ipsam sublimitatis viam quam sibi ad remedium elegit expauescat, & quasi in summo eductus titubat, qui in imo solidius stabat. Ita verò circumfremētibz tentationum motibus angustatur, ut rectè de eo dici debeat: Abominabilis ei sit in vita sua panis, & animæ illius cibus antè desiderabilis. Vel certè, Appropinquauit corruptioni anima eius, & vita illius mortiferis. Sed quia misericors Deus probari nos permittit tentationibus, non reprobari sicut scriptum est: Fidelis autè Deus qui non patitur vos tentari supra id quod potestis, sed faciet cum tentatione etiā prouentū, ut possitis sustinere: citius nobis consolationis ope succurrit, & surgentes tentationum stimulos mitigat, impugnantesque se cogitationum motus interna pace tranquillat. Mox quæ anima immensam de spe cœlesti lætitiā percipit, dum deuictum malum respicit quod tolerauit, ut iure de hoc tentato liberatōque homine dici debeat: Videbit faciem eius in iubilo: & Liberabit animam suam ne pergeret in interitum, sed viuens lucem videret. Istis itaque duabus vicibus, id est, conuersionis & probationis, per mœrorem lætitiāque transactis, superest tertia, cuius & mœrorem adhuc sustineat, & gaudia consequatur.

1. Corin. 10.

16.

Mich. 2.

Post conuersionis namque certamina, post probationis ærumnam, restat adhuc dura tentatio: quia venire non potest ad perfectæ gaudia libertatis, nisi prius debitum soluerit humanæ conditionis. Conuersus autem quisque sibi cautè sollicitus, tacitè secum considerare nō cessat: æternus iudex quàm districtus adueniat suumque terminum quotidie prospicit, & ante seueritatem tantę iustitię quas rationes vitæ suæ sit positurus attēdit. Et si cuncta praua opera quæ intelligere potuit deuittauit, vēturus tamen corā districto iudice illa magis quæ in semetipso non intelligit pertimescit. Quis enim considerare valeat, quāta mala per momēta tēporum ipsis in cōstantibus cogitationū motibus perpetramus? Facile est enim opera peruersa vitare, sed nimis difficile est ab illicita cogitatione cor tergere. Et tamē scriptū est: Vē vobis q̄ cogitatis inuile.

Tomus primus.

A Et rursum: In die cū iudicabit Dominus occulta hominū. *Roma. 2.* Qui etiam prēmisit: Inter se inuicem cogitationum accusantium, aut etiam defendentiū. Et rursum: Labia dolosa in corde, & corde locuti sunt mala. Et rursum: Etenim in corde iniquitates operamini in terra, Humana autem anima semel æternitatis statum deserens, ad fluxum temporalitatis delapsa, hæc mutabilitatem alternantium motionum, quam dum caderet volens appetiit, dum conatur surgere, cogitur inuita tolerare. Inde quippe punita est vnde delectata: quia inde cōuersa habet laborem certaminis, vnde peruersa appetiit gaudium voluptatis. Sæpe ergo electis etiam nolentibus in cogitatione surripitur, quod in se quidem solerter inspicunt, & ante Dei oculos quanti sit reatus attendunt: & cū de his omnibus semper iudicia districta pertimescant, tunc tamen hæc vehementer metuunt, cū ad soluendum humanæ conditionis debitum venientes, districto iudici appropinquare se cernunt. Et fit tantò timor acrior, quantò & retributio æterna vicinior. Ante oculos autem cordis nihil inane tunc transuolat de phantasmate cogitationis: quia subductis è medio omnibus, se & illū tantummodo considerant cui appropinquant. Crescit pauor vicina retributione iustitiæ, & vrgente solutione carnis quantò magis districtum iudicium iamiamque quasi tangitur, tantò vehemētiūs formidatur. Et si ea quæ sciunt, nunquam se prætermisissē meminerunt, formidant tamen illa quæ nesciunt: quia videlicet semetipsos diiudicare & comprehendere omnino non possunt, atque vrgente exitu, subtiliori terrentur metu. Vnde redemptor noster solutioni carnis appropinquans, & membrorum suorum seruans speciem, factus in agonia, cœpit prolixius orare. Quid enim pro se ille cū in agonia esset peteret, qui in terra positus cœlestia cum potestate tribuebat? Sed appropinquante morte, nostræ mentis in se certamen expressit, qui vim quandam terroris ac formidinis patimur, cū per solutionem carnis æterno propinquamus iudicio. Neque enim tunc cuiuslibet anima immeritò terretur, quando post pusillum hoc inuenit quod in æternum mutare non possit. Consideramus quippe quod viam vitæ præsentis nequaquam sine culpa transire potuimus, consideramus etiam quia nec hoc quidem sine aliquo reatu nostro est, quod laudabiliter gessimus, si remota pietate iudicemur. Quis enim nostrum vitam præcedentium patrum valeat, vel superare, vel assequi? Et tamen David dicit: Ne intres in iudicium cum seruo tuo: quia non iustificabitur in conspectu tuo omnis viuens. Paulus cū diceret: Nihil mihi conscius sum: cautè subiunxit: Sed non in hoc iustificatus sum. Iacobus dicit: In multis enim offendimus omnes. Ioannes dicit: Si dixerimus quia peccatum non habemus, ipsi nos seducimus, & veritas in nobis non est. Quid ergo facient tabule, si tremūt columnæ? Aut quomodo virgulta immobilia stabunt, si huius pauoris turbine etiam cedri quatiūtur? Solutioni ergo carnis appropinquans, nonnunquā terrore vindictæ etiam iusti anima turbatur. Cui etsi quid tranquillum in hac vita sapere potuit, mortis articulo interueniente concutitur, ut iure dici debeat: Abominabilis sit ei panis in vita sua, & animæ eius cibus antè desiderabilis. Vel certè propter pauoris pœnam hoc quod illic subditur: Appropinquabit corruptioni anima eius, & vita illius mortiferis. Sed quia iustorū animæ à leuibus quibusque contagiis, ipso sæpe mortis pauore purgātur, & æternæ retributionis gaudia iā ab ipsa carnis solutione percipiūt: plerumque verò contemplatione quadam retributionis internæ etiam priusquam carne expoliantur, hilarescunt: & dum vetustatis debitum solvunt, noui iam muneris lætitiā perfruuntur, rectè dicitur: Videbit faciem eius in iubilo, vel certè liberabit animam suā ne pergeret in interitum, sed viuens lucē videret. Iusti itaque anima in iubillo faciem Dei cōspicit: quia tantū de lætitiā interna percipit, quantū capere, vel assumpta vix possit. Ibi igitur lucem viuēs videt: quia spiritalē oculum in radios interni solis infigit. Ibi lucem viuens videt: quia omni iam mutabilitatis vicissitudine atque obumbratione calcata, veritati æternitatis inhæret, eique inhærendo quem cernit, ad similitudinem in cōmutabilitatis assurgit, atque in semetipsam authoris sui inconuersibilem speciem dū respicit assumit. Quæ enim ad mutabilitatem per semetipsam lapsa est, ad immutabilitatis statum immutabile videndo formatur. Igitur Helii de

Psal. 11.
Psal. 57.

17.

Cur Chri-
stus in ago-
nia factus
prolixius o-
rauit.

18.

Psal. 142.
*1. Cor. 4.**Iaco. 3.*
1. Ioan. 1.

afflicto hoc liberatoque homine, quia prius meroris amaritudinem, & postmodum gaudia consolationis expressit, apte subiunxit: Hæc omnia operatur Deus tribus vicibus per singulos: videlicet conversionis, probationis, & mortis: quia per tria hæc, & duris prius stimulis meroris afficitur, & magnis postmodum securitatis gaudiis refouetur. Et quia electi vniuscuiusque mens iisdem tribus vicibus, id est, vel labore conversionis, vel tentatione probationis, vel formidine solutionis atteritur, atque ipsa attestazione purgata liberatur, apte subiungitur: *Ut reuocet animas eorum à corruptione, & illuminet luce viuientium.*) Lux quippe morientium est, quam corporeis oculis cernimus. Qui autem adhuc huic mundo viuunt, luce morientium tenebescunt. Illuminantur autem luce viuentium, qui despecto temporali lumine, ad splendorē internæ claritatis recurrunt, ut ibi viuant, ubi verum lumen sentiendo videant, ubi non aliud lumen, atque aliud vita, sed ubi ipsa lux vita sit: ubi sic nos lux exterius circumscribat, ut interius impleat: sic interius impleat, ut incircumscribita exterius circumscribat. Illuminantur ergo hac luce viuentium, quam tantò tunc subtilius

Arrogantis proprium.

conspiciunt, quantò nunc ad illam prius viuunt. Magna Helii ac valde fortia protulit, sed hoc vnusquisque arrogans habere proprium solet, quòd dum vera ac mystica loquitur, subito per tumorem cordis quædam inania & superba permiscet. Foris enim placere appetit in hoc quod veraciter sentit, & inde mox inanescit à vero, unde per elationis typum recedit ab intimo. Quia enim approbari doctus exterius quærit, intus plenitudinem qua docebatur amittit. Vnde & Helii quæ tenere arrogantium typum sæpe iam diximus, postmodum multa sapientiæ profunda digessit, subito post easdem sententiæ veraces ac mysticas, fastu scientiæ inflatus extollitur, cuius mox inflationis merito eius sensus ad inania verba deriuatur. Nam subdidit dicens: *Attende Iob & audi me, & tace dum ego loquor. Si autem habes quod loquaris, responde mihi. Loquere. Volo enim te apparere iustum. Quod si non habes audi me, tace, & ego docebo te sapientiam.*) Qualem se apud se habeat, hac locutione manifestat qua dicit: *Attende Iob & audi me, & tace dum ego loquor.*) Immensa enim superbia est, à seniore sibi reuerentiam exigere, & silentium imperare meliori se. Quia autem prædicatores iusti dum quoslibet corripiunt, sæpe per humilitatis gratiam ad cognitionum suarum intima reuertuntur, atque in eo ipso quod corripiunt, ne quid fortasse fallantur exquirunt, correptisque licentiam tribuunt, ut si quid pro seipsis iustius sentiant, fateantur, hoc nonnunquam etiam arrogantes imitari appetunt. Paulisper enim in verbis elatione postposita, quasi eorum quos corripiunt, si fortè reperire potuerint, iustitiam quærunt: non quia ita sentiunt, sed quia ornari per humilitatis speciem concupiscunt. Metuunt enim ne superbi ac tumidi, quia sunt, esse videantur. Vnde Helii statim subdidit, dicens: *Si autem habes quod loquaris, responde mihi. Loquere. Volo enim te apparere iustum.*) Sed quia hæc ex corde non protulit, audire quod quæsierat non expectauit. Nam ilico subiunxit: *Quod si non habes, audi me, tace, & docebo te sapientiam.*) Qui enim veraciter quærunt audire quod iustum est, æquanimiter expectant audire quod quærunt. Helii autem qui veraciter requisitionis verba non protulit, dici quod quæsierat non permittit, sed mox quod intrinsecus gestabat erupit, qualemque se in oculis suis habebat ostendit, dicens: *Tace, & docebo te sapientiam.*) Arrogantiam enim viri quando aliquid humiliter sonant, diu in eiusdem humilitatis specie non perdurant. Cum fortasse quærunt ut audiant, mox loquendo obuiant ne doceantur: quia superficiem vocis quam protulerant, citius ostentationis intentio comprimit, quæ ex radice cordis exurgit: atque eandem humilitatis formam specietenus sumptam, eò celerius probant, quia aliena est, quòd illam diutius tenere non possunt. Ecce Helii iustitiam cum requirit ut discat, promittit quia doceat. Ecce quasi requirèdo quod iustum est, aliquid planum sonuerat lingua, sed mox celare non potuit hoc quod altum tumebat conscientia. Nam repente subiunxit: *Tace, & docebo te sapientiam.*) Quia verò arrogantes omnes in eo quod proferunt typo superbiæ inflantur, & velut in alto positi, sic doctotum speciem sumunt, ac si eorum verba dignatione quadam super indignos homines cœlitus effundantur, bene à scriptore huius historiæ ver-

sus interponitur quo dicatur:

Textus capitis tricesimi quarti, libri beati Iob.

Ronuntians itaque Helii etiam hæc locutus est: Audite sapientes verba mea, & eruditi auscultate me. Auris enim verba probat, & guttur escas gustu diiudicat. Iudicium eligamus nobis, & inter nos videamus quid sit melius: quia dixit Iob: Iustus sum, & Deus subuertit iudicium meum. In iudicando enim me, mendacium est, & violenta est sagitta mea absque villo peccato. Quis est vir ut est Iob, qui bibit subsannationem quasi aquam, qui graditur cum operantibus iniquitatem, & ambulat cum viris impiis? Dixit enim: Non placebit vir Deo, etiam si currerit cum eo. Ideo viri cordati audite. Absit à Deo impietas, & ab omnipotente iniquitas. Opus enim hominis reddet ei, & iuxta vias singulorum restituet eis. Verè enim Deus non condemnabit frustra, nec omnipotens subuertet iudicium. Quem constituit alium super terram, aut quem posuit super orbem quem fabricatus est? Si direxerit ad eum cor suum, spiritum illius, & flatum ad se trahet. Deficiet omnis caro simul, & homo in cinerem reuertetur. Si habes ergo intellectum, audi quod dicitur, & ausculta vocem eloquij mei. Nunquid qui non amat iudicium, sanari potest? Et quomodo tu cum qui iustus est, intantum condemnas? Qui dicit regi apostata, qui vocat duces impios. Qui non accipit personas principum, nec cognouit tyrannum cum disceptaret contra pauperem. Opus enim manuum eius sunt vniuersi. Subito moriuntur, & in media nocte turbabuntur populi, & pertransibunt, & auferent violentum absque manu. Oculi enim eius super vias hominum, & omnes gressus eorum considerat. Non sunt tenebræ, & non est umbra mortis, ut abscondatur ibi qui operantur iniquitatem. Neque enim ultra in hominis potestate est, ut veniat ad Deum in iudicium. Conteret multos & innumerabiles, & stare faciet alios pro eis. Nouit enim opera eorum, & idcirco inducet noctem, & conterentur. Quasi impios percussit eos in loco videntium. Qui quasi de industria recesserunt ab eo, & omnes vias eius intelligere noluerunt, ut peruenire facerent ad eum clamorem egeni, & audiret vocem pauperum. Ipso enim concedente pacem, quis est qui condemnet? Ex quo absconderit vultum, quis est qui contempletur eum? Et super gentes & super omnes homines. Qui regnare facit hominem hypocritam, propter peccata populi. Quia ergo ego locutus sum ad Deum, te quoque non prohibebo. Si erravi, tu doce me. Si iniquitatem locutus sum, ultra non addam, nunquid à te Deus expetit eam, quia displicuit tibi? Tu enim cœpisti loqui, & non ego. Quòd si quid nosti melius, loquere. Viri intelligentes loquantur mihi, & vir sapiens audiat me. Iob autem stultè locutus est, & verba illius non sonant disciplinā. Pater mi probetur Iob usque ad finem. Ne desinas ab homine iniquitatis, qui addidit super peccata sua blasphemiam. Inter nos interim constringatur, & tunc ad iudicium prouocet sermonibus suis Deum.

Capitulum

Caput VIII.

Pronuntians quoque Helin etiam hoc locutus est. Quid enim per huius pronuntiationis vocabulum, nisi inflatio elationis ostenditur? ut verba quæ de alta superbiæ radice veniebant, cum quadam quasi altitudine, & distinctione procederent. Ita videlicet prædicare omnes arrogantes solent. Cum quodam enim fastu proferunt hoc quod singulariter intellexisse se credunt, & fortasse tunc humilitatem prædicant, cum per elationis typum exempla superbiæ ostentant. Vnde fit ut eorum prædicatio concors sibi manere non possit: quia id quod rectum loquentes seminant, peruersè tumentes impugnant. Humilibus nanque auditoribus verba sua non compatiendo, sed vix dedignando largiuntur. Longè quippe se in altum positos æstimant, & super eosdem auditores suos quasi præcedentes doctrinæ respectum vix de summo dignanter inclinant. At contrà verba iustorum ex radice veniunt humilitatis, ut fructum valeant ferre pietatis, & quicquid salubre potuerint, non tumèdo, sed cōpatièdo subministrant. Per verba quippe charitatis, vel se in auditoribus suis, vel auditores suos in se ita transformant, ac si & illi per istos hoc quod audiunt doceant, & isti per illos hoc quod docendo proferunt discant. Helio ergo typum arrogantium tenens, & cum pronuntiationis ostentatione inchoans, quid dicat audiamus. Sequitur: *Audite sapientes verba mea, & eruditi auscultate me. Auris enim verba probat, & guttur escas gustus diiudicat.* Ac si diceret: Sicut nec auris escas, nec guttur verba cognoscit, ita nec stultus quisque sententiam sapientis intelligit. Sapientes ergo atque eruditi audite quod dico, qui potestis ea quæ fuerint dicta cognoscere. Videamus igitur quantum tumeat, qui verba sua non nisi à sapientibus audiri decenter existimat. Verus autem sapientiæ prædicator dicit: Sapientibus & insipientibus debitor sum. At contrà arrogans in prædicatione sua aures tantummodo sapientium expectat: quia non ideo prædicat, ut possit quoslibet sapientes efficere, sed ideo sapientes querit, ut possit quod senserit superbiendo monstrare. Sicut enim superius dictum est, non illos appetit erudire, sed se ostendere: nec intueretur, quàm iusti qui audiunt fiant, sed ipse quàm doctus cum auditur appareat. Quia verò prædicationem arrogantium nullus admitteret, si non aliquid de humilitatis imagine permiscerent, bene Helio postquam per tumida verba se extulit, rursus quasi ad æqualitatis concordiam condescendit, dicens: *Iudicium eligamus nobis, & inter nos videamus quid sit melius.* Sed utrum hoc iudicium ex humili corde quæsierit, facile cognoscimus si subsequentiæ eius verba pensamus. Sequitur: *Quia dixit Iob, Iustus sum, & Deus subvertit iudicium meum. In iudicando enim me mendacium est, & violenta sagitta mea absque ullo peccato.* Hæc beatum Iob dixisse queritur, quæ tamen quia minimè dixerit, requisita sacræ historiæ verba testantur. Sed qui iudicium æquè quæsierat, ex culpa quam finxit protinus sententiam promulgat. Nam sequitur:

Quid superbi sine ullo timore Deum derideant, ita blasphemias pro nihilo habentes, sicut aquam deglutientes, in sorbendo non morantur.

Caput IX.

Quis est vir ut est Iob, qui bibi subsannationem quasi aquam, qui graditur cum operantibus iniquitatem, & ambulat enim viris impiis. Ecce iudicium quærens, iudicium protulit, & post allegationem suam nulla beati Iob expectata sententia eum damnatione dignum ex reproborum societate iudicavit. Ait enim: *Quis est vir ut est Iob?* Ut utique subaudiamus, nullus. Atque subiungit: *Qui bibit subsannationem quasi aquam.* Aqua autem cum bibitur, ita liquidè sumitur, ut ad sorbendum nulla sui pinguedine retardetur. Subsannationem verò ut aquam bibere, est Deum sine aliquo obstaculo cogitationis irridere, ut in eo quod superbit lingua, vel conscientia, nulla trepidatio contradicat. Hæc autem eius sententia super beatum Iob quantum à tramite veritatis exorbitet illa Domini attestazione cognoscimus, quæ ad diabolum dicit: Nunquid considerasti seruum meum Iob, quod non sit ei similis in terra? Ecce quæ veritas dicit absque comparatione iustum, cum Helio asserit absque comparatione peccatorem. Sed hæc esse propria arrogantium prædicatorum solent, ut etiam afflictos auditores suos magis

Tomus primus.

A districtè corripere appetat, quàm blandè refouere. Plus enim student ut mala obiurgando increpent, quàm bona laudando confirmet. Superiores quippe videri desiderant, & magis gaudent cum eorum animum ita eleuat, quàm cum charitas exæquat. Semper inuenire optant quæ increpando rigidè feriant. Vnde scriptum est: In ore stulti virga superbiæ: quia videlicet percutere rigidè scit, sed compati humiliter nescit. Solent etiam prædicatores iusti auditores suos obiurgando corripere, solent in eorum vitiis districta increpatione sæuire. Vnde scriptum est: Verba sapientium quasi stimuli, & sicut clavi in altum defixi. Rectè autem eorum verba clavi vocati sunt: quia culpas delinquentium nesciunt palpare, sed pun gere. An Ioannis verba clavi non erant, cum dicebat: Progenies viperarum, quis vobis demonstrabit fugere ab ira ventura? An verba Stephani clavi non erant, cum dicebat: Vos semper Spiritui sancto resistitis? An verba Pauli clavi non erant, cum dicebat: O insensati Galatæ, quis vos fascinauit? Et rursus cum Corinthiis diceret: Cum enim sit inter vos zelus & contentio, nonne carnales estis, & secundum hominem ambulatis? Sed necesse est ut cautè videamus: quia prædicatores iusti in ipsis quos corrigunt, cum ex parte alia fortasse aliquid bonæ operationis inueniunt, ad eadem obiurgationis verba cum quanta dispensatione descendunt. Ecce Paulus Corinthios docens, eosque in culpa diuisionis aspiciens exorsus est, dicens: Gratias ago Deo meo semper pro vobis, in gratia Dei quæ data est vobis in Christo Iesu: quia in omnibus diuites facti estis in illo. Multum profectò laudauit quos in Christo diuites in omnibus dixit. Et ecce adhuc blandimenta multiplicat, dicens: In omni verbo & in omni scientia, sicut testimonium Christi confirmatum est in vobis. Testimonium Christi confirmatum est in vobis dixit, ac si opere peregrissent, quod doctrina didicerant. Et mox in laudis consummatione subiunxit: Ita ut nihil vobis desit in vlla gratia, expectantibus reuelationem Domini nostri Iesu Christi. Quæso te Paule istis tot fauoribus iam quod tendas, insinues. Et ecce paulò post sequitur: Obsecro vos autem fratres per misericordiam Domini nostri Iesu Christi, ut id ipsum dicatis omnes, & non sint in vobis schismata. Significatum est enim mihi de vobis fratres mei: ab his qui sunt Clodæ: quia cōtentiones inter vos sunt. De quibus contentionibus paulò post subdidit, dicens: Cum enim sit inter vos zelus & contentio, nonne carnales estis, & secundum hominem ambulatis? Ecce quibus laudibus ad aperta correptionis verba descendit: ecce in corde audientium quàm blanda fauoris manu viam districtæ increpationis aperuit. Prius nanque superbiorum brachia studuit per blandimentorum vincula religare, ut postmodum potuisset vulnus superbiæ ferro correptionis incidere. Erant profectò in Corinthiis, & quæ laudari debuissent, erant & quæ argui. Peritus itaque medicus prius sana membra quæ circa vulnus erant laudando palpauit, & postmodum putridum sinum vulneris feriendo transfixit. Habet ergo in sanctis prædicatoribus ad vtraque aptum doctrinæ regula pondus suum, ut & recta facientes nutrant, & peruersa animaduertentes abscedant.

Quomodo iusti aliquando seuerè corrigunt, & quanto moderamine sancti in correctione vtantur.

Caput X.

Nonnunquam verò etiam prædicatores iusti rigidè feriunt. Sed aliud est cum iustitia stimulat, aliud cum superbia inflat. Iusti cum seuerè corrigunt, internæ dulcedinis gratiam non amittunt. Nam sæpe pro inquietudine refrenanda prauorum, duritiam districti rigoris assumunt, sed intus charitatis igne liquefiunt, atque eorum amore ardent, in quos aspera correptione sæuiunt seque etiam eis intrinsecus in secretò cordis humiliant, quos duris foris animaduersionum stimulis quasi despiciendo castigant. Plerunque autem & non despiciendo despiciunt, & non desperando desperant, ut tantò eos celerius à culpa reuiuiscere ac resiliare faciant, quantum iam quasi viciniis mortis foueam ostentant. Sæpe etiam quodam decenti moderamine suas culpas coram discipulis indicant, ut illi audientes discant, quomodo semetipsos de suis actionibus subtiliter reprehendant. Tanta autem dispensatione se temperant, ut neque cum se erigunt in-

t iij

1. Corin. 3.

1. Corin. 1.

2. Corin. 12.

2. Corin. 4.

25.
Aliena sem-
per est à ve-
ritate super-
bia.Eccles. 8.
Ratio.

26.

Aliud est
damnare,
aliud affli-
gere.

trinfecus rigidi sint, neque rursus cum se humiliat, extrinsecus remissi: quia & in disciplina humilitatem custodiunt, & in humilitate disciplinam. Paulus disciplinam tenuit, cum Corinthiis diceret: Cum enim sit inter vos zelus & contentio, nonne carnales estis, & secundum hominem ambulatis? Sed humilitatem in disciplina non perdidit: quia deprecando pramissit dicens: Obsecro vos fratres per misericordiam Dei, ut idipsum dicatis omnes, & non sint in vobis schismata. Rursus humilitatem tenuit, cum eisdem Corinthiis loquens paulo latius fortasse quam voluerat, semetipsum reprehendit, dicens: Factus sum insipiens. Sed disciplinam in hac humilitate non perdidit: quia illico adiunxit: Vos me coegistis. Exemplum magnae humilitatis exhibuit, cum discipulis dixit: Non enim nosmetipsos praedicamus, sed Iesum Christum Dominum nostrum, nos autem seruos vestros per Christum. Sed in hac humilitate disciplinam iustitiae non amisit, qui eisdem delinquentibus dicit: Quid vultis, in virga veniam ad vos? & cetera. Sciunt ergo praedicatores sancti utroque moderamine artem magisterij temperare, & cum delinquentium reatus inueniunt, sciunt modò seuerè corripere, modò humiliter deprecari. Sed cum arrogantes viri eos imitari appetunt, sumunt ab eis aspera verba correctionis, & sumere ab eis veraciter nesciunt, preces humilitatis. Magis enim terribiles voluit esse quam mites, & idcirco discunt unde se erigant, & discere negligunt, ut animi submittant. Cumque admonere delinquentes placidè nesciunt, nimio rigoris usu per inuentionis iracundiam etiam contra rectè agètes effrenantur. Quorum iste Helii speciem tenens, beatum Iob non refouet, sed obiurgat dicens: *Quis est vir ut est Iob, qui bibi subsannationem quasi aquam, qui graditur cum operantibus iniquitatem, & ambulat cum viris impiis?* Et quia aliena semper est à veritate superbia, mox & ad falsa prorumpit, dicens: *Dixit enim: Non placebit vir Deo, etiam si cucurrerit cum eo.* Quod profectò quia minimè dixerit, quisquis beati Iob verba legit agnoscit. Sed qui idcirco loquitur, ut semetipsum ostendendo superbiat, quid mirum, si in altero fingit quod reprehendat? Quomodo enim veritati cohaereat in verbis increpationis quem intra semetipsum longè ab eadem veritate dirimit tumor mentis? Sequitur: *Ideo viri cordati audite me.* Ecce iterum factu superbiae inflatus, eos tantummodo qui quasi dignè intelligendo se assequi valeant querit: & sic quod sentiebat erumpit, dicens: *Absit à Deo impietas, & ab omnipotente iniquitas. Opus enim hominis reddit ei, & iuxta vias singulorum restituet eis.* Bene dixit, quia in omnipotente Deo iniquitas, vel impietas non est. Sed in hac vita nequaquam semper hoc agitur quod subiūxit: quia iuxta opus suum singulis, & iuxta vias proprias reddit. Nam & multos illicita ac peruersa perpetrantes gratuito prauēnit, atque ad opera sancta cōuertit, & nonnullos relictis actibus deditos, flagello interueniente corripit, ac sic placentes quasi displiceant affligit, Salomone attestante qui ait: Sunt iusti quibus multa eueniunt, quasi opera egerint impiorum: & sunt impij qui ita securi sunt, ac si iustorum facta habeant. Quo nimirum omnipotens Deus inestimabili pietate dispensat, ut & iustos flagella crucient, ne opera extollent, & iniusti saltem sine poena hanc vitam peragant: quia ad tormenta quae sine fine sunt, malè agendo festinant. Nam quia aliquando iusti nequaquam iuxta opera flagellantur, hac ipsa historia quam tractamus ostenditur. Neque enim idem beatus Iob pro culpa fuerat flagellatus, qui ante flagelli stimulum ipso iudice attestatè laudatus est. Verius ergo Helii diceret, si dixisset, Quia in omnipotente Deo impietas atque iniquitas non est, etiam cum iuxta vias proprias hominibus reddere non videtur. Nam & quod à nobis non intelligitur, ex occultis iudicij non iniusta lance profertur. Quia verò praedicatores arrogantes dum multa inania spargunt, etiā saepe vera ac solida proferunt. Helii rectè subiūgit: *Verè enim Deus non condemnabit frustra, nec omnipotens subuertet iudicium.* Ad diabolum Dominus dixit. Commouisti me aduersus eum, ut affligerem eum frustra. Helii autem dicit: Quia non condemnabit Dominus frustra. Quod utique discordare dictis veritatis creditur, nisi subtili consideratione pensetur. Aliud nanque est damnare, aliud affligere. Affligit ergo iuxta aliquid frustra, sed frustra non damnat. An non iuxta aliquid frustra Iob afflixerat, cum non debebatur vitium, sed meritum au-

gebatur? Frustra enim condemnare non potest: quia damnatio fieri non ex parte ad aliquid potest, quae videlicet in extremo punit omne quod hic quisque iniquè commiserit. Nec omnipotens Deus subuertit iudicium: quia etsi minus recta videntur esse quae patimur, rectè tamen in occulto examine decernuntur. Sequitur:

Quod ad amorem suum nonnullos Deus, & corpore & spiritu trahit, ut nihil caro, nihil mens de exterioribus appetat.

Caput XI.

Quem constituit alium super terram, aut quem posuit super urbem quem fabricatus est? Ut videlicet subaudias, nullum. Per se quippe mundum regit, quem per se condidit, nec eget alienis adiutoriis ad regendum, qui non eguit ad faciendum. Sed haec idcirco colliguntur, ut liquidò indicet: quia omnipotens Deus si per semetipsum regere non negligit quod creauit, quod bene creauit, utique bene regit: quia quod pie condidit, impiè non disponit, & qui necdum facta curauit ut essent, quae sunt facta non deserit. Quia ergo praesens est in regimine, qui autohor extitit in creatione, ideo curam nostri non praeterit. Unde & aptè subiūgit: *Si direxerit ad eum cor suum, spiritum illius & flatum ad se trahet.* Curuum cor est, cum ima appetit: dirigitur, cum ad superna subleuatur. Si ergo homo cor suum ad Dominum dirigit, spiritum & flatum illius Dominus ad se trahit. Spiritum videlicet pro internis cogitationibus, flatum verò qui per corpus trahitur, pro aeternis actionibus ponit. Deo ergo spiritum hominis, & flatum ad se trahere, est ad conuersionem sui desiderij, & interiora nostra, & exteriora commutare, ut nihil iam menti exterius libeat, nihil caro inferius, vel si appetit, adipisci conetur, sed omne quod homo est, ad eum videlicet à quo est, & interius desiderando ferueat, & exterius se edomando constringat. Unde & aptè subiūgit:

Quod sancti, spiritus humilitatis tacti, in nulla voluptate obediunt carni: & hic moriendo mundo, vitiorum appetitus consideratione dissoluntionis suae in cinerem redigunt.

Caput XII.

Deficiet omnis caro simul, & homo in cinerem reuertetur. Simul enim omnis caro deficit, quando iam nullis suis motibus seruit: quia praesidens spiritus cuncta eius fluxa restringit, & quodam distractionis suae gladio omne quod in illa malè vivebat interficit. Hoc nimirum disciplinae gladio semetipsum Hieremias interfecerat, cum dicebat: Postquam conuertisti me, ego poenitentia: & postquam ostendisti mihi, percussi femur meum. Quid enim femore nisi voluptas carnis accipitur? Et quid est quod ait: Postquam ostendisti mihi, percussi femur meum? nisi quod postquam superna spiritaliter vidit, omne quod in se inferius carnaliter vivebat extinxit, ut quod magis summa patefcerent, tantò amplius ima quae tenuerat non liberent. Nam quantò incipit quisque superius vivere, tantò & inchoat inferius interire. Iuxta affectum nanque carnalis operationis, omnis caro Pauli simul interierat, cum dicebat: *Viuo autem iam non ego: uiuit verò in me Christus.* Bene etiā Helii hoc loco subdidit: *Et homo in cinerem reuertetur.* In peccato enim quisque positus, mortalitatis suae obliuiscitur, & terram se esse non meminit, dum adhuc per superbiam inflatur. Post conuersionis verò suae gratiam, cum humilitatis spiritu tangitur, quid esse se aliud quam cinerem recordatur? Iam in cinerem Dauid reuersus fuerat, cum dicebat: Memento Domine quod pulvis sumus. Abraham in cinerem reuersus fuerat, dicens: Loquar ad Dominum meum, cum sim pulvis & cinis? Et si viuentem carnem necdum in terra mors soluerat, hoc tamen apud se erant quod se futuros absque dubitatione praeuidebant. Hinc aliàs dicitur: Auferes spiritum eorum & deficient, & in puluerem suum reuertentur. Qui autem eorum spiritus, nisi spiritus superbiae nominatur? Tollatur ergo spiritus eorum ut deficient, id est, subducto superbiae spiritu, nihil se [de se] esse cognoscant. Et reuertantur in puluerem, id est, humiliantur ex infirma conditione. Propter hunc puluerem, ad cuius memoriam qui semetipsos considerant reuocantur, per sapientiam dicitur: Iusti fulgebunt, & sicut scintillae in arundinetis discurrent. Sancti enim

Hier. 31.

27.

Psalm. 103.

nim viri dum peccatoribus permiscuntur, eos exemplorum suorum igne succendunt, atque per omne quod nitent, in cinerem redeunt: quia pietatis flamma consumpti, dum infirmitatem conditionis suae conspiciunt, nihil aliud quam fauillam se esse cognoscunt, vt à superbiae suae duritia resoluti, per poenitentiam dicant id quod supra protulimus: Memento Domine quia pulvis sumus. Bene ergo dicitur: quia cum ad se spiritum hominis Dominus trahit, deficiet omnis caro simul, & homo in cinerem reuertetur.

Quod superbia ubi nasci intelligitur, eradicanda est: quia difficile inueterata deprehenditur. Caput XIII.

28. **H**eliu & vera sunt, & magna quae dicit: sed quia male mox ex eo quod bene sensit intumuit, verbis sequentibus prodit dicens: *Si habes ergo intellectum, audi quod dicitur: & ausculta vocem eloquij mei.* Habent proprium omnes arrogantes, vt cum fortasse acutum aliquid sentiunt, inde mox ad vitium elationis erumpant, sensusque omnium in sui comparatione despiciant, seque in suo iudicio aliorum meritis anteponant. Quibus contingit miseris, vt plus videndo tenebrescant: quia dum subtilia attendunt, semetipsos intueri nesciunt, & quod intelligentiam acutius percipiunt, eò per superbiam deterius cadunt. Qui bene quidem subtilia conspicerent, si in eo quod proferunt se viderent. Superius nanque Heliu dixerat: Si habes quod loquaris, responde mihi. Loquere, volo enim te apparere iustum. Nunc autem ait: Si habes intellectum, audi quod dicit: Ecce quomodo paulisper elatio per verborum incrementa proficit. Superius dubitauit si posset beatus Iob proferre quod iustum est, nunc verò discutit, si hoc quod dicitur, saltem possit audire. Ibi dixit: Si habes quod loquaris, responde mihi ac si diceret: dic aliquid, si tamen dignus poteris esse qui dicas. Hic autem ait: Si habes intellectum, audi quod dicitur. Ac si aperte dicat: Audi me, si tamē dignus poteris esse qui audias. Isti sunt quotidiani defectus, qui in cordibus reproborum fiunt, quibus indefinēter ad deteriora descendunt: quia dum minora incautē negligunt, ad maiora perniciose prorūpunt. Iā & hoc de superbia fuerat, quod beatū Iob id quod iustum est, loqui posse dubitabat. Sed dum hanc in semetipso considerare negligit, ad nequiora peruenit, vt non solum posse ab eo dici quod iustum est dubitet, sed etiam dicentem se iusta ab eo intelligi posse desperet. Vnde vitium superbiae ab ipsa mox radice secandum est, vt cum latenter oritur, tunc vigilanter abscindatur, ne prouentu vigeat, ne vsu roboretur. Difficile enim in se quisque inueteratam superbiam deprehendit: quia nimirum hoc vitium quanto magis patimur, tanto minus videmus. Sic quippe in mente superbia, sicut in oculis caligo generatur. Quo se haec latius dilatat, eo vehementius lumen angustat. Paulisper ergo elatio in praecordiis crescit, & cum se vastius extenderit, oppressae mentis oculum funditus claudit, vt captiuus animus typum elationis, & pati possit, & tamen id quod patitur, videre non possit. Sed quia arrogantes viri aliquando vt diximus, recta non rectē sentiunt, & bona inuenire nouerunt, sed haec bene proferre contemnunt, Heliu post elationis typum quod dixerat: Si habes intellectum audi quod dicitur, subdit dicens: *Nunquid qui non amat iudicium, sanari potest? Quomodo tu cum qui iustus est, intantum condemnas?* Bonam quidem sententiam protulit, sed beato Iob proferenda non fuit. In omni enim quod dicitur, summopere intuentū est quid dicatur, cui dicatur, quando dicatur, quomodo dicatur. Heliu autem attendit quid diceret: sed cui diceret, non attendit. Beatus quippe Iob amabat iudicium: quia causas suas cum Domino pensare subtiliter nouerat. Nec condemnauerat eum qui iustus est, sed cur sine peccato percussus fuerat, in dolore positus cum humilitate requiebat. Amat iudicium quisquis vias suas subtiliter discutit, & secretarium cordis ingressus, quid Dominus ipsi tribuat, quid ipse Domino debeat pensat. Quod beatus Iob quomodo non fecerat, qui tam crebra sacrificia in expiatione filiorum etiam pro cogitationibus offerebat? Quia ergo Heliu dixit, quod is qui iudicium non amat, sanari non possit, arguens beatum Iob quod iudicium non amaret: & quia eum qui iustus est, condemnasset, ilico eiusdem iusti, id est,

Tomus primus.

A Domini iustitiam, subdit dicens:

Quod ex imitatione diaboli apostasia culpam incurrunt, qui honoris sui gloria latentes, praesse hominibus potestate & dominatione delectantur.

Caput XIII.

Qui dicit regi, apostata, qui vocat duces impios.) Saepē nouimus quod plerique qui praesunt, inordinatum sibi metum à subditis exigunt, & non tam propter Dominum, quam pro Domino venerari volūt. Intus enim se tumore cordis extollunt, cunctosque subditos in sui comparatione despiciunt, nec condescendendo consulunt, sed dominando premunt: quia videlicet alta cogitatione se erigunt, & aequales se illis quibus eos praesse contigit, non agnoscunt. Contra hunc tumorem per Ecclesiasticum librum dicitur: Ducem te constituerunt, noli extolli, sed esto in illis quasi vnus ex illis. Hūc tumorem Dominus per Prophetam in pastoribus increpans, ait: Vos autem cum austeritate imperabatis eis, & cum potentia. Ipsa enim bona quae subditis dicunt, dominando potius quam consulendo proferunt: quia videlicet quicquam eis quasi ex equo dicere, semetipsos existimant deiecisse. Singularitate enim gaudent culminis, & non aequalitate conditionis. Sed quia haec tumentia corda rectorum subtiliter Dominus pensat, bene contra eos dicitur: Qui dicit regi, apostata. Vnusquisque enim superbus rector totiens ad culpam apostasiae dilabitur, quoties praesse hominibus delectatus, honoris sui singularitate letatur. Sub quo enim sit non considerat, & quod aequalibus quasi non sit aequalis exultat. Vnde autem haec vitiorum radix pullulat in corde regentium, nisi ex imitatione illius, qui despectis angelorum societatibus dixit: Ascendam super altitudinem nubium, & similis ero Altissimo: Quia ergo vnusquisque rector quoties extollitur in eo quod ceteros regit, toties per lapsum superbiae à summi rectoris seruitio separatur: & cum aequales sibi subditos despiciat, eius super se Dominium sub quo omnes aequales sunt non agnoscit, rectē dicitur. Qui dicit regi, apostata. Quia verò cum dominando praesunt, exemplo suae superbiae subditos ad impietatem trahunt, aptē subiungitur.

Quod impij duces sint qui verbo & exemplo ducatum praebent erroris. Caput XV.

Qui vocat duces impios.) Ad viam nanque pietatis ducerent, si subditorum oculis, humilitatis exempla monstrarent. Dux autem est impius qui à tramite veritatis exorbitat, & dum ipse in praecipit ruit, ad abrupta sequentes inuitat. Dux est impius qui per tumoris exemplum viam ostendit erroris. Paulus dux esse impietatis metuebat, cum potestatis suae celsitudinem reprimebat dicens: Nec quæretes ab hominibus gloriam, neque à vobis, neque ab aliis, cum possimus oneri esse, vt Christi Apostoli, sed facti sumus in medio vestrum paruuli. Paruulus in medio eorum factus fuerat: quia timebat ne si inter discipulos honorem suae celsitudinis vindicaret, exempla elationis ostenderet. Timebat nimirum ne dum ipse sibi potestatem pastoralis potentiae quæreret, grex subditus per abrupta sequeretur, & ad impietatem sequentes duceret, qui pietatis officium suscepisset. Vnde necesse est, vt is qui praest, quae ex epla subditis praebent, solerter attendat, & tantis se sciat viuere, quantis praest, ac vigilanter inspiciat, ne in eo quod praelatus est intumescat, ne iura debitae potestatis immoderatiùs exigat, ne disciplinae ius mutetur in rigore superbiae: & vnde à peruersitate subditos restringere poterat, inde magis intuentiū corda peruerterat, ne, vt dictū est, impietatis dux per officium pietatis existat. Non autē debet hominum ducatum suscipere qui nescit homines bene viuendo praere, ne qui ad hoc eligitur, vt aliorum culpas corrigat, quod refecare debuit, ipse committat. Hinc inde ergo se qui praesunt circumspectiāt, vt sibi & subditis viuant, vt bonum quod faciunt, & intra sinum mentis abscondant, & tamen ex eo ad profectum sequentium exempla rectae operationis impartiant, & subditorum animaduertentes culpas corrigant, nec tamen per vim eiusdem animaduersionis intumescant: vt quaedam leniter correpta tolerant, nec tamen disciplinae vincula eadem lenitate dissoluant, vt quaedam tolerando dissimulent, nec tamen ea crescere dissimulando permittāt. Laboriosa sunt ista, & nisi diuina gratia fulciat, ad custodiendum difficilia. Rectē verò de aduētu di-

Eccle. 32.

Ezech. 34.

Esai. 14.

30.

1. Thess. 2.

Sapient. 6.

t iij

Remedium
contra su-
perbiam.

Quis amet
iudicium.

stricti iudicis per sapientiæ librum dicitur: Horrendè & citò apparebit, quoniam iudicium durissimum his qui præfunt, fiet. Quia ergo plerunque per potestatem regiminis ad culpam prorumpitur elationis, atque apud districtum iudicem ipsa elatio impietas æstimatur, bene de Domino per Heliu dicitur: *Qui vocat duces impios.* De ipso quippe ducatu dum superbiunt, exemplo suo subditos ad impietatem trahunt. Vnde magnopere curandum est, vt qui regendis hominibus præfertur, apud se intra secretarium mentis in cathedra præfideat humilitatis. Cùmque iudicanti ei à cæteris foris assistitur, vigilanti oculo incessanter aspiciat, cui quandoque iudici ipse de his iudicandus assistat, vt quandò nunc ante eum quem non videt, sollicitius trepidat, tantò eum cū viderit securior cernat.

Quòd rectores Ecclesiæ sollicitè cogitare oporteat, quoniam de animabus eorum qui sibi commissi sunt, in iudicio reddent rationem.

Caput XVI.

Penset ergo qui ad satisfaciendum districto iudici de sua tantummodo anima fortasse vix sufficit: quia quot regendis subditis præest, reddendæ apud eum rationis tempore, vt ita dicam, tot solus animas habet. Quæ nimirum cogitatio si assidue mentem excoquit, omnem superbæ tumorem premit. Et rector prouidus tantò iam neque rex apostata, neque dux impius vocabitur, quantò ei cogitatione sollicita potestas quæ accepta est, non honor, sed onus æstimatur. Nam cui esse nunc iudicem libet, huic videre tunc iudicem non libet. Numerari enim culpæ nequeunt, quæ habendæ potestatis amore perpetrantur. Tunc solùm verò potestas bene geritur, cùm non amando, sed timendo retinetur. Quæ vt ministrari rectè valeat, oportet primum vt anc non cupiditas, sed necessitas imponat. Præcepta autem nec pro formidine debet deferri, nec ex libidine amplecti: ne aut peius quis quasi ex humilitate superbiat, si diuinæ dispensationis ordinem fugiendo contemnat, aut eo iugum superni rectoris abiiciat, quo eum super cæteros priuatum regimen delectat. Potestas ergo cùm percipitur, non ex libidine amanda est, sed ex longanimitate toleranda, vt inde tunc ad iudicium salubriter leuis sit, vnde nunc ad ministerium patienter grauis innotescit.

Libri vigesimiquarti finis.

B. GREGORII MORALIVM LIBER VICESIMVS QVINTVS, CONTINUANS CAPUT TRIGESIMUMQUARTUM TEXTUS BEATI IOB.

Quòd personam hominis Deus non accipiat, & oppressores pauperum in tenendo iudicio non agnoscat.

Caput I.



Ipsa humanæ compunctionis qualitas indicat, quàm longè rebus cæteris præstat. Nam collata homini ratio asserit quantum omnia quæ vel vita, vel sensu, vel ratione carent, natura rationalis antecedit. Et tamen quia ab internis atque inuisibilibus oculis claudimus, & visibilibus pascimus, plerunque hominem non ex eo quod ipse est, sed ex his quæ circa ipsum sunt, veneramur. Cùmque non intuemur quid ipse sit, sed quid possit in acceptione personarum, non ex personis, sed ex rebus adiacentibus ducimus. Sicque fit, vt is quoque apud nos intus in desperationem veniat, qui foris honoratur: quia dum pro his quæ circa illum sunt, honorabilis habetur, rebus suis in examine nostro postponitur. Sed omnipotens Deus vitam hominum ex sola qualitate interrogat meritorum, & sæpe inde plus punit, vnde huic maiora ad ministerium cōtulit, verita-

te attestante quæ ait: Cui multum datum est, multum quæretur ab eo. Vnde bene nunc per Heliu dicitur: *Qui non accipit personam principum, nec cognouit tyrannum, cū discerneret contra pauperem.* Potest autem per principem vel tyrannum quisque superbus intelligi: per pauperem verò humilis designari. Tyrannum ergo disceptantem contra pauperem nō cognoscit: quia superbos omnes vitam nunc humilium deprimentes, in iudicio nescire se perhibet, dicens: Nescio vos vnde sitis. Et quia sic potenter cū vult destruit, sicut cū voluit potēter creauit, aptè ratiocinando subiungitur:

Quòd subita & impræmeditata mors, incuruatos & huius mundi amore captos rapiat.

Caput II.

Opus enim manuum eius sunt vniuersi. Atque mox subditur: *Subitò morientur, & in media nocte curuabuntur populi, & pertransibunt.* Quamlibet serò de hac vita tollantur iniqui, subitò & repenti tollunt: quia finem suum cogitando præuidere nesciunt. Subitum est homini quòd antè cogitare non potuit. Subitò diues ille stultus raptus est, qui horrea quæ præparabat deseruit, & inferni locum quem non præuidebat inuenit. Ad aliud exercebat animam per cogitationem, sed ad aliud emisit per sententiā: Aliud dum viueret contēplatus est, aliud dum moreretur expertus. Reliquit enim diu tractata temporalia, & inopinata inuēit æterna. Vnde ei propter hanc ignorantiam cæcitatē suæ bene per diuinam sententiam dicitur: *Hac nocte repetunt animam tuam à te.* In nocte quippe ablata est, quæ in obscuritate est cordis amissa. In nocte ablata est, quæ considerationis lucem habere noluit, vt quod poterat pati præuideret. Vnde bene discipulis futura cogitantibus, Paulus apostolus dicit: Vos autem fratres non estis in tenebris, vt vos dies illa tanquam fur comprehendat. Omnes enim vos filij lucis estis & filij dei: non sumus noctis neque tenebrarum. Dies enim exitus tanquam fur in nocte ita comprehendit, quando stultorum animas futura non præuidentes eicit. Vnde hic quoque aptè subiungitur: *Et in media nocte curuabuntur populi, & pertransibunt.* In media nocte curuati pertranscunt, qui obscuritate suæ negligentia humiliati rapiuntur. Tunc curuabuntur per sententiā iudicis, qui nunc curuari negligunt per humilitatem cordis. Electi autem ne inuiti curuentur in morte, sponte curuantur in humilitate. Vnde sanctæ Ecclesiæ de cōuersa prole persecutorum dicitur: Venient ad te curui filij eorum, qui humiliauerunt te. Et bene de morientibus populis non ait: Transibunt, sed pertransibunt: quia etiam viuendo temporaliter quotidie ad finem tendimus, & præsentem vitam quasi quandā viam subigendo transimus: Hoc ipsum enim morituros viuere, quasi ad mortem ire est. Et quot dies vitæ peragimus, quasi in itinere ad locum propositum tot passibus propinquamus. Ipsa quippe augmenta, detrimenta sunt temporum: quia vitæ nostræ spatia quantā esse cœperint, incipiunt iam tanta non esse. Primus verò homo ita conditus fuit, vt manente illo, decederent tempora, ne cum temporibus ipse transiret. Stabat enim momentis decurrentibus: quia nequaquam ad vitæ terminum per dierum incrementa tendebat. Stabat tantò robustius, quantò semper stanti ardentius inharebat. At vbi vetitum contigit, mox offenso creatore cœpit ire cum tempore. Statu videlicet immortalitatis amisso, cursus eum mortalitatis absorbit. Et dum iuuentute ad senium, senio traheretur ad mortem, transeundo didicit, stando quid fuit. Cuius nos quia de propagine nascimur, radicis amaritudinem quasi in virgulto retinemus. Nam quia ex illo originem ducimus, eius cursum nascendo fortimur, vt eo ipso quotidiano momento quo viuimus, incessanter à vitā transeamus, & viuendi nobis spatium vnde crescere creditur, inde decreseat. Quia ergo ad summam moriendi quotidie tendimus per incrementa viuendi, bene de morientibus nequaquam transibunt dicitur, sed pertransibunt: quia transeunt etiam dum viuunt, sed pertranscunt dum moriuntur. Sequitur:

Quòd dum patientia dei peccatores ad poenitentiam expectat, ipsi contemntes, & rapientis diaboli non vident manum, & violentia malitiæ violenter trahuntur in gehennam.

Caput III.

Et

E*T auferent violentum absque manu.*) Subaudis diuina iudicia Absque manu verò auferent eum qui manu violētus fuit. Absque manu auferent: quia videlicet subito exitu vrgēte inuisibiliter rapitur, qui visibiliter rapiebat. Vidit ipse quos rapuit, sed quis illum in morte rapiat non videt. Absque manu ergo violentus auferitur: quia & raptorem suum non intuetur, & tamen ducitur. Quem tantò sequitur districtior sententia, quantò peccanti ei magna est patientia prorogata: quia diuina seueritas eo iniquum acrius punit, quo diutius pertulit. Sæpe verò euenit, vt dum peccatores superna clemētia expectat, in maiorem cordis cæcitatem profiliant. Vnde scriptum est: An ignoras, quia benignitas Dei ad pœnitentiam te adducit? Tu autem secundum duritiam tuam & cor impœnitens, thesaurizas tibi iram in die iræ & reuelationis iusti iudicij Dei. Et ecce dum violentus quisque quos valuerit rapit, dum inualidos opprimit, & dum diu omne quod nequiter concupiscit exercet: quia non subito percipitur, sed eius in finem pœna differtur, nequissima eius actio à Deo videri non creditur. Vnde aptè postquam eius narravit interitum, ilico de Domino adiungit dicens: Oculi enim eius super vias hominum, & omnes gressus eorum considerat. Tunc enim nequaquam considerare credebatur, quando violentus iste omne malum quod poterat inultè perpetrabat. Aestimabatur Deus iniustè acta non cernere: quia differebat iustè damnare, & magna eius patientia quasi quædam negligentia putabatur. Iniquus quoque ipse toties se in peccatis suis non videri à Deo credidit, quoties inultè peccauit. Cui per quendam sapientem dicitur: Ne dicas, peccaui, & quid accidit mihi triste? Emendare non vult nequitiam, pro qua dignam nō pertulit pœnam. Qui quo piè expectatus est, eo est ad peccandum nequiter instigatus, & patientiæ supernæ longanimitatem despiciens, vnde corrigere culpam suam debuit, inde cumulauit, sicut per eundem Iob dicitur: Dedit ei Deus locum pœnitentiæ & ille abutitur eo in superbia. Sæpe etiam quia pœnam quam meretur repente non suscipit, hoc ipsum Deo non æstimat displicere quod facit. **E**at itaque nunc, & ad quaslibet blasphemias præsumendo prorumpat. Voluptatum suarum nequitias impleat, aliena rapiat, innocentium oppressione satietur. Et quia necdum percipitur, vias suas à Domino aut non videri æstimet, aut, quod peius est, approbari. Veniet profectò, veniet æterna & repentina percussio, & tunc cognoscet à Deo cuncta conspici, quando se improuiso exitu viderit pro cunctorum retributione damnari. Tunc in pœna sua oculos aperiet, quos diu tenuit clausos in culpa. Tunc considerasse omnia verum iudicem sentient, quando malorum suorum meritum iam euadere sentiendo non possit. Iniquus ergo qui diu expectatus est, idcirco est repente sublatus: quia oculi Domini super vias hominum, & omnes gressus eorum considerat. Ac si diceret: Quia ea quæ diu patienter conspiciat, quandoque inulta non deserit. Nam ecce subito violentum rapuit, & mala eius quæ expectando pertulit, animaduertendo refecuit. Nemo igitur dicat humana facta Deum non cernere, cum iniquum quempiam iniquitates suas liberè prospicit cumulare. Subito enim tollitur, qui diu toleratur. Gressus verò hominum vocat vel singulas operationes quibus innitimur, vel alternantes motus intimæ cogitationis, quibus quasi passibus vel longè à Domino recedimus, vel piè Domino propinquamus. Ad Deum enim quasi tot gressibus mens accedit, quot bonis motibus proficit. Et rursus tot gressibus longè fit, quot malis cogitationibus decrescit. Vnde plerumque contingit vt necdum procedat in opere motus mentis, & tamen perfecta iam culpa sit ex ipso reatu cogitationis, sicut scriptum est: Manus in manu non erit innocens malus. Manus enim manui iungi solet, quando quiescit in ocio, & nullus eam vsus laboris exercet. Manus ergo in manu non erit innocens malus. Ac si diceret: Et cum manus cessat ab iniquo opere, malus tamen non est innocēs per cogitationem. Quia ergo nouimus quòd districtè omnia non solum facta, sed saltem cogitata pensentur, quid faciemus de incessu mali operis, si sic subtiliter Deus iudicat gressus cordis? Ecce occulta mentis nostræ itinera nullus hominum videt, & tamen ante Dei oculos tot gressus ponimus quot affectus mouemus. Toties ante illum labimur, quoties à recto itinere infirmæ cogitationis pede clau-

A dicamus. Nisi enim in conspectu eius iste assiduus nostrarum mentium lapsus increaseret, per Prophetam scilicet non clamaret: Auferte malum cogitationum vestrarum ab oculis meis. Hæc nimirum dicens, vim coopertæ nostræ malitiæ quasi ferre se non posse testatur. Quæ cooperta illi esse non potest: quia videlicet importunè eius conspectui ingeritur, quicquid à nobis illicitū occultè cogitatur. Omnia enim, sicut scriptum est, nuda & aperta sunt oculis eius. Vnde hic quoque aptè subiungitur:

Quòd nihil Deus ignorat, nihil obliuiscitur, vt ab eius iudicio aliquis possit abscondi.

Caput IIII.

Non sunt tenebræ & non est vmbra mortis, vt abscondantur ibi qui operantur iniquitatem.) Quid per tenebras nisi ignorantiam, & quid per vmbra mortis, nisi obliuionem studuit designare? De quorundam quippe ignorantia dicitur: Tenebris obscuratum habentes intellectum. Et rursus de obliuione quæ in morte contingit, scriptū est: In illa die peribunt omnes cogitationes eorum. Quia ergo per mortem funditus obliuioni traditur quicquid viuendo cogitatur, quasi quædam vmbra mortis obliuio est. Sicut enim agit mors interueniens non esse quod fuit in vita, ita interueniens agit obliuio non esse, quod fuit in memoria. Rectè itaque vmbra eius dicitur: quia velut de ipsa exprimitur, dum vim illius sopiendo sensus imitatur. Deus autem quia mala hominum nec cogitata ignorat, nec perpetrata obliuiscitur, nisi ab eius oculis pœnitendo deleantur, congruè dictum est: Non sunt tenebræ, & non est vmbra mortis, vt abscondantur ibi qui operantur iniquitatem. Ac si diceret: Idcirco eius iudicio nullus absconditur: quia nullatenus potest aut non videre quod facimus, aut obliuisci quod videt. Quauis intelligi tenebræ vel vmbra mortis etiam aliter possunt. Omnis nanque immutatio velut quædam mortis imitatio est. Id enim quod mutat, quasi ab eo quod erat interficit: vt desinat esse quod fuit, & incipiat esse quod non fuit. Lumen igitur verum, creator videlicet noster, quia nulla mutabilitatis vicissitudine tenebrescit, nullis naturæ suæ defectibus obumbratur, sed eius esse sine mutabilitate fulgere est, tenebræ vel vmbra mortis dicitur ei non inesse. Vnde aliàs scriptum est: Apud quem non est transmutatio nec vicissitudinis obumbratio. Et vnde rursus Paulus Apostolus dicit: Qui solus habet immortalitatem, & lucem habitat inaccessibilem. Sed cum cuncti nouerimus quòd & humana anima & angelici spiritus sint immortales instituti, cur ab Apostolo solus Deus immortalitatem habere perhibetur, nisi quia solus Deus verè non moritur, qui solus nunquam mutatur? Humana quippe anima in lapsum non caderet, si mutabilis non fuisset, quæ à paradisi quoque gaudiis expulsa, si mutabilis non esset, ad vitam nunquam rediret. In hoc ipso verò quod ad vitam redire nititur, defectus suos cogitur alternante semper mutabilitate tolerare. Quia ergo ex nihilo est condita, ex se nihilominus infra se tendit, nisi ad boni desiderij statum, artificis sui manu teneatur. Ex eo itaque quòd creatura est, deorsum ire habet. Virtute nanque propria in præceptis posse se ire considerat, sed ad creatorem suum amoris manu se retinet, ne cadat, quousque ad immutabilitatem transeat, & eo verè immortaliter, quo immutabiliter viuat. Ipsi quoque angelici spiritus mutabiles ex natura sunt conditi, quatenus aut sua sponte caderent, aut ex arbitrio starent. Sed quia humiliter elegerunt ei inhærere à quo creati sunt, hanc ipsam in se mutabilitatem suam standi iam immutabilitate vicerunt, vt hoc ipsum meritò transcenderent, quod naturæ suæ ordine mutabilitati subesse potuissent. Quia ergo solius diuinæ naturæ est vmbra ignorantia mutabilitatisque non pati, dicatur rectè: Non sunt tenebræ, & non est vmbra mortis, vt abscondantur ibi qui operantur iniquitatem. Lux enim æterna, quæ Deus est, quantò immutabiliter fulget, tantò penetrabiliter videt, & neque occulta nescit, quia cuncta penetrat, neque penetrata obliuiscitur, quia incommutabilis durat. Proinde quoties indignum aliquid corde concipimus, toties in luce peccamus: quia ipsa nobis & non sibi præsentibus præstò est, & peruersè gradientes in ipsam impingimus, à qua per meritum longè sumus. Cum verò nos videri non credimus, in sole clausos oculos tenemus.

Esaiæ 1.

Hebr. 4.

Eph. 4.

Psal. 145.

Lico. 1.

1. Tim. 6.

5.

7.

Illum videlicet nobis abscondimus, non nos illi. Nunc ergo dum possumus, à conspectu æterni iudicis & malè cogitata, & peius perpetrata deleamus, reuocemus ante oculos cordis quicquid peruersè egimus per nequitiam præsumptionis. Nihil sibi nostra blandiatur infirmitas, atque in his quæ recolit, semetipsam delicatè non palpet, sed quantò sibi mali sit conscientia, tantò in se benignius sit seuera, proponat contra se futurum iudicium: & quæque in se sentit districtè ferienda per sententiam iudicis, hæc in se piè feriat per penitentiam conuersionis. Vnde aprè postquam violenti huius pœna descripta est. Sequitur.

Quod nemo post mortem ad illud iudicium reduci possit, de quo Apostolus ait: Si nosmetipsos iudicemus, non utique iudicemur.

Capitulum V.

Nequè enim ultra in hominis potestate est, ut veniat ad Deum in iudicium. Versus iste tantò maiore disputatione indiget, quantò hoc quod dicit si negligitur acrius dolet. Hic nimirum non illud iudicium designatur quod per æternam retributionem punit, sed quod mente conceptum per conuersionem diluit. Ad illud quippe venire non desiderat, quisquis se per illud damnari formidat. Dum ergo dicitur: Neque enim ultra in hominis potestate est, ut veniat ad Deum in iudicium, profectò ostenditur esse quoddam iudicium, quod quâdoque etiam à damnatis ac reprobis desideretur. Et quod est illud nisi hoc de quo Paulus Apostolus dicit: Si nosmetipsos diiudicemus, non utique iudicemur? & de quo per Prophetam dicitur: Non est iudicium in gressibus eorum. Et de quo David ait: Honor regis iudicium diligit: ut videlicet qui iam Deum honorat ex fide, sollicitè iudicet quid ei debeat in operatione. Vnde rursum scriptum est: Iudicare coram Domino, & expecta eum. Coram Domino scilicet iudicatur, qui corde Dominum conspiciat, & actus suos sub eius præsentia sollicita inquisitione discernit. Quem tantò quis securius expectat, quantò quotidie vitam suam suspectus examinat. Qui enim ad extremum eius iudicium venit, non iam coram illo, sed ab illo iudicatur. De hoc quoque mentis iudicio obliuiscenti animæ per Prophetam Dominus dicit: Reduc me in memoriam, ut iudicemur simul. Narra si quid habes, ut iustificeris.

Quod in iudicio mentis nullum causa mysterium desit: ubi conscientia accusat, & ratio iudicat.

Capitulum VI.

Debet enim vnusquisque mens & causas suas apud Dominum, & causas Domini contra se sollicita inquisitione discutere: debet cautè pensare, vel quæ ab eo bona perceperit, vel quæ mala bonis illius peruersè viuendo responderint. Quod electi quem quotidie facere omnino non cessant. Vnde bene Salomon ait: Cogitationes iustorum iudicia. Accedunt enim ad secretarium iudicis intra sinum cordis: considerant quàm districtè quandoque feriat, qui diu patienter expectat: metuunt in his quæ se egisse meminerunt, & puniunt flendo quod perpetrasse se intelligunt: timent subtilia diuina iudicia, etiam de his quæ in semetipsis intelligere fortasse non possunt. Vident enim videri diuinitus quod ipsi in se per humanitatem non vident, conspiciunt districtum iudicem, qui quo tardius venit, eo seuerius percutit: sanctorum etiam patrum residere conuentum cum eo pariter contemplantur, eorumque vel exempla vel dicta se cõtempnissè reprehendunt, atque in hoc secreto interioris iudicij ipsa mentis suæ executione constricti penitendo feriunt, quod superbiendo commiserunt. Ibi nanq; aduersum se quicquid se impugnat enumerant: ibi ante oculos suos omne quod desceant coaceruant: ibi quicquid per iram districti iudicis decerni possit intuentur: ibi tot patiuntur supplicia, quot pati timent, nec deest in hoc iudicio mente cõcepto, omne ministerium quod punire reos suos plenius debeat. Nam conscientia accusat, ratio iudicat, timor ligat, dolor excruciat. Quod iudicium eò certius punit, quò interius sæuit, quia videlicet ab exterioribus non accedit. Vnusquisque enim cum causam huius examinis contra se aggredi cõperit, ipse est actor qui exhibet, ipse reus qui exhibetur: odit se qualem fuisse se meminit, & ipse qui est, per semetipsum insequitur illum qui fuit, atq; ab ipso homine aduersus semetipsum fit quædam rixa in animo, par-

Eturiens pacem cum Deo. Hanc cordis rixam Dominus requirebat, cum per Prophetam diceret: Attendi & auscultauimus, ne Hier. 8. mo quod bonum est loquitur, nullus est qui agat penitentiam super peccato suo, dicens: Quid feci? Ista cordis humani rixa placata est, cum Prophetæ suo de Achab rege semetipsum reprehendente loqueretur, dicens: Vidisti Achab humiliatum coram me? Quia igitur humiliatus est mei causa, nõ 3. Reg. 21. inducam malum in diebus eius. Quia ergo nunc in potestate est, internum mentis nostræ contra nos subire iudicium, recognoscendo accusemus nosmetipsos, & quales fuimus penitendo torqueamus, non censem dum licet iudicare quod fecimus, audiamus cautè quod dicitur: Neque enim ultra in hominis potestate est, veniat ad Deum in iudicium. Reproborum nanque esse proprium solet, semper praua agere, & nunquam quæ egerint retractare. Omne enim quod faciunt, cæca mente pertranscunt, factumque suum nisi cum puniti fuerint, non agnoscunt. At contrà electorum est actus suos quotidie ab ipso cogitationis fonte discutere, & omne quod turbidum profluit ab intimis exiccare. Sicut enim non sentimus quomodo crescunt membra, proficit corpus, mutatur species, nigredo capillorum albescit in canis, hæc quippe omnia nobis nescientibus aguntur in nobis: ita mens nostra per momenta viuendi ipso curarum vsu à semetipsa permutatur, & nõ agnoscimus, nisi vigilantia custodia ad interiora nostra residentes, profectus nostros quotidie defectusque pensamus. Hoc ipsum enim in hac mortali vita consistere, quasi ad vetustatem ire est, & cum indiscussa mens relinquitur, in quodam senio torporis sopitur: quia sui negligens, & propositum robur insensibiliter perdens, à forma prioris fortitudinis dum nescit, se nescit. Vnde & per Prophetam sub Ephraim specie dicitur: Comederunt alieni robur eius, & nesciuit: sed & cani effusi sunt in eo, & ipse ignorauit. Cum verò semetipsam quærit, & subtiliter penitendo se discutit: ab ipsa hac vetustate sua lota lachrymis & mœrore incensa renouatur, & quæ iam penè inueterata frixerat, per subministrata interni amoris studia nouum calet. Vnde Paulus Apostolus vsu mortalis vitæ veterascentes discipulos admonet, dicens: Renouamini spiritu mentis vestræ.

Quid sit quod per Moysen dicitur: Ignis in altari semper ardebit, quem sacerdos nutriet, subiiciens mane ligna per singulos dies: & quod patrum exempla ad formam bene viuendi multum nos adiuuent.

Capitulum VII.

Sed ad hæc agenda valde exempla patrum & sacri eloquij præcepta nos adiuuant. Si enim sanctorum opera inspiciamus, & diuinis iussionibus aurem præbemus, alia nos cõtempnata, alia audita succedunt, & cor nostrum torpore non constringitur, dum imitatione prouocatur. Vnde bene ad Moysen dicitur: Ignis in altari semper ardebit, quem nutriet sacerdos, subiiciens mane ligna per singulos dies. Altare quippe Dei est cor nostrum, in quo iubetur ignis semper ardere: quia necesse est ex illo ad Dominum charitatis flammam indefinenter accendere. Cui per singulos dies sacerdos ligna subiiciat, ne extinguatur. Omnis enim Christi fide præditus, membrum utique summi sacerdotis effectus est, sicut cunctis fidelibus Petrus Apostolus dicit: Vos autem genus electum, regale sacerdotium. Et sicut Ioannes Apostolus dicit: Fecisti nos Deo nostro regnum & sacerdotium. Sacerdos ergo in altari ignem nutriens, quotidie ligna subiiciat, id est, fidelis quisque, ne in eo charitatis flamma deficiat, in corde suo tam exempla præcedentium, quàm sacræ scripturæ testimonia congerere non desistat. Nam quasi quædam fomenta igni dare, est in excitatione charitatis, vel exempla patrum, vel præcepta dominica ministrare. Quia etenim interna nouitas nostra ipsa quotidie huius vitæ conuersione veterascit, ignis iste adhibitis lignis nutriendus est: ut dum per vsu se nostræ vetustatis extenuat, per patrum testimonia & exempla reuiuifcat. Et bene illic præcipitur, ut mane ligna per dies singulos congerantur. Hæc quippe non fiunt, nisi cum nox cæcitatis extinguatur. Vel certè, quia mane prima pars diei est, postpositis cogitationibus vitæ præsentis, hoc priori loco, quisque fidelium cogitet, ut quod in se iamiamque quasi deficit, quibus valet nisibus studium charitatis inflammet. Ignis enim iste in altari Domini: id est, in corde nostro citius extinguitur,

1. Corint. 11.
Esaiæ. 59.
Psalm. 98.
Iob. 35.

Esaiæ. 43.

Prover. 12.

Exemplo
valde ad-
iuuamur.

Leni. 6.

1. Petri. 2.

tinguitur, nisi solerter adhibitis exemplis patrum & dominicis testimoniis reparetur. Bene autem illic subiungitur: Et imposito holocausto desuper adolebit adipēs pacificorum. Nam quisquis in se ignē hunc charitatis accendit, semetipsum utique holocaustum desuper imponit: quia omne vitiū quod in se malē viuebat, exurit. Cū enim cogitationū suarum interna considerat, & vitam reprobam per immutationis gladiū mactat: in ara se sui cordis imposuit, & igne charitatis incendit. De qua hostia pacificorum adipēs redolent, quia interna nouæ charitatis impingatio pacem inter nos & Deum faciēs, odorem de nobis suauissimū reddit. Quia vero eadē charitas in cordibus electorum inextinguibilis manet, aptē illic subditur: Ignis est iste perpetuus, qui nunquam deficiet de altari. Nūquam profecto de altari ignis iste deficiet: quia etiam post hanc vitam eorum mentibus feruor charitatis accrescit. Aeterna quippe contemplatione agitur, ut omnipotens Deus quō magis visus fuerit, eō amplius diligatur. Quod autem diuinis admonitionibus & præcedentium exemplis adiuti, de huius vitæ profundo liberamur, bene etiam per prophetam Hieremiam in puteum missum signatum est, qui ut leuetur ex puteo, funes ad eum & panni veteres deponuntur. Quid enim funibus nisi præcepta dominica figurantur? Quæ quia nos in mala operatione positos, & conuincunt, & eripiunt, quasi ligant & trahunt, coarctant & leuant. Sed ne ligatus his funibus dum trahitur, incidatur, simul etiam panni veteres deponuntur: quia ne diuina præcepta nos terreat, antiquorum patrum nos exempla confortant: & ex eorum comparatione facere nos nosse præsumimus, quod ex nostra imbecillitate formidamus. Si ergo leuari de hoc profundo festinamus, ligemur funibus, id est, præceptis dominicis astringamur. Inter sint etiam panni veteres, cum quibus melius teneantur funes, id est, præcedentium confortemur exemplis, ne infirmos nos ac timidos præcepta subtilia vulnerent, dum leuant. Quasi quosdam pānos veteres Paulus Apostolus subiungebat, cū leuandis discipulis suis, præceptis spiritualibus exempla veterum commodaret dicens: Iusti ludibria & verbera experti, insuper & vincula & carceres: lapidati sunt, secti sunt, tentati sunt, in occisione gladij mortui sunt: Et paulo post: Habentes itaque tantam impositam nubem testium, deponentes omne pondus, & circumstantes nos peccatum, per patientiam curramus ad propositum nobis certamen. Et iterum: Mementote præpositorum vestrorum qui vobis locuti sunt verbum Dei. Quorum intuentes exitum conuersationis, imitamini fidem. Superius videlicet dum spiritualia præcepta loqueretur, quasi funes miserat: postmodum verò memorans exempla maiorum quasi veteres pannos adhibebat. Excitati ergo tot vocibus præceptorum, adiuti tot comparationibus exemplorum, ad corda nostra redeamus, discutiamus omne quod agimus, & quicquid in nobis diuinæ rectitudinis regulam offendit, accusemus: ut apud districtum iudicem ipsa nos accusatio excuset. In hoc enim mentis nostræ iudicio tantò citius absolui mur, quantò nos districtius reos tenemus. Nec ad hæc agenda prætermittenda sunt tempora quibus vacat: quia ad hæc agenda post huius vitæ tempora non vacat. Vacuē quippe non dicitur. Neque enim ultra in hominis potestate est, ut veniat ad Deum in iudicium. Idcirco nanque memoramur quod tunc non possumus, ne nunc quod possumus negligamus. Sed ecce negocia occupant, quæ nobis incessanter apposita, à considerandis nobismet ipsis mentis nostræ oculum declinant. In istis nanque visibilibus quæ intuetur cor nostrum, extra se spargitur: & quid de se intrinsecus agatur obliuiscitur, dum extrinsecus occupatur. Diuina autem vox terribilibus sententiis suis quasi quibusdam clauis illud pungit ut euigilet, ut homo occulta super se iudicia que pressus torpore dissimulat, terrore saltem pulsatus expauescat: ut enim superius diximus, ipso usu vitæ veteris mens malè assueta deprimitur, & in hæc quæ spectat exterius, quasi dormiens sopitur, quia postquam semel se ad appetenda visibilia foras fudit, à contemplandis inuisibilibus intus euauit. Vnde nunc necesse est, ut quæ per visibilia spargitur, de inuisibilibus iudiciis feriat, & quia in iis se exterioribus malè delectata prostrauit, saltem percussa requirat quod deseruit. Ecce autem scriptura sacra terrore quodam torpentia corda trās-

figit, ne in his inhæreant quæ exterius defluunt, sed quæ interiorius æterna perdiderunt. Indicat quid sententia occulta decernitur, ne immoderatè à nobis hæc publica cogitentur. Dicit quid super nos agatur de nobis, ut ab hoc publico temporalitatis, colligamus oculum cordis ad secretum internæ dispositionis. Nam postquam multa narrata sunt de pœna malorum, subito infertur occultum iudicium, quod piè super nos iustèque disponitur, quomodo alij perdunt quod tenere videbantur, & alij accipiunt quod alij ex meritis perdunt. Ait enim: *Conteret multos & innumerabiles, & stare faciet alios pro eis.* Hoc quotidie agitur. Sed quia adhuc finis partium utrunque non cernitur, minus timetur. Nunquam enim culpam suam reprobi nisi in pœna cognoscunt. Et quia pœna differtur, culpa despicitur. Labuntur verò à statu iustitiæ, & locum vitæ illis cadentibus alij sortiuntur. Sed eò lapsus suum negligunt, quò interitum qui se in æternum maneat non attendunt. Si enim ad illud quod illic passuri sunt, oculos suos mitterent, hoc quod hîc faciunt timerent. Cunctis autem liquet quòd in illa extrema requisitione examen publicum facturus est omnipotens Deus: ut alios ad tormenta deferat, alios ad participationem regni cœlestis admittat. Sed hoc nunc secreto iudicio quotidie agitur, quod tunc in publico demonstratur. Nam iustè ac misericorditer singulorum corda vel examinans, vel disponens, alios in exteriora respuit, alios ad ea quæ sunt intrinsecus trahit: hos accendit interna appetere, illos pro voluptatibus suis deserit exteriora cogitare: horum mentem ad superna erigit, illorum per superbiam in infimis desideriis mergit. Aliena autem corda humanis oculis clausa sunt, & nescitur qui repellitur: quia penetrare nequeunt quæ ab vnoquoque cogitantur. Nam sæpe de corde peruerso, necdum processit vsque ad effectum operis deliberatio cogitationis, & adhuc fortasse per habitum intus astringitur, qui iam mente foris vagatur. Sed talis quilibet iste tunc ante oculos interni iudicis cecidit, cū ab appetendis interioribus per desiderium exiuit. Nonnunquam verò alij post malæ operationis usum, ad spem cœlestem subito amore reuiuiscunt & qui in peruersa actione se sparserant, ad sinum internæ retractationis semetipsos increpando recolligunt. Hos adhuc respicientes homines, quales dudum in opere nouerant, tales putant. At contrà illi per districtæ considerationis examen, vitam suam qualem fuisse recolunt insequuntur, sciuntque quid fuerunt, sed quid iam cœperint esse, nescitur. In hoc ergo utroque genere hominum sæpe contigit, ut & qui videntur stare humano iudicio, iam in cōspectu æterni iudicis iaceant: & qui adhuc coram hominibus iacent, iam in cōspectu æterni iudicis stent. Quis enim hominum æstimare potuisset, Iudam viuendi fortem etiam post ministerium Apostolatus amittere? Et quis econtrà latronem crederet causam vitæ etiam in ipso articulo mortis inuenire? Occultus autem Iudex præfidens, & utrorumque corda discernens, alterum piè statuit, alterum iustè confregit. Illum districtè exterius repulit, hunc introrsus misericorditer traxit. Vnde bene etiam per Prophetam casuros alios passionis suæ tempore atque alios resurrecturos annuntians, ait: Potum meum cum fletu temperabam. Potus quippe ab exterioribus interius trahitur, fletus autem ab interioribus exterius emanat. Potum ergo Domino cum fletu temperare, est alios ab exterioribus introsus trahere, alios ab interioribus in exteriora reprobare.

Quod superbi perdant quæ acceperunt, dum ex gratia intumescunt, & humiles quorum vita ex peccato contemptibilis erat, eorum loco per eandem gratiam statuuntur: vnde & illud est: Qui stat, videat ne cadat.

Capitulum VIII.

Conteret ergo multos & innumerabiles, & stare faciet alios pro eis. Sicut autem superius diximus, hæc contritio prius intus agitur, ut post extrinsecus ostendatur. Hac contritione nonnunquam adhuc quorundam exteriora quasi sana sunt: & iam interiora putruerunt. Scriptum nanque est: Ante ruinam *Prouer. 16.* exaltatur cor. Ibi ergo feriuntur, ubi superbiunt. Vnde scriptum est: Contriui cor eorum fornicans & recedens à me. Interius enim fornicari est exterius vetitis dele-

Remedium
per scriptu-
ram sacrā.

Ezech. 6. Etari. Magna autem contritio cordis est hæc eadem elatio superbi-
entis. Eo quippe ipso ab integritate salutis corrui, quo
iactantia cuiuslibet virtutis intumescit. Superbientes enim
Deum despiciunt, & relictæ creatoris sui gloria propriam qua-
runt. Quibus iam hoc ipsum cecidisse, est amissa superioris sui
potentia in se venisse. Conteruntur etiam, quia relictis cœle-
stibus terram quarunt. Quæ autem maior poterit esse contri-
tio, quàm deserto creatore creaturam querere: desertis super-
nis gaudiis, infimis rebus inhiare? Vnde bene per Prophetam
dicitur: Humiliat autem peccatores usque ad terram. Amis-
sis enim cælestibus terrenum est omne quod sitiunt, & dum
plus videre conantur, minus est quod appetunt. De quibus
rectè per Hieremiam dictum est: Recedentes à te, in terra
scribentur. At contrà de electis dicitur: Gaudete, quia nomi-
na vestra scripta sunt in cœlis. Ista ergo contritio prius serpit
in mente, ut postmodum præcedat in opere: prius fundamen-
tum cogitationis concutit, ut postmodum fabricam operatio-
nis allidat. Vnde summa est cura satagendum, ut illic vitetur,
ubi oritur, Scriptum nanq; est: Omni custodia serua cor tuum,
quoniam ex ipso vita procedit. Et rursum scriptum est: Ex
corde exeant cogitationes malæ. Intus ergo uigilandum est,
ne mēs dum extollitur, cadat. Intus seruemus omne quod fo-
ris agimus. Si enim semel medullam cordis elationis putredo
consumpserit, citius corrui cortex vacua externæ visionis.
Notandum verò est, quia dum aliis cadentibus ad stādum alij
solidari perhibentur, electorum numerus certus ac definitus
ostenditur. Vnde etiam Philadelphie Ecclesie per Angelum
dicitur: Tene quod habes, ne alius accipiat coronam tuam.

Apoc. 3. Hac ergo sententia qua narratur aliorum erigi, aliorum au-
tem vita confringi, & spes nutritur humilium, & elatio pre-
mitur superbiorum, dum & illi bona possunt amittere de qui-
bus superbiunt, & isti ea percipere, quæ quia non habebant,
contemnuntur. Formidemus igitur in his quæ accepimus, nec
eos qui illa necdum assecuti sunt, despiciamus. Quid enim su-
mus hodie, nouimus: quid autem post paululū possumus esse,
nescimus. Hi verò quos fortasse despiciamus, & tardè possunt
incipere: & tamen uitam nostram seruientioribus studiis an-
teire. Timendum itaque est, ne etiam nobis cadentibus sur-
gat, qui à nobis stantibus irridetur, quanuis stare iam non no-
uit, qui non stantem nouit irridere. Hunc autem supernorum
iudiciorum metum Paulus apostolus discipulorum cordibus
incutiens ait: Qui se existimat stare, videat ne cadat. Quod
autem dicens, Conterit multos, ilicò adiunxit: Innumera-
biles, vel multitudinem exprimere studuit reproborum, quæ
humanæ rationis numerum transiit: vel certè indicare voluit,
quòd omnes qui pereunt, intra electorum numerum non ha-
bentur: ut eo sunt innumerales, quo extra numerum cur-
runt. Vnde Propheta intuens tantos hoc Ecclesie tempore
specietenus credere, quantos nimirum certum est electorum
numerum summamque transire, ait: Multiplicati sunt super
numerum. Ac si diceret: Multis Ecclesiam intransibilibus, etiam
hi ad fidem specietenus regni veniunt, qui à numero regni
cœlestis excluduntur: quia electorum summam, sua videlicet
multiplicitate transcendunt. Vnde & per Hieremiam Pro-
phetam dicitur: Aedificabitur ciuitas Domino à turre Ana-
nehel usque ad portam anguli, & exiit ultra normam men-
suræ. Ciuitatem quippe esse Domini sanctam Ecclesiam, nul-
lus ignorat. Ananehel verò Dei gratia interpretatur. In angulo
autem duplex paries iungitur. Ciuitas ergo Domini à turre
Ananehel usque ad portam anguli ædificari perhibetur: quia
sancta Ecclesia à celsitudine supernæ gratiæ inchoans, usque
ad ingressum susceptionemq; construitur, vtrorumq; popu-
lorum, Iudaici videlicet atque Gentilis. Sed quia in ea cres-
cente multitudine etiam reprobis colliguntur, aptè subditur:
Et exiit ultra normam mensuræ: quia usque ad eos quoque
extenditur, qui normam iustitiæ transeuntes, intra mensuræ
cœlestis numerum non sunt. Vnde per Esaiam quoq; eidem
Ecclesie dicitur: Ad dexteram enim & ad laeuam dilataberis,
& semen tuum gentes hæreditabit. In tanta quippe multitu-
dine gentium ad dexteram extenditur, dum quosdam iustifi-
candos suscipit. Ad laeuam quoque dilatatur, dum ad se quos-
dam etiam in iniquitate permanēuros admittit. Propter hanc
multitudinem quæ extra electorum numerum iacet, in Euan-

Matth. 20. gello Dominus dicit: Multi sunt vocati, pauci verò electi.
Sed quia hoc quòd electis aliis alij conteruntur, de merito pa-
tientis est, nō de iniquitate puniētis, non enim iniquus Deus,
qui infert iram, aptè subiungitur:

*Quod exigentibus præcedentibus peccatis peccatores excæcan-
tur, ut lumen iustitiæ videre non possint, quod cum possent vi-
dere contempserunt: & quòd idem peccatum interdum & pec-
catum sit, & causa peccati, & pœna peccati.*

Caput IX.

Matth. 22. **N**onit enim opera eorum, & ideo inducet noctem & cœrentur. Sciendum summopere est, quòd iniquus quisque duo-
bus modis in nocte conteritur, vel cum exterioris pœnæ tri-
bulatione percutitur, vel cum occulta sententia interius cæ-
catur. In nocte corrui, cum per extremum iudicium viuendi
lumen in perpetuum amittit. Vnde scriptum est: Ligat ei
manus & pedes, & mittite eum in tenebras exteriores. Tunc
enim coactus in tenebras exteriores mittitur, quia nunc in in-
terioribus excæcatur voluntariè. Rursum in nocte iniquus
conteritur, cum peccatorum præcedentium confusione dam-
natus, veritatis lumen non inuenit, & quid deinceps agere de-
beat, non agnoscit. Omne quippe peccatum quod tamen
citius pœnitendo non tergitur, aut peccatum est, & causa pec-
cati, aut peccatum & pœna peccati. Peccatum nanque quod
pœnitentia non diluit, ipso suo pondere mox ad aliud trahit.
Vnde fit ut non solum peccatum sit, sed peccatum & causa
peccati. Ex illo quippe vitio culpa subsequens oritur, ex quo
cæcata mens ducitur, ut peius ex alio ligetur. Sed peccatum
quod ex peccato oritur, non iam peccatum tantummodo,
sed peccatum est & pœna peccati, quia iusto iudicio omni-
potens Deus cor peccantis obnubilat, ut præcedentis peccati
merito etiam in aliis cadat. Quem enim liberare noluit, dese-
rendo percussit. Non ergo immeritò pœna peccati dicitur,
quod iusta desuper irrogata cæcitate, ex præcedentis peccati
ultione perpetratur. Quod videlicet agitur dispositione supe-
rius ordinata, sed inferius iniquitate confusa, ut & præcedens
culpa sit causa subsequentis: & rursum culpa subsequens sit
pœna præcedentis. Quod bene in infidelibus & lubricis, Pau-
lus quasi quoddam semen erroris aspexerat, cum dicebat: Qui
cum cognouissent Deum, non sicut Deum glorificauerunt,
aut gratias egerunt: sed euauerunt in cogitationibus suis.
Sed quod ex huius erroris semine pullulauit, illico adiungit,
dicens: Propter quod tradidit illos Deus, in desideria cordis
eorum in immunditiam: ut contumeliis afficiant corpora sua
in semetipsis. Quia enim cognoscentes Deum, peccatum su-
perbiæ intelligendo commiserunt, cæcantur etiam ne intelli-
gant quod committunt. Et qui intelligentiam suam sequi no-
lunt in peccato & causa peccati, & ipsum lumen intelligen-
tiæ perdunt in peccato & pœna peccati. Prioris ergo peccati
merito, peccatorum subsequentium fouea tegitur, ut qui ma-
lum sciens perpetrat, deinceps iuste in aliis etiam nesciens ca-
dat. Hoc quippe agitur ut culpæ culpis feriantur, quatenus
supplicia fiant peccantium ipsa incrementa vitiorum. Nam
quia omnipotens Deus ad pœnitentiam tempus indulget:
quod tamen humana malitia ad vsum suæ iniquitatis intor-
quet, nimirum iusto Dei iudicio augeri culpa permittitur, ut
ad feriendum altius quandoq; cumuletur. Hinc enim rursum
de quibusdam Apostolus dicit: Ut impleant peccata sua semper.
Hinc voce Angelica Ioanni dicitur: Qui nocet noceat
adhuc: & qui in sordibus est, sordescat adhuc. Hinc David
ait: Adpone iniquitatem super iniquitatem eorum, ut non in-
trent in iustitiam tuam. Hinc rursum de Domino ab eodem
Psalmista dicitur: Immissiones per angelos malos, viam fe-
cit semitæ iræ suæ. Cor quippe Dominus prioribus meritis
aggrauatum iuste permittit etiam subsequentibus malignorum
spirituum persuasionibus falli: quod cum dignè in culpa tra-
hitur, reatus eius in pœna cumulat. Vnde & iræ suæ Domi-
nus viam de semita fecisse perhibetur. Latiior enim est via
quàm semita. Ex semita verò iræ suæ viam facere, est iræ cau-
sas districtè iudicando dilatare: ut qui illuminati agere rectè
noluerunt, iuste cæcati adhuc faciant, vnde amplius puniri
mereatur. Hinc per Moysen dicitur: Nondum completa sunt
peccata Amorrhæorum, Hinc per eundem Moysen Dominus
dicit:

Matth. 20.

Matth. 22.

Matth. 22.

Peccati & causa peccati.

Rom. 1.

1. Thess. 2.

Apoc. 22.

Psalm. 68.

Psalm. 77.

Gen. 15.

Dent. 32. dicit: Ex vinea enim Sodomorum vitis eorum, & propago eorum ex Gomorra. Vua eorum vua fellis, & botrus amaritudinis in ipsis. Furor draconum vinum eorum, & furor aspidum insanabilis. Nonne hæc omnia congregata sunt apud me: & signata in thesauris meis? In die ultionis reddam eis. Quam multa eorum mala narravit, & tamen ilicò adiungit: In tempore quo lapsus fuerit pes eorum. Ecce atrocissima illorum facinora describuntur, & tamen ad ultionis diem adhuc subsequens lapsus aspicitur, quod eorum culpæ cumulentur. Habent iam quidem vnde feriri mereantur, sed sustinetur tamen adhuc peccatum crescere vt peccantes possit atrocior pœna cruciari. Iam meretur supplicium peccatum & causa peccati: sed expectatur adhuc vt augmentum supplicij subroget peccatum, & pœna peccati. Plerumque verò vnum atque idè peccatum, & peccatum est, & pœna, & causa peccati. Quod melius ostendimus si res ipsas ad medium deducamus. Effrenata enim ventris ingluuies in feruorem luxuriæ plenitudinem carnis instigat. Perpetrata autem luxuria sæpe aut periurio, aut homicidio tegitur, ne humanarum legum ultione puniatur. Ponamus ergo ante oculos quod quidam voracitatis sibi frena laxauit, qua voracitate superatus, adulterij facinus admisit: deprehensus autem in adulterio, latenter virum adulteræ, ne ad iudicium traheretur occidit. Hoc igitur adulteriũ inter voracitatem & homicidium positum, de illa videlicet nascens, hoc generans, peccatum est, & pœna & causa peccati. Peccatum profectò est per semetipsum, pœna verò peccati est, quia culpam voracitatis auxit, causa autem peccati est, quia subsequens etiam homicidium genuit. Vnum ergo idèque peccatum est, & pœna præcedentis, & causa culpæ subsequentis: quia & transacta dum exaggerat, damnat: & adhuc sequentia quæ damnari debeant, seminat. Igitur quia peccatis præcedentibus cæcatur oculus cordis, ipsa cæcitas quæ peccantis animum ex antea culpæ damnatione confundit, meritò nō vocatur: quia per hanc ab oculis delinquentis lumen veritatis absconditur. Bene itaque dicitur: Nouit enim opera eorum, & idcirco inducet noctem & conterentur: quia vt sæpe dictum est, præcedentia nimirum mala faciunt vt ad peccandum iterum tenebris subsequentibus inuoluantur: vt eo iam lumen iustitiæ videre non possint, quo illud & quando poterant videre noluerunt. Inducere autem noctem Dominus dicitur, non quod ipse tenebras inferat, sed quod obscura corda peccantium misericorditer non illustret: vt hoc ipsum in nocte cæcasse sit à cæcitatibus tenebris liberare noluisse. Sequitur:

Quod locus videntium Deum, si sancta Ecclesia: à quo iusto iudicio falsi & ficti repelluntur, quia veritatem fidei sciens contemnit.

Caput X.

2. Corin. 6. *Ioan. 1.* *1. Ioan. 1.* *Psalm. 14.* *Exod. 33.* **Q**uasi impios percussit eos in loco videntium.) In scriptura sacra, quasi aliquando pro similitudine, aliquando pro veritate poni consuevit. Pro similitudine enim quasi ponitur, sicut Apostolus dicit: Quasi tristes semper autem gaudentes. Pro veritate verò ponitur, sicut Ioannes ait: Vidimus gloriam eius gloriam quasi vnigeniti à patre. Hoc autem loco nihil differt vtrum pro similitudine, an pro veritate sit positum, quia quolibet dicatur ordine, apertè praua malorum vita signatur. Impios verò scriptura sacra propriè infideles appellat. Hac namque distantia peccatores ab impiis discernuntur: quia cum omnis impius sit peccator, non tamè omnis peccator est impius. Peccator enim dici etiam qui in fide pius est potest. Vnde Ioannes ait: Si dixerimus quia peccatum non habemus, ipsi nos seducimus. Impius verò propriè dicitur, qui à religionis pietate separatur. De talibus enim Propheta ait: Non resurgunt impij in iudicio. Locus autem videntium, sancta Ecclesia vocatur. In ipsa enim rectè constituitur, vt lumen verum quod Deus est, videatur. Vnde ad Moysen dicitur: Est locus penes me, & stabis supra petram cum transeat mea maiestas. Et post paululum: Auferam manum meam, & videbis posteriora mea. Per locum quippe Ecclesia, per petram Dominus, per Moysen verò multitudo plebis Israëlita figuratur, quæ Domino in terra prædicante non credidit. Ipsa ergo in petra stetit terga Domini transeuntis aspiciens, quia videlicet post passionem ascensionemque dominicam, intra san-

Actam Ecclesiam deducta, fidem Christi percipere meruit: & cuius præsentiam nō vidit, eius posteriora cognouit. Dicitur ergo de his quos intra sanctam Ecclesiam diuina ultio inuenit, in iniquitatibus perdurantes: dicatur de his quorum vitæ Paulus Apostolus notat, qui confitentur se nosse Deum, factis autē negant. Quasi impios percussit eos in loco videntium. Ibi quippe stabant vbi Deum videre videbantur. Ibi tenebras dilexerunt, vbi lumen veritatis aspicitur. Et quantum apertos habuerunt oculos in fide, tenuerunt tamen eos clausos in opere. Vnde bene & de Iudæa dicitur: Speculatores eius cæci: quia videlicet non videbant opere, quod professione cernebant. Vnde etiam de Balaam scriptum est: Qui cadens apertos habet oculos. Cadens quippe in opere, apertos tenuit oculos in contemplatione. Ita ergo hi etiam oculos aperientes in fide, & nō videntes in opere, intra Ecclesiam positi pia specie, extra Ecclesiam inuenti sunt impia conuersatione. De quibus aliàs bene scriptum est: Vidi impios sepultos, qui cum adhuc viuerent, in loco sancto erant, & laudabantur in ciuitate quasi iustorum operum. Multos enim peste propriæ prauitatis obfessos sub Christiano nomine, ipsa tranquillitas Ecclesiasticæ pacis abscondit. Quos tamen si leuis persecutionis aura pulsauerit, mox extra aream velut paleas tollit. Quidam verò idcirco Christianitatis vocatione signantur: quia Christi nomine sublimiter exaltato, penè omnes iam videri fideles aspiciunt: & pro eo quod hoc vocari alios cernunt, ipsi non videri fideles erubescunt, sed esse negligunt quod dici gloriantur. Rem enim virtutis intimæ ad decorem sumunt visionis externæ: & qui ante supernum iudicem nudi conscientie infidelitate consistunt, ante humanos oculos professione sancta verbo tenus palliantur. Nonnulli autem fidem medullitè tenent, sed viuere fideliter nullatenus curant. Insequuntur enim moribus quod credulitate venerantur. Quibus diuino iudicio sæpe contingit, vt per hoc quod nequiter veniunt, & illud perdant quod salubriter credunt. Incessanter nanque se prauis actionibus polluant, & super hoc vindictam iusti iudicij retribui posse diffidunt: & sæpe cum bene viuere negligunt, etiam persequente nullo usque ad perfidiam dilabuntur. Nam qui imminere districtu iudicium non credunt, qui inultè se peccare suspicantur, quo pacto vel esse vel dici fideles possunt? Fidem quippe perdidisse, est incorrectis malis operibus, digna supplicia reddi posse non credere. Quia ergo digna fidei opera seruare contemnunt, etiam fidem perdunt quam tenere videbantur. Super quos bene per Prophetam sub Hierusalem specie inimicorum destruentium verba memorantur, à quibus scilicet dicitur: Exinanite exinanite vsque ad fundamentu in ea. Paulus quippe ait: Fundamentum aliud nemo potest ponere præter id quod positum est, quod est Christus Iesus. Inimici ergo destruentes, vsque ad fundamentum Hierusalem exinanunt, quando peruersi spiritus à corde fidelium destructo prius edificio boni operis, soliditatem quoque exhauriunt religionis. Sicut enim supra fundamentum fabrica, sic super fidem opera construuntur. Vsque ad fundamentum ergo exinanisse, est euerso bene viuendi opere, etiam robur fidei dissipasse. Hinc etiam ad Iudæam per Hieremiam dicitur: Filij quoque Mempheos & Taphneos constupraverunt te vsque ad verticem. Vsque ad verticem quippe constuprari, est post malæ operationis vsum etiam in ipsa fidei sublimitate corrumpi. Cum enim nequissimi spiritus vniuscuiusque animam in prauis operibus inuoluunt, sed integritatem fidei vitare non possunt, quasi adhuc inferiora membra polluant, sed ad verticem non pertingunt. Quisquis autem in fide corrumpitur, iam vsque ad verticem constupratur. Malignus enim spiritus quasi ab inferioribus membris vsque ad summa pertingit, quando actiuam vitam polluens, castam cellitudinem fidei diffidentie morbo corrumpit. Quia igitur cuncta hæc humanis oculis absconsa sunt, sed diuinis obrutibus patent, & multi in hac domo fidei sine fide moriuntur, dicatur rectè: *Quasi impios percussit eos in loco videntium.* Pios enim se in Ecclesia hominibus ostendunt, sed quia diuina iudicia latere nō possunt, quasi impij feriuntur. Quibus hoc magis ad supplicij cumulum crescit, quod unusquisque eorum in Ecclesia fidelibus admixtus, veritatem fidei sciendo contemnit, atque

ad Tit. 1.

Esai. 56.

Num. 24.

Eccles. 8.

15.

Fidem perdere.

Psalm. 136.

1. Cor. 13.

Hier. 2.

eo grauior vltior sequitur, quo per exempla rectorum etiam bene viuendi eos scientia comitatur. Quot enim eis modò recti ac fideles fratres ostenduntur, tot in futuro iudicio testibus impugnantur. Sciunt ergo quod sequi negligunt. Vnde & aptè subiungitur:

Quòd tribus modis peccatur, ignorantia, infirmitate, & studio: & quòd ex industria peccare sit, cum quis quòd scit & potest, contemnit.

Caput XI.

De pœnit.
diēt. 2.

Sciendum.

1. Timot. 1.

Qui quasi de industria recesserunt ab eo. Sciendum quippe est, quòd peccatum tribus modis committitur. Nam aut ignorantia, aut infirmitate, aut studio perpetratur. Et grauius quidem infirmitate quàm ignorantia, sed multo grauius studio quàm infirmitate peccatur. Ignorantia Paulus peccauerat, cum dicebat: Qui prius fui blasphemus, & persecutor, & contumeliosus, sed misericordiam consecutus sum, quia ignorans feci in incredulitate. Petrus verò infirmitate peccauit, quando in eo omne robur fidei quod Domino perhibuit, vna vox puellæ concussit, & Deum quem corde tenuit, voce denegauit. Sed quia infirmitatis culpa vel ignorantia eo facilius tergitur, quo non studio perpetratur, Paulus quæ ignorauit, sciendo correxit: & Petrus motam & quasi arescentem iam radicem fidei lachrymis rigando solidauit. Ex industria verò peccauerunt ij, de quibus ipse per se magister dicebat: Si non venissem, & locutus fuisset eis, peccatum non haberet: nunc autem excusationem non habent de peccato suo. Et paulopost: Et viderunt & oderunt me & patrem meum. Aliud est enim bona non facere, aliud bonorum odisse doctorem: sicut aliud est præcipitatione, aliud deliberatione peccare. Sæpe enim peccatum præcipitatione committitur, quod tamen consilio & deliberatione damnatur. Ex infirmitate enim plerunque solet accidere amare bonum, sed implere non posse.

Ex studio verò peccare, est bonum nec facere nec amare. Sicut ergo nonnunquam grauius est peccatum diligere, quàm perpetrare: ita nequius est odisse iustitiam, quàm non fecisse. Sunt ergo nonnulli in Ecclesia qui non solum bona non faciunt, sed etiam persequuntur: & quæ ipsi facere negligunt, etiam in aliis detestantur. Horum peccatum scilicet non ex infirmitate vel ignorantia, sed ex solo studio perpetratur, quia videlicet si vellent implere bona, nec tamen possent, ea quæ in se negligunt, saltem in aliis amarent. Si enim ea ipsi vel solo voto appeterent, facta ab aliis non odissent: sed quia bona eadem audiendo cognoscunt, viuendo despiciunt, animaduertendo persequuntur, rectè dicitur: Qui ex industria recesserunt ab eo. Vnde & aptè subiungitur: Et omnes vias eius intelligere noluerunt.) Non enim ait: Infirmitate non intelligunt, sed intelligere noluerunt: quia sæpe quæ facere despiciunt, etiam scire contemnunt. Quia enim scriptum est: Seruus nesciens voluntatem Domini sui, & faciens digna plagis, vapulabit paucis: & seruus sciens voluntatem Domini sui, & non faciens iuxta eam, plagis vapulabit multis: impunitatem peccandi existimant remedium nesciendi. Qui nimirum sola superbæ caligine tenebescunt, atq; ideo non discernunt, quia aliud est nescisse, aliud scire noluisse. Nescire enim ignorantia est: scire noluisse, superbia. Et tantò magis excusationem non possunt habere, quia nesciant, quantò magis eis etiam nolentibus opponitur quod cognoscant. Vnde per Salomonem dicitur: Nunquid non sapientia clamat, & prudentia dat vocem suam in summis excelsisq; verticibus super viam in mediis stans semitis? Transire fortasse per viam vitæ temporalis, cum eius ignorantia poteramus, si hæc eadem sapientia in femitæ angulis constitisset. Inuestiganda fuerat, si occultari voluisset. Sed postquam incarnationis suæ mysteria publicè ostendit, postquam humilitatis exempla superbientibus præbuit, semetipsam nobis quasi transeuntibus in mediis semitis fixit: vt videlicet in eam quam quærere nolimus, impingamus: & quam transeuntes videre negligimus, tågamus offendentes. Dicatur itaque: Et omnes vias eius intelligere noluerunt, Via quippe est incarnatæ sapientiæ omnis actio quam temporaliter gessit. Viæ eius sunt viuendi ordines, quos ad se venientibus strauit. Tot itaque ad se venientibus vias præbuit, quot bene viuendi exempla mōstrauit. Humilitatis eius vias Propheta aspexerat, cum suspirabat, dicens: In mandatis

Luca. 12.

Prover. 8.

Psal. 118. tuis me exercebo, & considerabo vias tuas. Hinc rursus de

E vnoquoque iusto dicitur, qui curat vt per dominica exempla gradiatur: A Domino gressus hominis diriguntur, & viam eius cupit nimis. Quia ergo superbi quique humilitatis dominicæ facta contemnunt, rectè dicitur: *Vias eius intelligere noluerunt.*) Viæ enim istæ visione despectæ sunt, sed intellectu reuerendæ. Aliud, quippe est in eis quod cernitur, aliud quod expectatur. Quid enim in hac vita aliud quàm deiectionem, sputa, ludibria, mortemque intuentium oculis ostendit? Sed per hæc infima transitur ad summa: per hæc dedecora, quæ præcedunt, æterna nobis & gloriosa pollicentur. Viderunt ergo superbi vias Dei, sed intelligere noluerunt: quia dum abiecta quæ in se ille ostendit despiciunt, perdiderunt iustè sublimia quæ promittit. Vias itaque Dei intelligere, est & humiliter tolerare transitoria, & perseueranter expectare mansura, vt exemplo Domini coæterna quærat gloria opprobriis temporalibus comparata, & non quod hîc quisque tolerat, sed in id quod expectat, intendat. Ad hæc ergo superbi clausos oculos tenuerunt, quia dum in gloria præsentis vitæ superbiant, humilitatis dominicæ celsitudinem non viderunt. Lumen enim intelligentiæ humilitas aperit, superbia abscondit. Nam secretum quoddam pietatis est, & tantò minus ad illud animus peruenit, quantò magis intumescit: quia eo ipso foras repellitur, quo insanius inflatur. Sequitur:

Quòd egeni & pauperes ad Deum clamant, cum præpositi curis secularibus dediti, prædicationis officium deserunt.

Caput XII.

Vt peruenire facerent ad eum clamorem egeni, & audiret vocem pauperum.) Cum enim isti superbiant, clamant ad Deum hî, qui ab ipsis superbientibus opprimuntur. Vnde certè idcirco dicitur quòd ad Deum fecerunt clamorem pauperum peruenire: quia istis cadentibus, in eorum locum pauperes, id est, spiritu humiles subrogantur, & quia hoc eorum casu factum est, ipsi fecisse referuntur, eo videlicet locutionis genere, quo pugnare castra dicimus, quia pugnatur ex illis. Vel certè quia cuncta quæ superius dicta sunt, referri etiam ad rectores Ecclesiasticos possunt, qui relicto prædicationis studio, sub occasione regiminis terrenis negociis inuoluuntur, aptè subiungitur. Vt peruenire facerent ad eum clamorem egeni, & audiret vocem pauperum: quia nimirum dum ipsi curis secularibus occupati, prædicationis officium deserunt, gregem subditum in querelarum prorumpere clamorem cōpellunt: vt quasi iure vnusquisque subiectus de vita ficti pastoris immurmure, cur teneat magistri locum qui non exercet officium. Quauis fortasse melius per tumorem potentium, superbia Iudæorum, & per clamorem pauperum, desideria gentium figurantur: sicut attestante veritate per epulantem splendide diuitem Iudaicus populus designatur: copiam scilicet legis non ad necessitatem salutis, sed ad pompam elationis assumens, atq; in præceptorum verbis non semetipsum ordinate reficiens, sed iactanter ostendens: & per vulneratum Lazarum, qui interpretatur adiutus, forma populi gentilis exprimitur, quem diuinum adiutorium tantò magis erigit, quantò minus de suarum virium facultate confidit. Qui pauper &

H plenus vlcibus esse describitur: quia gentilitas corde humilis peccatorum suorum aperuit cōfessiones. Nam sicut in vulnere ab internis trahitur virus in cute, ita in confessione peccati, dum in publicum secreta panduntur, quasi mali humores à visceribus intimis foras prorumpunt. Illis ergo peccantibus pauperum clamor auditur: quia dum Iudæi contra Deum superbiant, ad Deum vota gentilium peruenerunt. Vnde & mox hæc ipsa immensa ac profunda iudicia perhorrescēs, non ea curat ratione discutere, sed admiratione venerari atque ait:

Quòd temerè discutitur, quare hunc Deus trahat, illum repellat: cum de beneplacito eius ratio non reddatur.

Caput XIII.

Ipso enim concedente pacem, quis est qui condemnet, & ex quo absconderit vultum suum, quis est qui contempletur eum?) Nemo ergo discutiatur cur stante Iudaico populo, dudum in infidelitate gentilitas iacuit, & cur ad fidem gentilitate surgente, Iudaicum populum infidelitatis culpa prostrauit. Nemo discutiatur cur alius trahatur ex dono, alius repellatur ex merito. Si enim gentilitatem miraris assumptam, ipso concedete pacem, quis est qui condemnet? Si Iudæam obstupescis perditam, ex quo absconderit

Psal. 111.

17

18

absconderit vultum suum, quis est qui contempletur eum? Itaque consilium summæ & occultæ virtutis, satisfactio sit ap-
 Math. 20. pertæ rationis. Vnde & in Euangelio Dominus cum de huius
 rei causa loqueretur, ait: Confiteor tibi pater Domine cœli &
 terræ, quia abscondisti hæc à sapientibus & prudētibus, & re-
 uelasti ea paruulis. Ita pater. Atque mox tanquam rationem
 quandam absconsionis ac reuelationis adiungens, ait: Quia
 sic fuit placitum ante te. Quibus nimirum verbis exempla hu-
 militatis accipimus, ne temerè discutere superna consilia de a-
 liorum vocatione, aliorū verò repulsione præsumamus. Cum
 enim intulisset vtrumque, nō mox rationem reddidit, sed sic
 Deo placitum dixit: hoc videlicet ostendens, quia iniustum
 esse non potest quod placuit iusto. Vnde & in vinea laboran-
 tibus mercedem reddens, cum quosdam operarios inæquales
 in opere, æquaret in præmio, & plus in mercede quæreretur, qui
 Math. 11. labori amplius insudasset, ait: Nōne ex denario conuenisti
 mecum? Volo autem & huic nouissimo dare, sicut & tibi, An
 non licet mihi quod volo facere? In cunctis ergo quæ exte-
 rius disponuntur, aperta causa rationis est occultæ iustitiæ vo-
 luntatis. Dicatur itaque: Ipso enim concedente pacem, quis
 est qui condemnet? Ex quo absconderit vultum suum, quis
 est qui contempletur eum? Et quia sic minima sicut maxi-
 ma, sic singula Deus iudicat sicut cuncta, aptè subiungitur: Et
 19. *super gentem, & super omnes homines.* Ac si apertè admoneamur
 intendere, quia hoc iudicium quod super vnam gentem de-
 scribitur, etiā super omnes homines inuisibili examinatione
 celebratur: vt alius eligatur, alius repellatur occultè, sed nullus
 iniustè. Hoc ergo quod in maximis fieri cernimus, etiam in
 nobis singulis cautè timeamus. Sic enim intenduntur diuina
 iudicia super vnam animam, sicut super vnam urbem: sic su-
 per vnam gentem, sicut super vniuersam generis humani
 multitudinem: quia & sic intendit Dominus singulis, ac si va-
 cet à cunctis, & sic simul intendit omnibus, ac si vacet à sin-
 gulis. Qui enim omnia administrando implet, regit imple-
 do: nec vniuersis deest cum disponit vnum, nec vni deest,
 cum disponit vniuersos, cuncta scilicet naturæ suæ potentia
 quietus operatur. Quid ergo mirum, quia non angustatur in-
 tentus, qui operatur quietus? Dicatur itaque quia hoc subtile
 iudicium exercet, & super gentem & super omnes homines.

*Quod secundum merita subditorum dentur sæpe rectores, & pro
 iniquitate mali gregis, delinquat verè boni vita pastoris:
 & quod virtutis est merium, dum salua fide res a-
 giunt, tolerare & calare mala rectorum.*

Caput XIII.

20. **Q**uia igitur de specie transiit ad genus, nunc de genere
 se cōuertit ad speciem, & quid Iudæa propriè mereatur,
 ostendit, dicens: *Qui regnare facit hominem hypocritam, propter pec-
 cata populi.* Verum nanque regem super se Iudæa regnare
 noluit, & idcirco exigentibus meritis hypocritam accepit: si-
 cut ipsa quoque veritas in Euangelio dicit: Ego veni in no-
 mine patris mei, & non accepistis me: si alius venerit in nomi-
 ne suo, illum accipietis. Et sicut Paulus ait: Pro eo quod cha-
 21. ritatem veritatis non receperunt, vt salui fierent, ideo mittet
 illis Deus operationem erroris, vt credant mendacio. In eo
 ergo quod dicitur: *Qui regnare fecit hominem hypocritam*
 propter peccata populi: potest ipsum omnium hypocritarum
 caput antichristus designari. Seducitor quippe ille tūc sancti-
 tatem simulat, vt ad iniquitatem trahat. Sed propter peccata
 populi regnare permittitur: quia nimirum tunc ipsi sub illius
 regimine præordinantur, qui eius dominio digni ante secula
 præsciuntur, qui peccatis subsequētibz exigunt, vt sub illo
 iudiciis præcurrentibus disponantur. Quod ergo tunc anti-
 christus super impios regnat, non est ex iniustitia iudicantis,
 sed ex culpa patientis: quanuis plerique & principatum illius
 non viderunt, & tamen eius principatui peccatorum suorum
 conditione deseruiunt: quia & quem dominantem sibi mini-
 mè conspiciunt, eum proculdubio peruersè viuendo vene-
 rantur. An non eius membra sunt, qui per affectatā sanctitatis
 speciem appetunt videri quod non sunt? Ille nanque prin-
 cipaliter hypocrisim sumit, qui cum sit damnatus homo &
 † al. nequā. † nequaquam spiritus, Deum se esse mentitur. Sed procul du-

A bio ex eius nunc corpore prodeunt qui iniquitates suas sub
 tegmine sacri honoris abscondunt, vt professione videri ap-
 petant quod esse operibus recusant. Quia enim scriptum est: Ioan. 8.
 Omnis qui facit peccatum, seruus est peccati: quantò nunc li-
 berius peragunt peruersa quæ volunt, tantò eius seruitio ob-
 noxiū obligantur. Sed nullus qui talem rectorem patitur,
 eum quem patitur accuset, quia nimirum sui fuit meriti per-
 uersi rectoris subiacere ditioni. Culpam ergo proprii magis
 accuset operis, quàm iniustitiam gubernantis. Scriptum nan-
 que est: Dabo tibi reges in furore meo. Quid ergo illos nobis
 præesse despiciamus, quorum super nos regimina ex Domini
 furore suscipimus? Si igitur irascente Deo secundum nostra
 merita rectores accipimus, in illorū actione colligimus, quid
 ex nostra æstimatione pensamus, quanuis plerunque & electi
 subiacent reprobis. Vnde & diu Dauid Saulem pertulit, sed
 subsequente culpa adulterij proditur, quia dignus tunc fuit
 qui tanta præpositi asperitate premeretur. Sic ergo secundum
 1. Reg. 18. merita subditorum tribuuntur personæ regentium, vt sæpe
 qui videntur boni, accepto mox regimine permutentur: sicut
 scriptura sacra de eodem Saule intulit, quia cor cum dignita-
 te mutauit. Vnde scriptum est: Cum esses paruulus in oculis
 1. Reg. 15. tuis, caput te constitui in tribubz Israël. Sic pro qualitatibus
 subditorum disponuntur acta regentium: vt sæpe pro malo
 gregis, etiam verè boni delinquat vita pastoris. Ille enim Deo
 attestante laudatus, ille supernorum mysteriorum conscius
 Dauid propheta, tumore repentinæ elationis inflatus, popu-
 lum numerando peccauit, & tamen vindictam populus Da-
 uid peccante suscepit. Cur hoc? quia videlicet secundum me-
 ritum plebium disponuntur corda rectorum. Iustus verò iu-
 dex peccantis vitium ex ipsorum animaduersione corripuit,
 ex quorum causa peccauit. Sed quia ipse scilicet sua volunta-
 te superbiens, à culpa alienus non fuit, vindictam culpæ etiam
 ipse suscepit. Nam ira sæuiens quæ corporaliter populum per-
 culit, rectorem quoque populi intimo cordis dolore prostra-
 uit. Certum verò est, quod ita sibi inuicem & rectorum meri-
 ta connectantur & plebium: vt sæpe ex culpa pastorum dete-
 2. Reg. 24.rior fiat vita plebium, & sæpe ex plebium merito, mutetur vi-
 ta pastorum. Sed quia rectores habent iudicem suum, ma-
 gna cautela subditorum est non temerè vitam iudicare regē-
 tium. Neque enim frustra per semetipsum Dominus æs num-
 mulariorum fudit, & cathedras vendentium columbas euer-
 tit: nimirum significans quia per magistros quidem vitam iu-
 dicat plebium, sed per semetipsum facta examinat magistro-
 rum. Quanuis etiam subditorum vitia, quæ à magistris modò
 vel dissimulantur iudicari vel nequeunt, eius procul dubio iu-
 dicio referuantur. Igitur dum salua fide res agitur, virtutis est
 meritum, si quicquid prioris est, toleratur. Debet tamen hu-
 militer suggeri, si fortasse valeat quod displicet emendari.
 Sed, curandum summopere est, ne in superbiam transeat iu-
 stitiæ inordinata defensio: ne dum rectitudo incautè diligi-
 tur, ipsa magistra rectitudinis humilitas amittatur, ne eum si-
 bi præesse quisque despiciat, quem fortasse contingit, vt in ali-
 qua actione reprehendat. Contra hunc tumorem superbix,
 subditorum mens ad custodiam humilitatis edomatur, si in-
 firmas propria incessanter attenditur. Nam vires nostras ve-
 raciter examinare negligimus: & quia de nobis fortiora cre-
 dimus, idcirco eos qui nobis prælati sunt districtè iudicamus.
 Quod enim nosmetipsos minus agnoscimus, eò illos quos re-
 prehendere nitimur, plus videmus. Communia hæc mala
 sunt quæ sæpe à subditis in prælatos, sæpe à prælatis in sub-
 ditos committuntur: quia & omnes subditos hi qui præsent,
 minus quàm ipsi sunt sapientes arbitrantur: & rursum qui
 subiecti sunt, rectorum suorum actiones iudicant, & si ipsos
 regimen habere contingeret, se potuisse agere melius pu-
 tant. Vnde plerunque fit vt & rectores minus prudenter ea
 quæ agenda sunt videant, quia eorum oculos ipsa nebula
 elationis obscurat, & nonnunquam is qui subiectus est,
 hoc cum prælatus fuerit faciat, quod dudum fieri subie-
 ctus arguebat: & pro eo quod illa quæ iudicauerat perpetrat,
 saltem, quia iudicauit erubescat. Igitur sicut prælatis curan-
 dum est, ne eorum corda æstimatione singularis sapietix lo-
 cus superior extollat, ita subiectis providendum est, ne sibi
 rectorum facta displiceant. Si autem magistrorum vita

iure reprehenditur, oportet ut eos subditi etiam cum displicent venerentur.

Quod mali pastores non semper imitandi sunt, tamen necesse est venerari.

Caput XV.

Sed hoc est solerter intuendum, ne aut quem venerari necesse est, imitari appetas: aut quem imitari despicias, venerari contemnas. Subtilis etenim via tenenda est rectitudinis & humilitatis: ut sic reprehensibilia magistrorum facta displiceant, quatenus subditorum mens à seruanda magisterij reuerentia non recedat. Quod bene in Noë debriato exprimitur, cuius nudata verecunda boni filij auersi veniendo texerunt. Auerfari quippe dicimur, quod reprobamus. Quid est ergo quod filij verecunda patris superiecto dorsis pallio auersi venientes operiunt, nisi quod bonis subditis sic præpositorum suorum mala displicent, ut tamen hæc ab aliis occultent? Operimentum auersi deferunt, quia iudicantes factum, & venerantes magisterium, nolunt videre quod regunt.

Quod multi dum sibi iusti videntur, in eo quod rectores suos secularibus negotiis occupatos iudicant, Deum accusant: & cum ipse per Moysen pellibus & ciliciis tabernaculum operiri præcepit, quasi hæc detrahentes, diuinis dispositionibus contradicunt.

Caput XVI.

Sunt verò nonnulli qui si parum quid de spiritali conuersatione inchoant, cum rectores suos temporalia agere, & terrena considerant, mox ordinem supernæ dispositionis accusant, quod nequaquam bene ad regendum prælati sint, per quos, conuersationis infimæ exempla monstrantur. Sed hi nimirum dum temperare se à rectorum suorum reprehensione negligunt, culpæ suæ exigentibus meritis, usque ad reprehensionem conditoris excedunt: cuius profectò dispensatio inde ab humilibus rector agnoscitur, unde ab elatis non rectè iudicatur. Quia enim potestas regiminis ministrari non potest sine studio curæ temporalis, aliquando omnipotens Deus mira dispensatione pietatis ut teneræ spiritalium mentes à terrena cura disinctæ sint, onus regiminis duris ac laboriosis cordibus iniungit, ut tantò illæ ab hoc mundo securius lateant, quantò hæc in terrenis sollicitudinibus valenter elaborant. In exhibitione quippe suscepti oneris pro ipsis quoque utilitatibus subditorum duræ vitæ sunt mundanæ seruitutes. Et sæpe, ut dictum est, misericors Deus quo suos tenerè diligit, eo sollicitè ab externis actionibus abscondit. Nam & plerunque paterfamilias ad eum laborem seruos dirigit, à quo subtilius filios suspendit: & inde filij sine vexatione decori sunt, unde serui in puluere sædantur. Quod quàm rectè in Ecclesia diuinitus agitur, ipsa tabernaculi constructione signatur. Ad

Exod. 25.

Moysen quippe diuina voce præcipitur, ut ad tegenda interioris sancta sanctorum ex bysso, cocco atque hyacintho vela texantur, iussumque est ut ad protegendum tabernaculum, vela cilicina & pelles extenderet, quæ nimirum vel pluuias vel ventos, vel puluerem tolerarent. Quid ergo per pelles, & cilicia quibus tabernaculum tegitur, nisi grossas hominum mentes accipimus, quæ aliquando in Ecclesia occulto Dei iudicio quauis duræ sint præferuntur? Quæ quia seruire curis temporalibus non timent, oportet ut tentationum ventos & pluuias de huius mundi contrarietatibus portent. Quid verò per hyacinthum, coccum, byssumque signatur, nisi sanctorum vita tenera, sed clara? Quæ dum cautè in tabernaculo sub ciliciis, & pellibus absconditur, sua integra pulchritudo seruat. Ut enim in interiore tabernaculi byssus fulgeat, coccus coruschet, hyacinthus cæruleo colore resplendeat: desuper pelles & cilicia, imbres, ventos & puluerem portant. Qui igitur magnis virtutibus in sanctæ Ecclesiæ sinu proficiunt, præpositorum suorum vitam despiciere non debent, cum vacare eos rebus exterioribus vident: quia hoc quod ipsi securi intima penetrant, ex illorum adiumento est, qui contra procellas huius seculi exterius laborant. Quam enim candoris sui gratiam retineret, si byssum pluuiæ tangeret? Aut quid fulgoris atque claritatis coccus vel hyacinthus ostenderet, si hæc susceptus puluis sædaret? Sit ergo desuper textura cilicij fortis ad puluerem: sit inferius color hyacinthinus aptus ad decorem. Ornent Ecclesiam qui solis rebus spiritalibus vacant, tegan Ecclesiam quos & labor rerum corporalium non grauat. Nequaquam ergo contra rectorem suum exteriora agentem

E murmure is, qui intra Ecclesiam sanctam iam spiritaliter fulget. Si enim tu securè interius ut coccus rutilas, cilicium quo protegeris cur accusas? Sed à quibusdam quaritur, quia dum saltem pro utilitate subditorum rectores nimium temporalibus curis inseruiunt, plerique in Ecclesia eorum exemplo deterescunt. Quod verum valde esse quis abneget, cum curari à pastoribus terrena quàm cælestia sollicitius videt? Sed neque hæc iniusta sunt, sicut superius diximus, si mores præsentium iuxta subditorum merita disponuntur. Occultæ nanque & sponte perpetrata culpæ exigunt, ut praua & à pastoribus exempla præbeantur, quatenus iusto iudicio is qui de via Dei superbus exorbitat, in via qua graditur, etiam per ducatum pastoris offendat. Vnde per Prophetam quoque prænuntiantis studio dicitur, non maledicentis voto: Obscurentur oculi eorum ne videant, & dorsum eorum semper incurua. Ac si dicat: Qui humanæ vitæ actionibus quasi præuidentis itineribus præfunt, veritatis lucem non habeant, ut & qui sequuntur subditi, iniquitatum suarum oneribus incuruati, omnem statum rectitudinis amittant. Quod factum procul dubio in Iudæa nouimus, cum in ipso nostri Redemptoris aduentu Phariseorum turba atque sacerdotum à vero lumine mentis oculos clausit, & per præpositorum exempla gradiens, in infidelitatis tenebris populus errauit. Sed quæri rationabiliter potest quomodo hoc in loco dicitur: quod regnare hypocritam Dominus facit, cum de hac re specialiter per Prophetam conqueritur, dicens: Ipsi regnauerunt, & non ex me: principes extiterunt, & non cognoui. Quis enim rectè sentiens dicat: quia facit Dominus quod minimè cognoscit? Sed quia scire Dei approbare est, nescire reprobare: unde quibusdam quos reprobare dicit: Nescio vos unde sitis, discedite à me omnes operarij iniquitatis: & aliquando facere Dei, est id, quod fieri prohibet, irascendo permittere: vnde & regis Aegypti cor se obdurare asseruit, quia videlicet obdurari permittit: miro modo hypocritas Dominus & regnare facit & nescit: facit sinendo, nescit reprobando. Vnde necesse est, ut ad omne quod in hac vita concupiscitur, prius voluntas interna requiratur. Quam cum humani cordis auris percipere appetit, sciat quia hæc non verbis, sed rebus sonat. Locus ergo regiminis cum regendus offertur, in se prius necesse est ut quisque discutiat, si loco vita congruit, si ab honore actio non dissentit, ne iustus omnium rector eo post in tribulatione preces non audiat, quo ipsa quoque eius, de quo tribulatio oritur, exordia honoris ignorat.

Libri vicesimiquinti finis.

B. GREGORII MORALIVM IN BEATVM IOB, LIBER VIGESIMVSSEXTVS.

Quod proprium sit superborum doctorum, dum bene locutos senouerint, quasi pro equitate inquirere ab auditoribus suis, vtrum in aliquo offenderint: ut eo modo laudem ab eis extorqueant.

Caput I.



In locutionibus suis hoc arrogantes viri habere inter alia proprium solent, quod ab auditoribus suis ne quid fortasse inordinatum dixerint, tunc requirunt, cum se laudabiliter aliquid dixisse cognoscunt. Hæc videlicet faciunt, non quo de dictis suis ambigant, sed quo ab audientium iudicio fauores quarant. Nam inueniri facile poterunt quo animo percunctantur, si quisquam cum eorum bona laudat, etiam mala reprehendat. Certum quippe est, quia sicut instantur laudibus, ita correctionibus inflammantur, & à quolibet se vel iuste reprehendi despiciunt, moxque in malis suis fomitem defensionis exquirunt. Quomodo ergo de bonis suis humiliter ambigunt, qui mala sua defendere etiam peruersè moliantur? Ille est enim verè humilis in bonis, qui non est defensor in malis. Nam qui de malis suis arguitur, & contra verba

verba arguentis accenditur, quando de bonis suis quasi humiliter titubatur, per humilitatis vocem ornari appetit, non doceri. Heliu itaque vitam arrogantium signans, postquam multa interna & sublimia intulit, ecce in verbis formam humilitatis assumit, & æquitate proposita sub quadam discipulatus imagine beatum Iob alloquitur, dicens: *Quia ego locutus sum ad Deum, te quoque non prohibebo. Si erravi, tu doce me: si iniquitatem locutus sum, ultra non addam.* Sicut sæpe contingit ut bona loquantur & mali, multa Heliu fortia paulo superius se dixisse meminerat, & securus idcirco ne fortasse errauerit, requirebat. Neque enim requireret, si se errasse credidisset. Est nanque, ut dixi, propria arrogantium fraus, ut tunc de errore requirere studeant, quando se nouerint non errasse. Qui rursus requirere, vel argui de errore despiciunt, si quando se errasse veraciter præcognoscunt. Non enim esse, sed videri humiles appetunt, & tunc requirendo speciem humilitatis assumunt, quando de ipsa magis requisitione laudantur. Sed quia omnino difficile est, ut elatio quæ regnat in corde, non erumpat in voce: auditores arrogantium si eorum dicta paulisper taciti expectant atque considerant, citius corda illorum subsequenter verba manifestant. Diu quippe morari non possunt in ipsa humilitatis imagine quam specietenus sumunt. Superbis enim mentibus humilitas alta est, & cum eius formam conscendere ambiunt, lassatis animi gressibus quasi à cliuosis atque asperis itineribus dilabuntur. Alienum est scilicet quod videri appetunt, & idcirco eius imagini diu inhærere nequaquam possunt. Graue pondus æstimant, cum eam saltem specietenus portant, & quousque hanc abiiciant, vim quandam in corde patiuntur: quia videlicet elationis vsui malè dominantibus deseruiunt, atque eius imperio semetipsos quales sint proderere compelluntur, ne diu possint videri quod non sunt. Vnde Heliu quoque postquam de errore doceri se petiit, postquam iniquitatem non se ultra locuturum promisit, ab humilitatis specie ad verba tumidæ excusationis exiliuit. Nam subdidit dicens: *Nunquid à te Deus expetit eam, quia displicuit tibi?* Ac si diceret: Ego coram Domino rationes positurus sum, cur modo iniquitas mea à te reprehenditur, quæ constat quòd in iudicio à te non requiratur.

Quòd sancti humanum iudicium non timeant, sed diuinum: cum contrariò superbi iudicium Dei non metuunt, & ab hominibus iudicari erubescunt. Caput II.

2. **R** Ecti viri cum iniuste ab hominibus impetuntur, ad supernum iudicium recurrunt. Vnde & ab eodem ad beatum Iob dicitur: *Ecce in cælo testis meus, & conscius meus in excelsis.* Et quia ei placere summopere cupiunt, eius solius testimonium requirunt. Peruersi quoque quia iustorum vitam deserunt, sed nonnunquam eloquia sequuntur, cum de suis malè gestis increpantur, hoc assumunt in argumentum defensionis, quod iusti proferunt cum testimonio puritatis. Vnde eis consuetudo iam facta est, ut si quis eos de factis suis arguat, Dei magis iudicium quam hominum quærant. A Deo enim & cum se damnandos nouerint, iudicari non metuunt, & iudicari ab hominibus erubescunt. Proponunt ergo maius quod non metuunt, ut minus declinare valeant, quod erubescunt. Scriptum quippe est: *Vnusquisque nostrum pro se rationem reddet Deo.* Quia ergo tunc damnatio vniuersusque manifesta est, exinde modò iniqui colligunt, ut iam peruersa vniuscuiusque actio sit secuta, ne modò eam quilibet iustus arguendo discutiatur, à qua constat quòd in iudicio alienus existat. At contrà piorum conscientia grande sibi confecti premii credunt, cum de quibusdā modo suis actionibus illicitis arguuntur. Proponunt etenim ante oculos cordis, quia districtum Dei iudicium tantò verius tunc super eos mitigabitur, quantò nunc acius arguente homine præuenitur: & temporalem iram super se lucrum computant, per quam se æternam posse euadere non ignorant. Heliu ergo typum cunctorum arrogantium tenens, & magis eligens æterna inuectione percuti, quam temporaliter increpari, dicit: *Nunquid à te Deus expetit eam, quia displicuit tibi? Quia verò esse culpabiliores solent hi qui loqui in contentione inchoant, quàm qui respondent, subdidit, dicens: Tu enim co-*

Tomus primus.

pisti loqui, & non ego.) Eo se innocentem credidit, quo pulsatus erupit, nimirum nesciens, quia innocentia non tempore defenditur, sed ratione. Quid enim eius defensionibus adminiculatur, quod etsi tacenti nulla intulit, recta tamen inchoanti praua respondit? Postquam verò in verbis elationis ostenditur, ecce iterum sub requisitionis velamine palliatur, atque infert, dicens: *Quòd si quid melius nosti, loquere.* Quauis dum nò ait: *Quia melius nosti, sed si quid melius nosti loquere:* nimis hoc ipsum superbisse est, de melioris scientia dubitasse. Hoc tamen quod beato Iob locum loquendi tribuit, humilitatem se exhibuisse iudicauit. Sed sicut suprà dictum est, quia in actione arrogantium omne quod superducto sermone tegitur, prorumpente rursus intentione elationis aperitur, citius Heliu innotuit quia mente beatum Iob loqui postulauit. Nam sequitur:

Quòd Heliu verba Iob non intellexerit, quæ sine disciplina fuisse æstimabat. Caput III.

V *iri intelligentes loquantur mihi, & vir sapiens audiat me. Iob autem stultè locutus est, & verba illius non sonant disciplinam.* Ecce dum quasi humiliter beato Iob loqui tribuit, quid intrinsecus gestaret ostendit, dicens: *Viri intelligentes loquantur mihi:* dedignatus videlicet, si beatus Iob qui præsumeret, qui quasi eius intelligere verba non posset. Et quia non solum ad loquendum, sed etiam ad audiendum beatum Iob indignum fuisse iudicauit, ilicò adiunxit: *Vir sapiens audiat me.* Ac si diceret: *Huic loqui iniuste conceditur, qui etiam audire verba sapientium non meretur.* Atque mox apertè quàm despecta de illo sentiat, manifestat, dicens: *Iob autem stultè locutus est, & verba illius non sonant disciplinam.* Sine disciplina locutum beatum Iob credidit, quia iustum se in suis operibus fuisse memorauit. Vera fortasse Heliu diceret, si ea quæ beatus Iob de seipso narrauerat, non de illo hæc eadem ipse disciplina author æstimasset. Innocenter enim Iob se asseruit flagellatum, quem Deus etiam perhibuit frustra percussum. *Quid 22. quæst. 2. ergo vox percussi superbum sonuit, quæ à sententia ferientis incauti sunt nullatenus discrepauit? Incautè sunt humiles qui se mendacio homines. illaqueant, dum arrogantiam vitant, imò mentiendo superbunt, quia contra veritatem se erigunt quàm relinquunt. Qui 1. ad Timo. 2. & Act. 19. & 20. enim necessitate cogente vera de se bona loquitur tantò magis humilitati iungitur, quantò & veritati sociatur. An Paulus humilis non fuit, quando æmulatione veritatis contra falsos apostolos tot de se discipulis fortia gesta narrauit? Qui nimirum veritati inimicus existeret, si abscondendo virtutes proprias, prædicatores errorum præualere permisisset. Sed quia arrogantes viri in eo quòd honorum dicta superbè examinant, verborum magis superficiem, quàm rerum cardinem pèsant, Heliu beati Iob sententias disciplinam credidit nò sonuisse.*

3. *Quia verò sæpe asperitas superbiorum vsque ad duritiam maledictionis extenditur, ilicò contra beatum Iob, quasi ad deum faciens verba, subiungit:*

Quòd superbi afflictorum tribulationibus nulla compassione condescendunt, sed super dolorem vulnerum addunt, & elisos confringunt. Caput IIII.

P *ater mi probetur Iob vsque ad finem.* Ecce hoc quod quasi de arrogantia tumore conceperat, in verbis etiam maledictionis exaltat. Sed fortasse beneuolæ vim probationis optaret, si stetisse eum in probatione iudicasset. Ut ergo apertè malitia eius crudelitatis appareat, probari eum adhuc per flagella deprecatur, quem inter flagella lapsum fuisse iam queritur. Præmisit quod sensit, ut apertius cognosci debeat quod optauit. Adhuc feriri postulat, quem iam peccasse sub manu ferientis accusat. Propria hæc arrogantium vota sunt, ut vitam dolentium examinari acius deprecetur: quia quantò sibi metipsis iustiores sunt, tantò alienis doloribus duriores existunt. Nesciunt enim in se passionem alienæ infirmitatis trahere, & sicut suæ, ita etiam proximi imbecillitati misereri. Quia enim de se alta sentiunt, idcirco humilibus nullatenus condescendunt. Heliu beatum Iob pro culpa percussum credidit, atque ideo exhibenda ei pietatis viscera, nec inter tot dolores æstimauit. Viri autem veraciter sancti cum flagellari quempiam etiam pro culpa cognoscunt, etsi quædam eius inordinata corripiunt, ad quædam tamen dolentia compatiuntur: & sic sciunt

tumentia premere, ut sciant etiam cruenta refouere, quatenus in eis cum dura emolliuntur, infirma roborentur.

Quod sancti doctores ex quibusdam signis, sicut boni medici solent, etiam occulta rimari, ut cognita castigent & sanent. Vnde ad Ezechielem dicitur: Fili hominis fode parietem, &c. Et quid sit quod Ezechiel sumere laterem iubetur, & describere in eo ciuitatem Hierusalem.

Caput V.

4. **A**T contra arrogantes viri, quia charitatis viscera non habent, non solum non compatiuntur etiam iustis dolentibus, sed eos insuper sub specie iustae increpationis affligunt: & vel si qua in eis sunt, praua mala exaggerant, vel ea quae verè bona sunt, malè apud se interpretando commutant: quāuis etiam sancti doctores saepe exaggerare soleant delinquentium vitia, & ex quibusdam signis publicis occulta rimari, ut possint ex minimis maiora cognoscere. Vnde ad Ezechielem dicitur: Fili hominis fode parietem. Vbi mox subdidit: Et cum fodissem parietem, apparuit ostium vnum, & dixit ad me: Ingredere, & vide abominationes pessimas quas isti faciunt hic. Et ingressus vidi, & ecce omnis similitudo reptilium, & animalium abominatio, & vniuersa idola domus Israël depicta erant in pariete. Per Ezechielem quippe praepositorum persona signatur, per parietem duritia subditorum. Et quid est parietem fodere nisi asperis correptionibus duritiam cordis aperire? Quem cum perfodisset, apparuit ostium: quia cum cordis duritia asperis correptionibus aperitur, quasi quaedam ianua ostenditur, ex qua omnia in eo qui corripitur, cogitationum interiora videantur. Vnde & bene illic sequitur: Et dixit ad me: Ingredere, & vide abominationes pessimas quas isti faciunt hic. Quasi ingreditur, ut abominationes aspiciat, qui discussis quibusdam signis exterioris apparentibus, ita corda subditorum penetrat, ut cuncta ei quae illicitè cogitatur, innotescant. Vnde & subdidit: Et ingressus vidi, & ecce omnis similitudo reptilium & animalium abominatio. In reptilibus cogitationes omnino terrenae signantur: in animalibus verò iam quidem aliquantulum à terra suspensa, sed adhuc terrenae mercedis pramiam requirentes. Nam reptilia toto ex corpore terrae inhaerent: animalia autem ventre à terra suspensa sunt, appetitu tamen gulæ ad terram semper inclinantur. Reptilia itaque sunt intra parietem, quando cogitationes voluntur in mente, quæ à terrenis desideriis nunquam leuantur. Animalia quoque sunt intra parietem, quando & si qua iam iusta, si qua honesta cogitantur, appetendis tamen lucris temporalibus honoribusque deseruiunt: & per semetipsa quidem iam quasi à terra suspensa sunt, sed adhuc per ambitum quasi per gulæ desiderium sese ad ima submittunt. Vnde & bene subditur: Et vniuersa idola domus Israël depicta erant in pariete. Scriptum quippe est: Et auaritia, quæ est idolorum seruitus. Rectè ergo post animalia, idola describuntur: quia etsi honesta actione, quasi à terra se erigunt, ambitione tamen inhonesta semetipsos ad terram deponunt. Bene autem dicitur: Depicta erant: quia dum exteriorum rerum intrinsecus species attrahuntur, in corde quasi depingitur, quicquid fictis imaginibus cogitatur. Notandum itaque est, quia prius foramen in pariete, ac deinde ostium cernitur, & tunc demum occulta abominatio demonstratur: quia nimirum vniuscuiusque peccati prius signa forinsecus, deinde ianua apertae iniquitatis ostenditur: & tunc demum omne malum quod intus latet, aperitur. Idcirco ergo solent etiam sancti doctores grauiter minuta discutere, ut ab externis erroribus ad occulta possint maiora peruenire. Verba asperæ increpationis mouent, ut spinas mortiferæ cogitationis eradicent: & hæc cum agunt, charitatis amore sæuiunt, non inflatione elationis intumescunt. Mori enim pro ipsis parati sunt, quos quasi vsque ad mortem sæuientes affligunt. Seruant in cogitatione quod diligunt, sumunt in specie quod persequuntur. Bona prædicantes insinuant, mala autem cauentes prænuntiant, non ut Helii, desiderantes exorant. Erga commissos sibi ita nonnunquam in correptione feruent, ac si de tranquillitate nihil habeant: sed ita in dilectione tranquilli sunt, ac si nullus eos feruor accendat. Valde enim metuunt, ne si à prauorum correptione cessauerint, ipsi pro eorum damnatione punian-

6. **E**tur, & cum ad verba inuectionis inflammantur, inuiti quidem ad hæc veniunt, sed tamen hæc defensionem sibi apud districtum iudicem præparant. Vnde & eidem rursus Ezechiel dicitur: Fili hominis sume tibi laterem, & pones eum coram te, & describes in eo ciuitatem Hierusalem, & ordina-bis aduersus eam obsidionem, & ædificabis munitiones, & comportabis aggerem, & dabis contra eam castra, & pones arietes in gyro. Et tu sume tibi sartaginem ferream, & pones eam murum ferreum inter te & inter ciuitatem. Cuius enim Ezechiel, nisi magistrorum speciem tenet? cui dicitur: Sume tibi laterem, & pones eum coram te, & describes in eo ciuitatem Hierusalem. Doctores quippe sancti sibi laterem sumunt, quando terrenum cor auditorum ut doceant, apprehendunt. Quem laterem coram se ponunt, quia tota illud sollicitudinis intentione custodiunt. In quo & ciuitatem Hierusalem iubentur describere, quia prædicando terrenis cordibus curant summopere quanta sit supernæ pacis visio, demonstrare. Cui bene etiam dicitur: Et ordina-bis aduersus eam obsidionem, & ædificabis munitiones. Sancti enim prædicatores obsidionem circa laterem in quo Hierusalem ciuitas descripta est, ordinant, quando terrenæ menti, sed iam supernam patriam requirenti, quanta eam in huius vitæ tempore vitiorum impugnet aduersitas, demonstrant. Cum enim vnumquodque peccatum quomodo menti insidietur, ostenditur, quasi obsidio circa Hierusalem ciuitatem voce prædicatoris ordinatur. Sed quia non solum insinuant, quomodo mentem insidiantia vitia expugnent, sed etiam quomodo custoditæ virtutes roborent, rectè subiungitur: Et ædificabis munitiones. Munitiones quippe sanctus prædicator ædificat, quando quæ virtutes quibus vitiis obuiant, insinua-re non cessat. Et quia virtutibus crescentibus plerunque bel-latationis augentur, rectè adhuc additur: Et comportabis aggerem, & dabis contra eam castra, & pones arietes in gyro. Aggerem namque comportat, quando prædicator quisque molem crescentis tentationis indicat. Et contra Hierusalem castra erigit, quādo rectè intentioni audientium, hostis callidi circumuentiones quasi incomprehensibiles insidias prædicat. Atque in gyro arietes ponit, quando tentationum aculeos in hac vita nos vndique circumdantes, & virtutum murum perforantes innotescit. Vbi bene additur: Et tu sume tibi sartaginem ferream, & pones eam murum ferreum, inter te, & inter ciuitatem. Per sartaginem namque fritura, per ferrum verò fortitudo ostenditur. Quid autem ita magistri atque doctoris mentem, quam zelus Domini frigit & excruciat? Vnde Paulus huius sartaginis incendebatur fritura, cum diceret: Quis infirmatur, & ego non infirmor? Et quis scandalizatur, & ego non vior? Et quia quisquis zelo Dei contra peccantes accenditur, forti in perpetuum custodia munitur, ne ex neglecta prædicationis, & regiminis cura damnetur, rectè dicitur: Pones eam murum ferreum inter ciuitatem. Sartago enim ferrea murus ferreus inter Prophetam, & ciuitatem ponitur: quia cum nunc fortem zelum doctores exhibent, eundem zelum postmodum inter se, & auditores suos fortem munitionem tenent: ne tunc ad vindictam destituti sint, si nunc fuerint in correptione dissoluti. Hanc sartaginem Propheta idem, ut inter se & auditores suos murum sumeret, audiebat, cum ei diuina vox præmitteret dicens: Si tu annuntiaueris impio, & ille non fuerit conuersus ab impietate sua, & à via sua impia, ipse quidem in iniquitate sua morietur, tu autem animam tuam liberaisti. Hanc sartaginem inter se & discipulos murum Paulus posuerat, cum dicebat: Mundus sum à sanguine omnium vestrum: non enim subterfugi quo minus annuntia-rém omne consilium Dei vobis. Nunc ergo doctores necesse est, ut appetant zeli ardoribus frigi, ne cogantur post de-torpore negligentiae igne gehennæ cruciari. Sed aliud est quod iniustis & subditis, aliud quod iustis & non subditis debemus. Ad illorum nos correptionem atque custodiam reddendarum rationum debet timor accendere, ad istorum verò venerationem ipsa considerata æquitas inclinare. Sed arrogantes viri, quia huius formam discretionis ignorant, hoc iustis & non subditis exhibent, quod à bonis prædicatoribus fieri, & iniustis & subditis vident. Qui cum ad feruorem inuectionis iniuste profiliunt, etiam per verba maledi-

Ezech. 4.

Ezech. 8.

Coloss. 3.

2. Corin. 11.

Ezech. 3.

Act. 20.

6.

Alienis

† al. in-
patione.

ctionis excedunt. Qui enim nequaquam proximos sicut se diligunt, proximis optare non desinunt, quod ipsi sibi inuenire pertimescunt. Vnde Helium occultum odium in manifestatione maledictionis exudans, ait: *Pater mi, probetur Iob usque ad finem, ne desinas ab homine iniquitatis.* Hominem iniquitatis vocat, quem deus iustum præ omnibus superna attestatione denuntiat. Et quia multa adhuc sub hac indiscretionem et subiuncta sunt, breuiter ea æstimo transcurrentia. Dicta enim quæ grauitate carent, intenta expositione non indigent. Sequitur:

Quod in usu et consuetudine habeant superbi derogando mentiri.

Caput VI.

Qui addit super peccata sua blasphemiam. Accusat eum & pro peccatis flagella meruisse, & post flagella peccasse. Longè verò aliter Dominus iudicat, qui & frustra flagellatum insinuat, & bona duplicia post flagella retribuit. Pœna enim debetur culpæ, non præmium. Beatus ergo Iob sine culpa locutus ostenditur, quem post locutionem præmia subsequuntur. Helium itaque quia pro Domini defensionibus loquens, de beato Iob aliud quam Dominus sentit, quasi dum pro veritate verba multiplicat, à veritate discordat. Sequitur: *Inter nos interim infringatur, et tunc ad iudicium prouocet sermonibus suis Deum.* Ac si diceret: Ex nostra assertionem cognoscat, quia nequaquam diuinæ examinationi sufficiat. Et quia arrogantes viri, non solum student inepta dicere, sed etiam multa, versus qui sequitur, bene de illo frequenter infertur.

Caput XXXV. Beati Iob.

Igitur Helium hæc rursus locutus est: Nūquid æqua tibi videtur tua cogitatio, ut diceris: Iustior Deo sum? Dixisti enim: Nō tibi placet quod rectum est: vel quid tibi proderit si ego peccaui? Itaque ego respondebo sermonibus tuis, & amicis tuis tecum. Suspice cœlum, & intueri, & contemplare æthera, quod altior te sit. Si peccaueris, quid ei nocebis? Et si multiplicata fuerint iniquitates tuæ, quid facies contra eum? Porro si iuste egeris, quid donabis ei, aut quid de manu tua accipiet? Homini qui similis tui est, nocebit impietas tua, & filium hominis adiuuabit iustitia tua. Propter multitudinem calumniatorum clamabunt, & eiulabunt propter vim brachij tyrannorum. Et non dixit: Vbi est Deus qui fecit me, qui dedit carmina in nocte? Qui docet nos super iumenta terræ, & super volucres cœli erudit nos. Ibi clamabunt, & non exaudiet propter superbiam malorum. Non ergo frustra audiet Deus, & omnipotens singulorum causas intuebitur. Etiam cum dixeris: Non cōsiderat, iudicare coram illo, & expecta eum. Nūc enim non infert furorem suum, nec vliscitur scelus valde. Ergo Iob frustra aperit os suum, absque scientia verba multiplicat.

Caput VII.

Igitur Helium hæc rursus locutus est. Omnis qui multa loquitur, in locutione sua semper incipere studet: quatenus inchoatione ipsa suspensos auditores faciat, ut eo attentius taceant, quo quasi nouum audire aliquid expectant. Helium verò alia finiens, alia incessanter exorditur, ut immensa loquacitas per subiuncta semper initia cōtinuetur. Sequitur: Nunquid æqua tibi videtur tua cogitatio, ut diceris: Iustior Deo sum? Quia beatus Iob iustior se Deo non dixerit, omnis qui textum historię legit, agnoscit, sed ait: Proponat æquitatem contra me, & perueniet ad victoriam iudicium meum. Vitam suam videlicet pensans, & causas percussione ignorans, ut sæpe iam dictum est, pro diluendis peccatis se credidit, & non augēdis meritis flagellari: idcirco iudicium suum ad victoriam peruenire cōfusus est, quia culpam in se pro qua debuisset percuti, nō inuenit. Quod quidem de illo & Dominus ad diabolum dixit: Commouisti me aduersus eum, ut affligerem eum frustra.

Tomus primus.

Astra. Quid ergo hæc loquēdo peccauit, qui verbis istis diuinæ de se & occultæ sententię etiam nesciēdo consensit? Aut quid obest, si à rectitudine veritatis humano iudicio verba nostra superficietenus discrepant, quando in cordis cardine ei compaginata concordant? Humanæ aures verba nostra talia iudicant, qualia foris sonant: diuina verò iudicia talia foris audiunt, qualia ex intimis proferuntur. Apud homines cor ex verbis, apud Deum verò verba pensantur ex corde. Beatus ergo Iob dum hoc ait exterius quod interius Dominus dixit: Omne quod locutus est, tantò iuste exterius intulit, tantò piè ab interna sententia non recessit. Quanuis prophetico spiritu repletus, in eo quò ait: Proponat æquitatem contra me, & perueniet ad victoriam iudicium meum, intueri Redemptoris nostri præsentiam potuit. Ipse enim qui est virtus patris & sapientia, etiam eius æquitas non inconuenienter accipitur. Vnde scriptum est: Qui factus est nobis à Deo sapientia, & iustitia, & sanctificatio. Quam scilicet æquitatem, quia Deus iniquis fugientibus incarnatam ostendendo contra posuit: eos protinus ab iniquitate reuocauit, & humanum genus eo iudicio antiquum aduersarium vicit, quò æquitatem Dei aduersantem suis itineribus inuenit. Sequitur: *Dixisti enim Non tibi placet quod rectum est: vel quid tibi proderit, si ego peccaui?* Si tota libri series attenditur, nihil horum beatus Iob dixisse monstratur. Sed arrogantes viri, sicut & superius diximus, habere hoc proprium solent, ut dum in nimia inuentione prodeunt, etiam inuendo mentiantur: & cum non possunt reprehendere iuste quæ sunt, reprehendunt mentiendo quæ non sunt. Sequitur: *Itaque ego respondebo sermonibus tuis, et amicis tuis tecum.* Dictis superioribus quasi beati Iob culpabilia verba narrauit, atque ex eis sibi materiam loquendi proposuit: sed verbis subsequētibz fortis acumine discutit hoc, quod sibi ad dicendi materiam fallaciter finxit. Et sortes quidem sunt sententiæ quæ sequuntur, sed beati Iob personæ non congruunt: tantòque eum increpationis huius testa non feriunt, tantò contra eum iniuste mittuntur. Sequitur:

Quod ex ipsa creatura positione, et altitudine ad quam attingere non possumus, quia supra nos est, considerare debemus quantum supra intellectum sit creator, cuius omnipotentiam nec augent bona nostra, nec minuant mala.

Caput VIII.

Suspice cœlum, & intueri, contemplare æthera, quod altior te sit. Si peccaueris, quid ei nocebis? Et si multiplicata fuerint iniquitates tuæ, quid facies contra eum? Porro si iuste egeris, quid donabis ei, aut quid de manu tua accipiet? Quanuis beato Iob scienti maiora, nequaquam dici ista debuerint: vera tamen sunt quæ dicuntur, quod videlicet Deo, nec peccata nostra noceant, nec bene gesta concurrant. Vnde subsecutus adiunxit: *Homini qui similis tui est, nocebit impietas tua, et filium hominis adiuuabit iustitia tua.* Sed inter hæc illud est solerter intueendum quod ait: Suspice cœlum, & intueri, contemplare æthera, quod altior te sit. Hæc enim dicens, nimirum colligit, ut considerare debeat quantum minus Deo actione sua aut profit, aut noceat, qui altitudini cœli atque ætheris prodesse, vel nocere non possit. Quanuis in cœlo, vel æthere possimus supernas potestates accipere, diuinis semper obtutibus inhaerentes, ut cum angelicis spiritibus longè adhuc à nobis distare conspiciamus, ipsi creatori atque dominatori spirituum quanto distamus inferius, agnoscamus: corpoream tamen cœli ætherisque materiam hoc loco sentiri nil obstat. Nam si vigilanter exteriora conspiciamus, per ipsa eadem ad interiora reuocamur. Vestigia quippe Creatoris nostri, sunt mira opera visibilis creaturæ. Ipsum nanque adhuc videre non possumus, sed iam ad eius visionem tendimus, si eum in his quæ fecit, miramur. Eius ergo vestigia creaturam dicimus, quia per hæc quæ ab ipso sunt, sequendo imus ad ipsum. Vnde Paulus ait: Inuisibilia eius per ea quæ facta sunt intellecta conspiciuntur, sempiterna quoque virtus eius & diuinitas. Vnde & in libro Sapientiæ scriptum est: Per magnitudinem enim creaturæ & speciem, potest intelligibiliter creator videri. Menti enim nostræ peccato suo exterius sparsæ, necdum Deus sicut est, interius innotescit: sed dum facturæ suæ decus foris proponit, quasi quibusdam se nobis nutibus innuit, &

v ij

22. quæst. 5.
Humana.

1. Cor. 1.

2.

Roma. 1.

Sapient. 13.

Sapient. 6.

quæ intus sequamur, ostendit: ac miro modo ipsis formis exterioribus nos ad interiora perducit: innuit immensa admiratione quod est, mira hæc exterius ostendendo quæ non est. Hinc enim de sapientia scriptum est: In viis ostendit se illis hilariter, & omni prouidentia occurrit illis. Viæ quippe ad creatorem sunt, opera considerata Creatoris. Quæ dum facta cernimus, potentiam factoris miramur. In istis viis à sapientia omni nobis prouidentia occurrit: quia factoris nobis virtus inquirenda proponitur in omne quod mirabiliter factum videtur: quocunque se verterit anima, si vigilanter intendit, in iisdem ipsis Deum inuenit per quæ reliquit, eiusque potentiam ex eorum rursus consideratione cognoscit, quorum amore deseruit: & per quæ peruersè cecidit, per hæc cōuersa reuocatur. Vbi enim lapsi sumus, ibi incumbimus vt surgamus: & quasi ibi surgendo manum considerationis figimus, vbi pede amoris lubrici corruentes negligendo iacebamus. Quia enim ab inuisibilibus per visibilia cecidimus, dignum est vt ad inuisibilia ipsis rursus visibilibus innitamus: vt quo casu anima venit ad infima, eo gradu reuertatur ad summa, atque eisdem quibus corruit, passibus surgat: dum, sicut dictum est, illa nos ad Deum bene considerata reuocāt, quæ nos ab eo malè electa diuiserunt. Heliu itaque, vt vim considerationis admoueret, atque ex corporeis rebus ostenderet, quantum sit homine excelsior Deus, bene intulit: *Suspice cælum, & intueri, & contemplare æthera, quod altior te sit.* Ipsi enim rebus creatis atque corporeis agnoscimus, quantum à Creatoris nostri sublimitate distamus: quia per omne quod cernimus, esse humiles admonemur: vt quasi quædam sit electio mentis nostræ, species considerata creaturæ. Dicat ergo: *Suspice cælum, & intueri, contemplare æthera, quod altior te sit. Si peccaueris, quid ei nocebis? Et si multiplicata fuerint iniquitates tue, quid facies contra eum? Porro si iuste egeris, quid donabis ei, aut quid de manu tua accipiet?* Ac si diceret: Ex ipsis creaturis intellige, quas altiores te esse corporaliter vides, quantum à diuinæ potentia sublimitate distingeris, atque ex hac tua consideratione collige, quia Deum nec bene vitædo adiuues, nec rursus malis actionibus graues. Si verò, sicut superius diximus, in cælo vel æthere supernas potestates accipimus, verbis istis Heliu considerare nos admonet: quia ipsi angelici spiritus Creatoris nostri potentiam plenè contemplari non possunt: de quibus tamen certum est quia nobis eo ipso altiores sunt, quo lapsi in infimis non sunt: vt videlicet colligamus, quanto Deo inferiores existimus, quia etiam creaturis sublimibus, sed longè illo inferioribus subiaceamus. Ac si diceret: Vide quantum à diuina celsitudine separaris, à cuius potentia etiam potestates illæ humilitate contremiscunt, quæ te immensa sublimitate transcendunt: & quanto ipso summo inferior es, qui inferiorem te esse etiam inferioribus deprehendis. Ostendendo verò summa, reducit ad æqualia, atque ait: *Homini qui similis tui est, nocebit impietas tua, & filium hominis adiuuabit iustitia tua.* Humana impietas ei nocet, quem peruertendo inquinat. Et rursus, eum adiuuat nostra iustitia, quem à prauis actionibus immutat. Nocere enim vel iuuare nesciunt ea quæ vel à bono corrumpere, vel à malo permutare non possunt. Supernæ igitur potestates eo lædi, vel iuuari nequeunt, quo esse iam incommutabiles acceperunt. Sed considerare hæc nequeunt, qui terrenis desideriis implicantur. Sparsis enim foris mentibus ad semetipsas redire difficile est: quia praua itinera semel captas, tantò delectabiliter tenent, quanto in eis omne quod libuerit licet. Nullus quippe disciplinæ murus obuiat qui constingat, nulla retributionis prospicitur pœna quæ terreat: sed clausis oculis cordis eo anima præcipitatur in infimis, quo obscuratur à summis: & tantò securius mala temporalia perpetrat, quanto diutius bona æterna desperat.

Quod in hac vita iusti ab impiis affligi permittuntur, sicut Moyses vocante ad promissionis terram, urgente Pharaone de Aegypto egredi compellitur plebs inuita.

Caput IX.

9. **S**ed ista reproborum nequitia tritura more electorū vitam, quasi grana à paleis separans premit vt purget. Mali nequitia pre enim bonos magis ab huius mudi desideriis expediunt, dū af-

figunt: quia dum multa eis hinc violenta ingerūt, festinare illos ad superna cōpellunt. Quod bene de Israëlítico populo vocante Moyses, & Pharaone rege sæuiente signatum est. Tunc nanque Moyses ad vocandum missus est, cum iam Pharaon duris operibus ad opprimendum fuerat excitatus: vt Israëlitarum mentes Aegypto deformiter inhaerentes, alius dum vocaret quasi traheret, alius quasi impelleret dum sæuieret: & plebs in seruitio turpiter fixa, vel prouocata bonis, vel malis impulsu moueretur. Hoc quotidie agitur, dum prædicatis cœlestibus præmiis, sæuire in electos reprobi permittuntur: vt si ad repromissionis terram vocati exire negligimus, pressuris saltem sæuientibus impellamur: atque hæc Aegyptus, videlicet vita præfens quæ nos oppressit blandiens, adiuuet premens: & quæ dum fouit, seruitutis iugo contriuit, libertatis viam dum cruciat, ostendat. Hæc utique causa est, quod ab iniustis iusti sinuantur affligi: vt scilicet dum futura audiunt bona quæ cupiant, patiantur etiam mala præsentia quæ perhorrescant, atque ad faciliorem exitum dum amor prouocat, cruciatus impellat. Vnde Heliu eisdem labores electorum sub oppressionibus reproborum exequens, ait:

Quod reprobi bona nostra calumniantur, dum detrahunt, & in nos tyrannide viuunt. Caput X.

Propter multitudinem calumniatorum clamabunt, & eiulabunt propter vim brachij tyrannorum. Calumniatores rectè dicere possumus omnes iniquos: non solum qui exteriora bona rapiunt, sed etiam qui malis suis operibus, & vitæ reprobæ exemplo interna nostra dissipare contendunt. Illi nanque ea quæ nobis extrinsecus sunt, intrudere ambiunt, isti verò nos prædari interius quarunt. Illi amore rerum, isti non cessant odiis sæuire virtutum. Illi inuidet quod habemus, isti quod viuimus. Illi student rapere bona exteriora, quia placent: isti satagunt interiora bona dissipare, quia displicent. Quanto igitur morum vita, à rerum distat substantia, tantò grauior calumniator est, qui malè viuendo vim nostris infert moribus, quæ violentè opprimendo damna ingerit rebus. Nihil iste de nostra sustentatione subtrahit, sed exempla nobis perditionis apposuit. Eo ergo grauiorem calumniam intulit, quo quietum cor in tentatione commouit. Qui etsi nequaquam nobis actionis suæ opera persuasit, pugnam tamen tentationis ingessit. Grauem igitur de vita eius calumniam sustinemus, quia nimirum intus patimur quod cum labore vincamus. Et quia in hoc mundo abundat malorum vita quæ cruciet, rectè dicitur: *Propter multitudinem calumniatorum clamabunt.* Quia verò ea quæ verbis suadere non valent, extorquere nonnunquam etiam effrenatis viribus student, aptè subiungitur: *Et eiulabunt propter vim brachij tyrannorum.*

Quisquis enim malè viuere suo nos exemplo compellit, adhuc in nobis voce calumniatoris vitur: quisquis verò peccatum suadens etiam terrere nos appetit, iam contra nos brachio tyrannidis sæuit. Aliud est enim vitia suadere viuendo, aliud iubere terrendo. Dum ergo exempla malæ actionis aspicimus, quasi adhuc strepitum calumniatoris audimus: dum verò vi peccare cogimur, iam tyrannum in corde sustinemus. Sed robustorum mentes in Deo immobiliter fixæ, tantò ista despiciunt, quanto cernunt quod contra præcepta conditoris excrecant. Aeternitatis quippe præmia præstolantes, vires ex aduersitatibus sumunt: quia crescente pugna gloriosiores sibi non ambigunt manere victoriam. Sic itaque electorum desideria dum premuntur, aduersitate proficiunt, sicut ignis flatu premitur vt crescat: & vnde quasi extingui cernitur, inde roboratur. In eo nanque ostendimus quanta ad Dominum cupiditate flagramus, si non solum ad eum per tranquilla & mollia, sed etiam per aspera & dura transimus. Hinc nanque propheta ait: *Qui perfecit pedes meos quasi cerui.* Ceruus enim cum montium iuga conscendit, quæque aspicit aspera, quæque se obiciant sentibus illigata, dato saltu transgreditur, & absque villo cursus sui obstaculo in superioribus eleuatur. Ira etiam electorum mentes quæque sibi in hoc mundo obfistere, atque obuiare conspiciunt, contemplationis saltu transcendunt, & more ceruorum despectis terrenorum sentibus in superna se euehant. Hinc rursus dicit: *Et in Deo transgrediar*

Quanta grana vitæ a malis morum exemplis.

104

Psalm. 17.

Ibidem.

grediar murum. Murus quippe est omne quod itineri nostro obiicitur, ne ad eum qui diligitur, transeat. Sed murum transgreditur, cum prae amore supernae patrie, quaeque in hoc mundo fuerint obiecta calcamus. Hinc per eundem Prophetam certati animae Dominus dicit: Exaudiui te in abscondito tepē statis, probaui te ad aquas contradictionis. Absconditum quippe tempestatis est, cum in corde contrito cogitationum tentantium fluctus intumescunt, cum contra amoris sancti studia curarum secularium se tumultus illidunt. In abscondito ergo tempestatis auditur: quia clamor deprecantis est haec ipsa tribulationis fluctuatio. Quia verò omnino non desunt, qui bona querentibus suadere peruersa moliantur, aequae contradictionis sunt populi resistentes. Et quia tunc probatur desiderium, cum aliqua ei aduersitate resistitur, recte dicitur: Probaui te ad aquas contradictionis. His itaque virtutum nobilibus robusti ex aduersitate proficiunt, sed infirmi sepe in desideriiis suis si qua eis fuerint ex aduerso obiecta languescunt: & cum valida tribulatione pulsantur, pusillanimitate deficiunt. Vnde Helii beato Iob probra pusillanimitatis impingens, praemis malorum oppressiōibus, infirmorum mox pusillanimitates exequitur, dicens:

Quod ideo tentationibus quilibet frangitur, quia factorem & liberatorem desperans, non contempletur.

Caput XI.

Et non dixit: Vbi est Deus qui fecit me? Mos sacrae scripturae est, ut à singulari numero ad pluralem subito transeat, atque à plurali saepe se ad singularem vertat. Atque inde Helii cum diceret: Clamabunt & eiulabunt, nequaquam subdidit: Non dixerunt, vbi est Deus: sed, Non dixit vbi est Deus. A plurali quippe numero in singularem veniens, ad personam subito infirmi vniuscuiusque transiit: fortasse quia à singulis melius recognoscitur quicquid de eis singulariter auditur, ut ad cor suum quisque redeat, & in semetipso hoc quod de vno quoque dicitur, reprehendat. Singularem igitur numerum tenuit, dicens: Non dixit, vbi est Deus qui fecit me? Quisquis enim aduersitatum tribulatione frangitur, à quo factus est, minimè contempletur. Nam qui quod non erat, fecit, factum sine gubernatione non deserit: & qui benignè hominē condidit, nequaquam iniuste cruciari permittit: nec finit negligēte perire quod est, qui hoc etiam quod non fuit, creauit ut esset. Cum ergo causam tribulationis nostrae requirimus, & fortasse tardius inuenimus: est ista consideratio, quod nihil iniuste patiamur: quia si Deo auctore sumus qui non fuimus, Deo regente non affligimur iniuste qui sumus. Sequitur:

Quod in nocte tribulationum huius vitae carmen habemus latitiae, diuinam consolationem.

Caput XII.

Qui dedit carmina in nocte. Carmen in nocte, est latitiae in tribulatione: quia etsi pressuris temporalitatis affligimur, spe iam tamen de aeternitate gaudemus. Carmina Paulus in nocte praedicabat, dicens: Spe gaudentes, in tribulatione patientes. Carmen in nocte Dauid sumpserat, qui dicebat: Tu mihi es refugium à pressura quae circumdedit me, exultatio mea, redime me à circumdantibus me. Ecce noctem pressuram nominat, & tamen liberatorem suum inter angustias exultationem vocat. Foris quidem nox erat in circumdatione pressurae, sed intus carmina resonabant de consolatione latitiae. Quia enim ad aeterna gaudia redire non possumus, nisi per temporalia detrimenta: tota sacrae scriptura intentio est, ut spes manentis latitiae nos inter haec transitoria aduersa corroboret. Vnde & Ezechiel prophetam librum se accepisse testatur, in quo scriptae erant lamentationes, carmen, & vae. Quid enim libro hoc, nisi diuina eloquia figurantur? Quae quia nobis lachrymas luctusque praecipunt, lamentationes in eo scriptae referuntur. Carmen quoque & vae continent: quia sic de spe gaudium praedicant, ut in praesenti tamen pressuras atque angustias indicent. Carmen & vae continent: quia & si illic dulcia appetimus, prius necesse est ut hic amara toleremus. Carmen & vae discipulis praedicabat Dominus, cum dicebat: Haec locutus sum vobis, ut in me pacem habeatis, in mundo pressuram habebitis, ac si aperte diceret: Sit vobis de me interius quod consolando resciat, quia erit de mundo exterius quod sciat.

Tomus primus.

uiēdo grauitè premit. Quia ergo infirmus quisque cum premitur, à spe gaudij nimia pusillanimitate lassatur: & dum foris aduersa tolerat, intus obliuiscitur quo gaudebat, bene dicitur: Non dixit, vbi est Deus qui fecit me, qui dedit carmina in nocte: Si enim ista diceret, vim quam patitur, temperaret: & per hoc quod mansurum intus quæreretur, id quod foris transitorium sustinet, esse intolerabile non aestimaret. Sequitur:

Quod doctrina Evangelica abstrahat hominem à vitiis, in quibus putrescebat, ne ambulet in mirabilibus super se, & immunditiam carnis per castitatem refrenet.

Caput XIII.

Qui docet nos super iumenta terrae, & super volucres caeli erudit nos. Iumenta terrae sunt, qui vsu vitae carnalis ima appetunt. Volucres verò caeli sunt, qui superbae curiositatis studio sublimia perscrutantur. Illi viuendo se deponunt infra quam sunt, isti inquirendo se eleuant vltra quam possunt. Illos in infimis voluptas deiicit carnis, istos quasi in superioribus erigit libido curiositatis. Illis per sacra eloquia dicitur: Nolite fieri sicut equus & mulus, quibus non est intellectus. Istorum superbus labor increpatur, dum dicitur: Altiora te ne quaesieris, & fortiora te ne scrutatus fueris. Illis dicitur: Mortificate membra vestra quae sunt super terram: fornicationem, immunditiam, libidinem, concupiscentiam malam. Illis dicitur: Nemo vos decipiat per philosophiam & inanem fallaciam. Docet igitur nos Deus super iumenta terrae & volucres caeli: quia dum hoc quod sumus, agnoscimus, nec carnis nos infirmitas deiicit, nec superbiae spiritus eleuat, nec defluendo imis subiicimur, nec superbiendo de sublimibus inflamur. Qui enim carne labitur, iumentorum appetitu prosternitur: qui verò extollitur mente, more volucrum quasi leuitatis penna subleuatur. Sed si vigilanter intenditur, ut & mentis humilitas, & carnis castimonia teneatur, citò cognoscimus, quia alterum custoditur ex altero. Nam multis saepe superbia luxuriae seminarium fuit: quia dum eos spiritus quasi in altum erexit, caro in infimis merfit. Hi enim prius secretò eleuant, sed postmodum publice corruunt: quia dum occultis intumescunt moribus cordis, apertis cadunt lapsibus corporis. Sic sic elati iusta fuerant retributione feriendi: ut quia superbiendo se hominibus praeferebant, luxuriando vsque ad iumentorum similitudinem deuoluuntur. Homo quippe cum in honore esset, non intellexit, comparatus est iumentis insipientibus, & similis factus est illis. Quasi scientiae enim illos in altum penna subleuauerat: de quibus Paulus hoc quod & superius protulimus, dicebat: Quia cum cognouissent Deum, non sicut Deum glorificauerunt, aut gratias egerunt, sed euauerunt in cogitationibus suis. Quomodo autem in iumentorum, aut plusquam iumentorum voluptatem deciderint, subdidit dicens: Tradidit eos Deus in desideria cordis sui, in immunditiam. Ecce caro merfit, quos superba scientia subleuauit, & à volatu volucrum vltra appetitum lapsi sunt iumentorum: atque inde sub se prostrati sunt, vnde super se ire videbatur. Curandum itaque est, & omni custodia mens à superbiae tumore seruanda. Non enim ante oculos Dei vacuae transuolant cogitationes nostrae, & nulla momenta temporis per animum transeunt sine statu retributionis. Intus ergo videt Deus quod mentem eleuat, & idcirco permittit foris inualescere quod deponat. Intus prius extollitur, quod foris postmodum luxuriae corruptione feriat. Occultam videlicet culpam sequitur aperta percussio, ut malis exterioribus interiora puniantur, & cor publice corruat, quod latenter tumeat. Hinc quippe per Oseam contra Israelitas dicitur: Spiritus fornicationis in medio eorum, & Dominum non cognouerunt. Qui ut ostenderet, quod causa libidinis ex culpa prorumperet elationis, mox subdidit dicens: Et respondebit arrogantia Israel in faciem eius: Ac si diceret: Culpam quae per elationem mentis in occulto latuit, per carnis luxuriam in aperto respondit. Proinde per humilitatis custodiam seruanda est munditia castitatis. Si enim pie spiritus sub Deo premitur, caro illicitè super spiritum non lenatur. Habet quippe spiritus commissum sibi dominium carnis, si tamen sub Deo recognoscit iura legitima seruitutis. Nam si auctorem suum superbiendo contemnit, iure & à subiecta carne praelium suscipit. Vnde & ille primus inobediens mox ut superbiendo pec-

v iij

13.

cavit, pudenda contextit: quia enim contumeliam spiritus Deo intulit, mox contumeliam carnis inuenit. Et quia auctori suo esse subditus noluit, ius carnis subditæ quam regebat, amisit: ut in seipso videlicet inobedientiæ suæ confusio redundaret, & superatus disceret, quid elatus amisisset. Nul-
 lus ergo qui postquam superna appetere cœperit, carnis voluptate prosternitur, tunc se victum iudicet, cum apertè superatur: Si enim plerumque virus libidinis de radice nascitur elationis, tunc caro vicit, cum spiritus latenter intumuit: iam tunc anima per originem culpæ in petulantiam iumentorum cecidit, cum efferendo se more volucrum vltra quàm debuit, euolauit. Hinc est enim, quòd longa continentia repente soluitur, hinc quòd plerumque & vsque ad senium virginitas seruata vitatur. Quia enim negligitur humilitas cordis, rectus iudex despiciet etiam integritatem corporis: & quandoque per apertum malum reprobos annuntiat, quos dudù reprobos in occulto tolerabat. Nam qui diu seruatum bonum subito perdidit, apud semetipsum intus aliud malum tenuit, ex quo aliud subito eripit: per quod ab omnipotente Deo etiam tunc alienus extitit, quando se ei per munditiam corporis inhærere monstrauit. Quia igitur mentis elatio ad pollutionem pertrahit carnis, reproborum cor à volatu volucrum ad petulantiam mergitur iumentorum. Sancti autem viri ne appetitu bestiali ad luxuriæ voraginem deuoluantur, sollicitæ cogitationes mentis à superbiæ volatu custodiunt: ac ne in infima desipiendo corruant, omne quod sublimiter sapiunt, humiliter premunt. Rectè itaque dicitur: Qui docet nos super iumenta terræ, & super volucres cœli erudit nos: subaudis, hoc quoque non dixit. Hoc itaque quòd iumentis ac volucribus antecessit, eum nō dicit in tribulatione memorari. ac si diceret: Infirmus quisque idcirco nequaquam se in perturbatione corroboret, quia & in tranquillitate non temperat: & ideo nescit aduersa tolerare, quia constitutus in prosperis, cogitatione se non nouit à volatu volucrum premere, nec carnales motus à iumentorum ingluuie subleuare. Sed hoc beato Iob tantò inconuenienter dicitur, quantò vita eius inter alta, & infima mirabiliter temperatur. Quod quidē intelligi, & aliter potest. Qui docet nos super iumenta terræ, & super volucres cœli erudit nos. Nam sicut iumentorū vocabulo signatur vita hominum, carnis adhuc motibus subditorum, ita appellatione volucrum figuratur elatio spirituum superbiorum: ut per iumenta quidem terreni homines, per volucres verò dæmonia designentur. Vnde cum semina Dominus iuxta viam diceret cecidisse, subiungit: Venerunt volucres cœli, & comederunt ea: nimirum per volucres signans aëreas potestates. Sancti autem viri, quia nec infima hominum exempla appetunt, nec rursus dæmoniacā subtilitate falluntur: & super iumenta terræ, & super cœli volucres virtute eruditionis excrefcunt. Super iumenta enim terræ edocti sunt: quia quicquid in imis potest ambiri, despiciunt. Super volucres quoque cœli eruditi sunt: quia omnes immundorum spirituum insidias comprehendunt. Super iumenta terræ edocti sunt, quia nihil in hac vita quod præterit, querunt. Super volucres cœli eruditi sunt: quia potestates aëreas quas adhuc per carnis infirmitatem tolerant, iam vitæ meritis calcant. Paulus iam super iumenta terræ edoctus fuerat, dicens: Multi enim ambulant. Et paulo post: Quorum finis interitus, quorum Deus venter est, & gloria in confusione ipsorum qui terrena sapiunt. Nostra autem conuersatio in cœlis est. Et rursus, super volucres cœli eruditum se nouerat, cum dicebat: Nescitis quoniam angelos iudicabimus? Sub se iumenta cernebat, quia videlicet in terra adhuc positus calcabat mores hominum qui in infimis conuersabantur. Et rursus, volatum volucrum meritorum dignitate transcenderat: quia subiturus cœlestia, iudicaturum se angelos non ignorabat. In illis immundorum infima, in istis superbiorum summa calcabat. Mentis quippe sanctorum transitoria cuncta despiciunt, & sub se labi quicquid superbit, quicquid præterit, contemplantur: & quasi in quodam rerum vertice constitutæ, tantò sibi omnia subesse conspiciunt, quantò semetipsas verius auctori omnium subdunt: atque inde cuncta transcendunt, vnde creatori cunctorum vera se humilitate substernunt. Dicat ergo: Qui docet nos

super iumenta terræ, & super volucres cœli erudit nos. ac si diceret: Infirmus pusillanimitate victus ista non dixit: & idcirco eum aduersitas tentationis perculit, quia tranquillitatis tempore hæc cuncta transeuntia nulla perfectione superauit. Huius enim vitæ aduersa non perhorresceret, si perfectionis merito, etiam secunda calcasset. Sequitur:

Quod omnipotens Deus clamantes ad se seruos suos, ideo aliquando de tribulatione non eripit: quia & ipsi ex aduersis proficiunt, & reproborum malitia tanto in iudicio districtius puniuntur, quanto hic in sanctos exarsit crudelius.

Caput XIII

Ibi clamabunt, & non exaudiet propter superbiam malorum. Ibi videlicet in tribulatione, ut econtra de gaudio scriptum est: Filij seruorum tuorum inhabitabunt ibi: Sed videtur incertum vtrum dicat: Propter superbiam malorum non exaudiet: an, Propter superbiam malorum clamabunt. Intelligi autem melius potest, si non exaudiri potius propter malorum superbiam quàm clamare referantur: Nam quod propter malorum superbiam clamant, iam suprà dictum est, eo versu quo dicitur: Propter multitudinem violentorum clamabunt. Aliquid ergo nobis hoc versu innuitur, quod paulò subtilius attendatur, quia sæpe oppressi quidam dum clamauerint, ex se quidem merentur audiri, sed tamen eorum desideria propter opprimentium superbiam differuntur. Iustus quippe Deus, & suos permittit temporaliter opprimi, & violentorum malitiam nequiter augeri: ut dum horum vita in purgatione teritur, illorū nequitia consummetur. Plerumque verò accidit, ut iusti in tribulatione deprehenfi supernum solatium, etiam temporaliter percipiant: quod tamen non temporaliter implorant. Saluari enim non propter se, sed propter aduersariorum salutem concupiscunt: ut dum illos omnipotēs Deus ab immensis periculis factō quodam miraculo liberat, virtutem suam ipsis etiam persecutoribus innotescat: atque inde aduersarios ad æternitatem redimat, vnde suos temporaliter saluat: sicut Propheta quoque vocem martyrum suspiciens, ait: Propter inimicos meos eripe me. ac si diceret: Propter me quidem eripi de temporali tribulatione non appeto, sed tamen eripi propter aduersarios meos concupisco: ut dum mea vita saluari mirabiliter cernitur, ipso miraculorum visu inimicorum duritia conuertatur. Sicut ergo sæpe Dominus suorum vitam temporaliter pro inimicorum conuersatione eripit: ita sæpe suorum voces propter damnationem persequentium non exaudiri: ut videlicet inde reatum suum cumulent, vnde præualuisse se nequiter gaudent. Nam qui inuisibilia despiciunt, moueri nonnunquam visibilibus miraculis possunt. Sed idcirco cum iustis plerumque nil mirum visibiliter agitur, quia eorum aduersarij illuminari visibiliter non merentur. Dicatur ergo: Ibi clamabunt, & non exaudiet propter superbiam maiorum ac si diceret: Reatus opprimentium audiri voces prohibet oppressorum. Nec eripiuntur visibiliter iusti, quia saluari inuisibiliter non merentur iniusti. Vnde rursus per Prophetam dicitur: Cum viderit sapientes morientes, simul insipiens & stultus peribunt. Quos enim visibiliter mori conspiciunt, inuisibiliter viuere posse non credunt: atque eo reatum infidelitatis suæ cumulant, quo visamorte fidelium de æternitate desperant. Igitur violenti quique inde interius deficiunt, vnde contra vitam innocentium exterius conualescunt: tantòque illos intima veritas à se foras eiicit, quantò eos contra suos temporaliter quod volunt posse permittit. Quisquis itaque bonorum vitam persequitur, tunc peiore vltione damnatur, cum nulla ei aduersitate resistitur: & tunc fortioris iræ periculis subiaceret, cum prosperè peragit, quod nequiter concupiscit: quia videlicet vindicta superni iudicii ad futurum eum supplicium referuando deseruit, cui hic in malo obuiare contempsit. Hinc enim per Prophetam Dominus dicit: Dimisi eos secundum desideria cordis eorū, & ibant in voluntatibus suis. Hinc rursus dicitur: Nō est virga Dei super illos. Hinc etiam de ipso eorū capite scriptum est: Faciet & prosperabitur. Hinc rursus de eodem dicitur: Et dolus in manu eius dirigitur. In manu quippe Antichristi dolus dirigitur: quia hoc quod contra bonos proposuerit, implere tēporaliter nulla aduersitate præpeditur.

Matth. 13.

Philip. 3.

1. Corin. 6.

14.

Psal. 101.

15.

Psal. 68.

Psal. 48.

Percator peiore vltione damnatur, cum ei nulla aduersitate resistitur.

Psal. 82. Dan. 8.

Prouer. 1. 28. peditur. Hinc rursus per Salomonem dicitur: prosperitas stultorum perdet illos. Manifestum ergo perditionis indicium est, quando affectatis iniquitatibus subsequens fauet effectus: & nulla contrarietas impedit, quod mens peruersa concepit. Nam sæpe prauorum hominum dum tardantur vota, mutantur: & dum difficultatem perfectionis sentiunt, reatum malæ actionis agnoscunt: & quibus prius inuitis contradicitur, volentes postmodum hoc quod conceperant, auersantur. Quia igitur malos cum deserit Dominus præualere permittit: & vnde superbiorum nequitia perficitur, inde humilium longanimitas consumatur, dicatur rectè: Ibi clamabunt, & non exaudiet propter superbiam malorum. Sequitur:

Quod Deus non frustra nos audiat, quos ilico non adiuuat: cum desideria dilatione perficiant, vt exerceatur virtus certamine.

Caput XV.

Consolatio eorum qui tardius exaudiantur. **N**Equè enim frustra audiet Deus, & omnipotens singulorum causas intuebitur. Notandum quod duo sunt dicta: quia & clamantem non frustra audit, & tamen quod patitur, respicit, & exaudire voces dissimulat: & quod vnusquisque tolerat, non ignorat. Nemo ergo qui tardius auditur, credat quod à superna cura negligatur. Sæpe enim nostra desideria, quia celeriter non fiunt, exaudiantur: & quod impleri concitè petimus, ex ipsa melius tarditate prosperatur. Sæpe vox nostra eo perficitur, quo differtur: & cum superficietenus petitio negligitur, vota nostra altius in cogitationum radice cõpletur, sicut & semina messium gelu pressa solidantur: & quo ad superficie tardius exeunt, eo ad frugè multipliciora consurgunt. Desideria itaque nostra dilatione extenduntur vt proficiant: proficiunt, vt ad hoc quod perceptura sunt, conualescant: exercitantur in certamine, vt maioribus cumulètur præmiis in retributione: labor protrahitur pugnae, vt crescat corona victoriæ. Sæpe ergo Dominus cum velociter nõ exaudiat, quo repellere creditur, trahit. Internus quippe est medicus, & peccatorum in nobis contagia quæ inesse medullitùs reprobatur, secatur, abscondit virus putredinis ferro tribulationis: & quo voces ægri audire dissimulat, eo agritudinis finè procurat. Hinc enim Propheta ait: Deus meus clamabo per diem, & non exaudies: & nocte, & non ad insipientiam mihi: ac si diceret: Nequaquam mihi ad insipientiam proficit, quod die ac nocte clamantem me continuo nõ exaudis: quia vnde me in temporali tribulatione quasi deseris, inde ad æternam sapientiam plus erudis. Hinc etiam dicit. Adiutor in opportunitatibus, in tribulatione. Tribulationem quippe dicturus, opportunitatem præmisit, quia sæpe & tribulatione conterimur: & tamen opportunum nõdum est, vt desiderio ereptionis adiuuemur. Dicatur ergo: Neque enim frustra audiet Deus, & omnipotens singulorum causas intuebitur. Sed quia plerumque nonnulli ab ipsa adiutorij tarditate franguntur, aptè subiungit:

Quod qui facta sua discutit & diiudicat, etiam si quasi non considerans de tribulatione, non statim cum Deus eripiat, nequaquam tamen de clementia diuina desperet. *Caput XVI.*

Spes infirma quomodo firmetur. **E**tiam cum dixeris, non considerat, iudicare coram illo, & expecta eum. Fortasse enim dum clamor noster quasi negligitur, spes quæ cordi inerat, infirmatur, & superna adiutoria defutura credimus: quia tardius impetramus, ac penè inconsiderata Deo esse ingemiscimus, quæ inulta toleramus. Sed cum ista nos desperationis procella conturbat, concussa mens citius in portum spei se collocat, si causas suas cum Domino subtiliter pensat, si bona eius ad memoriam reuocat: si mala quæ bonis eius reddidit, apud semetipsam callidè non excusat: si perpedit quid ab eo iuste meruit, & quid clementer accepit, si vitam suam viuaciter discutit: si ante Dei oculos omne quod agit examinans semetipsam sibimet non abscondit, si factam se quæ non erat, meminit: si illuminatam se atque subleuatam quæ in tenebris iacebat, agnoscit. Hæc ergo in semetipsa cuncta recolligens, dum bona accepta cõsiderat, aduersa quæ tolerat non accusat: nec desperatione frangitur, quæ tantorum munerum consolatione roboratur: quia spem de futuris recipit, dum transacta beneficia recognoscit. Dicat itaque: Etiam cum dixeris, nõ considerat, iudicare coram eo, & expecta eum.

Tomus primus.

A ac si diceret: Cum idcirco Deus considerare nõ creditur, quia tardè miseretur, intima cogitationis ingredere, atque illic coram eius oculis causæ tuæ iudicium suscipe: & quæ ipse viuendo contulisti, vel quæ misericorditer percepisti, discerne: & tunc ad spei fiduciam redis, dum bona tantè benignitatis erubescis: quatenus inter aduersa fidenter expectes, quem & post delicta propitium recolis. Speranda enim fuerant superna adiutoria, etiam si nulla beneficia præcessissent. Sciendumque, quia Deus hominem quem benignè condidit, iniquè non spernit. Pensandum est igitur quanti est periculi transacta munera cernere, & futura desperare: quanti est periculi si in hac procella tribulationum, desperationis naufragio frangimur, qui ad portum spei velut immensis funibus præteritis donis ligamur. Dicatur itaque rectè. Iudicare coram Deo, & expecta eum. Nam qui semetipsum coram Deo non iudicat, eum dum affligitur, non expectat. Cuius enim bona præcessisse dissimulat, adiutoria subsequi posse desperat: & cum præteritorum obliuiscitur, etiam subsequendum largitate fraudatur. Sed ecce dum nos affligimur, dum consolationis gratiam longaminiter sustinemus, mali ad peiora prorumpunt: atque eo iniquitatis aggregatione proficiunt, quo sine verbere relinquuntur. Et tamen omnipotens Deus peccantes misericorditer expectat, tempus ad pœnitentiam tribuit, quod non conuersis ad grauioris reatus testimonium vertit, patienter iram retinet, quam quandoque irretractabiliter effundit. Vnde aptè subiungitur:

Quod in hoc mundo non omnia impiorum scelera punit Deus, quorum tormentum examini supremo reservat.

Caput XVII.

Nunc enim non inferi furorem suum, nec vlcescitur valde scelus. Diu quippe Deus tolerat, quia in perpetuum damnat: & furorem nunc inferre dissimulat, quem effundendum sine fine in posterum seruat. Electorum nanque est hîc conteri, vt ad præmia debeant æternæ hæreditatis erudiri. Nostrum est hîc flagella percipere, quibus seruatur de æternitate gaudere. Hinc enim scriptum est: Flagellat omnem filium quem recipit. Hinc ad Ioannem dicitur: Ego quos amo, arguo, & castigo. Hinc Petrus ait: Tempus est vt incipiat iudicium de domino Dei. Vbi mox admirando subiungit: Si autem primum à nobis, quis finis eorum qui non credunt Dei Euangelio? Peccata quippe nequaquam diuina seueritas inulta remanere permittit: sed iram iudicij à nostra hîc correptione inchoat, vt in reproborum damnatione conquiescat. Eant ergo nunc reprobi, & voluptatum suarum desideria inulta iniquitate consumant: atque eo temporalia flagella non sentiant, quo æterna eos supplicia expectant. Bene autem inulta eorum nequitia Cham peccante signata est, cui à patre dicitur: Maledictus Chanaan puer, seruus erit fratribus suis. Chanaan videlicet Cham filius fuit. Et quid est quod Cham peccante, Chanaan eius filius sententiam ultionis accipit? Quid est quod non in se, sed in posteritate percutitur: nisi quod reproborum nequitia hîc quidem inulta proficiunt, sed in posterum feriuntur? Dicatur ergo: Nunc enim non inferi furorem suum, nec vlcescitur valde scelus. Notandum verò est, quod subintulit valde: quia etsi quædam longanimiter tolerat, quædam tamen etiam in hac vita flagellat, & hîc nonnunquam ferire inchoat, quos æterna damnatione consummat. Ergo & nonnulla percutit, & nonnulla inulta derelinquit: quia si nulla refecaret, quis Deum res humanas curare crederet? Et rursus: si hîc cuncta percuteret, extremum iudicium vnde restaret? Quædam igitur feriuntur, vt rectoris nostri super nos sollicitudinem formidemus: quædam verò inulta seruantur, vt adhuc iudicium restare sentiamus. Bene ergo dicitur: Nec vlcescitur valde scelus: quia dum exiguum quiddam de iniquitate percutitur, inconuersis mentibus æterni iam iudicij sententia propinatur. Totum itaque hoc ab Helio rectum dicitur, si rectè diceretur: Scit enim quid loqui debeat, sed cui loquatur, ignorat. Vera sunt nanque quæ dixit, sed à beati Iob increpationibus aliena: quia tantò hac correptione non eguit, quantum nec aliqua pusillanimitate peccauit. Sed quia iustis viris solet occasio esse virtutum, elatio superbiorum, occulto iudicio cum beato Iob agitur: vt post flagella pœnarum, etiam per verba arrogantium crescat. Ecce enim tantò magis

Deus hominem quem benignè condidit, iniquè non spernit.

18.

Apoc. 3.

1. Petr. 4.

Gene. 9.

Cur quædam à Domino hic feriuntur, & quædam feruntur inulta.

19.

à superbiæ ministro despicitur, quanto à veritate intrinsecus; id est, humilitatis magistra refouetur. Nam Helium postquam tot fortia se dixisse cognouit, quid elationis gestaret aperuit, atque beatum Iob alta de se sentiendo despexit, dicens: *Ergo Iob frustra aperit os suum, & absque scientia verba multiplicat.* Hec nimirum inferens, beatum Iob & nil scisse asserit, & multa dixisse: & cum ipse quæ sentit, loquaciter inferat, hunc de vitio loquacitatis accusat. Sed hoc quoque esse proprium arrogantium vitium solet: ut & pauca credant, quæ ipsi multa dixerint, & multa credant quæ ipsis pauca dicuntur. Qui enim sua dicere semper volunt, aliena audire non possunt: vim se pati existimant, si ea quæ immoderatè sentiunt, immoderatus non effundant. Et quauis beatus Iob ad eius verba tacuerit, Helium tamen de locutione illius quam amicis responderat, causam inuestigationis inuenit: ut sibi exhibere latius eius silentium possit, atque ut ipse multa respondeat, illum verba multiplicasse confirmat. Nam & mox initia prolixæ locutionis exorditur: & quasi adhuc nil dixerit, inchoare conatur. Vnde subditur:

Caput tricesimum sextum textus libri beati Iob.



Addens quoque Helium hæc locutus est: Sustine me paululum, & indicabo tibi. Adhuc enim habeo quod pro Deo loquar. Repeating scientiam meam à principio, & operatorem meum probabo iustum. Verè enim absque mendacio sermones mei, & perfecta scientia probabitur tibi. Deus potentes non abiicit, cum & ipse sit potens, sed non saluat impios, & iudicium pauperibus tribuit. Non aufert à iusto oculos suos, & reges in folio collocat in perpetuum, & illic eriguntur. Et si fuerint in catenis, & vinciantur funibus paupertatis, indicabit eis opera eorum, & scelera eorum, quia violèti fuerunt. Reuelabit quoque aurem eorum, ut corripiat, & loquetur ut reuertantur ab iniquitate. Si audierint & obseruauerint, complebunt dies suos in bono, & annos suos in gloria. Si autem non audierint, transibunt per gladium, & confumentur in stultitia. Simulatores & callidi prouocant iram Dei, neque clamabunt cum vincti fuerint. Morietur in tempestate anima eorum, & vita eorum inter effœminat. Eripiet de angustia sua pauperem, & reuelabit in tribulatione aurem eius. Igitur saluabit te de ore angusto latissimè, & non habente fundamentum subter te. Requies autem mensæ tuæ erit plena pinguedine. Causa tua quasi impij iudicata est, causam iudiciumque recipies. Non te ergo superet ira, ut aliquem opprimas, nec multitudo donorum inclinet te. Depone magnitudinem tuam absque tribulatione, & omnes robustos fortitudine. Ne protrahas noctem: ut ascendant populi pro eis. Caue ne declines ad iniquitatem. Hanc enim cœpisti sequi post miseriam. Ecce Deus excelsus in fortitudine sua, & nullus ei similis in legis latoribus. Quis poterit scrutari vias eius, aut quis audet dicere: Operatus es iniquitatem? Memento quòd ignores opus eius de quo cecinerunt viri. Omnes homines vident eum, & vnusquisque intuetur procul. Ecce Deus magnus vincēs sententiam nostram. Numerus annorum eius inestimabilis. Qui aufert stellas pluuiæ, & effundit imbres ad instar gurgitum, qui de nubibus fluunt, quæ prætexunt cuncta desuper. Si voluerit extendere nubes quasi tentorium suum, & fulgurare lumine suo desuper, cardines quoque maris operiet. Per hæc enim iudicat populos, & dat escas multis mortalibus. Immanibus abscondit lucem, & præci-

pit ei ut rursus adueniat. Annuntiat de ea amico suo, quòd possessio eius sit, & ad eam possit ascendere.

Caput XVIII.

Addens quoque Helium, etiam hæc locutus est. Sustine me paululum, & indicabo tibi. Multa iam dixerat, & sustinere adhuc paululum postulat: quia videlicet arrogantes graue se damnum perpeti iudicant, si scientiā suam loquendi breuitate cōstringant. Tantò enim semetipsos credunt doctiores ostendere, quantò se potuerint multiplicitate loquacitatis aperire. Sed quia sæpe sibi sentiunt silentij reuerentiam non deferri: Domini nonnunquam potentiam de quo quasi loquuntur, insinuant, ac sub prætextu illius sibi silentium exigunt, quod minimè merentur: & dum specietenus Deum proferunt, auditum sibi ex reuerentia eius exigentes, se student magis ostendere, quam illius facta prædicare. Vnde & Helium subiungit, dicens: *Adhuc enim habeo quod pro Deo loquar.* Quia verò nonnunquam doctores sancti crebrò repetunt, si qua obscurius dicunt, ut quæ occulta prædicant, auditorum cordibus voce hæc iterationis infundant: plerunque hoc appetunt, etiam arrogantes imitari, & insolenter ea quæ dixerint, replicant: non quo auditorum cordibus insinuare res appetant, sed quo eorum iudicio videri eloquentes volunt. Vnde Helium subiungens, ait: *Repetam scientiam meam à principio.* Sed quia nominata scientia, tumor cordis in voce claruerat: arrogans apertè cognoscitur, si non citius aliquo velamine pallietur. Vnde mox in occultatione suæ arrogantiae Domini iustitiam subinferens, ait: *Et operatorem meum probabo iustum.* Ut dum quasi pro Dei iustitia loquitur, apud humana iudicia quicquid arroganter effluit, excusetur, Sequitur: *Verè enim absque mendacio sermones mei.* Cum ab infirmis auditoribus se intelligi non posse conspiciunt, solent plerunque etiam iusti laudare bona quæ dicunt: non quo ipsi suis laudibus inhiant, sed quo auditores suos ad audiendi sollicitudinem accendant: ut dum eorum voce proferuntur, ab illorum cordibus ardentiori affectu rapiantur. Vnde Paulus cum mira Corinthiis, & multa dixisset, adiungit: Os nostrum patet ad vos, ô Corinthij, cor nostrum dilatatum est. Sed arrogantes dum cor bonorum nesciunt, & solas aliquando voces imitantur: efferunt laudando quæ dicunt, non quo eis torpor audientium displicet, sed quo sibi inhianter placent. Iustorum vocem imitantes simulant, sed vim vocis ignorant. Vident quòd iusti iusta proferunt, sed nesciunt quid requirunt. Cum enim sancti doctores laudem prædicationis exaltant, quasi manu vocis ab imis cogitationibus corda audientium leuant, ut excussa velociter dictis sequentibus velut in itinere occurrant: & tantò ea intelligentiæ amplexu constringant, quantò illa & quasi priusquam cernerent, in voce laudantis amauerant. Sed hæc, ut dixi, arrogantes nesciunt. Quia enim foris est quod appetunt, quid sit intus desiderabile, sentire non possunt. De electorum quippe Ecclesia scriptum est: Omnis gloria eius filia regum abintus. Et sapientes virgines in vasis oleum portare referuntur. Vnde & sanctorum voce dicitur: Gloria nostra hæc est, testimonium conscientia nostra. Arrogantes autem, quia coram Deo conscientia suæ testimonium non habent, quærunt coram hominibus testimonium vocis alienæ: quam cum tardè reperiunt, ipsi etiam in impudentiam sui fauoris erumpunt. Si enim non inueniunt voces hominum quas inhianter expectant, ipsi scientiam suam laudantes prædicant. Vnde & Helium subdit, dicens: *Et perfecta scientia probabitur tibi.* Nimirum sensit se magna dicturum, sed tumentis corde hoc quod de semetipso sublimiter æstimauit, tacere non potuit: & idcirco quod rectum sensit, laudando præcucurrit. Quia iam quidem diuino iudicio reus esset, si magna de se saltem silendo sensisset. Ante subtile enim veritatis examen securi omnimodè non sumus: etiam si humano iudicio quod in nobis reprehendi debeat, non habemus. Nam plerunque negligentius cogitantes elatione pulsamur, quam tamen tacentes premimus. Sed si retractatione concita tumor occultus in ipso cubili cordis in quo oritur, suffocetur, coram districto iudice omne meritum nostræ actionis extinguatur. Hinc ergo pen-

† al. locorū.

2. Corin. 9.

Psalm. 44.

2. Corin. 1.

sanctum

fundum est, illa cordis elatio quanta animaduersione damnabitur, quæ usque ad audaciam vocis nutritur: si neque hæc est excusabilis, quæ in corde latenter oboritur. Considerandum quoque qualis intrinsecus regnat, quæ eousque seruata est, ut etiam foras erumpere non erubescat. Heliu ergo, quia magna sensit, semetipsum humiliter temperare nesciuit, scientiæ celsitudinem tenuit, humilitatis gratiam recusauit: & dum sequitur bonum quo bene dicere appetiit, bonum quo bene viuere potuisset, amisit. Scientia quippe inflat, charitas verò ædificat. Sed iam nunc rectum dicat, quod tamen rectè dicere ignorat: Nam postquā inflatas animi cogitationes per verba elationis exhalauit, fortem sententiam subdidit dicens:

Quod res immensæ virtutis sit in honore premere gloriam, & in potentia se nescire esse potentem: & quod in crimine sit fastus elationis, non ordo potestatis.

Caput XIX.

21. **D**eus potentes non abiicit, cum & ipse sit potens. In usu vitæ mortalis quædam ex semetipsis sunt noxia, quædam vero ex his quæ circa ipsa versantur. Ex semetipsis quædam sunt noxia, sicut peccata atque flagitia. Quædam verò nonnunquam nobis ex his, quæ circa ipsa sunt, nocent: sicut temporalis potentia, vel copula coniugalis. Bonum nanque est coniugium, sed mala sunt quæ circa illud ex huius mundi cura succrescunt. Vnde Paulus ait: Qui autem cum vxore est, cogitat quæ sunt mundi, quomodo placeat vxori. Vnde & quibusdam meliora persuadens, eos à coniugio reuocat, dicens: Hoc autem dico, non ut laqueum vobis iniiciam, sed ad id quod honestum est, & quod facultatem præbeat sine impedimento Dominum obsecrandi. Dum ergo tenetur quod non nocet, ex rebus iuxta positis conuincitur, plerumque quod nocet: sicut sæpe rectum, mundumque iter pergitur, & tamen ortis iuxta viam vepribus, per vestimenta retinemur. In via quidem munda non offendimus, sed à latere nascitur quo pungamur. Magna est etiam potentia temporalis, quæ habet apud Deum meritum suum de bona administratione regiminis: nonnunquam tamen eo ipso quo præminet cæteris, elatione cogitationis intumescit: & dum ad usum cuncta subiacent, dum ad votum velociter iussa complentur, dum omnes subditi si qua bene gesta sunt, laudibus efferunt: malè gestis autem nulla autoritate contradicunt, dum plerumque laudant, etiam quod obiurgare debuerunt, seductus ab his quæ intra subduntur, super se animus tollitur: & dum foris immenso fauore circundatur, intus veritate vacuatur, atque oblitus sui, in voces se spargit alienas: talémque se credit, qualem foris audit, non qualem intus discernere debuit: subiectos despicit, eosque æquales sibi naturæ ordine nō agnoscit: & quos forte potestatis exceßerit, transcendisse se etiam vitæ meritis credit: cunctis se æstimat amplius sapere, quibus se videt amplius posse. In quodam quippe se constituit culmine apud semetipsum: & qui æqua cæteris naturæ conditione constringitur, ex æquo respicere cæteros dedignatur: sicque usque ad eius similitudinem dicitur, de quo scriptum est: Omne sublimē videt, & ipse est rex super vniuersos filios superbiæ. Et de cuius corpore dicitur: Generatio cuius excelsi sunt oculi, & palpebræ eius in alta surrectæ. Ad eius similitudinem dicitur, qui singulare culmen appetens, & socialem angelorum vitam despiciens, ait: Ascendam super altitudinem nubium, similis ero altissimo. Miro ergo iudicio intus foueam deiectionis inuenit, dum foris se in culmine potestatis extollit. Apostatæ quippe angelo similis efficitur, dum homo hominibus esse similis dedignatur. Sic Saul ab humilitatis merito in tumorem superbiæ culmine potestatis excreuit. Per humilitatem quippe prælatus est, per superbiam reprobatus: Domino attestante, qui ait: Nōne cum esses paruulus in oculis tuis, caput te constitui in tribubus Israël? Paruulum se ante potestatem viderat, sed fultus temporalī potentia, iam se paruulum non videbat. Cæterorum nanque comparatione se præferens, magnum se apud se esse iudicabat. Miro autem modo cum apud se paruulus, apud Dominum magnus: cum verò apud se magnus, apud Dominum paruulus fuit. Magnos nos Dominus apud nos esse prohibet, per Prophetam dicens: Væ qui sapientes estis in oculis vestris, & coram vobismetipsis pruden-

tes. Ne magni apud nos esse debeamus, Paulus admonens, ait: *Roma. 12.* Nolite prudentes esse apud vosmetipsos. Plerumque ergo dum ex subiectorum affluentia animus inflatur, in luxum superbig ipso potentia fastigio lenocinante corrumpitur. Sed aliud est quælibet bona non esse, aliud bona bene habere nescire. Bona nanque est ordine suo potentia, sed cauta regentis indiget vita. Igitur bene hanc exercet, qui & retinere illam nouerit, & impugnare. Bene hanc exercet, qui scit per illam super culpas erigi, & scit cum illa cæteris æqualitate componi. Humana enim mens plerumque extollitur, etiam cum nulla potestate fulcitur: quanto magis in altum se erigit, cum se etiam ei potestas adiungit? Et tamen corrigendis aliorum vitiis apta executione præparatur. Vnde & per Paulum dicitur: Minister enim Dei est, vindex in iram ei qui malum agit. *Roma. 13.* Cum ergo potentia temporalis ministerium suscipitur, summa cura vigilandum est, ut sciat quisque & sumere ex ea quod adiuuat, & expugnare quod tentat: & æqualem se cum illa cæteris cernere, & tamen se peccantibus zelo vltionis præferre. Quam discretionem plenius cognoscimus, si etiam potestatis Ecclesiasticæ exempla cernamus. Petrus nanque authore Deo, Ecclesiæ principatum tenens, à bene agente Cornelio, & sese ei humiliter prosternente, immoderatus venerari recusauit, sedque illi similem recognouit, dicens: Surge ne feceris, & ego ipse homo sum. Sed cum Ananiæ & Saphiræ culpam reperit, mox quanta super cæteros potestatem excreuisset, ostēdit. Verbo enim eorum vitam perculit, quam spiritu perferente deprehendit: & summum se intra Ecclesiam contra peccata recoluit, quod honore sibi vehementer impenso, coram bene agentibus fratribus non agnouit. Illic communionem æqualitatis meruit sanctitas actionis, hic zelus vltionis ius aperuit potestatis. Paulus bene agentibus fratribus prælatum se esse nesciebat, cum diceret: Non quia dominamur fidei vestre, sed adiutores sumus gaudij vestri. Atque ilico adiunxit: Fide enim statim: ac si diceret: Ideo non dominamur fidei vestre, quia fidei statim. Aequales enim vobis sumus, ubi vos stare cognoscimus. Quasi prælatum se fratribus esse nesciebat, cum diceret: Facti sumus paruuli in medio vestrum, & Nos autem seruos vestros per Iesum Christum. Sed cum culpam quæ corrigi debuisset, inuenit: ilico magistrum se esse recoluit, dicens: Quid vultis? In virga veniam ad vos? Summus itaque locus bene regitur, cum is qui præest, vitiis potius quam fratribus dominatur. Cunctos quippe natura æquales genuit. Ut autem alij ad regendum aliis committantur, non eos natura, sed culpa postponit. Vitiis ergo se debent rectores erigere, quorum & causa præferuntur, & cum delinquentes corrigunt, sollicitè attendant, ut per disciplinam culpas quidem iure potestatis feriant, sed per humilitatis custodiam æquales se ipsis fratribus qui corriguntur, agnoscant. Quauis plerumque etiam dignum est, ut eosdem quos corrigimus, tacita nobis cogitatione præferamus. Illorum nanque per nos vitia disciplinæ rigore feriuntur: in his verò quæ ipsi committimus, ne verbi quidem ab aliquo inuectione laceramur. Tantò ergo apud Dominum obligatiores sumus, tantò apud homines inultè peccamus. Disciplina autem nostra subditos tantò diuino iudicio liberiores reddit, tantò hic eorum culpas sine vindicta non deserit. Seruanda itaque est & in corde humilitas, & in opere disciplina. Atque inter hæc solerter intuendum, ne dum immoderatus custoditur virtus humilitatis, soluantur iura regiminis: & dum prælatus quisque plus se quam decet, deiicit, subditorum vitam stringere sub disciplinæ vinculo non possit. Teneamus ergo exterius quod pro aliorum vtilitate suscipimus: teneamus interius quod de nostra æstimatione sentimus. Sed tamen decenter quibusdam erumpentibus signis tales nos apud nos esse ipsi nos etiam qui nobis commisi sunt, non ignorent: ut & de autoritate nostra quod formident, videant, & de humilitate quod imitentur, agnoscant. Seruata autem autoritate regiminis, ad cor nostrum sine cessatione redeamus, & consideremus assidue quod sumus æqualiter cum cæteris conditi, non quod temporaliter cæteris prælati. Potestas enim tantò exterius eminet, tantò premi interius debet: ne cogitationem vincat, ne in delectationem sui animum rapiat, ne iam sub se mens eam regere nō possit, cui se libidine dominandi supponit. Bene Dauid regni potentiam regere nouerat,

Roma. 13.
22.

Act. 10.

Ibidem 5.

2. Corin. 1.

1. Thess. 2.

2. Corin. 4.

1. Corin. 4.

23.

Psalm. 130.

qui elationem eiusdem potentie semetipsum premendo vincebat, dicens: Domine non est exaltatum cor meum. Quique in eius humilitatis augmento subiungit: Neque elati sunt oculi mei. Atque addidit: Neque ambulavi in magnis. Et adhuc subtilissima semetipsum inquisitione discutiens ait: Neque in mirabilibus super me. Omnesque etiam cogitationes suas à fundo cordis exhauriens, subiungit dicens: Si non humiliter sentiebam, sed exaltaui animam meam. Ecce humilitatis hostiam ab intimo cordis oblatam, crebro replicat, & iterum atque iterum confitendo offerre non cessat: eamque multipliciter loquens iudicis sui oculis ostentat. Quid est hoc? Et quomodo istud sacrificium Deo placere cognouerat, quod in conspectu eius tanta iteratione vocis immolabat? nisi quod vicina esse superbia potentibus solet, & penè semper rebus affluentibus elatio sociatur: quia & sæpe humoris abundantia duritiam dat tumoris. Mirum verò valde est cum in cordibus sublimium regnat humilitas morum. Vnde pensandum est: quia potentes quique cum humiliter sapient, culmen extraneæ & quasi longè positæ virtutis attingunt, & rectè hac virtute Dominum quantocius placant: quia illud ei sacrificium humiliter offerunt, quod potentes inuenire vix possunt. Subtilissima nanque ars viuendi est culmen tenere, gloriam premere, esse quidem in potentia, sed potentem se esse nescire: ad largienda bona potentem se cognoscere, ad rependenda noxia omne quod potenter valet ignorare. Rectè itaque de talibus dicitur: Deus potentes non abiicit, cum & ipse sit potens. Deum quippe imitari desiderat, qui fastigium potentie alienis intentus vtilitatibus, & non suis laudibus elatus administrat, qui prælatus ceteris prodesse appetit, non præesse. Tumoris nanque elatio, non ordo potestatis in crimine est. Potentiam Deus tribuit, elationem verò potentie malitia nostræ mentis inuenit. Tollamus ergo quod de nostro contulimus, & bona sunt quæ Deo largiente posidemus. Quia enim nequaquam iusta potentia, sed actio praua damnatur, aptè subiungitur:

Quod alij iudicentur & pereant, alij non iudicentur & regnent.

Caput XX.

Matth. 5.

Sed non saluat impios, & iudicium pauperibus tribuit.) Scriptura sacra plerunque pauperes humiles vocare consuevit, Vnde in Euangelio cum adiectione spiritus nominantur, dum dicitur: Beati pauperes spiritu, quoniam ipsorum est regnum cælorum. Quos enim diuitiæ visibiliter potentes ostendunt apud semetipsos pauperes sunt, qui elati in suis conscientiis non sunt. Eos verò impios vocat, qui aut à fidei pietate disiuncti sunt, aut in hoc quod fideliter credunt, prauis sibi moribus contradicunt. Quia ergo omnipotens Deus malitiæ superbiam, non potentie celsitudinem damnat, postquam dictum est. Deus potentes non abiicit, cum & ipse sit potens, rectè subiungitur: Sed non saluat impios, & iudicium pauperibus tribuit, id est, elatos destruit, humiles verò per iudiciū liberos reddit. Vel certè iudicium pauperibus tribuit: quia hi qui nunc nequiter opprimuntur, ipsi tunc super oppressores suos iudices veniunt. Duæ quippe sunt partes, electorum scilicet atque reproborum. Sed bini ordines eisdem singulis partibus continentur. Alij nanque iudicantur & pereunt, alij non iudicantur & pereunt. Alij iudicantur & regnant, alij non iudicantur & regnant. Iudicantur & pereunt, quibus dominica voce in damnatione dicitur: Esuriui, & non dedistis mihi manducare: sitiui, & non dedistis mihi potum: hospes eram, & non collegistis me: nudus, & non operuistis me: æger & in carcere, & non visitastis me. Quibus præmittitur: Disceditis à me maledicti in ignem æternum, qui paratus est diabolo & angelis eius. Alij verò in extremo iudicio non iudicantur & pereunt, de quibus Propheta ait: Non resurgent impij in iudicio: & de quibus Dominus dicit: Qui autem non credit, iam iudicatus est: & de quibus Paulus ait: Qui sine lege peccauerunt, sine lege peribunt. Resurgunt ergo etiam omnes infideles, sed ad tormentum, non ad iudicium. Non enim eorum tunc causa discutitur: quia ad conspectum districti iudicis iam cum damnatione suæ infidelitatis accedunt. Professionem verò fidei retinentes, sed professionis opera non habentes, redarguuntur ut pereant. Qui verò nec fidei sacramenta

Et tenuerunt, increpationem iudicis in extrema examinatione non audiunt: quia præiudicati infidelitatis suæ tenebris, eius quem despexerant inuectione redargui non merentur. Illi saltem iudicis verba audiunt: quia eius fidei saltem verba tenuerunt. Isti in damnatione sua æterni iudicis nec verba percipiunt: quia eius reuerentiam nec verbotenus seruare voluerunt. Illi legaliter pereunt: quia sub lege positi peccauerunt: istis in perditione sua de lege nihil dicitur: quia nihil legis habere conati sunt. Princeps nanque terrenam rempublicam regens, aliter punit ciuem interius delinquentem, atque aliter exterius hostem rebellantem. In illo iura sua consulit, eumque sub verbis dignæ inuectionis addicit: contra hostem verò bella mouet, instrumenta perditionis exercet, dignaque eius malitiæ tormēta retribuit, de malo verò eius quid lex habeat, non requirit. Neque enim lege necesse est periri, qui lege nunquam potuit teneri. Ita ergo in extremo iudicio & legalis illum inuectio percutit, qui ab eo quod professione tenuit, actione declinauit, & iste sine iudicij inuectione perimitur, qui lege fidei non tenetur. Ex electorum verò parte alij iudicantur & regnant, qui vitæ maculas lachrymis tergunt, qui mala præcedentia factis sequentibus redimētes, quicquid illicitum aliquando fecerunt, ab oculis iudicis elemosynarum superductione cooperiunt. Quibus iudex veniens in dextera consistentibus dicit: Esuriui, & dedistis mihi manducare: sitiui, & dedistis mihi bibere: hospes eram, & collegistis me: nudus, & operuistis me: infirmus, & visitastis me: in carcere eram, & venistis ad me. Quibus præmittit, dicens: Venite benedicti patris mei, possidete paratum vobis regnum à constitutione mundi. Alij autem non iudicantur & regnant: qui etiam præcepta legis perfectione virtutum transcendunt, qui nequaquam hoc solum quod cunctis diuina lex præcipit, implere contenti sunt, sed præstantiori desiderio plus exhibere appetunt, quàm præceptis generalibus audire potuerunt. Quibus dominica voce dicitur: Vos qui reliquistis omnia, & secuti estis me, cum sederit filius hominis in sede maiestatis suæ, sedebitis & vos super duodecim thronos, iudicantes duodecim tribus Israël. Et de quibus Propheta ait: Dominus ad iudicium veniet cum senioribus populi sui. Et de quibus Salomon cum de sanctæ Ecclesiæ sponsa loqueretur, intulit dicens: Nobilis in portis vir eius, quando sederit cum senatoribus terræ. Hi itaque in extremo iudicio non iudicantur, & regnant: quia cum auctore suo etiam iudices veniunt. Relinquentes quippe omnia plus prompta deuotione executi sunt, quàm iubere generaliter audierunt. Speciali nanque iussione paucis perfectioribus, & non generaliter omnibus dicitur hoc quod adolescens diues audiuit: Vade & vende omnia quæ habes, & da pauperibus, & habebis thesaurum in cælo, & veni, & sequere me. Si enim sub hoc præcepto cunctos iussio generalis astringeret, culpa profectò esset aliquid nos de hoc mundo possidere. Sed aliud est quod per sacram scripturam omnibus generaliter præcipitur: aliud quod specialiter perfectioribus imperatur. Hi ergo rectè sub generali iudicio non tenentur, qui & præcepta generalia viuendo vicerunt.

H Sicut enim non iudicantur, & pereunt, qui suadente perfidia legem tenere contemnunt: ita non iudicantur & regnant, qui suadente pietate etiam ultra generalis diuinæ legis præcepta proficiunt. Hinc est quod Paulus etiam specialia præcepta transcendens, plus opere exhibuit quàm institutione permissionis accepit. Cum enim accepisset ut Euangelium prædicans, de Euangelio viueret, & Euangelium audientibus contulit, & tamen Euangelij sumptibus sustentari recusauit. Cur ergo iste iudicetur, ut regnet, qui minus quod seruaret, accepit: sed maius quod viueret, inuenit? Dicatur igitur rectè: Iudicium pauperibus tribuit: quia quantò huic mundo magna humilitate despecti sunt, tantò tunc acceptis sedibus maiore culmine potestatis excrescunt. Vnde & sequitur:

Quod sanctos in persecutionibus & laboribus tunc maximè Dominus videt, cum eorum patientia delectatur.

Caput XXI.

Non aufert à iusto oculos suos, & reges in folio collocat in perpetuum, & illic eriguntur.) Abstulisse enim à iustis oculos suos fortasse Dominus creditur: quia iniustorum crudelitibus hinc sine vindicta lacerantur, sed famulos suos tunc magis respicit,

*Subtilissima
ma viuendi
ars.*

Matth. 25.

Psalm. 1.

Roma. 2.

*25
Alii pmi
tur ciuis, al-
ter hostis.*

Matth. 25.

Matth. 19.

Esai. 3.

Proverb. 31.

Matth. 19.

Matth. 10.

Luc. 18.

respicit, cum iniuste eos nequitia persequentis affligit. Videns enim quid hic humiliter toleret, nimirum iam prauidet quid illic eis misericorditer recompenset. Non ergo aufert a iusto oculos suos. Ecce iste humiliter ingemiscit, ille superbit & nequiter floret. Iste cor coterit, ille se de gloria iniquitatis extollit. Horum ergo quis diuinis obtutibus longe est, qui iniustitiam pertulit, an qui eam patientibus irrogauit, qui supernam gratiam inter meroris tenebras tenuit: an qui inter exteriora gaudia lumen iustitiae intus amisit? Bene autem sancti viri scripturae sacrae testimonio reges vocantur: quia praelati cunctis motibus carnis, modò luxuriae appetitum frenant, modò aëstus avaritiae temperant, modò gloriam elationis inclinant, modò suggestionem liuoris obruunt, modò ignem furoris extinguunt. Reges ergo sunt: quia tentationum suarum motibus non consentiendo succumbere, sed regendo praesse nouerunt. Quia igitur ab hac potestate regiminis ad potestatem transeunt retributionis, dicatur rectè: *Reges in solio collocati in perpetuum.* Semetipsos enim regendo, ad tempus fatigati sunt, sed in regni erectionis aeternae solio in perpetuum collocantur, & eo illic accipiunt alios dignè iudicare, quo hic nesciunt sibi metipsis nequiter parcere. Hinc enim aliàs dicitur: Donec iustitia conuertatur in iudicium. Paulus de se suisque confortibus dicit: Ut nos efficeremur iustitia Dei in ipso. Iustitia ergo in iudicium vertitur: quia hi qui nunc iuste atque irreprehensibiliter viuunt, tunc iudicandi potentiam nanciscuntur. Hinc Laodiciae Ecclesiae Dominus dicit: Qui vicerit, dabo ei sedere mecum in throno meo, sicut & ego vici, & sedi cum patre meo in throno eius. Vincens Dominus in throno cum patre sedisse se asserit: quia post passionis certamina, post resurrectionis palmam, clarius se omnibus quod potestati patris esset aequalis indicauit, eisque se non disparem calcato mortis aculeo innotuit. Vnde & Mariae necdum credenti se patri similem dicit: Noli me tangere, nondum enim ascendi ad patrem. Nobis enim in throno filij sedere, est ex eiusdem filij potestate iudicare. Qui enim iudicij principatum ex eius virtute percipimus, velut in throno eius residemus. Nec abhorret a vero quod aliàs super duodecim thronos venturos testatur esse discipulos, hic verò in throno suo perhibet esse sessuros. Per thronos quippe duodecim vniuersale iudicium, per thronum verò filij singulare culmen iudiciariae potestatis ostenditur. Hoc ergo duodecim thronis, quod vno throno filij designatur: quia videlicet vniuersale iudicium, ex mediatoris nostri interuentione percipitur. Dicatur ergo: *Reges in solio collocati in perpetuum.* Aptè autem in perpetuum subdens, aptè quid dicat, insinuat. Si enim de terreni regni solio diceret, nullatenus in perpetuum subdidisset: quia quique illud arripiunt, profecto non in eo in perpetuum, sed temporaliter collocantur. Bene autem subdidit: *Et illic eriguntur.* Ac si intentioni audientis innueret dicens: Quia qui hic humiliati sunt, illic eriguntur. Sanctis namque viris iste locus humilitatis est, ut ille sit celsitudinis. Vnde aliàs scriptum est: Humiliaui nos in loco afflictionis. Locus quippe afflictionis est vita praesens. Qui ergo ad aeternam patriam tendunt, nunc semetipsos temporaliter in afflictionis loco despiciunt, ut tunc in loco gaudij veraciter sublimentur. Sequitur:

Quod sancti cum huius mundi habitationem, quasi catenas & vincula sua perfectè oderint, tunc maximè intelligunt, quales essent, cum mundum amarent.

Capitulum XXII.

ET si fuerint in catenis, & vinciantur funibus paupertatis, indicabit eis opera eorum & scelera eorum: quia violenti fuerint. Catenae obligationis sunt, ipsa adhuc retentio peregrinationis. Ligatum se his catenis Paulus aspexerat, cum dicebat, Desiderium habens dissolui, & cum Christo esse. Paupertatis funibus vincitum se esse cernebat, quando veras diuitias intuens, eas etiam discipulis enarrabat, dicens: Ut sciatis quae sit spes vocationis eius, quae diuitiae gloriae hereditatis eius in sanctis. Bene autem post ista subditur: Indicabit eis opera eorum & scelera eorum, quia violenti fuerint. Cum enim supernam gloriam magis amando cognoscimus, tunc mala quae egimus, grauiora fuisse sentimus. Vnde & Paulus post perceptam gratiam supernorum, ea quae in se studia virtutum crediderat fuisse, iam sce-

ra cognoscebat, dicens: Qui prius fui blasphemus & persecutor & contumeliosus, sed misericordiam consecutus sum: quia ignorans feci in incredulitate. Vel certè: Sed quae mihi fuerunt lucra, haec arbitratus sum propter Christum detrimenta. Vnde & aptè subditur: *Reuelabit quoque aurem eorum ut corripiat, & loquetur, ut reuertantur ab iniquitate.* Aurem ab iniquitate reuelare, est intellectum cognitionis aperire. Reuelata verò aure vniuersisque corripitur, quando intrinsecus aeternorum bonorum desiderium percipit, & quae mala extrinsecus perpetravit, agnoscit. Potest verò in catenis & funibus paupertatis, poena etiam temporalis afflictionis intelligi: quia saepe qui iubentis verba non audiunt, ferientis verberibus admonentur, ut ad bona aeterna saltem poenae trahant, quos praemia non inuitant. Vnde per Prophetam dicitur: In chamo & freno maxillas eorum confringe, qui non approximant ad te. Si verò etiam flagella despiciunt, constat nimirum quod tantò illic grauioris vindictae supplicia sentiant, quanto hic maioris prouidentiae gratiam calcant. Vnde & sequitur: *Si audierint & obseruauerint, complebunt dies suos in bono, & annos suos in gloria. Si autem non audierint, transibunt per gladium, & consummentur stultitia.* Per bonum recta actio, per gloriam verò superna retributio designatur. Qui ergo obedire praeceptis caelestibus student, dies suos in bono complent, annos in gloria: quia & cursum praesentis temporis in recto opere, & consummationem suam perficiunt felici retributione. Si verò non audierint, transibunt per gladium, & consummentur stultitia: quia & vindicta eos in tribulatione percutit, & finis in fatuitate concludit.

Sunt enim nonnulli, quos à perditis moribus nec tormenta compefcunt. De quibus per Prophetam dicitur: Percussisti eos, nec doluerunt, flagellasti eos, & renuerunt accipere disciplinam. Et de quibus sub Babylonis specie dicitur: Curauimus Babylonem, & non est sanata. De quibus rursum dicitur: Interfeci & peridi populum meum, & tamen à viis suis non sunt reuerfi. Hi nonnunquam deteriores existunt ex verberibus: quia pulsati doloribus, aut contumaci pertinacia duriores existunt, aut, quod peius est, in blasphemiae etiam exasperationem profiliunt. Bene ergo dicitur quod per gladium transeunt, & stultitia consumuntur: quia peccata quae flagellis emendare debuerant, flagellis exaggerat. Et hic nanque poenas percussione sentiant, & illic iustae retributionis supplicia non euadunt. Fatuitas quippe stultitiae est: quod illos sic iniquitas obligat, ut à culpa eos nec poena compefcant. Sequitur: *Quod hypocritae nec etiam tunc, cum vincunt ad poenas inferni trahuntur, confiteri peccata sua hominibus volunt, quae sciunt tamen Deum latere non posse.*

Capitulum XXIII.

Simulatores & callidi prouocant iram Dei. Cum simulatores disceret, aptè subiunxit & callidi: quia nisi ingenio calleant, quod videri appetunt, congruè simulare non possunt. Sunt enim nonnulla vitia quae etiam à sensu tardioribus facile perpetrantur. Elatione namque intumescere, avaritiae aëstibus inhiare, luxuriae pulsanti succumbere, etiam quilibet obtusis sensibus potest, simulationis verò falsitatem exequi, nisi qui subtilioris ingenij fuerit, non potest. Quisquis enim talis est, ad custodienda duo videlicet continua obseruatione diuiditur, ut callidè nouerit & occultare quod est, & ostentare quod non est, & vera mala premere, & falsa bona monstrare: nec se aptè in hoc quod videtur extollere, atque ut maiorem gloriam teneat, saepe se simulat gloriam declinare. Qui enim ante oculos hominum sequendo eam apprehendere non potest, studet plerumque gloriam tenere fugiendo: Haec itaque simplicibus minimè congruunt: quia si congruunt, iam simplices non sunt. Bene autem cum diceret simulatores & callidi, non subdidit, merentur, sed prouocant iram Dei. Iram quippe Dei mereri, est etiam nesciendo peccare. Prouocare verò est mandatis illius sciendo contraire, scire bonum, sed despiciere: facere posse, nec velle. Hic enim perpetratio nequitiae intrinsecus tenebescit, & ostentatione iustitiae superficialiter dealbantur. Quibus voce dominica dicitur: Vae vobis scribes & pharisaei hypocritae: quia similes estis sepulchris dealbatis, quae foris parent hominibus speciosa, intus verò plena sunt ossibus mortuorum & omni spurcitia: ita & vos quidem foris apparetis hominibus iusti, intus autè pleni estis

Math. 23.

hypocrisis & iniquitate. Foris ergo ostendendo seruant, quæ viuendo intus impugnant. Intus verò mala cogitantes exaggerant, quæ foris alia superducentes occultant. Ante districtum itaque iudicem excusationem iam de ignorantia habere non possunt: quia dum ante oculos hominū omnem modum sanctitatis ostentant, ipsi sibi sunt testimonio, quia bene viuere non ignorant. Dicatur igitur rectè: Simulatores & callidi prouocant iram Dei. Quid verò eos ad extremum sequatur, adiungit dicens: *Neque clamabunt cum vincti fuerint.* Omnis iniquus qui cum iniquus sit, sanctus videri non appetit, in flagelli percussione deprehensus, fateri quòd iniquus sit, non erubescit. Qui vero iniqua agens, humana de se iudicia sub specie sanctitatis intercipit, etiam cum flagello percutitur, iniquum se prodere refugit: quia sanctus videri consuevit. Si quando autem grauitur coarctatur, iniquum se vix superficie tenus confitetur: quia interna sua detegere, veraci confessione confunditur. Quasi liberi verò sumus, cum nulla correptione castigamur. Quasi autem vincimur, cum flagello percussione astringimur. Vincti igitur tantò clamamus altius, quantò in percussione positi, peccata nostra veracius confitemur. Apud aures quippe Dei vox valida deuota confessio est. Quia ergo simulatores quosque etiam cum percussione flagella corripunt, ad confessionem simplicem non perducunt: cognosci enim peccatores refugiunt, quia sancti omnium opinione ferebantur: quia quauis eos ad extremum iam flagella feriant, quauis duci se ad æterna supplicia non ignorant, tales tamen cupiunt apud humana iudicia remanere, quales se studuerant semper ostendere. Deprehensi ergo etiam flagello percussione extremæ: quia confessionem puram vel afflicti exerere negligunt, quasi vincti clamare contemnunt. Bene ergo dicitur: *Neque clamabunt, cum vincti fuerint.* Quauis intelligi etiam aliter potest. Omnis enim qui cum iniquus sit, dici sanctus ab hominibus non pertimescit, etsi iniquum se tacita cogitatione reprehendit, tamen dum sapius sanctum audire se cœperit, hoc quod de se intrinsecus tenebat, amittit. Cor quippe exterius fundit, & quia libenter foris falsum de se testimonium recipit, qualem se intus habeat non requirit. Vnde fit vt vacuæ laudis fomenta etiam cum defuerint, quærat, & oblitus quod est, appetat videri quod non est. Igitur qui tales sunt, dum iustos se ante humana iudicia simulât, dum actiones suas laudibus dignas intuentium oculis ostentant, occulta cum eis iustitia agitur: vt quo nituntur foris alios fallere, eo de se intus etiam ipsi fallantur. Nam omnem circa se sollicitæ inuestigationis oculum perdunt. Vitam enim suam discutere & periscutari dissimulât, sed tales se quales audiunt, putant: sanctosque se esse, non quia ita viuunt, sed quia ita dicuntur, existimant. Subtile autem Dei iudicium seque ipsos intueri negligunt: quia fidem sui meriti in attestazione ponunt oris alieni. Cum verò subita percussione feriuntur, iniquos se vel veraciter fateri, vel sicut sunt deprehendere omnino non possunt: quia videlicet sanctos se humana professione crediderunt. Bene ergo dicitur: *Nec clamabunt cum vincti fuerint.* Spe enim vacua tales se ante supernum iudicem venire confidunt, quales se hominibus innotuisse cognoscunt, seque ipsos miseri nec inter tormenta deprehendunt, & dum testimonium falsæ laudis aspiciunt, remedium veræ confessionis amittunt. Etiam vincti ducuntur, & non clamant: quia humanæ laudis importunitate superati, sanctos se miseri & cum

Esai. 46.
Nihil nobis
vicinius cor
de nostro, &
tamen sepe
longius ena-
gatur.

in peccatis moriuntur, putant. Quibus bene per Prophetam dicitur: Redite præuicatores ad cor. Si enim ad cor redirent, per exterioris attestacionis se verba non funderent. Nam quid vicinius nobis est corde nostro? Quid vicinius nobis est ea re, quæ intra nos est? Et tamen cum per prauas cogitationes spargitur, à nobis cor nostrum longius euagatur. Longè ergo Prophetam præuicatorem mittit, cum eum ad cor suum redire compellit: quia quo se exterius fudit, eo ad se vnde possit redire vix inuenit. Quia verò simulatorum mens pro eo quòd ab vna æternitatis intentione diuiditur, cogitationum multiplicium inundatione vastatur, rectè subiungitur: Morietur in tempestate anima eorum. Quasi tranquillè nante videbantur viuere, cum de sanctitatis curaret laude gaudere. Sed tempestate subita eorum anima moritur, quæ humanæ laudis pessima tranquillitate lætabatur. Plerunque subito

inopinata tempestat omne quòd aër serenus blanditur, immutat: & eo periculum vitari non potest, quo nec potuit præuideri. Vnde simulatores qui vitæ suæ custodiam negligunt, in tempestate mori referuntur. Hinc quippe eos turbo subitus internæ percussione eiicit, quos arrogantia externi fauoris extollit, & dum amplectuntur in laude quod non sunt, repente inueniunt in ultione quod sunt. Bene autem per Salomonem dicitur: Quomodo probatur in conflatorio argentum, & in fornace aurum, sic probatur homo ore laudantis. Laus quippe sua iustos cruciat, iniquos exaltat. Sed iustos dum cruciat, purgat: iniquos dum lætificat, reprobos monstrat. Isti enim sua laude pascuntur: quia authoris sui gloriam non requirunt. Illi autem qui authoris gloriam quærunt, sua laude cruciantur, ne non sit intus quod foris dicitur, ne, si est etiam quod dicitur, ante Dei oculos ipsis fauoribus vacuetur, ne humana laus robur mentis emolliat, eamque in sui delectatione prosternat, & quæ adiumentum debet esse augendi operis, iam retributio sit laboris. Cum verò sua præconia in Dei laudem tendere sentiunt, ea etiam desiderabiliter amplectuntur. Scriptum nanque est: Videant opera vestra bona, & glorificent patrem vestrum qui est in cœlis. Viam se ergo hominibus faciunt, quoties in se aliquid quo Deus cognoscatur, ostendunt: quia non student in se humanam laudem figere, sed quærunt eam per se medios ad authoris gloriam pertransire. Arrogantes autem humanis laudibus mollia corda prostituunt, quia suis amoribus corrumpuntur. De quibus aliàs dicitur: Erunt homines seipsos amantes. Aptè verò hîc de hac eorum corruptione subiungitur: *Et vita eorum inter effeminatos.* Si enim viriliter viuerent, laus transitoria nulla eos corruptione vitaret. Vnde electis Propheta persuadet dicens: Viriliter agite, & confortetur cor vestrum. Dicens enim viriliter agite, & confortetur cor vestrum, quod ilicò subdidit: quasi sexum cordis munire curauit. Luxuriosi quippe mens corrumpitur, si rebus transitoriis delectatur. Igitur simulatorum vita inter effeminatos moritur: quia laudis luxuria corrupta reperitur. Translatione verò alia non habetur, Vita eorum inter effeminatos, sed, Vita eorum vulneretur ab angelis. Vtrunque tamen & si sermone discrepat, ratione concordat: quia effeminatorum vitam angeli vulnerant, dum nuntij veritatis eam iaculis sanctæ prædicationis impugnant. Quia igitur de damnatione reproborum quid agatur, audiuius: de ereptione humilium quid sequatur, audiamus. *Eripiet pauperem de angustia sua.* Pauper de angustia sua eripitur, cum vnusquisque humilis de hac peregrinationis suæ afflictione liberatur. Nam & assiduis hîc tribulationibus premitur, vt ad requirendum veræ consolationis gaudium prouocetur. Vnde & sequitur: *Et reuelabit in tribulatione aurem eius.* Aurem in tribulatione reuelare, est auditum cordis verberum plagis aperire. Cum enim præcepta despiciamus, pia districtione nobiscum agitur, vt flagella timeamus. Aurem itaque cordis tribulatio aperit, quam sæpe huius mundi prosperitas claudit. Per Salomonem nanque dicitur: Auersio paruulorum interficiet eos, & prosperitas stultorum perdet illos. Sequitur:

Quòd peccatum latum os habeat, cum in ipsum descenditur, ar-
etissimum verò, cum quis de eo egredi conatur.

Caput XXIIII

Igitur saluabit te de ore angusto latissimè. Omnis qui vitæ viam deferens, in peccatorum se tenebras deiicit: semetipsum quasi in puteum vel foueam mergit. Si verò diutina perpetratione etiam consuetudine iniquitatis opprimitur, ne ad superiora iam possit exurgere, quasi angusti ore putei coarctatur. Vnde Dauid Propheta sub specie peccantium exorat dicens: Non me demergat tempestas aquæ, neque absorbeat me profundum, neque vrgeat super me puteus os suum. Quem enim mali operis iniquitas à bona stabilitate commouit, quasi tempestas aquæ rapuit: sed si adhuc longa consuetudine non præualuit, non demersit. Iam in puteum cecidit, qui hoc quod diuina lex prohibet, perpetravit. Sed si adhuc longa consuetudo nõ deprimit, nequaquam os suum puteus coangustauit. Tanto ergo facilius egreditur, quanto minori consuetudine coarctatur. Vnde Hieremias Propheta dum Iudæam iniquitatibus longa consuetudine obrutam fuisse conspiceret, in lamentis suis sub eius specie semetipsum deplorat, dicens: *Lapsa est in*

30
Proverb. 17.

Matth. 5.

2. Tim. 3.

Psalm. 16.

Proverb. 1.

Psalm. 68.

Lapsa Thren. 3.

est in

est in lacum vita mea, & posuerunt lapidem super me. In lacum quippe vita labitur, cum labe iniquitatis inquinatur. Lapis vero superponitur, cum etiam dura consuetudine mens in peccato deuoratur, ut et si velit exurgere, iam utcumque non possit: quia moles desuper malae consuetudinis premit: sed quia diuinæ potentiae subiaceret, & post angustiam prauae consuetudinis ad bonae actionis amplitudinem reuocatur, idcirco dicitur: *Saluabit te de ore angusto latissimè.* Latissimè quippe de ore angusto saluatur, qui & post iniquitatis iugum, ad libertatem boni operis poenitendo reducitur. Quædam nanque quasi conclusionis angustia est, ab opprimente mala consuetudine exurgere velle, nec posse: iam quidem desiderio ad superna tendere, sed adhuc actu in infimis remanere, præire corde, nec tamen sequi opere, atque in semetipso contradictionem perpeti semetipsum. Cum vero ita tendens anima manu gratiae exaltantis adiuuatur, ab angusto ore ad latitudinem peruenit: quia victis difficultatibus, opera bona perficit, quæ concupiscit. Dauid propheta conclusionem angusti oris conspexerat, cum dicebat: *Saluam fecisti de necessitatibus animam meam, nec conclusisti me in manus inimici.* Latissimè autem saluatum se nouerat, cum subdidit dicens: *Statuisti in loco spatioso pedes meos.* In spatioso quippe loco pedes stabili sunt, quando & ad congruentia bona tendimus, & nulla difficultate præpedimur. Quasi enim per latum locum quo volumus, pergimus: quia nullis obiectis difficultatibus angustamur. Sed hæc Helii rectè diceret, si beato Iob eius sententia conueniret. Pro culpa enim flagellatum credidit, & idcirco eum in os angustum cecidisse iudicauit. Quod enim validioribus vidit eum plagis affici, eò deterioribus credidit iniquitatibus prægruari, profectò nesciens quod flagella eius augmentum essent meriti, non poena peccati. Cum verò eum in os angustum cecidisse fateatur, adhuc quasi latius exequitur in quanta Iob profunditate teneatur, dicens: *Et non habente fundamentum subter se.* Omne peccatum fundamentum non habet: quia non ex propria natura subsistit. Malum quippe sine substantia est. Quod tamen utcumque sit, in boni natura coalescit. Igitur os angustum nullum subter se dicitur habere fundamentum: quia peccati inquinatio subsistendi ius non habet proprium. Quia verò à fundo dicitur fundamentum, possumus etiam fundamentum pro fundo positum non inconuenienter accipere, sicut auditus ab aure dicitur, & tamen plerumque ipsa auris auditus nomine designatur. Cum ergo diceret os angustum, explere profundi voraginem volens subdidit: *Et non habente fundamentum subter se.* Quem enim rapit iniquitas, infernus absorbet. Infernus verò rectè fundum non habere creditur: quia quisquis ab illo rapitur, in immenso profundo deuoratur. Immensam nanque eius explere latitudinè volens Propheta ait: *Dilatauit infernus animam suam, & aperuit os suum absque villo termino.* Sicut ergo sine termino dilatatus dicitur, qui ad se plurimos trahit: ita sine fundo altus non incongruè creditur: quia eos quos in se suscipit, quasi in quadam abyssu suae immensitatis absorbet. Itaque cum diceret: *Saluabit te de ore angusto latissimè,* aptè subiunxit: *Et non habente fundamentum subter se.* ac si diceret: De ore angusto saluabit, quod sub se fundum non habet. Quia enim per peccatum tenditur ad infernum, quem à peccato saluat, de ore angusto liberat. Quem verò de ore angusto eripit, ab inferni profundo subducit. Quauis etiam aliter intelligi potest. Nā sicut qui in puteum mergitur, putei profundo retinetur, ita corruens quasi in quodam fundi loco consisteret anima, si semel lapsa in aliqua se peccati mensura retineret. Sed cum peccato in quo labitur, non potest esse contenta, dum quotidie ad deteriora delicitur, quasi in puteo quo cecidit, fundū non inuenit quo figatur. Esset enim fundus putei, si fuisset mensura peccati. Vnde bene aliās dicitur: *Peccator cum venerit in profundum malorum, contemnit.* Redire nanque dissimulat: quia misereri sibi posse desperat. Sed cum desperado amplius peccat, quasi puteo suo fundum subtrahit, ne ubi retineri possit, inueniat. Sequitur: *Requies autem mensæ tuæ erit plena pinguedine.* Requies autem mensæ est refectio satietatis interne. Quæ pinguedine plena dicitur: quia in æternæ voluptatis delectatione præparatur. Huius mensæ epulas esuriebat Propheta, cum diceret: *Satiabor dum manifestabitur gloria tua.* Huius mensæ

pocula sitiebat, dicens: *Sitiuit anima mea ad Deum viuum, quando veniam & apparebo ante faciem Dei?* Helii itaque beatum Iob in temporali verberare, æternorum volens retributione consolari, quod iure ei debebatur ex meritis, ex semetipso quasi gratuito promittit, dicens: *Requies autem mensæ tuæ erit plena pinguedine.* Sequitur:

Quod sancti quasi impij ab hoc mundo iudicentur, apud Deum verò iustitia sua coronam accipiant.

Caput XXV.

Causa tua quasi impij indicata est, causam iudiciumque recipies.) Bonorum causa iustitia est. Quorum causa quasi impij iudicatur: quia eorum hic iustitia paterno flagello fatigatur, ut ad ampliorem vigilantiam præceptione non solum mandatorum, sed etiam verberum percussione doceantur. Sed causam iudiciumque recipiunt: quia ex ea iustitia qua modo viuunt, tunc in culmine iudiciarie potestatis enitescunt, ut tantò tunc potentius cuncta iudicent, quantò nunc in eis subtilius cuncta iudicantur. Hæc Helii quasi noua spondendo intulit quæ beatus Iob semper credendo stabiliter tenuit. Habent profectò hæc propria omnes arrogantes, ut & malum mentientes exaggerent, & quod forsitan bonum dicunt, hoc velut incognitum proferant. Vnde fit ut etiam doctiores se docere audeant, quia videlicet se scire talia solos putant. Cum verò ad aliqua consolationis verba descendunt, statim viuuisse se aestimant, & per increpationis tumidae asperitatem quasi quoddam sibi ingenium reformant: ut qui condescendisse blandimentis visi sunt, exorta subito increpatione timeantur. Vnde & mox Helii subdidit, dicens:

Quod qui hominibus placere volunt, crudelitatem iudicant & iram, quicquid à doctoribus sanctæ Ecclesiæ zelo agitur disciplinæ: & dum benigni volunt videri, neminem censuri seueritatis distinctione coercendum.

Caput XXVI.

Non te ergo superet ira, ut aliquem opprimas: nec multitudo locorum inclinet te. Depone magnitudinem tuam absque tribulatione, & omnes robustos fortitudine. Ne protrahas noctem, ut ascendam populi pro eis. Caue ne declines ad iniquitatem. Hanc enim cepisti sequi post miseriam.) In plerisque codicibus, donorum: in paucis verò sed antiquioribus, locorum inuenimus. Sed quia expositione non indiget si dicatur, nec multitudo donorum inclinet te: hoc magis exponi placuit, quod cum difficultate aliquantula videtur aperiri. Hæc autem quantæ elationis verba sint, ipse qui ea formauit tumor ostendit. Sed quia Helii arrogantium, & beatum Iob tenere typum diximus electorum, si ea subtilius discernimus, etiam nunc intra Ecclesiam quomodo arrogantibus congruant demonstramus. Sancti viri aliena opera etiam parua mirantur, sua verò etiam magna despiciunt. At contra arrogantes aliena etiam magna despiciunt, sua vel quæ parua sunt admirantur: & plerumque de suis malis bona aestimant, de alienis autem bonis mala sentire non cessant. Nam dum propriam gloriam quærunt, perniciosè student ut quicquid virtutis ab aliis agitur, iniquitatis nota laceretur, & bonæ pondus actionis vertunt in maculam criminis. Sæpe enim cum vident ab Ecclesia districtè prauos corrigi, quasi queruntur iniuste nocentes affligi, & nitorem disciplinæ eius commutant appellatione nequitiae. Vnde Helii figuram arrogantium seruans, beatum Iob quasi admonens ait: *Non te ergo superet ira, ut aliquem opprimas.* Arrogantes enim iræ motum deputant: quicquid à sanctis geritur censura disciplinæ: Et quia humanæ laudis appetitu benigni student semper apparere, nullos censent distinctione seueritatis corrigendos. Vnde, & à bonis rectoribus sicut superius dictum est, opprimi aestimant, quos inuitos cernunt à vitiis coerceri. Authore autem Domino, quia in cuncti mundi partibus sancta Ecclesia culmine religionis excreuit, hanc ipsam temporalem potentiam qua quidem bene vititur, obtrahendo in vitium elationis inflectunt. Vnde Helii subiungit dicens:

Quod veneratio sanctis viris impensa non debeat illos in aliquam extollentiam eleuare.

Caput XXVII.

33. Arrogantis proprium.

34.

Marc. 15.
Esai. 53.

Nec multitudo locorum inclinet te.) Ac si eidem sanctæ Ecclesiæ humilitatem magis inter prospera conferuanti, arrogantium voce dicatur: Quia vbique fidei reuerentia coleris, caue ne eiusdē reuerentiæ fastibus extollaris. Quosdam quippe conspiciunt qui sub religionis obtentu, vitio elationis intumescunt, & quod in quibusdam iure reprehendunt, hoc iniuste ad crimen omnium pertrahunt: nequaquam videlicet perpendentes quod sit in ea qui & despicientes nouerint perfecte temporalia regere, & amātes æterna plenis desideriis expectare, & dispensationem potestatis acceptæ peragere, & humilitatis insitæ ministerium custodire: vt nec humilitatis causa curas suscepti regiminis negligant, nec rursus occasione regiminis in eis humilitas intumescat. Et si quidam fortasse intra ipsam sunt, qui non Dei, sed suæ gloriæ sub religionis prætextu deseruiunt, fludet tamen eos, aut, si valet, districtè corrigere, aut, si non valet, æquanimiter tolerare: & vel corrigendo illos quasi filios amplectitur, vel tolerando quasi ab hostibus exercetur. Scit nanque quod per eorum superbiam laceretur vita iustorum, scit quod in eius crimen extenditur quicquid talium prauitate peccatur: sed notam alieni criminis sustinere tantò minus metuit, quantò & caput suum talia tolerasse cognoscit. De illo quippe scriptum est: Et cum iniquis deputatus est. De illo rursus dicitur: Languores nostros ipse tulit, & dolores nostros ipse portauit. Eant ergo arrogantes & æstimatione prauorum vitam mordeant innocentum. Scit enim electorum Ecclesia, & illorum facta, & horum verba tolerare, scit prauorum mentes tolerando conuertere: Qui etsi conuerti nequuerint, eorum tamen ignominiam æquanimiter suffert. Perpendit quippe quia ad duplex eius præmium proficit, quod ex eorum meritis foris despiciunt, quorum & intus vita laceratur. Notandum verò quod non ait: Nec multitudo locorum extollat te: sed ait: Nec multitudo locorum inclinet te. Omnis enim qui temporaliter extollitur, eo ipso quo extollitur inclinatur: quia cum se exterius erigit, intus cadit. Helui itaque casum cordis in elatione intuens, ait: Nec multitudo locorum inclinet te, ac si voce arrogantium sanctæ Ecclesiæ diceretur: Caue ne si vniuersitatis veneratione extolleris, ab interna intentione curueris. Sequitur:

Quod arrogantes se solos sapientes & dignos honore æstimant, eos verò qui pro patribus in Ecclesia doctores positi sunt, illudum & quasi idiotas æstimant. Caput XXVIII.

Psal. 44.

Depone magnitudinem tuam absque tribulatione, & omnes robustos fortitudine.) Quos alios sanctæ Ecclesiæ robustos accipimus, nisi eos qui ad vincenda mundi huius desideria & cœptis sublimibus & consummatis profectibus cōualescunt? Magnitudo itaque eius in robustorum suorum vita consistit, quia tunc gloriosior redditur cum pro defensione veritatis ad mortem vique ab electis illius constanti virtute certatur. Arrogantes igitur viri subductis de hoc mundo Apostolis, subductis ad superna martyribus: quia fortasse doctiores valentioresque præpositos abundè deesse conspiciunt, quasi solos se remansisse intra Ecclesiam suspicantur. Vnde dum se præferunt, ei velut consulentes illudunt, dicentes: Depone magnitudinem tuam absq; tribulatione, & omnes robustos fortitudine, ac si apertis exprobrationibus dicant: Nequaquam te magnitudinem habere confidas, quia subductis prioribus patribus, iam non habes de quorum vita glorieris. Dicunt hæc profectò, nescientes quia omnipotens Deus Ecclesiam suam digna fine administratione non deserit. Nam cum fortes ad præmium vocat, eorum vice debiles ad certamina roborat: cum illos suscipiendo remunerat, istis laborum vires quas remuneret subministrat. De quibus eidem sanctæ Ecclesiæ dicitur: Pro patribus tuis nati sunt tibi filij, constitues eos principes super omnem terram. In virtute quippe antiquorum patrum, hi qui postmodum prælati sunt subrogantur: quia & cum annosa arbuta succiduntur, in eorum robore tenera virgulta succrescunt. Sed arrogantes viri conualescere non credunt, quos infirmos aliquando nouerant, & permutatos venerari despiciunt, quos despicabiles fuisse meminerunt.

35

Quia verò in ea iustiores paucos, iniquos autem numerosiores aspiciunt, sicut & in tritura frugum maior est multitudo palearum, etiam iustorum vitam ex iniquorum æstimatione contemnunt. Vident profectò quod nonnulli rectores illius

E temporalis potestate subnixi, eiusdem potestatis elatione Pascuntur. Vident quod religionis reuerentiam quam huic mundo patres moriendo seruerunt, hi exultando in terrenis gaudiis metunt, & perpèdunt quidem quia robusti sunt, sed non fortitudine. Nam dum temporalis potestate fulciuntur, quasi quadam debilitate roborantur. Quantò enim exterius fortes sunt, tantò à cunctis fortitudinis viribus intus inanesunt. Et idcirco ab arrogantibus ei dicitur: Depone robustos fortitudine, ac si aperte dicatur: Illi tibi veraciter robuste inhæserant, qui in te hoc quod docendo locuti sunt, viuendo tenuerunt: nunc verò hi qui tibi præsent, visione robusti sunt, non fortitudine, quia honorabiles quidem se ostentate non desinunt, sed tantò imbecilliores & contemptibiliores sunt, quantò honoris sui gloriam despici pro veritate pertimescunt. Quod arrogantes quidem de plerisque veraciter sentiunt, sed eo in elationis vitium corruunt, quo omnes quos præesse cōspiciunt, tales arbitrantur, Neque enim debet plurimorum malum tendere in æstimationem cunctorum: quia etsi iniqui sunt quos cognoscentes diiudicant, nonnulli tamen sancti sunt quos ignorant. Tritura quippe tempus est, & adhuc grana sub paleis latent. Nullus ergo ex area fructus expectabitur, si hoc solum in eo esse creditur quod superficiei tenus videtur. Igitur quia quos cernunt, despiciunt, & in antiquorum patrum ordinibus hos quos norunt subrogari contemnunt, aptè subiungitur: Ne protrahas noctem, vt ascendant populi pro eis.) Ac si aperte arrogantes dicant: Ignorantiæ tuæ obscuritate non agas, vt in loco fortium numerositatem subroges infirmorum. Populi quippe nomine designantur, qui quasi vulgari consuetudini dediti, in cunctis quæ appetunt, passim viuunt. Noctem verò protrahere est, vt pro robustis populi ascendant, si per negligentiam agitur, vt doctorum & fortium loca indocti ac debiles fortiantur. Populi pro robustis ascendunt, quando hi, qui viuere iniquè didicerunt, pastorum locum percipiunt. Quod rectè quidem dici poterat, si humiliter diceretur. Arrogantes enim etiam cum bona admonent, superstitionis suæ vitium exercent. Nam plus, sicut & superior dictum est, increpando ferire appetunt, quàm consolando refouere. Vnde mox subiungitur: Nec declines ad iniquitatem, hanc enim cœpisti sequi post miseriam.) Hoc profectò arrogantes Ecclesiæ miseriam vocant, quod despectam Deo eius multitudinem suspicantur, & eo illam altiori elatione cōtemnunt, quo & despectam Deo funditus suspicantur. His igitur figurata expositione transcursis, iam nunc inferenda sunt quæ moraliter sentiuntur, vt figura Ecclesiæ cognita, quam expressam generaliter credimus, audiamus etiam quid ex verbis in singulis specialiter colligamus. Ait itaque: Non te ergo superet ira, vt aliquem opprimas.) Omnis per quem necesse est aliena vitia corrigi, semetipsum prius debet solerter intueri, ne dum aliorum culpas vlsciscitur, ipse vlsciscendi furore superetur. Plerumque enim mentem sub obtentu iustitiæ, iræ immanitas vastat, & dum quasi sæuit zelo rectitudinis, rabiem explet furoris, iusteque se facere æstimat, quicquid ira nequiter dictat. Vnde & modum sæpe vlsciscendi transgreditur: quia mensura iustitiæ non frenatur. Dignum quippe est, vt cum aliena corrigimus, prius nostra metiamur, vt prius mens à suā accensione deferueat, prius intra semetipsam zeli sui impetum tranquilla æquitate componat, ne si ad animaduertenda vitia abrupto furore trahimur, peccatum corrigendo peccemus, & qui culpam diiudicando insequimur, immoderatè feriendo sæuiamus. Non autem iam correctio delinquentis, sed magis oppressio sequitur, si in ultione ira ultra quàm culpa meretur, extenditur. In correptione quippe vitiorum subesse menti debet iracundia, non præesse: vt executionem iustitiæ non dominando præueniat, sed famulando subsequatur: & notum iudicium possessa impleat, non possidens præcurrat. Bene itaque dicitur: Non te ergo superet ira, vt aliquem opprimas: quia videlicet si is qui corrigere nititur, ira superatur, opprimit antequam corrigat. Nam dum plusquam debet, accenditur, sub iustæ ultionis obtentu, ad immanitatem crudelitatis effrenatur. Quod plerumque idcirco euenit: quia corda rectorum minus amoris sunt solius creatoris intenta. Nam dum multa in hac vita appetunt, innumeris cogitationibus disperguntur: & cum subito subditorum culpas reperiunt, dignè cum Deo eas iudicare

36

Quid ferat
dum in cor-
reptione vi-
tiorum.

iudicare nequeunt: quia corda sua in curis transitoriis sparsa, ad discretionis culmen colligere repente nō possunt. Cōmoti ergo tantō minus ad vlciscenda peccata libram equitatis inueniunt, quāto eam tranquillitatis suæ tempore non requirunt. Vnde cum Heliu diceret: Non te superet ira, vt aliquem opprimas: quatenus easdem causas iniustitiæ, & iræ superantis exprimeret, ilico adiunxit: *Nec multitudo locorum inclinet te.* In tot quippe locis inclinamur, in quot superuacuis curis extendimur. Nam sicut locus est corporis spatium corporale: ita locus est mentis vnaquæque intentio cogitationis. Quæ dum huc illucque impellitur, si delectatione aliqua cogitationis suæ libenter occupatur, velut in quodam loco ponitur vt requiescat. Nam quoties victi tædio à cogitatione in cogitationem ducimur, quasi fessa mente de loco ad locum migramus. Tot itaque loca culmen mentis inclinant, quot subortæ cogitationes vnitatem bonæ intentionis dissipant. Recta etenim mens staret, si vni cui debuerat cogitationi semper inhaereret. Recta mens staret, si non se innumeris motibus fluxa mutabilitate prosterneret. Sed dum nunc ista pertractat, nunc ad alia

Locus mentis.

Causa instabilitatis mentis.

Cur anima remouetur: & vbi incedit.

37. Cautela sanctorum virorum.

Psal. 26. Philip. 3.

ab intentione sua mutabiliter dissoluantur, & quia idem esse appetunt, ad ad cogitationem qua Deum diligunt, se solerter astringunt. In contemplatione namq; creatoris hoc accepturi sunt, vt vna semper mētis stabilitate perfruatur, nulla eos tunc mutabilitas dissipat: quia scilicet eorum cogitatio sibi metipsum semper indissimilis perseverat. Hoc ergo cum labore nunc conantes imitantur, quod pōst in munere gaudentes accipiunt. Cui se Propheta immutabilitati virtute amoris astringerat, cum dicebat: Vnā petij à domino, hanc requirā, vt inhabitē in domo Domini. Hinc Paulus vnitati intentione adherat, dicens: Vnum autem, quæ retrō sunt oblitus, ad ea quæ antè sunt extentus, sequor ad palmam supernæ vocationis Christi. Nam si quid in eorum corde humanitūs diffluit, mox hoc discursio seuera restringit, & cum quasi pueriliter cogitatio labitur, iuuenili mox coercionem refrenatur. Vnde fit vt sparsam mentem continuò colligant, & in vna quantum praevalent cogitatione componant. Quia igitur status mentis cogitationum mutabilitate curuatur, rectè ab Heliu dicitur: *Nec multitudo locorū inclinet te.* Sed sæpe dum viri iusti animus in ipsa intentionis suæ arce consistit, dum ab omni mutabilitatis se sparsione colligit, dū quicquid in se superflue oboritur, premit, ipsa suæ rectitudinis gloria tangitur, & in timore propriæ presumptionis eleuatur. Qui enim magna agit, quāuis de se humilia sentiat, scit tamen magna esse quæ agit. Nam si magna esse nescit, ea proculdubio minimè custodit. Quæ dū custodire negligit, aut in eis minus proficit, aut ea fūditus amittit. Dum ergo bona nostra opera scire necesse est vt custodiamus, ex ipsa eorū scientia elationis aditus panditur, & ad operantis cor culpæ manus admittitur, qua vastatè rapiantur. Mira autem dispensatione agitur, vt conditor noster subleuatū prosperis animum subita concuti tentatione permittat: quatenus semetipsum in infirmitate verius videat, & ab eo quem de virtutibus sumpserat, iam seipso melior elationis fastu descēdat. Vnde & beate nunc subditur: *Depone magnitudinem tuam absque tribulatione, & omnes robustos fortitudine.* Robusti quippe sunt motus cordis, cum nulla nisi quæ virtutis sunt, sentiunt. Sed

magnitudinem & robustos motus deponimus, quando pulsan-
te vitio cogimur pensare quid sumus. Robustos motus deponimus, quando iam non de virtute attollimur, sed in culpa consentiendo, obrui de ipsa quam patimur infirmitate formidamus. Multum nanque de se animus confidit, quando sibi ad votum vires suppetere conspiciat. Iam sibi fiduciam sanctitatis arrogat, iam se idoneum etiam ad cuncta virtutum culmina quæ sola cogitatione conceperit, putat. Sed cum hunc tentatio subito oborta transuerberat, eas quæ natæ de virtutibus fuerant, elatas cogitationes funditus turbat. Quasi securā quippe urbem inopinatus hostis ingreditur: & repentino gladio superbiorum ciuium colla feriuntur. Nihil ergo tunc nisi continuus luctus agitur, dum capta vrbs animi, à magnatorū suorū gloria cæde interueniente vacuatur. Vnde nūc dicitur: *Depone magnitudinem tuam absque tribulatione, & omnes robustos fortitudine.* ac si aperte diceret: Omne quod intrinsecus de bona actione intumueras, reprime, & cordis motus quos ex recto opere robustos habueras depone: quia iam in ipsa aduersitatis tentatione consideras, quā frustra prius de te magna elatus aestimabas. Quæ videlicet magnitudo idcirco absque tribulatione deponenda dicitur: quia nimirum cum per tentationem humilitas proficit, prospera est ipsa aduersitas quæ mentem ab elatione custodit. Sed tamen sine magna tribulatione non agitur, cum tranquilla mens irruente tentatione quasi repentino hoste turbatur. Ipsa nanque tentationis aduersitas dum se menti inferit, quasdam in illa tenebras gignit, eamque obscuritate suæ amaritudinis turbat, quæ apud se dudum virtutum dulcedine irradiante claruerat. Vnde & aptè subiungitur: *Ne protrahas noctem, vt ascendant populi pro eis.* Nox quippe protrahitur, cum suborta de tentatione tristitia consolatione concita non finitur. Nox protrahitur: quia mœror animi confusis cogitationibus elongatur. Nam dum mens posita in tentatione considerat quod à virtutis suæ pristina soliditate repellitur, superductis mœroribus quasi quibusdam tenebris cæcatur, atque ab omni luce gaudij eius oculus clauditur, dum sollicita trepidat, ne hoc quod esse dudum cœperat, funditus amittat. Vnde & bene dicitur quod in hac nocte pro robustis populi ascendunt: quia videlicet in hoc mœrore tentationis pro robustis motibus indignæ cogitationes & multiplices in corde prosiliunt. Nam dum se in perturbatione conspiciat iam penè amisisse quod fuerat, fluctus in se innumeros tumultusque coaceruat, modò tranquillitatem suam quia perdidit, dolet: modò ne vsque ad praua opera corruat, pertimescit: modò in quo culmine steterat, meminit: modò in quo vitiorum profundo per delectationem iaceat, attendit: modò ad resumendas vires se reparat: modo se eas posse resumere quasi victus iam fractusque desperat. Cum ergo ad supradictam mentem tam multiplices cogitationes prodeunt, hanc quasi in nocte populi consurgentes premunt. Quos nimirum populos nō per se, sed per diuinæ protectionis auxilium Propheta subigere se posse præsumpserat, cum dicebat: *Protektor meus, & in ipso sperabo, subiiciens populos sub me.* Sanctis quippe mentibus populi subiguntur, cum ab eis per districtæ seueritatis præsentiā, cogitationes stultæ dissiliunt, vt non per abrupta phantasmatum rapiant, sed rationi subditæ, à corde humiliter conualescant. Quia ergo positus in tentatione animus qui de se in prosperis maiora præsimebat, tumultus spei desperationisque tolerat, rectè nūc dicitur: *Ne protrahas noctem, vt ascendant populi pro eis:* ac si aperte diceretur: In tentatione deprehensus, citius tenebras mœroris incide, ne qui in tranquillitate de te alta senseras, in perturbatione quoque deterius cogitationum te caligine confundas. Quod rectè Heliu diceret, si tamen cui diceret, sciret. Nam hæc beato Iob tantō minus congruunt, quāto ab illo omnia altius sciuntur. Quia verò, vt sæpe diximus, arrogantes dum præsument docere quos non debent, vsque ad contumeliosa increpationum verba dilabuntur, subditur:

38.

Prospera aduersitas.

Psal. 143.

Quomodo sanctis nobis subiguntur.

Quod iniquitatem post miseriam sequitur, qui post correptionem vitium incurrit impatientia: & de modo corrigendi arrogantium.

Caput XXIIX.

C Aue ne declines ad iniquitatem, hanc enim cepisti sequi post miseriam. Iniquitatem post miseriam sequitur, qui post mala

quæ pro correctione sustinet, feruenti corde impatientiæ se facibus inflamat. Quod beatum Iob perpetrasset Heliu credidit, qui eum inter flagella positum, liberis effari vocibus audiuit: videlicet nesciens quia omne quod dixit, non hoc de iniquitate impatientiæ, sed de virtute veritatis protulit: quia ab interni iudicis sententia nec cum se iustificaret, errauit.

Sed considerandum valde est quomodo cum diceret, ne declines ad iniquitatem, de eadem iniquitate protinus subdidit: *Hanc enim cepisti sequi post miseriam.* Quid est hoc, quod dum ad eam declinare vetat, de ea protinus quasi ad quam declinatum iam fuerit, damnat: nisi quod arrogantes viri plus videri iudices quam consolatores volunt? Vnde & nonnunquam ea districtis sententiis feriunt, quæ nata in corde suspicantur, & priusquam certa sit culpa delinquentium, proferitur inuectio districta verborum, & ante per sententiam percutitur, quam prodeat quod feriat. Quauis & iusti viri plerumque prauis & occultis cogitationibus arguendo obuiant, sed cum per easdem cogitationes aliqua quæ præeunt opera demonstrant, plerumque ab auditorum suorum cordibus ea vitia quæ necdum prolata sunt, manu correctionis eradicant, sed iam illa subsequi conspiciunt ex aliis quæ præcedunt. Sicut enim corporales medici quasdam ægitudines iam venisse inueniunt, quasdam verò ne veniant medentur: ita doctores sancti aliquando inuenta vulnera salutis restitunt, aliquando verò agunt in mentibus ne vulnerentur. In quibus solerter intuendum est: quia sicut certa plerumque cum asperitate redarguunt, ita incertis vitiis & cum tranquillitate contradicunt, certa ferientes increpant, incerta præmunientes deuitant.

Contra arrogantes.

Quam quia arrogantes viri discretionis regulam nesciunt, sententiarum suarum iaculis sicut nota, sic incognita: sicut certa, sic etiam incerta configunt. Vnde nunc ab Heliu dicitur: *Cauere ne declines ad iniquitatem, hanc enim cepisti sequi post miseriam.* Quia verò ea quæ subnexa sunt, longiori allegatione protrahuntur, istum libellum hoc fine constringimus, ne immoderatus extendamus.

Libri vigesimifexti Moralium sancti Gregorij finis.

B. GREGORII EXPOSITIONIS MORALIS IN IOB, LIBER VIGESIMVS- SEPTIMVS.

Quod multi prophetiæ spiritum accipiunt, sed tamen ad sanctitatis meritum non attingunt.

Caput I.



QUISQVIS de magnis dictis arrogantium sumere scientiam nititur, providere solerter debet, ne hoc quod eorum scientia altum tumet, imitetur: ne cum virtutum flore, morum vitia colligat, & in eo quod loquendi notitiam assequitur, viuendi se imperitia transfigat. Hos namque cum fortia dicere audimus, sed tamen de dictis fortibus tumere conspiciamus, quasi doctrinæ hortum ingressi, de spinis rosas attingimus. Discreta ergo nobis sollicitudine opus est: & capere quod redolet, & cauere quod pungit: ne si fortasse improuide dictorum flos legitur, incautis legentibus manus morum spina laceretur. Heliu itaque doctus & arrogans, profert aliquando quod redolet, aliquando quod pungat. Sic igitur sumendum est de eius doctrina quod fragrat: ut tamen sollicitè cauendum sit de elatione quod vulnerat. Qui multa quidem superius moraliter intulit, sed in verbis sequentibus ad sola se prophetiæ arcana sustulit. Imma enim moralitatis deserit, & ad prophetiæ summa conscendit. Nec mirandum quod vir arrogans impleri prophetico spiritu potuit, cum Saul etiam in numero prophetarum fuit. Sed hoc de Saule cur dicimus, cum ex visione Angeli accepisse verba rationabilia & asinam nouerimus: Sed sicut irrationale animal rationis verba edidit, nec tamen ad permutationem naturæ rationalis accessit:

1. Reg. 10.

Nume. 22.

fit: ita sæpe quilibet indignus sancta verba per prophetiæ spiritum accipit, sed tamen ad promerendam sanctitatis gloriam non pertingit, ut supra se loquendo emineat, & infra se viuendo torpescat. Vnde nunc Heliu redemptoris nostri aduentum humilem non humilis conspiciat, & eum prophetando prædicat, quem elatis moribus impugnat, dicens: *Ecce Deus excelsus in fortitudine sua, & nullus ei similis in legislatoribus.* Ac si aperte dicat. Qui humilis videbitur in infirmitate, excelsus manet in fortitudine, Paulo hoc etiam attestante, qui ait: *Quia & si crucifixus est ex infirmitate, sed viuit ex virtute Dei.* De quo rectè subiungitur: *Nullus ei similis in legislatoribus.* Legislator Moyses, legislator Iosue, legislatores etiam Prophetæ: legislatores cunctos dicere possumus, quos ex lege admonuisse recta populū scimus. Sed huic mediatori in legislatoribus similis nullus est: quia isti gratuitò vocati ex peccatis ad innocentiam redeunt, & ab his quæ intra semetipsos experti sunt, prædicando alios reducant. Redemptor autem noster homo sine peccato est, filius sine adoptione: nec perpetravit vnquam quod redarguit, & sic mundo ex humanitate loquitur, ut tamen eidem mundo ante secula ex diuinitate dominetur. Hunc mediatorem Dei & hominum quidam legislatoribus similem fuisse crediderunt. Nam requirenti quem dicunt homines esse filium hominis, responderunt discipuli dicentes: Alij Ioannem Baptistam, alij Heliam, alij Hieremiam, aut vnum ex Prophetis. Sed nimirum Petrus quàm excelsus in fortitudine esset, apparuit, cum eum veraciter intuens, à legislatorum æqualitate discreuit, dicens: *Tu es Christus filius Dei viui.* Vnde rectè de illo sponsa in Canticis canticorum dicit: *In lectulo meo per noctes quæsiui quem diligit anima mea, quæsiui illum, & non inueni.* Et paulopost: *Inuenerunt me vigiles qui custodiunt ciuitatem.* De quibus rursum dicit: *Vulnerauerunt me, tulerunt pallium meum.* Quos iterum percunctatur, dicens: *Num quem diligit anima mea vidistis?* Paululum cum pertransissem eos inueni quem diligit anima mea. Dilectus nanque per noctes in lectulo quæritur: quia intra secreta cordis cubilia in tribulatione spiritus desideratur. Quem tamen quærens sponsa non inuenit: quia electa quæque anima, quidem amoris eius facibus fragrat, sed adhuc quæsi negatur species, ut amantis desiderium crescat, & quasi in siti aqua subtrahitur, ut eiusdem sitis æstus augeatur, & quod hanc diutius sitiens desiderat, eò quandoque cum inuenerit, auidius sumat. Sed hanc quærentem vigiles inueniunt, eamque vulnerant, & eius pallium tollunt: quia vnanquamque animam redemptoris sui iam speciem requirentem, cum solliciti doctores inueniunt, hanc per prædicationis verbum cælestis amoris spiculis vulnerant, & si quod ei adhuc de vetusta conuersatione tegmen inest, subtrahunt, ut quo exuta ab huius mundi onere redditur, eo is qui quæritur, ab illa citius inueniatur. Bene autem subditur: *Paululum cum pertransissem eos, inueni quem diligit anima mea: quia visionis eius mens auida, nisi prophetarum æstimationem, nisi patriarcharum celsitudinem, nisi cunctorum hominum mensuram transcenderet, eum, qui est super homines non inueniret.* Transire ergo est vigiles, etiam eos quos miratur, in eius comparatione postponere. Et tunc is qui quærebatur, cernitur, si homo quidem, sed tamen extra mensuras hominum credatur. Vnde bene nunc dicitur: *Nullus ei similis in legislatoribus.* Sed is videlicet per infirmitatem carnis, nostris obtutibus apparens, dum alios reprobat, alios vocat, mira iudicia exhibuit: quæ à nobis & cogitari possint, & comprehendere non possint. Ait nanque: *In iudicium ego in hunc mundum veni, ut qui non vident, videant: & qui vident, cæci fiant.* Et rursum: *Confiteor tibi Domine pater cæli & terræ: quia abscondisti hæc à sapientibus & prudentibus, & reuelasti ea paruulis.* In quibus nimirum iudiciis Iudæa repellitur, Gentilitas aggregatur. Quod videlicet factum mirari possumus, sed perscrutari nullatenus valemus. Vnde & bene nunc ab Heliu subditur: *Quis poterit scrutari vias eius, aut quis audeat ei dicere, operatus es iniquitatem?* Ac si dicat, Cuius perscrutari actio non potest, quo pacto reprehendi potest? Nemo enim bene iudicat quod ignorat. Tãtò ergo debemus sub eius iudiciis silendo quiescere, quantò & rationem iudiciorum illius nos cernimus non videre. Vnde & bene subditur:

Quod nescia

2. Corin. 14.

Matth. 16.

Canis. 3.

1. Ioan. 9.

Matth. 11.

Quod nostra scientia mensuram Christi opera excedant.

Caput II.

2. **M**emento quod ignoras opus eius, de quo cecinerunt viri.) In scriptura sacra aliquando viri angeli, aliquando autem perfectæ vitæ homines memorantur. Nam quia aliquando vir angelus dicitur, Daniel propheta testatur, dicens: Ecce vir Gabriel. Rursum quia virorum nomine perfectæ vitæ homines exprimuntur, in prouerbiis sapientia loquitur dicens: O viri, ad vos clamito. De Domino igitur viri canūt, cū eius nobis potētiam, vel superni spiritus, vel perfecti quique doctores innotescunt. Sed tamē opus eius ignoratur: quia nimirum iudicia illius ipsi etiam, qui hunc prædicāt, impenetrata venerantur. Et sciunt ergo quæ prædicant, & tamen eius opera ignorant: quia cognoscunt per gratiā eum à quo facti sunt, sed eius iudicia comprehendere nequeunt, quæ ab illo etiā super ipsos fiunt. Quod enim omnipotēs Deus perspicuē in sua actione nō cernitur, Psalmista testatur, dicens: Qui posuit tenebras latibulum suum. Et rursum: Iudicia tua abyssus multa. Atq; iterum: Abyssus sicut pallium amictus eius. Vnde bene etiā per Salomonem dicitur: Sicut ignoras quæ sit via spiritus, & qua ratione cōpingantur ossa in ventre prægnantis, sic nescis opera Dei, qui fabricator est omnium. Vt enim vnū ē multis loquar, duo ad hanc lucem paruuli veniunt, sed vni datur vt ad redemptionem per baptisma redeat, alter antē subtrahitur, quā hunc regenerans vnda perfundat. Et sæpe fidelium filius sine fide rapitur, sæpe infidelium concessio fidei sacramento renouatur. Sed fortasse aliquis dicat, quod hunc Deus acturum prauē etiam post baptisma nouerat, & idcirco eum ad baptismatis gratiam non perducatur. Quod si ita est, peccata quorundam proculdubio priusquam sint perpetrata, puniuntur. Et quis ista rectē sentiens dixerit: quia omnipotens Deus qui alios à perpetratis facinoribus liberat, hæc in aliis etiam non perpetrata condemnat? Occulta itaque sunt eius iudicia: & quanta obscuritate nequeunt conspici, tanta debent humilitate venerari. Dicat ergo: *Memento quod ignoras opus eius, de quo cecinerunt viri.*) ac si apertē diceret: De quo fortes quique locuti sunt, eius opera tuæ mentis oculis abscondūtur: quia mensuram tuæ notitiæ eo ipso quo humanitate circumscriberis, transeunt. Sequitur:

Quod Deum quidem esse scimus, quod maius est: & eius iudicia ignoramus, quod minus est.

Caput III.

3. **O**mnes homines vident eum, & vnusquisque intuetur procul.) Omnis homo eo ipso quo rationalis est cōditus, debet ex ratione colligere eum qui se condidit Deum esse. Quem nimirum iam videre, est dominationem illius ratiocinando conspiciere. Cū verò dictum sit: Omnes homines vident eum, rectē subiungitur. Vnusquisque intuetur procul. Procul quippe eum intueri, est non iam illum per speciem cernere, sed adhuc ex sola operum suorum admiratione pensare. Procul illum hīc etiam electi conspiciunt: quia necdum claritatem illius per acumen intimæ visionis apprehendunt. Cui etsi iam per amorem iuxta sunt, adhuc tamen ab illo terrenæ inhabitationis pondere disiungitur: & quauis & bene viuendo inhæreant, à contemplationis eius specie longē se esse suspirant. Quem nimirum reprobī etiam cū ad iudicium venientem viderint, procul intuentur: quia non eum in diuinitatis forma, sed in sola qua & comprehendī potuit humanitate conspiciunt: quia videlicet eorum oculos reducta tunc ad memoriam sua malē gesta reuerberant, & dum eius humanitatem vident, cuius diuinitatis claritatem non vident, miro modo ab eius visione quem conspiciunt, longē fiunt. Sed dicitur: *Memento quod ignores opus eius ac deinde subiungitur: Omnes homines vident eum, quem sicut diximus, videre, est transcendentē omnia eius essentiam ex ratione colligere, valde mirādū est quod & ipsum cernimus, & eius opus ignoramus. Dubij quippe de eius essentia nō sumus, & tamen in eius iudiciis incertū remanemus. Patet nobis quod summum est, absconditū, quod minimū. Minus quippe sunt eius opera quā ipse, & agentē cernimus, sed in actione caligamus: quia videlicet cur quid fiat incertū est, sed quis sit qui hæc incerta faciat, incertum non est. Dicat ergo: *Memento quod ignores opus eius de quo ceciderunt viri, omnes ho-**

Tomus primus.

A mines vidēt eum: vnusquisque intuetur procul: quia eum cuius iudicia minimē comprehendimus, esse per rationem videmus: quem tantō adhuc procul cernimus, quantō ab eius fortitudine nubilo infirmitatis nostræ separamur. Sequitur:

Quod infirmum Christi secundum carnem fortius est hominibus: nec in hac humana natura aliquis ei, vel in patribus, vel prophetis possit æuari.

Caput IIII.

Ecce Deus magnus vincens scientiam nostram.) Superius dixerat: Ecce Deus excelsus, nunc iterū dicit: Ecce Deus magnus. Quid est quod de Deo loquēs, ecce dicit, & ecce repetit, nisi quod ecce dicimus de ea re quam in præsentī monstramus: & quia Deus vbique præsens est, cū de illo ecce dicitur: etiam non videntibus adesse memoratur. Bene autem eum vincere scientiam nostram narrat, quem videri ab omnibus dixerat: quia & sic ex ratione conspicitur, vt magnitudo tamen illius nulla nostri sensus subtilitate penetretur. Quicquid nanque de claritate eius magnitudinis scimus, infra ipsum est: & tantō ab eius scientia longē repellimur, quantō eius potentiam nos comprehendisse suspicamur. Nam quauis in altum mens nostra rapiatur, eius tamen magnitudinis immensitate trāscenditur. Cuius tunc aliquid quasi ex parte cognoscimus, quando eum nos dignē cognoscere non posse sentimus. Sequitur: *Numerus annorum eius inestimabilis.*) Dicere vt cūque æternitatem voluit, & ipsam æternitatis longitudinem annos vocauit. Cū enim breuitatem temporis dilatare volumus, momēta per horas, horas per dies, dies per menses, mēses autem per annos extendimus. Quia ergo per amplum quiddam dicere voluit, sed quid diceret, latius non inuenit: ideo annos sine æstimatione numeri multiplicauit, dicens: *Numerus annorum eius inestimabilis:*) vt dum ea quæ apud se sunt prolixa multiplicat, æternitatis longitudinem se metiri non posse infirmitas humana cognoscat. Tende itaque oculum in æternitatē, vt videas Deū, vel quando est à principio, vel quousque: & nusquam finis superior, quia esse non incipit: nusquam finis inferior, quia esse non desinit. Intra ipsum omnia coangustantur, ipse verò circa omnia sine spatio extēditur, sine loco dilatur. Ecce cuncta quæ facta sunt, ea ipsa circumscriptione qua creata sunt, superiori & inferiori fine cinguntur. Lege enim sua qua antē esse incipiunt, festinant non esse. Sed quædam mirabiliter acceperunt, vt quauis ea finis superior inchoat, finis tamen inferior non constringat, & licet esse incipiant, esse in perpetuum non desistant. Horum verò æternitas idcirco summē est æternitati dissimilis: quia æterna esse cœperunt. Cū ad extrema prospicimus, horum finem qui omnino deest, non comprehendimus: eorum tamen initia cernimus, cū mentem retrō reuocamus, & dum in eis infra supràque animum ducimus, non capimus omnino quousque sunt, sed videmus ex quo. Deus autem quia quasi quiddam in eo per æternitatem longum est, quod nec initio oritur, nec fine terminatur, nec ex quo in semetipso recipit, nec quousque, dicatur ergo: *Numerus annorum eius inestimabilis.*) Per hoc ergo quod annorum illius numerus dicitur, diutiniū eius ostenditur. Per hoc verò quod inestimabilis memoratur, hoc ipsum esse infinitum, & incomprehensibile demonstratur. Sed quia humanis mentibus innotescat, agnouimus, dum omnes homines vident eum, & quia eius magnitudinem admirantur cernimus, dum annorum eius numerus inestimabilis habetur: restat iam vt etiam quid agat, audiamus. Sequitur:

Quod ablatis prophetis, & veteris testamenti auctoribus, Ecclesiastica doctrina multipliciter exponens, quod illi sub breuitate locuti sunt, quasi ex guttis gurgites fecit.

Caput V.

Quia auferi stellas pluuia, & effundit imbres ad instar gurgitum.) Duo in hac vita sunt genera iustorum. Vnum videlicet bene viuentium, sed nulla docentium: aliud verò rectē viuentium, & eadem recta docentium: sicut & in cœli facie aliæ stellæ prodeunt quas nullæ pluuiæ subsequuntur, aliæ prodeunt, quæ arentem terram magnis imbribus infundunt. Igitur quoties in sancta Ecclesia rectē quidam viuunt, sed tamen prædicare eandem rectitudinem nesciunt, stellæ quidem sunt, sed in siccitate aëris natæ, quia per exemplum bene viuendi lucere cæteris possunt, sed per prædicationis verbum pluuere nequeunt. Cū verò in ea quidam & rectē

viuunt, & aliis eandem rectitudinem verbis prædicationis in fluunt, quasi ad proferendas pluuias in cælum stellæ producuntur, quæ sic vitæ suæ meritis luceant, ut etiâ sermone prædicationis pluât. An nō in hoc cælo astrum pluuiæ Moyses extitit, qui cum de supernis emicuit, corda peccantium quasi arentem inferius terram sanctæ exhortationis pluuiâ ad vber-
tatem germinis infudit? An nō Esaias astrum pluuiæ ostensus est, qui in eo quod lucē veritatis præuidens tenuit, siccitatem infidelium prophetâdo annuntiâs rigauit? An non Hieremias & prophete cæteri velut in cælo positi astra pluuiæ fuerunt, qui in prædicationis culmine erecti, dum prauitatem peccatium liberè increpare ausi sunt, quasi verborum guttis obæ-
cationis humanæ puluerem rigando presserunt? Quorum videlicet animas ab hac corruptibili carne susceptas, quia ex præsentī vita superna iudicia auferūt, quasi à cæli facie stellæ pluuiæ subtrahuntur, & ad occultū astra redeūt, dum peractis suis cursibus sanctorum animæ in thesauris dispositionis intimæ reconduntur. Sed quia terra arefceret, si subductis stel-
lis pluuiæ superna funditūs fluentia cessarent, rectè dicitur: *Qui aufert stellas pluuiæ, & effundit imbres ad instar gurgitum.* Nā cum prophetas abstulit, eorū vice Dominus Apostolos misit, qui in similitudinem gurgitum pluerent, postquā sub-
ductis antiquis patribus exteriora legis prædicamēta tacuissent. Stellas ergo pluuiæ abscondit, & ad instar gurgitum im-
bres fudit: quia dum prædicatores legis ad secreta & intima retulit, per dicta sequentium vberior vis prædicationis emanauit. Possunt quoque per stellas pluuiæ, sancti Apostoli designari, de quibus Iudææ reprobata per Hieremiam dicitur: Prohibitæ sunt stellæ pluuiarum, & serotinus imber non fuit. Stellas ergo pluuiæ Dominus abstraxit, atque ad instar gurgitum imbres fudit, quia cum de Iudæa prædicantes A-
postolos abstulit, doctrina nouæ gratiæ mundum rigauit. Quod vtrunque factū in Ecclesia potest nō incōueniēter in-
telligi: quia eum solutis corporibus ad secreta supernorum sinus Apostolorum animas retulit, quasi à cæli facie stellas pluuiæ abscondit. Sed ablatis stellis pluuiæ, in amorem gur-
gitum imbres dedit: quia etiam reductis ad superna Aposto-
lis, per expositorum sequentium linguas, diuinę fluentia sciē-
tiæ diu abscondita largiori effusione patefcāt. Nā quod illi sub breuitate locuti sunt, hoc exponēdo isti multipliciter auxerunt. Vnde & non immeritō ipsa expositorū prædicationis gur-
gitibus comparatur: quia dum multorū præcedentium dicta colligunt, ipsi in eo quod astruunt, profundius dilatātur. Nā dum testimonia testimoniis iungunt, quasi ex guttis gurgites faciunt. Quorū verbis dum quotitiē gentilitas docetur, quia peccatorum mens cœlestem scientiam accipit, quasi stans in terra aqua gurgites ostēdit. Sed nequaquam se eisdem Apo-
stolis expositores in scientia præferant, cum exponendo latius loquuntur. Meminisse quippe incessanter debent, per quos eiusdem scientiæ inuētiōes acceperunt. Vnde & aptè subiungitur: *Qui de nubibus fluunt.* Hi quippe de nubibus gurgites fluunt: quia si ex sanctis Apostolis vis intelligentiæ nō inciperet, nequaquam per doctorum ora largior manaret. In scriptura enim sacra aliquando per nubes mobiles quique homines, aliquando prophete, aliquādo autem Apostoli designantur. Per nubes quippe mobilitas humanæ mentis exprimitur, sicut Salomon ait: *Qui ventum obseruat, non seminat: & qui considerat nubes, nunquam metit.* Ventum proculdubio immundum spiritum, nubes verò subiectos ei homines appellat, quos toties huc illucque impellit & reuocat, quoties tentationes eius in eorum cordibus suggestionum flatibus alternat. Qui igitur ventum obseruat, non seminat: quia qui tentationes venturas metuit, cor ad bona opera non proponit. Et considerat nubes, non metit: quia is qui ante humanæ mutabilitatis terrorem trepidat, mercedis æternę retributione se priuat. Per nubes prophete figurantur, sicut per Psalmistam dicitur: *Tenebrosa aqua in nubibus aëris, id est, occulta scientia in prophetis.* Per nubes quoque Apostoli designantur, sicut per Esaiam dicitur: *Mandabo nubibus, ne pluant super eam imbrem.* Ipsi igitur stellæ, quia vitæ meritis lucent: ipsi nubes, quia arentem nostri pectoris terram cœlestis intelligentiæ fluentis rigant. Si enim nubes non essent, nequaquam eos intuens Propheta dixisset: Qui

sunt isti qui ut nubes volant? Imbrium itaque gurgites de nubibus fluunt: quia profundæ prædicationes sequentium, intelligentiæ originem à sanctis Apostolis acceperunt. De quibus adhuc nubibus aptè subiungitur: *Quæ prætexunt cuncta desuper.* Nubes cum desuper aërem prætexunt, si in cælum oculos attollimus, non cælum, sed ipsas intuemur, nec visus noster æthereas plagas penetrat: quia ei illas ipsa sua infirmitas occultat, & cum de cælo sol rutilat, prius interfuso aëre pascitur, ut post in cælo Solis radios contēpletur. Quia ergo carnales homines sumus, cum superna appetere nitimur, quasi in cælum oculos leuamus, & velut in cælum aciem intendimus: quia pressi vsu rerum corporalium, docere spiritalia conamur. Sed quia transire intellectus noster ad diuina non finitur, nisi prius per sanctorum præcedentium exempla formetur, quasi iam cælum noster oculus suspicit, sed nubes videt: quia comprehendere ea quæ Dei sunt, appetit, sed vix mirari ea quæ hominibus collata sunt, potest. Vnde & aliās dicitur: *Illuminans tu mirabiliter à montibus æternis.* Qui enim Orientem Solem contemplari non valet, irradiatos montes aspicit: & quia sol ortus sit, deprehendit. Ex æternis ergo montibus nos Deus illuminat: quia per admiratam vitam patrum præcedentium, radio nos suæ claritatis illustrat. Ecce in studio deuotionis dominicæ & charitatis accendimur, sed in hac deuotione atque charitate melius harum nubium contemplatione formamur. Quid enim deuotius Petro? quid charius Ioanne? Ille per deuotionem fluida maris dorfa calcare non timuit, iste per amorem in ipso auctoris nostri pectore requieuit, & qui ad corporalis cœnæ refectionem venerat, spiritale pabulum de sinu redemptoris sumpsit. Sed quia signari per nubes etiam prophetas diximus, necesse est, ut adhuc ad medium superiorum patrum exempla deducamus. Ecce cum præceptis cœlestibus subdi per obedientiam cupimus, consideratis antiquorum patrum vestigiis iuuamur. Quid enim Abraham obedientius, qui ad vnam vocem dominicam cognatos ac patriam deseruit: & pro adipiscenda æterna hæreditate ipsum ferire non trepidat, quem senex iam & penè moriturus acceperat hæredem? Cum patientiæ virtutem apprehendere conamur, præcedentium exempla conspiciamus. Quid enim Isaac patientius, qui ligna portat, de holocausto interrogat, atque post paululum ligatur, & nō loquitur, aræ superponitur, & non reluctatur? Quid ergo isto viro dici patientius potest? qui quasi ad solatium ducitur, & requirit, ad feriendum ligatur & conticescit, & oblaturus holocaustum interrogat, offerendus in holocaustum tacet. Cum accingi ad laborum tolerantiam nitimur, exemplis præcedentium informamur. Quid enim Iacob laboriosius, qui apud Laban tam longo tēpore propinquus iure cognationis, opera exercuit seruitutis, & vice obsecutus est famuli, ut perfrueretur præmiis hæredis? Cum arcem continentiæ & castitatis ascendere nitimur, exemplis præcedentium subleuamur. Quid enim Ioseph castius, qui ad desiderium petulantis dominæ iugo luxuriæ premi non potuit etiam captiuus? Et quidem hominibus extitit seruus, sed contra dominantem nequitiam, & in seruitio liber fuit. Cum mansuetudine repleti concupiscimus, præcedentium exemplis adiuuamur. Quid enim Moyses mansuetus, qui commissi sibi populi seditionem tolerat, & tamen irascentem Dominum pro eisdem suis persecutoribus rogat, seque pro illis diuino furori obicit: quia in sancto eius pectore etiam ex persecutione charitas ignescit? Cum contra aduersa mundi firmare mentem per constantiam nitimur, præcedentium consideratione fulcimur. Quid enim Iosue constantius, qui ad explorandam gentium qualitatem missus, nec proceritatis magnitudinē, nec numerositatis multitudinē expauit? Vnde & easdem gentes quas explorādo nō timuit, etiam præliando prostrauit. Cum benignitatis culmē apprehendere conamur, præcedentium exemplis instrui-
mur. Quid enim Samuele benignius, qui de principatu regendi populi deiectus, successorem sibi humiliter requirit, inuentumque vngit in regem, yncūm mox tolerat persecutorē? A quo ne moriatur, trepidat: & tamen ne ei Dominus irascatur rogat. Ipse quippe cū mitteretur, ait: *Audiet Saul, & interficiet me.* Et ei per semetipsam veritas dicit: *Quousque tu luges Saulem,*

9.
Hier. 3.

Eccle. 11.

Psal. 17.
6.
Esai. 5.

Esai. 60.

Psal. 71.

Matth. 14.
Ioan. 13.

Gen. 12.

Gen. 22.

Gen. 26.

Gen. 39.

Exod. 32.

Iosue 10.

Samuel.

1. Reg. 16.

Saulem, cum ego abiecerim eum? Quid ergo isto viro benignius dici potest, qui & hunc non vult diuinitus percuti, à quo formidat occidi? Cum ad pietatis atque humilitatis celsitudinem tendimus, præcedentium exemplis leuamur. Quid enim Dauid misericordius, quid humiliter dici potest, qui à rege reprobo pro victoriis contumelias recipit, qui de manu hostili Israëliticam gentem fortis eripuit: & tamen ipse ne moriatur, quasi debilis fugit? Qui & se electum diuino iudicio, & persecutorem suum reprobum agnoscit, & tamen eisdem persecutori suo crebræ satisfactionis humilitate se subiicit, qui persecutoris lanceam tollit, oram chlamydis detruncat, atque ad cacumen montis protinus properat, & vno eodemque tempore quia occidendi potestatem habuerit, ostendat, & ne occidatur, rogat. Quia ergo in cunctis quæ spiritualiter appetimus, exemplis præcedentibus informamur, bene de his nubibus dicitur: *Qua prætexunt cuncta desuper.* More enim nubium extensa super nos patrum vita tegimur, vt ad fructum secundi germinis infundamur. Et quasi intuentes cælum prius nubes aspiciamus: quia antè bonorum facta admirando cernimus, & post illa quæ sunt cælestia experiendo penetramus. Sed quia nequaquam harum nubium, id est, antiquorum patrum vita nobis virtusque pateret, nisi eam nubes aliæ, id est, sancti Apostoli lumine suæ prædicationis aperirent, ad has nubes quæ prædicando mundum circumueunt, sermo redeat, & quid per illas Dominus in mundo egerit, ostendat. Sequitur.

Quod diffusis per orbem prædicatoribus, mansio præparata est Deo in credentium cordibus, & clarescentibus miraculis, vsque ad terminos mundi nomen Christi peruenit. Caput VI.

Mala. 3.

Psalm. 67.
Ibidem.

8.

Hier. 10.

Ibren. 2.

Acto. 14.

Acto. 17.

Per totam
Exodum.

Si voluit extendere nubes quasi tentorium suum, & fulgurare lumine suo desuper, cardines quoque mortis operiet. Extendit nubes Dominus, dum ministris suis viam prædicationis aperiens, os in mundi latitudinem circumquaque diffundit. Bene autem dictum est: *Quasi tentorium suum.* Tentorium quippe in itinere poni solet. Et cum prædicatoribus sancti in mundo mittuntur, iter Deo faciunt. Vnde scriptum est: Ecce mitto angelum meum ante faciem tuam, qui præparabit viam tuam ante te. Et vnde rursum per Psalmistam dicitur: Iter facite ei qui ascendit super occasum. Et rursum: Deus cum egredere-ris coram populo tuo, dum transgredieris per desertum, terra mota est. Deus enim qui per semetipsum non localiter vbi-cunque est, per prædicatoribus suos in mundi partes localiter ambulat. Vnde etiam per Prophetam dicitur: Et inambulabo in eis. Iter quippe per eos agit, dum humanis cordibus eorum se eloquio infundit. Atque in hoc itinere tentoria Dei sunt hæc eadem corda sanctorum, quibus quasi in via quiescendo tegitur, dum per hæc ad mentes hominum veniens agit quæ disposuit, & non videtur. Hinc est quod simul omnis synagoga tentorium vocatur, cum cessasse à prædicatione sacerdotes Dominus per Hieremiam queritur, dicēs: Non est qui extendat vltra tentorium meum, & erigat pelles meas. Hinc rursum de exterminatione eius dicitur: Dissipauit quasi hortum tentoriū suum, demolitus est tabernaculum suum. Quia enim in vnus populi cultu tunc Dominus inter homines latuit, eundem sibi populum tentorium vocauit. Vnde & rectè nunc nubes istæ eius tentoriū dicuntur: quia ad nos Deus per gratiam veniens, intra prædicatorum suorum mētes operitur. An Paulus eius tentorium non erat, cum ab Hierusalem per circuitum vsque ad Illyricū ad corda mortalium veniens, in eius mente Dominus quiescebat? Nubes quippe erat hominibus, tentorium Deo: quia quem prædicando infundebat audientibus, hunc inuisibiliter in mente retinebat. Idem rursus dum catenis vinctus Romā peteret Paulus occupaturus mundum, latens in eius pectore quasi sub tentorio ibat Deus: quia & occultus videri non poterat, & per verba prædicationis proditus, iter inchoatæ gratiæ sine cessatione peragebat. Nubes eius Moyse extitit, cum priusquam plebi Israëliticæ ducatum præberet, quadraginta annis in deserto permanens, & sublimia appetens, à conuersatione populi segregatus vixit. Sed tentorium Dei factus est, cum ad reuocandum populum in Aegyptum missus ibat, portans inuisibilem in corde veritatem, cum omnipotens Deus qui patefcebatur in opere, la-

Tomus primus.

Atebat in corde. Et vbiq̃ue præsens omnia continēs, iter in suo famulo in Aegyptum veniens faciebat. Vnde scriptū est: Iuit Deus in Aegyptū vt redimeret sibi populū. Ecce ire dicitur per cuius incircumscrip̃tam præsentiam cuncta continentur: quia is qui vbiq̃ue ex maiestate est, quasi in via gressus ponit ex prædicatione. Sed eisdē sanctis prædicatoribus nequaquā ad persuadendum verba sufficiunt, nisi etiam miracula addantur. Vnde cum dictum sit: Si voluerit extendere nubes quasi tentorium suum, rectè subiungitur: *Et fulgurare lumine suo desuper.* Quid enim sentire fulgura nisi miracula debemus? de quibus per Psalmistam dicitur: Fulgura multiplicabis, & conturbabis eos. Per has ergo nubes lumine suo desuper fulgurat: quia per prædicatoribus sanctos insensibilitatis nostræ tenebras etiam miraculis illustrat. Cumque nubes istæ verbis pluunt, cumque miraculis vim coruscæ lucis aperiant, extremos etiā mundi terminos in diuino amore conuertūt. Vnde rectè subditur: *Cardines quoque maris operiet.* Quod faciendum quidem Helii vocibus audiuius, sed authore Deo iam factū cernimus. Omnipotens enim Dominus coruscantibus nubibus cardines maris operuit: quia emicantibus prædicatorum miraculis ad fidem etiam terminos mundi perduxit. Ecce enim penè cunctarū iam gentium corda penetrauit: ecce in vna fide Orientis limitē Occidentisq̃ue cōiunxit: ecce lingua Britannia, quæ nil aliud nouerat quā barbarum frēdere, iam dudum in diuinis laudibus Hebræū cœpit halleluia resonare. Ecce quōdam tumidus iam subleuatus sanctorum pedibus seruit Oceanus, eiusque barbaros motus quos terreni principes edomare ferro nequiuertant, hos pro diuina formidine sacerdotum ora simplicibus verbis ligant: & qui cateruas pugnantium infidelis nequaquam metuerat, iam nunc fidelis humilium linguas timet. Quia enim perceptis cælestibus verbis, clarescentibus quoque miraculis, virtus ei diuinæ cognitionis infunditur, eiusdem diuinitatis terrore refrenatur, vt praua agere metuat, ac totis desideriis ad æternitatis gratiam peruenire concupiscat. Vnde hīc quoque conuenienter adiungitur: *Per hæc enim iudicat populos, & dat escas multis mortalibus.* Per hæc nimirum verba prædicatorum, id est, guttas nubium, per hæc fulgura miraculorum Deus populos iudicat: quia eorum corda terri-ta ad pœnitentiam vocat. Nam dum superna audiunt, dum mira opera attendunt, mox ad corda sua redeunt, & se de antea actis prauitatibus affligentes, æterna tormenta pertimescūt. Sed per easdem nubes per quas terror infligitur, etiam esca datur: quia magna prædicatorum dispensatio est, vt sic sciant superbientium mentes affligere, vt etiam afflictas nouerint cōsolationis eloquio nutrire: quatenus & peccantes de æternis suppliciis terreant, & pœnitentes de superni regni gaudiis pascant. Vnde bene ipse dispensationis ordo seruatus est, vt ordinatē Helii diceret quod per has nubes prius iudicat populos, & postmodum escas præbet: quia nimirum omnipotens Deus per prædicatoribus suos prius nos de praua actione corripiens concutit, & postmodum per spem consolans nutrit. Si enim diuina dispensatio per has nubes iudicium modò non ageret, nequaquam eisdē nubibus dixisset: Accipite spiritum sanctum, quorum remiseritis peccata, remittuntur eis, & quorum retinueritis, retenta sunt. Et rursum, si per eas ieiuna nostra corda non pasceret, nequaquam de esurientibus populis discipulis Dominus diceret: Date illis vos manducare. Quod sic tunc eorum manibus factum credimus, vt hoc eorum verbis quotidie fieri sine cessatione videamus. Quid enim agit Petrus, cum per epistolas loquitur, nisi vt verbi pabulo corda nostra malè ieiuna satientur? Quid Paulus, quid Ioannes per epistolas loquentes operantur, nisi vt mentes nostræ cælestia alimenta percipiant, & inedia suæ fastidium quo moriebantur, vincant? Dicatur ergo: *Si voluerit extendere nubes quasi tentorium suum, & fulgurare lumine suo desuper, cardines quoque maris operiet. Per hæc enim iudicat populos, & dat escas multis mortalibus.* ac si apertè diceret: Si sanctos suos in ministerio prædicationis extendit, eorumque verba miraculis adiuuat, totius mundi limites ad fidem vocat, per quæ & prius superbientes iudicat, & post per verbū cōsolationis nutries in spe humiles roborat. Sed cum escas dare mortalibus diceret, notandum quod nō ait omnibus, sed multis: quia videlicet scriptum est: Non omnium est fides. Et quibusdam dicitur: Propterea vos non

Exod. 15.

Psalm. 143.

Britannia
ad fidem
conuersa.

Ioan. 20.

Matth. 14.

1. Tim. 3.
1. Ioh. 8.
1. Ioh. 6.

auditis: quia ex Deo non estis. Et rursum: Nemo potest venire ad me, nisi pater qui misit me, traxerit eum. Et rursum: Non uult Dominus qui sunt eius. Vnde in ipsa quoque sancta Ecclesia plurimi fidem tenent, & vitam fidei non tenent: humilitatis dominicæ sacramenta percipiunt, sed humiliari dominicæ imitatione contemunt: blanda diuini eloquij prædicamenta communicant, sed apud se immanes in tumore perseverant. Vnde hîc quoque postquam per cardines maris aggregatæ Ecclesiæ latitudo signata est, aptè subiungitur:

Quod superbis cognitio denegatur veritatis: & quid sit quod filij Ruben, & Gad, & dimidia tribus Manasse ultra Iordanem ad alenda pecora campestria concupiscant, & in terra promissionis hereditatem non velint, cum tamen ante fratres ad bellum armati præcedat.

Caput VII.

Esaiæ 5.
Roma. 12.

Immanibus abscondit lucem.) Immanes quippe sunt qui se elatis cogitationibus extollunt. Quos contra per Esaiam dicitur: Væ qui sapientes estis in oculis vestris, & coram vobismetipsis prudentes. Quos contra etiam Paulus ait: Nolite prudentes esse apud vosmetipsos. Sed his immanibus lux absconditur: quia nimirum superbientibus veritatis cognitio denegatur. Vnde per semetipsam veritas dicit: Confiteor tibi pater Domine cœli & terræ: quia abscondisti hæc à sapientibus & prudentibus, & reuelasti ea paruulis, Sapientes & prudentes videlicet superbientes vocans. Qui enim non subiunxit, Reuelasti ea stultis, sed paruulis, tumorem se damnas-

Luca 10.
& Matt. 11.

Psal. 114.

Ibidem.

se innotuit, non acumen. Vnde & aliàs dicitur: Custodiens paruulos Dominus. Atque ut ostendatur hæc eadem paruitas quid vocatur, adiungitur: Humiliatus sum, & liberauit me. Quia ergo sunt multi in Ecclesia qui paruuli esse despicunt, etiam in humilitatis loco immanes apud se esse minimè desistunt. Hos plerunque videas honoribus extolli, voluptatibus perfrui, rerum multiplicitate dilari. Hi sæpe nil præcipuè nisi præesse cæteris appetunt, à multis timeri gratulantur: rectè viuere negligunt, & rectæ vitæ famam habere concupiscunt, adulationes quærunt, fauoribus ntumescunt. Et quia in rebus sibi copiosè præsentibus prompti sunt, ventura gaudia non requirunt. Cùmque eos multiplex actio occupat, etiam à semetipsis alienos demonstrat. Et tamen si

10.

Iosue. 3.

qua fidei tentatio exurgat: quia in ea saltem specietenus continentur, hanc verbis, hanc laboribus defendunt, & patriam cœlestem vindicant, nec tamen amant. Quos bene apud Moysem filij Ruben, & Gad, & dimidia tribus Manasse exprimunt, qui multa pecora & iumenta possidentes, dum extra Iordanem ea quæ viderant, campestria concupiscunt, in repromissionis terra hæreditatem habere noluerunt, dicentes: Terra quam percussit Dominus in conspectu filiorum Israël, regio vberissima est ad pastum animalium: & nos serui tui habemus iumenta plurima, precamurque si inuenimus gratiā coram te, ut des nobis famulis tuis eam in possessionem, nec facias nos transire Iordanem. Qui igitur iumenta plurima possident, Iordanem transire refugiunt: quia quos multa mundi implicamenta occupant, habitationem cœlestis patriæ non requirunt. Sed ipsa eos quam specietenus tenent, fides increpat: ne otij delectatione torpescant, atque exemplo suo alios à laboris tolerantia, & studio longanimitatis frangant. Vnde eis per Moysem dicitur. Nunquid fratres vestri ibunt ad pugnam, & vos hîc sedebitis? Cur subuertitis mentes filiorum Israël? Sed quia erubescunt non defendere quod confitentur, pro eadem fide quam professi sunt, ad certamen properant, eamque non sibi, sed proximis vindicant. Vnde & ad Moysem dicunt: Caulas ouium fabricabimus, & stabula iumentorum, paruulisque nostris vrbes munitas: nos autem ipsi armati & accincti pergemus ad præliū ante filios Israël. Qui mox fortes pro aliis veniunt, & repromissionis terrā ab hostibus liberant, & relinquunt: atque ad pascenda armenta extra Iordanem redeunt. Multi quippe quanuis fideles curis præsentibus occupati, quasi armenta extra Iordanem pascunt: quia contra fidem baptismatis tota mente omnique desiderio rebus perituris inseruiunt. Qui tamen, ut diximus, cùm fidei tentatio oritur, defensionum armis accinguntur. Hostes fidei superando trucidant, & hæreditatem terræ repromissionis, id est, fructum fidei non amant, sicque pro illo pugnant,

ut tamen sua pignora extra illam deponant. Quia enim paruulos foris habent, affectum in eius habitatione non habent. Vnde ad campestria redeunt: quia ab altis cacuminibus montium quasi à spe cœlestium dilabuntur, ut extra repromissionis terram bruta animalia nutrant: quia ad pascendos variis desideriis irrationabiles animi motus elaborant: quia æternæ lucis quanta sit claritas nesciunt, qui transitoriis occupationibus obcæcantur, & dum de terrenis rebus superbiunt, cœlestis sibi luminis auditum claudunt. Vnde rectè nunc dicitur: *Immanibus abscondit lucem.* Sed tamen aliquando hos immanes superna gratia respicit, atque ipsis rerum abundantium occupationibus affligit, eorumque prosperitatibus, aduersas quidem sed viles tribulationes interferit, ut contristati ad cor redeant, atque in perituris rebus, quàm inaniter occupentur, agnoscat. Vnde hîc quoque postquam subtracta lux dicitur, aptè subiungitur: *Et præcepit ei, ut rursus adueniat:* quia veritatis lumen quod elatis occupatisque mentibus absconditur, afflictis humiliatisque reuelatur. Lux quippe aduenit, cùm afflictæ mens ipsas quas de perituris rebus tribulationum tenebras tolerat, agnoscit: quia nisi aliquid ex lumine interno perciperet, nec hoc ipsum quia lumen perdidit, videret. Quod intelligi specialiter etiam de Iudæis potest, qui idcirco redemptori nostro in carne venienti contradicere ausi sunt: quia apud semetipsos immanes existerunt. Sed his immanibus lux absconsa est: quia superbi lumen veritatis dum persequuntur, amiserunt. Sed quia in fine mundi ad fidem recipiendi sunt, rectè subiungitur: *Et præcepit ei ut rursus adueniat.* Vnde etiam per Esaiam dicitur: Si fuerit numerus filiorum Israël quasi arena maris, reliquæ saluæ fient. Tunc quippe ad eos lux reuertitur, cùm ipsi ad confitendā redemptoris nostri potentiā reuertuntur. Si autem in manibus nequaquā per datium casum vnum nomē, sed duas partes orationis accipimus, potest intelligi quia in manibus lux absconditur, cùm apud rectū iudicem iniqui quique in suis operibus cecantur. Cui tamē præcipitur ut rursus adueniat: quia dum peccatores se suis viribus saluari non posse cognouerint, gratiæ lumen accipiunt, & protectionis intimæ radiis illustrantur, ut maiore ardore postmodū cœlestem patriam diligant quàm prius in terrena delectatione flagrabant. Sed hæc cùm de cœlesti patria loquimur, cui inesse mira claritate prædicta angelorum agmina audimus: cui rerum omnium conditor præsidet, quam visione sua reficiens replet, cui vera hæreditas lux est, & defectus eiusdem luminis nullum est: ad nosmetipsos mentē reducimus, & quod terrena gestemus membra cogitamus, pœsamus quod nati in tenebris, atque à radiis intimæ lucis alieni, tantò nequius viximus, quantò rebus corporalibus dediti, à spiritualibus longius degebamus. Qua consideratione permotum cor ac malè sibi conscius trepidat, & tantæ illius quam audit patriæ ciuem se fieri posse desperat. Vnde hîc quoque aptè subiungitur, quo mens pauida ad fiduciam reducatur. Nam de hac luce mox subditur:

Quod omnipotens Deus patriam cœlestem possessionem nostram fecit, & nos amicos, & cohæredes Christi constituit.

Caput VIII.

Num. 32.

Ibidem.

Annuntiat de ea amico suo, quod possessio eius sit, & ad eam possit ascendere.) Amicus veritatis est rectæ amator actionis. Vnde & ipsa veritas discipulis dicit: Vos amici mei estis, si feceritis quæ ego præcipio vobis. Amicus quippe animæ custos dicitur: Vnde non immeritò qui custodire voluntatem Dei in præceptis illius nititur, eius amicus vocatur. Hinc est quod rursus eisdem discipulis veritas dicit: Vos autem dixi amicos, quia omnia quæcūq; audiui à patre meo, nota feci vobis. De hac igitur luce æternæ patriæ amico suo Deus annuntiat quod possessio eius sit, ut nequaquā infirmitatis suæ fragilitate desperet, nequaquā hoc quod creatus, sed quod recreatur est pœset, sed tantò certius sciat, quia illius lucis claritate possideat, quantò nunc vitiorum pulsantiū tenebras verius calcat. Bene autem in promissione subiungitur: *Et ad eam possit ascendere.* Quid enim difficilius quàm homini in terra edito terrena, & fragilia membra gestanti cœlorum alta conscendere, supernorum spirituum arcana penetrare? Sed eorundem spirituum ad nos conditor venit, seque hominem etiam sub ipsis exhibuit,

11.

Esaiæ 10.

1. Ioh. 15.

Psalm. 8.

Apoc. 19.
& 22.Matth. 24.
1. Petr. 1.

2. Cor. 5.

Ioh. 3.

Ioh. 17.

12.

buit, sicut de illo patri per Prophetam dicitur: Minuisti eum paulominus ab angelis. Et quia inter nos & eosdem spiritus discordantis vitæ scandalum reperit, mira potentia, mirabiliore etiam pietate summa creans, ima suscipiens, ima cum summis iunxit. Hinc est quod de eodem rege nato angelorum chori in eius annuntiatione prodeunt, hymnum dicunt, & deuicta prauæ vitæ discordia, hos quos dudum despexerant, ciues agnoscunt, consono ore prædicantes: Gloria in excelsis Deo & in terra pax hominibus bonæ voluntatis: ac si aperte dicant: Quos à nobis malitia disiunxerat, iam nunc in terra nata bonitas iungat. Hinc est quod ante incarnationem eius in testamento veteri adorasse homo angelum legitur, nec tamen adorare prohibetur, sed post mediatoris aduentum, cum se Ioannes adorando angelo prostrauisset, audiuit: Vide ne feceris, cōseruus tuus sum & fratrum tuorum. Quid est enim quod prius æquanimiter se concedebant adorari, post ab homine angeli recusant: nisi quod prius hominem carnalibus corruptionibus deditum, nec ab eisdem carnalibus corruptionibus redemptum, quo abiectiorem nouerant, iustius contemnebant: postmodum verò humanam naturam eo iam substratam habere non poterant, quo hanc in authore suo etiam super semetipsos ductam videbant? Neque enim debebat in membris subiecta despici, quæ in ipso membrorum capite meruit prælata venerari. Is ergo qui propter nos minor angelis extitit, æquales nos angelis virtute suæ minorationis fecit. Vnde & moriendo docuit mortem non metuere, resurgendo de vita confidit, ascendendo de cœlestis patriæ hereditate gloriari, ut quod caput præisse conspiciunt, illuc se subsequi, & membra gratulentur. Vnde bene ab eodem nostro capite dicitur: Vbiunque corpus fuerit, illuc congregabuntur & aquilæ. Vnde Petrus ait: In hereditatem incorruptibilem & incontaminatam, & immarcescibilem conseruatam in cœlis. Vnde Paulus dicit: Scimus quoniam si terrestris domus nostra huius habitationis dissoluatur, quod ædificationem ex Deo habemus domum non manufactam, æternam in cœlis. Sed nos quoque qui editi in terra sumus, cœlum conscendimus, vbi est quod rursum veritas dicit: Nemo ascendit in cœlum, nisi qui de cœlo descendit, filius hominis qui est in cœlo? Cui nimirum sententiæ statim obuiat quod hæc eadem veritas dicit: Pater, volo ut ibi ego sum, & illi sint mecum. Quæ sibi in verbis suis non discrepat, sed ad inquirenda hæc quasi discordantia studium nostræ mentis inflamat. Omnes enim nos qui in eius fide nati sumus, eius proculdubio corpus existimus. Quia igitur mira dispensatione pietatis membrorum suorum Dominus caput factus est: repulsa reproborum multitudine, solus est etiam nobiscum. Nemo igitur ascendit in cœlum, nisi qui descendit de cœlo, filius hominis qui est in cœlo: quia dum nos vnum cum illo iam facti sumus, vnde solus venit in se, illuc solus redit etiam in nobis, & is qui in cœlo semper est, ad cœlū quotidie ascendit: quia qui diuinitate super omnia permanet, humanitatis suæ compage sese quotidie ad cœlos trahit. Ergo si desperet humana fragilitas, vnigeniti sanguinem consideret, & in precio suo conspiciat, quàm magna est quæ tanti valet. Perpendat sollicitè quod caput præcessit, & quo ad viuendum præceptis astringitur, ad sperandum exemplo roboretur: confidat cœlos, speret supernam patriam, angelorum se sociam sciat, atque in suo capite prælatam se etiam angelis gaudet. Dicatur igitur rectè de hac luce æternæ patriæ: Annuntiat de ea amico suo quod possessio eius sit, & ad eam possit ascendere. Sed valde mira sunt ista, valde terribilia, quod homo in terra editus, atque à cœlesti patriæ exigentibus meritis longè damnatus, non solum ad statum conditionis reducitur, sed etiam gloriosius exaltatur: ut qui paradysum perdidit, cœlum recipiat: & non solum hunc debiti sui reatus non teneat, sed huic post culpam dona cumulatiùs excrescant, ut ille cōtempnor Dei, ille imitator diaboli, si ad fructum pœnitentiæ redeat, vsque ad celsitudinem contemplandæ intimæ lucis ascendat. Cuius itaque cor non in huius pietatis admiratione exiliat? Cuius torpor non in subleuatione tantæ considerationis expauescat? Vnde & aptè subiungitur:

Tomus primus.

Caput trigesimum septimum textus libri beati Iob.



Vper hoc expauit cor meum, & motū est de loco suo. Audiet auditionē in terrore vocis eius, & sonum de ore illius procedentē. Subter omnes cœlos ipse considerat, & lumen illius super terminos terræ. Post eū rugiet sonitus, tonabit voce magnitudinis

suæ, & nō inuestigabitur cū audita fuerit vox eius. Tonabit Deus in voce sua mirabiliter, qui facit magna & inscrutabilia. Qui præcipit niui, ut descēdat in terram, & hyemis pluuiis, & imbri fortitudinis suæ. Qui in manu omniū hominū signat, ut nouerint singuli opera sua. Ingredietur bestia latibulum suum, & in antro suo morabitur. Ab interioribus egredietur tempestas, & ab arcturo frigus. Flāte Deo concreuit gelu, & rursum latissimè funduntur aquæ. Frumentū desiderat nubes, & nubes spargunt lumen suū. Quæ lustrant cuncta per circuitum, quocunque eas voluntas gubernantis duxerit, ad omne quod præceperit illis, super faciem orbis terrarum, siue in vna tribu, siue in terra sua, siue in quocunque loco misericordiæ suæ eas iusserit inueniri. Ausculta hæc Iob: Sta, & considera mirabilia Dei. Nunquid scis quando præcepit Deus pluuiis ut ostenderent lucem nubium eius? Nunquid nosti semitas nubium magnas, & perfectas scientias? Nōne vestimenta tua calida sunt, cū perflata fuerit terra Austro? Tu forsitan cum eo fabricatus es cœlos, qui solidissimi quasi ære fusi sunt. Ostēde nobis quid dicamus illi. Nos quippe inuoluimur tenebris. Quis narrabit ei quæ loquor? Etiā si locutus fuerit homo deuorabitur. At nunc non vident lucē. Subito aer cogitur in nubes, & ventus transiens fugabit eas. Ab Aquilone aurum venit, & à Deo formidolosa laudatio. Dignè eum inuenire non possumus. Magnus fortitudine & iudicio, & iustitia, & enarrari nō potest. Ideo timebunt eum viri, & non audebunt cōtemplari omnes qui sibi videntur esse sapientes.

Caput IX.

Super hoc expauit cor meum, & motum est de loco suo. Quia pauor dum mentem percutit, hanc à semetipsa alienam reddit: nonnunquam Latini interpretes ecclasiā pauorem vocant, sicut per Psalmistam dicitur: Ego dixi in pauore meo, proiectus sum à vultu oculorum tuorum. Vbi videlicet non pauor sed excessus dici poterat. Sed pauor illic pro excessu ponitur: quia sicut in excessu, ita in pauore alienatur animus: Vnde hīc quoque considerata luce æternæ patriæ rectè subiungitur: *Super hoc expauit cor meum:* ac si dicat: In admirationis excessu se transtulit, & quia nouæ spei spiritu mens afflata est, semetipsam qualis in vetusta cogitatione fuerat, reliquit. Bene autem dicitur: *Et motum est de loco suo.* Locus quippe humani cordis est delectatio vitæ præsentis. Sed cū diuina aspiratione tangitur locus nostri cordis, fit amor æternitatis. Consideratione igitur æternæ patriæ de loco suo animus mouetur: quia derelictis infimis, in supernis cogitationibus ponitur. Prius enim quæ essent æterna nesciebat, in præsentium delectatione torpuerat, simulque ipse transiens, amore transeuntia tenebat. Sed postquam quæ essent æterna cognouit, postquam supernæ lucis radios raptim contemplando contigit, admiratione summorum, sese ab infimis suscitatus eleuauit, ut nulla iam ei nisi quæ æterna sunt, libeant. & despectis transeuntibus, sola quæ permanent, requirat. Bene ergo dicitur: *Super hoc expauit cor meum, & motum est de loco suo:* quia pigrū cor & ter-

tenis dudum cogitationibus deditum, cum repete per excessum se ad summa suspendit, cogitationis infimæ locum mutauit. Sed quia per semetipsam in amore præsentis seculi prostrata mens dormitat, & nisi diuinæ gratiæ aspiratione pulsatur, in suis delectationibus frigida insensibilisque torpescit: necesse est ut quomodo interna cogitatione tægatur, vel qualiter ad spiritalia sensificetur, adiungat. Sequitur:

Quod superbus quisque prius timore iudicij concutitur, deinde data indulgentia Deo familiaris inhaeret, & vnctus gratia spiritus sancti, deinde amat & prædicat.

Caput X.

13.

Abacuc. 3.

Audiet auditionem in terrore vocis eius, & sonum de ore illius procedentem. Mos sacri eloquij est, ut cum audiri aliquid per auditum insinuat, audiri eundem auditum dicat, sicut Abacuc ait: Domine audiui auditum tuum, & timui. Vnde hinc quoque dicitur: Audiet auditionem in terrore vocis eius. Notandum verò est quod vox Dei non in gaudio, sed in terrore audiri perhibetur: quia nimirum peccator quisque dum sola quæ terrena sunt, cogitat: dum cor oppressum infimis cogitationibus gestat, si repente diuinæ gratiæ aspiratione tangitur, hoc ante omnia intelligit, quod cuncta quæ agit, districta æterni iudicis animaduersione puniantur. Auditio igitur vocis Dei prius in terrore fit, ut post vertatur in dulcedinem: quia ante nos districti iudicis timore castigat, ut iam castigatos supernæ dulcedinis consolatione reficiat. Nam cum nos violenta rerum temporalium delectatio possidet, & mentis nostræ oculos in somno torporis premit, si manu subita superni respectus excitamur, diu clausos, mox eosdem ad veritatis lucem oculos mentis aperimus, quæ egimus, mala meminimus: quàm districtus iudex contra hæc veniat, videmus: versatur in mente quantus ille sit tanti iudicis aduentus, quæ tunc illa sit hominum angelorumque frequentia, quanta vi contra reprobos & ardentia pugnent elementa, quàm terribiliter æterna prodeat de districti iudicis ore sententia, qua reprobis dicitur: Discedite à me maledicti in ignem æternum, qui præparatus est diabolo & angelis eius. Eorundem poena reproborum ante oculos voluitur, & quæ sint gehennæ tenebræ, cum graui amaritudinis obscuritate pèsatur. Quia ergo superbum cor prius terrore concutitur, ut concussum in amore solidetur: rectè nunc dicitur: Audiet auditionem in terrore vocis eius. Vbi & bene subiungitur: *Et sonum de ore illius procedentem.* Sonus ex Dei ore, est vis timoris de superna irruens aspiratione: quia cum nos de venturis Dominus aspirando replet, proculdubio de malè gestis præteritis terret. Potest autè per os Dei, vnigenitus designari filius, qui sicut brachiū eius dicitur, quia per eum cuncta pater operatur, de quo Propheta ait: Et brachium Domini cui releuatum est: de quo Ioannes dicit: Omnia per ipsum facta sunt: ita etiam os dicitur. Hinc est enim quod Propheta ait: Os enim Domini locutum est hæc. Per quem nobis omnia loquitur, ac si oris nomine patenter diceretur verbum, sicut nos quoque pro verbis linguam dicere solemus, ut cum Græcam vel Latinam linguam dicimus, Latina vel Græca verba monstramus. Os ergo Domini non immeritò ipsum accipimus. Vnde & ei sponsa in Canticis canticorum dicit: Osculetur me osculo oris sui, ac si dicat: Tangat me dulcedine præsentis vnigeniti filij redemptoris mei. Per sonum verò oris potest eiusdem Domini sanctus spiritus designari. Vnde & alàs in eiusdem spiritus significatione scriptum est: Factus est repente de cælo sonus tanquam aduenientis spiritus vehementis. Sonus igitur de ore Domini procedit, cum consubstantialis ei spiritus ad nos per filium veniens, furditatem nostræ insensibilitatis rumpit, sicut de eodem sono incircumscripito atque incorporeo os Domini loquitur, dicens: De meo accipiet, & annuntiabit vobis. Potest ergo & per terrorem vocis vis formidinis, & per sonum oris dulcedo consolationis intelligi: quia quos spiritus sanctus replet, prius eos de terrena actione terrificat, & postmodum spe cælestium consolatur: ut tantò post confitendo de præmiis gaudeant, quantò prius sola supplicia conspiciendo metuebant. Hinc est quod de vnigeniti spiritu quasi de hoc oris sono Paulus dicit: Non enim accepistis spiritum seruitutis iterum in timorem, sed accepistis spiritum adoptio-

En timeret filiorum, in quo clamamus, abba pater. Hinc per semetipsam veritas dicit: Accipite spiritum sanctum, quorum remiseritis peccata, remittuntur eis: & quorum retinueritis, retenta sunt. Ecce conuersorum terror vertitur in potestatem: quia dum mala sua pœnitendo puniunt, vsque ad exercendum iudicium ascendunt, ut hoc in Deo posse accipiant, quod prius de Deo ipsi metuebant. Iudices quippe fiunt qui supernum iudicium perfectè timuerunt, & aliena iam peccata inepiunt dimittere, qui prius formidauerant ne retinerentur sua. Sed quia hoc ipsum iudicium quod spiritaliter agitur, modò à carnalibus non videtur, sunt nonnulli qui Deum res humanas curare non æstimant, & eas ferri fortuitis motibus putant. Contra quos rectè subditur:

De Dei aqua in omnia pronisone: & quod primitina Ecclesia miraculorum adiutoris indiguit, quam persecutionis tribulatio præstet, nunc verò sola exigat operum merita, non virtutum signa.

Caput XI.

Subter omnes cælos ipse considerat, & lumen illius super terminos terræ. Ac si aperte diceretur: Qui summa regit, etiam extrema non deserit: quia sic impenditur maximis, ut tamen hæc eadem cura regiminis non præpediatur à paruis. Qui enim vbique præsens & vbique æqualis est, etiam in dissimilibus sibi ipsi dissimilis non est. Aequè ergo omnia respicit, æquè cuncta disponit, qui in omnibus locis præsens, nec localiter tenetur, nec varia curando variatur. Si autem cælos sanctos prædicatores accipimus, Propheta attestante, qui ait: Cæli enarrant gloriam Dei: postquam per sonum oris aduentus spiritus sancti designatur, rectè subiungitur: Subter omnes cælos ipse considerat, & lumen illius super terminos terræ. Sunt nanque nonnulli qui cum mira Apostolorum opera audiunt, quod accepto spiritu sancto mortuos verbo suscitarent, ab obsessis dæmonia pellerent, vmbra infirmitates amouerent, ventura quæque prophetando prædicerent, & vnigenitum verbum Dei, omnium gentium loquentes lingua prædicarent: quia has virtutes nunc in Ecclesia non vident, subtractam iam ab Ecclesia supernam gratiam suspicantur, nescientes pensare quod scriptum est: Adiutor in opportunitatibus, in tribulatione. Tunc quippe sancta Ecclesia miraculorum adiutoris indiguit, cum eam tribulatio persecutionis præstet. Nam postquam superbiâ infidelitatis edomuit, non iam virtutum signa, sed sola merita operum requirit, quauis & illa per multos cum opportunitas exigit, ostendit. Scriptum quippe est: Linguae in signum sunt non fidelibus, sed infidelibus. Vbi ergo omnes fideles sunt, quæ causa exigit ut signa monstrantur? Vnde citius fortasse satisfacimus, si quid ipsa apostolica dispensatione memoremus. Paulus nanque egregius prædicator Melitè veniens, & plenâ infidelibus insulâ sciens, patrè Publij dysenteria febribusque vexatum, oratio saluauit, & tamen ægrotanti Timotheo præcepit, dicens: Mordico vino vtere, propter stomachum tuum, & frequentes tuas infirmitates. Quid est Paule quod ægrum infidelem orando ad salutem reuocas, & tantum adiutorem euangelij more medici per alimenta curas, nisi quod idcirco fiunt exteriora miracula, ut mentes hominum ad interiora perducantur: quatenus per hoc quod mirum visibiliter ostenditur, ea quæ admirabiliora sunt inuisibilia credantur? Signo quippe virtutis pater Publij sanandus fuerat, ut mente reuiuisceret, dum miraculo ad salutem rediret. Timotheo autem adhibendum foris miraculum non erat, qui iam totus intus viuebat. Quid est ergo mirum si propagata fide, crebrò miracula non fiunt, quando hæc ipsi quoque Apostoli in quibusdam iam fidelibus non fecerunt? Eleuatis ergo cælis, Dominus inferiora cōsiderat: quia & ablatis summis prædicatoribus incessanter etiam infima nostræ infirmitatis curat. Et quasi subter cælos lumen illius terræ terminos respicit: quia post sublimem vitam præcedentiū, etiam peccatorum mores actusque gratiæ suæ illustratione cōprehendit. Qui etsi virtutū signa nunc per vitam fidelium crebrò non exerit, ab eisdem tamen fidelibus per virtutem operum nunquam recedit. Potest etiam lumen illius super terminos terræ ita intelligi, quod prædicatio supernæ gratiæ dum gētes ad fidem colligit, intra semetipsam mundi limites claudit. Vel certè termini terræ sunt fines hominum peccatorum

Ioan. 20.

Psalm. 18.

Error querundam.

Psalm. 9.

1. Cor. 14.

2. Tim. 4.

15.

Matth. 23.

Esaiæ 53.

Ioan. 1.

Esaiæ 58.

Canti. 1.

14.

Acto. 2.

Ioan. 16.

Roma. 8.

Quidam in
extremis
suis ad Deum
reducunt.

Exod. 13.

catorum. Et sæpe contingit, ut plerique Deum deserant, & vitæ suæ tempora in desideriis carnalibus expendant: sed tamen superna gratia respecti, in extremis suis ad Deum redeunt, quæ sint iudicia æterna cognoscunt, cunctaque quæ se peruersè egisse meminerint, fletibus puniunt, atque hæc verè se insequi rectis operibus ostendunt. Quibus subsequente iustitia profectò totum dimittitur, quod antè deliquerunt. Hinc enim per prophetiæ spiritum Anna dicit: Dominus iudicabit fines terræ: quia nimirum anteaquam vitam Deus non iudicet, quando posteriora peccatorum respectu supernæ pietatis illustrat. Hinc Moyses ait: Primogenita asini mutabis oue. Per asinum quippe immunditia, per ouem verò innocentia designatur. Asini ergo primogenita oue mutare, est immundæ vitæ primordia in innocentia simplicitatem conuertere: ut postquam illa peccator egit, quæ ut immunda Dominus respuit, ea iam agenda proferat, quæ Dei sacrificio imponat. Quia ergo post praua opera peccator conuertitur, & actionum suarum tenebris iuxta finem aliquando reuocatur, rectè nunc dicitur: *Et lumen illius super terminos terræ.* Sed graui luctu afficit eadem gratia, quæ post facinora mentem replet. Nam malè gesta ad memoriam reducit, sibi quæ hominem quàm sit iustè damnandus ostendit. Vnde fit ut peccatum omne quod se egisse reminiscitur, quotidianis fletibus insequatur: & quo magis valet iam quod iustum est cernere, eo ardentius appetit iniustum sese gemitibus punire. Vnde aptè subiungitur:

Quod cum mentem hominis Deus ingreditur, continuè pœnitentiæ gemitus sequatur.

Caput XII.

Post eum rugiet sonitus.) Quem enim Dominus illustrando repleuerit, eius vitam proculdubio in lamentum vertit, atque illuminatæ menti quo magis æterna supplicia insinuat eo hanc durius de transacta nequitia gemitibus fatigat, & dolet homo quod fuit: quia bonum iam incipit videre quod non fuit: odit qualem se fuisse meminit, amat qualem se esse debuisse cognoscit, & solam iam pœnitentiæ amaritudinem diligit: quia cautè considerat in quantis voluptatibus sua delectatione peccauit. Bene ergo dicitur: *Post eum rugiet sonitus.* quia cum mentem Deus ingreditur, constat proculdubio quod mox pœnitentiæ gemitus sequatur, ut ei iam salubriter flere libeat, quæ prius de iniquitatibus flenda iucunditate gaudebat. Sed quo vberius culpa fletur, eo altior cognitio veritatis attingitur: quia ad videndum internum lumen polluta dudum conscientia lachrymis baptizata renouatur. Vnde post pœnitentiæ rugitum aptè subiungitur:

Quod actionem spiritus sancti sine affectum eius nemo ad plenum inuestigat, cum eadem actio per eundem spiritum ordinata aliis in resurrectionem, aliis sit in ruinam.

Caput XIII.

Tonabit voce magnitudinis suæ.) Voce enim magnitudinis suæ Deus tonat, cum se nobis bene iam per lamenta preparatis, quàm sit magnus in supernis insinuat. Quasi enim de cælo tonitrus procedit, cum nos incuria negligentiaque torpentes respectus gratiæ pauore subito percutit, atque in terra positi, sonum de superioribus audimus: quia terrena cogitantes, superni terroris sententiam repentinè pertimescimus, & mens bene iam de summis sollicita trepidat, quæ prius in infimis malè secunda torpescit. Sed istius visitationis occultæ quibus modis se nobis insinuet terror, ignoratur: neque ipsius mentis acie comprehenditur, cuius ad melius intentio commutatur. Vnde aptè subiungitur: *Et non inuestigabitur, cum audita fuerit vox eius.* Vox Domini auditur, cum gratiæ eius aspiratio mente concipitur, cum insensibilitas occultæ surditatis rumpitur & cor ad studium summi amoris excitatum, virtutis intimæ clamore penetratur. Sed istam vocem superuenientis spiritus quæ se in aures cordis insinuat, nec ipsa menses quæ per hanc illustrata fuerit, inuestigat. Pensare enim non valet, inuisibilis virtus quibus sibi mētibus influat, quibus ad se modis veniat, quibus recedat. Vnde & bene per Ioannem dicitur: Spiritus ubi vult spirat: & vocem eius audis, sed nescis unde veniat, & quò vadat. Vocem enim spiritus audire, est vim compunctionis intimæ in amorem inuisibilis cōditoris assurgere. Sed nemo scit unde veniat: quia ignoratur: per ora præ-

Tomus primus.

A dicantium, quibus se ad nos occasionibus fundat. Et nemo scit quò vadat: quia cum vnā prædicationem multi audiunt, intelligi proculdubio non potest quem deserens abiiciat, aut cuius ingrediens in corde requiescat. Vna quippe res foris agitur, sed non per hanc vnò modo intuentium corda penetrantur: quia qui inuisibiliter visibilia modificat, in humanis cordibus causarum semina incomprehensibiliter plantat. Hinc est quòd resuscitato Lazaro multi crediderunt, sed tamen Iudæorum pluri- Ioan. 11. rimi ad persecutionis zelum ex hac ipsa resuscitatione commoti sunt. Vnum ergo idemque miraculum, quod aliis lumen fidei præbuit, alios per inuidiæ tenebras à lumine mentis excæcauit. Hinc est quòd vterque latro, & eandem, & suæ morti similem mortem redemptoris vidit, sed eum superbiendo alter contumeliis laceffere non timuit, quem timendo alter honorauit, atque in vna re vna vtriusque cogitatio non fuit: quia hanc internus arbiter inuisibiliter modificatio distinxit. Sed hinc occultæ aspirationis modi, quia comprehendere nostra cogitatione nequeunt, nimirum diuinæ vocis vestigia nesciuntur. Bene ergo dicitur: *Et non inuestigabitur cum audita fuerit vox eius.* Vnde & adhuc subiungitur: *Tonabit Deus voce sua mirabiliter.* Voce sua Deus mirabiliter tonat: quia occulta vi corda nostra incomprehensibiliter penetrat. Quæ dum latentibus motibus premit in timore, & format in amore, quanto ardore sequendus sit, aliquo modo silenter clamat, & fit cuiusdam impulsione nimietas in mente, cum nihil sonet in voce. Quæ tantò apud nos valentius perstrepat, quantò & ab omni exteriori strepitu aurem nostri surdescere cordis facit. Vnde & anima ad semetipsam mox hoc intimo clamore collecta miratur, quod audit: quia vim compunctionis incognitæ percipit. Cuius ipsa admiratio bene apud Moysen manna desuper veniente signatur. Dulcis enim cibus qui de supernis accipitur, manhu vocatur. Manhu enim dicitur, quid est hoc? Et quid est hoc dicimus, quando hoc quod cernimus, nescientes admiramur. Supernum igitur manna anima percipit, cum per vocem compunctionis eleuata, nouam speciem internæ refectio- 17. nis obstupefcit, ut diuina dulcedine repleta, iure respondeat, quid est hoc? quia dum ab infima cogitatione suspenditur, ea quæ de supernis cōspicit, insolitè miratur. Et quia cum hac voce torporis nostri surditas rumpitur, vetustæ vitæ protinus vsus mutatur, ut anima superno spiritu afflata, & in summis appetat quæ contempserat, & contemnat in infirmis quæ appetebat, rectè subiungitur: *Qui facit magna & inscrutabilia.* Vt enim homo terrenis visibus deditus, iniquis desideriis pressus subito ad noua efferueat, atque ad consueta frigescat, exterioribus curis renuntiet, in internis contemplationibus anhelet, quis hanc virtutem superne vocis considerare sufficiat? Quis considerando cōprehendat? Magna sunt quæ per vocem suam Dominus facit, sed minus magna essent si perferuari potuissent. Facit ergo magna & inscrutabilia: quia ostendit foris perfectionem operis, sed latet intus ipsa qualitas operationis. Voce sua foris etiam per Apostolos insonat, sed corda audientium per seipsum interius illustrat, Paulo attestante, qui ait: Ego plātaui, Apollo rigauit: Deus autem incrementum dedit. Neque I. Cor. 3. qui plantat est aliquid, neque qui rigat, sed qui incrementum dat Deus. Quauis ergo nostris mentibus supernæ vocis auditum non ipsi præbeant, missi tamē sunt, ut verbis nobis exterioribus condescendant. Vnde aptè subiungitur:

Quod viri contemplatiui quorum conuersatio in cælis est, infimis fratribus condescendunt, & in eorum amore liquefiunt, irrigantes arida corda eorum, ut & ipsi fructificent Deo.

Caput XIII.

Qui præcipit niui ut descendat in terram, & hyemis pluuies, & imbri fortitudinis suæ.) Quia Psalmista ait: Lauabis me, & super niuem dealabor: quid hoc loco niuem, nisi per lucem iustitiæ candida accipimus corda sanctorum? Aquæ autem ductæ in superioribus constipantur, ut niues fiant. Sed cum hæ ipsæ niues ad terram veniunt, in aquarum iterum liquorem vertuntur. Aquæ igitur sunt prædicatorum mentes: quæ dum ad cōtemplanda superna se erigunt, altiori intellectu solidantur. Cumque in summa consideratione rapiuntur, virtutem confirmationis accipiunt. Sed quia adhuc in terris fraterna dilectione retinentur, semetipsas ab alto intellectu modificant, & infirmis humiliter prædicantes, more niuium corda arentium liquant.

x iij

Ioan. 3.

18.

rigant. Nives ergo ad terram de celestibus veniunt, cum sublimia corda sanctorum quæ iam solida contemplatione pascentur, pro fraterna charitate ad humilia prædicationis verba descendunt. Sicut enim nix terram cum iacet operit, cum verò liquatur, rigat: ita sanctorum virtus per firmitatem suam apud Deum vitam peccatorum protegit, & per condescensionem suam, quasi liquefacta arentem terram ut fructus proferat, infundit. Et quia aqua prius ab infimis trahitur, ut post à superioribus sparsa reddatur: sancti quique etiam cum in virtutis arce consistunt, unde eleuati sunt considerant, ne alienæ infirmitatis abiecta contemnant. Quasi ergo aquæ ad terras de quibus subleuatae sunt, redeunt: dum condescendentes iusti peccatoribus, reminisci non desinunt, quod fuerunt. Certè aqua in terris adhuc Paulus fuerat cum legem carnaliter sapiebat: sed ductus ad cœlestia, in niuem versus est: quia quod prius infirmum sapuit, ad soliditatem veræ intelligentiæ commutauit, & tamen condescendens fratribus, quasi nix ima repetiit: quia & post virtutum culmina, quam fuerat indignus agnoscebat, dicens: Qui prius fui blasphemus & persecutor, &c. Ecce quàm clementer suæ imbecillitatis reminiscitur, ut aliorum æquanimiter infirma patiatur. Quasi enim ad terram de qua sumpta fuerat post cœlum aqua rediit, dum post tantæ suæ contemplationis arcana peccatorem se Paulus meminit, ut prodesse humiliter peccatoribus possit. Videamus itaque, aqua hæc in niuis soliditatem vertenda, qualiter trahatur ad summa, ait: Siue mente excedimus Deo. Videamus qualiter ad ima nix redeat, ut dum liquatur, infundat, ait: Siue sobrius sumus vobis. Videamus qua manu dicitur, ut iacens eleuari valeat, & subleuata reuocari, ait: Caritas enim Christi vrget nos. Quia igitur caritas Christi quæ sanctorum mentes ad superna subleuat, eas pio moderamine pro fraterna dilectione etiam ad humilitatem condescensionis format, rectè dicitur: *Qui præcipit niui ut descendat in terram.* Vbi aptè subiungitur: *Et hyemis pluuiis, & imbri fortitudinis suæ.* Hyems quippe est vita præsens, in qua nos etsi iam spes ad superna erigit, adhuc tamen mortalitatis nostræ frigidus torpor astringit: quia scriptum est: Corpus quod corrumpitur, aggrauat animam, & deprimit terrena habitatio sensum multa cogitantem. Habet autem hæc hyems pluuias, rectorum proculdubio prædicationes. De quibus videlicet pluuiis per Moysen dicitur: Expectetur sicut pluuiæ eloquium meum, & descendant sicut ros verba mea. Hæc nimirum pluuiæ hyemi congruunt, æstate cessabunt: quia cum nunc carnalium oculis vita cœlestis absconditur, necesse est ut sanctorum nobis prædicationibus irrogetur. Cum verò æterni iudicii æstus incanduerit, nullus verba prædicantiū necessaria tunc habebit: quia veniente iudice, ad cor suum quisque reducit, ut sancta iam cum agere non valet, sentiat: & rectum quod sequi debuit, ex tortitudinis suæ poena cognoscat. Vnde bene per Prophetam dicitur: Congrega eos quasi gregem ad victimam, & sanctifica eos in die occisionis. In die enim occisionis sanctificantur reprobi: quia tunc sancta quæ debuerunt, agere consentiunt: cum digna prauitatis suæ simplicia iam declinare non possunt. Quia autem prædicationes sanctæ cum vita præsentis, id est, pluuiæ cum hyeme cessabunt, rectè exeunti animæ, atque ad æternæ felicitatis estiuam properanti, sponsi voce suadentis dicitur: Surge, propera amica mea, formosa mea, & veni. Iam enim hyems transiit, imber abiit & recessit. Transeunte quippe hyeme, imber recedit: quia cum vita præsens peragitur, in qua nos ignorantie nubilo, carnis corruptibilis torpor astrinxerat, omne ministerium prædicationis cessat. Clarius quippe per nos tunc videbimus hoc quod sanctorum vocibus nunc obscurius audimus. Præcipit igitur Dominus niui, & hyemis pluuiis, ut in terram descendant, dum aspiratione sancti spiritus pro corrigendis peccatoribus corda sanctorum ad ministerium prædicationis humiliat. Vbi rectè additur:

Quod alia sit prædicatione de infirmitate humanitatis, alia de fortitudine diuinitatis.

Caput XV.

Et imbri fortitudinis suæ. Imber quippe fortitudinis Dei, est prædicatione diuinitatis. Nā imber infirmitatis, est prædicatione eius incarnationis, de qua per Paulum dicitur: Quod

infirmum est Dei, fortius est hominibus. Et rursum: Si crucifixus est ex infirmitate, sed viuit ex virtute Dei. Sic autem sancti viri humanitatis eius infirma prædicant, ut auditorum suorum cordibus etiam diuinitatis fortia infundant. Audiamus per tonitruum nobis, imbrem fortitudinis: In principio erat verbum, & verbum erat apud Deum, & Deus erat verbum. Audiamus etiam imbrem infirmitatis: Verbum caro factum est, & habitauit in nobis. Audiamus imbrem fortitudinis: Omnia per ipsum facta sunt, & sine ipso factum est nihil. Quod factum est in ipso, vita erat. Audiamus etiam imbrem infirmitatis: In propria venit, & sui eum non receperunt. Imbri ergo fortitudinis suæ præcipit, ut in terram descendat: quia sanctorum suorum vocibus sic nobis humanitatis suæ infirma prædicat, ut nobis etiam mira, & fortia suæ diuinitatis innotescat. Sed cum virtutem nostri conditoris audimus, statim ad corda nostra fortitudine compellente reducimur, & tantum super nos iudicem perpendentes, quæ dignè quæue egimus indignè, pœfamur. Vnde & bene subiungitur:

Quod naturali ratione, quæ est lex mentis, & lege prædicationis, homini Deus quid agat, & quid mereatur, insinuat.

Caput XVI.

Qui in manu omnium hominum signat, ut nouerint singuli opera sua. Mala enim quæ agunt homines, pensare contemnant. Sed cum virtutem supernæ districtiōis audiunt, prauorum operum hoc quod se deprimit, pondus agnoscunt. Prædicationis quippe verbis pulsati euigilant, ut pensent ad quæ supplicia sese antiquæ actionis meritum trahat. Dum ergo imber fortitudinis in terram descendit, in manu vniuersiusque signatur, ut sua opera sciat: quia dum virtus incōprehensibilis maiestatis agnoscitur, ab vnoquoque subtilius sua vita pensatur. Quod tamen intelligi & aliter potest. Creator nanque omnipotens à cūctis insensibilibus irrationabilibusque distinctam, rationabilem creaturam hominem condidit: quatenus quod egerit, ignorare non possit. Naturæ enim lege scire compellitur, seu prauum siue rectum sit, quod operatur. Nam ad iudicium pro actione cur venit, si potuit nescire quod egerit. Et ipsi ergo qui præceptis dominicis erudiri contemnant, vtrum bona an mala sint quæ faciunt, sciunt. Nam si bona se facere nesciunt, cur de aliquibus factis in ostentatione gloriantur. Rursum si malè se agere ignorant, cur in eisdem factis alienos oculos declinant? Ipsi enim sibi testes sunt: quia sciunt malum esse quod agunt, quod videri ab aliis verentur. Si enim veraciter malum esse non crederent, nequaquam hoc ab aliis videri formidarent. Vnde & bene per quendam sapientem dicitur: Cum sit timida nequitia, dat testimonium condemnationi: quia dum de facto suo conscientiam pulsans timor redarguit, ipsa sibi testimonium perhibet damnabile esse quod agit. Quo contrā per Ioannem dicitur: Si cor nostrum non reprehendit nos, fiduciam habemus apud Deum. Fugiant ergo iniqui humanos oculos, semetipsos certè fugere non possunt. Quia enim malum quod faciunt nouerunt, habent testem conscientiam, habent iudicem rationem suam. In peccato igitur quod committunt, prius contra se iudiciū suæ rationis inueniunt, & post ad districtiōem æterni examinis perducuntur. Et hoc est fortasse quod per Psalmistā dicitur: Abyssus abyssum inuocat in voce eataractarū tuarum: quia dum miro ordine dispositionis occultæ malum nō permittitur nesciri, quod agitur, & suo se iam iudicio peccator in conscientia cōdemnat, & post condemnationem propriā ad æterni iudicis sententiam properat. Abyssum ergo abyssum inuocare, est de iudicio ad iudicium peruenire. Eant ergo prædicatores sancti, redarguant facta peccantium, auditores autem prauis contemnant verba iustorum, defendant quantum voluerint prauitates suas, atque impudenter gestas, impudentius defendendo multiplicent, certè ipsi sibi in conscientia testes sunt, quia excusabiles nō sunt. Quia enim ipse quo rationabilem creaturam Deus hominem condidit, in manu omnium hominum signat, ut nouerint singuli opera sua. Sed quia Helii de prauitate singulorum sententiam protulit, illico ad ipsum prauitatis authorem per quem vnumquodque malum oboritur, mentis oculos deflectit: ut quia vno hoc versu prauis capitis membra perstrinxerat, etiam hoc ipsum membrorum

membrorum caput sub breuitate describat. Vel certè, quia superius nubium Dei virtutes intulerat, agit nunc vt contra bonorum vitam aduersarij impugnationes innotescat. Nam sequitur.

Quod in reproborum cordibus diabolus quasi in antro suo lateat.

Caput XVII.

Ingrederetur bestia latibulum suum, & in antro suo morabitur.)

I Quis alius nomine bestiae nisi antiquus hostis accipitur, qui deceptionem primi hominis saeuus impetit, & integritatem vitae illius malè suadendo lanauit: Contra quem Prophetæ vocibus de sancta electorum Ecclesia in antiquum statum restauranda promittitur. Et mala bestia non transibit per eam. Sed hæc bestia cum post redemptoris aduentum, post prædicatorum voces, quasi post tonitruum nubium in fine mundi illum damnatum hominem qui Antichristus vocatur, inuasit: quid aliud quàm latibulum suum ingreditur, vt in antro proprio demoretur? Vas quippe illud diaboli, antrum ac latibulum bestiae est, vt insidiās hominibus viam huius vitae carpentibus, in illo & per signa lateat, & per malitiam occidat.

B Qui tamē omnium reproborum corda etiam nūc priusquam aperti apparcat, possidet: eaque per occultam malitiam quasi proprium antrum tenet, atque ad omne quod nocere bonis appetit, in eorum se obscuris mentibus abscondit. An Iudæorum persequentium corda, antrum huius bestiae non fuerunt, in quorum diu consiliis latuit, sed repentē vocibus erupit clamantium, Crucifige crucifige? Et quia ad lacerationem mentis perungere tentando nō potuit in redemptore nostro, ad mortem carnis anhelauit. Hæc nimirum bestia multa electorum corda tenuit, sed hanc ab illis moriens agnus excussit.

Vnde & in Euangelio dicit: Nunc princeps huius mundi eicietur foras. Qui miro rectōque iudicio dum confessiones humilium illuminans suscepit, superbiorum oculos deferens clausit. Vnde ei per Psalmistam dicitur: Posuisti tenebras, & facta est nox, in ipsa pertransibunt omnes bestiae sylvarum: catuli leonum rugientes vt rapiant, & querant à Deo escam sibi. Tenebras quippe Dominus ponit, cum peccatis iudicia rependens, lumen suæ intelligentiæ subtrahit. Et nox efficitur: quia prauorum mens ignorantiae suæ erroribus cæcatur. In qua omnes bestiae syluae pertranseunt, dum maligni spiritus sub opacitate fraudis latentes, in reproborum cordibus prauitates suas explendo percurrunt. In qua & catuli leonum rugiunt: quia nequissimarum, sed tamen eminentium potestatum ministri spiritus importunis tentationibus insurgunt. Qui tamen à Deo escam appetunt: quia nimirum capere animas nequeunt, nisi iusto iudicio præualere diuinitus permittantur.

C Vbi & aptè subiungitur: Ortus est sol, & congregati sunt, & in cubilibus suis se collocauerunt: quia veritatis lumine per carnem apparente, à fidelium mentibus excussi, quasi ad cubilia sua reuerfi sunt, dum sola infidelium corda tenuerunt. Quod igitur illic leonum cubile, hic antrum bestiae dicitur. Notandum verò magnopere æstimo quod bestia hæc nō solum antrum suum ingredi, sed in eo etiam morari perhibetur. Aliquando namque etiam bonorum mentes ingreditur, illicita suggerit, tentationibus fatigat, rectitudinem spiritus ad delectationem carnis deflectere conatur, delectationem quoque ad consensum perducere nititur: sed tamen resistente superno adiutorio præualere prohibetur. Intrare ergo in mentes bonorū potest, sed in eis morari non potest: quia cor iusti huius bestiae antrū non est. Quos enim quasi proprium antrū possidet, eorum mentes proculdubio immorās tenet: quia & prius in eis cogitationes vsque ad iniqua desideria, & post iniqua desideria vsque ad nequissima opera perducit. Neque enim student reprobi suggestiones eius recta iudicij manu repellere, cuius voluptatibus appetunt subdita delectatione seruire.

D Cumque in eorū cordibus prauum quid oritur, mox per studiū delectationis enutritur: & cum sibi minimè resistitur, protinus ex consensu roboratur, ita inque cōsensus ad opus perducitur, opus verò etiam consuetudine grauat. Rectè ergo in antro suo morari hæc bestia dicitur, quæ tam diu cogitationes reproborum tenet, quousque eorum vitam etiam aculeo prauis operis perforet. Vnde bene ad Iudæam Dominus per Prophetam dicit: Quousque morabuntur in te cogitationes noxiæ? Neque enim reprehendit, cur veniant, sed cur moren-

A tur. Et in bonis enim cordibus cogitationes illicitæ veniunt, sed tamen morari prohibentur: quia recti quique ne captiuandam domum conscientiae præbeant, ab ipso cordis limine hostem fugant. Qui etsi quando repentinis suggestionibus vsque ad primum vestibulum surripuerit, ad consensus tamen ianuam non pertingit. Huic nimirum bestiae impulsu subitæ formidinis victus ianuam cordis Petrus negando aperuit, sed citius cognoscendo restitit, flendo clausit. Quia verò antiquus hostis persecutorum corda non solum intrando tenuit, sed etiam tenendo possedit, dicatur rectè: *Ingrederetur bestia latibulum suum, & in antro suo morabitur.* Quantum nanque in Iudæorum mentibus demorata sit discimus, cum illorum consilia attestatone Evangelicæ narrationis audimus. In illa namque describitur cum redemptorem nostrum viuificare mortuos cernerent, in morte eius quanta anxietate crudelitatis infanirent, quot explere contra illum praua desideria ardentè vellent, sed tamen populum timerent: quot occasiones occidendi quærent, & inuenire non possent: quot ad vorum suæ sauitiæ alienigenarū manibus vsi sunt: quia cum quem legaliter interimere ipsi non poterant, ferendum gentibus tradiderunt, vt ex sola potestate Romanus præses ageret, quod ex sola malitia vt agi debuisset, ipsi anhelarent. Vnde & aptè subiungitur:

Quod Christus Iudæis qui zelo legis feruere videbantur, scandalum fuit: gentibus verò infidelitatis frigore torpentibus salutis.

Caput XVIII.

A B interioribus egredietur tempestas, & ab arcturo frigus.) Scriptura sacra cum contra arcturum interiora memorat, diuersam Aquilonis partibus Austri plagam designat. Vnde in hoc eodem libro scribitur: Qui facit arcturum & orionas & interiora Austri. Quia igitur interiora Austri Sol feruentior tenet, in arcturo verò curlum omnimodo non habet: interiorum nomine plebs Iudaica, arcturi autem vocabulo, hoc in loco populus gentilis exprimitur. Hi enim qui vnum atque inuisibile Deum nouerant, eiusdemque legi saltem carnaliter seruiebāt, quasi sub meridiano Sole seruētes in fidei calore tenebantur. Gentiles autem quia nullam scientiam supernæ cognitionis attigerant, velut sine sole frigidi sub Aquilone remanebāt. Quia verò tempestas impellit, frigus autem torpore opprimit, rectè nunc dicitur: *Ab interioribus egredietur tempestas, & ab arcturo frigus.* ac si aptè diceretur, A Iudæis surgit malitia persequēs, & à gentilibus potestas premens. Neque enim miracula fieri legis præcepta vetuerant, & tamen Iudæi pro eisdem miraculis interimere humani generis redemptorem quærebant. Vnde explere hoc quod cœperant non valentes, ad Pilati prætorium cucurrerunt, vt ipse hunc perimeret, quem iniuste perimere lex nulla cohiberet. Ab interioribus ergo tempestas, atque ab arcturo frigus prodiit, dum quod Iudæa ex inuidia petiit, hoc gentilis iudex ex Romana autoritate perpetravit. Vnde bene contra hanc eandem adhuc inuidiam subditur:

Flante Deo concreuit gelu.) Quia quo fidelium cordibus spiritus sanctus aspirauit, quo maiora virtutum miracula contulit, eo infidelium mentibus grauioris inuidiæ torporis creuit, atque inde contra Deum plebs infidelis obduruit, vnde humilis populus antea tam duritiam qua se astrinxerat, emolliuit: Deo enim flante in gelu versi fuerant, qui visis miraculis inuidentes dicebant: Ecce totus mundus post eum abiit. Cō-

Io an. 12. spiciebant signa, cernebāt per ministros eius miracula, totum iam mundum secuturum fidei prædicamenta præuidebant: & tamen quo sanctus spiritus mundum repleuerat, eo illorum mentes arctius inuidiæ malitia ligabat. Aqua ergo in gelu versa fuerat, dum eunte post Deū mundo, Iudæa in inuidia pigra remanebat. Sed quia supernæ potestati suppetiit etiam tantæ crudelitatis duritiam soluere, atque ad amandum se corda infidelium liquare, post hoc gelu mox bene subditur: *Et rursum latissimè funduntur aqua.)* Post gelu quippe Dominus latissimas aquas fudit: quia postquam Iudæorum sauitiā vsque ad mortem pertulit, eorum corda protinus ab infidelitatis duritia, amoris sui aspiratione liquefecit, vt tantò post desiderabilius ad obediendū curreret, quantò præceptis illius prius obstinatius restitissent. Vnde bene per quendam sapientē dicitur: Si-
Eccle. 3. cut glacies in sereno, sic resoluētur peccata tua. Ab hoc frigi-

Matth. 26.

20.

21.

Io an. 12.

† al. pictati.

Eccle. 3.

Psalm. 125. di torporis gelu solui Propheta desiderauerat, cum dicebat: Conuerte Domine captiuitatem nostram, sicut torrens in Austro. De his aquis, id est, ad Deum concurrentibus populis rufum dicitur: Mittet verbum suum & liquefaciet ea, flabit spiritus eius, & fluent aquae. Aquae de gelu currunt: quia plerique ex duris persecutoribus magni praedicatores sunt. Gelu igitur in aqua ligatur, cum torpor interni frigoris ad irrigationem vertitur praedicationis. An Paulus gelu non erat, qui acceptis epistolis Damascum pergens, in corde fidelium quasi in terra Dei iactata verbi semina, ne ad perfectionem operum surgerent, restringere quarebat? Sed gelu hoc in aquam rediit: quia quos persequendo prius premere studuit, hos postmodum fluentis sanctae exhortationis infudit, ut tantum vberior electorum messis exurgeret, quantum hanc imber Dei etiam ab ore persecutoris irrigaret. Vnde & bene subditur:

Quod messis Ecclesiastica operarios desiderat, quorum complatur doctrina & exemplis proficiat.

Caput XIX

22 **F**rummentum desiderat nubes. Quid enim electi quique sunt, nisi frumenta Dei coelestibus horreis recondenda? Quae nunc in tritura area paleas tolerant: quia in hac purgatione sanctae Ecclesiae mores contrarios reprobos portant, quousque hanc internus agricola ventilabro iudicii dirimat, & in superna habitacula electos suos quasi munda iam grana suscipiens, aeternis paleas ignibus tradat. Vnde bene per Ioannem dicitur: Cuius ventilabrum in manu sua, & permundabit aream suam, & congregabit triticum in horreum suum, paleas autem comburet igni inextinguibili. Sed hoc frumentum quousque ad perfectionem fructuum veniat, nubium pluias expectat ut crescat: quia bonorum mens praedicantium verbis infunditur, ne ab humore charitatis desideriorum carnalium sole siccat. Hoc frumentum supernus agricola in mundo surgere ac nubes desiderare conspexerat, cum dicebat: *Math. 9.* Messis quidem multa, operarii autem pauci. Rogate autem Dominum messis ut mittat operarios in messem suam. Qui igitur hic frumentum, illic messis, qui vero hic nubes, illic operarii vocantur: quia praedicatores sancti & nubes sunt & operarii, nubes videlicet per doctrinam, operarii per vitam: nubes quia verbis influunt, operarii quia non desinunt agere quod loquuntur. Vnde & subditur: *Et nubes spargunt lumen suum.* Nubes enim lumen spargere, est praedicatores sanctos exempla & loquendo & agendo dilatare. Sed quauis annuntiationis intimae lumen spargant, non tamen ad conuertenda omnium quae appetunt corda perueniunt. Nam sequitur: *Quae lustrant cuncta per circuitum, quocumque eas voluntas gubernantis duxerit.* Saepe enim praedicatores sancti exhortari quosdam volunt, sed nequeunt. Saepe quosdam declinare appetunt, sed tamen internae instigationis impulsu exhortari eos instantissime compelluntur. Videamus nubem Dei quomodo gubernantis manu & ad ea quae non appetit ducitur, atque ab impulsu suo iterum gubernantis manu retinetur. Certum Paulus cum vestimenta sua excutens a Corinthiis discedere vellet, *Acto. 13.* audiuit: Noli timere, sed loquere, & ne taceas, propter quod ego tecum sum, & nemo apponetur tibi ut noceat te, quoniam multus est mihi populus in hac ciuitate. Rursum cum ad Thessalonicenses voluisset ire, retentus est, dicens: Volui venire ad vos ego quidem Paulus, & semel & iterum, sed impediuit me Satan. Neque enim per semetipsum Satan praedire Apostoli vias potuit, sed occultae dispensationis visibus dum aduersatur, nesciens deseruiuit, ut nimirum Paulus dum ad alios vellet accedere nec valeret, eis a quibus recedere non poterat, aptius prodesset. Nubes igitur Dei cuncta per circuitum lustrant: quia praedicationis luce mundi fines illuminant. Sed quia diuinis nutibus subdita nequeunt explere quod volunt, ire non possunt, nisi quod eas voluntas gubernantis duxerit. Vnde & adhuc subiungitur: *Ad omne quod praecipitur eis super faciem orbis terrae.* Saepe enim cum gubernantis voluntate perducuntur, aliter agere appetunt, sed aliter disponuntur. Nam plerumque quosdam auditores suos student blandè corrigere, & tamen eorum sermo in asperitatem ducitur: Plerumque quosdam refecare asperè appetunt, sed tamen eorum rigor per mansuetudinis spiritum refrenatur. Sicut ergo non possunt ire quod volunt, ita etiam nequeunt agere sicut

E volunt. Quia enim eos internus arbiter tenet, cum mittit, ita illos etiam modificans suscipit cum perducit, ut aliquando in cogitatione alia disponat, sed alia in opere peragant, aliquando aliter inchoent, sed aliter consumment. Quia igitur iuxta hoc quod sibi praecipitur seruiunt, dicatur rectè: *Quocumque eas voluntas gubernantis duxerit, ad omne quod praeceperit illis super faciem orbis terrae.* Eo enim apertiore viam praedicationis inueniunt, quod ad hanc non suis, sed praepetoris sui nutibus ducuntur. Vnde adhuc subditur:

Quod secundum gratiam Dei, verbum fidei ad omnes peruenit, & profectus iustitiae, neque volentis, neque currentis, sed miserantis est Dei. Caput XX.

Sue in vna tribu, siue in terra sua, siue in quocumque loco misericordiae suae eas iusserit inueniri. Vna tribus profectus Iuda intelligitur, quae in scriptura sacra clara ac multiplex praeteris memoratur. Quae in hoc quod ex se redemptoris nostri carnem protulit, speciale praeter omnibus munus accepit. Terra autem Dei, simul omnis Iudaea nominatur. Quae tunc ei fidei suae fructum protulit, cum totus sub idolorum cultu delapsis gentibus mundus errauit. Locus autem misericordiae Dei est ipsa gentilitas, cuius culpas districtus iudex si iuste animaduerneret, ad reconciliationem gratiae nunquam veniret. Quae cum nulla apud Deum merita habuit, reconciliationis tamen gratiam ex sola misericordia accepit. Vnde per Paulum dicitur: Gentes autem super misericordia honorare Deum. Vnde rursus scriptum est: Qui quondam non consecuti misericordiam, nunc autem misericordiam consecuti. Nubes ergo suas Deus ducit, siue in vna tribu, siue in terra sua, seu in quocumque loco misericordiae suae eas iusserit inueniri: quia praedicatores veteris nouique testamenti aliquando soli tribui Iudae contulit, & Israel penè totum ex praua regum gubernatione reprobauit. Aliquando & in terra sua has plueret nubes facit: quia eundem Israeliticum populum ad antiquam gratiam post correptionem captiuitatemque reuocauit. Aliquando de loco suae misericordiae eas clarescere voluit: quia per praedicatores sanctos etiam gentibus virtutum miracula ostendit, ut sola misericordia a iugo erroris absolueret, quos ingenitae perfidiae ira deprimebat. Sed ecce Helii quia futura per Propheticum spiritum sensit, quia multa sublimiter protulit, vir arrogans elationis suae pondere lassatus non valet portare quae dicit. Nam per iactantiam protinus adiungit: *Auscul- ta haec Iob, sta & considera miracula Dei.* Quasi in comparatione sui iacentem vidit, quem ad verba tantae praedicationis ut staret admonuit. Quauis & per hoc quod dicit: *Auscul- ta, gra- uem beato Iob contumeliam irrogat:* quia, sicut iam de illo & superius diximus, arrogatia minoris est, auditum sibi velle extorquere maioris. Sed licet Helii bona quae dicit, nesciat pensare cui dicit, nos qui erudiri ab hominibus quaerimus, indagare verba doctrinae illius subtiliter debemus. Nam magna fortassis virtutis arte dicitur: *Sta & considera miracula Dei.* Sunt nonnulli quippe qui Dei miracula iacentes considerant: quia operationis eius potentiam non sequentes admirantur. Stare quippe est recta agere. Vnde & per Paulum dicitur: *H* Qui se existimat stare, videat ne cadat. Et saepe quidem superna iudicia mirantur, praedicamenta coelestis patriae cum audiunt diligunt, mira opera internae dispositionis obstupescunt: sed tamen amando & viuendo ad haec eadem opera assurgere negligunt. Iacentes ergo Dei miracula considerant, qui eius potentiam sciendo pensant, sed viuendo non amant. Per contemplationem quidem in consideratione oculos tendunt, sed tamen per intentionem sese a terra non erigunt. Vnde bene in Balaam exprobratione dicitur: Qui cadens apertos habet oculos. Multa namque de aduentu redemptoris dixerat, & quae in nouissimis temporibus erant ventura prauidebat, sed tamen ei viuendo assurgere noluit, quem prauidendo praedicaui. Iacens apertos oculos habuit, cum eius mentem & prophetia ad coelestia tenderet, & auaritia in terra retineret. Iacens apertos oculos habuit: quia eum videre de superioribus potuit, quem prostratus in infimis non amauit. Helii itaque qui beatum Iob nequaquam credidit viuendo tenuisse quod dixit, quasi admonens dicit: *Sta & considera miracula Dei.* Quem adhuc de venturis discutit, & quasi de ignorantia humilians adiungit:

Quod nisi

Quod nisi prædicatores loquendo prodant quales intus sint, aut reliquis hominibus similes, aut longè despectiores videantur.

Caput XXI.

Nunquid scis quando præceperit Deus pluuiis vt ostenderent lucem nubium eius? Si nubes sancti prædicatores sunt, pluuiæ nubium sunt verba prædicationum. Sed nubes cum per aëra transuolant, nisi pluuiæ deorsum veniant, nescietur quantam aquarum immensitatem portant. Nisi coruscus Sol inter pluuias erumpat, intelligi non valet quid in eis etiam claritatis lateat: quia nimirum prædicatores sancti si taceant, & nequaquam loquentes ostendant, quanta sit cœlestis spei claritas quam in cordibus gestant, aut reliquis hominibus similes, aut longè his despectiores videntur. Cum autem aperire per prædicationē cœperint quæ sit supernæ patriæ remuneratio, quam intrinsecus tenent, cum persecutione pressi, in qua virtutis arcē profecerint innotescunt, cum visione despecti, loquendo insinuant vnde timeantur, ipsæ quæ de nubibus influunt pluuiæ, lucem nobis earundem nubium ostendunt. Per verba enim prædicatorum agnoscimus, vt in eis claritatem vitæ quam appetunt, cum magna humilitate veneremur. Hanc nimirum lucem Paulus discipulis ostendebat, cum diceret: Vt sciatis quæ sit spes vocationis eius, quæ diuitiæ gloriæ hereditatis eius in sanctis, & quæ sit supereminens magnitudo virtutis eius in nos qui credimus. Hanc lucem Corinthij per scriptorum verba quasi per pluuiæ guttas agnouerant, cum dicebant: Epistolæ graues sunt & fortes, præsentia autem corporis infirma & sermo cōtempnibilis. Sed plerunque prædicatores sancti ostendere semetipsos vt profint cupiunt, nec tamen possunt. Plerunque latere vt quieti sint appetunt, nec tamen permittuntur. Nemo igitur scit quando lucem nubium pluuiæ ostendant: quia nemo comprehendit quādo Deus virtutem prædicationis præbeat, vt prædicantium gloria clarescat. Dicit ergo: *Nunquid scis quando præceperit Deus pluuiis, vt ostenderent lucem nubium eius?* ac si apertè dicat: Nunquid si venturos in mundo prædicatores iam conspicias, quando eos ad prædicandum Dominus repletionē sancti Spiritus impellat, quibuscumque modis eorum vitæ claritatem mundo innotescat, apprehendis? Vnde adhuc aptè subiungitur:

Quod in doctrina Evangelica angusta semita sunt regula continentia, & perfecta scientia sit, de profectu virtutum, non in se, sed in Domino gloriari.

Caput XXII.

Nunquid nosti semitas nubium magnas & perfectas scientias? Habent istæ nubes semitas subtilissimas, scilicet sanctæ prædicationis vias. Angusta quippe porta est quæ ducit ad vitam. Eos ergo per semitas astringunt, qui ab intentionis eorū tramite per lata mundi desideria euagando non exeunt. Arcta enim bene viuendi mensura nō est ampla via, sed semita, in qua prædicator quisque studiosè cōstringitur: quia sub præceptorum custodia sollicitè coangustatur. An non quasi quædā angustia est itineris, in hoc quidem mundo viuere, sed de huius mundi concupiscentia nihil habere, aliena non appetere, propria non tenere, laudes mūdi despicere, & pro Deo opprobria amare, gloriam fugere, despectum sequi, adulantes despicere, desipientes honorare, mala nocētium ex corde dimittere, & erga eos dilectionis gratiā immobilem in corde retinere? Quæ videlicet omnia semitæ sunt, sed magnæ: quia quantò in præfenti vita pro ipsa viuendi custodia angustæ sunt, tantò amplius in æterna retributione dilatantur. Vnde & bene subditur: *Et perfectas scientias.* Perfecta quippe scientia est, & cuncta hæc sollicitè agere, & se de suis meritis scire nihil esse. Vnde & ipse nubes de hac perfecta scientia docentur, cum eis voce veritatis dicitur: Dum feceritis omnia quæ præcepta sunt vobis, dicitur, Serui inutiles sumus. Perfecta scientia est scire omnia, & tamen iuxta quendam modum scientem se esse nescire: quia etsi iam Dei præcepta nouimus, etsi iam virtutem verborum illius sollicita intētiōne pensamus, etsi iam quæ intellexisse nos credimus agimus: adhuc tamen acta eadem qua districtiōne examinamus discutienda nescimus, necdū Dei faciem cernimus, necdum occulta eius consilia videmus. Quanta ergo est nostra scientia, quæ quousque mortalitatis nostræ pondere premitur, ipsa suæ incertitudinis nubilo cœcatur? De qua bene per

A Paulum dicitur: Qui se existimat scire aliquid nondū cognouit quemadmodum oporteat eum scire. In hoc itaque mūdo dum viuimus, tunc perfectè quæ sciēda sunt scimus, cum proficientes per intelligētiā, nihil nos perfectè scire cognoscimus. Dicitur igitur: *Nunquid nosti semitas nubium magnas & perfectas scientias?* ac si apertè dicat: Nunquid iam summa acta prædicantium conspicias, qui postquam per scientiam ad alta se eleuant, deorsum se humiliter per cognitionem suæ ignorantiae inclinant? Quod quia solo sancti Spiritus dono agitur, vt humanum cor non solum de scientia, sed etiam de ipsa sua ignorantia perfectè doceatur, & calore amoris ad superna ferueat, dum minora esse quæ cognouit in infimis pensat, recte subiungitur.

Quod doctorum & auditorum concordia quæ mutua charitate coalescit, ex Spiritu sancto est.

Caput XXIII.

Nonne vestimenta tua calida sunt, cum perflata fuerit terra Austro? Sæpe beatum Iob figuram sanctæ Ecclesiæ tenere iam diximus. Vestimenta verò Ecclesiæ sunt omnes qui ei fidei adunatione iunguntur. De quibus eidem Ecclesiæ per Prophetam Dominus dicit: Viuo ego: quia omnibus his velut ornamento vestieris. Per Austrū verò qui nimirum calidus ventus est, nō immeritò Spiritus sanctus designatur, quo quisque dum tangitur, ab iniquitatis suæ torpore liberatur. Vnde bene in Canticis canticorum dicitur: Surge Aquilo & veni Auster, perfla hortum meum, & fluat aromata illius. Aquilo enim iubetur vt surgat, vt nimirum is qui mortalium corda restringit aduersarius Spiritus fugiat. Auster enim venit & hortum perfla vt eius aromata diffluant: quia per aduentum sancti Spiritus dum mens hominum repletur, ex ea mox opinio virtutum aspergitur, vt iure iam sanctorū lingua quasi hortus Austro perflatur dicat: Christi bonus odor sumus Deo. Vestimēta ergo sanctæ Ecclesiæ calida sunt dum terra Austro perflatur: quia hi qui ei per fidem inhærent, feruentibus charitatis studiis inardescunt, dum eorum mens sancti Spiritus afflatu perfunditur. Quod quidem & de eodem beato Iob nil obstat intelligi: quia sic hæc generaliter in sancta Ecclesia dicimus, vt tamē per membra eius singula specialiter teneamus. Vnusquisque enim qui rectè viuit, atque hoc & alios docere consuevit, quasi tot vestimenta habet, quot auditores ei concorderet inhærent. Natura nanque vestimentorum est, vt per semetipsa calere non possint, sed adiuncta viuenti corpori, dum exhalantes membrorum poros contegunt, emanantem ab intimis calorem premunt, quo nimirum calore hæc eadem vestimenta calefiunt, sed calefacta calorem quem acceperint, retinendo ad corpus reddunt. Quid ergo per vestimenta viuenti corpori adhærentia, nisi discipulorum vita magistris bene viuentibus coniuncta signatur? Quæ quasi per poros calorem accipit: quia ad amorem Dei & exemplo actionis, & impulsu exhortationis ignescit. Quæ velut frigus proprium expellit, dum à pristina iniquitate discedit, calorem quem accepit retinet: quia in eo quem prædicando sumpserit, feruore conualescit. Doctores autem sancti dum auditores suos in amorem Dei proficere sentiunt, ipsi amplius in doctrinæ virtute feruescunt, & quia eos ad summa inardescere & feruere conspiciunt, ad prædicanda bona cœlestis patriæ validius succenduntur. Qui etsi quando pro eo quod adhuc vitam corruptilem humanæ infirmitatis agunt, de qualibet culpa saltem tenuiter in opere, in locutione, in cogitatione tentantur, discipulorum suorum profectum conspiciunt, & ipsi vel in minimis esse reprehensibiles erubescunt, ne qua fortè exempla tortitudinis præbeant eis quos prædicationis voce ad regulam intimæ rectitudinis vocant. Dum ergo verbo doctorum accenduntur auditores, quasi ex viuenti corpore vestimenta calefiunt. Sed dum ex profectu auditorum etiam vita docentium proficit, quasi ex calefactis vestimentis calor ad corpus redit. Sed nequaquam sibi doctores tribuant quod per exhortationem suam ad summa proficere auditores vident: quia nisi Spiritus sanctus eorum corda repleat, ad aures corporum vox docentium incassum sonat. Formare enim vocem magistri exterius possunt, sed hanc imprimere interior non possunt. Neque enim qui plantat est aliquid, neque qui rigat, sed qui incrementum dat Deus. Dicitur ergo:

Nōne vestimenta tua calida sunt, cum perflata fuerit terra Austro?) Quia nimirum tunc auditores qui iam bene viuētibz doctōribz inhærent, calorem superni amoris accipiūt, cū per afflatum sancti Spiritus excitantur, ac si apertē beato Iob diceret: Incassum tibi tribuis si quos per te profecisse in virtutibus contemplaris: quia hi quos per te incaluisse æstimas, nisi eos Spiritus sancti feruor attingeret, frigidi in sua insensibilitate remānerent. Postquam verō hæc fortiter dixit, per arrogātiā leuiter motus, irrisōnis ilico verba subiungit dicens:

Quod sancti Angeli hoc in munere retributionis acceperunt à Deo, ut ad peccatum vltra moueri non possint.

Caput XXIIII.

Tunc forsitan cum eo fabricatus es cœlos, qui solidissimi quasi ære fusi sunt. Possunt per cœlos hi qui in cœlestibus sunt conditi, Angelici spiritus designari. Vnde & in oratione nostra dicere voce veritatis instruimur: Fiat volūtas tua sicut in cœlo & in terra: ut nimirum voluntas Dei, sicut à superiori creatura agitur, ita in omnibus etiam ab humana infirmitate seruetur. De quibus bene dicitur: Qui solidissimi quasi ære fusi sunt Naturæ nanque æris est rubigine difficilē consumi. Et virtutes angelicæ quæ in diuino amore fixæ persisterunt, lapsis superbientibus angelis, hoc in munere retributionis acceperunt, ut nulla iam rubigine surripientis culpæ mordeantur, ut in contemplatione conditoris sine fœlicitatis fine permanent, & in hoc quod sunt conditæ, æterna stabilitate subsistant. Quod bene apud Moysen ipsa de mundi origine historiarū verba testantur, cū & prius factum cœlum dicitur, & hoc idem postmodum firmamentum vocatur: quia videlicet natura Angelica, & prius subtilis est in superioribus condita, & pōst ne vnquam potuisset cadere, mirabilius confirmata. Possunt etiam per cœlos, ut sæpe diximus, electorum mentes exprimi, à cunctis terrenis contagiis intimo amore suspensæ. Qui quauis corpore degant in infimis: quia tamen corde iam inhæret summis veraciter dicunt: Nostra conuersatio in cœlis est. Qui solidissimi ut ære fusi sunt: quia ab integritate cœptæ fortitudinis, nulla mutabilitatis rubigine cōsumuntur. Quibus & fortiter contra aduersa durantibus auctoris voce dicitur: Vos estis amici mei, qui permansistis mecum in tētationibus meis. Sed quāuis doctus & arrogans cū irridere sanctum virum nititur, irrisōni suæ fortia dicta permisceat, à dictis tamen fortibus semper ad superuacua verba relabatur. Nam iterum eum deridendo subiungit: *Ostende nobis quid dicamus ei, nos quippe inuoluimur tenebris.*) Ac si dicat, Tu qui iam magna intelligentiæ luce perfrueris, docere nos qui ignorantia tenebris inuoluimur, debes. Qui mox ab irrisione resiliens, despiciendo subiungit: *Quis narrabit ei quæ loquor?*) Ac si apertē dicat: Quæ ego ei de suis laudibus acutē sentiens non audita loquor: quis hæc narrare vel postquam audierit potest? Sed quia cum doctrina & arrogantia in vnus mentis habitatione confligit, à loquētis ore non solum sonat viuendi leuitas, sed etiam grauitas sentiēdi, postquam Helius per arrogātiā leuiter intumuit, dicens: Quis narrabit ei quæ loquor, mox per doctrinam subdidit:

Quod ineffabilis sit Deus, & scrutator maiestatis opprimatur à gloria.

Caput XXV.

26

Etiam si locutus fuerit homo, deuorabitur.) Omne quod aliquid deuorat, hoc introrsus trahens, ab intuentium oculis occultat, & rem quæ videri in superficie potuit, in profundum rapit. Homo igitur cū de Deo tacet, per rationem in qua est conditus, esse aliquid videtur. At si loqui de Deo cœperit, ilico quā sit nihil ostenditur: quia magnitudinis illius immensitate deuoratur, & quasi in profundum raptus absconditur: quia fari ineffabilem cupiens, ipsa suæ ignorantia angustia deglutitur. Loquitur enim caro de spiritu, circumscriptus spiritus de incircumscripto, creatura de creatore, temporalis de æterno, mutabilis de immutabili, mortalis de viuificante, & cū in tenebris positus internum lumen sicut est nesciat, homo de æternitate differere cupiens, cæcus de luce loquitur. Si ergo locutus fuerit homo, deuorabitur: quia si efari homo æternitatem sicut est appetit, etiam hoc sibi subtrahit quod de illa vel tacitus sentit. Sed ecce æternitas tunc hominibus verē innotuit, cū se eis humanitate suscepta

E monstrauit. Quæ quia necdum reuelata fuerat, de eisdem hominibus rectē subiungitur. *At nunc non vident lucem.*) De qua nimirum luce etiam per Prophetam dicitur: Populus qui ambulat in tenebris, vidit lucem magnam. Sed hæc eadem lux qualiter ab hominibus videatur, insinuat, cū protinus subdit: *Subiō aer cogitur in nubes.*) Aër quippe ipsa sua tenuitate spargitur, ut nulla firmitate solidetur. Nubes autem tantō firmiores sunt, quāto densiores. Quid ergo per aërem nisi mentes secularium designantur, quæ innumeris huius vitæ desideriiis deditæ, huc illucque more aëris fluidæ disperguntur? Sed aër in nubes cogitur, cū fluxæ mentes per superni respectus gratiam virtutis soliditate roborantur, ut intra finem cordis recta sentiendo se colligant, & in vanis cogitationibus non liquefiant. Aër Petrus fuerat, cū per terrena desideria sparsus eum, quasi aura transiens pro vita carnis cura piscationis agitabat. Aër etiam Apostoli omnes extiterant, qui iam per legem alta didicerant, sed necdum per fidem firma sapiebant. Subiō autem aër in nubes coactus est: quia per respectum supernæ gratiæ, fluxa corda piscantium in soliditatem versa sunt prædicatorum, ut eorum infirmæ cogitationes fortia sentiendō densescerent, ac more nubium aquas scientiæ caperent, & subter iacentem terram verbis prædicationis irrigarent, quopæfacto ministerio, ad cœli secreta recurrerent, atque ad æternam requiem finito labore peruenirent. Vnde & bene mox subditur: *Et ventus transiens fugabit eas.*) Ventus quippe est transiens, vita præsens. Ventus ergo transiens nubes fugat: quia mortalis vita percurrens prædicationes sanctos à nostris oculis corporaliter occultat. Ventus ergo transiens nubes fugat: quia vitæ temporalis excursus à carne Apostolos subtrahit, & eos à terræ superficie in secreta requie quasi in cœlorum cardine abscondit. Sed quia vsq; ad mortem prædicare non desinunt, præsentis vitæ spatium more nubium cum verborum pluuia excurrunt, quid eorum laboribus in sancta Ecclesia agatur, adiungit, cū protinus subdit:

Quod filii regni in tenebras exteriores proiectis, multi ab Oriente & Occidente quasi aurum in thesauros venerunt: & multus ex hoc nobis sit timor, quoniam non intelligimus cur reprobato trunco, in ramis insitis complacuit ei.

Caput XXVI.

AB Aquilone aurum veniet.) Quid per Aquilonem nisi peccati frigore cōstricta gentilitas designatur? quā ille subiugo suæ tyrannidis tenuit, qui superbiens dixit: Sedebo in monte testamenti, in lateribus Aquilonis, ascendam super altitudinem nubium, similis ero Altissimo. Quid verō auri nomine, nisi animæ fideles exprimuntur? De quibus per Hieremiam dicitur: Quomodo obscuratum est aurum, mutatus est color optimus? Aurum quippe obscuratum doluit: quia in quibusdam claritatem innocentia versam in culpæ nigredinem vidit. Ab Aquilone ergo aurum venire dicitur: quia per respectum gratiæ redemptoris, à gentilitate dudum perfidie torpore frigida, intra sanctam Ecclesiam preciosa Deo vita fidelium multiplicatur. Ab Aquilone etenim aurum venit, cū ab ipsis idolorum cultoribus vera in Domino fides clarescit. Sed conuersis ad fidem gentibus, Iudæa contradicit, & ad præmiorum retributionem cœlestium dedignatur suscipere eos qui dudum fuerant cultores idolorum. Vnde post conuersionem gentium Petro dicitur: Quare introisti ad viros præputium habentes, & comedisti cum eis? Quo contra rectē per Esaiam Dominus dicit: Dicam Aquiloni, da, & Austro, noli prohibere. Sicut enim per Aquilonem gentilitas, sic per Austrum Iudæa signatur. Quæ quasi meridiano Sole incaluit: quia redemptore in carne apparēte, feruorem fidei prima suscepit. Aquiloni ergo da dicitur, cū auferre Deo suæ fidei munera gentilitas imperatur. Austro autem iubetur ne prohibeat: quia Hebræis in fide consistentibus præcipitur ne vitam gentium repellendo condemnent. Vnde hīc quoque quia dictum est: Ab Aquilone aurum veniet, aptē subiungitur: *Et à Deo formidolosa laudatio.*) Sic enim formidolosa laudatio à Deo venire dicitur, ac si ab his, qui in parte Dei sunt, id est, à fidelibus venire diceretur. Auro igitur ab Aquilone veniente, à Deo formidolosa laudatio prodiit: quia dum claritatem suæ fidei gentilitas obtulit, multitudo Hebræorum fidelium diuina iudicia pertimescendo laudauit. Sed quomodo ab Aquilone

Acto. 10.

Ibidem.

quilone veniat aurū, quomodo ab his qui sub Deo sunt, formidolosa laudatio erumpat, ipsa nobis historia sacri eloquij ostendit. Scriptum quippe est: Cornelius Centurio cohortis quæ dicitur Italica, religiosus & timens Deum cum omni domo sua, faciens eleemosynas multas plebi, & deprecans Deū semper, vidit in visu manifestè quasi hora dei nona, angelum Dei introeuntem ad se, & dicentem sibi: Corneli. At ille intuens eum, timore correptus dixit: Quis es Domine? Dixit autem illi: Orationes tuæ & eleemosynæ tuæ ascenderunt in memoriam in conspectu Dei. Aurū ergo ab Aquilone venit, dum in conspectu Dei ex gentibus cum eleemosynis veniēs oratio ascēdit. Quod cum Petrus fratribus retulisset, quomodo vel Cornelius angelum, vel ipse de cœlo submitti ad se linteū cum bestiis reptilibus ac volatilibus vidisset, vel quomodo Spiritus sanctus etiam ante baptismum gentilium corda perfuderit, qui nunquam in Iudæorum mentibus nisi post aquam baptismatis venit, protinus scriptum est: His auditis tacerunt, & glorificauerunt Deum dicentes: Ergo & gentibus Deus pœnitentiam ad vitam dedit. Multitudo ergo fidelium formidolosam Deo laudem obtulit, quæ saluatis gentibus, à suo se murmure, dona cœlestis gratiæ admirādo, compresit. Vnde ipse quoque Petrus miratur dicens: In veritate comperi, quod non est personarum acceptor Deus. Sed cum gentes fidem suscipiunt, cur ab eis qui iam fideles sunt, formidolosa venire laudatio dicitur, cum læta venire potius quam formidolosa debuisset? Sed idcirco conuersis gentibus, ab Hebræis iam fidelibus formidolosa laudatio prodiit: quia nimirum iustè Iudæa repulsa est, dum piè est gentilitas vocata: & damna suæ repulsionis timuit, dum lucra aliene vocationis vidit. Vnde nos quoque quotidie, dum iniquos quosque ad inopinatam vitæ celsitudinem prouchi repente conspiciamus, sub occultis Dei iudiciis timendo gaudemus, ne per occulta iudicia quosdam Deus, qui digni putantur deserat, qui per hæc ad se eos qui indigni æstimantur vocat: Sequitur: *Dignè cum inuenire non possumus, & si inuenire iam cum possumus, non tamen dignè.* Quia quicquid in illo sentimus, ex fide est, & non ex specie. Hoc tamen quod iam se inuenisse considerat, adiungit dicens: *Magnus fortitudine & iudicio & iustitia, & enarrari non potest.* Magnus quippe est fortitudine: quia fortem aduersarium superat, & de domo illius vasa contumeliæ inferens, in misericordiæ vasa permutat. Magnus iudicio quia & si hîc electos suos per aduersa deprimit, eos quandoque in gloria æternæ prosperitatis extollit. Magnus iustitia: quia etsi hîc diu tolerat, quandoque tamen reprobos sine termino damnat. Bene autem subditur: *Et enarrari non potest.* Qui enim sentiri dignè non valet, quanto minus dici? Sed melius hunc utcunque dicimus, si sub considerationis eius formidine admirando taceamus. Sequitur:

Quod Deum contemplari non possunt qui humiles non sunt: & quid sit quod Dauid cum reduceret arcam Dei in Hierusalem, nudus saltabat.

Caput XXVII.

Psalm. 77.

Bona summa.

I Deo timebunt eum viri, & non audebunt contemplari omnes qui sibi videntur esse sapientes. Hoc loco Helii viros eos qui ad intelligentiam sunt fortes appellat. Et notandum quod non ait: Et non audebunt contemplari sapientes: sed, qui sibi videntur esse sapientes. Quibus videlicet verbis peritos quidem, sed arrogantes insinuat. Helii ergo dum multa fortiter sentit, in locutionis suæ fine se tetigit. Viri nanque arrogantes & docti cum rectè non viuunt, sed tamè recta dicere doctrinæ impulsione compelluntur, ipsi damnationis suæ aliquo modo præcones fiunt: quia dum ea quæ agere respuunt, prædicantes insinuant, suis se vocibus dominatos clamant. Contra quos bene per Psalmistam dicitur: Cœuersi sunt in arcum peruersum. Arcus quippe peruersus ipsum, à quo intēditur percutit. In dictis autem suis arrogantium linguæ arcui peruerso sunt similes: quia dum contra elationem verba faciunt, in suis authoribus sagittas figunt. Vnde summa cura prouidēdum est, ne accepta sapientia cum ignorantia tenebras illuminat, lumen humilitatis tollat, ut iam sapientia esse nequeat. Quæ etsi virtute locutionis fulgeat, elationis tamen velamine cor loquentis obscurat. Alia nanque sunt bona summa, alia bona media. Bona enim summa sunt, fides, spes, charitas. Quæ cum veraciter ha-

A bentur, in malum inflecti non possunt. Bona autem sunt mendacia, prophetia, doctrina, curationum virtus, & cætera, quæ ita inter utrunque sunt posita, ut aliquando per hæc sola æterna patria, aliquando verò gloria terrena requiratur. Medias ergo has virtutes dicimus, quas ad quodcunque mens appetit inclinamus. Quibus perceptis ita, uti animus sicut terrenis diuitiis potest. Per terrenas nanque diuitias alij in gloriæ ostentatione superbiunt, alij erga proximorum indigentiam ministeria pietatis operantur. Cum per doctrinā igitur atque prophetiam laus exterior quæritur, quasi per corporales diuitias terrenæ gloriæ culmē ambitur. Cum verò doctrina atque prophetia lucrandis animabus impenditur, quasi acceptæ diuitiæ egenis fratribus largiuntur. Quia ergo sæpe per ipsa dona quæ se percipere exultat, à manu dantis incautus animus elongat, vigilantī prouisione curandum est, ut & prius subigantur vitia, & post sub circumspectione dona teneantur. Nam si in eis mens incautè se deserit, non per hæc adiuta subuehitur, sed quasi pro antea actis laboribus remunerata reprobat. Vnde fit etiam ut accepta virtus dum in vsu transitoria laudis assumitur: quia vitio militat, virtus non sit. Quia enim origo virtutis humilitas est, illa in nobis virtus veraciter pullulat, quæ in radice propria, id est, in humilitate perdurat. A qua nimirum si abscinditur, arescit: quia viuificantem se in intimis humorē charitatis perdit. Sed quia per hoc quod ab Helio dicitur: *Non audebunt contemplari omnes qui sibi videntur esse sapientes:* occulta cordis elatio reprobat, intueri libet, quanta virtutum munera Dauid perceperat, atque in his omnibus quā forti se humilitate seruabat. Quem enim non extolleret ora leonum frangere, virorum brachia dissipare, despectis prioribus fratribus eligi, reprobato rege ad regni gubernacula vngi, timendum cunctis vno lapide Goliath sternere, à rege proposita extinctis allophylis numerosa præputia reportare, promissum tandem regnum percipere: cunctūque Israëliticum populum sine vlla contradictione possidere? Et tamen cum arcam Dei in Hierusalem reuocat, quasi oblitus prælatum se omnibus, admixtus populis ante arcam saltat. Et quia coram arca saltare, ut creditur, vulgi mos fuerat: rex se in diuino obsequio per saltum rotat. Ecce quem Dominus cunctis singulariter prætulit, sese sub Domino, & ex æquando minimis, & abiecta exhibendo contemnit. Non potestas regni ad memoriam reducit, non subiectorum oculis saltando vilescere metuit, non se honore prælatum cæteris, ante eius arcam qui honorem dederat recognoscit. Coram Deo egit vilia vel extrema: ut illa ex humilitate solidaret, quæ coram hominibus gesserat fortia. Quid de eius factis ab aliis sentiat, ignoro: ego Dauid plus saltantem stupeo quā pugnātem. Pugnādo quippe hostes subdidit: saltando autem coram Domino semetipsum vicit. Quem Michol filia Saul adhuc ex tumore regij generis infana, cum humiliatum despiceret, dicens: Quā gloriosus fuit hodie rex Israël discooperiens se ante ancillas seruorum suorum, & nudatus est quasi si nudetur vnus de scurris, protinus audiuit: Viuit Dominus, quia ludam ante Dominū qui elegit me potius quā patrem tuum. Ac paulopost ait: Et ludam, & vilior fiam plusquam factus sum, erōque humilis in oculis meis. Ac si apertè dicat: Vilescere corā hominibus appeto: quia seruare me coram Domino ingenuum per humilitatem quæro. Sunt verò nonnulli qui de semetipsis humilia sentiunt: quia in honoribus positi nil se esse nisi puluerē fauillāque perdunt, sed tamen coram hominibus despecti apparere refugiunt, & contra hoc quod de se interius cogitant, quasi rigida exterius venustate palliantur. Et sunt nonnulli qui viles videri ab hominibus appetunt, atque omne quod sunt, deiectos se exhibendo continent: sed tamè apud se introrsus quasi ex ipso merito ostensæ vilitatis intumescunt, & tātò magis in corde elati sunt, quantò amplius in specie elationē premunt. Quæ utraq; vnus elationis bella, magna Dauid circumspectione deprehēdit, mira virtute superauit. Quia enim de semetipso intus humilia sentiens, honorem exterius non querit, insinuat dicēs: Ludam & vilior fiam. Et quia per hoc quod vilē se exterius præbuit, nequaquam interius intumescit, adiungit: Erōque humilis in oculis meis, ac si dicat: Qualem me exterius despiciens exhibeo, talem me & interius attendo. Quid ergo acturi sunt quos doctrina eleuat, si Dauid ex carne sua venturū redēptorem no-

2. Reg. 6.

1. Corint. 1.

Ibidem.

Luc. 19.

Luc. 6.

Matth. 5.

uerat, eiusque gaudia prophetando nuntiabat, & tamen in semetipso ceruicem cordis valida discretionis calce deprimebat, dicens: Erōque humilis in oculis meis? Bene ergo per Heliū dicitur: Ideo timebūt eum viri, & non audebunt contemplari omnes qui sibi videntur esse sapientes. Contemplari enim Dei sapientiam non possunt, qui sibi sapientes videntur: quia tantō ab eius luce longē sunt, quantō apud semetipsos humiles non sunt: quia in eorum mentibus dum tumor elationis crescit, aciem contemplationis claudit, & vnde se lucere prae ceteris aestimant inde se lumine veritatis priuant. Si igitur veraciter sapientes esse, atque ipsam sapientiam contemplari appetimus, stultos nos humiliter cognoscamus. Relinquamus noxam sapientiam, discamus laudabilem fatuitatem. Hinc quippe scriptum est: Stulta mundi elegit Deus, vt confundat sapientes. Hinc rursus dicitur: Si quis videtur inter vos sapiens esse in hoc seculo, stultus fiat vt sit sapiens. Hinc Euangelicæ historiæ verba testatur: quia Zachæus cū videre prae turba nihil posset, sycomori arborem ascendit, vt trāseuntem Dominum cerneret. Sycomorus quippe ficus fatua dicitur. Pusillus itaq; Zachæus Sycomorum subiit, & Dominum vidit: quia qui mundi stultitiam humiliter eligunt, ipsi Dei sapiētiam subtiliter contemplantur. Pusillitatem nanque nostram ad videndum Dominum turba praeedit: quia infirmitatem humanæ mētis ne lucem veritatis intendat, curarum secularium tumultu premit. Sed prudēter sycomorum ascendimus, si prouidē eam quæ diuinitus præcipitur stultitiam mente tenemus. Quid enim in hoc mundo stultius quā amissa non quærere, possessa sapientibus relaxare, nullam pro acceptis iniuriis iniuriam reddere, imo adiunctis aliis patientiam præbere? Quasi enim sycomorum nos ascendere Dominus præcipit, cū dicit: Qui aufert quæ tua sunt, ne repetas. Et rursus: Si quis te percusserit in dextram maxillam, præbe illi & alteram. Per Sycomorum Dominus transiens cernitur: quia per hanc sapientem stultitiam etsi necdum vt est solidē, iam tamen per contemplationis lumen Dei sapientia quasi in transitu videtur. Quā iuxta Heliū verba videre nequeunt, qui sibi sapientes esse videntur: quia ad conspiciendum Dominum in elata cogitationum suarum turba deprehēsi, adhuc sycomori arborem non inuenerunt.

Libri vigesimiseptimi Moralium sancti Gregorij finis.

B. GREGORII MORALIS EXPOSITIONIS IN IOB, LIBER VIGESIMVS- OCTAVVS.

Capit. I.



DOST damna rerum, post funera pignorum, post vulnera corporis, post verba malē suadentis vxoris, post contumeliosa dicta consolantium, post suscepta fortiter iacula tot dolorum, de tanta virtute constātiae laudandus à iudice beatus Iob fuerat, si iam de præsentī seculo esset euocandus. At postquam hīc adhuc duplicia recepturus est, postquam salutī pristinæ restituitur, vt rebus redditis diutius vtatur, ne per elationis gladium ipsa illum sua victoria sternat, debet omnipotens Deus increpare per distictam iustitiam quæm seruat ad vitam. Quid enim peius plerunque animam quā conscia virtus interficit? Quæ illam dum consideratione sua inflat, à plenitudine veritatis euacuat: & dum se ad percipiēda præmia sufficere suggerit, eam à meliorationis intentione distendit. Iustus igitur Iob ante flagella extitit, sed iustior post flagella permansit: & laudatus ante à Dei voce, postmodum creuit ex verberē. Profectō velut turba ductilis ex percussione producta, in laudem Dei tantō altius eleuatus est, quantō maiori est castigatione percussus. Sed humiliandus erat iste qui prostratus vlceribus, sic virtutibus stabat. Humiliandus erat, ne tam robustissimum pectus elationis tela confoderent, quod constabat certē quia & illata vulnera non vicissent. Requirendus nimirum fuit homo, cu-

Eius debuisset comparatione superari. Sed quid est quod de eo voce Domini dicitur: Vidi seruum meum Iob, quod non sit ei similis vir super terram? Cuius ergo comparatione poterat vinci, de quo Deo attestante dicitur: quia nullius hominis comparatione possit æquari? Quid itaque agendum est, nisi vt ex persona sua ipse Dominus suas illi virtutes narret, & dicat ei? Nunquid producis luciferum in tempore suo, & vesperum super filios terræ confurgere facis? Et iterum: Nunquid apertæ sunt tibi portæ mortis, & ostia tenebrosa vidisti? Vel certē: Nunquid post ortum tuum præcepisti diluculo, & ostendisti auroræ locum suum? Quis verò ista nisi Dominus potest? Et tamen interrogatur homo, vt cognoscat quia ista non potest: quatenus vir qui tam immensis virtutibus creuit, & nullius hominis exemplo vincitur, ne extolli debeat, Dei comparatione superetur. Sed o quā potenter erigitur, qui tam sublimiter humiliatur! O quanta est hominis victoria, hanc ex Dei comparatione perdidisse! O quantō hominibus maior est, qui testimoniis conuincitur Deo minor! Multum quippe potēs est, qui tali interrogatione ostenditur, quia potens non est. Sed quia ad obscura nimis differenda ducimur, ad eiusdem textus iam verba veniamus.

Textus capitis. xxxviii. Libri beati Iob.



Respondens autem Dominus Iob de turbine, dixit: Quis est iste inuoluens sententias sermonibus imperitis? Accinge sicut vir lumbos tuos, interrogabo te, & responde mihi. Vbi eras quando ponebam fundamenta terræ? Indica mihi si habes intelligentiam. Qui posuit mensuras eius, si nosti, vel quis tetendit super eam lineam? Super quo bases illius solidatæ sunt? Aut quis demisit lapidem angularem eius cū laudarent simul astra matutina, & iubilarent omnes filij Dei? Quis conclusit ostiis mare, quando erumpebat quasi de vulua procedens, cū ponerem nubem vestimētum eius, & caligine illud quasi pannis infantiae obuoluerem? Circundedi illud terminis meis, & posui vectem & ostia, & dixi: Hucusque venies, & non procedes amplius, & hīc confringes tumētes fluctus tuos. Nunquid post ortum tuum præcepisti diluculo, & ostendisti auroræ locum suum, & tenuisti concutiens extrema terræ, & excussisti impios ex ea? Restituetur vt lutum signaculum, & stabit sicut vestimentum. Auferetur ab impiis lux sua, & brachium excelsum confringetur. Nunquid ingressus es profundum maris, & in nouissimis abyssi ambulasti? Nunquid apertæ sunt tibi portæ mortis, & ostia tenebrosa vidisti? Nunquid considerasti latitudinem terræ? Indica mihi si nosti omnia, in qua via lux habitet, & tenebrarum quis locus sit, vt ducas vnumquodque ad terminos suos, & intelligas semitas domus eius? Sciebas tunc quod nasciturus esses, & numerum dierum tuorum noueras? Nunquid ingressus es thesauros niuis, aut thesauros grandinis aspexisti, quæ præparauī in tempus hostis, in diem pugnæ & belli? Per quam viam spargitur lux, diuiditur æstus super terram? Quis dedit vehementissimo imbri cursum, & viam sonantis tonitruī, vt plueret super terram absq; homine in deserto, vbi nullus mortalium commoratur, vt impleret inuiam & desolatam, & produceret herbas virentes? Quis est pluuiæ pater, vel quis genuit stellas roris? De cuius vtero egressa est glacies, & gelu de cœlo quis genuit? In similitudinem lapidis aquæ durantur, & superficies abyssi cōstringitur. Nunquid coniungere valebis miscantes stellas pleiades, aut gyrum arcturi poteris dissipare? Nunquid producis luciferum in tempore suo, & vesperum

& vesperum super fines terræ consurgere facis? Nunquid nosti ordinem cœli, & pones rationē eius in terra? Nūquid eleuabis in nebula vocem tuam, & impetus aquarum operiet te? Nunquid mittes fulgura, & ibunt, & reuertentia dicent tibi, Assumus? Quis posuit in visceribus hominis sapientiam? vel quis dedit gallo intelligentiam? Quis enarrabit cœlorum rationem, & concentum cœli quis dormire faciet? Quando fundabatur puluis in terram, & glebæ compingebantur? Nunquid capies leonæ prædam, & animā catulorum eius implebis, quando cubant in antris, & in specubus insidiantur? Quis præparat coruo escā suam, quando pulli eius clamāt ad Deum, vagientes eo quod non habeant cibos?

Quibus modis hominibus loquatur Deus. Caput II.

Respondens autem Dominus Iob de turbine dixit.) Notandum B
video: quia si sano atque incolumi loqueretur, ex tranquillitate dominica locutio facta diceretur: sed quia flagellato loquitur, de turbine locutus fuisse describitur. Aliter enim Dominus seruis suis loquitur, cum eos intrinsecus per compunctionem prouehit, aliter cum per distractionem ne extollantur premit. Per blandam enim locutionem Domini amanda dulcedo eius ostēditur, per terribilem verò potestas eius metuenda monstratur. In illa persuadetur animæ ut proficiat, in ista reprimatur quæ proficit. In illa discit quod appetat, in ista quod metuat. Per illam dicit: Gaude & latere filia Sion: quia ecce venio & habitabo in medio tui. Per istam dicitur: Dominus in tempestate veniet, & in turbine viæ eius. Blāus quippe est, qui ut in medio inhabitet venit. Cum verò se per tēpestatem & turbinem insinuat, nimirum quæ tangit corda perturbat, atque ad edomandam elationem se exerit, quando potens & terribilis innotescit. Sciendum præterea est quia duobus modis locutio diuina distinguitur. Aut per semetipsum nanque Dominus loquitur, aut per creaturam angelicā eius ad nos verba formantur. Sed cum per semetipsum loquitur, sola nobis vis internæ inspirationis aperitur. Cum per semetipsum loquitur, de verbo eius sine verbis ac syllabis cor docetur: quia virtus eius intima quadam subleuatione cognoscitur. Ad quam mens plena suspenditur, vacua grauiatur. Pondus enim quoddam est, quod omnem animam quā replet leuet. Incorporum lumen est, quod & interiora repleat, & repleta exterior circumscribat. Sine strepitu sermo est, qui & auditum aperit, & habere sonitum nescit. Quod enim de aduentu sancti Spiritus scriptum est: Factus est repente de cœlo sonus tanquā aduenientis spiritus vehementis, & repleuit totam domum ubi erant sedentes, & apparuerunt illis dispersitæ linguæ quasi ignis, seditque supra singulos eorum: per ignem quidem Dominus apparuit, sed per semetipsum locutionem interius fecit. Et neque ignis Deus, neque ille sonitus fuit, sed per hoc quod exterius exhibuit, expressit hoc quod interius gessit. Quia enim discipulos & zelo succensos, & verbo eruditos intus reddidit, foris linguas igneas ostendit. In significatione igitur admota sunt elementa, ut ignem & sonitum sentirent corpora, igne verò inuisibili, & voce sine sonitu docerentur corda. Foris ergo fuit ignis qui apparuit, sed intus qui scientiā dedit. Et cum reginæ Candacis eunuchus currui præsidens iter caperet, atque Esaiam nō intelligens in manibus haberet, in corde nimirū spiritus Philippo dixerat: Adiunge te ad currum. Et cum ad euocandum Petrū timentes Deū milites Cornelius dimisisset, in mēte proculdubio à spiritu Petrus audiuit: Ecce tres viri quærunt te. Surge itaque descende & vade cum eis. Spiritū enim Dei quasi quædā nobis verba dicere, est occulta vi ea quæ agenda sunt intimare, & cor hominis ignarum non adhibito strepitu & tarditate sermonis, peritū repente de absconditis reddere. Nam quia auditus ea quæ ad se sunt non simul omnia dicta comprehendit, quippe qui & causas per verba, & particulatim verba per syllabas percipit, visus autem noster in eo quod se dirigit, totū subitō, & simul apprehēdit, Dei locutio ad nos intrinsecus facta videtur potius quā audiatur: quia dum semetipsum sine mora sermonis insinuat, repentina

luce nostrę ignorantie tenebras illustrat. Vnde & Baruch Ne- Baruch. 1.
riæ filius cum requisitus exponeret, quēadmodū verba Hieremias propetantis audisset, ait: Ex ore suo loquebatur quasi legens, & ego scribebam. Qui enim legens loquitur, aliō interdicit, sed aliō verbum facit: quia quod videt dicit. Prophetę ergo Dei quia eius verba vident potius in corde quā audiūt, quasi legentes loquuntur. Cum verò per angelum voluntatē suam Dominus indicat, aliquando eam verbis, aliquando rebus demonstrat, aliquando simul verbis & rebus, aliquando imaginibus cordis oculis ostensis, aliquando imaginibus & ante corporeos oculos ad tempus ex aëre assumptis, aliquando cœlestibus substantiis, aliquando simul terrenis, aliquando simul terrenis & cœlestibus. Nonnunquam verò etiam per angelum humanis cordibus ita loquitur Deus, ut ipse quoque angelus mentis obtutibus presentetur. Verbis nanque per angelum loquitur Deus, cum nil in imagine ostenditur, sed supernæ verba locutionis audiuntur, sicut dicēte Domino: Pater clarifica filiū tuū, ut & filius tuus clarificet te, protinus respondetur: Clarificaui, & iterum clarificabo. Neque enim Deus qui sine tempore vi impulsionis intimæ clamat, in tempore per suam substantiam illam vocem edidit, quam circumscriptā tempore per humana verba distinxit: sed nimirum de cœlestibus loquens, verba sua quæ ab hominibus audiri voluit, rationali creatura administrante formauit. Aliquando rebus per angelos loquitur Deus, cum nil verbo dicitur, sed ea quæ futura sunt, assumpta de elemētis imagine nūntiantur: sicut Ezechiel nil verborū audiēs, electri speciē in medio ignis vidit, ut videlicet dum solam speciē aspiceret, quæ essent in nouissimis ventura sentiret. Electrum quippe ex auri argentique metallo miscetur, in qua permixtione argentum quidē clarius redditur, sed tamen fulgor auri temperatur. Quid ergo in electro nisi mediator Dei & hominum demonstratur? Qui dum semetipsum nobis ex diuina atque humana natura cōposuit, & humanam per deitatem clariorem reddidit, & diuinā per humanitatem nostris aspectibus temperauit. Quia enim virtute diuinitatis eius tot miraculis humanitas fultit, ex auro creuit argentum, & quod per carnem Deus cognosci potuit, quodque per carnem tot aduersa tolerauit, quasi ex argento temperatū est aurum. Quod bene & in medio ignis ostēditur: quia incarnationis eius mysterium subsequēntis iudicij flamma comitatur. Scriptum quippe est: Pater nō iudicat quēquam, sed omne iudicium dedit filio. Aliquando per angelos verbis simul & rebus loquitur Deus, cum quibusdam motibus insinuat hoc quod sermonibus narrat. Neque enim Adam post culpam in diuinitatis substantia videre Dominum potuit, sed increpationis verba per angelum audiuit, de quo scriptum est: Cum audisset vocem Domini Dei deambulantis in paradiso ad auram post meridiem, abscondit se inter ligna paradisi. Quid est enim quod post peccatum hominis in paradiso Dominus iam non stat, sed deambulat, nisi quod irruebat culpa se à corde hominis motum demonstrat? Quid est quod ad auram post meridiem, nisi quod lux feruentior veritatis abscesserat, & peccatricem animam culpæ suæ frigora constringebant? Increpauit ergo Adam deambulans, ut cæcis mentibus nequitiam suam non solum sermonibus, sed etiam rebus aperiret, quatenus peccator homo & per verba quod fecerat audiret, & per deambulationem amisso æternitatis statu, mutabilitatis suæ inconstantiam cerneret, & per aurem feruore charitatis expulso, torpore suum animaduerneret, & per declinationem Solis cognosceret quod ad tenebras propinquaret. Aliquando imaginibus cordis oculis extensis per angelos loquitur Deus, sicut Iacob subnixam cœlo scalam dormiens vidit: sicut Petrus linteam reptilibus ac quadrupedibus plenum in ecstasi raptus aspexit, qui nisi incorporeis oculis hæc cerneret, in ecstasi nō fuisset, sicut Paulo in visione noctis vir Macedo apparuit, qui trāsire eū in Macedoniam rogauit. Aliquando imaginibus & ante corporeos oculos ad tempus ex aëre assumptis per angelos loquitur Deus, sicut Abraham non solum tres veros videre potuit, sed etiā habitaculo terreno suscipere, & nō solum suscipere, sed eorum vñibus etiā cibos adhibere. Nisi enim angeli quædā nobis interna nuntiantes ad tempus ex aëre corpora sumerēt, exterioribus profectō nostris obtutibus non apparerent: nec cibos cum Abraham caperent, nisi

Ioan. 17.

Ezech. 1.

Ioan. 5.

3.

Gene. 3.

4.

Gene. 28.

Acto. 10.

Acto. 16.

propter nos solidum aliquid ex cœlesti elemento gestarent. Nec mirum quod illic ipsi qui suscepti sunt, modò angeli, modò Dominus vocatur: quia angelorum vocabulo exprimuntur qui exterius ministrabant, & appellatione Domini ostenditur, qui eis interius præerat, ut per hoc præsentis imperium, & per illud claresceret officium ministrantium. Aliquando cœlestibus substantiis per Angelos loquitur Deus, sicut baptizato Domino scriptum est: quia de nube vox sonuit, dicens: Hic est filius meus dilectus in quo mihi bene complacui. Aliquando terrenis substantiis per Angelos loquitur Deus, sicut cum Balaam corripuit, in ore asinæ humana verba formavit. Aliquando simul & terrenis & cœlestibus substantiis per Angelos loquitur Deus, sicut ad Moysen in monte cum iussione suæ verba edidit, ignem rubrumque sociavit, atque aliud superius, aliud inferius iunxit. Quod tamen tunc solum agitur, cum ex ipsa aliquid coniunctione signatur. Nam per succensum rubum Moysen alloquens, quid aliud ostenditur, nisi quod eius populi ductor fieret, qui & legis flammam perciperet, & tamē peccati spinam nequaquam vitaret, vel quod ex illo populo exiret, qui in igne deitatis carnis nostræ dolores quasi rubi spinas suscipere, & inconsumptam humanitatis nostræ substantiam, etiam in ipsa diuinitatis flamma servaret. Nonnunquam verò humanis cordibus etiam per angelos Deus, secreta eorum præsentia, virtutem suæ aspirationis infundit. Vnde & Zacharias ait: Et dixit ad me Angelus qui loquebatur in me. Dum ad se quidem, sed in se tamen loqui Angelum dicit, liquidò ostendit quod is qui ad ipsum verba faceret, per corpoream speciem extra non esset. Vnde & paulo post subdidit: Et ecce Angelus qui loquebatur in me, egrediebatur. Sæpe enim non exterius apparent, sed sicut sunt Angelici spiritus, qui voluntatem Dei prophetarum sensibus innotescunt, atque eos ita ad sublimia subleuant, & quæque in rebus futura sunt, in causis originalibus præsentia demonstrant. Humanum nanque cor ipso carnis corruptibilis pondere grauat, hanc ipsam corpulentiā suam quasi obiectum sustinens, interna non penetrat, & graue exterius iacet: quia leuantem manum interius non habet. Vnde fit, sicut dictum est, ut prophetarum sensibus ipsa ut est subtilitas angelicæ virtutis appareat, eorumque mens quo subtili spiritu tangitur, leuetur: & non iam pigra torpescit in imis iaceat, sed repleta intimis afflatibus, ad superna conscendat, atque inde quasi de quodam rerum vertice quæ infra se ventura sunt, videat. Sed ne quis in prædictis Zachariæ verbis Angeli designatum nomine vel patrem, vel filium, vel spiritum sanctum putet, si textum scripturæ sacræ considerat, quod sentit velociter emendat, quæ nunquam patrem, nunquam spiritum sanctum, & non nisi per incarnationis suæ prædicationem filium Angelum vocat. Vnde & in eiusdem Zachariæ verbis aperte ostenditur, quod in illo verè Angelus, id est, creatura loqueretur, cum diceretur: Et ecce Angelus qui loquebatur in me, egrediebatur. Statimque subiungitur: Et alius Angelus egrediebatur in occursum eius, & dixit ad eum: Loquere ad puerum istum, dicens: Absq; muro habitabit Hierusalem. Non est itaque Deus Angelus qui mittitur, cui verba ab Angelo quæ dicere debeat, iubentur. Sed quia in conspectu conditoris angelica ministeria ordinata graduum positione distincta sunt, ut & pro cōmuni felicitate beatitudinis opificem suum simul videntes gaudeant, & tamen pro dispositione dignitatis aliis alijs subministrent, ad Prophetam Angelus Angelum mittit, & quem secum de Deo gaudere communiter conspiciat, & docet, & dirigit: quia eum & per superiorem scientiam virtute cognitionis, & per præstantiorem gratiam culmine potestatis excedit. Hæc igitur dicta sunt, ut quibus modis loquatur Deus hominibus demonstraretur. Cum verò beato Iob respondisse Dominus de turbine dicitur, utrum per semetipsum, an ei per Angelum sit locutus ambigitur. Potuerunt quippe per Angelum commotiones aëris fieri, & hæc ei quæ subiuncta sunt per eum verba mandari. Rursumque potuit & exterius Angelus in turbine aërem excutere, & tamen interius per semetipsum Dominus vim suæ sententiæ cordi eius sine verbis insonare, ut credatur quod dicta dominica quæ sequuntur, ipse iam per verba protulit, qui repletus Deo, hæc sine verbis audiuit.

E

Quod arrogantes Deus se nescire dicit, cum improbat.

Caput III.

Itaque dicitur: *Quis est iste inuoluens sententias sermonibus imperitius?* Sicut & superiori parte iam diximus, prima exprobratio est talis interrogatio qua dicitur, quis est iste? Helium enim arroganter locutus fuerat. Et quis est iste non dicimus, nisi de eo utique quem nescimus. Scire autem Dei, approbare est, nescire, reprobare. Vnde quibusdam quos reprobare dicit: Nescio vos unde sitis. Discedite à me omnes operarii iniquitatis. Quid est ergo de hoc arrogante requirere, quis est iste, nisi aperte dicere, ego arrogantes nescio, id est, eorum vitam in sapientiæ meæ arte non approbo? Quia dum laudibus humanis inflantur, à vera gloria æternæ retributionis inanescunt. In eo verò quod ait, sententias, & non addidit quales, bonas utique accipimus, quas quidem imperitis asserit sermonibus inuolutas: quia cum verbis iactantiæ fuerant prolatae. Imperitiæ quippe vitium est rectum non rectè sapere, id est cœleste donum ad appetitum terrenæ laudis inclinare. Sicut enim sæpe contingit ut & bona malè, & mala bene proferantur, ita Helium arrogans recta non rectè protulit: quia humiles in Dei defensione sententias non humiliter dixit. Vnde & eorum qui intra catholicam Ecclesiam inani gloriæ student, non immerito typum tenet, qui dum se præ cæteris peritos credunt, diuino iudicio de imperitiâ redarguuntur: quia sicut Apostolus ait: Si quis se existimat scire aliquid, nondum cognouit quemadmodum oporteat eum scire. Quia enim prima stultitia Angeli elatio cordis fuit, vera sapientia efficitur hominis, humilitas suæ æstimationis. Quam quisquis vel magna sapiendo deserit, coipso vehementer desipit, quo semetipsum nescit. Vnde Helium & sententias protulit, & imperitis sermonibus inuolutas: quia & de Deo rectum quod diceret nouerat, & tamen de semetipso dicta illius elatio stulta infatuabat. Hoc itaque despecto, ad erudiendum Iob verba vertuntur, ac dicitur.

Quod res perfecta virtutis sit non esse castum tantum corpore, sed etiam mente.

Caput IIII.

G

Accingere sicut vir lumbos tuos. Scriptura sacra viros vocare consuevit, qui nimirum vias Domini fortibus & non dissolutis gressibus sequuntur. Vnde per Psalmistam dicitur: Viriliter agite, & confortetur cor vestrum. Vnde Paulus ait: Remissas manus & dissoluta gēua erigite. Vnde & sapientia in Proverbiis dicit: O viri ad vós clamito, ac si aperte diceret: Ego non sceminis, sed viris loquor: quia hi qui fluxa mente sunt, mea verba percipere nequaquam possunt. Lumbos verò accingere, est vel in opere luxuriam, vel in cogitatione laudis appetitum refrenare. Delectatio namque carnis in lumbis est. Vnde & sanctis prædicatoribus dicitur: Sint lumbi vestri præcincti, & lucernæ ardentes. Per lumbos eius luxuria, per lucernas autem bonorum operum claritas designatur. Iubentur ergo lumbos accingere, & lucernas tenere. Ac si aperte audiant: Prius in vobismetipsis luxuriam restringite, & tunc de vobis aliis bonorum operum exempla monstrate. Sed cum beatum Iob tanta prædium castitate nouerimus, cur ei post tot flagella dicitur: Accinge sicut vir lumbos tuos, id est, sicut fortis restringe luxuriam: nisi quia alia est luxuria carnis, qua castitatem corrumpimus, alia verò luxuria cordis est, qua de castitate gloriamur? Dicitur ergo ei: Accinge sicut vir lumbos tuos, ut qui prius luxuriam corruptionis vicerat, nunc luxuriam restringat elationis, ne de patientia, vel castitate superbiens, tantò peius intus ante Dei oculos luxuriosus existeret, quantò magis ante oculos hominum, & patientis, & castus appareret. Vnde bene per Moysen dicitur: Circumcidite præputia cordis vestri, id est, postquam luxuriam à carne extinguitis, etiam superflua cogitationum refecate. Sequitur.

Quibus modis Deus hominem interroget.

Caput V.

Interrogabo te, & responde mihi. Tribus modis nos conditor Tribus modis nos percutit, & quanta nobis insit, vel desit patientia ostendit: aut quædam quæ nolumus præcipit, & nostram nobis obediētiā, vel inobediētiā patefacit: aut aliqua nobis occulta aperit, & aliqua abscondit, & nobis mensuram humilitatis nostræ innotescit. Flagello namque interrogat, cum mentem bene

Matth. 3.
Nume. 22.

Exod. 3.

Zach. 1.

Matth. 25.
Luc. 13.

1. Corin. 8.

Psal. 26.
Hebr. 12.
Prover. 8.

Luc. 12.

Deut. 10.

tem bene sibi per tranquillitatem subitam, afflictionibus pulsat, sicut idem Iob & laudatur attestacione iudicis, & tamen ictibus conciditur percussoris, vt eius patientia tantò verius claresceret, quantò inquisita durius fuisset. Præcipiendo autè dura nos interrogat: sicut Abraham terram suam iubetur egredi, & pergere quò nesciebat: in montem vnicum filium ducere, & quem ad consolationem senex acceperat, immolare. Cui nimirum ad interrogationem bene respondentem, id est, ad iusionem obedienti dicitur: Nunc cognoui quia times Deum: vel sicut scriptum est: Tentat vos dominus deus vester, vt sciat si diligitis eum. Tentare quippe Dei, est magnis nos iusionibus interrogare. Scire quoque eius, est nostram obedientiam nosse nos facere. Aperiendo verò nobis quædam, atque claudendo quædam, nos interrogat Deus, sicut per Psalmistam dicitur: Palpebræ eius interrogant filios hominum. Palpebris quippe apertis cernimus, clausis nihil videmus. Quid ergo per palpebras Dei, nisi eius iudicia accipimus? Quæ iuxta aliquid claudunt hominibus, & iuxta aliquid referantur, vt homines qui se nesciunt, sibi metipsis innotescant, quatenus dum quædam intelligendo comprehendunt, quædam verò cognoscere omnino non possunt, eorū corda sese latenter inquirant, si illos diuina iudicia, vel clausa non stimulant, vel aperta non inflant. Hac enim interrogatione Paulus probatus est qui post perceptam internam sapientiam, post aperta claustra paradisi, post ascensum tertij cæli, post supernæ locutionis mysteria adhuc dicit: Ego me non arbitror cōprehēdisse. Et rursum: Ego sum minimus Apostolorum, qui non sum dignus vocari Apostolus. Et rursum: Non quia sufficientes sumus aliquid cogitare à nobis, quasi ex nobis, sed sufficientia nostra ex Deo est. Apertis ergo palpebris Dei interrogatus Paulus rectè respondit: qui & superna secreta attigit, & tamē in humilitate cordis humiliter stetit. Qui rursum cū secreta Dei iudicia de repulsione Iudeorū, & gētiū vocatione discuteret, atq; ad ea peruenire non posset, quasi clausis Dei palpebris interrogatus est. Sed rectum valde responsum reddidit, qui Deo se in ipsa sua ignorantia scienter inclinauit, dicens: O altitudo diuitiarum sapientiæ & scientiæ Dei, quàm incomprehensibilia sunt iudicia eius, & inuestigabiles viæ eius. Quis enim cognouit sensum Domini, aut quis consiliarius eius fuit? Ecce enim absconsis mysterijs quasi clausis palpebris inquisitus placita ac recta respondit, qui secreti aditum pulsans, quia per cognitionē introrū ad interiora nō valuit, per confessionem ante ianuas humilis stetit, & quod intus comprehendere non potuit, foris timendo laudauit. Vnde nunc quoque beatus Iob post interrogationem verberis discutitur interrogatione sermonis, vt quæ sint superna consideret, quæ dum minimè comprehendit, ad semetipsum redeat, & quàm sit iuxta nihilum in supernorum comparatione cognoscat. Audiat itaque: *Interrogabo te, & responde mihi.* ac si apertius dicatur: Verbis meis ad sublimia considerata te excito, & dum ea quæ super te sunt, nescire te perspicias, tibi metipsum te notiosem reddo. Tunc enim mihi verè respondes, si quæ ignoras intelligis. Sequitur:

Quod fundator mundi sit Deus, & mensuram, & lineas super eum ponat, cum diuidens singulis, prout vult, constituit vt non pro suo nutu, sed secundum mensuram donationis eius quisque proficiat.

Caput VI.

Vbi eras quando ponēbam fundamenta terræ? Indica mihi si habes intelligentiam. Quis posuit mensuras eius si nesci, vel quis tendit super eam lineam? Super quo bases illius solidata sunt? Ecce omnia quasi de mundi origine narratione historica contextuntur. Repente verò subiungitur quod non de mundi, sed de Ecclesiæ dictum conditione videatur. Nam dicitur: *Aut quis dimisit lapidem angularem eius?* Per hoc enim quòd non in mundi origine factum est, & illud superius ostenditur, quia de mundi origine dictum non est. Idcirco nanque rebus planis ac patentibus obscura quædam ac dissona permiscantur, vt per hoc quod intellectu literæ discrepat, & illud inquiratur mysticè quod dictum iuxta literam sonat. Nanque sicut aliis apertis rebus alia clausa cognoscimus, ita aliis clausis compellimur & illa altiori intellectu pulsare, quæ aperta cre-

Tomus primus.

debamus. Dicat ergo: *Vbi eras quando ponēbam fundamenta terræ?* In scriptura sacra quid aliud fundamenta quàm prædicatores accipimus? Quos dum primò Dominus in sancta Ecclesia posuit, tota in eis sequentis fabricæ structura surrexit. Vnde & sacerdos cum tabernaculum ingreditur, duodecim lapides portare in pectore iubetur: quia videlicet semetipsum pro nobis sacrificium offerens pontifex noster, dum fortis in ipso exordio prædicatores exhibuit, duodecim lapides sub capite in prima sui corporis parte portauit. Sancti itaque Apostoli & pro prima ostensione ornamenti lapides sunt in pectore, & pro prima soliditate ædificij in solo fundamenta. Vnde David Propheta cum sanctam Ecclesiam in sublimitibus Apostolorum mentibus poni ædificarique conspiceret: Fundamenta eius, inquit, in montibus sanctis. Cum verò in sacro eloquio non fundamenta, sed singulari numero fundamentum dicitur, nullus alius nisi ipse Dominus designatur, per cuius diuinitatis potentiam, nutantia infirmitatis nostræ corda solidantur. De quo & Paulus ait: Fundamentum aliud nemo potest ponere, præter id quod positum est Christus Iesus. Ipse quippe fundamentum fundamentorum est: quia & origo est inchoantium, & constantia robustorum. Quia igitur fundamenta nostra sunt hi qui iniquitatum nostrarum pōdera portauerunt: ne beatus Iob in superbia de virtutum suarum potentia subleuetur, in ipsa dominici prima parte sermonis de sanctorum prædicatorum commemoratione discipitur: vt quantò illos admirabiles venire conspiceret, tantò in eorū cōparatione de se vilius æstimaret. Quod idcirco à Domino iam quasi præteritum describitur: quia quicquid foris futurum est in opere, intus iam factum est in prædestinatione. Dicitur itaque ei: *Vbi eras quando ponēbam fundamenta terræ?* Ac si apertè diceretur: Virtutem fortium considera, meque eorum ante secula auctorem pensa: & cum eos quos in tempore condidi, mirabiles suspicis, perpende quantum mihi subdi debeas, quem authorem mirabilium sine tempore esse cognoscis. Sequitur: *Indica mihi si habes intelligentiam: quis posuit mensuras eius si nesci, vel quis tendit super eam lineam?* Mensurarum lineæ in terrarum partitione tenduntur, vt dimensionis æquitas ex ipsa linearum tensione teneatur. In carne autem Dominus ad Ecclesiam veniens, mensuras terræ lineis mensus est: quia fines Ecclesiæ occulti iudicij subtilitate distinxit. Huius terræ occultæ mensuræ, vel lineæ tendebantur, quando prædicatores sancti agente spiritu in alias partes mundi vocabantur, vt irēt, ab aliis verò partibus arcebantur ne accederent. Paulus nanq; Apostolus cum Macedonia prædicare negligeret, per visum illi apparuit vir Macedo, qui diceret: Transiens in Macedonia adiua nos. At contra sicut scriptum est: Tentabant Apostoli ire in Asiam, & nō permisit eos spiritus Iesu. Dum ergo prædicatores sancti, & vocantur ad Macedoniam, & ab Asia prohibentur: ista occultarum mensurarū lineæ illic ducta est, hinc reducta. Illic tenditur, vt Macedonia intra sanctæ Ecclesiæ spatia colligatur: hinc attrahitur, vt extra fines fidei Asia relinquatur. Erant quippe tunc in ea qui colligendi non erant: quibus iuxta meritum suum perditis, iam nunc Asia intra mensuras Ecclesiæ Deo largiente suscepta est. Intra has ergo mensuras sunt omnes electi, extra has omnes reprobi etiam si intra fidei limitem esse videantur. Vnde & in Apocalypsi scriptum est: Atrium quod foris templum est, eiice foras: & ne metiaris illud. Quid enim aliud atrium quàm latitudinē significat vitæ præsentis? Et rectè foris templū sunt, qui per atrium designantur: atque ideo metiendi non sunt, quia angusta est porta quæ ducit ad vitam: & latitudo vitæ prauorum non admittitur ad mensuras, & regulas electorū. Iste spiritalis lineæ occulto iudicio tendebantur, quando cuidam dicēti: Magister, sequar te quocunque ieris: eiuidē magistri voce responsum est: Vulpes foueas habet, & volucres cæli nidos: filius autem hominis nō habet vbi caput suum reclinet. Iste mēsuræ & lineæ tendebatur, cum cuidam dicēti: Domine, permittite me primum ire sepelire patrem meum: eiuidē magistri voce responsum est: Sine vt mortui sepeliant mortuos suos: tu autem vade, annūtia regnum Dei. Ecce alius secururū se promittit & repellitur: alius relaxandum se postulat & retinetur. Vnde hoc, nisi quia super occulta cordis spatia supernorum iudiciorum lineæ tendebatur, vt & hunc intus incōprehensibiles mensuræ constrin-

9.

Fundamen-
ta prædica-
tores.

Exod. 28.

Psal. 86.

Fundamen-
tum Domi-
nus.

1. Corin. 3.

Acto. 16.

Ibidem.

Apoc. xi.

Atrium la-
titudo vitæ
præsentis.

Matth. 8.

Luc. 9.

gerent, & ille foris non iniuste remaneret? Sed cum nullus nesciat, quia Deus has occultorum iudiciorum lineas tendat, cur ad Iob dicitur: *Indica mihi si habes intelligentiam: quis posuit mensuras eius si nosti: vel quis tetendit super eam lineam?* An idcirco requiritur ut quod nosse, sed tamen pratermittere poterat memoretur: quatenus pondus secretorum Dei sollicitius penset: dispensationem videlicet hominis non in humanis viribus, sed in manu consistere conditoris: ut dum considerat inuisibiliter ista quis agat, suae virtuti nihil tribuat: nec iam de se audeat aliquid, cum Dei iudicia occulta formidat: sed perpendens desuper mensuras, & lineas incomprehensibiliter tensas, tanto magis in humilitate formidinis consistat, quanto magis pendere videt omnia in potestate mensuris. Sequitur: *Super quo bases illius solidatae sunt?* Quid aliud huius terrae bases, quam sanctae Ecclesiae doctores accipimus? In basibus quippe columnae, in columnis autem totius fabricae pondus erigitur. Non ergo immerito doctores sancti basium nomine designantur: quia dum recta praedicant, & praedicationi suae viuendo concordant, omne pondus Ecclesiae fixa morum suorum grauitate sustentant: asperas ab infidelibus tentationes ferunt: & quaeque in praecipitis Dei velut difficultia à fidelibus formidantur, exemplis operum facilia ostendunt. Vnde & bene cum in typo Ecclesiae tabernaculum fingeretur, ad Moysen dicitur: Facies columnas quatuor, & bases earum vesties argento. In argento enim quid aliud quam claritas diuini sermonis accipitur? sicut scriptum est: Eloquia Domini eloquia casta: argentum igne examinatum, probatum terrae, purgatum septulum. Bases ergo argento vestitae quatuor columnas tabernaculi sustinent: quia praedicatores Ecclesiae diuino eloquio decorati, ut cunctis se exemplum praebent, quatuor Euangelistarum dicta, & ore, & operibus portant. Possunt per bases etiam prophetae signari: qui dum primi aperte de dominica incarnatione locuti sunt, quasi quasdam bases eos conspicimus à fundamento consurgere, & superpositae fabricae pondera sustinere. Vnde ad Moysen rursum Dominus cum tabernaculi tabulas erigi praecipit, fundi earum bases argenteas iubet. Quid enim per tabulas, nisi Apostoli extensa in mundum praedicatione dilatati: quid per bases argenteas, nisi Prophetae signantur: qui superimpositas tabulas ipsi firmi ac fusiles sustinent: quia Apostolorum vita dum eorum praedicatione instruitur, eorum auctoritate solidatur. Vnde & coniunctae binae bases singulis tabulis superponuntur: quia dum prophetae sancti in verbis suis de mediatoris incarnatione concordant, subsequentes praedicatores Ecclesiae indubitanter aedificant: ut cum à semetipsis non discrepant, illos in se robustius figant. Nec immerito bases quibus prophetae signantur, ut ex argento fundi debeant praecipitur. Argenti quippe claritas ex usu seruatur: sine usu autem in nigredinem vertitur. Prophetarum quoque dicta ante mediatoris aduentum, quia in usu spiritualis intelligentiae non erant, dum conspici praesentibus nō poterant, quasi nigra remanebant. At postquam mediator veniens, ea ante oculos nostros incarnationis suae manu terfit, quicquid in eis lucis latebat inclaruit: sensusque patrum praecedentium in usum dedit, quia verba rebus exposuit. Siue itaque prophetas, seu doctores extremis temporibus subsequentes basium appellatione significet, dicat: Super quo bases illius solidatae sunt? subaudis, nisi super me, qui cuncta mirabiliter teneo: & bonis exterioribus intus principaliter originem praesto. Qui enim sibi quod bonus est tribuit, solida basis non est: quia dum fundamento non innitur, ipso suo pondere in ima praecipitatur. Sed cum iam multa de sanctae Ecclesiae constructione referantur, audire mens appetit, inimicae rationes qua virtute coniunctae sint, id est, diuersa huius domus aedificia qua sibi arte concordent. Sequitur: *Aut quis dimisit lapide angularem eius?* Iam per diuinam gratiam omnibus liquet, quae scriptura sacra angularem lapidem vocet: illum profecto qui dum in se hinc Iudaicum, illinc gentilem populum suscipit, in vna Ecclesiae fabrica quasi duos parietes iungit, illum de quo scriptum est: Fecit utraque vnum: Qui angularem se lapidem, non solum in inferioribus, sed & in supernis exhibuit: quia in terra plebi Israeliticæ nationes gentium, & utraque simul angelis in caelo sociavit. Eo quippe nato clamauerunt angeli: In terra pax hominibus bonae

voluntatis. In ortu enim regis nequaquam pro magno offerret hominibus pacis gaudia, si discordiam non haberent. De hoc lapide per Prophetam dicitur: Lapidem quem reprobauerunt edificantes, hic factus est caput anguli. Huius lapis typum Iechonias rex tenuit, quem Matthaeus dum quaterdenas generationes describeret, secundo numerauit. Quem enim fini secunde, ipsum rursum initio tertiae generationis inseruit. Ipse nanque in Babyloniam cum Israelitica plebe migratus est, qui dum ab aliis ad alia ducitur, pro vtriusque parietis latere non immerito secundo numeratur. Cuius migrationis flexu angularem lapidem designat. Vbi enim ordo à rectitudine deflectitur, ut eat in diuersum, tanquam angelum facit. Recte ergo numerari bis potuit: quia per vtrumque parietem quasi duo in se latera ostendit: unde & eius bene imaginem tenuit, qui in Iudaea ortus, gentilitatem colligens, quasi ab Hierosolymis Babiloniam venit, atque hanc in semetipso fidei fabricam prius discordiae studio scissam, arte charitatis intexuit. Sed haec quae de significatione sanctae Ecclesiae dicta sunt, placet ut breuiata replicatione moraliter differantur. Dignum nanque est, ut per ea, quae beato Iob dici cognoscimus, ad corda nostra reuocemur: quia verba Dei tunc mens verius intelligit, cum in eis semetipsam quaerit. Ecce enim dicitur: Vbi eras quando ponebam fundamenta terrae? Si peccatoris animus pulvis est, quia in superficie attollitur, & tentationis aura raptatur: unde scriptum est: Non sic impij non sic: sed tanquam pulvis quem proicit ventus à facie terrae: nil obstat terram intelligi animam iusti, de qua scriptum est: Terra enim saepe venientem super se bibens imbrem, & generans herbam, opportunam illis à quibus colitur, accipit benedictionem. Sed huius terrae fundamentum fides est. Huius terrae fundamentum iacitur, quando in occultis cordis prima soliditatis causa diuini timor inspiratur. Iste necdum credit aeterna, quae audit, huic cum fides datur, ad aedificium subsequenter operis iam fundamentum ponitur. Ille aeterna iam credit, nec tamen metuit, venturi iudicii terrorem despicit, peccatis se carnis, & spiritus audenter inuoluit. Huic repente cum futurorum timor infunditur, ut bonae vitae surgat aedificium, iam fundamenta construuntur. Posito itaque prosperae formidinis fundamento, cum virtutum fabrica in altum ducitur, necesse est ut vnusquisque proficiens vires suas caute metiatur: ut cum diuina constructione magnus esse iam coeperit, semetipsum respiciat sine cessatione quod fuit: quatenus attendens humiliter, quod per meritum inuentus est, nequaquam sibi arroget quod per gratiam factus est. Vnde & nunc beatus Iob per supernam vocem ad semetipsum reducit: & ne de virtutibus gloriari audeat, de antea vita memoratur, eique dicitur: Vbi eras quando ponebam fundamenta terrae? Ac si iustificato peccatori aperte veritas dicat: Virtutes à me acceptas tibi non tribuas, noli contra me de meo munere extolli. Recole vbi te inueni, quando meo timore prima in te fundamenta virtutum posui. Recole vbi te inueni quando meo te timore solidavi. Ut ergo ego in te non destruiam quod construxi, ipse non cesses considerare quod reperi. Quem enim veritas nisi aut in flagitiis, aut in excessibus inuenit? Sed post haec bene possumus seruare quod sumus, si nunquam negligimus pensare quod fuimus. Nonnunquam tamen clandestina elatio etiam sollicitis cordibus surrepere solet: ut bonorum cogitatio licet subtilis sit ac pressa, cum valde in virtutibus crescit, oblita infirmitatis propriae, nequaquam ad memoriam reuocet, quid in vitiis fuerit. Vnde & omnipotens Deus, quia augeri infirmitatem etiam de remediis salutis conspiciat, mensuram ipsis nostris profectibus imponit: ut habeamus quaedam virtutum bona quae nunquam quasiuimus, & quaeramus quaedam, nec tamen habere valeamus: quatenus mens nostra dum haec non potest habere quae appetit & illa se intelligat de semetipso non habere quae habet: & per ea quae assunt considerentur illa quae desunt: & per ea quae vtiliter desunt, seruentur humiliter bona quae assunt. Vnde & recte pro huius terrae, id est, iustae animae dispensatione subiungitur. *Indica mihi si habes intelligentiam: quis posuit mensuras eius si nosti: vel quis tetendit super eam lineam?* Quis enim nisi conditor noster huius terrae mensuras ponit? Qui interni iudicii secreto moderamine, alij sermonem sapientiae, alij

Psalm. 11.

Exod. 26.

Eph. 2.

Luce 2.

Psalm. 117.

Matth. 1.

Psalm. 1.

Hebr. 6.

Iob 1.

alij sermonem scientiæ, alij plenam fidem, alij gratiam sanitatum, alij operationem virtutum, alij prophetiam, alij discretionem spirituum, alij genera linguarum, alij interpretationem sermonum tribuit: quatenus in vno eodémque spiritu iste verbo sapientiæ polleat, nec tamen sermone scientiæ, id est, doctrinæ fulciatur: quia sentire atque inuenire sufficit etiam quod per discendi studium non apprehendit. Ille sermone scientiæ fulgeat, nec tamen in verbo sapientiæ conualeſcat: quia & explere sufficit quantum didicit, & tamen ad sentiendum ex semetipſo ſubtile aliquid non aſſurgit. Ille per fidem elementis imperat: nec tamen per sanitatum gratiam infirmitates corporum curat. Ille orationis ope morbos subtrahit: nec tamen arenti terræ verbo pluuias reddit. Ille operatione virtutum ad præſentem vitam etiam mortuos reuocat: & tamen prophetiæ gratiam non habens, quæ ſibi ventura ſunt ignorat. Ille ventura quæque velut præſentia attendit: & tamen in nulla ſignorum operatione ſe crexit. Ille per discretionem spirituum in factis ſubtiliter mentes conſpicit: ſed tamen diuerſi generis linguas neſcit. Ille diuerſi generis linguas examinat: ſed tamen in rebus ſimilibus diſſimilia corda nō penſat. Alius in vna lingua quam nouit, ſermonum pondera interpretando prudenter diſcutit: & tamen reliquis bonis quæ non habet patienter caret. Sic itaque creator noſter atque diſpoſitor cuncta moderatur: vt qui extolli poterat ex dono quod habet, humilietur ex virtute quam non habet. Sic cuncta moderatur, vt cū per impenſam gratiam vnumquemque ſubleuat, etiam per diſparem alteri alterum ſubdat, & meliorem quiſque dono alio eum, qui ſibi ſubiicitur attendat: ac licet ſe præire & aliis ſentiat, eidem tamen quem ſuperat, ſe in aliis poſtponat. Sic cuncta moderatur, vt ſingula quæ ſunt omnium, interpoſita quadam charitatis neceſſitudine fiant omnia ſingulorum: & vnusquiſque ſic quod non accepit, in altero poſſideat, vt ipſe alteri poſſidendum, quod accepit, humiliter impendat.

Hinc enim per Petrum dicitur: Vnusquiſque ſicut accepit gratiam, in alterutrum illam adminiſtrantes, ſicut boni diſpenſatores multiformis gratiæ Dei. Tunc nanque bene multiformis Dei gratia diſpenſatur, quando acceptum donum, & eius qui hoc non habet creditur: quando propter eum cui impenditur, ſibi datum putatur. Hinc per Paulum dicitur: Per charitatem ſeruite inuicem. Tunc enim nos charitas à iugo culpæ liberos reddit, cū viciffim nos noſtro per amorem ſeruitio ſubiicit: cū & aliena bona noſtra credimus, & noſtra aliis quaſi ſua offerentes exhibemus. Hinc rurſum per Paulū dicitur: Nā & corpus nō eſt vnū membrū, ſed multa. Si dixerit pes, Quoniā nō ſum manus, nō ſum de corpore: non ideo nō eſt de corpore. Et ſi dixerit auris, Quoniā non ſum oculus, non ſum de corpore: nō ideo nō eſt de corpore. Si totū corpus oculus, vbi auditus? ſi totū auditus, vbi odoratus? Et paulo poſt: Quod ſi eſſent omnia vnum membrum, vbi corpus? Nunc autem multa quidem membra, vnum verò corpus. Quid enim ſancta Eccleſia, niſi ſuper ni ſui capitis corpus eſt? In qua alius alta videndo oculus, alius recta operando manus, alius ad iniuncta diſcurendo pes, alius præceptorum vocem intelligendo auris, alius malorum ſectorem, bonorumque fragrantiam diſcernendo naris eſt. Qui corporalium more membrorum, dum viciffim ſibi accepta officia impendunt, vnum de ſemetipſis omnibus corpus reddunt: & cū diuerſa charitate peragunt, diuerſum eſſe prohibent vbi continentur. Si autem vnum quid cuncti agerent, corpus vtique quod ex multis continetur non eſſet: quia videlicet multipliciter compactum non exiſteret, ſi hoc concors membrorum diuerſitas non teneret. Quia ergo ſanctis membris Eccleſiæ virtutum dona Dominus diuidit, terræ menſuras ponit. Vnde iterum Paulus dicit: Vnicuique ſicut Deus diuiſit menſuram fidei. Et rurſum: Ex quo totum corpus compactum & connexum per omnem iuncturam ſubminiſtrationis ſecundum operationem in meſura vniuſcuiusque membri augmentum corporis facit in ædificationem ſui in charitate. Sed cū miro conſilio author ac diſpoſitor noſter huic illa largitur, quæ alij denegat, alij hæc denegat, quæ iſti largitur: menſuras ſibi poſitas egredi nititur, quiſquis poſſe pluſquā acceperit conatur: vt fortas

Tomus primus.

ſe iſi cui tantummodo datum eſt præceptorum occulta diſſerere: tentet etiam miraculis coruſcare: aut iſi quem ſupernæ virtutis donum ad ſola miracula roborat, etiam diuinæ legis pandere occulta contendat. In præcipitio enim pedem porrigit, qui menſurarum ſuarum limitem non attendit. Et plerunque amittit & quod poterat qui audacter ea ad quæ pertinere non valēt, arripere feſtinat: nam & membrorum noſtrorum tunc bene miniſteriis vtimur, cū ſua eis officia diſtingtē ſeruamus. Lucem quippe oculis cernimus, vocem verò auribus audimus. Si quis autem mutato ordine voci oculos, luci aures accomodet, huic incaſſum vtraque patent. Si quis odores velit ore diſcernere, ſapores narē guſtare: vtriuſque ſenſus ſibi miniſterium, quia peruertit, interimit. Dum enim propriis hæc vſibus non aptantur, & ſua officia deſerunt, & ad extranea non aſſurgunt. Bene itaque Dauid propheta intra acceptas ex diuina largitate menſuras pedem cordis preſſerat, cū dicebat: Neque ambulauit in magnis, neque in mirabilibus ſuper me. Super ſe quippe in mirabilibus ambularet, ſi apparere magnus vltra quā poterat quæreret. Super ſe nanque in mirabilibus attollitur, qui & in hiſ ad quæ non ſufficit, videri idoneus conatur. Bene intra has menſuras etiam in ipſa Paulus prædicationis ſuæ ſe latitudine coarctabat, cū diceret: Non enim audeo aliquid loqui eorum quæ per me non efficit Chriſtus. Tunc autem rectē accepta menſura ſeruatur, cū antepoſita oculis virorum ſpiritualium vita reſpicitur. Vnde & ſequitur. *Vel quis tendit ſuper eam lineam?* Super hanc enim terram linea tenditur, quando electæ vnicuique animæ ad ſumendam viuendi regulam patrum præcedentium exempla monſtrantur: vt ex illorum vita conſiderat, quid in ſuis actibus ſeruet: quatenus reſpecto iuſti limitis tramite, nec infra minima negligens deſiciat, nec vltra maxima ſuperbiens tendat: nec minus conetur explere quā ſufficit, nec plus arripiat quā accepit: ne aut ad menſuram quam debet non perueniat, aut eandem menſuram deſerens extra limitem cadat. Anguſta quippe porta eſt quæ ducit ad vitam: & ille hanc ingreditur, qui in cunctis quæ agit, diſcretionis ſubtilitate propter hanc ſollicitē coarctatur. Nam qui per voluntates proprias ſecura mente ſe dilatat, anguſtæ ſibi portæ aditum damnat. Vt ergo huius terræ menſura ſeruetur, ſuper eam diuinitus linea tenditur: quia vt noſtra opera, vel minora perficiant, vel maiora moderentur, per ſacra eloquia ſubtilis ante nos ſanctorum vita expanditur: & quid nobis quantumque agendum ſit, oſtenſa illorum diſcretionem definitur. Ecce aliquis vel damna rerum, vel afflictionem corporis metuens, minas terrenæ potentiæ pertimeſcit, & contra vim reſiſtentium veritatem defendere non præſumit. Hinc Petrus quia in timore anguſtum reſpicit, oſtenſa exemplorum ſuorum linea, ad virtutis latitudinē tendit. Ipſe quippe flagellatus à principibus populi, cū idcirco ſe relaxari conſpiceret, vt à prædicatione ceſſaret: cū prohiberetur loqui in poſterum, nequaquam ſaltem in præſens ceſſit. Nam reſpondens protinus dixit: Obedire oportet Deo magis quā hominibus. Et rurſum: Non enim poſſumus quæ vidimus & audiuiſumus non loqui. At ille dudum debilis, & præſentia damna formidans, dum exempla tantæ fortitudinis contemplatur, in authoritate verbi iam Petri lineam ſequitur: iam nil aduerſitatis metuit: iam reſiſtentes Deo potestates ſeculi etiam cū corporis laceratione contemnit. Sed tamen tantò vires perſequentium patiēdo fortiter deſtruit, quāto inter aduerſa nullis terroribus cedit. Alius plerunque & in hiſ etiam quæ inter fideles poſitus ſenſerit, ſe cæteris præponit, ſua magis conſilia elegit, & ſibi potius quā aliis credit. Hic nimirum dum iniuſtis obiectionibus non cedens, in virtute ſe exerit, etiam recta aliorum conſilia non recipiens, pedem extra limitem tendit. Hunc Petrus intra menſuræ lineam reuocat, qui poſtquam libertate vocis authoritatem principum præſit, per humilitatem cordis de non circūcidendis gentibus Pauli conſilium audiuit. Sic enim ſemetipſum contra aduerſarios ex authoritate curabat erigere, vt tamen ſibiſemipſi non crederet in hiſ, quæ non rectē ſentiret: vt & libertate fortitudinis tumentes potestates excederet, & humilitate manſuetudinis obedientiam in recto conſilio etiā minoribus fratribus exhiberet: & modò per ſemetipſum aliis, & modò

y ij

libimetipfi cum aliis obtineret. In factis igitur Petri quædam ante oculos nostros authoritatis & humilitatis linea tenditur, ne mens nostra, aut per timorem ad mensuram non perveniat, aut per timorem limitem excedat. Dictum est quomodo linea tenditur, ne per alterius actionis formidinem, ad alterius causæ vitium transeat: dicatur nunc quemadmodum in una eademque virtute discretionis lineam deferimus: si hanc & aliquando agere, & aliquando postponere nesciamus. Non enim res eadem semper est virtus: quia per momenta temporum sæpe merita mutantur actionum. Vnde fit ut cum quid bene agimus, plerumque melius ab eius actione cessemus: & laudabilius ad tempus deferat, quod in suo tempore laudabiliter mens tenebat. Nam si pro nostris bonis minimis, quibus actis proficimus, nec tamen intermissis interimus, maiora laborum mala proximis imminet, necessario nos virtutum augmenta seponimus, ne infirmioribus proximis fidei detrimenta generemus: ne tantò iam quod agimus virtus non sit, quantò per occasionem sui, in alienis cordibus fundamenta virtutù destruit. Quam discretionis lineam bene ante intuentium oculos Paulus tetendit: qui & gentiles ad libertatem fidei venientes circumcidi prohibuit, & tamen Lystris atque Iconium transiens, ipse Timotheum qui gentili patre editus fuerat, circumcidit. Videns enim quòd nisi se mandata literæ servare ostenderet, Iudæorum rabiem etiam in his, qui sibi tunc comites aderant excitaret, assertionis suæ vim postposuit, & sine damno fidei se suosque comites à persecutionis immanitate custodiuit. Fecit quod fieri fidei amore prohibuit: sed ad fidei retorsit ministerium, quod quasi non fideliter fecit. Plerumque enim virtus cum indiscretè tenetur, amittitur: cumque discretè intermittitur, plus tenetur. Nec mirū si in corporibus intelligimus, quod agi & in corporeis rebus videmus. Ex studio nanque arcus distenditur, ut in suo tempore cum utilitate tendatur. Qui si ocium relaxationis non accipit, feriendi virtutem ipso vsu tensionis perdit. Sic aliquando in exercitatione virtus cum per discretionem prætermittitur, reservatur: ut tantò post vitia valenter feriat, quantò à persecutione interim prudenter cessat. Subtili igitur discretionem super hanc terram linea tenditur, quando ostensis unicuique animæ exemplis præcedentium patrum, & utiliter ad operationem virtus accenditur, & nonnunquam utilius temperatur. Sed cum parumper ab opere zeli fortitudo seponitur, alta consideratione opus est, ne fortasse nequaquam communis boni consilio, sed timore proprio, vel cuiuslibet ambitionis studio à virtutis exercitatione cessetur. Quod nimirum cum agitur, iam non dispensationi, sed culpæ servitur. Vnde curandum sollicitè est, ut cum quis susceptum negocium cum virtutis cessatione dispensat, semetipsum prius in radice cordis inspiciat: ne sibi per hoc aliquid avarus appetat, sibi per hoc soli timidus parcat: & eo fiat prauum quod in opere sequitur, quo non ex recta cogitationis intentione generatur. Vnde bene in Evangelio veritas dicit: Lucerna corporis tui est oculus tuus. Si oculus tuus simplex fuerit, totum corpus tuum lucidum erit. Si autem oculus tuus nequam fuerit, totum corpus tuum tenebrosum erit. Quid enim per oculum exprimitur, nisi opus suum præueniens cordis intentio: quæ priusquam se in actione exercent, hoc iam quod appetit, contemplatur. Et quid appellatione corporis designatur, nisi una quæque actio quæ intentionem suam quasi intuentem oculum sequitur? Lucerna itaque corporis est oculus: quia per bonæ intentionis radium, merita illustrantur actionis. Et si oculus tuus simplex fuerit, totum corpus tuum lucidum erit: quia si rectè intendimus per simplicitatem cogitationis, bonum opus efficitur, etiam si minus bonus esse videatur. Et si oculus tuus nequam fuerit, totum corpus tuum tenebrosum erit: quia cum peruersa intentione quid vel rectum agitur, etsi splendere coram hominibus cernitur, apud examen tamen interni iudicis obscuratur. Vnde & rectè subiungitur: Vide ergo ne lumen quod in te est, tenebræ sint. Si lumen quod in te est, tenebræ sunt, ipsæ tenebræ quantæ erunt? quia si hoc quod bene nos agere credimus, ex mala intentione fuscamus: quanta ipsa mala sunt, quæ mala esse etiam cum agimus non ignoramus? Et si ibi nil cernimus, ubi quasi discretionis lumen tenemus: quæ cæ-

itate in illa offendimus, quæ sine discretionem perpetramus? Vigilanti igitur cura per cuncta opera intentio nobis nostra pensanda est, ut nil temporale in his quæ agit appetat, totam se in soliditate æternitatis figat: ne si extra fundamentum actionis nostræ fabrica ponitur, terra dehiscens solvatur. Vnde hinc quoque aptè subiungitur: *Super quo bases illius solidata sunt?* Bases quippe unicuiusque sunt animæ, intentiones suæ. Nam sicut fabrica columnis, columnæ autem basibus innituntur: ita vita nostra in virtutibus, virtutes verò in intima intentione subsistunt. Et quia scriptum est: Fundamentum aliud nemo potest ponere, præter id quod positum est, quod est Christus Iesus: tunc bases in fundamento sunt, cum intentiones nostræ in Christo roborantur. In cassum verò alta super se bases & edificia erigunt, si non ipsæ in fundamento solidata consistunt: quia nimirum quamlibet summa opera inaniter faciunt, si intentiones cordium extra æternitatis certitudinem defleuntur, & vitæ veræ præmia non requirunt: tantòque graviora ruinæ super se damna ædificant, quantò altiora edificia extra fundamentum portant: quia cum æternæ vitæ præmiis non intendunt, quo plus se quasi in virtutibus erigunt, eo in gloriæ inanis foueam profundius cadunt. Non ergo pensandum est bases quid sustinent, sed ubi sustententur: quia profectò humana corda diuinitus perscrutatur, non solum quæ faciunt, sed quid in operibus querunt. Vnde cum districtum iudicem Paulus describeret, atque actionum bona narraret, dicens: Qui reddet unicuique secundum opera eius: his quidem secundum patientiam boni operis, gloriæ & incorruptionem: quia nominata boni operis patientia, quasi totam electæ actionis fabricam dixerat: subtiliter ilico ubi bases eiusdem fabricæ consisterent exquisiuit dicens: Gloriam & honorem & incorruptionem quærentibus vitam æternam. Ac si aptè diceret: Et si quidam patientiam boni operis ostendunt, gloriam & incorruptionem non recipiunt: si intentiones cordis, id est, bases fabricæ in fundamento non figunt: quia videlicet Deus, vel honestæ vitæ ædificium non inhabitat, quod extra se positum non ipse sustentat. Quia igitur intentiones electæ unicuiusque animæ spei æternitatis innituntur, rectè voce dominica de hac terra dicitur: *Super quo bases illius solidata sunt?* ac si aptè diceret: nisi super me. Cui dum iuxta quæque anima intendit, omne quod temporaliter facit, in me proculdubio non temporaliter construit. Quia verò tunc robustius in fundamento solidamur, cum verba Dei, & in exterioribus præceptis sequimur: & in intimis sensibus subtilius intelligendo pensamus, rectè subiungitur: *Vel quis dimisit lapidem angularem eius?* Lapis quippe angularis est ad sacra eloquia intellectus duplex. Qui tunc diuinitus dimittitur, quando nequaquam districto iudicio ignorantia suæ tenebris illigatur, sed quadam libertate perfruitur, dum in præceptis Dei sufficit, vel exequendo exteriora agere, vel contemplando interna sentire. Ad quod nunquam noster intellectus assurgeret, si ad suscipiendam naturam nostram ipse noster conditor non veniret. Qui aliter angularis lapis dicitur: quia duos in se populos iunxit: atque aliter, quia coniunctæ utriusque vitæ, ætius videlicet & contemplatiuæ in se exempla monstrauit. Ab actiua enim vita longè contemplatiua distat: sed incarnatus redemptor noster veniens, dum utranque exhibuit, in se utranque sociavit. Nam cum in urbe miracula faceret, in monte verò orando continuè pernoctaret: exemplum suis fidelibus præbuit: nec contemplationis studio proximorum curam negligant, nec rursus cura proximorum immoderatus obligati, contemplationis studia derelinquant: sed sic in utrisque mentem patiendi coniungant, quatenus nec amorem Dei præpediat amor proximi, nec amorem proximi, quia transcendit, abiiciat amor Dei. Quia igitur humano cordi quid ageret ignoranti, Dei atque hominis mediator apparuit, qui & agendo transitoria disponderet, & contemplando ostenderet unde cuncta penderent, rectè dicitur: *Vel quis dimisit lapidem angularem eius?* Ac si aptè Dominus diceret: nisi ego, qui unicuique quem sine tempore genui, seruandis hominibus cum tempore ostendi: in cuius vita discerent etiam diuersa viuendi studia non discrepare? Et notandū quòd eum non se emisisse, sed dimisisse asserit: quia profectò humanam naturam

Ibidem.

13.

Matth. 6.

Ibidem.

1. Corin. 3.

Roma. 2.

14.

Luc. 6.

naturam filius suscipiens, ad ima de sublimibus venit. Cuius incarnationis mysteriū, quia & electi angeli mirati sunt, qui eodem mysterio redempti non sunt, recte subiungitur:

Quod angeli à mane creationis suæ laudent Deum, iubilent verò homines sancti, qui præ angustia interius deficiunt, nec quod affectant hoc possunt.
Caput VII.

Cum me laudarent simul astra matutina. Quia enim prima in tempore condita natura rationabilium spirituum creditur, non immerito matutina astra angeli vocantur. Quod si ita est, dum terra esset inuisibilis & incompota, dum tenebræ essent super abyssum, venturum diem subsequenter seculi per leuem sapientiæ existendo præuenerunt. Nec negliger audendum est quod additur, Simul: quia nimirum astra matutina etiam cum vespertinis redemptoris potentiam laudant, dum electi angeli etiam cum redemptis in mundi fine hominibus largitatem gratiæ supernæ glorificant. Ipsi quippe ut nos ad laudem conditoris accenderent, hoc quod superius diximus, orta per carnem luce clamauerunt: Gloria in excelsis Deo, & in terra pax hominibus bonæ voluntatis. Simul ergo laudant: quia redemptioni nostræ voces suæ exultationis accommodant. Simul laudant: quia dum nos conspiciunt recipi, suum gaudent numerum repleti. Qui & fortasse ideo matutina astra memorantur: quia sæpe ad exhortandos homines missi sunt, & dum venturum mane nuntiant, ab humanis cordibus præsentis vitæ tenebras fugant. Sed ecce angeli diuinam potentiam laudant, quia ipsa eos tantæ claritatis visio delectat. Nos autem qui redimimur, sed tamē corruptione adhuc carnis grauamur, donum quod percipimus, qua virtute laudamus? Quomodo enim valebit lingua dicere quod non sufficit mens nostra sentire? Sequitur: *Et iubilarent omnes filij Dei.* Iubilatio quippe dicitur, cum cordis lætitia oris efficacia nō expletur: sed quibusdam modis gaudium prodit, quod ipse qui gaudet, nec tegere præualet nec explere. Laudant itaque angeli qui iam tantæ claritatis latitudinem in sublimibus vident. Iubilent verò homines, qui adhuc in inferioribus oris sui angustias sustinent. Quæ quia certò futura Dominus nouerat, non tam faciēda insinuat quàm facta narrat. Sed quid agimus, quod cum boni de redemptionis suæ mysteria iubilāt, malos inuidia inflammat: dum electi proficiūt, reprobi ad rabiem furoris excitantur: & bona nascentia quia nolunt imitari, persequuntur? Sed tamen inter hæc etiam qui redemit, non relinquit. Scriptum quippe est: Fidelis autem Deus, qui non patietur vos tentari supra quàm potestis: sed faciet cum tentatione etiam prouentum, ut possitis sustinere. Nouit enim conditor noster, quādo exurgere persecutionis procellam finat: quando exurgentem reprimat. Nouit pro custodia nostra restringere, quod contra nos egredi pro nostra exercitatione permittit: ut sæuiens nos diluat procella, & non mergat. Vnde & sequitur:

Quod miraculis sanctorum fracta est violentia tyrannorum.

Caput VIII.

Quis conclusit ostia mare, quando erumpebat, quasi de vulua pro-
cedens? Quid enim mare nisi seculum, quid vuluam nisi conceptum carnis cogitationis accipimus? Hoc enim loco vuluæ nomine, occulta & malitiosa carnalium cogitatio designatur. Quæ vulua non ad proferendam prolem concipit substantiam corporis, sed ad explendam nequitiam causam doloris. De hac vulua cordis iniquorum aliās dicitur: Concepit dolorem, & peperit iniquitatem. Per hanc vuluam prauit concipiunt, cum mala cogitant. Per hanc vuluam pariunt, cum malè quæ cogitauerint, operantur. Erumpebat ergo mare quasi de vulua procedens, cum miseriarum seculariū fluitus de carnis cogitationis iniquitate concepti, in sanctæ Ecclesiæ interitum sequerent. Sed authore Deo, ostiis hoc mare conclusum est: quia contra tumores persequentium sancti viri quasi quædam ostia oppositi sunt: ut eorum miraculis atque reuerentia iræ persequentium frangeretur. Humilitatis quippe Dominus terrenis principibus, per eos sanctam Ecclesiam supra mundi culmen euexit: & sæuiens maris impetus erecta eiusdem Ecclesiæ potestate coercuit. Sed huic sapienti mari quid Dominus fecerit, audiamus. Sequitur:

Tomus primus.

Quod persequentium malitia puerili insipientia vestita, id est, pannis infantie obuoluta constringatur, cum sanire in sanctos diuina dispensatione prohibetur.
Caput IX.

Cum ponerem nubem vestimentum eius, & caligine illud quasi pannis infantie obuoluerem. Mare sæuiens nube induitur: quia crudelitas persequentium stultitiæ suæ velamento vestitur. Interposita enim caligine infidelitatis suæ perspicuam veritatis lucem videre non sufficit: & id quod agit per crudelitatis impulsu, per cæcitatē suæ meritum non agnoscit. Nam si cognouissent, ut ait Apostolus, nunquam Dominum gloriæ crucifixissent. Hæc nubes non solum solet infideles extra positos premere: sed quosdam etiam viuentes carnaliter intra Ecclesiam tenebrare. Vnde sancti viri qui etiam alienæ negligentia compatiuntur, & se pati æstimant quod perpeti alios sentiunt, Deo orantes dicunt: Opposui tibi nubem ne transeat oratio, ac si aperte dicant: Menti nostræ terrenis voluptatibus assuetæ, curarum suarum phantasmata iusto iudicio obiciis, quibus eam in ipsa orationis suæ intentione confundis: & quæ desideris infirmis deditam non ignoras, recte cæcatam ab intuitu lucis tuæ perspicuitate reuerberas: ut cum in te intenditur, ipso à te cogitationum suarum nubilo reflectatur: & quæ terrena hæc assidue cogitat quia vult, hæc etiam toleret in oratione cum non vult. Quia igitur ipsa persequentium nequitia superna dispensatione constringitur, ne contra sanctos viros in quantum voluerit, effrenetur, postquam dixit: Cum ponerem nubem vestimentum eius, apte subdidit: Et caligine illud quasi pannis infantie obuoluerem. Pannis quippe infantie pedes ac brachia constringuntur, ne huc atque illuc dissoluta libertate iactentur. Quia ergo persecutores sanctæ Ecclesiæ instabilitate cordis inquieti, atque huic seculo dediti, non grandæua, sed puerilia sapiunt: qui quidem obscuritate atque caligine, non intellectu superni iudicii constringuntur: ne tantum persequi valeant quantum volunt, pannis infantie referuntur obuoluti: quia sicut dictum est, puerilia quidem sapiunt, sed diuina dispensatione constricti, ad quod volunt brachia non extendunt: & si cuncta mala leuiter perpetrare appetunt, nequaquam tamen implere cuncta quæ appetunt permittuntur. Sequitur: *Circumdedi illud terminis meis.* Terminis suis Dominus mare circumdat: quia iras persequentium, iudiciorum suorum dispensatione modificat: ut insani tumida vnda feruoris plano frangatur littore occultæ dispensationis. Sequitur: *Et posui rectem & ostia, & dixi: Hucusque venies, & non procedes amplius: & hic confringes tumentes fluctus tuos.* Quid per ostia nisi prædicatores sancti: quid per rectem nisi incarnatus Dominus designatur? qui hæc videlicet ostia contra sequentis maris impetum tantò valentiora opposuit, quāto ea sua obseruatione roborauit. Quia enim ista sanctæ Ecclesiæ ostia vectis huius oppositione solidata sunt: potuerunt quidem tundi fluctibus, sed effringi nequiverunt: ut ea exterius vnda persecutionis illideret, sed nequaquam cordis eorum interna penetraret. Et quia doctores sancti prædicatione quidem sequentibus aperti sunt, autoritate autem sua resistentibus clausi, non immerito ostia vocantur, id est, aperta conuersationi humilium, & clausa terroribus superborum. Non immerito ostia vocantur: quia & ingressum fidelibus aperiant, & rursus sese perfidis ne ingrediantur opponunt. Pensemus quale Ecclesiæ ostium extitit Petrus, qui inuestigantem fidem Cornelium recipit, precio quærentem miracula Simonem repulit, illi dicens: In veritate comperi, quoniam non est personarum acceptor Deus: secreta regni benignè aperuit, huic inquit: Pecunia tua tecum sit in perditionem: per districtæ damnationis sententiam cœlestis aulae aditum claudit. Quid cuncti Apostoli nisi sanctæ Ecclesiæ ostia existunt, cum voce redemptoris sui audiunt: Accipite Spiritum sanctum: quorum remiseritis peccata, remittuntur eis: & quorum retinueritis, retenta sunt? Ac si illis aperte diceretur: Per vos ingredietur ad me hi, quibus vosmetipsos panditis, & repellentur quibus obseratis. Igitur dum mare sæuit, Dominus vectem & ostia opponit: quia ab amaribus & perfidis cordibus dum persecutionis procella se dilatat in mūdō, Deus vnigeniti sui gloriā prædicatorumque eius reuerentiam exaltat: & dum innotescit mysteria diuinæ fortitudinis, frangit in impiis fluctus furoris. Bene autem dicitur: *Hucusque*

y iij

venies, & non procedes amplius: quia nimirum diuini iudicii occulta mensura est, & quando persecutionis procella profiliat, & quando conquiescat: ne aut non exagitata electos non exerceat, aut immoderata in profundum mergat. Cum verò notitia fidei vsque ad persequentes extenditur, turbati maris tumor sedatur, ibique fluctus suos mare frangit: quia ad cognitionem veritatis veniens, omne quod nequiter egit, erubescit. Fracta quippe vnda in se reliditur: quia victa nequitia etiam per cogitationem sui cordis accusatur, & quasi ipsam vim quam intulerat recipit: quia de prauitate quam gesserat, reatus sui stimulos sentit. Vnde quibusdam per Paulum dicitur: Quem ergo fructum habuistis tunc in illis, in quibus nunc erubescitis? ac si diceretur: Quid se in altu fluctus vestrae prauitatis extulerunt, qui nunc in semetipsis fracti, vnde peruersos vos inflauerant, conuersos inde confundunt? Rectè itaque dicitur: *Et hic confringes tumentes fluctus tuos.* Quod verò in hac conclusione maris secundò de ostiis dicitur, more sacri eloquii, res semel dicta, pro confirmatione replicatur. Si autem hoc in loco mare accipere non specialiter turbam persequentium, sed generaliter seculum debemus: secundò contra hoc mare Dominus ostia opposuit: quia & prius humano generi praecepta legis, & postmodum nouae gratiae testamentum dedit. Secundò obiectis ostiis huius maris impetum clausit: quia eos quos obsequi sui cultus assumpsit, & prius ab idolis data lege coercuit, & post ab intellectu carnali gratia reuelata correxuit. Secundò mare ostia accepit: quia humanum genus prius Deus ab operibus iniquitatis prohibuit, postmodum verò etiam a cogitationis culpa constrinxit. Videamus quemadmodum prima tumenti mari Dominus ostia imponat. Ecce enim per legem dicitur: Non occides, non moechaberis, non furtum facies, non falsum testimonium dices. Videamus quemadmodum secundis hoc mare Dominus ostiis claudat. Ecce in Euangelio dicit: Audistis quia dictum est antiquis: Non moechaberis: ego autem dico vobis, quoniam omnis qui viderit mulierem ad concupiscendum eam, iam moechatus est eam in corde suo. Rursumque dicitur: Audistis quia dictum est: Diliges proximu tuu, & odio habebis inimicum tuum: ego autem dico vobis, diligite inimicos vestros, & bene facite his qui oderunt vos. Qui igitur prius nequitas operis prohibuit, & postmodum culpas cordis exhaurit, nimirum tumentis mari, ne circumducta iustitiae littora transeat, bis ostia imponit. Bene autem cum diceret: Quis conclusit ostiis mare: illico & tempus adiunxit, dicens: Quomodo erumpebat quasi de vulua procedens: quia videlicet tunc humano generi praeceptis legis obuiauuit, quando adhuc seculum suae origini vicinum, quasi ab ortu proprio ad profectum vitae carnalis exhibet. De vulua quippe procedere, est in luce praesentis gloriae carnaliter apparere. Et rectè subiungitur: *Cum ponerem nubem v. sinu tuu eius.* Quia nimirum Deus hominibus non tunc aperta ostensione se intulit, sed dum eos ab errore perfidia eripuit, nec tamen illis claritatem sui luminis patefecit, quasi ex tenebris eos abstulit, sed adhuc nube vestiuit: vt & pristina prauitatis acta relinquerent, & tamen ventura bona adhuc certius non viderent. Vbi aptè subditur: *Et caligine illud quasi panis infantiae obuoluerem.* Dum enim rudes populos non aperta spiritus praedicatione edocuit, sed figurata locutione praeceptis literae astrinxit: adhuc infirma sapientes verborum suorum caligine quasi pannis infantiae obuoluit: vt mandatis grossioribus ligati crescerent, ne malè liberi in suis voluptatibus perirent. Quos ad viam iustitiae dum non iam charitas, sed adhuc timor astringeret, diuina dispensatio quasi pressit vt nutriret. Infirmitas namque populus cum praepceptorum pannos nolens pertulit, ad firmiorem statum ex ipsa sua ligatione peruenit: quia enim timor eum prius a culpa coercuit, competenter postmodum in libertatem spiritus exiuit. Hos pannos infantiae quos inchoantibus dedit, ipse per Prophetam Dominus reprehendit, dicens: dedi eis praecepta non bona. Mala enim quasi mala esse desinunt comparatione peiorum: & bona quasi bona non sunt comparatione meliorum. Nam sicut peius delinquenti Iudae de Sodoma, atque Samaria dicitur: Iustificasti sorores tuas in omnibus abominationibus tuis, quas operata es: ita melioribus noui testamenti praeceptis subse-

quentibus, praecepta bona quae rudibus data sunt, non bona esse memorantur. Neque enim mentes vsui vitae carnalis inhaerentes, euelli ab infimis possent, nisi gradatim ducta praedicatione proficeret. Hinc quippe est quod in Aegypto positus pio iustoque moderamine latenti eorum concupiscentiae condescenditur, & vicinorum suorum vasis aureis argenteisque sublati, discedere iubentur. Qui ad Sina montem ducti, accepta lege mox audiunt: Non concupisces rem proximi tui. Et hinc est quod in eadem lege, oculus pro oculo, dentem pro dente praecipuntur exigere: & quandoque tamen reuelata gratia, percussi maxillam alteram iubentur prebere. Quia enim plus semper ira in vindicta exigit, quam iniuria accepit: dum discunt mala non multiplicius reddere, quandoque discerent ea & multiplicata sponte tolerare. Hinc est quod eundem rudem populum a quibusdam prohibuit: quendam verò ei in vsu pristinum seruauit, sed haec ipsa tamen in melioris vitae figura composuit. Bruta namque animalia idolis in Aegypto mactabant: eisque in vsu postmodum animalium mactationem retinuit, sed idolorum cultum vetuit: vt dum de vsu suo aliquid amitteret, consolaretur eius infirmitas per hoc quod de vsu suo aliquid haberet. Mira autem dispensatione consilij, quod ei Dominus de consuetudine carnali retinuit, hoc in figuram spiritus potètius vertit. Quid enim sacrificia illorum animalium, nisi vnigeniti mortem designant? Quid sacrificia illorum animalium, nisi extinctione carnalis nostrae vitae significant? Vnde ergo imbecillitati populi rudis condescenditur, inde ei per obumbratas allegoriarum species maior fortitudo spiritus nuntiatur. Rectè itaque dicitur: & caligine illud quasi pannis infantiae obuoluerem: quia vnde eius teneritudinis infirma pertulit, inde altam significationum spiritualium nubem fecit. Quae quia praepceptorum limite ab immoderatis animi euagationibus cinxit, rectè subiicit: *Circumdedi illud terminis meis.* Et quia huius humani generis motus misso mediatore coercuit, aptè subiungit: *Et posui vectem & ostia.* Vectem quippe & ostia posuit: quia redemptore nostro contra culpas delinquentium misso, nouae vitae prae dicamenta firmavit. Clausa namque ostia opposito vecte roborantur. Vectem ergo Deus opposuit, quia contra lasciuos motus humani generis vnigenitum misit, qui praecepta spiritalia quae loquendo docuit, agendo solidauit. Bene autem subditur: *Et dixit. Hucusque venies, & non procedes amplius: & hic confringes tumentes fluctus tuos.* Hoc quippe mare ostia, priora transcederat: quia claustra legis opposita humani tumoris vnda transliebat. At postquam mundus oppositum sibi vnigenitum reperit, elationis suae impetum fregit, & transire non valuit: quia eius fortitudine furoris sui terminum clausum inuenit. Vnde rectè per Prophetam dicitur: Mare vidit & fugit. Possunt etiam per ostia aperte passionis eius non inconuenienter intelligi. Quibus ex occulto vectem posuit: quia eas ex inuisibili diuinitate roborauit. Contra quas mundi fluctus veniunt, sed fracti dissiliunt: quia superbi eas viuendo despiciunt, sed earum vires experiendo pertimescunt. Nam dum passionis vnigeniti humanum genus prius irrisit, postmodum expauit: quasi contra opposita ostia more elidendi maris & tumore elatum venit, & fractum virtute dissiluit. Sed quia idcirco hoc ad beatum Iob dicitur, vt de tot virtutibus cordis eius gloria premere-tur: ne sibi fortasse tribuat quod se stare sublimiter non ignorat: cum quanta eius aedificatione sint dicta perpendimus, si haec etiam moraliter differamus. Dicat itaque: *Quis conclusit ostiis mare?* Quid est mare, nisi cor nostrum fure turbidum, rixis amarum, elatione superbiae tumidum, fraude malitiae obsecrum? quod mare quantum sauiat attendit, quisquis in se occultas cogitationum tentationes intelligit. Ecce enim iam peruersa relinquimus, iam desiderijs rectis inhaeremus, iam praua opera foris abscindimus: sed tamen latenter intus ea cum qua huc venimus, vitae veteris procella fatigamur, quam nisi respectu iudicij, & aeterni pauore tormenti, immensi timoris claustra constringerent: cuncta in nobis penitus superaedificati operis fundamenta corruissent. Si enim quod per suggestionem sauit intrinsecus, per deliberationem foras erumperet: vitae nostrae fabrica funditus euerfa iacuisset. In iniquitate namque concepti, & in delicto editi, per iniquitatis corruptionis

Roma. 6.

Exod. 20.

Matth. 5.

17.

Ezech. 20.

Ezech. 6.

Exod. 3.

Exod. 20.

18.

Psal. 113.

Moralis
differetia.
Mare cor
nostrum.

corruptionis molestias pugnam nobiscum huc deferimus, quam cum labore vincamus. Vnde & rectè de hoc mari dicitur: Quando erumpebat, quasi de vulua procedens. Vulua enim prauæ cogitationis adolescentia est. De qua per Moysen Dominus dicit: Sensus enim & cogitatio humani cordis prona est in malum ab adolescentia sua. Corruptionis namque malum quod vnusquisque nostrum ab ortu desideriorum carnalium sumpsit, in prouectu ætatis exercet: & nisi hoc citius diuinæ formidinis manus reprimat, omne conditæ naturæ bonum repente culpa in profundum vorat. Nemo igitur sibi cogitationum suarum victoriam tribuat, cum veritas dicat: Quis conclusit ostiis mare, quando erumpebat quasi de vulua procedens? Quia nisi ab ipso cogitationis primordio cordis fluctus gratia diuina retineret, tentationum procellis mare sæuiens, terram proculdubio humanæ mentis obruisset: vt falsis fluctibus persusa arefceret, id est, perniciosis carnis voluptatibus delectata deperiret. Solus ergo Dominus ostiis mare concludit, qui prauis motibus cordis claustra inspiratæ formidinis obicit. Quia verò ea quæ cernimus, sequi prohibemur, quia à corporearum rerum delectatione retundimur: libet etiam ad inuisibilia oculos mentis attollere, atque hæc ipsa quæ sequi præcipimur videre. Sed quid agimus? Infirmis illa obtutibus necdum patent. Ecce ad eorum amorem vocamur, sed tamen à visione restringimur: quia et si quædò aliquid furtim parumque aspiciamus, sub incerto nimis adhuc visu caligamus, vnde aptè subiungitur: Cum ponerem nubem vestimentum eius, & caligine illud quasi panis infantie obuoluerem. Hoc mare tumultuosum videlicet cogitationibus fluctuans cor nostrum nube vestitur: quia ne internam quietam purè conspiciat, inquietudinis suæ confusione tenebratur. Hoc mare caligine quasi pannis infantie obuoluitur: quia à contemplandis sublimibus adhuc teneris sensibus sue infirmitatis ligatur. Videamus Paulum quadam caligine quasi infantie pannis obuolutum, dum ait: Videmus nunc per speculum in ænigmate: tunc autem facie ad faciem. Nunc cognosco ex parte, tunc autem cognoscam sicut & cognitus sum. Qui si se ad contemplanda cœlestia infantem non cerneret, ætatis suæ ad hæc comparisonem nullo modo præmisisset, dicens: Cum essem paruulus, loquebar vt paruulus, sapiebam vt paruulus, cogitabam vt paruulus. Tunc ergo ad robur iuuenile conscendimus, cum forti sensu eam, ad quam tendimus, vitam videmus: nunc autem quia intentionis nostræ acies per infirmitatem suam ab interna luce retunditur, mens nostra ligata infantie pannis tenetur. Vbi aptè subiungitur: Circundat illud terminis meis. Terminis enim suis Dominus hoc mare circumdat: quia cor nostrum adhuc corruptionis suæ molestia & cura turbulentum sub mensura contemplationis humiliat: vt licet plus appetat, ultra tamè quam sibi conceditur, non ascendat. Vel certè terminis suis Dominus hoc mare circumdat: quia cor nostrum tentationibus tumidum, occultis donorum distributionibus mitigat: modò agens ne praua suggestio ad delectationem veniat: modò ne praua delectatio vsque ad consensum prorumpat. Qui ergo illicitos motus cordis respicit, & in quibusdam eos vsque ad consensum venire prohibet, in quibusdam verò illos etiam à delectatione restringit: nimirum furenti mari terminos imponit, vt nequaquam in opere exeat, sed intra sinum mentis tentationum submurmurans se vnda collidat. Quæ quia tunc valenter restringitur, cum ei delectatione Dei atque inspiratis virtutibus obuiatur, rectè subiungitur: Et posui vectem & ostia, & dixi: Hucusque venies, & non procedes amplius: & hic confringes tumentes fluctus tuos. Quid enim moraliter per hostia nisi virtutes, quid per vectem nisi robur charitatis accipimus? Hæc itaque ostia scilicet operationum virtutes mare sæuiens dissipat, nisi eas ex occulto mentis opposita charitas astringat. Facile autem omne virtutum bonum tentatione cordis irruente destruitur, nisi ab intimis fixa charitate solidetur. Vnde & Paulus in suis prædicationibus dum quædam virtutum ostia mari tentationis opponeret, illico eisdem ostiis quasi robur vectis adiunxit, dicens: Super omnia autem hæc charitatem habentes: quod est vinculum perfectionis. Perfectionis enim vinculum charitas dicitur: quia omne bonum quod agitur, nimirum per illam ne pereat, ligatur. A ten-

Tomus primus.

tatore nanque citius quodlibet opus euellitur, si solum à vinculo charitatis inuenitur: si autem mens Dei ac proximi dilectione constringitur, cum tentationum motus quælibet ei iniusta suggererint, obicem se illis ipsa dilectio opponit, & prauæ suasionis vndas virtutum ostiis ac vecte intimi amoris frangit. Quia ergo Dominus per inspiratæ charitatis fortitudinem nascentia in corde vitia reprimat, insurgens maris impetum per obserata claustra compescit. Ira fortasse in occulto exasperat, sed ne quies superna perdat, perturbationi mentis officium linguæ subtrahitur, ne vsque ad vocem exeat, quod in sinu cordis tumultuosum sonat. Luxuria in occultis cogitationibus accenditur, sed ne supernam munditiam mens amittat, conceptæ immunditiæ ea, quæ famulari poterant, membra castigat, ne vsque ad corruptionem exhalet corporis fœtor cordis. Avaritia stimulat: sed ne cœlesti regno mens careat, intra claustra se parsimonie contenta propriis ligat: ne in prauo se opere dilatet, & vsque ad exteriores actus internæ concupiscentiæ æstus exudet. Superbia inflat: sed ne veram celsitudinem amittat, considerando quisque quia pulvis est, ab altitudine se conceptæ elationis humiliat: certans nimirum, ne, quod in suggestionem cogitationis tolerat, in exercitationem operis erumpat. Bene ergo dicitur: Posui vectem & ostia, & dixi: Hucusque venies, & non procedes amplius, & hic confringes tumentes fluctus tuos: quia dum electus quisque, & tentatur vitiis, & tamen facere malè suggesta renititur, quasi mare clausum tenetur. Quod etsi intus tumultuosis cogitationum fluctibus mentem percutit, statuta tamen bene viuendi littora non excedit. Quod mare quidem in tumorem se erigit, sed dum fixa deliberatione cordis illiditur, fractum redit. Beatus igitur Iob ne sibi tribuat quod cōtra procellas cordis fortiter stat, voce diuina audiat: Quis conclusit ostiis mare quando erumpebat quasi de vulua procedens & c. Ac si ei apertè diceretur: Incassum te exterius in bonis operibus pensas, si non me interius qui in te tentationis vndas compesco consideras. Vt enim tu fluctus ferre possis in opere, mee virtutis est, qui fluctus frango tentationis in corde.

Libri vicefimi octauī Moraliū sancti Gregorij finis.

B. GREGORII EXPOSITIONIS MORALIS IN IOB, LIBER VIGESIMVS NONVS.

Capitulum I.

DOMINVS Deus noster Iesus Christus in eo quod virtus & sapientia Dei est, de patre ante tempora natus est: vel potius quia nec cepit nasci nec desinit, dicamus verius semper natus. Non autem possumus dicere, semper nascitur: ne imperfectus videatur. At verò vt æternus designari valeat & perfectus, semper dicamus & natus: quatenus & natus ad perfectionem pertineat, & semper ad æternitatem: vt quocunque modo illa essentia sine tempore temporali valeat designari sermone: quanuis hoc ipso quod perfectum dicimus, multum ab illius veritatis expressione deuiamus: quia quod factum non est, non potest dici perfectum. Et tamen infirmitatis nostræ verbis Dominus condescendens, ait: Estote perfecti sicut & pater vester cœlestis perfectus est. In illa itaque natiuitate diuina ab humano genere cognosci non poterat: proinde in humanitate venit vt videretur, videri voluit vt imitaretur. Quæ carnis natiuitas despecta visa est sapientibus mundi, contempserunt nan-

y iij

1. Corin. 1.

que infirma humanitatis eius, Deo hæc indigna iudicantes. Cui tantò magis homo debitor fuit, quantò pro illo Deus etiam indigna suscepit. Quia enim non cognouit mundus per sapientiam Deum, placuit Deo stultitiam prædicationis saluos facere credentes. Ac si diceret: Cum Deum qui est sapiëntia, nequaquam per sapientiam suam mundus inueniret, placuit vt Deum hominem factum per humanitatis stultitiam cognosceret: quatenus eius sapientia ad nostram stultitiam descenderet, & lucem supernæ prudentiæ luto suæ carnis illuminata nostra cæcitas videret. Natus igitur ex patre sine tempore, ex matre nasci est dignatus in tempore, vt per hoc quodd ortum suum inter initium finemque concluderet, humanæ mentis oculis ortum, qui nec initio sumitur, nec fine angustatur, aperiret, vnde bene nunc ad beatum Iob dicitur:

Quod nato in carne Domino, sancta Ecclesia de tenebris noctis egrediens, quærit suum locum in luce beatitudinis æternæ.

Caput II.

N Vnquid post ortum tuum præcepisti diluculo, & ostendisti aurora locum suum? Subaudis vt ego. Ortus quippe diuinitatis eius antè & post non habet. Cui dum semper esse est per æternitatem, dum omne quod labitur circumscribit, intra semetipsum temporum discursus claudit. Ortus verò humanitatis eius, quia & cœpit, & desinit: & antè & post habere à tempore accepit. Sed quia dum ipse vmbras nostræ temporalitatis suscepit, lumen nobis suæ æternitatis infudit: rectè per hunc ortum quem creator sibi in tempore condidit, locum suum sine tempore aurora cognouit. Quia enim diluculum, vel aurora à tenebris in lucem vertitur, non immeritò diluculi, vel auroræ nomine, omnis electorum Ecclesia designatur. Ipsa nãque dum ab infidelitatis nocte ad lucem fidei ducitur, velut auroræ more in diem post tenebras splendore supernæ claritatis aperitur. Vnde & bene in Canticis canticorum dicitur: Quæ est ista quæ progreditur quasi aurora confurgens? Sancta enim Ecclesia cœlestis vitæ præmia appetens, aurora vocata est: quia dum peccatorum tenebras deferit, iustitiæ luce fulgescit. Habemus tamè subtilius aliquid quod considerata qualitate diluculi, vel auroræ pensemus. Aurora, nanque vel diluculum noctem quidem præterisse nuntiant, nec tamen diei claritatem integram ostendant: sed dum illam pellunt, hanc suspiciunt, lucem tenebris permixtam tenent. Quid itaque in hac vita omnes qui veritatem sequimur, nisi aurora, vel diluculum sumus: quia & quædam iam quæ lucis sunt agimus: & tamen in quibusdam adhuc tenebrarum reliquiis non caremus. Per Prophetam quippe Deo dicitur: Non iustificabitur in conspectu tuo omnis viuens. Rursumque scriptum est: In multis offendimus omnes. Paulus quoque ait: Video aliam legem in membris meis repugnantem legi mentis meæ, & captiuum me ducentem in lege peccati quæ est in membris meis. Vbi ergo lex peccati cum lege mentis contendit, profectò adhuc aurora est: quia lux quæ iam emicuit, necdum prætereuntes funditus tenebras prepsit. Adhuc aurora est: quia dum lex carnis legem mentis, & lex mentis legem carnis percutit, inter se vicissim lux & umbra configit. Vnde rursum Paulus cum diceret: Nox præcessit, nequaquam subdidit, Dies venit: sed, Dies autem appropinquauit. Qui enim post discessum noctis iam non venisse, sed appropinquasse diem insinuat, esse se proculdubio ante solem post tenebras adhuc in aurora demonstrat. Tunc autem plenè sancta electorum Ecclesia dies erit, cum ei admixta peccati umbra iam non erit. Tunc plenè dies erit, quando interni luminis perfectò feruore claruerit. Tunc plenè dies erit, quando nullam malorum suorum tentantem memoriam tolerans, omnes à se tenebrarum etiam reliquias abscondit. Vnde & bene hæc aurora quasi adhuc in transitu demonstratur, cum dicitur: Et ostendisti aurora locum suum. Cui enim locus suus ostenditur, profectò ex alio ad aliud vocatur. Quid est enim locus auroræ, nisi perfectà claritas visionis internæ? Ad quem cum ducta venerit, iam de transactæ noctis tenebris nihil habebit. Nunc autem adhuc tentationum molestias sustinet: quia per intentionem cordis ad aliud festinat Ecclesia, ad locum suum tendit aurora. Quem locum sine mente non cerneret, in huius vitæ nocte remaneret. Sed

Canti. 6.

2.

Psalm. 142.

Iaco 3.

Roma. 7.

Roma. 13.

E cum quotidie contendit perfici, & in lucem quotidie augeri, locum suum iam conspiciet, & plenè sibi clarescere solem quærit. Locum suum aurora considerat, quando sancta anima ad contemplandam conditoris sui speciem flagrat. Ad Psalm. 41. locum suum pertingere aurora satagebat, cum Dauid diceret: Sitiuit anima mea ad Deum fontem viuum, quando veniam & apparebo ante faciem Dei? Locum suum veritas auroræ monstrabat, cum per Salomonem diceret: Quid habet amplius sapiens à stulto: & quid pauper, nisi vt pergat illuc vbi est vita? Quem profectò locum etiam præcedentibus incarnationem suam patribus post ortum suum Dominus ostendit: quia nisi per prophetiæ spiritum incarnandū supernæ patriæ regem cognoscerent, bona eiusdem patriæ quàm essent desiderabilia non viderent. Locum suum veritas auroræ patefecit, cum patrem coram discipulis petiit, dicens: Pater quos dedisti mihi, volo vt vbi ego sum, & illi sint mecum. Locum suum aurora monstrauit, cum diceret: Vbicunque fuerit corpus, illuc congregabuntur & aquilæ. Ad hunc locum quem cognouerat, peruenire aurora festinabat, cum Paulus desiderium habere se diceret dissolui, & cum Christo esse: Etrursum: Mihi viuere Christus est, & mori lucrum. Et rursum: Scimus quoniam si terrestis domus nostra huius habitationis dissoluatur, quodd edificacionem ex Deo habemus: domum non manufactam, æternam in cœlis. Bene autem post ortum suum locum proprium auroræ ostendisse se perhibet, quia futuræ retributionis beatitudinem priusquam per corpus ipse innotesceret, in paucorum intellectu continuit. Cum verò humanæ natiuitatis infirma suscepit, venturæ claritatis notitiam in multitudinis innumeræ amore dilatauit. Sed cum diuini operis mysterium sic misericordia peragat, vt tamen & ira comitetur, quatenus occultus arbiter alios respiciens redimat, alios deferens perdat: quia cognouimus, quomodo per incarnationem suam electos illuminet, audiamus nunc quomodo reprobos dānet. Sequitur:

Psalm. 41.

Eccles. 6.

Ioa. 17.

Math. 24.

Lucæ 17.

Philip. 1.

I. Corin. 6.

Quod Iudæica perfidia viso Christo concussa est: & aliis sic, aliis aliter de eo sentientibus, paucis ex illa tanta plebe assumptis, Scribas & Phariseos meritò reprobauit Caput III.

N Vnquid tenuisti concutiens extrema terræ, & excussisti impios ex ea? Extrema terræ Dominus tenuit: quia in fine seculorum ad destitutam iam, & alienigenis regibus subditam synagogam venit, atque ex illa impios excussit: quia spiritalia fidei prædicamenta renuentes, etiam à carnalis sacrificij gloria repulit. Vel certè extrema terræ tenuit: quia ex Iudæa paucos abiectos & humiles elegit. Extrema terræ tenuit: quia legis doctores deferens, piscatores assumpsit. Dūque eius extrema tenet, ex ea impios excutit: quia dum infirmos fideles roborat, fortes in illa infideles dānat. Rectè verò etiā concutiens addidit: quia per aduentum suum immensa formidine etiam reprobos corda commouit. Concussi quippe fuerant qui dicebant: Nihil proficimus, ecce totus mundus post eum abiit. Res autem quæ concutitur, huc illucque ducta fatigatur. Concussa ergo Iudæa fuerat, quæ de Christo per alios dicebat: Quia bonus est & per alios resistebat dicēs: Nō, seducit turbas. Per alios dicebat: Nisi hic esset à Deo, non poterat facere quicquam. Atque ad extremum per alios clamat: Si non esset hic malefactor, non tibi tradidissemus eum. Concussi quidem, sed non prostrati sunt reprobi, cum modò miracula obstupescētes cernerent, modò infirmitatis opprobria despicientes irriderent. An non concussi fuerant qui dicebant: Quousque animam nostram tollis? si tu es Christus, dic nobis palam. Vel certè extrema terræ concussit & tenuit: quia cum infirma corda humilium pio timore terruit, nequaquam ea iudicio districto dereliquit. Inde eqim multitudo credētium in Deum robustius stetit, vnde in se humiliata trepidauit. Nam quia eum Deus quem concutit tenet, insinuat per Prophetam dicens: Super quem requiescet spiritus meus, nisi super humilem & quietum & tremētem sermones meos? Quia eum quem concutit tenet, Salomone attestante intimatur, qui ait: Beatus vir qui semper est pauidus: qui autem mentis est duræ, corrui in malum. Igitur quia extrema Iudææ Dominus in Apostolis tenuit, atque ex illa Scribas & Phariseos ac pontifices impietatis suæ merito exigente reprobauit:

Ioa. 12.

Ioa. 7.

Ioa. 9.

Ioa. 18.

Ioa. 10.

bauit: quid adhuc de eorum damnatione subdatur, audiamus. Sequitur: *Restituetur ut lutum signaculum, & stabit sicut vestimentum.* Quid aliud Dominus plebem Israëliticam nisi lutum reperit, quam obsequiis gentiliū deditam, in Aegypto seruientem lateribus inuenit? Quam dum tot miraculis ad terram repromissionis duxit, dum perductam cognitionis suæ scientia impleuit, dum tot arcana secretorum ei per prophetiam contulit: quid eam aliud quam seruandi mysterij signaculum fecit? Ipsa quippe t̄ diu in prophetia clausum continuit, quicquid de se veritas in fine reuelauit. Sed dum post tot diuina secreta, post tot percepta miracula in redemptoris sui aduentu, plus terram quam veritatem dilexit, per sacerdotes dicens: Si dimittimus eum sic, omnes credent in eum, & venient Romani, & tollent nostrum locum & gentem: quasi ad eos quos in Aegypto reliquerat lateres rediit: & quæ facta iam Dei signaculum fuerat, ad hoc se iterum quod deseruerat inflexit: lutumque se post signaculum in oculis veritatis exhibuit, cum per impietatis malitiam accepti verbi mysteria perdidit, & sola terrena sapere quæ inquinant elegit. Vbi aptè subiungit: *Et stabit sicut vestimentum.* Imposita nanque & grossiora vestimenta etiam cum iuduta fuerint, quia induentis membris bene applicata non inhærent, stare feruntur. Iudæa igitur circa veritatis notitiam etiam cum seruire videretur, sicut vestimentum stetit, quia per exteriora mandata seruire se Domino ostendit, sed adhærere ei per charitatis intelligentiam noluit. Dum solam in præceptis Dei literam tenuit, & nequaquam se per spiritum sensibus intimis iunxit, quasi ei qui se induerat non adhæsit. Vbi & aptè subiungitur: *Auferetur ab impiis lux sua.* Quia dum credere veritati renuunt, cognitionem legis in perpetuum amittunt: & dum de accepta lege superbiunt, nimirum de scientiæ suæ gloria cæcantur. Scriptum quippe est: Obscurentur oculi eorum, ne videant. Rursumque scriptum est: Ex cæca cor populi huius, & aures eius aggraua. Et rursum scriptum est: In iudicium ego in hunc mundum veni, ut qui non vident, videant, & qui vident, cæci fiant. Et quia semetipsos de legis operibus contra conditorem legis extulerunt, aptè subditur: *Et brachium excelsum conteretur.* Excelsum quippe brachium conteritur, quando prædicata fidei gratia superba legis operatio reprobatur cum dicitur: Ex operibus legis non iustificabitur omnis caro. Cuncta tamē hæc intelligi & aliter possunt. Terram quippe scriptura sacra vocare consuevit Ecclesiā. Extrema igitur terræ Dominus tenet, & concutit, quia Ecclesiæ suę vltima per aduentum antichristi persecutione immaniissima turbari permittit, nec tamen permittendo deserit. Hanc terram aliquando Dominus tenet & non concutit, aliquando tenet & concutit: quia modò eam tranquilla pace fidei possidet, modò commoueri impetu persecutionis iubet. Bene autem cum diceret: Nunquid tenuisti concutiens extrema terræ, illico adiunxit, & excusisti impios ex ea? Attestante enim Paulo, plerique in ea sunt qui consentunt se nosse Deum, factis autem negāt. Impios ergo ex ea Dominus excutit: quia hi quos nunc intima vitia possident, tunc in voraginem apertè infidelitatis cadent, atque in aceruum palarum transeunt, cum temptationis illius aura commouentur. Et quanuis se nunc sub specie fidei intra aræ sinum tegant, tunc nimirum extra granorum cumulum districti examinis ventilabro resiliunt. Vnde & aptè subiungitur:

Quod Iudæi qui legis seruandæ signaculum acceperant in iudicio tanquam lutum restituentur: quia quod terrena sapuerint, omnibus demonstrabunt.

Caput IIII.

Restituetur ut lutum signaculum. Ac si apertè diceret: Hi qui nunc videntur in Ecclesiæ sinu signaculum, tunc ante oculos omnium restituentur ut lutum, id est, nequaquam iudicia hominum de professione religionis fallunt, sed quod terrena sapiant demonstrantur. Solet enim scriptura sacra pro fide appellare signaculum, pro iniquitate lutum. Nam filius iunior qui consumpta substantia ad patrē rediit, in munere anulum accepit. Gentilis enim populus qui in mortalitate perdit, ad Deum poenitendo reuertitur, per fidei signaculū munitur. Vnde & à sponso suo Ecclesiæ dicitur: Pone me ut signaculum super cor tuum. Idcirco nanque signaculum rebus

ponitur, ne qua diripientiū præsumptione temerentur. Sponsus ergo in corde signaculum ponitur, quando fidei eius mysterium in custodiam nostræ cogitationis imprimitur: ut ille infidelis seruus nimirum noster aduersarius, cum signata fide corda considerat, tentando ea irrumperere non præsumat. Per lutum verò quia terrena contagia demonstrantur, attestatur

Psal. 39.

Quia igitur multi in terrenis contagiis inuenti, perducti ad Ecclesiam, cœlestis fidei sacramento signantur, & tamen ab iniquis operibus nō recedunt, sēque nunc fidei velamine cōtegunt: sed cum tempus inuenerint, quid sint veraciter ostendunt, rectè dicitur: *Restituetur ut lutum signaculum.* Quos enim nunc fideles credimus, ipsos tunc fidei hostes inueniemus, & quanuis appareant non tentati signaculum, erūt proculdubio tentati lutum. Vnde & rectè dicitur, Restituetur: quia qualis eorum conscientia esse ante fidem potuit, tales eos postmodum reproba vita conuincit. De quibus aptè subiungitur: *Et stabit sicut vestimentum.* Tot nunc quasi vestibus sancta Ecclesia induitur, quot fidelium veneratione decoratur. Vnde & ei ostensis gentibus à Domino per Prophetam dicitur: Viuo ego dicit Dominus: quia omnibus his velut ornamento vestieris. Multis tamen quasi fidelibus nunc specietenus induitur: sed pulsante persecutionis impetu, tunc eis exuta nudabitur: de quorum sorte hic dicitur: *Et stabit sicut vestimentum.* Stare verò hoc loco ponitur, in peccato persistere. Vnde scriptum est: Et in via peccatorum non stetit. Vel certè reprobis quisque sicut vestimentum stare dicitur, ut non posse stare monstretur: quia sicut induta vestis in visionis suæ specie per corpus tenditur, exuta autem fracta complicatur: ita vnusquisque quia à sanctæ Ecclesiæ tunc statu recesserit, tensus ac decorus quasi dum indueretur fuit, sed exutus postmodum contractus atque abiectus iacebit. Si verò stare intelligimus perdurare, sicut vestimentum stat quisque reprobis, qui in hac vita quam diligit, breuiter durat. Vnde & per Prophetam dicitur: Omnia sicut vestimentum veterascēt, & sicut opertorium mutabis ea, & mutabuntur. Hæc itaque quæ allegoriarum nube tecta intulit, nunc verbis apertioribus innotescit subdens:

Quod impiorum lux sit hoc, quod eis ex fide lucet: quæ tunc auferitur, quando pulsante persecutionis articulo, quod rectum credere videbantur, amittunt.

Caput V.

Auferetur ab impiis lux sua. Neque enim eos nunc Dei lumen illustrat, qui iniquitatis suæ malitiam fidei nomine palliant. Nam dum iuxta prædicationem fidei viuere negligunt, & tamen eandem fidem specietenus venerantur, honorem vitæ præsentis ex nomine religionis quærunt. Hocque eis ex fide lucet, quod eos fides coram hominibus resouet. Sunt verò nonnulli qui æterna quæ audiunt veraciter credunt, & tamen eidem, quam tenent, fidei malè viuendo contradicunt. Habent hi quoque in tenebris lucem suam: quia dum peruersa agunt, & tamen de Deo recta sentiunt, ne tenebrescant funditus, ex quadam parte fulgore luminis illustrantur. Qui dum plus terrena quam cœlestia, plus quæ vident quam quæ audiunt, pulsante persecutionis articulo, quod rectum credere videbantur, amittunt. Quod illo maxime tempore multiplicius agitur, quando surgente ipso iniquorum capite, in sancta Ecclesia persecutione vltima liberis suis viribus eius fortitudo grassatur. Ibi tunc cor vnus cuiusque ostenditur, vbi quicquid in occultis latebat aperitur, & qui nunc ore sunt pii, & corde sunt impij, publicata malitia corruunt, & lucem fidei quam specietenus tenuerant perdunt. Sed inter hæc necesse est ut vnusquisque nostrum ad cordis sui secretum redeat, & actionis suæ damna pertimescat, ne exigentibus meritis per districtam iustitiam iudiciorum Dei in taliū hominum numerum incurrat.

Quod omnia moraliter ad antichristum tempora referuntur, in quibus concussio persecutionum erit, & fideos quosque, qui modò in Ecclesia sunt infideles, etiam nunc reproba vita conuincit.

Caput VI.

Nemo autem sibi incautè blandiatur & idcirco se à tali Noctu extraneum credat, quia ad illius tempestatis procellam peruenire se non existimat. O quanti illius temptationis

Esai. 49.

Psal. 101.

Membra tempora non viderunt, & tamen in eius tentationis procella
antichristi. versantur. Cain tempus antichristi non vidit, & tamen mem-
Cain. brum antichristi per meritum fuit. Iudas scititiam persecu-
Iudas. tionis illius ignorauit, & tamen viribus crudelitatis eius aua-
Simon. ritia suadente succubuit. Simon diuisus longè ab antichristi
temporibus extitit, & tamen eius se superbiæ miraculorum
potentiam peruersè appetendo coniunxit. Sic iniquum corpus
suo capiti, sic membris membra iunguntur, cum & cognitio-
ne se nesciunt, & tamen praua sibi actione copulantur. Neque
enim Pergamus Balaam libros aut verba cognouerat, & ta-
men eius nequitiam sequens, voce supernæ increpationis au-
diebat: Habes illic tenentes doctrinam Balaam, qui docebat
Balac mittere scandalum coram filiis Israël, edere & fornica-
ri. Thyatiræ quoque Ecclesiam ab Hiezabel notitia & tem-
pora & loca diuidebant: sed quia eam per vitæ reatus astrin-
xerat, inesse ei Hiezabel dicitur, atque operibus peruersis in-
sistere, Angelo attestante, qui ait: Habeo aduersus te aliqua,
quia permittis mulierem Hiezabel, quæ se dicit Prophetam,
docere, & seducere seruos meos, fornicari & manducare de
idolothytis. Ecce quia reperiri potuerunt qui Hiezabel vi-
tam reprobæ actione secuti sunt: Hiezabel illic inuenta me-
moratur: quia videlicet prauum corpus coniuncti mores v-
num faciunt, etiam si hoc loca vel tempora scindunt. Vnde
fit vt in peruersis suis imitatoribus & iniquis quisq; maneat
qui iam præterit, & in suis operatoribus ipse iniquorum au-
thor iam appareat, qui necdum venit. Hinc Ioannes ait: Nunc
antichristi multi facti sunt, quia iniqui omnes iam eius mem-
bra sunt, quæ scilicet peruersè edita, caput suum malè viuend-
do præuenerunt. Hinc Paulus ait: Vt reueletur in suo tempore.
Nam mysterium iam operatur iniquitatis, ac si diceret: Tunc
antichristus manifestus videbitur: iam in cordibus ini-
quorum secreta sua iam nunc occultus operatur. Vt enim de
apertioribus criminibus taceam, ecce alius fratri in corde suo
tacitus inuidet, & si occasionem reperiat, eum supplantare
cõtentit. Cuius alterius membrum est, nisi eius de quo scrip-
tum est: Inuidia diaboli mors intrauit in orbem terrarum? Ali-
us magni meriti esse se æstimans, per tumorem cordis cun-
ctis se præferens, omnes semetipso inferiores credit. Cuius al-
terius membrum est, nisi eius de quo scriptum est: Omne
sublime videt, & ipse rex super vniuersos filios superbiæ? Ali-
us mundi huius potentiam quærit, non quo aliis profit, sed
quo ipse alteri subditus non sit. Cuius alterius membrum est,
nisi eius de quo scriptum est, qui dixit: Sedebo in monte tes-
tamenti, in lateribus Aquilonis, ascendam super altitudinem
nubium, similis ero Altissimo? Solus quippe Altissimus ita
dominatur super omnia, vt alteri subesse non possit. Quem
diabolus imitari peruersè voluit, cum suum Dominum quæ-
rens, ei subesse recusauit. Imitatur ergo diabolus quisquis
idecirco potestatem suã appetit: quia ei qui sibi est superna or-
dinatione præpositus, subesse fastidit. Sunt præterea pluri-
ma quæ quosdam in ipsa pace Ecclesiæ constitutos, infideles
esse renuntiât. Video namq; nonnullos ita personam potentis
accipere, vt requisiti ab eo, pro fauore eius nõ dubitât in cau-
sa proximi veritatem negare. Et quis est veritas, nisi ille qui
dixit: Ego sum via, veritas & vita? Neq; enim Ioannes Bap-
tista de confessione Christi, sed de iustitiæ veritate requisitus
occubuit: sed quia Christus est veritas, ad mortem vsque id-
circo pro Christo, quia videlicet pro veritate peruenit. Po-
namus ergo ante oculos quod aliquis percunctatus personam
potentis accepit, & ne verbi saltem iniuriam pateretur, veri-
tatem rogauit. Quid rogo iste faceret in dolore pœnarum,
qui Christum erubuit inter flagella verborum? Ecce & post
hæc ante oculos hominum adhuc Christianus est, & tamen si
eum Dominus districtè disposuit iudicare, iam non est. Vi-
deo autem alios quibus per locum magisterij exhortâdi sunt
officia, arguendique commissâ, qui vident aliquid illicitum
admitti, & tamen dum quorundam potentum offendere gra-
tiam metuunt, arguere non præsumunt. Quisquis iste est, quid
aliud facit, nisi videt lupum venientem, & fugit? Fugit, quia
tacuit: tacuit, quia despecta æterna gratia, temporalem glo-
riam plus amauit. Ecce ante potentis faciem intra sui se late-
bras silentij abscondit, & sicut persecutioni publicè, sic occul-
tè locum dedit tibi. Bene de talibus dicitur: Dilexerunt glo-

riam hominum magis quàm Dei. Quisquis igitur talis est, si
hæc districtè iudicantur, etsi persecutio publica defuit, tamen
tacendo Christum negauit. Non ergo defuit vel in pace Ec-
clesiæ antichristi tentamenta. Nemo itaque illa persecutionis
extremæ tempora quasi sola perhorrescat. Apud iniquos nã-
que quotidie res antichristi agitur, quia in eorum cordibus
mysterium suum iam nunc occultis operatur. Et si multi nunc
specietenus intra Ecclesiam constituti simulant se esse quod
non sunt, in aduentu tamen iudicis prodentur quod sunt: de
quibus bene Salomon ait: Vidi impios sepultos, quia etiam
cum adhuc viuerent, in loco sancto erant, & laudabantur in
ciuitate, quasi iustorum operum. Igitur postquam de iniquis
dictum est: Restituetur vt lutum signaculum, & stabit sicut
vestimentum, & auferetur ab impiis lux sua, quod vtique in
illa est antichristi persecutione faciendum, mox de eiusdem
antichristi persecutione nos consolans ait: *Et brachium excel-*
sum confringetur. Quid nanque aliud excelsum brachium acci-
pitur, nisi superba antichristi celsitudo, quæ super reprobos
mentes hominum fastu gloriæ secularis erigitur, ita vt homo
peccator & tamen æstimari homo despiciens, Deum se super
homines mentiatur? Vnde & Paulus Apostolus dicit: Ita vt
in templo Dei sedeat, ostendens se tanquam sit Deus. Cuius
vt tumorem plenius ostenderet, præmisit: Qui aduersatur &
extollitur super omne quod dicitur Deus, aut quod colitur.
Deus enim dici aliquando & homo potest, iuxta quod ad
Moysen dicitur: Ecce constitui te Deum Pharaonis. Deus
verò coli purus homo non potest. Quia verò se antichristus
& super sanctos quosque homines, & super ipsius potentiam
diuinitatis extollit, per exactum sibi nomen gloriæ, & hoc
quod Deus dicitur, & hoc quod Deus colitur, transire cona-
tur. Notandum verò est in quantam superbiæ foueam ceci-
dit, qui in mensura ruinæ qua lapsus est, non permansit. Dia-
bolus quippe vel homo à statu cõditionis propriæ elata men-
te corruerunt, vt vel ille diceret: Ascendam super altitudinem
nubium, similis ero Altissimo: vel iste audiens crederet: A-
perientur oculi vestri, & eritis sicut dii. Idcirco ergo vter-
que cecidit, quia esse Deo similis non per iustitiam, sed per
potentiam concupiuit. Sed homo per gratiam liberatus, qui
Dei similitudinem peruersè appetendo ceciderat, in reatu cri-
minis sui longè Deo imparem se esse cognoscens clamat. Do-
mine quis similis tibi? Diabolus verò in lapsu sui criminis ius-
tè dimissus, in mensura ruinæ suæ minimè permansit, sed
quantò diutius ab omnipotentis gratia defuit, tantò magis rea-
tum criminis cumulauit. Nam qui ideo cecidit quia peruerso
ordine Deo esse similis voluit, eousq; productus est, vt in an-
tichristum veniens, videri Deo similis dedignetur, atq; eum
quem habere non potuit superbus æqualem, damnatus infe-
riorem putet. Nam cum de illo hoc quod iam præmisimus di-
citur: Extollens se supra omne quod dicitur Deus, aut quod
colitur, apertè monstratur: quia appetendo dudum Dei simi-
litudinem, quasi iuxta Deum erigere se voluit, sed in super-
biæ culpa crescendo, iam se supra omne quod Deus dicitur
& colitur extollit. Quia ergo hæc eius superbia districti iudi-
cis erit aduentu ferienda, sicut scriptum est: Quem Dominus
Iesus interficiet spiritu oris sui, & destruet illustratione ad-
uentus sui, rectè dicitur: *Et brachium excelsum confringetur.* Cun-
cta tamen hæc quæ bis discussa sunt, adhuc intelligi & aliter
possunt. Verba enim quasi Dei pigmenta quædam nostri sunt
adiutorij. Et sicut pigmentum quantò plus teritur, tantò plus
in poculo eius virtus augetur, ita diuina eloquia quò magis
exponendo conterimus, eò audientes amplius quasi libentes
iuuamur. Quia igitur misericors Deus diu peccata homi-
num tolerat, & cum iam vicinum finem respicit, plerunque
mentes peccantium immutat, rectè de se vim tantæ pietatis
insinuans ait: *Nunquid tenuisti concutiens extrema terræ, & excussisti*
impios ex ea? Per terram quippe homo infima sapiens defi-
gnatur, cui peccati dictum est: Terra es & in terram ibis. Sed
quia pius conditor facturam suam nõ deserit, mala hominum
& per suam patientiæ tolerat, & per eorum quandoque con-
uersionem relaxat. Cum autem duras atque insensibiles men-
tes respicit, modo eas minis, modo verberibus, modo reue-
lationibus terret, vt quæ pessima securitate duruerant, salubri
timore mollescant, quatenus vel sero redeant, & hoc ipsum
saltem

Eccles. 8.

2. Thess. 2.

Exod. 7.

Esai. 14.

Gen. 3.

Psalm. 88.

1. Thess. 2.

Verba Dei

quasi pig-

menta sunt.

Gen. 3.

Dura men-

tes Deus ter-

ret.

saltem quod diu expectati sunt, erubescant. Scit enim Dominus quia extrema vitæ nostræ plus iudicat, & idcirco electos suos in fine sollicitius purgat. Scriptum quippe est: Deus iudicabit fines terræ. Tantò ergo impensus vltimis nostris inuigilat, quantò in ipsis pendere initia vitæ sequentis pensat. Quod quia misericorditer facit pietate sua in medium deducta, qua etiam serò conuersos peccatores recipit, beati Iob iustitiam erudit, dicens: *Nunquid tenuisti concuiens extrema terræ, & excussisti impios ex ea?* subaudis vt ego, qui in suis vltimis sæpe peccatores terrendo concutio, conuertendo teneo, atque ab eorum cordibus impios cogitationum motus euello. Et rectè beato Iob Dominus, quomodo iuxta finem peccatores conuertat, insinuat. Ac si apertè dicat: Misericordiæ meæ potentiam respice, & tuæ iustitiæ elationem preme. Quæ extrema hominis quia etiam cum conuertitur per carnis mortem, illa antiquæ culpæ vindicta comitatur, protinus insinuat cum dicit: *Restituetur vt lutum signaculū, & stabit sicut vestimentum.* Hominem quippe Dominus quem ad suam similitudinem condidit, quasi quoddam suæ potentiae signaculum fecit. Quod tamen vt lutum restituetur: quia licet æterna supplicia per cōuersionem fugiat, in vltione tamen perpetrata superbæ carnis morte damnatur. Ex luto quippe homo conditus, & mentis accepta ratione, similitudine diuinæ imaginis decoratus, elatione cordis intumescens, quod de infimis formatus esset, oblitus est. Vnde mira conditoris iustitia actum est, vt quia per sensum intumuit, quem rationabilem accepit, rursus terra per mortem fieret, quam esse se considerare humiliter noluit: & quia peccando Dei similitudinem perdidit, moriendo verò ad limi sui materiam redit, rectè dicitur: *Restituetur vt lutum signaculum.* Et quia de corpore dum spiritus vocatur, quoddam quasi inuolucro suæ carnis exiit, aptè de eodem luto subiungitur: *Et stabit sicut vestimentum.* Lutum nanque nostrū sicut vestimentum stare, est vsque ad resurrectionis tempus inane exutumque perdurare. Sed quia hanc pœnam superbæ nec illi transeunt, qui & eandem superbiam viuendo humiliter vincunt, quæ sit superbientium specialis pœna, subiungit dicens: *Auferetur ab impiis lux sua, & brachium excelsum confringetur.* Mors enim carnis quæ electos luci suæ restituit, lucem suam reprobis tollit. Lux nanque superbientis est gloria vitæ præsentis. Quæ ei lux tunc subtrahitur, cum per carnis interitum ad retributionum suarum tenebras vocatur. Ibi tunc excelsum brachium confringitur, quia celsitudo cordis vltra naturæ ordinem violenter arrepta, opprimentis se diuinæ iustitiæ mole dissipatur: vt quia se perueisse in breni erexerat, per pondus iudicij in æternum fracta cognoscat. Nullus autem nostrum quid post mortem sequeretur agnosceret, nisi vitæ nostræ conditor ad pœnam vsque mortis nostræ veniret. Nisi enim ipse misericorditer infima peteret, nequaquam nos post suam imaginem perditos iustè ad summa reuocaret. Vnde & rectè subiungitur:

Quod Dominus ad inferna descendens, carcerem gehenna viam & transitum fecit: ipse verò liberans alligatos liber deambulauit, & apertis portis mortis, exitum de tenebris ad lucem fecit.

Caput VII.

Nunquid ingressus es profundum maris, & in nouissimis abyssi deambulasti? Ac si dicat: Vt ego, qui non solum mare, id est, seculum per assumptam humanam carnem atque animam petij, sed etiam per eam sponte in morte positus, vsque ad vltima inferni quasi ad maris profunda descendi. Si enim mare, more diuini eloquij, seculū debet intelligi, nil prohibet profunda maris, inferni claustra sentiri. Quod profundum maris Dominus petiit, cum inferni nouissima electorum suorum animas erepturus intrauit. Vnde & per Prophetam dicitur: posuisti profundū maris viam, vt trāsirent liberati. Hoc nanque profundum maris ante redemptoris aduentum non via, sed carcer fuit: quia in se etiam bonorum animas, quanuis non in locis pœnalibus clausit. Quod tamen profundum viā Dominus posuit: quia illuc veniens, electos suos à claustris inferni ad cœlestia transire concessit. Vnde & aptè illic dicitur. Vt transirent liberati. Quod verò profundum maris dixerat, hoc aliis verbis replicans, abyssi nouissimum vocat: quia sicut aquarum abyssi nulla nostra visione comprehenditur, ita oc-

culta inferni nullo à nobis cognitionis sensu penetrantur. Qui enim hinc subtrahantur cernimus, sed quæ illos iuxta meritum retributio suppliciorū maneat, non videmus. Vigilanti verò est cura pensandum, quod in nouissimo abyssi deambulasse se perhibet. Deambulare quippe non constricti, sed liberi est. Quem enim vincula stringunt, eius nihilominus gressus impediunt. Quia igitur Dominus nulla peccati vincula pertulit, in inferno deambulauit. Liber quippe ad ligatos venit. Vnde scriptum est: Factus sum sicut homo sine adiutorio, inter mortuos liber. In nouissimis ergo abyssi Domino deambulare, est in loco damnationis nil suæ retentionis inuenire, attestante Petro qui ait: Solutis doloribus inferni, iuxta quod impossibile erat teneri illū ab eo. Vel certè quia deambulando nos cum de loco ad locū ducimur, hic illique præfentes inuenimur: deambulasse in inferno Dominus dicitur, vt electis animabus in locis singulis per diuinitatis potentiam præfens fuisse monstraretur. Vnde & spiritus sapientiæ mobilis describitur, vt per hoc quod nusquam deest, vbique nobis occurrere designetur. Quam descensionem suam Dominus tantò mirabilem respicit, quantò eam redempto homini crebrius infundit. Eam nanque adhuc replicans subdit: *Nunquid aperte sunt tibi portæ mortis, & ostia tenebrosa vidisti?* Portæ enim mortis sunt potestates aduersæ. Quas descendens Dominus aperuit, quia earum fortitudinem inoriendo superauit. Quæ appellatione quoque alia tenebrosa vocantur: quia dum per occultationis suæ insidias non videntur, deceptis mentibus viam mortis aperiant. Quæ tenebrosa ostia Dominus videt: quia immundorum spirituum fraudulentam malitiam & respicit & premit. Quod nisi ipse nobis nesciētibz viuendo prohiberet, & nil de insidiis eorum mens nostra cognosceret, & eisdem insidiis capta deperiret. Quæ tenebrosa etiam nos ostia cernimus, quando supernæ lucis radii illustramur. Vnde & per Prophetam dicitur: Dominus mihi adiutor est, & ego videbo inimicos meos. Hostes igitur nostros ipse videt, qui suo eos munere nobis visibiles facit. Vel certè tenebrosa tunc ostia Dominus vidit, cum claustra inferni penetrans, crudeles spiritus percussit, & mortis præpositos moriendo damnauit. Quod idcirco hic non adhuc de futuro, sed iam de præterito dicitur: quia hoc quod facturus erat in opere, nimirum iam fecerat in prædestinatione. Quia verò post mortē resurrectionemque eius creuit Ecclesia, atque in cunctis est gentibus dilatata, aptè subiungitur: *Nunquid considerasti latitudinem terræ?* Dum enim Dominus angustias mortis petiit, fidem suam in gentibus dilatauit, atque ad innumera corda credentium, sanctam Ecclesiam extendit. Cui per Prophetam dicitur: Dilata locum tentorij tui, & pelles tabernaculorum tuorum extende, ne parcas. Longos fac funiculos tuos, & clauos tuos contolida. Ad dexteram enim & ad læuam penetrabis, & semen tuum gentes hæreditabit. Quæ latitudo terræ profectò non fieret, nisi ipse prius & vitam quam nouimus moriendo despiceret, & vitam quam non nouimus, resurgendo monstraret. In morte quippe sua nostræ oculos mentis aperuit, & quæ esset vita quæ sequeretur ostendit. Vnde & hunc in Euangelio ordinem tenēs discipulis dicit: Sic oportebat Christum pati, & resurgere à mortuis tertia die, & prædicari in nomine eius pœnitentiam & remissionem peccatorum per omnes gentes. Pauci enim ex plebe Israëlita ipso prædicante crediderunt, innumeri verò gentium populi viam vitæ moriente illo secuti sunt: Superbos nanque dum adhuc passibilis viueret, pertulit, à passibili verò vita multos dum moreretur strauit. Quod bene Samson in semetipso dudum figuratè expressit, qui paucos quidem dum viueret interemit, destructo autem templo, hostes innumeros cum moreretur occidit. Quia nimirum Dominus ab elatione superbæ paucos cum viueret, plures verò cum templum sui corporis solueretur extinxit, atque electos ex gentibus quos viuendo sustinuit, simul omnes moriendo prostrauit. Recte itaque postquam inferna penetrasse se docuit, considerandam mox terræ latitudinem subiunxit: ac si flagellato homini diceret: Perpende quid pertuli, & pensa quod emi, nec queraris ipse de verberare, dum nescis quæ te præmia maneant in retributione. Inter hæc itaque verba creatoris operæ precium puto, si à bono communi ac publico parum-

per oculos flectimus, & quid in singulis nobis latenter agat, intuemur. Dicit enim:

Quod moraliter mentem humanam Deus in profundo vitiorum immersam visitando ingreditur, & cor quasi abyssum obscuram illustratione sua irradians, vitiis calcatis victor ingreditur.
Caput VIII.

Nunquid ingressus es profundum maris. Mare quippe est mens humana, cuius profunda Deus ingreditur, quando per cognitionem suam ad lamenta poenitentiae ab initio cogitationibus perturbatur, quando prioris vitae nequitias ad memoriam reducit, fluctuantem in confusione sua animum concutit. Profundum maris Deus penetrat, quando etiam desperata corda permutat. Ipse enim mare intrat, quando cor seculare humiliat: profundum maris ingreditur, quando visitare mentes etiam pressas sceleribus non dedignatur. Vnde &

Abac. 3.

recte percunctando subiungitur: *Et in nouissimis abyssi deambulasti?* Quae enim est abyssus nisi mens humana, quae dum semetipsam comprehendere non valet sese in omne quod est, velut obscura abyssus latet? Vnde bene per Prophetam dicitur: Dedit abyssus vocem suam ab altitudine phantasiae suae: quia dum semetipsam mens humana non penetrat, ex comparatione sui, diuinæ naturæ potentiam quam comprehendere non sufficit, humiliter laudat. In nouissimis ergo abyssi Deo deambulare, est etiam nequissimorum corda hominum conuertere, & desperatas mentes visitationis suae vestigiis tangendo mirabiliter reformare. Cum enim post immensa scelera vnusquisque compungitur, quid aliud quam in nouissimis abyssi Deus deambulans videtur? Quasi in abyso nanque Deus deambulat, cum obscurum cor penetrans, fluctus inuisibiles vitiorum calcat. Plerumque enim praeterita alia plangimus, & aliis praesentibus vrgemur: vt modò superbia, modò ira, modò luxuria, modò auaritia tentante fatigemur. Sed cum cuncta hæc in corde nostro Dominus occultæ visitationis suae timore reprimat, quid aliud quam in abyso gressus ponit? Quos gressus mente conspiciamus, quando contra insurgentia vitia, quomodo timoris eius obuiet dona, pŕesamus. Hos nan-

Psalm. 67.

que gressus Propheta conspexerat, cum dicebat: Visi sunt ingressus tui Deus, ingressus Dei mei, regis mei, qui est in sancto ipse. Qui enim inordinatos motus animi, & diuinorum iudiciorum memoria in se reprimi conspiciat, quasi deambulantis in se gressus Domini videt. Dicat ergo beato Iob: *Nunquid ingressus es profundum maris, & in nouissimis abyssi deambulasti?* subaudis, vt ego, qui mira misericordia in peccatorum cordibus modò iram, modò luxuriam, modò auaritiam, modòurgentem superbiam calco? ac si ei aperte diceretur: Si latentia cordis vitia me solum reprimere conspicias, tu extolli de propria iustificatione cessabis. Et quia cum diuinitus visitamur, etiam de occultis & illicitis motibus mentis ad confessionem ducimur, recte subiungitur: *Nunquid aperte sunt tibi portæ mortis?* Portæ enim mortis sunt cogitationes prauæ quas Deo pendimus, quando eas in poenitentia flendo cōfitemur. Quas etiam non confessas intuetur, sed confessas ingreditur. Tunc quippe viam sibi in portis mortis aperit, quando solutis prauis cogitationibus, ad nos post confessionem venit.

8

Quæ portæ mortis idcirco vocatæ sunt: quia profectò via ad interitum per iniquas semper cogitationes aperitur. Quod adhuc replicatur cum subditur: *Et ostia tenebrosa vidisti?* Tenebrosa nanque ostia sunt latentia mentis mala, quæ & haberi intrinsecus possunt, & tamen ab altero videri non possunt.

Prover. 20.

Quæ tamen Dominus cernit, quando ea occulto respectu gratiæ destruxit. Scriptum quippe est: Rex qui sedet in solio iudicii, dissipat omne malum intuitu suo. Et quia omne vitium angustat, omnis verò virtus animum dilatat, post destructa vitia recte subiungitur: *Nunquid considerasti latitudinem terræ?* Nisi enim virtus animum dilataret, nequaquam Paulus Corinthiis diceret: Dilatamini & vos, & nolite iugum ducere cum infidelibus. Solerter verò intuendum est quod dicitur: *Considerasti latitudinem terræ?* Latitudo nanque bonorum interiorum nequaquam comprehenditur, nisi cautè consideretur. Nam plerumque eos exterius inopia humiliat, poenæ cruciatus angustat, sed tamen inter hæc semper interior fortitudo se vsque ad speranda cœlestia dilatat. Angustati Apostoli exterius fuerant, quando flagella sustinebant, sed in magna stabant

intus latitudine liberi, qui apud se hæc eadem flagella in gaudium verterant. Scriptum nanque est: Ibant Apostoli gaudentes à conspectu concilij, quoniam digni habiti sunt pro nomine Iesu contumeliam pati. Hanc latitudinem inter angustias Paulus inuenerat, qui dicebat: Scire autem vos volo fratres, quia quæ circa me sunt, magis ad profectum venerunt Euangelij, ita vt vincula mea manifesta fierent in omni praetorio. Hanc latitudinem David inter angustias obtinebat, dicens: In tribulatione dilatasti me. Tunc itaque hæc terra, id est, sanctorum conscientia dilatatur, cum mundi huius aduersitatibus exterius premitur. Nam cum à praesentis vitae securitate repellitur, intus ad se impingitur, vt ad speranda superna tendatur. Cumque euagari exterius non permittitur, quasi in sinum suum reuocata dilatatur. Nos autem quæ boni viri aduersa tolerant cernimus, sed intus quantum gaudeant non videmus. Mentis eorum latitudinem modò in verbis, modò in operibus considerando cognoscimus, sed tamen quanta in eis amplitudo sit eiusdem latitudinis ignoramus. Audiat ergo humana sapientia, & se insipientem dicat: *Nunquid considerasti latitudinem terræ?* Ac si dicat, vt ego, qui flagellis cinctam, occultam iustorum lætitiā solus planè considero, quia solus misericorditer firmo. Vel certè idcirco beatus Iob, vtrum terræ latitudinem considerauerit, inquitur, vt exemplo alienæ latitudinis humilietur. Ac si aperte diceretur: Eos, quos innumera mala praesentis vitae nequeunt angustare, considera, de statu cordis tui inter verba gloriari cessa. Sequitur:

Quod iudicia Dei nemo in hac vita intelligat, cum latro de patibulo in regnum, Iudas de apostolatu mergatur in tartarum, nec aliquis sciat qui redeant de bonis ad mala, vel qui conuertantur de malis ad bona.

Caput IX.

Indica mihi si nosti omnia, in qua via habitet lux, & tenebrarum quis locus sit, vt ducas vnumquodque ad terminos suos, & intelligas semitas domus eius. Beatus Iob graui quæstione discutitur, vt & de via lucis, & tenebrarum loco requiratur, vt vnumquodque ad suos terminos ducat, ac semitas domus eius intelligat. Quid enim lucis nomine nisi iustitia accipitur? Et quid per tenebras nisi iniquitas designatur? Vnde quibusdam conuersis à peccatorum nequitia dicitur: Eratis aliquando tenebræ, nunc autem lux in Domino. Et de quibusdam in peccato manentibus memoratur: Qui dormiunt, nocte dormiunt. Beato itaque Iob dicitur: Indica mihi si nosti omnia, in qua via habitet lux, & tenebrarum quis locus sit? ac si dicatur ei: Si plenam te habere scientiam suspicaris, dic vel in cuius corde ea quæ nunc deest innocentia veniat, vel in cuius corde ea quæ nunc est malitia perseueret. In qua via habitet lux, id est, cuius mentem veniens iustitia impleat: & tenebrarum quis locus sit, id est, in quo iniquitas cæca perduret: vt ducas vnumquodque ad terminos suos, id est, vt diiudices si vel is qui nunc iniquus cernitur, in iniquitate vitam finiat, vel is qui iustus cernitur, extremitatem vitæ suæ cum iustitiæ perfectione concludat: & intelligas semitas domus eius, id est, consideres atque discernas, vel cui bona actio perseuerans æternam mansionem præstet in regno, vel quem vsque ad terminum suum actio praua constringens in æternum damnet supplicium. Domus quippe pro mansionem ponitur, semita pro actione. Semita igitur ad domum ducit, quia actio ad mansionem pertrahit. Sed quis hominum ista discussus dicat? Quis ista saltem imperterritus audiat? Multos enim videmus quotidie qui iustitiæ luce resplendent, & tamen ad finem suum nequitiae obscuritate tenebrantur: & multos cernimus peccatorum tenebris obuolutos, & tamen iuxta vitæ suæ terminum repente reddi luci iustitiæ liberos. Multos etiam nouimus semel inuentam viam iustitiæ illibatè vsque ad mortem tenuisse, & pleròsque conspeximus vsque ad exitum cœpta semel crimina sine cessatione cumulasse. Quis verò inter ista occultorum iudiciorum nubila, mentis suæ radium mittat, vt aliqua cōsideratione discernat, vel quis perduret in malo, vel quis perseueret in bono, vel quis ab infimis conuertatur ad summa, vel quis à summis reuertitur ad infima? Latent hæc sensus hominum, nec quicquam de cuiuslibet fine cognoscitur, quia diuinorum iudiciorum abyssus humanæ mentis oculo nullatenus penetratur. Videmus nanque quod illa aduersa

Acto. 9.

Philip. 1.

Psalm. 4.

Eph. 5.

1. Thess. 4.

uerſa Deo gentilitas iuſtitiae lucæ perſuſa eſt, & Iudæa dum dilecta, perfidia eſt nocte cæcata. Scimus etiam quod latro de patibulo tranſiit ad regnum, Iudas de apoſtolatus gloria eſt lapſus in tartarum. Rurſumque quia aliquando ſortes quæ cœperint non mutantur, & latronem nouimus alium perueniſſe ad ſupplicium, & Apoſtolos ſcimus percepſiſſe propoſitum quod deſiderauerat regnum. Quis ergo diſcutiat in qua via habitet lux, & tenebrarum quis locus ſit, vt ducat vnumquodque ad terminos ſuos, & intelligat ſemitas domus eius? Video Paulum ex illa perſecutionis ſæuitia, ad gratiam apoſtolatus vocatum, & tamen ſic inter iudicia occulta formidat, vt reprobari ſe etiam poſtquam vocatus eſt, timeat. Ait enim: Caſtigo corpus meum, & in ſeruitutem redigo, ne fortè aliis prædicās, ipſe reprobus efficiar. Et rurſum: Ego me non arbitror comprehendiffe: vnum autem, quæ quidem retrò ſunt oblitus, ad ea quæ ſunt priora extendens meipſum ad deſtinatum, ſequor ad palmam ſupernæ vocationis Dei in Ieſu Chriſto. Sequor autem ſi comprehendam in quo & comprehenſus ſum. Et certè iam de illo voce dominica dictum fuerat: Vas electionis mihi eſt, & tamen adhuc caſtigans corpus ſuum metuit ne reprobetur. Væ miſeris nobis, qui de electione noſtra nullam adhuc Dei vocem cognouimus, & iam in ocio quaſi de ſecuritate torpemus. Debet proſectò debet in ſpe eſſe non ſolùm ſecuritas, ſed etiam timor in conuerſatione, vt & illa certantes foueat, & iſte torpentes pungat. Vnde rectè per Prophetam dicitur: Qui timent Dominum, ſperent in Domino. Ac ſi apertè diceret: De ſpe incaſſum præſumit, qui timere Deum in ſuis operibus renuit. Sed cur beatus Iob de tam valida quæſtione requiritur, quæ omnino ab hominibus ignoratur, vt iuſtorum iniquorumque terminum comprehendat, niſi vt aliorum finem cognoscere non valens, ad ſuum recurrat: quia ſicut aliorum, ſic etiam ſuū neſciens timeat, timens humilietur, humiliatus iam de operibus ſuis extolli non debeat, & non elatus, in gratiæ arce perſiſtat? Dicatur ergo ei. *Indica mihi ſi habes intelligentiam, in qua via habitet lux, tenebrarum quis locus ſit, vt ducas vnumquodque ad terminos ſuos?* Ac ſi diceretur: Sicut qui de malis conuertantur ad bona, vel qui de bonis ad mala redeant neſcis, ita etiam nec de te quid tuis meritis exigentibus agatur, intelligis. Et ſicut alienum nullatenus comprehendis, ita etiam tuum terminum prænoſcere non vales. Iam enim quantum ipſe profeceris ſcis, ſed quid adhuc de te ego in occultis ſentiam neſcis. Iam iuſtitia tuæ acta conſideras, ſed quàm diſtictè apud me penſentur ignoras. Væ etiam laudabili vitæ hominum, ſi remota pietate iudicetur: quia diſtictè diſcuſſa: inde ante oculos iudicis, vnde ſe placere ſuſpicatur, obruitur. Vnde rectè Deo per Prophetam dicitur: Non intres in iudicium cum ſeruo tuo, quia non iuſtificabitur in conſpectu tuo omnis viuens. Vnde bene per Salomonem dicitur: Sunt iuſti atque ſapientes, & opera eorum in manu Dei, & tamen neſcit homo vtrum amore an odio dignus ſit, ſed omnia in futurum ſeruantur incerta. Hinc rurſum per eundem Salomonem dicitur: Quis hominū intelligere poterit viam ſuam? Et nimirum bona malæque ſaciens conſcientia atteſtante cognoscitur. Sed idcirco dicitur quod via ſua ab hominibus neſciatur, quia etiam ſi recta ſe quiſque opera agere intelligat, ſub diſtictō tamen examine quo tendat, ignorat.

Quod ſicut nemo nouit ſuum initium, ita nec etiam exitum.

Caput X.

Igitur poſtquam illum de iſta finis ſui conſideratione perterrituit, ad examinandum eius exordium redit, ac ne conqueratur cur finem ſuum neſciat, commemoratur etiam quia nec quo huc initio acceſſit, intelligat. Nam ſequitur: *Sciebas tunc quod naſciturus eſſes, aut numerum dierum tuorum noueras?* Ac ſi apertè diceret: Quid mirum ſi terminum tuum non intelligis, qui nec initium comprehendis? Et qui ignoras quo huc initio veneris, quid mirum ſi neſcias quo fine ſubtraharis? Si ergo meum fuit te per initium ex occultis ad prompta producere, meum quoque erit etiam te ex promptis ad occulta reuocare. Cur de vitæ tuæ diſpenſatione aliquid quereris, qui in manu artiſcis temetiſpſum neſciens teneris? Extolli itaque tantò magis non debes in eo quod agis, quantò intra ſignum æternitatis clauſus, nec quo huc ordine veneris, nec quando vel

quomodo hinc educaris agnoſcis. Hæc tamen intelligi & aliter poſſunt. *Sciebas tunc quod naſciturus eſſes, & numerum dierum tuorum noueras?* ſubaudis, vt ego, qui me naſciturum noui, qui & ante humanitatis ortum in diuinitate ſemper ſubſtancialiter vixi. Homines quippe tunc eſſe incipiunt, cum in matrum ſuarum ventre naſcuntur. Nam ipſa quoque conceptio natiuitas dicitur, iuxta hoc quod ſcriptum eſt: Quod in ea natum eſt, de ſpiritu ſancto eſt. Et idcirco ſe naſciturus neſciūt, quia nec priuſquam creantur exiſtunt. Deus verò qui ſine initio ſemper extitit, præſciuit de ſe hoc quod in vtero Virginis per initium ſumpſit: & quia præſciuit diſpoſuit: quia diſpoſuit, nihil proſectò in humana forma ſine ſua voluntate tolerauit. Conuincatur ergo cur de flagellis ſuis homo queritur, qui ortum ſuum præſcire non potuit, ſi ipſe etiam qui ortum ſuum præſciendo diſpoſuit, ſe inter homines ad flagella præparauit. Sequitur:

Quod Deus peccatores in malis congelatos, tanquam in niue vel grandine theſauros habeat, quos à vita perueſa ad mendium educens, fidei conſtituit deſenſores.

Caput XI.

Nunquid ingreſſus es theſauros niuis, aut theſauros grandinis aſſeſxiſti, quæ præparauit in tempus hoſtis & in diem pugnae & belli? Quid aliud niue vel grandine niſi frigida ac dura intelligenda ſunt corda prauorum? Sicut enim ſeruore charitas, ſic ſolet in ſacro eloquio frigore malitia designari. Scriptum nanque eſt: Sicut frigidam facit cifterna aquam ſuam, ſic frigidam facit animam malitia ſua. Et rurſum: Abundabit iniquitas, & refrigeret charitas multorum. In frigore ergo niuis vel in duritia grandinis quid accipi aptius poteſt, quàm vita prauorum, quæ & per torporem frigefcit, & per duritiæ malitiam percutit? Quorum tamen vitam Dominus tolerat, quia eos ad iuſtorum ſuorum probationem ſeruat. Vnde & rectè ſublunxit: *Quæ præparauit in tempus hoſtis, in diem pugnae & belli:* vt cum aduerſarius noſter diabolus tentare nos nititur, eorum moribus quaſi ſuis contra nos armis vtatur. Per ipſos quippe nos ſæuiens cruciat, ſed neſciēs purgat. Peccatis nanque noſtris ipſi flagella ſunt, de quorum tali vita dum percutimur, ab æterna morte liberamur. Vnde agitur vt electorum vitæ proficiat etiam perdita vita reproborum, & vtilitati noſtræ dum illorum perditio militat, mira diſpenſatione fiat, quatenus electis Dei non pereat etiam omne quod petit. Intelligi hoc quoque aliter poteſt, vt quia verbis præcedentibus videtur annexum, à ſuperioris verſus expoſitione nō diſcrepet. Nam quia indicauerat vel bonos ad malum, vel malos ad bonum poſſe conuerti, illico ſecutus adiunxit: *Nunquid ingreſſus eſt theſauros niuis, aut theſauros grandinis aſſeſxiſti, quæ præparauit in tempus hoſtis, in diem pugnae & belli?* In niue vel grandine frigida, vel dura, vt dictum eſt, accipimus corda prauorum. Sed quia omnipotens Deus ſanctos ſuos de talibus eligit, & quàm multos electos adhuc inter prauorum vitam reſpoſitos habeat nouit, apertè in niue vel grandine theſauros habere ſe perhibet. Theſaurus quippe ἀπο τῆς θέσεως, id eſt, à poſitione nominatur. Et plerique in vita frigida diu latenter reſpicit, quos ad mendium cum iubet producit, & iuſtitia nitore candidos per ſupernam gratiam oſtendit. Scriptum quippe eſt: Lauabis me, & ſuper niuem dealbabor. Quos ad diem belli pugnaeque præparatos, diu intra ſuæ præſcientiæ ſinum tegit, ſed cum repentè eos eduxerit, reſiſtentia aduerſariorum peccata illorum verbis ac redargutionibus, quaſi quibuſdam grandinibus percutit. Vnde aliàs ſcriptum eſt: Præ fulgore in conſpectu eius nubes tranſierunt, grando & carbones ignis. Præ fulgore in conſpectu eius nubes tranſierunt, quia prædicatores ſancti vniuerſa mundi ſpatia miraculorum claritate percurrunt. Qui etiam grando & carbones ignis vocati ſunt: quia & per correptionem feriunt, & per flammam charitatis accendunt. Ipſa quoque libera ſanctorū increpatio, natura grādinis conueniēter exprimitur. Grādo enim veniēs percutit, liquata rigat. Sancti autem viri corda audientiū & terrentes feriunt, & blandiētes infundunt. Nam quemadmodum feriant, Propheta teſtatur dicens: Virtutem terribilium tuorum dicēt, & magnitudinem tuam narrabunt. Et quemadmodum blandientes rigent, ſecutus adiunxit: Memoriam abundantiæ ſuauiſſimæ tuæ eructa-

Math. 1.

Hier. 6.

Math. 24.

11.

Vnde theſaurus.

Pſal. 54.

Pſalm. 17.

Pſal. 144.

Ibidem.

bunt, & iustitia tua exultabunt. In niue ergo vel grādine habentur thesauri: quia plerique iniquitatis torpore frigidi, à superna gratia assumpti, in sancta Ecclesia iustitiæ luce fulgescunt, & prauam aduersariorum scientiam doctrinæ suæ ictibus tundunt. Vnde & aptè subditum est: *Qua praparauit in tempus hostis, in diem pugna & belli.* Nix quippe vel grandio fuerat Saulus per frigidam insensibilitatem: sed nix & grandio contra aduersariorum pectora factus est vel candore iustitiæ, vel districti eloquij correptione. O qualem hunc thesaurum in niue & grandine habuit, quando illum inter prauorum vitam positum, iam tunc electum suum Dominus latenter vidit! O ad quanta aduersariorum pectora feriēda hanc in manu sua grandinem sumpsit, per quem tot sibi resistentia corda prostrauit! Nemo itaque de suis operibus extollatur, nemo desperet eos quos adhuc frigidos videt: quia thesauros Dei in niue & grandine non videt. Quis enim crederet quod per apostolatus gratiam lapidatū Stephanum ille præcederet, qui in morte eius omnium lapidantium vestimenta seruauit? Si ergo ad ista dona vel iudicia occulta recurrimus, nullos omnino desperantes, nec illis nos in corde nostro præferimus; quibus pro tempore prælati sumus: quia & si iam videmus quantum præcessimus, nescimus quātum cum currere cœperint præcedamur. Bene ergo ad beatum Iob dicitur: *Nunquid ingressus es thesauros niuis, aut thesauros grandinis aspexisti, qua praparauit in tempus hostis, in diem pugna & belli?* Ac si aptè diceretur: Nulli te de operibus tuis præferas, quia de his quos intueris adhuc per culpam frigidos, quantos operadores iustitig, & defensores rectæ fidei sim facturus, ignoras. Quod quia per aduentum meditatoris agitur, rectè subiungitur:

Quod sparsis per mundum fidei predicatoribus, astus persecutionis incaluit.

Caput XII.

Ioan. 14.

Per quam viam spargitur lux? Ipse quippe via est qui ait: Ego sum via, veritas & vita. Per hanc ergo viam lux spargitur, quia per eius præsentiam cuncta gentilitas illustratur. Spargitur autem conuenienter dixit, quia per apostolorum voces non angustata atq; coarctata, sed latè fulgens lux prædicationis emicuit. Quia verò accepta luce conuersionis, inardescit intrinsecus vis amoris, vt vel transacta mala anxie lugeantur, vel ventura bona flagrantissimè requirantur, competenter adiungitur: *Diuiditur astus super terram.* Sparsa enim luce æstus super terram diuiditur, quia per apertum orbem iustitia prædicata, ad requirēdum Deum cordis anxietas in virtutum exercitatione dilatatur, vt iste in sermone sapientiæ, ille in sermone scientiæ fulgeat: hic in curationum gratia, ille in virtutum operatione conualescat: & dona sancti Spiritus dum dispariliter singuli accipiunt, necessariò sibimet iuncti omnes vnanimiter accendantur. Sed postquam spargi lux dicitur, potest conuenienter intelligi quod per æstum persecutio designatur: quia vt lux prædicationis inclaruit, mox à perfidorum cordibus ardor persecutionis exarsit. Nam quod per æstum persecutio exprimitur, dominicus sermo testatur, de iactatis feminibus super petrosam terram dicens: Sole orto æstuauerunt omnia, & quia non habebant radicem, aruerunt. Quod paulo post cum exposuit, æstum persecutionem vocauit. Sparsa igitur luce æstus super terram diuisus est, quia clarescente vita fidelium, accensa est crudelitas perfidorum. Diuisus nanque æstus erat, quando nunc Hierosolymis, nunc Damasci, nunc in aliis lōgè regionibus persecutio sæuiebat.

Matth. 13.

Acto. 8.

Acto. 9.

Scriptum quippe est: Facta est in illa die persecutio magna in Ecclesia: quæ erat Hierosolymis, & omnes dispersi sunt per regiones Iudææ & Samariæ. Rursumque scriptum est: Saulus adhuc spirans minarum & cædis in discipulos Domini, accessit ad principem sacerdotum, & petiit ab eo epistolas quas deferret in Damascum ad synagogas, vt si quos inuenisset huius viæ viros ac mulieres, victos deduceret in Hierusalem. Quia ergo nunc hic, nunc illic persecutio excreuerat, hi qui lucem veritatis agnouerāt, quasi sub ardore diuisi æstus anhelabant. Sed quia beatum Iob de occultis iudiciis requisitum superioribus dictis audiuius: oportet vt hoc quod de sparsa luce vel diuiso æstu dictum est, subtilius perscrutemur. Adhuc enim alta interrogatione discutitur, vt saltem quia nesciat doceatur, eique dicatur: *Per quam viam spargitur lux, diuiditur astus super terram?* Quid enim lucis nomine nisi iustitia designatur?

E De qua scriptum est: Populus qui sedebat in tenebris, vidit lucem magnam. Omne autem quod spargitur, non continuè, sed sub quadam intermissione iactatur. Et idcirco spargi lux dicitur, quia etsi iam quædam vt sunt perspicimus, quædam tamen ita vt videnda sunt, non videmus. Cor nanque Petri lux sparsa tenuerat, qui tanto fidei, tanto miraculorum fulgore claruerat, & tamen conuersis gentibus dum circuncisionis pondus imposeret, quid rectum diceret nesciebat. Lux ergo in hac vita spargitur, quia ad omnis rei intelligentiam continua non habetur. Dum enim aliud sicut est comprehendimus, & aliud ignoramus, quasi sparsa luce & ex parte cernimus, & in obscuritate ex parte remanemus. Tūc verò lux nobis sparsa iam non erit, quando mens nostra ad Deum funditus raptā fulgescet. Et quia hæc eadem lux quibus modis humano cordi insinuetur ignoratur, rectè in percunctatione dicitur: *Per quam viam spargitur lux?* Ac si aptè diceretur: Dic quo ordine iustitiam meam occultis finibus cordium infundo, cum & per accessum non videor, & tamen visibilia opera hominum inuisibiliter immuto, cum vnā eandemq; mentem modò hac, modo illa virtute irradio, & tamen per sparsam lucem adhuc ex parte aliqua eam in tentationis tenebris remanere permitto. Requiritur homo nesciens, per quam viam spargitur lux, ac si patenter dicatur. Dum dura corda emollio, dum rigida inflecto, dum aspera mitigo, dum frigida accēdo, dum debilia roboro, dum vaga stabilio, dum nutantia confirmo, intueri si vales incorporaliter veniens, quibus ea meatibus illustro. Hæc quippe omnia nos facta cernimus: nam qualiter intrinsecus efficiantur, ignoramus. Hanc viam lucis esse nobis inuisibilem in Euangelio veritas ostendit dicens: Spiritus ubi vult spirat, & vocem eius audis, & nescis vnde veniat & quo vadat. Sed quia cum lux spargitur, mox ab occulto aduersario contra fulgentem mentem tentamēta succrescunt, rectè subiungitur: *Diuiditur astus super terram.* Hostis nanque callidus quos iustitiæ luce enitescere conspicit, eorum mentes illicitis desideriis inflammare contendit, vt plerunque plus se vrgeri tentationibus sentiant, quàm tunc cum lucis internæ radios non videbāt. Vnde & Israëlita postquam vocati sunt, contra Moysen & Aaron de excrecente labore conqueruntur, dicentes: Videat Dominus & iudicet, quoniam scetere fecistis odorem nostrum coram Pharaone & seruis eius, & præbuitis ei gladium vt interficeret nos. Volentibus quippe ex Aegypto discedere, Pharaon paleas subtraxerat, & tamen eiusdem mensuræ opera requirebat. Quasi ergo cōtra legem mens submurmurat, post cuius cognitionem tentationum stimulos aciores portat, & cum sibi labores crescere conspicit, in eo quod aduersario displicet, quasi scetere se in oculis Pharaonis dolet. Post lucem ergo æstus sequitur, quia post illuminationem diuini muneris, tentationis certamen augetur. Rectè verò etiam diuidi æstus dicitur: quia nimirum non singuli omnibus, sed quibusdam vicinis ac iuxta positis vitiis fatigantur. Prius enim consersionem vniuscuiusque antiquus aduersarius perspicit, & tunc tentationis laqueos apponit. Alius nanque lētis, alius tristibus, alius timidus, alius elatis moribus existit. Quod ergo occultus aduersarius facile capiat, vicinas consersionis deceptiones parat. Quia etenim lētitiæ voluptas iuxta est, lētis moribus luxuriam proponit. Et quia tristitia in iram facile labitur, tristibus poculum discordiæ porrigit. Quia timidi supplicia formidant, pauentibus terrores intentat. Et quia elatos extolli laudibus cōspicit, eos ad quæque voluerit blandis fauoribus trahit. Singulis igitur hominibus vitiis conuenientibus insidiatur. Neque enim facile captiuaret, si aut luxuriosis præmia, aut auaris scorta proponeret, si aut voraces de abstinentiæ gloria, aut abstinentes de gulæ imbecillitate pulsaret, si mites per studium certaminis, aut iracundos capere per fauorem formidinis quæreret. Quia ergo in tentationis ardore callidè singulis insidians, vicinos moribus laqueos abscondit, rectè dicitur: *Diuiditur astus super terram.* Sed cum præmittitur: *Per quam viam spargitur lux, statimque subiungitur: Diuiditur astus super terram,* nimirum per eandem viam per quam lux spargitur, etiam diuidi æstus indicatur. Alta quippe atq; incomprehensibilis Spiritus sancti gratia cum luce sua nostras mentes irradiat, etiam tentationes aduersarij dispensando modificat, vt simul multæ non

Ioan. 3.

14

Tentatio hostis
suis callidijs

Exod. 3.

Consolatione

non veniant, aut ipsa tantummodo quæ ferri possunt, illustratam iam à Deo animam tangant, ut cum tactus sui ardore nos cruciant, perfectionis incendio non exurant: Paulo attestante qui ait: Fidelis autem Deus, qui non patitur vos tentari supra id quod potestis, sed faciet cum tentatione etiam exitum, ut possitis sustinere. Hunc ergo æstum aliter diuidit callidus supplantator, aliter misericors conditor. Ille diuidit ut per illum citius interimat, iste ut eum tolerabilem reddat. Et quia cum tentatione fatigamur, non solum interno Dei spiritu instruimur, sed etiam exterioribus prædicantium verbis adiuuamur, rectè post diuisum æstum subditur:

Quod euangelica tonitrua, & nubes apostolica doctrina currunt vsque ad fines terra, nec impediri possunt ab hominibus consilium Dei.

Caput XIII.

Quis dedit vehementissimo imbri cursum? Si verò ut superius diximus, diuisi æstus nomine illa in Iudææ regionibus persecutio designatur, ut ipsa persecutionis asperitas prædicatores sanctos superno munere adiutos, à prædicationis suæ ministerio nullo timore compescuit, aptè subiungit: *Quis dedit vehementissimo imbri cursum?* Ac si diceret, nisi ego. Diuiso enim æstu, cursum vehementissimo imbri dedisse, est inter ipsas persecutionis angustias prædicationis impetum roborasse: ut tantò magis virtus prædicantium cresceret, quantò magis persequentium crudelitas obuiaret, quatenus arentia corda audientium pluuiæ guttis infunderent, & siccitatem perfidiæ vberius irrigarent, ut quauis contra eos sæuitiæ æstus candesceret, per eos tamen vox gratiæ non taceret. Huc persecutionis æstum Paulus & tolerabat & irrigabat cum diceret: Laboro vsque ad vincula quasi malè operans, sed verbum Dei non est alligatum. De hoc imbri aliàs dicitur: Mandabo nubibus ne pluant super eam imbrem. De hoc cursu imbris qui in electorum cordibus agitur, Psalmista testatur dicens: Velociter currit sermo eius. Plerumque verò imber est, & cursum non habet: quia prædicationis ad aures venit, sed cessante interna gratia, ad corda audientium non pertransit. De cuius prædicationis verbis propter electos dicitur: Et enim sagittæ tuæ pertransierunt. Sagittæ quippe Dei pertransierunt, quando verba prædicationis eius ab auribus ad corda descendunt. Quod quia solo diuino munere agitur, imbri cursum Dominus se dedisse testatur. Sed notandum video, quod eundem imbrem vehementem sed non vehementissimum vocat. Imber vehemens est vis magna. Imber verò vehementissimus, vis immensa prædicationis: Vehemens namque imber erat cum prædicatores sancti credere gaudia æterna suadebant. Imber autem vehementissimus, quando propter spem admonebant rem deseri, cuncta visibilia propter inuisibilia contemni, & propter audita gaudia, præsentis seculi pœnas cruciatúsque tolerari. Sed cum fide cognita sæuitiæ æstu persecutionis, tot electi possessa reliquerunt, carnalis affectus obliuiscunt, & præ gaudio spiritus in cruciatibus membra posuerunt: quid aliud Dominus fecit, nisi etiam vehementissimo imbri cursum præbuit, qui vsque ad exequenda summa præcepta per verba corporis inuisibilia cordis irrigauit? Vbi & aptè subiungitur: *Et viam sonantis tonitruum.* Quid enim per tonitruum nisi prædicationis superni terroris accipitur? Quem terrorem dum percipiunt humana corda, quatiuntur. Aliquando verò in tonitruo ipse incarnatus Dominus figuratur, qui ex antiquorum patrum conueniente prophetia ad notitiam nostram quasi ex nubium concursione prolatus est. Qui inter nos visibiliter apparens ea quæ super eos erant, terribiliter sonuit. Vnde & ipsi sancti Apostoli de eius gratia generati, boanerges, id est filij tonitruum sunt vocati. Aliquando autem sicut dictum est, tonitruus ipsa eius prædicationis accipitur, per quam supernorum iudiciorum terror auditur. Sed quia quilibet prædicator verba dare auribus potest, corda verò aperire non potest: & nisi internam gratiam solus omnipotens Deus prædicantium verbis ad corda audientium inuisibiliter aditum præstet, incassum prædicationis aure audientis percipitur, quæ peruenire ad intima corde surdo prohibetur: se Dominus viam sonantis tonitruum dare asserit, qui cum prædicationis verba tribuit, per terrorem corda compungit. Hanc

viam Paulus prædicator egregius dum superna mysteria terribiliter intonaret, se à se habere non posse conspiciens, discipulos admonebat dicens: Orantes simul & pro nobis, ut Deus aperiat nobis ostium verbi, ad loquendum mysterium Christi. Qui ergo loquebatur mysteria, sed in corde audientium eisdem mysteriis à Domino aperiri ostium precabatur, habebat quidem iam tonitruum, sed dari ei desuper viam querebat. Hanc viam nequaquam se Ioannes dare posse cognouerat, qui dicebat: Non necesse habetis ut aliquis doceat vos, sed vnctio eius docet vos de omnibus. Hanc viam rursum Paulus qui daret, intonabat dicens: Neque qui plantat est aliquid, neque qui rigat, sed qui incrementum dat Deus. Accepta igitur via quid iste imber ac tonitruus agat, audiamus. Sequitur:

Quod gentibus ad fidem Christi conuersis, plebs Iudaica siccis rodens legis stipulas, ad viriditatem spiritualis intellectus peruenire non prævalens, in sua cecitate permansit.

Caput XIII.

Vt plueret super terram absque homine in deserto, ubi nullus mortaliū commoratur. Super terram absque homine in deserto plueret, est verbum Dei gentilitati prædicare. Quæ dum nullum cultum diuinitatis tenuit, nullamque in se speciem boni operis ostendit, videlicet desertum fuit. In qua quia legislator non fuit, & qui rationabiliter Deum quæreretur non fuit, quasi hominum nullus fuit, & velut solis bestiis occupata, vacua à mortalibus extitit. De hac deserti terra aliàs dicitur: Posuit in deserto viam. De hac prædicatione gentilitati concessa Psalmista testatur dicens: Posuisti flumina in deserto. Notandum verò est quod postquam æstus super terram diuisus est, cursum vehementissimus imber accepit, ut in deserto plueret: quia postquam in Iudæa asperitas persecutionis inhorruit, ut non solum fidem minimè reciperet, sed etiam gladiis impugnaret, ad Israël missus quisque prædicator, ad vocandas gentes deflexit. Vnde sancti Apostoli Hebræis persequentibus quos deserunt dicunt: Vobis oportebat primum loqui verbum Dei, sed quia repulistis illud, & indignos vos iudicastis æternæ vitæ, ecce conuertimur ad gentes. Diuiso igitur æstu, deserta & absque homine terra compluitur, quia dispersa in Iudææ regionibus persecutione fidelium, derelicta dudum & quasi ab infusione rationis aliena, prædicationis guttis gentilitas irroratur. Quæ gentilitas qualis adhuc à prædicatoribus sit inuenta ostenditur, cum subditur: *Vt impleret inuiam & desolatam.* Quid verò compluta reddidit, monstratur cum illico adiungitur: *Et produceret herbas virentes.* Inuiam namque dudum gentilitas fuit, ad quam via Dei verbo non patuit. Redemptore quippe nostro veniente, sic accepit vocationem gratiæ, ut non in ea prius fuerit via prophetiæ. Desolata etiam rectè vocata est: vel ratione videlicet consilij, vel fructu boni operis destituta. Dedit ergo Dominus vehementissimo imbri cursum & viam sonantis tonitruum, ut in deserto plueret, & impleret inuiam & desolatam, & produceret herbas virentes, id est, exteriori prædicationi internam aspirationem contulit, ut corda gentilium arentia virenterent, clausa patefcerent, inania complerentur, infœcunda germinarent. In scriptura enim sacra aliquando herba viror gloriæ temporalis accipitur, aliquando refectio diaboli, aliquando sustentatio prædicatorum, aliquando bona operatio, aliquando æternæ vitæ scientia atque doctrina. Viror namque gloriæ temporalis accipitur sicut Propheta ait: Mane sicut herba transeat, mane floreat & pertranseat. Mane namque sicut herba florere atque transire, est in prosperitate huius seculi temporalis gloriæ decus velociter arescere. Herba refectio diaboli accipitur, sicut de illo à Domino dicitur: Huic montes herbas ferunt: ac si diceret: Superbi ac tumidi dum se illicitis cogitationibus atque actionibus efferunt, suis illum iniquitatibus pascunt. Herba sustentatio prædicantium demonstratur, cum dicitur: Prodeunt in montibus fœnum & herbam, seruituti hominum. In montibus quippe fœnum & seruituti hominum herba producitur, cum sublimis huius seculi ad fidei cognitionem vocati, sanctis prædicatoribus in huius vitæ itinere transitoria alimenta largiuntur. Herba bona operatio ponitur, sicut scriptum est: Germinet terra herbam virentem. Quod licet in conditione

Hier. 14.

Ioan. 19.

Ioan. 11.

Esai. 35.

19

Psalm. 103.

mundi ita historicè factum teneamus, terram tamen Ecclesiam figurasse non inconuenienter accipimus, quæ in eo germinauit herbam virentem, in quo ad verbum Dei secunda misericordiae opera protulit. Herbam aliquando scientiam atque doctrinam æternæ viriditatis accipimus, sicut per Hieremiam dicitur: Onagri steterunt in rupibus, traxerunt ventos quasi dracones, defecerunt oculi eorum quia non erat herba. Quo dicto superba ac nequissima Iudæorum est persecutio prophetata. Ipsi quippe onagri pro mentis elatione, ipsi dracones pro virulenta cogitatione vocati sunt. Qui steterunt in rupibus, quia non in Deo, sed in summis potestatibus huius mundi confisi sunt, dicentes: Regem non habemus nisi Cæsarem. Traxerunt ventos quasi dracones: quia spiritu elationis inflati, superbia malitiosa tumuerunt. Defecerunt oculi eorum: quia scilicet spes eorum ab eo quod intendebat corruit. Qui temporalia diligens præstolari æterna neglexit, & terrena ideo quia Deo præposuit amisit. Dixerunt enim: Si dimittimus eum sic, omnes credent in eum, & venient Romani, & tollent nostrum locum & gentem. Timuerunt ne locum non occiso Domino perderent & tamen occiso perdidērunt. Sed cur ista miseris euenerint subdit: Quia non erat herba, id est, quia eorum cordibus defuit æternitatis scientia, & nullo eos refecit pabulo viriditatis internæ doctrina. Hoc igitur loco quid aliud virentes herbas, nisi sanctæ doctrinæ scientiam, vel congruas operationes accipimus? Deserta igitur terra compluitur, vt ab ea virentes herbæ producantur: quia dum sanctæ prædicationis imbrem gentilitas percepit, & vitæ opera & doctrinæ verba germinauit. Ista viriditas voce prophetica desertæ terræ pollicetur, cum dicitur: In cubilibus in quibus prius dracones habitabāt, orietur viror calami & iunci. Qui enim per calamum nisi prædicatores, quid per iuncum qui iuxta aquæ humorem semper nascitur, nisi pusilli ac teneri auditores sacri eloquii designantur? In draconum ergo cubilibus viror calami & iunci oritur, quia in eis populis quos antiqui hostis malitia possidebat, & doctorum scientia, & auditorum obedientia coaceruatur. Hæc tamen quæ generaliter de gentilitate dicta sunt, si solerter inspicimus, intra sinum sanctæ Ecclesiæ agi in singulis videmus. Sunt enim plerique ad verba Dei valde insensibiles, qui fidei quidem nomine censentur, verba vitæ auribus audiunt, sed ea transire vsque ad interna cordis minimè permittunt. Hi quid aliud quam desertæ terra sunt? Quæ scilicet terra hominem non habet: quia eorum mens sensu rationis caret. Et nullus mortaliū in hac terra commoratur: quia & si quando in eorum consciētia rationabilium sensuum cogitationes veniunt, non persistunt. Præua enim desideria in eorum cordibus sedem inueniunt, recta verò si quando venerint, ac si impellantur decurrunt. Sed cum misericors Deus imbri suo cursum & sonanti tonitruo viam dare dignatur, compuncti per internam gratiam verbis vitæ aures cordis aperiunt. Et impletur terra in via: quia dum præbet auditum verbo, cumulat mysterio. Et producit herbas virentes: quia per gratiam compunctionis infusa prædicationis verba non solum libenter recipit, sed etiam vberim reddit: vt quod audire non poterat, iam loqui concupiscat: & quæ non audiendo etiam intrinsecus aruerat, iam loquendo quæ sancta sunt, viriditate sua quoslibet esurientes pascit. Vnde bene per Prophetam dicitur: Emitte spiritum tuum & creabuntur, & renouabis faciem terræ. Sic enim sic facies terræ virtute renouationis immutatur, dum sicca dudum mens gratia veniente compluitur, & post ariditatem pristinam quasi productis herbis scientiæ viriditate vestitur. Quæ conditoris nostri gratia adhuc nobis altius commendatur, cum subditur:

Quod à Deo patre & gratia est & doctrina, & ipse omnis creaturæ sit conditor, non tantum hominum, sed angelorum: non tantum sanctorum angelorum, sed malignorum spirituum.

Caput XV.

20

Psalm. 67.

Quis est pluuia pater vel quis genuit stellas roris? Ac si diceret, nisi ego: qui siccam terram humani cordis guttis scientiæ gratuito aspergo. De hac enim pluuia aliàs dicitur: Pluiam voluntariam segregabis Deus hæreditati tuæ. Voluntariam quippe pluiam hæreditati suæ Dominus segregat: quia

non eam nobis pro nostris meritis, sed pro suæ muneris benignitatis præstat. Et idcirco hoc loco pater pluiæ dicitur, quia superna nobis prædicatione non de nostro merito, sed de eius gratia generatur. Stellæ enim roris ipsi sancti prædicatores sunt, qui arua pectoris nostri inter mala vitæ præsentis, quasi inter tenebras siccæ noctis arentia, gratia supernæ largitatis infundunt. De his stellis contumaci Iudææ dicitur: Propterea prohibita sunt stellæ pluuiarum, & serotinus imber non fuit. Ipsæ quippe stellæ roris sunt, quæ stellæ pluuiarum. Quando enim dispensatione aliqua prædicationem temperant, quasi rorem tenerum aspergunt. Quando verò ea quæ de supernis sentiunt, virtute qua prævalent loquuntur, quasi vberim manentem pluiam fundunt. Rorem aspergebat Paulus cum Corinthiis diceret: Non enim iudicauis scire me aliquid inter vos, nisi Christum Iesum, & hunc crucifixum. Et rursum pluiam manabat dicens: Os nostrum patet ad vos & Corinthiis, cor nostrum dilatatum est. Hinc est quod Moyses qui & valida fortibus, & tenera infirmis dicturum se nouerat, dicebat: Expectetur sicut pluuia eloquium meum, & descendent sicut ros verba mea. Sed ecce audiuius quo munere gentilitas vocatur, audiamus nunc qua distinctione Iudæa repellitur. Audiuius quomodo deserta excolat, arentia infundat: audiamus nunc quomodo ea quæ quasi videntur interna proiciat. Neque enim sic colligit electos suos, vt non etiam iudicet reprobos, neque sic quibusdam culpas relaxat, vt non & in quibusdam feriat. Scriptum quippe est: Misericordia enim & ira ab illo. Vnde hæc quoque postquam tot dona gratiæ intulit, etiam iræ suæ iudicia non abscondit. Nam sequitur: *De cuius vtero egressa est glacies, & gelu de cælo quis genuit?* Quid enim aliud in gelu vel glacie, nisi frigida & perfidiæ torpore constricta accipimus corda Iudæorum? Qui quondam per acceptationem legis, per custodiam mandatorum, per ministeria sacrificij, per mysteria prophetiæ, sic intra sinum gratiæ, quasi intra vterum creatoris habebantur. Sed quia veniente Domino constricti frigore perfidiæ, feruorem fidei & charitatis amiserunt, à secreto gratiæ sinu proiecti, quasi glacies de vtero creatoris egressi sunt: *Et gelu de cælo quis genuit?* Quid hæc aliud cælum, nisi sublimis debet intelligi vita sanctorum? cui cælo dicitur: Attende cælum, & loquar. Non enim insensibili, sed rationabili creaturæ loquebatur. De hoc cælo Dominus ait: Cælum mihi sedes est. De qua sede aliàs scriptum est: Anima iusti sedes sapientiæ est. Quia ergo sapientiæ est Deus, si sedes Dei cælum est, & anima iusti sedes est sapientiæ, cælum est vtrique anima iusti. Cælum fuit Abraham, cælum Isaac, cælum Iacob. Sed quia persecutores Domini pontifices Iudæorum perfidiæ torpore frigidi, de illorum patrum progenie processerunt, quasi de cælo gelu exiit: quia de sublimi prole sanctorum processit frigida plebs infidelium. Cum enim de Abraham natus est Caiphas, quid aliud nisi gelu de cælo processit? Quod tamen gelu idcirco Dominus genuisse se dicit, quia Iudæos quos naturaliter ipse bonos condidit, iusto iudicio per eorum malitiam frigidos à se exire permisit. Dominus enim author est naturæ, non culpæ. Genuit ergo creando naturaliter, quos iniquos permisit viuere tolerando patiēter. Et quia illa quondam tenera ac fidei penetrabilia corda Iudæorum, in perfidiæ postmodum obstinatione durata sunt, rectè subiungitur: *In similitudinem lapidis aqua duratur.* Aquas enim populos accipi iam sapius edocuisse me memini. In lapide verò pro ipsa duritia aliquando gentiles populi designantur. Ipsi quippe lapides coluerunt. Et de his per Prophetam dictum est: Similes illis fiant qui faciunt ea, & omnes qui confidunt in eis. Vnde Ioannes Iudæos aspiciens se de stemmate generationis extollere, & gentiles præuidens ad Abraham prolem fidei cognitione transire, ait: Ne velitis dicere intra vos, patrem habemus Abraham. Dico enim vobis, quia potens est Deus de lapidibus istis suscitare filios Abraham. Lapidem vtrique duos perfidia gentiles vocans. Quia ergo primum Iudæa Deo credidit, gentilitate omni in perfidiæ suæ obstinatione remanente: postmodum verò ad fidem gentilium corda mollita sunt, & Iudæorum infidelitas obdurata, bene dictum est: *In similitudinem lapidis aqua duratur.* Ac si diceret: Illa mollia ac penetrabilia fidei corda Iudæorum, in insensibilitatem vertuntur gentium.

Hier. 3.

1. Corin. 2.

2. Corin. 6.

Deut. 32.

Eccl. 5.

21

Deut. 32.

Esai. 66.

Psalm. 115.

Marc. 3.

turgentium. Cum enim misericors Deus gentes traxit, iratus Iudæam repulit. Actumque est ut sicut dudum ad percipiendam fidem gentilitas fuerat obdurata, ita postmodum ad fidem gentilitate suscepta, Iudæa populus perfidiæ torpore duresceret. Vnde Paulus Apostolus eisdem gentibus dicit: Sicut aliquando vos non credidistis Deo, nunc autem misericordiam consecuti estis propter illorum incredulitatem: ita est isti non crediderunt in vestra misericordia, ut & ipsi misericordiam consequantur. Conclufit enim Deus omnia in incredulitate, ut omnium misereatur. Quam sententiam suam primum quidem de vocatione Iudæorum, & repulsione gentium, postmodum verò de vocatione gentium, & repulsione Iudæorum subtiliter pensans, seque occulta Dei iudicia comprehendere non posse considerans exclamando subiunxit: O altitudo diuitiarum sapientiæ & scientiæ Dei, quam incomprehensibilia sunt iudicia eius, & inuestigabiles viæ eius. Vnde hic quoque cum de Iudæorum perfidia Dominus diceret: In similitudinem lapidis aquæ durantur, ut de repulsione eorum occulta esse sua iudicia demonstraret, aptè subdidit: *Et superficies abyssi constringitur.* Quia superiecto quodam ignorantia nostræ velamine, incomprehensibilitatem diuini iudicii humanæ mentis oculus nullatenus penetrat: scriptum quippe est: Iudicia tua abyssus multa. Nemo ergo percrutari appetat, cur cum alius repellitur, alius eligatur, vel cur cum alius eligitur, alius repellatur: quia superficies abyssi constringitur, & attestante Paulo: Inscrutabilia sunt iudicia eius, & inuestigabiles viæ eius. Per hoc verò quod dictum est: De cuius vtero egressa est glacies, & gelu de cælo quis genuit? etiam Satan in gelu, & glacie nil obstat intelligi. Ipse quippe quasi de Dei vtero glacies processit: quia à calore secretorum eius malitiæ torpore frigidus, magister iniquitatis exiuit. Ipse gelu de cælo est genitus: quia constricturus corda reproborum, à summis cadere est ad ima permissus. Qui bene in cælestibus conditus, in culpæ frigore mentes sequacium quasi gelu dum cecinit astrinxit. Qui ad terram veniens, quid in hominibus egerit, expletur cum subditur: *In lapidis similitudinem aquæ durantur.* Per aquas nanque populi, per lapidem verò eiusdem Satanæ duritia designatur. Illo igitur ad ima veniente, in similitudinem lapidis aquæ duratæ sunt: quia eius malitiâ imitati homines, mollia viscera charitatis amiserunt. Cuius fraudulenta consilia quia à seductis hominibus deprehendi non possunt, rectè subiungitur: *Et superficies abyssi constringitur.* Aliud quippe ei intrinsecus latet, atque aliud extrinsecus ostendit. Transfigurat enim se velut angelum lucis, & callida deceptionis arte plerunque proponit laudabilia, ut ad illicita pertrahat. Abyssus ergo superficies constringitur: quia dum quasi bona persuasionis eius species velut solida desuper glacies ostenditur, in profundo latens eius malitia non videtur. Cuncta tamen hæc intelligere, & aliter possumus, si moraliter exquiramus. Mentres nanque hominum omnipotens Deus dum in suo timore format, quasi concipit, easque ad apertas virtutes dum prouehit gignit, sed si de acceptis virtutibus extolluntur, relinquit. Et sæpe quosdam cognouimus malorum suorum consideratione compungi, diuini terroris pauore feruescere, & per pauoris exordia vsque ad virtutum summa peruenire, sed dum eisdem virtutibus quas accipiunt extolluntur, inanis gloriæ laqueo astricti, ad antiquum torporem redeunt. Rectè ergo cum tales Dominus proicit, dicit: *De cuius vtero egressa est glacies?* Quasi enim de Dei vtero glacies egreditur, quando hi qui iam intus incaluerant, ex virtutum dono frigescent: & inde exteriorem gloriam torpentes appetunt, vnde ad interna diligenda ardentius flagrare debuerunt. Dumque iste signis, ille scientia, iste prophetia, ille magnis operibus pollet, atque per hæc dona placere hominibus appetit: omne quod prius intimum caluerat, exteriorem laudem diligens, in torporem vertit. Quasi ergo glacies de vtero egreditur, dum post donorum beneficia à visceribus pietatis supernæ separatur. An non sunt glacies qui in virtutibus quas accipiunt, laudes ab hominibus querunt? Et tamen venienti iudici dona sua eius memoriam reuocantes dicunt: Domine, Domine: nonne in nomine tuo prophetauimus, in nomine tuo dæmonia eiecimus & in no-

Tomus primus.

A mine tuo virtutes multas fecimus: Sed quomodo hanc glaciem Dominus proiciat ostendit, dicens: Nescio vos vnde *Ibidem.* sitis, discedite à me omnes operarij iniquitatis. Hanc glaciem nunc in vtero Dominus portat, quia intra sinum Ecclesiæ tolerat. Sed tunc apertè eiicit, cum tales à secretis cælestibus per extremum & publicum iudicium repellit. His itaque verbis quid aperte agitur, nisi ut beatus Iob de summis suis virtutibus humilietur, ne in hoc quod bene viuendo caluerat, superbiendo frigescat, & à diuinitatis vtero repulsus exeat, si intra gnum sui cordis se tumidus extollat? Et quia iusto iudicio *24.* superbas mentes ad culpam egredi ex accepta virtute permittit, rectè adhuc subiungitur: *Et gelu de cælo quis genuit?* Plerunque enim sacri eloquij scientiam præstat, sed dum de eadem scientia is qui accipit extollitur, ira districti iudicis in ipso sacro eloquio cæcatur, ut exteriores fauores per illam sequens eius iam interna non videat, & qui intus manens calere poterat, exeundo frigescat, duratúsque in ima corruat, qui ad cognitionem Dei prius tractabilis in summis liquidus stabat. An sacrum eloquium cælum non est, quod diem nobis intelligentiæ aperiens, Sole nos iustitiæ illustrat, quod dum nos vitæ præsentis nox continet, stellis nobis mandatorum fulget? Sed quia oportet esse hærefes, ut probati manifesti fiant, cum *I. Cor. 11.* ab intellectu sano mens superba repellitur, ultione districti iudicis gelu de cælo generatur: ut cum ipsa scriptura sacra in electorum cordibus caleat, eos qui se superbè scire appetunt, à se frigidos emittat. Ibi quippe errant, vbi corrigere errata debuerant, & dum à superna intelligentia resplendentis eloquij, & obdurati ipsi, & seducturi cæteros corruunt, ad ima venientes vt gelu, & alios astringunt. Semetipsam tamen Dominus hoc gelu gignere perhibet, non quo prauorum mentes ipse ad culpam format, sed quo à culpa non liberat, sicut scriptum est: Ego obdurabo cor Pharaonis. Quod quia *Exod. 10.* misericorditer emollire noluit, profectò districtè se obdurare nuntiavit. Quia verò cum inchoata diuini timoris virtus amittitur, propter humanas laudes virtutis imago retinetur, rectè subiungitur: *In similitudinem lapidis aquæ durantur, & superficies abyssi constringitur.* Aquæ enim per glaciem in superficie durescunt, sed fluidæ in intimis remanent. Et quid per aquas nisi fluxa accipimus corda reproborum? Quæ cum ex proposito virtutem deferunt, fortes se in bonis operibus per hypocrisin ostendunt: dumque in intimis suis ad vitia defluunt, & foris se sanctorum ac fortium imitatores fingunt, aquæ in similitudinem lapidis durantur, & superficies abyssi constringitur: quia per superductam sanctitatis speciem fluxa ac instabilis eorum conscientia hominibus tergitur. Nam cum sibi metipsis intrinsecus turpes sint, ante alienos tamen oculos quadam viuendi venustate vestiuntur. Sed ne quis hæc verba Domini in bonam intelligi partem velit, debemus sic etiã quærentibus astruere, dummodo minimè iudicemur, quæ percrutanda fuerant neglexisse. Superiori enim versu dicitur: Quis est pluiæ pater: vel, Quis genuit stellas roris? statimque additur: De cuius vtero egressa est glacies, & gelu de cælo quis genuit? Si ergo dictis præcedentibus sequens sequentia non dispari sensu coniungitur, profectò & in bonam partem nobis eius intelligentia sine obstaculo difficultatis aperitur. Terra enim cum compluitur, iactata in eam semina feracius rigantur. Sed rursus si illam pluuia immoderatus irrigat, in culmi pinguedinem frumenti virtutem mutat. Sin verò iactatum semen post pluuiam gelu premitur, quo foris citius apparere repellitur, eo intus fecundius radica- *25.* tur, & quo vetatur progredi, cogitur multiplicari: quia cum ab immaturo ortu restringitur, ex conceptionis suæ tarditate laxatum ad fructum vberius impletur. Quid est ergo quod Dominus prius quidem patrem se pluuiæ insinuat, postmodum verò de suo egredi vtero glaciem narrat, seque gelu gignere de cælo pronuntiat: nisi quod miro modo nostri pectoris terram ad suscipienda verbi semina, & prius per occultæ gratiæ pluuiam infundit, & postmodum ne in conceptis virtutibus immoderatus profluat, disciplina intimæ dispensationis premit: ut quam acceptæ gratiæ pluuiæ irrigat, etiam disciplinæ rigor adstringat, ne si aut antequam debet, aut plusquam necesse est conceptas virtutes proferat, fruges in herbam vertat? Plerun-

que enim ab inchoantibus opus bonum dum priusquam oportet ostenditur, à grano perfectionis inanitur, & plerumque virtutes dum plusquam necesse est exuberant, exhalant. Vnde & electorum suorum Dominus vel ante tempus desideria renuit, vel rursus in tempore ultra mensuram profectus premit: ne si aut antequam debent, aut plusquam debet proficiant, per profectus sui magnitudinem in elationis defectu cadant. Nam cum cor post peccata compungitur, terra quæ aruerat, infusione pluviæ rigatur, & cum relictis iniquitatibus bona exequi opera proponit, quasi post infusionem semen accipit, Et plerique cum desideria sancta concipiunt, in summis iam exerceri virtutibus inardescunt, ut non solum culpa operationem non inquinet, sed nec cogitationem pulset. Et adhuc quidem in corpore positi sunt, sed nil iam petiti de communione presentis vite volunt: imitari per intentionem internam mentis stabilitatem appetunt, sed interuenientibus tentationibus reuerberantur: ut videlicet infirmitatis suæ meminerint, & elati de virtutibus quas accipiunt non sint: Quod dum mira disciplinæ repressione agitur, quid aliud quam super infusam terram gelu de cælo generatur? Quid aliud quam de Dei vtero glacies producitur, quando de interno secreto dispensatio egreditur, & voluntates nostræ etiam in bonis desideriis frenantur? Videamus, Paulus infusa videlicet terra, quanta disciplinæ glacie prematur, dum ait: Velle adiacet mihi, perficere autem bonum non inuenio. Qui enim velle habere se asserit, iam per infusionem gratiæ quæ in se lateant semina, ostendit. Sed dum perficere bonum non inuenit, profectus indicat quanta illum dispensationis supernæ glacies premat. An ista glacies eorum corda non presserat quibus dicebat: Ut non quæcunque vultis, illa faciatis? ac si aperte diceret: Occulta cordis vestri semina iam prodire in frugem quærunt, sed superni moderaminis gelu premuntur, ut tantò post fecundius exeant, quantò diuini iudicii prementia pondera patientius portant. Et quia plerumque humana corda quoniam erumpere ad virtutes quas appetunt non valent, eo ipso quo ab intentionis sæpe perfectione resiliunt, tentationum stimulis fatigantur, sed tamen easdem tentationes cogitationum comprimunt, seque per exercitationis usum in quodam viuendi rigore componunt, bene subditur: *In similitudinem lapidis aquæ durantur.* Quia etsi fluxus cogitationes interius lacessunt, nequaquam tamen usque ad consensum prauis operis trahunt. Sed mens sub inolita bene viuendi consuetudine quia sub qua dum duritiam exterius abscondit quicquid intus ex tentationis pulsatione mollescit. Vnde & bene subiungitur: *Et superficies abyssi constringitur.* Quia praua cogitatio & si usque ad suggestionem venit, usque ad consensum non proficit, quia fluctuantes motus animi superductus rigor sanctæ deliberationis premit. Potest etiam in gelu, vel glacie præsentis vitæ aduersitas designari, quæ dum asperitate sua sanctos comprimit, valentiores reddit. Dum enim nos omnipotens Deus molestiis exerceri permittit, atque ad melioris vitæ statum interueniente tristitia prouehit, miro consilio super futuram frugem gelu & glaciem gignit, ut electus quisque in hac vita tanquam in hyeme aduersa ventorum & frigorum toleret, velut in æstiuâ serenitate postmodum fructus quos hinc conceperit demonstret. Vnde & spõsi voce vniciusque animæ post huius mundi turbines, ad illa eternitatis amœna properanti dicitur: Surge propera amica mea, formosa mea & veni: iam enim hyems transiit, imper abiit & recessit. Et quia si sola nobis assunt prospera, solidamur, rectè subiungitur: *In similitudinem lapidis aquæ durantur.* Mentis enim quæ per prospera molliter fluerent, constrictæ aduersitatibus durescunt: & ad similitudinem lapidis aqua perducitur, quando infirmus quisque per acceptam desuper tolerantiam passionem sui redemptoris imitatur. In similitudinem quippe lapidis aqua duruerat, cum ille prius impatiens persecutor postmodum Paulus dicebat: Impleo ea quæ desunt passionum Christi in carne mea. Et quia cum deprimuntur aduersis, solertius interna dona custodiunt, rectè additur: *Et superficies abyssi constringitur.* Solet enim lætitia arcana mentis aperire, atque aperiendo amittere: aduersa verò cum nos exterius deprimunt, interius cautiore reddunt. Post gelu itaque vel glaciem superficies

abyssi constringitur, quia mens nostra ad conseruanda profunda dona quæ acceperit, ipsis aduersitatibus munitur. Abyssi enim suæ superficiem Esaias constrinxerat, cum dicebat: Secretum meum mihi, secretum meum mihi. Abyssi suæ superficiem Paulus constrinxerat, qui tot periculis ac aduersitatibus insudans, sub prætextu cuiusdam de semetipso loquitur, dicens: Audiuit arcana verba, quæ non licet homini loqui. Et rursus: Parco autem, ne quis me existimet supra id quod videt in me, aut audit aliquid ex me. Quid igitur foris aduersa tolerans, ne fortasse in laudibus deflueret, arcana sua aperire metuebat, quid aliud quam secretorum suorum abyssum per constrictam superficiem presserat. Sequitur:

Quod arcturum & pleiades Dominus iungit, cum de diuersis mundi partibus vnâ Ecclesiam, & sanctorum vaticinia licet diuersa, vna eademque inuentione prolata ostendit.

Caput XVI.

N Vnquid coniungere valebis micantes stellas pleiades, aut gyrum arcturi poteris dissipare? Pleiades stellæ ἀπὸ τῆς πλεισσοῦ, id est, à pluralitate vocatæ sunt. Ita autem vicinæ sibi & diuise sunt conditæ, ut simul sint, & tamen coniungi nequaquam possint, quatenus vicinitate quadam coniunctæ sint, sed tactu disiunctæ. Arcturus verò ita nocturna tempora illustrat, ut in cæli axe positus per diuersa se vertat, nec tamen occidat. Neque enim extra se currens voluitur, sed in loco situs, in cunctis mundi partibus nequaquam casurus inclinatur. Quid ergo est quod homo ex terra factus, atque in terra positus de cælesti admiratione discutitur: quia pleiades coniungere non valet, quas vicinas sibi metipsis conditas, & penè coniunctas videt: quia arcturi gyrum dissipare non potest, quem tamen cernere ipsa sua vertigine penè dissipatum potest? An ut in istis ministeriis authoris potentiam pensans, infirmitatis suæ meminerit, & eum quem adhuc in maiestate sua videre non poterat quàm sit inæstimabilis, in ipsa ministeriorum cælestium gubernatione perpendat? Sed cur ista loquimur qui stimulo rationis urgemur, ut hæc verba mysticis sensibus grauida cognoscamus? Quid enim micantes pleiades, quæ & septem sunt, aliud quàm sanctos omnes denuntiant, qui inter præsentis vitæ tenebras septiformis spiritus gratiæ nos lumine illustrant, qui ab ipsa mundi origine usque ad eius terminum diuersis temporibus ad prophetandum missi, & iuxta aliquid sibi coniuncti sunt, & iuxta aliquid disiuncti? Stellæ enim pleiades, sicut supra dictum est, vicinitate sibi coniunctæ sunt, & tactu disiunctæ. Simul quidem sitæ sunt, & tamen lucis suæ variatim radios fundunt. Ita omnes sancti aliis atque aliis ad prædicandum temporibus apparentes, & disiuncti sunt per visionem suæ imaginis, & coniuncti per intentionem mentis. Simul micant, quia vnum prædicant: sed non semetipsos tægant, quia in diuersis temporibus patiuntur. Quam diuersis temporibus Abel, Esaias & Ioannes apparuerunt. Diuisi quidem fuerunt tempore, sed non prædicatione. Nam Abel redemptoris nostri passionem significans, agnum in sacrificio obtulit, de cuius passione Esaias ait: Sicut agnus coram tondente se obtumescet, & non aperiet os suum. De quo Ioannes quoque ait: Ecce agnus Dei, ecce qui tollit peccata mundi. Ecce diuisi quidem temporibus missi, & tamen concorditer de redemptoris nostri innocentia sentientes, eundem agnum Ioannes ostendendo, Esaias præuidendo, Abel offerendo locutus est: & quem Ioannes in ostensione, quem Esaias in locutione, hunc Abel significando in manibus tenuit. Quia igitur quomodo pleiades stellæ de humanitate redemptoris sibi concinant, diximus: nunc quomodo in ostendenda vnitatem Trinitatis concorditer luceant demonstremus. Diuersis quippe temporibus huic mundo Dauid, Esaias, & Paulus apparuit, sed tamē nullus eorum alteri diuersum sensit, quia etsi semetipsos non nouerant facie, vnum tamen didicerant ex diuina cognitione. Dauid quippe ut authorem omnium Deum in Trinitate ostenderet, dixit: Benedicat nos Deus Deus noster, benedicat nos Deus. Ac ne tertio Deū nominans, tres deos dixisse putaretur: ilico vnitatem eiusdē Trinitatis insinuans addidit: Et metuant eum omnes fines terræ. Qui enim non eos, sed eū subdidit, vnū tria, quæ dixerat intimauit. Esaias quoque cum laudem

Esaias 24.

2. Cor. 12. Ibidem.

Rem. 7.

26.

Canti. 2.

27.

Coloss. 1.

28.

Genes. 4. Esaias 53. Ioan. 1.

Psalm. 66.

Ibidem.

Esaia. 6.

Roma. 11.

Ezech. 1.

laudem de vnitae Trinitatis aperiret, Seraphin voces exprimens, ait: Sanctus, sanctus, sanctus, ac ne tertio sanctum nominans, vnitatem diuinæ substantiæ scindere videretur, adiunxit: Dominus Deus sabaoth. Quia ergo non Domini dij, sed Dominus Deus addidit, vnum existere quod tertio sanctum vocauerat indicauit. Paulus quoque vt operationem sanctæ Trinitatis ostenderet, ait: Ex ipso, & per ipsum, & in ipso sunt omnia, atque vt vnitatem eiusdem Trinitatis intimaret, protinus addidit: Ipsi gloria in secula seculorum, amen. Qui igitur non ipsis, sed ipsi subdidit, vnum naturaliter, tria secundum personas innotuit, quod superius tertio id ipsum dixit: Quasi ergo & vno in loco pleiades sitæ sunt, quia de Deo concorditer sentiunt, & tamen semetipsas non tangunt: quia, sicut dictum est, per huius mundi tempora diuersa partiuntur. Quod bene ac breuiter Ezechiel propheta describit, qui cum diuersi generis animalia videre se diceret, adiunxit: Iunctæque erant pennæ eorum alterius ad alterum. Pennæ quippe animalium alterius ad alterum iunctæ sunt: quia etsi dissimilia sunt quæ agunt, vno tamen eodemque sensu sibi sanctorum voces virtutesque sociantur. Et quantum alius rationabiliter cuncta agendo sit homo, alius in passionibus fortis aduersa mundi non timendo sit leo, alius per abstinenciam semetipsum viuam hostiam offerendo sit vitulus, alius se in alta rapiendo contemplationis volatu sit aquila: pennis se tamen dum volant tangunt, quia & confensione vnum & virtutum sibi vnanimitate iunguntur. Quod quia solius diuinæ virtutis est, & disiunctis temporibus missos in fidei prædicatione coniungere, & dissimilibus virtutibus præditos fulgore intentionis vnire, rectè dicitur: Nunquid coniungere valebis micantes stellas pleiades? Ac si dicat, vt ego, qui vnus omnia impleo, atque in vnitatis sensu electorum mentes implendo coniungo. In arcturo autem qui per gyrum suum nocturna spatia non occasurus illustrat, nequaquam particulatim edita vita sanctorum, sed tota simul Ecclesia designatur, quæ fatigationes quidem patitur, nec tamen ad defectum proprii status inclinatur, gyrum laborum tolerat, sed ad occasum cum temporibus non festinat. Neque enim ad ima poli arcturus cum nocturno tempore ducitur, sed dum ipse voluit, nox finitur. Quia nimirum dum sancta Ecclesia innumeris tribulationibus quatitur, præsentis vitæ vmbra terminatur, eaque stante nox præterit: quia illa in sua incolumitate perdurante, mortalitatis huius vita percurrit. Est in arcturo quod consideratius possimus intueri. In septem quippe stellis voluit, & modò quidem tres ad summa eleuat, atque ad ima quatuor inclinat, modò quatuor superius erigit, & tres inferius premit. Sancta quoque Ecclesia cum modò infidelibus Trinitatis notitiam, modò autem fidelibus virtutes quatuor, id est, prudentiam, fortitudinem, temperantiam, iustitiam prædicat, quasi rotatu prædicationis status sui speciem quodammodo immutat. Nam cum quibusdam de operibus suis gloriantibus confidentiam proprii laboris euacuat, & fidè Trinitatis exaltat, quid aliud facit, nisi tres stellas arcturus eleuat, quatuor inclinat? Et dum quosdam bona opera non habentes de sola fide præsumere prohibet, sed operari enixius quæ præcepta sunt iubet, quid aliud arcturus facit, nisi quatuor stellas erigit, tres deponit? Videamus quomodo tres eleuet, quatuor deponat. Ecce per Paulum contra fidem de opere superbientibus dicitur: Si Abraham ex operibus iustificatus est, habet gloriam sed non apud Deum. Quid enim scriptura dicit? Credidit Abraham Deo, & reputatum est illi ad iustitiam. Videamus quomodo quatuor eleuet, tres deponat. Ecce per Iacobum de fide sine opere superbientibus dicitur: sicut corpus sine spiritu mortuum est, ita fides sine operibus mortua est. Arcturus itaque voluit: quia sancta Ecclesia iuxta auditorum suorum mentes in diuerso latere prædicationis arte versatur. Arcturus voluit: quia hæc in noctis huius tribulationibus rotatur. Sed hunc arcturi gyrum quandoque Dominus dissipat, quia labores Ecclesiæ ad requiè permutat. Tunc & pleiades plenius iungit, cum gyrum arcturi destruit: quia tunc nimirum sancti omnes, etiam visionis sibi specie copulantur, quædo in fine mundi sancta Ecclesia ab his quos non sustinet laboribus soluitur. Dicat ergo: Nunquid coniungere valebis micantes

Tomus primus.

A *stellas pleiades, aut gyrum arcturi poteris dissipare?*) subaudis, vt ego, qui tunc sanctorum vitam etiam per speciem vno, cum gyrum vniuersalis Ecclesiæ corporaliter soluo. Et quis hominum solius diuinæ hoc esse virtutis ignorat? Sed vt cognoscat homo quid ipse sit, memoretur assidue quid solus Dominus possit. Habemus adhuc quod de stellis pleiadibus, atque arcturo aliud sentiamus, Pleiades quippe ab Oriente, arcturus verò ex parte Aquilonis surgit. Quocunque autem se per gyrum suum arcturus verterit, pleiades ostendit: & cum lux diei iam vicina efficitur, stellarum eius ordo distenditur. Potest igitur per arcturum qui à plaga frigoris nascitur, lex: per pleiades verò quæ ab Oriente surgunt, testamenti noui gratia designari. Quasi enim ab Aquilone lex venerat, quæ tanta subditos rigiditatis asperitate terrebat. Nam dum pro culpis suis alios præciperet lapidibus obrui, alios gladij morte mulctari, plaga torpens, & velut à Sole charitatis aliena, præceptorum suorum semina plus premebat ex frigore, quàm ex calore nutrebat. Cuius oppressione pondus Petrus horruerat, cum dicebat: Quid tentatis Deum, imponere iugum super ceruicem discipulorum, quod neque patres nostri, neque nos portare potuimus? Nec mirum quod per arcturi septem stellas testamentum vetus exprimitur: quia & veneratione legis dies festimus extitit venerabilis, & per hebdomadâ integram constituti sacrificij vota tendebatur. Pleiades verò quæ ipsæ quoque, sicut superius diximus, septem sunt, testamenti noui gratiam tantò apertius indicant, quantò cuncti liquidò cernimus, quod per illam fideles suos spiritus sanctus septiformis muneris lumine illustrat. Quæquæ igitur se arcturus parte vertit, pleiades ostendit: quia per omne quod testamētū vetus loquitur, testamenti noui opera nuntiantur. Sub textu enim literæ, tegit mysterium prophetiæ. Et quasi inclinat se arcturus & demonstrat: quia dum ad spiritalem intellectum flectitur, significata per illud lux gratiæ septiformis aperitur. Et propinquante diei luce, stellarum eius ordo distenditur: quia postquæ per semetipsam nobis veritas innotuit, ab obsequiis carnalibus literæ præcepta laxauit. Redemptor autem noster in carne veniens, pleiades iunxit, quia operationes septiformis spiritus simul in se, & cunctas, & manentes habuit. De quo per Esaia dicitur: Egredietur virga de radice Iesse, & flos de radice eius ascendet, & requiescet super eum spiritus Domini: spiritus sapientiæ & intellectus, spiritus consilij & fortitudinis, spiritus scientiæ & pietatis, & replebit eum timore Domini. De quo Zacharias ait: Super lapidem vnum septem oculi sunt. Atque iterum: Et in candelabro aureo lucernæ septem. Nullus verò hominum operatione sancti spiritus simul omnes habuit, nisi solus mediator Dei & hominum, cuius est idem spiritus qui de patre ante secula procedit. Bene ergo dicitur: Super lapidem vnum septem oculi sunt. Huic enim lapidi septem oculos habere, est simul omnem virtutem spiritus septiformis gratiæ in operatione retinere. Alius namque prophetiam, alius scientiam, alius virtutes, alius genera linguarum, alius interpretationes sermonum iuxta distributionem sancti spiritus accipit: ad habenda verò cuncta eiusdem spiritus munera nemo pertingit. At verò conditor noster infirma nostra suscipiens, quia per diuinitatis suæ potentiam simul se habere omnes sancti spiritus virtutes edocuit, micantes proculdubio pleiades iunxit. Dum verò pleiades iunxit, arcturi gyrum dissipat: quia dum semetipsum factum hominem habere cunctas sancti spiritus operationes innotuit, in testamento veteri literæ laborem soluit, vt fidelis quisque iam cum libertate spiritus illud intelligat, cui prius in formidine inter tot discrimina seruebat. Audiat itaque beatus Iob: Nunquid coniungere valebis micantes stellas pleiades? Ac si apertè diceretur: Habere quidem lumina quarundam virtutum potes, sed nūquid exercere simul omnes operationes sancti spiritus sufficis? Me ergo coniungentem pleiades in cunctis virtutibus contemplare, & tu de paucis ab elatione comescere. Audi quod dicitur: *Aut gyrum arcturi poteris dissipare?* Ac si ei apertè diceretur: Et si ipse iam quæ recta sunt sentis, nunquid virtute tua etiam in alienis cordibus laborem grossioris intelligentiæ destruis? Me itaque considera, qui carnalium stultitiam corrogo, dum me per carnis stultitiā manifesto: vt tantò magis hæc quæ putas virtutum tuarum fortia humilies, quātò

Acto. 17.

30.

Esaia. 11.

Zacha. 3.

Zacha. 4.

1. Cor. 12.

nec vestigia meæ infirmitatis apprehendis. Quia verò in ipso dominicæ incarnationis mysterio aliis lux veritatis ostenditur, aliorum verò per scandalum corda tenebrantur, rectè subiungitur:

Quod cum venit plenitudo temporis, misit Deus filium suum natum ex muliere, factum sub lege: & eo apparenente in fine mundi, reuelabitur homo peccati, filius perditionis.

Caput XVII

Gala. 4.

Nunquid producis luciferum in tempore suo, & vesperum super filios terræ consurgere facis? Pater quippe in tempore suo luciferum producit, quia scriptum est: Cum venit plenitudo temporis, misit Deus filium suum, natum ex muliere, factum sub lege, ut eos qui sub lege erant, redimeret. Qui natus ex virgine, velut lucifer inter tenebras nostræ noctis apparuit: quia fugata obscuritate peccati, æternum nobis mane nunciavit. Luciferum verò se innotuit: quia diluculo ex morte surrexit, & fulgore sui luminis mortalitatis nostræ tetram caliginem prescit. Cui bene per Ioannem dicitur: Stella splendida matutina. Viuis quippe apparens post mortem, matutina nobis stella factus est: quia dum in semetipso exemplum nobis resurrectionis præbuit, quæ lux sequatur indicavit. Vesperum verò super terræ filios Dominus consurgere facit: quia infidelibus Iudæorum cordibus dominari antichristum eorum merito exigente permittit. Qui idcirco à domino huic vesperi iustè subduntur: quia ipsi sponte sua filij terræ esse voluerunt. Terrena quippe & non cœlestia requirentes, à perspicenda luciferi nostri claritate excæcati sunt: & dum præesse sibi vesperum expectant, subsequenter damnationis æterna nocte merguntur. Hinc in Euangelio Dominus dicit: Ego veni in nomine patris mei, & nō accepistis me: alius veniet in nomine suo, & ipsum recipietis. Hinc Paulus ait: Eo quod charitatem veritatis non receperunt ut salui fierent, ideo mittet illis Deus operationem erroris, ut credant mendacio, ut iudicentur omnes qui non crediderunt veritati, sed consenserunt iniquitati. Nequaquam ergo super eos vesper consurgeret, si cœli filij esse voluissent. Sed dum visibilia appetunt, amisso cordis lumine, sub noctis duce tenebrescunt.

31.

Quod tamen si moraliter discutimus, quomodo quotidie agatur inuenimus: quia nimirum & electis lucifer oritur, & reprobis Deo permittente vesper dominatur. Vnus enim atque idem sermo Dei est in ore prædicantis. Quem dum isti gaudendo, illi verò invidendo audiunt, claritatem sibi luciferi in vesperi tenebras vertunt. Dum isti humiliter vocem sanctæ prædicationis accipiunt, quasi ad stellæ lucem oculos cordis aperiunt: dum verò illi bene dicenti invident, & non salutis causam, sed elationis gloriam quærunt, prurumpente iniquitatis suæ vespere, in somnum mortis oculos claudunt. Per occultum ergo iudicium is, qui electis est lucifer, reprobis auditoribus fit vesper: quia exhortatione sancta qua boni ad vitam redeunt, pravi deterius in culpa moriuntur. Vnde bene per Paulum dicitur: Christi bonus odor sumus Deo. in his, qui salui fiunt, & in his, qui pereunt: aliis quidem odor mortis in mortem, aliis autem odor vitæ in vitam. Verbum itaque suum auditoribus esse luciferum simul & vesperum vidit, per quod alios ab iniquitate suscitari, & contra alios sopiri iniquitate conspexit. Quod quia occultis Dei iudiciis agitur, quæ in hac vita ab hominibus comprehendi non possunt, rectè illic subdidit: *Et ad hæc quis tam idoneus?* Ac si diceret: Idonei quidem sumus ad hæc considerata quæ fiunt, sed idonei non sumus ad hæc inuestiganda cur fiant. Vnde hic quoque Dominus, quia aliis produci luciferum, aliis verò consurgere vesperum dixerat, ne perscrutari homo occulta Dei iudicia audeat, illico subiungitur:

Quod causas iudiciorum Dei vel prædestinationem eius in hac vita nemo cognoscat.

Caput XVIII.

32.

Nunquid nosti ordinem cœli, & pones rationem eius in terrâ? Ordinem cœli nosse, est supernarum dispositionum occultas prædestinationes videre. Rationem verò eius in terra ponere, est ante humana corda talium secretorum cau-

fas aperire. Rationem videlicet cœli in terra ponere, est supernorum iudiciorum mysteria, vel considerando discutere, vel loquendo manifestare. Quod utique facere in hac vita positus nullus potest. Ut enim à parvis ad maiora veniamus, quis intelligat quæ esse secretorum subtilitas potest, quod sæpe vir iustus à iudicio, non solum non vindicatus, sed etiam punitus redeat, & iniquus eius aduersarius non solum non punitus, sed etiam victor abscedat? Quis intelligat cur vivit alius insidians mortibus proximorum, & moritur alius, qui profuturus esset vitæ multorum? Alius culmen potestatis assequitur, qui non nisi lædere studet: alius tantummodo læsos defendere concupiscit, & tamen ipse oppressus iacet. Alius vacare appetit, & innumeris negociis implicatur: alius negociis implicari desiderat, & coactus vacat. Alius malè inchoans, usque ad vitæ suæ terminum ad peiora protrahitur: alius bene incipiens, per longitudinem temporum proficit ad augmenta meritorum. At contra alius malè vivens diu reseruat, ut se corrigat: alius verò bene quidem videtur vivere, sed in hac vita consueque durat quo ad peruersa prorumpat. Alius in errore infidelitatis natus in errore deficit: alius in catholicæ fidei rectitudine genitus, in catholicæ fidei rectitudine cōsummat. Econtra verò alius catholicæ matris ventre editus, iuxta vitæ terminum erroris voragine deuoratur: alius autem vitam suam in catholica pietate cōsummat, qui ortus in perfidia cū lacte matris hauserat virus erroris. Alius celsitudinem bene viuendi appetere & vult, & valet: alius nec vult, nec valet. Alius vult & non valet, alius valet & non vult. Quis ergo ista iudiciorum cœlestium secreta discutiat? Quis intelligat discretâ lancæ æquitatis occultæ? Ad cognoscendos quippe istos iudiciorum secretorum sinus nullus a-scēdit. Dicatur ergo homini, ut se nescire cognoscat: nescientem verò se cognoscat ut timeat: timeat ut humilietur ne presumat in se: nō presumat in se, ut conditoris sui auxilium requirat: & qui in se fidens mortuus est, authoris sui adiutorium appetens vivat. Audiat itaque vir iustus iam quidem se sciens, sed adhuc quæ supra se sunt nesciens: *Nunquid nosti ordinem cœli, & pones rationes eius in terrâ?* id est, nunquid occultos ordines iudiciorum cœlestium comprehendis, aut aperire humanis auribus sufficis? Beatus igitur Iob de iudiciorum incomprehensibilium inuestigatione requiritur, ac si ei aperte diceretur. Cuncta quæ pateris, tantò tolerare patientius debes, quantò secretorum cœlestium ignarus, cur hæc pateris nescis.

Libri vicesiminonni Moralium sancti Gregorij, finis.

B. GREGORII EXPOSITIONIS MORALIS IN IOB, LIBER TRIGESIMVS, continuans caput trigesimum-octauum textus.

Quod Iudæis in enigmatibus & nebula multipliciter per patres locutus sit Deus: & quod contra illum sapiens populorum turba surrexerit, clamaueritque, Crucifige.

Caput I.



Beatus Iob talia vtrūmne fecerit Domino interrogante, requiritur, qualia utique facere non potest homo: ut dum se ista facere non posse deprehendit, ad eum refugiat quem solum talia, quia facere possit intelligit, atque ante oculos iudicis sui magis potens appareat, si sua verius infirma cognoscat. Quod ergo mirè à Domino fieri non ignoratur, de eo diuina Iob voce requiritur. Diciturque ei: *Nunquid eleuabis in nebula vocem tuam, & impetus aquarum operiet te?* Vocem quippe suam in nebula Dominus leuat, quando per prædicatorum suorum linguas ad caliginosa corda infidelium exhortationem format, eumque aquarum impetus operiet.

2. Corin. 2.

operit, dum bene agentia membra eius turba resistentium populorum premit. Hinc enim quod scriptum est: Factum est verbum Domini ad Hieremiam prophetam, dicentis: Sta in atrio domus Domini, loquens ad omnes ciuitates Iuda, de quibus veniunt vt adorent in domo Domini, vniuersos sermones quos ego mandauit tibi. Et paulò pòst: Et audierunt sacerdotes & prophetae, & omnis populus Hieremiam loquentem verba hæc in domo Domini. Cùmque compleuisset Hieremias loquens, apprehenderunt eum sacerdotes & prophetae, & omnis populus, dicens: Morte moriatur. Quare prophetauit in nomine Domini? Ecce in nebula Dominus vocem leauit, quia obscuras mentes superbientium directò Propheta corripuit. Ecce aquarum impetus eum protinus operuit: quia ab insurgentibus populis, & causa suæ correptionis instigatis, ipse in Hieremiam cuncta pertulit, qui correptionis verba mandauit. Per semetipsum quoque Dominus in nebula vocem leauit, quando præsentem se etiam assumpto corpore exhibens, multa suis persecutoribus, sed figuris ænigmatum velata prædicauit. In nebula autem vocem leauit, quia veritatem suam non secuturis infidelibus quasi per caliginem sonuit. Vnde & bene in libris Regum scriptum est: Nebula impleuit domum Domini, & non poterant sacerdotes ministrare propter nebulam. Exigentibus enim meritis, dum superbi Iudæorum pontifices diuina mysteria per parabolas audiunt, sacerdotes in domo Domini quasi propter nebulam ministrare nequuerunt. Qui & in testamento veteri dum sensus mysticos literæ velamine coopertos inter obscuras allegoriarum caligines inuestigare despiciunt, debitum fidei suæ ministerium propter nebulam perdiderunt. Quibus & nunc in nebula doctrinæ suæ vocem Dominus protulit, cum de se etiam aperta narravit. Quid est enim apertius quàm, Ego & pater vnum sumus? Quid apertius diceret, quàm, Antequam Abraham fieret, ego sum? Sed quia auditorum mentes infidelitatis caligo repleuerat, quasi emissum solis radium nebula interiaccens abscondebatur. Ad hanc nanque elationem vocis eum aquarum impetus operuit, quia contra illum mox sæuiens populorum turba surrexit. Scriptum quippe est: propterea ergo quærebāt eum Iudæi interficere, quia non solum soluebat sabbatum, sed & patrem suum dicebat Deum, æqualem se faciens Deo. De hoc aquarum impetu per Prophetam clamat: Circudederunt me simul. Et rursum: Saluum me fac Deus, quoniam intrauerunt aquæ vsque ad animam meam. Quas profectò aquas in semetipso ante mortem, in suis autem & post ascensionem pertulit. Hinc est enim quòd & de superioribus clamat: Saule, Saule, quid me persequeris? Ecce iam cælum conscenderat, & tamen adhuc eum Saulus aquarum infidelium impetu persequens, & tumidior cæteris vnda tangebatur. Ipse quippe est qui per bonos recta loquitur, ipse qui in bonorum passione laceratur. Vt ergo mirifica Dominus charitatis vnitatem monstraret se esse, qui indignis auditoribus per sanctorum suorum ora prædicaret, ait: Nunquid eleuabis in nebula vocem tuam? Vt verò ostenderet se esse qui in sanctis suis omnia aduersa pateretur, subdidit: Et impetus aquarum operiet te? subaudis, vt me: quem iniqui omnes, neque per prædicantes sanctos loquentem intelligunt, neque per morientes patientem vident. Narrat ergo Dominus quòd ab hominibus patitur, vt dolor afflicti hominis mitigetur, ac si illi apertè dicat: Mea subtiliter pensa, & tua æquanimiter tempera. Multò enim minus est te vulnera quàm me humana tolerare. Adhuc tamen verba hæc subtilius perscrutari possumus, si inter dona cælestia nostra sollicitè corda pensamus. Iam quidem fideles sumus, iam quæ audimus, superna credimus, iam quæ credimus, amamus. Sed dum quibusdam superuacuis curis premimur, obducta confusione caligamus, & cum nobis etiam talibus mira quædam Dominus de se sentienda insinuat, quasi in nebula vocem leuat. Dum caliginosis nostris mentibus per semetipsum loquitur, velut in nebula is qui non cernitur auditur. Summa sunt nanque quæ de illo cognoscimus, sed tamen adhuc eum in secreta inspiratione qua instruimur, non videmus. Quis igitur cordibus nostris præbet quidem locutionem, sed occultat speciem, velut in nebula format vo-

Tomus primus.

cem. Sed ecce iam verba Dei intrinsecus per semetipsum loquentis audimus, iamque amoris eius qua continuatione, quod studio inhærere debeamus agnoscimus, & tamen ab internæ considerationis culmine ad consueta nostra ex ipsa mortalitatis huius mutabilitate relabimur, & imminuentium peccatorum mole sedula importunitate tentamur. Cùm ergo cæcis nostris mentibus subtilia de semetipso insinuat, in nebula vocem leuat. Cùm verò tentatione vitiorum ipse de Deo nostro intellectus opprimitur, quasi aquarum impetu in voce sua Deus operitur. Tot enim super illum aquas admittimus, quot post inseparationem eius gratiæ, cogitationes illicitas in corde versamus. Nec tamen nos vel oppressos deserit: nam ilico ad mentem redit, tétationum nebulas discutit, imbrem compunctionis infundit, & subtilis intelligentiæ solem reducit, atque sic ostendit quantum nos diligit, qui nos nec cùm respicitur relinquit: vt saltem sic erudita humana conscientia ad se tétationes erubescat amittere, quam redemptor suus, & vagantem non cessat amare. Hoc in nobis per semetipsum tolerat, hoc ab infidelibus per suos quotidie prædicatores portat. Eius enim donum suborta in nobis tentatione repellitur, & tamen ab infundendo intrinsecus munere nequaquam nostra infirmitate reuocatur. Eius publicè verba respuuntur, & tamen ab erogandæ gratiæ largitate nulla infidelium iniquitate compescitur. Nam cùm prauis homines prædicamenta despiciunt, adiungit etiam miracula quæ venerationem. Vnde post editam vocem, post inundantium aquarum impetum aptè subiungitur:

Quòd prædicatores sancti à Deo missi, non sibi, sed Deo profectum prædicationis ascribunt.

Caput II.

Nunquid mittes fulgura, & ibunt, & reuerentia dicent tibi, Assumus? Fulgura quippe ex nubibus exeunt, cum mira opera ex sanctis prædicatoribus ostenduntur. Qui vt sæpe diximus, idcirco nubes vocari solent, quia & coruscant miraculis, & verbis pluunt. Et quia humana corda postquam per prædicationem mota non fuerint, istis miraculorum fulgoribus cõturbantur, Propheta attestante, didicimus, qui ait: Fulgura multiplicabis, & conturbabis eos: ac si diceret: Dum verba prædicationis tuæ non audiunt, per prædicantium miracula perturbantur. Vnde aliàs scriptum est: In lumine iacula tua ibunt, in splendore fulgoris armorum tuorum. Iacula Dei in lumine ire, est verba eius aperta veritate resonare. Sed quia sæpe homines verba vite etiam intellecta despiciunt, adiunguntur etiam miracula. Vnde illic subdit: In splendore fulgoris armorum tuorum. Fulgor quippe armorum est claritas miraculorum. Armis nanque nos tuemur, iaculis aduersa destruiamus. Arma ergo cum iaculis, sunt miracula cum prædicamentis. Sancti enim prædicatores verbis suis quasi quibusdam iaculis aduersarios feriunt: armis verò, id est, miraculis semetipsos tuentur: & quantum sint audiendi, sonent per impetum iaculorum, & quantum sint reuerendi, clarescant per arma miraculorum. Dicitur ergo ad beatum Iob: Nunquid mittes fulgura, & ibunt, & reuerentia dicent tibi, Assumus? subaudis, vt mihi. Vadunt enim fulgura, cùm prædicatores miraculis coruscant, & superna reuerentia auditorum corda transfigunt. Reuerentia verò dicunt assumus, cùm non sibi, sed Dei viribus tribuunt, quicquid se fortiter egisse cognoscunt. Quid est enim Deo dicere assumus? quoddam nanque in hoc verbo obsequium declaratur. Reuerentes itaque prædicatores sanctos dicere assumus, est illi laudem tribuere gratiæ, à quo se accepisse sentiunt victoriam pugnae, ne sibi tribuant quod operantur. Et ire quidem fulgura operando possunt, sed reuerti superbiendo non possunt. Videamus itaque fulgur vadens. Claudio cuidam ait Petrus: Argentum & aurum non est mihi, quod autem habeo, hoc tibi do. In nomine Iesu Christi Nazareni surge & ambula. Et apprehensa eius manu dextra alleuauit eum, & protinus consolidatae sunt bases eius & plantæ, & exiliens stetit, & ambulabat. Sed cùm hoc de factò Iudæorum fuisset turba commota, videamus nunc fulgur rediens quod ait: Viri Israëlitarum quid admiramini in hoc, aut nos quid intuemini, quasi nostra virtute aut potestate fecerimus hunc ambulare? Deus Abraham, Deus Isaac, Deus Iacob, Deus patrum nostrorum

z iij

glorificauit filiū suū Iesum. Et paulō post: Cui⁹ nos testes sumus, & in fide nominis eius hunc quem vidistis, & nostis confirmauit nomen eius, & fides quæ per eum est dedit integram sanitatem istam in conspectu omnium vestrum. Iur ergo fulgur, cū Petrus miraculum fecit, redit cū non sibi tribuit, sed auctori quod fecit. Vadunt fulgura cū prædicatores sancti mira opera ostendunt, sed reuertendo dicunt, assumus, cū in eo quod faciunt, ad potentiam auctoris recurrunt. Quod tamen intelligi, & aliter potest. Fulgura etenim, sicut superius dictum est, sancti viri mittuntur & eunt, cū à secreto contemplationis in publicum operationis exeunt. Mittuntur & vadunt, cū de abscondito speculationis intimæ in actiue vitæ latitudinem diffunduntur. Sed reuertentes dicunt Deo, assumus, quia post opera exteriora quæ peragunt, semper ad finem contemplationis recurrunt: vt illic ardoris sui flammam reficiant, & quasi ex tactu supernæ claritatis ignescant. Citius enim inter ipsa licet bona exteriora opera frigerent, nisi intentione sollicita ad contemplationis ignem incessanter redirent. Vnde bene per Salomonem dicitur: Ad locum de quo exeunt flumina, reuertuntur, vt iterum fluant. Ipsi quippe illic flumina, qui hîc fulgura sunt vocati. Quia enim corda audientium rigant, dicuntur flumina: quia verò accendunt, fulgura vocantur. De quibus aliâ scriptum est: Eleuauerunt flumina Domine, eleuauerunt flumina voces suas. Et rursum: Illuxerunt fulgura eius orbi terræ. Ad locum ergo de quo exeunt flumina reuertuntur: quia sancti viri etsi à conspectu creatoris sui, claritatem mente conspiciere conantur, foras propter nos ad actiue vitæ ministerium veniunt, incessanter tamen ad sanctum contemplationis studium recurrunt, & si in prædicatione sua exterius nostris auribus per corporalia verba se fundant, mente tamen tacita ad considerandum semper ipsum fontem luminis reuertuntur. De quibus & bene dicitur: Vt iterum fluunt. Nisi enim ad contemplandum Deum sollicita semper mente recurrerent, nimirum interna cæcitas etiam exteriora prædicationis eorum verba siccaret. Sed dum videre Deum indefinenter sitiunt, quasi decursura foras flumina intus semper oriuntur, quatenus illic amando sumant, vnde ad nos prædicando defluant. Dicatur igitur recte: Nunquid mittes fulgura, & ibunt, & reuertentia dicent tibi, assumus? Subaudis, vt ego, qui prædicatores meos cum voluerō post contemplationis gratiam ad actiue vitæ ministeriū compono: quos tamen semper à bonis exterioribus ad internum culmen contemplationis reuoco & modò iussi ad exercenda opera exeant, modò reuocati ad speculationis studium apud me familiariter viuant. Reuertentes itaque dicunt, assumus, quia quanuis per exteriora acta parum quid contemplationi deesse videantur, per ardorem tamen desiderij quem in mente sua continuè accendunt, obsequentes Deo suâ præsentiam ostendunt. Assumus nanque dicere, est præsentem se amando monstrare. Sequitur:

Quid sapientia, vel doctrina sanctorum à Deo est.

Caput III.

Quis posuit in visceribus hominis sapientiam, vel quis dedit gallo intelligentiam? Qui hoc loco alij galli nomine designantur, nisi modo alio repetiti iidem prædicatores sancti, qui in tenebras vitæ præsentis student venturam lucem prædicando quasi cantando nuntiare? Dicunt enim: Nox præcessit, dies autem appropinquauit. Qui vocibus suis somnum nostri torporis exciunt, clamantes: Hora est iam nos de somno surgere. Et rursum. Euigilate iusti, & nolite peccare. De hoc gallo rursum scriptum est: Tria sunt quæ bene gradiuntur, & quantum quod feliciter incedit, Leo fortissimus bestiarum qui ad nullius pauebit occursum: Gallus succinctus lumbos, & aries, nec est rex qui resistat ei. Ipse quippe hoc loco leo ponitur, de quo scriptum est: Vicit leo de tribu Iuda. Qui fortissimus bestiarum dicitur, quia in illo hoc quod infirmum est Dei, fortius est hominibus. Qui ad nullius pauet occursum. Dicit enim: Venit princeps mundi huius, & in me non habet quicquam. Gallus succinctus lumbos, id est, prædicatores sancti, inter huius noctis tenebras verum mane nuntiantes. Qui succincti lum-

bis sunt, quia à membris suis luxuriæ fluxa restringunt. In lumbis quippe luxuria est. Vnde & eisdem à Domino dicitur: Sint lumbi vestri præcincti. Et aries, nec est rex qui resistat ei. Quem alium hoc loco arietem accipimus, nisi primum intra Ecclesiam ordinem sacerdotum? De quibus scriptum est: Afferte Domino filios arietum: qui per exempla sua gradientem populum quasi subsequenter ouium gregem trahunt. Quibus spiritaliter rectèque viuientibus nullus rex sufficit omnino resistere: quia quilibet persecutor obuiet, intentionem eorum non valet præpedire. Sciunt enim ad eum quem desiderant, & anxie currere, & moriendo peruenire. Ponitur ergo primus leo, secundus gallus, tertius aries. Apparuit enim Christus, deinde sancti prædicatores Apostoli, & tunc demum spirituales patres Ecclesiarum præpositi, videlicet duces gregum, quia doctores sequentium populorum. Sed hæc adhuc melius affirmamus, si eiusdem loci etiam reliquæ exponendo subiicimus. Nam quia post hæc & antichristus apparebit, hoc illic quartum subdidit, dicens: Et qui stultus apparuit, postquam eleuatus est in sublime. Si enim intellexisset, ori imposuisset manum. Ipse quippe in sublime eleuabitur, cū Deum se esse mentietur. Sed eleuatus in sublime stultus apparebit, quia in ipsa eleuatione sua per aduentum veri iudicis deficiet. Quod si intellexisset, ori imposuisset manum, id est, si supplicium suum cū superbire exorsus est, præuidisset, bene aliquando conditus, in tantæ iactationem superbiæ non fuisset elatus. De quo nequaquam moueat quod superius dictum est: Quartum quod incedit feliciter: Tria quippe incedere bene dixit, & quartum feliciter. Non enim omne quod feliciter, bene: neque in hac vita omne quod bene, feliciter. Nam leo, gallus, & aries bene incedunt, sed non hîc feliciter: quia persecutionum bella patiuntur. Quartum verò feliciter, & non bene incedit: quia in fallacia sua antichristus graditur, sed iuxta breue tempus vitæ præsentis ipsa illi fallacia prosperatur, sicut de eo sub Antiochi specie per Daniele dictum est: Robur datum est ei contra iuge sacrificium, propter peccata, & prosternetur veritas in terra, & faciet & prosperabitur. Quod Salomon ait: Incedit feliciter, hoc Daniel dicit, Prosperabitur. Iuxta hoc itaque testimonium quod per Salomonem dicitur: Gallus succinctus lumbos, aptè etiam hoc loco gallum sanctos prædicatores accipimus. Ad se ergo cuncta referens Dominus dicit: Quis posuit in visceribus hominis sapientiam, vel quis dedit gallo intelligentiam? ac si diceret: In cor hominis humana sapientis supernæ sapientiæ gratiam quis infudit? vel ipsis sanctis prædicatoribus quis nisi ego intelligentiam dedit, vt sciant quando vel quibus debeant venturum mane nuntiare? Idcirco enim quando & quid agant sentiunt, quia hoc intrinsecus me reuelante cognoscunt. Notandum verò est quod sapientia diuinitus inspirata in visceribus hominis ponitur: quia nimirum quantum ad electorum numerum spectat, non in solis vocibus, sed etiam in sensibus datur, vt iuxta quod loquitur: deat in superficie, quantum verius inardescit in corde.

Quid pro qualitate audientium formari debeat sermo doctorum, & pro personis, & officiis, & atatibus aliter atque aliter admonendi sint homines.

Caput IIII.

Magni autem laboris est hoc quod additur: Vel quis gallo dedit intelligentiā, subtiliori adhuc expositione discutere. Intelligentia quippe doctorum tantò esse subtilior debet, quantò se ad penetranda inuisibilia exercet, quantò nil materiale discuit, quantò & per vocem corporis loquens, omne quod est corporis transit. Quæ profectò nullatenus summis congrueret, nisi cantanti eam gallo, id est, prædicanti doctori ipse summorum conditor ministraret. Intelligentiam quoque gallus accepit, vt prius nocturni temporis horas discutiatur, & tunc demum voces excitationis emittat: quia videlicet sanctus quisque prædicator in auditoribus suis prius qualitatem vitæ confide-

Eccles. 1.

Psal. 92.

Psal. 96.

Roma. 13.

Ibidem.

5.
Prouer. 30.
Leo Christi
figuratur.
Apoc. 5.
1. Corin. 1.
Ioan. 14.

Luce. 12.

Psal. 28.

Dan. 8.

rat, & tunc demum ad erudiendum congruam vocem predicationis format. Quasi enim horas noctis discernere est predicatorum merita diiudicare. Quasi horas noctis discernere, est actionum tenebras apta increpationis voce corripere. Gallo itaque intelligentia desuper tribuitur: quia doctorei veritatis, virtus discretionis, ut nouerit, quibus, quid, quando, vel quomodo inferat, diuinitus ministratur. Non enim vna eademque cunctis exhortatio conuenit, quia nec cunctos par morum qualitas astringit. Sæpe enim aliis officium quæ aliis profunt. Nam & plerumque herbæ quæ hæc animalia reficiunt, alia occidunt: & lenis sibilus equos mitigat, catulos instigat: & medicamentum quod hunc morbum imminuit, alteri vires iungit: & panis qui vitam fortium roborat, paruulorum necat. Pro qualitate igitur audientium formari debet sermo doctorum, ut & ad sua singulis congruat, & tamen à communis ædificationis arte nunquam recedat. Quid enim sunt intentæ mentes auditorum, nisi quasi quædam in cithara tensiones strata chordarum? quas tangendi artifex, ut non sibi metipsis dissimile canticum faciant, dissimiliter pulsat. Et idcirco chordæ consonam modulationem reddunt, quia vno quidem plectro, sed non vno impulsu feriuntur. Vnde & doctor quisque, ut in vna cunctos virtute charitatis ædificet, ex vna doctrina non vna eademque exhortatione tangere corda audientium debet. Aliter nanque viri, aliter admonendæ sunt feminae: aliter iuuenes, aliter senes: aliter inopes, aliter locupletes: aliter lati, aliter tristes: aliter subditi, aliter prælati: aliter serui, aliter domini: aliter huius mundi sapientes, aliter hebetes: aliter impudentes, aliter verecundi: aliter proterui, aliter pusillanimes: aliter impatientes, aliter patientes: aliter beneuoli, aliter inuidi: aliter simplices, aliter impuri: aliter incolumes, aliter ægri: aliter qui flagella metuunt, & propterea innocenter viuunt, aliter qui sic in iniquitate duruerunt, ut nec per flagella corrigantur: aliter nimis taciti, aliter multiloqui: aliter vacantes: aliter timidi, aliter audaces: aliter pigri, aliter præcipientes: aliter mansueti, aliter iracundi: aliter humiles, aliter elati: aliter pertinaces, aliter inconstantes: aliter gulæ dediti, aliter abstinentes: aliter qui sua iam misericorditer debuiunt, aliter qui aliena rapere contendunt: aliter qui nec aliena rapiunt, nec sua largiuntur: aliter qui & ea quæ habent sua tribuunt, & aliena rapere non desistunt: aliter discordes, aliter pacati: aliter seminantes iurgia, aliter pacifici: aliter admonendi sunt qui sacræ legis verba non rectè intelligunt, aliter qui rectè quidem intelligunt, sed hæc humiliter non loquuntur: aliter qui cum prædicare digna valeant, præ nimia humilitate formidant, aliter quos à prædicatione imperfectio, vel ætas prohibet, & tamen præcipitatio impellit: aliter qui in hoc quod temporaliter appetunt prosperantur, aliter qui quidem quæ mundi sunt concupiscunt, sed tamen aduersitatis labore fatigantur: aliter coniugiis obligati, aliter à coniugij nexibus liberi: aliter commixtionem carnis experti, aliter ignorantes: aliter qui peccata deplorant operum, aliter qui cogitationum: aliter qui commissa plangunt, nec tamen deserunt, aliter qui deserunt, nec tamen plangunt: aliter qui illicita quæ faciunt, etiam laudant, aliter qui accusant praua, nec tamen deuitant: aliter qui repentina concupiscentia superantur, aliter qui in culpa ex consilio ligantur: aliter qui licet minima, crebro tamen illicita faciunt, atque aliter qui se à paruis custodiunt, sed aliquando in grauibus demerguntur: aliter qui bona nec inchoant, aliter qui inchoata minimè consummant: aliter qui mala occultè agunt, & bona publicè, aliter qui bona quæ faciunt abscondunt, & tamen quibusdam factis publicè, malè de se opinari permittunt. Et quidem de singulis quis sit admonitionis ordo subtiliter insinuare debuimus, sed formidata locutionis prolixitate præpedimur. Authorem autem Deo in alio opere id explere appetit animus, si tamen laboriosæ huius vitæ adhuc aliquantulum tempus restiterit. Habemus verò aliud quod de galli huius intelligentia considerare debeamus, quia profundioribus horis noctis valentiores ac productiores edere cantus solet: cum verò matutinum iam tempus appropinquet, leniores & minores omnimodo voces format. In quibus galli huius

Tomus primus.

A intelligentia quid nobis innuat, considerata predicatorum discretio demonstrat. Qui cum iniquis adhuc mentibus prædicant, altis & magnis vocibus æterni iudicii terrores intimant, quia videlicet quasi in profundæ noctis tenebris clamant. Cum verò iam adiutorum suorum cordibus veritatis lucem adesse cognoscunt, clamoris sui magnitudinem in lenitatem dulcedinis vertunt: & non tam illa quæ sunt de pœnis terribilia, quam ea quæ sunt blanda de præmiis proferunt. Qui etiam minutis tunc vocibus cantant: quia appropinquante mane, subtilia quæque de mysteriis prædicant, ut sequaces sui eo minutiora quæque de cœlestibus audiant, quo luci veritatis appropinquant, & quos dormientes longus galli clamor excitauerat, succisior vigilantes delectet: quatenus correcto cuilibet de regno cognoscere subtiliter dulcia libeat, qui prius aduersa iudicii formidabat. Quod bene per Moysen exprimitur, cum ad producendum exercitum tubæ clangere concisus iubentur. Scriptum namque est: Fac tibi duas tubas argenteas ductiles. Et paulò post: Cum concisus clangor increpauerit, mouebuntur castra. Per duas enim tubas exercitus ducitur, quia per duo præcepta charitatis ad procinctum fidei populus vocatur. Quæ idcirco argenteæ fieri præcipiuntur, ut predicatorum verba lucis nitore pateant, & auditorum mentem nulla sui obscuritate confundant. Idcirco autem ductiles: quia necesse est ut hi qui venturam vitam prædicant, tribulationum præsentium tensionibus crescant. Bene autem dicitur: Cum concisus clangor increpauerit, mouebuntur castra: quia nimirum predicationis sermo cum subtilius ac minutius agitur, auditorum corda contra tentationum certamina ardentius excitantur. Est adhuc aliud in gallo solerter intueundum, quia cum iam edere cantus parat, prius alas excutit, & semetipsum feriens, vigilantior reddit. Quod patèter cernimus, si sanctorum predicatorum vitam vigilanter videmus. Ipsi quippe cum verbum predicationis mouent, prius se in sanctis actionibus exercent, ne in semetipsis torpentes opere, alios excitent voce: sed antè se per sublimia facta excutiant, & tunc ad bene agendum alios sollicitos reddunt. Prius cogitationum alis semetipsum feriant: quia quicquid in se inutiliter torpet, sollicita inuestigatione deprehendunt, districta animaduersione corrigunt. Prius sua punire fletibus curant, & tunc quæ aliorum sunt punienda denuntiant. Prius ergo alis insonant, quam cantus emittant, quia antequam verba exhortationis proferant, omne quod locuti sunt, operibus clamant, & cum perfectè in semetipsis vigilant, tunc dormientes alios ad vigilias vocant. Sed vnde tanta hæc doctorei intelligentia, ut & sibi perfectè vigilet, & dormientes ad vigilias sub quibusdam clamoris profectibus vocet, ut & peccatorum tenebras prius cautè discutiat, & discretè postmodum lucem predicationis ostendat, ut singulis iuxta modum, & tempora congruat, & simul omnibus quæ illos sequantur ostendat: Vnde ad tanta & tam subtiliter tenditur, nisi intrinsecus ab eo à quo est conditus doceatur? Quia ergo laus tantæ intelligentiæ non predicatoris virtus est, sed authoris, rectè per eundem authorem dicitur: *Vel quis dedit gallo intelligentiam?* ac si diceret: Nisi ego, qui doctorum mentes quas mirè ex nihilo condidi, ad intelligenda quæ occulta sunt, mirabilius instruxi. Vnde bene ut in dictis prædicantium, non solum inspiratorem se intelligentiæ, sed etiam authorem locutionis ostendat, adiungit:

Quod redemptor cum in sua maiestate videbitur, silebit omnis doctrina, & quomodo vnum diuisibiliter tria sunt, & indiuisibiliter tria vnum, & manifestato ipso, qui est causa causarum, creaturæ ratio palam erit.

Caput V.

Q Vis enarrabit cælorum rationem? Quorum tamè verba quia cum sese nobis per speciem ostenderit, subtrahit, protinus subdidit: Et concentum cœli quis dormire faciet? In hac enim vita infirmitati nostræ Dominus non aperta specie maiestatis suæ, sed predicatorum suorum voce locutus est, ut corda adhuc carnalia carnalis lingua pulsaret, & tantò facilius infueta perciperet, quantò ea per sonitum consueta vocis audirent. At postquam per mortem in puluerem caro resolui-

tur, & per resurrectionem pulvis animatur, tunc de Deo audire verba non quærimus: quia vnum ipsum quod implet omnia, iam per speciem Dei verbum videmus. Quod nobis tantò altius sonat, quantò & mentes nostras vi intimæ illustrationis penetrat. Sublatis nanque orientibus & occidentibus verbis, quasi quidam sonus æternæ prædicationis fit ipsa imago internæ visionis. Vnde & rectè nunc ad beatum Iob Dominus dicit: *Quis enarrabit cælorum rationem, & concentum cæli quis dormire faciet?* Quid enim cælorum ratio accipitur, nisi vis superna secretorum? Quid per cæli concentum, nisi concors prædicantium sermo signatur? Conditor igitur noster cum cælorum rationem narrare cœperit, dormire cæli concentum facit: quia cum iam nobis per speciem ostenditur, nimirum prædicantium verba subtrahuntur. Hinc enim per Hieremiam Dominus dicit: Non docebit ultra vir proximum suum, & fratrem suum, dicens: Cognosce Dominum. Omnes enim cognoscent me, à minimo eorum vsque ad maximum, dicit Dominus. Hinc Paulus ait: Siue prophetiæ euacuabuntur, siue linguæ cessabunt, siue scientia destruetur. Vel certè cælorum ratio, est ipsa viuificatrix virtus quæ spiritus format angelorum. Deus sicut est causa causarum, sicut vita viuientium, ita etiam ratio rationabilium creaturarum. Tunc ergo cælorum rationem Dominus narrat, cum semetipsum nobis quomodo electis spiritibus præsit insinuat. Tunc cælorum rationem narrat, cum deterfa mentis nostræ caligine, clara se visione manifestat. Vnde & in Euangelio Dominus dicit: Venit hora cum iam non in prouerbiis loquar vobis, sed palam de patre annuntiabo vobis. Palam quippe de patre annuntiare se asserit: quia per patefactam tunc maiestatis suæ speciem, & quomodo ipse genitori non impar oriatur, & quomodo vtrorumque spiritus vtrique coæternus procedat, ostendit. Apertè nanque tunc videbimus, quomodo hoc quod oriendum est, ei de quo oritur, subsequens non est, quomodo is qui per processionem producit, à preteritis non præterit. Apertè tunc videbimus quomodo & vnum diuisibiliter tria sint, & indiuisibiliter tria vnum. Lingua ergo tunc narrâtis Dei, est visa claritas subleuantis. Et concentus cæli tunc dormiet, quia apparente in iudicio tributore operum, exhortationum iam verba cessabunt. Vnde & apertè ipsum resurrectionis tempus adiungitur, cum illic proferatur: *Quando fundabatur pulvis in terram, & glebæ compingebantur?* More suo quæ adhuc futura sunt, quasi iam præterita diuinus sermo describit, hoc in se videlicet seruans, quod per eum dicitur: *Qui fecit quæ futura sunt.* Pulvis itaque tunc in terra fundatur: quia in solida membra corpus reducit. Et glebæ compinguntur: quia nimirum firma corpora ex puluere collecta confurgunt. Sed postquam verba hæc dominica quomodo de futuro intelligenda sint diximus, nunc etiam quid de præsentis insinuent indicemus.

Quis enarrabit cælorum rationem, & concentum cæli quis dormire faciet? Cælorum rationem Dominus narrat, dum nunc insinuando superna secreta, electorum suorum mentes illuminat. Concentum verò cæli dormire facit, dum concordans angelorum hymnos atque illa cælestium virtutum gaudia reproborum cordibus iusto iudicio abscondit. Qui concentus cæli quauis in se intrinsecus vigilet, in ipsa tamen reproborum ignorantia extrinsecus dormit. Enarratur ergo secreti cælestis ratio, & tamen concentus cæli dormire permittitur: quia & aliis per inspirationem supernæ retributionis scientia panditur, & aliis quæ sit internæ laudis suauitas occultatur. Narratur cælorum ratio, quia electorum mentibus quæ sit supernorum retributio indefinenter aperitur: ut nimirum sine cessatione proficiant, & transcurrentes visibilia, sese ad inuisibilia extendant. Omne enim visibile quod in hac vita reprobos figit, hoc electos ad alia impellit: quia dum bona quæ facta sunt, recipiunt, in eum à quo facta sunt inardescunt, tantòque eum præstantius amant, quantò illum hoc quod ipse bonum condidit præire considerant. Loquitur quippe hoc eis intrinsecus, quod silenter sonat inuisibilis lingua compunctionis. Quam tantò plenius intus audiunt, quantò ab exteriorum desideriorum strepitu perfectius auertuntur. His itaque concentus cæli non dormit, quia eorum mens quæ sit laudis supernæ

suauitas, apposita amoris aure cognoscit. Intus enim quod appetunt audiunt, & de cælestium bonorum præmiis ipso desiderio diuinitatis instruuntur. Vnde & præsentem vitam, non solum aduersantem, sed etiam fauentem grauitè tolerant: quia eis onerosum est omne quod cernitur, dum ab eo quod intus audiunt differunt. Omne quod sibi præstò est, graue æstimant: quia illud non est ad quod anhelant: indefinenter autem eorum mens ipsis temporalitatis laboribus fessa, in illud cæleste gaudium resumendo suspenditur, dum in aure cordis intro erumpente concentu cæli, societatem sibi quotidie supernorum ciuium præstolantur. Ille concentus supernæ laudis in illius voce eruperat, qui dicebat: Ingrediar in locum tabernaculi admirabilis, vsque ad domum Dei. In voce exultationis, & confessionis, sonus ciuitatis epulantis. Qui igitur intus vocem exultationis & confessionis ac sonum ciuitatis epulantis audierat, quid illum aliud, nisi cæli concentus excitabat? Qui tamen concentus reprobis dormit, quia eorum cordibus nequaquam per vocem compunctionis innotescit. Non enim considerare illam desiderabilem supernorum ciuium frequentiam student, nullo ardoris radio illa solennitatis internæ festa conspiciunt, nulla in intimis contemplationis penna subleuantur. Solis namque visibilibus seruiunt, & idcirco nil supernæ suauitatis intrinsecus audiunt: quia eos, sicut superius diximus, in aure cordis curarum secularium surdi tumultus premunt. Quia igitur occulta dispensatione iudicij quod aliis aperitur, aliis clauditur, quod aliis detegitur, aliis occultatur, dicatur rectè: *Quis enarrabit cælorum rationem, & concentum cæli quis dormire faciet?* Quod tamen tunc nobis latius innotuit, cum redemptor noster per dispensationis mysterium apparens, & indignis misericordiam præbuit, & eos à se qui digni uidebantur exclusit. Vnde hinc quoque aptè subiungitur:

Quid peccatores ad Ecclesiam vocati, per spiritus sancti gratiam infusi, in collectione sunt charitatis vniti: & quod in diuersis Ecclesiasticis ordinibus peccatores conuersi tanquam diuersæ glebæ in vnitatis sacramenti concordia conuenerunt.

Caput VI.

Quando fundabatur pulvis in terram, & glebæ compingebantur. Quid in puluere, nisi peccatores accipimus? qui nullo rationis pondere solidati, cuiuslibet tentationis flatu rapiuntur. De quibus scriptum est: Non sic impij non sic, sed tanquam pulvis quem proicit ventus à facie terræ. Pulvis ergo in terram fundatus est, cum peccatores vocati in Ecclesia, traditæ fidei sunt ratione solidati, ut qui prius inconstantia mobiles tentationis aura leuabantur, immobiles postmodum contra tentamenta consisterent, & Deo perseueranter inhærentes, fixum bene viuendi pondus tenerent. Glebæ verò ex humore coagulantur & puluere. In hac itaque terra glebæ compinguntur: quia vocati peccatores & per Spiritus sancti gratiam infusi, in collectione sunt charitatis vniti. Istæ glebæ in terra compactæ sunt, quando populi prius quasi in dispersione pulueris diuersa sentiebant, postmodum sancti Spiritus gratia accepta, in illa pacatissima vnanimi concordia conuenerunt: ut cum essent tria milia, vel rursus quinque milia, scriptura teste diceretur, quia erat in eis cor vnum & anima vna. Has glebas ex vno quidem puluere, sed quasi diuersa mole distinctas quotidie Dominus in terra compingit: quia seruata vnitatis sacramenti, iuxta varietatem morum atque linguarum fideles in Ecclesia populos colligit. Has glebas iam tunc Dominus designauit, quando ad esum panis & piscium quinquagenos discumbere vel centenos iussit. Quas tamen glebas si in Ecclesia ex diuersitate meritorum attendimus, fortasse adhuc distinguere subtilius valemus. Nam dum alius est ordo prædicantiū, alius auditorum, alius regentium, atque alius subditorum: alius coniugum, alius continentium: alius pœnitentiū, alius virginum, quasi ex vna terra est diuersa glebarū forma distincta, dū in vna fide, in vna charitate disparia demonstrantur bene operantiū merita. Has glebas populus ille significat.

uit, qui ad constructionem tabernaculi sub vno studio diuersa donaria obtulit, de quo scriptum est: Quicquid in cultum tabernaculi & ad vestes sanctas necessariū erat, viri cum mulieribus præbuerunt, armillas & in aures annulos & dextralia. Omne vas aureum in donaria Domini separatū est, si quis habuit hyacinthum, purpuram, coccūque bis tinctum, byssum & pilos caprarum. In ornamento ergo tabernaculi viri dona cum mulieribus offerunt: quia in explendo cultu sanctæ Ecclesiæ, & fortium facta sublimia & infirmorum opera extrema numerantur. Quid autem per armillas quæ lacertos astringunt, nisi præpositorum validè laboratium opera demonstrantur? Et quid per in aures, nisi subditorum obedientia exprimitur? Quid per annulos nisi signaculum secretorum? Plerumque enim magistri signant quod ab auditoribus capi non posse considerant. Et quid per dextralia, nisi primæ operationis ornamenta memorantur? Quid per vas aureum in donaria Domini separatū, nisi diuinitatis intelligentia accipitur? quæ tanto ab inferiorum amore disiungitur, quanto ad sola quæ æterna sunt amanda subleuatur. Quid per hyacinthum nisi spes cælestium? Quid per purpuram nisi cruor ac tolerantia passionū, amore regni perpetui exhibitæ? Et quid per bis tinctum coccum nisi charitas demonstratur, quæ pro perfectione bis tingitur, quia Dei & proximi dilectione decoratur? Quid per byssum nisi immaculata carnis incorruptio? Et quid per pilos caprarum, ex quibus ciliciorum asperitas textitur, nisi dura pœnitentium afflictio designatur? Dum igitur alij per armillas & annulos forte magisterium exercent: alij per in aures & dextralia deuotam obedientiam rectamque operationem exhibent: alij per separatū vas aureum præclaram subtiliorumque Dei intelligentiam tenent: alij per hyacinthum purpuram & coccum, audita cælestia sperare, credere, amare non desinunt, etiā quæ adhuc subtiliori intellectu minimè cognoscunt alij per byssum incorruptionem carnis offerunt: alij per caprarum pilos deplorant asperè, quod libenter commiserunt: quasi ex vna terra innumeræ glebæ proferuntur, quia ex vno & pari obsequio facta fidelium disparia procedunt. Quæ nimirum glebæ nequaquam concretæ ex puluere surgerent, nisi aquam prius puluis acciperet, & concepto se humore solidaret: quia nisi peccatores quosque sancti Spiritus gratia infunderet, constrictos eos ad fidei opera charitatis vnitas non teneret. Quando igitur Dominus enarrabit cælorum rationem, vel concentum cœli dormire faciet, aperiat. Ait enim: *Quando fundatur puluis in terram, & glebæ compingebantur.* Ac si diceret: Tunc primum vocatione, & discretionem manifesta secreta spiritalia & non sine misericordia aliis aperui, & non sine iustitia aliis clausi, cum alios respuerem, & alios intra Ecclesiam concordia charitatis adunarem. Quæ sancta Ecclesia quia perfidia Iudæorum repulsa, ad rapiendas gentes se contulit atque in suo corpore conuertendas, quod quidem non suis, sed Domini viribus fecit, aptè subiungitur:

Quod catuli Ecclesiastici noui testamenti prædicatores intelligantur.

Caput VII.

II. **N**Vnquid capies leænæ prædam, aut animam catulorum eius implebis? Ista nimirum illa leæna est de qua Iob dicebat, cum superbientem Iudæam cerneret prædicante Ecclesia prætermittam: Non calcauerunt eam filij institutorum, nec pertransiuit per eam leæna. Huic ergo leænæ Dominus prædam capit, ut animam catulorum eius impleat: quia ad augmentum huius Ecclesiæ, innumeros de gentilitate diripuit, & per animarum lucrum esurientia Apostolorum vota satiauit. Ipsi quippe catuli pro mētis teneritudine & formidinis infirmitate vocati sunt, qui passo Domino clausis foribus residebāt, sicut de illis scriptum est: Cum esset sero die illo vna sabbatorū, & fores essent clausæ ubi erant discipuli congregati propter metum Iudæorum, venit Iesus, & stetit in medio eorū. Vnde hic quoque de eisdem catulis aptè subiungitur: *Quando cubant in antris, & in specubus insidiantur.* Cum enim nequaquam sancti Apostoli cōtra membra diaboli in voce liberæ prædicationis exurgerent, & necdum post passionē Domini sancti Spiritus effusione solidati, redemptorē suum firma autoritate prædicarent, adhuc cōtra aduersarios suos quasi in antris insidiabantur. Clausi quippe foribus quasi in quibusdā abditis specubus suis catuli rapturi mundum cubabant, ut animarū præ-

dam postmodum præsumētes diriperent, de quibus tunc certum est quod mundi impetum etiam sibimetipsis latendo formidarent. Illis foribus clausis isti catuli mortem mortis nostræ insidiati quæsierunt, ut culpam nostram interficerēt, omnemque in nobis peccati vitam necarent. Horū primo illi esurienti catulo, sed iam valenti, ostensa per linteum gentilitate, quasi monstrata præda dicitur: *Macla & manduca.* His catulis velut adhuc infirmis, ut cubare in antris debeat iubetur, cum eis dominica voce dicitur: *Sedete hic in ciuitate quoadusque induamini virtute ex alto.* An non rectè leænæ catuli vocantur, qui in Ecclesia editi, aduersantem mundum ore rapuerunt? Et hæc quidem facta à sanctis Apostolis nouimus, hæc nunc etiā fieri à perfectis doctoribus videmus. Ipsi enim etsi subsequenterum populorum patres sunt, tamen præcedentium filij, vnde & non immeritò catuli vocantur. Vel certè quia etsi quorundam fidelium magistri sunt, vniuersalis tamen Ecclesiæ discipulos se esse gloriantur. Leænæ itaque prædam Dominus capit: quia virtute suæ inspirationis ab errore vitam delinquentium diripit, & animas catulorum illius replet, quia conuersione multorum piis doctorum desideriis satisfacit. De quibus catulis bene subiungitur: *Quando cubant in antris, & in specubus insidiantur.* Neque enim cuncta tempora doctrinæ sunt congrua. Nam plerumque dictorum virtus perditur, si intempestiue proferantur. Sæpe verò & quod lenius dicitur, conuentu temporis congruentis animatur. Ille ergo scit rectè dicere, qui & ordinatè nouit tacere. Quid enim prodest eo tempore irascētem corripere, quo alienata mente non solum aliena verba percipere, sed semetipsum vix valet tolerare? Furem quippe qui per inuersionem corripit, quasi ei qui non sentiat plagas ebrii imponit. Doctrina itaque ut peruenire ad cor audientis valeat, quæ sibi congrua sint temporum momenta perpendat. Bene ergo de his catulis dicitur: *Quando cubant in antris, & in specubus insidiantur.* Doctores enim sancti quando & arguenda conspiciunt, & tamen se per silentium in cogitationibus retinent, quasi in specubus latent, & velut in antris se contegunt, quia in suis cordibus occultentur. Sed cum opportunum tempus inuenerint, repente profiliunt, nulla quæ dicenda sunt reticent, & ceruicem superbientium mortu asperæ increpationis tenent. Siue itaque per Apostolos siue doctores, quos in Apostolorum locum subrogauit, huic leænæ Dominus quotidie prædam capit, & per eos quos cepit, alios etiam capere non desistit. Ad hoc quippe iusti huius mundi peccatores rapiunt, ut per conuersos eos etiam alij ex mundo rapiantur. Vnde & ipsa gentilitas quæ pio Apostolorum ore rapta est, tanta nunc fame alios esurit, quanta se ab Apostolis concupitam fuisse cognoscit. Proinde & aptè subiungitur:

Quod non tantum ex Iudæis, sed etiam ex gentibus Ecclesia doctores accipit, quorum pulli in discussione Euangelij longè latèque euagati sunt.

Caput VIII.

Quis præparat cornu escam suam, quando pulli eius ad Deum clamant, vagantes eo quod non habeant cibos? Quid enim corui pullorumque eius nomine, nisi peccatis nigra gentilitas designatur? De qua per Prophetam dicitur: Qui dat iumentis escam ipsorum, & pullis coruorum inuocantibus eum. Iumenta quippe escam accipiunt, dum sacræ scripturæ pabulo mentes dudum brutæ satiantur. Pullis verò coruorum, filiis scilicet gentium esca datur, cum eorum desiderium nostra conuersione reficitur. Iste coruus esca fuit, dum ipsum sancta Ecclesia quæreretur. Sed nunc escam accipit, quia ipse ad conuersionem alios exquirat. Cuius videlicet pulli, id est, prædicatores ex eo editi, non in se præsumunt, sed in viribus redemptoris sui. Vnde bene dicitur: *Quando pulli eius ad Deum clamant.* Nihil enim sua virtute posse se sciunt. Et quantis animarum lucra piis votis esuriant, ab illo tamen qui cuncta intrinsecus operatur, hæc fieri exoptant. Verā enim fide comprehendunt, quia neque qui plantat est aliquid, neque qui rigat, sed qui incrementum dat Deus. Quod verò dictum est: *Vagantes eo quod non habeant cibos:* in hac vagatione nihil aliud quam æstuantium prædicatorum vota signantur. Qui dum in Ecclesiæ sinum recipere populos ambiunt, magno ardore succensi, nunc ad hos, nunc ad illos colligendos desiderium mittunt. Quasi quædam quippe vagatio est ipsa cogitationis

Acto. 10.
Luca. 24.

Non omnia
tempora sunt
doctrinæ congrua.

12.

Psal. 146.

1. Cor. 3.

æstuatio, & velut ad loca varia mutatis nutibus trāseunt, dum pro adiuuandis animabus in modos innumeros, ac in partes diuerſas eſuriēte mēte diſcurrunt. Hanc vagationem pulli coruorum, id eſt, filij gentiliū ab ipſo gentium magiſtro didicerunt. Ipſe quippe quā valida charitate flagrat, tam nimia ex locis ad loca ſe vagatione permutat, tranſire ad alia ex aliis appetit: quia ipſa eum quæ implet, charitas impellit. Longè nanque à Romanis poſitus ſcribit: Memoriam veſtri facio ſemper in orationibus meis, obſecrans ſi quo modo tandem aliquando proſperum iter habeam in voluntate Dei veniendi ad vos, deſidero enim videre vos. Retentus Ephēſi Corinthiis ſcribit: Ecce tertio paratus ſum venire ad vos. Rurſum Ephēſi commorans Galatis loquitur, dicēs. Vellem modò eſſe apud vos, & mutare vocem meam. Romæ quoq; cuſtodia carceris clauſus, quia ire ad Philippenſes per ſemetipſum non permittitur, tranſmittere ſe diſcipulum pollicetur, dicēs: Spero in Domino Ieſu Timotheum me citò mittere ad vos, vt & ego bono animo ſim, cognitis quæ circa vos ſunt. Conſtrictus etiam vinculis atque Ephēſi retentus, Coloffenſibus ſcribit: Nam ſi corpore abſens ſum, ſed ſpiritu vobiſcum ſum. Ecce quomodo ſancto deſiderio quaſi vagatur: hīc corpore tenetur, illuc ſpiritu ducitur: & paterni amoris affectum iſtis præſentibus exhibet, illis abſentibus oſtendit: coram poſitis impendit opera, audientibus exprimit vota, efficaciter præſens eis cum quibus erat, nec tamen illis abſens cum quibus non erat. Cuius vagationem melius cognoscimus, ſi eius adhuc ad Corinthios verba penſamus. Ait enim: Veniam ad vos cum Macedoniam pertranſiero. Nam Macedoniam pertranſibo, apud vos autem forſitan manebo, vel etiam hibernabo. Perpendamus quæſo quæ ſit iſta vagatio. Ecce aliò interim manet, aliò ſe iturum perhibet, atque aliò deſlexurum promittit. Quid eſt quòd tam anxie per tot loca partitur, niſi quòd circa omnes vnā charitate cōſtringitur? Charitas enim quæ diuiſa vnire conſuevit, vnum cor Pauli per multa diuidi compellit. Quod tamen tantò arctius in Deo colligit, quantò latius per ſancta deſideria ſpargit. Prædicando igitur Paulus vult ſimul omnia dicere, amando vult ſimul omnes videre: quia & in carne permanendo, vult omnibus viuere, & de carne trāſeundo, per ſacrificium fidei vult omnibus prodeſſe. Vagentur itaque pulli coruorum, id eſt, magiſtrum ſuum imitentur filij gentium, torporem mentis excutiant, & cum animarum lucrum, id eſt, cibum ſuum minimè reperiunt, non quieſcant: ad proſectum ſe ex proſectibus extendant, & æſtuentes in vtilitate multorum, reſectionem ſuam quaſi vagantes eſuriant. Quia verò per prædicationum opera diſcurrendo, reſectione fidei gentilitatem ſatiare non ceſſant, dicatur rectè: *Quis præparat coruo eſcam ſuam, quando pulli eiūs ad Deum clamant, vagantes eo quòd non habeant cibos?*

Poteſt etiam corui nomine nigra per infidelitatis meritum plebs Iudaica designari. Nam pulli eiūs ad Deum clamare referuntur, vt eidem coruo à Domino eſca præparatur: quia nimirum ſancti Apoſtoli plebis Iſraēliticæ carne generati, dum pro gente ſua preces ad Dominum funderent, quaſi pulli coruorum eum de quo carnaliter editi ſunt, ſpiritali intelligentia parentem populum pauerunt. Igitur dum pulli eiūs clamant, coruo eſca præparatur: quia dum Apoſtoli exorant, plebs dudum per fidem, ad cognitionem fidei ducitur, & ex prædicatione filiorum quaſi ex pullorum voce ſatiatur. Illud tamē in hoc verſu debemus ſolenter intueri, quòd huic coruo eſca dicitur primū pullis clamantibus, & poſtmodum vagantibus præparari. Clamantibus nanque pullis coruo eſca præparata eſt, cum prædicantibus Apoſtolis verbum Dei Iudæa audiens, modò in tribus milibus, modò in quinque milibus ſpiritali eſt intelligentia ſatiata. Sed cum reproborū multitudo crudelitatem ſuam contra prædicantes exerceret, & quaſi pullorum vitam necaret, iidem pulli in vniuerſa mundi ſpatia diſperſi ſunt. Vnde & eiſdem carnalibus patribus ſpiritali prædicationi reſiſtentibus dicunt: Vobis oportebat primū loqui verbum Dei, ſed quia repellitis illud, & indignos vos iudicatis æternæ vitæ, ecce conuertimur ad gentes: ſcientes proſectò, quòd poſtquam gentilitas crederet, etiam Iudæa ad fidem veniret. Vnde & ſcriptum eſt: Donec plenitudo gentium introiret, & ſic omnis Iſraēl ſaluus fieret. Quia igitur

ſummopere ſancti Apoſtoli, & ſtuderunt prius audientibus prædicare, & poſtmodum reſiſtentibus exempla conuerſæ gentilitatis oſtendere: quaſi eſurientes pulli huic coruo eſcam ſuam prius clamando, & poſtmodum vagando quaſierunt. Vnde enim vagantur pulli, inde eſcam corui inuenit: quia dum per laborem prædicantium conuerſam ad Deum gentilitatem Iudaicus populus reſpicit, ad extremum quandoque ſtultitiam ſuæ infidelitatis erubeſcit: & tunc ſcripturæ ſacræ ſententias intelligit, cum priuſquam ſibi eas gentibus innotuiſſe cognoscit, atque expleta vagatione pullorum, ad percipiendā ſacra eloquia os cordis aperit: quia peractis in mundū curſibus Apoſtolorum, ſed ea ſpiritaliter percipit, à quibus diu ſe perfidia abſtringente ieiunauit. Quæ quia omnia ſolius diuinæ potentie virtus operatur, rectè dicitur: *Quis præparat coruo eſcam ſuam quando pulli eiūs ad Deum clamant, vagantes eo quòd non habeant cibos?* Subaudis, niſi ego, qui infidelem populum filiis ſuis & exorantibus tolero, & prædicantibus parco, atque ad alia vagantibus conuertendum, quandoque in fine ſuſtineo. Eſt adhuc aliud, quod de coruo moraliter poſſit intelligi. Editis nanque pullis, vt fertur, eſcam plenè præbere diſſimulat priuſquam plumefcendo nigreſcant, cōſque inedia affici patitur, quoaduſque in illis per pennarum nigredinem ſua ſimilitudo videatur. Qui huc illucq; vagantur in nido, & ciborum expetunt aperto ore ſubſidiū. At cum nigreſcere, cœperint, tantò eis præbenda alimenta ardentius requirit, quantò illos alere diutius diſtulit. Coruus proſectò eſt doctus quiſque prædicator, qui magna voce clamat, dum peccatorum ſuorum memoriam atque cognitionem infirmitatis propriæ quaſi quandam coloris nigredinem portat. Cui quidem naſcuntur in fide diſcipuli, ſed fortasſe adhuc conſiderare nigredinem infirmitatis propriæ neſciunt: fortasſe à peccatis præteritis memoriam auertunt, & per hoc eam, quam aſſumi oportet contra huius mūdi gloriam humilitatis nigredinem non oſtēdunt. Hi velut ad accipiēdas eſcas os aperiunt, cum doceri de ſecretis ſublimibus quærunt. Sed eis doctor ſuus alimenta prædicamentorum ſublimium tantò minus tribuit, quantò illos peccata præterita minus dignè deſlere cognoscit. Expectat quippe atq; admonet, vt à nitore vitæ præſentis prius per pœnitentiæ lamenta nigreſcāt, & tunc demum congrua prædicationis ſubtiliſſimæ nutrimenta percipiant. Coruus in pullis ora inhiantia reſpicit, ſed antè in eis pennarum nigredine indui corporis quærīt. Sic & diſcretus doctor interna myſteria eorum ſenſibus non miniſtrat, quos adhuc ab hoc ſeculo nequaquam ſe abieciſſe cōſiderat. Quantò igitur diſcipuli exterius per cultum vitæ præſentis minus quaſi nigri ſunt, tantò per cibum verbi interius minus replentur: & quo ſe à corporali gloria non euacuant, eo à ſpiritali reſectione ieiunant. Si verò in confeſſione vitæ præteritæ lamenti ſui gemitus velut nigreſcentes plumas proferant, ilico in cōtemplationem doctor ad eſcam de ſublimibus deferendam, quaſi pullorum reſectionem cogitans coruus volat: eiſque hiantibus in ore cibum reuocat, dum ex ea intelligentia quam cœperit, eſurientibus diſcipulis alimenta vitæ loquendo ſubminiſtrat. Quos tantò ardentius de ſupernis reſicit, quantò verius à mundi nitore nigreſcere pœnitentiæ lamentatione cognoscit. Pulli autem dum nigro ſe pennarum colore veſtiunt, de ſe etiam volatū promittunt: quia quo magis diſcipuli abiecta de ſe ſentiunt, quo magis ſeſe deſpicientes affligunt, amplius eo ſpem proſectus ſui in altiora pollicentur. Vnde & curat doctor feſtinantius alere, quos iam per quædam indicia prouidet poſſe & aliis prodeſſe. Hinc enim Timotheum Paulus admonet, velut plurimèſcētē pullos ſollicitius nutrire, dum dicit: *Quæ audiſti à me per multos teſtes, hæc commenda filiis tuis. Timothee, & aliis docere. Quæ doctrinæ diſcretio dum cautè à prædicatore cuſtoditur, ei diuinitus largior copia prædicationis datur. Dum enim per charitatem compati afflictiſ diſcipulis nouit, dum per diſcretionem congruum doctrinæ tempus intelligit, ipſe non ſolū pro ſe, ſed etiam pro eis quibus laboris ſui ſtudia impendit, maiora intelligentiæ munera percipit. Vnde hīc quoque aptè dicitur: *Quis præparat coruo eſcam ſuam, quando pulli eiūs ad Deum clamant, vagantes eo quòd non habeant cibos?* Cum enim pulli vt ſatiantur, clamant, coruo eſca præparatur: quia dum verbum Dei boni*

Dei boni auditores esuriunt, pro reficiendis eis maiora doctoribus intelligentiæ dona tribuuntur. Sequitur:

Textus capitis xxxix. libri beati Iob.



Nunquid nosti tempus partus ibicū in petris, vel parturientes ceruas obseruasti? Dinumerasti menses conceptus earum, & scisti tempus partus earum? Incuruantur ad fœtum & pariunt, & rugitus emittūt. Separātur filij earum, & pergunt ad pastum: egrediūtur, & non reuertuntur ad eas. Quis dimisit onagrum liberum, & vincula eius qui soluit? Cui dedi in solitudine domum, & tabernacula eius in terra falsuginis. Contemnit multitudinem ciuitatis, clamorem exactoris non audit. Circumspicit montes pascuæ suæ, & virentia quæque perquirat. Nunquid volet rhinoceros seruire, aut morabitur ad præsepe tuum? Nunquid alligabis rhinocerota ad arandum loro tuo, aut confringet glebas vallium post te? Nunquid fiduciam habebis in magna fortitudine eius, & derelinques ei labores tuos? Nunquid credes illi quoniā sementem reddat tibi, & aream tuam congregat? Pēna struthionis similis est pennis herodij & accipitris. Quando derelinquit oua sua in terra, tu forsitan in puluere calefacies ea. Oliuiscitur quod pes cōculcet ea, aut bestia agri conterat. Duratur ad filios suos quasi non sint sui, frustra laborauit, nullo timore cogente. Priuauit enim eam Deus sapientia, nec dedit illi intelligentiam. Cū tempus fuerit, in altum alas erigit, deridet equitem & ascensorem eius. Nunquid præbebis equo fortitudinem, aut circumdabis collo eius hinnitum? Nunquid suscitabis eum quasi locustas? Gloria narium eius terror, terram ungula fodit. Exultat audacter, in occursum pergit armatis. Contemnit pauorem, nec cedit gladio. Super ipsum sonabit pharetra, vibrauit hasta & clypeus. Feruens & fremens sorbet terram, nec reputat tubæ sonare clangorem. Vbi audierit buccinam, dicit, Vah. Procul odoratur bellum, exhortationem ducū, & vlulatum exercitus. Nunquid per sapientiam tuam plumescit accipiter, expandens alas suas ad Austrum? Nunquid ad præceptum tuum eleuabitur aquila, & in arduis ponet nidum suum? In petris manet, & in præruptis silicibus cōmoratur, atque in inaccessis rupibus. Inde contemplatur escam, & de longē oculi eius prospiciunt. Pulli eius lambunt sanguinem, & vbiq̃ue cadauer fuerit, statim adest. Et adiecit Dominus, & locutus est ad Iob: Nunquid qui contēdit cum Deo, tam facillē conquiescit? Vtique qui arguit Deum, debet & respondere ei. Respondens autē Iob Domino dixit: Qui leuiter locutus sum, respondere quid possum? Manum meam ponam super os meum. Vnum locutus sum, quod vtinam non dixissem, & alterum, quibus vltra non addam.

Quod præpositi sanctæ Ecclesiæ, quia eorum onera portant, quos affectu nimio Deo pariunt, ceruæ vocantur: ibices verò audaces, qui parum pronocant exemplis, scilicet patientia Dauid, castitate Ioseph, abstinentia Danielis, quasi in huius mundi petris sancta his similia pariunt opera.

Caput IX.

Nunquid nosti tempus partus ibicū in petris, vel parturientes ceruas obseruasti? Meridiana pars ibices aues vocat, quæ Nilifluentis inhabitant. Orientalis verò Occidentaliq̃ue plaga

parua quadrupedia ibices nominat, quibus & moris est in petris parere, quia neque sciunt nisi in petris habitare. Quæ si quando etiam de altis saxorum cacuminibus ruunt, in suis se cornibus illæsa suscipiunt. Caput quippe ruentes feriunt cuius dum prima cornua opponunt, fit omne corpus à iactura casus alienum. Ceruarum verò moris est, inuentos serpentes extinguere, eorūque membra moribus dilaniare. Fertur autem, quia si quando flumina transeunt, capitum suorum onera dorsis præcedentium superponunt, sibiq̃ue inuicem succedentes, laborem ponderis omnino non sentiunt. Quid est ergo quod beatus Iob de partu ibicum ceruarūque discutitur, nisi quia in ceruis vel ibicibus magistrorum spiritualium persona signatur? Ipsi quippe velut ibices in petris pariunt: quia in doctrina patrum, qui petra pro soliditate vocati sunt, ad conuersionem animas gignunt. Ipsi velut ibices nullius casus damna sentiunt, dum in suis cornibus excipiuntur: quia quicquid eis ruinæ temporalis accesserit, in testamentis sacræ scripturæ se suscipiunt, & quasi cornuum exceptione saluantur. De his enim testamentis dictum est: Cornua sunt in manibus eius. Ad scripturarum ergo consolationem refugiunt, dum aliqua temporalis casus iactura feriuntur. An non more ibicum huius mundi aduersitatibus, quasi in suis se cornibus cadens excipiebat Paulus, cū diceret: Quæcunque scripta sunt, ad nostram doctrinam scripta sunt, vt per patientiam & consolationem scripturarum spem habeamus? Ipsi etiam ceruæ vocati sunt, sicut per Hieremiam de doctoribus genitos filios incautē deferentibus dicitur: Cerua in agro peperit, & reliquit. Ipsi more ceruarum interemptis vitis, quasi extinctis serpētibus viuunt: & de ipsa extinctione vitiorum, ad fontem vitæ acius inardescunt. Vnde Psalmista ait: Sicut ceruus desiderat ad fontes aquarum, ita desiderat anima mea ad te Deus. Ipsi etiam dum labentia huius temporalitatis momenta, quasi quædam flumina transeunt, compatiētes charitate onera sua sibi inuicem superponunt: quia cauta observatione custodiunt, id quod scriptum est: Inuicem onera vestra portate, & sic adimplebitis legē Christi. Quia verò post aduentum Domini spiritales magistri per mundum sparsi sunt, qui auditorum animas in conuersione parere prædicando potuissent: & quia hoc idem tempus incarnationis Domini ante prophetarum voces cognitum non fuit, quanuis futura ipsa incarnatio præcognita omnibus electis fuit: bene beatus Iob de tempore partus ibicum ceruarūque discutitur, eique dicitur: Nunquid nosti tempus partus ibicū in petris, vel parturientes ceruas obseruasti? Ac si dicatur ei: Idcirco te egisse aliquid sublimiter credis: quia illud tempus necdum præuides, quo spiritales magistri in mundum missi, per doctrinam antiquorum patrum filios generant, suisque laboribus animarū mihi lucra comportant. Nam si illorum fructum quasi ibicum, ceruarūque partus aspiceres, valde humiliter de tua virtute sentires. Magna quippe quæ agimus, quasi minima ducimus, cū hæc per fortia exempla pensamus. Sed tunc apud Deum crescunt per meritum, cū apud nosmetipsos per humilitatem decrescunt. Possunt verò ceruarum significatione doctores, appellatione autem ibicum qui animalia sunt minima, auditores intelligi. In petris verò ibices pariunt: quia ad exercenda sancta opera per exempla patrum præcedentium fecundantur, vt cū fortasse præcepta sublimia audiunt, & infirmitatis propriæ conscij, ea se implere posse diffidunt, maiorum vitam conspiciant, atque in eorum cōsiderata fortitudine bonorum operum fœtus ponant. Vt enim pauca de multis loquar, quatenus studiosus lector multa in paucis intelligat, iste verborum contumeliis pressus, cū virtutem patientiæ seruare non sufficit, Dauid factum ad memoriam reducit, quem cū tot Semei conuiciis vrgeret, & armati proceres vlcisci contenderent, ait: Quid mihi & vobis filij Saruiz? Dimittite eum vt maledicat: Dominus enim præcepit ei vt malediceret Dauid. Et quis est qui audeat dicere, quare sic fecerit? Et pauldpost: Dimittite eum vt maledicat iuxta præceptum Domini: si fortē respiciat Dominus afflictionem meam, & reddat mihi bonum pro maledictione hac hodierna. Quibus profectò verbis indicat, quia pro perpetrato Bersabæ scelere, exurgentem contra se filium fugiens reduxit ad animum malum quod perpetravit, & æquanimitè pertu-

Abac. 3.

Roma. 15.

Hiere. 14.

Psalm. 41.

Galat. 6.

17.

2. Reg. 14.

lit quod audiuit: & contumeliosa verba non tam conuitia quam adiutoria credidit, quibus se purgari, sibi que misereri posse iudicauit. Tunc enim illata conuitia bene toleramus, cum in secreto mentis ad mala perpetrata recurrimus. Leue quippe videbitur, quod iniuria percutimur, dum in actione nostra conspiciamus, quia peius est quod meremur: sicque fit, ut contumeliis gratia magis quam ira debeat, quarum interuentu Deo iudice poena grauior declinari posse confiditur.

18 Ecce alius dum mundi huius successibus proficit, lenocinante cordis lætitia tentari se luxuriæ stimulis sentit: sed si Ioseph factum ad memoriam reuocat, in arce se castitatis seruat. Qui dum sibi à domina conspiceret pudicitia damna suaderi, ait: Ecce Dominus meus omnibus mihi traditis, ignorat quid habeat in domo sua, nec quicquam est quod non in mea sit potestate, vel non tradiderit mihi præter te, quæ vxor eius es: quomodo ergo possum hoc malum facere, & peccare in Dominum meum? Quibus verbis ostenditur, quia bona quæ assecutus fuerat, repente memoriæ intulit, & malum quod se pulsabat, euicit: quia perceptæ gratiæ meminit, vim culpæ imminētis fregit. Cum enim voluptas lubrica tentat in prosperis, hæc ipsa sunt prospera aculeo tentationis opponenda, ut eo erubescamus praua committere, quo nos à Deo meminimus gratuito bona percepisse, & illatam gratiam exteriorum munerum vertamus in arma virtutum, ut sint ante oculos quæ percepimus, & quæ nos alliciunt, subigamus. Quia enim voluptas ipsa ex prosperitate nascitur, eiusdem prosperitatis est consideratione ferienda, quatenus hostis noster unde oritur, inde moriatur. Considerandum quippe est, ne acceptum munus vertamus in vitium, ne per fauorem vitæ nos absorbeat vorago nequitia. Iram nanque contra nos superni iudicis inextinguibiliter accendimus, si contra benignitatem illius, etiā ex ipsa sua largitate pugnamus. Alius internæ scientiæ dulcedinem quærens, nec tamen secreta eius contingere præualens, Danielis vitam ad imitandum conspiciat, & desideratum scientiæ culmen apprehendat. Ille quippe qui postmodum voce angelica pro cognitionis internæ concupiscentia vir desideriorum dicitur, prius in aula regia carnis in se desideria edomuisse memoratur: ut nil ex delectabilibus cibis attingeret, sed lautis ac mollioribus duriora atque asperiora cibaria præferret: ut dum sibi exterioris cibi blandimenta subtraheret, ad interni pabuli delectamenta perueniret: & tantò auidius gustum sapientiæ intus acciperet, quāto saporem carnis pro eadem sapientiā foris robustius represisset. Si enim à carne hoc quodlibet abscondimus, mox in spiritu quod delectet, inuenimus: intentioni quippe animæ, si exterior euagatio clauditur, interior secessus aperitur. Nam quod extra se spargi propter disciplinam mens non potest, eo super se tendere per profectum potest: quia & in altum crescere arbor cogitur, quæ per ramos diffundi prohibetur. Et cum riuos fontis obstruimus, fluentia surgere ad superiora prouocamus. Igitur dum studiosi quique sanctorum vitam imitando conspiciunt, in petris ibices fœtus ponunt. Hinc est quod auditores suos quasi ibices in petris parere Paulus admonet, cum enumeratis maiorum virtutibus diceret: Habentes tantam impositam nubem testium: deponentes omne pondus, & circumstantes nos peccatum, per patientiam curramus ad propositum nobis certamen. Et rursum: Quorum intuentes exitum conuersationis, imitamini fidem. Sed cum diuina præcepta corde concipimus, non statim quasi iam solidè cogitata parturimus. Vnde & beatus Iob nō de partu ibicum, sed de tempore partus inquiritur. Quod videlicet tempus, dum in nobismetipsis vix comprehendimus, multò magis in aliena mente nescimus. Prius enim superni timoris semina vtero cordis suscepta, per medicationem studij coagulantur ut maneat: postmodum stricta intentione cogitationis affixa, dum ad discretionem rationis tendunt, quasi in membrorum distinctionem formantur: dehinc vsu perseverantiæ confirmata, velut in soliditatem ossium veniunt: ad extremum verò perfectæ autoritate roborata, quasi in partum procedunt. Quæ incrementa diuinorum seminum nullus in aliena mente considerat, nisi ipse qui creat. Nam etsi quemlibet iam vim supernæ concupiscentiæ concepisse quarundam rerum attestatiōne cognoscimus: quādo tamen in partu erumpat, ignoramus.

E Sæpe autem concepta mente semina peruenire ad perfectionem nequeunt, quia oriendo tempus partus antecedunt. Et quia necdum plenè in cogitatione formata ante humanos oculos prodeunt, velut abortiua moriuntur. Bona quippe adhuc tenera plerumque humana lingua, dum iam quasi fortia laudat, extinguit. Tantò enim t occidunt, quāto ad fauoris notitiam intempestiuè prorumpunt. Nonnunquam verò imperfecta nostra cogitatio necdum roborata, dum citius hominibus ostenditur, resistētium aduersitate dissipatur: & cum conatur ante tempus videri quia sit, quasi agitur ut non sit. Sancti autem viri, quia cuncta quæ bene cogitant, student ut occultè conualescant, & quasi processuros fœtus prius intra vterum mentis formant: rectè beatus Iob de partus tempore discutit, quod videlicet unicuique quando sit congruum, nisi à creatore nescitur. Qui dum penetralia cordis aspiciat, quando ad humanam notitiam bona nostra congruè nascentur, apprehendit. Bene itaque dicitur: Nunquid nesci tempus partus ibicum in petris? ac si apertè dicat: Ut ego, qui idcirco electorum fœtus viuaces facio, quia præscito in tempore produco. Bene autem expleto fœtu auditorum subditur: Vel parturientes ceruas obseruasti? Parturientes enim ceruas obseruare, est illos labores patrum qui spiritales filios generant, cauta consideratione pensare. Solerter quippe intuemum est, quod hic sermo tam vigilanter imprimatur, ut dicatur, Obseruasti: quia utique perpaucorum est pensare quis labor sit in prædicationibus patrum: quantis doloribus, quasi quibusdam conatibus animas in fide & conuersatione parturiunt, quā cauta se obseruatione cōspiciunt: ut sint fortes in præceptis, compatiētes in infirmitatibus, in minis terribiles, in exhortationibus blandi, in ostendendo magisterio humiles, in rerum temporalium contemptu dominantes, in tolerandis aduersitatibus rigidi: & tamen dum vires suas sibimet non tribuunt infirmi: quantus sit eis dolor de cadentibus, quantus sit de stantibus timor, quo seruire alia adipisci appetunt, quo pauore alia adeptæ conseruant. Quia igitur perpaucorum est ista pensare, bene ei dicitur: Vel parturientes ceruas obseruasti. Nil verò obstat, quod verba Deus de doctoribus faciens non ceruorum, sed ceruarum eos specie designat: quia nimirum illi veri doctores sunt, qui cum per vigorem disciplinæ patres sunt, per pietatis viscera esse matres nouerunt. Qui labores sanctæ conceptionis tolerant, & proferendos Deo filios intra vterum charitatis portant. In edenda enim prole amplius matres laborant, quæ crescentem intra vterum conceptionem, longo mensium tempore sustinent: & quæ ex vtero procedentem non sine magnis doloribus deponunt. Vnde & hic apta consideratione subiungitur:

Quod discreti viri non passim ad prædicandum exiliunt, sed in tempore mensuram tritici erogandam per conceptum desiderium intra se fouent, donec congruè forment, similem in omnibus formam iustitiæ præbentes: quorum non solum fructus, sed etiam pios conatus iustus dinumerat arbiter.

Caput X.

H D Inumerasti menses conceptus earum? Sancti enim viri cum de profectu auditorum cogitant, quasi iam in vtero conceptionem portant. Sed cum nonnulla quæ dicenda sunt, differunt, & aptum suis exhortationibus tempus quærunt, velut à partu quem fieri appetunt, in mensium prolixitate dilatantur. Et sæpe dum quædam quæ sentiunt, intempestiuè dicere audientibus nolunt: in ipsa tarditate proferendæ sententiæ, siue ad hæc quæ suadenda sunt, seu ad illa quæ increpanda, consilio altiori firmantur. Et dum cogitatur vita filiorum, nec tamen ante tempus lingua consilium mentis eiicit, quasi iam concepta soboles intra vterum crescit: ut ad auditorum notitiam tunc sententia cordis exeat, quādo prolata vtiliter, quasi per congruum tempus partus viuat. Et quia hæc homines in magistrorum mente, quādo vel quomodo agantur, ignorant: Deus verò ad retributionis gloriam non solum effectum cōsiderat, sed etiam momēta cogitationum signat, rectè ad beatum Iob dicitur: Dinumerasti menses conceptus earum? ut ego, qui in sanctis prædicatoribus non solum fructus exteriorum operum, sed ipsas diutinas cogitationes numero, qui & eas ad retributionem seruo. Possunt per menses, quia congesti dies sunt, etiam multiplicatæ virtutes intelligi. In mensibus quoque

Gen. 39.

Daniel. 10.

Heb. 12.

Heb. 13.

19

Galat. 5.
6.6.

bus quoque luna renascitur, nilque obstat, si per menses noua regenerationis creatura signetur. De qua Paulus apostolus dicit: In Christo Iesu, neque circumcisio aliquid valet, neque praputium, sed noua creatura. Sancti igitur viri cum se ad pradicandum parant, prius se interius virtutibus innouant, vt ad hoc quod loquendo docent, viuendo concordent. Prius sua interna considerant, atque à cunctis se vitiorum sordibus emundant, curantes summopere vt contra iram patientiæ luce resplendeant, contra carnis luxuriam, etiam cordis munditia fulgescant, contra torporem zelo candean, contra confusos præcipitationis motus serena grauitate rutilent, contra superbiam vera humilitate luceant, contra timorem radiis auctoritatis clarescant. Quia ergo tanta in se prius studia congerunt, quasi in conceptu sanctæ prædicationis menses virtutum fiunt. Quos menses Dominus solus dinumerat: quia eadem bona in eorum cordibus non nisi qui dedit, pensat. Et quia iuxta mensuram virtutum, effectus etiam subsequitur fructuum, recte subiungitur: *Et scisti tempus partus earum?* Subaudis: vt ego, qui dum in cogitatione virtutum menses dinu-
 mero, quando hoc quod implere appetunt, parere valeant, scio: quia nimirum dum cordis occulta cōspicio, futurum foris effectum operis, intus in pondere cogitationis penso. Sequitur: *Incuruantur ad sætum, & pariunt, & rugitus emittunt.* Rugiunt quippe dum per incuruationem suam in conuersatione lucis auditorum animas gignunt: quia ab æternis nos supplicis remouere, nisi flendo & dolendo non possunt. Prædicatores enim sancti nunc in lachrymis seminant, vt segete postmodum gaudiorum metant. Nunc quasi ceruæ in dolore partus sunt, vt spiritali prole postmodum sint fœcundi. Vt enim vnum de multis loquar, video Paulum quasi quandam ceruam quosdam in partu suo magni doloris rugitus emittentem. Ait enim: Filioli mei quos iterum parturio, donec formetur Christus in vobis: vellem esse apud vos modo, & mutare vocem meam, quoniam confundor in vobis. Ecce mutare vult vocem in partu suo, vt prædicationis sermo in rugitum vertatur doloris. Vult mutare vocem suam: quia quos prædicando pepererat, reformando gemens iterum parturiebat. Qualem rugitum hæc cerua pariens emittebat, quando eisdem post se redeuntibus exclamare cogeatur, dicens: O insensati Galatæ, quis vos fascinauit: & sic stulti estis, vt cum spiritu cœperitis, nunc carne consummaminæ? Vel certe: Currebatis bene, quis vos impediuit veritati non obedire? Qualis in huius ceruæ partu rugitus fuit, quæ diu conceptos filios cū tot difficultatibus peperit, & quandoque partus ad malitiæ vterum redisse cognouit? Consideremus quid doloris habuerit, quid laboris quæ & postquam potuit concepta edere, rursus compulsa est extincta suscitare. Notandum verò summopere est, quod istæ ceruæ incuruantur vt pariant: quia nimirum si erectæ starent, parere non valerent. Nisi enim prædicatores sancti ab illa immensitate contemplationis internæ quam capiunt, ad infirmitatem nostram humilima prædicatione quasi quadam incuruatione descenderent, nunquam vtique in fide filios procrearent. Nobis quippe prodesse non possent, si in suæ altitudinis erectione persistunt. Sed videamus ceruam sese vt pariat incuruantem. Ego, inquit, non potui vobis loqui quasi spiritalibus, sed quasi carnalibus: tanquā paruulis in Christo lac vobis potum dedi, non escam. Atque mox eiusdem incuruationis causas exequitur, dicens: Nondum enim poteratis, sed nec adhuc quidem potestis. Sed hanc ceruam quæ propter nos incuruata est, quæso videamus erectam. Ait: Sapientiam loquimur inter perfectos. Et rursus: Siue mente excedimus Deo. Cum verò mente excedit Deo, excessum eius nos omnino non capimus. Vt ergo nos lucretur, incuruatur ad nos. Vnde illic aptè subiungit: Siue sobrii sumus vobis. Si enim sancti viri ea nobis prædicare vellent quæ capiunt, cum in superna contemplatione debriatur, & non magis scientiam suam quodam moderamine, & sobrietate temperarent, adhuc angusto intelligentiæ sinu illa superni fontis fluente quis caperet? Incuruatæ autem istæ ceruæ, aliàs cœli vocatæ sunt, de quibus dicitur: Domine inclina cœlos tuos, & descende. Cum enim inclinantur cœli, descendit Dominus: quia cum se in prædicatione sua sancti doctores attrahunt, diuinitatis notitiam nostris cordibus infundunt. Ne-

quaquam quippe ad nos Dominus descenderet, si prædicatores eius in contemplationis rigore inflexibiles permanerent. Inclinantur ergo cœli vt descendat Dominus, incuruantur ceruæ vt nos in noua fidei luce nascamur. Istæ incuruatæ ceruæ in Canticis canticorum sponsæ vbera sunt vocatæ, sicut scriptum est: Meliora sunt vbera tua vino. Istæ enim sunt vbera quæ in arca pectoris fixa lacte nos potant: quia ipsi arcanis summæ contemplationis inhærentes, subtili nos prædicatione nutriunt. Vt igitur ab æterno gemitu & dolore nos retrahant, nunc incuruantur ceruæ, atque in partu rugitus emittunt. Quia verò ipsi qui sancta patrum prædicatione nascuntur, aliquando doctores suos patiando præueniunt, vt eis adhuc in hac vita durantibus, ipsi iam martyrio consummentur, aptè sequitur:

Quod qui ad pascua æterna vitæ fuerint separati, doctrina temporalis ultra non indigent, quibus in ipso vitæ libro cuncta perspicua erunt.

Caput XI.

Separantur filij earum, & pergunt ad pascum: egrediuntur, & non reuertuntur ad eas. Pastum scriptura sacra illud viriditatis æternæ pabulum vocat, vbi iam nostra refectio nullius defectus ariditate marcescet. De quo pascu per Psalmistâ dicitur: Dominus regit me, & nihil mihi deerit, in loco pascuæ ibi me collocauit. Et rursus: Nos autem populus eius, & oues pascuæ eius. De quibus nimirum pascuis veritas per semetipsam dicit: Per me si quis introierit, saluabitur: & ingreditur, & egredietur, & pascua inueniet. Pergunt ergo ad pascum: quia de corporibus exeuntes, illa pabula internæ viriditatis inueniunt. Egrediuntur & non reuertuntur ad eas: quia in illa suscepti contemplatione gaudiorum, iam nullatenus indigent verba audire docentium. Egrediuntur itaque ad eas iam non redeunt: quia angustias vitæ præsentis euadentes, ultra à doctoribus prædicationem vitæ accipere non requirunt. Tunc quippe impletur quod scriptum est: Non docebit ultra vir proximum suum, & vir fratrem suum dicēs: Cognosce Dominum: omnes enim cognoscent me à minimo eorum vsque ad maximum, dicit Dominus. Tunc impletur quod in Euangelio veritas dicit: Palam de patre meo annuntiabo vobis. Filii quippe de patre palam annūtiat: quia sicut superius diximus, per hoc quod verbum est, ex natura nos diuinitatis illustrat. Verba enim tunc docentium, quasi quosdam humanæ linguæ riuulos non quærunt, quando de ipso iam veritatis fonte debriantur. Igitur postquam figurata incuruatione ceruarum, multa de magistrorum virtute narrata sunt, nunc ad eorum vitam qui remotæ conuersationis secreta appetunt, verba vertuntur: qui & ipsa vacandi otia, quia diuino adiutorio & nō suis viribus assequuntur, de eis à Domino dicitur:

Quod viri contemplatiui solitudinem mentis inhabitent, & liberi à secularium negotiorum tumultibus, Deum stant.

Caput XII.

Quis dimisit onagrum liberum in solitudinem, & vincula eius quis soluit? Subaudis, nisi ego. Onager enim qui in solitudine commoratur, non incongruè vitam eorum significat, qui remoti à turbis secularibus conuersantur. Qui aptè etiam liber dicitur: quia magna est seruitus secularium negotiorum, quibus mens vehementer atteritur, quanuis in eis sponte deludet. Cuius seruitutis conditione carere, est in mundo iam nil concupiscere. Quasi enim quodam iugo seruitutis premunt prospera dum appetuntur, premunt aduersa dum formidantur. At si quis semel à dominatione desideriorum temporalium colla mentis excusserit: quadam iam etiam in hac vita libertate perfruitur, dum nullo desiderio felicitatis afficitur, nullo aduersitatis terrore coarctatur. Hoc graue seruitutis iugum, Dominus vidit seculariū ceruicibus impressum, cum diceret: Venite ad me omnes qui laboratis & onerati estis, & ego reficiam vos. Tollite iugum meū super vos, & discite à me quia mitis sum, & humilis corde, & inuenietis requiem animabus vestris. Iugum meum suauis est, & onus meum leue. Asperum quippe iugū & durū, sicut diximus, seruitutis pōdus est, subesse temporalibus, ambire terrena, retinere laberia, velle stare in non stantibus, appetere quidē transeuntia, sed cum transeuntibus nolle trāsire. Dum enim cōtra votū cuncta fugiunt, quæ prius mentem ex desiderio adeptionis affixerant, post ex paupore amissionis premunt. Liber ergo dimittitur, qui calcatis

Galat. 4.

Galat. 3.
Galat. 5.

22.

1. Corin. 3.

Ibidem.

1. Corin. 2.
2. Cor. 5.

Ibidem.

Psalm. 143.

Canti. 1.

Psalm. 23.

Psalm. 94.
Ioan. 10.

Hier. 3.

Ioan. 16.

23.

Matth. 11.

terrenis desideriis, ab appetitione rerum temporalium securitate mentis exoneratur: *Et vincula eius qui soluit?* Subaudis, nisi ego. Soluuntur verò vniuscuiusque vincula, dum diuino adiutorio interna desideriorum carnalium retinacula dirumpuntur. Cum enim pia intentio ad conuersionem vocat, sed adhuc ab hac intentione carnis infirmitas reuocat, quasi quibusdam vinculis anima ligata præpeditur. Multos enim sæpe videmus vitam quidem sanctæ conuersationis appetere: sed ne hanc assequi valeant, modò irruentes casus, modò futura aduersa formidare. Qui in certa mala dum quasi cauti prospiciunt, in peccatorum suorum vinculis incauti retinentur. Multa enim ante oculos ponunt, quæ si eis in conuersatione eueniant, subsistere se non posse formidant. De quibus bene Salomon ait: Iter pigrorum, quasi sepes spinarum. Nam cum viam Dei appetunt, eos velut spinæ obstantium sepium, sic formidinum suarum oppositæ suspiciones pungunt. Quod quia electos præpedire non solet, bene illic secutus adiungit: Via iustorum absque offendiculo. Iusti quippe in conuersatione sua quodlibet eis aduersitatis obuiauerit, non impingunt: quia temporalis aduersitatis obstacula, æternæ spei & internæ contemplationis saltu transcendunt. Soluit itaque Deus onagri vincula, quando ab electi vniuscuiusque animo, infirmarum cogitationum nodos rumpit, & propitius dissipat omne quod illectam mentem ligabat. Sequitur: *Cui dedit in solitudine domum, & tabernacula eius in terra salsuginis.* Hoc loco pro solitudine corporis debemus intelligere solitudinē cordis. Quid enim prodest solitudo corporis, si solitudo defuerit cordis? Qui enim corpore remotus viuit, sed tumultibus conuersationis humanæ, terrenorum desideriorum cogitationibus se inferit, non est in solitudine. Si verò prematur aliquis corporaliter popularibus turbis, & tamen nullos curarum secularium tumultus in corde patitur, non est in vite. Itaque bene conuersantibus primùm solitudo mentis tribuitur, vt exurgentem intrinsecus strepitum terrenorum desideriorum premant: vt ebullientes ab infimis curas cordis per superni gratiam restringant amoris, omnesque motus importunè se offerentium leuium cogitationum, quasi quasdam circunvolantes muscas ab oculis mentis abigant manu grauitatis, & quoddam sibi cum Domino intra se secretum quærant, vbi cum illo exteriori cessante strepitu, per interna desideria silenter loquantur. De hoc secreto cordis, aliàs dictum est: Factum est silentium in cælo, quasi dimidia hora. Cælum quippe Ecclesia vocatur electorum, quæ ad æterna sublimia dum per subleuationem contemplationis intendit, surgentes ab infimis cogitationum tumultus premit, atque intra se Deo quoddam silentium facit. Quod quidem silentium contemplationis, quia in hac vita non potest esse perfectum, factum dimidia hora dicitur. Nolenti quippe animo dum cogitationum tumultuosi se strepitus ingerunt, etiam sublimibus intendentem, rursus ad respicienda terrena cordis oculum violenter trahunt. Vnde scriptum est: Corpus quod corrumpitur, aggrauat animam, & deprimit terrena inhabitatio sensum multa cogitantem. Bene ergo factum hoc silentium non integra, sed dimidia hora describitur: quia hîc contemplatio nequaquam perficitur, quanuis ardentem inchoetur. Quod etiam per Ezechiele Prophetam congruenter exprimitur, qui pro mensura ciuitatis in monte cõditæ, in maru viri calamum sex cubitorum & palmi, se vidisse testatur. In monte quippe electorum Ecclesia sita est, quia fundata in infimis desideriis non est. Quid autem per cubitum nisi operatio, quid per senarium numerum nisi perfectio operationis ostenditur: quia & sexto die cuncta opera Dominus expleffe memoratur? Quid ergo super sex cubitos palmus insinuat, nisi cõtēplationis vim, quæ iam initia æternæ & septimæ quietis demonstrat? Quia enim æternorum contemplatio hîc minimè perficitur, mensura septimi cubiti non expletur. Electorum itaque Ecclesia, quia cuncta quæ operanda sunt, perficit, in sex cubitis sese in monte posita ciuitas ostendit. Quia verò hîc adhuc sola initia contemplationis inspicit, de septimo cubito, non nisi palmum tangit. Sciendum verò est, quia nequaquam culmen contemplationis attingimus, si non ab exterioris curæ oppressione cessemus. Nequaquã nosmetipsos intuemur, vt sciamus aliud in nobis esse rationale quod regit, aliud ani-

male quod regitur, nisi ad secretum huius silentij recurrentes, ab omni exteriori perturbatione sopiamur. Quod silentium nostrum bene etiam Adam dormiens figurauit, de cuius mox latere mulier processit: quia quisquis ad interiora intelligenda rapitur, à rebus visibilibus oculos claudit: & tunc in semetipso, vel quæ præesse viriliter debeant, vel quæ subesse possint, infirma distinguit: vt aliud in illo sit quod regere valeat tanquam vir, aliud tanquam femina quod regatur. In hoc itaque silentio cordis, dum per cõtēplationem interius vigilamus, exterius quasi obdormiscimus. Quia ergo remoti viri, id est, à desideriis carnalibus alieni, hoc silentium mentis inhabitant, huic onagro Dominus in solitudine domum dedit, vt turba desideriorum temporalium non prematur. Sequitur: *Et tabernacula eius in terra salsuginis.* Salsugo accendere sitim solet. Et quia sancti viri quandiu in huius vitæ tabernaculis degunt, ad supernam patriam desideriis suis quotidianis æstibus accenduntur, in terra salsuginis tabernacula habere perhibentur. Incessanter quippe accenduntur vt sitiant, sitiunt vt fatientur: sicut scriptum est: Beati qui esuriunt & sitiunt iustitiam, quoniam saturabuntur. Sequitur: *Contemnit multitudinem ciuitatis.* Multitudinem ciuitatis contemnere, est humanæ conuersationis praua studia deuicare, vt iam non libeat terrenorum hominum qui præ abundantia iniquitatis multi sunt, perditos mores imitari. Cum paucis nanq; ingredi angustam portam desiderant: & non cum multis lata itinera ingredi appetunt, quæ ad interitum ducunt. Solerter quippe à quo & ad quid sunt creati, conspiciunt: & recta consideratione acceptæ imaginis, sequi vulgi multitudinem dedignantur. Vnde & sponsi voce sponsæ in Canticis canticorum dicitur: Nisi cognoueris te, ô pulchra inter mulieres, egredere & abi post vestigia gregum, & pascere hædos tuos. Semetipsam nanque ea quæ est pulchra inter mulieres cognoscit, quando electa quæque anima etiam inter peccantes posita: quia ad authoris sui imaginem ac similitudinem sit condita meminit, & iuxta perceptæ similitudinis ordinem incedit. Quæ si se non cognoscit, egreditur: quia à secreto sui cordis expulsa, in exterioribus concupiscentiis dissipatur. Egressa verò abit post vestigia gregum, qui sua interna deserens, ad latam videlicet viam ducitur, & sequitur exempla populorum. Nec iam agnos, sed hædos pascit: quia non innoxias cogitationes mentis, sed nutrire prauos motus carnis intendit. Quia ergo electus quisque ac continens abire post gregum vestigia despicit, dicatur rectè: Contemnit multitudinem ciuitatis. Vbi & aptè subiungitur:

Quod viri abstinentes ventris garritus non audiunt, sed gulæ flammam, quæ si nutriatur, omnem virtutum messem exurit, studiosè restringunt: sciens quod Nabuchodonosor vincente, princeps cocorum Hierusalem muros destruxerit.

Capitulum XIII.

Clamorem exactoris non audit. Quis intelligi exactor alius nisi diabolus potest, qui semel in paradiso homini malæ persuasionis nummum cõtulit, & quotidie ab eo huius debiti exigere reatum quærit? Huius exactoris sermo est malæ suggestionis inchoatio. Huius exactoris clamor est iam nõ leuis sed violenta tentatio. Hic exactor loquitur cum leniter suggerit. Hic exactor clamat, cum fortiter tentat. Clamorem ergo exactoris non audire, est violentis tentationum motibus minimè consentire. Audiret enim si ea quæ suggerit, faceret. Sed cum peruersè agere despicit, rectè dicitur: *Clamorem exactoris non audit.* Nonnulli verò hoc loco per exactorem intelligi ventrem volunt. Ipse nanque à nobis quoddam debiti exigat: quia quotidianum fructum sibi humani laboris impendi etiam per naturam quærit. Abstinentes igitur viri (qui hoc loco onagri vocabulo figurantur) dum violenta gulæ desideria reprimunt, quasi clamantis exactoris verba contemnunt. Sed cum continenti viro cõtā innumera vitia multa virtutum certamina suppetant, cur sub exactoris clamore cõtēpto, de solo hîc ventre dicitur quod eius impetum impulsimque restringat, nisi quod nullus palmam spiritualis certaminis apprehendit, qui non in semetipso prius per afflictam ventris concupiscentiam, carnis incentiua deuicerit? Neque enim ad conflictum spiritualis agonis assurgitur, si non prius intra nosmetipsos hostis positus, gulæ videlicet appetit' edomatur: quia si non ea quæ nobis sunt viciniora prosterminimus, nimirum

nimirum inaniter ad ea quæ longius sunt impugnanda transimus. Incaſſum nanque contra exteriores inimicos in campo bellum geritur, ſi intra ipſa vrbiſ mœnia ciuiſ inſidians habetur. Mens quoque ipſa certantis ſub graui confuſionis dedecore à ſpiritalis certaminis congreſſione repellitur, quando infirmitas in carnis prælio, gulæ gladiis conſoſſa ſuperatur. Nam cum ſe paruis proſterni conſpicit, conſligere maioribus erubescit. Nonnulli verò ordinem certaminis ignorantes, edomare gulam negligunt, & iam ad ſpiritalia bella conſurgunt. Qui aliquando multa etiam quæ magnæ ſunt fortitudinis, faciunt: ſed dominante gulæ vitio, per carnis illecebram omne quod fortiter egerint peragunt: & dum venter nō reſtringitur, per carnis concupiſcentiam ſimul cunctæ virtutes obruuntur. Vnde & Nabuchodonosor vincēte ſcribitur: Princeps cocorū deſtruxit muros Hieruſalem. Quid enim per muros Hieruſalem ſignificans ſcriptura exprimit, niſi virtutes animæ, quæ ad pacis viſionem tendit? Aut quis cocorum princeps niſi venter accipitur, cui diligentiffima à coquentibus cura ſeruitur? Muros igitur Hieruſalem princeps cocorum deſtruit: quia virtutes animæ dum non reſtringitur venter, perdit. Hinc eſt quod Paulus contra Hieruſalem mœnia decertanti vires cocorum principi ſubtrahebat, cum diceret: Caſtigo corpus meum, & ſeruituti ſubiicio: ne fortè aliis prædicās, ipſe reprobis efficiar. Hinc etiam præmiſit dicens: Sic curro, non quaſi in incertum: ſic pugno, non quaſi aërem verberans. Quia cum carnem reſtringimus, ipſis abſtinentiæ noſtræ iſtibus non aërem, ſed immundos ſpiritus verberamus: & cum hoc quod eſt intra nos ſubiicimus, extrà poſitis aduerſariis pugnas damus. Hinc eſt quod cum rex Babylonis ſuccendi fornacem iubet, naphthæ, ſtuppæ, picis & malleoli miniſtrari congeri præcepit: ſed tamen abſtinētes pueros hoc igne minimè conſumit: quia antiquus hoſtis licet innumeras ciborum concupiſcentias noſtris obtutibus opponat, quibus libidinis ignis creſcat, bonis tamen mentibus ſuperni ſpiritus gratia inſibilat: vt à carnalis concupiſcentiæ aſtibus illæ perducent: vt etſi vſque ad tentationem cordis flamma ardeat, vſque ad conſenſum tamen tentatio non exurat. Sciendum præterea eſt quia quinque nos modis gulæ vitium tentat. Aliquando nanque indigentia tempora præuenit: aliquando verò tempus non præuenit, ſed cibos lautiores quaerit: aliquando quælibet ſumenda ſint præparari accuratius expetit: aliquando autem & qualitati ciborum & tempori congruit: ſed in ipſa quantitate ſumendi menſuram moderatæ reſectionis excedit. Nonnunquam verò & abiectius eſt quod deſiderat: & tamen ipſo æſtu immenſi deſiderij deterius peccat. Mortis quippe ſententiam patris ore Ionathas meruit: quia in guſtu mellis conſtitutum edendi tempus anteceſſit. Et ex Aegypto populus eductus, in eremo occubuit: quia deſpecto manna, cibos carniū petiit, quos lautiores putauit. Et prima filiorum Heli culpa ſuborta eſt, quod ex eorum voto ſacerdotis puer non antiquo more coctas vellet de ſacrificio carnes accipere, ſed crudas quaereret, quas accuratius exhiberet. Et cum ad Hieruſalem dicitur: Hæc fuit iniquitas Sodomæ ſororis tuæ, ſuperbia, ſaturitas panis, & abundantia: apertè oſtenditur quod idcirco ſalutem perdidit: quia cum ſuperbiæ vitio menſuram moderatæ reſectionis exceſſit. Et primogenitorum gloriam Eſau amiſit: quia magno æſtu deſiderij vilem cibum, ſcilicet lenticulam concupiuit: quam dum vendēdis etiam primogenitis prætulit, quo in illam appetitu anhelaret indicauit. Neque enim cibus, ſed appetitus in vitio eſt. Vnde & lautiores cibos plerunque ſine culpa ſumimus, & abiectiores non ſine reatu conſcientiæ deguſtamus. Hic quippe quem diximus, Eſau, primatum per lenticulam perdidit: & Helias in eremo per virtutem ſpiritus carnes edendo ſeruauit. Vnde & antiquus hoſtis quia non cibum, ſed cibi concupiſcentiā eſſe cauſam damnationis intelligit: & primum ſibi hominē non carne ſed poma ſubdidit, & ſecundum non carne, ſed pane tentauit. Hinc eſt quod plerunque Adam culpa committitur, etiam cum abiecta & vilia ſumuntur. Neque enim Adam ſolus vt à vitio ſe poma ſuſpenderet, præceptum prohibitionis accepit. Nam cum alimenta quædam ſaluti noſtræ Deus contraria indicat: ab his nos quaſi per ſententiam vetat. Et dum concupiſcentes noxia attingimus: proſectò quid aliud quàm vetita degu-

ſtamus? Ea itaque ſumenda ſunt, quæ naturæ neceſſitas quaerit, & non quæ edendi libido ſuggerit.

Quod ſumma diſcretione moderandum ſit, vt non carnem quis, ſed vitia carnis occidat: ſic pareat ciui, vt cum hoſtem non nutriat.

Caput XIII.

Sed magnus diſcretionis labor eſt huic exactori & aliquid ſimpendere, & aliquid denegare: & non dando gulam reſtringere, & dando naturam nutrire. Quæ fortasſe diſcretio ſubinfertur, cum dicitur: *Clamorem exactoris non audit.* Sermo nanque huius exactoris eſt neceſſaria poſtulatatio naturæ. Clamor verò eius, eſt menſuram neceſſitatis tranſiens appetitus gulæ. Hic itaque onager exactoris huius ſermonem audit, clamorem non audit: quia diſcretus vir ac continens & vſque ad temperandam neceſſitatem ventrem reſcit, & à voluptate reſtringit. Sciendum verò eſt quia ſic voluptas ſub neceſſitate ſe palliat, vt vix eam perfectus quiſque diſcernat. Nam dum ſolui debitum neceſſitas petit, voluptas explorare deſiderium ſuppetit: & tantò gula ſecurius in præceps rapit, quanto ſub honeſto nomine neceſſitatis explendæ ſe contegit. Sæpe autem in ipſa edendi via furtiue adiuncta voluptas ſubſequitur: nonnunquam verò impudenter libera etiam præire conatur. Facile autem eſt deprehendere cum voluptas eius neceſſitatem præuenit: ſed valde eſt difficile diſcernere, cum in ipſo eſu neceſſario ſe occulta ſubiungit. Nam quia præeuntem naturæ appetitum ſequitur, quaſi a tergo veniens tardius videtur. Eo enim tempore quo neceſſitati debitum ſoluitur, quia per eſum voluptas neceſſitati miſcetur, quid neceſſitas petat, & quid, ſicut dictum eſt, voluptas ſuppetat, ignoratur. Sæpe verò & diſcernimus: & quia vtranque per experientiam ſibi coniunctā nouimus, in hoc quod extra metas rapimur, * libere reſcicendo fallimur: & dum ſibi mens ex neceſſitate blanditur, ex volūtate decipitur. Scriptum quippe eſt: Carnis curam ne feceritis in deſideriis. Quæ igitur fieri in deſiderio prohibetur, in neceſſitate conceditur. Sed ſæpe dum incautè neceſſitati condeſcendimus, deſideriis deſeruimus. Nonnunquam verò dum deſideriis immoderatus obuiare nitimur, neceſſitatis miſerias augemus. Sic enim neceſſe eſt vt artem quiſque continentia teneat quatenus non carnem, ſed vitia carnis occidat. Nam plerunque dum plus iuſto caro reſtringitur, etiam ab exercitatione boni operis eneruatur: vt ad orationem quoque vel prædicationem non ſufficiat, dum incentiua vitiorum in ſe funditūſ ſuffocare feſtinat. Adiutorē quippe habemus intentionis internæ, hunc hominem quem exterius geſtamus: & ipſi inſunt motus laſciuiæ, ipſi effectus ſuppetunt operationis bonæ. Sæpe verò dum in illo hoſtem inſequimur, etiam ciuē quem diligimus trucidamus: & ſæpe dum quaſi conciuī parcimus, ad prælium hoſtem nutrimus. Eiſdem nanque alimentis vitia ſuperbiunt, quibus nutritæ virtutes viuunt. Et cum virtus alitur, plerūque vires vitii augētur. Cum verò immenſa continentia vitiorum vires extenuat, etiā virtus deſiciens anhelat. Vnde neceſſe eſt vt interior homo noſter æquus quidā arbiter præſideat inter ſe & eum quem exterius geſtat: quatenus ei homo ſuus exterior & ſemper ad debitum miniſterium ſeruire ſufficiat, & nūquam ſuperbè libera ceruice contradicat: nec moueat ſi quid ſuggerendo ſubmurmurat, dum modò eum ſemper ſuperpoſita calce dominationis premat. Sicque fit vt dum reſſa vitia reniti quidem nobis patimur: & tamen hæc nobiſcum congregi ex æquo prohibemus, nec vitia contra virtutē præualeant, nec ruſum virtus cum vitiorum omnimoda extinctione ſuccumbat. Quia in re ſola elatio funditūſ extinguitur: quia quauis victoriæ ſeruiat, ad edomandam tamen cogitationum ſuperbiam continua nobis pugna ſeruatur. Vnde bene hic quia vnusquiſque vir continens, & debitæ neceſſitati congruit, & violentæ voluptati contradicit, voce dominica dicitur: *Clamorem exactoris non audit.* Quia autem diſcretus vir eo ad intelligenda ſuperiora ſe eleuat, quo in ſe carnis incentiua caſtigat: rectè poſt contemptum exactoris clamorem ſubditur:

Quod viri ſancti incentiuis carnis ieiuniorum virtute extinctis celeſti dulcedine paſcantur.

Caput XV.

Circuſpiciunt montes paſcuæ ſuæ, Montes paſcuæ ſunt altæ contemplationes internæ reſectionis. Sancti enim viri

1. Cor. 9.

Ibidem.

Dan. 3.

27.

de conſec. diſt. 5. Quinque.

1. al. & quælibet ciborum & tempus cognit.

1. Reg. 14.

Rum. 11.

1. Reg. 2.

Ezech. 6.

Proſper lib. 2. de vita cōtemp. cap. 20.

Gene. 3.

Matth. 4.

Psalm. 83. quanto magis se exterius despiciendo deiciunt, tanto amplius interius reuelationum contemplatione pascuntur. Vnde scriptum est: Ascensus in corde eius disposuit in conualle lachrymarum: quia quos exterius in fletu continet conualis humilitatis, eos interius subleuat ascensus contemplationis.

Psalm. 103. Montes etiam pascuæ sunt sublimes virtutes Angelorum. Quæ idcirco hinc nos ministrando & adiuuando reficiunt: quia illic interno cōtemplationis rore pinguescunt. Quæ quia largiente Deo in omni nos certamine protegent, rectè circūspici dicuntur. Vndique enim nobis adesse circūspicimus, quorum defensione contra aduersarios ex omni latere munimur. Possunt adhuc montes pascuæ accipi altæ sententiæ scripturæ sacræ, de quibus per Psalmistam dicitur: Montes excelsi ceruicis: quia hi qui iam dare contemplationis saltus nouerunt, altos sententiarum diuinarum vertices quasi cacumina montium ascendunt: ad quæ profectò cacumina, quia infirmi peruenire non valent, rectè illic subditur: Petra refugium erinacis: quia videlicet inualidos non sublimiter intelligētia exercet, sed sola in Christo fides humiliter continet. Sequitur: *Virentia quæque perquiri.* Arentia quippe sunt omnia quæ temporaliter condita, venturo fine à iucunditate vitæ præsentis quasi æstiuo sole siccantur. Virentia autem sunt vocata, quæ nulla temporalitate marcescunt. Huic ergo onagro virentia perquirere, est sancto unicuique viro despectis rebus transitoriis, in æternum mansura desiderare. Cuncta verò hæc quæ de onagro dicta sunt, intelligi etiam & aliter possunt. Quæ repetito superiori versu exponimus, vt lectoris iudicio quod eligendum crediderit, relinquamus. Igitur postquam prædicatorum dispensatio sub ceruarum prætextu descripta est, vt ostenderetur per quem hæc eadem virtus prædicationis datur, ilico commemoratio de dominica incarnatione subnectitur, vt dicatur: *Quis dimisit onagrum liberum?* Nec indignum quis iudicet per tale animal incarnatum Dominum posse figurari: dum constat omnibus quia per significationem quandam in scriptura sacra & vermis & scarabæus ponatur: sicut scriptum est: Ego autem sum vermis, & non homo. Et sicut apud septuaginta interpretes per Prophetam dicitur: Scarabæus de ligno clāmauit. Cum ergo nominatis rebus tam abiectis & vilibus figuratur: quid de illo contumeliosè dicitur, de quo cōstat quòd propriè nihil dicatur? Vocatur etenim agnus, sed propter innocentiam. Vocatur leo, sed propter potentiam. Aliquando etiam serpenti comparatur, sed propter sapientiam. Atque ideo per hæc omnia dici figuraliter potest, quia de his omnibus credi aliquid essentialiter non potest. Si enim ynum horum quodlibet essentialiter existeret, alterum iam dici non posset. Nam si agnus propriè diceretur, leo iam vocari non poterat: Si leo propriè diceretur, per serpentem signari non posset. Sed hæc in illo omnia dicimus tantò latius in figura, quantò longius ab essentia. Potest ergo onager incarnatum Dominum designare. Agreste quippe animal est onager. Et quia incarnatus Dominus gentilitati magis quàm Iudææ profuit animale corpus assumens, quasi non in domū, sed potius in agrum venit. De quo agro gentilitatis per Psalmistam dicitur: Species agri mecum est. Incarnatus itaque Dominus qui in forma Dei æqualis est patri, in forma serui minor est patre, quæ minor est etiam seipso. Dicatur ergo à patre de filio secundum formam serui: *Quis dimisit onagrum liberum & vincula eius quis soluit?* Omnis quippe qui peccat, seruus est peccati. Et quia incarnatus Dominus particeps nostræ factus est naturæ, non culpæ, liber dimissus dicitur, quia sub peccati dominio non tenetur. De quo aliàs scriptum est: Inter mortuos liber. Dimissus dicitur, quia naturam nostram suscipiens, iniquitatis iugo nullo modo tenetur. Quem quamuis macula culpæ nostræ non attigit, passio tamen nostræ mortalitatis astrinxit. Vnde & postquam liber dimissus dicitur, rectè de illo adiungitur: *Et vincula eius quis soluit?* Vincula quippe eius tunc soluta sunt, cum infirmitates passionis illius in resurrectionis sunt gloriam commutate. Quasi quædam vincula Dominus habuit ea, quæ nos nequitia merito patimur, nostræ mortalitatis infirma, quibus & vsque ad mortem sponte ligari se voluit, & quæ per resurrectionem mirabiliter soluit. Esurire enim, sitire, lassescere, teneri, flagellari, crucifigi, nostræ mortalitatis vinculum fuit.

E Sed cum expleta morte velum templi rumpere, scinderentur petra, monumenta panderentur, inferni claustra patecerent: quid aliud tot argumentis tantæ virtutis ostēditur, nisi quòd illa infirmitatis vincula soluebantur, vt is qui ad suscipiendam serui formam venerat, in ipsa serui forma ab inferni vinculis absolutus, ad cælum etiam cum membris liber rediret? De quibus eius vinculis Petrus Apostolus attestatur, dicens: Quem Deus suscitauit solutis doloribus inferni, iuxta quod impossibile erat illum teneri ab eo. Et quia post mortem suam atque resurrectionem ad gratiam fidei gentilitatem vocare dignatus est, postquam dicta sunt soluta eius vincula, aptè subiungitur: *Cui dedi in solutione domum, & tabernacula eius in terra falsuginis.* In gentilitate enim in qua patriarcha non fuit, propheta non fuit: quia ad intelligendum Deum qui ratione vteretur non fuit, homo penè non fuit. De hac solitudine per Esaiam dicitur: Lætabitur deserta & inuia, & exultabit solitudo, & florebit quasi lilium. Et rursum de Ecclesia dicitur: Ponet desertum eius quasi delicias, & solitudinem eius quasi hortum Domini. Terra verò falsuginis hæc eadem solitudo repetita est, quæ priusquam veram Dei sapientiam cognosceret, falsuginem protulerat: quia nullam viriditatem boni intellectus proferens, pertversa sapiebat. Domum ergo in solitudine & tabernaculum in terra falsuginis accepit: quia incarnatus pro hominibus Deus, derelicta Iudæa gentilitatis corda possedit. Vnde ei patris voce per Prophetam dicitur: Postula à me, & dabo tibi gentes hæreditatem tuam, & possessionem tuam terminos terre. Qui iuxta hoc quod Deus est, cum patre dat omnia: iuxta hoc verò quòd homo est, à patre accipit omnia, sicut scriptum est: Potestatem dedit ei & iudicium facere, quia filius hominis est. Et rursum scriptum est: Sciens quia omnia dedit ei pater in manus. Vel sicut ipse dicit: Omne quod dat mihi pater, ad me veniet. Iam verò si quæritur quid inter domum ac tabernaculum distet, domus in habitatione est, tabernaculum in itinere. Corda itaq; gentilium quasi quædam tabernacula habuit veniendo, sed ea per iustitiam firmans, domum fecit habitando. Et quia eorum vitam ad quos venerat, imitari despexerit, rectè dicitur: *Contemnit multitudinem ciuitatis.* Id est mores despicit humanæ conuersationis. Homo quippe inter homines factus, vsum tenere hominum noluit. Idcirco nanque inter nos homo factus est: vt non solum nos sanguine suo redimeret, sed etiam ostenso exemplo commutaret. In conuersatione igitur nostra & veniendo alia inuenit, & viuendo alia docuit. Studebant enim omnes superba Adam stirpe primogeniti prospera vitæ præsentis appetere, aduersa deuitare, opprobria fugere, gloriam sequi. Venit inter eos Dominus incarnatus aduersa appetens, prospera spernens, opprobria amplectens, gloriam fugiens. Nam cum Iudæi illum regem sibi constituere voluissent, fieri rex refugit. Cum verò eum interficere molirentur, sponte ad crucis patibulum venit. Fugit ergo quod omnes appetunt, appetiit quod omnes fugiunt. Sed cum fugit quod omnes mirarentur: vt & mortuus ipse resurgeret, & morte sua alios de morte resuscitaret. Duæ quippe vitæ sunt hominis in corpore consistentis, vna ante mortem, alia post resurrectionem, quarum vnam omnes agendo nouerant, alteram nesciebant, & humanum genus soli, huic quam nouerat intendebat. Venit per carnem Dominus, & dum suscepit vnam, alteram demonstrauit. Dum hanc nobis cognitam suscepit, illam quæ nobis est incognita, ostēdit. Moriendo quippe vitam exercuit quam tenemus, resurgendo aperuit quam quæramus: exemplo suo nos docens, quòd hæc vita quam ante mortem ducimus, non propter se amanda sit, sed propter alteram toleranda. Quia ergo noua conuersatione vsus inter homines, mores Babyloniæ secutus non est, bene de eo scriptum est: *Contemnit multitudinem ciuitatis.* Vel certè quòd multos per spatiosam viam vagantes deseruit, & per angustam gradientes paucos elegit. Multitudinem nanque ciuitatis contemnere, est humani generis partem quæ latam viam ingreditur, quæ & pro abundantia iniquitatis multa est, à regni sui sorte reprobare. Sequitur: *Clamorem exactoris non audit.* Sicut suprà dictum est, quis hoc loco exactor accipit, nisi diabolus potest? qui malè suadendo spem contulit mortalitatis,

mortalitatis, sed decipiendo exigit tributum mortis, qui suadendo intulit culpam, sciuendo exigit pœnam. Huius exactoris sermo, est ante mortem hominis astuta persuasio. Clamor verò eius, est violenta iam rapina post mortem. Quos enim ante mortem latenter intercipit, hos ad supplicij sui cōfortium post mortem violenter rapit. Sed quia ad mortem veniens Dominus huius exactoris violentos impetus non expauit, sicut ipse ait: Venit enim princeps huius mundi, & in me non habet quicquam, bene dicitur: *Clamorem exactoris non audit.*) Venit quippe ad eum exactor humani generis, quia illum hominem vidit. Sed quem infirmitate despectum hominem credidit, virtute supra hominem sensit.

Quid sit quodd Laban idola apud Iacob posita non reperit.

Caput XVI.

Gene. 32.

Psal. 44.

Colo. 3.

Psal. 126.

Psal. 31.

Psal. 30.

Gene. 33.

Isa. 9.

Huius nimirum exactoris typum Laban tenuit quando cum furore veniens, sua apud Iacob idola requisivit. Laban quippe interpretatur dealbatio. Dealbatio autem nō inconuenienter diabolus accipitur, qui cum sit tenebrosus ex merito, transfigurat se velut angelum lucis. Huic seruiuit Iacob, id est, ex parte reproborum Iudaicus populus, cuius ex carne incarnatus Dominus venit. Potest etiam per Laban mundus hic exprimi, qui cum furore Iacob persequitur, quia electos quosque qui redemptoris nostri membra sunt, persequendo opprimere conatur. Huius filiam, id est, siue mundi, siue diaboli Iacob abstulit, cum sibi Christus Ecclesiam ex gentilitate coniunxit. Quam & de domo patris abstrahit, quia ei per Prophetam dicit: Obluiscere populum tuum, & patris tui. Quid verò in idolis, nisi auaritia designatur? Vnde per Paulum dicitur: Et auaritia, quæ est idolorum seruitus. Laban ergo veniens apud Iacob idola non inuenit: quia ostensis mundi thesauris, diabolus in redemptore nostro vestigia concupiscentiæ terrenæ non reperit. Sed quæ Iacob non habuit, ea Rachel sedendo cooperuit. Per Rachel quippe quæ & ouis dicitur, Ecclesia figuratur. Sedere autem est humilitatem pœnitentiæ appetere, sicut scriptum est: Surgite postquam federitis. Rachel ergo idola sedendo operuit: quia sancta Ecclesia Christum sequens, terrenæ concupiscentiæ vitia pœnitendo texit. De hac cooperatione vitiorum per Psalmistam dicitur: Beati quorum remissæ sunt iniquitates, & quorū tecta sūt peccata. Nos igitur Rachel illa signauit, qui idola sedendo premium, si culpas auaritiæ pœnitendo damnamus. Quæ utique auaritia illis non solet euenire qui in via Domini viriliter currunt, quibus dicitur: Viriliter agite, & confortetur cor vestrum. Sed his maximè qui quasi effœminato gressu gradientes, per blandimenta seculi resoluuntur. Vnde & illic eiusdem Rachelis hæc verba sunt: Iuxta consuetudinem fœminarum nunc accidit mihi. Apud Iacob ergo idola Laban non reperit: quia exactor callidus quid in redemptore nostro reprehenderet non inuenit. De quo exactore redemptori nostro gentilitatem ab eius dominio liberanti per Prophetam dicitur: Iugum enim oneris eius, & virgam humeri eius, & sceptrum exactoris eius superasti, sicut in die Madian. Eripiens quippe gentilitatem Dominus superauit iugum oneris eius cum eam aduentu suo ab illa dæmoniæ tyrannidis seruitute liberauit. Superauit virgam humeri eius, cum percussione illius quæ ex peruerso opere grauiter deprimebat, ab humano genere redemptor compescuit. Superauit sceptrum exactoris eius, cum regnum eiusdem diaboli qui pro pestifera perpetratione vitiorum exigere consueuerat debita tributa pœnarum, de fidelium corde destruxit:

Quid sit quodd Gedeon contra Madian dimicaturus, per preceptum Domini quoscunque flexis genibus ad bibendum aquas haurire conspexit, repulit à consuetudine: eos verò qui stantes manibus aquas quasi canes lambebant, tubis & lampadibus, & lagenis armavit.

Caput XVII.

32.

Sed quomodo hæc acta sunt audiamus. Subiunctum est: Illico: Sicut in die Madian. Non ab re arbitror si hoc Madianitarum bellum quod in comparatione aduentus domini cū propheta vigilatè illatū est, aliquanto latius differamus.

Tomus primus.

A In libro quippe Iudicum, Gedeon contra Madianitas dimicasse describitur. Is cum exercitus multitudinem ad bella produceret, diuina illi admonitione præceptum est, ut ad fluuium veniens, omnes quos flexis genibus aquas haurire conspiceret, à bellorum conflictu remoueret. Actumque est, ut treceti viri tantummodo qui stantes manibus aquas hauerant, remanerent. Cum his ad prælium pergit, eosque non armis, sed tubis, lampadibus & lagenis armavit. Nam sicut illic scriptum est: Accensas lampades miserunt intra lagunculas: & tubas in dextra, lagenas autem in sinistra tenuerunt, & ad hostes suos cominus venientes cecinerunt tubis, confregerunt lagunculas, lampades aperuerunt: & hinc tubarum sonitu, illinc lampadum coruscatione terri hostes sunt in fugam conuersi. Quid hoc est quodd tale bellum per Prophetam ad medium adducitur, & aduentui redemptoris nostri istius pugne victoria comparatur? An indicare Propheta nobis studuit, quodd aduentum redemptoris nostri contra diabolum illa sub Gedeon duce pugne victoria designauit? Talia illic nimirum acta sunt: quæ quanto magis vsum pugnandi transeant, tanto amplius à prophetandi mysterio non recedunt. Quis enim unquam cum lagenis & lampadibus ad prælium venit? Quis cōtra arma veniens, arma deseruit? Ridicula nobis hæc profectò fuerant, si terribilia hostibus non fuissent. Sed victoria ipsa testante didicimus ne parua hæc quæ facta sunt, perpendamus. Gedeon itaque ad prælium veniens, redemptoris nostri signat aduentum: de quo scriptum est: Tollite portas principes vestras, & eleuamini portæ æternales, & introibit rex gloria. Quis est iste gloria? Dominus fortis & potens, Dominus potens in prælio. Hic redemptorem nostrum, non solum opere, sed etiam nomine prophetauit. Gedeon nanque interpretatur circumiens in vtero. Dominus enim noster per maiestatis potentiam omnia complectitur, & tamen per dispensationis gratiam intra vterum virginis humanitatem sumens venit. Quis est ergo circumiens in vtero nisi omnipotens Deus sua dispensatione nos redimens, diuinitate cuncta complectens, & humanitatem intra vterum sumens? in quo vtero & incarnatus est, & clausus non est: quia & intra vterum fuit per infirmitatis substantiam, & extra mundum per potentiam maiestatis. Madian verò interpretatur de iudicio. Vt enim hostes eius repellendi destruendique essent non de vitio repellentis, sed de iudicio iustè iudicantis fuit. Et idcirco de iudicio vocantur: quia alieni à gratia redemptoris, iustæ damnationis meritum etiam in vocabulo nominis trahunt. Contra hos Gedeon cum trecentis pergit ad prælium. Solet in centenario numero plenitudo perfectionis intelligi. Quid ergo per ter ductum centenarium numerum designatur, nisi perfecta cognitio Trinitatis? Cum his quippe Dominus noster aduersarios fidei destruxit: cum his ad prædicationis bella descendit, qui possunt diuina cognoscere, qui sciunt de Trinitate (quæ Deus est) perfecta sentire. Notandum verò est quia iste trecentenarius numerus in Tau litera continetur, quæ crucis speciem tenet. Cui si super transversam lineam in quod in cruce eminet, adderetur, non iam crucis species, sed ipsa crux esset. Quia ergo iste trecentorum numerus in Tau litera continetur: & Per Tau literam, sicut diximus, species crucis ostenditur, non immeritò in his trecentis Gedeonem sequentibus illi designati sunt, quibus dictum est: Si quis vult post me venire, abneget semetipsum, & tollat crucem suam, & sequatur me. Qui sequentes Dominum tantò verius crucem tollunt, quantò acrius & se edomāt: & erga proximos suos charitatis compassione cruciantur. Vnde & per Ezechielem prophetā dicitur: Signa Tau super frontes virorum gementium & dolentium. Vel certè in his trecentis qui in Tau litera continentur, hoc exprimitur, quodd setrum hostium crucis ligno superetur. Ductique sunt ad fluuium, ut aquas biberent, & qui aquas flexis genibus hauerunt, à bellica intèntione remoti sunt. Aquis nanque doctrina sapientiæ, stante autem genu recta operatio designatur. Qui ergo dum aquas bibunt, genu flexisse perhibentur, à bellorum certamine prohibiti recesserunt: quia cum illis Christus cōtra hostes fidei pergit ad præliū, qui cum doctrinæ fluentia hauriunt, rectitudinem operum non inflectunt. Omnes quippe tunc bibisse aquam, sed non omnes recto genu stetitisse narrati sunt. Reprobatiq; sunt, qui genua dū

Iudi. 7.

Psal. 23.

33.

Differentia figurarum inter tau T & crucis t.

Luca 9.

Ezech. 9.

Rom. 2.

A

Hebr. 12.

Eccle. 15.

34.

Matth. 5.

Esaia 9.

aquas biberent inflixerunt: quia attestane Apostolo, non auditores legis iusti sunt apud Deū sed factores legis iustificabuntur. Quia enim, ut dixim⁹, dissolutio operū in ipsa genū incuruatione signatur, rectē rursum per Paulum dicitur: Remissas manus & dissoluta gēna erigite, & gressus rectos facite pedibus vestris. Hi ergo Christo duce ad bellum procedunt, qui hoc quod ore annuntiant, opere ostendunt, qui fluentia doctrinæ spiritaliter hauriunt, nec tamen in prauis operibus inflectuntur carnaliter, quia sicut scriptum est: Non est speciosa laus in ore peccatoris. Itum ergo est ad prælum cum tubis, lampadibus, cum lagenis. Inuolutus iste, ut diximus, fuit ordo præliandi. Cecinerunt tubis, & sinistris lagenæ tenebantur, intra lagenas autem sunt missæ lampades, contractis verò lagenis lampades ostensæ sunt, quarum coruscante luce, hostes territi in fugam vertuntur. Designatur itaque in tubis clamor prædicantium, in lampadibus claritas miraculorum, in lagenis fragilitas corporum. Tales quippe secum dux noster ad prædicationis prælum duxit, qui despecta salute corporum, hostes suos moriendo prosternerent, eorumque gladio non armis, non gladiis, sed patientia superarent. Armati enim venerunt sed duce suo ad prælum martyres nostri: sed tubis, sed lagenis, sed lampadibus. Qui sonuerunt tubis, dum prædicant: confregerunt lagenas, dum soluēda in passione sua corpora hostilibus gladiis supponūt: resplenderunt lampadibus, dum post solutionem corporum, miraculis coruscauerunt. Moxque hostes in fugam conuersi sunt: quia dum mortuorum martyrum corpora miraculis coruscare conspiciunt, luce veritatis fracti quod impugnauerunt crediderunt. Cecinerunt ergo tubis, ut lagenæ frangerentur, lagenæ fractæ sunt, ut lampades apparerent, apparuerunt lampades, ut hostes in fugam verterentur: id est, prædicauerunt martyres, donec eorū corpora in morte soluerentur, corpora eorum in morte soluta sunt, ut miraculis coruscarēt, coruscauerunt miraculis, ut hostes suos ex diuina luce prosternerent: quatenus nequaquā Deo erecti resisterēt, sed eum subditi formidarēt. Et notandū quod steterunt hostes ante lagenas, fugerūt ante lampades, quia nimirū persecutores sanctæ Ecclesiæ fidei prædicatoribus adhuc in corpore positos restiterunt, post solutionem verò corporum apparentibus miraculis in fugam versi sunt, quia pauore conterriti, à persecutione fidelium cessauerunt. Prædicatione scilicet tubarum fractis lagenis corporum, visis timuerunt lampadibus miraculorum. Intuendum est etiam id quod illic scriptum est: quia in dextera tubas, lagenas autem in sinistra tenuerunt. Pro dextero enim habere dicimur, quicquid pro magno pefamus: pro sinistro verò quod pro nihilo ducimus. Bene ergo illic scriptum est quod in dextera tubas, lagenas autem in sinistra tenuerunt: quia Christi martyres pro magno habent prædicationis gratiam, corporum verò vtilitatem pro minimo. Quisquis enim plus facit vtilitatem corporis, quam gratiam prædicationis, in sinistra tubam, atque in dextera lagenam tenet. Si enim priori loco gratia prædicationis attenditur, & posteriori vtilitas corporis, certum est quia in dextris tubæ, & sinistris lagenæ teneantur. Hinc Dominus in Evangelio ait: Neque accendunt lucernam, & ponunt eam sub modio, sed super candelabrum. In modio enim commodum temporale, in lucerna autem lux prædicationis accipitur. Lucernam ergo sub modio ponere, est propter temporale commodum, gratiam prædicationis abscondere, quod nemo utique electorum facit. Et bene illic additur: Sed super candelabrum. In candelabro enim status corporis designatur, cui lucerna superponitur, dum eidem corpori cura prædicationis antefertur. Bene itaque per Prophetam dictum est: Sceptrum exactoris eius superasti, sicut in die Madian. Sed quia exponendi prophetici testimonij gratia longè digressi sumus, ad operis nostri ordinem reuertamur.

Quod onager iste ad Christum reueratur, qui vocem exactoris diaboli non audiuit, quia in illo nil malignus inuenit.

Caput XVIII.

Igitur postquam dictum est: *Clamorem exactoris non audit*: quia videlicet antiqui hostis insidias Dominus in carne manifestatus despexit, quid etiam de electis suis fecerit, recte

subiungit, dicens: *Circumspicit montes pascuæ suæ.* Montes accipimus omnes elatos huius seculi, qui in corde suo altitudine terrena tumuerunt. Sed quia etiam tales Dominus Ecclesiæ suæ corpori conuersos inuiscerat, eosque à priori elatione cominutans, in sua membra transformat, isti montes pascuæ eius sunt: quia nimirum de conuersione errantium, & de superborum humilitate satiatur, sicut ipse ait: Meus cibus est, ut faciam voluntatem eius qui me misit. Et sicut Apostolis ad prædicationem missis præcepit, dicens: Operamini non cibum qui perit, sed qui permanet in vitam æternam. De his montibus per Prophetam dicitur: Non repellet Dominus plebem suam, quoniam in manu eius sunt omnes fines terræ, & altitudines montium ipse conspiciat. Altitudines enim montium, elationes sunt utique superborum. Quas Dominus conspiciere dicitur, id est, ab iniquitate sua in melius commutare. Conuertit nanque Dominus etiam quem conspiciat. Vnde scriptum est: Conuersus Dominus respexit Petrum, & recordatus est Petrus verbi Domini sicut dixerat: Quia priusquā galilus cantet, ter me negabis: & egressus foras fleuit amare. Et sicut Salomon ait: Rex qui sedet in folio iudicij, dissipat omne malum intuitu suo. De hoc respectu montium rursum per Prophetam dicitur: Montes sicut cera fluxerunt à facie Domini: quia post peruersitatis suæ duritiā, diuina formidine liquefacti, ab illo prius rigido tumore subtrahuntur. Intuendum etiam quod non ait inspicit, sed circumspicit montes pascuæ suæ. In Iudæa quippe incarnatus est Dominus, quæ posita in medio gentium fuit. Atque inde circumspicit montes: quia elatos huius seculi circumquaque positos ex gentilitatis vniuersitate collegit. In his itaque montibus pascitur: quia bonis operibus conuersorum quasi herbis virentibus satiatur. Hinc est quod ei sponsæ voce in Canticis canticorum dicitur: Indica mihi vbi pascas, vbi cubes in meridie. Pascitur quippe Dominus, cum bonis nostris actibus delectatur. Cubat verò in meridie, cum ex desideriis carnalibus ardenti corde reproborum, apud electorum suorum pectora refrigerium inuenit cogitationis bonæ. Mons autem quidam Matthæus fuerat, quando in telonij lucris tumebat: de quo & scriptum est: Quia postquam credidit, inuitato in domum suam Domino, conuiuium magnum fecit. Mons itaque iste huic onagro virentis pascuæ herbas protulit: quia & foris eum conuiuio, & intus epulis virtutum pavit. Quod adhuc plenissimè expletur, cum subditur: *Virentia quæque perquirat.* Arentia enim deserit, & virentia quæque perquirat. Arentia nanque corda sunt hominum, quæ in huius seculi spe peritura plantata, æternitatis fiduciam non habent. Virent autem quæ illi hæreditati inhærent, de qua Petrus apostolus dicit: In hæreditatem incorruptibilem, & incontaminatam, & immarcescibilem. Tanto enim verius quique virentes sunt, quanto in hæreditatis immarcescibilis forte cogitationibus radicè figunt. Quisquis itaque intrinsecus arere formidat, arentia extrinsecus mundi huius desideria fugiat. Quisquis à Domino perquiri desiderat, æternam patriam appetens, in interna cordis plantatione viridescat. Hæc autem de onagro exposita sub duplici intellectu sufficiant. Lectoris verò iudicio relinquendum est, quid magis duxerit eligendum. Et si vtriusque expositionis intelligentiam fortasse despexerit, libenter ipse lectorem meum subtilius veriūque sentientem velut magistrum discipulus sequar: quia mihi propriè donatum credo, quicquid illum me melius sentire cognosco. Omnes enim qui fide pleni de Deo aliquid sonare nitimur, organa veritatis sumus, & in eiusdem veritatis potestate est, vtrum per me sonet alteri, an per alterum mihi. Ipsa quippe in medio nostri, etiam non æquè viuientibus omnibus equa est, & sæpe alium tangit, ut bene audiat quod per alium ipsa sonuerit: sæpe verò alium tægit, ut bene quod ab aliis audiatur, sonet. Sæpe doctori verbum pro gratia tribuitur auditoris, & sæpe propter auditoris culpam subtrahitur sermo doctori. In his ergo quæ vbertim prædicat doctor, nulla elatione se efferat, ne fortasse non pro sua, sed pro auditoris gratia eius repleatur lingua, & in his quæ doctor steriliter dicit, auditor non succenseat, ne fortasse doctori lingua non pro sua, sed pro auditoris reprobatione torpescat. Pro auditoris nanque gratia datur bonus etiā malis sermo doctorebus, sicut potuerunt

Ioan. 4.

Ioan. 6.

Psalm. 94.

Matth. 26.

Prover. 20.

Cantic.

Lucas.

1. Petri.

35.

Matth. 23. Ezech. 3. Act. 18. 1. Reg. 3. runt Phariseis suppetere verba prædicationis, de quibus scriptum est: Omnia ergo quæcunque dixerint vobis, seruare & facite: secundum verò opera eorum, nolite facere. Propter auditorum verò reprobationem bonis etiam doctoribus sermo subtrahitur, sicut ad Ezechielem cōtra Israël dicitur: Linguam tuā adherere faciam palato tuo, & eris mutus, nec quasi vir obiurgans, quia domus exasperans est. Aliquando autem sermo prædicationis propter utrosque datur, aliquādo propter utrosque subtrahitur. Propter utrosque enim datur, sicut diuina voce Paulo apud Corinthios dicitur: Noli timere: sed loquere. Et paulo pōst: Quia populus multus est mihi in hac ciuitate. Propter utrosque verò subtrahitur, sicut Heli sacerdos, & prauam filiorum cognouit actionem, & dignam increpationis non exercuit vocem, cum profectō futurum esset vt in mortis supplicio, & istos reatus flagitij, & illum silentij pœna mulcetur. Inter hæc igitur cum vel pro quo sermo detur, vel propter quem subtrahatur ignoramus: vnum est salubre remedium, nec de his quæ aliis magis accepimus, nosmetipsos extollere, nec de eo alterum quod minus accepit irridere, sed fixo humilitatis pede, grauiter & constanter incedere: quia in hac vita tantò veracius docti sumus quāto doctrinam nobis à nobismetipsis suppetere non posse cognoscimus. Cur ergo quilibet de doctrina superbiat, qui occulto iudicio, vel cui quando detur, vel quando cui subtrahitur ignorat? Quauis enim securitati timor semper longè videatur abesse, nobis tamen nihil est securius, quā sub spe semper timere, ne incauta mens, aut desperando se in vitis deiciat, aut extollendo de donis ruat. Ante districti enim ac pij iudicis oculos quantò de se sub spe humiliter trepidat, tantò in illo robustius stat.

Libri tricesimi Moraliū sancti Gregorij finis.

B. GREGORII IN IOB EXPOSITIONIS MORALIS, LIBER TRICESIMUS PRIMUS.

Capit. I.

IN paradiso sano homini diabolus inuidēs superbiæ vulnus infligit, vt qui mortem non acceperat conditus, moreretur eleuatus. Sed quia diuinæ potentiæ suppetit, non solum bona de nihilo facere, sed ea etiam ex malis quæ diabolus perpetraverat reformare: contra hoc inflictum vulnus superbientis diaboli, medicina apparuit inter homines humilitas Dei, vt authoris exemplo humiliati surgerent, qui imitatione hostis elati ceciderant. Cōtra ergo superbientem diabolum apparuit inter homines homo factus humilis Deus. Hunc potentes huius seculi, id est, membra diaboli superbiētis, eo despicabilem crediderunt, quo humilem conspexerunt. Vulnus enim cordis eorum quantò magis tumuit, tantò amplius medicamentum vitæ despexit. Repulsa igit à vulnere superbiorū medicina nostra peruenit ad vulnus humilium. Infirma quippe mundi elegit Deus, vt confundat fortia, actūq; est cum pauperibus, quod pōst etiam diuites elati mirarentur. Nam dum nouas in illis virtutes aspiciunt, eorum quorum prius contempserunt vitam, postmodum obstupere miracula. Vnde mox pauida ad sua corda redeunt, extimuerunt sanctitatem in miraculis, quam despexerant in præceptis. Per infirma ergo confusa sunt fortia: quia dum in venerationem vita surgeret humilium, elatio cecidit superbiorū. Igitur quia beat⁹ Iob sanctę Ecclesię typum tenet, & omnipotēs Deus præuidit quod in primordiis nascentis Ecclesię, potentes huius seculi leue eius iugum suscipere crassa cordis ceruice recusarent, dicat: *Nunquid volet rhinoceros seruire tibi?* Rhinoceros enim indomitæ omnino naturæ est: ita vt si quando captus fuerit, teneri nullatenus possit. Impatiens quippe, vt fertur, ilico moritur. Eius verò nomen Latina lingua interpretatum sonat, in nare cornu. Et

Tomus primus.

A quid aliud in nare nisi fatuitas, quid in cornu, nisi elatio designatur? Nam quia in nare fatuitas solet intelligi, Salomone attestante didicimus, qui ait: Circulus aureus in naribus suis mulier pulchra & fatua. Hæreticam nanque doctrinam nitore vidit eloquij resplendere, nec tamen sapientiæ apto intellectu congruere, & ait: Circulus aureus in naribus suis, id est, pulchra & circumflexa locutio in sensibus mentis stultæ: cui ex eloquio aurum pendet, sed tamen ex terrenæ intentionis pōdere, more suis, ad superiora non respicit. Quod secutus exposuit, dicens: Mulier pulchra & fatua, id est, doctrina hæretica: pulchra per verbum, fatua per intellectum. In cornu verò, quia elatio frequēter accipitur, Propheta attestare didicimus, qui ait: Dixi iniquis, nolite iniquè agere, & delinquentibus, nolite exaltare cornu. Quid ergo in rhinocerote hoc nisi potentes huius seculi designantur, vel ipsæ in eo summæ principatum potestates, qui typo fatuæ iactationis elati, dum falsis exterius inflantur honoribus, veris miseris intus inanescunt? Quibus bene dicitur: Quid superbis terra & cinis? In ipsis verò initiis nascentis Ecclesię, dum contra illam diuitum se potestas extolleret, atque in eius necem immensitate tantæ crudelitatis anhelaret, dum tot cruciatibus anxia, tot persecutionibus pressa succumberet: quis tunc credere potuit, quod illa erecta & aspera superbiorum colla sibi subiiceret, & iugo sancti timoris edomita, mitibus fidei loris ligaret: Diu quippe in exordiis suis rhinocerotis huius cornu veritilata, & quasi funditus interimenda percussa est. Sed diuina gratia dispensante, & illa moriendo viuificata conualuit, & cornu suum rhinoceros iste feriendo lassatus inclinavit: quodque impossibile hominibus fuit, Deo difficile non fuit, qui potestates huius mundi rigidas non verbis, sed miraculis fregit. Ecce enim quotidie seruire rhinoceros agnoscimus, dum potentes mundi huius qui in viribus suis fatua dudum fuerant elatione confisi, Deo subditos iam videmus. Quasi de quodam indomito rhinocerote Dominus loquebatur, cum diceret: Diues difficile intrabit in regnum cœlorum. Cui cum responsum esset: Et quis poterit saluus fieri? ilico adiunxit: Apud homines hoc impossibile est, apud Deum autem omnia possibilia sunt. Ac si diceret: Rhinoceros iste humanis viribus mansuescere non potest, sed tamen diuinis subdi miraculis potest. Vnde hic quoque aptè beato Iob sanctę Ecclesię typum tenenti dicitur:

Quod potestates huius seculi in statu suo elatae, nec doctrina, nec ratione, sed miraculis conuerse sunt ad fidem Christi.

Capit. II.

Nunquid volet rhinoceros seruire tibi? Subaudis: vt mihi, qui eum prædicamentis quidem hominū diu resistere pertuli, sed tamen repente cum volui miraculis strauī. Ac si apertius dicat: Nunquid hi qui fatua elatione superbiūt, sine meis adiutorijs tuæ prædicationi subduntur? Per quem itaque præualeas considera, & in omne quod præuales, elationis sensum inclina. Vel certe ad beati Iob notitiam pro humilianda eius virtute deducitur, quā mira quandoque per Apostolos agantur, qui mundum Deo subiiciunt, eique edomitam potentum huius seculi superbiam fleunt: vt tantò de se beatus Iob minus æstimer, quantò aggregari Deo tam difficiles animas per alios vider. Dicat ergo: Nunquid volet rhinoceros seruire tibi? Subaudis, sicut per eos quos misero seruit mihi. Sequitur: *Aut morabitur ad præsepe tuum?* Præsepe hoc loco ipsa scriptura sacra non inconuenienter accipitur, in qua verbi pabulo animalia sancta satiantur, de quibus per Prophetam dicitur: Animalia tua habitabunt in ea. Hinc etiam natus Dominus à pastoribus in præsepi reperitur: quia eius incarnatio in ea qua nos reficiunt prophetarum scriptura cognoscitur. Rhinoceros itaque iste, videlicet omnis elatus in primordiis nascentis Ecclesię cum patriarcharum dicta, cum prophetarum mysteria, cum Euangelij arcana audiret, irridebat: quia tantò in prædicatorum præsepi claudi satiarique contempserat, quantò in voluptatibus propriis dimissus desperationis suæ campū tenebat. Quem superbiorum campū bene Paulus infinuat, dicens: Qui desperantes semetipsos tradiderunt impudiciæ in operationem immunditiæ omnis, in auaritiā. Tantò enim se quisq; in malis præsentibus latius relaxat, quāto post

A ij

hanc vitam se assequi bona æterna desperat. Sed omnipotens Deus diu quidem rhinocerotem hunc per prauæ voluptatis campum vagantem pertulit, & tamen cum voluit, repente ad suum præsepe religauit: vt vitæ pabulum bene clausus accipiat, ne vitam funditus malè liber amittat. Ecce enim iam cernimus quod potètes huius seculi eiusque principes prædicamenta dominica libenter audiunt, constanter legunt, passimque à præsepi non exeunt: quia præcepta Dei quæ aut legendo, aut audiendo cognoscunt, nequaquam viuendo transcendunt, sed ad verbi pabulum quasi clausi stare æquanimiter tolerant, vt edendo & permanendo pinguescant. Quod cum Deo agente conspicimus, quid aliud quàm rhinocerotem hunc ad præsepe morantem videmus? Quia verò post acceptum pabulum prædicationis rhinoceros iste fructum debet ostendere operis, rectè subiungitur:

Quod fidei persecutores facti sunt prædicatores, & principes mundi iam subditi nomini Christiano, rebelles quosque qui quasi gleba in Ecclesiæ campo alios impediunt, ne fructificent Deo, pede potestatis terrenæ premunt, quos Ecclesiæ frangere non potuit disciplina.

Caput. III.

3. **N** Unquid alligabis rhinocerotem ad arandum loro tuo? Lora sunt Ecclesiæ, præcepta disciplinæ. Arare verò est per prædicationis studium humani pectoris terram vomere linguæ proscindere. Hinc igitur rhinoceros quondam superbus ac rigidus, iam nunc loris fidei tenetur ligatus, atque à præsepi ad arandum ducitur: quia eam prædicationem qua ipse refectus est, innotescere & aliis conatur. Scimus enim, rhinoceros iste, terrenus videlicet princeps, quanta prius contra Dominum crudelitate sæuierit, & nunc agente Domino cernimus quanta se ei humilitate subternit. Hic rhinoceros non solum ligatus, sed etiam ad arandum ligatus est: quia videlicet disciplinæ loris astrictus, non solum se à prauis operibus retinet, sed etià in sanctæ fidei prædicationibus exercet. Ecce enim sicut superius dictum est, ipsos humanarum rerum rectores ac principes dum metuere Deum in suis actionibus cernimus, quid aliud quàm loris ligatos videmus? Cum verò eam fidem quam dudum persequendo impugnauerat, nunc prolatis legibus prædicare non cessant, quid aliud faciunt nisi aratri laboribus insudant? Libet videre hunc rhinocerotem, id est, terræ principem fidei loris ligatum, quemadmodum & cornu portat per potètiā seculi, & iugum fidei sustinet per amorem Dei. Timeri iste rhinoceros valde poterat, nisi ligatus esset. Cornu quippe habet, sed ligatus est. Habent ergo in loris eius quod humiles diligant, habent in cornu eius quod elati pertimescant. Strictus enim loris, seruat pietatem mansuetudinis, sed sultus cornu terrenæ gloriæ exercet dominiū potestatis. Plerumque autem cum exigente ira ad feriendum rapitur, diuino timore reuocatur. Et quidem per exasperatā potentiam in furorem se eleuat, sed quia æterni iudicis reminiscitur, cornu ligatus se inclinat. Sæpe ipse vidisse me memini, quod cum ad se feriendum grauitur hic rhinoceros accederet, & quasi eleuato cornu bestiolis minimis mortes, exilia, damnationesque subiectis immensis terroribus intèraret, repente fronti signo crucis impresso, omne in se incendium furoris extinxit, conuersus minas deposuit: & quia ad deliberata progredi non posset, ligatus agnouit. Et non solum in se iras edomat, sed in subiectorū etiam sensibus omne quod rectum est, inserere festinat: vt quia omnes sanctam Ecclesiā ex intima cogitatione venerentur, exemplo ipse suæ humilitatis demonstret. Dicatur igitur beato Iob: Nunquid alligabis rhinocerotem ad arandum loro tuo? Ac si aperte dicat: Nunquid potentes huius seculi in sua fatua elatione confidentes, ad laborem prædicationis dirigis, & sub disciplinæ vinculo restringes? Subaudis, vt ego: qui id egi cum dolui, qui persecutores meos quos prius hostes pertuli, ipsos postmodum rectæ fidei defensores feci. Sequitur: *Aut confringet glebas vallium post te?* Solent excultæ terræ superiacentes glebæ iactata semina premere, & nascentia suffocare. Quibus glebis hoc loco illi signantur, qui per duritiam suam, atque pestiferam vitam, nec ipsi semina verbi recipiunt, nec receptorum seminum fructus alios ferre permittunt. Sanctus

E enim quisque prædicator in mundum veniens euangelizando pauperibus, quasi molles vallium terras arauerat, sed quorundam duritiam electorum Ecclesia rumpere non valens, eos quasi superiectas labori suo glebas oppressa tolerabat. Multi enim peruersæ mentis ipsa terrenorum principum infidelitate confici, surgentem Ecclesiam malè viuendi pondere premebant, cum diu quos possent modò damnabilibus exemplis, modò minis, modò blandimentis destruerent, ne terra cordis auditorum, ad spiritalis seminis fructum excultā perueniret. At cum omnipotens Deus hunc rhinocerotem loris suis subdidit, per eum ilico glebarum duritiam fregit. Mox quippe terrenum principatum suæ fidei subiugauit, dura persequentium corda contriuit, vt quasi confractæ glebæ non iam obduratæ premerent, sed ad percepta verbi semina resolutæ germinarent. Vnde rectè nunc ait: Aut confringet glebas vallium post te? Ac si diceret: Sicut post me, qui postquam mentem cuiuslibet elatæ potestatis ingredior, non solum eam mihi subditam reddo, sed etiam ad conterendos fidei hostes exerceo, vt potentes huius seculi meæ formidinis loris ligati, non solum in me credentes permaneant, sed & pro me alieni cordis duritiam zelantes frangant. Hoc autem quod de infidelibus diximus in plerisque etiam qui fidei nomine censentur, videmus. Multi nanque in medio humilium fratrum positi, fidem verbotenus tenent, sed dum elationis typum non deserunt, dum quos possunt illatis violētis premunt, dum fructificationibus aliis ipsi nequaquā semina verbi recipiunt, sed ab exhortantis voce aurem cordis auertunt: isti quid aliud quàm obduratæ glebæ in exaratis vallibus iacent? Qui eo nequiores sunt, quo nec ipsi humilitatis fructū proferunt, & quod est deterius, proferentes humiles premunt. Ad horum duritiam dissoluendam nonnunquam sancta Ecclesia, quia propria virtute non sufficit, rhinocerotis huius, id est, terreni principis opitulationem quærit, vt ipse superiacentes glebas conterat, quas Ecclesiarum humilitas quasi planities vallium portat. Has itaque glebas rhinoceros pede premit ac comminuit, quia prauorum potentiūque duritiā cui Ecclesiastica humilitas resistere non valet, principalis religio ex potestate dissoluit. Quod quia sola diuina virtute agitur, vt terreni regni culmina ad perfectum regni celestis inclinentur, rectè nunc dicitur: Aut confringet glebas vallium post te? Vt verò de suis virtutibus beatus Iob humilia sentiat, & adhuc de huius mundi potestatibus sub rhinocerotis nomine sublimia cognoscat. Sequitur: *Nunquid habebis fiduciam in magna fortitudine eius, & derelinques ei labores tuos?* In rhinocerotis fortitudine fiduciam Dominus habere se asserit: quia vires quas temporaliter terreno principi contulit, ad cultum suæ venerationis inclinauit: vt ex accepta potestate per quā dudum contra Deum tumuerat, religiosum nunc Deo obsequium latius impendat. Quod enim in mundo plus potest, eò pro mundi auctore plus præualeat. Nam quia à subiectis ipse metuitur, tantò facilius persuadet, quāto & cum potestate indicat qui verè metuatur. Dicit ergo: Nunquid habebis fiduciam in magna fortitudine eius? Ac si diceretur: vt ego, qui vires terrenorū principum meo cultui seruituras aspicio. Tāto enim ea quæ nunc agis minora æstimo, quāto iam præuideo, quia & maiores huius mundi mihi potestates inclinabo. Bene autem subditur: *Et derelinques ei labores tuos?* Labores enim suos huic rhinoceroti Dominus reliquit, quia conuerso terreno principi eam quam sua morte mercatus est Ecclesiam credidit: quia videlicet in eius manu quanta sollicitudine pax fidei sit tuenda commisit. Sequitur:

Quod principes huius mundi semen verbi diuini multiplicant, dum præ Ecclesia contra hæreticos, & tyrannos leges promulgant.

Caput IIII.

N Unquid credes ei quod reddat sementem tibi, & arcam tuam cōgreget? Quid aliud semen nisi verbum prædicationis accipitur: sicut in Euangelio veritas dicit: Exiit qui seminavit, & sicut Propheta ait: Beati qui seminatis super omnes aquas. Quid aliud arca nisi Ecclesia debet intelligi: De qua præcursoris voce dicitur: Et permundabit arcam suā. Quis ergo in initio nascentis Ecclesiæ crederet, dū cōtra eā ille indomitus principatū terre tot minis & cruciatibus sequiret: quia rhinoceros

rhinoceros iste Deo sementem redderet, id est, acceptum prædicationis verbum operibus repensaret? Quis posset tunc infirmorum credere, quod eius aream congregaret? Ecce enim modò pro Ecclesia leges promulgat, qui dudum contra eam per varia tormenta sæuiebat. Ecce quaslibet gentes capere potuerit, ad fidei illius gratiam suadendo perducit, eisque æternam vitam indicat, quibus captis præsentem seruat. Cur hoc? Quia videlicet aream nunc congregat, quam aliquando superbo cornu dispergendo ventilabat. Audiat igitur beatus Iob quid gentilitatis principes faciât, & nequaquam se apud semetipsum de gloria tantæ suæ virtutis extollat. Audiat & rex potens, potentiores huius mundi reges quanta Deo deuotione famulentur, & virtutem suam quasi pro singularitate non trahat in elationis vitium qui habet in aliis exemplum: quia etsi tunc ei similem Dominus non vidit, multos tamen per quos eius gloriam retunderet, prævidit. Igitur quia terreni principes magna se Deo humilitate subternunt, prauis homines qui dudum contra Ecclesiam in infidelitate positi, aperta aduersitate sæuiebant, nunc ad alia fraudis argumenta vertuntur. Quia enim illos religionem venerari conspiciunt, ipsi cultum religionis assumunt, & bonorum vitam sub despectis vestibus iniquis moribus premunt. Mundi quippe dilectores sunt, hocque in se quod homines venerentur ostendunt, atque eis qui verè semetipsos despiciunt, non mente, sed veste copulantur. Quia enim præsentem gloriam amantes assequi non possunt, quasi despicientes sequuntur. Qui quid sentirent contra bonos ostenderent, si aptum nequitiae tempus inuenirent. Sed hæc etiam argumenta prauorum ad electorum salutem proficiunt. Sancta enim Ecclesia transire sine labore tentationis non potest tempora peregrinationis, quæ etsi foris apertos hostes non habet, intus tamen tolerat fictos fratres. Nam contra vitia semper in acie est, & habet etiam pacis tempore bellum suum: & fortasse grauius affligitur, cum non extraneorum ictibus, sed suorum moribus impugnatur. Siue itaque illo seu isto tempore, est tamen semper in labore. Nam & in persecutione principum timet, ne amittant boni quod sunt, & in conuersione principum tolerat, quia mali simulant bonos se esse, quod nõ sunt. Vnde omnipotens Deus quia rhinocerotem hunc loris ligatum dixit, ilico prauorum hypocrisim subdidit, dicens:

Quod hypocritæ sanctitatis speciem habeant, sed charitatem supernam non habent: & in his quos verbo doctrina gignunt, quæ sua sunt querunt, non quæ Iesu Christi.

Capitulum V.

Penna struthionis similis est pennæ herodij & accipitris. Quis herodium & accipitrem nesciat aues reliquas quanta volatus sui velocitate transcendat? Struthio verò pennæ eorum similitudinem habet, sed volatus eorum celeritatem nõ habet. A terra quippe eleuari nõ valet, & alas quasi ad volatum specietenus erigit, sed tamè nunquam se à terra volando suspendit. Ita sunt nimirum omnes hypocritæ, qui dum bonorum vitam simulant, imitationem sanctæ cõuersationis habent, sed veritatem sanctæ actionis nõ habent. Habent quippe voladi pennas per speciem, sed in terra repunt per actionem: quia alas per figuram sanctitatis extendunt, sed curarum secularium pondere prægrauati, nullatenus à terra subleuantur. Speciem nanque Phariseorum reprobus Dominus quasi struthionis pennam redarguit, quæ in opere aliud exercuit, & in colore aliud ostendit, dicens: Vt vobis Scribæ & Pharisei hypocrite, quia similes estis sepulchris dealbatis, quæ foris quidem apparent hominibus speciosa, intus verò sunt plena ossibus mortuorum: ita & vos foris apparetis hominibus iusti, intus verò pleni estis auaritia & iniquitate. Ac si diceret: Subleuare vos videtur species pennæ, sed in infimis vos deprimit pòdus vitæ. De hoc pondere per Prophetam dicitur. Filij hominum vstique quo graui corde? Huius struthionis cõuersurum se hypocritam Dominus pollicetur, cum per Prophetam dicit: Glorificabunt me bestię agri dracones & struthiones. Quid enim draconum nomine, nisi in aperto malitiosę mētes exprimuntur, quæ per terram semper in infimis cogitationibus repunt? Quid verò per struthionum vocabulū, nisi hi qui se bonos simulat

Tomus primus.

designantur, qui sanctitatis vitam quasi volatus pennam per speciem retinent, sed per opera non exercent? Glorificari itaque se Dominus à dracone, vel struthione asserit, quia & aperte malos, & fictè bonos plerumque ad sua obsequia ex intima cogitatione conuertit. Vel certè agri bestię Dominum, id est, dracones struthionesque glorificant, cum fidem quæ in illo est, ea quæ in hoc mundo dudum membrum diaboli fuerat gentilitas exaltat. Quam & propter malitiam draconum nomine exprobrat, & propter hypocrisim, vocabulo struthionum vocat. Quasi enim pennas accepit gentilitas, sed volare non potuit, quæ & naturam rationis habuit, & actionem rationis ignorauit. Habemus adhuc quod in consideratione struthionis huius de accipitre, & herodio attentius perpendamus. Accipitris quippe & herodij parua sunt corpora, sed penis densioribus sulta, & idcirco cum celeritate transuolant: quia eis parum inest quod aggrauat, multum quod leuat. At contra struthio raris pennis induitur, & immani corpore grauatur: ut etsi volare appetat, ipsa pennarum paucitas molem tanti corporis in aëre non suspendat. Bene ergo in herodio & accipitre electorum persona signatur, qui quandiu in hac vita sunt, sine quantulocunque culpæ contagio esse non possunt. Sed cum eis parum quid inest, quod deprimit, multa virtus bonæ actionis suppetit quæ illos in superna sustollit. At contra hypocrita etsi facit pauca quæ eleuent perpetrat multa quæ grauent. Neque enim nulla bona agit hypocrita, sed quibus ea ipsa deprimat, multa peruersa committit. Pauca igitur pennæ corpus struthionis non subleuant, quia paruum bonum hypocritæ, multitudo prauæ actionis grauat. Hæc quoque ipsa struthionis penna ad pennas herodij & accipitris similitudinem coloris habet, virtutis verò similitudinem non habet. Illorum nanque conclusæ & firmiores sunt, & volatu aërem premere virtute suæ soliditatis possunt. At contra struthionis pennæ dissolutæ, eo volatum sumere nequeunt, quo ab ipso quem premere debuerant, aëre transcenduntur. Quid ergo in his aspicimus, nisi quod electorum virtutes solidæ euolant, ut ventos humani fauoris premant? Hypocritarum verò actio quamlibet recta videatur, volare non sufficit: quia videlicet fluxæ virtutis pennam humanæ laudis aura pertransit.

Sed ecce cum vnum eundemque bonorum malorumque habitum cernimus, cum ipsam in electis ac reprobis professionis speciem videmus, vnde nostræ intelligentiæ suppetat, ut electos à reprobis, à falsis veros cõprehendendo discernat? Quod tamen citius agnoscimus, si intemerata in memoriam præceptoris nostri verba signamus, qui ait: Ex fructibus eorum cognoscetis eos. Neque enim pensanda sunt quæ ostendunt in imagine, sed quæ seruant in actione. Vnde hic postquã speciem struthionis huius intulit, mox facta subiungit, dicens: *Quæ derelinquit in terra oua sua.* Quid enim per oua nisi tenera adhuc proles exprimitur, quæ diu fouenda est, ut ad viuum volatile perducatur? Oua quippe insensibilia in semetipsis sunt, sed tamen calefacta, in viuus volatilibus conuertuntur. Ita nimirum paruuli auditores ac filij certum est quod frigidi insensibilesque remaneant, nisi doctoris sui sollicita exhortatione calefiat. Ne igitur derelicti in sua insensibilitate torpescant, assidua doctorum voce fouendi sunt, quousque valeant, & per intelligentiam viuere, & per contemplationem volare. Quia verò hypocritæ quauis peruersa semper operetur, loqui tamen recta non desinunt: bene autem loquendo in fide, vel conuersione filios pariunt, sed eos bene viuendo nutrire non possunt, rectè de hac struthione dicitur: *Quæ derelinquit in terra oua sua.* Curam nanque filiorum hypocrita negligit: quia ex amore intimo rebus se exterioribus subdit: in quibus quãtò magis extollitur, tantò minus de prolis suæ defectu cruciatur. Oua ergo in terra dereliquisse, est natos per conuersionem filios nequaquam à terrenis actibus interposito exhortationis nido suspèdere. Oua in terra dereliquisse, est nullum celestis vitæ filijs exemplum præbere. Quia enim hypocritæ per charitatis viscera non calent, de torpore prolis editæ, id est, de ouorum suorum frigore nequaquam dolent: & quantò se libentius terrenis actibus inferunt, tantò negligentius eos quos generant, agere terrena permittunt: sed quia derelictos hypocritarum filios superna cura non deserit: nonnullos namque etiã ex talibus intima electione præscitos, largitæ gratiæ respectu calefacit, rectè subiungitur:

A iij

Quod eos quos prauorum doctorum negligentia in puluere peccati inuistatos deserit, gratia Dei calefacit: & sine hominum ministerio, multos desperatos per se Deus visitat & uiuificat.

Caput VI.

T *V* forsit in puluere calefacies ea? Ac si dicat: ut ego, qui illa in puluere calefacio: quia scilicet paruulorum animas, & in medio peccantium positas, amoris mei igne succendo. *Esaiæ 65.* Quid enim puluis nisi peccator accipitur: Vnde & ille hostis huius peccatoris perditione satiatur, de quo per Prophetam dicitur: Serpenti puluis panis eius. Quid per puluerem, nisi ipsa iniquorum instabilitas demonstratur? De qua Dauid ait: *Psal. 1.* Non sic impij non sic, sed tanquam puluis quem proicit vntus à facie terræ. Oua ergo Dominus in puluere derelicta calefacit: quia paruulorum animas prædicatorum suorum solitudine destitutas, etiam in medio peccantium positas amoris sui igne succendit. Hinc est quod plerosque cernimus, & in medio populorum viuere, & tamen vitam torpentis populi non tenere. Hinc est quod plerosque cernimus, & malorum turbas non fugere, & tamen superno ardore flagrare. Hinc est quod plerosque cernimus, ut ita dixerim, in frigore calere. Vnde enim nonnulli in terrenorum hominum torpore positi, supernæ spei desiderijs inardescunt, vnde & inter frigida corda succensi sunt, nisi quia omnipotens Deus derelicta oua scit etiam in puluere calefacere: & frigoris pristini insensibilitate discussa, per sensum spiritus vitalis animare, ut nequaquam iacentia in infirmis torpeant, sed in viuis volatilibus versa, sese ad cœlestia contemplando, id est, volando suspendant. Notandum verò est quod in his verbis, non solum hypocritarum actio peruersa reprobatur, sed bonorum etiam magistrorum si qua fortasse subreperit elatio premittitur. Nam cum de se Dominus dicit, quod derelicta oua in puluere, ipse calefaciat: profectò apertè indicat, quia ipse operat intrinsecus per verba doctoris, qui & sine verbis vilius hominis calefacit quos voluerit in frigore pulueris. Ac si apertè doctoribus dicat: Ut sciatis quia ego sum qui per vos loquentes operor, ecce cum voluero, cordibus hominum etiam sine vobis loquor. Humiliata igitur cogitatione doctorum, ad exprimendum hypocritam sermo conuertitur, & qua fatuitate torpeat, adhuc sub struthionis facto plenius indicatur. Nam sequitur:

Quod hypocrita nulla solitudine infirmis provideat, nec aliquā charitatis affectionem impendant his, quos bestiarum moribus expositos vident: sed duri ad filios, quasi sui non sint, reputant alienos.

Caput VII.

O *B*liniscitur quod pes conculcet ea, aut bestia agri conterat. Quid in pede nisi transitus operationis accipitur? Quid in agro nisi mundus iste signatur? De quo in Euangelio Dominus dicit: Ager autem est mundus. Quid in bestia, nisi antiquus hostis exprimitur, qui huius mudi rapinis insidians, humana quotidie morte satiatur? De qua per Prophetam pollicente Domino dicitur: Et mala bestia non transibit per eam. Struthio itaque oua sua deferens, obliuiscitur quod pes conculcet ea: quia videlicet hypocritæ eos quos in conuersatione filios generant derelinquunt, & omnino non curant, ne aut exhortationis sollicitudine, aut disciplinæ custodia destitutos, prauorum operum exempla peruertant. Si enim oua quæ gignunt diligenter, nimirum metuerent ne quis ea peruersa opera demonstrando calcaret. Hunc Paulus pedem infirmis discipulis, quasi ouis quæ posuerat metuebat, cum diceret: Multi ambulant quos sæpe dicebam vobis, nunc autem & flens dico inimicos crucis Christi. Et rursum: Videte canes, videte malos operarios. Et rursum: Denuntiamus vobis fratres in nomine domini nostri Iesu Christi, ut subtrahatis vos ab omni fratre ambulante inordinatè, & non secundum traditionem quam acceperunt à nobis. Hunc pedem Ioannes Gaio formidabat, qui cum multa Diotrephis mala præmisisset, adiunxit: Charissime, noli imitari malum, sed quod bonum est. Hunc ipse synagogæ dux infirmo suo gregi metuebat, dicens: Quando ingressus fueris terram, quam Dominus Deus dabit tibi, caue ne imitari velis abominationes illarum gentium. Obluiscitur etiam quod bestia agri conterat: quia nimirum si diabolus in hoc mundo sæuiens editos in bona conuersione filios rapiat, hypocrita omnino non curat. Hanc autem agri be-

E stiam Paulus ouis quæ posuerat metuebat, dicens: Timeo ne sicut serpens Euam seduxit astutia sua, ita corrumpantur sensus vestri à charitate, quæ est in Christo Iesu. Hanc agri bestiam discipulis metuebat Petrus, cum diceret: Aduersarius vester diabolus, quasi leo rugiens circuit, quærens quem deuoret, cui resistite fortes in fide. Habent ergo veraces magistri super discipulos timoris viscera ex virtute charitatis: hypocritæ autem tantò minus commissis sibi metuunt, quanto nec sibi metipsis quid timere debeant deprehendunt. Et quia obduratis cordibus viuunt, ipsos etiam quos generant filios, nulla pietate debiti amoris agnoscunt. Vnde adhuc sub struthionis specie subditur: *Duratur ad filios quasi non sint sui.* Quæ enim charitatis gratia non infundit, proximum suum etiam si ipse hunc Deo genuit, extraneum respicit: ut profectò sunt omnes hypocritæ, quorum videlicet mentes dum semper exteriora appetunt, intus insensibiles fiunt: & in cunctis quæ agunt, dum sua semper expetunt, erga affectum proximi nulla charitatis compassione mollescunt. O quam mollia viscera gestabat Paulus, quando circa filios suos tanto æstu amoris inhiabat, dicens: Nos vituimus, si vos statis in Domino: & testis mihi est Deus, quomodo cupiam omnes vos in visceribus Christi Iesu. Romanis quoque ait: Testis est mihi Deus cui seruo in spiritu meo, in Euangelio filij eius, quod sine intermissione memoriam vestri semper facio in orationibus meis: obsecrans si quo modo tandem aliquando prosperum iter habeam in voluntate Dei veniendi ad vos: desidero enim videre vos. Timotheo quoque ait: Gratias ago Deo meo, cui seruo à progenitoribus meis in conscientia pura, quia sine intermissione habeam tui memoriā in orationibus meis, nocte ac die desiderans te. Thessalonicensibus quoque amoris suum indicans, dicit: Nos autem fratres desolati à vobis ad tempus horæ, aspectu, non corde, abundantius festinauimus faciem vestram videre cum multo desiderio. Qui duris persecutionibus pressus, & tamē de filiorum salute sollicitus, adiunxit: Misimus Timotheum fratrem nostrum, & ministrum Dei in Euangelio Christi, ad confortandos vos, & exhortandos pro fide vestra, ut nemo moueatur in tribulationibus istis. Ipsi enim scitis quod in hoc positi sumus. Ephesiis quoque ait: Peto ne deficiatis in tribulationibus meis pro vobis, quæ est gloria vestra. Ecce in tribulatione positus, alios exhortatur: & in hoc quod ipse sustinet, alios roborat. Non enim filiorum suorum fuerat more struthionis oblitus, sed metuebat nimis ne eius discipuli in predicatorum suo tot persecutionum probra cernentes, fidem in eo despicerent, contra quam innumera passionum contumeliæ præualerent. Et idcirco minus dolebat in tormentis, sed magis filiis de tormentorum suorum tentatione metuebat. Paripedeabat in se plagas corporis, dum formidaret in filiis plagas cordis. Ipse patiendofuscipiebat vulnera tormentorum, sed filios cōsolando, curabat vulnera cordium. Pensamus ergo cuius charitatis fuerit, inter dolores proprios aliis timuisse: pensamus cuius charitatis fuerit filiorum salutem inter sua detrimenta requirere, & statum mentis in proximis etiam ex sua deiectione custodire. Sed hæc hypocritæ charitatis viscera nesciunt: quia eorum mens quantò per mundi concupiscentiam in exteriora resoluitur, tantò per inaffectionem suam interiora obduratur: & torpore insensibili frigescit intrinsecus, quia amore damnabili mollescit foris, seque ipsam considerare non valet, quia cogitare se minimè studet. Cogitare verò se mens non potest, quæ tota apud semetipsam non est. Tota verò esse apud semetipsam non sufficit, quia per quot concupiscentia rapitur, per tot à semetipsa species dissipatur, & sparsa in infimis iacet, quæ collecta si vellet, ad summa consurgeret. Vnde iustorum mens, quia per custodiam disciplinæ, à cunctorum visibilium fluxu appetitu constringitur, collecta apud semetipsam intrinsecus integratur: qualisque Deo vel proximo esse debeat, plenè cōspicit, quia nihil suum exterius derelinquit: & quātò ab exterioribus abstracta compescitur, tantò aucta in intimis inflammatur: & quod intus magis ardet, eò ad deprehendenda vitia amplius lucet. Hinc est enim quod sancti viri dum se intra semetipsos colligunt, mira ac penetrabili acie occulta etiam aliena delicta deprehendunt. Vnde bene per Ezechielem prophetam dicitur: E-

missa

missa similitudo manus apprehendit me in cinnamo capitis mei, & eleuauit me spiritus inter terram & celum, & adduxit me in Hierusalem in visione Dei iuxta ostium interius quod respiciebat ad Aquilonem: vbi erat statutum idolum zeli, ad prouocandam æmulationem. Quid est enim cinnamus capitis, nisi collectæ cogitationes mentis: vt non sparsæ diffuant, sed per disciplinam constrictæ subsistant? Manus ergo desuper mittitur, & propheta per cinnamum capitis eleuatur: quia cum nostra mens sese per custodiam colligit, vis superna sursum nos ab infimis trahit. Bene verò inter terram & celum sublatum se asserit: quia quilibet sanctus in carne mortali positus, plenè quidem adhuc ad superna non peruenit, sed tamen ima dereliquit. In visione verò Dei in Hierusalem ducitur: quia videlicet vnusquisque proficiens per charitatis zelum, qualis esse Ecclesia debeat contèplatur. Bene quoque additur: Quia iuxta ostium interius ductus est, quod respiciebat ad Aquilonem: quia nimirum sancti viri dū per aditum internæ cōtemplationis aspiciunt, plus praua intra Ecclesiam fieri quàm recta deprehendunt: & quasi in Aquilonis parte oculos, id est, ad Solis sinistram flectunt: quia contra vitiorum frigora, charitatis se stimulis accēdunt. Vbi & rectè subiungitur: Quia illic erat statutum idolum zeli ad prouocandam æmulationem. Dum enim intra sanctam ecclesiam à nonnullis specie sola fidelibus, rapinas & vitia perpetrari considerant, quid aliud quàm in Hierusalem idolum vident? Quod idolum zeli dicitur, quia per hoc contra nos æmulatione superna prouocatur: & tantò districtius derelinquentes ferit, quanto nos charius redemptor amat. Hypocritæ igitur quia cogitationes mentis non colligunt, per cinnamum capitis minimè tenentur. Et qui sua nesciunt, cōmissorum sibi quando delicta deprehendūt? Hi itaque torpēt à cœlestibus, ad quæ flagrare debuerant, & flagrant terrenis rebus anxie, à quib⁹ laudabiliter torpuissent. Postposita quippe filiorum cura, sæpe eos videas se contra pericula immensi laboris accingere, maria trāsmeari, adire iudicia, pulsare principatus, palatia irrumpere, iurgantibus populorum cuneis interesse, & terrena patrimonia laboriosa obseruatione defendere. Quibus si fortasse dicatur, cur ista vos agitis, qui seculū reliquistis? respondēt ilico Deum se metuere, & idcirco tāto studio defendendis patrimoniis insudare. Vnde bene adhuc de struthionis huius stulto labore subiungitur:

Quod hypocritæ animarum damna non curant, sed temporalium rerum iactura anxie perturbantur.

Caput VIII.

Frustra laborauit, nullo timore cogente. Illic nanque trepidauerunt timore, vbi non erat timor. Ecce enim diuina voce præcipitur: Si quis tibi tulerit tunicam, & voluerit tecum iudicio cōtēdere, dimitte illi & palliū. Et rursum. Si quis quod tuum est tulerit, ne repetas. Paulus quoque Apostolus discipulos suos cupiēs exteriora despicere, vt valeant interna seruare admonet dicens: Iam quidem omnino delictum est in vobis, quod iudicia habetis inter vos: quare non magis iniuriam accipitis, quare non magis fraudem patimini? Et tamen hypocrita assumpto sanctæ conuersationis habitu, filiorum custodiā deserit, & temporalia quæque defendere etiam iurgis quærit. Exemplo suo perdere corda non trepidat, & quasi per negligentiam amittere patrimonia terrena formidat. In errorem discipulus labitur, & tamen cor hypocritæ nullo dolore fauciatur. Ire in iniquitatis voraginem commissos sibi conspicit, & hæc quasi inaudita pertransit: at si quod sibi leuiter inferri temporale damnum senserit, in ultionis iram repente ab intimis inardescit. Mox patientia rumpitur, mox dolor cordis in vocibus effrenatur: quia dum animarum damna æquanimiter tolerat, iacturam verò rerum temporalium repellere, etiam cum spiritus commotione festinat, cunctis veraciter indicat teste mentis perturbatione quid amat. Ibi quippe est grande studium defensionis, vbi & grauior vis amoris. Nam quāto magis terrena diligit, tantò priuari eis vehementius pertimescit. Quia enim mēte aliquid in hoc mūdo possidemus, non docemur, nisi cum amittimus. Sine dolore nanque amittitur, quicquid sine amore possidetur. Quæ verò ardentè diligimus habita, grauius suspiramus ablata. Quis autem nesciat quia nostris vsibus res terrenas Domi-

Tomus primus.

A nus condidit, suis autem animas hominum creauit? Plus ergo Deo se amare conuincitur, qui neglectis his quæ eius sunt, propria tuetur. Perdere nanque hypocritæ ea quæ Dei sunt, id est, animas hominum non timent, & ea quæ sua sunt, amittere: videlicet res cum mundo transeunt, quasi districto iudici positura rationes timent, ac si placatum inueniant, cui desideratis rebus, id est rationalibus perditis, insensibilia & non quærita conseruant. Possidere aliquid in hoc mundo volumus: & ecce veritas clamat: Nisi quis renuntiauerit omnibus quæ possidet, non potest meus esse discipulus. Perfectus igitur Christianus quomodo debet res terrenas iurgando defendere, quas nunc præcipitur non possidere? Itaque cum res proprias amittimus, si perfectè Deum sequimur, in huius vitæ itinere à magno onere leuigati sumus. Cum verò curam rerū eiusdē nobis itineris necessitas imponit, quidā dū eas rapiant, solummodo tolerādi sunt: quidam verò conseruata charitate prohibendi, non tamen sola cura ne nostra subtrahant, sed ne rapientes non sua, semetipsos perdāt. Plus quippe ipsis raptoribus debemus metuere, quàm rebus irrationabilibus defendendis inhiare. Ista nanque etiam non rapta morientes amittimus, cum illis verò & nunc conditionis ordine, & si corrigi studeant, post perceptionem muneris vnum sumus. Quis autem nesciat, quia minus ea quibus vtimur, & plus debemus amare quod sumus? Si ergo & pro sua vtilitate raptoribus loquimur, non iam solum nobis quæ tēporalia, sed ipsis etiā quæ sunt æterna, vendicamus. Quia in re illud est solerter intueundum, ne per necessitatis metum, cupiditas surrepat rerum: & zelo succensa prohibitio, impetu immoderatione distensa, vsque ad odiosa verba, & turpitudinem contentionis erumpat. Dūque pro terrena re pax à corde cum proximo scinditur, liquidò apparet, quia plus res quàm proximus amatur. Si enim charitatis viscera etiam circa raptorem proximum non habemus, nosmetipsos peius ipso raptore persequimur, grauiusque nos quàm alter poterat deuastamus: quia dilectionis bonum spōte deferentes, à nobis ipsis intus est quod amittimus, qui ab illo sola exteriora perdebamur. Sed hanc hypocrita formam charitatis ignorat: quia plus terrena quàm cœlestia diligens, contra eum qui temporalia diripit, sese in intimis immani odio inflamat. Sciendum verò est, quia sunt nonnulli quos charitatis gremio nutriens mater Ecclesia tolerat, quousque ad spiritualis ætatis incrementa perducatur, qui nonnunquam & sanctitatis habitum tenent, & perfectionis meritum exequi non valent. Ad dona nanque spiritualia minimè assurgunt, & idcirco his qui sibi coniuncti sunt, ad tuenda ea quæ terrena sunt, seruiunt, & nonnunquam in defensionis eiusdem iracundia excedunt. Hos nequaquam credendum est hypocritarum numerum incurrere: quia aliud est infirmitate, aliud malitia peccare. Hoc itaque inter hos & hypocritas distat, quod isti infirmitatis conscij malunt à cunctis de culpa sua redargui, quàm de ficta sanctitate laudari: illi verò & iniqua se agere certi sunt, & tamen apud humana iudicia de nomine sanctitatis, intumescunt. Isti non metuunt prauis hominibus etiam de bona actione displicere, dum supernis tantummodo iudiciis placeant: illi verò nunquam quid agant, sed quomodo de actione qualibet hominibus possint place-re considerant. Isti iuxta modum suæ intelligentiæ, etiam in rebus seculi militant causis Dei: illi verò pro causis Dei, intentioni deseruiunt seculi: quia inter ipsa quoque quæ se agere sancta opera ostendunt, non conuersionem quærunt hominum, sed auras fauorum. Igitur dum quosdam non despectæ conuersationis viros, iracundè vel nimie defendere terrena conspicimus, debemus hoc in illis per charitatem reprehendere, nec tamen eos reprehendendo desperare: quia plerunque vni eidemque homini & insunt quædam iudicabilia quæ apparent, & magna quæ latent. In nobis autem sæpe magna in facie prodeunt, & nonnunquam quæ reprehendenda sunt occultantur. Hinc ergo humilianda est nostræ mentis elatio, quod & illorum infirma sunt publica, & nostra secreta: & rursum fortia illorum secreta sunt, & in publico nostra vulgātur. Quos ergo de aperta infirmitate reprehēdimus, superest vt de occulte fortitudinis æstimatione veneremur: & si de aperta se firmitate nostra mens eleuat, occulta sua infirma cōsiderans, sese in humilitate premat. Sæpe enim nonnulli multis

A iijj

præceptis obsequuntur, & quædam pauca prætereunt: & nos multa prætermittimus, cum pauca seruamus. Vnde fit plerunque, ut quia quod seruare nos nouimus, hoc prætereire alios videmus, ilico nostra se in elatione mens eleuet, obliuiscens quam multa prætereat, cum valde sint pauca quæ seruat. Necesse est igitur ut in quibus alios reprehendimus, elationem sollicitè nostræ cogitationis inclinemus: quia si sublimiorem se cæteris noster animus conspiciat, quasi in præcipitio singularitatis ductus, eo peius ruit. Sed cur hypocrita cælestia lucra deferens, terrena elaborat, sub struthionis ad huc nomine subiungit, dicens:

Quod hypocritas dedit Deus in reprobum sensum, & ita excæcati sunt mente, ut electorum sanctitatem, & eorum rectorem Deum contemnunt. Caput IX.

Exod. 7.

Priuauit eam Deus sapientia, nec dedit illi intelligentiam.) Quauis aliud sit priuare, aliud non dare: hoc tamen repetit subdendo, non dedit, quod præmisit, priuauit. Ac si diceret: Quod dixit priuauit, non iniuste sapientiam abstulit, sed iuste non dedit. Vnde & Pharaonis cor Dominus obdurasse describitur, non quod ipse duritiam contulit, sed quod exigentibus eius meritis, nulla illud desuper infusi timoris sensibilitate molliuit. Sed nunc hypocrita quod sanctum se simulat, quod sub imagine boni operis occultat, sanctæ Ecclesiæ pace premitur, & idcirco ante nostros oculos religionis visione vestitur. Si qua verò tentatio fidei erumpat, statim lupi mens rabida, habitu se ouinæ pellis expoliat: quantumque contra bonos sæuiat, persequens demonstrat. Vnde & rectè subditur: Cum tempus fuerit, in altum alas erigit, deridet equitem, & ascensorem eius.) Quid enim alas huius struthionis accipimus, nisi pressas hoc tempore quasi complicitas hypocrite cogitationes? Quas cum tempus fuerit, in altum eleuat, quia opportunitate comperta, eas superbiendo manifestat. Alas in altum erigere, est per effrenatam superbiam cogitationes aperire. Nunc autem quia sanctum se simulat, quia in semetipso stringit quæ cogitat, quasi alas in corpore per humilitatem plicat.

12.

Notandum verò est quod non ait: Deridet equum & ascensorem: sed equitem & ascensorem eius. Equus quippe est unicuique sanctæ animæ corpus suum, quod videlicet nouit, & ab illicitis continentia freno restringere, & rursus charitatis impulsu in exercitatione boni operis relaxare. Equitis ergo nomine anima sancti viri exprimitur, quæ iumentum corporis bene subditum regit. Vnde & Ioannes apostolus in Apocalypsi Dominum contemplatus ait: Et exercitus qui sunt in cælo, sequebatur eum in equis albis. Multitudinem quippe sanctorum, quæ in hoc martyrij bello sudauerat, rectè exercitum vocat, qui idcirco in equis albis federe referuntur: quia nimirum eorum corpora & luce iustitiæ & castimonie candore claruerunt. Deridet ergo hypocrita equitem: quia cum ipse in aperto iniquitatis eruperit, electorum despiciat sanctitatem: & elatus satuos appellat, quos pace pressus fidei, callida arte simulabat. Quis verò alius huius ascensor est equitis, nisi omnipotens Deus, qui & ea quæ non erant præuidens condidit, & ea quæ sunt possidens regit? Ascendit quippe equitem: quia iusti vniuscuiusque viri animum possidet, sua bene membra possidentem. Huic ergo hypocritæ deridere equitem est, sanctos despiciere: deridere verò ascensorem equitis, est profligare usque ad iniuriam creatoris. Quia enim in vnoquoque lapsu à minimis semper incipitur, & succrescentibus defectibus ad grauiora peruenitur, rectè hypocritæ huius iniquitas per supposita detrimenta distinguitur: ut dicatur prius bonum se quod non sit ostendere, postmodum verò bonos aperte despiciere: ad extremum quoque usque ad iniuriam conditoris exilire. Nunquam quippe illic anima quod ceciderit iacet, quia voluntariè semel lapsa ad peiora pondere suæ iniquitatis impellitur: ut in profundum corruens semper adhuc profundius obruatur. Eat ergo hypocrita, & nunc suas laudes appetat, postmodum vitam proximorum premat, & quandoque se in irrisione sui cordis exerceat: ut quo elatiora semper excogitat, eo se supplicii atrocioribus immergat. O quam multos tales nunc sancta Ecclesia tolerat, quos cum tempus eruperit, tentatio aperta manifestat. Qui voluntates suas quia contra eam mo-

Apoc. 19.

dò non exerunt, quasi complicitas interim alas cogitationum premunt. Quia enim à bonis malisque hæc vita communiter ducitur, nunc Ecclesia ex vtrorūque numero visibiliter congregatur, sed Deo inuisibiliter iudicante discernitur, atque in exitu suo à reproborum societate separatur. Modò verò esse in ea, nec boni sine malis, nec mali sine bonis possunt. Hoc enim tempore cōiuncta vtraque pars sibi necessariò congruit: ut & mali mutantur per exēpla bonorum, & boni purgētur per tentamenta malorum. Atque ideo Dominus postquam sub struthionis specie multa de hypocritarum reprobatione intulit, mox ad electorum sortem verba conuertit: ut qui in illis audierant quod fugientes tolerant, in istis audiant quod imitantes ament. Sequitur:

Quod ea quæ de rhinocrote dicta sunt, intelligi & aliter possunt.

Caput X.

Nunquid præbebis equo fortitudinem, aut circumdabis collo eius hinnitum? Sed fortasse prius quam huius equi fortitudinem hinnitumque differamus, ab aliquibus quæritur, ut aliter etiam moralitate postposita, & rhinocerotis virtus, & struthionis huius fatuitas exponatur. Manna quippe est verbum Dei, & quicquid bene voluntas suscipientis appetit, hoc profectò in ore comedentis sapit. Terra est verbum Dei, quam quando labor inquirentis exigit, tantò largius fructum reddit. Debet ergo intellectus sacri eloquij multiplici inquisitione ventilari: quia & terra, quæ sapius arando vertitur, ad frugem vberius aptatur. Quæ igitur & aliter de rhinocrote ac struthione sentimus, sub breuitate perstringimus: quia ad ea quæ obligatoria sunt, enodanda properamus. Rhinoceros iste, qui etiam monoceros in Græcis exemplaribus nominatur, tantæ esse fortitudinis dicitur, ut nulla venantium virtute capiatur. Sed sicut hi asserunt, qui describendis naturis animalium laboriosa inuestigatione sudauerunt, virgo ei puella proponitur, quæ venienti sinum aperit, in quo ille omni ferocitate postposita caput deponit, sicque ab eis à quibus capi quæritur, repente velut inermis inuenitur. Buxei quoque coloris esse describitur, qui etiam cum elephantis quando certamen aggreditur, eo cornu quod in nare singulariter gestat, ventrem aduersantium ferire perhibetur, ut cum ea quæ molliora sunt vulnerat, impugnantes se facile sternat. Potest ergo per hunc rhinocerotem, vel certè monocerotem, scilicet unicornem, ille populus intelligi, qui dum de accepta lege non opera, sed solam inter cunctos homines elationem sumpsit, quasi inter cæteras bestias cornu singulare gestauit. Vnde passionem suam Dominus Propheta canente pronuntians, ait: Libera me de ore leonis, & de cornibus unicornium humilitatem meam. Tot quippe in illa gente unicornes, vel certè rhinocerotes extiterunt, quot contra prædicamenta veritatis legis operibus, singulari & fatua elatione confisi sunt. Beato igitur Iob sanctæ Ecclesiæ typum tenenti dicitur: Nunquid volet Rhinoceros seruire tibi? Ac si aperte dicatur: Nunquid illum populum quem superbire in nece fidelium stulta sua elatione consideras, sub iure tuæ prædicationis inclinas: subaudis, ut ego, qui & contra me illum singulari cornu extolli conspicio, & tamen mihi cum voluero, protinus subdo. Sed hoc melius ostendimus, si de genere ad speciem transeamus. Ille ergo ex hoc populo & prius in superbia, & postmodum præcipuus testis in humilitate nobis ad medium Paulus ducatur, qui dum contra Deum, se quasi de custodia nesciens extulit, cornu in nare gestauit. Vnde & hoc ipsum naris cornu per humilitatem postmodum inclinans, dicit: Qui prius fui blasphemus & persecutor, & contumeliosus, sed misericordiam consecutus sum, quia ignorans feci. In nare cornu gestabat, qui placitum se Deo de crudelitate confidebat, sicut ipse postmodum semetipsum redarguens dicit: Et proficiebam in Iudaismo supra multos contemporaneos meos in genere meo, abundantius æmulator existens paternarum traditionum. Huius autem Rhinocerotis fortitudinem omnis venator extimuit: quia Sauli sæuitiam vniuscuiusque prædicator expauit. Scriptum nanque est: Saulus adhuc spirans minarum & cædis in discipulos Domini, accessit ad principem sacerdotum, & petiit ab eo epistolas in Damascum

13.
Rhinoceros
tis fortitudinem
do.
Modus capiendi eius

Psal. 21.

1. Tim. 6.

Galat. 1.

Acto. 9.

masculum ad synagogas, ut si quos inuenisset huius viæ viros ac mulieres, vinctos perduceret in Hierusalē. Cum flatus nare reddendus trahitur, spiratio vocatur, & illud sæpe per odorem nare deprehendimus, quod oculis non videmus. Rhinoceros ergo iste nare gestabat cornu quo percuteret: quia minarum & cædis in Domini discipulos spirans, postquam præsentem interfecerat, absentes querebat. Sed ecce omnis ante illum venator absconditur, id est, omnis homo rationale sapiens opinionem timoris eius effugatur. Ut ergo hunc Rhinocerotem capiat, sinum suum virgo, id est secretum suum ipsa per se inuoluta in carne Dei sapientia expandat. Scriptum quippe est, quod cum Damascum pergeret, subito circumfulsit illum die media lux de cælo, & vox facta est, dicens: Saule Saule quid me persequeris? Qui prostratus in terra respondit: Quis es Domine? Cui illico dicitur: Ego sum Iesus Nazarenus, quem tu persequeris. Virgo nimirum rhinoceroti sinum suum aperuit, cum Saulo incorrupta Dei sapientia incarnationis suæ mysterium de cælo loquendo patefecit: & fortitudinem suam rhinoceros perdidit, quia prostratus humi, omne quod superbum tumebat, amisit. Qui dum sublato oculorum lumine, manu ad Ananiam ducitur, patet iam rhinoceros iste, quibus Dei loris attingitur: quia videlicet vno in tempore cæcitate, prædicatione, baptisate ligatur. Qui etiam ad Dei præsepe moratus est, quia ruminare verba Euangelij dedignatus non est. Ait enim: Ascendi Hierosolymam cum Barnaba, assumpto & Tito. Ascendi autem secundum reuelationem, & contuli cum illis Euangelium. Et qui prius ieiunus audierat: Durum est tibi contra stimulum calcitrare: mira postmodum virtute prædicationis pressus, ex verbi pabulo vires obtinuit, & calcem superbiam amisit. Loris quoque Dei non tantum à feritate restringitur, sed quod magis sit mirabile, ad arandum ligatur, ut non non solum homines crudelitatis cornu non impetat, sed eorum etiam refectioni seruiens, aratrum prædicationis trahat. Ipse quippe de euangelizantibus quasi de arantibus dicit: Debet enim in spe qui arat arare, & qui triturat, in spe fructus percipiendi. Qui igitur tormenta prius fidelibus irrogauerat, & pro fide postmodum flagella libenter portat, qui scriptis etiam epistolis humilis ac despectus prædicat, quod dudum terribilis impugnabat, profecto bene ligatus sub aratro defudat ad segetem, qui vivebat in campo male liber à timore. De quo rectè dicitur: *Aut confringet glebas vallium post te?* Iam scilicet Dominus quorundam mentes intrauerat, qui illum veraciter humani generis redemptorem credebant. Qui tamen cum nequaquam à pristina obseruatione recederent, cum dura literæ prædicamenta custodirent, eis prædicator egregius dicit: Si circumcidamini, Christus vobis nihil proderit. Qui ergo in humili mente fidelium legis duritiam redarguendo contriuit, quid quàm in valle post Dominum glebas fregit? ne videlicet grana seminum, quæ excisus aratro fidei sulcus cordis exciperet, per custodiam literæ pressa deperirent. De quo bene adhuc subditur: *Nunquid fiduciam habebis in magna fortitudine eius, & dereliques ei labores tuos?* In Rhinocerotis huius fortitudine fiduciam Deus habuit: quia quanto illud crudelius sibi dura inferentem pertulit, tanto pro se constantius tolerantem aduersa præsciuit. Cui labores etiam quos ipse in carne pertulerat dereliquit: quia conuersum illum usque ad imitationem propriæ passionis traxit. Vnde & per eundem rhinocerotem dicitur: Suppleo ea quæ desunt passionum Christi in carne mea. De quo adhuc subditur: Nunquid credes ei quod reddat sementem tibi, & aream tuam congreget? Consideremus Saulum quis fuerit, cum ab ipsa adolescentia lapidantium adiutor existeret, cum alia Ecclesiæ loca vastaret, & acceptis epistolis vastanda alia peteret, cum mors & fidelium nulla sufficeret, sed semper ad aliorum interitum alii extinctis anhelaret: & profecto cognoscimus quia nullus tunc fidelium crederet, quod ad iugum Deus suæ formidinis, vim tantæ elationis inclinaret. Vnde & Ananias voce dominica hunc & postquam conuersum audiuit extimuit, dicens: Domine audiui à multis de viro hoc, quanta mala sanctis tuis fecerit in Hierusalem. Qui tamen repente commutatus ab hoste prædicator efficitur, & in cunctis mundi partibus redemptoris sui nomen insinuat, supplicia pro veritate tolerat, pati se quæ irrogauerat exultat, alios blandi-

mentis vocat, alios ad fidem terroribus reuocat. Istis regnū pollicetur cælestis patriæ, illis minatur ignes gehennæ. Hos per authoritatem corrigit, illos ad vitam rectitudinis per humilitatem trahit, atque in omni latere ad manum se sui rectoris inclinat, & tanta arce Dei aream congregat, quanta illam prius elatione ventilabat. Sed neque hoc abhorret à Paulo, quod Rhinoceros buxei coloris dicitur, & elephantorum ventres cornu ferire perhibetur. Quia enim viuere sub rigore legis assuevit, arctius cæteris in illo custodia vniuscuiusque virtutis inoleuit. Quid enim per colorem buxeum nisi abstinentiæ pallor exprimitur? Cui ipse tenaciter adhaerere testatur dicens: Castigo corpus meum, & seruituti subiicio, ne fortè aliis prædicans, ipse reprobus efficiar. Qui diuinæ legis eruditione præditus, dum aliorum ingluuiem redarguit, cornu elephantem in ventrem ferit. In ventrem quippe elephantem percusserrat, cum dicebat: Multi ambulant quos sæpe dicebam vobis: nunc autem & flens dico inimicos crucis Christi, quorum finis interitus, quorum Deus venter est, & gloria in confusione ipsorum. Et rursum: Huiusmodi Christo Domino non seruiunt, sed suo ventri. Cornu suo igitur Rhinoceros iste non iam homines, sed bestias percutit: quando illa Paulus doctrinæ suæ fortitudine nequaquam perimendos humiles impetit, sed superbos ventris cultores occidit. Quæ ergo in Paulo scripta cognouimus, superest ut facta & in aliis credamus. Multi quippe ad humilitatis gratiam ex illius populi elatione conuersi sunt, quorum scintilla Dominus dum sub iugo inspirati timoris edomuit, nimirum Rhinocerotis sibi fortitudinē subegit. Sed quia mira Dei potentia quid de electis egerit audiuius, nunc mira eius patientia in his quos reprobat, qui tolerauerit, audiamus. *Penna struthionis similis est penni herodij & accipitrinis.* Quid struthionis nomine, nisi synagoga signatur? quæ alas legis habuit, sed corde in infimis repens, nunquam se à terra subleuauit. Quid verò per herodium & accipitrem, nisi antiqui patres exprimuntur, qui ad ea quæ potuerunt intelligendo perspicere, valuerunt etiam viuendo peruolare? Penna igitur struthionis, herodij & accipitris pennæ est similis: quia synagogæ vox priorum doctrinam loquendo tenuit, sed viuendo nesciuit. Vnde & eiusdem synagogæ populos de Phariseis atque scribis veritas admonet, dicens: Super cathedram Moysi federunt scribæ & Pharisei. Omnia ergo quæcunque dixerint vobis, seruare & facite, secundum opera verò eorum nolite facere. Multa autem dicere de herodij vita potuimus, sed quia penna eius tantummodo ad memoriam deducitur, de vita loqui prohibemur. *Quando derelinquit in terra oua sua, tu forsitan in puluere calefacies ea?* In ouis aliud est quod cernitur, aliud quod speratur: & videri spes non potest, Paulo attestante qui ait: Quod enim videt quis, quid sperat? Quid ergo per struthionis oua, nisi de synagogæ carne editi Apostoli designantur? qui dum se in mundo despectos atque humiles exhibent, sperare gloriam in supernis docent. Abiecti nanque & quasi nullius momenti apud elatos habiti, in terra velut oua iacuerunt: sed intus in eis latebat vnde viuerent: & subleuati spei penni ad cælestia volarent. Quæ oua struthio in terra derelinquit: quia eos, quos carne genuerat synagoga Apostolos audire contemnens, vocandæ gentilitati deseruit. Mira autem potentia Dominus hæc eadem in puluere oua calefacit: quia viuos Apostolorum fetus in illa abiecta dudum gentilitate suscitauit: & quos synagoga velut insensatos inuivificatosque despexerat, ipsi nunc in veneratione gentium per doctrinæ magisterium viuentes volant. Oua sua struthio in puluere derelinquit: quia & omnes quos prædicando synagoga genuit, à terrenis desideris minime suspendit. Quæ nimirum desideria quia antiquus hostis concepta in corde inuenit, obsessas mentes etiam in sceleribus rapit. Vnde & subditur: *Obliviscitur quod pes conculcet ea, & bestia agri conterat.* Tunc oua pes calcit, & bestia agri conterit, cum in terra deferuntur: quia videlicet humana corda dum temper terrena cogitare, semper quæ ima sunt agere appetunt, ad conterendum se agri bestia, id est, diabolo sternunt: ut cum diu in infima cogitatione abiecta sunt, quandoque etiam maiorum criminum perpetrations frangantur. Synagoga ergo oua quæ genuit, à terra suspendere bene viuendo neglexit. Sed omnipotens Deus multos eius filios quanuis in

15.

1. Cor. 9.

Phil. 3.

t. vel repro-
bans tole-
ravit.

Matth. 23.

16.

Rom. 8.

terrenis desideriis mortuos ac frigidos reperit, calore tamen sui amoris amavit. Sed vitam quam filiis synagoga non dedit, hanc postmodum invidit, dum moliretur persequendo extinguere, quos se ad bona opera non meminerat fouendo genuisse. Vnde & aptè de hoc struthione subditur: *Duratur ad filios quasi non sint sui.* Quasi non suos despicit, quosaliter vivere quàm docuit ipsaprehendit: & durefcente sauitia terrores admouet, seque in eorum cruciatibus exercet, atque inuidiæ facibus inflammata, in quibus non laborauit vt possint viuere, laborat vt debeant interire: & cum Domini membra persequitur, placere se per hoc Domino suspicatur. Vnde & eisdem struthionis ouis veritas dicit: Venit hora vt omnis qui interficit vos, arbitretur obsequium se præstare Deo. Quia ergo dum crudelitate ad persequendum synagoga ducitur, hoc se agere impulsu diuini timoris arbitratur, rectè subiungitur: *Frustra laborauit, nullo timore cogente.* In labore quippe illam persecutionis anhelare non timor sed crudelitas coëgit. Sed quia plerunque vitia colore virtutum tincta, tantò nequiora sunt, quantò & esse vitia minimè cognoscuntur: eo in persecutione synagoga durior extitit, quo religiosiorem se fieri fidelium mortibus aestimauit: & idcirco quæ ageret, discernere omnino non potuit: quia lumen sibi intelligentiæ per superbiæ abiectionem clausit. Vnde & bene subditur: *Præuauit eam Deus sapientia, nec dedit illi intelligentiam.* Districtum quippe est occultæ retributionis examen: & quia sciens humilitatem perdidit, etiam veritatis intelligentiam nesciens amissit. Valde autem minora sunt vulnera quæ in redemptoris aduentu fidelibus intulit, quàm ea quibus sanctam Ecclesiam adhuc per aduentum antichristi ferire cõtendit. Ad illud namque se tempus præparat, vt vitam fidelium coaceruatis viribus premat. Vnde & aptè subditur: *Cum tempus fuerit, in altum alas erigit: deridet equitem & ascensorem eius.* In altum struthio alas erigit, quando suo conditori synagoga non vt antea formidando, sed apertè iam repugnando contradicit. In membra quippe diaboli transiens, & mendacij hominem Deum credens, contra fideles tantò in altum extollitur, quantò & Dei corpus se esse gloriatur. Quæ quia non solum humanitatem Domini, sed ipsam etiam diuinitatem despicit, non tantum equitem, sed ascensorem etiam equitis irridet. Nam custodita vnitatem personæ valet intelligi, quia verbum Dei tunc equitem ascendit, quando animatam carnem sibi intra vterum Virginis cõdidit. Tunc equitem ascendit, quando humanam animam propriæ carni præsidet, diuino cultui semetipsum creando subiugauit. Carnem quippe diuinitas anima mediante suscepit, & per hoc totum simul equitè tenuit: quia in semetipso non solum illam quæ regebatur, sed hanc etiam quæ regebat astrinxit. Iudæa igitur per aduentum superbientis antichristi laqueo seductionis capta: quia redemptorem nostrum humilem fuisse inter homines despicit: deridet equitè, quia eius in omnibus diuinitati cõtadicit: deridet nihilominus & ascensorem. Sed Redemptor noster vnus idemque, eques, & equitis est ascensor: & cum in mundum venit, fortes contra mundum prædicatores exhibuit: & cum in mundi termino antichristi fallaciam tolerat, virtutem pro se certantibus subministrat: vt cum antiquus hostis in illa sua citius finienda libertate laxatur, fideles nostri tantò maiores vires accipiant, quantò contra aduersarium solum pugnare. Vnde hic cum struthio alas eleuare, ascensorem & equitem deridere describitur, ilico fortium prædicatorum memoria subrogatur, & dicitur: *Nunquid præbebis equo fortitudinem: aut circumdabis collo eius hinnitum?*

18

In scriptura sacra equi nomine aliquando lubrica vita prauorum, aliquando dignitas temporalis, aliquando hoc ipsum præfens seculum, aliquando præparatio rectæ intentionis, aliquando sanctus prædicator exprimitur. Equi enim nomine lubrica prauorum vita signatur, sicut scriptum est: Nolite fieri sicut equus & mulus. Et sicut per Prophetam alium dicitur: Equi amatores & emissarii facti sunt: vnusquisque ad uxorem proximi sui hinniebat. Equi nomine dignitas temporalis accipitur, Salomone attestante, qui ait: Vidi seruos in equis, & principes ambulantes quasi seruos super terram. Omnis quippe qui peccat, seruus est peccati: & serui in equis sunt, cum peccatores præfentis vitæ dignitatibus efferuntur. Principes verò quasi serui ambulant, cum multos dignitate

virtutum plenos nullus honor erigit: sed summa hæc aduersitas velut indignos deorsum premit. Hinc rursum dicitur: Dormitauerunt qui ascenderunt equos, id est, in morte animæ mentis oculos à veritatis luce clauferunt, qui in præfentis vitæ honore confisi sunt. Equi nomine hoc ipsum præfens seculum designatur, sicut Iacob voce dicitur: Fiat Dan coluber in via, cerasites in semita, mordens vngulas equi, vt cadat ascensor eius retrò. Quo in testimonio quid equus significet melius ostendimus, si & ea quæ circumstant, paulò subtilius exponamus. Nonnulli enim de tribu Dan venire antichristum ferunt: pro eo quòd hoc loco Dan, & coluber asseritur & mordens. Vnde & non immeritò dum Israëlitis populus terras in castrorum partitionem susceperet, primus Dan ad Aquilonem castrametatus est: illum scilicet signans qui in corde suo dixerat: Sedebo in monte testamenti, in lateribus Aquilonis: ascendam super altitudinem nubium, similis ero Altissimo. De quo & per Prophetam dicitur: A Dan auditus est fremitus equorum eius. Qui non solum coluber, sed etiam cerasites vocatur. Cerata enim Græcè cornua dicuntur, serpensque hic cornutus esse perhibetur, per quem dignè antichristi aduentus asseritur: quia contra fidelium vitam cum morsu pestiferæ prædicationis, armatur etiam cornibus potestatis. Quis autem nesciat semitam angustiore esse quàm viam? Fit ergo Dan coluber in via: quia in præfentis vitæ latitudine eos ambulare prouocat, quibus quasi parcendo blanditur: sed in via mordet: quia eos quibus libertatem tribuit, erroris sui veneno consumit. Fit cerasites in semita: quia quos fideles reperit, & sese ad præcepti cœlestis angusta itinera constringentes, non solum nequitia callidæ persuasionis impetit, sed etiam terrore potestatis premit: & in persecutionis languore post beneficia fictæ dulcedinis exercet cornua potestatis. Quo in loco equus hunc mundum insinuat, qui per elationem suam in cursu labentium temporum spumat. Et quia antichristus extrema mundi apprehendere nititur, cerasites iste equi vngulas mordere perhibetur. Vngulas quippe equi mordere, est extrema seculi feriendo contingere. Vt cadat ascensor eius retrò. Ascensor equi est quisque extollitur in dignitatibus mundi. Qui retrò cadere dicitur, & non in faciem: sicut Saulus cecidisse memoratur. In faciem enim cadere, est in hac vita suas vnumquemque culpas agnoscere, easque pœnitendo deslere. Retrò verò quòd non videtur cadere, est ex hac vita repente decedere, & ad quæ supplicia ducatur ignorare. Et quia Iudæa erroris sui laqueis capta, pro Christo antichristum expectat, bene Iacob eodem loco repente in electorum voce conuersus est dicens: Salutare tuum expectabo Domine, id est, non sicut infideles antichristum, sed eum qui in redemptionem nostram venturus est, verum credendo fideliter Christum. Equi nomine præparatio rectæ intentionis accipitur, sicut scriptum est: Equus paratur in diem belli, sed Dominus salutem tribuit: quia contra tentationem quidem se animus præparat, sed nisi adiuuetur desuper, salubriter non decernat. Equi nomine sanctus quisque prædicator accipitur, Propheta attestante qui ait: Misisti in mare equos tuos, turbantes aquas multas. Quæ quippe aquæ iacuerunt: quia humanæ mentes diu sub vitiorum suorum torpore sopitæ sunt. Sed equis Dei mare turbatum est: quia missis sanctis prædicatoribus, omne cor quod pestifera securitate torpuit, impulsu salutiferi timoris expauit. Hoc itaq; loco equi nomine sanctus prædicator accipitur, cum beato Iob dicitur:

Quòd prædicatores à Deo & vitam habeant & doctrinam.
Caput XI.

Nunquid præbebis equo fortitudinem, aut circumdabis collo eius hinnitum? Sed quid est quòd huic equo Dominus se prius dare fortitudinem, & postmodum collo eius hinnitum circumdare asserit? Hinnitu enim vox prædicationis exprimitur. Verus autem quisque prædicator antè fortitudinem, & post hinnitum accipit: quia cum in se prius vitia extinxerit, tunc pro erudiendis aliis ad vocem prædicationis venit. Equus iste habet fortitudinem: quia aduersa constanter tolerat. Habet hinnitum: quia ad superna blandiens vocat. Huic equo Dominus & fortitudinem & hinnitum se dare testatur: quia in prædicatore eius nisi & vita & sermo conuenerint, nequaquam

Ioan. 16.

Psalm. 31.
Hier. 5.

Eccl. 10.

Psalm. 75.

Gen. 49.

Nume. 2.

Esai. 14.

Hier. 3.

Act. 9.

Gen. 49.

Prouer. 21.

Abac. 3.

19

quàm virtus perfectionis apparebit. Non enim multum prodest si sublimis vitæ operatione suffultus sit, si tamen loquendo non valet ad hoc alios excitare quod sentit. Vel quid prodest bene loquendo alios accendere, si semetipsum indicat malè viuendo torpuisse? Quia ergo in prædicatore necesse est vt ad perfectionem vtraque conueniant, equo suo Dominus & cum actionis fortitudine hinnitum vocis, & cum hinnitu vocis fortitudinem ministrat actionis. Et notandum cur hinnitus qui interius nimirum per guttur ducitur, equi collo circumdari, id est, quasi per gyrum trahi exterius dicatur: quia videlicet prædicationis vox de internis emanat, sed extrà circumdat. Nam quo alios ad bene viuendum suscitatur, eo ad bene agendum & opera prædicantis ligatur: ne extra sermonem actio transeat, ne voci vita contradicat. Collo ergo equi hinnitus circumducitur: quia ne ad peruersa opera prodeat, suis vocibus etiam vita prædicantis obsidetur. Hinc est enim quòd potenter dimicantibus in munere torques datur: vt quia signa virtutum gestant, maiora semper exerceant, & debilitatis crimen incurere metuant, dum in semetipsis iam fortitudinis est præmium quod ostentant. Vnde rectè in laude sapientiae auditori cuilibet per Salomonem dicitur: Coronam gratiarum accipies capiti tuo, & torquem auream collo tuo. Sequitur:

Quòd sancti viri in tentationum ardoribus feruentiores inueniuntur, & impellentes se validis conatibus ad cœlestia rapiuntur.

Caput XII.

Nunquid suscitabis eum quasi locustas? Locustarum nomine aliquando Iudaicus populus, aliquando conuersa gentilitas, aliquando adulantium lingua, aliquando verò per comparisonem resurrectio dominica vel prædicatorum vita signatur. Quia enim Iudeorum populum locustæ exprimant, vita Ioannis signat, de quo scriptum est: Locustas & mel syluestre edebat. Ioannes quippe eum quem prophetiae autoritate pronuntiat: etiam specie ciborum clamat. In semetipso enim designauit Dominum quem præuenit. Qui nimirum in redemptionem nostram veniens: quia infructuosæ gentilitatis dulcedinem sumpsit mel syluestre edit. Quia verò Iudeorum plebem in suo corpore ex parte conuertit, in cibo locustas accepit. Ipsos namque locustæ significant, subitos saltus dantes, sed protinus ad terram cadentes. Saltus enim dabant, cum præcepta Domini se implere promitterent: sed citius ad terram cadebant, cum per praua opera hæc se audisse denegarent. Videamus in eis quasi quendam locustarum saltum: Omnia verba quæ locutus est Dominus, & faciemus & audiemus. Videamus autem quomodo citius ad terram ruunt: Vtinam mortui essemus in Aegypto, & non in hac vasta solitudine. Vtinam pereamus, & non inducat nos Dominus in terram istam. Locustæ ergo erant, quia habebant saltum per vocem, & casum per actionem. Locustarum quoque nomine gentilitas designatur, Salomone attestante, qui ait: Florebit amygdalum, impinguabitur locusta, dissipabitur capparitis. Amygdalum quippe florem prius cunctis arboribus ostendit. Et quid in flore amygdali, nisi sanctæ Ecclesiæ primordia designantur? quæ in prædicatoribus suis primitiuos virtutum flores aperuit, & ad inferenda poma bonorum operum, venturos sanctos quasi arbuta sequentia præuenit. In qua mox locusta impinguata est: quia sicca gentilitatis sterilitas pinguedine est gratiæ cœlestis infusa. Capparitis dissipatur: quia cum gratiam fidei vocata gentilitas attigit, Iudæa in sua sterilitate remansit, bene viuendi ordinem amisit. Hinc rursus per eundem Salomonem dicitur: Regem locusta non habet, & egreditur vniuersa per turmas suas: quia videlicet derelicta gentilitas, aliena dudum à diuino regimine extitit: sed tamen ordinata postmodum contra aduersantes spiritus ad fidei bellum processit. Locustæ vocabulo lingua adulantis exprimitur: quod exhibitæ cœlitus Aegyptiæ plagæ testantur, quæ exigentibus meritis corporaliter semel illatæ sunt: sed quæ mala prauas mentes quotidie feriant, spiritualiter signauerunt. Scriptum namque est: Ventus vrens leuabat locustas, quæ ascenderunt super vniuersam terram Aegypti: operueruntque vniuersam faciem terræ, vastantes omnia. Deuorata est igitur herba terræ, & quicquid pomorum in arboribus fuit. His enim Aegyptus plagis affecta est, in quibus exteriori percussione commota,

A dolensque perpenderet quæ deuastationis damna interius negligens toleraret: vt dum foris perire minima, sed amplius dilecta cerneret, per eorum speciem, quæ intus pertulerat grauiora sentiret. Quid autem per significationem locustæ portendunt, quæ plusquam cætera minima quæque animantia humanis frugibus nocent: nisi linguas adulantium, quæ terrorum hominum mentes, si quando bona aliqua proferre cōspiciunt, hæc immoderatus laudando corrumpunt? Fructus quippe Aegyptiorum est operatio cenodoxorum, quam locustæ exterminant, dum adulantes linguæ ad appetendas laudes transitorias cor operatis inclinant. Herbam verò locustæ comedunt, quando adultores quique verba loquentium fauoribus extollunt. Poma quoque arborum deuorant, quando vanis laudibus quorundam iam quasi fortium & opera enervant. Locustæ nomine per comparisonem redemptoris nostri resurrectio designatur. Vnde & voce eius per Prophetam dicitur: Excussus sum sicut locusta. Teneri enim à persecutoribus vsque ad mortem pertulit: sed sicut locusta excussus est: quia ab eorum manibus saltu subitæ resurrectionis euolauit. Quod referri quoque ad prædicatorum numerum potest. In ipsis quippe sicut locusta excussus est: quia Iudæa in sua persecutione sæuiente, dum per diuersa fugiunt, quasi quosdam recessiones suæ saltus dederunt. Quia verò ille prædicator ad perfectionis culmen erigitur, qui non actiua solummodo, sed etiam contemplatiua vita solidatur: rectè ipsa prædicatorum perfectio locustis exprimitur: quæ quoties se in aëra attollere conatur, primum se cruribus impellentes subleuant, & postmodum alis volant. Ita nimirum sunt sancti viri: qui dum superna appetunt, primum quidem actiua vitæ bonis operibus innituntur: & tunc demum se ad sublimia per contemplationis saltum volando suspendunt. Crura figunt, & alas exerunt: quia rectè agendo stabiliuntur, & alta vident subleuantur. Qui in hac vita positi, diuina contemplatione manere non possunt: sed quasi locustarum more, à saltu quem dederant, in pedibus suis se excipiunt, dum post contemplationum sublimia, ad necessaria actiua vitæ opera reuertuntur: nec tamen in eadem vita actiua remanere contenti sunt. Sed dum ad contemplationem desideranter exiliunt, quasi rursus aëra volantes petunt, vitamque suam quasi locustæ ascendentes descendentesque peragunt: dum sine cessatione semper & summa videre appetunt, & ad semetipsos naturæ corruptibilis pondere reuoluuntur. Est adhuc aliud quod locustæ simile sanctis prædicatoribus gerunt. Matutinis namque horis, id est, teporis tempore vix à terra se subleuant: cum verò æstus exarserit, tantò altius, quantò alacrius volant. Sanctus autem quisque prædicator dum quieta fidei tempora conspiciat, humilis despectus aspicitur, & locustæ more quasi vix à terra subleuatur. Si autem persecutionis ardor incandeat, corde cœlestibus inhærens, mox quantæ ^{† al. inta} sit sublimitatis ostendit: & pulsatus alis in altum rapitur, qui ^{leat.} quietus in imis torpuisse videbatur. De hoc ergo equo, id est, prædicatore suo beato Iob Dominus dicit: Nunquid suscitabis eum quasi locustas? Subaudis, vt ego: qui eò illum ad altiora excitando subleuo, quò grauiore persecutionis æstu excruciarī permitto: vt tunc in illo robustior virtus euigilet, cum se ei ardentior infidelium crudelitas illidit. Sed cum multa exterius sanctus prædicator patitur, cum dira persequentium vexatione cruciatur: quis intueri valet quid est quod intus cōspicit, qui tot sua exterius damna nō sentit? Nisi enim essent mira quæ salubriter intus pascere: ea proculdubio quæ admouentur exterius, vsque ad cor tormenta peruenirent. Sed in arce spei se animus subleuat, & idcirco obiectæ seditionis iacula minimè formidat. Vnde & hoc loco Dominus vt ostendat, equus iste quàm suauia iā de internis odoretur, cum tot aduersa in exterioribus patitur, rectè subiungit: Gloria narium eius terror. In scriptura sacra vocabulo narium aliquando fatuitas, aliquando antiqui hostis instigatio, aliquando verò præscientia solet intelligi. Narium namque fatuitas designatur, sicut iam superius Salomone attestante didicimus, qui ait: Circulus aureus in narium suis mulier ^{Prouer. ix.} pulchra & fatua. Narium nomine exhalantes infidiæ atque instigatio antiqui hostis accipitur, quod in hoc eodem libro de illo Dominus attestatur, dicens: De narium eius Iob ^{q.}

Eccles. 2.

Matth. 3.

Exod. 24.

Nume. 14.

20.

Eccles. 12.

Prouer. 30.

Locusta lingua adulan-

Exod. 10.

Esai. 2.

procedit fumus. Ac si dicat: De peruersa instigatione illius in humanis cordibus caligo nequissimæ cogitationis surgit: per quam videntium oculi tenebrescant. Naribus quoque præscientia designatur, sicut per Prophetam dicitur: *Quiescite ab homine cuius spiritus est in naribus eius: quia excelsus reputatus est ipse.* Sæpe enim id quod non videmus, odore comprehendimus, ita vt nonnullæ res etiam cum longè iaceant, fragrantiam nobis suæ qualitatis innotescant: dùmque per nares spiritum ducimus, plerunque aliqua & inuisa præscimus. Redemptoris ergo nostri spiritus esse in eius naribus dicitur: vt videlicet scientia illius esse in præscientia designetur: quia quæcunque se scire in natura humanitatis innotuit, hæc nimirum ante secula ex diuinitate præsciuit. Qui vnde spiritum in naribus habuerit, mox per Prophetam subiunxit, dicens: *Quia excelsus reputatus est ipse.* Ac si diceret: In inferioribus ventura desuper præsciuit: quia ad ima de cœlestibus venit. Sancti etiam viri quia ab illo audita crediderunt, ipsi quoque iam ventura præsciunt: dùmque eius fideliter præceptis inserviunt, aduentum illius spe certa præstolantur. Vnde & hoc loco equi huius naribus prædicatoris sancti præscientia ac præstolatio designatur. Dum enim venire extremum iudicium, ostēdi cœlestem patriam, persolui iustis præmia appetit, quasi per nares spiritum de futuris trahit. Sed gloria narium eius terror est: quia visionem districti iudicis, quam iustus vehementer expectat, iniustus venire formidat. Iste nanque labores suos considerans, mercedem retributionis quærit: & causæ suæ meritum sciens, præsentiam iudicis expetit: eumque vt veniat in flamma ignis dans vindictam impiis, & contemplationis suæ speciem in retributione deferens, piissimo ardore concupiscit. Ille verò qui iniustitiæ suæ meminit, venire iudicium perhorrescit, ac rursusque suos examinari metuit: quia damnari si examinentur nouit. Gloria ergo narium eius terror est: quia iustus inde gloriatur, vnde peccator pœnæ addicitur. Videamus equum quomodo de his quæ adhuc non videt, iam per nares spiritum trahit. Videamus quanta gloria attollitur, cum iam ventura præstolatur. Ecce labores suos inuens prædicator egregius dicit: Ego iam delibor, & tempus meæ resolutionis instat. Bonum certamen certavi, cursum cōsummaui, fidem seruaui. De reliquo reposita est mihi corona iustitiæ, quam reddet mihi Dominus in illa die iustus iudex. Vbi & aptè subiungit: Non solum autem mihi, sed & his qui diligunt aduentum eius. Ac si dicat: Sed & omnibus qui sibi de bona operatione sunt conscij. Aduentum enim iudicis non diligunt, nisi qui in causa sua se habere iustitiæ meritum sciunt. Quia igitur vnde gloriatur iustus, inde terretur iniustus, dicatur rectè: *Gloria narium eius terror.* Sed sanctus iste prædicator dum venturam gloriam præstolatur, dum venire ante faciem iudicis nititur, dùmque à laboris sui adhuc mercede differtur, in hac vita interim positus quid agat audiamus. Sequitur:

Quod sancti viri quasi fodientes puteos terrenas cogitationes de cordibus auditorum eiiciunt: nec Allophylis volentibus implere quæ effodiunt, ab ipsa effossione quiescunt.

Caput XIII.

Terram vngula fodit.) Solet in equi vngula laboris fortitudo cognosci. Quid ergo per vngulam, nisi in prædicatore sancto virtutum perfectio designatur? Quia videlicet vngula terram fodit, cum de corde auditorum exemplo suorum operum terrenas cogitationes eiicit. Vngula terram fodit: quia auditorum corda à secularibus curis euacuat, cum doctor bonus contemni seculum opere ostendat. Videamus Paulum terram cordis audiētium, qua ostensæ virtutis vngula fodiat. Ipse nanque discipulis dicit: Hæc cogitate, quæ & didicistis & accepistis & audistis & vidistis in me, hæc agite: & Deus pacis erit vobiscum. Et rursus: Imitatores mei estote fratres, sicut & ego Christi. Qui igitur exemplo sui operis alios corrigit: nimirum vngula terram fodit. Habemus aliud quod adhuc subtilius de huius vngulæ effossione tractemus. Sancti enim viri quanuis intento mentis oculo in supernis euigilent, quanuis cuncta quæ in ima præterfluunt, pede rigidi cōtempnus calcent, ex corruptione tamen terrenæ carnis cui adhuc alligati sunt, plerunque cogitationum puluerem in corde patiuntur. Cùmque foris aliis ad appetēda cœlestia persuadent,

Philip. 3.

22

E semetipsos semper intrinsecus subtili inquisitione discutunt: ne qua immorante in se diu infima cogitatione polluantur. Equus ergo iste vngula terram fodit, cum prædicator quisque inquisitione forti terrenas in se cogitationes discutit. Equus vngula terram fodit, quando is cui iam Dominus præsidet, quæ sibi moles congeritur ex verusta cogitatione, considerat, sequē ab illa fiendo euacuare non cessat. Vnde bene & Isaac apud alienam gentem puteos fodisse describitur. Quo videlicet exemplo discimus: vt in hac peregrinationis ærumna positi, cogitationum nostrarum profunda penetremus: & quousque nobis veræ intelligentiæ aqua respondeat, nequaquam nostræ inquisitionis manus ab exhaurienda cordis terra torpescat. Quos tamen puteos Allophylis infidiates replent: quia nimirum immundi spiritus cum nos studiose cor fodere conspiciunt, cōgestas nobis tentationum cogitationes ingerunt. Vnde semper mens euacuanda est, incessanterque fodienda: ne si indiscussa relinquatur, vsque ad tumorem peruersorum operum, cogitationum super nos terra cumuletur. Hinc ad Ezechielem dicitur: Fili hominis fode parietem, id est, cordis duritiam crebris perscrutationum ictibus rumpe. Hinc ad Esaiam Dominus dicit: Ingredere in petram, abscondere fossa humo, à facie timoris Domini, & à gloria maiestatis eius. Petram quippe ingredimur, cum cordis nostri duritiam penetramus: atque à facie timoris Domini fossa humo abscondimur, si terrenas cogitationes egerentes, ab ira districti iudicis in humilitate nostræ mentis cœlamur. Quo enim plus terra fodiēdo proicitur, eo pauiētum semper inferius demonstratur. Vnde & nos si à nobis studiosius terrenas cogitationes eiicimus, quo apud nosmetipsos abscondamur, humilior inuenimus. Ecce enim quia diuini iudicij dies imminet, quasi ipsa iam timoris eius facies apparet: tantòque magis necesse est, vt vnusquisque illum terribilius timeat, quantò iam gloria maiestatis eius appropinquat. Quid ergo agēdum est, quòve fugiendum? Quò enim quis latere potest eum, qui vbique est? Sed ecce petram ingredi, fossa humo occultari præcipimur: vt videlicet cordis nostri duritiam dirumpentes, eò iram inuisibilem declinemus, quò ab amore rerum visibilium apud nosmetipsos in corde subtrahimur: vt cum prauæ cogitationis terra eiicitur, mens apud semetipsam tantò tutius, quantò & humilior abscondatur. Hinc Israëlito populo per Moysen à Domino iubetur, vt cum egreditur ad requisita naturæ, mittat paxillum in balteo: & fossa humo abscondat quæ egesta fuerint. Naturæ enim corruptibilis pòdere grauati, à mentis nostræ vtero quædam cogitationum superflua quasi ventris grauamina erumpunt. Sed portare paxillum sub balteo debemus, vt videlicet ad reprehendendos nosmetipsos semper accincti, acutum circa nos stimulum compunctionis habeamus: qui incessanter terram mētis nostræ pœnitentiæ dolore cōfodiat, & hoc quòd à nobis foetidum erumpit abscondat. Ventris quippe egestio fossa humo per paxillum tegitur, cum mentis nostræ superfluitas subtili redargutione discussa, ante Dei oculos per compunctionis suæ stimulum cœlatur. Quia igitur sancti viri quæque inutilia cogitant, reprehendere ac diiudicare non cessant, de equo suo Dominus dicat: Terram vngula fodit, id est, quicquid in mente sua terrenum versari conspiciat, hoc nimirum superductæ pœnitentiæ duris percussionibus rumpit. Cùm verò se interius districta subtilitate diiudicant, iam nihil est quod exterius pertimescant. Tantò enim minus ad mala præsentia trepidant, quantò semetipsos plenius bonis venturis parant. Vnde & subditur:

Quod sancti viri cum locus & causa exigit, pro defensione pietatis debent semetipsos persecutoribus obicere, & etiam cum non quarantur, obuiare.

Caput XIII.

Exultat audacter, in occursum pergit armatis.) Exultat audacter: quia sic aduersis non frangitur, sicut nec prosperis eleuatur. Aduersa nanque non deiiciunt quem prospera nulla corrumpunt. Equus itaque iste & fortis & sub freno est. Ne ergo prematur aduersis, habet vim fortitudinis: ne eleuetur prosperis, habet pondus desuper infidentis. Decurrunt quippe tempora, sed idcirco iustum trahere non valent, quia leuare non possunt. Illos nimirum trahunt quos leuant: irata deiiciunt, quos blanda sustollunt. Vir autem bene Deo subditus scit inter transeuntia stare, scit inter lapsus decurrentium temporum

Gene. 26.

Ibidem.

Ezech. 8.

Esai. 2.

Deut. 29.

porum mentis gressum figere, scit nec ad subiecta se erigere, nec ad obiecta trepidare. Plerumque autem quia exerceri se vtilius contritionis suæ laboribus nouit, in aduersis hilarescit: quæ dum constanter pro veritate tolerat, augeri sibi virtutis meritum lætatur. Hinc est quod tunc Apostolos exultasse legimus, cum pro Christo illos cōtigit flagella tolerasse, sicut scriptum est: Ibant gaudentes à conspectu concilij: quoniam digni habiti sunt pro nomine Iesu contumeliam pati. Hinc Paulus cum duris in Macedonia fuisset persecutionibus pressus, in eo quod se afflictum insinuat, etiam iucundatum demonstrat, dicens: Nam cum venissemus Macedoniam, nullam requiem habuit caro nostra. Ac si apertè diceret: quia spiritus requiem habuit, dum per profectum animæ, persecutionum supplicia caro tolerauit. Contra hunc itaque equum ab aduersariis sanctæ Ecclesiæ parantur gladij de dolore pœnarum: parantur arma de patrociniis secularium potestatum. Solent nanque hæretici mundi defensionibus quasi quibusdam armis se tegere: solent omnes infideles prædicationem fidei excitatis etiam seculi potestatibus impugnare. Sed equus Dei exultat audacter, & exteriora tormenta non metuit: quia internam delectationem quærit, potestatum mundi iracundiam non formidat: quia ipsius quoque vitæ præsentis desiderium per mentis excessum calcatur. Hinc per Salomonem dicitur: Nō contristabit iustum quicquid ei acciderit. Hinc in eo rursum scriptum est: Iustus quasi leo confidens absque terrore erit. In occursum bestiarum idcirco leo non trepidat, quia præualere se omnibus non ignorat. Vnde iusti viri securitas rectè leoni comparatur: quia contra se cum quoslibet insurgere conspiciat, ad mentis suæ confidentiam redit: & scit quia cunctos aduersantes superat, quia illum solum diligit quem inuitus nullo modo amittat. Quisquis enim exteriora quæ & nolenti subtrahuntur appetit, sua se sponte extraneo timori substernit. Infracta autem virtus est concupiscentia vitæ æternæ, terrenæ contemptus: quia & in alto mens ponitur, cum à rebus infimis spei suæ iudicio subleuatur: atque à cunctis aduersantibus tantò minus attingitur, quantò in supernis sita tutius munitur. Equus itaque iste non solum contra se venientes minimè metuit, sed eis etiam in occursum pergit. Vnde bene hic additur: *In occursum pergit armatis.* Plerumque enim quieti atque incòcussi relinquitur, si obuiare prauis per iustitiam nō curamus. Sed si ad æternæ vitæ desiderium animus exarsit, si iam verum lumen intrinsecus respicit, si in se flammam sancti feruoris accendit: in quantum locus admittit, in quātum causa exigit, debemus pro defensione iustitiæ nosmetipsos obiiere: & peruersis ad iniusta erumpentibus, etiam cum ab eis non quærimur obuiare. Nam cum iustitiam quam nos amamus, in aliis ferunt, nos nihilominus sua persecutione confodiunt, etiam si venerari videantur. Quia ergo vir sanctus prauis ac malè agentibus sese etiam cum non queritur opponit, rectè de equo Dei dicitur: *In occursum pergit armatis.* Intueri liber illum sessoris sui calcaribus excitatum contra armatos hostes, quantus Paulum feruor accenderet, quando eum Ephesi ad irrumpendas theatri turbas zeli flamma rapiebat. Scriptum quippe est: Repleti sunt ira, & exclamauerunt dicentes: Magna Diana Ephesiorum, & impleta est ciuitas confusione: & impetum fecerunt vno animo in theatrum, rapto Caio & Aristarcho Macedonibus, comitibus Pauli. Atque mox subditur: Paulo autem volente intrare in populum, non permiserunt discipuli. Quidam autem & de Asiæ principibus qui erant amici eius miserunt ad eum, rogātes ne se daret in theatrum. In quibus profectò verbis agnoscimus quo impetu contra cuneos aduersantes irrueret, nisi eum per amicos & discipulos charitatis frena tenuissent. Sed si obuiare hostibus, si vltro pugnam petere, si nosmetipsos semper relinquere in cursu nostri feruoris debemus, quid est quod idem prædicator egregius de semetipso fatetur dicens: Damasci præpositus gentis Arethæ regis custodiebat ciuitatem Damascenorum, vt me comprehenderet, & per fenestram in sporta dimissus sum per murum, & sic effugi manus eius: Quid est quod equus iste modò sponte armatos cuneos impetit, & modò se ab armatis hostibus quasi trepidus abscondit: nisi hoc quod necesse est in eius artificiosa virtute discamus aduersariorum pugnam & constanter aliquando appetere, & prudenter aliquando declinare?

Necesse quippe est vt per omne quod agimus, in mentis trutina positum hinc pondus, illinc fructum nostri laboris æstimemus: & cum pondus fructum superat, laborem quisque innoxie declinet: dum modo se in aliis exerceat, in quibus lucro fructum pondus laboris vincat. Cum verò subsequenti quantitate fructuum, mensura laboris aut æquatur aut vincitur, labor non sine graui culpa declinatur. Vnde prædicator sanctus cum Damasci valde obstinatas mentes persequētium cerneret, eorum noluit aduersitati configere: quia & semetipsum quem profuturum multis nouerat, vidit posse deficere, & aut nullis se ibi aut paucis prodesse. Secessum ergo à certamine petiit, & pugnaturum scilicet ad alia se bella seruauit. Non enim loco virtus, sed locus virtuti defuit: & idcirco fortissimus miles ab obsidionis angustia, certaminis campum quæsiuit. Vbi autem subiuganda regi proprio multa aduersariorum colla conspexit, subire bellum vel cum morte non timuit: sicut ipse cum Hierosolymam pergeret, eumque discipuli passione illius per prophetiam præscita prohiberent, sibimetipsi attestatur dicens: Ego non solum alligari, sed & mori in Hierusalem paratus sum pro nomine Domini Iesu. Neque enim facio animam meam preciosiorem quàm me. Qui igitur hic hostiles cuneos etiam præscita passione sua imperterritus petiit, illic de dispensatione fuisse edocuit, non de timore quod fugit. Quia in re pensandum est: quia ille labores quosdam per dispensationis iudicium laudabiliter declinat, qui pro Deo maiores alios fortiter tolerat. Nam sæpe ab hominibus timor debilis cauta dispensatio vocatur: & quasi prudenter impetum declinasse se asserunt, cum fugientes turpiter in terga feruntur. Vnde necesse est vt in causâ Dei cum res dispensationis agitur, metus cordis subtilissima libratione pèsetur: ne per infirmitatem timor surrepat, & sese per dispensationis imaginem, rationem confingat, ne culpa se prudentiam nominet: iamque nec ad pœnitentiam animus redeat, quando hoc quod iniquè perpetrat, virtutem vocat. Restat igitur vt in dubiis quisque deprehensus, cum qualibet sibi aduersitas imminet, prius intra semetipsum contra formidinem & præcipationem pugnet: quatenus nec formidolosè se subtrahat, nec præcipitanter opponat. Valde enim præceps est qui semper se aduersis obiiicit, & valde pauidus qui semper abscondit. Sed hæc melius in bellis spiritualibus discimus, si formam exercitij à corporalibus bellis trahamus. Non enim ille dux sapiens est, qui semper contra hostiles cuneos exercitum præceps admouet: neque ille dux fortis, qui semper hunc ab hostis facie cauendo subducit. Scire nanque dux debet modò ab hostili impetu exercitum cautè subtrahere, modò hostem circumfusus cornibus coarctare. Quod nimirum sollicitè perfecti prædicatores exhibent: cum modò persecutionis rabiem declinantes, nouerunt sapienter sed non eneruiter cedere, modò autem persecutionis impetum contemnentes, nouerunt ei fortiter, sed non præcipitanter obuiare. Quia autem sanctus vir vir cum congruum cernit, ictibus pectus obiiicit, & venientia iacula vel moriens retundit, rectè dicitur: *In occursum pergit armatis.* De quo adhuc bene subditur: *Contemnit pauorem, nec cedit gladio.* Videamus quomodo pauorem despiciat: qui ipsos aduersariorum gladios enumerans calcatur. Ait enim: Quis nos separabit à charitate Dei: tribulatio, an angustia, an fames, an persecutio? In pauore autem ventura pœna metuitur: in gladio verò iam dolor de præsentis percussione sentitur. Quia ergo vir sanctus ventura aduersa non metuit, pauorem despicit: quia verò nec superueniente percussione vincitur, nequaquam gladiis cedit. Contra hunc itaque equum tot sunt gladij hostium, quot genera persecutionum, quæ cuncta obuians superat, quia amore vitæ se ad interitum parat. Sed quia tam robustissimum pectus quomodo se iaculis opponat audiuius: nunc quid ab aduersariis agatur audiamus. Sequitur: *Super ipsum sonabit pharetra.* In scriptura sacra pharetra nomine aliquando iustum Dei occultumque consilium: aliquando verò clandestina prauorū machinatio designatur. Per pharetram iustum Dei occultumque consiliū exprimitur, sicut idem beatus Iob superiore parte testatur dicens: Pharetram enim suam aperuit, & afflixit me, id est, occultum suum consiliū detexit & publica me percussione vulnerauit. Sicut enim in pharetra sagittæ, sic in occulto Dei consilio latet sen-

Acto. 5.

1. Cor. 7.

Prouer. 12.

Prouer. 28.

Acto. 12.

Rom. 8.

tentia: & quasi ex pharetra sagitta educitur, quando ex occulto consilio apertam Deus sententiam iaculatur. Pharetræ quoque nomine prauorum machinatio designatur, sicut per Prophetam dicitur: Parauerunt sagittas suas in pharetra: ut sagittent in obscuro rectos corde. Iniqui enim cum dolos quos bonis excogitant, secretis machinationibus occultant, quasi in pharetra sagittas parant, & in hac præsentis vitæ caligine velut in obscuro rectos corde feriunt: quia malitiosa eorum iacula & sentiri per vulnus possunt, & tamen venientia deprehendi non possunt. Igitur quia equus Dei nulla aduersitate terretur, eiq; quo magis obuiatur, eo vi intentionis suæ super armatos hostes feruentior ducitur: persecutores eius qui se etiam ferientes vinci sentiunt, tui bati ad consilium reuertuntur, dolos præparant, & velut ex longinquo mittendo vulnera occultant. Vnde nunc rectè dicitur:

Quod sancti viri nec insidiis, nec minis, nec disputationibus, nec pœnis terrentur. Caput XV.

Super ipsum sonabit pharetra: ut cum ex absconsa machinatione longè feriant, cui apertis congressionibus inaniter appropinquant. Hæc tunc super equum Dei pharetra sonuerat, cum quadraginta viri qui in eius mortem coniurauerant, educi de carcere Paulum quærebant: ut consiliorum suorum ictibus quasi clam sagittarum dolo interficerent, quem congressione persecutionis publicæ superare nequaquam possent. Pharetra ergo sonuit: quia occulta machinationis ad Paulum causa peruenit. Quauis si vigilanter quærimus, adhuc in pharetræ sonitu aliquid subtilius inuenimus. Sæpe enim aduersarij consilia contra bonos inuēunt, prauis inuentionibus innuntuntur, ad excogitandos dolos se conferunt: sed tamen qui eosdem dolos prodere bonis debeant, ipsi instituunt latēter, ipsi transmittunt: ut crudelis suppliciorum præparatio dum quasi furtim innotescitur, amplius timeatur: & audientis animum plus suspecta vulnera quam percepta perturbent. In pharetra enim sagittæ dum latent & sonāt, mortem etiam non visæ denuntiant. Pharetra ergo contra equum sonitum reddit, cum cōtra prædicatorem sanctum occulta prauorum machinatio consilium suum quod fraudulenter operit, fraudulenti innotescit: ut præmissis minis quasi ex sonitu pharetræ terreat, cum prædicator Dei apertas contumelias velut cōminus ferientia iacula non formidat. Cum verò eisdem minis minimè terretur, mox persecutorum crudelitas ad supplicia manifesta perducitur. Vnde bene postquam dictum est: Super ipsum sonabit pharetra, ilico additur: *Vibrabit hasta.* Contra prædicatorem Dei post pharetræ sonitum hasta vibratur, quando post terrores exhibitos è vicino iam feriens aperta pœna producit. Prædicatores autem sancti cum pro defensione fidei supplicia subeunt, ad eandem fidem, quos valent, rapere & inter verbera non desistunt: & cum patienter vulnera suscipiunt, prudenter contra corda infidelium sagittas prædicationis reddunt. Vnde nonnunquam agitur ut ipsi qui in persecutione sæuiunt, non tam doleant quod cor prædicatoris non emolliunt, quam quod per eius verba etiam alios amittant. Quia igitur eum feriendo non superant, ne fortasse & alij qui illum audiunt, se derelinquant: mox contra loquentis verba scutum responsionis parant. Vnde cum diceret. Vibrabit hasta: rectè subiungit, *Et clypeus.* Persecutor enim sæuiens postquam prædicatoris corpus supplicio percutit, auditorum cor quasi clypeo verbis suæ disputationis munit. Vir igitur sanctus ut feriri debeat, hasta vibratur: sed ne audiri possit, clypeus apponitur. Habent namque defensores Dei in prælio sagittas suas, quas eò citius auditorum cordibus iniiciunt, quo illas de spiritali arcu, id est, de intima cordis tensione distringunt. His quippe se in bello fidei Paulus armauerat, cum dicebat: Laboro vsque ad vincula quasi malè operans, sed verbum Dei non est alligatum. Ac si diceret: Hasta quidem suppliciorum ferior, sed tamen verborum sagittas emittere non desisto. Vulnera crudelitatis accipio, sed cor infidelium vera loquendo transfigo. Dicatur ergo: *Super ipsum sonabit pharetra, vibrabit hasta & clypeus.* Contra equum quippe Dei quia prauorum consilia perstrepunt, pharetra sonat: quia aperta pœna exquiratur, hasta vibratur: quia verò ei etiam disputatione resistitur, clypeus antefertur. Sed nunquid à feruore suo per ista compefcitur? Vir enim sanctus quo ma-

Eiore persecutione premitur, eo ad prædicandam veritatem acrius instigatur: & cum patienter persecutores tolerat, ardentè ad se auditores trahere festinat. Vnde & bene adhuc de equo Dei subditur: *Feruens & fremens sorbet terram, nec reputat tubæ sonare clangorem.* Primo namque peccanti homini dictum est: Terra es, & in terram ibis. Tuba autem clangit, cum huius seculi potestates loqui sanctos terribiliter prohibet. Quia igitur prædicator zelo sancti spiritus inflammatus, vel inter supplicia positus, quoslibet peccatores ad se trahere non desistit, feruens proculdubio terram sorbet: quia verò persecutorum minas minimè formidat, clangorem tubæ sonare non reputat. Tuba enim quæ discrimen belli denuntiat, quid est aliud quam vox secularium potestatum, quæ contempta resistentibus mortis certamen parat? Hæc à principibus sacerdotum tuba sonuerat, cum flagellatos Apostolos de Deo loqui prohibebant, sicut scriptum est: Cæsis denuntiauerunt, ne loquerentur in nomine Iesu. Sed videamus quomodo equum Dei clangor tubæ non terreat. Ait Petrus: Obedire oportet Deo magis quam hominibus. Qui aliis quoque persecuentibus dicit: Non enim possumus quæ vidimus & audiuius, non loqui. Equus ergo clangorem tubæ sonare non metuit, quia prædicator egregius despectis potestatibus seculi, nullos minarum sonitus pertimescit. Videamus alium equum Dei quomodo terram sorbeat, quomodo nullus eam tubæ terror attingat, sicut scriptum est: Superuenerunt quidam ab Antiochia & Iconio Iudæi, & persuasis turbis lapidantes Paulum traxerunt extra ciuitatem, æstimantes eum mortuum esse. Circundantibus autem eum discipulis, surgens intrauit ciuitatem: & postero die profectus est cum Barnaba in Derben. Cumque euangelizassent ciuitati illi, & docuissent multos, reuersi sunt Lystram & Iconium & Antiochiam, cōfirmantes animas discipulorum. Perpendamus ergo quæ hunc possent equum minæ compefcere, quando eum ab intentione sua non valet mors ipsa prohibere. Ecce lapidibus obruitur, nec tamen à veritatis sermone remouetur. Occidi potest, superari non potest: velut extinctus extra urbem proicitur, sed intra urbem die alio illæsus prædicator inuenitur. O quam fortis huic viro inest infirmitas: o quam victrix pœna: o quam dominatrix patientia. Ad arguendum repulsione prouocatur, ad prædicandam salutem plagis erigitur, ad propellendam laboris lassitudinem pœna refouetur. Quæ ergo hunc aduersitas superet, quem pœna fouet? Sed equus Dei est, & pharetræ sagittas despicit: quia malitiæ consilia contemnit. Vibratam hastam superat: quia & contra apertæ persecutionis vulnera pectus firmat. Oppositum clypeum rumpit: quia disputationem resistentium ratiocinando subigit. Terram sorbet: quia peccatores in suo corpore exhortando conuertit. Clangorem buccinæ sonare non reputat: quia vocem quamlibet terribilis prohibitionis calcat. Minus est autem quod dicitur quia fortis perseverat in laboribus: adhuc, quod maius est, exultat in aduersis. Vnde sequitur:

Quod sancti absque ulla formidine etiam inter tormenta sint: & potestatibus huius seculi predicare prohibentibus, non desistunt: nec tam terrentur periculo, quam gloriantur victoria triumpho: & quasi odorantes bellum præparant se in persecutionis occursum.

Caput XVI.

Vbi audierit buccinam, dicit vah. Quibus profectò verbis & illud ostenditur quod hoc loco à Domino de equo irrationabili nil dicatur. Neque enim vah dicere brutum animal potest: sed dum asseritur dicere, quod omnino dicere non valet, innuitur quem designet. Vah quippe sermo exultationis est. Equus ergo cum audit buccinam, vah dicit: quia fortis quisque prædicator cum certamen passionis sibi propinquare considerat, de exercitio virtutis exultat: nec terretur pugna periculo, quia victoria lætatur triumpho. Equo itaq; est vah dicere, prædicatorem sanctum de ventura passione gaudere. Sed si prædicator fortis gloriam passionis appetit, si discrimen mortis subire pro Domino lætus quærit: quid est quod ipsi fortissimo prædicatori qui ex robusto corde virtutem traxit nominis, Petro veritas dixit: Cum senueris, extends manus tuas, & alius te cinget, & ducet quod non vis? Quomodo de passione gaudet qui cinctus ab alio, ire quod ducitur non valet? Sed si pensamus qualiter animus appropinquante passione,

Gen. 3.

Acto. 5.

Ibidem.

Acto. 4.

Acto. 14.

Acto. 23.

2. Timoth. 2.

Vah verbi exultationis.

10. am. 21.

passione, & mortis metu quatitur, & tamen de venturo regni premio lætatur, intelligimus quomodo gloriosi certaminis subire periculum volens nolit: quia & in morte considerat quod tolerans paueat, & in fructu mortis aspiciat quod appetens quærat. Videamus Paulum quomodo amet quod refugit: quomodo refugiat quod amat. Ait enim: Desiderium habens dissolui, & cum Christo esse: & mihi viuere Christus est, & mori lucrum, & tamen dicit: Qui sumus in hoc habitaculo, ingemiscimus grauati: eo quod nolumus expoliari, sed superuestiri, ut absorbeatur quod mortale est à vita. Ecce & mori desiderat, & tamen carne expoliari formidat. Cur hoc? Quia etsi victoria in perpetuum lætificat, ipsa nihilominus ad præsens pœna perturbat: & quanuis vincat amor subsequenti muneris, tangit tamen non sine mœrore animum, pulsus doloris. Sicut enim vir fortis cum vicino iam belli certamine armis accingitur, & palpitat & festinat, tremat & sæuit: quasi pauere per pallorem cernitur, sed per iram vehementer urgetur: ita vir sanctus cum passione se propinquare conspiciat, & naturæ suæ infirmitate concutitur, & spei suæ soliditate B roboratur, & de vicina morte trepidat, & tamen quod moriendo verius viuat, exultat: Ad regnum quippe non potest nisi interposita morte transire: & idcirco confidendo quasi ambigit, & quasi ambigendo confidit, & gaudens metuit, & metuens gaudet: quia scit quod ad brauium quietis non perueniat, nisi hoc quod interioret, cum labore transcendat. Sic nos cum morbos à corpore repellere cupimus, tristes quidem amarum purgationis poculum sumimus: certi autem de subsequenti salute gaudemus. Quia enim peruenire corpus aliter ad salutem non valet, in potu libet etiā quod tædet: cumque amaritudinem inesse vitam animus cōspicit, mœrore turbatus hilarescit. Dicatur ergo: *Ubi audierit buccinam, dicit vobis:* quia prædicator fortis cognito certaminis nūcio, etsi ut homo ad vim percussione trepidat, per spei tamen certitudinē ad præmiū remunerationis exultat. Sed nequaquam ad hoc passionis bellū inconcussus existeret, nisi eandem passionem intenta cogitatione meditando præueniret. Malum nanque quod consilio præuenitur, decertanti contra se animo ex ratione subiicitur: quia tantō quisque minus aduersitate vincitur, quātō contra illam præsciendo paratus inuenitur. Sæpe enim graue timoris pondus vsu leuigatur: sæpe mors ipsa sicut inopinata perturbat, ita deliberatione præuenta lætificat. Vnde & rectē de hoc equo subiungitur: *Procul odoratur bellum.* Ac si apertius dicatur: Idcirco quodlibet certamen exuperat: quia mentem certamini ante certamē parat. Bellum quippe procul odorari, est aduersa quæque longē adhuc posita cogitando prænoscere, ne fortasse valeant improuisa superare. Hoc bellum procul odorari discipulos Paulus admonebat, cum diceret: Vosmetipsos tēte si estis in fide, ipsi vos probate. Ac si apertē præciperet dices: Persecutionū certamina ad mētem reducite, & cordis vestri intima atque occulta pensantes, quales inter supplicia existere valeatis inuenite. Hoc bellum sancti viri procul odorantur, quādo & in pace vniuersalis Ecclesiæ positi, vel hæreticorum bella, vel imminētia ab infidelibus persecutionum tormenta conspiciūt. Qui dum rectē viuunt, sæpe pro bonis mala recipiunt, detractio- num contumelias æquanimiter ferūt, ut si persecutionis occasio suppetat, rātō illos fortiores aperti hostes inueniant, quātō eos & intra Ecclesiam falsorum fratrum iacula non expugnāt. Nam qui à statu patientiæ ante linguarum vulnera corruit, ipse sibi testis est quia contra manifestæ percussione gladios nō subsistit. Quia ergo vir Dei exercitatus præsentibus contra ventura, & exercitatus minimis cōtra maiora nititur: rectē de equo Dei dictū est quod bellum procul odoratur. Sequitur: *Exhortationem ducum, & vlulatum exercitus.* Duces aduersæ partis sunt erroris authores: de quibus per Psalmistam dicitur: Effusa est contētio super principes eorū, & seduxerunt eos vana eorum, & errare fecit eos in inuio, & non in via. De quibus per semetipsam veritas dicit: Cæcus si cæco ducatum præbet, ambo in foueam cadūt. Hos autē duces exercitus sequitur, prauorum scilicet turba, quæ iniquis eorum præceptionibus famulatur. Notādum quoque quod duces exhortari, exercitū verō dicit vlulare: quia videlicet hi qui infidelibus vel hæreticis præsumunt, praua quæ teneri præcipiūt quasi ex ratione persuadent. Turba verō eis subdita, quia sine

iudicio eorum voces sequitur, dum per confusionis insaniam perstrepit, bestiali mēte vlulare perhibetur. Lupis quippe propriē vlulatus conuenit. Et quia cateruæ reproborum cōtra vitam morēsque fidelium soli rapacitati inhiant, quasi per vlulatum clamant. Equus ergo Dei exhortationē ducum & vlulatum exercitus procul odoratur, dum sanctus quisque prædicator longē antē considerat, quid vel authores errorū contra electos valeāt præcipere: vel turba eis subdita quā possit immaniter insanire. Hāc exhortationem ducū odorabatur Paulus, cum diceret: Per dulces sermones & benedictiones seducunt corda innocentium. Hunc vlulatum exercitus odorabatur dicens: Intrabunt post discessionem meam lupi graues in vos. Exhortationem ducum odoratus est Petrus, cum de quibusdam discipulos admoneret dicens: In auaritia fictis verbis de vobis negociabuntur. Vlulatum quoque exercitus odorabatur, cum præmitteret dicens: Et multi sequentur eorum luxurias, per quos via veritatis blasphematur.

Quod ea quæ de equo dei dicta sunt, moraliter ad vnumquemque militem Christi referri possunt.

Caput XVII.

IGitur quia sanctus quisque prædicator atque in persecutionis bello dux fidei, qualem se possit exhibere narrauimus: nunc sub huius equi specie vnumquemque Christi militem describamus: ut & qui ad prædicationis culmen necdum se peruenisse considerat, hac tamen voce dominica, si iam bene viuere cœperit, expressum se esse cognoscat: quatenus hinc colligat quantum Deo notus sit, si ad maiora peruenierit, quem signanter Deus eloqui nec in minimis prætermittit. Singula itaque quæ de equo dicta sunt repetentes, intuemur, quomodo miles Dei à primæua conuersatione proficiat: quomodo à minimis ad maiora succrescat, vel quibus gradibus ab infimis ad superna perueniat. Dicatur ergo: Nunquid præbebis equo fortitudinem, aut circumdabis collo eius hinnitum? Vnicuique animæ cui Dominus misericorditer præsidet, ante omnia fidei fortitudinē præbet: de qua Petrus ait: Aduersarius vester diabolus sicut leo rugiens circuit quærens quem deuoret: cui resistite fortes in fide. Huic autem fortitudini hinnitus iungitur, dum fit quod scriptum est: Corde creditur ad iustitiam, ore autem confessio fit ad salutem. Sequitur: Nunquid suscitabis eum quasi locustas? Vnusquisque qui Deum sequitur, in ipso suo exordio ut locusta suscitatur: quia etsi in quibusdam actionibus locustarum more flexis poplitibus terræ inhæret, in quibusdam tamen expansis alis sese in aëra suspendit. Conuersionum quippe initia, bonis moribus malisque permixta sunt: dum & noua iam per intentionem agitur, & vetus adhuc vita ex vsu retinetur. Tātō autem minus permixtis interim malis lædimur, quātō contra illa quotidie incessante pugnamus. Nec suos nos iam culpa vendicat, cuius prauo vsui nostra sollicita mens resultat. Minus itaque nobis inchoantibus terrena opera officiant: quia in nobis diutius demorari prohibetur. Proinde quoniam in ipso nostræ conuersationis initio infirma quædam piē de nobis Dominus tolerat, ut nos quandoque ad cœlestia ex perfectione perducatur, quasi locustas nos in exordio suscitatur: quia etsi in volatu virtutis subleuat, non tamen de terreni operis casu desperat. Sequitur: *Gloria narium eius terror.* Pro eo quod non visa res odore deprehenditur, non immeritō narium nomine, spei nostræ cogitationes exprimuntur: quibus venturum iudicium quod etsi oculis adhuc non cernimus, iam tamen sperando præuidemus. Omnis autem qui bene viuere incipit, audiens quod per extremum iudicium iusti ad regnum vocentur, hilarescit: sed quia quædam mala adhuc ex reliquiis sibi inesse considerat, hoc ipsum iudicium de quo exultare inchoat, appropinquare formidat: Vitam quippe suam bonis malisque permixtam conspiciat, & cogitationes suas aliquo modo spe & timore confundit. Nam cum audit quæ sint regni gaudia, mox mentem lætitia subleuat: & rursus cum respicit quæ sint gehennæ tormenta, mox mentem formido perturbat. Bene ergo gloria narium eius terror dicitur: quia inter spem & metum positus, dum futurum iudicium mente conspiciat, hoc ipsum timet vnde gloriatur. Ipsa ei sua gloria terror est: quia inchoatis iam bonis, spe de iudicio

Phil. 1.

2. Cor. 5.

27.

Rom. 16.

Act. 20.

2. Petri. 2.

Ibidem.

2. Pet. 5.

Rom. 10.

28.

Conuersio-
num initia
bonis mori-
bus malis-
que per-
mixta sunt.

Bellum ad
viri.

2. Cor. 13.

Psalm. 106.

Matth. 15.

letus est: & necdū finitis omnibus malis, perfectē securus non est. Sed inter hæc sollicitē ad mentem reuertitur, & procellas tantæ formidinis renuens, seque in solius pacis tranquillitate disponens, totis viribus à districto iudice inueniri liber conatur. Seruile quippe æstimat dominicam præsentiam formidare: ac ne conspectum patris metuat, illa agit per quæ se filium recognoscat. Discit ergo iudicem tota expectatione diligere: atque, ut ita dixerim, timēdo renuit timere. Oriri autem cordi formidinem pro carnali actione considerat: & idcirco ante omnia carnem forti edomitione castigat. Vnde postquam dictum est: *Gloria navium eius terror*, rectē subiungitur: *Terram vngula fodit*. Vngula nanque terram fodere, est districta abstinentia carnem edomare. Quo autem plus caro premitur, eo de cœlesti spe animus securius lætatur. Vnde effossa terra aptē subnectitur: *Exultat audacter*. Quia enim valenter reprimat quod impugnat, audacter exultat de his quæ in æterna pace desiderat: tantōque mens melius ad superna appetenda componitur, quantō ab illicitis arctius corpus edomatur. Vnde rectē per Salomonem dicitur: Diligenter exerce agrum tuum, ut postea ædifices domū tuam. Ille quippe bene mentis domum ædificat, qui prius agrum corporis à spinis vitiorum purgat: ne si desideriorū fentes in carnis agro proficiant, intus tota virtutum fabrica fame boni operis crescente destruat. In ipso autem quisque belli certamine positus, tantō subtilius fraudem hostium cōspicit, quantō & districtius corpus proprium quasi quendam hostium adiutorem premit. Vnde & post contritionem corporis, post lætitiā cordis rectē subiungitur: *In occursum pergit armatis*. Hostes armati sunt immundi spiritus, innumeris contra nos fraudibus accincti. Qui cum suadere nobis iniqua nequeunt, ea sub virtutum specie nostris obtutibus opponunt, & quasi sub quædam arma se contegunt, ne in sua malitia à nobis nudi videantur. Quibus armatis hostibus in occursum pergitur, quando eorum insidias longē prævidemus. Effossa igitur terra, armatis hostibus in occursum pergere, est edomita carnis superbia, dolos immūdorū spirituum mirabiliter explorare. Effossa terra armatis hostibus in occursum pergere, est deuicta carnali nequitia contra spiritalia vitia certamen subire. Nam qui adhuc secum eneruiter pugnat, frustra contra se bella extra posita suscitatur. Qui enim semetipsum carnalibus subiugat, quomodo spiritalibus vitiis resultat? Aut quomodo de labore externi certaminis triumphare appetit, qui adhuc apud semetipsum domestico libidinis bello succumbit? Vel certē armatis hostibus in occursum pergitur, quando per exhortationis studium, eorum insidias & in alieno corde præuenimus. Quasi enim ex loco in quo sumus, ad locum alium obuiam hostibus venimus, quando nostra cura ordinate postposita, accessum immundorum spirituum à proximi mente prohibemus. Vnde fit plerumque ut hostes callidi militem Dei iam de intestino bello victorem, tantō de semetipso terribilius tentent, quantō illum contra se & in alieno corde præualere fortiter vident: ut dum illum ad se tuendum reuocant, aliena corda liberius quæ exhortatione eius protegantur, inuadant. Cūque cum superare non possint, saltem occupare conantur, quatenus dum miles Dei de semetipso concutitur, non ipse sed is quem defendere consueuerat, perimatur. Sed mens in Deum immobiliter fixa, tentationum impetum despiciat: nec cuiuslibet terroris iacula pertimescit. Supernæ enim gratiæ fretus auxilio, sic vulnera infirmitatis suæ curat, ut aliena non deferat. Vnde & bene de hoc equo subiungitur: *Contemnit pauorem, nec cedit gladio*. Contemnit pauorem: quia nullius tentationis formidine ad hoc vsque terretur ut taceat. Nec cedit gladio: quia etsi violenta illum tentatio percutit, à cura tamen proximi non repellit. Vnde & Paulus exemplum nobis inuictæ conuersationis insinuans, & quos ab hoste gladios suscipiat dicit, & quomodo eisdem gladiis non cedat, ostendit. Omni enim iam carnalis operis pugna superata, carnalis tentationis gladium ab hoste suscepit, qui dicebat: Video aliam legem in membris meis repugnantem legi mentis meæ, & captiuum me ducentem in lege peccati, quæ est in membris meis. Sed eidem gladio quem in se vicerat, etiam in aliis non cedebat, cū profectō proximis diceret: Non regnet peccatum in vestro mortali corpore, ad

obediendum desideriis eius. Et rursum: Mortificate membra vestra quæ sunt super terram, fornicationem, immunditiam, libidinem, concupiscentiam malam. Grauis illum tentationum gladius feriebat, de quibus ipse ait: In laboribus plurimis, in carceribus abundantius, in plagis supra modum, in mortibus frequēter. A Iudæis quinquies quadragenas vna minus accepi: ter virgis cæsus sum, semel lapidatus sum, ter naufragium feci, nocte & die in profundo maris fui: & cætera quæ ipse tolerare potuit, & nos enumerare lassamur. Sed quomodo eidem gladio in proximi dilectione non cedat, post multa ipse subiungit: Præter illa quæ extrinsecus sunt, instantia mea quotidiana, sollicitudo omnium Ecclesiarum. Equus ergo Dei & gladio percutitur: nec tamen percussione eadem à cursu prohibetur, dum fortis spiritalis certaminis miles, & ipse vulnera ab hoste suscipit, & tamen ad salutem alios stringit. Sed erga tam durum cœlestis militis pectus antiquus hostis tantō acutiora spicula perquirat, quantō se despici robustius conspiciat. Vnde & sequitur: *Super ipsum sonabit pharetra, vibrabit hasta & clypeus*. Quia enim videt sanctæ mentis studium contra se & aliis prodesse, multiplicata hanc satagit tentatione confodere. Vnde sæpe contingit ut hi qui regendis aliis præsumt, tentationum certamina fortiora patiantur: quatenus corporalium more bellorum dum dux ipse ad fugam vertitur, resistentis exercitus constipata vnanimitas sine labore dissipetur. Hostis itaque callidus contra cœlestem militem diuersa percussione vulnera exquirēs, modō ex pharetra per insidias eum sagitta vulnerat, modō ante eius faciem hastam vibrat: quia videlicet vitia & alia sub virtutum specie contegit, & alia ut sunt aperta eius oculis opponit. Vbi enim infirmari Dei militem conspiciat, illic fraudis velamina non requirit. Vbi autem sibi resistere fortem considerat, illic contra vires proculdubio dolos parat. Nam cū in firmū quempiam in carnis illecebra videt, apertē speciē corporis quæ cōcupisci valeat, eius obtutibus obicit. Si autem fortasse validum contra auaritiā cernit, importunē eius cogitationibus domesticorum suorum inopiam suggerit: ut dum mens ad prouisionis curam quasi piē flectitur, seducta furtim in rerum ambitu iniquē rapiatur. Equum ergo Dei sagitta per insidias impetit, quando ei hostis callidus sub virtute vitium abscondit. Hasta autem cominus vulnerat, cū manifesta nequitia etiam scientem tentat. Sæpe verō cœlesti militi vno eodēmq; tempore vtrūq; ab hoste obicitur: ut in quamlibet vna percussione perimatur. Dolosus nanque aduersarius simul ferire nititur, & apertē sæuens, & in insidiis latens: ut dum de occulto sagitta metuitur, minus ante faciem hasta timeatur: vel dum ante faciem hastæ resistitur, nequaquam ex occulto veniens sagitta videatur. Sæpe enim tentationem proponit de libidine: & subito fraudulentius cessans, elationem suggerit de seruata castitate. Et sunt nonnulli qui dum multos ex castitatis arce in elationis foueam cecidisse conspiciunt, vitæ suæ custodiam negligentes, in immunditiam libidinis demergunt. Sunt verō & diuerso nonnulli qui dum libidinis immunditiam fugiunt, per castitatis culmen in voraginem elationis ruunt. Quasi ergo apertē feriens hasta, est culpa de vitio: & quasi ex occulto vulnerans de pharetra sagitta, est culpa de virtute. Sed equus Dei & ante faciem hastam superat, cū libidinem calcat: & à latere sagittam circūspicit, cū in castitatis munditia se ab elatione custodit. Vnde & bene inter vtraque certanti per Salomonem dicitur: Dominus erit in latere tuo, & custodiet pedem tuum ne capiaris. Pes nanque in anteriora tendit. Anteriora autem non videt, qui ea quæ sunt à latere conspiciat. Rursumq; qui pedis custodiam præuidens anteriora cernit, circūspeditionem lateris deserit. Dum verō ante faciem positæ virtutis aliquid agimus, quasi quo pes debeat poni prouidemus: sed dum ex virtute eadē furtim culpa suboritur, quasi dum in anteriora respicitur, ad sagittam latus nudatur. Sæpe verō dum suboriētē culpam metuimus, virtutem quæ agenda est declinamus: & quasi dum latus circūspicitur, nequaquam cernitur pes in anteriora quomodo ponatur. Bene ergo dicitur: Dominus erit in latere tuo, & custodiet pedem tuum ne capiaris: quia miles Dei diuinæ gratiæ clipeo protectus, & quæ ex latere possint prodire circūspiciendo cōsiderat, & gressum ante faciem ferre proficiendo nō cessat. Cui

Coloss. 3.

2. Corint. 11.

Ibidem.

30

Prouer. 24.

29

Roma. 2.

Roma. 6.

Prouer. 6.

Cui fraudulentus hostis inuidens quia per pharetram & hastam nequaquam se præualere conspicit, clypeum opponit: ut si resistentis pectus feriendo non perforat, saltem quibusdam obiectionibus proficientis iter intercludat. Quasdam namque difficultates ipsis eius conatibus obicit: & cum superare non valet, vel resistit. Sed quia contra tot argumenta bellorum equus Dei agat audiamus: *Feruens & fremens sorbet terram, nec reputat tubæ sonare clangorem.*) Contra equum clangor tubæ insonat, quando electi mentem in eo quod agit fortiter, & vicino quædam posita culpa terribiliter tentat. Sed feruens sorbet terram: quia nimio ardore semetipsum discutit: & quicquid in se terrenum reperit, quotidie proficundo consumit. Et clangorem tubæ sonare non reputat: quia consideratione forti omne vitium quod de virtutis gloria nascitur, sollicitus declinat. Sonare enim clangorem tubæ reputaret, si fortasse propter aliud quod præuē suboritur, alia agere recta metueret. Quia ergo ad agenda fortia ante insonantia tentamenta non trepidat: in feruore suo positus, clangorem tubæ minimè formidat. Sæpe autem dum prosperari se virtutibus conspicit, ne ipsa illum virtutum prosperitas eleuet, pulsari se tentationibus gaudet. Vnde & aptè subiungitur: *Vbi audierit buccinam, dicit vab.*) Multos enim peius sua felicitas strauit, multos diuturna pax inertes reddidit: eoque illos inopinatus hostis grauius perculit, quo longo quietis usu negligentes inuenit. Vnde sancti viri cum multa se proficere virtutum prosperitate considerant, quodam dispensationis supernæ moderamine, exerceri se etiam tentationibus exultant: quia tantò robustius acceptam virtutum gloriam custodiunt, quantò tentationis impulsu concussi infirmitatem suam humiliter cognoscunt. Equus ergo audita buccina vah dicit: quia videlicet præliator Dei cum vim tentationis incumbere conspicit, utilitatem supernæ dispensationis considerans, ex ipsa validius aduersitate confidit. Cuius aduersitatis certamina idcirco illum non superant: quia nunquam inprovisa tentant. Longè quippe prænotat ex vnaquaque re, cuius vitiis pugna succrescat. Vnde & sequitur: *Procul odorari bellum.*) Bellum namque procul odorari, est ex causis præcedentibus quæ vitiorum pugna subsequantur agnoscere. Quia enim sicut iam sæpe dictum est, odore res non visa cognoscitur: bellum procul odorari, est sicut flatu nariū, sic prouisione cogitationum nequitias latentes indagare. De quo odoratu Dominus rectè in Ecclesiæ suæ laudibus dicit: Nasus tuus sicut turris quæ est in Libano. Per nasum quoque odores fœtoris quæ discernimus. Et quid per nasum nisi sanctorum prouida discretio designatur? Turris verò speculationis in altum ponitur, ut hostis veniens longè videatur. Rectè ergo nasus Ecclesiæ turri in Libano similis dicitur: quia sanctorum prouida discretio dum sollicitè circumquaque conspicit in altum posita, priusquam veniat culpa deprehendit: eamque quo vigilanter prænotat, eo fortiter declinat. Hinc Abacuc ait: Super custodiam mea stabo. Hinc vniuersiusque electi animam Hieremias admonet dicens: Statue tibi speculam, pone tibi amaritudines. Speculam quippe sibi statuere, est ventura vitiorum certamina ex alta consideratione prænoscere. Sibi quæ electi mens amaritudines ponit, quādo & in virtutū pace constituta, dum mala insidiantia conspicit, secunda quiete non consentit. Primo autem ne mala qualibet, secundo verò loco considerat, ne bona incautè faciat: & postquam praua subegerit, ipsa etiam sibi subiicere recta contendit: ne si mentis dominium transeant, in elationis culpam vertantur. Quia enim, sicut superius dictum est, plerumque ex bonis per incuriæ vitium mala nascuntur: vigilanti studio contemplatur, quomodo ex doctrina arrogantia, ex iustitia crudelitas, ex pietate remissio, ex zelo ira, ex mansuetudine torpor oriatur. Cumque bona hæc agit, quod hi contra se hostes per hæc exurgere valeant, conspicit. Nam cum adipiscendis doctrinæ studiis elaborat: mentem sollicitè contra certamen arrogantia præparat. Cum culpas delinquentium iuste vlscisci desiderat: sagacissimè euitat, ne modum iustitiæ crudelitas vindictæ transcedat. Cum pietate frenare se nititur: solertè prospicit ne qua disciplinæ dissolutione vincatur. Cum se rectoris zeli stimulis excitat: summo opere prouidet ne plusquam necesse est iræ se flamma succendat. Cum magna mansuetu-

Tomus primus.

dinis tranquillitate se temperat: vigilanter obseruat ne torpore frigescat. Quia ergo spiritalis militis cogitatione omne vitium priusquam surripere possit aspicitur, rectè de equo Dei dicitur: Procul odoratur bellum. Perpendit etiam quæ turba iniquitatem proruat, si mala ad se ingredi, vel pauca permittat. Vnde & sequitur: *Exhortationem ducum & vlulatum exercitus.*) Tentantia quippe vitia quæ inuisibili contra nos prælio regnanti super se superbiæ militant, alia more ducum præuē, alia more exercitus subsequuntur. Neque enim culpa omnes pari accessu cor occupant. Sed dum maiores & pauca neglectam mentem præueniunt, minores & innumera ad illam se cateruatim fundunt. Ipsa namque vitiorum regina superbia cum deuictum plenè cor ceperit, mox illud septem principalibus vitiis, quasi quibusdam suis ducibus deuastandum tradit. Quos videlicet duces exercitus sequitur: quia ex eis proculdubio importunæ vitiorum multitudines oriuntur. Quod melius ostendimus, si ipsos duces atque exercitum specialiter, ut possumus, enumerando proferamus. Radix quippe cuncti mali superbia est, de qua scriptura attestante dicitur: Initium omnis peccati est superbia. Primæ autem eius soboles, septem nimirum principalia vitia, de hac virulenta radice proferuntur: scilicet inanis gloria, inuidia, ira, tristitia, auaritia, ventris ingluuies, luxuria. Nam quia his septem superbiæ vitiis nos captos doluit, idcirco redemptor noster ad spiritale liberationis prælium, spiritu septiformis gratiæ plenus venit. Sed habent contra nos hæc singula exercitum suum. Nam de inani gloria, inobedientia, iactantia, hypocrisis, contentiones, pertinaciæ, discordiæ, & nouitatum præsumptiones oriuntur. De inuidia odium, susurratio, detractio, exultatio in aduersis proximi, afflictio autem in prosperis nascitur. De ira rixæ, tumor mentis, contumeliæ, clamor, indignatio, blasphemie proferuntur. De tristitia malitia, rancor, pusillanimitas, desperatio, torpor circa præcepta, vagatio mentis erga illicita nascitur. De auaritia, proditio, fraus, fallacia, periuria, inquietudo, violentiæ, & contra misericordiam obdurationes cordis oriuntur. De ventris ingluuie inepta lætitia, scurrilitas, immunditia, multiloquium, hebetudo sensus circa intelligentiam propagantur. De luxuria cæcitas mentis, inconsideratio, inconstantia, præcipitatio, amor sui, odium Dei, affectus præsentis seculi, horror autem vel desperatio futuri generantur. Quia ergo septem principalia vitia tantam de se vitiorum multitudinem proferunt, cum ad cor veniunt, quasi subsequens exercitus cateruas trahunt. Ex quibus videlicet septem quinqueque spiritalia, duoque carnalia sunt. Sed vnumquodque eorum tanta sibi cognatione iungitur, ut non nisi vnum de altero proferatur. Prima namque superbiæ soboles inanis est gloria, quæ dum oppressam mentem corruperit, mox inuidiam gignit: quia nimirum dum vani nominis potentiam appetit, ne quis hanc alius adipisci valeat tabescit: Inuidia quoque iram generat: quia quanto interno liuoris vulnere animus sauciatur, tantò etiam mansuetudo tranquillitatis amittitur: & quia quasi dolens membrum tangitur, idcirco oppositæ actionis manus velut grauius pressa sentitur. Ex ira quoque tristitia oritur: quia turbata mens quo se inordinatè concutit, eo addicendo confundit: & cum dulcedinem tranquillitatis amiserit, nihil hanc nisi ex perturbatione subsequens mœror pascit. Tristitia quoque ad auaritiam deriuatur: quia dum confusum cor bonum lætitiæ in semetipso intus amiserit, vnde consolari debeat foris, querit: & tantò magis exteriora bona adipisci desiderat, quantò gaudiū non habet ad quod intrinsecus recurrat. Post hæc verò duo carnalia vitia, id est, ventris ingluuies, & luxuria super sunt. Sed cunctis liquet quod de ventris ingluuie luxuria nascitur, dum in ipsa distributione membrorum ventri genitalia subnexa videantur. Vnde dum vnum inordinatè reficitur, aliud proculdubio ad contumelias excitatur. Bene autem duces exhortari dicti sunt, exercitus vlulare: quia prima vitia deceptæ menti quasi sub quadam ratione se inferunt, sed innumera quæ sequuntur, dum hanc ad omnem insaniam pertrahunt, quasi bestiali clamore confundunt. Inanis namque gloria deuictum cor quasi ex ratione solet exhortari, cum dicit: Debes maiora appetere, ut quo potestate valueris multos excedere, eo etiam valeas multis prodesse. Inuidia quoque, deuictum cor quasi ex ratione solet exhortari, cum

Vitiorum regina superbia.

Eccle. 10.

32.

B

dicit: In quo illo, vel illo minor es? cur ergo eis, vel æqualis, vel superior non es? Quanta vales quæ illi non valent? Non ergo tibi aut superiores esse, aut etiam æquales debent. Ira etiam deuictum cor quasi ex ratione solet exhortari, cum dicit: Quæ erga te aguntur, æquanimiter ferri non possunt, imò hæc patienter tolerare peccatum est: quia etsi non eis cum magna exasperatione resistitur, contra te deinceps sine mensura cumulatur. Tristitia quoque deuictum cor quasi ex ratione solet exhortari, cum dicit: Quid habes vnde gaudeas, cum tanta mala de proximis portas? Perpède cum quo mœrore omnes intuendi sunt, qui in tanto contra te amaritudinis felle vertuntur. Avaritia quoque deuictum animum quasi ex ratione solet exhortari, cum dicit: Valde sine culpa est, quod quædam habenda concupiscis: quia non multiplicari appetis, sed agere percontescis: & quod malè alius retinet, ipse melius expedis. Vétris quoque ingluuies deuictum cor quasi ex ratione solet exhortari, cum dicit: Ad esum Deum omnia munda condidit, & qui satiari cibo respuit, quid aliud quam muniri concessio contradicit? Luxuria quoque deuictum cor quasi ex ratione solet exhortari cum dicit: Cur te in voluptate tua modo non dilatas, cum quid te sequatur, ignoras? Acceptum tempus in desideriis perdere non debes: quia quam citius pertranseat, nescis. Si enim misceri Deus hominem in voluptate coitus nollet, in ipso humani generis exordio masculum & feminam non fecisset. Hæc est ducum exhortatio, quæ dum incautè ad secretum cordis admittitur, familiari iniqua persuadet. Quæ videlicet exercitus vlulatus sequitur: quia infelix anima semel principalibus vitiiis capta, dum multiplicatis iniquitatibus in insaniam vertitur, ferali iam immanitate vastatur. Sed miles Dei, quia solerter præuidere vitiorum certamina nititur, bellum procul odoratur: quia mala præeuntiæ quid menti persuadere valeant, cogitatione sollicita respicit. Exhortationem ducum naris sagacitate deprehendit, & quia longe præsciendo subsequendum iniquitatum confusionem conspiciat, quasi vlulatum exercitus oratio cognoscit. Igitur quia vel prædicatorem Dei, vel quemlibet spiritalis certaminis militem descriptum equi narratione cognouimus, nunc eundem iterum in aui significatione videamus: vt qui per equum didicimus eius fortitudinem, etiam per auem discamus illius contemplationem. Quia enim per descriptam equi magnitudinem audiuius quantum contra certamina vitiorum vir sanctus per patientiam tolerat, nunc per auium speciem cognoscamus, quantum per contemplationem volat. Sequitur:

Quod non est ex homine, sed ex gratia Dei, quod veteris vitæ pennas peccator conuersus ad Deum, abiciat.

Caput XVIII.

N Unquid per sapientiam tuam plumescit accipiter, expandens alas suas ad Austrum. Quia per annos singulos pennam veterem accipiter noua nascente proiciat, ac sine intermissione plumescat, pene nullus ignorat. Non autem hic illud plumæ tempus dicitur, quo in nido vestitur: quia tunc nimirum adhuc videlicet pullus ad austrum alas expandere non valet: sed illa annua pluma describitur, quæ laxata veteri penna renouatur. Et quidē domesticis accipitribus quo melius plumescere debeant, humida ac tepentia loca requiruntur. Agrestibus verò moris est, vt flante Austro alas expandant, quatenus eorum membra ad laxandam pennam veterem veti tepore concalescant. Cum verò ventus deest, alis contra radios Solis expensis atque percussis, tepentē sibi aurā faciunt, sicque capto tepore, apertis poris, vel veteres exiliunt, vel nouæ succrescunt. Quid est ergo accipitrem in Austro plumescere, nisi quod vnusquisque sanctorum tactus flatu sancti spiritus concalescit, & vsum vetustæ conuersationis abiiciens, noui hominis formam sumit? Quod Paulus admonet dicēs: Expoliantes vos veterem hominem cum actibus suis, & induentes nouum. Et rursus: Licet is qui foris est noster homo corrumpatur, tamen is qui intus est, renouatur de die in diem. Vetustam autem penam proicere, est inueterata studia dolosæ actionis amittere: & nouam pennam sumere, est mitem ac simplicem bene viuendo sensum tenere. Penna nanque veteris conuersationis grauat, & pluma nouæ immutationis subleuat, vt ad volatum tantò leuiorem, quantò nouiorē reddat.

Coloss. 3.
Eph. 4.

Et bene ait: Expandit alas suas ad Austrum. Alas quippe nostras ad Austrum expandere, est per aduentum sancti spiritus nostras confitendo cogitationes aperire, vt iam non libeat defendendo nos tegere, sed accusando publicare. Tunc ergo accipiter plumescit, cum ad Austrum alas expandit: quia tunc vnusquisque se virtutum pennis induit, cum sancto spiritui cogitationes suas confitendo subternit. Qui enim vetera fatendo non detegit, nouæ vitæ opera minimè producit: qui nescit lugere quod grauat, non valet proferre quod subleuat. Ipsa nanque compunctionis vis poros cordis aperit, & plumas virtutum fundit: cumque se studiosè mens de pigra vetustate redarguit, alacri nouitate iuuenescit. Dicatur ergo beato Iob: Nunquid per sapientiam tuam plumescit accipiter, expandens alas suas ad austrum? id est, Nunquid cuiuslibet electo tu intelligentiā contulisti, vt flante sancto spiritu, cogitationum alas expandat, quatenus pondera vetustæ conuersationis abiciat, & virtutum plumas in vsum noui volatus sumat? Vt hinc videlicet colligat: quia vigilantiam sensus in semetipso ex se non habet, qui hanc ex se conferre aliis nequam valet. Potest etiam per hunc accipitrem, renouata gentilitas designari, ac si beato Iob aperte diceretur: Futuras virtutum plumas in gentilitate respice, & vetustas superbiæ pennas amitte. Sequitur:

Quod viri contemplatiui cum mente Deo excedunt, vniuersam corpoream creaturam transgrediuntur.

Caput XIX.

N Unquid ad preceptum tuum eleuabitur aquila, & in arduis ponet nidum sibi? In scriptura sacra vocabulo aquilæ, aliquando maligni spiritus, raptores animarum, aliquando præsentis seculi potestates, aliquando verò vel subtilissimæ sanctorum intelligentiæ, vel incarnatus Dominus ima celeriter transuolans, & mox summa repetens designatur. Aquilarum nomine insidiatōres spiritus exprimuntur, Hieremia attestante, qui ait: Velociōres sunt persecutores nostri aquilis cœli. Persecutores enim nostri aquilis cœli velociōres sunt, cum tāta contra nos maligni homines faciunt, vt ipsas etiam aëreas potestates inuentionibus malitiæ præire videantur. Aquilæ etiam vocabulo potestas terrena figuratur. Vnde per Ezechielem prophetam dicitur: Aquila grandis, magnarum alarum, longo membrorum ductu, plena plumis & varietate, venit ad libanum, & tulit medullam cedri, & summitatem frondium eius euulsit. Quæ videlicet aquila quis alius quam Nabuchodonosor rex Babylonie designatur? Qui pro immensitate exercitus, magnarum alarum: pro diuturnitate temporum, longo membrorum ductu: pro multis verò diuitiis, plenus plumis: pro innumera autem terrenæ gloriæ compositione, plenus varietate describitur. Qui venit ad Libanum & tulit medullam cedri, & summitatem frondium eius euulsit: quia Iudææ celsitudinem petens, nobilitatem regni eius quasi medullam cedri abstulit, & dum tenerimā regū prole ad regni sui culmine captiuando sustulit, quasi summitatem frondium eius euulsit. Aquilæ vocabulo vel subtilius intelligentia, vel volatus dominicæ ascensionis exprimitur. Vnde idem Propheta dum sub animalium specie Euangelistas quatuor se vidisse describeret, in eis sibi hominis, leonis, bouis, & aquilæ faciem apparuisse testatur, quartum proculdubio animal Ioannem per aquilam designans, qui volado terram deseruit: quia per subtilem intelligentiam interna mysteria verbi videndo penetrauit. Cui nimirum propheticæ scientiæ, ipse quoque Ioannes in reuelatione sua de semetipso non dissonat, dicens: Animal primum simile leoni, secundum animal simile vitulo, tertium animal habēs faciem quasi hominis, quartum animal simile aquilæ volanti. Et quanuis singula, ad vnūquenque Euangelistā rectè conueniant, dum alius humanæ natiuitatis ordinem, alius per mundi sacrificij maturationem quasi vituli mortem, alius potestatis fortitudinem quasi leonis clamorem insinuat, alius natiuitatem verbi intuens, quasi ortum solem aquila aspectat: possunt tamen hæc quatuor animalia ipsum suum caput cuius sunt membra signare. Ipse namque & homo est, quia naturam nostrā veraciter suscepit: & vitulus, quia pro nobis patienter occubuit: & leo, quia per diuinitatis fortitudinem susceptæ mortis vinculum rupit: & ad extremum aquila, quia ad cælum de quo venerat rediit.

Apoc. 4.

34. redit. Homo ergo nascendo, vitulus moriendo, leo resurgendo, aquila ad cœlos ascendendo vocatus est. Sed hoc loco aquilæ nomine, subtilius sanctorum intelligentia, & sublimis eorum contemplatio figuratur. Cunctarum quippe avium visum acies aquilæ superat, ita ut solis radius fixos in se eius oculos nulla lucis suæ coruscatione reuerberans claudat. Ad præceptum ergo Dei eleuatur aquila, dum iusionibus diuinis obtemperans in supernis suspenditur fidelium vita. Quæ & in arduis nidum ponere dicitur: quia desideria terrena despiciens, spe iam de cœlestibus nutritur. In arduis nidum ponit: quia habitationem mentis suæ in abiectâ & infima cōuersatione non cōstruit. Hinc est quod Cingus Balaam propheta dicitur: Robustum quidē est habitaculum tuum, sed si in petra posueris nidum tuum. Cingus namque possessor interpretatur. Et qui sunt qui præsentia possident, nisi hi qui ingenio sapiētiae secularis callēt? Qui in hoc veraciter robustum sibi habitaculum construunt, si per humilitatem paruuli apud semetipsos facti in Christi sublimitate nutriantur, si semetipsos infirmos sentiant: & in excelsa humilitate cogniti, redemptori fouendam mentis fiduciam ponant: si ima non appetant, si omne quod præterit, cordis volatu transcendant. Videamus aquilam nidum spei sibi in arduis construentem, qui ait: Nostra cōuersatio in cœlestibus. In arduis habet nidum: quia profectō supernis figit cōsiliū. Non vult mentem in ima deiicere, nō vult per abiectiōnem cōuersationis humanæ in infimis habitare. Tunc Paulus fortasse in carcere tenebatur, cum se considerare Christo in cœlestibus testaretur. Sed ibi erat, ubi ardentē iam mentem fixerat, nō illic ubi illum necessariō pigra adhuc caro retinebat. Hoc nanque esse speciale specimē electorum solet, quod sic sciunt præsentis vitæ iter carpere, ut per spei certitudinem nouerint iam se ad alta peruenisse, quatenus cuncta quæ præterfluunt, sub se esse videant, atque omne quod in hoc mundo eminet, amore æternitatis calcent. Hinc est enim quod sequenti se animæ per prophetam Dominus dicit: Sustollam te super altitudines terræ. Quasi quædam nanque inferiora terræ sunt damna, contumelia, egestas, abiectio, quæ ipsi quoque amatores seculi dum per latæ viæ planitiem ambulat, vitando calcare non cessant. Altitudines autem terræ sunt, lucra rerum, blandimenta subditorum, diuitiarum abundantia, honor & sublimitas dignitatum, quæ quisquis per ima adhuc desideria incedit, eo ipso alta æstimat, quo magna putat. At si semel cor in cœlestibus figitur, mox quàm abiecta sint cernitur quæ alta videbantur. Nam sicut qui in montem conscendit, eo paulisper cætera subteriacentia despicit, quo ad altiora gressum amplius tēdit: ita qui in summis intentionem figere nititur, dum annisu ipso nullam præsentis vitæ gloriam esse deprehendit, super terræ altitudines eleuatur: & quod prius in imis desideriis positus super se credidit, post ascendendo proficiet: sibi subesse cognoscit. Quæ ergo illic Dominus facturum se esse pollicetur, dicens: Sustollam te super altitudines terræ, hæc apud beatum Iob solum sese facere posse testatur, dicens: Nunquid ad præceptum tuum eleuabitur aquila, & ponet in arduis nidum sibi? Ac si diceret: Vt ad meum, qui quod exterius præcipio, hoc intrinsecus gratia occultæ largitatis inspiro. Sequitur: In petris manet. In sacro eloquio cum singulari numero petra nominatur, quis alius quàm Christus accipitur? Paulo attestante, qui ait: Petra autem erat Christus. Cum verò petra pluraliter appellantur, membra eius, videlicet sancti viri, qui illius robore solidati sunt, exprimuntur. Quos nimirum Petrus apostolus lapides vocat, dicens: Vos tanquam lapides viui, cœdificamini domus spirituales. Ista itaque aquila quæ ad veri Solis radios cordis oculos exerit, in petris manere dicitur: quia in dictis antiquorum & fortium patrum mentis stationē collocatur. Eorum quippe vitam quos in via Dei præisse conspiciat, ad memoriā reducit, atque in celsitudine illorum fortitudini studendo, nidum sibi cōstruit sanctæ meditationis. Cumque eorum acta dictaque tacite cogitat, cum præsentis vitæ gloriam in comparatione æternæ excellentiæ, quàm sit abiecta considerat, quasi sub se esse ima terrarum in petris residens obseruat. Possunt etiam petrae sublimes virtutum cœlestium potestates intelligi, quas non iam quasi more arborum huc

Tomus primus.

A atque illuc ventus nostræ mutabilitatis inclinatur: quia velut petra in arduis sita, ab omni motu mutabilitatis sunt, & ad soliditatem fixæ celsitudinis, ipsa cui inhærent æternitate duruerunt. Vir itaque sanctus cum terrena despicit, more se aquilæ ad altiora suspendit, & per contemplationis spiritum subleuatus, perennem angelorum gloriam præstolatur, atque huic mundo hospes, illas appetendo quæ aspiciunt, iam in sublimibus figitur. Recte ergo dicitur: In petris manet, id est, intentione cordis inter illas cœlestes virtutes residet, quæ & per æternitatis suæ fortitudinem tanta iam soliditate fixæ sunt, ut in nullo culpæ latere mutabilitatis varietate fluctantur. Vnde & apte sequitur: *Et in præruptis silicibus commoratur, atque inaccessis rupibus.* Qui enim sunt alij prærupti silices, nisi illi fortissimi angelorum chori, qui quauis non integri, sed tamen in proprio statu fixi, cadente cum suis angelis diabolo remanserunt? Prærupti enim sunt: quia pars eorum cecidit, pars remansit. Qui integri quidem stant per qualitatem meriti, sed per numeri quantitatem prærupti. Hanc præruptionem restituere mediator venit, ut redempto humano genere, illa angelica damna sarciret, & mensuram cœlestis patriæ locupletius fortasse cumulare. Propter hanc præruptionem de patre dicitur: Proposuit in eo in dispensatione plenitudinis temporum instaurare omnia in Christo, quæ in cœlis, & quæ in terra sunt in ipso. In ipso quippe restaurantur ea quæ in terra sunt, dum peccatores ad iustitiam conuertuntur. In ipso restaurantur ea quæ in cœlis sunt, dum illuc humiliati homines redeunt, vnde apostata angeli superbiendo ceciderunt. Quod verò ait: *Inaccessis rupibus:* nimirum qui prærupti silices, ipsi sunt inaccessæ rupes. Cordi enim peccatorum hominum valde inaccessa est claritas angelorum: quia quo ad pulchra corporalia cecidit, eo à spiritali specie oculos clausit. Sed quisquis ita contemplatione rapitur, ut per diuinam gratiam subleuatus, intentionem suam iam angelorum choris interserat, & fixus in sublimibus, ab omni se infima actione suspendat, non ei sufficit gloriam angelicæ claritatis aspicere, nili eum etiam qui est super angelos, valeat videre. Sola nanque eius visio, vera mentis nostræ refectio est. Vnde cum dixisset hanc aquilam in petris manere, & in præruptis silicibus, atque in inaccessis rupibus commorari, illic subdidit:

Quod quantumlibet quis in hac vita per speculum in enigmate Deum videat, & eum degustet, suauitatem tamen illius dulcedinis esuriat adhuc.

Caput XX.

I Nde contemplatur sciam. id est, ex illis choris angelicis tendit oculum mentis ad contemplandam gloriam supernæ maiestatis, qua non visa, adhuc esurit, qua tādē visa satiatur. Scriptum quippe est: Pro eo quod laborauit anima eius, videbit & saturabitur. Et rursum: Beati qui esuriunt & sitiunt iustitiam quoniam ipsi saturabuntur. Quis verò mentis nostræ ci-
bus sit, indicatur aperte cum dicitur: Beati mundo corde, quoniam ipsi Deū videbunt. Et quia interpositione corruptibilis carnis grauati, Deum, sicut est, videre nō possumus, recte subiungitur: *Oculi eius de longē prospiciunt.* Quantumlibet enim in hac vita positus quisque profecerit, necdum Deū per speciem, sed per ænigma & speculum videt. E vicino autem cum respicimus, verius cernimus: cum verò longius aciem tēdimus, sub incerto visu caligamus. Quia igitur sancti viri in alta se contemplatione erigunt, & tamen Deum, sicut est, videre nō possunt, bene de hac aquila dicitur: Oculi eius de longē prospiciunt. ac si diceret: Intentionis aciem fortiter tendunt, sed necdum propinquum aspiciunt cuius claritatis magnitudinē penetrare nequaquam possunt. A luce enim incorruptibili caligo nos nostræ corruptionis obscurat, cumque & videri aliquatenus potest, & tamen videri lux ipsa, sicut est, non potest, quàm longē sit indicat. Quam si mens utcunque non cerneret, nec quia longē esset videret. Si autem perfectē iam cerneret, profectō hanc quasi per caliginē non videret. Igitur quia nec omnino cernitur, nec rursum omnino non cernitur, recte dictum est quia à longē Deus videtur. Libet ad mediū Esaiæ verba deducere, atque hæc & illa quia vno spiritu proferatur iudicare. Qui cum actiue vitæ virtutes exprimeret, dicens: Qui ambulat in iustitiis, & loquitur veritatem, qui proicit auaritiā ex calumnia, & excutit manus suas ab omni munere, qui obturat aures suas ne au-

B ij

diat sanguinem, & claudit oculos suos ne videat malum: illico ab eiusdem actiue vitæ gradibus ad quæ contemplationis culmina ascendatur, adiunxit dicens: Iste in excelsis habitauit, munimenta saxorum sublimitas eius, panis ei datus est, aquæ eius fideles sunt. Regem in decore suo videbunt oculi eius, cernent terram de longè. In excelsis nanque habitare, est cor in cælestibus ponere: Et munimenta saxorum sublimitas nostra est, cum fortium patrum præcepta & exempla respicimus, atq; ab infima cogitatione separamur. Munimenta saxorum sublimitas nostra est, cum mente choris castrisq; cælestibus iungimur, & insidiantes malignos spiritus stantes in arce cordis quasi subterpositos expugnamus. Tunc nobis etiam panis datur: quia in supernis erecta intentio æternitatis contemplatione reficitur. Aquæ enim nostræ fideles sunt: quia doctrinæ Dei quod hîc per spem promittit, hoc illic in munere exhibet Sapiencia nanque huius mundi infidelis est: quia mansura post mortem non est. Aquæ nostræ fideles sunt: quia verba vitæ quod ante mortem insinuat, hoc etiam post mortem demonstrant. Regem in decore suo oculi nostri cōspiciunt: quia redemptor noster in iudicio, & à reprobis homo videbitur, sed ad diuinitatis eius intuendam celsitudinē, soli qui electi sunt subleuantur. Quasi enim quandam scditatem regis videre, est solam seruilem formam in qua ab iniquis despectus est cernere. Sed ab electis in decore suo rex cernitur: quia ultra semetipsos rapti, in ipso diuinitatis fulgore oculos cordis figunt. Qui quandiu in hac vita sunt, quia illam viuientium patriā, sicut est, videre non possunt, rectè adiungitur: Cernent terram de longè. Quod ergo hîc ait: Eleuabitur aquila, & in arduis ponet nidum sibi, hoc illic dicitur: In excelsis habitabit. Quod hîc dicitur, in petris manet, & in præruptis silicibus commoratur, atque in inaccessis rupibus, hoc illic subiicitur: Munimenta saxorum sublimitas eius. Quod rursus hîc subinfertur: Inde cōtemplatur escam: hoc illic quoque subditur: Panis ei datus est, aquæ eius fideles sunt, regē in decore suo videbunt oculi eius. Et quod hîc subiungitur: Oculi eius de longè prospiciunt, hoc illic aptè subiicitur: Cernent terram de longè. Consideremus quā sublimis aquila fuerit Paulus, qui vsque ad tertium cœlum volauit, sed tamen in hac vita positus, è longinquo adhuc Deum prospicit, qui ait: Videmus nunc per speculum in ænigmate, tunc autem facie ad faciem. Et rursus: Ego me non arbitror comprehendisse. Sed quanuis æterna valde minus quā sunt ipse conspiciat, quanuis ea se cognoscere perfectè non posse cognoscat, infirmis tamen auditoribus ea ipsa infundere prædicando non potest, quæ videre saltem per speculum & imaginem potest. De semetipso quippe tanquā de alio loquitur, dicens: Audiui arcana verba quæ non licet homini loqui. Interna videantur, fortibus tamen prædicatoribus summa sunt, infirmis verò auditoribus incapabilia. Vnde & prædicatores sancti cum auditores suos diuinitatis verbum capere non posse conspiciunt, ad sola incarnationis dominicæ verba descendunt. Vnde bene hîc dum subleuata in arduis aquila longè videre dicitur, illic subinfertur:

Quod dum in hac vita viuimus, nos pulli sanctorum, sanguine crucifixi, & morte saluatoris nutrimur.

Caput XXI.

Pulli eius lambunt sanguinem.) Ac si apertè diceretur: Ipsa quidem diuinitatis contemplatione pascitur: sed quia auditores eius diuinitatis percipere arcana nequaquam possunt, cognito crucifixi domini cruore satiantur. Sanguinem nanque lambere, est passionis dominicæ infirma venerari. Hinc est quod idem Paulus, qui sicut pauloante iam diximus, ad tertij cœli secreta volauerat, discipulis dicebat: Non enim iudicauit me scire aliquid inter vos, nisi Christum Iesum, & hunc crucifixum. Ac si apertè hæc aliqua diceret: Ego quidem escam meam, diuinitatis eius potentiam de longè prospicio, sed vobis adhuc paruulis incarnationis eius tantummodo lambendum sanguinem trado. Nam qui per prædicationem suam tacita diuinitatis celsitudine, infirmos auditores de solo cruore crucis edocet, quid aliud quā sanguinem pullis præbet? Quia verò vniuscuiusque sancti prædicatoris anima corruptione carnis exuta, ad eum mox

ducitur, qui pro nobis sponte sua in mortem cecidit, & de morte surrexit, aptè de hac aquila subditur:

Quod in Christo sancti viuificantur: & illuc tendit humilitas gregis, vbi secundum carnem est celsitudo pastoris.

Caput XXII.

Et vbi cumque cadauer fuerit, statim adest.) Cadauer quippe à casu dicitur. Et non immeritò corpus Domini propter casum mortis cadauer vocatur. Quod autem hîc de hac aquila dicitur: Vbi cumque cadauer fuerit, statim adest: hoc de egredientibus animabus fieri veritas spondit, dicens: Vbi cumque fuerit corpus, illic congregabuntur & aquilæ: ac si apertè dicat: Qui cælesti sede incarnatus redemptor vester præsideo, electorum quoque animas cum carne soluero, ad cælestia subleuabo. Sed hoc quod de hac aquila dicitur: Vbi cumque fuerit cadauer, statim adest: intelligi, & aliter potest. Omnis enim qui in peccati mortem ceciderit, non inconuenienter poterit cadauer vocari. Quasi exanimis nanque iacet, qui iustitiæ viuificantem spiritum non habet. Quia ergo sanctus quisque prædicator vbi peccatores esse considerat, illuc anxie peruolat, vt in peccati morte iacentibus lucem viuificationis ostendat, bene de hac aquila dicitur: Vbi cumque cadauer fuerit, statim adest, id est, illuc tendit vbi vtilitatem prædicationis prospicit, vt ex eo quod iam spiritaliter viuit, aliis in morte sua iacentibus profit, quos corripiedo quasi edit, sed ab iniquitate ad innocentiam permutando, in sua membra quasi edendo conuertit. Ecce ipse, quem ad testimonium iam sæpe deduximus, Paulus cum nunc Iudæā, nunc Corinthum, nunc Ephesum, nunc Romā, nunc Hispanias peteret, ut in peccati morte iacentibus, æternæ vitæ gratiam nuntiaret, quid se aliud quā esse aquilā demonstrabat, quæ velociter omnia transuolans, vbi cumque iacēs cadauer querebat: vt dū voluntatē Dei lucratis peccatoribus faceret, quasi escam suam in cadauere reperiret? Escā quippe iustorū est, conuersio peruersorum, de qua dicitur: Operamini non cibū qui perit, sed qui permanet in vitam æternam. Auditis itaque tot sanctorū virtutibus, beatus Iob obstupuisse intelligitur, & sub admirationis terrore siluisse. Nam sequitur:

Quod consideratio meliorum multum proficiat ad humilitatē sanctorū.

Caput XXIII.

Adiecit dominus, & locutus est ad Iob: Nunquid qui contendit cū Deo, tam facile conuiescit? Vtique qui arguit Deum, debet & respondere illi.) Vir sanctus tanta hac distinctione flagelli non æstimauit augeri sibi merita, sed vitia refecari. Quæ quia in se nulla cognouit, percussus iniuste se credidit, & percutientē prorsus arguere, est de percussione murmurare. Considerans autem Dominus quod ea quæ protulit, non ex tumore superbie, sed ex qualitate colligeret vitæ, piè illum increpat dicens: Nunquid qui cōtendit cum Deo, tam facile cōquiescit? Vtique qui arguit Deum, debet & respondere illi.) Ac si apertius diceret: Qui tanta de tua actione locutus es, cur audita sanctorū vita siluisti? Me em fuit arguere, de percussione mea an fuerit iusta dubitare. Et bona quidē tua veraciter protulisti, sed hæc quo tenderēt flagella nescisti: qui etsi non habes iam quod corrigas, habes adhuc tamē quo crescas. In quanta verò virtutis arce quā plurimos subleuē, me ecce narrante cognouisti. Ipse cōsiderabas tuam, sed aliorū celsitudinem nesciebas. Auditis igitur alienis virtutibus, si quid vales, responde de tuis. Scimus autem quod cordis sui oculum per elationis tenebras extinguit, qui cum recta agit, considerare meliorū merita negligit. At cōtrā magno humilitatis radio sua opera illustrat, qui aliorū bona subtiliter pensat: quia dum ea quæ ipse fecerit, facta foris & ab aliis cōspicit, eum qui de singularitate intus erumpere nititur, superbiæ tumorem premit. Hinc est quod voce Dei ad Heliam solum se æstimantem dicitur: Reliqui mihi septem milia virorum qui nō curauerūt genua ante Baal: vt dum nō solum se remāsisse cognosceret, elationis gloriā quæ ei de singularitate surgere poterat, euitare posset. Beatus itaque Iob nihil peruersè egisse reprehēditur, sed de aliorum etiam bene gestis docetur, vt dum se æquales & alios habere considerat, ei qui singulariter summus est, se humiliter subdat.

Libri tricesimi primi Moraliū sancti Gregorij finis.
B. Gregorij

Quid in excelsis habitare.

1. Corin. 13.

Philip. 3.

2. Corin. 12.

Quid sanguinem Christi lambere.
1. Corin. 2.

Vnde cadauer.

Matth. 24.

37.

Ioh. 6.

3. Reg. 19.

B. GREGORII EX-
POSITIONIS MORALIS
 IN IOB LIBER TRIGESIMVS-
 secundus.

*Quod sancti ea quæ cum minori sollicitudine attendunt quando cogi-
 tant vel agunt, & quasi leuia negligunt, cum fuerint compuncti
 diuini, quasi graua illa & mortifera perhorrescunt.*

Caput. I.



Sancti viri quo apud Deum altius virtutum
 dignitate proficiunt, eo subtilius indignos
 se esse deprehendunt: quia dum proximi lu-
 ci sunt, quicquid eos in seipsis latebat in-
 ueniunt, & tantò magis foris sibi deformes
 apparent, quãtò minus pulchrum est quod
 intus vident. Vnusquisque enim sibi dū ta-

ctu veriluminis illustratur ostenditur, & vnde agnoscit quid
 est iustitia, inde eruditur vt videat quid est culpa. Hinc est
 quod sæpe mēs nostra quāuis frigida in cōuersationis huma-
 næ actione torpescat, quāuis in quibusdā delinquat & nesci-
 at, quāuis peccata quædā quasi nulla perpēdat: cum tamen ad
 appetenda sublimia orationis compunctione se erigit, ipso
 suæ compunctionis oculo excitata ad circumspectiendam se
 post fletum vigilātor redit. Nam cum neglectam se deserit,
 & noxio tepore torpescit, vel ociosa verba, vel inutiles co-
 gitationes minoris esse reatus omnimodo credit. At si igne
 compunctionis incallescens, à torpore suo tacta subito affla-
 tu contemplationis euigilet, illa quæ leuia paulo ante credi-
 dit, mox vt graua ac mortifera perhorrescit. Cuncta enim
 vel in minimis noxia quasi atrocissima refugit: quia videli-
 cet per conceptionem spiritus grauida, introire ad se iam in-
 ania nulla permittit. Ex eo enim quod intus conspicit, quā
 sint horrenda hæc quæ exterius perstreperunt sentit, & quantò
 amplius subleuata profecerit, tantò magis refugit infima in
 quibus prostrata defecit. Nihil quippe eam nisi id quod inte-
 rius viderat pascit, atque eo grauius tolerat, quicquid se ei ex-
 trinsecus ingerit, quo illud non est quod exterius vidit, sed
 ex his interioribus quæ raptim videre potuit, ad exteriora
 quæ tolerat iudicandi regulam sumit. Super se enim rapitur
 dum sublimia contemplatur: & semetipsam iam liberius ex-
 cedendo conspiciens, quicquid ei ex seipsa sub seipsa rema-
 net, subtilius comprehendit. Ex qua re miro modo agitur, vt
 sicut superius dictum est, vnde dignior efficitur, inde sibi
 met indigna videatur, & tunc rectitudini se longè esse sen-
 tiat, cum appropinquat. Vnde Salomon ait: Cuncta tentau-
 i in sapientia, & dixi: Sapiens efficiar, & ipsa longius recessit
 à me. Quæ sita enim sapientia longè recedere dicitur: quia
 appropinquanti altior videtur. Qui verò hanc nequaquam
 quærunt, tantò se ei propinquos æstimant, quantò & eius re-
 ctitudinis regulam ignorant: quia siti in tenebris, mirari lucis
 claritatem nesciunt, quam nunquam vident: cumque in
 forma eius pulchritudinis nō tenduntur, in semetipsis liben-
 ter quotidie deformiores fiunt. Nam quisquis eius radiis tā-
 gitur, sua illi manifestius tortitudo monstratur: & eo verius
 inuenit quantum flectatur in vitio, quo sagacius summa con-
 siderans, conspicit quantum distat à recto. Vnde beatus Iob
 humanum genus virtutibus transiens, amicos loquendo su-
 perauit, sed loquente Deo, sublimius eruditus semetipsum
 cognoscendo reticuit. Illos nanque iniuste loquentes subdi-
 dit, sed ad verba locutionis intimæ reum se iuste cognouit.
 Et quidem cur flagellatus sit nescit, sed tamen cur flagella ve-
 neratus diuina non sit, silendo redarguit. Diuina enim iudi-
 cia cum nesciuntur, non audaci sermone discutienda sunt,
 sed formidoloso silentio veneranda: quia & cum causas re-
 rum conditor in flagello non aperit, eo iustas iudicat, quo se
 eas facere qui summè iustus est demonstrat. Vir ergo san-
 ctus, & prius de locutione, & post de silentio reprehensus,
 quid de semetipso sentiat innotescat. Ait enim:

Tomus primus.

*Quod de verbo ocioso nec sancti possunt excusari, licet manū operis in
 conspectu dei studeant operire. Caput II.*

Qui leuiter locutus sum, respondere quid possum? Ac si dicat:
 Sermonem meum defenderem, si hunc cum rationis pō-
 dere protulissem. At postquam lingua leuitate vsa conuincit-
 ur, quid restat nisi vt conticendo refrenetur? Sequitur: *Ma-
 num meam ponam super os meum.* Vsu sacri eloquij in manu ope-
 ratio, in ore locutio solet intelligi. Manum ergo super os po-
 nere, est virtute boni operis culpas tegere in eaute locutionis.
 Quis verò inueniri potest qui quamlibet perfectus sit, de o-
 cioso tamen sermone non peccet? Iacobo attestante, qui ait:
 Nolite plures magistri fieri, in multis enim offendimus om-
 nes. Et rursum: Linguam nullus hominum domare potest. *Iaco. 3.*
 Cuius culpas redarguens per semetipsam veritas dicit: Dico *Ibidem.*
 autem vobis quoniam omne verbum ociosum quod locuti
 fuerint homines, reddent de eo rationem in die iudicij. Sed
 sancti viri ante Dei oculos student culpas linguæ tegere me-
 ritis vitæ, student bonorum operum pondere premere im-
 moderata verborum. Vnde in sancta Ecclesia manus super
 os ponitur, dum in electa eius quotidie ociosa locutionis vi-
 tium bonæ actionis virtute operitur. Scriptum nanque est: *Psalm. 31.*
 Beati quorum remissæ sunt iniquitates, & quorum tecta sunt *Heb. 4.*
 peccata. Sed rursum cum scriptum sit: Omnia nuda & aperta
 sunt oculis eius, quomodo regi possunt, quæ eius oculis cui
 cuncta nuda sunt, abscondi nequaquam possunt? Sed quia hoc
 quod tegimus inferius ponimus, atque hoc vnde tegimus ni-
 mirum superducimus, vt quod est subterpositum tegamus,
 tegere peccata dicimur, quæ quasi subterponimus dum abdi-
 camus, eisque aliud superducimus dum bonæ actionis opus
 ad hoc post eligimus vt præferamus. Qui ergo priora mala
 deserit, & bona posterius facit, per hoc quod addit, transactā
 nequitiam tegit, cui boni operis merita superducit. Beatus igitur
 Iob sanctæ Ecclesiæ typum tenens, & in verbis suis sua
 allegans, nostra designans, dicat ex se, dicat ex nobis, Manum
 meam ponam super os meum, id est, hoc quod districto iudi-
 ci de sermone meo in me displicuisse confidero, ante eius o-
 culos sub velamine recti operis abscondo. Sequitur:

*Quod Iob correctus non defendit, sed humiliter confitetur se peccasse in
 eo quod se credidit iustum: & frustra percussum, & innocentia pro-
 pria conscientia contentus, distractionem superni examinis attendit.*

Caput III.

VNum locutus sum, quod vitium non dixissem, & alterum, quibus
 vltra non addam. Si transacta beati Iob verba discutimus,
 nihil eum nequiter dixisse reperimus. Si verò dicta eius quæ
 cum veritate ac libertate prolata sunt, in aliquo superbiz vitio
 flectimus, duo iam solummodo non erunt: quia multa sunt.
 Sed quia loqui nostrū, est hominibus occultum sensum ver-
 bum aperire, loqui verò nostrum ad diuinas aures, est motum
 mentis etiam expressione actionis ostendere: beatus Iob ad
 libram se subtilissimi examinis pensans, locutione sua secun-
 dō se deliquisse confitetur. Vnum enim loqui illicitū, est res
 flagello dignas agere, aliud loqui illicitū, est etiam de flagello
 murmurare. Qui ergo ante increpationem dominicam in
 omni opere hominibus prælatus fuit, ipsa in altum increpa-
 tione proficiens, & minus se rectum prius in opere, & minus
 se patientem post in verbere agnouit. Vnde semetipsum re-
 darguit, dicens: Vnum locutus sum, quod vitium non dixis-
 sem, & alterum quibus vltra non addam. Ac si dicat: Rectum
 me quidem inter homines credidi, sed te loquente, & ante fla-
 gella prauum, & post flagella me rigidum inueni. Quibus vl-
 trà non addam: quia iam quantò nunc te loquentem subtilius
 intelligo, tantò me ipsum humiliter inuestigo.

*Quid sit quod per Moysen agnum, vel capram iubetur offerre qui bene
 vel male se facturum iuramento protulerit, & hoc ipsum oblatione
 transcendit.*

Caput IIII.

Et quia beatus Iob sanctæ Ecclesiæ typum tenet, possunt
 electis omnibus hæc eius verba congruere, qui cogno-
 scentes Dominum, in vno & alio deliquisse se sentiunt: quia se
 intelligunt, vel in cogitatione & opere, vel in Dei ac proximi
 neglecta dilectione peccasse. Quibus se promittit vltra nil ad-
 dere: quia per conuersionis gratiam curant penitendo quoti-
 die etiam transacta purgare. Per hoc tamen quod beatus Iob

B iij

Lent. 5.

de duobus se pœnitendo redarguit, liquidò ostendit quòd peccator omnis in pœnitētia duplicem habere gemitum debet, nimirum quia & bonum quod oportuit non fecit, & malum quod non oportuit fecit. Hinc est enim quod per Moysen de eo qui iuramentum protulit, vt vel malè quid vel bene faceret, & hoc ipsum obliuione transcendit, dicitur: Offerat agnam de gregibus siue capram, orabitque pro eo sacerdos, & pro peccato eius. Sin autem non potuerit offerre pecus, offerat duos turtures, vel duos pullos columbarum, vnū pro peccato, & alterum in holocaustum. Iuramentum nanq; proferre, est voto nos diuinæ seruitutis alligare. Et cum bona opera promittimus, bene nos facere spondemus. Cum verò abstinentiam cruciatumque carnis nostræ vouemus, malè ad præsens nos nobis facere iuramus. Sed quia nullus in hac vita ita perfectus est, quamlibet Deo deuotus sit, inter ipsa quantumeumque pia vota non peccet, pro peccato agna offerri de gregibus siue capra præcipitur. Quid enim per agnā nisi actiua vitæ innocentia, quid per capram quæ in summis sæpe extremisq; rupibus pendens pascitur, nisi contemplatiua vita signatur? Qui ergo se conspiciat promissa ac proposita non implese, ad sacrificium Dei sese studiosius debet, vel innocentia boni operis, vel sublimi pastu contemplationis accingere. Et bene agna de gregibus, capra verò offerri de gregibus non iubetur: quia actiua vita multorum est, contemplatiua paucorum. Et cum hæc agimus quæ multos agere, & egisse conspiciamus, quasi agnā de gregibus damus. Sed cum offerentis virtus ad agnā capramque non sufficit, in remedio pœnitentis adiungitur, vt duo pulli columbarum, vel duo turtures offerantur. Scimus quia columbarum pulli, vel turtures pro cantu gemitus habent. Quid ergo per duos columbarum pullos, vel duos turtures, nisi duplex pœnitentiæ nostræ gemitus designatur? vt cum ad offerenda bona opera non assurgimus, nosmetipsos dupliciter deseamus: quia & recta non fecimus, & praua operati sumus. Vnde & vnus turtur pro peccato, alter verò offerri in holocaustū iubetur. Holocaustū nanque totum incensum dicitur. Vnū ergo turturē pro peccato offerimus, cum pro culpa gemitum damus, de altero verò holocaustum facimus, cum pro eo quòd bona negleximus, nosmetipsos funditus succendentes igne doloris ardemus. Quia igitur duplex in pœnitentia gemitus debetur, beatus Iob diuinæ vocis increpatione proficiens, atque in sua reprehensione succrescens, dixisse se vnum & alterum pœnitens fatetur ac si apertè dicat, Et erga bona per negligentiam torpui, & ad mala per audaciam prorupi.

Textus capitis quadragesimi beati Iob.

Respondens autem Dominus Iob de turbine dixit: Accinge sicut vir lumbos tuos, interroga te, & indica mihi. Nunquid irritum facies iudicium meum, & condemnabis me vt tu iustificeris? Si habes brachium sicut Deus, & voce simili tonas, circunda tibi decorem, & in sublime erigere, & esto gloriosus, & speciosis induere vestibus. Disperge superbos in furore tuo, & confunde eos, & respiciens omnem arrogantem humilia. Respice cunctos superbos & confunde eos, & contere impios in loco suo. Absconde eos in puluere, simul & facies eorum demerge in foueam, & ego confitebor quod saluare te possit dextera tua. Ecce Behemoth quem feci tecum, scœnum quasi bos comedet. Fortitudo eius in lumbis eius, & virtus illius in vmbilico ventris eius. Stringit caudam suam quasi cedrum, nerui testiculorum eius perplexi sunt. Ossa eius velut fistulæ aris, cartilago illius quasi laminæ ferreæ. Ipse est principium viarum Dei. Qui fecit eum, applicabit gladium eius. Huic montes herbas ferunt. Omnes bestię agri ludent ibi. Sub vmbra dormit, in secreto calami, in locis humentibus. Protegunt

vmbræ vmbra eius, circundabunt eum salices torrentis. Ecce absorbebit fluuium, & non mirabitur, & habet fiduciam quòd influat Iordanis in os eius. In oculis eius quasi hamo capiet eum, & in sudibus perforabit nares eius. An extrahere poteris Leviathan hamo, & fune ligabis linguam eius? Nunquid pones circulum in naribus eius, aut armilla perforabis maxillam eius? Nunquid multiplicabit ad te preces, aut loquetur tibi mollia: Nunquid feriet tecum pactum, & accipies eum seruum sempiternum? Nunquid illudes ei quasi aui, aut ligabis eum ancillis tuis? Concidet eum amici, diuidet illum negociatores. Nunquid implebis sagenas pelle eius, & gurgustium piscium capite illius: Pones super eum manum tuam. Memento belli, nec vltrà addas loqui. Ecce spes eius frustrabitur eum, & videntibus cunctis præcipitabitur.

Quòd qui in flagellis positis murmurat, iustitiam ferientis accusat.

Caput V.

Respondens autem Dominus Iob de turbine dixit: Accinge sicut vir lumbos tuos, interroga te, & indica mihi. Quid sit Dominum de turbine respondere, quid beatum Iob lumbos accingere, quid interrogare Dei, quid hominis indicare, primo iam Domini sermone tractatum est. Quia ergo lectoris tædio parcimus, curamus summopere ne dicta replicemus. Sequitur: Nunquid irritum facies iudicium meum, & condemnabis me vt tu iustificeris? Quisquis contra Domini flagella semetipsum defendere nititur, flagellantis iudicium euacuare conatur. Nam cum culpa sua feriri se denegat, quid aliud quàm iustitiam ferientis accusat? Beatum itaque Iob non idcirco flagella cœlestia percusserunt, vt in eo culpas extinguere, sed potius vt merita augerent, quatenus qui tranquillitatis tempore in tanta sanctitate claruerat, & ex percussione patesceret quæ in eo etiam patientiæ virtus latebat. Qui quidem culpam suam inter flagella non inueniens, nec tamen flagella eadem causam sibi esse augendi meriti deprehendens, iniuste se feriri credidit, cum quid in se debuisset corrigi non inuenit. Sed ne ipsa innocentia in tumorem elationis inflatur, diuina voce corripitur, & mens eius ab iniquitate libera, sed verberibus pressa, ad iudicia occulta reuocatur: vt superna sententia, etsi non est cognita, nō tamen credatur iniusta, sed eo saltem iustum credat omne quod patitur, quo nimirum constat, quia Deo authore patiatur. Magna enim satisfactio percussione est, voluntas iusta conditoris. Quæ cum iniustū facere nihil solet, iusta agnoscitur etiā si latet. Nam cum pro iniustitiæ peccato percutimur, si in percussione nostra diuinę voluntati coniungimur, mox à nostra iniustitia ipsa coniunctione liberamur. Quisquis enim iam percussione tolerat, sed adhuc causas percussione ignorat, si iustum credens hoc ipsum cōtra se iudicium amplectitur, eo ipso ab iniustitia sua iam correctus est, quo percussus se iuste gratulatur. In vindicta enim sua Deo se socians, sese contra se erigit, & magna est iam iustitia quòd voluntati iudicis cōcordat in pœna, cui discrepauit in culpa. Virigitur sanctus quia in nulla Deo culpa discrepauerat, quasi cum difficultate ei inter supplicia cōcordabat. Neque enim credidit quòd flagella quæ solēt vitia extinguere, in illo sola merita augerent. Vnde nūc iuste corripitur, vt occultis iudiciis, & nesciens subderetur, eique dicitur: Nunquid irritum facies iudicium meum, & condemnabis me vt tu iustificeris? ac si apertè diceretur: Tua quidem bene acta cōsideras, sed mea occulta iudicia ignoras. Si ergo ex tuis meritis contra mea flagella disputas, quid aliud quàm me de iniustitia addicere te iustificando festinas? Sequitur:

Quòd ex considerata magnitudine, & iustitia creatoris, cuiusque meriti sint homines, infirmos se cognoscant & peccatores: & quòd Anthropomorphitarum hæresis sit, Deum assignare in sua natura secundum membra humana, & lineamenta corporea.

Caput VI.

Si

Si habes brachium sicut Deus, & si voce simili tonas. Quia humanum genus beatus Iob meritis transcendebat, eum pius conditor, & eruditor ad considerandam similitudinem suæ magnitudinis prouocat, vt cognita tanta dissimilitudine, in humilitate se premat. Sed cum in Deo vox & brachiū dicitur, cauendum summopere est, ne quid in eo mens corporeum suspicetur. In Anthropomorphitarum nanque hæresim cadere, est eum qui incircumscripte implet & circumplectitur omnia, intra corporalia lineamenta concludere. Sed omnipotens Deus ad sua nos trahens, vsque ad nostra se humiliat, atque vt alta insinuet, humilibus condescendit: quatenus paruulorum animus rebus cognitis enutritus, ad inquirenda exurgat incognita, atque ab eo qui longè super ipsum est, quædam iuxta se audiens, quibusdam ad illum passibus moueatur. Vnde fit vt per scripturam suam aliquando à corporibus hominum, aliquando à mentibus, aliquando verò ab auibus, aliquando etiam ab insensatis rebus quædam longè dissimiles in se similitudines trahat. Plerumque enim à corporibus hominum in se similitudinem trahit, sicut de eo Propheta ad Israhelitas dicit: Qui tetigerit vos, tanget pupillam oculi eius. Et sicut de eo rursum speranti homini per Prophetam dicitur: In scapulis suis obumbrabit tibi. Cōstat nimirum quòd in natura sua, nec oculum Deus, nec scapulas habeat: sed quia nos per oculum cernimus, in scapulis verò onera sustinemus, Deus quòd omnia videt, oculum habere perhibetur, quòd verò nos tolerat, atque eo ipso quo tolerat seruat, obumbrare nobis in scapulis dicitur. Ait enim: In scapulis suis obumbrabit tibi: ac si diceret peccatori homini, & post peccatum veniam deprecanti: Ea pietate Dominus te protegit, qua te pietate tolerauit. Obumbrat enim in scapulis suis: quia dum portat defendit. Aliquando verò à mentibus in se similitudinem trahit, sicut per Prophetā ad Israhel dicit: Recordatus sum tui, miserans adolescentiam tuam. Et rursum per sponsæ comparationem loquens ait: Et si illa oblita fuerit, ego tamen non obliuiscar tui. Quis enim nesciat, quia Dei memoria, nec obliuione rumpitur, nec recordatione sarcitur? Sed dum aliqua deferens prætermittit, more mentium obliuisci dicitur, & cum post longū tempus quæ voluerit visitat, nostræ mutabilitatis consuetudine recordatus vocatur. Quo enim pacto diuinitatis eius vim obliuio dissipat, cui ipsa quoque laudabilis memoria essentialiter concordat? Nulla nanque nisi aut præterita, aut absentia recordantur: Quomodo ergo Deus præteritorum reminiscitur, cum ipsa quæ in semetipsis prætereunt, eius nutui semper præsentia assistent? Aut quomodo absentium recordatur, dum omne quod est, per hoc illi præsto est quod in ipso est? Quod si ei præsto non esset, omnino non esset: nam non existentia videndo creat, existentia videndo continet. Quicquid ergo creator non videt, essentia subsistendi caret. Aliquando autem ab auibus in illum similitudo trahitur, sicut per Moysen dicitur: Expandit alas suas, & assumpsit eos. Et sicut Propheta ait: Sub umbra alarum tuarum protege me. Quia enim nos paruulos dum protegit nutrit, & non graui atque onerosa, sed leui & blanda protectione nos refouet, dum suas in nos misericordias exerit, quasi more super nos auium alas tendit. Aliquando etiam insensatis rebus propter infirmitatem nostram alta condescensione se comparat, sicut per Prophetam dicit: Ecce ego strideo super vos sicut stridet plaustrum onustum sæno. Quia enim sænum est vita carnalium, sicut scriptum est: Omnis caro sænum, in eo quòd Dominus vitam carnalium patitur, more plaustrum se portare testatur. Cui sub sæni onere stridere, est pondera & iniquitates peccantium cum querela tolerare. Cum ergo longè dissimiles in se similitudines trahat, solerter intueudū est quòd quædam talia aliquando dicantur in Deo propter effectum operis, aliquando autem ad indicandam eius substantiam maiestatis. Nam cum in Deo oculus, scapulae atque alae nominantur, effectus quidē operationis ostenditur. Cum verò manus, brachium, dextera vel vox in Deo dicitur, per hæc vocabula consubstantialis ei filius demonstratur. Ipse quippe est & manus dextera, de cuius ascensione per Moysen pater loquitur, dicens: Tollam in cælum manum meā, & iurabo per dexteram meam. Ipse brachium, de quo Prophe-

Tomus primus.

Ata ait: Et brachium Domini cui reuelatum est: Ipse vox: quia eum pater gignendo dixit: Filius meus es tu, ego hodie genui te. Et de quo scriptum est: In principio erat verbum, & verbum erat apud Deum, & Deus erat verbum. Per hoc verbum fecisse patrem omnia Dauid asserit, dicens: Dixit, & facta sunt. Deum ergo brachium habere, est operantem filium gignere: voce tonare est consubstantiali sibi filium mundo terribiliter demonstrare. Beato igitur Iob dū dicit Dominus: Si habes brachium sicut Deus, & si voce simili tonas, mira dispensatione pietatis eum dum increpat, exaltat: quia eum quem sua comparatione superat, superiorem cunctis demonstrat. Cui in hac propositione subiungit:

Quid sancti in conspectu Dei gloria & honore, & speciosis virtutum vestibus induantur, superbos verò extrema confusionis nuditas maneat:

Caput VII

Circunda tibi decorem, & in sublime erigere, & esto gloriosus, & speciosis induere vestibus. Subaudis vt ego. Ipse enim sibi **B**circundat decorem, de quo scriptum est: Dominus regnavit, decorem induit. Ipse apud nos in sublime erigitur, cum nostris mentibus in natura sua esse impenetrabilis demonstratur. Ipse verò gloriosus est, qui dum seipso perfruitur, accedentis laudis indigens non est. Ipse speciosis induitur vestibus: quia sanctorum angelorum choros quos condidit, in vsum sui decoris assumpsit, & velut quandam vestem gloriosam sibi Ecclesiam exhibet non habentem rugam, aut maculam. Vnde ei per Prophetam dicitur: Confessionem & decorem induisti, amictus lumine sicut vestimento. Hic quippe confessionem induit, illic decorem: quia quos hic per penitentiam confitentes fecerit, illic fulgentes per decorem iustitiæ ostendit. Luce ergo sicut vestimēto amictus est: quia sanctis omnibus, quibus dictum est: Vos estis lux mundi, in illa æterna gloria vestietur. Vnde & per Euangelium dicitur, quia transfigurato in monte Domino, vestimenta eius facta sunt candida sicut nix. In qua transfiguratione quid aliud quàm resurrectionis ultimæ gloria nunciatur? In monte enim vestimenta eius sicut nix facta sunt: quia in supernæ claritatis culmine sancti omnes ei luce iustitiæ fulgentes adhærebunt. Sed quia speciosarum vestium nomine iustos sibi quomodo adiungat insinuat, iniustos etiam quomodo à se disjungat ostendit. Sequitur: *Disperge super eos in furore tuo.* Subaudis vt ego, qui eos & tranquillitatis tempore vnitos contra me tolero, & districtius quandoque veniens, in meo eos furore dispergo. Sed inter hæc solerter intueudum est, quòd grauis perfidiæ error admittitur, si fortasse quis æstimet, quòd in illa diuinitatis substantia, furor & tranquillitas varietur. Creator nanque omnium eo summè immortalis est, quo creaturæ more mutabilis non est. Hinc de illo per Iacobum dicitur: Apud quem non est transmutatio, nec vicissitudinis obūbratio. Hinc rursum scriptum est: Tu autem Domine, cum tranquillitate iudicas. Hinc Propheta ait: Deserta facta est terra à facie iræ columbæ, à facie furoris Domini. Quod iram columbæ prædixerat, hoc furorem Domini subiunxit. Columba nanque valde simplex est animal, & quia in Deū nulla furoris inæqualitas serpit, furorē Domini iram colūbæ nominauit. Vt enim diuinæ distinctionis vim imperturbabilem demonstraret, & irā dixit, & columbæ: ac si apertius diceret: Districtū iudiciū inconcusus exerit, qui permanēs mansuetus iniustos punit. Vnde & in extremo iudicio in semetipso incommutabilis manens, nulla vicissitudine ac mutabilitate variatur, sed tamē electis ac reprobis nequaquā sub specie eiusdē incommutabilitatis ostēditur: quia & tranquillitas iustis, & iratus apparebit iniustis. Teste enim cōscientia, intra semetipsos deferūt, vnde eorum mentes æquē vnū respiciant, sed nō æqualiter modificentur: quia & istis eum benignum ostēdit antea acta iustitia, & illis terribilē culpa. Quorum pauorem quis explicet, cum contigerit miseris, & intra se culpas cernere, & ante se iudicem iustum videre? Hoc nimirum quotidie in vfu vitæ præsentis agitur, vt de qualitate venturi iudicis mortalium corda doceantur. Nam cum duo ad iudicium pergunt, alius innocentia sibi cōseius, alius culpæ: ante prolatam sententiam adhuc tacentem iudicem vtique conspiciunt, & tamen culpæ debitor grauem cōtra se iram hoc ipsum iudicis silentium suspicatur. Quā iram

B iiij.

sibi non denuntiat perturbatio iudicis, sed recordatio prauitatis: quia etsi adhuc foris rerum sententia non clamat, intus tamen grauius cōscientia accusat. At contra iustitiæ amicus decernentis vultum conspiciat, sed intus de testimonio bonæ recordationis hilarescit, & quo apud se quod metuat non habet, omne quod erga semetipsum est, blandum videt. Hoc itaque loco furor Domini dicitur non perturbatio diuinæ substantiæ, sed super peccatores malè sibi conscios examinatio iusta vindictæ. Quauis enim eum tranquillum in iudicio videant, tamen quia feriendos se ab illo non dubitant, eum suis moribus perturbatum putant. Sequitur: *Et respiciēs omnē arrogantem humilia.* Ac si dicat, vt ego. Aptè autem ad vindictæ ordinem arrogantibus superbiorum culpa præponitur: quia nimirum non superbia de arrogantia, sed generatur arrogantia de superbia. Duobus autè modis à Domino peccator vnusquisque respicitur, cum aut à peccato conuerteritur, aut ex peccato punitur. De respectu enim cōuersionis dicitur: Quia respexit Dominus Petrum, & recordatus Petrus verbi Iesu fleuit amarè. De respectu ultionis rursus dicitur: Vultus autè Domini super facientes mala: vt perdat de terra memoriam eorum. Vtrisque autè modis in humilitate arrogans sternitur: quia aut pœnitendo cognoscit culpam, aut pereundo percipit pœnā. Sequitur: *Respice cunctos superbos, & confunde eos, & contere impios in loco suo.* Subaudis, vt ego. Superbi enim ex respectu Domini confunduntur, aut hinc de pietate Domini cognoscentes, & damnantes crimina, aut illic supplicia de iustitia sentientes. Impiorum verò locus ipsa superbia est: quia cum scriptum sit: Initium omnis peccati superbia: vnde oritur impietas, ibi continetur, quauis nec quicquam à superbia distat impietas. Valde enim superbire est impia de autore sentire. Impius ergo in loco suo cōteritur: quia ipsa superbia qua eleuatur opprimitur, cumque efferendo se in cogitationibus erigit, lumen sibi iustitiæ quod inuenire debuisset abscondit. Sape autem dum cōtra Deum falsa gloria exterius proficit, vera miseria interius inanescit. Vnde Propheta ait: Deiecisti eos dum alleuarentur. Non enim ait: Deiecisti eos postquam eleuati sunt, sed dum alleuarentur: quia hoc ipsum fit superbis interius deiici, quod eis falsa cōtingit gloria exterius eleuari. Ordinante enim diuino iudicio, non eis hinc aliud culpa est, atque aliud pœna, sed sua illis in pœnam vertitur culpa vt elatis fastu superbiæ, hoc ipsum sit verè intus cadere, quod foris ostenditur profecisse. Sequitur: *Abconde eos in puluere, simul & facies eorum demerge in foueam.* Ac si dicat, vt ego. Superbos enim atque impios iusto iudicio Dominus in puluere abscondit: quia eorum corda ipsis, quæ despecto amore creatoris eligunt, terrenis opprimi negociis permittit. Vnde & illorum vitam cum in extremo iudicio discutit, tanquam sibi absconditam non agnoscit, dicens: Nescio qui estis. Vita prauorum sub puluere absconditur: quia abiectis & infimis desideriis grauiatur. Quisquis enim adhuc ea quæ mundi sunt appetit, quasi ante faciem veri luminis non apparet: quia nimirum sub puluere terrenæ cogitationis latet. Hunc prauarum cogitationum puluerem oppressa mens tolerat, quem ventus nequissimæ tentationis apportat.

Hinc est enim quod de vnaquaque anima terrenis desideriis aggrauata sub Ephraim specie per Prophetam dicitur: Factus est Ephraim panis subcinericius, qui non reuerfatur. Ex natura quippe bene condita est nobis intentio que surgat in Deum, sed ex conuersatione nequiter assueta inest voluptas, quæ præsens premat in seculum. Panis autem subcinericius ex ea parte est mundior, quam inferius occultat, atque ex ea parte sordidior, qua desuper cinerem portat. Quisquis ergo intentionem qua Deum debuisset quærere negligit, quasi more panis subcinericiij mundiorem partem inferius premit, & cum curas seculi libenter tolerat, quasi congestum cinerem superius portat. Reuerfaretur autem panis subcinericius, si desideriorum carnalium cinerem repelleret, & intentionem bonam quam in se dudum despiciendo oppresserat, superius ostentaret. Sed reuersari renuit, cum mens amore curarum secularium pressa, molem superpositi cineris abiicere negligit: dumque assurgere in intentionem bonam non appetit, quasi mundiorem faciem subter premit. Aptè autem subiungitur: Simul & facies eorum

demerge in foueam. Ac si dicat, vt ego. Iusto nanque iudicio superbiorum facies Dominus in foueam mergit: quia intentionem cordis eorum sese vltra homines erigentem inferius deiicit. Ima enim respicit, cuius facies foueam attendit. Et bene de superbis dicitur quod eorum facies in foueam demerguntur: quia ima petunt dum superbiendo altiora appetunt, & quo magis extollendo se erigunt, eo magis ruendo inferius tendunt. Terrenā quippe gloriā quærunt, & infima sunt, quæ prospiciunt dum superbiendo alta sequuntur. Vnde miro & diuerso modo res agitur, vt humiles cælum petant, dum se inferius deiiciunt: superbi infima appetant, dum despiciendo cæteros quasi in altioribus extolluntur. Isti se dum despiciunt, cælestibus iunguntur: illi dum se erigunt, à superioribus diuiduntur: atque, vt ita dixerim, illi se eleuant depressum, isti depressum eleuant. Et bene de superbientibus per Psalmistam dicitur: Humiliat autem peccatores vsque ad terram: quia ea quæ infra sunt ambientes dum extollendo se erigunt, amisso cælo quid aliud quam terram petunt? Quibus hoc ipsum iam in imis cecidisse, est relictis superioribus ima quæsisse. Rectè ergo eorum facies in foueam demergi perhibentur: quia sequentes infima ad inferni barathrum tendunt. Iusto enim iudicio agitur, vt quos hinc voluntaria auersio excæcat, illic ab intuitu veri luminis digna supplicij fouea abscondat. Igitur quia vir sanctus tanto diuinæ potentiæ terrore discussus est, vt ei diceretur: Si habes brachium vt Deus, & si voce simili tonas, disperge superbos in furore tuo, & respiciens omnem arrogantem humilia, & cætera quæ Deus quidem facere, sed homo vix sufficit audire, cuncta hæc qua Dominus intentione præmisit, sine subdita conclusionis ostendit, dicens:

Pelagianorum hæresis presenti capite destruitur, qui sine adiutorio gratiæ, propria virtute quemquam posse saluari affirmant.

Caput VIII.

Et ego confitebor quod saluare te possit dextera tua. Ac si aperte diceret: Si potest terribilia hæc facere, ipse quæ protuli, tibi & non mihi deuto bona omnia quæ fecisti. Si verò peccantes alios respiciendo non potes perdere, liquet quod à reatu nequitiae tua te non vales virtute liberare. Ecce diuina voce ad beatum Iob dicitur quod sua dextera non saluetur: & tamen nonnulli hominum qui ab huius viri viribus longè sunt, despecto Dei adiutorio, sua se fortitudine saluari posse confidunt. Pro quibus quid deprecari aliud debemus, nisi vt si iam dona bonorum operum perceperunt: hoc quoque donum accipiant, vt à quo hæc accēperint discant? Quia autem præmissis verbis Dominus potentiam suæ magnitudinis intulit: nunc in subsequentibus nequitiam antiqui hostis ostendit: vt bonus famulus & auditis prius virtutibus Domini sciret quantum diligeret, & cognita post calliditate diaboli, disceret, quantum timeret. Vnde bene per Prophetam dicitur: Leo rugiet, quis non timebit? Dominus Deus locutus est: quis non prophetabit? Postquam enim virtus ei sui conditoris innotuit, nequaquam illum vires aduersarij latere debuerunt: vt eo magis defensori suo se humiliter subderet, quo hostis sui nequitiis subtilius agnouisset: protectoremque suum tantò ardentius quæreretur, tantò terribiliorem hostem cognosceret quæ vitaret. Certum quippe est, quia minus diligit creptorem suum, qui minus intelligit periculum quod euasit: & vile solatium deputat defensoris, qui virtutem aduersarij debilem putat. Vnde bene ereptionem suam Domino tribuens Propheta dicebat: Diligam te Domine virtus mea, aperte videlicet dicens, eo te magis diligo, quo infirmitatem propriam sentiens, virtutem meam te esse cognosco. Hinc rursus ait: Mirifica misericordias tuas, qui saluos facis sperantes in te: quia tunc nimirum misericordiæ Domini miræ apud nosmetipsos qui eripimur sunt, cum per easdem misericordias quàm graua fuerint pericula quæ euasimus agnoscimus. Et quia sermone præcedenti Dominus beato Iob mira opera sanctorum sequentium patefecit, vt his auditis disceret, de virtutum suarum culmine quàm humilia sentire debuisset, nunc ei cum quo hoste bellum gerat ostenditur, & vires fraudis illius subtilius indicantur: vt qui ad colloquium authoris sui perductus est, argumenta aduersarij aperte

Lucæ. 22.

Psalm. 33.

7.

Eccle. 10.

Psalm. 72.

Lucæ 13.

8.

Osæ. 7.

9.

Amos. 3.

Psalm. 17.

Psalm. 16.

apertè cognoscat. Verbis enim sequētibz fidei famulo Dominus cunctas hostis callidi machinationes insinuat, omne quod opprimendo rapit, omne quod insidiando circūuolat, omne quod minando terret, omne quod suadendo blanditur, omne quod desperando frangit, omne quod promittēdo decipit. Cuncta ergo tergiuersationis eius certamina exorditur dicens: *Ecce t Behemoth quem feci tecum.*

*† in lib. scri-
ptis ubique
Behemoth.* Quod Manichæorum hæresis qui asserunt duo principia Deum scilicet, & nescio quam tenebrarum gentem, conuincatur: cum manifestum sit, quod in principio Deus omnem spiritalem & corporalem creaturam fecerit, primo in substantia materiæ, deinde in formarum distinctione.

Caput IX.

Quem sub Behemoth nomine, nisi antiquum hostem insinuat? qui interpretatus ex Hebræa voce in Latina lingua animal sonat. Cuius inferius dum malitia subditur, patenter persona monstratur. Sed cum de Deo scriptum sit, quia fecit omnia simul, cur hoc animal cum homine fecisse se indicat, dum cuncta quia simul fecerit constat? Rursum quærendum est, quomodo Deus cuncta simul condidit, dum Moyses sex dierum mutatione variante distinctè creata describat? Quod tamen citius agnoscimus, si ipsas causas originum subtiliter indagamus. Rerum quippe substantia simul creata est, sed simul species formata non est: & quod simul extitit per substantiam materiæ, non simul apparuit per speciem formæ. Cum enim simul factum cælum terræque describitur, simul spiritalia atque corporalia, simul quicquid de cælo oritur, simul factum quicquid de terra producit, indicatur. Sol quippe luna & sidera quarto die in cælo facta perhibentur: sed quod quarto die processit in specie, primo die in cæli substantia extitit per conditionem. Primo die creata dicitur, & tertio arbuta condita, & cuncta terræ virentia describuntur: sed hoc quod die tertio se in specie protulit, nimirum primo die in ipsa de qua ortum est terræ substantia conditum fuit. Hinc est quod Moyses & distinctè per dies singulos condita omnia retulit, & tamen simul omnia creata subiunxit, dicens: *Istæ sunt generationes cæli & terræ, quando creatæ sunt in die quo fecit Dominus cælum & terram, & omne virgultum agri antequam oriretur in terra, omnemque herbam regionis.* Qui enim diuersis diebus creatum cælum & terram, virgultum, herbamque narrauerat, nunc vno die facta manifestat: ut liquidò ostenderet quod creatura omnis simul per substantiam extitit, quanuis non simul per speciem processit. Hinc illic quoque scriptum est: *Creauit Deus hominem ad imaginem suam, ad imaginem Dei creauit illum, masculum & feminam fecit eos.* Necdum enim Eua facta describitur, & iam homo masculus & femina perhibetur. Sed quia ex Adæ latere proculdubio femina erat processura, in illo iam computatur per substantiam, à quo fuerat producenda per formam. Considerare tamen hæc in minimis possumus, ut ex minimis maiora pensamus. Herba nanque cum creatur, necdum in illa fructus, nec dum fructus sui semen ostenditur. Inest verò ei etiam cum non apparet fructus & semen: quia nimirum simul sunt in radicis substantia, quæ non simul prodeunt per temporis incrementa. Sed quia hæc simul creata per substantiam dicimus, quæ prodire alia ex aliis inuenimus, quo pacto cum beato Iob Behemoth creatus asseritur, cum neque vna sit substantia angeli & hominis, neque homo ex angelo, neque angelus ex homine proferatur? Si verò propter hoc factus Behemoth cum beato Iob dicitur, quod creatura omnis ab auctore, qui in actione sua nequaquam temporis protelatione distenditur, simul condita non dubitatur: cur de Behemoth specialiter dicitur quod commune cum creaturis omnibus generaliter habetur? Sed si rerum causas subtili discussione pensamus, simul angelum factum hominemque cognoscimus: simul videlicet non vnitatem temporis, sed cognitione rationis, simul per acceptam imaginem sapientiæ, & non simul per coniunctam substantiam formæ. Scriptum nanque de homine est. *Faciamus hominem ad imaginem & similitudinem nostram.* Et per Ezechielem, ad Satan dicitur: *Tu signaculum similitudinis, plenus sapientia & perfectus decore in deliciis paradisi Dei fuisti.* In cuncta igitur creatura, homo & ange-

lus simul conditus extitit: quia ab omni creatura irrationabili distinctus processit. Quia ergo in cuncta conditione rerum nullum rationale animal nisi angelus & homo est, quicquid ratione vti non potest, cum homine factum non est. Dicatur itaque homini, dicatur de angelo, qui etsi potentiam sublimitatis perdidit, subtilitatem tamen naturæ rationalis non amisit: *Ecce Behemoth quem feci tecum: ut dum homo eum qui in ratione secum factus est perisse considerat, vicinum sibi casum superbiæ ex ipsa propinqui sui perditione pertimescat.* In his autem verbis solerter intueendum est, quod apertè voce dominica nefarium Manichæi dogma reprehenditur, qui dum duo principia loquitur, tenebrarum gentem non factam asserere conatur. Quomodo enim non facta gens nequissima dicitur, dum Behemoth istum, videlicet auctorem nequitie per naturam bene conditum se Dominus fecisse testatur? Sed quia Behemoth iste cum quo sit factus audiuius, perditus quid agat audiamus: Sequitur:

Quod esca diaboli electi sint, & hypocritarum simulatione maxime saturantur.

Caput X.

Fœnum sicut bos comedit. Si prophetarum sollicitè verba discutimus, hæc & illa vno spiritu prolata reperimus. Esaias nanque cum cerneret vitam peccantium ab antiquo & insatiabili hoste deuorari, ait: *Leo sicut bos comedit paleas.* *Esai. 11.* Quid autem fœni palearumque nomine nisi carnalium vita signatur? De qua per Prophetam dicitur: *Omnis caro fœnum.* *Esai. 40.* Qui ergo hic Behemoth, illic leo: qui hic fœnum, illic palea nominantur. Sed perscrutari mens nititur cur iste vel apud Esaiam leo, vel hic dominica voce Behemoth, in comestatione fœni vel paleæ, utroque loco non equo, sed boui comparatur. Quod tamen citius agnoscimus, si in vtrisque animalibus quæ sit nutrimentorum distantia perpendamus. Equi nanque fœnum quodlibet sordidum comedunt, aquam verò non nisi mundam bibunt. Boues autem aquam quamlibet sordidam bibunt, sed fœno non nisi mudo vescuntur. Quid est ergo quod boui qui mundo pabulo pascitur, Behemoth iste comparatur, nisi hoc quod de isto antiquo hoste per Prophetam alium dicitur: *Esca eius electa?* Neque enim se eos gaudet rapere, quos prauis ac sordidis actionibus implicatos in imis secum respicit voluntariè iacere. Fœnum ergo comedere sicut bos appetit: quia suggestionis suæ dentes conterere mundam vitam spiritalium quærit. Sed quærendum video quomodo Behemoth iste fœnum sicut bos comedens, vitam spiritalium consumere dicitur, cum sicut supra dictum est, fœni nomine vita carnalium designatur. Esca quoque eius electa iam non erit, si fœnum comedens carnales rapit. Sed ad hæc citius occurrit: quia nonnulli hominum & apud Deum fœnum sunt, & apud homines sanctitatis nomine censentur: cum & ante humanos oculos aliud ostendit vita, & ante diuina iudicia aliud intendit conscientia. Ii itaque apud humana iudicia electi sunt, sed apud subtile Domini examen fœnum. An ante diuinos oculos Saul fœnum non erat, de quo Samuël propheta populo dicebat: *Certè videtis quem elegit Dominus, & de quo paulò superius dicitur: Electus & bonus?* Quem enim peccans populus meruit & apud Deum reprobus extitit: & tamen causarum ordine electus & bonus fuit. Quia multi fœnum sunt, & electos se ex humana astimatione suspicantur, bene per Salomonem dicitur: *Vidi impios sepultos, qui etiam dum adhuc viuerent, in loco sancto erant, & laudabantur in ciuitate quasi iustorum operum.* Quia multi fœnum sunt, sed tamen sanctitatis fauore vallantur, bene quidam sapiens indicat dicens: *Transi hospes, & orna mensam.* Transendo nanque hospes, ornare mensam dicitur: quia si ad altare Dei qui positus per bona opera gloriam propriam quærit: & de ostentatione sanctitatis eius laus altaris extenditur, & ipse tamen apud Deum in numero ciuium non habetur. Aliis eius opinio proficit, & tamen à Deo extraneus ipse pertransit. Mensam itaque transendo decorauit: quia stare ad sacra noluit, qui per omne quod agere studuit, ad humanas laudes mente decurrit. Quia ergo nonnulli mundam quidem vitam per studium ducunt, sed ex

1. Reg. 10.

II. Eccl. 8.

Eccl. 29.

Ibidem. Ezech. 28.

illa intus placere non appetunt, rectè & esca eius electa dicitur: & tamen scœnum sicut bos comedere Behemoth iste perhibetur. Quasi enim ante os Behemoth istius mundum scœnum in terra, atq; in infimis iacet, cùm & vita quasi innocens per mandatorum custodiam agitur, & tamen inter actionem quæ bona ostenditur, cor ad appetenda sublimia non eleuatur. Quid itaque vtilitatis agit qui in se munditiam vitæ custodit, si per intentionem infimam in ore Behemoth huius inueniendum se in terra derelinquit? Quia igitur omnipotens Deus quid hostis noster agat insinuat, nunc quomodo præualeat innotescit, vt calliditatis eius nequitia quo apertius cognoscitur, eo facilius superetur. Sequitur:

Quod malorum mentes diabolus in virtute possideat.

Caput XI.

Fortitudo eius in lumbis eius, & virtus eius in vmbilico ventris eius.) Seminaria coitus viris in lumbis esse, inesse autem scœminis in vmbilico perhibentur. Hinc est enim quod veritas discipulis dicit: Sint lumbi vestri præcincti. Hinc Petrus cùm luxuriam à corde restringeret, admonebat, dicens: Succincti lumbos mentis vestræ. Hinc Paulus cùm per Abrahæ sacrificium Melchisedech tempore Leui sacerdotium diceret decimatum, vbi tunc in Abrahæ corpore Leui lateret ostendens, ait: Adhuc enim in lumbis patris erat. Quia verò seminarium luxuriæ scœminis in vmbilico continetur, Propheta testatur, qui sub specie scœminæ prostituta Iudææ petulantiam increpans, ait: In die ortus tui, non est præcisus vmbilicus tuus. In die quippe ortus vmbilicum præcidere, est conuersionis tempore carnis luxuriam refecare. Quia enim difficile est malè inchoata corrigere, & semel formata deformiter in melius reformare: de ortu suo Iudæa reprehenditur, quæ dum in Deo nata est, impræcisum vmbilicum retinuit: quia fluxa luxuriæ non abscidit. Quia igitur potestate diaboli vtriusque generis sexus valde ex luxuriæ infirmitate subternitur, & fortitudo eius in lumbis contra masculos, & virtus illius contra scœminas in vmbilico perhibetur. Sed cur cùm Behemoth istum scœnum comedere intulit, prima deceptionis eius argumenta luxuriæ damna subiunxit, nisi quod liquidò omnibus patet, quia postquam semel hominis spiritum superbia cœperit, mox se ad corruptionem carnis extendit? Quod in ipsis quoq; hominibus primis agnoscimus, qui dum post perpetratam superbiam pudenda membra contegunt, patenter indicant, quia postquam apud semetipsos intus arripere alta conati sunt, mox in carne foris erubescenda pertulerunt. Behemoth itaque iste insatiabiliter scœuiens, & deuorare totum simul hominem quærens, modò in superbiam mentem erigit, modò carnem luxuriæ voluptate corrumpit. Bene autem nequaquam fortitudo eius in lumbis vel vmbilico eorum dicitur, qui prosternuntur: sed fortitudo eius in lumbis eius, & virtus illius in vmbilico ventris eius. Ac si apertè diceretur: Fortitudo eius in lumbis suis, & virtus illius in vmbilico ventris sui: quia nimirum eius propriè corpus sunt, qui suggestionum turpium blandimentis decepti, ei per luxuriæ fluxa succumbunt. Sequitur:

Quod tota virtus diaboli in antichristo stringatur, qui in fine huius mundi causa omnis erit malitia, & quasi esset Deus immensitate prodigiorum sublimis apparebit.

Caput XII.

Stringit caudam suam quasi cedrum.) Multa in his suppetunt, quæ instruendis moribus proferantur: sed prius Behemoth istius violenta discutimus, vt post subtilius astuta detegamus. In scriptura sacra cedri nomine aliquando alta excellentia gloriæ cœlestis exprimitur: aliquando autem prauorum rigida elatio designatur. Cedri nomine cœlestis gloriæ celsitudo exprimitur, sicut Psalmista testatur: Iustus vt palma florebit, sicut cedrus Libani multiplicabitur. Cedri rursus nomine superba prauorum potentia designatur, sicut per eundem Prophetam dicitur: Vox Domini confringentis cedros. Quid autem cauda Behemoth istius, nisi illa antiqui hostis extremitas dicitur, cùm nimirum vas proprium illum perditum hominem ingreditur, qui specialiter antichristus nuncupatur. Qui quoniam modò honoribus seculi, modò signis & prodigiis fictæ sanctitatis in tumorem potentiæ eleuari permittitur, rectè voce dominica cauda illius cedro comparatur. Sicut e-

Enim cedrus arbusta cætera in altum crescendo deserit, ita tunc antichristus mundi gloriam temporaliter obtinens, mensuras hominum & honoris culmine & signorum potestate transcendit. Spiritus quippe in illo est, qui in sublimibus conditus, potentiam naturæ suæ non perdidit vel deiecit. Cuius idcirco virtus nunc minimè ostenditur, quia dispensatione diuinæ potentiæ ligatur. Vnde per Ioannem dicitur: Vidi Angelum descendentem de cælo, habentem clauem abyssi, & catenam magnam in manu sua, & apprehendit draconem serpentem antiquum, qui est diabolus & satanas: & ligauit eum per annos mille, & misit eum in abyssum, & clausit & signauit super eum. Ligatus quippe missus in abyssum perhibetur: quia retrusus in prauorum cordibus, potentia diuinæ dispensationis astringitur, ne in quantum nocere valet, effrenetur: vt quauis per eos occultè scœuiat, ad violētās tamen rapinas superbia non erumpat. Sed illic quomodo in mundi fine sit soluendus intimatur, cùm dicitur: Et postquam consummati fuerint mille anni, soluetur Satan de carcere suo, & exibit, & seducet gentes. Millenario nanque numero vniuersum pro perfectione sua hoc quantumlibet sit Ecclesiæ sanctæ tempus exprimitur. Quo peracto antiquus hostis suis viribus traditus, pauco quidem in tempore, sed in multa contra nos virtute laxatur. Quem quauis scœuitia ad crudelitatem dilatat, superna tamen misericordia dierum breuitate coangustat. Hinc enim veritas per semetipsam dicit: Erit tunc tribulatio magna, qualis non fuit ab initio mudi, vsq; modo, neq; fiet. Hinc rursus ait: Nisi breuiati fuissent dies illi, non fieret salua omnis caro. Quia enim & superbos nos & infirmos Dominus conspiciat, dies quos singulariter malos intulit, misericorditer breuiatos dicit: profecto & vt superbiam terreat de aduersitate temporis, & infirmitatem refoueat de breuitate. Sed considerandum valde est, cùm Behemoth iste caudā suam sicut cedrum subleuat: in quo tunc atrocior quàm nunc se exeret surgat. Quæ enim poenarum genera non nouimus, quæ non iam vires martyrum exercuisse gaudemus? Alios nanque improviso ictu immersus iugulo gladius strauit: alios crucis patibulum affixit: in quo & mors prouocata repellitur, & repulsa prouocatur. Alios hirsutis ferra dentibus attriuit. Alios armato ferro insulcans ungula carpsit: alios beluina rabies moribus detruncando comminuit: alios ab intimis viscerum per cutem pressa vis verberum rupit: alios effossa terra viuentes operuit, alios in altum demersos in mortem præcipitium fregit: alios in se proiectos aqua replendo absorbit: alios edax flamma vsque ad cineres depasta consumpsit. Cùm igitur Behemoth iste caudam suam in fine mundi nequius dilatat, quid est quod in his tormentis tunc atrocius crescat, nisi hoc quod in Euangelio veritas per semetipsam dicit: Surgent pseudo-christi, & pseudoprophetae, & dabunt signa magna & prodigia: ita vt in errorem mittantur, si fieri potest, etiam electi? Nunc enim fideles nostri mira faciunt, cùm peruersa patiuntur: tunc autem Behemoth huius satellites etiam cùm peruersa inferunt, mira facturi sunt. Pensamus ergo quæ erit humanæ mentis illa tentatio, quando pius martyr & corpus tormentis subiicit: & tamen ante eius oculos tortor miracula facit? Cuius tunc virtus non ab ipso cogitationum fundo quatitur, quando is qui flagris cruciatur, signis coruscat? Dicitur igitur rectè: Stringit caudam suam quasi cedrum: quia nimirum & altus tunc erit veneratione prodigij, & durus crudelitate tormenti. Non enim sola tunc potestate erigitur, sed etiam signorum ostensione fulcitur. Vnde & per David dicitur: Infidiatur in occulto, quasi leo in cubili suo. Ad apertam nanque potetiam suffecisset vt leo esset, etiam si insidians non fuisset: rursusque ad occultas versutias suffecisset, vt insidians surriperet, etiam si leo non esset. Sed quia hic antiquus hostis in cunctis suis viribus effrenatur, scœuire per vtrāq; permittitur: vt contra electos in certamine & fraude & virtute laxetur: virtute per potentiam, fraude per signa. Rectè ergo & leo & insidians dicitur: insidians per miraculorum speciem, leo per fortitudinem secularem. Vt enim eos qui apertè iniusti sunt pertrahat, secularem potentiam ostentat: vt verò iustos etiam fallat, signis sanctitatem simulat. Illis enim suadet elationem magnitudinis, istos decipit ostensione sanctitatis. De hac cauda Behemoth istius sub draconis specie per Ioannem dicitur:

Luc. 12.

1. Petri. 1.

Hebr. 7.

Ezech. 16.

12.

Genes. 3.

Psal. 91.

Psal. 28.

Apoc. 20.

Apoc. 20.

Matth. 24.

Ibidem.

13.

Matth. 24.

14.

Psal. 9.

Apoc. 12. nem dicitur: Et cauda eius trahebat tertiam partem stellarum cœli, & misit eas in terram. Cœlum nanque est Ecclesia, quæ in hac nocte vitæ præsentis dum in se innumeras sanctorum virtutes continet, quasi radiantibus desuper sideribus fulget. Sed draconis cauda in terram stellas deiicit, quia illa satanæ extremitas per audaciam assumpti hominis erecta, quosdam quos velut electos Dei in Ecclesia inuenit, obtinendo reprobos ostendit. Stellas itaque de cœlo in terram cadere, est relicta nonnullos spe cœlestium illo duce ad ambitum gloriæ secularis inhare. Hinc Daniel sub Antiochi specie contra hanc draconis caudam loquitur, dicens: Deiecit de fortitudine & de stellis, & conculcauit eas, & usque ad principem fortitudinis magnificatus est, & ab eo abstulit iuge sacrificium, & deiecit locum sanctificationis eius. Robur autem datum est ei contra iuge sacrificium, propter peccata, & prosternetur veritas in terra, & faciet, & prosperabuntur. De fortitudine quippe & de stellis deiicit, cum nonnullos & luce iustitiæ resplendentes, & virtute operis robustos frangit. Qui usque ad principem fortitudinis magnificatur: quia contra ipsum auctorem virtutis extollitur. Iuge verò sacrificium tollit, quia studium conuersationis Ecclesiæ in eis quos ceperit interrumpit. Robur verò ei propter peccata contra iuge sacrificium datur: quia nisi pereuntium merita exigent, eos qui recti credebantur, obtinere aduersarius nequaquam posset. Veritas in terra prosternitur: quia fides tunc rerum cœlestium ad desiderium vitæ temporalis inclinatur. Et faciet, & prosperabitur: quia tunc non solum in reprobis mentibus, sed etiā in electorum corporibus crudelitate inestimabili, sine qualibet obiectione grassatur. Hinc rursum per Daniele dicitur: Consurget rex impudens facie, & intelligens propositiones, & roboratur fortitudo eius, sed non in suis viribus. Illius namque hominis fortitudo non in suis viribus roboratur: quia satanæ virtute in gloriam perditionis attollitur. Hinc rursum ait: Interficiet robustos & populum sanctorum secundum voluntatem suam, & dirigetur dolus in manu eius. Robustos namque interficit, cum eos qui mente inuicti sunt, corporaliter vincit. Vel certè robustos & populum sanctorum secundum voluntatem suam interficit, cum eos qui robusti ac sancti credebantur, ad nutum suæ voluntatis trahit. In cuius manu dolus dirigitur, quia in illo fraus per opus adiuuatur. Quod enim fallendo dicit, hoc mira faciendo asserit: nam quicquid mēdax lingua simulat, hoc quasi verum esse manus operis ostendat. Hinc rursum dicit: Contra principem principum consurget, & sine manu conteretur. Hinc Paulus ait: Ita ut in templo Dei sedeat, ostendens se tanquam sit Deus. Hinc rursum ait: Quem Dominus Iesus interficiet spiritu oris sui, & destruet illustratione aduentus sui. Quod enim per Daniele dictum est: Contra principem principum consurget, hoc per Paulum dicitur: Ita ut in templo Dei sedeat ostendens se tanquam sit Deus. Et quod per Daniele subiungitur: Sine manu conteretur, hoc per Paulum exprimitur: Quem Dominus Iesus interficiet spiritu oris sui. Sine manu quippe conteretur: quia non angelorum bello, non sanctorum certamine, sed per aduentum iudicis solo oris spiritu æterna morte ferietur. De huius Behemoth elatione item per Paulum dicitur: Qui aduersatur & extollitur supra omne quod dicitur Deus, aut quod colitur. De quo Daniel cum quartam bestiam diceret decem cornibus fultam, protinus adiunxit: Considerabam cornua, & ecce cornu aliud paruulum ortum est de medio eorum, & tria de cornibus primis euulsa sunt à facie eius: & ecce oculi quasi oculi hominis erant in cornu isto, & os loquens ingentia. Undecimum quippe huius bestię cornu esse describitur: quia regni eius potentia in iniquitate roboratur.

Omne enim peccatum vndenarium est: quia dum peruersa agit, præcepta decalogi transgreditur. Et quia in cilicio plangitur, hinc est quod in tabernaculo vela cilicina vndecim fiunt. Hinc per vndecimum psalmum dicitur: Saluum me fac Domine, quoniam defecit sanctus. Hinc in vndenario numero remanere Apostolos Petrus metuens, Mathiam duodecimum sorte missa requisivit. Nisi enim signari culpam per vndenarium cerneret, impleri Apostolorum numerum tam festinè duodenario non curaret. Quia ergo per vndenarium transgressio exprimitur, huius bestię cornu vndecimo ipse

author transgressionis indicatur. Quod videlicet paruulum oritur, quia purus homo generatur, sed immaniter crescit: quia usque ad coniunctam sibi vim angelicæ fortitudinis proficit. Quod tria cornua quæ ei ante faciem sunt euellit: quia ditioni suæ regna totidem quæ sibi vicina sunt subigit. Cuius oculi sunt ut oculi hominis, sed os ingentia loquitur: quia in illo humana quidem forma cernitur, sed verbis suis ultra homines eleuatur. Quod ergo per Paulum dicitur: Extollens se super omne quod dicitur Deus aut quod colitur, hoc Daniel propheta testatur dicens: Os loquens ingentia. Quod verò illum vel Daniel ingentia loqui, vel Paulus perhibet supra cultum deitatis extolli: hoc est quod apud beatum Iob diuino eloquio cedro comparatur. More enim cedri ad alta nititur, dum in omni fastu fallaciæ & virtutis robore & culminis elatione prosperatur. Bene autem stringere caudam dicitur: quia tota eius virtus in vno illo damnato homine congesta densatur, ut tantò per illum fortia ac mira faciat, quantò illum collectis suis viribus instigat. Sed quia quale sit iniquorum caput audioimus, nunc huic capiti quæ membra adhæreant, agnoscamus. Sequitur:

Quod multiplicia sint argumenta diaboli, quibus animas prostratas sibi polluit & corrumpit.

Caput XIII.

Nervi testiculorum eius perplexi sunt. Tot iste Behemoth testes habet, quot iniquitatis suæ prædicatores possidet. An eius testes non sunt, qui prauis persuasionibus corda hominum virulenta erroris sui semina fundendo corrumpunt? Aptè autem dicitur, quod testiculorum eius nervi perplexi sunt: quia videlicet prædicatorum illius argumenta dolosis assertionibus innodantur, ut recta esse simulent quæ peruersa persuadent: ut allegationum implicatio quasi nervorum perplexitas etsi videri possit, solui non possit. Nervos eius testiculi perplexos habent, quia acumina prædicatorum illius sub argumentis duplicibus latent. Plerumque autem cum verbis corda inficiunt, in opere innocentium ostendunt. Neque enim ad se bonos persuasionem suam traherent, si se & in actionibus peruersos exhiberent. Sed quia testes sunt huius beluæ & perplexis nervis illigantur, & rectos se ostendant ut lateant, & peruersa prædicant ut corrumpant: ipsum nimirum suum caput imitantes, qui quasi leo in insidiis & sæuit per potentiam terreni culminis, & blanditur per speciem sanctitatis. Sed hæc belua utinam tunc solum talia ageret, & nunc quoque ad corrumpenda fidelium viscera, hos luxuriæ testiculos non haberet. Neque enim malum sola locutione oris infunditur, sed peius & à pluribus operis exemplo propinatur. Quam multi enim antichristum non viderunt, sed tamen testiculi eius sunt: quia corda innocentium actionis suæ exemplo corrumpunt. Quisquis nanque in superbia extollitur, quisquis avaritiæ desideriis cruciatur, quisquis luxuriæ voluptatibus soluitur, quisquis iniustæ atque immoderate iræ flagris ignitur, quid aliud quam antichristi testis est? Qui dum se libenter eius visibus implicat, exemplo suo aliis erroris fœtus ministrat. Iste praua agit, ille praua agentibus adhæret, & non solum non obuiat, sed etiam fauet. Quid ergo aliud quam antichristi testis est, qui perdita autoritate promissæ Deo fidei, testimonium perhibet errori? Quos tamen si quis redarguat, mox se sub quodam velamine defensionis occultant: quia videlicet eorum nervi perplexi sunt & malè impliciti, correctione solui nequaquam possunt. Sequitur:

Quod ossa diaboli heresarchæ sint & principes malitiæ, qui fistulis æreis comparantur: quia bene quidem & sonore loquuntur, sed quæ dicunt, hæc nec agunt, nec sentiunt.

Caput XIII.

Ossa eius velut fistulæ aris. In corpore ossa sunt quæ continent membra, & quæ continentur. Habet ergo carnes hæc belua, habet & ossa: & iniqui sunt alij, qui tamen ab aliis in errore retinentur, & nequiores alij, qui in errore & alios retinent. Quid itaque aliud ossa antichristi, quam quoslibet in eius corpore valentiores accipimus? In quorum corde iniquitas dum vehementer induruit, per eos tota eius corporis compago subsistit. Multi nanque in hoc mundo diuites videntur, qui dum rebus opibûsque subnixi sunt, quasi

ex fortitudine solidantur, sed largiendo hæc ipsa quibus fulti sunt, ad suum alios errorem trahunt. Modò nonnullos ut prauum permanent, muneribus astringunt. Quid itaque; hi nisi antichristi ossa sunt, qui dum malos continendo multiplicant, in eius corpore carnes portant? Hi nonnunquam in decipiendis auditoribus exhibent linguæ dulcedines, quia & spinæ profertur flores: & apparet quidem in eis quod oleat, sed latet quod pungat. Amaris dulcia, noxiis blanda permiscet, & potestate quidem admirandi videri appetunt, sed fallendi arte per remissa colloquia quasi humiliter subternuntur: & per sermonem de se insinuant, quod per exhibitionem negant. Vnde & rectè ossa Behemoth istius æris fistulis comparantur: quia nimirum more metalli insensibilis, sonum bene loquendi habent, sed sensum bene viuendi non habent. Hoc nanque quasi humiliter loquendo asserunt, quod elatè viuendo contemnunt. Vnde bene per Paulum dicitur: Si linguis hominum loquar & Angelorum, charitatem autem non habeam, factus sum velut æs sonans, aut cymbalum tinniens. Bona quippe loquens, sed per amorem eadem bona non sequens, velut æs aut cymbalum sonitum reddit: quia ipse non sentit verba, quæ ipse facit. Sunt verò nonnulli in huius beluæ corpore non honoribus clari, non diuitiis fulti, non virtutum specie decorati, non scientia calliditatis periti, sed tamen videri quales non sunt ambiunt, & idcirco contra bonorum vitam nequiores fiunt, de quibus & sequitur:

Quod quidam cum membra diaboli sunt, quia ad seditiones, neque per miracula, neque per argumenta sufficiunt, in contumelias & mortes sanctorum ferro armantur.

Caput XV.

Cartilago illius quasi lamina ferrea. Cartilago nanque ossis quidem speciem habet, sed ossis fortitudinem non habet. Quid est ergo quod cartilago eius laminis ferreis comparatur, nisi quod hi qui in illo debiliores sunt, ad perpetranda mala nequiores existunt? Ferro quippe cætera metalla conciduntur, & cartilago eius ferro similis dicitur: quia hi qui in eius corpore ad ostensionem virtutum non sufficiunt, contra necem fidelium acrius accenduntur. Quia enim cum eo se facere signa & prodigia non posse considerant, fideles, se illi per crudelitatem probant: & pro eo quod innocentium corda corrumpere persuadendo non possunt, multiplici cæteris bonorum corpora se extinguere gloriantur. Bene ergo dicitur: Cartilago eius ut lamina ferrea: quia in eius corpore quo infirmius quisque crediderit, eo nequius incidit. Qui rectè non ferro tantummodo, sed laminis ferreis comparantur: quia dum se circumquaque in credulitate dilatare ambiunt, quasi in ferri se laminas extendunt.

Quod ea quæ de Behemoth dicuntur, etiam alio intellectu accipi possint, & ad sanctorum tentamenta referri.

Caput XVI.

Libet arctiori inquisitionis manu hæc eadem verba conditoris, quæ iam videntur discussa, distinguere, atque veriores intelligentiæ fructus instruendis moribus apportare. Nam quia antiquus hostis quid per assumptum hominem contra homines agat audiuius: superest ut nunc quid in hominibus etiam per semetipsum sine homine moliatur, exploremus. Ecce enim dicitur: Stringit caudam suam quasi cedrum. Primum quidem serpentis suggestio mollis ac tenera est, & facilè virtutis pede conterenda: sed si hæc inualescere negligenter permittitur, eiq; ad cor aditus licenter præbatur, tanta se virtute exaggerat, ut captam mentem deprimens, usque ad intolerabile robur increseat. Caudam itaque quasi cedrum stringere dicitur: quia semel eius in corde recepta tentatio, in cunctis quæ subsequenter intulerit, velut ex iure dominatur. Huius ergo Behemoth caput herba est, cauda cedrus: quia ex prima quidem suggestionem blandiens subternitur, sed per vsum vehementer inualescens, succrescente tentationis fine roboratur. Superabile nanque est omne quod initio suggerit, sed inde sequitur quod vinci vix possit. Prius enim quasi consulens blanda ad animum loquitur: sed cum semel dentem delectationis infixit, violenta post consuetudine pænæ insolubiliter innodatur. Vnde & bene stringere caudam dicitur. Dete enim vulnerat, cauda ligat: quia suggestionem prima percutit, sed percussam mentem ne euadere valeat, inualescente

E fine tentationis astringit. Quia enim peccatum tribus modis admittitur, cum videlicet serpentis suggestionem, carnis delectationem, spiritus consensione perpetratur: Behemoth iste prius illicita suggerens, linguam exierit, post ad delectationem pertrahens, dentem figit: ad extremum verò per consensionem possidens, caudam stringit. Hinc est enim quod nonnulli peccata longo usu perpetrata in semetipsis ipsi reprehendunt, atque hæc ex iudicio fugiunt, sed vitare opere nec decertantes possunt: quia dum Behemoth istius caput non conterunt, plerumque cauda & nolentes ligantur. Quæ contra eos cedri more induruit: quia blanda voluptate exordij usque ad violentiam retentionis excreuit. Dicatur ergo: Stringit caudam suam quasi cedrum: ut tantò quisque debeat initia tentationis fugere, quantò finem eius intelligit citius solui non posse. Sciendum quoque est, quod plerumque eis, quos cæperit, tunc grauius culpas ingerit, cum præsentis vitæ termino illos propinquare cognoscit, & quo se consummaturum tentationem considerat, eo eis iniquitatum pondera grauiora coaceruat. Behemoth igitur caudam suam quasi cedrum stringit, quia quos per praua initia cæperit, ad finem deteriores reddit: ut tentamenta eius quo citius cessatura sunt, eo valentius compleantur. Quia enim suis pœnis eorum satagit æquare supplicium, in eis ardentius ante mortem nititur omne exaggerare peccatum. Plerumque verò Behemoth iste iam cor malè subditum possidet, sed tamen diuina illum gratia repellit: & manus misericordiæ eiicit, quem ad se captiua voluntas introduxit. Cumque à corde expellitur, acriores infingere iniquitatum stimulos conatur, ut eos tentationum fluctus mens ab illo impugnata sentiat, quos etià possessa nesciebat. Quod bene in Euangelio exprimitur, cum exire ab homine immundus spiritus Domino iubente narratur. Nam cum dæmoniacus puer fuisset oblatus, scriptum est: Comminatus est Iesus spiritui immundo, dicens: Surde & mute spiritus, ego tibi præcipio, exi ab eo, & amplius ne introcas in eum: & exclamans, & multum discerpens eum, exiuit ab eo. Ecce cum non discerpserat cum tenebat, exiens discerpit: quia nimirum tunc peius cogitationes mentis dilaniat, cum iam termino egressus sui diuina virtute compulsus appropinquat. Et quem mutus possederat, cum clamoribus deferebat: quia plerumque cum possidet, minora tentamenta irrogat: cum verò de corde pellitur, acriori infestatione perturbat. Bene itaque dicitur: Stringit caudam suam quasi cedrum: quia & cor possidens semper in malitia ex posterioribus crescit, & cor deserens vehementioribus cogitationum stimulis percutit.

Quod quadam peccata ita perplexa sint, ut ea si fugere appetas, statim sine alio peccati laqueo non euadas.

Caput XVII.

Adhuc autem Behemoth istius mira pietate conditoris astutiora argumenta panduntur, cum subditur: Nervi testiculorum eius perplexi sunt. Nervi testiculorum eius sunt pestifera argumenta machinationum. Per ipsa quippe suæ vires exierit, & fluxa mortalium corda corrumpit. Testiculi eius sunt suggestiones prauæ, quibus in mentis corruptione feruescit, atque in constuprata anima iniqui operis prolem gignit. Sed horum testiculorum nervi perplexi sunt: quia suggestionum illius argumenta implicatis inuentionibus illicantur: ut plerumque ita peccare faciant, quatenus si fortasse peccatum fugere appetant, hoc sine alio peccati laqueo non euadant: & culpam faciant dum vitant, ac nequaquam se ab vna valeant soluere, nisi in alia consentiant ligari. Quod melius ostendimus si qua ex conuersatione hominum illigationis huius exempla proferamus. Quia verò in tribus ordinationibus sancta Ecclesia constat, coniugatorum videlicet, continentium, atque rectorum, vnde & Ezechiel tres viros liberos vidit, videlicet Noë, Daniel, & Iob. Et in Euangelio Dominus dum alios in agro, alios in lecto, atque esse in molendino alios perhibet, tres proculdubio in Ecclesia ordines ostendit: liquidò satisfacimus si singula ex singulis exquiramus. Ecce enim quidam dum mundi huius amicitias appetit, cuilibet alteri similem sibi vitam ducenti, quod secreta illius omni silentio contegat, se iureiurando constringit: sed is cui iuratum est, adulterium perpetrare cognoscitur, ita ut etiam maritum adulteræ occidere conetur. Is autem qui iusiurandum

Peccatum admittitur tribus modis.

18

Marci. 9.

Parte 1. d. 1. c. 14. Nervi.

19

Ezech. 14. Math. 24.

dum præbuit, ad mentem reuertitur: & diuersis hinc inde cogitationibus impugnatur, atque hoc filere formidat, ne silentio, adulterij simul & homicidij particeps fiat: & prodere trepidat, ne reatu se periurij obstringat. Perplexis ergo testiculorum nervis ligatus est: quia in quamlibet partem declinet, metuit ne à transgressionis contagione liber non sit. Alius cuncta quæ mundi sunt deferens, atque per omnia frangere proprias voluntates quærens, alieno se subdere regimini appetit: sed eum qui sibi apud Deum præesse debeat, minus cautâ inquisitione discernit. Cui fortasse is qui sine iudicio eligitur, cum præesse iam cœperit, agi quæ Dei sunt prohibet, quæ mundi sunt iubet. Pësans itaque subditus vel quæ sit culpa inobedientiæ, vel quod contagiū secularis vitæ, & obedire trepidat, & non obedire formidat: ne aut obediens Deum in suis præceptis deferat, aut rursus non obediens Deum in electo priore contemnat: & aut illicitis obtemperans, hoc quod pro Deo appetit, contra Deum exerceat: aut rursus non obtemperans, eum quem suum iudicem quæsierat, suo iudicio supponat. Apertè ergo iste per indiscretionis suæ vitium perplexis testiculorum nervis astringitur: quia aut obtemperans, aut certè non obtemperans, in culpa transgressionis ligatur. Studebat proprias voluntates frangere, & curat eas etiam contempto priore solidare. Decreuit mundum funditus relinquere, & ad mundi curas vel ex aliena voluntate compellitur redire. Perplexi itaque nerui sunt, cum sic nos argumenta hostis alligant, ut culparum nodi quo quæruntur solui, durius astringant. Alius pensare pondus honoris Ecclesiastici negligens ad locum regiminis præmiis ascendit. Sed quia omne quod hic eminet, plus mœroribus afficitur, quàm honoribus gaudet, dum cor tribulationibus premitur, ad memoriam culpa reuocatur: dolètque se ad laborem cum culpa peruenisse, & quàm sit iniquum quod admiserit, ex ipsa fructus difficultate agnoscit. R eum igitur se cum impenis præmiis agnoscens, vult adeptæ sublimitatis locum deferere, sed timet ne grauius delictum sit suscepti gregis custodiam reliquisse: vult suscepti gregis curam gerere, sed formidat ne deterior culpa sit regimina pastoralis gratiæ empta possidere. Per hōnoris ergo ambitum ligatum culpa hinc inde se conspicit. Esse quippe sine reatu criminis neutrum videt, si aut susceptus semel grex relinquatur, aut rursus sacra actio seculariter empta teneatur. Vndique metuit, & suspectus latus omne pertimescit, ne aut stans in empto regimine non dignè lugeat, quod non etiam deferens, dum aliud emendat, aut certè regimen deferens, flere nititur, rursus aliud de ipsa gregis destitutione committit. Quia ergo Behemoth iste ita inexplicabilibus nodis ligat, ut plerunque mens in dubium adducta, vnde se à culpa soluere nititur, inde in culpa arctius astringatur, rectè dicitur: *Nerui testiculorum eius perplexi sunt.* Argumenta nanque nationum eius quasi quo laxatur ut relinquatur, eo magis implicantur ut teneant. Est tamen quod ad destruendas eius versutias vtiliter fiat, ut dum mens inter minora & maxima peccata constringitur, si omnino nullus sine peccato euadendi aditus patet, minora semper eligantur: quia & qui murorum vndique ambitu ne fugiat clauditur, ibi se in fugā precipitat, ubi breuior murus inuenitur. Et Paulus dum quosdam in Ecclesia incontinentes aspiceret, concessit minima, ut maiora declinarent, dicens: Propter fornicationem autem unusquisque uxorem suam habeat. Et quia tunc solum coniuges in admixtione sine culpa sunt, cum nō pro explenda libidine, sed pro suscipienda prole miscantur: ut hoc etiam quod concesserat sine culpa quauis minima non esse monstraret, ilico adiunxit: Hoc autem dico secundum indulgentiam, non secundum imperium. Non enim est sine vitio quod agnoscitur, & non præcipitur. Peccatum profectò vidit quod posse indulgeri præiudicet. Sed cum in dubiis constringimur, vtiliter minimis subdimur, ne in magnis sine venia peccemus. Itaque plerunque neruorum Behemoth istius perplexitas soluitur, dum ad virtutes maximas per commissā minora transitur. Sequitur: *Ossa eius sicut fistula æris.* Quid per ossa Behemoth istius nisi consilia designantur? Nam sicut in ossibus positio corporis roburque subsistit, ita in fraudulentis consiliis tota se eius malitia erigit. Neque enim vi quempiam premit, sed calliditate pestiferæ persuasionis interficit. Et rursus, sicut ossa quæ

A irrigant medullæ confortant, ita eius consilia per spiritualis naturæ potentiam infusa ingenij subtilitas roborat. Hoc verò testiculi eius ab ossibus, id est, suggestiones à consiliis distant: quod per illas apertè noxia inserit, per hæc autem quasi ex bono consulens ad culpam trahit, per illas pugnando superat, per hæc velut consulendo supplantat. Vnde & bene eius ossa, id est, hæc eadem consilia, æris fistulis comparantur. Aeris quippe fistulæ sonoris aptari cantibus solent, quæ admotæ auribus dum blandum carmen subtiliter concinunt, interiora mentis in exteriora delectationis trahunt: & dum dulce est quod auribus sonant, virilitatem cordis in voluptatis fluxu debilitant: cumque auditus ad delectationem trahitur, sensus ab statu suæ fortitudinis enervatur. Ita quoque astuta eius consilia dum quasi blanda prouisione consulunt, cor à forti intentione inuertunt: & dum dulcia resonant, ad noxia inclinant. Quasi ergo æris fistulæ sunt, quæ dum libenter audiuntur, ab interna intentione animum in exterioris vitæ delectationem deiiciunt. Hoc enim Behemoth iste magnopere ad exequendam deceptionem satagit, ut dum peruersitatis suæ consilium quasi vtile ostendit, suauiter valeat sonare quod dicit, quatenus & ostensa vtilitate mentem mulceat, & absconsa iniquitate corrumpat. Quæ apertius in cunctis ostendimus, si pauca breuiter consiliorum eius argumenta pandamus. Ecce enim quidam rebus contentus propriis, decreuit nullis mundi huius occupationibus implicari, valde formidans quietis suæ commoda perdere, & valde despiciens cum peccatis lucra cumulare. Ad hunc hostis callidus veniens, ut intentionem bonæ deuotionis subruat, quasi vtilitatis consilium subministrat, dicens: Ea quidem quæ sunt in præsentī sufficiunt, sed his deficientibus quid acturus es? Si enim post hæc nulla prouidentur, assunt quæ ad præsens impendenda sunt filiis, sed tamen paranda sunt quæ seruentur. Deesse potest citius etiam quod adest, si sollicitudo prouida cesset parare quod deest. An non & terrena potest actio peragi, & tamen in actione culpa declinari: quatenus & exteriora stipendia præbeat, & tamen internam rectitudinem non inflectat? Hæc interim blandiens insinuat, & seorsum iam in negotio terreno quod prouidet, peccati laqueos occultat. Ossa itaque eius sicut fistulæ æris sunt: quia perniciofa eius consilia auditori suo consulentis vocis suauitate blandiuntur. Alius quoque non solum decreuit terrena commoda non quærere, sed etiam cunctis quæ possidet renunciare: ut in discipulatu cœlestis magisterij tantò se liberior exerceat, quantò & expeditior redditus ea quæ possidentem premere poterant, deferens calcat. Huius cor hostis insidians occulta suggestionē alloquitur, dicens: Vnde hæc temeritatis tantæ surrexit audacia, ut credere audeas quod omnia relinquendo subsistas? Aliter te creator condidit, atque aliter tu teipsum disponis: valentior te robustiorēque faceret, si sequi te sua vestigia cum inopiæ necessitate voluisset. An non plerique & terrena patrimonia nequaquam deferunt, & tamen ex his per misericordiæ opera supernæ fortis bona æterna mercantur? Hæc blandiens suggerit: seorsum verò in eisdem rebus quas retinere admonet, ante retinentis oculos delectationes pestiferas decipiens apponit, quatenus seductum cor ad blandimenta exteriora pertrahat, & intima perfectionis vota pervertat. Ossa itaque eius sicut fistulæ æris sunt: quia dolosa eius consilia dum blandum de exterioribus sonum reddunt, perniciosum dispendium de interioribus ingerunt. Alius relictis omnibus quæ exterius possederat, ut ordinem sublimioris discipulatus apprehendat, etiam intimas frangere voluntates parat: ut rectoribus se alterius voluntatibus subdens, non solum prauis desideriis, sed ad perfectionis cumulum etiam in bonis votis sibimetipsi renunciaret, & cuncta quæ sibi agenda sunt, ex alieno arbitrio obseruet. Hunc hostis callidus tantò mollius alloquitur, quantò ab excellentiori loco deiicere ardentius conatur, mōxque virulenta suggestionē blandiens dicit: O quanta per temetipsum miranda agere poteris, si nequaquam te iudicio alterius subdis. Cur profectum tuum sub studio meliorationis imminuis? Cur intentionis tuæ bonum, dum vltra quàm necesse est extendere niteris, frangis? Quæ enim dum voluntate propria vsus es, peruersa perpetrasti

Qui ergo tibi plenè ad bene viuendum sufficis, alienum super te iudicium cur requiris? Hæc blandiens intimat, seorsum verò in voluntatibus eius propriis exercendæ superbix causas parat: & dum laudat cor de intestina rectitudine, inuestigat callidè ubi lubruat in prauitate. Ossa itaque eius sicut fistulæ æris sunt: quia clandestina eius consilia vnde quasi animum blandè delectant, inde perniciosè à recta intentione dissipant. Alius fractis plenè voluntatibus suis, multa iam vetusti hominis vitia & mutatione vitæ, & lamentatione pœnitentiæ corripuit: & tantò maiori zelo contra aliena peccata accenditur, quantò sibi metipso funditus mortuus iniquitatibus propriis non tenetur. Hunc hostis callidus, quia zelo iustitiæ etiam cæteris prodesse cognoscit, quasi prospere cōsulentibus verbis impedit, dicens: Quid te ad aliena curanda dilatas? Vtinam tua cōsiderare conualescas. An non perpendis, quia cum ad aliena extenderis, erga ea curanda quæ tua sunt minor inueniris? Et quid prodest alieni vulneris cruorè tergere, & putredinem proprii negligendo dilatare? Hæc dum quasi cōsulens dicit, zelum charitatis adimit, & omne bonum quod prodire ex charitate poterat, gladio subintroducti torporis extinguit. Si enim proximos sicut nosmetipsos diligere præcipimur, dignum est vt sic eorum zelo contra vitia, sicut & nostro flagremus. Quia igitur dum suauiter cōsulit, mentem ab intentione propria alienam reddit, rectè dicitur: Ossa eius sicut fistulæ æris. Quando enim per fraudulenta consilia audientis animo blandum sonat, quasi cum fistula æris cantat, vt vnde mulcet, inde decipiat. Sed Behemoth iste valde mollius certamen mouet, quando se in insidiis sub prætextu infirmitatis exercet. Tunc autem duriores tentationes excitat, quando ante tentati oculos iniquitatis laqueos sub specie virtutis occultat. Vnde & rectè subiungitur: *Cartilago eius quasi lamina ferrea.* Quid enim per cartilaginem nisi simulatio eius accipitur? Cartilago nanque ossis ostendit speciem, sed ossis non habet firmitatem. Et sunt nonnulla vitia quæ ostendunt in se rectitudinis speciem, sed ex prauitatis prodeunt infirmitate. Hostis enim nostri malitia tanta se arte palliat, vt plerunque ante deceptæ mentis oculos culpas virtutis fingat: vt inde quisque quasi expectet præmia, vnde dignus est æterna inuenire tormenta. Plerunque enim in vlciscendis vitiis crudelitas agitur, & iustitia putatur: atque immoderata ira, iusti zeli meritum creditur: & cum à distortis moribus peccantes dirigi cautè debeant, violenta inflexione franguntur. Plerunque dissoluta remissio quasi mansuetudo ac pietas habetur: & dum plusquam decet delinquentibus temporaliter parcitur, ad æterna supplicia crudeliter reseruantur. Nuncquam effusio misericordia creditur: & dū malè seruare culpa fit, peius spargi quod acceptum est, non timetur. Nonnunquam tenacia parcitas putatur, & cum graue sit vitium non tribuere, virtus creditur accepta retinere. Sæpe malorum pertinacia constantia dicitur, & dum mens à prauitate sua flecti non patitur, quasi ex recti defensione gloriatur. Sæpe inconstantia quasi tractabilitas habetur, & quo quisque fidem integram nulli seruat, eo amicum se omnibus æstimat. Aliquando timor incompetens humilitas creditur, & cum temporali formidine pressus quisque ad defensionem veritatis tacet, arbitratur, quod iuxta Dei ordinem humilem se potioribus exhibeat. Aliquando vocis superbia, veri libertas æstimatur: & cum per elationem veritati contradicitur, loquendi procacitas veritatis defensio putatur. Plerunque pigritia quasi continentia quietis attenditur, & cum grauis culpæ sit, recta studiosè nō agere, magnæ virtutis meritum creditur, à praua tantum actione cessare. Plerunque inquietudo spiritus, vigilans sollicitudo nominatur: & cum quietem quisque non tolerat, agendo quæ appetit, virtutis debitæ implere se exercitium putat. Sæpe ad ea quæ agenda sunt, incauta præcipitatio, laudandi studij feruor creditur: & cum desideratum bonum intempestiua actione corrumpitur, eo agi melius quo celerius æstimatur. Sæpe accelerandi boni tarditas consilium putatur: & cum expectatur vt ex retractatione proficiat, hoc insidians mora supplantat. Igitur cum culpa velut virtus aspicitur, necessariò pensandum est, quia tantò tardius mens vitium suum deserit, quantò hoc quod perpetrat non erubescit: & tantò mens tardius vitium deserit, quantò per virtutis speciem

decepta, præmiorum etiam de eo retributionem quærit. Facile autem culpa corrigitur quæ & erubescitur, quia esse culpa sentitur. Quia itaque error cum virtus creditur, difficilius emendatur, rectè dicitur: *Cartilago eius quasi lamina ferrea.* Behemoth enim iste quo sub prætextu boni calliditatem suam fraudulentius exhibet, eo in culpa mëtem durius tenet. Hinc est quod nonnunquam hi qui quasi viam sanctitatis appetunt, in errorem lapsi tardius emendantur. Rectum quippe æstimat esse quod agunt, & sicut excolendæ virtuti, sic vitio perseverantiam iungunt. Rectum existimant quod agunt, & idcirco suo iudicio enixius seruiunt. Vnde bene Hieremias cum diceret: Candidiores Nazaræi eius niuè, nitidiores lacte, rubicundiores ebore antiquo, sapphiro pulchriores, denigrata est super carbonès facies eorum, & nō sunt cogniti in plateis: ilico adiunxit: Adhæsit cutis eorum ossibus, aruit, & facta est quasi lignum. Quid enim Nazæeorum nomine, nisi abstinentium & continentium vita signatur? quæ niue & lacte nitidior dicitur: Nix enim ex aqua congelascit, quæ desuper venit: lac autem ex carne exprimitur, quæ in inferioribus nutritur. Quid ergo per niuem, nisi cādor vitæ cœlestis: quid per lac nisi temporalis dispensationis administratio demonstratur? Et quia plerunque continentes viri in Ecclesia tam mira opera faciunt, vt ab eis multi qui cœlestem vitam tenuerunt, multi qui terrena bene dispensauerunt, superari videantur, & candidiores niue, & nitidiores lacte referuntur. Qui etiam quia per feruorem spiritus antiquorum ac fortium patrum nonnunquam vincere vitam videntur, rectè subiungitur: Rubicundiores ebore antiquo. Dum enim ruboris nomen imprimitur, sancti desiderij flamma signatur. Ebur verò esse os magnorum animalium non ignoramus. Ebore itaque antiquo rubicundiores sunt: quia sæpe ante humanos oculos nonnullis præcedentibus patribus studij feruentioris existunt. De quibus vt totum simul ostendatur, adiungitur: Sapphiro pulchriores. Aetheri quippe coloris est sapphirus. Et quia præcedentes multos, atque ad superna tendentes per cœlestem conuersationem videntur vincere: narrantur sapphiro pulchriores extitisse. Sed plerunque dum virtutum copia etiam plusquam expedit prosperatur, in quādam sui fiduciam mens adducitur, & decepta præsumptione propria, repente peccato furripiente fuscatur, vnde rectè subiungitur: Denigrata est super carbonès facies eorum. Nigri enim post candorem fiunt: quia amissa Dei iustitia, cum de se præsumunt, in ea etiam quæ non intelligunt peccata dilabuntur: & quia post amoris ignem ad frigus torporis veniunt, extinctis carbonibus ex comparatione præferuntur. Nonnunquam enim dum timorem Dei per sui fiduciam deserunt, etiam frigidis mentibus frigidiores fiunt. De quibus rectè subiungitur: Non sunt cogniti in plateis. Platea quippe sermonis græci ratione pro latitudine dicitur. Quid verò est humanæ menti angustius, quàm voluntates proprias frangere? De qua fractione veritas dicit: Intrate per angustam portam. Quid autem latius quàm nullis propriis voluntatibus reluctari, & quaquaversum impulsus arbitrij duxerit, se sine retractatione diffundere? Qui ergo per fiduciam sanctitatis postposito meliorum iudicio se sequuntur, quasi per plateas pergunt. Sed non sunt cogniti in plateis: quia de vita sua aliud ostenderant, quādo frangendo voluntates proprias in angusto se calle retinebant. Et bene additur: Adhæsit cutis eorum ossibus. Quid in osse nisi duritia fortitudinis, quid in cute nisi mollietates exprimitur infirmitatis? Cutis ergo eorum adhærere ossibus dicitur: quia ab eis praua sententibus infirmitas vitij, duritia virtutis putatur. Infirma enim sunt quæ faciunt, sed elationis fiducia decepti, fortibus ea suspicionibus iungunt, & quo de se magna sentiunt, eo de sua nequitia emendari contemnunt. Vnde & rectè adiungitur: Aruit & facta est quasi lignum. Culpa quippe eorum tantò insensibilior redditur, quantò apud eos etiam laudabilis habetur. Quàm rectè aridam asserit, quia nulla sui cognitione viridescit. Quod ergo apud Hieremiam per infirmitatem cutis, hoc apud beatum Iob per fragilitatem dicitur cartilago: & quod illic ossa per duritiam, hoc hinc laminæ ferreæ dicuntur. Sed Behemoth iste qui per membra sua extremo tempore contra electos Dei tanta se arte iniquitatis exercet, qui etiam per semetipsum ad decipiendas mentes in tanta insidiarum ter-

Thren. 4.

Matth. 7.

1. al. retr.

Elatione.

giuerfatione se exhibet, cuius nature, cuius sit conditionis audiamus. Neque enim tam mira vel magna operari posset, si non ex magna conditione subsisteret. Vnde & mox mira pietate Dominus ac si causas tantæ astutiæ tantæque fortitudinis redderet, adiunxit, dicens:

Quod prima creatura Dei sit angelus: & quanto subtilior est illa spiritalis, tanto in illa similitudo Dei plenius est expressa.

Caput XVIII.

Ipsæ sunt principium viarum Dei.) Velut si apertè diceret: Idcirco ad tam multa fortiter sufficit, quia in natura rerum hunc creando per substantiam conditor primum fecit. Quid enim vias Dei, nisi eius actiones accipimus? De quibus per Prophetam dicit: Non enim sunt viæ meæ sicut viæ vestræ. Et principium viarum Dei Behemoth dicitur: quia nimirum cum cuncta creans ageret, hunc primum condidit, quem reliquis angelis eminentiorem fecit. Huius primatus eminentiam conspiciit Prophetam, cum dicit: Cedri non fuerunt altiores illo in paradiso Dei, abietes non adæquauerunt summitatem eius, platanus non fuerunt æquæ frondibus illius. Omne lignum paradisi Dei non est assimilatum illi & pulchritudini eius, quoniam speciosum fecit eum in multis condensisque frondibus. Qui namque accipi in cedris, abietibus & platanis possunt, nisi illa virtutum cælestium proceræ celsitudinis agmina, in æternæ lætitiæ viriditate plantata? Quæ quauis excelsa sint condita, huic tamen nec prælata sunt nec æquata. Qui speciosus factus in multis condensisque frondibus esse dicitur: quia prælatum cæteris legionibus tanta illum species pulchriorē reddidit, quanta & supposita angelorum multitudo decorauit. Ista arbor in paradiso Dei tot quasi condensas frondes habuit, quot sub se positas supernorum spirituum legiones attēdit. Qui idcirco peccans sine venia damnatus est, quia magnus sine comparatione fuerat creatus. Hinc ei rursus per eundem Prophetam dicitur: Tu signaculum similitudinis Dei, plenus sapientia & perfectus decore, in deliciis paradisi Dei fuisti. Multa enim de eius magnitudine locutus, primo verbo cuncta complexus est. Quid namque boni non habuit, si signaculum Dei similitudinis fuit? De sigillo quippe annuli talis similitudo imaginaliter exprimitur, qualis in sigillo eodem essentialiter habetur. Et licet homo ad similitudinem Dei creatus sit, angelo tamen quasi maius aliquid tribuens, non eum ad similitudinem Dei conditum, sed ipsum signaculum Dei similitudinis dicit: ut quo subtilior est in natura, eo in illo similitudo Dei plenius credatur expressa. Hinc est quod primatus eius potentiam adhuc insinuās, idem propheta subiungit:

Omnis lapis preciosus operimentum tuum, sardius & topazius & iaspis, chrysolithus, onyx, & berillus, saphirus, carbunculus & smaragdus. Nouem dixit genera lapidum, quia nimirum nouem sunt ordines angelorum. Nam cum per ipsa sacra eloquia angeli, archangeli, throni, dominationes, virtutes, principatus, potestates, cherubin, & seraphin, aperta narratione memorantur: quantæ sint supernorum ciuium distinctiones, ostenditur: Quibus tamē Behemoth iste opertus fuisse describitur: quia eos quasi vestem ad ornamentum suum habuit, quorum dum claritatem transcenderet, ex eorum comparatione clarior fuit. De cuius illic adhuc descriptione subiungit: Aurum opus decoris tui, & foramina tua in die qua conditus es, præparata sunt. Aurum opus decoris eius extitit: quia sapientiæ claritate canduit, quam bene creatus accepit. Foramina verò idcirco in lapidibus fiunt, ut vinculati auro in ornamenti compositione iungantur, & nequaquam à se dissideant, quos interfusum aurum repletis foraminibus ligat. Huius ergo lapidis in die conditionis sue foramina præparata sunt, quia videlicet capax charitatis est conditus. Quia si repleti voluisset, stantibus angelis tanquam positis in regis ornamento lapidibus potuisset inhærere. Si enim charitatis auro sese penetrabilem præbuisset, sanctis angelis sociatus, in ornamento, ut dixim, regio lapis fixus maneret. Habuit ergo lapis iste foramina, sed per superbiam vitium, charitatis auro non sunt repleta. Nam quia idcirco ligantur auro ne cadāt, idcirco iste cecidit, quia etiā perforatus manu artificis, amoris vinculis ligari contempsit. Nunc autem ceteri lapides qui huic similiter fuerant perforati, penetranti se inuicem charitate ligati sunt: atque hoc in munere, isto cadente, meruerunt, ut nequaquam

iam de ornamento regio cadendo soluantur. Huius principatus celsitudinem adhuc idem propheta intuens, adiungit: Tu cherub extentus & protegens in monte sancto Dei, in medio lapidum ignitorum perfectus ambulasti. Cherub quippe plenitudo scientiæ interpretatur, & idcirco iste cherub dicitur: quia transcendisse cunctos sciētia non dubitatur. Qui in medio ignitorum lapidum perfectus ambulauit: quia inter angelorum corda charitatis igne succensa, clarus gloria conditionis extitit. Quem bene extentum ac protegentem dicit: Omne enim quod extenti protegimus, obumbramus. Et quia comparatione claritatis sue, cæterorum claritatem obumbrasse creditur, ipse extentus & protegens fuisse perhibetur. Reliquos enim quasi obumbrando operuit, qui eorum magnitudinem excellentia maiore transcendit. Quod ergo illic speciosus in multis frondibus, quod illic signaculum similitudinis, quod illic cherub, quod illic protegens dicitur: hoc hinc voce dominica Behemoth iste viarum Dei principium vocatur. De quo idcirco tam mira in quibus fuit, & quæ amisit insinuat, ut territo homini ostendat, quid ipse si superbiat, de elationis sue culpa passurus sit, si feriendo illi parcere noluit, quem creando in gloriam tantæ claritatis eleuauit. Consideret ergo homo quid elatus in terra mereatur, si & prælatus angelis, angelus in cælo prosternitur. Vnde & bene per Prophetam dicitur: Inebriatus est in cælo gladius meus. Ac si apertè diceret: Quia ira feriam superbos terræ perpendite, si ipsos etiam quos in cælo iuxta me condidi, pro elationis vitio percutere non peperi. Tot itaque hostis antiqui virtutibus auditis, tanta conditionis eius magnitudine cognita, quis non immensa formidine corruat, quis non desperationis percussione succumbat? Sed quia elationem nostram ostensa hostis nostri potentia reprimat, etiam infirmitatem nostram Dominus patefacta gratiæ sue dispensatione fouet. Vnde cum eum principium viarum Dei diceret, illico adiunxit:

Quod diaboli malitia dispensatione diuina cohibetur, ne quantum vult, mentes hominum ferire permittatur.

Caput XIX.

Qui fecit eum, applicauit gladium eius.) Gladio quippe Behemoth istius ipsa nocendi malitia est. Sed ab eo à quo bonus per naturam factus est, eius gladius applicatur: quia eius malitia diuina dispensatione restringitur, ne ferire tantum mentes hominum quantum appetit, permittatur. Quia ergo hostis noster & multum potest & minus percutit, eius gladius pietas conditoris astringit: ut replicatus intra eius conscientiam lateat, & ultra quam desuper iuste disponitur, sese in mortes hominum eius malitia non extendat. Quod igitur ad multa fortiter præualeat, hoc de principio magnæ conditionis potest: quod verò à quibusdam vincitur, eius nimirum gladius ab auctore replicatur. Iste namque Behemoth qui principium viarum Dei est, cum contra sanctum virum licetiam tentationis accepit, gētes mouit, greges abstulit, ignem de cælo deposuit, perturbato aëre ventos excitauit, domum concuties subruit, conuiuentes filios extinxit, vxoris mentem in dolo prauæ suasionis exercuit, mariti carnem inflicis vulneribus confodit: sed eius gladius à conditore replicatur, cum dicitur: Animam illius serua. Qui replicato gladio quantæ sit infirmitatis, Euāgelista testante describitur: quia nec manere in obsessio homine potuit, nec rursus inuadere bruta animalia non iussus præsumpsit, dicens: Si ciicis nos, mitte nos in gregem porcorum. Malitiæ quippe eius gladius quam sit replicatus ostēditur, cui si potestas summa licentiam non præberet, nec grassari in porcorum gregem valeret. Quando ergo iste sua sponte nocere factis ad Dei imaginem hominibus audeat, de quo nimirum constat quod non iussus cōtingere nec porcos præsumat? Notandum quoque est quod dum viarum Dei principium Behemoth dicitur, vesanum dogma Ariæ aperta ratione dissipatur. Facturam quippe Dei filiū fatetur, & ecce Behemoth in factura rerum primus creatus ostenditur. Superest ergo ut Arius aut non factum filium prædicet, aut eum post Behemoth conditum stultus putet. Quia verò omne quod applicatur, in semetipsum reducit, recte applicatus Behemoth gladius dicitur. In semetipso namque se eius malitia decoquit, cum ad vo-

tum suum sese contra electorum vitam prohibita non exercet. Multos autem exigentibus meritis ferire permittitur, ut cum Deum deserunt, damnato hosti famulentur. Ab electis vero eo valentius vincitur, quo soli auctori omnium humiliter subternuntur. Quia igitur per hoc quod viarum Dei principium dicitur, per hoc quod permittente Domino valde intolerabilis demonstratur: aperte cognoscimus cum quanto hoste pugnemus. Superest igitur ut unusquisque nostrum tantum se plenius auctori subiiciat, quantum se contra verius violentas aduersarii vires pensat. Quid namque nos nisi pulvis sumus? Quid vero ille nisi unus atque ex celestibus spiritibus, & quod adhuc maius est, summus? Quid ergo de propria virtute audeat, quando contra Angelorum principem pulvis pugnat? Sed quia supernorum spirituum conditor terrenum corpus assumpsit, recte iam superbientem Angelum humilis pulvis vincit. Inhabendo quippe verae fortitudini vires accipit, quas transfuga spiritus cum semetipsum sequitur amisit. Et dignum est ut vincatur a pulvere, qui fortem se credidit deserto creatore, ut superatus inueniat, quia defecit elatus. Valde autem anhelat fauens, quod cum ipsum ima cruciant, homo ad summa conscendat: quod in illa celsitudine subiecta caro permanet, a qua tantus ipse spiritus sine fine proiectus iacet. Sed loca mentium mutauit ordo meritorum. Sic sic superbia meruit deiici, sic humilitas exaltari: quatenus & celestis spiritus erigendo se, tartarum tolet, & terra humilis sine termino super caelos regnet.

Libri trigemifecundi Moralium sancti
Gregorij finis.

B. GREGORII EX- POSITIONIS MORALIS LI- ber trigemus tertius, continuans caput quadragesimum beati Iob.

Quod in superbiorum lubricis mentibus passus sit daemonum.
Caput. I.



Antiquo hosti qui sub Behemoth nomine dominica voce describitur, superbi quique tanto familiariter seruiunt, quanto huius vitae successibus apud semetipsos altius intumescunt. His namque cum gloria augeatur elatio, cum elatione vero additur cura, huc illucque animus tenditur, quia & desideria cum rebus crescunt. Cumque cogitationes innumeras quasi agri scenum proferunt, eiusdem cogitationibus velut desiderato pabulo Behemoth istius famem pascunt. Vnde nunc recte dicitur: *Huic montes herbas ferunt.* In scriptura sacra cum numero singulari mons ponitur, aliquando incarnatus Dominus, aliquando sancta Ecclesia, aliquando testamentum Dei, aliquando apostata Angelus, aliquando quilibet haereticus designatur. Cum vero montes plurali numero nominantur, aliquando celsitudo Apostolorum atque Prophetarum, aliquando vero secularium potestatum tumor exprimitur. Mons namque Dominum designat, sicut scriptum est: Et erit in nouissimis diebus preparatus mons domus Domini in vertice montium. Mons quippe est in vertice montium incarnatus Dominus, transcendens celsitudinem Prophetarum. Rursum per montem sancta designatur Ecclesia, sicut scriptum est: Qui confidunt in Domino, sicut mons Sion. Sion namque speculatio dicitur, per quam scilicet speculationem contemplans Deum Ecclesia figuratur. Rursum per montem testamentum Dei exprimitur, sicut Abacuc ait: Deus a Libano veniet, & sanctus de monte umbrato & condenso. Qui enim venturum se per testamenti sui paginas spondit, quasi inde venit, unde velut sub promissione se tenuit. Quod videlicet testamentum bene mons umbratus & condensus dicitur: quia spissis allegoriarum obscuritatibus opacatur. Rursum per montem Angelus apostata designatur, sicut sub Babylonis regis specie de antiquo hoste praedicatoribus dicitur: Super montem caliginosum leuate signum. Praedicatoris

quippe sancti super caliginosum motem signum eleuat, quando contra satanae superbiam, qui saepe sub nebula simulationis absconditur, virtutem crucis exaltant. Rursum per montem haereticus quilibet exprimitur, sicut ex voce Ecclesiae Psalmista ait: In Domino confido, quomodo dicitis animae? Transmigre in montem sicut passer? Cum enim fidei animae unitate relicta, in tumentis doctrina confidere haeretici praedicatoris dicitur, deserto Domino quasi in montem transmigra-
re suadet. Rursum per montes Apostolorum atque Prophetarum celsitudo designatur, sicut scriptum est: Iustitia tua sicut montes Dei. Et voce Pauli dicitur: Ut nos efficeremur iustitia Dei in ipso. Vel sicut iterum voce sperantis Ecclesiae Psalmista ait: Leuaui oculos meos in montes, unde veniet auxilium mihi. Rursum per montes secularium potestatum tumor exprimitur, de quibus Psalmista ait: Montes sicut cera fluxerunt a facie Domini: quia multi qui prius alta rigiditate tumuerunt, Deo in carne apparente, magno sunt per penitentiam timore liquefacti. Vel sicut idem Propheta iterum dicit: Ascendunt montes, & descendunt campi. Plerique enim persecutores Domini superbi contra eum veniunt, sed ab eo humiles reuertuntur. Qui montes ascendunt per tumorem potentiae, sed campi descendunt, plani videlicet facti per cognitionem culpae. Sed quia nonnulli in elationis suae altitudine remanent, & ad diuina obsequia flexi humiliter dedignantur, eo quod iuxta desiderium antiqui hostis praua cogitare ac perpetrare non desinunt: recte hoc loco de Behemoth dicitur: *Huic montes ferunt herbas.* Elati namque seculi huic Behemoth herbas ferunt: quia ex eo illum reficiunt, quod nequiter operantur. Huic Behemoth herbas ferunt: quia suas illi auferunt fluxas & lubricas voluptates. Erunt enim, ait Apostolus, homines seipsos amantes. Quorum descriptionem complexus est dicens: Voluptatum amatores magis quam Dei. Quae est ergo herba montium, nisi voluptas fluxa, quae ex corde gignitur superbiorum? Quia nisi Deum superbientdo contemnerent, nequaquam tot lubrica lasciuendo perpetrarent. Quibus nimirum herbis iste Behemoth pascitur: quia in eis poenam aeternae mortis esuriens, eorum perditis moribus satiatur. Superbi enim huius seculi etsi quando supernae dispensationis ordine praepediti, ab expletione prauorum operum cessant, praua tamen in cogitatione multiplicant, modo ut se potentiores ceteris rebus & honoribus ostendant, modo ut eandem suam potentiam in studio alienae laesionis exerceant, modo ut lubricis motibus ducti, per leuia se facta voluptatesque dissoluunt. Qui dum rebus diuinitus acceptis nequaquam recta, sed praua semper agere cogitant, quid aliud faciunt nisi suis contra Deum donis pugnant? Quia igitur Behemoth iste superbiorum mentibus sua semper desideria recognoscit, quasi herbas in motibus inuenit, quibus refectum suae malitiae ventrem tendit. Bene autem subditur:

Quod ludus daemonum sit, cum vagas & instabiles animas de vitio rotant in vitium. Caput II.

Omnes bestiae agri ludunt tibi. Quid per bestias, nisi imundi spiritus: quid per agrum, nisi praesens seculum designatur? Vnde de ipso malignorum spirituum principe contra Ephraim dicitur: Bestia agri scindet eos. Vel sicut Esaias ait: Et mala bestia non ascendet per eam. Quia autem agri nomine mundus accipitur, dominicus per Euangelium sermo testatur, qui ait: Ager autem est mundus. Agri ergo bestiae in herbis montium ludunt: quia proiecta de superioribus in hoc mundo daemonia, prauis superbiorum operibus delectantur. Bestiae in herbis ludunt, cum reprobi spiritus humana corda in illicitas cogitationes pertrahunt. An non imundis spiritibus ludere, est mentes hominum ad imaginem Dei conditas, modo ficta promissione decipere, modo vacuis terroribus irridere, modo eis transitoria gaudia quasi mansura imprimere, modo mansuras poenas quasi transitorias leuigare? Harum proculdubio bestiarum illusionem pertimuerat qui dicebat: Deus meus in te confido, ne erubescam: neque irideant me inimici mei. Quia igitur superbiorum cor ad omne vitium sternitur, ut cuilibet maligno spiritui irruenti praua cogitatione praeparatur, recte de herbis montium dicitur: *Omnes bestiae agri ludunt tibi.* Pro eo enim quod superbi quique nullum malum cogitando praetereunt, nulla est agri bestia quae non horum montium herbis satiatur. Nam etsi quando car-

Esai. 2.

Psalm. 144.

Abac. 3.

Esai. 13.

Psalm. 10.

Psalm. 35.

2. Corin. 5.

Psalm. 120.

Psalm. 96.

Psalm. 105.

1. Timoth. 3.

Osea. 13.

Esai. 35.

Matth. 13.

Psalm. 24.

nis luxuriam fugiunt, interioris luxuriæ vitium de ipsa castitate gloriando committunt. Si quando nil auaræ exterius rapiunt, nequaquam ab illecebra auaritiæ mundi sunt: quia etsi res nullas ambiunt, fauore tamen hominum laudem de continentia rapere conantur. Huic ergo Behemoth montes herbas ferunt, & omnes bestię agri ludunt ibi, quia in superbiorum corde quilibet malignus spiritus tantò latius pascitur, quantò & omne vitium de superbia generatur. Sed quia audiuimus quid iste Behemoth comedat: nunc audiamus necesse est ubi interim per prauum desiderium requiescat. Sequitur:

Quod in illis mentibus satanas dormiat, quas vel nequitie torpor obumbrat, vel temporalis altitudo inflat.

Caput III.

Sub umbra dormit, in secreto calami, in locis humentibus. Obumbratio in sacro eloquio aliquando incarnatio Domini ponitur, vel mentis refrigerium à feruore carnalium cogitationum: unde appellatione umbræ ex superna protectione hoc ipsum refrigerium cordis insinuari solet. Aliquando vero umbra recedente claritate torpor frigida mentis accipitur. Nam quod dominica incarnatio seruata veritate historiæ, obumbrationis appellatione signetur, angelicus sermo testatur, qui ad Mariam ait: Virtus altissimi obumbrabit tibi. Quia enim umbra non aliter exprimitur, nisi per lumen & corpus, virtus ei altissimi obumbrabit: quia in eius vtero lux incorporea corpus sumpsit. Ex qua videlicet obumbratione omne in se refrigerium mentis accepit. Rursum per umbram ex superna protectione refrigerium cordis exprimitur, sicut Psalmista ait: Sub umbra alarum tuarum protege me. Vel sicut sponsa in Canticis canticorum aduentum sponsi præstolata prænuntiat, dicens: Sub umbra illius quem desideraueram, sedi. Ac si dicat: Ab æstu desideriorum carnalium sub aduētus illius protectione requieui. Rursum per umbram recedente charitate, torpor frigida mentis exprimitur, sicut de peccante homine scriptum est, quia secutus est umbram. Calorem enim charitatis fugiens veritatis solem homo deseruit, & sub umbra se interni frigoris abscondit. Vnde & voce eiusdem veritatis dicitur: Abundabit iniquitas, & frigesceat charitas multorum. Vnde primus homo, post culpam inter arbores paradisi ad auram post meridiem absconsus inuenitur. Quia enim meridianum charitatis calorem perdiderat, iam sub peccati umbra quasi sub frigore auræ torpebat. Iste igitur Behemoth quia illis quasi quandam requiem inuenit, quos à veri Solis ardore subtrahendo frigidus facit, sub umbra dormire perhibetur. Nonnunquam verò per umbram, si tamen cum adiectione mortis ponatur, vel mors carnis exprimitur, vel quilibet reprobi qui antiqui hostis tenebras studio prauæ operationis imitantur. Vnde voce martyrum per Psalmistam dicitur: Humiliasti nos in loco afflictionis, & cooperuit nos umbra mortis. Umbra enim mortis electos Dei opprimit, cum mors carnis, quæ imago mortis eternæ est, ab hac eos vita disungit: quia sicut illa animam à Deo, ita hæc ab anima separat corpus. Vel certè umbra eos mortis opprimit, quia de antiquo hoste scriptum est: Nomen illi mors. Umbra ergo mortis sunt omnes reprobi, quia illius nequitiam elationis imitantur, eiusque imaginem quasi umbram exprimunt, dum eius in se malitiæ multitudinem trahunt. Qui electos Dei operiunt, dum contra illos in atrocitate persecutionis temporaliter conualescunt. Hoc autem loco umbra nequitie torpor accipitur, in qua iste Behemoth dormit, quia contra corda charitate calientia sollicitus vigilat, in frigidis autem mentibus securus iacet. Dormire enim in sanctorum mentibus non potest: quia etsi quando se in eis ad breuè momentum collocat, ipse eum desideriorum cœlestium æstus fatigat, & quasi toties vt recedat, pungitur, quoties ab eis amore intimo ad æterna suspiratur. Tantæ eum voces excitant, quantæ ex illorum mentibus sanctæ cogitationes ad cœlum clamant. Vnde fit vt bonarum & actionum armis territus, ac superiorum spiculis percussus fugiat, & ad corda reprobiorum frigida rediens, eam quam securus possideat, malitię umbram quærat. Quæ ubi ab illo inueniatur ostenditur, cum protinus subinfertur: in secreto calami. In sacro eloquio calami, vel a-

Tomus primus.

Arundinis appellatione aliquando verbum manens, aliquando doctorum peritia, aliquando mobilitas mentis, aliquando nitor gloriæ temporalis accipitur. Per calamum quippe verbi æternitas designatur, cum voce patris per Psalmistam dicitur: Lingua mea calamus scribæ, velociter scribentis. Quia enim quod loquimur transit, quod scribimus permanet, lingua patris scribæ calamus dicitur: quia ab eo est verbum illi coæternum, ac sine transitu generatum. Rursum per calamum scriptorum doctrina exprimitur: sicut de sancta Ecclesia propheta pollicetur, dicens: in cubilibus in quibus dracones prius habitabant, orietur viror calami & iunci. Quia nimirum sententia sicut in hoc opere longè superius diximus, per calamum exprimitur doctrina scribentium, per iuncum viriditas auditorum. Rursum per calamum seu certè arundinem, mentis mobilitas designatur: sicut Iudæorum turbis in Ioannis laude à Domino dicitur: Quid existis in desertum videre? arundinem vento agitatam? videlicet subintelligatur, non. Ioannes quippe arundo vento agitata non erat: quia eius mentem spiritu sancto solidam per diuersas partes nullus linguarum flatus inclinabat. Rursum per calamum, vel arundinem nitor gloriæ temporalis exprimitur, sicut de iustis per sapientiam dicitur: Fulgebunt iusti, & tanquam scintillæ in arundinetis discurrunt. Arundinetum nanque vitam secularium appellat, qui more arundinum per temporalem gloriam foris quasi ad alta proficiunt, sed intus à soliditate veritatis inanescunt. Vnde & Iudæorum regnum calamo comparatur, cum per prophetam apparente in veritate carnis Domino dicitur: Calamum quassatum non confringet, & linum fumigans non extinguet. Quid enim calami nomine, nisi Iudaici populi temporale regnum denunciat? virens quidem exterius, sed interiorius vacuum. Et quia in eodem populo genus iam regale defecerat, & regnum eius alienigena possidebat: aptè hoc idem regnum calamum quassatum vocat. Quid verò per linum nisi eius sacerdotium exprimitur, quod lineis nimirum vestibus utebatur? Quod quia in aduentu Domini claritatis ardorem perdidit, quasi amisso iam igne fidei, non ardens, sed fumigans fuit Incarnatus autem Dominus calamum quassatum non confregit, & linum fumigans non extinxit: quia Iudææ regnum quod penè destructum iam fuerat, eiusque sacerdotium quod ignem fidei non tenebat, non potestate iudicij perculit, sed cum patientiæ longanimitate tolerauit. Hoc ergo loco quid aliud appellatione calami, nisi mentes secularium temporali gloriæ deditæ designantur? Qui tantò apud semetipsos intus inanescunt, quantò alti & nitidi exterius ostenduntur: quia dum ad exteriorem gloriam per superficiem defluunt, nulla intus firmitate solidantur. More quippe calami intus sunt quidem per fatuitatem vacui, sed foris per speciem & ostentationem pulchri: sed quantò ab eis exterior gloria studiosius quæritur, tantò eorum corda grauioribus cogitationum stimulis agitantur. Vnde rectè nunc Behemoth iste in secreto calami dormire perhibetur: quia quorum studia ad appetitum temporalis nitoris, atque altitudinis commouet, eorum corda tenacius tenet, & quasi ipse ibi quietus dormit, ubi eos quos possidet, quiescere non permittit. Dum enim excedere ceteros bonorum altitudine ambiunt, dum more calami per nitorem exterioris munditiæ, iustorum speciem quasi solidarum arborum corticem vincunt: in hoc quod ipsi interiorius vacui remanent, locum Behemoth isti, ubi apud se requiescere debeat, præbent. Vnde & in Euangelio dominus dicit, quod spiritus exiens qui in locis aridis, & iniquis requiem non inuenit: quia domum quam reliquerat, vacuum, scopisque mundatam reperit, hanc multiplicior intravit. Quia enim fluxa sit terra quæ infunditur, loca arida atque iniqua sunt corda iustorum, quæ per disciplinæ fortitudinem ab omni carnalis concupiscentiæ humore siccantur. Vnde hic quoque adhuc ubi Behemoth iste dormiat, necessariò demonstratur, cum protinus subditur. In locis humentibus. Loca enim humentia sunt terrenorum hominum mentes: quas humor carnalis concupiscentiæ, quia replet, fluidas facit. In quibus Behemoth iste iniquitatis suæ vestigia tantò altius imprimit, quantò in eiusdem mentibus per transitus illius quasi in fluxa terra descendit. Loca quippe humentia sunt opera voluptuosa. Pes quippe in arida

C

terra nō labitur: fixus verō in lubrica vix tenetur. In locis ergo humentibus iter vitæ presentis faciunt, qui in hac ad iustitiam recti stare nō possunt. In iis itaque locis humētibus Behemoth dormit: quia in reproborum hominum lubrica operatione requiescit. Nonnulli verō loca humentia mēbra genitalia suspiciantur. Quod si ita est, quid apertē aliud locis humentibus, nisi luxuria designatur: ut & per calamum gloriæ superbiæ, & per loca humentia luxuria corporis exprimatur? Duo quippe hæc sunt vitia quæ humano generi immaniter dominantur: vnum videlicet spiritus, atque aliud carnis. Elatio namque spiritum erigit, luxuria carnem corrumpit. Antiquus itaque hostis humanū genus, vel per elationem præcipue, vel per luxuriam premēs, in secreto calami, atque in locis humentibus dormit: quia hominem damnatū sub ditione suæ dominationis, aut per elationem spiritus, aut per carnis corruptionem tenet. Quosdam verō in utroque possidet: quia cum eos superbiæ spiritus eleuat, à tumore suæ altitudinis nec verecūdia corruptionis inclināt. Sed nunquid cōtra hos intra sanctam Ecclesiā incessanter quotidie virtutū magistri non vigilant? Nūquid redarguere voluptates infimas, & suadere gaudia patriæ cœlestis cessant? Sed prauorum mentes tantō obstinatius summa non audiunt, quantō arctius infimis inhæserunt. Quibus neque hoc sufficit, ut ipsi pereāt, sed adhuc quod est deterius, cum quoslibet argui emendarique cōspiciunt, iustorū increpationibus obuiant, ne saltem alij corrigant. Vnde & bene subditur:

Quod reprobi in quibus est imago diaboli, similibus suis patrocinia parant: & se inuicem defendentes, nullum correctioni locum relinquunt. Caput IIII.

Protegunt vmbra vmbra eius.) Vmbra quippe sunt diaboli omnes iniqui: qui dum imitationi iniquitatis eius inserviunt, quasi ab eius corpore imaginis speciem trahunt. Sicut autem vmbra eius sunt pluraliter reprobi: ita singulariter vmbra eius est vnusquisque peccator. Sed dum doctrinæ iustorum mali contradicunt, dum ab eis iniquum quemlibet corrigi non permittunt, vmbra Behemoth istius vmbra eius protegunt: quia peccatores quique in quo sibi malè sunt conscij, in eo & alium peccantem defendunt. Vmbra vmbra eius protegunt, dum nequissimorum facta nequiores peruersis patrocinis tumentur. Quod hoc nimirum studio faciunt: ne dum culpa in qua & ipsi obligati sunt, in aliis corrigatur, ad ipsos quandoque veniatur. Si igitur tegunt dum alios protegunt: quia suam vitam præuident impeti, vnde alios considerant libera correctione confundi. Sicque fit ut summa criminum dum defenditur augeatur, & vnus cuiusque nequitia eò fit ad perpetrandum facilis, quò difficilis ad puniendum. Scelera quippe peccantium tantō maiora incrementa percipiunt, quantō per defensionem potentium diu inulta tolerantur. Sed tales quique seu extra seu intra sanctā Ecclesiam esse videantur, tantō se apertiores Dei hostes exhibent, quantō maiores sunt patroni vitiorum. Contra illum quippe suis defensionibus pugnant, cui ea quæ displicent, defendendo multiplicant. Quod factum bene per Prophetam Dominus sub Babylonis specie redarguit, dicens: Oriuntur in domibus eius spinæ, & vrticæ, & paliurus in munitionibus eius. Quid namque per vrticæ, nisi cogitationum prurigines: quid verō per spinas, nisi vitiorum punctationes accipimus? In domibus igitur Babylonis vrticæ, & spinæ pullulant: quia in confusione mentis reproba, & desideria cogitationum surgunt, quæ exasperant, & operum peccata, quæ pungunt. Sed hæc agentes habent etiam nequiores alios defensores suos. Vnde illic aptè protinus subdidit: Et paliurus in munitionibus eius. Paliurus quippe tanta spinarū circundatione densescit, ut præ asperitate tangi vix possit. Intus igitur vrticæ, & spina nascitur, sed vtrunque hoc exterius per paliurum munitur: quia videlicet minores iniqui mala quælibet faciunt, sed ea nequissimi maiores tumentur. Vnde bene & hic dicitur: Protegunt vmbra vmbra eius.) Dum enim malum peior vindicat, quasi vmbra vmbra ne à veritatis lumine irradietur, obscurat. Sequitur:

Quod amatores huius seculi licet speciem sanctitatis in populo quasi videntia solia habeant, fructum tamen eius non habent.

Caput VI.

Circundabunt eum salices torrentis.) Infructuosæ quidem arbores sunt salices: sed tamen tantæ viriditatis sunt, ut arescere, vel abscissæ radicitus, & proiectæ, vix possint. Vnde in sacro eloquio salicum nomine, aliquando pro viriditate boni, aliquando pro sterilitate reprobi designatur. Nisi enim electorum vitam per constantiam suæ viriditatis exprimerent, nequaquam de sanctæ Ecclesiæ filiis Propheta dixisset: Germinabunt inter herbas, sicut salices iuxta præterfluentes aquas. Sanctæ enim Ecclesiæ filij inter herbas sicut salices germinant, dum inter arescentem vitam carnalium hominum, & multiplicitate numerositate perpetua mentis viriditate perdurant. Qui bene iuxta præterfluentes aquas germinare perhibetur: quia vnusquisque eorum vbertatem ad fructum percipit ex doctrina sacri eloquij, quæ temporaliter percurrit. Et rursus nisi per sterilitatem salicum vita peccatorum signaretur, nequaquam ex voce prædicantium contra Babyloniam Psalmista dixisset: In salicibus in medio eius suspendimus organa nostra. Babylonis quippe medio inesse salices describuntur: quia nimirum infructuosi quique atque ab amore patriæ cœlestis alieni totis visceribus cordis in hac seculi confusione radicanter. Vnde & prædicatores sancti in istis salicibus non exercent organa, sed suspendunt: quia cum infructuosas ac reprobas mentes aspiciunt, vim suæ prædicationis non exhibent, sed potius lucentes silent. Quid etiam per terrorem, nisi huius mortalis vitæ cursus exprimitur? De quo rursus per Prophetam dicitur: De torrente in via bibet, propterea exaltabit caput: quia videlicet redemptor noster mortalis vitæ pœnam in quodam transitu attingit, & idecirco diu eidem morti cui sponte succubuit, non inhæsit. Vnde die tertia hoc quod moriendo posuerat, resurgendo caput eleuauit. Quid est ergo quod de Behemoth isto dicitur: Circundabunt eum salices torrentis: nisi quod amatores vitæ mortalis, à bonis actibus quasi à fructibus alieni, tantō illi arctius inhærent, quātō eos largius delectatio transitorie voluptatis infundit? Hos enim quasi in radicibus torrens rigat, dum in suis cogitationibus amor vitæ carnalis inebriat. Qui scilicet more salicum fructus non ferunt, sed in folijs viridescunt: quia ea quæ graua ad dicendum non sunt, aliquando honestatis verba proferunt; sed nullum vitæ pondus ex bonis operibus ostendunt. Bene igitur dicitur: Circundabunt eum salices torrentis: quia infructuosi quique dum amoris vitæ temporalis inserviunt, antiquo hosti peruersis moribus familiariter obsequuntur. Sed quia quid ei à suis clientibus impendatur, audiuius: nunc etiam quid in illis agat ipse, audiamus. Sequitur:

Quod non solum ante aduentum Christi diabolus ad se rapuerit infideles, sed etiam multos ex his qui renati sunt in Christo, deglutire se posse confidat.

Caput VI.

Sorbebit fluium, & non mirabitur, & habet fiduciam quod influat Iordanis in os eius.) Quid enim hoc loco fluij nomine, nisi humani generis decursio designatur: quæ velut à fontis sui origine nascendo surgit, sed quasi ad ima defluens moriendo pertransit. Qui autem signantur appellatione Iordanis, nisi qui iam imbuti sunt sacramento baptismatis? Quia enim redemptor noster in hoc flumine baptizari dignatus est, eius nomine debent omnes baptizati exprimi: in quo hoc ipsum contingit sacramentum baptismatis inchoari. Quia igitur Behemoth iste à mundi origine exortum (vix paucis electis euadentibus) humanum genus in ima defluens, vsque ad redemptoris tempora quasi quandam in se fluium traxit: bene nunc dicitur: Absorbebit fluium, & non mirabitur.) Quia verò & post mediatoris aduentum quosdam qui rectè vivere negligunt, etiam fideles rapit: rectè subiungitur: Et habet fiduciam quod influat Iordanis in os eius.) ac si apertè diceretur: Ante redemptorem mundi mundum non miratus absorbit, sed quod est grauius, etiam post redemptoris aduentum quosdam qui baptismatis sacramento signati sunt, deglutire se posse confidit. Alios namq; sub Christianitatis nomine posuit deuorat: quia in ipso eos fidei errore supplātat. Alios à rectitudine fidei nequaquā deuiat, sed ad vsum prauæ operationis inclināt. Alios quantū vult in operatione immunditiæ inflectere

inflectere non valet, sed apud semetipsos intus in studio intentionis intorquet: vt dum à charitate mentem diuidunt, rectum non sit quicquid extrinsecus operentur. Et fidem tenent, sed vitam fidei non tenent: quia aut apertè illicita faciunt, aut ex peruerso corde quæ agunt, praua sunt, etiam si sancta videantur. Quia enim nonnulli confitendo fideles sunt, non t̄ viuendo: hinc est quod voce veritatis dicitur: Non omnis qui dicit mihi, Domine, Domine, intrabit in regnum cœlorum. Hinc rursus ait: Quid autem vocatis me Domine Domine, & non facitis quæ dico? Hinc Paulus ait: Confitentur se nosse deum, factis autem negant. Hinc Iohannes dicit: Qui dicit se Deum nosse, & mandata eius non custodit, mendax est. Hinc est quod de ipsa sua prima plebe Dominus conqueritur dicens: Populus hic labiis me honorat, cor autem eorum longè est à me. Hinc etiam Psalmista ait: Dilexerunt eum in ore suo, & lingua sua mentiri sunt ei. Sed minimè mirū fuit quòd Behemoth iste ante lauacri vndam, ante sacramenta cœlestia, ante corpoream præsentiam redemptoris humani generis fluuium hiatus profundæ persuasionis absorbit: sed hoc valde mirum, hoc valde terribile est: quia multos aperto ore etiam post cognitionem redemptoris suscepit, post lauacri vndam polluit, post sacramenta cœlestia ad inferni profundum rapit. Dicatur ergo, dicatur terribiliter voce veritatis: Absorbebit fluuium, & non mirabitur, & habet fiduciam quòd influat Iordanis in os eius. Neque enim pro magno diabolus habuit quod infideles tulit, sed toto nunc annisu in illorum mortem se erigit, quos contra se regeneratos tabescit. Nemo igitur sibi fidem sine operibus sufficere posse confidat, cum scimus quòd scriptum sit: Fides sine operibus mortua est: Nullus Behemoth mortuum ex sola confessione fidei plene euasisse se existimet: quia iam quidem fluuium absorbit, sed adhuc Iordanem sitit, & toties in os illius Iordanis fluit, quoties Christianus quisque ad iniquitatem defluit. Os quidem eius iam fide nos subleuante fugimus, sed magno studio curandum est, ne in hac lubrica operatione dilabatur. Si ambulandi cautela negligitur, incassum credendo rectum iter tenetur: quia via quidem fidei ad cœlestem patriam proficit, sed offendentes minimè perducit. Habemus adhuc quod hac in re subtilius perpendamus. Hi enim quos per Iordanem diximus exprimi, possunt per fluuium designari. Qui enim fidem iam veritatis agnouerunt, sed viuere fideliter negligunt, rectè fluuii dici possunt: quia videlicet deorsum fluunt. Iordanis verò Hebræo vocabulo descensio eorum dicitur. Et sunt nonnulli qui viam veritatis appetentes semetipsos abiciunt, atque à vitæ veteris elatione descendunt: cumque æterna cupiunt, valde se ab hoc mundo alienos reddunt, dum non solum aliena non appetunt, sed etiam sua derelinquunt, & non solum in eo gloriam non quærunt, sed hanc cum se obtulerit etiam contemnunt. Hinc est enim quod voce veritatis dicitur. Si quis vult venire post me, abneget semetipsum. Semetipsum enim abnegat, qui calcato typo superbix, ante Dei oculos esse se à se alienum demonstrat. Hinc Psalmista ait: Memor ero tui de terra Iordanis & Hermoniim. Iordanis quippe, vt dixi, descensio: Hermoniim autem anathema, id est, alienatio, interpretatur. De terra igitur Iordanis & Hermoniim Dei reminiscitur: qui in eo quòd semetipsum deiicit, atque à se alienus existit, ad conditoris sui memoriam reuocatur. Sed antiquus hostis hoc pro magno non habet, quòd sub iure suæ tyrannidis terrena quærentes tenent. Propheta quippe attestante cognouimus, quia esca eius electa. Neque enim mirum deputat, si eos absorbeat, quos superbia erigit, auaritia tabefacit, voluptas dilatat, malitia angustat, ira inflammat, discordia separat, inuidia exulcerat, luxuria inquinans necat. Absorbebit ergo fluuium, & non mirabitur: quia pro magno non æstimat cum eos deuorat, qui per ipsa suæ vitæ studia deorsum currunt, sed illos magnopere rapere nititur, quos despectis terrenis studiis, iungi iam cœlestibus contemplatur. Vnde absorpto fluuiio rectè subiungitur. Et habet fiduciam quòd influat Iordanis in os eius. Quia illos insidiando rapere appetit, quos pro amore supernæ patriæ à præsentis vitæ gloria semetipsos deiicere agnoscit. Nonnulli quippe mundum deserunt,

Tomus primus.

A honore transeuntium vana delinquant, & ima humilitatis appetentes, humanæ conuersationis morem bene viuendo transcendunt: atque in tanta studiorum arce proficiunt, vt signorum iam virtutes operentur: sed quia semetipsos circumspectando tegere negligunt, inanis gloriæ telo percussi, peius de alto ruunt. Hinc est enim quòd æternus iudex qui occulta cordis examinat, eiusdem ruinæ casum prænunciens intentat, cum dicit: Multi dicent mihi in illa die: Domine Domine, nonne in nomine tuo prophetauimus, & in nomine tuo dæmonia eiecimus, & in tuo nomine virtutes multas fecimus? Et tunc cōfitebor illis, quia nunquam noui vos: discedite à me qui operamini iniquitatem, nescio qui estis. Hinc etiam per Prophetam dicitur: Vocauit Dominus iudicium ad ignem, & deuorabit abyssum multam, & comedet partem domus Domini. Iudicium quippe ad ignem vocatur, cum iustitiæ sententia ad pœnam iam æternæ concremationis ostenditur. Et multā abyssum deuorat: quia iniquas atque incomprehensibiles hominum mentes concremat, quæ nunc se hominibus etiam sub signorum miraculis occultant. Pars autem domus Domini comeditur: quia illos quoque gehēna deuorat, qui nunc quasi in sanctis actibus de electorum numero se esse gloriantur: Qui ergo hinc Iordanis, ipsi illic pars domus Domini vocantur. Antiquus ergo hostis habet fiduciam quod in os eius & Iordanis influat: quia nonnunquam calliditatis suæ insidiis eos etiam qui iam electi putantur necat. Sed cuius cordis duritiam non ista Domini verba perturbent: cuius mentis constantia non ab intimis cogitationum radicibus quatiatur, cum hostis noster tantæ esse contra nos fortitudinis demonstratur? Nullum ne erit consolationis adiutorium? Erit certè. Nam subditur:

Quòd in carne sua Christus diuinitatem abscondit, & quòd hamo captus sit diabolus in oculis.

Capitulum VII.

I N oculis eius quasi hamo capiet eum. Notandum valde est quòd scripturæ suæ verba misericorditer temperans Deus, modò nos asperis incitationibus terret, modò blandis consolationibus refouet, & terrorem fomentis miscet, & fomenta terrori: vt dum circa nos vtrunque mira magisterij arte temperatur, nec desperatè inueniamur territi, nec incautè securi. Nam cum Behemoth astutas insidias, atque effrenatas vires multiplicibus sententiis incasset: protinus vnigeniti filij sui redemptoris nostri commendat aduentum, & quo ab illo ordine Behemoth iste sit perimendus insinuat: vt quia cor nostrum narrata illius virtute perculerat, mœrorem nostrum citius indicata eius perditione releuaret. Igitur postquam dixit: Absorbebit fluuium & non mirabitur, & habet fiduciam quod influat Iordanis in os eius: ipsum illico dominicę incarnationis aduentum annunciat, dicens: In oculis eius quasi hamo capiet eum. Quis nesciat quòd in hamo esca ostēditur, aculeus occultatur? Esca enim prouocat, vt aculeus pungat. Dominus itaque noster ad humani generis redemptionem veniens, velut quendā de se in necem diaboli hamum fecit. Assumpsit enim corpus, vt in eo Behemoth iste quasi escam suam mortem carnis appeteret. Quam mortē dum ille iniuste appetit, nos quos quasi iuste tenebat, amisit. In hamo ergo eius incarnationis captus quia dum in illo appetit escam corporis, transfixus est aculeo diuinitatis. Ibi quippe inerat humanitas, quæ ad se deuorato rem duceret: ibi diuinitas quę perforaret: ibi aperta infirmitas quæ prouocaret: ibi occulta virtus quę raptoris faucem transfigeret. In hamo igitur captus est: quia inde interiit vnde deuorauit. Et quidem Behemoth iste filium Dei incarnatum nouerat, sed redemptionis nostræ ordinem nesciebat. Sciebat enim quòd pro redemptione nostra incarnatus Dei filius fuerat, sed omnino quòd idem redemptor noster illum moriendo transfigeret, nesciebat. Vnde & bene dicitur: In oculis eius quasi hamo capiet eum. In oculis quippe habere dicimus, quod coram nobis positum videmus. Antiquus verò hostis humani generis redemptorem ante se positum vidit, quem cognoscendo confessus, confitendo pertimuit, dicens: Quid nobis & tibi fili Dei? Venisti ante tempus torquere nos? In oculis itaq; suis hamo captus est, quia & nouit, & momordit, & cognouit prius quem pertimesceret, & tamen post non timuit, cum in illo quasi escam propriam mortem carnis esu-

C ij

II. riret. Igitur quia caput nostrum per se quid fecit audiui-
mus: nunc per membra sua quid faciat, audiamus. Sequitur:

*Quod subtilissimas astutias demonum perforare possit &
penetrare acutissima intentio, & infatigabi-
lis repugnantia sanctorum.*

Caput VII.

ET in sudibus perforabit nares eius. Quid aliud sudes, id est, palos accipimus, qui videlicet accutuntur ut figantur: nisi acuta sanctorum consilia? Quæ huius Behemoth nares perforant, dum sagacissimas eius insidias & vigilando circumspectant, & superando transfigunt. Per nares verò odor trahitur, & deducto flatu hoc agitur, ut res etiam quæ longè est posita, cognoscatur. Naribus ergo Behemoth callidè eius insidiæ designantur, per quas sagacissimè nititur, & occulta cordis nostri bona cognoscere; & hæc pessima persuasione dissipare. In sudibus itaque Dominus nares eius perforat: quia callidas eius insidias acutis sanctorum sensibus penetrans enervat. Sæpe autem bonorum vias tanta insidians arte circumvolat: ut per ea quæ ab eis bene gesta cognoverit, ad malitiam aditum quærat. Nam unde alium largiri quid conspicit, inde alium in discordiæ flamma succendit: & hunc respicit misereri, illi persuadet irasci: ut dum bonum quasi non communiter factum insinuat, concordans animos à bono gratiæ communis t abscondat. Quia enim iustorum mentes ad mala suadendo non valet frangere, bonis sagit actibus inter eas mala seminare. Sed sancti viri has eius insidias tantò celerius vincunt, quantò & subtilius deprehendunt. Quod melius ostendimus, si vnum è multis assertoribus veritatis in testimonium Paulum vocemus: sub quo quidam Corinthius dum incesti facinus perpetrasset, eum doctor egregius in carnis interitum ad satisfactionem penitentiae satana tradidit, & in diem Domini saluum eius spiritum reservavit. Magna quippe arte magisterij ipsi est traditus coactus in penam, cui sponte est substratus in culpa: ut qui auctor fuerat ad vitium nequitiae, ipse flagellum fieret disciplinae. Qui tamè bene gesta penitentia, dum cognovisset Corinthios super eum iam misericorditer motos, ait: Cui aliquid donastis, & ego: nã & ego quod donavi, si quid donavi, propter vos in persona Christi. Communionis verò gratiam cogitans ait: Cui aliquid donastis, & ego: ac si diceret: A bono vestro non dissentio: meum sit quicquid ipsi fecistis. Atque mox subditur: Et ego si quid donavi, propter vos: ac si diceret: Vestris actibus bonum addidi, quicquid propter vos misericorditer feci. Vestra ergo est utilitas, bonitas mea: mea est utilitas, bonitas vestra. Qui ipsam mox compagem cordium in qua sic tenetur, adiungens subdidit: In persona Christi. Cui velut si dicere præsumamus, quare te ita cautè discipulis copulas? quare vel te illorum, vel illos tuis actionibus tam sollicita mente conformas? illic subiunxit: Ut non circumveniamur à satana. Cuius sagaces insidias quàm acuto sensu transfigat, insinuat subdens: Non enim ignoramus cogitationes eius: ac si verbis aliis dicat: Acutè auctore Domino sudes sumus, & nares Behemoth istius subtiliter circumspectando penetramus, ne hoc quod bene mēs inchoat, ipse in malitiæ finem vertat. Possunt per sudes acuta ipsius, per carnem manifestatæ sapientiæ verba signari: ut quia naribus odor trahitur, per Behemoth nares illa antiqui hostis exploratio figuretur. Quia cum Deus incarnatum esse dubitaret, hoc expetitis miraculis voluit tē-
tando cognoscere, dicens: Si filius Dei es, dic ut lapides isti panes fiant. Quia ergo signorum indicis odorem divinitatis eius cognoscere concupivit, quasi flatum naribus traxit. Sed dum ei protinus respondetur, Non in pane solo vivit homo & Non tentabis Dominum Deum tuum: quia sententiarum suarum acuminibus indagationem antiqui hostis veritas percussit, quasi nares eius sudibus perforavit. Sed quia Behemoth iste per varia fraudum argumenta distenditur: adhuc adiuncto & alio nomine notatur. Nam subditur:

*Quod per incarnationem Christi captus sit diabolus: &
lingua totius falsitatis ad Evangelij veritatem
ligata, & coniuncta coniecit.*

Caput IX.

AN extrahere poteris Leviathan hamo? Leviathan quippe additamentum eorum dicitur. Quorum videlicet nisi hominum? quibus semel culpam prævaricationis intulit, & hanc usque ad æternam mortem quotidie pessimis suggestionibus extendit. Quibus dum reatum scēore peccati multiplicat, pœnas proculdubio sine fine coaceruat. Potest quoque Leviathan etiam per irrisionem vocari. Primo quippe homini persuasione callida divinitatem additurum se perhibuit, sed immortalitatem tulit. Additamentum ergo hominum per irrisionem dici potest: quibus dum hoc quod non erant se addere spondit, etiam hoc quod erant fallendo subtrahit. Sed Leviathan iste hamo captus est: quia in redemptore nostro dum per satellites suos escam corporis momordit, divinitatis illum aculeus perforavit. Quasi hamus quippe fauces glutientis tenuit: dum in illo & esca carnis patuit, quam deuorator appeteret, & divinitas passionis tempore latuit quæ necaret. In hac quippe aquarum abyfso, id est, in hac immensitate generis humani, ad omnium mortem inhians, vitam penè omnium vorans, huc illucque aperto ore cetus iste ferebatur, sed ad mortem ceti istius hamus in hac aquarum profunditate caliginosa, mira est dispositione suspensus. Huius hami linea illa est per Evangelium antiquorum patrum pro-
pago memorata. Nam cum dicitur: Abraham genuit Isaac: Isaac genuit Iacob: cumque ceteri successores interposito Ioseph nomine usque ad Mariam virginem desponsatam describuntur, quasi quadam linea torquetur, in cuius extremo incarnatus Dominus, id est, hamus iste ligaretur quem in his aquis humani generis dependentem aperto ore iste cetus expeteret, sed eo per satellitum suorum scuitiam morsio, mordendi vires ulterius non haberet. Ne ergo iste humanis mortibus cetus insidians, quos vellet ultra deuoraret: hamus hic raptoris fauces tenuit, & sese mordentem momordit. Incarnationem igitur vnigeniti filij fidei famulo indicans Deus, ait: An extrahere poteris Leviathan hamo? Subaudis, ut ego: qui ad raptoris mortem incarnatum vnigenitum filium mitto, in quo dum mortalis caro conspicitur, & immortalitatis potentia non videtur: quasi hamus quidam inde deuorantem perimit, unde acumen potentiae quo transfigat, occultat. Sequitur: Et fune ligabis linguam eius. Subaudis, ut ego. Scriptura enim sacra fune aliquando dimensionum sortes, aliquando peccata, aliquando fidem designare consuevit. Nam propter hæreditarias dimensionum sortes dicitur: Funes ceciderunt mihi in præclaris: etenim hæreditas mea præclara est mihi. Funes quippe in præclaris cadunt, dum per humilitatem vitæ, sortes nos patriæ melioris excipiunt. Rursum quia fune peccata signantur, per Prophetam dicitur: Vae qui trahitis iniquitatem in funiculis vanitatis. Iniquitas nanque in funiculis vanitatis trahitur, dum per augmentum culpa protelatur. Vnde & per Psalmistam dicitur: Funes peccatorum circumplexi sunt me. Quia enim funis addendo torquetur, ut crescat, non immeritò peccatum in fune figuratur, quod peruerso corde sæpe dum defenditur, multiplicatur. Rursum fune fides exprimitur: Salomone attestante, qui ait: Funiculus triplex difficile rumpitur: quia fides videlicet quæ de cognitione Trinitatis ab ore prædicatum textitur, fortis in electis permanens, in solo reproborum corde dissipatur. Hoc itaque loco funis nomine siue peccatum, siue fidem nil obstat intelligi. Incarnatus etenim Dominus noster fune Leviathan linguam ligauit: quia in similitudine carnis peccati apparuit, & omnia errorum eius prædicamenta damnavit. Vnde Paulo attestante dicitur: Et de peccato damnavit peccatum. Fune linguam ligauit: quia per similitudinem carnis peccati, ab electorum suorum cordibus cuncta eius fallaciæ argumenta destruxit. Ecce enim apparente in carne Domino, Leviathan lingua ligata est: quia eius veritate cognita, illæ falsitatis doctrinæ tacuerunt. Vbi enim nunc est Academicorum error: qui certè conantur astruere certum nil esse, qui impudenti fronte assertionibus suis fidē ab auditoribus exigūt, cum vera esse nulla testantur? Vbi mathematicorum superstitio: qui dum signorum cursus suspiciunt, vitas hominum in siderum momenta suspendunt? Quorum aperte doctrinam sæpe geminorum natiuitas dissipat, qui cum vno eodēque momento horæ prodeant, non

† Vel, abscondat.

1. Corin. 5.

2. Cor. 2.

12.

Matth. 4.

Matth. 1.

Psalm. 119.

Esai. 5.

Psalm. 118.

Eccles. 4.

13.

Roma. 8.

non in vna conuersationis qualitate perdurant. Vbi tot prædicamenta falsitatis quæ enumerare fugimus, ne ab exponendi ordine longè recedamus? Sed cuncta iam erroris doctrina conticuit: quia Leviathan linguam, Dominus incarnationis suæ fune constrinxit. Vnde bene etiam per Prophetam dicitur: Et desolabit Dominus linguam maris Aegyptij. Lingua quippe maris est scientia doctrinæ secularis. Bene autem mare Aegyptium dicitur: quia peccati obscuritate fuscatur. Linguam ergo maris Aegyptij Dominus desolauit: quia huius mundi falsam sapientiam per carnem se ostendendo destruxit. Fune ergo Leviathan lingua constringitur: quia per similitudinem carnis peccati, ligata est prædicatio verusti peccatoris. Si autem fides fune signatur, idem nobis iterum intellectus innuitur: quia dum per prædicatores sanctos in mundo fides Trinitatis innotuit, contra electorum mentes erumpere mundi doctrina cessauit. Vnde bene Domino per Prophetam dicitur: Tu dirupisti fontes & torrentes: tu siccasti fluuios Ethan. Ethan quippe interpretatur fortis. Et quis est hic fortis, nisi de quo per Euangelium Dominus dicit: Nemo potest vasa fortis ingressus domum diripere, nisi prius fortem alliget? Fontes itaque & torrentes Dominus dirupit, dum in Apostolorum suorum cordibus fluente veritatis aperuit. De quibus rursus per Prophetam alium dicitur: Haurietis aquas in gaudio de fontibus saluatoris. Ad eorū quippe doctrinam sitientes pergimus, vt veritatis plenas cordium nostrorum lagunculas reportemus. Sed emanantibus suis fontibus Ethan fluuios exiccavit, dum doctrinam fortis, & maligni spiritus ostenso radio suæ veritatis arefecit. Leviathan ergo lingua fune stringitur: quia extensa fide Trinitatis, errorum prædicamenta siluerunt. Sed quia iam se apertè extollere non valet, huc illucque circumiens per insidias mordet. Mira autem misericordia contra hunc pro nobis Dominus vigilat, atque eum & in hoc quod fraudibus molitur, expugnat. Vnde subditur:

Quod astutiam diaboli per quam humani generis fragilitatem explorat & odoratur, Deus omnipotens iudicij sui potestate confringat, & perforata eius maxilla homines, quos iam per peccati commissionem inter fauces tenebat, inde extrahat: si per penitentiam exitum, & rediit ad vitam aperiat.

Caput X.

Nunquid pones circulum in naribus eius? Sicut per nares insidiæ, ita per circulum diuinæ virtutis omnipotentia designatur. Quæ cum apprehendi nos tentationibus prohibet, miris ordinibus antiqui hostis insidias circumplectens tenet. Circulus ergo ei in naribus ponitur, dum circumducta protectionis supernæ fortitudine eius sagacitas retinetur: ne contra infirmitatem hominum tantum præualeat quantum perditionis argumenta latenter explorat. Potest etiam circuli nomine, occulti iudicij adiutorium designari: quod in huius Behemoth naribus ponitur, cum à callida sua crudelitate refrenatur. Vnde bene per Prophetam cum ab Israëlitarum læsione prohibetur, regi Babylonie dicitur: Ponam circulum in naribus tuis: ac si apertè diceretur: Cogitando insidias spiras: sed explere quod appetis non valendo, omnipotentia mea circulum in naribus portas, vt cum bonorum mortem ardentius anhelas, ab eorum vita vacuus redeas. Quod verò hoc loco circulum, hoc scriptura sacra per Ioannem in Apocalypsi falcem vocat. Ait enim: Vidi, & ecce nubes candida: & super nubem sedentem similem filio hominis, habentem in capite suo coronam aureā, & in manu sua falcem acutam. Potestas enim diuini iudicij, quia vndique stringit, circulus dicitur: & quia intra se omnia incidendo amplectitur, falcis appellacione signatur. In falce enim quicquid inciditur, quauersum flectimur, intus cadit. Et quia potestas superni iudicij nullatenus euitatur, intra ipsam quippe sumus, quolibet fugere conemur, rectè cum venturus iudex ostenditur, falcem tenere perhibetur: quia cum potenter ad omnia obuiat, incidendo circumdat. Esse se intra iudicij falcem Propheta vidit, cum diceret: Si ascendero in cælum, tu illic es: si descendero ad infernum, ades. Si sumpsero pennas meas ante lucem, & habitauero in extremis maris: etenim illuc manus tua deducet me, & tenebit me dextera tua. Intra quan-

Tomus primus.

Adam falcem se vidit: cum ex nullo sibi loco patere fugæ adiutum posse cognouit, dicens: Quia neque ab oriente, neque ab occidente, neque à desertis montibus subaudis, patet via fugiendi: atque mox ipsam supernæ potentia omnimodam comprehensionem subdens, ait: Quoniam Deus iudex est: ac si diceret: Fugiendi via vndique deest: quia ille iudicat, qui vbi que est. Diuina itaque iudicia sicut signantur falce, quia circunvallantia incidunt: ita exprimuntur circulo, quia vndique stringunt. In Leviathan itaque naribus à Domino circulus ponitur: quia iudicij eius potentia in insidiis suis ne quantum vult præualeat coarctatur. Dicatur ergo: Nunquid pones circulum in naribus eius? Subaudis, vt ego, qui astutas eius insidias omnipotenti iudicio constringo: vt nec tantum tentet, quantum appetit: nec tantum capiat, quantum tentat. Sequitur: Aut armilla perforabis maxillam eius? Ab intellectu circuli armilla non discrepat: quia ipsa hoc quoque vbi ponitur, ambiendo constringit. Sed quia armilla latius tenditur, per armillam occulti eius iudicij erga nos protectio impensior designatur. Armilla ergo Dominus maxillam Leviathan istius perforat: quia ineffabili misericordia suæ potentia sic malitiæ antiqui hostis obuiat, vt aliquando eos etiam quos iam cepit amittat, & quasi ab ore illius cadunt, qui post perpetratas culpas ad innocentiam redeunt. Quis enim ore illius semel raptus maxillam eius euaderet, si perforata non esset? An non in ore Petrum tenuit, cum negauit? An non in ore Dauid tenuit, cum in tantam se luxuriæ voraginem misit? Sed cum ad vitam vterque per penitentiam rediit, Leviathan iste eos aliquo modo quasi per maxillæ suæ foramina amisit. Per foramen ergo maxillæ ab eius ore subtracti sunt, qui post perperatorem tantæ nequitia penitendo redierunt. Quis autem hominum Leviathan istius os euadat, vt nulla illicita comitatur? Sed hinc cognoscimus quantum redemptori humani generis debitores sumus, qui non solum nos in os Leviathan ire prohibuit, sed ab ore etiam redire concessit: qui spem peccatori non abstulit, quia maxillam eius vt euadendi viam tribueret, perforauit: vt saltem post morsum fugiat, qui incautus prius morderi nequaquam metuebat. Vbi que ergo nobis occurrat superna medicina: quia & dedit homini præcepta ne peccet, & tamen peccanti dedit remedia ne desperet. Vnde cauendum summopere est, ne quis delectatione peccati Leviathan istius ore rapiatur, & tamen si raptus fuerit, non desperet: quia si peccatum perfectè lugeat, adhuc foramen in maxilla eius inuenit per quod euadat. Iam dentibus teritur, sed adhuc si euadendi via quæritur, in maxilla eius foramen inuenitur. Habet etiam captus quod exeat, qui præuidere noluit ne caperetur. Quisquis ergo nondum captus est, maxillam eius fugiat: quisquis verò iam captus est, in maxilla foramen quærat. Pius enim ac iustus est conditor noster. Sed nemo dicat quia pius est, venialiter pecco. Et nemo qui peccauerit dicat: quia iustus est, de peccati remissione despero. Relaxat enim Deus facinus quod defletur, sed perpetrare quisque timeat, quod si dignè deflere possit ignorat. Ante culpam ergo iustitiam metuat, post culpam tamen de pietate præsumat: neque ita iustitiam timeat, vt nulla spei consolatione conualescat: neque ita confidat de misericordia, vt adhibere vulneribus suis dignæ penitentia negligat medicinam, sed quem præsumit sibi piè parcere, semper etiam cogitet, & districtè iudicare. Sub pietate itaque eius spes peccatoris gaudeat, sed sub districtione illius penitentis correctio contremiscat. Spes igitur præsumptionis nostræ habeat etiam morsum timoris: vt ad corrigenda peccata iustitia iudicantis terreat, quem ad fiduciam veniæ gratia parentis inuitat. Hinc enim per quendam sapientem dicitur: Ne dixeris, miserationes Domini multæ sunt, peccatorum meorum non memorabitur. Pietatem nanque eius protinus, & iustitiam subdit, dicens: Misericordia enim & ira ab illo. Diuina itaque clementia maxillam Behemoth istius perforans, vbi que humano generi, & misericorditer, & potenter, occurrit: quia nec libero admonitionem præcauendi tacuit, nec capto remedium fugiendi subtraxit. Ad hoc quippe in scriptura sacra virorum talium, id est, Dauid & Petri peccata sunt indita, vt cautela minorum sit ruina maiorum. Ad hoc verò vtrorumque illic, & penitentia insinuatur & venia, vt spes pereuntium sit recuper-

ratio peditorum. De statu ergo suo Dauid cadente nemo superbiat. De lapsu etiam suo Dauid surgente nemo desperet. Ecce quàm mirabiliter scriptura sacra eodem verbo superbos premit, quo humiles leuat. Vnam nanque rem gestam retulit, & diuerso modo superbos quidem ad humilitatis formidinem, humiles verò ad spei fiduciam reuocauit. O inestimabile noui generis medicamentum! quod vno eodemque ordine positum, & premendo tumentia excitat, & subleuando arentia infundit. De maiorum nos lapsu terruit, sed de reparatione roborauit. Sic quippe semper, sic nos diuinæ dispensationis misericordia & superbientes reprimit, & ne ad desperationem corruamus fulcit.

Quid sit quòd Moyses dicit: Non accipies loco pignoris superiorem, vel inferiorem molam. Caput. XI.

16.
Deut. 24.

2. Corin. 11.

Vnde etiam per Moysen admonet, dicens: Non accipies loco pignoris superiorem, aut inferiorem molam. Accipere nanque aliquando dicimus auferre. Vnde & aues illæ quæ sunt rapiendis anibus auidæ, accipitres vocantur. Vnde Paulus apostolus dicit: Sustinetis enim si quis deuorat, si quis accipit: ac si diceret: Si quis rapit. Pignus verò debitoris, est confessio peccatoris. A debitore enim pignus accipitur, cum à peccatore iam peccati confessio tenetur. Superior autem & inferior mola, est spes & timor. Spes quippe ad alta subuehit, timor autem cor inferius premit. Sed mola superior & inferior ita sibi necessariò iunguntur, vt vna sine altera inutiliter habeatur. In peccatoris itaque pectore incessanter debet spes, & formido coniungi: quia incassum misericordiam sperat, si non etiam iustitiam timeat: incassum iustitiam metuit, si non etiam de misericordia confidat. Loco igitur pignoris mola superior, aut inferior tolli prohibetur: quia qui peccatori prædicat, tanta dispensatione componere prædicationem debet, vt nec derelicta spe timorè subtrahat, nec subtracta spe, in solo eum timore derelinquat. Mola enim superior aut inferior tollitur, si per prædicantis linguam in peccatoris pectore, aut timor à spe, aut spes à timore diuidatur. Sed quia exigente causa Dauid ad medium deducto, tanti facinoris memoriam fecimus, lectoris fortasse animus mouetur, cur eos omnipotens Deus quos in perpetuum elegit, quos ad donorum quoque spiritualium culmen assumpsit, illasos à corporalibus vitiis non custodit. Vnde quia satisfieri citius credimus, breuiter respondemus. Nonnulli enim per accepta dona virtutum, per impensam gratiam bonorum operum, in superbix vitium cadunt, sed tamen quòd ceciderint, non cognoscunt. Proinde contra eos hostis antiquus, quia iam interius dominatur etiam exterius sæuire permittitur: vt qui in cogitatione elati sunt, per carnis luxuriam prosternantur. Scimus autem quia aliquando minus est in corporis corruptio, nem cadere, quàm cogitatione tacita ex deliberata elatione peccare, sed cum minus turpis superbia creditur, minus vitatur. Luxuriam verò eo magis erubescunt homines quo simul omnes turpem nouerunt. Vnde fit plerunque vt nonnulli post superbiam in luxuriam corruentes, ex aperto casu malum culpæ latentis erubescant, & tunc etiam maiora corrigunt, cum prostrati in minimis grauius confunduntur. Reos enim se inter minora conspiciunt, qui se liberos inter grauiora crediderunt. Pia ergo Domini dispensatione laxatus nonnunquam Behemoth iste de culpa ad culpam trahit, & dum plus percutit, inde eum quem ceperat amittit: atque vnde vicisse cernitur, inde superatur. Considerare libet intra munus gratiæ finem, quanto Deus fauore misericordiæ nos continet. Ecce qui de virtute se extollit, per vitium ad humilitatem redit. Qui verò acceptis virtutibus extollitur, non gladio, sed (vt ita dixerim) medicamento vulneratur. Quid est enim virtus nisi medicamentum? & quid est vitium nisi vulnus? Quia ergo nos de medicamento vulnus facimus, facit ille de vulnere medicamentum: vt qui virtute percutimur, vitio curemur. Nos nanque virtutum dona retorquemus in vsum vitiorum: ille vitiorum illecebras assumit in artem virtutum, & salutis statum percutit vt feruet: vt qui humilitatem currentes fugimus, ei saltem cadentes hæreamus. Sed inter hæc sciendum est quòd plerique hominum quò in multis corruunt, arctius ligantur, cumque eos Behemoth iste

ex vno vitio percutit vt concidant, ex alio quoque illigant ne resurgant. Consideret itaque homo cum quo hoste bellum gerat, & si iam se in aliquo deliquisse perpendit, saltem ad culpam petrahi ex culpa pertimescat: vt studiosè vitentur vulnera, quibus frequenter interficit: quia valde rarum est quod hostis noster electorum saluti etiam vulneribus seruit. Maxilla tamen Behemoth istius perforata intelligi & aliter potest: vt in ore tenere dicatur non quos iam perfectè peccato implicauit, sed quos iam adhuc peccati persuasionibus tentat, quatenus ei quemlibet mandere, sit de peccati eum delectatione tentare. Mandendum quidem, sed non deglutendum acceperat Paulum, quando illum post tot reuelationum sublimia, stimulis carnis agitabat. Tunc ergo cum contra illum licentiam tentationis accepit, in maxilla eum tenuit, sed perforata. Qui verò elatus perire poterat, tentatus est ne periret. Tentatio ergo illa non vorago vitiorum, sed custodia meritorum fuit: quia Leuiathan iste fatigando eum in afflictione contriuit, sed non in culpa capiendò deuorauit. Elatos autem in sanctitate viros non amitteret, nisi tentaret. Sancti quippe non essent qui de sanctitatis gloria superbirent: & tantò sub eius iure caderent, quantò se in suis virtutibus eleuarent. Sed miro dispensationis ordine dum tentantur, humiliantur: dum humiliantur, eius esse iam desinunt. Bene ergo maxilla Behemoth istius perforata dicitur: quia electos Dei vnde conterit, inde amittit: vnde tentat vt perdat, agit inde ne pereant. Antiquus itaque hostis occultis Dei dispensationibus feruiens, sanctorum animas ad interitum tentat volens, sed ad regnum tentando seruat inuitus. Maxilla ergo eius perforata est, quia eos quos tentando, id est, mandendo conterit, quasi cum deglutit amittit. Quod quia non humana, sed diuina providentia agitur, vt vtilitati iustorum ipsa vetusti aduersarij astutia suffragetur: quatenus cum electos tentat, eo magis tentando custodiat, bene ad beatum Iob dicitur: Aut armilla perforabis maxillam eius? Subaudis, vt ego: qui prouidè cuncta disponens, electos meos inde robustius in integritate custodio, vnde eos per maxillam Leuiathan istius labefactari aliquo modo ab integritate permitto. Sequitur:

Quòd in die iudicii supplicium, & penitentia impiorum in iram erit. Caput XII.

Nunquid multiplicabit ad te preces, aut loquetur tibi mollia? Subaudis, vt mihi: Si enim ad personam filij hæc verba referantur, incarnato ei mollia loquebatur cum diceret: Scio quia sis sanctus Dei. Ad Leuiathan iste multiplicauit preces, cum per subditam sibi legionem dixit: Si eiicis nos, mitte nos in gregem porcorum. Quauis intelligi potest apertius: quia ad Dominum preces multiplicat, cum extremi die iudicii iniqui qui eius corpus sunt, sibi parci deprecantur: cum membra eius videlicet reprobi serò clamantes dicunt: Domine Domine, aperi nobis. Quibus protinus dicitur: Nescio vos vnde sitis. Tunc etiam Domino per membra sua mollia loquetur, quando multi ex eius corpore dicturi sunt: Domine Domine, nonne in nomine tuo prophetauimus, & in nomine tuo dæmonia eiecimus, & in nomine tuo virtutes multas fecimus? Mollia quidem deprecantes dicunt, cum eius nomine replicant quæ fecerunt, sed duro corde illa cum facerent, in suam laudem rapuerunt. Vnde mox audiunt: Nescio qui estis. Sequitur:

Quòd diabolus in hac vita nesciens sanctorum visibus seruit, & tentationis licentia quasi ex pacto accepta, voluntatem suam implet tentando, sed voluntate Dei ligatur, vt electos & volens tentet, & nesciens probet.

Caput XIII.

Nunquid feriet tecum pactum? Subaudis, vt mecum. Et accipies eum seruum sempiternum? Subaudis, vt ego. Sed valde solerter intueundum est quod pactum cum Domino Leuiathā iste feriat, vt sempiternus ab eo seruus habeatur. In pacto enim discordatiū partium volūtas impletur, vt ad votum suum quæque perueniat, & iurgia desiderato fine cōcludat. Antiquus itaq; hostis à sinceritate diuinæ innocentiæ mali-tiæ suæ face succensus discordat, sed ab eius iudicio etiam discordando

Diabolus
est seruus
Dei sempi-
ternus ex
pacto.

scordando non discrepat: nam viros iustos semper maleuolè tentare appetit, sed tamen hoc Dominus, vel misericorditer fieri, vel iustè permittit. Hæc ipsa ergo tentationis licètia pactum vocatur, in qua & desiderium tentatoris agitur, & tamè per eam miro modo voluntas iusti dispensatoris impletur. Erudiendos enim (sicut nuper diximus) electos suos Dominus sæpe tentatori subiicit: sicut post paradisi claustra, post tertij cæli secreta, ne reuelationum magnitudine Paulus extolli potuisset, ei satanæ angelus datus est. Sed (vt præfati sumus) ipsa hac tentatione disponitur, vt qui elati perire poterant, humiliati à perditione seruentur. Secreto ergo dispensationis ordine, vnde scire permittitur iniquitas diaboli, inde piè perficitur benignitas Dei. Et bene ex hoc pacto quòd cum Domino ferire dicitur, seruus accipi perhibetur: quia inde obtèperat nutibus superne gratiæ, vnde exercet iram nequissimè voluntatis suæ. Seruus ergo ex pacto est: qui dum voluntatem suam implere permittitur, à superni consilij voluntate ligatur: vt electos Dei (sicut dictum est) volens tentet, & tentando nesciens probet. Sed quia tandiu in hac vita electorum vsibus seruit, quandiu malitiæ suæ nequitiam tentationibus exercere potuerit: hoc autem in loco à Domino, non solum ex pacto seruus, sed sempiternus seruus accipi dicitur: inuestigare compellimur quomodo & post præsentis vitæ terminum seruire eum in perpetuum Domino demonstramus. Neque enim tunc iustos cælesti felicitate pollentes adhuc tentare permittitur, cum ante eorum oculos æternis gehennæ ignibus mancipatur: quia nequaquam illa superna patria tentationibus erudiendi sunt, in qua iam pro tentationum laboribus remunerantur. Sed tunc Leuiathan iste cū suo corpore, reprobis videlicet omnibus, flāmis vlticibus traditur, quibus sine fine crucietur. Quos scilicet cruciatus dū iusti conspiciunt, in Dei laudibus crescunt, quia & in se cernūt bonum quo remunerati sunt, & in illis inspicūt supplicij quod euaserunt. Ita enim tunc pulchra erit vniuersitas, dum & gehenna iustè cruciat impios, & æterna felicitas iustè remunerat pios. Sicut enim niger color in pictura subternitur, vt superiectus albus, vel rubeus pulchrior ostendatur: ita tunc etiā malos bene ordinans Deus, feliciora exhibet gaudia beatorū, ostensis ante eorum oculos supplicij reproborum. Et quauis illud ex visione dominica eorum gaudium non sit quo crescat: magis tamen auctori suo esse se debitores sentiunt, quando & bonum cernunt quod iustè remunerati percipiūt, & malum quod misericorditer adiuti vicerunt.

Quid sit quoddam diabolus modò Behemoth, id est, belua vel iumentum: modò Leuiathan, id est, serpens marinus: modò auis vocatur & quoddam in passione Christi illusit. Caput XIII.

Igitur si vtilitati iustorum, & hinc tentatio Leuiathan istius, & illic damnatio proficit, sempiternus seruus est, dum Dei laudibus nesciens seruit: & illic pœna eius iusta, & hinc voluntas iniusta. Sequitur: *Nunquid illudes ei quasi auis?*

Quid est quoddam aduersarius noster prius Behemoth, postmodum Leuiathan dicitur: nunc verò auis in perditionis suæ illusione comparatur? Behemoth quippe, vt diximus, belua interpretatur: quæ quadrupes ostenditur, dum sicut bos fœnum comedere perhibetur. Leuiathan verò quia hamo capitur, proculdubio serpens in aquis innotescitur. Nunc verò ad auis similitudinem ducitur, cum dicitur: *Nunquid illudes ei quasi auis?* Cur ergo belua, vel iumentum, cur draco, cur auis appelletur, indagemus. Citius enim nomina eius agnoscimus, si tergiuersationis illius astutiam subtiliter exploremus. De cælo quippe ad terram venit, & ad spem cælestium nulla iam respiratione se erigit. Irrationabile ergo & quadruplex animal est per actionis immundæ fatuitatem, draco per nocendi malitiam, auis per subtilis naturæ leuitatem. Quia enim hoc quod contra se agit, ignorat, bruto sensu belua est: quia malitiosè nobis nocere appetit, draco est: quia verò de naturæ suæ subtilitate superbe extollitur, auis est. Rursum, quia in hoc quod iniquè agit, ad vtilitatem nostram diuina virtute possidetur, iumentum est: quia verò latenter mordet, serpens est: quia autem nonnunquam per indomitam superbiam se etiam lucis angelum simulat, auis est. Humanum etenim genus quauis inexplicabili iniquitatis arte lacestat, Tomus primus.

Atribus tamen vitiis valde tentat: vt videlicet alios sibi per luxuriam, alios per malitiam, alios per superbiam subdat. Non ergo immeritò in eo quod agere nititur, ex ipso suarum actionum nomine vocatur, cum iumentum, draco vel auis dicitur. In eis quippe quos ad stultitiam luxuriæ excitat, iumentum est. In eis quos ad nocendi malitiam inflamat, draco est. In eis autem quos in factum superbiæ quasi alta sapientes eleuat, auis est. In illis verò quos pariter in luxuria, & superbia, & malitia polluit, iumentum, draco, simul & auis existit. Per tot nanque ad deceptorum cor se species intulit, in quot eos nequitas implicauit. Multarum igitur rerum nomine vocatur: quia ante deceptorum mentes in varias formarum species vertitur. Cum enim hunc per carnis luxuriam tentat, & tamen minimè superat, mutata suggestionem cor illius in malitiam inflamat. Quia ergo ad eum venire belua non valuit, draco venit. Illum veneno malitiæ corrumpere non valet, sed tamen bona sua eius oculis opponit, & cor illius in superbiam extollit. Huic ergo vt draco surrepere non valuit, sed tamen adducto phantasmate inanis gloriæ, coram cogitationis eius obtutibus quasi auis volauit. Quæ nimirum auis tantò contra nos immanius extollitur, quantò nulla naturæ suæ infirmitate præpeditur. Quia enim carnis morte non premitur, & redemptorem nostrum carne mortalem vidit, altiori fastu elationis intumuit: sed vbi contra authorem suum penna se superbiæ extulit, ibi laqueum suæ mortis inuenit. Nam ea eius carnis morte prostratus est, quam expetiit elatus: & inde pertulit laqueum, vnde quasi escam suæ malitiæ mortem iusti concupiuit. Dicatur ergo: *Nunquid illudes ei quasi auis?* Quasi auis quippe Dominus illusit, dum ei in passione vnigeniti filij sui ostendit escam, sed laqueum abscondit. Vidit enim quod ore perciperet, sed non vidit, quod gutture teneret. Nam quauis eum fuerat ipse confessus filium Dei, velut purum tamen illum hominem mori credidit: ad cuius mortem Iudæorum persequentium animos concitauit. Sed in ipso traditionis eius tempore tardè iam cognouisse intelligitur, quòd ipse eius illa morte puniretur. Vnde & Pilati coniugem somniis terruit, vt vir illius à iusti persecutione cessaret. Sed res interna dispensatione disposita, nulla valuit machinatione refragari. Expediebat nanque vt peccatorum mortem iustè morientium solueret mors iusti iniustè morientis. Quod quia Leuiathan iste vsque ad tempus passionis illius ignorauit, quasi more auis illusit, diuinitatis eius laqueum pertulit, dum humanitatis eius escam momordit. Sequitur:

Quoddam infirma mundi, & ignobilia, & stulta elegit Deus, & fortitudinem armati hostis humilium predicatione destruxit.

Caput XV.

Vt alligabis eum ancillis tuis? Subaudis, vt ego. In seruis et si despecta est cōditio, virilitas viget: in ancillis autem cum conditione pariter sexus iacet. Bene ergo Dominus Leuiathan istum non seruis, sed ancillis suis ligare se asserit: quia ad nostram redemptionem veniens, & suos contra mundi superbiam prædicatores mittens, relictis sapientibus insipientes, relictis fortibus debiles, relictis diuitibus pauperes elegit. Ancillis ergo suis Leuiathan huius fortitudinem Dominus ligauit: quia attestante Paulo: Infirma mundi elegit Deus, vt confundat fortia. Vnde bene per Salomonem dicitur: Sapientia ædificauit sibi domum, excidit columnas septem, immolauit victimas, miscuit vinum, proposuit mensam, misit ancillas suas vt vocarent ad arcem, & mœnia ciuitatis. Sapientia quippe domum sibi condidit, cum vnigenitus Dei filius in semetipso intra vterum virginis mediante anima humanum sibi corpus creauit. Sic quippe corpus vnigeniti domus Dei dicitur, sicut etiam templum vocatur: ita verò vt vnus idemque Dei, atque hominis filius ipse sit qui inhabitat, ipse qui inhabitatur. Quod tamen rectè & aliter accipitur, si domus sapientiæ Ecclesia vocatur. Quæ septem sibi columnas excidit: quia ab amore præsentis seculi disiunctas ad portandam eiusdem Ecclesiæ fabricam mentes prædicantium erexit. Quæ pro eo quòd perfectionis virtute subnixæ sunt, septenario numero signantur. Immolauit victimas: quia vitam prædicantium mactari in persecutione permisit. Vinum miscuit: quia diuinitatis & humanitatis suæ nobis pariter

C iij

Ioan. 1.

arcana prædicauit. Mensam quoque proposuit: quia scripturæ sacræ nobis pabula aperiendo præparauit. Ancillas etiam suas misit, quæ ad arcem nos atque ciuitatis mœnia vocarēt: quia prædicatores infirmos abiectōsque habere studuit, qui fideles populos ad spiritualis patriæ ædificia superna colligerent. Vnde in Euangelio Dominus Nathanaëlem laudat, nec tamen in forte prædicantium numerat: quia ad prædicandū eum tales venire debuerant, qui de laude propria nihil habebant: vt tantō solidius veritatis esse cognosceretur quod agerent, quantō & aptè cerneretur, quia ad hoc agendum per se idonei non fuissent. Vt ergo mira potentia per prædicatorum linguas claresceret: prius mirabilius actū est, vt eorundē prædicantium meritum nullum esset. Ancillas ergo Dominus misit, & Leuiathan huius fortitudinem ligauit: quia infirmos prædicatores mundo exhibuit, & potentes quosque qui eius corpus fuerant, sub terroris sui vinculo restrinxit. Et in semetipso Leuiathan iste ancillis ligatur: cū infirmis prædicantibus, veritatis clarescente lumine, contra electorum mētes antiquus hostis non quantum vult sœuire permittitur: sed ne sub infidelitatis captiuitate cunctos quos appetit teneat, signis & virtutibus coarctatur. Ipse ergo per se hoc fortiter facit qui contra illum vires nō fortibus tribuit. Sed quia quos contra eum Dominus mittat insinuat: nunc etiam quid ipsi agant qui mittuntur, adiungit. Sequitur:

Quod prædicatorum officio (qui de Euangelico talento negociantur) à capite diabolo concidantur, & separantur qui prius ei quasi membra carnea adherebant.
Caput XVI.

22.

Concidit eum amici, diuidit illum negociatores. Leuiathan iste toties conciditur, quoties diuini verbi gladio sua ab illo membra separantur. Iniqui enim cū verbum veritatis audiunt, & sancto timore percussi, ab antiqui se hostis imitatione suspendunt: ipse in corpore suo diuiditur, cui hi qui prauè inhæserant, subtrahuntur. Ipsos verò amicos nominat, quos superius ancillas vocat: ipsos etiam negociatores appellat, quos amicos dixerat. Sancti etenim prædicatores prius ancillæ sunt per formidinem, post amici per fidem: ad extremum quoque negociatores per actionem. Ipsi quippe infirmantibus dicitur: Nolite timere pusille grex, quia complacuit patri vestro dare vobis regnum. Ipsi rursus conualescentibus dicitur: Vos autem dixi amicos, quia omnia quæcunque audiui à patre meo, nota feci vobis. Ipsi ergo ad extremum in negocij operationē pergentibus iubetur: Euntes in mundum vniuersum, prædicate Euangelium omni creaturæ. In prædicatione quippe fidei quasi quoddam negocium geritur dum verbum datur, & fides ab auditoribus sumitur. Quasi quoddam negocium faciunt qui prædicationem prærogant, & à populis fidem reportāt. Fidem impatiunt, & eorum sanctam protinus vitam sumunt. Si enim iustorum prædicatio negocium non fuisset, profectō Psalmista non diceret: Sumite psalmum, & date tympanum. In tympano etenim corium ficitur vt sonet. Quid est ergo dicere: Sumite psalmum, & date tympanum: nisi accipite spiritale canticum cordis, & reddite temporalem macerationem corporis? Si superna prædicatio negotium non fuisset, nequaquam sub typo fortis mulieris Salomon de sancta Ecclesia diceret: Sindonē fecit & vēdidit, & cingulum tradidit Chananæo. Quid enim signatur per linteum sindonis, nisi subtilis intextio sanctæ prædicationis? In qua molliter quiescit: quia mens in illa fidelium spe superna refouetur. Vnde & Petro animalia in linteo demonstrantur: quia peccatorum animæ misericorditer aggregatæ, in blanda fidei quiete continentur. Hæc ergo sindonem Ecclesia fecit, & vendidit: quia fidem quam credendo texuerat, loquendo dedit, & ab infidelibus vitam rectæ cōuersationis accepit. Quæ & Chananæo cingulum tradidit: quia per vigorem demonstratæ iustitiæ, fluxa opera gentilitatis astrinxit, vt hoc quod præcipitur viuendo teneatur: Sint lūbi vestri præcincti. Prædicatores ergo suos Dominus quærendo ancillas inuenit, permutando amicos facit: ditando negociatores exhibet. Qui enim mundi prius minas infirmi timuerunt, post ad cognoscenda diuina consilia ascendunt. Ditati autem virtutibus, vsque ad exercendum fidei negotium perducuntur: vt Leuiathan istius membra increpando

Lucæ 12.

Ioan. 15.

Marci. 16.

Psalm. 80.

Prover. 31.

Acto. 10.

Lucæ 12.

atque suadendo tantō seuerius incendant, quantō & amici facti, amoris veritatis semetipfos verius copulant: atque ab eo peccantium animas tantō celerius subtrahant, quantō negociatores idonei effecti in semetipsis amplissimas apothecas virtutum monstrant. Quia enim per prædicatores dei valde laudabiliter à Leuiathan isto res possessa diuiditur, veritatis vox per Prophetā pollicetur, dicēs: Et si separaueris preciosum à vili, quasi os meum eris. Preciosum quippe à vili separatur, qui humanas mentes à reprobā antiqui hostis imitatione disiungit, rectè os Dei dicitur: quia per eum proculdubio eloquia diuina formantur. Sequitur.

Quod sancta Ecclesia prius pelle diaboli, id est infirmis impleta sit, deinde capite, id est prudentibus & sapientibus. Prius enim piscatores habuit, deinde per piscatores, philosophos & rethoras, principes & imperatores.

Caput XVII.

Nunquid implebis sagenas pelle eius: & gurgustium piscium capite illius? Quid per sagenas vel gurgustium piscium, nisi Ecclesiæ fidelium quæ vnam Ecclesiam catholicam faciunt designatur? Vnde in Euangelio scriptum est: Simile est regnū cœlorum sagenæ missæ in mare, & ex omni genere piscium congreganti. Regnum cœlorum, scilicet vocatur ecclesia, cuius dum mores dominus ad superna subleuat: iam hæc ipsa in Domino per cœlestem cōuersationem regnat. Quæ rectè etiam sagenæ missæ in mare comparatur, ex omni genere piscium congreganti: quia missa in hoc gentilitatis seculum, nullū respuit: sed malos cum bonis, superbos cum humilibus, iracundos cum mitibus, & fatuos cum sapientibus cepit. In pelle verò Leuiathan istius, stultos eius corporis, in capite autem prudentes accipimus. Vel certè pelle quæ est exterius, subditi ad hæc extrema seruientes, capite autem prepositi designantur. Et bene Dominus seruato ordine, has sagenas vel gurgustium piscium, id est Ecclesiam suam, & vōta fidelium prius se pelle eius, & postmodum capite asserit impleturum, quia (sicut superius diximus) prius elegit infirma, vt post confunderet fortia. Elegit quippe stulta mundi, vt confunderet sapientes. Prius nanque collegit indoctos, & postmodum philosophos, & non per oratores docuit piscatores, sed mira potentia per piscatores subegit oratores. Dicit ergo: Nunquid implebis sagenas pelle eius, aut gurgustium piscium capite illius? subaudis, vt ego, qui intra Ecclesiam fidelium prius quasi pellem diaboli extremos atque infimos colligo, & postmodum caput illius, id est, prudentes mihi aduersarios subdo. Sequitur: Pones super eum manum tuam? Id est, vt ego, qui forti illum potentia reprimens, non plus quàm expediat sequi permitto: eiusque sequitiam quantum permiserō in electorum meorum vtilitatem retorqueo. Vel certè manum super eum ponere, est virtutis potestate superare. Beato igitur Iob per interrogationem dicitur: Pones super eum manum tuam? ac si apertè diceretur: Nunquid virtute illum propria reprimis? Vnde & aptè mox subditur: Memento belli, nec ultra addas loqui. Alta dispensatio iudiciorū Dei idcirco sepe bene merentes famulos vel minis impetit, vel flagellis premit, vel quibusdam super impositis oneribus grauat, vel laboriosis occupationibus implicat: quia mira potentia præuincit, quod si quieti ac liberi in tranquillitate persisterent, tentationes ferre aduersarij non valentes, mentis prostrati vulneribus iacerēt. Dum ergo eos foris tolerādis flagellis vel oneribus occupat, à suscipiēdis intus tentationū iaculis occul-tat. Moris quippe medicinalis est, vt sæpe feruorem viscerū in pruriginem cutis trahat, & plerunque inde interius curat, vnde exterius fauciat. Ita nonnunquam diuinæ dispensationis medicamine agitur, vt exterioribus doloribus internum vulnus adimatur, & flagellorum sectionibus repellatur ea, quæ occupare mentem poterat interior putredo vitiorum, & tamen sæpe dum patentis culpæ sibi homines conscij non sunt, & aut doloribus cruciantur, aut laboribus deprimuntur, contra iustum atque omnipotentem iudicem in querelam prosiliunt, scilicet minus intuentes contra quàm fortem aduersarium bellum gerunt. Cuius si intolerabiles vires sollicitè attenderent, nequaquam de his quæ exterius tolerant murmurarent. Sed ideo videntur nobis hæc grauiora, quia bel-

Hier. 15.

Matth. 13.

I. Corin. 5.

23.

Alta dispensatio iudiciorum Dei, cuius sæpe famulos suos molestat.

la occulti aduersarij nolumus pensare grauiora. A quibus plerumque bellis (vt diximus) dum flagellamur, defendimur: dum affligimur, occultamur. Caro enim nostra priusquam resurrectionis incorruptione solidetur, si nullo mœrore afficitur, in tentationibus effrenatur. Quis autem nesciat quod multo melius sit ardere flamma febrium quam igne vitiorum? Et tamen cum febre corripimur, quia vitiorum æstum qui occupare nos poterat, considerare negligimus, de percussione murmuramus. Quis nesciat quod multo melius sit duris inferuitio hominibus subiici, quam blandientibus dæmoniis spiritibus subdi? Et tamen cum alto Dei iudicio iugo humanæ conditionis atterimur, in querelam proflimus: nimirum quia minus attendimus quod si nos nulla conditio seruitutis opprimeret, fortasse mens nostra multis iniquitatibus peius libera deseruiret. Ideo ergo hæc quæ toleramus, graui credimus: quia bella hostis callidi quam sint contra nos dura atque intolerabilia non videmus. Menti enim nostræ omne pondus vilesceret, si ea quæ se opprimere poterant, occulti aduersarij bella pensaret. Quid enim si omnipotens Deus onera quæ patimur subleuet, sed tamen sua nobis adiutoria subtrahat, & inter Leviathan istius nos tentamenta derelinquat? Sæuiente tanto hoste quod ibimus, si nullis authoris nostri protectionibus defendamur? Quia ergo beatus Iob culpæ sibi conscius non erat, & dura tamē flagella tolerabat, ne fortasse in vitio murmurationis excedat, memoretur quod timeat, & dicatur ei:

Quod qui tentamenta vel percussiones diaboli diligenter considerat, & illud bellum mente retractat, de flagellis & percussionibus Dei, quæ sunt correctio vel disciplina, se filius est, nequaquam murmurat.

Caput XVIII.

Memento belli, nec ultra addas loqui. Ac si ei apertè dicetur: Si occulti hostis contra te bellum consideras quicquid à me pateris, non accusas. Si impetentem te aduersarij gladium prospicis, flagellū patris nullatenus perhorrescis. Vides enim quali flagello te ferio, sed intueri negligis, à quanto te hoste flagellando liberum seruo. Memento ergo belli, nec ultra addas loqui: id est, tanto te ad disciplinam patris exhibe tacitum, quantum te prospicis ad bella hostis infirmum. Dum ergo me corripiente percuteris, vt æquanimiter feras, hostem tuum ad memoriā reuoca, & durū non æstimes omne quod pateris, dum externis cruciatibus ab interna passione liberaris. Quia autem Leviathan iste de diuina misericordia falsa sibi promissione blanditur, postquam terrorem fortitudinis eius intulit, & beati Iob animum in eius circumspectione commouit, dicens: Memento belli nec ultra addas loqui, vt irremissibilem reatum eius ostenderet, ilico adiunxit:

Quod iudicium vltimum sine misericordia sit.

Caput XIX.

Ecce spes eius frustrabitur eum. Quod sic de eo debet intelligi, vt referri etiam ad illius corpus possit: quia iniqui omnes qui distractionem iustitiæ diuinæ non metuunt, incassum sibi de misericordia blandiuntur. Moxque ad consolationem nostram rediens, extremi iudicij futurum eius interitum prænunciat dicens: Et videntibus cunctis præcipitabitur. Cunctis enim videntibus præcipitabitur, quia æterno tunc iudice terribiliter apparente, astantibus legionibus angelorum, assistente cuncto ministerio cœlestium potestatum, atque electis omnibus ad hoc spectaculum deductis, ista belua crudelis & fortis in medium captiua deducitur, & cum suo corpore, id est, cum reprobis omnibus æternis gehennæ incendiis mancipatur, cum dicitur: Discedite à me maledicti in ignem æternum, qui præparatus est diabolo & angelis eius. O quale erit illud spectaculum, quando hæc immanissima bestia electorū oculis ostēditur, quæ hoc belli tempore nimis illos terrere potuerat, si videretur. Sed occulto ac miro Dei consilio agitur, vt & nunc per eius gratiam à pugnantibus non visa vincatur, & tunc à lætis victoribus iam captiua videatur. Tunc autem iusti diuino adiutorio quantum debitores sunt, plenius recognoscunt: quando tam fortem bestiam viderint, quam nūc infirmi vice-runt: & in hostis sui immanitate conspiciūt, quantum debeāt gratiæ defensoris sui. Redeunt enim de hoc prælio tunc milites nostri virtutū trophæa referentes: & receptis corporibus, cum

iam in illo iudicio cœlestis regni introitū sortiuntur, prius immanissimas vires huius antiqui serpentis aspiciunt, ne vile æstiment quod euaserunt. Bene ergo dicitur: Et videntibus cunctis præcipitabitur: quia visa mors eius tunc gaudium exhibet, cuius tolerata vita, nunc iustis quotidie in cruciatibus bellum mouet. Sed audientes ista, ac si protinus quereremur Domino dicentes: Domine qui Leviathan istum tantæ esse fortitudinis non ignoras, eum in certamine infirmitatis nostræ cur fuscitas? ilico adiunxit:

Caput Quadragesimum primum textus libri beati Iob.



Non quasi crudelis suscitabo eum. Quis enim resistere potest vultui meo, & quis antè dedit mihi, vt reddam ei? Omnia quæ sub cœlo sunt, mea sunt. Non parcam ei verbis potentibus, & ad deprecandum compositis. Quis reuelabit faciem indumenti eius, & in medium oris eius quis intrabit? Portas vultus eius quis aperiet? Per gyrum dentium eius formido: corpus illius quasi scuta fusilia, compactum squamis se prementibus. Vna vni coniungitur: & ne spiraculum quidem incedit per eas. Vna alteri adhærebit, & tenentes se nequaquam separabuntur. Sternutatio eius splendor ignis, & oculi eius vt palpebræ diluculi. De ore eius lampades procedunt sicut tædæ ignis accensæ. De naribus eius procedit fumus sicut ollæ succensæ atque feruentis. Halitus eius prunas ardere facit, & flamma de ore eius egreditur. In collo eius morabitur fortitudo, & faciem eius præcedet egestas. Membra carniū eius cohærentia sibi. Mittet cōtra eum fulmina, & ad locum alium non ferētur. Cor eius indurabitur tanquam lapis, & stringetur quasi malleatoris incus. Cum sublatus fuerit, timebunt angeli, & territi purgabuntur. Cum apprehēderit eum gladius, subsistere nō poterit, neque hasta neque thorax. Reputabit enim quasi paleas ferrum, & quasi lignum putridum æs. Non fugabit eum vir sagittarius. In stipulam versi sunt ei lapides fundæ. Quasi stipulā æstimabit malleum, & deridebit vibrantem hastam. Sub ipso erunt radij Solis, & sternet sibi aurum quasi lutū. Feruescere faciet quasi ollam profundum maris, & ponet quasi cum vnguenta bulliunt. Post eum lucebit semita. Aestimabit abyssum quasi senescentem. Non est super terram potestas quæ comparetur ei, qui factus est vt nullum timeret. Omne sublime videt. Ipse est rex super vniuersos filios superbix.

Quod non crudeliter sed rationabiliter Deus agit cum diabolo, qui iusto iudicio electos recipit, & impios damnat.

Caput XX.

Non quasi crudelis suscitabo eum. Et velut si mox à nobis causa rationis quæreretur, quomodo non eum quasi crudelis suscitās, quem scimus quia tentas inuadere & deuorare permittis? statim subdidit dicens: Quis enim resistere potest vultui meo? & quis antè dedit mihi vt reddam ei? Quibus duobus versibus & virtutem suæ potentiæ, & omne pondus rationis expleuit. Nam propter potentiā dixit: Quis enim potest resistere vultui meo? Et propter rationem subdidit: Quis antè dedit mihi vt reddam ei? ac si diceret: Non eum quasi crudelis suscito: quia de eius fortitudine & electos meos potenter eripio, & rursus reprobos non iniuste sed rationabiliter damno: id est, & eos quos benignè eligo, eripere mirabiliter possum, & eos quos respuo, non iniuste derelinquo. Nemo quippe vt diuina illum gratia subsequatur, prius aliquid contulit Deo. Nam si nos Deū bene operando præuenimus, vbi est quod Propheta ait: Misericordia eius præueniet me? Si quid nos bonæ operationis dedimus, vt eius gratiā

29.

Quomodo Dominus suscitabit diabolum.

Hier. 50. & 49.

Psal. 58.

24. Incassum sperat, qui Deum non timeat.

Matth. 23.

Ephe. 2. mereremur, ubi est quod Apostolus dicit: Gratia saluati estis per fidem, & hoc non ex vobis, sed Dei donum est, non ex operibus? Si nostra dilectio Deum præuenit, ubi est quod *1. Ioan. 4.* Ioannes Apostolus dicit: Non quia nos dilexerimus Deum, sed quia ipse prior dilexit nos? ubi est quod per *Oseam* Dominus dicit: Diligam eos spontaneè? Si sine eius munere nostra virtute Deum sequimur, ubi est quod per Euangelium veritas protestatur dicens: Sine me nihil potestis facere? Vbi est quod ait: Nemo potest venire ad me nisi pater qui misit me, traxerit eum? Vbi est quod iterum dicit: Non vos me elegistis, sed ego elegi vos? Si saltem dona bonorum operum virtute nostra bene cogitando præuenimus, ubi est quod rursum per Paulum tam salubriter dicitur, ut omnis de se humana mentis fiducia ab ipsa cordis radice succidatur, cum dicit: *2. Corint. 3.* Non quia sufficientes simus aliquid cogitare à nobis quasi ex nobis, sed sufficientia nostra ex Deo est? Nemo ergo Deum meritis præuenit, ut tenere eum quasi debitorem possit: sed miro modo æquus omnibus conditor, & quosdam præeligit, & quosdam in suis prauis moribus iuste derelinquit. Nec tamen electis suis pietatem sine iustitia exhibet, quia hinc eos duris afflictionibus præmit: nec rursus reprobis iustitiam sine misericordia exercet, quia hinc æquanimiter tolerat, quos quandoque in perpetuum damnat. Si ergo & electi præuenientem se gratiam sequuntur, & reprobi iusta quod merentur, accipiunt: & de misericordia inueniunt electi quod laudent, & de iustitia non habent reprobi quod accusent. Bene itaque dicitur: Quis autem dedit mihi, ut reddam ei? ac si aperte diceretur: Ad parcendum reprobis nulla ratione compellor: quia eis debitor ex sua actione non teneor. Idcirco enim nequaquam in cœlestis patriæ præmia æterna percipiunt: quia ea nunc dum promereri poterant, ex libero arbitrio contempserunt. Quod videlicet liberum arbitrium in bono formatur electis, cum eorum mens à terrenis desideriis gratia aspirante suspenditur. Bonum quippe quod agimus, & Dei est & nostrum: Dei per præuenientem gratiam, nostrum per obsequentem liberam voluntatem. Si enim Dei non est, unde ei gratias in æternum agimus? Rursum si nostrum non est, unde nobis retribuere præmia speramus? Quia ergo non immerito gratias agimus, scimus quod eius munere præuenimur: & rursum quia non immerito retributionem quærimus, scimus quod subsequente libero arbitrio bona elegimus quæ ageremus. Sequitur: *Omnia quæ sub cœlo sunt, mea sunt.* Omnibus liquet quod non solum ea quæ sub cœlo sunt, sed ipsa quoque quæ super cœlos condita cœlestia vocantur, eius voluntati seruiunt, à quo se creata esse meminerunt. Cur ergo tantummodo de inferioribus loquens ait: Omnia quæ sub cœlo sunt, mea sunt? Sed quia de Leuiathan loquitur, qui iam non in ætherei cœli sede continetur, cuncta quæ sub cœlo sunt, asserit sua esse: ut eum quoque qui de cœlo cecidit, suæ doceat potestati seruire. ac si diceret: Leuiathan iste beatitudinem quidem meam perdidit, sed dominium non euasit: quia & ipsæ mihi potestates inferuiunt, quæ mihi prauis actionibus aduersantur. Sequitur:

Quod in extremo examine vel etiam in presenti Ecclesia frustra fundatur oratio, quam bona actio non præcedit: & quod virtus orationis non sit in verbo, sed in perseverantia compunctionis.

Caput XXI.

Non parcam ei verbis potentibus, & ad deprecandum compositis. Quis hoc, quod legisse se nequaquam nouit, existimet: quia culpæ suarum diabolus sit veniam petiturus? Sed ille fortasse homo quem Leuiathan iste in mundi termino vas sibi proprium facit, quem attestante Paulo, Dominus Iesus interficiet spiritu oris sui, & destruet illustratione aduentus sui, territus tantæ maiestatis præsentia: quia exercere vires suas non valet, ad preces inclinatur. Quod tamen de eius corpore, id est iniquis omnibus intelligi aptius potest, qui serò ad petitionum verba veniunt: quia nunc exequi facta cōtemnunt. Vnde per Euangelium veritas dicit: Nouissimè veniunt & reliquæ virgines, dicentes: Domine Domine aperi nobis. Quibus ilicò respondetur: Amen dico vobis, nescio vos. Sed cum verba potentia ad deprecandum componere dicitur: vrget magis, ut quod de eius corpore in futuro diximus, in hoc tempore sentiamus. Sunt nanque intra sanctam Ecclesiam non-

nulli, qui prolixas ad Dominum preces habent, sed vitam deprecantium non habent: nam promissa cœlestia petitionibus sequuntur, operibus fugiunt. Hi nonnunquam etiam lachrymas in oratione percipiunt, sed cum post orationis tempora eorum mentem superbia pulsauerit, ilico in fastu elationis intumescunt. Cum avaritia instigat, mox per incendia auidæ cogitationis exæstuant. Cum luxuria tentauerit, in illicitis protinus desideriis anhelant. Cum ira suaferit, mox mansuetudinem mētis flamma insanix concremat. Ut ergo diximus, & fletus in prece percipiunt, & tamen expletis precibus, cum vitiis suggestionibus pulsantur, nequaquam pro æterni regni desiderio se fleuisse meminerunt. Quod aperte de se Baalam innotuit, qui iustorum tabernacula conspiciens ait: Moriatur anima mea morte iustorum, & fiant nouissima mea horum similia. Sed cum compunctionis tempus abscessit, contra eorum vitam quibus se similem fieri etiam moriendo poposcerat, consilium præbuit: & cum occasionem de avaritia reperit, ilico oblitus est quicquid sibi de innocentia optauit. Virtutis igitur pondus oratio non habet, quam nequaquam perseverantia continui amoris tenet. Quo cōtra bene de Anna flente perhibetur: Vultusque eius non sunt amplius in diuersa mutati: quia videlicet mens eius nequaquam post preces inepta læticia lasciuiendo perdidit, quod orationis suæ tempore gemituum rigore exquisiuit. Nonnullis verò in vsum negotiationis vertitur labor orationis. De quibus in Euangelio veritas dicit: Deuorant domos viduarum sub obtentu prolixæ orationis. Hi accipient prolixius iudicium. Quia ergo iniquorum petitionibus qui Leuiathan istius corpus sunt, nullo modò parcitur, cum eorum preces opere destruuntur, rectè nunc dicitur: Non parcam ei, & verbis potentibus ad deprecandum compositis: quia & per hoc quod verba potentia & ad deprecandum composita referuntur, aperte inanitas orationis ostenditur. Veraciter nanque orare, est amoris in compunctione gemitus, & non composita verba resonare.

Sed quia antiquus hostis quod districtius frangitur, eò nequius per multiplicia argumenta dilatatur: cuius tamen insidias Dominus quantò subtilius occultari considerat, tantò nobis misericordius manifestat, rectè subiungitur.

Quod diabolus reprobos patenter ad quacunq; flagitia vocat, cum sanctis verò in malitiæ suæ consiliis aliter agit, & suggesturus pessima transfigurat se in Angelum lucis.

Caput XXII.

Quis reuelabit faciem indumenti eius? Leuiathan iste aliter religiosas hominum mētes, aliter verò huic mundo deditas tentat: nam prauis mala quæ desiderant, aperte obicit: bonis autem latenter insidians, sub specie sanctitatis illudit. Illis velut familiaribus suis iniquum se manifestius insinuat. Istis verò velut extraneis cuiusdam quasi honestatis prætextu se palliat, ut mala quæ eis publicè non valet, tecta bonæ actionis velamine subintromittat. Vnde & membra eius sæpe cum aperta nequitia nocere non possunt, bonæ actionis habitum sumunt: & praua quidem se opere exhibent, sed sancta specie mentiuntur. Iniqui enim si aperte mali essent, à bonis recipi omnino non possent: sed sumunt aliquid de visione bonorum, ut dum boni viri in eis recipiunt speciem quam amant, permixtū sumant etiam virus quod vitant. Vnde quosdam Paulus Apostolus intuens sub prædicationis velamine ventris studio seruiantes, ait: Ipse enim satanas transfigurat se in angelum lucis. Quid ergo mirum se ministri eius transfigurantur velut ministri iustitiæ? Hanc transfigurationem Iosue timuit, quando videns Angelum, cuius esset partis inquisiuit, dicens: Noster es, an aduersariorum? ut videlicet si aduersæ virtutis esset, eo ipso quo se suspectum cognosceret, ab illusione resiliiret. Quia ergo Leuiathan iste in eo quod iniquitatis opus molitur, sæpe specie sanctitatis induitur: & quia nisi per diuinam gratiam simulationis eius detegi indumenta non possunt, bene dicitur: Quis reuelabit faciem indumenti eius? subaudis, nisi ego, qui seruorum meorum mentibus gratiam subtilissimæ discretionis inspiro, ut reuelata malitia faciem eius nudam videant, quam coopertam ille sub habitu sanctitatis occultat. Et quia aliquando fidelium mentes corrumpere ostensione sua, aliquando suggestionibus conatur, agit enim modò opere, modò persuasionibus, rectè subiungitur:

Et in

Et in medium oris eius quis intrabit?) Subaudis, nisi ego, qui per discretas electorum mentes suggestionum eius verba discutio, & non ita hæc esse vt sonuerunt manifesto. Bonum namque videntur promittere, sed ad perditum finem trahunt. In medium igitur oris eius intrare, est calliditatis eius verba penetrare, vt nequaquam pensetur quid resonant, sed quò intendant. Intrare Adam in medium oris eius voluit, quando intentionem persuasionis illius cautè pensare neglexit: diuinitatem quippe se per illum accipere credidit, & immortalitatem amisit. Vnde ergo ab intellectu verborum eius incautè exterius stetit, inde se ori illius deuorandum funditus præbuit. Sequitur:

Quid pseudopradicatores, & falsæ persuasionis doctrina & secularium violentia potestatum videntur.

Caput XXIII.

Portas vultus eius quis aperiet? Portæ vultus eius sunt iniqui doctores, qui idcirco portæ vultus eius vocati sunt: quia per ipsos quisque ingreditur, vt Leviathan iste quasi in potestatis suæ principatu videatur. Sicut enim scriptura sacra sanctos viros portas Sion vocare consuevit, Sion quippe speculatio interpretatur, & non immeritò prædicatores sanctos viros portas Sion dicimus: quia per eorum vitam atque doctrinam abscondita supernæ contemplationis intramurata etiam portis Leviathan istius errorum magistri signantur, quorum dum prædicatio peruersa recipitur, miseris auditoribus via perditionis aperitur. Sed portæ istæ ante oculos hominum plerumque ad introducendum quidem apertæ sunt, sed tamen ad deprehendendum clausæ: quia recta in specie exhibent, sed opere praua persuadent. Ad deprehendendum ergo clausæ sunt: quia ne intrinsecus cognosci valeant, exteriori simulatione muniuntur. Quas tamen mira potentia Dominus aperit: quia electis suis hypocritarum mentes comprehensibiles facit. Portas ergo vultus eius quis aperiet? subaudis, nisi ego, qui electis meis magistros errorum sub specie sanctitatis absconditos, perspicua cognitione manifesto. Et quia antichristus veniens, ipsas etiam summas huius seculi potestates obtinebit, qui duplici errore fauens conatur ad se corda hominum & missis prædicatoribus trahere, & commotis potestatibus inclinare, bene de Leviathan isto Dominus subdidit, dicens: *Per gyrum dentium eius formido.*) Mutato namque nomine, hos eius dentes insinuare aliter voluit, quos superius portas vocauit. Peruersi enim prædicatores portæ eius sunt: quia ingressum perditionis aperiunt. Dentes eius sunt: quia eos quos in errore capiunt, à veritatis soliditate confringunt. Sicut enim sanctæ Ecclesiæ dentes accipimus eos, qui prædicationibus suis peccantium duriciam conterunt, vnde ei per Salomonem dicitur: Dentes tui sicut greges detonsarum ascendunt de lauacro, qui non immeritò detonsis ac lotis ouibus comparantur: quia innocuam vitam lumentes, in lauacro baptismatis conuersationis pristina velleria vetusta posuerunt: ita etiam dentibus Leviathan istius errorum magistri figurantur: quia reprobos vitam mordendo dilaniant, & eos à veritatis integritate subductos in sacrificio falsitatis maculant. Quorum quidem prædicatio facile despici ab auditoribus poterat: sed hanc ante humana iudicia adiunctus secularium potestatum terror exaltat. Rectè ergo dicitur: Per gyrum dentium eius formido: id est, iniquos prædicatores antichristi peruersæ huius seculi protegent potestates. Nam quos illi appetunt loquendo seducere, multi potentium student fauendo terrere. Per gyrum ergo dentium eius formido est: ac si aperte diceretur: Idcirco isti peruersi prædicatores aliquos suadentes conterunt: quia circa ipsos sunt alij qui infirmorum mentes terrentes affligunt. Quale itaque illud tempus persecutionis apparebit, quando ad peruertendam fidelium pietatem, alij verbis fauiunt, alij gladiis? Quis enim etiam infirmus Leviathan istius dentes non despiceret, si non eos per circuitum potestatum secularium terror muniret? Sed duplici contra eos calliditate agitur: quia quod eis ab aliis verbis blandientibus dicitur, hoc ab aliis gladiis ferientibus imperatur. Quæ utroque actio, id est, potentium atque loquentium, in Ioannis Apocalypsi breui est sententia comprehensa, qua dicitur: Potestas equorum in ore & in caudis eorum erat. In ore namque doctorem, scientia in cauda verò secularium potentia fi-

guratur. Per caudam quippe quæ retrò est, huius seculi postponenda temporalitas designatur, de qua Paulus apostolus dicit: Vnum autem, quæ retrò sunt oblitus, ad ea quæ antè sunt extentus. Retrò enim est omne quod transiit, antè verò est omne quod veniens permanet. Istis ergo equis, id est, nequissimis prædicatoribus ubique carnali impulsu currentibus in ore & in cauda potestas est: quia ipsi quidem peruersa suadenda prædicant, sed temporalibus potestatibus fulti, per ea se quæ retrò sunt, exaltant. Et quia ipsi apparere despicabiles possunt, ab iniquis auditoribus suis per eos sibi reuerentiam exigunt, quorum patrociniis fulciuntur. Vnde hîc quoque non immeritò per gyrum dentium eius formido inesse describitur: quia multis terroribus agitur, vt in peruersis eorum prædicationibus & si non veritatis sententia, certè temporalis potentia timeatur. Vnde bene eundem antichristum Psalmista descripsit dicens: Sub lingua eius labor & dolor, sedet in insidiis cum diuitibus in occultis. Propter enim peruersa dogmata sub lingua eius labor & dolor est, propter miraculorum verò speciem sedet in insidiis, propter secularis autem potestatis gloriâ, cum diuitibus in occultis. Quia enim simul & miraculorum fraude & terrena potestate vtitur, & in occultis, & cum diuitibus sedere perhibetur.

Quod reprobi scuto defensionis corripientium se verba repellunt, & concordie perimacia alterna se adinuicem defensione tuerunt.

Caput XXIII.

Corpus illius quasi scuta fusilia. Sacra scriptura scuti nomine aliquando vt in parte prospera, aliquando in aduersa consuevit. Nam sæpe scuti defensio pro diuina protectione ponitur, nonnunquam verò pro humana repugnatione memoratur. Pro diuina enim protectione ponitur, sicut per Psalmistam dicitur: Scuto bonæ voluntatis tuæ coronasti nos. Scuto nos Dominus coronare perhibetur: quia quos protegens adiuuat, remunerans coronat. Rursum pro humana repugnatione per eundem prophetam scutum ponitur, sicut alibi ait: Ibi confregit cornua, arcum, scutum, gladium & bellum. In cornibus quippe elatio superborum, in arcu enim insidiæ longè ferientium, in scuto autem obstinata duritia defensionum, in gladio vicina percussio, in bello verò ipsa contra Dominum mentis motio designatur. Quod nimirum totum in sancta Ecclesia confringitur, dum mentes Deo resistentium, superposito iugo humilitatis edomantur. Hinc rursum per eundem Psalmistam dicitur: Arcum conteret, & confringet arma, & scuta comburet igni. Arcum enim Dominus conterit, cum occulta insidiantium machinamenta dissoluit. Arma confringit, cum ea quæ contra se erecta fuerant patrociniâ humana comminuit. Scuta igni comburit, cum peccantium mentes obstinata se duritia defendentes ad penitentiam & confessionis ardorem sancti spiritus calore succendit.

Quod verò in hoc loco corpus Leviathan istius scutis fusilibus comparatur, perscrutandum nobis innuitur: quia durum quidem, sed tamen cum labitur, fragile solet esse vas omne quod fusile est. Scuta ergo si sunt fusilia, in suscipienda sagittarum percussione robusta sunt, sed casu fragilia. Ictu quidem ferientium minimè penetrantur, sed suo se lapsu per fragmenta dissolunt. Corpus ergo Leviathan istius, id est, omnes iniqui: quia per obstinationem duri sunt, sed per vitam fragiles, scutis fusilibus comparantur. Cum enim verba prædicationis audiunt, nulla correptionis iacula se penetrare permittunt: quia in omni peccato quod faciunt, scutum superbæ defensionis opponunt. Nam cum talium quisque de reatu suæ iniquitatis arguitur, non mox cogitat quomodo culpam corrigat, sed quid in adiutorio suæ defensionis opponat. Nulla igitur veritatis sagitta penetratur: quia verba sanctæ correctionis in scuto excipit superbæ defensionis. Vnde bene de Iudæis contra præcepta Domini superba se defensione ruitibus per Hieremiâ dicitur: Reddes eis vicem Domine iuxta opera manuum suarum. Moxque eandem vicem expressius subdidit dicens: Dabis eis scutum cordis laboris tui. Labor quippe Domini apparens inter homines passibilis eius humanitas fuit, quâ Iudæi superbè sapientes dum cernerent, despexerunt: eumque immortale credere dedignati sunt, quem natura passibili mortalem viderunt. Cumque eius humilitatē con-

Philip. 3.

Psalm. 2.

Psalm. 5.

Psalm. 75.

Psalm. 40.

30.

Threno. 3.

29.
Dentes Leviathan.

Canti. 4.

Apoc. 9.

spicerent, superbię fastibus obdurati, summa cura moliti sunt, ne eorum mentes sancta prædicantium verba penetrarent. Dum ergo eis Dominus vicem malorum operum redderet, dedit illis scutum cordis laborem suum: quia recto iudicio inde illos cōtra se superbē obstinatos exhibuit, vnde ipse pro nobis in infirmitate laboravit. Repulerunt quippe à se verba prædicantium: quia dedignati sunt in Domino infirma passionum. Laborem igitur Domini contra eundem Dominum scutum cordis habuerunt: quia superba sapientibus eo despectus apparuit, quo propter eos humilis fuit. Hoc scutum, sicut iam superius diximus, primus ille peccator tenuit, qui requirente Domino cur lignum vetitum contigisset, non ad se culpam retulit, sed à muliere quam Dominus dederat, se accepisse respondit, vt quasi reatum suum obliquē in authorem relideret, qui ei mulierem dederat, quæ talia persuaderet. Hoc scutum etiam requisita mulier tenuit, quādo neque ipsa ad se culpam retulit, sed serpentis illud persuasionibus replicauit, dicens: Serpens decepit me, & comedi: vt ipsa quoque reatum suum obliquē in creatorem reduceret, qui illuc intrare serpentem persuasurum talia permisisset. Serpens verò iam non requiritur, quia nec eius pœnitentia quærebatur. Hi autem quorum pœnitentia quæsitā est, scutum nequissimæ defensionis contra iustissimæ correptionis verba protulerunt. Vnde nunc vsq; in vsum peccantium trahitur, vt culpa cum arguitur defendatur: & vnde finiri reatus debuit, inde cumuletur. Bene ergo dicitur: Corpus illius quasi scuta fusilia: quia omnes iniqui ne ad se corripientium verba perueniant, quasi contra aduersariorum iacula scuta defensionum parāt. Quod videlicet eius corpus adhuc nobis expressius detegit, dum subiungit: *Compactum squamis se prementibus.* Fertur quia draconis corpus squamis tegitur, ne citius iaculatione vilius penetraret. Ita corpus omne diaboli, id est multitudo reproborum cum de iniquitate sua corripitur, quibus valet tergiuersationibus se excusare conatur, & quasi quasdam defensionis squamas obicit, ne transfigi sagitta veritatis possit. Quisquis enim dum corripitur, peccatum suum magis excusare appetit quā deflare, quasi squamis tegitur, dum à sanctis prædicatoribus gladio verbi iaculatur. Squamas habet, & idcirco ad eius præcordia transeundi viam verbi sagitta non habet. Duritia enim carnali repellitur, ne spiritalis ei gladius infigatur. Carnali sapientia contra Deum Saulus obduruerat, quando cor eius nulla prædicationis Euangelicæ sagitta penetrabat. Sed postquam forti cœlitus increpatione iaculatus & superno respectu cæcatus est, lumen quippe vt acciperet, amisit: ad Ananiam veniens illuminatur. In qua illuminatione quia defensionum suarum duritia caruit, bene de eo scriptum est: Ceciderunt quasi squamæ ab oculis eius. Carnalis videlicet tegumenti illum duritia prefferat, & idcirco radios veri luminis non videbat. Sed postquam superbiæ repugnationes eius victæ sunt, defensionum eius squamæ ceciderunt corporis, sed antè iam sub dominica increpatione ceciderant ab oculis cordis. Cum enim altæ inuectionis iaculo confossus iaceret, humili iam & penetrato corde requirebat dicens: Domine quid me vis facere? Repulsis videlicet squamis, iam ad cordis viscera veritatis sagitta peruenerat, quando deposita elatione superbiæ eum, quem impugnauerat Dominum confitens, & quid ageret nesciens requirebat. Intueri libet vbi est sæuus ille persecutor, vbi lupo rapax. Ecce in ouem iam versus est qui percunctatur pastorem semitam quam sequatur. Et notandum quod cum diceret: Quis es Domine? non ei à Domino responderetur: Ego sum vnigenitus patris, ego principium, ego verbum ante secula. Quia enim Saulus incarnatum Dominum credere contemnebat, & eius humanitatis infirma despexerat, de cœlo hoc quod contempserat audiuit: Ego sum Iesus Nazarenus, quem tu persequeris, ac si diceret: Hoc à me audi de superioribus, quod in me de inferioribus despicias. Authorem cœli venisse despexeras in terram, ex terra ergo hominem cognosce de cœlo, vt tantò in me amplius sacramenta infirmitatis metuas, quāto & hæc perducta in cœlestibus ad excellentiam potestatis probas. Prosternens igitur te, nequaquam tibi hoc astruo quod ante secula Deus sum, sed illud à me audis quod de me credere dedignaris. Postquā enim dixit Iesus, adhuc in expressione terrenæ inhabitationis

subdidit, Nazarenus: velut si apertius diceretur: Humilitatis meæ infirma suscipe, & tuæ superbiæ squamas amitte. Sciendum tamen est quod istæ defensionum squamæ quantis penè omne humanum genus contegant, hypocritarum tamen specialiter & callidorum hominum mentes premunt. Ipsi etenim culpas suas tantò vehementius confiteri refugiunt, quāto se citius videri ab hominibus peccatores erubescunt. Correpta itaq; sanctitatis simulatio & malitia occulta deprehensa, squamas obicit defensionis, & veritatis gladium repellit. Vnde bene per Prophetam contra Iudæam dicitur: Ibi cubuit lamia, & inuenit sibi requiem, ibi habuit foueam hericius. Per lamiam quippe hypocritæ, per hericium verò malitiosi quique, qui diuersis se defensionibus contegunt, designantur. Lamia etenim humanam habere dicitur faciem, sed corpus bestiale. Sic & omnes hypocritæ in prima facie quod ostendunt, quasi ex ratione sanctitatis est, sed bestiale est corpus quod sequitur: quia valde iniqua sunt, quæ sub boni specie moliantur. Hericij autem nomine, malitiosarum mētium defensio designatur: quia videlicet hericius cum apprehenditur, eius & caput cernitur, & pedes videntur, & corpus omne conspicitur, sed mox vt apprehensus fuerit, semetipsum in sphæram colligit, pedes introrsus subtrahit, caput abscondit: & intra tenentis manum totum simul amittitur, quod totum simul antè videbatur. Sic nimirum sic malitiosæ mentes sunt, cum in suis excessibus comprehenduntur. Caput enim hericij cernitur: quia quo initio peccator ad culpam accesserat, videtur. Pedes hericij conspiciuntur: quia quibus vestigiis nequitia sit perpetrata cognoscitur, & tamen adductis repente excusationibus malitiosa mens introrsus pedes colligit: quia cuncta iniquitatis suæ vestigia abscondit. Caput subtrahit, qui miris defensionibus nec inchoasse sed prauum aliquid ostendit, & quasi sphæra in manu tenentis remanet: quia is qui corripit, cuncta quæ iam cognouerat, subito amittens, inuolutum intra consciētiam peccatorem tenet, & qui totum iam deprehendendo viderat, tergiuersatione prauæ defensionis illusum, totum pariter ignorat. Foueam ergo hericius in reprobis habet: quia malitiosa mens sese intra se colligens, in tenebris defensionis abscondit. Sed in hoc quod se peccator excusat, in hoc quod caliginosis defensionibus fixum in se oculum corripientis obnubilat, diuinus nobis sermo etiam quomodo à similibus fulciatur, ostendat. Sequitur: *Vna vni coniungitur, & ne spiraculum quidem incedit per eas.* Istæ squamæ peccantium ne ab ore prædicantium aliquo vitæ spiraculo penetrentur, & obduratæ sunt & coniunctæ. Quos enim similis reatus sociat, concordie pertinacia etiam defensio peruersa constipat, vt de facinoribus suis alterna se inuicem defensione tueantur. Sibi enim quisq; metuit, dum admoneri vel corrigi alterum cernit, & idcirco contra corripientium verba vnanimiter assurgit: quia se in altero protegit. Bene ergo dicitur: Vna vni coniungitur, & ne spiraculum quidem incedit per eas: quia in iniquitatibus suis dum vicissim superba defensione protegunt, sanctæ exhortationis spiracula ad se nullatenus intrare permittunt. Quorum pestiferam concordiam adhuc apertius subdidit, dicens: *Vnā alteri adhærebunt, & tenentes se nequaquam separabuntur.* Qui enim diuisi corrigi poterant, in iniquitatum suarum pertinacia vniti perdurāt, & tantò magis quotidie à cognitione iustitiæ separabiliore sunt, quāto à se inuicem nulla increpatione separantur. Nam sicut esse noxium solet si vnitas desit bonis, ita perniciosum est si non desit malis. Peruersos quippe vnitas corroborat, dum concordat: & tantò magis incorrigibiles, quāto vnanimis facit. De hac vnitate reproborum per sapientem dicitur: *Stuppa collecta synagoga peccantium.* De hac Naum Propheta ait: Sicut spinæ inuicem se complectuntur, sic conuiuium eorum pariter potantium. Conuiuium nanque reproborum est delectatio temporalium voluptatum. In quo nimirum conuiuium pariter potant, qui delectationis suæ illecebris se concorditer debriant. Igitur quia membra Leuiathan istius, id est, iniquos omnes quos Dei sermo squamarum cōpactionibus comparat, ad defensionem suam par culpa concordat, bene dicitur: *Vnā alteri adhærebunt, & tenentes se nequaquam separabuntur.* Tenentes enim se separari nequeunt: quia eo ad defensionem suam vicissim constricti sunt, quo se sibi per

Esaia. 34.

33

Eccle. xi.
Naum. i.

sibi per omnia similes esse meminerunt. Descripto itaque eius corpore, ad caput sermo reducit, & quid per semetipsum extremæ persecutionis tempore antiquus hostis exerceat, nunciatur. Nam sequitur:

Quod in extrema iudicij commotione antichristus in signis & miraculis tantus erit, vt à multis Christus æstimetur.

Caput XX.

34. **S**ternutatio eius splendor ignis.) Quod melius exponimus, si prius sternutatio quomodo agatur, indagemus. In sternutatione quippe inflatio à pectore exurgit, quæ cum apertos ad emanandum poros non inuenit, cerebrum tangit, & congesta per nares exiens, totum caput protinus concutit. In hoc itaque Leuiathan corpore, id est, siue in malignis spiritibus, siue in reprobis hominibus, qui illi per similitudinem iniquitatis inhæserunt, quasi inflatio surgit à pectore, dum elatio se erigit ex præsentis seculi potestate. Quæ quasi ad emanandum poros non inuenit: quia in hoc quod contra iustos extollitur, disponente Deo quantum appetit præualere prohibetur. Exurgens autem cerebrum tangit & concutit: quia collecta elatio satanæ, sensum in fine mundi arctius percutit, & caput turbat, dum ipsum authorem malignorum spirituum per eum qui antichristus dicitur, in persecutione fidelium vehementius excitat. Tunc congesta inflatio per eius nares egreditur: quia tota superbiæ eius iniquitas apertis malitiæ flatibus demonstratur. Quia ergo sternutatio caput maximè concutit, Leuiathan istius sternutatio vocatur illa eius extrema commotio, qua damnatum hominem ingreditur, & per eum reprobis principatur. Qui tanta tunc virtute se commouet, vt membra Domini, si potest fieri, etiam electa perturbet, tantis signis & prodigiis utitur, vt miraculorum potentia quasi quodam ignis lumine resplendere videatur. Quia ergo commotum caput illius miraculis clarescere nititur, rectè eius sternutatio splendor ignis vocatur. In eo enim quod se ad persequendos iustos commouet, ante reproborum oculos signorum virtutibus lucet. Et quia eius tyrannidi sapientes mundi adhærent, eorumque consiliis omne quod prauum molitur, exercet: rectè subiungitur: *Et oculi eius vt palpebra diluculi.* Per oculos qui inhærentes capiti, vtilitati visionis inseruiunt, non immerito eius consiliarij designantur, qui dum peruersis machinationibus quæ qualiter agenda sunt, præuident, malignis eius operariis quasi ostensum pedibus iter præbent. Qui rectè palpebris diluculi comparantur. Palpebras nanque diluculi extremas noctis horas accipimus, in quibus quasi nox oculos aperit, dum venturæ lucis iam initia ostendit. Prudentes igitur seculi malitiæ antichristi peruersis consiliis inhærentes, quasi palpebræ sunt diluculi: quia fidem quam in Christo inueniunt, quasi erroris noctem asserunt, & venerationem antichristi verum esse mane pollicentur. Spondent enim se tenebras repellere & veritatis lucem signis clarescentibus nunciare: quia nec persuadere quæ volunt, possunt, nisi exhibere se meliora fateantur. Vnde hicipse coluber in paradiso primis hominibus loquens, in eo quod se melius aliquid providere simulauit, quasi diluculi palpebras aperuit, quando in innocentibus mentibus humanitatis ignorantiam reprehendit, & scientiam diuinitatis promissit. Quasi ignorantia enim tenebras repellebat, & æternæ scientiæ diuinum mane nunciabat, dicens: Aperientur oculi vestri, & eritis sicut dii, scientes bonum & malum. Ita in illo tunc damnato homine veniens: eius oculi palpebris diluculi comparantur: quia sapientes illius simplicitatem veræ fidei quasi transactæ noctis tenebras respuunt, & eius signa mendacia quasi exurgentis Solis radios ostendunt. Sed quia Leuiathan iste non solum habet oculos qui malignis consiliis peruersa provideant, sed os quoque ad pervertendas mentes hominum aperit, quoniam per prædicatores prauos ad diligendam erroris fallaciam auditorum corda succendit, aptè subiungitur:

Quod prædicatores antichristi multos ad perfidiam accendent, sed lux & odor signorum mendacium in carbo-nem nigredinem redigetur.

Caput XXVI.

De ore eius lampades procedunt.) Qui enim provideant oculi, qui autem prædicant, os vocantur. Sed de hoc ore lampades exeunt: quia mentes audientium ad amorem perfidiæ accendunt, & vnde quasi per sapientiam lucent, inde proculdubio per nequitiam concremant. Sed qualis ipsa sapientia eorum lux sit, ostenditur, cum protinus subinfertur. *Sicut adæ ignis accensa.* Ecce iam hypocrisis eorum apertè describitur, quorum prædicatio tædarum lampadibus comparatur. Tæda enim cum accenditur, odorem quidem suauem habet, sed lumen obscurum. Ita isti prædicatores antichristi quia sanctitatis sibi speciem arrogant, sed tamen opera iniquitatis exercent, quasi blandum quidem est quod redolent, sed nigrum quod lucent. Olent enim per simulationem iustitiæ, sed obscurum ardent per nequitia perperationem. Quorum simulationis malitiam Ioannes in Apocalypsi breui descriptione comprehendit, dicens: Vidi aliam bestiam ascendentem de terra, habentem duo cornua similia agni, & loquebatur vt draco. Priorem quippe bestiam, id est, antichristum superiore iam descriptione narrauerat, post quem etiam hæc alia bestia ascendisse dicitur: quia post eum multitudo prædicatorum illius ex terrena potestate gloriatur. De terra quippe ascendere, est de terrena gloria superbire. Quæ habet duo cornua agni similia: quia per hypocrisin sanctitatis, eam quam in se veraciter dominus habuit singularem, sibi inesse & sapientiam mentitur & vitam. Sed quia sub agni specie auditoribus reprobis serpentinum virus infundit, rectè illic subditur: Et loquebatur vt draco. Ista ergo bestia, id est prædicantium multitudo, si apertè vt draco loqueretur, agno similis non appareret, sed assumit agni speciem, vt draconis exerceat operationem. Quod hic vtrunque per tædarum lampades exprimitur: quia & obscurum ardent per effectum malitiæ, & quasi suaue redolent per simulationem vitæ. Sed nequaquam æstimandum est quod tunc solum antichristi prædicatores apparebunt, & nunc ab humanis deceptionibus desunt. Modò nanque priusquam per semetipsum appareat, nonnulli illum vocibus, plerique autem moribus prædicant. An prædicatores simulationis illius non sunt, qui cum sacros Dei ordines obtinent, fugientem totis desideriis mundum tenent, qui virtutes esse ostendunt, quæ faciunt, sed vitium est omne quod agunt? Sed electorum mens quantum magis internæ luci inhæret, tantò subtilius quomodo virtutes à vitiis discernere debeat, videt. Quid autem mirum est hoc nos spiritualiter agere, quod quotidie corporaliter cernimus nummularios implere? Qui cum numisma percipiunt, prius qualitatem illius, post figuram, ad extremum verò pondus examinant, ne aut sub auri specie æs lateat, aut hoc quod veraciter aurum est, monetæ reprobæ figura dehonestet: aut quod & aurum, & rectæ figuræ est, hoc non integrum pondus leuiget. Cum igitur mira ignotorum hominum facta conspiciamus, residere ad mentis nostræ trutinam quasi solertes numularij debemus, vt prius discretio aurum examinet, ne sub virtute se vitium occultet, & quod praua intentione agitur, recti visione pallietur. Cuius si intentionis qualitas approbatur, impressæ mox formulæ figura quærenda est, si à probatis monetariis, id est ab antiquis patribus ducitur, & ab eorum vitæ similitudine nullo errore vitiatur? Cum verò & per intentionem qualitas, & recta per exemplum figura cognoscitur, restat vt integrum eius pondus exquiratur. Bonum quippe quod per signa & miracula coruscet, si perfectionis summam non habet, pensari sollicitè per cautelam circumspectionis debet, ne dum imperfecta res quasi pro perfecta accipitur, in accipientis damnum vertatur. Prædicatores itaque antichristi quomodo veram numismatis qualitatem tenent, qui in his quæ agunt, intentionis rectæ vim nesciunt: quia per hæc non cœlestem patriam, sed culmen gloriæ temporalis exquirunt? Quomodo à monetæ figura non discrepant, qui ab omni pietate iustos persequendo discordant? Quomodo in se integritatis pondus ostendunt, qui non solum humilitatis perfectionem nequaquam assecuti sunt, sed neque ipsam primam eius ianuam contigerunt? Hinc ergo hinc electi cognoscant, quomodo eorum signa despiciant, quorum profectò actio omne quod à piis patribus gestum memoratur, impugnat. Sed ipsi quoque electi dum tot signa conspiciunt, dum contemnentes vitam tanta eius miracula perhorrescunt, quoddam dubietatis nubilum in corde patiuntur: quia

des exeunt: quia mentes audientium ad amorem perfidiæ accendunt, & vnde quasi per sapientiam lucent, inde proculdubio per nequitiam concremant. Sed qualis ipsa sapientia eorum lux sit, ostenditur, cum protinus subinfertur. *Sicut adæ ignis accensa.* Ecce iam hypocrisis eorum apertè describitur, quorum prædicatio tædarum lampadibus comparatur. Tæda enim cum accenditur, odorem quidem suauem habet, sed lumen obscurum. Ita isti prædicatores antichristi quia sanctitatis sibi speciem arrogant, sed tamen opera iniquitatis exercent, quasi blandum quidem est quod redolent, sed nigrum quod lucent. Olent enim per simulationem iustitiæ, sed obscurum ardent per nequitia perperationem. Quorum simulationis malitiam Ioannes in Apocalypsi breui descriptione comprehendit, dicens: Vidi aliam bestiam ascendentem de terra, habentem duo cornua similia agni, & loquebatur vt draco. Priorem quippe bestiam, id est, antichristum superiore iam descriptione narrauerat, post quem etiam hæc alia bestia ascendisse dicitur: quia post eum multitudo prædicatorum illius ex terrena potestate gloriatur. De terra quippe ascendere, est de terrena gloria superbire. Quæ habet duo cornua agni similia: quia per hypocrisin sanctitatis, eam quam in se veraciter dominus habuit singularem, sibi inesse & sapientiam mentitur & vitam. Sed quia sub agni specie auditoribus reprobis serpentinum virus infundit, rectè illic subditur: Et loquebatur vt draco. Ista ergo bestia, id est prædicantium multitudo, si apertè vt draco loqueretur, agno similis non appareret, sed assumit agni speciem, vt draconis exerceat operationem. Quod hic vtrunque per tædarum lampades exprimitur: quia & obscurum ardent per effectum malitiæ, & quasi suaue redolent per simulationem vitæ. Sed nequaquam æstimandum est quod tunc solum antichristi prædicatores apparebunt, & nunc ab humanis deceptionibus desunt. Modò nanque priusquam per semetipsum appareat, nonnulli illum vocibus, plerique autem moribus prædicant. An prædicatores simulationis illius non sunt, qui cum sacros Dei ordines obtinent, fugientem totis desideriis mundum tenent, qui virtutes esse ostendunt, quæ faciunt, sed vitium est omne quod agunt? Sed electorum mens quantum magis internæ luci inhæret, tantò subtilius quomodo virtutes à vitiis discernere debeat, videt. Quid autem mirum est hoc nos spiritualiter agere, quod quotidie corporaliter cernimus nummularios implere? Qui cum numisma percipiunt, prius qualitatem illius, post figuram, ad extremum verò pondus examinant, ne aut sub auri specie æs lateat, aut hoc quod veraciter aurum est, monetæ reprobæ figura dehonestet: aut quod & aurum, & rectæ figuræ est, hoc non integrum pondus leuiget. Cum igitur mira ignotorum hominum facta conspiciamus, residere ad mentis nostræ trutinam quasi solertes numularij debemus, vt prius discretio aurum examinet, ne sub virtute se vitium occultet, & quod praua intentione agitur, recti visione pallietur. Cuius si intentionis qualitas approbatur, impressæ mox formulæ figura quærenda est, si à probatis monetariis, id est ab antiquis patribus ducitur, & ab eorum vitæ similitudine nullo errore vitiatur? Cum verò & per intentionem qualitas, & recta per exemplum figura cognoscitur, restat vt integrum eius pondus exquiratur. Bonum quippe quod per signa & miracula coruscet, si perfectionis summam non habet, pensari sollicitè per cautelam circumspectionis debet, ne dum imperfecta res quasi pro perfecta accipitur, in accipientis damnum vertatur. Prædicatores itaque antichristi quomodo veram numismatis qualitatem tenent, qui in his quæ agunt, intentionis rectæ vim nesciunt: quia per hæc non cœlestem patriam, sed culmen gloriæ temporalis exquirunt? Quomodo à monetæ figura non discrepant, qui ab omni pietate iustos persequendo discordant? Quomodo in se integritatis pondus ostendunt, qui non solum humilitatis perfectionem nequaquam assecuti sunt, sed neque ipsam primam eius ianuam contigerunt? Hinc ergo hinc electi cognoscant, quomodo eorum signa despiciant, quorum profectò actio omne quod à piis patribus gestum memoratur, impugnat. Sed ipsi quoque electi dum tot signa conspiciunt, dum contemnentes vitam tanta eius miracula perhorrescunt, quoddam dubietatis nubilum in corde patiuntur: quia

Gene. 3.

Ibidem.

36.

Apoc. 13.

37.

Examina-
tio numis-
matis.

dum se per prodigia illius malitia leuat, in istis aliquatenus visus certior caligat. Vnde rectè subditur:

Quod in persecutione anticristi in errorem penè mittantur electi.

Caput XXVII.

DE naribus eius procedit fumus.) Oculorum quippe acies fumo fauciat. Fumus ergo de eius naribus procedere dicitur: quia de miraculorum eius insidiis ad momentum caliginosa dubietas etiam in electorū corde generatur. De Leuiathan naribus fumus exit: quia ex eius prodigiis mendacibus, etiam bonarum mētium oculos trepidationis caligo confundit. Tunc nanque in electorum cordibus conspectis terribilibus signis, obscura cogitatio conglobatur. Vnde hoc quod iam suprà protulimus, veritatis ore per Euangelium dicitur: Surgent pseudochristi & pseudoprophetae, & dabunt signa magna & prodigia: ita ut in errorem inducantur, si fieri potest, etiam electi. *Qua* in re valde quærendum est, quomodo aut hi qui electi sunt, induci in errorem possunt; aut cur si fieri potest, quasi ex dubietate subditur: cum quid faciendum sit, Dominus omnia præsciens præstolatur. Sed quia electorum cor & trepida cogitatione concutitur, & tamen eorum constantia non mouetur, vna hac sententia Dominus vtrunque complexus est dicens: Ita ut in errorem inducantur, si fieri potest, etiam electi. Quasi enim iam errare, est in cogitatione titubare, sed protinus si fieri potest, subiungitur: quia proculdubio fieri non potest, ut in errore plenè electi capiantur. Bene autem in hac fumi caligine, ipse etiam animorum feruor exprimitur, cum protinus subinfertur: *Sicut olla succensa atque feruens.*) Velut enim olla feruens est vnaquæq; tunc anima, cogitationum suarum impetus quasi spumas ardētium vndarum sustinens, quas & ignis zeli commouet, & ipsa temporalis oppressio more ollæ intrinsecus clausas tenet. Vnde Ioannes quoque cum huius bestiae signa narraret, adiunxit: Ita ut ignem faciat de cælo descēdere. Ignem quippe de cælo descendere, est de cælestibus electorum animis sancti zeli flammæ emanare. Quia verò Leuiathan iste aliàs non solum serpens, sed etiam regulus dicitur, pro eo quod imundis spiritibus vel reprobis hominibus principatur, sicut Esaias ait: De radice colubri egredietur regulus: inspiciendum nobis summopere est qualiter regulus perimat, ut ex operatione reguli, huius nobis malitia apertius innotescat. Regulus nanque non morsu perimit, sed flatu consumit. Sæpe quoque aërem flatu afficit, & quicquid vel positum longè contigerit, sola narium inspiratione tabefacit. Hinc ergo pensare compellimur, per hoc quod de naribus eius fumus procedere dicitur etiam priusquam apertus appareat, quid quotidie in humanis cordibus fumo pestifera exhalationis operetur. Quia enim sicut & superius diximus, fumo oculorum acies infirmatur: non immeritò de eius naribus fumus procedere asseritur, cuius noxiis inspirationibus praua in humanis cordibus cogitatio nascitur, per quam acies mentis obtunditur, ne lux interna videatur. Quasi enim flatu narium caliginem emittit: quia in reproborum cordibus insidiarum suarum aspirationibus ex amore vitæ temporalis æstum cōgerit multiplicium cogitationum. Et velut fumi globos multiplicat: quia inanissimas præsentis vitæ curas in terrenorum hominum mente coaceruat. Iste fumus ex eius naribus prodiens, aliquando ad tempus etiam electorum oculos tangit. Nunc nanque intrinsecus fumum patiebatur Propheta, cum dixit: Turbatus est præ ira oculus meus. Huius inundatione premebatur dicens: Cor meum conturbatum est in me, & lumen oculorū meorum non est mecum. Fumus quippe iste obtundit aciem cordis: quia caliginis suæ nubilo serenitatem intimæ turbat quietis. Cognosci verò nisi tranquillo corde non potest Deus. Vnde per eundem Prophetam rursus dicitur: Vacate & videte quoniam ego sum Deus. Vacare autem mens non potest, quæ huius fumi inundationibus premitur: quia in ea terrenarum cogitationum volumina ex præsentis vitæ amore glomerantur. Lumen ergo quietis internæ hoc fumo amittitur: quia curarum prurigine cordis oculus dum confunditur, tenebratur. Sed fumus iste aliter electorum animos turbat, aliter reproborum oculos excæcat. A bonorum quippe oculis spiritualium desideriorum flatu respargitur,

E ne præualente misera cogitatione densetur. In prauorum verò mentibus quò se licentius per tetras cogitationes colligit, eò ab eis funditus veritatis lumen tollit. Fumus iste reproborum cordibus quot illicita desideria ingerit, quasi per tot ante illos globos intumescit. Et certè fumi globos nouimus: quia cum alij superius inanescunt, alij inferius surgunt, sicut & in cogitatione carnali & si alia prauitatis desideria transeunt, alia succedunt. Sæpe autem mens misera quid iam transierit, videt: sed vbi adhuc retineatur, non videt. Gaudet de quibusdam vitiis quòd eis subiecta iam non sit, & præcauere ac gemere negligit: quia eorum vice successerunt alia, quibus fortasse nequius succumbit: sicque fit ut dum alia vitia transeunt, & semper alia succedunt, ab hoc serpente cor reproborum sine intermissione teneatur. Vnde bene per Iohel Prophetam dicitur: Residuum erucæ comedit locusta, & residuum locustæ comedit brucus, & residuum bruci comedit rubigo. Expergiscimini ebrii, & flete. Quid enim per erucam, quæ toto corpore in terra repit, nisi luxuria designatur? quæ cor quod tenet, ita polluit, ut in superioris munditiæ surgere amorem non possit. Quid per locustam quæ saltibus euolat, nisi inanis gloria exprimitur, quæ se vanis præsumptionibus exaltat? Quid per brucum cuius penè totum corpus in ventrem colligitur, nisi edendi ingluuius figuratur? Quid per rubiginem quæ dum tangit, incendit, nisi ira innuitur? Residuum ergo erucæ locusta comedit: quia sæpe cum luxuriæ vitium à mente recesserit, inanis gloria succedit. Nam quia iam per amorem carnis non sternitur, quasi sanctam se ex castitate gloriatur. Et residuum locustæ brucus comedit: quia sæpe cum inani gloriæ quæ quasi ex sanctitate veniebat, resistitur, vel ventri vel quibuslibet ambitionis desideriis immoderatus indulgetur. Mēs enim Dei nescia, tātò atrocius ad quemlibet ambitum ducitur, quantò nullo vel humanæ laudis amore refrenatur. Residuum bruci rubigo consumit: quia sæpe dum ventris ingluuius per abstinentiam restringitur, iræ impatientia acius dominatur, quæ more rubiginis quasi exurendo messem comedit: quia virtutum fructus impatientiæ flamma tabescit. Cum ergo vitia vitiis succedūt, agrum mentis alia pestis deuorat, dum alia relinquit. Bene autem illic subditur: Expergiscimini ebrii & flete: Ebrii quippe vocati sunt, qui mundi huius amore confusi, mala non sentiunt quæ patiuntur. Quid est ergo dicere: Expergiscimini ebrii & flete, nisi somnum vestræ insensibilitatis excutite, & in deuastratione cordis tot sibi succedentibus vitiorum pestibus, vigilantibus lamentis obuiate? Per tot igitur globos de Leuiathan naribus fumus surgit, per quot nimirū pestes frugem cordis reprobii occulta aspiratione consumit. Cuius adhuc fumi vim sollicitè Dominus exprimit, cum illico subiungit: *Sicut olla succensa atque feruens.*) Olla enim succenditur, cum mens humana maligni hostis suasionibus instigatur. Olla autem feruet cum iam etiam per consensum in desideriis prauæ persuasionis accenditur. Et tot vndas quasi feruendo proiicit, per quot nequities vsque ad exteriora opera extendit. Hinc nanque carnalis conscientia, id est ollæ feruorem, ex Leuiathan fumo venientem Propheta conspexerat, cum dicebat: Ollam succensam ego video, & faciem eius à facie Aquilonis. Ab Aquilonis nanque facie humani cordis olla succenditur, dum instigatione aduersarii spiritus illicitis desideriis inflammatur. Ille nanque qui ait: Sedebo in monte testamenti, in lateribus Aquilonis: mentem quam semel cœperit, malignis persuasionis suæ flatibus, quasi suppositis ignibus accendit: quatenus non contenta præsentibus, indefinenter per desideria æstuet, ut alia contemnenda appetat, alia adepta contemnat: ut modò suis compendiis inhiat, modò alienis commodis etiam cum proprio detrimento contradicat, modò carnis illi-cebris satisfaciatur, modò quasi in quodam culmine per cogitationis superbiam rapta, carnali cura postposita, totam se in typo elationis attollat. Quia ergo cor per varia desideria abducitur, quod instigationibus Leuiathan istius inflammatur, rectè eius fumus succensa & feruente olla similis esse perhibetur: quia per tot se feruores afflata eius tentationibus conscientia erigit, per quot intra se cogitationes intumescit. Quod verbis aliis adhuc veritas apertius exequitur, dum subiungitur:

Quod

Marc. 13.

38

Esai. 14.

Psal. 6.

Psal. 40.

39

Iohel. 1.

40 Ibidem.

Hier. 1.

Esai. 14.

Quod per suasionem diabolicam ad diuersa vitia reproborum animae inflammantur, & flamma malitiæ eius infructuosa ligna comburat.

Caput XXVIII.

HAlius eius prunas ardere facit.) Quid enim prunas nisi succensas in terrenis concupiscentiis reproborum hominum mentes appellat? Ardent enim cum quodlibet temporale appetunt: quia nimirum vrunt desideria; quæ quietum ac integrum esse animum non permittunt. Toties igitur Leviathan halitus prunas accendit, quoties eius occulta suggestio humanas mentes ad delectationes illicitas pertrahit. Alias namque superbiæ, alias inuidiæ, alias luxuriæ, alias auaritiæ facibus inflammant. Superbiæ quippe faciem menti Eux supposit, cum hanc ad contemnenda verba dominicæ iussionis instigauit. Inuidiæ quoque flamma Cain animum succendit, cum de accepto fratris sacrificio doluit, & per hoc vsque ad fratricidij facinus peruenit: Luxuriæ facibus cor Salomonis exussit, quem tanto mulieribus amore subdidit, vt vsque ad idolorum venerationem deductus, dum carnis delectationem sequeretur, conditoris reuerentiæ obliuisceretur. Auaritiæ quoque igne Achab animum concremauit, cum eum ad appetendam alienam vineam impatientibus desideriis impulit, & per hoc vsque ad reatum homicidij pertraxit. Tanto igitur Leviathan iste halitu in prunis flat, quanto annisu suggestionis occultæ humanas mentes ad illicita inflammant. Vnde & bene mox subditur: *Et flamma de ore eius egreditur.* Flamma quippe oris eius est ipsa instigatio occultæ locutionis. Præuæ enim suasionis verba ad vniuscuiusque animum facit, sed flamma est quod de eius ore egreditur: quia ardet in desideriis animus, cum eius suggestionibus instigatur. Hæc quotidie suggerit, hæc vsque ad præsentis vitæ terminum suggerere non desistit: sed tunc se nequius dilatat, cum per illum damnatum hominem veniens, in huius mundi se gloria apertius ostendit. Tunc ab eius naribus vastior fumus procedit: quia humana corda signorum eius admirationibus territa amplior instigatio percutit. Tunc eius halitus vehementius prunas ardere facit: quia reproborum mentes quas iam calentes amore gloriæ temporalis inuenerit, suggestionis suæ flatibus vsque ad nequitiam exercendæ crudelitatis incendit. Tunc de ore eius flamma egreditur: quia quicquid per se, quicquid per prædicatores suos loquitur, ignis est, quo infructuosa ligna concremantur. Igne autem terrenæ concupiscentiæ eorum mens tangitur, qui nequaquam fieri preciosa metalla concupiscunt. Qui ergo oris eius non vult flamma affici, iuxta doctoris veri sententiam, non lignum, fœnum, stipula: sed aurum, argentum, & preciosus lapis curet inueniri: quia tantò ignis suasionis illius amplius incendit, quantò se ei ad consentiendum molliorem quisque præbuerit. Sed quia nulla ratione conceditur, vt mens in hac corruptibili carne posita, nequaquam suasionis illius ardore tangatur, restat, vt malignis flatibus adusta, ad orationis opem se sine cessatione conuertat. Flammam quippe suggestionum illius extinguit citius vnda lachrymarum.

Libri trigesimali tertij Moralium sancti Gregorij finis.

B. GREGORII IN IOB EXPOSITIONIS MORALIS liber trigessimus quartus.

Caput I.



QVIA ex hoc mundo corpus gerimus, vniuersitatis terminum ex ea qua nos sumus, parte pensamus. Citius quippe qualis sit mundi finis agnoscimus, si sollicitè aspiciamus, hoc de mundo gestamus. Aëtas etenim nostra per iuueniles annos robustior viget, in senili autem tempore crebrescentibus morbis excoquitur, & dum diutius distenditur, vt subsistat, moriendi vice quotidie deficit per momenta viuendi. Ita etiam mundi tempus dum venientibus annis auge-

tur, crebrescentibus malis afficitur: & vnde ætatis augmentum percipit, inde salutis dispendium sentit. Tribulationes namque illi cum temporibus crescunt, & eò detrimenta vitæ debilius tolerat quòd quasi ad vitam prouectior durat. Totis enim contra illum hostis antiquus viribus soluitur, qui quauis iam nunc interiit, pro eo quòd supernæ conditionis beatitudinem amisit, tunc tamen plenius extinguitur, quando & à tentandi licentia abstractus, æternis incendiis religatur. Vnde & extrema mundi atrocius tentaturus aggreditur: quia tantò fit feruentior ad sæuitiam, quantò se viciniorem sentit ad peccatam. Considerat quippe quòd iuxta sit vt licentiam nequissimæ libertatis amittat: & quantum breuitate temporis angustatur, tantum multiplicitate crudelitatis expanditur, sicut de illo voce angelica ad Ioannem dicitur: *Væ terræ & mari, quia descendit diabolus ad vos habens iram magnam, sciens quòd modicum tempus habet.* Tunc ergo in magnæ iræ feruorem se dilatat, ne qui in beatitudine stare non potuit, in damnationis suæ foueam cum paucis ruat. Tunc quicquid nequiter valuerit, callidius exquirat: tunc ceruicem superbiæ altius erigit, & per damnatum illum quem gestat hominem, omne quod temporaliter præualeat, nequiter ostendit. Vnde & diuina voce rectè nunc dicitur:

Quod in fine mundi superbiæ antichristi potentia suffragetur.

Caput II.

IN collo eius morabitur fortitudo.) Quid enim collo Leviathan istius, nisi elationis ostensio designatur? qua contra Deum se erigens, cum simulatione sanctitatis etiam timore potestatis extollitur. Quia enim per collum superbia exprimitur, Esaias propheta testatur, qui Hierusalem filias redarguit dicens: *Ambulauerunt extenso collo.* In collo ergo Leviathan istius fortitudo demorari dicitur: quia elationi illius etià subiuncta potentia suffragatur. Nam quicquid tunc superbe extollitur, quicquid callidè machinatur, etiam cum virtute potentia secularis exequitur. Quod Daniel propheta intuens ait: *Dolus in manu eius dirigitur.* Dolus quippe in manu eius est fraus in virtute: quia omne quod nequiter voluit, hoc ad tempus exequi etiam fortiter potest. Dolus verò eius dirigi dicitur: quia fraudis eius malitia nulla difficultate præpeditur. Hoc enim Leviathan iste vel vasa eius habere crebrò proprium solent, quòd ad iniquitatis suæ cumulum ea quæ nequiter appetunt, explere nequius possunt. Nam cum fortasse infirmantur electi, atque in desideriis illicitis ruunt, in hoc plerumque diuini muneris manu retinentur, quòd voluntatis miseræ nullos effectus inueniunt. Cumque eorum votis valida contrarietas nascitur, plerumque ex ipsa impossibilitate corriguntur, & miro internæ dispositionis ordine, per conuersionem mutatio malæ voluntatis sequitur, dum per infirmitatem perfectio denegatur. Hinc est enim quòd sub specie vniuscuiusque animæ, de infirmante Iudæa, atque in prauis itineribus gradiente, per prophetam Dominus dicit: *Ecce ego sepiam viam tuam spinis, & sepiam eam maceria, & semitas suas non inueniet, & sequetur amatores suos, & non apprehendet eos, & quæret eos, & non inueniens dicet: Vadam & reuertar ad virum meum priorem: quia mihi bene erat tunc magis quàm nunc.* Spinis enim electorum viæ sepiuntur, dum dolorem punctionis inueniunt in hoc quod temporaliter concupiscunt. Quasi interposita maceria vis eorum obuiat, quorum nimirum desideria perfectionis difficultas impugnat. Horum profectò animæ amatores suos quærun, & non inueniunt, dum sequendo malignos spiritus, nequaquam eas quas apperunt huius seculi voluptates apprehendunt. Bene autem subditur, quòd ex ipsa difficultate mox dicat: *Vadam & reuertar ad virum meum priorem: quia melius mihi erat tunc magis quàm nunc.* Prior quippe vir Dominus est, qui castam sibi animam sancti spiritus interposito amore coniunxit. Quem tunc mens vniuscuiusque desiderat, cum multiplices amaritudines velut quasdam spinas inuenit in iis delectationibus, quas temporaliter concupiscit. Nam dum aduersitatibus mundi quem diligit anima, morderi cœperit, tunc plenius intelligit, quanto illi cum priore viro melius fuit. Eos ergo quos voluntas praua peruertit, plerumque aduersitas corrigit. Vnde & nimis timendum est, ne sequantur prospera

cum desiderantur iniusta: quia difficilius malum corrigitur, quod * perfectionis etiam prosperitate fulcitur. Leuiathan itaque iste qui cum membris suis æternis est cruciatibus deputatus, & dolus in manu eius dirigitur, & in collo eius fortitudo demoratur: quia hoc quod temporaliter peruersa contra bonos voluntate desiderat, peruersiore facultate consummat, ut tantum ei de aduersitate in presenti nil obstat, quantum ei in posterum de prosperitate nihil remanet. Et quia omnis qui peruersis moribus amicitias eius innotescit, prius veras mentis diuitias amittit, apte subiungitur:

Quod subtilissima fraude diabolus consentientium sibi mentes propriis virtutibus spoliatur prius quam qui tentatur, agnoscat: & quod antichristo veniente, prophetiae & miracula cessabunt.

Caput III.

Exod. 33.

Egestas electorum.

Ephe. 1.

Threno. 3.

Psal. 30.

Egestas reproborum.

Apoc. 3.

Egestas faciem Leuiathan praecedit.

Os. 7.

Et faciem eius praecedet egestas. Per faciem quippe solet notitia designari. Vnde scriptum est: Et facies mea praecedet te, id est, notitia ducatum praebit. Sciendum verò est quod egestas in sacro eloquio aliter electorum ponitur, atque aliter reproborum. Egestas namque electorum est, cum veræ diuitiæ cœlestis patriæ ad eorum animum redeunt, & in hoc ætumno presentis vitæ exilio positi, pauperes se esse meminerunt. Illas quippe diuitias sine cessatione suspirant, de quibus Paulus dicit: Vt sciatis quæ sit spes vocationis eius, & quæ diuitiæ gloriæ hereditatis eius in sanctis. Et quia adhuc eas nequaquam cōspiciunt, studiose interim in ætumno istius paupertatis gemunt. Hanc proculdubio paupertatem Hieremias inspexit, cum dicebat: Ego vir videns paupertatem meam in virga indignationis eius. Virga enim indignationis Dei, est percussio distractionis. Quam indignationem tunc homo pertulit, cum ex paradiso pulsus, veras interni gaudij diuitias amisit. Sed quia electi quique incessanter cōspiciunt quod in presentis vitæ penuriam ab illa potestatis ingenitæ facultate ceciderunt, bene dicitur: Ego vir videns paupertatem meam. Quisquis enim hæc adhuc visibilia appetit, peregrinationis suæ malum non intelligit: & hoc ipsum quod patitur, videre nescit. Hanc paupertatem David Propheta intues ait: Infirmata est in paupertate virtus mea. In paupertate etenim virtus infirmari dicitur: quia lapsus in hac peregrinatione animus, & corruptionis suæ molestiis reuerberatur, hoc quod perdidit, contēplari prepeditur. Sed hanc paupertatem reprobi considerare nesciunt: quia dum sequuntur ea quæ cōspiciunt, cogitare inuisibilia negligunt quæ perdiderunt. Vnde & egestas eorum proprie dicitur: quia dum replentur vitiis, virtutum diuitiis vacuantur. Quibus saepe evenit ut per elationis demetiam subleuati, dum nequaquam ruinæ suæ damna considerant, esse se etiam à bonis actionibus inopes non cognoscant. Vnde voce angelica prædicatori Laodiceæ dicitur: Dicis quod diues sum, & locupletatus, & nullus egeo, & nescis, quia tu es miser, & miserabilis & pauper, & cæcus & nudus. Quasi diuitem se asserit, qui per arrogantiam sanctitatis extollitur, sed pauper, cæcusque & nudus arguitur. Pauper utique, quia virtutum diuitias non habet: cæcus, quia nec paupertatem quam patitur, videt: nudus, quia primam stolam perdidit: sed peius, quia nec se perdidisse cognoscit. Quia ergo, ut diximus, egestas reproborum, est defraudatio meritum, recte de Leuiathan dicitur: Faciem eius praecedet egestas. Nemo quippe cognitioni eius iungitur, nisi prius virtutum diuitiis denudetur. Prius enim bonas cogitationes subtrahit, & tunc eis apertiore notitiam suæ iniquitatis infundit. Egestas ergo faciem illius praecedere dicitur: quia prius facultas virium perditur, ut quasi per familiaritatem ita postmodum eius notitia cognoscatur. Vel certe quia multis ita fraudulenter surrepit, ut ab eis deprehendi nequaquam possit, & sic eorum virtutes euacuat: quatenus astutiae suæ malitiā non ostendat, faciem eius egestas præire perhibetur, ac si aperte diceretur: quia cum insidians tentat, priusquam videatur expoliatur. Hinc est enim quod de Ephraim per Prophetam dicitur: Comederunt alieni robur eius, & ipse ignorauit. Alieni quippe intelligi apostatæ Angeli solent, qui robur comedunt, dum virtutem mentis peruertendo consumunt. Quod Ephraim & pertulit, & nesciuit: quia in tēratione malignorum spirituum, & robur animæ perdidit, & hoc ipsum quia perdidit, non intellexit. Leuiathan ergo faciem egestas antecedit: quia ne-

gligentium mentes ante tentando spoliatur, quam eius insidias is qui tentatur, agnoscat. Per hoc ergo quod dictum est: In collo eius morabitur fortitudo, virtus violentiæ ostenditur. Per hoc verò quod subditur: Et faciem eius praecedet egestas, fraudis subtilitas designatur. Quamvis de eo quod eius faciem egestatem præire cognoscimus, suppetit aliud quod tamen tristius exponamus. Terribili quippe ordine dispositionis occultæ, priusquam Leuiathan iste in illo damnato homine quem assumit, appareat: à sancta Ecclesia virtutum signa subtrahuntur. Nam prophetia absconditur, curationum gratia aufertur, prolixioris abstinentiæ virtus imminuitur, doctrinæ verba conticescunt, miraculorum prodigia tolluntur. Quæ quidem nequaquam superna dispensatio funditus subtrahit, sed non hæc sicut prioribus temporibus aperte ac multipliciter ostendit. Quod tamen mira dispensatione agitur, ut una ex re diuina simul pietas, & iustitia compleatur. Dum enim subtractis signorum virtutibus, sancta Ecclesia velut abiectior apparet, & bonorum præmium crescit, qui illam pro spe cœlestium, & non propter præsentia signa venerantur, & malorum mens contra illam citius ostenditur, qui sequi quæ promittit inuisibilia negligunt, dum signis visibilibus non tenentur. Dum igitur humilitas fidelium, multitudine & manifestatione signorum quasi destituitur, terribili occultæ dispositionis examine, inde bonis misericordia largitur, unde malis iusta ira cumulatur. Quia ergo Leuiathan iste priusquam manifestus, & conspicuus veniat, ex magna parte in sancta Ecclesia signa virtutum cessant, recte nunc dicitur: Faciem eius praecedet egestas. Antè enim à fidelibus miraculorum diuitiæ subtrahuntur, & tunc contra eos antiquus ille hostis per aperta prodigia ostenditur: ut quo ipse per signa extollitur, eo à fidelibus sine signis robustius laudabiliusque vincatur. Quamvis etiam fidelibus in eius certamine signa non deerunt, sed tanta erunt illius ut nostrorum, aut pauca, aut nulla videantur. Quorum nimirum virtus omnibus signis fit potior, cum omne quod ab illo terribiliter fieri conspicitur, per internæ constantiæ calcem premunt. Sed malignus hostis tantò contra eos acriori immanitate se exhibet, quantò se despicietiam clarescentibus miraculis dolet. Totum ergo se in eorum interitum colligit, cunctosque reprobos in necem fidelium vnanimi crudelitate coniungit, ut sæuitiam suam tantò robustius exerceat, quātò & in eis quæ peruersè agere appetit: nulla sibi sui corporis membra discordant. Vnde & recte dicitur:

Quanta virtutis in fine futura sit seruias reproborum.

Caput IIII.

Membra carniū eius cōhærentia sibi. Carnes verò Leuiathan istius, sunt omnes reprobi, qui ad intellectum spiritualis patriæ per desiderium non assurgunt. Membra verò sunt carniū hi, qui eisdem peruersè agentibus, & sese ad iniquitatem præcedentibus iunguntur, sicut econtra per Paulum de dominico corpore dicitur: Vos estis corpus Christi, & membra de membro. Aliud quippe est membrum corporis, aliud membrum membri. Membrum quippe corporis pars ad totum, membrum verò membri est particula ad partem. Membrum namque membri digitus ad manum, manus ad brachium: membrum verò est corporis totum hoc simul ad corpus vniuersum. Sicut ergo in spiritali dominico corpore membra de membro dicimus eos, qui in eius Ecclesia ab aliis reguntur: ita in illa Leuiathan istius reproba congregatione membra sunt carniū, qui iniquo opere quibuscumque nequioribus iunguntur. Sed qui hostis malignus sibi in peruerso opere à primis vsque ad extrema concordat, diuinus sermo in eo membra carniū sibi cōhærentia memorat. Sic namque peruersa vnanimiter sentiunt, ut nulla contra se vicissim disputatione diuidantur. Nulla eos diuersitatis altercatio tunc scindit, & idcirco contra bonos vehementer præuolent: quia in malo se concorditer tenent. Sicut enim iam superius diximus, ut perniciosum est si vnitas desit bonis, ita vnitas perniciosius est si non desit malis. Reprobos quippe vnitas bonorum vitam tantò durius præpedit, quantò ei se per vnitas malorum collectionem durior opponit. Hanc vnitatem reproborum la. perniciosam sibi Paulus conspexerat, cum in medio Sadducæorum Phariseorumque deprehensus dicebat: De spe & resurrectione mortuorum ego iudico. Quia nimirum voce percussa,

protinus contra se vicissim audientium turba dissiluit. Cū-
que in duas partes tumultuantium multitudo diuiditur, Pau-
lo via ereptionis aperitur: quia quem turba persequentium
vnita constrinxerat, diuisa laxabat. Eripiuntur ergo iusti dū
diuiduntur iniusti, & electorum vota ad perfectum perue-
niunt, dum reproborum agmina per discordiam confundun-
tur. *Exod. 13.* Quod bene etiam maris rubri scissione designatur. Dū
enim in duas partes vnda diuiditur, ab electo populo ad ter-
ram repromissionis tenditur: quia dum malorum vnitas scin-
ditur, bonæ mentes ad hoc quod appetunt, perducuntur. Si
malorum vnitas noxia non fuisset, nequaquam diuina provi-
dentia superbientium linguas in tanta diuersitate dissipasset.
Gen. 11. Si malorum vnitas noxia non fuisset, de sanctæ Ecclesiæ ho-
stibus Propheta non diceret: Præcipita domine, & diuide lin-
guas eorum. *Psal. 54.* Quia ergo Leuiathan iste tunc contra electos
Dei in suis viribus effrenatur, ad augmentum suæ malitiæ, v-
nitatem quoque in reprobis habere permittitur, vt tantò cō-
tra robustius vires suas exerat, quantò non solum nos ictu
fortitudinis, sed etiam malæ adunationis impugnat. Sed quis
contra ista sufficiat? Quæ mens ad tantæ elationis & compa-
gis pondera, non ab ipsa cogitationum radice contremiscat?
Vnde quia trepidare nos per infirmitatem conspiciat, proti-
nus diuina clementia quid per semetipsam faciat, adiungit.
Nam sequitur:

*Quod in die iudicij iustis gaudentibus impij maledictionis fulmi-
ne ferientur.* Caput V.

1. Thess. 2. **M**itter contra eum fulmina, & ad locum alium non ferentur.)
Quid appellatione fulminum, nisi tremendæ illæ extre-
mi iudicij sententiæ designantur? Quæ idcirco fulmina vo-
cantur: quia nimirum eos quos feriunt, in perpetuum incen-
dunt. Fulmina nanque super eum Paulus venire conspexerat,
cū dicebat: Quem Dominus Iesus interficiet spiritu oris
sui, & destruet illustratione aduentus sui. Hæc autem in eum
mittuntur fulmina, ad locum alium non feruntur: quia iustis
gaudentibus solis, tunc reprobos feriunt. Nam post tritiram
vitæ præsentis, in qua nunc triticum sub paleis gemit, ita illo
extremi iudicij ventilabro inter triticum paleasque discerni-
tur: vt nec in tritici horreum paleæ transeant, nec in palearū
ignem horrei grana delabantur. Illa ergo fulmina locum a-
lium nequaquam tangunt: quia videlicet igne suo non gra-
na, sed paleas incendunt. Sed quia Leuiathan istum pœna
non corrigit, insinuat dum subiungit:

*Quod diabolus sit impænitens, & nos illo persequente mo-
do proficimus, ipse verò sicut incus semper percuti-
tur, nec tamen mutatur.* Caput VI.

Cor eius indurabitur quasi lapis.) Cor enim antiqui hostis
vt lapis indurabitur: quia nulla vnquam conuersionis
pœnitentia mollietur. Qui quia solis ictibus æternæ vltionis
aptabitur, rectè protinus subinfertur: *Et stringetur quasi mallea-
toris incus.* Incudem quippe malleator solis aptam percussio-
nibus figit. Ad hoc nanque incus statuitur, vt crebris ictibus
feriatur. Leuiathan ergo vt malleatoris incus stringitur: quia
inferni vinculis coarctabitur, vt æterni supplicij continua
percussione tundatur. Qui modò quoque percutitur, dum
iusti quique illo insidiis vigilante, sed doloribus tabescente
saluantur. In incudem autem alia vasa formantur, ipsa verò tot
percussionibus in vas aliud non transfertur. Rectè ergo Le-
uiathan iste incudi comparatus est: quia nos illo persequente
cōponimur, ipse autem & semper percutitur, & in vas utile
nunquam mutatur. Aeternæ illum percussioni relinquimus,
& nos superni artificis manu in eius tentatione percussi, per
illum quasi vascula formata transimus. In ipso enim tundi-
mur, sed vt ad vsum domus supernæ veniamus. Ipse verò
quasi incus stringitur: quia etsi nunc tentando mundum cir-
cuit, in inferno tamen positus, iam sub ictu sententiæ non va-
gatur. Sequitur:

*Quod in ruina diaboli sancti angeli territi sunt ne peccarent, & purga-
ti, vt in munditia stabiles permanerunt.* Caput VII.

Apo. 12. **C**um sublatus fuerit, timebunt angeli, & territi purgabuntur.)
Scriptura sacra ita nonnunquam tēpus præteritum futu-
rumque permiscet, vt aliquādo futuro pro præterito, aliquādo
Tomus primus.

A verò vtatur præterito pro futuro. Futuro, nāque pro præteri-
to vtitur, cū Ioanni mulier paritura masculum, qui regat gē-
tes in virga ferrea demonstratur. Quod quia incarnato Domi-
no veniente iā tunc factum fuerat, res gesta nunciabatur. Rur-
sum præterito vtitur pro futuro, sicut per Psalmistā Dominus
loquitur, dicens: Foderunt manus meas & pedes meos, dinu-
merauerunt omnia ossa mea. Quibus videlicet verbis species
dominicæ passionis quasi iam transacta describitur, sed tamen
adhuc longè post futura nunciatur. Hoc ergo loco quo dicitur:
Cum sublatus fuerit, timebunt angeli, nil obstat intelligi:
quia sub futuri temporis modò præteritū describuntur. Nec
rectæ intelligentiæ sensum relinquimus, si credamus Leuiathā
isto ab arce beatitudinis cadente, in ruina eius etiam electos
angelos expauisse, vt cū istum ex illorum numero superbiæ
lapsus eiiceret, illos ad robustius stādum timor ipse solidaret.
Vnde & sequitur: *Et territi purgabuntur.* Purgati verò sunt:
quia nimirum isto cum reprobis legionibus exeunte, soli in
cœlestibus sedibus qui beatè in æternum viuerent, remanse-
runt. Huius itaque lapsus eos terruit & purgauit. Terruit, ne
conditorem suum superbe despicerent: purgauit verò, quia
exeuntibus reprobis, actum est vt electi soli remanerent. Et
quia cunctorum opifex Deus scit ad bonorum custodiam e-
tiam bene vt mala actione reproborum, lapsum cadentium
vertit in profectum manentium, & vnde punita est culpa su-
perbiētium, inde humilibus angelis, & inuēta, & solidata sunt
augmenta meritorum. Istis nanque cadentibus, illis in mune-
re datum est, vt cadere omnino non possent. Sancti enim
angeli dum in istis naturæ suæ damna conspiciunt, in seipsis iā
cautius robustiusque consistunt. Vnde fit authore omnium
rerum Domino cuncta mirabiliter ordinante, vt illi electorū
spirituum patriæ etiam ruinæ suæ damna proficiant, dum in-
de firmitus constructa sit, vnde fuerat ex parte destructa. Sed
quia sæpe scriptura sacra prædicatores Ecclesiæ pro eo quod
gloriam patriæ cœlestis annunciant, angelorum solet nomine
designare, possumus hoc loco angelos sanctos prædicatores
accipere. Hinc est enim quod Ioannes in Apocalypsi septem
Ecclesiis scribens, angelis Ecclesiarum loquitur, id est, prædi-
catoribus populorū. Hinc Propheta ait: Et angeli pacis amarè
flebunt. Hinc rursus Malachias propheta ait: Labia sacerdo-
tis custodiunt scientiam, & legem inquirunt ex ore eius: quia
angelus domini exercituum est. Hinc Paulus ait: Magnum
est pietatis sacramentum, quod manifestatum est in carne, iu-
stificatum in spiritu, apparuit angelis, prædicatum est genti-
bus, creditum est in hoc mundo, assumptum est in gloria. Qui
igitur dispensationis mysterium postquam apparuisse angelis
dixit, prædicatum esse gentibus subdidit, profectò angelorū
nomine, prædicatores sanctos, id est, veritatis nūcios designa-
uit. Si ergo hoc quod dicitur: Cum sublatus fuerit, timebunt
angeli, & territi purgabuntur, ad futurū tempus refertur, adue-
niente districto iudice, extrema hic istius Leuiathan damna-
tio designatur: qua de hoc mundo per iram iudicij tollitur, qui
nunc mira mansuetudinis longanimitate toleratur. Tanto au-
tem hinc pōdere terroris excutitur, vt sanctorum etiam præ-
dicatorum fortitudo turbetur. Cū enim sublatus fuerit, ti-
mebunt angeli: quia cū iudicij turbine rapitur, hi qui in cor-
poribus reperiri potuerint, immenso terrore concussi, etiam
supernæ patriæ nuncij contremiscunt. Quauis enim fortes
iam atque perfecti sunt, adhuc tamen, quia in carne sunt posi-
ti, non possunt in tanti terroris turbine nulla formidine con-
cuti. Sed cū Leuiathan iste rapitur, cūque omnia in eius
interitu elementa quatiantur: prædicatores sanctos quos, vt
dixi, adhuc in suis corporibus illud tempus iudicij inuenit;
spes de regni propinquitate letificat, & carnis infirmitas de ire
ostensione perturbat. Erit ergo in eis aliquo modo tremor læ-
tus, & timor securus: quia & cœlesti regno se remunerari certi
sunt, & per tanti turbis metum, pro carnis infirmitate cōtre-
miscunt. Consideremus ergo quomodo tunc iniquorum con-
scientia concutitur, quādo etiam iustorū vita turbatur. Hi qui
oderunt aduentum iudicis, quid facient, si terrorem tanti iudi-
cij etiam qui diligunt, expauescūt? Et quia in sanctis prædi-
catoribus hoc pauore excoquitur, si qua eis inesse potuit leuium
rubigo vitiōrū, postquam dixit: Cum sublatus fuerit, timebūt
angeli, aptè mox subdidit: Et territi purgabuntur. Sed quia hæc
D

Psal. 11.

4.

Esai. 33.
Mala. 2.

1. Tim. 3.

de Leuiathan istius sine cognouimus, interim priusquam pe-
reat quid agat, audiamus. Sequitur:

*Quod in persecutione antichristi, prædicatio & patientia sanctorum per-
iclitatur.* Caput VIII.

Cum apprehenderit eum gladius, subsistere non poterit neque ha-
sta, neque thorax. In scriptura sacra aliquando per gla-
dium sancta prædicatio, aliquando æterna damnatio, aliquan-
do tribulatio temporalis, aliquando antiqui hostis ira vel per
suasio designatur. Gladius enim sancta prædicatio ponitur,
sicut Paulus ait: Et gladium spiritus, quod est verbum dei.
Ephe. 6. Gladij nomine æterna damnatio designatur, sicut de prædi-
cante hæretico scriptum est: Si multiplicati fuerint filij eius,
Luca 2. in gladio erunt: quia quantalibet hinc numerositate germinet,
æterna damnatione consumuntur. Gladius tribulatio tempo-
ralis accipitur, sicut Mariæ de secuturis tribulationibus dicitur:
Psal. 143. Et tuam ipsius animam pertransibit gladius. Rursum per gla-
dium ira, vel persuasio maligni hostis exprimitur, sicut Psal-
mistæ ait: Qui liberaisti David seruum tuum de gladio mali-
gno. Benignus quippe sanctæ prædicationis est gladius quo
percutimur, ut à culpa moriamur. Malignus verò est diabo-
licæ persuasionis gladius, quo malè quisque percutitur, ut à
vitæ rectitudinis extinguatur. Antiqui ergo hostis est gladius
ille tunc damnatus homo, in usum ministerij eius assumptus.
Ipsam quippe per malitiam fraudis exacuit, & infirmorum
corda transfigit. Hinc ergo Leuiathan gladiū apprehendit, cum
eum suus damnatus homo susceperit. Si autem gladij nomi-
ne eius ira signatur, rectè non apprehendere gladium, sed à
gladio apprehendi describitur. In tantam quippe tunc insa-
niam vertitur, ut dominari omnibus appetens, nequaquam
sue iræ dominetur. Nos nanque cum iram in usum iustitiæ
assumimus, gladium tenemus: quia eam sub æquitate iudicij
possidendo moderamur. Ille autem quia per abrupta furoris
rapitur, non apprehendere gladium, sed à gladio apprehendi
perhibetur. Non enim iram possidens tenet, sed ab ira sæui-
ens tenetur. Cunctis autem liquet quod hasta aduersarij
percutimus, thoracem verò ab aduersario munimur. Per hastam
vulnera inferimus, per thoracem tegimur ne vulneremur.
Quid igitur per hastam nisi prædicationis iaculum, quid per
thoracem, nisi fortitudo patientiæ designatur? Leuiathan er-
go iste, quia per assumptum reprobum hominem in ira om-
nimodæ crudelitatis effrenatur, apprehendi à gladio dicitur.
Nam per ostensionem immensæ tunc fortitudinis exhebet,
quicquid nequiter potest. Et neque hasta neque thorax sub-
sistere poterit: quia in antichristum veniens, tantæ virtutis
apparebit, ut si supernum adiutorium desit, & prædicantium
acumen obtundat, & longanimitatem patientium destruat.
Nisi enim iustorum vitam superna gratia solidet, non subsi-
stet hasta, quia prædicantium virtus frangitur: non subsistit
thorax, quia constantium patientia dirupta penetratur. Vnde
& subditur: *Reputabit enim ut paleas ferrum, quasi lignum putri-
dum æs.* Quod superius hastam dixit, hoc inferius ferri appel-
latione replicauit, & quod thoracem protulit, hoc rursum æ-
ris commemoratione signauit. Ferrum nanque acuitur, ut ad-
uersarius vulneretur. Aes autem rubigine penè nulla consu-
mitur. Ferro ergo prædicationis iacula, ære autem longani-
mitatis constantia designatur. Vnde & sub Aser specie de
sancta Ecclesia per Moysen dicitur: Ferrum & æs calceamen-
tum eius. Calceamentum quippe in scriptura sacra munimè præ-
dicationis accipitur, sicut scriptum est: Calciati pedes in præ-
paratione Euangelij pacis. Quia ergo per ferrum virtus, per
æs autem perseuerantia exprimitur: ferrum & æs calceamen-
tum eius dicitur, cum prædicatio eius acumine simul, & cõ-
stantia munitur. Per ferrum enim mala aduersantia penetrat,
per æs autè bona quæ proposuit, longanimiter seruat. Cuius
profecto perseuerantiam illic apertius insinuat, dicens:

*Quod ab initio mundi usque ad finem, persecutio diaboli non
quiescat, & quod multi qui se ferrum, vel æs æstimant,
id est, fortes, vel longanimes, infirmos & con-
temptibiles, ut paleas, & putrida li-
gna tunc se agnoscent.*

Caput IX.

Sicut dies iuuentutis eius, ita erit & senectus illius. Sed Le-
uiathan iste quando illum gladium, quem sacra eloquia
antichristum vocant, in exercitationem suæ iniquitatis assu-
mperit, & ferrum velut paleas, & æs velut lignum putridum
reputabit: quia nisi diuina gratia protegat, & prædicantium
vires velut paleas nequitie suæ igne consumeret, & patientium
constantiam quasi lignum putridum in puluerem rediget. Et
acumen igitur ferri, & æris fortitudo deficit, dum per violentiam
virtutis illius, & prædicationis sensus obtunditur, & pa-
tientiæ longanimitas dissipatur. Nisi ergo electos suos opi-
tulatione diuina roboret, ubi tunc infirmi erunt, si fortes sicut
paleas reputantur? Quid tunc Leuiathan iste de paleis faciet, si
ferrum quasi paleas æstimabit? Quid de putridis lignis actu-
rus est, si quasi lignum putridum æris fortitudinem soluet?
Sed o quam multi qui suis viribus ferrum se vel æs æstimant,
in illo tunc tribulationis igne se paleas esse deprehendunt, &
quam multi qui per infirmitatem propriam se esse paleas me-
tuunt, per diuinum adiutorium fulti, in ferri atque æris soli-
ditate roborantur, ut contra aduersarium suum tantò magis
in Deo fortes sint, quantò de se amplius infirmos se esse me-
minerunt. Sed quantò altius Behemoth iste contra electos
Dei per miracula erigitur, tantò contra eum sancti quique
vehementius ad prædicationis se verba cõstringunt. Qui ta-
men ita reproborum mentes possidet, ut eas nulla confossus
veritatis iaculatione relinquat. Vnde & subditur:

*Quod Leuiathan à cordibus reproborum, nullis prædicantium
sagittis tunc repellatur, & totum robur Ecclesiæ ipsumque
diuini iudicij malleum in illo damnato homine
absque timore contemnat:*

Caput X.

Non fugabit eum vir sagittarius. Quid enim per sagittas,
nisi verba prædicantium accipimus? Quæ dum voce be-
ne viuientium distringuntur, audientium corda transfigunt.
His sagittis sancta Ecclesia percussa fuerat, quæ dicebat: Vul-
nerata charitate ego sum. De his sagittis Psalmistæ voce nar-
ratur: Sagittæ paruulorum factæ sunt plagæ eorum: quia sci-
licet verba humilium penetrauerunt animos superbiorum.
De his sagittis venienti propugnatori dicitur: Sagittæ tuæ a-
cutæ potentissime, populi sub te cadent in corde. Vir itaque
est sagittarius, qui per sanctæ intentionis arcum, audientium
cordibus verba rectæ exhortationis infigit. Quia ergo Le-
uiathan iste verba prædicantium despicit, & cum reprobo-
rum mentes malè suadendo momorderit, durus inter iacula
omnimodo eas non relinquit. rectè dicitur: Non fugabit eum
vir sagittarius: ac si aperte dicatur: A reproborum cordibus
sancti prædicantis sagitta non excutit: quia quisquis ab illo
apprehenditur, verba iam prædicantium audire contemnit.
Vnde bene peccatis præcedentibus irascens, de his quos in
manu antiqui hostis deserit, Dominus per Prophetam dicit:
Immittam vobis serpentes regulos, quibus non est incanta-
tio: ac si diceret: Iusto iudicio talibus vos immundis spiri-
tibus tradam, qui à vobis excuti exhortatione prædicantium
quasi incantantium sermone non valeant. Quia verò Leuiathan
iste à cordibus reproborum sanctæ prædicationis spicu-
lis non mouetur, ipse etiam sanctorum virorum contemptus
adducitur, cum illic subinfertur: *In stipulam versi sunt ei lapi-
des fundæ.* Quid per fundam nisi sancta Ecclesia figuratur?
Funda nanque dum in gyrum mittitur, sicut de illa lapides
exeunt, quibus aduersariorum pectora feriuntur: ita sancta Ec-
clesia dum volubilitate temporum per tribulationum circum-
itum ducitur, fortes ex illa viri prodeunt, quibus quasi la-
pideis ictibus iniquorum corda tundantur. Vnde & ad Prophe-
tam de bonis doctoribus Dominus dicit: Deuorabunt & sub-
iicient lapidibus fundæ. Sancti quippe doctores qui ad vir-
tutem, & alios instruunt, hostes deuorant, dum eos intra cor-
pus suum per vim conuersionis immutant. Quos lapidibus
fundæ subiiciunt: quia dum fortes quosque in sancta Eccle-
sia viros instituunt, per eos aduersariorum superbientium
pectora dura confringunt. Vnde & Goliath immanissimus sa-
xo fundæ moritur: quia singulari sanctæ Ecclesiæ lapide dia-
bolica celsitudo superatur. Leuiathan itaque iste, quia dānato
illo homine asūpto, quoslibet fortes Ecclesiæ velut infirmos
despiciunt, eorumque vires temporaliter premit, rectè nunc dici-
tur:

tur: In stipulam versi sunt ei lapides fundæ: ac si apertè diceretur: Sanctorum robur quasi in stipulæ molliem redigit, quorum lingua prius pectus illius duris ictibus tutudit. Omnem quippe tunc fortitudinem suæ iniquitatis exercens, quāto se ab eis vinci spiritaliter dolet, tantò atrocius contra eos corporaliter præualeat. Et quia nil se contra eorum spiritum præualere considerat, in eorum carne crudelitatis suæ omnia argumenta consummat. Sed quid mirum si humanas vires despicit, qui ipsa etiam superni in se iudicii æterna tormenta contemnit? Vnde & subditur: *Quasi stipulam aestimabit malleum.* Ac si diceret: Etiam pondus eius animaduersionis despicit, qui se per supplicium desuper veniens ferit. In scriptura enim sacra mallei nomine, aliquando diabolus designatur, per quem nunc delinquentium culpæ feriuntur. Aliquādo verò percussio cœlestis accipitur, qua vel electi supernos ictus sentiunt, ut à prauis itineribus corrigantur, vel iusta ira reprobos percutit, ut iam supplicia æterna præueniens, quid etiam in posterum mereantur, ostendat. Nam quia appellatione mallei antiquus hostis exprimitur, Propheta testatur, cum super eum vim extremi iudicii contemplatur, dicens: Quo modo confractus est, & contritus malleus vniuersæ terræ? ac si diceret: Eum per quem vascula sua Dominus in ministerij vsum formanda percutit, quis perpendat quo turbine veniente extremo iudicio in æterna damnatione confringit? Rursum per malleum percussio cœlestis exprimitur, quod Salomone templum ædificante signatur, cum dicitur: Domus autem cum ædificaretur: lapidibus dedolatis atque perfectis ædificata est, & malleus & securis, & omne ferramentum non sunt audita in domo cum ædificaretur. Quid enim domus illa, nisi sanctam Ecclesiam, quam in cœlestibus Dominus inhabitat, figurabat? Ad cuius ædificationem electorum animæ quasi quidam expoliti lapides deferuntur. Qui cum ædificatur in cœlis, nullus illic iam disciplinæ malleus resonat: quia dolati atque perfecti illuc lapides ducimur, ut locis iuxta meritum congruis disponamur. Hic enim foris tundimur, ut illic sine reprehensione veniamus. Hic malleus, hic securis, hic omnia tunctionum resonant ferramenta. In domo autem Dei nulli ictus audiuntur: quia in æterna patria omnis iam percussionum strepitus conticescit. Nequaquam ibi malleus percutit: quia nulla animaduersio affligit. Nequaquam securis incidit: quia receptos interius nulla foras seueritatis sententia projicit. Nequaquam ferramenta perstrepunt: quia nec quilibet minima ultra iam flagella sentiuntur. Quia ergo per malleum desuper venientem cœlestis pondus percussionis exprimitur, quid est quoddam Leuiathan iste malleum despicit, nisi quoddam supernæ animaduersionis ictus formidare contemnit? Et qua si stipulam malleum deputat: quia ad iustæ iræ se pondera velut contra terrores leuissimos parat. Vnde & adhuc expressius subditur:

Quod imminentibus tormentis excacatus malitia, ad exercenda mala diabolus acris insurgit. Caput XI.

ET deridebit vibrantem hastam.) Contra Leuiathan enim Dominus hastam vibrat, quia in eius interitu districtam minatur sententiam. Hastam quippe vibrare, est æternam ei mortem ex districta animaduersione præparare. Sed apostata spiritus authorem vitæ etiam cum sua morte despiciens, hastam vibrantem deridet: quia ex districto iudicio quicquid graue, quicquid horribile esse præuidet, pati non metuit, sed quo se æterna tormenta non posse euadere conspiciat, eo in exercenda nequitia durior surgit. Quem cum plerique huius mundi sapientes in cunctis quæ appetit, tanta pertinacia, tanta formidine stringi considerat, corda sua ad famulatum eius tyrannidis inclinant, & omne quod Deo largiente sapiunt, hoc contra eum ad seruitium hostis illius inflectunt. Vnde & rectè subditur:

Quod hi qui videbantur radij virtutum splendere, vel minis territi, vel cruciatibus victi, Leuiathan seditionem subintrent. Caput XII.

Sub ipso erunt radij Solis.) In scriptura enim sacra cum figuratè Sol ponitur, aliquando Dominus, aliquando persecutio, aliquando de re qualibet manifeste visionis ostensio, aliquando autè intelligentia sapientium designatur. Per Solè quippe Tomus primus.

A Dominus figuratur, sicut Sapientiæ libro perhibetur quoddam omnes impij in extremi die iudicii cognita sua dānatione dicturi sunt: Errauimus à via veritatis, & lumen iustitiæ non luxit nobis, & Sol non est ortus nobis: ac si apertè dicant: Interni nobis luminis radius non refulsit. Vnde & Ioannes ait: Mulier amicta Sole, & Luna sub pedibus eius. In sole verò illustratio veritatis, in luna autem quæ menstruus suppletionibus deficit, mutabilitas temporalitatis accipitur. Sancta autem Ecclesia, quia superni luminis splendore protegitur, quasi Sole vestitur: quia verò cuncta temporalia despicit, lunam sub pedibus premit. Rursum Sole persecutio designatur, sicut in Evangelio veritas dicit, quoddam nata sine radicibus semina orto Sole aruerunt: quia videlicet verba vitæ in corde terrenorum hominū temporali momento virentia, superueniente persecutionis ardore siccantur. Rursum Sole manifestæ visionis ostensio designatur, sicut Propheta Dominum cunctorum oculis apparentem denunciat, dicens: In Sole posuit tabernaculum suum: ac si diceret: Humanitatis assumptæ sacramentum in lumine manifestæ visionis ostendit. Et sicut eidem prophetæ diuina voce per Nathan dicitur: Tu fecisti in abscondito, ego verò faciam verbum istud in conspectu omnis Israël, & in conspectu Solis. Quid enim per conspectum Solis, nisi cognitionem insinuat manifestæ visionis? Rursum solis nomine, sapientium intellectus exprimitur, sicut in Apocalypsi scriptum est: Quartus angelus effudit phialam suam in Solem, & datum est illi æstu afficere homines & igni. Phiala videlicet in Solem effundere, est persecutionis supplicia viris sapientiæ splendore fulgentibus irrogare. Et datum est illi ut afficeret homines æstu & igni: quia dum sapientes viri cruciatibus victi, malè agendi errore tanguntur, illorū exemplo persuasi infirmi quique temporalibus desideriis inardescunt. Ruinæ nanque fortium augmenta præstāt perditionibus infirmorum. Quia Sole acumen sapientiæ designatur, per comparisonem quoque à Salomone dicitur: Sapiens ut Sol permanet, stultus ut luna mutatur. Hoc ergo loco quid per Solis radios, nisi acumina sapientium demonstrantur? Quia enim multi qui in sancta Ecclesia luce sapientiæ resplendere videbantur, tunc vel persuasionibus capti, vel minis territi, vel cruciatibus fracti, Leuiathan istius seditioni subiiciuntur, rectè dicitur: *Sub ipso erunt radij Solis.* ac si apertè diceretur: Hi qui intra sanctam Ecclesiam per acumina sapientiæ quasi radios videbantur lucis aspergere, & per auctoritatem rectitudinis desuper resplendere, potestati Leuiathan istius iniqua se operatione subternunt: ut non iam recta prædicatio desuper luceant, sed ei peruersè obsequendo famulentur. Solis ergo radij sub ipso sunt, cum nonnulli etiam docti viri sapientiæ suæ acumina non liberè agendo subleuant, sed ad vestigia Leuiathan istius, & peruersitate operis, & blandimento adulationis inclinant: ut intelligentia quæ illis sicut sol desuper fuit ex cœlesti munere antiqui hostis pedibus subternatur ex terrenā cupiditate. Vnde & nunc cum quisque sapientium, vel doctorum pro commodo, vel gloria vite temporalis per adulationis lapsum terrenis se potestatibus præuè agentibus subiicit, quasi sub vestigiis venientis antichristi Solis se radius sternit. Et velut cœli lucem sibi Behemoth humiliat, dum per pestiferum assensum sapientium mentes calcit. Toties verò Leuiathan istius pedibus se radij Solis subdunt, quoties hi qui doctrinæ videntur lumine resplendere, immoderato acumine praua in sacro eloquio sentiunt, peruersis que sensibus eius se erroribus subternunt: quia dum contra fidelia veritatis prædicamenta se erigunt, Leuiathan istius vestigiis falsa sentiendo famulantur. Toties radij Solis sub ipso sunt, quoties docti quique, & intelligentiæ luce pollentes, vel despectis cæteris in elatione se erigunt, vel summa quæ sapiunt postponentes, sordidis carnis desideriis inquinantur, vel obliti cœlestium, terrena ambiunt: vel non reminiscetes, quia terra sunt, de cognitione cœlestium inaniter gloriantur. Vnde & rectè ibi subiungitur:

Quod hi, qui ante humanos oculos quasi aurum singularitate splendore iustitiæ videntur, sed si cadunt, ut non pœniteant, ante Dei oculos nunquam aurum, sed lutum fuerunt. Caput XIII.

Sternet sibi aurum quasi lutum.) Appellatione quippe auri, in sacro eloquio aliquando diuinitatis claritas, aliquando splē

Canti. 5.

Apoc. 21.

Hier. 51.

Gen. 3.

Thren. 4.

9.

Abacuc. 2.

Abac. 3.

Psalm. 68.

2. Thes. 2.

dor supernæ ciuitatis, aliquando charitas, aliquando nitor gloriæ secularis, aliquando pulchritudo sanctitatis accipitur. Auri enim nomine, ipsa intima diuinitatis claritas designatur, sicut in Canticorum canticis sponsi species describitur: Caput eius aurum optimum. Quia enim caput Christi Deus, nil verò est in metallis auro fulgentius, sponsi caput aurum dicitur: quia eius humanitas ex diuinitatis suæ nobis claritate principatur. Rursum auri nomine spendor supernæ ciuitatis accipitur: sicut hanc Ioannes se vidisse testatur, dicens: Ipsa ciuitas aurum mundum simile vitro dicitur: vt & per aurum clara, & per vitrum perspicua designetur. Rursum auri nomine charitas intimatur, sicut angelum quem sibi loqui idem Ioannes aspexit, ad mamillas zona aurea cinctum vidit: quia nimirum supernorum ciuium pectora dum pœnali iam nequaquā timori subiecta sunt, atque à se vicissim nulla scissione soluuntur, ex sola se charitate cōstringunt. Zonam verò auream circa mamillas habere, est cunctos mutabilium cōgitationum motus, per solius iam amoris vincula restringere. Rursum auri nomine, nitor gloriæ temporalis exprimitur, sicut per Prophetam dicitur: Calix aureus Babylō. Quid enim Babylonis nomine, nisi huius mundi gloria designatur? Quæ calix aureus dicitur: quia dum pulchra esse temporalia ostendat, stultas mentes in sua concupiscētia deebriat, vt speciosa temporalia appetant, & inuisibilia pulchra contemnāt. Hoc aureo calice prima sponte sua Eua deebriata est, de qua historia veritatis dicit: quia cū vetitum lignum cōcupisceret, vidit quòd esset pulchrum visu, aspectuque delectabile, & comedit. Aureus ergo Babylō calix est: quia dum visum exterioris pulchritudinis ostendit, sensum internæ rectitudinis subtrahit. Rursum auri nomine, splendor sanctitatis accipitur, sicut Iudaicum populum à splendore iustitiæ ad nequitiam tenebras commutatum Hieremias deplorat, dicens: Quomodo obscuratum est aurum, mutatus est color optimus? Sicut enim superius diximus, aurum obscuratur, cū consequentibus iniquitatum tenebris, iustitiæ pulchritudo deseritur. Color optimus mutatur, cū splendor innocentiae in fecditatem vertitur culpæ. Luti quoque nomine, in sacro eloquio aliquando terrenarū rerū multiplicitas, aliquando sordidū sapiens iniqua doctrina, aliquando desiderij carnalis illecebræ designantur. Per lutum quippe terrenarum rerum multiplicitas figuratur, sicut per Abacuc prophetam dicitur: Vt ei qui multiplicat nō sua, vsque quo aggrauat cōtra se dēsum lutum? Denso enim se luto aggrauat, qui per avaritiam terrena multiplicans, peccati sui se oppressione coangustat. Rursum luti nomine, doctrina sordidum sapiens designatur, sicut per eundem prophetam Domino dicitur: Viam fecisti in mari equis tuis in luto aquarum multarum: ac si diceret: Aperuisti iter prædicatoribus tuis inter doctrinas huius seculi sordida & terrena sapientes. Per lutum quoque desiderium sordidæ voluptatis exprimitur, sicut Psalmista deprecās ait: Eripe me de luto, vt non inhæream. Luto quippe inhærere, est sordidis desideriis concupiscētiæ carnalis inquinari. Hoc ergo loco aurum claritas sanctitatis accipitur: lutum verò, vel terrenarum rerum avaritiam, vel prauarum contagia doctrinarum, vel sordes carnalium voluptatum nil obstat intelligi. Quia enim multos Leviathan iste qui intra sanctam Ecclesiam fulgore iustitiæ resplendere videbantur, tunc vel terrenarum rerum concupiscētia, vel errantis doctrinæ contagio, vel carnalibus sibi voluptatibus subiicit, aurum sibi proculdubio quasi lutum sternit. Aurum enim quasi lutum sternere, est in quibusdam vitæ munditiam per illicita desideria conculcare, vt hi etiam sordidis eius vestigiis seruiant, qui contra illum prius virtutum splendore rutilabant. Antiquus itaque hostis alios tunc sub specie sanctitatis illudit, alios autem per fœda vitia vitæ carnalis intercipit. Sed tūc per hæc apertè grassabitur, nunc autem multorum cordibus occultè dominatur, sicut Paulus apostolus dicit: Vt reueletur in suo tempore: nam mysterium iam operatur iniquitatis. Toties igitur etiam nunc aurum sibi quasi lutum subiicit quoties castitatem fidelium per carnis vitia sternit. Toties aurum velut lutum calcat, quoties sensum continentium per immunda desideria dissipat. Quod tunc tantò vehementius peragit, quantò suæ perditæ libertati commis-

10.
sus, hoc quòd appetit, effrenatius perpetrat. Et fortasse quæpiam moueat cur misericors Deus fieri ista permittat: vt Leviathan iste seu nunc per suggestiones callidas, siue tunc per damnatum illum quem replet hominem, vel solis sibi radios; id est, doctos quosque sapientesque subiiciat: vel aurum, hoc est viros sanctitatis claritate fulgentes, quasi lutum sibi vitiis coinquinando subternat. Sed citius respondemus: quia aurum quod prauis eius persuasionibus quasi lutum sterni potuerit, aurum ante Dei oculos nunquam fuit. Qui enim seduci quandoque non reuersuri possunt, quasi habitam sanctitatem ante oculos hominum videntur amittere: sed eam ante oculos Dei nunquam habuerunt. Sæpe nanque homo multis occultè peccatis inuoluitur, & in vna aliqua virtute magnus videtur. Quæ ipsa quoque virtus inanescens deficit: quia dum innotescit hominibus, proculdubio laudatur, eiufque latis inhianter appetitur. Vnde fit vt & ipsa virtus ante Dei oculos virtus non sit, dum abscondit quod displicet, prodit, quod placet. Quæ itaque esse merita apud Deū possunt, quando & mala occulta sunt, & bona publica? Plerumque enim, sicut diximus, latet superbia & castitas innotescit: atque ideo ostensa diu castitas circa vitæ finem perditur: quia cooperata superbia vsque ad finem incorrecta retinetur. Alius elemosynis vacat, propria distribuit: sed tamen multis iniustitiis seruit, vel fortasse linguam in detractionibus exercet. Et fit plerumque, vt is qui misericors fuerat, iuxta vitæ suæ terminum, rapacitatis, & crudelitatis stimulis inardescat. Quod valde iusto iudicio agitur, vt & perdat ante homines, vnde hominibus placuit, qui hoc vnde Deo displicuit, corrigere nunquam curauit. Alius patientiæ studet, sed dum inuidere aliis, & seruare in corde malitiam non cauet, fit quandoque impatiens, qui diu latuit dolens. Hi itaque & per aliquid aurum sunt, & per aliquid lutum sunt. Atque hoc aurum quasi lutum sternitur, quando occultis peccatis exigentibus, etiam virtus quæ publicè claruerat, dissipatur. Sed operæ precium credimus, si in his virtutem superni ordinis subtilius perpendamus. Sæpe enim omnipotens Deus occulta quorundam mala tolerat, vt aperta eorum bona electorum suorum vñibus profutura dispenset. Nam nonnulli mundū nequaquam sordidus deserentes, non perseueraturi angustum iter arripiunt, sed ad quærendam angustam viam exemplo suo eos qui perseueraturi sunt, accendunt. Vnde plerumque contingit, vt ipsum hoc quod bene videntur viuere, non sibi, sed solis potius electis viuant: dum exemplis suis ad bene viuendi studia perseueraturos alios non perseueraturi prouocant. Sæpe verò quosdam videmus viam ingredi, ad locum propositum festinare, quos alij quia euntes conspiciunt, sequuntur: eundemque locum pariter petunt. Sed fit plerumque vt irruente aliquo implicationis articulo, post se redeant qui præibant, & hi ad locum perueniant, qui sequebantur. Ita nimirum sunt qui non perseueraturi viam sanctitatis arripiunt. Idcirco enim virtutis iter non peruenturi inchoant, vt eis qui peruenturi sunt, quæ gradiantur, ostendant. Quorum etiam casus vtilitate non modica electorum profectibus seruit: quia illorum lapsus dum conspiciunt, de suo statu contremiscunt, & ruina quæ illos damnat, istos humiliat. Discunt enim in superni adiutoris protectione confidere, dum plerosque conspiciunt de suis viribus cecidisse. Quando ergo bene agere videntur reprobi, quasi planum iter electis sequentibus monstrant: quando verò in lapsum nequitie corruūt, electis post se pergentibus quasi cauendam superbiam foueam ostendunt. Eat ergo Leviathan iste, & solis sibi radios subdat, atque aurum luti more subiiciat. Scit omnipotens Deus ad electorum suorum solatiū bene vt malo reproborum, quando hi qui ad illum peruenturi sunt, & suis ad eum meritis proficiunt, & sæpe in eo quod superbè sapiunt, alienis lapsibus corriguntur. Sed si hæc Leviathan iste agit in eis etiam quos claros aliqua virtus ostendit, quid de illis factururus est quorum mens, vel ex parte aliqua subleuata à terrenis cōcupiscētiis nō est? Quos tamen diuinus sermo apertè exprimit, dum subiungit:

Quòd in tantum ceci erunt qui adhærebunt antichristo, vt seruantes in coptumeliis, & morte sanctorum, arbitrentur obsequium se præstare Deo.

Caput XLIII.

Feruescere

Feruescere faciet quasi ollam profundum mare.) Quid per mare nisi vita secularium, quid per profundum, nisi altæ & abditæ eorum cogitationes exprimuntur? Quod profundum mare Leuiathan iste quasi ollam facit feruescere: quia nimirum constat, quod persecutionis extremæ tempore, contra electorum vitam studeat animos reproborum per flammam crudelitatis excitare. Tunc profundum mare quasi olla feruescit, cum corda reproborum valido ardore succendit: & quæ hoc pacis tempore intra suam malitiam clausa latuerunt, tunc in æstum immanissimæ persecutionis ebulliunt, ac per abruptam crudelitatis apertæ licentiam, ea quæ diu prefferant odia antiqui liuoris exhalant. Quia autem pestifero errore persuasi, sic in istis famulantur antichristo, ut tunc verius præbere se æstiment obsequium Christo: postquam dixit: Feruescere faciet quasi ollam profundum mare, aptè subiunxit: *Ponet quasi cum vnguenta bulliunt.* Vnguenta quippe cū bulliunt, fragrantiam suauitatis reddunt. Quia ergo Leuiathan iste ita seducet corda reproborum, ut quicquid agunt ex iniquitate perfidiæ, pro veritate rectæ fidei se agere suspicentur, quasi bene eis olet id, quod zelo religionis exercent. Vnde in Euangelio discipulis veritas dicit: Ut omnis qui interficit vos, arbitretur obsequium se præstare Deo. Igitur sicut olla feruent, dum crudeliter persequuntur: sed apud eos ipsa persecutio, vnguentorum fragrantiam redolet, dum mens eorum vanis suspicionibus decepta, æstimat quia Deo obsequium persoluat. In scripturæ enim sacra vnguentorum odoribus opinio solet signari virtutum. Vnde sponsa in Canticis canticorum sponsum desiderans dicit: In odore vnguentorum tuorum currimus. Et vnde Paulus apostolus virtutū laude fragrare se sciens, ait: Christi bonus odor sumus Deo. Itaque quia Leuiathan iste ministros illius perdit vasis sui in crudelitatis opera sub opinione laudis, & prætextu virtutis intercipit, postquam dixit: Feruescere faciet quasi ollam profundum mare, rectè mox subdidit: Ponet quasi cum vnguenta bulliunt: Quod enim per crudelitatis incendium mare feruet, hoc in eorundem iudicio qui excæcantur falso nomine virtutis ac si vnguenta bulliant, ostendit: ut tantò atrociores ad crudelitatem fiant, quantò se etiam merere præmia quasi pro zelo religionis existimant. Iustumque hoc est diuino iudicio, ut qui pietatis vim perpendere & custodire negligunt, suspicionis suæ odore fallantur. Vnde & ad illusionis augmentum, eos crudelia perpetrantes, signa quoque ac prodigia subsequuntur, & rectè subiungitur:

Quod antichristi semita multis miraculis fulgeat.

Caput XV.

Post eum lucebit semita.) Post Leuiathan quippe semita luce re perhibetur: quia quaquā transit, admirationem nimiam ex miraculorum suorum claritate derelinquit, & siue per se, seu per ministros suos quolibet prodeat, mendacibus signis coruscet. Vnde & hoc quod iam sæpe protulimus, in Euangelio veritas dicit: Surgent pseudochristi & pseudoprophetae, & dabunt signa & prodigia: ita ut in errorem inducantur, si fieri potest, etiam electi. Semita igitur post Leuiathan lucet: quia quorum corda penetrat, eorum opera prodigiis illustrat, ut nimirum tantò altius eorum mentes in erroris tenebris teneat, quantò per eos foris quasi potentius lucem de miraculis ostendat. Sed sunt nonnulli qui in memoria & verba prophetica, & Euangelica præcepta retinentes, sciant & falsa esse signa quæ exhibet, & vera supplicia ad quæ decipiens trahit. Horum corda Leuiathan iste, quia sanctitatis ostentatione non intercipit, in alia se eis illusione componit. Quosdam namque hæc scientes, sed tamen præsentem vitam diligentes conspiciunt, quorum protinus mētibus ventura supplicia leuigat, finienda quandoque distractionis iudicia asserit, & deceptos callidè ad præsentem voluptates rapit. Vnde & aptè mox subditur:

Quod ita infatuati sunt quidam hæretici, quod iudicium Dei finem habere existiment, & minas tormentorum ad terram tantum intentas à Deo, ut à peccatorum perpetratio- ne genus humanum compesceret.

Caput XVI.

Tomus primus.

Aestimabit abyssum quasi senescentem.) Quod æterna incomprehensibiliæque iudicia abyssi soleant nomine designari, Psalmista testatur dicens: Iudicia tua abyssus multa. Senectus verò aliquando pro finis propinquitate ponitur. Vnde Apostolus ait: Quod antiquatur & senescit, prope interitum est. Leuiathan itaque iste æstimabit abyssum quasi senescentem: quia reproborum corda sic infatuat, ut suspensionem eis de venturo iudicio quod quasi finiatur, infundat. Abyssum namque senescere æstimat, qui terminari quandoque in suppliciis supernam animaduersionem putat. Igitur antiquus iste persuasor in membris suis, id est, in mentibus iniquorum, futuras pœnas quasi certo fine determinat, ut eorum culpa sine termino correptionis extendat, & eo magis hic peccata non finiunt, quo istic æstimat peccatorum supplicia finienda. Sunt enim nunc etiam qui idcirco peccatis suis ponere finem negligunt, quia habere quandoque finem futura super se iudicia suspiciantur. Quibus breuiter respondemus, si quandoque finienda sunt supplicia reproborum, quandoque finienda sunt ergo & gaudia beatorum. Per semetipsam namque veritas dicit: Ibunt hi in supplicium æternum, iusti autem in vitam æternam. Si igitur hoc verum non est quod minatus est, neque illud verum est quod promissit. At inquirunt, ideo æternam pœnam peccantibus minatus est, ut eos à peccatorum perpetratione compesceret: quia creaturæ suæ æterna supplicia minari debuit, non inferre. Quibus citius respondemus: Si falsa minatus est, ut ab iniustitia corrigeret, etiam falsa pollicitus est, ut ad iustitiam prouocaret. Et quis hanc eorum vafaniam toleret, qui dum promissionibus suis reproborum supplicia finire assertionem suam etiam electorum præmia remunerationisque confundunt. Quis hanc eorum vafaniam toleret, qui conantur alstruere verum non esse quod veritas de æterno igne minata est, & dum satagunt Deum perhibere misericordem, non verentur prædicare fallacem? At inquirunt: Sine fine puniri non debet culpa cum fine. Iustus nimirum est omnipotens Deus, & quod non æterno peccato commissum est, æterno non debet puniri tormento. Quibus citius respondemus, quod rectè dicerent, si iudex iustus districtusque veniens, non corda hominum, sed facta pœsaret. Iniqui enim ideo tunc cum fine deliquerunt: quia cum fine vixerunt. Voluissent quippe sine fine vivere, ut sine fine potuissent in iniquitatibus permanere. Nā magis appetunt peccare quam vivere: & ideo hic semper vivere cupiunt, ut nunquam desinant peccare, cum viuunt. Ad districti ergo iudicis iustitiam pertinet, ut nunquam careant supplicio, quorum mens in hac vita nunquā voluit carere peccato, & nullus detur iniquo terminus ultionis, qui quādiu valuit, habere noluit terminum criminis. At inquirunt: Nullus iustus crudelitatis pascitur, & delinquens seruus à iusto domino idcirco cædi præcipitur, ut à nequitia corrigatur. Ad aliquid ergo cæditur, cum non eius dominus cruciatibus delectatur. Iniqui autem gehennæ ignibus traditi, quo sine semper ardebunt? Et quia certum est quod pius atque omnipotens Deus non pascitur cruciatibus iniquorum, cur cruciantur miseri si non expiantur? Quibus citius respondemus, quod omnipotens Deus qui pius est, miserorum cruciatu non pascitur: quia autem iustus est, ab iniquorum ultione in perpetuum non sedatur. Sed iniqui omnes æterno supplicio, & quidem sua iniquitate puniuntur, & tamen ad aliquid concrematur, scilicet ut iusti omnes, & in Deo videant gaudia quæ percipiunt, & in istis respiciant supplicia quæ euaserunt: ut tantò in æternū magis diuinæ gratiæ debitores se esse cognoscant, quāto in æternum mala puniri conspiciunt, quæ eius adiutorio vitare potuerunt. At inquirunt: Et ubi est quod sancti sunt, si pro inimicis suis quos tunc ardere viderint, non orabunt: quibus utique dictum est: Pro inimicis vestris orate. Sed citius respondemus: Orant pro inimicis suis eo tempore, quo possunt ad fructuosam pœnitentiam eorum corda conuertere, atque ipsa conuersione saluare. Quid enim aliud pro inimicis orandū est, nisi hoc quod Apostolus ait: Ut det illis Deus pœnitentiam, & respiciant à diaboli laqueis, à quo capti tenentur, ad ipsius voluntatem? Et quo modo pro illis tunc orabitur, quādo iam nullatenus possunt ad iustitiæ opera ab iniquitate commutari? Eadē itaque causa est, cur non oretur tunc pro hominibus æterno igne damnatis, quæ nunc etiam causa est, ut non oretur pro diabolo

D iiij

angelisque eius æterno supplicio deputatis. Quæ nunc etiam causa est ut non orent sancti homines pro hominibus infidelibus impiisque defunctis, qui de eis utique quos æterno deputatos supplicio iam nouerunt, ante illum iudicis iusti conspectum orationis suæ meritum cassari refugiunt. Quod si nunc quoque viuentes iusti mortuis, & damnatis iniustis minimè compatiuntur, quando adhuc aliquid iudicabile de sua carne se perpeti etiam ipsi nouerunt, quanto districtius tunc iniquorum tormenta respiciunt, quando ab omni vitio corruptionis exuti, ipsi iam iustitiæ vicinior atque, arctius inhærebunt? Sic quippe eorum mentes per hoc quod iustissimo iudici inhærent, vis districtiōis absorbet: ut omnino eis non libeat quicquid ab illius internæ regulæ subtilitate discordat. Sed quia suborto occasionis articulo, hæc cōtra Origenistas breuiter diximus, ad eum quem prætermisimus, exponendi ordinem recurramus. Postquam misericors Dominus callida machinamēta Leuiathan istius indicauit, apertè prædicens omne quod electos exteri⁹ vehemēter opprimit, omne quod interius suggestionē sua reprobis blandienter infundit, mox immanitatem virtutis illius breuiter insinuans subdit:

Quod reprobis angelus antequam peccaret, omni creatura prælat⁹ sic factus est, ut Deum & amans timeret & timens amaret: sed sua peruersitate talis factus est, ut nullum timeret.

Caput XVII.

14. **N**on est super terram potestas quæ comparetur ei. Potestas eius super terram cunctis eminentior perhibetur: quia celsi actionis suæ merito infra homines cecidit, omne tamen humanum genus naturæ angelicæ conditione transcendit. Quauis enim internæ felicitatis beatitudinem perdidit, naturæ tamen suæ magnitudinem non amisit, cuius adhuc viribus humana omnia superat, licet sanctis hominibus meritorum suorum deiectione subiacet. Vnde & eisdem sanctis contra hunc decertantibus eo retributionis suæ meritū crescit, quo ille ab eis vincitur, qui per naturæ potētiam quasi iure se hominibus superesse gloriatur. Sequitur: *Qui factus est, ut nullum timeret.* Sic quidem factus est per naturam, ut cōditorem suum castè timere debuisset, timore videlicet sobrio, & securo, nō timore quē foras charitas mittit, sed timore qui in seculū seculi permanet, id est, quem charitas gignit. Aliter enim timet coniugē vxor amans, aliter dominum ancilla peccans. Sic ergo fuerat iste conditus: quatenus timore læto autorem suum, & amans metueret, & metuens amaret. Sed sua peruersitate talis factus est, ut nullum timeret. Ei quippe à quo conditus fuerat, subesse despexit. Ita enim Deus super omnia est, ut ipse sub nullo sit. Leuiathan verò iste eius celsitudinis culmen aspiciēs, ius peruersæ libertatis appetiit, ut & præesse cæteris, & nulli subesset: dicens: Ascendam super altitudinem nubium, & similis ero altissimo. Cuius coipso similitudinem perdidit, quo esse ei superbè similis in celsitudine concupiuit. Qui enim charitatem eius imitari debuit, subditus ambiit eius celsitudinem, & hoc quod imitari poterat, amisit elatus. Celsus nimirum esset, si ei veraciter celsus est, inhæreere voluisset. Celsus esset, si participatione veræ celsitudinis contentus fuisset. Sed dum priuatam celsitudinem superbè appetiit, iure perdidit participatam. Relicto enim eo cui debuit inhæreere principio, suum sibi appetiit quodammodo esse principium. Relicto eo qui verè illi sufficere poterat, se sibi sufficere posse iudicauit: & tantò magis infra se cecidit, quantò magis se contra gloriam sui cōditoris erexit. Nam quem exaltabat libera seruitus, deiecit captiua libertas. Qua libertate nunc ut nullum timeat, effrenatur: sed ipsa grauiter effrenatione restringitur. Superno enim iudicio cuncta mirabiliter ordinante, vnxit illum libertas quam appetiit: quia nunc omnimodo non timens omnibus suppliciis subiacet, qui elementis etiam superesse poterat, si vnum quem debuit timere voluisset. Vnum profectò timeret omnia possidens, qui nunc vnum non timens omnia patitur. Factus est ergo ut nullum timeret, nullum videlicet, quia nec Deum: sed neque hoc quod passurus est, metuit. Cui nimirum felicius fuerat, timendo vitare supplicia, quàm non timendo tolerare. Appetitum itaque celsitudinis vertit in rigorem mentis, ut damnatus iam per duritiam se malè egisse non sentiat, qui præesse per gloriam quærebat. Nam quia ius quæsitæ potestatis non obtinuit, quasi

Esaiæ 14.

quoddā superbiæ suæ remedium insaniam insensibilitatis inuenit, & quia prouecti transgredi cuncta nō potuit, respectu se contra cuncta præparauit. Cuius adhuc superbia studiofè describitur, cum protinus subinfertur: *Omne sublime videt.* id est, cunctos velut intra se positos quasi de sublimi respicit: quia dum per intentionem contra authorem nititur, æstimare sibi quemlibet similem dedignatur. Quod aptè etiam eius membris congruit: quia omnes iniqui per tumorem cordis elati, cunctos quos cernunt, superbiæ fastu despiciunt, & si quando exterius venerantur, intus tamen in secreto cordis, ubi apud se suæ æstimatione magni sunt, cunctorum sibi vitam meritūque postponunt, eosque infra se esse respiciunt: quia per elatam cogitationem cordis in cuiusdam se altitudinis arcē posuerunt. Quibus bene per Prophetam dicitur: Væ qui sapientes estis in oculis vestris, & coram vobismetipsis prudentes. Hinc etiam Paulus ait: Nolite prudentes esse apud vosmetipsos. Hinc ad Saul diuina increpatione dicitur: Nōne cum esses paruulus in oculis tuis, caput te constitui in tribubus Israël? Paruulus quippe in oculis suis est, qui in eo quod semetipsum considerat, imparem se alienis meritis pensat. Nam quasi grādem se aspicit, quisquis se super aliena merita elatione cogitationis extendit. Saul autem reprobus in bono quod cœperat, non permansit: quia fastu susceptæ potestatis intumuit. At contrā Dauid semper de se humilia sentiens, eiusdemque Saul se comparationi postponens, postquam ferendi locum reperit, & pepercit eidem sæuienti aduersario, humili se professione prostrauit, dicens: *Quem persequeris rex Israël? quem persequeris? Canem mortuum, & pulicem vnum?* Et certè iam vnctus in regem fuerat, iam exorante Samuele, & cornu super se oleum fundente didicerat quod eum diuina gratia, Saul reprobato, ad regni gubernacula possidendo seruabat, & tamen persequenti aduersario mente humili se substernebat, cui diuino iudicio prælatum se esse nouerat. Illi itaque se humiliter postponebat, cui per elationis gratiam incomparabiliter se nouerat esse meliorem. Discant ergo quomodo humiliari proximis debeant, qui adhuc quo loco apud Deum habeantur, nesciunt, si sic se electi etiam illis humiliant, quibus iam se per interna iudicia interpositos deprehendunt. Hoc autem proprium esse specimen electorum solet, quod de se semper sentiunt infra quàm sunt. Hinc nanque ab eodem Dauid dicitur: Si non humiliter sentiebam, sed exaltaui animam meam. Hinc Salomon ad sapientiam paruulos vocat, dicens: Si quis est paruulus, veniat ad eam. Qui enim necdum semetipsum despicit, humilem Dei sapientiam non apprehendit. Hinc in Euangelio Dominus dicit: Confiteor tibi Domine pater cœli & terræ: quia abscondisti hæc à sapientibus & prudentibus, & reuelasti ea paruulis. Hinc rursum Psalmista ait: Custodiens paruulos Dominus. Hinc magister gentium dicit: Facti sumus paruuli in medio vestri. Hinc discipulos admonens ait: Superiores sibi inuicem arbitantes. Nam quia iniquus quisque inferiorem se omnem quem cognouit, putat: è diuerso iustus studet, ut superiorem quemlibet proximum attendat. Ac ne dum se alij alter humiliat, humiliatio iret alteri in elationem, bene vtranque partem admonuit, dicens: Superiores sibi inuicem arbitantes, ut in cogitationibus cordis, & ego mihi illum præferē, & vicissim ille me sibi: ut cum ab vtraque parte cor inferius premitur, nullus ex impensō honore subleuetur. Sed hanc humilitatis formam reprobi, quia Leuiathan huius membra sunt, vel cognoscere, vel tenere contemnunt, qui & si quando se humiles specietenus ostēdunt, humilitatis vim seruare intrinsecus negligūt. Quibus sæpe accidit, ut si quando vnū quodlibet bonū, vel minimum faciant, à malis suis omnibus respectū mentis protinus auertant, atque hoc quod vel extremum bonū fecerint, tota intentione semper inspiciant, & ex eo sese iam quasi sanctos aspiciant, obliti malorum omnium quæ commiserunt, vnus sui tantummodo boni memores, quod fortasse facere, nec perfectè potuerunt, sicut euenire contrā electis solet: ut cum multarum virtutum gratia polleant, vnum eos vel tenuissimum vitium valde defatigans pulset: quatenus dum ex quadam parte sese infirmari considerant, de his virtutibus in quibus prævalent, se minimè extollant: dumque de infirmitate trepidant,

Esaiæ 14.
Roma. 12.
1. Reg. 15.

16.
1. Reg. 24.

Psalm. 130.
Prover. 9.

Matth. 23.
Psalm. 114.
1. Thess. 2.
Philip. 2.

trepidant; hoc quoque ubi fortes sunt, humiliter seruant. Sæpe ergo reprobi per hoc quod vnum, vel minimum bonum suum incaute conspiciunt, mala multa & grauia in quibus demersi sunt, non agnoscunt. Et sæpe electi per hoc, quod ad tenuissimum malum suum infirmari trepidant, mira dispensatione agitur, ut magna bona ad quæ proeecti sunt, non amittant. Iusti itaque & occulti examinis mensura disponitur, ut istos mala & adiuuent, & illos bona grauent, dum & isti ad proeectum boni vtuntur leuibus malis, & illi ad augmentum mali vtuntur minimis bonis. Isti quippe inde perfectius in bono proficiunt, vnde de malo tentantur, illi autem inde ad maius malum deficiunt, vnde de bono gloriantur. Sic itaque malè bono vtitur reprobis, & bene malo vtitur probis: sicut sæpe contingit, ut alius ex cibo salutifero inordinate sumpto, pestem languoris incurrat, alius veneno serpentis in medicamine ordinatæ confectionis adhibito, languoris molestiam vincat. Ille ergo qui cibo salutifero vti rectè noluit, inde perniciosè moritur, vnde alij salubriter viuunt, iste autem qui veneno serpentis cautè vti studuit, inde salubriter viuunt, vnde alij perniciosè moriuntur. Venenum ergo serpentis non ipsam nequitiam, sed suggestionem nequitie dicimus, qua nolentes sæpe renitèntesque tentamur. Quod tunc in medicamen vertitur, cum mens virtutibus erecta conspectis contra se tentationibus humiliatur. Iniqui igitur atque ab approbatione interni examinis reprobi, quælibet opera faciât, in quibuslibet virtutibus enitescant, humilitatis sensum penitus ignorant: quia nimirum Leuiathan huius membra sunt, de quo superna voce dicitur:

De regula humilitatis, & de superbia disputatio.

Caput XVIII.

O *Mne sublime videri:* quia non solum per semetipsum, sed per eorum quoque corda quos ceperit, quasi de sublimi cunctos inferius despicit. Notandum verò quod Leuiathan iste, qui per corpoream bestiam designatur, sublime videre describitur: quia videlicet cordis superbia cum exteriori usque ad corpus extenditur, prius per oculos iudicatur. Ipsi quippe per saltum tumoris inflati, quasi ex sublimi respiciunt, & quo se deprimunt, altius extollunt. Nisi enim superbia per oculos quasi per quasdam se fenestras ostenderet, nequaquam Deo Psalmista dixisset: Populum humilem saluum facies, & oculos superbiorum humiliabis. Nisi se superbia per oculos sunderet, Salomon quoque de Iudæa elatione non diceret: Generatio cuius excelsi sunt oculi, & palpebræ eius in altum surrectæ. Quia ergo per corporeum animal Leuiathan iste signatur, & superbia usque ad corpus prodians, apertius oculis principatur, antiquus hostis quasi de sublimi omnes videre describitur. Sed quia multa de ostendendo humani generis inimico prolata sunt, valde mens appetit, ut in fine locutionis dominicæ, vnum aliquid manifestius exprimatur: vnde membra illius breui nobis designatione monstrantur. Sequitur: *Ipse est rex super vniuersos filios superbie.* Vt Leuiathan iste in cunctis quæ superius dicta sunt, caderet, sola se superbia perculit. Neque enim per tot illos vitiatorum ramos arcesceret, nisi per hanc prius in radice putrisset. Scriptum est namque: Omnis peccati initium superbia. Per hanc enim ipse succubuit, per hanc se sequentem hominem strauit. Eo etenim telo salutis nostræ immortalitatis impetit, quo vitæ suæ beatitudinis extinxit. Sed idcirco hæc Dominus sui suæ locutionis inseruit, ut cum post mala omnia Leuiathan istius superbiam diceret, quid esset malis omnibus detestius indicaret. Quauis etiam per hoc quod in imo ponitur, vitiatorum radix esse monstratur. Sicut enim inferius radix tegitur, sed ab illa rami extrinsecus expanduntur: ita se superbia intrinsecus cælat, sed ab illa protinus aperta vitia pullulant. Nulla quippe mala ad publicum prodirent, nisi hæc mentem in occulto constringeret. Hæc est quæ Leuiathan istius sensum feruere sicut ollam facit. Vnde & humanas mentes in quodam feruore insanie concutit, sed per aperta opera qualiter concussi animam euertat, ostendit. Intus namque prius ebullit in elatione, quod foris postmodum spumat in opere.

Sed quia occasio de superbie disputatione se præbuit, debemus hanc subtilius sollicitiusque discutere, atque ad humanas mentes quanta vel qualis veniat, & quibus qualiter ve-

Tomus primus.

A surripiat demonstrare. Alia quippe vitia eas solummodo virtutes imperunt, quibus ipsa destruuntur: ut videlicet ira patientiam, gastrimargia abstinentiam, libido continentiam expungnet. Superbia autem, quam vitiatorum radicem diximus, nequaquam vnius virtutis extinctione contenta contra cuncta animæ membra se erigit, & quasi generalis ac pestifer morbus corpus omne corrumpit: ut quicquid illa, inuadente agitur, etiam si esse virtus ostenditur, non per hoc Deo, sed soli vanæ gloriæ seruiatur. Quasi enim tyrannus quidam obsessam ciuitatem intercipit, cum mentem superbia irrumpit, & quo ditorem quæque ceperit, eo in dominio durior exurgit: quia quo amplius res virtutis sine humilitate agitur, eo latius ista dominatur. Quisquis verò eius in se tyrannidem captiuam mente susceperit, hoc primum damnum patitur, quod clauso cordis oculo, iudicii æquitatem perdit. Nam cuncta quæ ab aliis bene geruntur, displicent: & sola ei quæ ipse vel prauè egerit, placent. Semper aliena opera despicit, semper miratur quæ ipse facit: quia & quicquid egerit, egisse se singulariter credit, atque in eo quod exhibet per gloriæ cupiditatem, sibi metipsum fauet per cogitationem, & cum se in cunctis transcendere ceteros aestimat, per lata cogitationum spacia secum deambulans, laudes suas tacitus clamat. Nonnunquam verò ad tantam elationem mens ducitur: ut in eo quod timet, etiam per ostentationem locutionis effrenetur. Sed tantò facilius ruina sequitur, quantò apud se quisque impudentius exaltatur. Hinc enim scriptum est: Ante ruinam exaltatur cor. Hinc per Daniellem dicitur: In aula Babylonis deambulabat rex, responditque & ait: Nonne hæc est Babylon magna, quam ego ædificauim in domum regni, in robore fortitudinis meæ, in gloria decoris mei? Sed hunc tumorem quam concita vindictæ ira represserit, illico adiunxit dicens: Cum adhuc sermo esset in ore regis, vox de cælo ruit: Tibi dicitur, Nabuchodonosor rex: Regnum transiet à te, & ab hominibus te efficiet, & cum bestiis ferisque erit habitatio tua, sœnum quasi bos comedes, & septem tempora mutabuntur super te. Ecce quia tumor mentis usque ad aperta verba se protulit, patientia iudicis protinus usque ad sententiam erupit, tantòque hunc districtius perculit, quantò eius se superbia immoderatus erexit: & quia enumerando bona dixit in quibus sibi placuit, enumerata mala in quibus feriretur, audiuit. Sciendum verò est quod ipsa hæc de qua tractamus, elatio alios ex rebus secularibus, alios verò ex spiritualibus possidet. Alter namque intumescit auro, alter eloquio, alter infimis & terrenis rebus, alter summis celestibusque virtutibus: vna tamen eademque res ante oculos Dei agitur, quauis ad humana corda veniens, in eorum obtutibus diuerso amictu pallietur. Nam cum is qui de terrena prius gloria superbierat, postmodum de sanctitate extollitur, nequaquam cor eius elatio deseruit, sed ad eum consueta veniens, ut cognosci nequeat, vestem mutauit. Sciendum quoque est quod aliter hæc præpositos, atque aliter subditos tentat. Præposito namque in cogitationibus suggerit: quia solo vitæ merito super ceteros excreuit, & si qua ab eo bene aliquando gesta sunt, hæc importunè eius animo obiicit, & cum hunc Deo singulariter placuisse insinuat, quo facilius suggesta persuadeat, ipsam ad testimonium potestatis traditæ retributionem vocat, dicens: Quia nisi omnipotens Deus te his omnibus meliorem cerneret, omnes hos sub tuo regimine non dedisset, eiusque mox mentem erigit, viles atque inutiles eos qui subiecti sunt, ostendit: ita ut nullum iam quasi dignum respiciat, cui æquanimiter loquatur. Vnde & mox mentis tranquillitas in iram vertitur: quia dum cunctos despicit, dum sensum vitæque omnium sine moderamine reprehendit, tantò effrenatius se in iracundiam dilatat, quantò eos qui sibi commissi sunt, esse sibi indignos putat. At contra cum subiectorum cor superbia instigat, hoc summopere nititur agere, ut sua acta considerare funditus negligant, & semper tacitis cogitationibus rectoris sui iudices fiant: qui dum in illo quod reprehendere debeant, importunè respiciunt, in semetipsis quod corrigant nunquam vident. Vnde & tantò atrocius pereunt, quantò à se oculos auertunt: quia in huius vitæ itinere offendentes corruunt, dum alibi intendunt. Et quidem peccatores se asserunt, ne tamen tantum, ut tam noxiæ in regimine personæ traderentur, consi-

D iij

derant. Et dum eius facta despiciunt, dum præcepta contem-
nunt, ad tantam usque insaniam deuoluuntur, ut Deum res
humanas curare non æstiment: quia ei qui quasi iure repre-
henditur, esse se commissos dolent. Sicque dum contra re-
ctorem superbiunt, etiam contra iudicia conditoris intume-
scunt: & dum pastoris sui vitam diiudicant, ipsam quoque
sapientiam omnia disponentis impugnant. Sæpe autem re-
ctoris sui dictis proteruè obuiant, & eandem vocis superbiâ
libertatem vocant. Sic quippe elatio se quasi pro libertatis
rectitudine obliicit sicut sæpe se, & timor pro humilitate
supponit. Nam sicut plerique reticent ex timore, & ta-
men tacere se æstiment ex humilitate, ita nonnulli loquun-
tur per impatientiam elationis, & tamen loqui se credunt
per libertatem rectitudinis. Aliquando autem subditi pro-
terua quæ sentiunt, nequaquam produnt, & hi quorum
loquacitas vix compefcitur, nonnunquam ex sola amaritu-
dine intimi rancoris obmutescunt. Qui per dolorem mentis,
procacitatis suæ verba subtrahentes, cum malè loqui soleant,
peius tacent: quia cum peccantes aliquid de correctione au-
diunt, indignantes etiam responsionis verba suspendunt.
Cum his quando asperè agitur, sæpe ad querelæ vocem de
hac ipsa asperitate profiliunt. Cum verò eos magistri sui
blandè præueniunt, de hac ipsa humilitate qua præueni-
sunt grauius indignantur, & tantò eorum mens vastius ac-
cenditur, quantò consideratius infirmari iudicatur. Hi ni-
mirum quia humilitatem, quæ virtutum mater est, nesciunt,
vsum laboris sui perdunt, etiam si qua bona sunt quæ opera-
ri videantur: quia surgentis fabricæ robusta cellitudo non
figitur, quæ nequaquam per fundamēti fortitudinem in pe-
tra solidatur. Soli ergo ruinæ crescit quod ædificant: quia an-
te molè fabricæ, humilitatis fundamina nō procurant. Quos
bene ab intimis prodimus, si paucis in exterioribus ostenda-
mus. Cunctis nanq; superba apud se cogitatione tumentibus
ineff clamor in locutione, amaritudo in silentio, dissolutio in
hilaritate, furor in tristitia, inhonestas in actione, honestas in
immagine, erectio in incessu, rancor in responsione. Horum
mens semper est ad irrogandas contumelias valida, ad tole-
randas infirma, ad obediendum pigra, ad laceffendos verò a-
lios importuna, ad ea quæ facere & debet & præualet, igna-
ua, ad ea autem quæ facere nec debet nec præualet, parata.
Hæc in eo quodd sponte non appetit, nulla exhortatione fle-
ctitur, ad hoc autem quod latenter desiderat, quærit ut cogat-
ur: quia dum metuit ex desiderio suo vilescere, optat vim
in ipsa sua voluntate tolerare. Igitur quia humanos ani-
mos aliter tentari ex rebus carnalibus, atque aliter ex spirita-
libus diximus, audiant illi: Omnis caro scenum, & gloria eius
sicut flos sceni. Audiant illi: Quod quibusdam post mira-
cula dicitur: Nescio vos vnde sitis, discedite à me omnes o-
perarii iniquitatis. Audiant illi: Diuitiæ si affluent, nolite cor
appondere. Audiant isti quia fatuæ virgines quæ cum vacuis
vasculis veniunt, ab internis nuptiis excluduntur. Rursum
quia aliter tentari prælatos, atque aliter subditos præfati su-
mus, audiant illi quod per quendam sapientem dicitur: Du-
cem te cōstituerunt? noli extolli, sed esto in illis quasi vnus
ex eis. Audiant isti: Obedite præpositis vestris, & subiace-
te eis: ipsi enim peruigilant quasi rationem reddituri pro ani-
mabus vestris. Audiant illi cum de accepta potestate glorian-
tur, hoc, quod Abrahæ voce ardenti diuiti dicitur: Memento
fili, quia recepisti bona in vita tua. Audiant isti cum contra
rectores suos in querela profiliunt, hoc quod murmuranti
populo Moyfi & Aaron vocibus responderetur: Nec contra
nos est murmur vestrum, sed contra Dominum. Nos enim
quid sumus? Audiant illi: Turbabuntur in conspectu eius
patres orphanorum, & iudices viduarum. Audiant isti, quid
contra contumaciam subditorum dicitur: Qui resistit po-
testati, Dei ordinationi resistit. Audiant simul omnes: Deus
superbis resistit, humilibus autem dat gratiam. Audiant om-
nes: Immundus est apud Deum omnis qui exultat cor suum.
Audiant omnes: Quid superbis terra & cinis? Contra huius
languoris pestem audiamus cuncti quod magistra veritas
docet, dicens: Discite à me, quia mitis sum & humilis cor-
de. Ad hoc nanque vnigenitus dei filius formam infirmi-
tatis nostræ suscepit, ad hoc inuisibilis, non solum visibilis,

sed etiam despectus apparuit, ad hoc contumeliarum ludi-
bria, irrisorum opprobria, passionumque tormenta tolera-
uit, ut superbum non esse hominem doceret humilis Deus.
Quanta ergo humilitatis virtus est, propter quam solam ve-
raciter edocendam is, qui sine æstimatione magnus est, usque
ad passionem factus est paruus? Quia enim originem perdi-
tioni nostræ superbia præbuit diaboli, instrumentum redē-
ptionis nostræ inuenta est humilitas Dei. Hostis quippe no-
ster magnus inter omnia conditus, videri super omnia vo-
luit elatus. Redemptor autem noster magnus manens super
omnia, fieri inter omnia dignatus est paruus. Sed melius &
elationis causam detegimus, & fundamenta humilitatis ape-
rimus, si breui commemoratione perstringimus, quid mortis
author, quid vitæ conditor dicat: Ille nanque ait: In cælum
ascendam. Iste autem per Prophetam dicit: Repleta est malis
anima mea, & vita mea inferno appropinquauit. Ille dicit:
Supra astra cœli exaltabo solium meum. Iste humano generi
à paradisi sedibus expulso dicit: Ecce venio citò, & habitabo
in medio tui. Ille dicit: Sedebo in monte testamenti, in late-
ribus Aquilonis. Iste dicit: Ego sum vermis & non homo,
opprobrium hominum, & abiectio plebis. Ille dicit: Ascen-
dam super altitudinem nubium, & similis ero altissimo. Iste
cum in forma Dei esset, non rapinam arbitratus est se æqua-
lem Deo, sed semetipsum exinaniuit, formam serui accipiens:
& per membra sua loquitur dicens: Domine quis similis ti-
bi? Ille per membra sua loquitur dicens: Nescio Dominum,
& Israël non dimittam. Iste per semetipsum dicit: Si dixerò
quia non noui eum, ero similis vobis mendax: sed noui eum,
& sermonem eius seruo. Ille dicit: Mea sunt flumina, & ego
feci ea. Iste dicit: Non possum à meipso facere quicquam. Et
rursum: Pater meus in me manens, ipse facit opera. Ille regna
omnia ostendens dicit: Tibi dabo potestatem hanc vniuer-
sam & gloriam illorum: quia mihi tradita sunt, & cui volo do
illa. Iste dicit: Calicem quidem meum bibetis, sedere autem
ad dexteram, vel ad sinistram meam, non est meum dare vo-
bis, sed quibus paratum est à patre meo. Ille dicit: Eritis sicut
dij, scientes bonum & malum. Iste dicit: Non est vestrum
nosse tempora vel momenta, quæ pater posuit in sua pote-
state. Ille ut voluntas diuina despici, & ut possit propria sua-
deri, dicit: Cur præcepit vobis Deus ut non comederetis ex
omni ligno paradisi? Et paulopost: Scit enim Deus quodd in
quacunque die comederitis ex eo, aperientur oculi vestri.
Iste dicit: Non quæro voluntatem meam, sed voluntatem e-
ius qui misit me. Ille per membra sua loquitur, dicens: Nul-
lum pratum sit quod non pertranseat luxuria nostra, coro-
nemus nos rosis antequam marcescant, vbique relinquamus
signa lætitiæ nostræ. Iste membris suis prænunciat dicens:
Plorabitis & flebitis vos, mundus autem gaudebit. Ille nihil
aliud mentes sibi subditas docet quam celsitudinis æulmen
appetere, cuncta æqualia mentis tumore transcendere, socie-
tatem omnium hominum alta elatione transire, ac sese &
contra potentiam conditoris erigere, sicut de eisdem per
Psalmistam dicit: Transierunt in dispositionem cordis, co-
gitauerunt & locuti sunt nequitas, iniquitatem in excelsis
locuti sunt. Iste ad sputa, ad palmas, ad colaphos, ad spineam
coronam, ad crucem, ad lanceam, atque ad mortem veniens,
membra sua admonet dicens: Si quis mihi ministrat, mese-
quatur. Quia igitur redemptor noster corda regit humi-
lium, & Leviathan iste rex dicitur superborum, apertè co-
gnosceimus quodd euidentissimum reproborum signum su-
perbia est, at contra humilitas electorum. Cum ergo quam
quisque habeat, cognoscitur: sub quo rege militet, inuenitur.
Vnusquisque enim quasi quendam titulum portat operis,
quo facillè ostendat sub cuius seruiat potestate rectoris. Vn-
de & per Euangelium dicitur: Ex fructibus eorum cogno-
scetis eos. Ne igitur nos Leviathan istius membra vel mira fa-
ciendo fallerent, apertum signum Dominus quo deprehen-
di valeant monstrauit, dicens: Ipse est rex super vniuer-
sos filios superbiæ. Qui etsi quando fictam speciem humili-
tatis assumit, semetipsum tamē celare in omnibus nequaquā
possunt: quia eorum superbia diu latere non sustinens, cum
ex alia tegitur, ex alia actione denudatur. Qui verò sub rege
humilitatis militant, semper pauidi, atque ex omni latere cir-
cumspecti,

21.
Esai. 40.

Luce 13.

Psalm. 61.

Math. 25.

Eccle. 32.

Hebr. 13.

Luce 16.

Exod. 16.

Psalm. 67.

Roma. 13.

Iaco. 4.

Eccle. 10.

Math. 11.

22.

Cur vnige-

Esai. 14.

Psalm. 87.

Esai. 14.

Zach. 2.

Esai. 14.

Psalm. 21.

Esai. 14.

Philip. 2.

Psalm. 85.

Exod. 5.

Ioan. 8.

Ezech. 29.

Ioan. 14.

Ibidem.

Luce 4.

Math. 10.

Gene. 3.

Acto. 10.

Gene. 3.

Ioan. 5.

Sapient. 2.

Ioan. 16.

Psalm. 72.

Ioan. 12.

23.

Math. 7.

cum specti, aduersum iacula elationis pugnant, & quasi contra venientes ictus solum magis in suo corpore oculum custodiunt, dum in semetipsis principaliter humilitatem tuentur.

Libri trigessimiquarti Moraliū sancti Gregorij finis.

B. GREGORII EXPOSITIONIS MORALIS LI-

ber trigessimus quintus & vltimus, explicans quadragesimum secundum caput Beati Iob.

Capit I.



QUIA iste vltimus huius operis liber est, & locis difficilioribus pertractatis, minus obscura sunt quæ supersunt: libet hunc indulgentius remissiūque transcurrere. Velut emenso enim magno mari, iam littus cernimus, & intentionis nostræ vela deponentes, non eodem quo prius impetu ducimur: sed tamen adhuc ex impulsione pristini status imus. Quasi anxietatis nostræ ventus cecidit, sed tamen eius vis iam seipsa tranquillior vsque ad stationem nos littoris impellit. Igitur postquam fidei famulo Dominus Leuiathan hostis eius quā sit & fortis & callidus ostendit, dum vires illius subtiliter fraudesque patefecit, beatus Iob ad vtraque respondit, dicens:

Textus capitis. xlij, beati Iob.



RESPONDENS autem Iob Domino, dixit: Scio quia omnia potes, & nulla te later cogitatio. Quis est iste qui cælat consilium absque sciētia? Ideo insipienter locutus sum, & quæ vltra modum excederent scientiam meā. Audi, & ego loquar: interrogabo te, & responde mihi. Auditū auris audiui te, nunc autem oculus meus videt te. Idcirco ipse me reprehendo, & ago poenitentiam in fauilla & cinere. Postquam autem locutus est Dominus ad Iob verba hæc, dixit ad Eliphaz Themanitem: Iratus est furor meus in te, & in duos amicos tuos, quoniā non estis locuti coram me rectū sicut seruus meus Iob. Sumite ergo vobis septem tauros & septem arietes, & ite ad seruum meum Iob, & offerite holocaustum pro vobis. Iob autem seruus meus orabit pro vobis. Faciem eius suscipiam, vt non vobis imputetur stultitia. Neque enim locuti estis corā me rectum sicut seruus meus Iob. Abierunt ergo Eliphaz Themanites & Baldath Suites, & Sophar Naamathites, & fecerunt sicut locutus fuerat Dominus ad eos, & suscepit Dominus faciem Iob. Dominus quoque conuersus est ad poenitentiam Iob, cum oraret pro amicis suis. Et addidit Dominus omnia quæcunque fuerant Iob duplicia. Venerunt autem ad eum omnes fratres sui, & vniuersæ sorores suæ, & cuncti qui nouerant eum prius, & comederunt cum eo panem in domo eius. Et mouerunt super eum caput, & consolati sunt eum super omni malo quod intulerat Dominus super eum, & dederunt ei vnusquisque quem vnā & in aurem auream vnā. Dominus autem benedixit nouissimis Iob magis quā principio eius. Et facta sunt ei quatuordecim millia ouium, & sex millia camelorum, & mille iuga bouum, & mille asinæ, & fuerunt ei septem filij, & tres filiæ. Et voca-

uit nomen vnus Diem, & nomen secundæ Casiam, & nomen tertiæ Cornustibij. Non sunt autem inuentæ mulieres speciosæ, sicut filiæ Iob in vniuersa terra. Deditque eis pater suus hæreditatem inter fratres earum. Vixit autem Iob post flagella hæc centum quadraginta annis, & vidit filios suos, & filios filiorum suorum vsque ad quartam generationem, & mortuus est senex & plenus dierum.

Libri Iob finis.

Quod omnis sapientia humana sapientiæ diuinæ comparata, insipientia est.

Capit II.

SCIO quia omnia potes, & nulla te later cogitatio. Contra immanes quippe vires eius intulit: Scio quia omnia potes, contra occultas verò machinationes illius subiunxit. Et nulla te later cogitatio. Vnde & mox Leuiathan eidem exprobrat dicens: Quis est iste qui cælat consilium absque sciētia? Absque sciētia enim Leuiathan cælat consilium: quia quatuor contra infirmitatem nostram multis fraudibus occultetur, protectoris tamē nostri sancta nobis inspiratione detegitur. Absque sciētia cælat consilium: quia licet tentatos lateat, latere tamen protectorem non potest tentatorum. Igitur audita fortitudine, & calliditate diaboli, audita etiā creatoris nostri potentia, quæ & illum valenter reprimat, & nos misericorditer tegit, quæsumus beate Iob, vt quæ de temetipso sentis, nobis minimè occultes. Sequitur: Ideo insipienter locutus sum, & quæ vltra modum excederent scientiam meam. Omnis humana sapientia quantolibet acumine polleat, diuinæ sapientiæ comparata, nec iusta nec pulchra, sed insipientia est. Omnia enim humana quæ iusta, quæ pulchra sunt, Dei iustitiæ & pulchritudini comparata, nec iusta nec pulchra sunt, nec omnino sunt. Beatus itaque Iob ea quæ dixerat, sapienter se dixisse crederet, si verba superioris sapientiæ non audiret. In cuius comparatione stultum est nostrum omne quod sapit. Et qui sapienter quidem locutus hominibus fuerat, diuinas tamen sententias audiens, sapientius se cognoscit non esse sapientem. Hinc est quod Abraham inter verba dominica nil se nisi puluerem vidit, dicens: Loquar ad Dominum meum, cum sim pulvis & cinis? Hinc est quod Moyses omni Aegyptiorum sapientia instructus, ex quo loquentem Dominum audiuit, impeditioris & tardioris linguæ se esse deprehendit, dicens: Obsecro Domine, non sum eloquens, ab heri enim & nudius tertius, ex quo locutus es ad seruum tuum, impeditioris & tardioris linguæ sum. Hinc est quod Esaias postquam sedentem Dominum super folium excelsū atque eleuatū vidit, postquam Seraphim duabus alis faciem, duabus velare pedes, & duabus volare conspexit, postquam id quod est, sanctus, sanctus, sanctus Dominus Deus exercituum, alterum ad alterum clamare audiuit, ad seipsum rediēs ait: Væ mihi quia tacui, quoniā vir pollutus labiis ego sum, & in medio populi polluta labia habetis ego habitabo. Moxque ipsam pollutionē vnde cognouerat subdens, ait: Et regem Dominū exercituum vidi oculis meis. Hinc etiam Hieremias diuina verba audiens, verba se non habere cognouit, dicens: A, a, a, Domine Deus ecce nescio loqui: quia puer ego sum. Hinc Ezechiel loquens de quatuor animalibus dicit: Cum fieret vox supra firmamentum quod erat supra caput eorum, stabant & submittebant alas suas. Quid enim per volatum animalium, nisi Euangelistarum atque doctorum sublimitas designatur? Vel quid sunt alæ animalium, nisi sanctorum contemplationes, eos ad cœlestia subleuant? Sed cum sit vox supra firmamentum quod super caput eorum est, stantes submitunt alas suas: quia cum internam vocem supernæ sapientiæ audiunt, quasi volatus sui alas deponunt: quia videlicet ipsam veritatis altitudinem minus se contemplari posse cognoscunt. Ad vocem ergo desuper venientem alas deponere, est cognita superna potentia, virtutes proprias humiliare, & consideratione creatoris nil de se aliud quā abiecta sentire. Sancti itaque viri dum diuinita-

† vel, Tentatorum i-

Gen. 18.

Exodi. 4.

Esai. 6.

Ibidem.

Hiere. 1.

tis arcana audiunt, quanto magis contemplando proficiunt, tanto amplius despiciendo quod sunt, aut nihil, aut propè nihil se esse cognoscunt. Respondeat ergo diuinis sermonibus beatus Iob, & sapienter proficiens, stultum se esse deprehendat, dicens: Insipienter locutus sum, & quæ ultra modum excederent scientiam meam. Ecce tanto se amplius redarguit, quanto amplius proficit, & scientiam suam ultra modum excessisse se credidit: quia in verbis Domini plus quam aestimauerat, secreta eius sapientiæ agnouit. Sequitur:

Quod serui Dei ignorantiam suam presentes, non arrogant sibi quod nesciunt, sed doceri à Deo volunt.

Caput III.

Audire nostrum.

Audire Dei. Loqui nostrum ad Deum.

Interrogare nostrum.

Respondere Dei.

Psalm. 16.

Audi & ego loquar, interrogabo te, & responde mihi.) Audire nostrum, est sono aliunde venienti aurem aliò positam commendare. At contra Deo, cui nil extra est, audire propriè est, sub semetipso surgentià desideria nostra percipere. Ad Deum ergo, qui & tacentium corda cognoscit, loqui nostrum est, non vocibus gutturis id quod sentimus prodere, sed promptis ad illum desideriis inhiare. Et quia id eo quisque interrogat, ut discere valeat quod ignorat, homini Deum interrogare, est in conspectu eius nescientem se cognoscere. Respondere autem Dei, est eum qui se bene humiliter nescientem cognouerit, occultis inspirationibus erudire. Ait ergo beatus Iob: Audi & ego loquar, ac si diceret: Misericorditer desideria mea percipe, ut dum hæc tua pietas percipiens adiuuat, ad te multipliciora confurgant. Bona quippe vota quoties effectum percipiunt, multiplicantur. Vnde alibi scriptum est: Ego clamaui, quoniam exaudisti me. Non enim ait: quia clamaui exaudisti me, sed clamaui quoniam exaudisti me. Qui enim loquens exauditus fuerat, votis proficientibus exauditus clamabat: Interrogabo te, & responde mihi, ac si diceret: nescientem me ex tuæ scientiæ contemplatione cognosco. Interroganti igitur responde, id est, stultitiam propriam humiliter cognoscentem doce. Quia enim interrogaret ipse ex desiderio humilitatis, & Deum sibi respondere quæreret ex magisterio aspirationis, verbis sequentibus declaratur. Interrogaturo quippe se perhibuit, sed nihil interrogando subiungit: Nam sola de se humilia sentiens, & quæ misericorditer à Domino perceperit agnosces, protinus subdit:

Quod sanctus Iob tantum ex percussione proficeret ut interna mentis oculo flagelli sui utilitatem reuelante Deo intellexerit.

Caput IIII.

Auditu auris audiui te, nunc autem oculus meus videt te.) His nimirum verbis aperte indicat: quia quanto visus superior est auditu, tanto differt ab eo quod prius exitit, & hoc quod postmodum per flagella profecit. Et quia interno oculo veritatis lumen magis conspexerat, humanitatis suæ tenebras diiudicans plus videbat. Vnde & sequitur:

Quod tunc utilis sit reprehensio, cum correctio sequitur & poenitendo.

Caput V.

Idcirco ipse me reprehendo.) Quanto enim quisque se minus videt tanto sibi minus displicet, & quanto maioris gratiæ lumen percipit, tanto amplius reprehensibilem se esse cognoscit. Cum enim intrinsecus subleuatur per omne quod est, ad eam quam super se conspiciat regulam congruere nititur. Et quia adhuc humana infirmitas præpedit, cernit quia ei ex non minima parte dissentit, totumque ex se illi onerosum est, quod internæ regulæ conueniens non est. Quam regulam beatus Iob post flagella proficiens amplius suspicit, & à semetipso in magna sui redargutione dissentit, dicens: Idcirco ipse me reprehendo. Sed quia nulla est cognitio reprehensionis, si non sequantur etiam lamenta poenitudinis, rectè post reprehensionem subditur: Et ago poenitentiam in fauilla & cinere.) In fauilla etenim & cinere poenitentiam agere, est contemplata summa essentia, nil aliud quam fauillam se cineremque cognoscere. Vnde & ciuitati reproba in Euangelio Dominus dicit: Si in Tyro & Sidone factæ fuissent virtutes quæ factæ sunt in vobis, olim in cilicio & cinere poenitentiam egissent. In cilicio quippe asperitas & compunctio peccatorum, in cinere autem puluis ostenditur mortuorum. Et idcirco utrumque hoc adhiberi ad poenitentiam solet, ut in punctione cilicij cognoscamus quid per culpam facimus, & in fauilla cine-

Matth. II.

ris perpendimus, quid per iudicium facti sumus. Considerentur ergo in cilicio pungentia vitia, consideretur in cinere per mortis sententiam subsequens iusta poena vitiorum. Quia enim post peccatum carnis contumeliæ surrexerunt, videat homo in asperitate cilicij superbiendo quid fecit, videat in cinere usquequo peccando peruenit. Potest quoque cilicio ipsa per recordationem atque poenitentiam dolorum punctio designari. Nam hoc quod ait beatus Iob: Ipse me reprehendo, quasi quodam cilicio pungitur, dum in mente sua asperis redargutionum stimulis conficitur. In cinere autem agit poenitentiam: quia ex primo peccato quid per iustum iudicium factus sit, solerter attendit, dicens: Ago poenitentiam in fauilla cineris, ac si aperte dicat: De nullo authoris mei dono superbio: quia sumptus ex puluere, per illatæ mortis sententiam ad puluerem me redire cognosco. Auditis igitur cunctis sermonibus Iob, cognitis etiam responsionibus amicorum, libet ad interni iudicis sententiam speculationem mentis nostræ conuertere, eique dicere: Ecce Domine, utraque in conspectu tuo differentium partes audiui, & Iob quidem in hoc certamine virtutis suæ facta reuoluere, & amicos eius contra eum cognouimus tuæ iustitiæ gloriam defendere. Inter hæc autem quid nostra mens sentiat agnoscis. Neque enim possumus eorum nos dicta reprehendere, quos defensionem tuam cognoscimus deferuire. Sed ecce assunt partes, expectant sententiam, profer ergo Domine ex inuisibili regula subtilissimum tuæ discretionis examen, & quis in contentione ista sit rectius locutus ostende. Sequitur:

Quod ex Dei sententia verba amicorum Iob reprobentur, ipsius vero Iob responsio & patientia probatur.

Caput VI.

Postquam autem locutus est Dominus verba hæc ad Iob, dixit ad Eliphaz Themanitem: Iratus est furor meus in te, & in duos amicos tuos, quoniam non estis locuti coram me rectum sicut seruus meus Iob.) O Domine, iudicij tui sententia indicat, quantum à lucē tuæ rectitudinis cæcitas nostra discordat. Ecce te iudice beatum Iob victorem esse cognoscimus, quem in te peccasse loquendo credebamus. Te iudice addicti sunt, qui beati Iob se merita transcendere pro te loquendo crediderunt. Quia igitur ex diuina sententia quid de partibus æstimemus agnouimus, nunc eiusdem sententiæ paulò subtilius verba pensemus. Quomodo enim superius beatus Iob reprehenditur, si in comparatione eius rectitudinis amici illius nequaquam coram Domino locuti rectum memorantur? An adhuc illa de eo sententia confirmatur, qua antiquo hosti dicitur: Vidisti seruum meum Iob, quod non sit ei similis super terram? Sed quid est hoc quod & laudatur hosti, & in seipso reprehenditur, in seipso autem reprehenditur, & tamen amicis loquentibus antefertur, nisi quod sanctus vir cunctos meritorum suorum virtute transcendit, sed eo ipso quod homo fuit, ante Dei oculos sine reprehensione esse non potuit? In sancto quippe homine in hac interim vita commorante, diuini examinis regula habet adhuc quod iudicet, quanuis iam ex comparatione cæterorum hominum habeat quod laudet. Beatus igitur Iob pro culpa se credidit & non pro gratia flagellari, rescari in se æstimauit vitia, non autem merita augeri, & in eo reprehenditur quod intentionem flagelli fuisse aliam suspicatur, & tamen amicis resistentibus interni iudicij definitione prælatus est. Vnde aperte colligitur quantæ iustitiæ fuerit in eo quod contra amicorum verba innocentiam suæ operationis astruxit, qui diuino iudicio etiam ipsis eiusdem diuini iudicij defensoribus antefertur. In exordio autem libri huius agnouimus: quia de illo satan Domino dixerat: Mitte manum tuam & tange eum, & vide si non in faciem bene dicat tibi. Ad quam petitionem beatus Iob dānis, orbitate, vulneribus, & verborum scandalis tangi permittitur: quia videlicet certus qui eum laudauerat exitit, quod nequaquam iuxta assertionem diaboli sanctus vir in maledictionis culpam laberetur. Sicut ergo & superius diximus, quisquis beatum Iob in locutione sua æstimat post flagella peccasse, aperte Dominum iudicat in sua assertionem errasse. Et quanuis Dominus ad diabolum loquens, bona illius præsentia prætulit, non autem eius perseuerantiam spondit, sciendum tamen est quia nequaquam eius iustitiam permittendo tentatori prætulisset, si eum

eum iustum in tentatione persistere non posse prauideret. Permisso itaque diuinitus in eius tentatione diabolo, quisquis eum in tentatione succubuisse existimat, ignorantiam permittentis accusat. Approbemus igitur in dictis suis veraciter Iob, ne Deum in sua prouidentia nequiter accusemus. Et quidem quantum ad humana iudicia in verbis suis amici eius multa illo rectius dixisse crederentur, sed veritas aliam ex occulto regulam proferens, ait: Non estis locuti coram me rectum, sicut seruus meus Iob. Coram me ait, id est, intus, ubi saepe multorum vita displicet, quae etiam foris hominibus placet. Vnde cautè nimis in laudem iustorum coniugum dictum est: Erant iusti ambo ante Deum. Non enim securus laus est, iustos ante homines apparere. Saepè enim humana sententia velut in Deo magnum quempiam approbat, sed hūc omnipotens Deus qui quasi ex se approbatur, ignorat. Hinc est enim quod Psalmista vigilanter exorat dicens: Dirige in conspectu tuo viam meam. Nimirum quia plerumque in conspectu hominum recta via creditur etiam, quae à veritatis itinere deprauatur. Et notandum quod non dicitur: Non estis locuti coram me rectum sicut Iob, sed sicut seruus meus Iob, ut videlicet interpositione seruitutis, dum eum quasi sub quadam peculiaritate commemorat, cuncta quae in defensione sua dixerat: quia non contumaci superbia, sed humili veritate dixerit ostendat. Sed quia iustus est & misericors Deus, amicos eius & per iustitiam districtè redarguit, & per misericordiam benignè conuertit. Nam sequitur.

Quod haeretici ad catholicam Ecclesiam redeuntes per humilitatem confessionis & penitentiae, sancti spiritus gratia orantibus orthodoxis accipiunt: nec sit aliquis extra communionem Ecclesiae indulgentiae locus.

Caput VII.

S Mitte vobis septem tauros & septem arietes, & ite ad seruum meum Iob, & offerite holocaustum pro vobis. Iob autem seruus meus orabit pro vobis, faciem eius suscipiam, ut non vobis imputetur stultitia. Ecce iustus & misericors deus nec culpas sine increpatione deserit, nec reatum sine conuersione derelinquit. Quia enim internus est medicus, primò putredinem vulneris innotuit, & post remedia consequendae salutis indicauit. Quia autem saepe iam diximus quod amici beati Iob haeticorum speciem teneant, qui Deum dum defendere nituntur offendunt, quoniam in dictis suis veritati rebelles sunt, cui famulari se in falsa assertionem suspicantur, omnipotens Deus saepe illos corpori sanctae Ecclesiae per cognitionem veritatis inuiserat, bene ipsa quoque eorum conuersio, quae saepe misericorditer agitur, per hanc veniam quam amici Iob percipiunt, designatur. Notandum verò magnopere est quod conuersionis suae sacrificium Domino non per se, sed per Iob iubentur offerre. Nimirum haeretici cum ab errore redeunt: quia erga se iram Domini suò per se oblato sacrificio placare nequaquam possunt, nisi ad catholicam Ecclesiam, quam beatus Iob significat, conuertantur, ut salutem suam eius precibus obtineant, cuius fidem peruersis assertionibus impugnabant. Ait enim: Iob seruus meus orabit pro vobis, faciem eius suscipiam, ut non vobis imputetur stultitia. Ac si apertè haeticis dicat: Sacrificia vestra non accipio, petitionum vestrarum verba non audio, nisi per intercessionem illius, cuius professionis verba de me veracia recognosco. Et vos quidem tauros atque arietes ad exhibenda sacrificia conuersionis vestrae deducite, sed à me salutem vestram per catholicam Ecclesiam, quam diligo postulate. Ipsi enim volo dimittere id quod mihi in ipsa deliquistis, ut haec vestram incolumitatem obtineat, quae ex vestro languore laborabat. Sola quippe est per quam sacrificium Dominus libenter accipiat, sola quae pro errantibus fiducialiter intercedat. Vnde etiam de agni hostia Dominus praecepit dicens: In vna domo comedetur, nec effertis de carnibus eius foras. In vna namque domo agnus comeditur: quia in vna catholica Ecclesia vera hostia redemptoris immolatur. De cuius carnibus diuina lex effertur foras prohibet, quia dari sanctum canibus vetat. Sola est in qua opus bonum fructuose peragitur, vnde & mercedè denarij non nisi qui intra vineam laborauerant acceperunt. Sola est quae intra se posita valida charitatis compage custodit. Vnde & aqua diluuij arcam quidem ad sublimiora sustulit, omnes autem quos extra arcam inuenit extinxit. Sola est in qua superna

mysteria veraciter contempleremur. Vnde & ad Moysen Dominus dicit: Est locus apud me, & stabis supra petram. Et paulò post: Tollam manum meam, & videbis posteriora mea. Quia enim ex sola catholica Ecclesia veritas conspicitur, apud se esse locum Dominus perhibet de quo videatur. In petra Moyses ponitur, ut Dei speciem contempletur: quia nisi quis fidei soliditatem tenuerit, diuinam praesentiam non cognoscit. De qua soliditate Dominus dicit: Super hanc petram aedificabo Ecclesiam meam. Quid est ergo hoc loco dicere ad amicos Iob: Ite ad Iob, nisi petram ascendite? Quid est, faciem eius pro vobis suscipiam ut non vobis imputetur stultitia, nisi id quod illic dicitur: Posteriora mea videbis: id est, eius, quae postmodum futura est, mysteria incarnationis intelliges. Haeretici autem pro eo quod in petra stare contemnunt, transeuntis Domini posteriora non aspiciunt: quia extra Ecclesiam positi, incarnationis eius sicut sunt mysteria non agnoscunt. Sicut autem & superius diximus, per tauros ceruix superbiae, per arietes verò ducatus exprimitur, qui ab haeticis persuasus plebibus quasi seductis gregibus agitur. De haeticis namque superbientibus dicitur, qui infirmorum mentes malè suadendo corrumpunt: Consilium taurorum inter vaccas populorum. Et quia sequentes se populos velut greges trahunt, arietes aliquando nominantur. Gregem scilicet arietes ducunt. Vnde per increpationem Hieremias ait: Principes tui velut arietes. Quia igitur haeretici cum ad sanctam Ecclesiam redeunt, superbiae elationem deserunt, & nequaquam iam quasi sequentes greges populorum cuneos ad interitum ducunt, amici beati Iob offerre tauros & arietes iubetur. Tauros enim & arietes offerre in sacrificio, est superbum ducatum conuersionis humilitate mactare, ut edomita ceruice superbiae, discant obediendo sequi, qui dudum docendo preire conabantur. Rectè quoque eorum haec superbia septem sacrificiis expiatur: quia haeretici ad Ecclesiam reuertentes: per humilitatis hostiam dona spiritus gratiae septiformis accipiunt, ut qui elationis suae vetustate tabuerat, nouitate gratiae reformetur. Septenarius autem numerus apud sapientes huius seculi quadam sua habetur ratione perfectus, quod ex primo pari & ex primo impari consummatur. Primus enim impar ternarius est, primusque par quaternarius. Ex quibus duobus septenarius constat qui eiusdem partibus suis multiplicatus in duodenarium surgit. Nam siue tres per quatuor, seu quatuor per tres ducimus, ad duodenarium peruenimus. Sed nos quia à superno munere veritatis praedicamenta percipimus, haec fixa scientiae altitudine despiciendo calcamus. Hoc proculdubio inconcussa fide retinentes: quia quos spiritus gratiae septiformis repleuerit, perficit, eisque non solum Trinitatis notitiam, sed etiam virtutum quatuor, id est, prudentiae, temperantiae, fortitudinis, atque iustitiae operationem praebet. Qui in ipsis quoque quos ingreditur, suis quodammodo partibus augetur, dum & per Trinitatis notitiam quatuor virtutum actio accipitur, & per operationem virtutum quatuor usque ad manifestam trinitatis speciem peruenitur. Et apud nos ergo septenarius, sed longè dissimiliter quia plenè & non inaniter in duodenarium surgit, dum & per fidè opera, & rursum per opera perficit fidem. Sancti quoque Apostoli gratiae septiformis spiritu implendi, duodecim sunt electi. In quatuor enim mundi partibus trinitatem, quae Deus est, innotescere mittebantur. Duodecim ergo electi sunt, ut etiam ex ipsius numeri ratione causa claresceret, quod per quatuor infima, tria summa praedicarent. Siue itaque hac seu alia qualibet fortasse ratione, in scriptura tamen sacra septenario numero aliquando secunda requies aeternitatis, aliquando vniuersitas praesentis huius temporis, aliquando autè sanctae Ecclesiae vniuersitas designatur. Septenario quippe numero perfectio aeternitatis innuitur, cum dies septimus in requiem Domini sanctificatus vocatur. Cui iam vespera inesse non dicitur: quia aeternae beatitudinis requies nullo termino coarctatur. Hinc est etiam quod lege data dies septimus feriatum esse praecipitur, ut aeterna per illud requies designetur. Hinc est quod in annorum circulo septenarius numerus septies multiplicatus monade addita ad quinquagenarium ducitur, ut perpetuam beatitudinè signas iubilaei sacratissima requies obseruetur. Hinc est quod resurgens Dominus & frequenter apparens, vltimo iam con-

Exod. 33.

Math. 16.

Psal. 67.

Thren. 1.

Gene. 2.

Exod. 20.

Luc. 10.

Psal. 5.

5.

C

D

6.

Exod. 12.

Gene. 2.

uitio cum septem discipulis comedisse describitur: quia hi qui in illo nunc perfecti sunt, æterna per illum refectione satiantur. Rursum per septenarium numerum hæc vniuersitas temporalitatis accipitur. Hinc est enim quod per septem dies hoc totum vitæ præsentis tempus euoluitur. Hinc est quod in typo sanctæ Ecclesiæ, quæ omni tempore hunc mundum prædicando circuit, arca Domini tubis clangentibus muros Hiericho diebus septem circumacta confregit. Hinc Propheta ait: *Septies in die laudem dixi tibi. Quod ipse rursum pro toto atque vniuerso sue deprecationis tempore se dixisse significans ait: Semper laus eius in ore meo. Quod verò per septenarium numerum præsentis vitæ vniuersitas designatur, tunc magis ostenditur, cum post eum quoque etiam octonarius subinfertur. Septenarium quippe cum adhuc alius sequitur, ex ipso eius augmento exprimitur, quod finienda temporalitas æternitate concludatur. Hinc est enim quod Salomon admonet dicens: Da partes septem, nec non & octo. Per septenarium quippe numerum hoc quod septem diebus agitur, præsens tempus expresse: Per octonarium verò vitam perpetuam designauit, quam sua nobis Dominus resurrectione patefecit. Dominico scilicet die resurrexit, qui dum diem septimum, id est, sabbatum sequitur, à conditione octauus inuenitur. Bene autem dicitur: Da partes septem nec non & octo: quia ignoras quid mali futurum sit super terram. Ac si aperte diceretur: Sic dispensa temporalia, ut appetere non obliuiscaris æterna. Oportet nanque ut in posterum bene agendo prouideas, qui de venturo iudicio quanta tribulatio sequatur ignoras. Hinc est quod quindecim gradibus templum ascenditur, ut ex ipsa eius ascensione dicatur, quatenus per septem & octo & temporalis sollicitè dispensetur actio, & prouidè mansio æterna requiratur. Hinc est etiam quod dum monas in denariū surgit, centum quinquaginta Psalmos Propheta cecinit. Propter hunc septenarium numerum temporalia, octonarium verò æterna signantem, super centum viginti fideles in cœnaculo residentes spiritus sanctus effusus est. Per septem quippe & octo quindecim componuntur, & si ab vno vsque ad quindecim numerando paulatim per incrementa confurgimus, vsque ad centesimum & vigesimum numerum peruenimus. Quia scilicet effusione spiritus sancti didicerunt, ut temporalia tolerando transirent, & æterna inhiante appetere. Rursum septenario numero sanctæ Ecclesiæ vniuersitas designatur. Vnde Ioannes in Apocalypsi septem Ecclesiis scribit, sed per eas quid aliud quam vniuersalem Ecclesiam intelligi voluit? Quæ nimirum vniuersalis Ecclesia ut plena septiformis gratiæ spiritu signaretur, Helisæus super puerum mortuum septies oscitasse describitur. Super extinctum quippe populum Dominus veniens, quasi septies oscitasse describitur. Super extinctum quippe populum Dominus veniens, quasi septies oscitat: quia ei dona spiritus septiformis gratiæ misericorditer tribuit. Quia igitur sæpe septenario numero sanctæ Ecclesiæ vniuersitas figuratur, veniant ad beatum Iob amici illius, & iussu diuinitus offerant holocaustum. Sed vigilanter omnino septenarij numeri arcana custodiant, ut videlicet hi qui extra sunt positi, prius se vniuersitati sanctæ Ecclesiæ misceant, & tunc demum veniam de reatu pristinæ elationis exquirant. Pro culpa sua septem sacrificia offerant: quia reatus sui ablutionem non accipiunt, nisi gratiæ septiformis spiritu vniuersali paci, à qua excisi fuerant aggregentur. Dicatur igitur: Sumite vobis septem tauros & septem arietes, & ite ad seruum meum Iob, & offerre holocaustum pro vobis. Iob autem seruus meus orabit pro vobis, faciem eius suscipiam, ut non vobis imputetur stultitia. Ac si hæreticis redeuntibus aperte diceretur: Vniuersali vos Ecclesiæ per humilitatem pœnitentiæ iungite, atque eam qua per vosmetipsos digni non estis, veniam eius à me precibus obtinete: qui cum per hanc veraciter sapere discitis, prioris apud me vestræ sapientiæ stultitiam deletis. Sequitur: *Neque enim locuti estis coram me rectum sicut seruus meus Iob.*) Hæc paulo antè iam Dominus protulit, & tamen hæc eadem iterando subiungit. Quid est hoc nisi quod sententiam quam semel iudicando dixerat, iterum replicando confirmat? atque, ut manifestius beati Iob iustitia, amicorumque eius iniustitia demonstraretur, eius laus, illorumque reprehensio iterata vo-*

ce depromitur, ut replicata foris appareant, quam fixa intus habeantur. Nanque cum rex Aegypti metuenda venturæ famis tempora sub bouum spicarumque specie gemina visione cognouisset, voce sancti interpretis audiuit: *Quod vidisti secundò ad eandem rem pertinens somnium, firmitatis indicium est. Qua ex re aperte colligitur, quia quicquid in eloquio diuino repetitur, robustius confirmatur. Sed quia quid iudex decreuit audiuius, additi quoque quid faciant audiamus. Sequitur: Abierunt ergo Eliphas Themanius, & Baldaib Sutes & Sophar Naamathites, & fecerunt, sicut locutus fuerat ad eos Dominus & suscepit Dominus faciem Iob.*) Horum interpretationem nominum idcirco reticemus: quia in huius operis exordio de ea nos latius disseruisse meminimus. Intuendum verò est, quia ita cautè, sicut prædictum fuerat, ordo acceptæ veniæ custoditur, ut in sacrificiis Dominus non illorum, sed beati Iob faciem suscepisse referatur. Sed quia quisquis pro aliis intercedere nititur, sibi potius ex ipsa charitate suffragatur, rectè subiungitur: *Dominus quoque conuersus est ad pœnitentiam Iob, cum oraret pro amicis suis.*) Iam enim superius pro amicis suis exauditus ostenditur, cum factum quod prædiximus memoratur: *Fecerunt sicut locutus fuerat ad eos Dominus, & suscepit Dominus faciem Iob.* Sed cum protinus subinfertur: *Dominus quoque conuersus est ad pœnitentiam Iob, cum oraret pro amicis suis, aperte ostenditur: quia etiam pro semetipso pœnitens tantò citius exaudiri meruit, quanto deuotè pro aliis intercessit. Plus enim pro se valere preces suas efficit, qui has & aliis impendit. Libentius quippe sacrificium orationis accipitur, quod in conspectu misericordis iudicis proximi dilectione conditur. Quod tunc veraciter quisque cumulat, si hoc etiam pro aduersariis impendat. Hinc est enim quod magistra veritas dicit: *Orate pro persequentibus & calumniantibus vos.* Hinc rursum ait: *Cum stabitis ad orandum, dimittite si quid habetis aduersus aliquem, ut & pater vester qui in cœlis est, dimittat vobis peccata vestra.* Quantum verò pro se obtinuit, qui pro aliis interuenit, ilico demonstratur, cum subditur:*

Quod in regno Dei simplex sit adhuc scola sanctorum.

Caput VIII.

Addidit Dominus omnia quaecunque fuerant Iob duplicia.) Cuncta quæ amiserat, duplicia recipit: quia per pietatem benigni iudicis tentationis nostræ dispendium vincunt suffragia consolationum. Minus autem tentat probatio, quam remuneratio consolatur, ut ex retributionis merito leue fuisse quod tolerauit agnoscat, qui ex persecutionis pondere graue se aliquid tolerare iudicabat. Vnde afflictæ quoque Iudææ dicitur: *Ad punctum in modico dereliqui te, & in miserationibus magnis congregabo te.* Aliquando verò iuxta afflictionis pondus disponuntur mensura consolationis. Vnde aliàs scriptum est: *Secundum multitudinem dolorum meorum in corde meo, consolationes tuæ lætificauerunt animam meam.* In ea enim mensura consolatum se in qua afflictus fuerat indicat, qui lætificatum se secundum multitudinem dolorum clamat. Non autem minimè lector instruitur, si ipsum remunerationis ordinem contempletur. Excessum quippe correctio, correctionem pœnitentia, pœnitentiam venia, veniam verò muneris subsequuntur. Sed quia diuinæ dispensationis permissione percussus, etiam amicorum verbis afflictus est, diuinæ pietatis muneribus consolatus, etiam humana debet charitate refoueri, ut vndique ei consolationis gaudia respondeant, quem vndique dolorum tristitia & aduersa lacerabant. Vnde & subditur: *Venerunt autem ad eum omnes fratres sui, & vniuersæ sorores sue, & cuncti qui nouerant eum prius, & comederunt cum eo panem in domo eius, & mouerunt super eum caput suum.*) Quid in comestione panis nisi charitas, quid verò in motione capitis nisi admiratio designatur? Bene autem subditur: *Et consolati sunt eum super omne malum quod intulerat Dominus super eum.*) Percussi enim mœrorem consolari, est ei post percussione de venia congaudere. Nam tantò quisque de restituta proximi salute cernitur hilarescere, tantò se indicat de ablata doluisse.

Quod in fine mundi de Gentibus & Iudæis una erit Ecclesia, & innocentiam & obedientiam uterque populus offeret Deo.

Caput IX.

Et dederunt

Et dederunt ei vnusquisque ouem vnā, & in aurem auream vnam.) Licet cuncta hæc iuxta historiam veraciter dicta sint, ipsi tamen oblati muneribus cogimur, vt ad allegoriæ mysterium recurramus. Neque enim ociosè debemus accipere, quòd ouem, quòd vnam, quòd in aurem auream obtulere, quòd vnam. Et si fortasse iuxta literam mirum non est, ouis oblata cur vna, valde tamen mirum est, in auri oblata cur vna. Quid verò aut ouis ad in aurem pertinet, aut quid in auri ad ouem? Ex ipso ergo munerum fine compellimur, vt priora quoque quæ superficiei tenus iuxta solam historiam contingendo transcurramus, in allegoriæ mysteriis indagemus. Quia igitur Christus & Ecclesia, id est, caput & corpus vna persona est, sæpe beatum Iob diximus modò capitis, modò figuræ corporis designare. Seruata ergo historiæ veritate, sub typo gestum sanctæ Ecclesiæ sentiamus id quod scriptum est: *Addidit Dominus omnia quæcunque fuerant Iob duplicia.*) Sancta quippe Ecclesia etsi multos nunc percussione tentationis amittit, in fine tamen huius seculi ea quæ sua sunt duplicia recipit, quādo susceptis ad plenum gentibus, ad eius fidem currere omnis quæ tunc inuenta fuerit, etiam Iudæa consentit. Hinc nāque scriptum est: Donec plenitudo gentium introiret, & sic omnis Israël saluus fieret. Hinc in Euāgelio quoque, veritas dicit: Helias veniet, & ille restituet omnia. Nunc enim amisit Israëlitas Ecclesia, quos conuertere prædicando non valuit, sed tunc Helia prædicante, dum quotquot inuenit, colligit, velut plenius recipit quod amisit. Vel certè sanctæ Ecclesiæ in fine suo duplum recipere, est in singulis nobis & de beatitudine animæ & de carnis incorruptione gaudere. Hinc est enim quod per Prophetam de electis dicitur: In terra sua duplicia possidebunt. Hinc est quod Ioannes Apostolus de sanctis finem mundi quærentibus dicit: Data sunt illis singulæ stolæ albæ, & dictum est eis, vt requiescerent tempus adhuc modicum, donec compleretur numerus conseruatorum & fratrum eorum. Sicut enim longè superius diximus, ante resurrectionem Sancti singulas stolæ accipiunt: quia sola animarum beatitudine perfruuntur, in fine autem mundi binas habituri sunt: quia cum mentis beatitudine etiam carnis beatitudinem possidebunt. Sed ea quæ subnexa sunt, in fine magis huius seculi conuersionem se Iudaici populi nunciare testantur. Nam subditur: *Venerunt autem ad eum omnes fratres sui, & vniuersæ sorores sue, & cuncti qui nouerant eum prius, & comederunt cum eo panem in domo eius.*) Tunc quippe fratres sui ac sorores ad Christum veniunt, quando ex plebe Iudaica quotquot inuenti fuerint conuertuntur. Ex illo enim populo carnis materiam sumpsit. Tunc ergo ad eum fratres ac sorores accedunt, quando ex ea plebe quæ ei per cognationem iuncta est, vel qui fortes futuri sunt, velut fratres, vel infirmi, velut sorores, ad eum per cognitionem fidei deuota gratulatione concurrunt. Tunc apud eum celebre festiuitatis conuiuium exhibent, quando eum iam nequaquam quasi purum hominem contemnentes, propinquitatis suæ memores, diuinitati se eius inhærere congaudent. Tunc in domo eius panem comedunt, cum postposita obseruatione subiacentis literæ, in sancta Ecclesia mystici eloquij quasi frugis medulla pascuntur. Bene autem subiungitur: *Cuncti qui nouerant eum prius.*) Prius quippe nouerant, quem in passione sua quasi incognitum contempserunt. Nam nasciturum Christum nullus qui plenè legem didicit ignorauit. Vnde & Herodes rex Magorum occursione perterritus, sacerdotes & principes studuit solerter inquirere, vbi Christum nasciturum esse præscirent, qui protinus responderunt: In Bethleem Iudæ. Prius ergo nouerant, quem passionis suæ tempore dum despicerent ignorabant. Quorum & notitia prior, & ignorantia posterior bene ac breuiter Isaac caligante signatur. Qui dum Iacob benediceret, & quid eueniret in futuro præuidebat, & quis illi præsens assisteret nesciebat. Sic quippe Israëlitarum populus fuit, qui prophetiæ mysteria accepit, sed tamen cæcos in contemplatione oculos habuit, qui eum præsentem non vidit, de quo tam multa in futuro præuidit. Ante se enim positum nequaquam cernere valuit, cuius aduentus potentiam longè antè nunciavit. Sed ecce in fine mundi veniunt, & eum quem prius nouerant recognoscunt. Ecce in domo eius panem comedunt: quia in sancta Ecclesia sacri eloquij fruge pascuntur, & om-

nem insensibilitatem pristini torporis excutiunt. Vnde & subditur: *Et mouerunt super eum caput.*) Quid enim in capite nisi principale mentis accipitur: sicut per Psalmistam dicitur: *Impinguasti in oleo caput meum: ac si apertè diceretur: Aren-tem in suis cogitationibus mentem meam charitatis vnctione rigasti.* Caput ergo mouetur, cum per formidinem veritatis tacta, ab insensibilitate sua mens quatitur. Veniant ergo parentes ad conuiuium, atque excusso torpore moueant caput, id est, hi, qui redemptori nostro carne coniuncti fuerant, refractionem quandoque verbi in fide percipiant, & insensibilitatis pristinae duritiam amittant. Vnde bene per Abacuc dicitur: *Pedes eius steterunt, & mota est terra.* Stante enim Domino terra proculdubio mouetur: quia cum cordi nostro timoris sui vestigia imprimit, cuncta in nobis cogitatio terrena contremiscit. Hoc itaque loco caput mouere, est immobilitatem mentis excutere, & ad cognitionem fidei credulitatis gressibus propinquare. Sed quia sancta Ecclesia nunc Hebræorum auersione afficitur, & tunc conuersione releuatur, rectè subiungitur: *Et consolati sunt eum super omni malo quod intulerat dominus super eum.*) Consolantur videlicet Christum, consolantur Ecclesiam, qui ab infidelitatis pristinae errore resipiscunt: & prauitatem vitæ per quam recta docentibus repugnauerant, deserunt. An non grauis mœror est duris cordibus infructuosè prædicare, laborem in ostendenda veritate sumere, sed nullum de conuersione audientium fructum laboris inuenire? At contrà magna prædicatorum consolatio est, subsequens profectus auditorum. Releuatio quippe docentis est immutatio proficientis. Et notandum quòd in flagello positum consolari noluere, sed ad consolandum eum post flagellum veniunt: quia nimirum passionis eius tempore Hebræi prædicamenta fidei contemnentes, quem hominem ex morte probauerant, Deum credere despexerunt. Vnde per Psalmistam Dominus dicit: *Sustinui qui simul mecum contristaretur, & non fuit, consolantem me quæsiui, & non inueni.* Consolantem quippe in passione minimè inuenit, in despectu mortis etiam ipsos hostes pertulit, pro quibus ad mortem venit. Post flagella ergo propinqui ad consolationem veniunt: quia in membris suis nunc quoque Dominus patitur, sed extremo tempore Israëlita omnes ad fidem cognita Helia prædicatione concurrunt, atque ad eius protectionem quem fugerant redeunt, & tunc illud eximium multiplici aggregatione populorum conuiuium celebratur. Tunc post flagella quasi Iob sanus ostenditur, quando à conuersis atque credentibus post passionem suam ac resurrectionem Dominus in cœlis immortalis viuere per certitudinem fidei scitur. Tunc quasi remuneratus Iob cernitur, quando in maiestatis suæ potentia sicut est Deus creditur, & eius fidei subiici hi qui prius restiterant videntur. In fine igitur mundi credentes Hebræi conueniant, & humani generis redemptori in potentia diuinitatis quasi sano Iob oblationum suarum vota persoluant. Vnde & bene subditur: *Et dederunt ei vnusquisque ouem vnā, & in aurem auream vnam.*) Quid per ouem nisi innocentia, quid per in aurem nisi obedientia designatur? Per ouem quippe simplex animus, per in aurem verò ornatus humilitatis gratia auditus exprimitur.

Quanta sit virtus obedientiæ.

Caput X.

Sed quia ad ostendendam virtutem obedientiæ occasio opportuna se præbuit, libet hanc paulò vigilantius sollicitiusque discutere, & quanti sit meriti demonstrare. Sola namque virtus est obedientia quæ virtutes cæteras menti inserit, insertasque custodit. Vnde & primus homo præceptum quod seruaret accepit, cui se si vellet obediens subdere, ad æternam beatitudinem sine labore perueniret. Hinc Samuel ait: *Melior est obedientia quàm victimæ, & auscultare magis quàm offerre adipem arietum: quoniam quasi peccatum ariolandi est repugnare, & quasi scelus idololatriæ nolle acquiescere.* Obedientia quippe victimis iure præponitur: quia per victimas aliena caro, per obedientiam verò voluntas propria mactatur. Tantò igitur quisque Deum citius placat, quantò ante eius oculos repressa arbitrij sui superbia, gladio præcepti se immolat. Quo contra ariolandi peccatum inobedientia dicitur, vt quanta sit virtus obedientiæ demon-

Psalm. 12.

II.

Psalm. 68.

12.

1. Reg. 15. Obedientiæ commendatio.

stretur. Ex aduerso igitur melius ostēditur, quid de ei⁹ laude sentiat. Si enī quasi ariolandi peccatū est repugnare, & quasi scelus idololatriæ nolle aquiescere, sola est quæ fidei meritum possidet, sine qua quisque infidelis esse conuincitur, etiam si fidelis esse videatur. Hinc per Salomonem in ostensione obedientiæ dicitur: Vir obediens loquitur victorias. Vir quippe obediens victorias loquitur: quia dum alienæ voci humiliter subdimur, nosmetipsos in corde superamus. Hinc in Euangelio veritas dicit: Eum qui venit ad me, non eiciam foras: quia de cælo descendit, non ut faciam voluntatem meam, sed voluntatem eius qui misit me. Quid enim? si suam faceret, eos qui ad se veniunt, repulisset? Quis autem nesciat quod voluntas filij à patris voluntate non discrepet? Sed quoniam primus homo quia suam facere voluntatem voluit, à paradisi gaudio exiit, secundus ad redemptionem hominum veniens, dum voluntatem se patris & non suam facere ostendit, permanere nos intus docuit. Cū igitur non suam, sed patris voluntatem facit, eos qui ad se veniunt, foras non eicit: quia dum exemplo suo nos obedientiæ subiicit, viam nobis egressionis claudit. Hinc rursus ait: Non possum ego à meipso facere quicquam, sed sicut audio, iudico. Nobis quippe obedientia vsque ad mortem seruanda præcipitur. Ipse autem si sicut audit iudicat, tunc quoque obedit, cū iudex venit. Ne igitur nobis vsque ad præsentis vitæ terminum obedientia laboriosa appareat, redemptor noster indicat: quia hanc etiam cū iudex venerit seruat. Quid ergo mirum si homo peccator se obedientiæ in præsentis vitæ breuitate subiicit, quando hanc mediator Dei & hominum, & cū obediens remunerat, non relinquit? Sciendum verò est quod nunquam per obedientiam malum fieri, aliquando autem debet per obedientiam bonum quod agitur intermitteri. Neque enim mala in paradiso arbor extitit, quam Deus homini ne contingeret interdixit. Sed ut melius per obedientiæ meritum, homo bene conditus cresceret, dignum fuerat ut etiam à bono prohiberetur: quatenus tantò verius hoc quod ageret, virtus esset, quantò & à bono cessans, auctori suo se subditum humiliter exhiberet. Sed notandum quod illic dicitur: Ex omni ligno paradisi comedite, de ligno autem scientiæ boni & mali ne tetigeritis. Qui enim ab vno quolibet bono subiectos vetat, necesse est ut multa concedat, ne obedientis mens funditus intereat, si à bonis omnibus penitus repulsa ieiunat. Omnes autem paradisi arbores ad esum Dominus concessit, cū ab vna prohibuit, ut creaturam suam quam volebat extinguere, sed prouehi, tantò facilius ab vna restringeret, quantò ad cunctas latius relaxaret. Sed quia nonnunquam nobis huius mundi prospera, nonnunquam verò iubentur aduersa, sciendum summopere est quod obedientia aliquando si de suo aliquid habeat, nulla est, aliquando autem si de suo aliquid non habeat, minima. Nam cū huius mundi successus præcipitur, cū locus superior imperatur, is qui ad percipiendā hanc obedit, obedientiæ sibi virtutem euacuat, si ad hanc etiam ex proprio desiderio anhelat. Neque enim se sub obedientia dirigit, qui ad accipiendā huius vitæ prospera libidini propriæ ambitionis seruit. Rursus cū mundi despectus præcipitur, cū probra adipisci, & contumeliæ iubentur, nisi ex seipso animus hanc appetat, obedientiæ sibi meritum minuit: quia ad ea quæ in hac vita despecta sunt, inuitus, nolensque descendit. Ad detrimentum quippe obedientia ducitur, cū mentem ad suscipiendā probra huius seculi nequaquam ex parte aliqua etiam sua vota comitantur. Debet ergo obedientia, & in aduersis ex suo aliquid habere, & rursus in prosperis ex suo aliquid omnimodo non habere: quatenus & in aduersis tantò sit gloriosior, quantò diuino ordini etiam ex desiderio iungitur, & in prosperis tantò sit verior, quantò à præsentī ipsa quam diuinitus percipit, gloria funditus ex mente separatur. Sed hoc virtutis pondus melius ostendimus, si cælestis patriæ duorum hominum facta memoremus. Moyses nanque cū in deserto oues pasceret, Domino per Angelum in igne loquente, vocatus est, ut eripiendæ omni Israëlitarum multitudinī præesset. Sed quia apud se mente humilis extitit, oblatam protinus tanti regiminis gloriam expauit, mōxque ad infirmitatis patrociniū recurrit, dicens: Obsecro Domine, non sum eloquens: ab heri enim & nudius tertius ex quo cœ-

Epistoli loqui ad seruum tuum, tardioris & impeditioris linguæ sum factus. Et se postposito, alium deposcit dicens: Mitte quem missurus es. Ecce cum auctore linguæ loquitur, & ne tanti regiminis potestatem suscipiat, elinguem se esse causatur. Paulus quoque diuinitus fuerat, ut in Hierusalem debuisset ascendere, admonitus, sicut ipse Galatis dicit: Deinde post annos quatuordecim iterum ascendi Hierosolimam, assumpto Barnaba & Tito, ascendi autem secundum reuelationem. Isque in itinere cum Prophetam Agabum reperisset, quanta se aduersitas in Hierosolymis maneret audiuit. Scriptum quippe est quod idem Agabus zonam Pauli suis pedibus inferens dixit: Virum cuius hæc zona est sic alligabunt in Hierusalem. A Paulo autem protinus respondetur: Ego non solum alligari, sed & mori in Hierusalem paratus sum pro nomine Iesu, neque enim preciosiorem facio animam meam quam me. Præceptione igitur reuelationis Hierosolimam pergens, aduersa cognoscit, & tamen hæc libenter appetit, audit quæ timeat, sed ad hæc ardentior anhelat. Moyses itaque ad prospera de suo nihil habet: quia precibus renititur, ne Israëlitiæ plebi præferatur. Paulus ad aduersa etiam ex suo voto ducitur: quia malorum imminentium cognitionem percipit, sed deuotione spiritus etiam ad acriora feruescit. Ille præsentis potestatis gloriam Deo voluit iubete declinare, iste Deo aspera & dura disponente, se studuit ad grauiora præparare. Præeunte ergo vtrorunque ducum infracta virtute instituitur, ut si obedientiæ palmam apprehendere veraciter nitimur, prosperis huius seculi ex sola iussione, aduersis autem etiam ex deuotione militemus. Notandum verò est quod hoc loco cum in aure ouis, cum oue in auro offertur: quia nimirum innocuis mentibus ornamentum semper obedientiæ iungitur, Domino attestante, qui ait: Oves meæ vocem meam audiunt, & ego cognosco eas, & sequuntur me. Beato igitur Iob nemo in aurem sine oue, nemo ouem sine in aure obtulit: quia profecto redemptori suo non obedit, qui innocens non est, & innocens esse non potest, qui obedire contemnit. Quia verò ipsa obedientia non seruii metu, sed charitatis affectu seruanda est, non terrore pænæ, sed amore iustitiæ cuncti, qui ad conuiuium veniunt, auream in aurem obtulisse perhibentur, ut videlicet in ea quæ exhibetur obedientia charitas fulgeat, quæ virtutes omnes quasi auri more cetera metalla transcendat. Sed quia nulla esse innocentia, nulla esse vera obedientia in multiplicibus hæreticorum diuisionibus potest, ad cognitionem fidei venientes offerant ouem, sed vnam: offerant in aurem, sed vnam, id est, tales veniant, qui in vnitatem sanctæ Ecclesiæ innocui obediētesque persistant. Vnum quippe diuidi per numeros non potest: quia & hoc ipsum vnum quod dicimus numerus non est. Offerant igitur ouem, sed vnam: offerant in aurem, sed vnam, id est, ad sanctam Ecclesiam cum innocentia atque obediētia venientes, eam mentem deferant, quam sectarum schismata non diuidant. Aperire libet oculos fidei, & illud extremum sanctæ Ecclesiæ de susceptione Israëlitiçi populi cōuiuium contemplari. Ad quod nimirum conuiuium magnus ille veniens Helias conuiuiatium inuitator adhibetur, & tunc propinqui, tunc noti ad eum cum muneribus veniunt, quem in flagello paulò antè positum contempserunt. Appropinquante enim die iudicii, vel præcursoris vocibus, vel quibusdam erumpentibus signis, ipsa eis iam aliquo modo aduenientis Domini virtus interlucet. Cuius iram dum præuenire festināt, conuersionis suæ tempus accelerant. Conuersi autem cum muneribus veniunt: quia cum quem paulò antè in passione deriserunt, tunc virtutum operā quasi munera offerēdo venerantur. Illud proculdubio hac sua oblatione complentes, quod & cernimus magna ex parte iam factum, & adhuc credimus ex magna parte faciendum: Adorabunt eum filii Tyri in muneribus. Tunc nanque illum plenius filii Tyri in muneribus adorabunt, cū Israëlitarum mentes huius nunc mundi subditæ desiderijs, ei, quem superbientes negauerunt, quandoque cognito suæ hostias confessionis apportant. Et quāuis eisdem temporibus quibus antichristus appropinquat, aliquatenus vita fidelium minoris esse virtutis appareat, quāuis in conflictu illius perditī hominis grauis etiam corda fortium formido constringat: Helia tamen prædicante roborati, non solum

Petr. 21.

Ioan. 6.

Ioan. 5.

11. quæst. 3.

Quid ergo.

13

Genes. 2.

8. quæstio. 1.

Sciendum.

Exod. 4.

Gal. 2.

Acto. 21.

14

Ioan. 10.

15

* al. porse-

Ed.

Psalm. 44.

nō solū fideles quippe in sanctæ Ecclesiæ soliditate persistūt, sed, sicut superius diximus, ad cognitionē fidei multi quoque ex infidelibus conuertuntur, ita vt Israëliticæ gentis reliquiæ, quæ repulsæ prius funditus fuerāt, ad sinū matris Ecclesiæ pia omnimodo deuotione cōcurrāt. Vnde & bene nūc subditur:

16. *Dominus autem benedixit nouissimis Iob magis quā principio eius.* Hæc historicē facta credimus, hæc mysticē faciēda speramus. Magis enim nouissimus Iob quā principio benedicitur: quia quantū ad Israëliticū populi susceptionē pertinet, vrgēte fine præsentis seculi, dolorem sanctæ Ecclesiæ Dominus animarū multiplici collectione consolatur. Tantō quippe locupletius ditabitur, quātō & manifestius innotescit quōd ad finem præsentis vitæ temporalitas vrgetur. Prædicatores namque sanctæ Ecclesiæ benedictione extremi tēporis Psal-
mista ditari conspexerat, cū dicebat: Adhuc multiplicabū-
tur in senecta vbere, & bene patientes erunt, vt annuncient. In senecta scilicet vbere multiplicatur: quia cū eorum vita differtur, semper ad melius fortitudo producit, eisq; per augmentum temporum crescunt etiam lucra meritorum. Bene autē patientes sunt vt annuncient: quia cœlestia prædicantes, tantō robustius aduersa tolerant, quantō & per tolerantiam suam animarum commoda locupletius reportant. Sequitur: *Quōd ideo Iob duplicis numeri sobolem non accepit, sicut in alia substantia acceperat: quia apud Deum filij eius, & filia non perierant, qui in occulta animarum eternitate vivebant: & quōd per quatuordecim milia ouium plenitudo virtutum ex gratia sancti spiritus inrimatur, quæ electis quidem in hac vita, sed amplius conceditur in futura.*

Capit. XI.

Et facta sunt ei quatuordecim milia ouium, & sex milia camelorum, & mille iuga boum, & mille asinae, & fuerunt ei septem filij & tres filia. Quōd septem milia ouium, & tria milia camelorum, & quingenta iuga boum, & quingentas asinas ante probationem percussione habuerit, ipsa eiusdem historię præfatio ostendit, quæ per flagellum perditā, ei nunc sunt duplicia restituta. Filij autem totidem sunt redditī quot amisit. Septē quippe filios, & tres filias habuit, septem autem nunc filios & tres filias recepisse describitur, vt & hi qui extincti fuerant, viuere demonstrarentur. Dum enim dicitur: Addidit Dominus quæcunque fuerant Iob duplicia, & tamen totidem filios ei restituit quot amisit, & liberos dupliciter addidit, cui decem postmodum in carne restituit, decem verō qui amissi fuerant, in occulta animarum vita reſeruauit. Si quis autem in prædictis animalibus postposito culmo historię, vt intellectuale videlicet animal, pasci mysteriorum fruge desiderat, necesse est vt quæ sentimus agnoscat. Intelligere enim possumus quōd in his animalibus aggregata fidelium vniuersitas designatur. Hinc est namque quod per Psalmistam patri de filio dicitur: Omnia subiicisti sub pedibus eius, oues & boues vniuersas, insuper & pecora campi. Hinc est quod idem Propheta sanctam Ecclesiam simplices quosque in habitare conspiciens ait: Animalia tua habitabunt in ea. Quid ergo in ouibus, nisi innocentes: quid in camelis, nisi eos qui cæterorum mala transeunt extuberanti & tortuosa mole vitiorum: quid in iugatis bobus, nisi Israëlitas legi subditos: quid in asinis, nisi simplices gentilium mentes accipimus? Nam quia innocentes quique ouium nomine designantur, testatur Psalmista, qui ait: Nos autem populus eius, & oues pascuę eius. Neque enim qui seruare innocentiam negligunt, illa internæ pascuę refectione satiantur. Cameli verō nomine, aliquādo in sacro eloquio Dominus, aliquando gentilium superbia exprimitur, quasi excrescente desuper tumore tortuosa. Quia enim ad suscipiēda onera sponte se camelus humiliat, nō immeritō redemptoris nostri gratiam designat, qui in eo quōd infirmitatis nostræ onera suscipere dignatus est, à potestatis suæ celsitudine sponte descendit. Vnde & per euāgelium dicit: Potestatem habeo ponendi animam meam, & potestatem habeo iterum sumendi eam, & nemo tollit eam à me. Et vnde iterum dicit: Facilius est camelum per foramen acus transire, quā diuitem intrare in regnum cœlorū. Quid enim nomine diuitis nisi quēlibet elatum, quid cameli appellatione, nisi propriam condescensionem signat? Camelus enim per foramen acus transiit, cū idem redemptor noster vsque ad susceptionem mortis per angustias passionis intrauit. Quæ passio velut acus extitit:

A quia dolore corpus pupugit. Facilius autem camelus per foramen acus, quā diues cœlorum regnum ingreditur: quia nisi ipse prius infirmitatis nostræ onera suscipiens, per passionem suam formam nobis humilitatis ostenderet, nequaquam se ad humilitatem illius superba nostra rigiditas inclinaret. Rursum cameli nomine, tortuosa ac plena vitis gentilitas designatur, sicut per Moysen dicitur quōd inclinata iam die, egressum in agro Isaac in camelo sedens Rebecca conspexerit, ac protinus de camelo descendit, & sese pallio ad visionem illius verecūdata cooperuit. Quem enim Isaac alium in eo quōd inclinata iam die in agro egressus fuerat designabat, nisi eū qui extremo huius mundi tempore, velut in dici fine veniens, quasi in agrum foras exiit? quia cū sit inuisibilis, in hoc mundo se visibilē demonstrauit. Quem in camelo sedens Rebecca conspexit: quia cum Ecclesia ex gentibus veniēs, dum adhuc vitis esset innixa, & necdum spiritalibus, sed animalibus motibus inhaereret, attēdit. Sed protinus de camelo descendit: quia vitia quibus prius fuerat superbe elata, deseruit, seque etiam pallio operire curauit: quia viso Domino, infirmitatem suæ actionis erubuit, & illa quæ prius in camelo libera gestabatur, descendens postmodum verecūda tegitur. Vnde eidem Ecclesiæ à priore elatione conuersæ per apostolicam vocem quasi Rebecca de camelo descendenti, sibi que pallium superducenti dicitur: Quem enim fructum habuistis tūc in illis, in quibus nunc erubescitis? In bobus verō aliquando luxuriosorum dementia, aliquando laboriosa fortitudo prædicationis, aliquando humilitas exprimitur Israëlitarum. Quia enim bouis nomine per comparisonem luxuriosorum dementia designatur, Salomon indicat, qui cū malē suadentis mulieris petulantiam præmisisset, adiunxit: Statimque eam sequitur, quasi bos ductus ad victimam. Rursum quia bouis nomine, labor prædicatoris exprimitur legis verba testantur, quæ ait: Non obturabis os boui trituranti: ac si aperte diceret: Prædicatores verbi à stipendiorum suorū perceptione nō prohibeas. Rursum quia bouis nomine plebs Israëlita figuratur, Propheta asserit, qui redemptoris aduentum denūciāns dicit: Cognouit bos possessorem suum, & asinus præsepe domini sui. Per bouem scilicet Israëliticū populum, iugo legis edomitum signans, per asinum verō gentilem populum indicans, voluptatibus deditum, & grauius brutum. Asinorum quoque & asinarum nomine, aliquando luxuriosorum petulantia, aliquando mansuetudo simplicium, aliquando verō, vt prædiximus, stultitia gentilium designatur. Quia enim luxuriosorum petulantia asinorum appellatione per comparisonem exprimitur, aperte declaratur, cū per Prophetam dicitur: Quorum carnes sunt vt carnes asinorum. Rursum quia asinorum nomine simplicium vita figuratur, redemptor noster cū Hierusalem pergeret, sedisse asinam describitur. Hierusalem quippe visio pacis dicitur: Quid igitur signat quod Dominus sedendo asinam Hierusalem ducit, nisi quōd simplices mentes dum praesidendo possidet, eas vsque ad visionem pacis sua sacra sessione perducit? Rursum quia asinorum nomine, stultitia gentilium designatur, Propheta testatur, dicens: Beati qui seminatis super omnes aquas, immittentes pedem bouis & asini. Super omnes quippe aquas seminare, est cunctis populis fructuosa vitæ verba prædicare. Pedem verō bouis & asini immittre, est vias Israëliti, & gentilis populi per præceptorum cœlestium vincula religare. Literæ igitur veritate seruata, sub beati Iob nomine cunctis his animalibus non immeritō credimus sanctæ Ecclesiæ populos designari, quatenus ea quæ scripta sunt, dispensatione sancti spiritus cuncta mirabiliter ordinante, & transacta nobis referant, & futura prædicent. Agnoscamus ergo in ouibus fideles atque innocentes ex Iudæa populos, legis dudum pascuis satiatos. Agnoscamus in camelis ad fidem simplices ex gentilitate venientes, qui prius sub ritu sacrilego quasi quadam deformitate membrorum valde turpes ostensi sunt, videlicet scēditate vitiorum. Et quia sæpe, vt prædiximus, sacra eloquia curant repetere quod affirmant, possunt rursum in bobus Israëlita accipi, quasi iugo legis attriti: asinis verō vt dictum est, gentiles populi designari, qui dum se colendis lapidibus inclinabant, non reluctante mente, quasi dorso stultē supposito, quibuslibet idolis bruto sensu seruiebant. San-

Gene. 34.

Roma. 6.
18.

Prouer. 7.

Deut. 25.

Esai. 1.

Ezech. 23.

Esai. 32.

19.

Psal. 91.

17.

Psal. 8.

Psal. 67.

Psal. 78.

Iam. 10.

Matth. 19.

Marc. 6.

Et ergo Ecclesia quæ in exordiis suis innumeris tentationibus preffa, vel Israëliticum populum, vel multos ex gentibus amisit, videlicet quos lucrari non potuit, duplicia in fine recipit: quia in ea ex vtraque natione, fidelium numerus multiplicior excrefcit. Possunt etiam per iugatos boues, prædicatores intelligi. Vnde cum eos ad annunciandum Dominus mitteret, teste Euangelio, binos misisse describitur: vt quia vel duo sunt præcepta charitatis, vel quia haberi societas minus quàm inter duos non potest, prædicatores sancti ex ipsa qualitate suæ missionis cognoscerent quantum concordiam societatis amarēt. Possunt, sicut prædiximus, per asinas mentes simplicium designari. Sancta verò Ecclesia duplices boues, atque asinas recipit: quia prædicatores sancti qui pressi formidine in eius dudum tentatione tacuerāt, & mentes simplicium quæ victæ terroribus veritatem illius confiteri formidabant, tantò iam nunc robustius in confessione veritatis voces suas exerunt, quantò debilius antè timuerunt. Hæc in significatione Ecclesiæ breuiter diximus: quæ quomodo eiusdem sanctæ Ecclesiæ capiti seruiāt, in exordio huius operis latius nos dixisse memoram⁹. Qui ergo de his sibi plenius satisfieri nititur, secundum huius operis librum legere dignetur. Iam verò si quærimur, vt etiā de ipso animalium numero disseramus, cur mille iuga bouum, vel mille asinæ, & sex milia camelorum, & quatuordecim milia ouium numerētur, dicere breuiter possumus, quòd apud secularem quidem scientiam millenarius numerus idcirco perfectus habetur: quia denarij numeri quadratum solidum reddit. Decem quippe decies ducta sunt centum, quæ iam figura quadrata, sed plana non est. Vt autem in latitudinem surgat, & solida fiat, rursus cētum decies multiplicatur, & mille sunt. Senarius autem numerus idcirco perfectus est: quia primus in numeris completur partibus suis, id est, sexta sui parte, & tertia, & dimidia, quæ sunt vnum, & duo, & tria: quæ in summam ducta sex fiūt. Nec alius ante senariū numerum reperitur, qui in suis partibus dum diuiditur, tota eius summa compleatur.

melius.
† altitudi-
nem.

Quòd qui peccato mortui sunt, & in quibus vitiorum struma quassata est, per Dei gratiam in bonis operibus consummantur.

Caput XII.

Matth. 20.

Matth. 22.

Psalm. 104.

Sed quia cuncta hæc per sacre scripturæ cellitudinem proficiendo transcendimus, ibi senarium, ibi septenarium, ibi denarium, ibi millenariū vnde sit perfectus, inuenimus. Senarius quippe numerus in scriptura sacra perfectus est: quia in mundi origine Dominus ea quæ primo die cœpit, sexto die opera impleuit. Septenarius in ea perfectus est, quia omne opus bonum septem per spiritum virtutibus agitur, vt & fides simul & opera consummētur. Denarius numerus in ea perfectus est: quia lex in decem præceptis cōcluditur, omnisq; culpa non amplius quàm per decem verba cohibetur, atq; enarrantem veritate, operatores vineæ denario remunerātur. In denario quippe tria iunguntur ad septem. Homo autem qui ex anima constat, & corpore, in septem qualitatibus continetur. Nam tribus spiritaliter, & quatuor corporaliter viget. In dilectione etenim Dei tribus qualitatib⁹ spiritaliter excitatur, cum ei per legem dicitur: Diliges Dominum Deum tuum ex tota mente tua, & ex tota anima tua, & ex tota virtute. Corporaliter verò quatuor qualitatibus cōtinetur: quia videlicet ex materia calida & frigida, humida & sicca componitur. Homo ergo qui ex septē qualitatibus constat, denario remunerari dicitur: quia in illa perceptione supernæ patriæ, septem nostra ad tria iunguntur æterna, vt homo contemplationem trinitatis accipiat, & de remuneratione operis quasi quodam denario cōsummatu viuat. Vel certè quòd septem virtutes sunt quibus in hac vita laboratur, dumq; eis in remuneratione contemplatio trinitatis redditur, vita laborantium denario remuneratur. Sed perfectus quisque etiam in hac vita denarium accipit, dum eiusdem septem virtutibus, spem, fidem, charitatēque cōiungit. Millenarius quoq; numerus in sacro eloquio perfectus accipitur: quia appellatione eius vniuersitas designatur. Vnde scriptum est: Verbi quod mandauit in mille generationes. Cum enim nequaquam credendum sit quòd ad centū generationes mūdus extēditur, quid aliud mille generationibus nisi vniuersitas generationū figuratur? Beatus igitur Iob quatuordecim milia ouium recepit. Quia enim in sancta Ecclesia

E virtutum perfectio ad vtrunq; sexum ducitur, septenarius in ea numerus duplicatur. Et sex milia camelorum: quia plenitudinem in illa operis accipiunt, quia illa dudum vitiorum suorum scditate perierunt. Mille quoque iuga bouum, ac mille asinas recepit: quia Israelitas atq; gentiles, doctos ac simplices, post tentationum casus in culmine perfectionis assumit.

Quòd in septem filiis Iob septiformis virtutum operatio accipitur, & in nominibus filiarum eius conditio, & redemptio, & assumptio generis humani possit intelligi.

Caput XIII.

Septem quoq; filios, & tres filias recepit: quia eorum mentibus quos septem virtutib⁹ genuerat, ad perfectionis summam, spem, fidem, charitatēque coniungit, vt tantò verius prole sua gaudeat, quantò suis fidelibus nil deesse virtutis pensat. Sed quia hæc succinctè transcurrimus, nunc ipsis quoq; indagandis filiarum vocabulis intendamus. Sequitur: *Et vocauit nomen vnius Diem, & nomen secundæ Casiam, & nomen tertiæ Cornustibilij.* Hæc nomina pro eo quòd à virtutibus sumpta sunt, aptè curauit interpres nō ea sicut in Arabico sermone inuēta sunt ponere, sed in latinum eloquium versā apertius demonstrare. Quis enim nesciat Diem, vel Casiam latina esse vocabula? At verò Cornustibilij quauis non cornus, sed cornu dicitur, nec cantantium fistula tibium, sed tibia vocatur, in latina tamē lingua sermonis genere minimè custodito, rem credendo prodere maluit, atque in eius linguæ de qua transferebat, proprietate perdurare. Vel quia per cornu & tibiam vnū verbum ex vtroque composuit, vtrunque verbum per vnā orationis partem in latina lingua trāsfusum, quo voluit genere licitè vocauit. Quid est ergo quòd prima filia beati Iob Dies dicitur, secūda Casia, tertia verò Cornustibilij vocata memoratur: nisi quia vniuersum genus humanum quod benignitate conditoris, atq; eiusdem misericordia redemptoris eligitur, istis nominibus designatur? Homo nanque quasi dies ex conditione claruit: quia hunc author suus ingenitæ innocentie splendore respersit. Sed spōte sua ad peccati tenebras lapsus: quia veritatis lucem deseruit, quasi in nocte se erroris abscondit: quia aliās dicitur secutus vmbra. Sed quia auctori nostro non defuit largitas bonitatis suæ etiam cōtra tenebras iniquitatis nostræ, eum quem prius potenter ad iustitiam condidit, potentius redimendo postmodum ab errore reuocauit. Cui quia post casum suum illa cōditionis suæ pristina firmitas defuit, eum contra bella intima repugnantis corruptionis multiplicibus donorum suorū virtutibus fulsit. Quæ nimirum virtutes proficientium in notitia cæterorum hominum quasi suauitate fragrant odorem. Hinc est enim quod per Paulum dicitur: Christi bonus odor sumus Deo. Hinc est quòd sancta Ecclesia in electis suis quandam fragrantiam suauitatis odorata in, Canticorum cantico loquitur dicens: Donec rex in recubitu suo est, nardus mea dedit odorem suū. Ac si apertè dicat: Quòd vsq; meis obtutibus rex apud se in requie secreti cœlestis absconditur, electorum vita miris virtutum odoribus exercetur, vt quo adhuc eum quem appetit non videt, ardentius per desiderium flagret. Rege quippe in recubitu suo posito, nardus odorē dat, dū quiescente in sua beatitudine Domino, sanctorum virtus in Ecclesia magnæ nobis gratiam suauitatis administrat. Quia ergo & conditum luce innocentie claruit, & redemptum genus humanum exercitio bonorum operum odorem suauitatis aspergit, prima filia rectè Dies, & secunda non incongruè Casia nominatur. Bene autem Casia dicitur, quæ in tanto sublimis vitæ odore dilatatur. In ipsa quippe sua origine in qua iustus homo conditus fuerat, tantis, quantis nunc opus est virtutibus, non indigebat: quia si stare sicut est conditus vellet, hostem extrā positum vincere sine difficultate potuisset. Postquam verò per assensum hominis semel aduersarius ad intima irrupit, laboriosius iam victor eiicitur, qui adhuc impugnans sine labore repelleretur. Multa namq; nunc exhibenda sunt, quæ in paradiso necessaria non fuerunt. Nunc quippe opus est virtute patientiæ, laboriosa eruditione doctrinæ, castigatione corporis, assiduitate precis, confessione delictorum, inundatione lachrymarū, quorum perfectio omnium conditus homo non eguit: quia salutis bonum ex ipsa sua conditione percepit. Aegro quippe poculum amarum porrigitur, vt ad salutis statū morbo sublato reuocetur. Sano autem nequaquam præcipitur quid accipiat, vt conualecat,

21

22

2. Corint. 2.

Cantic.

leſcat, ſed à quibus caueat ne langueſcat. Nunc ergo maioribus ſtudiis vtimur, cum ſalutem nequaquam ſeruamus habitam, ſed reparare curamus ablatam. Et quia omnes hi anniſus noſtræ reparationis magnis intra ſanctam Eccleſiam opinio- nibus pollent, nomen ſecundæ filię velut Caſia ex merito re- dolet, vt quia prima filia quaſi dies exitit per dignitatē cō- ditionis, ſecunda Caſia ſit per fragrantia fortitudinis ex grā- tia redēptionis. Vnde & eidem venienti redemptori per Prophetam dicitur: Myrrha & gutta, & caſia à veſtimentis tuis à gradibus eburneis: ex quibus te delectauerunt filię re- gum in honore tuo. Quid enim myrrha, gutta, & caſia no- mine, niſi virtutum ſuauiſas designatur? quid eburneis gradi- bus, niſi magna nitens fortitudine proficientiū aſcenſus ex- primitur? Redēptor igitur veniens, myrrha, gutta, & caſia in veſtimento vtitur: quia ex electis ſuis quibus ſe miſericordi- ter induit, myrrha virtutis fragrantia aſpergit. In quibus iſte odor ab eburneis gradibus ducitur: quia in eis virtutum opi- nio non ex oſtentione ſimulationis, ſed ex veri ac ſolidi ope- ris aſcenſu generatur. Bene autem ſubditur: Ex quibus dele- ctauerunt te filię regū in honore tuo. Sāctæ nanq; animæ ab antiquis patribus ad cognitionem veritatis editæ, redempto- rem ſuum in eius honore delectant: quia ex eo quod bene a- gunt, ſuæ laudi nihil vindicant. Quia verò tertio ordine eſt humanum genus etiam carnis reſurrectione renouatum in il- lo concentu æternæ laudis aſſumitur tertiā filia, quæ Cornu- ſtibij vocatur. Quid enim per Cornuſtibij, niſi latantiū can- tus exprimitur? Ibi enim veraciter adimpletur, quod modò Per prophetam dicitur: Cantate Domino canticum nouum. Ibi veraciter adimpletur, vbi canticum laudis Dei non iam ex fide, ſed ex ſpecie contemplata cantabitur. Ibi à nobis cō- ditor noſter laudum ſuarum veraces cātus recipit: qui huma- num genus & cōdendo diem & redimendo caſiam, & aſſu- mendo Cornuſtibij fecit. Qui enim lux fuimus cōditi, & nūc ſumus caſia redēpti erimus quādoque Cornuſtibij, in exul- tatione æternæ laudis aſſumpti. Sēd priuſquā ad nuptiarū tha- lamum ſponſa perueniat: omnē à ſe vitæ ſcēditatē reſpuit, & ſponſi amoris præparās ſeſe per ſpecies virtutū comit. Studet quippe interni arbitri iudicio placere: & intimis deſideriis ſubleuata, ſcēdos mores conuerſationis humanę transcendē- re. Vnde bene & de eiſdem filiabus beati Iob ſubditur:

*Quod pulchritudo ſanctarum animarum ad hac terrena incom-
parabilis ſit: & licet inter ſe quaſi ſtella differant, in clarita-
te tamen eadem actiuis, & contemplatiuis eſt hæreditas.*

Caput XIII.

Non ſunt autem inuēta mulieres ſpecioſæ ſicut filia Iob in vniuerſa terra. Elektorū quippe animæ omne humanum ge- nus quod in terra ſecundum hominem conuerſatur, ſuæ pul- chritudinis decore transcendunt: quātoque ſe exterius af- ſigendo deſpiciunt, tantò ſe verius intus componunt. Hinc eſt enim quod ſanctæ Eccleſiæ quæ electorum pulchritudi- ne decoratur per Pſalmiſtam dicitur: Concupiuit rex ſpecie- tuam. De qua paulo poſt ſubditur: Omnis gloria eius filię re- gum ab intus. Nam ſi foris gloriam quæreret, intus ſpeciem quam rex concupiſcebat, haberet. In qua quidem quanuis multi virtutum decore fulgeant, atque ipſa viuendi perfe- ctione cæterorum merita excedant: nonnulli tamen quia ad altiora aſſequenda non ſufficiunt, infirmitatis eius gremio continentur. Qui in quantum prævalent, mala vitant: quan- uis in quantum appetunt, altiora bona non impleant. Quos tamen benignē Dominus ſuſcipit, eoſque apud ſe pro modo dignæ retributionis admittit. Vnde & ſequitur: *Deditque eis pater ſuus hæreditatem inter fratres earum.* Ipſæ ergo ex perfectio- rum merito ſpecioſæ memorantur: ipſæ etiam quaſi ex im- perfectorum typo velut infirmæ hæreditatem inter fratres accipiunt. Vſus nanque vitæ veteris non habebat vt hære- ditatem ſcēminæ inter maſculos fortirentur: quia legis ſcēu- ritas fortia eligens, infirma contemnens, diſtincta potius ſtu- duit, quā benigna ſancire. Sed pio noſtro redemptore ve- niente, nullus infirmitatis ſuæ conſcius, de fortienda cœle- ſtis patrimonij hæreditate, deſperet. Pater enim noſter in- ter maſculos etiam ſcēminis iura ſucceſſionis tribuit: quia inter fortes atque perfectos, infirmos & humiles ad fortem

Tomus primus.

A ſupernæ hæreditatis admittit. Vnde ipſa veritas in Euange- lio dicit: In domo patris mei manſiones multe ſunt. Apud pa- trem quippe manſiones multe ſunt: quia in illa beatitudinis vita non diſpari, vnusquisque iuxta diſpar meritum, locum diſparē percipit, ſed eiſdem diſparitatis damna non ſentit: quia tantum ſibi, quantū perciperit ſufficit. Sorores ergo cum fratribus ad hæreditatem veniunt: quia infirmi illuc cum fortibus admittuntur: quatenus ſi quis per imperfectionem non erit ſummus, ab hæreditatis tamen ſorte per humilitatem non ſit extraneus. Quas bene Paulus manſiones iuxta merita diſtributas inſinuat, cum ait: Alia claritas Solis, & alia claritas lunæ, & alia claritas ſtellarum. Stella enim ab ſtella differt in claritate. Sequitur:

*Quod ſanctæ Eccleſiæ poſt huius vitæ terminum, depoſito corruptionis
pondere, peccato emortuo, in plenitudine dierum æternitatis, cum
ſanctorum ſobole, bonorum operum multiplicata retri-
butione, in æternum cum Chriſto quietat.*

Caput XV.

Vixit autem poſt hac flagella Iob centum quadraginta annis: & vi- dit filios ſuos, & filios filiorum ſuorum vſque ad quartam genera- tionem: & mortuus eſt ſenex, & plenus dierum. In ſcriptura ſacra nō facile plenus dierum ponitur, niſi is cuius per eandem ſcriptu- ram vita laudatur. Vacuus quippe dierum eſt, qui & quamli- bet multum vixerit, ætatis ſuæ tempora in vanitate conſumit. At contra plenus dierum dicitur, cui nequaquam dies ſui per- eundo tranſeunt, ſed ex quotidiana mercede boni operis, a- pud iuſtum iudicem, & poſtquam tranſacti fuerint reſeruan- tur. Sed quia ſunt qui hæc etiam in typo ſanctæ Eccleſiæ interpretari deſiderant, quorum votis tantò magis obediē- dum eſt, quāto & eorum ſpirituali intelligentiæ congauden- dum: ſi quatuordecim per denarium ducimus, ad centeſimū & quadreſimū numerum peruenimus. Et rectē vita ſan- ctæ Eccleſiæ multiplicata per decem & quatuor computatur: quia vtrūque teſtamentum cuſtodienſ, & tam ſecundum le- gis decalogum, quā ſecundum quatuor Euangelij libros viuens, vſque ad perfectionis culmen extenditur. Vnde & Paulus Apoſtolus quantis epiſtolas quindecim ſcripſerit: ſan- ctæ tamen Eccleſiæ non ampliùs quā quatuordecim tenet: vt ex ipſo epiſtolarum numero oſtēderet quod doctor egrē- gius legis & Euangelij ſecreta rimaret. Bene autem beatus Iob poſt flagella viuere dicitur: quia & ſanctæ Eccleſiæ prius diſciplinæ flagello percutitur, & poſtmodum vitæ perfectio- ne roboratur. Quæ etiam filios ſuos, & filiorum ſuorum vſ- que ad quartam generationem conſpicit: quia in hac ætate quæ annuis quatuor temporibus voluitur, vſque ad finem mundi per ora prædicantium naſcentes ſibi quotidie ſoboles contemplatur. Nec abhorret à vero quod per generationes dicimus tempora designari. Quid enim vnaquęque ſucceſſio, niſi quædam propago eſt generis? Et pincerna regis Aegypti cum vidisset ſomnium quod tres propagines duceret, Ioseph præditus in ſolutione ſomniorum, tres propagines, tres dies renunciat designare. Si ergo per tres propagines ſpatium trium dierum exprimitur, cur non etiam per quatuor genera- tiones annua quatuor tempora figurentur? Sancta itaque Ec- cleſia videt filios ſuos, cum primum fidelium ſobolem conſpi- cit. Videt filios filiorum, cum ab eiſdem fidelibus ad fidem gigni & filios cognoscit. Quæ etiam ſenex & plenus dierum moritur: quia ſubſequentē luce ex mercede quotidianorum operum, depoſito corruptionis pondere, ad incorruptionem ſpiritualis patriæ mutatur. Plena videlicet dierum moritur: cui labentes anni non tranſeunt, ſed ſtatim actuum retributione ſolidantur. Plena dierum moritur: quæ per hæc tranſientia tempora id quod non tranſit operatur. Vnde Apoſtoliſ dicitur: Operamini non cibum qui perit, ſed qui permanet in vi- tam æternam. Dies itaque ſuos ſanctæ Eccleſiæ etiam cum præ- ſentem vitam deſerit, nō amittit: quia in electis ſuis tantò eorū lucem multipliciùs inuenit, quāto nunc in eis ab omni tēta- tione ſe cautius ſolicitiùſque cuſtodit. Dies ſuos Eccleſia non amittit: quia ſeſe in hac vita vigilatē quotidie penſare nō ne- gligit, & ad omnia quæ rectē ſacere valeat, inertia nulla torpe- ſcit. Hinc eſt enim quod de illa per Salomonem dicitur. Con- ſiderat ſemitas domus ſuæ & panem ocioſa non comedit. Se-

E

mitas quippe domus suæ considerat: quia cunctas suæ cōscientiæ cogitationes subtiliter inuestigat. Panē ociosa nō comedit: quia hoc quod de sacro eloquio intelligēdo perceperit, ante æterni iudicis oculos exhibendo operibus ostēdit. Mori autē dicitur: quia cū illā æternitatis contemplatio absorberit, ab hac mutabilitatis suæ vicissitudine funditus extinguit, ut in ea iam hoc quod acūmē intīmæ visionis impediāt, vllō modo nihil viuāt. Tantō enim verius tūc interna cōspicit, quātō cunctis exterioribus plenius occumbit. Hanc itaq; mortem, hanc dierum plenitudinē, & in beato Iob, vno scilicet membro Ecclesiæ credamus factam, & in tota simul Ecclesia speremus esse faciendam: quatenus ita teneatur rei gestæ veritas, ut non euacuetur rei gerendæ prophetia. Bona enim quæ de sanctorum vita cognoscimus, si veritate carent, nulla sunt: si mysteria nō habent, minima. Quæ ergo per spiritum sanctū bonorum vita describitur, & per intellectū nobis spiritalē fulgeat, & tamē sensus à fide historiæ nō recedat: quatenus tantō fixior animus in suo intellectu permaneat, quantō hunc quasi in quodam medio constitutum: & erga futura spes, & erga præterita fides ligat.

Quod sanctus Gregorius in his quæ iam recta intentione protulit, vanæ gloriæ vel laudis humanæ fauorem subrepsisse sibi formidat: & pro recompensatione operis postulat orationem lectoris.

Caput XVI.

26. **E**Xpleto itaque hoc opere, ad me video esse redeundum. Multum quippe mens nostra etiam cū rectē loqui conatur, extra semetipsam spargitur. Integritatem nanque animi, dum cogitantur verba qualiter proferantur: quia eum trahunt extrinsecus, minuūt. Igitur à publico locutionis redeundum est ad curiam cordis, ut quasi in quorā concilio consultationis ad meipsum discernendum conuocem cogitationes mentis: quatenus ibi videāt, ne aut incautē mala, aut bona nō bene dixerim. Tūc enim bene dicitur bonum, cū is qui dicit, soli ei à quo accipit, per id appetit placere quod dicit. Et quidē mala me aliqua etsi dixisse nō inuenio: tamē quia omnino nō dixerim, nō defendo. Bona verò si qua diuinitus accipiens dixi: meo videlicet vitio minus me dixisse profiteor. Nam ad me intrinsecus rediens, postpositis verborum foliis,

*Tabula capitum libri Pastoralis beati Gregorij Papæ.
Summaria primæ partis.*

- 1 **N**E imperiti venire ad magisterium audeant.
- 2 **N**e locum regiminis subeant qui viuendo non perficiunt, quæ meditando didicerunt.
- 3 De pondere regiminis: & quod aduersa quæque despicienda sunt, & prospera formidanda.
- 4 Quod plerunque occupatio regiminis soliditatem dissipet mentis.
- 5 De his qui in regiminis culmine prodesse exemplo virtutum possunt, sed quietem propriam sectando refugiunt.
- 6 Quod hi qui pōdus regiminis per humilitatem refugiunt, tunc verē sunt humiles cū diuinis iudiciis non resistunt.
- 7 Quod nonnunquam prædicationis officium nonnulli laudabiliter appetunt: & ad hoc nonnulli laudabiliter coacti pertrahuntur.
- 8 De his qui præesse concupiscunt, & ad vsum suæ libidinis instrumentum Apostolici sermonis arripiunt.
- 9 Quod mens præesse volentium plerunque sibi ficta bonorum operum promissione blanditur.
- 10 Qualis quisque ad regimen venire debeat.
- 11 Qualis quisque ad regimen venire non debeat.

Summaria secundæ partis.

- 1 Is qui ad regimen ordinatē peruenerit qualem se in ipso regimine debeat exhibere.
- 2 Vt rector cogitatione sit mundus.
- 3 Vt rector sit semper operatione præcipuus.
- 4 Vt sit rector discretus in silentio, utilis in verbo.
- 5 Vt sit rector singulis compassione proximus, præ cunctis

E postpositis sententiarum ramis, dum ipsam subtiliter radicē meæ intentionis inspicio: Deo quidem ex ea me summo opere placere voluisse cognosco: sed eidem intentioni qua Deo placere studeo, furtim se, nescio quomodo, intentio humanæ laudis interserit. Quod cū iam postmodū tardēque discernō, inuenio me aliter agere, quod scio me aliter inchoasse. Sic etenim sæpe intentionem nostram dū ante Dei oculos rectē incipitur, occultē sibi subiuncta, & eam velut in itinere comprehendens, intentio humanæ laudis assequitur: sicut pro necessitate quidem cibus sumitur, sed in ipso esu dum furtim gula surrepit, edendi delectatio permiscetur. Vnde plerūque contingit, ut refectiōem corporis quam salutis causā cœpi-mus, causa voluptatis expleamus. Fatendum est igitur quod rectam quidem intentionem nostram quæ soli Deo placere appetit, nonnunquā intentio minus recta, quæ de donis Dei placere hominibus quærit, insidiando comitatur. Si autem de his diuinitus districtē discutimur: quis inter ista remanet salutis locus, quādo & mala nostra pura mala sunt, & bona quæ nos habere credimus, pura bona esse nequaquā possunt? Sed hoc mihi facere opere precium credo, quod fraternis auribus omne quod in me latenter ipse reprehendo, incunctanter aperio. Quia enim exponendo non cœlaui quod sensi: confitendo non abscondo quod patior. Per expositionē patefecī dona: per confessionem detego vulnera. Et quia in hoc tam magnō humano genere, nec paruuli defunt qui dictis meis debeant instrui: nec magni defunt qui cognitæ meæ valeant infirmitati misereri: per hæc ytraque aliis fratribus quantum possum curam confero, ab aliis spero. Illis dixi exponendo quod faciant: istis aperio cōfitendo quod parcāt. Illis verborū medicamēta nō subtraho: istis lacerationem vulnerum nō abscondo. Igitur quæso ut quisquis hæc legerit, apud districtū iudicem solatiū mihi suę orationis impēdat: & omne quod in me sordidū deprehendit, fletibus diluat. Orationis autē atq; expositionis virtute collata, lector meus in recōpensatione me superat: si cū per me verba accipit, pro me lachrymas reddat.

B. GREGORII MAGNI PAPAE, DO-
ctoris Ecclesiæ insignis, Moraliū librorum in grauissimas beati Iob sententias Finis.

contemplatione suspensus.

- 6 Vt sit rector bene agentibus per humilitatem socius: contra delinquentium vitia per zelum iustitiæ erectus.
- 7 Vt sit rector internorum curam in exteriorum occupatione nō minuens, exteriorum prouidentia internorum sollicitudinem non relinquens.
- 6 Ne placere rector suo studio hominibus appetat: sed tamē ad quid placere debeat, intendat.
- 9 Quod scire sollicitē rector debeat, quod plerunque vitia virtutes se esse mentiuntur.
- 10 Quod esse debet rectori discretio correctionis & dissimulationis, feruoris, & mansuetudinis.
- 11 Quantum rector sacre legis meditationibus esse debeat intentus.

Summaria tertiæ partis.

- 1 Quod aliter admonendi sunt viri, atque aliter scemina, &c. continens in se xxxvj. admonitiones & declarationes earundem.
- 2 De exhortatione multis adhibenda: ut sic singulorum virtutes adiuuet, quatenus per hanc contraria virtutibus vitia non erubescant.
- 3 De exhortatione quæ vni adhibenda est contrariis passionibus laboranti.
- 4 Quod aliquando leuiora vitia relinquenda sunt, ut grauiora subtrahantur.
- 5 Quod infirmis omnino debent alta prædicari.
- 6 De opere prædicationis & voce.

Summarium vnicum quartæ partis.

Qualiter prædicator omnibus ritē peractis ad semetipsum redeat: ne hunc vel vitia, vel prædicatio extollant.

PROLOGVS IN PASTORALIA BEATI GRE- GORII PAPÆ, AD SANCTIS- simum Ioannem episcopum ciui- tatis Rauennæ.

Pastoralis curæ non pondera fugere delitescendo voluisse, benigna, frater charissime, atque humilima intentione reprehendis: quæ ne quibusdam leuia esse videantur, præsentis libri stilo exprimo de eorum grauedine omne quod penso: ut & hæc qui vacat, incautè non expetat: & qui incautè expetiit, adeptum se esse pertimescat. Quadripartita verò disputatione liber iste distinguitur, ut ad lectoris sui animum ordinatis allegationibus quasi quibusdam passibus gradiatur. Nam cum rerum necessitas exposcit, pensandum valde est ad culmen quisque regiminis qualiter veniat: atque ad hoc ritè perueniens qualiter viuatur, & bene viuens qualiter doceat, & rectè docens infirmitatem suam quotidie quanta valet consideratione cognoscat: ne aut humilitas accessum fugiat, aut peruentioni vita contradicat: aut vitam doctrina destituat, aut doctrinam præsumptio extollat. Prius ergo appetitum timor temperet: post autem magisterium quod à non requirente suscipitur vita commendet: ac deinde necesse est ut pastorem bonum quod ostenditur viuendo, etiam loquendo propagetur. Ad extremum verò superest, ut perfectæ quæque opera consideratio propriæ infirmitatis deprimat: ne hæc ante occulti arbitri oculos tumor elationis extinguat. Sed quia sunt plerique mihi imperitia similes, qui dum metiri se nesciunt, quæ non didicerunt docere concupiscunt: qui pondus magisterij tantò leuius æstimaunt, quantò vim magnitudinis illius ignorant, ab ipso libri huius reprehenduntur exordio: ut qui indocti ac præcipientes doctrinæ arcem tenere appetunt, à præcipationis suæ ausibus in ipsa locutionis nostræ ianua repellantur.

Ne venire imperiti ad magisterium audeant.

Caput I.



Vlla ars doceri præsumitur, nisi intentata prius meditatione discatur. Ab imperitis ergo pastoribus magisterium pastorale suscipitur in magna temeritate: quoniam ars est artium regimen animarum. Quis autem cogitationum vulnera occultiora esse nesciat vulneribus viscerum? Et tamen sæpe qui nequaquam spiritualia præcepta cognouerunt, cordis se medicos profiteri non metuunt: dum qui pigmentorum vim nesciunt, videri medici carnis erubescant.

Sed quia auctore Deo ad religionis reuerentiam omne iam præsentis seculi culmen inclinatur: sunt nonnulli qui intra sanctam Ecclesiam per speciem regiminis gloriam affectant honoris: videri doctores appetunt, transcendere ceteros concupiscunt, atque attestante veritate primas salutationes in foro, primos recubitus in cœnis, primas in cōventionibus quarunt cathedras: qui susceptum curæ pastoralis officium ministrare dignè tantò magis nequeunt, quantò ad huius humilitatis magisterium ex sola elatione peruenerunt. Ipsa quippe in magisterio lingua confunditur, quando aliud discitur, & aliud docetur. Cōtra quos Dominus per prophetam queritur, dicens: Ipsi regnauerunt & non ex me: principes extiterunt, & ego ignoraui. Ex se nanque & non ex arbitrio summi rectoris regnant, qui nullis fulti virtutibus nequaquam diuinitus vocati, sed sua cupidine accensi, culmen regiminis rapiunt potius, quam assequuntur. Quos tamen internus iudex & prouehit, & non cognoscit: quia quos permittendo tolerat, profectò per iudicium reprobationis ignorat. Vnde ad se quibusdā & post miracula venientibus dicit: Recedite

Tomus primus.

à me operarij iniquitatis, nescio qui estis vos. Pastorum imperitia voce veritatis increpatur: cum per prophetam dicitur: Ipsi pastores ignorauerunt intelligentiam. Quos rursum detestatur Dominus dicens: Et tenentes legem nescierunt me. Et nesciri se ergò ab eis veritas queritur, & nescire se principatum nescientium se protestatur: quia profectò hi qui ea quæ sunt Domini nesciunt, à Domino nesciuntur, Paulo attestante qui ait: Si quis autem ignorat, ignorabitur. Quæ nimirum pastorum sæpe imperitia meritis congruit sæpe subiectorum: quia quantum lumen scientiæ sua culpa exigente non habeant, districto tamen Dei iudicio agitur, ut per eorum ignorantiam hi etiam qui sequuntur offendant. Hinc nanque in Evangelio per semetipsam veritas dicit: Si cæcus cæco ducatur præbeat, ambo in foueam cadunt. Hinc Psalmista non optantis animo, sed prophetantis ministerio denunciat dicens: Obscurentur oculi eorum ne videant, & dorsum eorum semper incurua. Oculi quippe sunt, qui in ipsa honoris summi facie positi providendi itineris officium susceperunt: quibus hi nimirum qui subsequenter inhaerent dorsa nominantur. Obscuratis ergo oculis dorsum flectitur: quia cum lumen scientiæ perdunt qui præeunt, profectò cuncti ad portanda peccatorum onera curuantur qui sequuntur.

Ne locum regiminis subeant, qui viuendo non persciant, quæ meditando didicerunt.

Caput II.

Et sunt nonnulli, qui solerti cura spiritualia præcepta perscrutantur: sed quæ intelligendo penetrant, viuendo conculcant, repente docent quæ non opere, sed meditatione didicerunt: & quod verbis prædicant, moribus impugnant. Vnde fit ut cum pastor per abrupta graditur, ad præcipitium grex sequatur. Hinc nanque per prophetam Dominus contra contemptibilem pastorem scientiam queritur, dicens: Cum ipsi limpidissimam aquam biberetis, reliquæ pedibus vestris turbabatis: & oues meæ quæ conculcata pedibus vestris fuerant pascebantur: & quæ pedes vestri turbauerant, hæc bibebant. Aquam quippe limpidissimam pastores bibunt, cum fluentia veritatis rectè intelligentes hauriunt. Sed eandem aquam pedibus perturbare, est sanctæ meditationis studia male viuendo corrumpere. Aquam scilicet eorum turbatâ pedibus oues bibunt, cum subiecti quique non sectantur verba quæ audiunt, sed sola quæ conspiciunt opera prauitatis imitantur. Qui cum dicta sitiunt, & per opera peruertuntur, quasi corruptis fontibus in potibus lutum sumunt. Hinc quoque scriptum est per Prophetam: Laqueus ruinæ populi mei sacerdotes mali. Hinc rursum de sacerdotibus malis per prophetam Dominus dicit: Facti sunt domui Israël in offendiculum iniquitatis. Nemo quippe amplius in Ecclesia nocet, quam qui peruersè agens nomen vel ordinem sanctitatis habet. Delinquentem nanque hunc nemo redarguere præsumit, & in exemplum culpæ vehementer extenditur, quando pro reuerentia ordinis peccator honoratur. Indigni autem quique tanti reatus pōdera fugerent, si veritatis sententiam sollicita cordis aure pensarent, quæ ait: Qui scandalizauerit vnum de pusillis istis qui in me credunt, melius erat ei ut ligaretur mola asinaria in collo eius, & proiceretur in profundum maris. Per molam quippe asinariæ, secularis vitæ circuitus ac labor exprimitur: & per profundum maris extrema damnatio designatur. Qui ergo ad sanctitatis speciem deductus, vel verbo ceteros destruit, vel ex eplo: melius profectò fuerat ut hunc ad mortem sub exteriori habitu terrēna acta constingeret, quam sacra officia ceteris in culpa imitabilem demonstrant: quia nimirum si solus caderet, vicunque hunc tolerabilior inferni pœna cruciaret.

De pondere regiminis eo, quod aduersa quæque despicenda sunt, & prospera formidanda.

Caput III.

Hæc igitur breuiter diximus, ut quantum sit pondus regiminis monstraremus: ne temerare sacra regimina quisquis his impar est, audeat, & per concupiscentiam culminis ducatum suscipiat perditionis. Hinc enim pius Iacobus prohibet dicens: Nolite plures magistri fieri fratres mei. Hinc ipse Dei hominumque mediator regnum percipere vitabit in terris, qui supernorum quoque spirituum scientiam sensumque transcendens ante secula regnat in coelis. Scriptum

E ij

Ioan. 6.

quippe est: Iesus ergo cum cognouisset quia venturi essent, ut raperent eum & facerent eum regem, fugit iterum in montem ipse solus. Quis enim principari hominibus tam sine culpa potuisset, quam is qui hos nimirum regeret quos ipse creauerat? Sed quia idcirco in carne apparuit, ut non solum nos per passionem redimeret, verum etiam per conuersationem doceret, exemplum se sequentibus præbens, rex fieri noluit, ad crucis verò patibulum sponte peruenit. Oblatam gloriam culminis fugit, pœnam probrosæ mortis appetit: ut membra eius videlicet discerent fauores mundi fugere, terrores minimè timere, pro veritate aduersa diligere, prospera formidando declinare: quia & ista sæpe per tumorem cor inquinant, & illa per dolorem purgant. In istis se animus erigit, in illis autem etiam quando se exexerat sternit. In istis homo se obliuiscitur, in illis verò ad sui memoriam nolens etiam coactusque reuocatur. In istis sæpe & antea facta bona deperunt, in illis autem longi quoque temporis admissa terguntur. Nam plerumque aduersitatis magisterio sub disciplina cor premitur: quod si ad regiminis culmen eruperit, in elatione protinus vsu gloriæ permutatur. Sic Saul qui indignum se prius considerans fugerat, mox ut regni gubernacula suscepit intumuit, honorari nanque coram populo cupiens dum reprehendi publicè noluit, ipsum qui regem se vnixerat, abscidit. Sic Dauid authoris sui iudicio penè in cunctis actibus placens, mox ut pressuræ pondere caruit, in tumorem vulneris erupit, factusque est in morte Vriæ crudeliter rigidus, qui in appetitu scemine fuit eneruiter fluxus. Et qui malis antè nouerat pie parcere, in bonorum quoque nece post didicit sine obstaculo retractionis anhelare. Prius quippe ferire deprehensum persecutorem noluit, & post cum damno desudantis exercitus etiam deuotum militem extinxit. Quem profectò ab electorum numero culpa longius raperet, nisi hunc ad veniam flagella reuocassent.

Quod plerumque occupatio regiminis soliditatem dissipat mentis.

Capit. IIII.

Eccli. II.

Sæpe suscepta cura regiminis, cor per diuersa intuendo diuerberat, & impar quisque inuenitur ad singula, dum confusa mente diuiditur ad multa. Vnde quidam sapiens prouidè admonet, dicens: Fili, ne in multis sint actus tui: quia videlicet nequaquam plenè in vniuscuiusque operis ratione colligitur, dum mens per diuersa sparsa partitur. Cumque foras per insolentem curam trahitur, à timoris intimi soliditate vacuatur, fitque in exteriorum dispositione sollicita, & sui solummodo ignara, scit cogitare multa se nesciens. Nam cum plusquam necesse est se exterioribus implicat, quasi occupata in itinere obliuiscitur quò tendebat: ita ut à studio suæ inquisitionis alienata, ne ipsa quidem quæ patitur damna consideret, & per quanta delinquat ignoret. Neque enim peccare se Ezechias credit, cum venientibus ad se alienigenis aromatum cellas ostendit, sed in damnationem securæ prolix ex eo iram iudicis pertulit, quod se facere licenter aestimauit. Sæpe enim dum multa suppetunt, dumque agi possunt, quæ subiecti quia acta sunt admirentur: in cogitatione se animus eleuat, & plenè in se iram iudicis prouocat, quanuis per iniqua foras opera non erumpat. Intus quippe est qui iudicat, intus quod iudicatur. Cum ergo in corde delinquimus: latet homines quod apud nos agimus: sed tamen ipso iudice teste peccamus. Neque enim rex Babylonie tunc reus extitit de elatione, cum ad elationis verba peruenit. Quippe qui ore prophetico & antè cum ab elatione tacuit, sententiam reprobationis audiuit. Culpam nanque perpetrata superbiæ iam antè deterferat, qui omnipotentem Deum quem se offendisse reperit, cunctis sub se gentibus prædicauit. Sed post hæc successu suæ potestatis eleuatus, dum magna se fecisse gauderet: cunctis prius in cogitatione se prætulit, & post adhuc tumidus dixit: Nonne hæc est Babylon magna, quam ego ædificauit in domum regni, & in robore fortitudinis meæ, & in gloria decoris mei? Quæ videlicet vox illius iræ vindictam apertè protulit, quam occulta elatio accendit. Nam districtus iudex prius inuisibiliter vidit, quod postea publicè feriendo reprehendit. Vnde & in irrationabile animal hunc vertit, ab humana societate separauit, agri bestiis

Daniel. 4.

Ibidem.

mutata mente coniunxit: ut districto videlicet, iustoque eius iudicio homo quoque esse perderet, qui magnum se ultra homines aestimasset. Hæc itaque proferentes non potestatem reprehendimus, sed ab appetitu illius cordis infirmitatem munimus: ne imperfecti quique culmen arripere regiminis audeant, & qui planis stantes titubant, in præcipitio pedem ponant.

De his qui in regiminis culmine prodesse exemplo virtutum possunt, sed quietem propriam sectando refugiunt. Capit. V.

Nam sunt nonnulli, qui eximia dona virtutum percipiunt, & pro exercitatione cæterorum magnis muneribus exaltantur, qui studio castitatis mundi, abstinentiæ robore validi, doctrinæ dapibus referti, patientiæ longanimitate humiles, autoritate fortitudinis erecti, pietatis gratia benigni, iustitiæ seueritate districti sunt. Qui nimirum culmen regiminum si vocati suscipere renuntiant, ipsa sibi plerumque dona adimunt, quæ non pro se tantummodo, sed etiam pro aliis acceperunt. Cumque sua & non aliorum lucra cogitant, ipsi se quæ priuata habere appetunt bonis priuant. Hinc itaque ad discipulos veritas dicit: Non potest ciuitas abscondi supra montem posita, & nemo accendit lucernam & ponit eam sub modio, sed super candelabrum ut luceat omnibus qui in domo sunt. Hinc Petro ait: Simon Ioannis amas me? Qui cum amare se protinus respondisset, audiuit: Si diligis me, pasce oves meas. Si ergo dilectionis est testimoniū cura passionis: quisquis virtutibus pollens gregem Dei pascere renuit, pastorem summum conuincitur non amare. Hinc Paulus dicit: Si Christus pro omnibus mortuus est, ergo omnes mortui sunt. Et si pro omnibus mortuus est, superest ut qui viuunt iam non sibi uiuant: sed ei qui pro ipsis mortuus est, & resurrexit. Hinc Moyses ait: Ut uxorem fratris sine filiis defuncti superstes frater accipiat, atque ad nomen fratris filios gignat, quam si accipere fortè renuerit: huic in faciem mulier expuat, vnumque ei pedem propinquum discalciet, eiusque habitaculum domus discalciet vocetur. Frater quippe defunctus ille est, qui post resurrectionis gloriam apprensus dixit: Ite nunciate fratribus meis. Qui quasi sine filiis obiit: quia adhuc electorum suorum numerum non impleuit. Huius scilicet uxorem superstes frater sortiri precipitur: quia dignum profectò est, ut cura sanctæ Ecclesiæ ei qui hanc bene regere præualeat, imponatur. Cui nolenti in faciem mulier expuit: quia quisquis ex muneribus quæ perceperit, prodesse aliis non curat, bonis quoque eius sancta Ecclesia exprobrat & quasi in faciem saluam iactat. Cui ex vno pede calciamentum tollitur, ut discalciet domus eius vocetur: Scriptum quippe est, Calciati pedes in præparatione Euangelij pacis. Si ergo ut nostram sic curam proximi gerimus, vtrumque pedem per calciamentum munimus. Qui verò suam cogitans utilitatem proximorum negligit, quasi vnius pedis calciamentum cum dedecore amittit. Sunt itaque nonnulli qui magnis, ut diximus, muneribus ditati dum solius contemplationis studiis inardescunt, parere utilitati proximorum prædicatione refugiunt, secretum quietis diligunt, secessum speculationis petunt. De quo si districtè iudicetur, ex tantis procul dubio rei sunt, quantis venientes ad publicum prodesse potuerunt. Quia enim mente is qui proximis profuturus enitesceret, utilitati cæterorum secretum præponit suum: quando ipse summi patris vnigenitus ut multis prodesset de sinu patris egressus est ad publicum nostrum?

Quod hi qui pondus regiminis per humilitatem refugiunt: tunc verè humiles sunt, cum diuinis iudiciis non resistunt.

Capit. VI.

ET sunt nonnulli qui ex sola humilitate refugiunt, ne eis quibus impares se aestimant præferantur. Quorum profectò humilitas, si cæteris quoque virtutibus cingitur, tunc ante Dei oculos vera est, cum ad respuendum hoc quod utiliter subire præcipitur, pertinax non est. Neque enim verè humilis est, qui superni nutus arbitrio ut debeat præesse intelligit, & tamen præesse contemnit. Sed diuinis dispositionibus subditus atque à vitio obstinationis alienus, cum sibi regiminis culmen imperatur, si iam donis præuentus est, quibus & aliis proficit, & ex corde debet fugere & inuitè obedire.

Quod

Quod nonnunquam prædicationis officium nonnulli laudabiliter appetunt: & ad hoc nonnulli coacti pertrahuntur.

Caput VII.

Quanuis nonnunquam prædicationis officium & nonnulli laudabiliter appetunt, & ad hoc nonnulli laudabiliter coacti pertrahuntur: quod liquidò cognoscimus, si duorum prophetarum facta pensamus: quorum vnus vt ad prædicandum mitti debuisset sponte se præbuit: quo tamen alter pergere cum pauore recusauit. Esaias quippe Domino querenti quem mitteret, vtrò se obtulit, dicens: Ecce ego, mitte me. Hieremias autem mittitur, & tamen ne mitti debeat humiliter reluctatur dicens: A, a, a, Domine Deus, ecce nescio loqui, quia puer ego sum. En ab vtrifq; exterius diuersa vox prodiit, sed non à diuerso fonte dilectionis emanauit. Duo quippe sunt præcepta charitatis, Dei videlicet amor & proximi. Per actiuam igitur vitam prodesse proximis cupiens Esaias officium prædicationis appetit. Per contemplatiuam verò Hieremias amori conditoris sedulò inhærere desiderans, ne mitti ad prædicandum debeat contradicit. Quod ergo laudabiliter alter appetiit, hoc laudabiliter alter expauit. Iste ne tacitæ contemplationis lucra loquendo perderet, ille ne damna studiosi operis tacendo sentiret. Sed hoc in vtrifque est subtiliter intuendum: quia & is qui recusauit, plenè non restitit, & is qui mitti voluit antè per altaris calculū se purgatum vidit: ne aut non purgatus adire quisque ministeria sacra audeat, aut quem superna gratia eligit, sub humilitatis specie superbè contradicat. Quia igitur valde difficile est purgatum se quemlibet posse cognoscere, prædicationis officium tutius declinatur, nec tamè declinari, vt diximus, pertinaciter debet, cum ad suscipiendum hoc superna voluntas agnoscitur. Quod Moyses vtrunque miro opere expleuit, qui præesse tantæ multitudini & noluit & obediuit. Superbus enim fortasse esset, si ducatum plebis innumeræ sine trepidatione susciperet: & rursum superbus existeret, si authoris imperio obedire recusaret. Vtrobique ergo humilis, vtrobique subiectus, & præesse populis semetipsum metiendo noluit, & tamen de imperantis viribus præsumendo consensit. Hinc ergo quique præcipientes colligant cum quanta culpa ex appetitu proprio cæteris præferri non metuunt, si sancti viri plebium ducatum suscipere Deo etiam iubente timuerunt. Moyses suadente Domino trepidat: & infirmus quisque vt honoris onus suscipiat anhelat, & qui ad casum valde vergeat ex propriis, humerum libenter opprimendū ponderibus submittit alienis: quæ egit ferre nō valet, & auget quæ portet.

De his qui præesse concupiscunt, & ad vsum suæ libidinis instrumentum Apostolici sermonis arripiunt.

Caput VIII.

Plerunque verò qui præesse concupiscunt, ad vsum suæ libidinis, instrumentum Apostolici sermonis arripiunt, quo ait: Si quis episcopatum desiderat, bonum opus desiderat: qui tamen laudans desiderium, in pauorem vertit protinus quod laudauit, cum repente subiungit: Oportet autè episcopum irreprehensibile esse. Cumque virtutum necessaria subsequenter enumerat, quæ sit irreprehensibilitas ipsa manifestat. Et fauet ergo ex desiderio, & terret ex præcepto ac si aperte dicat: Laudo quod queritis, sed prius discite quid queratis: ne dum vosmetipsos metiri negligitis, tantò scædior vestra reprehensibilitas appareat, quātò & à cunctis cōspici in honoris arce festinatis. Magnus enim regēdi artifex fauoribus impellit, terroribus retrahit: vt auditores suos & descripto irreprehensibilitatis culmine restringat à superbia, & officiū laudando quod queritur componat ad vitam: quāuis notandū quod illo in tempore hoc dicitur, quo quisque plebibus præerat primus ad martyrij formētā ducebatur. Tunc ergo laudabile fuit episcopatū querere, quando per hunc, quenquā dubium nō erat ad supplicia grauiora pertuenire. Vnde ipsum quoque episcopatus officium boni operis expressione diffinitur, cum dicitur: Si quis episcopatū desiderat, bonum opus desiderat. Ipse ergo sibi testis est, quia episcopatum nō appetit, qui nō per hūc boni operis ministerium, sed honoris gloriam querit. Sacrum quippe officium non solum non diligit omnino, sed nescit qui ad culmē regiminis anhelās in ocul-

Tomus primus.

ta meditatione cogitationis cæterorum subiectione pascitur, laude propria lætatur, ad honorem cor eleuat, rerum affluentium abundantia exultat. Mundi ergo lucrum queritur sub eius honoris specie, quo mundi destrui lucra deluerant. Cumque mens humilitatis culmen arripere ad elationem cogitat, quod foris appetit, intus immutat.

Quod mens præesse volentium plerunque sibi ficta bonorum operum promissione blanditur.

Caput IX.

Sed plerunque hi qui subire magisterium pastorale cupiūt, nonnulla quoque opera bona animo proponunt: & quāuis hoc elationis intentione appetunt, operaturos tamen se magna pertractant: sitque vt aliud in imis intentio supprimat, aliud tractantis animo superficies cogitationis ostendat. Nam sæpe sibi de se mens ipsa mentitur, & fingit se de bono opere amare quod non amat: de mundi autem gloria nō amare quod amat, quæ principari appetens sit ad hoc pauida cum querit, audax cum peruenierit. Timens enim ne non perueniat trepidat, sed repente perueniens iure sibi hoc debitum ad quod peruenierit putat. Cumque percepti principatus officio perfrui seculariter cœperit, libenter obliuiscitur quicquid religiosè cogitauit. Vnde necesse est vt cum cogitatio extra vsū ducitur, protinus mentis oculus ad opera transacta reuocetur: ac penset quisque quid subiectus egerit, & repētè cognoscet, si prælatus bona agere quæ proposuerat, possit: quia nequaquam valet in culmine humilitatem discere, qui in imis positus non desinit superbire. Nescit laudem cum suppetit fugere, qui ad hanc didicit cum deesset anhelare. Nequaquam vincere auaritiam potest, quando ad multorum sustentationem tenditur is, cui sufficere propria nec soli potuerunt. Ex antea cta ergo vita se vnusquisque inueniat, ne in appetitu se culminis imago cogitationis illudat. Quāuis plerunque in occupatione regiminis ipse quoque boni operis vsus perditur qui in tranquillitate tenebatur: quia quieto mari rectè nauem & imperitū se nauta dirigit: turbato autem tempestatis fluctibus, etiam peritus se nauta confundit. Quid nanque est potestas culminis, nisi tempestas mentis? In qua dum cogitationum semper procellis nauis cordis quatitur, hūc illucque incessanter impellitur: vt per repentinos excessus oris & operis quasi per obuiantia saxa frangatur. Inter hæc itaque quid sequendum est, quid tenendum, nisi vt virtutibus pollens coactus ad regimen veniat, virtutibus vacuus ne coactus accedat? Ille si omnino renititur, caueat ne acceptam pecuniam in sudarium ligans de eius occultatione iudicetur. Pecuniam quippe in sudario ligare, est percepta dona sub ocio lenti torporis abscondere. At contrā, iste cum regimen appetit, attendat ne per exemplum prauī operis Phariseorum more ad ingressus regni cælorum tendentibus obstaculum fiat: quia iuxta summī magistri vocem nec ipsi intrant, nec alios intrare permittunt. Cui considerandum quoque est, quia cum curam populi electus præsul suscipit, quasi ad ægrum medicus accedit. Si ergo adhuc in eius opere passionēs viuunt, quæ præsumptione percussū mederi properat, qui in facie vulnus portat?

Qualis quisque ad regimen debet venire.

Caput X.

Ille igitur modis omnibus debet ad exemplum bene viuendi pertrahi, qui cunctis carnis passionibus moriens iam spiritaliter viuit, qui prospera mundi postponit, qui nulla aduersa pertimescit, qui sola interna desiderat. Cuius intentioni bene congruens, nec omnino per imbecillitatem corpus, nec valde per contumaciam repugnat spiritus. Qui ad aliena cupienda non ducitur, sed propria largitur. Qui per pietatis viscera citius ad ignoscendum flexitur, sed nunquam plus quam deceat ignoscens, ab arce rectitudinis inclinatur. Qui nulla illicita perpetratur, sed per petrata ab aliis vt propria deplorat. Qui ex affectu cordis alienæ infirmitati compatitur, siquē in bonis proximi sicut in suis profectibus lætatur. Qui ita se imitabilem cæteris in cunctis quæ agit insinuat, vt inter eos non habeat, quod saltem de transactis mens erubescat. Qui sic studet viuere, vt proximorū quoque corda arentia doctrinæ

E iij

valeat fluentis irrigare. Qui orationis vsu & experimēto iam didicit, quod obtinere à Domino quæ poposcerit possit, cui prophetica voce iam quasi specialiter dicitur: Adhuc loquēte te, dicam, Ecce assum.

Qualis quisque ad regimen venire non debeat

Caput XI.

SI enim fortasse quis veniat, ut pro se ad intercedendum nos apud potentem quempiam virum, qui sibi iratus, nobis verò incognitus est, ducat: protinus respondemus. Ad intercedendum venire non possumus: quia familiaritatis eius notitiam non habemus. Si ergo homo apud hominem de quo minimè præsumit fieri intercessor erubescit: qua mente apud Deum intercessionis locum pro populo arripit, qui familiarē se eius gratiæ esse per vitæ merita nescit? Aut ab eo quomodo aliis veniam postulat, qui vtrum sit sibi placatus, ignorat? Quia in re est adhuc aliud sollicitius formidandum: ne qui placare iram posse creditur, hæc ipse ex proprio reatu mereatur. Cuncti enim liquidò nouimus, quia cum is qui displicet ad intercedendū mittitur, irati animus ad deteriora prouocatur. Qui ergo adhuc desideriis terrenis astringitur, caueat ne districti iræ iudicis graui⁹ accendens dū loco delectatur gloriæ, fiat subditis author ruinæ. Solerter ergo se quisque metiatur ne locum regiminis assumere audeat, si in se adhuc vitium damnabiliter regnat: ne is quem crimen deprauat proprium, intercessor fieri appetat pro culpis aliorum. Hinc etenim superna voce ad Moysen dicitur: Loquere ad Aarō: homo de semine tuo per familias qui habuerit maculam, non offerat panes Domino Deo suo, nec accedat, ad ministerium eius. Vbi & repente subiungitur: Si cæcus fuerit, si claudus, si vel paruo vel grandi & torto naso, si fracto pede vel manu, si gibbus, si lippus, si albuginem habens in oculo, si iugem scabiem, si impetiginem in corpore vel ponderosus. Cæcus quippe est qui supernæ contemplationis lumen ignorat: qui præsentis vitæ tenebris pressus dum venturam lucem nequaquam diligendo cōspicit, quod gressus operis porrigat, nescit. Hinc etenim prophetante Anna dicitur: Pedes sanctorum suorum seruiabit, & impij in tenebris conticescent. Claudus verò est qui quidem quod pergere debeat, aspicit, sed per infirmitatem mentis, vitæ viam perfectæ non valet tenere quā videt: quia ad virtutis statum dum fluxa consuetudine non erigitur, quo per desiderium innititur, illuc gressus operis efficaciter non sequuntur. Hinc etenim Paulus dicit: Remissas manus & dissoluta genua erigite, & gressus rectos facite pedibus vestris: ut non claudicās quis erret, magis autem discretionis idoneus non est. Naso quippe odores fætoris que discernimus. Rectè ergo per nasum discretio exprimitur, per quam virtutes eligimus, delicta reprobamus. Vnde & in laude sponsæ dicitur: Nasus tuus sicut turris quæ est in Libano. Quia nimirum sancta Ecclesia quæ ex causis singulis tentamenta prodeant, per discretionem conspicit: & ventura vitiorum bella ex alto deprehendit. Sed sunt nonnulli, qui dum æstimari hebetes nolunt, sæpe se quibusdam exquisitiōnibus plus quàm necesse est exercentes, ex minima subtilitate falluntur. Vnde hic quoque subditur: Vel grandi & torto. Nasus enim grādis & tortus est discretionis subtilitas immoderata, quæ dum plusquàm decet excreuerit, actionis suæ rectitudinem ipsa confundit. Fracto autem pede vel manu est qui viam Dei pergere omnino non valet, atque à bonis actibus funditus exors vacat: quatenus hæc non ut claudus saltem cum infirmitate teneat, sed ab his omnimodo alienus existat. Gibbus verò est quem terrenæ sollicitudinis pondus deprimit, ne vnquam ad superna respiciat: sed solis his quæ in infimis calcantur intendat. Qui & si quando aliquid ex bono patriæ celestis audierit, ad hoc nimirum peruersæ consuetudinis pondere prægrauatus, cordis faciem non attollit. Quia cogitationis statum erigere non valet, quem terrenæ sollicitudinis vsus curuum tenet. Ex horum quippe specie Psalmista dicit: Incuruatus sum & humiliatus vsquequaque.

E Quorum culpam per semetipsam veritas reprobans ait: Semen autem quod in spinis cecidit; hi sunt qui audiunt verbum, & à sollicitudinibus & diuitiis & voluptatibus vitæ euntes suffocantur, & non referunt fructum. Lippus verò est cuius quidem ingenium ad cognitionem veritatis emicat, sed tamen hoc carnalia opera obscurant. In lippis quippe oculis pupillæ sanæ sunt, sed humore defluente infirmitatē palpebræ grossescunt. Quæ quia infusione crebra atteruntur, etiam acies pupillæ vitiatur. Et sunt nonnulli, quorum sensum carnalis vitæ operatio fauciat, qui videre recta subtiliter per ingenium poterant, sed vsu prauorum actuum caligant. Lippus itaque est cuius sensum natura exacuit, sed conuersationis prauitas confundit. Cui bene per angelum dicitur: Collyrio inunge oculos tuos ut videas. Collyrio quippe oculos ut videamus inungimus, cum ad cognoscendam veri luminis claritatem intellectus nostri aciem medicamine bonæ operationis adiuvamus. Albuginem verò habet in oculo, qui veritatis lucem videre non finitur: quia arrogantia sapientiæ seu iustitiæ cæcatur. Pupilla namque oculi nigra videt, albuginem tolerans nihil videt: quia videlicet sensus humanæ cogitationis si stultum se peccatorēque intelligit, cognitionem intimæ claritatis apprehendit. Si autem candorem sibi iustitiæ siue sapientiæ tribuit, à luce se supernæ cognitionis excludit: & eo claritatem veri luminis nequaquam penetrat, quo se apud se per arrogantiam exaltat: sicut de quibusdam dicitur: Dicentes enim se esse sapientes, stulti facti sunt. Iugem verò habet scabiem, cui carnis petulantia sine cessatione dominatur. In scabie etenim feruor viscerum ad cutem trahitur, per quam rectè luxuria designatur: quia si cordis tentatio vsque ad operationem profilit, nimirum feruor intus vsque ad cutis scabiem prorumpit, & foris iam corpus fauciat: quia dum in cogitatione voluptas non reprimitur, etiam in actione dominatur. Quasi enim cutis pruriginem Paulus curabat abstergere, cum dicebat: Tentatio vos non apprehendat, nisi humana: ac si aperte diceret: Humanum quidem est tentationem in corde perpeti, dæmoniacum verò est in tentationis certamine in operatione superari. Impetiginem quoque habet in corpore, quisquis auaritia vastatur in mente, quæ si in paruis non compescitur, nimirum sine mensura dilatatur. Impetigo quippe sine dolore corpus occupat, & absque occupati tedio excrescens membrorum decorem fœdat: quia & auaritia captiuam animam dum quasi delectat, exulcerat, dum adipiscenda quæque cogitationi obicit, ad inimicitias accendit, & dolorem in vulnere non facit: quia æstuantī animo ex culpa abundantiam promittit. Sed decor membrorum perditur: quia aliarum quoque virtutum per hanc pulchritudo deprauatur, & quasi totum corpus exasperat: quia per vniuersa vitia animum supplantat. Paulo attestante qui ait: Radix omnium malorum est cupiditas. Ponderosus verò est, qui turpitudinem non exercet opere, sed tamen ab hac cogitatione continua sine moderamine grauiatur in mente: qui nequaquam quidem vsque ad opus nefarium rapitur, sed eius animus voluptate luxuriæ sine vilo repugnationis obstaculo delectatur. Vitium quippe est ponderis, cum humor viscerum ad virilia labitur, quæ profectò cum molestia dedecoris intumescunt. Ponderosus ergo est, qui totis cogitationibus ad lasciuia defluens, pondus turpitudinis gestat in corde: & quanuis praua non exerceat opere, ab his tamen non euellitur mente. Nec ad vsum boni operis in aperto valet assurgere, quia grauat hunc in abditi pondus turpe. Quisquis ergo quolibet horum vitio subigitur, panes Domino offerre prohibetur: ne profectò diluere aliena delicta non valeat is, quem adhuc propria deuastant. Quia igitur paucis ad magisterium pastorale dignus qualiter veniat, atque hoc indignus qualiter pertimescat ostendimus: nunc is qui ad illud dignè peruenerit, in eo qualiter viuere debeat demonstramus.

Secunda

Leui. 21.

Ibidem.

1. Reg. 2.

Hebr. 12.

Cant. 6.

Apoc. 3.

Roma. 1.

1. Corin. 10.

1. Tim. 6.

SECUNDA PARS, TRACTANS DE VITA pastoris.

*Is, qui ad regimen ordinatè peruenit: qualem se in ipso
regimine debeat exhibere.*

Caput I.



Antum debet actionem populi actio trans-
cendere præsulis: quantum distare solet
à grege vita pastoris. Oportet nanque vt
metiri se sollicitè studeat, quanta tenendæ
rectitudinis necessitate constringitur, sub
cuius æstimatione populus grex vocatur.

Sit ergo necesse est cogitatione mundus,
actione præcipuus, discretus in silentio, utilis in verbo, sin-
gulis compassione proximus, præ cunctis contemplatione
suspensus, bene agentibus per humilitatem socius, contra de-
linquentium vitia per zelum iustitiæ erectus, interiorum cu-
ram in exteriorum occupatione non minuens, exteriorum
providentiam in interiorum solitudine non relinquens.
Sed hæc, quæ breuiter enumerando perstrinximus, paulò la-
tius replicando disseramus.

Vt rector cogitatione sit mundus. Caput II.

Rector semper cogitatione sit mundus, quatenus nulla
hunc munditia polluat, qui hoc suscepit officij, vt in a-
lienis quoque cordibus pollutionis maculas tergat: quia ne-
cesse est vt esse munda studeat manus quæ diluere aliorum
sordes curat: ne tacta quæque deterius inquinet, si fordida in
se mens lutum tenet. Hinc nanque per prophetam Esaiam
dicitur: Mundamini qui fertis vasa Domini. Etenim vasa
Domini ferunt: qui proximorum animas ad æterna sacraria
perducendas in suæ conuersationis fide suscipiunt. Apud se-
metipsos ergo quantum debeant mundari conspiciant, qui
ad æternitatis templum vasa viuientia in sinu propriæ spon-
sionis portant. Hinc diuina voce præcipitur, vt in Aaron
pectore rationale iudicij vittis ligantibus imprimatur: quate-
nus sacerdotale cor nequaquam cogitationes fluxæ possi-
deant, sed ratio sola constringat: ne indiseretum quid vel in-
utile cogitet, qui ad exemplum aliis constitutus, ex grauitate
vitæ semper debet ostendere quantam in pectore rationem
portet. In quo etiam rationali vigilanter adiungitur, vt duo-
decim nomina patriarcharum describantur. Ascriptos
etenim patres semper in pectore ferre, est antiquorum vitam
sine intermissione cogitare. Nam tunc sacerdos irreprehen-
sibiliter graditur, cum exempla patrum præcedentium indefi-
nenter intuetur, cum sanctorum vestigia sine cessatione con-
siderat, & cogitationes illicitas deprimit: ne extra ordinis li-
mitem operis pedem tendat. Quod bene etiam rationale iu-
dicij vocatur: quia debet rector semper subtili examine bo-
na malæque discernere, & quæ vel quibus, quando vel quali-
ter cõgruant studiosè cogitare: nihil quoque proprium quæ-
rere, sed sua commoda propinquorum bona deputare. Vnde
illic scriptum est: Pones autem in rationali iudicij doctrinam
& veritatem, quæ erunt in pectore Aaron, quando ingredie-
tur coram Domino, & gestabit iudicium filiorum Israël in
pectore suo in conspectu Domini semper. Sacerdoti quippe
iudicium filiorum Israël in pectore coram Domini conspe-
ctu gestare, est subiectorum causas pro sola interni iudicis
intentione discutere, vt nil se ei humanitatis admisceat in eo
quod diuina positus vice dispensat, ne correptionis studia
priuatus dolor exasperet: cumque contra aliena vitia æmula-
tor ostenditur, quæ sua sunt non exequatur: ne tranquillitæ
iudicij aut latens inuidia maculet, aut præceps ira perturbet.
Sed dum consideratur terror eius qui super omnia præsidet,
videlicet iudicis intimi, non sine magno reguntur timore
subiecti. Qui nimirum timor dum mētem rectoris humiliat,
purgat: ne hæc aut præsumptio spiritus leuet, aut carnis dele-
ctatio inquinet, aut per terrenarum rerum cupiditatem im-
portunitas pollutæ cogitationis obscuret: quæ tamen non

Tomus primus.

A pulfare rectoris animum nequeūt, sed festinare necesse est vt
repugnatione vincantur: ne vitiū quod per suggestionē tētat,
mollities delectationis subigat. Cumque hæc ab animo tardè
repellitur, † vereor ne consensus succedat.

Vt rector sit semper operatione præcipuus.

Caput III.

Sit rector operatione præcipuus, vt vitæ vitam subditis vi-
uendo denunciet, & grex qui pastoris vocem morēsque
sequitur, per exempla melius quàm per verba gradiatur. Qui
enim loci sui necessitate exigitur summa dicere, hac eadem
necessitate compellitur summa monstrare. Illa vox nanque li-
bentius auditorum corda penetrat, quam dicentis vita com-
mendat: quia dum quod loquēdo imperat, ostendendo adiu-
uat vt fiat. Hinc enim per Prophetam dicitur: Super montem
excelsum ascende tu qui euangelizas Sion. Vt videlicet qui
cœlesti prædicatione vtitur, ima iam terrenorum operum de-
ferens in rerum culmine stare videatur: tantòque facilius sub-
ditos ad meliora pertrahat, quātò per vitæ meritum de super-
nis clamat. Hinc diuina lege armum sacerdos dextrum in sa-
crificium accipit & separat: vt non solum sit eius operatio
utilis, sed etiam singularis: nec inter malos tantummodo quæ
recta sunt faciat, sed bene quoque operantes subditos, sicut
honore ordinis superat, ita etiam morum virtute transcen-
dat. Cui in esu quoque pectusculum cum armo tribuitur: vt
quod de sacrificio præcipitur sumere, hoc de semetipso au-
thori discat immolare. Et non solum pectore quæ recta sunt
cogitet, sed spectatores suos ad sublimia armo operis inuitet:
nulla prospera præsentis vitæ appetat, nulla aduersa pertime-
scat. Blandimenta mundi respecto intimo terrore despiciat,
terrores autem consideratio internæ dulcedinis blandimento
contemnat. Vnde supernæ quoque vocis imperio in vtroque
humero sacerdos velamine superhumeralis astringitur: vt cõ-
tra aduersa ac prospera virtutum semper ornamento munia-
tur: quatenus iuxta vocem Pauli, Per arma iustitiæ à dextris
sinistrisque gradiens, cum ad sola quæ anteriora sunt nititur,
in nullo delectationis infimæ latere flectatur. Non hunc pro-
spera eleuent, non aduersa perturbent, non blanda vsque ad
voluptatem demulceant, non aspera vsque ad desperationem
premant: vt dum nullis passionibus intentionem mentis hu-
miliat, quanta in vtroque humero superhumeralis pulchritu-
dine tegatur ostendat. Quod rectè superhumèrale ex auro,
hyacintho, purpura, bis tincto cocco, & torta fieri bysso præ-
cipit: vt quanta sacerdos clarescere virtutū diuersitate debeat,
demonstretur. In sacerdotis quippe habitu ante omnia aurum
fulget, vt in eo intellectus sapientiæ principaliter emicet. Cui
hyacinthus, qui aërio colore resplendet, adiungitur: vt per
omne quod intelligendo penetrat, non ad fauores infimos,
sed ad amorem cœlestium surgat: ne dum incautus suis laudi-
bus capitur, ipso etiam veritatis intellectu vacuetur. Auro
quoque & hyacintho purpura permiscetur: vt videlicet sa-
cerdotale cor cum summa quæ prædicat sperat, in semetipso
suggestiones vitiorum reprimat, eisque velut regia potestate
contradicat: quatenus nobilitatem semper intimæ regenera-
tionis aspiciat, & cœlestis regni sibi habitum moribus defen-
dat. De hac quippe nobilitate spiritus per Petrum dicitur: Vos
autem genus electum, regale sacerdotium. De hac etiam po-
testate qua vitia subigimus: Ioannis voce roboramur, qui ait:
Quotquot autem receperunt eum, dedit eis potestatem filios
Dei fieri. Hanc dignitatem fortitudinis psalmista considerat,
dicens: Mihi autem nimis honorificati sunt amici tui Deus,
nimis confortatus est principatus eorum. Quia nimirum san-
ctorum mens principaliter in summis erigitur, cum exterius
perpeti abiecta cernuntur. Auro autem, hyacintho, bysso ac
purpuræ bis tinctus coccus adiungitur: vt ante interni iudicis
oculos omnia virtutum bona ex charitate decorentur: & cun-
cta quæ coram hominibus rutilant, hæc in conspectu occulti
arbitri flamma intimi amoris accendat. Quæ scilicet charitas,
quia Deum simul & proximum diligit, quasi ex duplici tin-
ctura fulgescit. Qui igitur sic ad authoris speciem anhelat, vt
proximorum curam negligat: vel sic proximorū curam ex-
equitur, vt à diuino amore torpescat: quia vnum horum quod-
libet negligit, in superhumeralis ornamento habere coccum
bis tinctum nescit. Sed cum mens ad præcepta charitatis

E iiii

† al. mucro-
ne consen-
sus occidat.

Esaiæ 40.

Exod. 29.

2. Cor. 6.

1. Pet. 2.

Ioan. 1.

Psalm. 138.

Esaiæ 52.

Esaiæ 28.

Ibidem.

† al. pulue-
re.

tenditur, restat procul dubio ut per abstinentiam caro mace-
retur. Vnde & bis tincto cocco torta byssus adiungitur. De
terra etenim byssus nitenti specie oritur. Et quid per byssum,
nisi candens decore munditiæ corporalis castitas designatur?
quæ videlicet byssus torta pulchritudine superhumeralis in-
nectitur: quia tunc castimonia ad perfectum munditiæ can-
dorem ducitur, cum per abstinentiam caro fatigatur. Cum-
que inter virtutes cæteras etiam afflictæ carnis meritum pro-
ficit, quasi in diuersa superhumeralis specie byssus torta can-
descit.

Vt sit rector discretus in silentio, utilis in verbo.

Caput IIII.

*parte 1. dist.
43. cap. Sit
rector.*

Sit rector discretus in silentio, utilis in verbo: ne aut ta-
cenda proferat, aut proferenda reticescat. Nam sicut in-
cauta locutio in errorem pertrahit, ita indiscretum silentium
hos qui erudiri poterant, in errore derelinquit. Sæpe nanque
rectores improuidi humanam amittere gratiam formidantes
loqui libere recta pertimescunt: & iuxta veritatis vocem
nequaquam iam gregis custodiæ pastorum studio, sed mer-
cenariorum vice deseruiunt: quia veniente lupo fugiunt, dum
se sub silentio abscondunt. Hinc nanque eos per prophetam
Dominus increpat dicens: Canes muti non valentes latrare.
Hinc rursus queritur dicens: Non ascendistis ex aduerso,
nec opposuistis murum pro domo Israël, ut staretis in præ-
lio in die Domini. Ex aduerso quippe ascendere, est pro de-
fensione gregis voce libera huius mundi potestatibus con-
traire. Et in die Domini in prælio stare, est prauis decertanti-
bus ex iustitiæ amore resistere. Pastori enim recta timuisse
dicere, quid est aliud quam tacendo terga præbuisse? qui ni-
mirum si pro grege se obicit, murum pro domo Israël ho-
stibus opponit. Hinc rursus delinquenti populo dicitur:
Prophetæ tui viderunt tibi falsa & stulta, nec aperuerunt
iniquitatem tuam, ut te ad pœnitentiam prouocarent. Pro-
phetæ quippe in sacro eloquio nonnunquam doctores vo-
cantur, qui dum fugitiua esse præsentia indicant, quæ sunt vè-
tura manifestant. Quos diuinus sermo falsa videre redarguit:
quia dum corripere culpas metuunt, incassum delinquenti-
bus promissa securitate blandiuntur, qui iniquitatem peccā-
tium nequaquam aperiunt: quia ab increpationis voce conti-
cescunt. Clavis quippe apertionis, sermo correptionis est:
quia increpatio culpam detegit, quam sæpe nescit ipse etiam
qui perpetravit. Hinc Paulus ait: Ut potens sit exhortari in
doctrina sana, & eos qui contradicunt redarguere. Hinc per
Malachiam dicitur: Labia sacerdotis custodiunt scientiam &
legem requirunt ex ore eius: quia angelus Domini exercituū
est. Hinc per Esaïam Dominus admonet dicens: Clama, ne
cesses, quasi tuba exalta vocem tuam. Præconis quippe offi-
cium suscipit, quisquis ad sacerdotium accedit: ut ante adue-
tum iudicis qui terribiliter sequitur, ipse scilicet clamando
gradiatur. Sacerdos ergo si prædicationis est nescius, quam
clamoris vocē daturus est præco mutus? Hinc est enim quod
super pastores primos in linguarum specie spiritus sanctus in-
sedit: quia nimirum quos repleuerit, de se protinus loquentes
facit. Hinc Moyse præcipitur ut tabernaculum sacerdos in-
grediens, tintinnabulis ambiatur: ut videlicet voces prædi-
cationis habeat, ne superni spectatoris iudicium ex silentio
offendat. Scriptum quippe est: Ut audiatur sonitus quando
ingreditur sanctuarium in conspectu Domini, & non moria-
tur. Sacerdos nanque ingrediens vel egrediens moritur, si de
eo sonitus non audiatur: quia iram contra se occulti iudicis
exigit, si sine sonitu prædicationis incedit. Aptè autem tin-
tinnabula vestimentis illius describuntur inserta. Vestimenta
etenim sacerdotis quid aliud quam recta opera debemus ac-
cipere? Prophetæ attestante qui ait: Sacerdotes tui induantur
iustitiam. Vestimentis itaque illius tintinnabula inhaerent, ut
vitæ viam cum linguæ sonitu ipsa quoque bona opera cla-
ment sacerdotis. Sed cum rector se ad loquendum præparat,
sub quanto cautelæ studio eloquatur attendat: ne si inordi-
natè ad loquendum rapitur, erroris vulnere audientium
corda feriantur: & cum fortasse sapiēs videri desiderat, vnita-
tis cōpagē insipiēter abscindat. Hinc nāque veritas dicit: Ha-
bete sal in vobis, & pacē habete inter vos. Per sal quippe ver-

Ebi sapientia designatur. Qui loqui igitur sapienter nititur, ma-
gnopere metuat ne eius eloquio audientium vnitas confun-
datur. Hinc Paulus ait: Non plus sapere quam oportet sape-
re: sed sapere ad sobrietatem. Hinc in sacerdotis veste iuxta
diuinam vocem tintinnabulis mala punica coniunguntur.
Quid enim per mala punica, nisi fidei vnitas designatur? Nam
sicut in malo punico vno exterius cortice multa interius gra-
na muniuntur: sic innumeros sanctæ Ecclesiæ populos vnitas
fidei contegit, quos intus diuersitas meritorum tenet. Ne igitur
rector incautus ad loquendum proruat, hoc quod iam
præmisimus, per semetipsam veritas discipulis clamat: Habe-
te sal in vobis: & pacem habete inter vos: ac si figuratè per
habitum sacerdotis dicat: Mala punica tintinnabulis iungite,
ut per omne quod dicitis, vnitatem fidei cauta obseruatione
teneatis. Prouidendum quoque est sollicita intentione recto-
ribus, ut ab eis nō solum praua nullo modo, sed ne recta qui-
dem nimie & inordinatè proferantur, quia sæpe dictorum
virtus perditur, cum apud corda audientium loquacitatis in-
cauta importunitate leuigatur: & authorem suum hæc eadem
loquacitas inquinat, quæ seruire auditoribus ad vsum profe-
ctus ignorat. Vnde bene per Moysen dicitur: Vir qui fluxum
seminis patitur, immundus erit. In mente quippe audientium
semen securitæ cogitationis, est qualitas auditæ locutionis:
quia dum per aurem sermo cōcipitur, cogitatio in mente ge-
neratur. Vnde & ab huius mundi sapientibus prædicator e-
gregius seminiuerbius est vocatus. Qui ergo fluxum seminis
patitur, immundus asseritur: quia multiloquio subditus ex eo
se inquinat: quod si ordinatè promeret, prolem rectæ cogita-
tionis edere in audientium corda potuisset: dumque incau-
tus per loquacitatem defluit, non ad vsum generis, sed ad im-
munditiam semen effundit. Vnde Paulus quoque cum disci-
pulum de instantia prædicationis admoneret, dicit: Testifi-
cor coram Deo & Christo Iesu qui iudicaturus est viuos &
mortuos, & aduentum ipsius & regnū eius, prædica verbū,
insta opportunè, importunè: dicturus importunè, præmisit
opportunè: quia scilicet apud auditoris mentē ipsa sua vtili-
tate se destruit, si habere importunitas opportunitatē nescit.

*Vt rector sit singulis compassione proximus, præ cunctis
contemplatione suspensus.*

Caput V.

Sit rector singulis compassione proximus, præ cunctis
contemplatione suspensus: ut & per pietatis viscera in se
firmitatem cæterorum transferat, & per speculationis altitu-
dinem semetipsum quoque inuisibilia appetendo transcen-
dat: ne aut alta petens proximorum infirma despiciat, aut in-
firmis proximorum congruens, appetere alta derelinquat.
Hinc est nanque quod Paulus in paradysum ducitur, cœlique
tertij secreta rimatur & tamen illa inuisibilia cōtemplatio-
ne suspensus, ad cubile carnalium aciem mentis reuocat, atq;
in occultis suis qualiter debeant conuersari dispensat, dicens:
Propter fornicationē autem vnusquisque suam vxorem ha-
beat, & vnaquæque suum virum habeat. Vxori vir debitum
reddat: similiter autē & vxor viro. Et paulo post: Nolite frau-
dare inuicem, nisi fortè ex consensu ad tempus, ut vacetis or-
rationi. Et iterum: Reuertimini in idipsum, ne tentet vos sa-
tanæ Ecce iam cœlestibus secretis inferitur, tamen per con-
descensionis viscera carnalium cubile perscrutatur: & quem
subleuatus vsque ad inuisibilia erigit, hunc miseratus ad se-
creta infirmantium oculum cordis flectit. Cœlum contem-
platione transcendit, nec tamen statum carnalium sollicitudi-
ne deserit: quia compage charitatis summis simul & infimis
iunctus, & in semetipso virtute spiritus ad alta valenter rapi-
tur, & pietate in aliis æquanimiter infirmatur. Hinc etenim
dicit: Quis infirmatur, & ego non infirmor? Quis scandali-
zatur, & ego non vror? Hinc rursus ait: Factus sum Iu-
dæis tanquam Iudæus. Quod videlicet exhibebat non a-
mittendo fidem, sed ostendendo pietatem: ut in se personam
infidelium transfigurans ex semetipso disceret qualiter aliis
misereri debuisset: quatenus hoc illis impenderet, quod sibi
ipso si ita esset, impendi rectè voluisset. Hinc iterum dicit: Si-
ue mēte excedimus Deo, siue sobrij sumus vobis: quia & se-
metipsum nouerat contemplando transcendere, & eundem se

*1. Tim. 3.
Mala. 2.*

Esaia 40.

*Acto. 2.
Exod. 28.*

Ibidem.

Psal. 131.

Marc. 9.

*Roma. 12.
Exod. 38.*

Marc. 9.

Leui. 15.

2. Tim. 4.

2. Corin. 10.

1. Corin. 7.

Ibidem.

2. Corin. 11.

1. Corin. 9.

2. Corin. 5.

se auditoribus condescendendo temperare. Hinc Iacob Domino desuper innitente & vncto deorsum lapide ascendentes angelos ac descendentes vidit: quia scilicet predicatorum sancti non solum sursum sanctum caput Ecclesiae, videlicet Dominum contemplando appetunt: sed deorsum quoque ad membra illius miserando descendunt. Hinc Moyses crebro tabernaculum intrat & exit: & qui intus in contemplationem rapitur, foris infirmantium negociis vrgetur. Intus Dei arca cōsiderat, foris onera carnalium portat. Qui de rebus quoque dubiis semper ad tabernaculum recurrit, coram testamēti arca Dominum consulit: exemplum proculdubio rectoribus praebens, vt cum foris ambigunt quid disponant, ad mentem semper quasi ad tabernaculum redeant: & velut coram testamento arca Dominum consulant, si de his in quibus dubitant, apud semetipsos intus sacri eloquij paginas requirant. Hinc ipsa veritas per susceptionem nostrae humanitatis ostensa nobis, in monte orationi inhæret, miracula in vrbibus exercet: imitationis videlicet viam bonis rectoribus sternens, vt etsi iam summa contemplando appetant, necessitatibus tamen infirmantium compatiendo misceantur: quia tunc ad alta charitas mirabiliter surgit, cum ad ima proximorum se misericorditer attrahit: & cum benignè descendit ad infima, valenter re-currit ad summa. Tales autem sese qui præsunt exhibeāt, quibus subiecti occulta quoque sua proderet non erubescant: vt cum tentationum fluctus paruuli tolerant, ad pastorem mentē quasi ad matris sinum recurrant: & hoc quod se inquinari pul-santis culpae sordibus praevident, exhortationis eius solatio ac lachrymis orationis lauent. Vnde & ante fores templi ad abluendas ingredientium manus mare aeneum, id est, lutērem duodecim boues portant: qui quidem facie exterius eminent, sed ex posterioribus latent. Quid nanque duodecim bobus, nisi vniuersus pastorem ordo designatur? De quibus Paulo differente lex dicit: Non obturabis os boui trituranti. Quo-rū quidē nos aperta opera cernimus, sed apud districtū iudicē quē illos posterius maneant in occulta retributione nescimus. Qui tamen cum condescensionis suae patientiā diluendis pro-ximorum confessionibus prae-parant, velut ante fores templi lutērem portāt: vt quisquis intrare aeternitatis ianuam nititur, tentationes suas menti pastoris indicet, & quasi in bouem lutē-re cogitationis vel operis manus lauet. Et fit plerunque, vt dum rectoris animus aliena tentamenta condescendendo co-gnoscit, auditis tentationibus etiam ipse pulsetur: quia & hāc eadem per quam populi multitudo diluitur, aqua proculdu-bio lutēris inquinatur: nam dum sordes diluentium suscipit, quasi suae munditiae serenitatem perdit. Sed hāc nequaquam pastori timenda sunt, quia Deo subtiliter cuncta dispensante, tantō facilius a sua eripitur, quantō misericordius ex aliena tentatione fatigatur.

Vt si rector bene agentibus per humilitatem socius, contra delin-quentium vitia per zelum iustitiae erectus.

Caput VI.

Si rector bene agentibus per humilitatem socius, contra delinquentium vitia per zelum iustitiae erectus, vt & bonis in nullo se praeferat, & cum prauorum culpa exigit, potestatem protinus sui prioratus agnoscat: quatenus & honore sup-presso aequalem se subditis bene viuētibz putet, & erga per-uersos iura rectitudinis exercere non formidet. Nam sicut in libris moralibus dixisse memini, liquet quod omnes homines natura aequales genuit, sed variantes meritorum ordine alios aliis culpa postponit. Ipsa autem diuersitas quae accessit ex vitio, diuino iudicio dispensatur, vt quia omnis homo aequē stare non valet, alter regatur ab altero. Vnde cuncti qui prae-sunt, non in se potestatem debent ordiis, sed aequalitatem pensare conditionis, nec praesse se hominibus gaudeant, sed prodesse. Antiqui etenim patres nostri non reges hominum, sed pastores pecorum fuisse memorantur. Et cum Noē Do-minus filiisquē eius benediceret dicens: Crescite & multipli-camini & replete terram: protinus adiunxit: Et terror vester ac tremor sit super cuncta animantia terrae. Quorum videlicet terror ac tremor quia esse super animantia terrae praecipitur, profectō esse super homines prohibetur. Homo quippe brutis animalibus, non autem hominibus ceteris natura prae-latus est: & idcirco ei dicitur, vt ab animalibus & non ab ho-

minibus timeatur: quia contra naturam superbire, est ab æquali velle timeri. Et tamen necesse est vt rectores a subditis timeantur, quando ab eis Deum minimè timeri deprehen-dunt: vt humana saltem formidine peccare metuant qui diui-na iudicia non formidant. Nequaquam nanque praepositi ex hoc quæsito timore superbiunt, in quo non suam glo-riam, sed subditorum iustitiam quærunt. In eo enim quod merum sibi à peruersè viuētibz exigunt, quasi non homini-bus, sed animalibus dominantur: quia videlicet ex qua parte bestiales sunt subditi, ex ea debent etiam formidini subiaccere substrati. Sed plerunque rector eo ipso quo ceteris praemi-net, elatione cogitationis intumescit. Et dum ad vsum cun-cta subiaccunt, dum ad votum velociter iussa complentur, dum omnes subditi si qua bene gesta sunt laudibus efferunt, malè gestis autem nulla autoritate contradicunt, dum ple-runque laudant etiam quod reprobare debuerant, seductis ab his quae infra suppetunt, super se animus extollitur, & dum fo-ris immenso fauore circundatur, intus veritate vacuatur, at-que oblitus sui in voces se spargit alienas, talēque se credit, qualem se foris audit, non qualem intus discernere debuit. Subiectos despicit, cōsque aequales sibi naturae origine non agnoscit: & quos sorte potestatis excesserit, transcendisse se etiam vitae meritis credit. Cunctis se aestimat amplius sapere, quibus se videt amplius posse. In quodam quippe se consti-tuit culmine apud semetipsum, & qui aequa ceteris naturae conditione cōstringitur, ex aequo respicere ceteros dedigna-tur. Sicque vsque ad eius similitudinem ducitur, de quo scri-ptum est: Omne sublime videt, & ipse est rex super vniuersos filios superbiae. Qui singulare culmen appetens, & socialem angelorum vitam despiciens ait: Ponam sedem meam ad A-quilonem, & ero similis Altissimo. Miro ergo iudicio intus foueam deiectionis inuenit, dum foris se in culmine potesta-tis extollit. Apostatē quippe angelo similis efficitur, dum ho-mo hominibus esse similis dedignatur. Sic Saul post humili-tatis meritum in tumorem superbiae culmine potestatis ex-creuit: per humilitatem quippe praelatus est, per superbiam reprobatus, Domino attestante, qui ait: Nōne cum esses paruulus in oculis tuis, caput te constitui in tribubus Israël? Par-uulum se in suis prius oculis viderat, sed fultus temporali po-tentia, iam se paruulum non videbat. Ceterorum nanque cō-parationi se praefers, quia plus cunctis poterat, magnum se prae omnibus aestimabat. Miro autem modo cum apud se paruulus, apud Deum magnus, cum verò apud se magnus ap-paruit, apud Deum paruulus fuit. Plerunque ergo dum ex subiectorum affluentia animus inflatur, in luxum superbiae ip-so potentiae fastigio lenocinante corrumpitur. Quam vide-licet potentiam bene regit qui & tenere illam nouerit & im-pugnare. Bene hanc regit qui scit per illam super culpas erigi, scit & cum illa ceteris aequalitate componi. Humana etenim mens plerunque extollitur etiam cum nulla potestate fulci-tur, quanto magis in altum se erigit, cum se etiam potestas ad-iungit? Quam tamen potestatem rectē dispensat qui sollicitè nouerit & assumere ex illa quod adiuuat, & expugnare quod tentat, & aequalem se cum illa ceteris cernere, & tamen se pec-cantibus zelo vltionis anteferre. Sed hanc discretionem ple-nius agnoscimus, si pastorem primi exempla cernamus. Petrus nanque authore Deo sanctae ecclesiae principatum tenens, à bene agēte Cornelio, & sese ei humiliter prosternēte, im-moderatius venerari recusauit, seque ei similem recognouit, di-cens: Surge ne feceris, & ipse ego homo sum. Sed cum Ana-niae & Sapphirae culpam reperit, mox quanta potentia super ceteros excreuisset, ostendit. Verbo nanque eorum vitam percussit, quam spiritu perscrutante deprehendit: & summum se intra ecclesiam contra peccata recoluit, quod honore sibi vehementer impenso, coram bene agentibus fratribus non agnouit. Illic communionem aequalitatis meruit sanctitas ac-tionis, hic zelus vltionis ius aperuit potestatis. Paulus be-ne agentibus fratribus praelatum se esse nesciebat, cum di-ceret: Non quia dominamur fidei vestrae, sed adiutores sumus gaudij vestri. Atque ilico adiunxit: Fide enim sta-tis: ac si id quod praelulerat aperiret, dicens: Ideo non dominamur fidei vestrae, quia fide statis, aequales enim vobis sumus in quo vos stare cognoscimus. Quasi prae-

1ob. 40.

Esa. 14.

Acto. 10.

Acto. 5.

1. Corin. 1.

Luc. 6.

1. Cor. 9.
1. Tim. 5.

Gene. 6.

1. Thess. 4. 2.
2. Corint. 4.
1. Corint. 4.

latum se fratribus esse nesciebat, cum diceret: Facti sumus sicut paruuli in medio vestrum. Et rursum: Nos autem serui vestri per Christum. Sed cum culpam quæ corrigi debuisset inuenit, ilico magistrum se esse recoluit dicens: Quid vultis? In virga veniam ad vos: Summus itaque locus bene regitur, cum is qui præest, vitiis potius, quam fratribus dominatur. Sed cum delinquentes subditos prepositi corrigunt, restat necesse est vt solliciti attendant, quatenus per disciplinæ debitum culpas quidem iure potestatis feriant, sed per humilitatis custodiam æquales se ipsis fratribus qui corriguntur, agnoscant: quamuis plerunque etiam dignum est, vt eosdem quos corrigimus tacita nobis cogitatione præferamus. Illorum namque per nos vitia disciplinæ vigore feriuntur, in his verò quæ ipsi committimus, ne verbi quidem ab aliquo inuectione laceramur. Tantò ergo apud Dominum obligatiores sumus, quãtò apud homines inultè peccamus. Disciplina autem nostra subditos diuino iudicio tantò liberiores reddit, quantò hinc eorum culpas sine vindicta non deserit. Seruanda itaque est & in corde humilitas, & in opere disciplina. Atque inter hæc solerter intuendum est, ne dum immoderatus custoditur virtus humilitatis, soluantur iura regiminis, & dum prælatus quisque plus se quàm decet deicit, subditorum vitam distringere sub disciplinæ vinculo non possit. Teneant ergo rectores exterius quod pro aliorum vtilitate suscipiunt, seruent interius quod de sua æstimatione pertimescunt. Sed tamen quibusdam signis decenter erumpentibus eos apud se esse humiles etiam subiecti deprehendant, quatenus & in autoritate eorum quod formident videant, & de humilitate quod imitentur agnoscant. Studeant igitur sine intermissione qui præsunt, vt eorum potentia quantò magna exterius cernitur, tantò apud eos interius deprimatur: ne cogitationem vincat, ne in delectationem sui animam rapiat, ne iam sub se mens eam regere non possit, cui se libidine dominandi supponit. Ne enim præsentis animus ad elationem potestatis suæ delectatione rapiatur, rectè per quendam sapientem dicitur: Duce te constituerunt, noli extolli, sed esto in illis quasi vnus ex illis. Hinc etiam Petrus ait: Non dominantes in clero, sed forma facti gregi. Hinc per semetipsam veritas ad altiora nos virtutum merita prouocans dicit: Scitis quia principes gentium dominantur eorum, & qui maiores sunt, potestatem exercent in eos, non ita erit inter vos, sed quicumque voluerit inter vos maior fieri, fiat sicut minister: & qui voluerit inter vos primus esse, erit vester seruus: sicut filius hominis non venit ministrari, sed ministrare. Hinc est, quòd seruum ex suscepto regimine elatum quæ post supplicia maneant, indicat dicens: Quod si dixerit malus ille seruus in corde suo, moram facit Dominus meus venire, & cœperit percutere conseruos suos, manducet autem & bibat cum ebriis, veniet Dominus serui illius, in die qua non sperat, & hora qua ignorat, & diuidet eum partemque eius ponet cum hypocritis. Inter hypocritas enim iure deputatur, qui ex simulatione disciplinæ ministerium regiminis vertit in vsum dominationis, & tamen nonnunquam grauius delinquitur si inter peruersos plus æqualitas, quàm disciplina custoditur. Quia enim falsa pietate superatus ferire Heli delinquentes filios noluit, apud districtum iudicem semetipsum cum filiis crudeli damnatione percussit. Hinc namq; diuina voce ei dicitur: Honorasti filios tuos magis, quàm me. Hinc pastores increpat per Prophetam dicens: Quod fractum est nõ alligastis, & quod abiectum fuerat non reduxistis. Abiectum enim reducitur cum quisq; in culpa lapsus, ad statum iustitiæ ex pastoralis sollicitudinis vigore reuocatur. Fracturam verò ligamen astringit, cum culpam disciplina deprimit, ne plaga vsque ad interitum defluat, si hanc districtiōis seueritas non coarctat. Sed sæpe deterius frangitur, cum fractura incautè colligitur, ita vt grauius scissuram sentiat, si hanc immoderatus ligamenta constringant. Vnde necesse est vt cum peccati vnus in subditis corrigendo restringitur, magna se sollicitudine etiam districtor ipse moderetur, quatenus sic iura disciplinæ contra delinquentes exerceat, vt pietatis viscera non amittat. Curandum quippe est vt rectorem subditis & matrem pietas, & patrem exhibeat disciplina. Atque inter hæc sollicita circumspectione prouidendum, ne aut districtio rigida, aut pietas sit remissa. Nam sicut

Ecc. 31.

1. Petri. 5.

Matth. 20.

Matth. 24.

Ibidem.

1. Reg. 1.

Ibidem.

Ezech. 34.

in libris moralibus iam diximus, disciplina vel misericordia multum destituitur, si vna sine altera teneatur. Sed erga subditos suos inesse rectoribus debet & iustè cōsolans misericordia, & piè sauiens disciplina. Hinc nanque est, quòd docente veritate per Samaritani studium semiuuius in stabulum ducitur, & vinum atque oleum eius vulneribus adhibetur: vt per vinum scilicet mordeatur vulnera, per oleum foueantur. Necesse quippe est vt quisquis sanandis vulneribus præest, in vino morsum doloris adhibeat, in oleo mollitiem pietatis: quatenus per vinum mudentur putrida, per oleum foueantur sananda. Miscenda ergo est lenitas cum seueritate, faciendum quoddam temperamentum ex vtroque, vt neque multa asperitate exulcerentur subditi, neque nimia benignitate soluantur. Quod iuxta Pauli vocem bene illa tabernaculi arca significat, in qua cum tabulis virga simul, & manna est: quia cum scripturæ sacræ scientia in boni rectoris pectore si est virga districtiōis, sit & manna dulcedinis. Hinc David ait: Virga tua & baculus tuus, ipsa me consolata sunt. Virga enim percutimur, baculo sustentamur. Si ergo est districtio virgæ quæ feriat, sit & consolatio baculi quæ sustentet. Sit itaque amor, sed non emolliens: sit rigor, sed non asperans: sit zelus, sed non immoderate sauiens: sit pietas, sed non plus quàm expediat, parcens: vt dum se in arce regiminis iustitia clementiæque permisceant, is qui præest, corda subditorum & terrendo demulceat, & tamen terroris reuerentiam demulcendo constringat.

Vt sit rector internorum curam in exteriorum occupatione non minuens, prouidentiam in internorum sollicitudine non relinquens.

Caput VII.

Si rector internorum curam in exteriorum occupatione non minuens, exteriorum prouidentiam in internorum occupatione non relinquens: ne aut exterioribus deditus ab intimis corruat, aut solis interioribus occupatus, quæ foris debet proximis non impendat. Sæpe nanque nonnulli velut obliuati quòd fratribus animarum causa prælati sunt, toto cordis adnifu secularibus curis inseruiunt: has, cum assunt, se agere exultant: ad has etiam cum defunt, diebus ac noctibus cogitationis turbidæ æstibus anhelant. Cumque ab his cessante forsitan opportunitate quieti sunt, ipsa deterius sua quiete fatigantur. Voluptatem namq; censent si actionibus deprimuntur, laborem deputant si in terrenis negociis non laborant. Sicque fit vt dum vrgeri se mundanis tumultibus gaudeant, interna quæ alios docere debuerant ignorent. Vnde subiectorum quoque proculdubio vita torpescit: quia cum proficere spiritualiter appetit, in exēplo eius qui sibi prælatus est quasi in obstaculo itineris offendit. Languente enim capite incassum membra vigent, & in exploratione hostium frustra exercitus velociter sequitur, si ab ipso duce itineris erratur. Nulla subditorum mentes exhortatio subleuat, eorumq; culpas increpatio nulla castigat: quia dum per animarum præfulem terreni exercetur officium iudicis, à gregis custodia vacat cura pastoris, & subiecti veritatis lumen apprehendere nequeunt: quia dum pastoris sensus terrena studia occupant, vento tentationis impulsus Ecclesiæ oculos puluis cæcat. Quod contra rectè humani generis redemptor, cum nos à ventris voracitate compefceret, dicens: Attendite autem vobis vt non grauentur corda vestra in crapula & ebrietate: ilico adiunxit, Aut in curis huius vitæ. Vbi pauorem quoque protinus intentè adiiciens, Ne fortè, inquit, superueniat in vos repentina dies illa. Cuius aduentus etiam qualitatem denunciat, dicens: Tanquam laqueus enim superueniet in omnes qui sedent super faciem omnis terræ. Hinc iterum dicit: Nemo potest duobus dominis seruire. Hinc Paulus religiosorum mentes à mundi consortio contestando, ac potius conueniendo suspendit dicens: Nemo militans Deo implicat se negociis secularibus, vt ei placeat cui se probauit. Hinc Ecclesiæ rectoribus & vacandi studia præcipit, & consulēdi remedia ostendit dicens: Secularia igitur iudicia si habueritis, contemptibiles qui sunt in Ecclesia illos constituite ad iudicandum, vt ipsi videlicet dispensationibus terrenis inseruiant, quos dona spiritualia non exornant, ac si apertius dicat: Quia penetrare intima nequeunt, saltem necessaria foris operentur. Hinc Moyses qui cum Deo loquitur, Ietro alienigenæ reprehensione

Luc. 10.

Psalm. 22.

Luc. 21.

Luc. 16.

2. Timot. 2.

1. Corint. 6.

885
 gione iudicatur, quod terrenis populorum negociis stulto labore deseruiat: cui & consilium mox præbetur, vt pro se alios iurgia dirimenda constituat, & ipse liberius ad erudiendos populos spiritualium arcana cognoscat. A subditis ergo inferiora gerenda sunt, à rectoribus summa cogitanda: vt scilicet oculum qui prouidendis gressibus præminet, cura pulueris non obscuret. Caput nanque subiectionum sunt cuncti qui præfunt, & vt recta valeant pedes itinera carpere, hæc proculdubio caput debet ex alto prouidere, ne à profectui sui itinere pedes torpeant, cum curuata rectitudine corporis caput sese ad terram declinat. Qua autem mente animarum præsul honore pastoralis inter cæteros vitur, si in terrenis negociis quæ reprehendere in aliis debuit, & ipse versatur? Quod videlicet ex ira iustæ retributionis per prophetam Dominus minatur dicens: Et erit sicut populus, sic sacerdos. Sacerdos quippe est vt populus, quando ea agit is qui spiritali officio fungitur, quæ illi nimirum faciunt qui adhuc de studiis carnalibus iudicantur. Quod cum magno dolore scilicet charitatis Hieremias propheta conspiciens, quasi sub destructione templi deplorat dicens: Quomodo obscuratum est aurum, mutatus est color optimus, dispersi sunt lapides sanctuarij in capite omnium platearum? Quid nanque auro, quod metallis cæteris præminet, nisi excellentia sanctitatis? Quid colore optimo, nisi cunctis amabilis reuerentia religionis exprimitur? Quid per sanctuarij lapides, nisi sacrorum ordinum personæ figurantur? Quid platearum nomine, nisi præsentis vitæ latitudo signatur? Quia enim Græco eloquio *πλάτος* latitudo dicitur, profectò à latitudine plateæ sunt vocatæ. Per semetipsam vero veritas dicit: Lata & spatiosa via est quæ ducit ad perditionem. Aurum igitur obscuratur, cum terrenis actibus sanctitatis vita polluitur. Color optimus commutatur, cum quorundam qui de gere religiose credebantur, æstimatio antea facta minuitur. Nam cum quilibet post sanctitatis habitum terrenis se actibus inserit, quasi colore permutato ante humanos oculos eius reuerentia despecta pallescit. Sanctuarij quoque lapides in plateas disperguntur, cum causarum secularium foras lata itinera expetunt hi, qui ad ornamentum Ecclesiæ internis mysteriis quasi in secretis sanctuarij vacare debuerunt. Ad hoc quippe sanctuarij lapides fiebant, vt intra sancta sanctorum in vestimento summi sacerdotis apparerent. Cum verò ministri religionis à subditis honorem redemptoris sui ex merito vitæ non exigunt, sanctuarij lapides in ornamento pontificis non sunt. Qui nimirum sanctuarij lapides dispersi per plateas iacent, cum personæ sacrorum ordinum voluptatum suarum libidini deditæ terrenis negociis inhærent. Et notandum quod non hos dispersos in plateis, sed in capite platearum dicit: quia & cum terrena agunt, summi videri appetunt, vt & lata itinera teneant ex voluptate delectationis, & tamē in platearum sint capite ex honore sanctitatis. Nil quoque obstat si sanctuarij lapides eosdem ipsos quibus constructum sanctuarium existebat accipimus, qui dispersi in platearum capite iacent, quando sacrorum ordinum viri terrenis actibus ex desiderio inseruiunt, ex quorum prius officio sanctitatis gloria stare videbatur. Secularia itaque negocia aliquando ex compassione toleranda sunt, nunquam verò ex amore requirenda: ne cum mentem diligentis aggrauant, hanc suo victam pondere ad ima de cælestibus immergant. At contra sunt nonnulli qui gregis quidem curam suscipiunt, sed sic sibimet vacare ad spiritualia appetunt, vt rebus exterioribus nullatenus occupentur. Qui cum curare corporalia funditus negligunt, subditorum necessitatibus minimè concurrunt. Quorum nimirum prædicatio plerumque despicitur: quia dum delinquentium facta corripiunt, sed tamen eis necessaria vitæ præsentis non tribuunt, nequaquam libenter audiuntur. Egentis etenim mentem doctrinæ sermo non penetrat, si hunc apud eius animum manus misericordiæ non commendat. Tunc autem verbi semen facile germinat, quando hoc in audientis pectore pietas prædicatis rigat. Vnde rectori necesse est, vt interiora possit infundere cogitatione innoxia etiam exteriora prouidere. Sic itaque pastores erga interiora studia subditorum suorum serueant, quatenus in eis exterioris quoque vitæ prouidentiam non relinquunt. Nam quasi iure vt diximus, à percipienda prædicatione gregis animus frangitur, si cura exterioris subsidij à pastore ne-

886
 A gligatur. Vnde & primus pastor sollicitè admonet dicēs: Seniores qui in vobis sunt obsecro consenior & testis Christi passionū, qui & eius quæ in futuro reuelanda est, gloriæ communicator, pascite qui in vobis est gregem Dei. Qui in hoc loco vtrum passionē cordis an corporis suaderet, aperuit cum protinus subiunxit: Prouidentes non coactè, sed spontaneè secundum Deum, neque turpis lucri gratia sed voluntariè. Quibus profectò verbis pastoribus piè præcauetur, ne dum subiectionum inopiam nimie satiant, se mucrone ambitionis occidant: ne cum per eos carnis subsidij reficiuntur proximi, ipsi remaneant à iustitiæ pane ieiuni. Hanc pastorum sollicitudinem Paulus excitat dicens: Qui suorum & maximè domesticorum curam non habet, fidem negauit, & est infideli deterior. Inter hæc itaque metuendum semper est & vigilanter intuentum, ne dum cura ab eis exterior agitur, ab interna intentione mergantur. Plerumque enim vt prædiximus, corda rectorum dum temporali sollicitudine incautè deseruiunt, ab intimo amore refrigerant: & foras fusa obliuisci non metuunt, quia animarum regimina susceperunt. Sollicitudo ergo quæ subditis exterius impenditur, sub certa necesse est mensura teneatur. Vnde bene ad Ezechielem dicitur: Sacerdotes caput suum non radant, neque comam nutriant, sed tondentes attondeant capita sua. Sacerdotes namque iure vocati sunt, qui vt sacrum ducatum præbeant fidelibus præfunt. Capilli verò in capite exteriores, sunt cogitationes in mente. Qui dum super cerebrum insensibiliter oriuntur, curas vitæ præsentis exprimunt, quæ ex sensu negligenti, quia importunè aliquando prodeunt, quasi nobis non sentientibus procedunt. Quia igitur cuncti præfunt, habere quidem sollicitudines exteriores debent, nec tamē vehementer eis incumbere, sacerdotes rectè & caput prohibentur radere, & comam nutrire: vt cogitationes carnis de vita subditorum, nec à se funditus amputent, nec rursus ad crescendum nimis relaxent. Vbi & bene dicitur: Tondentes tondeant capita sua: vt videlicet curæ temporalis sollicitudinis & quantum necesse est prouideant, & tamen refectur citius, ne immoderatus excrescant. Dum igitur & per administratam exteriorum prouidentiam corporum vita protegitur, & rursus per immoderatam cordis intentionem non impeditur, capilli in capite sacerdotis & seruantur, vt cutem cooperiant, & refectur ne oculos claudant.

Ne placere rector suo studio hominibus appetat, sed tamen ad quid placere debeat, intendat. Caput VIII.

D Inter hæc quoque necesse est vt rector solerter inuigilet, ne hunc cupido placendi hominibus pulset, ne cum studiosè interiora penetrat, cum prouidè exteriora subministrat, se magis à subditis diligi quàm veritatem quærat, ne cum bonis actibus fultus à mundo videtur alienus, hunc auctori reddat extraneum amor suus. Hostis nanque redemptoris est, qui per recta opera quæ facit, eius vice ab Ecclesia amari concupiscit: quia adulterinæ cogitationis est reus, si placere puer spūsæ oculis appetit per quem sponsus dona transmisit. Quia nimirum amor proprius cum rectoris mentem ceperit, aliquando hanc inordinate ad mollitiem, aliquando verò ad asperitatem rapit. Ex amore etenim suo mens rectoris in mollitiē vertitur: quia cum peccantes subditos respicit, ne erga hunc eorum dilectio torpeat, corripere non præsumit, nonnunquam verò errata subditorum quæ increpare debuerat, adulatione demulcet. Vnde bene per Prophetam dicitur: Væ his qui consuunt puluillos sub omni cubito manus, & faciunt cervicalia sub capite vniuersæ ætatis ad capiendas animas. Puluillos quippe sub omni cubito manus ponere, est cadentes à sua rectitudine animas, atque in huius mundi se dilectione reclinantes, blanda adulatione refouere. Quasi enim puluillo cubitum, vel cervicalibus caput iacentis excipitur, cum correptionis duritia peccanti subtrahitur, eiq; mollietis fauoris adhibetur, vt in errore mollior iaceat, quem nulla asperitas contradictionis pulsat. Sed hæc rectores qui semetipsos diligunt, his proculdubio exhibent, à quibus se noceri posse in studio gloriæ temporalis timeant. Nam quos nil contra se valere conspiciunt, hos nimirum asperitate rigidæ semper inuentionis premunt, nunquam clementer admonent, sed pastoralis mansuetudinis obliuiscuntur, iure dominationis terrent. Quos rectè per Prophetam diuina vox increpat dicens: Vos autem cum austeritate imperabatis

eis & cum potētia. Plus enim se suo auctore diligētes, iactanter erga subditos se erigunt, nec quid agere debeant, sed quid valeāt attendunt. Nil de subsequēti iudicio metuunt, qui improbē de temporali potestate gloriantur. Libet ut licenter & illicita faciant, & subditorum nemo contradicat. Qui ergo & prava studet agere, & tamen ad hęc vult ceteros tacere, ipse sibi met testis est, quia plus se veritate appetit diligi, quā contra se non vult defendi. Nemo quippe est qui ita viuat ut aliquatenus nō delinquat. Ille ergo se ipso amplius veritatem desiderat amari, qui sibi à nullo vult contra veritatem parci.

2. Reg. 5.

Hinc David increpationem subditi humiliter audiuit, quia rectores boni dum priuato diligere amore se nesciunt, liberæ puritatis verbum à subditis obsequium humilitatis credunt. Sed inter hęc necesse est, ut cura regiminis tanti moderaminis arte temperetur, quatenus subditorū mens cum quādam rectē sentire potuerit, sic in vocis libertatem prodeat, ut tamen libertas in superbiam non erumpat: ne dum fortasse immoderatus linguæ eis libertas conceditur, vitæ ab his humilitas amittatur. Sciendum quoque est quod non oportet ut rectores boni placere hominibus appetāt, sed ut suæ æstimationis dulcedine proximos in affectum veritatis trahant: non ut se amari desiderent, sed ut dilectionem suam quasi quādam viam faciant, per quam corda audiētum ad amorem conditoris sui introducant. Difficile quippe est ut quamlibet recta denunciāns prædicator, qui non diligitur, libenter audiat. Debet ergo qui præest, & studere se diligi, quatenus possit audiri, & tamen amorem suum pro seipso non quærere, ne inueniatur ei cui seruire per officium cernitur, occulta cogitationis tyrannide resultare. Quod bene Paulus insinuat, cum sui nobis studij occulta manifestat, dicens: Sicut & ego per omnia placeo omnibus. Qui tamen rursus dicit: Ego si adhuc hominibus placerem, Christi seruus non essem. Placet ergo Paulus & non placet, quia in eo quod placere appetit, non se, sed per se hominibus placere veritatem quærit.

1. Corin. 10.
Ibidem.

Quod scire sollicitè rector debeat, quod plerunque vitia virtutes se esse mentiuntur. Caput IX.

Scire etiam rector debet quod plerunque vitia virtutes se esse mentiuntur. Nam sæpe sub parsimonia nomine se tenacia palliat, contrāque se effusio sub appellatione largitatis occultat. Sæpe inordinata remissio pietas creditur, & effrenata ira spiritalis zeli virtus estimatur. Sæpe præcipitata actio velocitatis efficacia, atque agendi tarditas grauitatis consilium putatur. Vnde necesse est ut rector animarum, virtutes ac vitia vigilantia cura discernat, ne aut cor tenacia occupet, & parcum se videri in dispensationibus exultet: aut cum effusē quid impenditur, largum se quasi miserando gloriatur, aut remittendo quod ferire debuit, ad æterna supplicia subditos pertrahat: aut immaniter feriendo quod delinquitur, ipse grauius delinquat: aut hoc quod agi rectē ac grauius potuit, immaturē praueniens leuiget, aut bonæ actionis meritum differendo ad deteriora permutet.

† al. perditur.

Quod esse debet & rectori discretio correptionis, & dissimulationis, feruoris, & mansuetudinis. Caput X.

Sciendum quoque est, quod aliquorum subiectorum vitia sprudenter dissimulanda sunt, sed quia dissimulantur, indicanda: aliquando & apertē cognita, maturē toleranda, aliquando verō subtiliter & occultē perscrutanda: aliquando leniter arguenda, aliquando autem vehementer increpanda. Nonnulla quippe, ut diximus, prudenter dissimulanda sunt, sed quia dissimulantur, indicanda: ut cum delinquens & deprehendi se cognoscit, & perpeti, has quas in se tacitē tolerari considerat, augere culpas erubescat, seque se iudice puniat, quem sibi apud se rectoris patientia clementer excusat. Quæ scilicet dissimulatione bene Iudæam Dominus corripit, cum per Prophetam dicit: Mentita es, & mei non es recordata, neque cogitasti in corde tuo, quia ego tacens & quasi non vident. Et dissimulauit ergo culpas & innotuit: quia & contra peccantem tacuit, & hoc ipsum tamen quia tacuerit dixit. Nonnulla autem vel apertē cognita, maturē toleranda sunt, cum videlicet rerum minimē opportunitas congruit, ut apertē corrigantur. Nam secta immaturē vulnera deterius inferuescunt, & nisi cum tempore medicamenta conueniant, con-

Esaia. 57.

Estat proculdubio quod medendi officium amittant. Sed cum tempus subditis ad correptionē quæritur, sub ipso culpam pondere patientia praesulis exercetur. Vnde bene per Psalmistam dicitur: Supra dorsum meum fabricauerunt peccatores. In dorso quippe onera sustinemus. Supra dorsum igitur suum fabricasse peccatores quæritur, ac si apertē dicat: Quos corrigere nequeo, quasi superimpositum onus porto. Nonnulla autem subtiliter & occultē sunt perscrutanda, ut quibusdam signis erumpētibus rector in subditorum mente, omne quod clausum latet, inueniat, & interueniente correptionis articulo, ex minimis maiora cognoscat. Vnde rectē ad Ezechielem dicitur: Fili hominis fode tibi parietem. Vbi mox idem Propheta subiungit: Et cum fodissem parietem, apparuit ostium vnum. Et dixit ad me: Ingredere & vide abominationes pessimas quas isti faciunt hinc. Et ingressus vidi. Et ecce omnis similitudo reptilium, & animalium abominatio, & vniuersa idola domus Israël depicta erant in pariete. Per Ezechielem quippe præpositorum ordo signatur, per parietem duritia subditorum. Et quid est parietem fodere, nisi acutis inquisitionibus duritiam cordis aperire? Quem cum fodisset, apparuit ostium: quia cum cordis duritia vel studiosis percuntationibus, vel maturis correptionibus scinditur, quasi quādam ianua ostenditur, ex qua omnia in eo qui corripitur cogitationum interiora videantur. Vnde & bene illic sequitur: Ingredere & vide abominationes pessimas, quas isti faciunt hinc. Quasi ingreditur ut abominationes aspiciat, qui discussis quibusdam signis exterius apparentibus ita corda subditorum penetrat, ut cuncta ei quæ illicitē cogitantur innotescant. Vnde & subdit: Et ingressus vidi. Et ecce omnis similitudo reptilium, & animalium abominatio. In reptilibus cogitationes omnino terrenæ signantur, in animalibus verō iam quidam aliquantulum à terra suspensæ, sed adhuc terrenæ mercedis præmia requirentes. Nam reptilia toto ex corpore terræ inhærent, animalia autem magna parte corporis à terra suspensa sunt, appetitu tamen gulæ ad terram semper inclinantur. Reptilia itaque sunt intra parietem, quando cogitationes voluntur in mente, quæ à terrenis desideriis nunquam leuantur. Animalia quoque sunt intra parietem, quando & si qua iam iusta, si qua honesta cogitantur, appetendis tamen lucris temporalibus honoribusque deseruiunt, & per semetipsa quidem quasi à terra suspensa sunt, sed adhuc per ambitum quasi per gulæ desiderium sese ad ima submitunt. Vnde & bene subdit: Et vniuersa idola domus Israël depicta erant in pariete. Scriptum quippe est: Et auaritia quæ est idolorum seruitus. Rectē ergo post animalia idola describuntur: quia etsi honesta actione nonnulli quasi à terra se erigunt, ambitione tamen inhonesta semetipsos ad terram deponunt. Bene autem dicitur, Depicta erant: quia dum exteriorum rerum intrinsecus species attrahuntur, quasi in corde depingitur quicquid fictis imaginibus deliberando cogitatur. Notandum itaque est, quia prius foramen in pariete ac deinde ostium cernitur, & tunc demum occulta abominatio demonstratur: quia nimirum vniuscuiusque peccati prius signa forinsecus, deinde ianua apertæ iniquitatis ostenditur, & tunc demum omne malum quod intus latet aperitur. Nonnulla autem sunt leniter arguenda, nam cum malitia, sed sola ignorantia vel infirmitate delinquitur, profectō necesse est ut magno moderamine ipsa delicti correptio temperetur. Cuncti quippe quousque in hac mortali carne subsistimus, corruptionis nostræ infirmitatibus subiaceamus. Ex se ergo debet unusquisque colligere qualiter alienæ hunc oporteat imbecillitati misereri, ne contra infirmitatem proximi si ad increpationis vocem feruentius rapiatur, oblitus sui esse videatur. Vnde bene Paulus admonet dicens: Si quis præoccupatus fuerit in aliquo delicto, vos qui spirituales estis, instruite huiusmodi in spiritu lenitatis, considerans teipsum ne & tu tenteris, ac si apertē dicat: Cum displicet ex aliena infirmitate quod conspicias, pensa quod es, ut increpationis zelo se spiritus temperet, dum sibi quoque quod increpat timet. Nonnulla autem sunt vehementer increpanda, ut cum culpa ab auctore non cognoscitur, quanti sit ponderis, ab increpantis ore sentiat. Et cum sibi quis malum quod perpetravit leuiget, hoc contra se grauius ex corripientis asperitate pertimescat. Debitum quippe rectoris

Psalm. 128.

Ezech. 8.
Ibidem.

Colossen. 3.

Gala. 6.

Ezech. 4.

Ibidem.

1. Corin. 11.

Dent. 19.

reſtoris eſt ſupernæ patriæ gloriam per vocem prædicationis oſtendere, quanta in huius vitæ itinere tentamenta antiqui hoſtis lateant aperire, & ſubditorum mala quæ tolerari leniter non debent, cum magna zeli aſperitate corrigere: ne ſi minus contra culpas accenditur, culparum omnium reus ipſe teneatur. Vnde ad Ezechielem dicitur: Sume tibi laterem & pones eum coram te, & deſcribes in eo ciuitatem Hieruſalem. Statimque ſubiungitur: Et ordinabis aduerſus eam obſidionem, & ædificabis munitiones, & comportabis aggerem, & dabis contra ea caſtra, & pones arietes in gyro. Eique ad munitionem ſuam protinus ſubiunxit: Et tu ſume tibi ſartaginem ferream, & pones eam murum ferreum inter te & ciuitatem. Cuius enim Ezechiel propheta niſi magiſtrorum ſpeciem tenet? Cui dicitur, Sume tibi laterem, & pones eum coram te, & deſcribes in eo ciuitatem Hieruſalem. Sic quippe ſancti doctores ſibi laterem ſumunt, quando terrenum auditorum cor vt doceant apprehendunt. Quem ſcilicet laterem coram ſe ponunt: quia tota mentis illud intentione cuſtodiant. In quo & ciuitatem Hieruſalem iubentur deſcribere: quia prædicando terrenis cordibus curant ſummopere, quæ ſit ſupernæ pacis viſio, demonſtrare. Sed quia incaſſum gloria patriæ cœleſtis agnoſcitur, niſi & quanta hîc irruant hoſtis callidi tentamenta noſcatur, aptè ſubiungitur: Et ordinabis aduerſus eam obſidionem, & ædificabis munitiones. Sancti quippe prædicatores obſidionem circa laterem, in quo Hieruſalem ciuitas deſcripta eſt ordinant, quando terrenæ menti, ſed iam ſupernam patriam requirenti, quanta eam in huius vitæ tempore vitiorum impugnet aduerſitas, demonſtrant. Nam cum vnumquodque peccatum quomodo proficientibus inſidietur oſtenditur, quaſi obſidio circa ciuitatem Hieruſalem voce prædicatoris ordinatur. Sed quia non ſolum debent innotescere qualiter vitia impugnent, verum quomodo cuſtoditæ nos virtutes roborant, rectè ſubiungitur: Et ædificabis munitiones. Munitiones quippe ſanctus prædicator ædificat, quando quæ virtutes quibus reſiſtant vitiis demonſtrat. Et quia crescente virtute, plerumque bella tentationis augentur, rectè adhuc ſubditur: Et comportabis aggerem, & dabis contra eum caſtra, & pones arietes in gyro. Aggerem nanque comportat, quando prædicator quiſque molem crescentis tentationis enunciat. Et contra Hieruſalem caſtra erigit, quando rectæ intentioni audientium hoſtis callidi incircuſpectas & quaſi incomprehenſibiles inſidias prædicat. Atque arietes in gyro ponit, cum tentationum aculeos in hac vita nos vndique circundantes & virtutum murum perforantes innotescit. Sed cuncta hæc licet ſubtiliter rector inſinuet, niſi contra delicta ſingulorum æmulationis ſpiritu ferueat, nullam ſibi in perpetuū abſolutionem parat. Vnde illic adhuc rectè ſubiungitur. Et tu ſume tibi ſartaginem ferream, & pones eam murum ferreum inter te & ciuitatem. Per ſartaginem quippe frixtura mentis, per ferrum verò increpationis fortitudo ſignatur. Quod verò acrius doctoris mentem, quam zelus Dei frigit & exercuat? Vnde Paulus huius ſartaginis vrebatur frixtura cum diceret: Quis infirmatur & ego non infirmor? Quis ſcandalizatur & ego non vror? Et quia quiſquis zelo Dei accenditur ne damnari ex negligentia debeat, forti in perpetuum cuſtodia munitur, rectè dicitur: Pones eam murum ferreum inter te & ciuitatem. Sartago enim ferrea murus ferreus inter prophetam & ciuitatem ponitur: quia cum nunc fortem zelum rectores exhibent, eundem zelum poſtmodum inter ſe & auditores ſuos fortem munitionem tenent: ne tunc ad vindictam deſtituti ſint, ſi nunc fuerint in correptione diſſoluti. Sed inter hæc ſciendum eſt, quia dum ad increpationem ſe mens doctoris exaſperat, difficile valde eſt, vt non aliquando & ad aliquid quod dicere non debet erumpat. Et plerumque contingit, vt dum culpa ſubditorum cum magna inuectione corripitur, magiſtri lingua uſque ad exceſſus verba pertrahatur. Cumque increpatione immoderate accenditur, corda delinquentium in deſperatione deprimuntur. Vnde neceſſe eſt vt exaſperatus rector cum ſubditorum mentem plus ſe quam debuit percuſiſſe conſiderat, apud ſe ſemper ad pœnitentiam recurrat: vt per lætā veniam in conſpectu veritatis obtineat, ex eo etiā quod per zeli eius ſtudium peccat. Quod figuratè Dominus præcipit per Moysen dicens: Si quis abierit cum amico ſuo ſimpli-

citer in ſyluam ad ligna cædenda, & lignum ſecuris effugerit manu, ferrumque lapſum de manubrio, amicum eius percuſerit & occiderit, hic ad vnā ſupradictarū urbium fugiat, & viuet, ne fortè proximus eius, cuius effuſus eſt ſanguis, doloris ſtimulo perſequatur, & apprehendat eum & percutiat animam eius. Ad ſyluam quippe cum amico imus, quoties ad inuenda ſubditorum delicta conuertimur. Et ſimpliciter ligna ſuccidimus, cum delinquentium vitia pia intentione reſecamus. Sed ſecuris manum fugit, cum ſeſe increpatione pluſquam neceſſe eſt in aſperitatem pertrahit. Ferrumque de manubrio proſilit, cum de correptione ſermo durior excedit. Et amicum percutit & occidit, quia auditorem ſuum pro lata contumelia à ſpiritu dilectionis interficit. Correpti namque mens repente ad odium proruit, ſi hanc immoderata increpatione pluſquam debuit addicit. Sed is qui incautè ligna percutit & proximum extinguit, ad tres neceſſe eſt urbes fugiat, vt in vnā earum deſenſus viuat: quia ſi ad pœnitentiæ lamenta conuerſus in vnitatem ſacramenti ſub ſpe fide & charitate abſconditur, reus perpetrati homicidii non tenetur. Eumque extincti proximus cum inuenerit non occidit: quia cum diſtrictus iudex venerit, qui ſeſe nobis per naturæ noſtræ conſortium iunxit, ab eo proculdubio culpæ reatum non expetit, quam ſub eius venia fides, ſpes & charitas abſcondit.

Quantum rector ſacræ legis meditationibus eſſe debeat intentus.

Caput XI.

Sed omne hoc ritè à rectore agitur, ſi ſupernæ formidinis & dilectionis ſpiritu afflatus, ſtudioſè quotidie ſacri eloquii præcepta meditetur: vt in eo vim ſolicitudinis, & erga cœleſtem vitam prouidæ circumſpectionis, quam humanæ conuerſationis uſus indefinenter deſtruit, diuinæ admonitionis verba reſtaurent. Et qui ad vetuſtatem vitæ per ſocietatem ſecularium ducitur, ad amorem ſemper ſpiritalis patriæ compunctionis aſpiratione renouetur. Valde nanque inter humana verba cor deſluit. Cumque indubitanter conſtet quod externis occupationum tumultibus impulſum à ſemetipſo corruat, ſtudere inceſſabiliter debet, vt per eruditionis ſtudium reſurgat. Hinc eſt enim quod prælatum gregi diſcipulū Paulus admonet dicens: Dum venio attende lectioni. Hinc David ait: Quomodo dilexi legem tuam Domine, tota die meditatio mea eſt. Hinc Moysi Dominus de portanda arca præcepit dicens: Facies quatuor circulos aureos quos pones per quatuor arcæ angulos, faciesque veſtes de lignis ſethim, & operies auro, inducesque per circulos qui ſunt in arcæ lateribus, vt portetur in eis, qui ſemper erunt in circulis, nec vnquam extrahentur ab eis. Quid per arcam niſi ſancta Eccleſia figuratur? Cui quatuor circuli aurei per quatuor angulos iubentur adiungi: qui in eo quod per quatuor mundi partes dilata tenditur, proculdubio quatuor ſancti Euangelij libris accincta prædicatur. Veſtesque de lignis ſethim ſunt, qui eiſdem ad portandum circulis inferuntur: quia fortes perſeuerantesque doctores velut imputribilia ligna quærendi ſunt, qui inſtructioni ſacrorum voluminum ſemper inhærentes ſanctæ Eccleſiæ vnitatem denuncient, & quaſi intromiſſis circulis arcam portent. Veſtibus quippe arcam portare, eſt bonis doctoribus ſanctam Eccleſiam ad rudes infidelium mentes prædicando deducere. Qui auro quoque iubetur operiri, vt dum ſermone aliis inſonant, ipſi etiam vitæ ſplendore fulgeant. De quibus aptè ſubiungitur: Qui ſemper erunt in circulis, nec vnquam extrahentur ab eis. Quia nimirum neceſſe eſt, vt qui ad officium prædicationis excubant, à ſacræ lectionis ſtudio non recedant. Ad hoc nanque veſtes eſſe in circulis ſemper iubentur, vt cum portari arcam opportunitas exigit, de intromittendis veſtibus portandi tarditas nulla generetur: quia videlicet cum ſpiritale aliquid à ſubditis paſtor inquiritur, ignominioſum valde eſt ſi tunc quærat diſcere, cum quæſtionem debet enodare. Sed circulis veſtes inhæreant, vt doctores ſemper in ſuis cordibus eloquia ſacræ meditationis, teſtamenti arcæ ſine mora eleuent, ſi quicquid neceſſe eſt, protinus doceant. Vnde bene primus paſtor Eccleſiæ paſtores cæteros admonet dicens: Parati ſemper ad ſatisfactionem omni poſceni vos rationem de ea quæ in vobis eſt ſpe: ac ſi apertè dicat: Vt ad portandam arcam nulla mora præpediat, veſtes nunquam à circulis recedant.

1. Tim. 4.
Pſalm. 118.

Exod. 25.

1. Pet. 3.

PROLOGVS TER- TIÆ PARTIS, DOCENS qualiter rector bene viuens debeat docere, & admonere subditos.

Quia igitur qualis esse debeat pastor ostēdimus, nunc qualiter doceat demonstramus. Vt enim longē ante nos reuerendæ memoriæ Gregorius Nazianzenus edocuit, non vna eademque cunctis exhortatio congruit, quia non cunctos par morum qualitas astringit. Sæpe nanque aliis officiunt, quæ aliis prosunt. Quia & plerunque herbæ quæ hæc animalia enutriunt, alia occidunt: & lenis sibilus equos mitigat, catulos instigat. Et medicamentum quod hunc morbum imminuit, alteri vires iungit: & panis qui vitam fortium roborat, paruulorum necat. Pro qualitate igitur audientium formari debet sermo doctorum, vt & sua singulis congruant, & tamen à communis ædificationis arte nunquam recedat. Quid enim sunt intentæ mentes auditorum, nisi vt ita dixerim, quædam in cithara tentiones strata chordarum? quas tangendi artifex vt non sibi metipsum dissimile canticum faciant, dissimiliter pulsant. Et idcirco chordæ consonam modulationem reddunt: quia vno quidem plectro, sed non vno impulso feriuntur. Vnde & doctor quisque vt in vna cunctos virtute charitatis ædificet, ex vna doctrina, non vna eademque exhortatione corda tangere audientium debet.

Quo pacto pastor, auditorum ratione habita, singulos ad ædificationem hortari possit.

Caput I.

- 1 **A**lii nanque admonendi sunt viri, atque aliter feminae.
- 2 Alii admonendi sunt iuuenes, atque aliter senes.
- 3 Alii admonendi sunt inopes, atque aliter locupletes.
- 4 Alii admonendi sunt lati, atque aliter tristes.
- 5 Alii admonendi sunt subditi, aliter prelati.
- 6 Alii admonendi sunt serui, aliter Domini.
- 7 Alii admonendi sunt sapientes, aliter hebetes.
- 8 Alii admonendi sunt impudentes, aliter reuerenti.
- 9 Alii admonendi sunt proterui, aliter pusillanimes.
- 10 Alii admonendi sunt impatientes, aliter patientes.
- 11 Alii admonendi sunt beniuoli, aliter inuidi.
- 12 Alii admonendi sunt simplices, aliter impii.
- 13 Alii admonendi sunt incolumes, aliter ægri.
- 14 Alii admonendi sunt qui flagella metuum, & ideo innocenter viuunt: atque aliter qui sic in iniquitatibus durauerunt, vt neque per flagella corrigantur.
- 15 Alii admonendi sunt nimis taciti, aliter multiloquio vacantes.
- 16 Alii admonendi sunt pigri, aliter precipites.
- 17 Alii admonendi sunt mansueti, aliter iracundi.
- 18 Alii admonendi sunt humiles, aliter elati.
- 19 Alii admonendi sunt pertinaces, aliter inconstantes.
- 20 Alii admonendi sunt gula dediti, aliter abstinentes.
- 21 Alii admonendi sunt, qui iam sua misericorditer tribuunt: atque aliter, qui adhuc & aliena rapere contendunt.
- 22 Alii admonendi sunt qui nec aliena appetunt, nec sua largiuntur: atque aliter, qui & ea quæ habent tribuunt, & tamen aliena rapere non desistunt.
- 23 Alii admonendi sunt pacati, aliter discordes.
- 24 Alii admonendi sunt seminantes iurgia, aliter pacifici.
- 25 Alii admonendi sunt qui sacra legis verba non intelligunt rectè: atque aliter qui rectè quidem intelligunt, sed hac humiliter non loquuntur.
- 26 Alii admonendi sunt qui cum dignè prædicare valeant, præ nimia humilitate formidant: aliter quos à prædicatione imperfectio vel ætas prohibet, & tamen præcipitatio impellit.
- 27 Alii admonendi sunt qui in hoc quod temporaliter appetunt, pro-

perantur: atque aliter qui ea quidem quæ mundi sunt concupiscunt, sed tamen aduersitatis labore fatigantur.

28 Alii admonendi sunt coniugiis obligati, aliter coniugij nexiluo liberi.

29 Alii admonendi sunt peccatorum carnis conscij, aliter ignari.

30 Alii admonendi sunt qui peccata deplorant operum, aliter qui cogitationum.

31 Alii admonendi sunt qui admissa deplangunt, nec tamen deserunt: atque aliter qui deserunt, nec tamen plangunt.

32 Alii admonendi sunt qui illicita quæ faciunt etiam laudant: atque aliter qui accusant praua, nec tamen deuitant.

33 Alii admonendi sunt, qui repentina concupiscentia superantur: atque aliter qui in culpa ex consilio ligantur.

34 Alii admonendi sunt qui licet minima tamen illicita faciunt: atque aliter qui se à paruis custodiunt, sed aliquando in granioribus demerguntur.

35 Alii admonendi sunt qui bona nec inchoant, aliter qui inchoata minimè consummant.

36 Alii admonendi sunt qui mala occultè agunt, & bona publicè: atque aliter qui bona quæ faciunt abscondunt, & tamen quibusdam factis publicè malè de se opinari permittunt.

Sed quid utilitatis est quòd cuncta hæc collecta enumeratione transcurramus, si non etiam admonitionis modos per singula quanta possumus breuitate pandamus.

De his igitur omnibus à principali sumentes exordium, latius ex ordine per singula differamus.

Admonitio I.

Alii igitur admonendi sunt viri, atque aliter feminae: quia illis grauius, istis verò iniungenda sunt leuiora, vt illos magna exercendo, istas verò leuia demulcendo conuertant.

Admonitio II.

Alii admonendi sunt iuuenes, atque aliter senes: quia illos plerunque fetueritas admonitionis ad profectum dirigit, istos verò ad meliora opera deprecatio blanda componit. Scriptum quippe est: Seniorem ne increpaueris, sed obsecra vt patrem. 1. Timoth. 5.

Admonitio III.

Alii admonendi sunt inopes, atque aliter locupletes: illis nanque offerre consolationis solatium contra tribulationem, istis verò inferre metum contra elationem debemus. Inopi quippe à Domino per Prophetam dicitur: Noli timere, quia non confunderis. Cui non longè post blandiens dicit: Paupereula tempestate conuulsa. Rursumque hanc consolationem dicens: Elegi te in camino paupertatis. At contra Paulus discipulo de diuitibus dicit: Diuitibus huius seculi præcipe non superbe sapere, neque sperare in incerto diuitiarum suarum. Vbi notandum valde est quòd humilitatis doctor memoriam diuitum faciens non ait: Roga, sed Præcipe: quia etsi impendenda est pietas infirmitati, honor tamen non debetur elationi. Talibus ergo rectum quod dicitur, tantò rectius iubetur, quātò & in reb' transitorijs altitudine cogitationis intumescunt. De his in Euāgelio Dominus dicit: Væ vobis diuitibus qui habetis consolationem vestram. Quia enim quæ sunt æterna gaudia nesciunt, ex presentis vitæ abundantia consolantur. Offerenda est ergo eis consolatio quos caminus paupertatis excoquit, atque illis inferendus est timor, quos consolatio gloriæ temporalis extollit: vt & illi discant, quia diuitias quas non conspiciunt possidebunt, & isti agnoscant, quia eas quas concupiscunt, nequaquam tenere possunt. Plerumque tamen personarum ordinem permutat qualitas motuum: vt si diues humilis sit, pauper elatus. Vnde mox prædicantis lingua cum audientis debet vita componi: vt tantò restrictius in paupere elationem feriat, quātò etiam nec illata paupertas inclinat: & tantò leuius humilitatem diuitum mulceat, quātò eos nec abundantia quæ subleuat exaltat. Nonnunquam etiam superbus diues exhortationis blandimento placandus est: quia & plerunque dura & vulnera per leniaamenta mollescent, & furor insanorum sæpe ad salutem medico blandiente reducitur. Cūque eis in dulcedine condescenditur, languor insanæ mitigatur. Neque enim negligenter intuendum est, quòd cū Saulem spiritus aduersus inuaderet,

deret, apprehensa David cithara, eius vesaniam sedabat ac temperabat. Quid enim per Saulem nisi elatio potentum, & quid per David innuitur nisi humilis vita sanctorum? Cum ergo Saul ab immundo spiritu arripitur, David canente eius vesania temperatur: quia cum sensus potentum per elationem in furorem vertitur, dignum est ut ad salutem mentis quasi ad dulcedinem citharæ, locutionis nostræ tranquillitate reuocetur. Aliquando autem cum huius seculi potentes arguuntur, prius per quasdam similitudines velut de alieno negotio requirendi sunt. Et cum rectam sententiam quasi in alterum protulerint, tunc modis congruentibus de proprio reatu feriendi sunt: ut mens temporali potentia tumida, contra corripientem nequaquam se erigat, quæ suo sibi iudicio superbiæ cervicem calcet: & in nulla sui defensione se exerceat, quem sententia proprii oris ligat. Hinc est enim quod Nathan propheta arguere regem venerat, & quasi de causa pauperis contra diuitem iudicium quærebat, ut prius rex sententiam diceret, & reatum suum postmodum audiret, quatenus nequaquam iustitiæ contradiceret, quam ipse in se protulisset. Vir itaque sanctus & peccatorem considerans, & regem miro ordine audacem, reum prius per confessionem ligare studuit, & postmodum per inuentionem secare. Celauit paululum quod quæsiuit, sed percussit repente quem tenuit. Pigrius enim fortasse incideret, si ab ipso sermonis exordio aperte culpam ferire voluisset, sed præmissa similitudine eam, quam occultabat exacuit increpationem. Ad ægrum medicus venerat, secandum vulnus videbat, sed de patientia ægri dubitabat. Abscondit igitur ferrum medicinale sub veste, quod eductum subito fixit in vulnere, ut secantem gladium sentiret æger antequam cerneret, ne si ante cerneret, sentire recusaret.

Admonitio. IIII.

Aliter admonendi sunt læti atque aliter tristes. Læti videlicet inferenda sunt tristitia quæ sequitur ex supplicio, tristibus verò inferenda sunt læta quæ promittuntur ex regno. Discant læti ex minarum asperitate quod timeant, audiant tristes præmiorum gaudia de quibus præsumant. Illis quippe dicitur: Væ vobis qui rideris nunc, quoniam flebitis. Isti verò eodem magistro docente audiant: Iterum videbo vos, & gaudebit cor vestrum, & gaudium vestrum nemo tollet à vobis. Nonnulli autem læti vel tristes non rebus fiunt, sed quibusdam conspersionebus existunt. Quibus profecto intimum est quod quædam vitia quibusdam conspersionebus iuxta sunt. Habent enim læti ex propinquo luxuriam, tristes iram. Vnde necesse est ut non solum quisque consideret quod ex conspersione sustinet, sed etiam quod ex vicino deterius purget, ne dum nequaquam pugnat contra hoc quod tolerat, ei quoque à quo se liberum existimat, vitio succumbat.

Admonitio. V.

Aliter admonendi sunt subditi, atque aliter prælati. Illos ane subiectio conterat, istos ne locus superior extollat. Illi ne minus quæ iubentur impleant, isti ne plus iusto iubeant quæ compleantur. Illi ut humiliter subiaceant, isti quoque ut temperanter præsent. Nam quod intelligi & figuraliter potest, illis dicitur: Filij obedite parentibus vestris in Domino. Istis verò præcipitur: Et, patres nolite ad iracundiam prouocare filios vestros. Illi discant quomodo ante occulti arbitri oculos sua interiora componant, isti quomodo etiam commissis sibi exempla bene viuendi exterius præbeant. Scire enim prælati debent, quia si peruersa vnquam perpetrant, tot mortibus digni sunt, quot ad subditos suos perditionis exempla transmittunt. Vnde necesse est, ut tantò se cautius à culpa custodiant, quantò per praua quæ faciunt non soli moriuntur, sed aliorum animarum quas prauis exemplis destruxerunt, rei sunt. Vnde admonedi sunt illi, ne districtius puniantur si absoluti reperiri nequeunt saltem de se: isti ne de subditorum erratibus iudicentur, etiam si se iam de se securos inveniunt. Illi ut tantò circa se sollicitius viuant, quantò eos aliena cura non implicat: isti verò ut sic aliorum curas expleant, quatenus & suas agere non desistant, & sic in propria sollicitudine ferueant, ut à commissorum custodia minimè torpescant. Illi enim sibimet vacanti dicitur: Vade ad formicam o piger

& considera vias eius, & disce ab ea sapientiam. Iste enim terribiliter admonetur, cum dicitur: Fili mi si sponderis pro amico tuo, defixisti apud extraneum manum tuam, & illaqueatus es verbis oris tui, & captus propriis sermonibus. Sponderi nanque pro amico, est alienam animam in periculo suæ conuersationis accipere. Vnde & apud extraneum manus defigitur: quia apud curam sollicitudinis quæ, antè deerat, mens ligatur. Verbis verò oris sui illaqueatus est, ac propriis sermonibus captus: quia dum commissis sibi cogitur bona dicere, ipsum prius necesse est quæ dixerit custodire. Illaqueatur igitur verbis oris sui, dum ratione exigente constingitur, ne eius vita ad aliud quàm admonet relaxetur. Vnde apud districtum iudicem cogitur tanta in opere exoluere, quanta constat eum aliis voce præcepisse. Vbi & bene mox exhortatio subditur ut dicatur: Fac ergo quod dico fili mi, & temetipsum libera, quia incidisti in manus proximi tui, discurre, festina, suscita amicum tuum, ne dederis somnum oculis tuis, ne dormitent palpebræ tuæ. Quisquis enim ad viuendum aliis in exemplum præponitur, non solum ipse ut vigilet, sed etiam ut amicum suscitet admonetur. Ei nanque vigilare bene viuendo non sufficit, si non & illum cui præest, à peccati torpore disiungit. Bene autem dicitur: Ne dederis somnum oculis tuis, nec dormitent palpebræ tuæ. Somnum quippe oculis dare, est intentione cessante subditorum curam omnino negligere. Palpebræ verò dormitant, cum cogitationes nostræ ea quæ in subditis arguenda cognoscunt, pigredine deprimente dissimulant. Plenè enim dormire, est commissorum acta nec scire, nec corrigere. Non autem dormire, sed dormitare, est quæ quidem reprehendenda sunt cognoscere, sed tamen propter mentis tædium dignis ea increpationibus non emendare. Dormitandum verò oculus ad plenissimum somnum ducitur: quia dum plerumque qui præest, malum quod cognoscit non refecat, ad hoc quandoque negligentia suæ merito peruenit, ut quod à subiectis delinquitur, nec agnoscat. Admonendi sunt itaque qui præsent, ut per circumspectionis studium oculos perui-giles intus & in circuitu habeant, & cœli animalia fieri contendunt. Ostensa quippe cœli animalia in circuitu & intus oculis plena habentur, & sic describuntur. Dignum quippe est, ut cuncti qui præsent, intus atque in circuitu oculos habeant, quatenus & interno iudici in semetipsis placere studeant, & exempla vitæ exterius præbentes, ea etiam quæ in aliis sunt corrigenda deprehendant. Admonendi sunt subditi ne præpositorum suorum vitam temerè iudicent, si quid eos fortasse agere deprehensibiliter vident: ne vnde mala rectè redarguant, inde per elationis impulsus in profundiora mergantur. Admonendi sunt ne cum culpas præpositorum considerant, contra eos audaciores fiant: sed sic si quæ valde sunt eorum praua, apud semetipsos diiudicent, ut tamen diuino timore constricti, ferre sub eis iugum reuerentia non recusent. Quod melius ostendimus si, David factum ad medium deducamus. Saul quippe persecutor cum ad purgandum ventrem speluncam fuisset ingressus, illic cum viris suis David inerat, qui iam tam longo tempore persecutionis eius mala tolerabat. Cumque eum viri sui ad feriendum Saul accenderent, fregit eos responsionibus, quia manum mittere in Christum Domini non deberet. Qui tamè occultè surrexit, & oram chlamydis eius abscondit. Quid enim per Saul nisi mali rectores, quid per David nisi boni subditi designantur? Saul igitur ventrem purgare, est prauos præpositos concepta in corde malitiam usque ad opera miseri odoris extendere, & cogitata apud se noxia factis exterioribus exequenda monstrare. Quem tamen David ferire metuit, quia piæ subditorum mentes ab omni se peste obrectationis abstinences, præpositorum vitâ nullo linguæ gladio percutiunt, etiâ cum de imperfectione reprehendunt. Qui & si quando pro infirmitate sese abstinere vix possunt, ut extrema quædam atque exteriora præpositorum mala, sed tamen humiliter loquantur, quasi oram chlamydis silenter incidunt: quia videlicet dum prælatæ dignitati saltem innoxie & latenter derogant, quasi regis superpositi vestem tunc secant, sed tamen ad semetipsos redeunt, seque vehementissimè vel de tenuissima verbi laceratione reprehendunt. Vnde bene & illic scriptum est: Post hæc David percussit cor suum, eò quod abscondisset oram chlamydis

Ibidem.

Ibidem.

2. quæst. 7. Admonendi.

1. Reg. 18.

† al. fœd. d. t.

2. Reg. 12.

Lucæ 6. Ibidem.

Coloss. 4. Ibidem.

Prover. 6.

Saül. Facta quippe præpositorum oris gladio ferienda non sunt, etiam cum recte reprehendenda iudicantur. Si quando verò contra eos vel in minimis lingua labitur, necesse est ut per afflictionem penitentia cor prematur, quatenus ad semetipsum redeat, & cum præpositæ potestati deliquerit, eius contra se iudicium à quo sibi prælata est perhorrescat. Nam cum in præpositis delinquimus, eitis ordinationi qui eos nobis prætulit obuiamus. Vnde Moyses quoque cum contra se & Aaron conqueri populum cognouisset, ait: Nos enim quid sumus? Nec contra nos est murmur vestrum, sed contra Dominum.

Admonitio VI.

Aliter admonendi sunt serui, atque aliter Domini. Serui scilicet ut in se semper humilitatem conditionis aspiciant, Domini verò, ut naturæ suæ quæ æqualiter sunt cum seruis conditi, memoriam non emittant. Serui admonendi sunt ne dominos despiciant, ne Deum offendant si ordinationi illius superbiendo contradicant. Domini quoque admonendi sunt, quia contra Deum de munere eius superbiunt, si eos quos per conditionem tenent subditos, æquales sibi per naturæ confortium non cognoscant. Isti admonendi sunt ut sciant se seruos esse dominorum: illi admonendi sunt ut cognoscant se conseruos esse seruorum. Istis nanque dicitur: Serui obedite dominis carnalibus. Et rursum: Quicumque sunt sub iugo seruitutis, dominos suos omni honore dignos arbitrentur. Illis autem dicitur: Et vos domini eadem facite illis, remittentes minas, scientes quod & illorum & vester Dominus est in cœlis.

Admonitio VII.

Aliter admonendi sunt sapientes huius seculi, atque aliter hebetes. Sapientes quippe, admonendi sunt, ut sciant amittere quæ sciunt. Hebetes quoque admonendi sunt, ut appetant scire quæ nesciunt. In illis hoc primum destruendum est quod se sapientes arbitrantur: in istis iam ædificandum est quicquid de superna sapientia cognoscitur: quia dum minimè superbiunt, quasi ad suscipiendum ædificium corda paraauerunt. Cum illis laborandum est, ut sapientius stulti fiant, stultam autem sapientiam deserant, & sapientem Dei stultitiam discant: istis verò prædicandum est, ut ab ea quæ putatur stultitia, ad veram sapientiam viciniùs transeant. Illis nanque dicitur: Si quis videtur inter vos sapiens esse in hoc seculo, stultus fiat ut sit sapiens. Istis verò dicitur: Non multi sapientes secundum carnem. Et rursum: Quæ stulta sunt huius mundi elegit Deus, ut confundat sapientes. Illos plerunque rationationis argumenta, istos nonnunquam melius exempla conuertunt. Illis nonnunquam prodest, ut in suis allegationibus victi iaceant: istis verò aliquando sufficit, ut laudabilia aliorum facta cognoscant. Vnde & magister egregius dicit: Sapientibus & insipientibus debitor sum, cum Hebræorum quosdam sapientes, quosdam verò etiam tardiores admoneret, illis de completionem testamenti veteris loquens, eorum sapientiam argumento superauit dicens: Quod enim antiquatur & fenescit, prope interitum est. Cum verò solis exemplis quosdam trahendos ad se cerneret, in eadem epistola adiunxit: Sancti ludibria & verbera experti, insuper & vincula & carceres, lapidati sunt, secti sunt, tentati sunt, in occisione gladii mortui sunt. Et rursum: Mementote præpositorum vestrorum qui vobis locuti sunt verbum Dei, quorum intuètes exitum conuersationis, imitamini fidem, quatenus & illos victrix ratio frangeret, & istos ad maiora conscendere imitatio blanda suaderet.

Admonitio VIII.

Aliter admonendi sunt impudentes, atque aliter verecundi. Illos nanque ab impudentiæ vitio non nisi increpatio dura compescit, istos autem plerunque ad melius exhortatio modesta componit. Illi se delinquere nesciunt, nisi etiam à pluribus increpentur: istis plerunque ad conuersionem sufficit, quod eis doctor malus saltem leniter ad memoriam reducit. Illos melius corrigit qui inuehendo reprehendit: istis autem maior profectus adducitur, si hoc quod in eis reprehenditur, quasi ex latere tangatur. Impudentem quippe Iudæorum plebem Dominus aperte increpans ait: Fronis mulieris meretricis facta est tibi, noluiisti erubescere. Et rursum *Esai. 54.* verecundantem refouet dicens: Confusionis adolescentiæ

tua obliuisceris, & opprobrij viduitatis tuæ non recordaberis, quia dominabitur tui qui fecit te. Impudenter quoque delinquentes Galatas aperte Paulus increpat dicens: O insensati Galatæ, quis vos fascinauit? Et rursum: Sic stulti estis ut cum spiritu cœperitis, nunc carne consumamini? Culpas verò verecundantiùm quasi compatiens reprehendit dicens: Gauisus sum in Domino vehementer, quoniam tandem aliquando resloruistis pro me sentire sicut & sentiebatis, occupati enim eratis: Ut & illorum culpas increpatio dura detegeret, & horum negligentiam sermo mollior velaret.

Admonitio IX.

Aliter admonendi sunt proterui, atque aliter pusillanimes. Illi enim dum valde de se præsumunt, exprobrando cæteros dedignantur: isti autem dum nimis infirmitatis suæ sunt consci, plerunque in desperationem cadunt. Illi singulariter summa æstimant cuncta quæ agunt, isti vehementer despecta putant esse quæ faciunt, & idcirco in desperatione franguntur. Subtiliter itaque ab arguente discutienda sunt opera proteruorum, ut in quo sibi placent, ostendantur, quia Deo displicet. Tunc enim proteruos melius corrigimus, cum ea quæ bene egisse se credunt, malè acta monstramus, ut vnde adepta creditur gloria, inde utilis subsequatur confusio. Nonnunquam verò cum se vitium proteruiæ minimè perpetrare cognoscunt, compendiosius ad correctionem veniunt, si alterius culpæ manifestioris & ex latere requisitæ improprio confundantur: ut ex eo quod defendere nequeunt, cognoscant se tenere improbè quod defendunt. Vnde cum proteruè Paulus Corinthios aduersum se inuicem videret inflatos, ut alius Pauli, alius Apollo, alius Cepha, alius Christi esse se diceret, incesti culpam in medium deduxit, quæ apud eos & perpetrata fuerat, & incorrecta remanebat, dicens: Auditur inter vos fornicatio, & talis fornicatio, qualis nec inter gentes, ita ut uxorem patris quis habeat. Et vos inflati estis, & non magis luctum habuistis ut tolleretur de medio vestrum qui hoc opus fecit, ac si aperte dicat: Quid vos per proteruiam huius vel illius dicitis, qui per dissolutionem negligentiæ nullius vos esse monstratis? At contra pusillanimes aptius ad iter bene agendi reducimus, si quædam bona illorum ex latere requiramus, ut dum in eis alia reprehendendo corripimus, alia amplectendo laudemus, quatenus eorum teneritudinem laus audita nutriat, quam culpa increpita castigat. Plerunque autem utilius apud illos proficimus, si & eorum bene gesta memoramus. Et siqua ab eis inordinatè gesta sunt, non iam tãquam perpetrata corripimus, sed quasi adhuc ne perpetrari debeant prohibemus: ut & illa quæ approbamus, illatus fauor augeat, & contra ea quæ reprehendimus, magis apud pusillanimes exhortatio verecunda conualecat. Vnde idem Paulus cum Thessalonicenses in accepta prædicatione perdurantes, quasi de vicino mudi termino quadam cognosceret pusillanimitate turbatos, prius in eis quæ fortia prospicit laudat, & cautè monendum postmodum quæ infirma sunt, roborat. Ait enim: Gratias agere debemus Deo semper pro vobis fratres, ita ut dignum est, quoniam supercreuit fides vestra & abundat charitas vniuscuiusque vestrum inuicem, ita ut & nos ipsi in vobis gloriemur in Ecclesiis Dei pro patientia vestra & fide. Et cum blâda hæc vitæ eorum præconia præmisisset, paulò post subdidit dicens: Rogamus autem vos fratres per aduentum Domini nostri Iesu Christi, & nostræ cõgregationis in idipsum, ut non citò moueamini à vestro sensu neque terreamini, neque per spiritum, neque per sermonem, neque per Epistolam tãquam per nos missam, quasi instet dies Domini. Egit enim verus doctor ut prius audirent laudati quod cognoscerent, & postmodum quod exhortati sequerentur: quatenus eorum mentem ne commotio subiuncta cõcuteret, laus præmissa solidaret, & qui commotos eos vicini finis suspicione cognouerant, non iam redarguebat motos, sed quasi transacta nesciens adhuc commoueri perhibebat: ut dum de ipsa lenitate monitionis prædicatori suo se cognitos crederent, tantò reprehensibiliores fieri, quantò & cognosci ab illo formidarent.

Admonitio X.

Aliter admonendi sunt impatientes, atque aliter patientes. Dicendum nanque est impatientibus, quia dum refrenare spiritum negligunt, per multa etiam quæ non appetunt,

tunt, iniquitatum abrupta rapiuntur: quia videlicet mentem impellit furor quod non trahit desiderium, & agit commota velut nesciens unde possit doleat sciens. Dicendum quoque est impatientibus, quia dum motionis impulsu precipites, quendam velut alienati peragunt, vix mala sua postquam fuerint perpetrata cognoscunt. Qui dum perturbationi suae minimè obfistunt, etiam si qua à se tranquilla mente fuerant bene gesta confundunt, & improviso impulsu destruunt quicquid forsitan diu labore prouido construxerunt. Ipsa nanque quae mater est omnium custodisque virtutum, per impatientiae vitium virtus amittitur charitatis. Scriptum quippe est: Charitas patiens est. Igitur cum minimè est patiens, charitas non est. Per hoc quoque impatientiae vitium ipsa virtutum nutritrix doctrina dissipatur. Scriptum namque est: Doctrina viri per patientiam noscitur. Tantò ergo quisque minus ostenditur doctus, quàm minus conuincitur patiens. Neque enim potest veraciter bona docendo impendere, si viuendo nescit æquanimiter aliena mala tolerare. Per hoc quoque impatientiae vitium plerumque mentem arrogantiae culpa transfigit: quia dum despici in mudo hoc quisque non patitur, bona siqua sibi occulta sunt, ostentare conatur, atque sic per impatientiam vsque ad arrogantiam ducitur. Dumque ferre despectionem non potest, detegendo semetipsum in ostentatione gloriatur. Vnde scriptum est: Melior est patiens arrogante. Quia videlicet eligit patiens quolibet mala perpeti, quàm per ostentationis vitium bona sua occulta cognosci. At contrà eligit arrogans bona de se vel falsa iactari, ne mala possit vel minima perpeti. Quia igitur cum patientia relinquitur, etiam bona reliqua quae iam gesta sunt destruuntur, rectè ad Ezechielem in altari Dei fieri fossa praecipitur, vt in ea videlicet superposita holocausta seruentur. Si enim in altari fossa non esset, omne quod in eo sacrificium reperiret, superueniens aura dispergeret. Quid verò accipimus altare Dei nisi animam iusti, quae quot bona egerit, tot super se ante eius oculos sacrificia imponit? Quid enim est altaris fossa nisi bonorum patientia, quae dum mentem ad aduersa toleranda humiliat, quasi more fossae hanc in imo positam demonstrat? Fossa ergo in altari fiat, ne superpositum sacrificium aura dispergat, id est, electorum mens patientiam custodiat, ne commota vento impatientiae, & hoc quod bene operata est amittat. Bene autem haec eadem fossa vnus cubiti esse memoratur: quia nimirum si patientia non deseritur, vnitatis mensura seruatur. Vnde & Paulus ait: Inuicem onera vestra portare, & sic adimplebitis legem Christi. Lex quippe Christi est charitas vnitatis, quam soli perficiunt, qui nec cum grauantur excedunt. Audiant impatientes quod scriptum est in proverbiis: Melior est vir patiens viro forti, & qui dominatur animo suo, expugnatore urbium. Minor enim est victoria urbium, quia extra sunt quae subiugantur. Valde autem maius est quod per patientiam vincitur: quia ipse à se animus superatur, & is semetipsum sibi metipsum subiicit, quando eum patientia intra se frenari compellit. Audiant impatientes quod electis suis veritas dicat: In patientia vestra possidebitis animas vestras. Sic enim conditi mirabiliter sumus, vt ratio animam, & anima possideat corpus. Ius verò animae à corporis possessione repellitur, si non prius anima à ratione possidetur. Custodem igitur conditionis nostrae patientiam Dominus esse monstrauit: quia in ipsa nos possidere nosmetipsos docuit. Quanta ergo sit impatientiae culpa cognoscimus, per quam & haec ipsum amittimus. Audiant impatientes quod per Salomonem rursum dicitur: Totum spiritum suum proferat stultus, sapiens autem differt & reseruat in posterum. Impatientia quippe impellente agitur, vt totus foras spiritus proferatur, quem idcirco perturbatio citius elicit, quia nulla interius disciplina sapientiae circumcludit. Sapiens autem differt & reseruat in posterum. Laesus enim in praesenti se vlcisci non desiderat, qui etiam tolerans parci optat, sed tamen iuste vindicari omnia extremo iudicio non ignorat. At contrà admonendi sunt patientes, in eo quod exterius portant interius doleant: ne tantae virtutis sacrificium quod integrum foras immolant, intus malitiae peste corrumpant, & cum ab hominibus non agnoscitur, sed tamen sub diuina examinatione peccatur, tantò deterior culpa doloris fiat, quantum sibi ante homines virtutis speciem vendicat. Dicendum

Tomus primus.

itaque est patientibus vt studeant diligere quos sibi necesse est tolerare, ne si patientiam dilectio non sequatur, in deteriorem culpam odij virtus offensa vertatur. Vnde Paulus cum diceret: Charitas patiens est, ilico adiunxit: Benigna est, videlicet ostendens, quia quos ex patientia tolerat, amare etiam ex benignitate non cessat. Vnde idem doctor egregius cum patientiam discipulis suaderet dicens: Omnis amaritudo, & ira & indignatio, & clamor, & blasphemia auferatur à vobis cum omni malitia, quasi cunctis exterius iam bene compositis, ad interiora conuertitur, dum subiungit: Cum omni malitia. Quia nimirum frustra indignatio, clamor & blasphemia ab exterioribus tollitur, si in interioribus vitiorum mater malitia dominatur. Et in casum foras nequitia ex ramis inciditur, si surreptura multiplicis intus in radice fertur. Vnde & per semetipsam veritas quoque dicit: Diligite inimicos vestros, & benefacite his qui oderunt vos, & orate pro persequentibus & calumniantibus vos. Virtus itaque est coram hominibus, aduersarios tolerare, sed virtus coram Deo diligere: quia hoc solum Deus sacrificium accepit, quod quidem ante eius oculos in altari boni operis flamma charitatis incendit. Hinc est quod rursum quibusdam patientibus nec tamen diligentibus dicit: Quid autem vides festucam in oculo fratris tui, & trabem in oculo tuo non vides? Perturbatio quippe impatientiae festuca est, malitia verò in corde, trabes in oculo. Illam nanque aura tentationis agitat, hanc autem consummata nequitia penè immobiliter portat. Rectè verò illic subiungitur: Hypocrita eiece primum trabem de oculo tuo, & tunc videbis eiecere festucam de oculo fratris tui: ac si dicatur menti iniquae interius dolenti, & sanctam se exterius per patientiam demonstranti, prius à te molem malitiae excute, & tunc alios de impatientiae leuitate reprehende: ne dum non studes simulationem vincere, peius tibi sit aliena praua tolerare. Euenire etiam plerumque patientibus solet, vt eo quidem tempore quo vel aduersa patiuntur, vel contumelias audiunt, nullo dolore pulsantur, & sic patientiam exhibeant, vt custodire etiam cordis innocentiam non omittant: sed cum post paululum haec ipsa quae pertulerunt ad memoriam reuocant, igne se doloris inflammant, argumenta vltionis inquirunt, & mansuetudinem quam tolerantes habuerunt, retractantes in malitiam vertunt. Quibus citius à praedicatione succurritur, si quae sit huius permutationis causa pandatur. Callidus nanque aduersarius bellum contra duos mouet, vnum videlicet inflammans vt contumelias prior inferat, alterum prouocans vt contumelias laesus reddat. Sed plerumque dum iam huius victor est qui iniuriam persuasus irrogat, ab illo vincitur qui illatam contumeliam sibi æquanimiter portat. Vnius ergo victor quae commouendo subiugauit, tota contra alterum virtute se erigit, eumque obfistentem fortiter & vincentem dolet, quem quia commouere in ipsa contumeliarum iaculatione non potuit, ab aperto certamine interim quiescens, & secreta suggestione cogitationem laceffens, aptum tempus deceptionis inquit. Quia enim publico bello victoriam perdidit, ad excendas occultè insidias exardescit. Quietis nanque tempore iam ad victoris animu redit, & vel rerum damna aut iniuriarum iacula ad memoriam reducit, cunctaque, quae sibi illata sunt, vehementer exaggerans intolerabilia ostendit. Tantòque mentem merore conturbat, vt plerumque vir patiens illa se æquanimiter tolerasse post victoriam captius erubescat, seque non reddidisse contumelias doleat, & deteriora rependere si occasio praebetur, querat. Quibus ergo isti similes sunt, nisi his qui per fortitudinem in campo victores sunt, sed per negligentiam postmodum intra urbis claustra capiuntur? Quibus sunt similes, nisi iis quos irruens grauis languor à vita non subtrahit, sed leuiter veniens recidiva febris occidit? Admonendi sunt igitur patientes, vt corpus victoria muniant, vt hostem publico bello superatum insidiari mœniis mentis intendat, & languorem plus repentem timeant, ne hostis callidus eò in deceptione postmodum maiori exultatione gaudeat, quod illa dudum contra se rigida colla victorum calcat.

Admonitio XI.

Aliter admonendi sunt beneuoli, atque aliter inuidi. Admonendi nanque sunt beneuoli, vt sic alienis bonis con-

F

gaudeant, quatenus habere & propria concupiscant. Sic proximorum facta diligendo laudent, ut ea etiam imitando multiplicent: ne si in hoc presentis vitæ studio ad certamen alienum deuoti fautores sed pigri spectatores assint, eò post certamen sine brauiò remaneat, quò nunc in certamine non laborant, & tunc eorum palmas afflicti respiciant, in quorum nunc laboribus otiosi perdurant. Valde quippe peccamus, si aliena bene gesta non diligimus. Sed nihil mercedis agimus, si ea quæ diligimus, inquantum possumus non imitamur. Dicendum itaque est beneuolis, quia si imitari bona minimè festinent, quæ laudantes approbant, sic eis virtutum sanctitas sicut stultis spectatoribus ludicarum artium vanitas placet. Illi nanque aurigarum & histrionum gesta fauoribus efferunt, nec tamen tales esse desiderant, quales illos conspiciunt esse quos laudant, mirantur eos placita egisse, sed tamen deuitant similiter placere. Dicendum est beneuolis ut cum proximorum facta conspiciant, ad suum cor redeant, & de alienis actibus non presumant, ne bona laudent & agere recusent. Grauius quippe extrema ultione feriendi sunt, quibus placuit quod imitari noluerunt. Admonendi sunt inuidi ut perpendant quantæ cecitatis sunt, qui alieno profectu deficiunt, aliena exaltatione contabescunt. Quantæ felicitatis sunt qui melioratione proximi deteriores fiunt, dumque augmenta alienæ prosperitatis aspiciunt, apud semetipsos anxij afflicti cordis sui peste moriuntur? Quid istis infelicius, quos dum conspecta felicitas afficit, poena nequiores reddit? Aliorum verò bona quæ habere non possunt, si diligenter, sua facerent. Sic quippe sunt vniuersi consistentes in fide sicut multa membra vno continentur in corpore, quæ per officium quidem diuersa sunt, sed eo quo sibi vicissim congruunt, vnum fiunt. Vnde fit ut pes per oculum videat, & per pedes oculi gradiantur, ori auditus aurium seruiat, & ad usum suum auribus oris lingua concurrat, suffragetur venter manibus, ventri operentur manus. In ipsa igitur corporis positione accipimus, quod in actione seruemus. Nimis itaque turpe est non imitari quod sumus. Nostra sunt nimirum, quia etsi imitari non possumus, amamus in aliis, & amantium fiunt quæque amantur in nobis. Hinc ergo present inuidi, charitas quantæ virtutis est, quæ alieni quoque laboris opera nostra facit sine labore. Dicendum itaque est inuidis, quia dum se à liuore minimè custodiunt, in antiquam versuti hostis nequitiam demerguntur. De illo nanque scriptum est: Inuidia autem diaboli mors intrauit in orbem terrarum. Quia enim ipse malignus spiritus aduersarius noster cælum perdidit, condito ad hoc homini inuidit, & damnationem suam perditus adhuc alios perdendo cumulauit. Admonendi sunt inuidi, ut cognoscant quantis lapsibus succrescentis ruinæ subiacent: quia dum liuorem à corde non proiciunt, ad apertas operum nequitiæ deuoluuntur. Nisi enim Cain inuidisset fratris acceptam hostiam, minimè peruenisset ad extinguendam vitam. Vnde scriptum est: Respexit Dominus ad Abel & ad munera eius, ad Cain verò & ad munera eius non respexit. Iratusque est Cain vehementer, & concidit vultus eius. Li-uor itaque sacrificij fratricidij seminarium fuit. Nam quem meliorem se esse doluit, ne utcumque esset amputauit. Dicendum est inuidis, quia dum se ista intrinsecus peste consumunt, etiam quicquid in se aliud boni habere videntur interimunt. Vnde scriptum est: Vita carniū sanitas cordis, putredo ossium inuidia. Quid enim per carnes nisi infirma quædam ac tenera, & quid per ossa nisi fortia acta signantur? Et plerumque contingit ut quidam cum cordis innocentia in nonnullis suis actibus infirmi videantur, quidam verò iam quædam ante humanos oculos robusta exerceant, sed tamen erga aliorum bona intus inuidiæ pestilentia tabescant. Bene ergo dicitur: Vita carniū sanitas cordis: quia si mentis innocentia custoditur, etiam si qua foris infirma sunt quandoque roborantur. Et rectè illic subditur, Putredo ossium inuidia, quia per liuoris vitium ante Dei oculos pereunt etiam quæ humanis oculis fortia videntur. Ossia quippe per inuidiam putrescere, est quædam etiam robusta deperire.

Admonitio XII.

Aliter admonendi sunt simplices, atque aliter impuri. Laudandi sunt simplices quod studeant nunquam falsa

dicere, sed admonendi sunt ut nouerint nonnunquam verareticere. Sicut enim semper dicentem falsitas læsit, ita nonnunquam quibusdam audita veritas nocuit. Vnde coram discipulis Dominus locutionem suam silentio tēperans ait: Multa habeo vobis dicere, sed nunc non potestis illa portare. Admonendi sunt igitur simplices ut sicut fallaciam semper vtiliter vitant, ita veritatem semper vtiliter proferant. Admonendi sunt, ut simplicitatis bono prudentiam adiungant, quatenus sic securitatem de simplicitate possideant, ut circumspectionem prudentiæ non amittant. Hinc nanque per doctorem gentium dicitur: Volo vos sapientes esse in bono, simplices autem in malo. Hinc electos suos per semetipsam veritas admonet dicens: Estote prudentes sicut serpentes, & simplices sicut columbæ. Quia videlicet in electorum cordibus debet & simplicitatem columbæ astutia serpentis acueri, & serpentis astutiam columbæ simplicitas temperare, quatenus nec seducti per prudentiam calleant, nec ab intellectus studio ex simplicitate torpescant. At contra admonendi sunt impuri, ut quàm grauis sit quæ cum culpa sustinent duplicis laboris agnoscant: dum enim deprehendi metuunt, semper improbas defensiones quarunt, semper pauidis suspicionibus agitantur. Nihil autem est ad defendendum puritate tutius, nihil ad dicendum veritate facilius. Nam dum falsitatem suam tueri conantur, duro cor labore fatigatur. Hinc nanque scriptum est: Labor laborum suorum operiet eos. Qui enim nunc implet tunc operiet: quia cuius nunc animum per blandam inquietudinem erexit, tunc per asperam retributionem premit. Hinc per Hieremiam dicitur: Docuerunt linguam suam loqui mendacium, ut iniquè agerent laborauerunt: ac si aperte diceretur: Qui amici esse veritatis potuerunt sine labore, ut peccent laborant: cumque viuere simpliciter renunt, laboribus exigunt ut moriantur. Nam plerumque in culpa deprehensi, dum quales sint cognosci refugiunt, sese sub fallaciæ velamine abscondunt, & hoc quod peccant, quodque iam aperte cernitur, excusare moluntur, ita ut sæpe is qui eorum culpas & corripere studet, asperse falsitatis nebulis seductus, penè amisisse se videat quod de eis iam certum tenebat. Vnde rectè sub Iudææ specie per Prophetam contra peccantem animam excusantemque se, dicitur: Ibi habuit foueam herici. Herici quippe nomine impuræ mentis seseque callidè defendentis duplicitas designatur: quia videlicet hericius cum apprehenditur: & caput eius cernitur, & pedes videntur, & corpus omne conspicitur, sed mox ut apprehensus fuerit, semetipsum in spheram colligit, & pedes introrsus subtrahit, caput abscondit, & intra tenentis manus totus simul amittitur, qui totus simul ante videbatur. Sic nimirum sic impuræ mentes sunt, cum in suis excessibus comprehenduntur. Caput enim herici cernitur: quia quo initio ad culpam peccator accesserit videtur. Pedes herici conspiciuntur: quia quibus vestigiis nequitia sit perpetrata cognoscitur: & tamen adductis repetè excusationibus impura mens introrsus pedes colligit: quia cuncta iniquitatis suæ vestigia abscondit. Caput subtrahit, quia miris defensionibus nec inchoasse se malum aliquod ostendit. Et quasi sphaera in manu tenentis remanet: quia is qui corripit, cuncta quæ iam cognouerit, subito amittens inuolutum intra conscientiam peccatorem tenet, & qui totum iam deprehendendo viderat, tergiuersatione prauæ defensionis illusum totum pariter ignorat. Foueam ergo habet hericius in reprobis, quia malitiöse mentis duplicitas sese intra se colligens abscondit in tenebris defensionis. Audiant impuri quod scriptum est: Qui ambulat simpliciter, ambulat confidenter. Fiducia quippe magnæ securitatis, est simplicitas actionis. Audiant quod sapientis ore dicitur: Spiritus sanctus discipline effugiet fictum. Audiant quod scriptura rursum testatur: Cum simplicibus sermocinatio est. Deo enim sermocinari, est per illustrationem suæ præsentia humanis mentibus arcana reuelare. Cum simplicibus igitur sermocinari dicitur: quia de supernis mysteriis illorum mentes radio suæ visitationis illuminat, quos nulla vmbra duplicis obscurat. Est enim speciale duplicium malum: quia dum peruersa & duplici actione ceteros fallit, quasi præstantius ceteris prudens se esse gloriatur. Et quia distributionem retributionis non considerat, de damnis suis miseri exultant.

Sapient. 2.

Gene. 4.
Ibidem.

Prover. 14.

Roma. 16.

Math. 10.

Psalm. 139.

Hiere. 9.

Esai. 34.

Prover. 10.

Sapient. 1.

Prover. 3.

Sopb. 1.

tant. Audiant autem quomodo super illos propheta Sophonias vim diuinæ animaduersionis intendat dicens: Ecce dies Domini venit magnus, & horribilis dies illa dies iræ, dies tenebrarum & caliginis, dies nebulæ & turbinis, dies tubæ & clangoris super omnes ciuitates munitas, & super omnes angulos excelsos. Quid enim per ciuitates munitas exprimitur, nisi suspectæ mentes & fallaci semper defensione circumdata, quæ quoties earum culpa corripitur, veritatis ad se iacula non admittunt? Et quid per excelsos angulos, nisi duplicitas impuræ mentis intelligitur? Duplex quippe semper est in angulis paries. Quid per angulos parietis nisi impura corda signantur? Quæ dum veritatis simplicitatem fugiunt, ad semetipsa quodammodo dupliciter peruersitate replicantur. Et quod est deterius, apud cogitationes suas in fastu prudentiæ ex ipsa se culpa impuritatis extollunt. Dies igitur Domini vindictæ atque animaduersionis plena super ciuitates munitas & super excelsos angulos venit, quia ita extremi iudicii humana corda & defensionibus contra veritatem clausa destruit, & duplicitatibus inuoluta dissoluit. Tunc enim munitæ ciuitates cadunt, quia mentes Deo suspectæ damnantur. Tunc excelsi anguli corruunt: quia corda quæ se per impuritatis prudentiam erigunt, per iustitiæ sententiam prosternuntur.

Admonitio XIII.

2. Corin. 6.

Prouer. 1.

Ibidem.

Prouer. 9.

Ibidem.

Ibidem.

Aliter admonendi sunt incolumes, atque aliter ægri. Admonendi sunt incolumes ut salutem corporis exercent ad salutem mentis: ne si acceptæ incolumitatis gratiam ad vsum nequitie inclinant, dono deteriores fiant, & eò postmodum supplicia grauiora mereantur, quò nunc largioribus bonis Dei malè uti non metuunt. Admonendi sunt incolumes, ne opportunitatem salutis in perpetuum promerendæ despiciant. Scriptum nanque est: Ecce nunc tempus acceptabile, ecce nunc dies salutis. Admonendi sunt ne placere Deo si cum possunt noluerint, cum voluerint serò non possint. Hinc est enim quòd eos post sapientia deserit, quos prius diutius reuocantes vocauit, dicens: Vocauit & renuistis, extendi manum meam, & non fuit qui aspiceret. Despexistis omne consilium meum, & increpationes meas neglexistis. Ego quoque in interitu vestro ridebo, & subsannabo cum vobis quod timebatis aduenerit. Et rursum: Tunc inuocabunt me, & non exaudiam, manè consurgent, & non inuenient me. Salus itaque corporis quando ad bene operandum accepta despicitur, quanti sit muneris amissa sentitur. Et infructuosè ad vltimum queritur quæ congruo concessa tempore vtiliter non habetur. Vnde bene per Salomonem rursum dicitur: Ne des alienis honorem tuum, & annos tuos crudeli, ne fortè impleantur extranei viribus tuis, & labores tui sint in domo aliena, & gemas in nouissimis quando consumpseris carnem & corpus tuum. Qui nanque alieni nobis sunt, nisi maligni spiritus, qui à cœlestis sunt patriæ sorte separati? Quis verò honor noster est, nisi quia in luteis corporibus conditi ad conditoris tamen nostri sumus imaginem & similitudinem creati? Vel quis alius crudelis est, nisi ille angelus apostata, qui & semetipsum pœna mortis superbiendo perculit, & inferre mortem humano generi etiam perditus non pepercit? Honorem itaque suum alienis dat, qui ad Dei imaginem & similitudinem conditus, vitæ suæ tempora malignorum spirituum voluntatibus administrat. Annos etiam suos crudeli tradit, qui ad voluntatem malè dominantis aduersarij accepta viuendi spatia expendit. Vbi bene subditur: Ne fortè impleantur extranei viribus tuis & labores tui sint in domo aliena. Quisquis enim per acceptam valetudinem corporis, per tributam sibi sapientiam mentis non exercendis virtutibus, sed perpetrandis vitiis elaborat, nequaquam suis viribus suam domum, sed extraneorū habitacula, id est, immundorum spirituum facta multiplicat, nimirum vel luxuriando, vel superbiendo agens ut etiam se addito perditorum numerus crescat. Bene autem subditur: Et gemas in nouissimis quando consumpseris carnem & corpus tuum. Plerunque accepta salus carnis per vitia expenditur, sed cum repete subtrahitur, cum molestiis caro atteritur, cum iam egredi anima vrgetur, diu malè habita quasi ad bene viuendum salus amissa requiritur. Et tunc gemunt homi-

Tomus primus.

Anes quod Deo seruire noluerunt, quando damna negligentie suæ recuperare seruiendo nequaquam possunt. Vnde aliàs dicitur: Cum occideret eos, tunc requirebant eam. At contra admonendi sunt ægri, ut eò se filios Dei sentiant quòd illos disciplinæ flagella castigant. Nisi enim correctis hæreditatem dare disponderet, erudire eos per molestias non curaret. Hinc nanque ad Ioannem Dominus per angelum dicit: Ego quos amo arguo & castigo. Hinc rursum scriptum est: Filii mi noli negligere disciplinam Domini, neque fatigeris cum ab eo argueris. Quem enim diligit Dominus castigat, flagellat autem omnem filium quem recipit. Hinc Psalmista ait: Multæ tribulationes iustorum, & de omnibus his liberauit eos Dominus. Hinc quoque beatus Iob in dolore exclamans ait: Si iustus fuero non leuabo caput, saturatus afflictione & miseria. Dicendum est ægris, ut si cœlestem patriam suam esse credunt, necessariò in hac labores velut in aliena patientur. Hinc est enim quòd lapides extra tursi sunt, ut in constructione templi Domini absque mallei sonitu ponerentur: quia videlicet nunc foris per flagella tūdimur, ut intus in templum Dei postmodum sine disciplinæ percussione disponamur: quatenus quicquid in nobis est superfluum, modò percussio rescet & tunc sola nos in ædificio concordia charitatis liget. Admonendi sunt ægri, ut considerent pro percipiendis terrenis hæreditatibus, quomodo dura carnales filios disciplinæ flagella castigent. Quæ ergo nobis diuinæ correptionis pœna grauis est, per quem & nunquam amittenda hæreditas percipitur, & semper mansura supplicia vitantur? Hinc etenim Paulus ait: Patres quidem carnis nostræ habuimus eruditores, & reuerbamur eos, nonne multo magis obtemperabimus patri spiritui & viuemus? Et illi quidem in tempore paucorum dierum secundum voluntatem suam erudiebant nos: hic autem ad id quòd vtile est in recipiendo sanctificationem eius. Admonendi sunt ægri, ut considerent quanta salus cordis sit molestia corporalis, quæ ad cognitionem sui mētem reuocat, & quam plerunque salus abiicit, infirmitatis memoria reformat: ut animus qui extra se in elationem ducitur, cui sit conditioni subditus, ex percussa quam sustinet carne memoretur. Quòd rectè per Balaam, si tamen vocem Dei subsequi obediendo voluisset, in ipsa eius itineris retardatione signatur. Balaam namque ut perueniret ad propositum tendit, sed eius votum animal cui præfedit, præpedit. Prohibitione quippe immorata a sine angelum videt, quem humana mens non videt: quia plerunque caro per molestias tarda flagello suo menti Deum indicat, quem mens ipsa carni præsidens non videbat: ita ut anxietatem spiritus proficere in hoc mundo cupientis, velut iter tendentis impediat, donec ei inuisibilem qui sibi obuiat innotescat. Vnde bene per Petrum dicitur: Correctionem habuit suæ vesaniæ subiugalem mutum, quòd in hominis voce loquens prohibuit prophetæ insipientiam. Insanus quippe homo à subiugali muto corripitur, quado elata mens humilitatis bonum quòd tenere debeat ab afflicta carne memoratur. Sed huius correptionis domum idcirco Balaam non obtinuit, quia ad maledicendum pergens vocem non mentem mutauit. Admonendi sunt ægri, ut considerent quanti sit muneris molestia corporalis, quæ & admissa peccata diluit, & ea quæ admitti poterant compescit, quæ sumpta ab exterioribus plagis, concussæ menti pœnitentiæ vulnera infligit. Vnde scriptum est: Liuior vulneris abstergit mala, & plagæ in secretioribus ventris. Mala enim liuior vulneris abstergit, quia flagellorum dolor vel cogitatas, vel perpetratas nequitias diluit. Solet verò ventris appellatione mens plerunque accipi, quia sicut venter consumit escas, ita mens pertractando excoquit curas. Quia enim venter mens dicitur, ea sententia docetur quæ scriptum est: Lucerna Domini spiraculum hominis, qui inuestigat omnia secreta venteris, ac si diceret: Diuini afflatus illuminatio cum in mētem hominis venerit, eam sibi metipsi illuminas ostēdit, quæ ante spiritus sancti aduentū cogitationes prauas & portare poterat, & pēlare nesciebat. Liuior ergo vulneris abstergit mala, & plagæ in secretioribus ventris: quia dū exterius percūtimur, ad peccatorū nostrorum memoriam taciti afflictiq; reuocamur, atque ante oculos nostros cuncta quæ à nobis sunt malè gesta reducimur, & per hoc quòd foris patimur, magis intus quòd fecimus dolemus. Vnde fit ut inter aper-

F ij

ta vulnera corporis amplius nos abluat plaga secreta ventris: quia sanat nequitias pravi operis occultum vulnus doloris. Admonendi sunt ægri, quatenus patientiæ virtutem seruent, ut incessanter quanta redemptor noster ab his quos creauerat pertulit mala considerent: quod tot obiecta conuictorum probra sustinuit: quod de manu antiqui hostis captiuorum animas quotidie rapiens insultantium alapas accepit: quod aqua salutis nos diluens, à perfidorum sputis faciem non abscondit: quod vocatione sua nos ab æternis suppliciis liberans tacitus flagella tolerauit: quod inter angelorum choros perennes nobis honores tribuens, colaphos pertulit: quod à peccatorum nos punctationibus saluans, spinis caput supponere non recusauit: quod æterna nos dulcedine debrians, in siti sua fellis amaritudinem accepit: quod pro nobis patrem quanuis diuinitate esset æqualis adorauit, sub irrisione adoratus tacuit: quod vitam mortuis præparans, vsque ad mortem ipse vita peruenit. Cur itaque asperum creditur ut à Deo homo toleret flagella pro malis, si tanta Deus ab hominibus pertulit mala pro bonis? Aut quis sana intelligentia de percussione sua ingratus existit, si ipse hinc sine flagello non exiit, qui hinc sine peccato vixit?

Admonitio XIII.

Aliter admonendi sunt, qui flagella metuunt, & propter ea innocenter viuunt, atque aliter admonendi sunt qui sic in iniquitate duruerunt, ut neque per flagella corrigantur. Dicendum nanque est flagella timentibus, ut & bona temporalia nequaquam pro magno desiderant, quæ adesse etiam prauis vident, & mala præsentia nequaquam velut intolerabilia fugiant, quibus hinc plerunque etiam bonos affici non ignorant. Admonendi sunt qui flagella metuunt, ut si malis veraciter carere desiderant, æterna supplicia perhorrescant, neque in hoc suppliciorum timore permaneant, sed ad amoris gratiam nutrimento charitatis excrecant. Scriptum quippe est: Perfecta charitas foras mittit timorem. Et rursum scriptum est: Non accepistis spiritum seruitutis iterum in timore, sed spiritum adoptionis filiorum in quo clamamus abba pater. Vnde idem doctor iterum dicit: Vbi spiritus Domini, ibi libertas. Si ergo adhuc à praua actione formidata pœna prohibet, profecto formidantis animum nulla spiritus libertas tenet. Nam si pœnam non metueret, culpam proculdubio perpetraret. Ignorat itaque mens gratiam libertatis, quam ligat seruitus timoris. Bona enim pro semetipsis amanda sunt, & non pœnis compellentibus exequenda. Nam qui propterea bonum facit, quia tormentorum mala metuit, vult non esse quod metuat, ut audacter illicita committat. Vnde luce clarius constat, quod coram Deo innocentia amittitur, ante cuius oculos desiderio peccatur: At contra hi, quos ab iniquitatibus nec flagella compescunt, tantò acriori inuentione feriendi sunt, quantò maiore insensibilitate duruerunt. Plerunque enim sine dedignatione dedignandi sunt, sine desperatione desperandi, ita duntaxat ut & offensa desperatio formidinem incutiat, & subiuncta admonitio ad spem reducat. Districtæ itaque contra illos diuinæ sententiæ proferendæ sunt, ut ad cognitionem sui considerata æterna animaduersione reuocentur. Audiant enim in se impletum esse quod scriptum est: Si contuderis stultum in pila, quasi ptisanas feriente desuper pilo, non auferetur ab eo stultitia eius. Contra hos propheta Domino conqueritur, dicens: Attriuisti eos, & renuerunt accipere disciplinam. Hinc est quod Dominus dicit: Interfeci & peridi populum istum, & tamen à vitiis suis non sunt reuersi. Hinc rursum ait: Populus non est reuersus ad percutientem se. Hinc voce flagellantium propheta Hieremias conqueritur, dicens: Curauius Babylonem, & non est sanata. Babylon quippe curatur, nec tamen ad sanitatem reducitur, quando mens in praua actione confusa verba correctionis audit, flagella correptionis percipit, & tamen ad recta salutis itinera redire contemnit. Hinc captiuo populo Israëlítico, nec tamen ab iniquitate conuerso Dominus exprobat dicens: Versa est mihi domus Israël in scoriam, omnes isti facti sunt mihi æs, & stannum, & ferrum, & plumbum in medio fornacis: ac si aperte dicat: Purgare eos per ignem tribulationis volui, & argentum

E illos vel aurum fieri quæsiui, sed in fornace mihi æs, stannum, & ferrum, & plumbum versi sunt: quia non ad virtutem, sed ad vitia etiam in tribulatione proruperunt. Aes quippe dum percutitur, amplius metallis cæteris sonitum reddit. Qui igitur in percussione positus erumpit ad sonitum murmurationis, in æs versus est in medio fornacis. Stannum verò cum ex arte componitur, argenti speciem mentitur. Qui verò simulationis vitio non caret in tribulatione, stannum factus est in fornace. Ferro autem vitur, qui vitæ proximi insidiatur. Ferrum itaque in fornace est, qui nocendi malitiam non amittit in tribulatione. Plumbum quoque cæteris metallis est grauius. In fornace ergo plumbum inuenitur, qui sic peccati sui pondere premitur, ut etiam in tribulatione positus à terrenis desiderijs non leuetur. Hinc rursum scriptum est: Multo labore sudatum est, & non exiit de ea nimia rubigo eius neque per ignem. Ignem quippe nobis tribulationis admouet, ut in nobis rubiginem vitiorum purget, sed nec per ignem rubiginem amittimus, quando & inter flagella vitio non carem. Hinc Propheta iterum dicit: Frustra conflauit conflator, malitiæ eorum sunt consumptæ. Sciendum verò est, quod nonnunquam cum inter flagellorum duritiæ remanent incorrecti, dulci sunt admonitione mulcendi. Quos enim cruciamenta non corrigunt, nonnunquam ab iniquis actionibus lenia blandimenta compescunt. Quia & plerunque ægros quos fortis pigmentorum potio curare non valuit, ad salutem pristinam tepes aqua reuocauit, & nonnulla vulnera quæ curari incisione nequeunt, fomentis olei sanantur. Et durus adamas incisionem ferri minimè recipit, sed leni hircorum sanguine mollescit.

Admonitio XV.

Aliter admonendi sunt nimis taciti, atque aliter multiloquio vacantes. Insinuari namque nimis tacitis debet, quia quædam vitia incautè fugiunt, occultè deterioribus implicantur. Nam sæpe linguam quia immoderatus premitur, in corde grauius multiloquium tolerant, ut eò plus cogitationes in mente ferueant, quod illas violenta custodia indifcreti silentij angustat. Quæ plerunque tantò latius quoque diffundit, quantò se esse securius æstimaunt, quia foris à reprehensionibus non videntur. Vnde nonnunquam mens in superbiam tollitur, & quos loquentes audit, quasi infirmos despicit. Cumque os corporis claudit, quantum se vitiis superbiendo aperiat non cognoscit. Linguam etenim premit, mentem eleuat. Et cum suam malitiam atque nequitiam minimè considerat, tantò apud se cunctos liberius, quantò & secretius accusat. Admonendi sunt igitur nimis taciti, ut scire sollicitè studeant, non solum quales exterius ostendere, sed etiam quales se debeant interius exhibere: ut plus ex cogitationibus occultum iudicium, quam ex sermonibus reprehensionem metuant proximorum. Vnde per Salomonem quoque scriptum est: Fili mi attende sapientiam meam, & prudentiæ meæ inclina aurem tuam, ut custodias cogitationes. Nihil quippe in nobis est corde fugacius, quod à nobis toties recedit, quoties per prauas cogitationes defluit. Hinc etenim Psalmista ait: Cor meum dereliquit me. Hinc ad semetipsum rediens, ait: Inuenit seruitus tuus cor suum ut oret te. Cum ergo cogitatio per custodiam restringitur, cor quod fugere consuevit, inuenitur. Plerunque autem nimis taciti cum nonnulla iniusta patiuntur, eò in acriorem dolorem prodeunt, quod ea quæ sustinent, non loquuntur. Nam si illatas molestias tranquillè lingue sermone dicerent, à conscientia dolor emanaret. Vulnera enim clausa plus cruciant. Nam cum putredo quæ interius feruet eicitur, ad salutem dolor aperitur. Scire igitur debent, qui plusquam expedit tacent, ne inter molesta quæ tolerant dum linguam tenent, vim doloris exaggerent. Admonendi sunt enim, ut si proximos sicut se diligunt, minimè illis taceant unde eos iuste reprehendant. Vocis enim medicamine vtrorūque salutem cōcurratur, dum & ab illo qui infert, actio praua atque peruersa cōpescitur, & ab hoc qui sustinet, doloris feruor vulneris aperto temperatur. Qui enim proximorum mala respiciunt, & tamen in silentio linguam premunt, quasi cōspectis vulneribus vsum medicaminis subtrahunt, & eo mortis authores fiunt, quo virus quod potuerunt, curare noluerint. Lingua itaque discretè frenanda

1. Ioan. 4.
Roma. 8.

2. Corin. 3.

Prover. 27.

Hier. 5.

Esai. 9.

Hier. 51.

Ezech. 12.

Ezech. 24.

Hier. 6.

Prover. 5.

Psalm. 39.

nanda est, non insalubriter obliganda. Scriptum nanque est: *Eccle. 20.* Sapiens tacebit usque ad tempus: ut nimirum cum opportunum considerat, postposita censura silentij, loquendo quæ congruunt, in usum se utilitatis impendat. Et rursum quoque *Eccle. 3.* scriptum est: Tempus tacendi, & tempus loquendi. Discretè quippe vicissitudinum pensanda sunt tempora, ne aut cum restringi lingua debet, per verba inutiliter defluat: aut cum loqui utiliter potest, semetipsam pigre restringat. Quod bene Psalmista considerans dicit: *Psal. 140.* Pone Domine custodiam ori meo, & ostium circumstantiæ labiis meis. Non enim poni ori suo parietem, sed ostium petit, quod videlicet aperitur & clauditur. Vnde & nobis cautè discendum est, quatenus os discretè & congruo tempore vox aperiat, & rursum congruo taciturnitas claudat. At contrà admonendi sunt multiloquio vacantes, ut vigilantè aspiciant à quanto rectitudinis statu depereunt, dum per multiplicia verba dilabuntur. Humana etenim mens aquæ more & circumclusa ad superiora colligitur: quia illud repetit vnde descendit, & relaxata deperit, quia se per infima inutiliter spargit. Quod enim super se vacuis verbis à silentij sui censura dissipatur, quasi totius extra se ducitur. Vnde & redire interius ad sui cognitionem non sufficit: quia per multiloquium sparsa à secreto se intimæ considerationis excludit. Totam verò se insidiantis hostis vulneribus detegit: quia nulla munitione custodiæ circumcludit. Vnde scriptum est: Sicut vrbs patens & absque murorum ambitu, ita vir qui non potest in loquendo cohibere spiritum suum. Quia enim murum silentij non habet, patet inimici iaculis ciuitas mentis. Et cum se per verba extra semetipsam eiicit, apertam se aduersario ostendit. Quam tantò ille sine labore superat, quantò & ipsa quæ vincitur, contrà semetipsam per multiloquium pugnat. Plerumque autem dum per quosdam gradus desidia mens in lapsum casus impellitur, dum otiosa cauere verba negligimus, ad noxia quandoque perueniens, ut prius loqui aliena libeat, & postmodum detractionibus eorum vitam de quibus loquitur mordeat, ad extremum verò usque ad apertas lingua contumelias erumpat. Hinc seminantur stimuli, oriuntur rixæ, accenduntur faces odiorum, pax extinguatur cordium. Vnde bene per Salomonem dicitur: Qui dimittit aquam, caput est iurgiorum. Aquam quippe dimittere, est linguam in fluxum eloquij relaxare. Quo contrà in bona etiam parte iterum dicitur: Aqua profunda verba ex ore Dei. Qui ergo dimittit aquam, caput est iurgiorum: quia qui linguam non refrenat, concordiam dissipat. Vnde è diuerso scriptum est: Qui imponit stulto silentium, iras mitigat. Quia autem multiloquio quisque seruiens linguam frenare nequiverit, accidit ut rectitudinem iustitiæ tenere nequaquam possit, quod testatur propheta qui ait: Vir linguosus non dirigetur super terram. Hinc quoque Salomon iterum dicit: In multiloquio non deerit peccatum. Hinc Esaias ait: Cultus iustitiæ, silentium: ut videlicet indicans, quia mens à iustitia desolatur, quando ab immoderata locutione non parcitur. Hinc Iacobus ait: Si quis putat se religiosum esse non refrenans linguam suam, sed seducens cor suum, huius vana est religio. Hinc rursum ait: Sit omnis homo velox ad audiendum, tardus autem ad loquendum. Hinc iterum (vim lingue definiens) adiungit: Lingua inquietum malum, plena veneno mortifero. Hinc per semetipsam nos veritas admonet dicens: Omne verbum otiosum quod locuti fuerint homines reddet de eo rationem in die iudicij. Otiosum quippe verbum est, quod aut ratione iustæ necessitatis, aut intentione piæ utilitatis caret. Si ergo de otioso sermone ratio exigitur, pensemus quæ poena multiloquium maneat, in quo etiam per noxia verba peccatur.

Admonitio XVI.

ALiter admonendi sunt pigri, atque aliter præcipites. Illi nanque suadendi sunt ne agenda bona dum differunt amittant: isti verò admonendi sunt ne dum bonorum tempus incautè festinando præueniunt, eorum merita immutent. Pigri itaque intimandum est quod sæpe dum opportunè agere quæ possumus nolumus, paulò post cum volumus non valeamus. Ipsa quippe mentis desidia dum congruo seruire non

Tomus primus.

Accenditur, à bonorum desiderio funditus conualecente fortim torpore macetatur. Vnde apertè per Salomonem dicitur: *Prouer. 19.* Pigredo immitit soporem. Piger enim rectè sentiendi quasi vigilat, quamuis nihil operando torpescat. Sed pigredo soporem immittere dicitur, quia paulisper etiam rectè sentiendi vigilantia amittitur, dum à bene operandi studio cessatur. Vbi rectè subiungitur: Et anima dissoluta esuriet. Nam mens quia se ad superiora stringendo non dirigit, neglectam se inferius per desideria expandit. Et dum studiorum sublimium vigore non cōstringitur, cupiditatis infimæ fame fauciatur: ut quod se per disciplinam ligare dissimulat, eo se esuriens per voluptatum desideria spargat. Hinc ab eodem rursus Salomone *Ibidem.* scribitur: In desideriis est omnis otiosus. Hinc ipsa veritate *Matth. 12.* prædicante, vno quidem exeunte spiritu munda domus dicitur, sed multiplicius redeunte dum vacat occupatur. Plerumque piger dum necessaria agere negligit, quædam sibi difficulta opponit, quædam verò incautè formidat: & dum quasi inuenit quod velut iuste metuat, ostendit quod in otio quasi non iniuste torpescat. Cui rectè per Salomonem dicitur: *Prouer. 20.* Propter frigus piger arare noluit, mendicabit ergo æstate, & non dabitur ei. Propter frigus quippe piger non arat dum desidia & torpore constrictus, agere quæ debet bona considerat, & dissimulat. Propter frigus quippe piger non arat, dum parua ex aduerso mala metuit, & operari maxima prætermittit. Bene autem dicitur: Mendicabit æstate, & non dabitur ei. Qui enim nunc in bonis operibus non exudat, cum sol iudicij feruentior apparuerit, quia frustra regni aditum postulat, nihil accipiens æstate mendicat. Bene hinc per eundem Salomonem rursus dicitur: Qui obseruat ventum, non seminat, & qui cō- *Eccle. 11.* siderat nubes, nunquam metit. Quid enim per ventum nisi malignorum spirituum tentatio exprimitur? Et quid per nubes quæ mouentur à vento, nisi aduersitates prauorum hominum designantur? A ventis quippe impelluntur nubes, quia immundorum spirituum afflatu prauī excitantur homines. Qui ergo obseruat ventum, non seminat, & qui considerat nubes, nunquam metit: quia quisque tentationem malignorum spirituum, quisque persecutionem prauorum hominum metuit, neque nunc grana boni operis seminat, neque tunc manipulos sanctæ retributionis fecat. At contrà admonendi sunt præcipites, quia dum bonorum actuum præueniunt tempus, meritum peruertunt, & sæpe in malis corruunt, dum bona minimè discernunt. Qui nequaquam quid, quomodo vel quando quæque agunt inspiciunt, sed plerumque acta quia ita non debuerunt agere cognoscunt. Quibus sub auditoris specie rectè per Salomonem dicitur: *Eccle. 33.* Fili sine consilio nihil facias, & post factum non poenitebis. Et rursum: *Prouer. 4.* Palpebræ tuæ præcedant gressus tuos. Palpebræ quippe gressus præcedunt, cum operationem nostram consilia recta præueniunt. Qui enim negligit considerando præuidere quod facit, gressus tendit, oculos claudit, pergendo iter conficit, sed præuidendo sibi semetipsi non antecedit, atque idcirco citius corruit: quia quod pedem operis ponere debeat, per palpebram consilij non attendit.

Admonitio XVII.

ALiter admonendi sunt mansueti, atque aliter iracundi. Nonnunquam verò mansueti cum præsumunt, vicinum & quasi iuxta positum torporem desidia patiuntur. Et plerumque nimia resolutione lenitatis ultra quam necesse est vigorem distractionis emolliunt. At contrà iracundi cum regiminum loca percipiunt, quod impellente ira in mētis vesaniam deuoluuntur, eò etiam subditorum vitam dissipata quietis tranquillitate confundunt. Quos cum furor agit in præceptis, ignorant quicquid irati faciunt, ignorant quicquid patiuntur irati à semetipsis. Nonnunquam verò quod est grauius, iræ suæ stimulum iustitiæ zelum putant. Et cum vitium virtus creditur, sine metu culpa cumulatur. Sæpe ergo mansueti dissolutionis torpescunt & diu, sæpe iracundi rectitudinis falluntur zelo. Illorū itaque virtuti vitium latèter adiungitur, his autem suum vitium quasi virtus feruens videtur. Admonedi sunt igitur illi, ut fugiant quod iuxta ipsos est, isti quod in ipsis est. Attendant illi quod non habent, discernant isti quod habent. Amplectantur mansueti sollicitudinem, damnent iracundi perturbationem. Admonendi sunt mansueti ut habere etiam ambitionem iust-

stitiæ studeant. Admonendi sunt iracundi ut æmulationi, quam se habere existimant, mansuetudinem subiungant. Idcirco nanque spiritus sanctus in columba & in igne monstratur: quia videlicet omnes quos implet, & columbæ simplicitate mansuetos, & igne zeli ardentem exhibet. Nequaquam ergo sancto spiritu plenus est, qui aut in tranquillitate mansuetudinis feruorem æmulationis deserit, aut rursus in æmulationis ardore virtutem mansuetudinis amittit. Quod fortasse melius ostendimus si in medium Pauli magisterium proferamus, qui duobus discipulis & non diuersa charitate præditi, diuersa tamen adiutoria prædicationis impendit. Timotheum nanque admonens ait: Argue, obsecra, increpa cum omni patientia & doctrina. Titum quoque admonet dicens: Hæc loquere & exhortare, & argue cum omni imperio. Quid est quod doctrinam suam tanta arte dissipat, ut in exhibenda hac alteri imperium, atque alteri patientiam proponat, nisi quod mansuetioris spiritus Titum: & paulo feruentioris vidit esse Timotheum? Illum per æmulationis studium inflammat, hunc per lenitatem patientiæ temperat. Illi quod deest iungit, huic quod superest subtrahit. Illum stimulo impellere nititur, hunc freno moderatur. Magnus quippe susceptæ Ecclesiæ columnus alios palmites ut crescere debeant rigat, alios cum plus iusto crescere conspicit refecat: ne aut non crescendo non ferant fructus, aut immoderate crescendo quos protulerunt amittant. Sed longè alia est ira quæ sub æmulationis specie surripit, alia quæ turbatum cor & sine iustitiæ prætextu cõfundit. Illa enim in hoc quod debet inordinate extenditur, hæc autem semper in his quæ non debet inflammatur. Sciendum quippe est quia in hoc in impatientibus iracundi differunt, quod illi ab illis illata non tolerant, isti autem etiam quæ tolerantur important. Nam iracundi sæpe etiam se declinantes insequuntur, rixæ occasionem commouent, labore contentionis gaudent, quos tamè melius corrigimus, si ipsa sui cõmotione declinamus. Perturbati quippe quid audiant ignorant, sed ad se reducti tantò libentius exhortationis verba recipiunt, quãtò se tranquillius toleratos erubescunt. Mèti autem furore ebrizæ, omne rectum quod dicitur, peruersum videtur: Vnde & Nabal ebrío culpam quæ Abigail laudabiliter tacuit, quam digesto vino laudabiliter dixit: & idcirco malum quod fecerat, cognoscere potuit, quia hoc ebrizæ non audiuit. Cum verò ita iracundi alios impetunt ut declinari omnino non possint, non exprobratione, sed sub quadã sunt cautela reuerentiæ parcendo ferendi. Quod melius ostendimus, si Abner factum ad medium deducamus. Hunc quippe cum Azahel vi incaute præcipationis impeteret, scriptum est: Locutus est Abner ad Azahel dicens: Recede à me, noli me persequi, ne cõpellar cõfodere te in terram. Qui audire cõtempnit, & noluit declinare. Percussit ergo eum Abner aduersa hasta in inguine, transfodit eum & mortuus est. Cuius enim Azahel typum tenuit, nisi eorum, quos vehementer arripens furor in præceps ducit? Qui in eodem furoris impetu tantò cautè declinandi sunt, quantò & insanè rapiuntur. Vnde & Abner, qui nostro sermone patris lucerna dicitur, fugit: quia doctorum lingua quæ supernum Dei lumen indicat, cum per abrupta furoris mentem cuiuspiam ferri cõspicit, cumque contra irascentem dissimulat verborum iacula reddere, quasi persequentem non vult ferire. Sed cum iracundi nulla consideratione se mitigat, & quasi Azahel persequi & insanire non cessant, necesse est ut hi qui furentes conantur reprimere nequaquam in furore se erigant, sed quicquid est tranquillitatis ostendant: quædam verò subtiliter proferant in quibus ex obliquo furentis animum pungant. Vnde & Abner cum contra persequentem substitit, non cum recta, sed aduersa hasta transforauit. Ex mucrone quippe percutere, est impetu apertæ increpationis obuiare. Auerfa verò hasta persequentem ferire, est furentem tranquillè ex quibusdam tangere, & quasi parcendo superare. Azahel autem protinus occubuit: quia commotæ mentes dum & parci sibi sentiunt, & tamen responsorum ratione in intimis sub tranquillitate tanguntur, ab eo quod se crexerant, statim cadunt. Qui ergo à furoris sui impetu sub lenitatis percussione resiliunt, quasi ferro moriuntur.

Admonitio XVIII

Aliter admonendi sunt humiles, atque aliter elati. Illis insinuandum est, quàm sit vera excellentia quam sperando tenent, istis verò intimandum est, quàm sit nulla temporalis gloria, quàm & amplectentes non tenent. Audiant humiles quàm sint æterna quæ appetunt, quàm transitoria quæ contemnunt. Audiant elati quàm sint transitoria quæ ambiunt, quàm æterna quæ perdunt. Audiant humiles ex magistra voce veritatis: Omnis qui se humiliat, exaltabitur. Audiant elati: Omnis qui se exaltat humiliabitur. Audiant humiles: Gloriam præcedit humilitas. Audiant elati: Ante ruinam exaltatur spiritus. Audiât humiles: Ad quem autem respiciam, nisi ad humilem & quietum & tremeñtem sermones? Audiant elati: Quid superbis terra & cinis? Audiant humiles: Deus humilia respicit. Audiant elati: Et alta à longe cognoscit. Audiant humiles: Quia filius hominis non venit ministrari, sed ministrare. Audiant elati: Quia redemptor non morietur. Audiant elati quod de eorum capite scriptum est: Ipse est rex super omnes filios superbiæ. Occasio igitur perditionis nostræ facta est superbia diaboli, & argumentum redemptionis nostræ inuenta est humilitas Dei. Hostis enim noster inter omnia conditus, voluit videri super omnia elatus, redemptor autem noster magnus manens super omnia, fieri inter omnia dignatus est paruulus. Dicatur ergo humilibus, quia dum se deiiciunt, ad Dei similitudinem ascendunt. Dicitur autem elatis, quia dum se erigunt, in apostata angelii imitatione cadunt. Quid itaque elatione deiectius, quæ dum supra se tenditur, ab altitudine veræ celsitudinis elongatur? Quid autem humilitate sublimius, quæ dum se in ima deprimit, auctori suo manenti super summa coniungitur? Est tamè aliud, quod in eis debeat cautè pensari: quia sæpe quidam humilitatis decipiuntur specie, quidem verò elationis suæ ignorantia falluntur. Nam plerunque nonnullis qui sibi humiles videntur, qui hominibus deferri non debet, coniunctus est timor: plerunque verò elatos comitari solet libera vocis assertio. Et cum quædam increpanda sunt vitia, illi reticent ex timore, & tamen tacere se æstimant ex humilitate: isti loquuntur per impatientiam elationis, & tamen se credunt loqui per libertatem rectitudinis. Illos ut peruersa non increpent, sub specie humilitatis premit culpa formidinis: istos ad increpanda quæ non debent aut magis quàm debent, sub imagine libertatis effrenatio impellit timoris. Vnde & elati admonendi sunt, ne plusquam decet sint liberi, & humiles admonendi sunt, ne plusquam expedit sint subiecti: ne aut illi defensionem iustitiæ vertant in exercitationem superbiæ, aut isti cum student plusquam necesse est hominibus subiici, compellantur eorum etiam vitia venerari. Considerandum verò est, quod plerunque elatos utilius corripimus si eorum correptionibus quædam laudum fomenta misceamus. Inferenda nanque sunt illis aut talia bona quæ in ipsis sunt, aut dicendum certè quæ poterant esse si non sunt: & tunc demum refecanda sunt mala quæ nobis displicent, cum prius ad audiendum eorum placabilem mentem fecerint præmissa bona quæ placent. Nam & equos indomitos blanda prius manu tangimus, ut eos nobis plenius postmodum etiam per flagella subigamus: & amaro pigmentorum poculo mellis dulcedo adiungitur, ne ea quæ saluti profutura est, in ipso gustu aspera amaritudo sentiat: & dum gustus per dulcedinem fallitur, humor mortiferus per amaritudinem vacuatur. Ipsa ergo in elatis inuentionis exordia permixta sunt laude temperanda, ut dum admittunt fauores quos diligunt, etiam correptiones recipiant quas oderunt. Plerunq; autem persuadere elatis utilia melius possumus, si profectum eorum nobis potius quàm illis profuturum dicamus, si eorum meliorationem nobis magis quàm illis profuturam dicamus, & eam magis nobis quàm sibi impendi postulamus. Facile enim ad bonum elatio flectitur, si & aliis eius inflexio prodesse credatur. Vnde Moyses qui regere se Deo, deserti iter aëria columna duce pergebat, cum Obab cognatum suum à gentilitatis cõuersatione vellet educere, & omnipotentis dominio subiugare, ait: Proficiscimur ad locum quæ Dominus daturus est nobis, veni nobiscum & benefacimur tibi, quia Dominus bona promisit Israël. Cui cum respondisset ille,

ille, Non vadam tecū, sed reuertar ad terram meā in qua natus sum, ilico adiūxit: Noli nos relinquere, tu enim nosti in quibus locis per desertum castra ponere debeamus, & eris dux noster. Neque enim Moyſi mentem ighorantia itineris angustabat, quem & ad prophetiæ scientiam cognitio diuinitatis expenderat, quem columna exterius præibat, quem de cunctis interius per conuersationem cum Deo sedulam locutio famularis instruebat. Sed videlicet vir prouidus elato auditori colloquēs, solatiū petiuit vt daret, ducē eum requirebat in via, vt dux ei fieri ad vitam potuisset. Egit itaque vt superbus auditor, voci ad meliora suadēti eo magis fieret deuotus, quō putaretur necessarius: & vnde se exhortatorē suum præcedere crederet, inde sub verbis se exhortantis inclinaret.

Admonitio XIX.

Aliter admonendi sunt pertinaces, atque aliter inconstantes. Pertinacibus nanque dicendum est, quod plus de se quam sunt sentiunt, & idcirco alienis consiliis non acquiescunt. Inconstantibus verò intimandum est, quod valde se despicientes negligunt, & ideo leuitate cogitationum à suo iudicio per temporum momenta flēctuntur. Illis dicendum est, quia nisi meliores se cæteris æstimarent, nequaquam cunctorum consilia suæ deliberationi postponerent. Istis dicendū est quia si hoc quod sunt vtcunque attenderent, nequaquam eos per tot varietatis littora mutabilitatis aura verſaret. Illis per Paulū dicitur: Nolite prudētes esse apud vosmet ipsos. At contrā isti audiant: Non circumferamur omni vento doctrinæ. De illis per Salomonem dicitur: Comedent fructus vineæ suæ suisque consiliis saturabuntur. De istis autem ab eo rursus scribitur: Cor stultorū dissimile erit. Cor quippe sapientium sibi metipsis semper est simile: quia dum rectis persuasionibus acquiescit, constanter se in bono opere dirigit. Cor verò stultorum dissimile est: quia dum mutabilitate se varium exhibet, nunquam idem quod fuerat manet. Et quia quædam vitia sicut ex semetipsis gignunt alia, ita ex aliis oriuntur, sciendum summopere est quod tunc ea corripiendo melius tergimus, cum ipsa ab amaritudinis suæ fonte siccamus. Pertinacia autem ex superbia, inconstantia verò ex leuitate generatur. Admonendi igitur sunt pertinaces, vt elationem suæ cogitationis agnoscant, & semetipsos vincere studeant, ne dum rectis aliorum suasionibus foris superari despiciunt, intus à superbia captiui teneantur. Admonendi sunt vt solerter aspiciant quia filius hominis, cui vna cum patre semper voluntas est, vt exemplum nobis frangēdæ nostræ voluntatis præbeat, dicit: Non veni facere voluntatem meam, sed eius qui misit me patris. Qui vt huius adhuc virtutis gratiam commendaret, seruaturum se hoc in extremo iudicio perhibet, cum ait: Ego à me ipso non possum facere quicquam, sed sicut audio, iudico. Quia itaque conscientia dedignatur homo alienæ voluntati acquiescere, quando Dei & hominis filius cum virtutis suæ gloriā venit ostendere, testatur se non à semetipso iudicare? At contrā admonendi sunt inconstantes, vt mentem grauitate roborent. Tūc enim genimina in se mutabilitatis arefaciunt, cum à corde prius radicem leuitatis abscindunt, quia & tunc fabrica robusta construitur, cum prius locus solidus in quo fundamentū poni debeat prouidetur. Nisi ergo antē mentis leuitas caueatur, cogitationum inconstantia minimē vincitur, à quibus se alienum Paulus fuisse perhibuit, cum dicit: Nunquid leuitate vsus sum, aut quæ cogito, secundum carnem cogito, vt sit apud me, est & non? Ac si apertē dicat: Idcirco mutabilitatis aura non moueor, quia leuitatis vitio non succumbo.

Admonitio XX.

Aliter admonendi sunt gulæ dediti, atque aliter abstinentes. Illos enim superfluitas locutionis, leuitas operis, atque luxuria, istos verò sæpe impatientiæ, sæpe verò superbiæ culpa comitatur. Nisi enim gulæ deditos immoderata loquacitas raperet, diues ille qui epulatus quotidie dicitur splendide, in lingua grauius non arderet, dicens: Pater Abraham miserere mei, & mitte Lazarum vt intingat extremum digiti sui in aquam vt refrigeret linguam meam, quia crucior in hac flamma. Quibus perfectō verbis ostenditur, quia epu-

Tomus primus.

Alando quotidie crebrius in lingua peccauerat, qui totis ardens refrigerari se in lingua præcipue requirebat. Rursum quia gulæ deditos leuitas protinus operis sequitur, authoritas sacra testatur dicens: Sedit populus manducare & bibere & surrexerunt ludere. Quos plerunque edacitas vique ad luxuriam pertrahit: quia dum sarietate venter extenditur, aculei libidinis excitantur. Vnde & hosti callido, qui primi hominis sensum in concupiscentiam pomi aperuit, sed in peccati laqueo strinxit, diuina voce dicitur: Pectore & ventre repes: ac si ei apertē diceretur: Cogitationē & ingluuie super humana corda dominaberis. Quia gulæ deditos luxuria sequitur, propheta testatur, qui dum aperta narrat, occulta denunciat dicens: Princeps cōcorum destruxit muros Hierusalem. Princeps nanque cōcorum venter est, cui magna cura obsequium à cocis impenditur, vt ipse delectabiliter cibis impleatur. Muri autem Hierusalem virtutes sunt animæ, ad desiderium supernæ pacis eleuatæ. Cōcorum igitur princeps muros Hierusalem deiicit: quia dum venter ingluuie extenditur, virtutes animæ per luxuriam destruuntur. Quo contrā nisi mentes abstinentium plerunque impatientia à sinu tranquillitatis excuteret, nequaquam Petrus dum diceret: Ministrare in fide vestra virtutem, in virtute scientiam, in scientia autem abstinentiam, protinus vigilanter adiungeret dicens: In abstinentia autem patientiam. Deesse quippe abstinentibus patientiam præiudicet, quæ eis vt adesset admonuit. Rursum nisi cogitationes abstinentium aliquando superbiæ culpa transigeret, Paulus minimē dixisset: Qui non manducat, manducantem non iudicet. Qui rursus ad alios loquens dum de abstinentiæ virtute gloriantium præcepta perfringeret, adiunxit: Quæ sunt rationem quidem habentia sapientiæ in superstitione & humilitate, & non ad parcendum corpori, non in honore aliquo ad saturitatem carnis. Quia in re diligenter quoque aduertendum est, quod in disputatione sua prædicator egregius, superstitioni humilitatis speciem iungit: quia dum plusquam necesse est caro atteritur per abstinentiam, humilitas foris ostenditur, sed de hac ipsa humilitate grauitate interius superbitur. Et nisi mens plerunque ex abstinentiæ virtute tumesceret, nequaquam hanc velut inter magna merita Phariseus arrogans studiose enumeraret dicens: Ieiuno bis in sabbato. Admonendi ergo sunt gulæ dediti, ne in eo quod escarum delectationi incumbunt, luxuriæ se mucrone transigant: & quanta sibi per esum loquacitas, quanta mentis leuitas infidetur, aspiciant: ne dum ventri molliter seruiant, vitiorum laqueis crudeliter astringantur. Tantò enim longius à secundo parente receditur, quantò per immoderatum vsum dum manus ad cibum tenditur, parentis primi lapsus iteratur. At contrā admonendi sunt abstinentes vt sollicitè semper aspiciant, ne cum gulæ vitium fugiunt, acriora his vitia quasi ex virtute generentur, ne dum carnem macerant, ad impatientiam spiritus erumpat, & iam nulla virtus est quod caro vincitur, si spiritus ab ira superatur. Aliquando autem dum mens abstinentium ab ira se deprimat, hanc quasi peregrina veniens lætitia corrumpit, & eò abstinentiæ bonum deperit, quod sese à spiritualibus vitiis minimē custodit. Vnde rectè per prophetam dicitur: Ecce in die ieiunij vestri inuenitur voluntas vestra. Et paulò post: Ecce ad lites & contentiones ieiunatis, & percutitis pugno impiè. Voluntas quippe ad lætiam pertinet, pugnis ad iram. Incassum ergo per abstinentiam caro atteritur si inordinatis demissa motibus mens vitiis dissipatur. Rursumque admonendi sunt vt abstinentiam suam & semper sine immutatione custodiant, & nunquam hanc apud occultum iudicem eximie virtutis credant, ne si fortasse cum magni meriti esse creditur, in elationem subleuetur. Hinc nanque per prophetam dicitur: Nunquid tale est ieiunium quod elegi? Sed frange esurienti panem tuum, & egenos vagosque induc in domum tuam. Quia in re pensandum est, virtus abstinentiæ quam parua respicitur, quæ non nisi ex aliis virtutibus commendatur. Hinc Iohel ait: Sanctificate ieiunium. Ieiunium quippe sanctificare, est adiunctis aliis bonis dignam Deo abstinentiam carnis ostendere. Admonendi sunt abstinentes, vt nouerint quia tunc placentem Deo abstinentiam offerunt, cum ea quæ sibi de alimentis subtrahunt, indigentibus largiuntur. Solerter nanque audiendum est quod per prophetā Do-

F iiij

Zach. 7. minus redarguit dicens: Cum ieiunaretis & plangeretis in quinto & in septimo mense per hos septuaginta annos, nunquid ieiunium ieiunastis mihi? Et cum comederitis & biberitis, nunquid non vosmetipsis comedistis, & vobismetipsis bibistis? Non enim Deo, sed sibi quisque ieiunat, si ea quæ ventri ad tempus subtrahit, non egenis tribuit, sed ventri postmodum offerenda custodit. Itaque ne aut illos appetitus gulae a meritis statu deiiciat, aut istos afflicta caro ex elatione supplantet, audiant illi ex ore veritatis: Attendite enim vobis ne forte grauentur corda vestra in crapula & ebrietate curis huius mundi. Vbi utilis quoque pauper adiungitur: Et superueniat in vos repentinus dies ille. Tanquam laqueus enim veniet in omnes, qui sedent super faciem omnis terræ. Audiant isti: Non quæ intrant per os coinquinant hominem: sed quæ exeunt de ore, illa sunt quæ inquinant hominem. Audiant illi: Esca ventri, & venter escis, Deus autem & hunc & hanc destruet. Et rursus: Non in comestationibus & ebrietatibus. Et rursus: Esca nos non commendat Deo. Audiant isti, quia omnia munda mundis, coinquinatis autem & infidelibus nihil est mundum. Audiant illi: Quorum Deus venter est, & gloria in confusione ipsorum. Audiant: Discedent quidam a fide & veritate. Et paulo post: Prohibentium nubere, precipientium abstinere a cibis, quos Deus creauit ad percipiendum cum gratiarum actione fidelibus & his qui cognouerunt veritatem. Audiant illi: Bonum est non manducare carnem atque bibere vinum, neque in quo frater tuus scandalizatur. Audiant isti: Modico vino vtere propter stomachum & frequentes tuas infirmitates. Quatenus illi discant cibos carnis inordinate non appetere, & isti creaturam Dei quam non appetunt, non audeant condemnare.

Admonitio XXI.

Aliter admonendi sunt, qui sua iam misericorditer tribuunt atque aliter qui adhuc & aliena rapere contendunt. Admonendi sunt nanque qui iam sua misericorditer tribuunt, ne cogitatione tumida super eos quibus terrena largiuntur se extollant, ne idcirco se meliores aestiment, quia contineri per se ceteros vident. Nam terrenæ domus Dominus famulorum ordines ministeriaque dispersiens, hos ut regat, illos vero statuit, ut ab aliis regantur. Istos iubet ut necessaria ceteris præbeant, illos ut accepta ab aliis sumant. Et tamē plerunque offendunt qui regunt, & in patris familiæ gratia permanent qui reguntur. Iram merentur qui dispensatores sunt, sine offensione perdurant qui ex aliena dispensatione subsistunt. Admonendi sunt igitur qui iam quæ possident misericorditer tribuunt, ut a cælesti Domino dispensatores sepositos subsidiorum temporalium agnoscant, & tantò humiliter præbeant, quanto & aliena esse intelligunt quæ dispensant. Cumque in illorum ministerio quibus accepta largiuntur constitutos se esse considerant, nequaquam eorum mentes tumor subleuet, sed timor premat. Vnde & necesse est ut sollicitè perpendant ne commissâ indignè distribuunt, ne quædam quibus nulla, ne nulla quibus quædam, ne multa quibus pauca, ne pauca præbeant quibus impendere multa debuerunt, ne præcipatione hoc quod tribuunt inutiliter spargant, ne tarditate petentes, nociuè crucient, ne recipiendæ hinc gratiæ intentio subrepat, ne dationis lumen laudis transitorie appetitio extinguat, ne oblatum munus coniuncta tristitia absorbeat, ne in bene oblato munere animus plusquam decet hilarescat, ne sibi quicquam cum totum rectè impleuerint tribuant, simul omnia postquam peregerint perdant. Ne enim sibi virtutem suæ liberalitatis deputent, audiant quod scriptum est: Si quis administrat tanquam ex virtute, quam administrat Deus. Ne in benefactis immoderatiùs gaudeant, audiant, quod scriptum est: Cum feceritis hæc omnia, quæ præcepta sunt vobis: dicite, Serui inutiles sumus, quæ debuimus facere fecimus. Ne largitatem tristitia corrumpat, audiant quod scriptum est: Hilarē enim datorem diligit Deus. Ne ex impenso munere transitoriam laudem querant, audiant quod scriptum est: Nesciat sinistra tua quid faciat dextera tua, id est, piæ dispensationi nequaquam se gloria vitæ præsentis admisceat, sed opus rectitudinis appetitionem ignoret fauoris. Ne impensæ gratiæ vicissitudinem requirant,

audiant quod scriptum est: Cum facis prandium aut cœnam, noli vocare amicos tuos, neque fratres tuos, neque cognatos, neque vicinos diuites, ne forte te ipsi reuoluant, & fiat tibi retributio. Sed cum facis conuiuium, voca pauperes, debiles, claudos, cæcos, & beatus eris, quia non habent unde retribuunt tibi. Ne quæ præbenda sunt citius, serò præbeantur, audiant quod scriptum est: Ne dixeris amico tuo, vade & reuertere, & cras dabo tibi, cum statim possis dare. Ne sub obtentu largitatis ea quæ possident, inutiliter spargant, audiant quod scriptum est: Sudet elemosyna in manu tua. Ne cum multa necesse sunt, parua largiantur, audiant quod scriptum est: Qui parçè seminat parçè & metet. Ne cum pauca oportet plurima præbeant, & ipsi postmodum nimis inopiam tolerant ad impatientiam erumpant, audiant quod scriptum est: Non ut aliis sit remissio, vobis autem tribulatio, sed ex æqualitate vestra abundantia illorum inopiam suppleat, ut & illorum abundantia vestræ inopiæ sit supplementum. Cum enim dantis mens ferre inopiam nescit, si multa sibi subtrahit, occasionem contra se impatientiæ exquirat. Prius nanque præparandus est patientiæ animus, & tunc aut multa sunt aut cuncta largienda, ne dum minus æquanimiter inopia irruens fertur, & præmissæ largitatis merces pereat, & adhuc mentem deterius murmuratio subsequens perdat. Ne omnino nihil eis præbeant quibus conferre aliquid paruum debent, audiant quod scriptum est: Omni petenti te tribue. Ne saltem aliquid præbeant, quibus omnino conferre nihil debent, audiant quod scriptum est: Da bono, & noli recipere peccatorem. Benefac humili, & non dederis impio. Et rursus: Panem tuum & vinum super sepulturam iusti constitue, & noli ex eo manducare & bibere cum peccatoribus. Panem enim suum & vinum peccatoribus præbet, qui iniquis subsidia pro eo quod iniqui sunt impendit. Vnde & nonnulli huius mundi diuites, cum fame crucientur Christi pauperes, effusis largitatibus nutriunt histriones. Qui verò indigenti etiam peccatori panem suum non quia peccator, sed quia homo est tribuit, nimirum non peccatorem, sed iustum pauperem nutrit: quia in illo non culpam, sed naturam diligit. Admonendi sunt etiam, qui iam sua misericorditer largiuntur, ut sollicitè custodire studeant: ne cum commissâ peccata elemosynis redimunt, adhuc redimenda committant. Ne venalem Dei iustitiam aestiment, si cum curant pro peccatis nummos tribuere, arbitrentur se posse inultè peccare. Melior quippe est anima quam esca, melius corpus quam vestimentum. Qui ergo escam aut vestimentum pauperibus largitur, sed tamen animæ vel corporis iniquitate polluitur, quod minus est iustitiæ obtulit, & quod maius est culpæ commisit: sua enim Deo dedit, & se diabolo. At contra admonendi sunt qui adhuc & aliena rapere contendunt, ut sollicitè audiant quid veniens in iudicium Dominus dicat: Ait nanque: Esuriui & non dedistis mihi manducare, sitiui & non dedistis mihi potum, hospes fui & non collegistis me, nudus, & non operuistis me, infirmus & in carcere, & non visitastis me. Quibus etiam præmittit dicens: Discedite à me maledicti in ignem æternum qui præparatus est diabolo & angelis eius. Ecce nequaquam audiunt quia rapinas vel alia quælibet violenta commiserunt, & tamen æternis gehennæ ignibus mancipantur. Hinc ergo colligendum est quanta damnatione plectendi sunt, qui rapiunt aliena, si tanta animaduersione feriuntur qui sua indiscretè tenuerunt. Perpendant quod eos obliget reatu res rapta, si tali subiicit pœnæ non tradita. Perpendant quid mereatur iniustitia illata, si tanta percussione digna est pietas non impensa. Cum aliena rapere intendunt, audiant quod scriptum est: Væ ei qui multiplicat non sua, vsquequo aggrauat contra se densum lutum? Auaro quippe contra se densum lutum aggrauare, est terrena lucra cum pondere peccati cumulare. Cum multiplicare largæ habitationis spatia cupiunt, audiant quod scriptum est: Væ qui coniungitis domum ad domum, & agrum agro copulatis, vsque ad terminum loci. Nunquid habitabitis soli vos in medio terræ? ac si aperte diceret: Quousque vos extenditis qui habere in communi modo consortes minimè vultis? Coniunctos quidem premitis, sed contra quos valeatis vos extendere, semper inuenietis. Cum augendis pecuniis inhiant, audiant quod

Eccle. 5. quod scriptum est: Avarus non implebitur pecunia, & qui amat diuitias, non capiet fructum ex eis. Fructus quippe ex illis caperet, si eas bene spargere non amando voluisset. Qui verò eas diligendo retinet, hic utique sine fructu delinquet. Cum repleti cunctis simul opibus inardescunt, audiant quod scriptum est. *Prover. 28.* Qui festinat ditari, non erit innocens. Profecto enim qui augere opes ambit, vitare peccatum negligit, & more auium captus cum escam terrenarum rerum avidè conspicit quo stranguletur peccati laqueo non agnoscit. Cum quælibet præsentis mundi lucra desiderant, & ea quæ de futuro damno patientur ignorant, audiant quod scriptum est: Hæreditas ad quam festinatur in principio, in nouissimo benedictione carebit. Ex hac quippe vita initium ducimus, ut ad benedictionis sortem in nouissimo veniamus. Qui itaque in principio hæreditare festinant, sortem sibi in nouissimo benedictionis amputant: quia dum per avaritiæ nequitiam hic multiplicari appetunt, illic ab æterno patrimonio exhæredes fiunt. Cumque plurima ambiunt, vel obtinere cuncta quæ ambierint possunt, audiant quod scriptum est: *Matth. 16.* Quid prodest homini si totum mundum lucretur, animæ verò suæ detrimentum faciat? ac si apertè veritas dicat: Quid prodest homini si totum quod extra se est congregat, si hoc ipsum solum quod ipse est damnat? Plerumque autem citius raptorum avaritia corrigitur, si in verbis admonentis quàm fugitiua sit præfens vita monstretur, si eorum ad medium memoria deducatur, qui & ditari in hoc mundo diu conati sunt, & tamen in adeptis diuitiis diu manere nequiverunt, quibus festina mors repente & simul abstulit, quicquid eorum nequitia nec simul nec repente congregavit, qui nō solum hic rapta reliquerunt, sed secum ad iudicium causas rapinæ detulerunt. Horum itaque exempla audiant, quos in verbis suis proculdubio & ipsi condemnant, ut cum post verba ad cor redeunt, imitari saltem quos iudicant erubescant.

Admonitio XXII.

*A*liter admonendi sunt, qui nec aliena appetunt, nec sua largiuntur: atque aliter qui & ea quæ habet tribuunt, & tamen aliena rapere non desistunt. Admonendi sunt qui nec aliena appetunt, nec sua largiuntur: ut sciant sollicitè quod ea de qua sumpti sunt, cunctis hominibus terra communis est: & idcirco alimenta quoque omnibus communiter profert. Incassum ergo se innocentes putant, qui commune Dei munus sibi priuatum vendicant, qui cum accepta non tribuunt, in proximorum nece grassantur: quia tot penè quotidie perimunt, quot morientium pauperum apud se subsidia abscondunt. Nam cum quælibet necessaria indigentibus ministramus, sua illis reddimus, non nostra largimur: iustitiæ debitum potius solvimus, quàm misericordiæ opus implemus. Vnde & ipsa veritas cum de misericordia cautè exhibenda loqueretur, ait: Attendite, ne iustitiam vestram faciatis coram hominibus. Cui quoque sententiæ etiam Psalmista concinens dicit: Dispersit, dedit pauperibus: iustitia eius manet in æternum. Cum enim largitatem impensam pauperibus præmisisset, non hanc vocare misericordiam, sed iustitiam maluit: quia quod à cōmuni Domino tribuitur, iustū profectò est, ut qui accipiunt, eo communiter utantur. Hinc etiam Salomon ait: Qui iustus est, tribuit & non cessabit. Admonendi sunt quoque ut sollicitè attendant quod ficulnea quæ fructum non habuit, contra hanc districtus agricola queritur quod etiam terram occupavit. Terram quippe ficulnea sine fructu occupat: quando mens tenacium hoc quod prodesse multis poterat, inutiliter seruat. Terram ficulnea sine fructu occupat: quando locum quem exercere alius per solem boni operis valuit, stultus per desidiam umbram premit. Hi autem dicere nonnunquam solent: Concessis utimur, aliena non quærimus: & si digna misericordiæ retributione non agimus, nulla tamen peruersa perpetramus. Quod idcirco sentiunt: quia videlicet aurem cordis à verbis cœlestibus claudunt. Neque enim diues in Euangelio qui induebatur purpura & bysso, qui epulabatur quotidie splendide, aliena rapuisse, sed infructuosè propriis vsus fuisse perhibetur: eumque post hanc vitam ultrix gehenna suscepit, non quia aliquid illicitum gessit, sed quia immoderato vsu totum se licitis tradidit. Admonendi sunt renâscēs, ut nouerint quod hanc primam iniuriam faciunt Deo:

quia danti sibi omnia, nullam misericordiæ hostiam reddunt. Hinc etenim Psalmista ait: Non dabit Deo placationem suam, nec precium redemptionis animæ suæ. Precium namque redemptionis dare, est opus bonum præuenienti nos gratiæ reddere. Hinc Ioannes exclamat dicens: Iam enim securis ad radicem arboris posita est. Omnis arbor quæ non facit fructum bonum excidetur, & in ignem mittetur. Qui ergo se innoxios quia aliena non rapiunt, æstimant: ictum securis vicinæ præuideant & torporem improvidæ securitatis amittant: ne cum ferre fructum boni operis negligunt, à præsentis vita funditus quasi ex viriditate radicis excentur. At contra admonendi sunt qui & ea quæ habent tribuunt, & aliena rapere non desistunt: ne dum valde munifici videri appetant, de boni specie deteriores fiant. Hi etenim propria indiscretè tribuentes, non solum, ut suprà iam diximus ad impatientiæ murmurationem prouocant, sed cogente se inopia usque ad avaritiam deuoluuntur. Quid eorum mente infelicius, quibus de largitate nascitur avaritia, & peccatorum seges quasi ex virtute seminatur? Prius itaque admonendi sunt ut tenere sua rationabiliter sciunt: & tunc demum ut aliena non ambiant. Si enim radix culpæ in ipsa effusione nō exurit, nunquam per per ramos exuberans avaritiæ spina siccatur. Occasio ergo rapiendi subtrahitur, si bene prius ius possidendi disponatur. Tunc verò admonendi audiant quomodo quæ habent misericorditer tribuant: quando nimirum didicerunt ut bona misericordiæ per interictam rapinæ nequitiam non confundant. Violenter enim exquirunt quæ misericorditer largiuntur. Sed aliud est pro peccatis misericordiam facere, aliud pro misericordia facienda peccare, quæ iam nequaquam misericordia nuncupari potest: quia ad dulcem fructum non proficit, quæ per virus pestiferæ radicis amarescit. Hinc est enim quod ipsa etiam sacrificia per prophetam Dominus reprobat dicens: Ego Dominus diligens iudicium, & odio habens rapinam in holocausto. Hinc iterum dicit: Hostiæ impiorum abominabiles: quia offeruntur ex scelere. Qui sæpe quoque & indigentibus subtrahunt quæ Deo largiuntur, sed quanta eos animaduersione renuat, per quandam sapientem Dominus demonstrat dicens: Qui immolat sacrificium de substantia pauperis, quasi qui victimat filium in conspectu patris sui. Quid nanque esse intolerabilius potest, quàm mors filij ante oculos patris: Hoc itaque sacrificium quanta ira aspiciatur ostenditur: quod orbat patris dolori comparatur. Et tamen plerumque quanta tribuunt pensant: quanta autem rapiunt considerare dissimulant. Quasi mercedem numerant: & perpendere culpas recusant. Audiant itaque quod scriptum est: *Eccle. 34.* Qui mercedes congregavit, misit eas in sacculum pertusum. In sacculo quippe pertuso videtur quando pecunia mittitur, sed quando amittitur non videtur. Qui ergo quanta largiuntur aspiciunt, sed quanta rapiunt non perpendunt, in pertuso sacculo mercedes mittunt: quia profectò has in spem suæ fiducia intuentes congerunt, sed non intuentes perdunt.

Admonitio XXIII.

*A*liter admonendi sunt discordes, atque aliter pacati. Discordes nanque admonendi sunt, ut certissimè sciunt quia quantilibet virtutibus polleant, spiritales fieri nullatenus possunt, si vniri per concordiam proximis negligunt. Scriptum quippe est: Fructus autem spiritus est charitas, gaudium, pax. Qui ergo seruare pacem non curat, ferre fructum spiritus recusat. Hinc Paulus ait: Cum sit inter vos zelus & contentio, nōne carnales estis? Hinc iterum quoque dicit: Pacem sequimini cum omnibus & sanctimoniam: sine qua nemo videbit Deum. Hinc rursum admonens ait: Solliciti seruare unitatem spiritus in vinculo pacis: vnum corpus & vnus spiritus: sicut vocati estis in vna spe vocationis vestræ. Ad vnam ergo vocationis spem nequaquam pertingitur, si non ad eam vnita cum proximis mente curratur. At sæpe nonnulli quo quædam specialiter dona percipiunt, superbiendo donū concordia quod maius est amittunt: ut si fortasse carnem præ cæteris gulæ refrenatione quis edomat, concordare eis quos superat abstinendo, contēnat. Sed qui abstinētiā à cōcordia separat, quid admo neat Psalmista perpendat, ait enim: Laudate eū in tympano & choro. In tympano nāque sicca & percussa

pellis resonat. In choro autem voces sociatae concordant. Quisquis itaque corpus affligit, sed concordiam deserit, Deum quidem laudat in tympano, sed tamen cum non laudat in choro. Sape verò dum quosdam maior scientia erigit: à ceterorum societate disiungit: & quasi quo plus sapiunt, eo à concordiae virtute desipiunt. Hi itaque audiant quid per semetipsam veritas dicat: Habete sal in vobis, & pacem habete inter vos. Sal quippe sine pace non virtutis est donum, sed damnationis argumentum. Quo enim quisque melius sapit, eo deterius delinquit, & idcirco inexcusabiliter & multò maius merebitur supplicium, quia prudenter si voluisset potuit evitare peccatum. Quibus quoque rectè per Iacobum dicitur: Quod si zelum amarum habetis inter vos, & contentiones sunt in corde vestro, nolite gloriari, & mendaces esse aduersum veritatem. Non est ita sapientia descendens desursum, sed terrena, animalis, diabolica. Quae autem desursum est sapientia, primum quidem pudica est, deinde pacifica. Pudica videlicet, quia castè intelligit: pacifica autem quia per relationem se minime à proximorum societate disiungit. Admonendi sunt dissidentes, ut nouerint quod tam diu nullum boni operis Deo sacrificium immolant, quam diu à proximorum charitate discordant. Scriptum namque est. Si offers munus tuum ad altare & ibi recordatus fueris quia frater tuus habet aliquid aduersum te, relinque ibi munus tuum ante altare, & vade prius reconciliari fratri tuo, & tunc veniens offeres munus tuum. Ex qua præceptione pensandum est, quorum hostia repellitur, quam intolerabilis culpa monstratur. Nam cum mala cuncta bonis sequentibus diluantur, pensemus quanta sint mala discordiae, quae nisi extincta funditus fuerint, bonum subsequi non permittunt. Admonendi sunt discordes, ut si aures à mandatis caelestibus declinant, mentis oculos ad consideranda ea quae in infimis versantur aperiant, quod saepe aues vnius eiusdemque generis sese socialiter volando non deserunt, & quod gregatim animalia bruta pascuntur. Quae si solerter aspicimus, concordando sibi irrationalis creatura indicat, quantum malum per discordiam rationalis creatura committat, quando hæc à rationis intentione perdidit, quod illa motu naturali custodit. At contra admonendi sunt pacati, ne dum plusquam necesse est pacem quam possident amant, ad perpetuam peruenire non appetant. Plerumque enim grauius intentionem mentium rerum tranquillitas tentat: ut quod non sunt molesta quae obtinent, eò minus amabilia fiant quae vacant: & quod delectant praesentia, eò non requirantur aeterna. Vnde & per semetipsam veritas loquens cum terrenam pacem à superna distingueret, atque ad venturam discipulos ex praesenti prouocaret, ait: Pacem relinquo vobis, pacem meam do vobis. Relinquo scilicet transitoriam, do mansuram. Si ergo in eam cor quae relicta est figitur, nunquam ad illam quae danda est peruenitur. Pax ergo praesens ita tenenda est, ut & diligere debeat & contemni: ne si immoderatè diligitur, diligentis animus in culpa capiatur. Vnde & admonendi sunt pacati, ne dum nimis humanam pacem desiderant, prauos homines, mores nequaquam redarguant: & consentiendo peruersis, ab authoris sui se pace disiungant, ne dum humana foras iurgia metuunt, interni foederis discissione feriantur. Quid est enim pax transitoria, nisi quoddam vestigium pacis aeternae? Quid esse ergo dementius potest, quam vestigia in puluere impressa diligere, sed ipsum à quo impressa sunt non amare? Hinc David dum totum se ad foedera pacis internae constringeret, testatur quod cum malis concordiam non teneret dicens: Nonne qui oderant te Domine, oderam, & super inimicos tuos tabescebam? Perfecto odio oderam illos, inimici facti sunt mihi. Inimicos etenim Dei perfecto odio odisse, est & quod facti sunt diligere, & quod faciunt increpare: mores prauorum premere, & vitae prodesse. Pensandum ergo est quado ab increpatione quiescitur, quanta culpa si pax cum pessimis tenetur: si Propheta tantus hoc velut in hostiam Deo obtulit quod contra se pro Domino prauorum inimicitias excitauit. Hinc est quod tribus Leui assumptis gladiis per castrorum media transiens: quia ferendis noluit peccatoribus parcere, Deo manus dicta est consecrasse. Hinc Phinees peccantium ciuium gratiam spernens, coeuntes cum Madianitis perculit, & iram Domini iratus placauit.

Hinc per semetipsam veritas dicit: Quid putatis? quia pacem veni mittere in terram? Non utique: sed gladium. Malorum namque cum incautè amicitias iungimur, culpis ligamur. Vnde Iosaphat qui tot de antea vita praeconiis attollitur, de Achab regis amicitias penè periturus increpatur. Cui à Domino per Prophetam dicitur: Impio praebes auxiliū, & his qui oderunt Dominum, amicitia iungeris: & idcirco iram quidem Domini merebaris, sed bona opera inuenta sunt in te eò, quod abstuleris lucos de terra Iuda. Ab illo enim qui summè rectus est eo ipso iam discrepat, quo peruerforum amicitias vita nostra concordat. Admonendi sunt pacati: ne si ad increpationis verba profiliat, temporalem pacem sibi perturbati formident. Rursusque admonendi sunt ut eandem pacem dilectione integra intrinsecus teneant, quam per inuentionem vocis sibi extrinsecus turbant. Quod utrunque prouidè se David seruasse perhibet, cum dicit: Cum his qui oderunt pacem, eram pacificus: cum loquebar illis, impugnabant me gratis. Ecce loquens impugnabatur, sed tamen impugnatu erat pacificus: quia nec infanientes cessabat reprehendere, nec reprehensos negligebat amare. Hinc etiam Paulus ait: Si fieri potest quod ex vobis est, cum omnibus hominibus pacem habentes. Hortaturus enim discipulos ut pacem cum omnibus haberent, praemisit dicens, Si fieri potest: atque subiunxit: Quod ex vobis est. Difficile quippe erat ut si malè acta corripere, habere pacem cum omnibus possent. Sed cum temporalis pax in prauorum cordibus ex nostra increpatione confunditur, inuiolata necesse est ut in nostro corde seruetur. Rectè itaque ait quod ex vobis est, ac si nimirum dicat: Quia pax ex duarum partium consensu subsistit, si ab eis qui corripuntur expellitur, integra tamen in vestra qui corripitis mente teneatur. Vnde rursus idem discipulos admonet dicens: Si quis non obedit verbo nostro, per Epistolam hunc notate: & non commisceamini cum illo, ut confundatur. Atque illico subiunxit: Et nolite ut inimicum existimare illum, sed corripite ut fratrem. Ac si diceret: Pacem cum eo exteriorem soluete, sed interiorem circa illum medullitus custodite: ut peccantis mentem sic vestra discordia feriat, quatenus pax à cordibus vestris nec abnegata discedat.

Admonitio XXIIII.

Aliter admonendi sunt seminantes iurgia, atque aliter pacifici. Admonendi namque sunt qui iurgia seminant, ut cuius sint sequaces, agnoscant. De apostata quippe Angelo scriptum est, cum bonae messi inserta fuisset zizania: Inimicus homo hoc fecit. De cuius etiam membro per Salomonem dicitur: Homo apostata vir inutilis graditur ore peruerso, anuit oculis, terit pede, digito loquitur, prauo corde machinatur malum, & omni tempore iurgia seminat. Ecce, quem seminantem iurgia dicere voluit, prius apostatam nominauit: quia nisi more superbientis Angeli à conspectu conditoris prius intus auersione mentis caderet, foras post modum usque ad seminanda iurgia non veniret. Qui rectè describitur quod annuit oculis, digito loquitur, terit pede. Interior namque est custodia, quae ordinata seruat exterius membra. Qui ergo statum mentis perdidit, subsequenter foras inconstantia motionis fluit atque exteriori mobilitate indicat, quod nulla interiorum radice stabilitatis subsistat. Audiant iurgiorum seminatores quod scriptum est: Beati pacifici, quoniam filij Dei vocabuntur. Atque è diuerso colligant quia si filij Dei vocantur qui pacem faciunt, proculdubio satanae sunt filij qui confundunt. Omnes autem, qui per discordiam separantur à viriditate dilectionis arescunt. Qui etsi boni operis fructus in suis actionibus proferunt, profectò nulli sunt: quia non ex unitate charitatis oriuntur. Hinc ergo perpendant seminantes iurgia, quam multipliciter peccant: qui dum vnam nequitiam perpetrant, ab humanis cordibus cunctas simul virtutes eradicant. In vno enim malo innumera peragunt: quia seminando discordiam, charitatem quae nimirum virtutum omnium mater est, extinguunt. Quia autem nihil preciosius est Deo virtute dilectionis: nihil est delectabilius diabolo extinctione charitatis. Quisquis ergo seminando iurgia dilectionem proximorum perimit, hosti Dei familiaris seruit: quia quae ille amissa cecidit, hanc iste vulneratis cordibus subtrahens, eis iter ascensionis abscedit. At contra admonendi sunt

Marci. 9.

Iacob. 3.

Matth. 5.

Ioan. 14.

Psalm. 138.

Exod. 32.

Nume. 25.

2. Paral. 19.

Psalm. 119.

2. Thess. 3.

Matth. 13.

Prouerb. 6.

Matth. 5.

sunt pacifici ne tantæ actionis pondus leuigent, si inter quos fundare pacem debeant ignorent. Nam sicut multum nocet si vnitas desit bonis: ita valde est noxium si non desit malis. Si ergo peruerforum nequitia in pacem iungitur, profectò eorum malis actibus robur augetur: quia quo sibi in malitia congruunt, eo se robustius bonorum afflictionibus illidunt. Hinc nanque est quod contra damnati illius vasa, videlicet antichristi prædicatores, diuina voce beato Iob dicitur: Membra carniū eius cohærentia sibi. Hinc sub squamarum specie de eius satellitibus perhibetur: Vna vni coniungitur, & nec spiraculum quidem incedit per eos. Sequaces quippe illius quo nulla inter se discordiæ aduersitate diuisi sunt, eo in bonorum grauius nece glomerantur. Qui ergo iniquos paci sociat, iniquitati vires administrat: quia bonos deterius deprimunt, quos & vnanimitèr persequuntur. Vnde prædicator egregius graui Phariseorum Sadducæorumque persecutione deprehensus, inter semetipsos diuidere studuit, quos contra se grauius vnitos vidit, cum clamauit dicens: Viri fratres, ego Phariseus sum, filius Phariseorum, de spe & resurrectione mortuorum ego iudicor. Dúmque Sadducæi spem resurrectionis nemque mortuorum esse denegarent, quam Pharisei iuxta præcepta sacri eloquij crederent: facta in persecutorum vnanimitate dissensio est, & diuisa turba illæsus Paulus exiuit, quæ hunc vnita prius immaniter prepsit. Admonendi itaque sunt qui faciendæ pacis studiis occupantur, vt prauorum mentibus prius amorem debeant internæ pacis infundere, quatenus eis postmodum valeat exterior pax prodesse: vt dum eorum cor in illius cognitione suspenditur, nequaquam ad nequitiam ex huius perceptione rapiatur: dúmque superna prouident, terrenam nullo modo ad vsum suæ deteriorationis inclinent. Cum verò peruersi quique tales sunt, vt nocere bonis nequeant, etiam si concupiscant, inter hos nimirum debet terrena pax cõstrui, & priusquam ab eis valeat superna agnoscí: vt hi scilicet quos contra dilectionem Dei malitia suæ impietatis exasperat, saltem ex proximi amore mansuescant: & quasi è vicino ad melius transiant, vt ad illam quæ à se longè est, pacem conditoris ascendant.

Admonitio XXV.

Aliter admonendi sunt qui sacra legis verba non rectè intelligunt: atque aliter qui rectè quidem intelligunt, sed hæc humiliter nõ loquuntur. Admonendi sunt qui sacra legis verba non rectè intelligunt, vt perpendant quia saluberrimum vini potum in veneni sibi poculum vertunt, ac per medicinale ferrum vulnere mortali se feriunt, dum per hoc in se sana perimunt, per quod salubriter abscindere sauciata debuerunt. Admonendi sunt vt perpendant quod scriptura sacra in nocte vitæ præsentis quasi quædam nobis lucerna sit posita: cuius nimirum verba dum non rectè intelligunt, de lumine tenebrescunt. Quos videlicet ad intellectum prauum intentio peruersa non raperet, nisi prius superbia inflaret. Dum enim se præ cæteris sapientes arbitrantur, sequi alios ad melius intellecta despiciunt, atque vt apud imperitum vulgus scientiæ sibi nomen extorqueant: student summopere & ab aliis rectè intellecta destruere, & sua peruersa roborare. Vnde bene per prophetam dicitur: Secuerunt prægnantes Galaad, ad dilatandum terminum suum. Galaad nanque acerbis testimoniis interpretatur. Et quia cuncta simul congregatio Ecclesiæ per confessionem seruit testimonio veritatis, non incongruè per Galaad Ecclesia exprimitur, quæ ore cunctorum fidelium de Deo quæ vera sunt testatur. Prægnantes autem Galaad vocantur animæ, quæ intellectum verbi ex diuino amore concipiunt, etsi ad perfectum tempus veniant, conceptam intelligentiam boni operis ostensione parituræ sunt. Terminum verò suum dilatare, est opinionis suæ nomen extendere. Secuerunt ergo prægnantes Galaad ad dilatandum terminum suum: quia nimirum hæretici mentes fidelium quæ iam aliquid de veritatis intellectu conceperant, peruersa prædicatione perimunt, & scientiæ sibi nomen extendunt. Paruulorum quippe corda iam de verbi conceptione grauida, erroris gladio scindunt, & quasi doctrinæ sibi nomen faciunt. Hos ergo cum conamur instruere ne peruersa sentiant, admonemus prius necesse est, ne inanem gloriam quærant. Si enim radix elationis abscinditur, consequenter rami prauæ assertio-

nis arefiunt. Admonendi sunt etiam, ne errores discordiæque generando, legem Dei quæ idcirco data est vt sacrificia satanæ prohibeat, eandem ipsam in satanæ sacrificium vertant. Vnde per prophetam Dominus queritur dicens: Dedi eis frumentum, vinum & oleum, & argentum multiplicauit eis & aurum, quæ fecerunt Baal. Frumentum quippe à Domino accipimus, quando in dictis obscurioribus subducto tegmine literæ per medullam spiritus legis internæ sentimus. Vinum suum Dominus nobis præstat, cum scripturæ suæ alta prædicatione nos inebriat. Oleum quoque suum nobis tribuit, cum præceptis apertioribus vitam nostram blanda lenitate disponit. Argentum multiplicat, cum nobis luce veritatis plena eloquia subministrat. Auro quoque nos ditat, quando cor nostrum intellectu summi fulgoris irradiat. Quæ cuncta hæretici Baal offerunt: quia apud auditorum suorum corda corruptè omnia intelligendo peruertunt. Et de frumento Dei vino atque oleo, argento pariter & auro, satanæ sacrificium immolant: quia ad errorem discordiæ verba pacis inclinant. Vnde admonendi sunt vt perpendant: quia dum peruersa mente de præceptis pacis discordiam faciunt, iusto Dei examine ipsi de verbis vitæ moriuntur. At contra admonendi sunt qui rectè quidem verba legis intelligunt, sed hæc humiliter non loquuntur: vt in diuinis sermonibus priusquam aliis eos proferant, semetipsos requirant, ne insequentes aliorum facta, se deserant. Et cum rectè cuncta de sacra scriptura sentiunt, hoc solum quod per illam contra elatos dicitur non attendant. Improbis quippe & imperitis est medicus qui alieno mederi appetit, & ipse vulnus quod patitur nescit. Qui igitur verba Dei humiliter non loquuntur, profectò admonendi sunt vt cum medicamenta ægris apponunt, prius virus suæ pestis inspiciant, ne aliis medendo ipsi moriantur. Admoneri enim debent vt considerent ne à virtute dicendi, viuendi qualitate discordent: ne loquendo aliud, & ostendendo aliud prædicent. Audiant itaque quod scriptum est: Si quis loquitur, quasi sermones Dei. Qui ergo verba quæ proferunt ex propriis nõ habent, cur quasi de propriis tument? Audiant quod scriptum est: Sicut ex Deo coram Deo in Christo loquimur. Ex Deo enim coram Deo loquitur, qui prædicationis verbum, & quia à Deo accepit intelligit, & placere per illud Deo non hominibus quærit. Audiant quoque quod scriptum est: Abominatio Dei est omnis arrogas. Quia videlicet dum in verbo Dei laudem ac gloriā propriā quærit, ius dantis inuadit: eumque laudis suæ postponere nequaquam metuit, à quo hoc ipsum quod laudatur accepit. Audiant quod prædicatori per Salomonem dicitur: Bibe aquam de cisterna tua, & fluenta putei tui. Deriuentur fontes tui foras, & in plateis aquas diuide. Habeto eas solus, ne sint alieni participes tui. Aquā quippe prædicator de cisterna sua bibit, cum ad cor suum rediens, prius audit ipse quod dicit. Bibit quidē sui fluenta putei, si sui irrigatione verbi infunditur. Vbi bene subiungitur: Deriuentur fontes tui foras, & in plateis aquas diuide. Rectū quippe est vt ipse prius bibat, & tunc prædicando aliis influat. Fontes quippe foras deriuare, est exterius aliis vim prædicationis infundere. In plateis autem aquas diuidere, est in magna auditorum amplitudine iuxta vniuscuiusque qualitatem diuina eloquia dispensare. Et quia plerunque inanis gloriæ appetitus subrepat dum sermo Dei ad multorum notitiam currit, postquā dictum est: In plateis aquas diuide: rectè subiungitur: Habeto eas solus, nec sint alieni participes tui. Alienos quippe malignos spiritus vocat, de quibus per prophetā tentati hominis voce dicitur: Alieni insurrexerunt in me, & fortes quesierunt animā meam. Ait ergo: Aquas in plateis diuide: & tamen solus habeo: ac si apertius dicat: Si necesse est vt prædicationi exterius seruias, quatenus per elationem te immundis spiritibus non coniungas: ne diuini verbi ministerio hostes tuos ad te participes admittas. Aquas ergo & in plateis diuidimus, & tamen soli possidemus: quando & exterius latè prædicationem fundimus, & tamen per eam humanas laudes assequi minimè ambimus.

Admonitio XXVI.

Aliter quoque admonendi sunt qui cum prædicare dignè valeant, præ nimia humilitate formidant: atque aliter admonendi sunt quos à prædicatione imperfectio vel ætas prohibet, & tamen præcipitatio impellit. Admonendi nanque

Iob. 41.
Ibidem.

Acto. 23.

Osea. 2.

† al. dicti,
dicendi.

Prouer. 16.

Prouer. 9.

Ibidem.

Prouer. 9.

Psal. 53.

Amos. 1.

sunt qui cum prædicare vtiliter possunt, immoderata tamen humilitate refugiunt, ut ex minori consideratione colligant, quantum in maioribus rebus delinquant. Si enim indigentibus proximis ipsi quas habent pecunias absconderunt, adiutores proculdubio calamitatis exitissent. Quo ergo reatu constriquantur aspiciant, qui dum peccantibus fratribus verbum prædicationis subtrahunt, morientibus mentibus vitæ remedia abscondunt. Vnde & bene quidam sapiens dicit: Sapientia abscondita & thesaurus inuisus, quæ utilitas in vtrisque? Si populum fames attereret, & occulta frumenta ipsi feruarent, auctores proculdubio mortis existerent. Quia itaque plectendi sunt poena considerent, qui cum fame verbi animæ pereant, ipsi panem perceptæ gratiæ non ministrant. Vnde & bene per Salomonem dicitur: Qui abscondit frumenta, maledicetur in populis. Frumenta quippe abscondere, est prædicationis sanctæ apud se verba retinere. In populis autem talis quisque maledicetur: quia in solius culpa silentij pro multorum quos corrigere potuit poena damnatur: Si medicinalis artis minimè ignari secandum vulnera cernerent, & tamen secare recusarent, profectò peccatum fraternæ mortis ex solo torpore committerent. Quanta ergo culpa inuoluatur aspiciamus, qui dum cognoscunt vulnera mentium, curare negligunt ea sectione verborum. Vnde & bene per Prophetam dicitur: Maledictus qui prohibet gladium suum à sanguine. Gladium quippe à sanguine prohibere, est prædicationis verbum à carnalis vitæ interfectione retinere. De quo rursus gladio dicitur: Et gladius meus manducabit carnes. Hi autem cum apud se sermonem prædicationis occultant, diuinas contra se sententias terribiliter audiant, quatenus ab eorum cordibus timorem timor expellat. Audiant quòd talentum qui erogare noluit, cum sententiâ damnationis amisit. Audiant quòd Paulus eo se à proximorum sanguine mundum credidit, quo feriendis eorum vitiis non pepercit, dicens: Contestor vos hodierna die, quia mundus sum à sanguine omnium vestrorum, non enim subterfugi quo minus annunciarem omne consilium Dei vobis. Audiant quòd voce angelica Ioannes admonetur, cum dicitur: Qui audit, dicat veni. Ut nimirum cui se vox interna insinuat, illuc etiam clamando alios quòd ipse rapitur trahat, ne clausas fores etiam vocatus inueniat, si vocanti vacuus appropinquat. Audiat quòd Esaias qui à verbi ministerio tacuit, illustratus superno lumine, magna voce poenitentiam semetipsum ipse reprehendit, dicens: Væ mihi quia tacui. Audiant quòd per Salomonem in illum prædicationis scientia multiplicari promittitur, qui in hoc quod iam obtinuit, torporis vitio non tenetur. Ait namque: Anima quæ benedicit, impinguabitur, & qui inebriat, ipse quoque inebriabitur. Qui enim prædicando exterius benedicit, interioris augmenti pinguedinem recipit: & dum vino eloquij auditorum mentem deebriare non desinit, potu multiplicati muneris deebriatus excrefcit. Audiant quòd Dauid hoc Deo in munere obtulit, quòd prædicationis gratiam quam acceperat non abscondit, dicens: Ecce labia mea non prohibebo, Domine tu cognouisti. Iustitiam autem tuam non abscondi in corde meo: veritatem tuam & salutare tuum dixi. Audiant quòd sponsi colloquio ad sponsam dicitur: Quæ habitas in hortis, amici auscultant tefac me audire vocem tuam. Ecclesia quippe in hortis habitat: quæ ad viriditatem intimam exculta plantaria virtutum seruat. Cuius vocem amicos auscultare, est electos quosque verbum prædicationis illius desiderare: quam videlicet vocem sponsus audire desiderat, qui ad prædicationem eius per electorum suorum animas anhelat. Audiant quòd Moyse cum irascentem Deum populo cernebat, & assumi ad viciscendum gladios iuberet: illos à parte Dei denunciavit existere, qui delinquentium scelera incunctanter ferirent, dicens: Si quis Domini est, iungatur mihi: ponat vir gladium super femur suum: Ite & redite de porta vsq; ad portam per medium castrorum, & occidat vnusquisque fratrem suum, & amicum & proximum suum. Gladium quippe super femur ponere, est prædicationis studium voluptatibus carnis anteferre: ut cum sancta quis studet dicere, curet necesse est illicitas suggestiones edomare. De porta verò vsque ad portam ire, est à vitio vsque ad vitium per quod ad mentem mors ingreditur, increpando discurre. Per me-

diu verò castrorum transire, est tanta æqualitate intra Ecclesiam viuere, ut qui delinquentium culpas redarguit, in nullius se debeat suorem declinare. Vnde & rectè subiungitur: Occidat vir fratrem, & amicum, & proximum suum. Fratrem scilicet & amicum & proximum interficit, qui cum puniendi inuenit, ab increpationis gladio nec eis quos per cognitionem diligit, parcit: Si ergo ille Dei dicitur qui ad feriendi vitia zelo diuini amoris excitatur: profectò esse se Dei denegat, qui in quantum sufficit increpare vitam carnalium recusat. At contra admonendi sunt quos à prædicationis officio, vel imperfectio, vel ætas prohibet, & tamen præcipitatio impellit: ne dum tanti sibi onus officij præcipitatione arrogat, viam sibi subsequenti meliorationis abscondant: & cum arripiunt intempestiuè quod non valent, perdant etiam quod implere quandoq; tempestiuè potuissent: atque scientiam incongruè conantur ostendere, iuste ostendantur amississe. Admonendi sunt ut considerent quòd pulli auium si ante pennarum perfectionem volare appetant, vnde ire in alta cupiunt, inde in in amerguntur. Admonendi sunt ut considerent quòd structuris recentibus necdum solidatis, si tignorum pondus superponitur, non habitaculum, sed ruina fabricatur. Admonendi sunt ut considerent quòd conceptas soboles feminae si priusquam plenè formentur proferunt, nequaquam domos, sed tumultus replent. Hinc est quòd ipsa veritas quæ repente quos vellet roborare potuisset: ut exemplum sequentibus daret, ne imperfecti prædicare præsumerent, postquam discipulos de virtutis prædicatione instruxit, ilico adiunxit: Vos autem sedete in ciuitate quoad vsque induamini virtute ex alto. In ciuitate quippe confidemus, si intra mentium nostrarum nos claustra constringimus, ne loquendo exterius euagemur: ut cum virtute diuina perfectè induimur, tunc quasi à nobismetipsis foras etià alios instruentes exeamus. Hinc per quendam sapientem dicitur: Adolescens loquere in causa tua vix. Et si bis interrogatus fueris, habeat initium responsio tua. Hinc est quòd idem Redemptor noster cum in cælis sit conditor, & ostensione suæ potentiae semper doctor Angelorum, ante tricennale tempus in terra magister noluit fieri hominum: ut videlicet præcipitatis vim saluberrimam timoris infunderet: cum ipse etiam qui labi non posset perfectæ vitæ gratiam non nisi perfectæ ætate prædicaret. Scriptum quippe est: Cum factus esset annorum duodecim, remansit puer Iesus in Hierusalem. De quo à parentibus requisito paulò post subditur: Inuenerunt illum in templo sedentem in medio doctorum, audientem illos & interrogantem. Vigilanti itaque consideratione pensandum est, quòd cum Iesus annorum duodecim dicitur in medio doctorum sedens, non docens, sed interrogans inuenitur. Quo exemplo scilicet ostenditur ne infirmus docere quis audeat, si ille puer doceri interrogando voluit, qui diuinitatis potentiam verbum scientiæ ipsis suis doctoribus ministravit. Hinc verò per Paulum discipulo dicitur: Præcipe hæc & doce, nemo adolescentiam tuam contemnat. Sciendum namque nobis est, quia in sacro eloquio aliquando adolescentia iuuentus vocatur. Quod citius ostenditur si Salomonis ad medium verba proferantur, qui ait: Lætare iuuenis in adolescentia tua. Si enim vtraque vnum esse decerneret, quem monebat in adolescentia, iuuenem non vocaret.

Admonitio XXVII.

Aliter admonendi sunt, qui in hoc quod temporaliter appetunt prosperantur: atq; aliter qui ea quidem quæ mundi sunt concupiscunt, sed tamen aduersitatis labore fatigantur. Admonendi namque sunt qui in hoc quod temporaliter appetunt prosperantur, ne cum cuncta ad votum suppetunt, dantem quærere negligant, si in his quæ dantur animum figant: ne peregrinationem pro patria diligant, ne subsidia itineris in obstacula peruentiois vertant, ne nocturno lunæ lumine delectati, claritatem Solis videre fuggiant. Admonendi itaque sunt, ut quæque in hoc mundo consequuntur, calamitatis solatia, non autem præmia retributionis credant, sed contra fauores mundi mentem erigant, ne in eis ex tota cordis delectatione succumbant. Quisquis enim prosperitatem qua vititur apud iudicium cordis melioris vitæ amore non reprimat, fauorem vitæ transeuntis in mortis perpetuæ

Prover. 1.
1. Cor. 3.

Canti. 2.

Prover. 3.

Psal. 107.

Psal. 67.

Psal. 104.

Psal. 72.

Luc. 16.

1. Reg. 24.
2. Reg. 11.

perpetuæ occasionem vertit. Hinc est enim quod sub Idu-
mæorum specie, qui vincendos se prosperitati suæ reliquerunt,
in huius mundi successibus lætantes, increpantur cum dicitur:
Dederunt terram meam sibi in hæreditatem cum gaudio, ex
toto corde & ex animo. Quibus verbis perpenditur quod nõ
solum quia gaudeant, sed quod toto corde & ex animo gau-
deant, districta reprehensione feriantur. Hinc Salomon ait:
Aversio paruulorum interficiet eos, & prosperitas stultorum
perdet illos. Hinc Paulus admonet dicens: Qui emunt tan-
quam non possidentes: & qui vtuntur hoc mundo tanquam
non vtantur. Vt videlicet sic nobis quæ suppetunt exteri-
us feruiant, quatenus à supernæ dilectionis studio animum non
inflectant: ne luctum nobis internæ peregrinationis tempe-
rent ea, quæ in exilium positæ subsidium præbent, & quasi fœ-
lices in transitoriis nos gaudemus, qui ab æternis nos interimi
miseros cernimus. Hinc nanque est quod electorum voce di-
cit Ecclesia: Læua eius sub capite meo, & dextra illius ample-
xabitur me. Sinistram Dei prosperitate videlicet vitæ præsen-
tis quasi sub capite posuit, quam intentione summi amoris pre-
mit. Dextera verò Dei eam amplectitur: quia sub æterna eius
beatitudine tota deuotione continetur. Hinc rursus per Sa-
lomonem dicitur: Longitudo dierum in dextera eius, in fini-
stra verò eius diuitiæ & gloria. Diuitiæ itaque & gloria qua-
liter sint habenda docuit, quæ posita in sinistra memorauit.
Hinc psalmista ait: Saluum me fac dextera tua. Neque enim
ait manu, sed dextera: vt videlicet cum dexteram diceret, quia
æternam salutem quæreret indicaret. Hinc rursus scriptum est:
Dextera manus tuæ Domine cõfregit inimicos. Hostes enim
Dei etsi in sinistra eius proficiunt, in dextera franguntur: quia
plerunque prauos vita præsens eleuat, sed aduentus æternæ
beatitudinis damnat. Admonendi sunt qui in hoc mundo
prosperantur, vt solerter considerent, quia præsentis vitæ pro-
speritas aliquando idcirco datur vt ad meliorem vitam prouo-
cet, aliquando verò vt in æternum plenius damnet. Hinc est
enim quod plebi Israëliticæ Chanaan terra promittitur, vt
quandoque ad æterna speranda prouocetur. Neque enim ru-
dis populus ille promissionibus Dei in lōginquum crederet,
si à promissore suo non etiam à vicino aliquid percepisset. Vt
ergo ad æternorum fidem certius roboretur, nequaquam so-
lummoda spe ad res, sed rebus quoque ad spem trahitur. Quod
liquidò psalmista testatur, dicens: Dedit eis regiones gentium,
& labores populorum possederunt. Vt custodiant iustifica-
tiones eius, & legem eius requirant. Sed cum largientem Deū
humana mens boni operis repensatione non sequitur, vnde
nutrita piæ creditur, inde iustus damnatur. Hinc enim per
Psalmistam rursus dicitur: Deiecisti eos, dum alleuarentur.
Quia videlicet reprobi cum recta opera diuinis muneribus
non rependunt, cum totos se hic deferunt, & affluētibus pro-
speritatibus dimittunt, vnde exteri-
us proficiunt, inde ab inti-
mis cadunt. Hinc est quod in inferno cruciato diuiti dicitur:
Recepisti bona in vita tua. Idcirco etenim recepit bona in vi-
ta sua malus, vt illic plenius mala reciperet, quia hic fuerat
nec per bona conuersus. At contrā admonēdi sunt, qui ea qui
dem quæ mundi sunt concupiscunt, sed tamen aduersitatis la-
bore fatigantur, vt sollicita consideratione perpendant, crea-
tor dispensatorque cunctorum quanta super eos gratia vigi-
lat, quos in sua desideria nõ relaxat. Aegro quippe quem me-
dicus desperat, concedit vt cuncta quæ concupiscit accipiat.
Nam qui sanari posse creditur, à multis quæ appetit prohibe-
tur. Et pueris nummos subtrahimus, quibus tota simul patri-
monia hæredibus referuamus. Hinc ergo de spe æternæ hære-
ditatis gaudium sumat, quos aduersitas vitæ temporalis humi-
liat: quia nisi saluādos eos in perpetuum cerneret, erudiendos
sub disciplinæ regimine diuina dispensatio non refrenaret.
Admonendi itaque sunt qui in his quæ temporaliter concupi-
scunt, aduersitatis labore fatigantur, vt sollicitè considerent
quod plerunque etiam iustos cum temporalis potētia sustol-
lit, velut in laqueum culpa comprehendit. Nam sicut in prio-
ri huius voluminis parte iam diximus, Deo David prius ama-
bilis rector fuit in seruitiō, quā cum peruenit ad regnum.
Seruus nanque amore iustitiæ, deprehensum aduersarium fe-
rire timuit: rex autem persuasione luxuriæ deuotum militem
etiam sub studio fraudis extinxit. Quis ergo opes, quis pote-

statem, quis gloriam quærat innoxie, si & illi extiterunt no-
xia, qui hæc habuit non quæsit? Quis inter hæc sine magno
discriminis labore saluabitur, si ille in his culpa interueniente
turbatus est, qui ad hæc fuerat Deo eligente præparatus? Ad-
monendi sunt vt considerent, quia Salomon qui post tantam
sapientiam vsque ad idololatriam cecidisse describitur, nihil
in hoc mundo prius quā caderet aduersitatis habuisse me-
moratur. Sed concessa sapientia funditus cor deseruit, quod
nulla, vel minima tribulationis disciplina custodiuit.

3. Reg. 11.

Admonitio XXXVIII.

Aliter admonendi sunt coniugiis obligati: atque aliter à
coniugij nexibus liberi. Admonendi sunt nanque coniu-
giis obligati, vt cum vicissim quæ sunt alterius cogitant, sic
eorum quisque placere studeat coniugi, vt non displiceat
conditoris: sic ea quæ huius mundi sunt agant, vt tamen appe-
tere quæ Dei sunt nõ omittant: sic de bonis præsentibus gau-
deant, vt tamen sollicita intentione mala æterna pertimescāt:
sic de malis temporalibus lugeant, vt tamen consolatione in-
tegra spem in bonis perennibus figant: quatenus dum in tran-
situ cognoscunt esse omne quod agunt, in mansione sciant
quod appetunt: nec mala mundi cor confringant, cum spes
bonorum cœlestium roborat: nec bona præsentis vitæ deci-
pian, cum suspecta subsequētis iudicij mala contristant. Ita-
que animus Christianorum coniugum & infirmus & fidelis,
qui & plenè cuncta temporalia despiciere non valet, & tamen
æternis se coniungere per desiderium valet: quāuis in dele-
ctatione carnis interim iaceat, supernæ spei rectione conua-
lescat. Et si habet quæ mundi sunt in vsu itineris, speret quæ
Dei sunt in fructu peruentiois: nec totum se ad hoc quod a-
git conferat, ne ab eo quod robustè sperare debuit, funditus
cadat. Quod bene ac breuiter Paulus exprimit dicens: Qui
habent vxores, tanquam non habentes sint: & qui flent, tan-
quam non flentes: & qui gaudent, tanquam non gaudentes.
Vxorem quippe quasi non habendo habet, qui sic per illam
carnali consolatione vtitur, vt tamen nunquam ad praua o-
pera à melioris intentionis rectitudine eius amore flectatur.
Vxorem quasi non habendo habet, qui transitoria esse cun-
cta conspiciens, curam carnis ex necessitate tolerat, sed æter-
na gaudia spiritus ex desiderio expectat. Non flendo autem
flere, est sic exteriora aduersa plangere, vt tamen nouerit æ-
ternæ quoque spei consolatione gaudere. Et rursus, nõ gau-
dendo gaudere, est sic de infimis animum attollere, vt tamen
nunquam desinat summa formidare. Vbi quoque aptè pau-
lò post idem doctor ac prædicator gentium subdit dicens:
Præterit enim figura huius mundi: ac si apertè diceret: Nolite
constanter mundum diligere, quando & ipse nõ potest quem
diligitis stare. In cassum cor quasi manentes figitis, dum fugit
ipse quem amatis. Admonendi sunt coniuges vt ea in quibus
sibi aliquando displicent, & patientes inuicem tolerant, & ex-
hortantes inuicem saluent. Scriptum nanque est: Inuicem o-
nera vestra portate, & sic adimplebitis legem Christi. Lex
quippe Christi, charitas est: quia ille nobis & largiter sua bo-
na contulit, & æquanimiter mala nostra portauit. Tunc er-
go legem Christi & eius mandata imitando complemus,
quando & nostra bona benignè conferimus, & nostrorum
mala piè sustinemus. Admonendi quoque sunt & coniuges,
vt eorum quisque non tam quæ ab altero tolerat, quā quæ
ab ipso tolerantur attendat. Si enim sua quæ portantur consi-
deret, ea quæ ab altero sustinet leuius portat. Admonendi
sunt coniuges vt suscipiendæ prolis se meminerint causā
coniunctos, & cum immoderatæ admixtioni feruientes,
propagationis articulum in vsum transferunt voluptatis,
perpendant, quod licet extrā non exeant, in ipso tamen con-
iugio coniugij iura transcendunt. Vnde necesse est vt cre-
bris exhortationibus moneantur, vt desleant quod pulchram
copulæ speciem admixtis voluptatibus fœdant. Hinc est e-
nim quod peritus medicinæ cœlestis Apostolus non tam
sanos instituit quā infirmis medicamenta monstrauit, di-
cens: De quibus scripsistis mihi: Bonum est homini mulie-
rem non tangere: propter fornicationem autem vnusquis-
que suam habeat vxorem, & vnaquæque suum virum ha-
beat. Qui enim fornicationis metum præmisit, profectò non

1. Cor. 7.

Ibidem.

Galat. 9.

1. Cor. 7.

stantibus præceptum contulit: sed ne fortasse in terra ruerent, lectum cadentibus ostendit. Vnde adhuc infirmantibus subdidit: Vxori vir debitum reddat, similiter & vxor viro. *Ibidem.* Quibus dum in magna honestate coniugij aliquid de voluptate largiretur, paulò post subdidit: Hoc autem dico secundum indulgentiam, non secundum imperium. Culpa quippe esse innuitur, quod indulgeri perhibetur. Sed quæ tantò citius relaxetur, quantò non per hanc illicitum quid agitur: sed hoc quod est licitum, sub moderamine non tenetur. *Gene. 19.* Quod bene Loth in semetipso exprimit, qui ardentem Sodomam fugit: sed tamen Segor veniens, nequaquam mox montana conscendit. Ardentem quippe Sodomam fugere, est illicita carnis incendia declinare. Altitudo verò montium, est munditia continentium. Vel certè quasi in monte sunt qui & iam carnali copulæ inhaerent, sed tamen extra suscipiendæ prolis admixtionem debitam, nulla carnis voluptate soluuntur. In monte quippe stare quid est nisi fructus propaginis in carne non quærere? In monte stare, est carni carnaliter non adhærere. Sed quia multi sunt, qui scelera quidem carnis deserunt, nec tamen in coniugio positi, vsus solummodo debiti iura conseruant: exiit quidem Loth Sodomam, sed tamen mox ad montana non peruenit: quia iam damnabilis vita relinquitur, sed adhuc celsitudo coniugalis continentia subtiliter non tenetur. Est verò in medio Segor ciuitas, quæ fugientem saluet infirmum: quia videlicet cum sibi per incontinentiam miscentur coniuges, & lapsus scelerum fugiunt, & tamen venia saluantur. Quasi paruam quippe ciuitatem inueniunt in qua ab ignibus defendantur: quia coniugalis hæc vita non quidem in virtutibus mira est, sed tamen à suppliciis secura. *Gene. 19.* Vnde idem Loth ad Angelum dicit: Est ciuitas hæc iuxta ad quam possum fugere, parua, & saluabor in ea. Nunquid non modica est, & viuet anima mea in ea? Iuxta ergo Segor dicitur, & tamen ad salutem tuta perhibetur: quia coniugalis vita nec à mundo longè diuisa est, nec tamen à gaudio salutis aliena. Sed tunc in hac actione vitam suam coniuges quasi in paruam ciuitatem custodiunt, quando pro se adsiduis deprecationibus intercedunt. Vnde rectè per Angelum ad eundem Loth dicitur: Ecce etiam in hoc suscepi preces tuas, vt non subuertam urbem pro qua locutus es. Quia videlicet cum deprecatio funditur Deo, nequaquam talis coniugij vita damnatur. *1. Corint. 7.* De qua deprecatione quoque Paulus admonet dicens: Nolite fraudare inuicem, nisi fortè ex consensu ad tempus, vt vacetis orationi. At contrà admonendi sunt qui ligati coniugiis non sunt, vt cœlestibus præceptis eò rectius seruiant, quò eos ad curas mundi nequaquam iugum copulæ carnalis inclinat: vt quos onus licitum coniugij non grauat, nequaquam pondus illicitum terrenæ sollicitudinis premat, sed tantò eos paratiores dies vltionis quantò expeditiores inueniat: ne quò meliora agere vacantes possunt, sed tamen negligunt, eò supplicia deteriora mereant. Audiant quòd Apostolus cum quosdam ad cœlibatus gratiam instrueret, non coniugium spreuit, sed curas mundi nascentes ex coniugio repulit, dicens: Hoc ad vtilitatem vestram dico, non vt laqueum vobis iniiciam: sed ad id quod honestum est, & quod facultatem præbeat sine impedimento Domino obseruendi. Ex coniugiis quippe terrenæ sollicitudines prodeunt: & idcirco magister gentium auditores suos ad meliores persuasit, ne sollicitudine terrena ligarentur. Quem ergo cœlibem curarum secularium impedimentum præpedit, & coniugio se nequaquam subdidit, & tamen coniugij onera non euasit. Admonendi sunt cœlibes ne sine damnationis iudicio misceri se fœminis [†] vacantibus putent. Cum enim Paulus fornicationis vitium tot criminibus execrandis inseruit, cuius sit reatus indicauit dicens: Neque fornicatores, neque seruientes idolis, neque adulteri, neque molles, neque masculorum concubitores, neque fures, neque auari, neque ebriosi, neque maledici, neque rapaces regnum Dei possidebunt. Et rursum: Fornicatores autem & adulteros iudicabit Deus. Admonendi sunt itaque, vt si tentationum procellas cum difficultate salutis tolerant, coniugij portum petant. Scriptum nanque est: Melius est nubere quàm vri. Sine culpa quippe ad coniugium veniunt, si tamen necdum meliora vouerunt. Nam quisquis bonum maius subire proposuit, bonum minus quòd licuit illicitum fecit. Scriptum

quippe est: Nemo mittens manum suam ad aratrum & respiciens retrò, aptus est regno cœlorum. Qui igitur fortiori studio intenderat, retrò conuincitur respicere, si relictis amplioribus bonis ad minima retorquetur.

Admonitio XXIX.

Aliter admonendi sunt peccatorum carnis conscij, atque aliter ignari. Admonendi nanque sunt peccata carnis experti, vt mare saltem post naufragium metuant, & perditionis suæ discrimina vel cognita perhorrescant: ne qui piè post perpetrata mala seruati sunt, hæc improbè repetèdo moriantur. Vnde peccanti animæ nunquam à peccato desinenti dicitur: Frons mulieris meretricis facta est tibi, noluisti erubescere. Admonendi sunt itaque vt studeant, quatenus si accepta naturæ bona integra seruare noluerunt, saltem scissa resarciant. Quibus nimirum necesse est, vt perpendant in tam magno fidelium numero, quàm multi & se illibatos custodiant, & alios ab errore conuertant. Quid ergo isti dicturi sunt, si aliis in integritate stantibus, ipsi nec post damna resipiscant? **F** Quid dicturi sunt, si cum multi & alios secum deferunt ad regnum, hi expectanti Domino nec semetipsos seducant? Admonendi sunt vt præterita commissa considerent, & imminetia deuitent. Vnde sub Iudææ specie per Prophetam Dominus corruptis in hoc mundo mentibus, transactas ad memoriam culpas reuocat, quatenus pollui in futuris erubescant, dicens: Fornicatae sunt in Aegypto in adolescentia sua: ibi subacta sunt vbera earum, & fractæ sunt mammæ pubertatis earum: In Aegypto quippe vbera subiguntur, cum turpi huius mundi desiderio humanæ mentis voluntas substernitur. In Aegypto pubertatis mammæ franguntur, quando naturales sensus adhuc in semetipsis integri, pulsantis concupiscentiæ corruptione vitiantur. Admonendi sunt carnis peccata experti, vt vigilantia cura conspiciant, post delicta nobis ad se redeuntibus Deus quanta beneuolentia sinum suæ pietatis expandat, cum per Prophetam dicat: Si dimiserit vir vxorem suam, & illa recedens duxerit virum alium, nunquid reuertetur ad eum vltra? Nunquid non polluta & contaminata erit mulier illa? Tu autem fornicata es cum amatoribus multis, tamen reuertere ad me, dicit Dominus. Ecce de fornicante & relictâ muliere argumentum iustitiæ proponitur, & tamen nobis redeuntibus post lapsum non iustitia, sed pietas exhibetur. Vt hinc vtique colligamus, si nobis delinquentibus tâta pietate parcitur, à nobis nec post delictum redeuntibus quanta improbitate peccatur: aut quæ ab illo erit super improbos venia, qui non cessat vocare post culpam? Quæ nimirum bene per Prophetam post delictum misericordia vocationis exprimitur, cum auerso homini dicitur: Et erunt oculi tui videntes præceptorem tuum, & aures tuæ audient verbum post tergum monentis. Humanum quippe genus Dominus in faciem monuit, quando in paradiso condito homini atque in libero arbitrio stanti, quid facere, quidve non facere deberet indixit. Sed homo in Dei faciem terga dedit, cum superbiens eius iussa contempsit. Nec tamen superbientem Deus deseruit, qui ad reuocandum hominem legem dedit, exhortantes Angelos misit, in carne nostræ mortalitatis ipse apparuit. Ergo post tergum stans nos admonuit, qui ad recuperationem nos gratiæ etiam contemptus vocauit. Quod igitur generaliter simul potuit dici de cunctis, hoc necesse est specialiter sentiri de singulis. Quasi enim coram Deo positus quisque verba monitionis eius percipit, cum priusquam peccata perpetret, voluntatis eius præcepta cognoscit. Adhuc enim ante faciem eius stare, est necdum eum peccando contemnere. Cum verò derelicto bono innocentia iniquitatem eligens appetit, iam terga in eius faciem mittit. Sed ecce adhuc & post tergum Deus subsequens monet, qui etiam post culpam ad se redire persuadet. Auersum reuocat, cum commissâ non respicit, sed reuertenti sinum pietatis expandit. Vocem ergo post tergum monentis audimus, si ad inuitantem nos Dominum saltem post peccata reuertimur. Debemus ergo pietatem vocantis erubescere, si iustitiam nolumus formidare: quia tantò grauiori improbitate contemnitur, quantò & contemptus adhuc vocare non dedignatur. At contrà admonendi sunt peccata carnis ignorantes, vt tantò sollicitius præcipientem ruinam metuant, quantò altius stant. Admonendi sunt vt nouerint,

Hiere. 3.

Exech. 23.

Hiere. 3.

Esai. 30.

Esaiæ 36.

Apor. 13.

Matth. 19.

Esaiæ 23.

Lucæ 7.

nouerint, quia quod magis loco præminenti consistit, eo crebrioribus sagittis insidiatoris impetuntur. Quia tantò ardentius solet erigi, quantò robustius se conspiciit vinci: tantòque intolerabilius dedignatur vinci, quantò contra se videt per integra infirmæ carnis castra pugnari. Admonendi sunt vt incessanter præmia suspiciant, & libenter proculdubio tentationum quas tolerant labores calcabunt. Si enim attendatur felicitas quæ sine transitu attingitur, lene fit quod transeundo laboratur. Audiant quod per prophetam dicitur: Hæc dicit Dominus eunuchis: Qui custodierint sabbata mea & elegerint quæ volui, & fœdus meum tenuerint, dabo eis in domo mea & in muris meis locum & nomen melius à filiis & filiabus. Eunuchi quippe sunt, qui compressis motibus carnis, affectum in se prauis operibus abscondunt. Quo autem apud patrem loco habeant ostenditur, quia in domo patris videlicet æterna mansione etiam filiis præferuntur. Audiant quod per Ioannem dicitur: Hi sunt qui cum mulieribus non sunt coinquinati: virgines enim sunt, & sequuntur agnum quocunque ierit. Et quod canticum cantant quod nemo potest dicere, nisi illa centum quadraginta quatuor milia. Singulariter quippe canticum agno cantare, est cum eo in perpetuum præcunctis fidelibus etiam de incorruptione carnis gaudere. Quod tamē electi cæteri canticum audire possunt, licet dicere nequeant: quia per charitatem quidem in illorum celsitudine latet, quauis ad eorum præmia non assurgant. Audiant peccatorum carnis ignari quod per semetipsam de hac integritate veritas dicit: Non omnes capiunt verbum hoc. Quod eo innotuit summum esse, quo denegauit omnium: & dum prædicit quia difficile capitur, audientibus innuit, captum cum qua cautela teneatur. Admonendi sunt itaque peccata carnis ignorantes, vt & præminere virginitatem coniugio sciunt: & tamē se super coniuges non extollant, quatenus dum & virginitatem præferunt, & se postponunt: & illud non deferant quod melius esse æstiment, & se custodiant quo se inaniter non exaltant. Admonendi sunt vt considerent quod plerunque actione secularium vita continentium confunditur, cum illi ultra habitum assumant opera, & isti iuxta ordinem proprium non excitant corda. Vnde bene per prophetam dicitur: Erubescit Sidon, ait mare. Quasi enim per vocem maris ad verecundiam Sidon adducitur, quando per comparisonem vitæ secularium atque in hoc mundo fluctuantium, eius qui munitus & stabilis cernitur, vita reprobat. Sæpe enim nonnulli ad Dominum post peccata carnis redeunt, tantò ardentius se in bonis operibus exhibent, quantò damnabiliores se de malis vident. Et sæpe quidam in carnis integritate perdurantes, cum minus se respiciunt habere quod defleant, plenè sibi sufficere vitæ suæ innocentiam putant atque ad feruorem spiritus nullis se ardoris stimulis inflammant. Et fit plerunque Deo gratior amore ardens vita post culpam, quam securitate torpens innocentia. Vnde & voce iudicis dicitur: Remittuntur ei peccata multa, quia dilexit multum. & Gaudium erit in cælo super vno peccatore pœnitente magis, quam super nonaginta nouè iustis, quibus non opus est pœnitentia. Quod citius ex ipso vsu colligimus, si nostræ mentis iudicia pensamus. Plus nanque terram diligimus quæ post spinas exarata fructus vberes producit, quam quæ nullas spinas habuit, sed tamen exulta sterilem segetem gignit. Admonendi sunt peccata carnis ignorantes, ne superioris ordinis celsitudine se cæteris præferant, cum ab inferioribus quanta se melius agantur ignorant. In examine nanque recti iudicis mutat merita ordinum, qualitas actionum. Quis enim consideratis rerum ipsis imaginibus nesciat quod in natura gemmarum carbunculus præfertur hyacintho? Sed tamen cærulei coloris hyacinthus præfertur pallenti carbunculo: quia & illi quod naturæ ordo subtrahit, species decoris adiungit, & hunc quem naturalis ordo prætulit, coloris qualitas fœdat. Sic ergo in humano genere & quidam in meliori ordine deteriores sunt, & quidam in deteriori meliores: quia & isti sortem extremi habitus bene viuendo transcendunt, & illi superioris loci meritum moribus non exquando diminuunt.

Admonitio XXX.

Aliter admonendi sunt qui peccata deplorant operum, atque aliter qui cogitationum. Admonendi quippe sunt qui

A peccata deplorant operum, vt consummata mala perfectio diluant lamento, ne plus astringantur in debito perpetrati operis, & minus soluant fletibus satisfactionis. Scriptum quippe est: Potum dedit nobis in lachrymis & in mensura: vt videlicet vniuscuiusque mens tantum pœnitendo compunctionis suæ bibat lachrymas, quantum se à Deo meminit aruisse per culpas. Admonendi sunt vt incessanter admissa ante oculos reducant, atque viuendo agant vt à districto iudice videri non debeant. Vnde Dauid cum peteret dicens: Auerte oculos tuos à peccatis meis: paulò superius intulit: Delictum meum coram me est semper: ac si diceret: Peccatum meum ne respicias postulo, quia hoc respicere ipse non cesso. Vnde & per prophetam Dominus dicit: Et peccatorum tuorum memor non ero, tu autem memor esto. Admonendi sunt vt singula quæque admissa considerent, & dum per vnumquodque erroris sui iniquationem deflent, simul se ac totos lachrymis mudent. Vnde bene per Hieremiam dicitur, cum Iudææ singula delicta pensarentur: Diuisiones aquarum deduxit oculus meus. Diuisas quippe ex oculis aquas deducimus, quando peccatis singulis dispertitas lachrymas damus. Neque enim vno eodémque tempore æque mens de omnibus dolet, sed dum nunc huius nunc illius culpæ memoria acius tangitur, simul de omnibus in singulis commota purgatur. Admonendi sunt, vt de misericordia quam postulant præsumant, ne vi immoderate afflictionis intereant. Neque enim piè Dominus ante delinquentium oculos flenda peccata opponeret, si per semetipsum ea districtè ferire voluisset. Constat enim quod à suo iudicio abscondere voluit, quos miserando præueniens sibimetipsis iudices fecit. Hinc enim scriptum est: Præueniamus faciem Domini in confessione. Hinc per Paulum dicitur: Si nosmetipsos diiudicemus, non vtiq; iudicemur. Rursusque admonendi sunt, vt sic de spe fiducia habeant, ne tamen incauta securitate torpescant. Plerunque enim hostis callidus mentem quam peccato supplantat, cum de ruina sua afflictam respicit, securitatis pestiferæ bladiis seducit. Quod figuratè exprimitur, cum factum Dinæ memoratur. Scriptum quippe est: Egressa est Dina vt videret mulieres regionis illius: quam cum vidisset Sichen filius Emor Euei princeps terræ illius, adamauit, & rapuit, & dormiuit cum illa, vi opprimēs virginē, & conglutinata est anima eius cum ea, tristisq; bladiis deliniuit. Dina quippe vt mulieres videat extraneæ regionis egreditur, quando vnaquæque mēs sua studia negligēs, actiones alienas curans, extra habitum atque extra ordinem proprium vagatur. Quam Sichen princeps terræ illius opprimit: quia videlicet inuentā in curis exterioribus diabolus corrumpit. Et conglutinata est anima eius cum ea: quia vnitam sibi per iniquitatem respicit. Et quia cum mens à culpa respiscit, ad se ducitur, atque admissum flere conatur, corruptor autem spes & securitates vacuas ante oculos reuocat, quatenus vtilitatem tristitiæ subtrahat, rectè illic subiungitur: Tristisq; bladiis deliniuit. Modò enim aliorum facta grauiora, modò nihil esse quod perpetratum est, modò misericordem Deum loquitur, modò adhuc tēpus subsequens ad pœnitentiam pollicetur: vt dum per hæc decepta mens ducitur, ab intentione pœnitentiæ suspendatur: quatenus tunc bona nulla percipiat quam nunc mala contristant, & tunc plenius obruatur suppliciis quæ nunc etiam gaudet in delictis. At cōtrā admonendi sunt qui peccata cogitationū deflent, vt sollicitè considerent intra mētis arcana vtrum delectatione tantummodo, an etiam cōsensu deliquerint. Plerunque enim tētatum cor & ex carnis nequitia delectatur, & tamen eidem nequitie ex ratione renititur, vt in secreto cogitationis & cōtristat quod libet, & libeat quod cōtristat. Nonnunquam verò ita mens baratro tentationis absobetur, vt nullatenus renitatur, sed ex deliberatione sequitur hoc vnde ex delectatione pulsatur: & si factas exterior suppetat, rerum mox affectibus interiora vota cōsummat. Quod videlicet si iusta animaduersione districti iudicis respicit, non est iam cogitationis culpa sed operis: quia etsi rerum tarditas foras peccatum distulit, intus hoc cōsensionis opere voluntas impleuit. In primo autē paritè didicimus quia tribus modis omnis culpæ nequitia perpetratur: suggestionem scilicet, delectationem, & cōsensum. Primum itaque per hostem secundum verò per carnem, tertium per spiritum perpetratur.

Psal. 79.

Psal. 50.

Thy. 3.

Psal. 94.

1. Cor. 11.

Gen. 34.

Insidiator enim praua suggerit, caro se delectationi subiicit, atque ad extremum spiritus victus delectatione consentit. Vnde & ille serpens praua suggessit. Eva autem quasi caro se delectationi subdidit. Adam vero velut spiritus suggestionem ac delectatione superatis consensit. Suggestionem itaque peccatum agnoscimus, delectatione vincimur, consensu etiam ligamur. Admonendi sunt igitur qui nequicias cogitationis deflent, ut solliciti considerent in qua peccati mensura ceciderunt, quatenus iuxta ruinam modum quam in semetipsis introrsus sentiunt, etiam mensura lamentationis erigantur: ne si cogitata mala minus excruciant, usque ad perpetranda opera perducant. Sed inter hæc ita terrendi sunt, ut tamen minime frangantur. Sæpe enim misericors Deus eò citius peccata cordis abluit, quò exire ad opera non permittit: & cogitata nequitia tantò citius soluitur, quantò effectu operis distinctius non ligatur. Vnde rectè per Psalmistam dicitur: Dixi pronuntiabo aduersum me iniustitias meas Domino; & tu remisisti impietatem cordis mei. Qui autem impietatem cordis subdidit: quia cogitationum iniustitias pronuciare vellet indicauit. Dúmque ait: Dixi, pronuntiabo: atque ilico adiunxit, Et tu remisisti: quàm sit super hæc facilis venia ostendit. Et dum se adhuc petere promittit, hoc quòd petere se promittebat obtinuit, quatenus quia usque ad opus non venerat culpa, usque ad cruciatum non perueniret poenitentia, sed cogitata afflictio mentem tergeret, quam nimirum tantummodo cogitata iniquitas inquinasset.

Admonitio XXXI.

Aliter admonendi sunt qui admissa plangunt, nec tamen deserunt: atque aliter qui deserunt nec tamen plangunt.

de poenit. distinct. 3. Admonendi sunt enim qui admissa plangunt, nec tamen deserunt: ut considerare solliciti sciant quia flendo inaniter se mundant, qui viuendo se nequiter inquinant, cum idcirco se lachrymis lauant, ut mundi ad sordes redeant. Hinc enim *Prouer. 26.* scriptum est: Canis reuersus ad suum vomitum, & sus lota in *Eccl. 2. Pet. 2.* volutabro luti. Canis quippe cum vomit, profectò cibum qui pectus deprimebat proicit: sed cum ad vomitum reuertitur, vnde leuigatus fuerat, rursus oneratur. Et qui admissa plangunt profectò nequitiam de qua malè satiati fuerant, & quæ mentis intima deprimebat confitendo proiciunt, quam post confessionem dum repetunt resumunt. Sus verò in volutabro luti cum lauitur, sordidior redditur. Et quia admissum plangit, nec tamen deserit, pene grauiori culpæ se subiicit: quia ipsam quam flendo potuit impetrare veniam contemnit, & quasi in lutosa aqua semetipsum voluit: quia dum fletibus suis vitæ munditiam subtrahit, ante Dei oculos sordidas ipsas etiam lachrymas facit. Hinc rursus scriptum est: Ne iteres verbum in oratione tua. Verbum nanque in oratione iterare, est post fletum committere quod rursus necesse sit flere. Hinc per Esaiam dicitur: Lauamini, mundi estote.

ead. distinct. Post lauacrum enim mundus esse negligit, quisquis post lachrymas vitæ innocentiam non custodit. Lauantur ergo & nequaquam mundi sunt, qui commissa flere non desinunt, sed rursus flenda committunt. Hinc quoque per quendam sapiètem dicitur: Quid prodest si quis baptizatur à mortuo, *Eccle. 34.* & iterum tangit illum, quid proficit lauatio eius? Baptizatur *ead. distinct.* quippe à mortuo qui tunc mundatur fletibus à peccato. Sed post baptismum mortuum tangit, qui culpam post lachrymas repetit. Admonendi sunt qui admissa plangunt, nec tamen deserunt, ut ante districti iudicis oculos eis se esse similes agnoscant, qui venientes ad faciem quorundam hominum magna eis submissione blandiuntur, recedentes autem inimicitias ac damna quæ valent atrociter inferunt. Quid enim culpam flere, nisi humilitatem Deo suæ deuotionis ostendere? Et quid est post fletum praua agere, nisi superbas in eum quem rogauerat, inimicitias exercere? Iacobo attestante qui ait: Qui- *Iacobi. 4.* cunque voluerit amicus esse seculi huius, inimicus Dei constituitur. Admonendi sunt qui admissa plangunt, nec tamen deserunt, ut solliciti considerent, quia ita plerunque mali inutiliter compunguntur ad iustitiam, sicut plerunque boni innoxie tentantur ad culpam. Fit quippe mira exigentibus meritis dispositionis internæ mensura, ut & illi dum de bono aliquid agunt quod tamen non perficiunt, superbè inter ipsa quæ etiam plenissimè perpetrant mala confidant: Et isti dum

de malo tentantur cui nequaquam consentiunt, quo per debilitatem ac infirmitatem titubant, eò gressus cordis ad iustitiam per patientiam & humilitatem veriùs figant. Balaam *Num. 23.* quippe tabernacula iustorum respiciens ait: Moriatur anima mea morte iustorum, & fiant nouissima mea horum similia. Sed cum compunctionis tempus abscessit, contra eorum *Num. 24.* tam quibus se similem fieri etiam moriendo poposcerat, consilium præbuit. Et cum occasionem de auaritia reperit, citò oblitus est quicquid sibi de innocentia optauit. Hinc verò doctor & prædicator gentium Paulus ait: Video aliam legem *Rom. 7.* in membris meis, repugnantem legi mentis meæ, & captiuum me ducentem in lege peccati quæ est in membris meis. Qui profectò idcirco tentatur, ut in bono robustius ex ipsa infirmitatis suæ cognitione solidetur. Quid est ergo quòd ille compungitur, & tamen iustitiæ non appropinquit: iste tentatur, & tamen eum culpa non inquinat: nisi hoc quòd apertè ostenditur, quòd nec malos bona imperfecta adiuuant, nec bonos mala inconsummata condemnant. At contrà admonendi quoque sunt etiam qui admissa deserunt, nec tamen plangunt, ne iam relaxatas astiment culpas, quas etsi agendo non multiplicant, nullis tamen fletibus mundant. Neque enim scriptor si à scriptione cessauerit, quia alia non addidit, etiam illa quæ scripserat deleuit: & simili modo, nec qui contumelias irrogat, si solummodo tacuerit, satisfecit: cum profectò necesse sit ut verba præmissa superbiæ verbis subiunctæ humilitatis impugnet: nec debitor absolutus est quia alia non multiplicat, nisi & illa quæ ligauerat soluat. Ita & cum Deo delinquimus, nequaquam satisfacimus, si ab iniquitate cessamus: nisi voluptates quoque quas dileximus, è contratio appositis lamentis insequamur. Si enim nulla nos in hac vita operum culpa maculasset, nequaquam nobis hic adhuc degentibus ipsa ad securitatem innocentia nostra sufficeret: quia illicita animum multa pulsarent. Qua ergo mente securus est, qui perpetratis iniquitatibus ipse sibi testis est, quia innocens non est? Neque enim Deus nostris cruciatibus pascitur, sed delictorum morbo medicamentis contrariis medetur: ut qui voluptatibus delectati discessimus, rursus fletibus amaricati redeamus. Et qui per illicita defluendo cecidimus, etiam à licitis nosmetipsos restringendo, surgamus. Et cor quòd insana lætitia infuderat, salubris tristitia exurat: & quòd vulnerauerat elatio superbiæ, curet obiectio humilis vitæ. Hinc enim scriptum est: Dixi iniquis nolite iniquè agere: & *psalm. 74.* delinquentibus, nolite exaltare cornu. Cornu quippe delinquentes exaltant, si nequaquam se ad poenitentiam ex cognitione suæ iniquitatis humiliant. Hinc rursus dicitur: Cor *psalm. 50.* contritum & humiliatum Deus non spernit. Quisquis enim peccata plangit, nec tamen deserit, cor quidem conterit, sed humiliare contemnit. Qui verò peccata iam deserit nec tamen plangit, iam quidem humiliat, sed tamen cor conterere recusat. Hinc Paulus ait: Et hæc quidem fuistis, sed abluti *1. Corin. 6.* stis, sed sanctificati estis. Quia nimirum illos emendatior vita sanctificat, quos & per poenitentiam abluens afflictio fletuum mundat. Hinc Petrus cum quosdam terribos malorum suorum consideratione conspiceret, admonuit dicens: Poenitentiam agite, & baptizetur vnusquisque vestrum. Dicturus enim baptismum, præmisit poenitentiae lamenta: ut prius se aqua suæ afflictionis infunderent, & postmodum sacramento baptismatis lauarent. Qua ego mente qui transactas culpas flere negligunt, viuunt securi de venia, quando ipse summus pastor Ecclesiæ huic etiam sacramento addendam poenitentiam credidit, quòd peccata principaliter extinguit?

Admonitio XXXII.

Aliter admonendi sunt qui illicita quæ faciunt etiam laudant, atque aliter qui accusant praua, nec tamen deuitant. Admonendi sunt enim qui illicita quæ faciunt etiam laudant, ut considerent quòd plerunque plùs ore quàm opere delinquant. Opere nanque per semetipsos solos praua perpetrant. Ore autem per tot personas iniquitatem exhibent, quot audientium mentes iniqua laudantes docent. Admonendi ergò sunt ut si eradicare mala dissimulant, saltem seminare pertimescant. Admonendi sunt ut eis perditio priuata sufficiat. Rursusque admonendi sunt, ut si esse mali non metuunt, erubescant

bescant saltem videri quod sunt. Plerumque enim culpa dum absconditur, effugatur: quia dum mens erubescit videri quod tamen esse non meruit, erubescit quandoque esse quod fugit videri. Cum vero prauus quisque impudenter innotescit, quo liberius omne facinus perpetrat, eo etiam licitum putat: & quod licitum suspicatur, in hoc proculdubio multiplicius mergitur. Vnde scriptum est: Peccatum suum sicut Sodoma predicauerunt, nec absconderunt. Peccatum enim suum absconderet Sodoma, si adhuc sub timore peccaret. Sed funditus frena timoris amiserat, quæ ad culpam nec tenebras requirebat. Vnde & rursum scriptum est: Clamor Sodomorum & Gomorre multiplicatus est. Peccatum quippe cum voce, est culpa cum actione: peccatum verò etiam cum clamore, est culpa cum libertate. At contra admonendi sunt qui accusant praua, nec tamen deuittant, ut prouide perpédant, quid in districto Dei iudicio pro sua excusatione dicturi sunt, qui de reatu suorum criminum etiam semetipsis iudicibus non excusantur. Hi itaque quid aliud quam præcones sunt sui? voces contra culpas proferunt, & semetipsos operibus reos tradunt. Admonendi sunt ut videant, quia de occulta iam retributione iudicij est quod eorum mens malum quod perpetrat illuminatur ut videat, sed non conatur ut vincat: ut quo melius videt, eo deterius pereat: quia & intelligentiæ lumen percipit, & actionis prauæ tenebras non relinquit. Nam cum acceptam ad adiutorium scientiam negligunt, hanc contra se in testimonium vertunt, & de lumine intelligentiæ augent supplicia: quod profecto acceperant ut possent delere peccata. Quorum nimirum nequitia dum malum agit quod diiudicat, venturum iudicium iam hinc degustat: ut cum æternis suppliciis seruatur obnoxia, suo hinc interim examine non sit absoluta: tantòque illic grauiora tormenta percipiat, quantò hinc malum non deserit, etiam quod ipsa mens condemnat. Hinc enim veritas dicit: Seruus qui cognouit voluntatem domini sui & non fecit secundum voluntatem eius, plagis vapulabit multis. Hinc Psalmista ait: Descendant in infernum viuentes. Viui quippe quæ circa illos aguntur, sciunt & sentiunt, mortui autem sentire nihil possunt. Mortui autem in infernum descenderent, si mala nesciendo perpetrarent. Cum verò sciunt mala & tamen faciunt, ad iniquitatis infernum viuentes miseri sentientesque descendunt.

Admonitio XXXIII.

Aliter admonendi sunt qui repentina concupiscentia superantur, atque aliter qui in culpa ex consilio ligantur. Admonendi itaque sunt quos repentina concupiscentia superat, ut in bello præsentis vitæ se quotidie positos attendant, & cor quod præuidere vulnera non potest, scuto solliciti timoris tegant: ut occulta insidiantis iacula hostis perhorrescant, & in tam caliginoso certamine intentione continua inter mentis castra se muniant. Nam si à circumspectionis solitudine cor destituitur, vulneribus aperitur: quia hostis calidus tantò liberius pectus percutit, quantò nudum à prouidentia lorica deprehendit. Admonendi sunt qui repentina concupiscentia superantur, ut curare nimis terrena desuescant: quia intentionem suam dum rebus transitoriis immoderatus implicant, quibus culparum iaculis transfigantur, ignorant. Vnde per Salomonem vox percussus & dormientis exprimitur, qui ait: Verberauerunt me, sed non dolui: traxerunt me, & ego non sensi. Quando euigilabo, & rursum vina reperiā? Mens quippe à cura suæ sollicitudinis dormiens verberatur & non dolet: quia sicut imminetia mala non prospicit, sic neque quæ perpetraverit, agnoscit. Trahitur & nequaquam sentit, quia per illecebras vitiorum ducitur: nec tamē ad sui custodiam suscitatur. Quæ quidē euigilare optat ut rursum vina reperiāt: quia quamuis somno torporis à sui custodia prematur, vigilare tamē ad seculi curas nititur: ut semper voluptatibus deebrietur, & cum ad illud dormiat in quo solenter euigilare debuerat, ad illud vigilare appetit, ad quod laudabiliter dormire potuisset. Hinc superius scriptum est: Et eris quasi dormiens in medio mari, & quasi sopitus gubernator amisso clauo. In medio enim mari dormit, qui in huius mundi temptationibus positus prouidere motus irruentium vitiorum quasi imminentes vndarum cumulos negligit. Et quasi

Tomus primus.

Aclauum gubernator amittit, quando mens ad regendam nauē corporis, studium sollicitudinis perdit. Clauum quippe in mari amittere, est intentionem prouidentiam inter procillas huius seculi non tenere. Si enim gubernator sollicitè clauum stringit, modò in fluctibus ex aduerso nauem dirigit, modò ventorum impetus per obliquum finit: Ita cum mens vigilantem animam regit, modò alia superans calcat, modò alia prouidens declinat, ut & præsentia laborando subiiciat, & contra futura certamina prospiciendo conualescat. Hinc rursum quoque de fortibus supernæ patriæ bellatoribus dicitur: Sit unuscuiusque ensis super femur suum, propter timores nocturnos. Ensis enim super femur ponitur, quando acumine sanctæ prædicationis praua suggestio carnis edomatur. Per noctem verò cæcitas hostis infirmitatis ac debilitatis exprimitur: quia quicquid aduersitatis in nocte imminet, non videtur. Vniuscuiusque ergo ensis super femur suum ponitur propter tentationes siue timores nocturnos: quia videlicet sancti & perfecti viri dum ea quæ non vident metuunt, ad intentionem certaminis parati semper assunt. Hinc rursum scriptum dicitur: Nasus tuus sicut turris quæ est in Libano. Rem namque quæ oculis non cernimus, plerumque odore præuidemus. Per nasum quoque odores, fætoresque discernimus. Quid ergo per nasum ecclesiæ, nisi sanctorum prouida discretio designatur: Qui etiam turri similis quæ est in Libano dicitur: quia discreta eorum prouidentia ita in alto posita est, ut tentationum certamina & prius quàm veniant videat, & contra ea dum venerint munita subsistat. Quæ enim futura prævidentur, cum præsentia fuerint, minoris timoris sunt: quia dum contra ictum quisque paratior redditur, hostis qui se inopinatum credidit, eo ipso quo præuultus est eneruatur. At contra admonendi sunt, qui in culpa ex consilio ligantur, quatenus prouida consideratione perpendant, quia dum mala ex iudicio faciunt, districtius contra se iudicium accendunt, ut tantò eos durior sententia feriat, quantò illos in culpa arctius vincula deliberationis ligant. Citius fortasse delicta penitendo abluerent, si in his sola præcipitatione cecidissent. Nam tardius peccatum soluitur, quod per consilium solidatur. Nisi enim mens omni modo æterna despiceret, in culpa ex consilij iudicio non periret. Hac ergo præcipitatione lapsi, & per consilium percuntes differunt, quod cum hi à statu iustitiæ peccando concidunt, plerumque simul & in laqueum desperationis cadunt, & radice spei funditus euelluntur. Hinc est quod per prophetam Dominus non tam præcipitationum praua, quàm delictorum studia reprehendit, dicens: Ne forte egrediatur ut ignis indignatio mea & succendatur, & non sit qui extinguat, propter malitiam studiorum vestrorum. Hinc iterum iratus dicit: Visitabo super vos iuxta fructum studiorum vestrorum. Quia ergo à peccatis aliis differunt peccata quæ per consilium perpetrantur, non tam praua facta Dominus, quàm studia prauitatis insequitur. In factis enim sæpe infirmitate, sæpe negligentia, in studiis verò malitiosa semper intentione peccatur. Quo contra rectè beati viri expressione per prophetam dicitur: Et in cathedra pestilentia non sedit. Cathedra quippe iudicis esse vel præsentis solet. In cathedra autem pestilentia sedere, est ex iudicio praua committere. In cathedra pestilentia sedere, est & ex ratione mala discernere, & tamen ex deliberatione perpetrare. Quasi in peruersi consilij cathedra sedet, qui tanta iniquitatis elatione attollitur, ut adimplere malum etiam per consilium conetur. Et sicut assistentibus turbis prælati sunt, qui cathedræ honore fulciuntur: ita delicta eorum qui præcipitatione corruunt, exquisita per studium peccata transcendunt. Admonendi ergo sunt, ut hinc colligant, qui in culpa etiam se per consilium ligant, quæ quandoque ultione feriendi sunt, qui nunc prauorum non socij, sed principes sunt.

Admonitio XXXIII.

Aliter admonendi sunt qui licet minima, crebro tamen illicita faciunt: atque aliter qui se à paruis custodiunt, sed aliquando in grauioribus demerguntur. Admonendi sunt qui quantis in minimis, sed tamen frequenter excedunt: ut nequaquam considerent qualia, sed quanta committunt. Facta enim sua si despiciunt timere, dum pensant, debent formidare cum numerant. Altos quippe gurgites fluminum, paruos

G

Eccle. 19.

sed innumera replent gutta pluuiarum. Et hoc agit sentina latenter excrescens, quod patenter procella sauiens. Et minuta sunt quae erumpunt in membris per scabiem vulnera, sed cum multitudo eorum innumerabiliter occupat, sic vitam corporis sicut vnum graue infictum pectori vulnus necat. Hinc videlicet scriptum est: Qui modica spernit, paulatim decidit. Qui enim peccata minima flere ac deuitare negligit, a statu iustitiae non quidem repente, sed partibus totus cadit. Admonendi sunt qui in minimis frequenter excedunt, ut sollicitè consideret, quia nonnunquam in parua deterius, quam in maiori culpa peccatur. Maior enim quod citius quia fit culpa agnoscitur, eò etiam celerius emendatur. Minor verò dum quasi nulla creditur, eo peius quo & securius in usu retinetur. Vnde fit plerunque ut mens assueta malis leuibus, ne grauiora perhorrescat, atque ad quandam auctoritatem nequitiae per culpas nutrita perueniat: & tantò in maioribus contemnat pertimescere, quantò in minimis didicit non timendo peccare. At contra admonendi sunt, qui se à paruis custodiunt, sed aliquando in grauibz demerguntur, ut sollicitè seipsos deprehendant: quia dum cor eorum de custoditis minimis extollitur, ad perpetranda grauiora ipso elationis suae barathro deuoratur: & dum foris sibi parua subiiciunt, sed per inanem gloriam intus intumescunt, languore superbiae intrinsecus victam mentem etiam foras per mala maiora prosternunt. Admonendi sunt ergo qui se à paruis custodiunt, sed aliquando in grauibz demerguntur, ne ubi se stare extrinsecus aestimant, ibi intrinsecus cadant, & iuxta districtam districti iudicis retributione elatio minoris iustitiae, via fiat ad foueam maioris culpae. Qui enim vanè elati boni minimi custodiam suis viribus tribuunt, iuste derelicti culpis maioribus obruuntur: & cadendo discunt non fuisse proprium quod steterunt, & mala immensa cor reprimant, quod minima bona exaltant. Admonendi sunt ut considerent, quod & in culpis grauioribus alto reatu se obligant, & tamen plerunque in paruis quae custodiunt deterius peccant: quia & in illis iniqua faciunt, & per ista se hominibus quod iniqui sunt, tegunt. Vnde fit ut cum maiora mala perpetrant, coram Deo apertae iniquitatis sint: cum parua bona custodiunt, coram hominibus simulatae sanctitatis sint. Hinc est enim quod Phariseis dicitur: Liquantes culicem, camelum autem glutientes: ac si apertè diceretur, Minima mala discernitis, maiora deuoratis. Hinc est: enim quod rursus ore veritatis increpantur cum audiunt: Decimatis mentha, & anetum, & cuminum, & relinquitis quae grauiora sunt legis, iudicium, misericordiam & fidem. Neque enim negligenter audiendum est, quod cum decimari minima diceret, extrema quidem de oleribus maluit, sed tamen bene olentia memorari: ut profectò ostenderet, quia simulatores cum parua custodiunt, odorem de se ostendere sanctae opinionis quaerunt, & quanuis implere maxima praetermittunt, ea tamen minima obseruant, quae humano iudicio longè latèque redoleant.

Matth. 23.

Ibidem.

Admonitio XXXV.

Aliter admonendi sunt, qui bona nec inchoant, atque aliter qui inchoata minimè consummant. Qui enim bona nec inchoant, non sunt eis prius aedificanda, quae salubriter diligant, sed destruenda ea in quibus semetipsos nequiter versant. Neque enim sequuntur quae inexperta audiunt, nisi prius quam perniciofa sint ea quae sibi sunt experta deprehendant: quia nec leuari appetit, qui & hoc ipsum, quia cecidit nescit, & qui dolorem vulneris non sentit, salutis remedia non requirit. Prius ergo ostendenda sunt, quam sint vana quae diligunt, & tunc demum vtilia quae praetermittunt. Prius videant fugienda quae amant, & sine difficultate postmodum cognoscant, amanda esse quae fugiunt. Melius enim inexperta recipiunt, si de expertis quicquid disputationis audiunt, veraciter cognoscunt. Tum verò pleno voto discunt vera bona quaerere, cum certo iudicio deprehenderint falsa se vacuè tenuisse. Audiant ergo, quod bona praesentia & a delectatione citius transitura sunt, & tamen eorum causa ad vltionem sine transitu permanens: quia & nunc quod libet inuitis subtrahitur, & tunc quod dolet inuitis in supplicium reseruatur. Itaque eisdem rebus terreantur salubriter, quibus

noxiè delectantur: ut dum percussa mens alta ruinae suae damna conspiciens, sese in praecipitium peruenisse deprehendit, gressum post tergum reuocet, & pertimescens quod amaue- rat, discat diligere quod contemnebat. Hinc est enim quod Hieremiae misso ad praedicationem dicitur: Ecce enim constitui te hodie super gentes & super regna, ut euellas & destruas, & disperdas & dissipas, & aedifices, & plantes. Quia nisi prius peruersa destrueret, aedificare vtiliter recta non posset: quia nisi ab auditorum suorum cordibus spinas vani amoris euelleret, nimirum frustra in eis sanctae praedicationis verba plantaret. Hinc est quod Petrus euertit, ut postmodum construat, cum nequaquam Iudaeos monebat quid iam facerent, sed de his quae fecerant, increpabat dicens: Iesum Nazarenum virum approbatum à Deo in vobis in virtutibus, & prodigiis, & signis quae per illum fecit Deus in medio vestri sicut vos scitis, hunc definito consilio & praescientia Dei traditum per manus iniquorum affigentes interemistis, quem Deus suscitauit solutis doloribus inferni: ut videlicet crudelitatis suae cognitione destructi, aedificationem sanctae praedicationis quantò anxie quaerent, tantò vtiliter audirent. Vnde & ilico responderunt: Quid ergo faciemus viri fratres? Quibus mox dicitur: Agite poenitentiam, & baptizetur vnusquisque vestrum. Quae aedificationis verba profectò contemnerent, nisi prius salubriter ruinam suae destructionis inuenissent. Hinc est quod Saulus cum super eum coelitus lux emissa resplenduit, non iam quid rectè deberet facere, sed quid prauè fecisset, audiuit. Nam cum prostratus requireret, dicens: Quis es Domine? respondetur protinus: Ego sum Iesus Nazarenus, quem tu persequeris. Et cum repente subiungeret: Domine, quid me vis facere? ilico adiungitur: Surge, & ingredere ciuitatem, & ibi dicetur tibi quid te oporteat facere. Ecce de coelo Dominus loquens, persecutionis sui facta corripuit, nec tamen ilico quae essent facienda monstrauit. Ecce elationis eius fabrica iam tota corruerat, & post ruinam suam humilis aedificari requirebat, & cum superbia destruitur, aedificationis tamen verba retinentur: ut videlicet persecutor immanis diu destructus iaceret, & tantò post in bonis solidior surgeret, quantò prius funditus euertus à pristino errore cecidisset. Qui ergo adhuc agere nulla bona coeperunt, à rigiditate antea suae prauitatis, correctionis manu euertendi sunt, ut ad statum postmodum rectae operationis erigantur: quia & ideo alium siluam lignum succidimus, ut hoc in aedificij tegmine subleuamus, sed tamen non repente in fabrica ponitur, ut nimirum prius vitiosa eius viriditas exiccetur, cuius quò plus in infimis humor excoquitur, eò ad summa solidius leuatur. At contra admonendi sunt, qui inchoata bona minimè consummant, ut cauta circumspectione considerent, quia dum proposita non perficiunt, etiam quae fuerant caepa conuellunt. Si enim quod videtur gerendum, sollicita intentione non crescit, etiam quod fuerat bene gestum decrescit. In hoc quippe mundo humana anima quasi more naui est, contra ictum fluminis condescendentis, vno in loco nequaquam stare permittitur, quia ad ima relabatur, nisi ad summa conetur. Si ergo inchoata bona fortis operantis manus ad perfectionem non subleuat, ipsa operandi remissio contra hoc quod operatum est, pugnat. Hinc est enim quod per Salomonem dicitur: Qui mollis & dissolutus in opere suo fuerit, frater est suae opera dissipatis. Quia videlicet qui caepa bona districtè non exequitur, dissolutione negligentiae manum destruentis imitatur. Hinc Sardis Ecclesiae ab angelo dicitur: Esto vigilans, & confirma caetera quae moritura erant: non enim inuenio opera tua plena coram Deo meo. Quia ergo plena coram Deo eius opera inuenta non fuerant, moritura reliqua etiam quae erant gesta praedicebat. Si enim quod mortuum in nobis est, ad vitam non accenditur, hoc etiam extinguatur, quod quasi adhuc viuum tenetur. Admonendi sunt etiam ut perpendant, quod tolerabilius esse potuisset rectam viam non arripere, quam post arreptam post tergum redire. Nisi enim retrò aspiceret, erga caeptum studium nullo torpore langueret. Audiant ergo quod scriptum est: Melius erat eis non cognoscere viam iustitiae, quam post agnitionem retrorsum conuerti. Audiant quod scriptum est: Utinam frigidus esses, aut calidus:

Hier. 1.

Acto. 2.

Acto. 27.

Prouer. 18.

Apoc. 3.

2. Petri. 3.

Apoc. 3.

933
 dus: sed quia tepidus es, nec frigidus nec calidus, incipiam te euomere ex ore meo. Calidus quippe est qui bona studia, & arripit & consummat. Frigidus verò est, qui consummanda nec inchoat. Et sicut à frigore per teporem transitur ad calorem, ita à calore quoque per teporem reditur ad frigus. Quisquis ergo amisso infidelitatis frigore, sed nequaquam tepore superato exardescit ut ferueat, proculdubio calore desperato, dum noxio in tepore demoratur, agit ut frigescat. Sed sicut ante teporem frigus sub spe est, ita post frigus tepor in desperatione. Qui enim adhuc in peccatis est, conuersionis fiduciam non amittit. Qui verò post conuersionem tepuit, & spem quæ esse potuit, de peccatore subtrahit. Aut calidus ergo quisque esse, aut frigidus quæritur, ne tepidus euomatur: ut videlicet aut nedum conuersus adhuc de se spem conuersionis præbeat, aut iam conuersus in virtutibus inardescat, ne euomatur tepidus qui à calore quem proposuit, torpore ad noxium frigidus redit.

Admonitio XXXVI.

Aliter admonendi sunt qui mala occultè agunt, & bona publicè: atque aliter qui bona quæ faciunt, abscondunt, & tamè quibusdam factis publicè mala de se opinari permittunt. Admonendi sunt qui mala occultè agunt, & bona publicè, ut pensent humana iudicia quanta velocitate euolant, diuina autem quanta immobilitate perdurant. Admonendi sunt ut in fine rerum mentis oculos figant: quia & humanæ laudis attestatio præterit, & superna sententia quæ & abscondita penetrat, ad retributionem perpetuam conualefcit. Dum ergo occulta mala sua diuinis iudiciis, recta autem sua humanis oculis anteponunt, & sine teste est bonum quod publicè faciunt, & non sine æterno teste est, quod latenter delinquant. Culpas itaque suas occultando hominibus, virtutesque pandendo, & vnde puniri debeant abscondentes detegunt, & vnde remunerari poterant, detegentes abscondunt.

Matth. 23.

Quos rectè sepulchra dealbata speciosa exterius, sed mortuorum ossibus plena interius veritas vocat: quia vitiorum mala intus contegunt, humanis verò oculis quorundam demonstratione operum de solo foris iustitiæ colore blandiuntur. Admonendi itaque sunt ne quæ agunt recta despiciant sed ea meriti melioris credant. Valde nanque sua bona diiudicant, qui ad eorum mercedem sufficere humanos fauores putant. Cum enim pro recto opere laus transitoria quæritur, æterna retributione res digna vili precio vanū datur. De quo videlicet precio percepto veritas dicit: Amen dico vobis, receperunt mercedem suam. Admonendi sunt ut considerent, quia dum prauos se in occultis exhibent, sed tamen exempla de se publicè in bonis operibus præbent, ostendunt sequenda quæ fugiunt, clamant amanda quæ oderrunt, viuunt postremò aliis & sibi moriuntur. At contrà admonendi sunt, qui bona occultè faciunt, & tamen quibusdā factis publicè de se mala opinari permittunt, ne cum semetipsos actionis rectæ virtute viuificant, in se alios per exemplum prauæ æstimationis occidant: ne minus quàm se proximis diligant, & cum ipsi salubrem potum vini sorbeant, in interius sui consideratione mentibus pestiferum veneni poculum fundant. Hi nimirum in vno proximorum vitam adiuuant, in altero multum grauunt, dum student & recta occultè agere, & quibusdam factis ad exemplum de se praua seminare. Quisquis enim laudis concupiscentiam calcare iam sufficit, ædificationis fraudem perpetrat si bona quæ agit occultat: & quasi iactato semine germinandi radices subtrahit, qui opus quod imitandum est non ostendit. Hinc nanque in Euangelio veritas dicit: Videant opera vestra bona, & glorificent patrem vestrum qui in cœlis est. Vbi illa quod sententia promittitur, quæ longè aliud præcepisse videtur, addicens: Attendite, ne iustitiam vestram faciatis coram hominibus, ut videamini ab eis. Quid est ergo quod opus nostrum & ita faciendū est ne videatur, & tamen ut debeat videri præcipitur: nisi quod ea quæ agimus & occultanda sunt, ne ipsi laudemur, & tamè ostendenda sunt, ut laudem cœlestis patris augeamus? Nam cum nos iustitiam nostram coram hominibus facere Dominus prohiberet, ilico adiunxit: Ut videamini ab eis. Et cum rursus videnda ab hominibus bona opera

Tomus primus.

A nostra præciperet, protinus subdidit: Ut glorificent patrem vestrum qui in cœlis est. Qualiter igitur videnda essent, vel qualiter non videnda, ex sententiarum fine monstrauit, quatenus operantis mens opus suum propter se videri non quæreret, & tamen hoc propter cœlestis patris gloriam non celeret. Vnde fit plerūque ut bonum opus & in occulto sit cum sit publicè, & rursus in publico cum agitur occultè. Qui enim in publico bono opere non suam, sed superni patris gloriam quærunt, quod fecit abscondit: quia solum illū testem habuit, cui placere curauit. Et qui in secreto suo bono opere deprehendi ac laudari concupiscit: & nullus fortasse vidit quod exhibuit, tamè hoc coram hominibus fecit: quia tot testes in bono opere secum duxit, quot humanas laudes in corde quæsiuit. Cum verò praua æstimatio in quantum sine peccato valet ab intuentium mente non tegitur, cunctis mala credentibus per exemplum culpa propinatur. Vnde & plerunque contingit, ut qui negligenter de se mala opinari permittunt, per semetipsos quidem nulla iniqua faciunt, sed tamen per eos qui se imitati fuerint, multiplices delinquant. Hinc est quod Paulus immunda quædā sine pollutione comedentibus, sed imperfectis tentationis scandalum sua hac comestione mouentibus dicit: Videte ne forte hæc licentia vestra offendiculum fiat infirmis. Et rursus: Et peribit infirmus in tua conscientia frater, propter quem Christus mortuus est. Sic autem peccantes in fratres, & percutientes conscientiam eorum infirmam, in Christum peccatis. Hinc est quod Moyses cum diceret: Nō maledices surdo, protinus adiunxit: Nec coram cæco pones offendiculum. Surdo quippe maledicere, est absenti & non audienti derogare. Coram cæco verò offendiculum ponere, est discretam quidem rem agere, sed tamen ei qui lumen discretionis non habet, scandalum occasionem præbere.

1. Cor. 8.

Ibidem.

Leuit. 19.

De exhortatione multis exhibenda, ut sic singulorum virtutes adiunct, quatenus per hanc contraria virtutibus non excrecant.

Caput II.

Hæc sunt quæ præsul animarum in prædicationis diuersitate custodiat, ut sollicitius congrua singulorum vulneribus medicamina apponat. Sed cum magni sit studij, ut exhortandis singulis seruiatur ad singula, cum valde laboriosum sit vnumquemque de propriis sub dispensatione debite considerationis instruere: longè tamen laboriosius est auditores innumeros ac diuersis passionibus laborantes, vno eodemque tempore voce vnius & communis exhortationis admonere. Ibi quippe tanta arte vox temperanda est, ut cum diuersa sint auditorum vitia, & singulis inueniatur congrua, & tamen sibi metipsi non sit diuersa: ut inter passionibus medias vno quidem ductu transeat, sed more gladij bicipitis tumores cogitationum carnalium ex diuerso latere incidat, quatenus sic superbis prædicetur humilitas, ut tamen timidus non augeatur metus, sic timidus infundatur autoritas, ut tamen non crescat superbis effræntio, sic ociosis ac torpentibus prædicetur sollicitudo boni operis, ut tamen inquietis immoderate licentia non augeatur actionis. Sic inquietis imponatur modus, ut tamen ociosis non fiat torpor securus. Sic ab impatientibus extinguitur ira, ut tamen remissis ac lenibus non crescat negligentia. Sic leues accendantur ad zelum, ut tamen iracundis non addatur incendiū. Sic tenacibus infundatur tribuendi largitas, ut tamen prodigis effusionis fræna minimè laxentur. Sic prodigis prædicetur parcitas, ut tamen tenacibus periturarum rerum custodia non augeatur. Sic incontinentibus laudetur coniugium, ut tamen iam continentes non reuocentur ad luxum. Sic continentibus laudetur virginitas corporis, ut tamè in coniugibus despecta non fiat fecunditas carnis. Sic prædicanda sunt bona, ne ex latere iubeantur mala. Sic laudanda sunt bona summa, ne despiciantur vltima. Sic nutrienda sunt vltima, ne dum sufficere creduntur, nequaquam tendatur ad summa.

De exhortatione quæ vni adhibenda est contrariis passionibus laboranti.

Caput III.

Et gravis quidè prædicatori labor est, in cōmunis prædicationis voce ad occultos singulorum motus causasque vigilare, & palæstrarū more in diuersi lateris artes se vertere: multo

G ij

Matth. 5.

Ibidem.

† al. despecta
 rentur.

tamen acriori labore fatigatur, quando vni & contrariis vitiiis seruienti prædicare compellitur. Plerunque enim quis lætæ nimis conspersione existit, sed tamen eum repente tristitia oborta immaniter deprimit. Curandum est itaque prædicatori quatenus sic tergatur tristitia, quæ venit ex tempore, vt non augeatur lætitia, quæ suppetit ex conspersione. Et sic denique lætitia frænatur, quæ ex conspersione est, vt tamen non crescat tristitia, quæ venit ex tempore. Iste grauatur vsu immoderate præcipationis, & aliquando tamen ab eo quod festinè agendum est, eum vis præpedit subitò natæ formidinis. Ille grauatur vsu immoderate formidinis, & aliquando tamen in eo quod appetit, temeritate impellitur præcipationis. Sic itaque in isto reprimatur subitò oborta formido, vt non crescat enutrita diu præcipitatio. Sic in illo reprimatur repente oborta præcipitatio, vt tamen non conualescat impressa ex conspersione formido. Quid autem mirum si mentium medici ita custodiunt, dum medici corporum tanta discretionis arte se temperant, qui non cordi sed corpori medentur? Plerunque enim debile corpus opprimit languor immanis, cui languori scilicet obuiari adiutoris fortibus debet, sed tamen corpus debile adiutorium forte non sustinet. Studet igitur qui medetur, quatenus sic superexistet morbum subtrahat, vt nequaquam supposita corporis debilitas crescat, ne fortasse languor cum vita deficiat. Tanta ergo adiutorium discretionis componat, vt vno eodemque tempore & languori obuiet & debilitati. Sic ergo medicina corporis indiuisè adhibita seruire diuisibiliter potest: tunc enim vera medicina est, quando sic per eam vitio superexistenti succurritur, vt etiam suppositæ conspersioni seruiatur: cur medicina mentis vna eademque prædicatione appositæ, morum morbis diuerso ordine obuiare non valeat, quæ tantò subtilior agitur, quantò de inuisibilibus tractatur.

Quod aliquando leniora vitia relinquenda sunt, vt grauiora subtrahantur.

Caput IIII.

Sed quia plerunque dum duorum vitiorum languor irruit, hoc lenius, illud fortasse grauius premit, ei nimirum vitio rectius sub celeritate subuenitur, per quod festinè ad interitum tenditur. Et si hoc à vicina morte restringi non potest, nisi illud etiam quod existit contrarium crescat, tolerandum est prædicatori, vt per exhortationem suam artificioso moderamine vnum patiatur crescere, quatenus possit aliud à vicina morte retinere. Quod cum agit, non morbum exaggerat, sed vulnerati sui cui medicamentum adhibet, vitam seruat, vt exquirendæ salutis congruum tempus inueniat. Sæpe enim quis à ciborum se ingluvie minimè temperans, iam iamque penè superantis luxuriæ stimulis premitur, qui huius pugnæ metu territus, dum se per abstinentiam restringere nititur, inanis gloriæ tentatione fatigatur: in quo nimirum vnum vitium nullatenus extinguitur, nisi aliud nutritur. Quæ ergo pestis ardentius insequenda est, nisi quæ periculosius premit? Tolerandum nanque est, vt per virtutem abstinentiæ interim arrogantiæ contra viuientem crescat, ne eum per ingluuiem à vita sūdītus luxuria extinguat. Hinc est quod Paulus cum infirmum auditorem suum perpenderet, aut praua adhuc velle agere, aut de actione recta humanæ laudis retributione gauderet, ait: Vis nō timere potestatem? bonum fac, & habebis laudem ex illa. Neque enim ideo bona agenda sunt, vt potestas huius mundi nulla timeatur, aut vt per hæc gloria transitoria laudis sumatur: sed cum infirmam mentem ad tantum robur ascendere non posse pensaret, vt & prauitatem vitaret simul & laudem, prædicat egregius ei admonendo aliquid obtulit, & aliquid tulit, concedendo enim leuia subtraxit acriora: vt quia ad deferenda cuncta simul non assurgeret, dum in quodam suo animus familiariter relinquitur, à quodam suo sine labore toleretur.

Quod infirmis mentibus omnino non debent alta prædicari.

Caput V.

Sciendum verò est prædicatori, vt auditoris sui animum ultra vires non trahat, ne, vt ita dicam, dum plus quam valet tenditur, mentis chorda rumpatur. Alta enim quæque debent multis audiētibus contegi, & vix paucis aperiri. Hinc

nanque per semetipsam veritas dicit: Qui putas est fidelis dispensator & prudens, quem constituit Dominus super familiam suam, vt det illi in tempore tritici mensuram? per mensuram quippe tritici exprimitur modus verbi, ne cum angusto cordi incapabile aliquid tribuitur, extrà fundatur. Hinc Paulus ait: Non potui vobis loqui quasi spiritalibus, sed quasi carnalibus, tanquam paruulis in Christo lac vobis potum dedi, non escam. Hinc Moyses à secreto Dei exiens, coruscantem coram populo faciem velat? quia nimirum turbis claritatis intimæ arcana non indicat. Hinc per eum diuina voce præcipitur, vt is qui cisternam foderit, si operire neglexerit, corruente in ea boue vel asino, precium reddat. Quia ad alta scientiæ fluentia perueniens, cum hæc apud bruta audientium corda non contegit, pœnæ reus addicitur, si per verba eius in scandalum, siue munda siue immunda mens capiatur. Hinc ad beatum Iob dicitur: Quis dedit gallo intelligentiam? Prædicator etenim sanctus dum caliginoso hoc clamat in tempore, quasi gallus cantat in nocte, dum dicit: Hora est iam nos de somno surgere. Et rursum: Euigilate iusti, & nolite peccare. Gallus autem profundioribus horis noctis altos edere cantus solet. Cum verò matutini iam tempus in proximo est, minutas ac tenues voces format: quia nimirum qui rectè prædicat, obscuris adhuc cordibus aperta clamat, nihil de occultis mysteriis indicat, vt tunc subtiliora quæque de cœlestibus audiant, cum luci veritatis appropinquant.

De opere prædicationis & voce.

Caput VI.

Sed inter hæc ad ea quæ iam superius diximus charitatis studia retorquemur, vt prædicator quisque plus actibus quam vocibus insonet, & bene viuendo vestigia sequacibus imprimat, vt potius agendo quam loquendo quod gradiatur ostendat. Quia & gallus iste quem pro exprimenda boni prædicatoris specie in locutione sua Dominus assumit, cum iam ædere cantus parat, prius alas excutit, & semetipsum feriens vigilatiorem reddit. Quia nimirum necesse est, vt hi qui verba sanctæ prædicationis monent, prius studio bonæ actionis euigilent, ne in semetipsis torpentes opere, alios excitent voce. Prius se per sublimia facta excutiant, & tunc ad bene viuendum alios sollicitos reddant. Prius cogitationum alis semetipsum feriant, quicquid in se inutiliter torpet, sollicita inuestigatione deprehendant, districta animaduersione corrigant, & tunc demum aliorum vitam loquendo componant. Prius punire propria fletibus curent, & tunc quæ aliorum puniendi sunt denuncient, & antequam verba exhortationis insonent, omne quod locuti sunt, operibus clament.

QVARTA PARS,

TRACTANS QUALITER

PRÆDICATOR, OMNIBVS


ritè peractis, ad semetipsum redeat.

Caput I.



Ed quia sæpe prædicatione modis congruentibus vbertim funditur, apud semetipsum de ostensione sui occulta lætitia loquentis animus subleuatur, magna cura necesse est, vt timoris laceratione se mordeat: ne qui aliorum vulnera medendo ad salutem reuocat, ipse per negligentiam suæ salutis intumescat, ne proximos iuuando

se deferat, ne alios erigens cadat. Nam quibusdam sæpe magnitudo virtutis occasio perditionis fuit, vt cum de confidentia virium inordinate securi sunt, in opinatè per negligentiam morerentur. Virtus nanque cum vitiis renititur, quadam delectatione eius sibimetipsi animus blanditur. Fitque vt bene agentis mens metum suæ circumspectionis

- 1  E Honorato abbate monasterij Fundensis.
- 2 De Libertino praeposito eiusdem monasterij.
- 3 De monacho hortulano monasterij eiusdem.
- 4 De Equitio abbate Valeriae provinciae.
- 5 De Constantio mansionario Ecclesiae sancti Stephani.
- 6 De Marcellino Anthonitanae civitatis episcopo.
- 7 De Nonno praeposito monasterij in monte, qui Soractis dicitur.
- 8 De Anastasio abbate monasterij quod Suppenia vocatur.
- 9 De Bonifacio Ferentiniae civitatis episcopo.
- 10 De Fortunato Tuderinae civitatis episcopo.
- 11 De Martyrio monacho provinciae Valeriae.
- 12 De Severo presbytero eiusdem provinciae.

B. GREGORII PAE, EIVSQUE DIACONI

Petri Dialogus, in quatuor libros diuisus: De vita & miraculis patrum Italicorum, & de aeternitate animarum.



Vadam die nimis quorundam secularium tumultibus depressus, quibus in suis negociis plerumque cogimur solvere etiam, quod nos certum est non debere, secretum locum petij amicis mœrori, ubi omne quod de mea mihi occupatione displicebat se patenter ostenderet, & cuncta

quæ infligere dolorem consueverant, congesta ante oculos licenter venirent. Ibi itaque cum afflictus valde & diu tacitus federem, dilectissimus filius meus Petrus diaconus affuit, qui mihi à primæuo iuventutis flore in amicitia familiariter obstrictus est, atque ad sacri verbi indagacionem socius. Qui gravi excoqui cordis langiore me intuens, ait: Nunquid non novi tibi aliquid accidit quod plus te solito mœror tenet? Cui inquam: mœror Petre, quem quotidie patior, & semper mihi per vsum vetus est, & semper per augmentum novus. Infelix quippe animus meus occupationis suæ pulsatus vulnere, meminit nulli quando in monasterio fuit, quomodo ei labentia cuncta succurrerant, quantum rebus omnibus quæ voluntur eminebat, quod nulla nisi cœlestia cogitare consueverat, quod etiam retentus corpore, ipsa iam carnis claustra contemplatione transibat, quod mortem quoque quæ penè cunctis pœna est: videlicet ut ingressum vitæ, & laboris sui præmium amabat. At nunc ex occasione curæ pastoralis secularium hominum negocia patitur, & post tam pulchram quietis suæ speciem terreni actus pulvere scedatur. Cumque se pro condescensione multorum ad exteriora sparsit, etiam cum interiora appetit, ad hæc proculdubio minor redit. Perpendo itaque quid tolero, perpendo quid amisi. Dúmque intueor illud quod perdidi, fit hoc gravius quod porto. Ecce etenim nunc magni maris fluctibus quator, atque in naui mentis tempestatis validæ procellis illidor. Et cū prioris vitæ statum recolo, quasi post tergum reductis oculis viso littore suspiro. Quodque adhuc gravius est, dum immensis fluctibus turbatus feror, vix iam portum videre valeo quæ reliqui: quia & ita sunt casus mētis, ut prius quidem perdat bonum quod tenuit, si tamen se perdidisse meminerit. Cumque longius recesserit, etiā boni ipsius quod perdidit obliscitur, fitque, ut post neque per memoriam quidem videat: quod prius per actionem tenebat. Vnde hoc agitur quod præmisi: quia cum nauigamus longius, iam nec portum quietis quem reliquimus, videmus. Nonnunquam verò ad augmentum mei doloris adiungitur, quod quorundam vita qui præsens seculi tota mente reliquerunt, mihi ad memoriam reuocatur. Quorum dum culmen aspicio, quantum ipse in infimis jaceam agnos-

Animis in vita mundana quiescentibus

Animi in quiete, secularibus negociis occupati.

Pastoralium D. Gregorij finis.

Tomus primus.

G iij

Exech. 32.

Exech. 16.

Psalm. 77.

Psalm. 29.

Psalm. 118.

Ibidem.

nis abiiciat, atque in sui cōfidentia secunda requiescat: cui iam torpenti seductor callidus omne quod bene gessit enumerat; eamque quasi præ cæteris præpollentem in tumore cogitationis exaltat. Vnde agitur, ut ante stulti iudicis oculos fouea mentis sit memoria virtutis: quia renitenscendo quod gessit, dum se apud se erigit, apud humilitatis authorem cadit. Hinc nanque superbienti animæ dicitur: Quo pulchrior es, descende, & dormi cum incircūneis: ac si aperte diceretur: Quia ex virtutum decore te eleuas, ipsa tua pulchritudine impelleris ut cadas. Hinc sub Hierusalem specie virtute superbiens anima reprobatur, cum dicitur: Perfecta eras in decore meo, quem posueram super te, dicit Dominus, & habens fiduciam in pulchritudine tua, fornicata es in nomine tuo. Fiducia quippe suæ pulchritudinis animus attollitur, cum de virtutum meritis læta apud se securitate gloriatur. Sed per hanc eadem fiduciam ad fornicationem ducitur: quia cum interceptam mentem cogitationes suæ decipiunt, hanc maligni spiritus per innumera vitia seducendo corrumpunt. Notandum verò quod dicit: Fornicata es in nomine tuo: quia cum respectu mens superni rectoris deserit, laudem protinus priuatam quaerit, & sibi arrogare incipit omne bonum, quod ut largitoris præconio seruiret accepit, opinionis suæ gloriam dilatare desiderat, satagit ut mirabilis cunctis innotescat. In suo ergo nomine fornicatur: quia legalis thori connubium deserens, corruptori spiritui in laudis appetitu subternitur. Hinc David ait: Tradidit in captiuitatem virtutem eorum, & pulchritudinem eorum in manus inimici. In captiuitatem etenim virtus & pulchritudo in manus inimici traditur, cum decepta mēti antiquus hostis ex boni operis elatione dominatur: quæ tamen virtutis elatio, quantis plenè non superat, utunque tamen & electorum animi sæpe tētat, sed tamē eleuatus destituitur, & destitutus ad formidinem reuocat. Hinc etenim David iterum ait: Ego dixi in abundantia mea non mouebor in æternum. Sed quia de cōfidentia virtutis intumuit, paulò post quod pertulit, adiunxit: Auertisti faciem tuam à me, & factus sum conturbatus: ac si aperte dicat: Fortem me inter virtutes credidi, sed quantæ infirmitatis sum derelictus agnouit. Hinc rursum quoque dicit: Iuravi, & statui custodire iudicia iustitiæ tuæ. Sed quia eius virium non erat manere in custodia quam iurabat, debilitatem suam protinus turbatus inuenit. Vnde & ad precis opem repente se contulit, dicens: Humiliatus sum vsquequaque Domine, viuifica me secundum verbum tuum. Nonnunquam verò superna moderatio prius quam per munera prouehat, infirmitatis memoriam ad mentem reuocat, ne de acceptis virtutibus intumescat. Vnde Ezechiel propheta quoties ad contemplanda cœlestia ducitur, prius filius hominis vocatur: ac si hunc aperte Dominus admoneat, dicens: Ne de his quæ vides elatione cor subleues, cautus perpende quod es: ut cum summa penetras, esse te hominem recognoscas, quatenus dum ultra te raperis, ad temetipsum sollicitus infirmitatis tuæ fræno reuocaris. Vnde necesse est, ut cum virtutum nobis copia blanditur, ad infirmitatem suam mentis oculus redeat, seseque salubriter deorsum premat, ne recta quæ agit sed quæ agere negligit, aspiciat: ut dum cor ex memoria infirmitatis atteritur, apud humilitatis authorem robustius in virtute solidetur. Quia & plerumque omnipotens Deus idcirco rectorum mentes quantis ex magna parte perficit, imperfectas tamen ex praua aliqua parte dereliquit: ut cum miris virtutibus rutilant, imperfectionis suæ tædio tabescant, & nequaquam se de magnis erigant, dum adhuc contra minima innitentes laborant, sed quia extrema non valent vincere, de præcipuis actibus non audeant superbire. Ecce bone vir reprehensionis meæ necessitate compulsus, dum monstrare qualis esse debeat pastor, inuigilo, pulchrum depinxi hominem pictor factus, aliosque ad perfectionis litus dirigo, qui adhuc in delictorum fluctibus versor. Sed in huius quæso vitæ naufragio orationis tuæ me tabula sustine, ut quia pondus proprium me deprimit, tui meriti me manus leuet.

fco: quorum plurimi conditori suo in secretiori vita placuerunt, qui ne per humanos actus à nouitate mentis veterascerent, eos omnipotens Deus huius mundi laboribus noluit occupari. Sed quæ iam prolata sunt melius insinuo, si ea quæ per inquisitionem ac responsionem dicenda sunt, sola nominum prænotatione distinguo.

Petrus:

Non valde in Italia aliquorum vitam virtutibus fulsisse cognoui: ex quorum igitur comparatione accenderis, ignoro. Equidem bonos viros in hac terra fuisse non dubito, signa tamen atque virtutes aut ab eis nequaquam facta existimo, aut ita sunt hæcenus silentio suppressa, vt vtrum ne sint facta nesciamus.

Gregorius:

Si sola Petre referam, quæ de perfectis probatisque viris vnus ego homuncio, vel bonis ac fidelibus viris attestatibus agnoui, vel per memetipsum didici, dies vt opinor, antequam sermo cessabit.

Petrus:

Vellem quærenti mihi de eis aliqua narrares. Neque hac pro re interrompere expositionis studium graue videatur: quia non dispar ædificatio oritur ex memoria virtutum. In expositione quippe qualiter inuenienda atque tenenda sit virtus agnoscimus, in narratione vero signorum, cognoscimus inuenta ac retenta qualiter delectantur. Et sunt nonnulli quos ad amorem patriæ cœlestis plus exempla, quam prædicamenta succendunt. Fit verò plerunque in audientis animo duplex adiutorium in exemplis patrum: quia si ad amorem venturæ vitæ ex præcedentium comparatione accenditur, etiam si se esse aliquid existimat, dum meliora de aliis cognouerit, humiliatur.

Gregorius:

EA quæ mihi sunt virorum venerabilium narratione cōperta, incunctanter narro sanctæ autoritatis exemplo, cum mihi luce clariùs constet, quod Lucas & Marcus Euangelium quod scripserunt non visu, sed auditu didicerint. Sed vt dubitationis occasionem legentibus subtraham, per singula quæ describo, quibus hæc narrantis mihi comperita sint manifestabo. Hoc verò scire te cupio, quia in quibusdam sensum solummodo, in quibusdam verò & verba cum sensu teneo: quia si de personis omnibus ipsa specialiter verba tenere voluissim, hoc rusticano vsu prolata stilus scribentis non aptè susciperet. Seniorum valde venerabilium didici relatione quod narro.

De Honorato abbate monasterij Fundensis.

Caput I.

Venantij quondam patricij in Samnij partibus villa fuit, in qua colonus eius filium Honoratum nomine habuit. Qui ab annis puerilibus ad amorem cœlestis patriæ per abstinentiam exarsit. Cūque tam magna conuersatione polleret, seque iam ab otioso quoque sermone restringeret, multum, vt præfatus sum, per abstinentiam carnem domaret, die quadam parentes eius vicinis suis conuiuium fecerunt, in quo ad vescendum carnes paratæ sunt: quas dum ille ad esum contingere per abstinentiæ amorem recusaret, cœperunt eū parentes eius irridere, ac dicere: Comede, nunquid piscem in his montibus, tibi allaturi sumus. Illo verò in loco pisces audiri consueuerant, non videri. Sed cum his sermonibus Honoratus irrideretur, repente in conuiuium aqua ad ministeriū defuit, & cum situla lignea, sicut illic moris est, mancipium ad fontem perrexit. Dūque hauriret aquam, piscis situlam intrauit. Reuersūque mancipium ante ora discumbentium piscem cum aqua fudit, qui ad totius diei victum potuisset Honorato sufficere. Mirati sunt omnes, totaque illa parentū irrisio cessauit. Cœpere nanque in Honorato venerari abstinentiam, quam antè deridebant, sicque à Dei homine irrisiois deterfit opprobria piscis † allatus de † fonte. Qui cū magnis virtutibus cresceret, à prædicto domino suo libertate donatus est, atque in eo loco qui Fundis † dicitur, monasterium construxit in quo ducentorum ferme monachorum pater extitit, ibique vita illius circunquaque exempla exi-

Honorati abstinentia.

Piscis montanus Honorati.

† al. piscis montanus. † al. flon-dis.

Emia conuersationis dedit. Nam quadam die ex eo monte Fundis monasterium. qui eius monasterio in excelso prominet, ingentis faxi moles eruta est, quæ per deuexum montis latus veniens totius ruinam cellæ, omniumque fratrum interitum minabatur. Quam cum venientem desuper vir sanctus vidisset, frequenti voce nomen Christi inuocans, extensa mox dextera signum ei crucis opposuit, eamque in ipso deuexi montis latere cadentem fixit, sicut religiosus vir Laurentius perhibet. Et quia locus ei non fuerat quo inhærere potuisset, aspicitur ita, vt nūc vsque montem cernentibus, casura pendere videatur. *Laurentius.*

Petrus:

Pvtamus, hic tam egregius vir, vt post magister discipulorum fieret, prius habuit magistrum?

Gregorius:

NEquaquam hunc fuisse cuiusquam discipulum audiui, sed lege non constringitur sancti spiritus donum. Vfus quidem rectæ conuersationis est vt præesse non audeat, qui subesse non didicerit, nec obedientiam subiectis imperet, quam prælatis non nouit exhibere. Sed tamen sunt nonnulli, qui ita per magisterium spiritus intrinsecus docentur, vt etsi eis exterius humani magisterij disciplina desit, magistri intimi censura non desit. Quorum tamen libertas vitæ ab infirmis in exemplum non est trahenda, ne dum se quisque similiter sancto spiritu impletum præsumit, discipulus hominis esse despiciat, & magister erroris fiat. Mens autem quæ diuino spiritu impletur, habet euidentissima signa sua: virtutes scilicet & humilitatem, quæ si vtraque perfectè in vna mente conueniunt, liquet quod de præsentia sancti spiritus testimonium ferat. Sic quippe etiam Ioannes Baptista magistrum habuisse non legitur, neque ipsa veritas quæ corporali præsentia Apostolos docuit, eum corporaliter inter discipulos aggregauit. Sed quem intrinsecus docebat, extrinsecus quasi in sua libertate reliquerat. Sic Moyses in eremo edoctus mandatum ab angelo didicit, quod per hominem non cognouit: sed hæc, vt prædiximus, infirmis veneranda sunt, nō imitanda. *Magister spiritus qui dam habet. Magistri necessarij sunt infirmis. Ioannes Baptista magistrum non habuit. Moyses carui magistro.*

Petrus:

Placet quod dicis, sed peto vt mihi dicas, si tantus hic pater aliquem sui imitatore discipulum reliquit.

De Libertino præposito eiusdem monasterij.

Caput II.

Gregorius:

Vir reuerentissimus Libertinus, qui tempore Totilæ regis Gotthorum eiusdem Fundensis monasterij præpositus fuit, in discipulatu illius conuersus atque eruditus est. De quo quanuis virtutes multas plurimorum narratio certa vulgauerit, prædictus tamen Laurentius religiosus vir qui nunc superest, & ei ipso in tempore familiarissimus fuit, multa mihi dicere de illo consuevit, ex quibus ea quæ recolo, pauca narrabo.

IN eadem prouincia Samnij, quam suprà memorauimus, idem vir pro vtilitate monasterij carpebat iter. Dūque Dardania Gotthorum dux cum exercitu in loco eodem venisset, Dei seruus ex caballo quo sedebat ab hominibus eius proiectus est. Qui iumentum perditum damnum libenter ferens, etiam flagellum quod tenebat diripientibus obtulit, dicens: Tollite vt habeatis qualiter hoc iumentum minare valeatis. Quibus dictis protinus se in orationē dedit. Cursu autem rapido prædicti ducis exercitus peruenit ad fluuium qui vocatur Vulturnus, ibique equos suos cœperunt singuli hastis tundere, & calcaribus cruentare, sed tamen equi verberibus cæsi, calcaribus cruentati, fatigari poterant, moueri non poterant: sicque aquam fluminis tangere quasi mortale precipitium pertimescebant. Cūque diu cadendo seffores singuli fatigarentur, vnus eorum intulit, quia ex culpa quam seruo Dei in via fecerant, illa sui itineris dispendia tolerabant. Qui statim reuersi post se Libertinum reperiunt in oratione prostratum. Cui cum dicerent: Surge tolle caballum tuum, ille respondit: Ite cum bono, ego caballus opus nō habeo. Descendentes verò inuitum eum in caballum de quo deposuerant leuauerunt, & protinus abscefferunt. Quorum equi tanto cursu illud quod prius non poterant transire flumen transierunt, ac si ille fluminis alueus aquam minimè haberet. Sicque

Libertini patientia.

Caballus Libertino restituitur.

Sicque factum est, ut cum seruo Dei vnus caballus suus red-
ditur: omnes à singulis reciperentur.

*Libertinus
Francis in-
uisibilis.*
Eodem verò tempore in Campaniæ partibus Buccellinus
cum Francis venit. De monasterio verò præfati viri fa-
mulum Dei rumor exierat quòd pecunias multas haberet. In-
gressi oratorium Franci, cœperunt sæuientes Libertinū que-
rere, Libertinum clamare, vbi in oratione ille prostratus iace-
bat. Mira valde res, quærentes, sequentesque Franci, ingredi-
entes in ipso impingebant, & ipsum videre non poterant, sic-
que sua cæcitate frustrati, à monasterio sunt vacui reuersi.

*Libertinus
caligula
Honorati
puerum mor-
tuum resu-
scitauit.*
Alio quoque tempore pro causa monasterij abbatis iussu
qui Honorato eius magistro successerat, Rauennam per-
gebat. Pro amore verò eiusdem venerabilis Honorati quocun-
que Libertinus ibat, eius semper caligulam in sinu portare
consueuerat. Itaque dum pergeret accidit, ut quædam mulier
extincti filij corpusculum ferret. Quæ dum seruum Dei fuisse
intuita, amore filij succensa, iumentum eius per frænum
tenuit, atque cum iuramento dixit: Nullatenus recedes, nisi
filium meum suscitaueris. At ille inusitatum habens tale mi-
raculum, expauit petitionem illius, iuramenta declinare mu-
lieris voluit, sed nequaquam præualens animo hæsit. Consi-
derare libet quale quantumque in eius pectore certamen fue-
rit. Ibi quippe pugnabat inter se humilitas conuersationis, ac
pietas matris: timor ne inusitata præsumeret, dolor ne orbata
matri non subueniret: sed ad maiorem Dei gloriam vicit pie-
tas illud pectus virtutis, quod ideo fuit validum, quia deuictum:
virtutis enim pectus non esset, si hoc pietas non vicisset. Itaque
descendit, genua flexit, ad cælum manus tendit, caligulam
de sinu protulit, & super extincti pueri pectus posuit. Quo
orante anima pueri ad corpus rediit: quem manu compre-
hendit, ac flenti matri viuētem reddidit, atque iter quod cœ-
perat, peregit.

Petrus:

Quid nam hoc esse dicimus: virtutem tanti miraculi Ho-
norati egit meritum, an petitio Libertini?

Gregorius:

4. Reg. 2.
In ostensione tam admirabilis signi cum fide scemina vir-
tus conuenit vtrorumque, atque ideo Libertinum existi-
mo ista potuisse: quia plus didicerat de magistro, quam de sua
virtute confidere. Cuius enim caligulam in pectus extincti
corpusculi posuit, eius nimirum animam obtinere quod pe-
tebat æstimauit. Nam Helisæus quoque magistri pallium
ferens, atque ad Iordanem veniens, percussit semel, & aquas
minimè diuisit. Sed cum diceret: Vbi est Deus Helix etiam
nunc? percussit fluuium magistri pallio, ac iter inter aquas fe-
cit. Perpendis Petre quantum in exhibendis virtutibus hu-
militas valet? Tunc exhibere magistri meritum virtutem po-
tuit, quando magistri nomen ad memoriam reduxit. Quia e-
nim ad humilitatem sub magistro rediit, quod magister se-
cerat & ipse fecit.

Petrus:

Libet quod dicis, sed quæso te est ne aliquid aliud quod
adhuc de ipso ad nostram ædificationem narres?

Gregorius:

*Libertini
mira patien-
tia.*
Est planè, sed si sit qui velit imitari. Ego enim virtutem
patientiæ tanti patris signis & miraculis maiorem cre-
do. Quadam nanque die is qui post venerabilis Honorati
exitum monasterij regimen tenebat, contra eundem vene-
rabilem Libertinum in graui iracundia exarsit, ita ut eum ma-
nibus cæderet. Et quia virgam qua eum ferire posset minimè
inuenit, comprehenso scabellò suppedaneo faciem ei ac ca-
put tutuduit, totumque illius vultum tumentem ac liuidum
reddidit. Qui vehementer cæsus ad stratum proprium taci-
tus recessit. Die verò altera erat pro vtilitate monasterij cau-
sa constituta. Expletis igitur hymnis matutinalibus Liberti-
nus ad lectum abbatis venit, orationem sibi humiliter petiit.
Sciens verò ille quantum à cunctis honoraretur, quantum-
que diligeretur, pro iniuria quam ei ingesserat, recedere eum
à monasterio velle putabat, atque requisivit dicens: Vbi vis
ire? Cui ille respondit, Monasterij causa constituta est pater,
quam declinare nequeo, quia hesterno die me hodie iturum

Tomus primus.

A promisi, illuc ire disposui. Tunc ille à fundo cordis confide-
rans asperitatem & duritiam suam, humilitatem ac mansuetu-
dinem Libertini, ex lecto profiliit, pedes Libertini tenuit, se
peccasse, seque reum esse testatus est, qui tanto talique viro ita
crudelem facere contumeliam præsumpserat. At contra Li-
bertinus sese in terram prosternens, eiusque pedibus prouolu-
tus, suæ culpæ non illius sæuitiæ fuisse referebat quod pertule-
rat. Sicque actum est ut ad magnam mansuetudinem perducere-
tur pater, & humilitas discipuli magistra fieret magistri.
Cumque pro vtilitate monasterij ad constitutionem causæ e-
gressus fuisset, multi viri noti ac nobiles qui eum valde hono-
rabant, vehementer admirati, solliciti requirebant quid nam
hoc esset, quòd tam tumentem ac liuidum haberet faciē. Quibus
ille dicebat: Hesterno die sero peccatis meis exigentibus in
scabellò suppedaneo impégi, atque hoc pertuli. Sicque vir san-
ctus seruans in pectore honorem veritatis & magistri, nec pa-
tris prodebat vitium, nec falsitatis incurrebat peccatum.

Petrus:

Putrasne vir iste venerabilis Libertinus, de quo tot signa &
miracula retulisti, in tam ampla congregatione imitatores
suos in virtutibus non reliquit?

De hortulano monacho monasterij eiusdem.

Caput III. Gregorius:

Foelix qui appellatur Curtius, quem ipse bene nosti, qui e-
iusdem monasterij nuper præpositus fuerat, multa mihi
de fratribus eiusdem monasterij admiranda narrabat. Ex qui-
bus aliqua quæ ad memoriam veniunt supprimo, quia ad alia
festino. Sed vnum dicam quod ab eo narratum prætereun-
dam nullo modo æstimo.

In eodem monasterio quidam magnæ vitæ monachus erat
Hortulanus. Fur verò venire consueuerat, & per sepe asce-
dere, & occultè olera auferre. Cumque ille multa plantaret,
quæ minus inueniret, & alia pedibus conculcata, alia direpta
conspiceret: totum hortum circuiens, inuenit iter vnde fur
venire consueuerat. Qui in eodem horto deambulans, repe-
rit etiam serpentem, cui præcipiens dixit: Sequere me: atque
ad aditum furis perueniens, imperauit serpenti, dicens: In no-
mine Iesu præcipio tibi ut aditum istum custodias, ac furem
huc ingredi non permittas. Protinus serpens totum se in iti-
nere in transversum tetendit, & ad cellam monachus rediit.
Cumque meridiano tempore cuncti fratres quiescerent, mo-
re solito fur aduenit, ascendit sepe. Et cum in hortum pe-
dem poneret, vidit subito quia extensus serpens clausisset
viam, & tremefactus post semetipsum concidit, eiusque pes
per calciamentum in fude sepi inhaesit, sicque vsque dum
hortulanus rediret, deorsum capite pendit. Consueta hora
venit hortulanus, pendentem in sepe furem reperit, serpenti
autem dixit: Gratias ago Deo, implesti quod iussi: recede mo-
do. Qui statim abscessit. Ad furem verò perueniens, ait:
Quid est frater? tradidit te mihi Deus, quare in labore mona-
chorum furtum toties facere præsumpsisti? Qui hæc dicens
pedem illius à sepe in qua inhaeserat soluit, cumque sine læ-
sione deposuit. Cui dixit: Sequere me: Quem sequentem du-
xit ad horti aditum, & olera quæ furto appetebat auferre, ei
cum magna dulcedine præbuit, dicens: Vade, & post hæc
furtum non facias: sed cum necesse habes, huc ad me ingre-
dere, & quæ tu cum peccato laborabas tollere, ego tibi deuotus
dabo.

Petrus:

Nunc vsque ut inuenio, incassum ego non fuisse patres in
Italia, qui signa facerent, æstimabam.

De Equitio abbate provincie Valeriæ.

Caput II. Gregorius:

Fortunati viri venerabilis abbatis monasterij, quod appel-
latur balneum Ciceronis, aliorumque etiam virorum ve-
nerabilium didici relatione quod narro. Vir sanctissimus E-
quitius nomine in Valeriæ provincie partibus pro vitæ suæ
merito apud omnes illic magnæ admirationis habebatur, cui
Fortunatus idem familiariter notus fuit. Qui nimirum Equitius
pro suæ magnitudine sanctitatis multorum in eadem provin-

Balneum Ci-
ceronis, mo-
nasterium.

Viso de eunuchatione Equitij.

cia monasteriorum pater extitit. Hunc cum iuuentutis suæ tempore acri certamine carnis incentiua fatigarent, ipsæ suæ tentationis angustia eum ad orationis studium solertiolem fecerunt. Cumque hac in re ab omnipotenti Deo remedium continuis precibus quæreret, nocte quadam assistente angelo eunuchizari se vidit, eiusque visioni apparuit, quod omnem motum ex genitalibus eius membris absunderet, atque ex eo tempore ita alienus extitit à tentatione, ac si sexum non haberet in corpore. Qua virtute fretus ex omnipotentis Dei auxilio, ut viris antè præerat, ita cœpit postmodum etiam fœminis præesse: nec tamen discipulos suos admonere cessabat, ne se eius exemplo in hac re facile crederent, & casuri tentarent donum quod non acceperant.

De Basilio magico.

† al. Amirtina.

Basilus sub habitu monachi diabolus esse ab Equitio cernitur.

EO autem tempore quo malefici in hac sunt Romana vrbe deprehenfi, Basilus, qui in magicis operibus primus fuit, in monachico habitu Valeria fugiens petiit. Qui ad virum reuerentissimum castrorum † Amirtinæ ciuitatis episcopum pergens, petiit ab eo ut eum Equitio abbati committeret, ac sanandum monasterio illius commendaret. Tunc ad monasterium venit episcopus, secumque Basilium monachum deduxit, & Equitium Dei famulum rogauit, ut eundem monachum in congregationem susciperet. Quem statim vir sanctus intuens, ait: Hunc quem mihi commendas frater, ego non video monachum esse, sed diabolum. Cui ille respondit: Occasionem quæris, ne debeas præstare quod peto. Ad quem mox Dei famulus dixit: Ego quidem hoc eum esse denuncio, quod video: ne tamē nolle me obedire existimes, facio quod iubes. Susceptus itaque in monasterio est. Post non multos verò dies, idem Dei famulus pro exhortandis ad desideria superna fidelibus, paulò longius à cella digressus est. Quo discedente condigit ut in monasterio virginum in quo eiusdē patris cura vigilabat, vna earum quæ iuxta carnis huius putredinem speciosa videbatur, febricitare inciperet: & vehementer anxari, magnisque non vocibus sed stridoribus clamare: Modò moritura sum, nisi Basilus monachus veniat, & ipse mihi per suæ curationis studium salutem reddat. Sed in tanti patris absentia accedere quisquam monachorum in congregationem virginum non audebat, quanto minus ille qui nouus aduenerat, eiusque adhuc vitam congregatio fratrum nesciebat. Missum repente est, & Dei famulo Equitio nuntiatum, quod sanctimonialis illa immensis febribus æstualet, & Basilij monachi visitationem anxie quæreret: quo audito vir sanctus dedignado subrisit, atque ait: Nunquid non dixi, quod diabolus est iste, non monachus? ite & cum de cella expellite. De ancilla autem Dei quæ anxietate febrium vrgetur, nolite esse solliciti: quia ex hac hora neque febribus laboratura est, neque Basilium quæsitura. Regressus est monachus, & ea hora saluti restituta Dei virginē agnouit, qua eandem salutē illius Dei famulus Equitius longè positus nunciauit, in virtute scilicet miraculi, exemplum tenens magistri: qui inuitatus ad filium reguli, eum solo verbo restituit salutem, ut reuertens pater ea hora filium restitutum vitæ cognosceret, qua vitam illius ex ore veritatis audisset. Omnes autem monachi iussione patris sui implentes eundem Basilium ex monasterij habitatione repulerunt. Qui repulsus dixit frequenter se cellam Equitij magicis artibus in aëra suspendisse, nec tamen eius quempiam lædere potuisse. Qui non post longum tempus in hac Romana vrbe exardescente zelo Christiani populi, igne crematus est.

Virgo febricitans sine remedio curata.

Basilus. Roma crematus est.

Monialis obsessa per Equitium liberatur.

Quidam verò die vna Dei famula ex eodem monasterio virginum hortu ingressa est, quæ lactucam conspicuens concupiuit, eamque signo crucis benedicere oblita, auidè momordit: sed arrepta à diabolo protinus cecidit. Cumque vexaretur, eidem patri Equitio sub celeritate nuntiatum est, ut veniret concitus, & orando succureret. Moxque hortu idem pater ut ingressus est, cœpit ex eius ore quasi satisfaciēs ipse qui hanc arripuerat diabolus clamare, dicens: Ego quid feci? ego quid feci? Sedebam ibi super lactucam, venit illa, & momordit me. Cui eum graui indignatione vir Dei præcepit ut discederet, & locum in omnipotentis Dei famula non haberet, Qui protinus abscessit, nec eā vltrà contingere præualuit.

Quidam verò Felix nomine† Mirisæ prouinciæ nobilis pater huius Castorij, qui nunc nobiscū in Romana vrbe demoratur, cum eundē venerabilē virum Equitiū sacrum ordinem non habere conspiceret, & per singula loca discurrere, atque studiosè prædicare, eum quadam die familiaritatis ausu adiit, dicens: Qui sacrum ordinem non habes, atque à Romano pontifice sub quo degis prædicationis licentiam non receperisti, prædicare quomodo præsumis? qua eius inquisitione compulsus vir sanctus indicauit prædicationis licentiam qualiter acceperit, dicens: Ea quæ mihi loqueris, ego quoque mecum ipse pertracto. Sed quadā nocte speciosus mihi per visionem iuuenis astitit, atque in lingua mea medicinale fermentum, id est, phlebotomum posuit, dicens: Ecce posui verba mea in ore tuo, egredere ad prædicandum. Atque ex illo die etiam cum voluero, de Deo tacere non possum.

Petrus:

Vellem etiam patris huius opus agnoscere, qui fertur talia dona à Deo percepisse. Gregorius:

Opus Petre ex dono est, donū ex opere, alioquin gratia iam non est gratia. Omne quippe opus dona præueniunt, quamuis ex subsequenti opere ipsa etiam dona succrescunt: ne tamen vitæ eius cognitione frauderis, bene hanc reuerentissimus vir Albinus Reating antistes Ecclesiæ cognouit, & adhuc superlunt multi qui scire potuerunt. Sed quid plus quæris operis, quādo concordabat vitæ munditia cū studio prædicationis? Tantis quippe illum feruor ad colligendas Deo animas accēderat, ut sic monasterijs præfesset: quatenus per Ecclesias, per castra, per vicos, per singulorū quoque fidelium domos circūquaque discurreret, & corda audientū ad amorem patriæ cœlestis excitaret. Erat verò valde vilis in vestibus, atque ita despectus, ut si quis illū fortasse nesciret, salutatū etiam resalutare despiceret: & quoties alia tēdebat ad loca, iumēto sedere consueuerat, quod esse despicabilis omnibus iumentis in cella potuisset reperiri, in quo etiā capistro pro fræno, & veruecū pellibus pro sella utebatur. Per semetipsum sacros codices in pelliceis sacculis missos dextro leuōque portabat latere: & quocunq; peruenisset, scripturarū aperiebat fontē, & rigabat prata mentium. Huius quoque opinio prædicationis ad Romanæ vrbs notitiā peruenit, atque ut est lingua adulantū auditoris sui animam amplectendo necans, eodem tempore clerici huius apostolicæ sedis antistiti adulando quæsti sunt, dicens: Quis est iste vir rusticus, qui auctoritatem sibi prædicationis arripuit, & officium apostolici nostri domini sibi in doctus vsurpare præsumit? Mittatur ergo si placet qui huc eum exhibeat, ut quis sit Ecclesiasticus vigor agnoscat. Si autē moris est ut occupato in multis animo adulatio valde subrepat si ab ipso cordis ostio nequaquā fuerit citius repulsa, suadentibus clericis consensum pontifex præbuit, ut ad Romanam vrbe duci debuisset, & quænam sua esset mensura cognosceret. Iulianum tamen tunc defensorem mittens, qui Sabinensi Ecclesiæ postmodum in episcopatu præfuit, hoc præcepit, ut cum magno honore eum deduceret, ne quicquam Dei famulus ex conuentione eadē iniuriæ sentiret. Qui parere de clericorum votis cōcitus volens festinè ad eius monasterium cucurrit, ibique absente illo antiquarios scribes reperit, vbi abbas esset, inquisiuit. Qui dixerunt: In valle hac quæ monasterio subiacet, fœnum secabat. Idem verò Iulianus superbum valde atque contumacem puerum habuit, cui vix poterat vel ipse dominari. Hunc ergo misit ut ipsum ad se sub celeritate perduceret. Perrexit puer, & proteruo spiritu pratum velociter ingressus, omnēque illic intuens fœnum secantes, requisivit quisnam esset Equitius. Moxque ut audiuit quis esset, eum adhuc longè positus aspexit, & immenso timore correptus est cœpit timore lassescere, seque ipsum nutanti gressu vix portare posse, qui tremens ad Dei hominem peruenit, atque vlnis humiliter submissis eius genua deosculans strinxit, suūque dominum ei occurrisse nunciauit. Cui resalutato Dei famulus præcepit dicens: Leua fœnum viride, porta pabulum iumentis in quibus venistis: ecce ego, quia parum superest, opere expleto te subsequor. Is autem qui missus fuerat, Iulianus defensor mirabatur valde quidnam esset quod redire moraretur puer. Cumque reuertentem puerum conspiceret, atque in collo fœnum ex

Licentia prædicandi Equitij sine sacris ordinibus.

Equitij videri.

Equitius viles ferebat vestes.

Equitium adulatores accusant.

Equitius fœnum secabat.

ex prato deferentem, vehementer iratus cœpit clamare dicēs: Quid est hoc? ego te mihi hominem deducere, non fœnum portare. Cui puer respondit: Quem quæris, ecce subsequitur. Tum ecce vir Dei clauatis calceatus caligis falcem fœnariam in collo deferens veniebat. Quem adhuc longè positum puer suo domino quia ipse esset quem quæreret, indicauit. Idem verò Iulianus repente vt vidit Dei famulum, ex ipso habitu despexit, eumque qualiter deberet alloqui proterua mente præparabat. Mox verò vt seruus Dei cōminus affuit, eiusdem Iuliani animum intolerabilis pavor inuasit, ita vt tremere, atque in insinuandum hoc ipsum pro quo venerat, vix sufficere lingua potuisset. Qui humiliato mox spiritu ad eius genua cūcurrit, orationem pro se fieri petiit, & quia pater eius Apostolicus pontifex eum videre vellet indicauit. Vir autem venerandus Equitius cœpit immensas gratias omnipotenti Deo agere, asserens quod se per summum pontificem gratia superna uisitasset. Ilico vocauit fratres, præcepit hora eadem iumēta præparari, atque executorem suum cœpit vehementer urgere vt citò abire debuissent. Cui Iulianus ait: Hoc fieri nullatenus potest, quia lassatus ex itinere hodie non valeo abire. Tunc ille respondit: Contristas me fili: quia si hodierna die non egredimur, iam crastina non exiemus. Dei itaque famulus executoris sui lassitudine coactus, in monasterio suo eadē nocte demoratus est. Sequenti vero die sub ipso lucis crepusculo vehementer equo in cursu fatigato ad Iulianum puer cū epistola peruenit, in qua præceptum est ei ne seruum Dei cōtingere vel mouere de monasterio auderet. Quem cū ille requireret cur sententia esset mutata, cognouit, quia nocte eadem, in qua ipse executor illuc missus est, per visum pontifex fuerat vehementer exterritus, cur ad exhibendum Dei hominem mittere præsumpisset. Qui protinus surrexit, seque venerandi viri commendans orationibus ait. Rogat pater noster fatigari debeat. Cūque hoc Dei famulus audisset, contristatus ait: Nunquid non die hesterno dixi tibi, quia si statim non pergeremus, iam pergere minimè liceret? Tunc pro charitatis exhibitione aliquantulum executorem suum in cella detinuit, eique laboris sui commodum coacto renitentique dedit. Cognosce igitur Petre in quanta Dei custodia sunt, qui in hac vita seipsos despiciere nouerunt, cum quibus intus ciuibus in honore numerantur, qui despecti foris hominibus esse non erubescunt: quia & contra in Dei oculis iacent, qui apud suos & proximorum oculos per inanis gloriæ appetitum tument. Vnde & quibuscūq; veritas dicit: Vos estis, qui iustificatis vos coram hominibus, Deus autem nouit corda vestra: quia quod hominibus altum est, abominabile est ante Deum.

Petrus:

Miror valde, quod de tali viro surripi pontifici tanto potuerit.

Gregorius:

Quid miraris Petre, quia fallimur qui homines sumus? An menti excidit quod Dauid qui prophetiæ spiritum habere consueuerat, contra innocentem Ionathæ filium sententiam dedit, cū verba pueri mentientis audiuit? quod tamen quia per Dauid factum est, & oculo Dei iudicio iustum credimus, & tamen humana ratione qualiter iustum fuerit non videmus. Quid ergo mirum si ore mentientium aliquando in aliud ducimur, qui prophetæ non sumus? Multum verò est, quod vniuscuiusque præsulis mentem curarum densitas vastat. Cūque animus diuiditur ad multa, fit minor ad singula tantòque ei in vna qualibet re surripitur, quanto latius multis occupatur.

Petrus:

Gregorius:

Vera sunt valde quæ dicis.

Silere non debeo, quod de hoc viro abbate quondam meo reuerentissimo Valentino narrante agnouit. Aiebat namque, quia corpus eius dum in beati Laurentij martyris oratorio esset humatum, super sepulcrum illius rusticus quidam arcam cum frumento posuit, nec quantus, qualisque vir illic iaceret, perpendere ac vereri curauit. Tunc repente turbo cœlitus factus, rebus illic omnibus in sua stabilitate manentibus arcam quæ superposita sepulcro eius fuerat, extulit: longèque proiecit, ita vt palam cuncti cognoscerent, quanti esset meritis cuius illic corpus iaceret.

ETiam ea quæ subiungo, prædicti venerabilis viri Fortunati qui valde mihi ætate, opere & simplicitate placet, relatione cognoui. Eandem Valeriæ prouinciam Longobardis intransitibus ex monasterio reuerentissimi viri Equitij in prædicto oratorio ad sepulcrum eius monachi fugerunt. Cūque Longobardi sæuientes oratorium intrassent, cœperunt eosdem monachos foras trahere, vt eos aut per tormenta discuterent, aut gladiis necarēt, quorum vnus ingemuit, atque acri dolore commotus clamauit: Heu heu sancte Equiti placet tibi quod trahimur, & non nos defendis? Ad cuius vocem protinus sæuientes Longobardos immundus spiritus inuasit. Qui corruētes in terram tam diu vexati sunt, quousque hoc cuncti, etiam qui foris erant, Longobardi cognoscerent, quatenus locum sacrum temerare vltius non auderent. Sicque vir sanctus dum discipulos defenderit, etiam multis post remedium illuc fugientibus præstitit.

De Constantio mansionario Ecclesiæ sancti Stephani.

Caput V.

Cuiusdam cœpiscopi mei didici relatione quod narro. Qui in Anconitana vrbe per annos multos in monachico habitu deguit, ibique vitam non mediocriter religiosam duxit. Cui etiam quidam nostri iam prouectioris ætatis qui ex eisdem sunt partibus attestantur. Iuxta eam nanque ciuitatem Ecclesia beati martyris Stephani sita est: in qua vir vitæ venerabilis Constantius nomine, mansionarij sanctus officio deferuebat: cuius sanctitatis opinio sese ad notitiam hominum longè latèque detenderat. Qui idem vir funditus terrena despiciens, totòque annisu mentis ad sola cœlestia flagrabat. Quadam verò die dum in eadem Ecclesia oleum decisset, & prædictus Dei famulus vnde lampades accenderet omnino non haberet, omnes lampades Ecclesiæ impleuit aqua atque ex more in medio papyrum posuit: quas allato igne succendit, sicque aqua arsit in lampadibus ac si oleum fuisset. Perpende igitur Petre cuius meriti vir iste fuerit, qui necessitate compellus, elementi naturam mutauit.

Petrus.

Mirum est valde quod audio: sed vellem nosse cuius humilitatis apud se esse intus potuit iste, qui tantæ excellentiæ foris fuit.

Gregorius.

Inter virtutes animum cognoscere congruè quæris: quia multum valde est quod tentatione sua intus mentem lacescunt mira quæ foris fiunt. Sed si huius Constantij venerabilis vnum quod fecit audis, cuius humilitatis fuerit citius agnoscis.

Petrus.

Postquam mihi facti illius tale miraculum dixisti, superest etiam vt me de humilitate mentis eius ædifices.

Gregorius.

Quia valde opinio sanctitatis eius excreuerat, multi hunc ex diuersis prouinciis anxie videre sitiebant. Quadam verò die ex longinquo loco ad videndum eum quidam rusticus venit. Eadem verò hora casu contigerat vt sanctus vir stans in ligneis gradibus, reficiendis deseruiret lampadibus. Erat autem pusillus valde, exili forma atque despecta. Cūque is qui ad videndum eum venerat quisnam esset inquireret, atque obnoxie peteret vt sibi debuisset ostendi: hi qui illi nouerant, monstrarunt quis esset. Sed sicut stultæ mentes hominum merita ex qualitate corporis metiuntur, eum paruulū atque despectum vidēs, ipsum hunc esse cœpit omnino nō credere. In mēte etenim rustica inter hoc quod audierat & videbat, quasi facta fuerat quædam rixa: & æstimabat tam breuem per visionem esse nō posse, quem tam ingentem habuerat per opinionem. Cūque ipsum eum esse à pluribus fuisset assertū, despexit, & cœpit irridere, dicens: Ego grandem hominē credidi, iste autē de homine nihil habet. Quod vt vir Dei Constantius audiuit, lampades quas reficiebat protinus relinquens, lætus concitus descendit, atque in eiusdem rustici amplexū ruit, cūque ex amore nimio cōstringere cœpit brachiis & osculari, magnasque gratias agere quod is de se talia iudicasset, dicēs: Tu solus es qui in me apertos oculos habuisti. Quæ ex re pensandum est cuius apud se humilitatis fuerit, qui despicientē se rusticum amplius amauit. Qualis enim quisque apud se lateat,

contumelia illata probat. Nam sicut superbi honoribus, sic plerunque humiles sua despectione gratulantur. Cumque se & in alienis oculis viles aspiciunt, idcirco gaudent, quia hoc iudicio confirmari intelligunt, quod de se & ipsi apud semetipsos habuerunt. Petrus.

VT agnosco, vir iste magnus, fortis fuit in miraculis, sed maior intus in humilitate cordis.

De Marcellino Anconitana ciuitatis episcopo. Caput VI.

Gregorius.

EIusdem quoque Anconitanae antistes Ecclesiae vir vitae venerabilis Marcellinus fuit, cuius gressum dolore nimio podagra contraxerat, cumque familiares sui sic ubi necesse erat in manibus ferebant. Quadam vero die per culpam incuriae eadem ciuitas Anconitana succensa est. Cumque vehementer arderet, cucurrerunt omnes, ut ignem extinguerent. Sed illis aquam certatim prolicientibus, ita crescebat flamma ut iam totius urbis interitum minari videretur. Cumque propinquiore sibi loca quaeque ignis inuaderet, iamque urbis partem non modicam consumpsisset, & obsistere nullus valeret, deductus in manibus venit episcopus, & tanta periculi necessitate compulsus, familiaribus suis se portantibus praecipit dicens: Contra ignem me ponite. Quod ita factum est, atque in eo loco est positus, ubi tota vis flammæ videbatur incumbere. Cæpit autem miro modo in semetipsum incendium retorqueri, ac si reflexionis suae impetus exclamaret se episcopum transire non posse. Sicque factum est ut flamma incendij illo termino refrenata in semetipsa refrigesceret, & contingere ulterius quicquam aedificij non auderet. Perpendis Petre, cuius sanctitatis fuerit ægrum hominem sedere, & exorando flammam premere.

Petrus: Et perpendo & obstupeſco.

Gregorius.

De Nonnoſo præpoſito monaſterij in monte Soractis.

Caput VII.

DE vicino nunc loco tibi aliquid narrabo, quod & viri venerabilis Maximiani episcopi, & Laurionis quem nostri veterani monachi, qui vterque nunc vsque superest, relatione cognoui: qui scilicet Laurio in illo monasterio * quod iuxta urbem Neptanam vocatur, ab Anastasio viro sanctissimo nutritus est. Qui nimirum Anastasius vitae venerabilis viro Nonnoſo præpoſito monaſterij, quod in Soractis monte situm est, & propinquitate loci & morum magnitudine, & virtutum studiis assidue iungebatur. Idem vero Nonnoſus sub asperrimo sui monaſterij degebat patre: sed eius mores mira semper æquanimitate tolerabat. Sicque fratribus præerat in mansuetudine, sicut crebro patris iracundiam ex humilitate mitigabat. Quia vero eius monaſterium in summo montis cacumine situm est, ad quemlibet paruum hortum fratribus excolendum nulla patebat planities: vnus autem breuissimus locus in latere montis extreuerat, quem ingentis saxi moles naturaliter egrediens occupabat. Quadam vero die dum Nonnoſus vir venerabilis cogitaret, quod saltem ad condimenta olerum nutrienda locus idem aptus potuisset existere, si hunc moles saxi illius non teneret, occurrit animo, quod eandem molem quingenta bouum paria mouere non possent. Cumque de humano labore facta esset desperatio, ad diuinum se solatium contulit, seque illic nocturno silentio in orationem dedit. Cumque mane facto ad eundem locum fratres venirent, inuenerunt molem tantæ magnitudinis ab eodem loco longius recessisse, suoque recessu largum fratribus spatium ad excolendum hortum dedisse.

ALio quoque tempore cum idem vir venerabilis lampades vitreas in oratorio lauaret, vna ex eius manibus cecidit, quæ per innumeras partes fracta dissiluit: qui vehementissimum patris monaſterij furorem timens, lampadis protinus omnia fragmenta collegit, atque ante ad altare posuit, seque cum graui gemitu in orationem dedit. Cumque ab oratione caput leuasset, sanam lampadem reperit, quam timens per fragmenta collegerat. Sicque in duobus miraculis duorum patrum virtutes imitatus est. In mole scilicet saxi, factum Gregorij, qui montem mouit: In reparatione vero lampadis, virtutem Donati, qui fractum calicem pristina incolumitati restituit.

Petrus.

Habemus, ut video, de exemplis veteribus noua miracula. Gregorius.

Vis ne aliquid in operatione Nonnoſi de imitatione quoque Helisæi cognoscere?

Petrus.

Volo atque in hianter cupio.

Gregorius.

Dum quadam die in monasterio vetus oleum deesset, iamque colligendæ oliuæ tempus incumberet, sed fructus in oleis nullus appareret, visum patri monaſterij fuerat, ut circumquaque fratres in colligendis oliuis ad exhibenda extraneis opera pergerent, quatenus ex mercede sui operis aliquantulum monasterio oleum deportarent. Quod vir Domini Nonnoſus fieri cum magna humilitate prohibuit, ne exeuntes fratres ex monasterio dum lucra olei quærent, animarum damna paterentur. Sed quia in monaſterij arboribus oliuæ pauca inesse videbantur, eas colligi præcepit, & in prælo mitti, & quamlibet parum olei exire potuisset, sibimet deferri. Factumque est, & susceptum in paruo vasculo oleum fratres Nonnoſo Dei famulo detulerunt: quod ipse protinus ante altare posuit, cunctisque egredientibus orauit, atque accersitis postmodum fratribus præcepit, ut hoc quod detulerunt oleum kuarent, & per cuncta vasa monaſterij exigue fundendo diuiderent, quatenus benedictione eiusdem olei omnia infusa viderentur, quæ protinus ut erant vacua claudi fecit. Die vero altera aperta omnia plena reperta sunt.

Petrus.

Probamus quotidie impleri verba veritatis, quæ ait: Pater meus vsque modò operatur, & ego operor. *Ioan. 4.*

De Anastasio abbate monaſterij, quod Suppentonia vocatur.

Caput VIII.

Gregorius.

Eodem quoque tempore venerandus vir Anastasius, cuius superius memoriam feci, sanctæ Romanæ Ecclesiae, cui Deo auctore deseruio, notarius fuit. Qui soli Deo vacare desiderans scrinium deseruit, monasterium elegit, atque in eo loco, quem præfatus sum Suppentoniam vocari, per annos multos in sanctis actibus vitam duxit, eique monasterio solerti custodia præfuit. Quo videlicet in loco ingens desuper rupes eminet, & profundum subter præcipitium patet. Quadam vero nocte cum iam omnipotens Deus eius venerabilis viri Anastasij labores remunerare decreuisset, ab alta rupe vox facta est, quæ producto sonitu clamaret, dicens: Anastasi veni. Quo vocato alij quoque septem fratres vocati sunt ex septem fratre nomine. Paruo autem momento ea quæ fuerat emissa vox fratre emuluit, & octauum fratrem vocauit. Quas dum aperte voces cōgregatio audisset, dubium non fuit, quin eorum qui vocati fuerunt obitus appropinquasset. Intra paucos igitur dies primus venerandus vir Anastasius, cæteri autem in eo ordine ex carne educti sunt, de quo de rupis vertice fuerant vocati. Frater vero ille ad quem vocandum vox parum siluit, atque cum tunc nominauit, morientibus aliis paucis diebus vixit, & tunc vitam finiuit: ut aperte monstraretur, quia interiectum vocis silentium paruum viuendi spatium signauerit. **S**ed mira res contigit: quia venerabilis vir Anastasius dum de corpore exiret, erat quidam frater in monasterio qui superuiuere eum nolebat: prouolutus vero eius pedibus cæpit cum lachrymis ab eo postulare, dicens: Per illum ad quem vadis deprecor, te adiuro ne septem dies super te in hoc mundo viuas: ante cuius septimum diem etiam ipse defunctus est, qui tamen in illa nocte inter cæteros non fuerat vocatus: ut aperte claresceret, quia eius obitum sola venerabilis Anastasij intercessio obtinere potuisset.

Petrus.

Cum idem frater & vocatus inter cæteros non est, & tamen sancti viri intercessionibus ex hac luce subtractus est: quid aliud datur intelligi, nisi quod hi quid apud Dominum magni sunt meriti, obtinere aliquando possunt ea etiam, quæ non sunt prædestinata?

Gregorius.

Obtineri nequaquam possunt quæ prædestinata non fuerunt: sed ea quæ sancti viri orando efficiunt, ita prædestinata sunt, ut precibus obtineantur. Nam ipsa quoque perennis regni prædestinatio ita est ab omnipotenti Deo disposita, ut ad

Nonnoſus oleum oratione augmentauit.

Septem fratres enim Anastasio ad mortem vocati.

Nonnoſus frater viro mortis præcatus est.

Nota de prædestinatione. 23. quæst. 4. Obtineri.

sita, vt ad hoc electi pro labore perueniant, quatenus postulando mereantur accipere, quod eis omnipotens Deus ante secula disposuit donare.

Petrus:

Probari mihi apertius vellem, si potest prædestinatio precibus iuari.

Gregorius:

Hoc quod ego Petre intuli, concitè valet probari. Certè etenim nosti, quia ad Abraham Dominus dixit: In Isaac vocabitur tibi semen. Cui etiam dixerat: Patrem multarum gentium constitui te. Cui rursus promisit dicens: Benedicam tibi, & multiplicabo semen tuum sicut stellas cœli, & sicut arenam maris. Ex qua re apertè constat: quia omnipotens Deus semen Abraham multiplicare per Isaac prædestinauerat, & tamen scriptum est: Deprecatus est Isaac Dominum pro vxore sua eò, quod esset sterilis: qui exaudiuit eum, & dedit conceptum Rebeccæ. Si ergo multiplicatio generis Abraham per Isaac prædestinata fuit, cur coniugem sterilem accepit? Sed mirum constat, quia prædestinatio precibus impletur: quado is in quo Deus multiplicare semen Abraham prædestinauerat, oratione obtinuit, vt filios habere potuisset.

Petrus:

Quia secretum ratio aperuit nihil mihi dubietatis remansit.

Caput IX.

Gregorius.

Vis tibi aliquid de Thuscæ partibus narrem, vt cognoscas quales in ea viri fuerint, & omnipotentis Dei notitiæ quantum propinquæ?

Petrus:

Volo, atque hoc omnimodo exposco.

Gregorius:

De Bonifacio Ferentinæ ciuitatis episcopo.

Nota de paupertate.

Fuit vir vitæ venerabilis Bonifacius nomine, qui in ea ciuitate quæ Ferentis dicitur, episcopatus officium tenuit, & moribus impleuit. Huius multa miracula is qui adhuc superest Gaudentius presbyter narrauit. Qui nutritus in eius obsequio tantò valet de illo quæque veracius dicere, quantò eis contigerit & hunc interesse. Huius ecclesiæ gravis valde paupertas inerat, quæ bonis mentibus esse solet custos humilitatis, nihilque aliud ad omne stipendium, nisi vnam tantummodo vineam habebat, quæ quodam die ita grandine irruente vastata est, vt in ea paucis in vitibus vix parui rarique racemi remansissent. Quam cum Dei prædictus vir reuerentissimus Bonifacius episcopus fuisset ingressus magnas omnipotenti Deo gratias retulit: quia in ipsa sua adhuc inopia sese angustia cognouit. Sed cum iam tempus exigeret vt ipsi quoque racemi qui remanserant maturefcere potuissent, custodem vineæ ex more posuit, eamque solerti vigilantia seruari præcepit. Quadam verò die mandauit Constantino presbytero nepoti suo, vt cuncti vini vascula in episcopio omniâque doliâ ita vt antè consueuerat pice superfusa præpararet. Quod cum nepos illius presbyter audisset, valde admiratus est quod quasi insana præciperet, quod vini vascula præparari faceret, qui vinum minimè haberet, nec tamen præsumpsit inquirere cur talia iuberet, sed iussis obtemperat, & omnia ex more præparauit. Tunc vir Dei vineam ingressus racemos collegit, ad calcatorium detulit, omnesque exinde egredi præcepit, solusque ibi cum vno paruulo puerulo remansit, quem in eodem calcatorio deposuit, & calcari ipsos paucissimos racemos fecit. Cumque ex eisdem racemis parum aliquid vini deflueret, cœpit hoc vir Dei suis manibus in paruo vase suscipere, & per cuncta doliâ, omniâque vasa quæ parata fuerant pro benedictione diuidere: vt ex eodem vino omnia vascula vix infusa viderentur. Cum verò ex liquore vini parum aliquid in vasis omnibus misisset, vocauit protinus presbyterum, iussitque pauperes adesse. Tunc cœpit vinum in calcatorio crescere: ita vt omnia quæ allata fuerant pauperum vascula impleret. Quibus cum se idoneè satisfecisse conspiceret: ex calcatorio iussit puerum discedere, apothecam clausit, atque impresso sigillo proprio munitam reliquit, mox ad Ecclesiam rediit. Die verò tertia prædictum Constantium presbyterum vocauit, & oratione facta apothecâ aperuit, & vasa in quibus tenuissimum liquorem infuderat, vbertim vinum fundentia inuenit, ita vt pauimentum omne ex crescentia vina inuaderent, si ad hæc episcopus tardius intrasset. Tunc terribiliter presbytero præcepit, ne quousque ipse in corpore viueret, hoc mi-

A raculum cuiquam indicaret, pertimescens videlicet ne virtute facti fauore humano pulsatus inde intus inanesceret unde foris hominibus magnus appareret, exemplum magistri sequens, qui vt nos ad viam duceret humilitatis, de semetipso discipulis præcepit, dicēs: Vt ea quæ vidissent nemini diceret quousque filius hominis à mortuis resurgeret.

Petrus:

Quia occasio apta se præbuit, libet inquirere quidnam sit quod redemptor noster cum duobus cæcis lumen reddidit, iussit vt nemini dicerent: & illi abeuntes diffamauerunt eum in totam terram illam? Nunquid nam vnigenitus filius patri & sancto spiritui coæternus hac in re velle habuit, quod non potuit implere, vt miraculum quod taceri voluit, minimè potuisset abscondi?

Gregorius:

Redemptor noster per mortale corpus omne quod egit, hoc nobis in exemplum actionis præbuit: vt pro nostrarum virium modulo eius vestigia sequentes inoffenso pede operis præsentis vitæ carpamus viam. Miraculum nanque faciens & tacere iussit & tamen taceri non potuit: vt videlicet & electi eius exempla doctrinæ illius sequentes in magnis que faciunt, latere quidem in voluntate habeant, sed vt profint aliis prodantur inuiti: quatenus & magnæ humilitatis sit quod sua opera taceri appetunt, & magnæ vtilitatis sit quod eorum opera taceri non possunt. Non ergo voluit Dominus quicquam fieri & minimè potuit: sed quid velle eius membra debeant, quidve de eis etiam nolentibus fiat, doctrinæ eius magisterio exemplum dedit.

Petrus: Placet quod dicis.

Gregorius:

Adhuc pauca aliqua quæ de Bonifacii episcopi opere super sunt, quia eius memoriam fecimus, exequamur. Alio namque tempore beati Proculi martyris natalitius propinquabat dies, quo in loco vir nobilis Fortunatus nomine manebat: qui magnis precibus ab eodem venerabili viro postulauit, vt cum apud beatum martyrem Missarum solennia ageret, ad benedictionem dandam in suam domum declinaret. Vir autem Dei negare non potuit quod ab eo ex Fortunati mente charitas poposcit. Peractis igitur Missarum solennibus, cum ad prædicti Fortunati venisset mensam, priusquam Deo hymnum diceret, sicut quidam ludendi arte cibum solent quærere, repente ante ianuam cum simia vir astitit & cymbala percussit. Quem sanctus vir dedignatus audiens sonitum dixit: Heu heu, mortuus est miser iste, mortuus est miser iste. Ego ad mensam refectionis veni, os adhuc ad laudem Dei non aperui, & ille cum simia veniens percussit cymbala. Subiunxit quoque & ait: Ite & pro charitate ei cibum potumque tribuite, scitote tamen quia mortuus est. Qui infelix vir dum panem ac vinum ex eadem domo percepisset, egredi ianuam voluit, sed saxum ingens subito de tecto cecidit, eisque in verticem venit. Ex qua percussione prostratus in manibus iam semiuivus leuatus est. Die verò altera secundum viri Dei sententiâ funditus finiuit vitam. Quia in re Petre pensandum est, quantus sit viris sanctis timor exhibendus, templa enim Dei sunt. Et cum ad iracundiam vir sanctus trahitur, quis alius ad irascendum nisi eiusdem templi inhabitator excitatur? Metuenda ergo tantò est ira iustorum, quãtò & constat quia in eorum cordibus ille præsens est, qui ad inferendam ultionem quam voluerit, inualidus non est.

Ante doctrinam.

Bonifacius ioculatori mori prædixit.

Sancti viri dei templa sunt.

Bonifacius pauperibus subuenit.

Constantius presbyter reuersus ex opere arcam fractam reperit, & caballi sui precium quod in eam posuerat, non inuenit. Cœpit itaque voce magna perstreperere: & cum furore nimio clamare: Omnes hîc viuunt, solus ego in domo hac viuere non possum. Ad cuius nimirum voces venit episcopus, omnesque qui in eodem episcopio aderant. Cûmque eum locutione blanda vir Dei temperare voluisset, cœpit ille cum iurgio respondere, dicens: Omnes tecum viuunt, solus ego autem hîc viuere ante te non possum, redde mihi solidos meos. Quibus vocibus commotus episcopus, beatæ Mariæ virginis Ecclesiam ingressus est, & eleuatis manibus, extenso vestimento, stando cœpit orare vt ei redderet vnde presbyteri furentis insania mitigari potuisset. Cûmque subito oculos ad vestimentum suum inter extensa brachia reduxit, repente in sinu suo duodecim aureos inuenit ita fulgentes, tanquam si ex igne producti eadem hora fuissent. Qui mox de Ecclesia egressus, eos in sinum furentis presbyteri proiecit, dicens: Ecce habes solidos quos quæstisti: sed hoc tibi notum sit, quia post mortem meam in huius Ecclesiæ Episcopum non eligêris propter tuam avaritiam. Ex qua sententia veritatis colligitur, quia eosdem solidos presbyter pro adipiscendo episcopatu præparabat. Sed viri Dei sermo præualuit: nam idem Constantius in presbyteratus officio vitam finiuit.

Bonifacius orando xij. aureos à beata virgine impetrauit.

Vasculum à Bonifacio acceptum vinum auxit.

ALio quoque tempore duo ad eum Gotthi hospitalitatis a gratia venerunt, qui Rauennam se festinare professi sunt. Quibus ipse paruum vas ligneum vino plenum manu sua præbuit, quod fortasse in prandio itineris habere potuissent, ex quo illi quoad vsque Rauennam venirent, biberunt. Gotthi autem aliquantis diebus in eadem ciuitate morati sunt: & vinum quod à sancto viro acceperant, quotidie in vsu habuerunt. Sicque vsque ad eundem venerabilem patrem ferrentes reuersi sunt: vt nullo die cessarent bibere, & tamen vinum eis ex illo vasculo nunquam deesset: ac si in illo vase ligneo quod Episcopus eis dederat, vinum non augetur, sed rasceretur.

Erucas de precepto Bonifacii ex horto migrauerunt.

Nuper quoque de eiusdem loci partibus senex quidam clericus aduenit, & ea quæ ipse de eo narrat silentio non sunt prætereunda. Nam dicit quoddam die ingressus hortum magna hunc erucarum multitudine inuenit esse cooptum: qui omne olus in eo deperire conspiciens, ad easdem erucas conuersus dixit: Adiuro vos in nomine Domini Iesu Christi, recedite hinc, atque hæc olera comedere nolite. Quæ statim ad viri Dei verbum ita omnes egressæ sunt, vt ne vna quidem intra spatium horti remaneret. Sed quid mirum quod hæc de episcopatus eius tempore narramus, quando iam apud omnipotentem Deum ordine simul & moribus creuerat: dum illa magis miranda sint quæ eam hic senex clericus adhuc puerulum fecisse testatur? Nam ait quoddam tempore quo cum matre sua puer habitabat: egressus hospitio, nonnunquam sine lineo, crebro etiam sine tunica reuertebatur: quia mox vt nudum quempiam inuenit vestiebat, hoc se expolians vt se ante Dei oculos illius mercede vestiret.

Quem mater sua frequenter increpare consueuerat, dicens quoddam iustum non esset vt ipse inops pauperibus vestimenta largiretur. Quæ die quadam horreum ingressa penè omne triticum quod sibi in stipendium totius anni præparauit inuenit à filio suo pauperibus erogatum. Cûmque semetipsam alapis pugnisque tunderet, quoddam quasi anni subsidia perdidisset: superuenit Bonifacius puer Dei, eamque verbis quibus valuit consolari cœpit. Quæ cûm nihil consolationis admitteret, hanc rogauit vt ab horreo exire debuisset, in quo ex omni eorum tritico parum quid inuentum est remansisse. Puer autem Dei sese illic protinus in orationem dedit. Quid post paululum egressus ab horreo matrem reduxit, quod ita tritico plenum inuentum est sicut plenum antè non fuerat, cûm mater illius totius anni sumptus se congregasse gaudebat. Quo viso miraculo compuncta mater iam ipsa cœpit hortari vt daret, qui sic celeriter posset quæ petiisset accipere. Hæc itaque in hospitij sui vestibulo gallinas nutrire consueuerat: sed eas ex vicino rure vulpes veniens auferbat. Quadam verò die dum in eodem vestibulo puer Bonifacius staret, vulpes ex more venit, & gallinam abstulit. Ipse autem concitus Ecclesiam intrauit, & se in orationem prosternens apertis vocibus

Bonifacius adhuc puer oratione horreum tritico impleuit.

Edixit: Placet tibi Domine, vt de nutrimentis matris meæ manducare non possim: ecce enim gallinas quas nutrit, vulpes comedit. Qui ab oratione surgens Ecclesiam est egressus. Mox autem vulpes rediit, gallinam quam ore tenebat dimisit; atque ipsa moriens ante eius oculos in terram cecidit.

Petrus.

Valde mihi mirum videtur, quoddam exaudire preces in se sperantium etiam in rebus vilibus dignatur Deus.

Gregorius.

Hoc Petre ex magna conditoris nostri dispensatione agitur: vt per minima quæ percipimus, sperare maiora debeat. Exauditus namque est in rebus vilibus puer sanctus & simplex, vt in paruis disceret quantum de Deo præsumere preces in magnis petitionibus deberet.

Petrus.

Placet quod dicis.

De Fortunato Tudertina ciuitatis episcopo.

Caput XX.

Gregorius.

Alius quoque vir vitæ venerabilis in eisdem partibus fuit Fortunatus nomine, Tudertina antistes Ecclesiæ, qui in effugandis spiritibus immensæ virtutis gratia pollebat: ita vt nonnunquam ab obsessis corporibus legiones demonum percelleret, & continuæ orationis studio intentus obiectas contra se eorum multitudines superaret. Huius viri familiarissimus fuit Iulianus nostræ Ecclesiæ defensor, qui ante non longum tempus in hac urbe defunctus est. Cuius ego quoque hoc didici relatione quod narro: quia sæpe gestis illius ausu familiaritatis intererat, eiusque post memoriam ad instructionem nostram quasi saui dulcedinem in ore retinebat.

Matrona quædam nobilis in vicinis partibus Tusciæ, nunc habebat, quæ intra breue tempus quo filium eius acceperat, cum eadem focu sua ad dedicationem oratorij beati Sebastiani martyris fuerat inuitata. Noctem verò eadem qua subsequente die ad dedicationem prædicti oratorij fuerat processura, voluptate carnis deuicta, à viro suo sese abstinere non potuit: cûmque mane facto conscientiam deterret perpetrata carnis delectatio: processionem verò imperaret verecundia, plius erubescens vultum hominum quàm Dei iudicium metuens, cum focu sua ad dedicationem oratorij processit. Mox verò vt reliquæ beati Sebastiani martyris oratorium ingressæ sunt, eandem prædictæ matronæ nunc malignus spiritus arripuit, & coram omni populo vexare cœpit. Eiusdem verò oratorij presbyter dum eam vehementissimè vexari conspiceret, ex altari protinus sindonem tulit, eamque operuit: sed & hunc simul repente diabolus inuasit. Et quia ultra vires voluit quidquam præsumere, compulsus est & ipse cognoscere in sua vexatione quid esset. Hi verò qui aderant, puellam in manibus ex oratorio sublatam ad domum propriam reportauerunt. Cûmque hanc antiquus hostis vexatione continua vehementer attereret, propinqui sui eam carnaliter amantes & amando persequentes, ad obtinendum salutis remedium maleficis tradiderunt: vt eius animam funditus extingueret, cuius carni magicis attribus ad tempus prodesse conarentur. Ducta est itaque ad fluuium atque in aquammersa, ibique diuicius incantationibus agere malefici moliebantur, vt is qui eam inuaserat diabolus exiret. Sed mirro omnipotentis Dei iudicio, dum arte peruersa vnus ab ea repellitur, in eam subito legio intrauit. Cœpit ex hora illa tot motibus agitari, tot vocibus clamoribusque perstreperere, quot spiritibus tenebatur. Tunc inito consilio parentes eius suæ perfidiæ culpam fatentes hanc ad venerabilem virum Fortunatum Episcopum duxerunt, eique reliquerunt. Qua ille suscepta multis se diebus ac noctibus in orationem dedit: tantoque annisu precibus incubuit, quanto & in vno corpore contra se asistere legionis aciem inuenit. Quam post non multos dies sanam atque incolumem reddidit, ac si in eam ius proprium diabolus nunquam habuisset.

Bonifacius oratione vulpes necauit.

Cur Deus in paruis rebus exaudiat preces.

Fortunatus eiiciendis demonibus perpotens.

Matrona ob carnis vitium à diabolo correpta.

Fortunatus matronam à legione demonum liberat.

Diabolus
sub forma
peregrini
puerum ex-
iunxit.

vbi requiescere debeam, & in ciuitate eius nō inuenio. Tunc quidam in hospitio cum vxore sua & paruulo filio ad prunas sedebat, qui vocem eius audiens, & quid episcopus ei fecerit requirens, hunc inuitauit hospitio, sedere secum iuxta prunas fecit. Cūque vicissim aliqua confabularentur, paruulum eius filium idem malignus spiritus intrauit, atque in easdem prunas proiecit, ibique mox eius animam excussit. Qui orbatu miser, vel quem ipse susceperit, vel quem episcopus expulit agnouit.

Petrus:

Quidnam hoc esse dicimus, vt occidendi ausum in eius hospitio antiquus hostis acciperet, qui hunc peregrinum æstimans ad se hospitalitatis gratia vocasset?

Gregorius.

Math. 6.

Ante de-
ram senten-
tiam.

Multa Petre videntur bona, sed non sunt: quia bono animo non sunt. Vnde & in Euangelio veritas dicit: Si oculus tuus nequam fuerit, totum corpus tuum tenebrosum erit. Quia cū peruersa est intentio quæ præcedit, prauum est omne opus quod sequitur, quanuis esse rectum videatur. Ego nanque hunc virum, qui dum quasi hospitalitatem exhiberet orbatu est, non pietatis opere delectatum ætimo, sed episcopi derogatione: nam pœna subsequens innotuit, quia præcedens illa susceptio sine culpa non fuit. Sunt nanque nōnulli qui idcirco bona facere student, vt gratiam alienæ operationis obnubilent. Nec pascuntur bono quod faciunt, sed laude boni qua cæteros premunt. Qua de re existimo hūc virum qui malignum spiritum in hospitalitatem suscepit, ostentationi boni potius intendisse quā operi, vt meliora quā episcopus fecisse videretur, quatenus ipse susceperet eum, quē vir Domini Fortunatus expulisset.

Petrus:

Ita est vt dicis: nam finis operis probat, quōd munda intentio operationis non fuerit.

Gregorius:

Fortunatus
caco visum
restituit.

Fortunatus
signo crucis
equum su-
orum mā-
nerem red-
didit.

Alio quoque tempore, dum oculorum quidam lumen amisisset: ad hunc deductus intercessionis eius opem petiit, & impetrauit. Nam cū vir Dei oratione facta oculis eius signum crucis imprimeret, ab eis, protinus luce reddita, nox cæcitatis abscessit. Præterea equus cuiusdam militis in rabiem fuerat versus, ita vt à multis teneri vix potuisset: sed quoscunque potuit inuaderet, eorum membra moribus dilaniaret. Tunc vtcunque à multis ligatus ad virum Dei deductus est. Qui mox eius capiti extensa manu signum crucis edidit, cunctam eius rabiem in mansuetudinem mutauit: ita vt postea mitior existeret, quā ante illam insaniam fuisset. Tūc idem miles equum suum quem celerrimē ex miraculi imperio à sua vesania vidit immutatum, eidem sancto viro decreuit offerendum. Quem cū suscipere ille renueret, ipse verò in precibus ne despiceretur eius oblatio perseveraret, sanctus vir mediam duarum partium viam tenens, & petitionem militis audiuit, & munus recipere pro hac exhibita virtute recusauit: prius nanque dignum precium prauit, & postea equū quem sibi offerebat accepit. Quia enim si non susceperet eum contristari conspexerat, charitate cogente emit quod necessarium non habebat. Neq; hoc silere de huius viri virtutibus debet, quod ante dies ferē duodecim audiui. Quidam nanque ad me deductus est senex pauper, atque vt mihi senum collocutio esse semper amabilis solet, studiosē hunc vnde esset inquisiui. Qui se esse de Tudertina ciuitate respondit: cui inquam: Quæso te pater, num Fortunatum episcopum nosti? Qui ait: Noui, & bene noui. Tunc ipse subiunxit: Dic rogo si qua illius miracula nosti, & desideranti mihi qualis vir fuerit innotesce. Qui ait: Homo ille longē fuit ab istis hominibus quos videmus modò. Nam quicquid ab omnipotēti Deo petiit, ita vt petierat impetrauit. Cuius hoc vnum narro miraculum, quod ad præsens animo occurrit. Quadam nanque die Gotthi iuxta Tudertinam ciuitatem venerunt, qui ad partes Rauennæ properabant, & duos paruulos puerulos de possessione abstulerant, quæ possessio præfata Tudertinæ ciuitati subiacebat. Hoc cū viro sanctissimo Fortunato nuntiatum fuisset, protinus misit, atque eosdem Gotthos ad se vocari fecit. Quos blando sermone alloquens eorum prius studuit a-

Asperitatem placare, ac post intulit, dicens: Quale vultis precium dabo, & puerulos quos abstulistis reddite, mihiq; hoc gratiæ vestræ munus præbete. Tunc is qui prior eorum esse videbatur, respondit dicens: Quicquid aliud præcipis facere parati sumus: nam istos puerulos nullatenus reddemus. Cui venerandus vir blandē minatus dicit: Contristas me fili, & nō audis patrem tuum, noli me contristare, nam non expedit tibi. Sed idem Gotthus in cordis sui feritate permanens, negando discessit. Die verò altera digressurus rursus ad episcopum venit, quem eisdem verbis pro prædictis puerulis iterum episcopus rogauit. Cūque ad reddendum nullo modo consentire voluisset, contristatus episcopus dixit: Scio quia tibi non expedit quōd me cōtristato discedis. Quæ Gotthus verba despiciens ad hospitium reuersus, eosdem pueros de quibus agebatur, equis superimpositos cum suis hominibus præmisit. Ipse verò statim ascendens equum subsecutus est. Cūque in eadem ciuitate ante beati Petri apostoli Ecclesiam venisset, equi eius pes lapsus est, qui cū eo corruit, & eius coxa mox fracta est, ita vt in duabus partibus os esset diuisum, leuatusq; in manibus reductus est ad hospitium. Qui festinus misit, & pueros quos præmiserat reduxit, & viro venerabili Fortunato mandauit, dicens: Rogo te pater, mitte ad me diaconum tuum. Cuius diaconus dum ad iacentem venisset, pueros quos redditurum se episcopo omnino negauerat, ad mediū deduxit, eosque diacono illius reddidit, dicens: Vade, & dic domino meo episcopo: quia maledixisti mihi, ecce percussus sum, sed pueros quos quæstisti, recipe, & pro me rogo intercede. Susceptos itaque puerulos diaconus ad episcopum reduxit, cui benedictam aquam venerabilis Fortunatus statim dedit, dicens: Vade citius & eam super iacentis corpus proice. Perrexit itaque diaconus atque ad Gotthum introgressus, benedictam aquam super membra illius aspersit. Res mira & vehementer stupenda, mox vt aqua benedicta Gotthi coxam contigit, ita omnis fractura solidata est, & salutis pristina coxa restituta, vt hora eadem de lecto surgeret, & ascenso equo ita cœptum iter ageret, ac si nullam vnquam lationem corporis pertulisset. Factūque est vt qui sancto viro Fortunato pueros cum precio reddere obedientiæ subiectus noluit, eos sine precio pœna subactus donaret. His igitur expletis studebat adhuc senex de eo & alia narrare. Sed quia nonnulli aderant ad quos exhortandos occupabar, iamque diei tardior hora incubuerat, venerabilis Fortunati facta mihi audire nō licuit, quæ audire, si liceat, semper volo. Sed die alia idem senex rem de illo magis adhuc mirabilem narrauit, dicēs: In eadem Tudertina vrbe Marcellus quidem, bonæ actionis vir cum duabus sororibus suis habitabat, qui eueniente molestia corporis ipso sacratissimo vespere iam sabbato paschali defunctus est. Cuius corpus cū longius esset efferendum, die eodem sepeliri nō potuit. Cūque mora esset temporis ad explendum debitum sepulturæ, sorores eius morte eius afflictæ, cucurrerunt flentes ad venerabilem virum Fortunatum, ei que magnis vocibus clamare cœperunt: Scimus quia Apostolorum vitam tenes, leprosos mundas, cæcos illuminas: veni, & resuscita mortuum nostrū. Qui mox vt cognouit earum fratrem defunctum, flere & ipse etiam de morte eius cœpit, eisq; respondit, dicens: Recedite, & hæc dicere nolite: quia iussio omnipotentis Dei est, cui contraire nullus hominum potest. Illis itaque discedentibus, tristis ex morte eius mansit episcopus. Subsequente autem die dominico ante exurgentis lucis crepusculum, vocatis duobus diaconibus suis perrexit ad domum defuncti: accedensque ad locum vbi corpus iacebat exanime, ibi se in orationem dedit. Expleta autem prece surrexit, & iuxta corpus defuncti sedit: non autem grandi voce defunctum per nomen vocauit dicens: Frater Marcelle. Ille autem ac si leuiter dormiens ad vicinam vocem quanuis modicā fuisset excitatus, statim oculos aperuit, atque ad episcopum respiciens dixit: O quid fecisti? O quid fecisti? cui episcopus respondit dicens: Quid feci? At ille: Duo hesternò die venerunt, qui me eiicientes ex corpore in bonum locum duxerunt, hodie autē vnus missus est qui dixit: Reducite eum, quia Fortunatus episcopus in domū eius venit. Quibus verbis expletis mox ex infirmitate conualuit, & in hac vita diutius mansit. Nec tamen credendū est, quia locum quem acceperat per-

Gotthus co-
xa fracta
pueros red-
didit.

Fortunatus
aqua bene-
dicta coxā
sanauit.

Fortunatus
resuscitauit
mortuum
Marcellum.

didit: quia dubium non est quod intercessoris sui precibus potuit post mortem melius vivere, qui & ante mortem studuit omnipotenti Deo placere. Sed cur multa de eius vita dicimus, cum nunc usque ad corpus illius tot virtutum documenta teneamus? Dæmoniacos quippe absoluerit, ægros curare quoties ex fide petitur, ut viuis consueuerat hoc indefinenter facere, & apud mortua sua ossa perseuerat. Sed libet Petre, adhuc ad Valeriæ prouinciæ partes narrationis meæ verba reducere, de quibus me eximia valde miracula ex ore venerabilis Fortunati, cuius longè superius memoriam feci, contigit audisse. Qui crebro ad me nunc usque veniens, dum facta mihi veterum narrat, noua refectione me satiat.

De Martyrio monacho prouinciæ Valeriæ.

Caput XI.

Quidam nanque in eadem prouincia Martyrius nomine, deuotus valde omnipotentis Dei famulus extitit, qui hoc de virtutibus suis testimonij signum dedit. Dum quadam die fratres illius panem subcinericium fecissent, eique obliti essent crucis signum imprimere, sicut in hac prouincia *† al. ligno.* crudi panes *†* signo signari solent, ut per quadras quatuor partiti videantur, idem Dei famulus affuit, cisque referentibus signatum non fuisse cognouit. Cumque iam panis ille prunis esset & cineribus coopertus, dixit. Quare hunc minime signastis? Qui hoc dicens, signum crucis digito contra prunas fecit. Quo signante protinus immensum crepitum panis dedit, ac si ingens in ignibus olla crepuisset. Qui dum coctus postmodum fuisset, ab igne subtractus, ea cruce signatus inuentus est, quam non contactus: sed fides fecit.

De Seueri presbytero eiusdem prouinciæ.

Caput XII.

In eo etiam loco Interorina vallis dicitur, quæ à multis verbo rustico Interocrina nominatur. In qua erat quidem vir vitæ valde admirabilis, nomine Seuerus, Ecclesiæ beatæ Mariæ Dei genitricis & semper virginis sacerdos. Hunc, cum quidam paterfamilias ad extremum venisset diem, missis concitè nunciis rogauit, ut ad se quantocyus posset veniret, suisque orationibus pro peccatis eius intercederet, ut acta de malis suis pœnitentia solutus culpa ex corpore exiret. Qui videlicet sacerdos inopinatè contigit ut ad putandam vineam esset occupatus, atque ad se venientibus diceret: Antecedite, ecce ego vos subsequor. Cumque videret sibi in eodem opere parum aliquid superesse, paululum moram fecit, ut opus quod minimum restabat expleret: quo expleto cœpit ad ægrum pergere. Eunti verò in itinere occurrentes hi qui prius venerant: obuiam facti sunt, dicentes: Pater quare tardasti? Noli fatigari, quia iam defunctus est. Quo audito ille contremuit, magnisque vocibus se interfectorem illius clamare cœpit. Flens itaque peruenit ad corpus defuncti, seque coram lecto illius cum lachrymis in terram dedit. Cumque iam vehementer fleret, in terram caput tunderet, seque reum mortis illius clamaret, repente is qui defunctus fuerat, animam recepit. Quod dum multi qui circumstant abspicerent, admi-

E rationis vocibus emissis cœperunt amplius flere præ gaudio. Seuerus la- Cumque eum requirerent ubi fuerit vel quomodo redisset, *chrymis,* ait: Tetri valde erant homines qui me ducebant, ex quorum *suis mortui* ore & naribus ignis exibat, quem tolerare nō poteram. Cum *resuscitauit.* que per obscura loca me deducerent, subito pulchræ visionis iuuenis cum aliis nobis euntibus obuiam factus est, qui me trahentibus dixit: Reducite illum, quia Seuerus presbyter plangit: eius enim lachrymis Dominus eum donauit. Qui scilicet Seuerus protinus de terra surrexit, eiq; pœnitentiam agenti opem suæ intercessionis præbuit. Et dum per dies septem de perpetratis culpis pœnitentiam ægerediuuius ageret, octaua die lætus de corpore exiuit. Perpende Petre quæso hūc de quo loquimur Seuerum, quā dilectum Dominus attendit, quem contristari nec ad modicum pertulit.

Petrus.

Admiranda sunt valde quæ dicis, quæ me inuenio nunc usque latuisse. Sed quid esse dicimus quod modò tales viri nequeunt inueniri?

Gregorius.

Ego Petre multos tales in hoc seculo nec modò deesse existimo: neque enim si talia signa non faciunt, ideo tales non sunt. Vitæ nanque vera æstimatio in virtute est operum, non in ostensione signorum. Nam sunt plerique qui etsi signa non faciunt, signa tamen facientibus dispares non sunt.

Petrus.

Vnde mihi rogo ostendi potest, quod sint quidam qui signa non faciunt, & tamen signa facientibus dissimiles non sunt?

Gregorius.

Nunquid nam nescis quoniam Paulus Apostolus Petro Apostolorum primo in principatu Apostolico frater est?

Petrus.

Scio planè nec dubium est: quia etsi minimus omnium Apostolorum: plūs tamen omnibus laborauit.

Gregorius.

Quod bene ipse reminisceris: Petrus super mare pedibus ambulauit: Paulus in mari naufragium pertulit. Et in vno eodemque elemento ubi Paulus ire cum naui non potuit, ibi Petrus pedibus iter fecit. Apertè igitur constat quia cum vtriusque virtus fuerit dispar in miraculo, vtriusque tamen meritum dispar non est in cœlo.

Petrus.

Placet fateor, omnino quod dicis: ecce enim apertè noui, quia vita & non signa quærenda sunt. Sed quoniam ipsa signa quæ fiunt, bonæ vitæ testimonium serunt, quæso te adhuc si qua sunt referas, ut esurientem me per exempla bonorum pascas.

Gregorius.

Vellem tibi in laudibus redemptoris de viri venerabilis Benedicti miraculis aliqua narrare, sed ad hæc explenda hodiernum tempus video non posse sufficere. Liberiū itaque hæc loquimur, si aliud exordium sumamus.

Primi libri dialogi beati Gregorij finis.

CAPITA SECVNDI LIBRI DE VITA, ET MIRACV- LIS BEATI BENEDICTI.

- 1 **D**E capistro fracto & consolidato.
- 2 De tentatione carnis superata.
- 3 De ampulla vitrea signo crucis rupta.
- 4 De monacho vagæ mentis ad salutem reducto.
- 5 De aqua quam in montis vertice ex petra oratio produxit.
- 6 De ferro ex profundo aquæ in manubrio reuerso.
- 7 De Mauro eius discipulo, qui super aquas pedibus ambulauit.
- 8 De infecto per venenum pane per coruum longius proiecto.
- 9 De ingenti saxo per eius orationem lenato.
- 10 De fantastico coquina incendio.
- 11 De seruo Dei puero ruina confracto & sanato.
- 12 De seruis Dei, qui cibum contra regulam sumpserunt.
- 13 De fratre Valentini monachi, quem vir Dei in via comedisse in spiritu cognouit.
- 14 De simulatione regis Totilæ deprehensa.
- 15 De prophetia, quæ de eodem rege Totilæ facta est.

- 16 De clerico à damonio liberato.
- 17 De prophetia destructionis monasterij sui.
- 18 De flascone sublato, & per spiritum cognito.
- 19 De mappularum receptione à seruo Dei cognita.
- 20 De cognitione monachi superba à viro Dei cognita.
- 21 De ducentis farina modis famis tempore ante cellam inuentis.
- 22 De fabrica monasterij Tarracensis, per visionem disposita.
- 23 De ancillis Dei, quæ post mortem per eius oblationem communioni sunt redditæ.
- 24 De puero monacho quem sepultum terra proiecit.
- 25 De monacho qui à monasterio discedens draconem in itinere inuenit.
- 26 De curatione morbi elephantini.
- 27 De solidis per miraculum debitori redditis.
- 28 De ampulla vitrea in saxo projecta & non fracta.
- 29 De dolio vacuo & oleo repleto.
- 30 De monacho à damone liberato.

*Comparatio
Petri &
Pauli Apo-
stolorum.*

31 De rustico ligato, & solo eius visa soluto.

32 De mortuo suscitato.

33 De miraculo Scholastica sororis eius.

34 De anima sororis eius visa qualiter à corpore sui egressa.

35 De mundo ante oculos collecto, & de anima Germani Capuana ci-

A uitis episcopi.

36 Quod regulam monachorum scripserit.

37 De prophetia sui exitus fratribus denunciata.

38 De insana muliere in eius specu sanata.

B. GREGORII PAPAE DIALOGI

LIBER SECVNDVS, DE VITA ET

MIRACVLIS SANCTI BENEDICTI.



BENEDICTUS vir vitæ venerabilis, gratia Benedictus & nomine, ab ipso suæ pueritiæ tempore cor gerens senile. Aetatem quippe moribus transiens, nulli voluntati animum dedit: sed dum in hac terra adhuc esset, quo temporaliter liberè uti potuisset, despexit iam quasi aridum mūdum cum flore. Qui liberiori genere

re ex provincia Nursiæ exortus, Romæ liberalibus literarum studiis traditus fuerat. Sed cum in eis multos ire per abrupta vitiorum cerneret, cum quem quasi in ingressu mundi posuerat, retraxit pedem: ne si quid de scientia eius attingeret, ipse quoque in immane præcipitium totus iret. Despectis itaque literarum studiis, relicta domo rebûsque patris, soli Deo placere desiderans, sanctæ conuersationis habitum quæsiuit. Recessit igitur scienter nesciens, & sapienter indoctus. Huius ergo omnia gesta nō didici, sed pauca quæ narro, quatuor discipulis illius referentibus agnouit: Constantino scilicet reuerentissimo valde viro, qui ei in monasterij regimine successit: Valentiniano quoque, qui annis multis Lateranensi monasterio præfuit: Simplicio, qui congregationem illius post eum tertius rexit: Honorato etiam, qui nunc adhuc cellæ eius in qua prius conuersatus fuerat, præest.

De capisterij fracti reparatione.

Caput I.

† al. Enside.

Benedictus capisterium fractum oratione refecit.

Hic itaque cum iam relictis literarum studiis petere desertam decreuisset, nutrix quæ hunc arctius amabat sola secuta est. Cumque ad locum venisset qui dicitur † Enside, multisque honestioribus viris pro charitate se illic detinentibus in beati Petri Ecclesia demorarentur, prædicta nutrix illius ad purgandum triticum à vicinis mulieribus præstari sibi capisterium petiit, quod super mensam incautè derelictum, casu accidente fractum est, sic ut in duabus partibus inueneretur diuisum. Quod mox rediens nutrix illius ut ita inuenit, vehementissimè flere cœpit, quia vas quod præstitum acceperat, fractum videbat. Benedictus autem religiosus & pius puer cum nutricem suam flere conspiceret, eius dolori compassus ablatis secum vtrisque fracti capisterij partibus sese cum lachrymis in orationem dedit, qui ab oratione surgens ita iuxta se vas sanum reperit, ut in eo inueniri fracturæ nulla vestigia potuissent: moxque nutricem suam blandè consolatus ei sanum capisterium reddidit, quod fractum tulerat. Quæ res in eodem loco à cunctis est agnita, atque in tanta admiratione habita, ut hoc ipsum capisterium eius loci incolæ in Ecclesiæ ingressu suspenderent, quatenus præsentis & secuturi omnes agnoscerent, à quanta Benedictus puer conuersationis gratia perfectione cœpisset, quod annis multis illic ante omnium oculos fuit, & vsque ad hæc Longobardorum tempora super fores Ecclesiæ pependit. Sed Benedictus plus appetens mala mundi perpeti quàm laudes, & pro Deo laboribus fatigari, quàm vitæ huius fauore extolli, nutricem suam occultè fugiens, deserti loci secessum petiit, cui Sublacus vocabulum est, qui ab Romana vrbe xl. ferè milibus distans, frigidas atque perspicuas emanat aquas. Quæ illic videlicet aquarum abundantia in extenso prius † loco colligitur, ad extremum verò in amnem deriuatur. Quò dum fugiens pergeret, monachus quidam Romanus nomine, hunc euntem reperit, quò tenderet requisivit. Cuius cum desiderium cognouisset, & secretum tenuit, & adiutorium impendit, eisque sanctæ conuersationis habitum tradidit, & in quantum licuit ministravit. Vir

autem Dei ad eundem locum perueniens in arctissimum specum se tradidit, & tribus in annis excepto Romano monacho hominibus ibi incognitus mansit: qui videlicet Romanus non longè in monasterio sub Theodati patris regula degerebat. Sed pie eiusdem patris sui oculis furabatur horas, & quem sibi ad manducandum furripere poterat, & diebus certis Benedicto panem ferebat. Ad eundem verò specum à Romani cella iter non erat: quia excelsa desuper rupes eminebat, sed ex eadem rupe in longissimo fune ligatum Romanus deponere panem consueuerat, in qua etiam resti paruum tintinabulum inseruit, ut ad eius sonum vir Dei cognosceret quando sibi Romanus panem præberet, quem erigens acciperet. Sed antiquus hostis vnus charitati inuidēs, alterius perfectioni, cum quadam die submitti panem conspiceret, iactauit lapidem & tintinabulum fregit. Romanus tamen modis congruentibus ministrare nō desit. Cum verò iam Deus omnipotens & Romanum vellet à labore quiescere, & Benedicti vitam in exemplum hominibus demonstrare: ut posita supra candelabrum lucerna claresceret, quatenus omnibus qui in domo Dei sunt luceret: cuidam presbytero longius manenti qui refectiōem sibi in paschali festiuitate parauerat, per visum Dominus apparere dignatus est, dicens: Tu tibi delicias præparas, & seruus meus illo in loco fame cruciatur. Qui protinus surrexit, atque in ipsa solennitate paschali cum alimentis quæ sibi parauerat, ad locum tetendit, & virum Dei per abrupta montium, per concaua vallium, per defossa terrarum quæsiuit, eumque latere in specu reperit. Cumque oratione facta, benedicentes Dominum omnipotentem confidissent, post dulcia vitæ colloquia is qui aduenerat presbyter dixit: Surge sumamus cibum: quia hodie pascha est. Cui vir Dei respondit dicens: Scio quia pascha est, quia hodie videre te merui. Lōge quippe ab hominibus positus, quia die eodē paschalis solennitas esset, ignorabat. Venerabilis autem presbyter rursus asseruit dicens: Veraciter hodie resurrectionis dominicæ paschalis dies est, abstinere tibi minimè congruit: quia & ego ad hoc missus sum, ut omnipotentis dona Dei pariter sumamus. Benedicentes igitur Dominum sumpserunt cibum. Expleta itaque refectiōe & colloquio ad Ecclesiam suam presbyter recessit. Eodem quoque tempore hunc in specu latitantem etiam pastores inuenerunt: quem dum vestitum pelibus inter frutera cernerent, aliquam bestiam esse crediderunt, sed cognoscentes dei famulum, eorum multi ad pietatis gratiam bestiali mente mutati sunt. Nomen itaque eius per vicina loca innotuit cunctis. Factumque est, ut ex illo iam tempore à multis frequentari cœpisset, qui cum ei cibum afferrent corporis, ab eius ore in suo pectore alimenta referebant vitæ.

De tentatione carnis superata.

Caput II.

Quadam verò die dum solus esset, tentator affuit. Nam nigra, paruaque auis quæ vulgo merula nominatur, circa eius faciē volitare cœpit, eiûsque vultui importunè insistere, ita ut manu capi posset, si hanc vir sanctus tenere voluisset: sed signo crucis edito recessit auis. Tanta autem carnis tentatio aut eadem recedente secuta est, quantam vir sanctus nunquam fuerat expertus. Quandam nanque aliquando sceminam viderat, quam malignus spiritus ante eius mentis oculos reduxit: tantoque igne ferui Dei animum in specie illius accendit, ut dum in eius pectore amoris flamma vim caperet, etiam penè deferere eremum voluptate victus delibera-

Specus Benedicti.

Diabolus tintinabulum Romanum fregit.

Deus ad presbyterum quendam.

Benedictus diem paschale ignorabat.

*Carnis tentatio asper-
rimo medio
superata.*

ret. Tunc subito superna gratia respectus ad semetipsum reuerfus est, atque vrticarum & veprium iuxta densa succrescere fruteta conspicens, exutus indumeto nudum se in illis spinarum aculeis, & vrticarum incendiis proiecit: ibique diu volutatus toto ex eis corpore vulneratus exiit, & per cutis vulnera eduxit à corpore vulnus mentis: quia voluptatem traxit in dolorem. Cumque bene pœnaliter foris arderet, extinxit quod intus illicitè ardebat. Vicit itaque peccatum, quia mutauit incēdium. Ex quo videlicet tempore sicut post discipulis ipse perhibebat, ita in eo est tēratio voluptatis edomata, vt tale aliquid in se minimè sentiret. Cœperūt postmodum multi iam mundum relinquere, atq; ad eius magisterium festinare. Liber quippe à tentationis vitio, vero iure iam factus est virtutum magister. Vnde & per Moysen in Exodo præcipitur, vt Leuitæ à viginti quinq; annis & supra ministrare debeant: ab anno verò quinquagésimo custodes vasorum fiant.

Petrus.

Iam quidem prolati testimonij mihi aliquantum intellectus interlucet: sed tamen hoc plenius exponi postulo.

Gregorius.

Liquet, Petre, quodd in iuuentute carnis tentatio ferueat, ab anno autem quinquagésimo calor corporis frigescat: vasa autem sacra sunt fidelium mentes. Electi ergo cum adhuc in tentatione sunt, subesse eos ac seruire necesse est: & obsequiis laboribusque fatigari. Cum verò iam mentis ætate tranquilla calor recesserit tentationis, custodes vasorum sunt: quia doctores animarum sunt.

Petrus.

Fateor placet quod dicis: sed quia prolati testimonij clausa reserasti, quæso vt de vita iusti debeas ea quæ sunt inchoata percurrere.

De vitro fracto per signum Crucis.

Caput III.

Gregorius:

Recedente igitur tentatione vir Dei quasi spinis erutis excolta terra de virtutum segete feracius fructus dedit: præconio itaque eximie conuersationis celebre nomen eius habebatur. Non longè autem monasterium fuit, cuius congregationis frater defunctus est, omnisque ex illo congregatio ad eundem venerabilem Benedictum venit, & magnis precibus vt eis præesse deberet, petiit. Qui diu negando distulit, suis illorumque fratrum moribus se cōuenire non posse prædixit: sed victus quandoque precibus assensum dedit.

*Benedictus
abbas effi-
ctus.*

Cumque in eodem monasterio regularis vitæ custodiam teneret, nulliq; vt prius per actos illicitos in dexteram lauamque partem deflectere à conuersationis itinere liceret: suscepti fratres insanè saviētes semetipsos prius accusare cœperunt, quia hunc sibi præesse poposcerunt: quorum scilicet tortitudo in norma eius rectitudinis offendeat. Cumque sibi sub eo conspicerent illicita non licere, & se dolerent aduersa relinquere, durumque esset quodd in mente veteri cogebantur noua meditari, & quia grauis est semper prauis moribus vita bonorum, tractare de eius morte aliqui conati sunt, qui inito

*Benedictus
vitrum ve-
nenatum si-
gno crucis
fregit.*

*Benedictus
relieta ab-
batia, soli-
tudinem re-
petiit.*

consilio venenum vino miscuerunt. Et cum vas vitreum in quo ille pestifer potus habebatur, recumbenti patri ex more monasterij ad benedicendum fuisset oblatum, extensa manu Benedictus signum crucis edidit, & vas quod longius tenebatur, eodem signo rupit: sicque confractum est, ac si in illo vase mortis, pro cruce lapidem dedisset. Intellexit protinus vir Dei, quia potum mortis habuerat, quod portare non potuit signum vitæ: atque ilico surgens, vultu placido, mente tranquilla conuocatos fratres allocutus est, dicens: Misereatur vestri fratres omnipotens Deus, quare in me facere ista voluistis? Nunquid non prius dixi vobis, quia vestris ac meis moribus minimè conueniret? Ite, & iuxta vestros mores patrem vobis quærite, quia posthac me habere minimè potestis. Tuncque ad locum dilectæ solitudinis rediit, & solus in superni spectatoris oculis habitauit secum.

Petrus:

Minus patenter intelligo, quidnam sit, habitauit secum.

Gregorius.

Si sanctus vir contra se vnanimiter conspirantes, suæque conuersationi longè dissimiles, coactos diu sub se tenere voluisset, fortassis sui vigoris vsum & modum tranquillitatis

E * absunderet, atque à contemplationis lumine suæ mentis oculi declinasset. Dumque quotidie illorum correptione fatigatus minus curaret sua, & se forsitan relinqueret, & illos non inueniret. Nam quoties per contagionis motum nimium extra nos ducimur, & non sumus, & nobiscum non sumus: quia nosmetipsos minimè videntes per alia vagamur. An illum secum fuisse dicimus, qui in longinquam regionem abiit, portionem quam acceperat consumpsit, vni in ea ciuium adhæsit, porcos paut: quos cum manducare videret filiquas, & has esuriret, tamen cum postmodum cœpit cogitare bona quæ perdidit, scriptum de illo est: In se reuersus dixit: Quanti mercenarii in domo patris mei abundant panibus? Sic igitur secum fuit, vnde ad se rediit? Hunc ergo venerabilem virum securi habitasse dixerim: quia in sua semper custodia circumspectus ante oculos conditoris, se semper aspiciens, se semper examinans, extra se mentis suæ oculum non diuulgauit.

Petrus.

F Vid ergo quod de Apostolo Petro scriptum est, dum de carcere ab Angelo eductus fuisset: Qui ad se reuersus dixit: Nunc scio verè, quia misit Dominus Angelum suum, & eripuit me de manu Herodis, & de omni expectatione plebis Iudæorum.

Gregorius.

Dvobis modis Petre extra nos ducimur: quia aut per cogitationis lapsum sub nosmetipsos recidimus, aut per contemplationis gratiam super nosmetipsos leuamur. Ille itaque qui porcos paut, vagatione mentis & immunditie sub semetipsum cecidit. Ille verò quem angelus soluit, eius mentem in ecstasi rapuit, extra se quidem, sed super semetipsum fuit. Vterque ergo ad se rediit, quando & ille ab errore operis se collegit ad cor: & iste à contemplationis culmine ad hoc rediit, quod in intellectu communi vt prius fuit. Venerabilis igitur Benedictus in illa solitudine habitabat secum, in quantum se intra cogitationis claustra custodiuit: nam quotiescunque hunc contemplationis ardor in altum rapuit, se proculdubio sub se reliquit.

Petrus.

Placet quod dicis: sed quæso respondeas, si desere ne fratres debuit, quos semel suscepit.

Gregorius.

Vt ego Petre existimo, ibi adunati æquanimiter portandi sunt mali, vbi inueniuntur aliqui qui adiuuantur boni. Nam vbi omnimodo de bonis fructus deest, fit aliquando de malis labor vacuus, maximè si è vicino causæ suppetant, quæ fructum Deo ferre valeant meliorem. Vir itaque sanctus propter quem custodiendum staret, qui omnes vnanimiter se persequētes cerneret? Et sæpe agitur in animo perfectorum, quod silentio prætereundum non est: quia cum laborem suum sine fructu esse considerent, in locum alium ad laborem cum fructu migrant. Vnde ille quoque egregius prædicator, qui dissolui cupit, & cum Christo esse, cui viuere Christus est, & mori lucrum, qui passionum certamina non solum ipse appetiit, sed ad toleranda hæc & alios accendit, Damasci persecutionem passus vt posset euadere murum, funem sportamque quæsiuit, seque latenter deponi voluit. Nunquid non Paulum mortem dicimus timuisse, quam se ipse pro amore Iesu testatur appetere? Sed cum in eodem loco minorem sibi fructum adesse conspiceret, & graui labore ad laborem se a libi cum fructu seruauit. Fortis etenim præliator Dei teneri intra claustra noluit, certaminis campum quæsiuit. Vnde idem quoque venerabilis Benedictus si libenter audis, citius agnoscis: quia non tantos indociles deseruit, quantos in locis aliis à morte animæ suscitauit.

Petrus.

Ita est vt doces, & manifesta ratio & prolatum congruum testimonium declarat. Sed quæso vt de vita tanti patris ad narrationis ordinem redeas.

Gregorius.

Cum sanctus vir diu in eadem solitudine virtutibus, signisque succresceret, multi ab eo in eodem loco ad omnipotentis Dei sunt seruitium congregati: ita vt illic duodecim monasteria cum omnipotentis Iesu Christi Domini opitulatione construeret, in quibus statutis patribus duodecim monachos

Luc. 14.

Acto. 12.

*Dvobus mo-
dis extra
nos duci-
mur.*

*Benedictus
an suscepit
monasterium
relinquere
debuit?
7. quæst. 1.
Ibi adunati*

Pauli fugi.

*Benedictus
xij. mona-
stia con-
struxit.*

monachos deputauit, paucos vero secum retinuit, quos adhuc in sua praesentia aptius erudiri iudicauit. Coepere etiam tunc ad eum Romanae urbis nobiles & religiosi concurrere, suosque ei filios omnipotenti Deo nutriendos dare. Tunc quoque bonae spei suas soboles, Euicius Maurum, Tertulius vero patricius Placidum tradidit: e quibus Maurus iunior cum bonis polleret moribus, magistri adiutor coepit extere. Placidus vero puerilis adhuc indolis gerebat annos.

De castigatione monachi vagi.

Caput IIII.

IN vno autem ex eis monasteriis quae circumquaque construxerat, quidam monachus erat, qui ad orationem stare non poterat: sed mox ut se fratres ad studium orationis inclinabant, ipse egrediebatur foras, & mente vaga terrena aliqua & transitoria agebat. Cumque ab abbate suo sapius fuisset admonitus, ad virum Dei deductus est, qui ipse quoque stultitiam eius vehementer increpauit, & ad monasterium reuersus vix duobus diebus viri Dei admonitionem tenuit. Nam die tertia ad usum proprium reuersus, vagari tempore orationis coepit. Quod cum seruo Dei ab eodem monasterij patre quem constituerat, nuntiatum fuisset, dixit: Ego venio, eumque per semetipsum emendo. Cumque vir Dei venisset ad idem monasterium, & constituta hora expleta psalmodia sese fratres in orationem dedissent, aspexit quod eundem monachum qui in oratione manere non potuit, quidam niger puerulus per vestimenti fimbriam foras traheret. Tunc eidem patri monasterij Pompeiano nomine & Mauro dei famulo secretè dixit: Nunquid non aspicitis quis est qui istum monachum foras trahit? Qui respondentes dixerunt: nō. Quibus ait: Oremus ut vos etiam videatis quem iste monachus sequitur. Cumque per biduum esset oratum, Maurus monachus vidit: Pompeianus vero eiusdem monasterij pater videre non potuit. Die igitur alia expleta oratione vir Dei oratorium egressus, stantem foris monachum reperit, quem pro caecitate cordis sui virga percussit: qui ex illo die nil persuasionis ulterius a nigro iam puerulo pertulit, sed ad orationis studium immobilis permanfit: sicque antiquus hostis dominari non ausus est in eius cogitatione, ac si ipse percussus fuisset ex verberibus.

De fonte in vertice montis, viri Dei oratione producto.

Caput V.

EX his autem monasteriis quae in eodem loco construxerat, tria rursum in rupibus montis erant, & valde erat fratribus laboriosum quod semper ad lacum oportebat descendere ut aquam haurire debuissent: maxime quia e deuenio montis latere erat graue descenditibus in timore periculū. Tunc collecti fratres ex eisdem tribus monasteriis ad Dei famulum Benedictum venerunt dicētes: Laboriosum nobis est propter aquam quotidie vsque ad lacum descendere, & idcirco necesse est ex eodem loco monasteria mutari. Quos blandē consolans dimisit, & nocte eadem cum paruo puerulo nomine Placido, cuius superius memoriam feci, eiusdem montis rupem ascendit, ibique diutius orauit. Et oratione completa tres petras in loco eodem pro signo posuit, atque ad suum, cunctis illis nescientibus, monasterium rediit. Cumque die alia ad eum pro necessitate aquae praedicti fratres rediissent dixit: Ite, & rupem illam in qua tres super intuemur politas petras inueneritis, in modicum cauete: valet enim omnipotens Deus etiam in illo montis cacumine aquam producere, ut vobis laborem tanti itineris dignetur auferre. Qui euntes rupem montis quam Benedictus praedixerat iam sudantem inuenerunt. Cumque in ea concauum locum fecissent, statim aqua repletus est: quae tam sufficienter emanauit, ut nunc vsque vberim defluat, atque ab illo montis cacumine vsque ad inferiora deriuetur.

De reuinctioe ferri cum manubrio.

Caput VI.

ALio quoque tempore Gothus quidam pauper spiritu ad conuersionem venit: quem Dei vir Benedictus libentissimē suscepit. Quadā verō die ei dare ferramentū iussit, quod ad falcis similitudinē falcastrum vocatur, ut de loco quodam vepres abscinderet, quatenus illic hortus fieri deberet. Locus autem ipse quem mundandum Gothus susceperat, super ipsam lacri ripam iacebat. Cumque Gothus idem densitatem

Tomus primus.

Aveprium totius virtutis ahnifu succideret, ferrum de manubrio proficiens in lacum cecidit, ubi scilicet tanta erat aquarū profunditas, ut spes requirendi ferramenti nulla iam esset. Itaque ferro perduto tremebundus ad Maurum monachum cucurrit Gothus: damnum quod fecerat hunciauit, & reatus sui egit poenitentiam. Quod Maurus quoque monachus mox Benedicto famulo Dei curauit indicare. Vir igitur Domini Benedictus haec audiens accessit ad lacum; tulit de manu Gothi manubrium, & misit in lacum: & mox ferrum de profundo rediit, atque in manubrium intravit. Qui statim ferramentum Gotho reddidit, dicens: Ecce labora, & noli contristari.

De ambulatione Mauri super aquam.

Caput VII.

QUADAM verō die dum idem venerabilis Benedictus in cella confisteret, praedictus Placidus puer sancti viri monachus ad hauriendam de lacu aquam egressus est: qui vas quod tenuerat in aquam incautē submittens, ipse quoque cadendo secutus est. Quem mox vnda rapuit, & penē ad vnus sagittae cursum eum a terra introrsus traxit. Vir autem Dei intra cellam positus hoc protinus agnouit, & Maurum festinē vocauit, dicens: Frater Maure, curre; quia puer ille qui ad hauriendam aquam perrexerat in lacum cecidit: iamque eum longius vnda trahit. Res mira, & post Petrum Apostolū inusitata: Benedictione etenim postulata atque percepta; ad patris sui imperium coecitus perrexit Maurus. Itaque vsque ad eum locum quo ab vnda deducebatur puer, per terram se ire existimās super aquam cucurrit, eumque per capillos tenens cursu rapido rediit. Qui mox ut terram tetigit, ad se reuersus post tergū respexit, & quia super aquas cucurrisset agnouit, & quod praesumere nō potuisset ut fieret, miratus extremuit factum. Reuersus itaque ad patrem rem gestam retulit. Vir autē venerabilis Benedictus hoc non suis meritis, sed illius obediētiaē deputare coepit. At e contra Maurus pro solo eius imperio factum dicebat: sique consciū in illa virtute non esse quam nescius fecisset. In hac itaque mutua humilitatis & amica contentione accessit arbiter puer qui creptus est, nam dicebat: Ego cum ex aqua traherer, super caput meum melotam abbatis videbam; atque ipsum me ex aquis educere considerabam.

Petrus:

Magna sunt valde quae narras, & multorum aedificationi profutura: ego autem boni viri miracula quod plus bibo, eod plus sitio.

De insecto per venenum pane, per cornū longius proiecto.

Caput VIII.

CVM iam loca eadem in amorem Domini Dei nostri Iesu Christi, longē lateque fernescerent, & secularē vitam multi relinquerent, & sub leni redemptoris iugo ceruicem cordis edomarent: sicut mos prauorum est inuidere aliis virtutis bonum quod ipsi habere non appetunt: vicina Ecclesiae presbyter Florentius nomine huius nostri subdiaconi Florentij aus, antiqui hostis malitia percussus, sancti viri studiis coepit amulari, eiusque conuersationi derogare: quosque etiam posset ab illius visitatione compescere. Cumque iam se conspiceret eius profectibus obuiare non posse, & conuersationis illius opinionem crescere, atque multos ad statum vitae melioris ipso quoque opinionis eius praconio indefinenter vocare, inuidiae facibus magis magisque succensus deterior fiebat: quia conuersationis illius appetebat habere laudem, sed habere laudabilem vitam nolebat. Qui eiusdem inuidiae tenebris caecatus ad hoc vsque perductus est, ut seruo omnipotentis Dei insectum veneno panem quasi pro benedictione transmitteret. Quem vir Dei cum gratiarum actione suscepit: sed eum quae pestis lateret in pane, non latuit. Ad horam verō refectionis illius ex vicina filua coruus venire consueuerat, & panem de manu eius accipere. Qui cum more solito venisset, panem quem presbyter transierat, vir Dei ante coruū proiecit, eique praecipit dicēs: In nomine Iesu Christi domini nostri tolle hunc panem, & tali eum in loco proiice, ubi a nullo hominum possit inueniri. Tunc coruus aperto ore, expansis alis circa eundem panem coepit discurre, & citare, ac si apertē diceret & obedire se velle, & tamen iussa implere non posse. Cui vir Domini praecipiebat iterum atque iterum dicēs: Leua, leua securus, atque ibi proiice ubi inueniri

H

Benedictus
falcastrum
ferrum ad
manubrium
relinxit.

Maurus sit
per aquam
cursus pueri
rū cripuit.

Florentius
Benedicti
suorumque
amulus.

Coruus suo
praecipit ut
venenatum
panem Flo-
rentij defer-
ret.

*Florentius
septem puell-
as nudas
fratribus
obiecit.*

*Florentij
supplicium
& ruina.*

*Benedictus
confertur ad
Moysen, He-
liseum &c.*

Ioan. I.

Ibidem.

Iona. I.

*Sanctum
Apollinis.*

*Benedictus
ad Appol-
linem in san-
cti Martini
templum com-
mutauit.*

non possit. Quem dñi demoratus, quandoque coruus mo-
mordit, leuauit, & recessit. Post trium verò horarum spatium
abiecto pane rediit, & de manu hominis Dei annonam quam
consueuerat accepit. Venerabilis autem pater contra vitam
suam inardescere sacerdotis animum videns, illi magis quàm
sibi doluit. Sed prædictus Florentius quia magistri corpus
necare non potuit, se ad extinguendas discipulorum animas
accendit: ita vt in horto cellæ, cui Benedictus inerat, ante eo-
rum oculos nudas septem puellas mitteret, quæ coram eis
sibi inuicem manus tendentes & diutius ludentes, illorum
mentes ad peruersitatem libidinis inflammarent. Quod
vir sanctus de cella conspiciens, lapsumque adhuc tenerio-
ribus discipulis pertimescens, idque pro sui solius persecu-
tione fieri pertractans, inuidiæ locum dedit, atque oratoria
& cuncta quæ construxerat, substitutis præpositis, adiun-
ctis fratribus ordinauit, & paucis secum monachis ablatis
habitationem mutauit loci. Sicque vir Dei eius odia hu-
militer declinavit, quem omnipotens Deus terribiliter per-
cussit. Nam cum prædictus presbyter stans in solario Bene-
dictum discessisse cognosceret & exultaret, perdurante im-
mobilitate tota domus fabrica, hoc ipsum tantum in quo sta-
bat solarium cecidit, & Benedicti hostem conterens extin-
xit. Quod viri Dei discipulus Maturus nomine, statim vene-
rabili patri Benedicto qui adhuc à loco eodem vix decem
milibus aberat, æstimauit esse nunciandum dicens: Reuerte-
re, quia presbyter qui te persequeretur extinctus est. Quod
vir Dei Benedictus audiens, sese in grauibz lamentationi-
bus dedit, vel quia inimicus occubuit, vel quia de inimici
morte discipulus exultauit. Qua de re factum est vt eidem
quoque discipulo pœnitentiam indiceret, quod mandans ta-
lia gaudere de inimici interitu præsumpisset.

Petrus:

Mira sunt & multum stupenda quæ dicis. Nam in aqua
ex petra producta Moysen, in ferro verò quod ex
profundo aquæ rediit Hælisæum, in aquæ itinere Petrum, in
corui obedientia Heliam, in luctu autem mortis inimici Da-
uid video & perpêdo: vir iste spiritu iustorum omnium plen-
us fuit.

Gregorius:

Vir Dei Benedictus Petre vnus Dei spiritum habuit, qui
per concessæ redemptionis gratiam electorum corda
omnium impleuit, de quo Ioannes dicit: Erat lux vera quæ
illuminat omnem hominem venientem in hunc mundum.
De quo rursus scriptum est: De plenitudine eius nos omnes
accepimus. Nam sancti Dei homines potuerunt à Domino
virtutes habere, non etiam aliis tradere. Ille autem signa vir-
tutis dedit subditis, qui se daturum signum Ionæ promisit
inimicis: vt coram superbis mori dignaretur, coram humili-
bus resurgere, quatenus & illi viderent quod contemnerent,
& isti quod venerantes amare debuissent. Ex quo mysterio
actum est vt dum superbi aspiciunt despectum mortis, humi-
les contra mortem acciperent gloriam potestatis.

Petrus:

Quæso te post hæc, ad quæ loca vir sanctus migrauerit
vel si aliquas in eis virtutes postmodum ostenderit,
innotesce.

Gregorius:

Sanctus vir ad alia demigrans, loca non hostem mutauit.
Nam tanto post grauiora prælia pertulit, quantum con-
tra se apertè pugnantem ipsum malitiæ magistrum inuenit.
Castrum nanque quoddam Cassinum dicitur in excelsi montis
latere situm est, qui videlicet mons distenso sinu hoc idem
castrum recipit, sed per tria milia in altum se subrigens velut
ad aëra cacumen tēdit: vbi vetustissimum sanum fuit, in quo
ex antiquorum more gentilium à stulto rusticorum populo
Apollo colebatur. Circumquaque etiam in cultu dæmonum
luci succreuerant, in quibus adhuc eodem tempore infide-
lium insana multitudo sacrificiis sacrilegis insudabat. Illuc
itaque vir Dei perueniens contriuit idolum, subuertit aram,
succendit lucos, atque in ipso templo Apollinis, oraculum
beati Martini, vbi verò ara eiusdem Apollinis fuit, oraculum
sancti Ioannis construxit, & commorantem circumquaque
multitudinem prædicatione continua ad fidem vocabat. Sed
hæc antiquus hostis tacitè non ferens, non occultè vel per

E somnium, sed aperta visione eiusdem patris oculis sese inge-
rebat, & magnis clamoribus vim se perpeti conquerebatur,
ita vt voces illius etiam fratres audirent quanuis imaginem
minimè cernerent. Vt enim discipulis suis venerabilis pater
dicebat, corporalibus eius oculis idem antiquus hostis teter-
rimus & succensus apparebat, qui in eum ore oculisque flam-
mantibus sæuire videbatur. Iam verò quæ diceret audiebant
omnes: prius enim hunc vocabat ex nomine. Cui cum vir
Dei minimè responderet, ad eius mox contumelias erumpe-
bat. Nam cum clamaret dicens: Benedicte Benedicte, & eum
sibi nullo modo respondere conspiceret, protinus adiunge-
bat, Maledicte non Benedicte, quid mecum habes? quid me
persequeris? Sed iam nunc spectanda sunt contra dei famu-
lum antiqui hostis noua certamina, cui pugnam quidem vo-
lens intulit, sed occasiones victoriæ ministravit inuitus.

De ingenti saxo per dei orationem leuato.

Caput IX.

Quadam die dum fratres habitacula eiusdem cellæ con-
struerent, lapis in medio iacebat, quem in ædificium
læuare decreuerunt. Cumque eum duo vel tres mouere non
possent, plures adiuncti sunt, sed ita immobilis mansit ac si
radicitus in terra teneretur, vt palam daretur intelligi, quod
super eum ipse per se antiquus hostis federet, quem tanto-
rum virorum manus mouere non possent. Difficultate igitur
facta ad virum Dei missum est vt veniret, & orando ho-
stem repelleret, vt lapidem læuare possent. Qui mox venit,
& orationem faciens benedictionem dedit, & tanta lapis ce-
leritate leuatus est, ac si nullum prius pondus habuisset.

De fantastico coquina incendio.

Caput X.

Tunc in cōspectu viri Dei placuit vt in eodem loco ter-
ram foderent. Quam dum fodiendo altius penetrarent,
æreum illic idolum fratres inuenerunt. Quo ad horam casu
in coquinam proiecto exire ignis repentè visus est, atque in
cunctorum monachorum oculis quia omne eiusdem coqui-
næ ædificium consumeretur ostendit. Cumque iaciendo
fratres aquam ad ignem quasi extinguendo perstreperent,
pulsatus eodem tumultu vir Dei aduenit. Qui eundem i-
gnem in oculis fratrum esse, in suis verò non esse confide-
rans, caput protinus in orationem flexit, & eos quos fanta-
stico reperit igne deludi vocauit, fratres monuit vt oculos
suos signarent, vt & sanum illud coquinae ædificium assiste-
re cernerent, & flammæ quas antiquus hostis finxerat non
viderent.

De puero confracto à pariete, sanato.

Caput XI.

Rursum dum fratres parietem, quia res ita exigebat, pau-
lò altius erigerent, vir Dei in orationis studio intra cel-
læ suæ claustra morabatur. Cui antiquus hostis insultans ap-
paruit, & ei quod ad laborantes fratres pergeret indicauit.
Quod vir Dei per nuntium celerrimè fratribus indicauit di-
cens: Fratres cautè vos agite: quia ad vos hac hora malignus
spiritus venit. Is qui mandatum detulit vix verba comple-
uerat, & malignus spiritus eundem parietem qui ædificaba-
tur euertit, atque vnum puerulum monachum cuiusdam cu-
rialis filium opprimens, ruina contriuit. Contristati omnes,
vt vehementer afflicti non damno parietis, sed contritione
fratris, venerabili patri Benedicto celeriter cum graui luctu
nuntiarunt. Tunc idem pater Benedictus dilaceratum pue-
rum ad se deferri iubet. Quem portare non nisi in sacco po-
tuerunt: quia collapsi saxa parietis, non solum eius membra,
sed etiam ossa contriuerant. Præcepitque vir Dei statim eum
in cella sua in psyacio quo orare consueuerat proiici, missis-
que foras fratribus cellam clausit, qui orationi instantius
quàm solebat incubuit. Mira res, eadem hora hunc incolu-
mem, atque vt prius valentem ad eundem iterum laborem
misit, vt ipse quoque parietem cum fratribus perficeret, de
cuius se interitu antiquus hostis Benedicto insultare cre-
didisset.

De monachis qui extra cellam comederant.

Caput XII.

Cæpit

*Diabolus
Benedictum
maledictum
vocabat.*

*Benedictus
lapidè dia-
bolo graua-
tum oratio-
ne leuem fe-
cit.*

*Fantasticus
idoli ignis
oratione re-
stinctus.*

*Diabolus
murum euer-
tendo puerum
contriuit.*

*Benedictus
dilaceratū
puerum ora-
tione reuifi-
cauit.*

Coeptit verò inter ista vir Dei prophetiæ etiam spiritu polleere, ventura prædicere, præsentibus etiam absentia nuntiare. Mos etenim cellæ fuit, ut quoties ad responsum aliquod egredierentur fratres, eibum potumque extra cellam minimè sumerent. Cumque hoc de usu regulæ sollicitè seruaretur, quadam die ad responsum fratres egredi sunt, & in eo tardiori compulsi sunt hora demorari. Qui manere iuxta religiosam sceminam nouerant, cuius ingressi habitaculum sumserunt cibum. Cumque iam tardius ad cellam rediissent, benedictionem patris ex morte petierunt. Quos ille protinus percunctatus est dicens: Vbi comedistis? Qui responderunt. Nusquam. Quibus ille ait: Quare ita mentimini? Nunquid illius talis sceminæ habitaculum non intrastis? Nunquid hos atque illos cibos non accepistis? Nunquid tot calices non bibistis? Cumque eis venerabilis pater & hospitium mulieris, & genera ciborum & numerum potionum diceret, recognoscentes cuncta quæ egerant ad eius pedes tremefacti ceciderunt, & se deliquisse confessi sunt. Ipse autem protinus ^{† al. culpæ} culpæ poenitentiam præcepit, perpendens quòd in eius absentia vltra non facerent, quem præsentem sibi esse in spiritu scirent.

De fratre Valentiniani monachi, quem vir dei in via comedisse carpsit. Caput XIII.

Frater quoque Valentiniani eius monachi, cuius superius memoriam feci, vir erat laicus, sed religiosus. Qui ut serui Dei orationem perciperet, & germanum fratrem videret, annis singulis de loco suo ad cellam eius ieiunus venire consueuerat. Quadam igitur die dum iter ad monasterium faceret, sese illi alter viator adiunxit, qui sumendos cibos in itinere portabat. Cumque iam hora tardior exereuisset, dixit: Veni frater sumamus cibum ne lassemur in via. Cui ille respondit: Absit frater, hoc non faciam: quia ad venerabilem patrem Benedictum ieiunus semper peruenire consueui. Quo responso percepto ad horam conuiator tacuit. Sed cum post hoc aliquantulum itineris spatium egissent, rursus admonuit ut manducarent. Noluit consentire qui ieiunus peruenire decreuerat. Tacuit quidem qui ad manducandum inuitauerat, & cum eo ieiunus adhuc pergere modicum consensit. Cumque iter longius agerent, & eos tardior hora fatigaret ambulantes, intuerunt in itinere pratum & fontem, & quæque poterant ad reficiendum corpus delectabilia videri. Tunc conuiator ait: Ecce aqua, ecce pratum, ecce amœnus locus in quo possumus refici & parum quiescere, ut valeamus iter nostrum postmodum incolumes explere. Cum igitur & verba auribus & loca oculis blandirentur, tertia admonitione persuasus consensit & comedit: vespertina verò hora peruenit ad cellam. Præsentatus autem venerabili Benedicto patri, sibi orationem petiit: sed mox ei vir sanctus hoc quod in via egerat impropertavit dicens: Quid est frater quòd malignus hostis qui tibi per conuiatorem tuum locutus est, semel tibi persuadere non potuit, secundò non potuit, tertio verò persuasit, & te ad hoc quod voluit superauit? Tunc ille reatum infirmæ suæ mentis agnoscens, eius pedibus prouolutus tantò magis cœpit culpam deslere & erubescere, quantum se cognouit etiam absentem in Benedicti patris oculis deliquisse.

Petrus:

Ego sancti viri præcordiis Helisæi spiritum video inesse, qui absentis discipulo præsens extitit.

De simulatione regis Totila deprehensa. Caput XIII.

Gregorius:

Oportet Petre ut interim fileas, quatenus adhuc maiora cognoscas. Gothorum nanque temporibus cum rex eorum Totila sanctum virum prophetiæ habere spiritum audisset, ad eius monasterium pergens, paulò longius subsistit, eique se venturum esse nuntiavit. Cui dum protinus mandatum de monasterio fuisset ut veniret, ipse, sicut perfidæ mentis fuit, aut vir Dei prophetiæ spiritum haberet, explorare conatus est. Quidam verò eius spatarius Riggo dicebatur, cui calceamenta sua præbuit, eumque indui vestibus regalibus fecit, quem quasi in persona sua pergere ad Dei hominē præ-

Tomus primus.

A cepit. In cuius obsequio tres, qui sibi præ cæteris adherere consueuerat comites misit, scilicet Vultericum, Rudericum, & Blindinum, ut ante serui Dei oculos ipsum regem Totilam esse simulant, eius lateri obambulant, cui alia quodque obsequia quasi spatarii præberent, ut tam ex eisdem obsequiis quam ex purpureis vestibus rex esse putaretur. Cumque idem Riggo decoratis vestibus obsequentium frequentia comitatus monasteriū fuisset ingressus, vir Dei erinus sedebat. Quem venientem conspiciens eum iam ab eo audiri potuisset, clamauit dicens: Pone fili pone hoc quod portas, non est tuum. Qui Riggo protinus in terram cecidit. Et quia tanto viro illudere præsumpserat, expauit, omnesque qui cum eo ad hominē Dei veniebant, terræ consternati sunt. Surgentes autem ad eum propinquare minimè præsumpserunt, sed ad suum regem reuersi huntiauerunt trepidi in quanta velocitate fuerant deprehensi.

De prophetia regi Totila, & Camisina antistiti facta.

Caput XV.

Tunc per se idem Totila ad Dei hominē accessit, quem cum longè sedentem cerneret, non ausus accedere sese in terram dedit. Cui cum vir Dei bis terve diceret, Surge sed ipse ante eum de terra erigere se nō auderet, Benedictus Christi Iesu famulus per semetipsum dignatus est accedere ad regem, prostratumque de terra leuauit, & de suis actibus increpauit, atque in paucis sermonibus cuncta quæ illi erant ventura prænuntiavit, dicens: Multa mala facis, multa mala fecisti, iam aliquando ab iniquitate conuiesce. Equidem Romam ingressurus es, mare transiturus, novem annis regnans, decimo morieris. Quibus auditis rex vehementer territus, oratione petita recessit, atque ex illo iam tempore minus crudelis fuit, & non multò post Romam adiit, ad Siciliam perrexit. Anno autem regni sui decimo, omnipotentis Dei iudicio regnum cum vita perdidit. Præterea Cahusina antistes Ecclesiæ ad eundem Dei famulum venire consueuerat, quem vir Dei pro vitæ suæ merito valde diligebat. Is itaque dum cum illo de ingressu regis Totilæ & Romanæ urbis perditione colloquium haberet, dixit: Per hunc regem ciuitas ista destruetur, ut iam amplius non inhabitetur. Cui vir Domini respondit: Roma à gentibus non exterminabitur, sed tempestatibus, coruscis turbinibus, ac terræ motu fatigata, in semetipsa marcescet. Cuius prophetiæ mysteria nobis iam facta sunt luce clariora, qui in hac urbe dissoluta mœnia, euerfas domus, destructas Ecclesias turbine cernimus, eiusque ædificia longo senio lassata, quia ruinis crebrescentibus proster-

Benedictus regem Totila increpat sibi prædicens futura.

Prophetia de Romanæ urbis interitu.

De clerico à dæmone liberato usque ad tempus.

Caput XVI.

Eodem quoque tempore quidem Aquinensis Ecclesiæ clericus dæmonio vexabatur, qui à venerabili viro Constantio eiusdem Ecclesiæ antistite per multa fuerat martyrum loca transmissus ut sanari potuisset. Sed sancti Dei martyres noluerunt ei sanitatis donum tribuere, ut quanta esset in Benedicto gratia demonstrarent. Ductus itaque est ad omnipotentis Dei famulum Benedictum, qui Iesu Christo Domino preces fundens, antiquum hostem de obsessio hominē protinus expulit. Cui sanato præcepit dicens: Vade & posthac carnem non comedas, ad sacrum ordinem nunquam accedere præsumas, quacunque autem die ad sacrum ordinem accedere præsumperis, statim iuri diaboli iterum mancipaberis. Discessit igitur clericus sanctis, & sicut terrere solet animum pœna recens, ea quæ vir Dei præceperat, interim custodiuit. Cum verò post annos multos omnes priores illius de hac luce migrassent, & minores suos sibi met supponi in sacris ordinibus cerneret, verba viri Dei quasi ex longo tempore oblitus postposuit, atque ad sacrum ordinem accessit, quem mox is qui reliquerat diabolus tenuit, eumque vexare quousque animam eius excutere, non cessauit.

Petrus.

Iste vir Dei diuinitatis, ut video, etiā secreta penetrauit: quia perspexit hunc clericum idcirco diabolo traditum, ne ad sa-

H ij

Præceptum Benedicti datum obsessio.

Clericus ordine suscepto iterum obsessus est.

crum ordinem auderet accedere.

Gregorius:

Q Vare diuinitatis secreta non nosset, qui diuinitatis præcepta seruaret, cum scriptum sit: Qui adhæret Domino, vnus spiritus est cum eo?

1. Corin. 6.

Petrus:

S I vnus sit cum Domino spiritus qui Domino adhæret, quid est quod iterum idem egregius prædicator dicit: Quis cognouit sensum Domini, aut quis consiliarius eius fuit? Valde enim esse inconueniens videtur eius sensum cum quo vnus vnus factum fuerit, ignorare.

Roma. 11.

Gregorius:

S Ancti viri in quantum cum Deo vnus sunt, sensum Domini non ignorant. Nam idem quoque Apostolus dicit: Quis enim scit hominū quæ hominis sunt, nisi spiritus hominis qui est in ipso? Ita & quæ Dei sunt, nemo cognouit, nisi spiritus Dei, qui ut se ostenderet nosse quæ Dei sunt, adiunxit: Nos autem non spiritum huius mundi accepimus, sed spiritum qui ex Deo est. Hinc iterum dicit: Quod oculus non vidit, nec auris audiuit, nec in cor hominis ascendit quæ præparauit Deus diligentibus se, nobis autem reuelauit per spiritum suum.

1. Corin. 2.

Ibidem.

Ibidem.

Petrus:

S I ergo eidem Apostolo ea quæ Dei sunt per spiritum sunt reuelata, quomodo super hoc quod proposuit præmisit dicens: O altitudo diuitiarum sapientiæ & scientiæ Dei, quam incomprehensibilia sunt iudicia eius, & inuestigabiles viæ eius? Sed rursus mihi hæc dicenti alia suboritur quæstio. Nam Dauid propheta Domino loquitur dicens: In labiis meis pronunciaui omnia iudicia oris tui. Et cum minus sit nosse quam etiam pronuntiare, quid est quod Paulus incomprehensibilia esse Dei iudicia asserit, Dauid autem hæc se omnia non solum nosse, sed etiam in labiis pronunciaisse testatur?

Roma. 11.

Quæstio.

Psal. 118.

Gregorius:

A D vtraque hæc tibi superius sub breuitate respondi, dicens quod sancti viri in quantum cum Domino vnus sunt, sensum Domini non ignorant. Omnes enim qui deuotè Dominum sequuntur etiam deuotione cum Deo sunt, & adhuc carnis corruptibilis grauati pondere, cum Deo non sunt, occultaque Dei iudicia in quantum coniuncti sunt, sciunt: in quantum disiuncti sunt, nesciunt: quia enim secreta eius adhuc perfectè non penetrant, incomprehensibilia eius iudicia esse testantur. Qui verò mente ei inhærent, atque inhærendo vel sacris scripturæ eloquiis, vel occultis reuelationibus in quantum accipiunt agnoscunt, & nouerunt hæc & pronunciant: iudicia enim quæ Deus tacet, nesciunt, quæ Deus loquitur, sciunt. Vnde & Dauid propheta cum dixisset: In labiis meis pronunciaui omnia iudicia: protinus addidit, Oris tui, ac si apertè dicat: Illa ego iudicia & nosse & pronunciaisse potui, quæ te dixisse cognoui. Nam ea quæ ipse nō loqueris, à nostra proculdubio cognitione abscondis. Cōcordat ergo prophetia apostolicæque sententia: quia & incomprehensibilia sunt Dei iudicia, & tamen quæ de ore eius prolata fuerint, humanis labiis pronunciantur, quoniam sciri ab hominibus & prolata prodi possunt, & occultari non possunt.

Responsio ad quæstiones.

Quomodo iudicia Dei iudicia sciunt & nesciunt. Psal. 118.

Petrus:

I N obiectione meæ quæstiunculæ patuit causa rationis. Sed quæso te si qua sunt adhuc de viri huius virtute subiunge.

De destructione monasterij viri Dei ab ipso prædicta. Cap. XVII.

Gregorius:

V Ir quidam nobilis Theoprobis nomine, eiusdem Benedicti patris fuerat admonitione conuersus, qui pro vitæ suæ merito magnam apud eum familiaritatis fiduciam habebat. Hic cum quadam die eius cellam fuisset ingressus, hunc amarissimè flentem reperit. Cumque diu subsisteret, eiusque non finiri lachrymas videret, nec tamen vir Dei consueuerat orando plangere, sed merendo, quænam causa tanti luctus existeret, inquisiuit. Cui vir Dei illico respondit: Omne hoc monasterium quod construxi, & cuncta quæ fratribus præparauimus, omnipotentis Dei iudicio gentibus tradita sunt. Vix autem obtinere potui, ut mihi ex hoc loco a-

Benedictus prædixit monasterium

E nimæ concederentur. Cuius vocem tunc Theoprobis audiuit, nos autem cernimus qui destructum modo à Longobardorum gente eius monasterium scimus. Nocturno enim tempore & quiescentibus fratribus, nuper illi Longobardi ingressi sunt, qui diripientes omnia, ne vnus quidem hominem illic tenere potuerunt, sed impleuit omnipotens Deus quod fideli famulo Benedicto promiserat, ut si res gentibus traderet, animas custodiret. Qua re Pauli vicem video neuuisse Benedictum, cuius dum nauis rerum omnium iacturam pertulit, ipse in consolatione vitam omnium qui cum comitabantur, accepit.

De absconsione flasconis à beato Benedicto cognita.

Caput XVIII.

Q Vadam quoque tempore Exhilaratus noster, quem ipse conuersum nosti, transmissus à Domino suo fuerat, ut Dei viro in monasterium vino plena duo lignea vascula, quæ vulgò flascones vocantur, deferret, qui vnus detulit, alterum verò pergens in itinere abscondit. Vir autem Domini quem facta absentia latere non poterant, vnus cum gratiarum actione suscepit, & discedentem puerum monuit dicens: Vide fili, ne de illo flascone quem abscondisti bibas, sed inclina illum cautè, & inuenies quid intus habet. Qui cō-

Benedictus ad Paulum confertur.

Vinum abscondit, in serpente versum.

De mappularum receptione à viro dei cognita.

Caput XIX.

N On longè autem à monasterio vicus erat, in quo non minima multitudo hominum ad fidem Dei ab idolorum cultu Benedicti fuerat exhortatione conuersa. Ibi quoque quædam sanctimoniales sceminae inerant, & crebrò illic pro exhortandis animabus fratres suos mittere Benedictus Dei famulus curabat. Quadam verò die misit ex more, sed is qui missus fuerat monachus post admonitionem factam à sanctimonialibus sceminis rogatus mappulas accepit, sibi que eas abscondit in sinu. Qui mox ut reuersus est, eum vir Dei vehementissima amaritudine cepit increpare dicens: Quomodo ingressa est iniquitas in sinum tuum? At ille obstupuit, & quid egisset oblitus, vnde corripiebatur ignorabat. Cui ait: Nunquid ego illic præsens non eram quando ab ancillis Dei mappulas accepisti, tibi que eas in sinu misisti? Qui mox eius vestigiis prouolutus stultè se egisse pœnituit, & eas quas in sinu absconderat mappulas abiecit.

De cogitatione monachi superba à dei viro cognita.

Caput XX.

Q Vadam quoque die dum venerabilis pater vespertina iam hora corporis alimenta perciperet, eius monachus cuiusdam defensoris filius fuerat, qui ei ante mensam lucernam tenebat. Cumque vir Dei ederet, ipse autem cum lucernæ ministerio astaret, cepit per superbiæ spiritum in mente sua tacitus voluere, & per cogitationem dicere: Quis est hic cui ego manducanti assisto, lucernam tenco, seruitium impendo? Quis sum ego ut isti seruiam? Ad quem vir Dei statim conuersus vehementer cepit eum increpare dicens: Signa cor tuum frater, quid est quod loqueris? signa cor tuum. Vocatisque statim fratribus, præcepit ei lucernam de manibus tolli, ipsum verò iussit à ministerio recedere, & sibi hora eadem quietum sedere. Qui requisitus à fratribus quid habuerit in corde, per ordinem narrauit, quanto superbiæ spiritu intumuerat, & quæ contra virum Dei verba per cogitationem tacitus dicebat. Tunc liquidò omnibus patuit, quod venerabilem Benedictum latere nil posset, in cuius auribus tacitæ etiam cogitationis verba sonuissent.

De ducentis modis farinae ante viri dei cellam inuentis.

Caput XXI.

A Lio quoque tempore in eadem Campaniæ regione famæ incubuerat, magnaque omnes alimentorum indigentia coangustabat. Iamque in Benedicti monasterio triticum deerat. Panes verò penè omnes consumpti fuerat, ut nō plusquam quinque ad refectiois horam fratribus inueniri potuissent.

Benedictus cognouit cogitationes superbi.

potuissent. Cumque eos venerabilis pater contristatos cerneret, eorum pusillanimitatem studuit modesta increpatione corrigere, & rursus promissione subleuare dicens: Quare de panis inopia vester animus contristatur? hodie quidem minus est, sed die crastina abundanter habebitis. Sequenti autem die ducenti farinæ modij ante fores cellę in saccis inuenti sunt, quos omnipotens Deus quibus deferentibus transmississet, nunc vsque manet incognitum. Quod cum fratres cernerent, Domino gratias referentes, didicerunt iam de abundantia nec in egestate dubitare.

Petrus:

Dic quaeso te. Nunquid non credendum est huic Dei famulo semper prophetiæ spiritum adesse potuisse, an per intervalla temporum eius mentem prophetiæ spiritus implebat?

Gregorius:

Prophetiæ spiritus Petre prophetarum mentes non semper irradiat: quia sicut de sancto spiritu scriptum est: Vbi vult spirare: ita sciendum est, quia & quando vult spirare. Hinc est enim quod Nathan à rege requisitus si construere templum posset, prius consensit, & postmodum prohibuit. Hinc est quod Helisæus cum flentem mulierem cerneret, causamque nescisset, ad prohibentem hanc puerum dicit: Dimitte eam, quia anima eius in amaritudine est, & Dominus cælauit à me, & non indicauit mihi. Quod omnipotens Deus ex magnæ pietatis dispensatione disponit quia dum prophetiæ spiritum aliquando dat, & aliquando subtrahit, prophetantium mentes & eleuat in celsitudine, & custodit in humilitate, ut & accipientes spiritum inueniant quid de Deo sint, & rursus prophetiæ spiritum non habentes cognoscant quid sint de semetipsis.

Petrus:

Itahoc esse ut asseris magna ratio clamat. Sed quaeso de venerabili patre Benedicto quicquid adhuc animo occurrat exequere.

De dispositione monasterij per visionem habita. Cap. XXII.

Gregorius:

Alio quoque tempore à quodam fideli viro fuerat rogatus, ut in eius prædio iuxta Terracinensem urbem missis discipulis suis construere monasterium debuisset. Qui roganti consentiens deputatis fratribus patrem constituit, & qui ei secundus esset ordinauit. Quibus euntibus sponddit dicens: Ite, & die illo ego venio & ostendo vobis in quo loco oratorium, in quo refectoryum fratrum, in quo suspensionem hospitum, vel quæque sunt necessaria ædificare debeatis. Qui benedictione percepta ilico perrexerunt, & constitutum diem magnopere præstolantes, parauerunt omnia quæ his qui cum tanto patre venire potuissent, videbantur esse necessaria. Nocte vero eadem qua promissus illucescebat dies, eidem seruo Dei quem illic patrem constituerat, atque eius præposito vir Domini in somnis apparuit, & loca singula ubi quid ædificare debuissent, subtiliter designauit. Cumque virique à somno surgerent, sibi inuicem quod viderant retulerunt. Non tamen visioni illi omnimodo fidem dantes virum Dei sicut se venire promiserat expectabant. Cumque vir Dei constituto die minimè venisset ad eum cum mœrore reuersi sunt, dicentes: Expectauimus pater ut venires sicut promiseras, & nobis ostenderes ubi quid ædificare deberemus, & non venisti. Quibus ipse ait: Quare fratres, quare ista dicitis? Nunquid sicut promisi non veni? Cui cum ipsi dicerent, quando venisti? respondit: Nunquid vtrisque vobis dormientibus non apparui, & loca singula designaui? & sicut per visionem vidistis, omne habitaculum monasterij ita construite. Qui hæc audientes vehemèter admirati ad prædictum prædium sunt reuersi, & cuncta habitacula sicut ex reuelatione didicerant, construxerunt.

Petrus:

Doceri velim quo fieri ordine potuit, ut longè iret responsum dormientibus dicere quod ipsi per visionem audierant & recognoscerent.

Gregorius:

Tomus primus.

Quid est quod persecutus rei gestæ ordinem, ambigis Petre? Liqueat profecto quia nobilioris naturæ est spiritus quam corpus. Et certè scriptura teste nouimus quod propheta ex Iudæa subleuatus repente est cum prandio in Chaldæa depositus, quo videlicet prandio prophetam refecit, sedque repente in Iudæa iterum inuenit. Si igitur tam longè Abacuc potuit sub momento corporaliter ire & prandium deferre, quid mirum si Benedictus pater obtinuit, quatenus iter per spiritum; & fratrum quiescentium spiritibus necessaria narraret ut sicut ille ad cibum corporis corporaliter perrexit, ita iste ad institutionem spiritualis vitæ spiritualiter pergeret.

Petrus:

Manus tuæ locutionis terfit meæ fateor dubietatem mentis: sed velim nosse in communi locutione qualis iste vir fuit.

De sanctimonialibus sœminis post mortem absolutis.

Caput XXIII.

Gregorius:

Vix ipsa Petre communis eius locutio à virtutis erat pondere vacua: quia cuius cor sese in alta suspenderat, nequaquam verba de ore illius incassum cadebant. Si quid verò vnumquam non iam decernendo, sed minando diceret, tantas vires sermo illius habebat, ac si hoc non dubiè atque suspensè, sed iam per sententiam protulisset. Nam non longè ab eius monasterio duæ quædam sanctimoniales sœminæ nobiliori genere exortæ, in loco proprio conuersabantur, quibus quidam religiosus vir ad exterioris vitæ usum præbebat obsequium. Sed sicut nonnullis solet nobilitas generis parare ignobilitatē mentis, ut minus se in hoc mundo despiciant, qui plus se ceteris aliquid fuisse meminerunt, necdum prædictæ sanctimoniales sœminæ perfectè linguam suam sub habitus sui freno restrinxerant, & eundem religiosum virum qui ad exteriora necessaria eis obsequium præbebat, incautis sæpe sermonibus ad iracundiam prouocabant. Qui dum diu ista toleraret perrexit ad Dei hominem, quantasque pateretur verborum contumelias enarrauit. Vir autem Dei hæc de illis audiens eis protinus mandauit dicens: Corrigite linguam vestram: quia si non emendaueritis excommunico vos. Quam videlicet excommunicationis sententiam non proferendo intulit, sed minando. Illæ autem à pristinis moribus nihil mutata, intra paucos dies defunctæ sunt, atque in Ecclesia sepultæ. Cumque in eadem Ecclesia Missarum solennia celebrarentur, atque ex more diaconus clamaret, Si quis non communicat, det locum: nutrix earum quæ pro eis oblationem Domino offerre consueuerat, eas de sepulchris suis progredi, & exire videbat. Quod dum sapius cerneret, quia ad vocē diaconi clamantis exibant foras, atque intra Ecclesiam permanere nō poterant, ad memoriam reduxit quæ vir Dei illis adhuc viuētibz mandauit. Eas quippe se communionē priuare dixerat, nisi mores suos & verba corrigerent. Tunc seruo Dei cum graui mœrore indicatum est, qui manu sua protinus oblationem dedit dicens: Ite & hanc oblationem pro eis offerri Domino facite, & ulterius excommunicatæ non erunt. Quæ dum oblatio pro eis fuisset immolata, & à diacono iuxta morem clamatū est, ut non communicantes ab Ecclesia exirent, illæ exire ab Ecclesia ulterius visæ non sunt. Quæ ex re indubitanter patuit, quia dum inter eos qui communionē priuati sunt, minimè recederent, communionem à Domino per seruum Domini recepissent.

Petrus:

Mirum valde quod dicis, quantis venerabilem & sanctissimum virum, adhuc tamen in hac carne corruptibili degentem, potuisse animas soluere in illo iam inuisibili iudicio constitutas.

Gregorius:

Nunquid nam Petre in hac adhuc carne non erat qui audiebat: Quodcumq; ligaueris super terram, erit ligatum & in cælis: & quæ solueris super terram, soluta erunt & in cælis? Cuius nunc vicem ligando & soluendo obtinent, qui locum sancti regiminis fide & moribus tenent. Sed ut tanta valeat homo de terra, cæli & terræ conditor in terram venit à cælo, atque ut iudicare caro etiam de spirituali

H iij

Ducenti farinæ modij diuini ad Benedicti missi.

Joan. 3.

4. Reg. 4.

Benedictus apparuit quibusdam in somnis.

Abacuc & Benedictus conferuntur.

Benedictus excommunicauit minas.

Absolutio monialium.

Matth. 18.

Joan. 1.

Ioan. 1.

bus possit, hoc ei largiri dignatus est, factus pro hominibus & Deus caro: quia inde surrexit ultra se infirmitas nostra, unde sub se infirmata est firmitas Dei.

Petrus:

Cum virtute signorum concorditer loquitur ratio verborum.

De puero post sepulturam à terra proiecto. Cap. XXIIII.

Gregorius:

Sepultus in terra non manere potuit.

Quadam quoque die dum quidam eius puerulus monachus parentes suos ultra quam deberet diligens, atque ad eorum habitaculum tendens sine benedictione de monasterio exiisset, eodem die mox ut ad eos peruenit defunctus est. Cumque esset sepultus, die altero proiectum foras corpus eius inuentum est, quod rursus tradere sepulture curauerunt. Sed sequenti die iterum proiectum exterius, atque inhumatum sicut prius inuenerunt. Tunc concite ad Benedicti patris vestigia currentes, cum magno fletu petierunt, ut ei suam gratiam largiri dignaretur. Quibus vir Dei manu sua protinus communionem dominici corporis dedit dicens: Ite atque hoc dominicum corpus super pectus eius (cum magna reuerentia) ponite, & sic sepulture eum tradite. Quod dum factum fuisset, susceptum corpus eius terra tenuit, nec ultra proiecit. Perpendis Petre apud Iesum Christum Dominum, cuius meriti iste vir fuerit, ut eius corpus etiam terra proiecerit, qui Benedicti gratiam non haberet.

Petrus:

Perpendo plane, & vehementer stupeo.

De monacho qui de monasterio discedens draconem in itinere inuenit. Caput XXV.

Gregorius:

Draco monacho vago apparuit.

Quidam autem eius monachus mobilitati mentis deditus erat, & permanere in monasterio nolebat. Cumque eum vir Dei assidue corripere & frequenter admonere, ipse vero nullo modo consentiret in congregatione persistere, atque importunis precibus ut relaxaretur inueneret, quadam die idem venerabilis pater nimietatis eius tadio affectus, iratus iussit ut discederet. Qui mox ut monasterium exiit contra se assistere aperto ore draconem in itinere inuenit. Cumque eum idem draco qui apparuerat deuorare vellet, cepit ipse tremens & palpitans magnis vocibus clamare dicens: Succurrite succurrite: quia draco iste me deuorare vult. Currentes autem fratres draconem minimè viderunt, sed tremētem atque palpitantem monachum ad monasterium reduxerunt. Qui statim promisit nunquam se esse à monasterio recessurum, atque ex hora eadem in sua promissione permansit. Quippe qui sancti viri orationibus contra se assistere draconem viderat, quem prius non videndo sequebatur.

De puero ab elephantino morbo curato.

Caput XXVI.

Puer curatus à morbo elephantino.

Sed neque hoc silendum puto quod illustri viro Antonio narrante cognoui, qui aiebat patris sui puerum morbo elephantino fuisse correptum, ita ut iam pilis cadentibus cutis intumesceret, atque incrementem saniem occultare non posset. Qui ad virum Dei ab eodem patre eius missus est, & salutis pristinae sub omni celeritate restitutus.

De solidis per miraculum presbytero redditis.

Caput XXVII.

Benedictus xiiij. solidos sed diuinitus accepit.

Neque illud taceam, quod eius discipulus Peregrinus nomine, narrare consueuerat: quia die quadam fidelis vir quidam necessitate debiti compulsus vnum sibi fore remedium credidit si ad Dei virum pergeret, & quæ eum vangeret debiti necessitas indicaret. Venit itaque ad monasterium, omnipotentis Dei famulum reperit: quia à creditore suo pro duodecim solidis grauiter affligeretur intimauit. Cui venerabilis pater nequaquam se habere duodecim solidos respondit, sed tamen eius inopiam blanda locutione consolatus ait: Vade & post bidentium reuere: quia deest hodie quod tibi debeam dare. In ipso autem bidentium more suo in oratione fuit occupatus. Cumque die tertio is qui necessitate debiti affligebatur rediret, super arcam monasterij, quæ erat frumento plena, subito tredecim solidi sunt inuenti.

Quos vir Dei deferri iussit & afflicto petitori tribuit dicens, ut duodecim redderet, & vnum in expensis propriis haberet. Sed ad ea nunc redeam, quæ eius discipulis in libri huius exordio predictis referentibus, agnoui. Quidam vir grauissima aduersarij sui æmulatione laborabat, cuius ad hoc usque odium prorupit, ut ei nescienti in potu venenum daret. Qui quanuis vitam auferre non valuit, cutis tamen colorem mutauit, ita ut diffusa in corpore eius varietas lepræ morem imitari videretur. Sed ad Dei hominem deductus salutem pristinam citius recepit nam mox ut eum tetigit, omnem cutis illius varietatem fugauit.

De ampulla vitrea in saxis proiecta & non fracta.

Caput XXVIII.

Eo quoque tempore quo alimentorum inopia Campaniam grauiter affligebat, vir Dei diuersis indigentibus monasterij sui cuncta tribuerat, ut penè nihil in cellario nisi parum quid olei in vitreo vase remaneret. Tunc quidam subdiaconus Agapitus nomine aduenit magnopere postulans, ut sibi aliquantulum olei dari debuisset. Vir autem Domini qui cuncta decreuerat in terra tribuere, ut in cælo omnia reseruaret, hoc ipsum parum quod remanserat olei iussit petenti dari. Monachus vero qui cellarium tenebat, audiuit quidem iubentis verba, sed implere distulit. Cumque post paululum si id quod iusserat datum esset inquireret, respondit monachus se minimè dedisse: quia si illud ei tribueret, omnino nihil fratribus remaneret. Tunc iratus, aliis præcepit ut hoc ipsum vas vitreum in quo parum olei remansisset videbatur, per fenestram prolicerent, ne in cella aliquid per inobedientiam remaneret. Factumque est. Sub fenestra autem eadem ingens præcipitium patebat saxorum molibus asperum. Proiectum itaque vas vitreum venit in saxis, sed sic mansit incolume, ac si proiectum minimè fuisset, ita ut neque frangi, neque oleum effundi potuisset. Quod vir Domini præcepit leuari, atque ut erat integrum petenti tribui. Tunc collectis fratribus, inobedientem monachum de infidelitate sua & superbia coram omnibus increpauit.

De dolio vacuo oleo impleto.

Caput XXIX.

Qua increpatione completa, sese cum eisdem fratribus in orationem dedit. In eo autem loco ubi cum fratribus orabat, vacuū erat ab oleo dolium & coopertum. Cumque sanctus vir in oratione persisteret, cepit operimentum eiusdem dolij oleo excrecente subleuari. Quo commoto atque subleuato oleum quod excreuerat ora dolij transiens, pauimentum loci in quo incubuerat inundabat. Quod Benedictus Dei famulus ut aspexit, protinus orationem compleuit, atque in pauimentum oleum defluere cessauit. Tunc diffidentem inobedientemque fratrem latius admonuit, ut fidem habere disceret & humilitatem. Idem vero frater salubriter correptus erubuit: quia venerabilis pater virtutem omnipotentis Dei quam admonitione intimauerat, miraculis ostendebat, nec erat iam ut quisquam de eius promissionibus dubitare posset, qui in vno eodemque momento pro vitreo vase penè vacuo plenum oleo dolium reddidisset.

De monacho à demone liberato.

Caput XXX.

Quadam die dum ad beati Ioannis oratorium, quod in ipsa montis celsitudine situm est pergeret, ei antiquus hostis in mulo medici specie obuiam factus est cornu & trepidicam ferens. Quem cum requisisset dicens: Quo vadis? Ille respondit: Ecce ad fratres vado potionem eis dare. Itaque perrexit venerabilis pater Benedictus ad orationem, qua completa concitus rediit. Malignus vero spiritus vnum seniore monachum inuenit aquam haurientem in quem statim ingressus est: eumque in terram proiecit, & vehementissime vexauit. Quem cum vir Dei ab oratione rediens tam crudeliter vexari conspiceret, ei solummodo alampam dedit, & malignum ab eo spiritum protinus excussit ita, ut ad eum redire ulterius non auderet.

Petrus:

Velim nosse, si hæc tanta miracula, virtute semper orationis impetrabat, an aliquando etiam solo voluntatis exhibebat nutu?

Gregorius:

Qui

Vitreum vas lapidis illisum non fractum.

Benedictus dolium oratione sua oleo plenum reddidit.

Benedictus per alampam obsessum liberauit.

Ioan. 1.

Acto. 5.

23. quest. 8.

Petrus qui.

Qui deuota mente Deo adhærent, cum rerum necessitas exposcit, exhibere signa modo utroque solent, ut miraque aliquando ex prece faciant, aliquando ex potestate. Cum enim Ioanes dicat: Quotquot autem receperunt eum, dedit eis potestatem filios Dei fieri. Qui filij Dei ex potestate sunt, quid mirum si signa facere ex potestate valeant? Quia enim utroque modo miracula exhibeant, testatur Petrus qui Thabitam mortuam orando suscitauit. Ananiam verò & Saphiram mentientes morti increpando tradidit. Neque enim orasse in eorum extinctione legitur, sed solummodo culpam quam perpetrauerant increpassè. Constat ergo quòd aliquando hæc ex potestate, aliquando verò exhibent ex postulatione, dum & istis vitam increpando abstulit, & illi reddidit orando. Nam duo quoque fidelis famuli Dei Benedicti facta nunc replico, in quibus apertè clareat, aliud hunc accepta diuinitus ex potestate, aliud ex oratione potuisse.

De ligato rustico solo aspectu viri Dei soluto.

Caput XXXI.

Miraculum
ex potestate
factum.

Gothorum quidam Galla nomine perfidiæ fuit Arianæ, qui Totilæ regis eorum temporibus, contra catholicæ Ecclesiæ religiosos viros ardore immanissimæ crudelitatis exarsit, ita ut quisquis ei clericus, monachusve ante faciem venisset, ab eius manibus viuus nullo modo exiret. Quadam verò die auaritiæ suæ æstu succensus in rapinam rerum inhians, dum quendam rusticum tormentis crudelibus affligeret, eumque per supplicia diuersa laniaret, victus pœris rusticus sese, res suas Benedicto Dei famulo commendasse professus est, ut dum hoc à torquente crederetur, suspensâ interim crudelitate ad vitam hora repararetur. Tunc idem Galla cessauit rusticum tormentis affligere, sed eius brachia loris fortibus astringens ante equum suum cœpit impellere, ut quis esset Benedictus qui eius res susceperat demonstraret. Quem ligatis brachiis rusticus antecedens duxit ad sancti viri monasterium, eumque ante ingressum cellæ solum sedentem reperit & legentem. Eidem autem subsequenti & sequenti Gallæ rusticus dixit: Ecce iste est de quo dixeram tibi, Benedictus pater. Quem dum feruido spiritu, cum peruersæ mentis insania fuisset intuitus, eo terrore quo cōsueuerat acturum se existimās, magnis cœpit vocibus clamare dicens: Surge, surge & res istius rustici redde quas accepisti. Ad cuius vocem vir Dei protinus oculos leuauit à lectione, eumque intuitus mox etiam rusticum, qui ligatus tenebatur attendit. Ad cuius brachia dum oculos deflexisset, miro modo tanta se celeritate cœperunt illigata brachiis lora deuoluere, ut dissolui tam cōcitate nulla hominum festinatione potuissent. Cūque is qui ligatus venerat cœpisset subito astare solutus, ad tantæ potestatis vim tremefactus Galla ad terram corruit, & ceruicem crudelitatis rigide ad eius vestigia inclinans, se orationibus illius commendauit. Vir autem sanctus à lectione minimè surrexit, sed vocatis fratribus, eum introrsus tolli ut benedictionem acciperet, præcepit. Quem ad se reductum ut à tantæ crudelitatis insania quiescere deberet admonuit. Qui fractus recedens nil ulterius petere à rustico præsumpsit, quem vir Domini non tangendo, sed respiciendo soluerat. Ecce est Petre quod dixi: quia hi qui omnipotenti Deo familiaris feruiunt, aliquando mira facere etiam ex potestate possunt. Qui enim ferocitatem Gothi terribilis sedens repressit, lora verò nodosque ligaturæ quæ innocentis brachia astrinxerāt oculis dissoluit, ipsa miraculi celeritate indicat: quia ex potestate acceperat habere quod fecit. Rursum quoque quale, quantumque miraculum orando valuit obtinere subiungam.

De mortuo suscitato.

Caput XXXII.

Quodam die cum fratribus ad agri opera fuerat egressus: quidam verò rusticus defuncti filij corpus in vlnis ferrens orbitatis luctu æstuans ad monasterium venit: Benedictum patrem quæ fuit. Cui cū dictum esset quia idem pater cum fratribus in agro moraretur, protinus ante monasterij ianuam corpus extincti filij proiecit, & dolore turbatus ad inueniendum venerabilem patrem sese in cursum concitus dedit. Eadē verò hora vir Dei ab agri opere iam cū fratribus reuertebatur. Quem mox ut orbatu rusticus aspexit, clamare cœpit: Redde filium meum, redde filium meum. Vir

Tomus primus.

Autem Dei in hac voce substitit dicens: Nunquid ego filium tuum tibi abstuli? Cui ille respondit: Mortuus est, veni resuscita eum. Quod ut mox Dei famulus audiuit, valde contristatus est, dicens: Recedite fratres, recedite, hæc nostra non sunt, sed sanctorum Apostolorum. Quid nobis onera vultis imponere, quæ non possumus portare? At ille, quem nimis cogebat dolor, in sua petitione perstitit, iurans quòd non recederet, nisi eius filium resuscitaret. Quem mox Dei famulus inquisiuit dicens: Vbi est? Cui ille respondit: Ecce corpus eius ad ianuam monasterij iacet. Vbi cū vir Dei cum fratribus peruenisset, flexit genu, & super corpusculum infantis incubuit, seseque erigens ad cœlum palmas retendit, dicens: Domine non aspicias peccata mea, sed fidem huius hominis qui resuscitari filium suum rogat, & redde in hoc corpusculum animam quam abstulisti. Vix in oratione verba compleuerat, & regrediente anima ita corpusculum pueri omne cōtremit, ut sub oculis omnium qui aderant apparuerit concussione mirifica tremendo palpitasse. Cuius mox manum tenuit, & eum patri viuentem atque incolumē dedit. Liqueat Petre quia hoc miraculum in potestate non habuit, quod prostratus petiit ut exhibere potuisset.

Petrus:

Sic cuncta esse ut asseris, constat patenter: quia verba quæ proposueras rebus probas. Sed quæso te ut indices si sancti viri omnia quæ volunt possunt, & cuncta impetrant quæ desiderant obtinere.

De miraculo Scholasticæ sororis eius.

Caput XXXIII.

Gregorius:

Quamvis erit Petre in hac vita Paulo sublimior, qui de carnis suæ stimulo ter Dominum rogauit & tamen quod voluit obtinere non valuit? Ex qua re necesse est ut tibi de venerabili patre Benedicto narrem: quia fuit quiddam quod voluit, sed non valuit implere. Soror nanque eius Scholastica nomine, omnipotenti Domino ab ipso infantie tempore dedicata, ad eum semel per annum venire consueuerat. Ad quā vir Dei nō longè extra ianuam in possessione monasterij descendebat. Quadam verò die venit ex more, atque ad eam cum discipulis venerabilis eius descendit frater, qui totum diē in Dei laudibus sacrisque colloquiis ducentes, incumbentibus iam noctis tenebris simul acceperunt cibos. Cūque adhuc ad mensam sederent & inter sacra colloquia tardior se hora protraheret, eadem sanctimonialis scēmina soror eius eum rogauit dicens: Quæso te ut ista nocte non deferas, ut vsque mane de cœlestis vitæ gaudiis loquamur. Cui ille respondit: Quid est quod loqueris soror? Manere extra cellam nullatenus possum. Tanta verò erat cœli serenitas, ut nulla in aëre nubes appareret. Sanctimonialis autem scēmina cū verba fratris negantis audisset, insertas digitis manus super mensam posuit, & caput in manibus omnipotentem Dominum rogatura declinavit. Cūque de mensa leuaret caput, tanta coruscationis & tonitruui virtus, tantæque inundatio pluuiæ erupit, ut neque venerabilis Benedictus, neque fratres qui cum eo aderant, extra loci limen quo confederant pedem mouere potuissent. Sanctimonialis quippe scēmina caput in manibus declinans, lachrymarum fluuium in mensam fuderat, per quas serenitatem aëris ad pluuiam traxit. Nec paulò tardius post orationem inundatio illa secuta est, sed tanta fuit conuenientia orationis & inundationis, ut de mensa caput iam cum tonitruo leuaret, quatenus vnum idemque esset momentum, & leuare caput, & pluuiam deponere. Tunc vir Dei inter coruscos & tonitruos atque ingentis pluuiæ inundationem videns se ad monasterium non posse remeare, cœpit conqueri contristatus dicens: Parcat tibi omnipotens Deus soror, quid est quod fecisti? Cui illa respondit: Ecce te rogavi, & audire me noluisti: rogavi Dominum meum, & audiuit me. Modò ergo si potes egredere, & me dimissa ad monasterium recede. Ipse autem exire extra tectum non valens, quia remanere sponte noluit, in loco mansit inuitus. Sicque factum est ut totam noctem perugilem ducerent, atque per sacra spiritalis vitæ colloquia sese vicaria relatione satiarent. Qua de re dixi

2 Cor. 12.

Scholastica
Benedicti
soror.Scholastica
orando
pluiam tem-
pestatem-
que fecit.Benedictus
quod voluit
non potuit.

H iij

I. Io. m. 4.

hoc quod voluit, in virtute omnipotentis Dei ex fœminæ pectore miraculum inuenit. Nec mirum quod plus illo fœmina, quæ fratrem videre cupiebat, in eodem tempore valuit: quia enim iuxta Ioannis vocem, Deus charitas est, iusto valde iudicio illa plus potuit quæ amplius amauit.

Petrus:

Fateor, multum placet quod dicis.

De anima sororis eius visa. Caput XXXIIII.

Gregorius:

Benedictus vidit animam sororis defunctæ.

Cumque die altero eadem venerabilis fœmina ad cellam propriam recessisset, vir Dei ad monasteriū rediit. Cum ecce post triduum in cella consistens, eleuatis in aëra oculis vidit eiusdem sororis suæ animā de eius corpore egressam in columbæ specie cœli secreta penetrare. Qui tantæ eius gloriæ congaudens, omnipotēti Deo in hymnis & laudibus gratias reddidit, eiusque obitum fratribus denuntiavit. Quos etiam protinus misit ut eius corpus ad monasterium deferrent, atque in sepulchro quod sibi ipse parauerat ponerent. Quo factō contigit, ut quorum mens vna semper in Deo fuerat, eorum quoque corpora nec sepultura separaret.

De mundo ante oculos eius collecto, & de anima Germani Capuana ciuitatis episcopi.

Caput XXXV.

Alio quoque tempore Seruandus diaconus atque abbas eius monasterij quod in Campaniæ partibus à Liberio quondam Patricio fuerat constructum, ad eum visitationis gratia ex more venire consueuerat. Eius quippe monasteriū frequentabat, ut quia idem quoque vir doctrina gratiæ cœlestis influebat, dulcia sibi inuicem vitæ verba transfunderent, & suauem cibum cœlestis patriæ quem adhuc perfectè gaudendo non poterant, saltem suspirando gustarent. Cumque hora iam quietis exigeret, in cuius turris superioribus se venerabilis Benedictus, in eius quoque inferioribus se Seruandus diaconus collocauit, quo videlicet in loco inferiora ad superiora peruius continuabat ascensus. Ante eandem verò turrim largius erat habitaculum in quo vtriusque discipuli quiescebant. Cumque vir Dei Benedictus quiescentibus adhuc fratribus instās vigiliis, nocturnæ orationis tempore peruenisset, ad fenestrā stans & omnipotentem Deum deprecās, subito intempesta noctis hora respiciens, vidit fusam lucem desuper cunctas noctis tenebras effugasse, tantoque splendore clarescere, ut diem vinceret lux illa quæ in tenebris radiasset. Mira autem res valde in hac speculatione secuta est: quia sicut post ipse narravit, omnis etiam mundus velut sub vno Solis radio collectus ante oculos eius adductus est. Qui venerabilis pater dum intentam oculorum aciem in hoc splendore coruscæ lucis infigeret, vidit Germani Capuani episcopi animam in sphæra ignea ab angelis in cœlum ferri. Tunc tanti sibi testem volens adhibere miraculi, Seruandum diaconum iterato bis terque eius nomine cum clamoris magnitudine vocauit. Cumque ille fuisset insolito tanti viri clamore turbatus, ascendit, respexit, partemque iam lucis exiguam vidit. Cui tantum hoc obstupescenti miraculum, vir Dei per ordinem quæ fuerant gesta narravit, statimque in Casinum castrum religioso viro Theoprobo mandauit, ut Capuanam urbem sub eadem nocte transmitteret, & quid de Germano episcopo ageretur, agnosceret & indicaret. Factumque est, & reuerentissimum virum Germanum episcopum is qui missus fuerat, iam defunctum reperit, & requirens subtiliter agnouit eodem momento fuisse illius obitum, quo Vir Domini eius cognouit ascensum.

Petrus:

Mira res valde & vehementer stupenda. Sed hoc quod dictum est, quia ante oculos ipsius quasi sub vno Solis radio collectus omnis mundus adductus est, sicut nunquam apertus sum, ita nec conicere scio quonam ordine fieri potest ut mundus omnis ab homine vno videatur.

Gregorius:

Fixum tene Petre quod loquor: quia animæ videnti creatorem angusta est omnis creatura. Quamlibet etenim parum de luce creatoris aspexerit, breue ei fit omne quod creatum est: quia ipsa luce visionis intimæ mentis laxatur sinus, tantumque expanditur in Deo ut superior existat mundo,

fit verò ipsa videntis anima etiam super semetipsam. Cumque in Dei lumine rapitur, super se in interioribus ampliatur, & dum sub se conspiciat exaltata, comprehendit quàm breue sit quod comprehendere humiliata non poterat. Vir ergo Dei, qui in turri globum igneum, angelos quoque ad cœlum redeuntē videbat, hæc proculdubio cernere non nisi in Dei lumine poterat. Quid itaque mirum si mundum ante se collectum vidit, qui subleuatus in mētis lumine extra mundum fuit? Quod autem collectus mundus ante eius oculos dicitur, non cœlum & terra contracta est, sed videntis animus est dilatatus, qui in Deo raptus videre sine difficultate potuit omne quod infra Deum est. In illa ergo luce quæ exterioribus oculis fulsit, lux interior in monte fuit, quæ videntis animum cum ad superiora rapuit, ei quàm angusta essent omnia inferiora, monstrauit.

Petrus:

Videor mihi vtiliter non intellexisse quæ dixeras, quando ex tarditate mea tantum creuit expositio tua. Sed quia hæc liquidè meis sensibus infudisti, quæso ut ad narrationis ordinem redeas.

Quod regulam monachorum scripserit. Cap. XXXVI.

Gregorius:

Libet Petre adhuc de hoc venerabili patre multa narrare, sed quædam eius studiosè prætereo: quia ad aliorum gesta voluenda festino. Hoc autem nolo te lateat, quod vir Dei inter tot miracula quibus in mundo claruit, doctrinæ quoque verbo non mediocriter fulsit. Nam scripsit monachorum regulam, discretionē præcipuam, sermone luculentam. Cuius si quis velit subtilius mores, vitamque cognoscere, potest in eadem institutione regulæ, omnes magisterij illius actus inuenire: quia sanctus vir nullo modo potuit aliter docere quàm vixit.

De prophetica sui exitus fratribus denunciatione.

Caput XXXVII.

Eodem verò anno quo de hac vita erat exiturus quibusdam discipulis secum conuersantibus, quibusdam longè manentibus sanctissimi sui obitus denuntiavit diem, præsentibus indicens ut audita per silentium tegeret, absentibus indicans quod vel quale eis signum fieret quando eius anima de corpore exiret. Ante sextum verò sui exitus diem aperiri sibi sepulturam iubet. Qui mox correptus febribus, acri cepit ardore fatigari. Cumque per dies singulos languor ingrauesceret, sexta die portari se in oratorium à discipulis fecit, ibique exitum suum Dominici corporis & sanguinis perceptione munivit, atque inter discipulorum manus imbecillia membra sustentans, erectis in cœlum manibus stetit, & vltimum spiritū inter verba orationis efflauit. Qua scilicet die duobus de eo fratribus, vni in cella commoranti, alteri autē longius posito, reuelatio vnius atque in dissimilis visionis apparuit. Viderunt nanque quia strata palliis atque innumeris corusca lampadibus via recto Orientis tramite ab eius cella in cœlum vsque tendebatur. Cui venerando habitu vir desuper clarus assistens, cuius esset via quam cernerent inquisiuit. Illi autem se nescire professi sunt. Quibus ipse ait: Hec est via qua dilectus Domino cœlum Benedictus ascendit. Tunc itaque sancti viri obitum sicut præsentis discipuli viderunt, ita absentes ex signo quod eis prædictum fuerat agnouerunt. Sepultus verò est in oratorio beati Ioannis Baptistæ, quod destructa ara Apollinis ipse construxit. Qui & in eo specu in quo prius habitauit, nunc vsque si petentium fides exigat, miraculis coruscat.

De insana muliere in eo specu sanata. Cap. XXXVIII.

Nuper nanque est res gesta quam narro. Quædam mulier mente capta, dum sensum funditus perdidisset, per montes & valles, siluas & campos die noctūque vagabatur, ibi tantummodo quiescebat, ubi hanc quiescere lassitudo coëgisset. Quadam verò die dum vaga nimium erraret, ad beati viri Benedicti specum deuenit, ibique nesciens ingressa mansit. Mane autē factō ita sanato sensu egressa est, ac si eam nunquam insania capitis vlla tenuisset, quæ omni vitæ suæ tempore in eadem quam accepit salute permanisset.

Petrus:

Quidnam

Homo vnus quomodo simul totum mundum videre queat.

Benedictus monachorum regulam scripsit.

Expiratio sancti Benedicti.

Sepultura Benedicti.

Mulier furibunda in specu Benedicti sanata est.

Totus mundus in quadam noctis claritate Benedicto apparuit.

Quidnam esse dicimus quod plerunque in ipsis quoque A patrociniis martyrum sic esse sentimus ut non tanta per corpora sua, quanta beneficia per reliquias ostendant, atque illic maiora signa faciunt ubi minimè per semetipsos iacent?

Gregorius:

Vbi in suis corporibus sancti martyres iacent dubium Petre non est, quod multa valeant signa demonstrare, sicut & faciunt, & pura mente quærentibus innumera miracula ostendunt. Sed quia ab infirmis potest mentibus dubitari, vtrum ne ad exaudiendum ibi præsentibus sint, ubi constat quia in suis corporibus non sint, ibi necesse est eos maiora signa ostendere, ubi de eorum præsentia potest mens infirma dubitare. Quorum verò mens in Deo fixa est, tantò maius habet fidei meritum, quantò illic eos nouit & non iacere corpore, & tamen non deesse ab exauditione. Vnde ipsa quoque veritas ut fidem discipulis augeret dixit: Si ego non abiero, paracletus non veniet ad vos. Cum enim constet quia paracletus spiritus à patre semper procedat & filio, cur se filius recessurum dicit, ut ille veniat qui à filio nunquam recedit? Sed quia discipuli in carne Dominum cernentes, corporeis hunc oculis semper videre sitiebant, rectè eis dicitur: Nisi ego abiero, paracletus non veniet, ac si apertè diceretur: Si corpus non subtraho, quis sit amor spiritus non ostendo, & nisi me deseritis carnaliter cernere, nunquam me discetis spiritualiter amare.

Petrus.

Placet quod dicis.

Gregorius:

Aliquantulum iam à locutione cessandum est, ut si ad aliorum miracula enarranda tendimus, loquendi vires interim per silentium reparemus.

Libri secundi Dialogi de vita sancti Benedicti abbatis finis.

CAPITA TERTII LIBRI.

- 1 De Paulino Nolanae civitatis episcopo.
- 2 De Ioanne papa.
- 3 De Agapito papa.
- 4 De Datio Mediolanensi episcopo.
- 5 De Sabino Camisina civitatis episcopo.
- 6 De Casio Narniensis civitatis episcopo.

- 7 De Andrea Fundana civitatis episcopo.
- 8 De Constantio Aquina civitatis episcopo.
- 9 De Frigidiano Lunensis civitatis episcopo.
- 10 De Sabino Placentino episcopo, qui Padum flumen per literas suas compefcuit.
- 11 De Cerbonio Populoni episcopo.
- 12 De Fulgentio Vricelana civitatis episcopo.
- 13 De Herculano Perusina civitatis episcopo.
- 14 De Isaac seruo Dei.
- 15 De Euthitio & Florentio servis Dei.
- 16 De Martio monacho de monte Marsico.
- 17 De monacho ex monte Argentario, qui mortuum suscitavit.
- 18 De Benedicto monacho.
- 19 De Ecclesia beati Zenonis martyris, in qua aqua ultra portam apertam inundantes minimè intraverunt.
- 20 De Stephano presbytero provincie Valeria.
- 21 De puella conuersa, cuius solo imperio homo est à demone liberatus.
- 22 De presbytero provincie Valeria, qui furem ad sepulchrum suum tenuit.
- 23 De abbate Prænestini montis eiusque presbytero.
- 24 De Theodoro mansionario Ecclesia beati Petri vrbis Romæ.
- 25 De Abundio mansionario Ecclesia beati Petri.
- 26 De monacho solitario.
- 27 De quadraginta rusticis, qui pro eo quod carnes immoluitias comedere noluerunt, à Longobardis occisi sunt.
- 28 De multitudine captiuorum, qui pro eo quod caput capree adorare noluerunt, occisi sunt.
- 29 De Adriano episcopo cecato.
- 30 De Arianorum Ecclesia qua in Romana vrbe catholica consecratione dedicata est.
- 31 De Ermigildo rege Liugildi Vuisgothorum regis filio pro fide catholica ab eodem patre suo occiso.
- 32 De episcopis Africanis, qui pro defensione catholicae fidei abscisis ab Arianis Vnâ alorum linguis nullum locutionis solita sustinere dispendium.
- 33 De Eleutherio seruo Dei.
- 34 Quot sunt genera compunctionis.
- 35 De Ananio presbytero provincie Thuscia.
- 36 De Maximiano Syracusana civitatis episcopo.
- 37 De Sanctulo presbytero provincie Nursia.
- 38 De visione Redempti Ferentina civitatis episcopi.

B. GREGORII PAPAE DIA- LOGI LIBER TERTIVS.



Dum vicinis valde partibus intèdo, maiorum facta reliqueram, ita ut Paulini miraculum Nolanae vrbis episcopi qui multos, quorum memini, virtute & tempore præcessit, memoriæ defuisse videatur. Sed ad priora nunc redeo, eaque quanta valeo breuitate perstringo. Sicut enim bonorum facta innotescere citius similibus solent, senioribus nostris per iustorum exempla gradientibus, prædicti venerabilis viri celebre nomen innotuit, eiusque opus admirabile ad eorum se instruenda studia tetendit, quorum me necesse fuit grauitati tam certò credere, ac si ea quæ dicerent, meis oculis vidissem.

De sancto Paulino Nolanae vrbis episcopo.

Caput I.

Cum scæuentium Vuandalorum tempore fuisset Italia in Campaniæ partibus depopulata, multique essent de hac terra in Africanam regionem traducti, vir Domini Paulinus cuncta quæ ad episcopi vsum habere potuit, captiuis indigentibusque largitus est. Cumque iam nihil omnino superesset quod petentibus dare potuisset, quodam die quædam vidua aduenit, quæ à regis Vuandalorum genero suum filium

in captiuitatem fuisse ductum perhibuit, atque à viro Dei eius præcium postulauit, si fortè illius Dominus hoc dignaretur accipere, & hunc concederet ad propria remeare. Sed vir Dei magnopere petenti sceminae quid dare potuisset inquirens, nihil apud se aliud nisi se inuenit, petentique sceminae respondit, dicens: Mulier, quod possim dare non habeo, sed metipsum tolle, seruum me iuris tui esse profiteri, atque ut filium tuum recipias, me vice illius in seruitium trade. Quod illa ex ore tanti viri audiens irrisorem potius credidit, quam compassionem. At ille ut erat vir eloquentissimus, atque apertè exterioribus quoque studiis eruditus, dubitanti sceminae citius persuasit ut audita crederet, & pro receptione filij sui in seruitium episcopum tradere non dubitaret. Perrexere igitur utrique ad Africam. Procedente autem regis genero, qui eius filium habebat, vidua rogatura se obtulit, ac prius petiit ut ei filium donare debuisset. Quod cum vir barbarus typo superbiæ turgidus, gaudio transitoria prosperitatis inflatus non solum facere, sed etiam audire despiceret, vidua subiunxit, dicens: Ecce hunc hominem pro eo vicarium præbeo, solummodo pietatem in me exhibe, mihi que vnicum filium redde. Cumque ille venusti vultus hominem conspexisset quam artem nosset inquisiuit. Cui Paulinus vir Dei Paulinus respondit, dicens: Artem quidem aliquam hortulanam nescio, sed hortum bene excolere scio. Quod vir genti-
seesse dixit.

al. grad-

Paulinus
episcopus
omnia sua
captiuis lar-
giebatur.

lis valde libenter accepit, cum in nutriendis oleribus quia peritus esset audiuit. Suscepit itaque seruum, & roganti viduę reddidit filium. Quo accepto, vidua ab Africana regione discessit. Paulinus verò excolendi horti suscepit curam. Cumque idem regis gener crebrò ingrederetur hortum, suumque hortulanum quādam requireret, & sapientem valde hominem videret, amicos cœpit familiares deserere, & sapius cum suo hortulano colloqui, atque eius sermonibus delectari. Cui Paulinus quotidie ad mensam olera, virentēque herbas deferre consueverat, & accepto panē ad curam horti remeare. Cumque hoc diutius agerēt quādam die suo Domino secum secretius loquenti ait: Vide quid agas, & Vandalorum regnum qualiter disponi debeat prouide: quia rex citius & sub omni celeritate est moriturus. Quod ille audiens, quia ab eodem rege præ ceteris diligebatur, ei minimè tacuit, sed quid à suo hortulano, sapienti scilicet viro, agnouisset, indicauit. Quod dum rex audisset, ilico respondit: Ego vellem hunc de quo loqueris hominem videre. Cui gener eius, venerabilis Paulini temporalis Dominus respondit, dicens: Virentes herbas mihi ad prandium deferre consuevit. Has itaque ad mensam eum deportare facio, ut quis sit, qui mihi hæc est locutus, agnoscas. Factumque est. Et dum rex ad prandendum discubuit, Paulinus ex suo opere olera quæque & virentia delaturus aduenit. Cumque hunc rex subito conspexisset intremuit, atque accersito eius Domino sibi per filiam propinquo, ei secretum quod prius absconderat indicauit, dicens: Verum est quod audisti. Nam nocte hac in somnio, sedentes in tribunalibus contra me iudices vidi, inter quos iste etiam simul sedebat, & flagellum quod aliquando acceperam, eorum mihi iudicio tollebat. Sed percussare quisnam sit, nam ego hunc tanti meriti virum, popularem, ut conspicitur, esse non suspicor. Tunc regis gener secreto Paulinum tulit, & quisnam esset inquisiuit. Cui vir Domini respondit: Seruus tuus sum, quem pro filio viduę vicarium suscepisti. Cumque instanter ille requireret ut non quis esset, sed quis in terra sua fuisset indicaret, atque hoc ab eo iteratione frequentis inquisitionis exigeret, vir Domini constrictus magnis coniurationibus, iam non valens negare quid esset, episcopum se fuisse testatus est. Quod possessor eius audiens valde pertimuit, atque humiliter obtulit, dicens: Pete quod vis, quatenus ad terram tuam à me cum magno munere reuertaris. Cui vir Domini Paulinus ait: Vnum est quod mihi impendere beneficium potes, ut omnes ciuitatis meę captiuos relaxes. Qui cuncti protinus in Africana regione requisiti, cum onustis frumento nauibus pro venerandi viri Paulini satisfactione in eius comitatu laxati sunt. Post non multos verò dies Vandalorum rex occubuit, & flagellum quod ad suam perniciem dispensante Deo, pro fidelium disciplina tenuerat, amisit. Sicque factum est, ut omnipotentis Dei famulus Paulinus vera prædiceret, & qui se in seruitium solum tradiderat, cum multis à seruitio ad libertatem rediret illum videlicet imitatus, qui formam serui assumpsit, ne nos essemus serui peccati. Cuius sequens vestigia Paulinus ad tempus voluntariē seruus factus est solus, ut esset postmodum liber cum multis.

Petrus.

Dum me audire contingit quod imitari non valeo, flere magis libet quàm aliquid dicere.

Gregorius.

De cuius etiam morte apud eius Ecclesiam scriptum est: quia cum dolore esset lateris tactus, ad extrema perductus est. Dumque eius omnis domus in sua soliditate persistebat, cubiculum in quo iacebat æger, facto terræmotu contremuit, omnesque qui illic aderant, nimio terrore concussit, sicque sancta illa anima carne soluta est. Factumque est ut magnus pauor inuaderet eos, qui Paulini mortem videre potuissent. Sed quia hæc quam superius dixi, Paulini virtus valde est intimata, nunc si placet ad miracula exteriora veniamus, quæ & multis iam nota sunt, & ego tam religiosorum virorum relatione didici, ut de his omnimodo ambigere non possim.

De sancto Ioanne papa.

Caput II.

Gothorum tempore cum Ioannes vir beatissimus huius Romanæ Ecclesiæ pontifex ad Iustinianum seniore, principem pergeret, in Corinthi partibus aduenit, cui necesse

fuit, ut in itinere ad sedendum equus requiri debuisset. Quod illic quidam vir nobilis audiēs equum, quem pro magna mansuetudine eius coniunx sedere consueverat, ita ei obtulit, ut eo ad loca alia pertinente cum alius equus potuisset inueniri, deberet ille quem dederat, propter suam coniugem retransmitti. Factumque est, & usque ad certum locum prædictus vir equo eodem subuehente perductus est. Qui mox ut alium reperit, illum quem acceperat, retransmisit. Cumque eum prædicti nobilis viri coniunx sedere ex more voluisset, ultra non valuit, quia post sessionem tanti pontificis mulierem ferre recusauit. Cœpit nanque immenso flatu & fremitu atque incessanti totius corporis motu quasi despiciendo prodere, quia post mēbra pontificis mulierem ferre non posset. Quod vir eius prudenter intuitus, hunc ad eundem venerabilem virum protinus remisit, magnis precibus petens ut equum ipse possideret, quem iuri suo sedendo dedicasset. De quo etiam illud mirabile à nostris senioribus narrari solet, quod in Constantinopolitana vrbe ad portam, quæ vocatur aurea, veniens, populorum turbis sibi occurrentibus, in cōspectu omnium roganti cæco lumen reddidit, & manu superposita oculorum tenebras fugauit.

De sancto Agapito papa.

Caput III.

Post non multum verò temporis exigente causa Gothorum, vir quoque beatissimus Agapitus huius sanctæ Romanæ Ecclesiæ pontifex, cui Deo dispensante deseruio, ad Iustinianum principem accessit. Cui adhuc pergenti quadam die in Græciarum iam partibus curandus oblatu est mutus & claudus, qui neque vlla verba edere, neque ex terra vnam surgere valebat. Cumque hunc propinqui illius flentes obtulissent, vir Domini sollicitè requisivit, an curationis illius haberent fidem. Cui dum in virtute Dei ex autoritate Petri, fixam salutis illius spem habere se dicerent, protinus venerandus vir orationi incubuit, & Missarum solennia exorsus, sacrificium in conspectu Dei omnipotentis immolauit. Quod peracto, ab altari exiens claudi manum tenuit, atque assistente & aspiciente populoneum mox à terra in propriis gressibus erexit. Cumque ei dominicum corpus in os mitteret, illa diu muta, ad loquendum lingua soluta est. Mirati omnes, flere præ gaudio cœperunt, eorumque mentes ilico metus & reuerentia inuasit, cum videlicet cernerent quid Agapitus facere in virtute Domini ex adiutorio Petri potuisset.

De Datio Mediolanensi episcopo.

Caput IIII.

Eiusdem quoque principis tempore cum Datus Mediolanensis vrbis episcopus causa fidei exactus ad Constantinopolitanam urbem pergeret, Corinthum deuenit. Qui dum largam domum ad hospitandum quæreret, quæ comitatum illius totum ferre potuisset, & vix inueniret, aspexit eminus domum congruentis magnitudinis, eamque sibi præparari ad hospitandum iussit. Cumque eiusdem loci incolæ dicerent in ea hunc manere non posse, quia multis iam annis hanc diabolus inhabitaret, atque ideò vacua remansisset, vir venerabilis Datus respondit dicens: Immo ideo hospitari in domo eadem debemus, si hanc spiritus malignus inuasit, & ab ea hominum habitationem repulit. In ea igitur sibi lectum parari præcepit, securusque illam, antiqui hostis certamina toleraturus, intrauit. Itaque intempesta noctis silentio cum vir Dei quiesceret, antiquus hostis immensis vocibus, magnisque clamoribus cœpit imitari rugitus leonum, balatus pecorum, ruditus asinorum, sibilos serpentium, porcorum grunnitus, stridores foricum. Tunc repente Datus tot bestiarum vocibus excitatus surrexit, vehementer iratus, & contra antiquum hostem magnis cœpit vocibus clamare, dicens: Bene tibi contigit miser, tu ille es qui dixisti: Ponam sedem meam ad Aquilonem, & ero similis Altissimo: Ecce per superbiam tuam, porcis & foricibus similis factus es: & qui imitari Deum indignè voluisti, ecce, ut dignus es, bestias imitaris. Ad quam eius vocem, ut ita dicam, deiectionem suam malignus spiritus erubuit. An non erubuit, qui eandem domum ad exhibenda monstra quæ consueverat, ulterius non intrauit: Sicque postmodum fidelium habitaculum facta est, quia dum eam vnus veraciter fidelis ingressus est, ab ea protinus mendax spiritus atque infidelis abscessit. Sed oportet iam, ut priora taceamus, ad ea quæ diebus nostris sunt gesta, veniendum est.

De Sabino

Paulinus prædixit regem Vandalorum statim moriturum.

Paulinus cum omnibus suis ciuibus captiuis Nolam reuersus.

Paulini cubiculum in morte domo consistente, terræmotu remuit.

Equus, qui Ioannem papam portauit, mulierē amplius ferre noluit.

Ioannes papa cæcum illuminauit.

Agapitus claudum & mutum curauit.

Datus episcopus diabolum alloquentem.

De Sabino Camisina civitatis episcopo.

Caput V.

Quidam enim religiosi viri Apuliæ provinciæ partibus cogniti, hoc quod apud multorum notitiam longè latè- que percrebuit, de Sabino Canusina vrbis episcopo testari solent: quia idem vir longo iam senio oculorum lumen amiserat, ita vt omnimodo nil videret. Quem rex Gothorum Totila prophetiæ habere spiritum audiens minimè credidit, sed probare studuit quod audiuit. Qui cùm in hisdem partibus deuenisset, hunc vir Domini ad prandium rogauit. Cùm- que iam ventum esset ad mensam, rex discumbere noluit, sed ad Sabini venerabilis viri dexteram sedit. Cùm verò eidem patri puer ex more poculum vini præberet, rex sflenter manum tetendit, calicem abstulit, eumque per se episcopo vice pueri præbuit, vt videret an spiritu providente discerneret quis ei poculum præberet. Tunc vir Dei accipiens calicem, sed tamen ministrum non videns, dixit: Viuat ipsa manus. De quo verbo rex lætatus erubuit: quia quanuis ipse depre- hensus sit, in viro tamen Dei quod quærebat inuenit. Huius autem venerabilis viri cùm ad exemplum vitæ sequentium in longum senium vita traheretur, eius archidiaconus ambi- tionē adipiscendi episcopatus accensus, eum extinguere ve- neno molitus est. Qui cùm vini fusoris animum corrupisset, vt mixtum vino, veneni ei poculum præberet, refectionis hora cùm iam vir Dei ad edendum discumberet, ei præmiis corruptus puer hoc quod ab archidiacono eius acceperat, veneni poculum obtulit. Cui statim venerabilis episcopus di- xit: Bibe tu hoc quod mihi bibendum præbes. Tremefactus puer deprehensum se esse sentiens, maluit moriturus bibere, quam pœnas pro illa tanti homicidij culpa tolerare. Cùmque sibi ad os calicem duceret, vir Domini compescuit, dicens: Non bibas, da mihi, ego bibo, sed vade dic ei qui tibi illud dedit: Ego quidem venenum bibo, sed tu episcopus non eris. Facto igitur signo crucis venenum episcopus bibit securus. Eademque hora in loco alio in quo erat archidiaconus eius, defunctus est, ac si per os episcopi ad archidiaconi viscera illa venena transissent. Cui tamen ad inferendam mortem vene- num quidem corporale defuit, sed hunc in conspectu æterni iudicis venenum suæ malitiæ occidit.

Petrus:

Mira sunt hæc, & nostris valde stupenda temporibus, sed talis eiusdem viri vita perhibetur, vt qui conuersatio- nem eius agnouerit, virtutem non debeat mirari.

De Cassio Narniensis civitatis episcopo. Caput VI.

Gregorius:

Neque hoc Petre sileam, quod multi nunc qui hîc de Nar- niensi ciuitate assunt, mihi sedulo testificantur. Eodem nanque Gothorum tempore cùm præfatus rex Totila Nar- nis venisset, ei vir vitæ venerabilis Cassius eiusdem vrbis epi- scopus occurrit. Cui quia ex conspersione semper facies ru- bere consueuerat, hoc rex Totila non conspersionis esse cre- didit, sed assidua potationis, eumque omnimodo despexit. Sed omnipotens Deus vt quantus vir esset qui despicieba- tur ostenderet, in Narniensi campo quo rex aduenerat, mali- gnus spiritus coram omni exercitu eius spatium inuasit, eumque vexare crudeliter cœpit. Qui cùm ante regis oculos ad venerandum virum Cassium fuisset adductus, hunc ab eo vir Domini oratione facta signo crucis expulit, qui in eum ingredi vltius non præsumpsit. Sicque factum est vt rex barbarus seruum Dei ab illo iam die veneraretur ex corde, quem despectum valde iudicauit ex facie. Nam quia virum tantæ virtutis vidit, erga illum illa mens effera ab elationis fa- stu decumuit.

De Andrea Fundana civitatis episcopo.

Caput VII.

Sed ecce dum facta fortium virorum narro, repête ad me- moriam venit quid erga Andream Fundanæ civitatis epi- scopum diuina misericordia fecerit. Quod tamen ad hoc le- gentibus vt valeat exopto, quatenus qui corpus suum conti- nentiæ dedicant, habitare cum sceminis non præsumât, ne rui- na mentē tantò repentina surripiat, quantò ad hoc quod malè concupiscitur, etiam præsentia concupitæ formæ famulatur. Nec res est dubia quam narro: quia penè tanti in ea testes sunt,

quantum & eiusdem loci habitatores existunt. Hic nanque ve- nerabilis vir cùm vitam multis plenam virtutibus duceret, se- que sub sacerdotali custodia in continentia arce custodiret, quandam sanctimoniam sceminam quam secum prius ha- buerat, noluit ab episcopij sui cura repellere, sed certus de sua eiúsque continentia, secum hanc permisit habitare. Ex qua re actum est vt antiquus hostis apud eius animum aditum ten- tationis exquireret. Nam cœpit speciem illius oculis mentis eius imprimere, vt illectus nefanda cogitaret. Quadam verò die Iudæus quidem ex Campaniæ partibus Romam veniens Appiæ carpebat iter, qui ad Fundanum cliuum perueniens, cùm iam diem vesperscere cerneret, & quò declinare posset, minimè reperiret, iuxta Apollinis templum fuit, ibique se ad manendum contulit. Qui ipsum loci illius sacrilegium perti- mescens, quamuis fidem crucis minimè haberet, signo tamen se crucis munire curauit. Nocte autem media ipso solitudinis pauore turbatus peruigil iacebat, & repente conspiciens vidit malignorum spirituum turbam quasi in obsequium cuiusdā potestatis præire, eum verò qui cæteris præerat, in eiusdem gremio loci cōsedisse: qui cœpit singulorum spirituum obse- quentium sibi causas actūsque discutere, quatenus vnusquis- que quantū nequitia gessisset inueniret: Cumque singuli spi- ritus ad inquisitionem eius exponerent quid operati contra bonos fuissent, vnus in medium prosiliit, qui in Andream epi- scopi animum per speciem sanctimonialis sceminæ quæ in epi- scopio eius habitabat, quantam tentationem carnis commo- uisset, aperuit. Cùm verò hoc malignus qui præerat spiritus inhianter audiret, & tantò sibi factum lucrum grande crede- ret, quantò sanctioris viri animā ad lapsum perditionis incli- naret, ille spiritus qui hæc eadem fatebatur, adiunxit: quia vs- que ad hoc quoque die præterito vespertina hora eius men- tem traxerit, vt in terga eiusdem sanctimonialis sceminæ blā- diens alapam daret. Tunc malignus spiritus atque humani ge- neris antiquus inimicus exhortatus hunc blādē est vt perfec- ret quod cœpisset, quatenus ruinæ illius singularem inter cæ- teros palmam teneret. Cumq; Iudæus qui aduenerat, hoc vi- gilans cerneret, & magnæ formidinis anxietate palpitaret, ab eodem spiritu qui cunctis illic obsequentibus præerat, iussu est vt requirerent quisnam esset ille qui iacere in templo eo- dem præsumpisset. Quem maligni spiritus pergentes & sub- tilius intuentes, crucis mysterio signatum viderunt, mirantē- que dixerunt: Væ, væ: vas vacuum & signatū. Quibus hoc re- nunciantibus cuncta illa malignorum spirituum turba dispa- ruit. Iudæus verò qui hæc viderat, ilico surrexit, atque ad epi- scopum sub festinatione peruenit. Quem in Ecclesia sua repe- riens, seorsum tulit, qua tentatione vrgeretur, inquisiuit. Cui confiteri episcopus tentationem suam verecundatus noluit. Cùm verò ille diceret, quòd in illa tali Dei famula prauis amoris oculos inieciisset, atque adhuc episcopus negaret, adiunxit, dicens: Quare negas quod inquireris, qui ad hoc vsque vespere hesterno perductus es, vt posteriora illius alapa ferires? Ad quæ nimirum verba deprehensum se episcopus intuens, hu- militer confessus est quod prius pertinaciter negauit. Cuius ruinæ & verecundiæ idem Iudæus cōsulens, qualiter hoc co- gnouisset, vel quæ in conuentu malignorum spirituum de eo audiuiisset indicauit. Quod ille agnoscens, se ad terram protinus in orationē dedit. Moxque de suo habitaculo non solum eandem Dei famulam, sed omnem quoque sceminam quæ in eius illic obsequio habitabat expulit. In eodē verò templo A- pollinis, beati Andream Apostoli repête oratorium fecit, atque omni illa tentatione carnis funditis caruit. Iudæum verò cu- ius visione atque increpatione saluatus est, ad æternam salutē traxit. Nam sacramentis fidei imbutum, atque aqua baptisma- tis emundatum, ad sanctæ Ecclesiæ gremiū perduxit. Sicque factum est vt Hebræus idem dum salutem alienæ consulit, per- ueniret ad suam, & omnipotens deus inde alterum ad bonam vitam perduceret, vnde in bona vita alterum custodisset.

Petrus:

Res hæc gesta quam audiui, & metum mihi præbet, & spē.

Gregorius:

Vtique sic oportet & de Dei nos semper miseratione cō- fidere, & de nostra infirmitate formidare. Ecce enim pa- radisi cedrum concussam audiui & non euulsam, quate-

[Cōgregatio
scu concio
demonum.]Spiritus
malignus
inter cate-
ros palmā.
nactus.Dicitur dia-
bolorum de
Iudæo signa-
to cruce.Andreas
episcopus
abdicat mu-
lieres à se.Iudæus bap-
tizatur.Sabini e-
piscopus
prophetia
spiritū ha-
buit.Sabini ar-
chidiaconus
extinguere
voluit.Sabini ve-
nenum bibit,
quo is obiit
qui darsi fe-
cit.Cassius epi-
scopus spi-
rituum ob-
sessum libe-
rauit.Denotā cum
mulieribus
habitare
nō debent.

nus infirmis nobis & de eius concussione nascatur timor, & de eius stabilitate fiducia.

De Constantio Aquina ciuitatis episcopo.

Caput VIII.

Constantius Ir quoque venerabilis vitæ Constantius Aquinæ ciuitatis
Prophecia episcopus fuit, qui nuper prædecessoris mei tempore
spiritum ha- beatæ memoriæ Ioannis papæ defunctus est. Hunc Prophe-
buit. tiæ habuisse spiritum multi testantur, qui eum familiariter sci-
Constantij re potuerunt. Cuius inter multa hoc ferunt religiosi veracēs-
responsum i que viri, qui præsentēs fuerunt, quod in die obitus sui cum à
eius obitu. circumstantibus ciuibus, vtpote discessurus pater tam amabi-
lis amarissimè plangeretur, eum flendo requisierunt, dicen-
tes: Quem post te patrem habebimus? Quibus ipse pater per
prophetiæ spiritum respondit, dicens: Post Constantium, mu-
lionem, post mulionem, fullonem. O tu Aquina, & hos habes.
Quibus prophetiæ verbis editis, vitæ spiritum exhalauit extremum.
Quo defuncto eius Ecclesiæ pastorem suscepit curam Andreas diaconus illius, qui quondam in stabulis itine-
rum, cursum seruauerat equorum. Atque hoc ex hac vita subducto, ad episcopatus ordinem Iouinus accersitus est, qui in eadem ciuitate fullo fuerat. Quo adhuc superstite ita cuncti inhabitatores ciuitatis illius & barbarorum gladiis & pestilentiæ immanitate vastati sunt, vt post mortem illius nec quis episcopus fieret, nec quibus fieret inueniri potuisset. Sic itaq; completa est viri Dei sententia: quatenus post decessum duorum se sequentiū eius Ecclesiæ pastorē minimè haberet.

De Frigidiano Lunensis ciuitatis episcopo.

Caput IX.

Frigidiano Sed neque hoc fileam quod narrante viro venerabili Ve-
Episcopus nantio Lunensi episcopo me ante biduum contigit agnouisse.
fluminis ora Lucanæ namque Ecclesiæ sibi met propinquæ fuisse
tione sua à miræ virtutis virum Frigidianum nomine narrauit episco-
proprio al- pum, cuius hoc opinatissimum à cunctis illic habitantibus tes-
ueo diuer- tatur memorari miraculum, quod Auferis fluius, qui iuxta
tit. illius vrbis muros influebat, sæpe inundatione facta cursus sui alueum egressus, per agros diffundi consueuerat, & quæcun-
que fata & plantata repererat euertebat. Cumque hoc crebrò fieret, & magna eiusdem loci incolæ necessitas vrgeret: dato studio operis eum per loca alia deriuare conati sunt. Sed quāuis diutius laboratum fuisset, à proprio alueo despecti non potuit. Tunc vir Domini Frigidianus rastrum sibi paruulum fecit, ad alueum fluminis accessit, & solus orationi incubuit: atque eidem flumini præcipiens vt sequeretur, per loca, quæque ei visa sunt, rastrum per terram traxit. Quem relicto alueo proprio tota fluminis aqua secuta est, ita vt funditus locum consueti cursus desereret, & ibi sibi alueum vbi tracto per terram rastro vir Domini signum fecerat, vendicaret: & quæque essent alimentis hominum profutura fata vel plantata, vltra non læderet.

De Sabino episcopo Placentino.

Caput X.

Sabini mā- Huius quoque venerabilis viri Venantij Episcopi aliud
dato Padus miraculum relatione cognoui, quod in Placentina vrbe
inundās i- perhibet gestum, quod vir quoque Dei veracissimus Ioan-
tra suū al- nes in hac modò Romana ciuitate locum præfectorum ser-
ueum sese re uans, qui in eadem Placentina vrbe est ortus & nutritus, ita
traxit. vt Episcopus memorat, quia gestum fuerit attestatur. In ea nanque ciuitate Sabinum nomine fuisse asserunt miræ virtutis episcopum. Cui dum die quadam suus diaconus nunciasset, quod cursus sui Padus alueum egressus Ecclesiæ agros occupasset, totaque illic loca nutriendis seminibus profutura, aqua eiusdem fluminis teneret, venerabilis vitæ Sabinus episcopus respondit, dicens: Vade, & dic eis: Mandat tibi episcopus vt te cōpescas, & ad proprium alueum redeas. Quod diaconus eius audiens, despexit & iirrisit. Tunc vir Dei accersito notario dictauit, dicens: Sabinus Domini Iesu Christi seruus commonitorium Pado: Præcipio tibi in nomine Iesu Christi Domini nostri, vt de alueo tuo in locis istis vltius non exeas, nec terras Ecclesiæ lædere præsumas. Atque eidem notario subiungit, dicens: Vade hoc scribe, & in aquam eiusdem fluminis proiice. Quo facto sancti viri præceptum suscipiens, statim se à terris Ecclesiæ fluminis aqua compe-
scuit, atque ad proprium alueum reuerfa, exire vltius in loca eadem non præsumpsit. Qua in re Petre quid aliud quàm

inobedientium hominum duritia confunditur, quando in virtute Iesu & elementum irrationabile sancti viri præceptis obediuit?

De Cerbonio Populonij episcopo.

Caput XI.

Totila rex Ir quoque vitæ venerabilis Cerbonius, Populonij epis-
Cerbonium copus magnam diebus nostris sanctitatis suæ probatio-
vrssis dila- nem dedit. Nam cum hospitalitatis studio valde esset inten-
niandū ex- tus, die quadam transeuntes milites hospitio suscepit, quos
posuit. Gotthis superuenientibus abscondit, eorumque vitam ab il-
vrssus pedes lorum nequitia abscondendo seruauit. Quod dum Gottho-
episcopi lam rum regi perfido Totilæ nunciatum fuisset, crudelitatis im-
bebat. manissimæ vrsania succēsus, hunc ad locū qui ab octauo hu-
ius vrbis miliario Merulis dicitur, vbi tunc ipse cum exercitu sedebat, iussit deduci: cumque in spectaculo populi vrsis ad deuorandum proici. Cumque idem rex perfidus in ipso quoque spectaculo confedisset ad inspiciendam mortem episcopi, magna populi turba confluxit. Tunc episcopus deductus in medium est, atque ad eius mortem immanissimus vrsus ex-
quisitus, qui dum humana membra crudeliter carperet, sæui regis animum satietaret. Dimissus itaque vrsus ex cauea est, qui accensus & concitus episcopum petiit, sed subitò suæ ferocitatis oblitus, deflexa ceruice, submissòque humiliter capite, lambere episcopi pedes cœpit, vt patenter omnibus daretur intelligi, quia erga illum virum Dei & ferina corda essent hominum, & quasi humana bestiarum. Tūc populus qui ad spectaculum venerat mortis, magno clamore vrsus est in admirationem venerationis. Tunc ad eius reuerentiam colendam rex ipse permotus est. Quippe cum quo superno iudicio actum erat, vt qui Deum sequi prius in custodienda vita episcopi noluit, saltem ad mansuetudinem bestiam sequeretur. Cui rei hi qui tunc præsentēs fuerunt, adhuc nonnulli supersunt, eamque cum omni illic populo se vidisse testantur. De quo etiam viro aliud quoque miraculum Venantio Lunensi episcopo narrante cognoui. In ea nanque Populonij Ecclesia cui præerat, sepulchrum sibi præparauit. Sed cum Longobardorum gens in Italiam veniens cuncta vastasset, ad Helbam insulam recessit. Qui ingruente ægritudine ad mortem veniens clericis suis sibi que obsequentibus præcepit, dicens: In sepulchro meo quod mihi præparauit Populonij, me ponite. Cui illi cum dicerent: Corpus tuum illuc qualiter reducere possumus, qui à Longobardis teneri loca eadem, & vbique eos illic discurrere scimus? Ipse respondit: Reducite me securi, nolite metuere, sed festinè sepelire me curate: moxque vt sepultum fuerit corpus meum, ex eodem loco sub omni festinatione recedite. Defuncti igitur corpus imposuerunt nauui. Cumque Populonium tenderent, collectis in aëre nubi-
bus immensa nimis pluuia erupit. Sed vt patesceret omnibus cuius viri corpus nauis illa portaret, per illud maris spatium quod ab Helba insula vsque Populonium xij. milibus distat, circa vtraque nauis latera procellosa valde pluuia descendit, & in nauem eandem vna pluiæ gutta non cecidit. Peruen-
runt itaq; ad locum clerici, & sepulturæ tradiderunt corpus sacerdotis sui. Cuius præcepta seruantes, ad nauem sub festinatione reuersi sunt. Quam mox vt intrare potuerunt, in eundem locum vbi vir Domini sepultus fuerat, Longobardorum dux crudelissimus Gummar aduenit. Ex cuius aduentu virum Dei habuisse spiritum prophetiæ clauit, quia ministros suos à sepulturæ suæ loco sub festinatione discedere præcepit.

De Fulgentio Vtriculano episcopo.

Caput XII.

In nauem Hoc verò quod de diuisa pluuia factum narraui miracu-
non pluit, in lum, etiam in alterius episcopi veneratione monstratum
qua corpus est. Nam quidam clericus senex, qui adhuc superest, eidem
Cerbonij re rei præstò se fuisse testatur dicens: Fulgentius episcopus qui
bebat. Vtriculensi Ecclesiæ præerat, regem crudelissimum Totilam insensum omnimodo habebat. Cumque ad easdem partes cum exercitu propinquasset, curæ fuit episcopo per clericos suos xenia ei transmittere, eiusque furoris infaniam, si posset muneribus mitigare. Quæ ille vt vidit, protinus spreuit, atque iratus suis hominibus iussit, vt eundem episcopum sub omni asperitate constringerent, eumque eius examini seruarent. Quem dum feroces Gotthi, ministri scilicet crudelitatis illius, tenuissent, circumdantes eum vno in loco stare præceperunt.

In nauem

non pluit, in

qua corpus

Cerbonij re

bebat.

Gummar dux.

Fulgentius

Episcopus

regi Totila

xenia misit.

perunt esque in terra circulum designauerunt, extra quem pedem tēdere nullo modo auderet. Cūque vir Dei in sole nīmo aestuaret, ab eisdem Gothis circumdatus, & designatione circuli inclusus, repente coruscationes & tonitrua, & tanta vis pluuiæ erupit, vt hi qui eum custodiendum acceperant, im-
*Intra circulum Fulgē-
tij nō pluuit.* mensitatem pluuiæ ferre non possent. Et dum magna nimis inundatio fieret, intra eandem designationem circuli in qua vir Domini Fulgentius stetit, ne vna quidem pluuiæ gutta descendit. Quod dum regi crudelissimo nuntiatum esset, illa mens effera ad magnam eius reuerentiam versa est, cuius pœnam prius insatiabili furore sitiebat. Sic omnipotens Deus contra elatas carnalium mentes potentia suæ miracula per despectos operatur, vt qui superbē contra præcepta veritatis se eleuant, eorum ceruicem veritas per humiles premat.

De Herculano Perusino episcopo.

Caput XIII.

NVper quoque Floridus venerabilis vir vitæ episcopus narrauit quoddam memorabile valde miraculū dicens: Vir sanctissimus Herculanus nutritor meus, Perusina ciuitatis episcopus fuit, ex cōuersatione monasterij ad sacerdotalis ordinis gratiam deductus. Totilæ autem perfidi regis temporibus eandem urbem annis vij. continuis Gothorum exercitus obsedit, ex qua multi ciuium fugerunt, qui famis periculū ferre non poterant. Anno verò vij. nondum finito obsessam urbem Gothorum exercitus intrauit. Tunc comes qui eidem exercitui præerat, ad regem Totilam nuncios misit, exquirens quid de episcopo vel populo fieri iuberet. Cui ille præcepit, dicens: Episcopo prius à vertice capitis vsque ad calcaneum, corrigiam tolle, & tunc caput eius amputa: omnem verò populum qui illic inuentus est, gladio extingue. Tunc idē comes venerabilem virum Herculanum episcopum super urbis murum deductum, capite truncauit, eiusque cutem iam mortui à vertice vsque calcaneum incidit, vt ex eius corpore corrigia sublata videretur. Moxque corpus illius extra murum proiecit. Tunc quidam humanitatis pietate compulsi, abscissum caput ceruici apponentes, cum vno paruulo infante qui illic extinctus inuentus est iuxta murum, corpus episcopi sepulturæ tradiderunt. Cūque post eandem cædem die xl. rex Totila iussisset, vt ciues urbis illius qui quolibet dispersi essent, ad eam sine aliqua trepidatione remearent, hi qui prius fame fugerant, viuendi licentia accepta reuersi sunt. Sed ciues vitæ eorum episcopi fuerant memores, vbi sepultum esset corpus illius quæserunt, vt hoc iuxta honorem debitum in Ecclesia beati Petri Apostoli humarent. Cūque itum esset ad sepulchrum, effossa terra inuenerunt corpus pueri pariter humati, vtpote iam die xl. tabe corruptum & vermicibus plenum, corpus verò episcopi, ac si die eodem esset sepultum. Et quod est adhuc magna admiratione venerandum, quia ita caput eius vnitum fuerat corpori, ac si nequaquam fuisset abscissum, sic videlicet vt nulla vestigia sectionis apparent. Cūque hoc & in terga verterent exquirentes si quod signum vel de alia monstrari incisione potuisset, ita sanum atque intemeratum omne corpus inuentum est, ac si nulla hoc incisio ferri tetigisset.

Petrus:

QVis non obstupefcat talia signa mortuorum quæ fiunt pro excitatione viuentum?

De Isaac seruo Dei. Caput XIII.

Gregorius:

PRrioribus quoque Gothorum temporibus fuit iuxta Spoletanam urbem vir vitæ venerabilis Isaac nomine, qui vsque ad extrema penè Gothorum tempora peruenit, quem nostrorum multi nouerunt, & maxime sacra virgo Gregoria, quæ nunc in hac Romana vrbe iuxta Ecclesiam beatæ Mariæ semper virginis habitat. Quæ dum adolescentiæ suæ tempore constitutis iam nuptiis in Ecclesiam fugisset, & sanctimonialis vitæ conuersationem quæreret, ab eodem viro defensa, atque ad eum quem desiderabat habitum Domino protegente perducta est. Quæ quia sponsum fugit in terra, habere sponsum meruit in cælo. Multa autem de eodem viro narrante venerabili patre Eleutherio agnoui, qui & hunc familiariter nouerat, & eius verbis vita fidem præbebat. Hic itaque venerabilis Isaac ortus ex Italia non fuit, sed ea illius narro

Amiracula quæ conuersatus in Italia fecit. Cū primum de Syria partibus ad Spoletanam urbem venisset, ingressus Ecclesiam à custodibus petiit, vt sibi quantum vellet licentia concederetur orandi, eūque horis secretioribus egredi non vngerent. Qui mox ad orandum stetit, diēque totum peregit in oratione, cui sequentem continuauit & noctem. Secundo etiam die cum nocte subsequenti indefessus in precibus perstitit, diē quoque tertium in oratione coniunxit. Cūque hoc vnus ex custodibus superbiæ spiritu inflatus cerneret, vnde proficere debuit, inde ad defectus damna peruenit. Nam hunc simulatorem dicere, & verbo rustico cœpit impostorem clamare, qui se tribus diebus & noctibus orare ante oculos hominum demonstraret. Qui protinus currens virum Dei alapa percussit, vt quasi religiosæ vitæ simulator esset, de Ecclesia cum contumelia exiret. Sed hunc repente ultor spiritus inuasit, & ad viri Dei vestigia strauit, ac per os illius clamare cœpit: Isaac me eiicit, Isaac me eiicit. Vir quippe peregrinus quo censeretur nomine nesciebatur, sed eius nomen ille spiritus prodidit, qui se ab illo posse eiici clamauit. Mox autem super vexat corpus viri Dei incubuit, & malignus spiritus qui eum inuaserat abscessit. In tota vrbe tūc statim quid in Ecclesia factum fuisset innotuit. Currere viri & foeminae nobiles atque ignobiles pariter cœperunt, certatimque eum in suis rapere domibus conabatur. Alij ad construedum monasterium prædia, alij pecunias, alij subsidia quæque poterant offerre viro Dei suppliciter volebant. Sed seruus omnipotentis Domini horum nihil accipiens, egressus urbem non longè desertum locum reperit, ibique sibi humile habitaculum construxit. Ad quem dum multi pergunt, exemplo illius æternæ vitæ accendi desiderio cœperunt, atque sub eius magisterio in omnipotentis se Domini seruitium dederunt. Cūque ei crebrò discipuli humiliter imminerent, vt pro vsu monasterij possessiones quæ offerebantur acciperet, ille sollicitus suæ paupertatis, custos fortem sententiam tenebat, dicens: Monachus qui in terra possessiones quærit, monachus non est. Sic quippe metuebat paupertatis suæ securitatem perdere, sicut auari diuites solent perituras diuitias custodire. Ibi itaque prophetiæ spiritus magnisque miraculis cunctis longè lateque habitantibus vita eius inclaruit. Nam die quadam ad vespertum in horto monasterij fecit iactari ferramenta, quæ vsitato nos nomine, vangas vocamus. Dixit itaque discipulis suis: Tot vangas in horto proiicite, & citius redite. Noctē verò eadem dum ex more cum fratribus ad exhibendas laudes Domino surrexisset, præcipit dicens: Ite & operariis nostris pulmentum coquite, vt mane primo paratum sit. Facto autem mane, fecit deferri pulmentum quod parari iusserat, atque hortum cum fratribus ingressus, quot vangas iactari præceperat, tot in eo laborantes operarios inuenit. Ingressi quippe fures fuerant, sed mutata mente per spiritum apprehenderunt vangas quas inuenerūt, & ab ea hora qua ingressi sunt quousque vir Domini ad eos veniret, cuncta horti illius spatia quæ inculta fuerant, coluerūt. Quibus vir Domini mox vt ingressus est, ait: Gaudete fratres, multum laborastis, iam quiescite. Quibus illico alimenta quæ detulerat, præbuit, eosque post tanti laboris fatigationem refecit. Sufficenter autem refectis, ait: Nolite malum facere, quotiens de horto aliquid vultis, ad horti aditum venite: tranquillè petite, cum benedictione percipite, & à furti prauitate cessate. Quos statim collectis oleribus onustari fecit. Actumque est, vt qui ad hortum notituri venerant, cum laboris sui præmio, & repleti ab eo, & innocui redirent.

ALio quoque tempore accesserunt ad eum peregrini quidam misericordiam postulantes, scissis vestimentis, panis obfisi, ita vt penè nudi viderentur. Cūque ab eo vestimenta peterent, eorum verba vir Domini tacitus audiuit, qui vnum ex discipulis suis protinus silenter vocauit, eique præcipit, dicens: Vade atque in illa sylua in loco tali cauam arborem require, & vestimenta quæ in ea inueneris defer. Cūque discipulus abiisset, arborem sicut iussus fuerat requisit, vestimenta reperit, & latenter detulit magistro. Quæ vir Dei suscipiens, peregrinis nudis atque petentibus ostendit, & præbuit dicens: Venite, quia nudi estis, ecce tollite, & vestite vos. Hæc illi intuentes recognouerunt

*Isaac tribus
diebus noctibusque
continuo orauit.*

*Isaac eiectum
diabolum
ab obsessio.*

*Fures versus
sunt in operarios.*

*Isaac fratrem
de peregrinorum in
spiritu agnouit.*

quæ posuerant, magnoque pudore conferta sunt, & qui fraudulentè vestimenta quærebant aliena, confusi receperunt sua.

Isaac in spiritu furum vidit.
ALio quoque tempore quidam se eius orationibus commendans, sportas duas alimenti ei per puerum transmisit, quarum vnam idem puer surripuit, atque in itinere abscondit: vnam verò ad Dei hominem detulit, & petitionem illius qui se ei per xenium commendauerat enarrauit. Quam vir Domini benigne suscipiens, eundem puerum admonuit, dicens: Gratias agimus, sed vide sportam quam in itinere posuisti, ne incautè tangere præsumas, quia in eam serpens ingressus est. Esto ergo sollicitus ne si tollere incautè volueris, à serpente feriaris. Quibus verbis puer valde confusus, exultauit quidem quod euaserit mortem, sed tristis ad modicum factus est, quia quantis salubrem penam euaserit, tamen pertulit verecundiam suam. Qui reuersus ad sportam, cautè ac sollicitè attendit, sed eam iam sicut vir Dei prædixerat, serpens tenebat. Hic itaque cum virtute abstinentiæ, contemptu rerum transeuntium, Prophetiæ spiritu, orationis intentione esset incomparabiliter præditus, vnum erat quod in eo reprehensibile esse videbatur, quod nonnunquam tanta ei lætitia inerat, vt illis tot virtutibus nisi sciretur esse plenus, nullo modo crederetur.

Petrus.

Quidnam quæso te, quidnam hoc esse dicimus? sponte sibi lætitiae frena laxabat, an tot virtutibus pollens, aliquando ad præfens gaudium etiā rehitens eius animus trahabatur?

Gregorius.

Magna est Petre omnipotentis Dei dispensatio, & plerunque contigit vt quibus maiora bona præstat, quædam minora non tribuat, vt semper eorum animus habeat unde se ipse reprehendat: quatenus dum appetunt perfecti esse, nec possunt, & laborant in hoc quod non acceperunt, nec tamen eleborando prævalent, in his quæ accepta habent, se minimè extollant: sed discant quia ex semetipsis maiora bona non habent, qui in semetipsis vincere parua vitia atque extrema non possunt. Hinc est enim quod perducto Dominus ad terram repromissionis populo, cunctos fortes atque præpotentes aduersarios eius extinguens, Philistæos atque Chanaanæos diutius reseruauit, vt sicut scriptum est: In eis experiretur Israël: quia nonnunquam, vt dictum est, eis etiā quibus magna dona tribuit, parua quædam reprehensibilia relinquit: vt semper habeant cōtra quod bellum gerant, & deuictis magnis hostibus mentem non erigant, quando eos adhuc aduersarij etiam minimi fatigant. Fit itaque vt miro modo vna eademque mens & virtute polleat, & ex infirmitate lassescat, quatenus & ex parte constructa sit, & ex parte se conspiciat esse destructam: vt per bonum quod quærit, & habere non valet, illud fertet humiliter quod habet. Sed quid mirum quod hoc de homine dicimus, quando illa superna regio in ciuibus suis ex parte damna pertulit, & ex parte fortiter stetit, vt electi Angelorum spiritus, dum alios per superbiam cecidisse conspicerent, ipsi tantò robustius, quāto humiliter starent? Illi ergo regionis suæ etiā detrimenta profecerunt, quæ ad æternitatis statum ex parte suæ destructionis est solidius instructa. Sic ergo & in vnaquaque anima agitur, vt in humilitatis custodiam aliquando ad lucra maxima ex minimo damno seruetur.

Petrus.

Placet quod dicis:

De Eutychio & Florentio seruis Dei.

Capit. XV.

Gregorius.

Nequè hoc fileam quod ex regione eadem venerabilis viri Sanctuli presbyteri narratione cognoui, & de cuius verbis ipse non dubitas, quia eius vitam fidemque minimè ignoras.

Eodem quoque tempore in Nursinæ partibus provinciae duo viri in vita atque habitu sanctæ conuersationis habitabant, quorum vnus Eutychius, alter verò Florentius dicebatur. Sed idem Eutychius in spiritali zelo atque in seruire virtutis se exercuerat, multorumque animas ad Deum perducere exhortando satagebat. Florentius verò simplicitati atque orationi deditam ducebat vitam. Non longè autem erat monasterium quod rectoris sui morte erat destitutum, ex quo si-

Ebi monachi eundem Eutychiū præesse voluerunt. Qui eorum precibus acquiescens, multis annis monasterium rexit, discipulorumque animas in studio sanctæ conuersationis exercuit. Ac ne oratorium in quo prius habitauerat, solum remanere potuisset, illic venerabilem virum Florentium reliquit. In quo dum solus habitaret, die quadam sese in orationem dedit, atque ab omnipotenti Domino petiit, vt ei illic ad habitandum aliquod solatium donare dignaretur. Qui mox vt impleuit orationem, oratorium egressus, antefores vrsū reperit stantem. Qui dum ad terram caput deprimeret, nihilque feritatis in suis motibus demonstraret, apertè dabat intelligi quod ad viri Dei obsequium venisset, quod vir quoque Domini protinus agnouit. Et quia in eadem cella quatuor vel quinque pecudes remanserāt quibus omnino deerat qui pasceret & custodiret, eidem vrsū præcepit, dicens: Vade, atque oues has ad pastum eiice, ad horam verò sextam reuertere. Cœpit itaque hoc indefinenter agere. Iniungebatur vrsū cura pastoralis, & quas manducare consueuerat, pascebat oues bestia ieiuna. Cum vir Domini ieiunare volebat ad nonam, præcipiebat vrsū eadem hora cum ouibus reuerti, cum verò nolisset, ad sextam. In omnibus itaque mādatis viri Dei obtemperabat vrsū, vt neq; ad sextam iussus redire, veniret ad nonam, neq; ad nonā iussus redire, veniret ad sextam. Cūq; diu hoc ageretur, cœpit in loco eodē tantæ virtutis fama longè latèque crebrescere. Sed quia antiquus hostis vnde bonos cernit enitescere ad gloriā, inde peruersos per inuidiam rapit ad penam, quatuor viri ex discipulis venerabilis Eutychij vehementer inuidentes, quod eorum magister signa non faceret, & is qui solus ab eo relictus fuerat, tanto hoc miraculo clarus appareret, eundem vrsū insidiantes occiderunt. Cūque hora qua iussus fuerat non rediret, vir Dei Florentius suspectus est redditus, & vsque ad horam vespertinam expectans, affligi cœpit quod is quem ex simplicitate multa fratrem vocare consueuerat, vrsū minimè reuertetetur. Die verò altera perrexit ad agrum, vrsū pariter ouesque quæsiturus, quem occisum reperit. Sed sollicitè inquirens, citius à quibus fuerat occisus inuenit. Tunc sese in lamentum dedit, fratrum malitiam magis quā vrsi mortem deplorans. Quem venerandus vir Eutychius ad se deductum consolari studuit, sed idem vir Domini coram eo doloris magni stimulis accensus, imprecatus est, dicens: Spero in omnipotēti Deo, quia in hac vita ante oculos omnium ex sua malitia vindictam recipiant, qui nihil se lædentem vrsū meum occiderunt. Cuius vocem protinus ultio diuina secuta est. Nam quatuor monachi qui eundem vrsū occiderant, statim elephantino morbo percussi sunt, vt membrīs putrescētibus interirent. Quod factum vir Dei Florentius vehementer expauit, seque ita fratribus maledixisse pertimuit. Omni enim vitæ suæ tempore flebat, quia exauditus fuerat, se crudelem, se in eorum morte clamauit homicidam. Quod idcirco omnipotentem Dominum fecisse credimus, ne vir miræ simplicitatis quantolibet dolore commotus, intorquere vltra præsumeret iaculum maledictionis.

Petrus.

Nunquidnam valde graue esse credimus, si fortasse cuiuslibet exagitante iracundia maledicamus?

Gregorius.

De hoc peccato cur me percunctaris an graue sit, cum Paulus dicat: Neque maledici regnum Dei possidebunt? Pensa itaque quā grauis culpa est quæ separat à regno cœlestis vitæ.

Petrus.

Quid si homo non fortasse ex malitia, sed ex linguæ incuria maledictionis verbum iaculatur in proximum?

Gregorius.

Si apud districtum iudicem Petre otiosus sermo reprehenditur, quanto magis & noxius? Pensa ergo quantum sit damnabilis qui à malitia non vacat, si & ille sermo pœnalis est, qui à bonitate utilitatis vacat.

Petrus.

Assentio.

Gregorius.

Idem vir Dei egitaliud, quod silere non debeo. Cū enim magna eius opinio longè latèque crebresceret, quidam diaconus longè positus ad eum pergere studuit, vt eius se orationibus commendaret. Qui ad eius cellulam veniens, omnem locum

Eutychius monasterium exiit.

Vrsus pastor omnium effectus.

Diabolus bonis inuidiosus subornatus.

Florentius vrsū fratrem vocabat.

Elephantinus morbus.

1. Corint. 6.

Florentius orando serpentes expulit.
nem locum per circuitum inuenit innumeris serpentibus plenum. Cumque vehementer expauisset, clamauit dicens: Serue Dei ora. Erat autem tunc mira serenitas. Egressus verò Florentius, ad cœlū oculos & palmas tetendit, vt illam pestem sicut sciret Dominus auferret. Ad cuius vocem, subito cœlum intonuit, atque idem tonitrus omnes illos qui eundem locum occupauerant serpentes interemit. Quos cum vir Dei Florentius interemptos aspiceret, dixit: Ecce illos occidisti Domine, quis eos hinc leuabit? Moxque ad eius vocem tantæ aues venerunt quanti serpentes occisi fuerant, quæ asportantes singulos, & longius proiicientes, locum habitationis illius mundum à serpentibus omnimodo reddiderunt.

Petrus:

Quid virtutis, quid fuisse meriti dicimus, quod eius orantantum factus est Deus proximus?

Gregorius:

Aues serpentes extulerunt.
Otiosa non sunt loquenda.
Esaiæ 6.
Ibidem.
Prover. 28.
A pud omnipotentis Dei singularem mūditiā, atque eius simplicem naturam multum Petre humani cordis munditia atque simplicitas valet. Hoc ipsum nanque quod eius famulā terrenis actionibus segregati, otiosa loqui nesciunt, & mentem per verba spargere, atque inquinare deuitant, auctoris sui præ cæteris exauditionem impetrant. Cui in quantum est possibile, ipsa puritate ac simplicitate cogitationis, quasi ex quadam iam similitudine concordant. Nos autem turbis popularibus admixti, dum frequenter otiosa, nonnunquam verò etiam, quod est grauius, noxia loquimur, os nostrū omnipotenti Deo tantò longinquū fit, quantò huic mundo proximū. Multum quippe deorsum ducimur, dum locutione continua secularibus admiscemur. Quod bene Esaias postquam regem Dominum exercituū vidit, in semetipso reprehendit, & pœnituit, dicēs: Vā mihi, quia tacui: quia vir pollutus labiis ego sum. Qui cur polluta labia haberet, ostēdit, cum subiunxit: In medio populi polluta labia habētis ego habito. Pollutionem nanque labiorum habere se doluit, sed vnde hāc contraxerit indicauit, cum in medio populi polluta labia habentis se habitare perhibuit. Valde enim difficile est vt lingua secularium mentem non inquinet quā tangit: quia dum plerumque eis ad quādam loquenda condescendimus, paulisper assueti, hanc ipsam locutionem quæ nobis indigna est, etiam delectabiliter tenemus, vt ex ea iam redire non libeat, ad quā velut ex condescensione deducti venimus inuiti. Sicque fit vt ab otiosis ad noxia, à leuioribus ad grauiora verba veniamus, & os nostrum ab omnipotēti Domino tantò iam minus exaudiatur in præce, quantò amplius inquinamur stulta locutione, quia sicut scriptum est: Qui auertit aurem suam ne audiat legem, oratio eius erit execrabilis. Quid ergo mirū, si postulantes tardē à Domino audimur, qui præcipientem Dominum, aut tardē, aut nullo modo audimus? Et quid mirū, si Florentius in prece sua citius est auditus, qui in præceptis suis Dominum citius audiuit?

Petrus:

Nihil est quod responderi valeat apertæ rationi.

Gregorius:

Eutichij tunicā elata, aut pūniā, aut solē adducebat.
Etichius verò qui prædicti Florentij in via Domini socius fuerat, magnus post mortem claruit in virtute signorum. Nam cum multa ciues vrbs illius de eo soleant narrare miracula, illud tamen est præcipuum quod vsque ad hęc Longobardorum tempora omnipotens Deus per vestimentum illius assidue dignabatur operari. Nam quoties pluvia deerat, & æstu nimio terram longa siccitas exurebat, collecti in vnū ciues vrbs illius, eius tunicam leuare, atque in conspectu Domini cum precibus offerre consueuerant. Cum qua dum per agros pergerent exorante repente pluvia tribuebatur, quæ plenē terram satiare potuisset. Ex qua repatuit, eius anima quid virtutis intus, quid meriti haberet, cuius foris ostensa vestis iram conditoris auerteret.

De Marcio monacho de monte Marsico.

Caput XVI.

† al. Martinius.
Nuper quoque in parte Campaniæ vir valde venerabilis duxit, multisque annis in specu angustissimo inclusus fuit, quem multi ex nostris nouerunt, eiusque actibus præsentibus extiterunt. De quo multa ipse & beatæ memoriæ papa Pelagius prædecessore meo, & aliis religiosissimis viris narrantibus

A agnoui. Cuius hoc miraculum primum fuit, quod mox vt se in prædicti montis foramine contulit, & ex petra eadem quæ in semetipsa concaua angustum specum fecerat, aquæ stilla prorupit: quæ & Marcio dei famulo in vsu quotidiano sufficeret, & nec plus adesset, nec necessitati deesset. Qua in re ostendit omnipotens Deus quantam sui famuli curam gereret, cui vetusto miraculo potum in solitudine ex petra duritia ministraret. Sed antiquus hostis humani generis inimicus, eius virtutibus inuidens, hunc vsitata arte pellere ex eo specu molitus est. Nam amicam sibi bestiam, serpētem scilicet ingressus, hunc ab eadem habitatione eiicere facto terrore conatus est. Cæpit etenim serpens in speluncam venire solus cum solo, eoque orante se ante illum sternere, & cum cubante pariter cubare. Sed vir sanctus omnino imperterritus eius ori manum vel pedem extendebat, dicēs: Si licentiam accepisti vt ferias, ego non prohibeo, Cumque hoc continuè per triennium gereretur, die quadam antiquus hostis tanta hac eius fortitudine victus infremuit, seque per deuexum montis latus in præcipitium serpens dedit, omniāque arbuta loci illius flamma ex se exeunte concremauit. Qui in eo quod montis latus omne combustis, cogente omnipotēte Deo monstrare compulsum est, quantæ virtutis fuerat, qui victus abscedebat. Perpende quælo, iste vir Domini in quo montis vertice stetit, qui cum serpente per triennium iacuit securus.

Petrus: Auditū pauco.

Gregorius:

Vir iste venerabilis inclusionis suæ tempore primo decreuerat, vt vltiā mulierem non videret, non quia aspernabatur texum, sed ex cōtemplatione speciei, tentationis incurere metuebat vitium. Quod quādam mulier audiens, audacter ascendit mōtem, atque ad eius specum impudenter prorupit. At ille paulò longius intuens, & venientis ad se mulieris indumenta conspiciens, sese in orationem dedit, in terram faciem depressit, & eousque prostratus iacuit, quo impudens mulier à fenestra cellulæ illius fatigata recederet. Quæ die eodem mox vt de monte descendit, vitam finiuit: vt ex mortis eius sententia daretur intelligi, quia valde omnipotenti Deo displicuit, quod eius famulum ausu improbo contristauit.

Alio quoque tempore dum multi ad hunc religiosā deuotione concurrerent, atque arcta esset semita quæ in deuexu montis latere, ad eius cellulam properantes ducebat, puer paruulus incautē gradiens, ex eodem monte cecidit, & vsque ad vallem corruit, quæ sub monte eodem sita, quasi in profundo conspicitur. In loco quippe eodem tanta mons ipse altitudine excreuit, vt arbuta ingentia quæ ex eadem valle prodeunt, ex monte aspicientibus quasi fruteta esse videātur. Perturbati itaque sunt cuncti qui veniebant, summāque cura quæsitum est sicubi corpus elapsi pueri potuisset inueniri. Quis enim aliud nisi extinctum crederet, quis vel corpus ad terram integrum peruenisse suspicaretur, dum interpositis vbiq; scopulis in partes discerpi potuisset? Sed requisitus puer in valle inuentus est, non solum viuus, sed etiam incolomis. Tunc cunctis patenter innotuit, quod ideo lædi non potuit: quia hunc in casu suo Marcij oratio portauit. In specu verò illius magna desuper rupes eminebat, quæ cum ex parte exigua monti videretur affixa, Marcij cellæ prominens casum suum quotidie, & illius interitum ruitura minabatur. Ad hunc Mascatus illustris vir armentarij nepos cum magna rusticorum multitudine veniens, precabatur vt vir Dei de specu eodem dignaretur exire, quatenus ipse ruituram rupem ex monte potuisset euellere, atque in specu suo Dei famulus iam securus habitaret. Cumque hoc vir Dei nequaquam acquiesceret ei, quod posset vt faceret præcepit, & ipse in cellæ suæ remotiori se parte contulit: si tam ingens moles rueret, dubium non erat quod simul & specum destrueret, & Marcium necaret. Itaque dum ea quæ venerat multitudo conaretur, si posset sine periculo viri Dei ingens illud quod desuper incuberat saxum leuare, cunctis videntibus repente res valde admirabilis contigit, quia moles ipsa quam conabantur euellere, subito ab eisdem laborantibus euulsa, ne speluncæ Marcij tectum tangeret, saltum dedit, & quasi serui Dei læsionem fugiens, longius cecidit. Quod ad iussu omnipoten-

† al. ex petra eadem quæ in semetipsa concaua, in qua sibi in ipse.

Marcij n. i. raculum.

† al. Martini, & deinceps.

Diabolus in specie serpentis de r. cium molestat.

Triennio peractū, hostis victus est.

Marcij statuit nullam mulierē videre.

Puer lapsus in profundā valle reperit est incolumis.

Rupes eundem saltū miraculose sum longius cecidit.

rentis Dei angelico ministerio actum intelligit, qui diuina prouidentia disponi omnia fideliter credit. Hic cum primum se in eundem montem contulit, necdum clauso specu habitans, cathena sibi ferrea pedem ligauit, eamque saxo ex parte altera affixit, ne ei ultra liceret progredi, quam cathenæ eiusdem quantitas tendebatur. Quod vir vitæ venerabilis Benedictus audiens, cuius superius memoriam feci, ei per discipulum suum mandare curauit: Si seruus Dei es, non teneat te cathena ferri, sed cathena Christi. Ad quam vocem Marcius protinus eandem compedem soluit, sed nunquam postmodum solutum tetendit pedem ultra locum qui hunc tenere ligatum consueuerat, atque in tanto se spatio sine cathena coërcuit, in quanto & antea ligatus mansit. Qui dum se postmodum in eiusdem loci specu conclusisset, cepit etiam discipulos habere, qui ab eius specu seorsum habitantes, ad vsum vitæ aquam de puteo haurire consueuerant. Sed funis in quo ad hauriendum aquam situla dependebat, crebro rumpebatur.

Benedictus Marcium à cathena liberauit.

Benedictus ex cathena et coërcitu i ferri solidatur.

Vnde factum est eadem cathenam quam ex pede suo vir Domini soluerat, eius discipuli peterent, eamque funi adiungerent, atque in illam situlam ligarent. Ex quo iam tempore contigit, vt idem funis & quotidie tingeretur aqua, & nunquam rumperebatur. Quia enim cathenam viri Dei funis ille contigit, ipse quoque ad tolerandam aquam, ferri in se fortitudinem traxit.

Petrus.

Facta hæc placent, quia mira: & multum, quia recentia.

De Monacho ex monte Argentario, qui mortuum suscitauit.

Caput XVII.

Gregorius.

Nostis modo temporibus, quidam vir Quadragesimus nomine, Buxentinæ Ecclesiæ subdiaconus fuit, qui ouium suarum gregem pascere in eiusdem Aureliæ partibus solebat. Cuius valde veracis viri narratione res mira innotuit, quæ secretò fuerat gesta. Is nanque vt prædiximus, dum gregis sui in Aurelia curam gereret, in diebus eiusdem vir fuit è môte qui Argentarius vocatur, venerabilis vitæ, qui habitum monachi quem prætendebat specie, moribus explebat. Hic itaque ad Ecclesiam beati Petri Apostolorum principis, ab eodem monte Argentario annis singulis venire consueuerat, atque ad hunc, quem prædixi, Quadragesimum subdiaconum, sicut ipse narrauit, hospitalitatis gratia declinabat. Quadam verò die dum eius hospitium, quod nō longè ab Ecclesia aberat, intrasset, cuiusdam pauperculæ mulieris maritus iuxta defunctus est: quem ex more lotum, vestimentis indutum, & sabbato cōstrictum superueniente vespere sepelire nequiverunt. Igitur iuxta defuncti corpus viduata mulier sedit, quæ in magnis fletibus noctem ducens, cōtinuis lamentorum vocibus satisfacerebatur dolori. Cūque diutius fletet, & flere nullo modo cessaret, vir Dei qui receptus hospitio fuerat, Quadragesimo subdiacono compunctus ait: Dolori huius mulieris anima mea compatitur, rogo surge, & oremus. Perrexerunt igitur vtrique ad vicinam Ecclesiam, seseque pariter in orationem dederunt. Cūque diutius orassent, complere orationem Quadragesimus subdiaconum seruus Dei petiit. Qua completa ab altaris crepidine puluerem collegit, atque cum eodem Quadragesimo ad defuncti corpus accessit seseque ibidem in orationem dedit. Cūque diutius orasset, iam non sicut prius fecerat, orationem compleri per subdiaconum voluit, sed ipse benedictionem dedit, statimque surrexit. Et quia manu dextera collectum puluerem gestabat, sinistra pallium

Quadragesimus subdiaconus.

Vir quidam Monachus cum Quadragesimo mortuum resuscitauit.

quo facies defuncti velabatur, abstulit. Quod cum mulier fieri cerneret, contradicere vehementer cepit, & mirari quid vellet facere. Ablato itaque pallio, diu eo quem collegerat puluere defuncti faciem fricuit. Qui cum diutius fricaretur, recepit animam, oscitauit, oculos aperuit, seseque eleuans refecit, quid erga se ageretur miratus est, ac si de grauissimo somno fuisset excitatus. Quod cum mulier lamentis fatigata conspiceret, cepit ex gaudio magis flere, & voces amplius edere. Quam vir Domini modesta prohibitionē compescuit, dicens: Tace, tace: sed si quis vos requisierit qualiter factum sit hoc, solummodo dicite: quia Dominus Iesus Christus, opera sua fecit. Dixit hoc, atque ab eius hospitio exiuit. Quadragesimus subdiaconus protinus reliquit, & in loco eodem ultra non comparuit. Temporalem nanque honorem fugiēs,

egit vt ab his à quibus visus in tanta virtute fuerat, nunquam iam in hac vita videretur.

Petrus.

QVid alij sentiant ignoro. Ego autem præ cunctis miraculis hoc potius existimo esse miraculum, quod ad vitam mortui redeunt, eorumque animæ ad carnem ex occulto reuocantur.

Gregorius.

SI visibilia attendimus, ita necesse est vt credamus. Si verò inuisibilia pensamus, nimirum constat quia maius est miraculum prædicationis verbo, atque orationis solatio peccatorem conuertere, quam carne mortuum resuscitare. In isto enim resuscitatur caro iterum moritura, in illo verò anima in æternum victura. Cū enim propono duos, in quo horum existimas maiori factum virtute miraculum? Lazarum quippe quem iam fidelem credimus fuisse, in carne Dominus suscitauit: Saulum verò resuscitauit in mente. Et quidem post resurrectionem carnis de Lazari virtutibus tacetur. Nam post resurrectionem animæ, capere nostra infirmitas non valet, quanta in sacro eloquio de Pauli virtutibus dicuntur. Quod illæ eius crudelissimæ cogitationes ad pietatis mollia conuersæ sunt viscera. Quod mori cupit pro fratribus, in quorū prius morte gaudebat. Quod plenus omnis scripturæ scientia nil se scire iudicat, nisi Christum Iesum, & hunc crucifixum. Quod pro Christo virgis libenter cæditur, quem gladiis insequebatur. Quod apostolatus honore sublimis est, sed tamen sponte fit paruulus in medio discipulorum. Quod ad cœli tertij secreta ducitur, & tamen mentis oculum per compassionem reflectit ad dispensandum cubile coniugatorum dicens: Vxor vir debitum reddat, similiter & vxor viro. Quod admisce-
1. Corin. 7.
tur in contemplatione cœtibus Angelorum, & tamen non aspernatur cogitare atque disponere facta carnalium. Quod gaudet in infirmitatibus, sibi que in contumeliis placet. Quod ei viuere Christus est, & mori lucrum. Quod totum iam extra carnem est hoc ipsum quod viuunt in carne. Ecce qualiter viuunt, qui ab inferno mente ad vitam pietatis rediit. Minus est ergo quæpiam in carne suscitari, nisi fortè per vitificationem carnis ad vitam reducat mentis, vt ei hoc agatur per exterius miraculum, quatenus conuersus interius viuificetur.

Petrus.

VALDE infra credidi hoc, quod modò quàm fit incomparabiliter superius agnoui, sed quæso cœpta proseguere, vt dum tempus vacat, sine aedificatione hora non transeat.

De Benedicto monacho.

Caput VII.

Gregorius.

FRATER quidam mecum est in monasterio conuersatus, in scriptura sacra studiosissimus, qui me ætate præibat: hic ex multis quæ nesciebam, me ædificare consueuerat. Huius itaque narratione didici, quod fuit quidam in Campaniæ partibus intra quadragesimum Romanæ vrbis miliarium nomine Benedictus, equidem ætate iuuenis, sed moribus grandæuus, & in sanctæ conuersationis regula se fortiter stringens. Quem
Miraculum ignis in cella Benedicti.
Totilæ regis tempore cū Gothi reperissent, hunc incendere cum sua cella moliti sunt. Ignem nanque posuerunt, sed in circuitu arserunt omnia, cella verò illius igni comburi non potuit. Quod videntes Gothi magisque sauentes, atque hunc ex suo habitaculo trahētes, non longè aspexerunt succensum clibanum qui coquēdis panibus parabatur, eumque in illo proiecerunt, clibanumque clauserunt. Sed die altero ita illæsus inuentus est, vt non solum eius caro ab ignibus, sed neque extrema villo modo vestimenta cremarentur.

Petrus.

Antiquum trium puerorum miraculum audio, qui proiecti in ignibus læsi non sunt.

Gregorius.

ILLud, vt opinor, miraculum ex parte aliqua dissimiliter gestum est. Tunc quippe tres pueri ligati pedibus ac manibus in ignem proiecti sunt, quos die altera rex requirens, in camino illæsis vestibus deambulantes reperit. Ex qua re colligitur, quia ignis in quo iactati fuerant qui eorum vestimenta non contigit, eorum vincula consumpsit, vt eodemque tempore in obsequio iustorum, & haberet flamma virtutem suam ad solatium, & non haberet ad tormentum.

De Ecclesia

Benedictus Gothi i clibanum immisit.

Eodem modo habuit flammam, & non habuit.

De Ecclesia Beati Zenonis martyris, in qua aqua ultra portam apertam inundantes minime intraverunt.

Caput XIX.

Hic tam antiquo miraculo diebus nostris res similis ex contrario euenit elemento. Nam nuper Ioannes tribunus reuelatione sua me docuit, quod Pronulfus comes cum illic adesset, se cum rege Authalarico eo tempore in loco eodem ubi mira res contigit, affuisse, eamque rem cognouisse testatus est. Prædictus etenim tribunus narrauit, dicens: Quia ante hoc ferè quinquennium quando apud hanc Romanam urbem alueum suum Tiberis egressus est, tantum crescens, ut eius vnda super muros vrbis influeret, atque inde iam maximas regiones occuparet, apud Veronensem urbem fluius Athesis excrecens, ad beati Zenonis martyris atque pontificis Ecclesiam venit. Cuius Ecclesiæ dum essent ianuæ aperta, aqua in eam minime intrauit. Quæ paulisper crescens usque ad fenestras Ecclesiæ quæ erant tectis proximæ, peruenit, sicque stans aqua Ecclesiæ ianuam clausit, ac si illud elementum liquidum in soliditatem parietis fuisset mutatum. Cumque essent multi inuenti interius, sed aquarum multitudine omni Ecclesia circumdata, quæ possent egredi non haberent, ibique se siti ac fame deficere formidarent, ad Ecclesiæ ianuam veniebant, ad bibendum hauriebant aquam, quæ, ut prædixi, usque ad fenestras excreuerat, & tamen intra Ecclesiam nullo modo diffuebat. Hauriri itaque ut aqua poterat, sed diffuere ut aqua non poterat. Stans autem ante ianuam ad ostendendum cunctis meritum martyris, & aqua erat ad adiutorium, & quasi aqua non erat ad inuadendum locum. Quod ego antiquo antedicti ignis miraculo verè prædixi non fuisse dissimile, qui trium puerorum & vestimenta non contigit, & vincula incendit.

Petrus:

Mira sunt valde sanctorum facta quæ narras, & præsentis infirmitati hominum vehementer stupenda. Sed quia tantos nuper in Italia fuisse audio admirandæ virtutis viros, nosse velim, si nullas eos contigit antiqui hostis insidias per-
tulisse, an ex insidiis profecisse.

Gregorius:

Sine labore certaminis non est palma victoriæ. Vnde ergo victores fuit, nisi quod contra antiqui hostis insidias decertauerunt? Malignus quippe spiritus cogitationi, locutioni atque operi nostro semper insidit, si fortasse quid inueniat unde apud examen æterni iudicis accusator existat. Vis etenim nosse quomodo ad decipiendum semper assidat?

De Stephano presbytero prouinciæ Valeriæ, cui diabolus caligas è tibiis traxit.

Caput XX.

Quidam qui nunc nobiscum sunt, rem quam narro testantur. Vir vitæ venerabilis Stephanus nomine, Valeriæ prouinciæ presbyter fuit, huius nostri Bonifacii diaconi atque dispensatoris Ecclesiæ agnatione proximus. Qui quadam die de itinere domum regressus, mancipio suo negligenter loquens præcepit, dicens: Veni diabo, discalcea me. Ad cuius vocem mox cœperunt se caligarum corrigiæ in summa velocitate dissoluere, ut apertè constaret quod ei ipse qui nominatus fuerat, ad extrahendas diabolus caligas obediisset. Quod mox ut presbyter vidit, vehementer expauit, magnisque vocibus clamare cœpit dicens: Recede miser, recede: non enim tibi, sed mancipio meo locutus sum. Ad cuius vocem protinus recessit, ita ut inuentæ sunt magna iam ex parte dissolutæ corrigiæ remansisse. Quia in re colligi potest, antiquus hostis qui tam præstò est factis corporalibus, quam nimis insidiis nostris cogitationibus insidat.

Petrus:

Laboriosum est valde atque terribile contra inimici insidias semper intendere, & continuè quasi in acie stare.

Gregorius:

Laboriosum non erit, si custodiam nostram non nobis, sed gratiæ supernæ tribuimus: ita tamen ut ipsi quantum possumus, sub protectione Dei vigilemus. Si autem antiquus hostis à mente cœperit expelli, ex diuina largitate plerunque agitur, ut non solum iam timeri non debeat, sed ipse etiam bene viuendum virtute terreatur.

Tomus primus.

De puella conuersa, cuius solo imperio homo est à demonio liberatus.

Caput XXI.

Rex nanque quam narro, vir sanctissimus Eleutherius senex pater, cuius memoriâ superius feci, testis extitit, mihi que hoc intimare curauit, quod in Spolitana vrbe puella quædam iam nubilis cuiusdā primarij filia, cœlestis vitæ desiderio exarsit, eisque pater ad viam vitæ resistere conatus est, sed contempto patre, conuersationis sanctæ habitum suscepit. Quæ ex re factum est ut eam pater suæ substantiæ exheredem faceret, nihilque ei aliud nisi sex vncias vnus possessiunculæ largiretur. Eius verò exemplo prouocata cœperunt apud eam multæ nobilioris generis puellæ conuerti, atque omnipotenti Domino dedicata virginitate seruire. Quadam verò die idē Eleutherius abbas vir vitæ venerabilis, ad eā gratia exhortationis atque edificacionis accesserat, & cum ea de verbo Dei colloquens sedebat, cum repente ex eodem fundo quem in sex vncias à patre perceperat, cum xenio rusticus venit. Qui dum ante eos assisteret, maligno spiritu correptus cecidit, fatigari que nimis stridoribus atque balatibus cœpit. Tunc sanctimonialis scæmina surrexit, atque irato vultu magnis clamoribus imperauit, dicens: Exi ab eo miser, exi ab eo miser. Ad cuius vocem mox per os vexati diabolus respondit, dicens: Et si de isto exeo, in quem intrabo? Casu autem iuxta porcus paruulus pascebatur. Tunc sanctimonialis scæmina præcepit dicens: Exi ab eo, & in hunc porcum ingredere. Qui statim de homine exiuit, porcum quem iussus fuerat inuasit, occidit, & recessit.

Petrus:

Velim nosse si saltem porcum concedere spiritui immundo debuit.

Gregorius:

Proposita regulæ nostræ actionis, sunt facta veritatis. Ipsi etenim redemptori nostro à legione quæ hominem tenebat dictum est: Si eiicis nos, mitte nos in gregem porcorum. Qui hanc & ab homine expulit, & in porcos ire, eosque in abyssum mittere cœcessit. Ex qua re etiam hoc colligitur quod absque concessione omnipotentis Dei nullam malignus spiritus contra hominem potestatem habeat, qui in porcos intrare non potuit, nisi permissus. Illi ergo nos necesse est sponte subdi, cui & aduersa omnia subiiciuntur in vita, ut tantò nostris hostibus potentiores simus, quantò cum auctore omnium vnum efficiamur per humilitatem. Quid autem mirum si electi quique in carne positi, multa facere mirabiliter possunt, quorum ipsa quoque ossa mortua plerunque in multis miraculis viuunt?

De presbytero prouinciæ Valeriæ, qui furem ad sepulchrum suum tenuit.

Caput XXII.

In Valeria nanque prouincia res est hæc gesta quam narro, mihi que beatæ memoriæ abbatis mei Valentinonis relatione cognita. Ibi etenim quidam venerabilis sacerdos erat, qui cum clericis suis Dei laudibus bonisque operibus intentus, sanctæ conuersationis vitam ducebat. Superueniente autem uocatione defunctus est, atque ante Ecclesiam sepultus. Eidem verò Ecclesiæ caulæ inhærebant ouium, atque idem locus in quo sepultus est, ad easdem oues tendentibus peruius erat.

Quadam autem nocte cum clericis intra Ecclesiam psallentibus fur venisset, ut ingressus caulas furtū faceret, veruecem tulit, & concitus exiit. Cum verò peruenisset ad locum ubi vir Domini sepultus erat, repente hæsit, & gressum mouere non potuit. Veruecem quidem de collo deposuit, eumque dimittere voluit, sed manum laxare non valuit. Cœpit igitur stare miser cum præda sua reus & ligatus. Volebat veruecem dimittere, nec valebat. Volebat egredi cum veruece, nec poterat. Mirò itaque modo fur qui à viuis videri timuerat, hunc mortuus tenebat. Cumque itaque gressus manusque illius fuissent obstricta immobilis perstitit. Facto autem mane expletis laudibus Dei, ab Ecclesia egressi sunt clerici, & inuenerunt ignotum hominem veruecem tenentem manu. Res venit in dubium, utrum veruecem tolleret, an offerret: sed culpæ reus citius indicauit pœnam. Mirati omnes, quia ingressus fur viri Dei merito ad prædā suam stabat ligatus. Qui se pro eo protinus in orationē dederunt, suisque precibus vix obtinere valuerunt, ut qui res eorum venerat rapere, saltem vacuus exire mereretur. Itaque fur qui diu steterat cum præda captiuus, quandoque exiit vacuus & liber.

Petrus:

Eleutheri.

Virgo solo imperio diabolum ciecit.

Matth. 8.

Diabolus nullam contra hominē potestatem habet, nisi deus permittat.

Sacerdos sepultus ante caulas veruecis furem retinuit.

Ambiguit.

Athesis fluius ingens miraculum.

Aqua hanc viri poterat, diffuere non poterat.

Vera sententia.

Diabolus discalceauit Stephanum.

Apparet quantæ sit super nos dulcedinis omnipotens Deus, cuius erga nos fiunt tam iucunda miracula.

De abbate Præneste montis, eiusque presbytero. Cap. XXIII.

Gregorius:

Præneste vrbi mons præminet, in quo beati Petri Apostoli monasterium situm est, virorum Dei: quorum relatione adhuc in monasterio positus audisse me contigit, magnum hoc quod narro miraculum, quod eiusdem monasterij monachi nosse se testabantur. In eo nanque monasterio fuit pater vitæ venerabilis, qui quendam monachum nutriendus, usque ad reuerendos prouexit mores. Cumque eum intimore Domini videret excreuisse, in eodem sibi monasterio tunc presbyterum fecit ordinari. Cui post ordinationem suam, quia non longè abesset, eius exitus per reuelationem indicatus est. A prædicto autem patre monasterij petiit quatenus ei concederet vt sibi sepulchrum pararet. Cui ille respondit: Ante te quidem ego moriturus sum, sed tamen vade, & sicut vis, præpara sepulchrum tuum. Recelsit igitur, & præparauit. Cum non post multos dies senex pater febre præuentus ad extrema peruenit, atque assistenti presbytero iussit, dicens: In tuo sepulchro pone me. Cumque ille diceret: Scis quia ego modò te secuturus sum, utrosque capere non potest: abbas protinus respondit, dicens: Ita fac vt dixi: quia sepulchrum tuum ambos nos capit. Defunctus itaque est, atque in sepulchro eodem quod sibi presbyter parauerat positus. Mox quoque & presbyterum corporis languor secutus est, quo languore crescente citius presbyter vitam finiuit. Cumque ad sepulchrum quod sibi ipsi parauerat corpus illius fuisset à fratribus deportatum, aperto eodem sepulchro viderunt omnes qui aderant, locum non esse vbi poni potuisset, quia corpus patris monasterij quod illic antè positum fuerat, omne illud sepulchrum tenebat. Cumque fratres qui presbyteri corpus detulerant, factam sibi sepeliendi difficultatem viderent, vnus eorum exclamauit dicens: O pater, vbi est quod dixisti, quia sepulchrum istud ambos vos caperet. Ad cuius vocem subito cunctis videntibus abbatis corpus quod illic antè positum fuerat, & supinum iacebat, sese vertit in latere, & vacantem sepulchri locum ad sepeliendum presbyteri corpus præbuit: & quia utrosque ille locus caperet, sicut viuis promiserat, mortuus impleuit. Sed quia hoc quod prædixi, apud Prænestinam urbem in beati Petri apostoli monasterio gestum est, visne aliquid etiam in hac vrbe de eius Ecclesiæ custodibus, vbi sacratissimum corpus illius est positum audire?

Petrus:

Volo, atque id vt fiat magni opere deprecor.

De Theodoro mansionario Ecclesiæ beati Petri Apostoli vrbis

Romæ. Caput XXIII.

Gregorius:

Adue supersunt aliqui, qui Theodorum eius Ecclesiæ custodem nouerunt, eius narratione innotuit res, quæ ei contigit valde memorabilis. Quod quadam nocte dum citius ad melioranda iuxta ianuam lumina surrexisset, ex more ligneis gradibus sub lampade positus stabat, & lampadis refouebat lumen. Tunc repente beatus Petrus Apostolus in stola candida deorsum in pauimento constitit, ei que dixit: Colliberte quare tam citius surrexisti? Quo dicto ab oculis aspicientis euauit, sed tantus in eum pavor irruit, vt tota in illo corporis virtus deficeret, & per dies multos de stratu suo surgere non valeret. Qua in re quid idem beatus Apostolus seruientibus sibi voluit, nisi præsentia sui respectus ostendere, quia quicquid pro eius veneratione agerent, ipse hoc pro mercede retributionis sine intermissione semper videret.

Petrus:

Mihi hoc non tam apparet mirum quia visus est, sed quia is qui eum vidit, cum sanus esset, ægrotauit.

Gregorius:

Quid super hac re miraris Petre? Nunquidnam menti excidit, quia cum Daniel propheta magnam illam ac terribilem visionem vidit, ex qua etiam visione contremuit, protinus adiunxit: Et ego elangui & ægrotui per dies plurimos. Caro enim ea quæ sunt spiritus, capere non valet, & idcirco nonnunquam cum mens humana ultra se ad videndum ducitur, necesse est vt hoc carneum vasculum quod fer-

re talenti pondus non valet infirmetur.

Petrus:

De Abundio mansionario Ecclesiæ beati Petri.

Caput XXV.

Gregorius:

Alius hic non ante longa tempora (sicut nostri seniores referunt) custos Ecclesiæ Abundius dictus est, magnæ humilitatis atque grauitatis vir, ita omnipotenti Deo fideliter seruiens: vt idem beatus Petrus Apostolus signis ostenderet quam de illo haberet æstimationem. Nam cum quædā puella paralytica in eius Ecclesia permanens, manibus reperet, & dissolutis renibus corpus per terram traheret: diuque ab eodem beato Petro Apostolo peteret, vt sanari mereretur, nocte quadam ei per visionem astitit, & dixit: Vade ad Abundium mansionarium & roga illum, atque ipse tibi salutem restituet. Cumque illa de tanta visione certa esset, sed quis esset Abundius ignoraret, cæpit huc illucque per Ecclesiæ loca se trahere, vt quis esset Abundius inuestigaret. Cui repente ipse factus est obuiam quem quærebat, ei que dixit: Rogo te pater indica mihi qui est Abundius custos? Cui ille respondit: Ego sum. At illa inquit: Pastor & nutritor nonster beatus Petrus apostolus ad te me misit, vt ab infirmitate ista liberare me debeas. Cui ille respondit: Si ab ipso missa es, surge. Manumque eius tenuit, & eam in statum suum protinus erexit. Sicque ex illa hora omnes in eius corpore nerui ac mēbra solidata sunt, vt solutionis illius signa vterius nulla remanerēt. Sed si cuncta quæ in eius Ecclesia gesta cognouimus, euoluere conamur, ab omni iam proculdubio narratione conticescimus. Vnde necesse est, vt ad modernos patres, quorum vita per Italię prouincias clauit, narratio se nostra retorqueat.

De monacho solitario.

Caput XXVI.

Nuper in Samnij prouincia quidam venerabilis vir Menas nomine, solitariam vitam ducebat, qui nostrorum multis cognitus, ante hoc serè est decennium defunctus. De cuius operis narratione vnum authorem nō infero: quia penè tot mihi in eius vita testes sunt, quot Samnij prouinciā nouerunt. Hic itaq; nihil ad vsum suum aliud, nisi pauca apud vascula possidebat. Huic cum Longobardus quidam in eisdem apibus rapinam voluisset ingerere, prius ab eodem viro verbo correptus est, & mox per malignum spiritum ante eius vestigia vexatus. Qua ex re factum est, vt sicut apud omnes incolas, ita etiam apud eandem barbaram gentem eius celebrare nomen haberetur, nullusque vltra præsumeret eius cellulam, nisi humilis intrare. Sæpe verò ex vicina sylua venientes vrsi, apes eius comedere conabantur. Quos ille deprehensos, ferula quam portare manu consueuerat, cauebat. Ante cuius verbera immanissimæ bestia rugiebant & fugiebant. Et quæ gladios formidare vix poterant, ex eius manu iæctis ferulæ pertimescebant. Huius studium fuit, nihil in hoc mundo habere, nihil querere: omnes qui ad se charitatis causa veniebant, ad æternæ vitæ desideria accendere. Si quando autem quorumlibet culpas agnosceret, nunquam ab increpatione parceret, sed amoris igne succensus, studebat in eis vehementer per linguam sæuire. Consuetudinē verò vicini vel longè positi eiusdem loci accolæ fecerant, vt diebus & certis per hebdomadā vnusquisque ei oblationes suas transmitteret, vt esset quod ipse ad se venientibus offerre potuisset. Quodam verò tempore possessor quidā Carterius nomine, immundo desiderio deuictus, quandā sanctimonialē sceminā rapuit, sibi que illicito matrimonio cōiunxit. Quod mox vt vir Domini cognouit, ei per quos potuit, quæ fuerat dignus audire, mandauit. Cumque ille sceleris sui conscius timeret, atque ad virum Dei nequaquam accedere præsumeret, ne fortè hūc asperè vt delinquentes solebat increparet, fecit oblationes suas, easque inter oblationes aliorum misit, vt eius munera saltem nesciēdo susciperet. Sed cum coram eo fuissent oblationes omnium deportatæ, vir Dei tacitus sedit, sigillatim omnes considerare studuit, & omnes alias eligēs atque seorsum ponens, oblationes quas idem Carterius trāsmiserat, cognouit per spiritum, spreuit atque abiicit dicens: Ite & dicite ei: Oblationem suam omnipotenti Domino abstulisti, & mihi tuas oblationes transmittis? ego oblationem tuam non accipio: quia suam abstulisti Deo. Qua ex re factum est, vt præsentibus quosque magnus timor inuaderet, cum vir Domini tā scienter

Abbas mortuus in sepulchro se vertit.

Theodoro beatus Petrus apparet.

Daniel. 8.

Abundius custos an-floritate Petri p. ralyticam curauit.

Menas vrsos ferula de apibus suis fugauit.

al. singulis.

Menas oblationem Carterij in spiritu cognouit.

scienter de absentibus iudicaret.

Petrus:

M Vltos horum suspicor martyrium subire potuisse, si eos tempus persecutionis inuenisset.

Gregorius:

Martyrij
duo genera.

D Vo sunt Petre martyrij genera, vnū in occulto, alterum quoque in publico. Nam etsi persecutio desit exterius, martyrij meritum in occulto est, cum virtus ad passionem prompta flagrat in animo. Quia enim esse possit & sine aperta passione martyrium, testatur in Euangelio Dominus: qui Zebedæi filiis adhuc præ infirmitate mentis maiora sessionis loca quærentibus dicit: Potestis bibere calicem quem ego bibiturus sum? Cui videlicet cum responderent, Possumus: ait: vtrisque: Calicem quidem meum bibetis, sedere autem ad dexteram meam vel sinistram, non est meum dare vobis. Quid autem calicis nomen, nisi passionis poculum signat? Et cum nimirum constet, quia Iacobus in passione occubuit. Ioannes verò in pace Ecclesiæ quieuit, incunctanter colligitur esse & sine aperta passione martyrium, quando & ille calicem Domini bibere dictus est, qui ex persecutione mortuus non est. De his autem talibus tantisque viris quorum superius memoriam feci, cur dicamus quia si persecutionis tempus extitisset, martyres esse potuissent: quia occultè antiqui hostis insidias tolerantes, suosque in hoc mundo aduersarios diligentes, cunctis carnalibus desideriis resistentes, per hoc quòd se omnipotenti Deo in corde mactauerunt, etiā pacis tempore martyres fuerunt: dum nostris modò temporibus viles quoque & secularis vitæ personas, de quibus nil celestis gloriæ præsumi posse videbatur, oborta occasione contigit ad martyrij coronas peruenisse?

De quadraginta rusticis, qui pro eo quòd carnes comedere immolatitias noluerunt, à Longobardis occisi sunt.

Caput XXVII.

xl. rustici à
Longobardis
occisi.

N Am ante hos ferme annos quindecim, sicut hi testantur qui interesse potuerunt, quadraginta rustici à Longobardis capti, carnes immolatitias comedere compellebantur. Qui cum valde resisterent, & contingere cibum sacrilegum nollent, cepere Longobardi qui eos tenebant nisi immolata comederent, mortem eis minari. At illi æternam potius vitam, quam præsentem ac transitoriam diligentes, firmiter perstiterunt, atque in sua constantia simul omnes occisi sunt. Quid itaque isti, nisi veritatis martyres fuerunt, qui ne, veritum comedendo, conditorem suum offenderent, elegerunt gladiis vitam finire?

De multitudine captiuorum, qui pro eo quòd caput capræ adorare noluerunt, occisi sunt.

Caput XXVIII.

† al. quadringentos.

Eodem quoque tempore dum ferè † quadraginta captiuos alios Longobardi tenuissent, more suo immolauerunt caput capræ diabolo, hoc ei per circuitum currentes, & carmine infando dedicantes. Cùmque illud ipsi prius submissis ceruicibus adoraret, eos quoque, quos ceperat, hoc adorare pariter compellebant. Sed ex eisdem captiuis maxima multitudo magis eligens moriendo ad vitam immortalē tēdere, quā adorando vitam mortalem tenere: obtēperare iussis sacrilegis noluit, & ceruicem quam semper creatori flexerat, creaturæ inclinare contempsit. Vnde factum est, vt hostes qui eos ceperant, graui iracundia accensi, cunctos gladiis interficerent, quos in errore suo participes non haberēt. Quid ergo mirum si erumpente persecutionis tempore illi martyres esse potuissent, qui in ipsa quoque pace Ecclesiæ semetipsos semper affligendo, angustam martyrij tenuerunt viā, quando ingruente persecutionis articulo hi etiam meruerunt martyrij palmas accipere, qui in pace Ecclesiæ latas huius seculi vias sequi videbantur? Nec tamen hoc quòd de eisdem electis dicimus viris, de cunctis iam quasi in regula tenemus. Nam cùm persecutionis apertè tempus irruit, sicut plerique martyrium subire possunt, qui esse in pace Ecclesiæ despiciabiles videntur: ita nonnunquam in debilitatis formidinem corruunt, qui in pace Ecclesiæ prius fortiter stare videbantur. Sed eos de quibus prædiximus fieri martyres potuisse fidenter fatemur: quia hoc iam ex eorum fine colligimus. Cedere enim nec in aperta persecutione poterāt hi de quib⁹ cō-

Tomus primus.

Christicola-
rum multi-
tudo à paga-
nis occisa.

A stat, quia & vsque ad finem vitæ in occulta animi virtute perstiterunt.

Petrus:

V T asseris ita est: sed super indignos nos diuinæ misericordiæ dispensationem miror, qui Longobardorum sauitiam ita moderatur, vt eorum sacerdotes sacrilegos qui esse se fidelium quasi victores vident, orthodoxorum fidem persequi minimè permittat.

De Ariano episcopo cæcato.

Caput XXIX.

Gregorius:

H Oc Petre facere plerunque conati sunt, sed eorum sauitiæ miracula superna resisterunt. Vnde vnum narro quod per Bonifacium monasterij mei monachum, qui vsque ante quadriennium cum Longobardis fuit, adhuc ante triduum agnouit. Cùm ad Spolitanam urbem Longobardorum episcopus, scilicet Arianus venisset, & locum illic vbi solennia sua ageret non haberet, cepit ab eius ciuitatis episcopo Ecclesiā petere, quam suo errori dedicaret. Quod dum valde episcopus negaret, idem qui venerat Arianus beati Pauli Apostoli Ecclesiā illic cōminis sitam se die altero violenter intraturum esse professus est. Quod eiusdem Ecclesiæ custos audiēs festinus cucurrit, Ecclesiā clausit, seris munivit. Facto autem vespere lampades omnes extinxit, seque in interioribus abscondit. In ipso autem subsequente lucis crepusculo Arianus episcopus collecta multitudine aduenit, clausas Ecclesiæ ianuas effringere paratus. Sed repente cunctæ simul portæ diuinitus concussæ abiectis longius seris apertæ sunt, atque cum magno sonitu omnia Ecclesiæ claustra patuerunt. Effuso desuper lumine omnes quæ extinctæ fuerant lampades accensæ sunt. Arianus verò episcopus qui vim facturus aduenerat, subita cæcitate percussus est, atque alienis iam manibus ad suum habitaculum reductus. Quod dum Longobardi in eadem regione positi omnes agnoscerent, nequaquam vltius præsumpserunt catholica loca temerare. Miro enim modo res gesta est, vt quia eiusdem Ariani causa lampades in Ecclesia beati Pauli fuerant extinctæ, vno eodemque tempore & ipse lumen perderet, & in Ecclesiā lumen rediret.

De Arianorum Ecclesia, quæ in Romana urbe catholica consecratione dedicata est.

Caput XXX.

Sed neque hoc sileam quod ad eiusdem Ariani hæreseos damnationem in hac quoque urbe ante biennium pietas superna monstrauit. Ex his quippe quæ narro, aliud populus agnouit, aliud autem sacerdos & custodes Ecclesiæ se audisse & vidisse testatur. Arianorum Ecclesia in regione urbis illius quæ Subura dicitur, cùm clausa vsque ante biennium remansisset: placuit vt in fide catholica introductis illic beati † Stephaniani & sanctæ † Marthæ martyrum reliquiis dedicari debuisset: quod factum est. Nam cum magna populi multitudo venientes, atque omnipotenti Domino laudes canentes, eandem Ecclesiā ingressi sumus. Cùmque in ea iam missarum solennia celebrarentur, & præ eiusdem loci angustia populi se turba comprimeret, quidam ex his qui extra sacrarium stabant, porcum subito intra suos pedes huc illucque discurrere senserunt. Quem dum vnusquisque sentiret, & iuxta se stantibus indicaret, idem porcus Ecclesiæ ianuas petiit, & omnes per quos transiit, in admirationem commouit: sed videri à nullo potuit, quanuis sentiri potuisset. Quod idcirco diuina pietas ostendit, vt cunctis patefceret, quia de loco eodem immundus habitator exiret. Peracta igitur celebratione missarum recessimus, sed adhuc nocte eadem magnus in eiusdem Ecclesiæ tectis strepitus factus est, ac si in eis aliquis errando discurreret. Sequenti autem nocte grauior sonitus excreuit, ac subito tanto terrore insonuit, ac si omnis illa Ecclesia à fundamentis fuisset euerfa, & protinus recessit, & nulla illic vltius inquietudo antiqui hostis apparuit, sed per terroris sonitum quem fecit, innotuit quòd à loco quem diu tenuerat coactus exiebat. Post paucos verò dies in magna serenitate aëris super altare eiusdem Ecclesiæ nubes cœlitus descendit, suoque illud velamine operuit, omnemque Ecclesiā tanto terrore ac suauitatis odore repleuit, vt patentibus ianuis nullus illic præsumeret intrare. Sacerdos quoque & custodes, & hi qui ad celebranda missarum solennia venerant, rem videbāt, ingredi minimè poterāt, & suauitatem mirifici odoris trahebāt.

I ij

Arianus
Longobar-
dorum epi-
scopus,

Arianus e-
piscopus cæ-
citate per-
cussus est.

de cons. dist.
1. Ariano-
rum.
† al. Seba-
stiani.
† al. Aga-
tha.
Porcus inui-
sibilis ex ec-
clesia Aria-
norū exiit.

Nubes cœ-
lius ascen-
dit super
aram.

Lampades
diuinitus
accense.

Die verò alio cùm in ea lampades sine lumine deprehenderent, emissio diuinitus lumine sunt accense. Post paucos iterum dies cùm expletis missarum solenniis extinctis lampadibus custos ex eadem Ecclesia egressus fuisset, post paululum intrauit, & lampades quas extinctas reliquerat, lucentes reperit. Quas negligenter extinxisse se credens, eas iam sollicitus extinxit, & exiens Ecclesiam clausit. Sed post horarum trium spatium regressus lucentes lampades quas extinxerat iterum accensas inuenit, vt videlicet ex ipso lumine aperte claresceret, quia locus ille à tenebris ad lucem venisset.

Petrus:

Et si in magnis sumus tribulationibus positi, quia tamen à conditore nostro non sumus omnino despecti, testantur ea quæ audio eius stupenda miracula.

Gregorius:

Quamuis sola quæ in Italia gesta sunt narrare decreueram, vine tamen vt pro ostendenda eiusdem Arianæ hæreseos damnatione transeamus verbo ad Hispanias, atque inde per Africam ad Italiam redeamus? Petrus:

Perge quò libet. Nam latus ducor, latus reducor.

De Ermigildo rege Liugildi Vuisigothorum regis filio, pro fide catholica ab eodem patre suo decesso. Caput XXXI.

Gregorius:

Sicut multorum qui ab Hispaniarum partibus veniunt, relatione cognouimus, nuper Ermigildus rex Liugildi regis Vuisigothorum filius ab Arianæ heresi ad fidem catholicam viro reuerentissimo Leandro † Spolitano episcopo dudum mihi in amicitia familiariter iuncto prædicante, conuersus est. Quem pater Arianus vt ad eandem hæresin rediret, & præmiis iuadere, & minis terrere conatus est. Cùmque ille constantissimè responderet nunquā se veram fidem posse relinquere quam semel agnouisset, iratus pater eum priuauit regno, rebûsq; expoliavit omnibus. Cùmque nec sic virtutem mentis illius emollire valuisset, in arcta illum custodia

† al. Hispano.

24. quest. 1.
Capit. Ermigildus.

Can. 1. quest. 1. c. Superueniente.

Pater filium
vita priuauit.

Ermigildi
regis in
morte miracula.

Richardus
rex fratrem
Ermigildum
secutus est.

Est, totam quoque Vuisigothorum gentem ita ad veram perduxit fidem, vt nullum in suo regno militare permitteret, qui regni Dei hostis existeret per hæreticam prauitatem non timeret. Nec mirum quòd veræ fidei prædicator factus est, qui frater est martyris, cuius hunc quoque merita adiuuant, vt ad omnipotentis Dei gremium tam multos reducat. Quare in re considerandum nobis est, quia totum hoc agi nequaquam posset, si Ermigildus rex pro veritate mortuus non fuisset. Nam sicut scriptum est: Nisi granum frumenti cadens in terram mortuum fuerit, ipsum solum manet. Si autem mortuum fuerit, multum fructum affert. Hoc fieri videmus in membris, quod factum scimus in capite. In Vuisigothorum etenim gente vnus mortuus est vt multi viuerent, & dum vnus granum fideliter cecidit, ad obtinendam fidem animarum seges multa surrexit.

Ioan. 12.

Mortuus
est vnus, vt
multi viuerent.

Petrus:

Res mira, & nostris stupenda temporibus.

De episcopis Africanis, qui pro defensione catholica fidei abscissis ab Arianis Vandalorum linguis, nullum locutionis solia sustinere dispendium.

Caput XXXII.

Gregorius:

Iustiniani quoque Augusti temporibus, dum contra catholicorum fidem exorta à Vandalis persecutio Ariana in Africa vehementer insaniret, quidam in defensione veritatis episcopi fortiter persistentes, ad medium sunt deducti. Quos Vandalorum rex verbis ac muneribus ad perfidiam flectere non valens, tormentis frangere posse se credidit. Nā cùm eis in ipsa defensione veritatis silentium indiceret, nec tamen ipsi contra perfidiam tacerent, ne tacendo forsitan consensisse viderentur, raptus in furorem eorum linguas abscindi radicitus præcepit. Res mira & multis nota senioribus: quia ita pro defensione veritatis etiam sine lingua loquebantur, sicut prius loqui per linguam consueuerant.

Episcopi
lingua priuati,
loquebantur
non amiserunt.

Petrus:

Mirandum valde & vehementer stupendum.

Gregorius:

Scriptum Petre est de vnigenito summi patris: In principio erat verbum, & verbum erat apud Deum, & Deus erat verbum. De cuius etiam virtute subiungitur: Omnia per ipsum facta sunt. Quid igitur miramur si verba edere sine lingua potuit verbum quod fecit linguam?

Ioan. 1.

Ibidem.

Petrus:

Placet quod dicis.

Gregorius:

Hitaeque eo tempore profugi ad Constantinopolitanam urbem venerunt. Eo quoque tempore quo pro expledis responsis Ecclesiae ad principem ipse transmissus sum, seniore quendam episcopum reperi, qui se adhuc eorum ora sine linguis loquentia vidisse testabatur, ita vt apertis oribus clamarent: Ecce videte, quia linguas non habemus, & loquimur. Videbatur enim à respicientibus vt serebat, quia abscissis radicitus linguis, quasi quoddam barathrum patebat in gutture: & tamen ore vacuo plena ad integrum verba formabantur. Quorum illic vnus in luxuriam lapsus mox priuatus est dono miraculi, recto videlicet omnipotentis Dei iudicio: vt qui carnis continentiam seruare neglexerat, sine lingua carnea non haberet verba veritatis. Sed hæc nos pro Arianæ hereseos damnatione dixisse sufficiat: nunc ad ea quæ nuper in Italia gesta sunt signa, redeamus.

Vnus episcopus
in luxuria
lapsus, dono
miraculi
priuatur.

De Eleutherio seruo Dei.

Caput XXXIII.

Isaatem (cuius superius memoriam feci) Eleutherius pater monasterij beati Euangelistæ Marci, quod in Spolitana urbis pomeriis situm est, diu mecum est in hac vrbe in meo monasterio cõuersatus, ibique defunctus est. Quem sui discipuli referebant plorando mortuum suscitasse. Vir autem tantæ simplicitatis erat & cõpunctionis, vt dubiū nō esset, quòd illæ lachrymæ ex tam humili simplici mente editæ, apud omnipotentē Deum multa obtinere potuissent. Huius ergo aliquod miraculū narrabo, quod inquisitus mihi simpliciter & ipse fatebatur. Quadā nanque die dum iter carperet, facto vespere cùm ad secedendū locus deesset, in monasterium virginum deuenit, in quo quidā puer paruulus erat, quem malignus spiritus omni nocte vexare consueuerat. Sed sanctimoniales

Eleutherius
plorando
mortuum
resuscitauit.

niales fœminæ vt virum Dei susceperunt, eum rogauerunt dicentes: Tecum pater hac nocte puer iste maneat. Quem ipse benignè suscepit, secumque eum nocte eadem iacere permisit. Facto autem mane cœperunt sanctimoniales fœminæ eundem patrem vigilanter inquirere, si quid ei puer quem dederant nocte eadem fecisset. Qui miratus cur ita requirerent, respondit: Nihil. Tunc illæ eiusdem pueri innotuerunt causam: & quoddam malignus spiritus nulla ab eo nocte recederet, indicauerunt, summopere postulâtes, vt hunc secum ad monasterium tollerent: quia iam vexationem illius videre ipsæ nō possent. Consensit senex, puerum ad monasterium duxit. Qui cum multo tempore in monasterio fuisset, atque ad hūc antiquus hostis accedere minimè præsumpsisset, eiusdem senis animus de salute pueri immoderatus per lætitiā tactus est. Nam coram positis fratribus dixit: Fratres, diabolus sibi cum illis sororibus iocabatur: at verò vbi ad seruos Dei ventum est, ad hunc puerum accedere non præsumpsit. Postquam vocem emisit, hora eadem ac momento idem puer coram cunctis fratribus diabolo se inuadente vexatus est, quo viso senex se protinus in lamentum dedit. Quem dum lugētem diu fratres consolari voluissent, respondit dicens: Credite mihi, quia in nullis vestrum ore hodie panis ingreditur, nisi puer iste à dæmonio fuerit ereptus. Tunc se in orationē cum cunctis fratribus strauit, & eousque oratum est, quousque puer à vexatione sanaretur. Qui tam perfectè sanatus est, vt ad hunc malignus spiritus accedendi ausum vltērius non haberet.

Petrus:

Credo quoddam ei elatio parua surreperat, sed eius discipulos omnipotens Deus facti illius esse voluit adiutores.

Gregorius:

Ita est. Nam quia pondus miraculi solus portare non potuit, diuisit hoc cum fratribus & portauit. Huius viri oratio quantæ virtutis esset, in memetipso expertus sum. Nam cum quodam tempore in monasterio positus incisionem vitalium paterer, crebrisque angustis per horarum momenta ad exitum propinquare (quam medici molestiā Græco eloquio syncopin vocāt) & nisi me frequēter fratres cibo reficerent, vitalis mihi spiritus funditus intercidi videretur: paschalis superuenit dies. Et cum sacratissimo sabbato in quo omnes & paruuli pueri ieiunāt, ego ieiunare nō possem, cœpi plus mœrore quàm infirmitate deficere. Sed tristis animus consilium citius inuenit, vt eundem virum Dei secreto in oratorium ducerem, eumque peterem, quatenus mihi vt die illo virtus ad ieiunandum daretur, suis apud omnipotentem Dominum precibus obtineret: quod & factū est. Nam mox vt oratorium ingreisi sumus, humiliter sese cum lachrymis in orationem dedit, & post paululum completa oratione exiit, & ad vocem benedictionis illius, virtutem tantam meus stomachus accepit, vt mihi funditus à memoria tolleretur cibus & ægritudo. Cœpi mirari quis essem, quis fuero: quia & eū ad animum redibat infirmitas, nihil in me ex his quæ memineram recognoscebam. Cumque in dispositione monasterij mēs occupata fuisset, obliuiscabar funditus ægritudinis meę. Si verò (vt prædixi) rediret ægritudo ad memoriam, cum tā fortem me esse sentirem, mirabar si non comedissem. Qui ad vesperam veniens, tantæ me fortitudinis inueni, vt si voluissem, ieiunium vsque ad diem alterum transferre potuissem. Sicque factum est, vt in me probarem ea etiam de illo vera esse, quibus ipse minimè interfuissem.

Petrus:

Quia eundem virum magnæ compunctionis fuisse dixisti, ipsam lachrymarum vim largius addiscere cupio. Vnde quæso, vt quot sunt genera compunctionis mihi edifferas.

Quod sunt compunctionis genera. Caput XXXIIII.

Gregorius:

In multas species compunctio diuiditur, quando singulæ quæque à pœnitentibus culpæ planguntur. Vnde ex voce quoque pœnitētum Hieremias ait: Diuisiones aquarum deduxit oculus meus. Principaliter verò compunctionis genera duo sunt: quia Deū sitiens anima prius timore compungitur, post amore. Prius enim sese in lachrymis afficit, quia dū malorum suorū recolit, pro his perpeti æterna supplicia pertimescit. At verò cum lōga mœroris anxietate fuerit formi-

Tomus primus.

Ado cōsumpta, quædam iam de præsumptione veniæ securitas nascitur, & in amore cœlestium gaudiorum animus inflāmat: & qui prius flebat ne duceretur, ad supplicium, postmodū amarissimè flere incipit, quia differtur à regno. Contemplatur etenim mens qui sint illi angelorum chori, quæ ipsa societas beatorum spirituum, quæ maiestas æternæ visionis Dei: & amplius plangit quia à bonis perennibus deest, quàm fleuit prius cum mala æterna metuebat. Sicque fit vt perfecta compunctio formidinis tradat animum cōpunctioni dilectionis. Quoddam bene in sacra veracique historia figurata narratione describitur: quæ ait quoddam Axa filia Caleph sedens super asinum suspirauit. Cui dixit pater suus: Quid habes? At illa respōdit. Da mihi benedictionem: terrā Australem & arentem dedisti mihi, iunge & irriguam. Deditque ei pater suus irriguum superius, & irriguum inferius. Axa quippe super asinum sedet, cum irrationalibus carnis suæ motibus anima præsidet. Quæ suspirās à patre terram irriguam petit: quia à creatore nostro cum magno gemitu querenda est lachrymarū gratia. Sunt nanque nōnulli, qui iā in dono perceperūt liberè pro iustitia loqui, oppressos tueri, indignatibus possessa tribuere, ardorem fidei habere, sed adhuc gratiam lachrymarum nō habent. Hi nimirum terram Australem & arentem habēt, sed adhuc irrigua indigent: quia in bonis operibus positi in quibus magni atque feruētes sunt, oportet nimirum vt aut timore supplicij, aut amore regni cœlestis mala etiā quæ antea perpetraverunt, deplorent. Sed quia (vt dixi) duo sunt compunctionis genera, dedit ei pater suus irriguum superius, & irriguum inferius. Irriguū quippe superius accipit anima, cum sese in lachrymis cœlestis regni desiderio affligit. Irriguū verò inferius accipit, cum inferni supplicia flendo pertimescit. Et quidem prius inferius, ac post irriguum superius datur. Sed quia compunctio amoris dignitate prægeminet, necesse fuit vt prius irriguum superius, & post irriguum inferius commemorari debuisset.

Petrus:

Placet quod dicis: Sed postquam hunc venerandæ vitæ Eleutherium huius meriti fuisse dixisti, libet inquirere si nunc in mundo esse credendum est aliquos tales.

De Amantio presbytero provincie Thustia.

Caput XXXV. Gregorius:

Floridus † Tudertinæ Ecclesiæ episcopus, cuius veritatis & sanctitatis est, dilectioni tuæ incognitum non est. Hic mihi esse apud se presbyterum quendam Amantium nomine præcipuæ simplicitatis narrauit, virum quem hoc habere virtutis perhibet: vt Apostolorum more manum super ægros ponat, & salutem restituat: & quantumlibet vehemēs ægritudo sit, ad tactū illius abscedat. Quem hoc etiam habere miraculi adiūxit: quia in quolibet loco quauis immanissimè asperitatis serpentem reperiret: mox vt eum signo crucis signauerit, extinguit, ita vt virtute crucis quam vir Dei digito ediderit, disruptis visceribus moriatur. Quem si quando serpens in foramine fugerit, signo crucis os foraminis benedicit: statimque ex foramine serpens iam mortuus trahitur. Quem tantæ virtutis virum ipse etiam videre curauit, eumque ad me deductum in infirmorum domo paucis diebus manere volui, vbi, siqua adesset curationis gratia, citius probari potuisset. Ibi autem quidam inter ægros alios mente captus iacebat, quem medici Græco vocabulo phreneticum appellant. Qui nocte quadam cum magnas voces (scilicet vt insanus) ederet, cunctisquæ ægros immensis clamoribus perturbaret: ita vt nulli illic capere somnum liceret, fiebat res valde mirabilis: quia vnde vnus malè, inde omnes deterius habebant. Sed sicut & prius à reuerentissimo Florido episcopo qui tunc cum prædicto presbytero illic pariter manebat: & post à puero qui nocte eadem ægotantibus seruiebat, subtiliter agnouit, idem venerabilis presbyter de proprio stratu surgens ad lectum phrenetici silenter accessit, & super eū positis manibus orauit. Moxque illū melius habentē tulit, atque in superiora domus secū ad oratoriū duxit: vbi pro eo liberius orationi incubuit, & statim eum sanum ad lectum propriū reduxit: ita vt nullas vltērius voces ederet, nec iam ægrotorum quempiam aliquo clamore perturbaret, nec iam ægritudinem auxit alienam: qui perfectè receperat mentem suam. Ex quo eius vno facto didicimus, vt de eo illa omnia audita crederemus.

Petrus:

I lij

Puer obsecus bis ab eodē sanatus est.

Eleutherius orando impetravit vt Gregorius ieiunare posset.

Eleutherius lachrymando Gregorium curauit.

Thren. 3. Compunctio nis genera.

Isue 15.

Gratia lachrymarū à bonis expectanda.

† al. Tiburtina.

Amantius solo contra-ctis ægros curauit.

Amantius signo crucis serpentes necat.

Amantius phreneticū curauit.

Petrus.

Magnæ vitæ ædificatio est videre viros tam mira facientes, atque in ciuibus suis Hierusalem cœlestem in terra conspicerere.

De Maximiniano Syracusanæ ciuitatis episcopo.

Caput XXXVI.

Gregorius.

Nequè hoc silendum puto quod omnipotens Deus super Maximinianum famulum suum nunc Syracusanum Episcopum, nunc autem mei monasterij patrem dignatus est monstrare miraculum. Nam dum iussione pontificis mei in Constantinopolitanæ vrbs palatio responsis Ecclesiasticis deferrentur: illuc ad me idem venerabilis Maximinianus charitate exigente cum fratribus venit. Qui cum ad monasterium meum Romam rediret, in mari Adriatico nimia tempestate deprehensus, inæstimabili ordine atq; inusitato miraculo erga se cunctosque qui cum eo aderant, omnipotentis Dei & iram cognouit & gratiam. Nam cum in eorum morte ventorum nimietatibus eleuati fluctus sæuirent, ex naui clauis perditis arbor abscessa est, vela in vndis proiecta, totumque vas nauis quassatum nimis fluctibus, ab omni fuerat sua compage dissolutum. Rimis itaque parentibus intrauit mare, atque vsque ad superiores tabulas impleuit nauem, ita vt non tam nauis intra vndas, quàm vnde iam intra nauem esse viderentur. Tunc in eadem naui residentes non iam ex morte vicina, sed ex ipsa eius præsentia ac visione turbati omnes, sibimet pacem dederunt, corpus & sanguinem Redemptoris acceperunt, Deo se singuli commendantes: vt eorum animas benignè susceperet, quorum corpora in tam pauenda morte traderat. Sed omnipotens Deus qui eorum mentes mirabiliter

Nauis aqua plena ad portum peruenit.

Maximiniani miraculum.

terruit, eorum quoque vitam mirabiliter seruauit. Nam diebus octo nauis eadem vsque ad superiores tabulas aquis plena iter proprium peragens enatauit. Nono autem die in Cothronensis castri portum deducta est. Ex qua exierunt omnes incolumes, qui cum prædicto venerabili viro Maximiniano nauigabant. Cumque post eos ipse quoque fuisset egressus, mox in eiusdem portus profundum nauis demersa est: ac si illis egredientibus præ pòdere subleuatione caruisset, & quæ plena hominibus in pelago aqua portauerat, atque notauerat: Maximiniano cū suis fratribus recedente, aqua sine hominibus in portu non valuit portare, vt hinc omnipotens Deus ostenderet: quia hanc onustam sua manu tenuerat, quæ ab hominibus vacua & derelicta super aquas non potuit manere.

De Sanctulo presbytero prouincia Nursiæ.

Caput XXXVII.

An te hos dies quoque ferè xl. vidisti apud me eum, cuius superius memoriam feci, venerabilis vitæ presbyterum Sanctulum nomine, qui ad me ex Nursiæ prouincia annis singulis venire consuevit. Sed ex eadem prouincia quidam monachus ante triduum venit, qui grauis nuntij mœrore me perculit, qui eundem virum obiisse nuntiauit. Huius ergo viri etsi non sine gemitu dulcedinis recolo, iam tamen sine formidine virtutes narro, quas à vicinis eius sacerdotibus mira virtute & simplicitate præditis agnoui. Et sicut inter amantes se animos hominum magnum charitatis familiaritas ausum præbet, à me plerumque ex dulcedine exactus, ipse quoque de his quæ egerat, extrema quædam fateri cogeatur. Hic namque quodam tempore cum in prælo Longobardi oliuam premerent, vt oleum liquari debuisset: sicut iucundus erat & vultu & animo, vtrem vacuum ad prælum detulit, laborantēque Longobardos læto vultu salutauit, vtrem protulit, & iubendo potius quàm petendo eum impleri sibi dixit. Sed gentiles viri qui tota iam die frustra laborauerant, atque ab oliuis exigere oleum torquendo non poterant, verba illius moleste susceperunt, eumque iniuriis insectati sunt. Quibus vir Domini lætiori adhuc vultu respondit, dicens: Si pro me oretis, istum vtrem Sanctulo impleatis, & sic à vobis reuertetur. Cumque illi ex oliuis oleum defluere non cerneret, & virum Dei ad implendum vtrem sibi insistere viderent, vehementer accensi, maioribus hunc verborum contumeliis detestari cœ-

Sanctulus aqua benedicta in oleum conuertit.

E qui prius diu incassum laborauerant, non solum sua vascula omnia, sed vtrem quoque quem vir Dei detulerat implentes, gratias agerent: quia is qui oleum petere venerat, benedicens dedit quod postulabat.

Alio quoque tempore vehemens vbique fames incubebat, & beati Laurentij martyris Ecclesia fuerat à Longobardis incensa. Quem vir Dei restaurare cupiens, artifices multos ac plures subministrantes operarios adhibuit, quibus necesse erat vt quotidiani sumptus laboratibus sine dilatione præberentur. Sed exigente eiusdem famis necessitate panis defuit, cœperuntque laborantes instanter victum quærere: quia vires ad laborem per inopiam non haberent. Quod vir Dei audiens, eos verbis consolabatur foris promittendo quod deerat, sed ipse grauiter anxius intus, exhibere cibum non valens, quod promittebat. Cum verò huc illucque anxius pergeret, deuenit ad elibanum in quo vicinæ mulieres pridie panes coxerant, ibique incuruatus aspexit, ne fortè panis à coquentibus remansisset. Tunc repete panem miræ magnitudinis, atque insoliti candoris inuenit: quem quidem tulit, sed deferre artificibus noluit, ne fortasse alienus esset, & culpam velut ex pietate perpetraret. Per vicinas itaque hunc mulieres detulit, eumque omnibus ostendit, ac ne cui earum remansisset, inquisiuit. Omnes autem quæ pridie panem coxerant, suum hunc esse negauerunt, atque panes suos numero integro se à elibano retulisse professæ sunt. Tunc lætus vir Domini perrexit ad multos artifices cum vno pane, & vt omnipotenti Deo gratias agerent, admonuit. Et quia eis annona præbuerat indicauit, eisq; ad refectiōem protinus inuitatis inuentum panem apposuit. Quibus sufficenter plenèq; satiatis, plura ex eo quàm ipse panis fuerat fragmenta collegit. Quæ die quoque altero eis ad refectiōem intulit, sed id quod ex fragmentis supererat, ipsa quoque quæ apposita fuerant fragmenta superabat. Factumque est vt per dies decem omnes illi artifices atq; operarij ex illo pane satiati, hūc & quotidie ederent, & ex eo quotidie quod edi posset, in crastinū superesset, ac si fragmenta panis illius per esum cresceret, & cibum comedentium ora repararent.

Sanctulus panem in elibano miraculose repperit.

Vnus panis pluribus sufficit decem diebus.

Petrus.

Mira res, atque in exemplum dominici operis vehementer omnibus stupenda.

Gregorius.

Ipse Petre multos de vno pane pauit per seruū, qui ex quinque panibus quinque milia hominum satiauit per semetipsum, qui pauca feminis grana in innumera segetum frumenta multiplicat, qui ipsa quoque semina produxit ex terra, & simul omnia creauit ex nihilo. Sed ne diutius mireris quid in virtute Domini venerandus vir Sanctulus exterius fecerit, audi ex virtute Domini qualis interius fuit. Die etenim quadam à Longobardis captus quidam diaconus tenebatur ligatus, eumque ipsi qui tenuerant, interficere cogitabant. Advesperascente autem die vir Dei Sanctulus ab eisdem Longobardis petiit vt relaxari, eique vita concedi debuisset, quod posse se facere omnino negauerunt. Cumque mortem illius deliberasse eos cerneret, petiit vt sibi ad custodiam tradi debuisset. Cui protinus responderunt: Tibi quidem eum ad custodiendum damus, sed ea conditione interposita, vt si iste fugerit, pro eo ipse moriaris. Quod vir Domini libenter accipiens, prædictum diaconum in suam suscepit fidem, quem nocte media cum Longobardos omnes somno graui depresso aspiceret, excitauit & ait: Surge, & concitus fuge, liberet te omnipotens Deus. Sed idem diaconus promissionis eius non immemor, respōdit dicens: Fugere pater non possum: quia si ego fugero, pro me sine dubio ipse morieris. Quem vir Domini Sanctulus ad fugiendum compulit, dicens: Surge, & vade, te omnipotens Deus eripiat. Nam ego in manu eius sum, tantum in me possunt facere, quantum ipse permiserit. Fugit itaque diaconus, & quasi deceptus in medio fideiussor remansit. Facto igitur mane Longobardi qui diaconum ad custodiendum dederant venerunt, quem dederant petierunt, sed hunc venerandus presbyter fugisse respondit. Tunc illi inquirunt: Scis ipse melius quid conuenit. Seruus autem Domini constanter ait: Scio. Cui dixerunt: Bonus homo es, nolumus te per varios cruciatus mori, elige tibi mortē quam vis. Quibus

vis. Quibus vir Domini respondit: In manu Dei sum, ea morte me occidite, qua me occidi permiserit. Tunc omnibus qui illuc aderant Longobardis placuit ut eum capite truncare debuissent, quatenus sine graui cruciatu viri eius compendiosa morte terminarent. Cognito itaque quod Sanctulus qui inter eos pro sanctitatis reuerentia magni honoris habebatur occidendus esset, omnes qui in eodem loco inuenti sunt Longobardi conuenerunt, sicut sunt nimia crudelitatis, lati ad spectaculum mortis. Circumsteterunt itaque acies. Vir autem Domini deductus in medium est, atque ex omnibus viris fortibus electus est vnus, de quo dubium non esset quin vno ictu caput eius abscinderet. Venerandus igitur vir inter armatos deductus, ad sua arma statim cucurrit: nam petiit ut sibi paululum orandi licentia daretur. Cui dum concessum fuisset, in terram se strauit & orauit. Qui dum paulo diutius oraret, hunc electus interfector calce pulsauit ut surgeret, dicens: Surge, & flexo genu tende ceruicem. Surrexit autem vir Domini, genu flexit, ceruicem tetendit, sed tenso collo eductam contra se spatam intus, hoc vnum publice fertur dixisse: Sancte Ioannes suscipe illam. Tunc electus carnifex euaginatam gladium tenens, nisu forti in altum brachium percussurus leuauit, sed deponere nullo modo potuit, nam repente dirigit, & erecto in celum gladio brachium inflexibile remansit. Tunc omnis Longobardorum turba quae ad illud mortis spectaculum aderat, in laudis fauorem conuersa mirari cepit, virumque Dei cum timore venerari, quia profecto claruerat cuius sanctitatis esset, qui carnificis sui brachium in aere ligasset. Itaque postulatus ut surgeret, surrexit: postulatus ut brachium sui carnificis sanaret, negauit dicens: Ego pro eo nullo modo orabo, nisi mihi ante iuramentum dederit, quia cum ista manu Christianum hominem non occidat. Sed Longobardus idem qui (ut ita dicam) brachium contra Deum tendendo perdidit, poena sua exigente compulsus est iurare se Christianum hominem nunquam occidere. Tunc vir Domini praecipit dicens: Depone manum deorsum. Qui statim deposuit, atque ilico adiunxit: Remitte gladium in vaginam. Et statim remisit. Omnes ergo tanta virtutis hominem cognoscentes, boues & iumenta quae depradati fuerant, certatim ei offerre in munere volebant, sed vir Domini tale munus suscipere renuit: munus autem bonae mercedis quaesuit, dicens: Si mihi aliquid vultis concedere, omnes captiuos quos habetis mihi tribuite, ut habeam vnde pro vobis debeam orare. Factumque est, & omnes captiui cum eo dimissi sunt, atque superna gratia disponente, cum se vnus pro vno mori obtulit, multos a morte liberauit.

Petrus:

Mira res, & quamuis hanc ab aliis & ipse cognouerim: vere tamen fateor, quia mihi quoties narratur, innouatur.

Gregorius:

Nihil in hac re in Sanctulo mireris: sed pensa si potes, quis ille spiritus fuerit, qui eius tam simplicem mentem tenuit, atque in tanto virtutis culmine erexit. Vbi enim eius animus fuit, quando mori pro proximo tam constanter decreuit, & pro temporali vita fratris vnus suam despexit, atque sub gladio ceruicem tetendit? Quae ergo vis amoris illud eor tenuit, quod mortem suam pro vnus salute proximi non expauit? Scimus certe quia idem venerabilis vir Sanctulus ipsa quoque elementa literarum bene non nouerat, legis precepta nesciebat: sed quia plenitudo legis est charitas, legem totam in Dei ac proximi dilectione seruauit, & quod foris in cognitione non nouerat, ei intus vivebat in amore. Et qui nunquam fortasse legerat quod de redemptore Ioannes apostolus dixit, quoniam sicut ille pro nobis animam suam posuit, sic & nos debemus pro fratribus animas ponere, tam sublime apostolicum praecceptum faciendo magis, quam sciendo nouerat. Comparamus si placet eum hac nostra indocta scientia illius doctae ignorantiam. Vbi haec nostra iacet, ibi illius disciplina eminet. Nos de virtutibus vacui loquimur, & quasi inter fructifera arbuta positi, odoramur poma nec manducamus. Ille virtutum fructus carperet nouerat, quamuis hos in verbis odorari nesciebat.

Petrus:

Quidnam queso tu esse existimas, quod boni quique subtrahuntur: & qui vivere ad aedificationem multorum

poterant, aut penitus inueniri nequeunt, aut certe iam omni modo rarefuerunt?

Gregorius:

Malitia remanentium meretur ut hi qui prodesse poterant, festine subtrahantur, & cum mundi finis appropinquat, electi tolluntur, ne deteriora videant. Hinc enim propheta ait: Iustus perit, & nemo est qui recogitet in corde suo, & viri misericordiae colliguntur: quia non est qui intelligat. Hinc rursum scriptum est: Aperite ut exeant qui conculcent eam, tollite de via lapides. Hinc Salomon ait: Tempus mittendi lapides, & tempus colligendi. Quod igitur finis mundi vget, eo necesse est, ut viui lapides ad aedificium coeleste colligantur, quatenus Hierusalem nostra in mensuram suae constructionis ex crescat. Nec tamen ita omnes electos subtrahi credimus, ut soli in mundo peruersi remaneant: quia nunquam peccatores ad lamentum poenitentiae redirent, si nulla essent bonorum exempla quae eorum mentem traherent.

Petrus:

In cassum subtrahi bonos queror: quia perire ceteruatim & inialos video.

De visione Redempti Ferentina ciuitatis episcopi.

Caput XXXVIII.

Gregorius:

Hac de re nihil Petre mireris: nam Redemptum Ferentinam ciuitatis episcopum vite venerabilis virum, qui ante hos fere annos septem ex hoc mundo migravit, tua dilectio cognitum habuit. Hic sicut mihi adhuc in monasterio proposito valde familiariter iungebatur, hoc quod Ioannis iunioris praedecessoris mei tempore de mundi fine cognouerat, sicut longe lateque claruerat, a me requisitus mihi ipse narrabat. Aiebat nanque quia quadam die dum parochias suas ex more circuiret, peruenit ad Ecclesiam beati Eutichij martyris. Ad vesperscente autem die stratum fieri sibi iuxta sepulchrum martyris voluit, atque ibi post laborem quieuit: cum nocte media ut asserbat, nec perfecte vigilare poterat, nec dormiebat, sed depressus ut solet somno, grauabatur quodam pondere vigilans animus: atque ante eum idem beatus martyr Eutychius astitit dicens: Redepite vigilas? Cui respondit: Vigilo. Qui ait: Finis venit vniuersae carnis, finis venit vniuersae carnis, finis venit vniuersae carnis. Postquam trinam vocem visio martyris [cum omnipotentis dei gratia] quae mentis eius oculis apparebat, euauit. Tunc vir Dei surrexit, seque in orationis lamentum dedit. Mox enim illa terribilia in celum signa secuta sunt, ut hasta atque acies igneae ab aquilonis parte viderentur. Mox effera Longobardorum gens de vagina suae habitationis educta, in nostram ceruicem grassata est, atque humanum genus, quod in hac terra praenimiam multitudine quasi spissa segetis more surrexerat, succisum aruit. Nam depopulate vrbes, euersa castra, concremata Ecclesiae, destructa sunt monasteria virorum ac feminarum, desolata ab hominibus praedia, atque ab omni cultore destituta, in solitudine vacat terra: nullus hac possessor inhabitat, occupauerunt bestiae loca quae prius multitudo hominum tenebat. Et quid in aliis mundi partibus agatur ignoro. Nam in hac terra in qua nos viuimus: finem suum mundus iam non nuntiat, sed ostendit. Tanto ergo nos necesse est instantius aeterna quaerere quantum a nobis cognoscimus velociter temporalia fugisse. Despiciedus a nobis hic mundus fuerat, etiam si blandiretur, si rebus prosperis demulceret animu. At postquam tot flagellis premitur, tanta aduersitate fatigatur, tot nobis quotidie dolores ingeminat: quid nobis aliud quam ne diligatur clamat? Multa autem fuerant quae adhuc de electorum factis narrare debuissim, sed haec silentio supprimo, quia ad alia festino.

Petrus:

Quia multos intra sanctae Ecclesiae gremium constitutos, de vita animae post mortem carnis perpendo dubitare, quae ut debeas vel qua ex ratione possit agnosci, vel si qua animarum exempla animo occurrunt, pro multorum aedificatione dicere, ut hi qui suspicantur, discant cum carne animam non finire.

Gregorius:

Liberosum valde hoc opus est, & maxime occupato animo atque ad alia tendenti. Sed si sunt quibus prodesse

I inij

Longobardi
ad spectaculum
mortis
lati.

Sanctulus
carnificem
sanauit.

Legis plenitudo
est
charitas.

1. Ioan. 3.

Mundus est
despiciedus

valeat, voluntatē meam proculdubio postpono vtilitati proximorū, & inquantū Deo largiēte valuerō, quōd anima post carnem viuat, subsequēti hoc quarto volumine demonstrabo.

Libi tertij finis.

Capita libri quarti.

- 1 **Q**uod aeterna ac spiritalia idē à carnalibus minus credantur, quia ea quae audiunt, per experimentum minimè nouerunt.
- 2 Quod sine fide neque infidelis uiuat.
- 3 Quod tres spiritus vitales sunt creati.
- 4 De questione Salomonis qua dicitur, Vnus interitus est hominis & inmentorum.
- 5 De questione anima inuisibiliter exeuntis, an sit quae videri non possit.
- 6 Quod vita anima manentis in corpore sicut deprehenditur ex motu membrorum, sic vita anima post corpus in sanctis pensanda est ex virtute miraculorum.
- 7 De egressibus animarum.
- 8 De egressu anima speciosi monachi.
- 9 De anima cuiusdam inclusi.
- 10 De egressu anima Spei abbatis.
- 11 De egressu anima Vrsini presbyteri.
- 12 De anima Probi Reatina ciuitatis episcopi.
- 13 De transitu Galle ancilla Dei.
- 14 De transitu Seruuli paralytici.
- 15 De transitu Romula ancilla Dei.
- 16 De transitu Tharsilla virginis.
- 17 De transitu Muse puella.
- 18 Quod quibusdam paruulis regni caelestis adiutus à parentibus clauditur, cum ab eis malè nutriuntur, ut de puero blasphemus ostenditur, & postmodum declaratur.
- 19 De transitu Stephani serui Dei.
- 20 Quod aliquando anima meritum nō in ipso egressu, sed post mortem verius declaratur.
- 21 De duobus monachis Valentiij abbatis.
- 22 De transitu Sorani abbatis.
- 23 De transitu diaconi Ecclesiae Marforum.
- 24 De morte viri Dei qui missus Bethel fuerat.
- 25 Si ante restitutionem corporis recipiantur in caelo anima iustorum.
- 26 Quibus modis morientes aliqua pradicunt, & de morte cuiusdam aduocati, & de reuelatione Gerontij ac Milli monachorum, & de morte pueri Armentarij, & de diuersitate linguarum.
- 27 De morte Theophany comitis.
- 28 Quod sicut anima perfectorum in caelo, ita post dissolutionem corporum iniquorum anima in inferno esse credenda sunt.
- 29 Qua ratione credendum sit, ut in corporeos spiritus tenere ignis corporeus possit.

- 30 De morte Theoderici regis Ariani.
- 31 De morte Reparati.
- 32 De morte curialis, cuius sepultura incensa est.
- 33 Si boni bonos in regno & mali malos in supplicio agnoscunt.
- 34 De quodam religioso moriente qui prophetas vidit.
- 35 Quod se etiam ignota anima nonnunquam exitura cognoscunt, quae vel pro culpis tormenta, vel pro bonis actibus similia sunt, pramiae recepturae: & de morte Ioannis & Vrsi atque Eumorsi & Stephani.
- 36 De his qui per errorem duci videntur à corpore, & de vocatione & de reuocatione Petri monachi, & de morte & resurrectione Stephani: ac de visione cuiusdam militis, & de sedecio, cuius domus sabbato visa est edificari, & de poena Scedemorum.
- 37 Quod quorundam anima adhuc in corpore posita poenale aliquid de spiritalibus vident: & de Theodoro puero.
- 38 De morte Crysorij & monachi cuiusdam Iconia.
- 39 An post mortem ignis purgatorius sit.
- 40 De anima Pascasij diaconi.
- 41 Cur in extremis temporibus tam multa de animabus clarescunt, quae antè latuerunt.
- 42 Vbi esse infernus credendus sit.
- 43 Virum vnus gehenna ignis sit, an diuersi?
- 44 Si semper ardeant qui gehenna incendio deputantur.
- 45 Quomodo anima immortalis dicitur si constat quod mortis damnatione puniatur.
- 46 De quodam sancto viro qui ad mortem veniens expauit.
- 47 Quod quidam ne in morte timeant reuelatione roborantur, & de Antonio & Merulo & Ioanne monachis.
- 48 An obseruanda sint somnia, & quot sunt modi somniorum.
- 49 De quodam viro, cui per somnium longa vitae spatia promissa sunt & in breui tempore morte rescata.
- 50 An pro sit animabus si mortuorum corpora in Ecclesia fuerint sepulta.
- 51 De quadam sanctimoniali in Ecclesia sancti Laurentij sepulta, quae dimidia apparuit incensa.
- 52 De Valeriani patricij sepultura.
- 53 De corpore Valentini sepulti ab Ecclesia post mortem proiecto.
- 54 De tinctoris corpore in Ecclesia sepulto, & postmodum non inuento.
- 55 Quid sit quod post mortem valeat ad absolutionem animas adiuvare, & de Centumcellensi presbytero, qui à cuiusdam spiritu peritus est ut per sacram hostiam post mortem potuisset adiuvari, & de anima Iusti monachi.
- 56 De vita & transitu Casij episcopi.
- 57 De quodam ab hostibus capto, cuius vincula oblationis hora soluebantur, & de Caraca naua per salutarem hostiam à naufragio liberato.
- 58 De virtute ac mysterio victima salutaris.
- 59 De affligendo corde inter sacra mysteria, & de mentis custodia post compunctionem.
- 60 De relaxandis culpis alienis, ut nostra relaxentur.

B. GREGORII PAPAE DIALOGI LIBER QVARTVS.

Quod aeterna ac spiritalia ideo à carnalibus minus credantur, quia ea quae audiunt, per experimentum minimè nouerunt.

Caput I.

Homines
enr non fa-
cile spirita-
lia credunt.

Postquam de paradisi gaudiis (culpa exigente) expulsus est primus humani generis parens, in huius caecitatis atque exilij, quam patimur venit ærumnam: quia peccando extra semetipsum susus, iam illa caelestis patriae gaudia quae prius contemplabatur, videre non potuit. In paradiso quippe assueuerat homo verbis Dei perfrui, beatorum angelorum spiritibus cordis munditia & celsitudine visionis interesse. Sed postquā huc cecidit, ab illo quo implebatur mentis lumine recessit. Ex cuius videlicet carne nos in huius exilij caecitate nati, audimus quidem caelestem esse patriam, au-

dimus eius ciues angelos Dei, audimus eorundem angelorū socios spiritus iustorum & perfectorū. Sed carnales quique quia illa inuisibilia scire non valent per experimentum, dubitant vtrum ne sit, quod corporalibus oculis non vident. Quae nimirum dubietas in primo parente nostro esse non potuit, quia exclusus à paradisi gaudiis hoc quod amiserat, quia viderat, recolebat. Hi autem sentire vel recolere audita nō possunt, qui eorum nullum sicut ille saltem de praeterito experimentum tenent. Ac si enim praegnans mulier mittatur in carcerem, ibique pariat puerum, qui natus puer in carcere nutritur & crescat, cui si fortasse mater quae hunc genuit solem, lumen, stellas, montes, & campos, volantes aues, currentes equos

quos nominet, ille verò qui est in carcere natus & nutritus nihil aliud quàm tenebras carceris sciat, & hæc quidem esse audiat, sed quia per experimentum non nouit, veraciter esse diffidat: ita in hac exilij sui cæcitate nati homines, dum esse summa & inuisibilia audiunt, diffidunt an vera sint: quia sola hæc infima in quibus nati sunt visibilia nouerunt. Vnde factum est, vt ipse inuisibilium & visibilium creator ad humani generis redemptionem vnigenitus patris veniret, & sanctum spiritum ad corda nostra mitteret: quatenus per eum viuificati crederemus, quæ adhuc scire per experimentum non possumus: Quotquot ergo hunc spiritum hereditatis nostræ pignus accepimus, de vira inuisibilium non dubitamus. Quisquis autem in hac credulitate adhuc solidus nō est, debet proculdubio maiorem dictis fidem præbere, eisque iam per spiritum sanctum inuisibilium experimentum habentibus credere: quia & stultus est puer si matrem ideo æstimet de luce mentiri, quia ipse nihil aliud quàm tenebras carceris agnouit.

Petrus:

Placet valde quòd dicis. Sed qui esse inuisibilia non credit, profectò infidelis est: qui verò infidelis est, in eo quod dubitat, fidem non quærit, sed rationem.

Quod sine fide neque infidelis viuat. Caput 11.

Gregorius:

Avdacter dico, quia sine fide neque infidelis viuat. Nam si ab infideli, percunctari voluero quem patrem vel quam matrem habuerit, protinus respondebit illum atque illam. Quem si statim requiram vtrumne nouerit quando conceptus sit, vel viderit quando natus: nihil horum se vel nosse vel vidisse fatebitur, & tamen quod non vidit credit. Nam illum patrem, illamque se habuisse matrem absque dubitatione testabitur.

Petrus.

Fateor: quia nunc vsque nesciui, quòd infidelis haberet fidem.

Gregorius:

Habent etiam infideles fidem, sed vtinam in deum. Quam si vtique haberent, infideles non essent. Sed hinc in sua perfidia redarguendi sunt, hinc ad fidei gratiam prouocandi: quia si de ipso suo visibili corpore credunt quòd minimè viderunt, cur inuisibilia non credunt, quæ corporaliter videre non possunt?

Quod tres sunt vitales spiritus creati.

Caput 111.

NAm quia post mortem carnis viuat anima, patet ratio, sed fidei admixta. Tres quippe vitales spiritus creauit omnipotens Deus. Vnum qui carne non tegitur: alium qui carne tegitur, sed non cum carne moritur: tertium qui carne tegitur, & cum carne moritur. Spiritus nanque est qui carne non tegitur, angelorum: spiritus qui carne tegitur, sed cum carne moritur, iumentorum omniumque brutorum animalium. Homo itaque sicut in medio creatus est, vt esset inferior angelo, superior iumento: ita aliquid habet commune cum summo, aliquid commune cum infimo: immortalitatem scilicet spiritus cum angelo, mortalitatem verò carnis cum iumento: quousque & ipsam mortalitatem carnis gloria resurrectionis absorbeat, & inhærendo spiritui caro seruetur in perpetuum: quia & ipse spiritus inhærendo carni seruatur in Deum. Quæ tamen caro nec in reprobis inter supplicia perfectè deficit: quia semper deficiendo subsistit, vt qui spiritu & carne peccauerunt, semper essentialiter viuentes, & carne & spiritu sine fine moriantur.

Petrus:

Rationi fidelium placent cuncta quæ dicis. Sed quæso te, dum spiritus hominum atque iumentorum tanta distinctione discernis, quid est quod Salomō ait: Dixi in corde meo de filiis hominum, vt probaret eos deus, & ostenderet similes esse bestiis? Idcirco vnus interitus est hominis & iumentorum, & æqua vtriusque conditio. Qui adhuc eandem suam sententiam subtiliter exequens adiungit: Sicut moritur homo, sic & illa moriuntur. Similiter spirant omnia, & nihil habet homo iumentis amplius. Quibus adhuc verbis generalem diffinitionem subinfert dicens: Cuncta subiacent vanitati, & omnia pergunt ad vnum locum: de terra facta sunt, & in terram

pariter reuertentur.

De questione Salomonis quæ dicitur: Vnus interitus est hominis & iumentorum. Caput 1111.

Gregorius:

Salomonis liber in quo hæc scripta sunt, Ecclesiastes appellatus est. Ecclesiastes autè propriè concionator dicitur. In concione verò sententia promitur, per quam tumultuosa turbæ seditio comprimatur. Et cum multi diuersa sentiunt, per concionantis rationem ad vnam sententiam perducuntur. Hic igitur liber idcirco concionator dicitur: quia Salomō in eo quasi tumultuantis turbæ suscepit sensum, vt ea per inquisitionem dicat, quæ fortasse per tentationem imperita mens sentiat. Nam quot sententias quasi per inquisitionem mouet, quasi tot in se personas diuersorum suscipit. Sed concionator verax velut extensa manu omnium tumultus sedat, eosque ad vnam sententiam reuocat, cum in eiusdem libri termino ait: Finem loquendi omnes pariter audiamus. Deum time, & Eccles 12.

Bmandata eius obserua, hoc est enim omnis homo. Si enim in libro eodem per locutionem suam multorum personas non susceperat, cur ad audiendum loquendi finem secum pariter omnes admonebat? Qui igitur in fine libri dicit: Omnes pariter audiamus: ipse sibi testis est, quia in se multorum personas suscipiens, quasi solus locutus non est. Vnde & alia sunt quæ in libro eodem per inquisitionem mouentur, atque alia quæ per rationem satisfaciunt. Alia quæ ex tentati profert animo, Eccles 3. atque adhuc huius mundi delectationibus dediti: alia verò in quibus ea quæ rationis sunt differat, atque animum à delectatione compescat: ibi nanque ait: Hoc itaque mihi visum est Eccles 7. bonum, vt comedat quis & bibat, & fruatur lætitia ex labore suo. Et longè inferius subiungit: Melius est ire ad domum luctus, quàm ad domum conuiuij. Si enim bonum est manducare & bibere, melius fuisse videbatur ad domum conuiuij pergere, quàm ad domum luctus. Ex qua re ostenditur, quia illud ex infirmantiū persona intulit, hoc verò ex rationis diffinitione subiunxit. Nam ipsas protinus rationis causas edisserit, & de domo luctus quæ sit utilitas ostendit, dicens: In illa enim finis cunctorum admonetur hominū, & viuēs homo cogitat quid futurus sit. Rursum illic scriptū est: Lætare iuuenis in adolescentia tua. Et paulò post subditur: Adolescentia enim & voluptas vana sunt. Qui dū hoc postmodum vanū esse redarguit, quod prius admonuisse videbatur, patenter indicat, quia illa quasi ex desiderio carnali verba intulit, hæc verò ex iudicij veritate subiunxit. Sicut ergo delectationem prius carnaliū exprimens, curis postpositis denuntiat bonum esse manducare & bibere, quod tamen postmodum ex iudicij ratione reprehendit, cum esse melius dicit ire ad domum luctus, quàm ad domum conuiuij: & sicut quod ait lætari debere iuuenem in adolescentia sua, quasi ex deliberatione carnalium proponit, & tamen postmodum per diffinitionem sententiæ adolescentiam & voluptatem vana esse redarguit, ita etiam concionator noster velut ex mente infirmantium humanæ suspitionis sententiam proponit, dum dicit: Vnus interitus est hominis & iumentorum, & æqua vtriusque conditio. Sicut moritur homo, sic & illa moriuntur. Similiter spirant omnia, & nihil habet homo iumentis amplius. Qui tamen ex diffinitione rationis suam postmodum sententiam protulit dicens: Quid habet amplius sapiens stulto, & quid pauper, nisi vt pergat illuc vbi est vita? Qui igitur dixit: Nihil habet homo iumentis amplius, ipse rursum diffinit, quia habet aliquid sapiens non solum amplius à iumento, sed etiam ab homine stulto, videlicet vt pergat illuc vbi est vita. Quibus verbis primū indicat quia hîc hominum vita non est, quam esse alibi testatur. Habet ergo Homo hoc amplius iumentis: quia illa post mortem non viuunt, hic verò tunc viuere inchoat, cum per mortem carnis, hanc visibilem vitam consummat. Qui etiam longè inferius dicit: Quodcunque potest manus tua facere, instāter operare: quia nec opus, nec ratio, nec scientia, nec sapientia erit apud inferos, quòd tu properas. Quomodo ergo vnus interitus est hominis & iumentis, & æqua vtriusque conditio? Aut quomodo nihil habet homo iumentis amplius, cum iumenta post mortem carnis non viuunt? hominum verò spiritus pro malis suis operibus post mortem carnis ad inferos deducti, nec in ipsa morte moriuntur? Sed in vtraque tam dispari sententiā de-

Ecclesiastes concionator dicitur.

Eccles 12.

Eccles 3.

Eccles 7.

Concordat dicta Salomonis.

Eccles 12.

Ibidem.

Eccles 16.

Eccles 3.

Ibidem.

Ibidem.

Spiritus triplex à Deo creatus.

Infidelis fidem habet.

monstratur, quia concionator verax est, & illud ex tentatione carnali intulit, & hoc postmodum ex spiritali veritate diffiniuit.

Petrus.

Libet nescisse quod requisivi, dum me in tanta subtilitate contigit discere quod nescivi. Sed quæso te ut me æquanimiter feras, si ipse quoque apud te more Ecclesiastæ nostri infirmatium in me personam suscepero, ut eisdem infirmantibus prodesse propinquius quasi per eorum inquisitionem possim.

Gregorius.

Cur condescendentem te infirmitati proximorum æquanimiter non feram? cum Paulus dicat: Omnis factus sum, ut omnes facerem saluos. Quod ipse quoque dum ex condescensione charitatis egeris, in hac re amplius venerari debes, in qua morē egregij prædicatoris imitaris.

De questione animæ inuisibiliter exeuntis, an sit quæ videri non possit.

Caput V.

Petrus.

Quodam fratre moriente præsentem me fuisse contigit. Qui repente dum loqueretur, vitalem misit flatum, & quem prius mecum loquentem videbam, subito extinctum vidi. Sed eius anima utrum egressa sit an non, non vidi: & valde durum videtur ut credatur res esse, quam nullus valeat videre.

Gregorius.

Quid mirum Petre si egredientem animam non vidisti, quam & manentem in corpore non vides? Nunquid nam modò cum mecum loqueris, quia videre in me non vales animam meam, idcirco me esse exanimum credis? Natura quippe animæ inuisibilis est, atque ita ex corpore inuisibiliter egreditur, sicut in corpore inuisibiliter manet.

Anima inuisibilis est

Quod vita animæ manentis in corpore, sicut deprehenditur ex motu membrorum, sic vita animæ post corpus in sanctis pensanda est ex virtute miraculorum.

Petrus.

Sed vitam animæ in corpore manentis pensare possum ex ipsis moribus corporis: quia nisi corpori anima adesset, eiusdem membra corporis moveri non possent: vitam verò animæ post carnem in quibus motibus quibusve operibus videam, dicas: ut ex rebus visis etiam colligam quod videre non possum.

Gregorius.

Non quidem subtiliter, sed solerter dico: quia sicut vis animæ vivificat & movet corpus, sic vis diuina implet quæ creavit omnia: & alia inspirando vivificat, aliis tribuit ut vivant, aliis verò hoc solummodo præstat ut sint. Quia verò esse non dubitas creatorem & regentem, implentem & circumplectentem, transcendentem & sustinentem, incircumscriptum atque inuisibilem Deum: ita dubitare non debes hunc inuisibilia obsequia habere. Debent quippe ea quæ ministrant, ad eius similitudinem tendere cui ministrant: ut & quæ inuisibili seruiunt, esse inuisibilia non dubitentur. Hæc autem quæ esse credimus, nisi sanctos Angelos & Spiritus iustorum? Sicut ergo motum cōsiderans corporis, vitam animæ manentis in corpore perpendis ab imo, ita vitam animæ exeuntis ex corpore perpendere debes à summo: quia potest inuisibiliter vivere, quam oportet in obsequio inuisibilis conditoris manere.

Petrus.

Recè totum dicitur, sed mens refugit credere, quod corporeis oculis non valet videri.

Gregorius.

Hebr. II.

Cum Paulus dicat: Est enim fides sperandarum substantiarum rerum, argumentum non apparentium: hoc veraciter dicitur credi, quod non valet videri. Nam credi iam non potest quod videri potest. Ut tamen te breuiter reducam ad te, nulla visibilia nisi per inuisibilia videntur. Ecce enim cuncta corporea oculus tui corporis aspicit, nec tamen ipse corporeus oculus aliquid corporeum videret, nisi hunc res incorporea ad videndum acueret. Nam tolle mentem quæ non videtur, & incassum patet oculus qui videbat. Subtrahe ani-

Visibilia per inuisibilia videntur.

Emam corpori, remanent proculdubio oculi in corpore aperti. Si igitur per se videbant, cur discedente anima nihil vident? Hinc ergo collige: quia ipsa quoque visibilia non nisi per inuisibilia videntur. Ponamus quoque ante oculos mentis ædificari domus, immensas moles leuari, pendere magnas in machinis columnas, quis (quæso te) hoc opus operatur, corpus visibile quod illas moles manibus trahit, an inuisibilis anima quæ vivificat corpus? Tolle enim quod non videtur in corpore, & mox immobilia remanent cuncta quæ moveri videbantur, sicut visibilia corpora metallorum. Quæ ex repensandum est, quia in hoc quoque mundo visibili nihil, nisi per creaturam inuisibilem disponi potest. Nam sicut omnipotens Deus aspirando vel implendo ea quæ ratione subsistunt, & vivificat & movet inuisibilia: ita ipsa quoque inuisibilia implendo movent atque sensificant carnalia corpora, quæ videntur.

Petrus.

Istis fateor allegationibus libenter victus propè nulla iam esse hæc visibilia existimare compellor, qui prius in me infirmantium personam suscipiens de inuisibilibus dubitabam. Itaque placent cuncta quæ dicis: sed tamen sicut vitam animæ in corpore manentis ex motu corporis agnosco, ita vitam animæ post corpus apertis quibusdam rebus attestantibus cognoscere cupio.

Quia vita animæ manentis in corpore, sicut deprehenditur ex motu membrorum, sic vita animæ post corpus in sanctis pensanda est ex virtute miraculorum.

Caput VI.

Gregorius.

Hac in re si cor paratum tuæ dilectionis inuenio, in allegatione minimè laboro. Nunquidnam sancti Apostoli & martyres Christi præsentem vitam despicerent, & in mortem carnis animas ponerent, nisi certiores animarum vitam subsequi scirent? Tu verò ipse inquires, quia vitam animæ in corpore manentis ex motibus corporis agnoscis, & ecce hi qui animas in mortem posuerunt, atque animarum vitam post mortem carnis esse crediderunt, quotidianis miraculis coruscant. Ad extincta nanque eorum corpora viuentes ægri veniunt & sanantur, periuri veniunt & demonio vexantur, demoniaci veniunt & liberantur, leprosi veniunt & mundantur, deferuntur mortui & suscitantur. Pensa itaque eorum animæ qualiter vivunt illic, ubi vivunt, quorum hæc mortua corpora in tot miraculis vivunt. Si igitur vitam animæ manentis in corpore deprehendis ex motu membrorum, cur non perpendis vitam animæ post corpus etiam per ossa mortua in virtute miraculorum?

Petrus.

Nulla ut opinor huic allegationi ratio obsistit, in qua ex rebus visibilibus cogimur credere quod non videmus.

De egressibus animarum.

Caput VII.

Gregorius.

Paulò superius questus es morientis cuiusdam egredientem te animam non vidisse: sed hoc ipsum iam culpæ fuit, quod corporeis oculis rem videre inuisibilem quæsisisti. Nam multi nostrum mentis oculum fide pura & vberè oratione mundantes, egredientes ex carne animas frequenter viderunt. Vnde nunc mihi necesse est vel qualiter egredientes animæ visæ sint, vel quanta ipsæ dum egredierentur, viderint, enarrare: quatenus fluctuanti animo quod plenè ratio non valet, exempla suadeant. In secundo nanque huius operis libro iam præfatus sum, quod vir venerabilis Benedictus sicut à fidelibus eius discipulis agnoui, longè à Capuana vrbe positus, Germani eiusdem vrbs Episcopi animam nocte media in globo igneo ad cælum ferri ab Angelis aspexit. Qui eandem quoque ascendentem animam intuens, mentis laxato sinu quasi sub vno Solis radio cunctum in suis oculis collectum mundum vidit.

De egressu animæ Speciosi monachi.

Caput VIII.

Eisdem quoque discipulis illius narrantibus didici, quia duo nobiles viri atque exterioribus studiis eruditi germani fratres, quorum vnus Speciosus, alter Gregorius dicebatur, eius se regulæ in sancta conversatione tradiderunt. Quos idem pater venerabilis in monasterio quod iuxta Terracinensem

Per miracula sanctorum probat animam immortalem.

Benedictus animam Germani vidit.

Frater mo-
rientis fra-
tris animā
vidit.

raciensem, urbem construxerat, fecit habitare. Qui multas quidem pecunias in hoc mundo possederant, sed cuncta pauperbus pro animarum suarum redemptione largiti sunt, & in eodem monasterio permanserunt. Quorum vnus, scilicet Speciosus, dum pro utilitate monasterij iuxta Capuanam urbem missus fuisset, die quadam frater eius Gregorius cum fratribus ad mensam sedens atque conuescens, per spiritum subleatus aspexit, & vidit Speciosi germani sui animam tam longē à se positi de corpore exire: quod mox fratri us indicauit & cucurrit, iamque eundem fratrem suum sepultum reperit, quem tamen hora ea qua viderat exisse de corpore, inuenit.

De anima cuiusdam inclusi.

Caput IX.

Quidam religiosus atque fidelissimus vir adhuc mihi in monasterio posito, narravit quod aliqui de Siciliae partibus nauigio Romam petentes, in mari medio positi, cuiusdam serui Dei qui in Samnio fuerat inclusus, ad cœlum ferri animam viderunt. Qui descendentes ad terram, causamque an ita esset acta perscrutantes, illo die inuenerunt obiisse Dei famulum, quo eum ad cœlestia regna ascendisse cognouerunt.

De egressu anima Spei abbatis.

Caput X.

Spei abbas
cæcus qua-
draginta
annis, cu-
ratus est.

Spei anima
visa in spe-
cie colum-
bæ.

Ad huc in monasterio positus cuiusdā valde venerabilis viri relatione cognoui quod dico: Aiebat enim, qua venerabilis pater nomine Spes, monasterium construxit in loco cui vocabulum Cample est, qui sexti ferme miliarij interiacente spatio à vetusta Nursiæ urbe disjungitur. Hunc omnipotens & misericors Deus ab eterno verberare flagellando protexit, eique dispensationis suę maximam securitatem seruauit & gratiam, quantumque eum prius flagellando diligeret, postmodum perfecte sanando monstrauit. Eius nanque oculos per quadraginta annorum spacium continuę cæcitatē tenebris pressit, nullum ei lumen vel extremę visionis aperiens. Sed quia nemo in verberare illius gratia se destituente substituit, & nisi idem misericors pater qui pœnam irrogat patientiam presteret, mox per impatientiam peccatum nobis ipsa auget correptio peccatorū, fitque modo miserabili ut culpa nostra vnde sperare debuit terminum, inde sumat augmentum: idcirco nostra Deus infirma conspiciens, flagellis suis custodiam permiscet, atque in percussione sua electis filiis nunc misericorditer iustus est, ut sint quibus postea debeat iuste misereri. Vnde venerabilem senē dū exterioribus tenebris premeret, interna nunquam luce destituit. Qui cū flagello fatigaretur corporis, habebat per sancti spiritus custodiam consolationem cordis. Cū verō iam anni quadagesimi fuisset in cæcitate tempus expletum, ei Dominus lumen reddidit, & vicinum suum obitum denuntiavit: atque ut monasterijs circumquaque constructis verbum vitę predicaret, admonuit, quatenus corporis recepto lumine, visitatis in circuitu fratribus cordis lumen aperiret. Qui statim iussis obtemperans, fratrum cœnobia circuiuit, mandata vitę quę agendo didicerat, predicauit. Quintodecimo igitur die ad monasterium suum peracta prædicatione reuersus est, ibique fratribus conuocatis astans in medio sacramentum dominici corporis & sanguinis sumpsit, moxque cum eis mysticos Psalmorum cātus exorsus est. Qui illis psallentibus orationi intentus animā reddidit. Omnes verō fratres qui aderant, ex ore eius exisse columbam viderunt, quę mox aperto tecto oratorij egressa aspicientibus fratribus penetrauit cœlum. Cuius idcirco animam in columbæ specie apparuisse credendum est, ut omnipotens Deus ex hac ipsa specie ostenderet, quā simplici corde ei vir ille seruisset.

De egressu anima Vrsini presbyteri.

Caput XI.

Parte i. dist.
32. cap. pres-
byter.

Sed neque hoc sileam quod vir venerabilis abbas Stephanus, qui nō longē ante hoc in hac urbe defunctus est, quē ipse etiam bene nosti, in eadem prouincia Nursiæ contigisse referebat. Aiebat enim quod illic presbyter quidam commissam si cum magno timore Domini regebat Ecclesiam. Qui ex tempore ordinationis acceptę presbyteram suam ut sororem diligens, sed quasi hostem cauens, ad se propius accedere nū-

A quam sinebat, eamque sibi met propinquitate nulla occasione permittens, ab ea sibi communionem funditus familiaritatis absciderat. Habent quippe sancti viri hoc proprium, nam ut semper ab illicitis longē sint, à se plerūque etiam licita abscedunt. Vnde idem vir ne vnquam per eam incurreret culpam, sibi etiam per illam ministrari recusabat necessaria. Hic ergo venerabilis presbyter cū longam vitę impleisset ætatem, anno quadagesimo ordinationis suę inardeciente grauius febre correptus ad extrema deductus est. Sed cū eum presbyter sua cōspiceret solutis iam membris quasi in morte distentum, si quod adhuc ei vitale spiramen inisset, naribus eius apposita curauit atque dignoscere. Quod ille sentiens, cui tenuissimus in erat flatus, quantulo adnifu valuit ut loqui potuisset, inferuescente spiritu collegit vocem atque erupit, dicens: Recede à me mulier, adhuc igniculus viuit, paleam tolle. Illa igitur recedente crescente virtute corporis cum magna cœpit lætitia clamare dicens: Bene veniant domini mei, bene veniant domini mei: quid ad tantillum seruulum vestrum estis dignati conuenire. Venio, venio: Gratias ago, gratias ago. Cūque hoc iterata crebrō voce repeteret, quibus hoc diceret, noti sui qui illum circumsteterant, requirerant. Quibus ille admirando respondit, dicens: Nunquid hic conuenisse sanctos Apostolos non videtis? beatum Petrum & Paulum primos Apostolorum nō aspicitis? Ad quos iterum conuersus dicebat: Ecce venio, ecce venio: atque inter hæc verba animā reddidit. Et quia veraciter sanctos Apostolos viderit, eos etiam sequendo testatus est. Quod plerūque contingit iustis ut in morte sua sanctorum præcellentium visiones aspiciant, ne ipsam mortis suę pœnalem sententiam pertimescant: sed dum eorum menti interiorum ciuium societas ostenditur, à carnis suę copula sine doloris & formidinis fatigatione soluantur.

De anima Probi Reatinae urbis episcopi.

Caput XII.

Qua de re neque hoc sileam quod Probus omnipotentis Dei famulus, qui nunc in hac urbe monasterio præstest est quod appellatur Reatum, de Probo patre suo Reatinae ciuitatis Episcopo mihi narrare consuevit, dicens: Quia appropinquante vitę eius termino cum grauissima depreßit agritudo. Cuius pater nomine Maximus pueris circūquaque transmissis colligere medicos studuit, si fortasse eius molestię, subueniri potuisset. Sed congregati ex vicinis locis vndique medici, ad tactum venę denuntiauerūt eius exitum citius futurum. Sed cū iam tempus refectionis incumberet, atque diei hora tardior excreuisset, venerandus Episcopus de illorum potius quā de sua salute sollicitus eos qui aderant, admonuit, cum sene patre in superioris episcopij sui partes ascendere, seque post laborem reficiendo reparare. Omnes igitur ascenderunt domum, vnus ei tantum modō paruulus relictus est puer, quem nunc quoque prædictus Probus asserit superesse. Qui dum lecto iacentis assisteret, subito aspexit intrantes ad virum Dei quōdam viros stolis candidis amictos: qui eundem quoque candorem vestium vultuum suorum lucē vincebant. Qua splendoris etiam claritate percussus, quoniam illi essent, emissā cœpit voce clamare, Qua voce etiam Probus episcopus cōmotus, intrantes eos aspexit & agnouit, atque eundem stridentem vagientemque puerum consolari cœpit, dicens: Noli timere: quia ad me sanctus Iuuenalis, & sanctus Eleutherius martyres venerunt. Ille autem tantę visionis nouitatem nō ferens, cursu concito extra fores fugit, atque eos quos viderat patri ac medicis nuntiavit. Qui cōcitē descenderunt, sed agrum quē reliquerant, iam defunctum inuenerunt: quia illi eum secum tulerant, quorum visionem puer ferre non potuit, qui hīc remansit.

De transitu Galla ancillæ dei.

Caput XIII.

Interea neque hoc sileandum arbitror quod mihi personarū grauium atque fidelium est reuelatione comperit. Gothorum nanque temporibus Galla huius urbis nobilissima puella Symmachi consulis ac patricij filia, intra adolescentiæ tempora marito tradita, in vnus anni spatio eius est morte viduata. Quam dum feruente mundi & copia ad iterandum thalamū & opes & ætas vocaret, elegit magis spiritalibus nuptiis copu-

Vrsinus à-
postolos vi-
dit.

Puer san-
ctos vidit.

al. copula.

lari Deo, in quibus à luctu incipitur, sed ad gaudia æterna peruenitur, quam carnalibus nuptiis subiici, quæ à lætitia semper incipiunt, & ad finem cum luctu tendunt. Huic autem cum valde ignea conspersio corporis inesset, cœperunt medici dicere: quia nisi ad amplexus viriles rediret, calore nimio contra naturam barbas esset habitura: quod ita quoque pòst factum est. Sed sancta mulier nihil exterius deformitatis timuit, quæ interius sponsi cœlestis speciem amauit: nec verita est si hoc in illa scædaretur, quod à cœlesti sponso in ea non amaretur. Mox ergo ut eius maritus defunctus est, abiecto seculari habitu ad omnipotentis Dei seruitium sese apud beati Petri Apostoli Ecclesiam monasterio tradidit, ibique multis annis simplicitati cordis atque orationi dedita, larga indigentibus elemosynarum opera impendit. Cùmque omnipotēs Deus perennem iam mercedem reddere eius laboribus decreuisset, cancri vlcere in mamilla percussa est. Nocturno autem tempore ante lectum eius duo candelabra lucere consueuerant: quia videlicet amica lucis, non solum spirituales, sed etiam corporales tenebras odio habebat. Quæ dum nocte quadam ex hac eadem iaceret infirmitate fatigata, vidit beatum Petrum Apostolum inter vtraque candelabra, ante suum lectum constitisse, nec perterrita timuit, sed ex amore sumens audaciam exultauit, eisque dixit: Quid est Domine mi, dimissa sunt mihi peccata mea? Cui ille, benignissimi vt est vultus, inclinato capite annuit, dicens: Dimissa, veni. Sed quia quandam sanctimoniam fœminam in eodem monasterio præ cæteris diligebat, ilico Galla subiunxit: Rogo vt soror Benedicta mecum veniat. Cui ille respondit. Non, sed illa talis veniat tecum. Hæc verò quam petis, die te erit trigesimo secutura. His itaque expletis visio Apostoli assistentis & colloquentis ei ablata est. At illa protinus cunctæ congregationis acciuit matrem, eisque quid viderit, quid ve audierit, indicauit. Tercio autem die cum ea, quæ iussa fuerat, sorore defuncta est. Illa verò quam ipsa poposcerat, die est trigesimo subsecuta. Quod factum nunc vsque in eodem monasterio manet memorabile, sicque hoc à præcedentibus matribus traditum, narrare illic solent subtiliter iuniores quæ nunc sunt sanctimoniales virgines, ac si illo in tempore huic tam grandi miraculo & ipsæ affuissent.

De transitu Seruuli paralytici.

Caput XLIII.

Sed inter hæc sciendum est: quia sæpe animabus exeuntibus electorum, dulces solent laudes cœlestes erumpere: vt dum illas libenter audiunt, dissolutionem carnis ab anima sentire minimè permittantur. Vnde in homiliis quoque; Euangelij iam narraſſe me memini, quòd in ea porticu quæ euntibus ad Ecclesiam beati Clementis est peruia, fuit quidam Seruulus nomine, cuius te quoque non ambigo meminisse: qui quidem pauper rebus, sed meritis diues erat, quem longa ægritudo dissoluerat. Nam ex quo illum scire potuimus, vsque ad finem vitæ paralyticus iacebat. Quid dicam quia stare non poterat, qui nunquam in lecto surgere vel ad sedendum valebat, nunquam manum suam ad os ducere, nunquam se potuit in latus aliud declinare? Huic ad seruiendum mater cum fratre aderat, & quicquid ex elemosyna potuisset accipere, hoc eorum manibus pauperibus erogabat. Nequaquam literas nouerat, sed scripturæ sacræ sibi met codices emerat, & religiosos quosque in hospitalitatem suscipiens, hos coram se studioſè legere faciebat. Factum est vt iuxta modum suum plenè sacram scripturam disceret, cùm, sicut dixi, literas funditus ignoraret. Studebat semper in dolore gratias agere, hymnis Deo & laudibus diebus ac noctibus vacare. Sed cùm iam tempus esset vt tanta eius patientia remunerari debuisset, membrorum dolor ad vitalia rediit. Cùmque iam se morti proximum agnouisset, peregrinos viros, atque in hospitalitatem susceptos admonuit, vt surgerent, & cum eo Psalmos pro expectatione sui exitus decantarent. Cùmque cum eis & ipse moriens psalleret, voces psallentium repentè compescuit cum terrore magni clamoris, dicens: Tacete. Nunquid non auditis quantæ resonant laudes in cœlo? Et dum ad easdem laudes quas intus audierat, aurem cordis intenderet, sancta illa anima carne soluta est. Qua scilicet exeunte, tanta illic fragrantia odoris aspersa est, vt omnes qui illic aderant, inæstimabili suauitate

replerentur: ita vt per hoc patenter cognoscerent, quòd eas laudes in cœlo suscepissent. Cui rei monachus noster interfuit, qui nunc vsque viuit, & cum magno fletu attestari blet: quia quousque corpus eius sepulturæ traderent, ab eorum naribus odoris illius fragrantia non recessit.

De transitu Romulæ ancilla Dei.

Caput XV.

IN eisdem quoque homiliis rem narraſſe me recolo, quam Speciosus compresbyter meus, qui hæc nouerat me narraſſe attestatus est. Eo nanque tempore quo monasterium petij, anus quædam Redempta nomine, in sanctimoniali habitu constituta in vrbe hac, iuxta beatæ Mariæ semper Virginis Ecclesiam manebat. Hæc illius Hirundinis discipula fuerat, quæ magnis virtutibus pollens super Prænestinos montes vitam ereticam duxisse ferebatur. Huic autem Redemptæ duæ in eodem habitu discipulæ fuerant, vna nomine Romula, & altera, quæ nunc adhuc superest, quam quidem facie scio, sed nomine nescio. Tres itaque hæc in vno habitaculo commanentes, morum quidem diuitiis plenam, sed tamen pauperem rebus vitam ducebant. Hæc autem quam præfatus sum Romula, aliam quam prædixi condiscipulam suam magnis vitæ meritis anteibat. Erat quippè miræ patientiæ, summæ obedientiæ, custos oris sui ad silentium, studiosa valde ad continuam orationis vsum. Sed quia plerunque hi, quos iam homines perfectos æstimant, adhuc in oculis summi opificis aliquid imperfectionis habent: sicut sæpe imperiti homines necdum perfectè sculpta sigilla conspiciamus, & iam quasi perfectæ laudamus, quæ tamen adhuc artifex considerat & limat, laudari iam audit, & tamen ea tundere meliorando non desinit. Hæc, quam prædiximus, Romula, ea quam Græco vocabulo medici paralyfin vocant, molestia corporali percussa est, multisque annis in lectulo decubans, penè omni iacebat membrorum officio destituta. Nec tamen hæc eadem eius mentem ad impatientiam flagella perduxerant. Nam ipsa ei detrimenta membrorum facta fuerant incrementa virtutum: quia tantò sollicitius ad vsum orationis excreuerat, quantò & aliud quodlibet agere nequaquam valebat. Nocte igitur quadam eandem Redemptam, quam præfatus sum, quæ vtrasque discipulas suas filiarum loco nutriebat, vocauit, dicens: Mater veni, mater veni. Quæ mox cum alia eius condiscipula surrexit, sicut vtrisque referentibus & multis eadem res clauit, & ego quoque in eodem tempore agnouit. Cùmque noctis medio lectulo iacentis assisterent, subito cœlitus lux emissa omne illius cellulæ spatium impleuit, & splendor tantæ claritatis emicuit, vt corda assistentium inæstimabili pauore perstringeret, atque, vt pòst ipsa referebant, omne in eis corpus obrigesceret, vt & in subito stupore manerent. Cœpit nanque quasi cuiusdam magnæ multitudinis ingredientis sonitus audiri, ostiumque cellulæ concuti, ac si ingredientium turba premeretur, atque, vt dicebant, intrantium multitudinem sentiebāt, sed nimietate timoris & luminis videre non poterant: quia earum oculos maior depressoerat, & ipsa tanti luminis claritas reuerberabat. Quam lucem protinus est miri odoris fragrantia subsecuta, ita vt earum animum, quia lux emissa terruerat, odoris suauitas refoueret. Sed cùm vim claritatis illius ferre non possent, cœpit eadem Romula assistentem & tremantem Redemptam suorum morum magistram blanda voce consolari, dicens: Noli timere mater, non moriar modò. Cumque hoc crebrò diceret, paulatim lux quæ fuerat emissa, subtracta est, sed is qui subsecutus est, odor remansit. Sicque dies secundus & tertius transiit, vt aspersi odoris fragrantia remaneret. Nocte igitur quarta eandem magistram suam iterum vocauit: qua veniente viaticum petiit & accepit. Necdum verò eadem Redempta, vel illa alia eius discipula à lectulo iacentis absceſſerant, & ecce subito in platea ante eiusdem cellulæ ostium duo chori psallentium constitierant, & sicut se dicebant sexus ex vocibus discreuisse, psalmodiæ cantus dicebāt viri, & fœminæ respondebant. Cùmque ante fores cellulæ exhiberentur cœlestes exequiæ, sancta illa anima carne soluta est. Qua ad cœlum ducta, quantò chori psallentium altius ascendebant, tantò cœpit psalmodia lenius audiri, quousque & eiusdem psalmodiæ sonitus, & odoris suauitas elongata, finiretur.

De transitu

*Galla ad
sanctum
Petrum.*

*Romula
laudes.*

*Servulus in
exitu An-
gelos canta-
re auduit.*

*Cœlestes
exequiæ.*

De transitu Tarfillæ sacræ virginis.

Caput XVI.

Tarfilla Ie-
sum vidit.

Nonnunquam verò in consolatione egredientis animæ ipse apparere solet author ac retributor vitæ. Vnde & hoc quod de Tarfilla amita mea in homiliis Euangelij dixisse me recolo, replicabo: quæ inter duas alias sorores suas virtute continuæ orationis, grauitate vitæ, singularitate abstinentiæ, ad culmen sanctitatis excreuerat. Huic per visionem Fœlix atauus meus huius Romanæ Ecclesiæ antistes apparuit, eique mansionem perpetuæ claritatis ostendit dicens: Veni, quia in hac te lucis mansionem recipiam. Quæ subsequenti mox febre correpta, ad diem peruenit extremum. Et sicut nobilibus fœminis virisque morientibus, multi conueniunt, qui eorum proximos consolentur, eadem hora exitus ipsius multi viri ac fœminæ eius lectulum circumsteterunt. Tunc subito illa sursum respiciens Iesum venientem vidit, & cum magna animaduersione cœpit circumstantibus clamare, dicens: Recedite, recedite: Iesus venit. Cùmque in eum intenderet quem videbat, sancta illa anima è corpore est egressa. Tantâque subito fragrantia miri odoris aspersa est, ut ipsa quoque suauitas cunctis ostenderet illic authorem suauitatis venisse. Cùmque corpus eius ex more mortuorum ad laudandum esset nudatum, longæ orationis vsu, in cubitis eius & genibus camelorum more inuenta est obdurata cutis excreuisse. Et quid viuens eius spiritus semper egisset, caro mortua testabatur.

De transitu Musæ puellæ.

Caput XVII.

Musæ bea-
tam virgi-
nem vidit.

Sed neque hoc sileam quod prædictus Probus Dei famulus de sorore sua, nomine Musæ, puella parua narrare consuevit, dicens quòd quadam nocte ei per visionem sancta Dei genitrix virgo Maria apparuit, atque cœuas ei in albis vestibus puellas ostendit. Quibus illa cùm admisceri appeteret, sed se eis iungere non auderet: beatæ Mariæ virginis est voce requisita an vellet cum eis esse, atq; in eius obsequio viuere. Cui cùm puella eadem diceret, Volo: ab ea protinus mandatum accepit, ut nihil vltrâ leue & puellare ageret, & à risu & iocis se abstinere, sciens per omnia quòd inter easdē virgines quas viderat, ad eius obsequium die trigesimo veniret. Quibus visis in cunctis suis moribus puella mutata est, omnemque à se leuitatem puellaris vitæ magna grauitatis deterfit manu. Cùmque eam parentes eius mutatam esse mirarentur, requisita rē retulit, quid sibi beatæ Dei genitrix iussu ferit, vel qua die itura esset ad obsequium eius, indicauit. Tunc post vigesimum quintum diem febre correpta est. Die autem trigesimo cùm hora eius exitus propinquasset, eandem beatam genitricem Dei cum puellis quas per visionem viderat, ad se venire conspexit. Cui se etiam vocanti respondere cœpit, & depressis reuerenter oculis aperta voce clamare: Ecce domina venio, ecce domina venio. In qua etiam voce spiritum tradidit, & ex virgineo corpore, habitura cum sanctis virginibus, exiuit.

Petrus:

Cum humanum genus multis atque innumeris vitiis sit subiectum, Hierusalem cœlestis patriæ maximam partem ex paruulis vel infantibus arbitror posse compleri.

Quòd quibusdam paruulis regni cœlestis aditus à parentibus clauditur, cùm ab eis malè nutriuntur, & de puero blasphemio ostenditur, & postmodum declaratur. Caput XVIII.

Gregorius:

† al. quali-
cet.
Paruulis à
parentibus
regnum cœ-
lestis non-
nunquam
clauditur.

Et si omnes baptizatos infantes, atque in eadem infantia morientes ingredi regnum cœleste credendum est, omnes tamē paruulos qui t scilicet iam loqui possunt, regna cœlestia ingredi credendū nō est: quia nōnullis paruulis eiusdē regni cœlestis aditus à parentibus clauditur, si malè nutrian-
tur. Nam quidā vir cunctis in hac vrbe notissimus ante triennium filiū habuit annorum, sicut arbitror, quinque: quem nimis carnaliter diligens remisit nutritur: atque idē paruulus, quod dictu graue est, mox ut eius animo aliquid obstiteret, maiestatem dei blasphemare cōsueuerat: qui in hac ante triennium mortalitate percussus venit ad mortem. Cùmque eum suus pater in sinu teneret, sicut hi testati sunt qui præsentes
Tomus primus.

A fuerūt, malignos ad se venisse spiritus tremētibus oculis puer aspiciēs cœpit clamare: Obsta pater, obsta pater. Qui clamans declinauit faciē, ut se ab eis in sinu patris abscederet. Quē cū ille tremētum requireret, quid videret, puer adiunxit, dicens: Mauri homines venerunt, qui me tollere volūt. Qui cū hoc dixisset, maiestatis nomen protinus blasphemauit, & animam reddidit. Ut enim omnipotens Deus ostenderet pro quo reatu talibus fuisset traditus executoribus: vnde viuentem pater suus noluit corrigere, hoc morientem permisit iterare: ut qui diu per diuinitatis patientiam blasphemus vixerat, quandoque per diuinitatis iudicium blasphemaret & moreretur: quatenus reatum suum pater eius agnosceret, & qui paruuli filij animam negligens, non paruulum peccatorem gehennæ ignibus nutrifset. Sed interim hoc triste seponentes ad ea, quæ narrare cœperamus læta redeamus.

De transitu Stephani viri Dei.

Caput XIX.

Stephani
laus.

Prædicto etenim Probo aliisque religiosis narrantibus viris agnoui ea, quæ indicare audientibus de venerabili patre Stephano in homiliis Euangelij curauit. Fuit enim vir sicut idem Probus & multi alij testantur, nihil in hoc mundo possidens, nihil requirens, solam cum Deo paupertatem diligens, inter aduersa semper patientiam amplectens, conuentus secularium fugiens, vacare semper orationi cōcupiscens. De quo vnum bonum virtutis refero, ut ex hoc vno valeant multa eius bona pensari. Is nanque cū quadam die messē quam sua manu secuerat, decisam ad aream deduxisset, nihilq; aliud cum discipulis suis ad totius anni stipēdium haberet, quidam peruersę voluntatis vtr antiqui hostis stimulis instigatus, eandem messē igne supposito, ita ut erat in area incendit. Quod factum dum alter conspiceret, eidem Dei famulo cucurrit & nuntiauit. Quod postquam indicauit, adiunxit, dicens: Væ væ pater Stephane, quid tibi contigit? cui statim vultu ac mente placida ille respōdit. Væ quid illi contigit qui mihi hoc fecit: nā mihi quid contigit in quibus eius verbis ostēditur in quo virtutis culmine sedebat, qui vnum quod in sumptum mundi habuerat, tam secura perdebat mente: magisque illi condelebat qui peccatum commiserat, quā sibi qui peccati illius damna tolerabat: nec pensabat quid ipse exterius, sed culpæ reus quantum perdebat intus. Hunc itaque cū dies mortis egredi de corpore vrgeret, conuenerunt multi, ut tam sanctæ animæ de hoc seculo recedenti suas animas commendarent. Cūque lecto illius hi qui conuenerant, omnes assisterent, alij ingredienti angelos viderūt, sed dicere aliquid nullo modo potuerunt, alij omnino nil viderunt: sed omnes qui aderant, ita vehemētissimus timor perculit, ut nullus, egrediente illa sancta anima, illic stare potuisset. Et hi ergo qui viderant, & hi qui omnino nihil viderant, vno omnes timore percussi & territi fugerunt, ut palām daretur intelligi quæ & quanta vis esset, quæ illam egredientem animam susciperet, cuius egressum nemo mortalium ferre potuisset.

Quòd aliquando animæ meritum non in ipso suo egressu, sed post mortem verius declaratur.

Caput XX.

Sed inter hæc sciendum est: quia aliquando animæ meritum non in ipso suo egressu ostenditur, post mortem verò certius declaratur. Vnde & sancti martyres ab infidelibus crudelia multa perpessi sunt, qui tamen, ut prædiximus, ad ossa sua mortua signis quotidie & miraculis clarescunt.

De duobus monachis Valentij abbatis.

Caput XXI.

† al. Valen-
tinus. al.
Valentio.

Vitæ nanque venerabilis † Valentius qui pōst in hac Romana vrbe mihi sicut nosti, meo quoq; monasterio præfuit, prius in Valeriæ provincia suum monasterium rexit. In quo dum Longobardi sœuientes venissent, sicut eius narratione didici, duos eius monachos in ramis vnius arboris suspenderunt, qui suspensi eodem die defuncti sunt, facto autem vespere vtrorūque eorum spiritus claris illic apertisque vocibus psallere cœperunt: ita ut ipsi quoq; qui eos occiderāt, cū voces psallentium audirent nimirum mirati terrerentur. Quas videlicet voces captiui quoque omnes qui illic aderāt, audierunt, atque eorum psalmodiæ postmodum testes extiterunt. Sed has voces spirituum omnipotēs Deus idcirco pertingere
K

Monachi
suspensi ad
arbores
canebant.

voluit ad aures corporum, ut viuentes quique in carne disce-
rent: quia si Deo seruire studeant, post carnis mortem ve-
rius viuant.

De transitu Surani abbatis.

Caput XXII.

Q Vibuldum religiosus quoque viris attestantibus adhuc
in monasterio positus agnouit, quod hoc Longobar-
dorum tempore iuxta in hac prouincia quæ Sura nomina-
tur, quidam monasterij pater vitæ venerabilis Suranus no-
mine fuerit, qui captiuus aduenientibus, atque à Longobar-
dorum deprædatione fugientibus, cuncta quæ in monasterio
videbatur habere, largitus est. Cumque in eleemosynis ve-
stimenta sua, ac fratrum omnia, & cellarum consumpsisset,
quicquid habere in horto potuit expendit. Expensis verò
rebus omnibus Longobardi ad eum subito venerunt, cum-
que tenuerunt, & aurum ab eo petere cœperunt. Quibus cū
ille diceret se omnino nihil habere, in vicino mōte ab eis du-
ctus est, in quo sylua immensæ magnitudinis stabat. Ibi cap-
tiuus quidem fugiens in caua arbore latebat, ubi vnus ex Lō-
gobardis educto gladio prædictum venerabilem occidit vi-
rum. Cuius corpore in terram cadente mōs omnis protinus,
& sylua concussa est, ac si se ferre non posse pondus sanctita-
tis eius diceret terra, quæ tremuisset.

Miraculum.

De transitu diaconi Ecclesiæ Marforum.

Caput XXIII.

Alius quoque in Marforum prouincia vitæ valde venera-
bilis diaconus fuit: quem inuentum Longobardi tenuerunt,
quorum vnus educto gladio caput eius amputauit. Sed
cū corpus eius in terram caderet, ipse qui hunc capite trun-
cauerat, immundo spiritu correptus, ad pedes eius corruit, &
quod amicum Dei occiderit, inimico Dei traditus ostendit.

Petrus:

Quid est hoc quæso te quod omnipotens Deus sic per-
mittit mori, quos tamen post mortem cuius sanctitatis
fuerint, non patitur cæleri?

De morte viri Dei qui missus Bethel fuerat.

Caput XXIII.

Gregorius:

Cum scriptum sit, Iustus quacūque morte præuentus
fuerit, iustitia eius non auferetur ab eo: electi qui pro-
culdubio ad perpetuam vitam tendunt, quid eis obest si ad
modicū durè moriuntur? Et est fortasse nonnunquam eorū
culpa, licet minima, quæ in eadem debeat morte refecari. Vn-
de fit ut reprobi potestatem quidem contra viuentes acci-
piant, sed illis morientibus hoc in eis grauius vindicatur,
quod contra bonos potestatem suæ crudelitatis acceperunt,
sicut idem carnifex qui eundem venerabilem diaconum vi-
uentem ferire permissus est, gaudere super mortuum permis-
sus non est. Quod sacra quoque testantur eloquia. Nam vir
Dei contra Samariam missus, quia per inobedientiam in iti-
nere comedit, hunc leo in eodem itinere occidit. Sed statim
illic scriptum est: Quia stetit leo iuxta asinum, & non com-
edit leo de cadauere. Ex qua re ostēditur quod peccatum in-
obedientiæ in ipsa fuerit morte laxatum: quia idem leo, quem
viuentem præsumpsit occidere, contingere non præsumpsit
occisum. Qui enim occidendi ausum habuit, de occisi cada-
uere comedendi licentiam non accepit: quia is qui culpabi-
lis in vita fuerat, punita inobedientia erat iam iustus ex mor-
te. Leo ergo qui prius peccatoris vitam necauerat, custodi-
uit postmodum cadauer iusti.

3. Reg. 3.

*Leo custo-
diuit cada-
uer iusti.*

Petrus:

Placet quod dicis, sed nosse vellem si nūc ante restitutio-
nem corporum in cælo recipi valeant animæ iustorum.

*Si ante restitutionem corporis recipiantur in cælo animæ
iustorum.*

Caput XXV.

Gregorius:

Hoc neque de omnibus iustis fateri possumus, neque de
omnibus negare. Nam sunt quorundam iustorum ani-
mæ, quæ à cœlesti regno quibusdam adhuc mansionibus dif-
ferunt. In quo dilationis damno quid aliud inuitur, nisi
quod de perfecta iustitia aliquid minus habuerunt? Et tamen
luce clarius constat: quia perfectorum animæ mox ut huius
carnis claustra exeunt, in cœlestis regni sedibus recipiuntur:
quod & ipsa per se veritas attestatur, dicēs: Vbicūque fuerit

Lucæ 17.

E corpus, illuc congregabuntur & aquilæ. Quia ubi ipse redem-
ptor noster est corpore, illuc proculdubio colliguntur iusto-
rum animæ. Et Paulus: Cupio dissolui, & esse cum Christo.
Qui ergo Christum in cælo esse non dubitat, nec Pauli ani-
mā esse in cælo negat. Qui etiam de dissolutione sui cor-
poris, atque de in habitatione cœlestis patriæ dicit: Scimus
quoniam si terrestris domus nostra huius habitationis dis-
soluatur, quod ædificationem habemus ex Deo, domum nō
manu faciam, sed æternam in cœlis.

Phil. 1.

2. Cor. 5.

Petrus:

S igitur nūc sunt in cælo animæ iustorum, quid est quod
in die iudicij pro iustitiæ suæ retributione recipient?

Gregorius:

Hoc eis nimirum crescit in iudicio, quod nunc animarū
sola, postmodum verò etiam corporum beatitudine
perfruuntur: ut in ipsa quoque carne gaudeant, in qua dolo-
res pro Domino cruciatūque pertulerunt. Pro hac quippe
geminata eorum gloria scriptum est: In terra sua duplicia pos-
sidebūt. Hinc etiam ante resurrectionis diem de sanctorum
animabus scriptum est: Datæ sunt illis singulæ stolæ albæ, &
dictum est illis, ut requiescerent tempus adhuc modicum,
donec impleretur numerus conseruatorum & fratrum eorum.
Qui itaque nunc singulas acceperunt, bihas in iudicio stolas
habaturi sunt: quia modò animarum tantummodo, tunc au-
tem animarum simul & corporum gloria lætabuntur.

Esa. 61.

Apoc. 6.

Petrus:

Assentio. Sed vellem scire quoniam modo agitur, quod
plerunque morientes multa prædicunt?

*Quibus modis morientes aliqua prædicunt. Et de morte cuius-
dam aduocati, Et de reuelatione Gerontij ac Mellij mona-
chorum, & de morte pueri armentarij, & de diuer-
sitate linguarum.*

Caput XXVI.

Gregorius:

Ipsa aliquando animarum vis subtilitate sua aliquid præui-
det. Aliquando autem exituræ de corpore animæ per re-
uelationem ventura cognoscunt. Aliquando verò iam dum
iuxta sit ut corpus deferant, diuinitus afflata in secreta cœle-
stia in corpore mentis oculum mittunt. Nam quod vis a-
nimæ aliquando subtilitate sua ea quæ sunt ventura cogno-
scit, patet ex eo quod quidā aduocatus qui in hac vrbe ante
biduum lateris dolore defunctus est, ante paululum quā
moreretur, vocauit puerum suum, præparari sibi vestimenta
ad procedendum iussit. Quem dum puer quasi insanire cer-
neret, eiusque præceptis minimè obediret, surrexit, vestimē-
to se induit, & per viam Appiam ad beati Sixti Ecclesiam se
esse processurum dixit. Cumque post modicum ingrauescē-
te molestia, esset defunctus, deliberatum fuerat, ut apud bea-
tum Ianuariū martyrem Preneestina via eius corpus poni de-
buisset. Sed quia longum hoc his qui funus eius curauerant,
visum est: repente orto consilio exeuntes cum eius funere
per viam Appiam, nescientes quæ ille dixerat, in ipsa eum
Ecclesia quam prædixerat, posuerunt. Et cū eundem vi-
rum curis secularibus obligatum, lucrisque terrenis inhiā-
tem fuisse nouerimus: vnde hoc prædicere potuit, nisi quia id
quod futurum erat, eius corpori ipsa vis animæ ac subtilitas
præuidebat? Quod autem sæpe etiam reuelationibus agitur,
ut à morituris futura præsciantur, ex his colligere possumus,
quæ apud nos gesta in monasteriis scimus. In monasterio et-
enim meo quidam frater ante decennium Gerontius dice-
batur. Qui cū graui molestia corporis fuisset depressus, in
visione nocturna albatos viros & clari omnimodo habitus
in hoc ipsum monasterium descendere, & de superioribus as-
spexit. Qui dum coram lecto iacentis assisterent, vnus eorū
dixit: Ad hoc venimus, ut de monasterio Gregorij quosdā
fratres in militiam mittamus, atque alteri præcipiens adiun-
xit: Scribe Marcellum, Valentinianum, Agnellum, atque alios
quorum nūc minimè recordor. Quibus expletis addidit, di-
cens: Scribe & hunc ipsum qui nos aspicit. Ex qua visione
certus redditus prædictus frater, facto mane innotuit fratri-
bus, qui & qui essent in breui ex eadem cella morituri, quos
se etiam denuntiavit esse secuturum, cū die alio prædicti
fratres mori cœperunt, atque sub eodem ordine se in morte
secuti

*Aduocatus
futura præ-
dixit.*

secuti sunt, quo fuerant in descriptione nominati. Ad extremum verò & ipse obiit, qui eosdem fratres morituros præuidit. In ea quoque mortalitate quæ ante triennium hanc urbem vehementissima clade vastauit, in Portunensis ciuitatis monasterio Mellitus dictus est monachus adhuc in annis iuuenilibus constitutus, sed miræ simplicitatis atque humilitatis vir, qui appropinquante vocationis die, eadem clade percussus ad extrema deductus est. Quod vir vitæ venerabilis Fælix eiusdem ciuitatis Episcopus audiens, cuius & hæc relatione cognoui, ad eum accedere studuit, & ne mortem timere debuisset, verbis hunc persuasoriis cōfortare, cui etiam adhuc de diuina misericordia longiora vitæ spatia polliceri cœpit. Sed ad hæc ille respondit, cursus sui tempora esse cōpleta, dicens apparuisse sibi iuuenem, atque epistolas detulisse, dicentem: Aperi & lege. Quibus apertis asseruit, quia se & omnes qui eodem tempore à prædicto Episcopo in pascuali festiuitate fuerant baptizati, scriptos in eisdem epistolis literis aureis inuenisset. Primū quidem, vt dicebat, suum nomen reperit, ac inde omnium illo in tempore baptizatorum. Qua de re certum tenuit, & se & illos de hac vita esse sub celeritate migraturos. Factūque est vt die eadem ipse moreretur, atque post eum cuncti illi qui baptizati fuerant ita secuti sunt, vt intra paucos dies nullus eorum in hac vita remaneret. De quibus nimirum constat quòd eos prædictus Dei famulus idcirco auro scriptos viderat: quia eorum nomina apud se fixa æterna claritas habebat. Sic itaque hi reuelationibus potuerunt ventura cognoscere: ita nonnunquam egressuræ animæ possunt etiam mysteria cœlestia non per somnium, sed vigilando prælibare. Ammonium nanque monasterij mei monachum bene nosti, qui dum esset in seculari habitu constitutus, Valeriani huius vrbs aduocati naturalem filiam in coniugio sortitus, eius obsequiis sedulè atque incessanter adhærebat, & quæque in eiusdem domo agebantur, nouerat. Qui mihi iam in monasterio positus narrauit quòd in ea mortalitate, quæ patricij Narfi temporibus hanc urbem vehementer afflixit, in domo prædicti Valeriani puer armentarius fuit præcipuè simplicitatis & humilitatis. Cū verò eiusdem aduocati domus eadem clade vastaretur, idem puer percussus est & vsque ad mortem deductus. Qui subito sublatus à præsentibus rediit, sibi que dominum suum vocari fecit. Cui ait: Ego in cælo fui, & qui de hac domo morituri sunt, agnoui. Ille, ille atque ille morituri sunt, tu verò ne timeas: quia in hoc tempore moriturus non es. Vt verò scias quòd me in cælo fuisse verum fateor, ecce accepi illic vt linguis omnium loquar. Nunquid tibi incognitum fuit Græcā me linguam omnino non nosse? & tamen Græcè loquar, vt cognoscas an verum sit: quòd me omnes linguas accepisse testificor. Cui tunc Græcè dominus suus locutus est, atque ita ille in eadem lingua respondit, vt cuncti qui aderant, mirarentur. In ea quoque domo prædicti Narfi spatarius Bulgar^o manebat. Qui festinè ad agrum deduct^o ei Bulgarica lingua locutus est, sed ita puer ille in Italia natus & nutritus in eadem barbara locutione respondit, ac si ex eadem fuisset gente generatus. Mirati sunt omnes qui audiebant, atque ex duarum linguarum experimento quas eum antea nescisse nouerant, crediderunt de omnibus quas probare minimè valebant. Tunc per biduum mors eius dilata est, sed die tertio, quo occulto iudicio nescitur, manus ac brachia lacertōsque suos dentibus lanauit, atque ita de corpore exiuit. Quo mortuo omnes illi quos prædixerat, ex hac protinus luce subtracti sunt, nullūque in illa domo eadem tempestate defunctus est, qui voce illius denuntiatus non est.

Petrus:

Valde terribile est, vt qui tale donum percipere meruit, tali etiam post hoc pœna plecteretur.

Gregorius:

Quis occulta Dei iudicia sciat? Ea quæ in diuino examine cōprehendere nō possumus, timere magis quàm discutere debemus.

De morte Theophanii comitis. Caput XXVII.

Vt autem de egredientibus animabus quæ multa prænoscent, ea quæ cœpimus, exequamur, neque hoc silēdū Tomus primus.

A est quod de Theophanio † Centerelensis vrbs comite in eadem vrbe positus multis attestantibus agnoui. Fuit nanque vir misericordiæ actibus deditus, bonis operibus intentus, hospitalitati præcipuè studens. Exercēdis quidem comitatus curis occupatus, agebat terrena & temporalia, sed vt post in fine claruit, magis ex debito quàm ex intētionē. Nam dum appropinquante mortis eius tempore grauissima aëris tempestas obfisteret, ne ad sepeliendum duci potuisset, eūque vxor sua cum fletu vehementissimo inquireret, dicens: Quid faciam? quomodo te ad sepeliendum eicio, quæ ostium domus huius egredi præ nimia tempestate non possum? Tunc ille respōdit: Noli mulier flere: quia mox vt ego defunctus fuero, aëris serenitas redibit. Cuius protinus vocem mors & mortem serenitas secuta est. Quod signum etiam alia signa sunt comitata. Nam manus eius & pedes podagræ humore tumescētes versi in vulneribus fuerant: & profluente sanie putebant. Sed dū corpus eius ex more ad lauandum fuisset nudatum, ita manus pedesque eius sani inuenti sunt, ac si vnquam vulneris nihil habuissent. Ductus itaque ac sepultus est, eūque coniugi visum est, vt quarto die in sepulchro illius marmor quod superpositum fuerat, mutari debuisset. Quod videlicet marmor corpori eius superpositum dum fuisset ablatum, tanta ex corpore ipsius fragātia odoris emanauit, ac si ex putrescente carne illius pro vermibus aromata ferbuisset. Quod factum dū narrāte me in homiliis infirmis quibusdam venisset in dubiū, die quadam sedente me in conuentu nobilium, ipsi artifices qui in sepulchro illius marmor mutauerant, affuerunt, aliquid me de propria causa rogaturi. Quos ego de eodem miraculo coram clero, nobilibus ac plebe requisui, qui & eadem odoris fragātia miro modo se repletos fuisse testati sunt. Et quædam alia in augmento miraculi, quæ nunc narrare longum æstimo, de eodem sepulchro eius addiderunt.

Petrus:

Inquisitioni meæ sufficienter iam video satisfactū, sed hoc est adhuc quod quæstione animū pulsat: quia cum superius dictum sit, esse iam sanctorum animas in cælo, restat proculdubio vt iniquorum quoque animæ esse non nisi in inferno credantur. Et quid hac de re veritas habeat, ignoro. Nam humana æstimatio non habet peccatorum animas ante iudicium posse cruciari.

Quòd sicut perfectorum anima in cælo, ita post dissolutionem corporum iniquorum anima in inferno esse credenda sint.

Caput XXVIII.

Gregorius:

Si esse sanctorum animas in cælo sacri eloquij satisfactio-nem credidisti, oportet vt per omnia esse credas & iniquorum animas in inferno: quia ex retributione æternæ iustitiæ ex qua iusti iam gloriantur, necesse est per omnia vt & iniusti crucientur. Nam sicut electos beatitudo lætificat, ita credi necesse est quòd à die exitus sui ignis reprobos exurat.

Petrus.

Et qua ratione credendum est: quia rem incorpoream tenere ignis corporeus possit?

D Quæ ratione credendum sit, vt incorporeos spiritus tenere ignis corporeus possit.

Caput XXIX.

Gregorius:

Si viuentis hominis incorporeus spiritus tenetur in corpore, cur non post mortem, cū incorporeus sit spiritus, etiā corporeo igne teneatur?

Petrus:

In viuentē quolibet idcirco incorporeus spiritus tenetur in corpore, quia viuificat corpus.

Gregorius:

Si incorporeus spiritus Petre in hoc teneri potest quod viuificat, quare non pœnaliter & ibi teneatur vbi mortificatur? Teneri autem spiritum per ignem dicimus vt in tormēto ignis, videndo atque sentiendo puniatur. Ignem nanque eo ipso patitur quòd videt: & quia cremari se aspicit, crematur. Sicque fit vt res corporea incorporeā exurat, dum ex igne visibili ardor ac dolor inuisibilis trahitur, & per ignem corporeum mens incorporea etiam incorporea flamma crucietur: quanuis colligere ex dictis Euangelicis possumus, quia incendium anima non solū videndo, sed etiam experiendo patia-

K ij

Notarem
miram.

Mors terri-
bilis pueri.

Corporeus
ignis in spi-
ritum pec-
catoris agit.

Lucæ 16.

tur. Veritatis etenim voce diues mortuus in inferno dicitur sepultus. Cuius anima quia in igne teneatur, insinuat voce diuitis qui Abraham deprecatur, dicens: Mitte Lazarum ut intingat extremum digiti sui in aquam, & refrigeret linguam meam, quia crucior in hac flamma. Dum ergo peccatorem diuitem damnatum veritas in ignem perhibet, quisnam sapiens reproborum animas teneri ignibus neget?

Petrus:

Ecce ratione ac testimonio ad credulitate flectitur animus, sed dimissus iterum ad rigorem redit. Quomodo enim res corrupta rem incorpoream teneat, atque affligere possit, ignoro.

Gregorius:

Dic quæso te, apostatas spiritus à cœlesti gloria deiectos, esse corporeos, an incorporeos suspicaris?

Petrus:

Quis sanum sapiens, esse spiritus corporeos dixerit.

Gregorius:

Gehennæ ignem esse incorporeum, an corporeum fatemur?

Petrus:

Ignem gehennæ corporeum esse non ambigo, in quo certum est corpora cruciari.

Gregorius:

Matth. 25.

Certe reprobis veritas in fine dictura est: Ite in ignem æternum, qui paratus est diabolo & angelis eius. Si igitur diabolus eiusque angeli, cum sint incorporei, corporeo sunt igne cruciandi, quid mirum si animæ, & antequam recipiant corpora, possint corporea sentire tormenta?

Petrus:

Patet ratio, nec debet animus de hac ulterius questione dubitare.

De morte Theodorici regis Arianæ. Caput XXX.

Gregorius:

Postquam laboriosè credidisti, operæ precium credo si ea quæ mihi à viris fidelibus sunt digesta, narrauerō. Iulianus nanque huius Romanæ Ecclesiæ, cui Deo authore deferuio, secundus defensor, qui ante septem ferme annos defunctus est ad me adhuc in monasterio positum crebrò veniebat, & mecum colloqui de animæ utilitate consueverat. Hic itaque mihi quadam die narrauit, dicens: Theodorici regis temporibus pater soceri mei in Sicilia exactionem canonis egerat, atque iam ad Italiam redibat. Cuius navis appulsa est ad insulam, quæ Liparis appellatur. Et quia illic vir quidam solitarius magnæ virtutis habitabat, dum nauis armaimenta repararet, visum est prædicto patri soceri mei ad eundem virum Dei pergere, seque eius orationibus commendare. Quos vir Domini cum vidisset, eis inter alia colloquens dixit: Scitis quia rex Theodoricus mortuus est? Cui illi protinus responderunt. Absit, nos eum viuentem dimisimus, & nihil tale ad nos de eo nunc usque perlatum est. Quibus Dei famulus addidit, dicens. Etiam mortuus est: nam hesternò die hora nona inter Ioannem papam & Symmachum patricium discinctus atque discalceatus, & vinctis manibus deductus, in hanc vicinam Vulcani ollam iactatus est. Quod illi audientes sollicitè conscripserunt diem, atque in Italia reuersi, eo die Theodoricum regem inuenerunt fuisse mortuum, quo de eius exitu atque supplicio Dei famulo fuerat ostensum. Et quia Ioannem papam affligendo in custodia occidit, Symmachum quoque patricium ferro trucidauit, ab illis iuste in ignem missus apparuit, quos in hac vita iniuste iudicauit.

De morte Reparati.

Caput XXXI.

Eodem quoque tempore quo primum remotæ vitæ desiderio anhelabam, quidam honestus senex Deusdedit nomine, valde huius vrbs nobilibus amicus, mihi quoque in amicitijs sedulè iungebatur, qui mihi narrabat, dicens: Gothorum tempore quidam spectabilis vir, Reparatus nomine, venit ad mortem. Qui dum diu iam commutatus ac rigidus iaceret, visum est quod ab eo funditus status vitalis exisset, atque exanime remansisset corpus. Cumque & multi qui conuenerant, & eum iam mortuum familia lugeret, subito rediit, & cunctorum plangentium in stuporem versæ sunt lachrymæ. Qui reuersus ait: Citius ad Ecclesiam beati Laurentij martyris quæ ex nomine conditoris Damasci vocatur,

E puerum mittite, & quid de Tyburtio presbytero agatur, videat, & renuntiare festinet. Qui videlicet tunc Tyburtius carnalibus desideriis subiacere ferebatur. Cuius adhuc vitæ morumque bene quoque Florentius eius nunc Ecclesiæ presbyter meminit. Cum verò puer pergeret, narrauit, idem Reparatus qui ad se reuersus fuerat, quod illi ubi ductus fuerat agnouit dicens: Paratus fuerat rogos ingens, deductus autem Tyburtius presbyter in eo est superpositus, atque supposito igne non crematus. Alius autem parabatur rogos, cuius à terra in cœlum cacumen tendi videbatur. Cui emissâ voce clamat, cuius esset. His igitur dictis statim Reparatus defunctus est, puer verò qui transmissus fuerat ad Tyburtium, iam eum mortuum inuenit. Qui videlicet Reparatus ductus ad loca pœnarum dum vidit, rediit, narrauit, & obiit, aperte monstratur: quia nobis illa, non sibi viderit, quibus dum adhuc concessum est viuere, licet etiam à malis operibus emendare. Rogum verò construi Reparatus vidit, non quod apud infernum ligna ardeant, ut ignis fiat: sed narraturus hæc viuentibus, illa de incendio prauorum vidit, ex quibus nutriri apud viuentes corporeus ignis solet: ut per hæc assueti viuentes discerent quid de infuetis timere debuissent.

Reparatus loca pœnarum vidit.

+ al. audientes.

De morte curialis cuius sepultura incensa est.

Caput XXXII.

Terribile etiam quiddam in Valeriæ provincia contigit. Vir vitæ venerabilis Maximinianus Syracusanus Episcopus, qui diu in hac vrbe meo monasterio præfuit, narrare consuevit, dicens: Quidam curialis illic sacratissimo Paschali sabbato iuuenulam cuiusdam filiam in baptismo suscepit. Qui post ieiunium domum reuersus, multoque vino inebriatus, eandem filiam suam secum manere petiit, eamque nocte illa, quod dictu nefas est, perdidit. Cumque mane facto surrexisset, reus cogitare cepit ut ad balneum pergeret, ac si aqua balnei lauaret maculam peccati. Perrexit igitur, lauit, cepitque trepidatè Ecclesiam ingredi. Sed si tanto die non iret ad Ecclesiam, erubescere homines: si verò iret, pertimescere iudicium Dei. Vicit itaque humana verecundia, perrexit ad Ecclesiam: sed tremebundus ac patiens stare coepit, atque per singula momenta suspectus qua hora immundo spiritui traderetur, & coram omni populo vexaretur. Cumque vehementer timeret, ei in illa Missarum celebritate quasi aduersi nihil contigit. Qui lætus exiit, & die altero Ecclesiam iam securus intrauit. Factumque est ut per sex continuos dies lætus ac securus procederet, æstimans quod eius scelus Dominus aut non vidisset, aut visum misericorditer auertisset. Die autem septimo subita morte defunctus est. Cumque sepulturæ traditus fuisset, per longum tempus cunctis videntibus de sepulchro illius flamma exiit, & tam diu ossa eius concremauit, quotiesque omne sepulchrum consumeret, & terra quæ in tumulum collecta fuerat, defossa videretur. Quod videlicet omnipotens Deus faciens, ostendit quid eius anima in occulto pertulit, cuius etiam corpus ante humanos oculos consumpsit. Qua in re nobis quoque hæc audientibus exemplum formidinis dare dignatus est: quatenus ex hac consideratione colligamus quid anima viuens ac sentiens pro reatu suo patitur, si tanto ignis supplicio etiam insensibilia ossa concremantur.

+ al. dimississet. Ossa curialis in sepulchro arsa.

Petrus:

Nosse velim, si vel boni bonos in regno, vel mali malos in supplicio agnoscant.

Si boni bonos in regno, & malos in supplicio agnoscunt.

Caput XXXIII.

Gregorius:

Huius rei sententia in verbis est dominicis, quam iam superius protulimus, luce clarius demonstrata. In quibus cum dictum esset: Homo quidem erat diues, & induebatur purpura & bysso, & epulabatur quotidie splendide: & erat quidem mendicus nomine Lazarus, qui iacebat ad ianuam eius vlcibus plenus, cupiens saturari de micis quæ cadebant de mensa diuitis, & nemo illi dabat: sed & canes veniebant & lingebant vlcera eius: subiunctum est, quod mortuus Lazarus portatus est ab angelis in sinu Abraham, & mortuus diues, sepultus est in inferno. Qui eleuans oculos suos cum esset in tormentis,

Lucæ 16.

mentis, vidit Abraham à longè, & Lazarum in sinu eius, & ipse clamauit, dicens: Pater Abraham miserere mei, & mitte Lazarum vt intingat extremum digiti sui in aquam, & refrigeret linguam meam: quia crucior in hac flamma. Cui Abraham dixit: Fili recordare, quia recepisti bona in vita tua, & Lazarus similiter mala. Diues autem iam spem salutis de seipso non habens, ad promerendam suorum salutem conuertitur, dicens: Rogo te pater vt mittas eum in domum patris mei: habeo enim quinque fratres, vt testetur illis, ne & ipsi veniant in locum hunc tormentorum. Quibus apertè declaratur, quia & boni bonos, & mali malos cognoscunt. Si enim Abraham Lazarum minimè recognouisset, nequaquam ad diuitem in tormentis positum de transacta eius contritione loqueretur, dicens, quod mala receperit in vita sua. Et si mali malos non recognoscerent, nequam diues in tormentis positus, fratrum suorum etiam absentium meminisset. Quomodo enim præsentes non posset agnoscere, qui etiam memoriam curauit exorare? Quia in re illud quoque ostenditur quod nequaquam ipse requisisti: quia & boni malos, & mali cognoscunt bonos. Nam diues ab Abraham cognoscitur, cui dictum est: Recepisti bona in vita tua. Et electus Lazarus à reprobo est diuite cognitus, quem mitti precatur ex nomine, dicens: Mitte Lazarum vt intingat extremum digiti sui in aquam, & refrigeret linguam meam. In qua videlicet cognitione vtriusque partis, cumulus retributionis excrescit: vt & boni amplius gaudeant, qui secum eos lætari conspiciunt quos amauerunt, & mali dum cum eis torquentur quos in hoc mundo, despecto Deo, dilexerunt, eos non solum sua, sed etiam eorum pœna consumat. Fit autem in electis quiddam mirabilis: quia non solum eos agnoscunt quos in hoc mundo nouerant, sed velut viros visos ac cognitos recognoscunt bonos quos nunquam viderunt. Nam cum antiquos patres in illa æterna hæreditate viderint, eis incogniti per visionem nõ erant, quos in opere semper nouerunt. Quia enim illic omnes communi claritate Deum conspiciunt, quid est quod ibi nesciant, vbi scientem omnia sciunt?

De quodam religioso qui prophetas moriens vidit.

Caput XXXIIII.

NAm quidam noster religiosus vir vitæ valde laudabilis, cum ante hoc quadriennium moreretur, sicut religiosi alij qui præsentes fuerunt testati sunt, in hora exitus sui Ioannem prophetam, Ezechielem quoque & Danielelem cœpit aspiciere, eosque dominos suos ex nomine clamare. Quos dum ad se venisse diceret, & depressis luminibus eis reuerentiæ obsequium præberet, ex carne eductus est. Quia in re apertè datur intelligi, quæ erit in illa incorruptibili vita notitia, si vir iste adhuc in carne corruptibili positus, prophetas sanctos quos nimirum nunquam viderat, agnouit.

Quod se etiam ignota anima nonnunquam exiura cognoscunt, quæ vel pro culpis tormenta, vel bonis actibus similia sunt præmia receptura: & de morte Ioannis, & Vrsi, atque Eumorphij, & Stephani.

Cap. XXXV.

Solet autem plerumque contingere vt egressura anima eos etiam recognoscat, cum quibus pro æqualitate culparum, vel etiam præmiorum, in vna est mansione deputanda. Nam vir vitæ venerabilis Eleutherius senex, de quo præcedente libro multa narraui, in monasterio suo germanum fratrem nomine Ioannem se habuisse perhibuit, qui ante dies quatuordecim suum fratribus exitum prædixit. Cumque decrescentes quotidie computarent dies, ante triduum quàm vocaretur ex corpore, febre correptus est. Ad horam verò mortis veniens, mysterium dominici corporis & sanguinis accepit. Vocatisque fratribus coram se psallere præcepit, quibus tamen antiphonam ipse per semetipsum de semetipso imposuit, dicens: Aperite mihi portas iustitiæ, & ingressus in eas confitebor Domino: hæc porta Domini, iusti intrabunt per eam. Cumque coram eo assistentes fratres psallerent, emissâ subito & productâ voce clamauit, dicens: Vrsi veni. Quod mox vt dixit, eductus è corpore mortale vitâ finiuit. Mirati sunt fratres: quia hoc quod moriens frater clamauerat, ignorabant. Quo defuncto, in monasterio facta est magna tristitia. Quarto autem die quiddam fratribus necessarium fuit, vt ad

Tomus primus.

A monasterium aliud longè positum transmitterent. Illuc ergo euntes fratres, omnes eiusdem monasterij monachos tristes vehementer inuenerunt. Quibus cum dicerent, quid haberis quod vos in tanto mœrore deprimitis? Responderunt dicentes: Loci huius desolationem gemimus, quia vnus frater cuius nos vita in hoc monasterio continebat, hodie quartus est dies quod ex hac luce subtractus est. Cumque fratres qui venerant studiosè inquirerent qualiter dictus fuisset, responderunt: Vrsus. Qui vocationis eius horam subtiliter inquirentes, ipso eum momento cognouerunt exisse de corpore, quo per Ioannem, qui apud eos defunctus est, fuerat vocatus. Quia ex re colligitur, quia vtrorumque par fuerat meritum, eisque datum est vt in vna mansione socialiter viuerent, quibus è corpore contigit socialiter exire. Sed neque hoc fileam quod dū adhuc laicus viuerem, atque in domo mea quæ mihi in hac vrbe ex iure patris obuenerat, manerem: de quibusdam vicinis meis me contigit agnouisse. Quædam nanque iuxta me videri, Galla dicebatur. Hæc Eumorphium nomine iuuenem filium habebat, à quo nõ longè quidam Stephanus qui alio nomine Optio dictus fuit, habitabat. Sed idem Eumorphius ad extrema vitæ veniens, vocauit puerum suum eique præcepit, dicens: Vade citius & dic Stephano Optioni vt concitus veniat, quia ecce naus parata est, vt ad Siciliam duci debeamus. Cumque hunc puer insanire crederet, & obedire recusaret, cœpit ille vehementer imminere, dicens: Vade & nuntia illi quod dico, quia non insanio. Egressus est puer vt ad Stephanum pergeret. Cumque in medium iter venisset, ei alius quidam obuius factus est, qui hunc requisivit, dicens: Quo vadis? Cui ille respondit: Ad Stephanum Optionem à domino meo missus sum. Atque ille protinus dixit: Ab eo venio, sed ante me hac hora defunctus est. Reuersus verò est puer ad Eumorphium dominum suum, sed iam cum mortuum inuenit. Sicque factum est vt dum alter obuiam venit, & ex medio itinere puer reuersus est, vt ex mensura spatij potuisset colligi quia vno momento vtrique fuerant vocati.

Petrus:

Terribile est valde quod dicitur: sed quæso te cur egrediēti animæ naus apparuit, vel cur se ad Siciliam duci moriturus prædixit?

Gregorius:

Anima vehiculo non eget: sed mirum non est si adhuc homini in corpore posito illud apparuit, quod per corpus assueuerat videre, vt per hoc intelligi daretur quod eius anima spiritaliter duci potuisset. Quod verò se ad Siciliam duci testatus est, quid sentiri aliud potest, nisi quod præ cæteris locis in eius terræ insulis eructante igne tormentorum ollæ patuerunt? Quæ, vt solent narrare qui nouerunt, laxatis quotidie finibus excrescunt, vt mundi termino appropinquante, quantò certum est illuc amplius exurendos colligi, tantò & eadem tormentorum loca amplius videatur aperiri. Quod omnipotens Deus ad correptionem viuientium in hoc mundo voluit ostendi, vt mentes infidelium, quæ inferni tormenta esse non credunt, tormentorum loca videant, quæ audita credere recusant. Quod verò siue electi, siue reprobi, quorum communis causa in opere fuerit, ad loca etiam communia deducantur, veritatis nobis verba satisfacerent, etiam si exempla deessent. Ipse quippe propter electos in Euangelio dicit: In domo patris mei mansiones multæ sunt. Si enim dispar retributio in illa æterna beatitudine non esset, vna potius mansio quàm multæ essent. Multæ ergo mansiones sunt, in quibus & distincti bonorum ordines, & propter meritorum consortia communiter lætantur: & tamen vnum denarium omnes laborantes accipiunt Qui multis mansionibus distinguuntur: quia & vna est beatitudo quam illic percipiunt, dispar retributionis qualitas, quam per opera diuersa consequuntur. Quæ nimirum veritas iudicij sui diem denuntians, ait: Tunc dicam messoribus: Colligite zizania, & ligate ea in fasciculos ad comburendum. Messores quippe angeli zizania ad comburendum in fasciculos ligant, cum pares paribus in tormentis similibus sociant, vt superbi cum superbis, luxuriosi cum luxuriosis, auari cum auaris, fallaces cum fallacibus, inuidi cum inuidis, infideles cum infidelibus ardeant. Cum ergo similes in culpa, ad

K iij

Boni malos, & bonos mali recognoscunt post mortem.

Mortis prophetas vidit.

Antiphona Ioannis.

Nota de Stephano & Eumorphio.

Ioan. 14.

Matth. 13.

t tormenta similia deducuntur, quia eos in locis pœnalibus angelis deputant, quasi zizaniorum fasciculos ad comburendum ligant.

Petrus:

AD inquisitionem meam responsionis satisfactione patuit causa rationis. Sed quidnam est, quæso te, quod nonnulli quasi per errorem extrahuntur e corpore, ita ut facti exanimis redeant, & eorum quisque audisse se dicat, quia ipse non fuerit qui erat iussus deduci?

† nō fuerat
iussus de-
duci

De his qui quasi per errorem educi videntur e corpore, & de vocatione & reuocatione Petri monachi, & de morte & resurrectione Stephani, ac de visione cuiusdam militis.

Caput XXXVI.

Gregorius:

HOC cum sit Petre, si bene perpenditur, non error, sed admonitio est. Superna enim pietas ex magna misericordia suæ largitate disponit, ut nulli etiam post exitum repente ad corpus redeant, ut tormenta inferni quæ audita non crediderant, saltem visa pertimescant. Nam quidam Illyricianus monachus, qui in hac urbe in monasterio mecum vivebat, mihi narrare consueverat: quia quodam tempore cum adhuc in eremo moraretur, agnouerit quod Petrus quidam monachus ex regione ortus Hiberiæ, qui ei in loco vastæ solitudinis, cui Euasa nomen est, inhærebat, sicut ipso narrante didicerat, priusquam eremum peteret, molestia corporis interueniente defunctus est: sed protinus corpori restitutus, inferni se supplicia atque innumera loca flammarum vidisse testabatur. Qui etiam quosdam huius seculi potentes in eisdem flammis suspensos se vidisse narrabat. Qui cum iam ductus esset ut in illas & ipse mergeretur, subito angelum coruscum habitus apparuisse fatebatur, qui cum in ignem mergi prohiberet. Cui etiam dixit: Regredere, & qualiter tibi post hæc viuendum sit, cautissime attende. Post quam vocem paulatim recalcitantes membris ab æternæ mortis somno euigilans, cuncta quæ circa illum fuerant gesta, narravit. Tantisque se postmodum ieiuniis vigiliisque constrinxit, ut inferni eum vidisse & pertimuisse tormenta, etiam si taceret lingua, conuersatio loqueretur. Quippe omnipotentis Dei mira largitate in morte actum est ne mori debuisset. Sed quia humanum cor grauis valde duritiæ esse solet: ita ipsa quoque pœnarum ostensio non æquè omnibus utilis est. Nam illustris vir Stephanus, quem bene nosti, de semetipso mihi narrare consueverat: quia in Constantinopolitana urbe pro quadam causa demoratus, molestia corporis superueniente defunctus est. Cumque medicus atque pigmentarius ad aperiendum eum atque condiendum esset quæsitus, & die eodem minimè inuentus, subsequente nocte corpus iacuit inhumatum. Qui ductus ad inferni loca, vidit multa quæ prius audita non crediderat. Sed cum præsentibus illis iudici præsentatus fuisset, ab eo receptus non est, ita ut diceret: Non hunc adduci, sed Stephanum ferrarium iussi. Statim reductus in corpore est, & Stephanus ferrarius qui iuxta cum habitabat, eadem hora defunctus est. Sicque probatum est vera fuisse verba quæ audierat, dum hæc effectus mortis Stephani demonstravit. Ante triennium quoque in hac pestilentia quæ hanc urbem clade vehementissima depopulauit, in qua etiam corporali visu flagrantia cœlitus venire, & singulos quosque ferire videbantur sicut nosti: Stephanus idem defunctus est. Quidam verò miles in hac eadem urbe nostra percussus, ad extrema peruenit. Qui eductus e corpore exanimis iacuit, sed citius rediit, & quæ cum eo fuerat gesta, narravit. Aiebat enim, sicut tunc res eadem etiam multis innotuit: quia pons erat, sub quo niger atque caliginosus fœtoris intolerabilis nebula exhalans fluminis decurrebat. Transacto autem ponte, amœna erant prata atque virentia, odoriferis herbarum floribus exornata, in quibus albarum hominum conuenticula esse videbantur. Tantusque in eodem loco odor suauitatis inerat, ut ipsa suauitatis fragrantia illic deambulantes, habitantesque fatiaret. Ibi mansiones erant diuersorum singule, magnitudine lucis plenæ. Ibi quædam miræ potentia edificabatur domus, quæ aureis videbat laterculis construi, sed cuius esset, non potuit agnosci. Erant verò super ripam prædicti fluminis nonnulla habitacula, sed alia exurgens fœtoris nebula tangebatur, alia autem exurgens fœtor e flumine minimè tangebatur. Hæc verò erat in prædicto

Stephanus
quidam pœ-
nas inferni
vidit.

Miles qui-
dam Ache-
ronta & E-
lysios cam-
pos vidit.

E ponte probatio, ut quisque per eum vellet iniustorum transire, in terrorem suum fœtoremque fluvium laberetur. Iusti vero quibus culpa non obsisteret, securo per eum gressu ac libero ad loca amœna peruenirent. Ibi se etiam Petrum Ecclesiasticæ familiæ maiorem, qui ante quadriennium est defunctus, deorsum positum in locis terribilissimis magno ferri pondere religatum ac depressum vidisse confessus est. Qui dum requireret cur ita esset, ea se dixit audisse quæ nos qui cum in hac Ecclesiastica domo nouimus, sciētes eius acta, recolimus. Dictum nanque est. Hæc idcirco patitur: quia siquid ei pro facienda ultione videbatur, ad inferendas plagas plus ex crudelitatis desiderio quam obediētiæ seruiebat. Quod sic fuisset, nullus qui illum nouit, ignorat. Ibi se etiam quandam peregrinum presbyterum vidisse fatebatur, qui ad prædictum pontem veniens, tanta per eum autoritate transiit, quanta & hic synceritate vixit. In eodem quoque ponte hunc quem prædiximus Stephanum se recognouisse testatus est. Qui dum transire voluisset, eius pes lapsus est, & ex medio corpore iam extra pontem deiectus, à quibusdam terribilissimis viris ex flumine surgentibus per coxam deorsum, atque à quibusdam albatis & speciosissimis viris cœpit per brachia sursum trahi. Cumque hoc luctamen esset, ut hunc boni spiritus sursum, mali deorsum, traherent, ipse qui hæc videbat, ad corpus reuersus est, & quid de eo plenius gestum sit, minimè cognouit. Qua in re de eiusdem Stephani vita datur intelligi: quia in eo mala carnis cum eleemosynarum operatione certabat. Qui enim per coxas deorsum, per brachia traheretur sursum, patet nimirum quia & eleemosynas amauerat, & carnis vitiis perfectè non restiterat, quæ eum deorsum traherent. Sed in illo occulto arbitri examine quid in eo vicerit, & nos & eum qui vidit & reuocatus est, latet. Constat tamen, quia idem Stephanus postquam, sicut superius narraui, & infera loca vidit, & ad corpus rediit, perfectè vitam minimè correxit, qui post multos annos de corpore adhuc in certamine vitæ & mortis exiit. Qua de re colligitur, quia ipsa quoque inferni supplicia cum demonstrantur, aliis hoc ad adiutorium, aliis verò ad testimonium fiat: ut isti videant mala quæ caueant, illi verò eo amplius puniantur, quoniam inferni supplicia nec visa & cognita vitare voluerunt.

Nota certamen.

Petrus:

Quid est hoc quæso te, quod in amœnis locis cuiusdam domus laterculis aureis edificari videbatur? Ridiculum est valde si credimus quod in illa vita adhuc metallis tabulis egeamus.

Quid sibi vult in amœnis locis domus instructio, & de Deo dedit cuius domus sabbato videbatur edificari.

Gregorius:

Quis hoc si sanum sapit, intelligat? sed per hoc quod illic ostensum est, quisque ille est, cui mansio ista constructebatur, aperte datur intelligi quid est quod hic operatur. Nam qui præmia æternæ lucis eleemosynarum largitate promerebitur, nimirum constat, quia auro edificat mansionem suam. Quod enim superius memoriam fugit ut dicerem, idem miles qui hæc viderat, narrabat quod eosdem laterculos aureos ad ædificationem domus senes ac iuuenes, puellæ & pueri ferebant. Qua ex re colligitur, quia hi, quibus hæc pietas facta est, ipsi illic operatores esse videantur. Hic etiam quidam iuxta nos Deusdedit nomine, religiosus habitabat, qui calciamenta solebat operari, de quo alter per reuelationem vidit quod eius domus edificabatur, sed in ea constructores sui solo die sabbati videbantur operari. Qui eiusdem viri postmodum subtiliter vitam requirens, inuenit quia ex his quæ diebus singulis laborabat, quicquid ex victu atque vestitu superesse potuisset, die sabbato ad beati Petri Ecclesiam deferre consueverat, atque indigentibus erogare. Qua ex re perpende: quia non immerito ipsius fabrica sabbato crescebat.

Deusdedit
suam domum
sabbato tantum
edificabat.

Petrus:

Hac de re mihi idoneè video satisfactum: sed quæso te, quid esse dicimus, quod quorundam habitacula fœtoris nebula tangebantur, quorundam verò tangi non poterant: vel quid quod pontem quidam & fluvium vidit?

Gregorius:

Gregorius:

Mat. 7.

EX rerum Petre imaginibus pensantur merita causarum. Per pontem quippe ad amœna loca transire iustos asperxit: quia angusta valde est semita quæ ducit ad vitam. Et fœtentem fluuium decurrentem vidit: quia ad ima defluit quotidie carnalium hîc putredo vitiorum. Et quorundam habitacula fœtoris nebula tangebant, quorundam verò ad ea tangi non poterant: quia sunt plerique qui multa iam bona opera faciunt, sed tamen adhuc carnalibus vitiis in cogitationis delectatione tanguntur. Et iustum valde est, vt illic nebula fœtoris asideat, quos hîc adhuc carnis fœtor delectat. Vnde & eandem delectationem carnis esse beatus Iob in fœtore conspiciens, de luxurioso ac lubrico sententiam potulit, dicens: Dulcedo illius vermes. Qui autem perfectè cor ab omni delectatione carnis excutiant, constat nimirum quia eorum habitacula fœtoribus non tanguntur. Et notandû quòd idem fœtor esse & nebula visa sit: quia nimirum carnis delectatio mentem quam inficit obscurat, vt veri luminis claritatem non videat, sed vnde delectatur inferius, inde caliginem supernam patiat. *Job 24.*

Petrus.

PVtamus ne hoc auctoritate sacri eloquij posse monstrari, vt culpæ carnalium fœtoris pœna puniantur?

De pœna Sodomorum.

Gregorius:

Gene. 19.

POtest. Nam libro Geneseos attestante didicimus, quia super Sodomitas Dominus ignem & sulphur pluit, vt eos & ignis incenderet, & fœtor sulphuris necaret. Quia enim amore illicito corruptibilis carnis exarserant, simul incendio & fœtore perierunt: quatenus in pœna sua cognosceret, quia æternæ morti fœtoris sui se delectatione tradidissent.

Petrus:

DE his in quibus dubius fui, nihil mihi fateor quæstionis remansisse.

Quòd quorundam animæ adhuc in corpore posita pœnale aliquid de spiritualibus vident: & de Theodoro puero.

Caput XXXVII.

Theodorus
puer præ-
ans.

SCiendum quoque est, quia nonnunquam animæ adhuc in suis corporibus posita, pœnale aliquid de spiritualibus vident: quod tamen quibusdam ad edificationem suam, quibusdam verò contingere ad ædificationem audientium solet. Nā is de quo in homiliis coram populo me narraffe iam meminî, inquietus valde Theodorus nomine puer fuit, qui in monasterium meum fratrem suum necessitate magis quàm voluntate secutus est. Cui nimirum graue erat si quis pro salute sua aliquid loqueretur. Bona enim non solum facere, sed etiam audire non poterat. Nunquam se ad sanctæ cōversationis habitum venire iurando, irascendo, deridendo testabatur. In hac autem pestilentia quæ nuper huius vrbs populum magna ex parte consumpsit, percussus in inguine, est perductus ad mortem. Cùmque extremum spiritum ageret, conuenerunt fratres vt egressum illius orando protegerent. Iam corpus eius ab extrema parte fuerat præmortuum, in solo tantum pectore vitalis adhuc calor anhelabat. Cuncti autem fratres tantò pro eo cœperunt enixius orare, quātò eum iam videbant sub celeritate discedere. Tunc repente cœpit eisdem fratribus assistentibus clamare, atque cum magnis vocibus orationes eorum interrumpere, dicens: Recedite. Ecce draconi ad deuorandum datus sum, qui propter vestram præsentiam deuorare me non potest. Caput meum iam suo ore absorbit: date locum vt non me amplius cruciet, sed faciat quod facturus est. Si ei ad deuorandum datus sum, quare propter vos moras patior? Tunc fratres cœperunt ei dicere: Quid est quod loqueris frater? signum tibi sanctæ crucis imprime. Respondit ille, dicens: Volo me signare, sed non possum: quia squamis huius draconis premor. Cùmque hoc fratres audirent, prostrati in terram cum lachrymis cœperunt pro ereptione illius vehementius orare. Et ecce subito cœpit æger clamare dicens: Gratias Deo, ecce draco qui me ad deuorandum acceperat, fugit, orationibus vestris expulsus stare non potuit. Pro peccatis meis modò intercedite: quia conuerti paratus sum, & secularem vitam funditus relinquere. Homo ergo, qui, sicut iam dictum est, ab extrema corporis parte fuerat præmortuus, re-

Aseruatus ad vitam toto corde ad Deum conuersus est. Et postquam mutatus mente diu est flagellis astrictus, tunc eius anima carn e soluta est.

De morte Chrysosij & monachi cuiusdam Iconia.

Caput XXXVIII.

AT cōtra Chrysosij, sicut Probus propinquus illius, cuius *Chrysosius vitiosus homo.* Aiam superius memoriā feci, narrare consuevit, vir in hoc mundo valde idoneus fuit, sed tantum plenus vitiis quantum rebus, superbia tumidus, carnis suæ voluptatibus subditus, in requirendis rebus auaritiæ facibus accensus. Sed cùm tot malis Dominus finem ponere decreuisset, corporali hunc molestia percussit. Qui ad extremum veniens, eadem hora qua iam de corpore erat exiturus, apertis oculis vidit teterrimos viros & nigerrimos spiritus coram se assistere, & vehemēter imminere, vt ad inferni claustra eum raperent. Cœpit tremere, pallescere, sudare, & magnis vocibus inducias petere, filiūque suum nomine Maximum, quem ipse iam monachus monachū vidi, nimis & turbatis vocibus vocare, dicens: Maxime curre. Nunquam tibi mali aliquid feci, in fide tua me suscipe. Turbatus mox Maximum affuit, lugens ac perstrepsens familia conuenit. Eos autem, quos ille insistentes sibi grauitè tolerabat, ipsi malignos spiritus videre non poterant, sed eorum præsentiam, in confusione, & pallore, & tremore illius qui trahebatur, videbant. Pauore autem tetra eorum imaginis huc illucque vertebatur in lectulo, iacebat in sinistro latere, aspectum eorum ferre nō poterat, vertebatur ad parietem, ibique aderant. Cùmque constrictus nimis relaxari se iam posse desperaret, cœpitque magnis vocibus clamare: Inducias vel vsque manè, inducias vel vsque manè. Sed cùm hæc clamaret, in ipsis vocib⁹ de habitaculo suæ carnis euulsus est. De quo nimirum constat: quia pro nobis ista non pro se viderit, vt eius visio nobis proficiat quos adhuc diuina patientia longanimitè expectat. Nam illi tetros spiritus ante mortem vidisse, & inducias petiisse quid profuit, qui easdem inducias quas petiit, non accepit? Est etiam nunc apud nos Athanasius ex Hauria presbyter, qui in diebus suis Iconij rem terribilem narrat euenisse. Ibi nanque, vt ait, quoddam monasterium Thongolatum dicitur, in quo quidam monachus magnæ æstimationis habebatur. Bonis quippe cernebatur moribus, atque in omni sua actione compositus, sed sicut ex fine res patuit, longè aliter quàm apparebat, fuit. Nam cùm ieiunare se cum fratribus demonstraret, occultè manducare consueuerat. Quod eius vitium fratres omnino nesciebant. Sed corporis superueniente molestia, ad vitæ extrema perductus est. Qui cùm esset in fine, fratres ad se omnes qui monasterio inerant, congregari fecit. At illi tali, vt putabant, viro moriente, magnum quid ac delectabile se ab eo audire crediderant. Quibus ipse afflictus & tremens compulsus est prodere, cui hosti traditus cōgebatur exire. Nam dixit. Quando me vobiscum credebatis ieiunare, occultè comedebam, & ecce nunc ad deuorandum draconi traditus sum, qui cauda sua mea genua pedesque colligauit: caput verò suum intra meum os mittens, spiritum meum ebibens extrahit. Quibus dictis statim defunctus est, atque vt pœnitendo se liberare potuisset, à dracone quem viderat, expectatus non est. Quod nimirum constat, quia ad solam vtilitatem audientium viderit, qui eum hostem cui traditus fuerat, & innotuit, & non euasit.

Petrus:

DOceri vellem, si post mortem purgatorius ignis esse credendus est.

An post mortem purgatorius ignis sit.

Caput XXXIX.

Gregorius:

IN Euangelio dicit Dominus: Ambulate dum lucē habetis. *Ioan. 12.* Per prophetam quoque ait: Tempore accepto exaudiui te, *Esaia 48.* & in die salutis adiui te. Quod Paulus Apostolus exponens *2. Cor. 6.* dicit: Ecce nunc tempus acceptabile, ecce nūc dies salutis. Salomon quoque ait: Quodcumque potest manus tua facere, instanter operare: quia nec opus, nec ratio, nec sciētia, nec sapiētia erit apud inferos quòd tu properas. David quoq; ait: Quoniam in seculū misericordia eius. Ex quibus nimirum sententiis constat: quia qualis hinc quisque egreditur, talis in iudicio præsentatur. Sed tamen de quibusdam leuibus culpis esse ante

K iij

Math. 12. iudicium purgatorius ignis credendus est, pro eo quod veritas dicit: Quia si quis in sancto spiritu blasphemiam dixerit, neque in hoc seculo remittetur ei, neque in futuro. In qua sententia datur intelligi quasdam culpas in hoc seculo, quasdam verò in futuro posse laxari. Quod enim de vno negatur, consequens intellectus patet, quia de quibusdam conceditur. Sed tamen, ut prædixi, hoc de parvis, minimisque peccatis fieri posse credendum est, sicut est assiduus otiosus sermo, immoderatus risus, vel peccatum curæ rei familiaris, quæ vix sine culpa vel ab ipsis agitur, qui culpam qualiter declinare debeant, sciunt: aut in non grauib. rebus error ignorantia: quæ cuncta etiam post mortem grauant, si adhuc in hac vita positæ minimè fuerint relaxata. Nam cum Paulus dicat Christum esse fundamentum, atque subiungat: Si quis superædificauerit super hoc fundamentum aurum, argentum, lapides preciosos, ligna, fœnum, stipulam, vniuscuiusque opus quale sit, ignis probabit: si cuius opus manserit quod superædificauit, mercedem accipiet: si cuius opus arserit, detrimentum patietur, ipse autem saluus erit, sic tamen quasi per ignem. Quauis hoc de igne tribulationis in hac nobis vita adhibito possit intelligi, tamen si quis hoc de igne futuræ purgationis accipiat, pensandum sollicitè est, quia illum per ignem dixit posse saluari, non qui super hoc fundamentum ferrum, æs, vel plumbum ædificat, id est, peccata maiora, & idcirco duriora, atque tunc iam insolubilia: sed lignum, fœnum, stipulam, id est, peccata minuta atque leuissima, quæ ignis facillè consumat. Hoc tamen sciendum est: quia illic saltem de minimis nihil quisque purgationis obtinebit, nisi bonis hoc actibus in hac adhuc vita positus, ut illic obtineat, promereatur.

De anima Paschasij diaconi. Caput XL.

Paschasij laus. **N**am dum adhuc essem iuuenulus, atque in laico habitu constitutus, narrari à maioribus atque scientibus audiui, quod Paschasius huius apostolicæ sedis diaconus, cuius apud nos rectissimi & luculenti de sancto spiritu libri extant, miræ sanctitatis vir fuerit, eleemosynarum maximè operibus vacans, cultor pauperum, & contemptor sui. Sed hic in ea contentione quæ inardescente zelo fidelium inter Symmachum atque Laurentium facta est, ad pontificatus ordinem Laurentium elegit, & omnium post vnanimitate superatus, in sua tamen sententia vsque ad diem sui exitus perstitit, illum amando atque præferendo, quem Episcoporum iudicio præesse sibi Ecclesia refutauit. Hic itaque cum temporibus Symmachi Apostolicæ sedis præsulis esset defunctus, eius Dalmaticam ferebro superpositam daemoniacus tetigit, statimque sanatus est. Post multum verò temporis Germano Capuano Episcopo, cuius superius memoriam feci, medici pro corporis salute dictauerant, ut in Angulanis thermis lauari debuisset. Qui ingressus easdem thermas, prædictum Paschasium diaconum stantem & obsequentem in caloribus inuenit. Quo viso vehementer extimuit, & quid illicitus vir faceret, inquisiuit. Cui ille respondit: Pro nulla alia causa in hoc pœnali loco deputatus sum, nisi quia in parte Laurentij contra Symmachum sensi. Sed quæso te, pro me Dominum deprecare. Atque in hoc cognosces quod exauditus sis, si huc rediens me non inueneris. Qua de re vir Domini Germanus se in precibus strinxit, & post paucos dies rediit, sed iam dictum Paschasium in loco eodem minimè inuenit. Quia enim non malitiæ, sed ignorantia errore peccauerat, purgari post mortem à peccato potuit. Quod tamen credendum est, quia ex eleemosynarum suarum largitate hoc obtinuit, ut tunc posset promereri veniam cum iam nihil posset operari.

Petrus.

Quid hoc est quæso te, quod in his extremis temporibus tam multa de animabus clarescunt, quæ ante latuerunt: ita ut apertis reuelationibus atque ostensionibus venturum seculum inferre se nobis atque aperire videatur?

Cur in extremis temporibus tam multa de animabus clarescunt, quæ ante latuerunt. Caput XLI.

Gregorius.

Ita est, nam quantum præsens seculum propinquat ad finem, tantum futurum seculum ipsa iam quasi propinquitate tangitur, & signis manifestioribus aperitur. Quia enim

E in hoc cogitationes nostras vicissim minimè videmus, in illo autem nostra in alterutrum corda conspiciamus, quid hoc seculum nisi noctem, & quid futurum nisi diem dixerim? Sed quemadmodum cum nox finiri & dies incipit oriri, ante Solis ortum simul aliquo modo tenebræ cum luce commixtæ sunt, quousque discedentis noctis reliquæ in luce diei subsequenti perfectæ vertantur: ita huius mundi finis iam cum futuri seculi exordio permiscetur, atque ipsæ reliquiarum eius tenebræ quadam iam rerum spiritualium permixtione translucent. Et quæ illius mundi sunt, multa iam cernimus, sed necdum perfectè cognoscimus: quia quasi in quodam mentis crepusculo hæc velut ante Solem videmus.

Petrus.

Placet quod dicis. Sed in tanto viro Paschasio hoc animum ad inquisitionem mouet, quod post mortem ad pœnalem locum ductus est, cuius feretri vestis tangi potuit, & malignus spiritus ab obfesso homine fugari.

Gregorius.

F **H**ac in re magna debet omnipotentis Dei dispensatio, & quam sit multiplex, agnosci. Cuius iudicio actum est, ut idem vir Paschasius & ipse intus ad aliquantum temporis reciperet quod peccasset: & tamen ante humanos oculos miracula per corpus suum post mortem faceret, qui ante mortem eis quoque cognoscentibus pia opera fecisset: ut neque hi qui bona eius viderant, de eleemosynarum illius æstimatione fallerentur, neque ipsi sine vltione laxaretur culpa, quam nec esse culpam credidit, & idcirco hanc fletibus non extinxit.

Petrus.

Perpendo quæ dicis, veruntamen hac ratione constriktus, non solum quæ intelligo, sed etiam ipsa quæ in me non intelligo, cogor iam peccata formidare. Sed quæso te, quia paulò superius sermo de locis pœnalibus inferni versabatur, vbinam esse infernum putamus: Super hanc terram, an sub hac terra esse credendus est?

Vbi esse infernus credendus sit.

Caput XLII.

Gregorius.

Hac de re temerè diffinire non audeo. Nonnulli nanque in quadam terrarum parte infernum esse putauerunt. Alij verò hunc sub terra esse æstimant. Sed tamen hoc animum pulsatur: quia si idcirco infernum dicimus, quia inferius iacet, quod terra à cælo est, hoc esse debet infernus à terra. Vnde & fortasse per Psalmistam dicitur: Liberasti animam meam ex inferno inferiori: ut infernus superior in terra, infernus verò inferior sub terra esse videatur. Et Ioannis vox in æstimatione ista concordat, qui cum signatum librum septem sigillis vidisse se diceret: quia nemo inuentus est dignus neque in cælo, neque in terra, neque sub terra aperire librum & soluere signacula eius, adiunxit: Et ego flebam multum. Quem tamen librum postea per leonem de tribu Iuda dicit aperiri. Quo videlicet libro quid aliud quam sacra scriptura signatur? Quam solus Redemptor noster aperuit, qui homo factus, moriendo, resurgendo, ascendendo, cuncta mysteria quæ in eo fuerant clausa patefecit. Et nullus in cælo, quia neque Angelus: nullus in terra, quia neque homo viuens in corpore: nullus sub terra dignus inuentus est, quia neque animæ corpore exuta aperire nobis præter Dominum sacri eloquij secreta potuerunt. Cum ergo ad aperiendum librum nullus sub terra inuentus dignus dicitur, quid obstat non vi-

Petrus.

Quæso te: Vnus esse gehennæ ignis credendus est, an quanta peccatorum diuersitas fuerit, tanta quoque æstimationa sunt & ipsa incendia esse præparata?

Vtrum vnus gehennæ ignis sit, an diuersi.

Caput XLIII.

Gregorius.

Vnus quidem est gehennæ ignis, sed non vno modo omnes cruciat peccatores. Vniuscuiusque etenim quantum exigit culpa, tanta illic sentitur pœna. Nam sicut in hoc mundo sub vno Sole multi consistunt, nec tamen eiusdem Solis ardorem æqualiter sentiunt: quia alius plus æstuat, atque alius minus: ita illic in vno igne non vnus est modus incendij: quia quod

Vnus ignis est æternæ pœnæ.

quod hinc diuersitas corporum, hoc illic agit diuersitas peccatorum, vt & ignem non dissimilem habeant, & tamen eosdem singulos dissimiliter exurat.

Petrus:

NVnquid nam, quæso te, dicimus eos qui semel illic meriti fuerint, semper arduos?

Sissemper ardeant qui gehennæ incendiis deputantur.

Caput XLIIII.

Gregorius:

Constat nimirum & incunctatè verum est: quia sicut finis non est gaudii bonorum, ita finis non erit tormento malorum. Nam cum veritas dicat: Ibunt impij in supplicium æternum, iusti autem in vitam æternam: quia verum est quod promissit, falsum proculdubio nō erit quod minatus est Deus.

Petrus:

Quid si quis dicat: Idcirco peccantibus æternam penam minatus est, vt eos à peccatorum perpetratiōe compesceret?

Gregorius:

Si falsum est quod minatus est, vt ab iniustitia corrigeret: etiam falsa est pollicitus, vt ad iustitiam prouocaret. Sed quis hoc dicere vel insanus præsumat? Et si minatus est quod non erat impleturus, dum asserere eum misericordem volumus, fallacem, quod dici nefas est, prædicare compellimur.

Petrus:

Scire velim quomodo iustum sit vt culpa quæ cum fine perpetrata est, sine fine puniatur.

Gregorius:

Hoc rectè diceretur, si districtus iudex non corda hominum, sed facta pensaret. Iniqui enim ideo cum fine deliquerunt: quia cum fine vixerunt. Nam voluissent utique si potuissent sine fine viuere, vt potuissent sine fine peccare. Ostendunt enim quia in peccato semper viuere cupiunt, qui nunquam desinunt peccare dum viuunt. Ad magnam ergo iustitiam iudicantis pertinet, vt nunquam careant supplicio, qui in hac vita nunquam voluerunt carere peccato.

Petrus:

Sed nullus iustus crudelitate pascitur, & delinques seruus à iusto domino idcirco cædi præcipitur, vt à nequitia corrigatur. Ad hoc ergo vapulat, vt emendari debeat. Iniqui autem gehennæ ignibus traditi, si ad correctionem non perueniunt, quo fine semper ardebunt?

Gregorius:

Omnipotens Deus, quia pius est, miserorum cruciatu non pascitur: quia verò iustus est, ab iniquorum ultione in perpetuum non sedatur. Sed iniqui omnes æterno supplicio deputati, sua quidem iniquitate puniuntur, & tamen ad aliquid ardebunt, scilicet vt iusti omnes & in Deo videant gaudia quæ percipiunt, & in illis respiciant supplicia quæ euaserunt: quatenus tantò magis in æternum gratiæ diuinæ debitores se esse cognoscant, quantò in æternum mala punire conspiciunt, quæ eius adiutorio vicerunt.

Petrus:

Et ubi est quod sancti sint si pro inimicis suis quos tunc ardere vident, non orabunt, quibus utique dictum est: Pro inimicis vestris orate?

Gregorius:

Pro inimicis suis orant eo tempore quo possunt ad fructuosam penitentiam eorum corda conuertere, atque ipsa conuersatione saluare. Quid enim aliud pro inimicis orandum est, nisi hoc quod Apostolus ait: Vt det illis Deus penitentiam ad cognoscendum veritatem, & respiciant à diaboli laqueis, à quo capti tenentur ad ipsius voluntatem?

Petrus:

Placet quod dicis. Et quomodo pro illis tunc orabunt, qui iam nullatenus possent ad iustitiæ opera ab iniquitate commutari?

Gregorius:

Eadè itaque causa est cur non oretur tunc pro hominibus igni æterno damnatis, quæ nunc etiam causa est vt nō oretur pro diabolo angelisque eius æterno supplicio deputatis. Quæ nunc etiam causa est, vt non orent sancti homines pro hominibus infidelibus, impiisque defunctis: quia pro eis utique eos æterno deputatos supplicio iam nouerunt, ante illum iudicis iusti conspectum orationis suæ meritum cassari resu-

Agiunt. Quod si nunc quoque viuentes iusti mortuis & damnatis iniustis minimè compatiuntur, quando adhuc aliquid iudicabile de sua carne sese perpeti etiam ipsi nouerunt, quantò districtius tunc iniquorum tormenta respiciunt, quando ab omni vitio corruptionis exuti ipsi iam iustitiæ vicinior atque arctius inhærebunt? Sic quippe eorum mentes per hoc quod iustissimo iudici inhærent, vis districtiōis absorbet, vt omnino eis non libeat, quicquid ab illius æternæ regulæ subtilitate discordat.

Petrus:

Non est iam quod respondere debeam apertæ rationi. Sed hæc nunc quæstio mentem mouet, quomodo anima immortalis dicitur, dum constat quod in perpetuo igne moriatur?

Quomodo anima immortalis dicitur, si constat quod mortis damnatione puniatur.

Caput XLV.

Gregorius:

Quia duobus modis vita dicitur, duobus etiam modis mors debet intelligi. Aliud nanque est quod in Deo viuimus, aliud verò quod in hoc quod cōditi vel creati sumus, id est, aliud beatè viuere, atque aliud est essentialiter. Anima itaque & mortalis esse intelligitur, & immortalis. Mortalis quippe: quia beatè viuere amittit. Immortalis autem, quia essentialiter viuere nunquam desinit, & naturæ suæ vitam perdere non valet, nec cum in perpetua fuerit morte damnata. Illic enim posita beata esse perdit, & esse non perdit. Qua ex cogitur semper vt & mortem sine morte, & defectum sine defectu, & finem sine fine patitur. Quatenus ei & mors immortalis sit, & defectus indeficiens, & finis infinitus.

Petrus:

Qvis hanc tam inexplicabilem damnationis sententiam cuiuslibet sit operis, ad exitum veniens non pertimescat, quando etsi iam nouit quod egit, adhuc tamen facta illius quàm subtiliter iudicentur, ignorat?

De quodam sancto viro qui veniens ad mortem exauit.

Caput XLVI.

Gregorius:

Vt asseris ita est Petre. Sed plerumque de culpis minimis ipse solus paupor egredientes iustorum animas purgat, sicut narrari de quodam sancto viro mecum frequenter audisti. Qui ad mortem veniens vehemèter timuit, sed post mortem discipulis in stola candida apparuit, & quàm præclare sit susceptus, indicauit.

Quod quidam ne in morte timeant reuelatione roborantur. Et de Antonio, & Merulo, & Ioanne monachis.

Caput XLVII.

Nonnunquam verò omnipotens Deus trepidantium mentes quibusdam prius reuelationibus roborat, vt in morte minimè pertimescant. Nam quidam mecū in monasterio frater Antonius nomine vivebat, qui multis quotidianis lachrymis ad gaudia patriæ cœlestis anhelabat. Cumque studiosissimè, & magno feruoris desiderio sacra eloquia meditaretur, non in eis verba scientiæ, sed fletum compunctionis inquirebat. Quatenus per hæc excitata mens eius inardesceret, & imadeserens ad regionem cœlestis patriæ per contemplationem volaret. Huic per visionem nocturnam dictum est: Paratus esto, quia Dominus iussit migrare te. Cumque ille non habere se sumptus ad migrandam diceret, responsum protinus audiuit, dicens: Si de peccatis tuis agitur, dimissa sunt. Quod cum semel audisset, & magno adhuc metu trepidaret, nocte quoque alia eisdem verbis est admonitus. Tunc post quinque dies sebre correptus, cunctis fratribus orantibus flentibusque defunctus est.

Alius etiam frater in eodem monasterio Merulus dicebatur, vehementer lachrymis atque elemosynis intentus. Psalmodia verò ex ore illius penè nullo tempore cessare consueuerat, excepto cum aut alimentum corpori, aut membra dedisset sopori. Huic nocturna visione apparuit quod ex albis floribus corona de cœlo in caput illius descendeat. Qui mox molestia corporis occupatus, cum magna securitate animi atque hilaritate defunctus est. Ad cuius sepulchrū dū Petrus, qui nunc monasterio meo præest, sibi sepulturā facere post annos quatuordecim voluisset, tanta, vt asserit de eodem sepul-

Anima & mortalis & immortalis est.

Antonij vi so.

Meruli vi so. nocturno.

chro illius fragrantia suauitatis emanauit, ac si illic florum omnium fuissent odora menta congregata. Qua ex re manifestè patuit quàm verum fuit quod per nocturnam visionem vidit.

Ioannis visio. **I**N eodem quoque monasterio alius quidam Ioannes dictus est, magnæ indolis adolescens, qui ætatem suam intellectu & humilitate, dulcedine & grauitate transigebat. Huic ægrotanti atque ad extremum deducto, per nocturnam visionem quidam senex apparuit, & hunc virga tetigit, eique dixit: Surge. Ex hac enim molestia modò minimè morieris, sed paratus esto, quia longum tempus hinc facturus non eris. Qui dum iam esset à medicis desperatus, repentè sanatus est atque conualuit. Rem quam viderat, narravit: sèque per biennium in Dei seruitio, sicut prædixi, ultra ætatis suæ annos exhibuit. Ante hoc autem triennium, cùm quidam frater fuisset mortuus, atque in eiusdem monasterij cæmeterio à nobis sepultus, cunctis nobis ab eodem cæmeterio exeuntibus idem Ioannes, sicut postmodum pallens & tremens indicauit, illic nobis discedentibus inuentus, ab eodem fratre qui mortuus fuerat, de sepulchro vocatus est. Quod mox etiam subsequens finis edocuit. Nam post dies decem inuasus febribus, carne solutus est.

Petrus.

DOceri velim si hoc quod per nocturnas visiones ostenditur, debeat obseruari.

An obseruanda sint somnia, & quot sint modi somniorum.

Caput XLVIIII.

Gregorius.

Somniorum sex modi.

IN hoc Petre sciendum est: quia sex modis tangunt animum imagines somniorum. Aliquando nanque somnia ventris plenitudine vel inanitate, aliquando verò illusione, aliquando cogitatione simul & illusione, aliquando reuelatione, aliquando autem cogitatione simul & reuelatione generantur. Sed duo quæ primò diximus, omnes experimento cognoscimus: subiuncta autem quatuor, in sacræ scripturæ paginis inuenimus: Somnia etenim nisi plerumque ab occulto hoste per illusionem fierent, nequaquam aut vir sapiens indicaret, dicens: Multos enim errare fecerunt somnia, & exciderunt sperantes in illis. Et iterum: Non augurabimini, nec obseruabitis somnia. Quibus profectò verbis cuius sint detestationis ostenditur quæ auguriis coniunguntur. Rursum nisi aliquando ex cogitatione simul & illusione procederent, vir sapiens minimè dixisset: Multas curas sequuntur somnia. Et nisi aliquando somnia ex mysterio reuelationis orirentur, nec Ioseph præferendum se fratribus somnio videret, nec sponsum Mariæ, ut ablato puero in Aegyptum fugeret, per somnium Angelus admoneret. Rursum nisi aliquando ex cogitatione simul & reuelatione procederent, nequaquam Daniel Propheta Nabuchodonosor visionem disserens, à radice cogitationis inchoasset, dicens: Tu rex cœpisti cogitare in stratu tuo quid esset futurum post hæc: & qui reuelat mysteria, ostendit tibi quæ ventura sunt, & paulò post videbas, & ecce quasi statua vna grandis, statua illa magna & statua sublimis stabat contra te, &c. Daniel itaq; dixit somnium, & implendum reuerenter insinuat, & ex qua ortum sit cogitatione manifestat, patenter ostenditur: quia hoc plerumque ex cogitatione simul & reuelatione generetur. Sed nimirum, cùm somnia tot rerum qualitatibus alternent, tantò eis credi difficilius debet, quantò & ex quo impulsu veniant facilius non elucet. Sancti autem viri inter illusiones atque reuelationes ipsas visionum voces aut imagines quodam intimo sapore discernunt, ut sciant, vel quid à bono spiritu percipiant, vel quid ab illusione patiantur. Nam si erga hæc mens cauta non fuerit, per deceptorem spiritum multis se vanitatibus immergit, qui nō nunquam solet multa vera prædicere, ut ad extremum valeat animam ex vna aliqua falsitate laqueare.

De quodam, cui per somnium longa vitæ spatia promissa sunt, & in breui tempore morte rescata.

Caput XLIX.

Quidam somnio deceptus.

SIcut cuidam nostrum nuper certum est cōtigisse, qui dum somnia vehementer attenderet, ei per somnium longa spatia huius vitæ promissa sunt. Cūque multas pecunias pro longioris vitæ stipendiis colligisset, ita repēte defunctus est ut intactas omnes relinqueret, & ipse secum nihil ex bo-

no opere portaret.

Petrus.

QVis ille sit memini, sed quæso te ea quæ cœpimus exequamur: Putamúsne animabus aliquid prodesse si mortuorum corpora fuerint in Ecclesiis sepulta?

An prosit animabus si mortuorum corpora in Ecclesia fuerint sepulta.

Caput L.

Gregorius:

QVos gratia peccata non deprimunt, hoc prodest mortuis si in Ecclesia sepeliantur, quòd eorum proximi, Ecclesia quoties ad eadem sacra loca conueniunt, suorum quorum sepulchra conspiciunt, recordantur, & pro eis Domino precibus fundunt. Nam quos peccata graui deprimunt, non ad absolutionem potius quàm ad maiorem damnationis cumulum eorum corpora in Ecclesiis ponuntur. Quod melius ostendere poterimus, si ea quæ diebus nostris gesta sunt, breuiter enarremus.

De quadam sanctimoniali scemina in Ecclesia sancti Laurentij sepulta, quæ dimidia apparuit incensa.

Caput LI.

VIr nanque vitæ venerabilis Felix Portuensis Episcopus, in Sabinensi prouincia ortus atq; nutritus est. Qui quandam sanctimoniam sceminam in loco eodem fuisse testatur, quæ carnis quidem continentiam habuit, sed linguæ procacitatem atque stultiloquium non declinavit. Hæc igitur defuncta, atque in Ecclesia sepulta est. Eadem autem nocte custos eiusdem Ecclesiæ per reuelationem vidit, quia deducta ante sacrum altare per medium secabatur, & pars vna illius igne cremabatur, & pars altera intacta remanebat. Cūque hoc surgens mane fratribus narrasset, & locum ostenderet in quo fuerat igne consumpta, ipsa flammæ combustio ita ante altare in marmoribus apparuit, ac si illic eadem scemina igne corporeo fuisset concremata. Quæ ex re apertè datur intelligi, quia hi quibus peccata dimissa non fuerint, ad euidentum iudicium sacris locis post mortem non valeant adiuuari.

De Valeriani Patricij sepultura.

Caput LII.

IOannes quoque vir magnificus in hac vrbe locum præfectorum seruans, cuius grauitatis atque veritatis sit, nouimus: qui mihi testatus est Valerianum patricium in ciuitate quæ Brixia dicitur fuisse defunctū. Cui eiusdem ciuitatis Episcopus accepto precio, locum in Ecclesia præbuit, in quo sepiliri debuisset. Qui videlicet Valerianus vsque ad ætatem decrepitam leuis ac lubricus extitit, modūque suis prauitatibus ponere contempsit. Eadem verò nocte qua sepultus est, beatus Faustinus martyr, in cuius Ecclesia corpus illius fuerat humatum, custodi suo apparuit, dicens: Vade & dic Episcopo ut proiciant hinc scetentes carnes quas hinc posuit: quod si non fecerit, die trigésimo ipse morietur. Quam visionem custos Episcopo timuit confiteri, & rursus admonitus declinavit. Die autem trigésimo eiusdem ciuitatis Episcopus cū vespertina hora sanus atque incolumis ad lectum redisset, subita & inopinata morte defunctus est.

De corpore Valentini ab Ecclesia post mortem proiecto.

Caput LIII.

Adest quoque in præsentī venerabilis frater Venantius, Lunensis Episcopus, & magnificus Liberius vir nobilissimus atque veracissimus, qui se scire, suosque homines interfuisse testantur eam rem, quam narrant nuper in Genuensi vrbe contigisse. Ibi nanque, ut dicunt, Valentinus nomine, Ecclesiæ Mediolanensis defensor, defunctus est, vir valde lubricus & cunctis leuitatibus occupatus, cuius corpus in Ecclesia beati martyris Syri sepultum est. Nocte autem media in eadem Ecclesia factæ sunt voces ac si quis violenter ex ea expelleretur, atque traheretur foras. Ad quas nimirum voces cucurrerunt custodes, & viderunt duos quosdam terribilissimos spiritus, qui eiusdem Valentini pedes quadam ligatura strinxerant, & eum ab Ecclesia clamantem ac nimium vociferantem foras trahebant, qui videlicet exterriti ad sua strata reuersi sunt. Mane autem facto aperientes sepulchrum in quo idem Valentinus positus fuerat, eius corpus non inuenerunt. Cūque extra Ecclesiam quærent vbi proiectum esset, inuenerunt hoc in sepulchro alio positum, ligatis adhuc pedibus, sicut

Sepeliri in Ecclesia quibus mortuis proficiunt. 13. quæst. 2. Cum graui.

Monialis semina.

De Valeriano patricio.

Corpus Valentini extra Ecclesiam à diabolo extractum.

bus, sicut ab Ecclesia fuerat abstractum. Ex qua re Petre collige quia his quos peccata graui deprimunt, si in sacro loco sepeliri se faciant, restat ut etiam de sua praesumptione iudicetur: quatenus eos sacra loca non liberent, sed etiam culpa temeritatis accuset.

De Tinctoris corpore in Ecclesia sepulto, post non inuento.

Caput LIIII.

Nam quid quoque in hac vrbe contigerit, tinctorum qui hic habitant, multitudo testatur, quod quidam artis eorum primus cum defunctus fuisset, in Ecclesia beati Ianuarij martyris iuxta portam sancti Laurentij a coniuge sua sepultus est. Sequenti autem nocte ex eadem sepultura audiente custode eius spiritus cepit clamare: Ardeo, ardeo. Cum vero diu has duas voces emisisset, custos hoc eius nuntiavit uxori. Vxor vero illius eos qui diligenter inspicerent artis eiusdem viros transmisit ad Ecclesiam, volens cognoscere qualiter eius corpus esset in sepulchro de quo talia clamaret. Qui aperiētes sepulchrum vestimenta quidem intacta repperunt, quae nunc usque in eadem Ecclesia pro eiusdem causae testimonio seruatur, corpus vero illius omnino non inuenerunt, ac si in sepulchro eodem positum non fuisset. Quae ex re colligendum est quia vltione anima eius damnata sit, cuius & caro est ab Ecclesia proiecta. Quid igitur sacra loca sepultis profunt, quando hi qui indigni sunt, ab eiusdem sacris locis diuinitus proiciuntur?

Petrus:

Quidnam ergo esse poterit quod mortuorum valeat animabus prodesse?

Quid sit quod post mortem valeat ad absolutionem animas adiunare & de Centumcellensi presbytero, qui a cuiusdam spiritu petitus est, ut per sacram hostiam post mortem potuisset adiunari: & de anima Iusti monachi.

Caput LV.

Gregorius:

Si culpa post mortem insolubiles non sunt, multorum solet animas etiam post mortem sacra oblatio hostiae salutaris adiunare: ita ut hanc nonnunquam ipsae defunctorum animae expetere videantur. Nam praedictus Felix episcopus a quodam vitae venerabilis presbytero, qui usque ante biennium vixit, & in dioecesi Centumcellensis urbis habitabat, atque Ecclesiae beati Ioannis, quae in loco, qui dicitur Tauriana sita est, praerat, cognouisse se asserit, quod idem presbyter in eodem loco in quo aquae calidae vapores nimios faciunt, quoties corporis necessitas exigeret, lauari consueuerat. Vbi dum die quadam fuisset ingressus, inuenit quendam incognitum virum ad suum obsequium praeparatum, qui sibi de pedibus calceamenta abstraheret, vestimenta susciperet, & exeunti de caloribus sabana praeberet, atque omne ministerium cum magno famulatu perageret. Cumque hoc saepius fieret, idem presbyter die quadam ad balnea iturus intra semetipsum cogitans, dixit: Viro illi qui mihi solet tam deuotissime ad lauandum obsequi, ingratus apparere non debeo: sed aliquid me necesse est ei pro munere portare. Tunc duas secum oblationum coronas detulit. Qui mox ut peruenit ad locum, hominem inuenit, atque ex more eius obsequio in omnibus usus est. Lauit itaque, & cum iam vestitus voluisset egredi, hoc quod secum detulerat, obsequenti sibi viro pro benedictione obtulit, petens ut benignè susciperet quod ei gratia charitatis offerret. Cui ille mœrens afflictusque respondit: Mihi ista quare das pater? Iste panis sanctus est, ego hunc manducare non possum. Ego etenim quem vides, huius loci dominus aliquando fui, sed pro culpis meis hic post mortem deputatus sum. Si autem mihi prestare vis, omnipotenti Deo pro me offer hunc panem, ut pro peccatis meis interuenias. Et tunc exauditum te esse cognosce, cum huc ad lauandum veneris, & me minimè repereris. In quibus verbis disparuit, & is qui homo esse videbatur, euanescente innotuit, quia spiritus fuit. Idem vero presbyter hebdomada continua se pro eo in lachrymis afflixit, salutarem hostiam quotidie obtulit, & reuersus post ad balneum eum iam minimè inuenit. Quae ex re quantum pro sit animabus immolatio sacrae oblationis ostenditur, quando hanc & ipsi mortuorum spiritus a viuētibz petunt, & signa indicant quibus per eam absolui videantur.

Næque hoc silendum puto quod actum in meo monasterio ante hoc triennium reminiscor. Quidam namque mo-

nachus Iustus nomine, medicinali arte fuerat imbutus, qui mihi in eodem monasterio constituto sedulè obsequi, atque in assiduis ægitudinibus meis excubare consueuerat. Hic itaque languore corporis praeventis ad extremum deductus est. Cui in ipsa sua molestia frater germanus nomine Copiosus seruiebat, qui ipse quoque nunc in hac vrbe per eandem medicinae artem temporalis vitae stipendia sectatur. Sed praedictus Iustus cum iam se ad extremum peruenisse cognouisset, eidem Copioso fratri suo, quia occultatos tres aureos haberet, innotuit. Quod nimirum fratribz non potuit cælari, sed subtiliter indagantes, atque illius omnia medicamenta perscrutantes, eosdem tres aureos inuenerunt absconditos in medicamine. Quod mox ut mihi nuntiatum est tantum malum de fratre, qui nobiscum communiter vixerat, æquanimiter ferre non valui: quippe quia eiusdem mei monasterij semper regula fuerat, ut cuncti fratres ita communiter viuerent, quatenus eis singulis nulla habere propria liceret. Tunc nimio mœrore percussus cogitare cœpi, vel quid ad purificationem morientis facerem, vel quid ad exemplum viuētibz fratribz prouiderem. Precioso igitur eiusdem monasterij praeposito ad me accersito dixi: Vide ut nullus ex fratribz se ad eum morientem iungat, nec sermonem consolationis ex cuiuslibet eorum ore percipiat, sed cum in morte constitutus fratres exquisierit, ei suus carnalis frater dicat, quia propter aureos quos occultatos habuit, a cunctis fratribz abominatus sit: ut saltem in morte de culpa sua mentem ipsius amaritudo transuerberet, atque a peccato quod perpetravit, purget. Cum vero mortuus fuerit, corpus illius cum fratrum corporibus non ponatur, sed quolibet in sterquilinio fossam facite, & in ea corpus eius proicite, ibique super eum tres aureos quos reliquit, iactate, omnes simul clamantes: Pecuna tua tecum sit in perditione, & sic eum terra operite. In quibus vtrisque rebus, vnam morienti, alteram vero volui prodesse fratribz viuētibz: ut & illum amaritudo mortis a culpa solubilem faceret, & istos auaritiæ tanta damnatio terreret, atque a culpa prohiberet: quod ita factum est. Nam cum idem monachus peruenisset ad mortem, atque anxie se quaereret commendari fratribz, & nullus e fratribz ei applicari, & loqui dignaretur, ei carnalis frater cur ab omnibus fratribz esset abominatus, indicauit. Qui protinus de reatu suo vehementer ingemuit, atque ipsa sua tristitia e corpore exiuit, qui ita est sepultus, ut dixeram. Sed fratres omnes ex eadem eius sententia conturbati, cœperunt singuli extema quæque & vilia, & quæ eis habere regulariter semper licuerat, ad medium proferre, vehementerque formidare, ne quid apud eos esset unde reprehendi potuissent. Cum vero post mortem eius triginta iam essent dies deuoluti, cœpit animus meus defuncto fratri compati, eiusque cum dolore graui supplicia pêsare, & si quod esset erptionis eius remediū quaerere. Tunc euocato ad me eodē Precioso monasterij mei praeposito tristis dixi: Diu est quod frater ille qui defunctus est, in igne cruciatur: debemus ei aliquid charitatis impendere, & eum in quantum possumus ut eripiat, adiunare. Vade itaque, ab hodierna die diebus triginta continuis offerre pro eo sacrificium stude, ut nullus omnino praetermittatur dies, quo pro absolutione illius hostia salutaris non offerratur. Qui protinus abscessit, & dictis paruit. Nobis autem alia curantibus atque dies euolutos non numerantibus, idem frater qui defunctus fuerat, nocte quadam fratri suo germano Copioso per visionem apparuit. Quem ille cum vidisset, inquisiuit dicens: Quid est frater, quomodo es? Cui respondit: Nunc usque malè fui, sed iam modò bene sum: quia hodie communionem recepi. Quod idem Copiosus pergens protinus indicauit fratribz in monasterio. Fratres vero sollicitè computauerunt dies, & ipse dies extiterat quo pro eo tricesima oblatio fuerat impleta. Cumque & Copiosus nesciret quid pro eo fratres agerent, & fratres ignorassent quid de illo Copiosus vidisset, vno eodemque tempore dum cognoscit ille quid isti egerant, atque isti cognoscunt quid ille viderat, concordante simul visione & sacrificio, res apertè claruit: quia frater qui defunctus fuerat, per salutarem hostiam euasit supplicium.

Petrus:

Mira sunt valde quæ dicis, & non mediocriter laeta.

Tinctoris corpus in sepulchro combustum.

Mortuus balneanti famulatur.

Oblatio hostiarum mortuis est utilis.

Attende prouidum Gregorij factum.

Per oblationem hostiae Iustus a paupibus liberatus est.

De vita & transitu Casij Episcopi.

Caput LV I.

Gregorius.

Casij epi-
scopi visio.

NE nobis in dubium veniant verba mortuorum, confirmant hæc facta viuentium. Nam vir vitæ venerabilis Casius Narniensis Episcopus, qui quotidianum offerre consueuerat Deo sacrificium, sc̃que in lachrymis inter ipsa sacrificiorum arcana mac̃tabat, mandatum Domini per cuiusdam sui visionem presbyteri suscepit, dicens: Age quod agis, operare quod operaris, non cesset pes tuus, non cesset manus tua, natali Apostolorum venies ad me, & retribuam tibi mercedem tuam. Qui post annos septem ipso natalitio Apostolorum die cum Missarum solennia peregisset, & mysteria sacre communionis accepisset, è corpore exiuit.

De quodam ab hostibus capto, cuius vincula oblationis hora soluebantur. Et de Baraca nauta per salutarem hostiam à naufragio liberato.

Caput LV II.

Captiuus
liberatus.

HOc quoque quod audiuius, quendam apud hostes in captiuitate positum, & in vinculis religatum fuisse, pro quo sua coniunx diebus certis sacrificium offerre consueuerat, qui longo post tempore ad coniugem reuersus, quibus diebus eius vincula soluerentur, innotuit: eiusque coniunx illos fuisse dies in quibus pro eo sacrificium offerebat, recognouit.

Agathus
Episcopus.

EX alia etiam re quæ nobis ante annos septem gesta est, certissimè confirmatur. Agathus enim Panormitanus Episcopus, sicut fideles mihi ac religiosi viri multi testati sunt atque testantur, cum beatæ memoriæ antecessoris mei tempore iussus esset ut Romam veniret, vim nimix tempestatis pertulit, ita ut se ex tanto vndarum periculo euadere posse diffideret. Nauta verò illius Baraca nomine, qui nunc eiusdem Ecclesiæ clericatus officio fungitur, post nauem carabum regebat, ruptoque fune cum eodem carabo quem regebat, inter vndarum cumulos repente disparuit. Nauis autem cui Episcopus præerat, tandem post multa pericula ad Vsticam insulam fluctibus quassata peruenit. Cumque die tercio Episcopus nautam qui ab eo abreptus in carabo fuerat, in nulla maris parte videret apparere, vehementer afflictus mortuum credidit, sed per obsequium charitatis viuo vnum quod mortuo debebat, impendit: & omnipotenti Deo pro absolutione eius animæ offerre sacrificium victimæ salutaris iubet. Quo oblato restaurata naue perrexit ad Italiam. Cumque ad Romanum portum venisset, illic nautam reperit quem mortuum putabat. Tunc inopinata exultatione gaudis est, & eum qualiter tot diebus in illo tanto maris periculo viuere potuisset, inquisiuit. Qui videlicet indicauit quoties in illius tempestatis fluctibus cum eodem quem regebat, fuisset carabo versatus, qualiter cum illo vndis pleno natauerat, & quoties eo à superiori parte deorsum verso ipse carinæ eius supersederat, adiungens cum diebus ac noctibus hoc incessanter faceret, iamque eius virtus funditus ex fame simul & labore cecidisset, quo eum ordine diuina misericordia seruauerit, indicauit. Etenim quod etiam nunc vsque testatur dicens: Laborans in fluctibus atque deficiens, subito mentis pondere sum grauatus, ita ut neque vigilare me crederem, neque depressus somno essem: & ecce in eodem medio mari me posito quidam apparuit qui mihi panem ad refectionem detulit. Quem mox ut comedi, vires recepi, nec longè post nauis transiens affuit, quæ me ab illo vndarum periculo suscepit, atque ad terram deduxit. Quod scilicet Episcopus audiens requisitum diem, atque illum fuisse diem reperit, quo pro eo presbyter in Vstica insula Deo omnipotenti ostiam sacre oblationis immolauit.

Petrus

EA quæ narras, ipse quoque in Sicilia positus agnouit.

Gregorius.

Idcirco credo quia hoc tam apertè cum viuentibus ac nescientibus agitur, ut cunctis hæc agentibus ac nescientibus ostendatur: quia si insolubiles culpæ non fuerint, ad absolutionem prodesse etiam mortuis victimæ sacre oblationis possit. Sed sciendum est quia illis sacre victimæ mortuis profunt, qui hîc viuendo obtinuerunt, ut eos etiam post mortem bona adiuent quæ hîc pro ipsis ab aliis fiunt.

E

De virtute ac mysterio victimæ salutaris.

Caput LV III.

INter hæc autem pensandum est quod tutior sit via ut bonum quod quisque post mortem suam sperat agi per alios, agat ipse dum viuit per se. Beatius quippe est liberum exire, quàm post vincula libertatem querere. Debemus itaque præsens seculum vel quia iam conspiciamus defluxisse, tota mente contemnerè, quotidiana Deo lachrymarum sacrificia, quotidianas carnis eius & sanguinis ostias immolare. Hæc namque singulariter victima ab æterno interitu animam saluat, quæ illam nobis mortem vnigeniti per mysterium reparat, qui licet resurgens à mortuis iam non moritur, & mors ei ultra non dominabitur, tamen in semetipso immortaliter atque incorruptibiliter viuens, pro nobis iterum in hoc mysterio sacre oblationis immolatur. Eius quippe ibi corpus sumitur, eius caro in populi salutem partitur, eius sanguis non iam in manus infidelium, sed in ora fidelium funditur. Hinc ergo pensemus quale sit pro nobis hoc sacrificium, quod pro absolutione nostra passionem vnigeniti filij semper imitatur. Quis enim fidelium habere dubium possit in ipsa immolationis hora ad sacerdotis vocem cœlos aperiri, in illo Iesu Christi mysterio Angelorum choros adesse, summis ima sociari, terrena cœlestibus iungi, vnum quoque ex visibilibus atque inuisibilibus fieri.

De affligendo corde inter sacra mysteria, & de mentis custodia post compunctionem.

Caput LV I X.

Sed necesse est ut cum hæc agimus, nosmetipsos Deo in cordis contritione mac̃temus: quia qui passionis dominice mysteria celebramus, debemus imitari quod agimus. Tunc ergo verè pro nobis ostia erit Deo, cum nosipsos ostiam fecerimus. Sed studendum nobis est ut etiam post orationis tempora, in quantum Deo largiente possumus, in ipso animum suo pondere & vigore seruemus, ne post cogitationis fluxa dissoluatur, ne vana menti lætitia surrepat, & lucrum compunctionis anima per incuriam fluxæ cogitationis perdat. Sic quippe quod poposcerat, Anna obtinere meruit: quia se post lachrymas in eodem mentis vigore seruauit. De qua nimirum scriptum est: Vultusque eius non sunt amplius in diuersa mutati. Quæ igitur non est oblita quod petiit, non est priuata munere quod poposcit.

De relaxandis culpis alienis, ut nostra relaxentur.

Caput LV.

Sed inter hæc sciendum est: quia ille rectè sui delicti veniam postulat, qui prius hoc quod in ipso delinquitur, relaxat. Munus enim non accipitur, nisi ante discordia ab animo repellatur, dicente veritate: Si offers munus tuum ante altare, & ibi recordatus fueris, quia frater tuus habet aliquid aduersum te, relinque munus tuum ante altare, & vade prius reconciliari fratri tuo, & tunc veniens offeres munus tuum. Qua in re pensandum est cum omnis culpa munere soluat, quàm grauis est culpa discordiæ, pro qua nec munus accipitur. Debemus itaque ad proximum, quanuis longè positum, longèque disunctum mentè ire: eique animum subdere, humilitate illum ac beneuolentia placare: ut scilicet conditor noster, dum tale placitum nostræ mentis aspexerit, à peccato nos soluat, qui munus pro culpa sumit. Veritatis autem voce attestante didicimus: quia seruus qui decem milia, talenta debebat, cum pœnitentiam ageret, absolutionem debiti à domino accepit. Sed quia conseruo suo centum sibi denarios debenti, debitum non dimisit: & hoc est iussus exigi quod ei fuerat iam dimissum. Ex quibus videlicet dictis constat: quia si hoc quod in nos delinquitur, ex corde nō dimittimus, & illud rursus exigitur quod nobis iam per pœnitentiam dimissum fuisse gaudebamus. Igitur dum per indulti temporis spatium, licet dum iudex sustinet, dum conuersionem nostram is qui culpas examinat, expectat: confitemus in lachrymis duritiam mentis, formemus in proximis gratiam benignitatis. Et audenter dico: quia salutari hostia post mortem non indigebimus, si ante mortem Deo ipsi ostia fuerimus.

Beati Gregorij operum primi Tomi finis.





